


ପାର୍ଲମେଣ୍ଟାରୀୟ  
ଜାଣିବ ବାଚନ



The New Testament in the Munda language of India:

ପାର୍ଲମେଣ୍ଟାରୀୟ ଜାଣିବ ବାଚନ

**ପାରମେଶ୍ଵାରଆଃ ଜୀନିଦ୍ ବାଚାନ୍**  
**The New Testament in the Munda language of India:**  
**ପାରମେଶ୍ଵାରଆଃ ଜୀନିଦ୍ ବାଚାନ୍**

copyright © 2020 The Word for the World International

Language: ୟୁଡ଼ା (Munḍa) (Munda)

Contributor: The Word for the World International

**ପାରମେଶ୍ଵାରଆଃ ଜୀନିଦ୍ ବାଚାନ୍**  
**ବାଞ୍ଚା ନିୟମ୍ , 2020**

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6

## Contents

ମାଥୁରା . . . . .	1
ମାର୍ଗ . . . . .	75
ଲୁକ . . . . .	122
ଯୋହାନ୍ . . . . .	198
ପ୍ରେରିତ . . . . .	254
ରୋମି . . . . .	327
୧ କରିକ୍ଟିୟ . . . . .	359
୨ କରିକ୍ଟିୟ . . . . .	389
ଗାଲାତିୟ . . . . .	410
ଏଫିସିୟ . . . . .	422
ଫିଲିପିୟ . . . . .	433
କଲସିୟ . . . . .	441
୧ଥେସଲନିକା . . . . .	450
୨ଥେସଲନିକା . . . . .	457
୧ ଡିମଥ୍ . . . . .	461
୨ ଡିମଥ୍ . . . . .	470
ତିତସ୍ . . . . .	477
ଫିଲମନ୍ . . . . .	481
ଏବ୍ରୀ . . . . .	484
ଯାକୁବ୍ . . . . .	508
୧ପାଡ଼ରାସ୍ . . . . .	517
୨ ପାଡ଼ରାସ୍ . . . . .	526
୧ ଯୋହାନ୍ . . . . .	532
୨ଯୋହାନ୍ . . . . .	541
୩ ଯୋହାନ୍ . . . . .	543
ଯିହୁଦା . . . . .	545
ଉନୁଦୁବ୍ . . . . .	548

## ମାଥୁର ଲିଖିତ ଯାଶୁ ଶ୍ରୀଷ୍ଟଙ୍କ ସୁସମାଚାର ମାଥୁର ଅଲ୍ଲାକାଦ୍ ଯାଶୁ ଶ୍ରୀଷ୍ଟଆଃ ସୁକୁକାଜି ପାରିତ୍ୟ

ଯାଶୁ ଶ୍ରୀଷ୍ଟଆଃ ଜୀବନ୍ତକେ ଉଦୁବେତାନ୍ ନାଞ୍ଜା ନିୟାମ୍ଭରାଃ ଉପୁନିୟା\* ପୁଥୁକଏତେ ମାଥୁର ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନ୍ ପୁଥୁକକେ ଯାଶୁ ଶ୍ରୀଷ୍ଟଆଃ “ସୁକୁକାଜି” କାଜିୟଃତାନା । ଯାଶୁଆଃ ଗନଏଃ ତାୟମ୍ତେ ଏନ୍ ସୁକୁକାଜିକେ ମାଥୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଥୁର ଅଲ୍ଲାକାଦ୍ ସୁକୁକାଜିରାଃ ଅନଲ୍ଲ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍ତକ କାଜିୟଃକ ଯେ, ନେଆଁ ଶ୍ରୀଷ୍ଟଆଃ ଜାନାମ୍ ତାୟମ୍ ୭୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ଲ ଠାୟାଦ୍ କା ସାରିୟଃତାନ୍ରେୟ, ଚିମିନ୍ଦକ ପାଲେଷ୍ଟାଇନ୍ ଦିଶୁମ୍ଭରାଃ ଯାରୁଶାଲେମ୍ ନାଗାରରେ ଅଲ୍ଲାକାନା ମେନ୍ତେକ ବିଶ୍ୱାସାଃ ।

ନେ ପୁଥୁରାଃ ଅନଲ୍ଲନିଃ ମାଥୁର ତାନିଃ, ଯାଶୁ ଇନିଃକେ ଆୟାଃ ତେଲା ବାଇୟଃ ନାଙ୍ଗ କେଡ଼ା ସିଦାରେ ଇନିଃ ମାଲ୍ହାରମ୍ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଥୁର ଗେଲ୍ବାର୍† ପ୍ରେରିତ୍ତକଏତେ ମିହୁଡ୍, ତାଇକେନାଏ ଆତଃ ଇନିଃ ବିଶେଷକେଦ୍ତେ ଯିହୁଦୀ ହଡ୍ଡକଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକ୍ନାଃଚି ଆୟାଃ ଅନଲ୍ଲରେ ମାରି ନିୟାମ୍ ଧାରାମ୍ପୁଥୁରାଃ ଆପିହିସିପୁ ବାଚାନ୍, ନେ ମାଥୁର ପୁଥୁରେ ଉଦୁବଃତାନା । ଯାଶୁ ଶ୍ରୀଷ୍ଟ ଚାଏ ମାସି ପାର୍ମେଶ୍ୱାର୍ଆଃ ସାଲ୍ଲାକାନ୍ ବାଞ୍ଚାଅନିଃ ଆତଃ ରାଜା ତାନିଃ । ଅକଏୟାଃ ହିନିଜୁଃ ବିଷାଏରେ ମାରି ନିୟାମ୍ଭରାଃ ଧାରାମ୍ପୁଥୁରେ ଆୟାରକାଜି‡ କାଜିକାନ୍ ତାଇକେନା, ଏନା ମାଥୁର ପୁରାଃତେ ଉଦୁବ୍ ନାଙ୍ଗ ସାନାଙ୍ଗ ତାଇକେନାଏ । ଯିହୁଦୀକ ମାସିକେ ଆକଆଃ ରାଇଜିରାଃ ରାଜା ହବାଅଃଆଏ ମେନ୍ତେ ଆସ୍ତାକାଦ୍ ତାଇକେନାକ । ମାଥୁର, ପାର୍ମେଶ୍ୱାର୍ଆଃ ରାଇଜିକେ, ଆମ୍ବିକ୍ରେୟାଃ ରାଇଜି ତାନାଃ, ଅତେଦିଶୁମ୍ଭରାଃ ରାଇଜି ନାହାଁଲାଃ ମେନ୍ତେ କାଜିକାଦା । ମାଥୁର ଆୟାଃ ଅନଲ୍ଲରେ ପାର୍ମେଶ୍ୱାର୍ଆଃ ରାଇଜି ବିଷାଏରେ ପୁରାଃତେ ଉଦୁବ୍ ନାଙ୍ଗ ସାନାଙ୍ଗକାଦାଏ ।

ମାଥୁର ଅଲ୍ଲାକାଦ୍ ସୁକୁକାଜି ନାଞ୍ଜା ନିୟାମ୍ଭରାଃ ପାହିଲା ପୁଥୁ ନାଗେନ୍ତେ ପୁରାଃ ବୁଗିନ୍ ତାନାଃ, ଚିୟାଃଚି ମାରି ନିୟାମ୍ଭରାଃ ବାଚାନ୍ଦକ ପୁରାଃତେ ଉଦ୍‌ବାକାନା । ନେ ପୁଥୁ, ମାରି ଆତଃ ନାଞ୍ଜା ନିୟାମ୍ ବାରାନାଃକେ ମେସାଃଏ । ବାଇବାଲ୍ ପାଣ୍ଡିତ୍ତକହ୍ କାଜିୟଃକ, ମାଥୁର ଆୟାଃ ଅନଲ୍ଲରେ ମୁଶା ନାବୀରାଃ ଆନ୍ତୁ ଲେକା ସେସେନ୍ ନାଙ୍ଗ ସାନାଙ୍ଗକାଦାଏ, ଅକ୍ନାଃଚି ମାରି ନିୟାମ୍ଭରାଃ ପାହିଲା ମଶେୟାଁ§ ପୁଥୁ ତାନାଃ । ଯାଶୁଆଃ ବୁରୁ ତେତାନ୍ରେୟାଃ ଇନିତୁ ୫-୭ ଆଧ୍ୟାୟକେ ପାର୍ମେଶ୍ୱାର୍, ମୁଶା ନାବୀକେ ଏମାକାଇ ଆନ୍ତୁଲଃ ହଗି ଜକାଃଏ ୨ କିଲିକଆଃ ୧୯:୩-୨୩:୨୧ ।

### ପୁଥୁ ଭିତାରରେ ତାଇକାନ୍ କାଜି

୧. ଯାଶୁ ଶ୍ରୀଷ୍ଟଆଃ ଜାନାମ୍ ଆତଃ ସେଞ୍ଜାକାମିରାଃ ଏନେଟେଦ୍ । ୧-୪
୨. ଯାଶୁ ଶ୍ରୀଷ୍ଟଆଃ ସେଞ୍ଜାକାମି ଆତଃ ଇନିତୁ । ୫-୨୫
୩. ଯାଶୁ ଶ୍ରୀଷ୍ଟଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

\* : ୧:୦ ଚାଇର୍   † : ୧:୦ ବାରାଖାନ୍   ‡ : ୧:୦ ସିଦାରେ ହବାଃଅତେୟାଃ   § : ୧:୦ ପାଞ୍ଚୁ

ୟୀଶୁ ଖ୍ରୀଷ୍ଟଆଃ କିଲି  
(ଲୁକ ୩:୨୩-୩୮)

୧ ନେଆଁ ହବାଅଃତାନା ଯୀଶୁ ଖ୍ରୀଷ୍ଟଆଃ ପୁରଖା ଆପୁକଆଃ ନୁତୁମକ ଅଲାନାନ ପୁଥୁ, ଯୀଶୁ ଖ୍ରୀଷ୍ଟ, ଦାଉଦଆଃ କିଲିରେନ୍ ଆତଃ ଦାଉଦ, ଆବ୍ରାହାମଆଃ କିଲିରେନ୍ ତାଇକେନାଏ ।

୨ ଆବ୍ରାହାମଆଃ ହନ୍ ଇସାକ୍, ଇସାକ୍ଆଃ ହନ୍ ଯାକୁବ୍, ଯାକୁବ୍ଆଃ ହନ୍ ଯିହୁଦା ଆତଃ ଆୟାଃ ହାଗାକ ତାଇକେନା, ୩ ଯିହୁଦାରାଃ ହନ୍ ପେରସ୍ ଆତଃ ସେରହ, ଇନ୍କିନାଃ ଏଙ୍ଗାତେ ତାମର୍ ତାଇକେନାଏ, ପେରସ୍‌ରାଃ ହନ୍ ହେସ୍ରୋନ୍, ହେସ୍ରୋନ୍‌ରାଃ ହନ୍ ଅରାମ୍, ୪ ଅରାମ୍‌ରାଃ ହନ୍ ଅମ୍ମାନାଦବ୍, ଅମ୍ମାନାଦବ୍‌ରାଃ ହନ୍ ନହଶୋନ୍, ନହଶୋନ୍‌ରାଃ ହନ୍ ସାଲ୍‌ମନ୍, ୫ ସାଲ୍‌ମନ୍‌ରାଃ ହନ୍ ବୋୟାଜ୍, ବୋୟାଜ୍‌ରାଃ ଏଙ୍ଗାତେୟାଃ ନୁତୁମ୍ ରାହାବ୍, ବୋୟାଜ୍‌ରାଃ ହନ୍ ଓବେଦ୍, ଓବେଦ୍‌ରାଃ ଏଙ୍ଗାତେ ରୁଡ୍, ଓବେଦ୍‌ରାଃ ହନ୍ ଯିଶି, ୬ ଯିଶିରାଃ ହନ୍ ରାଜା ଦାଉଦ୍, ରାଜା ଦାଉଦାଃ ହନ୍ ସୁଲିମାନ୍, ସୁଲିମାନ୍‌ରାଃ ଏଙ୍ଗାତେ ସିଦାହେତେ ଉରିୟରାଃ କୁଡ୍ ତାଇକେନା,

୭ ସୁଲିମାନ୍‌ରାଃ ହନ୍ ରିହବିୟାମ୍, ରିହବିୟାମ୍‌ରାଃ ହନ୍ ଅବିୟ, ଅବିୟରାଃ ହନ୍ ଆସା, ୮ ଆସାରାଃ ହନ୍ ଯିହୋଶାଫ୍ତ୍, ଯିହୋଶାଫ୍ତ୍‌ରାଃ ହନ୍ ଯୋରାମ୍, ଯୋରାମ୍‌ରାଃ ହନ୍ ଉଜ୍ଜିୟ, ୯ ଉଜ୍ଜିୟରାଃ ହନ୍ ଯୋଥାମ୍, ଯୋଥାମ୍‌ରାଃ ହନ୍ ଆହାସ୍, ଆହାସ୍‌ରାଃ ହନ୍ ହିଜକିୟ, ୧୦ ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍‌ରାଃ ହନ୍ ଯୋଶିୟ, ୧୧ ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହଡକକେ କିରିଙ୍ଗ୍ ଦାସିକେଦ୍‌ତେ ବାବିଲୋନ୍‌ତେ ଇଦିକୁତାଇକେନ୍ ଦିପିଲିରାଃ କାଜିତାନାଃ ।

୧୨ ବାବିଲୋନ୍‌ତେ ତଲ୍‌ଇଦି ତାୟମ୍‌ତେ ଯିକନିୟ ଶଲ୍‌ଟିୟେଲ୍‌କେ ଜାନାମକିୟା, ଶଲ୍‌ଟିୟେଲ୍‌ରାଃ ହନ୍ ଜିରୁବାବେଲ୍, ୧୩ ଜିରୁବାବେଲ୍‌ରାଃ ହନ୍ ଅବିହୁଦ୍, ଅବିହୁଦ୍‌ରାଃ ହନ୍ ଏଲିୟାକିମ୍, ଏଲିୟାକିମ୍‌ରାଃ ହନ୍ ଆଜୋର୍, ୧୪ ଆଜୋର୍‌ରାଃ ହନ୍ ସାଦୋକ୍, ସାଦୋକ୍‌ରାଃ ହନ୍ ଆଖୁମ୍, ଆଖୁମ୍‌ରାଃ ହନ୍ ଏଲିହୁଦ୍, ୧୫ ଏଲିହୁଦ୍‌ରାଃ ହନ୍ ଏଲିୟାଜାର୍, ଏଲିୟାଜାର୍‌ରାଃ ହନ୍ ମାଉନ୍, ମାଉନ୍‌ରାଃ ହନ୍ ଯାକୁବ୍, ୧୬ ଯାକୁବ୍‌ରାଃ ହନ୍ ଯୋଷେଫ୍, ଇନିଃ ମାରିୟାମ୍‌ରାଃ କଡାତେ ତାଇକେନା, ଏନ୍ ମାରିୟାମ୍ ଯୀଶୁକେ ଜାନାମକିୟା, ଇନିଃକେ ମାସି ମେନ୍ତେ କାଜିୟାଃକ ।

୧୭ ନେ ଲେକାତେ ଆବ୍ରାହାମ୍‌ଏତେ ଦାଉଦ୍ ଜାକେଦ୍ ଗେଲ୍‌ଉପୁନ୍\* ପିଡ୍ଡି, ଆତଃ ଦାଉଦ୍‌ଏତେ ବାବିଲୋନ୍‌ତେ ତଲ୍‌ଇଦିକାଦକ୍ ଜାକେଦ୍ ଗେଲ୍‌ଉପୁନ୍ ପିଡ୍ଡି, ଆତଃ ବାବିଲୋନ୍‌ତେ ଇଦିକାଦକ୍ ଦିପିଲିଏତେ ମାସି ଜାକେଦ୍ ଗେଲ୍‌ଉପୁନ୍ ପିଡ୍ଡିକ ତାଇକେନା ।

ୟୀଶୁ ଖ୍ରୀଷ୍ଟଆଃ ଜାନାମ୍  
(ଲୁକ ୨:୧-୭)

୧୮ ଯୀଶୁ ଖ୍ରୀଷ୍ଟ୍ ନେ ଲେକାଏ ଜାନାମ୍‌ଲେନା । ଇନିୟାଃ ଏଙ୍ଗାତେ ମାରିୟାମ୍‌କେ ଯୋଷେଫ୍ ନାଙ୍ଗ୍ ଆସିଆକାନ୍ ତାଇକେନା । ମେନ୍‌ଦ ଇନିଃଲଃ ଆଶ୍‌ଦିୟାନ୍ ସିଦାରେ ଇନିଃ ପାବିତାର୍ ଆମ୍‌ତେ ଆବ୍ରାହାମ୍‌ୟାନା ଆତଃ ହାମ୍‌ଲ୍‌ରୋଖା କାନାଏ ମେନ୍ତେ ଆଟ୍‌କାର୍‌ୟାନା । ୧୯ ଇନିୟାଃ କଡା ଯୋଷେଫ୍ ମିଆଁଦ୍ ଧାର୍‌ମାନ୍ ହଡ୍ ତାଇକେନାଏ, ଏନାତେ ମାରିୟାମ୍ ବାଦନାମଃକାଏ ମେନ୍ତେ ଇନିଃ କାଏ ସାନାଙ୍ଗ୍‌କେଦା, ଏନାମେନ୍ତେ ଇନିଃକେ କା ଆଶ୍‌ଦିୟାଃ ନାଙ୍ଗ୍ ଉଡ୍‌ଖୁକେଦାଏ । ୨୦ ମେନ୍‌ଦ ଇନିଃ ନେଆଁ ଉଡ୍‌ଖୁତାନ୍ ତାଇକେନ୍‌ରେ ପ୍ରାଭୁଆଃ ମିଆଁଦ୍ ଦୁଡ୍ କୁମ୍‌ରେ

\* ୧:୧୭ ୧:୧୭ ଚାଉଦା    ✨ ୧:୧୮ ୧:୧୮ ଲୁକ ୧:୨୭.

ଉଦ୍ଭବେନ୍ୟାନା ଆତଃ କାଜିକିୟାଏ, “ହେ ଦାଉଦଆଃ ହନ୍ ଯୋଷେଫ୍, ଆମାଃ କୁଡ଼ି ଲେକା ମାରିୟାମ୍ବକେ ଅଡ଼ାଃତେ ଇଦିନାଙ୍ଗ୍ ଆଲମ୍ ବରଏୟା, ଚିୟାଃଚି ଇନିୟାଃ ହାମ୍ବାଲ୍‌ରୋଝା ପାବିତାର୍ ଆମ୍ବାତେ ହବାକାନା । ୨୧ \* † ଇନିଃ ମିଆଁଦ୍ କଡ଼ାହନ୍ ଜାନାମ୍ ଯାଏ, ଆତଃ ଆମ୍ ଇନିଃକେ ଯାଶୁ ମେନ୍ତେମ୍ ନୁତୁମ୍ ଯା, ଚିୟାଃଚି ଇନିଃଦ ଆୟାଃ ହଡ଼କକେ ଆକଆଃ ପାପହେତେ ବାଞ୍ଛାଅକଆ ।”

୨୨ ନାବୀକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଅଃ ନାଗେନ୍ତେ ନେ ସବେନାଃ ହବାକାନା, ୨୩ “ମିଆଁଦ୍ ଡିଣ୍ଡାକୁଡ଼ି ହାମ୍ବାଲ୍‌ରୋଝା ହବାଅଃଆଏ ଆତଃ କଡ଼ାହନ୍ ଜାନାମ୍ ଯାଏ, ଆତଃ ହଡ଼କ ଇନିଃକେ ଇମ୍ମାନୁୟେଲ୍” ମେନ୍ତେମ୍ ନୁତୁମ୍ ଯା, ଏନାରେୟାଃ ମୁଣ୍ଡିଦ୍, “ପାର୍ମେଶ୍ୱାର୍ ଆବୁଲଃଚିୟା ।”

୨୪ ଏନ୍ତେ ଯୋଷେଫ୍ ଦୁଡ଼ମ୍ବାଏତେ ବିରିଦକେଦ୍ତେ, ପ୍ରାଭୁଆଃ ଦୁଢ଼ ଆବୁକାଲ ଲେକା ଆୟାଃ କୁଡ଼ି ମାରିୟାମ୍ବକେ ଅଡ଼ାଃତେ ଇଦିକିୟା । ୨୫ \* ମେନ୍ଦ୍ ଇନିଃ ମୁଡ଼କୁଲ୍ କଡ଼ାହନ୍ ଆଉରି ଜାନାମ୍ ଜାକେଦ୍ ଯୋଷେଫ୍ ଇନିଃକେ କାଏ ଜୁଚିଦକିୟା । ଆତଃ ଯୋଷେଫ୍ ଏନ୍ ହନ୍‌କେ ଯାଶୁ ମେନ୍ତେ ନୁତୁମ୍‌କିଆ ।

### ୨

ସିଙ୍ଗିତୁରଃସାଃରେନ୍ ପାଣ୍ଡିତକ ଯାଶୁକେ ନେନେଲ୍‌ନାଙ୍ଗ୍‌କ ହିଜୁଃତାନା

୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶୁମ୍‌ରେୟାଃ ବେଥ୍‌ଲେହେମ୍ ସାହାରରେ ଯାଶୁ ଜାନାମ୍‌ୟାନ୍ ତାୟମ୍‌ତେ, ସିଙ୍ଗିତୁରଃସାଃରେନ୍ ଚିମିନ୍ ପାଣ୍ଡିତକ\* ଯାରୁଶାଲେମ୍‌ତେକ ହିଜୁଃୟାନା, ୨ ଆତଃ କୁଲିକେଦାଃକ, “ଯିହୁଦୀକଆଃ ରାଜା ହବାଅଃନିଃ ଜାନାମାକାନ୍ ହନ୍ ଅକ୍ତାଃଚିୟା ? ଆଲେଦ୍ ସିଙ୍ଗିତୁରଃସାଃରେ ଇନିୟାଃ ଇପିଲିକେ ନେଲ୍‌କେଦ୍ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”

୩ ନେଆଁ ଆୟୁମ୍‌କେଦ୍ତେ ହେରୋଦ୍ ରାଜା ଆତଃ ଇନିଃଲଃ ଗଟା ଯାରୁଶାଲେମ୍‌ରେନ୍‌କ ଆକ୍‌ବାକାଅୟାନା । ୪ ଆତଃ ଇନିଃ ହଡ଼କଆଃ ସବେନ୍ ମୁଲ୍ ଯାଜାକ୍ ଆତଃ ଆଇନ୍ ଇଡ଼କକେ ହାକାଅ ହୁଣ୍ଡିକେଦ୍ତେ “ମାସି ଚାଏ ଖ୍ରୀଷ୍ଟ୍, ଅକ୍ତାଃରେ ଜାନାମାଃଆ ?” ମେନ୍ତେ କୁଲିକେଦକଆ ।

୫ ଇନ୍‌କୁ ଇନିଃକେ କାଜିରୁହାଡ଼କିୟାକ, “ଯିହୁଦା ଦିଶୁମ୍‌ରେୟାଃ ବେଥ୍‌ଲେହେମ୍ ସାହାରରେ,” ଚିୟାଃଚି ନେଆଁକେଦ୍ ନାବୀ ନେ'ଲେକାଏ ଅଲ୍‌କାଦା,

୬ “ରେ ଯିହୁଦା ଦିଶୁମ୍‌ରେୟାଃ ବେଥ୍‌ଲେହେମ୍,

ଆମ୍ ଯିହୁଦାରେୟାଃ ମାରାଙ୍ଗ୍ ନାଗାର୍‌କଏତେ ଜେତାଲେକାତେ କାମ୍ ହୁଡ଼ିଙ୍ଗ୍‌ୟା,

ଚିୟାଃଚି ଆମେତେଦ୍ ମିଆଁଦ୍ ଆଗୁଆଇ ଅଡ଼ଙ୍ଗ୍‌ଅଃଆଏ,

ଇନିଃ ଆଇଁୟାଃ ଇସ୍ରାଏଲ୍ ହଡ଼କକେ ହରକଆ ।”

୭ ଏନ୍ତେ ହେରୋଦ୍, ଏନ୍ ସିଙ୍ଗିତୁରଃସାଃରେନ୍ ପାଣ୍ଡିତକକେ ଦାନାଙ୍ଗ୍‌ତେ ହାକାଅକେଦକଆ, ଆତଃ ଏନ୍ ଇପିଲ୍ ଚିମ୍‌ତାଏ ନେଲଃୟାନା, ଏନା ଇନ୍‌କୁତାଃଏତେ ବୁଗିଲେକାଏ ସାରିନାମ୍‌କେଦା । ୮ ଏନ୍ତେ ଇନିଃ ଇନ୍‌କୁକେ ବେଥ୍‌ଲେହେମ୍‌ତେ କୁଲିକେଦ୍ତେ ମେତାଦକଆ, “ସେନଃପେ ଆତଃ ବୁଗିଲେକାତେ ଏନ୍ ବାଲେଃହନ୍‌କେ ଦାଣ୍ଡିକପେ ଆତଃ ଇନିଃକେ ନାମ୍‌କିଃରେ ଉଦ୍‌ବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍ ସେନ୍‌କେଦ୍ତେ ଇନିଃକେ ଜହାରିୟାଇଙ୍ଗ୍ ।”

\* ୧:୨୧ ୧:୨୧ ଲୁକ ୧:୩୧. † ୧:୨୧ ୧:୨୧ ଲୁକ ୧:୩୧ ☆ ୧:୨୫ ୧:୨୫ ଲୁକ ୨:୨୧. ୨:୧ ୨:୧ ନିକ୍ୱଦ ସିମ୍ବୋଲ୍ ଇପିଲିକକେ ପାଢ଼ାଅକେଦ୍ତେ ସାରିଉତୁମ୍‌କ ତାଲକେନା

୯ ଇନ୍କୁ ରାଜାରାଃ କାଜି ଆୟୁମକେଦ୍‌ତେ ଆକଆଃ ହରାରେ ସେନଃୟାନାକ ଆଡଃ ନେଲେପେ, ଇନ୍କୁ ସିଙ୍ଗିତୁରଃସାଃରେ ନେଲକାଇ ଏନ୍ ଇପିଲ୍‌କେଗି ନେଲକିଃତେ ପୁରାଃ ରାସକାୟାନାକ । ଏନ୍ ଇପିଲ୍, ଏନ୍ ହନ୍ ତାଇକେନ୍ ଠାୟାଦ୍‌ତେ ଆଉରି ସେଟେର୍ ଜାକେଦ୍ ଇନ୍କୁକେ ଆୟାର୍ ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦ୍‌ତେ ସେଟେର୍‌ୟାନ୍ତି, ଏନ୍ ଇପିଲ୍ ଏନ୍ତାଃରେ ଆଟ୍‌କାଅୟାନା । ୧୦ ଇନ୍କୁ ଏନ୍ ଇପିଲ୍‌କେ ନେଲକିଃତେ ପୁରାଃଗିକ ରାସକାୟାନା । ୧୧ ଆଡଃ ଇନ୍କୁ ଅଡଃତେ ବଲୟାନ୍ତି ହନ୍‌କେ ଆୟାଃ ଏଙ୍ଗାତେ ମାରିୟାମ୍‌ଲଃ ନେଲକିୟାକ ଆଡଃ ଇନ୍କୁ ଇକ୍‌ଡ୍‌ନୁକେଦ୍‌ତେ ଇନିଃକେକ ଜହାରକିୟା ଏନ୍ତେ ଆକଆଃ ପଟମ୍‌କେ ରାଡ଼ାକେଦ୍‌ତେ ସୋନା, କୁନ୍ଦୁରୁ ଆଡଃ ବୁଗିନ୍ ସହାନ୍‌ସୁନ୍‌ମ ଦାନ୍‌କ ଏମ୍‌କିୟା ।

୧୨ ଏନ୍ତେ ହେରୋଦ୍‌ତାଃତେ ଆଲ୍‌ପେ ସେନ୍‌ରୁହାଡ଼ାଃ ମେନ୍ତେ ପାର୍‌ମେଶ୍ୱାର୍‌ଆଃ ଆନାରୁ କୁମ୍‌ରେ ନାମ୍‌ୟାନ୍ତି, ଇନ୍କୁ ଏଟାଃ ହରାତେ ଆକଆଃ ଦିଶ୍ୱମ୍‌ତେକ ସେନଃରୁହାଡ଼ୟାନା ।

ଯୋଷେଫ୍ ଆଡଃ ମାରିୟାମ୍ ହନ୍‌କେ ମିସାର୍‌ତେକିନ୍ ଇଦିତାନା

୧୩ ଇନ୍କୁ ସେନଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍ ଯୋଷେଫ୍‌ତାଃତେ କୁମ୍‌ରେ ହିଜୁଃୟାନା ଆଡଃ କାଜିକିୟାଏ, “ହେରୋଦ୍, ହନ୍‌ତାମାଃକେ ଗଏଃନାଙ୍ଗ୍ ଦାଣ୍ଡାତାନାଏ, ଏନାତେ ମାର୍ ବିରିଦ୍‌ମେ, ହନ୍ ଆଡଃ ଆୟାଃ ଏଙ୍ଗାତେକେ ମିସାର୍ ଦିଶ୍ୱମ୍‌ତେ ଇଦିକିନ୍‌ମେ ଆଡଃ ଆଉରିଙ୍ଗ୍ ଉଦୁବାମେ ଜାକେଦ୍ ଏନ୍ତାଃରେ ତାଇନ୍‌ମେ ।”

୧୪ ଯୋଷେଫ୍ ବିରିଦ୍‌କେଦ୍‌ତେ ଏନ୍ ନିଦାରେଗି ହନ୍ ଆଡଃ ଇନିୟାଃ ଏଙ୍ଗାତେକେ ମିସାର୍ ଦିଶ୍ୱମ୍‌ତେ ଇଦିକେଦ୍‌କିନା । ୧୫ ହେରୋଦ୍ ଆଉରି ଗଜଃ ଜାକେଦ୍ ଏନ୍ତାଃରେଗି ତାଇନ୍‌ୟାନା । “ଆଇଙ୍ଗ୍ ମିସାର୍ ଦିଶ୍ୱମ୍‌ହେତେ ହନିଙ୍ଗ୍‌କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବୀତେ କାଜିକାଦ୍ ପ୍ରାଭୁଆଃ କାଜି ନେ ଲେକାତେ ପୁରାୟାନା ।

ସିଟିଆ ହନ୍‌କକେ ଗଗଏଃ

୧୬ ହେରୋଦ୍ ରାଜା, ସିଙ୍ଗିତୁରଃସାଃରେନ୍ ପାଣ୍ଡିଡ୍ ହଡ଼କ ବେଦାକେଦିୟା ମେନ୍ତେ ଆଟ୍‌କାରକେଦ୍‌ତି, ପୁରାଃଗି ଶ୍‌ସୟାନା ଆଡଃ ପାଣ୍ଡିଡ଼କକେ କୁଲିକେଦ୍‌ତେ ଅକ୍‌ନାଃ ସାରିକାଦ୍ ତାଇକେନାଏ, ଏନ୍ ଲେକାଗି ବେଥ୍‌ଲେହେମ୍‌ରେନ୍ ଆଡଃ ଏନାରେୟାଃ ହପ୍‌ଜାପାଃରେନ୍ ହନ୍‌କ, ଅକନ୍‌କଟି ବାବାର୍ ସିମ୍‌ରେନ୍ ଆଡଃ ଏନାଏତେ ହୁପ୍‌ଡିଙ୍ଗ୍ ସବେନ୍ କଡ଼ାହନ୍‌କକେ ଗଏଃନାଙ୍ଗ୍ ଆରୁକେଦ୍‌କଆଏ ।

୧୭ ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,

୧୮ “ରମା ସାହାରରେ ହାୟ ହାୟରେୟାଃ ରାଆଃ  
 ଆଡଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମୟାନା,  
 ରାହେଲ୍ ଆୟାଃ ହନ୍‌କ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;  
 ଇନିଃ ଜାଉରାଡ଼େଜେନ୍ କାଏ ସାନାଙ୍ଗ୍‌ତାନ୍ ତାଇକେନା,  
 ଚିୟାଃତି ଆୟାଃ ସବେନ୍ ହନ୍‌କ ଗଏଃୟାନାକ ।”

ଯୋଷେଫ୍ ଆଡଃ ମାରିୟାମ୍ ମିସାର୍‌ହେତେ ରୁହାଡ଼ୟାନାକିନ୍

୧୯ ହେରୋଦ୍ ଗଏଃୟାନ୍ ତାୟମ୍‌ତେ, ପ୍ରାଭୁଆଃ ମିଆଁଦ୍ ଦୁଁଡ୍ ମିସାର୍ ଦିଶ୍ୱମ୍‌ରେ ଯୋଷେଫ୍‌ତାଃରେ କୁମ୍‌ରେ ଉଦୁବେନ୍‌ୟାନ୍‌ଲଃ କାଜିକିୟାଏ, ୨୦ “ବିରିଦ୍‌ମେ, ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶ୍ୱମ୍‌ତେ ସୁତୁଃଇଦିକିନ୍‌ମେ, ଚିୟାଃତି ହନ୍‌ରାଃ ଜାଉ ଇଦି ନାଙ୍ଗ୍ ସାନାଙ୍ଗ୍ ତାଇକେନ୍ ହଡ଼କଦ୍ ଗଏଃୟାନାକ ।” ୨୧ ଏନ୍ତେ ଯୋଷେଫ୍ ବିରିଦ୍‌କେଦ୍‌ତେ ହନ୍ ଆଡଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶ୍ୱମ୍‌ତେ ସୁତୁଃରୁହାଡ଼କେଦ୍‌କିନାଏ ।

୨୨ ମେନ୍ଦ ଆଖି ଲିୟସ ଆୟାଃ ଆପୁତେ ହେରୋଦଆଃ ଠାୟାଦରେ ଯିହୁଦା ଦିଶ୍ଟୁମ୍ରେ ରାଜାକାନା ମେନ୍ତେ ଆୟୁମ୍କେଦତେ, ଇନିଃ ଗାଲିଲ୍ତେ ସେନ୍ନାଜ୍ ବରକେଦାଏ । ୨୩ \*ଆତଃ କୁମ୍ରେ ପାର୍ମେଶ୍ୱାର୍ ଆରୁକାଦ୍ ଲେକା ଗାଲିଲ୍ ଦିଶ୍ଟୁମ୍ରାଃ ନାଜ୍ରେତ୍ ସାହାର୍ତେ ସେନଃୟାନା । ଆତଃ “ଇନିଃ ନାଜ୍ରେତ୍ରେନ୍ ମେନ୍ତେ ନୁତୁମଃଆ ।” ମେନ୍ତେ କାଜିକାନ୍ ନାବୀକଆଃ କାଜି ନେ ଲେକାତେ ପୁରାୟାନା ।

### ୩

ବାପ୍ତିସ୍ମା ଏମଃନିଃ ଯୋହାନ୍ରାଃ ଇନିତୁ  
 (ମାର୍କ ୧:୧-୮; ଲୁକ ୩:୧-୯, ୧୫-୧୭; ଯୋହାନ୍ ୧:୧୯-୨୮)

୧ ଏନ୍ ଦିପିଲିରେ ବାପ୍ତିସ୍ମା ଏମଃନିଃ ଯୋହାନ୍ ହିଜୁଃୟାନାଏ, ଆତଃ ଯିହୁଦାରେୟାଃ ବିର୍ରେ ଇନିତୁ କାଜି ଏଟେଦକେଦା, ୨ \*“ଆପେୟାଃ ପାପ୍ହେତେ ମନ୍ରୁହାଡ଼େପେ ଚିୟାଃତି ସିମା ରାଇଜ୍ଦ ନାଡ଼େଃରେଗିୟାଃ ।” ୩ ଅକନ୍ ହଡ଼ଆଃ ବିଷାଏରେ ଯିଶାୟ ନାବୀ କାଜିକାଦ୍ନିଃ ଯୋହାନ୍ଗି ତାନିଃ : ଇନିଃ କାଜିକେଦାଏ, “ଜେତାଏ ବିର୍ରେ କାଉରିତାନ୍ନିୟାଃ ସାଡ଼ି ଆୟୁମଃତାନା, ‘ପ୍ରାଭୁଆଃ ହରା ବାଇୟେପେ; ଇନିୟାଃ ନାଜ୍ ହରା ସିଧାଏପେ ।’”

୪ ଯୋହାନ୍ ଉର୍ବରାଃ ଉଦ୍ତେ ବାଇୟାକାନ୍ ଲିଜାଃ ତୁସିଜ୍ଅଃତାନ୍ ତାଇକେନାଏ, ଆୟାଃ ମାୟାଜ୍ରେ ଉହୁରରାଃ କାସ୍ନା ତଲଃ ତାଇକେନାଏ ଆତଃ ଇନିଃ ସନ୍ସରେଦ୍ ଆତଃ ହୁରୁମ୍ସୁକୁ ଜମ୍କତାନ୍ ତାଇକେନାଏ । ୫ ଯୀରୁଶାଲେମ୍ରେନ୍କ, ଗଟା ଯିହୁଦାରେନ୍କ ଆତଃ ଯାଦାନ୍ ନାହ୍ ରାଃ ସବେନ୍ ହପର୍ଜାପାଃରେନ୍ ହଡ଼କ ଇନିଃତାଃତେକ ହିଜୁଃୟାନା । ୬ ଆତଃ ଇନ୍କୁ ଆକଆଃ ପାପ୍କ ପାତିୟାର୍କେଦା, ଏନ୍ତେ ଇନିଃ ଯାଦାନ୍ ନାହ୍ ରେ ଇନ୍କୁକେ ବାପ୍ତିସ୍ମାକେଦକଆ ।

୭ \*ମେନ୍ଦ ଯୋହାନ୍ ପୁରାଃ ଫାରୁଶୀକ ଆତଃ ସାପୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍କେଦକଚି ଇନ୍କୁକେ ମେତାଦକଆ, “ଏ ବିଜ୍କଆଃ ହନ୍କ !” ହିଜୁଃତାନ୍ ମାରାଜ୍ ଏନେସେଦ୍ଏତେ\* ନିର୍ ନାଗେନ୍ତେ ଅକଏ ଆପେକେ ଚେତାଞ୍ଜାଦ୍ପେୟାଏ ? ୮ ଆପେ ସାର୍ତିଗି ପାପ୍ଏତେ ହେୟାଡ଼ିଜ୍କାଦ୍ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍ପେ । ୯ \*ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ତିଡ଼ିକେଦ୍ତେ କାଜିତାନ୍ଲଃ ନେ ସାଜାଇଏତେ ବାଞ୍ଚାଞ୍ଚାଲେ ମେନ୍ତେ ଆଲ୍ପେ ଉଡ଼ଃୟା । ଚିୟାଃତି ଆଇଜ୍ ଆପେକେ କାଜିୟାପେ ତାନାଇଜ୍, ପାର୍ମେଶ୍ୱାର୍ଦ୍ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍କଏ ବାଇଦାଡ଼ିୟା ! ୧୦ \*ଆତଃ ନାହ୍ ଆଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତଃ ସେଜ୍ଲ୍ରେ ହୁରାଜ୍ଅଃଆ ।

୧୧ “ଆଇଜ୍ଦ୍ ଆପେୟାଃ ହେୟାଡ଼ିଜ୍ ନାଗେନ୍ତେ ଦାଆଃତେ ବାପ୍ତିସ୍ମାପେ ତାନାଇଜ୍ ମେନ୍ଦ୍ ଆଇୟାଃ ତାୟମ୍ତେ ଆଇଜ୍ଏତେ ପେଡ଼େୟାନ୍ନିଃ ହିଜୁଃତାନାଏ; ଇନିୟାଃ ଖାର୍ପା ଗଅଃଜଦି ଲେକାନିଃହ ଆଇଜ୍ ନାହ୍ଲିଜ୍ । ଇନିଃ ଆପେକେ ପାବିତାର୍ ଆମ୍ ଆତଃ ସେଜ୍ଲ୍ରେତେ ବାପ୍ତିସ୍ମାପେୟା । ୧୨ ଆୟାଃ ତିଃରେ ହାଟାଆଃ ମେନାଃ, ଏନାତେ କଲମ୍ରେୟାଃ ଗହମ୍ ଆତଃ ବାବା ଗୁମ୍

\* ୨:୨୩ ୨:୨୩ ମାର୍କ ୧:୨୪; ଲୁକ ୩:୩୯; ଯୋହାନ୍ ୧:୪୫. \* ୩:୨ ୩:୨ ମାଥିଉ ୪:୧୭; ମାର୍କ ୧:୧୫. \* ୩:୭ ୩:୭ ମାଥିଉ ୧୨:୩୪; ୨୩:୩୩. \* ୩:୭ ୩:୭ ଏନେସେଦ୍ଏତେଖ୍ଏତେ \* ୩:୯ ୩:୯ ଯୋହାନ୍ ୮:୩୩. \* ୩:୧୦ ୩:୧୦ ମାଥିଉ ୭:୧୯.



ସାମ୍ରାଜ୍ୟରେ ଆୟାଃ ଭାଣ୍ଡାର ଅଡ଼ାଃରେ ମାଣ୍ଡାଆୟା ଆଡ଼ଃ ପେଟେଃକେ କା  
ଇଣ୍ଡ଼ିଃ ସେକେଲ୍ରେ ଅଣ୍ଡ଼ିଃଶ୍ରୀଗେୟା ।”

ୟାଶୁ ବାପ୍ତିସ୍ମାୟାନାଏ

(ମାର୍କ ୧:୯-୧୧; ଲୁକା ୩:୨୧-୨୨)

୧୩ ଏନ୍ ଦିପିଲିରେ ଯାଶୁ ଯୋହାନ୍ତେ ବାପ୍ତିସ୍ମା ଇଦି ନାଗେନ୍ତେ ଗାଲିଲ୍ଏତେ  
ୟାଦ୍ନାନ୍ ନାହିଁତେ ହିଜୁଃୟାନାଏ । ୧୪ ମେନ୍ଦ ଯୋହାନ୍ ଇନିଃକେ ମାନାତାନ୍ଲଃ  
କାଜିକିୟାଏ, “ଆଇଙ୍ଗକେ ଆମାଃଏତେ ବାପ୍ତିସ୍ମା ଇଦି ଲାଗାତିଙ୍ଗ୍ୟାଃ, ଏନ୍ରେହଗି  
ଆମ୍ ଆଇଙ୍ଗତାଃତେମ୍ ହିଜୁଆକାନା !”

୧୫ ମେନ୍ଦ ଯାଶୁ ଇନିଃକେ କାଜିରୁହାଡ଼କିୟାଏ, “ନାହିଁଃ ନେଆଁରେ  
ମାନାତିଙ୍ଗ୍ୟାଃମେ, ତିୟାଃତି ନେ ଲେକାତେ ଆବୁ ପାର୍ମେଶ୍ୱାର୍ଆଃ ସବେନ୍  
ଧାର୍ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାତିଙ୍ଗ୍ୟାଃ ।” ଏନ୍ତେ ଯୋହାନ୍  
ଇନିୟାଃ କାଜିକେ ମାନାତିଙ୍ଗ୍କେଦାଏ ।

୧୬ ଯାଶୁ ବାପ୍ତିସ୍ମାୟାନ୍ ତରସା ଦାଆଃଏତେ ଅଡ଼ଙ୍ଗ୍ୟାନା । ଏନ୍ତେ ଇନିଃ  
ନାଗେନ୍ତେ ସିର୍ମା ନିଜ୍ୟାନା ଆଡ଼ଃ ଇନିଃରେ ପାର୍ମେଶ୍ୱାର୍ଆଃ ଆମ୍ ଦୁଦୁମୁଲ୍ ଲେକା  
ଆଡ଼ଗୁଃତାନ୍ତେୟାଃ ଯୋହାନ୍ ନେଲ୍କିୟାଏ । ୧୭ \*ଆଡ଼ଃ ସିର୍ମାଏତେ ନେ'ଲେକା  
କାଜି ଆୟୁମ୍ୟାନା, “ନିଃଗି ଆଇଁୟାଃ ଦୁଲାଡ଼୍ ହନ୍ ତାନିଃ, ନିଃତାଃରେ ଆଇଁୟାଃ  
ପୁରାଃଗି ସୁକୁ ।”

୪

ୟାଶୁଆଃ ବିନିଡ଼ାଅ

(ମାର୍କ ୧:୧୨-୧୩; ଲୁକା ୪:୧-୧୩)

୧ \*ଏନ୍ତେ ପାବିତାର୍ ଆମ୍ ଯାଶୁକେ ବିରତେ ଇଦିକିୟା, ଏନ୍ତାଃରେ ସାଏତାନ୍  
ଇନିଃକେ ବିଡ଼ାଅକିୟା । ୨ ବାର୍ହିସି ନିଦାସିଜି ରେଙ୍ଗେଃ କାଟାବ୍କେଦ୍ ତାୟମ୍ତେ  
ୟାଶୁକେ ରେଙ୍ଗେଜ୍କିୟାଃ । ୩ ଏନ୍ତେ ସାଏତାନ୍ ଇନିଃତାଃତେ ହିଜୁଃୟାନା ଆଡ଼ଃ  
କାଜିକିୟାଏ, “ଆମ୍ ପାର୍ମେଶ୍ୱାର୍ଆଃ ହନ୍ ତାନ୍ମେରେଦ୍, ନେ ଦିରିକକେ ହଲଙ୍ଗ୍  
ବାଇୟାକା ମେନ୍ତେ ଆତୁତାମ୍ ।”

୪ ମେନ୍ଦ ଯାଶୁ ଇନିଃକେ କାଜିରୁହାଡ଼କିୟା, “ଧାରାମ୍ପୁଥ୍ରେ ଅଲ୍ଲାକାନା, ‘ହଡ଼  
ହଲଙ୍ଗ୍ତେ ଏସ୍କାର୍ କା ମେନ୍ଦ ପାର୍ମେଶ୍ୱାର୍ଆଃ ମତାଏତେ ଅଡ଼ଙ୍ଗ୍ଆଡ଼ାନ୍  
ସବେନ୍ କାଜିତେ ଜାହିଦଃଆ ।”

୫ ଏନ୍ତେ ସାଏତାନ୍ ଯାଶୁକେ ଯାରୁଶାଲେମ୍ ଏନ୍ ପାବିତାର୍ ନାଗାର୍ତେ  
ଇଦିକିଃତେ ମାଦିର୍ ଅଡ଼ାଃରେୟାଃ ତୁଟିରେ ତିଙ୍ଗ୍କିୟା, ୬ ଆଡ଼ଃ କାଜିକିୟାଏ, “ଆମ୍  
ପାର୍ମେଶ୍ୱାର୍ଆଃ ହନ୍ ତାନ୍ମେରେଦ୍ ନେତାଃଏତେ ଲାତାର୍ତେ ତେଗାଅତାମେ,  
ତିୟାଃତି ଧାରାମ୍ପୁଥ୍ରେ ଅଲ୍ଲାକାନା,

“ପାର୍ମେଶ୍ୱାର୍ ଆୟାଃ ଦୁଡ଼କକେ ଆରୁକଆ;  
ଆଡ଼ଃ ଆମାଃ କାଟା ଦିରିରେ ଆଲକା ଠଗଃକା  
ମେନ୍ତେ ଇନ୍କୁ ଆକଆଃ ତିଃଇତେକ ତେଲାମେୟା ।”

୭ ଯାଶୁ ଇନିଃକେ କାଜିରୁହାଡ଼କିୟାଏ, “ଧାରାମ୍ପୁଥ୍ରେ ନେଆଁହଗି ଅଲ୍ଲାକାନା,  
‘ପ୍ରାଭୁ ଆମାଃ ପାର୍ମେଶ୍ୱାର୍କେ ଆଲମ୍ ବିଡ଼ାଅଇୟା ।”

୮ ଏନ୍ତେ ସାଏତାନ୍ ଯାଶୁକେ ମିଆଁଦ୍ ସାଲାଜି ବୁରୁତେ ଇଦିକିଃତେ  
ଅଡ଼େଦିଶ୍ୱମ୍ରେୟାଃ ସବେନ୍ ରାଇଜ୍ ଆଡ଼ଃ ଏନାରେୟାଃ ସୁଗାଡ଼ାନ୍ତେୟାଃକ

\* ୩:୧୨ ୩:୧୭ ମାଥୁରା ୧୨:୧୮; ୧୭:୫; ମାର୍କ ୧:୧୧; ଲୁକା ୯:୩୫. \* ୪:୧ ୪:୧ ଏବ୍ରୀ ୨:୧୮; ୪:୧୫.

ଉଦ୍‌ବୃଦ୍ଧିୟାଏ । ୯ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆମ୍ ଆଇଙ୍ଗ୍‌କେ ଇକ୍‌ଡ଼ମ୍‌କେଦ୍‌ତେ ଜହାରିଙ୍ଗ୍‌ରେଦମ୍ ନେ ସବେନାଃଇଙ୍ଗ୍ ଏମାମେୟା ।”

୧୦ ଏନ୍ତେ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃଚି ନେଆଁଧାରାମ୍‌ପୁଥିରେ ଅଲାନାନା, ‘ପ୍ରାଭୁ ଆମାଃ ପାର୍‌ମେଶ୍ୱାରକେ ଜହାରିମେ ଆତଃ ଇନିଃକେ ଏସ୍‌କାର୍ ସୁସାରିମେ ।’”

୧୧ ଏନ୍ତେ ସାଏତାନ୍ ଯୀଶୁକେ ବାଗିକେଦ୍‌ତେ ନିରୁୟାନା ଆତଃ ଦୁଁଡ଼କ ହିଜୁଃକେଦ୍‌ତେ ଇନିଃକେ ସୁସାର୍ ଏଟେଦ୍‌କିୟାକ ।

ଗାଲିଲ୍‌ରେ ଯୀଶୁଆଃ କାଜିକାମି ଏନେଟେଦ୍  
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ \*ଯୋହାନ୍ ଜେହେଲ୍‌ୟାନାଏ ମେନ୍ତେ ଯୀଶୁ ଆୟୁମ୍‌କେଦ୍‌ତେ ଗାଲିଲ୍ ସାହାରତେ ସେନଃୟାନା । ୧୩ \*ନାଜ୍‌ରେଡ୍ ବାଗିକେଦ୍‌ତେ ସବ୍‌ଲୁନ୍ ଆତଃ ନପ୍ରାଲି ସିମ୍‌ନାରାଃ ଗାଲିଲ୍ ଦରେୟା ହେପାଦ୍‌ରାଃ କପର୍‌ନାହୁମ୍ ସାହାରତେ ସେନ୍‌କେଦ୍‌ତେ ତାଇନ୍‌ୟାନାଏ । ୧୪ ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

୧୫ “ସବ୍‌ଲୁନ୍ ଦିଶୁମ୍ ଆତଃ ନପ୍ରାଲି ଦିଶୁମ୍,  
ଦରେୟା ହେପାଦ୍‌ରାଃ ଯାଦୀନ୍ ଗାଡ଼ା ହାନ୍ ପାରମ୍‌ରେ  
ସାଅଁସାରକଆଃ ଗାଲିଲ୍ ଦିଶୁମ୍,

୧୬ ନୁବାଃରେ ତାଇନ୍‌କାନ୍ ହଡ଼କ

ମାରାଙ୍ଗ୍ ମାର୍‌ସାଲକ ନେଲେୟା  
ଆତଃ ଗନ୍‌ଏଃରେୟାଃ ଉମ୍‌ଲୁରେ ତାଇନ୍‌କାନ୍ ହଡ଼କ ନାଙ୍ଗ୍  
ମାର୍‌ସାଲ୍ ତୁରଃଆ ।”

୧୭ \*ଏନ୍ ଦିପିଲିଏତେ ଯୀଶୁ ଇଡୁ ଏଟେଦ୍‌କେଦ୍‌ତେ କାଜିକେଦା, “ଆପେୟାଃ ପାପ୍‌ହେତେ ମନ୍‌ରୁହାଡ଼େପେ ଚିୟାଃଚି ସିମ୍‌ନା ରାଇଜ୍‌ଦ୍ ନାଡ଼େଃରେଚିୟାଃ ।”

ଯୀଶୁ ଉପୁନିୟା\* କେଉଁଟକକେ କେଡ଼ାକତାନା  
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍‌ତା, ପାଡ଼ରାସ୍ ନୁଡୁମଃତାନ୍ ଶିମୋନ୍ ଆତଃ ଆୟାଃ ହାଗାତେ ଆନ୍ଦ୍ରିୟ, ଏନ୍ ବାରାନ୍ ହାଗିୟାକିନ୍‌କେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ ହାକୁ ସାବ୍‌ତାନ୍ ନେଲ୍‌କେଦ୍‌କିନାଏ, ଚିୟାଃଚି ଇନ୍‌କିନ୍‌ଦ କେଉଁଟକିନ୍ ତାଇକେନା । ୧୯ ଯୀଶୁ ଇନ୍‌କିନ୍‌କେ କାଜିୟାଦ୍‌କିନା, “ଦେଲା ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ବେନ୍, ଆଇଙ୍ଗ୍ ଆବେନ୍‌କେ ହଡ଼କକେ ପାର୍‌ମେଶ୍ୱାରତାଃତେ ଆଉତେୟାଃ ଇଡୁବେନାଇଙ୍ଗ୍ ।” ୨୦ ଏନ୍ତେ ଇନ୍‌କିନ୍ ଇମ୍‌ତାଙ୍ଗ୍‌ଗି ଜାଲୋମ୍ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

୨୧ ଯୀଶୁ ଏନ୍ତାଏତେ କାଚିଃସାଙ୍ଗିନ୍ ଆୟୁର୍‌ତେ ସେନ୍‌କେଦ୍‌ତେ ଏଟାଃ ବାଠ୍‌ହଡ଼ ହାଗିୟାକିନ୍, ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଆକିନାଃ ଆପୁତେ ଜେବଦୀଲୀଃ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କେଡ଼ାକେଦ୍‌କିନା । ୨୨ ଏନ୍ତେ ଇନ୍‌କିନ୍ ଇମ୍‌ତାଙ୍ଗ୍‌ଗି ଲାଉକା ଆତଃ ଆକିନାଃ ଆପୁତେକେ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

ଯୀଶୁଆଃ ଇନିଡୁ, ପ୍ରାଚାର୍, ଆତଃ ପେଡ଼େୟାନ୍ କାମି  
(ଲୁକ ୬:୧୭-୧୯)

\* ୪:୧୨ ୪:୧୨ ମାଥୁରା ୧୪:୩; ମାର୍କ ୬:୧୭; ଲୁକ ୩:୧୯, ୨୦. \* ୪:୧୩ ୪:୧୩ ଯୋହାନ୍ ୨:୧୨. \* ୪:୧୭ ୪:୧୭ ମାଥୁରା ୩:୨. \* ୪:୧୭ ୪:୧୮ ଚାଇର୍ ଝାନ୍

୨୩ \* ଯିଶୁ ଗଟା ଗାଲିଲ୍ ସେନକେଦ୍‌ତେ ଇନ୍‌କୁଆଃ ସାମାଜ୍ ଅଡ଼ାଃକରେ ଇତୁତାନଲ୍‌ଃ ରାଇଜ୍‌ରେୟାଃ ସୁକୁକାଜି ଉଦୁବ୍‌କେଦାଏ ଆତଃ ହଡ଼କଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ । ୨୪ ଆତଃ ଇନିୟାଃ ନୁତୁମ୍ ଗଟା ସିରିୟା ଦିଶ୍‌ମ୍ ଜାକେଦ୍ ସେଟେରୁୟାନା ଆତଃ ହଡ଼କ ସବେନ୍ ଲେକାନ୍ ଦୁକୁତାନ୍, ହାସୁତାନ୍‌କକେ ଆତଃ ବଜା ଏସେରକାନ୍‌କକେ, ମିକ୍ ବେମାରକକେ, ଆତଃ ବାଡ଼ତାକାନ୍‌କକେ ଇନିଃତାଃତେକ ଆଉକେଦ୍‌କଆ ଆତଃ ଇନିଃ ଇନ୍‌କୁକେ ବୁଗିକେଦ୍‌କଆ । ୨୫ ଆତଃ ଗାଲିଲ୍, ଦେକାପଲ୍ଲୀ†, ଯୀରୁଶାଲେମ୍, ଯିହୁଦା ଆତଃ ଯାଦାନ୍ ହାନ୍ ପାରମ୍‌ଏତେ ଗାଦେଲ୍ ହଡ଼କ ଇନିଃକେକ ଅତଜ୍‌କିୟା ।

**୫**

ଯିଶୁ ବୁରୁ ଚେତାନରେ ଗାଦେଲ୍ ହଡ଼କକେ ଇତୁକତାନା

୧ ଯିଶୁ ଗାଦେଲ୍ ହଡ଼କକେ ନେଲ୍‌କେଦ୍‌ତେ ବୁରୁତେ ରାକାଦ୍‌ୟାନା ଆତଃ ଇନିଃ ଦୁବାକାନ୍‌ତାଃ ଆୟାଃ ଚେଲାକ ହୁଣ୍ଡିବିୟୁରକିୟାକ, ୨ ଆତଃ ଇନିଃ ହଡ଼କକେ ଇତୁ ଏଟେଦ୍‌କେଦ୍‌ତେ ମେତାଦ୍‌କଆ,

ସାର୍‌ତି ରାସ୍‌କା  
(ଲୁକ ୬:୨୦-୨୩)

- ୩ “ଆମ୍‌ରେ ରେଜେଃତାନ୍‌କ ସୁକୁତାନ୍‌ଗିୟାଃ;  
ତିୟାଃତି ସିର୍ମା ରାଇଜ୍ ଇନ୍‌କୁଆଃଗି ତାନାଃ !
- ୪ ଏୟମେତାନ୍‌କ ସୁକୁତାନ୍‌ଗିୟାଃ;  
ତିୟାଃତି ପାର୍‌ମେଶ୍‌ବାର୍‌ଦ୍ ଇନ୍‌କୁକେ ଜୀଉରାଡ଼େଃକଆ !
- ୫ ଲେବେଃଜୀଉକ ସୁକୁତାନ୍‌ଗିୟାଃ;  
ତିୟାଃତି ପାର୍‌ମେଶ୍‌ବାର୍‌ ବାନାର୍‌ସା\* ଏମାକାଦ୍‌ତେୟାଃକ ଅତେରେକ ଆକ୍‌ତେୟାରରେୟା ।
- ୬ ଆପେ ଧାର୍‌ମାନ୍ ନାଗେନ୍ତେ ରେଜେଃତାନ୍‌କ, ସୁକୁତାନ୍ ଗିୟାଃପେ;  
ତିୟାଃତି ପାର୍‌ମେଶ୍‌ବାର୍‌ ଆପେକେ ବିୟାଃଗି ଏମାପେୟା !
- ୭ ଦାୟାତାନ୍‌କ ସୁକୁତାନ୍‌ଗିୟାଃ;  
ତିୟାଃତି ପାର୍‌ମେଶ୍‌ବାର୍‌ ଇନ୍‌କୁକେ ଦାୟାକଆ !
- ୮ ମନ୍‌ରେ ଫାର୍‌ତିଆକାନ୍‌କ ସୁକୁତାନ୍‌ଗିୟାଃ;  
ତିୟାଃତି ଇନ୍‌କୁଦ୍ ପାର୍‌ମେଶ୍‌ବାର୍‌କେକ ନେଲିୟା !
- ୯ ବାପାଈତିକ ସୁକୁତାନ୍‌ଗିୟାଃ;  
ତିୟାଃତି ଇନ୍‌କୁଦ୍ ପାର୍‌ମେଶ୍‌ବାର୍‌ଆଃ ହନ୍‌କ ନୁତୁମ୍‌ଆ !
- ୧୦ \* ଧାର୍‌ମାନ୍ ନାଗେନ୍ତେ ସାସାତି ନାମ୍‌ତାନ୍‌କ ସୁକୁତାନ୍‌ଗିୟାଃ;  
ତିୟାଃତି ସିର୍ମା ରାଇଜ୍‌ଦ୍ ଇନ୍‌କୁଆଃଗି ତାନାଃ !
- ୧୧ \* “ଆଇଜ୍ ନାଗେନ୍ତେ ହଡ଼କ ଆପେକେ ନିନ୍‌ଦାପେୟାକ, ସିଗିଦ୍‌ପେୟାକ, ଆତଃ ହସଡ଼ କାଜିତେ ଆପେୟାଃ ବିରୁଧ୍‌ରେ ଏଡ଼କାନ୍ କାଜିକ କାଜିୟାପେରେଦ୍, ଆପେ ସୁକୁତାନ୍‌ଗିୟାଃ । ୧୨ \* ଆପେ ପୁରାଃଗି ରାସ୍‌କାଅଃପେ, ତିୟାଃତି ସିର୍ମା ଦିଶ୍‌ମ୍‌ରେଦ୍ ଆପେୟାଃ ନାଲା ପୁରାଃଗିୟା, ଏନ୍ ଲେକାଗିଦ୍ ଇନ୍‌କୁ ଆପେୟାଃ ସିଦାରେନ୍ ନାବୀକକେ ସିଗିଦ୍‌କେଦ୍‌କଆକ ।

\* ୪:୨୩ ୪:୨୩ ମାଥୁରା ୯:୩୫; ମାର୍କ ୧:୩୯. † ୪:୨୫ ୪:୨୫ ଦାଗୁ ସାହାରାଃ ସିମ୍‌ନା \* ୫:୫ ୫:୫ ବାନାର୍‌ସା କାଜି ଏମକାନା \* ୫:୧୦ ୫:୧୦ ୧ ପାଡ଼ରାସ୍ ୩:୧୪. \* ୫:୧୧ ୫:୧୧ ୧ ପାଡ଼ରାସ୍ ୪:୧୪. \* ୫:୧୨ ୫:୧୨ ପ୍ରେରିଡ଼ ୭:୫୨.

ବୁଲୁଙ୍ଗ ଆଡ଼ଃ ମାର୍ସାଲ୍

(ମାର୍କ ୯:୫୦; ଲୁକ ୧୪:୩୪-୩୫)

୧୩ \*“ଆପେ ସବେନକ ଅତେଦିଶୁମ୍ରେନ୍ ହଡ଼କ ନାଗେନ୍ତେ ବୁଲୁଙ୍ଗ୍ ଲେକାଗି ତାନ୍ଦେ, ମେନ୍ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍କାତେ ଆଡ଼ଃମିସା ସିବିଲ୍ଲୁହାଡ଼ଃଆ ? ଏନା ଆଡ଼ଃ ଜେତାନ୍ କାମିରେ କା ଲାଗାତିଙ୍ଗ୍ ଦାଡ଼ିୟଃଆ ଆଡ଼ଃ ବାହାରିରେ ହୁରାଙ୍ଗ୍ ଏଣ୍ଡାଗଃଆ । ହଡ଼କ ଏନାକେ ତିକାକେଦତେ ସେନଃଆକ ।

୧୪ \*“ଆପେ ଅତେଦିଶୁମ୍ରେନ୍ୟାଃ ମାର୍ସାଲ୍ ଲେକାଗି ତାନ୍ଦେ । ବୁରୁରେ ବାଇକାନ୍ ନାଗାର୍ କା ଉକୁଦାଡ଼ିୟଃଆ । ୧୫ \*ଆଡ଼ଃ ହଡ଼କ ଦିମି ଜୁଲ୍ଲକେଦତେ ତାଞ୍ଜାଲାତାରରେ କାକ ହାରୁବେୟା ମେନ୍ଦ ଦିକାରେକ ଦହୟା, ଆଡ଼ଃ ଅଡ଼ଃରେନ୍ ସବେନକକେ ଏନା ମାର୍ସାଲ୍ ଏମାକଆଏ । ୧୬ \*ଏନ୍ ଲେକାଗି ଆପେୟାଃ ମାର୍ସାଲ୍ ହଡ଼କଆଃ ଆୟାରରେ ମାୟାଲଃକା, ଏନାତେ ଇନ୍କୁ ଆପେୟାଃ ବୁଗିନ୍ କାମି ନେଲ୍ଲକେଦତେ ସିମା ଦିଶୁମ୍ରେନ୍ ଆପୁକେକ ମାରାଙ୍ଗ୍ଇକା ।

ଆଇନ୍ ବିଷାଏରେ ଇନିତୁ

୧୭ “ଆଇଙ୍ଗ୍ ମୁଣା ନାବୀ ଏମାକାଦ୍ ଆନ୍ତୁ ଆଡ଼ଃ ନାବୀକଆଃ ଇନିତୁ ଇଣ୍ଡ଼ଃ ନାଗେନ୍ତେ ହିଜୁଆକାନାଇଙ୍ଗ୍ ମେନ୍ତେ ଆଲ୍ପେ ଆଟ୍ଟକାରେୟା, ମେନ୍ଦ ଏନା ପୁରାଅଃ ନାଗେନ୍ତେ ହିଜୁଆକାନାଇଙ୍ଗ୍ । ୧୮ \*ଆଇଙ୍ଗ୍ ସାର୍ଡିଗି କାଜିତାନାଇଙ୍ଗ୍, ସିମା ଦିଶୁମ୍ ଆଡ଼ଃ ଅତେ ଆଉରି ଜିୟନଃ ଜାକେଦ୍ ଆଡ଼ଃ ସବେନାଃ ଆଉରି ଚାବାଃଅ ଜାକେଦ୍, ମୁଣା ନାବୀଆଃ ଆନ୍ତୁରେୟାଃ ହୁଡ଼ିଙ୍ଗ୍ ଅନଲ୍ ଚାଏ ହୁଡ଼ିଙ୍ଗ୍ ବିଶୁହ୍ ଜେତାଲେକାତେ କା ଜିୟନଃଆ । ୧୯ ଏନା ନାଗେନ୍ତେ ଜେତାଏ ନେ ହୁପ୍ଡିଙ୍ଗ୍ ଆନ୍ତୁଏତେ ଜେତା ମିଆଁଦ୍ ଆନ୍ତୁ କାଏ ମାନାତିୟାଃ ଆଡ଼ଃ ଏନ୍ ଲେକାଗି ହଡ଼କକେ ଇଡୁକଆ, ଇନିଃ ସିମା ରାଇଙ୍ଗ୍ରେ ସବେନକଏତେ ହୁଡ଼ିଙ୍ଗ୍ ମେନ୍ତେ ଲେକାଅଃଆଏ ମେନ୍ଦ ଜେତାଏ ଏନ୍ ସବେନାଃକେ ମାନାତିୟାଃ ଆଡ଼ଃ ଇଡୁଆଃଏ, ଇନିଃ ସିମା ରାଇଙ୍ଗ୍ରେ ମାରାଙ୍ଗ୍ ମେନ୍ତେ ଲେକାଅଃଆ । ୨୦ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଆପେୟାଃ କାମି ପାର୍ମେଶ୍ୱାର୍ଆଃ ମନେ ଲେକା, ଆଇନ୍ ଇଡୁକ ଆଡ଼ଃ ଫାରୁଣୀକଆଃଏତେ ଆଦକା ପାଡ଼ିୟାର୍ କା ହବାଅଃ ଜାକେଦ୍ ଆପେ ଜେତାଲେକାତେ ସିମା ରାଇଙ୍ଗ୍ରେ କାପେ ବଲ୍ ଦାଡ଼ିୟାଃ ।

ଖ୍ୱସ୍ ବିଷାଏରେ ଇନିତୁ

(ଲୁକ ୧୨:୫୭-୫୯)

୨୧ “ସିଦା ଦିପିଲିରେନ୍ ହଡ଼କକେ କାଜିୟାକାନ୍ ତାଇକେନା, ‘ଆଲମ୍ ଗଗଏଃ ଆଡ଼ଃ ଜେତାଏ ଗଗଏଃରେଦ, ଇନିଃ ବିଚାରରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍କାଦାପେ । ୨୨ ମେନ୍ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆୟାଃ ହାଗାକେ ଖ୍ୱସ୍ଆଃଆଏ, ଇନିଃ ବିଚାରରେ ସାଜାଇ ନାମେୟାଏ । ଆଡ଼ଃ ଜେତାଏ ଆୟାଃ ହାଗାତେକେ ଡଣ୍ଡ ମେନ୍ତେ କାଜିନିଃ ମାରାଙ୍ଗ୍ ପାଞ୍ଚେଟ୍ରେ ସାଜାଇ ନାମେୟାଏ, ଆଡ଼ଃ ଜେତାଏ କକଲେ ମେନ୍ତେ କାଜିନିଃ ସେଙ୍ଗେଲ୍ ନାରାକ୍ରେ ସାଜାଇ ନାମେୟାଏ । ୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍ମେଶ୍ୱାର୍ଆଃ ନାଗେନ୍ତେ ବେଦିତେମ୍ ଆଉଞ୍ଚେ ଇମ୍ତା ଆମାଃ ବିରୁଧ୍ରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମ୍ତାରେ, ୨୪ ଏନ୍ ବେଦିତାଃରେ ଆମାଃ ଦାନ୍କେ

\* ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. \* ୫:୧୪ ୫:୧୪ ଯୋହାନ୍ ୮:୧୨; ୯:୫. \* ୫:୧୫ ୫:୧୫ ମାର୍କ ୪:୧୧; ଲୁକ ୮:୧୭; ୧୧:୩୩. \* ୫:୧୬ ୫:୧୬ ୧ ପାଡ଼ରାସ୍ ୨:୧୨. \* ୫:୧୮ ୫:୧୮ ଲୁକ ୧୨:୧୭. † ୫:୧୮ ୫:୧୮ ଏନ୍ ସବେନାଃରେ ଇନିତୁ ପୁରା ହବାଃଆ ଜାକେଦ୍ ‡ ୫:୨୨ ୫:୨୨ ଚିମିନ୍ ମାଗି ଅନଲ୍ରେ ଅଲ୍ଲାନା, ହାଗାତେକେ ସାମା ସାମାରେ ଖ୍ୱସ୍ଆଃଆଏ

ବାଗିକେଦ୍‌ରେ ସେନାରେ ଆଡ଼ ସିଦାରେ ଆମାଃ ହାଗାମ୍‌ଲଃ ବାପାକ୍‌ୟେନ୍‌ମେ, ଏନ୍ତେ ହିଜୁକ୍‌କେଦ୍‌ରେ ଆମାଃ ଦାନ୍‌କେ ପାର୍‌ମେଶ୍‌ବରତାରେ ରାକାବେମେ ।

୨୫ “ଆମାଃ ବାକ୍‌ରିଲଃ ହରାରେ ସେନ୍‌ତାନ୍ ଇମ୍‌ତା ବାପାକ୍‌ଦାବେନ୍‌ମେ, କା'ରେଦ ବାକ୍‌ରି ଆମ୍‌କେ ବିଚାର୍‌ନିୟାଃ ତିଃଇରେ ଏମ୍‌ମେୟା, ଆଡ଼ ବିଚାର୍‌ନିଃ ସିପାକ୍‌କଆଃ ତିଃଇରେ ଜିମାମ୍‌ମେୟା, ଏନ୍ତେ ଆମ୍ ଜେହେଲଃଆମ୍ । ୨୬ ଆଇକ୍‌ ଆମ୍‌କେ ସାର୍‌ତିଗି କାଜିତାନା, ଆମ୍ କାଉଡ଼ି କାଉଡ଼ି ଆଉରି ହାଲ୍‌ତାବାଏ ଜାକେଦ୍ ଏନ୍ତାଃଏତେ କାମ୍ ଅଡ଼କ୍ ଦାଡ଼ିୟା ।

ଆପାକ୍‌ର ବିଷାଏରେ ଇନିତୁ

୨୭ “ଆଲ୍‌ପେ ଆପାକ୍‌ରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମାକାଦାଃ ।’ ୨୮ ମେନ୍‌ଦ ଆଇକ୍‌ ଆପେକେଇକ୍ କାଜିପେତାନା, ଜେତାଏ ଜେତା କୁଡ଼ିକେ ଏଡ଼କାନ୍ ସାନାକ୍‌ତେ ନେଲିରେଦ ଇନିଃ ଆୟାଃ ମନ୍‌ରେ ଇନିଃଲଃ ଆପାକ୍‌ରୟାନାଏ । ୨୯ \*ଆଡ଼ ଆମାଃ ଜମ୍‌ତିସାଃରାଃ ମେଦ୍ ପାପ୍‌କିମେରେଦ୍, ଏନାକେ ଅଡ଼କ୍‌କେଦ୍‌ରେ ହୁଦ୍‌ମାଏଶ୍‌ୟାଏମେ, ଚିୟାଃତି ଆମାଃ ଗଟା ହଡ଼ମ ନାରାକ୍‌ରେ ହୁଦ୍‌ମାଅଃଏତେ ମିଆଁଦ୍ ହାଟିକ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ । ୩୦ \*ଆଡ଼ ଆମାଃ ଜମ୍‌ତିସାଃରାଃ ତିଃଇ ପାପ୍‌କିମେରେଦ୍, ଏନାକେ ଛପାଏଶ୍‌ୟାଏମେ, ଚିୟାଃତି ଆମାଃ ଗଟା ହଡ଼ମ ନାରାକ୍‌ରେ ହୁଦ୍‌ମାଅଃଏତେ, ମିଦ୍ ହାଟିକ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

କଡ଼ାକୁଡ଼ିବାଗି ବିଷାଏରେ ଇନିତୁ

(ମାଥୁର ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ \*ନେଆଁହଗି କାଜିକାନା, ‘ଜେତାଏ ଆୟାଃ କୁଡ଼ିକେ ବାଗିରେଦ, ଇନିଃ ଏନ୍ କୁଡ଼ିକେ ବାଗିରେଆଃ ଅନଲ୍‌ତିଠା ଏମ୍ ଲାଗାତିକ୍‌ୟାଃ ।’ ୩୨ \*ମେନ୍‌ଦ ଆଇକ୍‌ ଆପେକେ କାଜିପେତାନାକ୍, ଜେତାଏ ଆୟାଃ କୁଡ଼ିତେକେ ଆପାକ୍‌ର କାମି ବାଗିକେଦ୍‌ରେ ଏଟାଃ କାମି ନାଗେନ୍ତେ ବାଗିରେଦ, ଇନିଃ ଆୟାଃ କୁଡ଼ିତେକେ ଆପାକ୍‌ର ରିକାକ୍‌ରେୟାଃ ଗୁହ୍‌ୟାରେ ଚିଟାଃଝା ଆଡ଼ ଜେତାଏ ବାଗିୟାକାନ୍ କୁଡ଼ିକେ ଆଣ୍‌ଦିନ୍‌ରେଦ, ଇନିଃ ଆପାକ୍‌ର କାମି ରିକାଃଏ ।

କିରିୟା ବିଷାଏରେ ଇନିତୁ

୩୩ “ଆପେ ଆଡ଼ଃଗିପେ ଆୟୁମ୍‌କାଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟାଃ, ମେନ୍‌ଦ ଆପେୟାଃ କିରିୟାକ ପ୍ରାଭୁଆଃ ଆୟାଃରେ ପୁରାଏପେ ।’ ୩୪ \*ମେନ୍‌ଦ ଆଇକ୍‌ ଆପେକେଇକ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିର୍ମା ଦିଶୁମ୍‌ରେୟାଃ ଆଲ୍‌ପେୟାଃ, ଚିୟାଃତି ଏନାଦ୍ ପାର୍‌ମେଶ୍‌ବରଆଃ ରାଜ୍‌ଗାଦି ତାନାଃ, ୩୫ ଚାଏ ଅତେରେୟାଃ ଆଲ୍‌ପେୟାଃ, ଚିୟାଃତି ଏନାଦ୍ ଇନିୟାଃ କାଟାରେୟାଃ ଗାଣ୍ଡୁ ତାନାଃ, ଆଡ଼ ଯୀରୁଶାଲେମ୍‌ରେଆଃ ଆଲ୍‌ପେୟାଃ, ଚିୟାଃତି ଏନାଦ୍ ମାରାକ୍ ରାଜାକ୍‌ଆଃ ନାଗାର୍ ତାନାଃ । ୩୬ ଆଡ଼ ଆପେୟାଃ ବହଃରେୟାଃ କିରିୟା ଆଲ୍‌ପେୟାଃ, ଚିୟାଃତି ଏନାରାଃ ମିଆଁଦ୍ ଉଦ୍‌କେ ପୁଣ୍ଡି ଚାଏ ହେନ୍‌ଦେ ରିକାନାକ୍ ଆପେ କାପେ ଦାଡ଼ିୟା । ୩୭ ଏନାତେ ଆପେୟାଃ କାଜି ‘ହଁ ରେଦ୍ ହଁ’ ଚାଏ

\* ୫:୨୯ ୫:୨୯ ମାଥୁର ୧୮:୯; ମାର୍କ ୯:୪୭. \* ୫:୩୦ ୫:୩୦ ମାଥୁର ୧୮:୮; ମାର୍କ ୯:୪୩. \* ୫:୩୧ ୫:୩୧ ମାଥୁର ୧୯:୭; ମାର୍କ ୧୦:୪. \* ୫:୩୨ ୫:୩୨ ମାଥୁର ୧୯:୯; ମାର୍କ ୧୦:୧୧,୧୨; ଲୁକ ୧୬:୧୮; ୧ କରିଲ୍ଲିୟ ୭:୧୦,୧୧. \* ୫:୩୪ ୫:୩୪ ଯାକ୍‌ବ ୫:୧୨; ମାଥୁର ୨୩:୨୨.

‘କା ରେଦ କା’ ମେନ୍ତେ କାଜିପେ, ନେଆଁଏତେ ଆଦକା କାଜିତେୟାଃ ଏଡକାନ୍ଏତେ ହିଜୁଃଆ ।

ବାଦଲା ଇଦି ବିଷାଏରେ ଇନିତୁ  
(ଲୁକ ୭:୨୯-୩୦)

୩୮ “ଆପେ ମେଦରେଆଃ ବାଦଲା ମେଦ୍, ଆତଃ ତାଟାରେୟାଃ ବାଦଲା ତାଟା ମେନ୍ତେପେ ଆୟୁମାକାଦାଃ ।” ୩୯ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟାଃ ଏଡକାନ୍ ରିକାଏରେଦ, ଇନିୟାଃ ବାଦଲା ଆଲ୍ପେ ଇଦିୟା, ମେନ୍ଦ୍ ଜେତାଏ ଆପେୟାଃ ଜମସାଃରାଃ ଜଞାରେ ଚାଟକାନ୍ପେରେଦ, ଇନିଃକେ ଏଟାଃ ଜଞାହଗି ବିୟୁରାଇପେ । ୪୦ ଆତଃ ଜେତାଏ ଆପେଲଃ ବିଚାର୍ ଠାୟାଦ୍ରେ ଏପ୍ପରାଙ୍ଗ୍କେଦ୍ରେ ଆପେୟାଃ ତୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍ରେଦ, ଇନିଃକେ ଚାଦାର୍ ଲିଜାଃ ହଗି ଏମାଇପେ । ୪୧ ଜେତାଏ ପାଲ୍ଟାନ୍ ଆୟାଃ ବୋଝା ଗଅଃକେଦ୍ରେ ଆପେକେ ମିଦ୍ କିଲୋମିଟର୍ ହରା ସେନ୍ ରିକାପେରେଦ, ଇନିଃଲଃ ବାର୍ କିଲୋମିଟର୍ ସେନଃପେ । ୪୨ ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆତଃ ଜେତାଏ ଆପେତାଃଏତେ ରିଶୀ ଇଦି ସାନାଙ୍ଗ୍ରେଦ ଇନିଃକେ ଏମାଇପେ ।

ବାଇରିକକେ ଦୁଲାଡକପେ  
(ଲୁକ ୭:୨୭-୨୮, ୩୨-୩୬)

୩୩ “ଆପେୟାଃ ଗାତିକକେ ଦୁଲାଡକପେ ଆତଃ ବାଇରିକକେ ହିଲାଙ୍ଗ୍କପେ ମେନ୍ତେ ଆପେ ଆୟୁମାକାଦାଃ ।” ୪୪ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଆପେ ଆପେୟାଃ ବାଇରିକକେ ଦୁଲାଡକପେ ଆତଃ ଆପେକେ ସିଗିଦ୍ପେତାନ୍କଆଃ ନାଗେନ୍ତେ ବିନ୍ତିପେ । ୪୫ ଏନାତେ ଆପେ ଆପେୟାଃ ସିର୍ମା ଦିଶୁମ୍ରେନ୍ ଆପୁଆଃ ହନ୍କପେ ବାଇୟାଃଆ, ଇନିଃ ଏଡକାନ୍ ଆତଃ ବୁଗିନ୍ ହଡକ ନାଗେନ୍ତେ ସିଙ୍ଗି ତୁରାଃଏ, ଧାର୍ମାନ୍ ହଡ ଆତଃ ଏଡକାନ୍ ହଡକ ନାଗେନ୍ତେ ଦାଆଃ ଗାମାଃଏ । ୪୬ ଆପେକେ ଅକନ୍କ ଦୁଲାଡକପେତାନାକ ଇନ୍କୁକେ ଏସ୍କାର୍ ଦୁଲାଡକରେକରେଦ ଆପେୟାଃ ଚିକାନ୍ ନାଲା ନାମାଃଆ ? ଚିୟାଃ ମାଲ୍ହାରମ୍କହ୍ ନେ’ଲେକା କାକ ରିକାଃଟି ? ୪୭ ଆତଃ ଆପେ ଆପେୟାଃ ହାଗାକକେ ଏସ୍କାର୍ପେ ଜହାର୍ କରେଦ, ଆଦକା ଚିନାଃପେ ଚିକାକାଦା ? ଚିୟାଃ ସାଆଁସାର୍କହ୍ ଏନ୍ଲେକା କାକ କାମିୟାଃ ? ୪୮ ଏନାମେନ୍ତେ ଆପେୟାଃ ସିର୍ମାରେନ୍ ଆପୁ ଲେକା ଆପେୟା ପାବିତାର୍ ତାୟାଃପେ ।



ଏମାଃରେୟାଃ ଇନିତୁ

୧୫ “ହଡକ ନେଲେକା ମେନ୍ତେ ଆପେୟାଃ ଧାର୍ମାନ୍ କାମି ଇନ୍କୁଆଃ ଆୟାର୍ରେ ଆଲ୍ପେ ରିକାୟା, ଏନାମେନ୍ତେ ଆପେ ଚିର୍ଗାଲାକାନ୍ ତାଇନ୍ପେ, କା’ରେଦ ଆପେୟାଃ ସିର୍ମା ଦିଶୁମ୍ରେନ୍ ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୧୬ “ଏନା ନାଗେନ୍ତେ ଆପେ ରେଙ୍ଗେଃକକେ ଜେଡନାଃ ଏମ୍ ଇମ୍ତା ବେଦାହଡକଆଃ ଲେକା ବିଙ୍ଗୁଲ୍ ବାଜା ଆଲ୍ପେ ସାଡିଆ, ଇନ୍କୁ ହଡକତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ ଆତଃ ହରାକରେ ଏନ୍ଲେକା ରିକାଃକ । ଆଇଙ୍ଗ୍ ଆପେକେ ସାର୍ଡିଗି କାଜିପେତାନାଇଙ୍ଗ୍, ଇନ୍କୁ ଆକଆଃ ନାଲା ନାମ୍ ଚାବାକାଦାକ । ୩୧ ମେନ୍ଦ୍ ଆପେ ଦାନ୍ ଏମ୍ ଇମ୍ତା ଆପେୟାଃ ଜମଡିଃଇ କାମିତାନ୍ତେୟାଃ ଲେଙ୍ଗାଡିଃଇ ଆଲକାଏ ସାରିକା, ୪ ନେ ଲେକାଗି ଆପେୟାଃ

☆ ୭:୧ ୭:୧ ମାଥିଉ ୨୩:୫.

ଏମାତ୍ତେୟାଃ ଦାନାଞ୍ଚି ତାଇନାଃ, ଆତଃ ଆପେୟାଃ ଆପୁ ଦାନାଞ୍ଚରେ କାମିତେୟାଃ ନେଲାଃଏ, ଇନିଃ ଆପେକେ ନାଲାଏ ଏମାପେୟା ।

ବିକ୍ତିରେଆଃ ଇନିତୁ  
(ଲୁକ ୧୧:୨-୪)

୫ ☆“ଆପେ ବିକ୍ତି ଇମତା ବେଦାହତକ ଲେକା ଆଲପେ ରିକାନାଃ, ଚିୟାଃଚି ଇନକୁ ହତକଆଃ ନେପେଲ୍ରେ ସାମାଜ୍ ଅଡ଼ାଃକରେ ଆତଃ ହରା କଟାକରେ ତିଞ୍ଚୁକେଦ୍ତେ ବିକ୍ତି ନାଗେନ୍ତେ ସୁକୁଆଃକ, ଆଇଞ୍ଚ୍ ଆପେକେ ସାର୍ତିଗି କାଜିପେତାନାଇଞ୍ଚ୍, ଇନକୁ ଆକଆଃ ନାଲା ନାମ୍ ଚାବାକାଦାକ । ୬ ମେନ୍ଦ୍ ଆପେ ବିକ୍ତି ଇମତା ଆପେୟାଃ ଭିତାର୍ ବାଖିରାରେ ବଲପେ ଆତଃ ଦୁଆର୍ ହାଣ୍ଡେଦ୍କେଦ୍ତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିକ୍ତିପେ ଏନ୍ତେ ଦାନାଞ୍ଚରେ ନେଲ୍ତାନ୍ ଆପୁ ନାଲାଏ ଏମାପେୟା ।

୭ “ବିକ୍ତି ଇମତା ସାଅଁସାର୍କ ଲେକା ଏନାଏନାକେଗି ଆଲପେ କାଜିୟା, ଚିୟାଃଚି ଇନକୁ ପୁରାଃ କାଜି କାଜିଲେରେ ଆକଆଃ ବିକ୍ତି ଆୟୁମାଆ ମେନ୍ତେକ ଉଡ଼ୁୟା । ୮ ଏନା ନାଗେନ୍ତେ ଆପେ ଇନକୁ ଲେକା ଆଲପେୟାଃ, ଚିୟାଃଚି ଆପେୟାଃ ସିର୍ମାରେନ୍ ଆପୁଦ୍ ଆପେ ଆସି ସିଦାରେ ଆପେୟାଃ ଲାଗାତିଞ୍ଚ୍ତେୟାଃ ସାରିୟାଏ । ୯ ଏନାତେ ଆପେ ନେ ଲେକା ବିକ୍ତିପେ,

“ ହେ ଆଲେୟାଃ ସିର୍ମାରେନ୍ ଆବା;  
ଆମାଃ ନୁତୁମ୍ ପାବିତାରଃକା;  
୧୦ ଆମାଃ ରାଇଜ୍ ହିଜୁଃକା;  
ଆମାଃ ମନେ ସିର୍ମାରେ ଲେକା ଅତେଦିଶୁମ୍ରେୟ ପୁରାଅଃକା ।  
୧୧ ଆଲେୟାଃ ତିସିଞ୍ଚ୍ରେୟାଃ ଜମେୟାଃ ଏମାଲେମେ ।\*  
୧୨ ଆଲେ ଆଲେୟାଃ ଏଡ଼କାନୁକକେ ଛାମାକେଦ୍କ ଲେକା,  
ଆଲେୟାଃ ପାପକ ଛାମାଏମେ ।  
୧୩ ଆତଃ ବିଡ଼ାଅରେ ଆଲମ୍ ଆଉଲେୟା,  
ମେନ୍ଦ୍ ଏଡ଼କାନିଃଏତେ ବାଞ୍ଚାଅଲେମ୍ ।  
ଚିୟାଃଚି ରାଇଜ୍, ପେଡ଼େଃ ଆତଃ ମାନାରାଞ୍ଚ୍ ଜାଉ ଜରଞ୍ଚ୍ ଆମାଃଗି ହବାଅଃକା, ଆମେନ୍ ।†

୧୪ ☆“ଆପେ ହତକଆଃ ଗୁଞ୍ଚାକପେ ଛାମାଏରେଦ୍, ଆପେୟାଃ ସିର୍ମାରେନ୍ ଆପୁ ଆପେକେୟଗି ଛାମାପେୟା । ୧୫ ମେନ୍ଦ୍ ଆପେ ହତକଆଃ ଗୁଞ୍ଚାକେ କାପେ ଛାମାଏରେଦ୍, ଆପେୟାଃ ସିର୍ମାରେନ୍ ଆପୁହ୍ ଆପେକେ କାଏ ଛାମାପେୟା ।

କାଟାବ୍ ବିଷାଏରେ ଇନିତୁ

୧୬ “ଆପେ କାଟାବ୍ ଇମତା ବେଦାହତକ ଲେକା ଆଲପେ ଗସ ମେଦ୍ମୁହ୍ଡ଼େନା, ଚିୟାଃଚି ଇନକୁଦ୍ କାଟାବ୍ତାନାଲେ ମେନ୍ତେ ହତକଆଃ ଆୟାରରେ ନେଲଃକାଲେ ମେନ୍ତେ ଆକ ଗସ ମେଦ୍ମୁହ୍ଡ଼େଗିକ ତାଇନାଃ । ଆଇଞ୍ଚ୍ ଆପେକେ ସାର୍ତିଗି କାଜିପେତାନା, ଇନକୁ ଆକଆଃ ନାଲା ନାମ୍ ଚାବାକାଦାକ । ୧୭ ମେନ୍ଦ୍ ଆପେ କାଟାବ୍ ଇମତା ଆପେୟାଃ ମେଦ୍ମୁହ୍ଡ଼େ ଆବୁଞ୍ଚ୍ରେୟନ୍ପେ ଆତଃ ବହଃରେ ସୁନୁମ୍ ଗସଗେନ୍ପେ । ୧୮ ନେ ଲେକାତେ ଆପେ ହତକଆଃ ଆୟାରରେ କାଟାବ୍ତାନାକ ମେନ୍ତେଦ୍ କା ମେନ୍ଦ୍ କା ନେଲଃତାନ୍ ଆପୁତାଃରେ କାଟାବ୍ତାନାକ ମେନ୍ତେପେ ଉଦୁବଃଆ, ଆତଃ ଦାନାଞ୍ଚରେ ନେଲ୍ତାନ୍ ଆପେୟାଃ ଆପୁ ନାଲାଏ ଏମାପେୟା ।

☆ ୭:୫ ୭:୫ ଲୁକ ୧୮:୧୦-୧୪. \* ୭:୧୧ ୭:୧୧ ଆଲେୟାଃ ଲାଗାତିଞ୍ଚ୍ତେୟାଃ ତିସିଞ୍ଚ୍ ଆତଃ ଗାପା ନାଗେନ୍ତେ † ୭:୧୩ ୭:୧୩ ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ ☆ ୭:୧୪ ୭:୧୪ ମାର୍ଚ୍ଚ ୧୧:୨୫,୨୬.

ସିର୍ମାରେ ଖୁଜି  
(ଲୁକ ୧୨:୩୩-୩୪)

୧୯ “ନେ ଅତେରେ ଆପେୟାଃ ନାଗେନ୍ତେ ଖୁଜି ଆଲ୍‌ପେ ହୁଣ୍ଡିଆଃ, ନେତାଃରେ ନିଦିରକ ଆତଃ ମୁର୍ଗାଜମକେଦତେ ଜିୟନଃଆ ଆତଃ କୁମ୍‌ତୁକୁ ସିହି ତଡ଼ାଅକେଦତେ କୁମ୍‌ତୁଆଃକ । ୨୦ ମେନ୍‌ଦ ଆପେ ନାଗେନ୍ତେ ସିର୍ମାରେ ଖୁଜି ହୁଣ୍ଡିପେ, ଏନ୍ତାଃରେ ତିଜୁ ଆତଃ ନିଦିର କାକ ଜିୟନେଆ ଆତଃ କୁମ୍‌ତୁକୁ ସିହି ତଡ଼ାଅକେଦତେ କାକ କୁମ୍‌ତୁଆଃ । ୨୧ ଚିୟାଃଚି ଆପେୟାଃ ଖୁଜି ତାଇନଃତାଃରେଗି ଆପେୟାଃ ମନ୍ ତାଇନାଃ ।

ହଡ଼ମରେୟାଃ ମାର୍ସାଲ୍  
(ଲୁକ ୧୧:୩୪-୩୬)

୨୨ “ମେନ୍‌ଦ ହଡ଼ମରେୟାଃ ଦିମି ତାନାଃ, ଆପେୟାଃ ମେନ୍‌ ନିରାଲ୍ ମେନାଃରେଦ ଗଟା ହଡ଼ମତାପେୟାଃ ମାର୍ସାଲ୍‌ଆ । ୨୩ ମେନ୍‌ଦ ଆପେୟାଃ ମେନ୍‌ ଏଡ଼କାନ ମେନାଃରେଦ, ଆପେୟାଃ ଗଟା ହଡ଼ମ ନୁବାଗଃଆ । ଏନା ନାଗେନ୍ତେ ଆପେରେ ତାଇନଃତାନ୍ ମାର୍ସାଲ୍ ନୁବାଗଃରେଦ, ଚିମିନ୍ ମାରାଙ୍ଗ୍ ବରଝାନ୍ ନୁବାଃ ହବାଅଆ ।

ପାରମେଶ୍ୱାର୍ ଆତଃ ଖୁଜି  
(ଲୁକ ୧୬:୧୩; ୧୨:୨୨-୩୧)

୨୪ “ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟଃଆ । ଚିୟାଃଚି ଜନିଃ ମିହୁଡ଼କେ ହିଲ୍‌ଙ୍ଗ୍‌ଇୟାଏ ଆତଃ ଏଗାଃ ମିହୁଡ଼କେ ଦୁଲ୍‌ଡ଼ିୟାଏ, ଚାଏ ମିଆଁଦ୍‌ନିଃଲ୍‌ଃ ମେସାନାଏ ଆତଃ ଏଗାଃନିଃଲ୍‌ଃ କାଏ ମେସାନା । ଆପେ ପାରମେଶ୍ୱାର୍ ଆତଃ ଖୁଜି ବାରାନାଃରେ କାପେ ଦାସିଦାଡ଼ିନା ।”

୨୫ “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜୀନିଦ୍ ତାଇନଃ ନାଗେନ୍ତେ ଚିକ୍‌ନାଃରୁ ଜମାଃ ଆତଃ ଚିକ୍‌ନାଃରୁ ନୁଁଏୟା, ଚାଏ ହଡ଼ମରେ ଚିକ୍‌ନାଃରୁ ତୁସିଙ୍ଗ୍‌ୟେନା ମେନ୍ତେ ଆପେୟାଃ ଜୀଉରେ ଆଲ୍‌ପେ ଉଡ଼ଝୁୟା । ଜମେୟାଃଏତେ ଜୀଉ ଆତଃ ଲିଜାଃଏତେ ହଡ଼ମ କାଚି ମାରାଙ୍ଗ୍‌ଆ ? ୨୬ ଚେଣ୍ଟେକକେ ନେଲ୍‌କପେ, ଜନକୁ କାକ ହେରେୟା ଚାଏ କାକ ଇରେୟା, ଆତଃ ଜନକୁଆଃ ଭାଣ୍ଡାର୍ ଅଡ଼ାଃରେ କାକ ହୁଣ୍ଡିଆଃ, ହଲେହିଁ ଆପେୟାଃ ସିର୍ମାରେନ୍ ଆପୁ ଜନକୁକେ ଆସୁଲ୍‌କତାନାଏ । ଆପେ ଚିନାଃ ଜନକୁତାଃଏତେ କାପେ ମାରାଙ୍ଗ୍‌ଆ ? ୨୭ ଆପେକଏତେ ଅକଏ ଉଡ଼ଝକେଦତେ ଆୟାଃ ଜୀଉକେ ମିଦ୍ ପାଡ଼ି ପସାଦାଡ଼ିୟାଏ ?

୨୮ “ଆତଃ ଆପେ ଲିଜାଃ ନାଗେନ୍ତେ ଚିନାଃ ମେନ୍ତେପେ ଉଡ଼ଝୁତାନା ? ଅତେରେୟାଃ ବାହାକକେ ନେଲେପେ, ଏନାକ ଚିଲ୍‌କା ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା, ୨୯ ହଲେହିଁ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନ୍‌ହିଁ ଆୟାଃ ସବେନ୍ ସୁଗାଡ଼ାନ୍‌ତେୟାଃଏତେ ଏନ୍ ବାହାକ ଲେକା କାଏ ସିଙ୍ଗାମାନାନ୍ ତାଇକେନା । ୩୦ ତିସିଙ୍ଗ୍ ମେନାଃ ଆତଃ ଗାପା ତୁଲ୍‌ରେ ହାଁଶବଃତାନ୍ ଅତେରାଃ ତାସାଦକେ ପାରମେଶ୍ୱାର୍ ନେ ଲେକାଏ ସିଙ୍ଗାର୍‌ରେ ରେଦ, ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌କ, ଚିୟାଃ ଜନିଃ ନେଆଁଏତେ ଆଦ୍‌କା ଆପେକେ କାଏ ତୁସିଙ୍ଗ୍‌ପେୟା ?

୩୧ “ଏନା ନାଗେନ୍ତେ ‘ଚିକ୍‌ନାଃରୁ ଜମେୟା ? ଚାଏ ଚିକ୍‌ନାଃରୁ ନୁଁଏୟା ? ଚାଏ ଚିକ୍‌ନାଃରୁ ତୁସିଙ୍ଗ୍‌ୟେନା ?’ ମେନ୍ତେ ଆଲ୍‌ପେ ଉଡ଼ଝୁଗୟା । ୩୨ ଚିୟାଃଚି ସାଅଁସାର୍ ହଡ଼କ ନେ ସବେନାଃ ଦାଣ୍ଟାବାଡ଼ାଃକ, ଆତଃ ନେ ସବେନାଃ ଆପେୟାଃ

☆ ୭:୧୯ ୭:୧୯ ଯାକୁବ ୫:୨,୩.



ଲୀଗାଡ଼ିଙ୍ଗିୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ । ୩୩ ମେନ୍ଦ ଆପେ ସିଦାତେ ପାର୍ମେଶ୍ୱାର୍ ଆଃ ରାଇଜ୍ ଆତଃ ଇନିୟାଃ ଧାର୍ମାନ୍ କାଜି ଦାଣିଏପେ, ଆତଃ ନେ ସବେନାଃହ ଆପେକେ ଏମଃଆ । ୩୪ ଏନା ନାଗେନ୍ତେ ଗାପାନାଙ୍ଗ୍ ଆଲ୍ପେ ଉଡ଼୍ଟୁୟା, ଚିୟାଃଚି ଗାପାଦ ଆୟାଃ ନାଙ୍ଗ୍ ଆଇଃକ୍ଚି ଉଡ଼୍ଟୁୟା । ମୁସିଙ୍ଗ୍ରେୟାଃ ଦୁକୁ ମୁସିଙ୍ଗ୍ ନାଗେନ୍ତେ ଥ୍ମାଗିଆ ।



ଏଟାଃକକେ ବିଚାର୍ଏମଃ  
(ଲୁକ ୭:୩୭-୩୮, ୪୧-୪୨)

୧ “ଏଟାଃକକେ ଆଲ୍ପେ ବିଚାର୍କଆ, ଏନାରେ ପାର୍ମେଶ୍ୱାର୍ ଆପେକେ କାଏ ବିଚାର୍ପେୟା । ୨ ଚିୟାଃଚି ଆପେ ଏଟାଃକକେ ବିଚାର୍କ ଲେକାଗି ପାର୍ମେଶ୍ୱାର୍ ଆପେକେ ବିଚାର୍ପେୟାଏ, ଆତଃ ଆପେ ସଙ୍ଗେ ତାଗ୍ନିରେଗି ଆପେ ନାଗେନ୍ତେ ସୋଙ୍ଗଃଆ । ୩ ଆମ୍ ଆମାଃ ମେଦ୍ରେଆଃ ରୁବାଃ କା ନେଲ୍କେଦ୍ତେ ହାଗାମାଃ ମେଦ୍ରେଆଃ ହୁଡ଼ିଙ୍ଗ୍ ରୁବାଃ ଚିକା ନାଗେନ୍ତେମ୍ ନେଲେତାନା ? ୪ ଆମାଃ ମେଦ୍ରେ ରୁବାଃ ତାଇନ୍କେଦ୍ତେ, ‘ହାଗାମାଃ ମେଦ୍ରେଆଃ ରୁବାଃକେ ଅତଙ୍ଗ୍ତାମାଙ୍ଗ୍’ ମେନ୍ତେ ଚିଲ୍କାତେ କାଜି ଦାଡ଼ିୟାମ୍ ? ୫ ଏ ବେଦାହଡ୍, ସିଦାତେ ଆମାଃ ମେଦ୍ରେଆଃ ରୁବାଃ ଅତଙ୍ଗ୍ରେମ୍, ଏନ୍ତେ ହାଗାମାଃ ମେଦ୍ରେଆଃ ରୁବାଃ ଅତଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍ଦାଡ଼ିୟା ।

୬ “ପାବିତାର୍ତେୟାଃ ସେତାକକେ ଆଲ୍ପେ ଏମାକଆ ଚାଏ ଆପେୟାଃ ମୋଡି ସୁକୁରିକଆଃ ଆୟାର୍ରେ ଆଲ୍ପେ ଏଣ୍ଡାଃଏୟା, କା'ରେଦ ଇନ୍ଦକୁ ଏନାକକେ ଆକଆଃ କାଟାତେକ ଡିକାଏୟା ଆତଃ ରୁହାଡ଼କେଦ୍ତେ ଆପେକେ ଅଡ଼େପେୟାକ ।

ଆସି, ଦାଣି ଆତଃ ଦୁଆର୍ରେ ୦କ୍ ୦କାଏପେ  
(ଲୁକ ୧୧:୯-୧୩)

୭ “ଆସିପେ ଏନାରେଦ ଆପେକେ ଏମଃଆ, ଦାଣିଏପେ ଏନ୍ରେଦପେ ନାମେୟା, ଦୁଆର୍ ୦କ୍ ୦କାଏପେ ଏନ୍ରେଦ ଆପେ ନାଗେନ୍ତେ ନିଜଆଃ । ୮ ଚିୟାଃଚି ଜେତାଏ ଆସିତାନ୍ନିଃଦ୍ ତେଲାଇମାଃ, ଆତଃ ଦାଣିଏନିଃଦ୍ ନାମେୟାଏ, ଆତଃ ୦କ୍ ୦କାଏନିଃ ନାଗେନ୍ତେ ନିଜଆଃ । ୯ ଆପେକଏତେ ଅକନ୍ ହଡ୍ ନେ'ଲେକା ମେନାଇୟା, ଆୟାଃ ହନ୍ ହଲ୍ଲଙ୍ଗ୍ ଆସିରେଦ, ଚିନାଃ ଇନିଃକେ ଦିରି ଏମାଲ୍ୟାଏ, ୧୦ ଚାଏ ହାକୁ ଆସିରେଦ ଚିୟାଃ ଇନିଃକେ ବିଙ୍ଗ୍ ଏମାଲ୍ୟାଏ ? ୧୧ ଏନ୍ତେ ଆପେ ଏଡ଼କାନ୍ଦ୍ ତାଇନ୍ରେୟ, ଆପେୟାଃ ହନ୍କକେ ବୁଗିନାଃ ଏମଃପେ ସାରିୟା, ତାବ୍ଦ ଆପେୟାଃ ସିର୍ମାରେନ୍ ଆପୁ, ଅକନ୍କଚି ଆଇଃକ୍କେ ଆସି ତାନାକ, ଇନ୍ଦକୁକେ ଏନାଏତେ ଆଦ୍କା ବୁଗିନ୍ତେୟାଃ କାଏଚି ଏମାକଆ !

୧୨ “ଏନାମେନ୍ତେ ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ ସାନାଙ୍ଗ୍ତାନ୍ ଲେକା ଆପେୟାଗି ଇନ୍ଦକୁ ନାଗେନ୍ତେ ଏନ୍ଲେକା ରିକାଏପେ, ଚିୟାଃଚି ନେଆଁଗି ମୁଣାରାଃ ଆନ୍ରୁ ଆତଃ ନାବୀକଆଃ ଇନିତୁରାଃ ମୁଣ୍ଡିତାନାଃ ।

ରେସେଦ୍ ଦୁଆର୍  
(ଲୁକ ୧୩:୨୪)

୧୩ “ରେସେଦ୍ ଦୁଆର୍ତେ ବଲପେ, ଚିୟାଃଚି ଜିୟନଃତେ ଇଦି ନାରାକ୍ ଦୁଆର୍ଦ୍ ଚାକାର୍ଗିୟା ଆତଃ ଏନ୍ ହରାତେ ସେନ୍ ନାଙ୍ଗ୍ ପୁରାଃଗି ସାହାଜ୍ଗିଆ, ଏନାରେ ବଲନାଙ୍ଗ୍ ପୁରାଃ ହଡ଼କ ମେନାକଆ । ୧୪ ମେନ୍ଦ୍ କା ରୁଣ୍ଡୁ ଜୁନାଦାନ୍ତେ ସେଚେର୍

୭:୨ ୭:୨ ମାର୍କ ୪:୨୪.    ୭:୧୨ ୭:୧୨ ଲୁକ ୭:୩୧.

ଦୁଆର ରେସେଦ୍‌ଗିଆ ଆତଃ ଏନ୍ ହରାତେ ସେନ୍ ନାଙ୍ଘ ପୁରାଃଗି କେଟେଦ୍‌ଗିୟା, ଏନାକେ ନାମେ ହଡକ ହୁଡିଙ୍ଗି ମେନାକଆ ।

ଦାରୁ ଆତଃ ଏନାରେୟାଃ ଜ  
(ଲୁକ ୭:୪୩-୪୪)

୧୫ “ହସଡ ନାବୀକତାଃଏତେ ଚିର୍ଗାଲାକାନ୍‌ପେ, ଇନ୍‌କୁ ବାହାରି ନେପେଲ୍‌ରେ ମିଣ୍ଡିକ ଲେକା ଆପେୟାଃ ହେପାଦତେକ ହିଜୁଃଆ, ମେନ୍‌ଦ ଇନ୍‌କୁ ଭିତାର ନେପେଲ୍‌ରେ ହୁଣ୍ଡାକ ଲେକାନକ ତାନକ । ୧୬ ଆପେ ଇନ୍‌କୁଆଃ କାମିତେ ଇନ୍‌କୁକେପେ ନେଲ୍‌ଉରୁମକଆ । ଚିୟାଃ ହଡକ ଜାନୁମ ଦାରୁଏତେ ଦାଖ ଜ ଚାଏ ଦଧାଡି ଦାରୁଏତେ ଲଆ ଜ ଗଦେୟାକ ? ୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃତାନା ମେନ୍‌ଦ ଏଡକାନ ଦାରୁ ଏଡକାନ ଜ ଜଅଃଆ । ୧୮ ବୁଗିନ୍ ଦାରୁଏତେ ଏଡକାନ ଜ କା ଜ ଦାଡିୟଃଆ, ଚାଏ ଏଡକାନ ଦାରୁଏତେ ବୁଗିନ୍ ଜ କା ଜଅଃଆ । ୧୯ ଏଜେତା ଦାରୁଏତେ ବୁଗିନ୍ ଜ କା ଜ'ରେଦ, ଏନା ମାଗଃଆ ଆତଃ ସେଜେଲ୍‌ରେ ଏଣ୍ଡାଗଃଆ । ୨୦ ଏନାମେନ୍ତେ ଆପେ ହସଡ ନାବୀକଆଃ କାମିତେ ଇନ୍‌କୁକେପେ ନେଲ୍‌ଉରୁମକଆ ।

ଆଇଙ୍ଘ ଆପେକେ କାଇଙ୍ଘ ସାରିୟା  
(ଲୁକ ୧୩:୨୫-୨୭)

୨୧ “ଆଇଙ୍ଘକେ ‘ହେ ପ୍ରାଭୁ, ହେ ପ୍ରାଭୁ’ ମେତାଇଙ୍ଘତାନ୍ ଏନ୍ ହଡକଏତେ ସବେନ୍ ହଡକ ସିମା ରାଇଜରେ କାକ ବଲଆ, ମେନ୍‌ଦ ଜେତାଏ ଆଇଁୟାଃ ସିମାରେନ୍ ଆପୁଆଃ ମନେଲେକା ସେସେନ୍‌ନିଃ ବଲଆଏ । ୨୨ ପାର୍‌ମେଶ୍ୱାର୍‌ଆଃ ସାଜାଇ ହୁଲାଙ୍ଘ ହିଜୁଃରେ, ପୁରାଃ ହଡକ ଆଇଙ୍ଘକେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁଡୁମତେ ପାର୍‌ମେଶ୍ୱାର୍‌ଆଃ କାନାଜି କାଲେଚି କାଜି ? ଆମାଃ ନୁଡୁମତେ ବଙ୍ଗାକକେ କାଲେଚି ହାରଅଡଙ୍ଘ ? ଆତଃ ଆକ୍‌ଦାଦାଅ କାମି କାଲେଚି କାମି ?’ ୨୩ ଏନ୍ତେ ଆଇଙ୍ଘ ଇନ୍‌କୁକେ ମେତାଇଆଇଙ୍ଘ, ‘ଆଇଙ୍ଘ ଆପେକେ କାଇଙ୍ଘ ସାରିୟାଃ, ଏ ଏଡକାନକ, ଆଇଙ୍ଘତାଃଏତେ ଆତମେନ୍‌ପେ ।’

ବାର୍‌ହଡ୍ ଅଡ଼ାଃ ବାବାଇକିନ୍  
(ଲୁକ ୭:୪୭-୪୯)

୨୪ “ଏନା ନାଗେନ୍ତେ ଜେତାଏ ଆଇଁୟାଃ ନେ ସବେନ୍ କାଜି ଆୟୁମକେଦତେ ମାନାତିଙ୍ଘନିଃ, ଚାଟେନ୍ ଦିରିରେ ଆୟାଃ ଅଡ଼ାଃ ବାଇକେଦ୍ ସେଣ୍‌ନ୍ ହଡ ଲେକାଃଏ । ୨୫ ଦାଆଃ ଗାମାକେଦାଏ, ଚୁଡାୟାନା, ଆନ୍ଦିହୟ ହୟକେଦାଏ ଆତଃ ଅଡ଼ାଃରେ ଟଅଃୟାନା, ମେନ୍‌ଦ ଏନା କା ହାଦୁଡ୍‌ୟାନା, ଚିୟାଃଚି ଏନାଦ ଚାଟେନ୍ ଦିରି ତେତାନ୍‌ରେ ବାଇୟାକାନ୍ ତାଇକେନା ।

୨୬ “ମେନ୍‌ଦ ଜେତାଏ ଆଇଁୟାଃ ନେ ସବେନ୍ କାଜି ଆୟୁମକେଦତେ କା ମାନାତିଙ୍ଘନିଃ, ଗିଡିଲ୍‌ରେ ଆୟାଃ ଅଡ଼ାଃ ବାଇକେଦ୍ ତଣ୍ଡ ହଡ ଲେକାଃଏ । ୨୭ ଦାଆଃ ଗାମାକେଦାଏ, ଚୁଡାୟାନା, ଆନ୍ଦିହୟ ହୟକେଦାଏ ଆତଃ ଅଡ଼ାଃରେ ଟଅଃୟାନା, ଏନ୍ତେ ଏନା ହାଦୁଡ୍‌ୟାନା, ଆତଃ ଏନାରାଃ ଜିୟନଃ ପୁରାଃ ବରଝାନ୍‌ଗି ହବାୟାନା ।”

ୟୀଶୁଆଃ ଆକ୍‌ତେୟାର୍

୨୮ \*ୟୀଶୁ ନେ କାଜିକ କାଜିଚୁଣ୍ଡୁକଦ୍‌ତି, ଗାଦେଲ୍ ହଡକ ଇନ୍‌ୟାଃ ଇନ୍‌ତୁରେ ଆକ୍‌ଦାଦାଅୟାନାକ, ୨୯ ଚିୟାଃଚି ଇନ୍‌ସଦ ଇନ୍‌କୁଆଃ ଆଇନ୍ ଇତୁକ ଲେକାଦ କାହା, ମେନ୍‌ଦ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଇତୁକ ତାଇକେନା ।

☆ ୭:୧୯ ୭:୧୯ ମାଧୁର ୩:୧୦; ଲୁକ ୩:୯. ☆ ୭:୨୦ ୭:୨୦ ମାଧୁର ୧୨:୩୩. ☆ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨.



ୟାଶୁ ମିଆଁଦ୍ ନାଗେଘାଅନିଃକେ ବୁଗି ତାନା

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ୟାଶୁ ବୁରୁଏତେ ଆଡ଼ଗୁୟାନ୍ତି, ଗାଦେଲ୍ ହଡ଼କ ଇନିଃକେକ ଅତଙ୍ଗକିୟା । ୨ ଏନ୍ତେ ମିଆଁଦ୍ ନାଗେଘାଅନିଃ ଇନିଃତାଃ ହିଜୁଃକେଦତେ, ଇକ୍ତୁକ୍ତୁକେଦତେ ବିକ୍ତିତାନଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗରେଦ ଆଇଙ୍ଗକେ ବୁଗିନିୟାର ଦାଡ଼ିୟାମ୍ ।”

୩ ଏନ୍ତେ ୟାଶୁ ଆୟାଃ ତିଃଇ ଜିଲିଙ୍ଗକେଦତେ ଜୁଟିଦକିୟାଏ ଆତଃ କାଜିକିୟାଏ, “ଆଇଙ୍ଗ ସାନାଙ୍ଗତାନିଙ୍ଗ୍ ଆମ୍ ବୁଗିନିୟାରଃମେ ।” ଆତଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାରତିୟାନା । ୪ ଏନ୍ତେ ୟାଶୁ ଇନିଃକେ କାଜିକିୟାଏ, “ନେଲେମେ, ଜେତାଏକେ ନେ କାଜି ଆଲମ୍ ଉଦୁବକଆଃ, ମେନ୍ଦ, ଜୁ, ଯାଜାକ୍ତାଃରେ ଉଦୁବେନ୍ମେ ଆତଃ ଆମ୍ ବୁଗିୟାକାନାମ୍ ମେନ୍ତେ ଇନ୍କୁଆଃ ଗାଞ୍ଜା ନାଗେନ୍ତେ ମୁଣା ନାବୀ ଆରୁକାଦ୍ ଦାଣ୍ଠୋରାଃ ଦାନ୍ ରାକାବେମେ ।”

ୟାଶୁ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସିକେ ବୁଗି ତାନା

(ଲୁକ ୭:୧-୧୦; ଯୋହାନ୍ ୪:୪୩-୫୪)

୫ ୟାଶୁ କପରନାହୁମ୍ ସାହାରତେ ବଲୟାନ୍ ଇମ୍‌ତା ମିଦ୍‌ଶାଅ ସିପାଇକଆଃ ମିଆଁଦ୍ ରୋମି ଗମ୍‌କେ ଇନିଃତାଃରେ ହିଜୁଃୟାନା ଆତଃ ଦେଙ୍ଗାନାଙ୍ଗ୍ ବିକ୍ତିକିୟାଏ, ୬ “ହେ ଗମ୍‌କେ, ଦାସିତାଇଙ୍ଗ୍ ବାଡ଼କାନ୍ତେ ଅଡ଼ାଃରେ ବିରିଦ୍‌ବାଡ଼ା କାଏ ଦାଡ଼ିତାନ୍ ଆତଃ ବରଞ୍ଜାନ୍‌ଗି ଦୁକୁତାନାଏ ।”

୭ ୟାଶୁ ଇନିଃକେ କାଜିକିୟା, “ଆଇଙ୍ଗ୍ ସେନ୍‌କେଦତେ ଇନିଃକେ ବୁଗିଆଇଙ୍ଗ୍ ।”

୮ ମେନ୍ଦ୍ ମିଦ୍‌ଶାଅ ସିପାଇକଆଃ ଗମ୍‌କେ କାଜିରୁହାଡ଼କିୟା, “ହେ ଗମ୍‌କେ, ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ୍ ନାହାଁଲିଙ୍ଗ୍, ମେନ୍ଦ୍ ମିସାଗି କାଜିତାମ୍ ଏନ୍‌ରେଦ୍ ଦାସି ତାଇୟାଃ ବୁଗିକଆଃଏ । ୯ ତିୟାଃତି ଆଇଙ୍ଗ୍‌ହ୍ ଏଟାଃକଆଃ ଆକ୍‌ତେୟାର୍‌ରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ଼କେ ସେନଃମେ ମେତାଇରେଦ୍ ଇନିଃ ସେନଃଆଏ ଆତଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୧୦ ୟାଶୁ ନେଆଁ ଆୟୁମ୍‌କେଦତେ ଆକ୍‌ଦାନ୍‌ଆୟାନା ଆତଃ ଆଇଃକକେ ଅତଙ୍ଗଇତାନ୍ ହଡ଼କକେ ମେତାଦ୍‌କଆ, “ଆଇଙ୍ଗ୍ ଆପେକେ ସାର୍‌ତିଗି କାଜିପେତାନାଇଙ୍ଗ୍, ଇସ୍ରାଏଲ୍‌ରେହ୍ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଇଙ୍ଗ୍ ନାମ୍‌କାଦା । ୧୧ \*ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ପୁରାଃ ହଡ଼କ ପୁରାବ୍ ଆତଃ ପାଶ୍ଟିମ୍‌ଏତେକ ହିଜୁଃଆ, ଏନ୍ତେ ଆବ୍ରାହାମ୍, ଇସାକ୍, ଆତଃ ଯାକୁବ୍‌ତେକଲଃ ସିମ୍‌ନା ରାଇଜ୍‌ରେ ଜଜମ୍ ନାଙ୍ଗ୍‌କ ଦୁବାଃ, ୧୨ \*ମେନ୍ଦ୍ ଏନ୍ ରାଇଜ୍‌ରେନ୍ ହନ୍‌କ ଦୁବାଃଉତାର୍‌ରେକ ହୁରାଙ୍ଗ୍ ଏଣ୍ଡାଗିଆଃ । ଏଣ୍ଡାଃରେ ଆକଆଃ ରାନାଆଃ ଆତଃ ତାଗା ହାବ୍ ରିଡିଦଃଆ ।” ୧୩ ଏନ୍ତେ ୟାଶୁ ମିଦ୍ ସାଅ ସିପାଇକଆଃ ଗମ୍‌କେ କେ କାଜିକିୟା, “ଜୁ ଅଡ଼ାଃରେ ସେନଃମେ, ଆତଃ ଆମ୍ ବିଶ୍ୱାସ୍‌କାଦ୍ ଲେକା ଆମାଃ ନାଗେନ୍ତେ ହବାଅଃକା ।”

ଆତଃ ମିଦ୍ ସାଅ ସିପାଇକଆଃ ଗମ୍‌କେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

ୟାଶୁ ପୁରାଃ ଦୁକୁତାନ୍ ହଡ଼କକେ ବୁଗିକେଦକଆ

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ଯୀଶୁ ପାଡ଼ରାସିଆଃ ଅଡ଼ାଃତେ ହିଜୁଃୟାନ୍ତି, ଜନିଃ ପାଡ଼ରାସିଆଃ ହାନାରତେକେ ଉରିୟୁତେ ପାରକମ୍ରେ ବାଟିୟାକାନ୍ ନେଲକିୟାଏ । ୧୫ ଏନ୍ତେ ଯୀଶୁ ଜନିୟାଃ ତିଃଜ ଜୁଟିଦକେଦାଏ ଆଡ଼ଃ ଜନିଃ ଉରିୟୁଏତେ ବୁଗିୟାନା, ଏନ୍ତେ ଜନିଃ ବିରିଦକେଦତେ ଜନିୟାଃ ସୁସାର ଏଟେଦକେଦାଏ ।

୧୬ ସିଙ୍ଗିହାସୁରଃ ତାନ୍ରେ ହଡ଼କ ପୁରାଃ ବଙ୍ଗା ଏସେରକାନ୍ ହଡ଼କକେ ଯୀଶୁତାଃତେକ ଆଉକେଦକଆ । ଜନିଃ ବଙ୍ଗାକକେ କାଜିତେଗି ହାର ଅତଙ୍ଗକେଦକଆ ଆଡ଼ଃ ସବେନ୍ ଦୁକୁହାସୁତାନ୍କକେ ବୁଗିକେଦକଆ । ୧୭ ଯିଶାୟ ନାବୀ କାଜିକାଦତେୟାଃ ପୁରାଅଃକା ମେନ୍ତେ ଜନିଃ ନେ ଲେକାଏ କାମିକେଦା, “ଜନିଃ ଆଇଃକ୍ତି ଆବୁଆଃ ଦୁକୁହାସୁକଏ ଗଅଃଇଦିକେଦା ।”

ୟୀଶୁକେ ଅତଙ୍ଗଇଁରାଃ ଗନଙ୍ଗ  
(ଲୁକ ୯:୫୭-୬୨)

୧୮ ଯୀଶୁ ଆୟାଃ ଉପୁନ୍ସାଃରେ ପୁରାଃ ହଡ଼କକେ ନେଲକେଦତେ ଦରେୟା ହାନ୍ ପାରମ୍ତେବୁ ସେନା ମେନ୍ତେ ଚେଲାକକେ ଆବୁକେଦକଆ । ୧୯ ଏନ୍ତେ ମିଆଁଦ୍ ଆଇନ୍ ଜତୁନିଃ ହିଜୁଃକେଦତେ କାଜିକିୟା, “ହେ ଗୁରୁ, ଆମ୍ କତେମ୍ ସେନା ଏନ୍ତେଇଙ୍ଗ ଅତଙ୍ଗମେୟା ।”

୨୦ ଯୀଶୁ ଜନିଃକେ କାଜିରୁହାଡ଼କିୟା, “ତୁୟୁକଆଃଦ ଲାତା ମେନାଃ ଆଡ଼ଃ ସିମା ଲାତାରରେନ୍ ଚେଣ୍ଟକଆଃ ଅକା ମେନାଃ ମେନ୍ଦ ଦ ମାନଝାହନ୍ଆଃ ବହଃ ଦହନାଙ୍ଗ ଠାୟାଦ୍ ବାନଆଃ ।”

୨୧ ଆୟାଃ ଚେଲାକଏତେ ଏଟାଃନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗକେ ତପାଇ ନାଗେନ୍ତେ ସେନ୍ଇଟିଙ୍ଗମେ ।”

୨୨ ମେନ୍ଦ ଯୀଶୁ କାଜିରୁହାଡ଼କିୟାଏ, “ଅତଙ୍ଗଇଙ୍ଗମେ, ଆଡ଼ଃ ଗଏଃକାନ୍କ ଆକଆଃ ଗଏଃକାନ୍କକେ ତପାଇକାକ ।”

ୟୀଶୁ ମାରାଙ୍ଗ ହୟକେ ହାପାଉତାରକେଦା  
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଯୀଶୁ ଲାଉକାରେ ଦେଏଃୟାନା ଆଡ଼ଃ ଜନିୟାଃ ଚେଲାକ ଜନିଃକେକ ଅତଙ୍ଗକିୟା । ୨୪ ଏନ୍ତେ ନେଲେପେ, ଦରେୟାରେ ଇମ୍ତାଙ୍ଗି ଦୁଦୁଗାରହୟ ବିରିଦୟାନା ଆଡ଼ଃ ଲାଉକାରେ ଆଲ୍ପୁଙ୍ଗ ରାକାଦୟାନା, ଆଡ଼ଃ ଲାଉକା ତୁବିଃଗୟାନ୍ ଲେକା ହବାୟାନା । ମେନ୍ଦ ଯୀଶୁ ଦୁଡ଼ୁ ତାଇକେନାଏ । ୨୫ ଚେଲାକ ଜନିଃତାଃତେ ସେନ୍କେଦତେ ବିରିଦିତାନ୍ଲଃ କାଜିକିୟାକ, “ହେ ପ୍ରାଭୁ, ବାଞ୍ଛାଅଲେମେ, ଆଲେ ତୁବିଃଗ୍ ଗଜଃତାନାଲେ !”

୨୬ ଯୀଶୁ ଜନ୍କୁକେ କାଜିରୁହାଡ଼କେଦକଆ, “ଏ ହୁଟିଙ୍ଗ ବିଶ୍ୱାସତାନ୍କ, ତିନାଃ ମେନ୍ତେପେ ବରତାନା ।” ଏନ୍ତେ ଜନିଃ ବିରିଦକେଦତେ ହୟ ଆଡ଼ଃ ଦରେୟାରାଃ ଆଲ୍ପୁଙ୍ଗକେ ମାରାଙ୍ଗମଚାକେଦା, ଏନ୍ତେ ସବେନାଃ ପୁରା ସିଃସଏଃୟାନା ।

୨୭ ହଡ଼କ ଆକ୍ଦାନ୍ଦାୟାନାକ, ଆଡ଼ଃ ମେନ୍କେଦକ, “ନିଃ ତିଲ୍କାନ୍ ହଡ଼ ତାନିଃ ? ହୟ ଆଡ଼ଃ ଦରେୟାରାଃ ଆଲ୍ପୁଙ୍ଗ ନିଃକେ ମାନାଡିଙ୍ଗତାନାକ !”

ୟୀଶୁ ବଙ୍ଗା ଏସେରକାନ୍ ବାରହଡ଼କିନ୍କେ ବୁଗିକେଦକିନା  
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଯୀଶୁ ଦରେୟା ହାନ୍ ପାରମ୍ ଗେରାସିମିକଆଃ ପାର୍ଗାନ୍ତେ ସେଚେରୁୟାନ୍ତି, ବାରହଡ଼ ବଙ୍ଗା ଏସେରକାନ୍କିନ୍ ତପାଠାୟାଦଏତେ ଅତଙ୍ଗକେଦତେ ଯୀଶୁକେ ସେନ୍ଦାରମ୍କିୟାକିନ୍ । ଜନ୍କିନାଃ ପୁରାଃ ପେଡ଼େଃ ଆଡ଼ଃ ବରଝାନ୍ତି ତାଇକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍ପାରମ୍

ଦାଡ଼ିତାଇକେନା । ୨୯ ଆଡ଼ଃ ଇମତାଗି ଇନକିନ୍ କାଉରିତାନଲଃ କାଜିକେଦାକିନ୍, “ହେ ପାରମେଶ୍ଵାରଆଃ ହନ୍, ଆଲିଙ୍ଗଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଟେର୍ ସିଦାରେ ଆଲିଙ୍ଗକେ ସାଜାଇ ଏମ୍ ନାଗେନ୍ତେ ନେତାଃତେମ୍ ହିଜୁଆକାନା ?”

୩୦ ଆଡ଼ଃ ଇନକୁଏତେ କାଟିଃ ସାଙ୍ଗିନ୍ରେ ସୁକୁରିକଆଃ ମାରାଙ୍ଗ୍ ଗୋଟ୍ ଆଡିଙ୍ଗତାନକ ତାଇକେନା । ୩୧ ଏନ୍ତେ ଏନ୍ ହଡ଼ଆଃ ଭିତାରଏତେ ବଙ୍ଗାକ ଯୀଶୁକେ ବିନ୍ତିକେଦ୍ତେ କାଜିକିୟାକ, “ଆମ୍ ଆଲେକେ ଅତଙ୍ଗଲେରେଦମ୍ ଏନ୍ ସୁକୁରିକଆଃ ଗୋଟ୍ରେ କୁଲ୍ତାଲେମେ ।”

୩୨ ଯୀଶୁ ଇନକୁକେ ମେତାଦକଆ, “ସେନଃପେ ।” ଏନ୍ତେ ଇନକୁ ଅତଙ୍ଗକେଦ୍ତେ ସୁକୁରିକରେକ ବଲୟାନା, ଆଡ଼ଃ ସୁକୁରିକଆଃ ଗୋଟ୍, ଦରେୟାରେ ନିର୍ ଭୁଷମାଅୟାନାକ ଆଡ଼ଃ ଦାଆଃରେ ଭୁବିଃଗ୍ ଗଏଃୟାନାକ ।

୩୩ ସୁକୁରି ଗୁପିତାନକ ନିର୍ୟାନା ଆଡ଼ଃ ସାହାରତେ ତେବାଃୟାନ୍ତି, ହବାକାନ୍ ସବେନାଃ ଆଡ଼ଃ ଏନ୍ ବଙ୍ଗା ଏସେରକାନ୍କିନ୍କେ ହବାକାନ୍ତେୟାଃ ସବେନାଃ ଉଦୁବାଦକଆକ । ୩୪ ଏନ୍ତେ ସାହାରରେନ୍ ସବେନ୍ ହଡ଼କ ଯୀଶୁକେ ନେଲ୍ ନାଗେନ୍ତେକ ଅତଙ୍ଗୟାନା ଆଡ଼ଃ ଇନିଃକେ ନେଲ୍କିଃତେ, ଆଲେୟାଃ ସାହାରରାଃ ସିମ୍ନାଏତେ ଅତଙ୍ଗଅଃମେ ମେନ୍ତେକ ବିନ୍ତିକିୟା ।

୯

ୟୀଶୁ ମିଆଁଦ୍ ବାଡ଼କାନ୍ ହଡ଼କେ ବୁଗି ତାନା

(ମାର୍କ ୨:୧-୧୨; ଲୁକ ୫:୧୭-୨୬)

୧ ଯୀଶୁ ଲାଉକାରେ ଦେଏଃୟାନ୍ତେ ଦରେୟା ପାରମ୍କେଦ୍ତେ ଆୟାଃ ସାହାରତେ\* ହିଜୁଃରୁହାଡ଼ୟାନାଏ । ୨ ନେଲେପେ, ମିଆଁଦ୍ ବାଡ଼କାନ୍ ହଡ଼କେ ପାରକମ୍ରେ ବାଟିୟାକାନ୍ଗି ଯୀଶୁତାଃ ଗଅଃ ଆଉକିୟାକ । ଯୀଶୁ ଇନକୁଆଃ ବିଶ୍ଵାସ୍ ନେଲ୍କେଦ୍ତେ ଏନ୍ ବାଡ଼କାନ୍ନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପକ ଛାମାୟାନା ।”

୩ ଏନ୍ତେ ଆଇନ୍ ଇତୁକଏତେ ଚିମିନ୍କ ଆକ ଆକରେକ କାଜିକେଦା, “ନେ ହଡ଼ ପାରମେଶ୍ଵାରକେ ନିନ୍ଦାକତାନା ।”

୪ ଯୀଶୁ ଇନକୁଆଃ ମନ୍ରେୟାଃ ଉଡ଼ୁ ଆବକାରକେଦ୍ତେ ମେତାଦକଆ, “ଆପେ ଚିକାନାଙ୍ଗ୍ ଆପେୟାଃ ମନ୍ରେ ଏଡ଼କାନାଃପେ ଉଡ଼ୁତାନା ? ୫ ଅକ୍ନାଃ ରାଝାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଝାଲାଃ ତି ‘ବିରିଦ୍ମେ ଆଡ଼ଃ ସେନେମେ’ ମେନ୍ତେ କାଜିତେୟାଃ ? ୬ ମେନ୍ଦ୍ ନେ ଅତେରେ ପାପ୍ ଛାମାରେୟାଃ ଆକ୍ତେୟାର୍ ମାନଝାହନ୍ଆଃ ମେନାଃ,” ଏନା ଆପେ ସାରିଦାଡ଼ିପେ ମେନ୍ତେ ଇନିଃ ଏନ୍ ବାଡ଼କାନ୍ନିଃକେ କାଜିକିୟା, “ମାର୍ ବିରିଦ୍ମେ ଆଡ଼ଃ ପାରକମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ ।”

୭ ଇନିଃ ବିରିଦ୍ମାନ୍ତେ ଅଡ଼ାଃତେ ସେନଃୟାନା । ୮ ନେଆଁ ନେଲ୍କେଦ୍ତେ ପୁରାଃ ହଡ଼କ ବରକେଦାକ ଆଡ଼ଃ ପାରମେଶ୍ଵାର୍, ହଡ଼କକେ ନେ ଲେକାନ୍ ଆକ୍ତେୟାର୍ ଏମାକାଦକ ନାଗେନ୍ତେ ପାରମେଶ୍ଵାରକେ ମାରାଙ୍ଗ୍କିୟାକ ।

ୟୀଶୁ ମାଥିଉକେ କେଡ଼ାଇତାନା

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଯୀଶୁ ଏନ୍ତାଃ ବାଗିକେଦ୍ତେ ସେନଃତାନ୍ ଇମତା ମାଥିଉ ନୁତୁମ୍ ମିଆଁଦ୍ ହଡ଼କେ ମାଲ୍ହାରମ୍ ଠାୟାଦ୍ରେ ଦୁବାକାନ୍ ନେଲ୍କେଦ୍ତେ ଇନିଃକେ କାଜିକିୟା, “ଦେଲା ଅତଙ୍ଗକ୍ତେମେ ।”

\* ୯:୧ ୯:୧ କପରନାହୁମ୍

ଏନ୍ତେ ମାଥୁରା ବିରିଦକେଦତେ ଇନିଃକେ ଅତଙ୍ଗକିୟା ।

୧୦ \*ୟାଶୁ, ମାଥୁରାଆଃ ଅଡ଼ାଃରେ† ଜମ୍ ଦୁବାକାନ୍ ତାଇକେନ୍ ଇମ୍ତା, ପୁରାଃ ମାଲ୍‌ହାରମ୍‌କ ଆତଃ ପାପିକ ହିଜୁଃକେଦତେ, ଯାଶୁଲଃ ଆତଃ ଆୟାଃ ଚେଲକଲଃକ ଦୁବ୍ ମେସାୟାନା । ୧୧ ଫାରୁଶୀକ ନେଆଁ ନେଲ୍‌କେଦତେ ଇନିୟାଃ ଚେଲକକେ କୁଲିକେଦକଆକ, “ଆପେୟାଃ ଗୁରୁ ଚିକାନାଙ୍ ମାଲ୍‌ହାରମ୍‌କଲଃ ଆତଃ ପାପିକଲଃ ଜମ୍‌ତାନାଏ ?”

୧୨ ଯାଶୁ ନେଆଁ ଆୟୁମ୍‌କେଦତେ କାଜିରୁହାଡ଼କେଦକଆ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କାହା ମେନ୍ଦ୍ ହାସୁତାନ୍‌କ ନାଗେନ୍ତେ ବାଇଦ୍ ଲାଗାଡ଼ିଙ୍‌ୟାଃ । ୧୩ \*ମେନ୍ଦ୍ ଆପେ ସେନଃପେ ଆତଃ ଆଇଙ୍ ଦାଣ୍‌ରାକାବ୍ କାହାଗି ମେନ୍ଦ୍ ଲିବୁଇଙ୍ ସୁକୁତାନା” ନେ କାଜିରେୟାଃ ମୁଣ୍ଡି ଇତୁନ୍‌ପେ, ଚିୟାଃଚି ଆଇଙ୍ ଧାର୍‌ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍ଦ୍ ପାପିକକେ କେଡ଼ା ନାଗେନ୍ତେଇଙ୍ ହିଜୁଆକାନା ।”

କାଟାବ୍‌ରେୟାଃ କୁନୁଲି‡  
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏନ୍ତେ ବାପ୍ତିସ୍ତା ଏମଃନିଃ ଯୋହାନ୍‌ଆଃ ଚେଲକ ଯାଶୁତାଃରେ ହିଜୁଃକେଦତେ କୁଲିକିୟାକ, “ଆଲେ ଆତଃ ଫାରୁଶୀକ କାଟାବ୍ ରିକାଃଲେ, ମେନ୍ଦ୍ ଆମାଃ ଚେଲକ ଚିନାଃମେନ୍ତେ କାକ କାଟାବାଃ ?”

୧୫ ଯାଶୁ ଇନ୍‌କୁକେ ମେତାଦକଆ, “ଆଣ୍‌ଦିଅଡ଼ାଃରେ ବାଲକଲଃ ଦୁହ୍ଲକଡ଼ା ତାଇନଃ ଜାକେଦ୍ ଚିୟାଃ ଇନ୍‌କୁ ରେକ୍‌କେଃ କାଟାବ୍‌ଚି ତାଇନାଃକ ? କାହାଗି, ଏନ୍‌କାଦ କା ହବାଅଆଃ । ମେନ୍ଦ୍ ନେତା ତେବାଗାଃ, ଦୁହ୍ଲକଡ଼ାକେ ଇନ୍‌କୁତାଃଏତେ ଇଦିୟାଃଆ, ଏନ୍ ଦିପିଲିରେ ଇନ୍‌କୁ କାଟାବେୟାକ ।

୧୬ “ଜେତାଏ ନାଝା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦତେ କାକ ତୁନାୟା, ଚିୟାଃଚି ନାଝା ଲିଜାଃରାଃ କେଚାଃ ମାରି ଲିଜାଃଏତେ ଆତଃଚି ଚେଚାଃ ଇଦିୟାଏ, ଆତଃ ଏନ୍ ଚେଚାଃ ସିଦାଏତେ ଆତଃଚି ମାରାଙ୍ ଇଦିୟାଆ । ୧୭ ଆତଃ ହଡ଼କ ନାଝା ଦାଖ୍‌ରାସିକେ ମାରି ଉହ୍‌ରୁଡ଼ୁମ୍‌ପାରେ ଜେତାଏ କାକ ଦୁଲ୍‌ପେରେଜେୟା, ଚିୟାଃଚି ଦାଖ୍‌ରାସି ଉହ୍‌ରୁଡ଼ୁମ୍‌ପାକେ ଅଡ଼େଃତାଃଏ ଆତଃ ଦାଖ୍‌ରାସି ଲିଙ୍‌ ଏଣ୍‌ଗାଃଆ, ଏନାମେନ୍ତେ ହଡ଼କ ନାଝା ଦାଖ୍‌ରାସିକେଦ ନାଝା ଉହ୍‌ରୁଡ଼ୁମ୍‌ପାରେ ପେରେଜାଃକ, ଆତଃ ବାରାନାଃ ଦହ ଜାତାନଃଆ ।”

ଯାଇରସ୍‌ରାଃ ହନ୍‌କୁଡ଼ି ଆତଃ ଦୁକୁତାନ୍ କୁଡ଼ି  
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଯାଶୁ ଇନ୍‌କୁକେ ନେଆଁ କାଜିୟାକ ତାଇକେନ୍ ଇମ୍ତା, ଯିହୁଦୀକଆଃ ମିଆଁଦ୍ ଆଗୁଆଇ ଇନିଃତାଃ ହିଜୁଃକେଦତେ ଆୟାଃ ଆୟାବ୍‌ରେ ଇକ୍‌ତୁୟାୟାନା ଆତଃ କାଜିକିୟାଏ, “ହନିଙ୍‌କୁଡ଼ି ନାହାଃଚି ଚୁଣ୍ଡୁକେଦା । ଇନିଃ ଚିଲ୍‌କା ବାଞ୍ଚାଅଆଏ, ଏନାମେନ୍ତେ ହିଜୁଃମେ, ଆତଃ ଇନିୟାଃ ଚେତାନ୍‌ରେ ତିଃଇ ଦହେମେ ।”

୧୯ ଏନ୍ତେ ଯାଶୁ ବିରିଦକେଦତେ ଆୟାଃ ଚେଲକଲଃ ଏନ୍ ହାକିମ୍‌କେ ଅତଙ୍ଗକିୟାକ ।

୨୦ ଆତଃ ବାରା ବାରାଷ୍‌ଏତେ ମାୟୋମ୍‌ଲିଙ୍ ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ଦୟାହରା ହିଜୁଃକେଦତେ ଯାଶୁଆଃ ଲିଜାଃରାଃ ଆବ୍‌ରା ଜୁଟିଦକେଦାଏ । ୨୧ ଚିୟାଃଚି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସ୍‌କାବ୍ ଜୁଟିଦତାରେଦ ଆଇଙ୍ ବୁଗିକଆଇଙ୍” ମେନ୍ତେ ଉଡ଼ୁତାନ୍ ତାଇକେନାଏ ।

\* ୯:୧୦ ୯:୧୦ ଲୁକ ୧୫:୧,୨. † ୯:୧୦ ୯:୧୦ ଯାଶୁଆଃ ଅଡ଼ାଃରେ \* ୯:୧୩ ୯:୧୩ ମାଥୁରା ୧୨:୭.  
‡ ୯:୧୩ ୯:୧୪ କୁଲିକେୟାଃ

୨୨ ମେନଦ ଯୀଶୁ ହେତାରୁହାଡ଼କେଦତେ ଇନିଃକେ ନେଲ୍‌କିଃତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଃ ବୁଗିୟାକାଦ୍‌ମୈୟାଏ ।” ଏନ୍ ନେତାରେଗି ଏନ୍ କୁଡ଼ି ବୁଗିୟାନା ।

୨୩ ଏନ୍ତେ ଯୀଶୁ ଏନ୍ ଆଗୁଆଇରାଃ ଅଡ଼ାଃତେ ହିଜୁଃକେଦତେ ଗନ୍‌ଏଃରାଃ ମୁରଲିସାଡ଼ି ହଡ଼କକେ ଆତଃ ହାଲାଗୁଲାତାନ୍ ହଡ଼କକେ ନେଲ୍‌କେଦତେ, ୨୪ ଇନିଃ ମେତାଦକଆଏ, “ବାହାରି ଅତଙ୍ଗଅଃପେ କୁଡ଼ିହନ୍‌ଦ କାଏ ଗଏଃକାନା, ମେନଦ ଦୁଡ଼ମୁତାନାଏ ।” ଏନ୍ତେ ଇନ୍‌କୁ ଇନିଃକେ ଲାୟାକିୟାକ । ୨୫ ମେନଦ ପୁରାଃ ହଡ଼କକେ ଅତଙ୍ଗକେଦତେ, ଇନିଃ ଭିତାରେତେ ବଲୟାନା ଏନ୍ତେ କୁଡ଼ି ହନ୍‌ରାଃ ଡ଼ିଃଇ ସାବ୍‌କେଦାଏ, ଆତଃ କୁଡ଼ି ହନ୍ ବିରିଦ୍‌ୟାନାଏ । ୨୬ ଆତଃ ନେ କାଜି ଏନ୍ ଗଟା ଦିଶୁମ୍ ଆୟୁମ୍‌ୟାନା ।

ୟୀଶୁ ବାରହଡ଼୍‌କା ନେଲ୍‌ଦାଡ଼ିକିନ୍‌କେ ବୁଗିକେଦକିନା

୨୭ ଯୀଶୁ ଏନ୍ତାଃଏତେ ସେନଃତାନ୍ ତାଇକେନ୍ ଇମ୍‌ତା ବାରହଡ଼୍‌ କା ନେଲ୍‌ଦାଡ଼ିକିନ୍ ଇନିୟାଃ ଦୟାଦୟାତେ ଅତଙ୍ଗକିଃତେ କାଉରିକେଦାକିନ୍, “ହେ ଦାଉଦ୍‌ଆଃ ହନ୍, ଆଲିଙ୍ଗକେ ଦାୟାଲିଙ୍ଗମେ ।”

୨୮ ଯୀଶୁ ଅଡ଼ାଃତେ ବଲୟାନ୍‌ତି, ଏନ୍ କା ନେଲ୍‌ଦାଡ଼ିକିନ୍ ଇନିଃତାଃତେ ହିଜୁଃୟାନାକିନ୍ ଆତଃ ଯୀଶୁ ଇନ୍‌କିନ୍‌କେ କୁଲିକେଦକିନା, “ଆଇଙ୍ଗ୍ ଆବେନ୍‌କେ ବୁଗି ଦାଡ଼ିୟାଇଙ୍ଗ୍ ମେନ୍ତେ ଚିନାଃ ଆବେନ୍ ବିଶ୍ୱାସ୍‌ତାନାବେନ୍ ?”

ଇନ୍‌କିନ୍ କାଜିରୁହାଡ଼କିୟା, “ହେଗି, ପ୍ରାଭୁ ।”

୨୯ ଏନ୍ତେ ଯୀଶୁ ଇନ୍‌କିନାଃ ମେଦକେ ଜୁଡ଼ିଦ୍‌କେଦତେ ମେତାଦକିନା, “ଆବେନାଃ ବିଶ୍ୱାସ୍ ଲେକା ହବାଅଃକା ।” ୩୦ ଆତଃ ଇନ୍‌କିନ୍ ନେଲ୍ ଦାଡ଼ିକେଦାକିନ୍ । ଏନ୍ତେ ଯୀଶୁ ଚେତାଞ୍ଜାନ୍‌ଗି ଇନ୍‌କିନ୍‌କେ ମେତାଦକିନା, “ନେଲେବେନ୍, ନେଆଁ ଜେତାଏକକେ ଆଲ୍‌ବେନ୍ କାଜିକ ।”

୩୧ ମେନଦ ଇନ୍‌କିନ୍ ଅତଙ୍ଗକେଦତେ, ଯୀଶୁଆଃ ବିଷାଏରେ ଏନ୍ ଦିଶୁମ୍‌ରାଃ ସବେନ୍‌ତାଃକିନ୍ ଉଦୁବ୍‌କେଦା ।

ୟୀଶୁ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ବୁଗିକିୟା

୩୨ ହଡ଼କ ଅତଙ୍ଗଅଃତାନ୍ ତାଇକେନ୍ ଇମ୍‌ତା, ଚିମିନ୍ ହଡ଼କ ମିଆଁଦ୍ କା ବାଖାଁଣ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା । ଇନିଃ ବଙ୍ଗା ଏସେରକାନ୍ ତାଇକେନାଏ । ୩୩ ଆତଃ ବଙ୍ଗା ଅତଙ୍ଗୟାନ୍ ଇମ୍‌ତାଗି ଇନିଃ ଜାଗାର୍ ଏଚେଦକେଦାଏ । ସବେନ୍ ହଡ଼କ ଆକ୍‌ଦାୟାୟାନାକ ଆତଃ କାଜିକେଦାଃକ, “ଆଲେ ନେ ଲେକାନ୍ କାମି ଚିଉଲାହ ଇସ୍ତାଏଲ୍‌ରେ କାଲେ ନେଲାକାଦା ।”

୩୪ \*ମେନଦ ଫାରୁଶୀକ ମେନକେଦା, “ବଙ୍ଗାକଆଃ ଗମ୍‌କେରାଃ ଦେଙ୍ଗାତେ ଯୀଶୁ ବଙ୍ଗାକକେ ହାର୍ ଅତଙ୍ଗକତାନା ।”

ୟୀଶୁ ହଡ଼କକେ ଲିବୁଇକେଦକଆ

୩୫ \*ୟୀଶୁ ସବେନ୍ ସାହାର୍ ଆତଃ ହାତୁ ହାତୁ ହନ୍‌ରତାନ୍ ତାଇକେନାଏ । ଇନିଃ ଇନ୍‌କୁଆଃ ସାମାଜ୍ ଅଡ଼ାଃକରେ ଇଡୁକତାନ୍‌ଲଃ ରାଇଜ୍‌ରେୟାଃ ସୁକୁକାଜି ଉଦୁବ୍‌କେଦାଏ ଆତଃ ହଡ଼କଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ । ୩୬ \*ଇନିଃ ଗାଦେଲ୍ ହଡ଼କକେ ନେଲ୍‌କେଦତେ ଆୟାଃ ମନ୍‌ରେ ବିଲ୍‌କାଅୟାନାଏ, ଚିୟାଃଟି ଇନ୍‌କୁଦ ଗୁପିନିଃ ବାଙ୍ଗାଇ ମିଣ୍ଡିକ ଲେକା ଜାଉ ଦୁକୁଆକାନ୍ ଆତଃ ଛିତିବିତିକାନାକ । ୩୭ \*ଏନ୍ତେ ଇନିଃ ଆୟାଃ ଚେଲାକକେ

\* ୯:୩୪ ୯:୩୪ ମାଥିଉ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. \* ୯:୩୫ ୯:୩୫ ମାଥିଉ ୪:୨୩; ମାର୍କ ୧:୩୯; ଲୁକ ୪:୪୪. \* ୯:୩୬ ୯:୩୬ ମାର୍କ ୬:୩୪. \* ୯:୩୭ ୯:୩୭ ଲୁକ ୧୦:୨.

କାଜିକେଦକଆ, “ଇରୋଃ ପୁରାଃଗିୟାଃ ମେନ୍ଦ କାମିନାଲକ ହୁଡିଙ୍ଗାଆଁକ ।  
୩୮ ଆମ୍ ଆମାଃ ଇରୋଃତେ କାମି ନାଲକ କୁଲକମ୍ ମେନ୍ତେ ଇରୋଃ ଗମ୍କେତାଃରେ  
ବିନ୍ତିମେ ।”

### ୧୦

ୟାଶୁଆଃ କୁଲକାନ୍ ଗେଲ୍ବାର୍ ତେଲକ  
(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୧ ଯାଶୁ ଆୟାଃ ଗେଲ୍ବାର୍ ତେଲକକେ ଆୟାଃତାଃତେ ହାକାଅକେଦ୍ତେ  
ସତ୍ତରା ଆମ୍ବକକେ ହାଡ୍ଅଡ୍ରେୟାଃ ଆକ୍ତେୟାର୍ ଆତଃ ସବେନ୍ ଲେକାନ୍  
କିଲିମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍ତେୟାର୍ ଏମାଦକଆଏ । ୨ ଏନ୍  
ବାରା ପ୍ରେରିଡ୍କଆଃ ନୁଡୁମ୍ ନେ ଲେକା ମେନାଃ, ପାହିଲାନିୟାଃ ନୁଡୁମ୍ ଶିମୋନ୍,  
ଇନିଃଦ ପାଡ୍ରାସ୍ ମେନ୍ତେ କାଜିୟାଃତାନା ଆତଃ ଆୟାଃ ହାଗାତେ ଆହିୟାସ୍,  
ଜେବଦାୟାଃ ବାରିଆ ହନ୍ଦକଡାକିନ୍ ଯାକୁବ୍ ଆତଃ ଯୋହାନ୍, ୩ ଫିଲିପ୍ ଆତଃ  
ବାର୍ଥୋଲମି, ଥୋମା ଆତଃ ମାଲ୍ହାରମ୍ନିଃ ମାଧୁର୍ୟ୍ୟ, ଆଲ୍ଫିୟନାଃ ହନ୍ ଯାକୁବ୍,  
ଆତଃ ଅଭିୟ, ୪ ଶିମୋନ୍ ଅକଏଟି ଇସ୍ରାଏଲ୍ ହଡ୍କଆଃ ତନଲ୍ହେତେ ରାଡା  
ନାଗେନ୍ତେ ସାନାଙ୍ଗ୍ ତାଇକେନାଏ, ଆତଃ ଇଷ୍ଟାରିୟଡ୍ ଯିହୁଦା ଅକଏଟି ତାୟମ୍ତେ  
ୟାଶୁକେ ବାଇରିକଆଃ ତିଃଇରେ ଏମ୍ ଏଣ୍ଡାଃକିୟାଏ ।

ବାରାହାନ୍ ପ୍ରେରିଡ୍କକେ ଏମାକାନ୍ ସେଞ୍ଜାକାମିରାଃ ବାହାରମ୍  
(ମାର୍କ ୬:୭-୧୩; ଲୁକ ୯:୧-୬)

୫ ଯାଶୁ ନେ ଗେଲ୍ବାର୍ ତେଲକକେ କୁଲକେଦ୍ତେ ଇନ୍କୁକେ ଆତୁକତାନ୍ଲଃ  
ମେତାଦକଆଏ, “ସାଆଁସାର୍ ହଡ୍କତାଃତେ ଆଲ୍ପେ ସେନା ଚାଏ ଶିମିରୋନିକଆଃ  
ଜେତା ସାହାର୍ତେ ଆଲ୍ପେ ବଲଆ । ୬ ମେନ୍ଦ ଇସ୍ରାଏଲ୍ରେନ୍ ହଡ୍କ,  
ମିଣ୍ଡିକଲେକା ଆଦାକାନ୍ ହଡ୍କତାଃତେ ସେନଃପେ । ୭ ଆତଃ ସେନ୍ତାନ୍  
ସେନ୍ତାନ୍ଲଃ ‘ସିର୍ମା ରାଇଜ୍ ନାଡେଃକାନା’ ମେନ୍ତେ ଉଦୁବେପେ । ୮ ହାସୁତାନ୍କକେ  
ବୁଗିକପେ, ଗଏଃକାନ୍କକେ ଜୀଉବିରିଦ୍କପେ, ନାଗେଘାଅକାନ୍କକେ  
ଫାର୍ଟିକପେ ଆତଃ ବଙ୍ଗାକକେ ହାର୍ ଅଡ୍ଙ୍ଗକପେ । ଆପେ ବେଗାର୍ ଗନଙ୍ଗ୍ତେ  
ନାମ୍କାଦ୍ତେୟାଃ ବେଗାର୍ ଗନଙ୍ଗ୍ତେ ଏମାକପେ । ୯ ଆପେୟାଃ ଆଇଲାରେ  
ସୋନା, ରୁପା ଚାଏ ତାମ୍ବାରେୟାଃ ଚାକା ଆଲ୍ପେ ଇଦିୟା । ୧୦ ଆତଃ ହରା ସେନ୍  
ନାଗେନ୍ତେ ଆଇଲା ଚାଏ ବାରିଆ ତୁସିଙ୍ଗ୍ ଲିଜାଃ ଚାଏ ଖାର୍ପା ଚାଏ ସଚା ଆଲ୍ପେ  
ଇଦିୟା, ଚିୟାଟି କାମିନିଃଦ ଆୟାଃ ନାଲା ନାମେ ଲେକାଃଏ ।

୧୧ “ଆତଃ ଆପେ ଜେତା ସାହାର୍ରେ ଚାଏ ହାତୁରେପେ ବଲରେଦ, ଏନ୍ତାଃରେ  
ଆପେକେ ସୁକୁଆପେତାନ୍ଲଃ ଦାରମ୍ପେନିଃକେ ଦାଣ୍ଡାଇପେ, ଆତଃ ଏନ୍ତାଃଏତେ  
ଆଉରି ସେନଃ ଜାକେଦ୍ ଏନ୍ତାଃରେଗି ତାଇନ୍ପେ । ୧୨ ଆତଃ ଆପେ ଏନ୍ ଅଡାଃରେ  
ବଲ ଇମ୍ତା, ‘ଆପେରେ ଜୀଉସୁକୁ ହବାଅଃକା’ ମେତାକପେ । ୧୩ ଆପେକେ ଏନ୍  
ଅଡାଃରେନ୍ ହଡ୍କ ଦାରମ୍ପେରେଦ, ଆପେୟାଃ ଜୀଉସୁକୁ ଇନ୍କୁରେ ତାଇନ୍କା,  
ମେନ୍ଦ ଇନ୍କୁ କାକ ଦାରମ୍ପେରେଦ ଆପେୟାଃ ସୁକୁ ଆପେତାଃତେ ରୁହାଡ୍କା  
। ୧୪ ଆତଃ ଜେତାଏ କାକ ଦାରମ୍ପେରେଦ ଚାଏ ଆପେୟାଃ କାଜି କାକ  
ଆୟାମ୍ରେଦ, ଏନ୍ ଅଡାଃଏତେ ଚାଏ ଏନ୍ ସାହାର୍ଏତେ ଅଡ୍ଙ୍ଗ ଇମ୍ତା ଇନ୍କୁକେ  
ବାଗିକେଦକଆପେ ମେନ୍ତେ ମିଆଁଦ୍ ଚିହ୍ନାଁ ଲେକା ଆପେୟାଃ କାଚା ତାଲ୍କାରେୟାଃ  
ଧୁଡ୍ଡି କଚା ବାଗିତାପେ । ୧୫ ଆଇଙ୍ଗ୍ ଆପେକେ ସାର୍ଡିଗି କାଜିପେତାନାଲ୍ଙ୍ଗ୍,

☆ ୧୦:୧୦ ୧୦:୧୦ ୧ କବିଲିୟ ୯:୧୪; ୧ ତିମଥୁ ୫:୧୮. ☆ ୧୦:୧୪ ୧୦:୧୪ ପ୍ରେରିଡ୍ ୧୩:୫୧. ☆ ୧୦:୧୫  
୧୦:୧୫ ମାଧୁର୍ୟ୍ୟ ୧୧:୨୪. ☆ ୧୦:୧୫ ୧୦:୧୫ ଲୁକ ୧୦:୪-୧୨.



ବିଚାର ହୁଲାଙ୍ଗରେ ଏନ୍ ସାହାରରେନ୍ ହଡ଼କତାଃଏତେ ସୋଦମ୍ ଆତଃ ଗମ୍ଭରା ଦିଶ୍ଟମ୍ରେନ୍ ହଡ଼କଆଃ ନାଗେନ୍ତେ ପାର୍ମେଶ୍ଵର୍ ପୁରାଃ ଲିବୁଇୟାକଆଏ ।

ହିଜୁଃତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୭ \*ନେଲେପେ, ଆଇଙ୍ଗ୍ ଆପେକେ ମିଶ୍ଟିକ ଲେକା ହୁଣ୍ଡା଼ରକ ଆଲାରେଇଙ୍ଗ୍ କୁଲ୍ପେତାନା, ଏନା ନାଗେନ୍ତେ ବିଙ୍ଗ୍ କ ଲେକା ସେଣ୍ଟାନଃପେ ଆତଃ ଦୁଦୁମୁଲ୍ଲକ ଲେକା ଲେବେୟଃପେ । ୧୭ \*ମେନ୍ଦ ହଡ଼କତାଃଏତେ ଚିର୍ଗାଲାକାନ୍ ତାଇନ୍ପେ, ଚିୟାଃଚି ଇନ୍କୁ ଆପେକେ ପାଞ୍ଚେଟ୍ଟକରେକ ଜିମାପେୟା ଆତଃ ସାମାଜ୍ ଅଡ଼ାଃକରେକ ହାଣ୍ଡସାପେୟା । ୧୮ ଆତଃ ଆଇଁୟାଃ ନାଗେନ୍ତେ ଆପେକେ ଇନ୍କୁତାଃ ଆତଃ ସାଅଁସାରକତାଃ ଗାଞ୍ଜା ଏମ୍ ନାଗେନ୍ତେ ହାକିମ୍ ଆତଃ ରାଜାକଆଃ ସାମନାଙ୍ଗ୍ତେକ ଆଉପେୟା । ହାକିମ୍ ଆତଃ ରାଜାକଆଃ ସାମନାଙ୍ଗ୍ତେକ ଆଉପେୟା । ୧୯ ମେନ୍ଦ ଚିମ୍ତାଙ୍ଗ୍ ଇନ୍କୁ ଆପେକେ ଜିମାପେୟାକ ଇମ୍ତା ଚିନାଃବୁ କାଜିୟା ଚିଲ୍ଲକାବୁ କାଜିୟା ମେନ୍ତେ ସିଦାରେ ଆଲ୍ପେ ଉଡ଼ୁୟା, ଚିୟାଃଚି ଏନ୍ ଦିପିଲି ହିଜୁଃଆ ଇମ୍ତା ଆପେକେ ଅକଆଃ କାଜି ନାଗେନ୍ତେ ଏମଃଆ ଏନାପେ କାଜିୟା । ୨୦ ଚିୟାଃଚି ଆପେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍ଦ ଆପେୟାଃ ଆପୁଆଃ ପାବିତାର୍ ଆମ୍ବାରାଃ ହରାତେପେ କାଜିୟା ।

୨୧ \*ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍କେ ଗଜି ନାଗେନ୍ତେ ଜିମାଇୟାଏ, ଆତଃ ହନ୍କ ଆକଆଃ ଏଙ୍ଗା ଆପୁକଆଃ ବିରୁଧ୍ରେକ ବିରିଦାଃ ଆତଃ ଇନ୍କୁକେ ଗଏଃ ଇଚିକଆକ । ୨୨ \*ଆଇଁୟାଃ ନାଗେନ୍ତେ ସବେନ୍ ହଡ଼କ ଆପେକେ ହିଲାଙ୍ଗ୍ପେୟାକ, ମେନ୍ଦ ଜେତାଏ ଚୁଣ୍ଡୁ ଜୁକେଦ୍ ତିଙ୍ଗୁ କେଟେୟାକାନ୍ ତାଇନ୍ନିଃ ବାଞ୍ଜାଅଃଆଏ । ୨୩ ଚିମ୍ତାଙ୍ଗ୍ ଇନ୍କୁ ଆପେକେ ମିଆଁଦ୍ ସାହାରରେକ ସାସାତିପେରେ, ଇମ୍ତାଙ୍ଗ୍ ଏଗାଃ ସାହାରତେ ନିରପେ, ଚିୟାଃଚି ଆଇଙ୍ଗ୍ ଆପେକେ ସାର୍ଡିଗି କାଜିପେତାନା, ଆପେ ଇସ୍ରାଏଲ୍ରେୟା ସବେନ୍ ସାହାରରେ କାମି ଆଉରି ଚାଏଏ ସିଦାରେ ମାନଞ୍ଜାହନ୍ ହିଜୁଃଆଏ ।

୨୪ \*ଗୁରୁଏତେ ଚେଲା କାଏ ମାରାଙ୍ଗ୍ଆଃ ଚାଏ ଆୟାଃ ଗମ୍ଭକେଏତେ ଦାସି କାଏ ମାରାଙ୍ଗ୍ଆ । ୨୫ \*ଚେଲା ଆୟାଃ ଗୁରୁ ଲେକା ଆତଃ ଦାସି ଆୟାଃ ଗମ୍ଭକେ ଲେକା ହବାଅଃରେଦ, ଇନ୍କୁକେ ଇମ୍ତାନାଙ୍ଗ୍ରେଗି ସୁକୁ ହବାଅଃ ଲାଗାତିଙ୍ଗ୍ୟାଃ । ଇନ୍କୁ ଅଡ଼ାଃରେନ୍ ଗମ୍ଭକେ କେ ବାଲ୍ଲଜେବୁଲ୍ ମେନ୍ତେକ ମେତାଇତାନ୍ରେଦ, ଇନିୟାଃ ଅଡ଼ାଃରେନ୍କକେ ଏନାଏତେ ଆଦ୍ କା ଏଡ଼କାନ୍କ ନୁଡୁମ୍କଆ ।

ଅକଏକେ ବର ଲାଗାତିଙ୍ଗ୍ୟାଃ  
(ଲୁକ ୧୨:୨-୭)

୨୬ \*ଏନା ନାଗେନ୍ତେ ହଡ଼କକେ ଆଲ୍ପେ ବରଆକଆ, ଚିୟାଃଚି ଅକ୍ନାଃ ଉକୁଆକାନ୍ତେୟାଃ ଉଦୁବଃଆ ଆତଃ ଅକ୍ନାଃ ଦାନାଙ୍ଗ୍ଆକାନ୍ତେୟାଃ ସାରିୟାଆ । ୨୭ ଆଇଙ୍ଗ୍ ଆପେକେ ଅକ୍ନାଃ ନୁବାଃରେଇଙ୍ଗ୍ କାଜିକାଦ୍ତେୟାଃ ମାର୍ସାଲ୍ରେ ଉଦୁବେପେ ଆତଃ ଅକ୍ନାଃ ଉକୁକେଦ୍ତେ ଆୟୁମେତେୟାଃ ସାଡ଼୍ଫି ଚେତାନ୍ଏତେ ଉଦୁବେପେ । ୨୮ ଆପେୟାଃ ହଡ଼୍ଫ ଗଗଏଃକକେ, ମେନ୍ଦ ଆମ୍ବାକେ କା ଗଏଃ ଦାଡ଼ିକକେ ଆଲ୍ପେ ବରଆକଆ, ମେନ୍ଦ ପାର୍ମେଶ୍ଵର୍ ଆପେୟାଃ ହଡ଼୍ଫ ଆତଃ

\* ୧୦:୧୭ ୧୦:୧୭ ଲୁକ ୧୦:୩। \* ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫.  
\* ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭। \* ୧୦:୨୨ ୧୦:୨୨ ମାଥୁରା ୨୪:୯; ମାର୍କ ୧୩:୧୩; ଲୁକ ୨୧:୧୭ମାଥୁରା ୨୪:୧୩; ମାର୍କ ୧୩:୧୩। \* ୧୦:୨୪ ୧୦:୨୪ ଲୁକ ୬:୪୦ଯୋହାନ୍ ୧୩:୧୭; ୧୫:୨୦.  
\* ୧୦:୨୫ ୧୦:୨୫ ମାଥୁରା ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫। \* ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭।

ଆମ୍ଭା ବାରାନାସକେ ନାରାକରେ ଜିୟନ୍ ଦାଡ଼ିୟାଏ, ଇନିଃକେ ବରଆଇପେ ।  
 ୨୯ ଚିୟାଃ ବାରିଆ ଗେରଝାକିନ୍ ମିଦ୍ ସିକାତେ କାକିନ୍ ଆଖୁରିଙ୍ଗୟଃଆ ? ହଲେହ୍  
 ଆପେୟାଃ ଆପୁଆଃ ବେଗାର୍ ଆରୁତେ ଇନକିନ୍ଏତେ ମିଆଁଦ୍ହ୍ ଅତେ ଲାଡାରରେ  
 କାଏ ଉୟୁଗଃଆ । ୩୦ ମେନ୍ଦ୍ ଆପେୟାଃ ବହଃରାଃ ସବେନ୍ ଉଦ୍ହ୍ ଲେକାକାନା  
 । ୩୧ ଏନା ନାଗେନ୍ତେ ଆଲ୍ପେ ବରଏୟା, ଆପେ ପୁରାଃ ଗେରଝାକଏତେ ପୁରାଃଗି  
 ଗନଙ୍ଗ୍ଆଃପେ ।

୩୨ “ଜେତାଏ ନେପେଲ୍ରେ ଆପାନ୍‌କେ ଆଇଁୟାଃ ମେନ୍ତେ ଆଡଃ ଆଇଙ୍ଗକେ  
 ସାରିୟାଃକ ମେନ୍ତେ ହଡ଼କଆଃ ଆୟାରରେ ଆଇଙ୍ଗକେ ସାରିୟାଃଇଙ୍ଗ ମେନ୍ତେ  
 କାଜିରେଦ୍, ଆଇଙ୍ଗହ୍ ଆଇଁୟାଃ ସିମ୍ପାରେନ୍ ଆପୁଆଃ ଆୟାରରେ ଇନିଃକେ  
 ସାରିୟାଃଇଙ୍ଗ ମେନ୍ତେ କାଜିୟାଇଙ୍ଗ । ୩୩ \*ମେନ୍ଦ୍ ଜେତାଏ ହଡ଼କଆଃ ଆୟାରରେ  
 ଆଇଙ୍ଗକେ କାଇଙ୍ଗ ସାରିୟାଃ ମେନ୍ତେ କାଜିନିଃକେ, ଆଇଙ୍ଗହ୍ ଆଇଁୟାଃ ସିମ୍ପାରେନ୍  
 ଆପୁଆଃ ଆୟାରରେ ଇନିଃକେ କାଇଙ୍ଗ ସାରିୟାଃ ମେନ୍ତେ କାଜିୟାଇଙ୍ଗ ।

ଜୀଉସୁକୁ କା ମେନ୍ଦ୍ ତାରାଉଡ଼ି\*  
 (ଲୁକ ୧୨:୫୧-୫୩; ୧୪:୨୭-୨୭)

୩୪ “ଆଇଙ୍ଗ ଅତେଦିଶ୍ଟୁମରେ ଜୀଉସୁକୁ ଏମତେ ହିଜୁଆକାନାଇଙ୍ଗ ମେନ୍ତେ  
 ଆଲ୍ପେ ଆଟ୍‌କାରେୟା । ବାନଃଗି, ଜୀଉସୁକୁ ଏମ୍ ନାଗେନ୍ତେଦ୍ କା ମେନ୍ଦ୍  
 ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଇଙ୍ଗ । ୩୫ ଚିୟାଃତି ଆଇଙ୍ଗ ହନ୍‌କଡ଼ା  
 ବିରୁଧ୍ରେ ଆପୁ, ଆଡଃ ହନ୍‌କୁଡ଼ି ବିରୁଧ୍ରେ ଏଙ୍ଗା, କିମିନ୍ ବିରୁଧ୍ରେ ହାନାରତେକେ  
 ବିନ୍‌ଗାଅ ନାଙ୍ଗ ହିଜୁଆକାନାଇଙ୍ଗ । ୩୬ ଆଡଃ ଅଡ଼ାଃରେନ୍‌କଗି ଅଡ଼ାଃରେନ୍‌କଆଃ  
 ବାଇରିକ ବାୟଆଃ ।

୩୭ “ଜେତାଏ ଆୟାଃ ଏଙ୍ଗା ଚାଏ ଆପୁତେକେ ଆଇଙ୍ଗଏତେ ଆଦକା ଦୁଲ୍ଲାଡ଼ରେଦ୍,  
 ଇନିଃ ଆଇଁୟାଃ ଚେଲା ବାଇୟଃ ଲେକାନ୍‌ନିଃ ନାହାଁଲିଃ, ଆଡଃ ଜେତାଏ ଲେକା  
 ଆୟାଃ ହନ୍ତେକଡ଼ା ଚାଏ ହନ୍ତେକୁଡ଼ିକେ ଆଇଙ୍ଗଏତେ ଆଦକା ଦୁଲ୍ଲାଡ଼ରେଦ୍, ଇନିଃ  
 ଆଇଁୟାଃ ଚେଲା ବାଇୟଃ ଲେକାନ୍‌ନିଃ ନାହାଁଲିଃ । ୩୮ \*ଜେତାଏ ଆୟାଃ କୁଗ୍  
 ଗଅଃକେଦ୍‌ତେ ଆଇଙ୍ଗକେ କାଏ ଅତଙ୍ଗଇଙ୍ଗରେଦ୍, ଇନିଃ ଆଇଁୟାଃ ଚେଲା  
 ବାଇୟଃ ଲେକାନ୍‌ନିଃ ନାହାଁଲିଃ । ୩୯ \*ଜେତାଏ ଆୟାଃ ଜୀଉ ନାମେନିଃ, ଏନାଏ  
 ଆଦେୟା ଆଡଃ ଜେତାଏ ଆଇଁୟାଃ ନାଗେନ୍ତେ ଆୟାଃ ଜୀଉ ଆଦେନିଃ, ଏନାଏ  
 ନାମେୟା ।

ନାଲା ନାମେନିଃ  
 (ମାର୍କ ୯:୪୧)

୪୦ \* “ଜେତାଏ ଆପେକେ ସୁକୁଆପେନିଃ, ଆଇଙ୍ଗକେ ସୁକୁଆୟାଏ, ଆଡଃ  
 ଆଇଙ୍ଗକେ ସୁକୁଆଇଙ୍ଗନିଃ, ଆଇଙ୍ଗକେ କୁଲ୍‌ନିଃକେ ସୁକୁଆଇୟାଏ । ୪୧ ଜେତାଏ,  
 ନାବୀ ତାନିଃ ମେନ୍ତେ ପାରମେଶ୍ଵାର୍‌ଆଃ କୁନ୍‌ଲ୍‌ନିଃ ଲେକା ଦାରମିନିଃ ନାବୀଆଃ  
 ନାଲାଏ ନାମେୟା ଆଡଃ ଜେତାଏ, ଇନିଃ ଧାର୍‌ମାନ୍ ହଡ଼ ତାନିଃ ମେନ୍ତେ ଧାର୍‌ମାନ୍  
 ହଡ଼ ଲେକାଏ ସୁକୁଆଇନିଃ ଧାର୍‌ମାନ୍ ହଡ଼ଆଃ ନାଲାଏ ନାମେୟା । ୪୨ ଆଡଃ  
 ଜେତାଏ, ନେ ହୁପଡ଼ିଙ୍ଗକଏତେ ମିହୁଡ଼କେ ଇନିଃ ଆଇଁୟାଃ ଚେଲା ତାନିଃ ମେନ୍ତେ  
 ମିଦ୍ ଗିଲାସ୍ ରେହାଡ଼୍ ଦାଆଃ ନୁଁଏ ନାଗେନ୍ତେ ଏମାଇରେଦ୍, ଆଇଙ୍ଗ ଆପେକେ  
 ସାର୍‌ତିଗି କାଜିପେତାନାଇଙ୍ଗ, ଇନିଃ ଆଇଁୟାଃ ଚେଲାତାନିଃ ମେନ୍ତେ ଆୟାଃ ନାଲା  
 ନାମେଗିୟାଏ ।”

\* ୧୦:୩୩ ୧୦:୩୩ ୨ ତିମଥୁ ୨:୧୨. \* ୧୦:୩୩ ୧୦:୩୪ ଖାଣ୍ଡା ☆ ୧୦:୩୮ ୧୦:୩୮ ମାଥୁରା ୧୭:୨୪;  
 ମାର୍କ ୮:୩୪; ଲୁକ ୯:୨୩. ☆ ୧୦:୩୯ ୧୦:୩୯ ମାଥୁରା ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଯୋହାନ୍  
 ୧୨:୨୫. ☆ ୧୦:୪୦ ୧୦:୪୦ ଲୁକ ୧୦:୧୭; ଯୋହାନ୍ ୧୩:୨୦ମାର୍କ ୯:୩୭; ଲୁକ ୯:୪୮.

# ୧୧

ୟୀଶୁ ଆଡ଼ଃ ବାପ୍ତିସ୍ମା ଏମଃନିଃ ଯୋହାନ୍  
(ଲୁକ ୭:୧୮-୩୫)

<sup>୧</sup> ୟୀଶୁ ଆୟାଃ ଗେଲ୍‌ବାର୍ ଚେଲ୍‌କକେ ଆତୁ ଚାବାକେଦକତି, ଇନିଃ ଏନ୍ତାଃ ବାଗିକେଦତେ ହେପାଦରାଃ ସାହାରତେ ହଡକକେ ଇଡୁକ ନାଙ୍ଗ୍ ଆଡ଼ଃ ପ୍ରାଚାର୍ ନାଗେନ୍ତେ ସେନଃୟାନାଏ ।

<sup>୨</sup> ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ଜେହେଲ୍‌ରେ ତାଇକେନ୍ ଇମ୍ତା ଖ୍ରୀଷ୍ଟୁଆଃ କାମିକ ଆୟୁମ୍‌କେଦତେ, ଆୟାଃ ବାର୍‌ହଡ୍ ଚେଲ୍‌କିନକେ ଇନିଃତାଃ କୁଲି ନାଗେନ୍ତେ କୁଲ୍‌କେଦକିନାଏ । <sup>୩</sup> ଇନକିନ୍ ୟୀଶୁକେ କୁଲିକିୟାକିନ୍, “ଅକନ୍ ହଡ୍ ହିଜୁଃଆଏ ମେନ୍ତେ ଯୋହାନ୍ କାଜିକାଦ୍ ତାଇକେନାଏ, ଇନିଃ ଆମ୍‌ଗି ତାନ୍‌ମେ ତି ଏଟାଃନିଃଲେ ନେଲ୍‌ହରାଇୟା ?”

<sup>୪</sup> ୟୀଶୁ ଇନକିନକେ ମେତାଦକିନା, “ଆବେନ୍ ରୁହାଡକେଦତେ ଅକନାଃବେନ୍ ନେଲ୍‌କାଦା ଆଡ଼ଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍ ।

<sup>୫</sup> କା ନେଲ୍‌ଦାଡିତାନ୍‌କ ନେଲେତାନା, କାଟା ଲେଙ୍ଗ୍‌ଡାକାନ୍‌କ ସେସେନ୍‌ତାନା, ନାଗେଘାଅକାନ୍‌କ ବୁଗି ନିଆଁରଃତାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡ଼ତାନା, ଆଡ଼ଃ ରେଙ୍ଗେଃ ହଡକତାଃରେ ସୁକୁକାଜି ଉଦୁବଃତାନା । <sup>୬</sup> ଆଡ଼ଃ ଆଇୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନକୁ ସୁକୁତାନ୍‌ଗିୟା ।”

<sup>୭</sup> ଯୋହାନ୍‌ଆଃ ଚେଲ୍‌କ ସେନଃ ତାଇକେନ୍ ଇମ୍ତା ୟୀଶୁ ଯୋହାନ୍‌ଆଃ ବିଷାଏରେ ପୁରାଃ ହଡକକେ କାଜି ଏଟେଦକେଦଆଏ, “ଆପେ ଯୋହାନ୍‌କେ ନେଲ୍ ନାଗେନ୍ତେ ସେନ୍‌କେନାପେ ଇମ୍ତା, ଚିକ୍‌ନାଃ ନେଲ୍ ନାଗେନ୍ତେ ସେନ୍‌କେନାପେ ? ଚିନାଃ ହୟତେ ଏକ୍‌ଲାଅଃତାନ୍ ବିରୁନି ତାସାଦକେ ? 「ଏନା କାହାରେଦ ଚିକ୍‌ନାଃ ନେନେଲ୍‌ତେପେ ଅଡଙ୍ଗ୍‌କାନ୍ ତାଇକେନା । ଚିନାଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡକେ ? ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡକ ରାଜାକଆଃ ଅଡ଼ାଃକରେକ ତାଇନାଃ । <sup>୯</sup> କାଜିଙ୍ଗ୍‌ପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅଡଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ୍ ଆପେକେ ସାର୍‌ତିଗି ମେତାପେ ତାନାଇଙ୍ଗ୍, ନାବୀଏତେ ମାରାଙ୍ଗ୍‌ନିଃକେପେ ନେଲିୟା । <sup>୧୦</sup> ଚିୟାଃତି ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲ୍‌କାନା,

‘ପାର୍‌ମେଶ୍ୱାର୍ କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ଦୁଁଡକେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ <sup>୧୧</sup> ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, କୁଡିକଏତେ ଜାନାମାକାନ୍ ସବେନ୍‌କଆଃ ଭିତାର୍‌ରେ ବାପ୍ତିସ୍ମା ଏମଃନିଃ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାଇୟା, ହଲେହ୍ ସିମାଁ ରାଇଜ୍‌ରେନ୍ ହୁଡିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ । <sup>୧୨</sup> \*ଆଡ଼ଃ ବାପ୍ତିସ୍ମା ଏମଃନିଃ ଯୋହାନ୍ ଆୟାଃ କାଜି ପ୍ରାଚାର୍‌କେଦ୍ ଦିପିଲିଏତେ ତିସିଙ୍ଗ୍ ଜାକେଦ୍ ସିମାଁ ରାଇଜ୍‌ରେ ପୁରାଃଗି ପେଡେୟାନ୍‌ତେ ଏଡକାନ୍ ହଡକ ଏନାକେ ଆକ୍‌ତେୟାର୍‌ରେ ନାଗେନ୍ତେ ସାନାଙ୍ଗ୍ ତାନାକ । <sup>୧୩</sup> ଯୋହାନ୍‌ଆଃ ଦିପିଲି ଜାକେଦ୍ ସବେନ୍ ନାବୀକ ଆଡ଼ଃ ମୁଶାରାଃ ଆନ୍‌ତୁ ସିମାଁ ରାଇଜ୍ ବିଷାଏରେ ଆୟାର୍‌କାଜିକ କାଜିକାଦା ।

<sup>୧୪</sup> \*ଆଡ଼ଃ ଆପେ ଆପେୟାଃ ମନେଲେକା ଇନକୁଆଃ କାଜିପେ ବିଶ୍ୱାସେରେଦ, ଏନ୍ ହିଜୁଃତାଇକେନ୍ ଏଲିୟ ନିଃଗି ତାନିଃ । <sup>୧୫</sup> ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।

\* ୧୧:୧୨ ୧୧:୧୨ ଲୁକ ୧୭:୧୭.    \* ୧୧:୧୪ ୧୧:୧୪ ମାଧୁର ୧୭:୧୦-୧୩; ମାର୍କ ୯:୧୧-୧୩.

୧୭ “ଆଇଁଜ୍ ନେ ଦିପିଲିରେନ୍ ହଡ଼କକେ ଅକଏଲଃ ଜକାକଆଇଁଜ୍ ? ଇନ୍କୁଦ ପିଟ୍ରେ ଦୁବାକାନ୍ ଆତଃ ଆକ ଆକରେ କେଡ଼ାଅଃତାନ୍ ହନ୍କ ଲେକାଃକ, ୧୭ ‘ଆଲେ ଆପେ ନାଗେନ୍ତେ ମୁରଲିଲେ ସାଡ଼ିକେଦା, ମେନ୍ଦ ଆପେ କାପେ ସୁସୁନ୍କେଦାଃ, ଆଲେ ଦୁକୁତାନ୍ ଦୁରାଈଲେ ଦୁରାଈକେଦାଃ ମେନ୍ଦ ଆପେ କାପେ ରାଆଃ କେଦାଃ ।’ ନେ ଦିପିଲିରେନ୍ ହଡ଼କ ଏନ୍ ଲେକାନ୍କ ତାନ୍କ । ୧୮ ବାପ୍ତିସ୍ତା ଏମଃନିଃ ଯୋହାନ୍ କାଟାବ୍କେଦାଏ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ହଡ଼କ ‘ଇନିଃକେ ବଜା ଏସେରକିୟାଏ’ ମେନ୍ତେକ କାଜିକେଦା । ୧୯ ଚିମ୍ତା ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଇମ୍ତା ହଡ଼କ ଇନିଃକେ ‘ପେଟୁ ଆତଃ ଦାଖ୍‌ରାସି ନୁଁ ହଡ଼, ମାଲ୍‌ହାରମକଆଃ ଆତଃ ପାପିକଆଃ ଗାତି ତାନିଃ’ କାଜିକିୟାକ । ମେନ୍ଦ ପାର୍‌ମେଶ୍ୱାର୍‌ଆଃ ସେଣ୍ ଆୟାଃ କାମିତେ ଏନା ସାର୍‌ତି ମେନ୍ତେ ଉଦୁବାକାନା ।”

କା ବିଶ୍ୱାସ୍‌ତାନ୍ ସାହାରକ  
(ଲୁକ ୧୦:୧୩-୧୫)

୨୦ ଯୀଶୁ ଅକନ୍ ସାହାରରେନ୍ ହଡ଼କତାଃରେ ଆୟାଃ ପୁରାଃ ଆକ୍‌ଦାନ୍‌ଅ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡ଼କକେ ଇନିଃ ହିଲାଇଁକେଦ୍‌କଆଏ, ଚିୟାଃତି ଇନ୍କୁ କାକ ହେୟାଡ଼ିକ୍‌କେଦା । ୨୧ “ଏ କରାଜିନ୍, ଆମାଃ ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଏ ବେଅସାଇଦା, ଚିମିନ୍ ପୁରାଃ ବରଝାନ୍‌ଗି ହବାଅଃଆ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଅ କାମିକ ସୋର୍ ଆତଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍କୁ ଚିଉଲ୍‌ରେ ବସ୍ତା ତୁସିକ୍‌କେଦ୍‌ତେ ଆତଃ ତରେକ୍ ଚେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ଼୍ କେଦ୍‌ତେୟାଃକ । ୨୨ ଆଇଁଜ୍ ସାର୍‌ତିଗିକ୍ କାଜିୟାପେତାନା, ବିଚାର୍ ହୁଲାଇଁରେ ପାର୍‌ମେଶ୍ୱାର୍ ଆପେତାଃଏତେ ସୋର୍ ଆତଃ ସିଦୋନ୍‌ରେନ୍ ହଡ଼କକେ ପୁରାଃ ଲିବୁଇୟାକଆଏ । ୨୩ ଆତଃ ଏ କପର୍‌ନାହୁମ୍, ଚିୟାଃ ଆମ୍ ସିମ୍‌ନା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଶ୍ୱାଗଆଃ । ଚିୟାଃତି ଆମ୍‌ରେ ଅକନ୍ ଆକ୍‌ଦାନ୍‌ଅ କାମିକ ରିକାୟାନା, ଏନା ସଦୋମ୍‌ରେ କାମିୟାକାନ୍‌ତେୟାଃ ହଲେ ସୋଦମ୍ ତିସିକ୍ ଜାକେଦ୍ ତାଇକାନ୍‌ତେୟାଃ । ୨୪ \*ମେନ୍ଦ ଆଇଁଜ୍ ଆପେକେ ସାର୍‌ତିଗିକ୍ କାଜିପେତାନା, ବିଚାର୍ ହୁଲାଇଁରେ ପାର୍‌ମେଶ୍ୱାର୍ ଆପେତାଃଏତେ ସୋଦମ୍ ଦିଶ୍‌ମ୍‌ରେନ୍ ହଡ଼କକେ ପୁରାଃ ଲିବୁଇୟାକଆଏ ।”

ଲାଗାକାନ୍‌କ ଯୀଶୁତାଃ ହିଜୁଃପେ ରୁଡ଼ୁଦୁପେ ନାମେୟା  
(ଲୁକ ୧୦:୨୧-୨୨)

୨୫ ଏନ୍ ଦିପିଲିରେ ଯୀଶୁ ବିକ୍ରିକେଦ୍‌ତେ କାଜିକେଦାଏ, “ହେ ଆବା, ସିମ୍‌ନା ଆତଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍‌ନିକ୍ ଆତଃ ଇତୁଆନ୍‌କତାଃଏତେମ୍ ଦାନାଈଆଁ କାଦାଃ, ଆତଃ କା ଇତୁଆକାନ୍‌କତାଃରେମ୍ ଉଦୁବାକାଦାଃ ମେନ୍ତେଇକ୍ ଧାନ୍ୟାବାଦ୍ ଏମାମ୍‌ତାନାଇକ୍ । ୨୬ ହେଗି, ହେ ଆବା, ନେୟାଗିଦ୍ ଆମାଃ ବୁଗିନ୍ ସାନାଈ ।

୨୭ \*“ଆପୁଇକ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍‌ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତଃ ହନ୍‌କେ ବାଗିକେଦ୍‌ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ ଅକନ୍‌କକେ ଏନା ସାରି ନାଗେନ୍ତେ ହନ୍ ଆଇଃକ୍‌ଗି ସାଲାଇଁଆଏ, ଇନ୍କୁ ଏସ୍‌କାର୍ ପାର୍‌ମେଶ୍ୱାର୍‌ଆଃ ବିଷାଏରେ ସାରିୟାଃକ ।

\* ୧୧:୨୪ ୧୧:୨୪ ମାଥୁରା ୧୦:୧୫; ଲୁକ ୧୦:୧୨.      \* ୧୧:୨୭ ୧୧:୨୭ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫.

୨୮ “ଏ ଲାଗାକାନ ଆତଃ ବାହାରମ୍ଭେ ତେନାକାନ ହୃଦକ ଆଇଙ୍ଗ୍‌ତାଃତେ ହିଜୁଃପେ, ଆଇଙ୍ଗ୍ ଆପେକେ ରୁଡ୍‌ନୁଇଙ୍ଗ୍ ଏମାପେୟା । ୨୯ ଆଇଁୟାଃ ଆଡ୍‌ନା ଗଅଃଏପେ ଆତଃ ଆଇଙ୍ଗ୍‌ଏତେ ଇଡ୍‌ନପେ, ଚିୟାଃତି ଆଇଙ୍ଗ୍‌ଦ ମନ୍‌ରେ ଲେବେଃ ଆତଃ ନାରାମ୍‌ଗିୟାଇଙ୍ଗ୍, ଆତଃ ଆପେ ରୁଡ୍‌ନୁପେ ନାମେୟା । ୩୦ ଆଇଁୟାଃ ଆଡ୍‌ନାଦ କେଟେଦ୍ ବାନଆଃ ଆତଃ ବାହାରମ୍ ତାଇୟାଃ କା ହାମ୍‌ଲାଃ ।”

## ୧୨

ରୁଡ୍‌ନୁ ହୁଲାଙ୍ଗ୍ ବିଷାଏରେ କୁନୁଲି  
(ମାର୍କ ୨:୨୩-୨୮; ଲୁକ ୬:୧-୫)

୧ ଏନ୍ ଦିପିଲିରେ ଯୀଶୁ ରୁଡ୍‌ନୁ ହୁଲାଙ୍ଗ୍‌ରେ ହେରାକାନ ପିଡ୍ଡି ଆଲାଆଲାତେ ସେନଃତାନ ତାଇକେନାଏ, ଆତଃ ଆୟାଃ ଚେଲାକ ରେଙ୍ଗେଃତେ ଗେଲେ ଜ'କେ ହଦକେଦ୍‌ତେ ଜମକେଦାକ । ୨ ମେନ୍‌ଦ ପାରୁଗୀକ ଏନା ନେଲକେଦ୍‌ତେ, ଯୀଶୁକେ କାଜିକିୟାକ, “ନେଲେମେ, ରୁଡ୍‌ନୁ ହୁଲାଙ୍ଗ୍‌ରେ କା ଲାଗାତିଙ୍ଗ୍ କାମି ଆମାଃ ତେଲାକ କାମିତାନା ।”

୩ ଯୀଶୁ ଇନ୍‌କୁକେ କାଜିରୁହାଡ୍‌ଦକଆଏ, “ଦାଉଦ୍ ଆତଃ ଆୟାଃ ଗାତିକ ରେଙ୍ଗେଃୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେଚି ପାଡ୍‌ଘା କାଦାଃ ? ୪ ଇନିଃ ପାର୍‌ମେଶ୍‌ବରାଆଃ ଅଡ୍‌ଃତେ ବଲୟାନା, ଆତଃ ପାର୍‌ମେଶ୍‌ବରାଆଃ ନୁଡ୍‌ମ୍‌ରେ ଏମାକାନ ହଲଙ୍ଗ୍, ଅକ୍‌ନାଃକେଚି ଆଇନ୍ ଲେକାତେ ଯାଜାକ୍ ଏସ୍‌କାର୍ ଜମ୍ ଦାଡ୍‌ୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆତଃ ଆୟାଃଲଃ ତାଇକାନକ୍‌କେୟ ଜମ୍‌ନାଙ୍ଗ୍ ଏମାଦକଆଏ । ୫ ଚାଏ ରୁଡ୍‌ନୁ ହୁଲାଙ୍ଗ୍‌ରେ ଯାଜାକ୍‌କ ମାନ୍‌ିର୍ ଅଡ୍‌ଃରେ ରୁଡ୍‌ନୁ ହୁଲାଙ୍ଗ୍‌କେ ସଡ୍‌ରାଏ ରେୟ କାକ ଚିଟାଅଃଆ, ନେଆଁ ଚିନାଃ ମୁଶାରାଃ ଆନ୍‌ରୁରେ ଆପେ କାପେ ପାଡ୍‌ଅକାଦା ? ୬ ଆଇଙ୍ଗ୍ ଆପେକେ ମେତାପେ ତାନାଇଙ୍ଗ୍, ମାନ୍‌ିର୍ ଅଡ୍‌ଃଏତେ ମାରାଙ୍ଗ୍ ନେତାଃରେ ମେନାଇୟା । ୭ ଧାରାମ୍‌ପୁଥ୍‌ରେ ଅଲାକାନା, ‘ଆଇଙ୍ଗ୍ ଦାଣ୍ଡେଁରାକାଦ୍ କାହାଗି ମେନ୍‌ଦ ଲିବୁଇଙ୍ଗ୍ ସୁକୁତାନା,’ ନେଆଁରାଃ ମୁଣ୍ଡିପେ ଆବ୍‌କାର୍‌ଉରୁମ୍‌କାରେଦ୍, ନେ ବେଗାର୍ ଗୁଣ୍ଡାନ୍‌କକେ କାପେ ଚିଟାକାକତେୟା । ୮ ଚିୟାଃତି ମାନ'ଖାହନ୍ ରୁଡ୍‌ନୁ ହୁଲାଙ୍ଗ୍‌ରେନ୍ ଗମ୍‌କେ ତାନିଃ ।”

ୟୀଶୁ ରହଡ୍‌ତିଃଇ ହଡ୍‌କେ ବୁଗି ତାନାଏ  
(ମାର୍କ ୩:୧-୬; ଲୁକ ୬:୬-୧୧)

୯ ଯୀଶୁ ଏନ୍ ଠାୟାଦ୍ ବାଗିକେଦ୍‌ତେ ସାମାଜ ଅଡ୍‌ଃତେ ବଲୟାନା । ୧୦ ଆତଃ ଏନ୍ତାଃରେ ତିଃଇ ରହଡ୍‌କାନ ମିଆଁଦ୍ ହଡ୍ ତାଇକେନାଏ । ଏନ୍ତେ ଚିମିନ୍ ହଡ୍‌କ ଯୀଶୁକେ ଚିଟାଇ ନାଗେନ୍ତେ କୁଲିକିୟାକ, “ରୁଡ୍‌ନୁ ହୁଲାଙ୍ଗ୍‌ରେ ବୁଗିତେୟାଃ ଆଇନ୍ ଲେକାତେ ଠାଉକାନ୍‌ଗିୟାତି ?”

୧୧ ଧୂୟୀଶୁ ଇନ୍‌କୁକେ କାଜିରୁହାଡ୍‌ଦକଆ, “ଆପେକଏତେ ଜେତାଏୟାଃ ମିଣ୍ଡି, ରୁଡ୍‌ନୁ ହୁଲାଙ୍ଗ୍ ଗାଡାରେ ଉୟୁଃକେନଃରେ, ଚିୟାଃ ଆପେ ଇନିଃକେ ସାବ୍‌କିତେ କାପେ ଅଡ୍‌ଙ୍ଗ୍‌ୟା ? ୧୨ ଆତଃ ମିଣ୍ଡିଏତେ ହଡ୍ ପୁରାଃଗି ଗନଙ୍ଗ୍‌ଆଁଏ । ଏନା ନାଗେନ୍ତେ ରୁଡ୍‌ନୁ ହୁଲାଙ୍ଗ୍‌ରେ ବୁଗିନାଃ କାମିତେୟାଃ ଆଇନ୍‌ଲେକାତେ ଏଟାଃନିଃକେ ଦେଙ୍ଗାତେୟାଃ ଠାଉକାନ୍‌ଗିୟା ।”

୧୩ ଏନ୍ତେ ଇନିଃ ଏନ୍ ହଡ୍‌କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍‌ୟେଁମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍‌କେଦାଏ, ଆତଃ ଏଟାଃ ତିଃଇ ଲେକା ବୁଗିରୁହାଡ୍‌ୟାନା

। ୧୪ ମେନ୍ଦ ଦଫାରୁଣୀକ ଅତଙ୍ଗକେଦ୍ତେ ଯୀଶୁକେ ଚିଲ୍ଲକାତେବୁ ଗଜିୟା ମେନ୍ତେକ ରଜୋଟକେଦା ।

ପ୍ରାଭୁଆଃ ସାଲକାନ ଦାସି

୧୫ ଚିମ୍ତା ଯୀଶୁ ଆୟାଃ ବିରୁଧରେ ରଜୋଟନାକ ମେନ୍ତେ ଆୟୁମ୍ବେଦା ଇମ୍ତା ଇନିଃ ଏନ୍ତାଃଏତେ ଅତଙ୍ଗୟାନା ଆତଃ ଗାଦେଲ୍ ହଡକ ଇନିଃକେ ଅତଙ୍ଗକିୟାକ ଏନ୍ତେ ସବେନ୍ ଦୁକୁତାନକକେ ବୁଗିକେଦକଆଏ । ୧୬ ଆତଃ ଆଇଁୟାଃ ବିଷାଏରେ ଏଟାଃକକେ ଆଲ୍ପେ କାଜିକଆ ମେନ୍ତେ ଇନିଃ ଇନ୍ଦକୁକେ ମାରାଙ୍ଗମତା କେଦକଆଏ । ୧୭ ପାରମେଶ୍ୱାର୍ ଯିଶାୟ ନାବାଆଃ ହରାତେ କାଜିକାଦତେୟାଃ ପୁରାଅଃ, ନାଗେନ୍ତେ ଇନିଃ ନେଆଁ କାମିକେଦାଏ,

୧୮ “ଆଇଁୟାଃ ଦାସି ନେତାଃରିୟା, ଅକଏକେଚି ଆଇଙ୍ଗ ସାଲକାଜାଇଙ୍ଗ, ଇନିଃକେ ଆଇଙ୍ଗ ପୁରାଃଗିଇଙ୍ଗ ଦୁଲାଡ୍ ତାନା, ଇନିଃତାଃରେ ଆଇଁୟାଃ ପୁରାଃଗି ସୁକୁ,

ଆଇଙ୍ଗ ଇନିଃରେ ଆଇଁୟାଃ ଆମ୍ବାକେ କୁଲିୟାଇଙ୍ଗ, ଆତଃ ଇନିଃ ସବେନ୍ ସାଅଁସାର୍ ହଡକତାଃରେ ଆଇଁୟାଃ ବିଚାର୍ ଉଦୁବେୟାଏ

୧୯ ଇନିଃ କାଏ ଏପେରାଙ୍ଗଆଃ ଚାଏ କାଏ କିରଲାଇୟା, ଚାଏ ଆଲା ହରାରେ କାଏ ତିଙ୍ଗୁନା ଆତଃ ପୁରାଃତେ କାଏ କିରଲାଇୟା ।

୨୦ ଇନିଃ କା ପେଡେୟାନକକେ ଲେବେଃ ମନ୍ତେ ନେଲ୍କଆ, ଆତଃ ନାରାଦୁରାକକେ ଲିବୁଇୟାକଆ ।

ଇନ୍ଦକୁ ବିଚାର୍ ଆଉରି ନାମେ ଜାକେଦ୍ ଏନ୍ କାମି ନାଗେନ୍ତେ କାଏ ଅହରାଅଆଃ, ୨୧ ଆତଃ ଇନିୟାଃ ନୁଡୁମ୍ବରେ ଦିଶୁମ୍ବରେନ୍ ସବେନ୍ ହଡକ ଆସ୍ରାଏୟା ।”

ୟୀଶୁ ଆତଃ ବାଲ୍ଜେବୁଲ୍ (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ଏନ୍ତେ ଚିମିନ୍ ହଡକ ବଙ୍ଗା ଏସେରକାନ୍ ମିଆଁଦ୍ କା ନେଲ୍ ଦାଡିତାନ୍ ଆତଃ କା ବାଗାଁଣ୍ ଦାଡିତାନ୍ ହଡକେ ଯୀଶୁତାଃତେକ ଆଉକିୟା, ଆତଃ ଇନିଃ ଏନ୍ ହଡକେ ବୁଗିକିୟାଏ, ଏନ୍ତେ ଇନିଃ ବାଗାଁଣ୍ ଆତଃ ନେଲ୍ ଦାଡିକେଦାଏ । ୨୩ ନେଆଁ ନେଲ୍କେଦ୍ତେ ଗାଦେଲ୍ ହଡକ ଆକ୍ଦାୟାୟାନାକ ଆତଃ ମେନ୍ଦକେଦା, “ଚିୟାଃ ନିଃ ଦାଉଦ୍ଆଃ ହନ୍ କାଚି ତାନିଃ ?”

୨୪ \*ମେନ୍ଦ ଦଫାରୁଣୀକ ନେଆଁ ଆୟୁମ୍ବେଦ୍ତେ କାଜିକେଦାକ, “ବଙ୍ଗାକଆଃ ଗମ୍ବେ ବାଲ୍ଜେବୁଲ୍ଗି ନିଃକେ ବଙ୍ଗାକକେ ହାର୍ଅତଙ୍ଗ ନାଙ୍ଗ୍ ପେଡେଃ ଏମାଜତାନାଏ ।”

୨୫ ଯୀଶୁ ଇନ୍ଦକୁଆଃ ମନ୍ରେୟାଃ ଉଡ଼ୁ ଆବ୍କାର୍କେଦ୍ତେ ଇନ୍ଦକୁକେ ମେତାଦକଆ, “ଜେତା ରାଇଜ୍ ଆଇଃକ୍ତେଗି ବିନ୍ଦଗାଅକେଦ୍ତେ ଆକ ଆକଥାଲାରେ ଲାପ୍ଡାଇରେଦ୍ ଏନ୍ ରାଇଜ୍ କା ତିଙ୍ଗୁନାଃ । ଜେତା ସାହାର୍ ଚାଏ ଅଡ଼ାଃରେ ବିନ୍ଦଗାଅ ହବାକେଦ୍ତେ ଆକ ଆକରେ ଲାପ୍ଡାଇରେଦ୍, ଇନ୍ଦକୁ କାକ ତାଇନ୍ ଦାଡିୟା । ୨୬ ଏନ୍ଲେକାଗି ସାଏତାନ୍, ସାଏତାନ୍ଆଃ ରାଇଜ୍ ହିଗାଡକେଦ୍ତେ ବିନ୍ଦଗାଅରେଦ୍ ଏନା କା ତିଙ୍ଗୁନାଃ, ମେନ୍ଦ୍ ଛିତିବିତିକେଦ୍ତେ ଚୁଣ୍ଡୁତୁତାରଃଆ । ଏନ୍ରେଦ୍ ଚିଲ୍ଲକାତେ ଆୟାଃ ରାଇଜ୍ ତାଇନ୍ ଦାଡିୟାଆ ? ୨୭ ଆତଃ ଆଇଙ୍ଗ ବାଲ୍ଜେବୁଲ୍ଆଃ ପେଡେଃତେ ବଙ୍ଗାକଇଙ୍ଗ୍ ହାର୍ଅତଙ୍ଗକ ତାନ୍ରେଦ୍, ଆପେୟାଃ ହଡକ ଅକଏୟାଃ ହରାତେକ ହାର୍ ଅତଙ୍ଗକତାନା ? ଏନା ନାଗେନ୍ତେ ଇନ୍ଦକୁଗି ଆପେୟାଃ ବିଚାର୍ନିଃକ ହବାଅଆଃ । ୨୮ ମେନ୍ଦ୍ ଆଇଙ୍ଗ

\* ୧୨:୨୪ ୧୨:୨୪ ମାଧୁର ୯:୩୪; ୧୦:୨୫.

ପାର୍ଫେଶ୍ଵାରୁଆଃ ଆମ୍ଭାତେ ବଜ୍ରାକରାଜା ହାରାଅତରାଜା ତାନରେଦ ଏନାତେ ଆଚ୍ଚକାରଠତାନା ପାର୍ଫେଶ୍ଵାରୁଆଃ ରାଜା ଆପେତାଠତେ ତେବାଠକାନା ।

୨୯ “ପେଡ଼େୟାନନିଠକେ ଆଭରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ାଠରେ ବଲକେଦ୍ତେ ଆୟାଃ ମେନାଠତେୟାଃ କାଏ ରେଠକଦାଡ଼ିୟା, ମେନ୍ଦ୍ ସିଦାତେ ଇନିଠକେ ତଲ୍ଲକେଦ୍ତେ ଆୟାଃ ମେନାଠତେୟାଃ ରେଠକଦାଡ଼ିୟାଏ ।

୩୦ \* “ଜେତାଏ ଆଇୟାଠଲଠ ବାଜ୍ରାଇନିଠ, ଆଇୟାଠ ବିରୁଧ୍ରେ ମେନାଲୟା ଆଡ଼ଠ ଜେତାଏ ଆଇୟାଠଲଠ କାଏ ହୁଣ୍ଡିନିଠ ଛିତିବିତିୟାଠଆଏ । ୩୧ ଏନା ନାଗେନ୍ତେ, ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ହଡ଼କଆଠ ସବେନ୍ ପାପ୍ ଆଡ଼ଠ ଏଡ଼କାନ୍ କାଜିକ ଛାମାଞ୍ଜାଠ, ମେନ୍ଦ୍ ପାବିତାର୍ ଆମ୍ଭାରାଠ ବିରୁଧ୍ରେ ନିୟା କାଜିକ କା ଛାମାଞ୍ଜାଠ । ୩୨ \* ଜେତାଏ ମାନଞ୍ଜାହନ୍ଦ୍ ଆଠ ବିରୁଧ୍ରେ କାଜିନିଠ ଛାମାଞ୍ଜାଠ, ମେନ୍ଦ୍ ଜେତାଏ ପାବିତାର୍ ଆମ୍ଭାରାଠ ବିରୁଧ୍ରେ କାଜିନିଠକେ ନେ ପାରିୟା\* ଠାଏ ହିନ୍ତୁଠତାନ୍ ପାରିୟାରେୟ କା ଛାମାଞ୍ଜାଠ ।

ଦାରୁ ଆଡ଼ଠ ଏନାରେୟାଠ ଜ  
(ଲୁକ ୬:୪୩-୪୪)

୩୩ \* “ଆପେ ଦାରୁ ବୁଗିନାଠପେ ମେନେରେଦ୍ ଜ ବୁଗିନାଠପେ ମେନେୟା ଠାଏ ଦାରୁ ଏଡ଼କାନାଠପେ ମେନେରେଦ୍ ଜ ଏଡ଼କାନାଠପେ ମେନେୟା, ଚିୟାଠଚି ଦାରୁଦ୍ ଆୟାଠ ଜ’ତେ ଆଚ୍ଚକାରୁଡ଼ମଠଆ । ୩୪ \* ବିଙ୍ଗ୍ ଲେକା ଏଡ଼କାନ୍ ହଡ଼କ ତାନ୍ପେରେଦ୍ ଚିଲ୍ଲକାତେ ବୁଗିନ୍ତେୟାଠପେ କାଜିଦାଡ଼ିୟାଠ ? ଚିୟାଠଚି ମନ୍ରେ ଅକ୍ନାଠ ପେରେଜାକାନ୍ତେୟାଠ ମତାଏ କାଜିୟା । ୩୫ ବୁଗିନ୍ ହଡ଼ ଆୟାଠ ବୁଗିନ୍ ଭାଣ୍ଡାରୁଅଡ଼ାଠଏତେ ବୁଗିନ୍ତେୟାଠ ଅଡ଼ଙ୍ଗ୍ୟେଆଏ, ଏଡ଼କାନ୍ ହଡ଼ ଆୟାଠ ଏଡ଼କାନ୍ ଭାଣ୍ଡାରୁଅଡ଼ାଠଏତେ ଏଡ଼କାନ୍ତେୟାଠ ଅଡ଼ଙ୍ଗ୍ୟେଆଏ ।

୩୬ “ମେନ୍ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ହଡ଼କ ଆକଆଠ ମିମିଆଦ୍ ସାମାକାଜିରେୟାଠ ହିସାବ୍ ବିଚାର୍ ହୁଲାଇଁରେକ୍ ଏମେୟା । ୩୭ ଆପେ ଆପେୟାଠ ଜାଗାର୍ତେଗି ବିଚାର୍ୟାନଲଠ ଗୁଣ୍ଡାକାଦାପେ ଚି କାପେ ଗୁଣ୍ଡାକାଦା, ଏନା ଉଦୁବଠଆପେ ।”

ଆଇନ୍ ଇଡୁକ୍ ଆଡ଼ଠ ଫାରୁଗୀକ୍ ଯୀଶୁକେ ଚିହ୍ନାକ୍ ଆସିତାନା  
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ \* ଏନ୍ତେ ଆଇନ୍ ଇଡୁକ୍ ଆଡ଼ଠ ଫାରୁଗୀକ୍ଏତେ ଚିମିନ୍ ହଡ଼କ କାଜିକିୟାକ୍, “ହେ ଗୁରୁ, ଆଲେ ଆମାଠତାଠଏତେ ମିଆଁଦ୍ ଚିହ୍ନାକ୍ ନେନେଲ୍ ସାନାଇଁତାନାଲେ ।”

୩୯ \* ମେନ୍ଦ୍ ଯୀଶୁ ଇନ୍କୁକେ କାଜିରୁହାଡ଼କେଦ୍କଆଏ, “ଆପେ ନେ ପାରିୟାରେନ୍ ହଡ଼କ, ଚିମିନ୍ ଏଡ଼କାନ୍ ଆଡ଼ଠ ପାର୍ଫେଶ୍ଵାରୁକେ କା ବିଶ୍ଵାସତାନ୍କ ତାନ୍ପେ । ଆପେ ଆଇଙ୍ଗ୍କେ ମିଆଁଦ୍ ଚିହ୍ନାକ୍ପେ ଆସିତାନା, ମେନ୍ଦ୍ ଯୁନ୍ସ୍ ନାବୀଆଠ ଚିହ୍ନାକ୍ ବାଗିକେଦ୍ତେ ଆଡ଼ଠ ଏଟାଠ ଚିହ୍ନାକ୍ ଆପେକେ କା ଉଦୁବଠଆ । ୪୦ ଯୁନ୍ସ୍ ନାବୀ ଆପି ମାହାଁ ନିଦାସିଙ୍ଗି ମାରାଙ୍ଗ୍ ହାକୁଆଠ ଲାହିଦ୍ରେ ତାଇକେନାଏ, ଏନ୍ଲେକାଗି ମାନଞ୍ଜାହନ୍ଦ୍ ଆପି ମାହାଁ ନିଦାସିଙ୍ଗି ଅତେ ଭିତାର୍ରେ ତାଇନାଏ । ୪୧ ନିନିବିରେ ଯୁନ୍ସ୍ ନାବୀ ପ୍ରାଚାର୍କେଦ୍ ଇମତା ପାଡ଼ିୟାର୍କେଦ୍ ହଡ଼କ ତିଙ୍ଗ୍କେଦ୍ତେ ନେ ଦିପିଲିରେନ୍ ହଡ଼କଲଠ ପାର୍ଫେଶ୍ଵାରୁ ବିଚାର୍ ହୁଲାଇଁରେ ଇନ୍କୁକେକ ଚିଟାକଆ, ଚିୟାଠଚି ଇନ୍କୁ ଯୁନ୍ସ୍ ପାର୍ଚାର୍କେଦ୍ ଇମତା ମନ୍ରୁହାଡ଼କେଦାକ୍, ଆଡ଼ଠ ନାହାଁଠ

\* ୧୨:୩୦ ୧୨:୩୦ ମାର୍କ ୯:୪୦. \* ୧୨:୩୨ ୧୨:୩୨ ଲୁକ ୧୨:୧୦. \* ୧୨:୩୨ ୧୨:୩୨ ଯୁବ୍ \* ୧୨:୩୩ ୧୨:୩୩ ମାଧୁର ୭:୨୦; ଲୁକ ୬:୪୪. \* ୧୨:୩୪ ୧୨:୩୪ ମାଧୁର ୩:୭; ୨୩:୩୩; ଲୁକ ୩:୭ମାଧୁର ୧୫:୧୮; ଲୁକ ୬:୪୫. \* ୧୨:୩୮ ୧୨:୩୮ ମାଧୁର ୧୭:୧; ମାର୍କ ୮:୧୧; ଲୁକ ୧୧:୧୭. \* ୧୨:୩୯ ୧୨:୩୯ ମାଧୁର ୧୭:୪; ମାର୍କ ୮:୧୨.

ଆଇଙ୍ଗ କାଜିପେତାନାଇଙ୍ଗ, ଯୁନ୍ସୁଏତେ ମାରାଙ୍ଗନିଃ ନେତାଃରେ ମେନାଇୟା ।  
 ୪୭ ବିଚାର ହୁଲାଙ୍ଗରେ ଦାକ୍ଷିଣ୍ ଦିଶ୍ଟୁମ୍ରେନ୍ ରାନୀ ନେ ଦିପିଲିରେନ୍ ହଡକଲଃ  
 ତିଙ୍ଗୁନାଃ ଆତଃ ଇନ୍କୁକେ ଚିଟାକଆ, ଚିୟାଃତି ଇନିଃ ସୁଲିମାନୁଆଃ ସେଣ୍ଡିନ୍ କାଜି  
 ଆୟୁମ୍ ନାଗେନ୍ତେ ଆୟାଃ ଅତେଦିଶ୍ଟୁମ୍ରେୟାଃ ଟୁଣ୍ଡୁଏତେ ହିଙ୍ଗୁଃକାନ୍ ତାଇକେନା,  
 ଆତଃ ନେଲେପେ, ସୁଲିମାନୁଏତେ ମାରାଙ୍ଗନିଃ ନେତାଃରେ ମେନାଇୟା ।

ଏଡକାନ୍ ଆମ୍ବାରାଃ ହିଙ୍ଗୁଃରୁହାଡ୍  
 (ଲୁକ ୧୧:୨୪-୨୬)

୪୩ “ସଡରା ଆମ୍ବା ମିହୁଡ୍ତାଃଏତେ ଅତଙ୍ଗ୍‌ୟାନରେ, ରହଡ୍, ଠାୟାଦକରେ  
 ହନରବାଡାକେଦତେ ରୁଡ୍‌ନ୍ ନାଗେନ୍ତେ ଦାକ୍ଷିଣ୍‌ୟାଏ ଆତଃ କାଏ ନାମ୍‌ତାରେ,  
 ୪୪ ଇନିଃ କାଜିୟାଏ, ‘ଆଇଙ୍ଗ ଅକନ୍ ଅଡ଼ାଃଏତେ ଅତଙ୍ଗ୍‌କାନ୍ ତାଇକେନାଇଙ୍ଗ,  
 ଏନ୍ ଅଡ଼ାଃତେଗି ସେନ୍‌ରୁହାଡାକ୍‌ଇଙ୍ଗ,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ,  
 ସାଫାକାନ୍ ଆତଃ ସୁଗାଡାନ୍‌ଗି ନେଲେୟା । ୪୫ ଏନ୍ତେ ଇନିଃ ସେନ୍‌କେଦତେ  
 ଆୟାଃତାଃଏତେ ଆଦକା ଏଡକାନ୍ ସାଡ୍‌ଠୁ ଆମ୍ବାକକେ ମିଦତେ ଆଉକଆ, ଆତଃ  
 ଇନ୍କୁ ଏନାରେକ ବଲିଆ ଆତଃକ ତାଇନଃଆ । ଆତଃ ଏନ୍ ହଡରାଃ ଦାସା  
 ପାହିଲାଏତେ ଟୁଣ୍ଡୁ ଦାସା ପୁରାଃଗି ଏଡକାନ୍ ହବାଅଆଃ । ନେ ଦିପିଲିରେନ୍ ଏଡକାନ୍  
 ହଡକଆଃଲଃ ନେ ଲେକା ହବାଅଆଃ ।”

ୟାଣ୍ଡୁଆଃ ଏଙ୍ଗା ଆତଃ ହାଗାକ

(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଯାଣ୍ଡୁ ଗାଦେଲ୍ ହଡକକେ କାଜିକତାନ୍ ତାଇକେନ୍‌ରେ, ଇନିୟାଃ ଏଙ୍ଗା ଆତଃ  
 ହାଗାକ ଏନ୍ତାଃ ସେଟେରକେଦତେ ବାହାରିରେ ତିଙ୍ଗୁୟାନାକ ଆତଃ ଆୟାଃଲଃ  
 ଜାଗାର୍ ନାଗେନ୍ତେ ମିହୁଡ୍ତାଃରେ କାଜିକୁଲ୍‌କେଦାକ । ୪୭ ଏନ୍ତେ ମିହୁଡ୍ ଇନିଃକେ  
 କାଜିକିୟାଏ, “ଆମାଃ ଏଙ୍ଗାମ୍, ଆତଃ ହାଗାମ୍‌ତେକ ବାହାରିରେ ତିଙ୍ଗୁକେଦତେ  
 ଆମାଃଲଃ ଜାଗାର୍ ନାଗେନ୍ତେକ ସାନାଙ୍ଗତାନା ।”†

୪୮ ମେନ୍‌ଦ ଯାଣ୍ଡୁ ଇନ୍କୁ କାଜିରୁହାଡକେଦକଆଏ, “ଅକଏ ଆଇଁୟାଃ ଏଙ୍ଗାକ୍‌ଇଙ୍ଗ  
 ? ଆତଃ ଅକନ୍‌କ ଆଇଁୟାଃ ହାଗାକ୍‌କ ତାନ୍‌କ ?” ୪୯ ଏନ୍ତେ ଇନିଃ ଆୟାଃ  
 ଚେଲାକକେ ଟୁଣ୍ଡୁକେଦତେ ମେତାଦକଆ, “ନେଲ୍‌କପେ, ନିକୁଦ, ଆଇଁୟାଃ ଏଙ୍ଗା  
 ଆତଃ ହାଗାକତାନ୍‌କ । ୫୦ ଆଇଁୟାଃ ସିର୍ମାରେନ୍ ଆପୁଆଃ ମନେଲେକା କାମିନିଃଗି  
 ଆଇଁୟାଃ ହାଗା, ମିଗି ଆତଃ ଏଙ୍ଗା ତାନ୍‌କ ।”

## ୧୩

ହିତାହେରନିଆଃ ଜନ୍‌କା କାଜି

(ମାର୍କ ୪:୧-୯; ଲୁକ ୮:୪-୮)

୧ ଏନ୍ ହୁଲାଙ୍ଗଗି ଯାଣ୍ଡୁ ଅଡ଼ାଃଏତେ ଅତଙ୍ଗ୍‌କେଦତେ ଦରେୟା ଗେନାରେ  
 ଦୁବ୍‌ୟାନାଏ, ଆତଃ ଇଡ୍ ଏଟେଦକେଦାଏ । ୨ \*ଆତଃ ଗାଦେଲ୍ ହଡକ ଇନିୟାଃ  
 ହେପାଦରେକ ଜୁରୁହୁଣ୍ଡିୟାନ୍ତେ ଇନିଃ ମିଆଁଦ୍ ଲାଉକାରେ ଦୁବ୍‌ୟାନାଏ ଆତଃ  
 ଗାଦେଲ୍ ହଡକ ଦରେୟା ଗେନାରେ ତିଙ୍ଗୁୟାନା । ୩ ଇନିଃ ଇନ୍କୁକେ ଜନ୍‌କା  
 କାଜିତେ ପୁରାଃ କାଜି ଉଦୁବ୍‌କେଦକଆ ।

“ମୁସିଙ୍ଗ୍‌ହୁଲାଙ୍ଗ ମିଆଁଦ୍ ହିତାହେରନିଃ ହିତା ହେର ନାଗେନ୍ତେ ଅତଙ୍ଗ୍‌ୟାନା ।  
 ୪ ଇନିଃ ହିତା ହେରତାନ୍ ଇମ୍‌ତା, ଚିମିନ୍ ହିତା ହରା ଗେନାରେ ଉୟାୟାନା  
 ଆତଃ ଚେଣ୍ଡିକ୍ ଆଡ୍‌ଗୁକେଦତେ ଏନାକ ହାଲାଙ୍ଗ୍ ଜମ୍‌କେଦା । ୫ ଚିମିନ୍ ହିତାଦ

† ୧୨:୪୭ 12:47 ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

\* ୧୩:୨ ୧୩:୨ ଲୁକ ୫:୧-୩.



ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଙ୍ଗି ତାଇକାନ୍ ହରାତେ ଅମନ୍ ଧାବ୍‌ୟାନା । <sup>୬</sup> ମେନ୍‌ଦ ସିଙ୍ଗିରାଃ ରାଁପ୍‌ତେ ଏନ୍ ଅମନ୍‌ତେୟାଃକ ସବେନ୍ ରହଡ଼ଗସୟାନା, ଚିୟାଃଚି ଏନାଏତେ ଭିତାର୍‌ତେ ପୁରାଃ କା ରେହେଦାକାନ୍ ତାଇକେନା । <sup>୭</sup> ଚିମିନ୍ ହିତା ଜାନୁମ୍ ହୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା । « ମେନ୍‌ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଆଦକା ଜ'ୟାନା, ଚିମିନ୍ ମିଦ୍‌ଶାଅଗୁନା, ଚିମିନ୍ ଷାଠେ, ଆତଃ ଚିମିନ୍ ଚିରିଶ୍‌ଗୁନା, ଜ'ୟାନା । »

<sup>୮</sup> ଆତଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ ଜନ୍‌କା କାଜି କାଜିକେଦାଏ

(ମାର୍କ ୪:୧୦-୧୨; ଲୁକ ୮:୯-୧୦)

<sup>୧୦</sup> ଏନ୍ତେ ଚେଲାକ ଯୀଶୁତାଃ ହିଜୁଃକେଦ୍‌ତେ କୁଲିକିୟାକ, “ଚିକାନାଙ୍ଗ ହଡ଼କକେ ଜନ୍‌କା କାଜିତେମ୍ ଇଡୁକତାନା ?”

<sup>୧୧</sup> ଯୀଶୁ ଇନ୍‌କୁକେ କାଜିରୁହାଡ଼ାଦକଆ, “ଆପେଦ ସିର୍ମା ରାଇଜ୍‌ରେୟାଃ ଉକୁଆକାନ୍ କାଜିରାଃ ମୁଣ୍ଡି ସାରି ନାଗେନ୍ତେ ସେଣାଁ ଏମାକାନା, ମେନ୍‌ଦ ବାହାରିରେନ୍ ଏଟାଃକକେ କାଜିରାଃ ମୁଣ୍ଡି ସାରି ନାଗେନ୍ତେ ସେଣାଁ କା ଏମାକାନା । <sup>୧୨</sup> \*ଜେତାଏତାଃରେ ମେନାଃନିଃକେ ଏମାଃଆ, ଆତଃ ଇନିୟାଃ ପୁରାଃଚି ହବାଅଆଃ, ମେନ୍‌ଦ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ । <sup>୧୩</sup> ଇନ୍‌କୁକେ ଆଇଙ୍ଗ୍ ଜନ୍‌କା କାଜିତେ ଇଡୁକ ତାନାଇଙ୍ଗ୍, ଚିୟାଃଚି ଇନ୍‌କୁ ନେଲ୍‌ଦକ ନେଲେୟା ମେନ୍‌ଦ କାକ ନେଲେୟା, ଆୟୁମ୍‌ଦକ ଆୟୁମେୟା ମେନ୍‌ଦ କାକ ଆଟ୍‌କାର୍‌ଉରୁମେୟାଁ । <sup>୧୪</sup> ଇନ୍‌କୁରେ ଯିଶାୟ ନାବୀଆଃ ଆୟାର୍‌କାଜି ପୁରାଅଃତାନା,

“ ନେ ହଡ଼କ ଆୟୁମ୍‌ଦକ ଆୟୁମେୟା ମେନ୍‌ଦ କାକ ଆଟ୍‌କାର୍‌ଉରୁମେୟାଁ;

ଆତଃ ନେଲ୍‌ଦକ ନେଲେୟା ମେନ୍‌ଦ କାକ ନେଲ୍‌ଉରୁମେୟାଁ,

<sup>୧୫</sup> ଚିୟାଃଚି ନେ ହଡ଼କଆଃ ମନ୍ କେଟେଦ୍‌ଉତାରୁୟାନା,  
ଇନ୍‌କୁଆଃ ଲୁଡୁର୍ ମେନାଃରେୟା କାକ ଆୟୁମେୟା  
ଆତଃ ଇନ୍‌କୁଆଃ ମେଦ୍ ମେନାଃରେୟା କାକ ନେଲେୟା ।

କା'ରେଦ, ଇନ୍‌କୁ ଆକଆଃ ମେଦ୍‌ତେକ ନେଲେତେୟାଃ,  
ଆତଃ ଆକଆଃ ଲୁଡୁର୍‌ତେକ ଆୟୁମେତେୟାଃ,  
ଆତଃ ଆକଆଃ ମନ୍‌ତେକ ଆଟ୍‌କାର୍‌ଉରୁମେତେୟାଃ,

ଆତଃ ଇନ୍‌କୁ ଆଇଁୟାଃତାଃତେ ରୁହାଡ଼ତେୟାଃକ,  
ଏନ୍ତେ ଆଇଙ୍ଗ୍ ଇନ୍‌କୁକେଇଙ୍ଗ୍ ବୁଗିକତେୟାଃ ।”

<sup>୧୬</sup> \*“ମେନ୍‌ଦ ଆପେ ଚିମିନ୍ ସୁକୁତାନ୍‌ଗିୟାଃପେ, ଚିୟାଃଚି ଆପେ ନେଲ୍ ଦାଡ଼ିତାନାପେ, ଆତଃ ଆୟୁମ୍ ଦାଡ଼ିତାନାପେ । <sup>୧୭</sup> ଆଇଙ୍ଗ୍‌ଦ ସାର୍‌ତିଗିଙ୍ଗ୍ କାଜିୟାପେତାନା, ଆପେ ନେଲ୍‌ତାନ୍‌ତେୟାଃ ପୁରାଃ ନାବୀକ ଆତଃ ଧାର୍‌ମାନ୍ ହଡ଼କ ନେନେଲ୍ ସାନାଙ୍ଗ୍‌କେଦକଆ ମେନ୍‌ଦ କାକ ନେଲ୍‌କେଦା ଆତଃ ଆପେ ଆୟୁମ୍‌କେଦ୍‌ତେୟାଃ ଇନ୍‌କୁକେ ଆୟୁମ୍ ସାନାଙ୍ଗ୍‌କେଦକଆ ମେନ୍‌ଦ କାକ ଆୟୁମ୍‌କେଦା ।

ୟୀଶୁ ହିତାହେର୍‌ନିଆଃ ଜନ୍‌କାରାଃ ମୁଣ୍ଡି ଉଦୁବ୍‌କେଦା

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହାଁଃ ହିତାହେରୁନିଆଃ ଜନକା କାଜିରେୟାଃ ମୁଣ୍ଡି ଆୟୁମେପେ । ୧୯ ଜେତାଏ ହଡ଼ ସିର୍ମା ରାଇଜ୍ରେୟାଃ କାଜି ଆୟୁମକେଦ୍ଦତେ ଏନା କାଏ ଆଟ୍ଟକାରୁରୁମେରେ, ଏନ୍ ଏଡ଼କାନନିଃ ହିଜୁଃଆଏ ଆତଃ ଜନିୟାଃ ମନ୍ସୁରୁଦ୍ରେ ହେରାକାନତେୟାଃ ରେଃକ୍ ଇଦିୟାଏ, ଇନିଃ ହରା ଗେନାରେ ହେରାକାନ ହିତା ଲେକାନନିଃ ତାନିଃ । ହରା ଗେନାରେ ଉୟୁଗାକାନ ହିତାରାଃ ମୁଣ୍ଡି ନେଆଁ ତାନାଃ । ୨୦ ଜେତାଏ କାଜି ଆୟୁମାଃଏ ଆତଃ ରାସ୍ତକାତେ ତେଲ୍ଲାଦାବେଆ, ଇନିଃ ଦିରି ଅତେରେ ଉୟୁଗାକାନ ହିତା ଲେକାନନିଃ ତାନିଃ । ୨୧ ମେନ୍ଦ୍ ଇନିୟାଃ ମନ୍ରେ କାଏ ରେହେଦ୍ଦୟାନ୍ତେ ହୁଡ଼ିଜ୍ ଦିପିଲିଗି ତାଇନାଏ ଆତଃ କାଜି ନାଗେନ୍ତେ ସାସାତି ଚାଏ ସିଗିଦ୍ ହିଜୁଃୟାନ୍ରେ ଇନିଃ ତହଦ୍ଦାବଃଆଏ । ୨୨ ଜେତାଏ କାଜି ଆୟୁମାଃଏ ମେନ୍ଦ୍ ସାଂସାରରେୟାଃ ଉଡ଼ୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃ’ଆ, ଇନିଃ ଜାନୁମ୍ ଆଲ୍ଲାରେ ଉୟୁଗାକାନ ହିତା ଲେକାନନିଃ ତାନିଃ, ଇନିଃ ଜେତାନ୍ ଜ କାଏ ଜଅଃ’ଆ । ୨୩ ଆତଃ ଜେତାଏ କାଜି ଆୟୁମକେଦ୍ଦତେ ଆଟ୍ଟକାରୁରୁମନିଃ ବୁଗିନ୍ ଅତେରେ ଉୟୁଗାକାନ ହିତା ଲେକାନନିଃ ତାନିଃ, ଇନିଃ ବୁଗିନ୍ ସାରତିଗି ଜଅଃ’ଆ ଆତଃ ମିଦ୍‌ଶାଅ ଗୁଣ୍ଡ ଆଦକା, ଶାଠେ ଗୁଣ୍ଡ ଆତଃ ତିରିଶ୍ ଗୁଣ୍ଡ ଜଅଃ’ଆ ।”

### ଚୁଲିତାସାଦ୍ ରେୟାଃ ଜନକା କାଜି

୨୪ ଆତଃ ଇନିଃ ଏଟାଃ ଜନକା କାଜି କାଜିୟାଦକଆଏ, “ସିର୍ମା ରାଇଜ୍ ମିଆଁଦ୍ ହଡ଼ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେରକେଦା । ୨୫ ମେନ୍ଦ୍ ହଡ଼କ ଦୁଡ଼ମ୍ବାକାନ ତାଇକେନ୍ ଇମ୍ତା ଇନିୟାଃ ବାଇରି ହିଜୁଃକେଦ୍ଦତେ ଗହମ୍ ହେରାକାନ ଅତେରେ ଚୁଲିତାସାଦ୍ ଜାଜ୍ ହେରକେଦ୍ଦତେ ସେନଃୟାନା । ୨୬ ଗହମ୍ ଅମନ୍ୟାନା ଆତଃ ଗେଲେୟାନ୍ରେ ଚୁଲିତାସାଦ୍ ନେଲ୍ଲୟାନା । ୨୭ ଅଡ଼ାଃରେନ୍ ଗୁସିୟା ଦାସିକ ହିଜୁଃଲେନ୍ତେ କାଜିକିୟାକ, ‘ହେ ଗମକେ, ତିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେରଲେଦା, ଏନ୍ ଚୁଲିତାସାଦ୍ ଅକ୍ତାଃଏତେ ହିଜୁଆକାନା ?’ ୨୮ ଇନିଃ ଇନକୁକେ ମେତାଦକଆ, ‘ମିଆଁଦ୍ ବାଇରି ନେଆଁ ରିକାକାଦାଏ ।’ ଏନ୍ତେ ଦାସିକ କୁଲିକିୟାକ, ‘ଆଲେ ସେନ୍କେଦ୍ଦତେ ଏନାକେଲେ ହେଡ୍ଦେଦ୍ ହୁରାଜ୍‌ୟେଆ ମେନ୍ତେମ୍ ସାନାଜ୍‌ତାନାତି ?’ ୨୯ ଇନିଃ ‘ବାନଃଗି’ ମେତାଦକଆଏ, ‘ତିୟାଃତି ଚୁଲିତାସାଦ୍ ହେଡ୍ଦେଦ୍‌ତାନ୍ ଇମ୍ତା ଗହମ୍‌ହ୍ ଏନାଲଃ ହେଡ୍ଦେଦ୍‌ମେସାଅଃଆ । ୩୦ ଇରୋଃ ଦିପିଲି ଜାକେଦ୍ ଗହମ୍ ଆତଃ ଚୁଲିତାସାଦ୍ ବାରନାଃକେ ମିଦ୍‌ତେ ହାରାଇତିପେ ଏନ୍ତେ ଆଇଜ୍ ଇରୋଃ ଦିପିଲିରେ ଇରୋଃକକେ କାଜିକଆଇଜ୍, ସିଦାତେ ଚୁଲିତାସାଦ୍ ହୁଣ୍ଡିପେ ଆତଃ ଉରୁବେ ନାଗେନ୍ତେ ବିଡ଼ା ତଲେପେ ଏନ୍ତେ ଗହମ୍‌କେ ଆଇୟାଃ ଭାଣ୍ଡାର୍ ଅଡ଼ାଃରେ ଦହଏପେ ।”

### ମାନିଜାଜ୍‌ରେଆଃ ଜନକା କାଜି

(ମାର୍କ ୪:୩୦-୩୪; ଲୁକ ୧୩:୧୮-୨୧)

୩୧ ଯୀଶୁ ଆତଃମିଆଁଦ୍ ଜନକା କାଜି ଇନକୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ମାନିଜାଜ୍ ଲେକା ଏନା ଜେତା ହଡ଼ ଇଦିକେଦ୍ଦତେ ଆୟାଃ ଅତେରେ ହେରକେଦା । ୩୨ ଏନାଦ୍ ସବେନ୍ ହିତାଏତେ ହୁଡ଼ିଜ୍‌ଆଁ ମେନ୍ଦ୍ ଏନା ହାରାୟାନ୍ତି ସବେନ୍ ଆଡ଼ାଃଏତେ ମାରାଜ୍‌ଅଃଆ ଏନ୍ତେ ଦାରୁ ହବଅଆଃ, ଆତଃ ଏନାରେୟାଃ କତରେ ସିର୍ମାରେନ୍ ଚେଣ୍ଟେକ୍ ଅକାୟା ।”

୩୩ ଯୀଶୁ ଆଡ଼ମିଆଁଦ୍ ଜନ୍ମକା କାଜି ଇନ୍‌କୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ରାନୁ ଲେକାଃ, ଏନାକେ ଜେତାଏ କୁଡ଼ି ଆଉକେଦ୍‌ତେ ଆପି କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦ୍‌କେଦାଏ ।”

୩୪ ନେ ସବେନାଃ, ଯୀଶୁ ଜନ୍ମକା କାଜିତେ ଗାଦେଲ୍ ହଡ଼କକେ କାଜିୟାଦକଆ ଆଡ଼ଃ ବେଗାର୍ ଜନ୍ମକା କାଜିତେ ଇନିଃ ଇନ୍‌କୁକେ ଜେଡ଼ନାଃ କାଏ କାଜିୟାଦକଆ । ୩୫ ନାବୀଆଃ ନେ କାଜି ନେ ଲେକାତେ ପୁରାୟାନା,  
“ଇନ୍‌କୁଲଃ ଜାଗାର୍ ଇମତା ଆଇଙ୍ଗ୍ ଇନ୍‌କୁକେ ଜନ୍ମକା କାଜିତେ କାଜିକଆଇଙ୍ଗ୍;  
ଅତେଦିଶ୍ଟୁମ୍‌ରେୟାଃ ମୁନ୍ନୁରାଃ ସିଦାଏତେ ଉକୁଆକାନ୍ କାଜିକଇଙ୍ଗ୍ ଉଦୁବେୟା  
।”

ଯୀଶୁ ଚୁଲିତାସାଦ୍‌ରେୟାଃ ଜନ୍ମକା କାଜିରେୟାଃ ମୁଣ୍ଡି

୩୬ ଏନ୍ତେ ଯୀଶୁ ଗାଦେଲ୍ ହଡ଼କକେ ବାରିକେଦ୍‌ତେ ଅଡ଼ାଃତେ ସେନଃୟାନା ଆଡ଼ଃ ଇନିୟାଃ ଚେଲାଇ ଇନିଃଡାଃତେ ହିଜୁଃକେଦ୍‌ତେ କାଜିକିୟାକ, “ଆମ୍ ଅତେରେୟାଃ ଚୁଲିତାସାଦ୍‌ରେୟାଃ ଜନ୍ମକା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯୀଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେରୁନିଃ ମାନଝାହନ୍ ତାନିଃ । ୩୮ ନେ ପିଡ଼ି, ଅତେଦିଶ୍ଟୁମ୍ ତାନାଃ ଆଡ଼ଃ ବୁଗିନ୍ ହିତା, ସିର୍ମା ରାଇଜ୍‌ରେନ୍ ହଡ଼କ ତାନକ ଆଡ଼ଃ ଚୁଲିତାସାଦ୍ ଜାଙ୍ଗ୍, ଏଡ଼କାନ୍ ଆମ୍‌ରାଃ ହଡ଼କ ତାନକ । ୩୯ ଆଡ଼ଃ ଏନା ହେରୁକେଦ୍ ବାଇରି, ସାଏତାନ୍ ତାନିଃ, ଆଡ଼ଃ ଇରୋଃ ଦିପିଲି ଅତେଦିଶ୍ଟୁମ୍‌ରେୟାଃ ଚୁଣ୍ଡୁତାନାଃ ଆଡ଼ଃ ଇରୋଃକ ସିର୍ମାରେନ୍ ଦୁଡ଼କ ତାନକ । ୪୦ ଅତେଦିଶ୍ଟୁମ୍‌ରେୟାଃ ଚୁଣ୍ଡୁଚୁର ଏନ୍ ଚୁଲିତାସାଦ୍‌କ ହୁଣ୍ଡିକେଦ୍‌ତେ ସେଙ୍ଗେଲ୍‌ରେ ଉରୁବଃ ଲେକାଅଃଆ । ୪୧ ମାନଝାହନ୍ ଆୟାଃ ସିର୍ମାରେନ୍ ଦୁଡ଼କକେ କୁଲକଆଏ ଆଡ଼ଃ ଇନ୍‌କୁ ଇନିୟାଃ ରାଇଜ୍‌ରେ ସବେନ୍ ତହଦଃ ଲେକାନାଃ ତାଇନ୍‌ତେୟାଃ ଆଡ଼ଃ ଏଡ଼କାନାଃ କାମିତାନକକେ ହୁଣ୍ଡିକଆ । ୪୨ ଇନ୍‌କୁ ସେଙ୍ଗେଲ୍ ହୁଝାଙ୍ଗ୍‌ରେକ ହାଁଣବଆଃ, ଏନ୍ତାଃରେ ରାନାଆଃ ଆଡ଼ଃ ଡାଟା ହାବ୍ ରିଡ଼ିଦଃଆ । ୪୩ ଏନ୍ତେ ଧାର୍‌ମାନ୍ ହଡ଼କ ଆକଆଃ ସିର୍ମାରେନ୍ ଆପୁଆଃ ରାଇଜ୍‌ରେ ସିଙ୍ଗିଲେକାକ ନେଲଆଃ । ଲୁଡୁର୍‌ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍ ରାଃ ଜନ୍ମକା କାଜି

୪୪ “ସିର୍ମା ରାଇଜ୍ ଅତେରେ ତପାକାନ୍ ଖୁଜ୍ ଲେକାନାଃ ତାନାଃ, ମିଆଁଦ୍ ହଡ଼ ନାମ୍‌କେଦ୍‌ତେ ଆଡ଼ଃମିସା ଅତେରେ ଉକୁକେଦାଏ ଏନ୍ତେ ସୁକୁଜାଉତେ ସେନଃୟାନା ଆଡ଼ଃ ଆୟାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନ୍ ଅତେକେ କିରିଙ୍ଗ୍‌କେଦା ।

୪୫ “ଆଡ଼ଃଗି ସିର୍ମା ରାଇଜ୍ ବୁଗିନ୍ ବୁଗିନ୍ ମୋତି ଦାଣାଁତାନ୍ ମିଆଁଦ୍ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼ଲେକାଃ । ୪୬ ଆଡ଼ଃ ଇନିଃ ମିଆଁଦ୍ ପୁରାଃ ଗନଙ୍ଗ୍‌ଆଁନ୍ ମୋତି ନାମ୍‌କେଦ୍‌ତେ ସେନଃୟାନାଏ ଆଡ଼ଃ ଆୟାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନାକେ କିରିଙ୍ଗ୍‌କେଦା ।

ଜାଲୋମ୍‌ରାଃ ଜନ୍ମକା କାଜି

୪୭ “ଆଡ଼ଃଗି ସିର୍ମା ରାଇଜ୍ ମିଆଁଦ୍ ଜାଲୋମ୍ ଲେକାଃ, ଚିମିନ୍ ହାକୁସାବ୍‌କ ଆକଆଃ ଜାଲୋମ୍‌କେ ଦରେୟାରେ ହୁରାଙ୍ଗ୍‌କେଦାକ ଆଡ଼ଃ ଏନାରେ ସବେନ୍ ଲେକାନ୍ ହାକୁକ ଜାଲୋମ୍‌ୟାନା । ୪୮ ଏନା ପେରେୟାନ୍‌ଡ଼ି ହଡ଼କ ଗେନାତେକ ଆଇଜ୍ ଅଡ଼ଙ୍ଗ୍‌କେଦା ଆଡ଼ଃ ଦୁବ୍‌ୟାନ୍ତେ ବୁଗିନ୍ ହାକୁକକେ ଚୁଙ୍ଗିରେକ ସାଲାକେଦ୍‌କଆ ମେନ୍‌ଦ ଏଡ଼କାନ୍‌କକେ ଏଣ୍ଡାଃକେଦ୍‌କଆକ । ୪୯ ଅତେଦିଶ୍ଟୁମ୍‌ରେୟାଃ ଚୁଣ୍ଡୁଚୁରୁୟାଗି ନେକାଅଃଆ । ସିର୍ମାରେନ୍ ଦୁଡ଼କ ଅଡ଼ଙ୍ଗ୍‌ଅଃଆ

ଆତ୍ମା ଧାର୍ମିକତା ଆଲୋଚନା ଏତଦ୍ୱାରା ଆତ୍ମାକୁ । ୫୦ ଆତ୍ମା  
ଇନ୍ଦ୍ରିୟକୁ ସେଇଭାବେ ହୁଏତକ୍ଷେତ୍ରକୁ, ଏତଦ୍ୱାରା ରାଜା ଆତ୍ମା  
ତାଟା ରିତିଦଣ୍ଡ ।

ନାମ୍ନା ଆତ୍ମା ମାରି ସାମାଜିକ

୫୧ “ୟମ୍ଭୂତ ଇନ୍ଦ୍ରିୟକୁ କୁଳିକେଦକ୍ଷିଣା, ତିୟା ଆପେ ନେ ସବେନାପେ  
ଆତ୍ମାକୁ ରକ୍ଷାକରୁନା ?” ଇନ୍ଦ୍ରିୟ କାଳିରୁହାଡ଼କ୍ଷିଣା,  
“ହେଗି, ଆତ୍ମାକୁ ରକ୍ଷାକରୁନାକେଦାଲେ ।”

୫୨ ଯମ୍ଭୂତ କାଳିରୁହାଡ଼କ୍ଷିଣା, “ଏନା ନାଗେନ୍ଦ୍ରିୟ ସିମା ରାଜାରେୟା  
ଚେଲାନାମ୍ନା ମିଆଁଦ୍ ଆଇନ୍ ଇନ୍ଦ୍ରିୟ, ମିଆଁଦ୍ ଅତ୍ମା ଗମ୍ଭୀର ଲେକାନ୍ଦ୍ରିୟ ତାନି ।  
ଇନ୍ଦ୍ରିୟ ଆୟାତ୍ମା ଭାଗ୍ୟରୁଅତ୍ମାଏତେ ନାମ୍ନା ଆତ୍ମା ମାରିତେୟା ଅତ୍ମାକ୍ଷେପା ।”

ୟମ୍ଭୂତକେ ନାମ୍ନାରେତ୍ତେନକ ହିଲାଇକ୍ଷିଣା

(ମାର୍କ ୭:୧-୭; ଲୁକ ୪:୧୭-୩୦)

୫୩ ଯମ୍ଭୂତ ନେ ଇନ୍ଦ୍ରିୟ କାଳି ଚାବାକେଦ୍ୱି ଏତଦ୍ୱାରା ସେନାୟାମ୍ନା । ୫୪ ଆତ୍ମା  
ଆୟାତ୍ମା ଆପ୍ତେୟା ସାହାୟତେ ତେବାରୟାନ୍ଦ୍ରିୟ ଇନ୍ଦ୍ରିୟ ଆମାଜ୍ ଅତ୍ମାରେ  
ଇନ୍ଦ୍ରିୟକୁ ଇନ୍ଦ୍ରିୟକେଦକ୍ଷିଣା ଆତ୍ମା ଇନ୍ଦ୍ରିୟକୁ ଆକ୍ଷୟାୟାୟାନ୍ଦ୍ରିୟ, “ଇନ୍ଦ୍ରିୟ ଅକ୍ଷୟାଏତେ  
ନେ ସେଣା ଆତ୍ମା ପେତେୟା କାମିକରେୟା ପେତେୟା ନାମାକାଦାଏ ?” ମେନ୍ଦ୍ରିୟ  
କାଳିକେଦା । ୫୫ “ତିୟା ନିଃ ଏନ୍ ବାଜାଇଆ ହନ୍ କାଚି ତାନି ? ତିୟା ଇନ୍ଦ୍ରିୟ  
ଏକାୟାତ୍ମା ନୁତ୍ତମ୍ ମାରିୟାମ୍ କାଚି ତାନା ? ଯାକୁବ୍, ଯୋଷେଫ୍, ଶିମୋନ୍ ଆତ୍ମା  
ଯିହୁଦା ନେ ସବେନ୍ଦ୍ରିୟ ଆୟାତ୍ମା ହାଗାକ କାଚି ତାନକ ? ୫୬ ଆତ୍ମା ଇନ୍ଦ୍ରିୟ ମିଶିକ  
ଆତ୍ମାଲକ୍ଷି ବାକ୍ଷିଆ ? ନିଃ ଏନ୍ ସେଣା ଆତ୍ମା ପେତେୟା ଅକ୍ଷୟାଏତେ ନାମାକାଦା  
?” ମେନ୍ଦ୍ରିୟ କାଳିକେଦା । ୫୭ ଏନାତେ ଇନ୍ଦ୍ରିୟ ଇନ୍ଦ୍ରିୟକେ ହିଲାଇକ୍ଷିଣା ।

ୟମ୍ଭୂତ ଇନ୍ଦ୍ରିୟକୁ ମେତାଦକ୍ଷିଣା, “ନାବୀ ଆୟାତ୍ମା ଦିଶ୍ୱମ୍ ଆତ୍ମା ଆୟାତ୍ମା ଅତ୍ମା  
ବାଗିକେଦ୍ୱି ଏତା ସବେନ୍ଦ୍ରିୟରେ ମାଜନାଏ ନାମେୟା ।” ୫୮ ତିୟାଚି ଇନ୍ଦ୍ରିୟ  
ଇନ୍ଦ୍ରିୟକେ କାକ ବିଶ୍ୱାସକ୍ଷି ନାଗେନ୍ଦ୍ରିୟ ଇନ୍ଦ୍ରିୟ ଏତଦ୍ୱାରା ପୁରା ଆକ୍ଷୟାୟା କାମିକ  
କାଏ କାମିକେଦା ।

### ୧୪

ବାପ୍ତିସ୍ମା ଏମ୍ନା ନିଃ ଯୋହାନ୍ନ ଆତ୍ମା ଗନାଏ

(ମାର୍କ ୭:୧୪-୨୯; ଲୁକ ୭:୭-୯)

୧ ଏନ୍ ଦିପିଲିରେ ହେରୋଦ୍ ଗାଲିଲରେନ୍ ଲାଟ୍ସାହେବ୍ ତାଇକେନାଏ ଆତ୍ମା  
ୟମ୍ଭୂତା ବିଷାଏରେ ଆୟାତ୍ମାକେଦା । ୨ ଆତ୍ମା ଇନ୍ଦ୍ରିୟ ଆୟାତ୍ମା କାମିତାନକକେ  
ମେତାଦକ୍ଷିଣା, “ବାପ୍ତିସ୍ମା ଏମ୍ନା ନିଃ ଯୋହାନ୍ନ ଗଜାକାନ୍ଦ୍ୱିତେ ଜୀଉବିଦିଦାକାନାଏ,  
ଏନା ମେନ୍ଦ୍ରିୟ ଆକ୍ଷୟାୟା କାମିକ ଇନ୍ଦ୍ରିୟ ହରାତେ ହବାଅତାନା ।”

୩ ଏହେରୋଦ୍ ଆୟାତ୍ମା ହାଗାତେ ଫିଲିପ୍ପା କୁଡ଼ି ହେରୋଦିୟା ନାଗେନ୍ଦ୍ରିୟ  
ଯୋହାନ୍ନକେ ସାବକିତେ ତଲକ୍ଷିଣାଏ ଆତ୍ମା ଜେହେଲକାଇ ତାଇକେନାଏ ।  
୪ ତିୟାଚି ଯୋହାନ୍ନ ହେରୋଦ୍ କାଳିକାଇ ତାଇକେନା, “ଆମ୍ ହେରୋଦିୟାକେ  
କୁଡ଼ି ଲେକା ଦହକାଇ ତାଇକେନାମ୍ ଏନା ଆଇନ୍ ଲେକାତେ କା ଠାଉକାନ୍ଦେୟା  
ତାନା ।” ୫ ଏନାତେ ଇନ୍ଦ୍ରିୟ ଯୋହାନ୍ନକେ ଗଗାଏ ସାମାଜ୍ ତାଇକେନାଏ, ମେନ୍ଦ୍ରିୟ  
ଇନ୍ଦ୍ରିୟ ଯିହୁଦୀ ହତ୍ତକକେ ବରକେଦକ୍ଷିଣା, ତିୟାଚି ଇନ୍ଦ୍ରିୟକେ ଯୋହାନ୍ନକେ ମିଆଁଦ୍  
ନାବୀ ତାନି ମେନ୍ଦ୍ରିୟ ଆତ୍ମାଚି ତାଇକେନା ।

୫୩ ୧୩:୫୭ ୧୩:୫୭ ଯୋହାନ୍ନ ୪:୪୪. ୫୪ ୧୪:୩ ୧୪:୩ ଲୁକ ୩:୧୯,୨୦.

୬ ହେରୋଦ୍‌ଆଃ ଜାନାମ୍ ହୁଲାଙ୍ଗ୍ ସେଚେରୁୟାନ୍‌ରେ, ହେରୋଦିୟାଃ ହନ୍ତେକୁଡ଼ି କେଡାକାନ୍ ହଡକଆଃ ଆଲାରେ ସୁସୁନ୍‌କେଦାଏ ଆଡ଼ଃ ହେରୋଦ୍ ପୁରାଃଗି ସୁକୁୟାନାଏ । ୭ ଆଡ଼ଃ ହେରୋଦ୍ ଇନିଃକେ କିରିୟାତାନ୍‌ଲଃ କାଜିକିୟାଏ, “ଆମ୍ ଆସିଙ୍ଗ୍‌ତେୟାଃ ସବେନାଃଇଙ୍ଗ୍ ଏମାମେୟାଁ ।”

୮ ଆଡ଼ଃ ଇନିଃ, ଆୟାଃ ଏଙ୍ଗାତେ ଆରୁକାଇ ଲେକା ଆସିକିୟା, “ବାପ୍ତିସ୍ତା ଏମାଃନିଃ ଯୋହାନ୍‌ଆଃ ବହଃ ନେ ଆଡ଼ିରେ ଏମାଈଙ୍ଗ୍‌ମେ ।”

୯ ଏନ୍ତେ ରାଜା ହୁଡିଙ୍ଗ୍‌ଜୀଉୟାନ୍‌ଏ ମେନ୍‌ଦ ଇନିଃ ନେଅଁତାକାନ୍‌କଆଃ ସାମ୍‌ନାଙ୍ଗ୍‌ରେ କିରିୟାକାଦ୍ ହରାତେ ଏମାଈପେ ମେନ୍ତେ ଆରୁକେଦକଆ । ୧୦ ଆଡ଼ଃ ଇନିଃ ଜେହେଲାକାନ୍ ଯୋହାନ୍‌ଆଃ ବହଃ ମାଆଃ ଆଉ ନାଙ୍ଗ୍ ହଡକକେ କୁଲ୍‌କେଦକଆ । ୧୧ ଆଡ଼ଃ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆଡ଼ଃ ହନ୍ତେକୁଡ଼ିକେକ ଏମକିୟା ଏନ୍ତେ ଇନିଃ ଆୟାଃ ଏଙ୍ଗାତେତାଃତେ ଇଦିକେଦା । ୧୨ ଯୋହାନ୍‌ଆଃ ଚେଲାକ ହିନ୍ତୁଃକେଦ୍‌ତେ ଆୟାଃ ହଡ଼଼ମକେ ଇଦିକେଦ୍‌ତେ ତପାକେଦାକ ଆଡ଼ଃ ସେନଃୟାନ୍ତେ ଯାଗୁକେକ ଉଦୁକିୟା ।

ୟାଗୁ ଗାଦେଲ୍ ହଡକକେ ଜମେୟାଃ ଏମାଦକଆଏ  
(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ୍ ୬:୧-୧୪)

୧୩ ଯାଗୁ ଯୋହାନ୍‌ଆଃ ବିଷାଏ ଆୟୁମକେଦ୍‌ତେ ଏନ୍ତାଃ ବାଗିକେଦ୍‌ତେ ଲାଉକାରେ ସିଃସଏଃ ଠାୟାଦ୍‌ତେ ଏସକାରୁଗି ସେନଃୟାନା । ଗାଦେଲ୍ ହଡକ ନେଅଁ ଆୟୁମକେଦ୍‌ତେ ଆକଆଃ ସାହାରୁକଏତେ ସେସେନ୍‌ତେଗି ଇନିଃକେ ଅତଙ୍ଗକିୟାକ । ୧୪ ଇନିଃ ଲାଉକାଏତେ ଅତଙ୍ଗୟାନ୍‌ଲଃ ପୁରାଃ ଗାଦେଲ୍ ହଡକକେ ନେଲ୍‌କେଦକଆ ଆଡ଼ଃ ଆୟାଃ ମନ୍‌ସୁରୁଦ୍ ଲିବୁଈତେ ବିଲ୍‌କାଅୟାନା । ଇନିଃ ପୁରାଃ ହାସୁତାନ୍‌କକେ ବୁଗିକେଦକଆଏ ।

୧୫ ଆଡ଼ଃ ସିଙ୍ଗି ହାସୁରଃତାନ୍‌ରେ, ଯାଗୁଆଃ ଚେଲାକ ଆୟାଃତାଃ ହିନ୍ତୁଃକେଦ୍‌ତେ କାଜିକିୟାକ, “ନେ ଠାୟାଦ୍‌ଦ ସିଃସଏଃଗିୟା ଆଡ଼ଃ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହଡକକେ କୁଲ୍‌ତାକମେ, ଆଡ଼ଃ ଇନ୍‌କୁ ହାତୁ ସେନ୍‌କେଦ୍‌ତେ ଆକଆଃ ନାଙ୍ଗ୍ ଜମେୟାଃକ କିରିଙ୍ଗ୍‌ୟେକା ।”

୧୬ ଯାଗୁ ମେତାଦକଆଏ, “ଇନ୍‌କୁ ଚିନାଃମେନ୍ତେକ ସେନଆଃ ? ଆପେଗି ଇନ୍‌କୁକେ ଜମେୟାଃ ଏମାକପେ ।”

୧୭ ଇନ୍‌କୁ ଇନିଃକେ କାଜିରୁହାଡକିୟାକ, “ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ଏସକାରୁ ଆଲେତାଃରେ ମେନାକଆ ।”

୧୮ ଯାଗୁ ମେତାଦକଆଏ, “ଏନ୍ ସବେନାଃକେ ଆଇଙ୍ଗ୍‌ତାଃତେ ଆଉଝେପେ ।” ୧୯ ଇନିଃ ଗାଦେଲ୍ ହଡକକେ ତାସାଦ୍ ଚେତାନ୍‌ରେ ଦୁଦ୍‌କପେ ମେନ୍ତେ ଆରୁକେଦକଆ, ଆଡ଼ଃ ଏନ୍ ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ସାଦ୍‌କେଦ୍‌ତେ ସିର୍ମାସାଃ ସାଙ୍ଗିଲ୍‌ରାକାଦ୍‌ତାନ୍‌ଲଃ ଆଗିଷ୍ଟକେଦାଏ ଆଡ଼ଃ ହଲଙ୍ଗ୍ କେତାଃକେଦ୍‌ତେ ଚେଲାକକେ ଏମାଦକଆଏ, ଆଡ଼ଃ ଚେଲାକ ଗାଦେଲ୍ ହଡକକେ ହାଟିଙ୍ଗ୍‌ଆଁଦକଆକ । ୨୦ ସବେନ୍‌କ ଜମକେଦ୍‌ତେ ବିୟାନାକ ଆଡ଼ଃ ଚେଲାକ ସାରେୟାକାନ୍‌ତେୟାଃ ବାରା ଟୁଙ୍ଗିକ ହୁଣ୍ଡିକେଦା । ୨୧ ଜମକେଦ୍ ହଡକ, କୁଡ଼ିକ ଆଡ଼ଃ ହନ୍‌କକେ ବାଗିକେଦ୍‌ତେ ପାଞ୍ଚ ହାଜାର କଡାକ ଏସକାରୁ ତାଇକେନାକ ।

ୟାଗୁ ଦାଆଃ ଚେତାନ୍‌ରେ ସେସେନ୍‌କେନାଏ  
(ମାର୍କ ୬:୪୫-୫୨; ଯୋହାନ୍ ୬:୧୫-୨୧)

୨୨ ଇମ୍‌ତାଗି ଯାଗୁ ଚେଲାକକେ ଆରୁକେଦକଆ, ଲାଉକାରେ ଦେଏଃପେ ଆଡ଼ଃ ହାନ୍ ପାରମ୍‌ତେ ସେନ୍ ଆୟାଃରଃପେ, ଇମ୍‌ତାଲଃ ଇନିଃ ଗାଦେଲ୍ ହଡକକେ

ବିଦାକେଦକଆ । ୨୩ ଏନ୍ତେ ଇନିଃ ଗାଦେଲ୍ ହଡକକେ ବିଦାକେଦତେ, ଆଇଃକ୍ରି ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ଆତଃ ସିଙ୍ଗିହାସୁରତାନ୍‌ରେ ଇନିଃ ଏସ୍‌କାର୍‌ଗି ଏନ୍ତାଃରେ ତାଇନ୍‌ୟାନାଏ । ୨୪ ଆତଃ ଏନ୍ ଦିପିଲିରେ ଲାଉକା ଦରେୟା ଖାଲ୍‌ଶ୍‌ଏତେ ପୁରାଃ ସାଙ୍ଗିନ୍‌ରେ ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାନ୍ ତାଇକେନା, ଚିୟାଃତି ଲାଉକା ସେନଃତାନ୍‌ସାଃଏତେ ହୟ ହିଜୁଃତାନ୍ ତାଇକେନା ।

୨୫ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍‌ତାକରେ ଯାଶୁ ଦରେୟାରେ ସେସେନ୍‌କେଦତେ ଇନ୍‌କୁତାଃତେ ହିଜୁଃତାଇକେନା । ୨୬ ଚେଲାକ ଇନିଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ ବରକେଦା ଆତଃ “ବଙ୍ଗା ତାନିଃ” ମେନ୍ତେ ବରତେକ କାଉରିକେଦାଃ ।

୨୭ ମେନ୍‌ଦ ଯାଶୁ ଇମ୍‌ତାଗି ଇନ୍‌କୁକେ ଜାଗାବ୍‌ତାନ୍‌ଲଃ ମେତାଦକଆ, “ଜୀଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୨୮ ଏନ୍ତେ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆମ୍‌ଗି ତାନ୍‌ମେରେଦ ଦାଆଃରେ ଆଇଁୟାଃତାଃତେ ହିଜୁଃମେ ମେନ୍ତେ ଆଚୁଇଙ୍ଗ୍‌ମେ ।”

୨୯ ଯାଶୁ କାଜିରୁହାଡ଼କିୟାଏ, “ହିଜୁଃମେ ।” ଏନ୍ତେ ପାଡ଼ରାସ୍ ଲାଉକାଏତେ ଆଡ଼ଗୁୟାନ୍‌ଚି ଦାଆଃରେ ସେସେନ୍‌କେଦତେ ଯାଶୁତାଃତେ ସେନଃ ତାଇକେନା । ୩୦ ମେନ୍‌ଦ ଇନିଃ ହୟ ନେଲ୍‌କେଦତେ ବରକେଦାଏ ଆତଃ ଇନିଃ ଦାଆଃରେ ତୁବିଃଗ୍ ଏଟେଦଃତାନ୍ ନେଲ୍‌କେଦତେ କାଉରିକେଦାଏ, “ହେ ପ୍ରାଭୁ, ବାସ୍ତ୍ରାଅଇଙ୍ଗ୍‌ମେ ।”

୩୧ ଯାଶୁ ଇମ୍‌ତାଗି ତିଃଇତାୟାଃ ଜିଲିଙ୍ଗ୍‌କେଦତେ ଇନିଃକେ ସାବ୍‌କିୟାଏ ଆତଃ କାଜିକିୟାଏ, “ଏ ହୁଡିଙ୍ଗ୍ ବିଶ୍ୱାସ୍‌ତାନ୍‌ନିଃ ଚିନାଃମେନ୍ତେମ୍ ଆଡ଼ାଃଉଡ଼ୁକେଦା ?”

୩୨ ଆତଃ ଇନ୍‌କିନ୍ ଲାଉକାରେ ଦେଏଃୟାନ୍‌ଚି ହୟ ସାଲ୍‌ସାନ୍ତୁୟାନା । ୩୩ ଏନ୍ତେ ଲାଉକାରେ ତାଇକେନ୍ ଚେଲାକ ଯାଶୁକେ ଜହାବ୍‌କିଃତେ କାଜିକିୟାକ, “ଆମ୍ ସାର୍‌ତିଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ।”

ୟାଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକେଦକଆ  
(ମାର୍କ ୬:୫୩-୫୬)

୩୪ ଯାଶୁ ଆତଃ ଆୟାଃ ଚେଲାକ ଦରେୟା ପାରମ୍‌କେଦ୍‌ଚି ଗିନେସରେଡ଼ ନୁତୁମ୍ ପାର୍‌ଗାନ୍‌ତେକ ସେଟେର୍‌ୟାନା । ୩୫ ଏନ୍ତାଃରେନ୍ ହଡକ ଯାଶୁକେ ନେଲ୍‌ଉରୁମ୍‌କିୟାକ । ଆତଃ ଇନିଃ ନେତାଃରିୟା ମେନ୍ତେ ସବେନ୍‌ସାଃତେ କାଜିକୁଲ୍‌କେଦାକ ଆତଃ ହଡକ ସବେନ୍ ଦୁକୁହାସୁତାନ୍‌କକେ ଇନିଃତାଃତେ ଆଉକେଦକଆକ । ୩୬ ଆତଃ ଇନ୍‌କୁ ବିନ୍ତିକିୟାକ, ଦୁକୁହାସୁତାନ୍‌କ ଆମାଃ ଲିଜାଃରେୟାଃ ଆଡ଼ରାକେ ଏସ୍‌କାର୍ ଜୁଟିଦ୍ ଇଚି ନାଗେନ୍ତେ ଆଚୁକମ୍ ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।

## ୧୫

ହାଡ଼ାମ୍‌ହଡକଆଃ ଇନିତୁ  
(ମାର୍କ ୬:୧-୧୩)

୧ ଏନ୍ତେ ଚିମିନ୍ ଫାରୁଶୀକ ଆତଃ ଯୀରୁଶାଲେମ୍‌ହେତେ ସେଟେରାକାନ୍ ଚିମିନ୍ ଆଇନ୍ ଇତୁକ ଯାଶୁତାଃତେକ ହିଜୁଃୟାନା ଆତଃ କୁଲିକିୟାକ, ୨ “ଚିନାଃମେନ୍ତେ ଆମାଃ ଚେଲାକ ଆବୁଆଃ ପ୍ରାଚିନ୍‌କଆଃ ରିତିରିଝାଜ୍‌କ କାକ ମାନାତିଙ୍ଗ୍‌ତାନା ? ଇନ୍‌କୁ ଆବୁଆଃ ରିତିରିଝାଜ୍ ଲେକାତେ ବୁଗିଲେକା ତିଃଇ କା ଆବୁଙ୍ଗ୍ ସିଦାରେକ ଜଜମାଃ !”

୩ ଯୀଶୁ କାଜିରୁହାଡ଼ାଦକଥାଏ, “ଆପେ ପାରମେଶ୍ୱାର୍ ଏମାକାଦ୍ ଆନୁରୁକେ କା ମାନାତିଙ୍ଗକେଦ୍ତେ ଚିକାନାଙ୍ଗ ଆପେୟାଃ ରିତିରିଖାଙ୍ଗକେ ମାନାତିଙ୍ଗ ତାନାପେ ? ୪ ପାରମେଶ୍ୱାର୍ କାଜିୟାକାଦାଏ, ‘ଏଙ୍ଗାମ୍ ଆପୁମକିନ୍ଦକେ ମାନାତିଙ୍ଗକିନ୍ଦେ,’ ଆତଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାର୍ପାଅକିନ୍ଦରେଦ୍ ଇନିଃ ଗଜଃକାଏ ।’ ୫ ମେନ୍ଦ୍ ଆପେ ସବେନ୍ଦ୍ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍ଦକେ, ଆଇଙ୍ଗତାଃଏତେ ଅକ୍ନାଃ ଦେଙ୍ଗାବେନ୍ ନାମାକାତେତେୟାଃ, ଏନା ‘ପାରମେଶ୍ୱାର୍କେ ଦାନ୍ ଏମାକାନା’ ମେନ୍ତେ କାଜିତାନ୍ଲଃ, ୬ ଇନିଃ ଆୟାଃ ଏଙ୍ଗା ଆପୁକିନ୍ଦକେ କାଏ ମାନାତିଙ୍ଗରେୟ ହବାଅଃଆ, ମେନ୍ତେପେ କାଜିତାନା । ଆତଃ ପାରମେଶ୍ୱାର୍ଆଃ ଆନୁରୁକେ କା ମାନାତିଙ୍ଗକେଦ୍ତେ ଆପେ ଆପ୍ନାଃ ରିତିରିଖାଙ୍ଗରାଃ ଇନିତୁ ଲେକାପେ ସେସେନ୍ତାନା । ୭ ଆପେ ବେଦାହଡ଼କ ତାନ୍ଦେ, ଯିଶାୟ ଆପେୟାଃ ବିଷାଏରେ ସାର୍ତିଗି ଆୟାର୍କାଜି କାଜିକାଦା,

୮ “ ନେ ହଡ଼କ ମଚାତେକ ମାଇନିଙ୍ଗତାନା,  
ମେନ୍ଦ୍ ଆକଥାଃ ମନ୍ ଆଇଙ୍ଗତାଃଏତେ ସାଙ୍ଗିନ୍ଦରେଆ ।

୯ ଇନ୍ଦକୁ ସାମାଗିକ ସେଖାଇଙ୍ଗତାନା,  
ଚିୟାଃଚି ହଡ଼କଥାଃ ରିତିରିଖାଙ୍ଗରାଃ ଇନିତୁକେ ପାରମେଶ୍ୱାର୍ଆଃ ଇନିତୁ  
ତାନାଃ ମେନ୍ତେକ ଇତୁକତାନା ! ”

ହଡ଼କେ ସତ୍ତରାଇରାଃ ବିଷାଏ  
(ମାର୍ଚ୍ଚ ୭:୧୪-୨୩)

୧୦ ଯୀଶୁ ଗାଦେଲ୍ ହଡ଼କକେ କେଡ଼ାକେଦକଥାଏ ଆତଃ ମେତାଦକଥାଏ, “ଆୟୁମେପେ ଆତଃ ଆର୍କାର୍ ଉରୁମେପେ । ୧୧ ଅକ୍ନାଃ ହଡ଼ ହନ୍ରାଃ ମଚା ଭିତାରତେ ବଲଃଆ ଏନା ଇନିଃକେ କାଏ ସତ୍ତରା ଦାଡ଼ିୟାଇଆ, ମେନ୍ଦ୍ ଆୟାଃ ମଚାଏତେ ଅକ୍ନାଃ ଅତଙ୍ଗଅଃଆ ଏନା ଆଇଃକକେ ସତ୍ତରାଇଆ ।”

୧୨ ଏନ୍ତେ ଯୀଶୁଆଃ ତେଲ୍ଲକ ଇନିଃତାଃ ହିନ୍ତୁଃକେଦ୍ତେ କାଜିକିୟାକ, “ନେ କାଜି ଆୟୁମକେଦ୍ତେ ଫାରୁଶୀକ ଖ୍ୱୟାନାକ, ଚିୟାଃ ନେଆଁମ୍ ସାରିତାନା ?”

୧୩ ମେନ୍ଦ୍ ଯୀଶୁ କାଜିରୁହାଡ଼ାଦକଥାଏ, “ଆଇଁୟାଃ ସିର୍ମାରେନ୍ ଆପୁ କାଏ ରୟାକାଦ୍ ଦାରୁ ତୁଦ୍ ଏଣ୍ଡାଗଥାଃ । ୧୪ \*ଇନ୍ଦକୁକେ ବାଗିତାକୁପେ, ଇନ୍ଦକୁଦ୍ ମେଦ୍ କା ନେଲ୍ ଦାଡ଼ିତାନ୍ନିୟାଃ ମେଦ୍ କା ନେଲ୍ ଦାଡ଼ିତାନ୍ ଆଗୁଆଇକ ତାନ୍ଦ୍, ମେଦ୍ କା ନେଲ୍ ଦାଡ଼ିନିଃ, ମେଦ୍ କା ନେଲ୍ଦାଡ଼ିନିଃକେ ଆୟାର୍ଇଦିରେଦ୍ ବାରାନ୍କିନ୍ ଗାଡ଼ାରେକିନ୍ ଉୟୁଗଃଆ ।”

୧୫ ପାଡ଼ରାସ୍ କାଜିକିୟାଏ, “ନେ ଜନ୍ଦକା କାଜିରାଃ ମୁଣ୍ଡି ତିନାଃ ତାନାଃ ଉଦୁବାଲେମ୍ ?”

୧୬ ଯୀଶୁ କାଜିରୁହାଡ଼ାଦକଥାଏ, “ଆପେୟଚି ନାହିଁଃ ଜାକେଦ୍ ତଣ୍ଡଗିୟାପେ । ୧୭ ଅକ୍ନାଃ ମଚା ହରାତେ ଲାହିଦ୍ତେ ବଲଃଆ ଆତଃ ହଡ଼ମ୍ଏତେ ଅତଙ୍ଗଅଃଆ ନେୟାଁ ଚିୟାଃ କାପେ ଆର୍କାରେତାନା ? ୧୮ \*ଜେତାଏ ହଡ଼ଥାଃ ମଚାହରା ଅକ୍ନାଃ ଅତଙ୍ଗଅଃଆ ଏନା ଆୟାଃ ମନ୍ରାଃ ବିଚାର୍ଏତେ ଅତଙ୍ଗଅଃଆ, ଏନା ଇନିଃକେ ସତ୍ତରାଇଆ । ୧୯ ମନ୍ ଭିତାର୍ଏତେଗି ଏଡ଼କାନ୍ ଉଡ଼ୁ, ହଡ଼ଗଏଃ, ଆପାଙ୍ଗିର୍ କାମି, ଆଣ୍ଡି ଆପାଙ୍ଗିର୍, କୁମ୍ପୁତୁ ହସଡ଼ ଗାଞ୍ଜା, ପାରମେଶ୍ୱାର୍କେ ନିୟାଇଆକ । ୨୦ ନେ ସବେନାଃତେଗି ହଡ଼କେ ସତ୍ତରାଇଆଏ, ମେନ୍ଦ୍ ରିତିରିଖାଙ୍ଗ ଲେକାତେ ତିଃଇ ବେଗାର୍ ଆବୁଙ୍ଗକେଦ୍ତେ ଜମେତେୟାଃତେ ହଡ଼କେ କାଏ ସତ୍ତରାଇଆ ।”

\* ୧୫:୧୪ ୧୫:୧୪ ଲୁକ ୭:୩୯. \* ୧୫:୧୮ ୧୫:୧୮ ମାଥୁରା ୧୨:୩୪.

ମିଆଁଦ୍ ସାଅଁସାର୍ କୁଡ଼ିଆଃ ବିଶ୍ୱାସ୍

(ମାର୍କ ୭:୨୪-୩୦)

୨୧ ଯୀଶୁ ଏନ୍ ଠାୟାଦ୍ ବାଗିକେଦ୍‌ତେ ସୋର୍ ଆତଃ ସିଦୋନ୍ ପାର୍‌ଗାନ୍‌ରେୟାଃ ସାହାର୍‌ତେ ସେନଃୟାନା । ୨୨ ଆତଃ ନେଲେପେ କିନାନ୍‌ରେନ୍ ମିଆଁଦ୍ ସାଅଁସାର୍ କୁଡ଼ି ଏନ୍ ଦିଶୁମ୍‌ଏତେ ଅତଙ୍ଗ୍‌ୟାନ୍‌ତେ ହାକାଅକିୟାଏ, “ହେ ଗମ୍‌କେ, ଦାଉଦ୍‌ଆଃ ହନ୍ ଲିବୁଆଇଙ୍ଗ୍‌ମେ, ହନିଙ୍ଗ୍‌କୁଡ଼ି, ବଙ୍ଗା ଏସେର୍‌କାନ୍ ହରାତେ ପୁରାଃଗି ହାସୁତାନା ।”

୨୩ ମେନ୍‌ଦ୍ ଇନିଃ ଜେଡ୍‌ନାଃ କାଏ କାଜିରୁହାଡ଼କିୟା ଆତଃ ଇନିୟାଃ ଚେଲାକ ବିନ୍ତିକିଃତେ କାଜିକିୟାକ, “ଇନିଃକେ କୁଲ୍‌ତାଇମେ, ଚିୟାଃଚି ଇନିଃଦ୍ ପୁରାଃ ରାଆଃତାନ୍‌ଲଃ ଆବୁକେ ଅତଙ୍ଗ୍‌ବୁତାନା ।”

୨୪ ମେନ୍‌ଦ୍ ଇନିଃ କାଜିରୁହାଡ଼ାଦ୍‌କଆଏ, “ଆଇଙ୍ଗ୍ ଇସ୍ରାଏଲ୍‌ରେନ୍ ଆଦାକାନ୍ ମିଶ୍ଟିକତାଃତେ ଏସକାର୍ କୁଲାକାନାଇଙ୍ଗ୍, ଏଟାଃକତାଃତେଦ୍ କାହାଗି ।”

୨୫ ମେନ୍‌ଦ୍ ଏନ୍‌କୁଡ଼ି ନାଡେଃୟାନ୍‌ଚି ଇନିୟାଃ ଆୟାର୍‌ରେ ଇକ୍‌ଡ଼୍‌କେଦ୍‌ତେ କାଜିକିୟାଏ, “ହେ ଗମ୍‌କେ, ଦେଙ୍ଗାଈଙ୍ଗ୍‌ମେ ।”

୨୬ ଏନ୍ତେ ଯୀଶୁ କାଜିରୁହାଡ଼କିୟାଏ, “ହନ୍‌କଆଃ ଜମେୟାଃ ରେଃକକେଦ୍‌ତେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୭ ସାଅଁସାର୍ କୁଡ଼ି କାଜିରୁହାଡ଼କିୟାଏ, “ହେଗି ପ୍ରାଭୁ, ନେଆଁ ସାର୍‌ତି କାଜିତାନାଃ, ମେନ୍‌ଦ୍ ସେତାକହଗି ଆକଆଃ ଗମ୍‌କେଆଃ ମେଜ୍‌ଏତେ ଉୟୁଗାକାନ୍ ହଲଙ୍ଗ୍‌କେଟାଃକ ଜଜମାଃ ।”

୨୮ ଏନ୍ତେ ଯୀଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍ ପୁରାଃ ମାରାଙ୍ଗିଆଃ ! ଆମାଃ ମନେଲେକା ହବାଅଃକା ।” ଆତଃ ଇନିୟାଃ ହନ୍ତେକୁଡ଼ି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ହଡ଼କକେ ବୁଗିକେଦ୍‌କଆଏ

୨୯ ଯୀଶୁ ଏନ୍ତାଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍ ଦରେୟାସାଃତେ ସେଚେରୟାନା, ଆତଃ ବୁରୁତେ ରାକାବ୍‌କେଦ୍‌ତେ ଏନ୍ତାଃରେ ଦୁଦ୍‌ୟାନାଏ । ୩୦ ପୁରାଃ ଗାଦେଲ୍ ହଡ଼କ ଛୁଟା, କାଣାଁ, କେପା, କା ବାଗାଁଣ୍ ଦାଡ଼ିତାନ୍, ଆତଃ ଏଟାଃ ହଡ଼କକେ ଆକଆଃଲଃ ଆଉକେଦ୍‌ତେ ଇନିଃତାଃତେକ ହିଲୁଃୟାନା ଆତଃ ଇନ୍‌କୁକେ ଆୟାଃ କାଟା ସୁବାରେ ଦହକେଦ୍‌କଆକ ଆତଃ ଇନିଃ ଇନ୍‌କୁକେ ବୁଗିକେଦ୍‌କଆଏ । ୩୧ ଏନ୍‌ଲେକାଗି କା ବାଗାଁଣ୍ ଦାଡ଼ିତାନ୍‌କ ବାଗାଁଣ୍ ଦାଡ଼ିୟାନା, କାଣାଁକାନ୍‌କ ନେଲ୍ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ ଗାଦେଲ୍ ହଡ଼କ ଆକ୍‌ଦାନ୍‌ଆୟାନା ଆତଃ ଇନ୍‌କୁ ଇସ୍ରାଏଲ୍‌ରେନ୍ ପାର୍‌ମେଶ୍ୱାର୍‌କେକ ମାରାଙ୍ଗିକିୟା ।

ୟୀଶୁ ଏଟାଃ ଗାଦେଲ୍ ହଡ଼କକେ ଜମେୟାଃତେ ବି'କେଦ୍‌କଆ

(ମାର୍କ ୮:୧-୧୦)

୩୨ ଏନ୍ତେ ଯୀଶୁ ଚେଲାକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଆଏ, “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍‌କଆଃତାନା, ଚିୟାଃଚି ଆପି ମାହାଁଏତେ ଆଇଁୟାଃଲଃ ମେନାକଆ, ଆତଃ ନାହାଁଃ ଇନ୍‌କୁତାଃରେ ଜମେୟାଃ ଜେଡ୍‌ନାଃ ବାନଃଆ, ଇନ୍‌କୁ ହରାକରେ ଭୁକ୍‌ସୁଲ୍‌କଆଃକ, ଏନାତେ ଆଇଙ୍ଗ୍ ଇନ୍‌କୁକେ ବେଗାର୍ ଜମ୍‌କେଦ୍‌ତେ କୁଲ୍ କାଈଙ୍ଗ୍ ସୀନାଙ୍ଗ୍‌ତାନା ।”

୩୩ ଇନିୟାଃ ଚେଲାକ କାଜିରୁହାଡ଼କିୟା, “କତାଃଏତେ ନେ ସିଃସଏଃ ଠାୟାଦ୍‌ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟଃଗି ଜମେୟାଃଲେ ନାମେୟା ?”

୩୪ ଯୀଶୁ କୁଲିକେଦ୍‌କଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?” ଇନ୍‌କୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ଆତଃ ଚିମିନ୍ ହୁପ୍‌ଡ଼ିଙ୍ଗ୍ ହାକୁ ।”



୩୫ ଯୀଶୁ, ଗାଦେଲ୍ ହତକକେ ଅତେରେ ଦୁବ୍‌ପେ ମେନ୍ତେ ଆରୁକେଦକଆ ।  
 ୩୬ ଏନ୍ତେ ଇନିଃ ଏନ୍ ସାତ୍‌ଠୁ ହଲଙ୍ଗ୍ ଆତଃ ହାକୁ ଇଦିକେଦତେ ପାର୍‌ମେଶ୍ୱାରକେ  
 ଧାନ୍ୟାବାଦ୍ ଏମ୍‌କିୟାଏ ଆତଃ ଏନା କେଟାଃକେଦତେ ଆୟାଃ ଚେଲ୍‌କକେ  
 ଏମାଦକଆଏ ଆତଃ ଚେଲ୍‌କ ହତକକେ ହାଟିଙ୍ଗ୍‌ଆଁଦକଆକ । ୩୭ ଏନା  
 ଜମ୍‌କେଦତେ ସବେନକ ବି'ୟାନାକ ଆତଃ ହଲଙ୍ଗ୍ କେଟାଃ ସାତ୍ ଟୁଙ୍ଗି ସାରେଃୟାନା  
 । ୩୮ କୁଡିକ ଆତଃ ହନ୍‌କ ବାଗିକେଦତେ ଉପୁନ୍ ହାଜାର୍ କଡାକ ଜମ୍‌କେଦା ।

୩୯ ଏନ୍ତେ ଯୀଶୁ ଗାଦେଲ୍ ହତକକେ କୁଲ୍‌କେଦକଟି ଲାଉକାରେ ଦେଏଃୟାନାଏ  
 ଆତଃ ମାଗ୍‌ଦଲା ପାର୍‌ଗାନ୍‌ତେ ସେନଃୟାନାଏ ।

## ୧୭

ପେଡେୟାନ୍ କାମିରେୟାଃ ହାଟି  
 (ମାର୍କ ୮:୧୧-୧୩; ଲୁକ ୧୨:୫୪-୫୬)

୧ \*ଫାରୁଶୀକ ଆତଃ ସାଦୁକିକ ଯୀଶୁତାଃ ହିଜୁଃକେଦତେ, ଇନିଃକେ ଚିଟାଲ୍  
 ନାଗେନ୍ତେ ବିଡାଅତାନ୍‌ଲଃ ସିର୍ମାଏତେ ମିଆଁଦ୍ ଚିଙ୍ଗାଁ ଉଦୁବାଲେମେ ମେନ୍ତେକ  
 କାଜିକିୟା ।

୨ ଯୀଶୁ କାଜିରୁହାଡାଦକଆଏ, “ଆପେ ଆୟୁବ୍‌ତାନ୍‌ରେ ସିର୍ମା ଆରାଃଗିପେ  
 ନେଲେରେଦ, କାଜିୟାଃପେ ତିସିଙ୍ଗ୍ ଫାର୍‌ଚିଗିୟା । ୩ ଆତଃ ସେତାଃ ଇଦାନ୍‌ରେ  
 ସିର୍ମା ଆରାଃଗି ଆତଃ ରିମିଲାକାଦଗିପେ ନେଲେରେଦ, କାଜିୟାଃପେ, ତିସିଙ୍ଗ୍  
 ଦୁଦୁଗାର୍ ହୟ ହିଜୁଃଆ । ଆପେଦ ସିର୍ମାରେୟାଃ ଚିଙ୍ଗାଁପେ ନେଲ୍‌ଉରୁମେତାନା  
 ମେନ୍‌ଦ ଦିପିଲିରାଃ ଚିଙ୍ଗାଁକ କାପେ ନେଲ୍‌ଉରୁମ୍ ଦାଡିତାନ୍ । ୪ \*ଏଡକାନ୍ ଆତଃ  
 ପାର୍‌ମେଶ୍ୱାରକେ କା ବିଶ୍ୱାସ୍‌ତାନ୍ ହତକ ଚିଙ୍ଗାଁକ ଦାଣାଁ, ମେନ୍‌ଦ ଯୁନ୍‌ସ୍ ନାବାଆଃ  
 ଚିଙ୍ଗାଁ ବାଗିକେଦତେ ଇନ୍‌କୁନାଙ୍ଗ୍ ଏଟାଃ ଚିଙ୍ଗାଁ କା ଏମଃଆ ।”

ଆତଃ ଇନ୍‌କୁକେ ବାଗିକେଦତେ ଇନିଃ ସେନଃୟାନାଏ ।

ଫାରୁଶୀ ଆତଃ ସାଦୁକିକଆଃ ଇନିତୁ  
 (ମାର୍କ ୮:୧୪-୨୧)

୫ ଚେଲ୍‌କ ଦରେୟା ହାନ୍ ପାରମ୍‌ତେ ସେଟେର୍‌ୟାନ୍‌ଚି ହଲଙ୍ଗ୍ ଇଦି ନାଙ୍ଗ୍‌କ  
 ରିଡିଙ୍ଗ୍‌କେଦା । ୬ \*ୟୀଶୁ ଇନ୍‌କୁକେ କାଜିୟାଦକଆଏ, “ଫାରୁଶୀକଆଃ ଆତଃ  
 ସାଦୁକିକଆଃ ରାନ୍‌ଏତେ ଚିର୍ଗାଲାକାନ୍ ତାଇନ୍‌ପେ ।”

୭ ଇନ୍‌କୁ ଆକ ଆକରେକ ମେନ୍‌କେଦା, “ଆବୁ ହଲଙ୍ଗ୍ କାବୁ ଆଉକାଦା  
 ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୮ ଯୀଶୁ, ଇନ୍‌କୁ କାଜିତାନ୍‌ତେୟାଃ ଆଟ୍‌କାର୍‌କେଦତେ କାଜିକେଦକଆଏ, “ଏ  
 ହୁଡିଙ୍ଗ୍ ବିଶ୍ୱାସ୍‌ତାନ୍‌କ, ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି  
 ଉଡ଼ୁତାନା ? ନାହାଁଃ ଜାକେଦ୍ କାପେଚି ସାରିକାଦା ଆତଃ ଆଟ୍‌କାର୍‌ଉରୁମାକାଦା  
 ? ୯ \* ଏନ୍ ପାଞ୍ଚ ହାଜାର୍ ହତକ, ମଣେୟାଁ ହଲଙ୍ଗ୍ ଜମ୍‌କେଦତେ, ଚିମିନ୍ ଟୁଙ୍ଗି  
 ସାରେଃୟାନା ଏନା କାପେଚି ପାହାମେତାନା ? ୧୦ \*ଆତଃ ଏନ୍ ଉପୁନ୍ ହାଜାର୍  
 ହତକ, ସାତ୍‌ଠୁ ହଲଙ୍ଗ୍ ଜମ୍‌କେଦତେୟାଃ କାପେଚି ପାହାମେତାନା ? ଚିମିନ୍ ଟୁଙ୍ଗି  
 ସାରେଃୟାନା ? ୧୧ ହଲଙ୍ଗ୍ ନାଗେନ୍ତେ କାଇଙ୍ଗ୍ କାଜିୟାପେତାନା, ଚିଲ୍‌କାତେ ନେଆଁ  
 କାପେ ଆଟ୍‌କାର୍‌ଉରୁମେତାନା ? ମେନ୍‌ଦ ଫାରୁଶୀକଆଃ ଆତଃ ସାଦୁକିକଆଃ  
 ରାନ୍‌ଏତେ ଚିର୍ଗାଲାକାନ୍ ତାଇନ୍‌ପେ ।”

\* ୧୭:୧ ୧୭:୧ ମାଥୁରା ୧୨:୩୮; ଲୁକ ୧୧:୧୭.    \* ୧୭:୪ ୧୭:୪ ମାଥୁରା ୧୨:୩୯; ଲୁକ ୧୧:୨୯.    \* ୧୭:୭  
 ୧୭:୭ ଲୁକ ୧୨:୧.    \* ୧୭:୯ ୧୭:୯ ମାଥୁରା ୧୪:୧୭-୨୧.    \* ୧୭:୧୦ ୧୭:୧୦ ମାଥୁରା ୧୫:୩୫-୩୮.

୧୨ ଏନ୍ତେ ଇନକୁ ହଲଙ୍ଗରାଃ ରାନୁଏତେଦ କା ମେନ୍ଦ ଦଫାରୁଣୀକଆଃ ଆତଃ ସାଦୁକିକଆଃ ଇନିତୁଏତେ ଚିର୍ଗାଲ୍ଲାନାନ୍ଦେ ମେନ୍ତେ ଇନିଃ କାଜିୟାଦ୍ବୁଆଏ ମେନ୍ତେକ ଆଟ୍‌କାର୍‌ଉରୁମ୍‌କେଦା ।

ୟୀଶୁ ଖ୍ରୀଷ୍ଟ ମାସି ତାନିଃ  
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାର୍‌ଗାନ୍‌\*ରାଃ ସାହାରତେ ସେଟେରୟାନ୍‌ଚି ଯୀଶୁ ଆୟାଃ ଚେଲ୍ଲାକକେ କୁଲିକେଦ୍‌କଆ, “ମାନଝାହନ୍ ଅକଏ ତାନିଃ ମେନ୍ତେ ହଡ଼କ କାଜିତାନା ?”

୧୪ ଇନକୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ଯିରିମିୟ ଚାଏ ନାବାକଏତେ ମିଆଁଦ୍‌ନିଃ ତାନିଃ ମେନ୍ତେକ କାଜିତାନା ।”

୧୫ ଯୀଶୁ ଇନକୁକେ କୁଲିକେଦ୍‌କଆ, “ମେନ୍ଦ ଆପେ ଚିନାଃ ମେନେତାନାପେ ? ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

୧୬ ଶିମୋନ୍ ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ, ଜାନିଦ୍ ପାର୍‌ମେଶ୍ଵାର୍‌ଆଃ ହନ୍ ତାନମେ ।”

୧୭ ଯୀଶୁ କାଜିରୁହାଡ଼କିୟାଏ, “ହେ ଯୁନୁସରାଃ ହନ୍ ଶିମୋନ୍, ଆମ୍ ସୁକୁତାନ୍‌ଗିୟାମ୍, ନେଆଁଦ୍ ହଡ଼ହନ୍ ଆମାଃତାଃ କାଏ ଉଦୁବ୍, ମେନ୍ଦ ସିର୍ମାରେନ୍ ଆପୁ ଉଦୁବାଦମେୟାଏ । ୧୮ ଆତଃ ଆଇଙ୍ଗ୍‌ହ୍ ଆମ୍‌କେ କାଜିୟାମେ ତାନାଇଙ୍ଗ୍, ଆମ୍ ପାଡ଼ରାସ୍ ତାନମେ ଏନାରାଃ ମୁଣ୍ଡି ଚାଟେନ୍ ତାନାଃ ମେନ୍ଦ ଆଇଙ୍ଗ୍ ନେ ଚାଟେନ୍‌ରେ ଆଇଁୟାଃ କାଲିସିୟା ବାଇୟାଇଙ୍ଗ୍ ଆତଃ ନାରାକ୍‌ରାଃ ପେଡେଃ ଏନାକେ କାଏ ହାଦୁଡ଼ ଦାଡ଼ିୟା । ୧୯ ଆଇଙ୍ଗ୍ ସିର୍ମା ରାଇଜ୍‌ରେୟାଃ ଚାଢି ଏମାମେୟା, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡ଼ାଏତେୟାଃ, ସିର୍ମାରେ ଏନା ରାଡ଼ାଅଃଆ ।”

୨୦ ଏନ୍ତେ ଆଇଙ୍ଗ୍ ମାସି ତାନିଙ୍ଗ୍, ନେଆଁ ଜେତାଏତାଃ ଆଲ୍‌ପେ ଉଦୁବିୟାଁ ମେନ୍ତେ ଯୀଶୁ ଆୟାଃ ଚେଲ୍ଲାକକେ ଆରୁକେଦ୍‌କଆ ।

ୟୀଶୁ ଆୟାଃ ଗନଏଃ ଆତଃ ଜୀଉବିନିରିଦ୍‌ରେୟାଃ ଆୟାର୍‌କାଜି କାଜିୟାଦ୍‌କଆ

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ଏନ୍ ଦିପିଲିଏତେ ଯୀଶୁ ଆୟାଃ ଚେଲ୍ଲାକକେ ଫାର୍‌ଚିତେ କାଜିକେଦ୍‌କଆଏ, “ଆଇଙ୍ଗ୍‌କେ ଯୀରୁଶାଲେମତେ ସେନ୍ ଲାଗାଡ଼ିଙ୍ଗ୍‌ୟାଃ, ଏନ୍ତାଃରେ ପ୍ରାଚିନ୍‌କ, ମୁଲ୍ ଯାଜାକ୍‌କ ଆତଃ ଆଇନ୍ ଇତୁକଆଃ ତିଃଇରେ ସାବ୍‌ଇଚିକେଦ୍‌ତେ ପୁରାଃ ଦୁକୁ ସାହାଡ଼ିଙ୍ଗ୍ ଆତଃ ଗଜଃ ଲାଗାଡ଼ିଙ୍ଗ୍‌ୟାଃ ଏନ୍ତେ ଆପି ମାହାଁ ତାୟମ୍‌ତେ ଜୀଉବିନିରିଦ୍ ହବାଅଆଃ ।”

୨୨ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଟେଦ୍‌କିୟାଏ । “ହେ ପ୍ରାଭୁ, ପାର୍‌ମେଶ୍ଵାର୍ ଆମ୍‌କେ ଲିବୁଇମେକାଏ, ନେଆଁ ଆମାଃରେ ଚିଉଲ୍‌ଆ ଆଲ୍‌କା ହବାଅଃକା ।”

୨୩ ଯୀଶୁ ହେତାରୁହାଡ଼କେଦ୍‌ତେ ପାଡ଼ରାସ୍‌କେ କାଜିରୁହାଡ଼କିୟାଏ, “ଏ ସାଏତାନ୍ ଆଇଁୟାଃତାଃଏତେ ଆତମେନ୍‌ମେ, ଆମ୍ ଆଇଙ୍ଗ୍‌କେ ତହଦ୍‌ଇଚିଙ୍ଗ୍‌ତାନାମ୍, ଚିୟାଃଚି ଆମ୍‌ଦ ପାର୍‌ମେଶ୍ଵାର୍‌ଆଃ କା ମେନ୍ଦ୍ ହଡ଼କଆଃ ଲେକାମ୍ ଉଡ଼ୁତାନା ।”

\* ୧୭:୧୩ ୧୭:୧୩ ଅଞ୍ଚଳ ☆ ୧୭:୧୪ ୧୭:୧୪ ମାଥୁର ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮. ☆ ୧୭:୧୭ ୧୭:୧୭ ଯୋହାନ୍ ୭:୬୮,୭୯. ☆ ୧୭:୧୯ ୧୭:୧୯ ମାଥୁର ୧୮:୧୮; ଯୋହାନ୍ ୨୦:୨୩.

୨୪ \*ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦକଆଏ, “ଜେତାଏ ହଡ଼ ଆଇଙ୍ଗକେ ଅତଙ୍ଗ ସାନାଙ୍ଗରେଦ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଣ୍ଠ ଗଅଃକେଦ୍ତେ ଅତଙ୍ଗଇଙ୍ଗକାଏ । ୨୫ \*ଚିୟାଃଚି ଜେତାଏ ଆୟାଃ ଜୀଉକେ ବାଞ୍ଚାଅ ସାନାଙ୍ଗନିଃଦ ଏନାଏ ଆଦେୟା ମେନ୍ଦ୍ ଜେତାଏ ଆୟାଃ ଜୀଉକେ ଆଇଙ୍ଗ ନାଙ୍ଗ ଆଦେନିଃ ଏନାଏ ବାଞ୍ଚାଅୟା । ୨୬ ଜେତାଏ ହଡ଼ ଗଟା ଅତେଦିଶୁମ୍ ନାମକେଦ୍ରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ଦ୍ ଫାଏଦା ହବାଅଆଃ ? ଚାଏ ଜେତାଏ ହଡ଼ ଆୟାଃ ଜୀଉ ନାମରୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୨୭ \*ମାନଝାହନ୍ଦ୍ ଆୟାଃ ସିର୍ମାରେନ୍ଦ୍ ଦୁଡ଼କଲଃ ଆୟାଃ ଆପୁଆଃ ମାନାରାଙ୍ଗରେ ହିଜୁଃ ଇମତା ଇନିଃ ମିଆଁଦ୍ ହଡ଼କେ ଆୟାଃ କାମିଲେକାଏ ଏମାଇୟା । ୨୮ ଆଇଙ୍ଗ ସାର୍ତିଗିଙ୍ଗ କାଜିୟାପେତାନା, ନେତାଃରେ ମେନାକଏତେ ଚିମିନ୍ଦ୍ ହଡ଼କ ମାନଝାହନ୍ଦ୍ ଆୟାଃ ରାଇଜ୍ରେ ହିଜୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”

## ୧୭

ୟୀଶୁଆଃ ରୁପ୍ ବାଦଲିଅଃ  
(ମାର୍କ ୯:୨-୧୩; ଲୁକ ୯:୨୮-୩୬)

୧ ତୁରିୟା ମାହାଁ ତାୟମ୍ତେ ଯୀଶୁ, ପାଡ଼ରାସ୍, ଯାକୁବ୍ ଆତଃ ହାଗାତେ ଯୋହାନ୍ତେକୁକେ ଆୟାଃଲଃ ମିଆଁଦ୍ ସାଲାଙ୍ଗି ବୁରୁତେ ଇଦିକେଦକଆଏ । ଏନ୍ତାଃରେ ଇନ୍ଦ୍କୁ ଏସ୍କାର୍ଗିକ ତାଇକେନା । ୨ ଇନିୟାଃ ମେଦ୍ମୁହାଁଡ଼ ଇନ୍ଦ୍କୁଆଃ ସାମ୍ନାଙ୍ଗରେ ବାଦଲାୟାନା ଆତଃ ଇନିୟାଃ ମେଦ୍ମୁହାଁଡ଼ ସିଙ୍ଗିଲେକା ଜୁଲ୍ୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଣ୍ଡିୟାନା । ୩ ଏନ୍ତେ ମୁଣା ଆତଃ ଏଲିୟ ଯୀଶୁଲଃ ଜାଗାର୍ତାନକ୍ ନେଲ୍କେଦକଆ । ୪ ପାଡ଼ରାସ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆପୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍ଗ ନେତାଃରେ ଆପିୟା କୁମ୍ପାଇଙ୍ଗ ବାଇୟା, ଆମାଃ ନାଗେନ୍ତେ ମିଆଁଦ୍, ମୁଣା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍ ।”

୫ \*\*ୟୀଶୁ ଜାଗାର୍ତାନ ଇମ୍ତାଗି ମିଆଁଦ୍ ମାର୍ସାଲ୍ ରିମିଲ୍ ଇନ୍ଦ୍କୁକେ ଉମ୍ପୁଲ୍କେଦକଆ ଆତଃ ନେଲେପେ, ଏନ୍ଦ୍ ରିମିଲ୍ଏତେ ଲାବ୍ଜା ଆୟୁମ୍ୟାନା, “ନିଃଗି ଆଇଁୟାଃ ଦୁଲାଡ଼୍ ହନ୍ଦ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

୬ ଚେଲାକ ନେଆଁ ଆୟୁମ୍କେଦ୍ଚି, ବରତେ ତାବେରକେଦ୍ତେ ଅତେରେକ ଉୟୁଃୟାନା । ୭ ଯୀଶୁ ଇନ୍ଦ୍କୁତାଃ ନାଡ଼େୟାନ୍ଦ୍ଚି ଜୁଚିଦକେଦ୍ତେ କାଜିକେଦକଆଏ, “ବିରିଦ୍ପେ, ଆଲ୍ପେ ବରଏୟା ।” ୮ ଇନ୍ଦ୍କୁ ଆରିଦ୍ରାକାଦ୍କେଦ୍ତେ ଯୀଶୁକେ ବାଗିକେଦ୍ତେ ଏନ୍ତାଃରେ ଜେତାଏକେ କାକ ନେଲ୍କେଦକଆ ।

୯ ଇନ୍ଦ୍କୁ ବୁରୁଏତେ ଆଡ଼ଗୁତାନ୍ ଇମ୍ତା ଯୀଶୁ ଇନ୍ଦ୍କୁକେ ଆରୁକେଦକଆ, “ମାନଝାହନ୍ଦ୍ ଗଜାକାନକଏତେ ଆଉରି ଜୀଉବିରିଦ୍ ଜାକେଦ୍ ଆପେ ନେଲାକାଦ୍ତେୟାଃ ଜେତାଏକକେ ଆଲ୍ପେ ଉଦୁବାକଆ ।”

୧୦ ଚେଲାତାୟାଃକ ଇନିଃକେ କୁଲିକିୟାକ, “ଆଇନ୍ଦ୍ ଇତୁକଆଃ ଆଇନ୍ଦ୍ ଚିନାଃ ମେନ୍ତେ ଏଲିୟକେ ପାହିଲା ହିଜୁଃ ଲାଗାତିଙ୍ଗ୍ୟାଃ ମେନେତାନାଏ ?”

☆ ୧୭:୨୪ ୧୭:୨୪ ମାଧୁର ୧୦:୩୮; ଲୁକ ୧୪:୨୭. ☆ ୧୭:୨୫ ୧୭:୨୫ ମାଧୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. ☆ ୧୭:୨୬ ୧୭:୨୬ ମାଧୁର ୨୫:୩୧ରୋଗି ୨:୬. ☆ ୧୭:୫ ୧୭:୫ ମାଧୁର ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨. ☆ ୧୭:୫ ୧୭:୫ ୨ ପାଡ଼ରାସ୍ ୧:୧୭,୧୮.

୧୧ ଯୀଶୁ କାଜିରୁହାଡ଼ାଦକଆଏ, “ଏଲିୟ ହିଜୁଃକେଦତେ ସବେନାଃ ଆତଃମିସା ବାଈରୁହାଡ଼େୟାଏ, ଏନା ସାର୍ତ୍ତିଗି ତାନାଃ । ୧୨ \*ମେନ୍ଦ ଆଇଙ୍ଗ କାଜିୟାପେ ତାନାଈଙ୍ଗ, ଏଲିୟ ହିଜୁଃୟାନାଏ ଆତଃ ଇନ୍କୁ ଇନିଃକେ କାକ ନେଲ୍ତରୁମ୍‌କିୟା ଆତଃ ଆକଆଃ ମନେଲେକା ଇନିଃକେ ସିଗିଦକିୟାକ । ଏନ୍ ଲେକାଗି ମାନଝାହନକେକ ସିଗିଦିଆ ।”

୧୩ ଏନ୍ତେ ଚେଲାକ, ଇନିଃ ବାପ୍ତିସ୍ମା ଏମାଃନିଃ ଯୋହାନ୍‌ଆଃ ବିଷାଏ କାଜିକତାନାଏ ମେନ୍ତେ ଆଟ୍‌କାରକେଦାକ ।

ୟୀଶୁ ମିଆଁଦ୍ ବଙ୍ଗା ଏସେରାକାନ୍ ହନ୍‌କେ ବୁଗିକିୟାଏ  
(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଯୀଶୁ ଆତଃ ଆୟାଃ ଚେଲାକ ଗାଦେଲ୍ ହଡକତାଃତେ ରୁହାଡ଼ୟାନ୍‌ଚି ମିଆଁଦ୍ ହଡ ଯୀଶୁତାଃତେ ହିଜୁଃୟାନା ଆତଃ ଇକ୍‌ଡ଼ମ୍‌କେଦତେ, ୧୫ କାଜିକିୟାଏ, “ହେ ପ୍ରାଭୁ, ହନିଙ୍ଗକଡ଼ାକେ ଲିବୁଆଇମେ, ଇନିଃଦ ମିକ୍ ବେମାର୍‌ତେ ପୁରାଃଗି ଦୁକୁତାନାଏ ଆତଃ ଇନିଃ ମଣେଁସା ସେଙ୍ଗେଲ୍‌ରେ ଆତଃ ଦାଆଃରେ ଉୟୁଗଃତାନାଏ । ୧୬ ଆଇଙ୍ଗ ଆମାଃ ଚେଲାକତାଃ ଇଦିକିୟାଈଙ୍ଗ ମେନ୍ଦ ଇନ୍କୁ କାକ ବୁଗିଦାଡ଼ିକିୟା ।”

୧୭ ଯୀଶୁ କାଜିରୁହାଡ଼ାଦକଆଏ, “ଏ କା ବିଶ୍ୱାସ୍‌ତାନ୍ ଆତଃ କେଟେଦ୍ ମନ୍ ହଡକ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଈଙ୍ଗ ? ଚିମିନ୍ ଜାକେଦ୍ ଆପେକେ ସାହାଡ଼ିଙ୍ଗପେଆଈଙ୍ଗ, ଇନିଃକେ ଆଇଙ୍ଗତାଃତେ ଆଡ଼ଝିପେ ।” ୧୮ ଯୀଶୁ କଡ଼ାହନ୍‌ରେ ତାଇକାନ୍ ବଙ୍ଗାକେ ମାରାଙ୍ଗମଚାକିୟା ଆତଃ ଇନିଃତାଃଏତେ ବଙ୍ଗା ଅତଙ୍ଗୟାନା ଆତଃ ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏନ୍ତେ ଚେଲାକ ଯୀଶୁତାଃତେ ଏସ୍‌କାରରେ ହିଜୁଃକେଦତେ କୁଲିକିୟାକ, “ଆଲେଦ୍ ଚିନାଃମେନ୍ତେ ଏନ୍ ବଙ୍ଗାକେ କାଲେ ଅଡଙ୍ଗ ଦାଡ଼ିକେନା ?”

୨୦ \*ୟୀଶୁ ମେତାଦକଆଏ, “ଆପେୟାଃ ହୁଡିଙ୍ଗ ବିଶ୍ୱାସ୍ ମେନ୍ତେ କାପେ ଦାଡ଼ିକେନା । ଆଇଙ୍ଗ ସାର୍ତ୍ତିଗିଙ୍ଗ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗଲେକା ମେନାଃରେଦ, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେନ୍ତେ କାଜିରେଦ ଏନା ସେନଃଆ ଆତଃ ବିଶ୍ୱାସ୍‌ରାଃ ପେଡ଼େଃତେ କା ଦାଡ଼ିୟଃଲେକା ଜେଡ଼ନାଃ ବାନଆଃ । ୨୧ ନେ ଲେକାନ୍ ବଙ୍ଗାକ ବିନ୍ତି ଆତଃ କାଗାବକେଦତେ ଏସ୍‌କାରକ ଅତଙ୍ଗଅଃଆ ଆତଃ ଏଗାଃ ଲେକାତେଦ କାହାଗି ।”\*

ୟୀଶୁ ଆୟାଃ ଗନଏଃ ବିଷାଏରେ ଆତଃମିସା କାଜିକେଦାଏ  
(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସବେନ୍ ଚେଲାକ ଗାଲିଲ୍‌ରେ ହୁଣ୍ଡିୟାନ୍‌ଚି ଯୀଶୁ ଇନ୍କୁକେ କାଜିୟାଦକଆଏ, “ଆଇଙ୍ଗ ମାନଝାହନ୍ ତାନିଙ୍ଗ, ଆତଃ ହଡକଆଃ ତିଃଇରେ ଏମ୍‌ଏଣ୍ଡାଗଃଆଇଙ୍ଗ । ୨୩ ଇନ୍କୁ ଇନିଃକେକ ଗଜିୟା ଆତଃ ଆପି ମାହାଁରେ ଜୀଉବିରିଦ୍ ରୁହାଡ଼ାଏ ।” ଆତଃ ଚେଲାକ ପୁରାଃଗିକ ହୁଡିଙ୍ଗଜୀଉୟାନା ।

ୟୀଶୁ ମାହିର୍ ଅଡ଼ାଃରାଃ କାର୍ ପାଏସା ଏମ୍‌ତାନାଏ

୨୪ ଯୀଶୁ ଆତଃ ଆୟାଃ ଚେଲାକ କପର୍‌ନାହୁମ୍‌ତେକ ସେଟେର୍‌ୟାନ୍‌ଚି, ମାହିର୍ ଅଡ଼ାଃରେନ୍ ମାଲ୍‌ହାରମ୍‌କ ପାଡ଼ରାସ୍‌ତାଃତେ ହିଜୁଃୟାନାକ ଆତଃ କୁଲିକିୟାକ, “ଚିୟାଃ ଆପେୟାଃ ଗୁରୁ ମାହିର୍ ଅଡ଼ାଃରାଃ କାର୍ ପାଏସା କାଏ ଏମାଃ ?”

☆ ୧୭:୧୨ ୧୭:୧୨ ମାଥୁର ୧୧:୧୪. ☆ ୧୭:୨୦ ୧୭:୨୦ ମାଥୁର ୨୧:୨୧; ମାର୍କ ୧୧:୨୩; ୧ କରିନ୍ଥ୍‌ୟ ୧୩:୨.  
\* ୧୭:୨୧ ୧୭:୨୧ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ

୨୫ ପାତ୍ରରାସ୍ କାଜିକେଦକଆଏ, “ହେଗି, ଏମାଃଏ ।”

ଏନ୍ତେ ପାତ୍ରରାସ୍ ଅଡ଼ାଃତେ ବଲୟାନ୍ତି, ଯୀଶୁ ପାତ୍ରରାସ୍‌କେ ପାହିଲା କାଜିକିୟାଏ, “ଗିମୋନ୍ ତିନାଃମ୍ ମେନେତାନା ? ନେ ଅତେରେନ୍ ରାଜାକ ଅକଏତାଃଏତେ କାର୍ ହାରମାଃକ ? ଇନ୍‌କୁ ଆକଆଃ ପାର୍‌ଜାକତାଃଏତେ ତି ପାର୍‌ଦେଶିକତାଃଏତେ ?”

୨୬ ପାତ୍ରରାସ୍, “ପାର୍‌ଦେଶିକତାଃଏତେ” ମେନ୍‌ରୁହାଡ଼କେଦତି,

ଯୀଶୁ କାଜିକିୟାଏ, “ଏନ୍‌ରେଦ ପାର୍‌ଜାକ ପାଏସା କାକ ଏମରାଃକାଜି ।

୨୭ ମେନ୍‌ଦ ନାହାଁଃ ଆବୁ ଇନ୍‌କୁକେ ତହଦ୍‌ରିକା ନାଙ୍ଗ୍ ବାବୁ ସାନାଙ୍ଗ୍ ତାନା, ଏନା ମେନ୍ତେ ଆମ୍ ଦରେୟାତେ ସେନ୍‌କେଦତେ ବାନ୍‌ଶି ହୁରାଙ୍ଗ୍‌ୟେମେ ଆତଃ ସିଦା ବାନ୍‌ଶିଅଃ ହାକୁକେ ସାବିମେ ଏନ୍ତେ ଇନିୟାଃ ମତାଏତେ ମିଆଁଦ୍ ରୁପାରାଃ ସିକାମ୍ ନାମେୟା, ଏନାକେ ଇଦିକେଦତେ ଆଇଁୟାଃ ଆତଃ ଆମାଃ ନାଗେନ୍ତେ ଏମାକମେ ।”

## ୧୮

ସିର୍ମା ରାଇଜ୍‌ରେ ଅକଏ ମାରାଙ୍ଗ୍‌ଆଁଏ

(ମାର୍କ ୯:୩୩-୩୭; ଲୁକ ୯:୪୬-୪୮)

୧ \*ଏନ୍ ଦିପିଲିରେ ଚେଲାକ ଯୀଶୁତାଃତେ ହିଜୁଃକେଦତେ କୁଲିକିୟାକ, “ସିର୍ମା ରାଇଜ୍‌ରେ ଅକଏ ମାରାଙ୍ଗ୍‌ଆଁଏ ?”

୨ ଯୀଶୁ ମିଆଁଦ୍ ହୁଡ଼ିଙ୍ଗ୍ ହନ୍‌କେ ଆୟାଃତାଃତେ ଆଉକେଦତେ ଇନ୍‌କୁଆଃ ଆଲାରେ ତିଙ୍ଗ୍‌କିୟାଏ, ୩ \*ଆତଃ ମେତାଦକଆଏ, “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ‘ଆପେ ହେୟାଡ଼ିଙ୍ଗ୍‌କେଦତେ ହୁଡ଼ିଙ୍ଗ୍‌ହନ୍ ଲେକା କାପେ ବାଇୟେନ୍‌ରେ, ଜେତାଏ ସିର୍ମା ରାଇଜ୍‌ରେ କାପେ ବଲଆ । ୪ ଏନାମେନ୍ତେ ଜେତାଏ ଆପାନ୍‌କେ ଲେବେୟେନ୍‌ନିଃ ଆତଃ ନେ ହନ୍ ଲେକା ବାଇୟେନ୍‌ନିଃଗି ସିର୍ମା ରାଇଜ୍‌ରେ ମାରାଙ୍ଗ୍‌ଆଁଏ । ୫ ଆତଃ ଜେତାଏ ନେ ଲେକାନ୍ ହୁଡ଼ିଙ୍ଗ୍ ହନ୍‌କେ ଆଇଁୟାଃ ନୁଡ଼ମ୍‌ତେ ସୁକୁଆଇନିଃ ଆଇଙ୍ଗ୍‌କେ ସୁକୁଆଃଏ ।”

ବିଶ୍ୱାସ୍‌ରେ ଆଲ୍‌ପେ ତହଦଃଆ ମେନ୍ତେ ଯୀଶୁ ଇଡୁକତାନାଏ

(ମାର୍କ ୯:୪୭-୪୮; ଲୁକ ୧୭:୧-୨)

୬ “ଜେତାଏ ଆଇଁୟାଃରେ ବିଶ୍ୱାସ୍‌ତାନ୍ ନେ ହୁପଡ଼ିଙ୍ଗ୍‌କଏତେ ମିଆଁଦ୍‌ନିଃକେ ଆୟାଃ ବିଶ୍ୱାସ୍‌ରେ ତହଦ୍‌ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦତେ ଇନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ । ୭ ହାୟ, ତିମିନ୍ ବରଝାନ୍‌ଗି ନେ ଅତେଦିଶ୍ୱାମ୍ ଚିୟାଃଗି ହଡ଼କଆଃ ବିଶ୍ୱାସ୍‌ରେ ତହଦ୍‌ରିକା ନାଗେନ୍ତେ ପୁରାଃତେୟାଃ ମେନାଃ । ନେ ଲେକାନ୍ ତହଦଃତେୟାଃଦ ହିଜୁଃଗି ଲାଗାଡ଼ିଙ୍ଗ୍‌ୟାଃ ମେନ୍‌ଦ ଜେତାଏ ତହଦ୍‌ରିକାନିଆଃ ହାୟ, ଇନିୟାଃ ଦାସା ତିମିନ୍ ବରଝାନ୍‌ଗି ହବାଅଆଃ ।

୮ \*ଆମାଃ ତିଃଇ ଚାଏ ଆମାଃ କାଟା ଆମାଃ ବିଶ୍ୱାସ୍‌ରେ ତହଦ୍ ରିକାମ୍‌ତାନ୍‌ରେଦ ଏନାକେ ଛପା ଏଣ୍ଟାଗେମେ । ବାରିଆ ତିଃଇ ଆତଃ ବାରିଆ କାଟା ତାଇକେଦତେ ନାରାକ୍‌ରେ ଜାନାଅ କା ଇଣ୍‌ଜଃ ସେଙ୍ଗେଲ୍‌ତେ ସେନଃଏତେଦ ଚୁଣ୍ଟାୟାନ୍ତେ ଜୀଦାନ୍‌ରେ ବଲଃ ଆମାଃ ନାଗେନ୍ତେ ବୁଗିନାଃ । ୯ \*ଆମାଃ ମିଆଁଦ୍ ମେଦ୍ ପାପ୍‌ଇତିମେରେଦ, ଏନାକେ ଅତଙ୍ଗ୍‌କେଦତେ ହୁଦ୍‌ମାଏଣ୍ଟାଏମେ । ବାରିଆ ମେଦ୍

\* ୧୮:୧ ୧୮:୧ ଲୁକ ୨୨:୨୪.

\* ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭.

\* ୧୮:୮ ୧୮:୮ ମାଥୁର

୫:୩୦. \* ୧୮:୯ ୧୮:୯ ମାଥୁର ୫:୨୯.

ତାଙ୍କନକେଦତେ ନାରାକ୍ ସେଢ଼େଲ୍ରେ ହୁଦ୍‌ମାଅଃହେତେ ମିଆଁଦ୍ ମେଦତେ ଜୀଦାନରେ ବଲତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଣ୍ଡିଆଃ ଜନ୍‌କା କାଜି  
(ଲୁକ ୧୫:୩-୭)

୧୦ \* “ନେ ହୁଦ୍‌ତିଙ୍ଗ୍ ହନକଏତେ ମିଆଁଦ୍‌ନିଃକେହ୍ ଆଲ୍‌ପେ ହିଲାଙ୍ଗ୍‌ଇଆ ଚିୟାଃତି ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଇନ୍‌କୁକେ ଜାତ୍‌ନାଅକତାନ୍ ସିର୍ମାରେନ୍ ଦୁଁଡ୍‌କ ଜାନାଅଗି ଆଇଁୟାଃ ଆପୁ ପାର୍‌ମେଶ୍‌ବରତାଃରେ ମେନାକଆ । ୧୧ ଚିୟାଃତି ମାନଖାହନ୍‌ଦ ଆଦାକାନ୍‌କକେ ବାଞ୍ଛାଅ ନାଗେନ୍ତେ ହିଜୁଆକାନା ।\* ”

୧୨ “ଚିକ୍‌ନାଃପେ ଉଡ୍‌ଠୁ ତାନା ? ଜେତାଏ ହଡ୍‌ଆଃ ମଣେଁହିସି ମିଣ୍ଡିକ ମେନାକଆ, ଆତଃ ଇନ୍‌କୁଏତେ ମିଆଁଦ୍‌ନିଃ ଆଦ୍‌କରେ ଚିୟାଃ ଏନ୍ ଉପୁନ୍‌ହିସି† ଗେଲ୍‌ଅରେୟାଃ ମିଣ୍ଡିକକେ ବୁରୁରେ ଗୋଟ୍‌କେଦତେ ବାଗିତାକଆଏ ଆତଃ ଆଦାକାନ୍ ମିଣ୍ଡିକେ କାଏ ଚି ଦାଣ୍ଡାଈୟା ? ୧୩ ଆତଃ ଇନିଃକେ ନାମ୍‌ତାଇରେ, ସାର୍‌ତିଗିଙ୍ଗ୍ କାଜିୟାପେତାନା, ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା କା ଆଦାକାନ୍ ମିଣ୍ଡିକଏତେ ମିଆଁଦ୍ ନାମାକାଇ ମିଣ୍ଡି ନାଗେନ୍ତେ ପୁରାଃଗି ରାସ୍‌କାଅଃଆ । ୧୪ ଏନ୍‌ଲେକାଗି ନେ ହୁଦ୍‌ତିଙ୍ଗ୍‌କଏତେ ମିଆଁଦ୍‌ନିଃକେହ୍ ଜିୟନଃକାଏ ମେନ୍ତେ ଆପେୟାଃ‡ ସିର୍ମାରେନ୍ ଆପୁ କାଏ ସାନାଙ୍ଗ୍‌ତାନା ।

ପାପ୍‌ତାନ୍ ହାଗା ଚାଏ ମିଶିକ  
(ଲୁକ ୧୭:୩)

୧୫ \* “ହାଗାମ୍‌ତାମାଃ ଆମାଃ ବିରୁଧ୍‌ରେ ପାପ୍ ରିକାଏରେଦ, ଆୟାଃତାଃ ସେନ୍‌ମେ ଆତଃ ଆବେନ୍ ବାରାନ୍‌କିନାଃ ଆଲାରେ ଆୟାଃ ଚିଟାତେୟାଃ ଉଦୁବାଇମେ । ଇନିଃ ଆୟୁମ୍‌ରେଦ ହାଗାମ୍‌ତାମାଃକେ ନାମ୍‌ରୁହାଡ୍‌କିୟାମ୍ । ୧୬ ମେନ୍‌ଦ ଇନିଃ କାଏ ଆୟୁମ୍‌ରେଦ ମିହୁଡ୍, ଚାଏ ବାର୍‌ହଡ୍, ଏଗାଃକକେ ଆମାଃଲଃ ଇଦିକୁମେ । ଧାରାମ୍‌ପୁଅରେୟାଃ କାଜିଲେକା, ‘ବାର୍‌ହଡ୍, ଚାଏ ଆପିହଡ୍‌ଆଃ ଗାଞ୍ଜାତେ ସବେନ୍ କାଜି ମାନାତିଙ୍ଗ୍ ହବାଅଃଆ ।’ ୧୭ ଆତଃ ଇନିଃ ଇନ୍‌କୁଆଃ କାଜିକ କାଏ ଆୟୁମ୍‌ରେଦ କାଲିସିୟାକେ ଉଦ୍‌ବିମେ, ଆତଃ ଇନିଃ କାଲିସିୟାରାଃ କାଜିୟ କାଏ ଆୟୁମ୍‌ରେଦ, ଇନିଃକେ ସାଅଁସାର ହଡ୍ ଆତଃ ମାଲ୍‌ହାରମ୍‌ନିଃ ଲେକା ରିକାଇମେ, ଆତଃ ଇନିଃଲଃ ଆଲ୍‌ମ୍ ମେସାଅଃଆ ।

୧୮ \* “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡ୍‌ଏତେୟାଃ, ସିର୍ମାରେ ଏନା ରାଡ୍‌ଆଃଆ ।

୧୯ “ଆତଃ ସାର୍‌ତିଗିଙ୍ଗ୍ କାଜିପେତାନା, ଆପେକଏତେ ବାର୍‌ହଡ୍, ନେ ଅତେରେ ଜେଡ୍‌ନାଃ ମିଦ୍ ମନ୍‌ତେକିନ୍ ଆସିରେଦ, ଏନା ସିର୍ମାରେନ୍ ଆପୁଇଙ୍ଗ୍ ସାଃଏତେକିନ୍ ନାମେଗିୟା । ୨୦ ଚିୟାଃତି ବାର୍‌ହଡ୍, ଚାଏ ଆପିହଡ୍, ଆଇଁୟାଃ ନୁଡୁମ୍‌ତେ ହୁଣ୍ଡିୟାଃତାଃରେ ଆଇଙ୍ଗ୍ ଇନ୍‌କୁଆଃ ଆଲାରିୟାଃ ।”

ଛାମା କା ଏମ୍‌ତାନ୍ ଦାସିଆଃ ଜନ୍‌କା କାଜି

\* ୧୮:୧୦ ୧୮:୧୦ ଲୁକ ୧୯:୧୦. \* ୧୮:୧୧ ୧୮:୧୧ ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଆଃ  
† ୧୮:୧୨ ୧୮:୧୨ ଅସି ‡ ୧୮:୧୨ ୧୮:୧୨ ଅଣେଇଙ୍ଗ୍ § ୧୮:୧୪ 18:14 ଚିମିନ୍ ମାରି ଅନଲ୍‌ରେ ଆଇଁୟାଃ ଅଲ୍‌କାନା ☆ ୧୮:୧୫ ୧୮:୧୫ ଲୁକ ୧୭:୩. \* ୧୮:୧୮ ୧୮:୧୮ ମାଥୁରା ୧୭:୧୯; ଯୋହାନ୍ ୨୦:୨୩.

୨୧ ଏବେ ପାତ୍ରରାସ୍ ଯୀଶୁତାଃତେ ହିଜୁଃଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଇଙ୍ଗ୍ ତାଇୟାଃ ଆଇୟାଃ ବିରୁଧ୍ରେ ସବେନ୍ ଇମ୍ତା ପାପ୍‌ଏରେଦ୍ ଚିମିନ୍‌ପା ଜାକେଦ୍ ଛାମାଲୟାଇଙ୍ଗ୍ ? ଚିୟାଃ ସାତ୍ ଧାର୍ଟ୍ ଜାକେଦ୍ ?”

୨୨ ଯୀଶୁ କାଜିରୁହାଡ୍‌କିୟାଏ, “ସାତ୍ ଧାର୍ଟ୍ ଜାକେଦ୍ ମେନ୍ତେ କାହାଗି, ମେନ୍‌ଦ୍ ସତସ୍ତୋର୍ ଧାର୍ଟ୍ ଜାକେଦ୍ ? ୨୩ ଚିୟାଃଚି ସିର୍ମା ରାଇଜ୍‌ଦ୍ ମିଆଁଦ୍ ରାଜାଲେକା, ଇନିଃ ଆୟାଃ ଦାସିକଆଃ ହିସାବ୍ ଆସି ନାଙ୍ଗ୍ ଉହାଟ୍‌କେଦାଏ । ୨୪ ଆତଃ ରାଜା ହିସାବ୍ ଏଟେଦ୍‌ତାଇକେନ୍ ଇମ୍ତା ମିଆଁଦ୍ ଦାସିକେ ଇନିଃତାଃକ ଆଉକିୟା, ଇନିଃଦ୍ ଗେଲ୍ ହାଜାର୍ ଦିନାରି ରିଣୀ ଇଦିକାଦ୍ ତାଇକେନା । ୨୫ ଇନିଃତାଃରେ ହାଲ୍‌ରୁହାଡ୍, ନାଗେନ୍ତେ ଜେଡ୍‌ନାଃ କା ତାଇକେନା । ଏନାମେନ୍ତେ ରାଜା ଇନିଃକେ ଆତଃ ଆୟାଃ କୁଡ୍ଡି, ହନ୍‌ଗାଁଣା, ଆତଃ ଆୟାଃ ମେନାଃତେୟାଃ ସବେନାଃ ଆଖ୍‌ରିଙ୍ଗ୍‌କେଦ୍‌ତେ ରିଣୀ ପେରେଃ ନାଗେନ୍ତେ ଆଚୁକେଦ୍‌କଆ । ୨୬ ଏନ୍ତେ ଏନ୍ ଦାସି ରାଜାରାଃ ଆୟାରରେ ଇକ୍‌ଡ୍‌ମୁକେଦ୍‌ତେ ଉୟୁଃୟାନାଏ, ଆତଃ କାଜିକିୟାଏ, ‘ହେ ଗମ୍‌କେ, ଆତଃ ଚିମିନ୍ ମାହାଁଲେକା ତାଙ୍ଗିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲ୍‌ରୁହାଡ୍‌ତାମେଆ ।’ ୨୭ ଏନ୍ତେ ଏନ୍ ଦାସିରାଃ ରାଜା ଇନିଃରେ ବିଲ୍‌କାଅକେଦ୍‌ତେ, ଇନିଃକେ ଆଡ଼ାଃକିୟା, ଆତଃ ଆୟାଃ ରିଣୀକ ବାଗିକେଦାଏ ।

୨୮ “ମେନ୍‌ଦ୍ ଏନ୍ ଦାସି ଅତଙ୍ଗ୍‌ୟାନ୍‌ତେ, ଆୟାଃତାଃଏତେ ମିଦ୍ ସାଅ ମୁସିଙ୍ଗ୍‌ରାଃ ନାଲା ସିକା ରିଣୀ ଇଦିକାଦ୍ ମିଆଁଦ୍ ଗାତିଦାସିକେ ନାମ୍‌କିୟାଏ, ଏନ୍ତେ ଇନିଃକେ ସାଦ୍‌କିତେ ହଟ୍‌ଟରେ ଲିମ୍‌ଦୁ ଏଟେଦ୍‌କିୟା ଆତଃ କାଜିକିୟାଏ, ‘ଆଇୟାଃତାଃଏତେ ରିଣୀକାଦ୍‌ତେୟାଃ ସବେନାଃ ପେରେଜାଇଙ୍ଗ୍‌ମେ ।’ ୨୯ ଏନ୍ ଗାତିଦାସି ଇକ୍‌ଡ୍‌ମୁକେଦ୍‌ତେ ବିକ୍ରିକିୟାଏ, ଆତଃ କାଜିକିୟାଏ, ‘ଆତଃ ଚିମିନ୍ ମାହାଁଲେକା ତାଙ୍ଗିତାମେ, ଏନ୍ତେ ଆଇଙ୍ଗ୍ ସବେନାଃଇଙ୍ଗ୍ ହାଲ୍‌ରୁହାଡ୍‌ତାମେଆ ।’ ୩୦ ମେନ୍‌ଦ୍ ଇନିୟାଃ ବିକ୍ରି କାଏ ଆୟୁମ୍‌କେଦା, ଆତଃ ଇନିଃ ରିଣୀ ଆଉରି ହାଲ୍‌ରୁହାଡ୍‌ତେ ଜାକେଦ୍ ଜେହେଲ୍‌କିୟାଏ । ୩୧ ଇନିୟାଃ ଗାତିଦାସିକ ନେଆଁ ନେଲ୍‌କେଦ୍‌ତେ ପୁରାଃଗିକ ହୁଡିଙ୍ଗ୍‌ଜୀଉୟାନା ଆତଃ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦୁଦ୍‌କିୟାକ । ୩୨ ଏନ୍ତେ ଇନିୟାଃ ରାଜା ଇନିଃକେ ହାକାଅକିୟାଏ, ଆତଃ କାଜିକିୟାଏ, ‘ଏ ଏଡ୍‌କାନ୍ ଦାସି, ଆମ୍ ଆଇଙ୍ଗ୍‌କେ ବିକ୍ରିକେଦିଇଙ୍ଗ୍‌ରେ ଆମାଃ ସବେନ୍ ରିଣୀ ବାଗିତାଦ୍‌ମେୟାଁଇଙ୍ଗ୍ । ୩୩ ଆଇଙ୍ଗ୍ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାତିଦାସିକେ ବିଲ୍‌କାଅ\* ଲାଗାତିଙ୍ଗ୍ ତାଇକେନା ।’ ୩୪ ରାଜା ପୁରାଃଗି ଏସେଦ୍‌ୟାନାଏ ଆତଃ ଇନିଃ ଏନ୍ ଦାସିକେ ସବେନ୍ ରିଣୀ ଆଉରି ହାଲ୍‌ରୁହାଡ୍‌ତେ ଜାକେଦ୍ ସାଜାଇ ନାମେ ନାଗେନ୍ତେ ଜେହେଲ୍‌ତେ କୁଲ୍‌କିୟାଏ ।”

୩୫ ଯୀଶୁ ଜନ୍‌କା କାଜି କାଜିତାବାକେଦ୍‌ଚି କାଜିକେଦାଏ, “ଆପେକଏତେ ମିଆଁଦ୍ ହଡ୍ ଆପେୟାଃ ହାଗାକଆଃ ଗୁହ୍ଣାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ୍, ଆଇୟାଃ ସିର୍ମାରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

### ୧୯

କଡ଼ାକୁଡ଼ିବାଗିରେୟାଃ ଇନିତୁ  
(ମାର୍ଚ୍ଚ ୧୦:୧-୧୨)

୧ ଯୀଶୁ ନେଆଁ କାଜି ତାବାକେଦ୍‌ଚି ଗାଲିଲ୍ ବାଗିକେଦ୍‌ତେ ଯାର୍ଦାନ୍‌ନାହ୍ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନା । ୨ ପୁରାଃ ଗାଦେଲ୍

\* ୧୮:୨୧ ୧୮:୨୧ ଲୁକ ୧୭:୩,୪. \* ୧୮:୩୩ ୧୮:୩୩ ଦାୟା

ହତକ ଇନିଷକେକ ଅତଙ୍ଗକିୟା ଆତଃ ଇନିଃ ଏନ୍ତାଃରେ ଦୁକୁହାସୁତାନକକେ ବୁଗିକେଦକଆଏ ।

୩ ଚିମିନ୍ ଫାରୁଶୀକ ଆୟାଃତାଃତେ ବିଡାଅ ନାଗେନ୍ତେକ ହିନ୍ତୁଃୟାନା ଆତଃ କୁଲିକିୟାକ, “ମୁଶାରାଃ ଆଇନ୍ ଲେକାତେ, ଚିୟାଃ କଡ଼ା ଆୟାଃ କୁଡ଼ିକେ ଜେତାନ୍ କାଜି ନାଗେନ୍ତେ ବାଗିଦାଡ଼ିୟାଏ ଚି କାହା ?”

୪ ଇନିଃ କାଜିରୁହାଡ଼ାଦକଆଏ, “ଧାରାମପୁଅରେ କାପେଚି ପାଡ଼ାଅକାଦା, ବାବାଇନିଃ ମୁନୁରେ ଏନ୍ ବାରାନ୍‌କିନ୍‌କେ, କଡ଼ା ଆତଃ କୁଡ଼ି ବାଇକେଦକିନାଏ ? ୫ ଆତଃ ପାରମେଶ୍ୱାର କାଜିକେଦାଏ, ଏନା ନାଗେନ୍ତେ ହତ ଆୟାଃ ଏକ୍ମା ଆପୁକିନ୍‌କେ ବାଗିକେଦତେ ଆୟାଃ କୁଡ଼ିଲଃ ମିଦଃଆଏ, ଆତଃ ଇନ୍‌କିନ୍ ବାରାନ୍‌କିନ୍ ମିଦଃଆକିନ୍ । ୬ ଏନାମେନ୍ତେ ଇନ୍‌କିନ୍ ବାରିଆ ହତମ ନାହାଁଲୀଃକିନ୍, ମେନ୍‌ଦ ମିଆଁଦ୍ ହତମତାନ୍‌କିନ୍, ଏନା ନାଗେନ୍ତେ ପାରମେଶ୍ୱାର ମିଦରେ ତଲ୍ଲୀକାଦ୍‌ତେୟାଃ ହତ ଆଲକାଏ ବିନ୍‌ଗାଏକା ।”

୭ ଫାରୁଶୀକ ଯୀଶୁକେ କୁଲିକିୟାକ, “ତାବ୍‌ଦ ମୁଶା ଚିନାଃମେନ୍ତେ କୁଡ଼ିକେ ବାଗିରେଆଃ ଅନଲ୍‌ଚିଠା ଏମ୍‌କେଦତେ ବାଗିକପେ ମେନ୍ତେ ଆଇନ୍‌ରେ ଆରୁକାଦା ?”

୮ ଯୀଶୁ କାଜିରୁହାଡ଼ାଦକଆଏ, “ମୁଶାଦ୍ ଆପେୟାଃ କେଟେଦମନ୍ ନାଗେନ୍ତେ ଆପେୟାଃ କୁଡ଼ିକକେ ବାଗି ଚିକାଦ୍‌ପେୟାଏ, ମେନ୍‌ଦ ଅତେଦିଶୁମ୍‌ରେୟାଃ ମୁନୁରାଃ ସିଦାରେ ଏନ୍‌ଲେକା କା ତାଇକେନା । ୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଜେତାଏ ହତ ଆପାଙ୍ଗିର୍ କାମି ବେଗାର୍ ଏଟାଃ କାଜି ନାଗେନ୍ତେ ଆୟାଃ କୁଡ଼ିକେ ବାଗିକେଦତେ ଏଟାଃ କୁଡ଼ିକେ ଆଶ୍‌ଦିୟାଃରେ ଆପାଙ୍ଗିର୍ କାମି କାମିୟାଏ ଆତଃ ଇନିଃ ଆଇଃକ୍‌ଗି ଆପାଙ୍ଗିର୍‌ନିଃ ହବାଅଃଆଏ ।”

୧୦ ଚେଲ୍ଲୀକ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲ୍ଲୀରେ ନେ ଲେକା ହବାଅଃତାନ୍‌ରେଦ୍ ଆଶ୍‌ଦି କା ବୁଗିନାଃ ।”

୧୧ ଯୀଶୁ ଇନ୍‌କୁକେ କାଜିରୁହାଡ଼କେଦକଆଏ, “ସବେନ୍ ହତକ ନେ ଇନିତୁ କାକ ମାନାତିଙ୍ଗ୍ ଦାଡ଼ିୟା, ମେନ୍‌ଦ ପାରମେଶ୍ୱାର ଏନା ଅକନ୍‌କକେ ଏମାକାଦ୍‌କଆଏ, ଇନ୍‌କୁ ଏସକାର୍‌ଗି ଦାଡ଼ିୟାକ । ୧୨ ଚିୟାଃଚି ଚିମିନ୍ ଚାକୁରା\*କ ମେନାକଆ, ଇନ୍‌କୁ ଏନ୍‌ଲେକାଗିକ ଜାନାମାକାନା, ଆତଃ ଏଟାଃ ଚିମିନ୍‌କ ହତକଆଃତେ ଚାକୁରାକ ବାଇୟାକାନା, ଆତଃ ଏଟାଃକ ସିର୍ମା ରାଇଜ୍‌ରାଃ କାମି ନାଗେନ୍ତେ କାକ ଆଶ୍‌ଦିନ୍‌ତାନା । ନେୟାଁ ମାନାତିଙ୍ଗ୍ ଦାଡ଼ିନିଃ ମାନାତିଙ୍ଗ୍‌ୟେକାଏ ।”

ଯୀଶୁ ହୁଡ଼ିଙ୍ଗ୍ ହନ୍‌କକେ ଆଶିଷକେଦକଆଏ  
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏନ୍ତେ ଯୀଶୁ ହନ୍‌କଆଃ ଚେତାନ୍‌ରେ ତିଃଇ ଦହକେଦତେ ବିକ୍ରିକାଏ ମେନ୍ତେ ହତକ ହୁଡ଼ିଙ୍ଗ୍ ହନ୍‌କକେ ଯୀଶୁତାଃତେକ ଆଉକେଦକଆ ମେନ୍‌ଦ ଚେଲ୍ଲୀକ ଇନ୍‌କୁକେକ ମାରାଙ୍ଗ୍‌ମଚାକେଦକଆ । ୧୪ ଯୀଶୁ ମେତାଦକଆଏ, “ହୁଡ଼ିଙ୍ଗ୍ ହନ୍‌କକେ ଆଇଙ୍ଗ୍‌ତାଃତେ ହିନ୍ତୁଃଇଚିକପେ ଆତଃ ଇନ୍‌କୁକେ ଆଲ୍ଲପେ ମାନାକଆ, ଚିୟାଃଚି ସିର୍ମା ରାଇଜ୍‌ଦ୍ ନେ ହନ୍‌କ ଲେକାନ୍‌କଆଃ ତାନାଃ ।”

୧୫ ଏନ୍ତେ ଇନ୍‌କୁ ଚେତାନ୍‌ରେ ତିଃଇ ଦହକେଦତେ ଆଶିଷକେଦକଆଏ ଆତଃ ଇନିଃ ଏନ୍ତାଃଏତେ ସେନଃୟାନା ।

୬ ୧୯:୭ ୧୯:୭ ମାଧୁର ୫:୩୧.    ୭ ୧୯:୯ ୧୯:୯ ମାଧୁର ୫:୩୨; ୧ କବିଚ୍ଛିନ୍ଦ ୭:୧୦,୧୧.    \* ୧୯:୧୨ ୧୯:୧୨ ଚାକୁରା, ନପୁଂସକ



କିସାଁଣ ଧାଙ୍ଗଡ଼ା

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୭ ମିଆଁଦ୍ ଧାଙ୍ଗଡ଼ା ଯିଶୁତାଃତେ ହିଜୁଃୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜୀଦାନ ନାମେ ନାଗେନ୍ତେ ଆଇଙ୍ଗକେ ଚିକାନ ବୁଗିନ୍ କାମି ରିକା ଲାଗାତିଙ୍ଗୟାଃ ?”

୧୭ ଯିଶୁ କାଜିରୁହାଡ଼କିୟାଏ, “ଚିକାନାଙ୍ଗ ଆଇଙ୍ଗକେ ଅକ୍ନାଃ ବୁଗିନ୍ ବିଷାଏ ତାନାଃ ମେନ୍ତେମ୍ କୁଲିଙ୍ଗତାନା ? ପାର୍ମେଶ୍ୱାର୍ ଏସକାର୍ ବୁଗିନ୍ନିଃ ତାନିଃ । ମେନ୍ଦ୍ ଆମ୍ ଜୀଦାନରେ ବଲ ନାଗେନ୍ତେ ସାନାଙ୍ଗତାନରେଦ୍, ପାର୍ମେଶ୍ୱାର୍ଆଃ ଆନ୍ତୁକ ମାନାତିଙ୍ଗମେ ।”

୧୮ ଇନିଃ ଯିଶୁକେ କୁଲିକିୟାଏ, “ଅକନ୍ ଆନ୍ତୁକ ?”

ଯିଶୁ କାଜିରୁହାଡ଼କିୟାଏ, “ହଡ଼ ଆଲମ୍ ଗଜିୟା, ଆଲମ୍ ଆପାଙ୍ଗିରାଃ, ଆଲମ୍ କୁମ୍ବୁଆଃ, ହସଡ଼ଗାଞ୍ଜା ଆଲମାଃ, ୧୯ ଏଙ୍ଗା ଆପୁକିନ୍କେ ମାନାତିଙ୍ଗକିନ୍ମେ, ଆତଃ ଆମାଃ ହପରଜାପାଃରେନ୍କକେ ଆମ୍ଲେକା ଦୁଲ୍ଲାଡ଼କମେ ।”

୨୦ ଏନ୍ ଧାଙ୍ଗଡ଼ା କାଜିରୁହାଡ଼କିୟାଏ, “ଏନ୍ ସବେନ୍ ଆନ୍ତୁକଇଙ୍ଗ ମାନାତିଙ୍ଗକାଦା ଆତଃ ଚିକ୍ନାଃ ଆଇଙ୍ଗକେ ରିକା ଲାଗାତିଙ୍ଗୟାଃ ?”

୨୧ ଯିଶୁ କାଜିରୁହାଡ଼କିୟାଏ, “ପକ୍ତାମ୍ ସାନାଙ୍ଗତାନରେଦ୍, ମିଆଁଦ୍ କାଜି ଆମ୍କେ ରିକା ଲାଗାତିଙ୍ଗୟାଃ, ଜୁ, ଆମାଃ ସବେନାଃ ଆଖିରଙ୍ଗକେଦ୍ତେ ରେଙ୍ଗେଃକକେ ହାଟିଙ୍ଗଆଁକମ୍, ଆତଃ ଆମ୍ ସିମାରେ ଖୁଜିମ୍ ନାମେୟା । ଏନ୍ତେ ରୁହାଡ଼କେଦ୍ତେ ଅତଙ୍ଗଇଙ୍ଗମେ ।”

୨୨ ଏନ୍ ଧାଙ୍ଗଡ଼ା ନେ'କାଜି ଆୟୁମ୍କେଦ୍ତେ ହୁଡ଼ିଙ୍ଗଜୀଉୟାନ୍ତେ ସେନଃୟାନା ଚିୟାଃଚି ଇନିଃ ପୁରାଃଚି କିସାଁଣ ତାଇକେନାଏ ।

୨୩ ଯିଶୁ ଆୟାଃ ଚେଲାକକେ କାଜିୟାଦକଆଏ, “ସାର୍ତିଗିଙ୍ଗ କାଜିୟାପେତାନା, କିସାଁଣ ହଡ଼କନାଙ୍ଗ ସିମା ରାଇଜ୍ରେ ବଲଃ ପୁରାଃଚି ହାମ୍ପାଲାଃ । ୨୪ ଆତଃଚିଇଙ୍ଗ କାଜିପେତାନା, ପାର୍ମେଶ୍ୱାର୍ଆଃ ରାଇଜ୍ରେ କିସାଁଣ ହଡ଼ ବଲ ଦାଡ଼ିଏତେ, ସୁଲ୍ ଉଣ୍ଡୁରେ ଉର୍ ପାରମାଃତେୟାଃ ରାଞ୍ଜାଲାଃ ।”

୨୫ ଚେଲାକ ନେଆଁ ଆୟୁମ୍କେଦ୍ତେ ପୁରାଃଚିକ ଆକ୍ଦାଦାଅୟାନା, ଆତଃ ଆକ ଆକରେକ କୁପ୍ଲିୟାନା, “ତାବ୍ଦ୍ ଅକଏ ଜୀଉ ବାଞ୍ଜାଅ ନାମ୍ ଦାଡ଼ିୟାଏ ?”

୨୬ ଯିଶୁ ଇନ୍କୁକେ ଆରିଦ୍କେଦ୍ତେ କାଜିକେଦକଆଏ, “ହଡ଼କ ନାଗେନ୍ତେ ନେଆଁ କା ଦାଡ଼ିୟଃ କାମିତାନା ମେନ୍ଦ୍ ପାର୍ମେଶ୍ୱାର୍ତେ ହବାଦାଡ଼ିୟାଆ ।”

୨୭ ଏନ୍ତେ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ୍ ସବେନାଃ ବାଗିକେଦ୍ତେ ଆମ୍ଲେଲେ ଅତଙ୍ଗକେଦ୍ମେୟା । ଆଲେ ଚିକ୍ନାଃଲେ ନାମେୟା ?”

୨୮ ଯିଶୁ ଇନ୍କୁକେ ମେତାଦକଆ, “ସାର୍ତିଗିଙ୍ଗ କାଜିୟାପେ ତାନାଇଙ୍ଗ, ସବେନାଃରାଃ ନାଞ୍ଜାଗି ବାଇରୁହାଡ଼କେଦ୍ତେ, ମାନଞ୍ଜାହନ୍ ଆୟାଃ ମାନାରାଙ୍ଗରେୟାଃ ରାଜ୍ଗାଦିରେ ଦୁବାଃଏ ଇମତା ଆପେ ଆଇଙ୍ଗକେ ଅତଙ୍ଗକାଦିଙ୍ଗକଗି ଗେଲ୍ବାର୍ ରାଜ୍ଗାଦିରେ ଦୁବ୍କେଦ୍ତେ ଇସ୍ରାଏଲ୍ରେନ୍ ଗେଲ୍ବାର୍ କିଲିକଆଃ ଚେତାନ୍ରେ ରାଇଜେୟାପେ । ୨୯ ଆତଃ ଜେତାଏ ହଡ଼ ଆଇଙ୍ଗ ମେନ୍ତେ ଅଡ଼ାଃ ଚାଏ ହାଗା ଚାଏ ମିଗି ଚାଏ ଆପୁ ଚାଏ ଏଙ୍ଗା ଚାଏ ହନ୍ଗାଁଣା ଚାଏ ଅତେହାସା ବାଗିତାରେଦ୍, ଇନିଃ ଏନା ସାଅଗୁନା ଆଦ୍କାଏ ନାମେୟା ଆତଃ ଜାନାଅ ଜାନାଅରେୟାଃ ଜୀଦାନ ନାମେୟାଏ । ୩୦ ମେନ୍ଦ୍ ପୁରାଃ ଆୟାର୍ରେନ୍କ ତାୟମାଃଆ ଆତଃ ତାୟମ୍ରେନ୍କ ଆୟୁରଃଆ ।

☆ ୧୯:୨୮ ୧୯:୨୮ ମାଧୁର ୨୫:୩୧; ଲୁକ ୨୨:୩୦. ☆ ୧୯:୩୦ ୧୯:୩୦ ମାଧୁର ୨୦:୧୭; ଲୁକ ୧୩:୩୦.

୨୦

ଦାଖବାକ୍ତିରେ କାମିତାନ୍ ହତକଥାଃ ଜନକା କାଜି

୧ “ସିମା ରାଜଜ୍ଞଦ ମିଆଁଦ ଚାଷି ହତଲେକାଃ, ଇନିଃ ଇଦାନତେ ଆୟାଃ ଦାଖବାକ୍ତିରେ କାମିନାଜ୍ ହତକକେ ଦାଣ୍ଠା ନାଗେନ୍ତେ ଅତଙ୍ଗୟାନା । ୨ ଇନିଃ ସିଙ୍ଗିସାରୁବ୍ରେ ମୁସିଙ୍ଗରାଃ ନାଲା ସିକାପେ ନାମେୟା ମେନ୍ତେ ଇନକୁକେ କାଜିକେଦକଥା, ଆତଃ ଆୟାଃ ଦାଖବାକ୍ତିରେ କାମିନାଜ୍ କୁଲକେଦକଥାଏ । ୩ ଇନିଃ ସେତାଃ ନାଅ ଘାଡ଼ିକ ହବାଅଃତାଈକେନ୍ଦରେ ପିବ୍ ପିଡ଼ିରେ ଏଟାଃ ହତକ ସାମାଗି ତିଙ୍ଗୁଆକାନ୍ ନେଲକେଦକଥାଏ । ୪ ଇନିଃ ଇନକୁକେ କାଜିୟାଦକଥାଏ, ‘ଆପେୟ ଦାଖବାକ୍ତିରେ ସେନଃପେ ଆତଃ କାମିପେ, ଆଇଙ୍ଗ ଆପେକେ ଠାଉକାନ୍ ଲେକାଗି ନାଲାଇଙ୍ଗ ଏମାପେୟା ।’ ୫ ଆତଃ ଇନକୁ କାମିତେକ ସେନଃୟାନା, ଏନ୍ତେ ଇନିଃ ଆତଃଗି ତିକିନ୍ରାଃ ବାରାବାଜେ ଆତଃ ତାର୍‌ସିଙ୍ଗ ତିନ୍‌ବାଜେ ଅତଙ୍ଗୟାନା ଆତଃ ଚିମିନ୍ ନାଲାକାମି ହତକକେ ଆଉକେଦତେ କାମି ଏମାଦକଥାଏ । ୬ ସିଙ୍ଗି ହାସୁରଃତାନରାଃ ପାଞ୍ଚବାଜେକ ଇନିଃ ଆତଃମିସା ଅତଙ୍ଗୟାନା, ଏନ୍ତେ ପିବ୍ ପିଡ଼ିରେ ଚିମିନ୍ ନାଲାକାମିକ ସାମାଗି ତିଙ୍ଗୁଆକାନ୍ ନେଲକେଦକଥାଏ, ଆତଃ ମେତାଦକଥାଏ, ‘ଚିନାଃ ମେନ୍ତେ ଆପେ ନେତାଃରେ ସିଙ୍ଗିସାରୁବ୍ ଜାକେଦ ସାମାଗିପେ ତିଙ୍ଗୁଆକାନା ?’ ୭ ଇନକୁ କାଜିରୁହାଡ଼କିୟାକ, ‘ଜେତାଏ ଆଲେକେ କାମିନାଜ୍ କାକ ଆତୁକାଦଲେୟା ।’ ଇନିଃ ମେତାଦକଥାଏ, ‘ଠିକ୍‌ମେନାଃ, ଜୁ, ଆପେୟ ଦାଖବାକ୍ତିରେ ସେନଃପେ ଆତଃ କାମିପେ ।’

୮ “ଆୟୁବ୍‌ୟାନତି ଦାଖବାକ୍ତିରେନ୍ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍ ନାଲାତାଈକେନ୍‌କକେ ହାକାଅକେଦତେ ଆକଥାଃ ନାଲା ଏମାକମେ ।’ ତାୟମ୍‌ତେ କାମି ହିଙ୍ଗୁଆକାନ୍‌କକେ ପାହିଲା ଆତଃ ମୁଲ୍‌ଏତେ କାମିକେନ୍‌କକେ ତୁଣ୍ଡୁରେ ନାଲା ଏମାକମେ । ୯ ସିଙ୍ଗିହାସୁରତାନରାଃ ପାଞ୍ଚବାଜେ କାମିକେଦ ସବେନ୍ ହତକ ମିପିହୁଡ଼ରେ ମୁସିଙ୍ଗରାଃ ନାଲା ସିକାକ ନାମ୍‌କେଦା । ୧୦ ମୁଲ୍‌ଏତେ କାମିକେନ୍‌କ ଆଦକା ନାଲାଲେ ନାମେୟା ମେନ୍ତେକ ଉଡ଼ୁକେଦା, ମେନ୍‌ଦ ଇନକୁହଗି ମିପିହୁଡ଼ରେ ମୁସିଙ୍ଗରାଃ ନାଲା ସିକାକ ନାମ୍‌କେଦା । ୧୧ ଇନକୁ ନାଲା ତେଲାକେଦଗି, ଅତଃ ଗମ୍‌କେୟାଃ ବିରୁଧ୍‌ରେ କୁରୁମତୁରୁମୟାନ୍‌ଲଃ କାଜିକେଦାକ, ୧୨ ‘ତାୟମ୍‌ତେ ହିଙ୍ଗୁଆକାନ୍ ହତକ ମିଦ୍ ଘାଡ଼ିଗି କାମିକେଦାକ ଆତଃ ଆଲେ ସିଙ୍ଗିସାରୁବ୍ ନିମିନ୍‌ରାଃ ସିତୁଙ୍ଗ ସାହାଡ଼ିଙ୍ଗକେଦତେ କାମିକେଦରେୟ ଆମ୍ ଆଲେକେ ଇନକୁଲଃ ମିଦ୍‌ଗିମ୍ ଜକାକେଦଲେୟା ।’

୧୩ “ମେନ୍‌ଦ ଇନିଃ ଇନକୁଏତେ ମିହୁଡ଼କେ କାଜିରୁହାଡ଼କିୟାଏ, ‘ଏ ଗାତି, ଆଇଙ୍ଗ ଆମ୍‌କେ କାଈଙ୍ଗ ବେଦାମେତାନା, ଆମ୍ ଆତଃ ଆଇଙ୍ଗ ଚିନାଃ ମୁସିଙ୍ଗରାଃ ନାଲା ସିକା ଏମଃଆ ମେନ୍ତେ କାଲାଙ୍ଗ୍ ବାଗ୍‌ଗାଣ୍ କାଦତାଈକେନା ? ୧୪ ନେ ଆମାଃ ନାଲା ଇଦିମେ ଆତଃ ସେନଃମେ । ଆଇଙ୍ଗ୍ ତାୟମ୍‌ତେ ହିଙ୍ଗୁଃକାନ୍ କାମିନିଃକେ ଆମ୍‌କେ ଏମାକାଦମେ ଲେକା ଏମ୍‌ନାଙ୍ଗ୍ ସାନାଙ୍ଗ୍‌ତାନାଈଙ୍ଗ । ୧୫ ଚିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍ କାଈଙ୍ଗ୍ ଦାଡ଼ିୟା ? ଚି ଆଇଙ୍ଗ୍ ବୁଗିନ୍ ଏମଃନିଃ ତାନିଙ୍ଗ୍ ମେନ୍ତେମ୍ ହିସଙ୍ଗାଈଙ୍ଗ୍‌ତାନା ?”

୧୬ \*ଆତଃ ଯାଶୁ ନେ ଲେକାତେ କାଜିତାବାକେଦା, “ତାୟମ୍‌ରେନ୍‌କ ସିଦାଅଥା, ଆତଃ ଆୟାବ୍‌ରେନ୍‌କ ତାୟମଃଆ ।”

ୟାଶୁ ଆୟାଃ ଗନଏଃ କାଜି ଆପିସାତେ କାଜିୟାଦକଥାଏ  
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

\* ୨୦:୧୭ ୨୦:୧୭ ମାଧୁର ୧୯:୩୦; ମାର୍କ ୧୦:୩୧; ଲୁକ ୧୩:୩୦.

୧୭ ଯୀଶୁ ଯୀରୁଶାଲେମ୍ ସେନା ଇମ୍ପାଟା ଗେଲ୍‌ବାର୍ ଚେଲକକେ ଗେନାତେ ଇଦିକେଦ୍‌ତେ କାଜିକେଦକଆଏ, ୧୮ “ନେଲେପେ, ଆବୁ ଯୀରୁଶାଲେମ୍‌ତେବୁ ସେନାତାନା ଆତଃ ମାନଖାହନ୍‌କେ ମୁଲ୍ ଯାଜାକ୍‌କଆଃ ଆତଃ ଆଇନ୍ ଇତୁକଆଃ ତିଃଇରେକ ଜିମାଲୟା ଆତଃ ଇନ୍‌କୁ ଇନିଃକେ ଗନଏଃ ସାଜାଇ ନାଗେନ୍ତେକ ବିଚାରେୟା । ୧୯ ଆତଃ ଇନ୍‌କୁ ଇନିଃକେକ ଲାୟାଲୟା, ହାଁଣ୍‌ସାଲୟା ଆତଃ ଜୁଶ୍‌ରେ କିଲା ନାଗେନ୍ତେ ସାଆଁସାର୍‌କଆଃ ତିଃଇରେକ ଏମିୟା, ମେନ୍‌ଦ ଆପି ମାହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିନ୍ତି  
(ମାର୍କ ୧୦:୩୫-୪୫)

୨୦ ଏନ୍ତେ ଜେବଦୀୟାଃ କୁଡିତେ ଆୟାଃ ବାରିଆ ହନ୍‌କିନ୍‌ଲଃ ଯୀଶୁତାଃତେ ହିଜୁଃୟାନା ଆତଃ ଇକ୍‌ଡ୍‌ମୁକେଦ୍‌ତେ ଦେଙ୍ଗା ଆସିକିୟାଏ ।

୨୧ ଏନ୍ତେ ଯୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ ଡାନାମ୍ ?” ଇନିଃ କାଜିରୁହାଡ୍‌କିୟାଏ, “ଆଇଁୟାଃ ନେ ହନ୍‌କିନ୍ ଆମାଃ ରାଇଜ୍‌ରେ ମିଆଁଦ୍‌ନିଃକେ ଜମ୍‌ତିସାଃରେ ଆତଃମିଆଁଦ୍‌ନିଃକେ ଲେଙ୍ଗାତିସାଃରେ ଦୁବ୍‌କାକିନ୍ ମେନ୍ତେ ଆତୁକିନ୍‌ମେ ।”

୨୨ ଯୀଶୁ ଜେବଦୀୟାଃ ବାରିଆ ହନ୍‌କିନ୍‌କେ କାଜିରୁହାଡ୍‌କେଦକିନାଏ, “ତିନାଃବେନ୍ ଆସିତାନା ଏନା କାବେନ୍ ସାରିତାନା । ତିନାଃ ଆଇଁୟାଃ ଦୁକୁରେୟାଃ ନୁଏ କାଟୋରାରେ ନୁଁବେନ୍ ଦାଡିୟା ?”

ଇନ୍‌କିନ୍ କାଜିରୁହାଡ୍‌କେଦା, “ଦାଡିୟାଲିଙ୍ ।”

୨୩ ଯୀଶୁ ମେତାଦକିନାଏ, “ଆଇଁୟାଃ କାଟୋରାତେ ନୁଁବେନ୍ ନୁଁଇୟା ମେନ୍‌ଦ ଆଇଁୟାଃ ଜମ୍‌ତିସାଃରେ ଆତଃ ଲେଙ୍ଗାତିସାଃରେ ଦୁବ୍‌ରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ ନେ ଠାୟାଦ୍ ଆପୁଇଙ୍ ଅକନ୍‌କ ନାଗେନ୍ତେ ବାଇୟାକାଦାଏ ଇନ୍‌କୁ ନାଙ୍ ଏସ୍‌କାର୍ ତାନାଃ ।”

୨୪ ଏଟାଃ ଗେଲ୍ ଚେଲକ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାଗିୟାକିନ୍‌କେ ଖୁସ୍‌ୟାନାକ । ୨୫ \*ମେନ୍‌ଦ ଯୀଶୁ ଇନ୍‌କୁକେ କେଡାକେଦ୍‌ତେ କାଜିୟାଦ୍‌କଆଏ, “ନେ ଅତେଦିଶ୍‌ମ୍‌ରେନ୍ ହଡ୍‌କଆଃ ହାକିମ୍‌କ ଇନ୍‌କୁରେକ ରାଇଜ୍‌ତାନା ଆତଃ ଆକ୍‌ତେୟାର୍ ନାମାକାଦକ ଇନ୍‌କୁଆଃ ଚେତାନ୍‌ରେ ପୁରାଃଗି ଆକ୍‌ତେୟାର୍‌ରେ ତାନାକ, ଏନା ଆପେ ସାରିୟାକାଦାଃପେ । ୨୬ \*ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ ଆପେ ଆଲାରେ ଜେତାଏ ମାରାଙ୍ ସାନାଙ୍‌ରେଦ ଇନିଃ ଏଟାଃକଆଃ ସୁସାର୍‌ନିଃ ହବାଅଃକାଏ, ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍‌ତାନ୍‌ନିଃ, ଏଟାଃକଆଃ ଦାସିଲେକା ଏଟାଃକକେ ସୁସାର୍‌କକାଏ । ୨୮ ନେ ଲେକାତେ ମାନଖାହନ୍ ସୁସାର୍ ନାମେ ନାଗେନ୍ତେଦ କା ମେନ୍‌ଦ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ ହଡ୍‌କନାଙ୍ ଦାଣ୍ ଗନଙ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାର୍‌ହଡ୍ କାଣ୍‌କିନ୍‌କେ ବୁଗିକେଦକିନାଏ  
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଙ୍ଗ୍ ତାଇକେନ୍‌ରେ ପୁରାଃ ଗାଦେଲ୍ ହଡ୍‌କ ଇନିଃକେକ ଅତଙ୍ଗ୍‌କିୟା । ୩୦ ଆତଃ ବାର୍‌ହଡ୍ କାଣ୍‌କିନ୍ ହରାଗେନାରେ

\* ୨୦:୨୫ ୨୦:୨୫ ଲୁକ ୨୨:୨୫,୨୬.      \* ୨୦:୨୭ ୨୦:୨୭ ମାଥୁରା ୨୩:୧୧; ମାର୍କ ୯:୩୫; ଲୁକ ୨୨:୨୭.

ଦୁବାକାନ୍ ତାଇକେନ୍ ଇମ୍ତା ଯୀଶୁ ପାରମ୍ପରୀତାନ୍ୟ ମେନ୍ତେକିନ୍ ଆୟୁମ୍ବେଦ୍ତି କାଉରିକେଦାକିନ୍, “ହେ ଗମ୍ବେ, ହେ ଦାଉଦ୍‌ଆଃ ହନ୍, ଦାୟାଲିଙ୍ଗ୍‌ମେ ।”

୩୧ ଗାଦେଲ୍ ହଡ଼କ ହାପାଃଅବେନ୍ ମେନ୍ତେକ ମାରାଙ୍ଗ୍‌ମତାକେଦ୍‌କିନା ମେନ୍ଦ୍ ଇନ୍‌କିନ୍ ଆଡ଼ ପୁରାଃତେ କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଙ୍ଗ୍‌ମେ !”

୩୨ ଯୀଶୁ ତିଙ୍ଗ୍‌ୟାନ୍ତେ ହାକାଅକେଦ୍‌କିନାଏ ଆଡ଼ ମେତାଦ୍‌କିନାଏ, “ଆଇଙ୍ଗ୍ ଆବେନାଃ ନାଗେନ୍ତେ ଚିନାଃଇଙ୍ଗ୍ ଚିକାୟା ମେନ୍ତେବେନ୍ ସାନାଙ୍ଗ୍‌ତାନା ?”

୩୩ ଇନ୍‌କିନ୍ ଯୀଶୁକେ କାଜିରୁହାଡ଼୍‌କିୟାକିନ୍, “ହେ ପ୍ରାଭୁ, ମେଦ୍‌ଲିଙ୍ଗ୍ ନେଲ୍ ଦାଡ଼ିକା ମେନ୍ତେଲିଙ୍ଗ୍ ସାନାଙ୍ଗ୍‌ତାନା ।”

୩୪ ଯୀଶୁ ଇନ୍‌କିନ୍‌କେ ଲିବୁଇୟାଦ୍‌କିନାଏ ଆଡ଼ ଇନ୍‌କିନାଃ ମେଦ୍ ଜୁଟିଦ୍‌କେଦାଏ, ଏନ୍ତେ ଇମ୍ତାଗି ନେଲ୍ ଦାଡ଼ିକେଦାକିନ୍ ଆଡ଼ ଇନ୍‌କିନ୍ ଯୀଶୁକେ ଅତଙ୍ଗ୍‌କିୟାକିନ୍ ।

# ୨୧

ୟୀଶୁ ମାନାରାଙ୍ଗ୍‌ରେ ଯୀରୁଶାଲେମ୍‌ତେ ବଲତାନା  
(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ଯୀଶୁ ଆଡ଼ ଆୟାଃ ତେଲାକ ଯୀରୁଶାଲେମ୍ ନାଡ଼େଃରାଃ ଜାଇତୁନ୍ ବୁରୁ ଜାପାଃ ବେଡ଼୍‌ପାଗି ହାତୁତେ ସେଟେରୟାନାକ, ଇମ୍ତା ଯୀଶୁ ବାରିଆ ତେଲାକିନ୍‌କେ କୁଲ୍‌କେଦ୍‌ତେ, ମେତାଦ୍‌କିନାଏ ୨ “ଆବେନ୍ ଆବେନାଃ ସାମ୍‌ନାଙ୍ଗ୍‌ରେଆଃ ହାତୁତେ ସେନଃବେନ୍ ଆଡ଼ ଏନ୍ତାଃତେ ତେବାଃ ଇମ୍ତାଗି ମିଆଁଦ୍ ଗାଧା ଆଡ଼ ଗାଧାହନ୍‌କେ ତଲକାନ୍‌ବେନ୍ ନାମିୟା, ଇନ୍‌କିନ୍‌କେ ରାଡ଼ାକେଦ୍‌ତେ ଆଇଙ୍ଗ୍‌ତାଃତେ ଆଉକିନ୍‌ବେନ୍ । ୩ ଆଡ଼ ଜେତାଏ ଜେଡ଼ନାଃ କାଜିବେନ୍‌ବେଦ୍, ‘ନିକିନ୍‌ତାଃରେ ପ୍ରାଭୁଆଃ କାମିମେନାଃ’ ମେତାଇବେନ୍ ଆଡ଼ ଇନିଃ ଇମ୍ତାଗି କୁଲ୍‌ବାଗିକିନାଏ ।”

୪ ନେଆଁ ନାବୀକଆଃ କାଜି ପୁରାଅଃ ନାଗେନ୍ତେ ନେ ଲେକା ହବାୟନା ।

୫ “ସିୟୋନ୍‌ରେନ୍ ହନ୍‌କୁଡ଼ିକେ କାଜିପେ,

‘ନେଲେମେ, ଆମାଃ ରାଜା ଆମାଃତାଃତେ ହିଜୁଃତାନା !

ଲେବେୟାନ୍‌ଗି ଇନିଃ, ଗାଧା

ଆଡ଼ ଗାଧାହନ୍ ତେତାନ୍‌ରେ ଦୁବ୍‌କେଦ୍‌ତେ ଆମାଃତାଃତେ ହିଜୁଃତାନା ।”

୬ ଏନ୍ ତେଲାକିନ୍ ସେନଃୟାନ୍ତେ ଯୀଶୁ ଆରୁକାଦ୍‌କିନ୍ ଲେକା କାମିକେଦାକିନ୍ ।

୭ ତେଲାକିନ୍ ଗାଧା ଆଡ଼ ଗାଧାହନ୍‌କେ ଆଉକେଦ୍‌ତେ, ଗାଧାକିନାଃ ତେତାନ୍‌ରେ ଲିଜାଃ ଆଟେଦ୍ କେଦାକିନ୍ ଆଡ଼ ଯୀଶୁ ଏନ୍ ତେତାନ୍‌ରେ ଦୁବ୍‌ୟାନାଏ । ୮ ଗାଦେଲ୍‌ହଡ଼କଏତେ ଚିମିନ୍‌କ ଆକଆଃ ଲିଜାଃ ହରାରେକ ଆଟେଦ୍‌କେଦା, ଆଡ଼ ଏଟାଃକ ଦାରୁଏତେ କଡ଼କ ମାଆଃକେଦ୍‌ତେ ହରାରେକ ଆଟେଦ୍‌କେଦା । ୯ ଆଡ଼ ଆୟୁର୍ ତାୟମ୍‌ତେ ସେନ୍‌ତାନ୍ ଗାଦେଲ୍‌ହଡ଼କ କାଉରିକେଦା, “ଦାଉଦ୍‌ଆଃ ହନ୍ ହୋଶାନ୍ନା, ପ୍ରାଭୁଆଃ ନୁତୁମ୍‌ତେ ହିଜୁଃତାନ୍‌ନିୟାଃ ଧାଇନ୍ ହବାଅଃକା, ସାଲାଇ଼ତାର୍ ଠାୟାଦ୍‌ରେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ହବାଅଃକା ।”

୧୦ ଯୀଶୁ ଯୀରୁଶାଲେମ୍‌ତେ ବଲୟାନ୍ ଇମ୍ତା ଗଟା ନାଗାର୍‌ରେନ୍ ହଡ଼କ ଆକ୍‌ଦାନ୍‌ଆୟନା ଆଡ଼ “ନିଃ ଅକଏ ତାନିଃ ?” ମେନ୍ତେକ କୁଲିବାଡ଼ାକେଦା ।

୧୧ ଗାଦେଲ୍ ହଡ଼କ କାଜିରୁହାଡ଼୍‌କେଦା, “ନିଃ ଗାଲିଲ୍‌ରେୟାଃ ନାଜ୍‌ରେଡ଼୍‌ରେନ୍ ନାବୀ ଯୀଶୁ ତାନିଃ” ମେନ୍ତେକ କାଜିକେଦା ।

ୟୀଶୁ ମାନ୍ଦିର୍ ଅଡ଼ାଃତେ ସେନ୍ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ୟୀଶୁ ମାନ୍ଦିର୍ ଅଡ଼ାଃତେ ବଲୟାନାଏ ଆଡ଼ଃ ମାନ୍ଦିର୍ ଅଡ଼ାଃତେ ସବେନ୍ କିରିଙ୍ଗ୍ ଆଖିରିଙ୍ଗ୍ ତାନକକେ ହାର୍ ଅଡ଼ଙ୍ଗକେଦକଆ ଆଡ଼ଃ ପାଏସା ଭାଞ୍ଜାଅତାନକଆଃ ଚେରୁଲ୍ଲକ, ଦୁଦୁମ୍ବୁଲ୍ଲକ ଆଖିରିଙ୍ଗ୍ତାନକଆଃ ଦୁବ୍ତେୟାଃ ଉଦୁରବାଟିକେଦାଏ, ୧୩ ଆଡ଼ଃ ଜନିଃ ଜନକୁକେ କାଜିୟାଦକଆଏ, “ଧାରାମ୍ପୁଅରେ ନେଆଁ ଅଲୀକାନା, ‘ଆଇଁୟାଃ ଅଡ଼ାଃ ବିନ୍ତିଅଡ଼ାଃ ମେନ୍ତେ ନୁଡୁମଃଆ’ ମେନ୍ଦ୍ ଆପେ ନେଆଁକେ କୁମ୍ବୁଡୁକ୍ତୁଆଃ ତାଇନଃ ଠାୟାଦପେ ବାଇୟାକାଦା ।”

୧୪ ମେଦ୍ କା ନେଲ୍ ଦାଡ଼ିତାନକ୍ ଆଡ଼ଃ କାଟା ଟୁଣ୍ଡାକାନକ୍ ମାନ୍ଦିର୍ ଅଡ଼ାଃତେ ଜନିଃତାଃତେକ ହିଜୁଃୟାନା ଆଡ଼ଃ ଜନିଃ ଜନକୁକେ ବୁଗିକେଦକଆଏ । ୧୫ ମେନ୍ଦ୍ ମୁଲ୍ ଯାଜାକକ୍ ଆଡ଼ଃ ଆଇନ୍ ଇଡୁକ୍ ଜନିୟାଃ ଆକ୍ଦାନ୍ଦାଅକାମିକ୍ ଆଡ଼ଃ ମାନ୍ଦିର୍ ଅଡ଼ାଃତେ “ଦାଉଦ୍ଆଃ ହନ୍ ହୋଶାନ୍ନା” ମେନ୍ତେ ହନ୍ଦକ୍ କାଉରିତାନ୍ତେୟାଃ ନେଲ୍କେଦ୍ତେ ଖ୍ସୟାନାକ, ୧୬ ଆଡ଼ଃ କୁଲିକିୟାକ, “ତିୟାଃ ଆମ୍ ଇନ୍କୁ କାଜିତାନ୍ତେୟାଃ ଆୟୁମେତାନାମ୍ଟି ?”

ଏନ୍ତେ ୟୀଶୁ ଇନ୍କୁକେ କାଜିରୁହାଡ଼ାଦକଆ, “ହେଗି ଆୟୁମତାନାଇଙ୍ଗ୍ । ଆପେ ଧାରାମ୍ପୁଅରେ ଅଲୀକାନ୍ତେୟାଃ ଚିଉଲ୍ଲାହ୍ କାପେ ପାଡ଼ାଅଟି ? ‘ଆପେ ହନ୍ଦକକେ ଆଡ଼ଃ ହୁଡ଼ିଙ୍ଗ୍ ହନ୍ଦକକେ ବୁଗିନ୍ ଜହାର୍ ନାଗେନ୍ତେ ଇଡୁକାଦକଆପେ ।’ ”

୧୭ ୟୀଶୁ ଇନ୍କୁକେ ଯାରୁଶାଲେମ୍ ବାଗିକେଦ୍ତେ ବେଅନ୍ଥା ନାଗାର୍ତ୍ତେ ସେନଃୟାନା ଆଡ଼ଃ ଏନ୍ତାଃତେ ମିଦ୍ନୁବାଃ ତାଇନ୍ୟାନାଏ ।

ୟୀଶୁ ଲଥା ଦାରୁକେ ସାର୍ପାଅକେଦା

(ମାର୍କ ୧୧:୧୨-୧୪, ୨୦-୨୪)

୧୮ ସେତାଃ ଇଦାନ୍ତେ ୟୀରୁଶାଲେମ୍ ନାଗାର୍ତ୍ତେ ସେନଃରୁହାଡ଼୍ତାନ୍ ତାଇକେନ୍ ଇମ୍ତା ୟୀଶୁକେ ରେଙ୍ଗେଃକିୟା । ୧୯ ହରାଗେନାରେ ମିଆଁଦ୍ ଲଥାଦାରୁକେ ନେଲ୍କେଦ୍ତେ ଏନ୍ତାଃତେ ସେନ୍ ନାଡ଼େୟାନା, ମେନ୍ଦ୍ ସାକାମ୍ ବାଗିକେଦ୍ତେ ଏନାରେ ଜେଡ଼ନାଃ କାଏ ନାମକେଦା ଆଡ଼ଃ କାଜିକେଦାଏ, “ଆମାଃତାଃତେ ଚିଉଲ୍ଲାଅ ଆଲକା ଜଅଃକ” ଆଡ଼ଃ ଲଥାଦାରୁ ଇମ୍ତାଗି ରହଡ଼ୟାନା ।

୨୦ ଚେଲ୍ଲାକ୍ ନେଆଁ ନେଲ୍କେଦ୍ତେ ଆକ୍ଦାନ୍ଦାଅୟାନାକ୍ ଆଡ଼ଃ କୁଲିକିୟାକ, “ଲଥାଦାରୁ ଚିଲ୍ଲକାତେ କାଜି ତରସାଗି ରହଡ଼ୟାନା ?”

୨୧ ୟୀଶୁ ଇନ୍କୁକେ କାଜିରୁହାଡ଼ାଦକଆଏ, “ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆପେ ମନ୍ତେ କା ଆଡ଼ାଃତଡ଼ୁକେଦ୍ତେ ପୁରାଃ ବିଶ୍ୱାସ୍ତାନଲ୍ଲଃ ନେ ଲଥାଦାରୁକେ ଆଇଙ୍ଗ୍ ରିକାକାଦ୍ଲେକା, ଆପେୟ୍ ଏନ୍ଲେକା ରିକାଦାଡ଼ିୟାପେ । ଆଡ଼ଃ ନେଆଁକେ ଏସ୍କାର୍ କା ମେନ୍ଦ୍ ବୁରୁକେହ୍ ‘ମାର୍ ବିରିଦ୍ମେ ଆଡ଼ଃ ଦରେୟାରେ ଉୟୁଗଃମେ’ ମେନ୍ତେପେ କାଜିରେ ଏନା ଏନ୍ଲେକା ହବାଅଆଃ । ୨୨ ଆଡ଼ଃ ଆପେ ବିଶ୍ୱାସେରେଦ୍, ବିନ୍ତିତେ ଆସିତେୟାଃ ସବେନାଃପେ ନାମେୟା ।”

ୟୀଶୁଆଃ ଆକ୍ତେୟାର୍ ବିଷାଏରେ କୁନୁଲି

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ୟୀଶୁ ମାନ୍ଦିର୍ ଅଡ଼ାଃତେ ବଲକେଦ୍ତେ ଇଡୁତାନ୍ ତାଇକେନ୍ ଇମ୍ତାଗି ମୁଲ୍ ଯାଜାକକ୍ ଆଡ଼ଃ ହଡ଼କଆଃ ପ୍ରାଚିନ୍ଦକ୍ ଜନିଃତାଃତେକ ହିଜୁଃୟାନା ଆଡ଼ଃ କୁଲିକିୟାକ, “ଆମ୍ ଅକ୍ ଆକ୍ତେୟାର୍ତେ ନେଆଁକମ୍ କାମିତାନା ? ଆଡ଼ଃ ଅକ୍ ଏ ନେ ଆକ୍ତେୟାର୍ ଏମାକାଦ୍ମେୟାଏ ?”

☆ ୨୧:୨୧ ୨୧:୨୧ ମାଧୁର ୧୭:୨୦; ୧ କରିଲ୍ଲିୟ ୧୩:୨.

୨୪ ଯିଶୁ ଇନ୍ଦ୍ରକୁ କାଜିରୁହାଡ଼ାଦକଆଏ, “ଆଇଙ୍ଗୁଁ ମିଆଁଦ କାଜିଇଙ୍ଗୁ କୁଲିପେୟା, ଏନାପେ ଉଦୁବାଇଙ୍ଗୁରେଦ ଆଇଙ୍ଗୁ ଅକ ଆକଡେୟାର କାମିତାନାଇଙ୍ଗୁ ଏନାଇଙ୍ଗୁ ଉଦୁବାପେୟା । ୨୫ ଯୋହାନ୍, ବାପ୍ତିସ୍ତା ଏମ୍ ନାଗେନ୍ତେ ଅକଡ଼ାଏତେ ଆକଡେୟାର ନାମାକାଦ ତାଇକେନା ? ସିମ୍ପାରେନ୍ ପାରମେଶ୍ଵାରତାଏତେ ତି ହଡ଼କଡ଼ାଏତେ ?”

ଆଡ଼ଃ ଇନ୍ଦ୍ରକୁ ଆକ ଆକରେକ ଉଡ଼ୁକେଦା, “ଆରୁ, ‘ସିମ୍ପାରେନ୍ ପାରମେଶ୍ଵାରତାଏତେ’ ମେନେରେଦ ଇନିଃ ‘ଚିକାନାଙ୍ଗୁ ଯୋହାନ୍ରେ କାପେ ବିଶ୍ଵାସକେଦା’ ମେତାବୁଆଏ ? ୨୬ ମେନ୍ଦ ଆରୁ, ‘ହଡ଼କଡ଼ାଏତେ’ ମେନେରେଦ, ଗାଦେଲ୍ ହଡ଼କଡ଼ାଏତେ ବରମେନାଃ, ଚିୟାଠି ଯୋହାନ୍କେ ସବେନ୍ ହଡ଼କ ନାବୀ ତାନିଃ ମେନ୍ତେକ ବିଶ୍ଵାସୀ ତାଇକେନା ।” ୨୭ ଏନାତେ ଇନ୍ଦ୍ରକୁ “ଆଲେ କାଲେ ସାରିୟା” ମେନ୍ତେ ଯିଶୁକେକ କାଜିରୁହାଡ଼କିୟା ।

ଏନ୍ତେ ଇନିଃ ଇନ୍ଦ୍ରକୁକେ ମେତାଦକଆ, “ଆଇଙ୍ଗୁଁ ଅକ ପେଡ଼େତେ ଏନାକଇଙ୍ଗୁ ରିକାତାନା, କାଇଙ୍ଗୁ ଉଦୁବାପେୟା ।

ବାରିଆ ହନ୍ଦକିନାଃ ଜନ୍ଦକା କାଜି

୨୮ “ନେ ବିଷାଏରେ ଆପେ ଚିନାଃପେ ଉଡ଼ୁତାନା ? ଜେତାଏ ହଡ଼ରାଃ ବାରିଆ ହନ୍ଦକିନ୍ ତାଇକେନା, ଆଡ଼ଃ ମାରାଙ୍ଗୁନିଃତାଃତେ ସେନ୍କେଦ୍ତେ କାଜିକିୟାଏ, ‘ଏ ହନ୍ଦ, କୁ ତିସିଙ୍ଗୁ ଆଇଁୟାଃ ଦାଖବାକଡ଼ିରେ କାମିମେ ।’ ୨୯ ଇନିଃ କାଜିକିୟାଏ, ‘ଆଇଙ୍ଗୁକେ କାମି କା ସାନାଙ୍ଗୁ ତାନାଃ,’ ମେନ୍ଦ ତାୟମତେ ହେୟାତିଙ୍ଗୁକେଦ୍ତେ ସେନଃୟାନାଏ । ୩୦ ଏନ୍ତେ ଆପୁତେ ହୁଡ଼ିଙ୍ଗୁ ହନ୍ଦକଡ଼ାତାଃତେ ସେନ୍କେଦ୍ତେ ଏନ୍ଲେକାଗି କାଜିକିୟାଏ, ଆଡ଼ଃ ଇନିଃ ‘ହେଗି, ଆଇଙ୍ଗୁ ସେନାଇଙ୍ଗୁ’ ମେନ୍ତେ କାଜିରୁହାଡ଼କିୟାଏ, ମେନ୍ଦ ଇନିଃ କାଏ ସେନ୍ୟାନା । ୩୧ ଏନ୍ ବାରାନ୍ଦକିନ୍ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍ଦ୍ରକୁ “ମାରାଙ୍ଗୁନିଃ,” ମେନ୍ତେକ କାଜିରୁହାଡ଼କିୟା ।

ଯିଶୁ ଇନ୍ଦ୍ରକୁକେ କାଜିୟାଦକଆ, “ସାର୍ତ୍ତିଗିଙ୍ଗୁ କାଜିୟାପେତାନା, ମାଲ୍ହାରମ୍ବକ ଆଡ଼ଃ ବେଶ୍ୟାକ ଆପେଏତେ ସିଦାରେ ପାରମେଶ୍ଵାରଆଃ ରାଇଙ୍ଗୁରେକ ବଲତାନା । ୩୨ ବାପ୍ତିସ୍ତା ଏମଃନିଃ ଯୋହାନ୍ଦ ଆପେତାଃ ଧାର୍ମାନ୍ ହରା ଉଦୁବ୍ ନାଗେନ୍ତେ ହିଜୁଃୟାନା ଆଡ଼ଃ ଆପେ ଇନିଃରେ କାପେ ବିଶ୍ଵାସକେଦା, ମେନ୍ଦ ମାଲ୍ହାରମ୍ବକ ଆଡ଼ଃ ଆଣଦିଆପାଙ୍ଗିରକ ଇନିଃରେକ ବିଶ୍ଵାସକେଦା । ଆଡ଼ଃ ଆପେ ନେଆଁ ନେଲ୍କେଦ୍ରେହ୍, କାପେ ହେୟାତିଙ୍ଗୁକେଦା ଆଡ଼ଃ ଇନିଃରେ କାପେ ବିଶ୍ଵାସକେଦା ।

ଦାଖବାକଡ଼ିରାଃ କାରକାମି ହଡ଼କଆଃ ଜନ୍ଦକା କାଜି

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ଯିଶୁ କାଜିକେଦାଏ, ଏଟାଃ ଆଡ଼ଃମିଆଁଦ ଜନ୍ଦକା କାଜି ଆୟୁମେପେ । ମିଆଁଦ ଲୟଙ୍ଗୁ ଗମକେ ଦାଖବାକଡ଼ି ବାଇକେଦାଏ ଆଡ଼ଃ ଏନା କେସେଦ୍ବିୟୁରକେଦାଏ, ଘାନା ନାଗେନ୍ତେ ଗାଡ଼ା ଉରକେଦାଏ, ଆଡ଼ଃ ହରମେନ୍ତେ ମାଟେନ୍ ଅଡ଼ାଃ ବାଇକେଦାଏ, ଏନ୍ତେ ଇନିଃ ଦାଖବାକଡ଼ି କାର କାମିତାନକକେ ଏମ୍କେଦ୍ତେ ସାଙ୍ଗିନ୍ ଦିଶୁମ୍ତେ ସେନଃୟାନାଏ । ୩୪ ଜ ଗଦଃ ସାହା ତେବଃୟାନ୍ତି, ଦାଖବାକଡ଼ିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର କାମିକତାଃତେ କୁଲ୍କେଦକଆଏ । ୩୫ କାରକାମି ହଡ଼କଦ ଏନ୍ ଦାସିକକେ ସାଦ୍କେଦ୍ତେ ମିହୁଡ଼କେ ଦାଲ୍କିୟାକ, ଆଡ଼ଃମିହୁଡ଼କେ ଗଏଃକିୟାକ, ଆଡ଼ଃ ଏଟାଃ ମିହୁଡ଼କେ ଦିରି ଚିଦ୍ଗିକିୟାକ ।

☆ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦.

୩୭ ଏନ୍ତେ ଇନିଃ ସିଦାଏତେ ଆତଃଗି ଆଦକା ଦାସିକକେ କୁଲକେଦକଆଏ, ଆତଃ କାରକାମି ହଡକ ଇନ୍କୁକେହ ଏନ୍ଲେକାଗି ରିକାକେଦକଆକ । ୩୮ ତୁଣ୍ଡୁର, ଇନିଃ, ଆୟାଃ ହନ୍ତେକଡାକେ କାର କାମିହଡକଡାଃତେ କୁଲକିୟାଏ, ଆତଃ କାଜିକେଦାଏ, ‘ଇନ୍କୁ ହନିଙ୍ଗକଡାକେ ମାଈନିୟାକ ।’ ୩୯ ମେନ୍ଦ ଦକାରକାମି ହଡକ ଏନ୍ ହନ୍କେ ନେଲକେଦତେ, ମେପେନ୍ୟାନାକ, ‘ନିଃଗି ଏନ୍ ଗମକେୟାଃ ହନ୍ ତାନିଃ, ଦଲ୍ଲାବୁ ଗଜିୟା ଆତଃ ଇନିୟାଃ ହାନାଟିଙ୍ଗୁ ଇଦିୟା ।’ ୪୦ ଏନ୍ତେ ଇନ୍କୁ ଇନିଃକେ ଦାଖବାକଡ଼ିଏତେ ସାଦ୍‌ଅତଙ୍ଗକିଃତେ ଗଏଃକିୟାକ ।

୪୦ “ନାହାଃଦ ଦାଖବାକଡ଼ିରେନ୍ ଗମକେ ହିଜୁଃରେ ଏନ୍ କାରକାମି ହଡକକେ ଚିନାଃଏ ଚିକାକଆ ?” ମେନ୍ତେ ଯୀଶୁ କୁଲିକେଦକଆଏ ।

୪୧ ଇନ୍କୁ କାଜିରୁହାଡକିୟା, “ଇନିଃ ଏନ୍ ଏଡକାନ୍‌କକେ ପୁରାଃ ସାସାତିତେ ଗଏଃକଆ ଆତଃ ଦାଖବାକଡ଼ି ଏଗାଃ କାରକାମି ହଡକକେ ଏମାକଆ, ଅକନ୍‌କଚି ଠିକ୍ ନେତାରେ ଇନିଃକେ ଆୟାଃ ହିସାକ ଏମାଈୟା ।”

୪୨ ଯୀଶୁ ଇନ୍କୁକେ ମେତାଦକଆ, “ନେଆଁ ଧାରାମ୍‌ପୁଥ୍‌ରେ କାପେଚି ପାଢାଅକାଦା ?

“ଅଡ଼ାଃ ବାଈତାନ୍‌କ ଆତମ୍ ଏଣ୍ଡାଗାକାନ୍ ଦିରିକେ କଚାରାଃ ଦିରିକ ବାଈକେଦା ।

ପ୍ରାଭୁ ଆଈଃକଚି ନେଆଁକେ ବାଈୟାକାଦା  
ଆତଃ ଆବୁଆଃ ନେପେଲରେ ଆକ୍‌ଦାନ୍‌ଆଗିୟା !”

୪୩ “ଏନା ନାଗେନ୍ତେ ପାର୍‌ମେଶ୍‌ବରଆଃ ରାଈଜ୍ ଆପେଏତେ ରେଜଃଆ ଆତଃ ଅକନ୍ ହଡକ ପାର୍‌ମେଶ୍‌ବରଆଃ ମନେ ଲେକା କାମିୟାଃକ ଇନ୍କୁକେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”\*

୪୫ ମୁଲ୍ ଯାଜାକ୍‌କ ଆତଃ ଫାରୁଶୀକ ଯୀଶୁଆଃ ଜନ୍‌କା କାଜି ଆୟୁମକେଦତେ, ଇନିଃ ଆବୁକେ କାଜିୟାବୁତାନାଏ ମେନ୍ତେକ ଆଟ୍‌କାରକେଦା । ୪୬ ଏନାତେ ଇନ୍କୁ ଇନିଃକେ ସାସାବ୍ ସାନାଙ୍ଗକେଦାକ, ମେନ୍ଦ ଇନ୍କୁ ଗାଦେଲ୍ ହଡକକେ ବରକେଦକଆକ, ଚିୟାଃଚି ହଡକ ଇନିଃକେ ନାବୀ ମେନ୍ତେକ ଆଟ୍‌କାରି ତାଈକେନା ।

## ୨୨

ଆଣ୍‌ଦି ଭୋଜିରେଆଃ ଜନ୍‌କା କାଜି  
(ଲୁକ ୧୪:୧୫-୨୪)

୧ ଯୀଶୁ ଆତଃଗି ଜନ୍‌କା କାଜିତେ ହଡକକେ କାଜିକେଦକଆ । ୨ “ସିର୍ମା ରାଈଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହନ୍ତେକଡ଼ାରାଃ ଆଣ୍‌ଦିରେ ମାରାଙ୍ଗ୍‌ଜମେୟାଃ ବାଈକେଦାଏ । ୩ ଇନିଃ କେଡ଼ାକାନ୍‌କକେ ଆଣ୍‌ଦି ଭୋଜି ଜଜମ୍ ନାଗେନ୍ତେ ହାକାଅ ନାଙ୍ଗ୍ ଆୟାଃ ଦାସିକକେ କୁଲକେଦକଆଏ ମେନ୍ଦ ଇନ୍କୁ ହିଜୁଃ କାକ ସାନାଙ୍ଗକେଦା । ୪ ଇନିଃ ଏଗାଃ ଦାସିକକେ ନେଆଁ କାଜିକେଦତେ ଆତଃମିସା କୁଲକେଦକଆଏ, ‘ଆଈଙ୍ଗ୍ ମାରାଙ୍ଗ୍‌ଜମେୟାଃ ବାଈୟାକାଦାଈଙ୍ଗ୍, ଆଈୟାଃ ମାପୁରାଙ୍ଗ୍ କିରିକାନ୍ ଜାତୁକ ମାଆଃକେଦତେ ସବେନାଃ ବାଈସେକାଡ଼ାକାନା, ଆଣ୍‌ଦି ଭୋଜି ଜଜମ୍‌ତେ ହିଜୁଃପେ ।’ ୫ ମେନ୍ଦ କେଡ଼ାକାନ୍‌କ ଜେତାଏ କାକ ଉଡ଼ୁକେଦତେ ଆକଆଃ କାଜିକାମିରେ ତାଈନ୍‌ୟାନାକ, ଚିମିନ୍‌କ ଆକଆଃ ଲୟଙ୍ଗ୍‌ତେ, ଆତଃ ଚିମିନ୍‌କ କିରିଙ୍ଗ୍ ଆଖ୍‌ରିଙ୍ଗ୍‌ତେକ ସେନଃୟାନା । ୬ ଏଗାଃକ

\* ୨୧:୪୪ ୨୧:୪୪ ନେ ବାଚାନ୍ ଚିମିନ୍ ମାରି ଅନଲରେ ବାନଆଃ

ରାଜାରାଃ ଦାସିକକେ ସାବକେଦ୍‌ତେ ଇନ୍‌କୁକେ ସାସାତିକେଦ୍‌କଆକ ଆଡ଼ଃ ଗଏଃକେଦ୍‌କଆକ । ୭ ରାଜା ନେଆଁ ଆୟୁମ୍‌କେଦ୍‌ତେ ଖୁୟ୍‌ୟାନାଏ ଆଡ଼ଃ ଆୟାଃ ସିପାଈକକେ କୁଲ୍‌କେଦ୍‌ତେ ଏନ୍ ଗଗଏଃକକେ ଜିୟ୍‌ନକେଦ୍‌କଆଏ ଆଡ଼ଃ ଇନ୍‌କୁଆଃ ନାଗାର୍‌କେ ଅଣ୍ଡୁରକେଦା । ୮ ଏନ୍ତେ ଏନ୍ ଆଣ୍ଡି ଗମ୍‌କେ ଦାସିକକେ କାଜିୟାଦ୍‌କଆଏ, ‘ଆଣ୍ଡି ଜମେୟାଃ ବାଇୟାକାନା ମେନ୍‌ଦ କେଡ଼ାକାନକ ଏନା ନାମେଲେକା କାକ ତାଇକେନା । ୯ ଏନା ନାଗେନ୍ତେ ବାରିଆ ହରା ମେସାଅଃତାନ୍‌ତାଃ ସେନଃପେ ଆଡ଼ଃ ଆପେ ନାମ୍‌ତାନ୍ ସବେନ୍‌କକେ ଆଣ୍ଡି ଜମେୟାଃ ନାଗେନ୍ତେ ହାକାଅକପେ । ୧୦ ଏନ୍ ଦାସିକ ହରାକରେ ସେନ୍‌କେଦ୍‌ତେ ଇନ୍‌କୁ ନାମକେଦ୍‌ ସବେନ୍ ଏଡ଼କାନ ଆଡ଼ଃ ଗୁଗିନ୍ ହଡ଼କକେ ହୁଣ୍ଡିକେଦ୍‌କଆକ ଆଡ଼ଃ ଆଣ୍ଡି ଅଡ଼ାଃ ହଡ଼ତେ ପେରେୟାନା ।

୧୧ “ରାଜା ଜଜମ୍‌କକେ ନେନେଲ୍‌ତେ ବଲ୍‌ୟାନ୍ ଇମ୍‌ତା, ଆଣ୍ଡି ଲିଜାଃ କା ତୁସିଙ୍ଗକାନ ମିଆଁଦ୍ ହଡ଼କେ ନେଲ୍‌କିୟାଏ । ୧୨ ଆଡ଼ଃ ଇନିଃ କୁଲିକିୟାଏ, ‘ଏ ଗାତି, ଆମ୍ ଆଣ୍ଡି ଲିଜାଃ କା ତୁସିଙ୍ଗକେଦ୍‌ତେ ଚିଲ୍‌କାତେମ୍ ବଲ୍‌ଆକାନା ?’ ମେନ୍‌ଦ ଏନ୍ ହଡ଼ ହାପାୟାନାଏ । ୧୩ ଏନ୍ତେ ରାଜା ଦାସିକକେ କାଜିକେଦ୍‌କଆଏ, ‘ଆୟାଃ ତିଃଇ କାଟା ତଲ୍‌କେଦ୍‌ତେ ନୁବାରରେ ହୁରାଙ୍ଗ୍‌ତାଇପେ, ଏନ୍ତାଃରେ ଇନିଃ ରାଆଃୟାଏ ଆଡ଼ଃ ତାଟା ରିଦେୟାଏ ।”

୧୪ ଆଡ଼ଃ ଯୀଶୁ କାଜିଟୁଣ୍ଡୁକଦାଏ, “ପୁରାଃକଦ ହାକାଅକାନା ମେନ୍‌ଦ ହୁଡ଼ିଙ୍ଗ୍‌ଲେକାକ ସାଲାକାନା ।”

କାର୍ ପାଏସା ଏମ୍‌ରେୟାଃ ବିଷାଏରେ କୁନୁଲି  
(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଶୀକ ସେନଃକେଦ୍‌ତେ, ଆବୁ ଚିଲ୍‌କାତେ ଯୀଶୁକେ ଆୟାଃ କାଜିତେରୁ ସାବିଆ, ମେନ୍ତେକ ରଜୋଟକେଦା । ୧୬ ଇନ୍‌କୁ ହେରୋଦ୍‌ଆଃ ହଡ଼କଲଃ, ଆକଆଃ ଚେଲାକକେ ଯୀଶୁତାଃତେକ କୁଲ୍‌କେଦ୍‌କଆ ଆଡ଼ଃ ଇନ୍‌କୁ ଯୀଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍‌ତିଙ୍ଗ୍ ହଡ଼ ତାନ୍‌ମେ ଆଡ଼ଃ ପାର୍‌ମେଶ୍ୱାର୍‌ଆଃ ସାର୍‌ତି ହରା ଇତୁଆଃମେ ଆଡ଼ଃ ଜେତାଏକେ କାମ୍ ବରଂଖା, ଚିୟାଃତି ଆମ୍ ହଡ଼କଆଃ ମେଦ୍‌ମୁହାଁଡ୍ କାମ୍ ନେଲାଃ । ୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକନାଃମ୍ ଉଡ଼ୁତାନା ? କାଇସାର୍‌କେ ଆଇନ୍ ଲେକାତେ କାର୍ ପାଏସା ଏମ୍‌ଃ ଲାଗାତିଙ୍ଗ୍‌ୟାଃ ଚି କାହା ?”

୧୮ ମେନ୍‌ଦ ଯୀଶୁ ଇନ୍‌କୁଆଃ ଏଡ଼କାନାଃ ଆର୍‌କାର୍‌କେଦ୍‌ତେ କାଜିୟାଦ୍‌କଆଏ, “ହେ ବେଦାହଡ଼କ ଚିନାଃ ମେନ୍ତେ ଆଇଙ୍ଗ୍‌କେ ଚିଟାଈଙ୍ଗ୍ ନାଗେନ୍ତେ ବିଡ଼ାଅତାନାପେ ? ୧୯ କାର୍ ପାଏସା ଏମ୍‌ରେୟାଃ ସିକା ମିଆଁଦ୍ ଏମାଈଙ୍ଗ୍‌ପେ ।”

ଏନ୍ତେ ଇନ୍‌କୁ ମୁସିଙ୍ଗ୍‌ରାଃ ନାଲା ସିକା ଇନିଃତାଃତେକ ଆଉକେଦା । ୨୦ ଆଡ଼ଃ ଇନିଃ ଇନ୍‌କୁକେ କୁଲିକେଦ୍‌କଆଏ, “ନେ ସିକାରେ ଅକଏୟାଃ ମୁରୁଡ୍ ଆଡ଼ଃ ନୁଡୁମ୍ ମେନାଃ ?”

୨୧ ଇନ୍‌କୁ କାଜିକିୟାକ, “କାଇସାର୍‌ଆଃ,”

ଏନ୍ତେ ଇନିଃ ଇନ୍‌କୁକେ ମେତାଦ୍‌କଆ, “ଅକ୍‌ନାଃ କାଇସାର୍‌ଆଃ ଏନା କାଇସାର୍‌କେ ଏମାଈପେ, ଅକ୍‌ନାଃ ପାର୍‌ମେଶ୍ୱାର୍‌ଆଃ ଏନା ପାର୍‌ମେଶ୍ୱାର୍‌କେ ଏମାଈପେ ।”

୨୨ ଆଡ଼ଃ ଇନ୍‌କୁ ନେଆଁ ଆୟୁମ୍‌କେଦ୍‌ତେ ହାଏକାର୍‌ୟାନାକ ଆଡ଼ଃ ଇନିଃକେ ବାଗିକେଦ୍‌ତେ ସେନଃୟାନାକ ।

☆ ୨୨:୧୩ ୨୨:୧୩ ମାଧୁର ୮:୧୨; ୨୫:୩୦; ଲୁକ ୧୩:୨୮.



ହତୁକଆଃ ଜୀଉବିନିରିଦ୍ ବିଷାଏରେ କୁନୁଲି

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ \*ଏନ୍ ହୁଲାଙ୍ଗାରି ଚିମିନ୍ ସାଦୁକିକ ଯୀଶୁତାଃତେକ ହିଜୁଃୟାନା ଆତଃ ଇନ୍କୁ ଜୀଉବିନିରିଦ୍ ବାନଆଃ ମେନ୍ତେକ କାଜିତାଇକେନା । ୨୪ ଇନ୍କୁ କାଜିକିୟାକ, “ହେ ଗୁରୁ, ଜେତାଏ ହତୁ ବେଗାର୍ ହନ୍‌ଗାଁଣାତେ ଗଜଃରେଦ, ହାଗାତେ ଇନିୟାଃ କୁଡ଼ିକେ ଆଣ୍‌ଦିୟାଃ ଲାଗାଡ଼ିଙ୍‌ୟାଃ ଆତଃ ଗଜାକାନ୍ ହାଗାତେୟାଃ ନାଙ୍ ହନ୍‌ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା । ୨୫ ନେଲେମେ, ଆଲେତାଃରେ ସାଡ୍ ହାରିୟା ତାଇକେନାକ ମାରାଙ୍‌ନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ, ଆତଃ ଏନ୍ ରାଣ୍ଡିକୁଡ଼ିକେ ହାଗାତେ ଆଣ୍‌ଦିୟାନାଏ । ୨୬ ଏନ୍‌ଲେକାରି ଏଟାଃ ହାଗାତେଲଃ ଆତଃ ଆପିୟାନିଃଲଃ ହବାୟାନା, ତୁଣ୍ଡୁରେ ସାଡ୍ ହାରିୟାକ ଇନିଃକେ ଆଣ୍‌ଦିୟାନାକ । ୨୭ ଆତଃ ସବେନ୍‌କଆଃ ତାୟମ୍‌ତେ ଏନ୍ ରାଣ୍ଡି କୁଡ଼ିୟାରି ଗଏଃୟାନାଏ । ୨୮ ଏନ୍ତେ ଜୀଉବିନିରିଦ୍ ଇମ୍‌ତା ଏନ୍ କୁଡ଼ି ଅକଏୟାଃ କୁଡ଼ିତେ ହବାଅଃଆଏ ? ସବେନ୍‌କଦ ଇନିଃକେ ଆଣ୍‌ଦିୟାନାକ ।”

୨୯ ଯୀଶୁ ଇନ୍କୁକେ ମେତାଦକଆ, “ଆପେ ଧାରାମ୍‌ପୁଥ୍ ଆତଃ ପାର୍‌ମେଶ୍‌ବାର୍‌ଆଃ ପେଡ଼େଃ କାପେ ସାରିୟା ଏନା ନାଗେନ୍ତେପେ ଆଦାକାନା । ୩୦ ଜୀଉବିନିରିଦ୍‌କେଦ୍‌ତେ ଜେତାଏ କାକ ଆଣ୍‌ଦିନାଃ, ଚାଏ ଆଣ୍‌ଦି କାକ ଏମଃଆ, ମେନ୍‌ଦ ଇନ୍କୁ ସିମ୍‌ରେନ୍ ଦୁଁଡ଼ଲେକାକ ତାଇନାଃ । ୩୧ ଆତଃ ଗଜାକାନ୍‌କଆଃ ଜୀଉବିନିରିଦ୍ ବିଷାଏରେ ପାର୍‌ମେଶ୍‌ବାର୍ କାଜିୟାକାଦ୍ କାଜିକେ କାପେଚି ପାଢ଼ାଅକାଦା ? ୩୨ ‘ଆଇଙ୍ ଆବ୍ରାହାମ୍‌ଆଃ ପାର୍‌ମେଶ୍‌ବାର୍, ଇସାକ୍‌ଆଃ ପାର୍‌ମେଶ୍‌ବାର୍ ଆତଃ ଯାକୁବ୍‌ଆଃ ପାର୍‌ମେଶ୍‌ବାର୍ ତାନିଙ୍ ।’ ଇନିଃ ଗଏଃକାନ୍‌କଆଃ ପାର୍‌ମେଶ୍‌ବାର୍ ନାହାଁଲିଃ ମେନ୍‌ଦ ଜାନିଦ୍‌କଆଃ ପାର୍‌ମେଶ୍‌ବାର୍ ତାନିଃ ।”

୩୩ ଆତଃ ଗାଦେଲ୍ ହତୁକ ନେଆଁ ଆୟୁମ୍‌କେଦ୍‌ତେ ଇନିୟାଃ ଇନିତୁତେ ହାଏକାଟ୍‌ୟାନାକ ।

ମାରାଙ୍ ଆନ୍‌ତୁ

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଯୀଶୁ ସାଦୁକିକକେ ହାପାକେଦ୍‌କଆଏ ମେନ୍ତେ ଫାରୁଶୀକ ଆୟୁମ୍‌କେଦ୍‌ଚି ହୁଣ୍ଡିୟାନାକ । ୩୫ ଆତଃ ଇନ୍କୁଏତେ ମିଆଁଦ୍ ଆଇନ୍ ଇତୁନିଃ ଯୀଶୁକେ ଚିଟାକ ନାଗେନ୍ତେ ବିତାଅକିୟାଏ ଆତଃ କୁଲିକିୟାଏ, ୩୬ “ହେ ଗୁରୁ, ମୁଣାରାଃ ଆଇନ୍‌ରେୟାଃ ମାରାଙ୍ ଆନ୍‌ତୁ ଅକନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମାଃ ସବେନ୍ ମନ୍‌ତେ, ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ମନ୍‌ତେ ପ୍ରାଭୁ ଆମାଃ ପାର୍‌ମେଶ୍‌ବାର୍‌କେ ଦୁଲ୍‌ଡ଼ିମେ । ୩୮ ନେଆଁଗି ମାରାଙ୍ ଆତଃ ପାହିଲା ଆନ୍‌ତୁ ତାନାଃ । ୩୯ ଆତଃମିଆଁଦ୍ ମାରାଙ୍ ଆନ୍‌ତୁ ଏନ୍‌ଲେକାରିୟା, ‘ଆମାଃ ହପର୍‌ଜାପାଃରେନିଃକେ ଆମାଃ ଲେକା ଦୁଲ୍‌ଡ଼ିମେ ।’ ୪୦ \*ନେ ବାରିୟା ଆନ୍‌ତୁରେ ମୁଣାରାଃ ଆଇନ୍ ଆତଃ ନାବୀକଆଃ ଇନିତୁରେ ଆସ୍ରାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନ୍ ଇମ୍‌ତା ଯୀଶୁ ଇନ୍କୁକେ କୁଲିକେଦ୍‌କଆଏ ? ୪୨ “ଆପେ ଶ୍ରୀଷ୍ଟଆଃ ବିଷାଏରେ ଚିନାଃପେ ଉଡ଼ୁତାନା ? ଇନିଃ ଅକଏୟାଃ ହନ୍ ତାନିଃ ?”

ଇନ୍କୁ କାଜିରୁହାଡ଼କିୟାକ, “ଦାଉଦ୍‌ଆଃ ।”

୪୩ ଯିଶୁ ଇନ୍ଦ୍ରକୁ କାଜିୟାଦକଆଏ, “ଦାଉଦ, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ତିନାଃମେନ୍ତେ ତାମ୍ କାଜିକିୟାଏ ? ତିୟାଃତି ପାବିତାର୍ ଆମ୍ବାତେ ଇନିଃ ଅଲ୍ଲାକାଦାଏ,

୪୪ “ ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,

ଆଇଙ୍ଗ୍ ଆମାଃ ବାଇରିକକେ ଆମାଃ କାଟା ଲାତାରରେ ଆଉରି ଦହକ ଜାକେଦ୍

ଆମ୍ ଆଇଁୟାଃ ଜମ୍ତିସାଃରେ ଦୁବାକାନମେ । ”

୪୫ “ଦାଉଦ ଖ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଇତାନରେଦ, ଇନିଃ ତିଲ୍ଲାକାତେ ଇନିୟାଃ ହନ୍ ତାନିଃ ?”

୪୬ ଆତଃ ଜେତାଏ ମିଆଁଦ୍ କାଜିୟା ଯିଶୁକେ କାକ କାଜିରୁହାଡ୍ ଦାଡିକେଦା, ଏନ୍ ହୁଲ୍ଲାଙ୍ଗ୍ତାଃଏତେ ଜେତାଏ ଇନିଃକେ ଜେତ୍ନାଃ କୁଲିନାଙ୍ଗ୍ କାକ ସାହ୍ସକେଦା ।

### ୨୩

ଆଇନ୍ ଇତ୍ତୁକଆଃ ଆତଃ ଫାରୁଶୀକଆଃ ବିରୁଧରେ ଯିଶୁଆଃ ତେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯିଶୁ ଏନ୍ ଗାଦେଲ୍ ହଡକକେ ଆତଃ ଆୟାଃ ତେଲ୍ଲାକକେ କାଜିୟାଦକଆଏ, ୨ “ଆଇନ୍ ଇତ୍ତୁକ ଆତଃ ଫାରୁଶୀକ ମୁଶାରାଃ ଆଇନ୍ ଇତ୍ତୁରାଃ ଆକ୍ତେୟାର୍ ନାମାକାଦ୍ ଇନିତ୍ତୁକ ତାନ୍କ । ୩ ଏନା ନାଗେନ୍ତେ, ଆପେ ନେଆଁ ମାନାତିଙ୍ଗ୍ପେ ମେନ୍ତେକ କାଜିରେଦ ଏନ୍ ସବେନାଃ ମାନାତିଙ୍ଗ୍ପେ, ମେନ୍ଦ୍ ଇନ୍ଦ୍ରକୁଆଃ କାମିଲେକା ଆଲ୍ପେ କାମିୟା, ଇନ୍ଦ୍ରକୁ କାଜିଦକ କାଜିୟା ମେନ୍ଦ୍ କାକ କାମିୟାଃ । ୪ ଇନ୍ଦ୍ରକୁ ଆକଆଃ ଇନିତ୍ତୁକେ ହଡକଆଃ ତାରାନ୍ ତେତାନରେ ହାମ୍ବାଲ୍ତେୟାଃକ ଲାଦିତାନା, ମେନ୍ଦ୍ ଇନ୍ଦ୍ରକୁ ଏନାକେ ଆକଆଃ ମିଆଁଦ୍ ସାର୍ସାର୍ତେହ ଉଠାଅକେଦ୍ତେ ଗଅଃଇଦି ନାଙ୍ଗ୍ କାକ ଦେଙ୍ଗାଃ । ୫ ହଡକ ଆଲେକେ ନେଲ୍ଲେକାକ ମେନ୍ତେ ଇନ୍ଦ୍ରକୁ ଆକଆଃ ସବେନ୍ କାମିକ କାମିୟାଃ । ନେଲ୍ଲକପେ, ଇନ୍ଦ୍ରକୁଦ ଧାରାମ୍ପୁଥ୍ରେ ଅଲ୍ଲାକାନ୍ତେୟାଃ ଆକଆଃ ମଲ୍ଲକ୍ରେକ ତଲେୟା ଆତଃ ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରକେକ ଜିଲିଙ୍ଗ୍ଆଃ । ୬ ଆତଃ ଇନ୍ଦ୍ରକୁ ମାରାଙ୍ଗ୍ଜମେୟାଃତାଃରେ ତେତାନ୍ ଠାୟାଦ୍ରେ ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁବନାଙ୍ଗ୍ ସୁକୁକଆ । ୭ ଆତଃ ଇନ୍ଦ୍ରକୁ ହଡକତାଃଏତେ ପିଟ୍ ପିଡିକରେ ଜହାର୍ତେଲା ଆତଃ ‘ହେ ଗୁରୁ’ ମେନ୍ତେ କାଜିୟାଲେକାକ ନେଆଁ ସୁକୁଆଃକ । ୮ ମେନ୍ଦ୍ ଆପେ ‘ହେ ଗୁରୁ’ ମେନ୍ତେ ଆଲ୍ପେ ନୁତୁମାଆ, ତିୟାଃତି ଆପେୟାଃ ଇତ୍ତୁନିଃଦ ମିଆଁଦ୍ଗିଆଏ, ଆତଃ ଆପେ ସବେନ୍କ ହାଗା ତାନ୍ପେ । ୯ ଆତଃ ଅତେରେ ଜେତାଏକେ ‘ଆବା’ ମେନ୍ତେ ଆଲ୍ପେ କାଜିୟା, ଆପେୟାଃ ଆପୁଦ ମିଆଁଦ୍ଗିଆଏ ଆତଃ ଇନିଃ ସିର୍ମାରେ ମେନାଇୟା । ୧୦ ଆତଃ ଆପେ ହଡକଆଃ ‘ଗମକେ’ ମେନ୍ତେ ଆଲ୍ପେ ନୁତୁମାଆ, ତିୟାଃତି ଆପେୟାଃ ଗମକେଦ ମିଆଁଦ୍ଗିଆଏ, ଇନିଃ ମାସି ତାନିଃ । ୧୧ ଆତଃ ଆପେୟାଃ ଆଲାରେ ସବେନ୍କଏତେ ମାରାଙ୍ଗ୍ନିଃ ଆପେୟାଃ ସୁସାର୍ନିଃ ହବାଅକାଏ । ୧୨ ଆତଃ ଜେତାଏ ଆପାନ୍କେ ମାରାଙ୍ଗ୍ୟେନ୍ ସାନାଙ୍ଗ୍ରେଦ ଇନିଃ ହୁଡିଙ୍ଗ୍ୟେନ୍କାଏ, ଆତଃ ଜେତାଏ ଆପାନ୍କେ ହୁଡିଙ୍ଗ୍ୟେନ୍ନିଃ, ମାରାଙ୍ଗ୍ୟେନ୍କାଏ ।

ଯିଶୁ ହସଡହଡକକେ ସାଜାଇକେଦକଆଏ

(ମାର୍କ ୧୨:୪୦; ଲୁକ ୧୧:୩୯-୪୨, ୪୫, ୪୬; ୨୦:୪୭)

୨୩:୫ ମାଧୁର ୨୧:୧୧. ୨୩:୧୧ ମାଧୁର ୨୦:୨୭, ୨୯; ମାର୍କ ୯:୩୫; ୧୦:୪୩, ୪୫; ଲୁକ ୨୨:୨୭. ୨୩:୧୨ ମାଧୁର ୧୪:୧୧; ୧୮:୧୪.

୧୩ “ଏ ହସଡ଼ ଆଇନ୍ ଇତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଆପେଦ ହଡ଼କଆଃ ସାମନାଙ୍ଗରେ ସିର୍ମା ରାଇଜ୍ରେୟାଃ ଦୁଆର୍ପେ ହାଣ୍ଡେଦ୍ ତାନାଃ, ଆପେଦ ଆପେଗି ଏନାରେ କାପେ ବଲତାନା ଆଡ଼ଃ ବଲ ସାନାଙ୍ଗତାନକକେ କାପେ ବଲ ଇତିକୁତାନା । ୧୪ ଏ ହସଡ଼ ଆଇନ୍ ଇତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଚିୟାଃତି ଆପେ ବେଦାତେ ଜିଲିଙ୍ଗ୍ ଜିଲିଙ୍ଗ୍ଗି ବିନ୍ତିୟାପେ ଆଡ଼ଃ ରାଣ୍ଡିକୁଡ଼ିକଆଃ ଅଡ଼ଃକ ଉଦେତାନାପେ, ଏନାମେନ୍ତେ ଆପେ ଆଦକା ସାଜାଇପେ ନାମେୟା । \*

୧୪ “ଏ ହସଡ଼ ଆଇନ୍ ଇତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଆପେଦ ମିଆଁଦ୍ ହଡ଼କେ ଯିହୁଦୀ ଧାରାମ୍ରେ ମେସାଇ ନାଗେନ୍ତେ ଦରେୟା ଆଡ଼ଃ ଗଟା ଅଡେଦିଶ୍ମାପେ ହନରତାନା, ଆଡ଼ଃ ଚିମ୍ତାଙ୍ଗ୍ ଜନିଃ ଯିହୁଦୀ ଧାରାମ୍ରେ ମେସାୟାନ୍ରେ, ଆପେଏଡେ ବାର୍ଗୁନା ଇମ୍ନାଙ୍ଗ୍ ନାରାକ୍ରେ ସାଜାଇ ନାମେ ନାଗେନ୍ତେପେ ଦେଙ୍ଗାଇତାନା ।

୧୫ “ଆନ୍ଧା ହରା ଆୟାରଇଦିକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ‘ଜେତାଏ ମାନ୍ଦିର୍ ଅଡ଼ଃରେୟାଃ କିରିୟାଏରେଦ୍ ଜନିଃ ମାନାତିଙ୍ଗ୍ ନାଗେନ୍ତେ କାଏ ତଲଃଆ ମେନ୍ଦ୍ ଜେତାଏ ମାନ୍ଦିର୍ ଅଡ଼ଃରେୟାଃ ସୋନାରାଃ କିରିୟା ଜମେରେଦ୍ ଜନିଃକେ ଏନା ମାନାତିଙ୍ଗ୍ ଲାଗାତିଙ୍ଗ୍ୟାଃ ।’ ୧୬ ଏ କା ନେଲ୍ ଦାଡ଼ିତାନ୍ ତଣ୍ଡକ, ସୋନା ମାରାଙ୍ଗ୍ ଚି ସୋନାକେ ପାବିତାରକାଦ୍ ମାନ୍ଦିର୍ ଅଡ଼ଃ ମାରାଙ୍ଗ୍ ତାନାଃ ? ୧୭ ଆଡ଼ଃଗି ଇତୁଆପେ, ‘ଜେତାଏ ବେଦିରାଃ କିରିୟାଏରେଦ୍ ଜନିଃକେ ଏନା ମାନାତିଙ୍ଗ୍ ନାଗେନ୍ତେ କା ଲାଗାତିଙ୍ଗ୍ୟାଃ, ମେନ୍ଦ୍ ଜେତାଏ ଏନାରେ ରାକାବାକାନ୍ ଦାନ୍ରାଃ କିରିୟାଏରେଦ୍ ଜନିଃକେ ଏନା ମାନାତିଙ୍ଗ୍ ଲାଗାତିଙ୍ଗ୍ୟାଃ ।’ ୧୯ ଏ ମେଦ୍ କା ନେଲ୍ ଦାଡ଼ିତାନ୍ ହଡ଼କ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଏନ୍ ଦାନ୍ ମାରାଙ୍ଗ୍ଆଁତି ଦାନ୍କେ ପାବିତାର୍ ରିକାଏତାନ୍ ଏନ୍ ବେଦି ମାରାଙ୍ଗ୍ଆଁ, ନେ ବାରାନାଃରେ ଅକ୍ନାଃ ମାରାଙ୍ଗ୍ଆଁ ? ୨୦ ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ୍, ଜନିଃ ଏନାରେୟାଃ ଆଡ଼ଃ ଏନାରେ ରାକାବାକାନ୍ତେୟାଃ ସବେନାଃରାଃ କିରିୟାଏତାନା । ୨୧ ଜେତାଏ ମାନ୍ଦିର୍ ଅଡ଼ଃରାଃ କିରିୟାଏରେଦ୍ ଜନିଃ ଏନାରେୟାଃ ଆଡ଼ଃ ଏନାରେ ତାଇନଃତାନ୍ ପାର୍ମେଶ୍ୱାର୍ଆଃ କିରିୟାଏତାନା । ୨୨ \*ଆଡ଼ଃ ଜେତାଏ ସିର୍ମାରେୟାଃ କିରିୟାଏରେଦ୍ ଜନିଃ ପାର୍ମେଶ୍ୱାର୍ଆଃ ରାଜ୍ଗାଦିରେୟାଃ ଆଡ଼ଃ ଏନାରେ ଦୁବାକାନ୍ ପାର୍ମେଶ୍ୱାର୍ଆଃ ନୁତୁମ୍ରେ କିରିୟାଏତାନା ।

୨୩ “ଏ ହସଡ଼ ଆଇନ୍ ଇତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଆପେଦ ପୁଦ୍ନା, ପାନ୍ମୁହୁରି ଆଡ଼ଃ ଜୀରାରାଃ ଗେଲ୍ ହାନାତିଙ୍ଗ୍ ପାର୍ମେଶ୍ୱାର୍କେପେ ଏମାଇତାନା, ମେନ୍ଦ୍ ମୁଶାରାଃ ଆନ୍ତୁରେୟାଃ ମାରାଙ୍ଗକାଜି, ନ୍ୟାୟ ବିଚାର୍, ଲିବୁଇ ଆଡ଼ଃ ପାତିୟାର୍ରେ ଲେକାନ୍ କାଜିକେ ବାଗିୟାକାଦାପେ, ମେନ୍ଦ୍ ଏଟାଃତେୟାଃକକେ କା ବାଗିକେଦ୍ତେ ନେ ସବେନାଃକେ ମାନାତିଙ୍ଗ୍ ଲାଗାତିଙ୍ଗ୍ୟାଃ । ୨୪ ଏ କାଣାଁ ହରା ଆୟାରଇଦିକ, ଆପେଦ ସିକିଣ୍ଟିକପେ ଛାନାଅତାନା ଆଡ଼ଃ ଉର୍ବକପେ ଉଦକତାନା ।

୨୪ “ଏ ହସଡ଼ ଆଇନ୍ ଇତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଚିୟାଃତି ଆପେଦ ତୁଦ୍ନି ଆଡ଼ଃ ଆଡ଼ିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା । ମେନ୍ଦ୍ ଏନାରେୟାଃ ଭିତାର୍ ହିସ୍ତା ଆଡ଼ଃ ଏଡ଼କାନାଃ ପେରେଜାକାନା । ୨୫ ହେ କାଣାଁ ଫାରୁଶୀକ ସିଦାତେ ତୁଦ୍ନି ଆଡ଼ଃ ଆଡ଼ିରାଃ ଭିତାର୍ ଆବୁଙ୍ଗାସାରେପେ ଏନ୍ତେ ଏନାରେୟାଃ ବାହାରିହ୍ ଆବୁଙ୍ଗାସାରଃଆ ।

\* ୨୩:୧୪ ୨୩:୧୪ ନେ ବାଚାନ୍ ଚିମିନ୍ ମାରି ଅନଲ୍ରେ ବାନଆଃ ☆ ୨୩:୨୨ ୨୩:୨୨ ମାଥୁରା ୫:୩୪.

୨୭ ☆“ହେ ହସଡ଼ ଆଇନ୍ ଇଡୁକ ଆଡ଼ଃ ଫାରୁଶୀକ, ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଆପେ ତୁନାତେ ଜଲମାକାନ୍ କାବାର୍ ଲେକାନ୍କ ତାନ୍ପେ, ଏନା ବାହାରି ନେପେଲ୍ରେଦ ପୁରାଃ ବୁଗିନ୍ଗି ନେଲଃତାନା ମେନ୍ଦ ଏନାରେୟାଃ ଭିତାର୍ରେ ଗଜାକାନ୍କଆଃ ଜାଙ୍ଗ୍ ଆଡ଼ଃ ସବେନାଃ କା ଫାର୍ତିତେ ପେରେଜାକାନା । ୨୮ ନେ ଲେକାତେ ଆପେ ବାହାରି ନେପେଲ୍ରେ ହଡ଼କଆଃ ସାମନାଙ୍ଗ୍ରେ ଧାର୍ମାନ୍ଗିପେ ନେଲଆଃ ମେନ୍ଦ ମନ୍ ଭିତାର୍ରେ ବେଦାତେ ଆଡ଼ଃ ଏଡ଼କାନ୍ତେ ପେରେଜାକାନା ।

ୟାଶୁ ଇନ୍କୁଆଃ ସାଜାଇକେ ଆୟାର୍କାଜି କାଜିକେଦାଏ  
(ଲୁକ ୧୧:୪୭-୫୧)

୨୯ “ଏ ହସଡ଼ ଆଇନ୍ ଇଡୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନୁଗି ହବାଅଆଃ, ଆପେଦ ନାବୀକଆଃ ନାଗେନ୍ତେ ବୁଗିନ୍ କାବାର୍ ବାଇକେଦ୍ରେ ଧାର୍ମାନ୍କଆଃ ତପାଗାଡ଼ାରେ ନୁଡୁମ୍ ଅଲ୍ଲାକାନ୍ ଖୁଣ୍ଟୁକେପେ ସିଙ୍ଗରାଅ ତାନା । ୩୦ ଆଡ଼ଃ କାଜିତାନାପେ, ‘ଆବୁ ଆବୁଆଃ ହାଡ଼ାମକଆଃ ଦିପିଲିରେବୁ ତାଇନକାନ୍ରେ, ଆବୁ ଇନ୍କୁ ଲେକା କାବୁ କାମିକାଦ୍ରେୟାଃ ଆଡ଼ଃ ନାବୀକଆଃ ଗନ୍ଏଃ ମାୟୋମ୍ ଲିଙ୍ଗିରେ ଇନ୍କୁଲଃ କାବୁ ମେସାକାନ୍ତେୟାଃ ।’ ୩୧ ନେଆଁତେ ଆପେଗି ନାବୀକକେ ଗଏଃକେନକଆଃ କିଲିକ ତାନ୍ପେ ମେନ୍ତେ ଆପେୟାଃ ନାଗେନ୍ତେ ଗାଞ୍ଜାପେ ଏମତାନା । ୩୨ ଆପେଗି ହାଡ଼ାମକଆଃ ପାପରାଃ ସସଙ୍ଗ୍ରେୟାଃ ପେରେଜେପେ । ୩୩ ☆ଏ ବିଙ୍ଗ୍, ଆପେ ବିଙ୍ଗ୍କଆଃ ହନ୍କ ! ଆପେ ନାରାକ୍ରେୟାଃ ସାଜାଇଏତେ ଚିଲ୍କାପେ ବାଞ୍ଛାଅଃଆ ? ୩୪ ଏନାମେନ୍ତେ ଆଇଙ୍ଗ୍ ଆପେତାଃତେ ନାବୀକ, ସେଣ୍ଟାନ୍କ, ଆଡ଼ଃ ଇଡୁକକେ କୁଲ୍କତାନାଇଙ୍ଗ୍, ଆଡ଼ଃ ଆପେ ଇନ୍କୁଏତେ ଚିମିନ୍କକେ ଗଏଃକଆପେ ଆଡ଼ଃ ବୁଣ୍ଡରେପେ କିଲ୍ଲକଆ ଆଡ଼ଃ ଏଗାଃକକେ ଆପେୟାଃ ସାମାଜ୍ ଅଡ଼ାଃକରେପେ ହାଁଶ୍ୱାକଆ ଆଡ଼ଃ ସାହାର୍ ସାହାର୍ଏତେ ହାର୍କତାନଲଃ ସିଗିଦ୍କଆପେ । ୩୫ ଆଡ଼ଃ ନେ ଲେକାତେ ଧାର୍ମାନ୍ ହାବିଲ୍କେ ଗଏଃକିଃତାଃଏତେ ମାନ୍ଦିର୍ରେୟାଃ ପାବିତାର୍ ଠାୟାଦ୍ ଆଡ଼ଃ ଦାଣ୍ଡୋରାକ୍ ବେଦିରାଃ ଆଲ୍ଲାମାଲ୍ରେ ଆପେ ଗଏଃକିଃ ବେର୍ଖ୍ମୟଆଃ ହନ୍ତକଡ଼ା ଜିଶ୍ରିୟା ଜାକେଦ୍ ଆଡ଼ଃ ଅତେଦିଶ୍ମ୍ରେନ୍ ଧାର୍ମାନ୍ ହଡ଼କକେ ଗଏଃକେଦ୍କ ନାଗେନ୍ତେ ଆପେ ସାଜାଇପେ ନାମେୟା । ୩୬ ସାର୍ଡିଗିଙ୍ଗ୍ କାଜିୟାପେତାନା, ନେ ସବେନ୍ ହଡ଼ଗଏଃକଆଃ ସାଜାଇ ନେ ଦିପିଲିରେନ୍ ହଡ଼କକେ ନାମଃଆ ।

ଯୀରୁଶାଲେମ୍ ନାଙ୍ଗ୍ ଯୀଶୁଆଃ ଦୁଲ୍ଲାଡ଼୍  
(ଲୁକ ୧୩:୩୪-୩୫)

୩୭ “ହେ ଯୀରୁଶାଲେମ୍, ହେ ଯୀରୁଶାଲେମ୍, ଆମ୍ ନାବୀକକେମ୍ ଗଏଃକେଦ୍କଆ ଆଡ଼ଃ ଆମ୍ତାଃତେ କୁଲ୍ଲାକାନ୍କକେ ଚିଦ୍ଗିଗଏଃ କେଦ୍କଆମ୍, ଏଙ୍ଗାସିମ୍ ଆୟାଃ ହନ୍କକେ ଆପ୍ରେ ଲାତାର୍ରେ ଆବ୍ରୁମ୍ ତପାକତାନ୍ଲେକା ଚିମିନ୍ସା ଆଇଙ୍ଗ୍ ଆମାଃ ହନ୍କକେ ହୁଣ୍ଡିସାନାଙ୍ଗ୍କେଦାଇଙ୍ଗ୍, ମେନ୍ଦ୍ ଆପେ କାପେ ସାନାଙ୍ଗ୍କେଦାଃ । ୩୮ ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଦୁଡ଼ନାଙ୍ଗ୍ ବାଗିୟତାନା । ୩୯ ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ‘ପ୍ରାଭୁଆଃ ନୁଡୁମ୍ତେ ହିଜୁଃତାନିଃକେ ପାର୍ମେଶ୍ୱାର୍ ଆଶିଷ୍ ଏମାଇକାଏ’ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆଡ଼ଃ ଆଇଙ୍ଗ୍କେ କାପେ ନେଲିୟାଃ ।”

☆ ୨୩:୨୭ ୨୩:୨୭ ପ୍ରେରିଡ଼ ୨୩:୩୧. ☆ ୨୩:୩୩ ୨୩:୩୩ ମାଧୁର ୩:୭; ୧୨:୩୪; ଲୁକ ୩:୭.

# ୨୪

ୟୀଶୁ ମାନ୍ଦିର ଅଡ଼ାଃ ହାଦୁଡ଼ଃରେୟାଃ କାଜି ଉଦୁବକେଦା

(ମାର୍କ ୧୩:୧-୩୧; ଲୁକ ୨୧:୫-୩୩)

୧ ୟୀଶୁ ମାନ୍ଦିର ଅଡ଼ାଃଏତେ ଅଡ଼ଞ୍ଜକେଦତେ ସେନଃତାନ୍ ଦିପିଲିରେ ଆୟାଃ ଚେଲାକ, ମାନ୍ଦିର ଅଡ଼ାଃରେ ବାଇୟାକାନ୍ତେୟାଃ, ଆଡ଼ଃ ମାପରାଙ୍ଗ ଅଡ଼ାଃକ ଉଦୁବାଇ ନାଗେନ୍ତେକ ହିଜୁଃୟାନା । ୨ ମେନ୍ଦ ୟୀଶୁ ଇନ୍କୁକେ ମେତାଦକଆ, “ଆପେ ଚିନାଃ ଏନ୍ ସବେନାଃ କାପେ ନେଲେତାନା ? ସାର୍ଡିଗିଙ୍ଗ କାଜିୟାପେତାନା, ଏନାରେ ଦିରି ଚେତାନ୍ ଦିରି ତିରିୟାକାନ୍ କା ତାଇନା, ସବେନାଃ ହାଦୁଡ଼ଃଆ ।”

ଦୁକୁ ଆଡ଼ଃ ସାସାତି

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ୟୀଶୁ ଜାଇତୁନ୍ ବୁରୁରେ ଦୁବାକାନ୍ ତାଇକେନ୍ ଇମତା ଚେଲାକ ଏସକାରରେ ଇନିଃତାଃତେକ ହିଜୁଃୟାନା ଆଡ଼ଃ କୁଲିକିୟାକ, “ଆଲେକେ ଉଦୁବାଲେମେ ନେ ସବେନାଃ ଚିଉଲା ହବାଅଃଆ ଆଡ଼ଃ ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆଡ଼ଃ ଅତେଦିଶୁମ୍ରେୟାଃ ଚୁଣ୍ଡୁ ଦିପିଲି ଚିଉଲା ହବାଅଃଆ ?”

୪ ୟୀଶୁ କାଜିରୁହାଡ଼କେଦକଆଏ, “ତିର୍ଗାଲାକାନ୍ପେ, ଜେତାଏ ଆଲକାକ ବେଦାପେକା । ୫ ଚିୟାଃଚି ପୁରାଃ ହଡ଼କଦ ଆଇୟାଃ ନୁତୁମ୍ତେକ ହିଜୁଃଆ ଆଡ଼ଃ ‘ଆଇଙ୍ଗ ଖ୍ରୀଷ୍ଟ ତାନିଙ୍ଗ’ ମେନ୍ତେକ କାଜିୟା ଆଡ଼ଃ ପୁରାଃକକେ ବେଦାକଆକ । ୬ ଆପେ ମାପାଃତୁପୁଇଙ୍ଗ ଆଡ଼ଃ ମାପାଃତୁପୁଇଙ୍ଗରାଃ କାଜିପେ ଆୟୁମେରେଦ, ତିର୍ଗାଲାକାନ୍ପେ, ବରତେ ଆଲପେ ଆକ୍‌ବାକାଅଆଃ । ନେଆଁ ସବେନାଃଦ ହବାଅଃଚି ଲାଗାତିୟାଃ, ମେନ୍ଦ ଏନ୍ ଦିପିଲିହ ଚୁଣ୍ଡୁ ନୁହାଁଲାଃ । ୭ ଚିୟାଃଚି ଦିଶୁମ୍ ବିରୁଧରେ ଦିଶୁମ୍ ଆଡ଼ଃ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଃଆ, ସବେନ୍ ଠାୟାଦରେ ଅତେ ଏକଲାଅଃଆ ଆଡ଼ଃ ରିଙ୍ଗାଅଃଆ । ୮ ମେନ୍ଦ ନେ ସବେନାଃ ହନ୍ ଜାନାମଃ ଇମ୍ତାରାଃ ଦୁକୁରେୟାଃ ଏନେଟେଦ୍ ଲେକାନାଃ ତାନାଃ ।

୯ \*ଏନ୍ତେ ଇନ୍କୁ ଆପେକେ ସାସାତିପେ ନାଗେନ୍ତେକ ଜିମାପେୟା ଆଡ଼ଃକ ଗଏଃପେୟା, ଆଡ଼ଃ ଆପେ ଆଇଙ୍ଗତାଃରେ ପାତିୟାରକାଦ୍ ନାଗେନ୍ତେ ସବେନ୍ ହଡ଼କ ଆପେକେକ ହିଲାଙ୍ଗପେୟା । ୧୦ ଏନ୍ ଦିପିଲିରେ ପୁରାଃ ହଡ଼କ ଆକଆଃ ବିଶ୍ୱାସକ ଆଦେୟା, ଆଡ଼ଃ ଆକ ଆକଗି ମିହୁଡ୍ ଆଡ଼ଃମିହୁଡ଼କେ ଏମ୍‌ଏଶ୍ୱାଗିୟାକ ଆଡ଼ଃ ହିଲାଙ୍ଗକଆକ । ୧୧ ଆଡ଼ଃ ପୁରାଃ ହସଡ଼ ନାବୀକ ହିଜୁଃଆ ଆଡ଼ଃ ଇନ୍କୁ ପୁରାଃ ହଡ଼କକେ ବେଦାକଆକ । ୧୨ ଚିୟାଃଚି ଏଡ଼କାନ୍ ନିତିର୍ୟାନ୍ ନାଗେନ୍ତେ ପାରମେଶ୍ୱାରଆଃ ନାଙ୍ଗ୍ ପୁରାଃ ହଡ଼କଆଃ ଦୁଲାଡ଼୍ ହୁତିଙ୍ଗ୍‌ଇଦିୟଃଆ । ୧୩ \*ମେନ୍ଦ ଜେତାଏ ଚୁଣ୍ଡୁ ଜାକେଦ୍ ସାହାତିଙ୍ଗ୍‌ତାନ୍‌ଲଃ ତିଙ୍ଗ୍ କେଟେୟାକାନ୍ ତାଇନରେଦ ବାଞ୍ଛାଅଃଆଏ । ୧୪ ଆଡ଼ଃ ପାରମେଶ୍ୱାରଆଃ ରାଇଜ୍ ବିଷାଏରେ ନେ ସୁକୁକାଜି ଏଗାଃ ଏଗାଃ ଜାଗାରତାନ୍ ସବେନ୍ ହଡ଼କଆଃ ଗାଞ୍ଜା ନାଗେନ୍ତେ, ଗଟା ଅତେଦିଶୁମ୍ରେ ଉଦୁବଃଆ ଆଡ଼ଃ ଏନ୍ତେ ଚୁଣ୍ଡୁଆ ।

ୟୀଶୁ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଆପେ ଚିମ୍ତା ଏନ୍ ‘ଅଡ଼େଜଃ ସଡ଼ରାକାନ୍‌ନିଃ’ ମାନ୍ଦିର ଅଡ଼ାଃରାଃ ପାବିତାର୍ ଠାୟାଦରେ ତିଙ୍ଗ୍‌ଆକାନ୍‌ପେ ନେଲିୟା,” ନେ କାଜି ଅକ୍‌ନାଃଚି ଦାନିୟେଲ୍ ନାବୀ କାଜିକାଦାଏ, ପାଢ଼ାଅନିଃ ନେଆଁରାଃ ମୁଣ୍ଡି ଆବ୍‌କାର୍‌ଉରୁମେକାଏ । ୧୬ “ଇମ୍ତା

\* ୨୪:୯ ୨୪:୯ ମାଧୁର ୧୦:୨୨.    \* ୨୪:୧୩ ୨୪:୧୩ ମାଧୁର ୧୦:୨୨.

ଯିହୁଦୀ ପାର୍ଗାନ୍ରେ ତାଇନଃତାନକ ବୁରୁତେକ ନିରୁତେବାଃକା । ୧୭ \*ଅକ ହଡ଼ ଆୟାଃ ଅଡ଼ାଃ ସାଡ଼଼ିରେ ମେନାଇୟାଃ ଇନିଃ ଆୟାଃ ଜେଡ଼ନାଃ ଇଦିମେନ୍ତେ ଅଡ଼ାଃଏତେ ଆଲକାଏ ଆଡ଼ଗୁଃକା । ୧୮ ଆଡ଼ଃ ପିଡ଼ି ଲୟଙ୍ଗରେ ମେନାଇନିଃ ଆୟାଃ ଲିଜାଃ ଇଦି ନାଗେନ୍ତେ ଆଲକାଏ ରୁହାଡ଼କା । ୧୯ ମେନ୍ଦ ଏନ୍ ଦିପିଲିରେନ୍ ବାଜିଆକାନ୍\* କୁଡ଼ିକଆଃ ଆଡ଼ଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନି ଦୁକୁ ହବାଅଆଃ । ୨୦ ଆପେ ନିରୁସେନଃ ନାଗେନ୍ତେ ରାବାଙ୍ଗସାହା ଚାଏ ରୁଡ଼ନୁ ହୁଲାଇ ଆଲକା ହବାଅଃକା ମେନ୍ତେ ଆପେୟାଃ ପାର୍ମେଶ୍ଵାର୍ତାଃରେ ବିନ୍ତିପେ । ୨୧ \*ଚିୟାଃଚି ଏନ୍ ଦିପିଲିରେଦ ମାରାଙ୍ଗ ଦୁକୁ ହବାଅଆଃ ଏନା ପୁରାଃ ବରଝାନି ହବାଅଆଃ ନେଲେକାନାଃ ଅତେଦିଶ୍ଵମରେୟାଃ ଏନେଟେଦଏତେ ନାହାଃ ଜାକେଦ୍ ଚିଉଲାଇ କା ହବାକାନା ଆଡ଼ଃ ଚିଉଲାଇ କା ହବାଅଆଃ । ୨୨ ଆଡ଼ଃ ପାର୍ମେଶ୍ଵାର୍ ଏନ୍ ହୁଲାଇକକେ କାଏ କାମ୍ତିକାରେଦ ଜେତାଏ କାକ ବାଞ୍ଚାଅଃତେୟାଃ, ମେନ୍ଦ ଆୟାଃ ସାଲାକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଇକକେ କାମ୍ତିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ ନେତାଃରିୟା’ ଚାଏ ‘ହାନ୍ତାଃରିୟା,’ ମେତାପେରେଦ ଇନିଃକେ ଆଲ୍ପେ ବିଶ୍ଵାସୀଆ । ୨୪ ହସଡ଼ ଖ୍ରୀଷ୍ଟ ଆଡ଼ଃ ହସଡ଼ ନାବାକ ବିରିଦାଃ ଆଡ଼ଃ ମାପରାଙ୍ଗ ଚିହ୍ନା ଆଡ଼ଃ ଆକ୍ଦାୟା କାମିକ ରିକାଉଦୁବେଆ, ଆଡ଼ଃ ହବାଦାଡ଼ିୟଃରେଦ ପାର୍ମେଶ୍ଵାର୍ଆଃ ସାଲାକାନ୍କକେହ ବେଦାକଆକ । ୨୫ ଏନାମେନ୍ତେ ଆୟୁମେପେ, ଆଇଙ୍ଗ ଆପେକେ ନେତା ହିଜୁଃ ସିଦାରେଇଙ୍ଗ ଉଦୁବାଦ୍ପେୟା ।

୨୬ \*ଏନା ନାଗେନ୍ତେ, ଜେତାଏ ଆପେକେ, ‘ନେଲିପେ, ଇନିଃ ବିରରେ ମେନାଇୟା’ ମେତାପେରେ, ‘ଏନ୍ତାଃତେ ଆଲ୍ପେ ସେନା’ ଚାଏ ନେଲିପେ, ‘ନେତାଃରାଃ ଭିତାର୍ ବାଖରାରେ ଉକୁକାନାଏ’ ମେତାପେରେ ଆଲ୍ପେ ବିଶ୍ଵାସୀଆ । ୨୭ ଜେଲେକାଚି ହିଚିରଦ ସିଙ୍ଗିତୁର୍ ସାଃଏତେ ଅତଙ୍ଗକେଦ୍ତେ ସିଙ୍ଗି ହାସୁର୍ସାଃ ଜାକେଦ୍ ସିର୍ମାକେ ମାୟାଲେୟାଏ, ଏନ୍ ଲେକାଗି ମାନଝାହନ୍ଆଃ ହିନିଜୁଃ ହବାଅଆଃ ।

୨୮ \*ଅକତାଃରେ ମାଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ ।

ମାନଝାହନ୍ଆଃ ହିଜୁଃରୁହାଡ଼,  
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ \*ଏନ୍ ଦିପିଲିରେୟାଃ ଦୁକୁ ତାୟମତେ ଇମ୍ତାଗି ସିଙ୍ଗି ନୁବାଗଃଆ ଆଡ଼ଃ ଚାଣ୍ଡୁ ମାର୍ସାଲ କାଏ ଏମେୟା ଆଡ଼ଃ ଇପିଲକ ସିର୍ମାଏତେକ ଉୟୁଗଃଆ ଆଡ଼ଃ ସିର୍ମାରେୟାଃ ପେଡ଼େଃୟାନ୍ତେୟାଃକ ଏକ୍ଲାଇଆଆ । ୩୦ \*ଏନ୍ ଦିପିଲିରେ ମାନଝାହନ୍ଆଃ ଚିହ୍ନା ସିର୍ମାରେ ନେଲଆଃ ଆଡ଼ଃ ଅତେରେନ୍ ସବେନ୍ ହଡ଼କ ଏୟମେୟା† । ଇନ୍କୁ ମାନଝାହନ୍କେ ପୁରାଃ ପେଡ଼େଃତେ ଆଡ଼ଃ ମାନାରାଙ୍ଗଲଃ ସିର୍ମାରାଃ ରିମିଲରେ ହିଜୁଃତାନକ ନେଲିୟା । ୩୧ ଆଡ଼ଃ ବିଙ୍ଗୁଲ୍ ବାଜା ସାଡ଼ିଆ, ଆଡ଼ଃ ଇନିଃ ଆୟାଃ ସିର୍ମାରେନ୍ ଦୁଡ଼କକେ ଅତେଦିଶ୍ଵମରାଃ ନେ ଚୁଣ୍ଡିୟୁତେ ହାନ୍ ଚୁଣ୍ଡି ଜ୍ଞାକେଦ୍ ଆୟାଃ ସାଲାକାନ୍କକେ ହୁଣ୍ଡି ନାଗେନ୍ତେ କୁଲକଆ ।

ଲଆ ଦାରୁରାଃ ଇନିତୁ  
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

\* ୨୪:୧୭ ୨୪:୧୭ ଲୁକ ୧୭:୩୧. \* ୨୪:୧୯ ୨୪:୧୯ ହଡ଼ମକାନ୍ \* ୨୪:୨୧ ୨୪:୨୧ ଉନୁଦୁବ୍ କାଜି ୭:୧୪. \* ୨୪:୨୭ ୨୪:୨୭ ଲୁକ ୧୭:୨୩, ୨୪. \* ୨୪:୨୮ ୨୪:୨୮ ଲୁକ ୧୭:୩୭. \* ୨୪:୨୯ ୨୪:୨୯ ଉନୁଦୁବ୍ କାଜି ୭:୧୨; ଉନୁଦୁବ୍ କାଜି ୭:୧୩. \* ୨୪:୩୦ ୨୪:୩୦ ଉନୁଦୁବ୍ କାଜି ୧:୭. † ୨୪:୩୦ ୨୪:୩୦ ମନ୍ସୁରୁଦ୍ଲଃ ରାକାଃ

୩୨ “ଲିଆଦାରୁରେୟାଃ ଜନ୍‌କା କାଜିତେ ଇତୁଃପେ, ଏନାରେୟାଃ କତ ସାଗେନ୍‌ତାନ୍ ଆତଃ ସାକାମ୍ ସୁଡ଼ାଅଃତାନ୍ ଇମ୍‌ତା ଜେଟ୍‌ସିଙ୍ଗି ନାଡ଼େଃଗିଆ ମେନ୍ତେପେ ସାରିୟା । ୩୩ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇଁୟାଃ ହିଜୁଃ ନେତା ନାଡ଼େଃରେଗିଆଃ ମେନ୍ତେ ସାରିପେ । ୩୪ ସାର୍‌ଡିଗିଙ୍ଗି କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ । ୩୫ ସିର୍ମା ଆତଃ ଅତେ ଚୁଣ୍ଡୁତୁତାରଃଆ, ମେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆଁ ।

ଏନ୍ ମାହାଁ ଆତଃ ଏନ୍ ଘାଡ଼ିକେ ଜେତାଏ କାକ ସାରିୟା  
(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ “ଏନ୍ ହୁଲାଙ୍ଗି ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଁଡ଼କହ କା, ଆଇଙ୍ଗି ପାରମେଶ୍ୱାର୍‌ଆଃ ଦୁଲାଡ଼୍ ହନହ କା, ମେନ୍‌ଦ ଆଇଁୟାଃ ଆପୁ ଏସକାରଗି ସାରିଆଃଏ । ୩୭ ଆତଃ ନୁହୁଁରାଃ ପାରିୟାରେ ଜେ'ଲେକା ହବାୟାନା, ମାନଖାହନ୍‌ଆଃ ହୁଲାଙ୍ଗିରେହଗି ଏନ୍‌ଲେକା ହବାଅଆଃ । ୩୮ ଚୁଡ଼ା ଦାଆଃ ହିଜୁଃ ସିଦାଏତେ ନୁହୁଁ ଲାଉକାରେ ଆଉରି ବଲ ଜାକେଦ୍ ହଡ଼କଦ୍ ଜଜମ୍ ନୁଁ ଆତଃ ଆଣ୍‌ଦିତାନ୍ ଆତଃ ଆଣ୍‌ଦି ଏମ୍‌ତାନ୍‌ରେ ତାଇକେନାକ । ୩୯ ଆତଃ ଚୁଡ଼ା ଦାଆଃ ହିଜୁଃକେଦ୍‌ତେ ସବେନ୍‌କକେ ଆଉରି ଆତୁଇଦି ଜାକେଦ୍ ଇନ୍‌କୁ ଜେଡ଼ନାଃ କାକ ଆଟ୍‌କାରେ ତାଇକେନା, ଏନ୍ ଲେକାଗି ମାନଖାହନ୍‌ଆଃ ହିଜୁଃ ହୁଲାଙ୍ଗିରେ ହବାଅଆଃ । ୪୦ ଇମ୍‌ତାଙ୍ଗି ବାରହଡ଼୍ ଲୟଙ୍ଗିରେକିନ୍ କାମିକାତେରେ, ମିହୁଡ଼କେ ଇଦିୟଃଆ ଆତଃ ମିହୁଡ଼କେ ବାଗିଅଃଆ । ୪୧ ଜାନ୍ତାଦିରିରେ ଗୁଣ୍ଡା ରିଦେତାନ୍ ବାରିଆ କୁଡ଼ିକିନ୍‌ଏତେ ମିଆଁଦିନିଃକେ ଇଦିୟଃଆ, ଆତଃ ଏଟାନ୍‌ନିଃକେ ବାଗିଅଃଆ ।

୪୨ “ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃଟି ଆପେଦ ଆପେୟାଃ ପ୍ରାଭୁଆଃ ହିଜୁଃ ଦିପିଲି କାପେ ସାରିୟା । ୪୩ ଏମେନ୍‌ଦ ନେଆଁ ଆଟ୍‌କାରେପେ, ଅଡ଼ାଃ ଗମ୍‌କେ କୁମ୍‌ତୁ ହିଜୁଃ ଦିପିଲିକେ ସାରିକାରେଦ ଏୟନାକାନ୍‌ ତାଇନ୍‌ତେୟାଃଏ ଆତଃ ଆୟାଃ ଅଡ଼ାଃକେ ସିନ୍‌ଦି ତଡ଼ାଅକେଦ୍‌ତେ କାଏ ବଲ୍‌ରିକାକତେୟାଃ । ୪୪ ଏନା ନାଗେନ୍ତେ ଆପେୟ ସାପ୍‌ଡ଼ାଅକାନ୍‌ ତାଇନ୍‌ପେ, ଚିୟାଃଟି ଆପେ କାପେ ଉଡ଼ୁତାନ୍ ଦିପିଲିରେଗି ମାନଖାହନ୍‌ ହିଜୁଃଆଏ ।

ପାତିୟାର୍‌ତାନ୍ ଆତଃ କା ପାତିୟାର୍‌ତାନ୍ ଦାସିକଆଃ ଜନ୍‌କା କାଜି  
(ଲୁକ ୧୨:୪୧-୪୮)

୪୫ “ଏନ୍ତେ ଗୁସିୟାଁ ଆୟାଃ ଅଡ଼ାଃରେନ୍‌କକେ ବୁଗିନ୍ ନେତାରେ ଜମେୟାଃଏ ଏମାକ ନାଗେନ୍ତେ ଅକଏକେ ଇନିଃ ସାଲାକିଆଏ, ଏନ୍‌ଲେକାନ୍ ପାତିୟାର୍‌ରଃଆତଃ ସେଣାନ୍ ଦାସି ଅକଏ ତାନିଃ ? ୪୬ ଆୟାଃ ଗୁସିୟାଁ ନେ'ଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍‌ଗିୟାଏ । ୪୭ ସାର୍‌ଡିଗିଙ୍ଗି କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ବାଇୟାଏ । ୪୮ ମେନ୍‌ଦ ଏନ୍ ଦାସି ଏଡ଼କାନ୍ ତାନିଃରେଦ, ଇନିଃ, ଆଇଁୟାଃ ଗୁସିୟାଁରାଃ ହିଜୁଃତେୟାଃ ବିଲ୍ୟାମଃତାନାଃ ମେନ୍ତେ ଆଇଃକ୍‌ଗି ଆୟାଃ ମନ୍‌ରେ କାଜିୟାଏ, ୪୯ ଆତଃ ଆୟାଃ ଗାତିଦାସିକକେ ଦାଲ୍ ଏଟେଦକଆଏ ଆତଃ ବୁଲ୍ ହଡ଼କଲଃ ଜମ୍ ନୁଁରେ ତାଇନାଏ । ୫୦ ଏନ୍ତେ ଏନ୍ ଦାସି କାଏ ଉଡ଼ୁକା ହୁଲାଙ୍ଗିରେ ଆତଃ କାଏ ସାରି ଦିପିଲିରେ ଇନିୟାଃ ଗୁସିୟାଁ ହିଜୁଃଆଏ, ୫୧ ଆତଃ ଗୁସିୟାଁ ଇନିଃକେ ପୁରାଃ ଦୁକୁ ଏମାଇତାନ୍‌ଲଃ ଚୁକ୍‌ଡ଼ା ଚୁକ୍‌ଡ଼ା ମାଆଃଇୟାଏ ଆତଃ ହସଡ଼ ହଡ଼କଲଃ ହାନାଗିଙ୍ଗି ଏମାଇୟାଏ ଆତଃ ଏନ୍ତାଃରେ ରାଆଃ ଆତଃ ତାଟା ରିଦ୍ ହବାଅଆଃ ।

☆ ୨୪:୪୩ ୨୪:୪୩ ଲୁକ ୧୨:୩୯, ୪୦.

## ୨୫

ଗେଲେୟା ଡିଣ୍ଡାକୁଡ଼ିକଆଃ ଜନକା କାଜି

୧୯ \* “ଏନ୍ ଦିପିଲିରେ ସିର୍ମା ରାଜଜଦ୍‌ରାଃ ହିନିଜୁଃ ନେ ଗେଲେୟା ଡିଣ୍ଡାକୁଡ଼ିକ  
ଲେକା ହବାଅଃଆ, ଇନ୍‌କୁ ଆକଆଃ ଦିମି ସାବକେଦ୍‌ଦେ ଦୁହ୍ଲୀକଡ଼ାଲଃ ନେପେଲ୍ଲ  
ନାଗେନ୍ତେକ ଅତଙ୍ଗୟାନା । ୧୯ ଇନ୍‌କୁଏତେ ମଣେୟାଁ ସେଣ୍ଡାନ୍‌କ ଆତଃ ମଣେୟାଁ  
ଡ଼ଣ୍ଡକ ତାଇକେନା । ୨୦ ଏନ୍ ଡ଼ଣ୍ଡ କୁଡ଼ିକ ଆକଆଃ ଦିମି ଇଦିକେଦ୍‌ ଇମ୍‌ତା ଆଦକା  
ସୁନ୍‌ମ୍ କାକ ଇଦି । ୨୧ ମେନ୍‌ଦ ଏନ୍ ସେଣ୍ଡାନ୍‌କ ଆକଆଃ ଦିମି ଇଦିତାନ୍‌ଲଃ ଶିଶିରେ  
ଆଦକା ସୁନ୍‌ମ୍‌କ ଇଦିକେଦା । ୨୨ ଦୁହ୍ଲୀକଡ଼ା ହିଜୁଃରେ ବିଲ୍‌ମ୍‌କେଦାଏ, ଏନାତେ ଏନ୍  
ସବେନ୍‌କକେ ଝୁପାଅ ଏଟେଦ୍‌କେଦକଆ ଆତଃ ଦୁଡ଼ମ୍ ବାଟିୟାନାକ ।

୨୦ “ଏନ୍ତେ ଆଲା ନିଦାରେ କାଉରି ଆୟୁମ୍‌ୟାନା, ‘ନେଲିପେ, ଦୁହ୍ଲୀକଡ଼ା  
ହିଜୁଃତାନାଏ, ଇନିଃକେ ଦାରମ୍‌ତେ ଅତଙ୍ଗଅଃପେ ।’ ୨୧ ଏନ୍ତେ ଏନ୍ ଗେଲେୟା  
ଡ଼ିଣ୍ଡାକୁଡ଼ିକ ବିରିଦ୍‌କେଦ୍‌ଦେ ଆକଆଃ ଆକଆଃ ଦିମିକ ସାଜାଡ଼ାଅକେଦ୍‌ଦେ  
ଜୁଲ୍‌କେଦାକ । ୨୨ ଆତଃ ଏନ୍ ଡ଼ଣ୍ଡ କୁଡ଼ିକ ସେଣ୍ଡାନ୍ କୁଡ଼ିକକେ ମେତାଦକଆକ,  
‘ଆପେୟାଃ ସୁନ୍‌ମ୍ କାଟିଃଲେକା ଏମାଲେପେ ଆଲେୟାଃ ଦିମିଦ ଇଣ୍‌ଜିଃତାନା  
।’ ୨୩ ମେନ୍‌ଦ ସେଣ୍ଡାନ୍ କୁଡ଼ିକ କାଜିରୁହାଡ଼ାଦକଆ, ‘କାହାଗି ଆଲେୟାଃ ଆତଃ  
ଆପେୟାଃ ନାଗେନ୍ତେ ନିମିନାଙ୍ଗ୍ ସୁନ୍‌ମ୍ କା ପୁରାଅଃଆ, ଏନାମେନ୍ତେ ଜୁ  
ଆଖିରିଙ୍ଗକତାଃ ସେନଃପେ ଆତଃ ଆପେୟାଃ ନାଗେନ୍ତେ କିରିଙ୍ଗ୍‌ୟେଁପେ ।’  
୨୪ ଆତଃ ଇନ୍‌କୁ କିରିଙ୍ଗ୍ ନାଗେନ୍ତେକ ସେନଃତାନ୍ ତାଇକେନ୍ ଇମ୍‌ତାଙ୍ଗି ଦୁହ୍ଲୀକଡ଼ା  
ସେଟେରୁୟାନାଏ ଆତଃ ସାପଡ଼ାଅକାନ୍‌କ ଇନିଃଲଃ ଆଣ୍‌ଦି ଅଡ଼ାଃତେକ ବଲ୍‌ୟାନା,  
ଆତଃ ଦୁଆର୍ ହାଣ୍ଡେଦ୍‌ୟାନା ।

୨୫ \* “ତାୟମ୍‌ତେ ଏନ୍ ଡ଼ଣ୍ଡ କୁଡ଼ିକ ହିଜୁଃକେଦ୍‌ଦେ କାଜିକିୟାକ, ‘ହେ ପ୍ରାଭୁ,  
ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’ ୨୬ ଏନ୍ତେ ଦୁହ୍ଲୀକଡ଼ା  
କାଜିରୁହାଡ଼ାଦକଆଏ, ‘ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ଆଇଙ୍ଗ୍  
ଆପେକେ କାଇଙ୍ଗ୍ ସାରିୟାଃ ।’”

୨୬ ଆତଃ ଯାଶୁ କାଜିରୁଣ୍ଡକେଦ୍‌ଦେ କାଜିକେଦାଏ, “ଏୟନାକାନ୍‌ପେ, ଆପେଦ  
ମାନଃହନ୍‌ଆଃ ହିଜୁଃ ହୁଲ୍‌ଇଙ୍ଗ୍ ଆତଃ ହିଜୁଃ ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନକା କାଜି

(ଲୁକ ୧୯:୧୧-୨୭)

୨୭ \* “ଏନ୍ ଦିପିଲିରେ ସିର୍ମା ରାଜଜଦ୍‌ ନେ ଲେକାଗିଆ, ମିଆଁଦ୍ ହଡ଼ ଆୟାଃ  
ଦାସିକକେ ହାକାଅକେଦ୍‌ଦେ ଆୟାଃ ସବେନ୍ ଖୁଜ୍ ଏମାଦକଆଏ ଆତଃ ସାଜିନ୍  
ଦିଶୁମ୍‌ତେ ଅତଙ୍ଗୟାନା । ୨୮ ଇନିଃ ମିହୁଡ଼କେ ମଣେୟାଁ ହାଜାର୍ ରୁପା ସିକା,  
ଆତଃମିହୁଡ଼କେ ବାରିୟା ହାଜାର୍ ରୁପା ସିକା, ଆତଃମିହୁଡ଼କେ ମିଦ୍ ହାଜାର୍  
ରୁପା ସିକା, ନେ ଲେକା ସବେନ୍‌କକେ ଆକଆଃ ଆପ୍‌ନାଃ ପେଡ଼େଃ ଲେକାତେ  
ଏମାଦକଆ ଆତଃ ସାଜିନ୍ ଦିଶୁମ୍‌ତେ ସେନଃୟାନା । ୨୯ ମଣେୟାଁ ହାଜାର୍ ରୁପା  
ସିକା ନାମକେଦ୍‌ନିଃ ଇମ୍‌ତାଗି ସେନଃୟାନ୍‌ଲଃ ଏନାକେ କିରିଙ୍ଗ୍ ଆଖିରିଙ୍ଗ୍‌ରେ  
ଏମ୍‌କେଦ୍‌ଦେ ଆତଃ ମଣେୟାଁ ହାଜାର୍ ରୁପା ସିକା ପସାକେଦାଏ । ୩୦ ଏନ୍‌ଲେକାଗି  
ବାରିୟା ହାଜାର୍ ରୁପା ସିକା ନାମକେଦ୍‌ନିଃହ୍ ଆତଃ ବାରିୟା ହାଜାର୍ ରୁପା ସିକା  
ପସାକେଦାଏ । ୩୧ ମେନ୍‌ଦ ମିଦ୍ ହାଜାର୍ ରୁପା ସିକା ନାମକେଦ୍‌ନିଃ ସେନ୍‌କେଦ୍‌ଦେ  
ଅତେରେ ଗାତା ଭର୍‌କେଦାଏ ଆତଃ ଆୟାଃ ଗୁସିୟାଁରାଃ ଟାକାକେ ତପାକେଦାଏ ।



୧୯ “ଚିମିନ୍ ମାହାଁ ତାୟମତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆଡ଼ଃ ଇନ୍କୁଲଃ ହିସାବକେଦାଏ । ୨୦ ମଣେୟାଁ ହାଜାର ରୁପା ସିକା ନାମାକାଦନିଃ ହିଜୁଃୟାନାଏ ଆଡ଼ଃ ମଣେୟାଁ ହାଜାର ରୁପା ସିକା ଆଦକା ଆଡକେଦତେ କାଜିକିୟାଏ, ‘ହେ ଗମକେ, ଆମ୍ ମଣେୟାଁ ହାଜାର ରୁପା ସିକା ଏମାକାଈଜ୍ ତାଇକେନାମ, ନେଲେମେ ଆଇଜ୍ ମଣେୟାଁ ହାଜାର ରୁପା ସିକା ପସାକାଦାଇଜ୍ ।’ ୨୧ ଇନିୟାଃ ଗୁସିୟାଁ କାଜିକିୟାଏ, ‘ସାବାସ, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆଡ଼ଃ ପାତିୟାରରେ ଲେକାନ ଦାସି ତାନମେ, ଆମ୍ ହୁଡ଼ିଜ୍ତେୟାଃରେ ପାତିୟାରରେ ଲେକାମ୍ କାମିକାଦ୍ ହରାତେ, ଆଇଜ୍ ଆମ୍କେ ପୁରାଃତେୟାଃରେ ଗୁସିୟାଁ ବାଇମେୟାଈଜ୍ । ଏଲା ହିଜୁଃମେ, ଆଇଁୟାଃଲଃ ରାସକାନମେ ।’

୨୨ “ବାରିୟା ହାଜାର ରୁପା ସିକା ନାମାକାଦନିଃ ହିଜୁଃୟାନାଏ ଆଡ଼ଃ କାଜିକିୟାଏ, ହେ ଗମକେ, ଆମ୍ ବାରିୟା ହାଜାର ରୁପା ସିକା ଏମାକାଈଜ୍ ତାଇକେନାମ, ନେଲେମେ ଆଇଜ୍ ବାରିୟା ହାଜାର ରୁପା ସିକା ଆଦକା ପସାକାଦାଇଜ୍ । ୨୩ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆଡ଼ଃ ପାତିୟାରରେନ୍ ଦାସି ତାନମେ, ଆମ୍ ହୁଡ଼ିଜ୍ତେୟାଃରେ ପାତିୟାରକାନାମ୍ ଏନାତେ ଆଇଜ୍ ପୁରାଃତେୟାଃରେ ଗୁସିୟାଁ ବାଇମେୟାଈଜ୍, ଏଲା ହିଜୁଃମେ, ଆଇଁୟାଃଲଃ ରାସକାନମେ ।’

୨୪ “ଏନ୍ତେ ଏନ୍ ମିଦ୍ ହାଜାର ରୁପା ସିକା ନାମାକାଦନିଃ ହିଜୁଃକେଦତେ କାଜିକିୟାଏ, ‘ହେ ଗମକେ, ଆମ୍ କେଟେଦ୍ ମନ୍ରେନ୍ ହଡ଼ ତାନମେ ଏନା ଆଇଜ୍ ସାରିତାଇକେନାଇଜ୍ । ଆମ୍ କା ହେରାକାନତାଃଏତେ ଇରାଃମେ ଆଡ଼ଃ କା ତାସିକାନତାଃଏତେ ହୁଣ୍ଡିୟାଃମେ । ୨୫ ଏନାତେ ଆଇଜ୍ ବରକେଦାଇଜ୍ ଆଡ଼ଃ ସେନଃକେଦତେ ଆମ୍ ଆଇଜ୍କେ ଏମାକାଦିଜ୍ ଟାକାକେ ଅତେରେ ଗାତା ଉରକେଦତେ ଉକୁକେଦାଇଜ୍, ନେଲେମେ, ନେ ନେତାଃରେୟା ଟାକା, ଅକ୍ନାଃତି ଆମାଃତାନାଃ ।’

୨୬ “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ‘ଏ ଏଡ଼କାନ୍ ଆଡ଼ଃ ଆଲ୍ସି ଦାସି, ଆଇଜ୍ କା ହେରାକାନତାଃଏତେ ଇରାଃଈଜ୍ ଆଡ଼ଃ କା ତାସିକାନତାଃଏତେ ହୁଣ୍ଡିୟାଃଈଜ୍ ମେନ୍ତେ ସାରିତାଇକେନ୍ରେଦ, ୨୭ ଆମ୍ ଆଇଁୟାଃ ଟାକାକେ ବ୍ୟାଙ୍କ୍ରେ ଏମଃ ଲାଗାଡ଼ିଜ୍ ତାଇକେନା ଆଡ଼ଃ ଆଇଜ୍ ହିଜୁଃରୁହାଡ଼କେଦତେ ସବେନ୍ ମୁଲ୍’କାନତାରଲଃ ଟାକା ନାମରୁହାଡ଼୍ କେଦତେୟାଃଈଜ୍ । ୨୮ ଏନାତେ ନାହାଁଃ, ଏନ୍ ମିଦ୍ ହାଜାର ରୁପା ସିକା ଇଦିକେଦତେ, ଅକଏତାଃରେ ଗେଲ୍ ହାଜାର ରୁପା ସିକା ମେନାଃନିଃକେ ଏମାଇପେ । ୨୯ ଚିୟାଃତି ଅକଏତାଃରେ ମେନାଃ, ଇନିଃକେ ଏମଃଆ ଆଡ଼ଃ ଇନିୟାଃ ପୁରାଃଗି ହବାଅଆ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟଃଆ । ୩୦ ଆଡ଼ଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍ମାଇପେ, ଏନ୍ତାଃରେ ରାନାଃ ଆଡ଼ଃ ଡାଟା ରିନିଦ୍ ହବାଅଆ ।’

**ତୁଣ୍ଡୁ ବୁଗିର**

୩୧ “ମାନଝାହନ୍ ଆୟାଃ ସିର୍ମାରେନ୍ ସବେନ୍ ଦୁଡ଼କଲଃ ଆୟାଃ ମାନାରାଈରେ ରାଜା ଲେକା ହିଜୁଃ ଦିପିଲିରେ ଇନିଃ ଆୟାଃ ମାନାରାଈ ସିର୍ମାରେୟାଃ ରାଜଗାଦିରେ ଦୁବାଃଏ । ୩୨ ଆଡ଼ଃ ଅତେଦିଶ୍ଟୁମରେନ୍ ସବେନ୍ ଜାତିରେନ୍ ହଡ଼କ ଇନିୟାଃ ଆୟାରରେକ ହୁଣ୍ଡିୟାଃଆ ଆଡ଼ଃ ଗୁପିନିଃ ମିଣ୍ଡିକକେ ମେରମ୍କଏତେ ହିଗାଡ଼କ ଲେକା ଇନିଃ ଇନ୍କୁକେ ମିହୁଡ଼ଏତେ ଆଡ଼ଃମିହୁଡ଼କେ ହିଗାଡ଼କଆ । ୩୩ ଇନିଃ

☆ ୨୫:୨୯ ୨୫:୨୯ ମାଥୁର ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ୨୫:୩୦ ମାଥୁର ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ୨୫:୩୧ ମାଥୁର ୧୭:୨୭; ମାଥୁର ୧୯:୨୮.

ମିଶ୍ରିକକେ ଆୟାଃ ଜମ୍ବିତିସାଃରେ ଆତଃ ମେରମକକେ ଲେଙ୍ଗାତିସାଃରେ ଦହକଥାଏ । ୩୪ ଏନ୍ତେ ରାଜା ଆୟାଃ ଜମ୍ବିତିସାଃରେନକକେ କାଜିକଥାଏ, ‘ଆଇଁୟାଃ ଆପୁଇଙ୍ଗାତାଃଏତେ ଆଗିଷ୍ଟକାନକ ହିନ୍ଦୁଃପେ ଆତଃ ଆପେୟାଃ ନାଗେନ୍ତେ ଅତେଦିଶ୍ଟମ୍ରେୟାଃ ଏନେଟେଦ ସିଦାରେ ବାଇୟାକାନ ରାଇଜ୍ରେ ବଲପେ । ୩୫ ଚିୟାଃଚି ଆଇଙ୍ଗଦ ରେଙ୍ଗେଜାକାନ ତାଇକେନ୍ରେ ଜମେୟାଃପେ ଏମାଦିୟା, ଆତଃ ତେତାଙ୍ଗିଙ୍ଗ ତାଇକେନ୍ରେ ନୁଁଏ ନାଗେନ୍ତେ ଦାଆଃପେ ଏମାଦିୟା, ଆଇଙ୍ଗ ଏଟାଃ ଦିଶ୍ଟମ୍ରେ ତାଇକେନ୍ରେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ ଠାୟାଦପେ ଏମାଦିୟା, ୩୬ ଆଇଙ୍ଗ ସାମାହଡ଼ମ୍ ତାଇକେନ୍ରେ ଲିଜାଃପେ ତୁସିଙ୍ଗକେଦିୟା, ଆଇଙ୍ଗ ହାସୁତାନ୍ ତାଇକେନ୍ରେ ଯାତ୍ନାଅ ସାକ୍ଲାଅ କେଦିୟାପେ, ଆଇଙ୍ଗ ଜେହେଲ୍ରେ ତାଇକେନ୍ ଇମ୍ତା ନେନେଲ୍ତେପେ ହିନ୍ଦୁଃୟାମା ।’

୩୭ “ଏନ୍ତେ ଧାର୍ମାନ ହଡ଼କ ଇନିଃକେ କାଜିରୁହାଡ଼କିୟାକ, ‘ହେ ଗମକେ, ଚିଉଲା ଆଲେ ଆମ୍ବକେ ରେଙ୍ଗେତାନ୍ଲେ ନେଲ୍ଲେଦମେୟା ଆତଃ ଆମ୍ବକେ ଜଜମାଃଲେ ଏମାଦମେୟା, ଚାଏ ଚିଉଲା ତେତାଙ୍ଗତାନ୍ଲେ ନେଲ୍ଲେଦମେୟା ଆତଃ ନୁଁ ନାଙ୍ଗ ଦାଆଃଲେ ଏମାଦମେୟା ? ୩୮ ଚିଉଲା ଆଲେ ଆମ୍ବକେ ନେଲ୍ଲେଦତେ ଏଟାଃ ଦିଶ୍ଟମ୍ରେନ୍ ତାନିଃ ମେନ୍ତେ ଆଲେୟାଃ ଅଡ଼ାଃରେ ତାଇନ୍ ନାଙ୍ଗ ଠାୟାଦଲେ ଏମାଦମେୟା ଆତଃ ଚିଉଲା ସାମାହଡ଼ମ୍ ତାଇକେନ୍ରେ ତୁସିଙ୍ଗ ନାଙ୍ଗ ଲିଜାଃଲେ ଏମାଦମେୟା ? ୩୯ ଆତଃ ଆମ୍ ହାସୁତାନ୍ରେ ଚାଏ ଜେହେଲ୍କାନରେ ଚିଉଲା ଆଲେ ଆମ୍ବକେ ନେନେଲ୍ତେଲେ ସେନ୍କେନା ?’ ୪୦ ଆତଃ ରାଜା ଇନକୁକେ କାଜିରୁହାଡ଼କଥାଏ, ‘ଆଇଙ୍ଗ ଆପେକେ ସାର୍ତିଗିଙ୍ଗ କାଜିୟାପେତାନା, ଆପେ ଆଇଁୟାଃ ନେ ହାଗାକଏତେ ମିହୁଡ଼୍ ନାଗେନ୍ତେ ଅକ୍ନାଃପେ ଚିକାକାଦା, ଏନା ଆଇଁୟାଃ ନାଗେନ୍ତେ ଚିକାକାଦାପେ ।’

୪୧ “ଏନ୍ତେ ପାର୍ମେଶ୍ୱାର୍ ଆୟାଃ ଲେଙ୍ଗାତିସାଃରେନକକେ କାଜିୟାଦକଥାଏ, ‘ହେ ସାର୍ପାଅକାନ ହଡ଼କ ! ଆଇଁୟାଃତାଃଏତେ ନିର୍ଦ୍ଦେ ଏନ୍ତେ ସାଏତାନ୍ ଆତଃ ଆୟାଃ ଦୁଁଦକ ନାଗେନ୍ତେ ବାଇୟାକାନ ଜାନାଅ କା ଇଣ୍ଟିଃ ସେଙ୍ଗେଲ୍ତେ ସେନଃପେ । ୪୨ ଚିୟାଃଚି ଆଇଙ୍ଗ ରେଙ୍ଗେଃ ତାଇକେନ୍ରେ ଜମେୟାଃ କାପେ ଏମାଦିୟା, ଆଇଙ୍ଗ ତେତାଙ୍ଗ ତାଇକେନ୍ରେ ନୁଁ ନାଗେନ୍ତେ ଦାଆଃ କାପେ ଏମାଦିୟା । ୪୩ ଆଇଙ୍ଗ ଏଟାଃ ଦିଶ୍ଟମ୍ରେ ତାଇକେନ୍ ଇମ୍ତା ଆପେ ଆପେୟାଃ ଅଡ଼ାଃରେ ତାଇନ୍ ନାଙ୍ଗ ଠାୟାଦ କାପେ ଏମାଦିୟା, ଆଇଙ୍ଗ ସାମାହଡ଼ମ୍ ତାଇକେନ୍ରେ ତୁସିଙ୍ଗ ନାଙ୍ଗ ଲିଜାଃ କାପେ ଏମାଦିୟା, ଆତଃ ଆଇଙ୍ଗ ଦୁକୁରେ ଆତଃ ଜେହେଲ୍ରେ ତାଇକେନ୍ ଇମ୍ତା ଆଇଙ୍ଗକେ କାପେ ଯାତ୍ନାଅ ସାକ୍ଲାଅ କେଦିୟା ।’

୪୪ “ଏନ୍ତେ ଇନକୁହଗି ଇନିଃକେ କାଜିରୁହାଡ଼ିୟାକ, ‘ହେ ପ୍ରାଭୁ, ଚିଉଲା ଆଲେ ଆମ୍ବକେ ରେଙ୍ଗେତାନ୍ ଚାଏ ତେତାଙ୍ଗତାନ୍ ଚାଏ ଏଟାଃ ଦିଶ୍ଟମ୍ରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍ରେ ନେଲ୍ଲେଦତେ କାଲେ ଦେଙ୍ଗାକେଦମେୟା ।’ ୪୫ ଏନ୍ତେ ରାଜା କାଜିରୁହାଡ଼କଥାଏ, ‘ସାର୍ତିଗିଙ୍ଗ କାଜିୟାପେତାନା, ଆପେ ନେ ହୁପ୍ତିଙ୍ଗକଏତେ ମିହୁଡ଼କେହଁ କାପେ ଦେଙ୍ଗାକେଦକ ନାଗେନ୍ତେ ଆଇଙ୍ଗକେହଁ କାପେ ଦେଙ୍ଗାକେଦିୟା ।’ ୪୬ ଏନ୍ତେ ଇନକୁ ଜାନାଅ ଜାନାଅରେୟାଃ ଦୁକୁ, ମେନ୍ଦ ଧାର୍ମାନକ ଜାନାଅ ଜାନାଅରେୟାଃ ଜୀଦାନକ ନାମେୟା ।”

# ୨୨

ୟାଶୁଆଃ ବିରୁଧ୍ରେ ରଜୋଟ  
 (ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

<sup>୧</sup> ଯୀଶୁ ନେ ସବେନ୍ କାଜିକ କାଜି ଚାବାକେଦ୍‌ତି, ଇନିଃ ଆୟାଃ ଚେଲାଇକେ କାଜିୟାଦକଆଏ, <sup>୨</sup> “ବାର୍ସିଙ୍ଗ୍ ତାୟମ୍‌ତେ ପାସ୍କା ପାରାବ୍ ହବାଅଆଃ ଏନା ଆପେ ସାରିତାନାପେ । ଇମ୍‌ତା ମାନଖାହନ୍ କୁଣ୍‌ରେ କିଲାଅଃ ନାଗେନ୍ତେ ଜିମାଃଖାଏ ।”

<sup>୩</sup> ଏନ୍ତେ ମୁଲ୍ ଯାଜାକକ, ଆତଃ ପ୍ରାତିନକ, କାୟଫା ନୁତୁମ୍ ମାରାଙ୍ଗ୍ ଯାଜାକରାଃ ଅଡ଼ାଃରାଚାରେ ହୁଣ୍ଡିୟାନା । <sup>୪</sup> ଆତଃ ଇନ୍‌କୁ ଯୀଶୁକେ ବେଦାତେ ସାବ୍‌କେଦ୍‌ତେ ଗଜି ନାଗେନ୍ତେ ରଜୋଟକେଦାକ । <sup>୫</sup> ମେନ୍‌ଦ ଇନ୍‌କୁ କାଜିକେଦାକ, “ପାରାବ୍‌ରେଦ କାହାଗି, କା'ରେଦ ହଡ଼କ ହାଲାଗୁଲାୟାକ ।”

ବେଥ୍‌ନିଆରେ ଯୀଶୁଆଃ ବହଃରେ ସୁନୁମ୍ ଦୁଲଃତାନା  
(ମାର୍କ ୧୪:୩-୯; ଯୋହାନ୍ ୧୨:୧-୮)

<sup>୬</sup> ଯୀଶୁ ବେଥ୍‌ନିଆରେ ନାଗେଦାଅଏତେ ବୁଗିଆକାନ୍ ଶିମୋନ୍‌ଆଃ ଅଡ଼ାଃରେ ତାଇକେନ୍ ଇମ୍‌ତା, <sup>୭</sup> \*ମିଆଁଦ୍ କୁଡ଼ି ପୁରାଃ ଗନଙ୍‌ଆଁନ୍ ବୁଗିନ୍ ସହାନ୍ ସୁନୁମ୍‌ତେ ପେରେଜାକାନ୍ ମିଆଁଦ୍ ପୁଣ୍ଡିଦିରିରାଃ ତୁକାଃ ସାବ୍‌କେଦ୍‌ତେ ଯୀଶୁତାଃତେ ହିଜୁଃୟାନା, ଆତଃ ଯୀଶୁ ଜଜମ୍ ନାଗେନ୍ତେ ଦୁବାକାନ୍ ଇମ୍‌ତା ଇନିୟାଃ ବହଃରେ ଦୁଲ୍‌କେଦାଏ । <sup>୮</sup> ଇନିୟାଃ ଚେଲାଇକ ନେଆଁ ନେଲ୍‌କେଦ୍‌ତେ ଖୁସ୍‌ୟାନାକ ଆତଃ କୁଲିକିୟାକ, “ଚିୟାଃ ନାଗେନ୍ତେ ନେ ସବେନ୍ ସାମାଗି ଏଣ୍ଡାଗଃତାନା ? <sup>୯</sup> ନେ ବୁଗିନ୍ ସହାନ୍ ସୁନୁମ୍ ପୁରାଃ ଗନଙ୍‌ତେ ଆଖ୍‌ରିଙ୍ଗ୍ ଦାଡ଼ିକାନ୍‌ତେୟାଃ ଆତଃ ରେଙ୍ଗେଃକକେ ଏମାକାନ୍‌ତେୟାଃ ।”

<sup>୧୦</sup> ଚେଲାଇକ କାଜିତାନ୍‌ତେୟାଃ ଯୀଶୁ ସାରିକେଦ୍‌ତେ କାଜିକେଦ୍‌କଆଏ, “ଆପେ ଚିନାଃମେନ୍ତେ ଏନ୍ କୁଡ଼ିକେ ବିଦ୍‌ଲାଇତାନାପେ ? ନିଃଦ ଆଇଁୟାଃ ନାଗେନ୍ତେ ବୁଗିନ୍ କାମି କାମିକାଦାଏ । <sup>୧୧</sup> ରେଙ୍ଗେଃକକ ଆପେଲଃ ସବେନ୍ ଇମ୍‌ତା ତାଇନାଃକ ମେନ୍‌ଦ ଆଇଙ୍ଗ୍ ଆପେଲଃ ସବେନ୍ ଇମ୍‌ତା କାଇଙ୍ଗ୍ ତାଇନା । <sup>୧୨</sup> ଆଇଁୟାଃ ତପାଅଃରାଃ ସେକାଡେନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନୁମ୍‌କେ ଆଇଁୟାଃ ହଡ଼ମରେ ଦୁଲାକାଦା । <sup>୧୩</sup> ସାର୍‌ତିଗିଙ୍ଗ୍ କାଜିୟାପେତାନା, ଅତେଦିଶୁମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍‌ତା ଏନ୍ କୁଡ଼ି କାମିକାଦ୍‌ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଯୀଶୁକେ ସାବ୍‌ରିକାଇ ନାଗେନ୍ତେ ଯୀହୁଦା ଟାକା ନାମେତାନା  
(ମାର୍କ ୧୪:୧୦-୧୧; ଲୁକ ୨୨:୩-୬)

<sup>୧୪</sup> ଏନ୍ତେ ଏନ୍ ଗେଲ୍‌ବାର୍ ଚେଲାଇଏତେ ମିଆଁଦ୍‌ନିଃ, ଇଷ୍ଟାରିୟ୍‌ଡ୍ ଯିହୁଦା ମୁଲ୍ ଯାଜାକକତାଃ ସେନଃୟାନାଏ, <sup>୧୫</sup> ଆତଃ କୁଲିକେଦ୍‌କଆଏ, “ଆଇଙ୍ଗ୍ ଇନିଃକେ ଆପେୟାଃ ତିଃଇରେ ଜିମାଈରେଦ ଆପେ ଆଇଙ୍ଗ୍‌କେ ଚିନାଃପେ ଏମାଈୟାଁ ?” ଏନ୍ତେ ଇନ୍‌କୁ ଇନିଃକେ ତିରିଗ୍‌ଠୁ ରୁପା ସିକା ଲେକାକେଦ୍‌ତେ ଏମ୍‌କିୟାକ । <sup>୧୬</sup> ଏନ୍ ହୁଲାଙ୍ଗ୍‌ତାଃଏତେ ଇନିଃ ଯୀଶୁକେ ସାବ୍‌ରିକାଇ ନାଗେନ୍ତେ ସୁୟୋଗ୍ ଦାଣ୍ଡାତାନାଏ ତାଇକେନା ।

ଯୀଶୁ ଆୟାଃ ଚେଲାଇଲଃ ପାସ୍କା ପାରାବ୍ ଜମେତାନାଏ  
(ମାର୍କ ୧୪:୧୨-୨୧; ଲୁକ ୨୨:୬-୧୩, ୨୧-୨୩; ଯୋହାନ୍ ୧୩:୨୧-୩୦)

<sup>୧୭</sup> ସାବାଃ ହଲ୍‌ଙ୍ଗ୍ ପାରାବ୍‌ରେୟାଃ ସିଦା ହୁଲାଙ୍ଗ୍‌ରେ ଚେଲାଇକ ଯୀଶୁତାଃତେ ହିଜୁଃକେଦ୍‌ତେ କୁଲିକିୟାକ, “ଆଲେ ଅକ୍‌ତାଃରେ ଆମାଃ ନାଗେନ୍ତେ ପାସ୍କା ପାରାବ୍‌ରେୟାଃ ଜମେୟାଈଲେ ବାଈୟା ମେନ୍ତେମ୍ ସାନାଙ୍ଗ୍‌ତାନା ?”

<sup>୧୮</sup> ଯୀଶୁ ଚେଲାଇକେ ମେତାଦ୍‌କଆ, “ଏନ୍ ନାଗାର୍‌ରେନ୍ ଜେତାଏ ହଡ଼ତାଃତେ ସେନ୍‌ପେ ଆତଃ ମେତାଇପେ, ‘ଗୁରୁ କାଜିତାନାଏ, ଆଇଁୟାଃ ନେତା ସେଚେରାକାନା,

\* ୨୨:୭ ୨୭:୭ ଲୁକ ୭:୩୭, ୩୮.

ଆଇଙ୍ଗ୍ ଆଇଁୟାଃ ଚେଲାକଲଃ ଆମାଃ ଅଡ଼ାଃରେ ପାସ୍କା ପାରାବ୍ ମାନାଅୟାଇଙ୍ଗ୍ ।”

୧୯ ଏନ୍ତେ ଚେଲାକ ଯୀଶୁ ଆଚୁକାଦ୍‌ଲେକା ରିକାକେଦାକ ଆଡ଼ଃ ପାସ୍କା ପାରାବ୍‌ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍‌ୟାନ୍ତି ଯୀଶୁ ଗେଲ୍‌ବାର୍ ଚେଲାକଲଃ ଜଜମ୍ ନାଗେନ୍ତେ ଦୁବ୍‌ୟାନାଏ । ୨୧ ଇନ୍‌କୁ ଜମ୍‌ତାଇକେନ୍ ଇମ୍‌ତା ଇନିଃ ମେତାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦନିଃ ଆଇଙ୍ଗ୍‌କେ ବାଇରିକଆଃ ଡ଼ିଃଇରେ ସାବ୍‌ରିକାଇଙ୍ଗ୍‌ୟାଏ ।”

୨୨ ଇନ୍‌କୁ ପୁରାଃଗି ହୁଡିଙ୍ଗ୍‌ଜାଉୟାନାକ ଆଡ଼ଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ୍ ତାନିଙ୍ଗ୍‌ତି ?” ମେନ୍ତେ ମିହୁଡ୍ ମିହୁଡ୍‌ତେ କୁଲି ଏଟେଦକିୟାକ ।

୨୩ ଆଡ଼ଃ ଯୀଶୁ କାଜିରୁହାଡ଼ାଦକଆଏ, “ଆଇଁୟାଃଲଃ କାଗୋରାରେ ଆୟାଃ ଡ଼ିଃଇ ସୁଉଃକାଦନିଃଗି ସାବ୍‌ରିକାଇଙ୍ଗ୍‌ୟାଏ । ୨୪ ପାବିତାର୍ ଅନଲ୍‌କରେ ଅଲ୍‌କାନ୍‌ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ଗଜଃଲାଗାତିୟାଃ । ମେନ୍‌ଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ ଡ଼ିଃଇରେ ସାବ୍‌ରିକାନିଃ ହାୟ୍ ହାୟ୍ ରିମିନ୍ ଦୁକୁନାମେୟାଏ । ଏନ୍ ହଡ୍ କାଏ ଜାନାମ୍‌କାନ୍‌ରେଦ ଇନିଃ ନାଗେନ୍ତେ ବୁଗିକାନ୍‌ଡେଆଃ ।”

୨୫ ଏନ୍ତେ ଯୀଶୁକେ ସାବ୍‌ରିକାଇନିଃ ଯିହୁଦା କାଜିରୁହାଡ଼କିୟାଏ, “ହେ ଗୁରୁ, ଇନିଃ ଆଇଙ୍ଗ୍ ତାନିଙ୍ଗ୍‌ତି ?”

ୟୀଶୁ ଇନିଃକେ କାଜିକିୟାଏ, “ହେଗି, ଆମ୍‌ଗି ତାନ୍‌ମେ ।”

ପ୍ରାଭୁ ଭୋଜ୍

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୬ ଚେଲାକ ଜମ୍‌ତାଇକେନ୍ ଇମ୍‌ତା ଯୀଶୁ ମିଆଁଦ୍ ହଲଙ୍ଗ୍ ଇଦିକେଦ୍‌ଡେ ଆଗିଷ୍‌କେଦାଏ ଆଡ଼ଃ ଏନାକେ କେଚାଃକେଦ୍‌ଡେ ଆୟାଃ ଚେଲାକକେ ଏମ୍‌କେଦ୍‌ଡେ ମେତାଦକଆଏ, “ନେ ଡେଲାଏପେ ଆଡ଼ଃ ଜମେପେ, ନେଆଁ ଆଇଁୟାଃ ହଡ଼ମ୍ ତାନାଃ ।”

୨୭ ଏନ୍ତେ ଇନିଃ କାଗୋରା ଇଦିକେଦ୍‌ଡେ ଆଗିଷ୍‌କେଦାଏ ଆଡ଼ଃ ଏନା ଇନ୍‌କୁକେ ଏମ୍‌କେଦ୍‌ଡେ ମେତାଦକଆଏ, “ଆପେ ସବେନ୍ ନେଆଁଏତେ ନୁଁଏପେ । ୨୮ ନେଆଁଦ ପାର୍‌ମେଶ୍ୱାର୍‌ଆଃ ରାଜିନାମାକେ ମୋହ୍‌ରକାଦ୍ ଆଇଁୟାଃ ମାୟୋମ୍ ତାନାଃ । ଅକ୍‌ନାଃଗି ପୁରାଃ ହଡ଼କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗିଆକାନା । ୨୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପୁଇଁୟାଃ ରାଇଜ୍‌ରେ ଆପେଲଃ ନାଝା ଦାଖ୍‌ରାସି ଆଉରିଙ୍ଗ୍ ନୁଁଇ ଜାକେଦ୍, ନାହାଁଃଏତେ ନେ ଦାଖ୍‌ରାସି ଆଡ଼ଃ ଚିଉଲାଅ କାଇଙ୍ଗ୍ ନୁଁଇଆ ।”

୩୦ ଏନ୍ତେ ଇନ୍‌କୁ ମାଇନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍‌ଡେ ଜାଇଡୁନ୍ ବୁରୁଡେକ ସେନଃୟାନା ।

ୟୀଶୁ ପାଡ଼ରାସକେ ଚେତାଇତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୩୧ ଏନ୍ତେ ଯୀଶୁ ଚେଲାକକେ କାଜିୟାଦକଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍‌ଡେ ନିର୍‌କଆଃପେ, ନେଆଁଦ ଧାରାମ୍‌ପୁଅୁରେ ଅଲ୍‌କାନା, ‘ପାର୍‌ମେଶ୍ୱାର୍ ଗୁପିନିଃକେ ଦାଲିୟାଏ ଆଡ଼ଃ ଗୋଟ୍‌ରେନ୍ ମିଣ୍ଡିକ ଛିତିବିତିୟଃଆ ।’ ୩୨ †ମେନ୍‌ଦ ଆଇଙ୍ଗ୍ ଜୀଉବିରିଦ୍‌କେଦ୍‌ଡେ ଗାଲିଲ୍ ପାର୍‌ଗାନ୍‌ଡେ ଆପେଏତେ ଆୟାର୍‌ରେଇଙ୍ଗ୍ ସେନାଃ ।”

☆ ୨୭:୩୨ ୨୭:୩୨ ମାଥିଉ ୨୮:୧୭.

୩୩ ଆତ୍ମ ପାତ୍ରରାସ୍ ଯୀଶୁକେ କାଜିକିୟାଏ, “ଏଟାଠକ ବାଗିତାମ୍ରେହ୍, ଆଇଙ୍ଗ୍ ଆମ୍ବେ କାଇଙ୍ଗ୍ ବାଗିମେଆ ।”

୩୪ ଯୀଶୁ ପାତ୍ରରାସ୍ କେ କାଜିକିୟାଏ, “ଆଇଙ୍ଗ୍ ସାର୍ତିଗିଙ୍ଗ୍ କାଜିୟାମ୍ତାନା, ନେ ନିଦାରେ ସାଣ୍ଡିସିମକ ରାଃଏ ସିଦାରେ ଆମ୍ ଆଇଙ୍ଗ୍ କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୫ ପାତ୍ରରାସ୍ ଇନିଃକେ କାଜିରୁହାଡ୍ କିୟାଏ, “ଆଇଙ୍ଗ୍ କେ ଆମାଃଲଃ ଗଜଃ ଲାଗାଡିଙ୍ଗ୍ରେୟ ଆଇଙ୍ଗ୍ ଆମ୍ବେ କାଇଙ୍ଗ୍ ସାରିୟା ମେନ୍ତେ କାଇଙ୍ଗ୍ କାଜିୟା,” ଆତ୍ମ ସବେନ୍ ଏଟାଃ ଚେଲାଇହ୍ ଏନ୍ଲେକାଗି କାଜିକେଦାକ ।

ଗେଥ୍ସିମାନି ବାଖ୍ଡିରେ ଯୀଶୁଆଃ ବିନ୍ତି  
(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏନ୍ତେ ଯୀଶୁ ଆୟାଃ ଚେଲାଇଲଃ ଗେଥ୍ସିମାନି ନୁତୁମ୍ ମିଆଁଦ୍ ବାଖ୍ଡିଡେକ ସେନଃୟାନା, ଆତ୍ମ ଇନିଃ ଇନ୍ କୁକେ ମେତାଦକଆଏ, “ଆଇଙ୍ଗ୍ ଏନ୍ତାଃରେ ବିନ୍ତି ଜାକେଦ୍ ଆପେ ନେତାଃରେ ଦୁଦ୍ପେ ଆତ୍ମ ବିନ୍ତିପେ ।” ୩୭ ଇନିଃ ପାତ୍ରରାସ୍ ଆତ୍ମ ଜେବଦୀୟାଃ ବାରାନ୍ ହନ୍ କିନ୍ କେ ଆୟାଃଲଃ ଇଦିକେଦକଆଏ, ଆତ୍ମ ଇନିଃ ପୁରାଃଗି ଦୁକୁଡେ ଆକୁଲ୍ ବାକୁଲ୍ ଯାନା, ୩୮ ଆତ୍ମ ଇନିଃ ଇନ୍ କୁକେ କାଜିୟାଦକଆଏ, “ଜାତତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନକାନ୍ ପେ ଆତ୍ମ ଆଇଁୟାଃଲଃ ଏୟନାକାନ୍ ତାଇନ୍ ପେ ।”

୩୯ ଆତ୍ମ ଯୀଶୁ କାଟିଃ ସାଜିନ୍ ସେନ୍ କେଦ୍ ଥେରେ ଇକ୍ଡୁୟାନ୍ ଲଃ ଅମ୍ବାଃୟାନାଏ ଆତ୍ମ ବିନ୍ତିକେଦାଏ, “ହେ ଆବା, ହବାଦାଡିୟଃରେଦ୍ ନେ ଦୁକୁରାଃ କାଟୋରା ଆଇଙ୍ଗ୍ ତାଃଏଡେ ଇଦିୟଃକା, ଏନ୍ରେୟ ଆଇଁୟାଃ ମନେଲେକାଦ୍ କା ମେନ୍ଦ୍ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ଯୀଶୁ ଚେଲାଇତାଃ ରୁହାଡ୍ ଯାନ୍ତି ଇନ୍ କୁକେ ଦୁଡ୍ ଫୁକାନ୍ ନାମ୍ବେଦକଆଏ, ଆତ୍ମ ପାତ୍ରରାସ୍ କେ କାଜିକିୟାଏ, “ଆପେ ଆଇଁୟାଃଲଃ ମିଦ୍ ଘାଣ୍ଟାହ୍ ଏୟନ୍ କେଦ୍ କାପେ ତାଇନ୍ ଦାଡିକେନା ? ୪୧ ବିଡାଅରେ ଆଲ୍ ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍ ପେ ଆତ୍ମ ବିନ୍ତିପେ । ଆମ୍ ଦ ସାନାଙ୍ଗ୍ ତାନାଏ, ମେନ୍ଦ୍ ହଡ୍ ମ ନାରାଦୁରାଗିୟାଃ ।”

୪୨ ଇନିଃ ଆତ୍ମଃମିସା ସେନଃୟାନାଏ ଆତ୍ମ ବିନ୍ତିକେଦାଏ, “ହେ ଆଇଁୟାଃ ଆବା, ଆଇଙ୍ଗ୍ କାଇଙ୍ଗ୍ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗ୍ ତାଃଏଡେ କା ଇଦି ଦାଡିୟଃରେଦ୍, ଆମାଃ ମନେ ଲେକାଗି ହବାଅଃକା ।” ୪୩ ଇନିଃ ଇନ୍ କୁତାଃ ହିଜୁଃରୁହାଡ୍ ଯାନ୍ତି ଆତ୍ମଃମିସା ଦୁଡ୍ ଫୁକାନ୍ ନାମ୍ବେଦକଆଏ, ଚିୟାଃଗି ଇନ୍ କୁଦ୍ ଦୁଡ୍ ଫୁଡେ ମେଦ୍ ତାକଆଃ ଆରିଦ୍ କାକ ଦାଡିତାଇକେନା ।

୪୪ ଯୀଶୁ ଇନ୍ କୁକେ ବାଗିକେଦ୍ ଥେ ଆତ୍ମଃଗି ସେନଃୟାନା ଆତ୍ମ ଏନ୍ ଲେକାଗି ଆପିସାଏ ବିନ୍ତିକେଦା । ୪୫ ଏନ୍ତେ ଇନିଃ ଆୟାଃ ଚେଲାଇତାଃ ହିଜୁଃକେଦ୍ ଇନ୍ କୁକେ ମେତାଦକଆ, “ନାହାଃ ଜାକେଦ୍ ଚିପେ ଦୁଡ୍ ଫୁତାନା ଆତ୍ମ ରୁଡ୍ ନୁତାନା ? ନେଲେପେ, ଆଇଙ୍ଗ୍ ମାନଃହନ୍ ପାପିକଆଃ ଡିଃରେ ସାବ୍ରିକାଅଃତାନା ଇଙ୍ଗ୍ । ୪୬ ବିରିଦ୍ ପେ, ଦଲାବୁ ସେନଆଃ ! ନେଲିପେ, ଆଇଙ୍ଗ୍ କେ ସାବ୍ରିକା ଇଙ୍ଗ୍ ନିଃ ସେଚେରାକାନାଏ ।”

ଯୀଶୁକେକ ସାବିତାନା  
(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ଯୀଶୁ ନେଆଁ କାଜିତାନ୍ ଇମ୍ତାଗି ଗେଲ୍ ବାର୍ ଚେଲାଇଏଡେ ମିଆଁଦ୍ ନିଃ ଯିହୁଦା ନୁତୁମ୍ ଚେଲା ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡ୍ କ ତାରାଡ୍ ଡି

ଆତ୍ମ ଭଙ୍ଗାଟକ ସାବକେଦତେ ହିଜୁଃୟାନାକ । ମୁଲ୍ ଯାଜାକ୍ ଆତ୍ମ ପ୍ରାଚିନ୍ଦକ  
ଇନ୍କୁକେ କୁଲ୍ଲାକାଦକ ତାଇକେନା । ୪୮ “ଆଇଙ୍ଗ୍ ଅକ୍ନିଃକେ ତଅଃଇଙ୍ଗ୍  
ଇନିଃକେଗି ସାବକିତେ ତଲିପେ” ମେନ୍ତେ ଯୀଶୁକେ ସାବ୍ରିକାନିଃ ଯିହୁଦା ଏନ୍  
ଗାଦେଲ୍ ହଡକକେ ଚିହ୍ନା ଏମାକାଦକ ତାଇକେନାଏ ।

୪୯ ଯିହୁଦା, ଯୀଶୁଆଃ ନାତେଃ ସେନ୍କେଦତେ, “ହେ ଗୁରୁ, ଜହାର୍” ମେତାଇୟାଏ  
ଆତ୍ମ ଇନିଃକେ ତଅଃକିୟାଏ ।

୫୦ ଯୀଶୁ କାଜିରୁହାଡକିୟାଏ, “ଏ ଗାତି ଆମ୍ ଅକନ୍ କାମିନାଙ୍ଗ୍ ହିଜୁଆକାନାମ୍  
ଏନା ଚିକାଧାବେମେ ।”

ଏନ୍ତେ ଇନ୍କୁ ନାତେଃ ହିଜୁଃକେଦତେ ଯୀଶୁକେ ସାବକେଦତେ ତଲ୍ଲକିୟାଃକ ।  
୫୧ ଯୀଶୁଲଃ ତାଇକେନ୍ ହଡକଏତେ ମିହୁଡ୍ ଆୟାଃ ତାରାଉଡି ଅତଙ୍ଗକେଦତେ  
ମାରାଙ୍ଗ୍ ଯାଜାକରାଃ ଦାସିଆଃ ଲୁଡୁରକେ ମାଆଃ ଖାଣ୍ଡାଅକେଦାଏ । ୫୨ ଯୀଶୁ  
ଇନିଃକେ କାଜିକିୟାଏ, “ଆମାଃ ତାରାଉଡିକେ ଖାପ୍ରେ ଦହଏମେ, ଚିୟାଃତି  
ତାରାଉଡି ସାବକେଦତେ କାମିତାନ୍ ସବେନ୍ଦକଦ ତାରାଉଡିତେକ ଗଜଃଆ ।  
୫୩ ଆପେ ଚିନାଃ କାପେ ସାରିତାନା, ଆଇଁୟାଃ ଆପୁଇଙ୍ଗକେ ବିକ୍ରିଲେରେ, ଇନିଃ  
ଚିନାଃ ଆଇଁୟାଃ ନାଗେନ୍ତେ ଇମ୍ତାଗି ଗେଲ୍ବାର୍ ଫାଉଦତାଃଏତେ ଆଦକା  
ଦୁଡକକେ କାଏ କୁଲ୍ଲଦାଡିୟା ? ୫୪ ମେନ୍ଦ ନେ ଲେକାତେ ହବାଅଃଗି  
ଲୀଗାଡିଙ୍ଗ୍ୟାଃ ମେନ୍ତେ ଧାରାମ୍ପୁଅରେ ଅଲ୍ଲାକାନ୍ତେୟାଃ ଚିଲ୍ଲକାତେ ପୁରାଅଃଆ ।”

୫୫ ଏନ୍ ଦିପିଲିରେ ଯୀଶୁ ଗାଦେଲ୍ ହଡକକେ ମେତାଦକଆ, “ଚିୟାଃ  
କୁମ୍ପୁତୁ ଲେକା ସାବିଙ୍ଗ୍ ନାଗେନ୍ତେ ତାରାଉଡିକ ଆତ୍ମ ଭଙ୍ଗାଟକ ସାବକେଦତେ  
ହିଜୁଃକାନାପେ ? ଆଇଙ୍ଗ୍ ସବେନ୍ ହୁଲ୍ଲାଙ୍ଗ୍ ମାନ୍ଦିର୍ ଅଡ଼ାଃରେ ଦୁବକେଦତେ ଇଡୁକ  
ତାଇକେନାଇଙ୍ଗ୍ ଆତ୍ମ ଆପେ ଆଇଙ୍ଗକେ କାପେ ସାବକେଦିୟା । ୫୬ ମେନ୍ଦ  
ଧାରାମ୍ପୁଅରେ ନାବୀକ ଅଲ୍ଲାକାଦତେୟାଃ ପୁରାଅଃ ନାଗେନ୍ତେ ନେ ସବେନାଃ  
ହବାୟାନା ।”

ଏନ୍ତେ ସବେନ୍ ଚେଲକ ଇନିଃକେ ବାଗିକିୟାକ ଆତ୍ମ ନିର୍ୟାନାକ ।

ଯିହୁଦୀକଆଃ ପାଞ୍ଚେଟ୍ରେ ଯୀଶୁଆଃ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୧; ଯୋହାନ୍ ୧୮:୧୩, ୧୪, ୧୯-୨୪)

୫୬ ଯୀଶୁକେ ସାବାକାଇ ହଡକ ଇନିଃକେ କାୟଫା ମାରାଙ୍ଗ୍ ଯାଜାକଆଃ  
ଅଡ଼ାଃତେକ ଇଦିକିୟା, ଏନ୍ତାଃରେ ଆଇନ୍ ଇଡୁକ ଆତ୍ମ ପ୍ରାଚିନ୍ଦକ ହୁଣ୍ଡିୟାକାନ୍ଦକ  
ତାଇକେନା । ୫୮ ମେନ୍ଦ ପାଡରାସ ସାଙ୍ଗିନ୍ଏତେ ମାରାଙ୍ଗ୍ ଯାଜାକଆଃ ଅଡ଼ାଃରାଚା  
ଜାକେଦ୍ ଅତଙ୍ଗକେଦକଆଏ ଆତ୍ମ ଟୁଣ୍ଡୁରେ ଚିନାଃ ହବାଅଆଃ ଏନା ନେନେଲ୍  
ନାଗେନ୍ତେ ଇନିଃ ଭିତାର୍ ବଲକେଦତେ ଏନ୍ତାଃରେ ଦାରଖାନ୍ଦକଲଃ ଦୁବ୍ୟାନାଏ ।

୫୯ ମୁଲ୍ ଯାଜାକ୍ ଆତ୍ମ ଯିହୁଦୀ ପାଞ୍ଚେଟ୍ରେନ୍ ସବେନ୍ଦକ ଯୀଶୁକେ ଗଗଏଃ  
ନାଗେନ୍ତେ ହସଡ୍ ଗାଞ୍ଜାକ ଦାଣାଁବାଡା ତାଇକେନା । ୬୦ ମେନ୍ଦ ପୁରାଃ ହଡକ  
ହସଡ୍ ଗାଞ୍ଜାକ ଏମ୍କେଦରେୟ ଜେଡନାଃ କାକ ନାମକେଦା, ଏନ୍ତେ ଟୁଣ୍ଡୁରେ  
ବାରହଡ୍ ଆୟାର୍ତେ ହିଜୁଃକେଦତେ କାଜିକେଦାକିନ୍, ୬୧ “ନେ ହଡ କାଜିକାଦ୍  
ତାଇକେନାଏ, ‘ଆଇଙ୍ଗ୍ ପାର୍ମେଶ୍ୱାର୍ଆଃ ମାନ୍ଦିର୍ ଅଡ଼ାଃକେ ହାଦୁଡକେଦତେ  
ଆପିମାରେ ଏନାକେ ବାଇରୁହାଡ୍ ଦାଡିୟାଇଙ୍ଗ୍ ।”

୬୨ ଏନ୍ତେ ମାରାଙ୍ଗ୍ ଯାଜାକ୍ ବିରିଦ୍ୟାନାଏ ଆତ୍ମ ଯୀଶୁକେ କାଜିକିୟା, “ନେ  
ହଡକ ଆମାଃ ବିରୁଧରେ ଗାଞ୍ଜାକ ଏମ୍ତାନା, ଆମ୍ ଚିକାନାଙ୍ଗ୍ ଇନ୍କୁକେ କାମ୍  
କାଜିରୁହାଡକତାନା ?” ୬୩ ମେନ୍ଦ ଯୀଶୁ ହାପାକାନ୍ ତାଇକେନାଏ, ଇମ୍ତା  
ମାରାଙ୍ଗ୍ ଯାଜାକ୍ ଆତ୍ମଗି କାଜିକିୟାଏ, “ଆଇଙ୍ଗ୍ ଜୀନିଦ୍ ପାର୍ମେଶ୍ୱାର୍ଆଃ

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭. ☆ ୨୭:୬୧ ୨୭:୬୧ ଯୋହାନ୍ ୨:୧୯.

ନୁହେଁ କିରିୟାନ୍ତାନଲଃ କୁଲିମେ ତାନାଇଙ୍ଗ୍, ସାର୍ତିଗି କାଜିୟାଲେମ୍, ଆମ୍ ପାର୍ମେଶ୍ୱାର୍ଆଃ ହନ୍ ଶ୍ରୀଷ୍ଟ୍ ତାନମେତି ?”

୨୪ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍ଦ ଆଇଙ୍ଗ୍ ଆପେ ସବେନ୍କକେ କାଜିୟାପେ ତାନାଇଙ୍ଗ୍, ନାହାଁଃଏତେ ଆପେ ମାନଞ୍ଜାହନ୍ଦକେ ସବେନ୍ ପେଡ଼େୟାନ୍ ପାର୍ମେଶ୍ୱାର୍ଆଃ ଜମ୍ତିସାଃରେ ଦୁବାକାନ୍ ଆତଃ ସିମ୍ପାଠାଃ ରିମିଲ୍ରେ ହିଜୁଃତାନପେ ନେଲିୟା ।”

୨୫ ଏନ୍ତେ ମାରାଙ୍ଗ୍ ଯାଜାକ୍ ଆୟାଃ ଲିଜାଃ ଚେଟାଃକେଦ୍ରେ କାଜିକେଦାଏ, “ନିଃଦ ପାର୍ମେଶ୍ୱାର୍ଆଃ ହିଲାଇଙ୍ଗ୍ କାଜିକେଦା, ଆତଃ ଆବୁକେ ଚିକାନ୍ ଗାଞ୍ଜା ଲାଗାତିଙ୍ଗ୍ୟାଃ ? ନେଲେପେ, ଆପେଦ ନାହାଁଃଗି ପାର୍ମେଶ୍ୱାର୍ଆଃ ନିନ୍ଦାକାଜିପେ ଆୟୁମ୍କେଦା, ୨୬ ଆପେ ଚିନାଃପେ ଉଡ଼ୁତାନା ?”

ଇନ୍କୁ କାଜିରୁହାଡ଼କେଦାକ, “ଇନିଃ ଚିଟାକାନ୍ନିଃ ତାନିଃ, ଇନିଃକେ ଗଜଃ ଲାଗାତିଙ୍ଗ୍ୟାଃ ।”

୨୭ ଏନ୍ତେ ଇନ୍କୁ ଇନିୟାଃ ମେଦ୍ମୁହାଁଡ଼ରେ ବେଏକ୍କିତେ ଦାଲ୍ଲକିୟାକ ଆତଃ ଏଟାଃକ ଆପ୍ତିତାନଲଃ ୨୮ କାଜିକିୟାକ, “ଏ ଶ୍ରୀଷ୍ଟ୍ ! ଆମ୍ ପରେ ନାବୀ ତାନମେ, ମାର୍ କାଜିଲେମେ, ଆମ୍କେ ଅକଏ ଦାଲ୍ଲମେତାନାଏ ?”

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିୟା ମେନ୍ତେ ଦଦାଦ୍ୟାନାଏ  
(ମାର୍କ ୧୪:୨୭-୨୭; ଲୁକ ୨୨:୫୭-୨୭; ଯୋହାନ୍ ୧୮:୧୫-୧୮, ୨୫-୨୭)

୨୯ ପାଡ଼ରାସ୍ ବାହାରି ଅଡ଼ାଃରାଚାରେ ଦୁବାକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍ରାଃ ମିଆଁଦ୍ କାମ୍ତି ଇନିୟାଃ ନାଡ଼େଃରେ ହିଜୁଃକେଦ୍ରେ କାଜିକିୟାଏ, “ଆମ୍ ହ ଗାଲିଲ୍ରେନ୍ ଯୀଶୁଲଃ ତାଇକେନାମ୍ ।”

୩୦ ମେନ୍ଦ ପାଡ଼ରାସ୍ ସବେନ୍କଆଃ ସାମ୍ନାଙ୍ଗ୍ରେ ଦଦାଦ୍\*ତାନଲଃ କାଜିରୁହାଡ଼କିୟାଏ, “ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ସାରିୟା ।” ୩୧ ଆତଃ ଇନିଃ ବାହାରି ଅଡ଼ାଃରାଚାରେୟାଃ ବଲ୍ଦୁଆର୍ତାଃରେ ସେନଃୟାନା । ଆତଃମିଆଁଦ୍ କାମ୍ତି ଇନିଃକେ ନେଲ୍କେଦ୍ରେ ଏନ୍ତାଃରେ ତାଇକାନ୍ ହଡ଼କକେ ମେତାଦ୍କଆ, “ନିଃଦ ନାଜ୍ରେଡ଼ରେନ୍ ଯୀଶୁଲଃ ତାଇକେନାଏ ।”

୩୨ ଇନିଃ ଆତଃମିସା କିରିୟାତାନଲଃ ଦଦାଦ୍ୟାନାଏ ଆତଃ କାଜିକେଦାଏ, “ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା ।”

୩୩ ଘାଡ଼ିକାଦ୍ ତାୟମ୍ତେ ନାଡ଼େଃରେ ତିଙ୍ଗୁଆକାନ୍କ ପାଡ଼ରାସ୍ତାଃରେ ସେନ୍କେଦ୍ରେ କାଜିକିୟାକ, “ଆମ୍ ହ ସାର୍ତିଗି ଇନ୍କୁଏତେ ମିଆଁଦ୍ନିଃ ତାନମେ, ଚିୟାଃଗି ଆମାଃ ଜାଗାର୍ ଉଦୁବେତାନା ।”

୩୪ ଏନ୍ତେ ପାଡ଼ରାସ୍ କାଜିକେଦାଏ, “ଆଇଙ୍ଗ୍ କିରିୟାକେଦ୍ରେ ସାର୍ତିଗି କାଜିତାନାଇଙ୍ଗ୍, କାହାରେଦ ପାର୍ମେଶ୍ୱାର୍ ଆଇଙ୍ଗ୍କେ ସାଜାଇ ଏମାଲ୍କକାଏ, ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା,”

ଇମ୍ତାଙ୍ଗି ସାଣ୍ଡିସିମ୍ ରାଆଃକେଦାଏ, ୩୫ ଆତଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଇଙ୍ଗ୍କେ ଆପିସା କାଇଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯୀଶୁ କାଜିକାଇ କାଜିକେ ପାଡ଼ରାସ୍ ପାହାମ୍କେଦାଏ ଆତଃ ଇନିଃ ଅଡ଼ଙ୍ଗ୍କେଦ୍ରେ କୁସୁଦ୍ କୁସୁଦ୍ତାନ ରାଆଃକେଦାଏ ।

\* ୨୭:୨୦ ୨୭:୨୦ ଅସ୍ୱୀକାର୍

**୨୭**

ୟୀଶୁକେ ପିଲାତୁସ୍ତାଃତେ ଇଦିକିୟାକ

(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୯ ସେତାଃ ଇଦାନରେ ସବେନ୍ ମୁଲ୍ ଯାଜାକ୍ ଆତଃ ହଡକଆଃ ପ୍ରାଚିନ୍ଦକ ଯୀଶୁକେ ଗଜି ନାଗେନ୍ତେକ ରଜୋଟକେଦା । ୯ ଇନ୍କୁ ଯୀଶୁକେ ସିକ୍ତୈତେ ତଲକେଦତେ ରୋମିରେନ୍ ଲାଟ୍‌ସାହେବ୍ ପିଲାତୁସ୍ତାଃତେକ ଜିମାକିୟା ।

ଯିହୁଦାରାଃ ଗନଏଃ

(ପ୍ରେରିତ୍ ୧:୧୮-୧୯)

୩ \*ବାଇରିକଆଃ ତିଃଇରେ ସାବ୍ରିକାକାଇ ଯିହୁଦା, ଯୀଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମକେଦତେ ହେୟାଡିଙ୍ଗକେଦା ଆତଃ ଏନ୍ ତିରିଶ୍ଟୁ ରୁପା ସିକା ରୁହାଡ୍ ନାଗେନ୍ତେ ମୁଲ୍ ଯାଜାକ୍ ଆତଃ ପ୍ରାଚିନ୍ଦକତାଃ ଆଉକେଦାଏ । ୪ ଆତଃ କାଜିକେଦାଏ, “ଆଇଙ୍ଗ୍ ମିହୁଡ୍ କା ଚିଟାଃଅ ହଡକେ ଗଏଃ ନାଗେନ୍ତେ ବାଇରିକଆଃ ତିଃଇରେ ଜିମାକେଦତେ ପାପ୍‌କାଦାଇଙ୍ଗ୍,”

ମେନ୍ଦ ଇନ୍କୁ କାଜିରୁହାଡ୍‌କିୟାକ, “ଏନାରେ ଆଲେ ତିନାଃ ଚିକାୟାଲେ ? ଏନା ଆମ୍‌ଗି ସାରିମେ !”

୫ ଯିହୁଦା ଏନ୍ ସିକାକେ ମାନ୍ଦିର୍ ଅଡ଼ାଃରେ ହୁଦ୍‌ମାକେଦତେ ସେନଃୟାନା ଆତଃ ଆଇଃକ୍‌ଗି ହାକା ଗଏଃୟାନାଏ ।

୬ ମୁଲ୍ ଯାଜାକ୍ ଏନ୍ ସିକା ଆଉକେଦତେ କାଜିକେଦାକ, “ନେଆଁଦ ମାୟୋମରେୟାଃ ଟାକା ତାନାଃ, ଆଇନ୍ ଲେକାତେ ନେଆଁକେ ମାନ୍ଦିର୍ ଅଡ଼ାଃରେୟାଃ ଖୁଜ୍ ଅଡ଼ାଃରେ ଦହ ନାଙ୍ଗ୍ କା ବୁଗିନାଃ ।” ୭ ଏନ୍ତେ ଇନ୍କୁ ନେ ବିଷାଏରେ ସାଲ୍‌ହାକେଦତେ, ଏଟାଃ ଦିଶ୍ଟୁମରେନ୍‌କକେ ତପାକ ନାଗେନ୍ତେ ଏନ୍ ଟାକାତେ କୁମ୍‌ସାରଆଃ ଅତେକେ କିରିଙ୍ଗକେଦାକ । ୮ ଏନାମେନ୍ତେ ଏନ୍ ଅତେକେ ତିସିଙ୍ଗ୍ ଜାକେଦ୍ “ମାୟୋମରେୟାଃ ଅତେ” ମେନ୍ତେକ କାଜିତାନା ।

୯ ଏନ୍ତେ ନେ ବିଷାଏରେ ଯିରିମିୟ ନାବୀ କାଜିକାଦ୍ କାଜି ପୁରାୟାନା, “ଇସ୍ରାଏଲରେନ୍ ହଡକ ଇନିୟାଃ ନାଙ୍ଗ୍ ଠାହାରାଅକାଦ୍ ଗନଙ୍ଗକେ ଚାଏ ଏନ୍ ତିରିଶ୍ଟୁ ରୁପା ସିକା ଇଦିକେଦତେ, ୧୦ ଆଇଁୟାଃ ପ୍ରାଭୁଆଃ ଆରୁ ଲେକା ଇନ୍କୁ କୁମ୍‌ସାରଆଃ ଅତେକ କିରିଙ୍ଗକେଦା ।”

ୟୀଶୁକେ ପିଲାତୁସ୍ତାଃ କୁନୁଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯୀଶୁକେ ରୋମିରେନ୍ ଲାଟ୍‌ସାହେବ୍ ପିଲାତୁସ୍ତାଃ ସାମ୍‌ନାଙ୍ଗ୍‌ରେ ତିଙ୍ଗକିୟାକ, ଆତଃ ଲାଟ୍‌ସାହେବ୍ ଇନିଃକେ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

ୟୀଶୁ କାଜିରୁହାଡ୍‌କିୟାଏ, “ହେଗି, ଆମ୍‌ଗି କାଜିତାନାମ୍ ।” ୧୨ ମୁଲ୍ ଯାଜାକ୍ ଆତଃ ପ୍ରାଚିନ୍ଦକ ଇନିଃକେ ଚିଟାଇତାନ୍ ଇମ୍‌ତା ଇନିଃ ଜେଡ୍‌ନାଃ କାଏ କାଜିରୁହାଡ୍‌କେଦା ।

୧୩ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଇନ୍କୁ ଆମାଃ ବିରୁଧ୍‌ରେ ଚିଟାନାଙ୍ଗ୍ ପୁରାଃ ଗାଞ୍ଜାକ ଏମ୍‌ତାନା ଏନା ତିନାଃ କାମ୍ ଆୟୁମେତାନା ?”

୧୪ ମେନ୍ଦ ଯୀଶୁ ମିଆଁଦ୍ କାଜିୟ କାଏ କାଜିକେଦା, ଏନାମେନ୍ତେ ଲାଟ୍‌ସାହେବ୍ ପୁରାଃଗି ଆକ୍‌ଦାନ୍‌ଆୟାନା ।

\* ୨୭:୩ ୨୭:୩ ପ୍ରେରିତ୍ ୧:୧୮,୧୯.



ୟୀଶୁଆଃ ଗନଏଃ ବିଚାର୍

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍‌ସାହେବ୍‌ଆଃ ରିଡିଲେକାତେ ପାସ୍କା ପାରାବ୍ ଦିପିଲିରେ ଗାଦେଲ୍ ହଡକଆଃ ମନେଲେକା ମିଆଁଦ୍ ଜେହେଲକାନ୍‌ନିଃକେ ଇନ୍‌କୁଆଃ ନାଗେନ୍ତେ ଆଡାଗାକତାନ୍ ତାଇକେନାଏ । ୧୬ ଏନ୍ ଦିପିଲିରେ ବାରବ୍‌ବା\* ନୁତୁମ୍ ମିଆଁଦ୍ ନାମିକୁମ୍‌ତୁ ଜେହେଲ୍‌ରେ ତାଇକେନାଏ । ୧୭ ଏନ୍ତେ ଇନ୍‌କୁ ହୁଣ୍ଡିକାନ୍ ତାଇକେନ୍ ଇମ୍‌ତା ପିଲାତୁସ୍ ଇନ୍‌କୁକେ କୁଲିକେଦକଆଏ, “ଆଇଙ୍ଗ୍ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍‌ତାନା ? ବାରବ୍‌ବାକେ ତି ଖ୍ରୀଷ୍ଟ୍ ନୁତୁମ୍‌ତାନନ୍ ଯୀଶୁକେ ?” ୧୮ ତିୟାଃତି ଯିହୁଦୀକଆଃ ପ୍ରାତିନ୍‌କ ହିସ୍‌ଙ୍ଗାତେ ଇନିଃକେକ ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

୧୯ ପିଲାତୁସ୍ ବିଚାର୍ ଠାୟାଦରେ ଦୁବାକାନ୍ ତାଇକେନ୍ ଇମ୍‌ତା ଆୟାଃ କୁଡି, “ଏନ୍ ଧାର୍‌ମାନ୍ ହଡକେ ଜେଡ୍‌ନାଃ ଆଲମ୍ ରିକାଇୟା, ତିୟାଃତି ଇନିୟାଃ ନାଗେନ୍ତେ ଆଇଙ୍ଗ୍ କୁମ୍‌ରେ ତସିଙ୍ଗ୍ ନିଦାରେ ପୁରାଃଗି ଦୁକୁଇଙ୍ଗ୍ ନାମାକାଦା” ମେନ୍ତେ କାଜି କୁଲିକେଦାଏ ।

୨୦ ମେନ୍‌ଦ ମୁଲ୍ ଯାଜାକ୍‌କ ଆଡ଼ଃ ପ୍ରାତିନ୍‌କ ବାରବ୍‌ବାକେ ଆସି ନାଙ୍ଗ୍ ଆଡ଼ଃ ଯୀଶୁକେ ଗଜି ନାଗେନ୍ତେ ଗାଦେଲ୍ ହଡକକେ ଉସ୍‌କୁରକେଦକଆକ । ୨୧ ମେନ୍‌ଦ ରୋମିରେନ୍ ଲାଟ୍‌ସାହେବ୍ ଗାଦେଲ୍ ହଡକକେ କୁଲିକେଦକଆଏ, “ନେ ବାରାନ୍‌କିନ୍‌ଏତେ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍‌ତାନା ?”

ଇନ୍‌କୁ “ବାରବ୍‌ବାକେ” ମେନ୍ତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଖ୍ରୀଷ୍ଟ୍ ନୁତୁମ୍ ଯୀଶୁକେ ଆଇଙ୍ଗ୍ ତିନାଃ ଚିକାଇୟାଇଙ୍ଗ୍ ?”

ଇନ୍‌କୁ ସବେନ୍‌କ କାଉରିକେଦତେ କାଜିରୁହାଡ଼କିୟା, “ଇନିଃକେ କୁଗ୍‌ରେ କିଲାଇମେ ।”

୨୩ ମେନ୍‌ଦ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଚିକାନାଙ୍ଗ୍ ଇନିଃ କିଲାଝାଏଃ ଚିକାନ୍ ଗୁଣ୍ଡା ରିକାକାଦାଏ ?”

ମେନ୍‌ଦ ଇନ୍‌କୁ ପୁରାଃତେକ କାଉରିକେଦା, “କୁଗ୍‌ରେ କିଲାଅଃକାଏ ।”

୨୪ ଏନ୍ତେ ପିଲାତୁସ୍ ଜେଡ୍‌ନାଃ ରିକା କାଏ ଦାଡିକେନା, ମେନ୍‌ଦ ଆଦକା ପୁରାଃ ହାଲାଗୁଲାଅଃତାନା, ନେଆଁ ଆର୍‌କାର୍‌କେଦତେ ଦାଆଃ ଆଉକେଦାଏ ଆଡ଼ଃ ଗାଦେଲ୍ ହଡକଆଃ ସାମ୍‌ନାଙ୍ଗ୍‌ରେ ଆୟାଃ ତିଃଇ ଆବୁଙ୍ଗ୍‌କେଦତେ କାଜିକେଦାଏ, “ନେ ହଡଆଃ ଗନଏଃ ମାୟୋମ୍‌ରେ ଆଇଙ୍ଗ୍ କାଇଙ୍ଗ୍ ଚିଟାନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହଡକ କାଜିରୁହାଡ଼କିୟାକ, “ୟୀଶୁଆଃ ଗନଏଃରାଃ ଗୁଣ୍ଡା ଆଲେୟାଃରେ ଆଡ଼ଃ ଆଲେୟାଃ ହନ୍‌କଆଃରେ ଠଗଃକା ।”

୨୬ ଏନ୍ତେ ପିଲାତୁସ୍ ବାରବ୍‌ବାକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍‌ଦ ଯୀଶୁକେ ହାଁଶସା ରିକାକେଦତେ କୁଗ୍‌ରେ କିଲାଅଃକାଏ ମେନ୍ତେ ସିପାଇକଆଃ ତିଃଇରେ ଜିମାକିୟାଏ ।

ୟୀଶୁକେ ସିପାଇକ ଲାନ୍‌ଇତାନା

(ମାର୍କ ୧୫:୧୭-୨୦; ଯୋହାନ୍ ୧୯:୨-୩)

୨୭ ଏନ୍ତେ ପିଲାତୁସ୍‌ଆଃ ସିପାଇକ ଯୀଶୁକେ ରୋମିରେନ୍ ଲାଟ୍‌ସାହେବ୍‌ଆଃ ଅଡ଼ାଃ ଭିତାର୍‌ତେ ଇଦିକେଦତେ ଗଟା ପାଲ୍‌ଟାନ୍‌କରେନ୍‌କକେ ହୁଣ୍ଡିକେଦକଆକ

\* ୨୭:୧୭ ୨୭:୧୭ ଚିମିନ୍ ମାରି ଅନଲ୍‌ରେ ଇନିୟାଃ ନୁତୁମ୍ ଯୀଶୁ ବାରବ୍‌ବାସ୍ ଅଲ୍‌କାନା

। ୨୮ ଇନକୁ ଇନିୟାଃ ଲିଜାଃ ହଲେଃକକେଦତେ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗକିୟା । ୨୯ ଏନ୍ତେ ଜାନୁମ୍ କତ ଗାଲାଙ୍ଗକେଦତେ ମୁକୁଟକ ବାଇକେଦା ଏନ୍ତେ ଇନିୟାଃ ବହଃରେକ ଚୁପୁରିକିଆ ଆତଃ ଇନିୟାଃ ଜମ୍ ତିଃରେ ମିଆଁଦ୍ ସଟାକ ଏମକିୟା ଆତଃ ଇନିୟାଃ ଆୟାଃରେ ଇକ୍ତମୁକେଦତେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଇନମେ” ମେନ୍ତେ କାଜିକେଦତେ ଇନିଃକେକ ଲାୟାକିୟା । ୩୦ ଆତଃ ଇନକୁ ଇନିଃକେ ବେଏକ୍କିୟାକ ଆତଃ ଏନ୍ ପାଇପ୍ ଇଦିକେଦତେ ଇନିୟାଃ ବହଃରେକ ଦାଲ୍ଲକିୟା । ୩୧ ଇନକୁ ଇନିଃକେ ଲାୟା ଚାବାକିତେ, ଏନ୍ ଲିଜାଃକ ହଲେଃକକେଦା ଆତଃ ଆୟାଃ ଲିଜାଃ ତୁସିଙ୍ଗକିତେ କୁଶ୍ରେ କିଲାଲ ନାଗେନ୍ତେକ ଇଦିକିୟା ।

**ୟାଶୁ କିଲାୟାନାଏ**

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଯୋହାନ୍ ୧୯:୧୭-୨୭)

୩୨ ଇନକୁ ସାହାର୍‌ଏତେ ସେନଃତାନ୍ ତାଇକେନ୍ ଇମ୍‌ତାଗି ଶିମୋନ୍ ନୁତୁମ୍ କୁରିନି ସାହାର୍‌ରେନ୍ ମିଆଁଦ୍ ହଡକେ ନେଲ୍‌କେଦତେ ଯାଶୁଆଃ କୁଶ୍ ଗଅଃ ନାଗେନ୍ତେ ଇନିଃକେ ଜାବାଚ୍‌ଜାସ୍ତିକିୟାକ । ୩୩ ଇନକୁ ଗାଲ୍‌ଗାଆ, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ୍” ନୁତୁମ୍ ମିଆଁଦ୍ ଠାୟାଦତେକ ହିଜୁଃୟାନା । ୩୪ ଏନ୍ତାଃରେ ଇନକୁ ଇନିଃକେ ମେହେର୍‌ଡେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମକିୟା, ମେନ୍‌ଦ୍ ଇନିଃ ଏନାକେ ଚାଖାଅକେଦତେ ନୁଁ କାଏ ଦାଡିକେନା ।

୩୫ ଇନକୁ ଯାଶୁକେ କୁଶ୍ରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ଚିଠା ଉୟୁଃକେଦାକ ଆତଃ ଲିଜାଃତାୟାଃ ହାଚିଙ୍ଗକେଦାକ । ୩୬ ଏନ୍ ତାୟମ୍‌ତେ ଇନକୁ ଏନ୍ତାଃରେ ଦୁବ୍‌କେଦତେ ଇନିଃକେକ ହରକିୟା । ୩୭ ଆତଃ ଇନିୟାଃ ବହଃ ଚେତାନ୍‌ରେ ଇନକୁ “ନିଃ ଯିହୁଦୀକଆଃ ରାଜା ଯାଶୁ ତାନିଃ,” ମେନ୍ତେ ଆୟାଃ ବିରୁଧ୍‌ରେ ମିଆଁଦ୍ ଚିଠାଅନଲ୍‌ରେ ଅଲ୍‌କେଦତେ ହାକାକେଦାକ । ୩୮ ଏନ୍ତେ ଇନିଃଲଃ ବାର୍‌ହଡ୍‌ ଚେରେଃକକିନକେ କୁଶ୍‌ରେକ କିଲାକେଦକିନା ମିଆଁଦ୍‌ନିଃକେ ଜମ୍‌ସାଃରାଃ କୁଶ୍‌ରେ ଆତଃମିଆଁଦ୍‌ନିଃକେ ଲେଙ୍ଗାଡିସାଃରାଃ କୁଶ୍‌ରେ ।

୩୯ ଆତଃ ଏନ୍ ହରାରେ ସେନ୍‌ପାରମଃତାନ୍ ହଡକ ଆକଆଃ ବହଃ ହିଲାଅକେଦତେ ଯାଶୁକେ ନିୟାତାନ୍‌ଲଃ ଲାୟାକିୟାକ, ୪୦ \*ଆତଃ କାଜି ଏଚେଦକେଦାକ, “ବାଃରେ, ମାନ୍‌ଦି ହାବୁଡ୍‌ନିଃ ଆତଃ ଆପିମାରେ ବାଇଚୁହାଡ୍‌ନିଃ, ଆମ୍ ପାର୍‌ମେଶ୍ଵାର୍‌ଆଃ ହନ୍‌ତାନ୍‌ମେରେଦ୍ ମାର୍ କୁଶ୍‌ଏତେ ଆଡ୍‌ଗୁନ୍‌ମେ ଆତଃ ବାସ୍ତାଅଏନ୍‌ମେ ।”

୪୧ ଏନ୍ ଲେକାଗି ମୁଲ୍ ଯାଜାକକ, ଆଇନ୍ ଇତୁକ ଆତଃ ପ୍ରାଚିନ୍‌କ ସବେନ୍ ଲାୟାକିୟାକ, ୪୨ ଆତଃ କାଜିକିୟାକ, “ଇନିଃଦ୍ ଏଟାଃକକେ ବାସ୍ତାଅକେଦକଆଏ, ମେନ୍‌ଦ୍ ଇନିଃ ଆଇଃକ୍‌ଗି ବାସ୍ତାଞ୍ଜେନ୍ କାଏ ଦାଡିତାନ୍ । ଇନିଃ ଇସ୍ରାଏଲ୍‌ରେନ୍ ରାଜା ତାନିଃରେଦ୍ ନାହାଁଃଗି କୁଶ୍‌ଏତେ ଆଡ୍‌ଗୁନ୍‌କାଏ, ଆତଃ ଆବୁ ସବେନ୍‌କ ଏନା ନେଲ୍‌କେଦତେ ଇନିଃରେବୁ ବିଶ୍ଵାସେତେୟାଃ । ୪୩ ଇନିଃଦ୍ ଆଇଃକ୍‌ଗି ପାର୍‌ମେଶ୍ଵାର୍‌ଆଃ ହନ୍‌ତାନିଙ୍ଗ୍ ମେନ୍ତେ କାଜିୟାଃଏ ଆତଃ ପାର୍‌ମେଶ୍ଵାର୍‌ତାଃରେ ଭାର୍‌ସାକାଦାଏ । ଠାଉକାଗିୟା, ପାର୍‌ମେଶ୍ଵାର୍ ଇନିଃକେ ବାସ୍ତାଅ ସାନାଙ୍ଗ୍‌ତାନାଏ ଚି କାହା ଏନା ମାର୍‌ବୁ ନେଲେୟା ।”

୪୪ ଆତଃ ଇନିଃଲଃ କୁଶ୍‌ରେ କିଲାକାନ୍ ଏଡକାନ୍ କାମିକିନ୍‌ହଗି ନେ ଲେକାଗି ଇନିଃକେକିନ୍ ଲାୟାକିୟା ।

\* ୨୭:୪୦ ୨୭:୪୦ ମାଧୁର ୨୭:୨୧; ଯୋହାନ୍ ୨:୧୯.

ୟୀଶୁଆଃ ଗନଏଃ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ତିକିନ୍‌ସିଙ୍ଗିଏତେ ତାରସିଙ୍ଗି ତିନ୍‌ଦାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୪୬ ତାରସିଙ୍ଗି ତିନ୍‌ବାଜେ ଇମ୍‌ତାକ ଯୀଶୁ ପୁରାଃତେ କାଉରିକେଦ୍‌ତେ କାଜିକେଦାଏ, “ଏଲୋଇ, ଏଲୋଇ, ଲାମା ସାବାକ୍‌ଥାନି ?” ଏନାରାଃ ମୁଣ୍ଡିଦ୍, “ଏ ଆଇଁୟାଃ ପାର୍‌ମେଶ୍ୱାର୍, ଏ ଆଇଁୟାଃ ପାର୍‌ମେଶ୍ୱାର୍ ତିନାଃମେନ୍ତେ ଆଇଙ୍ଗକେ ବାଗିକିଦିୟାମ୍ ?”

୪୭ ଏନ୍ତାଃରେ ତିଙ୍ଗୁଆକାନ୍ ତିମିନ୍ ହଡକ ନେଆଁ ଆୟୁମ୍‌କେଦ୍‌ତେ, “ଇନିଃ ଏଲିୟକେ ହାକାଅତାନା” ମେନ୍ତେକ କାଜିକେଦା । ୪୮ ଇନ୍‌କୁଏତେ ମିଆଁଦ୍‌ନିଃ ନିର୍‌ଧାବ୍‌କେଦ୍‌ତେ ସ୍ତଞ୍ଜକେ ସାବ୍‌କେଦାଏ ଆତଃ ମେହେର୍ ରାସିରେ ତୁପୁକେଦ୍‌ତେ ମିଆଁଦ୍ ଜିଲିଙ୍ଗି ସଟାରେୟାଃ ରୁଟିରେ ଗୁଡୁକେଦାଏ, ଏନ୍ତେ ଇନିଃକେ ନୁଁ ନାଗେନ୍ତେ ଏମ୍‌କିୟାଏ ।

୪୯ ମେନ୍‌ଦ୍ ଏଟାଃକ କାଜିକେଦା, “ରାହା, ନାହାଁଃ ଏଲିୟ ଇନିଃକେ ବାସ୍ତାଆ ନାଗେନ୍ତେ ହିଜୁଃଆଏ ତି କାହା ଏନାବୁ ନେଲେୟା ।”

୫୦ ଯୀଶୁ ଆତଃମିସା ପୁରାଃଗି କାଉରିକେଦାଏ ଆତଃ ଜୀଉତାୟାଃ ଅତଙ୍ଗୟାନା ।

୫୧ ଏନ୍ତେ ମାନ୍ଦିର୍ ଅଡ଼ାଃରେ ହାକାକାନ୍ ହାନାଟିଙ୍ଗି ଦାନାଙ୍ଗଲିଜାଃ ଚେତାନ୍‌ଏତେ ଲାତାର୍ ଜାକେଦ୍ ଥାଲାରେ ବାର୍ ହିସା ଚାଗାଡ଼ୟାନା ଆତଃ ଅତେ ଏକ୍‌ଲାଅକେଦ୍‌ତେ ଚାଟେନ୍‌କ ଫାଡ଼ାଃୟାନା । ୫୨ ଆତଃ ତିମିନ୍ ତପାଗାଡ଼ାକ ଅଟାଃୟାନା ଆତଃ ପାର୍‌ମେଶ୍ୱାର୍‌ଆଃ ତିମିନ୍ ଗଜାକାନ୍ ପାବିତାର୍ ହଡକଆଃ ହଡ଼ମ୍ ଜୀଉବିରିଦ୍‌ୟାନା । ୫୩ ଆତଃ ଇନ୍‌କୁ ତପାଗାଡ଼ା ବାଗିକେଦ୍‌ତେ ଯୀଶୁଆଃ ଜୀଉବିନିରିଦ୍ ତାୟମ୍‌ତେ ପାବିତାର୍ ନାଗାର୍ ଯୀରୁଗାଲେମ୍‌ତେ ସେନଃୟାନାକ । ଏନା ପୁରାଃ ହଡକ ଇନ୍‌କୁକେ ନେଲ୍‌କେଦ୍‌କଥାକ ।

୫୪ ମିଦ୍‌ଶାଅ ସିପାଇକଆଃ ଗମ୍‌କେ ଆତଃ ଆୟାଃଲଃ ଯୀଶୁକେ ହରଇତାନ୍‌କ ଅତେ ଏକ୍‌ଲାଅଃତେୟାଃ ଆତଃ ସବେନ୍ ହବାୟାନ୍‌ତେୟାଃକ ନେଲ୍‌କେଦ୍‌ତେ ପୁରାଃଗିକ ବରକେଦା ଆତଃ ଆକଦାନ୍‌ଅଃତାନ୍‌ଲଃ କାଜିକେଦାକ, “ସାର୍‌ତିଗି ନେ ହଡ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୫୫ ☆ଏନ୍ତାଃରେ ଯୀଶୁକେ ଦେଙ୍ଗାକାଇ ପୁରାଃ କୁଡ଼ିକ ସାଙ୍ଗିନ୍‌ଏତେ ନେଲି ତାଇକେନାକ । ଇନ୍‌କୁ ଗାଲିଲ୍‌ଏତେ ଅତଙ୍ଗ୍‌ଆଉକାଇ ତାଇକେନାକ । ୫୬ ଇନ୍‌କୁଏତେ, ମାଗ୍‌ଦାଲିନି ମାରିୟାମ୍, ଯାକୁବ୍ ଆତଃ ଯୋଷେଫ୍‌ଆଃ ଏଙ୍ଗାତେ ମାରିୟାମ୍ ଆତଃ ଜେବଦୀୟାଃ ହନ୍‌କଆଃ ଏଙ୍ଗାତେ, ନେ ସବେନ୍‌କ ତାଇକେନା ।

ୟୀଶୁଆଃ ତପାଅଃ

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୭ ଆୟୁବ୍‌ୟାନ୍‌ତି ହାରାମାଥୁୟା ସାହାର୍‌ରେନ୍ ଯୋଷେଫ୍ ନୁଡୁମ୍ ମିଆଁଦ୍ କିସାଁଙ୍ ହଡ ହିଜୁଃୟାନାଏ, ଇନିଃହଗି ଯୀଶୁଆଃ ମିଆଁଦ୍ ତେଲା ତାଇକେନାଏ । ୫୮ ଇନିଃ ପିଲାତୁସ୍‌ତାଃତେ ସେନ୍‌କେଦ୍‌ତେ ଯୀଶୁଆଃ ଗଏଃହଡ଼ମ୍ ଆସିକିୟାଏ, ଏନ୍ତେ ପିଲାତୁସ୍ ଇନିଃୟାଃ ଗଏଃହଡ଼ମ୍ ଏମାଲ ନାଗେନ୍ତେ ଆତୁକେଦ୍‌କଥା । ୫୯ ଆତଃ ଯୋଷେଫ୍ ଯୀଶୁଆଃ ଗନଏଃ ହଡ଼ମ୍ ଆଉକେଦ୍‌ତେ ଫାର୍‌ତି ନିରାଲ୍ ଲିଜାଃତେ ପଟମ୍‌କେଦାଏ । ୬୦ ଆତଃ ଇନିଃ ଆୟାଃ ନାଗେନ୍ତେ ଚାଟେନ୍‌ରେ ଉରାକାନ୍ ନାଞ୍ଜା ତପାଗାଡ଼ାରେ ଇନିଃକେ ଦହକିୟାଏ ଆତଃ ତପାଗାଡ଼ା ଦୁଆର୍‌ରେ ମିଆଁଦ୍ ମାରାଙ୍ଗି

☆ ୨୭:୫୫ ୨୭:୫୫ ଲୁକ ୮:୨,୩.

ଦିରିତେ ବାଟିକେସେଦକେଦତେ ସେନଃୟାନାଏ ।<sup>୨୧</sup> ଆଡ଼ଃ ମାଗ୍‌ଦାଲିନି ମାରିୟାମ୍ ଆଡ଼ଃ ଏଟାଃ ମାରିୟାମ୍ ତପାଗାଡ଼ା ହେପାଦରେ ଦୁବ୍‌ୟାନାକିନ୍ ।

ତପାଗାଡ଼ାତାଃରେ ଦାରଖାନକ

<sup>୨୨</sup> ଏଟାଃ ହୁଲାଙ୍ଗ୍, ଅକ୍‌ନାଃଟି ରୁଡ଼ନୁହୁଲାଙ୍ଗ୍‌ରେ ମୁଲ୍ ଯାଜାକ୍‌କ ଆଡ଼ଃ ପାରୁଶୀକ ପିଲାତୁସତାଃତେ ସେନଃୟାନାକ<sup>୨୩</sup> ଆଡ଼ଃ କାଜିକିୟାକ, “ହେ ଗମକେ, ଆଲେ ନାହାଁଃ ଜାକେଦ୍ ପାହାମ୍‌କାଦାଲେ ଏନ୍ ବେଦାନିଃ ଜୀନିଦ୍ ତାଇକେନ୍‌ରେ ‘ଆଇଙ୍ଗ୍ ଆପିମା ତାୟମ୍‌ତେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଇକେନାଏ ।<sup>୨୪</sup> ଏନା ନାଗେନ୍ତେ ତପାଗାଡ଼ାକେ ଆପିମା ଜାକେଦ୍ ହର ନାଗେନ୍ତେ ଆରୁକମ୍, କା'ରେଦ୍ ଇନିୟାଃ ତେଲାକ ନିଦାରେ ହିଜୁଃଆକ ଆଡ଼ଃ ଗଏଃହଡ଼ମକେ କୁମ୍‌ଡୁ ଇଦିକେୟାକ ଏନ୍ତେ ଇନିଃ ଗଜାକାନ୍‌କଏତେ ଜୀଉବିରିଦାକାନାଏ ମେନ୍ତେ ହଡ଼କକେ କାଜିୟାକଆକ । ନେ ରୁଣ୍ଡୁବେଦା ପାହିଲା ବେଦାଏତେ ପୁରାଃ ଏଡ଼କାନ୍ ହବାଆଃ ।”

<sup>୨୫</sup> ପିଲାତୁସ୍ ଇନ୍‌କୁକେ କାଜିରୁହାଡ଼ାଦକଆଏ, “ଜୁ ଦାରଖାନକକେ ଇଦିକପେ ଆଡ଼ଃ ଏନ୍ ତପାଗାଡ଼ାକେ ବୁଗିଲେକା ହରୟେପେ ।”

<sup>୨୬</sup> ଏନ୍ତେ ଇନ୍‌କୁ ଦାରଖାନକଲଃ ସେନ୍‌କେଦତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍ ଏମ୍‌କେଦତେ ତପାଗାଡ଼ାକେ ହର ନାଗେନ୍ତେ ଦାରଖାନକକେ କାଜିକେଦକଆକ ।

## ୨୮

ୟାଶୁଆଃ ଜୀଉବିନିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

<sup>୧</sup> ରୁଡ଼ନୁ ହୁଲାଙ୍ଗ୍ ତାୟମ୍‌ତେ, ଏତଆର୍ ହୁଲାଙ୍ଗ୍ ସେତାଃ ଇଦାନ୍‌ରେ ମାଗ୍‌ଦାଲିନି ମାରିୟାମ୍ ଆଡ଼ଃ ଏଟାଃ ମାରିୟାମ୍ ତପାଗାଡ଼ା ଠାୟାଦତେ ନେନେଲ୍‌ତେକିନ୍ ସେନଃୟାନା ।<sup>୨</sup> ଆଡ଼ଃ ଏନ୍ତାଃରେ ପୁରାଃଗି ଅତେ ଏକ୍‌ଲାଅୟାନା ଚିୟାଃଟି ପ୍ରାତୁଆଃ ଦୁଡ଼ ସିର୍ମାଏତେ ଆଡ଼ଗୁୟାନା ଏନ୍ତେ ତପାଗାଡ଼ା ସେନ୍‌କେଦତେ ଦୁଆର୍‌ତାଃରାଃ ପୁରାଃ ମାରାଙ୍ଗ୍ ଦିରିକେ ବାଟି ଆତମ୍‌କେଦତେ ଏନାରେ ଦୁବ୍‌ୟାନାଏ ।<sup>୩</sup> ଇନିଃଦ୍ ହିରିର୍ ଲେକା ନେଲଃ ତାଇକେନାଏ ଆଡ଼ଃ ଇନିୟାଃ ଲିଜାଃ ବାରାଦ୍ ଲେକା ପୁଣ୍ଡିଗି ତାଇକେନା ।<sup>୪</sup> ଦାରଖାନକ ଇନିଃକେ ନେଲ୍‌କେଦତେ ବରତେ ଆର୍‌ଆରାଅୟାନାକ ଆଡ଼ଃ ଗଜାକାନ୍‌କ ଲେକା ହବାୟାନାକ ।

<sup>୫</sup> ମେନ୍‌ଦ୍ ଦୁଡ଼ ଏନ୍ କୁଡ଼ିକକେ ମେତାଦକଆଏ, “ଆଲ୍‌ପେ ବରଏୟା । ଆଇଙ୍ଗ୍ ସାରିତାନାଇଙ୍ଗ୍ ଆପେ କୁଶ୍‌ରେ କିଲାୟାନ୍ ଯାଶୁକେ ଦାଣ୍ଡାତାନାପେ ।<sup>୬</sup> ଇନିଃ ନେତାଃରେ ବାଙ୍ଗାଇୟା ଇନିଃଦ୍ ଆୟାଃ କାଜିଲେକାତେ ଜୀଉବିରିଦାକାନାଏ । ନେତାଃ ହିଜୁଃକେଦତେ ନେଲେପେ, ନେତାଃରେ ଇନିୟାଃ ଗଏଃ ହଡ଼ମକେ ଦହକାଦ୍ ତାଇକେନାକ ।<sup>୭</sup> ଆଡ଼ଃ ଆପେ ଜାଲ୍‌ଦି ସେନ୍‌କେଦତେ ତେଲା ତାୟାଃକକେ କାଜିୟାକପେ, ‘ଇନିଃ ଗଜାକାନ୍‌କଏତେ ଜୀଉବିରିଦାକାନାଏ, ଆଡ଼ଃ ଆପେଏତେ ଆୟାର୍‌ରେ ଇନିଃ ଗାଲିଲ୍‌ତେ ସେନଃତାନା । ଏନ୍ତାଃରେ ଆପେ ଇନିଃକେପେ ନେଲିୟା ।’ ଆଇଙ୍ଗ୍ ଆପେକେ କାଜିକାଦ୍‌ପେତେୟାଃ ପାହାମେପେ ।”

୮ ନେଆଁ ଆୟାମ୍‌କେଦତେ ଇନ୍‌କୁ ବରତାନ୍‌ରେୟ ପୁରାଃ ରାସ୍‌କାତାନ୍‌ଲଃ ଇମ୍‌ତାଗି ତପାଗାଡ଼ା ବାଟିକେଦତେ ଆୟାଃ ତେଲାକକେ ଉଦ୍‌ବାକ ନାଗେନ୍ତେ ନିର୍‌କେଦାକ ।

\* ୨୭:୨୩ ୨୭:୨୩ ମାଥିଉ ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୯ ଇମ୍ବତାଙ୍ଗାଗି ଯାଶୁ ଇନ୍ଦ୍ରକୁକେ ହିନ୍ଦୁଃନାମକେଦ୍ଦତେ କାଜିୟାଦକଆଏ, “ଆପେୟାଃ ଜୀଉସୁକୁ ହବାଅଃକା” ଆତଃ ଇନ୍ଦ୍ରକୁ ସେନ୍ ହେପାଦକେଦ୍ଦତେ ଇନ୍ଦିୟାଃ କାଟା ସାବକେଦ୍ଦତେ ଜହାରକିୟାକ । ୧୦ ଏନ୍ତେ ଯାଶୁ ଇନ୍ଦ୍ରକୁକେ କାଜିୟାଦକଆଏ, “ଆଲ୍ପେ ବରଏୟା, ଆପେ ସେନ୍କେଦ୍ଦତେ ଆଇୟାଃ ହାଗାଈଙ୍ଗକକେ କାଜିୟାକପେ, ଗାଲିଲ୍ତେ ସେନଃପେ ଆତଃ ଏନ୍ତାଃରେ ଇନ୍ଦିଃକେପେ ନେଲିୟା ।”

ଦାରଞ୍ଜାନକଆଃ ଉନ୍ନୁଦ୍ଦ

୧୧ ଏନ୍ କୁଡ୍ଡିକ ସେନଃତାଈକେନ୍ ଇମ୍ବତା, ତପାଗାଡ଼ା ହରତାଈକେନ୍ ଦାରଞ୍ଜାନ ସିପାଈକଏତେ ଚିମିନ୍ଦକ ନାଗାରତେ ରୁହାଡ଼କେଦ୍ଦତେ ମୁଲ୍ ଯାଜାକକକେ ହବାଲେନ୍ତେୟାଃ ସବେନାଃ ଉଦ୍ଦୁବାଦକଆକ । ୧୨ ଆତଃ ମୁଲ୍ ଯାଜାକକ ଆତଃ ପ୍ରାଚିନ୍ଦକ ହୁଣ୍ଡିକେଦ୍ଦତେ ବାଗାଁଶ୍ ବାଈକେଦାକ ଏନ୍ତେ ଦାରଞ୍ଜାନ ସିପାଈକକେ ପୁରାଃ ଟାକା ଏମ୍ବକେଦ୍ଦତେ, ୧୩ କାଜିକେଦକଆକ, “ଆଲେ ଦୁଡ଼ମ୍ପାକାନ ତାଈକେନ୍ ଇମ୍ବତା ଇନ୍ଦିୟାଃ ଚେଲାକ ନିଦାରେ ହିନ୍ଦୁଃକେଦ୍ଦତେ ଇନ୍ଦିଃକେ କୁମ୍ପୁଡୁ ଈଦିକିୟାକ ମେନ୍ତେ କାଜିୟାକପେ । ୧୪ ଆତଃ ନେ କାଜି ରୋମିରେନ୍ ଲାଟ୍ସାହେବ୍ ଆୟୁମେରେଦ୍ ଆଲେ ଇନ୍ଦିଃକେ ବୁଗିଲେକା କାଜିତାଈୟାଲେ ଯେ, ଆପେୟାଃ ଜେତାନ୍ ଗୁଣ୍ଡା ବାନଆଃ । ନେ ବିଷାଏରେ ଆପେ ଜେଡ଼ନାଃ ଆଲ୍ପେ ଉଡ଼ଃୟା ।”

୧୫ ଦାରଞ୍ଜାନ ସିପାଈକ ଟାକା ନାମକେଦ୍ଦତେ ଇନ୍ଦ୍ରକୁ ଈଡୁକାଦକ ତାଈକେନ୍ ଲେକାକ କାଜିକେଦା ଆତଃ ଏନ୍ କାଜି ଯିହୁଦୀକଆଃ ଆଲାରେ ନିଡିରୟାନା ଆତଃ ତିସିଙ୍ଗ ଜାକେଦ୍ ମେନାଃ ।

ୟାଶୁ ଆୟାଃ ଚେଲାକତାଃରେ ଉଦ୍ଦୁବେନ୍ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ୍ ୧:୬-୮)

୧୬ ☆ଏଗାରାଝାନ୍ ଚେଲାକ ଗାଲିଲ୍ତେ ସେନ୍କେଦ୍ଦତେ ଯାଶୁ କାଜିକାଦକ ତାଈକେନ୍ ବୁରୁଡେକ ସେନଃୟାନା । ୧୭ ଏନ୍ତାଃରେ ଇନ୍ଦ୍ରକୁ ଯାଶୁକେ ନେଲ୍କେଦ୍ଦତେ ଜହାରକିୟାକ ମେନ୍ଦ ଚିମିନ୍ଦକ ଆଡ଼ାଃଉଡ଼ଃୟାନା । ୧୮ ଏନ୍ତେ ଯାଶୁ ଇନ୍ଦ୍ରକୁତାଃରେ ହିନ୍ଦୁଃକେଦ୍ଦତେ କାଜିକେଦକଆଏ, “ସିମା ଆତଃ ଅତେରେୟାଃ ସବେନ୍ ଆକ୍ତେୟାର୍ ଆଇୟାଃ ତିଃଇରେ ଏମାକାନା, ୧୯ ☆ଏନାମେନ୍ତେ ସେନଃପେ ଆତଃ ଅତେଦିଶ୍ମମ୍ରେନ୍ ସବେନ୍ ହଡ଼କକେ ଆଇୟାଃ ଚେଲା ବାଈକପେ ଆତଃ ଇନ୍ଦ୍ରକୁକେ ଆପୁ, ହନ୍ ଆତଃ ପାବିତାର୍ ଆମ୍ବାରାଃ ନୁଡୁମ୍ତେ ବାପ୍ରିସ୍ତାକପେ । ୨୦ ଆତଃ ଆଈଙ୍ଗ୍ ଆଡୁକାଦ୍ ସବେନାଃ ମାନାତିଙ୍ଗ୍ ନାଗେନ୍ତେ ଈଡୁକପେ ଆତଃ ସାରିଜମେପେ, ଆଈଙ୍ଗ୍ ଅତେଦିଶ୍ମମ୍ରେୟାଃ ଚୁଣ୍ଡ ଦ୍ଵିପିଲି ଜାକେଦ୍ ଆପେଲଃ ସବେନ୍ଇମ୍ବତା ତାଈନାଈଙ୍ଗ୍ ।”

# ମାର୍କ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍କ ଅଲାଇକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନ୍‌କେ ଉଦୁବେତାନ୍ ନାଞ୍ଜା ନିୟାମରାଃ ଚାରୁଠୁ ପୁଥୁକଏତେ ମାର୍କ ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡି “ବୁଗିନ୍ କାଜି” ତାନାଃ । ଯୀଶୁଆଃ ଗନଏଃ ତାୟମତେ, ଏନ୍ ସୁକୁକାଜିକେ ମାଥିଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲାଇକାଦାଃକ । ଉପୁନିୟା ସୁକୁକାଜିକଏତେ ମାର୍କ ହବାଅଃତାନା ସବେନ୍‌ଏତେ ହୁଡିଙ୍ଗ୍ । ନେ କାଜିୟଗି ବିଶ୍ୱାସଃ ତାନା ଯେ, ନେ ସୁକୁକାଜି ସବେନ୍ ସୁକୁକାଜି ଏତେ ସିଦା, ଯୀଶୁତାୟମ୍ ୨୫-୨୦ କରେ ଅଲାଇକାନା । ତିମିନ୍ ବାଇବେଲ୍ ପାଣ୍ଡିଡକ ବିଶ୍ୱାସେତାନାକ, ରୋମ୍‌ରେ ତାଇନଃତାନ୍ ଖ୍ରୀଷ୍ଟ ବିଶ୍ୱାସୀକକେ ବିଶ୍ୱାସ୍‌ରେ କେଟେଦଃ ନାଗେନ୍ତେ ରୋମ୍‌ରେ ନେ ସୁକୁକାଜି ଅଲାଇକାନ୍ ତାଇକେନା ।

ମାର୍କ, ଅକଏଚି ଯୋହାନ୍ ମାର୍କ ନୁତୁମତେ ସାରିଅଃତାଇକେନାଏ, ଇନିଃ ପାଉଲୁସ୍ ଆତଃ ବର୍ଣ୍ଣବାସ୍‌ରାଃ ଗାତି ତାଇକେନାଏ, ମେନ୍‌ଦ୍ ତିମ୍‌ତା ଇନିଃ ଇନ୍‌କୁଆଃ ସେଞ୍ଜାକାମିରାଃ ସେନଃରେ ବାଗିକେଦ୍‌ତେ ରୁହାଡ଼୍‌ୟାନାଏ, ଇମ୍‌ତା ଇନିୟାଃ ନୁତୁମରେ ଆଞ୍ଚ୍ ହିଜୁଃୟାନା ପ୍ରେରିଡ୍ ୧୩:୧୩ । ତାୟମତେ ଆତଃମିସା ଇନିଃ ବର୍ଣ୍ଣବାସ୍‌ଲଃ ସେଞ୍ଜାକାମି ନାଗେନ୍ତେ ସେନଃୟାନାଏ ପ୍ରେରିଡ୍ ୧୫:୩୭-୩୯ । ମାର୍କହଗି ପାଡ଼ରାସ୍‌ରାଃ ମିଆଁଦ୍ ଦୁଲ୍ଲାଡ଼୍ ଗାତି ମେନ୍ତେ ସାରିଅଃତାଇକେନାଏ ୧ ପାଡ଼ରାସ୍ ୫:୧୩ । ମାର୍କ ଯୀଶୁଆଃ ଜୀଞ୍ଜାନ୍‌କେ ମେଦ୍‌ତେ କାଏ ନେଲ୍‌କାଇରେୟଗି, ବାଇବେଲ୍ ପାଣ୍ଡିଡକ ବିଶ୍ୱାସେତାନାକ ଯେ, ଇନିଃ ପାଡ଼ରାସ୍‌ରାଃ ଗାଞ୍ଜାଇଲେକାତେ ଆୟାଃ ସୁକୁକାଜିକେ ଅଲାଇକାଦାଏ । ନେ ସୁକୁକାଜିରେ ମାର୍କ ଚେଲାବାଇ ଆତଃ ତୁଣ୍ଡୁ ଦ୍ରିପିଲି ବିଷାଏରେ ଯୀଶୁଆଃ ଇନିତୁକେ ଉଦୁବାକାଦା ।

ମାର୍କ ନେ ପୁଥୁରେ ଯୀଶୁ ଖ୍ରୀଷ୍ଟକେ ଲେବେଃ ଦାସି ଆତଃ ଆପୁ ପାରମେଶ୍ୱାର୍‌ରାଃ ସାନାଙ୍ଗ୍ ପୁରାନାଙ୍ଗ୍ ସବେନ୍ ନେତାରେ ତାୟାରାକାନ୍ କାଜି ମାନାଡିଙ୍ଗ୍ ହନ୍‌କଡା ଲେକା ଉଦୁବିତାନାଏ, ଏନାମେନ୍ତେ ଇନିଃ ବିଶେଷକେଦ୍‌ତେ, ପ୍ରାଭୁ ଯୀଶୁଆଃ ପେଡେୟାନ୍ କାମିକ ବିଷାଏରେ ଅଲ୍‌କେଦା । ଦିଶ୍ୱମ୍‌ରାଃ ସବେନ୍‌କତାଃରେ ପାରମେଶ୍ୱାର୍‌ରାଃ ସୁକୁକାଜି ପ୍ରାଚାର୍ ରିକାରାଃ ମାରାଙ୍ଗ୍ ଆନ୍‌ତୁହଗି ନେ ସୁକୁକାଜିରେ ଅଲାଇକାନା ।

### ପୁଥୁ ଭିତାରେ ତାଇକାନ୍ କାଜି

- ୧. ବାପ୍ତିସ୍ମା ଏମଃନିଃ ଯୋହାନ୍ ଆତଃ ଯୀଶୁଆଃ ବାପ୍ତିସ୍ମା । ୧:୧-୧୩
- ୨. ଗାଲିଲ୍‌ରେ ପ୍ରାଭୁ ଯୀଶୁଆଃ ସେଞ୍ଜା । ୧:୧୪-୯:୫୦
- ୩. ଯୀରୁଶାଲେମ୍‌ତେ ସେନଃ ଆତଃ ମାନ୍‌ଦିର୍ ଅଡ଼ାଃରେ ବଲଃ । ୧୦:୧-୧୨:୪୪
- ୪. ହିଜୁଃ ବିଷାଏକରାଃ ଆୟାର୍‌କାଜି । ୧୩:୧-୩୭
- ୫. ଯୀଶୁଆଃ ଗନଏଃ ଆତଃ ଜୀଉବିନିରିଦ୍ । ୧୪:୧-୧୬:୨୦

ଯୋହାନ୍ ବାପ୍ତିସ୍ମା ଏମଃନିଃରାଃ ପ୍ରାଚାର୍  
(ମାଥିଉ ୩:୧-୧୨; ଲୁକ ୩:୧-୧୮; ଯୋହାନ୍ ୧:୧୯-୨୮)

୧ ନେଆଁ ପାର୍ମେଶ୍ୱାରୀଆଃ ହନ୍ ଯୀଶୁ ଖ୍ରୀଷ୍ଟ\*ଆଃ ସୁକୁକାଜିରାଃ ଏନେଟେଦ୍ ।  
 ୨ ଯିଶାୟ ନାବୀ† ଅଲକାଦ୍ ପୁଥ୍ ଲେକାତେ,  
 “ପାର୍ମେଶ୍ୱାର୍ କାଜିକେଦାଏ, ‘ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ଼କେଲେ  
 କୁଲିତାନା

ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

୩ ଜେତାଏ ମିହୁଡ଼୍ ବିରରେ କାଉରିକେଦାଏ,

‘ପ୍ରାଭୁଆଃ ହରା ବାଇୟେପେ,

ଆୟାଃ ଏଙ୍କବେଙ୍କ ହରା ସିଧାଏପେ ।’”

୪ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ବିରରେ ସେଟେରତାନଲଃ, ଇନିଃ ହଡ଼କକେ କାଜିୟାଦକଆ, “ପାପ୍ଏତେ ମନ୍ରୁହାଡ଼େପେ ଆତଃ ବାପ୍ତିସ୍ମାଅଃପେ, ଏନାରେ ପାର୍ମେଶ୍ୱାର୍ ଆପେୟାଃ ପାପ୍କ ଛାମାପେୟାଏ ।” ୫ ଏନ୍ତେ ଯିହୁଦା ରାଇଜ୍, ଯୀରୁଶାଲେମ୍ ନାଗାର୍ଏତେ ଆତଃ ଯାର୍ଦାନ୍ ନାହିଁରାଃ ସବେନ୍ ହପରଜାପାଃରେନ୍ ହଡ଼କ ଯୋହାନ୍ତାଃ ଆୟୁମ୍ ନାଗେନ୍ତେ ହିଜୁଃୟାନାକ । ଏନ୍ତେ ହଡ଼କ ଆକଆଃ ପାପ୍କ ପାତିୟାରକେଦା ଏନ୍ତେ ଇନିଃ ଯାର୍ଦାନ୍ ନାହିଁରେ ଇନ୍କୁକେ ବାପ୍ତିସ୍ମାକେଦକଆ ।

୬ ଯୋହାନ୍ ଉର୍ବରାଃ ଉବ୍ତେ ବାଇୟାକାନ୍ ଲିଜାଃ ତୁସିଙ୍ଗ୍ଅଁଃତାନ୍ ତାଇକେନାଏ, ଆୟାଃ ମାୟାଙ୍ଗ୍ରେ ଉହୁର୍ରାଃ କାସନା ତଲଃ ତାଇକେନାଏ ଆତଃ ଇନିଃ ସନ୍ସରେଦ୍ ଆତଃ ହୁରୁମ୍ସୁକୁ ଜମ୍ବକତାନ୍ ତାଇକେନାଏ । ୭ ଇନିଃ ପାର୍ତାରେତାନ୍ଲଃ କାଜିୟାଦକଆଏ, “ଆଇଙ୍ଗ୍ଏତେ ପୁରାଃଗି ପେଡ଼େୟାନ୍ନିଃ ଆଇଁୟାଃ ତାୟମ୍ତେ ହିଜୁଃତାନା, ଉଙ୍ଗୁଦକେଦ୍ତେ ଇନିୟାଃ ଖାର୍ପାରେୟାଃ ତନଲ୍ ରାଡାଏ ଲେକାନ୍ନିଃ ନାହିଁଲିଙ୍ଗ୍ । † ଆଇଙ୍ଗ୍ଦ ଆପେକେ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍, ମେନ୍ଦ ଇନିଃ ଆପେକେ ପାବିତାର୍ ଆମ୍ବାତେ ବାପ୍ତିସ୍ମା ଏମାପେୟାଏ ।”

ୟୀଶୁଆଃ ବାପ୍ତିସ୍ମା ଆତଃ ବିଡାଅ  
 (ମାଥୁଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ଏନ୍ ଦିପିଲିରେ ଯୀଶୁ ଗାଲିଲ୍ ପାର୍ଗାନ୍ରେୟାଃ ନାଜ୍ରେଡ଼ ନାଗାର୍ଏତେ ଯାର୍ଦାନ୍ ନାହିଁତେ ହିଜୁଃୟାନା, ଆତଃ ଯୋହାନ୍ ଯୀଶୁକେ ବାପ୍ତିସ୍ମା ଏମକିୟାଏ । ୧୦ ଆତଃ ଯୀଶୁ ଦାଆଃ ଭିତାର୍ଏତେ ବାହାରି ଅତଙ୍ଗ୍ୟାନ୍ ଇମ୍ତା ଇନିଃ ସିର୍ମା ନିଜାକାନ୍ ଆତଃ ପାବିତାର୍ ଆମ୍ବା ଦୁଦୁମୁଲ୍‡ ଲେକା ଆୟାଃ ତେତାନ୍ରେ ଆଡ଼ଗୁତାନାଏ ନେଲକିୟା । ୧୧ \*ଆତଃ ସିର୍ମାଏତେ ନେଲେକା କାଜି ଆୟୁମ୍ୟାନା, “ଆମ୍ଗି ଆଇଁୟାଃ ଦୁଲାଡ଼୍ ହନ୍, ଅକଏକେଚି ଆଇଙ୍ଗ୍ ଦୁଲାଡ଼ାଃ; ଆମାଃତାଃରେ ଆଇଁୟାଃ ପୁରାଃଗି ସୁକୁ ।”

୧୨ ଇମ୍ତାଗି ପାବିତାର୍ ଆମ୍ବା ଯୀଶୁକେ ବିରତେ ଇଦିକିୟା । ୧୩ ଯୀଶୁ ଏନ୍ତାଃରେ ବାର୍ହିସି ନିଦାସିଙ୍ଗି ତାଇକେନାଏ, ଆତଃ ସାଏତାନ୍ ଇନିଃକେ ବିଡାଅକିୟା । ଇନିଃ ବିର୍ ଜାଁଡୁକଲଃ ତାଇକେନାଏ ଆତଃ ଦୁଁଡ଼କ ହିଜୁଃକେଦ୍ତେ ଇନିଃକେ ସୁସାର୍ ଏଟେଦକିୟାକ ।

ୟୀଶୁ ଚାର୍ଖାନ୍ କେଉଁକକେ କେଡାକତାନାଏ  
 (ମାଥୁଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

\* ୧:୧ ୧:୧ ମାସି, † ୧:୨ ୧:୨ କାଜି ଆୟାର୍ନିଃ ‡ ୧:୧୦ ୧:୧୦ ପାରା ☆ ୧:୧୧ ୧:୧୧ ମାଥୁଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨.

୧୪ ଯୋହାନ୍ ଜେହେଲୟାନ୍ ତାୟମତେ, ଯୀଶୁ ଗାଲିଲ୍ ସାହାରତେ ହିନ୍ଦୁଃୟାନାଏ ଆତଃ ପାର୍ମେଶ୍ଵାରୟାଃ ସୁକୁକାଜି ଉଦୁବ୍‌ବାଡ଼ାକେଦାଏ । ୧୫ \*“ନେତା ପୁରାୟାନା, ଆତଃ ପାର୍ମେଶ୍ଵାରଆଃ ରାଇଜ୍ ଆପେତାଃ ନାଡ଼େୟାକାନା ! ଆପେୟାଃ ପାପ୍‌ହେତେ ମନ୍‌ରୁହାଡ଼େପେ ଆତଃ ସୁକୁକାଜିରେ ବିଶ୍ଵାସେପେ” ମେନ୍ତେ ଜନିଃ କାଜିକେଦକଆଏ ।

୧୬ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍‌ତା ଶିମୋନ୍ ଆତଃ ଆୟାଃ ହାଗାତେ ଆହିୟକେ ଦରେୟାରେ ଜାଲୋମ୍ ହୁଦ୍‌ମାକେଦତେ ହାକୁ ସାବ୍‌ତାନ୍ ନେଲ୍‌କେଦକିନାଏ, ଚିୟାଃଚି ଇନ୍‌କିନ୍‌ଦ କେଉଁକିନ୍‌ ତାଇକେନା । ୧୭ ଯୀଶୁ କାଜିକେଦକିନାଏ, “ଦେଲା ଆଇଙ୍ଗକେ ଅତଙ୍ଗଇଙ୍ଗବେନ୍, ଆଇଙ୍ଗ ଆବେନ୍‌କେ ହଡ଼କକେ ପାର୍ମେଶ୍ଵାରତାଃତେ ଆଉତେୟାଃ ଇଡୁବେନାଇଙ୍ଗ ।” ୧୮ ଇନ୍‌କିନ୍‌ ଇମ୍‌ତାଙ୍ଗି ଜାଲୋମ୍ ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

୧୯ ଆତଃ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁରତେ ସେନ୍‌କେଦତେ ଜେବଦାୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦକିନାଏ । ୨୦ ଆତଃ ଇମ୍‌ତାଙ୍ଗି ଯୀଶୁ ଇନ୍‌କିନ୍‌କେ କେଡ଼ାକେଦକିନାଏ, ଆତଃ ଇନ୍‌କିନ୍‌ ଆକିନାଃ ଆପୁ ଜେବଦାକେ ନାଲାନାମ୍ ହଡ଼କଲଃ ଲାଉକାରେ ବାଗିକେଦତେ ଯୀଶୁକେ ଅତଙ୍ଗକିୟାକିନ୍ ।

ବଙ୍ଗା ଏସେରାକାନ୍ ହଡ଼କେ ଯୀଶୁ ବୁଗିକିୟାଏ  
(ଲୁକ ୪:୩୧-୩୭)

୨୧ ଏନ୍ତେ ଯୀଶୁ ଆୟାଃ ତେଲକଲଃ କପର୍‌ନାହୁମ୍ ସାହାରତେ ସେନଃୟାନାଏ, ଆତଃ ଜନିଃ ରୁଡ଼ୁ ହୁଲାଙ୍ଗରେ ସାମାଜ୍ ଅଡ଼ାଃରେଷି ବଲକେଦତେ ଧାରାମ୍ କାଜି ଉଦୁବ୍ ଏଟେଦକେଦାଏ । ୨୨ \*ଆୟାଃ ଧାରାମ୍ କାଜି ଆୟୁମ୍‌କେଦତେ ହଡ଼କ ଆକ୍‌ଦାନ୍‌ଆୟାନାକ, ଚିୟାଃଚି ଜନିଃ ଆଇନ୍ ଇଡୁକ ଲେକାଦ କାହା, ମେନ୍‌ଦ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଇନ୍‌କୁକେ ଧାରାମ୍ କାଜି ଉଦୁବ୍‌କ ତାଇକେନାଏ ।

୨୩ ଇମ୍‌ତାଗି ଇନ୍‌କୁଆଃ ସାମାଜ୍ ଅଡ଼ାଃରେ ମିଆଁଦ୍ ସଡ଼ରା ଆମ୍‌ତେ ଏସେରାକାନ୍ ହଡ଼ କାଉରିକେଦାଏ, ୨୪ “ହେ ନାଜ୍‌ରେଡ଼ରେନ୍ ଯୀଶୁ, ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିକୁଆକାନା ? ଆମ୍ ପାର୍ମେଶ୍ଵାରଆଃ ପାବିତାର୍‌ନିଃ ତାନ୍‌ମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୫ ଯୀଶୁ ଜନିଃକେ ମାରାଙ୍ଗମଟାକେଦତେ କାଜିକିୟାଏ, “ହାପାଅଃମେଁ, ଆତଃ ଜନିଃତାଃଏତେ ଅତଙ୍ଗଅଃମେ ।”

୨୬ ଏନ୍ତେ ଏନ୍ ସଡ଼ରା ଆମ୍ ଇନିଃକେ ମୁରକୁଟାଅକିୟାଏ ଆତଃ କାଉରିତାନ୍‌ଲଃ ଜନିଃତାଃଏତେ ଅତଙ୍ଗୟାନା । ୨୭ ନେୟା ନେଲ୍‌କେଦତେ ସବେନ୍‌କ ନେ'ଲେକା ଆକ୍‌ଦାନ୍‌ଆୟାନାକ ଯେ, ଇନ୍‌କୁ ଆକ ଆକଗି କୁଲିୟଃତାନ୍‌କ ତାଇନ୍‌କେନା “ନେୟା ଚିକ୍‌ନାଃ ? ନେଆଁଦ୍ ନାଞ୍ଜା ଇଡୁ ! ନିଃଦ୍ ଆକ୍‌ତେୟାର୍‌ତେ ସଡ଼ରା ଆମ୍‌କକେ ଅତଙ୍ଗଅଃ ନାଙ୍ଗ୍ ଆଚୁକତାନାଏ ଆତଃ ଇନ୍‌କୁ ଇନିୟାଃ କାଜିକ ମାନାତିଙ୍ଗତାନା ।”

୨୮ ଆତଃ ଯୀଶୁଆଃ କାଜି ଇମ୍‌ତାଗି ଗାଲିଲ୍ ଦିଶୁମ୍‌ରାଃ କଚାକୁନି ସବେନ୍‌ସାଃରେ ନିତିରୟାନା ।

ଯୀଶୁ ଦୁକୁହାସୁତାନ୍‌କକେ ବୁଗିକୃତାନାଏ  
(ମାଥୁର୍ ୮:୧୪-୧୭; ଲୁକ ୪:୩୮-୪୧)



୨୯ ଇମ୍ବତାଙ୍ଗାଗି ଯୀଶୁ ଆତଃ ଆୟାଃ ଚେଲାଇ ସାମାଜ୍ ଅଡ଼ାଃ ବାଗିକେଦ୍ଦେ, ଯାକୁବ୍ ଆତଃ ଯୋହାନଲ୍ଲଃ, ଆନ୍ଦ୍ରିୟ ଆତଃ ଶିମୋନ୍‌ଆଃ ଅଡ଼ାଃତେ ସେନଃୟାନାକ । ୩୦ ଶିମୋନ୍‌ଆଃ ହାନାର୍ତ୍ତେ ଉରିୟୁତେ ପାର୍ବକମ୍ରେ ବାଟିୟାକାନ୍ ତାଇକେନାଏ, ଆତଃ ଇମ୍ବତାଗି ଇନିୟାଃ କାଜି ଯୀଶୁକେ ଉଦୁବ୍‌କିୟାଃକ । ୩୧ ଏନ୍ତେ ଯୀଶୁ ଇନିୟାଃ ଜାପାଃତେ ସେନିୟାନ୍‌ଟିଃ ଇନିୟାଃ ତିଃଇ ସାବ୍‌କେଦ୍ଦେ ବିରିଦ୍‌କିୟାଏ ଆତଃ ଇନିଃ ଉରିୟୁଏତେ ବୁଗିୟାନା, ଆତଃ ଇନିଃ ଇନକୁକେ ସୁସାର୍ ଏଟେଦ୍‌କେଦ୍‌କଥା ।

୩୨ ସିଙ୍ଗିହାସୁରଃ ତାନରେ ହଡ଼କ ପୁରାଃ ବଙ୍ଗା ଏସେରକାନ୍ ଆତଃ ଦୁକୁହାସୁତାନ୍ ସବେନ୍ ହଡ଼କକେ ଯୀଶୁତାଃତେକ ଆଉକେଦ୍‌କଥା । ୩୩ ଆତଃ ଏନ୍ ସାହାରରେନ୍ ହଡ଼କ ଏନ୍ ଅଡ଼ାଃ ଦୁଆରରେକ ହୁଣ୍ଡିୟାନା । ୩୪ ଏନ୍‌ରେଦ୍ ଯୀଶୁ ଚିମିନ୍ ରାକାମ୍‌ରେନ୍ ହାସୁ ଦୁକୁତାନ୍ ଚିମିନ୍ ଚିମିନ୍ ହଡ଼କକେ ବୁଗିକେଦ୍‌କଥାଏ, ଆତଃ ଚିମିନ୍ ଚିମିନ୍ ବଙ୍ଗାକକେ ହାର୍‌ଅଡ଼ଙ୍ଗ୍ କେଦ୍‌କଥାଏ, ଆତଃ ଇନିଃ ବଙ୍ଗାକକେ କାଏ କାଜି ଇଚିକେଦ୍‌କଥା, ଚିୟାଃଚି ଇନକୁ ଯୀଶୁକେ ସାରିତାଇକେନାକ ।

ୟୀଶୁ ଗାଲିଲ୍‌ରେ ସୁକୁକାଜି ଉଦୁବ୍‌କେଦାଏ  
(ଲୁକ ୪:୪୨-୪୪)

୩୫ ଏଟାଃ ହୁଲାଇ ଆଙ୍ଗାମାର୍ସାଲ୍ ଝୁଲ୍‌ପୁଲ୍‌ନୁବାଃ ତାଇନଲ୍‌ଠି ଯୀଶୁ ବିରିଦ୍‌କେଦ୍‌ଦେ ସିଃସଏଃ ଠାୟାଦ୍‌ଦେ ସେନଃୟାନାଏ ଆତଃ ଏନ୍ତାଃରେ ବିନ୍ତିକେଦାଏ । ୩୬ ମେନ୍‌ଦ୍, ଶିମୋନ୍ ଆତଃ ଗାତି ତାୟାଃକ ଯୀଶୁକେ ଦାଣ୍ଠାଁ ନାମ୍‌କେଦ୍‌ଦେ, ୩୭ ଆୟାଃତାଃକ ହିଜୁଃୟାନା ଆତଃ କାଜିକିୟାଃକ, “ସବେନ୍‌କ ଆମ୍‌କେ ଦାଣ୍ଠାଁବାଡ଼ାତାନାକ ।”

୩୮ ମେନ୍‌ଦ୍ ଇନିଃ କାଜିୟାଦ୍‌କଥାଏ, “ଦଲ୍ଲା, ଜାପାଃକରାଃ ହାତୁତେବୁ ସେନଆଃ, ଜେ'ଲେକାଚି ଏନ୍ତାଃକରେହିଁ ଆଇଙ୍ଗ୍ କାଜିକ ଉଦୁବେୟାଇଙ୍ଗ୍, ଚିୟାଃଚି ଏନା ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ କୁଲ୍‌କାଇଙ୍ଗ୍‌ୟାଁ ।”

୩୯ ଏନ୍ତେ ଇନିଃ ଇନକୁଆଃ ସାମାଜ୍ ଅଡ଼ାଃକରେ ଇତୁକେଦ୍‌କଥା ଆତଃ ବଙ୍ଗାକକେ ହାର୍‌ତାନ୍‌ଲଃ ଗଟା ଗାଲିଲ୍ ହନର୍‌କେଦାଏ ।

ୟୀଶୁ ମିଆଁଦ୍ ନାଗେଘାଅନିଃକେ ବୁଗି ତାନାଏ  
(ମାଥୁର ୮:୧-୪; ଲୁକ ୫:୧୨-୧୬)

୪୦ ମୁସିଙ୍ଗ୍ ହୁଲାଇ ମିଆଁଦ୍ ନାଗେଘାଅନିଃ ଯୀଶୁତାଃ ଦେଙ୍ଗାଆସି ମେନ୍ତେ ହିଜୁଃୟାନାଏ, ଆତଃ ଇକ୍‌ଡ଼ମୁକେଦ୍‌ଦେ ବିନ୍ତିତାନ୍‌ଲଃ କାଜିକିୟାଏ, “ଆମ୍ ସାନାଙ୍ଗ୍‌ରେଦ୍ ଆଇଙ୍ଗ୍‌କେ ବୁଗିନିୟାର୍\* ଦାଡ଼ିୟାମ୍ ।”

୪୧ ଏନ୍ତେ ଯୀଶୁ ଦାୟାତେ ପେରେଃୟାନାଏ ଆତଃ ଆୟାଃ ତିଃଇ ଜିଲିଙ୍ଗ୍‌କେଦ୍‌ଦେ ଜୁଟିଦ୍‌କିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ୪୨ କାଜିତର୍‌ସାଗି ଇନିୟାଃ ନାଗେଘାଅ ନିର୍‌ୟାନା ଆତଃ ଇନିଃ ବୁଗିୟାନାଏ । ୪୩ ଏନ୍ତେ ଯୀଶୁ ଇମ୍‌ତାଗି ଏନ୍ତାଃଏତେ କୁଲ୍‌କିୟାଏ, ଆତଃ ମାରାଙ୍ଗ୍‌ମତାତେ କାଜିକିୟାଏ, ୪୪ “ଆୟୁମେମେ, ଜେତାଏକେ ନେ କାଜି ଆଲମ୍ ଉଦୁବ୍‌କଥାଃ, ମେନ୍‌ଦ୍, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆତଃ ଇନିଃ ନେଲ୍‌ମେକାଏ, ଏନ୍ତେ ଆମ୍ ବୁଗିଫାର୍‌ଚିୟାଃତେୟାଃ ସବେନ୍ ହଡ଼କଆଃ ସାରିନାଗେନ୍ତେ, ମୁଣା ହୁକୁମାକାଦ୍‌ଲେକା ଦାଣ୍ଠାଁରାକାବେମେ ।”

୪୫ ମେନ୍‌ଦ୍ ଏନ୍ ହଡ଼ ସେନଃୟାନ୍‌ଚି ନେ କାଜି ସବେନ୍‌ତାଃରେ ଉଦୁବ୍ ଏଟେଦ୍‌କେଦାଏ, ଇନିୟାଃ ନେ କାଜି ମେନ୍ତେ ଯୀଶୁ ଜେତାନ୍ ସାହାରରେ

\* ୧:୩୯ ୧:୩୯ ମାଥୁର ୪:୨୩; ୯:୩୫.      \* ୧:୪୦ ୧:୪୦ ଯିହୁଦୀକଆଃ ଲେକାତେ ନାଗେଘାଅ ତାଇକାନ୍ ହଡ଼ ସଡ଼ରା କାଜିୟଃ ତାଇକେନା ଆତଃ ପାର୍‌ମେଶ୍ୱାର୍‌ରାଃ ସେଞ୍ଚା କାଏ ଦାଡ଼ିତାଇକେନା

ହତକଥା ଆୟୁର୍ରେ କାଏ ବଲ ଦାଡ଼ିକେନା, ଆତଃ ସିଃସଏଃ ଠାୟାଦ୍ରେ ତାଇନ୍ଦାଡ଼ାୟାନାଏ, ହଲେହିଁ ହତକ ସବେନ୍ଦସାଃଏତେ ଜନିଃତାଃତେ ହିଜୁଃତାନ ତାଇକେନାକ ।

୨

ୟାଶୁ ମିଆଁଦ୍ ବାଡ଼କାନନିଃକେ ବୁଗିକିୟାଏ  
(ମାଥୂଉ ୯:୧-୮; ଲୁକ ୫:୧୭-୨୭)

୧ ଚିମିନ୍ ମାହିଁ ତାୟମତେ, ୟାଶୁ କପର୍ନାହୁମତେ ଆଇଃକ୍ ତାଇନଃ ଅଡ଼ାଃତେ ରୁହାଡ଼ୟାନ୍ତି, ଅଡ଼ାଃରିୟା ମେନ୍ତେ ଜନ୍କୁ ଆୟୁମକେଦା, ୨ ଏନ୍ତେଦ ହତକ ପୁରାଃଗି ହୁଣ୍ଡିୟାନ୍ତେ ଏନ୍ତାଃରେ ଦୁଆର୍ପିଣ୍ଡିରିରେହ ଠାୟାଦ୍ କା ତାଇକେନା, ଆତଃ ୟାଶୁ ଜନ୍କୁକେ ବାଚାନ୍ ଉଦୁବାଦକଥାଏ । ୩ ଏନ୍ ଦିପିଲିରେ, ମିଆଁଦ୍ ବାଡ଼କାନ ହତକେ ଚାଃଝାନ୍ ହତକ ଜନିଃତାଃତେକ ଗଅଃ ଆଉକିୟା । ୪ ମେନ୍ଦ ଗାଦେଲ୍ ହତକ ନାଗେନ୍ତେ ଜନ୍କୁ ୟାଶୁଆଃ ନାଡ଼େଃତେ କାକ ସେନ୍ଦାଡ଼ିୟାନା । ଏନାମେନ୍ତେ ୟାଶୁ ତିଜୁକାନତାଃରାଃ ଅଡ଼ାଃ ସାଡ଼ମି ଗେନାକେଦତେ, ଏନ୍ ବାଡ଼କାନନିଃକେ, ବାଗିୟାକାନ୍ ପାରକମ୍ଲାଃଗି ଆଡ଼ଗୁକିୟାକ । ୫ ଆତଃ ୟାଶୁ ଜନ୍କୁଆଃ ବିଶ୍ୱାସ୍ ନେଲ୍କେଦତେ ବାଡ଼କାନନିଃକେ ମେତାଇୟାଏ, “ଏ ହନ୍ ଆମାଃ ପାପ୍ କ୍ଷାମାୟାନା ।”

୬ ଏନ୍ତାଃରେ ଦୁବାକାନ୍ ଚିମିନ୍ ଆଇନ୍ ଇଡୁକ ଏନା ନେଲ୍କେଦତେ ଆକ ଆକଆଃ ମନ୍ରେ ପାହାମକେଦାଃକ, ୭ “ନିଃ ଚିଲ୍କାକେଦତେ ନେ ଲେକାଏ କାଜି ଦାଡ଼ିତାନ୍ ? ନିଃଦ ପାରମେଶ୍ୱାଃରକେ ନିନ୍ଦାଜତାନା, ମିହୁଡ଼କେ ବାଗିକେଦତେ, ମେନ୍ଦ ପାରମେଶ୍ୱାଃର ବେଗାଃ ଅକଏ ପାପ୍ କ୍ଷାମା ଏମ୍ ଦାଡ଼ିୟାଏ ।”

୮ ଜନ୍କୁ ଏନ୍ଲେକା ଆକଆଃ ମନ୍ରେ ପାହାମତାନା ମେନ୍ତେ ୟାଶୁ ଜମ୍ତାଗି ଆୟାଃ ଆମ୍ବାରେ ଆର୍କାଃକେଦା, ଆତଃ ମେତାଦକଥାଏ, “ଆପେ ଆପେୟାଃ ମନ୍ରେ ଚିନାଃପେ ଉଡ଼ୁତାନା ?” ୯ ଅକନାଃ ରାଝାଲ୍ଲାଃ, ନେ ବାଡ଼କାନନିଃକେ “ପାପ୍ ତାମାଃକ କ୍ଷାମାୟାନା” କାଜିତେୟାଃ ରାଝାଲ୍ଲାଃ\* ଚି “ବିରିଦ୍ମେ, ପାରକମ୍ ତାମାଃ ଗଅଃକେଦତେ ସେନଃମେ” ମେନ୍ତେ କାଜିତେୟାଃ ରାଝାଲ୍ଲା ? ୧୦ ମେନ୍ଦ ଆପେ ସାରିଦାଡ଼ି ନାଗେନ୍ତେ ଉଦୁବାପେତାନାଇଜ୍ ନେ ଅତେଦିଶୁମ୍ରେ ପାପ୍ କ୍ଷାମାରେୟାଃ ଆକ୍ତେୟାଃ ମାନଝାହନ୍ଦାଃ† ମେନାଃ, ଏନ୍ ବାଡ଼କାନନିଃକେ କାଜିକିୟାଏ, ୧୧ ଆଇଜ୍ କାଜିମେତାନାଇଜ୍, “ମାର ବିରିଦ୍ମେ ଆତଃ ପାରକମ୍ତାମାଃ ଗଅଃକେଦତେ ଆମାଃ ଅଡ଼ାଃତେ ସେନଃମେ ।”

୧୨ ଜମ୍ତାଗି ଜନିଃ ବିରିଦ୍ୟାନାଏ, ଆତଃ ଆୟାଃ ପାରକମ୍ ଗଅଃକେଦତେ ସବେନ୍ଦକଥାଃ ସାମ୍ନାଜ୍ରେ ସେନଃୟାନାଏ, ଏନାଡ଼େ ସବେନ୍ଦକ ଆକ୍ଦାନ୍ଦାଅଃତାନ୍ଲଃ ମେନ୍କେଦାଃକ “ନେ ଲେକା ଚିଉଲ୍ଲାହ କାରୁ ନେଲ୍କାଦ୍ ତାଇକେନା, ଆତଃ ପାରମେଶ୍ୱାଃରକେ ମାରାଜ୍କିୟାକ ।”

ୟାଶୁ ଲେବୀକେ କେଡ଼ାଇତାନାଏ  
(ମାଥୂଉ ୯:୯-୧୩; ଲୁକ ୫:୨୭-୩୨)

୧୩ ଆତଃଗି ୟାଶୁ ଗାଲିଲ୍ ଦରେୟା ଗେନାତେ ସେନଃୟାନାଏ, ଗାଦେଲ୍ ହତକ ଜନିଃତାଃକ ହିଜୁଃୟାନା ଆତଃ ଜନିଃ ଜନ୍କୁକେ ଇଡୁ ଏଟେଦକେଦକଥା । ୧୪ ଆୟାଃରେ ସେନଃତାନ୍ ଦିପିଲିରେ ଆଲ୍ଫିୟାନ୍ରାଃ ହନ୍ତେକଡ଼ା ଲେବୀ ଆୟାଃ ମାଲ୍ହାଃମ୍ ଠାୟାଦ୍ରେ ଦୁବାକାନ୍ ନେଲ୍କେଦତେ ୟାଶୁ କାଜିକିୟାଏ, “ଦେଲା ଅତଜ୍ଜାଃମେ ।” ଏନ୍ତେ ଜନିଃ ବିରିଦ୍କେଦତେ ଅତଜ୍ଜାକିୟା ।

\* ୨:୯ ୨:୯ ସାହଜ୍ † ୨:୧୦ ୨:୧୦ ୟାଶୁ

୧୫ ତାୟମ୍ ଦିପିଲିରେ ଯୀଶୁ ଲେବୀଆଃ ଅଡ଼ାଃରେ ଜମ୍ନାନ୍ ଦୁବାକାନ୍ ତାଇକେନାଏ, ଇମ୍ତାଜ୍ ଯୀଶୁକେ ଅତଜ୍ଝତାନ୍ ପୁରାଃ ମାଲ୍‌ହାରମ୍, ପାପିକ ଯୀଶୁ ଆଡ଼ଃ ଆୟାଃ ଚେଲାଇଲଃ ଜଜମ୍ ଦୁବ୍‌ୟାନା ।<sup>୧୭</sup> ଫାରୁଶୀକଏତେ ଚିମିନ୍ ଆଇନ୍ ଇଡୁକ, ଯୀଶୁକେ ମାଲ୍‌ହାରମ୍ ଆଡ଼ଃ ପାପିକଲଃ ଜମ୍ତାନ୍ ନେଲ୍‌କେଦତେ ଆୟାଃ ଚେଲାଇକେ କାଜିୟାଦକଆକ “ଚିନାଃମେନ୍ତେ ଇନିଃ ନେ ଲେକାନ୍ ହଡ଼କଲଃ ଜମ୍ତାନାଏ ?”

୧୭ ଯୀଶୁ ନେୟା ଆୟୁମ୍‌କେଦତେ କାଜିୟାଦକଆଏ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କା, ମେନ୍ଦ୍ ହାସ୍ତତାନ୍ କା ନାଗେନ୍ତେ ବାଇଦ୍ ଲାଗାତିଜ୍‌ୟାଃ, ଧାର୍‌ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍ଦ୍ ପାପିକକେ କେଡ଼ା ମେନ୍ତେଇଜ୍ ହିଜୁଃକାନା ।”

କାଟାବ୍‌ରେୟାଃ କୁନ୍ତୁଲି  
(ମାଥୂଉ ୯:୧୪-୧୭; ଲୁକ ୫:୩୩-୩୯)

୧୮ ଯୋହାନ୍ ତୁବାକରାଃ ଚେଲାଇ ଆଡ଼ଃ ଫାରୁଶୀକ କାଟାବ୍ ତାଇକେନ୍ ଦିପିଲିରେ ଚିମିନ୍ ହଡ଼ ଯୀଶୁତାଃ ହିଜୁଃକେଦତେ କୁଲିକିୟାକ, “ଚିନାଃମେନ୍ତେ ଯୋହାନ୍ ତୁବାକରାଃ ଚେଲାଇ ଆଡ଼ଃ ଫାରୁଶୀକଆଃ ଚେଲାଇ କାଟାବାଃ ? ମେନ୍ଦ୍ ଆମାଃ ଚେଲାଇଦ କାକ କାଟାବାଃ ?”

୧୯ ଯୀଶୁ ମେତାଦକଆଏ, “ଆଣ୍‌ଦିଅଡ଼ାଃରେ ଦୁଲ୍ଲକଡ଼ା ବାଲାଇଲଃ ତାଇନଃରେ, ବାଲାଇ ଚିଲ୍‌କାତେ ରେଜେଃ କାଟାବ୍‌ଗି ତାଇନାଃକ ? କାହାଗି, ଏନ୍‌କାଦ କା ହବାଅଆଃ ଆକଲଃ ଦୁଲ୍ଲକଡ଼ା ତାଇନଃ ଜାକେଦ୍ କାକ କାଟାବ୍ ଦାଡ଼ିୟାଃ ।”<sup>୨୦</sup> ମେନ୍ଦ୍ ନେଡ଼ା ତେବାଗାଃ, ଆଡ଼ଃ ଦୁଲ୍ଲକଡ଼ାକେ ଇନ୍‌କୁଆଃ ଆଲାଏତେ ଇଦିୟଃଆ, ଏନ୍ ଦିପିଲିରେ ଇନ୍‌କୁ ରେଜେଃ କାଟାବ୍ ରିକାଏୟାକ ।

୨୧ “ଜେତାଏ ନାଝା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦତେ କାଏ ତୁନାଏୟା, ଏନ୍‌କାଲେରେ ନାଝା ଲିଜାଃରାଃ କେଚାଃ ମାରି ଲିଜାଃଏତେ ଆଡ଼ଃଗି ଚେଚାଃ ଇଦିୟାଏ, ଆଡ଼ଃ ଏନ୍ ଚେଚାଃ ସିଦାଏତେ ଆଡ଼ଃଗି ମାରାଜ୍ ଇଦିୟଃଆ ।<sup>୨୨</sup> ଆଡ଼ଃ ନାଝା ଦାଖରାସିକେ ମାରି ଉହୁର୍‌ତୁମ୍‌ଗାରେ ଜେତାଏ କାକ ଦୁଲ୍‌ପେରେଜେୟା, ଏନ୍‌କାଲେରେ ଦାଖରାସି ଉହୁର୍‌ତୁମ୍‌ଗାକେ ଅଡ଼େଃଡ଼ାଏ ଆଡ଼ଃ ଦାଖରାସି ଲିଜି ଏଣ୍‌ଗାଃଆ, ଏନାମେନ୍ତେ ନାଝା ଦାଖରାସିକେଦ ନାଝା ଉହୁର୍‌ତୁମ୍‌ଗାରେ ପେରେଜାଃକ ।”

ରୁଡ଼ନ୍ତୁ ହୁଲାଜ୍‌ରେଆଃ କୁନ୍ତୁଲି  
(ମାଥୂଉ ୧୨:୧-୮; ଲୁକ ୬:୧-୫)

୨୩ ମୁସିଜ୍ ରୁଡ଼ନ୍ତୁ ହୁଲାଜ୍ ଯୀଶୁ ହେରାକାନ୍ ପିଡ଼ି ଆଲାଆଲାତେ ଚେଲାଇଲଃ ସେନଃଡ଼ାନ୍ ତାଇକେନାଏ, ଆଡ଼ଃ ଇନିୟାଃ ଚେଲାଇ ସେନଡ଼ାନ୍‌ଲଃ ଗେଲେକ ହଦ୍ ଏଚେଦକେଦା ।<sup>୨୪</sup> ଆଡ଼ଃ ଫାରୁଶୀକ ଯୀଶୁକେ କାଜିକିୟାଃକ, “ନେଲେମେ, ରୁଡ଼ନ୍ତୁ ହୁଲାଜ୍‌ରେ ଆମାଃ ଚେଲାଇ ଆଇନ୍ ଲେକାତେ ଅକ୍‌ନାଃ କା ଠାଉକାନ୍ କାମି ତାନାଃ, ଏନା ଚିନାଃମେନ୍ତେକ ରିକାତାନା ?”

୨୫ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଦାଉଦ୍‌ଆଃ ଜମେୟାଃ କା ତାଇକେନା ଇମ୍ତା ଇନିଃ ଆଡ଼ଃ ଆୟାଃ ଗାତିକ ରେଜେଃୟାନ୍ ଇମ୍ତା, ଇନିଃ ଚିନାଃଏ ଚିକାକାଦ୍ ତାଇକେନା, ଏନା ଚିଉଲାହ ଚି କାପେ ପାଡ଼ାଅକାଦା ?<sup>୨୬</sup> ଚିଲ୍‌କା ଇନିଃ ମାରାଜ୍ ଯାଜାକ୍ ଅବିୟାଅରରାଃ ସାମାଏରେ ପାର୍‌ମେଶ୍‌ବାର୍‌ଆଃ ଅଡ଼ାଃତେ ବଲ୍‌ୟାନା ଆଡ଼ଃ ଅକ୍‌ନାଃକେଚି ଆଇନ୍ ଲେକାତେ ଯାଜାକ୍‌କକେ ଏସ୍‌କାର୍ ଜମେବାଇୟଃ ହଲ୍‌ଜ୍‌କେ ଜମ୍‌କେଦାଏ ଆଡ଼ଃ ଆୟାଃ ଗାତିକକେୟ ଜମ୍‌ନାଜ୍ ଏମାଦକଆଏ ।”

୨୭ ଆତ୍ମ ରୁଣ୍ଡୁରୁ ଯିଶୁ ମେତାଦକଆଏ, “ରୁଡୁନୁ ହୁଲାଙ୍ଗକେ ମାନଖାରାଃ ବୁଗିନାଃ ନାଗେନ୍ତେ ବାଇୟାକାନା, ମେନ୍ଦ ମାନଖାକେ ହାମ୍ବାଲ୍ତେ ତେନ୍ ନାଗେନ୍ତେ କାହାଗି । ୨୮ ନେ ଲେକାଗି ମାନଖାହନ୍ ରୁଡୁନୁ ହୁଲାଙ୍ଗରେନ୍ ହୁଁ ଗମକେ ତାନିଃ ।”

### ୩

ୟିଶୁ ରହଡ଼ିଃଇନିଃକେ ବୁଗି ତାନାଏ  
(ମାଥୁଉ ୧୨:୯-୧୪; ଲୁକ ୬:୬-୧୧)

୧ ଏନ୍ତେ ଯିଶୁ ସାମାଜ ଅଡ଼ାଃତେ ବଲୟାନା, ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୨ ଆତ୍ମ ଯିଶୁ ରୁଡୁନୁ ହୁଲାଙ୍ଗରେ ଏନ୍ ହଡ଼କେ ବୁଗିୟାଏ ତି କା ମେନ୍ତେ ତିଟାଇ ନାଗେନ୍ତେ ତିମିନାଙ୍ଗ୍ ହଡ଼କ ହରାକ ଦାଣ୍ଡାତାନ୍ ଆତ୍ମ ଲତଇତାନ୍ତକ ତାଇକେନା । ୩ ଯିଶୁ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ଏଲା, ସବେନ୍କଆଃ ଆଲାରେ ତିଙ୍ଗୁନ୍ମେ ।”

୪ ଏନ୍ତେ ଯିଶୁ ଇନ୍କୁକେ କାଜିୟାଦକଆଏ, “ଆବୁଆଃ ଆଇନ୍ଲେକାତେ ରୁଡୁନୁ ହୁଲାଙ୍ଗରେ ଅକନ୍ କାମି ରିକା ଲାଗାଡ଼ିଙ୍ଗ୍ୟାଃ ? ମିହୁଡ଼ଆଃ ବୁଗିନ୍ ରିକାତେୟାଃ ତି ଏଡ଼କାନ୍ ରିକାତେୟାଃ ? ମିହୁଡ଼ଆଃ ଜୀଉ ବାସ୍ତାଅତେୟାଃ ତି ଜୀଉ ଗଗଏଃତେୟାଃ ?” ମେନ୍ଦ ଇନ୍କୁ ଇନିଃକେ ଜେଡ଼ନାଃ କାକ କାଜିରୁହାଡ଼ ଦାଡ଼ିକେନା ।

୫ ଏନ୍ତେ ଇନ୍କୁଆଃ କେଟେଦ୍ ମନ୍ ନେଲ୍ଲକେଦ୍ତେ ଯିଶୁଆଃ ମନ୍ ଦୁକୁୟାନା, ଆତ୍ମ ଖୁସ୍ତେ ଇନ୍କୁକେ ନେଲ୍ଲବିୟୁର୍ କେଦକତି ଏନ୍ ହଡ଼କେ ମେତାଇୟାଏ, “ତିଃଇତାମାଃ ଜିଲିଙ୍ଗ୍ୟେମେ,” ଇନିଃ ତିଃଇ ଜିଲିଙ୍ଗ୍କେଦାଏ, ଆତ୍ମ ତିଃଇତାୟାଃ ପୁରାଗି ବୁଗିରୁହାଡ଼ୟାନା । ୬ ଆତ୍ମ ଫାରୁଶୀକ ଅତଙ୍ଗକେଦ୍ତେ ଯିଶୁକେ ତିଲ୍ଲକାତେବୁ ଗଜିୟା ମେନ୍ତେ ଇମ୍ତାଗି ହେରୋଦ୍ ରାଜାରାଃ ହଡ଼କଲଃ ରଜୋଟ\* କେଦାଃ ।

ଗାଦେଲ୍ ହଡ଼କ ଯିଶୁକେକ ଅତଙ୍ଗିତାନା  
(ମାଥୁଉ ୪:୨୩-୨୫; ୧୨:୧୫-୧୬; ଲୁକ ୬:୧୭-୧୯)

୭ ଏନ୍ତେ ଯିଶୁ ଆୟାଃ ଚେଲକଲଃ ଗେନାକେଦ୍ତେ ଗାଲିଲ୍ ଦରେୟାସାଃତେ ସେନଃୟାନାଏ, ଆତ୍ମ ଗାଲିଲ୍ ଆତ୍ମ ଯିହୁଦାଏତେ ଗାଦେଲ୍ ହଡ଼କ ଇନିଃକେକ ଅତଙ୍ଗକିୟା, ୮ ଯୀରୁଶାଲେମ୍, ଇଦୁମ୍, ଯାଦାନ୍ ଗାଡ଼ା ହାନ୍ପାରମ୍, ସୋର୍ ଆତ୍ମ ସିଦୋନ୍ରାଃ ହପରଜାପାଃ ନାଗାର୍କଏତେ ପୁରାଃ ଗାଦେଲ୍ ହଡ଼କ ଇନିଃୟାଃ ସବେନ୍ ମାପୁରାଙ୍ଗ୍ କାମି ରିକାରେୟାଃକାଜି ଆୟୁମ୍କେଦ୍ତେ ଇନିଃତାଃତେକ ହିଜୁଃୟାନା । ୯ ଏନ୍ତାଃରେ ହଡ଼କ ହୁଣ୍ଡିୟାନ୍ତି ଇନ୍କୁଆଃ ଉପୁଦୁରଠେପ୍ସାଅ† ଏତେ ବାସ୍ତାଅ ନାମେ ନାଗେନ୍ତେ ଯିଶୁ ଆୟାଃ ନାଙ୍ଗ୍ ମିଆଁଦ୍ ଲାଉକା ଜଗାଡ଼ନାଙ୍ଗ୍ ଚେଲକକେ କାଜିକେଦକଆଏ । ୧୦ ତିୟାଃତି, ଯିଶୁ ପୁରାଃ ହଡ଼କକେ ବୁଗିକାଦକ ତାଇକେନା, ଏନାମେନ୍ତେ ଦୁକୁହାସୁତାନ୍ ସବେନ୍କ, ଇନିଃକେ ଜୁଟିଦି ନାଗେନ୍ତେ ଇନିଃତାଃ ଜୁରୁହୁଣ୍ଡିନ୍ତାନ୍ତକ ତାଇକେନା । ୧୧ ଆତ୍ମ ସଡ଼ରା ଆମ୍ବାତେ ଏସେରାକାନ୍ ହଡ଼କ ଇନିଃକେ ନେଲ୍ତାଇଲଃଗି ଇନିଃୟାଃ କାଟାସୁବାରେ ଉୟୁଗେନ୍ତାନ୍ତକ ତାଇକେନା, ଆତ୍ମ “ଆମ୍ବି ପାର୍ମେଶ୍ୱାର୍ଆଃ ହନ୍ ତାନ୍ମେ” ମେନ୍ତେକ କାଉରିତାଇକେନା ।

୧୨ ଏନ୍ତେଦ୍ ଆଇୟାଃ ବିଷାଏରେ ଏଟାଃକେ ଆଲ୍ପେ କାଜିକଆ ମେନ୍ତେ ଇନିଃ ଇନ୍କୁକେ ମାରାଙ୍ଗମଟା କେଦକଆଏ ।

ୟିଶୁ ଗେଲ୍ବାର୍ କୁଲାକାନ୍କକେ ସାଲାକେଦକଆଏ  
(ମାଥୁଉ ୧୦:୧-୪; ଲୁକ ୬:୧୨-୧୬)

\* ୩:୬ ୩:୬ ବିଚାର୍ / ମଜୁଣା    ✧ ୩:୯ ୩:୯ ମାର୍ଚ୍ଚ ୪:୧; ଲୁକ ୫:୧-୩.    † ୩:୯ ୩:୯ ଠେଲ୍ଲାପେଲ୍ଲା

୧୩ ଏବେ ଯୀଶୁ ବୁରୁତେ ରାକାବ୍‌ୟାନାଏ, ଆତଃ ଆୟାଃ ସାନାଙ୍ଗ୍‌ଆଁକାଦକକେ ଆୟାଃତାଃତେ କେଡାକେଦକଆଏ, ଆତଃ ଇନ୍‌କୁ ଇନିଃତାଃତେକ ହିଜୁଃୟାନା । ୧୪ ଆତଃ ଇନିଃ ଗେଲ୍‌ବାର୍ †ପ୍ରେରିଡକକେ ସାଲାକେଦତେ, ଇନ୍‌କୁକେ ପ୍ରେରିଡ ମେନ୍ତେ ନୁଡୁମକେଦକଆଏ । ଇନିଃ ଇନ୍‌କୁକେ କାଜିକେଦକଆଏ, “ଆଇଙ୍ଗ୍‌ଲଃ ତାଇନଃ ନାଗେନ୍ତେ ଆପେକେ ସାଲାକାଦପେଆଇଙ୍ଗ୍, ଆତଃ ସୁକୁକାଜି ଉଦୁବ୍ ନାଗେନ୍ତେଇଙ୍ଗ୍ କୁଲପେୟା । ୧୫ ଆତଃ ବଙ୍ଗାକ ହାର୍‌ଅତଙ୍ଗ୍ ନାଗେନ୍ତେ ଆପେକେ ପେଡ଼େଃ ଏମାପେୟାଇଙ୍ଗ୍ ।”

୧୬ ଯୀଶୁ ନେ ଗେଲ୍‌ବାର୍ କୁଲାକାନକକେ ସାଲାକେଦକଆଏ, ଶିମୋନ୍, ଅକଏକେଚି ଇନିଃ ପାଡ଼ରାସ୍ ନୁଡୁମକିଆଏ । ୧୭ ଜେବଦୀଆଃ ବାରିୟା ହନ୍‌କଡାକିନ୍ ଯାକୁବ୍ ଆତଃ ଯୋହାନ୍, ନେ ବାରାନ୍ ହାଗିୟାକିନ୍‌କେ ଯୀଶୁ, ବାନାର୍‌ଗେସ୍ ମେନ୍‌ଲେରେ “ରିମିଲ୍‌ସାଡିରେନ୍ ହନ୍‌କିନ୍” ମେନ୍ତେ ନୁଡୁମକେଦକିନା; ୧୮ ଆନ୍ଦ୍ରିୟ, ଫିଲିପ୍, ବାର୍ଥୋଲମି, ମାଥୁଉ, ଥୋମା, ଆଲ୍‌ଫିୟନାଃ ବାରିଆ ହନ୍‌କଡାକିନ୍ ଯାକୁବ୍ ଆତଃ ଅଲିୟ, କିନାନ୍‌ରେନ୍ ଶିମୋନ୍, ଅକଏଚି ଇସ୍ରାଏଲ୍‌କକେ ମୁଲ୍ତି ଏମ୍ ସାନାଙ୍ଗ୍‌ତାନ୍ ଯିହୁଦୀକ ଏତେ ମିହୁଡ୍ ତାଇକେନାଏ । ୧୯ ଆତଃ ଇଷ୍ଟାରିୟଡ୍ ଯିହୁଦୀ ଅକଏଚି, ତାୟମ୍‌ତେ ଯୀଶୁକେ ବାଇରିକଆଃ ତିଃଇରେ ଆଖ୍‌ରିଙ୍ଗ୍‌କିୟା ।

ୟୀଶୁ ଆତଃ ବାଲ୍‌ଜେବୁଲ୍  
(ମାଥୁଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଏବେ ଯୀଶୁ ଅଡ଼ାଃତେ ରୁହାଡ଼ୟାନାଏ, ଆତଃ ଏନ୍ତାଃରେ ପୁରାଃ ହଡକ ହୁଣ୍ଡିୟାନା, ଏନାତେ ଇନିଃ ଆତଃ ଆୟାଃ ତେଲାକ ଜମ୍‌ହ କାକ ଦାଡିକେଦାଃ । ୨୧ ନେୟା ଆୟୁମକେଦତେ ଆୟାଃ ଅଡ଼ାଃରେନ୍ ହଡକ ଆଇଃକକେ ସାବ୍‌ଇଦି ନାଗେନ୍ତେ ଅତଙ୍ଗ୍‌ୟାନାକ, ଚିୟାଃଚି ହଡକ କାଜିତାଇନାକ, “ନିଃ ବାଲୁଅଃତାନାଏ ।”

୨୨ \*ଆତଃ, ଯୀରୁଶାଲେମ୍‌ଏତେ ହିଜୁଆକାନ୍ ଆଇନ୍ ଇଡୁକ ମେନ୍‌କେଦାଃକ “ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍ ଇନିଃକେ ଏସେରକିୟାଏ । ଇନିଃଚି ଇନିଃକେ ବଙ୍ଗା ହାର୍‌ଅତଙ୍ଗ୍ ନାଙ୍ଗ୍ ପେଡ଼େଃ ଏମାଇତାନାଏ ।”

୨୩ ଏନାମେନ୍ତେ ଯୀଶୁ ଇନ୍‌କୁକେ ହାକାଅକେଦକଆଏ, ଆତଃ ଜନ୍‌କା କାଜିତେ ମେତାଦକଆଏ, “ସାଏତାନ୍‌ଗିଃ ସାଏତାନ୍‌କେ ଚିଲ୍‌କା ହାର୍‌ଅତଙ୍ଗ୍ ଦାଡିୟାଏ ? ୨୪ ମିଆଁଦ୍ ରାଇଜ୍ ଆୟାଃରେଗି ବିନ୍‌ଗାଅକେଦତେ ଆକ ଆକଥାଲାରେ ଲାପ୍‌ଡ଼ାଇରେଦ ଏନ୍ ରାଇଜ୍ ଛିତିବିତିକଆଃ । ୨୫ ଆତଃ, ମିଆଁଦ୍ ଅଡ଼ାଃରେନ୍‌କ ଆକ ଆକଗି ଲାପ୍‌ଡ଼ାଇରେଦ ଏନ୍ ଅଡ଼ାଃ କା ତିଙ୍ଗ୍‌ନାଃ । ୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଜ୍ ହିଗାଡକେଦତେ ବିନ୍‌ଗାଅରେଦ ଏନା କା ତିଙ୍ଗ୍‌ନାଃ, ମେନ୍‌ଦ ଛିତିବିତିକେଦତେ ଟୁଣ୍ଡୁଡ଼ାଃରଃଆ ।

୨୭ “ପେଡ଼େୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲକେଦତେ ଆୟାଃ ମେନାଃତେୟାଃ କାଏ ରେଃକ୍‌ଦାଡିୟା, ମେନ୍‌ଦ୍ ସିଦାତେ ଇନିଃକେ ତଲକେଦତେ ଆୟାଃ ମେନାଃତେୟାଃ ରେଃକ୍‌ଦାଡିୟାଏ ।

୨୮ “ସାର୍‌ତିଗି କାଜିପେତାନାଇଙ୍ଗ୍, ମାନଝାହନ୍‌କଆଃ ସବେନ୍ ପାପ୍ ଆତଃ ଇନ୍‌କୁଆଃ ନିୟା କାଜିକ ଛାମାଝାଃ; ୨୯ \*ମେନ୍‌ଦ୍ ପାବିତାର୍ ଆମ୍‌କେ ହିଲାଙ୍ଗ୍‌ଇ ହଡକେ ଚିଉଲାହ କା ଛାମାଝାଃ, ଚିୟାଃଚି ଇନିଃ ଜାନାଅ ଜାନାଅରାଃ ପାପ୍ କେଦାଏ ।” ୩୦ “ସଡ଼ରା ଆମ୍‌ ଇନିଃକେ ଏସେରାକାଇୟାଏ” ମେନ୍ତେ ଆଇନ୍ ଇଡୁକ କାଜିକେଦ୍‌ଚି ନେ ସବେନାଃ ଯୀଶୁ କାଜିକେଦାଏ ।

‡ ୩:୧୪ ୩:୧୪ ବାରାଙ୍ଗନ୍    ✨ ୩:୨୨ ୩:୨୨ ମାଥୁଉ ୯:୩୪; ୧୦:୨୫.    ✨ ୩:୨୯ ୩:୨୯ ଲୁକ ୧୨:୧୦.

ୟୀଶୁଆଃ ଏଙ୍ଗା ଆଡ଼ଃ ହାଗାକ  
(ମାଥୂଉ ୧୨:୪୭-୫୦; ଲୁକ ୮:୧୯-୨୧)

୩୧ ଏନ୍ତେ ଯୀଶୁଆଃ ଏଙ୍ଗାତେ ଆଡ଼ଃ ହାଗାକ ହିନ୍ଦୁଃୟାନା ଆଡ଼ଃ ରାଚାରେ ଡିଙ୍ଗୁକେଦତେ, ଇନିଃକେ କେଡ଼ାଆଉ଼ି ନାଗେନ୍ତେ ମିହୁଡ଼କେକ କୁଲ୍‌କିୟାଃ । ୩୨ ଆଡ଼ଃ ଗାଦେଲ୍ ହଡ଼କ ଇନିଃତାଃରେ ଦୁବ୍ ଜୁରୁଆକାନକ ତାଇକେନା, ଆଡ଼ଃ ଇନକୁ କାଜିକିୟାଃକ, “ନେଲେମେ, ଆମାଃ ଏଙ୍ଗାମ୍ ଆଡ଼ଃ ହାଗା ମିଶିକ ରାଚାରେକଆ, ଇନକୁ କେଡ଼ାମେତାନାକ ।”

୩୩ ଯୀଶୁ କାଜିୟାଦକଆଏ, “ଅକଏ ଆଇଁୟାଃ ଏଙ୍ଗାଇଙ୍ଗ୍ ? ଆଡ଼ଃ ଅକନକ ଆଇଁୟାଃ ହାଗାଇଙ୍ଗକ ତାନକ ?” ୩୪ ଆଡ଼ଃ ଦୁବାକାନକକେ, ଆରିଦବିୟୁରକେଦତେ କାଜିକେଦାଏ, “ନେଲ୍‌କପେ ନିକୁଦ ଆଇଁୟାଃ ଏଙ୍ଗା ଆଡ଼ଃ ହାଗାକତାନକ । ୩୫ ଅକଏ, ପାରମେଶ୍ୱାରୁଆଃ ସାନାଙ୍ଗ୍ ପୁରାଏ, ଇନିଃ ଆଇଁୟାଃ ଏଙ୍ଗାଇଙ୍ଗ୍, ହାଗାଇଙ୍ଗ୍ ଆଡ଼ଃ ମିଶିଙ୍ଗ୍ ତାନିଃ ।”

**୪**

ହିତାହେରୁନିଆଃ ଜନକା କାଜି  
(ମାଥୂଉ ୧୩:୧-୯; ଲୁକ ୮:୪-୮)

୧ \*ୟୀଶୁ ଆଡ଼ଃଗି ଗାଲିଲ୍ ଦରେୟା ଗେନାରେ ଇନିତୁ ଏଟେଦକେଦାଏ, ଆଡ଼ଃ ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନତି ଦରେୟାରେ ତାଇକାନ ମିଆଁଦ୍ ଲାଉକାରେ ଦୁବ୍‌ୟାନାଏ ଆଡ଼ଃ ସବେନ୍ ହଡ଼କ ଦରେୟା ଗେନାରେ ଅତେରେକ ତାଇକେନା । ୨ ଯୀଶୁ ଇନକୁକେ ଜନକା କାଜିତେ ପୁରାଃ କାଜିକ ଇତୁକେଦକଆଏ, ଆଡ଼ଃ ଇତୁକତାନଲଃ କାଜିକେଦକଆଏ,

୩ “ଆୟୁମେପେ, ମିଆଁଦ୍ ହିତାହେରୁନିଃ ହିତା ହେରୁନାଗେନ୍ତେ ଅଡ଼ଙ୍ଗୟାନା । ୪ ଆଡ଼ଃ ଇନିଃ ହିତା ହେରୁତାନଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆଡ଼ଃ ତେଣୈକ ଆଡ଼ଗୁକେଦତେ ଏନାକ ହାଲାଙ୍ଗ୍ ଜମ୍‌କେଦାଃ । ୫ ଚିମିନ୍ ହିତାଦ ହାସା ପୁରାଃ ବାନଃ ଦରି ଅତେରେ ଉୟୁଃୟାନା, ହାସା ଏତାଙ୍ଗି ତାଇକାନ ହରାତେ ଅମନ୍ ଧାବ୍‌ୟାନା । ୬ ମେନ୍‌ଦ ସିଙ୍ଗି ରାକାବ୍‌ୟାନତି ଏନ୍ ଅମନ୍‌ତେୟାଃକ ସବେନ୍ ଗସୟାନା, ଆଡ଼ଃ କା ରେହେଦାକାନ ହରାତେ ରହଡ଼ୟାନା । ୭ ଚିମିନ୍ ହିତା ଜାନୁମ୍ ତୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆଡ଼ଃ ଏନାକ କା ଜ ଯାନା । ୮ ମେନ୍‌ଦ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆଡ଼ଃ ଏନା ଅମନ୍ ହାରାୟାନ୍ତେ ଜ ଯାନା, ଅକଆଃକ ତିରିଶ୍, ଅକଆଃ ଷାଠେ, ଅକଆଃ ମିଦ୍‌ଗାଅଗୁନା, ଜ ଯାନା ।”

୯ ଆଡ଼ଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନକା କାଜି କାଜିକେଦାଃଏ  
(ମାଥୂଉ ୧୩:୧୦-୧୭; ଲୁକ ୮:୯-୧୦)

୧୦ ଯୀଶୁ ଏସକାରଗି ତାଇକାନ ଦିପିଲିରେ, ଆୟାଃଲଃ ତାଇକେନ୍ ହଡ଼କ, ଗେଲ୍‌ବାର୍ ଚେଲାକଲଃ, ନେ ଜନକା କାଜିରେୟାଃ ମୁଣ୍ଡି ଚିକ୍‌ନାଃ ତାନାଃ ମେନ୍ତେକ କୁଲ୍‌କିୟାଃ ? ୧୧ ଇନିଃ କାଜିୟାଦକଆଏ, “ଆପେଦ ପାରମେଶ୍ୱାରୁଆଃ ରାଇଜ୍‌ରେୟାଃ ଉକୁଆକାନ କାଜିରାଃ ମୁଣ୍ଡିପେ ନାମ୍‌କାଦାଃ । ମେନ୍‌ଦ ବାହାରିରେନ୍ ଏଟାଃକକେ କାଜିରାଃ ଜନକା କାଜିତେ ସବେନାଃ ଉଦୁବଃତାନା । ୧୨ ଏନ୍‌ଲେକାତେ, “ଇନକୁ ନେଲ୍‌ଦକ ନେଲେଆ, ମେନ୍‌ଦ କାକ ନେଲ୍‌ଉରୁମେୟାଁ,

\* ୪:୧ ୪:୧ ଲୁକ ୫:୧-୩.

ଇନ୍କୁ ଆୟୁମଦକ ଆୟୁମେୟା, ମେନ୍ଦ କାକ ଆଚ୍‌କାରେୟା,  
କା'ରେଦ ଇନ୍କୁ ମନ୍‌କ ରୁହାଡେଡେୟାଃ,  
ଆଡ଼ଃ ପାର୍‌ମେଶ୍ୱାର ଇନ୍‌କୁକେ ଛାମା ଏମାଦକଡେୟାଏ ।”

ୟାଶୁ ହିତାହେରୁନିଆଃ ଜନ୍‌କା କାଜିରେୟାଃ ମୁଣ୍ଡି ଉଦୁବେତାନାଏ  
(ମାଥୁର ୧୩:୧୮-୨୩; ଲୁକ ୮:୧୧-୧୫)

୧୩ ଏନ୍ତେ ଯାଶୁ ମେତାଦକଆଏ, “ନେ କାଜିରାଃ ଜନ୍‌କା କା'ଚିପେ ମୁଣ୍ଡିକେଦା ? ତାଦ୍‌ଦ, ଆଡ଼ଃ ଜନ୍‌କାକ ଚିଲ୍‌କାପେ ମୁଣ୍ଡିଆ ? ୧୪ ହିତାହେରୁନିଃଦ ପାର୍‌ମେଶ୍ୱାର୍‌ଆଃ କାଜି ହେରୁନିଃ ତାନିଃ । ୧୫ ଚିମିନ୍ ହଡ଼କ ପାର୍‌ମେଶ୍ୱାର୍‌ରାଃ କାଜି ଆୟୁମ୍ ତାନଲଃଗି ସାଏତାନ୍ ହିଜୁଃକେଦ୍‌ଡେ ଇନ୍‌କୁତାଃଏଡେ ଆୟୁମ୍ କାଜିକେ ରେଃକଇଦିତାଃଏ, ଇନ୍‌କୁଦ ହରା ଗେନାରେ ହେରାକାନ୍ ହିତା ଲେକାଃକ । ୧୬ ଏନ୍‌ଲେକା, ଚିମିନ୍ ହଡ଼କଦ ହିତା ହେରାକାନ୍ ଦିରିଅଡେ ଲେକାନ୍‌କ ତାନ୍‌କ, ଇନ୍‌କୁଦ କାଜି ଆୟୁମ୍‌ଲଃଗି ରାସ୍‌କାଡେ ଡେଲାଏତାନ୍ ହଡ଼କ ତାନ୍‌କ । ୧୭ ମେନ୍‌ଦ ଇନ୍‌କୁତାଃରେ ‘ରେହେଦ୍’ କା ତାଇନ୍ ହରାଡେ ଇନ୍‌କୁ କାଚିଃ ଘାଡ଼ିଗିକ ତାଇନାଃ, ତାୟମ୍‌ଡେ କାଜିରାଃ ହରାଡେ ଦୁକୁହାସୁ ଚାହେ ସାସାତି ହିଜୁଃରେ ଇମ୍‌ତାଗିକ ରୁହାଡ଼କଆଃ । ୧୮ ଜେତାଏ କାଜି ଆୟୁମାଃଏ ମେନ୍‌ଦ ସାଂସାର୍‌ରେୟାଃ ଉଡ଼ୁଆଡ଼ଃ ପୁରାଃ ମେନାଃଡେୟାଃରାଃ ହାୟା, କାନାଜିକେ ହାରାତପାଏୟା ଆଡ଼ଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୧୯ ନେ ଲେକାନ୍ ହଡ଼କଦ ଜାନୁମ୍ ଆଲାରେ ହେରାକାନ୍ ହିତାଲେକାନ୍‌କତାନ୍‌କ । ୨୦ ଆଡ଼ଃ ବୁଗିନ୍ ଅଡେରେ ହେରାକାନ୍ ହିତାଲେକା ଚିମିନ୍ ହଡ଼କ ସୁକୁକାଜି ଆୟୁମ୍‌କେଦ୍‌ଡେ ମାନାଡିଙ୍‌ୟାଃକ, ଆଡ଼ଃ ମିଆଁଦନିଃ ତିରିଶ, ଏଟାଃନିଃ ଷାଠେ, ଆଡ଼ଃ ମିଆଁଦନିଃ ମିଦ୍‌ଶାଅ ଗୁନାକ, ଜ ଆଃ ।”

ଦିମିରେୟାଃ ଜନ୍‌କା କାଜି  
(ଲୁକ ୮:୧୬-୧୮)

୨୧ \*ଆଡ଼ଃଗି ଯାଶୁ କାଜିୟାଦକଆଏ, “ଚିୟାଃ ଜେତାଏ ହଡ଼ ଦିମି ଜୁଲ୍‌କେଦ୍‌ଡେ ‘ତାଝାଡେ’ ଚାଏ ପାର୍‌କମ୍ ଲାତାର୍‌ରେ ଦହୟାଏ ? ଏନାକେଦ ପାଖା ଚାଏ ଦିକା ଚେତାନ୍‌ରେ ଦହୟାଏ । ୨୨ \*ଅକ ସବେନ୍ ଉକୁଆକାନ୍‌ଡେୟାଃ ଏନା ମାସ୍‌ଲାଡେ ଆଉଃଆ, ଆଡ଼ଃ ଅକ ସବେନାଃ ଦାନାଙ୍‌ଆଁକାନା ଏନା ଉଦୁବଃଆ । ୨୩ ଲୁଡୁର୍ ତାପେଆଃ ଆୟୁମ୍ ନାଗେନ୍ତେ ମେନାଃରେଦ, ଆୟୁମେପେ ।”

୨୪ \*ଆଡ଼ଃଗି ଇନିଃ କାଜିୟାଦକଆଏ, “ଆପେ ଆୟୁମେଡେୟାଃ ବୁଗିଲେକା ଆୟୁମ୍‌ଉରୁମେପେ, ଆପେ ସଙ୍ଗେ ତାନ୍‌ରେଚି ଆପେ ନାଗେନ୍ତେ ସୋଙ୍ଗଃଆ, ଆଡ଼ଃ ଏନାଏଡେ ଆଦ୍‌କାପେ ନାମେଆଁ । ୨୫ \*ଚିୟାଃଚି, ଅକଏତାଃ ମେନାଃ ଇନିଃଦ ଆଡ଼ଃଗି ନାମେଆଁ, ଆଡ଼ଃ ଜେତାଏତାଃରେ ବାନଃଆ, ଇନିଃତାଃଏଡେ ଅକ୍‌ନାଃ ମେନାଃ ଏନାହଗି ଇଦିୟଃଆ ।”

ହାରାତାନ୍ ହିତାରେୟାଃ ଜନ୍‌କା କାଜି

୨୬ ଆଡ଼ଃଗି ଯାଶୁ କୁଲିକେଦ୍‌କଆଏ, “ପାର୍‌ମେଶ୍ୱାର୍‌ଆଃ ରାଇଜ୍ ନେ'ଲେକାଗିଆଃ, ମିଆଁଦ୍ ହଡ଼ ଆୟାଃ ଅଡେରେ ହିତା ହେରୁକେଦାଏ । ୨୭ ଆଡ଼ଃ ଇନିଃ ନିଦାରେ ଦୁଡ଼ୁମାଏ, ସିଙ୍ଗିରେ ବିରିଦାଏ, ଆଡ଼ଃ ଇନିୟାଃ କା ସାରିଡେ ହିତା ଅମନଆଃ ଆଡ଼ଃ ହାରାଅଆଃ । ୨୮ ଅଡେଦ ଆୟାଃଡେଚି ଜ'ଏମାଃଏ, ସିଦା ଅମନେୟାଏ, ଏନ୍ତେ ଗେଲେୟାଏ, ଏନ୍ତେ ଗେଲେରେ ଜାଙ୍‌ଅଃଆ । ୨୯ ଜ

\* ୪:୨୧ ୪:୨୧ ମାଥୁର ୫:୧୫; ଲୁକ ୧୧:୩୩.    \* ୪:୨୨ ୪:୨୨ ମାଥୁର ୧୦:୨୬; ଲୁକ ୧୨:୨.    \* ୪:୨୪ ୪:୨୪ ମାଥୁର ୭:୨; ଲୁକ ୭:୩୮.    \* ୪:୨୫ ୪:୨୫ ମାଥୁର ୧୩:୧୨; ୨୫:୨୯; ଲୁକ ୧୯:୨୭.

ଜାଙ୍ଗଲ୍‌ମାନଙ୍କି ଏନ୍ ହଡ଼, ଇରୋଃ ଦିପିଲି ସେଟେରୁୟାନା ମେନ୍ତେ, ଦାଡ଼ରମ୍ ସାବେଆଏ ।

ମାନିଜାଙ୍ଗରେଆଃ ଜନ୍‌କା କାଜି  
(ମାଥୁଉ ୧୩:୩୧-୩୨, ୩୪; ଲୁକ ୧୩:୧୮-୧୯)

୩୦ “ଆଡ଼ଃଗି ଯୀଶୁ କୁଲିକେଦକଆଏ, ପାର୍‌ମେଶ୍ୱାରୁଆଃ ରାଜଜ୍ ଚିନାଃଲଃବୁ ଜକାଏୟା ଚାଏ ଅକ ଜନ୍‌କା କାଜିତେ ଏନାବୁ ଉଦୁବେୟା । ୩୧ ଏନାଦ ମିଆଁଦ୍ ମାନିଜାଙ୍ଗ୍ ଲେକା, ଅତେରେ ହେରୁତାନ୍ ସାମାଏରେ ଅତେରାଃ ସବେନ୍ ହିତାଜାଙ୍ଗ୍ ଏତେ ହୁଡ଼ିଙ୍ଗ୍‌ଆଁ, ୩୨ ମେନ୍‌ଦ୍ ଅତେରେ ହେରୁୟାନ୍‌ଚି ଏନାରେୟାଃ କତକ ଏଟାଃ ଆଡ଼ାଃଦାରୁକଏତେ ପୁରାଃ ମାରାଙ୍ଗ୍ ହାରାସାଲାଙ୍ଗ୍‌ଅଃଆ, ଆଡ଼ଃ ସିର୍ମାରେନ୍ ତେଣ୍‌କ ଏନାରେୟାଃ ଉମ୍‌ଲୁରେକ ଅକାୟା ।”

୩୩ ଯୀଶୁ ଇନ୍‌କୁକେ ଆଟ୍‌କାରୁଡ଼ରୁମ୍ ଦାଡ଼ିଲେକା ପୁରାଃ ନେ'ଲେକାନ୍ ଜନ୍‌କା କାଜିକ କାଜିକେଦକଆଏ । ୩୪ ବେଗାର୍ ଜନ୍‌କା କାଜିତେ ଇନିଃ ଇନ୍‌କୁକେ ଜେଡ଼ନାଃ କାଏ କାଜିୟାଦକଆ, ମେନ୍‌ଦ୍ ଏସ୍‌କାରରେ ଇନିଃ ଆୟାଃ ଚେଲାକକେ ସବେନାଃରାଃ ମୁଣ୍ଡି ଉଦୁବାକ ତାଇକେନାଏ ।

ୟୀଶୁ ମାରାଙ୍ଗ୍‌ହୟକେ ହାପାଉତାରୁକେଦାଏ  
(ମାଥୁଉ ୮:୨୩-୨୭; ଲୁକ ୮:୨୨-୨୫)

୩୫ ଏନ୍ ହୁଲାଙ୍ଗ୍, ଆୟୁବ୍‌ୟାନ୍‌ଚି ଯୀଶୁ ଚେଲାକକେ କାଜିୟାଦକଆଏ, “ଦଲାବୁ, ଦରେୟା ହାନ୍ ପାରମ୍‌ତେବୁଆ ।” ୩୬ ଆଡ଼ଃ ଚେଲାକ ଗାଦେଲ୍ ହଡ଼କକେ ବାଗିକେଦତେ ଲାଉକାରେ ଦୁବ୍‌ୟାନାକ, ମେନ୍‌ଦ୍ ଯୀଶୁ ସିଦାରେ ଦୁବାକାନ୍ ତାଇକେନାଏ, ଏନ୍ତେ ଇନ୍‌କୁ ଲାଉକାକେ ଚାଲାଅକେଦାଃକ, ଏନ୍ତାଃରେ ଏଟାଃ ଲାଉକାକହ ତାଇକେନା । ୩୭ ଇମ୍‌ତାଙ୍ଗ୍‌ଗି ଦୁଦୁଗାରୁହୟ ବିରିଦ୍‌ୟାନା ଆଡ଼ଃ ଲାଉକାରେ ଆଲ୍‌ପୁଙ୍ଗ୍‌କ\* ରାକାବ୍‌ୟାନା, ଏନାତେ ଲାଉକାରେ ଦାଆଃ ପେରେଜଃତାନ୍ ତାଇକେନା । ୩୮ ଇମ୍‌ତା ଯୀଶୁ ଲାଉକାରେୟାଃ ତାୟମ୍‌ସାଃରେ ଉପୁଙ୍ଗ୍‌କେଦତେ ଦୁଡ଼୍‌ମ୍‌କାନାଏ ତାଇକେନା । ଚେଲାକ ଇନିଃକେ ବିରିଦିତାନ୍‌ଲଃ କାଜିକିୟାଃକ, “ହେ ଗୁରୁ, ତୁବିଃଗ୍ ଗଜଃତାନାଲେ, କାମ୍‌ଚି ପାହାମ୍‌ତାନା ?”

୩୯ ଯୀଶୁ ବିରିଦ୍‌ତିଙ୍ଗ୍‌ୟାନ୍‌ଚି ହୟକେ ମାରାଙ୍ଗ୍‌ମତାକିୟା ଆଡ଼ଃ ଆଲ୍‌ପୁଙ୍ଗ୍‌କେ କାଜିକେଦା, “ହାପାଅଃମେଁ,” ଆଡ଼ଃ ଏନା ରୁଡ଼୍‌ୟାନା, ଆଡ଼ଃ ପୁରା ସିଃସଏଃୟାନା† । ୪୦ ଏନ୍ତେ ଯୀଶୁ ଚେଲାକକେ କାଜିୟାଦକଆଏ, “ଚିନାଃ ମେନ୍ତେପେ ବରତାନା ? ନାହାଁଃ, ଜାକେଦ୍ ଆପେୟାଃ ବିଶ୍ୱାସ୍ ବାନଃଆଚି ?”

୪୧ ଏନାତେ ଇନ୍‌କୁ ପୁରାଃଗି ବରକେଦାଃକ, ଆଡ଼ଃ ମେପେନ୍‌ୟାନାକ, “ନିଃଦ୍ ଅକଏ ତାନିଃ ? ହୟ, ଆଡ଼ଃ ଦରେୟା ହୁଁ ନିୟାଃ କାଜିକ ମାନାତିଙ୍ଗ୍‌ତାନା ।”

**୫**

ବଙ୍ଗା ଏସେରାକାନ୍‌ନିଃକେ ଯୀଶୁ ବୁଗି ତାନା  
(ମାଥୁଉ ୮:୨୮-୩୪; ଲୁକ ୮:୨୬-୩୯)

୧ ଏନ୍ତେ ଯୀଶୁ ଆୟାଃ ଚେଲାକଲଃ ଗାଲିଲ୍ ଦରେୟା ସେନ୍‌ପାରମ୍‌କେଦତେ ଗେରାସିମିକଆଃ ପାର୍‌ଗାନ୍‌ତେ ତେବାଃୟାନାକ । ୨ ଇନିଃ ଲାଉକାଏତେ ଆଡ଼୍‌ଗୁୟାନ୍‌ଚି, ସଡ଼ରା ଆମ୍‌ତେ ଏସେରାକାନ୍ ମିହୁଡ଼୍ ହଡ଼ ତପାଠାୟାଦ୍‌ଏତେ ଅଡ଼ଙ୍ଗ୍‌କେଦତେ ସେନ୍‌ଦାରମ୍‌କିୟାଏ । ୩ ଇନିଃ ତପା ଠାୟାଦ୍‌ରେ ତାଇନଃତାନାଏ ତାଇକେନା, ଇନିଃକେ ଜେତାଏ କାକ ତଲ୍ ଦାଡ଼ିତାଇକେନା, ସିକ୍‌ଡ଼ିତେହୁଁ କାହାଗି । ୪ ପୁରାଃସା ଇନିୟାଃ କାଟା ତିଃଇକ ସିକ୍‌ଡ଼ିତେ ତଲାକାନ୍ ତାଇକେନାଏ,

\* ୪:୩୭ ୪:୩୭ ଆଲ୍‌ପୁଙ୍ଗ୍ † ୪:୩୯ ୪:୩୯ ଆମ୍‌ଆ



ମେନ୍ଦ ଦ ସବେନ୍ ଇମ୍ତା ଇନିଃ ସିକ୍ତି ଆତଃ ବେଡ଼ିକକେ ଟଟାଃକେଦାଏ । ଇନିଃତାଃରେ ପୁରାଃ ପେଡ଼େଃ ତାଇକେନା ଆତଃ ଜେତାଏ ହ୍ମ ଇନିଃକେ କାକ କାବୁ ଦାଡ଼ିତାଇକେନା । ୫ ନିଦା ଆତଃ ସିକ୍ତି ତପା ଠାୟାଦକରେ, ବୁରୁରେ କାଉରିତାନ୍ ଆତଃ ଦିରିତେ କଟେୟଃତାନାଏ ତାଇକେନା ।

୯ ସାଜିନ୍-ଏତେ ଯୀଶୁକେ ନେଲ୍ତାଇଲଃ ନିରଦାରମ୍ବକେଦ୍ବତେ ଆୟାଃ ଆୟାରରେ ଅମ୍ବୀଃ ଇକ୍ତମ୍ବୁ ଯାନାଏ । ୯ ଆତଃ କାଉରିତାନ୍ଲଃ କାଜିକେଦାଏ, “ଏ, ସାଲାଇଡ଼ତାର ପାର୍ମେଶ୍ବାର୍ଆଃ ହନ୍ ଯୀଶୁ, ଆଇଁୟାଃଲଃ ଆମାଃ ଚିକାନ୍ କାମି ମେନାଃ ? ପାର୍ମେଶ୍ବାର୍ଆଃ ନୁତୁମ୍ବେ କର୍ଷମେ ତାନାଇକ୍, ଆଲମ୍ ସାସାତିଆଁ ।” ୮ ଚିୟାଃଚି “ଏ, ସତ୍ତରା ଆମ୍ବା, ନେ ହଡ଼ଏତେ ଅତଙ୍ଗଅଃମେ” ମେନ୍ତେ ଯୀଶୁ କାଜିକାଇ ତାଇକେନାଏ ।

୯ ଏନ୍ତେ ଯୀଶୁ ଇନିଃକେ କୁଲିକିୟା, “ଆମାଃ ନୁତୁମ୍ ଚିକନାଃ ? ଆଇଁୟାଃ ନୁତୁମ୍ ଫାଉଦ୍, ଆଲେ ପୁରାଃଗି ମେନାଲେୟା” ମେନ୍ତେ କାଜିରୁହାଡ଼କିୟା । ୧୦ ଆତଃ ଇନିଃ ଯୀଶୁକେ, ନେ ଦିଶୁମ୍ବେତେ ଆଲମ୍ବି ହାର୍ ଅତଙ୍ଗଲେୟା, ମେନ୍ତେ ପୁରାଃଗି ବିକ୍ତିତାନ୍ଲଃ କାଜିଗହାର୍କିୟାଏ ।

୧୧ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋର୍ ଆଡ଼ିଙ୍ଗତାନ୍କ ତାଇକେନା । ୧୨ ଆତଃ, ବଙ୍ଗାକ ବିକ୍ତିକେଦ୍ବତେ କାଜିକିୟାଃକ, “ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍ତାଲେମେ ।” ୧୩ ଯୀଶୁ ଇନ୍କୁକେ ସେନ୍ଇଚିକେଦ୍ବକଆ, ଆତଃ ଏନ୍ ସତ୍ତରା ଆମ୍ବାକ ଏନ୍ ହଡ଼ଏତେ ଅତଙ୍ଗକେଦ୍ବତେ ସୁକୁରିକରେକ ବଲୟାନା, ଆତଃ ଏନ୍ତାଃରେ ଦୁଇ ହାଜାର୍ ଲେକା ସୁକୁରିକ ଆଡ଼ିଙ୍ଗ୍ ତାଇକେନା, ଇନ୍କୁ ଦରେୟାରେକ ନିର୍ ଭୁଷ୍ମାଅୟାନା ଆତଃ ଭୁବିଃଗ୍ ଗଏଃୟାନାକ ।

୧୪ ସୁକୁରି ଗୁପିତାନ୍କ ନିରୟାନାକ ଆତଃ ସାହାର୍ ଆତଃ ଟଲାକରେ ନେ କାଜିକ ଉଦ୍ବକେଦାଃ, ଏନ୍ତେ ଚିକନାଃ ଚିକାୟାନା ମେନ୍ତେ ହଡ଼କ ନେଲ୍ ନାଗେନ୍ତେ ଅତଙ୍ଗୟାନାକ । ୧୫ ଆତଃ ଇନ୍କୁ ଯୀଶୁତାଃ ତେବାଃୟାନ୍ତି ବଙ୍ଗା ଏସେରକାନ୍ ହଡ଼କେ ଇନିୟାଃ କାଟାସୁବାରେ ବୁଗିନ୍ମନ୍ତେ ଦୁବାକାନ୍, ଆତଃ ଲିଜାଃ ଭୁସିଙ୍ଗ୍ଆଁକାନ୍ ନେଲ୍କିଃତେ ବରକେଦାଃକ । ୧୬ ନେ ସବେନ୍ ନେଲ୍କାକାଦ୍ ହଡ଼କ, ବଙ୍ଗା ଏସେରକାନ୍ ଏନ୍ ହଡ଼ ଚିଲ୍କା ବୁଗିୟାନାଏ ଆତଃ ସୁକୁରିକ ଚିଲ୍କାୟାନା ଏନା ସବେନ୍ ହଡ଼କକେ ଉଦ୍ବଦାଦ୍ବକଆକ ।

୧୭ ଏନ୍ତେ ଇନ୍କୁ ଯୀଶୁକେ, ଆଲେୟାଃ ସିମ୍ବାଏତେ, ଅତଙ୍ଗଅଃମେ ମେନ୍ତେକ ବିକ୍ତିକିୟା ।

୧୮ ଏନ୍ତେ ଯୀଶୁ ଲାଉକାରେ ରାକାବ୍ତାନ୍ ଇମ୍ତା, ବଙ୍ଗା ଏସେରଏତେ ବୁଗିକାନ୍ ହଡ଼, ଯୀଶୁକେ “ଆମାଃଲଃ ତାଇନ୍ ଚିକାଆଇଙ୍ଗମ୍ବେ” ମେନ୍ତେ ବିକ୍ତିକିୟାଏ ।

୧୯ ମେନ୍ଦ ଦ ଯୀଶୁ “କାହାଗି, ଆମାଃ ଅଡ଼ାଃତେ ରୁହାଡ଼ମ୍ବେ ଆତଃ ଗମ୍ବେ ଆମାଃ ନାଗେନ୍ତେ ଚିନାଃ ରିକାକେଦାଃଏ, ଆତଃ ଚିଲ୍କା ଆମ୍ବେ ଦାୟାକାଦ୍ମେୟା ଏନ୍ ସବେନାଃ ଆମାଃ ଅଡ଼ାଃରେନ୍କକେ ଉଦ୍ବଦାଦ୍ବମେ” ମେନ୍ତେ କାଜିକିୟା ।

୨୦ ଏନ୍ତେ ଏନ୍ ହଡ଼ ରୁହାଡ଼ୟାନାଏ ଆତଃ ଆୟାଃ ନାଗେନ୍ତେ ଯୀଶୁ ଚିନାଃ ରିକାକେଦାଃଏ ଏନା ସବେନ୍ ଦେକାପଲ୍ଲୀ\*ରେ ଉଦ୍ବଏ ଏଟେଦ୍ବକେଦାଏ, ଆତଃ ଏନା ଆୟୁମ୍ତାନ୍କ ଆକ୍ଦାୟାୟାନା ।

ଗଏଃକାନ୍ ହନ୍କୁଡ଼ି ଆତଃ ଦୁକୁତାନ୍ କୁଡ଼ି  
(ମାଥୁଉ ୯:୧୮-୨୬; ଲୁକ ୮:୪୦-୫୬)

\* ୫:୨୦ ୫:୨୦ ଗ୍ରୀକ୍ ଜାଗାର୍ତ୍ତେ ନେଆଁରାଃ ମୁଣ୍ଡି “ଦାଶୁ ସାହାର୍”

୨୧ ଯୀଶୁ ଲାଉକାରେ ଦରେୟାରାଃ ହାନ୍ ପାରମ୍ପତେ ନେ ପାରମ୍ପତେ ରୁହାଡ଼ିୟାନଟି, ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନା, ଆଡ଼ଃ ଯୀଶୁ ଦରେୟା ଗେନାରେ ତାଇକେନାଏ । ୨୨ ଏନ୍ତେ ଯାଇରସ ନୁଡ଼ୁମ୍ ମିଆଁଦ୍ ସାମାଜ୍‌ଅଡ଼ାଃରେନ୍ ଆଗୁଆଇ ହଡ଼ ହିଜୁଃୟାନାଏ, ଆଡ଼ଃ ଯୀଶୁକେ ନେଲ୍‌କେଦ୍‌ତେ ଆୟାଃ କାଟାସୁବାରେ ଉୟୁଃୟାନା, ୨୩ ପୁରାଃଗି ବିନ୍ତିତାନ୍‌ଲଃ କାଜିକେଦା, “ହନିଙ୍‌କୁଡ଼ି ଦୁକୁଡେ ଗଜଃ ଲେକାକାନାଏ, ଇନିଃ ଚିଲ୍‌କା ବାଞ୍ଚାଅଃଆଏ, ଏନାମେନ୍ତେ ହିଜୁଃମେ, ଆଡ଼ଃ ଇନିୟାଃ ଚେତାନ୍‌ରେ ଡିଃଇ ଦହେମେ ।”

୨୪ ଏନ୍ତେ ଯୀଶୁ ଇନିଃଲଃ ସେନଃୟାନାଏ ଆଡ଼ଃ ଗାଦେଲ୍ ହଡ଼କ ଉପୁଦୁରେଠପ୍‌ସାକେଦ୍‌ତେ ଜୁରୁବିହୁର୍ ତାନ୍‌ଲଃ ଦୟା ଦୟାକ ଅତଙ୍‌କିୟା ।

୨୫ ଆଡ଼ଃ ଏନ୍ତାଃରେ ବାରା ବାରାଷ୍‌ଏତେ “ମାୟୋମ୍‌ଲିଙ୍ଗି” ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ । ୨୬ ଇନିଃ ପୁରାଃ ବାଇଦକତାଃରେ ରାନ୍‌ଆକାନ୍ ତାଇକେନାଏ, ଆଡ଼ଃ ଆୟାଃ ସବେନ୍ ତାଇକେନ୍‌ଡେୟାଃ ଇନ୍‌କୁଆଃରେ ଚାବାକେଦାଏ, ଏନ୍‌ରେୟ କାଏ ବୁଗିୟାନା, ମେନ୍‌ଦ, ଦୁକୁତାୟାଃ ଆଡ଼ଃଗି ସାର୍‌ସାଅୟାନା† । ୨୭ ଇନିଃ ଯୀଶୁଆଃ ବିଷାଏ ଆୟୁମ୍‌କେଦ୍‌ଚି ଗାଦେଲ୍ ହଡ଼କଆଃ ଆଲାରେ ଇନିୟାଃ ଦୟାହରା ଏତେ ଲିଜାଃରାଃ ଆର୍‌ରା ଜୁଟିଦ୍ ନାଙ୍ଗ୍ ହିଜୁଃୟାନା, ୨୮ ଚିୟାଃଗି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସକାର୍ ଜୁଟିଦ୍‌ତାରେଦ୍ ଆଇଙ୍ଗ୍ ବୁଗିକଆଇଙ୍ଗ୍” ମେନ୍ତେ ଉଡ଼ଃତାନ୍ ତାଇକେନାଏ ।

୨୯ ଏନ୍ତେ ଇନିଃ ଯୀଶୁଆଃ ଲିଜାଃ ଆର୍‌ରାକେ ଜୁଟିଦ୍‌କେଦାଏ ଆଡ଼ଃ, ଇମ୍‌ତାଙ୍ଗି ଇନିଃ ମାୟୋମ୍ ଲିଙ୍ଗି ଦୁକୁଏତେ ବୁଗିୟାନାଏ । ଆଡ଼ଃ ଦୁକୁଏତେ ବୁଗିୟାନାଇଙ୍ଗ୍ ମେନ୍ତେ ଆୟାଃ ହଡ଼ମରେ ଆର୍‌କାର୍‌କେଦା । ୩୦ ଇମ୍‌ତାଙ୍ଗି ଯୀଶୁ, “ଆଇଙ୍ଗ୍‌ଏତେ ପେଡ଼େଃ ଅତଙ୍‌ୟାନା” ମେନ୍ତେ ଜୀଉରେ ସାରିଆର୍‌କାର୍‌କେଦାଏ, ଆଡ଼ଃ ଗାଦେଲ୍ ହଡ଼କକେ ହେତାରୁହାଡ଼କେଦ୍‌ତେ, “ଅକଏ, ଆଇଁୟାଃ ଲିଜାଃ ଜୁଟିଦ୍‌କେଦାଏ ?” ମେନ୍ତେ କୁଲିକେଦକଆ ।

୩୧ ଆଡ଼ଃ ଚେଲା ତାୟାଃକ ଯୀଶୁକେ କାଜିକିୟାଃକ, “ଗାଦେଲ୍ ହଡ଼କ ଆମାଃ ଚେତାନ୍‌ରେ ଉୟୁଗଃତାନାକ, ଏନାଦ୍ ନେଲ୍‌କତାନାମ୍, ଆଡ଼ଃ ‘ଅକଏ ଜୁଟିଦ୍‌କିଦିୟାଏ,’ ମେନ୍ତେ ଚିନାଃମ୍ କୁଲିତାନା ?”

୩୨ ମେନ୍‌ଦ୍ ଜୁଟିଦ୍‌କେଦ୍‌ନିଃକେ ଯୀଶୁ ନେଲ୍‌ନାମି ନାଗେନ୍ତେ ହେତାବାଡ଼ାକେଦାଏ । ୩୩ ଏନ୍ କୁଡ଼ି ଆଇଁୟାଃ ଚିକ୍‌ନାଃ ଚିକାୟାନା ନେଆଁ ଆର୍‌କାର୍‌କେଦ୍‌ତେ, ବରତେ ଏକ୍‌ଲାଅଃତାନ୍‌ଲଃ ହିଜୁଃୟାନାଏ ଆଡ଼ଃ ଇକ୍‌ଡ଼ମ୍ ତାନ୍‌ଲଃ ସବେନାଃ ସାର୍‌ତିଗି ଯୀଶୁକେ ଉଦୁଦ୍‌କିୟା । ୩୪ ଯୀଶୁ କାଜିକିୟାଏ, “ଏ ମାଇ, ବିଶ୍ଵାସ୍ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜୀଉତେ ସେନଃମେ, ଆଡ଼ଃ ଆମାଃ ଦୁକୁଏତେ ବୁଗିୟାକାନ୍ ତାଇନଃମେ ।”

୩୫ ଯୀଶୁ ଏନା କାଜିତାନ୍ ଇମ୍‌ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଝାକାଦ୍ ହଡ଼ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନାଏ, ଗୁରୁକେ ଆଡ଼ଃ ଆଲ୍‌ମେ ଦୁକୁଇୟା ।”

୩୬ ଯୀଶୁ ଏନ୍‌କାଜି ଆୟୁମ୍‌କେଦ୍‌ତେ କା ଆୟୁମ୍‌ତାନ୍ ଲେକା ସାମାଜ୍‌ଅଡ଼ାଃରେନ୍ ଆଗୁଆଇକେ କାଜିକିୟା, “ଆଲ୍‌ମ୍ ବରଏୟା, ବିଶ୍ଵାସ୍‌ରେଗି ତାଇନଃମେ ।” ୩୭ ଆଡ଼ଃ ଯୀଶୁ, ପାଡ଼ରାସ୍, ଯାକୁବ୍, ଆଡ଼ଃ ଯୋହାନ୍, ଯାକୁବ୍‌ଆଃ ହାଗାତେକେ ବାଗିକେଦ୍‌ତେ ଆଡ଼ଃ ଜେତାଏକକେ କାଏ ସେନ୍ ଇଚିକେଦକଆ । ୩୮ ଯାଇରସଆଃ ଅଡ଼ାଃତେ ସେଚେରୁୟାନଟି, ଯୀଶୁ ଗାଦେଲ୍ ହଡ଼କ ହାଲାଗୁଲାତାନ୍‌ଲଃ, ରାଆଃତାନ୍ ଆଡ଼ଃ ଏୟମ୍‌ତାନ୍ ନେଲ୍‌କେଦକଆଏ । ୩୯ ଇନିଃ ଅଡ଼ାଃରେ ବଲ୍‌ୟାନାଏ, ଆଡ଼ଃ ଇନ୍‌କୁକେ

† ୫:୨୭ ୫:୨୭ ବାକ୍‌ଅୟାନା

କାଜିୟାଦକଆ, “ଚିନାଃ ମେନ୍ତେପେ ହାଲାରୁଲ୍ଲାଏତାନା ଆତଃପେ ରାଆଃଏତାନା ? ଏନ୍ ହନ୍ଦ କାଏ ଗଜାକାନା ମେନ୍ଦ ଦୁଡ଼ୁତାନାଏ ।”

୪୦ ଏନ୍ତେ ଇନ୍ଦକୁ ଇନିଃକେ ଲାନ୍ଦାକିୟାଃକ । ମେନ୍ଦ ଯୀଶୁ ସବେନ୍ ହଡ଼କକେ ଏନ୍ତାଃଏତେ ଅତଙ୍ଗକେଦକଟି, କୁଡ଼ିହନ୍ରାଃ ଏଙ୍ଗାଆପୁକିନ୍ ଆତଃ ଆୟାଃଲଃ ତାଇକାନ୍ ଚେଲକଲଃ, କୁଡ଼ିହନ୍ ଗିଡ଼ିଜାକାନ୍ତାଃ ସେନ୍ ବଲୟାନାକ । ୪୧ ଆତଃ ଇନିୟାଃ ତିଃକ ସାବକେଦତେ “ଗାଲିଆକୁମ୍” ମେନ୍ଦକିୟାଏ, ନେ କାଜିରେୟାଃ ମୁଣ୍ଡି ନେଆଁ ତାନାଃ, “ଏ ମାଇ ବିରିଦମେ ।”

୪୨ ଇମତାଗି ଏନ୍ କୁଡ଼ିହନ୍ ବିରିଦୟାନାଏ ଆତଃ ସେସେନ୍ ବାଡ଼ାକେଦାଏ, ଚିୟାଃଟି ଇନିଃଦ ବାରା ବାରାଷରେନ୍ ତାଇକେନାଏ । ନେଆଁ ନେଲକେଦତେ ସବେନ୍ଦକ ପୁରାଃଗି ଆକଦାନ୍ଦାୟାନାକ । ୪୩ ମେନ୍ଦ ଯୀଶୁ “ନେ କାଜି ଜେତାଏତାଃରେ ଆଲ୍ପେ ଉଦୁବେୟା,” ମେନ୍ତେ କାଜିୟାଦକଆଏ, ଆତଃ “କୁଡ଼ିହନ୍କେ ଜେଡ଼ନାଃ ଜଜମ୍ ନାଙ୍ଗ ଏମାଇପେ” ମେତାଦକଆଏ ।



ୟୀଶୁକେ ନାଜରେଡ଼ରେ କାକ ବିଶ୍ୱାସକିୟା

(ମାଥୁଉ ୧୩:୫୩-୫୮; ଲୁକ ୪:୧୭-୩୦)

୧ ଯୀଶୁ ଏନ୍ତାଃଏତେ ଅତଙ୍ଗୟାନା । ଆତଃ ଚେଲକଲଃ ଆୟାଃ ସାହାରତେ ହିଜୁଃୟାନାଏ । ୨ ରୁଡ଼ୁ ହୁଲାଇଁ ସାମାଜ୍ ଅଡ଼ାଃରେ ଇନିଃ ଇଡୁ ଏଟେଦକେଦାଏ । ଏନ୍ତାଃରେନ୍ ପୁରାଃ ହଡ଼କ ଇନିୟାଃ କାଜି ଆୟୁମକେଦତେ ଆକଦାନ୍ଦାୟାନାକ, ଆତଃକ ମେନ୍ଦକେଦାଃ, “ଇନିଃ ନେ ସବେନ୍ଦକାଜି ଅକଡ଼ାଃଏତେ ନାମାକାଦା ? ଇନିଃ ଅକଡ଼ାଃଏତେ ନେ ସେଣ୍ ଆତଃ ପେଡ଼େୟାନ୍ କାମିକରେୟାଃ ପେଡ଼େଃ ନାମାକାଦାଏ ? ନିଃ ଚିଲକା ନେ ଲେକା ପେଡ଼େୟାନ୍ କାମିକ କାମିତାନାଏ ? ୩ ଚିୟାଃ ନିଃ ଏନ୍ ବାଡ଼ାଇ ନାହାଁଲିଃ ? ଚିୟାଃ ନିଃ ମାରିୟାମ୍ଆଃ ହନ୍ତେକଡ଼ା ନାହାଁଲିଃ ? ଆତଃ ଯାକୁବ୍, ଯୋସି, ଶିମୋନ୍ ଆତଃ ଯିହୁଦା ନେ ସବେନ୍ଦକ ଆୟାଃ ହାଗାକ କାଟି ତାନ୍ଦକ ? ଆତଃ ଇନିୟାଃ ମିଶିକ ଆବୁଲଃଟି ବାଙ୍ଗକଆ ?” ଆତଃ, ଇନ୍ଦକୁ ଯୀଶୁକେ କାକ ବିଶ୍ୱାସକିୟା ।

୪ ଯୀଶୁ ଇନ୍ଦକୁକେ ମେତାଦକଆ, “ନାବୀ ଆୟାଃ ଦିଶୁମ୍ ଆତଃ ଆୟାଃ କୁରୁମ୍, ଆତଃ ଆୟାଃ ଅଡ଼ାଃରେନ୍ଦକକେ ବାଗିକେଦତେ ସବେନ୍ତାଃରେ ମାଇନଃଆଏ ।”

୫ ଯୀଶୁ ଚିମିନ୍ ଦୁକୁତାନ୍ଦକକେ ତିଃକତେ ଜୁଡ଼ିଦକେଦତେ ବୁଗିକେଦକଆଏ, ଏନା ବାଗିକେଦତେ ଆତଃ ଏନ୍ତାଃରେ ଇନିଃ ଜେତାନ୍ ଆକଦାନ୍ଦାୟାନା କାମିକ କାଏ ରିକା ଦାଡ଼ିକେଦାଃ । ୬ ଆତଃ ଯୀଶୁ ଇନ୍ଦକୁଆଃ କା ବିଶ୍ୱାସତେୟାଃ ନେଲକେଦତେ ଆକଦାନ୍ଦାୟାନା । ଏନ୍ତେ ଯୀଶୁ ହପର୍ଜାପାଃ ହାଡୁ ହାଡୁ ସେନ୍ଦକେଦତେ ଇଡୁତାନାଏ ତାଇକେନା ।

ୟୀଶୁ ଗେଲ୍ବାର ଚେଲକକେ କୁଲକତାନାଏ

(ମାଥୁଉ ୧୦:୫-୧୫; ଲୁକ ୯:୧-୬)

୭ ଏନ୍ତେ ଗେଲ୍ବାର ଚେଲକକେ କେଡ଼ାକେଦତେ, ବାବାରହଡ଼ଲେକା କୁଲକେଦକଆଏ । ଆତଃ ସଡ଼ରା ଆମ୍ବା ହାର୍ଅତଙ୍ଗ ନାଗେନ୍ତେ ଇନ୍ଦକୁକେ ଆକଡ଼େୟାର୍ ଏମାଦକଆଏ । ୮ ଆତଃ ଯୀଶୁ ଚିଗାଲକେଦକଆଏ, “ହରାସେନ୍ ନାଗେନ୍ତେ ସଟା ବାଗିକେଦତେ ଆତଃ ଜେଡ଼ନାଃ ଆଲ୍ପେ ଇଦିୟା, ହଲଙ୍ଗ ଚି ଆଇଲା, ମାୟାଙ୍ଗରେ ଟାକା ପାଏସା ହୁଁ କାହାଗି । ୯ କାଟାରେ ଖାର୍ପା ଦୁସିଙ୍ଗ୍ଫେନ୍ଦପେ ମେନ୍ଦ ବାରିଆ ଦୁସିଙ୍ଗ୍ ଲିଜାଃ ଆଲ୍ପେ ସାବେୟା । ୧୦ ଆତଃ ଇନିଃ ମେତାଦକଆଏ, ଜେତା ଅଡ଼ାଃରେ ଦାରମ୍ପେପେରେ, ଏନ୍ ସାହାର୍ଏତେ

☆ ୭:୪ ୭:୪ ଯୋହାନ୍ ୪:୪୪.

ଆଉରିପେ ଅଡ଼ଙ୍ଗଅଃ ଜାକେଦ୍ ଏନ୍ ଅଡ଼ାଃରେଗି ତାଇନକାନପେ । ୧୧ ✠ଜାହାନ୍  
ଠାୟାଦ୍ରେନକ କାକ ସୁକୁଆପେରେ, ଆଡ଼ଃ ଆପେୟାଃ କାଜି କାକ ଆୟୁମ୍ରେଦ୍,  
ଏନ୍ତାଃଏତେ ସେନଃତାନଲଃ, ଆପେୟାଃ କାଟା ତାଲକାରେୟାଃ ଧୁଡ଼ି ଇନ୍କୁଆଃ  
ବିରୁଧ୍ରେଆଃ ଗାଞ୍ଜା ନାଗେନ୍ତେ କଟା ବାଗିତାପେ ।”

୧୨ ଇନ୍କୁ ସେନଃୟାନାକ ଆଡ଼ଃ ହଡ଼କକେ ହେୟାଡ଼ିଙ୍ଗ୍ ଲାଗାଡ଼ିୟାଃ ମେନ୍ତେ  
ଉଦୁବକେଦାକ । ୧୩ ✠ଇନ୍କୁ ପୁରାଃ ବଙ୍ଗାକକେ ହଡ଼କତାଃଏତେ ହାରଅଡ଼ଙ୍ଗ୍  
କେଦକଆକ ଆଡ଼ଃ ପୁରାଃ ଦୁକୁହାସୁତାନ୍ ହଡ଼କକେ ସୁନ୍ଦ୍ ଗସଃକେଦତେ  
ବୁଗିକେଦକଆକ ।

ଯୋହାନ୍ ତୁବାକରାଃ ଗନଏଃ  
(ମାଥୁଉ ୧୪:୧-୧୨; ଲୁକ ୯:୭-୯)

୧୪ ✠ୟାଶୁଆଃ ନୁତୁମ୍ ସବେନ୍ସାଃରେ ନିଡ଼ିରୟାନ୍ତେ\*, ହେରୋଦ୍† ରାଜା ଇନିୟାଃ  
ବିଷାଏ ଆୟୁମ୍ରେଦା । ଚିମିନ୍ ହଡ଼କ କାଜିତାଇକେନାକ, “ବାପ୍ତିସ୍ତା ଏମଃନିଃ  
ଯୋହାନ୍ ଗଜାକାନ୍ଏତେ ଜୀଉବିବିଦାକାନାଏ, ଏନା ମେନ୍ତେଗି ଆକ୍ଦାୟା କାମିକ  
ଇନିୟାଃ ହରାତେ ହବାଅଃତାନା ।”

୧୫ ମେନ୍ଦ୍ ଏଟାଃକ କାଜିକେଦାଃକ, “ଇନିଃ ଏଲିୟ୍ ତାନିଃ, ଆଡ଼ଃ ଚିମିନ୍ ହଡ଼କ  
କାଜିକେଦାଃକ, ଇନିଃ ସିଦାରେନ୍ ନାବାକଏତେ ମିଆଁଦ୍ ନାବା ତାନିଃ ।”

୧୬ ମେନ୍ଦ୍ ହେରୋଦ୍ ନେଆଁକ ଆୟୁମ୍ରେକେଦତେ ମେନ୍ଦ୍ରେଦାଏ, “ଆଇଙ୍ଗ୍  
ବହଃ ଖାଣ୍ଡାଅକାନ୍ ଯୋହାନ୍ ଗଜାକାନ୍ କଏତେ ଜୀଉବିବିଦ୍ୟାନାଏ ।” ୧୭ ✠ନେ  
ହେରୋଦ୍ଗି ଯୋହାନ୍କେ ସାସାବରାଃ ହୁକୁମ୍ ଏମାକାଦ୍ ତାଇକେନାଏ, ଆଡ଼ଃ  
ଇନିଃକେ ତଲ୍ଲିଃତେ ଜେହେଲ୍ଲିୟାଏ, ହେରୋଦ୍ ନେଆଁ ରିକାକେଦାଏ, ଚିୟାଃତି  
ହେରୋଦ୍ ଆୟାଃ ହାଗାତେ ଫିଲିପ୍ପରାଃ କୁଡ଼ିତେ ହେରୋଦିୟାଃକେ ମାଣ୍ଡାଅକାଇ  
ତାଇକେନା । ୧୮ ଚିୟାଃତି “ହାଗାମାଃ କୁଡ଼ିକେ ଦହତେୟାଃ ଆଇନ୍ ଲେକାତେ  
ଆମାଃ ନାଙ୍ଗ୍ କା ଠାଉକାଃ” ମେନ୍ତେ ଯୋହାନ୍ ହେରୋଦ୍କେ କାଜିକାଇ ତାଇକେନା  
।

୧୯ ଏନାତେ, ହେରୋଦିୟାଃ ଇନିଃକେ ଖ୍ୱସ୍ତେ ଗଗଏଃ ସାନାଙ୍ଗ୍ ତାଇକେନାଏ,  
ମେନ୍ଦ୍ ହେରୋଦିଆ କାଏ ଦାଡ଼ିତାଇକେନା । ୨୦ ଚିୟାଃତି, ହେରୋଦ୍ ଯୋହାନ୍କେ  
ମିଆଁଦ୍ ଧାର୍ମାନ୍ ଆଡ଼ଃ ପାବିତାର୍ ହଡ଼ ତାନିଃ ମେନ୍ତେ ସାରିକେଦତେ ବରଆଇତାନ୍  
ତାଇକେନାଏ ଆଡ଼ଃ ଇନିଃକେ ଜେହେଲ୍ରେ ଜୀହିଦ୍ଗି ମାଣ୍ଡାଅକାଇ ତାଇକେନାଏ  
। ଆଡ଼ଃ ଇନିୟାଃ କାଜିକ ଆୟୁମ୍ରେକେଦତେ ପୁରାଃଗି ଦାନ୍ଦରାଅଃ ତାଇକେନ୍ରେୟ  
ଇନିୟାଃ କାଜିକ ରାସ୍କାତେ ଆୟୁମ୍ ତାଇକେନା ।

୨୧ ଚୁଣ୍ଡୁରେ ହେରୋଦିଆ ନାଗେନ୍ତେ ନେଡା ସେଟେରୟାନା, ହେରୋଦ୍ ଆୟାଃ  
ଜାନାମ୍ ହୁଲାଇଙ୍ଗ୍ ମାନାଅ ନାଗେନ୍ତେ, ଆୟାଃ ମାପ୍ପରାଙ୍ଗ୍ ଦାର୍ବାର୍ ହଡ଼କ,  
ପାଲ୍ଟାନ୍କଆଃ ସାର୍ଦ୍ଦାକ୍, ଆଡ଼ଃ ଗାଲିଲ୍ରେନ୍ ମାପ୍ପରାଙ୍ଗ୍ ହଡ଼କଆଃ ନାଗେନ୍ତେ  
ନୁବାଃରେୟାଃ ମାରାଙ୍ଗ୍ ଜଜମାଃ ବାଇକେଦାଏ । ୨୨ ହେରୋଦିୟାଃରାଃ ହନ୍ତେକୁଡ଼ି  
ଜମେଅଡ଼ାଃରେ ବଲକେଦତେ ସୁସୁନ୍କେଦାଏ, ଆଡ଼ଃ ହେରୋଦ୍ତାଃ ହିନ୍ଦୁଆକାନ୍  
ସବେନ୍ ନେଆଁତା ହଡ଼କକେ ରାସ୍କା କେଦକଆଏ । ଏନ୍ତେ ରାଜା ହେରୋଦ୍  
ହନ୍ତେକୁଡ଼ିକେ କାଜିକିୟାଏ “ଆମ୍ ସୁକୁଃତେଆଃ ଜେଡ଼ନାଃମ୍ ଆସିଙ୍ଗ୍ରେହ୍,  
ଏନାଇଙ୍ଗ୍ ଏମାମେୟାଁ ।” ୨୩ “ଜାହାନାଃଗି ଆସିଙ୍ଗ୍ମେ, ରାଇଜ୍ରେତା ତାରାହାଟିଙ୍ଗ୍  
ମେନେରେୟାଗି ଆଇଙ୍ଗ୍ ଏମାମେୟାଁ” ମେନ୍ତେ ରାଜା ଇନିଃତାଃରେ କିରିୟାକେଦାଏ  
।

✠ ୭:୧୧ ୭:୧୧ ପ୍ରେରିଡ଼ ୧୩:୫୧. ✠ ୭:୧୧ ୭:୧୧ ଲୁକ ୧୦:୪-୧୧. ✠ ୭:୧୩ ୭:୧୩ ଯାକୂବ ୫:୧୪.  
✠ ୭:୧୪ ୭:୧୪ ମାଥୁଉ ୧୭:୧୪; ମାର୍ଚ୍ଚ ୮:୨୮; ଲୁକ ୯:୧୯. \* ୭:୧୪ ୭:୧୪ ବିଷାଦ୍ † ୭:୧୪ ୭:୧୪  
ଗାଲିଲ୍ରେନ୍ ହାକିମ୍ ✠ ୭:୧୭ ୭:୧୭ ଲୁକ ୩:୧୯,୨୦.

୨୪ ଆତ୍ମ ଏବଂ କୁଡ଼ିହନ୍ ଅତ୍ୟନ୍ତାନ୍ତେ, ଚିକାନାଃଇକ୍ ଆସିୟା ମେନ୍ତେ ଏକ୍ଷାତେକେ କୁଲ୍‌କିୟାଏ ? ଆୟାଃ ଏକ୍ଷାତେ କାଜିରୁହାଡ଼କିୟା “ବାପ୍ତିସ୍ମା ଏମ୍‌ନିଃ ଯୋହାନଆଃ ବହଃ ।”

୨୫ ଏବଂ କୁଡ଼ିହନ୍ ଜାଲ୍‌ଦିଗି ହିଜୁଃ ରୁହାଡ଼କେଦ୍‌ତେ ରାଜାକେ କାଜିକିୟାଏ, “ନାହାଃଗି ନେତାଃରେ, ବାପ୍ତିସ୍ମା ଏମ୍‌ନିଃ ଯୋହାନରାଃ ବହଃ ମିଆଁଦ୍ ଆଡ଼ିରେ ଏମାକ୍‌କେମେ ।”

୨୬ ଏବଂ କାଜି ହରାତେ ରାଜା ପୁରାଃଗି ହୁଡ଼ିକ୍‌ଜୀଉୟାନା, ମେନ୍‌ଦ୍ ନେଅଁତାକାନକ୍‌ଆଃ ସାମ୍‌ନାକ୍‌ରେ କିରିୟାକାଦ୍ ହରାତେ ଇନିଃ ଆୟାଃ ଆନାସିକେ ବାନଃ ମେନ୍ତେ ମାନା କାଏ ଦାଡ଼ିକେନା । ୨୭ ଏନା ମେନ୍ତେ ରାଜା ଇମ୍‌ତାଗି ମିଆଁଦ୍ ସିପାକ୍‌କେ, ଯୋହାନଆଃ ବହଃ ଆଡ଼ିରେ ଆଉ ନାଗେନ୍ତେ କୁଲ୍‌କିୟାଏ, ଇନିଃଦ୍ ସେନଃୟାନ୍ତେ, ଜେହେଲ୍‌ରେ ଯୋହାନରାଃ ବହଃକେ ମାଆଃକେଦାଏ, ୨୮ ଏନ୍ତେ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆତ୍ମ ହନ୍ତେକୁଡ଼ିକେକ ଏମ୍‌କିୟା, ଏନ୍ତେ କୁଡ଼ିହନ୍ ଏକ୍ଷାତେକେ ଏନା ଏମ୍‌କିୟାଏ । ୨୯ ଯୋହାନଆଃ ତେଲାକ ଏନା ଆୟାକେଦ୍‌ତେକ ହିଜୁଃୟାନା ଆତ୍ମ ଆୟାଃ ହଡ଼ମକେ ଇଦିକେଦ୍‌ତେ ତପାଗାଡ଼ାରେକ ତପାକେଦା ।

ୟୀଶୁ ଗାଦେଲ୍ ହଡ଼କକେ ଜମେୟାଃ ଏମାକତାନାଏ  
(ମାଥୁର ୧୪:୧୩-୨୧; ଲୁକ ୯:୧୦-୧୭; ଯୋହାନ ୬:୧-୧୪)

୩୦ ପ୍ରେରିଡ଼କ ଯୀଶୁତାଃରେକ ହୁଣ୍ଡିୟାନା, ଆତ୍ମ ଆକ କାମିକାଦ୍ ସବେନାଃ, ହଡ଼କକେ ଇତୁତେଆଃକ ଇନିଃକେ ଉଦୁବ୍‌କିୟାକ । ୩୧ ଏନ୍ତେ ପୁରାଃ ହଡ଼କ ହିଜୁଃ ସେନଃତାନକ୍‌ ତାଇକେନା, ଆତ୍ମ କୁଲ୍‌କାନ୍ ତେଲାକ ଜନମ୍ ନାଗେନ୍ତେ ସାମାଏ କାକ ନାମ୍‌କେଦାଃ, ଏନାମେନ୍ତେ ଯୀଶୁ ମେତାଦ୍‌କଆଏ, “ଦଲ୍‌ ଜାହାନ୍ ସିଃସଏଃ ଠାୟାଦ୍‌ତେରୁଆଃ, ଅକ୍‌ତାଃରେ ଆରୁ ହୁଡ଼ିକ୍‌ଲେକା ରୁଡ଼ନୁରୁ ଦାଡ଼ିୟାଃ ।” ୩୨ ଏନ୍ତେ ଇନକୁ ଲାଉକାରେ ଦେଏଃୟାନ୍ତେ ମିଆଁଦ୍ ସିଃସଏଃ ଠାୟାଦ୍‌ତେ ସେନଃୟାନାକ ।

୩୩ ମେନ୍‌ଦ୍, ହଡ଼କ ଇନକୁକେ ସେନଃତାନକ୍ ନେଲ୍‌କେଦ୍‌କଆ ଆତ୍ମ ଇନକୁକେ ନେଲ୍‌ଉରୁମ୍ କେଦ୍‌କଆକ, ଆତ୍ମ ସବେନ୍ ସାହାରକଏତେ ହଡ଼କ ସେସେନ୍‌ତେଗି ଏନ୍ ଠାୟାଦ୍‌ତେ ସିଦାରେଗି ତେବାଃୟାନାକ । ୩୪ \*ୟୀଶୁ ଲାଉକାଏତେ ଆଡ଼ଗୁୟାନି ଗାଦେଲ୍ ହଡ଼କକେ ନେଲ୍‌କେଦ୍‌ତେ ଜୀଉରେ ବିଲ୍‌କାଆୟାନାଏ‡, ଚିୟାଃଗି ଇନକୁଦ୍ ଗୁପିନିଃ ବାଜାଲ୍ ମିଣ୍ଡିକ୍ ଲେକାକ ତାଇକେନା, ଏନ୍ତାଃରେ ଇନିଃ ଇନକୁକେ ଇତୁ ଏଟେଦ୍‌କେଦ୍‌ଆଏ । ୩୫ ଆତ୍ମ ସିକ୍ ହାସୁରଃତାନ୍‌ରେ, ତେଲାକ ଯୀଶୁତାଃ ସେନକେଦ୍‌ତେକ କାଜିକିୟା, “ନେ ଠାୟାଦ୍ ସିଃସଏଃଗିୟା, ଆତ୍ମ ସିକ୍‌ଆଃ ସେନଃୟାନା । ୩୬ ଏନାମେନ୍ତେ ଜାପାଃ ହାତୁ ଆତ୍ମ ଚଲାକତେ ସେନକେଦ୍‌ତେ ଜଜ୍‌ମାଃକ କିରିକ୍ ଜମେକା ମେନ୍ତେ ଏନ୍ ହଡ଼କକେ ବିଦାତାକମେ ।”

୩୭ ଯୀଶୁ କାଜିରୁହାଡ଼ାଦ୍‌କଆଏ, “ଆପେଗି ଇନକୁକେ ଜାହାନାଃ ଜମେୟାଃ ଏମାକପେ,” ଇନକୁଦ୍ ଇନିଃକେ କାଜିକିୟାକ, “ଆଲେଗି ଚି ୨୦୦ ରୁପାରାଃ ସିକାଃତେ ହଲ୍‌କ୍ କିରିକ୍‌କେଦ୍‌ତେ ଜମେୟାଃଲେ ଏମାକଆ ?”

୩୮ ଏନ୍ତେ ଯୀଶୁ ଇନକୁକେ କୁଲ୍‌କେଦ୍‌କଆଏ, “ଆପେତାଃରେ ଚିମିନ୍ ହଲ୍‌କ୍ ମେନାଃ ? ଜୁ, ନେଲାଉଲେପେ,” ଇନକୁଦ୍ ନାମ୍‌କେଦ୍‌ଚି ଇନିଃକେକ ଉଦୁବ୍‌କିୟା, “ମଣେୟା ହଲ୍‌କ୍ ଆତ୍ମ ବାରିଆ ହାକୁ ।”

୩୯ ଏନ୍ତେ ଯୀଶୁ ତେଲାକକେ “ହାରିୟାର୍ ତାସାଦ୍‌ରେ ସବେନ୍ ହଡ଼କକେ ପାନ୍ତିପାନ୍ତି ଦୁବ୍‌କୁପେ” ମେନ୍ତେ ଆତୁକେଦ୍‌କଆ । ୪୦ ଆତ୍ମ ହଡ଼କ ମିଆଁଦ୍

\* ୭:୩୪ ୭:୩୪ ମାଥୁର ୯:୩୭. ‡ ୭:୩୪ ୭:୩୪ ଦାୟାତେ ପେରେଃୟାନାଏ § ୭:୩୭ 6:37 ମୁସିକ୍‌ରାଃ ନାଲ

ପାତ୍ରିରେ ଶାଅ ଶାଅ ଆତଃ ମିଆଁଦ୍ ପାତ୍ରିରେ ପାଚାଶ୍ ପାଚାଶ୍ ଲେକାକ ଦୁବ୍‌ୟାନା । ୪୧ ଆତଃ, ଯୀଶୁ ଏନ୍ ମଣେୟାଁ ହଲଙ୍ଗ୍ ଆତଃ ବାରିଆ ହାକୁ ସାବ୍‌କେଦ୍‌ତେ ସିର୍ମାସାଃ ସାଙ୍ଗିଲ୍‌ରାକାବ୍‌ତାନ୍‌ଲଃ ଆଶିଷ୍‌କେଦାଏ ଆତଃ ହଲଙ୍ଗ୍ କେଚାଃକେଦ୍‌ତେ ଚେଲ୍‌ଲାକକେ ଏମାଦ୍‌କଆଏ ଆତଃ ହାକୁକେହ୍ଁ ଇନ୍‌କୁ ହାଟିଙ୍ଗ୍‌କେଦାଃକ । ୪୨ ସବେନ୍‌କ ଜମ୍‌କେଦ୍‌ତେ ବି'ୟାନାକ । ୪୩ ଏନ୍ତେ ଚେଲ୍‌ଲାକ ଜମ୍ ସାରେଜାକାନ୍ ହଲଙ୍ଗ୍ ଆତଃ ହାକୁ ବାରା ଚୁଙ୍ଗିକ ହାଲ୍‌ଲାଙ୍ଗ୍ ପେରେଃକେଦାଃକ । ୪୪ ଜମ୍‌କେନ୍‌କଦ୍, ପାଞ୍ଚ ହାଜାର୍ କଡ଼ାକ ତାଇକେନାକ ।

ୟୀଶୁ ଦାଆଃ ଚେତାନ୍‌ରେ ସେସେନ୍‌ତାନାଏ  
(ମାଥୁଉ ୧୪:୨୨-୩୩; ଯୋହାନ୍ ୬:୧୫-୨୧)

୪୫ ଇମ୍‌ତାଗି ଯୀଶୁ ଚେଲ୍‌ଲାକକେ ଲାଉକାରେ ଦୁବ୍‌କେଦ୍‌ତେ ଦରେୟା ହାନ୍ ପାରମ୍ ବେଅସାକଦାତେ କୁଲ୍ ଆୟାର୍‌କେଦ୍‌କଆ । ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦ୍‌କଆ । ୪୬ ଇନିଃ ଗାଦେଲ୍ ହଡ଼କକେ ବିଦାକେଦ୍‌ତେ, ବିନ୍ତି ନାଗେନ୍ତେ ବୁରୁତେ ରାକାଦ୍‌ୟାନା ।

୪୭ ଆତଃ ସିଙ୍ଗିହାସୁତାନ୍‌ରେ ଲାଉକା ଆଲା ଦରେୟାରେ ତାଇକେନା, ଇମ୍‌ତାଦ୍ ଯୀଶୁ ଏସ୍‌କାର୍‌ଗି ଅତେରେ ତାଇକେନାଏ । ୪୮ ସାମ୍‌ନାଙ୍ଗ୍‌ରାଃ ମାରାଙ୍ଗ୍‌ହୟ୍‌ତେ ଚେଲ୍‌ଲାକ ଦୁକୁତେ ଲାଉକାକେ ଇଦିତାନ୍ ନେଲ୍‌କେଦ୍‌ତେ, ଇନିଃ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍‌ତାକରେ ଯୀଶୁ ଦରେୟାରେ ସେସେନ୍‌କେଦ୍‌ତେ ଇନ୍‌କୁତାଃତେ ହିଜୁଃକେଦ୍‌ତେ ସେନ୍‌ପାରମ୍‌କତାନାଏ ତାଇକେନା । ୪୯ ମେନ୍‌ଦ ଇନ୍‌କୁ ଦରେୟା ଚେତାନ୍‌ରେ ଇନିଃକେ ସେସେନ୍‌ତାନ୍‌କ ନେଲ୍‌କିଃତେ ବରକେଦାକ ଆତଃ “ବଙ୍ଗା ତାନିଃ” ମେନ୍ତେକ କାଉରିକେଦା । ୫୦ ସବେନ୍‌କ ଇନିଃକେ ନେଲ୍‌କିଃତେ ବରତେକ ଆର୍‌ଆରାଅୟାନା ।

ଇମ୍‌ତାଗି ଯୀଶୁ ଇନ୍‌କୁକେ ମେତାଦ୍‌କଆ, “ଜାଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ୫୧ ଏନ୍ତେ ଇନ୍‌କୁଲଃ ଲାଉକାରେ ଦେଏଃୟାନ୍‌ତି ହୟ୍ ସାଲ୍‌ସାନ୍ତ୍‌ୟାନା, ଚେଲ୍‌ଲାକଦ୍ ପୁରାଃଗି ଆକ୍‌ଦାନ୍‌ଆୟାନାକ, ୫୨ ଇନ୍‌କୁ ପାଞ୍ଚ ହାଜାର୍ ହଡ଼କକେ ଜମେୟାଁଃ ହାଟିଙ୍ଗ୍ କାଜିରାଃ ହରାତେ କାକ ସେଣ୍‌ୟାନା, ଚିୟାଃତି ଆକଆଃ ମନ୍ କେଟେଦ୍ ତାଇକେନା ।

ୟୀଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକତାନାଏ  
(ମାଥୁଉ ୧୪:୩୪-୩୬)

୫୩ ଯୀଶୁ ଆତଃ ଆୟାଃ ଚେଲ୍‌ଲାକ ଦରେୟା ପାରମ୍‌କେଦ୍‌ତି ଗିନେସରେଡ଼ ନୁତୁମ୍ ପାର୍‌ଗାନ୍‌ତେକ ସେଟେର୍‌ୟାନା, ଆତଃ ଲାଉକାକେ ତଲ୍‌କେଦାକ । ୫୪ ଇନ୍‌କୁ ଲାଉକାଏତେ ଆଡ଼୍‌ଗୁୟାନ୍ ତର୍‌ସା, ଏନ୍ତାଃରେନ୍ ହଡ଼କ ଯୀଶୁକେ ନେଲ୍‌ଉରୁମ୍‌କିୟାକ । ୫୫ ହଡ଼କ ନେତେହେନ୍ତେକ ନିର୍‌ବାଡ଼ାକେଦା ଆତଃ ଇନିଃ ଏନ୍ତାଃରିୟା ମେନ୍ତେ ଇନ୍‌କୁ ସାରିକେଦ୍‌ତି ଦୁକୁହାସୁତାନ୍‌କକେ ପାର୍‌କମ୍‌କରେ ଇନିଃତାଃତେକ ଗଅଃ ଆଉକେଦ୍‌କଆ । ୫୬ ଆତଃ ଯୀଶୁ ସବେନ୍ ହାଡୁ, ଚଲା, ସାହାର୍‌ତେ ବଲଃତାଇକେନ୍‌ଲଃଗି, ହଡ଼କ ଦୁକୁହାସୁତାନ୍‌କକେ ପିର୍ ଠାୟାଦ୍‌ତେକ ଆଉକେଦ୍‌କଆ, ଆତଃ ଲିଜାଃରେୟାଃ ଆର୍‌ରାକେ ଜୁଟିଦ୍‌ତାକାକ ମେନ୍ତେ ଇନିଃକେକ ବିନ୍ତି ତାଇକେନା, ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।



ହାଡ଼ାମ୍‌ହଡ଼କଆଃ ଇନିତୁ  
(ମାଥୁଉ ୧୫:୧-୯)

୧ ଚିମିନ୍ ଫାରୁଶୀକ ଆତଃ ଯୀରୁଶାଲେମ୍‌ଏତେ ହିଜୁଃଲେନ୍ ଚିମିନ୍ ଆଇନ୍ ଇତୁକ ଯୀଶୁତାଃରେକ ହୁଣ୍ଡିୟାନା । ୨ ଆତଃ ଇନ୍‌କୁ ଯୀଶୁଆଃ ଚିମିନ୍ ଚେଲ୍‌ଲାକକେ

ଯିହୁଦୀକଆଃ ରିତିରିଖାଜ୍ ଲେକାତେ ସତ୍‌ରାକେଦ୍‌ତେ କା ଆବୁଜ୍ ତିଃଇତେ ଜମ୍‌ତାନକ ନେଲ୍‌କେଦକଆ ।

୩ ଚିୟାଃତି ଫାରୁଶୀକ ଆତଃ ସବେନ୍ ଯିହୁଦୀକ ପ୍ରାଚିନ୍ ହଡକଆଃ ରିତିରିଖାଜ୍ ଲେକା ତିଃଇ ବୁଗିଲେକାତେ କା ଆବୁଜ୍ ଜାକେଦ୍ କାକ ଜଜମାଃ । ୪ ଆତଃ ପିର୍‌ଏତେ ରୁହାଡକେଦ୍‌ତେ ଦାଆଃ'ତେ ଆଉରି ଆବୁଜ୍ ଜାକେଦ୍ କାକ ଜଜମାଃ । ଆତଃ ନେ'ଲେକାନ୍ ରିତିରିଖାଜ୍ ମାନାତିଜ୍ ତାଇକେନାକ, ତାଝାକ, ଚାଚୁକ, ପାରକମ୍‌କ\*, ଆତଃ ତାମ୍‌ାତେ ବାଇୟାକାନ୍ ବାର୍ତାନକକେ ଦାଆଃତେ ଆବୁଜ୍ ଗାସାର୍ ତାଇକେନାକ ।

୫ ଏନାମେନ୍ତେ ଫାରୁଶୀକ ଆତଃ ଆଇନ୍ ଇତୁକ ଯୀଶୁକେ କୁଲିକିୟାକ, “ଚିନାଃମେନ୍ତେ ଆମାଃ ତେଲାକ ତିଃଇ ବେଗାର୍ ଆବୁଜ୍‌କେଦ୍‌ତେ ସତ୍‌ରାଗି ଜଜମ୍‌କ ଦୁବାଃ ଆତଃ ଆବୁଆଃ ପ୍ରାଚିନ୍‌କଆଃ ରିତିରିଖାଜ୍‌କ କାକ ମାନାତିଜ୍‌ତାନା ?”

୬ ଯୀଶୁ କାଜିରୁହାଡକେଦକଆଏ, “ଆପେ ବେଦାହଡକ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାର୍‌ତିଗି ଆୟାରକାଜି କାଜିକାଦା, ନେଆଁଦ ଅଲ୍‌କାନା, “ପାରମେଶ୍ୱାର୍ କାଜିକେଦାଏ, ‘ନେ ହଡକ ମଚାତେକ ମାଇନିଜ୍‌ତାନା, ମେନ୍‌ଦ ଆକଆଃ ମନ୍ ଆଇଜ୍‌ତାଃଏତେ ସାଜିନ୍‌ରେଆ ।

୭ ଆଇଜ୍‌କେ ସାମାଗିକ ସେଝାଇଜ୍‌ୟା; ଆତଃ ଇନ୍‌କୁଦ ନେୟାଁ ଧାରାମ୍‌ରେୟାଃ କାଜି ତାନାଃ ମେନ୍ତେ ହଡକଆଃ ଆନାରୁକ ଇତୁକତାନା ।”

୮ “ଆପେ ପାରମେଶ୍ୱାର୍‌ରାଃ ଆନ୍‌ତୁକ ଦୟା କୁଣ୍ଡାମ୍‌କେଦ୍‌ତେ ହଡକଆଃ ରିତିରିଖାଜ୍ ମାନାତିଜ୍‌ ତାନାପେ ।”

୯ ଯୀଶୁ ଆତଃଗି କାଜିୟାଦକଆଏ, “ପାରମେଶ୍ୱାର୍‌ରାଃ ଆନ୍‌ତୁକେ କା ମାନାତିଜ୍‌କେଦ୍‌ତେ ଆପେୟାଃ ରିତିରିଖାଜ୍‌କେ ମାନାତିଜ୍ ନାଗେନ୍ତେ ଆପେ ଆପେୟାଃ ହରାପେ ନାମାକାଦାଃ । ୧୦ ମୁଶା ଆନ୍‌ତୁରେ କାଜିୟାକାଦାଏ, ‘ଏଜ୍‌ମ୍ ଆପୁ କିନ୍‌କେ ମାନାତିଜ୍‌କିନ୍‌ମେ’ ଆତଃ ‘ଜେତାଏ ଏଜ୍‌ମ୍‌ତେକେ ଚାଏ ଆପୁତେକେ ସାର୍‌ପାଅ ରେଦ ଇନିଃ ଗଜଃକାଏ ।’ ୧୧ ମେନ୍‌ଦ ଆପେ କାଜିତାନାପେ, ଜେତାଏ ଆୟାଃ ଆପୁ ଚାଏ ଏଜ୍‌ମ୍‌କେ କାଜିୟାକିନାଏ, ଆୟାଃତାଃଏତେ ଅକ୍‌ନାଃ ନାଗେନ୍ତେ ଆମାଃ ବୁଗିନାଃ ନାମେତେୟାଃ ‘କୁର୍ବାନା’ କାନା, ନେଆଁରାଃ ମୁଣ୍ଡିଦ ନେୟାଁ ପାରମେଶ୍ୱାର୍ ନାଗେନ୍ତେ ଦାନ୍ ଏମାକାନା, ୧୨ ଏନ୍ତେଦ ଆପେ ତାୟମ୍‌ତେ ଇନିଃକେ ଆୟାଃ ଏଜ୍‌ମ୍ ଚାହେ ଆୟାଃ ଆପୁଆଃ ନାଜ୍ ବୁଗିନାଃ ରିକା ନାଗେନ୍ତେ ଆତଃ ଜେଡ୍‌ନାଃ କାପେ ରିକାଚିକାଇତାନା । ୧୩ ଆତଃ ନେ ଲେକାତେ ଆପେୟାଃ ରିତିରିଖାଜ୍‌ତେ ପାରମେଶ୍ୱାର୍‌ରାଃ କାଜିପେ ଫାଦାଆତମେତାନା† । ଆତଃ ନେ ଲେକାନ୍ କାମିକ ପୁରାଃପେ କାମିତାନା ।”

ହଡକେ ଅକ୍‌ନାଃ ସତ୍‌ରାଇୟାଏ  
(ମାଥୁଉ ୧୫:୧୦-୨୦)

୧୪ ଏନ୍ତେ ଯୀଶୁ ଗାଦେଲ୍ ହଡକକେ କେଡାକେଦକଆଏ ଆତଃ ମେତାଦକଆଏ, “ଆୟୁମେପେ ଆତଃ ଆଟ୍‌କାର୍ ଉରୁମେପେ । ୧୫ ହଡରେ ବାହାରିଏତେ ବଲଃତେୟାଃ ଜେଡ୍‌ନାଃ ଇନିଃକେ କାଏ ସତ୍‌ରା ଦାଡିୟାଇଆ, ମେନ୍‌ଦ ଇନିଃତେ ଅକ୍‌ନାଃ ଅତଜ୍‌ଅଃଆ ଏନା ଆଇଃକ୍‌କେ ସତ୍‌ରାଇଆଏ ।” ୧୬ ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମ୍‌ଜମେକାଏ ।‡

\* ୭:୪ 7:4 ଚିମିନ୍ ମାରି ଅନଲକରେ ପାରକମ୍ କା ଅଲ୍‌କାନା † ୭:୧୩ ୭:୧୩ ସାମାଉତାରେତାନା ‡ ୭:୧୬ 7:16 ନେ ବାଚାନ୍ ଚିମିନ୍ ମାରି ଅନଲରେ ବାନଃଆ

୧୭ ଆତ୍ମା ଇନିଃ ଗାଦେଲ୍ ହତ୍ତକସାଃଏତେ ଫାର୍‌କାକେଦ୍‌ତେ ଅଡ଼ାଃରେ ବଲୟାନ୍‌ତି, ତେଲାତାୟାଃକ ଏନ୍ ଜନ୍‌କା କାଜିରାଃ ମୁଣ୍ଡିକ କୁଲିକିୟାଃ । ୧୮ ଇନିଃ କାଜିରୁହାଡ଼ାଦକଆଏ, “ତିୟାଃ ଆପେୟିତି ତଣ୍ଡିଗିୟାପେ ? ବାହାରିଏତେ ହତ୍ତରେ ବଲୟତେୟାଃ ଇନିଃକେ କାଏ ସଡ଼ରା ଦାଡ଼ିୟାଇଆ । ୧୯ ତିୟାଃତି ଏନା ମନ୍‌ରେ କାହାଗି, ମେନ୍‌ଦ ଲାହିଦ୍‌ରେ ବଲୟଆ, ଆତ୍ମା ହତ୍ତମଏତେ ଅତଙ୍ଗ୍ ଏଣ୍ଡାଗଆଃ, ନେୟା ତିୟାଃ କାପେ ଆଡ଼କାରେତାନା ।” ନେ କାଜିରେ, ସବେନ୍ ଜଜମାଃ ଫାର୍‌ତିଗିୟା ମେନ୍ତେ ଯାଣୁ ଉଦୁବକେଦାଏ ।

୨୦ ଆତ୍ମାଃ ଇନିଃ ମେତାଦକଆଏ, “ଅକନାଃ ହତ୍ତରାଃ ବିଚାର୍‌ଏତେ ଅତଙ୍ଗ୍‌ଅଃଆ, ଏନା ହତ୍ତକେ ସଡ଼ରାଇୟାଏ । ୨୧ ତିୟାଃତି ଭିତାର୍‌ଏତେଗି, ହତ୍ତକଆଃ ମନ୍‌ଏତେ ଏଡ଼କାନ୍ ଉଡ଼ଃ ଅତଙ୍ଗ୍‌ଅଃତାନା, ଆପାଙ୍ଗିର୍ କାମି, କୁମ୍‌ତୁ ହତ୍ତଗଏଃ, ୨୨ ଆପାଙ୍ଗିର୍, ଲାଲାର୍, ଏଡ଼କାନାଃ, ବେଦା, ନିଲାଜ୍, ହିସ୍‌ଜା, ନିୟା, ଫୁଟାନ୍ ଆତ୍ମା ବାଲୁସେଣ୍ଡା । ୨୩ ନେ ସବେନ୍ ଏଡ଼କାନ୍ କାଜି ମନ୍‌ଏତେ ଅତଙ୍ଗ୍‌ଅଃତାନା ଆତ୍ମା ହତ୍ତକେ ସଡ଼ରାଇୟାଏ ।”

ୟାଣୁ ମିଆଁଦ୍ ସାଅଁସାର୍ କୁଡ଼ିହନ୍‌କେ ବୁଗି ତାନାଏ  
(ମାଥୁର ୧୫:୨୧-୨୮)

୨୪ ଏନ୍ତେ ଯାଣୁ ଏନ୍ତାଃକେ ବାଗିକେଦ୍‌ତେ ସୋର୍ ଦିଶୁମ୍‌ରାଃ ଜାପାଃ ହାତୁତେ ସେନୟାନ୍‌ନାଏ । ଇନିଃ ମିଆଁଦ୍ ଅଡ଼ାଃରେ ବଲୟାନ୍‌ନାଏ ଆତ୍ମା ଜେତାଏ ଏନ୍ ଅଡ଼ାଃରେ ମେନାଇୟା ଏନା ଆଲକାକ ସାରିକା ମେନ୍ତେ ଇନିଃ ସାନାଙ୍ଗ୍‌କେଦାଏ, ମେନ୍‌ଦ ଇନିଃ କାଏ ଉକୁ ଦାଡ଼ିୟାନା । ୨୫ ମେନ୍‌ଦ ଇମ୍‌ତାଗି ମିଆଁଦ୍ କୁଡ଼ି, ଯାଣୁ ହିଜୁଃକାନାଏ ମେନ୍ତେ ଆୟୁମ୍‌କେଦ୍‌ତେ ହିଜୁଃୟାନ୍‌ନାଏ ଆତ୍ମା ଯାଣୁଆଃ କାଟାସୁବାରେ ଉୟୁଃୟାନ୍‌ନାଏ, ତିୟାଃତି ସଡ଼ରା ଆମ୍‌ଦ ଇନିୟାଃ ହନ୍ତେକୁଡ଼ିକେ ଏସେରାକାଇ ତାଇକେନାଏ । ୨୬ ଇନିଃ ସିରିୟା ଦିଶୁମ୍‌ରାଃ ଫୋନେସିୟାରେନ୍ ମିଆଁଦ୍ ସାଅଁସାର୍ କୁଡ଼ି ତାଇକେନାଏ, ଇନିଃ ହନ୍ତେକୁଡ଼ିଏତେ ବଙ୍ଗାକେ ହାର୍‌ଅତଙ୍ଗ୍‌ତାଇମେ ମେନ୍ତେ ଯାଣୁକେ ବିନ୍ତିକିୟାଏ ।

୨୭ ମେନ୍‌ଦ ଯାଣୁ ମେତାଇୟାଏ, “ସିଦାତେ ହନ୍‌କକେ ଜମ୍ ରିକାକମେ, ତିୟାଃତି ହନ୍‌କଆଃ ଜମେୟାଃ ରେଃକକେଦ୍‌ତେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୮ ଏନ୍ତେ ଏନ୍ କୁଡ଼ି କାଜିକିୟାଏ, “ହେଗି ପ୍ରାଭୁ, ମେନ୍‌ଦ ମେଜ୍ ଲାତାର୍‌ରେ ସେତାକହଗି ହନ୍‌କଆଃ ହଲଙ୍ଗ୍‌କେଚାଃକ ଜଜମାଃ ।”

୨୯ ଏନ୍ତେ ଯାଣୁ ଇନିଃକେ କାଜିକିୟାଏ, “ନେ କାଜିରେୟାଃ ନାଗେନ୍ତେ ଜୁ, ଅଡ଼ାଃତେ ରୁହାଡ଼ମେଁ, ହନ୍‌ମେଁ କୁଡ଼ିତାଃଏତେ ବଙ୍ଗା ଅତଙ୍ଗ୍‌ୟାନା ।”

୩୦ ଏନ୍ କୁଡ଼ି ଅଡ଼ାଃତେ ରୁହାଡ଼ୟାନ୍ତେ ହନ୍ତେକୁଡ଼ିତାୟାଃକେ ପାର୍‌କମ୍‌ରେ ଗିତିଜାକାନ୍ ନେଲ୍‌କିୟାଏ, ଆତ୍ମା ବଙ୍ଗା ଇନିଃତାଃଏତେ ଅତଙ୍ଗ୍‌ଆଁକାନ୍ ନାମ୍‌କିୟାଃ ।

କାଆୟୁମ୍‌ଦାଡ଼ି ଆତ୍ମା କା ବାଖାଣ୍ଡାଡ଼ି ହତ୍ତକେ ଯାଣୁ ବୁଗି ତାନାଏ

୩୧ ଆତ୍ମାଃ ଇନିଃ ସୋର୍ ଦିଶୁମ୍‌ଏତେ ଅତଙ୍ଗ୍‌ୟାନ୍‌ତି, ସିଦୋନ୍ ଦିଶୁମ୍‌ରାଃ ଆଲା ହରା, ଗାଲିଲ୍ ଦରେୟା, ଆତ୍ମା ଦେକାପଲ୍ଲା ସିମ୍‌ନାସାଃତେ ସେନୟାନ୍‌ନାଏ । ୩୨ ଚିମିନ୍ ହତ୍ତକ ମିଆଁଦ୍ କା ଆୟୁମ୍‌ ଦାଡ଼ିତାନ୍ ହତ୍ତ ଆତ୍ମା କା ବାଖାଣ୍ଡା ଦାଡ଼ିତାନ୍ ହତ୍ତକେ ଯାଣୁତାଃତେ ଆଉକିୟାଃକ, ଆତ୍ମା ଆମାଃ ତିଃଇ ଇନିଃରେ ଦହେମେ ମେନ୍ତେକ ବିନ୍ତିକିୟାଏ ।

୩୩ ଆତ୍ମା ଇନିଃକେ ଗାଦେଲ୍ ହତ୍ତକ ଆଲାଏତେ ଗୋନାତେ ଏସ୍‌କାର୍‌ଗି ଇଦିକିୟାଏ, ଆତ୍ମା ଆୟାଃ ସାର୍‌ସାର୍ ଇନିୟାଃ ଲୁତୁରେ ଦହକେଦାଏ, ଆତ୍ମା



ବେଏକକେଦତେ ଇନିୟାଃ ଆଲାଙ୍ଗକେ ଜୁଟିଦକେଦାଏ । ୩୪ ଆତଃ ସିର୍ନାସାଃତେ ସାଙ୍ଗିଲକେଦତେ, ମାରାଙ୍ଗସାହେଦଲଃ ମେନକେଦାଏ “ଏଫ୍ଫାଥାଃ” ନେଆଁରାଃ ମୁଣ୍ଡିଦ “ନିଜଃମେ” ।

୩୫ ଇମତାଗି ଇନିୟାଃ ଲୁତୁରଦ ନିନ୍ୟାନା ଆତଃ ଆଲାଙ୍ଗରେୟାଃ ତନଲ୍ଲ ରାଡ଼ାୟାନା, ଆତଃ ଇନିଃ ବୁଗିଲେକାତେ ବାଖାଣ୍ ଦାଡ଼ିକେଦାଏ । ୩୬ ଏନ୍ତେ ଯୀଶୁ ଜେତାଏକକେ ନେ କାଜି କା ଉଦୁଦ୍ ନାଗେନ୍ତେ ଇନ୍କୁକେ କାଜିକେଦକଆଏ, ମେନ୍ଦ ଇନିଃ ହଡ଼କକେ ପୁରାଃଗି କାଜିକେଦକରେହ ଇନ୍କୁ ଆତଃଗି ପୁରାଃତେକ ଉଦୁଦ୍‌ବାଡ଼ାକେଦା । ୩୭ ଆତଃ ଏନା ଆୟୁମକେଦ୍ ହଡ଼କ ପୁରାଃଗିକ ଆକ୍‌ଦାଦାଅୟାନା, ଆତଃ କାଜିକେଦାଃକ, “ଇନିଃଦ ସବେନାଃ ବୁଗିଲେକାତେ କାମିୟାକାଦାଏ, କା ଆୟୁମଦାଡ଼ିତାନ୍‌କକେ ଇନିଃ ଆୟୁମ୍ ରିକାକେଦକଆଏ, ଆତଃ କା ବାଖାଣ୍‌ଦାଡ଼ିତାନ୍‌କକେ ବାଖାଣ୍ ନାଗେନ୍ତେ ପେଡ଼େଃ ଏମାକୁତାନାଏ ।”

୮

ୟୀଶୁ ଉପୁନ୍ ହାଜାର୍ ହଡ଼କକେ ଜମେୟାଃ ଏମାକତାନାଏ (ମାଥୂଉ ୧୫:୩୨-୩୯)

୯ ଏନ୍ ଦିପିଲିରେ ଆତଃଗି ଗାଦେଲ୍ ହଡ଼କ ହୁଣ୍ଡିୟାନା, ଆତଃ ଜଜମାଃକ ବାନଃ ହରାତେ, ଯୀଶୁ ଚେଲାକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଆଏ, ୧୦ “ନେ ଗାଦେଲ୍ ହଡ଼କ ନାଗେନ୍ତେ ଆଇଁୟାଃ ଜୀଉ ବିଲ୍‌କାଅଃତାନା, ଚିୟାଃଚି ଆପି ମାହାଏତେ ଆଇଁୟାଃଲଃ ମେନାକଆ, ଆତଃ ନାହାଁଃ ଇନ୍କୁତାଃରେ ଜମେୟାଃ ଜେଡ଼ନାଃ ବାନଃଆ । ୧୧ ଇନ୍କୁକେ ସାମାଲାହିଦ୍ ଅଡ଼ାଃତେଇଙ୍ଗ୍ କୁଲ୍‌ତାକୁରେ ହରାକରେ ଲାଗାଉତାରଃଆକ୍\*, ଚିୟାଃଚି ଇନ୍କୁଏତେ ଚିମିନ୍‌କ ସାଙ୍ଗିନ୍‌କଏତେ ହିଜୁଆକାନାକ ।”

୧୨ ଇନିୟାଃ ଚେଲାକ କାଜିରୁହାଡ଼କିୟା, “ଅକଏ ନେ ସିଃସଏଃ ଠାୟାଦ୍‌ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟଃଗି ଜମେୟାଃ ଏମଦାଡ଼ିୟାଏ ?”

୧୩ ଯୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?”

ଇନ୍କୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ।”

୧୪ ଇନିଃ ସବେନ୍ ହଡ଼କକେ ଅତେରେ ଦୁଦ୍‌ପେ ମେତାଦକଆଏ । ଏନ୍ତେ ଏନ୍ ସାଡ଼ୁ ହଲଙ୍ଗ୍ ଇଦିକେଦତେ ପାରମେଶ୍ଵାର୍‌କେ ଧାନ୍ୟାବାଦ୍ ଏମ୍‌କିୟାଏ, ଆତଃ ଏନା କେଚାଃକେଦତେ ହଡ଼କକେ ହାଟିଙ୍ଗ୍‌ଆଁକ ନାଗେନ୍ତେ ଚେଲାତାୟାଃକକେ ଏମାଦକଆଏ, ଆତଃ ଇନ୍କୁକେ ହାଟିଙ୍ଗ୍‌ଆଁଦକଆକ । ୧୫ ଇନ୍କୁତାଃରେ ହୁଡ଼ିଙ୍ଗ୍‌ଲେକା ହୁପ୍‌ଡ଼ିଙ୍ଗ୍ ହାକୁ ତାଇକେନାକ, ଏନ୍ ହାକୁ ନାଗେନ୍ତେ ପାରମେଶ୍ଵାର୍‌କେ ଧାନ୍ୟାବାଦ୍ ଏମ୍‌କିୟାଏ, ଆତଃ ଏନାକେ ହାଟିଙ୍ଗ୍ ନାଗେନ୍ତେ ଚେଲାକକେ କାଜିକେଦକଆଏ । ୧୬ ଏନା ଜମ୍‌କେଦତେ ସବେନ୍‌କ ବିୟାନାକ, ଆତଃ ସାରେଜାକାନ୍ କେଚାଃତେୟାଃକ ସାଡ଼ୁ ଚୁଙ୍ଗି ହାଲାଙ୍ଗକେଦାଃକ । ୧୭ ଏନ୍ତାଃରେ ଉପୁନ୍ ହାଜାର୍ ଲେକା ହଡ଼କ ତାଇକେନା । ୧୮ ଆତଃ ଇନିଃ ଇନ୍କୁକେ ବିଦାକେଦକଚି, ଇମତାଗି ଯୀଶୁ ଆୟାଃ ଚେଲାକଲଃ ଲାଉକାରେ ଦେଏଃୟାନାଏ, ଆତଃ ଦାଲ୍‌ମାନୁଆ ସିମ୍‌ନାତେ ସେନଃୟାନା ।

ଫାରୁଶୀକ ନିଆଁଦ୍ ପେଡ଼େଃରାଃ କାମି ଯୀଶୁତାଃଏତେକ ନେଲ୍ ସାନାଙ୍ଗ୍‌ତାନା (ମାଥୂଉ ୧୨:୩୮-୪୨; ୧୬:୧-୪)

\* ୮:୩୧ ଫାକାଅକଆଃକ

୧୧ \*ଆତ୍ମ ଫାରୁଣୀକ ହିନ୍ଦୁକେଦ୍‌ରେ ଯିଶୁଖ୍ରୀଷ୍ଟ ଏପରାଙ୍ଗଜାଗାର୍ ତାନ୍‌ଲଃ, ଜନିଃକେ ବିଡ଼ାଅ ନାଗେନ୍ତେ ଜନିଃ ସିର୍ମାଏତେ ହିନ୍ଦୁଆକାନାଏ, ନେଆଁ ଉଦୁବ୍ ନାଗେନ୍ତେ ସିର୍ମାଏତେ ମିଆଁଦ୍ ଚିହ୍ନାକ ଆସିକିୟା । ୧୨ \*ୟିଶୁ ଜୀଉରେ ମାରାଙ୍ଗ୍ ସାହେଦ୍‌କେଦ୍‌ରେ କାଜିୟାଦ୍‌କଆଏ, “ତିନାଃମେନ୍ତେ ନେ ପାରିୟାରେନ୍ ହତ୍‌କ ପେଡ଼େଃରାଃ କାମିକ ରିକା ନାଗେନ୍ତେ କୁଲିତାନା ? ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ନେ ପାରିୟାରେନ୍ ହତ୍‌କଆଃ ନାଗେନ୍ତେ ମିଆଁଦ୍ ଚିହ୍ନାହ କା ଏମଃଆ ।”

୧୩ ଜନିଃ ଜନ୍‌କୁକେ ବାଗିକେଦ୍‌ରେ, ଲାଉକାରେ ଦେଏଃରୁହାଡ଼୍‌ୟାନାଏ ଆତ୍ମ ଦରେୟା ହାନ୍‌ସାଃ ପାରମ୍‌ୟାନାଏ ।

ହେରୋଦ୍ ଆତ୍ମ ଫାରୁଣୀକଆଃ ରାନ୍  
(ମାଥୁର ୧୭:୫-୧୨)

୧୫ ଯିଶୁଆଃ ତେଲାକ ହଲଙ୍ଗ୍ ଇଦି ନାଙ୍ଗ୍‌କ ରିଡ଼ିଙ୍ଗ୍‌କେଦା ଆତ୍ମ ଲାଉକାରେ ମିଆଁଦ୍‌ଗି ହଲଙ୍ଗ୍ ଆକତାଃରେ ତାଇକେନା, ୧୬ \*ୟିଶୁ କେଟେୟାନ୍‌ଗି କାଜିୟାଦ୍‌କଆଏ, “ନେଲେପେ, ଫାରୁଣୀକଆଃ ଆତ୍ମ ହେରୋଦ୍‌ଆଃ ହସତ୍‌ ଜନିତୁ, ଅକଆଃତି ରାନ୍‌ ଲେକାଃ ଏନାଏତେ ଚିର୍ଗାଲକାନ୍ ତାଇନ୍‌ପେ ।”

୧୭ ଜନ୍‌କୁଦ୍ ଆକ ଆକରେକ ମେନ୍‌କେଦା, “ଆବୁତାଃରେ ହଲଙ୍ଗ୍‌କ ବାନଆଃ ଏନାମେନ୍ତେ ଜନିଃ ଆବୁକେ କାଜିୟାବୁତାନାଏ ।”

୧୮ ଯିଶୁ ଜନ୍‌କୁଆଃ ଜୀଉରାଃ କାଜି ସାରିକେଦ୍‌ରେ ମେତାଦ୍‌କଆଏ, “ଆପେତାଃରେ ହଲଙ୍ଗ୍ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁତାନା ? ନାହାଁଃ ଜାକେଦ୍ କାପେଚି ସାରିକାଦା ଆତ୍ମ ଆବ୍‌କାର୍‌ଉରୁମାକାଦା ? ଆପେୟାଃ ମନ୍ ନାହାଁଃ ଜାକେଦ୍‌ଚି କେଟେଦ୍‌ଗିୟା ? ୧୯ \*ମେଦ୍ ମେନାଃତେହ କା ଚିପେ ନେଲେତାନା ? ଆତ୍ମ ଲୁଡ଼ୁର୍ ମେନାଃତେହ କା ଚିପେ ଆୟୁମେତାନା ? ଆତ୍ମ କା ଚିପେ ପାହାମେତାନା ? ୧୯ ମଣେୟାଁ ହଲଙ୍ଗ୍‌କେ କେତାଃକେଦ୍‌ରେ ପାଞ୍ଚ ହାଜାର୍ ହତ୍‌କକେ ହାଟିଙ୍ଗ୍‌ଆଦ୍‌କଆ, ଜମ୍ ସାରେଜ୍‌କେତାଃ ଚିମିନ୍ ଚୁଙ୍ଗିପେ ହାଲାଇଙ୍ଗ୍‌କେଦାଃ ?”

ତେଲାକ କାଜିକିୟାଃ, “ବାରା ଚୁଙ୍ଗି ।”

୨୦ ଆତ୍ମ ଆଇଙ୍ଗ୍ “ଉପୁନ୍ ହାଜାର୍ ହତ୍‌କ ନାଗେନ୍ତେ ସାଡ଼ୁ ହଲଙ୍ଗ୍ କେତାଃକେଦ୍‌ ଜମ୍‌ତାଙ୍ଗ୍, ସାରେଜାକାନ୍ କେତାଃତେୟାଃ ଚିମିନ୍ ଚୁଙ୍ଗିପେ ହାଲାଇଙ୍ଗ୍‌କେଦାଃ ?”

ଜନ୍‌କୁଦ୍ କାଜିକିୟାଃ “ସାଡ଼ ଚୁଙ୍ଗିଲେ ହାଲାଇଙ୍ଗ୍‌କେଦା ।”

୨୧ ଯିଶୁ ମେତାଦ୍‌କଆଏ, “ନାହାଁଃ ଜାକେଦ୍‌ ଚି କାପେ ଆବ୍‌କାର୍ ଉରୁମେତାନା ?”

ୟିଶୁ ବେଥ୍‌ସାଇଦାରେନ୍ ମିଆଁଦ୍ କାଏ ନେଲ୍ ଦାଡ଼ିତାନ୍ ହତ୍‌କେ ବୁଗି ତାନା

୨୨ ଏନ୍ତେ ଜନ୍‌କୁ ବେଥ୍‌ସାଇଦା ତେବାଃୟାନାକ, ଆତ୍ମ ହତ୍‌କ ମିଆଁଦ୍ କାଏ ନେଲ୍ ଦାଡ଼ିତାନ୍ ହତ୍‌କେ ଯିଶୁତାଃତେକ ଆଉକିୟା ଆତ୍ମ ଜନିଃକେ ଜୁଟିଦ୍‌କେଦ୍‌ରେ ବୁଗିମେ ମେନ୍ତେକ ବିକ୍ରିକିୟା । ୨୩ ଯିଶୁ, ଏନ୍ କା ନେଲ୍ ଦାଡ଼ିତାନ୍ ହତ୍‌ରାଃ ତିଃଇ ସାବ୍‌କେଦ୍‌ରେ ହାଡୁଏତେ ଅତଙ୍ଗ୍‌କିୟା । ଜନିୟାଃ ମେଦ୍‌ରେ ବେଏକ୍‌କିୟାଏ ଆତ୍ମ ଆୟାଃ ତିଃଇ ଜନିଃରେ ଦହକେଦ୍‌ରେ କୁଲିକିୟାଏ, “ତିୟାଃ ଆମ୍ ଜେଡ୍‌ନାଃମ୍ ନେଲେତାନା ?”

୨୪ ଏନ୍ ହତ୍‌ଦ୍ ଆରିଦ୍‌କେଦାଏ ଆତ୍ମ କାଜିକେଦାଏ, “ଆଇଙ୍ଗ୍ ହତ୍‌କକେ ସେନ୍‌ବାଡ଼ାତାନ୍ ଦାରୁଲେକାଈଙ୍ଗ୍ ନେଲ୍‌କତାନା ।”

\* ୮:୧୧ ୮:୧୧ ମାଥୁର ୧୭:୩୮; ଲୁକ ୧୧:୧୭.    \* ୮:୧୨ ୮:୧୨ ମାଥୁର ୧୭:୩୯; ଲୁକ ୧୧:୨୯.    \* ୮:୧୫ ୮:୧୫ ଲୁକ ୧୨:୧.    † ୮:୧୫ ୮:୧୫ ପାପ୍ / ରାନ୍ ହଲଙ୍ଗ୍‌କେ ମିଆଁଆଏ    \* ୮:୧୮ ୮:୧୮ ମାର୍କ ୪:୧୨.

୨୫ ଯୀଶୁ ଆଡ଼ଃମିସା ଇନିୟାଃ ମେଦକେ ଜୁଡିଦକେଦାଏ, ଏନ୍ତେ ଇନିଃ ନେଲ୍ ଦାଡ଼ିକେନାଏ, ଇନିଃ ବୁଗିୟାନାଏ ଆଡ଼ଃ ସବେନାଃ ଫାର୍ଚିଗି ନେଲ୍କେଦାଏ ।  
 ୨୬ ଯୀଶୁ ଇନିଃକେ ଅଡ଼ଃତେ କୁଲ୍ ରୁହାଡ଼ିତାନଲଃ କାଜିକିୟାଏ, “ନେ ହାଡ଼ୁତେ ଆଲମ୍ ସେନାଃ ।”

ପାଡ଼ରାସଆଃ ବିଶ୍ୱାସ୍  
 (ମାଥୁର ୧୬:୧୩-୨୦; ଲୁକ ୯:୧୮-୨୧)

୨୭ ଏନ୍ତେ ଯୀଶୁ ଆୟାଃ ଚେଲକଲଃ କାଇସରିୟା ଫିଲିପି ଦିଶ୍ୱମରାଃ ହାଡ଼ୁକ ସେନଃତାନ ଇମ୍ତା ଚେଲକକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୨୮ \*ଇନକୁ କାଜିରୁହାଡ଼କିୟାକ, “ଚିମିନକ ବାପ୍ତିସ୍ତା ଏମଃନିଃ ଯୋହାନ୍, ଚିମିନକ ଏଲିୟ ମେନ୍ଦ ଚିମିନକ ନାବକଏତେ ମିହୁଡ଼ ତାନିଃ ମେନ୍ତେକ କାଜିତାନା ।”

୨୯ \*ୟୀଶୁ ଇନକୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେକେ କାଜିତାନା ?” ପାଡ଼ରାସ୍ କାଜିରୁହାଡ଼କିୟାଏ, “ଆମ୍ଗି ଶ୍ରୀଷ୍ଟ, ତାନମେ ।”

୩୦ ଏନ୍ତେ ଯୀଶୁ ଇନକୁକେ ହୁକୁମକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ନେ କାଜି ଜେତାଏତାଃରେ ଆଲ୍ପେ ଉଦୁବେୟାଃ ।”

ୟୀଶୁ ଆୟାଃ ଦୁକୁସାହାଡ଼ିଙ୍ଗ୍ ଆଡ଼ଃ ଗନଏଃରାଃ କାଜି ଉଦୁବେତାନାଏ  
 (ମାଥୁର ୧୬:୨୧-୨୮; ଲୁକ ୯:୨୨-୨୭)

୩୧ ଏନ୍ତେ ଯୀଶୁ ଆୟାଃ ଚେଲକକେ ଇଡ଼ୁ ଏଗେଦକେଦଆଏ, “ଆଇଙ୍ଗ୍ ମାନଖାହନ୍ ତାନାଇଙ୍ଗ୍, ଆଇଙ୍ଗ୍କେ ପୁରାଃ ଦୁକୁ ସାହାଡ଼ିଙ୍ଗ୍ ଲାଗାଡ଼ିୟାଃ, ଆଡ଼ଃ ପ୍ରାଚିନକ, ମୁଲ୍ ଯାଜାକ୍ ଆଡ଼ଃ ଆଇନ୍ ଇଡ଼ୁକ ଆଇଙ୍ଗ୍କେ ହିଲାଙ୍ଗ୍ଇୟା ଆଡ଼ଃ ଗଜିୟା, ଆଡ଼ଃ ଆଇଙ୍ଗ୍ ଆପି ମାହାଁ ତାୟମତେ ଜୀଉ ବିରିଦାଇଙ୍ଗ୍ ।” ୩୨ ଆଡ଼ଃ ଇନିଃ ନେ ବିଷାଏ ଫାର୍ଚିଆନଗି ଇନକୁକେ ଉଦୁବାଦକଆ । ଏନ୍ତେ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଗେଦକିୟାଏ‡ ।

୩୩ ମେନ୍ଦ ଯୀଶୁ ହେଡ଼ାରୁହାଡ଼କେଦତେ ଆୟାଃ ଚେଲକସାଃ ଆରିଦକେଦତେ, ପାଡ଼ରାସକେ ଏଗେରକିୟା, “ଏ ସାଏତାନ୍ ଆଇୟାଃତାଃଏତେ ଆଡ଼ମେନ୍ମେ ଆମ୍ଦ ପାର୍ମେଶ୍ୱାର୍ଆଃ ଲେକା କାହା ମେନ୍ଦ ହଡ଼କଆଃ ଲେକାମ୍ ଉଡ଼ୁତାନା ।”

୩୪ \*ଏନ୍ତେ, ଗାଦେଲ୍ ହଡ଼କକେ ଆଡ଼ଃ ଚେଲକକେ, ଯୀଶୁ କେଡ଼ାକେଦକଆଏ ଆଡ଼ଃ ମେତାଦକଆଏ, “ଜେତାଏ ହଡ଼ ଆଇଙ୍ଗ୍କେ ଅତଙ୍ଗ୍ ସାନାଇଁରେଦ ଇନିଃ ଆଇଃକ୍ ଆପାନ୍କେ ହିଲାଙ୍ଗ୍ଇକାଏ§, ଆଡ଼ଃ ଆୟାଃ କୁଶ୍\* ଗଅଃକେଦତେ ଅତଙ୍ଗ୍ଇକାଏ । ୩୫ \*ଚିୟାଃଚି ଆୟାଃ ଜୀଉ ବାଞ୍ଚାଅ ସାନାଇଁତାନିଃ ଏନାଏ ଆଦେୟା, ମେନ୍ଦ ଆଇଙ୍ଗ୍ ମେନ୍ତେ ଆଡ଼ଃ ସୁକୁକାଜି ମେନ୍ତେ ଆୟାଃ ଜୀଉ ଆଦେନିଃ, ଏନାଏ ବାଞ୍ଚାଏୟା । ୩୬ ଜେତାଏ ହଡ଼ ଗଟା ଅଡେଦିଶ୍ୱମ୍ ନାମକେଦରେୟ ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୩୭ ଚାଏ ଜେତାଏ ହଡ଼ ଆୟାଃ ଜୀଉ ନାମରୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୩୮ ନେ ପାରିୟାରେନ୍ ଆପାଙ୍ଗିର୍ ଆଡ଼ଃ ପାପିହଡ଼କଆଃ ଆଲାରେ ଆଇଙ୍ଗ୍ ଆଡ଼ଃ ଆଇୟାଃ କାଜି ବିଷାଏରେ ଅକଏ ଗିହୁଗଃଆଏ, ଆଇଙ୍ଗ୍ ମାନଖାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଡ଼କଲଃ ଆପୁଇୟାଃ ମାନାରାଙ୍ଗ୍ରେ ହିଜୁଃରୁହାଡ଼ ଦିପିଲିରେ ଆଇଙ୍ଗ୍ହଗି ଏନ୍ ବିଷାଏରେ ଗିହୁଗଃଆଇଙ୍ଗ୍ ।”

☆ ୮:୨୮ ୮:୨୮ ମାର୍କ ୬:୧୪,୧୫; ଲୁକ ୯:୭,୮.    ☆ ୮:୨୯ ୮:୨୯ ଯୋହାନ୍ ୬:୬୮,୭୯.    ‡ ୮:୩୨ ୮:୩୨ ଆନୁଜୋଗକିୟାଏ    ☆ ୮:୩୪ ୮:୩୪ ମାଥୁର ୧୦:୩୮; ଲୁକ ୧୪:୨୭.    § ୮:୩୪ ୮:୩୪ ଆଇଃକ୍ ଆପାନ୍କେ ହିଲାଙ୍ଗ୍ଇକାଏ ଆପଣାକୁ ଅସ୍ୱୀକାର୍ କରୁ    \* ୮:୩୪ ୮:୩୪ ଯୀଶୁନାଙ୍ଗ୍ ଦୁକୁସାହାଡ଼ିଙ୍ଗ୍, ଆଡ଼ଃ ଗଜଃନାଙ୍ଗ୍ ସେକାଡ଼ାକାନ୍ଲଃ    ☆ ୮:୩୫ ୮:୩୫ ମାଥୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.



୯ ଆଡ଼ଃ ଯୀଶୁ ମେତାଦକଥାଏ, “ସାର୍ତ୍ତିଗି କାଜିୟାପେ ତାନାଇଙ୍ଗ୍, ପାର୍ମେଶ୍ୱାର୍ଆଃ ରାଇଜ୍ ପେଡ଼େଃଲଃ ହିଜୁଃତାନ୍ ଆଉରି ନେଲେ ଜାକେଦ୍, ନେତାଃରେ ତିଜୁଆକାନ୍ କଏଡେ ଚିମିନ୍କ ଗନଏଃ କାକ ଚାଖାଅୟା ।”

ୟୀଶୁଆଃ ରୁପ୍ ବାଦ୍ଲିଆଃ  
(ମାଥୁଉ ୧୭:୧-୧୩; ଲୁକ ୯:୨୮-୩୭)

୨ \*ତୁରୁଇ \*ମାଃ ତାୟମତେ ଯୀଶୁ ପାଡ଼ରାସ୍, ଯାକୁବ୍ ଆଡ଼ଃ ଯୋହାନ୍‌କେ ମିଆଁଦ୍ ସାଲାଙ୍ଗି ବୁରୁ ଚେତାନ୍ ଇଦିକେଦକଥାଏ ଆଡ଼ଃ ଇନ୍‌କୁ ଏନ୍ତାଃରେ ଏସ୍‌କାରଗି ତାଇକେନାକ, ଆଡ଼ଃ ଇନ୍‌କୁଆଃ ନେପେଲ୍‌ରେ ଯୀଶୁଆଃ ରୁପ୍ ବାଦ୍‌ଲାଅୟାନ୍‌† ।

୩ ନେ ଅତେଦିଶୁମ୍‌ରେନ୍ ଜେତାଏ ଧୋବି କାଏ ପୁଣ୍ଡି ଦାଡ଼ିଲେକା, ଲିଜାଃକ ତାୟାଃଦ୍ ଝାକ୍ ମାକ୍ ପୁଣ୍ଡିୟାନା । ୪ ଏନ୍ତେ ମୁଶା ଆଡ଼ଃ ଏଲିୟକେ, ଯୀଶୁଲଃ ଜାଗାଡ଼ାନ୍ ନେଲ୍‌କେଦକିନାକ । ୫ ପାଡ଼ରାସ୍‌ଦ୍ ଯୀଶୁକେ ମେତାଲୟାଏ, “ହେ ଗୁରୁ, ଆବୁ ନାଙ୍ଗ୍ ନେତାଃରେଗି ତାଇନଃ ପୁରାଃ ବୁଗିନାଃ, ଆପିୟା କୁମ୍‌ଗୁ ବାଇୟାଃ, ମିଆଁଦ୍ ଆମାଃ ନାଗେନ୍ତେ, ମିଆଁଦ୍ ମୁଶା ନାଗେନ୍ତେ ଆଡ଼ଃ ମିଆଁଦ୍ ଏଲିୟ ନାଗେନ୍ତେ ।”

୬ ପାଡ଼ରାସ୍ ଚିକନାଃଏ କାଜିରୁହାଡ଼େୟା ଏନା କାଏ ଉଡ଼଼ୁ ଦାଡ଼ିକେଦା, ଚିୟାଃଚି ଇନ୍‌କୁଦ୍ ପୁରାଃଗି ବରକେଦାକ ।

୭ \*ଏନ୍ତେ ମିଆଁଦ୍ ରିମିଲ୍ ହିଜୁଃକେଦତେ ଇନ୍‌କୁକେ ଉମ୍‌ଲୁ କେଦକଥାଏ, ଆଡ଼ଃ ଏନ୍ ରିମିଲ୍‌ଏଡେ ମିଆଁଦ୍ କାଜି ଆୟୁମ୍‌ୟାନା “ନିଃଗି ଆଇୟାଃ ଦୁଲାଡ଼୍ ହନ୍‌ତାନିଃ, ଅକଏକେଚି ଆଇଙ୍ଗ୍ ଦୁଲାଡ଼ାଃଇଙ୍ଗ୍, ନିୟାଃ କାଜି ଆୟୁମେପେ ।”<sup>୮</sup> ଇନ୍‌କୁ ଇମ୍‌ତାଗି ଆରିଦ୍ ବିୟୁରକେଦାକ, ଆଡ଼ଃ ଆକଲଃ ଯୀଶୁକେ ବାଗିକେଦତେ ଜେତାଏକେ କାକ ନେଲ୍‌କିୟାଃ ।

୮ ବୁରୁଏଡେକ ଆଡ଼ଗୁନ୍‌ତାନ୍‌ରେ ଯୀଶୁ ଇନ୍‌କୁକେ ଚେତାଅକେଦକଥା, “ଆପେ ନେଲାକାଦତେଆଃ, ମାନଝାହନ୍ ଗଜାକାନ୍‌କଏଡେ ଆଉରି ଜୀଉବିରିଦେନ୍ ଜାକେଦ୍, ଜେତାଏକେ ଆଲ୍‌ପେ ଉଦୁବାକଥା ।”

୯ ଇନ୍‌କୁଦ୍ ଇନିୟାଃ କାଜିକ ଆୟୁମ୍‌କେଦତେ “ଗଏଃକାନ୍ କଏଡେ ଜୀଉବିରିଦେନ୍ କାଜିରାଃ ମୁଣ୍ଡି ଚିକନାଃ ତାନାଃ ?” ମେନ୍ତେ ଆକ ଆକରେକ କୁଲିୟଃତାନ୍ ତାଇକେନା । ୧୧ \*ଆଡ଼ଃ ଇନ୍‌କୁ ଯୀଶୁକେ କୁଲିକିୟାଃକ, “ଚିନାଃ ମେନ୍ତେ ଆଇନ୍ ଇଡୁକ ଏଲିୟକେ ସିଦାଡେ ହିଜୁଃଲାଗାଡ଼ିୟାଃ ମେନ୍ତେକ କାଜିୟାଃ ?”

୧୨ ଇନିଃ କାଜିରୁହାଡ଼ାଦକଥାଏ, “ନେଆଁ ସାର୍ତ୍ତିଗି ତାନାଃ, ଏଲିୟ ଆୟୁରତେ ହିଜୁଃଗିୟାଏ, ଆଡ଼ଃ ସବେନାଃ ଆଡ଼ଃମିସା ବାଇରୁହାଡ଼େୟାଏ । ମାନଝାହନ୍‌କେ ପୁରାଃ ଦୁକୁସାହାଡ଼ିଙ୍ଗ୍ ଲାଗାଡ଼ିଙ୍ଗ୍‌ୟାଃ ଆଡ଼ଃ ହିଲାଙ୍ଗ୍‌ଆକ, ନେୟାଁ ଚିନାଃ ମେନ୍ତେତାମ୍ ଆୟାଃ ବିଷାଏରେ ଅଲାକାନା ? ୧୩ ଆଇଙ୍ଗ୍‌ଦଇଙ୍ଗ୍ କାଜିପେତାନା, ଏଲିୟ ହିଜୁଃୟାନାଏ, ଆଡ଼ଃ ପାବିତାର୍ ଅନଲ୍‌କ ଇନିୟାଃ ବିଷାଏରେ ଅଲାକାଦ୍ ଲେକା, ହଡ଼କ୍ ଆକଆଃ ସାନାଙ୍ଗ୍ ଲେକା ଇନିଃକେ ଚିକାକିୟାଃକ ।”

ୟୀଶୁ ମିଆଁଦ୍ ବଙ୍ଗା ଏସେରାକାଇ ସିଟିଆକେ ବୁଗି ତାନା  
(ମାଥୁଉ ୧୭:୧୪-୨୧; ଲୁକ ୯:୩୭-୪୩)

୧୪ ଆଡ଼ଃ ଇନ୍‌କୁ ଏଗାଃ ଚେଲାକତାଃକ ରୁହାଡ଼୍‌ୟାନ୍‌ଚି, ଗାଦେଲ୍ ହଡ଼କ୍ ଇନ୍‌କୁଆଃ ବିୟୁରତେ ହୁଣ୍ଡିଆକାନ୍ ଆଡ଼ଃ ଆଇନ୍ ଇଡୁକଲଃ କାପାଜିତାନ୍‌କ

☆ ୯:୨ ୯:୨ ୨ ପାଡ଼ରାସ୍ ୧:୧୭,୧୮. \* ୯:୨ ୯:୨ ଛ † ୯:୨ ୯:୨ ଆୟାଃ ରୁପ୍ / ମେଦ୍‌ମୁହାଁଡ୍ ଆଡ଼ଃ ଲିଜାଃ ପୁଣ୍ଡି ଝାକ୍ ମାକ୍‌ୟାନା ☆ ୯:୨ ୯:୨ ମାଥୁଉ ୩:୧୭; ମାର୍ଚ୍ଚ ୧:୧୧; ଲୁକ ୩:୨୨. \* ୯:୧୧ ୯:୧୧ ମାଥୁଉ ୧୧:୧୪.

ନେଲକେଦକଆ । ୧୫ ଯୀଶୁକେ ନେଲତାଇଲଃଗି ହଡ଼କ ଆକଦାଦାଅୟାନା ଆତଃ ନିର୍ ଦାରମ୍‌କେଦତେକ ଜହାରକିୟାଃ । ୧୬ ଯୀଶୁ, ଆୟାଃ ତେଲାଇକେ କୁଲିକେଦକଆଏ, “ଆଇନ୍ ଇଡୁକଲଃ ଚିନାଃପେ କାପାଜିତାନା ?”

୧୭ ଗାଦେଲ୍ ହଡ଼କଏତେ ମିଆଁଦନିଃ ମେତାଇୟାଏ, “ଏ ଇଡୁନିଃ, ହନିଙ୍ଗକଡ଼ାକେ ଆମାଃତାଃ ଆଉକିୟାଇଙ୍ଗ୍, ଚିୟାଃଟି ଇନିଃରେ ମିଆଁଦ ବଙ୍ଗା ବଲକାନାଏ ମେନ୍ତେ ଇନିଃ କାଏ ବାଖାଣ୍ ଦାଡ଼ିତାନା । ୧୮ ଜେତାଏ ଠାୟାଦରେ ସାବକିଦତେ ଇନିଃକେ ଆଝାଃବାଟିୟାଏ, ଆତଃ ଇନିୟାଃ ମଚା ପୁଡୁରିଦଃଆ, ଇନିଃ ତାଟାଏ ତାଗଏଃରିଦେୟା ଆତଃ ଗଜାକାନ ଲେକାଏ ରିକାଅଃଆ । ଆଇଙ୍ଗ୍ ଆମାଃ ତେଲାଇକେ ଅତଙ୍ଗହାରତାଇପେ ମେନ୍‌କେଦକଆଇଙ୍ଗ୍, ମେନ୍‌ଦ ଇନ୍‌କୁ କାକ ଦାଡ଼ିକେନା ।”

୧୯ ଯୀଶୁ ମେତାଦକଆଏ, “ଏ କା ବିଶ୍ୱାସତାନ୍ ହଡ଼କ, ଚିମିନ୍ ଜାକେଦ୍ ଆପେଲଃ ତାଇନାଇଙ୍ଗ୍ ? ଚିମିନ୍ ଜାକେଦ୍ ଆଇଙ୍ଗ୍ ସାହାତିଙ୍ଗ୍‌ପେଆ ? ମାର୍ ଏନ୍ ସିଟିଆକେ ଆଇଙ୍ଗ୍‌ତାଃତେ ଆଉଝିପେ ।” ୨୦ ଏନ୍ତେ ଇନ୍‌କୁ ସିଟିଆକେ ଆୟାଃତାଃକ ଆଉକିୟା । ଏଡ଼କାନ୍ ଆମ୍‌ଦ ଯୀଶୁକେ ନେଲତାଇଟି ଇମ୍‌ତାଙ୍ଗ୍‌ଗି ଏନ୍ ହନ୍‌କେ ଆଇଁଠାଅକିୟାଏ ଆତଃ ହନ୍ ଅତେରେ ଉୟୁଃକେଦତେ ବାଟିବାଡ଼ାୟାନାଏ ଆତଃ ଇନିୟାଃ ମଚା ପୁଡ଼ିରିଦଃ ତାଇକେନା । ୨୧ ଯୀଶୁ ଏନ୍ ହନ୍‌ରାଃ ଆପୁତେକେ କୁଲିକିୟାଏ, “ଚିମିନ୍ ମାହାଁଏତେ ନେକାଅଃତାନାଏ ?”

ଆପୁତେ କାଜିରୁହାଡ଼କିୟାଏ, “ମିଦ୍ ସିଟିଆଏତେଗି ।” ୨୨ “ଗଜି ନାଗେନ୍ତେ ଏଡ଼କାନ୍ ଆମ୍‌ ଇନିଃକେ ପୁରାଃସା ଦାଆଃରେ ଆତଃ ସେଙ୍ଗେଲ୍‌ରେ ଇଲିଙ୍ଗ୍‌ଉୟୁଃକାଇ ତାଇକେନା । ଏନାମେନ୍ତେ ଜେଡ଼ନାଃମ୍ ରିକାଦାଡ଼ିରେଦ ଦାୟାକେଦତେ ଆମ୍ ଦେଙ୍ଗାଲେମ୍ ।”

୨୩ ଯୀଶୁଦ୍ “ହେ” ମେନ୍‌ତାନ୍‌ଲଃ, କାଜିକେଦାଏ, “ଚିନାଃମେନ୍ତେ ରିକାଦାଡ଼ିରେଦ ମେନେତାନାମ୍, ବିଶ୍ୱାସତାନ୍‌ନିଃ ନାଗେନ୍ତେ ସବେନାଃ ରିକାଦାଡ଼ିୟାଃ ।”

୨୪ ଏନ୍ ତରସାଗି ଏନ୍ ହନ୍‌ରାଃ ଆପୁତେ ରାଆଃତାନ୍‌ଲଃ କାଜିକେଦାଏ, “ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍, ଆଇଁୟାଃ କା ବିଶ୍ୱାସ୍‌ରେ ଦେଙ୍ଗାଇଙ୍ଗ୍‌ମେଁ ।”

୨୫ ହଡ଼କକେ ଜୁରୁ ହୁଣ୍ଡିନ୍‌ତାନ୍ ଯୀଶୁ ନେଲକେଦକଟି, ସଡ଼ରା ଆମ୍‌କେ ମାରାଙ୍ଗ୍‌ମଚାକିୟାଏ ଆତଃ ମେତାଇୟାଏ, “ଏ ଭାଏର୍‌ରା ଆତଃ କା ବାଖାଣ୍ ଦାଡ଼ିତାନ୍ ଆମ୍‌, ଆଇଙ୍ଗ୍ ହୁକୁମ୍ ଏମାମତାନାଇଙ୍ଗ୍, ନିଃଏତେ ଅତଙ୍ଗ୍‌ଅଃମେ, ଆତଃ ନିଃଇରେ ଚିଉଲ୍‌ଆ ଆଲମ୍ ବଲ ରୁହାଡ଼ାଃ ।”

୨୬ ଏଡ଼କାନ୍ ଆମ୍‌ କାଉରିକେଦତେ ଏନ୍ ହନ୍‌କେ ସିଦୁବକିୟା ଆତଃ ଅତଙ୍ଗ୍ ବାଗିତାଇୟାଏ । ସିଟିଆ କଡ଼ାଦ ଗଜାକାନିଃ ଲେକାଏ ରିକାୟାନା; ହଡ଼କ ମେନ୍‌କେଦାଃ, “ଗଏଃୟାନାଏ ।” ୨୭ ମେନ୍‌ଦ ଯୀଶୁ ଡିଃଇ ସାବକିତେ ବିରିଦକିୟାଏ, ଆତଃ ଇନିଃ ଡିଙ୍ଗ୍‌କେଟେଦୟାନାଏ ।

୨୮ ଏନ୍ତେ ଯୀଶୁ ଅଡ଼ାଃତେ ସେନଃୟାନାଏ, ଆତଃ ଏସକାର୍‌ରେ ତେଲାଇତାୟାଃ ଇନିଃକେ କୁଲିକିୟାଃକ, “ଆଲେଦ ଚିନାଃମେନ୍ତେ ଏନ୍ ବଙ୍ଗାକେ କାଲେ ଅତଙ୍ଗ୍ ଦାଡ଼ିକେନା ?”

୨୯ ଯୀଶୁ ମେତାଦକଆଏ “ନେ ଲେକାନ୍ ଏଡ଼କାନ୍ ଆମ୍‌କ ବିନ୍ତ୍ରିତେ ଏସକାର୍‌କ ଅତଙ୍ଗ୍ ଦାଡ଼ିୟାଆ, ଆତଃ ଜେତାଲେକାତେଦ କାହାଗି ।”

ଯୀଶୁ ଆୟାଃ ଗନଏଃ କାଜି ଆତଃମିସା ଉଦୁବେତାନାଏ  
(ମାଥୁଉ ୧୭:୨୨-୨୩; ଲୁକ ୯:୪୩-୪୫)

୩୦ ଯୀଶୁ ଆତଃ ତେଲାଇତାୟାଃ ଏନ୍ତାଃଏତେ ସେନଃୟାନ୍‌ଟି ଗାଲିଲ୍ ଦିଶୁମ୍ ଆଲା ଆଲାତେକ ସେନଃୟାନା । ଜେତାଏ ଏନା ଆଲକାକ ସାରିନାମେକା ମେନ୍ତେ

ଇନିଃ ସାନାଙ୍ଗତାଇକେନାଏ, ୩୧ ଚିୟାଃଚି ଇନିଃଦ ଆୟାଃ ଚେଲାକକେ ଇତୁକ ତାଇକେନାଏ । ଇନିଃ କାଜିୟାଦକଆଏ, “ଆଇଙ୍ଗ ମାନଝାହନ୍ ତାନିଙ୍ଗ, ଆଇଙ୍ଗ ହଡକଆଃ ତିଃଈରେ ଏମ୍‌ଏଣ୍ଡାଗଃଆଇଙ୍ଗ, ଆଡଃ ହଡକ ଆଇଙ୍ଗକେ ଗଜିୟାକ, ଗନଏଃରାଃ ଆପିମା ତାୟମତେ ଆଇଙ୍ଗ ଜୀଉ ବିରିଦାଃଇଙ୍ଗ ।”

୩୨ ମେନ୍‌ଦ ଇନ୍‌କୁ ନେ କାଜି କାକ ଆବ୍‌କାର୍ ଉରୁମ୍ ଦାଡ଼ିକେଦା, ଆଡଃ ଇନ୍‌କୁଦ ଇନିଃକେ କୁଲି ନାଗେନ୍ତେ ବରକେଦାଃକ ।

ଅକଏ ମାରାଙ୍ଗ ?  
(ମାଥୁର ୧୮:୧-୫; ଲୁକ ୯:୪୭-୪୮)

୩୩ ଯୀଶୁ ଆଡଃ ଆୟାଃ ଚେଲାକ କପରନାହୁମ୍ ତେଦାଃକେଦଚି ଅଡ଼ାଃରେକ ବଲୟାନା, ଆଡଃ ଇନିଃ ଚେଲାକକେ କୁଲିକେଦକଆଏ, “ହରାରେ ଚିନାଃପେ ଜାଗାର୍‌ତାନ ତାଇକେନା ?”

୩୪ \*ମେନ୍‌ଦ ଇନ୍‌କୁ ହାପାୟାନାକ, ଚିୟାଃଚି ଇନ୍‌କୁ ଅକଏ ମାରାଙ୍ଗଆଁ ମେନ୍ତେ ହରାରେକ କାପାଜିତାନ ତାଇକେନା । ୩୫ \*ୟୀଶୁ ଦୁଦୟାନଚି ବାରାଝାନକକେ ହାକାଅକେଦକଆଏ ଆଡଃ ମେତାଦକଆଏ, “ଅକନ୍ ହଡ ସବେନ୍‌କଏତେ ମାରାଙ୍ଗୟେନ୍ ସାନାଙ୍ଗରେଦ, ସବେନ୍‌କଏତେ ଲାତାରେନ୍‌କାଏ ଆଡଃ ସବେନ୍‌କଆଃ ଦାସିନ୍ କାଏ ।” ୩୬ ଏନ୍ତେ ମିଆଁଦ୍ ହୁଡିଙ୍ଗ୍ ହନ୍‌କେ ହାକାଅକିଃତେ ଇନ୍‌କୁଆଃ ଆଲାରେ ଡିଙ୍ଗିକିୟାଏ ଆଡଃ କୟଙ୍ଗକିଃତେ ମେତାଦକଆଏ, ୩୭ \*ନେ ଲେକାନ ମିଆଁଦ୍ ହୁଡିଙ୍ଗ୍ ହନ୍‌କେ ଅକନ୍ ହଡ “ଆଇଁୟାଃ ନୁଡୁମ୍‌ତେ ସୁକୁଆଇୟାଏ ଇନିଃଦ ଆଇଙ୍ଗକେ ସୁକୁଆୟାଏ, ଆଡଃ ଅକନ୍ ହଡ ଆଇଙ୍ଗକେ ସୁକୁଆୟାଏ, ଇନିଃ ଆଇଙ୍ଗକେ ଏସ୍‌କାର୍ କା ମେନ୍‌ଦ ଆଇଙ୍ଗକେ କୁଲିନିଃ ଆଇଁୟାଃ ଆବାକେୟଗି ସୁକୁଆଇୟାଏ ।”

ଆବୁକେ ଦାରମ୍ ରୁହାଡ଼ୁତାନିଃଦ ଆବୁଲଃରିୟା  
(ଲୁକ ୯:୪୯-୫୦)

୩୮ ଯୋହାନ୍ ଯୀଶୁକେ କାଜିକିୟାଏ, “ହେ ଗମ୍‌କେ, ମିଆଁଦ୍ ହଡ ଆମାଃ ନୁଡୁମ୍‌ତେ ବଙ୍ଗାକକେ ଅଡ଼ଙ୍ଗକତାନଲେ ନେଲ୍‌କିୟା ଆଡଃ ଇନିଃ ଆବୁଆଃ ଜାମାରେନ୍ କାଏ ତାଇକେନା, ଏନାମେନ୍ତେ ଇନିଃକେ ମାନାକିୟାଲେ ।”

୩୯ “ୟୀଶୁ ମେତାଦକଆଏ, ଆଲ୍‌ପେ ମାନାଇୟା, ଆଇଁୟାଃ ନୁଡୁମ୍‌ତେ ଆକଦାନ୍‌ଅ କାମି କାମିତାନ୍ ଜେତାଏନିଃ ଆଇଁୟାଃ ନୁଡୁମ୍‌ତେ ଏଡକାନ୍ କାଜି କାମି କାଏ ଦାଡ଼ିୟା । ୪୦ \*ଚିୟାଃଚି ଅକଏ ଆବୁକେ ଦାରମ୍‌ବୁତାନାଏ, ଇନିଃଦ ଆବୁଲଃରିୟା । ୪୧ \*ଆଇଙ୍ଗ୍ ଆପେକେ ସାର୍‌ତିଗିଇଙ୍ଗ୍ କାଜିୟାପେତାନା, ଆପେ ଖ୍ରୀଷ୍ଟୁଆଃ ତାନପେ ମେନ୍ତେ ଅକ ହଡ ଆପେକେ ମିଦ୍ ଗିଲାୟ୍ ରେହାଡ଼୍ ଦାଆଃ ନୁଁଏ ନାଗେନ୍ତେ ଏମାପେରେଦ, ଏନ୍ ହଡ ଆୟାଃ ନାଲା ନାମେଗିୟାଏ ।

ଆଲ୍‌ପେ ତହଦଃଆ ମେନ୍ତେ ଯୀଶୁ ଇତୁକତାନାଏ  
(ମାଥୁର ୧୮:୬-୯; ଲୁକ ୧୭:୧-୨)

୪୨ “ଆଡ଼ଃଗି ଯୀଶୁ କାଜିକେଦାଃଏ, ଜେତାଏ ଆଇଁୟାଃରେ ବିଶ୍ୱାସ୍‌ତାନ ନେ ହୁପ୍‌ଡିଙ୍ଗ୍‌କଏତେ ମିଆଁଦ୍‌ନିଃକେ ଆୟାଃ ବିଶ୍ୱାସ୍‌ରେ ତହଦ୍‌ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍‌ତେ ଇନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ । ୪୩ \*ଆଡ଼ଃ ଆମାଃ ତିଃଈ ବିଶ୍ୱାସ୍‌ରେ ତହଦ୍

\* ୯:୩୪ ୯:୩୪ ଲୁକ ୨୨:୨୪. \* ୯:୩୫ ୯:୩୫ ମାଥୁର ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭.  
\* ୯:୩୬ ୯:୩୬ ମାଥୁର ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦. \* ୯:୪୦ ୯:୪୦ ମାଥୁର ୧୨:୩୦; ଲୁକ ୧୧:୨୩. \* ୯:୪୧ ୯:୪୧ ମାଥୁର ୧୦:୪୨. \* ୯:୪୩ ୯:୪୩ ମାଥୁର ୫:୩୦.

ରିକାମ୍‌ତାନରେଦ, ଏନାକେ ଛପାଏଣ୍ଡାଏମେ । ବାରିଆଃ ତିଃଇ ତାଇକେଦ୍‌ତେ ନାରାକ୍‌ତେ, ତିଉଲାଇ କା ଇଣ୍‌ଜିଃ ସେକ୍‌ଲ୍‌ତେ ସେନଃଏତେଦ ଚୁଣ୍ଡାୟାନ୍ତେ ଜୀଦାନରେ ବଲଃ ଆମାଃ ନାଗେନ୍ତେ ବୁଗିନାଃ ।<sup>୪୪</sup> ନାରାକ୍‌ରେ ଇନ୍‌କୁକେ ଜମ୍‌ତାନ ତିଜୁ କାକ ଗଜଃଆ ଆତଃ ସେକ୍‌ଲ୍ କା ଇଣ୍‌ଜିଃଆ<sup>‡</sup> ୪୫ ଆତଃ ଆମାଃ କାଟା ତହ୍‌ଦ୍ ରିକାମ୍‌ତାନ ରେଦ, ଏନାକେ ଛପା ଏଣ୍ଡାତାମ୍ । ବାରିଆ କାଟାତେ, ସେକ୍‌ଲ୍ ନାରାକ୍‌ରେମ୍ ହୁରାଙ୍ଗ୍ ହାଣ୍‌ବଃଏତେଦ, ଲାଙ୍ଗ୍‌ଡାକାନ୍ ଜୀଦାନରେ ବଲଃତେୟାଃ ଆମ୍ ନାଗେନ୍ତେ ବୁଗିନାଃ ।<sup>୪୬</sup> ନାରାକ୍‌ରେ ଇନ୍‌କୁଆଃ ତିଜୁ କାଏ ଗଜଃଆ ଆତଃ ସେକ୍‌ଲ୍ କା ଇଣ୍‌ଜିଃଆ ।<sup>§</sup> ୪୭ \*ଆତଃ ଆମାଃ ମିଆଁଦ୍ ମେଦ୍ ପାପ୍‌ଇଚିମେରେଦ, ଏନାକେ ଅତ୍‌ଜ୍‌କେଦ୍‌ତେ ହୁଦ୍‌ମାଏଣ୍ଡାଏମେ । ଆମାଃ ବାରିଆ ମେଦ୍ ତାଇକେଦ୍‌ତେ ସେକ୍‌ଲ୍ ନାରାକ୍‌ରେ ହୁଦ୍‌ମାଆଏତେ ମିଆଁଦ୍ ମେଦ୍ ତାଇକେଦ୍‌ତେ ପାର୍‌ମେଣ୍ଡାଆଃ ରାଇଜ୍‌ରେ ବଲଃ ଆମାଃ ନାଗେନ୍ତେ ବୁଗିନାଃ ।<sup>୪୮</sup> ଏନ୍ତାଃରେଦ ଇନ୍‌କୁକେ ଜମ୍‌ତାନ ତିଜୁ କାକ ଗଜଃଆ ଆତଃ ଏନ୍ତାଃରାଃ ସେକ୍‌ଲ୍ ଚିତ୍‌ଲାଇ କା ଇଣ୍‌ଜିଃଆ ।

୪୯ “ଦାଣ୍ଡେ ବୁଲୁଙ୍ଗ୍‌ତେ ଫାର୍‌ଚିଆଃ ଲେକା ସବେନ୍ ହଡ୍‌କହ୍ ସେକ୍‌ଲ୍‌ତେକ ଫାର୍‌ଚିଆଃଆ ।

୫୦\* “ବୁଲୁଙ୍ଗ୍ ବୁଗିନାଃ, ମେନ୍‌ଦ୍ ଏନା ସାବାଗଃରେଦ, ଏନା ଚିଲ୍‌କାତେ ଆତଃମିସା ସିବିଲ୍‌ରୁହାଡ଼ଃଆ ? ଆପେରେ ଦୁପ୍‌ଲାଡ଼ଃରାଃ ବୁଲୁଙ୍ଗ୍ ତାଇନଃକା, ଆତଃ ଆପେ ମିହୁଡ୍‌ଆତଃମିହୁଡ଼ଲଃ ସୁକୁରେ ତାଇନ୍‌ପେ ।”

୧୦

କଡ଼ାକୁଡ଼ିବାଗିରେୟାଃ କାଜି  
(ମାଥୁଉ ୧୯:୧-୧୨; ଲୁକ ୧୨:୧୮)

୧ ଏନ୍ତେ ଯୀଶୁ କପର୍‌ନାହୁମ୍‌ଏତେ ଅତ୍‌ଜ୍‌ୟାନ୍‌ତେ ଯାଦୀନ୍‌ନାହିଁ ପାରମ୍‌କେଦ୍‌ତେ ଯିହୁଦା ପାର୍‌ଗାନ୍‌ତେ ସେଟେରୟାନ୍‌ଏ । ଏନ୍ତେ ଗାଦେଲ୍ ହଡ୍‌କ ଇନିଃତାଃ ଆତଃଗିକ ହୁଣ୍ଡିୟାନ୍‌ଆ ଆତଃ ଇନିଃ ସିଦାଲେକା ଇନ୍‌କୁକେ ଇଡୁକେଦ୍‌କଆଏ ।

୨ ଚିମିନ୍ ଫାରୁଣୀକ ଇନିଃତାଃ ହିଜୁଃକେଦ୍‌ତେ ବିଡ଼ାଅ ନାଗେନ୍ତେକ କୁଲିକିୟା, “ମିଆଁଦ୍ କଡ଼ା ଆୟାଃ କୁଡ଼ିତେକେ ବାଗିତେଆଃ ଆଇନ୍‌ଲେକାତେ ଠାଉକାଗିୟାଃ ତି ?”

୩ ଯୀଶୁ କୁଲିରୁହାଡ଼କେଦ୍‌କଆଏ, “ମୁଣା ଆଇନ୍‌ରେ ଚିକ୍‌ନାଃଏ ଆରୁକାଦ୍‌ପେୟା ?”

୪ \*ଇନ୍‌କୁ କାଜିକିୟାଃ, “ବାଗିରେଆଃ ଅନଲ୍‌ଚିଠା ଏମ୍‌କେଦ୍‌ତେ ଜେତାଏ କୁଡ଼ି ତାୟାଃକେ ବାଗି ନାଗେନ୍ତେ ମୁଣା କାଜିୟାକାଦାଏ ।”

୫ ଯୀଶୁ କାଜିରୁହାଡ଼ାଦ୍‌କଆଏ, “ଆପେୟାଃ କେଟେଦ୍‌ମନ୍ ନାଗେନ୍ତେ ମୁଣା ନେ ଆନ୍‌ରୁ ଅଲ୍‌ାଦ୍‌ପେଆଏ ।<sup>୬</sup> ମେନ୍‌ଦ୍ ପୁଅରେ ଅଲ୍‌ାକାନ୍ ଲେକା, ‘ଅତେଦିଶୁମ୍‌ରାଃ ବାଇୟଃ ମୁନ୍‌ରେ ପାର୍‌ମେଣ୍ଡାର୍ ମାନଃ କିନ୍‌କେ କଡ଼ା ଆତଃ କୁଡ଼ି ବାଇକାଦ୍‌କିନାଏ ।’<sup>୭</sup> ଏନାମେନ୍ତେ କଡ଼ା ଆୟାଃ ଏଙ୍ଗା ଆତଃ ଆପୁକିନ୍‌କେ ବାଗିକିନାଏ, ଆତଃ ଆୟାଃ କୁଡ଼ିତାୟାଃଲଃ ମିଦଃଆଏ, ‘ଆତଃ ଇନ୍‌କିନ୍ ମିଆଁଦ୍‌ଆକିନ୍ ।’ ଏନାମେନ୍ତେ ଇନ୍‌କିନ୍ ବାରିଆ ହଡ଼ମ୍ ନାହାଁଲଃକିନ୍, ମେନ୍‌ଦ୍ ମିଆଁଦ୍ ହଡ଼ମ୍‌ତାନ୍‌କିନ୍ ।<sup>୯</sup> ଏନା ନାଗେନ୍ତେ ପାର୍‌ମେଣ୍ଡାର୍ ମିଦ୍‌ରେ ତଲ୍‌ାକାଦ୍‌ତେୟାଃ ହଡ଼ ଆଲ୍‌କାଏ ବିନ୍‌ଗାଏକା ।”

‡ ୯:୪୪ ୯:୪୪ ନେ ବାଚାନ୍ ଚିମିନ୍ ମାଗି ଅନଲ୍‌କରେ ବାନଃଆ      § ୯:୪୭ ୯:୪୭ ନେ ବାଚାନ୍ ଚିମିନ୍ ମାଗି ଅନଲ୍‌କରେ ବାନଃଆ      \* ୯:୪୭ ୯:୪୭ ମାଥୁଉ ୫:୨୯.      \* ୯:୫୦ ୯:୫୦ ମାଥୁଉ ୫:୧୩; ଲୁକ ୧୪:୩୪,୩୫.  
\* ୧୦:୪ ୧୦:୪ ମାଥୁଉ ୫:୩୧.

୧୦ ଅତୀତରେ ସେନାୟାନ୍ତେ, ଏତୀତରେ ଆୟାଃ ଚେଲାକ ଯୀଶୁକେ ଏନ୍‌କାଜି ଆତୀତରୀକ କୁଲିକିୟାଃ । ୧୧ \*ୟୀଶୁଦ ମେତାଦକଆଏ, “ଜେତାଏ ଆୟାଃ କୁଡିତେକେ ବାଗିକେଦତେ ଏଟାଃ କୁଡି ଆଣ୍‌ଦିୟାନ୍‌ନିଃଦ ଆୟାଃ କୁଡିତେୟାଃ ବିରୁଧ୍‌ରେ ଆପାଙ୍ଗିର୍ କାମି କାମିୟା । ୧୨ ଏନ୍ ଲେକାତେ କୁଡି ଆୟାଃ କଡାତେକେ ବାଗିକେଦତେ ଏଟାଃ କଡାକେ ଆଣ୍‌ଦିନ୍‌ରେଦ ଇନିଃ ଆୟାଃ କଡାତେୟାଃ ବିରୁଧ୍‌ରେ ଆପାଙ୍ଗିର୍ କାମି କାମିୟାଏ ।”

ୟୀଶୁ ସିଟିଆ ହନ୍‌କକେ ଆଣିଷ୍ଟକତାନାଏ  
(ମାଥୁଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହୁପ୍‌ଡିଙ୍ଗ୍ ହନ୍‌କକେ, ତିଃଇ ଦହକେଦତେ ଆଣିଷ୍ଟକକାଏ ମେନ୍ତେ, ହଡ୍‌କ ଯୀଶୁତୀଃତେକ ଆଉକେଦକଆ, ମେନ୍‌ଦ ଚେଲାକ ଆଉକତାନ୍‌କକେ ମାରାଙ୍ଗ୍‌ମତା କେଦକଆକ । ୧୪ ଏନା ନେଲ୍‌କେଦତେ ଯୀଶୁ ଖୁସ୍‌ୟାନାଏ ଆତୀତ ଚେଲାକକେ ମେତାଦକଆଏ, “ହୁପ୍‌ଡିଙ୍ଗ୍ ହନ୍‌କକେ ଆଇଙ୍ଗ୍‌ତୀଃତେ ହିଜୁଃରିକାକପେ, ଆତୀତ ଆଲ୍‌ପେ ମାନାକଆ, ନିକୁଲେକାନ୍ କଆଃଗିଦ ପାର୍‌ମେଶ୍ୱାର୍‌ଆଃ ରାଇଜ୍ ତାନାଃ । ୧୫ \*ସାର୍‌ଡିଗିଙ୍ଗ୍ କାଜିୟାପେତାନା ଜେତାଏ ହଡ୍ ପାର୍‌ମେଶ୍ୱାର୍‌ଆଃ ରାଇଜ୍, ମିଆଁଦ୍ ହୁଡିଙ୍ଗ୍‌ହନ୍ ଲେକା କାଏ ତେଲାଏରେଦ, ଏନାରେ ଚିତ୍‌ଲାହଗି କାଏ ବଲଦାଡିୟାଃ ।” ୧୬ ଏନ୍ତେ ଇନିଃ ହନ୍‌କକେ ହାମ୍‌ଦୁକେଦକଆଏ, ଆତୀତ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦତେ ଆଣିଷ୍ଟକେଦକଆଏ ।

କିସାଣ୍ ଧାଙ୍ଗ୍‌ଡା  
(ମାଥୁଉ ୧୯:୧୭-୩୦; ଲୁକ ୧୮:୧୮-୩୦)

୧୭ ଆତୀତରୀ ଯୀଶୁ ସେନାୟାଙ୍ଗ୍ ଅତଙ୍ଗ୍‌ତାନ୍ ଇମତା ମିଆଁଦ୍ ହଡ୍ ଇନିୟାଃ ଆୟାରରେ ନିର୍‌ହିଜୁଃୟାନ୍‌ଚି ଇକୁଡ୍‌ମୁୟାନାଏ ଆତୀତ କୁଲିକିୟାଏ, “ଏ ବୁଗିନ୍ ଇଡୁନିଃ, ଜାନାଅ ଜାଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

୧୮ ଯୀଶୁ ମେତାୟାଏ, “ଆମ୍ ଚିନାଃମେନ୍ତେ ଆଇଙ୍ଗ୍‌କେ ବୁଗିନ୍ ମେନ୍ତେମ୍ କାଜିଇଙ୍ଗ୍‌ତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଃ ପାର୍‌ମେଶ୍ୱାର୍ ତାନିଃ ଆତୀତ ଜେତାଏକାହା । ୧୯ ଆମ୍ ଆନ୍‌ତୁମ୍ ସାରିତାନା, ଆଲମ୍ ଗଗାଏୟାଃ, ଆଲମ୍ ଆପାଙ୍ଗିର୍‌ରାଃ, ଆଲମ୍ କୁମ୍‌ତୁଲୁୟା, ହସଡ୍‌ଗାଝା ଆଲମାଃ, ଆଲମ୍ ବେଦାଃ, ଏଙ୍ଗା ଆପୁ କିନ୍‌କେ ମାନାଡିଙ୍ଗ୍‌କିନ୍‌ମେ ।”

୨୦ ଇନିଃଦ ମେନ୍‌ରୁହାଡାୟାଏ, “ହେ ଗୁରୁ, ନେ ସବେନ୍ ଆନ୍‌ତୁ ମିଦ୍‌ସିଟିଆଏତେଇଙ୍ଗ୍ ମାନାଡିଙ୍ଗ୍ ଆଉକାଦା ।”

୨୧ ଯୀଶୁ ଇନିଃକେ ନେଲ୍‌ବାଇକିଃତେ ଦୁଲାଡ୍‌କିୟାଏ ଆତୀତ ମେତାୟାଏ, “ଆତୀତ ମିଆଁଦ୍ କାଜି ଆମ୍‌କେ ରିକାଲାଗାଡିଙ୍ଗ୍‌ୟାଃ, ଜୁ, ଆମାଃ ସବେନାଃ ଆଖ୍‌ରିଙ୍ଗ୍‌ତାମେ, ଆତୀତ ଏନ୍ ଟାକା ରେଙ୍ଗେଃକକେ ହାଟିଙ୍ଗ୍‌ଆଁକମ୍, ସିମା ଦିଶ୍‌ମରେ ଖୁଜ୍ ମ୍ ନାମେଆଁ, ଆତୀତ ରୁହାଡ୍‌କେଦତେ ଅତଙ୍ଗ୍‌ଇଙ୍ଗ୍‌ମେ ।” ୨୨ ଏନା ଆୟାମ୍‌କେଦତେ ଏନ୍ ହଡ୍ ହୁଡିଙ୍ଗ୍‌ଜୀଉୟାନାଏ, ଆତୀତ ଗସ ମେଦ୍‌ମୁହାଁଡାଏ ସେନାୟାନା । ଚିୟାଃଚି ଇନିଃଦ ପୁରାଃଗି କିସାଣ୍ ତାଇକେନାଏ ।

୨୩ ଯୀଶୁ ଚେଲାକକେ ହେତାବିୟୁର୍‌କେଦକଆଏ ଆତୀତ ମେତାଦକଆଏ, “ଅକନ୍ ହଡ୍‌କଆଃ ଟାକା ପାଏସା ମେନାଃ, ଏନ୍ କିସାଣ୍ ହଡ୍‌କନାଙ୍ଗ୍ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାୟା ।”

୨୪ ଏନ୍ କାଜିକ ଆୟାମ୍‌କେଦତେ ଚେଲାକ ଆକ୍‌ଦାନ୍‌ଆୟାନା, ମେନ୍‌ଦ ଯୀଶୁ ଆତୀତରୀ କାଜିୟାଦକଆଏ, “ଏ ହନ୍‌କ, ପାର୍‌ମେଶ୍ୱାରାଃ ରାଇଜ୍‌ରେ ବଲଃ ପୁରାଃଗି

\* ୧୦:୧୧ ୧୦:୧୧ ମାଥୁଉ ୫:୩୨; ୧ କରିନ୍ଥ୍‌ୟ ୭:୧୦,୧୧.      \* ୧୦:୧୫ ୧୦:୧୫ ମାଥୁଉ ୧୮:୩.



ହାମ୍ବାଲାଃ । ୨୫ ପାର୍ମେଶ୍ଵାରୀଆଃ ରାଇଜରେ କିସାଁଣ୍ ହଡ଼ ବଲ ଦାଡ଼ିଏତେ, ସୁଇଉଣ୍ଡୁରେ ଉର୍ ପାରମାତେଆଃ ରାଖାଲାଃ ।”

୨୬ ନେଆଁ ଆୟୁମକେଦତେ ଚେଲାକ ଆତଃଗି ଆକଦାନ୍ଦାଅୟନା ଆତଃ ଆକରେ କୁଲିବାଡ଼ାକେଦାଃକ, “ତାବଦ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ?”

୨୭ ଯୀଶୁ ଇନ୍ଦକୁସାଃତେ ଆରିଦକେଦତେ ମେତାଦକଆଏ, “ହଡ଼କ ନାଗେନ୍ତେ ଏନା କା ଦାଡ଼ିୟା କାମି ତାନାଃ, ମେନ୍ଦ ପାର୍ମେଶ୍ଵାର ନାଗେନ୍ତେ ଦାଡ଼ିଅଥା । ଚିୟାଃଚି ପାର୍ମେଶ୍ଵାରତେ ହବାଦାଡ଼ିୟାଆ ।”

୨୮ ଏନ୍ତେ ପାଡ଼ରାସ୍ କାଜିକେଦା, “ନେଲେମେ, ଆଲେଦ ସବେନାଃ ବାଗିକେଦତେ ଆମ୍ବକେଲେ ଅତଙ୍ଗକେଦମେୟା ।”

୨୯ ଯୀଶୁ କାଜିରୁହାଡ଼ାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ଜେତାଏ ହଡ଼ ଆଇଙ୍ଗ୍ ମେନ୍ତେ ଚାଏ ସୁକୁକାଜିମେନ୍ତେ, ଅଡ଼ାଃଦୁଆର୍, ଚାଏ ହାଗା ଚାଏ ମିଶି, ଚାଏ ଏଙ୍ଗା ଚାଏ ଆପୁ, ଚାଏ ହନ୍‌ଗାଁଣା, ଚାଏ ପିଡ଼ିହାସା ବାଗିତାରେଦ, ୩୦ ଇନ୍ଦିଃ ନେ ପାରିୟାରେ, ସାଅଗୁଣା ଆଦକା ଅଡ଼ାଃଦୁଆର୍କ, ହାଗା ମିଶିକ, ଏଙ୍ଗାକ, ହନ୍‌କ ଆତଃ ଅତେହାସାକ ନାମେୟାଏ, ଆତଃ ଏନାଲଃ ଦୁକୁସାସ୍ତ ହୁଁ, ଆତଃ ତାୟମ୍ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ । ୩୧ ମେନ୍ଦ ପୁରାଃ ହଡ଼କ ସିଦାକାନ୍‌କ ତାୟମାଆ, ଆତଃ ତାୟମାକାନ୍‌କ ସିଦାଅଥା ।”

ଯୀଶୁ ଆତଃମିସା ଆୟାଃ ଗନଏଃ କାଜି ଉଦୁବେତାନାଏ  
(ମାଥୁଉ ୨୦:୧୭-୧୯; ଲୁକ ୧୮:୩୧-୩୪)

୩୨ ଯୀଶୁ ଆତଃ ଆୟାଃ ଚେଲାକ ନାହାଁଃଦ ଯୀରୁଶାଲେମ୍‌ତେ ସେନଃତାନ୍ ହରାକ ସାବ୍‌କେଦା । ଯୀଶୁ ଆୟାଃ ଚେଲାକଆଃ ଆୟୁର୍ ଆୟୁର୍ରେ ସେନଃ ତାଇକେନା, ଚେଲାକ ଆକଚାକାଅକାନ୍ ତାଇକେନାକ ଆତଃ ତାୟମ୍‌ରେ ସେନ୍‌ତାନ୍ ଏଟାଃ ହଡ଼କହଗି ବର ତାଇକେନାକ । ଯୀଶୁ ଆତଃଗି ଗେଲ୍‌ବାର୍ ଚେଲାକକେ ହରାଏତେ ହାକାଅ ଆତମକେଦକଆ, ଆତଃ ଆଇଃକରେ ଟଗଃ କାଜିକ ଇନ୍ଦକୁକେ ଉଦୁର୍ ଏଚେଦକେଦକଆ । ୩୩ ଆତଃ ମେତାଦକଆଏ, “ଆରୁ ଯୀରୁଶାଲେମ୍‌ତେବୁ ସେନଃତାନା, ଆତଃ ଏନ୍ତାଃରେ ଆଇଙ୍ଗ୍‌କେ ମାନଖାହନ୍‌କେ ମୁଲ୍ ଯାଜାକକଆଃ ଆତଃ ଆଇନ୍ ଇଡୁକଆଃ ତିଃଇରେ ଏମ୍‌ଏଣ୍ଡାଗିଆଁକ । ଇନ୍ଦକୁ ଆଇଙ୍ଗ୍‌କେ ଗନଏଃ ସାଜାଇ ଏମକେଦତେ ସାଅଁସାର୍ ହଡ଼କଆଃ ତିଃଇରେକ ଜିମାଇଁୟାଃ । ୩୪ ଇନ୍ଦକୁ ଆଇଙ୍ଗ୍‌କେ ଲାନ୍ଦାୟାଃକ, ବେଜିୟାଃକ, ଚାବୁକ୍‌ରେକ ହାଁଣ୍‌ସାୟାଃ, ଆତଃକ ଗଜିୟାଁ ମେନ୍ଦ ଆପିମାରେ ଆଇଙ୍ଗ୍ ଜୀଉ ବିରିଦାଇଙ୍ଗ୍ ।”

ଯାକୁବ୍ ଆତଃ ଯୋହାନ୍‌ରାଃ ଆନାସି  
(ମାଥୁଉ ୨୦:୨୦-୨୮)

୩୫ ଜେବଦୀୟାଃ ହନ୍‌କିନ୍ ଯାକୁବ୍ ଆତଃ ଯୋହାନ୍, ଯୀଶୁତାଃକିନ୍ ହିଜୁଃୟାନା, ଆତଃକିନ୍ କାଜିକିୟା, “ହେ ଗୁରୁ ଜେତାନ୍‌କାଜି ଆଲିଙ୍ଗ୍ ଆସିମେତେୟାଃ ଆଲିଙ୍ଗ୍ ନାଙ୍ଗ୍ ରିକାଏମେ ।”

୩୬ ଯୀଶୁ ଇନ୍‌କିନ୍‌କେ କୁଲିକେଦକିନାଏ, “ଚିକାନାଃବେନ୍ ଆସିତାନା, ଚିନାଃଇଙ୍ଗ୍ ରିକାୟା ?”

୩୭ ଇନ୍‌କିନ୍ କାଜିକିୟା, “ଆମାଃ ରାଇଜ୍ ମାନାରାଙ୍ଗ୍‌ରାଃ ରାଜ୍‌ଗାଦିରେ ଆଲିଙ୍ଗ୍‌ଏତେ ମିହୁଡ୍ ଆମାଃ ଜମ୍‌ତିସାଃରେ, ଆତଃ ଏଟାଃନିଃ ଆମାଃ ଲେଙ୍ଗାତିସାଃରେ ଦୁବକାଏ ମେନ୍ତେ କାଜିତାମ୍, ନେୟାଲିଙ୍ଗ୍ ସାନାଙ୍ଗ୍‌ତାନା ।”

☆ ୧୦:୩୧ ୧୦:୩୧ ମାଥୁଉ ୨୦:୧୭; ଲୁକ ୧୩:୩୦.

୩୮ ✠ ଯୀଶୁ ଦ୍ଵିତୀୟ ଫେଡ଼ାଦକିନାଏ, “ଚିନାଃବେନ୍ ଆସିତାନା ଏନା କାବେନ୍ ଆଟ୍ଟକାର୍ ଉରୁମେତାନା । ତିୟାଃ ଆଇଙ୍ଗ୍ ଅକନ୍ ଦୁକୁସାହାତିଙ୍ଗ୍‌ରାଃ କାଟୋରାରେ ନୁଁଇଙ୍ଗ୍, ଏନା ନୁଁବେନ୍ ଦାଡ଼ିୟା ? ଚାଏ ଆଇଙ୍ଗ୍ ଅକନ୍ ଗନଏଃରାଃ ବାପ୍ତିସ୍ତାତେଇଙ୍ଗ୍ ବାପ୍ତିସ୍ତାଅଃଆ, ଏନାରେ ଚିନାଃ ଆବେନଃବେନ୍ ବାପ୍ତିସ୍ତା ଦାଡ଼ିୟାଆ ?”

୩୯ “ଦାଡ଼ିୟାଃଲିଙ୍ଗ୍,” ଫେଡ଼ାଇଙ୍ଗ୍‌କିନ୍, ଯୀଶୁ ଫେଡ଼ାଦକିନାଏ, “ଆଇଙ୍ଗ୍ ନୁଁଏ କାଟୋରାରେଦବେନ୍ ନୁଁଇୟାଃ ଆତଃ ଆଇଙ୍ଗ୍ ବାପ୍ତିସ୍ତାଅଃ ବାପ୍ତିସ୍ତାତେବେନ୍ ବାପ୍ତିସ୍ତାଅଃଆ । ୪୦ ମେନ୍‌ଦ ଆଇଁୟାଃ ଜମ୍‌ଡ଼ିସାଃରେ ଚାଏ ଲେଙ୍ଗାଡ଼ିସାଃରେ ଅକଏ ଦୁବାଃଏ ନେଆଁ କାଜିତେୟାଃଦ ଆଇଁୟାଃ ତିଃଇରେ ବାନଆଃ । ଅକଏୟାଃ ନାଗେନ୍ତେ ଏନା ପାର୍‌ମେଶ୍ଵାର୍ ବାଇୟାକାଦାଃଏ ଇନ୍‌କୁକେ ଇନିଃ ଏନା ଏମାକଆଏ ।”

୪୧ ଏନା ଆୟୁମ୍‌କେଦ୍‌ତେ, ଏଟାଃ ଗେଲ୍ ଚେଲାକ ଯାକୁବ୍ ଆତଃ ଯୋହାନ୍‌କେ ଖ୍ଵୟାନାକ । ୪୨ ✠ ଯୀଶୁ ଇନ୍‌କୁକେ ଆୟାଃତାଃତେ ହାକାଅ କେଦକଆଏ ଆତଃ ଫେଡ଼ାଦକଆଏ, “ସାଅଁସାର୍‌କଆଃ ଗୁସିୟାକ ନୁତୁମଃତାନ୍‌କ ଇନ୍‌କୁରେକ ରାଇଙ୍ଗ୍‌ତାନା ଆତଃ ଇନ୍‌କୁ ଆଲାରେ ମାପ୍‌ରାଙ୍ଗ୍‌କାନ୍‌କ ଆକଆଃ ଆକ୍‌ତେୟାର୍‌କ୍\* ଇନ୍‌କୁକେ ଆଟ୍ଟକାର୍ ରିକାଟିକାକତାନା, ନେଆଁପେ ସାରିଆଃ । ୪୩ ✠ ଆପେରେଦ ଆଲକା ଏନ୍‌କାଅଃକା । ଆପେ ଆଲାରେ ଜେତାଏ ମାରାଙ୍ଗ୍‌ଫେୟ୍‌ନ୍ ସାନାଙ୍ଗ୍‌ରେଦ ଇନିଃ ଆପେୟାଃ ସୁସାର୍‌ନିଃ ବାଇୟେନ୍‌କାଏ । ୪୪ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନ୍‌ନିଃ ସବେନ୍‌କଆଃ ଦାସି ବାଇୟେନ୍‌କା । ୪୫ ଆଇଙ୍ଗ୍ ମାନଝାହନ୍, ସୁସାର୍‌ନାମେ ନାଗେନ୍ତେଦ କା, ମେନ୍‌ଦ ସୁସାର୍ ନାଗେନ୍ତେ ଆତଃ ଆଇଁୟାଃ ଜାଉ ପୁରାଃ ହଡ଼କଆଃ ଦାଣ୍ଠେ ଗନଙ୍ଗ୍ ଏମ୍‌ପୁରା ନାଗେନ୍ତେଇଙ୍ଗ୍ ହିଜୁଃକାନା ।”

ଯୀଶୁ ମେଦ୍ କାଏ ନେଲ୍ ଦାଡ଼ିତାନ୍ ବାଟ୍ ମାୟକେ ରୁଗିତାନା  
(ମାଥ୍‌ଉ ୨୦:୨୯-୩୪; ଲୁକ ୧୮:୩୫-୪୩)

୪୬ ଯୀଶୁ ଆୟାଃ ଚେଲାକଲଃ ଯିରିହୋତେକ ସେଟେରୁୟାନା, ଆତଃ ଇନ୍‌କୁ ଗାଦେଲ୍ ହଡ଼କଲଃ ଏନ୍ ସାହାର୍‌ଏତେ ଅତଙ୍ଗ୍‌ଅଃତାନ୍ ଇମ୍‌ତା ତିମାୟୁଆଃ ହନ୍ କା ନେଲ୍‌ଦାଡ଼ିତାନ୍ ବାଟ୍ ମାୟ ହରାଗେନାରେ ଦୁବ୍‌କେଦ୍‌ତେ କଏଁ ଆସିତାନାଏ ତାଇକେନା । ୪୭ ଇନିଃ ନାଜ୍‌ରେଡ଼ରେନ୍ ଯୀଶୁ ତାନିଃ ମେନ୍ତେ ଆୟୁମ୍‌ତାଦ୍‌ତି, “ହେ ଦାଉଦ୍‌ଆଃ ହନ୍ ଯୀଶୁ ଦାୟାଈଙ୍ଗ୍‌ମେ” ମେନ୍ତେ କାଉରିତାନ୍‌ଲଃ ହାକାଅ ଏଟେଦକିୟା ।

୪୮ ଗାଦେଲ୍ ହଡ଼କ ଇନିଃକେ ହାପାଅଃକାଏ ମେନ୍ତେକ ମାରାଙ୍ଗ୍‌ମଟାକିୟାଃ । ମେନ୍‌ଦ ଇନିଃ ଆତଃଗି ପୁରାଃ “ହେ ଦାଉଦ୍‌ଆଃ ହନ୍ ଦାୟାଈଙ୍ଗ୍‌ମେ” ମେନ୍ତେ କାଉରିକେଦାଏ ।

୪୯ ଯୀଶୁ ତିଙ୍ଗ୍‌ୟାନାଏ ଆତଃ, “କେଡ଼ାଆଉଇପେ” ମେନ୍‌କେଦାଏ । ଇନ୍‌କୁ ଏନ୍ କା ନେଲ୍‌ଦାଡ଼ିତାନ୍ ହଡ଼କେ କେଡ଼ାକିୟାଃକ ଆତଃ କାଜିକିୟାକ, “ଆଲମ୍ ବରଏୟା, ମାର୍ ବିରିଦ୍‌ମେ ! ଇନିଃ କେଡ଼ାମେତାନାଏ ।”

୫୦ ଇନିଃଦ ଆୟାଃ ଲିଜାଃ ହୁଦ୍‌ମା ଏଣ୍ଡାଃକେଦ୍‌ତେ ବିରିଦ୍ ଧାବ୍‌ୟାନାଏ ଆତଃ ଯୀଶୁତାଃତେ ହିଜୁଃୟାନାଏ ।

୫୧ ଯୀଶୁ ଇନିଃକେ କୁଲିକିୟାଏ, “ଆଇଙ୍ଗ୍ ଆମାଃ ନାଙ୍ଗ୍ ଚିନାଈଙ୍ଗ୍ ଚିକାୟା ମେନ୍ତେମ୍ ସାନାଙ୍ଗ୍‌ତାନା” ଏନ୍ କା ନେଲ୍‌ଦାଡ଼ିତାନ୍ ହଡ଼ ମେଡ଼ାଈୟାଏ, “ହେ ଗୁରୁ ନେନେଲାଈଙ୍ଗ୍ ସାନାଙ୍ଗ୍‌ତାନା ।”

✠ ୧୦:୩୮ ୧୦:୩୮ ଲୁକ ୧୨:୫୦. ✠ ୧୦:୪୨ ୧୦:୪୨ ଲୁକ ୨୨:୨୫,୨୬. \* ୧୦:୪୨ ୧୦:୪୨ ଆଧିକାର୍  
✠ ୧୦:୪୩ ୧୦:୪୩ ମାଥ୍‌ଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬.

୫୭ ଯୀଶୁ ଇନିଷକେ ମେତାଇୟାଏ, “ଜୁ ସେନସମେ, ଆମାଃ ବିଶ୍ୱାସ୍ ଆମ୍ବକେ ବୁଗିକେଦମେୟାଏ ।” ଇମ୍ବତାଙ୍ଗି ଇନିଷ ନେଲ୍ ଦାଡ଼ିକେଦାଏ ଆଡ଼ଃ ଯୀଶୁକେ ହରାହରାତେ ଅତଙ୍ଗକିୟା ।

### ୧୧

ୟୀଶୁ ଯୀରୁଶାଲେମ୍ବେତେ ବଲତାନା  
(ମାଥୂଉ ୨୧:୧-୧୧; ଲୁକ ୧୯:୨୮-୪୦; ଯୋହାନ୍ ୧୨:୧୨-୧୯)

୧ ଯୀଶୁ ଆଡ଼ଃ ଚେଲାଇ ଯୀରୁଶାଲେମ୍ ନାଡ଼େଃୟାନ୍ବେତେ, ଜାଇତୁନ୍ ବୁରୁଜାପାଃ ବେଡ଼ଫାଗି ଆଡ଼ଃ ବେଅନିଆ ନାଡ଼େଃଡେକ ସେଟରୁୟାନା, ଇମ୍ବତା ଯୀଶୁ ଆୟାଃ ଚେଲାଇଏତେ ବାରହଡ଼କିନ୍ବେ ଆୟାରତେ କୁଲକେଦକିନାଏ । ୨ ଆଡ଼ଃ ମେତାଦକିନାଏ, “ସାମ୍ବନାଙ୍ଗିରେଆଃ ହାତୁତେ ସେନସବେନ୍, ଏନ୍ ହାତୁ ତେବାଃ ଇମ୍ବତାଙ୍ଗି ନାହାଃ ଜାକେଦ୍ ଜେତାଏ ଇନିଷରେ କା ଦେଜାକାନ୍ ମିଆଁଦ୍ ଗାଧାହନ୍ ତଲାଇକାନ୍ବେନ୍ ନାମିଆଁ, ଇନିଷକେ ରାଡ଼ାଇବେନ୍ ଆଡ଼ଃ ନେତାଃ ଆଉଝିବେନ୍ । ୩ ଜେତାଏ ହଡ଼ ଇନିଷକେ ଚିନାଃ ମେନ୍ତେବେନ୍ ରାଡ଼ାଇତାନା ମେନ୍ତେ କୁଲିବେନ୍ରେଦ, କାଜିୟାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ, ଆଡ଼ଃ ହୁଡ଼ିଙ୍ଗତାୟମ୍ବେତେ କୁଲୁରୁହାଡ଼ତାଇୟା ।”

୪ ଇନିକିନ୍ ସେନସୟାନାକିନ୍ ଆଡ଼ଃ ରାଚା ଦୁଆରତାଃ ବାହାରିରେ ମିଆଁଦ୍ ଗାଧାହନ୍ ତଲାଇକାନ୍ବିନ୍ ନାମ୍ବକିୟାଃ । ଇନିଷକେକିନ୍ ରାଡ଼ାଇ ଇମ୍ବତା, ୫ ଏନ୍ତାଃରେ ଡିଙ୍ଗୁଆକାନ୍ ହଡ଼କ କୁଲିକେଦକିନା, “ଗାଧାହନ୍ବେ ଚିନାଃ ମେନ୍ତେବେନ୍ ରାଡ଼ାଇତାନା ?”

୬ ଇନିକିନ୍ଦ ଯୀଶୁ କାଜିୟାଦକିନ୍ ଲେକାକିନ୍ କାଜିରୁହାଡ଼ାଦକିଆ, ଏନ୍ତେ ଇନିକୁ ଇନିକିନ୍ବେ ରାଡ଼ା ରିକାଦକିନାକ । ୭ ଗାଧାହନ୍ବେ ଇନିକିନ୍ ଯୀଶୁତାଃକିନ୍ ଆଉକିୟା, ଆଡ଼ଃ ଗାଧା ଚେତାନ୍ରେ ଆକିନାଃ ଲିଜାଃକିନ୍ ଆଚେଦକେଦା, ଆଡ଼ଃ ଯୀଶୁ ଇନିଷରେ ଦୁବୟାନାଏ । ୮ ପୁରାଃ ହଡ଼କ ଯୀଶୁକେ ମାଇନି ନାଗେନ୍ତେ ଆକଆଃ ଲିଜାଃ ହରାହରାକ ବିଲ୍ଲିଦି ତାଇକେନା; ଏଟାଃକଦ, ପିଡ଼ିକଏତେ ହୁଡ଼ିଙ୍ଗ ଢାଉଡ଼ା ମାଆଃ ଆଉକେଦ୍ବେତେ, ହରାହରାକ ଆଚେଦକିଦି ତାଇକେନା । ୯ ଯୀଶୁଆଃ ଆୟୁର୍ ତାୟମ୍ବେତେ ସେନସତାନ୍ ଗାଦେଲ୍ ହଡ଼କ କାଉରିକେଦାଃ, “‘ହୋଶାନ୍ନା’ ପାର୍ମେଶ୍ୱାର୍ଆଃ ମାନାରାଙ୍ଗ୍ ହବାଅଃକା, ପ୍ରାଭୁଆଃ ନୁଡ଼ୁମ୍ବେତେ ହିଜୁଃନିଃ ଧାଇନ୍ ହବାଅଃକାଏ । ୧୦ ଆବୁଆଃ ପୁରୁଖାଆପୁ ଦାଉଦ୍ଆଃ ହିଜୁଃତାନ୍ ରାଇଜ୍ ଧାଇନ୍ ହବାଅଃକା, ସାଲାଇଡତାର୍ ଠାୟାଦ୍ରେ ପାର୍ମେଶ୍ୱାର୍ଆଃ ହୋଶାନ୍ନା ହବାଅଃକା” ମେନ୍ତେକ କାଉରିକେଦାଃ ।

୧୧ ଯୀଶୁ ଯୀରୁଶାଲେମ୍ବେତେ ତେବାଃୟାନ୍ବି ମାଦିର୍ ଅଡ଼ାଃରେ ବଲୟାନାଏ ଆଡ଼ଃ ଇନିଷ ସବେନାଃ ନେଲ୍ ବାଡ଼ାକେଦ୍ବି ସିଙ୍ଗିହାସୁରତାନ୍ ଇମ୍ବତା ବାରାଝାନ୍ ଚେଲାଇଲଃ ବେଅନିଆତେ ସେନସୟାନାଏ ।

ୟୀଶୁ ଲଆଦାରୁକେ ସାର୍ପାଅକେଦା  
(ମାଥୂଉ ୨୧:୧୮-୧୯)

୧୨ ଏଟାଃ ହୁଲାଇ ଯୀଶୁ ଆୟାଃ ଚେଲାଇଲଃ ବେଅନିଆଏତେ ରୁହାଡ଼ ଇମ୍ବତା, ଯୀଶୁକେ ରେଙ୍ଗେଃକିୟା । ୧୩ ସାଙ୍ଗିନ୍ରେ ଇନିଷ ସାକାମାକାନ୍ ମିଆଁଦ୍ ଲଆଦାରୁକେ ନେଲିକେଦ୍ବେତେ, ଏନ୍ରେ ଜ’କଇଙ୍ଗ୍ ନାମେଜାଃ ମେନ୍ତେ ଏନ୍ତାଃତେ ସେନସୟାନା । ମେନ୍ଦ୍ ତେବାଃୟାନ୍ବି ଏନାରେ ସାକାମ୍ ବିଡ଼ାଙ୍ଗ୍ ନାମକେଦାଏ ଆଡ଼ାଃ ଜ କାଏ ନାମକେଦାଃ, ଚିୟାଃଟି ଇମ୍ବତା ଲଆ ଜ’ସାହା କା ତାଇକେନା । ୧୪ ଏନ୍ତେ, “ଆମାଃ ଜ ଆଡ଼ଃ ଜେତାଏ ହଡ଼ ଚିଉଲାଇ ଆଲକାଏ ଜମେକା” ମେନ୍ତେ ଲଆ ଦାରୁକେ କାଜିକେଦା ।

ଆତ୍ମ ତେଲକତାୟାଃ ଏନ୍ କାଜିକ ଆୟୁମ୍ବେଦା ।

ୟୀଶୁ ଯୀରୁଶାଲେମ୍ ମାନ୍ଦିର୍ ଅତ୍ମାତ୍ମେ ବଲତାନାଏ  
(ମାଥୂର ୨୧:୧୨-୧୭; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୫ ଯୀରୁଶାଲେମ୍‌ରେ ତେବୀୟାନ୍ତି, ଯୀଶୁ ମାନ୍ଦିର୍ ଅତ୍ମାତ୍ମେ ବଲତାନାଏ, ଆତ୍ମ ଏତ୍ତାତ୍ମେ ଦାଣ୍ଡେନାକ୍ ଜାତୁକକେ କିରିକ୍ ଆଖିରିକ୍ ତାନ୍‌କକେ ହାତ୍‌ଅତ୍ମକ୍ ଏଟେଦକେଦଆଏ । ପାଏସା ଭାଞ୍ଜାଅତାନ୍‌କଆଃ ମେଜକ ଆତ୍ମ ଦୁଦୁମୁଲ୍ ଆଖିରିକ୍ ତାନ୍‌କଆଃ ଦୁବ୍‌ତେୟାଃକ ଉଦୁରବାଟିକେଦାଏ । ୧୬ ଆତ୍ମ ମାନ୍ଦିର୍ ଅତ୍ମାତ୍ମା ବାହାରି ରାତା ଥାଲା ଥାଲାତେ କିରିକ୍ ଆଖିରିକ୍‌ତେଆଃକ ସାବକେଦତେ ଜେତାଏକେୟ କାଏ ସେନ୍ ପାରମ୍ ଇତିକେଦକଆ । ୧୭ ଏତ୍ତେ ଇନ୍‌କୁକେ ଇତ୍ତତାନ୍‌ଲଃ ମେତାଦକଆଏ, ନେଆଁ ଅଲକାନା, “ଆଇୟାଃ ଅତ୍ମା ଦିଶ୍‌ମରାଃ ସବେନ୍ ଜାତିକ ନାଗେତ୍ତେ ବିନ୍ତିଅତ୍ମା ନୁତୁମଃଆ ମେନ୍‌ଦ ଆପେ ନେଆଁକେ କୁମ୍‌ତୁକୁଆଃ ତାଇନଃ ଠାୟାଦପେ ବାଇୟାକାଦା ।”

୧୮ ମୁଲ୍ ଯାଜାକକ ଆତ୍ମ ଆଇନ୍ ଇତୁକ, ଏନା ସବେନ୍ ଆୟୁମ୍‌ବେଦତେ, ଯୀଶୁକେ ଚିଲ୍‌କାକ ଗଜିୟା ମେତ୍ତେ ହରାକ ଦାଣ୍ଡାବାଡାକେଦାଃ । ସବେନ୍ ହତ୍‌କଦ ଯୀଶୁଆଃ ଇନ୍‌ତୁରେ ଆକ୍‌ଦାୟାୟାନ୍ ମେତ୍ତେ ଇନ୍‌କୁ ଇନ୍‌ଃକେ ବରଆଇତାନ୍‌କ ତାଇକେନା ।

୧୯ ସିଲ୍‌ହାପୁରୁୟାନ୍ତି ଯୀଶୁ ଆୟାଃ ତେଲକଲଃ ଅତ୍ମକେଦତେ ସାହାବ୍‌ଏତେ ସେନଃୟାନ୍‌ଏ ।

ଲଆଦାରୁଏତେ ଇନ୍‌ତୁ  
(ମାଥୂର ୨୧:୨୦-୨୨)

୨୦ ଏତାଃ ହୁଲାକ୍ ସେତାଃ ଇଦାନ୍‌ତେ ହରାରେ ସେନଃ ଇମ୍‌ତା ଇନ୍‌କୁ ଲଆଦାରୁକେକ ନେଲ୍‌କେଦା । ଏନା ବୁଟାଏତେ ଚୁଟି ଜାକେଦ୍ ରହତ୍ ଗଜାକାନ୍ ତାଇକେନା । ୨୧ ପାତ୍ରାୟ ସିଦାହୁଲାକ୍‌ରାଃ କାଜି ପାହାମକେଦତେ ମେତାଇୟାଏ “ନେଲେମେ, ହେ ଗୁରୁ, ଆମ୍ ସାର୍‌ପାଅଲେଦ୍ ଲଆଦାରୁ ରହତ୍‌କାନା ।”

୨୨ ଯୀଶୁ ତେଲକକେ କାଜିରୁହାଡାଦକଆଏ, “ପାରମେଶ୍ୱାରିରେ ବିଶ୍ୱାସ୍ ଦହେପେ ।” ୨୩ ସ୍ୱାବ୍‌ତିଗି କାଜିୟାପେ ତାନାଇକ୍, “ଜେତାଏ ହତ୍ ନେ ବୁରୁକେ, ମାର୍ ବିରିଦମେ ଆତ୍ମ ଦରେୟାରେ ଉୟୁଗଃମେ ମେତ୍ତେ କାଜିରେ, ଆତ୍ମ ମନ୍‌ରେ କାଏ ଆତ୍ମାତ୍ମାତ୍ମେ ଆତ୍ମ ଇନ୍‌ଃ ଆସିତେୟାଃ ସାର୍‌ତିଗି ହବାଅଆଃ ମେତ୍ତେ ବିଶ୍ୱାସେରେଦ, ଇନ୍‌ଃ ସାନାକ୍‌ତାନ୍‌ଲେକା ହବାଅଆଃ । ୨୪ ଏନାମେତ୍ତେ କାଜିୟାପେ ତାନାଇକ୍, ବିନ୍ତି ଇମ୍‌ତା ଜେତ୍‌ନାଃପେ ଆସିଆ, ଏନ୍ ସବେନାଃ ନାମାକାଦାଃଲେ ମେତ୍ତେପେ ବିଶ୍ୱାସେରେଦ, ଆସିତେୟାଃ ସବେନାଃପେ ନାମେୟା । ୨୫ ଆତ୍ମ ବିନ୍ତି ନାଗେତ୍ତେପେ ତିକ୍‌ନ୍‌ରେ ଜେତା ହତ୍‌ଆଃ ବିରୁଧ୍‌ରେ ଜେତ୍‌ନାଃ ଆପେୟାଃ ଗୁଣ୍ଡା ମେନାଃରେଦ, ଇନ୍‌ଃକେ ଏନା ଛାମାଇପେ, ଏନାରେ ଆପେୟାଃ ସିର୍ମାରେନ୍ ଆପୁ ଆପେକେୟାଃ ଛାମାପେୟା । ୨୬ ମେନ୍‌ଦ ଆପେ କାପେ ଛାମାଇରେଦ, ଆପେୟାଃ ସିର୍ମାରେନ୍ ଆପୁହ୍ ଆପେୟାଃ ପାପ୍ କାଏ ଛାମାଏଆ\* ।”

ୟୀଶୁଆଃ ପେଡ଼େଃକେ କୁଲିକେଦାଃକ  
(ମାଥୂର ୨୧:୨୩-୨୬; ଲୁକ ୨୦:୧-୮)

୨୭ ଯୀଶୁ ଆତ୍ମ ତେଲକ ଆତ୍ମାତ୍ମା ଯୀରୁଶାଲେମ୍‌ରେ ହିଜୁଃୟାନାକ । ମାନ୍ଦିର୍ଅତ୍ମାତ୍ମାରେ ଯୀଶୁ ସେନ୍‌ବାଡାତାନ୍ ଦିପଲିରେ, ମୁଲ୍ ଯାଜାକକ, ଆଇନ୍ ଇତୁକ ଆତ୍ମ ପ୍ରାଚିନ୍‌କ ଇନ୍‌ଃତାତ୍ମାତ୍ମା ହିଜୁଃୟାନା ।

\* ୧୧:୨୩ ୧୧:୨୩ ମାଥୂର ୧୭:୨୦; ୧ କରିନ୍ଥ୍‌ୟ ୧୩:୨. \* ୧୧:୨୫ ୧୧:୨୫ ମାଥୂର ୭:୧୪, ୧୫. \* ୧୧:୨୭ ୧୧:୨୭ ନେ ବାଚାନ୍ ଚିମିନ୍ ମାରି ଅନଲ୍‌କରେ ବାନ୍‌ଆଃ

୨୮ ଆତଃ, ଇନ୍ଦ୍ରକୁ କୁଲିକିୟାଃକ, “ଆମ୍ ଅକ ଆକ୍ତେୟାର୍ତ୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦମେଆ ?”

୨୯ ଯାଶୁ ଇନ୍ଦ୍ରକୁକେ କାଜିରୁହାଡ଼ାଦକଥାଏ, “ଆଇଙ୍ଗ୍‌ହ୍ ମିଆଁଦ୍ କାଜିଙ୍ଗ୍ କୁଲିପେୟା, ଏନା ଉଦୁବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍ ଅକ ପେଡ଼େଃତେ ନେଆଁକଇଙ୍ଗ୍ ରିକାତାନା, ଏନାଇଙ୍ଗ୍ ଉଦୁବାପେୟା । ୩୦ ଯୋହାନ୍‌ଆଃ ବାପ୍ତିସ୍ତା ସିର୍ମାରେନ୍ ପାରମେଶ୍ଵାର୍ତାଃଏତେ ଚି ମାନୱାତାଃଏତେ ତାଇକେନା ? ନେଆଁ, ମାର୍ କାଜିୟାଇଙ୍ଗ୍‌ପେ ।”

୩୧ ଇନ୍ଦ୍ରକୁ ଆକ ଆକରେକ କାପ୍‌ଜିୟାନା, “ଆବୁ ନେ କାଜିରେ ଚିନାଃବୁ କାଜିରୁହାଡ଼ିୟା ? ‘ସିର୍ମାରେନ୍ ପାରମେଶ୍ଵାର୍ତାଃଏତେ’ ମେନେରେଦ, ଇନିଃ ‘ଚିକାନାଙ୍ଗ୍ ଯୋହାନ୍‌ରେ କାପେ ବିଶ୍ଵାସକେଦା’ ମେତାବୁଆଏ ?” ୩୨ ମେନ୍‌ଦ ମାନୱାକତାଃଏତେ ମେନ୍ତେ କାଜିନାଙ୍ଗ୍ ବରକେଦାଃକ ଚିୟାଃଚି, ଇନ୍ଦ୍ରକୁ ହଡ଼କକେକେ ବର ତାଇକେନାକ, ଚିୟାଃଚି ସବେନ୍ ହଡ଼କ ଯୋହାନ୍ ଆୟାର୍‌କାଜିନିଃଟି ତାନିଃ ମେନ୍ତେ ମାନାତିଙ୍ଗ୍‌ଇ ତାଇକେନାକ । ୩୩ ଏନାମେନ୍ତେ ଇନ୍ଦ୍ରକୁ ଯାଶୁକେ କାଜିରୁହାଡ଼କିୟାଃକ, “ଆଲେ କାଲେ ସାରିଆଃ ।”

ଯାଶୁ ମେତାଦକଥାଏ, “ଆଇଙ୍ଗ୍‌ହ୍ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

### ୧୨

ଦାଖ୍‌ବାକ୍‌ଡ଼ିରେ କାର୍ କାମିତାନ୍ ହଡ଼କଆଃ ଜନ୍‌କା କାଜି  
(ମାଥୁଉ ୨୧:୩୩-୪୬; ଲୁକ ୨୦:୯-୧୯)

୧ ଏନ୍ତେ ଯାଶୁ ଜନ୍‌କା କାଜିତେ ଇନ୍ଦ୍ରକୁକେ ଜାଗାର୍ ଏଚେଦକେଦଥାଏ, “ମିଆଁଦ୍ ହଡ଼ ମିଆଁଦ୍ ଦାଖ୍‌ବାକ୍‌ଡ଼ି ବାଇକେଦାଏ, ଆତଃ କେସେଦବିୟୁରକେଦାଏ, ଘାନା ନାଗେନ୍ତେ ଗାତା ଉରକେଦାଏ, ଆତଃ ହରମେନ୍ତେ ହରଠାୟାଦ୍\* ବାଇକେଦାଏ, ଏନ୍ତେ ଇନିଃ ଏନ୍ ଦାଖ୍‌ବାକ୍‌ଡ଼ି କାର୍ କାମିତାନ୍ ହଡ଼କକେ ଏମ୍‌କେଦତେ ସାଜିନ୍ ଦିଶୁମ୍‌ତେ ସେନଃୟାନାଏ । ୨ ଜ ଗଦଃ ସାହା ତେବାଃୟାନ୍‌ଚି, ଦାଖ୍‌ବାକ୍‌ଡ଼ିରେୟାଃ ଜ ନାମେ ନାଗେନ୍ତେ ଇନିଃ ମିଆଁଦ୍ ଦାସିକେ ଏନ୍ କାର୍ କାମିତାନ୍ ହଡ଼କତାଃତେ କୁଲିକିୟାଏ । ୩ କାର୍ କାମି ହଡ଼କଦ ଏନ୍ ଦାସିକେ ସାବ୍‌କିତେକ ଦାଲ୍‌କିୟାଃ, ଆତଃ ସାମାତିଃଇକ କୁଲ୍‌ରୁହାଡ଼କିୟା । ୪ ଏନ୍ତେ ଇନିଃ ଏଟାଃ ଦାସିକେ ଇନ୍ଦ୍ରକୁତାଃ କୁଲିକିୟାଏ, ଇନିଃକେଦ କାର୍‌କାମି ହଡ଼କ ବହଃରେ ଦାଲିତାନଲଃ ହିଲାଙ୍ଗ୍‌କେଦତେ କୁଲ୍‌ରୁହାଡ଼କିୟାକ । ୫ ଏନ୍ତେ ଇନିଃ ଆତଃମିଆଁଦ୍ ଦାସିକେ କୁଲିକିୟାଏ, ଆତଃ ଇନିଃକେହ୍ ଗଏଃକିୟାକ । ଇନିଃ ପୁରାଃ ଏଟାଃ ଦାସିକେ କୁଲିକେଦକଥାଏ, ଚିମିନ୍‌କକେ ଦାଲ୍‌କେଦକଥାକ, ଆତଃ ଚିମିନ୍‌କକେ ଗଏଃକେଦକଥାକ । ୬ ନାହ୍‌ଃ ମିଆଁଦ୍‌ଗି କୁଲ୍‌ଃନିଃ ସାରେଜାକାନାଏ, ଇନିଃଦ ଆୟାଃ ଦୁଲାଡ଼୍ ହନ୍‌କଡ଼ା ତାନିଃ । ନାହ୍‌ଃ ଇନ୍ଦ୍ରକୁ ହନିଙ୍ଗ୍‌କଡ଼ାକେ ମାଇନିୟାକ, ମେନ୍‌କେଦତେ ଚୁଣ୍ଡିବୁର ଇନିଃ ଆୟାଃ ଏନ୍ ହନ୍‌କେ ଇନ୍ଦ୍ରକୁତାଃତେ କୁଲିକିୟାଏ । ୭ କାର୍‌କାମି ହଡ଼କ ମେପେନ୍‌ୟାନା, ‘ନିଃଗି ଏନ୍ ଗମ୍‌କେୟାଃ ହନ୍‌ତାନିଃ, ମାର୍‌ବୁ ଗଜିୟା ଆତଃ ଇନିୟାଃ ହାନାଚିଙ୍ଗ୍ ଆବୁଆଃ ହବାଅଆଃ ।’ ୮ ଏନାମେନ୍ତେ ଇନ୍ଦ୍ରକୁ ଇନିଃକେ ସାବ୍‌କିତେ ଗଏଃକିୟାକ, ଆତଃ ଇନିୟାଃ ଦାଖ୍‌ବାକ୍‌ଡ଼ିଏତେ ହୁରାଙ୍ଗ୍ ଅତଙ୍ଗ୍‌କିୟାଃକ ।

† ୧୧:୩୨ ୧୧:୩୨ ଆୟାର୍‌କାଜିନିଃ ନାବା \* ୧୨:୧ ୧୨:୧ ହରଠାୟାଦ୍ ମାଚେନ୍

୯ “ଦାଖିବାକଡ଼ି ଗମକେ ତାଦ୍‌ଦ ଚିନାଃଆଏ ଚିକାୟା ?” ମେନ୍ତେ ଯିଶୁ କୁଲିକେଦକଆଏ । “ଇନିଃଦ ହିଜୁଃକେଦ୍‌ଦେ ଏନ୍ କାର୍ କାମିହଡ଼କକେ ଗଏଃକଆଏ, ଆତଃ ବାଖଡ଼ିତାୟାଃକେ ଏଟାଃ କାର୍ କାମିହଡ଼କକେ ଏମାକଆଏ । ୧୦ ଚିୟାଃ ଆପେ ଧାରାମ୍‌ପୁଥୁରେ ନେ କାଜି କାପେ ପାଢ଼ାଅକାଦାଃ ?

“ବାବାଇକ ଅକନ୍ ଦିରିକେ ଆତମ୍ ଏଣ୍ଟାଃଲେଦାକ

ଏନାଦ କଚାରାଃ ମୁଲ୍‌ଦିରି ହବାୟାନା ।

୧୧ ନେ କାମିଦ ପ୍ରାଭୁଗି ରିକାକେଦାଏ

ଆତଃ ଏନାଦ ଆବୁଆଃ ନେନେଲ୍‌ରେ ଆକ୍‌ଦାନ୍‌ଆଅଗିୟା ।”

୧୨ ଯିହୁଦୀ ନେତାକଆଃ ବିରୁଧ୍‌ରେ ନେ ଜନ୍‌କା କାଜି କାଜିକେଦାଏ ଏନା ଆର୍‌କାର୍‌କେଦ୍‌ଦେ ଇନିଃକେ ସାସାବ୍ ସାନାଜ୍‌ତାନ୍‌କ ତାଇକେନା, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌ଦେ ଇନିଃକେ ବାଗିକେଦ୍‌ଦେକ ନିର୍‌ୟାନା ।

କାର୍ ଏମଃରେୟାଃ ଇନିତୁ

(ମାଥୁଉ ୨୨:୧୫-୨୨; ଲୁକ ୨୦:୨୦-୨୨)

୧୩ ଆତଃ ଯିଶୁଆଃ କାଜି ହରାତେ ସାବି ନାଗେନ୍ତେ ଇନ୍‌କୁ ଫାରୁଶୀକଏତେ ଆତଃ ହେରୋଦ୍‌ରାଃ ଚିମିନ୍ ହଡ଼କକେ ଇନିଃତାଃତେକ କୁଲିକେଦକଆ । ୧୪ ଇନ୍‌କୁ ଆୟାଃତାଃ ହିଜୁଃୟାନ୍‌ଚିକ କାଜିକିୟା, “ହେ ଗୁରୁ, ଆମ୍‌ଦ ସାର୍‌ତିନିଃ ତାନ୍‌ମେ ଆତଃ ଜେତାଏକେ କାମ୍ ବରଆଃ ମେନ୍ତେ ଆଲେ ସାରିତାନାଲେ, ଆମ୍‌ଦ ହଡ଼ରାଃ ମେଦ୍‌ମୁହାଁଡ଼୍‌କାମ୍ ନେଲାଃ, ମେନ୍‌ଦ ସାର୍‌ତିଗି ପାର୍‌ମେଶ୍‌ବାରରାଃ ହରା ଇତୁଆଃମେ, ମାର୍ କାଜିୟାଲେମେ, ଆଇନ୍ ଲେକାତେ ଆଲେକେ କାଇସାର୍‌କେ କାର୍ ଏମଃ ଲାଗାତିୟାଃ ଚି କାହା ?”

୧୫ ମେନ୍‌ଦ ଯିଶୁ ଇନ୍‌କୁଆଃ ବେଦା ଆର୍‌କାର୍‌କେଦ୍‌ଦେ ମେତାଦକଆ, “ଚିନାଃ ମେନ୍ତେପେ ବିଡ଼ାଅଇଜ୍ ତାନା ? ମୁସିଜ୍‌ରାଃ ନାଲା ସିକା ଆଉଖଇଜ୍‌କ୍‌ପେ, ଏନା ନେଲେଆଇଜ୍ ।”

୧୬ ଇନ୍‌କୁ ମିଆଁଦ୍ ସିକା ଆୟାଃତାଃକ ଆଉକେଦା, ଏନ୍ତେ ଇନିଃ ଇନ୍‌କୁକେ କୁଲିକେଦକଆ, “ନେ ମୁରୁଡ଼୍ ଆତଃ ନୁଡୁମ୍ ଅକଏୟାଃ ତାନାଃ ?”

ଇନ୍‌କୁ “କାଇସାର୍‌ରାଃକ” କାଜିକିୟା ।

୧୭ ଯିଶୁ କାଜିରୁହାଡ଼ାଦକଆଏ, “ଏନ୍‌ରେଦ ଅକ୍‌ନାଃ କାଇସାର୍‌ରାଃ ତାନାଃ ଏନା କାଇସାର୍‌କେଗି ଏମାଲପେ, ଆତଃ ଅକ୍‌ନାଃ ପାର୍‌ମେଶ୍‌ବାରରାଃ ତାନାଃ ଏନା ପାର୍‌ମେଶ୍‌ବାରକେଗି ଏମାଲପେ ।”

ଆତଃ ଯିଶୁଆଃ ନେ କାଜିରେ ଇନ୍‌କୁ ହାଏକାର୍‌ୟାନାକ ।

ୟିଶୁ ହଡ଼କଆଃ ଜୀଉ ବିନିରିଦ୍‌ରେୟାଃ କାପ୍‌ଜିରେ ସାଦୁକିକକେ ହାପାକତାନାଏ

(ମାଥୁଉ ୨୨:୨୩-୩୩; ଲୁକ ୨୦:୨୭-୪୦)

୧୮ \*ଜୀଉବିନିରିଦ୍‌ରେ କା ବିଶ୍ୱାସେତାନ୍ ସାଦୁକିକଏତେ ଚିମିନ୍ ହଡ଼କ ଯିଶୁତାଃତେ ହିଜୁଃକେଦ୍‌ଦେ ଇନିଃକେ କୁଲିକିୟାଃକ : ୧୯ “ହେ ଗୁରୁ, ମୁଣା ଆଲେ ନାଗେନ୍ତେ ଅଲାନାଦାଏ, ଜେତାଏ ହଡ଼ଆଃ ଦାଦାତେ ବେଗାର୍ ହନ୍‌ଗାଁଣାକ ହବାଅଃ ସିଦାରେ ଗଏଃକେନଃ ରେଦ, ଆୟାଃ ହାଗାତେ ଇନିୟାଃ କୁଡ଼ିକେ ଆଣ୍‌ଦିୟାଃକାଏ, ଆତଃ ଦାଦାତେ ନାଜ୍ ହନ୍‌ଗାଁଣା ଜାନାମ୍‌କକାଏ । ୨୦ ମିଦ୍ ଦିପିଲିରେ ସାଡ଼୍ ହାଗିୟା ତାଇନ୍‌କେନାକ ମାରାଜ୍‌ନିଃ ଆଣ୍‌ଦିକେଦ୍‌ଦେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୨୧ ଏଟାଃନିଃ ଏନ୍ ରାଣ୍ଡିକେ ଆଣ୍‌ଦିୟାନାଏ ଆତଃ ଇନିଃହ ହନ୍‌ଗାଁଣା ହବାଅଃ ସିଦାରେ ଗଏଃୟାନା, ଆପିୟାନିଃହଗି ଏନ୍‌କାୟାନାଏ । ୨୨ ଏନ୍‌କାତେ

\* ୧୨:୧୮ ୧୨:୧୮ ପ୍ରେରିଡ଼୍ ୨୩:୮.

ସାତ୍ତ୍ଵ ହାରିୟାକ ବେଗାର୍ ହନୁଗାଁଣାତେକ ଗଣ୍ଠୟାନା, ସବେନକ ତାୟମତେ ଏନ୍ କୁଡ଼ିୟରି ଗଣ୍ଠୟାନାଏ । ୨୩ ତାବ୍ଦ ଜୀଉବିନିରିଦ୍ରେ, ସବେନକ ଜୀଉବିରିଦ୍ରେ ଦିପିଲିରେ, ଏନ୍ କୁଡ଼ି ଇନ୍କୁଏତେ ଅକଏୟାଃ କୁଡ଼ି ହବାଅଥାଃଏ ? ଚିୟାଃଚି ସାତ୍ତ୍ଵ ହାରିୟା ସବେନକଦ ଇନିଃକେ ଆଣ୍ଡିକାନ୍ ତାଇକେନାକ ।”

୨୪ ଯୀଶୁ ଇନ୍କୁକେ ମେତାଦକଆ, “ଆପେ ଧାରାମପୁଥ୍ ଆତଃ ପାର୍ମେଶ୍ଵାର୍ଆଃ ପେଡ଼େଃକ କାପେସାରି ହରାତେ ଆଦାକାନାପେ । ୨୫ ଗଣ୍ଠକେଦ୍ରେ ଜୀଉ ବିନିରିଦ୍ ତାୟମତେ ହଡ଼କ କାକ ଆଣ୍ଡିନାଃ ଆତଃ କାକ ଆଣ୍ଡି ଏମଃଆ, ଇନ୍କୁ ସିର୍ମାରେନ୍ ଦୁଁଡ଼କ ଲେକାକ ତାଇନାଃ । ୨୬ ଆତଃ ଗଣ୍ଠକାନ୍କଆଃ ଜୀଉବିରିଦ୍ରେଃ କାଜିପେ କୁଲିଙ୍ଗତାନା, ମୁଣା ଅଲ୍ଲକାନ୍ ପୁଥ୍ରେ ଅଲ୍ଲକାନା, ଜୁଲଃତାନ୍ ତୁପାଦ୍ରେଃ କାଜି କାପେଚି ପାଡ଼ାଅକାନା ? ନେ ସବେନକ ଗଜାକାନ୍ରେୟି, ଚିଲ୍ଲକା ପାର୍ମେଶ୍ଵାର୍ ମୁଣାକେ କାଜିକିୟାଏ, ଆଇଙ୍ଗ୍ ଆବ୍ରାହାମଆଃ ପାର୍ମେଶ୍ଵାର୍, ଇସାକଆଃ ପାର୍ମେଶ୍ଵାର୍, ଆତଃ ଯାକୁବ୍ଆଃ ପାର୍ମେଶ୍ଵାର୍ ତାନିଙ୍ଗ୍ । ୨୭ ପାର୍ମେଶ୍ଵାର୍ଦ ଗଜାକାନ୍କଆଃ ପାର୍ମେଶ୍ଵାର୍ ନାହାଁଲିଃ ମେନ୍ଦ ଜୀନିଦ୍ ହଡ଼କଆଃ ପାର୍ମେଶ୍ଵାର୍ ତାନିଃ । ଆପେ ପୁରାଃଗିପେ ଆଦାକାନା ।”

ସବେନାଃଏତେ ମାରାଙ୍ଗ୍ ଆନ୍ତୁ  
(ମାଥ୍ଵଉ ୨୨:୩୪-୪୦; ଲୁକ ୧୦:୨୫-୨୮)

୨୮ ମିଆଁଦ୍ ଆଇନ୍ ଇତୁନିଃ ଇନ୍କୁକେ କାପାଜିତାନ୍ ଆୟୁମକେଦକଆଏ । ଯୀଶୁ ଏନ୍ ସାଦୁକିକେକେ ଚିଲ୍ଲକା ବୁରିଲେକାତେ କାଜିରୁହାଡ଼ାଦକଆଏ ଏନା ଆଟ୍ଟକାର୍ ଉରୁମକେଦ୍ରି, ଇନିଃ କୁଲିକିୟାଏ, “ସବେନ୍ ଆନ୍ତୁକଏତେ, ମାରାଙ୍ଗ୍ ଆନ୍ତୁ ଅକଆଃ ତାନାଃ ?”

୨୯ ଯୀଶୁ କାଜିରୁହାଡ଼କିୟାଏ, “ସବେନାଃଏତେ ମାରାଙ୍ଗ୍ ଆନ୍ତୁଦ ନେଆଁତାନାଃ, ହେ ଇସ୍ରାଏଲ୍, ଆୟୁମେମେ, ପ୍ରାଭୁ ଆବୁଆଃ ପାର୍ମେଶ୍ଵାର୍, ଏସକାର୍ଗି ପ୍ରାଭୁତାନିଃ । ୩୦ ପ୍ରାଭୁ ଆମାଃ ପାର୍ମେଶ୍ଵାର୍କେ ଆମାଃ ସବେନ୍ ମନ୍ତେ, ଆତଃ ଆମାଃ ସବେନ୍ ଜୀଉତେ, ଆତଃ ଆମାଃ ସବେନ୍ ସେଣ୍ଡାତେ, ଆତଃ ଆମାଃ ସବେନ୍ ପେଡ଼େଃତେ ଦୁଲ୍ଲାଡ଼ିମେ । ୩୧ ଏଟାଃ ଆନ୍ତୁଦ ନେଆଁତାନାଃ, ଆମାଃ ହପ୍ରେଜାପାଃରେନିଃକେ ଆମ୍ଲେକା ଦୁଲ୍ଲାଡ଼ିମେ । ନେ ବାରିଆଃ ଆନ୍ତୁଏତେ, ମାରାଙ୍ଗ୍ ଆତଃ ଜେତାଏ ଆନ୍ତୁ ବାନଆଃ ।”

୩୨ ଆଇନ୍ ଇତୁକ ଯୀଶୁକେ କାଜିକିୟାଃ, “ଠାଉକାଗିମ୍ କାଜିତାନା, ଏ ଇତୁନିଃ, ଆମାଃ କାଜି ସାର୍ଡିଗିଆଃ, ଆମାଃ କାଜି ଲେକାତେ ପାର୍ମେଶ୍ଵାର୍ ମିଆଁଦ୍ରିଆଏଃ, ଆତଃ ଇନିଃକେ ବାଗିକେଦ୍ରେ ଏଟାଃ ଜେତାଏ ପାର୍ମେଶ୍ଵାର୍ ବାଙ୍ଗାଲଆଃ । ୩୩ ଆତଃ ହଡ଼କେ, ଆୟାଃ ସବେନ୍ ମନ୍ତେ, ଆତଃ ଆୟାଃ ସବେନ୍ ସେଣ୍ଡାତେ, ଆତଃ ଆୟାଃ ସବେନ୍ ପେଡ଼େଃତେ ଇନିଃକେ ଦୁଲ୍ଲାଡ଼୍ ଲାଗାତିୟାଃ ଆତଃ ଆୟାଃ ହପ୍ରେଜାପାଃନିଃକେହ ଆୟାଃ ଲେକା ଦୁଲ୍ଲାଡ଼୍ ଲାଗାତିୟାଃ । ନେ ବାରିଆ ଆନ୍ତୁ ମାନାଡ଼ିଙ୍ଗ୍ତେଆଃଦ ଉରୁବଃ ଦାଣ୍ଡେଁ ତାଏ ସବେନ୍ ଏଟାଃ ଦାଣ୍ଡେଁରାକାଦ୍ଏତେ ମାରାଙ୍ଗ୍ କାମିତାନାଃ ।”

୩୪ ☆ଇନିଃ ସେଣ୍ଡାନ୍ ଲେକାତେ କାଜିକେଦାଏ, ଏନା ନେଲ୍ଲକେଦ୍ରେ ଯୀଶୁ ଇନିଃକେ ମେତାଇୟାଏ, “ଆମ୍ଦ ପାର୍ମେଶ୍ଵାର୍ଆଃ ରାଇଙ୍ଗ୍ଏତେ ସାଜିନ୍ରେ ବାଙ୍ଗମେଆଁଃ ।” ଆତଃ ଏନ୍ତାୟମ୍ତେ ଜେତାଏ ଇନିଃକେ ଜେଡ୍ନାଃ କୁଲିନାଙ୍ଗ୍ କାକ ସାହାଁସକେଦା ।

ଖ୍ରୀଷ୍ଟ ଦାଉଦାଃ ହନ୍ତେକଡ଼ା  
(ମାଥ୍ଵଉ ୨୨:୪୧-୪୬; ଲୁକ ୨୦:୪୧-୪୪)

☆ ୧୨:୩୪ ୧୨:୩୪ ଲୁକ ୧୦:୨୫-୨୮.

୩୫ ମାନ୍ଦିର୍ ଅଡ଼ାଃରେ ଇତୁତାନ୍ ଇମତା ଯାଶୁ କୁଲିକେଦକଆଏ, “ଶ୍ରୀଷ୍ଟ ଦାଉଦଆଃ ହନ୍ ତାନିଃ ମେନ୍ତେ ଆଇନ୍ ଇତୁକ ଚିଲ୍‌କାତେକ କାଜିୟାଃ ? ୩୬ ଦାଉଦ ଆଇଃକ୍‌ଗି ପାବିତାର୍ ଆମ୍ବାରାଃ ଉସ୍‌କୁର୍ତେ କାଜିକେଦାଏ,  
 “ପ୍ରାଭୁ ଆଇୟାଃ ପ୍ରାଭୁକେ ମେତାଇୟାଏ;  
 ଆମାଃ ବାଇରିକକେ ଆମାଃ କାଟାସୁବାରେ କା ଆଉ ଜାକେଦ୍  
 ଆଇୟାଃ ଜମତିସାଃରେ ଦୁବାକାନ୍‌ମେ ।”

୩୬ ଦାଉଦ ଆଇଃକ୍‌ଗି ଶ୍ରୀଷ୍ଟକେ ପ୍ରାଭୁ ମେତାଇତାନ୍‌ରେଦ୍, ପାର୍‌ମେଶ୍ୱାର୍‌ଆଃ ସାଲ୍‌କାନ୍ ବଞ୍ଚାଅନିଃ ଶ୍ରୀଷ୍ଟ ଚିଲ୍‌କାତେ ଦାଉଦଆଃ ହନ୍ତେକଡ଼ା ତାନିଃ ?  
 ଗାଦେଲ୍ ହଡ଼କ ଯାଶୁଆଃ କାଜି ସୁକୁତେକ ଆୟୁମ୍ ତାଇକେନା ।

ୟାଶୁ ଆଇନ୍ ଇତୁକଆଃ ଗୁହ୍ନାଏ ଉଦୁବେତାନା  
 (ମାଥୁଉ ୨୩:୧-୩୬; ଲୁକ ୨୦:୪୫-୪୭)

୩୭ ଯାଶୁ ଇନ୍‌କୁକେ ଇତୁତାନ୍‌ଲଃ ମେତାଦକଆଏ, “ଆଇନ୍ ଇତୁକତାଃଏତେ ଚିର୍ଗାଲ୍‌କାନ୍‌ପେ । ଇନ୍‌କୁ ଜିଲିଙ୍ଗ୍ ଲିଜାଃ ତୁସିଙ୍ଗ୍‌କେଦ୍‌ତେ ସେନ୍‌ବାଡ଼ା, ଆତଃ ପିର୍ ପିଡ଼ିକରେ ଜହାର୍‌ତେଲା, ୩୯ ଆତଃ ଇନ୍‌କୁକେ ସାମାଜ୍ ଅଡ଼ାଃକରେ ଆୟାର୍‌ରେ ଦୁବ୍‌ନାଙ୍ଗ୍, ଆତଃ ମାରାଙ୍ଗ୍ ଜମନ୍‌ନୁକରେ ସିଦା ଠାୟାଦ୍‌ରେ ଦୁବ୍‌ନାଙ୍ଗ୍ ସୁକୁକଆ । ୪୦ ଇନ୍‌କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିନ୍ତୟା । ଏନ୍‌ଲେକାନ୍ ହଡ଼କଦ୍ ଆଦକା ସାଜାଇକ ନାମେୟା ।”

ରାଣ୍ଡିକୁଡ଼ିଆଃ ଏମାଃ  
 (ଲୁକ ୨୧:୧-୪)

୪୧ ଯାଶୁ ମାନ୍ଦିର୍ ଖାଜ୍‌ନା ବାକାସ୍ ନାଡ଼େଃରେ ଦୁବାକାନ୍ ତାଇକେନ୍ ଇମତା ହଡ଼କକେ ଏନାରେ ପାଏସା ସାଜୁତାନ୍ ନେଲ୍‌କେଦକଆଏ । ପୁରାଃ କିର୍‌ସାଣ୍ ହଡ଼କ ପୁରାଃଗି ପାଏସା ଉୟୁଃକେଦାଃକ । ୪୨ ଏନ୍ତେ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ହିଜୁଃକେଦ୍‌ତେ ମିଦ୍‌ଦୋକ୍‌ଡ଼ା† ଗନଙ୍ଗ୍‌ରାଃ ବାରିଆଃ ହୁପ୍‌ଡ଼ିଙ୍ଗ୍ ତାମ୍ବା ସିକା ଉୟୁଃକେଦାଏ । ୪୩ ଯାଶୁ ଆୟାଃ ଚେଲାକକେ ହାକାଅକେଦ୍‌ତେ ମେତାଦକଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଖାଜ୍‌ନା ବାକାସ୍‌ରେ ଏମ୍‌କେଦ୍ ସବେନ୍ ହଡ଼କ ଏତେ, ନେ ଗାରିବ୍ ରାଣ୍ଡିକୁଡ଼ି ଅମ୍ବା ଏମାକାଦାଃଏ । ୪୪ ଏଟାଃ ହଡ଼କ ଆକଆଃ ଆଦକା ମେନାଃତେୟାଃଏତେ କାଚିଃଲେକାକ ଏମ୍‌କେଦାଃ; ମେନ୍‌ଦ୍ ନିଃ ରେଙ୍ଗେଃ ରାବାଙ୍ଗ୍ ତାଇନ୍‌ରେୟ ଆୟାଃ ଜାଉ ବାଞ୍ଚାଅ ନାଗେନ୍ତେ ଆୟାଃତାଃରେ ତାଇକେନ୍‌ତେୟାଃ ସବେନାଃଏ ଏମ୍‌କେଦା ।”

## ୧୩

ମାନ୍ଦିର୍ ହାଦୁଡ଼ଃରେୟାଃ ଆୟାର୍‌କାଜି  
 (ମାଥୁଉ ୨୪:୧-୨; ଲୁକ ୨୧:୫-୬)

୧ ଆତଃ ଯାଶୁ ମାନ୍ଦିର୍ ଅଡ଼ାଃଏତେ ସେନଃତାନ୍ ଦିପିଲିରେ ଆୟାଃ ଚେଲାକଏତେ ମିହୁଡ଼୍ କାଜିକିୟାଏ, “ଏ ଇତୁନିଃ, ନେ ମାପ୍‌ରାଙ୍ଗ୍ ଅଡ଼ାଃକରେ ନେଲେମେ, ଚିଲ୍‌କାନ୍ ମାପ୍‌ରାଙ୍ଗ୍ ଦିରିକ ଆତଃ ଚିଲ୍‌କାନ୍ ସୁଗାଡ଼ାନ୍ ଦିରିକ ମେନାଃ ।”

୨ ଯାଶୁ ଇନିଃକେ କାଜିରୁହାଡ଼୍‌କିୟା, “ନେ ମାପ୍‌ରାଙ୍ଗ୍ ଅଡ଼ାଃକ ଚିମ୍ ନେଲେତାନା ? ଦିରି ଚେତାନ୍ ଦିରି ଚିରିୟାକାନ୍ କା ତାଇନା, ସବେନାଃ ହାଦୁଡ଼ଃଆ\* ।”

ୟାଶୁ ଟୁଣ୍ଡି ଦୁପିଲିରାଃ ଦୁକୁ ବିଷାଏରେ କାଜିକେଦାଏ  
 (ମାଥୁଉ ୨୪:୩-୧୪; ଲୁକ ୨୧:୭-୧୯)

† ୧୨:୪୨ ୧୨:୪୨ ମିଦ୍‌ଦୋକ୍‌ଡ଼ା ଆଧୁଲି \* ୧୩:୨ ୧୩:୨ ଧାଁସଃ



୩ ମାନ୍ଦିର୍ ସାମନାଈଁରେଆଃ ଜାଇତୁନ୍ ବୁରୁ ଚେତାନ୍ରେ ଯାଶୁ ଦୁବାକାନାଏ ତାଇକେନ୍ ଦିପିଲିରେ, ପାଡ଼ରାସ୍, ଯାକୁବ୍, ଯୋହାନ୍ ଆତଃ ଆହିୟ୍ ଜନିଃତାଃ ଏସ୍କାରରେ ହିଜୁଃକେଦତେକ କୁଲିକିୟା, ୪ “ନେଆଁକ ଚିତଲ୍ଲା ହବାଅଆଃ ? ଆତଃ ନେ କାଜି ପୁରାଅଃଲେକାରେ ଅକନ୍ ଚିହ୍ନାଁ ଉଦୁବଃଆ ଏନା ଉଦୁବାଲେମେ ।”

୫ “ୟାଶୁ ଜନ୍କୁକେ କାଜିୟାଦକଆଏ, ଚିର୍ଗାଲ୍ଲାନଦେ, ଜେତାଏ ଆଲକାକ ବେଦାପେକା । ୬ ପୁରାଃ ହଡକଦ ଆଇୟାଃ ନୁତୁମତେକ ହିଜୁଃଆ ଆତଃ ‘ଆଇଈ ଖ୍ରୀଷ୍ଟ୍ ତାନିଈ’ ମେନ୍ତେକ କାଜିୟା ଆତଃ ପୁରାଃ ହଡକକେ ବେଦାକଆକ । ୭ ଆପେ ମାପାଃତୁପୁଇଈ ଆତଃ ମାପାଃତୁପୁଇଈରାଃ କାଜିପେ ଆୟୁମେରେଦ ବରତେ ଆଲ୍ଲପେ ଆକ୍ବାକାଅଆଃ, ନେଆଁ ସବେନାଃଦ ହବାଅଃଗି ଲାଗାତିୟାଃ, ମେନ୍ଦ ଏନ୍ ଦିପିଲିହ ଚୁଣ୍ଟ ନୁହାଁଲାଃ । ୮ ଚିୟାଃଚି ଦିଶୁମ୍ ବିରୁଧରେ ଦିଶୁମ୍ ଆତଃ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଆଃ, ସବେନ୍ ଠାୟାଦରେ ଅତେ ଏକ୍ଲାଅଃଆ ଆତଃ ରିଜାଅଃଆ । ମେନ୍ଦ ନେ ସବେନାଃ ହନ୍ ଜାନାମଃ ଜମତାରାଃ ଦୁକୁରେୟାଃ ଏନେଟେଦ୍ ଲେକାନାଃ ତାନାଃ ।

୯ “ଆପେକେ ଚିର୍ଗାଲ୍ଲାନ ତାଇନଃ ଲାଗାତିୟାଃ, ଜନ୍କୁଦ ପାଞ୍ଚେଟକରେକ ଏମ୍‌ଏଣ୍ଡାଃପେୟା ଆତଃ ସାମାଜ୍ ଅଡ଼ାଃକରେ ଦାଲ୍ଲପେୟାକ । ଆପେ ଆଇୟାଃ ଚେଲ୍ଲକ ତାନ୍ଦେ ମେନ୍ତେ, ସୁକୁକାଜି ଉଦୁବେ ନାଗେନ୍ତେ ଆପେକେ ହାକିମ୍ ଆତଃ ରାଜାକତାଃ ତିଜୁ ହବାଅଆଃ । ୧୦ ଆତଃ ଚୁଣ୍ଟ ଦ୍ରିପିଲି ସେଟେର୍ ସିଦାରେ ସୁକୁକାଜି ସବେନ୍ ଜାତିରାଃ ହଡକତାଃରେ ଉଦୁବ୍ଗି ଉଦୁବଃଆ । ୧୧ ଚିମତାଈ ଆପେକେ ସାବ୍‌କେଦତେ ଜନ୍କୁ କାଚାଜରିତେ ଜଦିପେୟାକ, ଜମତା ଚିନାଃରୁ କାଜିୟା ମେନ୍ତେ ସିଦାରେ ଆଲ୍ଲପେ ଉଡ଼ୁଇୟା ଏନ୍ ଦିପିଲି ହିଜୁଃଆ ଜମତା ଆପେକେ ଅକଆଃ କାଜି ନାଗେନ୍ତେ ଏମଃଆ ଏନାପେ କାଜିୟା । ଚିୟାଃଚି ଏନ୍ତାଃରେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍ଦ ପାବିତାର୍ ଆମ୍ବାରାଃ ପେଡ଼େଃ ହରାତେପେ କାଜିୟା । ୧୨ ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଏମ୍‌ଏଣ୍ଡାଈଆଃଏ, ଆତଃ ହନ୍‌କ ଆକଆଃ ଏଜାଆପୁକଆଃ ବିରୁଧ୍‌ରେକ ବିରିଦାଃ ଆତଃ ଜନ୍କୁକେ ଗଏଃ ଜଚିକଆକ । ୧୩ ଚିୟାଃଚି ଆପେ ଆଇୟାଃ ଚେଲ୍ଲକ ତାନ୍ଦେ ସବେନ୍ ହଡକ ଆପେକେ ହିଲ୍ଲାଇପେୟାକ, ମେନ୍ଦ ଜେତାଏ ଚୁଣ୍ଟ ଜୁକେଦ୍ ସାହାତିଈତାନ୍‌ଲଃ ତିଜୁ କେଟେୟାକାନ୍ ତାଇନ୍‌ରେଦ ବାଞ୍ଛାଅଃଆଏ ।

ୟାଶୁ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନା  
(ମାଥୁଉ ୨୪:୧୫-୨୮; ଲୁକ ୨୧:୨୦-୨୪)

୧୪ “ଆପେ ଚିମତା, ‘ଏନ୍ ଅଡ଼େଜଃ ସଡ଼ରାକାନ୍‌ନିଃ’ ଅକ୍ତାଃରେଚି ଜନିୟାଃ କା ତାଇନଃ ଲାଗାତିଈ ଠାୟାଦରେ ତିଜୁଆକାନ୍‌ପେ ନେଲିୟା ।” ପାଡ଼ାଅନିଃ ନେଆଁରାଃ ମୁଣ୍ଡି ଆଟ୍‌କାର୍‌ଉରୁମେକାଏ, ଜମତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁତେକ ନିର୍‌ତେବାଃକା । ୧୫ ଅକ ହଡ ଆୟାଃ ଅଡ଼ା ସାଡ଼ମିରେ ମେନାଇୟାଃ ଜନିଃ ଆୟାଃ ଜେତନାଃ ଜଦିମେନ୍ତେ ଆଡ଼ଗୁକେଦତେ ଅଡ଼ାତେ ଆଲକାଏ ବଲଃକା । ୧୬ ପିଡି ଲିୟାଈରେ ତାଇନ୍‌ନିଃ, ଜନିଃ ଆୟାଃ ଲିଜାଃ ଜଦିମେନ୍ତେ ଅଡ଼ାତେ ଆଲକାଏ ରୁହାଡ଼କା । ୧୭ ମେନ୍ଦ ଏନ୍ ଦିପିଲିରେନ୍ ବାଜି ଆକାନ୍ କୁଡିକଆଃ ଆତଃ ତଆ ନୁନୁଆକତାନ୍ ଏଜାକଆଃ ନାଗେନ୍ତେ ଚିମିନ୍ ବରଞ୍ଜାନି ଦୁକୁ ହବାଅଆଃ । ୧୮ ରାବାଈସାହା ନେଆଁ ଆଲକା ହବାଅଃକା ମେନ୍ତେ ପାର୍‌ମେଶ୍‌ବାରତାଃରେ ବିକ୍ରିପେ, ୧୯ ଚିୟାଃଚି ଏନ୍ ମାହାଁକରାଃ ଦୁକୁଦ ପାର୍‌ମେଶ୍‌ବାର

☆ ୧୩:୯ ୧୩:୯ ମାଥୁଉ ୧୦:୧୭-୨୦; ଲୁକ ୧୨:୧୧,୧୨. ☆ ୧୩:୧୩ ୧୩:୧୩ ମାଥୁଉ ୧୦:୨୨. ☆ ୧୩:୧୫ ୧୩:୧୫ ଲୁକ ୧୭:୩୧. ☆ ୧୩:୧୯ ୧୩:୧୯ ଉଦୁବ୍‌କ କାଜି ୭:୧୪.

ବାଇୟାକାଦରେଆଃ ଏନେଚେଦଏତେ ନାହାଁଃ ଜାକେଦ୍ ଚିତ୍ତଲାଅ କା ହବାକାନା ଆତଃ ଚିତ୍ତଲାଅ କା ହବାଅଆଃ । ୨୦ ମେନ୍ଦ ପ୍ରାଭୁ ଏନ୍ ହୁଲାଙ୍ଗକକେ କାଏ କାମ୍ତିକାରେଦ ଜେତାଏ କାକ ବାସ୍ତାଅଃତେୟାଃ, ମେନ୍ଦ ଆୟାଃ ସାଲାକାନ୍ ହତ୍ତକଆଃ ନାଗେନ୍ତେ ଏନ୍ ହୁଲାଙ୍ଗକକେ କାମ୍ତିୟାକାଦା ।

୨୧ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଶ୍ରୀଷ୍ଟ ନେତାଃରିୟା’ ଚାଏ ‘ହାନ୍ତାଃରିୟା,’ ମେତାପେରେଦ ଇନିଃକେ ଆଲ୍ପେ ବିଶ୍ୱାସୀଆ । ୨୨ ଚିୟାଃଚି ହସତ୍ତ ଶ୍ରୀଷ୍ଟ ଆତଃ ହସତ୍ତ ନାବୀକ ବିରିଦାଃ ଆତଃ ଇନ୍ଦୁ ମାପରାଙ୍ଗ୍ ଚିହ୍ନାଁ ଆତଃ ଆକ୍ଦାନ୍ଦାଅ କାମିକ ରିକାଉଦୁବେଆ, ଆତଃ ହବାଦାଢିୟଃରେଦ ପାର୍ମେଶ୍ୱାର୍ଆଃ ସାଲାକାନ୍କକେହଁ ବେଦାକଆକ । ୨୩ ଏନାମେନ୍ତେ ଚିର୍ଗାଲାକାନ୍ପେ, ଆଇଙ୍ଗ୍ ଆପେକେ ନେତା ହିନ୍ଦୁଃ ସିଦାରେଇଙ୍ଗ୍ ଉଦୁବାଦପେୟା ।

ୟାଶୁ ଆୟାଃ ହିନ୍ଦୁଃରୁହାଡ୍ କାଜି ଉଦୁବକେଦାଃଏ  
(ମାଥୁଉ ୨୪:୨୯-୩୧; ଲୁକ ୨୧:୨୫-୨୮)

୨୪ \* “ଏନ୍ ଦିପିଲିରେୟାଃ ଦୁକୁ ତାୟମ୍ତେ, ସିଙ୍ଗି ନୁବାଗଃଆ, ଆତଃ ଚାଣ୍ଡୁ ଆୟାଃ ମାର୍ସାଲ୍ କାଏ ଏମେୟା, ୨୫ \*ଇପିଲ୍ଲକ ସିର୍ମାଏତେକ ଉୟୁଗଃଆ, ଆତଃ ସିର୍ମାରେୟାଃ ପେଡେଃୟାନ୍ତେୟାଃକ ଏକ୍ଲାଅଃଆ । ୨୬ \*ଏନ୍ତେ ଆଇଙ୍ଗ୍ ମାନଝାହନ୍ ତାନିଙ୍ଗ୍ ହତ୍ତକ ପୁରାଃ ପେଡେଃତେ ଆତଃ ମାନାରାଙ୍ଗ୍ଲଃ ରିମିଲ୍ରେ ହିନ୍ଦୁଃତାନ୍କ ନେଲିଙ୍ଗ୍ୟାଃ । ୨୭ ପାର୍ମେଶ୍ୱାର୍ଆଃ ସାଲାକାନ୍ ହତ୍ତକକେ ଅତେଦିଶ୍ୱମ୍ବରାଃ ନେ ଚୁଣ୍ଡୁଏତେ ସିର୍ମାରେୟାଃ ହାନ୍ ଚୁଣ୍ଡୁ ଜାକେଦ୍ ହୁଣ୍ଡିକ ନାଗେନ୍ତେ ଇନିଃ ଆୟାଃ ଦୁଁଡକକେ ଅତେଦିଶ୍ୱମ୍ବରାଃ ଚାରିୟସାଃତେ କୁଲ୍ଲକଆଏ ।

ଲଆ ଦାରୁରାଃ ଜନ୍କା କାଜି  
(ମାଥୁଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ନାହାଁଃ ଲଆଦାରୁରେଆଃ ଜନ୍କା କାଜିତେ ଇତୁନ୍ପେ, ଏନାରେୟାଃ କତ ସାଗେନଃତାନ୍ ଆତଃ ସାକାମ୍ ସୁଡାଅଃତାନ୍ ଇମ୍ତା ଜେଟ୍ସିଙ୍ଗି ନାଡେଃଗିଆ ମେନ୍ତେପେ ସାରିୟା । ୨୯ ଏନ୍ଲେକାଗି, ନେଆଁ ସବେନାଃ ହବାଅଃତାନ୍ପେ ନେଲେ ଇମ୍ତା, ଆଇଁୟାଃ ହିନ୍ଦୁଃନେତା ନାଡେଃରେଗିଆଃ, ହେଗି ଏନା ଦୁଆର୍ତାଃରେୟାଃ ମେନ୍ତେ ସାରିପେ । ୩୦ ସାର୍ତ୍ତିଗିଙ୍ଗ୍ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହତ୍ତକ କାକ ଚୁଣ୍ଡୁଆ । ୩୧ ସିର୍ମା ଆତଃ ଅତେ ଚୁଣ୍ଡୁତାଚରଃଆ, ମେନ୍ଦ ଆଇଁୟାଃ କାଜିକ କା ଚୁଣ୍ଡୁଆ ।

ୟାଶୁଆଃ ହିନ୍ଦୁଃ ଦିପିଲି ଜେତାଏ କାଏ ସାରିଆଃ  
(ମାଥୁଉ ୨୪:୩୬-୪୪)

୩୨ \* “ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଁଡକହ କା, ଆଇଙ୍ଗ୍ ପାର୍ମେଶ୍ୱାର୍ଆଃ ଦୁଲାଡ୍ ହନ୍ଦହ କା, ମେନ୍ଦ ଆଇଁୟାଃ ଆପୁ ଏସକାର୍ଗି ସାରିଆଃଏ । ୩୩ ଚିର୍ଗାଲାକାନ୍ତାଇନ୍ପେ, ଏୟନାକାନ୍ ନେଲ୍ହରାଏପେ, ଚିୟାଃଚି ଏନ୍ ନେତା ଚିମ୍ତା ତେବାଗାଃ ଏନା ଆପେଦ କାପେ ସାରିୟା । ୩୪ \*ଏନା ସାଜିନ୍ ଦିଶ୍ୱମ୍ତେ ସେନଃତାନ୍ ମିଆଁଦ୍ ହତ୍ତଲେକା । ଇନିଃ ଆୟାଃ ଅଡ଼ାଃ ବାଗିକେଦ୍ତେ ଆୟାଃ ଦାସିକକେ ଆକ୍ତେୟାର୍ ଏମାଦକଆଏ, ଆତଃ ମିଆଁଦ୍ନିଃକେ ଆୟାଃ କାମି ଏମାଦକଆଏ, ଆତଃ ହନ୍ନିଃକେ ଏୟନାକାନ୍ମେ ମେନ୍ତେ ଆଚୁକାଦା । ୩୫ ଏନାମେନ୍ତେ ଏୟନାକାନ୍ତାଇନ୍ପେ, ଚିୟାଃଚି ଆପେଦ

\* ୧୩:୨୪ ୧୩:୨୪ ଉନ୍ଦୁଦ୍ କାଜି ୬:୧୨. \* ୧୩:୨୫ ୧୩:୨୫ ଉନ୍ଦୁଦ୍ କାଜି ୬:୧୩. \* ୧୩:୨୬ ୧୩:୨୬ ଉନ୍ଦୁଦ୍ କାଜି ୧:୨. \* ୧୩:୩୨ ୧୩:୩୨ ମାଥୁଉ ୨୪:୩୬. \* ୧୩:୩୫ ୧୩:୩୫ ଲୁକ ୧୨:୩୬-୩୮.

ଆପେୟାଃ ଅତୀଃ ଗମକେଆଃ ହିଜୁଃ ଦିପିଲି କାପେ ସାରିୟା, ଆୟୁବତାନରେ, ଚାହେ  
ଆଲାନିଦାରେ, ଚାହେ ସିମ୍ବକରାଃରେ, ଚାଏ ସେତାଃ ଇଦାନତେ । ୩୭ ଆତ୍‌କାଗି  
ଇନିଃ ତେବଃକଃରେ ଦୁଡ଼ୁକାନ ଆଲକାଏ ନାମପେକା । ୩୮ ଆଇଙ୍ଗ୍ ଆପେକେ  
କାଜିୟାପେତାନ କାଜି ସବେନକକେଇଙ୍ଗ୍ କାଜିୟାକତାନା, ଏୟନାକାନ ତାଇନ୍‌ପେ  
।”

### ୧୪

ୟୀଶୁକେ ଗଜି ନାଗେନ୍ତେ ରଜୋଟ  
(ମାଥୁଉ ୨୬:୧-୫; ଲୁକ ୨୨:୧-୨; ଯୋହାନ ୧୧:୪୫-୫୩)

୧ ପାସକା ପାରାବ୍ ଆତଃ ସାବାଃ ହଲଙ୍ଗ୍‌ରାଃ ପାରାବ୍ ଏତେ ବାର୍‌ସିଙ୍ଗ୍ ସିଦା, ମୁଲ୍  
ଯାଜାକକ ଆତଃ ଆଇନ୍ ଇତୁକ ଅକ ସେଣ୍‌ତେ ଯୀଶୁକେକ ସାବିଆ ଆତଃକ ଗଜିୟା  
ମେନ୍ତେ ହରାକ ଦାଣ୍‌ତାନ ତାଇକେନା । ୨ “ପାରାବ୍ ହୁଲାଇଙ୍ଗ୍‌ଦ କାରୁଆଃ, କା'ରେଦ  
ହଡ଼କ ହାଲାଇଗୁଲାଇୟାକ” ମେନ୍‌କେଦା ।

ବେଅନିଆରେ ମିଆଁଦ୍ କୁଡ଼ି ଯୀଶୁଆଃ ବହଃରେ ସୁନୁମ୍ ଗସଗିତାନାଏ  
(ମାଥୁଉ ୨୬:୬-୧୩; ଯୋହାନ ୧୨:୧-୮)

୩ \*ୟୀଶୁ ବେଅନିଆ ହାତୁରେ, ଶିମୋନ୍ ନାଗେଘାଅନିଆଃ ଅତୀଃରେ  
ତାଇକେନାଏ । ଜଜମ୍ ନାଙ୍ଗ୍ ଦୁବାକାନ ଦିପିଲିରେ, ମିଆଁଦ୍ କୁଡ଼ି ପୁରାଃ ଫାର୍‌ତି  
ଗନଙ୍ଗ୍‌ଆଁନ୍ ଜଗାମାଂସି ବୁଗିନ୍ ସହାନ୍ ସୁନୁମ୍‌ତେ ପେରେଜାକାନ ପୁଣ୍ଡିଦିରିରାଃ  
ତୁକାଃ ସାବ୍‌କେଦ୍‌ତେ ବଲ୍‌ୟାନାଏ । ଇନିଃ ଏନ୍ ତୁକାଃରାଃ ଠିପି ଅତେଃକକେଦ୍‌ତେ  
ଏନ୍ ସୁନୁମ୍ ଯୀଶୁଆଃ ବହଃରେ ଦୁଲ୍‌କେଦାଏ । ୪ ମେନ୍‌ଦ୍ ଏନ୍ତାଃରେ ତାଇକେନ୍  
ଚିମିନ୍ ହଡ଼କ ଏସେଦ୍‌ୟାନ୍ତେ ମେପେନ୍‌ୟାନାକ, “ଚିନାଃମେନ୍ତେ ନେ ବୁଗିନ୍ ସହାନ୍  
ସୁନୁମ୍ ସାମାରେ ଦୁଲ୍‌ଏଣ୍ଡାଗଃତାନା ? ୫ ନେ ବୁଗିନ୍ ସହାନ୍ ସୁନୁମ୍‌କେଦ୍ ମିଆଁଦ୍  
ହଡ଼ରାଃ ମିଦ୍‌ବାରାଷ୍ଟ୍ କାମିକାଦ୍ ନାଲା ସିକାଏତେ ଆଦକା ଗନଙ୍ଗ୍‌ରେ ଆଖ୍‌ରିଙ୍ଗ୍  
ଦାଡ଼ିକାନତେୟାଃ ଆତଃ ରେଙ୍ଗେଃ ରାବାଙ୍ଗ୍‌କକେ ଏମାକାନତେୟାଃ ।” ଆତଃ  
ଇନ୍‌କୁ ଏନ୍ କୁଡ଼ିକେକ କୁରୁମ୍ ତୁରୁମ୍‌କିୟାଃ ।

୬ ମେନ୍‌ଦ୍ ଯୀଶୁ ଇନ୍‌କୁକେ ମେତାଦ୍‌କଆଏ, “ଇନିଃକେ ତାଇନ୍ ଚିକାଇପେ  
। ଚିନାଃ, ମେନ୍ତେପେ ଦୁଲ୍‌ଇଚିତାନା ? ଆଇଙ୍ଗ୍ ନାଗେନ୍ତେ ଇନିଃ ବୁଗିନ୍ କାମି  
ରିକାକାଦାଏ । ୭ ରେଙ୍ଗେଃ ରାବାଙ୍ଗ୍‌କଦ ଜାନାଅ ଆପେଲଃକ ତାଇନା, ଆତଃ  
ଆପେୟାଃ ସାନାଙ୍ଗ୍ ଲେକା ଜା'ଇମ୍‌ତାଗି ଇନ୍‌କୁକେ ଦେଙ୍ଗାପେ ଦାଡ଼ିୟାକଆ,  
ମେନ୍‌ଦ୍ ଆଇଙ୍ଗ୍ ଆପେଲଃ ସବେନ୍ ଇମ୍‌ତା କାଇଙ୍ଗ୍ ତାଇନାଃ । ୮ ନିଃ ଚିମିନାଙ୍ଗ୍  
ଦାଡ଼ିୟାନାଏ ଇମିନାଙ୍ଗ୍ ରିକାକେଦାଏ, ଆଇଙ୍ଗ୍ ହାସାଗାଡ଼ାଅଃ ମେନ୍ତେ ସିଦାରେ  
ଆଇଁୟାଃ ହଡ଼ମରେ ନେ ସୁନୁମ୍‌କେ ଦୁଲ୍‌କେଦାଏ । ୯ ସାର୍‌ତିଗିଙ୍ଗ୍ କାଜିୟାପେତାନା,  
ଅତେଦିଶୁମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ ଇମ୍‌ତା ଏନ୍ କୁଡ଼ି  
କାମିକାଦ୍‌ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଇଷ୍ଟାରିୟଡ଼୍ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ଟାକା ନାମେତାନାଏ  
(ମାଥୁଉ ୨୬:୧୪-୧୬; ଲୁକ ୨୨:୩-୬)

୧୦ ଏନ୍ତେ ଇଷ୍ଟାରିୟଡ଼୍ ଯିହୁଦା, ଗେଲ୍‌ବାର୍ ଚେଲାଇଏତେ ମିଆଁଦ୍‌ନିଃ, ଯୀଶୁକେ  
ସାବ୍‌ରିକାଇ ମେନ୍ତେ ମୁଲ୍ ଯାଜାକକକେ ସେନ୍‌ନାମ୍ କେଦ୍‌କଆଏ । ୧୧ ଇନ୍‌କୁଦ୍  
ନେଆଁ ଆୟୁମ୍‌କେଦ୍‌ତେକ ରାସକାୟାନା, ଆତଃ ଟାକାଲେ ଏମାମେୟା ମେନ୍ତେ  
ଇନିଃକେକ ବାନାର୍‌ସା ଏମ୍‌କିୟାକ । ଏନାମେନ୍ତେ ଯିହୁଦା ଇନ୍‌କୁଆଃ ଡିଃଇରେ  
ୟୀଶୁକେ ସାବ୍‌ରିକାଇ ନାଗେନ୍ତେ ସୁୟୋଗ୍ ଦାଣ୍‌ତାନାଏ ତାଇକେନା ।

\* ୧୪:୩ ୧୪:୩ ଲୁକ ୭:୩୭, ୩୮.

ପାସ୍କା ପାରାବରେୟାଃ ସାର୍ଜାମା ସେକାଡେନ୍  
(ମାଥୂଉ ୨୬:୧୭-୨୫; ଲୁକ ୨୨:୭-୧୪, ୨୧-୨୩; ଯୋହାନ୍ ୧୩:୨୧-୩୦)

୧୨ ସାବାଃ ହଲଙ୍ଗ ପାରାବରେୟାଃ ସିଦା ହୁଲାଙ୍ଗରେ, ପାସ୍କା ପାରାବରେ  
ମିଣ୍ଡିହନ୍ ଦାଣେଁଅଃ ତାଇକେନ୍ ହୁଲାଙ୍ଗ ଚେଲାକ ଯୀଶୁକେକ କାଜିକିୟା, “ଆଲେ  
ଅକ୍ତାଃଲେ ସେନା ଆତଃ ଆମାଃ ନାଗେନ୍ତେ ପାସ୍କା ପାରାବରେ ଜମେଆଃଲେ  
ବାଇୟା ମେନ୍ତେ ସାନାଙ୍ଗ୍‌ତାନାମ୍ ?”

୧୩ ଏନ୍ତେ ଯୀଶୁ ବାରହଡ୍, ଚେଲାକିନ୍‌କେ କୁଲ୍‌ତାନଲଃ ମେତାଦ୍‌କିନାଏ,  
“ନାଗାର୍‌ତେ ସେନଃବେନ୍ ଆତଃ, ମିଆଁଦ୍ ହଡ୍ ଦାଆଃଚାଟୁ ତେଙ୍ଗଃକେଦ୍‌ତେ  
ଦାରମ୍‌ବେନାଏ, ଇନିଃକେ ଅତଙ୍ଗ୍‌କ୍‌ବେନ୍ । ୧୪ ଆତଃ ଇନିଃ ବଲଃ ଅଡ଼ାଃରେନ୍  
ଗମ୍‌କେ କେ ମେତାଇବେନ୍, ଇତୁନିଃ କୁଲିତାନାଏ, ଆଇଁୟାଃ ଚେଲାକଲଃ ପାସ୍କା  
ପାରାବରେ ଜମେ ନାଗେନ୍ତେ ବାଖିରା ଅକ୍ତାଃରେୟା ? ୧୫ ଏନ୍ତେ ଇନିଃ ଚେତାନ୍  
ଅଡ଼ାଃରେ ମିଆଁଦ୍ ବାଇସେକାଡ଼ାକାନ୍ ମାରାଙ୍ଗ୍ ବାଖିରା ଉଦୁବାବେନାଏ, ଏନାରେଗି  
ଆରୁ ନାଗେନ୍ତେ ଜମେନାଙ୍ଗ୍ ବାଇୟେବେନ୍ ।”

୧୬ ଚେଲାକିନ୍ ନାଗାର୍‌ତେକିନ୍ ସେନଃୟାନା, ଆତଃ ଯୀଶୁ କାଜିୟାଦ୍‌କିନ୍  
ଲେକାଗି ସବେନାଃକିନ୍ ନାମ୍‌କେଦାଃ ଆତଃ ପାସ୍କା ପାରାବରେୟାଃ ଜମେୟାଃକିନ୍  
ବାଇକେଦାଃ ।

୧୭ ଆୟୁବୟାନ୍‌ଚି ଯୀଶୁ ଗେଲ୍‌ବାର ଚେଲାକଲଃ ତେବାଃୟାନାଏ । ୧୮ ଇନ୍‌କୁ  
ଜମ୍ ଦୁବାକାନ୍ ଦିପିଲିରେ, ଯୀଶୁ ମେତାଦ୍‌କଆଏ, “ସାର୍‌ତିଗିଙ୍ଗ୍ କାଜିୟାପେତାନା,  
ଆପେକଏତେ ମିଆଁଦ୍‌ନିଃ ଆଇଙ୍ଗ୍‌ଲଃ ଜମ୍‌ତାନ୍‌ନିଃଗି ବାଇରିକଆଃ ଡିଃଇରେ  
ସାବ୍‌ରିକାଇଙ୍ଗ୍‌ୟାଏ ।”

୧୯ ଚେଲାକଦ ହୁଡିଙ୍ଗ୍‌ଜାଉୟାନାକ, ଆତଃ ମିହୁଡ୍ ମିହୁଡ୍‌ତେ କାଜିକିୟାକ,  
“ଇନିଃ ଆଇଙ୍ଗ୍ ତାନିଙ୍ଗ୍‌ଚି ?”

୨୦ ଯୀଶୁ ମେତାଦ୍‌କଆଏ, “ବାରାଝାନ୍ କଏତେ ମିଆଁଦ୍‌ନିଃ, ଆଇଁୟାଃଲଃ ମିଆଁଦ୍  
କାଟୋରାରେ ଆୟାଃ ଡିଃଇ ସୁଡ଼ଃକାଦ୍‌ନିଃଗି ସାବ୍‌ରିକାଇଙ୍ଗ୍‌ଆଏ । ୨୧ ପାବିତାର୍  
ଅନଲ୍‌କରେ ଅଲାକାନ୍ ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ  
ଗଜଃଲଗାତିୟାଃ । ମେନ୍‌ଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ  
ଡିଃଇରେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହଡ୍ କାଏ  
ଜାନାମ୍‌କାନ୍‌ରେଦ ଇନିଃ ନାଗେନ୍ତେ ବୁଗିନ୍ ହବାକାନ୍‌ତେୟାଃ ।”

ପ୍ରାଭୁ ଭୋଜ  
(ମାଥୂଉ ୨୬:୨୬-୩୦; ଲୁକ ୨୨:୧୪-୨୦; ୧ କରିନ୍ଥ୍‌ୟ ୧୧:୨୩-୨୫)

୨୨ ଇନ୍‌କୁ ଜମ୍‌ତାନ୍ ଦିପିଲିରେ, ଯୀଶୁ ମିଆଁଦ୍ ହଲଙ୍ଗ୍‌କେ ସାବ୍‌କେଦ୍‌ତେ  
ଧାନ୍ୟାବାଦ୍ ଏମ୍‌କେଦାଏ ଆତଃ କେଚାଃକେଦ୍‌ତେ ଚେଲାକକେ ଏମ୍‌କେଦ୍‌ତେ  
ମେତାଦ୍‌କଆଏ, “ନେ ମାର୍ ତେଲାଏପେ, ନେଆଁ ଆଇଁୟାଃ ହଡ୍‌ମ୍ ତାନାଃ ।”

୨୩ ଏନ୍ତେ ଇନିଃ କାଟୋରା ଇଦିକେଦ୍‌ତେ ବିକ୍ରିକେଦାଏ ଆତଃ ଏମାଦ୍‌କଆଏ,  
ଆତଃ ଇନ୍‌କୁ ଏନାଏତେକ ନୁଁକେଦାଃ । ୨୪ ଆତଃ ଯୀଶୁ ମେତାଦ୍‌କଆଏ, “ନେଆଁ  
ଆଇଁୟାଃ ମାୟୋମ୍ ତାନାଃ, ମାନଝାରାଃ ପାପ୍ ଛାମା ନାଗେନ୍ତେ ଆଇଙ୍ଗ୍ ଆଇଁୟାଃ  
ଅକ ମାୟୋମ୍‌କେ ଲିଙ୍ଗି ନାଗେନ୍ତେ ସେନ୍‌ତାନାଇଙ୍ଗ୍, ଏନା ପାର୍‌ମେଶ୍‌ବାର୍‌ଆଃ  
ରାଜିନାମାକେ ମୋହ୍‌ରକାଦା ।” ୨୫ ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା,  
“ପାର୍‌ମେଶ୍‌ବାର୍‌ଆଃ ରାଇଜ୍‌ରେ ନାଝା ଦାଖିରାସି ଆଉରିଙ୍ଗ୍ ନୁଁଇ ଜାକେଦ୍,  
ଦାଖିରାଃ ରାସି ଆତଃ ଚିତ୍‌ଲାଅ କାଇଙ୍ଗ୍ ନୁଁଇଆ ।”

୨୬ ଏନ୍ତେ ଇନ୍‌କୁ ମାଇନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍‌ତେ ଜାଇତୁନ୍ ବୁରୁତେକ  
ସେନଃୟାନା ।

ଆଇଙ୍ଗ୍‌କେ କାଇଙ୍ଗ୍ ସାରିଆଃମେନ୍ତେ ପାଡ଼ରାସ୍‌କେ ଯୀଶୁ ସିଦାରେ କାଜିୟାକତାନା

(ମାଥୁର ୨୭:୩୧-୩୫; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୨୭ ଯୀଶୁ ଇନ୍‌କୁକେ ମେତାଦକଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍‌ତେ ନିରକଆଃପେ, ନେଆଁଦ ଧାରାମପୁଅରେ ଅଲ୍‌କାନା, ‘ପାର୍‌ମେଶ୍ୱାର୍ ଗୁପିନିଃକେ ଦାଲିୟାଏ ଆତଃ ଗୋଟ୍‌ରେନ୍‌ ମିଶ୍ଟିକ ଛିତିବିତିୟଃଆ ।’” ୨୮ \*ମେନ୍‌ଦ ଆଇଙ୍ଗ୍ ଜୀଉବିରିଦ୍‌କେଦ୍‌ତେ ଗାଲିଲ୍‌ତେ ଆପେଏତେ ଆୟାର୍‌ରେଇଙ୍ଗ୍ ସେନା ।”

୨୯ ପାଡ଼ରାସ୍ କାଜିରୁହାଡ଼କିୟାଏ “ଏଗାଃକ ବାଗିତାମ୍‌ରେହ୍, ଆଇଙ୍ଗ୍ କାଇଙ୍ଗ୍ ବାଗିମେଆ ।”

୩୦ ଯୀଶୁଦ ପାଡ଼ରାସ୍‌କେ ମେତାଇୟାଏ, “ସାର୍‌ତିଗିଙ୍ଗ୍ କାଜିୟାମ୍‌ତାନା, ତିସିଙ୍ଗ୍, ନେ ନିଦାରେ ସାଣ୍ଡିସିମ୍ ବାର୍‌ସା ରାଆଃଏ ସିଦାରେ ଆଇଙ୍ଗ୍‌କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୧ ପାଡ଼ରାସ୍ ଆତଃଗି ପୁରାଃତେ କାଜିକିୟାଏ, “ଆମ୍‌ଲଃ ଗଜଃ ଲାଗାତିଙ୍ଗ୍‌ରେଆ ଆଇଙ୍ଗ୍ ଆମ୍‌କେ କାଇଙ୍ଗ୍ ସାରିଆଃ ମେନ୍ତେ କାଇଙ୍ଗ୍‌ଗି କାଜିୟା ।” ଆତଃ ଏନ୍‌ଲେକା ସବେନ୍‌ ଏଗାଃ ଚେଲାକହଗି କାଜିକେଦାଃକ ।

ଗେଥ୍‌ସିମାନି ବାଖ୍‌ଡିରେ ଯୀଶୁ ବିକ୍ରିତାନାଏ  
(ମାଥୁର ୨୭:୩୬-୪୨; ଲୁକ ୨୨:୩୯-୪୬)

୩୨ ଗେଥ୍‌ସିମାନି ନୁତୁମ୍ ଠାୟାଦ୍‌ତେକ ତେବାଃକେଦ୍‌ଗି, ଯୀଶୁ ଆୟାଃ ଚେଲାକକେ ମେତାଦକଆଏ, “ଆଇଙ୍ଗ୍ ବିକ୍ରି ଜାକେଦ୍ ନେତାଃରେ ଦୁବାକାନ୍‌ପେ ।” ୩୩ ଇନିଃ ପାଡ଼ରାସ୍, ଯାକୁବ୍, ଆତଃ ଯୋହାନ୍‌କେ ଆୟାଃଲଃ ଇଦିକେଦକଆଏ । ଆତଃ ଇନିଃ ପୁରାଃଗି ଦୁକୁତେ ଆକୁଲ୍‌ବାକୁଲ୍‌ୟାନା । ୩୪ ଆତଃ ଇନିଃ ଇନ୍‌କୁକେ କାଜିୟାଦକଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍‌କାନ୍‌ପେ ଆତଃ ଆଇଁୟାଃଲଃ ଏୟନାକାନ୍ ତାଇନ୍‌ପେ ।”

୩୫ ଯୀଶୁ କାଗିଃ ସାଜିନ୍ ସେନ୍‌କେଦ୍‌ତେ ଅତେରେ ଇକ୍‌ଡ଼ମ୍‌ୟାନ୍‌ଲଃ ଅମ୍‌ାଃୟାନାଏ ଆତଃ ବିକ୍ରିକେଦାଏ, “ହବାଦାଡ଼ିୟଃରେଦ୍ ନେ ଦୁକୁ ଦିପିଲି ଆଇଙ୍ଗ୍‌ତାଃଏତେ ପାରମଃକା ।” ୩୬ ଇନିଃ ବିକ୍ରିରେ ମେନ୍‌କେଦା, “ହେ ଆବା, ହେ ଆପୁ, ଆମାଃତେ ସବେନାଃ ହବାଦାଡ଼ିଅଃଆ । ନେ ଦୁକୁ କାଟୋରାକେ ଆଇଙ୍ଗ୍‌ଏତେ ଆତମ୍‌ତାମ୍; ଇମିନ୍‌ରେଅ ଆଇଁୟାଃ ସାନାଙ୍ଗ୍‌ଲେକାଦ କାହାଗି, ମେନ୍‌ଦ ଆମାଃ ସାନାଙ୍ଗ୍ ଲେକାଗି ହବାଅଃକା ।”

୩୭ ଏନ୍ତେ ଇନିଃ ଆୟାଃ ଚେଲାକତାଃ ରୁହାଡ଼ିୟାନ୍‌ଗି ଇନ୍‌କୁକେ ଦୁଡ଼ମ୍‌କାନ୍ ନାମ୍‌କେଦକଆଏ । ଇନିଃ ପାଡ଼ରାସ୍‌କେ କାଜିକିୟାଏ, “ଏ ଗିମୋନ୍, ଦୁଡ଼ମ୍ ତାନାମ୍ ତି ? ମିଦ୍ ଘାଣ୍ଟାଅତି ଏୟନାକାନ୍ କାମ୍‌ତାଇନ୍ ଦାଡ଼ିୟାନା ?” ୩୮ ଆତଃ ଇନିଃ କାଜିକେଦକଆଏ, “ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍‌ପେ ଆତଃ ବିକ୍ରିପେ । ଆମ୍‌ାଦ୍ ସାନାଙ୍ଗ୍‌ତାନାଏ, ମେନ୍‌ଦ ହଡ଼ମ୍ ନାରାଦୁରାଗିଆଃ ।”

୩୯ ଇନିଃ ଆତଃଗି ସେନଃୟାନାଏ, ଆତଃ ସିଦାଲେକାଗି ବିକ୍ରିକେଦାଏ । ୪୦ ଏନ୍ତେ ଇନିଃ ହିଜୁଃରୁହାଡ଼ିଲେନାଏ ଆତଃ ଚେଲାକକେ ଆତଃମିସା ଦୁଡ଼ମ୍‌କାନାଏ ନାମ୍‌କେଦକଆ, ଚିୟାଃଗି ଇନ୍‌କୁ ଦୁଡ଼ମ୍‌ତେ ମେଦ୍‌ତାକଆଃ ଆରିଦ୍ କାକ ଦାଡ଼ିତାନ୍‌ତାଇକେନା । ଇନିଃକେ ଚିନାଃଗୁ କାଜିରୁହାଡ଼କିୟା ମେନ୍ତେ ଇନ୍‌କୁ କାକ ସାରିକେଦା ।

\* ୧୪:୨୮ ୧୪:୨୮ ମାଥୁର ୨୮:୧୭.

୪୧ ଆତ୍ମା ଇନିଷ ଆପିସା ରୁହାଡ଼ିୟାନ୍ତି, ଇନ୍ଦ୍ରକୁକେ କାଜିୟାଦକଆଏ, “ନାହାଁଠ ଜାକେଦ୍‌ତିପେ ଦୁଡ଼ମୁତାନା ଆତ୍ମା ରୁଡ଼ୁନ୍‌ତାନା ? ଇମ୍‌ନାଙ୍ଗି ! ନେତା ତେବାଃୟାନା, ନେଲେପେ, ଆଇଙ୍ଗ୍ ମାନଝାହନ୍ ପାପିକଆଃ ଡିଃଇରେ ସାବ୍‌ରିକାଅଃତାନାଇଙ୍ଗ୍ ।<sup>୪୨</sup> ବିରିଦ୍‌ପେ, ଦଲ୍‌ଲାରୁ ସେନଆଃ ! ନେଲିପେ, ଆଇଙ୍ଗ୍‌କେ ସାବ୍‌ରିକାଇଙ୍ଗ୍‌ନିଃ ସେଟେରାକାନାଏ ।”

ୟାଶୁକେକ ସାବିତାନା  
(ମାଥୁର ୨୨:୪୭-୫୭; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୩ ଯାଶୁ ଜାଗାର୍‌ତାନ ତାଇକେନ୍ ଇମ୍‌ତାଗି ଯିହୁଦା, ବାରାଝାନ୍‌କଏତେ ମିଆଁଦ୍‌ନିଃ ତେବାଃୟାନାଏ । ଇନିଃଲଃ ମୁଲ୍ ଯାଜାକ୍‌କ, ଆଇନ୍ ଇତୁକ ଆତ୍ମା ପ୍ରାତିନ୍‌କ ସାଃଏତେ କୁଲ୍‌କାନ୍ ଗାଦେଲ୍ ହଡ଼କ ତାରାଉଡ଼ିକ ଆତ୍ମା ଉଙ୍ଗାଟ୍‌କ ସାବ୍‌କେଦ୍‌ତେ ହିଜୁଃୟାନାକ ।<sup>୪୪</sup> ଯାଶୁକେ ସାବ୍‌ରିକାନିଃ ଏନ୍ ଗାଦେଲ୍ ହଡ଼କକେ ମିଆଁଦ୍ ଚିହ୍ନାଁ ଏମାକାଦକ ତାଇକେନାଏ, “ଆଇଙ୍ଗ୍ ଅକ୍‌ନିଃକେ ଚଅଃ'ଇଙ୍ଗ୍, ଇନିଃଗି ଯାଶୁ ତାନିଃ । ଇନିଃକେ ସାବିପେ ଆତ୍ମା ଚିଗାଲ୍‌ତେ ଇଦିପେ” ମେନ୍ତେ ସିଦାରେ କାଜିକାଦକ ତାଇକେନାଏ ।

୪୫ ଯିହୁଦା ତେବାଃୟାନତି, “ହେ ଗୁରୁ” ମେତାଇତାନଲଃ ଇନିଃକେ ଚଅଃ'କିୟାଏ ।<sup>୪୬</sup> ଆତ୍ମା ଇନ୍ଦ୍ରୁ ଯାଶୁକେ ସାବ୍‌କେଦ୍‌ତେ ତଲ୍‌କିୟାଃକ ।<sup>୪୭</sup> ଜାପାଃରେ ତିଙ୍ଗୁଆକାନ୍‌ଏତେ ମିଆଁଦ୍‌ନିଃ ତାରାଉଡ଼ି ଅତଙ୍ଗ୍‌କେଦାଏ ଆତ୍ମା ମାରାଙ୍ଗ୍ ଯାଜାକ୍‌ରାଃ ଦାସିକେ ମାଆଃକିୟାଏ ଆତ୍ମା ଇନିୟାଃ ମିଆଁଦ୍ ଲୁଡୁର୍ ହାଦ୍‌ତାଦାଏ ।<sup>୪୮</sup> ଏନ୍ତେ ଯାଶୁ ପୁରାଃ ହଡ଼କକେ କାଜିୟାଦକଆଏ, “ଚିୟାଃ, ମିଆଁଦ୍ କୁମ୍‌ତୁଚୁଲକା ସାବିଙ୍ଗ୍ ନାଗେନ୍ତେ ତାରାଉଡ଼ିକ ଆତ୍ମା ଉଙ୍ଗାଟ୍‌କ ସାବ୍‌କେଦ୍‌ତେ ହିଜୁଃକାନାପେ ?<sup>୪୯</sup> \*ସବେନ୍ ହୁଲାଇଙ୍ଗ୍ ଆଇଙ୍ଗ୍ ମାନ୍‌ିର୍ ଅଡ଼ାଃରେ ଇତୁତାନଲଃ ଆପେଲଃ ତାଇକେନାଇଙ୍ଗ୍ ଆତ୍ମା ଆପେ କାପେ ସାବ୍‌କେଦିୟାଃ । ମେନ୍‌ଦ ଧାରାମ୍‌ପୁଅରେ ଅଲ୍‌କାନ୍‌ତେୟାଃ ପୁରାଅଃକା ମେନ୍ତେ ନେ ସବେନାଃ ହବାଅଃତାନା ।”

୫୦ ଏନ୍ତେଦ ଆୟାଃ ସବେନ୍ ଚେଲାଇ ଇନିଃକେ ନିର୍‌ବାଗିକିୟାଃକ ।

୫୧ ମିଆଁଦ୍ ଧାଙ୍ଗ୍‌ଡ଼ା ଇନିଃକେ ଅତଙ୍ଗ୍‌କିୟା, ଇନିଃ ସାମା ହଡ଼ଫରେ ନିରାଲ୍ ଲିଜାଃ\* ଉୟୁକାନ୍ ତାଇକେନାଏ, ଚିମ୍‌ତା ସିପାଇକ ଧାଙ୍ଗ୍‌ଡ଼ାକେ ସାବ୍ ନାଗେନ୍ତେକ ହିଜୁଃୟାନା, <sup>୫୨</sup> ଇନିଃ ଆୟାଃ ନିରାଲ୍ ଲିଜାଃ ବାଗିକେଦ୍‌ତେ, ଇନିଃ ସାମାହଡ଼ଫ ନିର୍‌ୟାନାଏ ।

ୟାଶୁ ମାରାଙ୍ଗ୍ ଯାଜାକ୍‌କଆଃ ପାଞ୍ଚେଟ୍‌ରେ  
(ମାଥୁର ୨୨:୫୭-୬୮; ଲୁକ ୨୨:୫୪-୫୫, ୬୩-୭୧; ଯୋହାନ୍ ୧୮:୧୩-୧୪, ୧୯-୨୪)

୫୩ ଏନ୍ତେ ଇନ୍ଦ୍ରୁ ଯାଶୁକେ ମାରାଙ୍ଗ୍ ଯାଜାକ୍‌କତାଃ ଇଦିକିୟାଃକ । ଏନ୍ତାଃରେ ମୁଲ୍ ଯାଜାକ୍‌କ, ପ୍ରାତିନ୍‌କ ଆତ୍ମା ଆଇନ୍ ଇତୁକ ହୁଣ୍ଡିୟାନା ।<sup>୫୪</sup> ପାଡ଼ରାସ୍ ସାଜିନ୍‌ଏତେ ମାରାଙ୍ଗ୍ ଯାଜାକ୍‌ଆଃ ଅଡ଼ାଃରାଚା ଜାକେଦ୍ ଅତଙ୍ଗ୍ ଇଦିକିୟାଏ । ଏନ୍ତାଃରେ ଇନିଃ ହରହଡ଼କଲଃ ଦୁବ୍‌କେଦ୍‌ତେ ସେଙ୍ଗେଲ୍ ଜୁରୁବ୍‌ତାନ୍ ତାଇକେନାଏ ।<sup>୫୫</sup> ମୁଲ୍ ଯାଜାକ୍‌କ ଆତ୍ମା ପାଞ୍ଚେଟ୍‌ରେନ୍ ସବେନ୍‌କ ଯାଶୁକେ ଗଜି ନାଗେନ୍ତେ ଗାଞ୍ଜାକ ଦାଣ୍ଡିବାଡ଼ା ତାଇକେନା, ମେନ୍‌ଦ ଏନା କାକ ନାମ୍ ଦାଡ଼ିକେଦା ।<sup>୫୬</sup> ପୁରାଃ ହଡ଼କ ଇନିୟାଃ ବିରୁଧ୍‌ରେ ହସଡ଼ ଗାଞ୍ଜାକ ଏମ୍‌କେଦାଃ, ମେନ୍‌ଦ ଇନ୍ଦ୍ରୁଆଃ ଗାଞ୍ଜାକ ମିଦ୍‌ଲେକା କା ତାଇକେନା ।

୫୭ ଏନ୍ତେ ଚିମିନ୍ ହଡ଼କ ତିଙ୍ଗୁୟାନାକ, ଆତ୍ମା ଯାଶୁଆଃ ବିରୁଧ୍‌ରେ ନେ ହସଡ଼ ଗାଞ୍ଜାକ ଏମ୍‌କେଦାଃ : ୫୮ \*ହଡ଼କଆଃ ଡିଃଇତେ ବାଇୟାକାନ୍, ନେ ମାନ୍‌ିର୍‌କେ

\* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭. \* ୧୪:୫୧ ୧୪:୫୧ ପୁଣ୍ଡିଲିଜାଃ, ପାଡ଼ଲାରାଦାର \* ୧୪:୫୮ ୧୪:୫୮ ଯୋହାନ୍ ୨:୧୯.

ହାତୁଡ଼େଆଇଙ୍ଗ, ଆତଃ ଆପିମାରେ, ହତକଥାଃ ତିଃଇତେ କା ବାଇୟାକାନ୍ ମାନ୍ଦିରକେ ତିଙ୍ଗୁୟାଇଙ୍ଗ ମେନ୍ତେ ନିଃକେ କାଜିତାନ୍ଲେ ଆୟୁମ୍ବିୟା ।” ୫୯ ମେନ୍ଦଦ ଜନ୍କୁଆଃ ନେ କାଜିକରାଃ ଗାଞ୍ଜାକ କା ମିଦ୍‌ୟାନା ।

୬୦ ଏନ୍ତେ ମାରାଙ୍ଗ୍ ଯାଜାକ୍, ସବେନକଥାଃ ସାମ୍‌ନାଙ୍ଗ୍‌ରେ ତିଙ୍ଗୁକେଦ୍‌ତେ ଯୀଶୁକେ କୁଲିକିୟାଏ, “ନେ ହତକ ଆମାଃ ବିରୁଧ୍‌ରେ ଗାଞ୍ଜାକ ଏମ୍‌କେଦାଃ, ଚିୟାଃ ଆମ୍ ଜେଡ଼ନାଃ କାମ୍‌କାଜି ରୁହାଡ଼େତାନା ?”

୬୧ ମେନ୍ଦଦ ଯୀଶୁ ହାପାକାନ୍ ତାଇକେନାଏ ଆତଃ ଜେଡ଼ନାଃ କାଏ କାଜିରୁହାଡ଼କେଦା । ଆତଃଗି ମାରାଙ୍ଗ୍ ଯାଜାକ୍ ଇନିଃକେ କୁଲିକିୟାଏ, “ଆମ୍‌ଗି ଚି ଖ୍ରୀଷ୍ଟ୍, ପାରମେଶ୍ୱାରରାଃ ହନ୍ ତାନ୍‌ମେ, ଅକଏୟାଃଟି ସବେନ୍ ମାଇନାନ୍ ତାନାଃ ?”

୬୨ ଯୀଶୁ ମେତାଇୟାଏ, “ଆଇଙ୍ଗ୍‌ଗି ତାନିଙ୍ଗ୍ । ଆଇଙ୍ଗ୍ ମାନଞ୍ଜାହନ୍ ସବେନ୍ ପେଡ଼େୟାନ୍‌ନିୟାଃ ଜମ୍‌ତିସାଃରେ ଦୁବାକାନ୍ ଆତଃ ସିମ୍‌ରାଃ ରିମିଲ୍‌ରେ ଆଡ଼ଗୁନ୍‌ତାନ୍‌ପେ ନେଲିଙ୍ଗ୍‌ୟା ।”

୬୩ ଏନ୍ତେ ମାରାଙ୍ଗ୍ ଯାଜାକ୍, ଆୟାଃ ଲିଜାଃ ଗାଗାଡ଼କେଦାଏ । “ଆବୁକେ ଆତଃ ଚିକାନ୍ ଗାଞ୍ଜା ଲାଗାତିୟାଃ ?” ମେନ୍ତେ ଇନିଃ କୁଲିକେଦକଥାଏ । ୬୪ “ଆପେଦ ପାରମେଶ୍ୱାରଆଃ ନିନ୍ଦାକାଜିପେ ଆୟୁମ୍‌କେଦା । ଚିନାଃପେ ବିଚାରେତାନା ?”

ସବେନକ ଇନିୟାଃ ବିରୁଧ୍‌ରେ କାଜିକେଦାଃକ ଚି ଇନିଃକେ ଗନଏଃ ସାଜାଇ ଏମଃ ଲାଗାତିଙ୍ଗ୍‌ୟାଃ ।

୬୫ ଏନ୍ତେ ଚିମିୟାଙ୍ଗ୍‌କ ଯୀଶୁକେ ବେଏକ୍‌କିୟାଃକ, ଆତଃ ଇନିୟାଃ ମେଦ୍ ହାରୁବ୍‌କେଦ୍‌ତେ ଦାଲିତାନ୍‌ଲଃ କାଜିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ କାଜିଲେମେ, ଅକଏ ଦାଲ୍‌ମେତାନାଏ ।” ଆତଃ ହରହଡ଼କ ଇନିଃକେ ସାବ୍‌କେଦ୍‌ତେ ଆପଡ଼ିକିୟାଃକ ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆଃ ମେନ୍ତେ କାଜିତାନାଏ  
(ମାଥୁଉ ୨୬:୨୯-୩୫; ଲୁକ ୨୨:୫୬-୬୨; ଯୋହାନ୍ ୧୮:୧୫-୧୮, ୨୫-୨୭)

୬୬ ଚିମ୍‌ତା ପାଡ଼ରାସ୍ ଲାଡାର୍ ଅଡ଼ାଃରାଚାରେ ତାଇକେନ୍‌ରେ, ମାରାଙ୍ଗ୍ ଯାଜାକ୍‌ରାଃ ମିଆଁଦ୍ କାମ୍‌ଡ଼ିକୁଡ଼ିଃ ହିଜୁଃୟାନାଏ । ୬୭ ଆତଃ ପାଡ଼ରାସ୍‌କେ ଜୁରୁବ୍‌ତାନ୍ ନେଲ୍‌କିୟାଏ, ଇନିଃକେ ଆରିଦ୍‌ବାଇକେଦ୍‌ତେ ମେତାଇୟାଏ, “ଆମ୍‌ଅଗି ନାଜ୍‌ରେଡ଼ରେନ୍, ଯୀଶୁଲଃ ତାଇକେନାମ୍ ।”

୬୮ ମେନ୍ଦଦ ଇନିଃ କାହାଗି ମେନ୍‌କେଦ୍‌ତେ, କାଜିରୁହାଡ଼କେଦାଏ, “ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟା । ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ମୁଣ୍ଡିଅଃତାନାଃ ।” ଏନ୍ତେ ଇନିଃ ବଲଃଦୁଆର୍‌ତେ ସେନଃୟାନାଏ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏଃ ।

୬୯ ଆତଃମିସା କାମ୍‌ଡ଼ିକୁଡ଼ି ଇନିଃକେ ନେଲ୍‌କିଃତେ, ଜାପାଃକରେ ତିଙ୍ଗୁଆକାନ୍ ହତକକେ ମେତାଦକଥାଏ, “ନିଃଇହ ଇନ୍‌କୁଏତେ ମିଆଁଦ୍‌ନିଃ ତାନିଃ ।” ୭୦ ମେନ୍ଦଦ ପାଡ଼ରାସ୍ ଆତଃଗି “କାହାଗି” ମେନ୍‌କେଦାଏ ।

ଘାଡ଼ିକାଦ୍ ତାୟମ୍‌ତେ ଏନ୍ତାଃରେ ତିଙ୍ଗୁଆକାନ୍‌କ ପାଡ଼ରାସ୍‌କେକ କାଜିକିୟା, “ସାର୍‌ତିଗି, ଆମ୍ ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ, ଚିୟାଃଟି ଆମ୍‌ଅଗି ଗାଲିଲ୍‌ରେନ୍‌ ତାନ୍‌ମେ ।”

୭୧ ଏନ୍ତେ ପାଡ଼ରାସ୍ କିରିୟା ଜମ୍‌କେଦ୍‌ତେ କାଜିକେଦାଏ, “ଆପେ କାଜିତାନ୍ ନେ ହଡ଼କେ ଆଇଙ୍ଗ୍ କାଇଙ୍ଗ୍ ସାରିଆଃ ।”

† ୧୪:୬୬ ୧୪:୬୭ ଦାସିକୁଡ଼ି ‡ ୧୪:୬୮ 14:68 ଚିମିନ୍ ମାରି ଅନଲ୍‌କରେ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ, ମେନ୍ତେୟାଃ ବାନଃଆ

୭୨ ଏବଂ ଇମ୍ବ୍ରାହୀମ୍ ସାଣ୍ଟିସିମ୍ ବାରସାଏ ରାଆଃକେଦାଃ, ଆଡଃ “ସାଣ୍ଟିସିମ୍ ବାରସା ଆଉରି ରାଆଃ ସିଦାରେ ଆପିସା ଆଇଙ୍ଗ୍‌କେ କାଇଙ୍ଗ୍ ସାରିଆ ମେନ୍ତେ କାଜିୟାମ୍,” ଏନା ଯୀଶୁ କାଜିଲେଦକାଜି ପାଡ଼ରାସ୍ ପାହାମ୍‌କେଦାଏ । ଆଡଃ ଇନିଃ କୁସୁଦ୍ କୁସୁଦ୍‌ତାନ୍ ରାଆଃକେଦାଏ ।

### ୧୫

ପିଲାତୁସ୍‌ରାଃ ସାମ୍‌ନାଙ୍ଗ୍‌ରେ ଯୀଶୁ  
(ମାଥୁଉ ୨୭:୧-୨, ୧୧-୧୪; ଲୁକ ୨୩:୧-୫; ଯୋହାନ୍ ୧୮:୨୮-୩୮)

୧ ଆଙ୍ଗ୍‌ୟାନଲଃଗି ମୁଲ୍ ଯାଜାକ୍‌କ, ପ୍ରାଚିନକଲଃ, ଆଇନ୍ ଇଡୁକଲଃ ଆଡଃ ପାଞ୍ଚେଡ଼ରେନ୍ ସବେନ୍‌କଲଃକ ରଜୋଟକେଦା । ଇନ୍‌କୁ ଯୀଶୁକେ ତଲ୍‌କେଦ୍‌ତେକ ଇଦିକିୟା, ଆଡଃ ପିଲାତୁସ୍‌ରାଃ ତିଃଇରେ ଏମ୍‌କିୟାକ । ୨ ପିଲାତୁସ୍ ଇନିଃକେ, “ଆମ୍‌ଗିଟି ଯିହୁଦୀକଆଃ ରାଜା ତାନ୍‌ମେ ?” ମେନ୍ତେ କୁଲିକିୟାଏ ।

ୟୀଶୁ ମେନ୍‌ରୁହାଡ଼ାଇୟାଏ, “ହଁ, ଆମ୍‌ଗିମ୍ କାଜିତାନା ।”

୩ ମୁଲ୍ ଯାଜାକ୍‌କ ଯୀଶୁକେ ପୁରାଃ କାଜିତେକ ଚିଟାକିୟା । ୪ ଏନାମେନ୍ତେ ପିଲାତୁସ୍ ଆଡଃଗି ଇନିଃକେ କୁଲିକିୟାଏ, “ଚିୟାଃ ଆମ୍ ଜେଡ଼ନାଃ କାମ୍ କାଜିରୁହାଡ଼ାକଆ ? ନେଲ୍‌କୁମ୍, ଇନ୍‌କୁ ଆମ୍‌କେ ଚିମିନ୍ ପୁରାଃ କାଜିତେକ ଚିଟାମେତାନା ।”

୫ ମେନ୍‌ଦ ଯୀଶୁ ଜେଡ଼ନାଃହ କାଏ କାଜିରୁହାଡ଼କିୟା, ଏନାମେନ୍ତେ ପିଲାତୁସ୍ ଆକ୍‌ଦାନ୍‌ଆୟାନା ।

ୟୀଶୁକେ ଗଏଃନାଙ୍ଗ୍ ବିଚାର୍  
(ମାଥୁଉ ୨୭:୧୫-୨୬; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୬ ପିଲାତୁସ୍‌ରାଃ ରିତିଲେକାତେ, ସବେନ୍ ପାସ୍‌କା ପାରାବ୍ ଦିପିଲିରେ ହଡ଼କ ମିଆଁଦ୍ ଜେହେଲ୍‌କାନ୍‌ନିଃକେ ଆସି ତାଇକେନାକ, ଇନିଃକେ ପିଲାତୁସ୍ ଇନ୍‌କୁନାଙ୍ଗ୍ ଆଡ଼ାଗାକତାନ୍ ତାଇକେନାଏ । ୭ ଦିଶ୍‌ମ୍‌ରେ ହାଲାଗୁଲା ହବାୟାନ୍ ଦିପିଲିରେ, ହଡ଼ଗଏଃ ହରାତେ ଜେହେଲ୍‌କାନ୍‌କଏତେ, ବାରବ୍‌ବା ନୁଡୁମ୍ ମିଆଁଦ୍ ହଡ଼ହଁ ତାଇକେନାଏ । ୮ ଗାଦେଲ୍ ହଡ଼କ ପିଲାତୁସ୍‌ତାଃ ହିଜୁଃୟାନ୍ତେ, ଆମ୍ ଜାନାଅ ରିକାତାନ୍ ଲେକା ଆଲେୟାଃ ନାଙ୍ଗ୍ ରିକାଗାଲେମ୍, ମେନ୍ତେକ ଆସିଏଟେଦ୍‌କିୟା । ୯ ପିଲାତୁସ୍ ଇନ୍‌କୁକେ ମେତାଦ୍‌କଆଏ, “ଚିନାଃ ଆଇଙ୍ଗ୍ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ାଃତାଇୟା ମେନ୍ତେପେ ସାନାଙ୍ଗ୍‌ତାନା ?” ୧୦ ଚିୟାଃଚି ମାରାଙ୍ଗ୍ ଯାଜାକ୍‌କ ହିସ୍‌ଙ୍ଗାତେ ଯୀଶୁକେ ଆଇଃକ୍‌ତାଃରେ ଜିମାକାଇ ତାଇକେନାକ, ଏନା ଇନିଃ ଆଟ୍‌କାର୍‌କେଦାଏ ।

୧୧ ମୁଲ୍ ଯାଜାକ୍‌କ, ଯୀଶୁକେ ବାନଃ ମେନ୍‌ଦ ବାରବ୍‌ବାକେ ରାଡ଼ା ନାଗେନ୍ତେ ପିଲାତୁସ୍‌କେ ଆସିପେ ମେନ୍ତେ ଗାଦେଲ୍ ହଡ଼କକେ ଉସ୍‌କୁର୍‌କେଦ୍‌କଆକ ।

୧୨ ପିଲାତୁସ୍ ଆଡଃଗି ହୁଣ୍ଡିଆକାନ୍‌କକେ କୁଲିକେଦ୍‌କଆଏ, “ଆପେ ଯିହୁଦୀକଆଃ ରାଜା ମେତାଈନିଃକେ ଚିନାଈଙ୍ଗ୍ ଚିକାଇୟା ମେନ୍ତେପେ ସାନାଙ୍ଗ୍‌ତାନା ?”

୧୩ ଇନ୍‌କୁଦ ଆଡଃଗିକ କାଉରିକେଦାଃ, “ଇନିଃକେ କୁଣ୍‌ରେ କିଲାଇମେ ।” ୧୪ ମେନ୍‌ଦ, “ଇନିଃ ଚିନାଈ ଗୁଣ୍ଡାକାଦାଏ ?” ମେନ୍ତେ ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ ।

ଇନ୍‌କୁଦ ଆଡଃଗି କାଉରିକେଦ୍‌ତେ କାଜିକିୟା, “କୁଣ୍‌ରେ କିଲାଇମେ ।”

୧୫ ପିଲାତୁସ୍ ହଡ଼କକେ ସୁକୁ ସାନାଙ୍ଗ୍‌ତାନ୍‌ତେ ବାରବ୍‌ବାକେ ଇନ୍‌କୁଆଃ ନାଗେନ୍ତେ ରାଡ଼ାକିୟାଏ । ଏନ୍ତେ ଇନିଃ ଯୀଶୁକେ ହାଁଶ୍‌ସା ରିକାକିଃତେ କୁଣ୍‌ରେ ରାକାବଃକାଏ ମେନ୍ତେ ଇନିଃକେ ଜିମାକିୟାଏ ।



ୟୀଶୁକେ ସିପାଇକ ଲାନ୍ଦାଇତାନା  
(ମାଥୂର ୨୭:୨୭-୩୧; ଯୋହାନ୍ ୧୯:୨-୩)

୧୭ ସିପାଇକ ପିଲାତୁସରାଃ ଅଡ଼ାଃରାଚା ଭିତାରତେ ଯୀଶୁକେକ ଇଦିକିୟା, ଆଡ଼ଃ ଗଟା ପାଲ୍‌ଟାନକକେ ହୁଣ୍ଡିକେଦକଆକ ୧୭ ଇନ୍‌କୁ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗକିୟାଃ ଆଡ଼ଃ ଜାନୁମ୍ ମୁକୁର୍ ଗାଲାଙ୍ଗକେଦ୍‌ତେ ଇନିୟାଃ ବହଃରେକ ଚୁପୁରିକିୟା । ୧୮ ଏନ୍ତେ ଇନ୍‌କୁ ଇନିଃକେ କାଜି ଏଟେଦ୍‌କିୟାଃକ, “ହେ, ଯିହୁଦୀକଆଃ ରାଜା, ଜାନାଅ ଜାନାଅ ନାଙ୍ଗ୍ ତାଇନଃମେ ।” ୧୯ ଇନ୍‌କୁ ଇନିଃକେ ସଟାତେ ବହଃରେକ ଦାଲ୍‌କିୟା, ବେଏକକିୟା ଆଡ଼ଃ ଇକ୍‌ତୁମକେଦ୍‌ତେକ ଜହାରକିୟା । ୨୦ ଇନ୍‌କୁ ଇନିଃକେ ଲାନ୍ଦାକିତେ ଏନ୍ ବାଇଗିନିଆ ଲିଜାଃକେକ ହଲେଃକକେଦା ଆଡ଼ଃ ଆୟାଃ ଲିଜାଃକେକ ତୁସିଙ୍ଗକିୟା । ଏନ୍ତେ ଇନ୍‌କୁ ଇନିଃକେ କୁଶ୍‌ରେ କିଲାଇ ନାଗେନ୍ତେ ବାହାରିତେକ ଇଦିକିୟା ।

ୟୀଶୁଆଃ କୁଶ୍‌ରାକାବଃ  
(ମାଥୂର ୨୭:୩୨-୪୪; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୨୧ \*କୁରିନିରେନ୍ ଶିମୋନ୍ ନୁତୁମ୍ ମିଆଁଦ୍ ହଡ଼, ଆଲେକଜାଣ୍ଡାର୍ ଆଡ଼ଃ ରୁପୁସରାଃ ଆପୁତେ, ହାତୁଏତେ ହିଜୁଃତାନଲଃ ଏନ୍ ହରାରେ ପାରମଃତାନ ତାଇକେନାଏ, ଆଡ଼ଃ ପାଲ୍‌ଟାନକ ଇନିଃକେକ ଯୀଶୁଆଃ କୁଶ୍‌କେ ଜାବାରଜାସ୍ତି ଗଅଃ ରିକାକିୟାଃକ । ୨୨ ଇନ୍‌କୁ ଯୀଶୁକେ ଗାଲ୍‌ଗାଆ ନୁତୁମ୍ ମିଆଁଦ୍ ଠାୟାଦ୍‌ତେକ ଇଦିକିୟା, ଗାଲ୍‌ଗାଆରାଃ ମୁଣ୍ଡିଦ୍, “ବହଃଜାଙ୍ଗ୍‌ବୁରୁ” । ୨୩ ଏନ୍ତାଃରେ ଇନ୍‌କୁ ଇନିଃକେ ମେହେରତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମାଲୟା, ମେନ୍‌ଦ୍ ଯୀଶୁ ଏନା କାଏ ନୁଁକେଦାଃ । ୨୪ ଏନ୍ତେ ଇନ୍‌କୁ ଇନିଃକେ କୁଶ୍‌ରେକ ରାକାବ୍‌କିଆ, ଆଡ଼ଃ ଇନିୟାଃ ଲିଜାଃକ, ଅକଏ ଅକ୍‌ନାଃରୁ ନାମେଆଁ ଏନା ଚିଠା\* ଉୟୁଃକେଦ୍‌ତେ ନେଲ୍‌କେଦାଃକ, ଏନ୍ତେ ଆକ ଆକରେଗି ହାଟିଙ୍ଗ୍‌ୟାନାକ । ୨୫ ସେତାଃରାଃ ନାଅବାଜେ† ଇନ୍‌କୁ ଇନିଃକେ କୁଶ୍‌ରେକ କିଲାକିୟାଃ ୨୬ ଇନିୟାଃ ବିରୁଧ୍‌ରେ ଅଲାକାନ୍ ଚିଠାରେ, “ଯିହୁଦୀକଆଃ ରାଜା” ମେନ୍ତେ ଅଲାକାନ୍ ତାଇକେନା । ୨୭ ଇନ୍‌କୁ ବାରିଆ କୁମ୍‌ତୁକ୍ତିନ୍‌କେ ଇନିଃଲଃ କୁଶ୍‌ରେକ କିଲାକେଦ୍‌କିନା, ମିଆଁଦ୍‌ନିଃକେ ଜମ୍‌ତିସାଃରେ, ଏଟାଃନିଃକେ ଲେଙ୍ଗାଡିସାଃରେ । ୨୮ ଏନ୍‌ଲେକାତେ, ପାବିତାର୍ ଅନଲ୍‌କରେ, “ଏଡକାନ୍‌କଲଃ ଲେକାୟାନାଏ, ମେନ୍ତେ ଧାରାମ୍‌ପୁଥ୍‌ରେ ଅଲାକାନ୍ କାଜି ପୁରାୟାନା ।”‡

୨୯ \*ଏନ୍ ହରାରେ ସେନ୍‌ପାରମଃତାନ ହଡ଼କ, ଆକଆଃ ବହଃ ହିଲାଅକେଦ୍‌ତେ ଇନିଃକେ ନିନ୍ଦାତାନଲଃ କାଜିକିୟାଃକ, “ବାଃରେ ମାନ୍ଦିର୍ ହାତୁଡ଼ନିଃ ଆଡ଼ଃ ଆପିମାରେ ବାଇରୁହାଡ଼ନିଃ, ୩୦ ମାର୍ କୁଶ୍‌ଏତେ ଆଡ଼୍‌ଗୁନ୍‌ମେ ଆଡ଼ଃ ବାସ୍ତାଅଏନ୍‌ମେ ।”

୩୧ ଏନ୍‌ଲେକାଗି ମୁଲ୍‌ୟାଜାକ୍‌କ ଆଡ଼ଃ ଆଇନ୍ ଇଡୁକ, ଯୀଶୁକେ ଆକ ଆକରେକ ହିଲାଙ୍ଗକିଆ ଆଡ଼ଃ ମେପେନ୍‌ୟାନା “ଏଟାଃକକେଦ୍ ଇନିଃ ବାସ୍ତାଅକେଦ୍‌କଆଏ, ମେନ୍‌ଦ୍ ଇନିଃ ଆଇଃକ୍‌ଗି ବାସ୍ତାଞ୍ଜେନ୍ କାଏ ଦାଡିତାନ । ୩୨ ଆମ୍ ସାର୍‌ଡିଗି ଶ୍ରୀଷ୍ଟ, ଇସ୍ରାଏଲ୍‌ରାଃ ରାଜାତାନମେ ରେଦ୍, କୁଶ୍‌ଏତେ ନାହାଁଃ ଆଡ଼୍‌ଗୁନ୍‌କାଏ, ଆଡ଼ଃ ଏନା ନେଲ୍‌କେଦ୍‌ତେରୁ ବିଶ୍ୱାସୀତେଆଃ ।” ଆଡ଼ଃ ଇନିଃଲଃ କୁଶ୍‌ରେ କିଲାକାନ୍‌କିନ୍ ଇନିଃକେକିନ୍ ହିଲାଙ୍ଗକିୟା ।

\* ୧୫:୨୧ ୧୫:୨୧ ରୋମି ୧୭:୧୩.      \* ୧୫:୨୪ ୧୫:୨୪ ପାଞ୍ଜିଖାଡ଼ି      † ୧୫:୨୫ ୧୫:୨୫ ନାଅବାଜେ ଅରେୟାବାଜେ      ‡ ୧୫:୨୮ ୧୫:୨୮ ଚିମିନ୍ ମାରି ଅନଲ୍‌କରେ ନେ ବାଚାନ୍ ବାନଃଆ      ☆ ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଯୋହାନ୍ ୨:୧୯.

ୟୀଶୁଆଃ ଗନଏଃ

(ମାଥୂଉ ୨୭:୪୫-୫୬; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୩୩ ତିକିନ୍‌ସିଙ୍ଗିକରେ ତିନ୍‌ଘାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୩୪ ଆତଃ ତିନ୍‌ବାଜେ ଯୀଶୁ ପୁରାଃଗି କାଉରିକେଦ୍‌ତେ କାଜିକେଦାଏ, “ଏଲୋଇ ଏଲୋଇ ଲାମା ସାବାକଥାନି ?” ଏନାରାଃ ମୁଣ୍ଡିଦ, “ଏ ଆଇଁୟାଃ ପାର୍‌ମେଶ୍ୱାର୍, ଏ ଆଇଁୟାଃ ପାର୍‌ମେଶ୍ୱାର୍, ଚିନାଃମେନ୍ତେ ଆଇଙ୍ଗ୍‌କେ ବାଗିକିଦିୟାମ୍ ?”

୩୫ ଏନ୍ ଜାପାଃରେ ତିଙ୍ଗୁଆକାନ୍‌କଏତେ ଚିମିନ୍ ହଡ଼କ ନେଆଁ ଆୟୁମ୍‌କେଦ୍‌ତେ କାଜିକେଦା, “ଆୟୁମ୍‌ମେପେ, ଇନିଃ ଏଲିୟକେ ହାକାଅତାନା ।” ୩୬ ଇନ୍‌କୁଏତେ ମିଆଁଦ୍‌ନିଃ ନିରକେଦ୍‌ତେ ସ୍ତଞ୍ଜକେ ମେହେର୍ ରାସିରେ ତୁପୁକେଦାଏ ଆତଃ ଏନାକେ ମିଆଁଦ୍ ସଗାରେ ଗୁଡୁକେଦ୍‌ତେ ଯୀଶୁକେ ନୁଁଇ ନାଗେନ୍ତେ ଏମ୍‌କିୟାଏ, ଆତଃ ମେନ୍‌କେଦାଏ, “ରାହା କୁଶ୍‌ଏତେ ଇନିଃକେ ଆଡ଼ଗୁ ନାଗେନ୍ତେ ଏଲିୟ ହିଜୁଃତାନାଏ ଚି କାହା ନେଆଁରୁ ନେଲେଆ ।”

୩୭ ଯୀଶୁ ପୁରାଃଗି କାଉରିକେଦାଏ ଆତଃ ଜୀଉତାୟାଃ ଅତଙ୍ଗ୍‌ୟାନା ।

୩୮ ମାନ୍‌ିର୍ ଅଡ଼ାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ଚେତାନ୍‌ଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ଼ୟାନା । ୩୯ କୁଶ୍‌ରାଃ ସାମନାଙ୍ଗ୍‌ରେ ତିଙ୍ଗୁଆକାନ୍ ସିପାଇକଆଃ ଗମ୍‌କେର୍ ଯୀଶୁ ଚିଲ୍‌କାଏ ଗଏଃୟାନା, ଏନା ନେଲ୍‌କେଦ୍‌ତେ ମେନ୍‌କେଦାଏ, “ସାର୍‌ତିଗି ନେ ହଡ଼ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୪୦ \*ଆତଃ ଏନ୍ତାଃରେ ଚିମିନ୍ କୁଡ଼ିକ ସାଙ୍ଗିନ୍‌ଏତେ ନେଲ୍‌ତାନ୍‌କ ତାଇକେନା । ଇନ୍‌କୁଆଃ ଆଲାରେ ମାରିୟାମ୍ ମାଗ୍‌ଦାଲିନି, ହୁଡିଙ୍ଗ୍ ଯାକୁବ୍ ଆତଃ ଯୋସିରାଃ ଏଙ୍ଗାତେ ମାରିୟାମ୍, ଆତଃ ସାଲୋମିଡେକ ତାଇକେନା । ୪୧ ଇନ୍‌କୁ, ଯୀଶୁ ଗାଲିଲ୍‌ରେ ତାଇକେନ୍ ଇମ୍‌ତା ଅତଙ୍ଗ୍‌ଇତାନ୍ ଆତଃ ସୁସାରିତାନ୍‌କ ତାଇକେନା । ଇନିଃଲଃ ଯୀରୁଶାଲେମ୍‌ତେ ହିଜୁଃକାନ୍ ପୁରାଃ ଏଟାଃ କୁଡ଼ିକହ ଏନ୍ତାଃରେ ତାଇକେନାକ ।

ୟୀଶୁକେକ ତପାଇତାନା

(ମାଥୂଉ ୨୭:୫୭-୬୧; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୪୨ ଏନ୍‌ହୁଲାଙ୍ଗ୍‌ଦ ସାପ୍‌ଡ଼ାଅନ୍ ହୁଲାଙ୍ଗ୍ ତାଇକେନା, ଏନା ରୁଡ଼ନ୍ ହୁଲାଙ୍ଗ୍‌ରାଃ ସିଦାହୁଲାଙ୍ଗ୍ ତାଇକେନା, ଆତଃ ଆୟୁର୍‌ୟାନ୍‌ଚି, ୪୩ ହାରାମାଥୁୟା ସାହାର୍‌ରେନ୍ ଯୋଷେଫ୍, ଇନିଃଦ ଯିହୁଦୀକଆଃ ମାରାଙ୍ଗ୍ ପାଞ୍ଚେଟ୍‌ରେନ୍ ମିଆଁଦ୍ ମାଇନାନ୍ ହଡ଼ ତାଇକେନାଏ, ଇନିଃହ ପାର୍‌ମେଶ୍ୱାର୍‌ଆଃ ରାଇଜ୍ ନେଲ୍ ହରାତାନ୍ ତାଇକେନାଏ, ଏନାମେନ୍ତେ ଇନିଃ ଜେତାଏକେ କାଏ ବରକେଦ୍‌ତେ ପିଲାତୁସ୍‌ତାଃତେ ବଲ୍‌ୟାନାଏ ଆତଃ ଯୀଶୁଆଃ ଗଏଃ ହଡ଼ମ୍ ଆସିକିୟାଏ । ୪୪ ଯୀଶୁଆଃ ଜୀଉଟୁଣ୍ଡୟାନା ମେନ୍ତେ ଆୟୁମ୍‌କେଦ୍‌ତେ ପିଲାତୁସ୍ ଆକ୍‌ଦାନ୍‌ଆୟାନା । ଇନିଃ ସିପାଇକଆଃ ଗମ୍‌କେ କେ କେଡାକେଦ୍‌ତେ, ଚିୟାଃ ଇନିଃ ଗଏଃୟାନାଏ ମେନ୍ତେ ଇନିଃକେ କୁଲିକିୟାଏ । ୪୫ ପିଲାତୁସ୍ ସିପାଇକଆଃ ଗମ୍‌କେୟାଃ କାଜିତେ ଏନା ଆଟ୍‌କାର୍‌କେଦ୍‌ତେ, ଇନିଃ ଯୀଶୁଆଃ ଗଏଃହଡ଼ମ୍ ଯୋଷେଫ୍‌କେ ଏମ୍‌କିୟାଏ । ୪୬ ଯୋଷେଫ୍ ନିରାଲ୍ ଲିଜାଃ କିରିଙ୍ଗ୍‌କେଦ୍‌ତେ ଯୀଶୁକେ କୁଶ୍‌ଏତେ ଆଡ଼ଗୁକିଆଏ ଆତଃ ଏନ୍ ଫାଟ୍‌ଚି ନିରାଲ୍ ଲିଜାଃରେ ପଟ୍‌ମକିୟାଏ, ଆତଃ ସେରେଙ୍ଗ୍‌ରେ\* ଉରାକାନ୍ ତପାଗାଡ଼ାରେ ଗିଡ଼ିଃକିୟାଏ । ଏନ୍ତେ ଏନ୍ ଦୁଆର୍‌କେ ମିଆଁଦ୍ ମାରାଙ୍ଗ୍ ଦିରିତେ

§ ୧୫:୩୯ ୧୫:୩୯ ମିଦ୍‌ଶାଅ ସିପାଇକଆଃ ମାରାଙ୍ଗ୍ ☆ ୧୫:୪୦ ୧୫:୪୦ ଲୁକ ୮:୨,୩. \* ୧୫:୪୭ ୧୫:୪୭ ଦିରିତେ ପେରେକାକାନ୍ ବୁରୁ

ବାଟିକେସେଦତାଦାଏ । ୪୭ ମାର୍ଗଦାଲିନି ମାରିୟାମ୍ ଆତଃ ଯୋସିଆଃ ଏକ୍ଷାତେ ମାରିୟାମ୍ ଇନିଃକେ ଅକ୍ତାଃରେ ତପାକିୟାକ ଏନାକିନ୍ ନେଲ୍‌କେଦା ।

**୧୭**

ୟୀଶୁଆଃ ଜୀଉବିନିରିଦ୍

(ମାଥୁର ୨୮:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନ୍ ହୁଲାଙ୍ଗ୍ ସେନଃୟାନ୍ତି ମାର୍ଗଦାଲିନି ମାରିୟାମ୍, ଯାକୁବରାଃ ଏକ୍ଷାତେ ମାରିୟାମ୍, ଆତଃ ସାଲୋମି ସେନକେଦତେ ଯୀଶୁଆଃ ଗଏଃ ହଡ଼ମରେ ଗସରେ ନାଗେନ୍ତେ ବୁଗିନ୍ ସହାନ୍ ସୁନ୍ମତେୟାଃ କିରିଙ୍ଗକେଦାଃ । ୨ ଏତଆର୍ ହୁଲାଙ୍ଗ୍ ସେତାଃ ଇଦାନରେ ସିଙ୍ଗି ତୁରଃଲଃଗି ଇନକୁ ତପାଗାଡ଼ା ଠାୟାଦତେ ସେନଃତାନ୍ ତାଇକେନାକ, ୩ ଆତଃ ଇନକୁ ଆକ ଆକରେ ମେପେନ୍ୟାନାକ, “ତପାଗାଡ଼ା ଦୁଆର୍ରେୟାଃ ପୁରାଃ ମାରାଙ୍ଗ୍ ଦିରିକେ ଅକଏ ବାଟିଆତମାବୁଆଏ ?” ୪ ମେନ୍ଦ ଇନକୁ ଏନ୍ ଦିରିକେ ଆତମ୍‌ବାଟିକାନ୍ ନେଲ୍‌କେଦାକ, ଏନାଦ ପୁରାଃ ମାରାଙ୍ଗ୍ ଦିରି ତାଇକେନା । ୫ ତପାଗାଡ଼ାରେକ ବଲୟାନ୍ତି, ପୁଣି ଲିଜାଃ ତୁସିଙ୍ଗ୍‌ଆଁକାନ୍ ମିଆଁଦ୍ ସେପେଡ଼େଦକେ ଜମ୍‌ସାଃରେ ଦୁବାକାନ୍‌କ ନେଲ୍‌କିୟାଃ, ଆତଃକ ଆକ୍‌ବାକାଅୟାନା ।

୬ ଇନିଃଦ ମେତାଦକଆଏ, “ଆଲ୍‌ପେ ବରଏୟା, କୁଶ୍‌ରେ କିଲାଗଏଃୟାନ୍ ନାଜ୍‌ରେଡ଼ରେନ୍ ଯୀଶୁକେପେ ଦାଣ୍ଠାତାନା, ଇନିଃ ଜୀଉବିନିଦ୍‌ୟାନାଏ, ଇନିଃ ନେତାଃରେ ବାଙ୍ଗାଲୟା । ନେଲେପେ, ନେ ଠାୟାଦରେଗି ଇନିଃକେକ ବାଟିଆକାଲ ତାଇକେନା । ୭\* ମେନ୍ଦ ଜୁ ରୁହାଡ଼ପେ, ଆୟାଃ ଚେଲାକକେ ଆତଃ ପାଡ଼ରାସ୍‌କେ ଉଦୁବାକପେ, ଆପେଏତେ ଆୟାର୍‌ରେ ଇନିଃ ଗାଲିଲ୍‌ତେ ସେନଃତାନା, ଇନିଃ କାଜିୟାଦପେ ଲେକା ଏନ୍ତାଃରେ ଇନିଃକେପେ ନେଲିୟା ।”

୮ ଆତଃ ଇନକୁ ଅତଙ୍ଗ୍‌ୟାନ୍ତି ବରତାନ୍ ଆତଃ ଏକ୍‌ଲାଅଃତାନ୍‌ଲଃ ତପାଗାଡ଼ାତାଃଏତେକ ନିର୍ୟାନା । ଇନକୁକେଦ ବରଭେଦାଅ ହରାତେ ଜେତାଏକେ ଜେଡ଼ନାଃ କାକ କାଜିୟାଦକଆ ।

ୟୀଶୁ ବାରହଡ଼ ଚେଲାକିନ୍‌ତାଃରେ ଉଦୁବେନ୍‌ୟାନାଏ

(ଲୁକ ୨୪:୧୩-୩୫; ମାଥୁର ୨୮:୯-୧୦; ଲୁକ ୨୪:୧୦-୧୧; ଯୋହାନ୍ ୨୦:୧୧-୧୮)

୯ ଯୀଶୁ ହାପ୍ରାୟାଃ ପାହିଲାହୁଲାଙ୍ଗ୍ ସେତାଃଇଦାନରେ ଜୀଉବିନିଦ୍‌କେଦତେ, ଇନିଃ ସିଦାତେ ମାର୍ଗଦାଲିନି ମାରିୟାମ୍‌ତାଃରେ ଉଦୁବେନ୍‌ୟାନା, ଇନିଃତାଃଏତେ ସାଡ଼ୁ ବଙ୍ଗାକକେ ଅତଙ୍ଗ୍‌କାକ ତାଇନା । ୧୦ ଇନିଃ ସେନ୍‌ୟାନ୍ତେ ଯୀଶୁଲଃ ତାଇକେନ୍‌କକେ ଉଦୁବାଦକଆଏ । ଇନକୁଦ ରାଆଃତାନ୍ ଆତଃ ଏୟମ୍‌ତାନ୍‌କ\* ତାଇକେନା । ୧୧ ଇନିଃ ଇନକୁକେ ଯୀଶୁ ଜୀଉବିନିଦାକାନାଏ ଆତଃ ଆୟାଃତାଃ ଉଦୁବେନ୍‌ୟାନାଏ ନେଆଁ କାଜିକେଦକଆଏ, ମେନ୍ଦ ଇନକୁ ଇନିଃକେ କାକ ବିଶ୍ୱାସକିୟାଃ ।

୧୨ ଏନ୍ ତାୟମ୍‌ତେ, ଇନକୁଏତେ ବାରହଡ଼, ହାଡ଼ୁତେକିନ୍ ରୁହାଡ଼ତାନ୍ ଦିପିଲିରେ, ଯୀଶୁ ଏଗାଃ ମେଦମ୍‌ହାଡ଼ୟାନ୍ତେ ଇନକିନ୍‌ତାଃ ହରାରେ ଉଦୁବେନ୍‌ୟାନାଏ । ୧୩ ଇନକିନ୍ ରୁହାଡ଼କେଦତେ ଏଗାଃ ଚେଲାକକେ ଏନା ଉଦୁବାଦକଆକିନ୍, ମେନ୍ଦ ଇନକୁ ଇନକିନାଃ କାଜିୟାଃ କାକ ବିଶ୍ୱାସକେଦାଃ ।

ୟୀଶୁ ଏଗାରାଝାନ୍‌କତାଃ ଉଦୁବେନ୍‌ତାନାଏ

(ମାଥୁର ୨୮:୧୭-୨୦; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୭-୮)

\* ୧୭:୭ ୧୭:୭ ମାଥୁର ୨୭:୩୨; ମାର୍ଚ୍ଚ ୧୪:୨୮. \* ୧୭:୧୦ ୧୭:୧୦ କୁସ୍‌ଦ କୁସ୍‌ଦ ରାଆଃ

୧୪ ତାୟମ୍‌ତେ ଯୀଶୁ ଏଗାରାଝାନ୍ ଚେଲ୍‌କତାଃରେ ଜମକ ଦୁବାକାନ୍ ଦିପିଲିରେ ଉଦୁବେନ୍‌ୟାନାଏ ଆତଃ ଅକନ୍‌କ ଇନିଃକେ ଜୀଉବିରିଦାକାନ୍ ନେଲ୍‌କାଲ୍ ତାଇକେନାକ, ଇନ୍‌କୁଆଃ କାଜିକକେ କାକ ବିଶ୍ୱାସକେଦା ଆତଃ ଇନ୍‌କୁଆଃ କେଟେଦମନ୍ ନାଗେନ୍ତେ ଇନିଃ ଇନ୍‌କୁକେ ମାରାଙ୍ଗମଚାକେଦକଆଏ । ୧୫ \*ଇନିଃ ଇନ୍‌କୁକେ ମେତାଦକଆଏ, “ଜୁ ଗଚା ଅତେଦିଶୁମ୍‌ତେପେ ଆତଃ ସବେନ୍ ହଡକକେ ନେ ସୁକୁକାଜି ଉଦୁବାକପେ । ୧୬ ବିଶ୍ୱାସେନିଃ ଆତଃ ବାପ୍ତିସ୍ମାଅଃନିଃ ବାଞ୍ଚାଅଃଆଏ, ମେନ୍‌ଦ କା ବିଶ୍ୱାସେନିଃ ବିଚାରକେଦତେ ପାର୍‌ମେଶ୍ୱାର୍‌ତାଃଏତେ ସାଜାଇ ନାମେୟାଏ । ୧୭ ବିଶ୍ୱାସ୍‌ତାନ୍‌କକେଦ ପେଡେଃକରାଃ କାମି ନାଗେନ୍ତେ ପେଡେଃ ଏମଃଆ; ଇନ୍‌କୁ ଆଇୟାଃ ନୁତୁମ୍‌ତେ ବଙ୍ଗାକ ହାର୍‌ଅତଙ୍ଗକଆ, ଇନ୍‌କୁ ନାଞ୍ଜା ଜାଗାରକ ବାଖାଣେଆ । ୧୮ ଇନ୍‌କୁ ବିଙ୍ଗକକେ ହାଲାଙ୍ଗକରେ ଚାଏ ମାହୁଁରାକ ନୁଏରେଅଃ ଜେତାକାକ ରିକାଅଆଃ, ଇନ୍‌କୁ ଦୁକୁହାସୁତାନ୍‌କଆଃ ଚେତାନ୍‌ରେ ଆକଆଃ ତିଃଇକ ଦହଲେରେ, ଇନ୍‌କୁ ବୁଗିଅଃଆକ ।”

ୟୀଶୁ ସିର୍ମାତେ ସେନଃତାନାଏ

(ଲୁକ ୨୪:୪୦-୪୩; ପ୍ରେରିଡ୍ ୧:୯-୧୧)

୧୯ \*ୟୀଶୁ ପ୍ରାଭୁ ନେଆଁ କାଜିକେଦକତି, ସିର୍ମା ଦିଶୁମ୍‌ତେ ଇଦିୟାନା ଆତଃ ଇନିଃ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବ୍‌ୟାନାଏ । ୨୦ ଏନ୍ତେ ଚେଲ୍‌କ ସେନଃୟାନ୍ତେ ସବେନ୍‌ତାଃରେ ପାର୍‌ଚାରକେଦାଃକ, ଆତଃ ପ୍ରାଭୁ ଇନ୍‌କୁଲଃ କାମିକେଦାଏ ଆତଃ ଆୟାଃ ଉଦୁବଃତାନ୍ କାଜିକେ ଚିହ୍ନାତେ ସାର୍‌ତି ତାନାଃ ମେନ୍ତେ ପକ୍‌ତାକେଦାଏ ଆତଃ ଗାଞ୍ଜା ଏମ୍‌କେଦାଏ ।†

\* ୧୭:୧୫ ୧୭:୧୫ ପ୍ରେରିଡ୍ ୧:୮.   \* ୧୭:୧୯ ୧୭:୧୯ ପ୍ରେରିଡ୍ ୧:୯-୧୧.   † ୧୭:୨୦ ୧୭:୨୦ ଚିମିନ୍ ମାରି ଅନଲ୍‌କରେ ୯-୨୦ ପାଦ୍ ବାନଃଆ

# ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲୀକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିତାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ୍ ଆତଃ ସବେନ୍ ହଡ଼କଆଃ ଜୀଉ ବାସ୍ତାଅ ଆତଃ ନାରାଦୁରାକଆଃ ଆୟାରରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ପାର୍ମେଶ୍ଵାରଆଃ ଆମ୍ବଲିଃ ହିଜୁଃୟାନାଏ ମେନ୍ତେ ଲୁକ ଅଲୀକାଦାଏ । ଏନାମେନ୍ତେ ନେ ସୁକୁକାଜିରେ ହଡ଼କଆଃ ନାଗେନ୍ତେ ଜୀଉରାଡ଼େଃରେୟାଃ କାଜି ପେରେଜାକାନା । ନେ ପୁଥିରେ ଆତଃମିଆଁଦ୍ ମାରାଙ୍ଗ୍ ଇନିତୁ ମେନାଃ, ଏନା ହବାଅଃତାନା ରାସ୍କା । ଯୀଶୁଆଃ ହିନିଜୁଃ ଆତଃ ଯୀଶୁ ଖ୍ରୀଷ୍ଟ୍ ସିମାତେ ସେନଃତାନ୍ ଇମତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡ଼କଆଃ ନାଗେନ୍ତେ ମିଆଁଦ୍ ରାସ୍କାନରେୟାଃ କାଜିତାନା ।

ନେ ସୁକୁକାଜିରେ ଆତଃ ଚିମିନ୍ ବିଷାଏକ ଅଲୀକାନା, ସିମା ଦୁଡ଼କଆଃ ଦୁରାଙ୍ଗ୍, ସିଟିଆ ଯୀଶୁକେ ମିଶ୍ଟିଗୁପିକ ସେନକେଦ୍ତେ ନେଲ୍ଲକିୟାକ, ମାନ୍ଦିର୍ ଅଡ଼ାଃରେ ପାଣ୍ଡିତ୍ଵକଲଃ ସିଟିଆ ଯୀଶୁଆଃ ଜାଗାର୍, ବୁଗିନ୍ ଶମିରୋନିଆଃ କାଜି ଆତଃ କା ମାନାତିଙ୍ଗ୍ ହନ୍ଆଃ ଜନ୍କା, ନେ ସବେନାଃ ଏଗାଃ ସୁକୁକାଜିରେ କା ଅଲୀକାନା ।

ଲୁକ ଆତଃମିଆଁଦ୍ ପୁଥି ଅଲୀକାଦାଏ, ଏନା ହବାଅଃତାନା “ପ୍ରେରିତ୍ଵକଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡ଼କ ଚିଲ୍ଲକା ପାସ୍ରାଅୟାନାକ ଏନ୍ ସବେନ୍ ବିଷାଏକ ଅଲୀକାନା । ବିକ୍ରି, ପାବିତାର୍ ଆମ୍ବା, ଯୀଶୁ ଖ୍ରୀଷ୍ଟ୍ଆଃ ସୁକୁକାଜି ଉଦୁବ୍ ଦିପିଲିରେ କୁଡ଼ିକ ଚିଲ୍ଲକା ଯୀଶୁଆଃ ଆତଃ ଚେଲ୍ଲକଆଃ ସେଝା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍‌ରୁଆ ।

## ପୁଥି ବିତାରେ ତାଇକାନ୍ କାଜି

- ୧. ଏନେଚେଦ୍ ବାଚାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଟିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ତାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନରାଃ ବିନିଡ଼ାଅ । ୩:୨୧-୪:୧୩
- ୫. ଗାଲିଲ୍ରେ ଯୀଶୁଆଃ ପାର୍ତାର୍ ଆତଃ ସେଝାକାମି । ୪:୧୪-୯:୫୦
- ୬. ଗାଲିଲ୍ହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦ୍ରେୟାଃ ହାତୁକରେ ଚୁଣ୍ଟ ହୁାପ୍ତା ଇମତା ଯୀଶୁଆଃ କାମି । ୧୯:୨୮-୨୩:୫୨
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲ୍ଲକତାଃରେ ଉଦୁବେନ୍ ଆତଃ ସିମାତେ ସେନଃ । ୨୪:୧-୫୩

ପାରିତାଏ  
୧ ହେ ଦୁଲ୍ଲାଡ୍ ଥୁଅଫିଲ,

ପୁରାଃ ହଡ଼କ ଆଲେ ଆଲୀରେ ହବାକାନ୍ ଯୀଶୁ ଖ୍ରୀଷ୍ଟ୍ଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନକାଜିକ ଅଲ୍ ନାଙ୍ଗ୍ ସାନାଙ୍ଗ୍‌କାଦାକ । ୨ ଅକନ୍‌କଚି ନେ ହବାକାନ୍ ବିଷାଏକେ ଏନେଚେଦ୍‌ଏତେ ନେଲ୍ଲକାଦାଃକ ଆତଃ ହଡ଼କତାଃରେ ନେୟାଁ ଉଦୁବ୍‌କେଦାଃକ, ଏନ୍ ହଡ଼କତାଃଏତେ ଅକନ୍ ବିଷାଏଲେ ଇତୁଆକାନା ଏନ୍‌କାଜି ଇନ୍‌କୁ ଅଲୀକାଦାଃକ । ୩ ଏ ମାଈନାନ୍ ଥୁୟଫିଲସ୍, ଏନାନାଗେନ୍ତେ ଆଇଙ୍ଗ୍

ନେ ସବେନ୍ କାଜି ମୁଲ୍-ଏତେ ବୁଗିଲେକା କୁଲିନାମ୍ ବାଡ଼ାକେଦତେ ସାରିକାଦାଇଙ୍ଗ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଅ୍ ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଙ୍ଗ୍‌କେଦାଆଇଙ୍ଗ୍, ୪ ଜେ'ଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମ୍‌ଦାଡ଼ିୟାଃ ।

ବାପ୍ତିସ୍ମା ଏମଃନିଃ ଯୋହାନଆଃ ଜାନାମ୍ ଉଦୁବଃତାନା

\* ଯିହୁଦା\* ଦିଶ୍ଟମ୍‌ରେନ୍ ରାଜା ହେରୋଦଆଃ ଦିପିଲିରେ ଅବିୟଆଃ ଯାଜାକ୍ ଝୁଣ୍ଟରେନ୍ ଜାଖ୍‌ରିୟା ନୁତୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଘାର୍‌ନି ଏଲିଶାବେଥ୍, ଇନିଃ ହାରୁନ୍‌ଆଃ କିଲିରେନ୍ ତାଇକେନାଏ । ୨ ଏନ୍ ବାରାନକିନ୍ ପାର୍‌ମେଶ୍ଵାରଆଃ ସାମ୍‌ନାଙ୍ଗ୍‌ରେ ଧାର୍‌ମାନ୍ ଆତଃ ପ୍ରାଭୁଆଃ ସବେନ୍ ଆନ୍‌ତୁ ଆତଃ ରିତିରିଖାଜ୍ ବେଗାର୍ ତିଟାତେ ବୁଗିଲେକା ମାନାତିଙ୍ଗ୍ ତାଇକେନାକିନ୍ । ୩ ମେନ୍‌ଦ ଇନ୍‌କିନାଃ ହନ୍‌ଗାଁଣା କାକ ତାଇକେନା, ତିୟାଃତି ଏଲିଶାବେଥ୍‌ଦ ଟଣିଟ୍ ତାଇକେନାଏ, ଆତଃ ବାରାନକିନ୍ ହାଡ଼ାମ୍ ବୁଢ଼ାଆକାନକିନ୍ ତାଇକେନା ।

୪ ଜାଖ୍‌ରିୟା, ଆୟାଃ ଝୁଣ୍ଟରେୟାଃ ପାଲି ଲେକାତେ ମାହିର୍ ଅଡ଼ାଃରେ ପାର୍‌ମେଶ୍ଵାରଆଃ ସାମ୍‌ନାଙ୍ଗ୍‌ରେ ଯାଜାକ୍ କାମି କାମିତାନ୍ ଇମ୍‌ତା, ୫ ଯାଜାକ୍‌କଆଃ କାମିରେୟାଃ ରିତିଲେକାତେ ପାଞ୍ଜିଖାଡ଼ିଲଃ ଇନିଃକେ ପାର୍‌ମେଶ୍ଵାରଆଃ ମାହିର୍ ଅଡ଼ାଃରେ ବଲକେଦତେ ବୁଗିନ୍‌ସଖାନ୍‌ତେୟାଃ ଧୁଆନ୍ ଉରୁବ୍ ଲାଗାତିଙ୍ଗ୍‌ୟାନା । ୬ ଆତଃ ବୁଗିନ୍‌ସଖାନ୍‌ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡ଼କ ମାହିର୍ ଅଡ଼ାଃରାଚାରେ ବିକ୍ତିତାନ୍‌କ ତାଇକେନା ।

୭ ଇମ୍‌ତାଙ୍ଗ୍ ଜାଖ୍‌ରିୟାରାଃ ଆୟାରରେ ପାର୍‌ମେଶ୍ଵାରଆଃ ଦୁଁଡ୍ ଉଦୁବେନ୍‌ୟାନାଏ ଆତଃ ଧୁଆନ୍ ଉରୁବ୍ ବେଦିରେୟାଃ ଜମ୍‌ସାଃରେ ତିଙ୍ଗ୍‌ୟାନାଏ । ୮ ଜାଖ୍‌ରିୟା ଇନିଃକେ ନେଲ୍‌କେଦତେ ଆକ୍‌ଦାନ୍‌ଅୟାନା ଆତଃ ବରକେଦାଏ । ୯ ମେନ୍‌ଦ ଦୁଁଡ୍ କାଜିକିୟାଏ, “ଏ ଜାଖ୍‌ରିୟା ! ଆଲ୍‌ମେ ବରୟାଃ, ଆମାଃ ବିକ୍ତିଦ୍ ପାର୍‌ମେଶ୍ଵାରତାଃ ଆୟୁମ୍‌ୟାନା । ଆମାଃ ଘାର୍‌ନି ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡ଼ାହନ୍‌ଆଏ ଜାନାମ୍‌ୟା, ଆତଃ ଇନିଃକେ ଯୋହାନ୍ ମେନ୍ତେପେ ନୁତୁମ୍‌ୟା । ୧୦ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆତଃ ଆୟାଃ ଜାନାମ୍‌ରେ ପୁରାଃ ହଡ଼କ ରାସକାଞ୍ଜାକ । ୧୧ ଇନିଃଦ୍ ପାର୍‌ମେଶ୍ଵାରଆଃ ନେପେଲ୍‌ରେ ମାରାଙ୍ଗ୍‌ଅଃଆଏ, ଇନିଃ ଦାଖ୍‌ରାସି ଚାଏ ବୁଲଃତେୟାଃ ଚିଉଲାହ କାଏ ନୁଁଏୟା ଆତଃ ଇନିଃ ଏଙ୍ଗାତେୟାଃ ଲାହିଦ୍‌ତେଗି ପାବିତାର୍ ଆମ୍‌ତେ ପେରେଜଃଆଏ, ୧୨ ଆତଃ ଇନିଃ ଇସ୍ରାଏଲ୍ ହଡ଼କଆଃଏତେ ପୁରାଃ ହଡ଼କକେ ପାର୍‌ମେଶ୍ଵାର୍ ଆକଆଃ ପ୍ରାଭୁସାଃତେ ରୁହାଡ଼୍ ହିଞ୍ଜନାଙ୍ଗ୍ ଦେଙ୍ଗାକଞ୍ଜାଏ । ୧୩ ଆତଃ ଆପୁକଆଃ ମନ୍ ହନ୍‌କସାଃ ଆତଃ କା ମାନାତିଙ୍ଗ୍ ତାନ୍‌କକେ ଧାର୍‌ମାନ୍‌କଆଃ ସେଣାଁସାଃ ରୁହାଡ଼୍‌କଆଏ ଆତଃ ପ୍ରାଭୁନାଙ୍ଗ୍ ମିଆଁଦ୍ ବାଇସେକାଡ଼ାକାନ୍ ହଡ଼କେ ବାଇନାଗେନ୍ତେ ଇନିଃ ଏଲିୟଆଃ ଆମ୍ ଆତଃ ପେଡ଼ଃତେ ଇନିୟାଃ ସାମ୍‌ନାଙ୍ଗ୍‌ରେ ସେନେୟାଏ ।”

୧୪ ନେ କାଜି ଆୟୁମ୍ କେଦତେ, ଜାଖ୍‌ରିୟା ଦୁଁଡ୍‌କେ କାଜିକିୟାଏ, “ଆମ୍ ଅକନାଃ କାଜିତାନାମ୍, ଏନା ସାର୍‌ତି କାଜି ମେନ୍ତେ ଚିଲ୍‌କାଇଙ୍ଗ୍ ସାରିୟାଃ ? ଆଇଙ୍ଗ୍‌ଦ୍ ହାଡ଼ାମ୍ ଯାନାଇଙ୍ଗ୍ ଆତଃ ଆଇଁୟାଃ ଘାର୍‌ନିୟଗି ବୁଡ଼ି ଯାନାଏ ।”

୧୫ ସିର୍ମାରେନ୍ ଦାସି କାଜିରୁହାଡ଼୍‌କିୟାଏ, “ଆଇଙ୍ଗ୍ ଗାବ୍ରିଏଲ୍ ଦୁଁଡ୍ ତାନିଙ୍ଗ୍, ପାର୍‌ମେଶ୍ଵାରଆଃ ସାମ୍‌ନାଙ୍ଗ୍‌ରେ ତିଙ୍ଗ୍‌ନ୍‌ନିଃ ତାନିଙ୍ଗ୍ ଆତଃ ଆମ୍‌କେ ନେ ସୁକୁକାଜି ଉଦୁବ୍ ନାଗେନ୍ତେ ପାର୍‌ମେଶ୍ଵାର୍ ଆଇଙ୍ଗ୍‌କେ କୁଲ୍‌କାଇଙ୍ଗ୍‌ୟାଏ । ୧୬ ନାହାଁଃ ଆୟୁମେମ୍, ନେ ସବେନ୍ ସାର୍‌ତି କାଜି କା ପୁରାଆଃ ଜାକେଦ୍ ଆମ୍ ବାଗାଁଣ୍ କାମ୍

\* ୧:୫ 1:5 ପାଲେଷ୍ଟାଇନ୍‌ରେୟାଃ ଗଟା ଦିଶ୍ଟମ୍‌କେ କାଜିୟାଃକ † ୧:୭ ୧:୭ ଟଣିଟ୍ ବାଁଝେନ୍

ଦାଡ଼ିୟାଃ ଚିୟାଃଚି ଆଇଁୟାଃ କାଜିରେ ଆମ୍ କାମ୍ ପାଡ଼ିୟାର୍‍‡ କେଦାଃ, ଏନାଦ ଠିକ୍ ନେତାରେଽ ପୁରାଅଥାଃ ।”

୨୧ ଇମ୍‌ତାଙ୍ଗ୍ ହଡ଼କ ଜାଖ୍‌ରିୟାକେ ନେଲ୍‌ହରାଜତାନ୍‌କ ତାଇକେନା ଆତଃ ଇନିଃ ମାନ୍‌ିର୍ ଅଡ଼ାଃଏତେ ଜାଲ୍‌ଦି କାଏ ଅତଙ୍ଗ୍‌ଅଃତାନ୍ ନେଲ୍‌କେଦ୍‌ତେ ଇନ୍‌କୁ ଆକ୍‌ଦାନ୍‌ଥାଃ ତାଇକେନାକ । ୨୨ ଚିମ୍‌ତାଙ୍ଗ୍ ଜାଖ୍‌ରିୟା ଅତଙ୍ଗ୍‌ୟାନା, ଇନିଃ ଇନ୍‌କୁକେ ଜେଡ଼ନାଃ କାଜି କାଏ ଦାଡ଼ିକେନା । ଏନାତେ ଇନ୍‌କୁ ଆର୍‌କାର୍ କେଦାଃକ ଯେ ଇନିଃ ମାନ୍‌ିର୍ ଭିତାର୍‌ରେ ଜେତାଏୟାଃ ଦାର୍‌ଶାନ୍‌ନାଏ ନେଲ୍‌କାଦା, ଚିୟାଃଚି ଇନିଃ ଇନ୍‌କୁକେ ତିଃଇତେ ଉଦୁବ୍‌କତାନ୍ ତାଇକେନାଏ ଆତଃ କାଏ ବାଖାଁଶ୍ ଦାଡ଼ିକେଦା ।

୨୩ ଜାଖ୍‌ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍‌ଚି ଇନିଃ ଅଡ଼ାଃତେ ରୁହାଡ଼୍‌ୟାନାଏ । ୨୪ ନେଆଁ ତାୟମ୍‌ତେ ଜାଖ୍‌ରିୟାରାଃ ପାର୍‌ନି ଏଲିଶାବେଥ୍ ହାମ୍‌ଲ୍‌ ରୋଞ୍ଜାୟାନାଏ । ଆତଃ ଇନିଃ ପାଞ୍ଚ୍ ମାହିଁନା ଜାକେଦ୍ ଜେତାଏକେ ଜେଡ଼ନାଃ କାଏ କାଜିକେଦ୍‌କଥା । ୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ଚୁଣ୍ଟୁରୁ ପାର୍‌ମେଶ୍‌ବାର୍ ଆଇଙ୍ଗ୍ ନାଙ୍ଗ୍ ନେଆଁ ରିକାକାଦାଏ । ହଡ଼କଥାଃ ଆଲାରେ ଆଇଁୟାଃ ଗିହୁଃ ଆତମେ ନାଗେନ୍ତେ ପ୍ରାଭୁ ଆଇଙ୍ଗ୍‌କେ ଦେଙ୍ଗାକେଦିୟାଁ !”

ୟାଶୁଆଃ ଜାନାମ୍ ଉଦୁବଃତାନା

୨୬ ଏଲିଶାବେଥ୍‌ଆଃ ହାମ୍‌ଲ୍‌ରୋଞ୍ଜାରାଃ ଛ ମାହିଁନା ତାୟମ୍‌ତେ ପାର୍‌ମେଶ୍‌ବାର୍ ଗାବ୍ରିଏଲ୍ ନୁତୁମ୍ ମିଆଁଦ୍ ସିର୍ମାରେନ୍ ଦୁଁଡ଼କେ ଗାଲିଲ୍‌ରେୟାଃ ନାଜ୍‌ରେଡ଼ ନାଗାର୍‌ତେ ମିଆଁଦ୍ ତିଶ୍ଟାକ୍‌ଡ଼ିତାଃତେ କୁଲିକିୟାଏ, ୨୭ ଏନ୍ ତିଶ୍ଟାକ୍‌ଡ଼ିଦ ଦାଉଦ୍‌ଆଃ କିଲିରେନ୍ ଯୋଷେଫ୍ ନୁତୁମ୍ ମିଆଁଦ୍ ହଡ଼ନାଙ୍ଗ୍ ଆସିଆକାନାଏ ତାଇକେନା, ଇନିୟାଃ ନୁତୁମ୍ ମାରିୟାମ୍ ତାଇକେନା । ୨୮ ସିର୍ମାରେନ୍ ଦୁଁଡ଼ ଇନିୟାଃ ଅଡ଼ାଃତେ ବଲକେଦ୍‌ତେ କାଜିକିୟାଏ, “ଏ ଲିବୁଇୟାକାନିନିଃ, ଆମ୍‌କେ ଜହାର୍ ! ପ୍ରାଭୁ ଆମ୍‌କେ ପୁରାଃଗି ଲିବୁଇୟା କାଦ୍‌ମେୟାଏ ଆତଃ ଇନିଃ ଆମାଃଲଃ ମେନାଇୟାଃ !”

୨୯ ମେନ୍‌ଦ ମାରିୟାମ୍ ଇନିୟାଃ କାଜିତେ ପୁରାଃଗି ଆକ୍‌ଦାନ୍‌ଥାୟାନା, ଆତଃ ନେୟାଁ ଚିଲ୍‌କାନ୍ ଜହାର୍ ତାନାଃ ମେନ୍ତେ ଆୟାଃ ମନ୍‌ରେ ଉଡ଼ଃତାନାଏ ତାଇକେନା । ୩୦ ଏନାତେ ସିର୍ମାରେନ୍ ଦୁଁଡ଼ ଇନିଃକେ କାଜିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଃଚି ଆମ୍ ପାର୍‌ମେଶ୍‌ବାର୍‌ଆଃ ଆୟାର୍‌ରେ ସାୟାଦ୍ ନାମାକାଦାମ୍ । ୩୧ ଏଆତଃ ନେଲେମେ, ଆମ୍ ହାମ୍‌ଲ୍‌ ରୋଞ୍ଜାଅଃଆମ୍ ଆତଃ ମିଆଁଦ୍ କଡ଼ାହନ୍‌ନାମ୍ ଜାନାମ୍‌ୟା ଆତଃ ଇନିଃକେ ଯାଶୁ ନୁତୁମ୍‌ୟାମ୍ । ୩୨ ଇନିଃ ମାରାଙ୍ଗ୍‌ଅଃଆଏ ଆତଃ ହଡ଼କ ଇନିଃକେ ମାରାଙ୍ଗ୍ ଉତାର୍‌ନିୟାଃ ହନ୍ ମେନ୍ତେକ କାଜିୟାଃ ଆତଃ ପ୍ରାଭୁ ପାର୍‌ମେଶ୍‌ବାର୍ ଇନିଃକେ ଇନିୟାଃ ଆପୁତେ ଦାଉଦ୍ ରାଜାରାଃ ରାଜଗାଦି ଏମାଇୟା । ୩୩ ଆତଃ ଇନିଃ ଜାନାଅଜାକେଦ୍ ଯାକ୍‌ବ୍‌ଆଃ କିଲିରେନ୍‌କଥାଃ ରାଜା ତାଇନାଏ, ଇନିୟାଃ ରାଇଙ୍ଗ୍ ଚିଉଲାଅ କା ଚୁଣ୍ଟୁଆ !”

୩୪ ମାରିୟାମ୍ ସିର୍ମାରେନ୍ ଦୁଁଡ଼କେ କୁଲିକିୟାଏ, “ନେଆଁ ଚିଲ୍‌କାତେ ହବାଅଥାଃ ? ଆଇଙ୍ଗ୍‌ଦ ଜେତାନ୍ କଡ଼ାକେ କାଇଙ୍ଗ୍ ସାରିୟାକାଇଜାଃ ।”

୩୫ ସିର୍ମାରେନ୍ ଦୁଁଡ଼ ମାରିୟାମ୍‌କେ କାଜିରୁହାଡ଼୍‌କିୟାଏ, “ପାବିତାର୍ ଆମ୍ ଆମ୍‌ରେ ଆଡ଼ଗୁନାଏ ଆତଃ ମାରାଙ୍ଗ୍ ଉତାର୍‌ନିୟାଃ ପେଡ଼େଃ ଆମ୍‌କେ ଉମ୍‌ଲୁ\* ମେୟାଏ । ଏନାନାଗେନ୍ତେ ଜାନାମଃତାନ୍ ହନ୍ ପାବିତାର୍ ହବାଅଥାଏ ଆତଃ ପାର୍‌ମେଶ୍‌ବାର୍‌ଆଃ ହନ୍ ମେନ୍ତେ ନୁତୁମଃଆଏ । ୩୬ ଆତଃ ନେଲେମେ, ଆମାଃ ମିଶିମ୍ ଏଲିଶାବେଥ୍

‡ ୧:୨୦ ୧:୨୦ ପାଡ଼ିୟାର୍ ବିଶ୍ୱାସ୍ § ୧:୨୦ ୧:୨୦ ନେତାରେ ଦିପିଲିରେ ☆ ୧:୨୭ ୧:୨୭ ମାଥୁଉ ୧:୧୮.  
\* ୧:୩୧ ୧:୩୧ ମାଥୁଉ ୧:୨୧. \* ୧:୩୫ ୧:୩୫ ଉମ୍‌ଲୁ ଆବରାଅ

ବୁଢ଼ିୟତାନ୍ ନେତାରେ ମିଆଁଦ୍ କଡ଼ାହନ୍ ଜାନାମିୟାଏ, ଆଡ଼ଃ ଜନିଷଦ ଟଣିଟ୍ଠା<sup>†</sup> ମେନ୍ତେ କାଜିୟତାନ୍ ତାଲକେନାଏ, ନାହାଁଃ ଜନିୟାଃ ହଡ଼ଫଃତେୟାଃ ଛ ମାହିଁ ନା ହବାଅଃତାନା । ୩୭ ଚିୟାଃଚି ପାର୍ମେଶ୍ଵାର୍ଆଃ ଆୟାର୍ରେଦ୍ ଜାହାନ୍ କାଜି କା ହାମ୍ପାଲଆଃ ।”

୩୮ ଏନ୍ତେ ମାରିୟାମ୍ କାଜିକିୟାଏ, “ନେଲେମେ, ଆଇଙ୍ଗ୍ ପାର୍ମେଶ୍ଵାର୍ଆଃ ଦାସି ତାନିଙ୍ଗ୍ ଆମାଃ କାଜିଲେକାଗି ଆଇଙ୍ଗ୍ରେ ହବାଅଃକା,” ଏନ୍ତେଦ୍ ଦୁଁଡ୍ ଜନିଷତାଃଏତେ ସେନଃୟାନାଏ ।

ଏଲିଶାବେଥଲଃ ମାରିୟାମାଃ ନେପେଲ୍

୩୯ ଏନ୍ତେ ମାରିୟାମ୍ ଏନ୍ ନେତାରେ ବିରିଦ୍‌ୟାନ୍‌ଲଃ ବୁରୁଦିଶ୍ଵମ୍ ଯିହୁଦା ରାଇଜ୍ରେୟାଃ ମିଆଁଦ୍ ସାହାର୍ରେତେ ଜାଲ୍‌ଦିଗି ସେନଃ ଦାବ୍‌ୟାନା । ୪୦ ଜନିଷ ଜାଖ୍ରିୟାରାଃ ଅଡ଼ାଃତେ ବଲ୍‌ୟାନଚି ଏଲିଶାବେଥକେ ଧାନ୍ୟାବାଦ୍ ଏମ୍‌କିୟାଏ । ୪୧ ଆଡ଼ଃ ଏଲିଶାବେଥ୍ ମାରିୟାମାଃ ଜହାର୍ ଆୟୁମ୍‌କେଦ୍‌ଚି ଏଲିଶାବେଥ୍‌ଆଃ ଲାହିଦ୍‌ରେନ୍ ହନ୍ ଏନେଃକ୍‌କେଦାଏ ଆଡ଼ଃ ଏଲିଶାବେଥ୍ ପାବିତାର୍ ଆମ୍‌ତେ ପେରେଃୟାନାଏ । ୪୨ ଜନିଷ କାଉରିତାନ୍‌ଲଃ କାଜିକେଦାଏ, “ଆମ୍ କୁଡ଼ିକଆଃ ଆଲାରେମ୍ ଧାଇନ୍‌ଗିୟାଃ ଆଡ଼ଃ ଆମ୍ ଜାନାମିଁ ହନ୍ ଧାଇନ୍‌ଗିୟାଏ ! ୪୩ ମେନ୍‌ଦ୍ ଆଇଁୟାଃ ପ୍ରାଭୁଆଃ ଏଙ୍ଗାତେ ଆଇଙ୍ଗ୍‌ତାଃତେ ହିଜୁଆକାନାଏ, ଏନା ଆଇଙ୍ଗ୍ ନାଙ୍ଗ୍ ଚିଲ୍‌କାତେ ହବାକାନା ? ୪୪ ଚିୟାଃଚି, ନେଲେମେ, ଆମାଃ ଜହାର୍ ଆୟୁମ୍‌କେଦ୍‌ଚି ଆଇଁୟାଃ ଲାହିଦ୍‌ରେନ୍ ହନ୍‌ଦ୍ ରାସ୍‌କାତେ ଏନେଃକ୍‌କେଦାଏ । ୪୫ ଅକଏ ବିଶ୍ଵାସକେଦାଏ ଜନିଷ ଧାଇନ୍‌ଗିୟାଃଏ, ଚିୟାଃଚି ପାର୍ମେଶ୍ଵାର୍ତାଃଏତେ ଜନିଷକେ କାଜିୟାକାନ୍ କାଜିଦ୍ ହବାଅଃଗିଆ !”

ମାରିୟାମାଃ ମାନାରାଙ୍ଗ୍ ଦୁରାଙ୍ଗ୍

୪୬ ଆଡ଼ଃ ମାରିୟାମ୍ କାଜିକେଦାଏ,

“ଆଇଁୟାଃ ମନ୍‌ସୁରୁଦ୍ ପ୍ରାଭୁକେ ମାରାଙ୍ଗ୍‌ଜତାନା;

୪୭ ଆଡ଼ଃ ଆଇଁୟାଃ ଜୀର ବାସ୍ତାଅନିଃ ପାର୍ମେଶ୍ଵାର୍ତାଃରେ ରାସ୍‌କାଅଃତାନାଏ,

୪୮ ଚିୟାଃଚି ଜନିଷ ଆୟାଃ ଦାସିଆଃ ନାରାଦୁରାକେ ନେଲାକାଦାଏ !

ଆଡ଼ଃ ନେଲେମେ, ନାହାଁଃଏତେ ସବେନ୍ ପାରିୟାରେନ୍ ହଡ଼କ ଆଇଙ୍ଗ୍‌କେ ସୁକୁତାନ୍‌ଗିୟାମେ ମେନ୍ତେକେ ମେତାଲୟାଁ,

୪୯ ଚିୟାଃଚି ପେଡ଼େୟାନ୍ ପାର୍ମେଶ୍ଵାର୍ ଆଇଁୟାଃନାଙ୍ଗ୍ ମାପ୍‌ରାଙ୍ଗ୍ କାମିକ କାମିୟାକାଦାଏ ।

ଜନିୟାଃ ନୁଡୁମ୍ ପାବିତାର୍‌ଗିୟାଃ;

୫୦ ଆଡ଼ଃ ଜନିଷକେ ବରତାନ୍‌କଆଃନାଙ୍ଗ୍ ଜନିୟାଃ ଦାୟା

ଜନ୍‌କୁଆଃ ପିଢ଼ି ପିଢ଼ି ଜାକେଦ୍ ଜାନାଅଗି ତାଇନାଃ ।

୫୧ ଜନିଷ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।

ଜନିଷ ମାରାଙ୍ଗ୍‌ୟେନ୍ ତାନ୍‌କକେ ଆକଆଃ ମନ୍‌ରେୟାଃ ଉଡ଼ୁଏତେ ଛିତିବିତିୟା କାଦକଆଏ ।

୫୨ ଜନିଷ ଆକତେୟାର୍ ନାମାକାଦ୍ ପେଡ଼େୟାନ୍ ରାଜାକକେ ରାଜ୍‌ଗାଦିଏତେ ଆଡ଼ଗୁଆ କାଦକଆଏ,

ଆଡ଼ଃ ନାରାଦୁରାକକେ ଚେତାନ୍‌ତେ ରାକାବା କାଦକଆଏ ।

୫୩ ଜନିଷ ରେଙ୍ଗେଜାକାନ୍‌କକେ ବୁଗିନ୍ ବିଷାଏତେ ବିୟାକାଦକଆଏ,

ମେନ୍‌ଦ୍ କିସାଁଣ୍ ହଡ଼କକେ ସାମା ତିଃଜଗି କୁଲ୍‌ରୁହାଡ଼୍ କାଦକଆଏ ।

୫୪ ଆବୁଆଃ ପୁରଖାହାଡ଼ାମ୍‌କକେ କାଜିୟାକାଦକ୍ ତାଇକେନ୍ ଲେକା,

† ୧:୩୭ ୧:୩୭



ଇନିଃ ଆୟାଃ ଦାସି ଆରାହାମ୍ ଆତଃ ଇସ୍ରାଏଲ୍ ହତ୍ତକକେ ଦାୟା କାଦକଆ ।  
 ୫୫ ଇନିଃ ଜାନାଅ ଜାନାଅ ନାଗେନ୍ତେ ଆରାହାମ୍ ଆତଃ ଆୟାଃ ସବେନ୍ କିଲିକକେ  
 ଲିନିବୁଇ ଉଦୁବ୍ ନାଗେନ୍ତେ କାଏ ରିଡ଼ିଙ୍ଗକାଦା ।”

୫୬ ମାରିୟାମ୍ ଆପି ମାହୁନା ଜାକେଦ୍ ଏଲିଶାବେଥୁଆଃ ଅଡ଼ାଃରେ  
 ତାଇନ୍ୟାନାଏ, ତାୟମ୍ତେ ଆୟାଃ ଅଡ଼ାଃରେ ରୁହାଡ଼ୟାନାଏ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍

୫୭ ଏଲିଶାବେଥୁଆଃ ହନ୍ଜାନାମ୍ ଦିପିଲି ସେଟେର୍ଯ୍ୟାନା, ଆତଃ ଇନିଃ ମିଆଁଦ୍  
 କଡ଼ାହନ୍ ଜାନାମକିୟାଏ । ୫୮ ଆତଃ ପାରମେଶ୍ୱାର୍ ଯେ ଏଲିଶାବେଥୁକେ ପୁରାଃଗି  
 ଲିବୁଇୟାକାୟାଏ ମେନ୍ତେ ଆୟୁମ୍କେଦ୍ତେ ଆୟାଃ ହପର୍ଜାପାଃରେନ୍ ହତ୍ତକ  
 ଆତଃ ପାରିବାର୍ରେନ୍ଦକ ଆୟାଃଲଃକ ରାସ୍ତକାୟାନା ।

୫୯ ହନ୍ ଜାନାମରେୟାଃ ଇରାଲିୟା ମାହୁଁରେ ଇନ୍କୁ ବାଲେଃହନ୍କେ ଖାଡ଼ନାଅ  
 ନାଗେନ୍ତେ ହିଜୁଃୟାନା, ଆତଃ ଆୟାଃ ଆପୁତେୟାଃ ନୁତୁମ୍ଲେକା ଆଇଃକକେ  
 ଜାଖ୍ରିୟା ମେନ୍ତେ ନୁତୁମ୍ ତାନ୍କ ସାନାଙ୍ଗ୍ ତାଇକେନା, ୬୦ ମେନ୍ଦ୍ ଇନିୟାଃ  
 ଏଙ୍ଗାତେ କାଜିକେଦାଏ, “ବାନଃଗି ଇନିଃକେ ଯୋହାନ୍ ନୁତୁମଃଆ ।”

୬୧ ଇନ୍କୁ ଏଲିଶାବେଥୁକେ କାଜିକିୟାଃକ, “ଆପେୟାଃ କିଲିରେନ୍ ହାଗା  
 ହନ୍କରେ ଜେତାଏୟାଃ ନୁତୁମ୍ ନେ ଲେକା ବାନଃଆ !” ୬୨ ଏନ୍ତେ ଏନ୍ ସିଟିଆକେ  
 ଚିକାନ୍ ନୁତୁମ୍ ନୁତୁମଃଆ ମେନ୍ତେ ଆୟାଃ ଆପୁତେ ସାନାଙ୍ଗ୍ତାନାଏ, ଏନା ସାରିନାଙ୍ଗ୍  
 ଆପୁତେକେ ତିଃଇତେକ କୁଲିକିୟାଃ ।

୬୩ ନେୟାଁ ଆୟୁମ୍କେଦ୍ତେ ଆପୁତେ ମିଆଁଦ୍ ତାକ୍ତାଃ ଆସିକେଦ୍ଡି,  
 “ବାଲେଃହନ୍ଆଃ ନୁତୁମ୍ ଯୋହାନ୍ ତାନାଃ” ମେନ୍ତେ ଅଲ୍ଲକେଦାଏ, ଏନାତେ  
 ସବେନ୍ଦକ ଆକ୍ଦାୟାୟାନାକ । ୬୪ ଆତଃ ଇମ୍ତାଗି ଇନିୟାଃ ମଚା ଆତଃ ଆଲାଙ୍ଗ୍  
 ରାଡ଼ାୟାନା ଆତଃ ଇନିଃ ଆତଃମିସା ବାଖାଁଣ୍ ଏଟେଦ୍କେଦ୍ତେ ପାରମେଶ୍ୱାର୍କେ  
 ଧାନ୍ୟାବାଦ୍ ଏମ୍କିୟାଏ । ୬୫ ଏନାତେ ଇନ୍କୁଆଃ ସବେନ୍ ହପର୍ଜାପାଃରେନ୍ଦକ  
 ବରକେଦାଃକ, ଆତଃ ସବେନ୍ କାଜି ଯିହୁଦା ଦିଶ୍ୱମରେୟାଃ ଗଟା ବୁରୁ ଦିଶ୍ୱମ୍ରେ  
 ଉମିନ୍ୟାନା । ୬୬ ନେ କାଜି ଆୟୁମ୍କାଦ୍ ସବେନ୍ ହତ୍ତକ ଆକ୍ଦାୟାୟାନାଲଃ  
 ଆକଆଃ ଆପ୍ନାଃ ମନ୍ରେ କୁଲିକେଦାଃକ, “ନିଃ ଚିଲ୍କାନ୍ ହନ୍ନାଏ ହବାଥଆଃ ?”  
 ଚିୟାଃଚି ପାରମେଶ୍ୱାର୍ଆଃ ତିଃଇ ଇନିଃଲଃ ତାଇକେନା ।

ଜାଖ୍ରିୟାରାଃ ଆୟାର୍କାଜି

୬୭ ଆତଃ ଯୋହାନ୍ଆଃ ଆପୁତେ ଜାଖ୍ରିୟା ପାବିତାର୍ ଆମ୍ବାତେ ପେରେଃୟାନ୍ତେ,  
 ନେ ଆୟାର୍କାଜିୟାଏ ଉଦୁବ୍କେଦାଃ :

୬୮ “ଇସ୍ରାଏଲ୍ଆଃ ପ୍ରାଭୁ ପାରମେଶ୍ୱାର୍ଆଃ ସାହାରାଅ ହବାଥଃକା !

ଚିୟାଃଚି ଇନିଃଦ୍ ଆୟାଃ ହତ୍ତକକେ ଦେଙ୍ଗାନାଙ୍ଗ୍ ମେନ୍ତେ ହିଜୁଆକାନାଏ ଆତଃ  
 ଇନ୍କୁକେ ରାଡ଼ା କାଦକଆଏ ।

୬୯ ଇନିଃ ଆବୁଆଃନାଙ୍ଗ୍ ମେନ୍ତେ ଆୟାଃ ଦାସି ଦାଉଦ୍ଆଃ କିଲିଏତେ ମିଆଁଦ୍  
 ପେଡ଼େୟାନ୍ ଜୀଉବାସ୍ତାଅନିଃକେ ଏମାକାଦ୍ବୁଆଏ ।

୭୦ ନାକ୍ ପାରିୟାଏତେ ତାଇନଃତାନ୍ ତାଇକେନ୍ ଆୟାଃ ପାବିତାର୍ ନାବୀକଆଃ  
 ମଚାତେ ପାରମେଶ୍ୱାର୍ ନେୟାଁଏ ଉଦୁବ୍ଲେଦା ।

୭୧ ଏନ୍ଲେକାଗି ଆବୁଆଃ ବାଇରିକଏତେ ଆତଃ ସବେନ୍ ଖ୍ୱଥାବୁତାନ୍କଆଃ  
 ତିଃଇଏତେ ଜୀଉବାସ୍ତାଏ ଏମାକାଦ୍ବୁଆଏ ।

‡ ୧:୬୩ ୧:୬୩ ତାକ୍ତା ସିଲେଟ୍ ଲେକ୍ନା § ୧:୭୦ ୧:୭୦ ସୁରୁଏତେ

- ୭୬ ଆବୁଆଃ ପୂର୍ବଦ୍ୱାରା ଡାକାଯାଇଥିବା ଆତ୍ମା ଆତ୍ମା ଆତ୍ମା ପାବିତାର ରାଜିନାମାରାଃ କାଜିକେ ପାହାମେ ନାଗେନ୍ତେ,
- ୭୭ ଜନିଃ ଆବୁଆଃ ଆପୁ ଆଦ୍ରାହାମଲଃ କିରିୟାକାଦ୍ ତାଇକେନାଏ ।  
 ୭୮ ଆବୁକେ ଆବୁଆଃ ବାଇରିକଆଃ ତିଃକଏତେ ବାସ୍ତାଅବୁଆଏ,  
 ଆତଃ କା ବରତାନଲଃ ଜନିୟାଃ ସେଞ୍ଜାନାଙ୍ଗ୍,
- ୭୯ ପାବିତାର ଆତଃ ଧାରମାନ ଲେକାତେ ଜନିୟାଃ ସାମ୍ନାଙ୍ଗ୍ରେ  
 ଆବୁ ଜାଉଜରଙ୍ଗ୍ରେ ତାଇନାଃ ।
- ୮୦ ଆତଃ ଏ ହନ୍, ଆମ୍ ମାରାଙ୍ଗ୍ ଉତାରନିଃ ପାରମେଶ୍ୱାରଆଃ ନାବୀ ନୁତୁମଃଆମ୍  
 ଆମ୍ ଦ ପ୍ରାଭୁଆଃ ଆୟାରରେ  
 ଜନିୟାଃ ହରା ବାବାଇତେମ୍ ସେନାଃ ।
- ୮୧ ଜନିୟାଃ ହତକକେ ଆମ୍  
 ଆକଆଃ ପାପ୍ ଛାମାରେୟାଃ ହରାତେ ଜୀଉବାସ୍ତାଅରାଃ ସେଣ୍ଟାମ୍ ଉଦୁବାକଆ  
 ୮୨ ତିୟାଃତି ପାରମେଶ୍ୱାରଆଃ ମାରାଙ୍ଗ୍ ଲିବୁଇତେ  
 ତୁରୋଃତାନ୍ ସିଙ୍ଗି ସିମ୍ନାଏତେ ଆବୁତାଃରେ ଉଦୁବଃଆ ।  
 ୮୩ ଏନା ନୁବାଃରେୟାଃ ଆତଃ ଗନଏଃରେୟାଃ ଉମ୍ଲୁରେ ଦୁବାକାନକକେ  
 ମାର୍ସାଲକଆଏ,  
 ଆତଃ ଜୀଉ ସୁକୁରେୟାଃ ହରାରେ ସେନ୍ନାଙ୍ଗ୍ ଆୟାର୍ ଜଦିକଆଏ ।”
- ୮୦ ନେ ଲେକାଗି ଏନ୍ ସିଟିଆ ହନ୍ ମାଡ଼ି ମାଡ଼ିତେ ହାରା ଜଦିୟାନଲଃ ଆମ୍ମାରେ  
 ପେଡ଼େଃ ଜଦିୟାନାଏ, ଆତଃ ଇସ୍ରାଏଲ୍ତାଃ ଆଉରି ଉଦୁବଃ ଜାକେଦ୍ ବିର୍ରେ  
 ତାଇକେନାଏ ।

୨

ୟାଶୁଆଃ ଜାନାମ୍  
(ମାଥୂଉ ୧:୧୮-୨୫)

୧ ଏନ୍ ହୁଲ୍ଲାଙ୍ଗ୍କରେ ଗଟା ରୋମ୍ ଦିଶ୍ଟମ୍ରେନକଆଃ ନୁତୁମ୍ ଅଲ୍ଲଲଃକା ମେନ୍ତେ  
 ଲାଟ୍ସାହେବ୍ କାଇସାର୍ ଆଗସ୍ତସ୍ ହୁକୁମ୍ ଜାରିକେଦାଏ । ୨ କୁରିଣିୟ ନୁତୁମ୍  
 ସିରିୟାରେନ୍ ଲାଟ୍ସାହେବ୍ ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍ ଅନଲ୍  
 ତାଇକେନା । ୩ ଏନା ନାଗେନ୍ତେ ସବେନ୍କ ଆକଆଃ ନୁତୁମ୍ ଅଲ୍ଲିକାନାଙ୍ଗ୍ ଆକଆଃ  
 ଆକଆଃ ନାଗାର୍ତେକ ସେନଃୟାନା ।

୪ ଆତଃ ଯୋଷେଫ୍ ହରି ନୁତୁମ୍ ଅଲ୍ଲିକା ନାଗେନ୍ତେ ମାରିୟାମ୍ଲଃ  
 ଗାଲିଲ୍ରେୟାଃ ନାଜ୍ରେଡ୍ ନାଗାର୍ତେକେ ଯିହୁଦା ଦିଶ୍ଟମ୍ରେୟାଃ ବେଥ୍ଲେହେମ୍  
 ନୁତୁମ୍ ଦାଉଦ୍ ଆଃ ନାଗାର୍ତେକିନ୍ ସେନ୍କେନା, ତିୟାଃତି ଯୋଷେଫ୍ ଦାଉଦ୍ ଆଃ  
 କିଲି ଆତଃ ଅଡ଼ାରେନିଃ ତାଇକେନାଏ । ୫ ଯୋଷେଫ୍ ନାଙ୍ଗ୍ ଆସିଆକାନ୍ କୁଡ଼ିଲଃ  
 ନୁତୁମ୍ ଅଲ୍ଲିକାତେ ହିଜୁଃୟାନା, ଇମ୍ତା ଜନିଃ ହାମ୍ମାଲ୍ରେୟାଃ\* କାନାଏ ତାଇକେନା  
 । ଏନ୍ କୁଡ଼ିରାଃ ନୁତୁମ୍ ମାରିୟାମ୍ ତାଇକେନା । ୬ ଇନ୍କିନ୍ ବାଏତୁଲ୍ମାମ୍ ରେନ୍କିନ୍  
 ତାଇକେନା ଇମ୍ତାଙ୍ଗ୍ ମାରିୟାମ୍ ଆଃ ରାଞ୍ଜାଲଃରେୟାଃ† ନେତା ସେଟେର୍ୟାନା ।  
 ୭ ଆତଃ ଜନିଃ ଆୟାଃ ମୁଡ୍ କୁଲ୍‡ ହନ୍ ଜାନାମକିୟାଏ, ଆତଃ ଜନିଃକେ ଲିଜାଃତେ  
 ପୋଟମକିଃତେ ତାତାକାରେୟାଏ ବାଟିକିୟାଃ, ତିୟାଃତି ଇନ୍କିନାଃ ନାଗେନ୍ତେଦ  
 ତେରା ଅଡ଼ାଃରେ ଠାୟାଦ୍ ହ କା ତାଇକେନା ।

ମିଶ୍ଟିଗୁପିମାହାରାକ ଯାଶୁଆଃ ଜାନାମ୍ ଉନୁଦୁବକଃ ଆୟୁମ୍ଲାଃ

\* ୨:୫ ୨:୫ ହାମ୍ମାଲ୍ରେୟାଃ ହତ୍ତମଃଆଁ † ୨:୬ ୨:୬ ରାଞ୍ଜାଲଃରେୟାଃ ବୁଗିୟାଃରେୟାଃ ‡ ୨:୬ ୨:୬  
 ପାହିଲା

୮ ଆତ୍ମା ଏବଂ ହାତୁ ଜାପାଠରେୟାଃ ପିତ୍ତିରେ ମିଶ୍ରିଗୁପିମାହାରାକ ତାଇକେନା, ଇନ୍ଦ୍ରକୁ ନିଦାରେ ଆକଥାଃ ମିଶ୍ରିକକେ ହରତାନ୍ଦକ ତାଇକେନା । ୯ ଆତ୍ମା ପ୍ରାଭୁଆଃ ମିଆଁଦ୍ ଦୁଁଡ୍ ଇନ୍ଦ୍ରକୁତାଃରେ ତିଲ୍ଲୁୟାନାଏ ଆତ୍ମା ପ୍ରାଭୁଆଃ ମାନାରାଙ୍ଗରାଃ ମାର୍ଯ୍ୟାଲ୍ ଇନ୍ଦ୍ରକୁତାଃରେ ଜୁଲ୍‌ବିୟୁରୟାନା ଆତ୍ମା ଇନ୍ଦ୍ରକୁ ପୁରାଃଗିକ ବରକେଦାଃ । ୧୦ ମେନ୍ଦ୍ ଦୁଁଡ୍ ଇନ୍ଦ୍ରକୁକେ କାଜିକେଦ୍‌କଥାଏ, “ଆଲ୍‌ପେ ବରୟାଃ ! ନେଲେପେ, ଆଇଙ୍ଗ୍ ଆପେକେ ପୁରାଃ ରାସ୍‌କାରେୟାଃ ସୁକୁକାଜିଙ୍ଗ୍ ଉଦୁବାପେତାନା, ଏନା ସବେନ୍ ହଡ୍‌କଥାଃ ନାଗେନ୍ତେ ତାଇନାଃ । ୧୧ ଚିୟାଃଚି ତିସିଙ୍ଗ୍‌ଦ ଦାଉଦ୍‌ଆଃ ନାଗାର୍‌ରେ ଆପେୟାଃ ନାଗେନ୍ତେ ମିଆଁଦ୍ ବାଞ୍ଚାଅନିଃ ଜାନାମା କାନାଏ, ଇନିଃ ଶ୍ରୀଷ୍ଟ୍ ପ୍ରାଭୁ ତାନିଃ ! ୧୨ ଆତ୍ମା ଆପେୟାଃ ନାଗେନ୍ତେ ନେଆଁ ଚିହ୍ନାଁ ତାନାଃ, ଆପେ ମିଆଁଦ୍ ବାଲେଃ ହନ୍‌କେ ଲିଜାଃତେ ପୋଟମାକାନ୍ ଆତ୍ମା ତାତାକାରେ ବାଟିୟାକାନ୍‌ପେ ନାମିୟା ।”

୧୩ ଇନ୍ଦ୍ରାଗି ଏନ୍ ଦୁଁଡ୍‌ଲଃ ସିର୍ମାରେନ୍ ଫାଉଦ୍‌କ ହୁଣ୍ଡିୟାନାକ ଆତ୍ମା ଇନ୍ଦ୍ରକୁ ପାରମେଶ୍ଵାର୍‌କେ ମାରାଙ୍ଗ୍‌ଇତାନ୍‌ଲଃ କାଜିକେଦାଃକ :

୧୪ “ସାଲ୍‌ଜିଉତାର୍ ସିର୍ମାରେ ପାରମେଶ୍ଵାର୍‌ଆଃ ମାନାରାଙ୍ଗ୍, ଆତ୍ମା ଅତେରେ ଆୟାଃ ସୁକୁଆକତାନ୍ ହଡ୍‌କରେ ସୁକୁ ହବାଅଃକା !”

୧୫ ଦୁଁଡ୍‌କ ଇନ୍ଦ୍ରକୁତାଃଏତେ ସିର୍ମାତେକ ସେନଃୟାନ୍‌ଚି, ମିଶ୍ରିଗୁପିମାହାରାକ ଆକ ଆକରେ ମେନ୍‌କେଦାଃକ, “ଦଲାବୁ ବେଅଲେହେମ୍‌ତେବୁଆ ଆତ୍ମା ପ୍ରାଭୁ ଉଦୁବାକାଦ୍‌ବୁଆଏ ଏନ୍ ହବାକାନ୍ କାଜିକୁ ନେଲେୟାଃ ।”

୧୬ ଆତ୍ମା ଇନ୍ଦ୍ରକୁ ଜାଲ୍‌ଦିଗି ସେନ୍‌ତେବାଃୟାନ୍ତେ ମାରିୟାମ୍, ଯୋଷେଫ୍ ଆତ୍ମା ତାତାକାରେ ବାଟିୟାକାନ୍ ବାଲେଃ ହନ୍‌କେକ ନେଲ୍‌ନାମ୍‌କିୟାଃ । ୧୭ ଇନ୍ଦ୍ରକୁ ଇନିଃକେ ନେଲ୍‌କିଃତେ ହନ୍‌ଆଃ ବିଷାଏରେ ଦୁଁଡ୍ କାଜିଲେଦ୍ କାଜିକ ଉଦୁବାଦାକେଦାଃ । ୧୮ ମିଶ୍ରିଗୁପିମାହାରାକ ଉଦୁବକେଦ୍ କାଜିତେ ସବେନ୍ ଆୟୁମ୍‌କେଦ୍ ହଡ୍‌କ ଆକଦାନ୍‌ଅୟାନାକ । ୧୯ ମେନ୍ଦ୍ ମାରିୟାମ୍ ନେ ସବେନ୍ କାଜି ଆୟାଃ ମନ୍‌ରେ ଦହକେଦାଏ ଆତ୍ମା ପୁରାଃ ଉଡ୍‌ଡୁତାନାଏ ତାଇକେନା । ୨୦ ଆତ୍ମା ମିଶ୍ରିଗୁପିମାହାରାକକେ ଉଦୁବଲେନ୍‌ଲେକା, ଏନ୍ ସବେନାଃ ଆୟୁମ୍‌କେଦ୍‌ତେ ଆତ୍ମା ନେଲ୍‌କେଦ୍‌ତେ ପାରମେଶ୍ଵାର୍‌ଆଃ ମାନାରାଙ୍ଗ୍ ଦୁରାଙ୍ଗ୍‌ତାନ୍‌ଲଃ ଇନ୍ଦ୍ରକୁ ରୁହାଡ୍‌ୟାନାକ ।

ୟାଶୁକେ ଯାରୁଶାଲେମ୍ ମାନ୍ଦିର୍‌ତେକ ଇଦିକିୟାଃ

୨୧ ଏନ୍ ସିଟିଆକେ ଇରାଲିୟା ମାହାଁ ହବାୟାନ୍‌ଲଃ ଖାଡ୍‌ନାଅକିୟାକ, ଆତ୍ମା ଇନିଃକେ ଯାଶୁ ମେନ୍ତେକ ନୁତୁମ୍‌କିୟାଃ, ନେ ନୁତୁମ୍ ଇନିୟାଃ ହାୟାଲ୍‌ରୋଞ୍ଜା ହବାଅଃ ସିଦାରେ ଦୁଁଡ୍‌ଆଃ ହରାତେ ନୁତୁମାକାନ୍ ତାଇକେନା । ୨୨ ମୁଶାରାଃ ଆନ୍‌ରୁଲେକା ଇନ୍ଦ୍ରକୁଆଃ ଫାର୍‌ଚିରେୟାଃ ନେତା ତେବାଃୟାନ୍‌ରେ, ପ୍ରାଭୁଆଃ ସାମ୍‌ନାଙ୍ଗ୍‌ରେ ରାକାବି ନାଗେନ୍ତେ ଯୋଷେଫ୍ ଆତ୍ମା ମାରିୟାମ୍ ଇନିଃକେ ଯାରୁଶାଲେମ୍ ମାନ୍ଦିର୍‌ତେକିନ୍ ଇଦିକିୟାଃ । ୨୩ ପ୍ରାଭୁଆଃ ଆନ୍‌ରୁରେ ଅଲ୍‌କାନା, “ସବେନ୍ ମୁଡ୍‌କୁଲ୍ କଡାହନ୍‌କ ପ୍ରାଭୁଆଃ ନାଗେନ୍ତେକ ପାବିତାରଃକା,” ୨୪ ଆତ୍ମା ଇନ୍ଦ୍ରକିନ୍ ପ୍ରାଭୁଆଃ ଆନ୍‌ରୁରେୟାଃ କାଜିଲେକା, ବାରିୟା ପୁତାମ୍ ତାଏ ବାରିୟା ଦୁଦୁମୁଲ୍ ହନ୍‌କିନ୍‌କେ ଦାଣ୍ଟେ ରାକାବ୍‌ତେକିନ୍ ସେନଃୟାନା ।

ଗିମିୟନ୍ ଆତ୍ମା ହାନ୍ନା ଯାଶୁକେକିନ୍ ନେଲ୍‌କିୟା

୨୫ ନେଲେପେ, ଯାରୁଶାଲେମ୍‌ରେ ଗିମିୟନ୍ ନୁତୁମ୍ ମିଆଁଦ୍ ହଡ୍ ତାଇକେନାଏ, ଇନିଃ ଧାର୍‌ମାନ୍ ଆତ୍ମା ମାନାତିଙ୍ଗ୍‌ନିଃ ତାଇକେନାଏ । ଇନିଃ ଇସାଏଲ୍ ହଡ୍‌କଥାଃ ଜୀଉରାଡ୍‌ଡେଃ ଏମ୍‌ନିଃକେ ନେଲ୍‌ହରା ତାଇକେନାଏ, ଆତ୍ମା ଇନିଃରେ ପାବିତାର୍

☆ ୨:୨୧ ୨:୨୧ ଲୁକ ୧:୩୧.

ଆମ୍ଭା ତାଙ୍କନିଷତାନାଏ ତାଙ୍କକେନା । ୨୬ ଆତଃ ଆମ୍ଭ ପ୍ରାଭୁଆଃ ଶ୍ରୀଷ୍ଟକେ ଆଉରି ନେଲିଯାକେଦ୍ ଆମାଃ ଗନ୍ଧଃ କା ହବାଅଥାଃ ମେତ୍ରେ ପାବିତାର୍ ଆମ୍ଭା ଇନିଃକେ ଉଦୁବାକାଇ ତାଙ୍କକେନା । ୨୭ ଆତଃ ଶିମିୟନ୍ ପାବିତାର୍ ଆମ୍ଭାତେ ମାହିର୍ ଅଡ଼ାଃତେ ହିଜୁଃୟନାଏ । ଆତଃ ଆନ୍ତୁରେୟାଃ କାଜିଲେକାତେ କାମିନାଙ୍ଗ୍ ଯୀଶୁଆଃ ଏଙ୍ଗା ଆପୁକିନ୍ ଇନିଃକେ ସାବକେଦ୍ତେ ମାହିର୍ତେକିନ୍ ବଲୟାନା, ୨୮ ଇମ୍ତାଙ୍ଗ୍ ଶିମିୟନ୍, ହନ୍କେ ଖାକିୟାଅକିୟାଏ ଆତଃ ପାର୍ମେଶ୍ଵାରକେ ଧାନ୍ୟାବାଦ୍ ଏମ୍ତାନ୍ଲଃ କାଜିକେଦାଏ :

୨୯ “ହେ ଗମକେ, ନାହାଁଃଦ୍ ଆମ୍ଭ ଆମାଃ କାଜିଲେକା, ଦାସିତାମାଃକେ ସୁକୁତେମ୍ ବିଦାଇତାନା ।

୩୦ ତିୟାଃତି ଆଇଙ୍ଗ୍ଦ୍ ଆଇଁୟାଃ ମେଦ୍ତେ ଆମାଃ ପାରିତ୍ରାଣକେ ନେଲକାଦାଇଙ୍ଗ୍, ୩୧ ଅକଆଃତି ସବେନ୍ ହଡକଆଃ ଆୟାର୍ରେ ସେକାଡ଼ାକାଦାମ୍ :

୩୨ ଆତଃ ଏଗାଃ ଜାତିରେନକଆଃ ନାଙ୍ଗ୍ ମାସ୍ତାଲରାଃ ଦିମି  
ଆତଃ ଆମାଃ ଇସ୍ରାଏଲ୍ ହଡକଆଃ ନାଗେତ୍ରେ ମାଇନାନ୍ ଆଉଝେୟାଏ ।”

୩୩ ସିତିଆ ହନ୍ଆଃ ଏଙ୍ଗାଆପୁକିନ୍ ଆୟାଃ ବିଷାଏରେ କାଜିୟଃତେୟାଃ ଆୟୁମ୍କେଦ୍ତେ ଆକ୍ଦାଦାଅୟାନାକିନ୍ । ୩୪ ଶିମିୟନ୍ ଇନ୍କୁକେ ଆଶିଷ୍ କେଦକଆଏ, ଆତଃ ଇନିୟାଃ ଏଙ୍ଗାତେ ମାରିୟାମ୍କେ କାଜିକିୟାଏ, “ନେଲେମେ, ନେ ହନ୍ ପୁରାଃ ଇସ୍ରାଏଲ୍କଆଃ ଉୟୁଗଃ ଆତଃ ବିରିଦଃ ନାଗେତ୍ରେ ପାର୍ମେଶ୍ଵାର୍ଆଃ ମିଆଁଦ୍ ସାଲକାନ୍ ଚିହ୍ନାଁ ହବାଅଥାଏ, ମେନ୍ଦ୍ ପୁରାଃ ହଡକ ଇନିୟାଃ ବିରୁଧ୍ରେ ବାଖାଁଣେୟାକ । ୩୫ ଆତଃ ଏନାତେ ପୁରାଃ ମନ୍ରେୟାଃ ଉଡ଼ୁ ଉଦୁବଃଆ । ଆତଃ ଏନ୍ ବିଷାଏନାଙ୍ଗ୍ ଆପେୟାଃ ମନ୍ସୁରୁଦ୍ରେ ତାରାଉଡ଼ି ଗୁଡୁ ପାରମଃଆ ।”

୩୬ ଆସେର୍ କିଲିରେନ୍ ପିନ୍ଦୁଏଲ୍ଆଃ ହତ୍ରେକୁଡ଼ି ହାନ୍ନା ନୁଡୁମ୍ ମିଆଁଦ୍ କୁଡ଼ିନାବା ତାଙ୍କକେନାଏ । ଇନିଃ ତିଶ୍ରାଏତେ ସାଡ଼ ବାରାଷ୍ ଆୟାଃ କଡ଼ାତେଲଃ ତାଙ୍କକେନ୍ତେ ବୁଡ଼ି ଲୁକୁଦ୍ ଲୁକୁଦା କାନାଏ ତାଙ୍କକେନା । ଆତଃ ଇନିଃ ଚାର୍ହିସି ଚାର୍ବାରାଷ୍ରେନ୍ ରାଶ୍ଟ୍ରିକୁଡ଼ି ତାଙ୍କକେନାଏ । ୩୭ ଆତଃ ଇନିଃ ଚିଉଲାହ ମାହିର୍ ଅଡ଼ାଃଏତେ କାଏ ଅଡଙ୍ଗ୍ଅଃତାନ୍ ତାଙ୍କକେନା, ମେନ୍ଦ୍ କାଟାବ୍ତାନ୍ଲଃ ଆତଃ ବିଡ୍ଡିତାନ୍ଲଃ ନିଦାସିଙ୍ଗି ପାର୍ମେଶ୍ଵାରକେ ମାଇନାନ୍ ତାଙ୍କକେନା । ୩୮ ଇନିଃ ଇମ୍ତାଙ୍ଗ୍ ସିତିଆ ହନ୍ ଆତଃ ଆୟାଃ ଏଙ୍ଗାଆପୁକିନ୍ତାଃ ନାଡ଼େଃୟାନ୍ଲଃ ପାର୍ମେଶ୍ଵାରକେ ଧାନ୍ୟାବାଦ୍କିୟାଏ ଆତଃ ଅକନ୍କ ଯୀରୁଶାଲେମ୍ରାଃ ମୁକ୍ତି ନେଲ୍ହରାତାନ୍ ସବେନ୍କକେ ଇନିଃ ଯୀଶୁଆଃ ବିଷାଏରେ କାଜିୟାଦକଆଏ ।

ଯୋଷେଫ୍ ଆତଃ ମାରିୟାମ୍ ତିକିନାଃ ଅଡ଼ାଃ ରୁହାଡ଼୍

୩୯ ✽ଯୋଷେଫ୍ ଆତଃ ମାରିୟାମ୍ ପାର୍ମେଶ୍ଵାର୍ଆଃ ଆନ୍ତୁଲେକା ସବେନାଃ ଚାବାକେଦ୍ତି ଗାଲିଲ୍ ଦିଶ୍ରୁମ୍ରେୟାଃ ଆକିନାଃ ନାଗାର୍ ନାଜ୍ରେଡ଼୍ତେକିନ୍ ରୁହାଡ଼୍ୟାନା । ୪୦ ଆତଃ ସିତିଆ ହନ୍ ମାଡ଼ି ମାଡ଼ିତେ ହାରା ଇଦିୟାନ୍ଲଃ ପେଡ଼େଃ ଆତଃ ସେଣାଁତେ ପେରେଃଇଦିୟାନାଏ, ଆତଃ ପାର୍ମେଶ୍ଵାର୍ଆଃ ସାୟାଦ୍ ଇନିଃକେନା ।

ବାରା ବାରାଷ୍ରେନ୍ ଯୀଶୁ ମାହିର୍ଅଡ଼ାଃରେ ଗୁରୁକଲଃ ଜାଗାର୍କେଦାଏ

୪୧ ଯୀଶୁଆଃ ଏଙ୍ଗାଆପୁକିନ୍ ସବେନ୍ ବାରାଷ୍ ପାସ୍କା ପାରାବ୍ରେ ଯୀରୁଶାଲେମ୍ତେ ସେନଃ ତାନ୍କିନ୍ ତାଙ୍କକେନା । ୪୨ ଯୀଶୁକେ ବାରା ବାରାଷ୍ ହବାଅଥାତାନ୍ ତାଙ୍କକେନ୍ ଇମ୍ତା, ଇନ୍କୁ ରିତିଲେକା ପାରାବ୍ ମାନାତିଙ୍ଗ୍ ନାଙ୍ଗ୍କ ସେନ୍କେନା । ୪୩ ଆତଃ ପାରାବ୍ ମାନାତିଙ୍ଗ୍ ଚାବାକେଦ୍ତି, ଅଡ଼ାଃତେ

✽ ୨:୩୯ ୨:୩୯ ମାଥୁଉ ୨:୨୩. § ୨:୪୦ ୨:୪୦ ସାୟାଦ୍ ଆନୁଗ୍ରାହା

ସେନ ରୁହାଡ଼ତାନ୍ ଇମତା ହନ୍ ଯୀଶୁ ଯୀରୁଶାଲେମ୍ରେ ତାଇନ୍ୟାନାଏ, ଏନା ଆୟାଃ ଏଙ୍ଗାଆପୁକିନ୍ କାକିନ୍ ସାରିତାନ୍ ତାଇକେନା । ୪୪ ମେନ୍ଦ ଦ ଇନିଃ ଗାଡିକଲଃ ମେନାଇୟାଃ ମେନ୍ତେକିନ୍ ପାହାମ୍ବକେଦତେ, ସିଙ୍ଗିସାରୁବ୍ରେୟାଃ ହରା ସେନଃୟାନାକିନ୍, ଏନ୍ତେ ଆକିନାଃ କୁପୁଲକ ଆତଃ ଗାଡିକଆଃ ଆଲାରେକିନ୍ ଦାଣ୍ଠାଏଚେଦକିୟାଃ । ୪୫ ଇନିଃକେ କାକିନ୍ ନାମ୍ବକିଃତେ ଦାଣ୍ଠାତାନ୍ଲଃ ଯୀରୁଶାଲେମ୍ତେକିନ୍ ରୁହାଡ଼ୟାନା । ୪୬ ଆପି ମାଃ ତାୟମ୍ତେ ଇନ୍କିନ୍ ଯୀଶୁକେ ମାନ୍ଦିରଅଡ଼ାଃରେକିନ୍ ନାମ୍ବକିୟାଃ, ଧାରାମ୍ବଗୁରୁକ ଆଲାରେ ଦୁବ୍ବକେଦତେ ଇନ୍କ୍ବୁଆଃ କାଜି ଆୟୁମ୍ତାତାଇକେନାଏ ଆତଃ ଇନ୍କ୍ବୁକେ କୁଲିକତାନ୍ ତାଇକେନାଏ । ୪୭ ଇନିୟାଃ ବାଣ୍ଠାଣ୍ ଆୟୁମ୍ତାନ୍ ସବେନ୍ ହଡ଼କ ଇନିୟାଃ ସେଣ୍ ଆତଃ କାଜିରୁହାଡ଼ରେ ଆକ୍ଦାନ୍ଦାଅୟାନାକ । ୪୮ ଇନିୟାଃ ଏଙ୍ଗାଆପୁ ଇନିଃକେ ନେଲକିଃତେ ଆକ୍ଦାନ୍ଦାଅୟାନାକିନ୍, ଆତଃ ଏଙ୍ଗାତେ ଇନିଃକେ କୁଲିକିୟାଏ, “ଏ ହନ୍, ଆମ୍ ତିକାନାଙ୍ଗ୍ତେ ନେକାକେଦ୍ଲିୟାମ୍ ? ନେଲେମେ, ଆପୁମ୍ ଆତଃ ଆଇଙ୍ଗ୍ ଦୁକ୍ବୁତାନ୍ଲଃ ଦାଣ୍ଠାବାଡ଼ାମ୍ ତାନାଲିଙ୍ଗ୍ ତାଇକେନା ।”

୪୯ ଯୀଶୁ ଇନ୍କିନ୍କେ କାଜିକେଦକିନାଏ, “ତିନାଃମେନ୍ତେବେନ୍ ଦାଣ୍ଠାବାଡ଼ାଇଙ୍ଗ୍ ତାଇକେନା ? ତିୟାଃ ଆଇଙ୍ଗ୍କେ ଆପୁଇୟାଃ ଅଡ଼ାଃରେ ତାଇନଃ ନାଗାଡିଙ୍ଗ୍ୟାଃ ଏନାତି କାବେନ୍ ସାରିତାନ୍ ତାଇକେନା ?” ୫୦ ମେନ୍ଦ ଇନିଃ ଇନ୍କିନ୍କେ କାଜିୟାଦକିନ୍ କାଜିକେ ଇନ୍କିନ୍ କାକିନ୍ ଆବ୍ବକାର୍ତ୍ତରୁମ୍ବକେଦାଃ ।

୫୧ ଏନ୍ତେ ଯୀଶୁ ଇନ୍କିନ୍ଲଃ ନାଜ୍ରେଡ଼୍ତେ ସେନଃୟାନାଏ, ଆତଃ ଇନ୍କିନାଃ କାଜିକ ମାନାଡିଙ୍ଗ୍ତାନ୍ଲଃ ତାଇୟାନାଏ । ମେନ୍ଦ ଇନିୟାଃ ଏଙ୍ଗାତେ ଏନ୍ ସବେନ୍ କାଜି ଆୟାଃ ମନ୍ରେୟାଏ ଦହକେଦା । ୫୨ ଆତଃ ଯୀଶୁ ସେଣ୍ତେ, ହଡ଼ମ୍ତେ ଆତଃ ପାର୍ମେଶ୍ୱାର୍ ଆତଃ ହଡ଼କଆଃ ସାୟାଦ୍ରେ ହାରା ଇଦିୟାନାଏ ।

### ୩

ବାପ୍ତିସ୍ମା ଏମଃନିଃ ଯୋହାନ୍ଆଃ ପ୍ରାଚାର୍  
 (ମାଥୁର ୩:୧-୧୨; ମାର୍କ ୧:୧-୮; ଯୋହାନ୍ ୧:୧୯-୨୮)

୧ ତିବିରିୟା କାଜସାର୍ଆଃ ରାଜ୍ଜତାନ୍ ପାନ୍ଦରା ବାରାଷ୍ ତାଇକେନ୍ ଇମ୍ତା ପନ୍ତିୟସ୍ ପିଲାତୁସ୍ ଯିହୁଦାରେନ୍ ଲାଟ୍ସାହେବ୍ ତାଇକେନାଏ, ଆତଃ ହେରୋଦ୍ ଗାଲିଲ୍ରେନ୍ ମିଦ୍ହାନାଟିଙ୍ଗ୍ ରାଜା, ହାଗାତେ ଫିଲିପ୍ ଇତୁରିୟା ଆତଃ ତ୍ରାଖୋନିଡିଆରେନ୍ ମିଦ୍ହାନାଟିଙ୍ଗ୍ ରାଜା, ଆତଃ ଜୁସାନିଆଁ ଅବିଲିନିରେନ୍ ମିଦ୍ହାନାଟିଙ୍ଗ୍ ରାଜା ତାଇକେନାଏ । ୨ ହାନାନ୍ ଆତଃ କାୟଫା ନୁତୁମ୍ ମାରାଙ୍ଗ୍ ଯାଜାକ୍ ତାଇକେନ୍ପାରିୟାରେ ପାର୍ମେଶ୍ୱାର୍ଆଃ କାଜି ଜାଖ୍ରିୟାରାଃ ହନ୍ ବାପ୍ତିସ୍ମା ଏମଃନିଃ ଯୋହାନ୍ତାଃତେ ବିରରେ ସେଚେରୟାନା । ୩ ଏନାତେ ଇନିଃ ଯାଦାନ୍ ଗାଡ଼ା ଯାପାଃରେୟାଃ ସବେନ୍ସାଃତେ ସେନକେଦତେ “ପାପ ଛାମା ନାମେନାଗେନ୍ତେ ମନ୍ରୁହାଡ଼୍ରେୟାଃ ବାପ୍ତିସ୍ମା” ଉଦୁବ୍ବାଡ଼ା ତାନାଏ ତାଇକେନା ।

୪ ଜେ'ଲେକା ନେଆଁଦ୍ ଯିଶାୟ ନାବୀୟାଃ କାଜିରେୟାଃ ପୁଅରେ ଅଲକାନା,  
 “ଜେତାଏ ବିରରେ କାଉରିତାନ୍ନିୟାଃ ସାଡ଼ି ଆୟୁମ୍ତାତାନା,  
 ପ୍ରାଭୁଆଃ ହରା ବାଇୟେପେ,  
 ଇନିୟାଃ ହରା ସିଧାଏପେ

୫ ସବେନ୍ ଗାଡ଼ା ପେରେଜଃଆଃ,  
 ସବେନ୍ ବୁରୁ ଆତଃ ଗୁରୁ ଲାତାରଆଃ ।

ବେଙ୍କଆକାନ୍ ହରାକ ସିଧାଅଃଆ  
 ଆତଃ ଗାଡ଼ା ତିପା ହରାକ ସବେନ୍ ସାମ୍ବାଇୟଆଃ ।

୬ ଆତ୍ମ ସବେନ୍ ହତକ ପାରମେଶ୍ୱାରୀଆ ପାରିତ୍ରାଣକ ନେଲେୟା ।”

୭ ଯୋହାନ୍‌ତାତେ ବାପ୍ତିସ୍ମା ଇଦିନାଗେନ୍ତେ ହିଜୁଆକାନ୍ ପୁରାଃ ଫାରୁଣୀ ଆତ୍ମ ସାଦୁକି ହତକକେ କାଜିୟାଦକଆଏ, “ଏ ବିଜ୍ଞକଆଃ ହନ୍‌କ !” ହିଜୁଃତାନ୍ ମାରାଜ୍ ଏନେସେଦ୍‌ଏତେ\* ନିର୍ ନାଗେନ୍ତେ “ଅକଏ ଆପେକେ ଚେତାଞ୍ଜାଦପେୟାଏ ? ।” ଯାପେ ସାର୍‌ତିଗି ପାପ୍‌ଏତେ ହେୟାତିଜ୍‌କାଦରେଦ ଆପେୟାଃ ବୁଗିନ୍ କାମିତେ ଉଦୁବେନ୍‌ପେ । ଆତ୍ମ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ଡିଡିକେଦ୍‌ତେ କାଜିତାନ୍‌ଲଃ ନେ ସାଜାଜ୍‌ଏତେ ବାଞ୍ଚାଞ୍ଜାଃଲେ ମେନ୍ତେ ଆଲ୍‌ପେ ଉଡ଼୍‌ୟା । ଚିୟାଃତି ଆଇଜ୍ ଆପେକେ କାଜିୟାପେ ତାନାଇଜ୍ ପାରମେଶ୍ୱାର୍‌ଦ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍‌କଏ ବାଇଦାଡିୟା ! ଯ ଆତ୍ମ ନାହାଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆତ୍ମ ସେଜେଲ୍‌ରେ ହୁରାଜ୍‌ଅଃଆ ।”

୧୦ ଏନ୍ତେ ଗାଦେଲ୍ ହତକ ଇନିଃକେ କୁଲିକିୟାଃକ, “ତାଦ୍‌ଦ ଆଲେ ଚିନାଃଲେ ଚିକାୟା ?”

୧୧ ଯୋହାନ୍ ଇନ୍‌କୁକେ କାଜିରୁହାଡାଦକଆଏ, “ଅକଏତାଃରେ ବାରିଆ ତୁସିଜ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ ଇନିଃକେ ମିଦ୍ ହାଟିଜ୍ ଏମାଇକାଏ, ଆତ୍ମ ଅକଏତାଃରେ ଜମେୟା ମେନାଃ, ଇନିଃହ ଏନ୍‌କାଗି ହାଟିଜ୍‌ୟେକାଏ ।”

୧୨ ଆତ୍ମ ମାଲ୍‌ହାରମ୍‌କହ ବାପ୍ତିସ୍ମା ଇଦିନାଜ୍‌କ ହିଜୁଃୟାନା ଆତ୍ମ ଯୋହାନ୍‌କେକ କୁଲିକିୟାଃ, “ହେ ଗୁରୁ ଆଲେ ଚିନାଃଲେ ଚିକାଏୟା ?”

୧୩ ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେକେ ଚିମିୟାଜ୍ ଇଦିନାଜ୍ କାଜିୟାକାନା, ଏନାଏତେ ଆଦକା ଆଲ୍‌ପେ ହାରୋମେୟା ।”

୧୪ ଆତ୍ମ ପାଲ୍‌ଗାନ୍‌କ ଯୋହାନ୍‌କେକ କୁଲିକିୟାଃ, “ଆଲେ ଚିନାଃଲେ ଚିକାୟା ?” ଇନ୍‌କୁକେ କାଜିକେଦ୍‌କଆଏ, “ପେଡ଼େଃତେ ଚାଏ ବେଦାତେ ଆତ୍ମ ହାଉକାଅକେଦ୍‌ତେ ଜେତାଏୟାଃ ଖୁଜ୍ ଆଲ୍‌ପେ ଇଦିୟା ଆତ୍ମ ଆପେୟାଃ ନାଲାରେ ସୁକୁଆକାନ୍‌ପେ ।”

୧୫ ସବେନ୍ ହତକ ବାଞ୍ଚାଅନିଃକେ ନେଲ୍‌ହରାତାନ୍‌କ ତାଇକେନ୍ ହରାତେ, ଯୋହାନ୍‌କେ ଖ୍ରୀଷ୍ଟ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ତାଇକେନାକ ।

୧୬ ଏନାମେନ୍ତେ ଯୋହାନ୍ ଇନ୍‌କୁକେ କାଜିକେଦ୍‌କଆଏ, “ଆଇଜ୍‌ଦ ଦାଆଃତେ ବାପ୍ତିସ୍ମାପେ ତାନାଇଜ୍ ମେନ୍‌ଦ ଆଇଜ୍‌ଏତେ ପେଡ଼େୟାନ୍‌ନିଃ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡାଏ ଲେକାନିଃହ ଆଇଜ୍ ନାହାଁଲିଜ୍ । ଇନିଃ ଆପେକେ ପାବିତାର୍ ଆମ୍ ଆତ୍ମ ସେଜେଲ୍‌ତେ ବାପ୍ତିସ୍ମାପେୟା । ୧୭ ଆୟାଃ ତିଃଇରେ ହାଗାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆତ୍ମ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆତ୍ମ ପେଟେଃକେ କା ଇଣ୍‌ଜଃ ସେଜେଲ୍‌ରେ ଅଣ୍ଡୁର୍‌ଏଣ୍ଡାଗେୟା ।”

୧୮ ନେ ଲେକା ଆତ୍ମଃଗି ପୁରାଃ ଏଗାଃ ଇନିତୁ କାଜିକତେ ଯୋହାନ୍ ହତକକେ ସୁକୁକାଜି ଉଦୁବାକତାନ୍ ତାଇକେନା । ଆତ୍ମ ମନ୍‌ରୁହାଡ୍ ନାଗେନ୍ତେ ଇନ୍‌କୁକେ ଆରୁକେଦ୍‌କଆ । ୧୯ ମେନ୍‌ଦ ମିଦ୍ ହାନାଟିଜ୍‌ରେନ୍ ରାଜା ହେରୋଦ୍ ଆୟାଃ ହାଗାତେୟାଃ କୁଡି ହେରୋଦିୟାଲଃ ଆଣ୍ଡିୟାନ୍ ନାଗେନ୍ତେ ଆତ୍ମ ହେରୋଦ୍ କାମିକେଦ୍ ସବେନ୍ ଏଡକାନାଃ ନାଗେନ୍ତେ ଯୋହାନ୍ ହେରୋଦ୍‌କେ ମାରାଜ୍ ମଚାକିୟାଏ । ୨୦ ଏନା ନାଗେନ୍ତେ ହେରୋଦ୍ ଯୋହାନ୍‌କେ ଜେହେଲ୍‌କିୟାଏ ଆତ୍ମ ନେ ଲେକାତେ ଇନିଃ ଆୟାଃ ଏଡକାନାଃକେ ଆଦକାକେଦା ।

☆ ୩:୭ ୩:୭ ମାଥୁର ୧୨:୩୪; ୨୩:୩୩. \* ୩:୭ ୩:୭ ଏନେସେଦ୍‌ଏତେଖ୍‌ଏତେ ☆ ୩:୮ ୩:୮ ଯୋହାନ୍ ୮:୩୩. ☆ ୩:୯ ୩:୯ ମାଥୁର ୭:୧୯. ☆ ୩:୧୨ ୩:୧୨ ଲୁକ ୭:୨୯. ☆ ୩:୧୯ ୩:୧୯ ମାଥୁର ୧୪:୩, ୪; ମାର୍କ ୭:୧୭, ୧୮.

ଯୋହାନ୍ ଯୀଶୁକେ ବାପ୍ତିସ୍ମାକିୟାଏ

(ମାଥୂଉ ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

୨୧ ସବେନ୍ ହଡ଼କ ବାପ୍ତିସ୍ମାୟାନ୍ତେ ଯୀଶୁ ହରି ବାପ୍ତିସ୍ମାୟାନାଏ । ଆଡ଼ଃ ଜନିଃ ବିକ୍ରିତାନ୍ ଜମ୍ତାଜ୍ ସିର୍ମା ନିଜ୍‌ୟାନା, ୨୨ \*ଆଡ଼ଃ ପାବିତାର୍ ଆମ୍ବା ଦୁଦୁମୁଲ୍‌ଲେକା ନେଲଃ ହଡ଼ମ୍, ଯୀଶୁଆଃ ଚେତାନରେ ଆଡ଼ଗୁୟାନା ଆଡ଼ଃ “ଆମ୍ ଆଇୟାଃ ଦୁଲାଡ଼୍ ହନ୍, ଆଇଜ୍ ଆମ୍‌କେ ପୁରାଃ ସୁକୁଆମ୍‌ତାନାଇଜ୍” ମେନ୍ତେ ସିର୍ମାଏତେ ଆୟୁମ୍‌ୟାନା ।

ୟୀଶୁଆଃ କିଲିରେନ୍‌କ

(ମାଥୂଉ ୧:୧-୧୭)

୨୩ ଯୀଶୁ ଆୟାଃ ସେଝାଏଚେଦ୍‌କେଦ୍ ଜମ୍ତାଜ୍ ତିରିଶ୍ ବାରାଷ୍‌ରେନ୍ ଲେକାଏ ତାଇକେନା ଆଡ଼ଃ ଜନିଃ ହଡ଼କଆଃ ସାରିଲେକାତେ ଯୋଷେଫ୍‌ଆଃ ହନ୍, ଆଡ଼ଃ ଯୋଷେଫ୍ ଏଲିଆଃ ହନ୍, ୨୪ ଏଲି ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀଆଃ ହନ୍, ଲେବୀ ମଲ୍‌ଖିଆଃ ହନ୍, ମଲ୍‌ଖି ଯାନ୍‌ୟଆଃ ହନ୍, ଯନ୍‌ୟ ଯୋଷେଫ୍‌ଆଃ ହନ୍, ୨୫ ଯୋଷେଫ୍ ମାଡ଼ିଥ୍ୟାରାଃ ହନ୍, ମାଡ଼ିଥ୍ୟା ଆମୋସ୍‌ଆଃ ହନ୍, ଆମୋସ୍ ନାହୁମ୍‌ଆଃ ହନ୍, ନାହୁମ୍ ଏସ୍‌ଲିଆଃ ହନ୍, ଏସ୍‌ଲି ନଗୟାଃ ହନ୍, ୨୬ ନଗୟା ମହଥ୍‌ଆଃ ହନ୍, ମହଥ ମାଡ଼ିଥ୍ୟାରାଃ ହନ୍, ମାଡ଼ିଥ୍ୟା ଶିମୟୀଆଃ ହନ୍, ଶିମୟୀ ଯୋସେଫାୟାଃ ହନ୍, ଯୋସେଫା ଯୋଦାୟାଃ ହନ୍, ୨୭ ଯୋଦା ଯୋହାନ୍‌ଆଃ ହନ୍, ଯୋହାନ୍ ରେଷାଆଃ ହନ୍, ରେଷା ଜିରୁବାବେଲ୍‌ଆଃ ହନ୍, ଜିରୁବାବେଲ୍ ଶଲ୍‌ତିୟେଲ୍‌ଆଃ ହନ୍, ଶଲ୍‌ତିୟେଲ୍ ନେରୀଆଃ ହନ୍, ୨୮ ନେରୀ ମଲ୍‌ଖିଆଃ ହନ୍, ମଲ୍‌ଖି ଅଦୀଆଃ ହନ୍, ଅଦୀ କୋସାମ୍‌ଆଃ ହନ୍, କୋସାମ୍ ଏଲ୍‌ମାଦାନ୍‌ଆଃ ହନ୍, ଏଲ୍‌ମାଦାନ୍ ଏର୍‌ଆଃ ହନ୍, ଏର୍ ଯିହୋଶିୟରାଃ ହନ୍, ୨୯ ଯିହୋଶିୟ ଏଲିୟାଜାର୍‌ଆଃ ହନ୍, ଏଲିୟାଜାର୍ ଯୋରିମ୍‌ଆଃ ହନ୍, ଯୋରିମ୍ ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀୟାଃ ହନ୍, ୩୦ ଲେବୀ ଶିମୋନ୍‌ଆଃ ହନ୍, ଶିମୋନ୍ ଯିହୁଦାଃ ହନ୍, ଯିହୁଦା ଯୋଷେଫ୍‌ଆଃ ହନ୍, ଯୋଷେଫ୍ ଯୋନାମ୍‌ଆଃ ହନ୍, ଯୋନାମ୍ ଏଲିୟାକିମ୍‌ଆଃ ହନ୍, ୩୧ ଏଲିୟାକିମ୍ ମଲ୍‌ହଆଃ ହନ୍, ମଲ୍‌ହ ମନ୍ନାୟାଃ ହନ୍, ମନ୍ନା ମିତ୍ରାୟାଃ ହନ୍, ମିତ୍ରା ନାଥାନ୍‌ଆଃ ହନ୍, ନାଥାନ୍ ଦାଉଦ୍‌ଆଃ ହନ୍, ୩୨ ଦାଉଦ୍ ଯିଶିଆଃ ହନ୍, ଯିଶି ଓବେଦ୍‌ଆଃ ହନ୍, ଓବେଦ୍ ବୋୟାଜ୍‌ଆଃ ହନ୍, ବୋୟାଜ୍ ଶାଲ୍‌ମନ୍‌ଆଃ ହନ୍, ଶାଲ୍‌ମନ୍ ନହଶୋନ୍‌ଆଃ ହନ୍, ୩୩ ନହଶୋନ୍ ଅନ୍ନୀନାଦବ୍‌ଆଃ ହନ୍, ଅନ୍ନୀନାଦବ୍ ଅଦ୍ଦିନ୍‌ଆଃ ହନ୍, ଅଦ୍ଦିନ୍ ଅର୍ଣ୍ଣୀଆଃ ହନ୍, ଅର୍ଣ୍ଣୀ ହେସ୍ତୋନ୍‌ଆଃ ହନ୍, ହେସ୍ତୋନ୍ ପେରସ୍‌ଆଃ ହନ୍, ପେରସ୍ ଯିହୁଦାଃ ହନ୍, ୩୪ ଯିହୁଦା ଯାକୁବ୍‌ଆଃ ହନ୍, ଯାକୁବ୍ ଇସାକ୍‌ଆଃ ହନ୍, ଇସାକ୍ ଆବ୍ରାହାମ୍‌ଆଃ ହନ୍, ଆବ୍ରାହାମ୍ ଥେରହ୍‌ଆଃ ହନ୍, ଥେରହ୍ ନାହୋର୍‌ଆଃ ହନ୍, ୩୫ ନାହୋର୍ ସରୁଗ୍‌ଆଃ ହନ୍, ସରୁଗ୍ ରଗୁଆଃ ହନ୍, ରଗୁ ଫେଲ୍‌ଗ୍‌ଆଃ ହନ୍, ଫେଲ୍‌ଗ୍ ଏବର୍‌ଆଃ ହନ୍, ଏବର୍ ଶେଲହ୍‌ଆଃ ହନ୍, ୩୬ ଶେଲହ୍ କେନାନ୍‌ଆଃ ହନ୍, କେନାନ୍ ଅର୍ଫ୍‌କ୍‌ଆଃ ହନ୍, ଅର୍ଫ୍‌କ୍ ଶେମ୍‌ଆଃ ହନ୍, ଶେମ୍ ନୁହୁଆଃ ହନ୍, ନୁହୁ ଲାମାକ୍‌ଆଃ ହନ୍, ୩୭ ଲାମାକ୍ ମଥୁଶେଲହ୍‌ଆଃ ହନ୍, ମଥୁଶେଲହ୍ ହନୋକ୍‌ଆଃ ହନ୍, ହନୋକ୍ ଯେରଦ୍‌ଆଃ ହନ୍, ଯେରଦ୍ ମହଲ୍‌ଲେଲ୍‌ଆଃ ହନ୍, ମହଲ୍‌ଲେଲ୍ କେନନ୍‌ଆଃ ହନ୍, ୩୮ କେନନ୍ ଏନୋଶ୍‌ଆଃ ହନ୍, ଏନୋଶ୍ ଶେଥ୍‌ଆଃ ହନ୍, ଶେଥ୍ ଆଦାମ୍‌ଆଃ ହନ୍, ଆଦାମ୍ ପାର୍‌ମେଶ୍‌ଆଃ ହନ୍ ।



ୟୀଶୁକେ ସାଏତାନ୍‌ଆଃ ବିଡ଼ାଅ

(ମାଥୂଉ ୪:୧-୧୧; ମାର୍କ ୧:୧୨-୧୩)

\* ୩:୨୨ ୩:୨୨ ମାଥୂଉ ୩:୧୭; ମାର୍କ ୧:୧୧; ଲୁକ ୯:୩୫.

୧ ଯୀଶୁ ପାବିତାର ଆମ୍ବାତେ ପେରେଃୟାନଲଃ ଯାଦାନ ଗାଡାଏତେ ରୁହାଡ଼ୟାନାଏ ଆତଃ ଆମ୍ବା ଇନିଃକେ ବିରତେ ଇଦିକିୟା । ୨ ଏନ୍ତାଃରେ ବାରହିସି ନିଦାସିଜି ଜାକେଦ୍ ସାଏତାନ ଇନିଃକେ ବିଡାଅକିୟା । ଏନ୍ ହୁଲାଙ୍ଗକରେ ଇନିଃ ଜେଡନାଃ କାଏ ଜମକେନା, ଆତଃ ଏନ୍ ନେଡା ଟୁଣ୍ଡୁୟାନରେ ରେଙ୍ଗେଜକିୟାଃ ।

୩ ସାଏତାନ ଯୀଶୁକେ କାଜିକିୟାଏ, “ଆମ୍ ପାର୍ମେଶ୍ଵାର୍ ଆଃ ହନ୍ ତାନମେରେଦ୍ ନେ ଦିରିକକେ ହଲଙ୍ଗ ବାଇୟଃକା ମେନ୍ତେ ଆତୁତାମ୍ ।”

୪ ଯୀଶୁ କାଜିରୁହାଡ଼କିୟାଏ, “ନେଆଁ ଧାରାମ୍ପୁଥିରେ ଅଲ୍ଲାନା, ‘ହଡ଼ ହଲଙ୍ଗତେ ଏସକାର୍ କାଏ ଜାହିଦଃଆ ।’”

୫ ସାଏତାନ ଇନିଃକେ ମିଆଁଦ୍ ସାଲାଜି ଠାୟାଦ୍ତେ ଇଦିକିୟାଏ ଆତଃ ଘାଡ଼ିକାଦ୍ରେଗି ଅତେଦିଶ୍ଵମରେୟାଃ ସବେନ୍ ରାଇଜ୍ ଉଦ୍‌ବୁକିୟାଏ । ୬ ଆତଃ ସାଏତାନ ଯୀଶୁକେ କାଜିକିୟାଏ, “ଆଇଙ୍ଗ୍ ନେ ସବେନାଃରେୟାଃ ଆକ୍ତେୟାର୍ ଆତଃ ସୁଗାଡାନ୍‌ତେୟାଃ ଆମ୍‌କେ ଏମାମେୟାଈଙ୍ଗ୍ ଚିୟାଃଚି ନେୟାଁ ସବେନ୍ ଆଇୟାଃ ଡିଃଇରେ ଏମାକାନା, ଆତଃ ଆଇଙ୍ଗ୍ ଆଇୟାଃ ସାନାଙ୍ଗ୍ ଲେକା ନେ ସବେନାଈଙ୍ଗ୍ ଏମ୍ ଦାଡ଼ିୟାଃ । ୭ ଏନାମେନ୍ତେ ଆଇଙ୍ଗ୍‌କେ ଇକ୍‌ଡ଼ମ୍‌କେଦ୍‌ତେ ଜହାରିଙ୍ଗ୍‌ରେଦମ୍ ନେୟାଁ ସବେନ୍ ଆମାଃଗି ହବାଅଆଃ ।”

୮ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ, ଚିୟାଃଚି ନେଆଁ ଧାରାମ୍ପୁଥିରେ ଅଲ୍ଲାନା, ‘ପ୍ରାଭୁ ଆମାଃ ପାର୍ମେଶ୍ଵାର୍‌କେ ଜହାରିମେ ଆତଃ ଇନିଃକେ ଏସକାର୍ ସୁସାରିମେ ।’”

୯ ଏନ୍ତେ ସାଏତାନ ଯୀଶୁକେଲେମ୍‌ତେ ଇଦିକିଃତେ ମାହିର୍ ଅଡ଼ାଃରେୟାଃ ଚୁଟିରେ ଡିଙ୍ଗୁକିୟା, ଆତଃ କାଜିକିୟାଏ, “ଆମ୍ ପାର୍ମେଶ୍ଵାର୍ ଆଃ ହନ୍ ତାନମେରେଦ୍ ନେତାଃଏତେ ଲାଡାର୍‌ତେ ତେଗାଅତାମେ । ୧୦ ଚିୟାଃଚି ଧାରାମ୍ପୁଥିରେ ନେୟାଁ ଅଲ୍ଲାନା, ‘ଆମ୍‌କେ ତେଲାମେ ନାଗେନ୍ତେ ପାର୍ମେଶ୍ଵାର୍ ଆୟାଃ ଦୁଡ଼କକେ ଆରୁକଆ ।’ ୧୧ ଆତଃଗି ଧାରାମ୍ପୁଥିରେ ଅଲ୍ଲାନା, ‘ଆମାଃ କାଟା ଦିରିରେ ଅଲ୍ଲକା ଠଗଃକା ମେନ୍ତେ ଇନ୍‌କୁ ଆକଆଃ ଡିଃଇତେକ ତେଲାମେୟାଁ ।’”

୧୨ ମେନ୍‌ଦ୍ ଯୀଶୁ କାଜିରୁହାଡ଼କିୟାଏ, “ଧାରାମ୍ପୁଥିରେ ନେଆଁହିଗି ଅଲ୍ଲାନା, ‘ପ୍ରାଭୁ ଆମାଃ ପାର୍ମେଶ୍ଵାର୍‌କେ ଆଲମ୍ ବିଡାଅଇୟା ।’”

୧୩ ସାଏତାନ ସବେନ୍ ବିନିଡାଅ ଚାବାକେଦାଏ ଆତଃ ଘାଡାଅ କା ନାମ୍ ଜାକେଦ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ।

ଯୀଶୁ ଗାଲିଲ୍‌ରେ ଇତୁକତାନାଏ  
(ମାଥ୍‌ଉ ୪:୧୨-୧୭; ମାର୍କ ୧:୧୪-୧୫)

୧୪ ଏନ୍ତେ ଯୀଶୁ ପାବିତାର୍ ଆମ୍ବାତେ ପେଡେଃ ନାମ୍‌ତାନଲଃ ଗାଲିଲ୍ ସାହାର୍‌ତେ ରୁହାଡ଼ୟାନାଏ, ଆତଃ ଇନିୟାଃ ନୁଡୁମ୍ ଗାଲିଲ୍‌ରେୟାଃ ହପର୍‌ଜାପାଃ ସବେନ୍‌ସାଃ ନିଡିର୍‌ୟାନା । ୧୫ ଇନିଃ ଇନ୍‌କୁଆଃ ସାମାଜ୍ ଅଡ଼ାଃକରେ ଇତୁକେଦ୍‌କଆଏ ଆତଃ ସବେନ୍‌କ ଇନିଃକେ ମାରାଙ୍ଗ୍‌କିୟାଃକ ।

ଯୀଶୁକେ ନାଜରେଡ଼ରେ କାକ ବିଶ୍ଵାସକିୟା  
(ମାଥ୍‌ଉ ୧୩:୫୩-୫୮; ମାର୍କ ୬:୧-୬)

୧୬ ଏନ୍ ତାୟମ୍‌ତେ ଇନିଃ ନାଜରେଡ଼ତେୟାଏ ହିଜୁଃୟାନା, ଏନ୍ତାଃରେ ଇନିଃ ଆସୁଲ୍ ହାରାକାନ୍ ତାଇନାଏ, ଆତଃ ଆୟାଃ ରିଡି ଲେକାତେ ରୁଡ଼ୁ ହୁଲାଙ୍ଗ୍ ସାମାଜ୍ ଅଡ଼ାଃରେ ବଲୟାନ୍ତେ, ଧାରାମ୍ପୁଥି ପାଡାଅ ନାଗେନ୍ତେ ବିରିଦ୍‌ୟାନାଏ । ୧୭ ଆତଃ ଇନ୍‌କୁ ଯିଶାୟ ନାବାୟାଃ ପୁଥି ଇନିଃକେକ ଏମ୍‌କିୟାଃ, ଇନିଃ ଏନା ରାଡାକେଦ୍‌ତେ ନେଆଁ ଅଲ୍ଲକାନ୍‌ତେୟାଃ ନାମ୍‌କେଦାଏ :



୧୮ “ପାରମ୍ପୋଶ୍ଵାର୍ଥାଃ ଆମ୍ବା ଆଇଙ୍ଗ୍ରେ ମୋନାଲୟାଃ,  
 ଚିୟାଃଚି ନାରାଦୁରା ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ ଜନିଃ  
 ଆଇଙ୍ଗ୍ରେ ଆଭିଷେକକାଦିୟାଁ ।

ତଲ୍ୟାକାନକ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ,  
 କାଣ୍ଠାକାନକ ନେନେଲ୍ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ,  
 ଦୁକୁତେ ତେନାକାନକଆଃ ଦୁକୁ ସାଜିନେ ନାଗେନ୍ତେ,  
 ୧୯ ପାରମ୍ପୋଶ୍ଵାର୍ଥାଃ ଲିବୁୟାନ୍ ବାରାଷ୍ଟରେୟାଃ କାଜି ଉଦୁବ୍ ନାଗେନ୍ତେ  
 ଆଇଙ୍ଗ୍ରେ କୁଲ୍ୟାକାଦିୟାଃଏ ।”

୨୦ ଏନ୍ତେ ଯାଶୁ ପୁଅକୁଡ଼ାକେଦ୍ରେ ଦାସକେ ଏମରୁହାଡ଼କିୟାଏ ଆତଃ  
 ଦୁବ୍ଯାନାଏ । ସାମାଜ୍ ଅଡ଼ାଃରେନ୍ ସବେନ୍କ ଜନିଃକେ ଆରିଦାକାକକ  
 ତାଇକେନା । ୨୧ ଯାଶୁ ଜନକୁକେ କାଜିକେଦକଆଏ, “ଆଇଙ୍ଗ୍ ପାଡ଼ାଅକେଦ୍  
 ଧାରାମ୍ପୁଅରେୟାଃ ନେ କାଜି ତିସିଙ୍ଗ୍ ଆପେୟାଃ ସାମ୍ନାଙ୍ଗ୍ରେ ପୁରାୟାନା ।”

୨୨ ଆତଃ ସବେନ୍କ ଯାଶୁଆଃ ବିଷାଏରେ ଗାଞ୍ଜା ଏମ୍ ଏଟେଦକେଦାକ, ଆତଃ  
 ଜନିୟାଃ ମଚାଏତେ ଅତଙ୍ଗ୍ଅଃତାନ୍ ସାୟାଦ୍ଵାରାଃ କାଜିତେକ ଆକ୍ଦାନ୍ଦାୟାନା ।  
 ଆତଃ ଜନକୁ କାଜିକେଦାଃକ, “ଚିୟାଃ ନିଃ ଯୋଷେଦ୍ଵାଃ ହନ୍ ନାହାଁଲିଃ ?”

୨୩ ଜନିଃ ଜନକୁକେ କାଜିକେଦକଆଏ, “ଆପେ ଆଇଙ୍ଗ୍ରେ ସାର୍ତିଗି  
 ଏନ୍ ମାରି ଜନ୍କାପେ କାଜିୟାକଙ୍ଗ୍ୟାଁ, ‘ଏ ବାଇଦ୍ ଆମ୍ ଆମ୍ଗି ବୁଗିନଃମେଁ  
 ଆତଃଗିପେ କାଜିୟା, ‘ଆମ୍ କପର୍ନାହୁମ୍ ସାହାର୍ରେମ୍ କାମିକେଦ୍ ସବେନାଃଲେ  
 ଆୟୁମାକାଦାଃ, ଏନା ନେ ଆମାଃ ଦିଶୁମ୍ରେୟ ଧାମିମେଁ ।” ୨୪ ଆତଃ ଯାଶୁ  
 ଜନକୁକେ ମେତାଦକଆ, “ଆଇଙ୍ଗ୍ ଆପେକେ ସାର୍ତିଗିଙ୍ଗ୍ କାଜିୟାପେତାନା,  
 ‘ଜେତାଏ ନାବୀ ଆୟାଃ ନାଗାର୍ରେ କାଏ ମାନାଡ଼ିଙ୍ଗ୍ଅଃଆ ।”

୨୫ “ଆଇଙ୍ଗ୍ ଆପେକେ ସାର୍ତି କାଜିୟାପେ ତାନାକଙ୍ଗ୍, ନାବୀ ଏଲିୟାଆଃ  
 ଦିପିଲିରେ ଆପି ବାରାଷ୍ଟ ତୁରିୟା ମାହଁନା ଜାକେଦ୍ ସିର୍ମାଏତେ ଦାଆଃ କାଏ  
 ଗାମାକେଦାଃ, ଏନାତେ ଗଟା ଦିଶୁମ୍ରେ ରିଙ୍ଗାକାନ୍ ତାଇକେନ୍ରେ ଇସ୍ରାଏଲ୍  
 ଦିଶୁମ୍ରେ ପୁରାଃଗି ରାଶ୍ଟ୍ରିକୃତିକ ତାଇକେନା । ୨୬ ମେନ୍ଦ୍ ସିଦୋନ୍ ଦିଶୁମ୍ରେୟାଃ  
 ସାରିଫାଡ଼ ହାଡ଼ରେନ୍ ମିଆଁଦ୍ ରାଶ୍ଟ୍ରିକୃତିତାଃ ଏଲିୟ କୁଲ୍ୟାୟାନାଏ । ୨୭ ଆତଃଗି  
 ଏଲିଶାୟ ନାବୀୟାଃ ଦିପିଲିରେ ଇସ୍ରାଏଲ୍ରେ ପୁରାଃ ନାଗେଦାଅଞ୍ଜାକାନକ  
 ତାଇକେନା ମେନ୍ଦ୍ ଜନକୁଏତେ ସୁରିୟା ଦିଶୁମ୍ରେନ୍ ନାମାନ୍ ଏସକାର୍  
 ଫାର୍ତିୟାନାଏ ।”

୨୮ ନେ କାଜି ଆୟୁମ୍କେଦ୍ରେ ସାମାଜ୍ ଅଡ଼ାଃରେନ୍ ସବେନ୍କ ଖ୍ଵେତେକ  
 ପେରେୟାନା । ୨୯ ଆତଃ ଜନକୁ ବିରିଦ୍ଯାନ୍ତେ ଜନିଃକେ ସାହାର୍ଏତେକ  
 ଅତଙ୍ଗ୍କିୟା ଆକଆଃ ସାହାର୍ ବୁରୁ ଚେତାନ୍ରେ ତାଇକେନା । ଆତଃ ଜନକୁ  
 ଜନିଃକେ ଇଲିଙ୍ଗ୍ ଉୟୁଗି ନାଗେନ୍ତେ ବୁରୁ ଚେତାନ୍ରେୟାଃ ଖାଲ୍ଗ୍ରେତେକ ଇଦିକିୟା  
 । ୩୦ ମେନ୍ଦ୍ ଜନିଃ ଜନକୁଆଃ ଆଲା ଆଲାଏତେ ଅତଙ୍ଗ୍ୟାନ୍ଲଃ ସେନଃୟାନାଏ ।

ୟାଶୁ ବଙ୍ଗା ଏସେରାକାଇ ହଡ଼କେ ବୁଗିକିୟାଏ  
 (ମାର୍କ ୧:୨୧-୨୮)

୩୧ ଯାଶୁ ଗାଲିଲ୍ରେୟାଃ କପର୍ନାହୁମ୍ ସାହାର୍ରେ ହିଜୁଃକେଦ୍ରେ ରୁଡ଼ନ୍  
 ହୁଲ୍ୟାଙ୍ଗ୍ରେ ଜନିଃ ହଡ଼କକେ ଇଡୁ ଏଟେଦକେଦ୍ଆଏ । ୩୨ ଜନିୟାଃ ଜନିଡୁରେ  
 ହଡ଼କ ଆକ୍ଦାନ୍ଦାୟାନାକ, ଚିୟାଃଚି ଜନିଃ ଆକ୍ତେୟାର୍ ନାମାକାଦ୍ନିଃଲେକା  
 ଇଡୁକତାନାଏ ତାଇକେନା । ୩୩ ସାମାଜ୍ ଅଡ଼ାଃରେ ମିଆଁଦ୍ ସଡ଼ରା ଆମ୍ତେ

☆ ୪:୨୪ ୪:୨୪ ଯୋହାନ୍ ୪:୪୪. ☆ ୪:୩୨ ୪:୩୨ ମାଥ୍ଵ ୭:୨୮,୨୯.

ଏସେରାକାନ୍ ହତ୍ତ ତାଇକେନାଏ । ଇନିଃ ପୁରାଃ କାଉରିତାନଲଃ କାଜିକେଦାଏ, ୩୪ “ହାଏରେ, ହେ ନାଜ୍ରେତ୍ରେନ୍ ଯୀଶୁ ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍ମେଶ୍ୱାର୍ଆଃ ପାବିତାର୍ନିଃ ତାନ୍ମେ, ଏନା ଆଇଙ୍ଫ୍ ସାରିତାନାଇଙ୍ଫ୍ ।”

୩୫ ଯୀଶୁ ଇନିଃକେ ମାରାଙ୍ଫମଚାକେଦ୍ତେ କାଜିକିୟାଏ, “ହାପାଅଃମେଁ, ଆତଃ ଇନିଃତାଃଏତେ ଅତଙ୍ଫଅଃମେ ।” ଏନ୍ତେ ଏନ୍ ସତ୍ତରା ଆମ୍, ଇନିଃକେ ସବେନ୍ଦ୍ଆଃ ଆଲ୍ମାରେ ଆଖାକିଦ୍ତି ଇନିୟାଃ ନକ୍ସାନ୍ କା ରିକାତାନଲଃ ଅତଙ୍ଫୟାନା ।

୩୬ ହତ୍ତକ ଆକ୍ଦାନ୍ଦାୟାନ୍ଲଃକ କୁପୁଲିୟାନା, “ନେଆଁ ଚିଲ୍କାନ୍ ଇନିତୁ ? ଇନିଃଦ୍ ଆକ୍ତେୟାର୍ତେ ଆତଃ ପେଡ଼େଃଲଃ ସତ୍ତରା ଆମ୍,କକେ ଅତଙ୍ଫଅଃ ନାଙ୍ଫ୍ ଆରୁକତାନାଏ ଆତଃ ଇନ୍କୁ ଇନିୟାଃ କାଜିକ ମାନାତିଙ୍ଫତାନା ।” ୩୭ ଏନ୍ତେଦ୍ ଯୀଶୁଆଃ କାଜି କଚାକୁନି ସବେନ୍ଦ୍ସାଃରେ ନିତିର୍ୟାନା ।

ୟୀଶୁ ପୁରାଃ ହତ୍ତକକେ ବୁଗିକତାନାଏ  
(ମାଥୂଉ ୮:୧୪-୧୭; ମାର୍କ ୧:୨୯-୩୪)

୩୮ ଯୀଶୁ ସାମାଜ୍ ଅତାଃଏତେ ଶିମୋନ୍ଆଃ ଅତାଃତେ ସେନଃୟାନାଏ । ପାତ୍ତରାସଆଃ ହାନାର୍ତେ ବରଝାନ୍ଗି ଉରିୟୁ ତାଇକେନା, ଆତଃ ଇନିୟାଃ ବୁଗିୟାଃ ନାଗେନ୍ତେ ଯୀଶୁକେ ବିକ୍ତିକିୟାଃକ । ୩୯ ଏନ୍ତେ ଯୀଶୁ ଇନିୟାଃ ହେପାଦ୍ରେ ତିଙ୍ଫୟାନ୍ଲଃ ଉରିୟୁକେ ମାରାଙ୍ଫମଚାକେଦାଏ ଆତଃ ଇନିଃ ଉରିୟୁଏତେ ବୁଗିୟାନା । ଆତଃ ଇମ୍ତାଙ୍ଫଗି ଇନିଃ ବିରିଦ୍କେଦ୍ତେ ଇନ୍କୁକେ ସୁସାର୍ ଏଟେଦ୍କେଦ୍କଆ ।

୪୦ ସିଙ୍ଫିହାସୁରଃ ତାନ୍ରେ ହତ୍ତକତାଃରେ ତାଇକେନ୍ ଦୁକୁହାସୁତାନ୍ ସବେନ୍ଦ୍ ହତ୍ତକକେ ଯୀଶୁତାଃତେକ ଆଉକେଦ୍କଆ, ଇନିଃ ମିପିଆଦ୍ ହତ୍ତକଆଃରେ ତିଃଇ ଦହକେଦ୍ତେ ବୁଗିକେଦ୍କଆଏ । ୪୧ ଆତଃଗି, ପୁରାଃ ହତ୍ତକତାଃଏତେ ବଙ୍ଫାକ ଅତଙ୍ଫୟାନ୍ଲଃକ କାଉରିକେଦାଃ, “ଆମ୍ ପାର୍ମେଶ୍ୱାର୍ଆଃ ହନ୍ ତାନ୍ମେ ।” ମେନ୍ଦ୍ ଯୀଶୁ ଇନ୍କୁକେ ହାପାଅଃ ନାଗେନ୍ତେ ମାରାଙ୍ଫମଚା କେଦ୍କଆ, ଆତଃ ଇନିଃ ବଙ୍ଫାକକେ କାଏ କାଜି ଇଚିକେଦ୍କଆ, ଚିୟାଃତି ଏନ୍ ବଙ୍ଫାକ ଇନିଃ ଖ୍ରୀଷ୍ଟ୍ ତାନିଃ ମେନ୍ତେକ ସାରିତାଇକେନା ।

ସାମାଜ୍ ଅତାଃରେ ଯୀଶୁଆଃ ଇନିତୁ  
(ମାର୍କ ୧:୩୫-୩୯)

୪୨ ଆଙ୍ଫୟାନ୍ତି, ଯୀଶୁ ସାହାର୍ଏତେ ଅତଙ୍ଫୟାନା ଆତଃ ମିଆଁଦ୍ ସିଃସଏଃ ଠାୟାଦ୍ତେ ସେନଃୟାନାଏ । ଗାଦେଲ୍ ହତ୍ତକ ଇନିଃକେ ଦାଣାଁ ନାମ୍କେଦ୍ତେ ଆୟାଃତାଃକ ହିଜୁଃୟାନା, ଆତଃ ଇନିଃ ଆକତାଃଏତେ ଆଲକାଏ ସେନଃକା ମେନ୍ତେ କେସେଦିତାନ୍କ ତାଇକେନା । ୪୩ ମେନ୍ଦ୍ ଇନିଃ କାଜିୟାଦ୍କଆଏ, “ଏଗାଃ ନାଗାର୍ରେୟ ପାର୍ମେଶ୍ୱାର୍ଆଃ ରାଇଜ୍ରେୟାଃ ସୁକୁକାଜି ଆଇଙ୍ଫକେ ଉଦୁବ୍ ଲାଗାତିଙ୍ଫୟାଃ, ଚିୟାଃତି ଏନା ନାଗେନ୍ତେ ପାର୍ମେଶ୍ୱାର୍ ଆଇଙ୍ଫକେ କୁଲାକାଇଙ୍ଫୟା ।”

୪୪ ଆତଃ ଇନିଃ ଯିହୁଦା ଦିଶୁମ୍ରେୟାଃ ସାମାଜ୍ ଅତାଃକରେ ଇତ୍ତକତାନାଏ ତାଇକେନା ।

## ୫

ୟୀଶୁ ପାହିଲା ଚେଲାକକେ କେଡାକେଦ୍କଆଏ  
(ମାଥୂଉ ୪:୧୮-୨୨; ମାର୍କ ୧:୧୭-୨୦)

୧ \*ମୁସିଙ୍ଗ ଯୀଶୁ ଗିନେସରେଡ଼ ଦରେୟା ନାଡ଼େଠରେ ତିଙ୍ଗୁଆକାନ ତାଇକେନାଏ, ଆଡ଼ଠ ଗାଦେଲ୍ ହଡ଼କ ପାର୍ମେଶ୍ୱାର୍‌ଆଠ କାଜି ଆୟୁମ୍ ନାଗେନ୍ତେ ଇନିଠକେ ଜୁରୁବିୟୁରାକାଇକ ତାଇକେନା, ୨ ଇନିଠ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍‌କେଦାଠ, ହାକୁସାବ୍ ହଡ଼କ ଏନ୍ ଲାଉକାଏଡେ ଆଡ଼ଗୁକେଦଡେ ଜାଲୋମକ ଚାପିତାଇକେନା । ୩ ଯୀଶୁ ଏନାଏଡେ ମିଆଁଦ୍ ଲାଉକାରେ ରାକାଦ୍‌ୟାନାଏ, ଏନାଦ ଶିମୋନ୍‌ଆଠ ତାଇକେନା ଆଡ଼ଠ ଯୀଶୁ ଇନିଠକେ ଦରେୟା ଗେନାଏଡେ ହୁଡ଼ିଙ୍ଗ୍ ସାଙ୍ଗିନ୍‌ଡେ ଇଦିମେ ମେନ୍ତେ ବିକ୍ରିକିୟାଏ । ଏନ୍ତେ ଇନିଠ ଲାଉକାରେ ଦୁବ୍‌ୟାନ୍‌ଚି ଗାଦେଲ୍ ହଡ଼କକେ ଇଡୁକେଦକଆଏ ।

୪ ଇନିଠ କାଜିଚାବାକେଦଚି ଶିମୋନ୍‌କେ କାଜିକିୟାଏ, “ଲାଉକା ତାମାଠକେ ଇକିରଡେ ଇଦିମେ ଆଡ଼ଠ ହାକୁସାବ୍ ନାଗେନ୍ତେ ଜାଲୋମ୍ ତାମାଠ ହୁଦ୍‌ମାଏମେ ।”

୫ \*ମେନ୍‌ଦ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍‌ନିଦାଲେ କାମିକେଦା ଆଡ଼ଠ ମିଆଁଦ୍‌ହ ହାକୁ କାଲେ ସାବ୍‌କେଦକଆ । ମେନ୍‌ଦ ଆମାଠ କାଜିଡେ ଜାଲୋମ୍ ହୁଦ୍‌ମାୟାଈଙ୍ଗ୍ ।” ୬ \*ଇନ୍‌କୁ ଜାଲୋମ୍ ହୁଦ୍‌ମାକେଦଚି ପୁରାଠ ହାକୁକ ଜାଲୋମ୍‌କେଦକଆ, ଆଡ଼ଠ ଇନ୍‌କୁଆଠ ଜାଲୋମ୍‌କ ଚାଗାଡ଼ଠତାନ୍ ତାଇକେନା । ୭ ଇମ୍‌ତାଙ୍ଗ୍ ଇନ୍‌କୁ ଦେଙ୍ଗାମାଙ୍ଗ୍ ମେନ୍ତେ ଆକଆଠ ଗାତିକକେ ହାକାଅ କେଦକଆକ । ଆଡ଼ଠ ଗାତିକ ହିଜୁଠକେଦଡେ ବାରିଆ ଲାଉକାରେ ନିମିନ୍ ହାକୁ ପେରେଠକେଦକଆକ ଯେ ଲାଉକା ତାକଆଠ ତୁବିଜଠତାନ୍‌ଲେକା ହବାଅଠ ତାଇକେନା । ୮ ଏନା ନେଲ୍‌କେଦଡେ ଶିମୋନ୍ ପାଡ଼ରାସ୍ ଯୀଶୁଆଠ କାଟା ସୁବାରେ ଉୟୁଠୟାନାଏ ଆଡ଼ଠ କାଜିକେଦାଏ, “ହେ ପ୍ରାଭୁ ଆଇଁୟାଠତାଏଡେ ସାଙ୍ଗିନଠମେଁ, ଆଇଙ୍ଗ୍‌ଦ ପାପି ହଡ଼ ତାନିଙ୍ଗ୍ ।”

୯ ଶିମୋନ୍ ପାଡ଼ରାସ୍ ଆଡ଼ଠ ଆୟାଠ ଗାତିକ ମିସାତରା ନିମିନ୍ ହାକୁ ନେଲ୍‌କେଦଡେ ଆକ୍‌ଦାନ୍‌ଆୟାନାକ । ୧୦ ଆଡ଼ଠ ଜେବଦାୟାଠ ହନ୍ ଯାକୁବ୍ ଆଡ଼ଠ ଯୋହାନ୍ ଶିମୋନ୍‌ଲଠ ମିସାଡେ କାମି ତାଇକେନାକିନ୍ ଆଡ଼ଠ ଏନ୍ ବାରାନ୍‌କିନ୍‌ହ ଆକ୍‌ଦାନ୍‌ଆ ଯାନାକିନ୍ । ଆଡ଼ଠ ଯୀଶୁ ଶିମୋନ୍‌କେ କାଜିକିୟାଏ, “ଆଲମ୍ ବରଏୟା, ନାହାଁଠଏଡେ ଆମ୍ ହଡ଼କକେ ପାର୍ମେଶ୍ୱାର୍‌ତାଠଡେ ଆଉକଆମ୍ ।”

୧୧ ଏନ୍ତେ ଇନ୍‌କୁ ଲାଉକାକକେ ଦରେୟା ଗେନାଡେ ଡେବାଠକେଦଚି ସବେନାଠ ବାଗିକେଦଡେ ଯୀଶୁକେକ ଅତଙ୍ଗକିୟା ।

ଯୀଶୁ ମିଆଁଦ୍ ନାଗେଘାଞ୍ଜାକାନ୍ ହଡ଼କେ ବୁଗିକିୟାଏ  
(ମାଥୁଉ ୮:୧-୪; ମାର୍କ ୧:୪୦-୪୫)

୧୨ ଯୀଶୁ ମିଆଁଦ୍ ସାହାରରେ ତାଇକେନ୍ ଇମତା ଏନ୍ତାଠରେ ନାଗେଘାଅଡେ ପେରେଜାକାନ୍ ମିଆଁଦ୍ ହଡ଼ ତାଇକେନାଏ । ଇନିଠ ଯୀଶୁକେ ନେଲ୍‌ଲଠଗି ଇକ୍‌ଡ଼ମୁକେଦଡେ ବିକ୍ରିତାନ୍‌ଲଠ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର୍ ଦାଡ଼ିୟାମ୍ ।”

୧୩ ଏନ୍ତେ ଯୀଶୁ ଆୟାଠ ତିଠଇ ଜିଲିଙ୍ଗ୍‌କେଦଡେ ଜୁଟିଦ୍‌କିୟାଏ ଆଡ଼ଠ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଠମେ ।” ଆଡ଼ଠ କାଜିତାନ୍ ତର୍‌ସାଗି ଇନିୟାଠ ନାଗେଘାଅ ଫାରିୟାନା । ୧୪ ଏନ୍ତେ ଯୀଶୁ ହୁକୁମ୍‌କିୟାଏ, “ଜେତାଏକେ ନେ କାଜି ଆଲମ୍ ଉଦୁବ୍‌କଆଠ, ମେନ୍‌ଦ, ଜୁ, ଯାଜାକ୍‌ତାଠରେ ଉଦୁବେନ୍‌ମେ ଆଡ଼ଠ ଇନ୍‌କୁଆଠ ଗାଞ୍ଜାମାଙ୍ଗ୍ ମୁଶାନାବୀ ଆତୁକାଦ୍ ଲେକାଡେ ଆମାଠ ଫାରିରେୟାଠ ଦାଣେଁ ରାକାବେମେଁ ।”

\* ୫:୧ ୫:୧ ମାଥୁଉ ୧୩:୧,୨; ମାର୍କ ୩:୯,୧୦; ୪:୧.    ✧ ୫:୫ ୫:୫ ଯୋହାନ୍ ୨୧:୩.    ✧ ୫:୬ ୫:୬ ଯୋହାନ୍ ୨୧:୬.

୧୫ ଆତ୍ମା ଯୀଶୁଆ ୫ ବିଷାଏରେୟା କାଜି ପୁରାଃଗି ନିତିରୟାନା, ଏନ୍ତେ ଜନିୟାଃ ଇତୁଆନ୍ କାଜିକ ଆୟୁମ୍ ନାଗେନ୍ତେ ଆତ୍ମା ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡକ ଜନିଃତାଃରେକ ହୁଣ୍ଡିୟାନା । ୧୬ ମେନ୍ଦ୍ ଯୀଶୁ ସିଃସଏଃ ଠାୟାଦ୍ତେ ସେନଃୟାନ୍ତେ ବିକ୍ରିକେଦାଏ ।

ଯୀଶୁ ମିଆଁଦ୍ ବାଡକାନନିଃକେ ବୁଗି ତାନାଏ  
(ମାଥୁଉ ୯:୧-୮; ମାର୍କ ୨:୧-୧୨)

୧୬ ମୁସିଙ୍ଗହୁଲାଇଁ ଯୀଶୁ ଇତୁତାନାଏ ତାଇକେନା, ଏନ୍ତାଃରେ ଫାରୁଶୀ ଆତ୍ମା ଆଇନ୍ ଇତୁକ ଦୁବାକାନକ ତାଇକେନା, ଜନ୍କୁ ଗାଲିଲରେୟାଃ ସବେନ୍ ହାତୁ ଆତ୍ମା ଯିହୁଦା ଦିଶୁମ୍ରେୟାଃ ସବେନ୍ ହାତୁ ଆତ୍ମା ଯୀରୁଶାଲେମ୍ଏତେ ହିଜୁଃକାନକ ତାଇକେନା । ଆତ୍ମା ଦୁକୁତାନକେ ବୁଗିନ୍ ନାଗେନ୍ତେ ପ୍ରାତୁଆଃ ପେଡ଼େଃ ଯୀଶୁଲଃ ତାଇକେନା । ୧୭ ହଡକ ମିଆଁଦ୍ ବାଡକାନନିଃକେ ପାରକମ୍ରେ ବାଟିୟାକାନଗି ଗଅଃ ଆଉକିୟାକ ଆତ୍ମା ଜନିଃକେ ଭିତାର୍ତେ ଇଦିକେଦ୍ତେ ଯୀଶୁଆଃ ସାମ୍ନାଙ୍ଗ୍ରେ ଦହନାଙ୍ଗ୍ ସାନାଙ୍ଗ୍ତାନକ ତାଇକେନା । ୧୯ ଗାଦେଲ୍ ହଡକ ତାଇକେନ୍ ହରାତେ ଜନ୍କୁ ଜନିଃକେ ଭିତାର୍ତେ ଆଉ ନାଙ୍ଗ୍ ହରା କାକ ନାମ୍କେଦା । ଏନାତେ ଜନ୍କୁ ସାଡ଼ମି ରେତାନ୍ତେ ପାରକମ୍ଲଃଗି ଜନିଃକେ ତେଙ୍ଗଃ ରାକାବ୍କିୟାଃକ ଆତ୍ମା ସାଡ଼ମି ଖାପରା ଆତମକେଦ୍ତେ ଯୀଶୁଆଃ ସାମ୍ନାଙ୍ଗ୍ରେ ତୁଙ୍ଗା ଆଡ଼ଗୁକିୟାଃକ । ୨୦ ଯୀଶୁ ଏନ୍ ହଡକଆଃ ବିଶ୍ୱାସ୍ ନେଲ୍କେଦ୍ତେ କାଜିକିୟାଏ, “ଏ ଗାତି, ଆମାଃ ପାପ୍କ ଛାମାୟାନା ।”

୨୧ ଆଇନ୍ ଇତୁକ ଆତ୍ମା ଫାରୁଶୀକ ଆକ ଆକରେ ଉଡ଼ୁକେଦାଃକ, “ପାର୍ମେଶ୍ୱାର୍ତ୍ତେ ନିୟାଜତାନ୍ ନେ ହଡ ଅକଏ ତାନିଃ ? ପାର୍ମେଶ୍ୱାର୍ତ୍ତେ ବାଗିକେଦ୍ତେ ଆତ୍ମା ଅକଏ ପାପ୍ଛାମା ଦାଡ଼ିୟାଏ ?”

୨୨ ମେନ୍ଦ୍ ଯୀଶୁ ଜନ୍କୁଆଃ ଉଡ଼ୁଆବ୍କାର୍ତ୍ତେକେଦ୍ତେ ମେତାଦକଆଏ, “ଆପେ ଆପେୟାଃ ମନ୍ରେ ତିନାଃପେ ଉଡ଼ୁତାନା ? ୨୩ ଅକ୍ନାଃ ରାଝାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଝାଲାଃ ତି ‘ବିରିଦ୍ମେ ଆତ୍ମା ସେନେମେ’ ମେନ୍ତେ କାଜିତେୟାଃ ? ୨୪ ମେନ୍ଦ୍ ମାନଝାହନ୍ଆଃ ନେ ଅତେଦିଶୁମ୍ରେ ପାପ୍ ଛାମାରେୟାଃ ଆକ୍ତେୟାର୍ ମେନାଃ” ଏନା ଆପେ ସାରିକାମେନ୍ତେ, ଜନିଃ ଏନ୍ ବାଡକାନନିଃକେ କାଜିକିୟାଏ, “ମାର୍ ବିରିଦ୍ମେ ଆତ୍ମା ପାରକମ୍ତାମାଃ ଗଅଃକେଦ୍ତେ ଆମାଃ ଅଡ଼ାଃତେ ସେନଃମେ ।”

୨୫ ଜମ୍ତାଙ୍ଗ୍ଗି ଜନିଃ ଜନ୍କୁଆଃ ସାମ୍ନାଙ୍ଗ୍ରେ ବିରିଦ୍ମାନାଏ, ଆତ୍ମା ଆୟାଃ ଗିଡ଼ିଜାକାନ୍ ପାରକମ୍କେ ତେଙ୍ଗଃକେଦ୍ତେ ପାର୍ମେଶ୍ୱାର୍ତ୍ତେ ମାନାରାଙ୍ଗ୍ ଦୁରାଙ୍ଗ୍ତାନଲଃ ଅଡ଼ାଃତେ ସେନଃୟାନାଏ । ୨୬ ଏନ୍ତାଃରେ ତାଇକାନ୍ ସବେନ୍କ ଆକ୍ଦାଦାଅୟାନକ ଆତ୍ମା ପାର୍ମେଶ୍ୱାର୍ତ୍ତେ ମାରାଙ୍ଗ୍କିୟାକ, “ଆବୁ ତିସିଙ୍ଗ୍ ହାଏକାଟ୍ କାମିବୁ ନେଲ୍କେଦା” ମେନ୍ତେ ବରତାନଲଃକ କାଜିକେଦା ।

ଯୀଶୁ ଲେବୀକେ କେଡ଼ାଇତାନା  
(ମାଥୁଉ ୯:୯-୧୩; ମାର୍କ ୨:୧୩-୧୭)

୨୭ ଏନ୍ ତାୟମ୍ତେ ଯୀଶୁ ଅତଙ୍ଗ୍ୟାନା, ଆତ୍ମା ଲେବୀ ନୁତୁମ୍ ମିଆଁଦ୍ ମାଲ୍ହାରମ୍ନିଃକେ ମାଲ୍ହାରମ୍ ଠାୟାଦ୍ରେ ଦୁବାକାନାଏ ନେଲ୍କିୟା । ଯୀଶୁ ଜନିଃକେ ମେତାଇକାଏ, “ଦେଲା ଅତଙ୍ଗ୍ଇଙ୍ଗ୍ମେ ।” ୨୮ ଆତ୍ମା ଲେବୀ ସବେନାଃ ବାଗିକେଦ୍ତେ ବିରିଦ୍ମାନାଏ ଆତ୍ମା ଜନିଃକେ ଅତଙ୍ଗ୍କିୟା ।

୨୯ ଏନ୍ତେ ଲେବୀ ଆୟାଃ ଅଡ଼ାଃରେ ଯୀଶୁ ନାଗେନ୍ତେ ମିଆଁଦ୍ ମାରାଙ୍ଗ୍ ଜମେୟାଃ ବାଇକେଦାଏ, ଆତ୍ମା ପୁରାଃ ମାଲ୍ହାରମ୍କି ଆତ୍ମା ଏଗାଃ ହଡକ ଜନ୍କୁଲଃକ

ଜମ୍ଭାକେନା । ୩୦\* ଫେନଦ ଫାରୁଣୀ ଆତଃ ଆଇନ୍ ଇତୁକ କୁରୁରାଅଃତାନଲଃ  
ଆୟାଃ ଚେଲାକକେ ମେତାଦକଆକ, “ଆପେ ମାଲହାରମ୍‌ଲଃ ଆତଃ ପାପିକଲଃ  
ଚିକା ନାଗେନ୍ତେ ଜମ୍, ନୁଁ ତାନାପେ ?”

୩୧ ଯୀଶୁ ଇନକୁକେ କାଜିକେଦକଆଏ, “କା ହାସୁତାନକଆଃ ନାଗେନ୍ତେ ବାଇଦ୍  
କା ଲାଗାତିଙ୍‌ୟାଃ ଫେନଦ ହାସୁତାନକଆଃ ନାଗେନ୍ତେ ବାଇଦ୍ ଲାଗାତିଙ୍‌ୟାଃ ।  
୩୨ ଆଇଙ୍ ଧାରମାନ୍ ହଡକକେ କେଡ଼ା ନାଗେନ୍ତେ କାଇଙ୍ ହିଜୁଆକାନା, ମେନଦ  
ପାପି ହଡକଆଃ ମନରୁହାଡ଼ଃ ନାଗେନ୍ତେ ହିଜୁଆକାନାଇଙ୍ ।”

ରେଙ୍‌ଫଃ କାଟାବ୍‌ରେୟାଃ କୁନୁଲି  
(ମାଥୁଉ ୯:୧୪-୧୭; ମାର୍କ ୨:୧୮-୨୨)

୩୩ ଚିମିନ୍ ହଡକ ଯୀଶୁକେ କାଜିକିୟାଃକ, “ଯୋହାନ୍‌ଆଃ ଚେଲାକ ମଣେଁସା  
କାଟାବ୍ ଆତଃ ବିକ୍ରିୟାଃକ, ଏନଲେକା ଫାରୁଣୀକଆଃ ଚେଲାକହ ରିକାଃକ, ମେନଦ  
ଆମାଃ ଚେଲାକ ସବେନ୍ ଇମ୍‌ତାଙ୍ ଜମ୍ ନୁଁ ତାନାକ ।”

୩୪ ଯୀଶୁ ମେତାଦକଆଏ, “ଚିୟାଃ ଆଣ୍‌ଦିଅଡ଼ାଃରେ ଦୁଲ୍ଲକଡ଼ା ବାଲାକଲଃ  
ତାଇନଃ ଜାକେଦ୍ ଆପେ ଚିୟାଃ ଇନକୁକେ କାଟାବ୍‌ରିକା ଦାଡ଼ିୟାକଆପେ ? କାହାରି  
! ୩୫ ମେନଦ ନେଡ଼ା ହିଜୁଃଆ ଚିମ୍‌ତାଙ୍ ଇନକୁତାଃଏତେ ଦୁଲ୍ଲକଡ଼ା ବିନଗାଅଃଆଏ,  
ଇମ୍‌ତାଙ୍ ଇନକୁ କାଟାବ୍ ରିକାଏୟାକ ।”

୩୬ ଇନିଃ ଇନକୁକେ ନେ ଜନକା କାଜି କାଜିୟାଦକଆଏ, “ଜେତାଏ ନାଞ୍ଜା  
ଲିଜାଃରେୟାଃ କେଟାଃ ମାରି ଲିଜାଃରେ ଜଡ଼ାଇକେଦ୍‌ତେ କାକ ତୁନାୟା । ଆତଃ  
ଏନକାଲେରେଦ ନାଞ୍ଜା ଲିଜାଃଏ ଚାଗାଡ଼େୟା ଆତଃ ନାଞ୍ଜା ଲିଜାଃରେୟାଃ କେଟାଃ  
ମାରିଲିଜାଃରେ କା ମେସାଅଃଆ । ୩୭ ଆତଃ ଜେତାଏ ନାଞ୍ଜା ଦାଖରାସିକେ ମାରି  
ଉହୁର୍‌ତୁମ୍‌ୟାରେ ଜେତାଏ କାକ ଦୁଲ୍‌ପେରେଜେୟା । ଚିୟାଃଚି ନାଞ୍ଜା ଦାଖରାସି ମାରି  
ଉହୁର୍‌ତୁମ୍‌ୟାରେୟାଃ ଆଇଲାକେ ଚାଗାଡ଼ତାଃଏ ଆତଃ ଦାଖରାସି ଲିଙ୍ ଶ୍ଵାଗଃଆ  
ଆତଃ ଉହୁର୍‌ରେୟାଃ ଆଇଲା ଜିୟନଃଆ । ୩୮ ମେନଦ ନାଞ୍ଜା ଦାଖରାସିକେ ନାଞ୍ଜା  
ଉହୁର୍‌ତୁମ୍‌ୟାରେୟାଃ ଆଇଲାରେ ପେରେଃ ଲାଗାତିଙ୍‌ୟାଃ । ୩୯ ଆତଃ ଜେତାଏ ହଡ଼  
ମାରି ଦାଖରାସି ନୁଁକେଦ୍ ତାୟମ୍‌ତେ ନାଞ୍ଜା କାଏ ସାନାଙ୍‌ଆଃ, ଚିୟାଃଚି ଇନିଃଦ୍  
‘ମାରିତେୟାଃକେ ବୁଗିନ୍‌ତେୟାଃ ତାନାଃ’ ମେନେୟାଏ ।”



ୟୀଶୁ ରୁଡ଼ନୁ ହୁଲାଙ୍‌ରେନ୍ ଗମ୍‌କେତାନିଃ  
(ମାଥୁଉ ୧୨:୧-୮; ମାର୍କ ୨:୨୩-୨୮)

୧ ରୁଡ଼ନୁ ହୁଲାଙ୍‌ରେ ଯୀଶୁ ହେରାକାନ୍ ପିଡ଼ି ଆଲାଆଲାତେ ସେନଃତାନ୍  
ତାଇକେନାଏ, ଆତଃ ଆୟାଃ ଚେଲାକ ଗେଲେ ଜ’କେ ହଦ୍‌କେଦ୍‌ତେ ଡିଃଇଲଃ  
ଇଡକିଦ୍‌କେଦ୍‌ତେ ଜମ୍‌ତାନ୍‌କ ତାଇକେନା । ୨ ମେନଦ ଚିମିନ୍ ଫାରୁଣୀକ  
କୁଲିକିୟାଃକ, “ରୁଡ଼ନୁ ହୁଲାଙ୍‌ରେ କା ଲାଗାତିଙ୍ କାମି ଚିନାଃମେନ୍ତେକ ରିକାତାନା  
?”

୩ ଯୀଶୁ ଇନକୁକେ କାଜିରୁହାଡ଼ାଦକଆଏ, “ଦାଉଦ୍ ଆତଃ ଆୟାଃ ଗାତିକ  
ରେଙ୍‌ଫଃୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେଚି ପାଡ଼ାଞ୍ଜାକାଦାଃ ?  
୪ ଇନିଃ ପାର୍‌ମେଶ୍ଵାର୍‌ଆଃ ଅଡ଼ାଃତେ ବଲୟାନା, ଆତଃ ପାର୍‌ମେଶ୍ଵାର୍‌ଆଃ ନୁଡ଼ମ୍‌ରେ  
ଏମାକାନ୍ ହଲଙ୍, ଅକ୍‌ନାଃକେଚି ଆଇନ୍ ଲେକାତେ ଯାଜାକ୍ ଏସ୍‌କାର୍ ଜମ୍  
ଦାଡ଼ିୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆତଃ ଆୟାଃଲଃ  
ତାଇକାନ୍‌କେୟ ଏମାଦକଆଏ ।”

\* ୫:୩୦ ୫:୩୦ ଲୁକ ୧୫:୧,୨.

୫ ଏବେ ଯୀଶୁ ମେତାଦକଆଏ, “ମାନଙ୍କାହନ୍ ରୁଡ଼ନ୍ ହୁଲାଙ୍ଗରେନ୍ ଗମକେ ତାନିଃ ।”

ଯୀଶୁ ମିଆଁଦ୍ ରହଡ଼ାକାନ୍ ତିଃଇ ନିଃକେ ବୁଗି ‘ତାନା  
(ମାଥୁର ୧୨:୯-୧୪; ମାର୍କ ୩:୧-୬)

୬ ଆତଃ ଏଟାଃ ରୁଡ଼ନ୍ ହୁଲାଙ୍ଗରେ ଇନିଃ ସାମାଜ୍ ଅଡ଼ାଃରେ ବଲୟାନ୍ତେ ଇତୁକେଦକଆଏ, ଆତଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୭ ଆତଃ ଯୀଶୁ ରୁଡ଼ନ୍ ହୁଲାଙ୍ଗରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫାରୁଶୀକ ଆତଃ ଆଇନ୍ ଇତୁକ ଇନିଃକେ ଘାତାଇତାନ୍କ ତାଇକେନା ଚିୟାଃଚି ଇନ୍କୁ ଯୀଶୁକେ ଚିଟାଇ ନାଗେନ୍ତେ ହରାକ ଦାଣ୍ଠି ତାଇକେନା । ୮ ମେନ୍ଦ୍ ଯୀଶୁ ଇନ୍କୁଆଃ ଉଡ଼଼ୁ ସାରିକେଦ୍ତେ, ଏନ୍ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ମାର ବିରିଦ୍ମେ ଆତଃ ସବେନ୍କଆଃ ସାମନାଙ୍ଗରେ ତିଙ୍ଗୁନ୍ମେ, ଆତଃ ଇନିଃ ବିରିଦ୍ମାନ୍ଚି ଏନ୍ତାଃରେ ତିଙ୍ଗୁୟାନାଏ ।” ୯ ଏବେ ଯୀଶୁ ଇନ୍କୁକେ କାଜିୟାଦକଆଏ, “ଆଇଙ୍ଗ୍ ଆପେକେ କୁଲିପେତାନାଇଙ୍ଗ୍, ଆବୁଆଃ ଆଇନଲେକାତେ ରୁଡ଼ନ୍ ହୁଲାଙ୍ଗରେ ଅକନ୍ କାମି ରିକା ଲାଗାତିଙ୍ଗ୍ୟାଃ ? ମିହୁଡ଼ଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ଚି ଏଡ଼କାନ୍ କାମିତେୟାଃ ବୁଗିନାଃ ? ଜୀଉ ବାଞ୍ଚାଅତେୟାଃ ଚି ଜୀଉ ଜିୟନେତେୟାଃ ?” ୧୦ ଇନିଃ ସବେନ୍କକେ ନେଲ୍ବିୟୁର୍ କେଦକଚି ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍ୟେମେ ।” ଏବେ ଇନିଃ ତିଃଇତାୟାଃ ଜିଲିଙ୍ଗ୍କେଦାଏ ଆତଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା ।

୧୧ ମେନ୍ଦ୍ ଇନ୍କୁ ଏନେସେଦ୍\*ତେ ବାଲୁୟାନାକ, ଆତଃ ଯୀଶୁକେ ଚିନାଃବୁ ଚିକାଇୟା ମେନ୍ତେ ଆକଥାଲାରେ କାପାଜିୟାନାକ ।

ଯୀଶୁ ଆୟାଃ ଗେଲ୍ବାର୍ ଚେଲାକକେ ସାଲାକତାନାଏ  
(ମାଥୁର ୧୦:୧-୪; ମାର୍କ ୩:୧୩-୧୯)

୧୨ ଏନ୍ ହୁଲାଙ୍ଗକରେ ଯୀଶୁ ବିନ୍ତି ନାଗେନ୍ତେ ମିଆଁଦ୍ ବୁରୁତେ ଅତଙ୍ଗୟାନା, ଆତଃ ମିଦ୍ନିଦା ପାର୍ମେଶ୍ୱାର୍ତାଃରେ ବିନ୍ତିକେଦାଏ । ୧୩ ଆଙ୍ଗୟାନ୍ଚି ଇନିଃ ଆୟାଃ ଚେଲାକକେ ଆୟାଃତାଃରେ କେଡ଼ାକେଦକଆଏ ଆତଃ ଇନ୍କୁଏତେ ଗେଲ୍ବାର୍ ହଡ଼କକେ ସାଲାକେଦକଆଏ, ଆତଃ ଇନ୍କୁକେ ପ୍ରେରିଡ଼ ମେନ୍ତେ ନୁଡୁମକେଦକଆଏ । ୧୪ ଇନ୍କୁଆଃ ନୁଡୁମ୍ ଶିମୋନ୍, ଇନିଃକେ ପାଡ଼ରାସ୍ ମେନ୍ତେ ନୁଡୁମକିୟାଏ, ଶିମୋନ୍ଆଃ ହାଗାତେ ଆନ୍ଦ୍ରିୟାସ୍, ଯାକୁବ୍, ଯୋହାନ୍, ଫିଲିପ୍, ବାର୍ଥୋଲମି, ୧୫ ମାଥୁର, ଥୋମା, ଆଲ୍ଫିୟନାଃ ହନ୍ତେକଡ଼ା ଯାକୁବ୍, ଶିମୋନ୍, ଅକଏଚି ଇସ୍ରାଏଲ୍ ହଡ଼କଆଃ ତନଲ୍ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଇକେନାଏ, ୧୬ ଯାକୁବ୍ଆଃ ହନ୍ତେକଡ଼ା ଯିହୁଦା, ଆତଃ ଇଷ୍ଟାରିୟଡ଼ ଯିହୁଦା, ତାୟମ୍ତେ ନେ ଯିହୁଦା ଯୀଶୁକେ ବାଇରିକତାଃରେ ଜିମାକିୟାଏ ।

ବୁରୁରେ ଯୀଶୁଆଃ ଇନିତୁ  
(ମାଥୁର ୪:୨୩-୨୫)

୧୭ ଯୀଶୁ ଆୟାଃ ଚେଲାକଲଃ ବୁରୁଏତେ ଲାତାର୍ତେ ଆଡ଼ଗୁୟାନାକ । ଆତଃ ଇନିଃ ତିଙ୍ଗୁକାନ୍ ସାମ୍ ଠାୟାଦ୍ତାଃରେ ଆୟାଃ ପୁରାଃ ଗାଦେଲ୍ ଚେଲାକ ତାଇକେନା ଆତଃ ଏନ୍ତାଃରେ ଗଟା ଯିହୁଦା ଦିଶୁମ୍ରେନ୍, ଯୀରୁଶାଲେମ୍ରେନ୍, ଦରେୟାଗେନା ସୋର୍ରେନ୍ ଆତଃ ସିଦୋନ୍ରେନ୍ ପୁରାଃ ହଡ଼କ ତାଇକେନା । ୧୮ ଇନ୍କୁ ଯୀଶୁଆଃ ଇନିତୁ ଆୟୁମ୍ ଆତଃ ଆକଆଃ ବୁକୁଏତେ ବୁଗିୟାଃ ନାଗେନ୍ତେ ହିଜୁଃକାନ୍କ ତାଇକେନା । ଆତଃ ସଡ଼ରା ଆମ୍ବାକଏତେ ଦୁକୁଆକାନ୍କ ବୁଗିୟାନା ୧୯ ଆତଃ

\* ୭:୧୧ 6:11 ଶ୍ୱ

ସବେନକ ଇନିଃକେ ଜୁରିଦିନାଙ୍ଗକ ସାନାଙ୍ଗ ତାଇକେନା, ଚିୟାଃଚି ଇନିଃତାଃଏତେ ପେଡ଼େଃ ଅତଙ୍ଗଅଃତାନ ତାଇକେନା ଆତଃ ଇନ୍କୁ ବୁଗିଅଃତାନକ ତାଇକେନା ।

ଆଶିଷ୍ ଆତଃ ଦୁକୁ  
(ମାଥୁର ୫:୧-୧୨)

୨୦ ଯୀଶୁ ଆୟାଃ ଚେଲକସାଃ ନେଲକେଦତେ କାଜିକେଦକଆଏ,  
“ରେଙ୍ଗେଃତାନକ ସୁକୁତାନଗିୟାଃ;

ଚିୟାଃଚି ସିର୍ମା ରାଇଜ୍ ଇନ୍କୁଆଃଚି ତାନାଃ ।

୨୧ ନାହାଁଃ ଆପେ ରେଙ୍ଗେଃତାନକ, ସୁକୁତାନ ଗିୟାଃପେ,  
ପାର୍ମେଶ୍ୱାର୍ ଆପେକେ ବିୟାଃଚି ଏମାପେୟା !

ନାଆଃ ଆପେ ରାଆଃଏ ତାନକ, ସୁକୁତାନ ଗିୟାଃପେ,  
ଚିୟାଃଚି ଆପେଦ ଲାନ୍ଦାଏୟାପେ ।

୨୨ \*“ମାନଃହନଆଃ ନାଗେନ୍ତେ ହଡ଼କ ଆପେକେ ହିଲାଙ୍ଗପେରେ, ଆପେକେ ଆତମ୍ପପେରେ, ଆପେକେ ନିନ୍ଦାପେରେ ଆତଃ ଆପେୟାଃ ନୁଡୁମ୍ ଏଡକାନ ନୁଡୁମ୍ଲେକାକ ଇଦିଲେରେ ଆପେ ସୁକୁତାନ ଗିୟାଃପେ । ୨୩ \*ଏନ୍ ହୁଲାଙ୍ଗ୍ ରାସକାଅଃପେ ଆତଃ ରାସକାତେ ସୁସୁନ୍ନେପେ, ଚିୟାଃଚି ନେଲେପେ, ଆପେୟାଃ ନାଙ୍ଗ୍ ପୁରାଗି ଜ ସିର୍ମାରେୟା । ଇନ୍କୁଆଃ ପୁରଂଶାହାଡ଼ାମ୍ ନାବାକକେ ସିଗିଦକେଦକଆକ ।

୨୪ “ମେନ୍ଦ ଆପେ କିସାଁଶ୍ ହଡ଼କଆଃ ହାୟ ହାୟ ଆପେ ଦୁକୁପେ ନାମେୟା,  
ଚିୟାଃଚି ଆପେଦ ଆପେୟାଃ ଜୀଦାନରେ ଜୀଉରାଡ଼େଃପେ ନାମ୍ତାବାକାଦାଃ ।

୨୫ ଆପେ ନାହାଁଃ ବିୟାକାନକଆଃ ହାୟ ହାୟ,  
ଆପେଦପେ ରେଙ୍ଗେଜଆଃ ।

ଆପେ ନାହାଁଃ ଲାନ୍ଦାତାନକଆଃ ହାୟ ହାୟ,  
ଚିୟାଃଚି ଆପେଦପେ ଏୟମ୍ପେୟା† ଆତଃପେ ରାଆଃୟା ।

୨୬ “ସବେନ୍ ହଡ଼କ ଆପେକେ ବୁଗିନକ ମେତାପେରେ, ଆପେୟାଃ ହାୟ ହାୟ,  
ଇନ୍କୁଆଃ ପୁରଂଶାହାଡ଼ାମ୍ ହସଡ଼‡ ନାବାକକେ ଏନ୍କାକେଦକଆକ ।

ବାଇରିକକେ ଦୁଲାଡ଼କପେ  
(ମାଥୁର ୫:୩୮-୪୮; ୭:୧୨)

୨୭ “ମେନ୍ଦ ଆଇଙ୍ଗ୍ ଆପେ ଆୟୁମ୍ତାନକକେ କାଜିୟାପେ ତାନାଇଙ୍ଗ୍, ଆପେୟାଃ ବାଇରିକକେ ଦୁଲାଡ଼କପେ, ଅକନକ ଆପେକେ ଖ୍ୱସାଅପେୟାକ ଇନ୍କୁଆଃ ବୁଗିନ୍ ରିକାଏପେ । ୨୮ ଜେତାଏ ଆପେକେ ସାର୍ପାଅପେକ, ଆଶିଷ୍କପେ, ଆପେକେ ହିଲାଙ୍ଗପେକ, ବିନ୍ତିପେ । ୨୯ ଜେତାଏ ଆପେକେ ମିଆଁଦ୍ ଜଆରେ ଆପଡ଼ିପେରେଦ, ଏଟାଃ ଜଂଘାହଗି ବିୟୁରାଇପେ । ଜେତାଏ ଆପେୟାଃ ଚାଦାର୍ ଲିଜାଃ ଇଦିରେଦ, ଇନିଃକେ ଆପେୟାଃ ହଡ଼ମ୍ରେ ତୁସିଙ୍ଗ୍ ଲିଜାଃ ହଗି ଇଦିନାଙ୍ଗ୍ ଆଲପେ ମାନାଇୟାଃ । ୩୦ ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆତଃ ଆପେୟାଃ ମେନାଃତେୟାଃ ରେଃକ୍‌ଇଦିପେରେଦ, ଇନିଃକେ ଆଲପେ ଆସିରୁହାଡ଼ିୟାଃ । ୩୧ \*ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ ସାନାଙ୍ଗ୍ତାନ ଲେକା, ଆପେୟାଗି ଇନ୍କୁ ନାଗେନ୍ତେ ଏନ୍ଲେକା ରିକାଏପେ ।

୩୨ “ଆପେକେ ଅକନକ ଦୁଲାଡ଼ପେତାନାକ ଇନ୍କୁକେ ଏସକାର୍ ଦୁଲାଡ଼ରେକରେ, ଆପେ ଚିକା ନାଙ୍ଗ୍ ଆଶିଷ୍ପେ ନାମେୟା ? ପାପି ହଡ଼କହ

\* ୭:୨୨ ୭:୨୨ e ପାଡ଼ରାସ୍ ୪:୧୪.   \* ୭:୨୩ ୭:୨୩ ପ୍ରେରିଡ଼ ୭:୫୨.   † ୭:୨୫ ୭:୨୫ ଗୋକ୍‌ଏୟା  
‡ ୭:୨୬ ୭:୨୬ ଭଣ୍ଡ   \* ୭:୩୧ ୭:୩୧ ମାଥୁର ୭:୧୨.

ଆକଳେ ଦୁଲ୍ଲାଡ଼ତାନ୍ ହଡ଼କକେ ଦୁଲ୍ଲାଡ଼କଆକ । ୩୩ ଆଡ଼ ଅକନ୍ଦ ଆପେୟାଃ ବୁଗିନାଃ କାମିତାନାକ, ଇନ୍ଦକୁଆଃ ଏସକାର୍ ଆପେ ବୁଗିନ୍ କାମିପେ ରିକାଏ ରେଦ, ଆପେ ଚିକାନ୍ ଆଶିଷପେ ନାମେୟା ? ପାପି ହଡ଼କହଗି ଏନ୍ଲେକା କାମିୟାଃକ । ୩୪ ଆଡ଼ ଅକନ୍ କତାଃଏତେ ଆପେୟାଃ ନାମଃ ରୁହାଡ଼ରେୟାଃ ଆସ୍ତା ତାଇନାଃ, ଇନ୍ଦକୁକେ ଏସକାର୍ ରିଶୀଠି ଏମଲେକରେ ଆପେ ଚିକାନ୍ ଆଶିଷପେ ନାମେୟା ? ଏମାକାଦ୍ତେୟାଃ ଇମିୟାଈଗିବୁ ନାମରୁହାଡ଼େୟାଃ ମେନ୍ତେ ପାପି ହଡ଼କହଗି ପାପିକକେ ରିଶୀକ ଏମାକଆଃ । ୩୫ ମେନ୍ଦ ଆପେୟାଃ ବାଇରିକକେ ଦୁଲ୍ଲାଡ଼କପେ, ବୁଗିନ୍ କାମି ରିକାଏପେ ଆଡ଼ ନାମରୁହାଡ଼ରେୟାଃ ଆସ୍ତାବାଗିକେଦ୍ତେ ରିଶୀ ଏମାକପେ ଏନ୍ତେ ଆପେ ପୁରାଃ ଜ'ପେ ନାମେୟା, ଆପେ ମାରାଈ ଉତାର୍ନିୟାଃ ହନ୍ଦପେ ବାୟୁଆ, ଚିୟାଠି ଇନିଃଦ କା ଜହାର୍କ ଆଡ଼ ଏଡ଼କାନ୍କକେ ଲିବୁଇୟାକତାନାଏ । ୩୬ ଆପେୟାଃ ସିମ୍ବୀରେନ୍ ଆପୁ ଲିବୁଇତାନ୍ ଲେକା, ଆପେୟା ଲିବୁଆକପେ ।

ଏଟାଃକକେ ଆଲ୍ପେ ବିଚାରକଆ  
(ମାଥୂଉ ୭:୧-୫)

୩୭ “ଏଟାଃକକେ ଆଲ୍ପେ ବିଚାରକଆ, ଏନାରେ ପାର୍ମେଶ୍ୱାର୍ ଆପେକେ କାଏ ବିଚାରପେୟା, ଆଲ୍ପେ ଚିଟାକଆ, ଏନ୍ତେ ଆପେ କାପେ ଚିଟାଃଝା । ଛାମାକପେ, ଏନ୍ତେ ଆପେକେ ଛାମାଝାଃ । ୩୮ ଏମେପେ, ଏନ୍ତେ ଆପେକେ ଏମଃଆ, ପାର୍ମେଶ୍ୱାର୍ ଆପେକେ, ତାମ୍ବିରେ ଅତାପେରେଃକେଦ୍ତେ, ଆଡ଼ ଉଛୁଲାଅଃଗି ପୁରାଃ ସଙ୍ଗକେଦ୍ତେ ଆପେୟାଃ କୟ୍ରେକ ଦୁଲ୍ଲାପେୟା ଚିୟାଠି ଆପେ ସଙ୍ଗେ ତାମ୍ବିରେଗି ଆପେ ନାଗେନ୍ତେ ସୋଙ୍ଗଃଆ ।”

୩୯ \*ଆଡ଼ ଯୀଶୁ ଇନ୍ଦକୁକେ ନେ ଜନ୍ଦକା କାଜି କାଜିୟାଦ୍ଦକଆଏ, “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆଡ଼ ମିଆଁଦ୍ ମେଦ୍ କା ନେଲ୍ ଦାଡ଼ିନିଃକେ ହରା ଉଦୁଦ୍ ଦାଡ଼ିୟାଃଏ ? ଇନିଃ ଏନ୍ଦକା ରିକାଏରେଦ, ଚିୟାଃ ବାରାନ୍ଦକିନ୍ ଗାତାରେକିନ୍ ଉୟୁଗଃଆ ? ୪୦ \*ଗୁରୁଏତେ ତେଲା କାଏ ମାରାଈଆଃ, ମେନ୍ଦ ଜେତାଏ ପୁରା ଇଡ଼କେଦ୍ତେ ଆୟାଃ ଗୁରୁ ଲେକାଅଥାଏ ।

୪୧ “ଆମ୍ ଆମାଃ ମେଦ୍ରେଆଃ ରୁବାଃ କା ନେଲ୍କେଦ୍ତେ ହାଗାମାଃ ମେଦ୍ରେଆଃ ହୁଡ଼ିଙ୍ଗ୍ ରୁବାଃ ଚିକା ନାଗେନ୍ତେମ୍ ନେଲେତାନା ? ୪୨ ଆମାଃ ମେଦ୍ରେ ରୁବାଃ ତାଇନ୍ଦକେଦ୍ତେ, ‘ହାଗାମାଃ ମେଦ୍ରେଆଃ ରୁବାଃକେ ଅତଙ୍ଗ୍ତାମାଈଙ୍ଗ୍’ ମେନ୍ତେ ଚିଲ୍କାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍ରେଆଃ ରୁବାଃ ଅତଙ୍ଗ୍ରେୟାମ୍, ଏନ୍ତେ ହାଗାମାଃ ମେଦ୍ରେଆଃ ରୁବାଃ ଅତଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍ଦାଡ଼ିୟା ।

ମିଆଁଦ୍ ଦାରୁ ଆଡ଼ ଏନାରେୟାଃ ଜ  
(ମାଥୂଉ ୭:୧୭-୨୦; ୧୨:୩୩-୩୫)

୪୩ “ବୁଗିନ୍ ଦାରୁରେଦ ଏଡ଼କାନ୍ ଜ କା ଜଅଃଆଃ, ଆଡ଼ ଏଡ଼କାନ୍ ଦାରୁରେଦ ବୁଗିନ୍ ଜ କା ଜଅଃଆଃ । ୪୪ \*ମିମିଆଦ୍ ଦାରୁଦ୍ ଆୟାଃ ଜ'ଡେଗି ନେଲ୍ଉରୁମଃଆ । ଜାନୁମ୍ ଦାରୁଏତେଦ ହଡ଼କ ଲିଆ ଜ କାକ ଗଦେୟା ଆଡ଼ ଜାନୁମ୍ ରୁପାଦ୍ଏତେଦ ଦାଖ୍ ଜ କାକ ଗଦେୟା । ୪୫ \*ବୁଗିନ୍ ହଡ଼ ଆୟାଃ ମନ୍ସୁରୁଦ୍ ଲେକାନ୍ ବୁଗିନ୍ ଭାଣ୍ଡାର୍ଅଡ଼ାଃଏତେ ବୁଗିନାଃ ତେୟାଃ ଅତଙ୍ଗ୍ରେୟାଏ ଆଡ଼ ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାର୍ଅଡ଼ାଃଏତେ ଏଡ଼କାନ୍ତେୟାଃ ଅତଙ୍ଗ୍ରେୟାଏ । ଚିଆଠି ଆୟାଃ ମନ୍ସୁରୁଦ୍ରେ ପେରେଜାକାନ୍ତେୟାଃ ମତାଏ କାଜିୟା ।

୧ ୭:୩୪ ୭:୩୪ ଉୟାର୍ ☆ ୭:୩୯ ୭:୩୯ ମାଥୂଉ ୧୫:୧୪. ☆ ୭:୪୦ ୭:୪୦ ମାଥୂଉ ୧୦:୨୪,୨୫; ଯୋହାନ୍ ୧୩:୧୭; ୧୫:୨୦. ☆ ୭:୪୪ ୭:୪୪ ମାଥୂଉ ୧୨:୩୩. ☆ ୭:୪୫ ୭:୪୫ ମାଥୂଉ ୧୨:୩୪.



ବାର ରାକାମ୍ ଅଡ଼ାଃରେୟାଃ ବାବାଇନିଃ  
(ମାଥୂଉ ୭:୨୪-୨୭)

୪୭ “ଆପେ ଚିନାଃମେନ୍ତେ ଆଇଙ୍ଗକେ, ‘ହେ ପ୍ରାଭୁ, ହେ ପ୍ରାଭୁପେ,’  
ମେତାଇଙ୍ଗତାନା ଆତଃ ଆଇଁୟାଃ କାଜି ଆପେ କାପେ ମାନାତିଙ୍ଗତାନା ? ୪୭ ଜେତାଏ  
ଆଇଁୟାଃତାଃ ହିଜୁଃନିଃ ଆତଃ ଆଇଁୟାଃ କାଜି ଆୟୁମକେଦ୍‌ତେ ମାନାତିଙ୍ଗନିଃ,  
ଇନିଃ ଅକଏ ଲେକାଃଏ ଏନା ଆପେକେଇଙ୍ଗ ଉଦୁବାପେୟା । ୪୮ ଇନିଃ ନେ’ଲେକାନ୍  
ଅଡ଼ାଃ ବାଇତାନ୍ ହଡ଼ ଲେକାଃଏ, ଇନିଃ ଉରକେଦ୍‌ତେ ନିହିଁ ଗାଡ଼ା କେଦାଏ ଆତଃ  
ଦିରି ଚେତାନ୍‌ରେ ବାଇକେଦାଏ, ଆତଃ ଚୁଡ଼ା ହିଜୁଃଲେନ୍‌ରେ ଏନ୍ ଅଡ଼ାଃରେ ଦାଆଃ  
ଚଗଃତାନ୍ ତାଇକେନା ମେନ୍‌ଦ ଏନାକେ କାଏ ହାଦୁଡ଼ ଦାଡ଼ିକେଦା, ଚିୟାଃତି ଏନାଦ  
ଚାଟେନ୍ ଦିରି ଚେତାନ୍‌ରେ ବାଇୟାକାନ୍ ତାଇକେନା । ୪୯ ମେନ୍‌ଦ ଆଇଁୟାଃ  
କାଜି ଆୟୁମକେଦ୍‌ତେ କା ମାନାତିଙ୍ଗନିଃ ଅତେରେ ବେଗାର୍ ନିହିଁ ଗାଡ଼ାତେ  
ବାଇୟାକାନ୍ ଅଡ଼ାଃ ଲେକାନ୍‌ନିଃ ତାନିଃ, ଏନ୍ ଅଡ଼ାଃରେ ଚୁଡ଼ା ଦାଆଃ ପୁରାଃଗି  
ଧାକ୍‌କାକେଦ୍ ଇମ୍‌ତା ଏନା ହାଦୁଡ଼ୟାନା ଆତଃ ଏନାରାଃ ଜିୟନଃ ପୁରାଃ ବରଝାନ୍‌ଗି  
ହବାୟାନା ।”



ୟୀଶୁ ମିଦ୍‌ଗାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଏ  
(ମାଥୂଉ ୮:୫-୧୩)

୯ ୟୀଶୁ ହଡ଼କକେ ଆୟାଃ ସବେନ୍ କାଜି କାଜିଚାବାକେଦ୍‌ତି କପରନାହୁମ୍  
ସାହାର୍‌ତେ ବଲୟାନାଏ । ୨ ଏନ୍ତାଃରେ ମିଦ୍‌ଗାଅ ସିପାଇକଆଃ ମିଆଁଦ୍ ରୋମି  
ଗମ୍‌କେୟାଃ ଦାସି ବେମାର୍‌ତେ ଗଜଃଲେକାଏ ତାଇକେନା, ଇନିଃକେ ଇନିୟାଃ  
ଗମ୍‌କେ ପୁରାଃଗି ଦୁଲାଡ଼ିତାନାଏ ତାଇକେନା । ୩ ମିଦ୍‌ଗାଅ ସିପାଇକଆଃ ଗମ୍‌କେ  
ୟୀଶୁଆଃ ବିଷାଏରେ ଆୟୁମକେଦ୍‌ତି, ଆମ୍ ହିଜୁଃକେଦ୍‌ତେ ଆଇଁୟାଃ ଦାସିକେ  
ବୁଗିମେ ମେନ୍ତେ ଯିହୁଦୀକଆଃ ପ୍ରାଚିନକକେ ୟୀଶୁତାଃ ଗୋହାର୍ ନାଗେନ୍ତେ  
କୁଲକେଦ୍‌କଆଏ । ୪ ଇନ୍‌କୁ ୟୀଶୁତାଃ ସେଟେରୟାନ୍‌ତି ଇନିଃକେ ପୁରାଃଗି  
ବିକ୍ତିତାନ୍‌ଲଃ କାଜିକିୟାଏ, “ଇନିଃ ଆମାଃ ଦେଙ୍ଗା ନାମେ ଲେକାଗିୟାଏ । ୫ ଚିୟାଃତି  
ଇନିଃଦ ଆବୁ ଜାତିରେନ୍‌କକେ ଦୁଲାଡ଼କତାନାଏ ଆତଃ ଆଇଃକ୍‌ଗି ଆବୁନାଙ୍ଗ୍  
ସାମାଜ୍ ଅଡ଼ାଃ ବାଇୟାକାଦାଏ ।”

୬ ଏନାତେ ୟୀଶୁ ଇନ୍‌କୁଲଃ ସେନଃୟାନାଏ । ଆତଃ ୟୀଶୁ ଇନିୟାଃ ଅଡ଼ାଃ  
ନାଡେଃତେ ହିଜୁଃ ସେଟେରତାନ୍ ଇମ୍‌ତା ଇନିଃ ଆୟାଃ ଗାତିକକେ ୟୀଶୁତାଃତେ  
କାଜି କୁଲକେଦ୍‌କଆଏ, “ହେ ଗମ୍‌କେ ଆଲମ୍ ଦୁକୁନାଃ, ଚିୟାଃତି ଆମ୍ ଆଇଁୟାଃ  
ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ ନାହାଁଲିଙ୍ଗ୍ । ୭ ଏନା ନାଗେନ୍ତେ ଆଇଙ୍ଗ୍  
ଆମାଃତାଃତେ ସେନଃନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦାଃ । ମେନ୍‌ଦ ଆମ୍ ମିସାଗି  
କାଜିତାମ୍, ଆଇଁୟାଃ ଦାସି ବୁଗିକଆଃଏ । ୮ ଚିୟାଃତି ଆଇଙ୍ଗ୍‌ହିଁ ଏଟାଃକଆଃ  
ଆକ୍‌ତେୟାର୍‌ରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ  
। ଆଇଙ୍ଗ୍ ମିହୁଡ଼କେ ସେନଃମେ ମେତାଇରେଦ୍ ଇନିଃ ସେନଃଆଏ ଆତଃ  
ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ  
କାମିମେ ମେତାଇରେ ଇନିଃ କାମିୟାଏ ।”

୯ ୟୀଶୁ ନେୟାଁ ଆୟୁମକେଦ୍‌ତେ ଆକ୍‌ଦାନ୍ଦାୟାନା, ଆତଃ  
ହେତାରୁହାଡ଼କେଦ୍‌ତେ ଆୟାଃ ତାୟମ୍‌ରେ ଅତଙ୍ଗ୍‌ଇଁ ତାନ୍‌କକେ କାଜିୟାଦ୍‌କଆଏ,  
“ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଇସ୍ରାଏଲ୍‌ରେୟ ନେ ଲେକାନ୍ ମାରାଙ୍ଗ୍  
ବିଶ୍ୱାସ୍ କାଇଙ୍ଗ୍ ନାମାକାଦାଃ ।”

୧୦ ଏବେ ଯୀଶୁଆଃ ଜାପାଃତେ କୁଲ୍ଲେନ୍ଦକ ଅଡ଼ାଃତେ ରୁହାଡ଼ୟାନ୍ତେ ଏନ୍ ଦାସିକେ ବୁଗିୟାକାନ୍ଦକ ନାମକିୟାଃ ।

ଯୀଶୁ ରାଣ୍ଡିକୁଡ଼ିଆଃ ହନ୍ଦକେ ଜୀହିଦ୍ ରୁହାଡ଼ିତାନାଏ

୧୧ ଏଟାଃ ହୁଲାଇଁରେ ଯୀଶୁ ନାଇନ୍ ନୁଡୁମ୍ ମିଆଁଦ୍ ସାହାର୍ତେ ସେନଃୟାନାଏ, ଆଡ଼ଃ ଇନିଃଲଃ ଆୟାଃ ଚେଲାଇ ଆଡ଼ଃ ଗାଦେଲ୍ ହଡ଼କ ଇନିୟାଃଲଃ ସେନ୍ଦାନକ ତାଇକେନା । ୧୨ ଆଡ଼ଃ ସାହାର୍ ଦୁଆର୍ତେ ତେବାଃୟାନ୍ତି, ହଡ଼କ ମିଆଁଦ୍ ମାଁଡ଼ା ଗଅଃ ଅତଙ୍ଗଏତାନକ ତାଇକେନା । ଇନିଃ ଆୟାଃ ରାଣ୍ଡିକୁଡ଼ି ଏଙ୍ଗାତେୟାଃ ମିଆଁଦ୍ଗି ହନ୍ଦକଡ଼ା ତାଇକେନାଏ । ଆଡ଼ଃ ସାହାର୍ରେନ୍ ଗାଦେଲ୍ ହଡ଼କ ଇନିଃଲଃ ତାଇକେନାକ । ୧୩ ଏନ୍ ରାଣ୍ଡିକୁଡ଼ିକେ ନେଲ୍ଲକେଦ୍ତେ ପ୍ରାଭୁ ଇନିଃକେ ଦାୟାଈତାନଲଃ କାଜିକିୟାଏ, “ଆଲ୍ଲମେ ରାଆଃୟା ।” ୧୪ ଏବେ ଯୀଶୁ ସେନ୍ ନାଡ଼େଃକେଦ୍ତେ ପାର୍କମାଏ ଜୁଟିଦ୍କେଦା ଆଡ଼ଃ ଗଅଃକାଦ୍ ହଡ଼କ ତିଙ୍ଗୁୟାନାକ । ଯୀଶୁ ଗଜାକାନ୍ ହଡ଼କେ କାଜିକିୟାଏ, “ଏ ସେପଡ଼େଦ୍, ମାର୍ ବିରିଦ୍ମେ ମେତାମ୍ତାନାଇଙ୍ଗ !” ୧୫ ଏନ୍ ଗଜାକାନ୍ନିଃ ବିରିଦ୍ୟାନ୍ଲଃ ଦୁଦ୍ୟାନାଏ, ଆଡ଼ଃ ବାଖାଁଣ୍ ଏଟେଦ୍କେଦାଏ, ଯୀଶୁ ଇନିଃକେ ଇନିୟାଃ ଏଙ୍ଗାତେତାଃରେ ଜିମାକିୟାଏ ।

୧୬ ନେୟାଁ ନେଲ୍ଲକେଦ୍ତେ ସବେନ୍ଦକ ବରକେଦାଃକ ଆଡ଼ଃ ପାର୍ମେଶ୍ୱାର୍କେ ମାନାରାଙ୍ଗ୍ ତାନଲଃ କାଜିକେଦାଃକ, “ଆବୁ ଆଲାରେ ମିଆଁଦ୍ ମାରାଙ୍ଗ୍ ନାବୀ ହିଜୁଆକାନାଏ । ପାର୍ମେଶ୍ୱାର୍ ଆୟାଃ ହଡ଼କକେ ବାସ୍ତାଅ ନାଙ୍ଗ୍ ହିଜୁଆକାନାଏ ।”

୧୭ ଆଡ଼ଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆଡ଼ଃ ଗଟା ହପର୍ଜାପାଃ ଦିଗୁମ୍ରେ ନିତିର୍ୟାନା ।

ବାପ୍ତିସ୍ତା ଏମଃନିଃ ଯୋହାନ୍ଆଃ କୁଲି ଆଡ଼ଃ ଯୀଶୁଆଃ କାଜିରୁହାଡ଼୍ (ମାଥ୍ୱଉ ୧୧.୨-୧୯)

୧୮ ଯୋହାନ୍ଆଃ ଚେଲାଇ ନେ ସବେନ୍ କାଜିକ ଯୋହାନ୍କେ ଉଦୁବ୍କିୟାଃକ । ୧୯ ଯୋହାନ୍ ଆୟାଃ ଚେଲାଇଏତେ ବାର୍ହଡ଼କିନ୍ଦକେ କେଡ଼ାକେଦ୍କିନାଏ, ଆଡ଼ଃ ପ୍ରାଭୁତାଃତେ ନେଆଁ କୁଲିନାଙ୍ଗ୍ କୁଲ୍ଲକେଦ୍କିନାଏ “ଏନ୍ ହିଜୁଃନିଃ ଆମ୍ଗି ତାନମେ ତି ଏଟାଃନିଃଲେ ନେଲ୍ଲହରାଇୟା ?”

୨୦ ଆଡ଼ଃ ଇନ୍ଦକିନ୍ ଯୀଶୁତାଃ ହିଜୁଃୟାନ୍ତେ କାଜିକେଦାଃକିନ୍ ବାପ୍ତିସ୍ତା ଏମଃନିଃ ଯୋହାନ୍ ଆଲିଙ୍ଗକେ ଆମାଃତାଃତେ ନେୟାଁ କୁଲି ନାଗେନ୍ତେ କୁଲାଇଦ୍ଲିଙ୍ଗଆଏ, “ଏନ୍ ହିଜୁଃନିଃ ଆମ୍ଗି ତାନମେ ତି ଏଟାଃନିଃଲେ ନେଲ୍ଲହରାଇୟା ।”

୨୧ ଏନ୍ ଦିପିଲିରେଗି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆଡ଼ଃ ଏଡ଼କାନ୍ ଆମ୍ ଆସେରାକାଦ୍ ହଡ଼କକେ ବୁଗିକେଦ୍କଆଏ, ଆଡ଼ଃ ପୁରାଃ କା ନେଲ୍ଲଦାଡ଼ିତାନକକେ ନେଲ୍ଲିକାକେଦ୍କଆଏ । ୨୨ ଯୀଶୁ ଯୋହାନ୍ଆଃ ଚେଲାଇନ୍ଦକେ କାଜିକେଦ୍କିନାଏ, “ଆବେନ୍ ରୁହାଡ଼କେଦ୍ତେ ଅକ୍ନାଃବେନ୍ ନେଲାଇଦା ଆଡ଼ଃ ଆୟୁମାକାଦା ଏନାକ ଯୋହାନ୍କେ ଉଦୁବାଇବେନ୍, କାଣାଁକାନ୍ଦକ ନେଲେତାନା, କାଟା ଲେଙ୍ଗଡ଼ାକାନ୍ଦକ ସେସେନ୍ଦାନା, ନାଗେଘାଅକାନ୍ଦକ ଫାର୍ତିଅଃତାନା, ଭାଏଁରାକାନ୍ଦକ ଆୟୁମେତାନା, ଗଜାକାନ୍ଦକ ଜୀଉବିରିଦ୍ ରୁହାଡ଼ଃତାନା, ଆଡ଼ଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା । ୨୩ ଆଇୟାଃ ବିଷାଏରେ ଅକନ୍ଦକଆଃ ଜେତାନ୍ ଆଡ଼ାଃତଡ଼ୁ ବାନଃଆ, ଇନ୍ଦକୁ ସୁକୁତାନ୍ଗିୟା ।”

୨୪ ଯୋହାନ୍ଆଃ ଚେଲାଇନ୍ ସେନଃୟାନ୍ତି ଯୀଶୁ ଯୋହାନ୍ଆଃ ବିଷାଏରେ ହଡ଼କକେ କାଜି ଏଟେଦ୍କେଦ୍ଆଏ, “ଆପେ ଚିକ୍ନାଃ ନେନେଲ୍ଲତେ ବିର୍ତେପେ ସେନ୍ଦକେନା ? ଚିନାଃ ହୟତେ ଏକ୍ଲାଇଅଃତାନ୍ ବିର୍ଦିନି ତାସାଦ୍କେ ? ୨୫ ଏନା

କା'ରେଦ ଚିକ୍ନାଃ ନେନେଲ୍‌ତେପେ ଅତଙ୍ଗ୍‌ୟାନା । ଚିନାଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡ଼କେ ? ନେଲେପେ, ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ଆତଃ ସୁକୁତେ ତାଇନଃତାନ୍ ହଡ଼କ ରାଜାକଆଃ ଅତଃକରେକ ତାଇନାଃ ।<sup>୨୬</sup> କାଜିଙ୍ଗ୍‌ପେ, ଏନା କାହାରେଦ, ଚିକ୍ନାଃ ନେନେଲ୍‌ତେପେ ଅତଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ୍ ଆପେକେ ସାର୍‌ତିଗି ମେତାପେ ତାନାଇଙ୍ଗ୍, ନାବୀଏତେ ମାରାଙ୍ଗ୍‌ନିଃକେପେ ନେଲିୟା ।<sup>୨୭</sup> ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲାଇନା, 'ପାର୍‌ମେଶ୍ଵାର୍ କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।'<sup>୨୮</sup> ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, 'କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାରରେ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାୟା, ହଲେହ୍ ପାର୍‌ମେଶ୍ଵାର୍‌ଆଃ ରାଇଙ୍‌ରେନ୍ ହୁଡ଼ିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ ।''

<sup>୨୯</sup> ଯୀଶୁଆଃ ଇନିତୁ ଆୟୁମ୍‌ତାନ୍ ସବେନ୍ ହଡ଼କ, ନେ'ଲେକାଚି ମାଲ୍‌ହାରମ୍‌କହ, ସାରିକେଦାଃକ ଯେ, ପାର୍‌ମେଶ୍ଵାର୍‌ଆଃ ହରା ସାର୍‌ତିଗିଆଃ, ଚିୟାଃଚି ଇନ୍‌କୁକେ ସିଦାରେ ଯୋହାନ୍ ବାପ୍ତିସ୍ମା ଏନାକାଦ୍‌କ ତାଇକେନାଏ ।<sup>୩୦</sup> ମେନ୍‌ଦ ଫାରୁଶୀକ ଆତଃ ଆଇନ୍ ଇତୁକ ପାର୍‌ମେଶ୍ଵାର୍‌ଆଃ ସାନାଙ୍ଗ୍ ଆକ ନାଗେନ୍ତେକ ହିଲାଙ୍ଗ୍‌କେଦାଃ ଆତଃ ଯୋହାନ୍‌ତାଃଏତେ କାକ ବାପ୍ତିସ୍ମାୟାନା ।

<sup>୩୧</sup> ଯୀଶୁ ଆତଃଗି କାଜିକେଦାଏ, "ନେ ଦିପିଲିରେନ୍ ହଡ଼କକେ ଅକଏଲଃ ଆଇଙ୍ଗ୍ ଜକାକଆ ? ଆତଃ ଇନ୍‌କୁ ଅକଏ ଲେକାଃକ ?"<sup>୩୨</sup> ଇନ୍‌କୁଦ ପିଟ୍‌ରେ ଦୁବାକାନ୍ ଆତଃ ଆକ ଆକରେ ହାକାଅଃତାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମୁରଲିଲେ ସାଡ଼ିକେଦା, ମେନ୍‌ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗ୍‌ଲେ ଦୁରାଙ୍ଗ୍‌କେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନ୍‌ଲେକାନ୍‌କ ତାନ୍‌କ ।<sup>୩୩</sup> ବାପ୍ତିସ୍ମା ଏମାଃନିଃ ଯୋହାନ୍ ହଲଙ୍ଗ୍ କାଏ ଜମ୍‌କେଦାଃ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ଆପେ 'ଇନିଃକେ ବଙ୍ଗା ଏସେର୍କିୟାଏ' ମେନ୍ତେପେ କାଜିକେଦା ।<sup>୩୪</sup> ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଆତଃ ଆପେ 'ଇନିଃକେ ଦାର୍‌ଧା'\* ଆତଃ ଦାଖ୍‌ରାସି ନୁଁ ହଡ଼ ତାନିଃ, ମାଲ୍‌ହାରମ୍‌କଆଃ ଆତଃ ପାପିକଆଃ ଗାଡ଼ି ତାନିଃ ମେତାଇତାନାପେ ।'<sup>୩୫</sup> ମେନ୍‌ଦ ପାର୍‌ମେଶ୍ଵାର୍‌ଆଃ ସେଣ୍ଠା, ଆୟାଃ ସବେନ୍ ହନ୍‌କଆଃ ହରାତେ ସାର୍‌ତି ତାନାଃ ମେନ୍ତେ ଉଦୁବ୍‌ୟାନା ।''

ଫାରୁଶୀ ଶିମୋନ୍‌ଆଃ ଅତଃରେ ଯୀଶୁ

<sup>୩୬</sup> ଫାରୁଶୀକଏତେ ମିଆଁଦ୍ ହଡ଼ ଆଇଁୟାଃଲଃ ଜମେମେ ମେନ୍ତେ ଯୀଶୁକେ ବିକ୍ତିକିୟାଏ, ଏନାତେ ଯୀଶୁ ଫାରୁଶୀଆଃ ଅତଃତେ ବଲୟାନ୍ତେ ଜଜମାଏ ଦୁବ୍‌ୟାନା ।<sup>୩୭</sup> ଅତଃ ନେଲେପେ, ଏନ୍ ନାଗାରରେନ୍ ମିଆଁଦ୍ ପାପିକୁଡ଼ି, ଯୀଶୁ ଫାରୁଶୀଆଃ ଅତଃରେ ଜମେ ନାଗେନ୍ତେ ଦୁବାକାନାଏ ମେନ୍ତେ ସାରିକେଦ୍‌ତେ ଇନିଃ ମିଆଁଦ୍ ପୁଣ୍ଡିଦିରିରାଃ ରୁକାଃ ବୁଗିନ୍ ସହାନ୍ ସୁନ୍‌ମ୍‌ଆଉକେଦାଃଏ ।<sup>୩୮</sup> ଆତଃ ଯୀଶୁଆଃ କାଟା ସୁବାରେ ଦୁବ୍‌କେଦ୍‌ତେ ରାଆଃ ତାନ୍‌ଲଃ ଆୟାଃ ମେଦ୍‌ଦାଃତେ ଇନିୟାଃ କାଟାକେ ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉବ୍‌ତେ ଜଦ୍‌କେଦ୍‌ଲଃ ଇନିୟାଃ କାଟା ତଅଃ କେଦ୍‌ତେ କାଟାରେ ବୁଗିନ୍ ସହାନ୍ ସୁନ୍‌ମ୍‌ତେ ଗସଃକିୟା ।<sup>୩୯</sup> ନେୟାଁ ନେଲ୍‌କେଦ୍‌ତେ ଯୀଶୁକେ କେଡ଼ାକାଇ ଫାରୁଶୀ ଆୟାଃ ମନ୍‌ରେ କାଜିକେଦାଏ, "ନିଃ ନାବୀ ତାନିଃରେଦ, ନେ ଜୁଚିଦିତାନ୍ କୁଡ଼ି ଅକଏ ଆତଃ ଚିଲ୍‌କାନ୍‌ନିଃ ତାନିଃ ଏନା ସାରିଦାଡ଼ିତେୟାଃଏ, ଚିୟାଃଚି ଇନିଃଦ ପାପିନିଃତାନିଃ ।''

☆ ୭:୨୯ ୭:୨୯ ମାଥୁର ୨୧:୩୨; ଲୁକ ୩:୧୨. \* ୭:୩୪ ୭:୩୪ ପେଟ୍ ☆ ୭:୩୭ ୭:୩୭ ମାଥୁର ୨୬:୭; ମାର୍କ ୧୪:୩; ଯୋହାନ୍ ୧୨:୩।

୪୦ ଯୀଶୁ ଶିମୋନ୍‌ଙ୍କେ କାଜିକିୟାଏ, “ଏ ଶିମୋନ୍ ଆମ୍ଭଙ୍କେ ହୁଡ଼ିଙ୍ଗଲେକା କାଜିସାନାଙ୍ଗ ତାନାଇଙ୍ଗ ।”

ଇନିଃ କାଜିକିୟାଏ, “ହେ ଗୁରୁ ମାର୍ କାଜିଙ୍ଗର୍ନେ ।”

୪୧ “ଜେତାଏ ସାହୁକାର୍ ହଡ଼ଆଃ ବାର୍‌ହଡ଼୍, ରିଣୀ ସାବତାନକିନ୍ ତାଇକେନା । ମିହୁଡ଼୍ ମଣେୟା ହୁଲାଇରାଃ ନାଲା ସିକା ଆତଃ ଏଟାଃନିଃ ବାର୍‌ହସି ଗେଲେୟା ହୁଲାଇରାଃ ନାଲା ସିକା । ୪୨ ହାଲୁ ରୁହାଡ଼ଲାଇ ଇନକିନ୍‌ତାଃ ଜେଡ଼ନାଃ କା ତାଇକେନରେ ଇନିଃ ବାରାନ୍‌କିନାଃ ରିଣୀ ବାଗିତାଦାଏ । ଇନକିନ୍‌ଏତେ ଅକଏ ଇନିଃକେ ପୁରାଃ ଦୁଲାଇୟାଏ ?”

୪୩ ଶିମୋନ୍ କାଜିରୁହାଡ଼କିୟାଏ, “ଆଇଁୟାଃ ବିଚାର୍‌ତେ ପୁରାଃରିଣୀ ବାଗିକିଃ ନିଃ ।”

ଯୀଶୁ ଶିମୋନ୍‌ଙ୍କେ କାଜିକିୟାଏ, “ଆମ୍ ବୁଗିନାଃମ୍ କାଜିକାଦାଃ ।” ୪୪ ଆତଃ ଯୀଶୁ ଏନ୍ କୁଡ଼ିସାଃ ହେତାରୁହାଡ଼କେଦ୍‌ତେ ଶିମୋନ୍‌ଙ୍କେ କାଜିକିୟାଏ, “ତିନାଃ ଆମ୍ ନେ କୁଡ଼ିକେମ୍ ନେଲିତାନା ? ଆଇଙ୍ଗ୍ ଆମାଃ ଅଡ଼ାଃତେଇଙ୍ଗ୍ ହିନ୍ତୁଃୟାନା, ଆମ୍ କାଟା ଆବୁଙ୍ଗ୍‌ନାଙ୍ଗ୍ ଦାଆଃ କାଟିଃହ କାମ୍ ଏମାଦିୟା, ମେନ୍‌ଦ ନେ କୁଡ଼ି ମେଦ୍‌ଦାଃତେ ଆଇଁୟାଃ କାଟା ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉବ୍‌ତେ ଜଦ୍‌କେଦାଏ । ୪୫ ଆମ୍ ଆଇଙ୍ଗ୍‌କେ ମିସାହ କାମ୍ ତଅଃ'କିୟାଃ, ମେନ୍‌ଦ ଆଇଙ୍ଗ୍ ବଲ୍‌ୟାନ୍ ଇମ୍‌ତାଏତେ ନିଃ କାଟାତାଇୟାଃକେ ତଅଃ'କାତେ ତାନାଏ । ୪୬ ଆମ୍ ଆଇଁୟାଃ ବହଃରେ ପୁନୁମ୍ କାମ୍ ଗସଃକେଦାଃ ମେନ୍‌ଦ ନିଃ କାଟାତାଇୟାଃରେ ସହାନ୍ ପୁନୁମ୍ ଗସଃକେଦାଏ । ୪୭ ଏନାନାଗେନ୍ତେ କାଜିୟାମେ ତାନାଇଙ୍ଗ୍, ନିଃ ପୁରାଃ ଦୁଲାଇଡ଼କେନାଏ ମେନ୍ତେ ଇନିୟାଃ ପୁରାଃ ପାପ୍ ଛାମାକାନା । ମେନ୍‌ଦ ହୁଡ଼ିଙ୍ଗଲେକା ଛାମାଅଃନିଃ ହୁଡ଼ିଙ୍ଗଲେକା ଦୁଲାଇଡ଼ାଏ ।”

୪୮ ଏନ୍ତେ ଯୀଶୁ ଏନ୍ କୁଡ଼ିକେ କାଜିକିୟାଏ, “ଆମାଃ ପାପ୍ ସବେନ୍ ଛାମାୟାନା ।”

୪୯ ଆତଃ ଇନିଃଲଃ ଜମ୍‌ତେ ଦୁବାକାନ୍ ହଡ଼କ ଆକ ଆକରେଗି କାଜି ଏଟେଦ୍‌କେଦାକ, “ଇଦୁ ନିଃ ଅକଏ ତାନିଃ ଯେ ପାପ୍‌କହଗି ଛାମାଏତାନା ?”

୫୦ ଯୀଶୁ ଏନ୍ କୁଡ଼ିକେ କାଜିକିୟାଏ “ଆମାଃ ବିଶ୍ୱାସ୍ ଆମ୍‌ଙ୍କେ ବାସ୍ତାଅ କାଦ୍‌ମେୟାଏ ଜୀଉ ସୁକୁତେ ସେନଃମେ ।”

### ୮

ଯୀଶୁ ଗେଲ୍‌ବାର୍ ତେଲାଇଲଃ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦୁବ୍‌ତାନାଏ

୧ ଏନ୍ ତାୟମ୍‌ତେ, ଯୀଶୁ ସାହାର୍ ସାହାର୍ ଆତଃ ହାତୁ ହାତୁ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦୁବ୍‌ତାନ୍‌ଲଃ ହନର୍‌ବାଡ଼ା ତାଇକେନାଏ ଆତଃ ଗେଲ୍‌ବାର୍ ତେଲାଇ ଆୟାଃଲଃ ତାଇକେନାକ, ୨ \*ଆତଃ ଏଡ଼କାନ୍ ଆମ୍‌କାଏତେ ଆତଃ ହାସୁଇତେ ବୁଗିଆକାନ୍ ଚିମିନ୍ କୁଡ଼ିକ ଯୀଶୁଲଃ ତାଇକେନାକ, ଇନକୁଇତେ ମାରିୟାମ୍, ଅକଏକେଚି ମାଗ୍‌ଦାଲିନି ମେତାଇ ତାଇକେନାକ, ଇନିଃଏତେଦ ସାଡ଼ୁ ବଙ୍ଗାକକେ ହାର୍‌ଅଡ଼ଙ୍ଗ୍‌କାଦ୍ ତାଇକେନା; ୩ ହେରୋଦ୍‌ଆଃ ଭାଣ୍ଡାରି ଖୁଜାରାଃ କୁଡ଼ିତେ ଯୋହାନ୍ନା, ଶୁସାନା ଆତଃ ପୁରାଃ ଏଟାଃ କୁଡ଼ିକ ଆକଆଃ ମେନାଃତେୟାଃତେ ଯୀଶୁକେ ଆତଃ ଆୟାଃ ତେଲାଇକକେ ସୁସାରିତାଇକେନାକ ।

ହିତାହେର୍‌ନିଆଃ ଜନ୍‌କା କାଜି  
(ମାଥୁର ୧୩:୧-୯; ମାର୍କ ୪:୧-୯)

\* ୮:୨ ମାଥୁର ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

୪ ଗାଦେଲ୍ ହତକ ହୁଣ୍ଡିୟାକାନ୍ ଆତଃ ସାହାର୍ ସାହାର୍‌ଏତେ ହତକ ଯୀଶୁତାଃକ ହିଜୁଃତାନ୍ ତାଇକେନ୍‌ରେ, ଯୀଶୁ ନେ ଜନ୍‌କା କାଜି କାଜିୟାଦକଆଏ । ୫ ମିଆଁଦ୍ ହିତାହେରଃନିଃ ହିତାହେରଃନାଜ୍ ଅତଙ୍ଗୟାନା । ଇନିଃ ହେରହେରତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ତିକାୟାନା, ଆତଃ ସିମୀରେନ୍‌ ଚେଟ୍‌କେ ଏନାକେ ହାଲାଜ୍ ଜମ୍‌କେଦା । ୬ ଆତଃ ଚିମିନ୍ ହିତା ଦିରି ଅତେରେ ଉୟୁଃୟାନା, ଏନା ଗାଜା ଅମନ୍‌ୟାନା, ମେନ୍‌ଦ ହାଲି କା ତାଇକେନ୍‌ତେ ରହଡ଼ୟାନା । ୭ ଚିମିନ୍ ହିତା ଜାନୁମ୍ ଆଲାରେ ଉୟୁଃୟାନା ଆତଃ ଏନାକେ ଜାନୁମ୍ ହାରାତପାକେଦାଏ । ୮ ଆତଃ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଏନା ଅମନ୍ ହାରାୟାନ୍ତେ ହେରାକାନ୍‌ଏତେ ସାଅଗୁନା ଆଦକା ଜ'ୟାନା । ନେ କାଜି କାଜିକେଦ୍‌ଚି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଜ୍ ଜନ୍‌କା କାଜି କାଜିକେଦାଏ  
(ମାଥୂଉ ୧୩:୧୦-୧୭; ମାର୍କ ୪:୧୦-୧୨)

୯ ଏନ୍ତେ ଇନିୟାଃ ଚେଲାକ ନେ ଜନ୍‌କା କାଜିରେୟାଃ ମୁଣ୍ଡି ଚିନାଃତାନାଃ ମେନ୍ତେକ କୁଲିକିୟାଃ । ୧୦ ଇନିଃ କାଜିୟାଦକଆଏ, “ପାରମେଶ୍ୱାର୍‌ଆଃ ରାଇଜରେୟାଃ ମୁଣ୍ଡି ସାରିରେୟାଃ ପେଡ଼େଃ ଆପେଦପେ ନାମାକାଦାଃ ମେନ୍‌ଦ ଏଗାଃକକେ ଜନ୍‌କା କାଜିତେ ସବେନାଃ ଉଦୁବଃତାନା । ଇନ୍‌କୁ ନେଲ୍‌ଦକ ନେଲେୟାଃ, ମେନ୍‌ଦ କାକ ନେଲ୍ ଉରୁମେୟାଃ, ଇନ୍‌କୁ ଆୟୁମ୍‌ଦକ ଆୟୁମେୟାଃ, ମେନ୍‌ଦ କାକ ଆଟ୍‌କାର୍ ଉରୁମେୟାଃ ।

ୟୀଶୁ ହିତାହେରନିଆଃ ଜନ୍‌କାକାଜିରେୟାଃ ମୁଣ୍ଡି ଉଦୁବେତାନାଏ  
(ମାଥୂଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନ୍‌କା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାରମେଶ୍ୱାର୍‌ଆଃ କାଜି । ୧୨ ଆତଃ ହରା ଗେନାରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ଆୟୁମାଃକ, ଏନ୍ତେ ସାଏତାନ୍ ହିଜୁଃଆଏ ଆତଃ ଇନ୍‌କୁ ବିଶ୍ୱାସକେଦ୍‌ତେ ଆଲକାକ ବାଞ୍ଛାଅଃକା ମେନ୍ତେ ଇନ୍‌କୁଆଃ ମନ୍‌ଏତେ କାଜି ରେଃକ ଇଦିୟାଏ । ୧୩ ଦିରି ଅତେରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି କାଜି ଆୟୁମ୍‌ତର୍‌ସା ରାସ୍‌କାତେ ତେଲାୟାକ, ମେନ୍‌ଦ ରେହେଦ୍ କା ତାଇନ୍ ହରାତେ ଇନ୍‌କୁ ହୁଡ଼ିଜ୍ ସାମାଏ ଜାକେଦକ ବିଶ୍ୱାସେୟାଃ, ମେନ୍‌ଦ ବିଡ଼ାଅ ନେତାରେକ ବାଗିୟା । ୧୪ ଆତଃ ଜାନୁମ୍ ଆଲାରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ଇନ୍‌କୁ କାଜି ଆୟୁମାଃକ, ମେନ୍‌ଦ ଜୀଉରେୟାଃ ଉଡ଼ୁଡ଼େ, ପୁରାଃ ମେନାଃତେୟାଃତେ, ଆତଃ ଜାନିଦ୍‌ରେୟାଃ ସୁକୁ ରାସ୍‌କାତେକ ତପା ଇଦିୟାଃଆ ଆତଃ ଜାଜ୍‌ୟାନ୍ ଜ କାକ ଜ'ଅଃଆ । ୧୫ ମେନ୍‌ଦ ବୁଗିନ୍ ଅତେରେ ଉୟୁଗାକାନ୍ ହିତା ଇନ୍‌କୁତାନ୍‌କ, ଅକନ୍‌କଚି ବୁଗିନ୍ ଆତଃ ଫାର୍‌ଚି ମନ୍‌ରେ ବାଚାନ୍‌କେ ଆୟୁମ୍‌କେଦ୍‌ତେକ ତେଲାଦହୟା ଆତଃ ସାହାତିଜ୍‌ତାନ୍‌ଲଃକ ଜ'ଅଃଆ ।

ଦିମିରେୟାଃ ଜନ୍‌କା କାଜି  
(ମାର୍କ ୪:୨୧-୨୫)

୧୬ \* “ଜେତାଏ ହତ୍ ଦିମି ଜୁଲ୍‌କେଦ୍‌ତେ ତାଞ୍ଜାତେ କାଏ ହାରୁବେୟା, ଚାଏ ପାରକମ୍ ଲାତାରରେ କାଏ ଦହୟାଃ, ମେନ୍‌ଦ ବଲତାନ୍ ହତ୍‌କ ମାର୍‌ସାଲ୍‌କ ନେଲେକା ମେନ୍ତେ ଦିକାରେ\* ଦହୟାଃ ।

\* ୮:୧୭ ୮:୧୭ ମାଥୂଉ ୫:୧୫; ଲୁକ ୧୧:୩୩. \* ୮:୧୭ ୮:୧୭ ଦିମି ମାଣ୍ଡାଅ ଠାୟାଦ୍

୧୭ ✧ “ତିୟାଃତି ସବେନ୍ ଉକୁଆକାନ୍‌ତେୟାଃ ଉଦୁବଃଆ ଆତଃ ସବେନ୍ ଦାନାଙ୍ଗାଆକାନ୍‌ତେୟାଃ ସାରିଅଃଆ ଚାଏ ମାସ୍‌ଲ୍‌ତେ ଆତଅଃଆ ।

୧୮ ✧ “ଏନାମେନ୍ତେ, ଚିଲ୍‌କାପେ ଆୟୁମେୟାଃ ଏନା ଚିର୍ଗାଲ୍‌କାନ୍‌ପେ, ତିୟାଃତି ଅକଏତାଃ ମେନାଃ ଇନିଃକେ ଦ ଆତଃଗି ଏମଃଆ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକନାଃ ମେନାଃ ଏନାହଗି ଇଦିୟଃଆ ।”

ୟୀଶୁଆଃ ଏଙ୍ଗା ଆତଃ ହାଗାକ

(ମାଥୂଉ ୧୨:୪୭-୫୦; ମାର୍କ ୩:୩୧-୩୫)

୧୯ ୟୀଶୁଆଃ ଏଙ୍ଗାତେ ଆତଃ ହାଗାତେ ତେକ ଇନିଃତାଃ ହିଜୁଃୟାନାକ ମେନ୍‌ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେଟେର୍ ଦାଡ଼ିୟାନା ।

୨୦ ଜେତାଏ ମିହୁଡ଼ ୟୀଶୁକେ ଉଦୁବକିୟାଏ, “ଆମାଃ ଏଙ୍ଗାମ୍ ଆତଃ ହାଗାମତେକ ବାହାରିରେ ତିଙ୍ଗୁକେଦତେ ଆମ୍‌ଲଃ ନେପେଲ୍ ନାଙ୍ଗକ ସାନାଙ୍ଗତାନା ।” ୨୧ ଇନିଃ ମେନ୍‌ରୁହାଡ଼ାଦକଆଏ, “ପାର୍‌ମେଶ୍‌ବାରଆଃ କାଜି ଆୟୁମ୍ ଆତଃ ମାନାତିଙ୍ଗ୍ ତାନ୍‌କଗି ଆଇୟାଃ ଏଙ୍ଗା ଆତଃ ହାଗାକ ତାନ୍‌କ ।”

ୟୀଶୁ ଦୁଦୁଗାରହୟକେ ହାପା ଉତାରକେଦାଃ

(ମାଥୂଉ ୮:୨୩-୨୭; ମାର୍କ ୪:୩୫-୪୧)

୨୨ ମୁସିଙ୍ଗ୍ ୟୀଶୁ ଆତଃ ଆୟାଃ ତେଲ୍‌କ ଲାଉକାରେକ ଦେଏଃୟାନା ଆତଃ “ଦଲାରୁ ଦରେୟା ହାନ୍ ପାରମତେବୁଆ” ମେତାଦକଆଏ । ଆତଃ ଇନ୍‌କୁ ଲାଉକା ରାଡ଼ାକେଦାଃକ ୨୩ ଇନ୍‌କୁ ସେନଃତାନ୍ ଇମ୍‌ତା ୟୀଶୁଦ ଦୁଡ଼ମୁୟାନାଏ ।

ଇମ୍‌ତାଙ୍ଗ୍ ଦରେୟାରେ ଦୁଦୁଗାରହୟ ବିରିଦିୟାନା, ଏନ୍ତେ ଲାଉକାରେ ଦାଆଃ ପେରେଜଃତାନ୍ ତାଇକେନା, ଆତଃ ଇନ୍‌କୁଦ ତୁବିଜଃଲେକାକ ତାଇକେନା ।

୨୪ ତେଲ୍‌କ ଇନିଃତାଃତେ ହିଜୁଃୟାନ୍‌ତେକ ବିରିଦକିୟା, “ହେ ଗୁରୁ, ହେ ଗୁରୁ, ଆଲେ ତୁବିଃଗ୍ ଗଜଃତାନାଲେ” ମେନ୍ତେକ କାଜିକିୟାଃ । ଏନ୍ତେ ଇନିଃ ବିରିଦିୟାନ୍ତେ ହୟ ଆତଃ ଆଲ୍‌ପୁଙ୍ଗକେ† ମାରାଙ୍ଗମଚାକେଦାଃ, ଇମ୍‌ତାଙ୍ଗଗି ସବେନାଃ ହାପାଉତାରୟାନା ଆତଃ ସିଃସଏଃୟାନା । ୨୫ ଏନ୍ତେ ୟୀଶୁ ତେଲ୍‌କକେ ମେତାଦକଆଏ, “ଅକତାଃରେୟା ଆପେୟାଃ ବିଶ୍‌ବା ?” ମେନ୍‌ଦ ଇନ୍‌କୁ ବରତାନ୍‌ଲଃ ମେପେନ୍‌ୟାନାକ, “ନିଃ ଅକଏ ତାନିଃ, ହୟ ଆତଃ ଦରେୟାରେୟାଃ ଦାଆଃକହ ନିୟାଃ କାଜି ମାନାତିଙ୍ଗ୍ ତାନାକ ।”

ୟୀଶୁ ମିଆଁଦ୍ ବଙ୍ଗା ଏସେରାକାନ୍‌ନିଃକେ ବୁଗିଃତାନା

(ମାଥୂଉ ୮:୨୮-୩୪; ମାର୍କ ୫:୧-୨୦)

୨୬ ୟୀଶୁ ଆତଃ ତେଲ୍‌ତାୟାଃକ ଗେରାସିମିକଆଃ ପାର୍‌ଗାନ୍‌ତେ ସେଟେର୍‌ୟାନାକ, ଏନା ଗାଲିଲ୍ ଦରେୟାରାଃ ହାନ୍ ପାରମ୍‌ରେୟା । ୨୭ ୟୀଶୁ ଡଙ୍ଗାଏତେ ଦରେୟା ଗେନାରେ ଆଡ଼ଗୁତରସା, ଏନ୍ ନାଗାରରେନ୍ ମିହୁଡ଼ ଏଡ଼କାନ୍ ଆମ୍‌ାଏତେ ପେରେଜାକାନ୍ ହଡ଼ ୟୀଶୁଲଃ ନାପାମ୍‌ୟାନାକିନ୍, ଇନିଃ ପୁରାଃ ମାହାଁଏତେ ଲିଜାଃ କାଏ ତୁସିଙ୍ଗ୍‌ଆଁତାନ୍ ତାଇକେନା ଚାଏ ଅଡ଼ାଃରେ କା ତାଇକେଦତେ ହଡ଼ ତପା ଠାୟାଦରେ ତାୟୁଃତାଇକେନାଏ । ୨୮ ଇନିଃ ୟୀଶୁକେ ନେଲ୍‌ତାନ୍‌ତି ଆୟାଃ କାଟାସୁବାରେ ଉୟୁଃକେଦତେ କାଉରିତାନ୍‌ଲଃ କାଜିକେଦାଏ,

“ହେ ୟୀଶୁ ସାଲ୍‌କିଉତାର୍ ପାର୍‌ମେଶ୍‌ବାରଆଃ ହନ୍, ଆଇଙ୍ଗ୍‌ଲଃ ଆମାଃ ଚିକାନ୍ କାମି ମେନାଃ ? ଆଇଙ୍ଗ୍ ଆମ୍‌କେ ଜହାର୍ ମେଁ ତାନାଇଙ୍ଗ୍ ଆଲମ୍ ଦୁକୁଇୟାଃ !” ୨୯ ଇନିଃ ଏନା କାଜିକେଦାଏ ତିୟାଃତି ୟୀଶୁ ଏନ୍ ସଡ଼ରା ଆମ୍‌ାକେ ନେ

✧ ୮:୧୭ ୮:୧୭ ମାଥୂଉ ୧୦:୨୬; ଲୁକ ୧୨:୨. ✧ ୮:୧୮ ୮:୧୮ ମାଥୂଉ ୨୫:୨୯; ଲୁକ ୧୯:୨୭. † ୮:୨୪ ୮:୨୪ ଆଲ୍‌ପୁଙ୍ଗ

ହତଏତେ ଅତଙ୍ଗଅଃମେ ମେନ୍ତେ ଆରୁକାଇତାଇନାଏ । ଏତକାନ୍ ଆମ୍ବା ହତକେ ପୁରାଃ ମାହାଏତେ ସାବାକାଇତାଇନାଏ । ଆତଃ ହତକ ଇନିଃକେ ସିକ୍ତିଲିଃ ଆତଃ ବେଡ୍ଡିରେ ତଲ୍ଲକିଃତେ ହରଇତାନକ ତାଇକେନା, ମେନ୍ଦ ଇନିଃ ତନଲ୍ଲକେ ଚଟାଃଏତାନ୍ ଆତଃ ଏତକାନ୍ ଆମ୍ବା ଇନିଃକେ ବିର୍ତ୍ତେ ହାର୍ତ୍ତଦିତାନାଏ ତାଇକେନା ।

୩୦ ଯୀଶୁ ଇନିଃକେ କୁଲିକିୟାଏ “ଆମାଃ ନୁତୁମ୍ ଚିକ୍ନାଃ ?” ଇନିଃ କାଜିରୁହାଡ୍ଡକିୟାଏ, “ଆଇୟାଃ ନୁତୁମ୍ ଫାତଦ୍,” ‡ ଚିୟାଃଚି ଇନିଃରେ ପୁରାଃଚି ବଙ୍ଗାକ ତାଇକେନା । ୩୧ ଆତଃ ଇନକୁ ଯୀଶୁକେ “ଆଲେକେ ହୁଆଙ୍ଗାଡାଃତେ ଆଲମ୍ କୁଲ୍ଲେ” ମେନ୍ତେ ପୁରାଃଚିକ ବିକ୍ତିକିୟାଃ ।

୩୨ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ ଗୋଟ୍ ଆଡିଙ୍ଗତାଇକେନାକ । ଏତକାନ୍ ଆମ୍ବାକ ଯୀଶୁକେ, ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍ତାଲେମେ ମେନ୍ତେକ ବିକ୍ତିକିୟାଃ, ଆତଃ ଇନିଃ ଇନକୁକେ ବଲ୍ଲିକାକେଦକଆଏ । ୩୩ ଏତକାନ୍ ଆମ୍ବାକ ଏନ୍ ହତଏତେ ଅତଙ୍ଗୟାନ୍ତେ ସୁକୁରିକରେକ ବଲୟାନା ଆତଃ ସୁକୁରିକଆଃ ଗୋଟ୍ ଦରେୟାରେକ ନିର୍ବଲୟାନା ଆତଃ ତୁବିଃଗ ଗଏଃୟାନାକ । ୩୪ ସୁକୁରି ଗୁପିତାନକ ନେଆଁ ନେଲ୍ଲକେଦତେ ନିର୍ୟାନାକ ଆତଃ ସାହାର୍ ଜାପାଃରାଃ ଟଲାକରେ ନେ କାଜିକ ଉଦୁବ୍ ବାଡାକେଦାଃ, ୩୫ ଆତଃ ହତକ ହବାଲେନ୍ତେୟାଃ ନେଲ୍ଲନାଗେନ୍ତେ ଅତଙ୍ଗୟାନାକ ଆତଃ ଯୀଶୁତାଃକ ହିଜୁଃୟାନ୍ତେ ଏତକାନ୍ ଆମ୍ବାକଆଃ ଫାତଦ୍ତେ ଏସେରାକାନ୍ ହତକେ ଯୀଶୁଆଃ କାଟାସୁବାରେ ଦୁବାକାନ୍, ଲିଜାଃ ତୁସିଙ୍ଗିଆଁକାନ୍ ନେଲ୍ଲକିଃତେ ବରକେଦାଃକ । ୩୬ ନେ ସବେନାଃ ନେଲ୍ଲକାଦ୍ ହତକ ବଙ୍ଗା ଏସେରକାନ୍ ଏନ୍ ହତ ଚିଲ୍ଲକା ବୁଗିୟାନାଏ, ଏନା ସବେନ୍ ହତକକେ ଉଦୁବାଦକଆକ । ୩୭ ଏନ୍ତେ ଗେରାସିମି ହପର୍ଜାପାଃରେନ୍ ସବେନ୍ ହତକ ଆଲେୟାଃ ସାମ୍ନାଙ୍ଗଏତେ ସେନଃମେ ମେନ୍ତେ ଯୀଶୁକେକ ବିକ୍ତିକିୟା, ଚିୟାଃଚି ଇନକୁ ବରତାଇକେନାକ । ଆତଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ୍ଡୟାନାଏ । ୩୮ ଏତକାନ୍ ଆମ୍ବାଏତେ ବୁଗିୟାକାନ୍ ହତ ଯୀଶୁକେ କାଜିକିୟାଏ, “ଆମାଃଲଃ ତାଇନ୍ ଚିକାଆଇଙ୍ଗମେଁ” ମେନ୍ତେ ବିକ୍ତିକିୟାଏ,

ମେନ୍ଦ ଯୀଶୁ ଆଇଃକକେ ବିଦା ଏମ୍ତାନଲଃ କାଜିକିୟାଏ, ୩୯ “ଆମ୍ ଆମାଃ ଅଡାଃତେ ରୁହାଡ୍ଡମେଁ ଆତଃ ପାର୍ମେଶ୍ୱାର୍ ଆମାଃ ନାଗେନ୍ତେ ଚିକ୍ନାଃ ରିକାକାଦାୟ, ଚିଲ୍ଲକା ଆମକେ ଦାୟାକାଦମେୟା ଏନା ସବେନକକେ ଉଦୁବାକମେ ।”

ଏନ୍ତେଦ ଏନ୍ ହତ ରୁହାଡ୍ଡୟାନାଏ, ଆତଃ ଯୀଶୁ ଆୟାଃ ନାଗେନ୍ତେ ନେଲ୍ଲକାନ୍ ମାରାଙ୍ଗ କାମି କାମିୟାଦିୟାଏ ମେନ୍ତେ ସବେନ୍ ନାଗାର୍ତ୍ତରେ ଉଦୁବ୍କେଦାଏ ।

ଯୀଶୁ ମିଆଁଦ୍ ତିଣ୍ଡାକୁଡିକେ ଜୀହୁଦ୍ ରୁହାଡ୍ଡିତାନା ଆତଃ ମିଆଁଦ୍ କୁଡିକେ ବୁଗିଃତାନାଏ

(ମାଥୁଇ ୯:୧୮-୨୬; ମାର୍କ ୫:୨୧-୪୩)

୪୦ ଯୀଶୁ ଦରେୟା ହାନ୍ପାରମ୍ତେ ରୁହାଡ୍ଡୟାନ୍ ଇମ୍ତା ଗାଦେଲ୍ ହତକ ଇନିଃକେ ଦାରମ୍ବକିୟାଃକ, ଚିୟାଃଚି ସବେନକଦ ଇନିଃକେ ନେଲ୍ଲହରାଇତାନକ ତାଇକେନା । ୪୧ ଆତଃ ନେଲ୍ଲେପେ, ଯାଇରସ ନୁତୁମ୍ ସାମାଜ ଅଡାଃରେନ୍ ଆଗୁଆଇ ହିଜୁଃୟାନାଏ, ଆତଃ ଯୀଶୁଆଃ କାଟା ସୁବାରେ ଉୟୁଃକେଦତେ ଆଇୟାଃ ଅଡାଃତେ ହିଜୁଃମେ ମେନ୍ତେ ବିକ୍ତିକିୟାଏ, ୪୨ ଚିୟାଃଚି ଆୟାଃ ବାରା ବାରାଷରେନ୍ ମିଆଁଦ୍ଚି ହନ୍କୁଡି ତାଇକେନାଏ, ଇନିଃ ଦୁକୁତେ ଗଜଃଲେକା କାନାଏ ତାଇକେନା । ମେନ୍ଦ

‡ ୮:୩୦ ୮:୩୦ ବାହିନି § ୮:୩୧ ୫:31 ବଙ୍ଗାକଆଃ ବୁଣ୍ଡୁସାଜାଇ ଜାକେଦ୍ ନେ ହୁଆଙ୍ଗାଡାରେ ତଲ୍ଲକେଦ୍ତେ ତାଇନାଃକ

ୟୀଶୁ ସେସେନତାନ ଦିପିଲିରେ ଗାଦେଲ୍ ହଡ଼କ ଇପ୍ଲିଙ୍ଗଅଃ ତାଇକେନାକ ।  
 ୪୩ ଇମ୍ତା ବାରା ବାରାଷ୍ଟଏତେ ମାୟୋମ୍ଲିଙ୍ଗି ଦୁକୁରେ ଦୁକୁତାନ୍ ମିଆଁଦ୍ କୁଡ଼ି  
 ତାଇକେନାଏ, ମେନ୍ଦ ଇନିଃ ଆୟାଃ ସବେନ୍ ତାଇକେନ୍ତେୟାଃ ବାଇଦକତାଃରେ  
 ଚାବାକେଦ୍ରେୟ\* ଇନିଃକେ ଜେତାଏ ହ କାକ ବୁଗି ଦାଡ଼ି ତାଇକେନା ।  
 ୪୪ ଇନିଃ ଦୟାହରା ଯୀଶୁତାଃ ସେନ୍କେଦ୍ତେ ଲିଜାଃରାଃ ଆର୍ଚା ଜୁଟିଦ୍କେଦାଏ,  
 ଆତଃ ଇମ୍ତାଙ୍ଗି ମାୟୋମ୍ ଲିଙ୍ଗି ଦୁକୁଏତେ ବୁଗିୟାନାଏ । ୪୫ ଏନ୍ତେ ଯୀଶୁ  
 ମେତାଦକଆଏ, “ଅକଏ ଆଇଙ୍ଗକେ ଜୁଟିଦ୍କିଦିୟାଏ?”

ସବେନ୍କ କା ମାନାଡିଙ୍ଗ ତାନ୍ତେ, ପାଡ଼ରାସ୍ କାଜିକିୟାଏ “ହେ ଗମ୍ବକେ,  
 ଗାଦେଲ୍ ହଡ଼କ ଇପ୍ଲିଙ୍ଗକେଦ୍ତେ ଆମାଃ ତେତାନ୍ତେ ଉୟୁଗତାନାକ ।”

୪୬ ଯୀଶୁ କାଜିକେଦକଆଏ, “ଅକଏ ମିହୁଡ୍ ଆଇଙ୍ଗକେ ଜୁଟିଦ୍ କେଦିଙ୍ଗଆଏ,  
 ଚିୟାଃଟି ଆଇଙ୍ଗତାଃଏତେ ପେଡ଼େଃ ଅତଙ୍ଗୟାନା ମେନ୍ତେ ସାରିଉରୁମ୍  
 କେଦାଆଇଙ୍ଗ ।” ୪୭ ଆତଃ ଏନ୍କୁଡ଼ି କାଏ ଉକୁଦାଡ଼ିୟାନା ମେନ୍ତେ  
 ଆଟ୍ଟକାରକେଦ୍ତେ ଇନିଃ ବରତେ ଏକ୍ଲୀଅଃତାନ୍ଲଃ ହିଜୁଃୟାନାଏ ଆତଃ  
 ଯୀଶୁଆଃ ସାମ୍ନାଙ୍ଗରେ ଇକ୍ତମ୍ବୁକେଦ୍ତେ ସବେନ୍କଆଃ ଆୟାଃରେ,  
 ଚିନାଃମେନ୍ତେଇଙ୍ଗ ଜୁଟିଦ୍କେଦ୍ମେୟା ଆତଃ ଇମ୍ତାଗି ଚିଲ୍ଲକାଇଙ୍ଗ ବୁଗିୟାନା  
 ମେନ୍ତେ ଉଦୁବକିୟାଏ । ୪୮ ଏନ୍ତେ ଯୀଶୁ କାଜିକିୟାଏ, “ଏ ମାଇ, ବିଶ୍ୱାସ୍ ତାମାଃ  
 ବୁଗିୟାକାଦ୍ମେୟାଏ, ଜୁ ସୁକୁ ଜୀଉତେ ସେନଃମେ ।”

୪୯ ଯୀଶୁ ଏନା କାଜିତାନ୍ ଇମ୍ତାଗି, ସାମାଜ୍ ଅଡ଼ାଃ ଚାଲୀଅନିୟାଃ ଅଡ଼ାଃଏତେ  
 କାଜି ଆଉଝାକାଦ୍ ହଡ଼ ଯାଇରସକେ କାଜିକିୟାଏ, “ହନ୍ମେକୁଡ଼ି ଗଏଃୟାନାଏ,  
 ଗୁରୁକେ ଆତଃ ଆଲ୍ମେ ଦୁକୁଇୟା ।”

୫୦ ଯୀଶୁ ନେ କାଜି ଆୟୁମ୍ବକେଦ୍ତେ ଯାଇରସକେ କାଜିକିୟାଏ, “ଆଲ୍ମମ୍  
 ବରଏୟା, ବିଶ୍ୱାସ୍ରେଗି ତାଇନଃମେ, ଆତଃ ଇନିଃ ବାଞ୍ଛାଅଃଆଏ ।”

୫୧ ଏନ୍ତେ ଯୀଶୁ ଯାଇରସରାଃ ଅଡ଼ାଃତେ ହିଜୁଃୟାନ୍ତି, ପାଡ଼ରାସ୍, ଯାକୁବ୍, ଆତଃ  
 ଆୟାଃ ହାଗାତେ ଯୋହାନ୍ ଆତଃ କୁଡ଼ିହନ୍ଆଃ ଏଙ୍ଗା ଆପୁକିନ୍କେ ବାଗିକେଦ୍ତେ  
 ଜେତାଏକକେ କାଏ ବଲ୍ଲିକାକେଦକଆ । ୫୨ ମେନ୍ଦ ଏନ୍ କୁଡ଼ିହନ୍ ନାଗେନ୍ତେ  
 ସବେନ୍କ ରାଆଃତାନ୍ ଆତଃ କୁଡ଼ାମ୍ବକରେ ତିଃଇ ପାପ୍ଡିଅଃତାଇକେନାକ । ଏନ୍ତେ  
 ଯୀଶୁ କାଜିକେଦକଆଏ, ଆଲ୍ମପେ ରାଆଃଏୟା ଇନିଃ କାଏ ଗଜାକାନା ମେନ୍ଦ  
 ଦୁଡ଼ମ୍ବତାନାଏ ।

୫୩ ଇନ୍କୁ ଯୀଶୁକେ ଲାୟାକିୟାଃକ ଚିୟାଃଟି ଏନ୍ କୁଡ଼ିହନ୍ ଗଜାକାନାଏ ମେନ୍ତେ  
 ଇନ୍କୁ ସାରିତାଇକେନାକ । ୫୪ ଯୀଶୁ ଏନ୍ କୁଡ଼ିହନ୍ଆଃ ତିଃଇ ସାବ୍କେଦ୍ତେ  
 କାଜିକିୟାଏ, “ଏ ମାଇ ବିରିଦ୍ମେ ।” ୫୫ ଏନ୍ କୁଡ଼ିହନ୍ଆଃ ଜୀଉ ଇମ୍ତାଗି  
 ରୁହାଡ଼ୟାନା, ଇନିଃ ବିରିଦ୍ୟାନାଏ ଆତଃ ଇନିଃକେ ଜାହାନାଃ ଜମେୟାଃ  
 ଏମାଇପେ ମେନ୍ତେ ଯୀଶୁ କାଜିୟାଦକଆଏ । ୫୬ କୁଡ଼ିହନ୍ଆଃ ଏଙ୍ଗା ଆପୁ  
 ଆକ୍ଦାୟାୟାନାକିନ୍ ମେନ୍ଦ ନେ କାଜି ଜେତାଏତାଃରେ ଆଲ୍ମପେ ଉଦୁବେୟା  
 ମେନ୍ତେ ଯୀଶୁ କାଜିକେଦକଆଏ ।



ୟୀଶୁ ଆୟାଃ ଗେଲ୍ବାର୍ ଚେଲ୍ଲାକକେ କୁଲ୍ଲକତାନାଏ  
 (ମାଥୁଉ ୧୦:୫-୧୫; ମାର୍କ ୬:୭-୧୩)

୯ ଏନ୍ତେ ଯୀଶୁ ଗେଲ୍ବାର୍ ଚେଲ୍ଲାକକେ କେଡ଼ାହୁଣ୍ଡିକେଦକଆଏ, ସବେନ୍  
 ବଙ୍ଗାକକେ ହାଡ଼ଅତଙ୍ଗନାଙ୍ଗ୍, ଆତଃ ଦୁକୁ ଗେରାଙ୍ଗ୍ ଏତେ ବୁଗିକନାଙ୍ଗ୍ ମେନ୍ତେ

\* ୮:୪୩ ୮:୪୩ ଚିମିନ୍ ମାରିଅନଲ୍ରେ ନେ ପଦ ବାନଆଃ



ପେଡ଼େଃ ଆଡ଼ଃ ଆକ୍ତେୟାର୍ ଏମାଦକଆଏ, <sup>୨</sup> ଆଡ଼ଃ ଇନିଃ ଇନକୁକେ ପାର୍ମେଶ୍ୱାର୍ଆଃ ରାଇଜ୍ରେୟାର୍ କାଜି ଉଦୁବଃ ନାଗେନ୍ତେ, ଦୁକୁହାସୁତାନକକେ ବୁଗିକ ନାଗେନ୍ତେ କୁଲ୍ଲକେଦକଆଏ । <sup>୩</sup> ଇନିଃ ଇନକୁକେ କାଜିୟାଦକଆଏ, “ଆପେୟାର୍ ହରାସେନ୍ ନାଗେନ୍ତେ ସଟା ଚାଏ ଆଇଲା, ହଲ୍ଲଙ୍ ଚାଏ ଟାକାପାଏସା, ଚାଏ ବାରିଆ ତୁସିଙ୍ ଲିଜାଃ ହ୍ ଆଲ୍ପେ ଇଦିୟା । <sup>୪</sup> ଜେତା ଅଡ଼ାଃରେ ଦାରମ୍ପେରେ, ଏନ୍ ଜାପାଃଏତେ ଆଉରି ଅଡ଼ଙ୍ ଅଃ ଜାକେଦ୍ ଏନ୍ ଅଡ଼ାଃରେଗି ତାଇନଃପେ । <sup>୫</sup> \*\*ଜେତାଏ ଆପେକେ କାକ ଦାରମ୍ପେରେଦ୍ ଏନ୍ ହାତୁଏତେ ଅଡ଼ଙ୍ ଇମ୍ତାଙ୍ ଆପେୟାର୍ କାଟା ତାଲ୍କାରେୟାର୍ ଧୁଡ଼ି ଗାଝା ନାଗେନ୍ତେ କଟା ବାଗିତାପେ ।”

<sup>୬</sup> ଏନାରେ ଇନକୁ ଅଡ଼ଙ୍ୟାନତେ ସବେନ୍ସାଃ ସୁକୁକାଜି ଉଦୁବତାନଲଃ ଆଡ଼ଃ ହଡ଼କକେ ବୁଗିକ ତାନଲଃ ହାତୁ ହାତୁକ ହନର୍ବାଡ଼ାକେଦା ।

ହେରୋଦ୍ଆଃ ଆକ୍ତାକାଅ  
(ମାଥୁଉ ୧୪:୧-୧୨; ମାର୍କ ୬:୧୪-୨୯)

<sup>୭</sup> \*ଆଡ଼ଃ ଗାଲିଲ୍ରେନ୍ ରାଜା ହେରୋଦ୍ ଯୀଶୁଆଃ କାମିକାଦ୍ ସବେନାଃ ଆୟୁମ୍କେଦ୍ତେ ଆକ୍ତାକାଅୟାନାଏ, ଚିୟାଃଟି ବାପ୍ତିସ୍ମା ଏମଃନିଃ ଯୋହାନ୍ ଗଜାକାନ୍ଏତେ ଜୀଉବିରିଦାକାନାଏ ମେନ୍ତେ ଚିମିନ୍ ହଡ଼କ ମେନ୍କେଦାଃକ । <sup>୮</sup> ଆଡ଼ଃ ଚିମିନ୍ ହଡ଼କ ଏଲିୟ ଉଦୁବାକାନାଏ, ଆଡ଼ଃ ଏଟାଃକ ସିଦାରେନ୍ ନାବାକଏତେ ମିଆଁଦ୍ନିଃ ଜୀଉବିରିଦାକାନାଏ ମେନ୍କେଦାଃକ । <sup>୯</sup> ମେନ୍ଦ୍ ହେରୋଦ୍ କାଜିକେଦାଏ, ବାନଃଗି ଯୋହାନ୍ଆଃ ବହଃ ଆଇଙ୍ ମାଆଃ ରିକାକାଦା ମେନ୍ଦ୍ ଆଇଙ୍ ଇନିୟାର୍ ନାଗେନ୍ତେ ନେ ଲେକା କାଜିଇଙ୍ ଆୟୁମ୍ତାନା ନେ ହଡ଼ ଅକଏ ତାନିଃ ମେନ୍କେଦାଏ, ଆଡ଼ଃ ଇନିଃ ନେଲ୍ସାନାଙ୍ ତାଇକେନାଏ ।

ୟୀଶୁ ମଣେୟାଁ ହାଜାର୍ ହଡ଼କକେ ଜମେୟାଁଃ ଏମାକତାନାଏ  
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

<sup>୧୦</sup> ଏନ୍ତେ ପ୍ରେରିଡ଼କ ହିଜୁଃରୁହାଡ଼ୟାନା, ଆଡ଼ଃ ଆକ୍ କାମିକାଦ୍ ସବେନାଃ ଯୀଶୁକେ ଉଦୁବକିୟା । ଆଡ଼ଃ ଇନକୁକେ ଏସକାର୍ରେ ଇଦିକେଦକତେ ବେଥ୍ସାଇଦା ନୁତୁମ୍ ମିଆଁଦ୍ ସାହାର୍ତେୟାଏ ସେନଃୟାନା । <sup>୧୧</sup> ମେନ୍ଦ୍ ଗାଦେଲ୍ ହଡ଼କ ନେଆଁ ସାରିକେଦ୍ତେ ଅଡ଼ଙ୍କିୟାକ, ଇନିଃ ଇନକୁକେ ଦାରମ୍କେଦକଆଏ ଆଡ଼ଃ ପାର୍ମେଶ୍ୱାର୍ଆଃ ରାଇଜ୍ରେୟାର୍ କାଜି ଉଦୁବାଦକଆଏ ଆଡ଼ଃ ବୁଗିୟଃଲ୍ଗାଗାତିଙ୍ତାନ୍ ତାଇକେନକକେ ବୁଗିକେଦକଆଏ ।

<sup>୧୨</sup> ଆଡ଼ଃ ସିଙ୍ ହାସୁରଃତାନରେ ଗେଲ୍ବାର୍ ତେଲ୍ଲାକ ହିଜୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହଡ଼କକେ କୁଲ୍ଲୁହାଡ଼କମ୍, ଜେଲ୍ଲେକାଟି ଇନକୁ ଚାରିୟସାଃରେୟାର୍ ହାତୁ ଟଲ୍ ସେନ୍କେଦ୍ତେ ଜମେୟାଁଃ ଆଡ଼ଃ ତାଇନଃ ଠାୟାଦକ ନାମ୍ ଦାଡ଼ିୟା । ଚିୟାଃଟି ଆବୁଦ୍ ସିଃସଏଃ ଠାୟାଦରେବୁଆ ।”

<sup>୧୩</sup> ମେନ୍ଦ୍ ଯୀଶୁ ଇନକୁକେ ମେତାଦକଆଏ, “ଆପେଗି ଇନକୁକେ ଜମେୟାଁଃ ଏମାକପେ ।”

ଆଡ଼ଃ ଇନକୁ କାଜିରୁହାଡ଼କିୟାକ, “ଆଲେ ସେନ୍କେଦ୍ତେ ନେ ସବେନ୍ ହଡ଼କ ନାଗେନ୍ତେ ଜମେୟାଁଃ କାଲେ କିରିଙ୍ଘେୟେରେଦ୍, ଆଲେତାଃରେ ମଣେୟାଁ ହଲ୍ଲଙ୍ ଆଡ଼ଃ ବାରିଆ ହାକୁ ଏସକାର୍ ମେନାକଆ ।” <sup>୧୪</sup> ଇନକୁ ପାଞ୍ଚ ହାଜାର୍ ଲେକା କଡ଼ାକ ତାଇକେନା ।

ମେନ୍ଦ୍ ଯୀଶୁ ଆୟାର୍ ତେଲ୍ଲାକକେ ମେତାଦକଆଏ, “ପାଟାଗ୍ ପାଟାଗ୍ ଝାନ୍ଲେକା ପାନ୍ତି ପାନ୍ତି ଦୁବ୍କପେ ।”

\* ୯:୫ ୯:୫ ପ୍ରେରିଡ଼ ୧୩:୫୧. \* ୯:୫ ୯:୫ ଲୁକ ୧୦:୪-୧୧. \* ୯:୭ ୯:୭ ମାଥୁଉ ୧୭:୧୪; ମାର୍କ ୮:୨୮; ଲୁକ ୯:୧୯.

୧୫ ଏଣେ ଇନକୁ ଏନ୍‌ଲୋକାଗି ସବେନ୍‌କକେ ଦୁବକେଦକଆକ । ୧୬ ଇନିଃ ଏନ୍‌ ମଣେୟାଁ ହଲଙ୍ଗ୍ ଆତଃ ବାରିଆ ହାକୁ ସାବକେଦତେ ସିର୍ମାସାଃ ସାଙ୍ଗିଲୁରାକାବତାନଲଃ ଆଗିଷ୍ଟକେଦତେ କେଟାଃକେଦାଏ, ଆତଃ ଗାଦେଲ୍ ହଡ଼କତାଃରେ ହାଟିଙ୍ଗ୍ ନାଗେନ୍ତେ ତେଲାଇକକେ ଏମାଦକଆଏ । ୧୭ ସବେନ୍‌କ ଜମ୍‌କେଦତେ ବିୟାନାକ ଆତଃ ସାରେୟାକାନ୍ କେଟାଃ ବାରା ଚୁଙ୍ଗିକ ହାଲାଙ୍ଗକେଦାଃ ।

ପାଡ଼ରାସ୍‌ଆଃ ବିଶ୍ୱାସ୍

(ମାଥୁଉ ୧୭:୧୩-୧୯; ମାର୍କ ୮:୨୭-୨୯)

୧୮ ମିସା ଯୀଶୁ ଏସକାରରେ ବିକ୍ରିତାନ୍ ତାଇକେନ୍ ଇମ୍‌ତା ତେଲାଇ ଇନିଃଲଃକ ତାଇକେନା ଆତଃ ଇନିଃ ତେଲାଇକକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୧୯ \*ଏନ୍ତେଦ ଇନକୁ କାଜିକିୟାଃକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ସିଦାରେନ୍ ନାବୀକଏତେ ମିହୁଡ଼୍, ଜୀଉ ବିରିଦାକାନାଏ ମେନ୍ତେକ କାଜିତାନା ।”

୨୦ \*ୟୀଶୁ ଇନକୁକେ କୁଲିକେଦକଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

ପାଡ଼ରାସ୍ କାଜିରୁହାଡ଼କିୟାଏ, “ଆମ୍ ପାରମେଶ୍ୱାର୍‌ଆଃ ଶ୍ରୀଷ୍ଟ୍ ତାନ୍‌ମେ ।”

ଆୟାଃ ମନେ ବାଗିରେଆଃ ଆତଃ ଆୟାଃ କୁଶ୍ ଗଅଃରେୟାଃ ଇନିତୁ

(ମାଥୁଉ ୧୭:୨୦-୨୮; ମାର୍କ ୮:୩୦-୯:୧)

୨୧ ଏନ୍ତେ ଯୀଶୁ ନେ କାଜି ଜେତାଏକେ ଆଲ୍‌ପେ ଉଦୁବାକଆ ମେନ୍ତେ ହୁକୁମକେଦକଆ । ୨୨ ଆତଃ ଇନିଃ ଇନକୁକେ ମେତାଦକଆଏ, “ଆଇଙ୍ଗ୍ ମାନଝାହନ୍ ତାନାଇଙ୍ଗ୍, ଆଇଙ୍ଗ୍‌କେ ପୁରାଃ ଦୁକୁ ସାହାତିଙ୍ଗ୍ ଲାଗାତିୟାଃ, ଆତଃ ପ୍ରାତିନ୍‌କ, ମୁଲ୍ ଯାଜାକକ ଆତଃ ଆଇନ୍ ଇଡୁକ ଆଇଙ୍ଗ୍‌କେ ହିଲାଙ୍ଗ୍‌ଇୟା ଆତଃ ଗଜିୟାଁ, ଆତଃ ଆଇଙ୍ଗ୍ ଆପି ମାହାଁ ତାୟମ୍‌ତେ ଜୀଉ ବିରିଦାଇଙ୍ଗ୍ ।”

୨୩ \*ୟୀଶୁ ସବେନ୍‌କକେ କାଜିକେଦକଆଏ, ଜେତାଏ ହଡ଼ ଆଇଙ୍ଗ୍‌କେ ଅତଙ୍ଗ୍ ସାନାଙ୍ଗ୍‌ରେଦ ଇନିଃ ଆୟାଃ ମନେ ବାଗିତାକାଏ ଆତଃ ସବେନ୍ ହୁଲାଙ୍ଗ୍ ଆୟାଃ କୁଶ୍ ଗଅଃକେଦତେ ଅତଙ୍ଗ୍‌ଇଙ୍ଗ୍‌କାଏ । ୨୪ \*ଜେତାଏ ଆୟାଃ ଜୀଉ ବାଞ୍ଛାଅ ସାନାଙ୍ଗ୍‌ରେଦ, ଏନାଏ ଆଦେୟା, ମେନ୍‌ଦ ଆୟାଃ ଜୀଉ ଆଇଁୟାଃ ନାଗେନ୍ତେ ଆଦେନିଃ ଏନାଏ ବାଞ୍ଛାଅୟାଃ । ୨୫ ଜେତାଏ ହଡ଼ ଗଟା ଅତେଦିଶ୍ୱମ୍ ନାମକେଦରେୟ ଆୟାଃ ଜୀଉକେ ଜିୟନେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୨୬ ଜେତାଏ ଆଇଙ୍ଗ୍‌କେ ଆତଃ ଆଇଁୟାଃ କାଜିକେ ଗିହୁଃରେଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଡ଼କଲଃ ଆପୁଇଁୟାଃ ମାନାରାଙ୍ଗ୍‌ରେ ହିଜୁଃରୁହାଡ଼୍ ଦିପିଲିରେ ଆଇଙ୍ଗ୍‌ହଗି ଏନ୍ ବିଷାଏରେ ଗିହୁଗଃଆଇଙ୍ଗ୍ । ସିର୍ମାରେନ୍ ଦାସିକଆଃ ମାନାରାଙ୍ଗ୍‌ରେ ହିଜୁଃ ଜମ୍‌ତା ଇନିଃହଗି ଇନିୟାଃ ବିଷାଏରେ ଗିହୁଗଃଆଏ । ୨୭ ଆଇଙ୍ଗ୍ ସାରତିଗିଙ୍ଗ୍ କାଜିୟାପେତାନା, “ନେତାଃରେ ତିଙ୍ଗ୍‌ଆକାନ୍‌କଏତେ ଚିମିନ୍‌କ ପାରମେଶ୍ୱାର୍‌ଆଃ ରାଇଜ୍ ଆଉରିକ ନେଲେଜାକେଦ୍ ଗନଏଃ କାକ ଚାଖାଏୟାଃ ।”

ୟୀଶୁଆଃ ରୁପବାଦଲିୟଃ

(ମାଥୁଉ ୧୭:୧-୮; ମାର୍କ ୯:୨-୮)

\* ୯:୧୯ ୯:୧୯ ମାଥୁଉ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮.   \* ୯:୨୦ ୯:୨୦ ଯୋହାନ୍ ୭:୬୮,୭୯.  
\* ୯:୨୩ ୯:୨୩ ମାଥୁଉ ୧୦:୩୮; ଲୁକ ୧୪:୨୭.   \* ୯:୨୪ ୯:୨୪ ମାଥୁଉ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

୨୮ ଆଡ଼ଃ ନେ କାଜିରେୟାଃ ଇରାଲିୟା ମାହାଁ ତାୟମତେ ଯୀଶୁ ପାଡ଼ରାସ୍, ଯୋହାନ୍ ଆଡ଼ଃ ଯାକୁବ୍ ତେକକେ ଆୟାଃଲଃ ଇଦିକେଦତେ ବିକ୍ରିନାଙ୍ଗ୍ ବୁରୁତେ ରକାବ୍‌ୟାନାଏ । ୨୯ ଇନିଃ ବିକ୍ରିତାନ୍ ଇମତା ଇନିୟାଃ ମେଦ୍‌ମୁହାଁଡ଼୍‌ବାଦାଲାଅୟାନା ଆଡ଼ଃ ଇନିୟାଃ ଲିଜାଃ ପୁରାଃଗି ମାସ୍‌ଲୁଲେକା ପୁଣ୍ଡିୟାନା । ୩୦ ଆଡ଼ଃ ଇମତାଗି ବାହ୍‌ହଡ଼କିନ୍ ତାଇକେନା, ଇନକିନ୍ ହବାଅଃତାନାକିନ୍ ମୁଗା ଆଡ଼ଃ ଏଲିୟ, ୩୧ ଇନକିନ୍ ସିର୍ମାରେନ୍ ମାନାରାଙ୍ଗ୍‌ରେକିନ୍ ଉଦୁବେନ୍‌ୟାନା, ଆଡ଼ଃ ଯୀଶୁଲଃ ଯୀରୁଶାଲେମରେ ଆୟାଃ ଗନ୍‌ଏଃରେୟାଃ କାଜି ବାଗାଁଣେତାନ୍‌କିନ୍ ତାଇକେନା । ୩୨ ପାଡ଼ରାସ୍ ଆଡ଼ଃ ଇନିୟାଃ ଗାତିକିନ୍ ଦୁଡ଼ମୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍‌ଦ ଇନକିନ୍ ପୁରା ଆଦାୟାନ୍ତେ, ଇନିୟାଃ ମାନାରାଙ୍ଗ୍ ଆଡ଼ଃ ଇନିଃଲଃ ତିକ୍‌ଆକାନ୍ ବାହ୍‌ହଡ଼କିନ୍‌କେ ନେଲ୍‌କେଦକିନାକ । ୩୩ ଇନକିନ୍ ଯୀଶୁତାଃଏତେ ସେନିଃତାନରେ ପାଡ଼ରାସ୍, “ହେ ପ୍ରାଭୁ ଆରୁଆଃ ନେତାଃ ତାଇନିଃତେୟାଃ ବୁଗିନାଃ, ଆଲେ ଆପିୟା କୁମ୍‌ଲେ ବାଇୟାଃ, ଆମାଃ ନାଗେନ୍ତେ ମିଆଁଦ୍, ମୁଗା ନାଗେନ୍ତେ ମିଆଁଦ୍ ଆଡ଼ଃ ଏଲିୟ ନାଗେନ୍ତେ ମିଆଁଦ୍” ମେନ୍ତେ ଯୀଶୁକେକ କାଜିକିୟାଃ । ଇନିଃ ଦ ଆୟାଃ କାଜିତାନ୍‌ତେୟାଃ କାଏ ସାରିତାନ୍ ତାଇକେନା ।

୩୪ ଇନିଃ ନେୟାଁ କାଜିତାନ୍ ଇମତାଗି ରିମିଲ୍ ହିଜୁଃକେଦତେ ଇନକୁକେ ଉମୁଲ୍‌କେଦକିଆ, ଆଡ଼ଃ ଏନ୍ ରିମିଲ୍‌ରେ ବଲତାନ୍ ଇମତା ଇନକୁ ବରକେଦାଃକ । ୩୫ ☆\*“ନିଃ ଆଇୟାଃ ସାଲାକାନ୍ ଦୁଲାଡ଼୍‌ହନ୍ ତାନିଃ, ଇନିୟାଃ କାଜି ଆୟୁମେପେ” ମେନ୍ତେ ମିଆଁଦ୍ କାଜି ରିମିଲ୍‌ଏତେ ଆୟୁମ୍‌ୟାନା ।

୩୬ ନେ କାଜି କାଜିୟାନ୍‌ରେ, ଇନକୁ ଯୀଶୁକେ ଏସ୍‌କାରଗି ନାମକିୟାଃକ । ଆଡ଼ଃ ଚେଲାକ ହାପାୟାନାକ, ନେଲ୍‌କାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବ୍‌କେଦକିଆ ।

ୟୀଶୁ ବଙ୍ଗା ଏସେରାକାଇ ହନ୍‌କେ ବୁଗି ତାନାଏ  
(ମାଥୁଉ ୧୭:୧୪-୧୮; ମାର୍କ ୯:୧୪-୨୭)

୩୭ ଏଟାଃ ହୁଲାଙ୍ଗ୍ ଯୀଶୁ ଆଡ଼ଃ ଆୟାଃ ଆପିୟା ଚେଲାକ ବୁରୁଏତେ ଆଡ଼ଗୁୟାନ୍ ଇମତା ପୁରାଃ ଗାଦେଲ୍ ହଡ଼କ ଯୀଶୁକେ ସେନ୍‌ଦାରମକିୟାକ । ୩୮ ଆଡ଼ଃ ନେଲେପେ, ଗାଦେଲ୍ ହଡ଼କଏତେ ମିହୁଡ଼୍‌କାଉରିକେଦାଏ, “ହେ ଗୁରୁ ଆଇଙ୍ଗ୍ ବିକ୍ରିମେତାନାଇଙ୍ଗ୍, ହନିଙ୍ଗ୍‌କଡ଼ାକେ ହେତାଇମେ, ଇନିଃଦ ଆଇୟାଃ ମିଆଁଦ୍‌ଗି ହନ୍‌କଡ଼ା ତାନିଃ” ମେନ୍‌କିୟାଏ । ୩୯ ଆଡ଼ଃ ନେଲିମେ, ମିଆଁଦ୍ ବଙ୍ଗା ଇନିଃକେ ସାବ୍‌କିଃରେ ଇନିଃ ଆବ୍‌କାଗି କାଉରିୟାଏ; ଆଡ଼ଃ ମତାଏତେ ପୁଡ଼ିବ୍‌କ ଅଡ଼ଙ୍ଗ୍‌ଅଃଆ, ବଙ୍ଗା ଇନିଃତାଃଏତେ ଚିମିନ୍ ତାର୍‌ସାର୍‌ତେ ଅଡ଼ଙ୍ଗ୍‌ଅଃଆଏ । ଆଡ଼ଃ ଇନିଃଦ ଇନିଃକେ ଜିୟନିତାନାଏ । ୪୦ ଆଇଙ୍ଗ୍ ଚେଲାକକେ ବିକ୍ରିକେଦକିଆଇଙ୍ଗ୍, “ମାର୍ ବଙ୍ଗାକେ ଅଡ଼ଙ୍ଗ୍‌ଇଁପେ, ମେନ୍‌ଦ ଇନକୁ କାକ ଦାଡ଼ିକେଦାଃ ।”

୪୧ ଆଡ଼ଃ ଯୀଶୁ ମେନ୍‌କେଦାଏ, “ଏ କା ବିଶ୍ୱାସ୍ ଆଡ଼ଃ କେଟେଦ୍ ମନ୍‌ରେନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ଆଡ଼ଃ ସାହାତିଙ୍ଗ୍‌ପେୟା ?” ଆଡ଼ଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍‌କେ ଆଇଙ୍ଗ୍‌ତାଃତେ ଆଉଝିମେଁ ।”

୪୨ ଆଡ଼ଃ କଡ଼ାହନ୍ ହିଜୁଃତାନ୍ ଇମତା ବଙ୍ଗା ଇନିଃକେ ଆଖାକିୟାଏ, ମେନ୍‌ଦ ଯୀଶୁ ଏନ୍ ସଡ଼ରା ଆମାକେ ମାରାଙ୍ଗ୍‌ମଚାକେଦତେ ଇନିଃକେ ବୁଗିକିୟାଏ ଆଡ଼ଃ ଆପୁତେକେ ଏମରୁହାଡ଼ାଇୟାଏ ।

☆ ୯:୩୫ ୯:୩୫ ମାଥୁଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୨ ପାଡ଼ରାସ୍ ୧:୧୭,୧୮.

ୟୀଶୁ ଆଡ଼ଃମିସା ଆୟାଃ ଗନ୍‌ଏଃ କାଜି କାଜିକେଦାଏ

(ମାଥୂଉ ୧୭:୨୨-୨୩; ମାର୍କ ୯:୩୦-୩୨)

୪୩ ଏନ୍ତେଦ ସବେନ୍‌କ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତେ ଆକ୍‌ଦାନ୍‌ଦାୟାନ୍‌ନାକ । ଆଡ଼ଃ ଯୀଶୁ କାଜିକେଦ୍ ସବେନ୍ କାଜିତେୟ୍ ହଡ଼କ ଆକ୍‌ଦାନ୍‌ଦାୟାନ୍‌ତାନ୍ ତାଇକେନ୍‌ରେ, ଇନିଃ ଆୟାଃ ତେଲାକକେ ମେତାଦକଆଏ, ୪୪ “ନେ ସବେନ୍ କାଜି ଆପେୟାଃ ଲୁତୁରରେ ଦହଏପେ, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ହଡ଼କଆଃ ତିଃଇରେ ଏମ୍‌ଏଶ୍ୱାଗଃଆଇଙ୍ଗ୍ ।” ୪୫ ମେନ୍‌ଦ ତେଲାକ ନେ କାଜି କାକ ଆଟ୍‌କାର୍ ଉରୁମ୍ ଦାଡ଼ିକେଦା ଆଡ଼ଃ ଇନ୍‌କୁ ଏନା ଆଲକାକ ଆଟ୍‌କାରେକା ମେନ୍ତେ ତେଲାକନାଙ୍ଗ୍ ଉକୁଆକାନ୍ ତାଇକେନା ଆଡ଼ଃ ଇନ୍‌କୁ ନେ କାଜି ଇନିଃକେ କୁଲି ନାଗେନ୍ତେ ବରତାନକ ତାଇକେନା ।

ଅକଏ ମାରାଙ୍ଗ୍

(ମାଥୂଉ ୧୮:୧-୫; ମାର୍କ ୯:୩୩-୩୭)

୪୬ \*ଆଡ଼ଃ ଆବୁକଏତେ ଅକଏ ମାରାଙ୍ଗ୍ ମେନ୍ତେ ତେଲାକ ଆକ ଆକରେକ ଉଡ଼ୁତାନ୍ ତାଇକେନା । ୪୭ ମେନ୍‌ଦ ଯୀଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ସାରିକେଦ୍‌ତେ, ମିଆଁଦ୍ ହୁଡ଼ିଙ୍ଗ୍ ହନ୍‌କେ ଆଉକିୟାଏ ଆଡ଼ଃ ଆୟାଃ ହେଦାଦ୍‌ରେ ତିଙ୍ଗ୍‌କିୟାଏ । ୪୮ \*ଏନ୍ତେ ଇନିଃ ମେତାଦକଆଏ, “ଜେତାଏ ନେ ହୁଡ଼ିଙ୍ଗ୍ ହନ୍‌କେ ଆଇୟାଃ ନୁତୁମ୍‌ତେ ଦାରମିରେଦ ଆଇଙ୍ଗ୍‌କେ ଦାରମିଆଁ; ଆଡ଼ଃ ଜେତାଏ ଆଇଙ୍ଗ୍‌କେ ଦାରମିରେଦ ଆଇଙ୍ଗ୍‌କେ କୁନୁଲିନିଃକେହ୍ ଦାରମିଆଏ । ତିୟାଃତି ଆପେ ସବେନ୍‌କଏତେ ଅକଏ ହୁଡ଼ିଙ୍ଗ୍‌ଉତାରଃଆଏ ଇନିଃଗି ମାରାଙ୍ଗ୍ ।”

ଆବୁଆଃ ବିରୁଧ୍‌ରେ ବାଙ୍ଗାଇନିଃଦ ଆବୁସାଃରିୟା

(ମାର୍କ ୯:୩୮-୪୦)

୪୯\*ଆଡ଼ଃ ଯୋହାନ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁତୁମ୍‌ତେ ବଙ୍ଗାକକେ ଅଡ଼ଙ୍ଗ୍‌ତାନ୍‌ଲେ ନେଲକିୟା ଆଡ଼ଃ ଆଲେ ଇନିଃକେ ମାନାକିୟାଃଲେ, ତିୟାଃତି ଇନିଃ ଆବୁଏତେ ମିହୁଡ଼୍‌କାଏ ତାଇକେନା ।”

୫୦ ମେନ୍‌ଦ ଯୀଶୁ କାଜିକିୟାଏ, “ଆଲ୍‌ପେ ମାନାଇୟା, ଆବୁଆଃ ବିରୁଧ୍‌ରେ ବାଙ୍ଗାଇନିଃଦ ଆବୁସାଃରିୟା ।”

ଶମିରୋନିରେନ୍‌କ ଯୀଶୁକେ କାକ ଦାରମିକିୟାଃ

୫୧ ଯୀଶୁଆଃ ସିର୍ମା ରାକାବ୍‌ରେୟାଃ ଦିପିଲି ନାଡ଼େଃୟାଃତାନ୍‌ରେ ଇନିଃ ଯୀରୁଶାଲେମ୍‌ତେ ସେନଃ ନାଗେନ୍ତେ ଏସକାର୍‌ଗି ମନ୍‌ତାୟାଃ କେଟେଦ୍‌କେଦାଏ । ୫୨ ଆଡ଼ଃ ଇନିଃ ହଡ଼କକେ କୁଲ୍ ଆୟାର୍‌କେଦକଆଏ, ଇନ୍‌କୁ ସେନଃୟାନ୍ତେ ଇନିଃନାଙ୍ଗ୍ ବାଇସାତି\* ନାଗେନ୍ତେ ଶମିରୋନିରେନ୍‌କଆଃ ମିଆଁଦ୍ ହାତୁରେକ ବଲୟାନା । ୫୩ ମେନ୍‌ଦ ଏନ୍ତାଃରେନ୍ ହଡ଼କ ଇନିଃକେ କାକ ଦାରମିକିୟା ତିୟାଃତି ଇନିଃ ଯୀରୁଶାଲେମ୍‌ସାଃତେ ସେନଃତାନା ମେନ୍ତେ ସାରିୟାଃ ତାଇକେନାଏ । ୫୪ ନେଆଁ ନେଲକେଦ୍‌ତେ ଇନିଃୟାଃ ତେଲା ଯାକୁବ୍ ଆଡ଼ଃ ଯୋହାନ୍ ବରାନ୍‌କିନ୍ କାଜିକିୟାଃ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଏଲିୟକେ ଆବୁକେଦ୍‌ଲେକାଁ ସିର୍ମାଏତେ ସେଙ୍ଗେଲ୍ ଉୟୁଗଃକା ଆଡ଼ଃ ଇନ୍‌କୁ ଜିୟନିଃକାକ ।”

୫୫ ମେନ୍‌ଦ ଯୀଶୁ ଇନ୍‌କିନ୍‌କେ ହେତାରୁହାଡ଼କେଦ୍‌ତେ ଏଗେରକେଦକିନାଏ, ଆବେନ୍ ତିଲକାନ୍ ଆମ୍‌ରେନ୍ ତାନ୍‌ବେନ୍, ନେଆଁ କାବେନ୍ ସାରିତାନା । ହଡ଼କଆଃ

\* ୯:୪୬ ୯:୪୭ ଲୁକ ୨୨:୨୪. \* ୯:୪୮ ୯:୪୮ ମାଥୂଉ ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦. \* ୯:୫୨ ୯:୫୨ ଆୟୋଜାନ୍ † ୯:୫୫ ୯:୫୫ ଏଲିୟକେ ଆବୁକେଦ୍‌ଲେକା, ନେଆଁ ତିମିନ୍ ମାରିଅନଲ୍‌ରେ ବାନଆଃ

ଜୀଉ ଜିୟନ୍ ନାଗେନ୍ତେଦ କାହା ମେନ୍ଦ ଜୀଉ ବାସ୍ତାଅ ନାଗେନ୍ତେ ମାନଝାହନ୍ଦ ହିଜୁଃକାନାଏ ।<sup>‡</sup> ୫୭ ଆତଃ ଇନ୍କୁ ଏଟାଃ ହାତୁଡେକ ସେନଃୟାନା ।

ପ୍ରାଭୁଆଃ ତେଲ୍ଲାବାଇୟଃରେୟାଃ କାଜି  
(ମାଥୁଉ ୮:୧୯-୨୨)

୫୭ ଇନ୍କୁ ହରାରେ ସେନ୍ତାନ୍ ତାଇକେନ୍ ଇମତା ମିଆଁଦ୍ ହଡ୍, ଯୀଶୁକେ କାଜିକିୟାଏ, “ଆମ୍ କତେମ୍ ସେନା ଏନ୍ତେଇକ୍ ଅତକ୍ମେୟାଁ ।”

୫୮ ଯୀଶୁ ଇନିଃକେ କାଜିକିୟାଏ, “ତୁୟୁକଆଃଦ ଲାତା ମେନାଃ, ଆତଃ ସିମା ଲାତାରରେନ୍ ଚେଟ୍ଟେକଆଃ ଅକା ମେନାଃ ମେନ୍ଦ ମାନଝାହନ୍ଦଆଃ ବହଃ ଦହନାକ୍ ଠାୟାଦ୍ ବାନଆଃ ।”

୫୯ ଆତଃ ଇନିଃ ଏଟାଃନିଃକେ କାଜିକିୟାଏ, “ମାର୍ ଅତକ୍ମେୟାଁକ୍ମେ ।”

ମେନ୍ଦ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇକ୍ମେକେ ତପାଇ ନାଗେନ୍ତେ ସେନ୍ଦଇତିକ୍ମେ ।”

୬୦ ମେନ୍ଦ ଯୀଶୁ ଇନିଃକେ କାଜିକିୟାଏ, “ଗଏଃକାନକ୍ ଆକଆଃ ଗଏଃକାନକକେ ତପାକକାକ, ମେନ୍ଦ ଆମ୍ ସେନ୍ଦକେଦ୍ତେ ପାର୍ମେଶ୍ୱାର୍ଆଃ ରାଇଜ୍ରେୟାଃ କାଜି ଉଦୁବେମେ ।”

୬୧ ଆତଃ ମିହୁଡ୍ କାଜିକିୟାଏ, “ହେ ପ୍ରାଭୁ, ଆଇକ୍ ଅତକ୍ମେୟାଁକ୍ମେ ମେନ୍ଦ ସିଦାତେ ଆଇୟାଃ ଅଡ଼ାଃରେନ୍ଦକତାଃ ସେନ୍ଦକେଦ୍ତେ ବିଦା ଇଦିନାକ୍ କାଜି ଇତିକ୍ମେ ।”

୬୨ ଯୀଶୁ କାଜିକିୟାଏ, “ଆୟାଃ ତିଃଇକେ ନାଏହାଲ୍ରେ ଦହକେଦ୍ତେ ତାୟମ୍ସାଃ ହେତାଏନିଃ ପାର୍ମେଶ୍ୱାର୍ଆଃ ରାଇଜ୍ରେ କାମିଲେକାନିଃ କାଏ ହବାଅଆଃ ।”

### ୧୦

ୟୀଶୁ ଆପିହିସି ଗେଲ୍ବାର୍ ତେଲ୍ଲାକକେ କୁଲ୍କତାନାଏ

୯ ନେଆଁତାୟମ୍ତେ ପ୍ରାଭୁ ୭୨\*ଏଟାଃ ତେଲ୍ଲାକକେ ସାଲାକେଦ୍ତେ, ଆଇଃକ୍ ସେନଃ ସାନାକ୍ତାନ୍ ସବେନ୍ ହାତୁ, ଟଲାତେ ବାବାରହଡ୍ କୁଲ୍ ଆୟାର୍କେଦ୍କଆଏ । ୨ \*ଇନିଃ ଇନ୍କୁକେ କାଜିୟାଦ୍କଆଏ, “ଇରୋଃ ପୁରାଃଗିୟାଃ ମେନ୍ଦ କାମିନାଲାକ ହୁଡିକ୍ଆଁକ, ଏନା ନାଗେନ୍ତେ ଆପେ, ଆମ୍ ଆମାଃ ଇରୋଃତେ କାମି ନାଲାକ କୁଲ୍କମ୍ ମେନ୍ତେ ଇରୋଃ ଗମ୍କେତାଃରେ ବିକ୍ତିପେ । ୩ \*ମାର୍ ସେନଃପେ, ଆଇକ୍ ଆପେକେ ମିଶ୍ଟିହନ୍ଦକ ଲେକା ହୁଣ୍ଡାର୍କ ଆଲାରେଇକ୍ କୁଲ୍ପେତାନା । ୪ ଆପେ ପାଏସାମୁନା, ଆଇଲାଃ, ଖାର୍ପା ଆଲ୍ପେ ଇଦିୟା ଆତଃ ହରାରେ ଜେତାଏକେୟ ଆଲ୍ପେ ଜହାର୍କଆ । ୫ ଆତଃ ଜେତା ଅଡ଼ାଃରେ ଦାରମ୍ପେରେ ‘ନେ ଅଡ଼ାଃରେନ୍ଦକଆଃରେ ସୁକୁ ହବାଅଃକା’ ମେନେପେ । ୬ ସୁକୁ ନାମେଲେକାନ୍ ହଡ୍ ଏନ୍ତାଃରେ ତାଇନ୍ରେଦ୍ ଆପେୟାଃ ସୁକୁ ଇନିଃରେ ତାଇନାଃ, କା’ରେଦ୍ ଏନା ଆପେତାଃତେ ରୁହାଡ଼ାଃ । ୭ \*ଏନ୍ଦ୍ ଅଡ଼ାଃରେ ତାଇନଃପେ, ଇନ୍କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ୍ ଆୟାଃ ନାଲା ନାମେଗିୟାଏ । ଆତଃ ଅଡ଼ାଃ ଅଡ଼ାଃ ଆଲ୍ପେ ହନରାଃ । ୮ ଜେତାଏ ହାତୁରେପେ ବଲ୍ରେଦ୍ ଆତଃ ହଡ୍କ ଦାରମ୍ପେରେଦ୍, ଇନ୍କୁଆଃ ଏମେତେୟାଃ ଜମେପେ । ୯ ଏନ୍ତାଃରେନ୍ ହାସୁତାନ୍ଦକକେ ବୁଗିକପେ, ଆତଃ ‘ପାର୍ମେଶ୍ୱାର୍ଆଃ ରାଇଜ୍ ଆପେତାଃ ନାଡ଼େୟାକାନା’ ମେତାକପେ । ୧୦ \*ମେନ୍ଦ୍ ଆପେ ଜେତାଏ ହାତୁରେପେ ବଲ୍ରେଦ୍

‡ ୯:୫୫ ୯:୫୫ ନେ ପଦ ତିମିନ୍ ମାରିଅନଲ୍ରେ ବାନଆଃ \* ୧୦:୧ 10:1 ତିମିନ୍ ମାରି ଅନଲ୍ରେ ୭୦ ହଡ୍ ଅଲାକାନା \* ୧୦:୨ ୧୦:୨ ମାଥୁଉ ୯:୩୭,୩୮. \* ୧୦:୩ ୧୦:୩ ମାଥୁଉ ୧୦:୧୭. \* ୧୦:୭ ୧୦:୭ ୧ କରିଲ୍ଲିୟ ୯:୧୪; ୧ ତିମଥୁ ୫:୧୮. \* ୧୦:୧୦ ୧୦:୧୦ ପ୍ରେରିଡ୍ ୧୩:୫୧.

ଆତ୍ମ ହତୁକ କାକ ଦାରମ୍ପଦେରେଦ, ଏନାରେୟାଃ ହରାଏତେ ଅତଙ୍ଗକେଦତେ କାଜିପେ, <sup>୧୧</sup> \*ଆଲେୟାଃ କାଟା ତାଲ୍‌କାରେୟାଃ ଧୁଡ୍ଡି ଆପେୟାଃ ହାତୁରାଃ ଆୟାରରେଲେ କଟା ଏଣ୍ଡାଏଃତାନା, ଏନ୍‌ରେୟ ପାରମେଶ୍ଵାରଆଃ ରାଇଜ୍ ଆପେତାଃ ନାଡେୟାକାନା ଏନା ସାରିପେ । <sup>୧୨</sup> \*ଆଇଙ୍ଗ କାଜିୟାପେ ତାନାଇଙ୍ଗ, ଏନ୍ ହୁଲାଙ୍ଗରେ ଏନ୍ ହାତୁରେୟାଃ ଦୁକୁଏତେ ସୋଦମରାଃ ଦୁକୁ ସାହାତିଙ୍ଗ୍‌ୟେ ଲେକାଃଃ ।

କା ବିଶ୍ଵାସ୍ତାନ ନାଗାରକକେ ଯୀଶୁଆଃ ଚେତନା  
(ମାଥୁଉ ୧୧:୨୦-୨୪)

<sup>୧୩</sup> “ଏ କରାଜିନ୍, ଆମାଃ ହାୟ ହାୟ, ଏ ବେଅସାଇଦା, ଆମାଃ ହାୟ ହାୟ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଅ କାମିକ ସୋର୍ ଆତ୍ମ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍‌କୁ ଚିଉଲ୍‌ରେ ବସ୍ତା ତୁସିଙ୍ଗ୍‌କେଦତେ ଆତ୍ମ ତରେକ୍ ଚେତାନ୍‌ରେ ଦୁବକେଦତେ ମନ୍‌ରୁହାଡ୍ କାତେତେୟାଃକ । <sup>୧୪</sup> ମେନ୍‌ଦ ବିଚାର୍ ହୁଲାଙ୍ଗରେ ଆବେନାଃଏତେ ସୋର୍ ଆତ୍ମ ସିଦୋନ୍‌ରେୟାଃ ଦୁକୁ ସାହାତିଙ୍ଗ୍‌ୟେ ଲେକାଃଃ । <sup>୧୫</sup> ଆତ୍ମ ଆମ୍, ଏ କପର୍‌ନାହୁମ୍, ଚିୟାଃ ଆମ୍ ସିର୍ମା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ ।”

<sup>୧୬</sup> \*ୟୀଶୁ ଆୟାଃ ଚେଲକକେ ମେତାଦକଆଏ, “ଆପେୟାଃ କାଜି ଆୟୁମ୍‌ନିଃ ଆଇଁୟାଃ ଆୟୁମେୟାଏ, ଆତ୍ମ ଆପେକେ କା ସୁକୁନିଃ ଆଇଙ୍ଗ୍‌କେହ୍ କାଏ ସୁକୁଞ୍ଜାଇଙ୍ଗ୍‌ଆଃ ମେନ୍‌ଦ ଆଇଙ୍ଗ୍‌କେ କାଏ ସୁକୁନିଃ ଆଇଙ୍ଗ୍‌କେ କୁଲ୍‌ନିଃକେ ହ୍ କାଏ ସୁକୁଞ୍ଜାଇୟା ।”

ବାସ୍ତୋରଝାନ୍ ଚେଲକଆଃ ହିଜୁଃରୁହାଡ୍

<sup>୧୭</sup> ଏନ୍ ୭୨<sup>+</sup>ଝାନ୍ ଚେଲକ ରାସ୍‌କାତାନ୍‌ଲଃକ ରୁହାଡ୍‌ୟାନା ଆତ୍ମ “ହେ ପ୍ରାଭୁ, ଆମାଃ ନୁଡୁମ୍‌ତେ ବଙ୍ଗକହ୍ ଆଲେକେ ମାନାତିଙ୍ଗ୍‌ଲେତାନାକ” ମେନ୍‌କିୟାଏ ।

<sup>୧୮</sup> ଇନିଃ ମେତାଦକଆଏ, “ଆଇଙ୍ଗ୍ ସାଏତାନ୍‌କେ ହିଚିର୍ ଲେକା ସିର୍ମାଏତେ ଉୟୁଗଃତାନ୍‌ତେୟାଃ ନେଲ୍‌କିୟାଇଙ୍ଗ୍ । <sup>୧୯</sup> ନେଲେପେ, ଆଇଙ୍ଗ୍ ବିଙ୍ଗ୍‌କଆଃ ଆତ୍ମ ମାର୍‌ମାରକଆଃ ଚେତାନ୍‌ରେ ସେସେନ୍‌ରେୟାଃ ଆତ୍ମ ବାଇରିୟାଃ ଗଟା ପେଡେଃରେ ଆକ୍‌ତେୟାରାଇଙ୍ଗ୍ ଏମାଦପେୟା । ଆପେୟାଃ ଜେଡ୍‌ନାଃ କା ହାନିୟଃଆ । <sup>୨୦</sup> ଏନ୍‌ରେୟ ଏଡ୍‌କାନ୍ ଆମ୍‌କ ଆଲେକେ ମାନାତିଙ୍ଗ୍‌ତାନାକ ମେନ୍‌ତେ ଆଲ୍‌ପେ ରାସ୍‌କାଃଃ, ମେନ୍‌ଦ ଆପେୟାଃ ନୁଡୁମ୍ ସିର୍ମାରେ ଅଲ୍‌କାନା ନେୟାତେ ରାସ୍‌କାଃଃପେ” ମେନ୍‌ତେ କାଜିୟାଦକଆଏ ।

ୟୀଶୁ ରାସ୍‌କାୟାନାଏ  
(ମାଥୁଉ ୧୧:୨୫-୨୭; ୧୩:୧୬-୧୭)

<sup>୨୧</sup> ଏନ୍ ଦିପିଲିରେ ଯୀଶୁ ପାବିତାର୍ ଆମ୍‌ରେ ପୁରାଃ ରାସ୍‌କାୟାନ୍‌ଲଃ କାଜିକେଦାଏ, “ହେ ଆବା, ସିର୍ମା ଆତ୍ମ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍‌ନକ ଆତ୍ମ ଇତୁଆନ୍‌କତାଃଏତେମ୍ ଦାନାଙ୍ଗ୍‌ଆଁକାଦାଃ, ଆତ୍ମ ବାଲେଃ ହନ୍‌କତାଃରେମ୍ ଉଦୁବାକାଦାଃ ମେନ୍‌ତେଇଙ୍ଗ୍ ଧାନାବାଦମେତାନା । ହେଗି ହେ ଆବା, ନେୟାଗିଦ ଆମାଃ ବୁଗିନ୍ ସାନାଙ୍ଗ୍ ।

<sup>୨୨</sup> \*ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତ୍ମ ହନ୍‌କେ ବାଗିକେଦତେ ଆପୁ

\* ୧୦:୧୧ ୧୦:୧୧ ମାଥୁଉ ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫. \* ୧୦:୧୨ ୧୦:୧୨ ମାଥୁଉ ୧୧:୨୪; ମାଥୁଉ ୧୦:୧୫. \* ୧୦:୧୬ ୧୦:୧୬ ମାଥୁଉ ୧୦:୪୦; ମାର୍କ ୯:୩୭; ଲୁକ ୯:୪୮; ଯୋହାନ୍ ୧୩:୨୦. † ୧୦:୧୭ 10:17 ଚିମିନ୍ ମାରି ଅନଲ୍‌ରେ ୭୦ ହତ୍ ଅଲ୍‌କାନା \* ୧୦:୨୨ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫.

ଅକଏ ତାନିଃ ନେୟାଁ ଜେତଏ କାକ ସାରିୟାଃ । ମେନ୍ଦ ଅକନ୍ଦକେ ଏନା ସାରି ନାଗେନ୍ତେ ହନ୍ ଆଇଃକ୍ତି ସାଲାକୁଆଏ, ଇନ୍କୁ ଏସ୍କାର ପାରମେଶ୍ଵାରୁଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଇନିଃ ଆୟାଃ ଚେଲାକକେ ହେତାରୁହାଡ଼କେଦ୍ତେ ଏସ୍କାରରେୟାଏ କାଜିୟାଦକଆ, “ଆପେ ସବେନ୍ ନେ ସବେନାଃ ନେଲ୍ତାନତେୟାଃ ଚିମିନ୍ ସୁକୁତାନଗିୟାଃପେ । ୨୪ ଆଇଙ୍ଗ୍ଦ ସାର୍ତ୍ତିଗିଙ୍ଗ୍ କାଜିୟାପେତାନା, ଆପେ ନେଲ୍ତାନତେୟାଃ ପୁରାଃ ନାବୀକ ଆତଃ ରାଜାକ ନେନେଲ୍ ସାନାଙ୍ଗକେଦକଆ ମେନ୍ଦ କାକ ନେଲ୍କେଦା ଆତଃ ଆପେ ଆୟୁମକେଦ୍ତେୟାଃ ଇନ୍କୁକେ ଆୟୁମ୍ ସାନାଙ୍ଗକେଦକଆ ମେନ୍ଦ କାକ ଆୟୁମକେଦା ।”

ବୁଗିନ୍ ଶମିରୋନ୍ରେନ୍ନିଃୟାଃ ଜନ୍କା କାଜି  
(ମାଥୂଉ ୨୨:୩୫-୪୦; ମାର୍କ ୧୨:୨୮-୩୪)

୨୫ \*ଆତଃ ନେଲେପେ ମିଆଁଦ୍ ଆଇନ୍ ଇତୁନିଃ ବିରିଦୟାନ୍ତେ ଯୀଶୁକେ ବିଡ଼ାଅ ନାଗେନ୍ତେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

୨୬ ଯୀଶୁ କାଜିକିୟାଏ, “ଆନ୍ତୁରେ ଚିକ୍ନାଃ ଅଲାନାନା ? ଆମ୍ ଚିଲ୍କାମ୍ ପାଡ଼ାଅ ତାନା ?”

୨୭ ଆତଃ ଇନିଃ ମେନ୍ଦରୁହାଡ଼ାଇୟାଏ, “ପ୍ରାଭୁ ଆମାଃ ପାରମେଶ୍ଵାରକେ ଆମାଃ ସବେନ୍ ମନ୍ସୁଦ୍ତେ ଆତଃ ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ପେଡ଼େତେ ଆତଃ ଆମାଃ ସବେନ୍ ସେଣ୍ଡାତେ ଦୁଲ୍ଲାଡ଼ିମେ, ଆତଃ ଆମାଃ ହପର୍ ଜାପାଃରେନ୍ନିଃକେ ଆମାଃ ଲେକାଗି ଦୁଲ୍ଲାଡ଼ିମେ ।”

୨୮ ଏନ୍ତେ ଯୀଶୁ କାଜିରୁହାଡ଼କିୟାଏ, “ବୁଗିନାମ୍ କାଜିକାଦା, ଆମ୍ ନେକାଏରେଦମ୍ ଜାହିଦଃଆ ।”

୨୯ ମେନ୍ଦ ଆଇନ୍ଇତୁନିଃ ଆଇଃକ୍ତି ଧାର୍ମାନ୍ ଉଦୁବେନ୍ ସାନାଙ୍ଗକିଃତେ ଯୀଶୁକେ କୁଲିକିୟାଏ “ଆଇୟାଃ ହପର୍ଜାପାଃରେନ୍ନିଃ ଅକଏ ତାନିଃ ?”

୩୦ ଯୀଶୁ କାଜିରୁହାଡ଼କିୟାଏ, “ମିଆଁଦ୍ ହଡ଼ ଯୀରୁଶାଲେମ୍ଏତେ ଯିରିହୋତେ ସେନଃତାନାଏ ତାଇକେନା ଆତଃ କୁମ୍ବୁକୁଆଃ ଡିଃଇରେ ଉୟୁଃୟାନାଏ, ଇନ୍କୁ ଇନିୟାଃ ଲିଜାଃ ରେକ୍କିୟାଃକ ଆତଃ ଦାଲ୍କିଃତେ ଗଏଃଲେକାକ ବାଗିତୁକାଇଜାଃ । ୩୧ ତାୟମ୍ତେ ମିଆଁଦ୍ ଯାଜାକ୍ ଏନ୍ ହରାତେଗି ସେନ୍ତାନାଏ ତାଇକେନା ଆତଃ ଇନିଃକେ ନେଲ୍କିଃତେ ଏଟାଃ ହରାରେ ପାରମ୍ପୟାନାଏ । ୩୨ ନେ ଲେକାଗି ମିଆଁଦ୍ ଲେବୀହ୍, ଏନ୍ ଠାୟାଦ୍ରେ ସେଚେରୁୟାନ୍ତି ଇନିଃକେ ନେଲ୍କିଃତେ ପାରମ୍ପୟାନାଏ । ୩୩ ମେନ୍ଦ ମିଆଁଦ୍ ଶମିରୋନିରେନ୍ ହଡ଼ ସେନ୍ତାନଲଃ ଇନିଃ ତାଇକେନ୍ ଠାୟାଦ୍ରେ ସେଚେରୁୟାନାଏ ଆତଃ ଇନିଃକେ ନେଲ୍କିଃତେ ବିଲ୍କାଅୟାନାଏ । ୩୪ ସେନ୍ ନାଡ଼େକେଦ୍ତେ ଇନିୟାଃ ଘାଅକରେ ସୁନ୍ମ୍ ଆତଃ ଦାଖ୍ରାସି ଦୁଲ୍ଲକେଦାଏ, ଏନାକେ ତଲ୍ଲକେଦାଏ ଆତଃ ଇନିଃକେ ଆୟାଃ ଗାଧାଚେତାନ୍ରେ ଲାଦିକିଃତେ ତେରା ଅଡ଼ାଃତେ ଇଦିକିୟାଏ ଆତଃ ଇନିଃକେ ଯାତାନ୍କିୟାଏ । ୩୫ ଏଟାଃ ହୁଲାଙ୍ଗ୍ ଇନିଃ ବାର୍ସିଙ୍ଗ୍ରାଃ ନାଲା ସିକା ଅଡ଼ଙ୍ଗକେଦ୍ତେ ତେରା ଗମ୍କେ କେ ଏମ୍କିୟାଏ ଆତଃ ନିଃକେ ଯାତାନିଃମେଁ ଆତଃ ନିମ୍ନାଙ୍ଗ୍ଏତେ ଆଦକାମ୍ ଖାର୍ଗାଏରେଦ ଆଇଙ୍ଗ୍ ରୁହାଡ଼ ଇମ୍ତା ପେରେଜାମେଁୟାଇଙ୍ଗ୍” ମେନ୍ଦକିୟାଏ ।

୩୬ “ନେ ଆପିୟା ହଡ଼କଏତେ ଅକଏ କୁମ୍ବୁକୁଆଃ ଡିଃଇରେ ଉୟୁଗାକାନ୍ ହଡ଼ରାଃ ହପର୍ଜାପାଃରେନ୍ନିଃ ତାନିଃ ମେନ୍ତେପେ ଉଡ଼ୁତାନା ?”

\* ୧୦:୨୫ ୧୦:୨୫ ମାଥୂଉ ୨୨:୩୫-୪୦; ମାର୍କ ୧୨:୨୮-୩୪.

୩୭ ଏବଂ ଆଇନ୍ ଇତୁନିଃ ଇନିଃକେ କାଜିରୁହାଡ଼କିୟାଏ “ଅକଏ ଲିବୁଇକେନ୍ନିଃ ।” ଏନ୍ତେ ଯୀଶୁ ଆଇନ୍ ଇତୁନିଃକେ କାଜିକିୟାଏ, “ଜୁ ଆମ୍‌ହ ନେ ଲେକାଗି ରିକାଏମ୍‌ନେ ।”

ଯୀଶୁ ମାର୍ଥା ଆତଃ ମାରିୟାମ୍‌ଆଃ ଅଡ଼ାଃତେ ସେନ୍‌କେନାଏ

୩୮ ଯୀଶୁ ଆୟାଃ ଚେଲାକଲଃ ସେନଃତାନ୍ ଇମ୍‌ତା ମିଆଁଦ୍ ହାତୁତେ ବଲୟାନାଏ, ଆତଃ ମାର୍ଥା ନୁତୁମ୍ ମିଆଁଦ୍ କୁଡ଼ି ଆୟାଃ ଅଡ଼ାଃରେ ଇନିଃକେ କୁପୁଲ୍‌କିୟାଏ । ୩୯ ଆତଃ ମାରିୟାମ୍ ନୁତୁମ୍ ଇନିୟାଃ ମିଆଁଦ୍ ମିଶି ତାଇକେନାଏ, ଇନିଃ ପ୍ରାଭୁ ଯୀଶୁଆଃ କାଟା ସୁବାରେ ଦୁବ୍‌ୟାନ୍ତେ ଇନିୟାଃ କାଜି ଆୟୁମ୍‌ତାନାଏ ତାଇକେନା । ୪୦ ମେନ୍‌ଦ ମାର୍ଥା ପୁରାଃ ସୁସାରରେ ବିଡ଼ଲାଅକାନାଏ ତାଇକେନା ଆତଃ ଇନିଃ ହେପାଦ୍‌ତେ ହିଜୁଃକେଦ୍‌ତେ କାଜିକିୟା, “ହେ ପ୍ରାଭୁ, ମିଶିଙ୍‌ତାଇୟାଃ ଆଇଙ୍‌କେ ଏସ୍‌କାର୍ ସୁସାର୍ ଇଚିଙ୍‌ତାନାଏ, ଚିୟାଃ ଏନା ଆମ୍‌କାମ୍ ଉଡ଼ୁତାନା ? ମାର୍ ମିଶିମ୍‌କେ ଦେଙ୍‌ଗାଲମ୍‌ନେ” ମେନ୍ତେ ଇନିଃକେ ଆବୁଇମ୍‌ନେ ।

୪୧ ମେନ୍‌ଦ ପ୍ରାଭୁ ଯୀଶୁ କାଜିରୁହାଡ଼କିୟାଏ, ଏ ମାର୍ଥା, ଏ ମାର୍ଥା, ଆମ୍ ପୁରାଃ କାଜି ନାଗେନ୍ତେମ୍ ଉଡ଼ୁତାନା ଆତଃ ବିଡ଼ଲାଅକାନା ମେନ୍‌ଦ ମିଆଁଦ୍ କାଜି ଲାଗାଡ଼ିଙ୍‌ୟାଃ । ୪୨ ମାରିୟାମ୍‌ଦ୍ ଏନ୍ ବୁଗିନ୍ ହାନାଟିଙ୍‌କେ ସାଲାକାଦାଏ, ଏନା ଇନିଃତାଃଏତେ କା ରେଜିଆ ।

## ୧୧

ବିନ୍ତ୍ରିରେ ଯୀଶୁଆଃ ଇନିତୁ  
(ମାଥୁଉ ୭:୯-୧୩; ୭:୭-୧୧)

୧ ଯୀଶୁ ମିଆଁଦ୍ ଠାୟାଦ୍‌ରେ ବିନ୍ତ୍ରିତାନାଏ ତାଇକେନା, ଆତଃ ଟୁଣ୍ଡୁକେଦ୍ ଇମ୍‌ତା ଇନିୟାଃ ଚେଲାକଏତେ ମିହୁଡ଼ କାଜିକିୟାଏ, “ହେ ପ୍ରାଭୁ, ବାପ୍ତିସ୍ମା ଏମଃନିଃ ଯୋହାନ୍ ଆୟାଃ ଚେଲାକକେ ବିନ୍ତ୍ରି ଇତୁକେଦ୍‌କଲେକା ଆମ୍‌ହ ଆଲେକେ ବିନ୍ତ୍ରି ଇତୁଲେମ୍ ।”

୨ ଯୀଶୁ କାଜିୟାଦ୍‌କଆଏ, “ଆପେ ବିନ୍ତ୍ରି ଇମ୍‌ତା ନେ ଲେକା ବିନ୍ତ୍ରିପେ,”

“ହେ ଆଲେୟାଃ ସିର୍ମାରେନ୍ ଆବା,

ଆମାଃ ନୁତୁମ୍ ପାବିତାରଃକା,

ଆମାଃ ରାଇଜ୍ ହିଜୁଃକା, ଆମାଃ ମନେ ଚିଲ୍‌କା ସିର୍ମାରେ, ଏନ୍‌ଲେକା ଅତେଦିଗୁମ୍‌ରେୟ ହବାଅଃକା ।

୩ ଆଲେୟାଃ ତିସିଙ୍‌ରେୟାଃ ଜମେୟାଃ ଏମାଲେମେ ।

୪ ଆଲେୟାଃ ପାପ୍‌କ ଛାମାଏମ୍‌ନେ,

ଚିୟାଃଟି ଜେ'ଲେକା ଆଲେୟ ଆଲେୟାଃ ସବେନ୍ ପାପ୍‌କେନ୍‌କଲେ ଛାମାକ୍‌ଆ

ଆତଃ ବିଡ଼ାଅରେ ଆଲମ୍ ଆଉଲେୟା, ମେନ୍‌ଦ ଏଡ଼କାନ୍‌ନିଃଏତେ ବାଞ୍ଛାଅଲେମ୍ ।”

୫ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଆ, “ଇଦୁ ଆପେକଏତେ ଜେତାଏୟାଃ ମିଆଁଦ୍ ଗାଡ଼ି ମେନାଇୟା, ଆତଃ ଇନିଃ ଇନିଃତାଃତେ ଆଲାନିଦା ସେନ୍‌କେଦ୍‌ତେ ମେତାଇୟାଏ, ଏ ଗାଡ଼ି ଆପିୟା ହଲଙ୍ ଉଧାର୍ ଏମାଇଙ୍‌ମେ, ୬ ଆଇୟାଃ ମିଆଁଦ୍ ଗାଡ଼ିଦ୍ ହରାସେନ୍‌ତାନ୍‌ଲଃ ଆଇଙ୍‌ତାଃତେ ହିଜୁଃକାନାଏ ଆତଃ ଇନିଃକେ ଜମ୍ ଏମଃ ନାଗେନ୍ତେ ଆଇଙ୍‌ତାଃରେ ଜେଡ଼ନାଃ ବାନଆଃ । ୭ ଆତଃ ଇନିଃ କାଜିରୁହାଡ଼େୟାଏ, ‘ଆଲମ୍ ଦୁକୁଇୟାଃ ନାହାଃଦ୍ ଦୁଆର୍ ହାଣ୍ଡେଦାକାନା ଆତଃ ହନ୍‌କତାୟାଃ ଆଇଙ୍‌ଲଃକ ଗିତିଜାକାନା । ଆଇଙ୍ ବିରିଦ୍‌କେଦ୍‌ତେ ଜେଡ଼ନାଃ

☆ ୧୦:୩୮ ୧୦:୩୮ ଯୋହାନ୍ ୧୧:୧.



କାଈଁ ଏମଦାଡ଼ିୟା । ୮ ଆଇଁ କାଜିୟାପେ ତାନାଈଁ, ଈନିଃ ଆୟାଃ ଗାଡ଼ିତାନିଃ ରେୟ ବିରିଦ୍‌କେଦ୍‌ତେ କାଏ ଏମାଈୟା, ଈମିନ୍‌ରେୟ, ଆୟାଃ ଗାଡ଼ି ଘାଡ଼ି ଘାଡ଼ି ଆସିତାନ୍ ହରାତେ ଈନିଃ ବିରିଦ୍‌ୟାନ୍‌ଲଃ ଆୟାଃ ଗାଡ଼ିରାଃ ଲାଗାଡ଼ିଈଁ ଲେକାଏ ଏମାଈୟା ।

୯ “ଆଡ଼ଃ ଆଇଁ କାଜିୟାପେତାନା, ଆସିପେ ଏନାରେଦ ଆପେକେ ଏମଃଆ, ଦାଣ୍ଡାଏପେ ଏନ୍‌ରେଦପେ ନାମେୟା, ଦୁଆର୍ ୦କ୍ ୦କାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ । ୧୦ ତିୟାଃତି ଜେତାଏ ଆସିତାନ୍‌ନିଃଦ୍‌ ତେଲାଇମାଃ, ଆଡ଼ଃ ଦାଣ୍ଡାଏନିଃଦ୍‌ ନାମେୟାଏ, ଆଡ଼ଃ ୦କ୍ ୦କାଏନିଃ ନାଗେନ୍ତେ ନିଜଆଃ । ୧୧ ଆପେକଏତେ ଅକନ୍ ଆପୁ ନେ'ଲେକା ମେନାଈୟା, ଆୟାଃ ହନ୍ ହାକୁ ଆସିରେଦ, ତିନାଃ ଈନିଃକେ ବିଈଁ ଏମାଈୟାଏ ? ୧୨ ଚାଏ ଈନିଃ ଜାରମ୍ ଆସିରେ ତିୟାଃ ମାର୍‌ମାର୍ ଏମାଈୟାଏ ? ୧୩ ଏନ୍ତେ ଆପେ ଏଡ୍‌କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାଦ୍‌ଦ୍‌ ଆପେୟାଃ ସିର୍ମାରେନ୍ ଆପୁ ଅକନ୍‌କତି ଆଇଃକ୍‌କେ ଆସି ତାନାକ, ଈନ୍‌କୁକେ ଏନାଏତେ ଆଦ୍‌କା ପାବିତାର୍ ଆମ୍ବା କାଏତି ଏମାକଆ !”

ୟାଶୁ ଆଡ଼ଃ ବାଲ୍‌ଜେବୁଲ୍  
(ମାଥୁର ୧୨:୨୨-୩୦; ମାର୍କ ୩:୨୦-୨୭)

୧୪ ଯାଶୁ ମିଆଁଦ୍ କା ବାଗ୍‌ଗାନ୍ ଦାଡ଼ିତାନ୍ ବଜ୍ଞାକେ ଅଡ଼ଈଁତାନାଏ ତାଇକେନା । ବଜ୍ଞା ଅଡ଼ଈଁୟାନ୍‌ତି ଏନ୍ କା ବାଗ୍‌ଗାନ୍‌ଦାଡ଼ି ହଡ୍ ବାଗ୍‌ଗାନ୍‌କେଦାଏ, ଆଡ଼ଃ ଗାଦେଲ୍ ହଡ୍‌କ ଆକ୍‌ଦାନ୍‌ଆୟାନାକ । ୧୫ \*ମେନ୍‌ଦ୍ ଈନ୍‌କୁଏତେ ତିମିନ୍‌କ କାଜିକେଦା, “ୟାଶୁ ବଜ୍ଞାକଆଃ ଗମ୍‌କେ ବାଲ୍‌ଜେବୁଲ୍‌ଆଃ ହରାତେ ବଜ୍ଞାକକେ ହାର୍ ଅଡ଼ଈଁକତାନା ।”

୧୬ \*ଏଗଃକ ଯାଶୁକେ ବିଡ଼ାଅ ନାଗେନ୍ତେ, ପାର୍‌ମେଶ୍ୱାର୍ ଯେ ଆୟାଃ ସାଃ ରିୟାଃ ନେୟା ଉଦ୍‌ବେନାଈଁ ସିର୍ମାରେୟାଃ ମିଆଁଦ୍ ତିହ୍ନାକ ଆସିକିୟାଃ । ୧୭ ଯାଶୁ ଈନ୍‌କୁଆଃ ମନ୍‌ରେୟାଃ ଉଡ୍‌ଷୁ ଆଡ୍‌କାର୍‌କେଦ୍‌ତେ ଈନ୍‌କୁକେ ମେତାଦ୍‌କଆ, “ଜେତା ରାଈଜ୍ ଆଇଃକ୍‌ତେଗି ବିନ୍‌ଗାଅକେଦ୍‌ତେ ଆକ ଆକଆଲ୍‌ରେ ଲାପ୍‌ଡ଼ାଇରେଦ୍ ଏନ୍ ରାଈଜ୍ କା ତିଈଁନାଃ । ୧୮ ଆଡ଼ଃ ସାଏତାନ୍, ସାଏତାନ୍‌ଗି ହିଗାଡ୍‌କେଦ୍‌ତେ ବିନ୍‌ଗାଅରେଦ୍, ଏନ୍ ରାଈଜ୍ ତିଲ୍‌କାତେ ତିଈଁନାଃ ? ଆଇଁ ନେଆଁ କାଜିୟାପେ ତାନାଈଁ ତିୟାଃତି ଆପେଦ୍ ଈନିଃ ବାଲ୍‌ଜେବୁଲ୍‌ରାଃ ହରାତେ ବଜ୍ଞାକକେ ଅଡ଼ଈଁକତାନାଏ ମେନ୍ତେପେ ମେନେତାନା । ୧୯ ଆଡ଼ଃ ଆଇଁ ବାଲ୍‌ଜେବୁଲ୍‌ଆଃ ପେଡ୍‌ଡେତେ ବଜ୍ଞାକଈଁ ହାର୍‌ଅଡ଼ଈଁକ ତାନ୍‌ରେଦ୍, ଆପେୟାଃ ହଡ୍‌କ ଅକ୍‌ଏୟାଃ ହରାତେକ ହାର୍ ଅଡ଼ଈଁକତାନା ? ଏନା ନାଗେନ୍ତେ ଈନ୍‌କୁଗି ଆପେୟାଃ ବିଚାର୍‌ନିଃକ ହବାଆଃ । ୨୦ ମେନ୍‌ଦ୍ ଆଇଁ ପାର୍‌ମେଶ୍ୱାର୍‌ଆଃ ପେଡ୍‌ଡେତେ ବଜ୍ଞାକଈଁ ହାର୍‌ଅଡ଼ଈଁକ ତାନ୍‌ରେଦ୍ ଏନାତେ ଆଡ୍‌କାର୍‌ଡ଼ତାନା ପାର୍‌ମେଶ୍ୱାର୍‌ଆଃ ରାଈଜ୍ ଆପେତାଃତେ ତେବଃକାନା ।

୨୧ “ପେଡ୍‌ୟାନ୍‌ହଡ୍ ସବେନ୍ ହାଁତେୟାର୍ ସାଦ୍‌କେଦ୍‌ତେ ଆୟାଃ ଅଡ଼ାଃରାଗାକେ ହରଏରେଦ୍ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ । ୨୨ ମେନ୍‌ଦ୍ ତିମ୍‌ତା ଆୟାଃଏତେ ଆଦ୍‌କା ପେଡ୍‌ୟାନ୍ ହଡ୍ ଈନିଃଲଃ ଲାଡ଼ାଇକେଦ୍‌ତେ ହରାଅରେ, ଅକ ହାଁତେୟାର୍ ଚେତାନ୍‌ରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆଡ଼ଃ ରେଜାକାଦ୍‌ତେୟାଃ ହାଡ଼ିଈଁୟାଏ ।

୨୩ \* “ଜେତାଏ ଆଇଁୟାଃଲଃ ବଜ୍ଞାଈନିଃ, ଆଇଁୟାଃ ବିରୁପ୍‌ରେ ମେନାଈୟା ଆଡ଼ଃ ଜେତାଏ ଆଇଁୟାଃଲଃ କାଏ ହୁଶ୍ଟିନିଃ ଛିତିବିତିୟାଃଆଏ ।

\* ୧୧:୧୫ ୧୧:୧୫ ମାଥୁର ୯:୩୪; ୧୦:୨୫. \* ୧୧:୧୭ ୧୧:୧୭ ମାଥୁର ୧୨:୩୮; ୧୭:୧; ମାର୍କ ୮:୧୧.  
\* ୧୧:୨୩ ୧୧:୨୩ ମାର୍କ ୯:୪୦.

ଏଡକାନ ଆମାରାଃ ହିଜୁଃରୁହାଡ୍,  
(ମାଥୁଉ ୧୨:୪୩-୪୫)

୨୪ “ସଡରା ଆମ୍ବା ମିହୁଡ୍ତାଃଏତେ ଅଡ଼ଙ୍ଗ୍‌ୟାନରେ, ରହଡ୍ ଠାୟାଦକରେ ହନରବାଡାକେଦତେ ରୁଡ୍‌ନୁ ନାଗେନ୍ତେ ଦାଣ୍ଠାୟାଏ ଆଡଃ କାଏ ନାମ୍‌ତାରେ, ଇନିଃ କାଜିୟାଏ, ‘ଆଇଙ୍ଗ୍ ଅକନ୍ ଅଡଃଏତେ ଅଡ଼ଙ୍ଗ୍‌କାନ ତାଇକେନାଇଙ୍ଗ୍, ଏନ୍ ଅଡଃତେଗି ସେନ୍‌ରୁହାଡାଇଙ୍ଗ୍,’ ଆଡଃ ଇନିଃ ଏନ୍ ଅଡଃକେ ସାମାଅଡଃ, ସାଫାକାନ ଆଡଃ ସୁଗାଡାନ୍‌ଗି ନେଲେୟା । ୨୫ ଆଡଃ ହିଜୁଃରୁହାଡ୍‌କେଦତେ ଏନା ଜଅସାଫାକାନ ଆଡଃ ସିଙ୍ଗାରାକାନାଏ ନାମେୟା । ୨୬ ଏନ୍ତେ ଇନିଃ ସେନ୍‌କେଦତେ ଆୟାଃତାଃଏତେ ଆଦକା ଏଡକାନ ସାଡ୍‌ତୁ ଆମ୍ବାକକେ ମିଦତେ ଆଉକଆ, ଆଡଃ ଇନ୍‌କୁ ଏନାରେକ ବଲଆ ଆଡଃକ ତାଇନଃଆ । ଆଡଃ ଏନ୍ ହଡରାଃ ଦାସା ପାହିଲାଏତେ ଟୁଣ୍ଡୁ ଦାସା ପୁରାଃଗି ଏଡକାନ ହବାଅଆଃ ।”

ସାରତି ରାସକା

୨୭ ଯୀଶୁ ନେଆଁ କାଜିତାନ ଇମତା ଗାଦେଲ୍‌ହଡକରେନ୍ ମିଆଁଦ କୁଡି କାଉରିତାନଲଃ କାଜିକେଦାଏ, “ଆମ୍‌କେ ଜାନାମାକାମ୍ ଆଡଃ ତଥା ଆନୁକାମ୍ ଏଙ୍ଗା ଚିମିନ୍ ସୁକୁତାନ୍‌ଗିୟାଃଏ !”

୨୮ ମେନ୍‌ଦ ଯୀଶୁ ମେନ୍‌ରୁହାଡାଇୟାଏ, “ପାର୍‌ମେଶ୍‌ଆଃ କାଜି ଆୟୁମ୍‌ତାନ୍ ଆଡଃ ମାନାଡିଙ୍ଗ୍‌ତାନ୍‌କହଗି ଚିମିନ୍ ସୁକୁତାନ୍‌ଗିଆଃକ !”

ପେଡେୟାନକାମି ନାଗେନ୍ତେ ହାଟି ଦାବି  
(ମାଥୁଉ ୧୨:୩୮-୪୨)

୨୯ \*ଗାଦେଲ୍ ହଡକ ଯୀଶୁତାଃରେ ହୁଣ୍ଡିନ୍ ତାଇକେନ୍‌ରେ ଇନିଃ କାଜିଏଟେଦକେଦାଏ, ନେ ପାରିୟାରେନ୍ ହଡକ ଚିମିନ୍ ଏଡକାନ‌ଗିୟାଃକ, ଇନ୍‌କୁ ଚିଙ୍ଗାକ ନାମ୍‌ତାନା ମେନ୍‌ଦ ଯୁନ୍‌ସ୍ ନାବାୟାଃ ଚିଙ୍ଗା ବାଗିକେଦତେ ଇନ୍‌କୁନାଙ୍ଗ୍ ଜେତାନ୍ ଚିଙ୍ଗା କା ଉଦୁବଃଆ । ୩୦ ନିନିବିରେନ୍‌କ ନାଗେନ୍ତେ ଯୁନ୍‌ସ୍‌ଦ ଚିଙ୍ଗାଏ ତାଇକେନାଏ, ଏନ୍‌ଲେକାଗି ମାନଝାହନ୍ ନେ ପାରିୟାରେନ୍ ହଡକ ନାଗେନ୍ତେ ଏନ୍‌କାଅଆଏ । ୩୧ ଦାୟିଶ୍ ଦିଶ୍‌ମରେନ୍ ରାନୀ ନେ ଦିପିଲିରେନ୍ ହଡକଲଃ ବିଚାର୍‌ହୁଲାଙ୍ଗ୍‌ରେ ବିରଦାଃଏ ଆଡଃ ଇନ୍‌କୁକେ ଚିଟାକଆ, ଚିୟାଃତି ଇନିଃ ସୁଲିମାନ୍‌ଆଃ ସେଣାନ୍ କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶ୍‌ମରେୟାଃ ଟୁଣ୍ଡୁଏତେ ହିଜୁଃକାନ ତାଇକେନା ଆଡଃ ନେଲିପେ ରାଜା ସୁଲିମାନ୍‌ଏତେ ମାରାଙ୍ଗ୍‌ନିଃ ନେତାଃରିୟା । ୩୨ ନିନିବିରେ ଯୁନ୍‌ସ୍ ନାବା ପ୍ରାଚାର୍‌କେଦ୍ ଇମତା ପାତିୟାର୍‌କେଦ୍ ହଡକ ଡିଙ୍ଗ୍‌କେଦତେ ନେ ଦିପିଲିରେନ୍ ହଡକଲଃ ପାର୍‌ମେଶ୍‌ଆର୍ ବିଚାର୍ ହୁଲାଙ୍ଗ୍‌ରେ ଇନ୍‌କୁକେକ ଚିଟାକଆ, ଚିୟାଃତି ଇନ୍‌କୁ ଯୁନ୍‌ସ୍ ପାର୍‌ଚାର୍‌କେଦ୍ ଇମତା ମନ୍‌ରୁହାଡ୍‌କେଦାକ, ଆଡଃ ନାହାଁଃ ଆଇଙ୍ଗ୍ କାଜିପେତାନାଇଙ୍ଗ୍, ଯୁନ୍‌ସ୍‌ଏତେ ମାରାଙ୍ଗ୍‌ନିଃ ନେତାଃରେ ମେନାଇୟା ।

ହଡ଼ମରେୟାଃ ଦିମି  
(ମାଥୁଉ ୫:୧୫; ୬:୨୨-୨୩)

୩୩ \* “ଜେତାଏ ହଡ୍ ଦିମି ଜୁଲ୍‌କେଦତେ ଦାନାଙ୍ଗ୍‌ରେ ଚାଏ ତାଝାଲାତାର୍‌ରେ କାଏ ମାଣ୍ଡାୟା ମେନ୍‌ଦ ବଲତାନ୍‌କ ମାର୍‌ସାଲ୍‌କ ନେଲେକା ମେନ୍ତେ ଦିକାରେ ଦହୟା । ୩୪ ଆପେୟାଃ ମେଦ୍‌ଦ ହଡ଼ମରେୟାଃ ଦିମି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ ଗଟା ହଡ଼ମତାପେୟାଃ ମାର୍‌ସାଲଃଆ, ମେନ୍‌ଦ ଏନା ଏଡକାନ‌ନଃରେ

\* ୧୧:୨୯ ୧୧:୨୯ ମାଥୁଉ ୧୭:୪; ମାର୍କ ୮:୧୨. \* ୧୧:୩୩ ୧୧:୩୩ ମାଥୁଉ ୫:୧୫; ମାର୍କ ୪:୨୧; ଲୁକ ୮:୧୭.

ଗଟା ହତଫ ତାପେୟାଃ ନୁବାଗଃଆ । ୩୫ ଏନାମେନ୍ତେ ଆମ୍ଭରେୟାଃ ମାର୍ସାଲ୍ ଆଲକା ନୁବାଗଃକା ମେନ୍ତେ ଚିର୍ଗାଲକାନ୍ମେ । ୩୬ ଆମାଃ ଗଟା ହତଫ ମାର୍ସାଲକାନ୍ରେଦ ଆତଃ ଏନାରେୟାଃ ଜେତାଏ ହାନାଟିଙ୍ଗ୍ କା ନୁବାଃରେଦ ଦିମି ଏନାରେୟାଃ ଜୁନୁଲ୍ତେ ମାର୍ସାଲ୍ମେତାନ୍ ଲେକାଗି ଏନା ଗଟା ମାର୍ସାଲଃଆ ।”

ୟାଶୁ ଫାରୁଶୀ ଆତଃ ଆଇନ୍‌ଇତୁକକେ ଚେତାଅକତାନାଏ  
(ମାଥୁର ୨୩:୧-୩୬; ମାର୍କ ୧୨:୩୮-୪୦)

୩୬ ଯାଶୁ କାଜିତାବାକେଦ୍‌ଚି, ମିଆଁଦ୍ ଫାରୁଶୀ ଆମ୍ ଆଇଁୟାଃ ଅଡ଼ାଃରେ ଜମ୍‌ଆଉକେମ୍‌ ମେନ୍ତେ ବିକ୍ରିକୟା; ଆତଃ ଇନିଃ ବଲୟାନ୍‌ଲଃ ଜମ୍ ନାଙ୍ଗ୍ ଦୁବ୍‌ୟାନାଏ । ୩୭ ମେନ୍‌ଦ୍ ଇନିଃ କାଟା ତିଃଇ କାଏ ଆବୁଙ୍ଗ୍‌କେଦ୍‌ତେ ଜମ୍‌ତାନ୍ ନେଲ୍‌କେଦ୍‌ତେ ଏନ୍ ଫାରୁଶୀ ହାଏକାଟ୍‌ୟାନାଏ । ୩୮ ଏନ୍ତେ ପ୍ରାଭୁ ଇନିଃକେ କାଜିକିୟାଏ, “ହେଗି, ଆପେ ଫାରୁଶୀକ ତୁବ୍‌ନି ଆତଃ ଆଡ଼ିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା, ମେନ୍‌ଦ୍ ଆପେୟାଃ ମନ୍ ଏଡ୍‌କାନାଃତେ ପେରେଜାକାନା । ୪୦ ଏ ଡଣ୍ଡକ, ବାହାରି ବାବାଇନି ଚିୟାଃ ଇନିଃ ଭିତାର୍‌ହ କାଏ ବାଇୟାକାଦାଃ ? ୪୧ ମେନ୍‌ଦ୍ ଆପେ ଲଡ୍‌କେଦ୍‌ତେ ଅକ୍‌ନାଃ କାମିକାଦାପେ ଏନା ଗାରିବ୍‌କକେ ଏମାକପେ ଏନାରେ ଆପେ ସାର୍‌ତିଗି ସବେନାଃତେପେ ଫାର୍‌ତିଅଃଆ ।

୪୨ “ଏ ଫାରୁଶୀକ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଆପେ ପୁଦ୍‌ନା, ଆତଃ କିଲିମିଲି\* ଆଡ଼ାଃସାକାମ୍‌ରେୟାଃ ଗେଲ୍ ହାନାଟିଙ୍ଗ୍‌ପେ ଏମ୍‌ତାନା ମେନ୍‌ଦ୍ ନ୍ୟାୟ ବିଚାର୍ ଆତଃ ପାର୍‌ମେଶ୍ଵାର୍‌ଆଃ ଦୁଲାଡ୍‌ପେ ହେଡ୍‌ାଏତାନା । ଏନ୍‌ଲେକା ରିକା କା ଲାଗାତିଙ୍ଗ୍‌ୟାଃ, ମେନ୍‌ଦ୍ ଏନ୍ ସବେନାଃକେ ମାନାତିଙ୍ଗ୍ ତାନ୍‌ଲଃ ନ୍ୟାୟ ବିଚାର୍ ଆତଃ ପାର୍‌ମେଶ୍ଵାର୍‌ଆଃ ଦୁଲାଡ୍‌କେ ଆଲପେ ହେଡ୍‌ାଏୟା ।

୪୩ “ଆପେ ଫାରୁଶୀକ ହାୟ ହାୟ, ଚିୟାଃଚି ଆପେ ସାମାଜ୍ ଅଡ଼ାଃରାଃ ଆୟାର୍‌ରେ ଦୁବ୍‌ନାଙ୍ଗ୍ ଆତଃ ପିଟ୍ ପିଡ଼ିକରେ ଜହାର୍‌ତେଲା ନାଙ୍ଗ୍‌ପେ ସୁକୁଃଆ । ୪୪ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଚିୟାଃଚି ଆପେ ଡକ୍‌ୁଆକାନ୍ ତପାଗାଡ଼ାଲେକାଃପେ, କା ସାରିତାନ୍‌ଲଃ ଏନା ଚେତାନ୍‌ରେ ହଡକ ସେନେୟା ।”

୪୫ ଏନ୍ତେ ଆଇନ୍ ଇତୁକଏତେ ମିଆଁଦ୍‌ନିଃ କାଜିରୁହାଡ଼କିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମ୍ ।”

୪୬ ଯାଶୁ କାଜିକିୟାଏ, “ଏ ଆଇନ୍ ଇତୁକ ଆପେୟ ହାୟ ହାୟ, ଚିୟାଃଚି ଆପେ ପୁରାଃହାମ୍‌ଲ୍ ବାହାରମ୍ ହଡକକେ ଲାଦିକାଦକଆପେ, ମେନ୍‌ଦ୍ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ ସାର୍‌ସାର୍‌ତେହ ଜୁଟିଦ୍‌କେଦ୍‌ତେ କାପେ ଦେଙ୍ଗାତାନା । ୪୭ ଆପେୟାଃ ସାଜାଇ ପୁରାଃ ବରଝାନ୍‌ଗି ହବାଅଆଃ, ଆପେ ନାବାକଆଃ ନାଙ୍ଗ୍ ବୁଗିନ୍ ତପାଗାଡ଼ାପେ ବାଇୟାକାଦା । ଏନ୍ ନାବାକକେ ଆପେୟାଃ ହାଡ଼ାମ୍‌ହଡକ ଗଜାକାଦକଆକ । ୪୮ ନାହାଁଃ ଆପେ ଆପେୟାଃ ହାଡ଼ାମ୍‌ହଡକଆଃ କାମିରେୟାଃ ଗାଝାପେ ପେରେଜେତାନା; ଆତଃ ଏନାତେପେ ସୁକୁଃତାନା, ଇନ୍‌କୁଦ ନାବାକକେ ଗଏଃକେଦ୍‌କଆକ ଆତଃ ଆପେ ଇନ୍‌କୁଆଃ ତପାଗାଡ଼ାପେ ବାଇକେଦାଃ । ୪୯ ଏନାମେନ୍ତେ ପାର୍‌ମେଶ୍ଵାର୍ ଆୟାଃ ସେଣାଁତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବାକ ଆତଃ ପ୍ରେରିଡକକେ କୁଲ୍‌କୁଆଇଙ୍ଗ୍, ଇନ୍‌କୁଏତେ ଚିମିନ୍‌କକେ ଗଏଃକଆକ ଆତଃ ଏଟାଃକକେ ସାତାଅକଆକ । ୫୦ ଏନାମେନ୍ତେ ଅତେଦିଶ୍ଵମ୍‌ରାଃ ମୁନୁଏତେ ସବେନ୍ ନାବାକଆଃ ଲିଙ୍ଗିୟାନ୍ ମାୟୋମ୍‌ରେୟାଃ ଲେକା ନେ ପାରିୟାରେନ୍‌କଏତେ ଇଦିୟଃଆ, ୫୧ ହେଗି, ହାବିଲ୍‌ଆଃ ମାୟୋମ୍‌ଏତେ ବେଦି ଆତଃ ମାଦିର୍‌ରେୟାଃ ପାବିତାର୍ ଠାୟାଦ୍ ଆଲାରେ ଗଏଃୟାନ୍ ଜିଖ୍‌ରିୟା

\* ୧୧:୪୨ ୧୧:୪୨ ସବେନ୍ କିସିମରାଃ ଆଡ଼ାଃ † ୧୧:୪୨ 11:42 ଅବହେଲା

ମାୟୋମ୍ ଜାକେଦ୍, ସାର୍ତ୍ତିଗିଙ୍ଗ୍ କାଜିୟାପେତାନା, ଏନାରେୟାଃ ଲେକା ନେ ପାରିୟାରେନ୍ଦକଏତେ ଇଦିୟଃଆ ।

୫୨ “ଏ ହସଡ୍ ଆଇନ୍ ଇଡୁକ, ଆପେୟାଃ ସାଜାଲ ପୁରାଃ ବରଝାନ୍ତ୍ରି ହବଅଥାଃ, ତିୟାଃତି ଆପେ ସେଣ୍ଟାରେୟାଃ ଚାଡିଃପେ ଇଦିକେଦାଃ ଆଡଃ ଆପେୟାଃ କାପେ ବଲଆକାନା ତି ବଲତାନ୍ଦକକେ ହ କେସେଦାକାଦକଆପେ ।”

୫୩ ଆଡଃ ଇନିଃ ଏନ୍ତାଃଏତେ ଅଡ଼ଙ୍ଗୟାନ୍ ଇମ୍ତା, ଆଇନ୍ ଇଡୁକ ଆଡଃ ଫାରୁଶୀକ ପୁରାଃଗି ବିରୁଧକିୟାଃକ ଆଡଃ ପୁରାଃ କାଜିକ ଇନିଃକେ କୁଲିଗରଙ୍ଗକିୟାଃ । ୫୪ ଆଡଃ ଇନ୍ଦକୁ ଇନିୟାଃ ମଚାରେୟାଃ ଜେତାନ୍ ଭୁଲ୍ଲକାଜିତେ ସାବିନାଙ୍ଗ୍ ଲଡ଼ଇତାନ୍ଦକ ତାଇକେନା ।

### ୧୨

ହସଡ୍ ହଡ୍ କତାଃଏତେ ଚିର୍ଗାଲାନାନ୍ଦପେ  
(ମାଥୁଉ ୧୦:୨୭-୨୭)

୧ \*ଏନ୍ତେ ପୁରାଃ ହାଜାର୍ ଗାଦେଲ୍ ହଡ୍ କ ହୁଣ୍ଡିୟାନା, ଆଡଃ ଆକ ଆକଗି ଇପଲିଙ୍ଗଅଃତାନ୍ଦକ ତାଇକେନା, ଇମ୍ତାଙ୍ଗ୍ ଯୀଶୁ ଆୟାଃ ଚେଲକକେ ପାହିଲା କାଜିୟାଦକଆଏ, ଫାରୁଶୀକଆଃ ସାବାଃ ହଲଙ୍ଗ୍ ଲେକାନ୍ ହସଡ୍ ବିଷାଏହେତେ ଚିର୍ଗାଲାନା ତାଇନ୍ଦପେ । ୨ \*ସବେନ୍ ଉକୁଆକାନ୍ତେୟାଃ ନେଲଆଃ ଆଡଃ ସବେନ୍ ଦାନାଙ୍ଗ୍ଆଁକାନ୍ ତେୟାଃଦ ସାରିୟଃଆ । ୩ ଆପେ ନୁବାଃରେ କାଜିକାଦ୍ତେୟାଃ ମାର୍ସାଲ୍ରେ ଆୟୁମଃଆ ଆଡଃ ଆପେ ଭିତାର୍ ବାଖିରାରେ ଉକୁକେଦ୍ତେ କାଜିକାଦ୍ତେୟାଃ, ସାଡ଼୍ମି ଚେତାନ୍ଏତେ ଉଦୁବଃଆ ।

ଅକଏକେ ବର ଲାଗାତିଙ୍ଗ୍ୟାଃ  
(ମାଥୁଉ ୧୦:୨୮-୩୧)

୪ “ଏ ଆଇୟାଃ ଗାଡିକ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ହଡ଼୍ମ ଗଗଏଃକକେ, ଆଡଃ ତାୟମ୍ତେ ଜେଡ୍ନାଃ କା ରିକା ଦାଡିକକେ ଆଲ୍ପେ ବରଆକଆ । ୫ ମେନ୍ଦ ଆପେ ବରଆଇ ଲାଗାତିଙ୍ଗ୍ନିଃକେ ଆଇଙ୍ଗ୍ ଉଦୁବାପେୟା, ଗଏଃକି ତାୟମ୍ତେ ନାରାକ୍ରେ ହୁରାଙ୍ଗ୍ଏଣ୍ଡାରେୟାଃ ପେଡେଃଡାଇନ୍ନିଃ ପାର୍ମେଶ୍ଵାର୍କେ ବରଆଇପେ; ହାଁ, ଆଇଙ୍ଗ୍ ଆପେକେ ସାର୍ତ୍ତିଗିଙ୍ଗ୍ କାଜିୟାପେତାନା, ଇନିଃକେଗି ବରଆଇପେ ।

୬ “ତିୟାଃ ମଶେୟାଁ ଗେରଝାକ ବାରିଆ ସିକାତେ\* କାକ ଆଖିରିଙ୍ଗ୍ୟଃଆ ? ଆଡଃ ଏନ୍ରେୟ ପାର୍ମେଶ୍ଵାର୍ ଇନ୍ଦକୁଏତେ ମିଆଁଦ୍ନିଃକେହଁ କାଏ ରିଡିଙ୍ଗ୍ଇତାନା । ୭ ହେଗି, ଆପେୟାଃ ବହଃରାଃ ସବେନ୍ ଉବ୍ହ ଲେକାକାନା । ଆଲ୍ପେ ବରଏୟା, ଆପେ ପୁରାଃ ଗେରଝାକଏତେ ପୁରାଃଗି ଗନଙ୍ଗ୍ଆଃପେ ।

ଖ୍ରୀଷ୍ଟକେ ସାରିନିଃ ଆଡଃ କା ସାରିନିଃ  
(ମାଥୁଉ ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ଗ୍ କାଜିୟାପେ ତାନାଇଙ୍ଗ୍, ହଡ଼କଆଃ ଆୟାର୍ରେ ଜେତାଏ ଆଇଙ୍ଗ୍କେ ସାରିୟାଃଇଙ୍ଗ୍ ମେନ୍ତେ କାଜିରେଦ ମାନଝାହନ୍ ପାର୍ମେଶ୍ଵାର୍ଆଃ ଦୁଡ଼କଆଃ ଆୟାର୍ରେ ଇନିଃକେ ସାରିୟାଃଇଙ୍ଗ୍ ମେନ୍ତେ କାଜିୟା । ୯ ମେନ୍ଦ ହଡ଼କଆଃ ଆୟାର୍ରେ ଆଇଙ୍ଗ୍କେ କାଇଙ୍ଗ୍ ସାରିୟାଃ ମେନ୍ତେ କାଜିନିଃକେ ମାନଝାହନ୍ହ ପାର୍ମେଶ୍ଵାର୍ଆଃ ଦୁଡ଼କଆଃ ଆୟାର୍ରେ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିୟା ।

‡ ୧୧:୫୨ ୧୧:୫୨ କୁଚି    ☆ ୧୨:୧ ୧୨:୧ ମାଥୁଉ ୧୭:୭; ମାର୍କ ୮:୧୫.    ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭.    \* ୧୨:୭ ୧୨:୭ ସବେନାଃଏତେ ସାସ୍ତା ଗନଙ୍ଗ୍

୧୦ ✨“ଆଡ଼ଃ ମାନୁଷ୍ୟାହନ୍‌ଆଃ ବିରୁଧରେ ଜେତାଏ କାଜିରେଦ ଇନିଃକେ ଛାମା ଏମଃଆ, ମେନ୍‌ଦ ପାବିତାର୍ ଆମ୍‌ରାଃ ବିରୁଧରେ ନିନ୍‌ା କାଜିକ କାଜିନିଃକେ ଛାମା କା ଏମଃଆ ।

୧୧ ✨“ଆଡ଼ଃ ଇନ୍‌କୁ ଆପେକେ ସାମାଜ୍ ଅଡ଼ାଃତେ, ଲାବ୍‌ସାହାବ୍‌କତାଃ ଆଡ଼ଃ ଆକ୍‌ତେୟାର୍ ନାମାକାଦ୍ ହାକିମ୍‌କଆଃ ସାମ୍‌ନାଙ୍‌ତେକ ଆଉପେରେ, ଆପେ ଚିଲ୍‌କା ଆଡ଼ଃ ଚିକ୍‌ନାଃପେ କାଜିରୁହାଡ଼େୟା ଆଡ଼ଃ ଚିକ୍‌ନାଃପେ କାଜିୟାଃ ମେନ୍‌ତେ ଆଲ୍‌ପେ ପାହାମେୟା । ୧୨ ପାବିତାର୍ ଆମ୍‌ ଆପେକେ କାଜି ଲାଗାଡ଼ିଙ୍‌ତେୟାଃ ଏନ୍‌ ଦିପିଲିରେଗି ଇତୁପେୟା ।”

ଡ଼ଣ୍ଡ କିସାଣ୍ ହଡ଼ଆଃ ଜନ୍‌କା କାଜି

୧୩ ଗାଦେଲ୍ ହଡ଼କଏତେ ଜେତାଏ ହଡ଼ କାଜିକିୟାଏ, “ହେ ଗୁରୁ, ଆଇଁୟାଃ ହାଗାଇଙ୍‌କେ ଆପୁଏତେ ନାମାକାଦ୍ ଖୁଜ୍‌କେ ଆଇଁୟାଃଲଃ ହାଟିଙ୍‌ୟେମେ ମେନ୍‌ତେ କାଜିୟାଇମେ ।”

୧୪ ଯାଶୁ କାଜିରୁହାଡ଼କିୟାଏ, “ଏ ଗାଡ଼ି, ଆବେନାଃ ବିଚାରନ୍‌ିଃ ଚାଏ ହାଟିଙ୍‌ଏନିଃ ମେନ୍‌ତେ ଅକଏ ଆଇଙ୍‌କେ ସାଲାକାଦିଙ୍‌ଆଏ ?” ୧୫ ଆଡ଼ଃ ଇନିଃ କାଜିୟାଦ୍‌କଆଏ, “ନେଲେପେ, ସବେନ୍‌ ହାୟାହେତେ ଆଡ଼ିମାକାନ୍‌ପେ; ଜେତାଏୟାଃ ମେନାଃତେୟାଃ ପୁରାଃଗିରେୟ ଏନାରେ ଇନିୟାଃ ଜୀଦାନ୍‌ ବାନଆଃ ।”

୧୬ ଆଡ଼ଃ ଇନିଃ ଇନ୍‌କୁକେ ମିଆଁଦ୍ ଜନ୍‌କା କାଜି ଉଦୁବାଦ୍‌କଆଏ, “ଜେତାଏ ମିଆଁଦ୍ କିସାଣ୍ ହଡ଼ଆଃ ଲୟଙ୍‌ରେ ପୁରାଃ ଜ ଯାନା । ୧୭ ଇନିଃ ମନ୍‌ରେ ଉଡ଼ଃକେଦାଏ, ଚିନାଃଇଙ୍‌ ଚିକାୟା ? ଆଇଁୟାଃ ଜ ଦହତେ ଠାୟାଦ୍‌ ବାନଆଃ । ୧୮ ଏନ୍‌ତେ ଇନିଃ ମେନକେଦାଏ, ଆଇଙ୍‌ ନେକାୟା, ଆଇଁୟାଃ ଭାଣ୍ଡାର୍ ଅଡ଼ାଃ ଉଡ଼ୁକେଦ୍‌ତେ ଆଦ୍‌କା ମାପ୍‌ରାଙ୍‌ଇଙ୍‌ ବାଇୟାଃ, ଆଡ଼ଃ ଏନ୍‌ାଃରେ ଆଇଁୟାଃ ସବେନ୍‌ ଜ ଆଡ଼ଃ ବୁଗିନ୍‌ତେୟାଃକଇଙ୍‌ ଦହୟା । ୧୯ ଆଡ଼ଃ ଆଇଙ୍‌ ଜୀଉତାଇୟାଃକଇଙ୍‌ କାଜିୟା, ଏ ଜୀଉ, ଆମାଃତାଃରେ ପୁରାଃ ସିମା ନାଗେନ୍‌ତେ ପୁରାଃ ବୁଗିନ୍‌ତେୟାଃ ଦହଆକାନା, ରୁଡ଼ୁମେ, ଜମ୍‌ ନୁଁଏମେ ଆଡ଼ଃ ସୁକୁତେ ତାଇନଃମେ । ୨୦ ମେନ୍‌ଦ ପାର୍‌ମେଶ୍‌ବାର୍ ଇନିଃକେ କାଜିକିୟାଏ, ଆମ୍‌ ଡ଼ଣ୍ଡ, ନେ ନିଦାରେ ଆମାଃ ଜୀଉ ଆମାଃତାଃଏତେ ଇଦିୟଃଆ, ତାବ୍‌ଦ୍‌ ଆମ୍‌ ଆମାଃ ନାଙ୍‌ ସବେନ୍‌ ହୁଣ୍ଡିଆକାଦ୍‌ତେୟାଃ ଅକଏୟାଃ ହବାଅଖା ।”

୨୧ ଅକଏ ଆୟାଃ ନାଗେନ୍‌ତେ ଖୁଜ୍‌ ହୁଣ୍ଡିନିଃ ମେନ୍‌ଦ ପାର୍‌ମେଶ୍‌ବାର୍ ନାଙ୍‌ କାଏ କିସାଣାଃ, ଇନିଃନାଙ୍‌ ନେ ଲେକାଗି ହବାଅଖା ।

ପାର୍‌ମେଶ୍‌ବାର୍‌ତାଃରେ ଆସ୍ରାଏପେ  
(ମାଥୁଉ ୭:୨୫-୩୪)

୨୨ ଆଡ଼ଃ ଯାଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଏନାମେନ୍‌ତେ ଆଇଙ୍‌ ଆପେକେ କାଜିପେତାନାଇଙ୍‌, ଜାନିଦ୍‌ ତାଇନଃ ନାଗେନ୍‌ତେ ଚିକ୍‌ନାଃବୁ ଜମାଃ ଆଡ଼ଃ ଚିକ୍‌ନାଃବୁ ନୁଁଏୟା, ଚାଏ ହଡ଼ମରେ ଚିକ୍‌ନାଃବୁ ତୁସିଙ୍‌ୟେନା ମେନ୍‌ତେ ଆପେୟାଃ ଜୀଉରେ ଆଲ୍‌ପେ ଉଡ଼ଃୟା । ୨୩ ଜମେୟାଃଏତେ ଜୀଉ ଆଡ଼ଃ ଲିଜାଃଏତେ ହଡ଼ମ୍‌ ମାରାଙ୍‌ଆଃ । ୨୪ କାଉଖା ଚେଣ୍‌କକେ ନେଲ୍‌କପେ, ଇନ୍‌କୁ କାକ ହେରେୟା ଆଡ଼ଃ କାକ ଇରେୟା, ଆଡ଼ଃ ଇନ୍‌କୁଆଃ ଭାଣ୍ଡାର୍ ଅଡ଼ାଃ ଚାଏ ଗୋଦାମ୍‌ ଅଡ଼ାଃ ବାନଃରେୟ, ପାର୍‌ମେଶ୍‌ବାର୍ ଇନ୍‌କୁକେ ଆସୁଲ୍‌କତାନାଏ । ଆପେ ଚେଣ୍‌କଏତେ ଚିମିନ୍‌ ଆଦକାଗିପେ ମାରାଙ୍‌ଆଃ ! ୨୫ ଆପେକଏତେ ଅକଏ ଉଡ଼ଃକେଦ୍‌ତେ ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ । ୨୬ ଏନ୍‌ତେ ଆପେ ହୁଡ଼ିଙ୍‌ଉତାର୍‌ତେୟାଃକେହ

✨ ୧୨:୧୦ ୧୨:୧୦ ମାଥୁଉ ୧୨:୩୨; ମାର୍କ ୩:୨୯. ✨ ୧୨:୧୧ ୧୨:୧୧ ମାଥୁଉ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

କାପେ କାମିଦାଡ଼ିରେଦ ଚିକ୍ନାଃ ମେନ୍ତେ ବାକିକାଜି ନାଗେନ୍ତେପେ ପାହାମ୍‌ତାନା । ୨୭ ବାହାକକେ ନେଲେପେ, ଇନ୍‌କୁ କାକ କାମିୟାଃ ଚି କାକ ତୁକୁଇତାନା,† ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନହ୍ ଆୟାଃ ସବେନ୍ ସୁଗାଡ଼ାନ୍‌ତେୟାଃଏତେ ନେ ମିଆଁଦକ ଲେକା କାଏ ସିଙ୍ଗାରାକାନ୍ ତାଇକେନା । ୨୮ ଏନ୍ତେ ପାର୍‌ମେଶ୍‌ୱାର୍ ତିସିଙ୍ଗ୍ ମେନାଃ ଆତଃ ଗାପା ତୁଲ୍ଲୀରେ ହାଁଣବଃତାନ୍ ଅତେରାଃ ତାସାଦକେ ନେ ଲେକାଏ ସିଙ୍ଗାରେରେଦ, ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌କ, ଚିୟାଃ ଇନିଃ ନେଆଁଏତେ ଆଦକା ଆପେକେ କାଏ ତୁସିଙ୍ଗ୍‌ପେୟା ?

୨୯ “ଆତଃ ଚିକ୍ନାଃରୁ ଜମେୟାଁ ଆତଃ ଚିକ୍ନାଃରୁ ନୁଁଏୟା ମେନ୍ତେ ମନ୍‌ରେ ଆଲ୍‌ପେ ନାମ୍‌ବାଡ଼ାୟା ଆତଃ ଆଲ୍‌ପେ ଉଡ଼ୁଗେୟା । ୩୦ ନେ ଅତେଦିଶ୍‌ମ୍‌ରେନ୍ ସାଆଁସାର୍ ହଡ଼କ ନେ ସବେନାଃ ଦାଣ୍ଠାବାଡ଼ାଃକ, ଆତଃ ନେ ସବେନାଃ ଆପେୟାଃ ଲାଗାତିଙ୍ଗ୍‌ୟାଃ, ଏନା ଆପେୟାଃ ସିର୍ମାରେନ୍ ଆପୁ ସାରିୟାଏ । ୩୧ ମେନ୍‌ଦ ପାର୍‌ମେଶ୍‌ୱାର୍‌ଆଃ ରାଇଙ୍ଗ୍ ଦାଣ୍ଠାଏପେ ଆତଃ ନେ ସବେନାଃହ୍ ଆପେକେ ଏମଃଆ ।

ସିର୍ମାରେ ଖୁଜ୍  
(ମାଥୁଉ ୭:୧୯-୨୧)

୩୨ “ଏ ହୁଡ଼ିଙ୍ଗ୍ ଗୋଟକ ଆଲ୍‌ପେ ବରଏୟା ଆପେୟାଃ ଆପୁଦ ଆପେକେ ଆୟାଃ ରାଇଙ୍ଗ୍ ଏମଃନାଙ୍ଗ୍ ସୁକୁଆକାନାଏ । ୩୩ ଆପେୟାଃ ମେନାଃତେୟାଃ ଆଖିରିଙ୍ଗ୍ କେଦ୍‌ତେ କର୍‌କକେ ଏମାକପେ, କା ମାଇଲାଅଃ ପାଏସାମ୍‌ନା ଆପେନାଙ୍ଗ୍ ବାଇୟେପେ, କା ଖାରାପଃ ଖୁଜ୍ ସିର୍ମାରେ ଦହଏପେ, ଏନ୍ତାଃରେ କୁମ୍‌ତୁ କୁକାଏ ତେବାଃଏୟା ଆତଃ ନିଦିର୍ କାଏ ଜମେୟାଁ । ୩୪ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ଚିର୍ଗାଲାକାନ୍ ଦାସିକ

୩୫ ☆“ଆପେୟାଃ ମାୟାଙ୍ଗ୍ ପାଟେକେଦ୍‌ତେ କାମିନାଙ୍ଗ୍ ସେକାଡ଼ାକାନ୍‌ପେ ଆତଃ ଆପେୟାଃ ଦିମି ଜୁଲାଇକାନ୍ ତାଇୟାଃକା । ୩୬ ☆ଆତଃ ଏନ୍ ହଡ଼କଲେକାଅଃପେ, ଇନ୍‌କୁ ଆବୁଆଃ ଗମ୍‌କେ ଆଣ୍‌ଦିଏତେ ଚିତଲାଇଏ ରୁହାଡ଼ାଃ ଆତଃ ଇନିଃ ହିଜୁଃକେଦ୍‌ତେ ୦କ୍ ୦କାଏରେଦ ଇନିଃ ନାଗେନ୍ତେ ଇମ୍‌ତା ଦୁଆର୍‌ରୁ ନିଜେୟା ମେନ୍ତେକ ନେଲହରାଇତାନା । ୩୭ ଅକନ୍ ଦାସିକକେ ଆକଆଃ ଗମ୍‌କେ ଏୟନାକାନ୍ ଆତଃ ସେକାଡ଼ାକାନ୍ ହିଜୁଃନାମ୍‌କରେ ଏନ୍ ଦାସିକ ଚିମିନ୍ ସୁକୁତାନ୍‌ଗିୟାକ, ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଇନିଃ ମାୟାଙ୍ଗ୍ ପାଟେକେଦ୍‌ତେ ଇନ୍‌କୁଲଃ ଜଜମ୍ ନାଗେନ୍ତେ ଦୁବକଆଏ ଆତଃ ହିଜୁଃକେଦ୍‌ତେ ଇନ୍‌କୁକେ ସୁସାର୍‌କଆଏ । ୩୮ ଆତଃ ଇନିଃ ଆଲାନିଦା ଚାଏ ସିମକରାଃ ହିଜୁଃକେଦ୍‌ତେ ଇନ୍‌କୁକେ ନେ ଲେକାଏ ନାମ୍‌କରେଦ ଏନ୍ ଦାସିକ ଚିମିନ୍ ସୁକୁତାନ୍‌ଗିୟାକ । ୩୯ ମେନ୍‌ଦ ନେଆଁ ଆଟ୍‌କାରେପେ, ଅଡ଼ାଃରେନ୍ ଗମ୍‌କେ କୁମ୍‌ତୁ ହିଜୁଃ ଦିପିଲି ସାରିକାଇରେଦ ଇନିଃକେ ଆୟାଃ ଅଡ଼ାଃରାଃ ସିହି କାଏ ଉଡ଼ୁଡ଼ିକା ଇଚିକାଇତେୟାଃ । ୪୦ ଏନା ନାଗେନ୍ତେ ଆପେୟା ସାପ୍‌ଡ଼ାଅକାନ୍ ତାଇନ୍‌ପେ, ଚିୟାଃଚି ଆପେ କାପେ ଉଡ଼ୁଡ଼ାନ୍ ଦିପିଲିରେଗି ମାନଝାହନ୍ ହିଜୁଃଆଏ ।”

ପାତିୟାର୍ ଆତଃ କା ପାତିୟାର୍ ଦାସିକ  
(ମାଥୁଉ ୨୪:୪୫-୫୧)

† ୧୨:୨୭ ୧୨:୨୭ ତୁକୁଇତାନା ଚିପାଅ / ସିଲେଇ ☆ ୧୨:୩୫ ୧୨:୩୫ ମାଥୁଉ ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାଥୁଉ ୨୪:୪୩,୪୪.

୪୧ ଏଣୁ ପାଡ଼ରାସ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲେକେ ଚି ସବେନକକେ ନେ ଜନକା କାଜି କାଜିୟାଲେତାନାମ୍ ?”

୪୨ ଆତଃ ପ୍ରାଭୁ କାଜିରୁହାଡ଼କେଦାଏ, “ଏଣେ ଗୁସିୟାଁ ଆୟାଃ ଅଡ଼ାଃରେନକକେ ବୁଗିନ୍ ନେତାରେ ଜମେୟାଃ ଏମାକ ନାଗେଣ୍ଡେ ଅକଏକେ ଇନିଃ ସାଲାକିଆଏ, ଏନ୍ଲେକାନ୍ ପାତିୟାରୁରଃ ଆତଃ ସେଣାନ୍ ଭାଣ୍ଡାରି ଅକଏ ତାନିଃ ? ୪୩ ଆୟାଃ ଗୁସିୟାଁ ନେଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍ଚିୟାଏ । ୪୪ ସାରତିଗିଙ୍ଗ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ଦହଇୟାଏ । ୪୫ ମେନ୍ଦ ଏନ୍ ଦାସି, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲାମଃତାନାଃ ମେଣ୍ଡେ ମନ୍ତାୟାଃରେ କାଜିକେଦତେ ଦାସିକ ଆତଃ କାମ୍ଡିକକେ ଦାଦାଲ୍, ଆତଃ ଜଜମ୍ ନୁଁ ଆତଃ ବୁଲଃ ଏଚେଦରେଦ, ୪୬ ଏନ୍ ଦାସିଆଃ ଗମ୍କେ ଇନିଃ କାଏ ଉଡ଼ୁ ହୁଲାଙ୍ଗରେ ଆତଃ କାଏ ସାରି ଦିପିଲିରେ ହିଜୁଃଆଏ ଆତଃ ଇନିଃକେ ପୁରାଃ ଦୁକୁ ଏମାଇତାନ୍ଲଃ ଟୁକ୍ଡା ଟୁକ୍ଡା ମାଆଃଇୟାଏ, ଏଣେ କା ବିଶ୍ୱାସତାନ୍କଲଃ ହାନାଟିଙ୍ଗଆଏ ଏମାଇୟା ।

୪୭ “ଆୟାଃ ଗମ୍କେୟାଃ ମନ୍ ସାରିକେଦତେ କାଏ ସେକାଡ଼ାକାନ୍ ଆତଃ ଇନିୟାଃ ମନେଲେକା କା କାମିକେଦ ଦାସି ପୁରାଃଚିୟାଏ ଦାଲଃଆ । ୪୮ ମେନ୍ଦ କା ସାରିକେଦତେ ଦାଲଃଲେକା କାମିକେଦନିଃ ହୁଡ଼ିଙ୍ଗଲେକାଏ ଦାଲଃଆ । ଆତଃ ପୁରାଃ ନାମାକାଦକଏତେ ପୁରାଃ ଆସିୟଃଆ; ଆତଃ ହଡ଼କ ପୁରାଃଚିକ ଏମାକାଇନିଃଏତେ ପୁରାଃଚିକ ଆସିୟା ।

ୟାଶୁଆଃ ନାଗେଣ୍ଡେ ବିନ୍‌ଗାଅ  
(ମାଥୁଉ ୧୦:୩୪-୩୬)

୪୯ “ଆଇଙ୍ଗ ଅତେରେ ସେଙ୍ଗେଲ୍ ଜୁଲ୍‌ନାଙ୍ଗ୍ ହିଜୁଆକାନାଇଙ୍ଗ୍, ଆତଃ ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍, ଜାଲ୍‌ଦିଗି ସେଙ୍ଗେଲ୍ ଜୁଲଃକା । ୫୦ \*ମେନ୍ଦ ମିଆଁଦ୍ ବାପ୍ତିସ୍ତାଏତେ ଆଇଙ୍ଗ୍‌କେ ବାପ୍ତିସ୍ତାଅଃ ଲାଗାତିଙ୍ଗ୍‌ୟାଃ, ଆତଃ ଏନା ଆଉରିବାଃଆ ଜାକେଦ୍ ଦୁକୁତେ ପୁରାଃଚିଇଙ୍ଗ୍ ବିଡ଼ଲାଅକାନା । ୫୧ ଚିୟାଃ ଆଇଙ୍ଗ୍ ଅତେଦିଶୁମ୍‌ରେ ଜାଉସୁକୁ ଏମ୍‌ତେ ହିଜୁଆକାନାଇଙ୍ଗ୍ ମେଣ୍ଡେପେ ଆର୍‌କାରିଙ୍ଗ୍‌ତାନା ? ବାନଃଗି, ମେନ୍ଦ ବିନ୍‌ଗାଅ ନାଗେଣ୍ଡେଇଙ୍ଗ୍ ହିଜୁଃକାନା । ୫୨ ନାହାଃଏତେଦ ମିଆଁଦ୍ ପାରିବାରରେନ୍ ପାଞ୍ଚ୍‌ଖାନ୍ ହଡ଼କ ବିନ୍‌ଗାଅଆଃକ, ତିନ୍‌ଖାନ୍ ବାରହଡ଼କିନାଃ ବିରୁଧ୍‌ରେ ଆତଃ ବାରହଡ଼ ତିନ୍‌ଖାନ୍‌କଆଃ ବିରୁଧ୍‌ରେ । ୫୩ ହନ୍‌କଡ଼ା ବିରୁଧ୍‌ରେ ଆପୁ, ଆତଃ ଆପୁ ବିରୁଧ୍‌ରେ ହନ୍‌କଡ଼ା, ହନ୍‌କଡ଼ି ବିରୁଧ୍‌ରେ ଏଙ୍ଗା, ଆତଃ ଏଙ୍ଗା ବିରୁଧ୍‌ରେ ହନ୍‌କଡ଼ି, କିମିନ୍ ବିରୁଧ୍‌ରେ ହାନାର୍‌ତେ ଆତଃ ହାନାର୍‌ତେୟାଃ ବିରୁଧ୍‌ରେ କିମିନ୍‌ତେ, ବିନ୍‌ଗାଅଆଃକ ।”

ଏନ୍ ଦିପିଲିରେୟାଃ ଚିଙ୍ଗାଁ  
(ମାଥୁଉ ୧୨:୨-୩)

୫୪ ଇନିଃ ଗାଦେଲ୍ ହଡ଼କକେ କାଜିୟାଦକଆଏ, ଆପେ ସିଙ୍ଗିହାସୁରଃସାଃଏତେ ଚିମିଲ୍ ରାକାବତାନ୍‌ପେ ନେଲେତାନ୍ ଇମ୍‌ତା ଦାଆଃ ଗାମାୟାଏ ପେ ମେନେତାନା ଆତଃ ନେକାଅଃ ତାନ୍‌ଚିୟାଃ । ୫୫ ଆତଃ ଦାକ୍ଷିଣ୍ ହୟ ହୟତାନ୍ ନେଲ୍‌କେଦତେ ସିଡୁଙ୍ଗ୍‌ୟାଏ ପେ ମେନେତାନା ଆତଃ ନେକାଅଃ ତାନ୍‌ଚିୟାଃ । ୫୬ ଏ ବେଦାହଡ଼କ, ଆପେ ଅତେ ଆତଃ ସିମ୍‌ରେୟାଃ ଚିଙ୍ଗାଁପେ ଆର୍‌କାରୁରୁମ୍ ଦାଡ଼ିୟାଃ ମେନ୍ଦ ନେ ଦିପିଲିରେୟାଃ ଚିଙ୍ଗାଁ ଚିଲ୍‌କା କାପେ ନେଲ୍‌ଉରୁମେତାନା ?

\* ୧୨:୫୦ ୧୨:୫୦ ମାର୍କ ୧୦:୩୮.

ବାଇରିଲିଃ ମେସାନାଃ  
(ମାଥୁ ୫:୨୫-୨୬)

୫୭ ତିନାଃମେନ୍ତେ ଠାଉକାନ୍ ଲେକାଗି ନେଲିଃତେୟାଃ ଆପେଗି କାପେ ବିଚାରେତାନା ? ୫୮ ଆମାଃ ବାଇରିଲିଃଦ ହାକିମ୍ତାମ୍ ସେନଃତାନ୍ରେ ଇନିଃଏତେ ଅତଙ୍ଗଅଃ ନାଙ୍ଗ ହରାରେଗି ଉଡ଼ୁଲମେ, କା'ରେଦ ଇନିଃ ବିଚାରନିଃତାଃତେ ଆଇଜଇଦିମେୟାଏ, ଆତଃ ବିଚାରନିଃ ସିପାଇକଆଃ ତିଃଇରେ ଜିମାମେୟା ଆତଃ ସିପାଇଦ ଜେହେଲମେୟାଏ । ୫୯ ଆଇଙ୍ଗ କାଜିୟାମ୍ ତାନାଇଙ୍ଗ୍, ତାମ୍ବା ସିକା କାଉଡ଼ି କାଉଡ଼ି ଆଉରି ହାଲ୍ଲତାବାଏ ଜାକେଦ୍ ଏନ୍ତାଃଏତେ କାମ୍ ଅତଙ୍ଗ୍ ଦାଡ଼ିୟା ।

**୧୩**

ମନରୁହାଡ଼ ଲାଗାତିଙ୍ଗୟାଃ

୧ ଏନ୍ ଦିପିଲିରେ ତିମ୍ନାଙ୍ଗ୍ ହଡ଼କ ହିଜୁଆକାନ୍ ତାଇକେନାକ, ଇନ୍କୁ ଏନ୍ ଗାଲିଲରେନକଆଃ କାଜି ଯୀଶୁକେ କାଜିକିୟାକ, ପିଲାତୁସ୍\*ଦ ତିଲ୍ଲକା ପାରମେଶ୍ୱାରତାଃରେ ବିଶ୍ୱାସ୍ ତାନ୍କଆଃ ମାୟୋମ୍ ଦାଣ୍ଟୋରାକାବ୍ ଜାତୁକଆଃ ମାୟୋମ୍ଲିଃ ମେସାକେଦାଏ । ୨ ଆତଃ ଯୀଶୁ ଇନ୍କୁକେ କାଜିକେଦକଆଏ, “ତିୟାଃ ନେ ଗାଲିଲରେନକ ସବେନ୍ ଗାଲିଲରେନ୍ କଆଃଏତେ ଆଦକା ପାପିକ ତାଇକେନ୍ ନାଗେନ୍ତେ ନେ ଦୁକୁକ ସାହାତିଙ୍ଗକେଦାଃ, ନେଆଁପେ ଆଟକାରେ ତାନାତି ? ୩ ବାନଃଗି ମେତାପେତାନାଇଙ୍ଗ୍, ମେନ୍ଦ୍ ଆପେ ପାପ୍ହେତେ କାପେ ମନରୁହାଡ଼୍ରେଦ୍ ଆପେ ସବେନକ ନେ ଲେକାଗି ଜିୟନଃଆପେ । ୪ ଆତଃ ଶିଲୋହରେ ଦାର୍ଝାନ୍ ଅଡ଼ାଃ ଏନ୍ ଆଠରା ଝାନ୍ ହଡ଼କରେ ଉୟୁଃୟାନା ଆତଃ ଇନ୍କୁକେ ଗଏଃକେଦକଆଏ, ଇନ୍କୁଆଃ ବିଷାଏରେ ତିନାଃପେ ଉଡ଼ୁତାନା ? ତିୟାଃ ଇନ୍କୁ ସବେନ୍ ଯୀରୁଶାଲେମରେନକଏତେ ଆଦକା ପାପିକ ତାଇକେନା ମେନ୍ତେଟିପେ ଆଟକାରେ ତାନା ? ୫ ବାନଃଗି ମେତାପେ ତାନାଇଙ୍ଗ୍, ମେନ୍ଦ୍ ଆପେ ପାପ୍ହେତେ କାପେ ମନରୁହାଡ଼୍ରେଦ୍ ଆପେ ସବେନକ ନେ ଲେକାଗି ଜିୟନଃଆପେ ।”

କା ଜଅଃତାନ୍ ଲଥା ଦାରୁରାଃ ଜନକା କାଜି

୬ ଏନ୍ତେ ଯୀଶୁ ନେ ଜନକା କାଜି କାଜିକେଦାଏ, “ଜେତାଏ ମିଆଁଦହଡ଼ ଆୟାଃ ଦାଖ୍ବାକଡ଼ିରେ ମିଆଁଦ୍ ଲଥାଦାରୁ ରୟାକାଦ୍ ତାଇକେନାଏ, ଆତଃ ଇନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍ଦ୍ ମିଆଁଦ୍ ହ ଜ କାଏ ନାମକେଦାଃ । ୭ ଏନାମେନ୍ତେ ଇନିଃ ମାଲିହଡ଼କେ କାଜିକିୟାଏ, ‘ନେଲେମେ ଆପି ସିମାଏତେ ନେ ଲଥାଦାରୁରେ ଜ ନାମେନାଗେନ୍ତେ ହିଜୁଃତାନାଇଙ୍ଗ୍ ମେନ୍ଦ୍ କାଇଙ୍ଗ୍ ନାମେତାନା, ଏନା ମାଏଃମେ, ତିକାନାଙ୍ଗ୍ ଅତେ ଏସେରେତାନାଏ ?’ ୮ ମେନ୍ଦ୍ ମାଲିହଡ଼ କାଜିକେଦାଏ, ‘ହେ ଗମ୍ବକେ, ଏନାକେ ନେ ସିମାହଗି ତାଇରିକାଏମେଁ, ଆଇଙ୍ଗ୍ ଏନାକେ ଉର୍ବିହୁର୍କେଦ୍ତେ ସାରାହାସା ପେରେଜେୟାଇଙ୍ଗ୍ । ୯ ଇଦୁ ହିଜୁଃସିମା ନେଆଁରେ ଜ ନାମ୍ ସାକାଅଆଃ, କା'ରେଦ ତାୟମ୍ତେ ଏନାକେ ମାଆଃଇଟିମେ ।”

ୟୀଶୁ ରୁଡ଼ନୁ ହୁଲାଇଙ୍ଗ୍ରେ ମିଆଁଦ୍ କୁବଡ଼ିକୁଡ଼ିକେ ବୁଗିନକିୟାଏ

୧୦ ଯୀଶୁ ରୁଡ଼ନୁ ହୁଲାଇଙ୍ଗ୍ରେ ମିଆଁଦ୍ ଯିହୁଦୀକଆଃ ସାମାଜ୍ ଅଡ଼ାଃରେ ଇଡୁକତାନ୍ ତାଇକେନାଏ । ୧୧ ଆତଃ ନେଲେପେ ଏନ୍ତାଃରେ ଆଠରା ବାରାଷ୍ଏତେ ମିଆଁଦ୍ କୁଡ଼ିକେ ଏଡ଼କାନ୍ ଆମ୍ବା ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଙ୍ଗୁଦକେଦ୍ତେ ତାଇକେନାଏ, ଜେତାଲେକାତେ ସିଧାତିଙ୍ଗୁଃ କାଏ ଦାଡ଼ିତାନ୍

\* ୧୩:୧ ୧୩:୧ ପିଲାତୁସ୍ ୧୩:୨୭ ସାନ୍ତେ ଯୀହୁଦାରେନ୍ ରୋମି ଶାସକ † ୧୩:୩ ୧୩:୩ ମନରୁହାଡ଼୍ରେୟାତିଙ୍ଗ



ତାଇକେନା । ୧୨ ଯୀଶୁ ଇନିଃକେ ନେଲକିୟାଏ ଆତଃ ନାଡ଼େଃତେ ହାକାଅତାନଲଃ କାଜିକିୟାଏ, “ଏ କୁଡ଼ି, ଆମାଃ ନାରାଦୁରା ଦୁକୁଏତେ ବୁଗିକାନାମ୍ ।” ୧୩ ଆତଃ ଯୀଶୁ ଇନିଃକେ ତିଃଇ ଦହକେଦାଏ ଆତଃ ଇନିଃ ଇମ୍ତାଙ୍ଗି ବୁଗିନ୍ୟାନାଏ, ଆତଃ ପାର୍ମେଶ୍ୱାରକେ ମାରାଙ୍ଗକିୟାଏ ।

୧୪ ଯୀଶୁ ରୁଡ଼ନୁ ହୁଲାଙ୍ଗରେ ବୁଗିକିୟାଏ ନେଆଁତେ ସାମାଜଅଡ଼ାଃରେନ୍ ଆଗୁଆଇ ଖୁସ୍ତୟାନାଏ, ଆତଃ ହଡ଼କକେ କାଜିକେଦକଆଏ, “ଛ'ମାହାଁ ମେନାଃ ଏନାରେ କାମି ଲାଗାଡ଼ିଙ୍ଗୟାଃ, ଏନ୍ ହୁଲାଙ୍ଗକରେ ବୁଗିନଃ ନାଗେନ୍ତେ ହିଜୁଃପେ, ରୁଡ଼ନୁ ହୁଲାଙ୍ଗରେଦ କାହା ।”

୧୫ ମେନ୍ଦ ପ୍ରାଭୁ ଯୀଶୁ ଇନିଃକେ କାଜିରୁହାଡ଼କିୟା, “ଆପେ ସବେନ୍ ବେଦାହଡ଼କ, ତିୟାଃ ଆପେ ସବେନ୍ଦକ ରୁଡ଼ନୁ ହୁଲାଙ୍ଗରେ ଆପେୟାଃ ଉରିଃକ୍ ତି ଗାଧାକକେ ଗଣାଏତେ ରାଡ଼ାକେଦତେ ଦାଆଃ ନୁଁ ତେ କାପେ ଇଦିକତାନା ? ୧୬ ଆତଃ ନେ କୁଡ଼ିହନ୍ଦ ଆଗ୍ରାହାମ୍ଆଃ କୁଡ଼ିହନ୍ ତାନିଃ, ନେଲିପେ ଇନିଃ ସାଏତାନରାଃ ତନଲରେ ଆଠରା ବାରାଷ୍ ତଲକାଇତାଇନାଏ, ତିୟାଃ ଇନିଃକେ ରୁଡ଼ନୁ ହୁଲାଙ୍ଗରେ ଏନାଏତେ ରାଡ଼ାଇତେୟାଃ କା ଲାଗାଡ଼ିଙ୍ଗ ତାଇକେନା ?” ୧୭ ଯୀଶୁ ନେଆଁ କାଜିକେଦ ଇମ୍ତା, ଇନିୟାଃ ସବେନ୍ ମୁଦାଇକ ଗିହୁଃୟାନାକ ମେନ୍ଦ ହଡ଼କ ଯୀଶୁଆଃ ଆକ୍ଦାନ୍ଦାଅକାମି ନେଲକେଦତେ ରାସ୍ତକାୟାନାକ ।

ମାନିଜାଙ୍ଗରାଃ ଜନ୍କା କାଜି  
(ମାଥୁଉ ୧୩:୩୧-୩୨; ମାର୍କ ୪:୩୦-୩୨)

୧୮ ଏନ୍ତେ ଯୀଶୁ କୁଲିକେଦାଏ, “ପାର୍ମେଶ୍ୱାରଆଃ ରାଇଜ୍ ତିନାଃ ଲେକା ? ଆଇଙ୍ଗ୍ ଏନାକେ ତିନାଃତେଗିଇଙ୍ଗ୍ ଜକାଏୟା ? ୧୯ ଏନା ମିଆଁଦ୍ ମାନିଜାଙ୍ଗଲେକା, ଏନା ମିଆଁଦ୍ ହଡ଼ ଇଦିକେଦତେ ଆୟାଃ ବାଖ୍ଡିରେ ହେରକେଦାଏ, ଏନା ହାରାୟାନା ଆତଃ ମାରାଙ୍ଗ୍ ଦାରୁୟାନା, ସିର୍ମାରେନ୍ ଚେଟ୍ଟେକ୍ ଏନାରାଃ କତକରେକ ଅକାକେଦା ।”

ରାନୁରାଃ ଜନ୍କା କାଜି  
(ମାଥୁଉ ୧୩:୩୩)

୨୦ ଆତଃଗି ଯୀଶୁ ମେତାଦକଆଏ, “ଆଇଙ୍ଗ୍ ପାର୍ମେଶ୍ୱାରଆଃ ରାଇଜ୍ ତିନାଃତେଗିଇଙ୍ଗ୍ ଜକାଏୟା ? ୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆଉକେଦତେ ତିନ୍ କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦକେଦାଏ ।”

ରେସେଦ୍ ଦୁଆରତେ ବଲଃରେୟାଃ ଇନିତୁ  
(ମାଥୁଉ ୭:୧୩-୧୪, ୨୧-୨୩)

୨୨ ଯୀଶୁ ଇତୁକତାନଲଃ ସାହାର୍ ସାହାର୍ ଆତଃ ହାତୁ ହାତୁ ପାରମ୍ପୟାନ୍ତେ ଯୀରୁଶାଲେମ୍ସାଃ ସେନଃତାନାଏ ତାଇକେନା । ୨୩ ଜେତାଏମିହୁଡ଼୍ କୁଲିକିୟାଏ, “ହେ ପ୍ରାଭୁ ତିୟାଃ ବାଞ୍ଚାଅଃ ହଡ଼କ କାଟିଃଲେକାଃକ ?” ଯୀଶୁ କାଜିୟାଦକଆଏ, ୨୪ “ରେସେଦ୍ ଦୁଆରତେ ବଲଃନାଗେନ୍ତେ ତିହୁଲାନ୍ଦପେ,‡ ତିୟାଃତି ଆଇଙ୍ଗ୍ କାଜିୟାପେତାନା, ଏନାରେ ବଲନାଙ୍ଗ ପୁରାଃ ହଡ଼କ ସାନାଙ୍ଗଆଃ ମେନ୍ଦ କାକ ଦାଡ଼ିୟାଃ । ୨୫ ଆତଃ ଗୁସିୟାଁ ବିରିଦ୍ୟାନ୍ତେ ଦୁଆର୍ ହାଣ୍ଡେଦ୍ତାରେ, ତାୟମ୍ତେ ଆପେ ରାଚାରେପେ ତିଙ୍ଗ୍ନାଃ ଆତଃ ଦୁଆରରେପେ ଠକ୍ଠକାଏୟା ଆତଃ ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍ଦ ଇନିଃ ମେତାପେୟାଏ, ‘ଆପେ କତାଃରେନ୍ଦକ ତାନ୍ଦେ ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ୨୬ ଏନ୍ତେ ଆପେ ମେନେୟା,

‡ ୧୩:୨୪ ୧୩:୨୪ ତିହୁଲାନ୍ଦପେ ଚେଷ୍ଟାଏପେ

ଆଲେ ଆମାଃଲଃ ଜମ୍ ଆତଃ ନୁଁ ତାଇନାଲେ ଆତଃ ଆମ୍ ଆଲେୟାଃ ହରାକରେ ଇତୁକେଦଲେୟାମ୍ । ୨୭ ମେନ୍ଦ ଇନିଃ ମେନେୟାଏ, ‘ଆପେ ଅକଏ ଆତଃ କତାଃରେନକ ତାନପେ ଏନା କାଇଙ୍ଫ୍ ସାରିୟାଃ, ଏ ଏଡକାନ୍ କାମିକେନ୍ଦକ, ଆପେ ସବେନ୍ ଆଇଙ୍ଫତାଃଏତେ ଆତମଃପେ । ୨୮ \*ଆପେ ତିମ୍ତା ଆବାହାମ୍, ଇସାକ୍, ଯାକୁବ୍ ଆତଃ ସବେନ୍ ନାବୀକକେ ପାର୍ମେଶ୍ଵାର୍ଆଃ ରାଇଜ୍ରେ ଦୁବାକାନ୍ ଆତଃ ଆପେକେ ବାହାରିରେ ଅତଙ୍ଫଆଁକାନ୍ ତେୟାଃପେ ନେଲେୟା । ଇମ୍ତା ଏନ୍ତାଃରେ ରାନାଆଃ ଆତଃ ତାଗା ହାବ୍ ରିତିଦଃଆ, ୨୯ ହଡକ ପୁରାବ୍ ଆତଃ ପାଶ୍ଟିମ୍, ଉତ୍ତାର୍ ଆତଃ ଦାକ୍ଷିଣ୍ୟାଃଏତେ ହିଜୁଃକେଦ୍ତେ ପାର୍ମେଶ୍ଵାର୍ଆଃ ରାଇଜ୍ରେ ଜଜମ୍ ନାଙ୍ଫକ ଦୁବାଃ । ୩୦ \*ଆତଃ ନେଲେପେ, ସାର୍ତିଗି, ତାୟମ୍ରେନକ ଆୟାରଃଆ ଆତଃ ଆୟାର୍ରେନକ ତାୟମଃଆ । ”

ଯୀରୁଶାଲେମ୍ ନାଗେନ୍ତେ ଯୀଶୁଆଃ ଦୁଲାଡ୍,  
(ମାଥୁର ୨୩:୩୭-୩୯)

୩୧ ଏନ୍ ଦିପିଲିରେଗି ତିମିନ୍ ଫାରୁଶୀକ ହିଜୁଃୟାନ୍ତେ ଯୀଶୁକେ କାଜିକିୟାଃକ, “ନେତାଃଏତେ ଅତଙ୍ଫକେଦ୍ତେ ସେନଃମେ, ହେରୋଦ୍ ଆମ୍କେ ଗଗଏଃ ସାନାଙ୍ଫତାନାଏ । ”

୩୨ ଯୀଶୁ କାଜିୟାଦକଆଏ, “ଜୁ ନେଆଁ ଏନ୍ ତୁୟୁକେ କାଜିୟାଇପେ, ‘ଆଇଙ୍ଫ୍ ତିସିଙ୍ଫ୍ ଆତଃ ଗାପା ବଙ୍ଫାକଇଙ୍ଫ୍ ଅତଙ୍ଫକଆ ଆତଃ ଦୁକୁଆକାନ୍କଇଙ୍ଫ୍ ବୁଗିକଆ ଆତଃ ଆପି ମାହାଁରେଇଙ୍ଫ୍ ସେକାଡଃଆଃ । ୩୩ ଏନ୍ରେୟ ତିସିଙ୍ଫ୍ ଆତଃ ଗାପା ଆତଃ ମେୟାଙ୍ଫ୍ ଆଇଙ୍ଫକେ ହନର୍ ଲାଗାତିଙ୍ଫୟାଃ, ସାର୍ତିଗି ଜେତାଏ ନାବୀ ଯୀରୁଶାଲେମ୍ ଏତେ ଏଟାଃ ଜାଗାରେ ଗଜଃ କା ଲାଗାତିଙ୍ଫୟାଃ ।

୩୪ “ହେ ଯୀରୁଶାଲେମ୍, ହେ ଯୀରୁଶାଲେମ୍ ଆମ୍ ନାବୀକକେମ୍ ଗଏଃକେଦକଆ ଆତଃ ଆମ୍ତାଃତେ କୁଲୀକାନ୍କକେ ଚିଦ୍ଗିଗଏଃ କେଦକଆମ୍, ଏଙ୍ଫାସିମ୍ ଆୟାଃ ହନକକେ ଆପରବ୍ ଲାତାର୍ରେ ଆବ୍ରୁମ୍ ତପାକତାନ୍ଲେକା ତିମିନ୍ସା ଆଇଙ୍ଫ୍ ଆମାଃ ହନକକେ ହୁଣ୍ଡିସାନାଙ୍ଫକେଦାଇଙ୍ଫ୍, ମେନ୍ଦ ଆପେ କାପେ ସାନାଙ୍ଫକେଦାଃ । ୩୫ ନେଲେପେ, ଆପେୟାଃ ମାହିର୍ ଆପେତାଃରେ ହାଦୁଡନାଙ୍ଫ୍ ବାରିୟଃତାନା । ତିୟାଃତି ଆଇଙ୍ଫ୍ ଆପେକେ କାଜିୟାପେ ତାନାଇଙ୍ଫ୍, ‘ପ୍ରାଭୁଆଃ ନୁତୁମ୍ତେ ହିଜୁଃତାନ୍ନିଃକେ ପାର୍ମେଶ୍ଵାର୍ ଆଣିଷ୍ ଏମାଇକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆତଃ ଆଇଙ୍ଫକେ କାପେ ନେଲିୟାଃ । ”

## ୧୪

ଯୀଶୁ ମିଆଁଦ୍ କାଗା ତିଃଇ ମାଁଃତାନ୍ ହଡକେ ବୁଗି ତାନାଏ

୧ ମୁସିଙ୍ଫ୍ ରୁଡନ୍ ହୁଲାଇଁରେ ଯୀଶୁ ଫାରୁଶୀକଆଃ ମିଆଁଦ୍ ଆଗୁଆଇରାଃ ଅଡ଼ାଃରେ ହଲଙ୍ଫ୍ ଜଜମ୍ନାଙ୍ଫ୍ ସେନଃୟାନାଏ ଆତଃ ଇନିଃକେ ଲତଇତାନ୍କ ତାଇକେନା । ୨ ନେଲେପେ, ମିଆଁଦ୍ କାଗା ତିଃଇ ମାଁଃତାନ୍ ହଡ ଇନିୟାଃ ଆୟାର୍ତେ ହିଜୁଃୟାନାଏ । ୩ ଯୀଶୁ “ରୁଡନ୍ ହୁଲାଇଁରେ ବୁଗି ଲାଗାତିଙ୍ଫୟାଃ ତି କା” ମେନ୍ତେ ଆଇନ୍ ଇତୁକ ଆତଃ ଫାରୁଶୀକକେ କୁଲିକେଦକଆଏ । ମେନ୍ଦ ଇନ୍କୁ ହାପାୟାନାକ ।

୪ ଆତଃ ଯୀଶୁ ଏନ୍ ହଡକେ ସାବ୍ତାନ୍ଲଃ ବୁଗିକିୟାଏ ଆତଃ କୁଲକିୟାଏ । ୫ \*ଏନ୍ତେ ଯୀଶୁ ଇନ୍କୁକେ କାଜିରୁହାଡାଦକଆ, “ଆପେକଏତେ ଜେତାଏରାଃ

\* ୧୩:୨୮ ୧୩:୨୮ ମାଥୁର ୮:୧୧,୧୨.      \* ୧୩:୩୦ ୧୩:୩୦ ମାଥୁର ୧୯:୩୦; ୨୦:୧୭; ମାର୍କ ୧୦:୩୧.  
S ୧୩:୩୨ ୧୩:୩୨ ସେକାଡଃଆ ଆଇୟାଃ କାମି ଚାବାଅଃଆ      \* ୧୪:୫ ୧୪:୫ ମାଥୁର ୧୨:୧୧.

ହନକଡ଼ା\* ଚାଏ ଉରିଷକ କୁଆଁରେ ଉୟୁଷକରେ ଚିୟାଃ ଇନିଃ ଇମ୍ତାଙ୍ଗି ରୁଡ଼ନୁ ହୁଲାଙ୍ଗରେ କାଏ ଅଡ଼ଙ୍ଗିୟା ?”

୨ ଆଡ଼ଃ ଇନକୁ ନେ ସବେନ୍ କାଜିନାଙ୍ଗ ଇନିଃକେ କାକ କାଜିରୁହାଡ଼ ଦାଡ଼ିୟାନା ।

କୁପୁଲକ ଆଡ଼ଃ କୁପୁଲନିୟାଃ ଜନକା କାଜି

୩ ଯୀଶୁ କେଡ଼ାକାନ ହଡ଼କକେ ଚେତାନଠାୟାଦ ସାଲାତାନ ନେଲକେଦତେ, ନେ ଜନକା କାଜି ଇନକୁକେ କାଜିକେଦକଥା, 「 “ଜେତାଏ ହଡ଼ ଆଣ୍ଡି ଜମେୟାଃରେ କେଡ଼ାମେରେଦ ଚେତାନ ଠାୟାଦରେ ଆଲ୍‌ମେ ଦୁବାଃ, ଇଦୁ ଇନିଃ ଆମାଃଏତେ ଆଦକା ମାଇନାନ ହଡ଼କେ କେଡ଼ାକାଇୟାଏ । ୯ ଆମ୍ ଆଡ଼ଃ ଇନିଃକେ କେଡ଼ାକେଦମେନିଃ ହିଜୁଃଲେନ୍‌ତେ, ‘ମାର୍ ନେ ଠାୟାଦରେ ନେ ହଡ଼କେ ଦୁବ୍‌ଇଚିମେ’ ମେତାମେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍‌ଏତେ ଲାତାର ଠାୟାଦରେମ୍ ଦୁବାଃ । ୧୦ ମେନ୍‌ଦ ଆମ୍ କେଡ଼ାଅଃରେ କେଡ଼ାକାଦମେନିଃ ହିଜୁଃକେଦତେ, ‘ଏ ଗାତି ଚେତାନରେ ଦୁବ୍‌ମେ’ ମେତାମେକାଏ ମେନ୍ତେ ସବେନାଃଏତେ ଲାତାର ଠାୟାଦରେ ସେନ୍‌କେଦତେ ଦୁବ୍‌ମେ, ଏନ୍ତେ ଆମାଃଲଃ ଜଜମ୍ ଦୁବାକାନକଥାଃ ଆୟାରରେମ୍ ମାଇନଃଆ । ୧୧ ଜେତାଏ ମାରାଙ୍ଗ୍‌ୟେନିଃଦ ହୁଡ଼ିଙ୍ଗ୍‌ୟାଆଏ ଆଡ଼ଃ ଜେତାଏ ହୁଡ଼ିଙ୍ଗ୍‌ୟାନ୍‌ଃଦ ମାରାଙ୍ଗ୍‌ଆଃଏ ।”

୧୨ ଏନ୍ତେ ଯୀଶୁ କେଡ଼ାକେନିଃକେ କାଜିକିୟାଏ, “ଆମ୍ ସିଙ୍ଗିରେୟା ଚାଏ ଆୟୁବ୍‌ରେୟାଃ ଜମେୟାଃ ବାଇରେଦ, ଆମାଃ ଗାତିକକେ ଚି ହାଗାକକେ ଚି କୁପୁଲକକେ ଚି ହଦ୍‌ରଜାପାଃରେନ୍ କିସାଣକକେ ଆଲମ୍ କେଡ଼ାକଥା, କା'ରେଦ ଇନକୁ କେଡ଼ାରୁହାଡ଼ମେୟାକ ଆଡ଼ଃ ନେଆଁଗି ଆମାଃ ଜ ନାମଃଆ । ୧୩ ମେନ୍‌ଦ ଆମ୍ ମାରାଙ୍ଗ୍ ଜମେୟାଃମ୍ ବାଇରେଦ, ରେଙ୍ଗେଃକକେ, ଟୁଣ୍ଡାକକେ, କେପାକକେ ଆଡ଼ଃ କାଣାକାନକକେ କେଡ଼ାକମେ, ୧୪ ଆଡ଼ଃ ଆମ୍ ଧାଇନଃଆମ୍, ଇନକୁଦ କାକ ଏମ୍‌ରୁହାଡ଼ ଦାଡ଼ିୟାମେୟା ମେନ୍‌ଦ ଧାର୍‌ମାନକଥାଃ ଜାଉବିନିରିଦ୍‌ରେ ଜ ନାମେୟାମ୍ ।”

ମାରାଙ୍ଗ୍ ଜମେୟାଃରେୟାଃ ଜନକା କାଜି  
(ମାଥ୍‌ଉ ୨୨:୧-୧୦)

୧୫ ଯୀଶୁଲଃ ଦୁବାକାନକଏତେ ମିଆଁଦ୍ ହଡ଼ ନେ କାଜି ଆୟୁମ୍‌କେଦା, ଇନିଃ ଯୀଶୁକେ କାଜିକିୟାଏ, “ପାର୍‌ମେଶ୍‌ଆଃ ରାଇଜରେ ଜମେନିଃ ସୁକୁତାନଗିୟାଏ ।”

୧୬ ଯୀଶୁ ଇନିଃକେ କାଜିକିୟାଏ, “ମିଆଁଦ୍ ହଡ଼ ମାରାଙ୍ଗ୍ ଜମେୟାଃ ବାଇକେଦାଏ ଆଡ଼ଃ ପୁରାଃଗି ହଡ଼କକେ କେଡ଼ାକେଦକଥାଏ । ୧୭ ଜଜମ୍ ନେଡାରେ ଇନିଃ, ମାର୍ ହିଜୁଃପେ, ସବେନାଃ ସେକାଡ଼ାକାନା ମେତାକୁମ୍ ମେନ୍ତେ ଆୟାଃ ଦାସିକେ କେଡ଼ାକାନକତାଃ କୁଲକିୟାଏ । ୧୮ ମେନ୍‌ଦ କେଡ଼ାକାନକ ମିଆଁଦ୍ ମନ୍‌ୟାନ୍ତେ ଛାମା ଆସିକ ଏଟେଦକେଦା । ସିଦାନିଃ, ‘ଅତେଇଙ୍ଗ୍ କିରିଙ୍ଗ୍‌ଆଃକାଦା ଆଡ଼ଃ ସେନ୍‌କେଦତେ ଏନାକେ ନେନେଲ୍ ଲାଗାତିଙ୍ଗ୍‌ୟାଃ, ଆଇଙ୍ଗ୍ ନାଙ୍ଗ୍ ଛାମା ଆସିମେ’ ମେନ୍ତେ ବିକ୍ରିମେତାନାଇଙ୍ଗ୍ ମେନ୍‌କିୟାଏ । ୧୯ ଆଡ଼ଃ ଏଗାଃନିଃ, ପାଞ୍ଚ ଆଡ଼ନା ଉରିଷକକଇଙ୍ଗ୍ କିରିଙ୍ଗ୍‌କାଦକଥା ଆଡ଼ଃ ଇନକୁକେ ଆବ୍‌କାରୁଉରୁମ୍ ନାଗେନ୍ତେ ସେନଃତାନାଇଙ୍ଗ୍ ଆଇଙ୍ଗ୍‌ନାଙ୍ଗ୍ ଛାମା ଆସିମେ ମେନ୍ତେ ବିକ୍ରିମେ ତାନାଇଙ୍ଗ୍ ମେନ୍‌କିୟାଏ । ୨୦ ଏଗାଃନିଃ, ‘ଆଇଙ୍ଗ୍ ଆଣ୍ଡିୟାକାନାଇଙ୍ଗ୍, ଏନାନାଗେନ୍ତେ କାଇଙ୍ଗ୍ ସେନ୍‌ଦାଡ଼ିୟାଃ’ ମେନ୍‌କିୟାଏ ।

\* ୧୪:୫ ୧୪:୫ ହନକଡ଼ାଚିମିନ୍ ଅନଲକରେ ଗାଧା ଅଲାନାନା ☆ ୧୪:୧୧ ୧୪:୧୧ ମାଥ୍‌ଉ ୨୩:୧୨; ଲୁକ ୧୮:୧୪.

୨୧ “ଏନ୍ ଦାସି ହିଜୁଃକେଦତେ ଗମକେ ତାୟାଃକେ ନେ ସବେନ୍ ଉଦୁବକିୟାଏ । ଏନ୍ତେ ଅଡ଼ାଃ ଗମକେ ଖୁସକେଦତେ ‘ହାତୁରେୟାଃ ଚାକାର୍ ଆତଃ ରେସେଦ୍ ହରାକତେ ସେନଃମେ ଆତଃ ରେକ୍ଟେଟାନ୍କକେ ଆତଃ ଚୁଣ୍ଟାକାନ୍କକେ ଆତଃ କେପାକକେ ଆତଃ କାଣ୍ଟାକାନ୍କକେ ନେତାଃ ଆଉକୁମ୍’ ମେନ୍ତେ ଏନ୍ ଦାସିକେ କାଜିକିୟାଏ । ୨୨ ଆତଃ ଏନ୍ ଦାସି କାଜିକିୟାଏ, ‘ହେ ଗମକେ, ଆମ୍ ଆରୁଆକାଦଲେକା ବାଇୟାନା ମେନ୍ଦ୍ ନାହାଁଃହୁଁ ଠାୟାଦ୍ ମେନାଃ ।’ ୨୩ ଏନ୍ତେ ଅଡ଼ାଃ ଗୁସିୟା ଆୟାଃ ଦାସିକେ କାଜିକିୟାଏ, ‘ଜୁ ସେନଃମେ, ଆତଃ ନାଗାର୍ରେୟାଃ ହରା ଗେନାକଏତେ, କଚାକଏତେ ହଡ଼କକେ କେଡ଼ା ଆଉକମେ, ଆତଃ ଆଇୟାଃ ଅଡ଼ାଃକେ ହଡ଼ତେ ପେରେଜକମେ । ୨୪ ଆଇଙ୍ଗଦଇଙ୍ଗ କାଜିୟାପେତାନା, ଏନ୍ କେଡ଼ାକାନ୍କଏତେ ଜେତାଏ ଆଇୟାଃ ଜମେୟାଃ କାକ ଚାଖାଅୟାଃ ।”

ୟାଶୁଆଃ ଚେଲା ହବାଅଃରେୟାଃ ଗନଙ୍ଗ୍  
(ମାଥୁଉ ୧୦:୩୭-୩୮)

୨୫ ମିସା ପୁରାଃ ଗାଦେଲ୍ ହଡ଼କ ଯାଶୁଲଃ ସେନଃତାନ୍କ ତାଇକେନା, ଆତଃ ଇନିଃ ହେତାରୁହାଡ଼କେଦତେ କାଜିୟାଦକଆଏ, ୨୬ \*ଜେତାଏ ହଡ଼ ଆଇଙ୍ଗ୍ତାଃତେ ହିଜୁଃରେଦ ଆୟାଃ ଆପୁ ଆତଃ ଏଙ୍ଗା, କୁଡ଼ି ଆତଃ ହନ୍କ, ହାଗାକ ଆତଃ ମିଗିକ, ହେଗି ଆୟାଃ ଜୀଉକେହ ଆଇଙ୍ଗ୍ଏତେ ଆଦକା ଦୁଲ୍ଲାଡ଼ରେଦ ଇନିଃ ଆଇୟାଃ ଚେଲା କାଏ ହବାଦାଡ଼ିୟାଆ । ୨୭ \*ଆତଃ ଜେତାଏ ଆୟାଃ କୁଣ୍ଟି ଗଅଃକେଦତେ ଆଇଙ୍ଗ୍କେ କାଏ ଅତଙ୍ଗ୍ଇଙ୍ଗ୍ରେଦ, ଇନିଃ ଆଇୟାଃ ଚେଲା କାଏ ହବାଦାଡ଼ିୟାଆ ।

୨୮ “ଆପେକଏତେ ଗୁମ୍ମାଟ୍ ବାବାଇ ସାନାଙ୍ଗ୍ନିଃ ଚି ସିଦାରେ ଦୁବକେଦତେ ଏନାକେ ବାଇଚୁଣ୍ଟୁ ନାଗେନ୍ତେ ଇଦୁ ଆଇୟାଃତାଃରେ ଲାଗାତିଙ୍ଗ୍ ପାଏସା ମେନାଃ ଚି କା ମେନ୍ତେ କାଏ ଲେକାୟା ? ୨୯ କା'ରେଦ ଇନିଃ ନିହିଁ ଗାଡ଼ାକେ ପାଟାଅକେଦତେ ଚୁଣ୍ଟୁକ୍ଳାଏ ଦାଡ଼ିରେଦ ସବେନ୍ ନେନେଲ୍ ହଡ଼କ ଇନିଃକେ ଲାଦାଇୟାକ । ୩୦ ନେ ହଡ଼ ବାବାଇ ଏଟେଦକେଦାଏ ମେନ୍ଦ୍ ଚୁଣ୍ଟୁ କ୍ଳାଏ ଦାଡ଼ିକେନା ମେନ୍ତେକ ମେନେୟା ।

୩୧ “ଆତଃ ଜେତା ରାଜା ଗେଲ୍ ହାଜାର୍ ପାଲ୍ଟାନ୍କକେ ସାବକେଦତେ ଅକଏୟାଃଚି କୋଡ଼ିଏ ହାଜାର୍ ପାଲ୍ଟାନ୍ ମେନାକଆଃ ଏନ୍ ରାଜାଲଃ ମାପାଃତୁପୁଇଙ୍ଗ୍ ନାଗେନ୍ତେ ଅତଙ୍ଗ୍ଅଃ ସିଦାରେ ଏନ୍ ରାଜାଏତେ ପୁରାଃ କେଟେଦ୍ ମେନାଇୟାଃଚି କାହା ମେନ୍ତେ ଇନିଃ ଚିନାଃ ଦୁବକେଦତେ କାଏଚି ଉଡ଼ୁୟା ? ୩୨ କାଏ ଦାଡ଼ିରେଦ, ଏଟାଃ ରାଜା ସାଙ୍ଗିନ୍ରେ ତାଇନ୍ ଇମ୍ତାଗି ଇନିଃ କାଜିଇଦିନିଃକେ କୁଲ୍କେଦତେ ସୁକୁଜୀଉରେ ତାଇନଃ ନାଙ୍ଗ୍ ବିକ୍ରିୟାଏ । ୩୩ ନେ ଲେକାତେ ଆପେକଏତେ ଜେତାଏ ଆକଆଃ ସବେନ୍ ମେନାଃତେୟାଃ କାକ ବାଗିରେଦ ଆଇୟାଃ ଚେଲା କାକ ହବାଦାଡ଼ିୟାଆ ।”

ସାବାଃ ବୁଲୁଙ୍ଗ୍  
(ମାଥୁଉ ୫:୧୩; ମାର୍କ ୯:୫୦)

୩୪ “ବୁଲୁଙ୍ଗ୍ ବୁଗିନାଃ, ମେନ୍ଦ୍ ବୁଲୁଙ୍ଗ୍ ସାବାଗଃରେଦ ଏନା ଚିଲ୍କାତେ ଆତଃମିସା ସିବିଲ୍ରେହାଡ଼ଃଆ । ୩୫ ଏନା ଅତେନାଙ୍ଗ୍ ଚାଏ ସାରାଗାଡ଼ା ନାଗେନ୍ତେୟ କାମିରେ କା ହିଜୁଃଆ; ହଡ଼କ ଏନାକେ ଏଣ୍ଟାୟାକ । ଆୟୁମ୍ ନାଗେନ୍ତେ ଲୁଡ଼ୁର୍ ମେନାଃନିଃ ଆୟୁମେକାଏ ।”

\* ୧୪:୨୭ ୧୪:୨୭ ମାଥୁଉ ୧୦:୩୭.    ☆ ୧୪:୨୭ ୧୪:୨୭ ମାଥୁଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.  
† ୧୪:୨୮ ୧୪:୨୮ ଗୁମ୍ମାଟ୍ ଗଡ଼ / ଗାଡ଼.    ‡ ୧୪:୩୧ ୧୪:୩୧ ମାପାଃତୁପୁଇଙ୍ଗ୍ ଲାତାକ

# ୧୫

ଆଦାକାନ୍ ମିଶ୍ଟି ଆତଃ ଆଦାକାନ୍ ସିକିରେୟାଃ ଜନ୍‌କା କାଜି  
(ମାଥୂଉ ୧୮:୧୨-୧୪)

୧ \*ମୁସିଙ୍ଗ ହୁଲାଙ୍ଗ ସବେନ୍ ମାଲ୍‌ହାରମ୍‌କ ଆତଃ ପାପି ହଡକ ଯୀଶୁଆଃ କାଜି ଆୟୁମ୍ ନାଗେନ୍ତେ ଇନିଃତାଃତେ ହିଜୁଃତାନ୍‌କ ତାଇକେନା । ୨ ଫେନ୍‌ଦ ପାରୁଶୀକ ଆତଃ ଆଇନ୍ ଇଡୁକ କୁରୁମ୍‌ଡୁରୁମ୍‌ୟାନ୍‌ଲଃ\* ଫେନ୍‌କେଦାଃକ, “ନିଃ ପାପିକକେ ସୁକୁଆକୁତାନାଏ ଆତଃ ଆକଆଃଲଃ ଜମେତାନାଏ ।” ୩ ଏନ୍ତେ ଯୀଶୁ ଇନ୍‌କୁକେ ନେ ଜନ୍‌କା କାଜି ଉଦୁବାଦକଆଏ ।

୪ “ଆପେକଏତେ ଜେତାଏୟାଃ ମଣ୍ଡେହିସିଂ ମିଶ୍ଟିକ ତାଇନ୍‌ରେଦ ଆତଃ ଇନ୍‌କୁଏତେ ମିଆଁଦ୍ ଆଦଃରେଦ ତିୟାଃ ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟାଃ ମିଶ୍ଟିକକେ ବିର୍‌ରେ କାଏ ବାଗିକଆ ଆତଃ ଏନ୍ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏଚି ଦାଣ୍ଡାବାଡ଼ାଇୟା ? ୫ ଆତଃ ଇନିଃକେ ନାମ୍‌ତାଇରେଦ ରାସ୍‌କାତାନ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉଞ୍ଜିୟା, ୬ ଆତଃ ଅଡ଼ାଃତେ ହିଜୁଃକେଦ୍‌ତେ ଆୟାଃ ଗାତିକକେ ଆତଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ ‘ଆଇଁୟାଃଲଃ ରାସ୍‌କାନ୍‌ପେ, ଆଇଁୟାଃ ଆଦାକାନ୍ ମିଶ୍ଟିକେଇଙ୍ଗ୍ ନାମ୍‌ରୁହାଡ଼କିୟା’ ମେତାକଆଏ । ୭ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମନ୍‌ରୁହାଡ଼୍ କା ଲାଗାତିଙ୍ଗ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦ୍‌କା ମିଆଁଦ୍ ମନ୍‌ରୁହାଡ଼୍‌ତାନ୍ ପାପି ନାଗେନ୍ତେ ସିର୍‌ମାରେନ୍‌କ ରାସ୍‌କାଆଃକ ।

ଆଦାକାନ୍ ସିକା

୮ “ବାଏ ଜେତାଏ କୁଡ଼ିରାଃ ଗେଲ୍‌ସି ସିକା\* ଫେନାଃରେଦ ଆତଃ ମିଆଁଦ୍ ଆଦଃରେଦ, ତିୟାଃ ଇନିଃ କାଏ ଦିମିୟା ଆତଃ ଅଡ଼ାଃକେ କାଏ ଜଗେୟା ଆତଃ ଆଉରି ନାମେଜାକେଦ୍ ତିହୁଲ୍‌ତେ† କାଏଚି ଦାଣ୍ଡାବାଡ଼ାଇୟା ? ୯ ଆତଃ ଏନା ନାମ୍‌କେଦ୍‌ରେ ଆୟାଃ ଗାତିକକେ ଆତଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ, ଆଇଁୟାଃଲଃ ରାସ୍‌କାନ୍‌ପେ, ଆଇଁୟାଃ ଆଦାକାନ୍ ସିକାଇଙ୍ଗ୍ ନାମ୍‌ରୁହାଡ଼୍‌କାଦା ମେତାକଆଏ । ୧୦ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମିଆଁଦ୍ ମନ୍‌ରୁହାଡ଼୍‌ତାନ୍ ପାପି ନାଗେନ୍ତେ ପାର୍‌ମେଶ୍ୱାର୍‌ଆଃ ଦୁଁଡକ ରାସ୍‌କାଆଃକ ।”

ଆଦଲେନ୍ ହନ୍‌ଆଃ ଜନ୍‌କା କାଜି

୧୧ ଏନ୍ତେ ଯୀଶୁ ଆତଃଗି କାଜିକେଦାଏ, “ଜେତାଏ ହଡ଼ଆଃ ବାର୍‌ହଡ୍ କଡ଼ାହନ୍‌କିନ୍ ତାଇକେନା । ୧୨ ଇନ୍‌କିନ୍‌ଏତେ ଲିଟା‡ ହନ୍ କାଜିକିୟାଏ, ‘ହେ ଆବା, ଫେନାଃତେୟାଃଏତେ ଆଇଁୟାଃ ହାଟିଙ୍ଗ୍ ଏମାଲ୍‌ଙ୍ଗମେ ।’ ଏନ୍ତେ ଏନ୍ ହଡ଼ ଆୟାଃ ଫେନାଃତେୟାଃ ହାଟିଙ୍ଗ୍‌ଆଁଦକିନାଏ । ୧୩ ଚିମିନ୍ ମାଃ ତାୟମ୍‌ତେ ଲିଟା ହନ୍ ଏନ୍ ସବେନାଃ ହୁଣ୍ଡିକେଦ୍‌ତେ ସାଜିନ୍ ଦିଶ୍ଟୁମ୍‌ତେ ସେନଃୟାନାଏ ଆତଃ ଏନ୍ତାଃରେ ଏଡକାନ୍ କାମିକରେ ତାଇକେନା ଏନ୍ତେ ଆୟାଃ ସବେନାଃତେୟାଃ ଛିତିବିତିକେଦାଏ । ୧୪ ଇନିଃ ସବେନାଃ ଚାବାକେଦ୍‌ଚି, ଏନ୍ ଦିଶ୍ଟୁମ୍‌ରେ ପୁରାଃ ରିଙ୍ଗାୟାନା ଆତଃ ଇନିଃ ରେଙ୍ଗେଃୟାନାଏ । ୧୫ ଏନ୍ତେ ଇନିଃ ସେନଃୟାନ୍ତେ ଏନ୍ ଦିଶ୍ଟୁମ୍‌ରେନ୍ ମିଆଁଦ୍ ହଡ଼ତାଃରେ ଦାସିତାଇକେନାଏ, ଏନ୍ ହଡ଼ ଆୟାଃ ପିଡ଼ିରେ

\* ୧୫:୧ ୧୫:୧ ଲୁକ ୫:୨୯, ୩୦.    \* ୧୫:୨ ୧୫:୨ କୁରୁମ୍‌ଡୁରୁମ୍‌ୟାନ୍‌ଲଃଅଭିଯୋଗ/ କୁରୁରାଅ    † ୧୫:୪ ୧୫:୪ ମିଦ୍‌ଶାଅ    ‡ ୧୫:୪ ୧୫:୪ ଅନାଇସ୍    § ୧୫:୮ ୧୫:୮ ଦାଶ୍    \* ୧୫:୮ ୧୫:୮ ମିହୁଡ୍‌ହଡ଼ରାଃ ମୁସିଙ୍ଗରାଃ ମାଜରି ଗନଙ୍ଗ୍    † ୧୫:୮ ୧୫:୮ ଚିହୁଲ୍‌ତେ ଯାତାନ୍‌ତେ    ‡ ୧୫:୧୨ ୧୫:୧୨ ଲିଟା ହୁଡିଙ୍ଗ୍

ସୁକୁରି ଗୁପିତେ ଇନିଃକେ କୁଲ୍ଲକିୟାଏ । ୧୭ ଆତଃ ଇନିଃ ସୁକୁରି ଜମ୍ବତେୟାଃ ଆୟାଃ ଲାହିଦ୍ ବିଏ ସାନାଙ୍ଗ୍ତାନ୍ ତାଇକେନାଏ ଆତଃ ଜେତାଏ ଇନିଃକେ କାକ ଏମାଇତାନ୍ ତାଇକେନା । ୧୮ ଏନ୍ତେ ଇନିଃ ପାହାମ୍ ରୁହାଡ଼କେଦ୍ଦତେ କାଜିକେଦାଏ, ପୁରାଃଗି ସାରେଜ୍ଜତାରଃ ଲେକା ଜମେୟାଃ ଆପୁଇୟାଃ ଚିମିନ୍ ନାଲାକତାଃରେ ମେନାଃ ଆତଃ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜଃତାନାଇଙ୍ଗ୍ । ୧୯ ଆଇଙ୍ଗ୍ ବିରିଦ୍‌କେଦ୍ଦତେ ଆପୁଇଙ୍ଗ୍‌ତାଃ ସେନଃଆଇଙ୍ଗ୍ ଆତଃ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିର୍ମାରେନ୍ ପାର୍ମେଶ୍ଵାର୍‌ଆଃ ଆତଃ ଆମାଃ ଆୟାର୍‌ରେ ପାପ୍‌କାଦାଃଇଙ୍ଗ୍ । ୧୯ ଆଇଙ୍ଗ୍ ଆମାଃ ହନ୍ କାଜିୟଃଲେକାନିଃ ନାହାଁଲାଇଙ୍ଗ୍, ଆମ୍ ଆମାଃ ନାଲା କାମିତାନ୍ ଦାସିକ ଲେକା ଦହିଙ୍ଗ୍‌ମେ । ୨୦ ଏନ୍ତେ ଇନିଃ ବିରିଦ୍‌ୟାନ୍ତେ ଆପୁତେତାଃ ସେନଃୟାନାଏ । ମେନ୍ଦ୍ ଇନିଃ ସାଜିନ୍‌ରେଗି ତାଇକେନ୍ ଇମ୍‌ତା ଆପୁତେ ଇନିଃକେ ନେଲ୍ଲକିଃତେ ଲିବୁଆଇକିୟାଏ, ଆତଃ ନିର୍ ଦାରମ୍‌କିୟାଏ, ଆତଃ ହାଁବୁଦ୍‌କିଃତେ ଚଅଃକିୟାଏ । ୨୧ ହନ୍ ଇନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍ ସିର୍ମାରେନ୍ ପାର୍ମେଶ୍ଵାର୍‌ଆଃ ଆତଃ ଆମାଃ ଆୟାର୍‌ରେଇଙ୍ଗ୍ ପାପ୍‌କାଦାଃ, ଆଇଙ୍ଗ୍ ଆୟାର୍‌ତେ ଆମାଃ ହନ୍ କାଜିୟଃଲେକାନିଃ ନାହାଁଲିଙ୍ଗ୍ ।’ ୨୨ ମେନ୍ଦ୍ ଆପୁ ଆୟାଃ ଦାସିକକେ କାଜିୟାଦକଆଏ, ‘ବୋଦେଗି ! ସବେନଃଏତେ ବୁଗିନ୍ ଲିଜାଃ ଅତଙ୍ଗ୍‌ୟେପେ ଆତଃ ଇନିଃକେ ତୁସିଙ୍ଗ୍‌ଇପେ ଆତଃ ଇନିୟାଃ ତିଃଇରାଃ ସାର୍‌ସାର୍‌ରେ ମୁଦାମ୍ ଆତଃ କାଟାରେ ଜୁତା ଚାଏ ଖାର୍‌ପା ତୁସିଙ୍ଗ୍‌ଇପେ । ୨୩ ଆତଃ କିରିକାନ୍ ବାଛାଃ ଆଉକେଦ୍ଦତେ ଗଜିପେ, ଆବୁ ଜମ୍‌କେଦ୍ଦତେବୁ ରାସ୍‌କାଅଃଆ । ୨୪ ନେ ହନିଙ୍ଗ୍‌କଡ଼ାଦ୍ ଗଜାକାନ୍ ତାଇକେନାଏ ଆତଃ ଜୀହୁଦ୍‌ରୁହାଡ଼ାକାନାଏ, ଇନିଃ ଆଦାକାନ୍ ତାଇକେନାଏ ଆତଃ ନାମ୍‌ରୁହାଡ଼ାକାନାଏ, ଆତଃ ଇନ୍‌କୁ ରାସ୍‌କାଅଃ ଏଟେଦ୍‌କେଦାକ ।’

୨୫ “ଆତଃ ଇନିୟାଃ ମାରାଙ୍ଗ୍ ହନ୍ ପିଡ଼ିରେ ତାଇକେନାଏ, ହିଜୁଃତାନ୍‌ଲଃ ଅଡ଼ାଃତାଃ ସେଟେର୍‌ୟାନ୍‌ତେ ଦୁରାଙ୍ଗ୍‌ତାନ୍, ସୁସୁନ୍‌ତାନ୍‌କଆଃ ସାଡ଼ି ଆୟୁମ୍‌କେଦା । ୨୬ ଏନ୍ତେ ଇନିଃ ଦାସିକଏତେ ମିଆଁଦ୍‌ନିଃକେ ଆୟାଃତାଃତେ କେଡ଼ାକେଦ୍ଦତେ ‘ନେଆଁ ତିନାଃ ହବାଅଃତାନାଃ’ ମେନ୍ତେ କୁଲ୍ଲକିୟାଏ । ୨୭ ‘ହାଗାମ୍ ତାମାଃ ହିଜୁଆକାନାଏ’ ମେନ୍‌କିୟାଏ, ‘ଆତଃ ଇନିଃ ବୁଗିନ୍ ବୁଗିନାଏ ନାମ୍‌ରୁହାଡ଼ାକାନା ମେନ୍ତେ ଆପୁମ୍ ମିଆଁଦ୍ କିରିୟାକାନ୍ ବାଛା ଗଜାକାଇୟାଏ ।’

୨୮ “ମେନ୍ଦ୍ ମାରାଙ୍ଗ୍ ହନ୍ତେକଡ଼ା ଖ୍ଵୟାନ୍‌ନାଏ ଆତଃ ଅଡ଼ାଃତେ କାଏ ବଲ୍ ସାନାଙ୍ଗ୍‌କେଦା, ଏନାତେ ଆପୁତେ ଅତଙ୍ଗ୍‌କେଦ୍ଦତେ ଇନିଃକେ ବିଡ଼ିକିୟାଏ । ୨୯ ମେନ୍ଦ୍ ଇନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ ହବାୟନା ଆଇଙ୍ଗ୍ ଆମାଃ ଦାସି ଲେକାଇଙ୍ଗ୍ କାମିତାନା ଆତଃ ଆମାଃ ଜେତାନ୍ ଆନ୍‌ରୁ ଚିଉଲାହଗି କାଇଙ୍ଗ୍ ଟଟାଃକେଦା ଆତଃ ଆମ୍ ଆଇଁୟାଃ ଗାଡିକଲଃ ରାସ୍‌କାଃ ନାଗେନ୍ତେ ଚିଉଲାହ ମିଆଁଦ୍ ମେରମ୍ ହନ୍‌ହଁ କାମ୍ ଏମାକାଦିଇୟାଃ । ୩୦ ମେନ୍ଦ୍ ଆମାଃ ନେ ହନ୍ ବେଶ୍ଵାକଲଃ ଆମାଃ ସବେନ୍ ମେନାଃତେୟାଃ ଜମ୍‌ଗାବାକେଦାଏ, ଆତଃ ନାହାଁଃ ଅଡ଼ାଃତେ ହିଜୁଃକାନ୍ ଇମ୍‌ତା ଆମ୍ ଇନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଗଏଃକିୟାମ୍ ।’ ୩୧ ମେନ୍ଦ୍ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଆଇଙ୍ଗ୍‌ଲଃ ତାଇନଃତାନାମ୍ ଆତଃ ଆଇଁୟାଃ ସବେନାଃ ଆମାଃଗି ତାନାଃ । ୩୨ ମେନ୍ଦ୍ ରାସ୍‌କାଅଃ ଆତଃ ସୁକୁଅଃଲାଗାଡିଙ୍ଗ୍ ତାଇକେନା ଚିୟାଃଗି ନେ ହାଗାମ୍‌ଦ୍ ଗଜାକାନାଏ ତାଇକେନା ଆତଃ ଜୀହୁଦ୍‌ରୁହାଡ଼ାକାନାଏ; ଇନିଃ ଆଦାକାନାଏ ତାଇକେନା ଆତଃ ନାମ୍‌ରୁହାଡ଼ାକାନାଏ ।’ ”



ଲଗତାନ୍ ଭାଣ୍ଡାରି

୯ ଯାଶୁ ଆୟାଃ ତେଲକକେ କାଜିୟାଦକଆଏ, “ମିଆଁଦ୍ କିସାଣ୍ ହଡ଼ଆଃ ଭାଣ୍ଡାରି ତାଜକେନାଏ, ଜନିଃ ମେନାଃତେୟାଃକ ଛିତିବିତି ତାନାଏ ମେନ୍ତେ କିସାଣାଃ ଆୟାର୍ରେ ଭାଣ୍ଡାରିକ ଚିଚାକିୟାଃକ । ୨ ଏନ୍ତେ କିସାଣ୍ ଜନିଃକେ ହାକାଅତାନ୍ଲଃ କାଜିକିୟାଏ, ‘ଆମାଃ ବିଷାଏରେ ଚିନାଃଜଙ୍ଗ୍ ଆୟୁମ୍ତାନା ? ଆମାଃ ଭାଣ୍ଡାରି କାମିରାଃ ହିସାବ୍ ଏମାଜଙ୍ଗ୍ମେ, ଆମ୍ ଆୟାର୍ରେତେ ଭାଣ୍ଡାରି କାମ୍ ତାଜନ୍ଦାଡ଼ିୟାଃ । ୩ ଏନ୍ ଭାଣ୍ଡାରି ଚିନାଃଜଙ୍ଗ୍ ଚିକାୟା ମେନ୍ତେ ଆୟାଃ ମନ୍ରେୟାଏ ଉଡୁଃକେଦାଃ, ଗମ୍କେତାଜଙ୍ଗ୍ଦ ଭାଣ୍ଡାରି କାମି ରେଜିଙ୍ଗ୍ତାନାଏ । ଉରକେଦତେ କାମିଲେକା ଆଇଁୟାଃ ପେଡ଼େଃ ବାନଃଆ, ଆତଃ କଏତେଜଙ୍ଗ୍ ଗିହୁଃତାନା । ୪ ଭାଣ୍ଡାରିକାମିଏତେଜଙ୍ଗ୍ ଅତଙ୍ଗ୍ଏନ୍ରେଦ ହଡ଼କ ଆକଆଃ ଅଡ଼ାଃରେକ ଦହିକା ମେନ୍ତେ ଚିନାଃଜଙ୍ଗ୍ ଚିକାୟା ଏନାଜଙ୍ଗ୍ ସାରିୟାଃ ।’

୫ “ଏନ୍ତେ ଜନିଃ ଆୟାଃ ଗମ୍କେୟାଃ ରିଣୀସାବାକାଦକଏତେ ମିମିଆଦକକେ କେଡ଼ାକେଦକଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇଁୟାଃ ଗମ୍କେୟାଃ ଚିମିନାଙ୍ଗ୍ ରିଣୀମ୍ ଜଦିକାଦା ?’ ୬ ଜନିଃ କାଜିକିୟାଏ ‘ମଣେଁହିସି ଚିନ୍ ସୁନୁମ୍ ।’ ଏନ୍ତେ ଜନିଃ, ‘ମାର୍ ଆମାଃ ବହି ଆଉଝେମେ ଆତଃ ଦୁବ୍ଧାବ୍କେଦତେ ବାର୍ହିସି ଗେଲେୟା ଅଲେମେ’ ମେନ୍ଦକିୟାଏ । ୭ ଏନ୍ତେ ଏଟାଃନିଃକେ କାଜିକିୟାଏ, ‘ଆମ୍ ଚିମିନାଙ୍ଗ୍ ରିଣୀମ୍ ଜଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍ଦୁହାଡ଼କିୟାଏ । ଜନିଃ କାଜିକିୟାଏ, ‘ଆମାଃ ବହି ଆଉଝେମେ ଆତଃ ଜରାଲିୟା\* ଶାଅ ବାସ୍ତା ଅଲ୍ଡାମେ ।’

୮ “ଏନ୍ତେ ଜନିଃ ସେଣାଁତେୟାଏ କାମିୟାକାଦା ମେନ୍ତେ ଜନିୟାଃ ଗମକେ ଏନ୍ କା ଧାର୍ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡ଼କଦ ଆକଆଃ ଦିପିଲିରେନ୍ ହଡ଼କଆଃ ନାଗେନ୍ତେ ମାର୍ସାଲ୍ରେନ୍ ହନ୍ଦକଆଃଏତେ ଆଦକାକ ସେଣାଁନାଃ ।”

୯ ଆଇଙ୍ଗ୍ ଆପେକେ କାଜିୟାପେ ତାନାଜଙ୍ଗ୍, ଆପେ ସାଂସାର୍ରେୟାଃ କା ଧାର୍ମାନ୍ ଖୁଜ୍ ଚେଠାଁ ଗାତିକ ବାଜକପେ, ଏନ୍ତେ ଏନା ଟୁଣ୍ଡୁଃ ଜମ୍ତାଙ୍ଗ୍ ଜନ୍କୁ ଜାନାଅ ଜାନାଅ ତାଜନଃ ଠାୟାଦ୍ରେକ ଦହପେୟା । ୧୦ ସବେନାଃଏତେ ହୁଡ଼ିଙ୍ଗ୍ଆଁରେ ପାତିୟାର୍ରେଃ ଲେକାନ୍ନିଃ ପୁରାଃ ବିଷାଏରେହଗି ପାତିୟାର୍ରେଃ ଲେକାନ୍ନିଃ ତାନିଃ ଆତଃ ସବେନାଃଏତେ ହୁଡ଼ିଙ୍ଗ୍ଆଁରେ କା ପାତିୟାର୍ରେଃ ଲେକାନ୍ନିଃ ପୁରାଃ ବିଷାଏରେହଗି କା ପାତିୟାର୍ରେଃ ଲେକାନ୍ନିଃ ତାନିଃ । ୧୧ ଏନାମେନ୍ତେ ଆପେ ସାଂସାର୍ରେୟାଃ ଖୁଜ୍ରେ କା ପାତିୟାର୍ରେଃ ଲେକାପେ ତାଜନଃରେଦ, ସାର୍ଡ଼ିତେୟାଃ ଅକଏ ଏମାପେୟାଏ ? ୧୨ ଆତଃ ଆପେ ଏଟାଃନିୟାଃ ବିଷାଏରେ ପାତିୟାର୍ରେଃ ଲେକା କାପେ ତାଜନ୍ରେଦ ଆପେକେ ଅକଏ ଆପେୟାଃତେୟାଃକେ ଏମାପେୟାଏ ।

୧୩\* “ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟାଃଆ, ଚିୟାଃତି ଜନିଃ ମିହୁଡ଼କେ ହିଲାଙ୍ଗ୍ଜୟାଏ ଆତଃ ଏଟାଃ ମିହୁଡ଼କେ ଦୁଲାଡ଼ିୟାଏ, ଚାଏ ମିଆଁଦ୍ନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍ମେଶ୍ୱାର୍ ଆତଃ ଖୁଜ୍ ବାରାନାଃରେ କାପେ ଦାସିଦାଡ଼ିନା ।”

ଆନ୍ତୁରେୟାଃ ପେଡ଼େଃ  
(ମାଥୁଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

\* ୧୭:୭ ୧୭:୭ ଆଠ † ୧୭:୯ ୧୭:୯ ଖୁଜ୍ରେ ଧାନ୍ / ଖୁଜ୍ ✧ ୧୭:୧୩ ୧୭:୧୩ ମାଥୁଉ ୭:୨୪.

୧୪ ଟାକା ପାଏସାରାଃ ହାୟାତାନ ଫାରୁଶୀକ ନେ ସବେନ୍ କାଜି ଆୟୁମ୍‌କେଦ୍‌ତେ, ଇନିଃକେକ ହିଲାଙ୍‌କିୟା । ୧୫ ଇନିଃ ଇନ୍‌କୁକେ କାଜିୟାଦ୍‌କଥାଏ, “ଆପେଦ ହଡ଼କଥାଃ ଆୟାର୍‌ରେ ଧାର୍‌ମାନ୍‌ପେ ଉଦୁବଃତାନା, ମେନ୍‌ଦ ପାର୍‌ମେଶ୍ୱାର୍ ଆପେୟାଃ ମନ୍ ସାରିୟାଏ । ହଡ଼କଥାଃ ଆଲାରେ ମାରାଙ୍‌ଅଃଦ ପାର୍‌ମେଶ୍ୱାର୍‌ଆଃ ସାନ୍‌ମାଙ୍‌ରେ ହିଲାଙ୍‌ଅଃଲେକା ।

୧୬ \* “ମୁଣାରାଃ ଆନ୍‌ତୁ ଆତଃ ନାବୀକ ବାପ୍ତିସ୍ତା ଏମଃନିଃ ଯୋହାନ୍ ଜାକେଦ୍‌କ ତାଇକେନା, ଇମ୍‌ତାଙ୍‌ଏତେ ପାର୍‌ମେଶ୍ୱାର୍‌ଆଃ ସିର୍ମା ରାଇଜ୍‌ରେୟାଃ ସୁକୁକାଜି ଉଦୁବଃତାନା ଆତଃ ସବେନ୍‌କ ପେଡ଼େଃଲଃ ଏନାରେ ବଲଃତାନାକ । ୧୭ \* ସିର୍ମା ଆତଃ ଅତେ ଜିୟନଃଆ ମେନ୍‌ଦ ମୁଣା ନାବୀଆଃ ଆନ୍‌ତୁରେୟାଃ ମିଆଁଦ୍ ଅନଲ୍ ହଗି କା ଜିୟନଃଆ ।

୧୮ \* “ଜେତାଏ ହଡ଼ ଆୟାଃ କୁଡ଼ିକେ ବାଗିକେଦ୍‌ତେ ଏଟାଃନିଃଲଃ ଆଣ୍‌ଦିନ୍‌ରେଦ ଇନିଃ ଆପାଙ୍‌ଗିର୍‌ନିଃ ତାନିଃ ଆତଃ କଡ଼ାତେ ବାଗିୟାକାନ୍ କୁଡ଼ିକେ ଜେତାଏ ଆଣ୍‌ଦିୟାଃରେଦ ଇନିଃ ଆପାଙ୍‌ଗିର୍‌ନିଃ ତାନିଃ ।

କିର୍ସାଣ୍ ହଡ଼ ଆତଃ ଲାଜାର୍

୧୯ “ମିଆଁଦ୍ କିର୍ସାଣ୍ ହଡ଼ ତାଇକେନାଏ, ଇନିଃ ବାଇଗିନିଆ ଲିଜାଃ ଆତଃ ବୁଗିନ୍ ସୁଗାଡ୍ ଲିଜାଃ ତୁସିଙ୍‌ଅଃତାନ୍ ଆତଃ ସବେନ୍ ହୁଲାଙ୍ ପୁରାଃ ରାସବାସରେୟାଏ ତାଇକେନା । ୨୦ ମେନ୍‌ଦ ଲାଜାର୍ ନୁତୁମ୍ ମିଆଁଦ୍ କର୍‌ହଡ଼ ଘାଅତେ ପେରେଜାକାନ୍ ତାଇକେନାଏ, ଇନିଃକେ କିର୍ସାଣ୍ ହଡ଼ରାଃ ଅଡ଼ାଃ ବଲଦୁଆର୍‌ତାଃରେ ବାଗିତୁକାକାନାଏ ତାଇକେନା । ୨୧ ନେ କିର୍ସାଣ୍ ହଡ଼ଆଃ ମେଜ୍‌ଏତେ ଉୟୁଗଃତାନ୍ କେଟାଃତେୟାଃଲଃ ଆୟାଃ ଲାହିଦ୍ ବିଏ ସାନାଙ୍‌ତାନାଏ ତାଇକେନା, ସେତାକହ ହିଜୁଃଲେନ୍ତେ ଇନିୟାଃ ଘାଅ ଜାଲ୍‌ଇତାନ୍‌କ ତାଇକେନା ।

୨୨ “ଏନ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆତଃ ଦୁଁଡ଼କ ଆବ୍ରାହାମ୍‌ଆଃ କୟଙ୍‌ରେକ ତେବାଃକିୟା, ଆତଃ ଏନ୍ କିର୍ସାଣ୍ ହଡ଼ହଗି ଗଏଃୟାନାଏ ଆତଃ ତପାକିୟାଃକ । ୨୩ ଇନିଃ ପାତାଲ୍‌ରେ ଦୁକୁସାହାତିଙ୍‌ତାନ୍ ଇମ୍‌ତା ଆରିଦ୍‌ରାକାବ୍‌କେଦାଏ ଆତଃ ସାଙ୍‌ଗିନ୍‌ରେ ଆବ୍ରାହାମ୍ ଆତଃ ଆୟାଃ କୟଙ୍‌ରେ ଲାଜାର୍‌କେ ନେଲ୍‌କିୟାଏ । ୨୪ ଏନ୍ତେ ଇନିଃ ହାକାଅକିଃତେ କାଜିକିୟାଏ, ‘ହେ ଆବା, ଆବ୍ରାହାମ୍ ଲିବୁଆଇଙ୍‌ମେଁ ଆତଃ ଲାଜାର୍‌କେ କୁଲ୍‌ତାଇମ୍ ଇନିଃ ଆୟାଃ ସାର୍‌ସାର୍‌ରାଃ ରୁଟି ଦାଆଃରେ ତୁପୁକେଦ୍‌ତେ ଆଲାଙ୍‌ତାଇୟାଃକେ ତୁଡ଼କେନେକାଏଟି, ଆଇଙ୍‌ଦ୍ ନେ ସେଙ୍ଗେଲ୍‌ରେ କାଲ୍‌ପାଅଃତାନାଇଙ୍ ।’ ୨୫ ମେନ୍‌ଦ ଆବ୍ରାହାମ୍ କାଜିକିୟାଏ, ‘ଏ ହନ୍, ନେଆଁ ଉଡ଼ୁଇମେ, ଆମ୍‌ଦ ଜାନିଦ୍ ତାଇକେନ୍ ଇମ୍‌ତା ଆମାଃ ବୁଗିନାଃମ୍ ନାମ୍‌ଗାବାକେଦାଃ ଆତଃ ଏନ୍ ଲେକାଗି ଲାଜାର୍ ପୁରାଃ ଦୁକୁ ନାମ୍‌କେଦାଏ, ମେନ୍‌ଦ ନାହାଁଃ ଇନିଃ ନେତାଃରେ ଜୀଉରାଡ଼େଃ ନାମେତାନାଏ ଆତଃ ଆମ୍ କାଲ୍‌ପାଅଃତାନାମେ । ୨୬ ଆତଃ ନେଆଁଏତେ ଆଦକା ମାରାଙ୍ ହୁଞ୍ଜାଙ୍ ଆଲେ ଆତଃ ଆପେ ଆଲାରେ ମେନାଃ, ନେତାଃଏତେ ହାନ୍‌ପାରମ୍ ଆପେତାଃ ଜେତାଏ କାକ ସେନ୍‌ଦାଡ଼ିୟା ଆତଃ ହାନ୍‌ପାରମ୍‌ରେନ୍‌କ ନେ ପାରମ୍ ଆଲେତାଃ କାକ ହିଜୁଃଦାଡ଼ିୟାଃ ।’ ୨୭ ଇନିଃ କାଜିକିୟାଏ, ‘ତାବ୍‌ଦ ହେ ଆବା, ଲାଜାର୍‌କେ ଆପୁଇୟାଃ ଅଡ଼ାଃତେ କୁଲ୍‌ତାଇମ୍, ମେନ୍ତେଇଙ୍ ବିନ୍ତିମେ ତାନା । ୨୮ ଚିୟାଃଟି ଆଇୟାଃଦ ମଣେୟାଁ ହାଗାଇଙ୍‌କ ମେନାକଆ, ଇନିଃ ଇନ୍‌କୁତାଃ

\* ୧୭:୧୭ ୧୭:୧୭ ମାଥ୍‌ଉ ୧୧:୧୨,୧୩.    \* ୧୭:୧୭ ୧୭:୧୭ ମାଥ୍‌ଉ ୫:୧୮.    \* ୧୭:୧୮ ୧୭:୧୮ ମାଥ୍‌ଉ ୫:୩୨; ୧ କରିନ୍ଥ୍‌ୟ ୭:୧୦,୧୧.    † ୧୭:୨୩ 16:23 ଗନ୍‌ଏଃରାଃ ଦିଶ୍‌ମ୍    § ୧୭:୨୪ ୧୭:୨୪ ତୁଡ଼କେନେକାଏ ଆଣ୍‌ଏକାଏ



ପାର୍ବତୀରେକାଏ, ଆତଃ ଚେତାଅକକାଏ, କା'ରେଦ ଇନ୍‌କୁହଗି ନେ ଦୁକୁ  
ଠାୟାଦ୍‌ତେକ ସେଚେରାଃ ।’

୨୯ “ଆବ୍ରାହାମ୍ କାଜିକିୟାଏ, ‘ମୁଗା ଆତଃ ନାବୀକଆଃ ପୁଅ ଇନ୍‌କୁତାଃରେୟାଃ;  
ଆମାଃ ହାଗାକ ଇନ୍‌କୁଆଃ କାଜିକ ଆୟୁମେକା ।’ ୩୦ ଇନିଃ କାଜିକିୟାଏ, ‘ହେ  
ଆବା ଆବ୍ରାହାମ୍, ବାନଃଗି ! ମେନ୍‌ଦ ଗଜାକାନକଏତେ ଜେତାଏ ଇନ୍‌କୁତାଃତେ  
ସେନଃରେଦ ଇନ୍‌କୁ ହେୟାତିକ୍‌କୋଆକ ଆତଃ ପାପ୍‌ହେତେ ମନ୍‌ରୁହାଡ଼େୟାକ ।’  
୩୧ ମେନ୍‌ଦ ଇନିଃ କାଜିକିୟାଏ, ‘ଇନ୍‌କୁ ମୁଗା ଆତଃ ନାବୀକଆଃ କାଜି କାକ  
ମାନାତିକ୍‌ରେଦ, ଗଜାକାନକଏତେ ଜେତାଏ ଜୀଉବିରିଦଃରେୟ କାକ ମାନାତିୟାଃ  
।’”

### ୧୭

ପାପ୍

(ମାଥୁର ୧୮:୭-୭, ୨୧-୨୨; ମାର୍କ ୯:୪୨)

୧ ଯୀଶୁ ଆୟାଃ ଚେଲକକେ କାଜିୟାଦକଆଏ, “ଅକ ବିନିଡ଼ାଅ ହରାତେ ହଡ଼  
ପାପ୍‌ରେ ଉୟୁଗଃଆ, ଏନ୍ ସବେନାଃ ଜାରୁଡ଼ଗି ହିକ୍‌କ୍‌ଆ, ମେନ୍‌ଦ ଅକଏୟାଃ  
ହାରାତେ ନେୟା ହବାଅଃଆ, ଇନିୟାଃ ଟୁଣ୍ଡୁ ଦାସା ଚିମିନ୍ ବରଝାନ୍‌ଗି ହବାଅଃଆ  
। ୨ ଜେତାଏ ନେ ହୁଡ଼ିକ୍‌କଏତେ ମିଆଁଦନିଃକେ ପାପ୍‌ରେ ଉୟୁଃ ରିକାକଏତେଦ,  
ଇନିଃ ଆଇଃଗି ହଟଃରେ ଜାନ୍ତାଦିରି ହାକାକେଦ୍‌ତେ ଦରେୟାରେ ହୁଦ୍‌ମାଅଃତେୟାଃ  
ଆୟାଃ ନାଗେନ୍ତେ ବୁଗିନ୍ ହବାଅଃତେୟାଃ । ୩ \*ଏନାତେ ଆପେ ଚିର୍ଗାଲ୍‌କାନପେ,  
ହାଗାମ୍ ତାମାଃ ପାପ୍‌ଏରେଦ ଇନିଃକେ ଏଗେରକେଦ୍‌ତେ ଚେତାକମେଁ, ଆତଃ  
ଇନିଃ ହେୟାତିକ୍‌ରେଦଃ ଛାମାକମେଁ । ୪ ଇନିଃ ସିକ୍‌ସାଟୁଦ୍‌ରେ ସାଡ଼ଧାଅଁ  
ଆମାଃ ବିରୁଧ୍‌ରେ ପାପ୍‌ପେରେଦ, ଆତଃ ସିକ୍‌ସାଟୁଦ୍‌ରେ ସାଡ଼ଧାଅଁ ଆମାଃତାଃତେ  
ରୁହାଡ଼ୟାନ୍ତେ ଆଇକ୍‌ ହେୟାତିକ୍‌ତାନାକକ୍‌ ମେନ୍‌ରେଦ ଇନିଃକେ ଛାମାକ  
ଲାଗାତିକ୍‌ୟାଃ ।”

ବିଶ୍ୱାସ୍

୫ ଆତଃ ପ୍ରେରିଡ଼କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍ ଆଦକାଏମେ ।”  
୬ ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍ ମିଆଁଦ୍ ମାନିଜାକ୍‌ଲେକା  
ମେନାଃରେଦ, ଆମ୍ ତୁଦଃମେଁ ଆତଃ ଦରେୟାରେ ରୟଃମେ ମେନ୍ତେ ନେ  
ହୁଁଡ଼ଦାରୁକେ କାଜିରେ, ଏନା ଆପେୟାଃ ଆନ୍‌ରୁକେ ମାନାତିୟାଃଏ ।

ମିଆଁଦ୍ ଦାସିଆଃ କାମି

୭ “ଆପେକଏତେ ଜେତାଏୟାଃ ମିଆଁଦ୍ ସିହୁଃ ଚାଏ ଗୁପି ଦାସି ମେନାକରେଦ,  
ଇନିଃ ପିଡ଼ିଏତେ ହିକ୍‌କ୍‌ଲଃଗି, ଅକଏ ମାର୍ ଜଜମ୍ ଦୁବ୍‌ମେଁ ମେତାକୟାଏ ?  
୮ ମେନ୍‌ଦ ଇନିଃ ‘ଆଇୟାଃ ଜମେୟାଃ ବାକୟେମେଁ, ଆତଃ ପାଟେକେଦ୍‌ତେ  
ଆଇକ୍‌ ଆଉରିକ୍‌ ଜମେ ନୁଁଏ ଜାକେଦ୍ ସୁସାରିକ୍‌ମେ ଆତଃ ଏନ୍ ତାୟମ୍‌ତେ  
ଆମ୍ ଜମ୍‌ନୁଁଏମେ’ ମେତାକୟାଏ । ୯ ଚିୟାଃ ଇନିଃ ଏନ୍ ଦାସିକେ ଆରୁକାନ୍  
କାମିକ କାମିକେଦାଏ ମେନ୍ତେ ଧାନଧାବାଦ୍ ଏମାଃଏ ? ୧୦ ନେ’ଲେକାତେ ଆପେୟ  
ସବେନ୍ ଆରୁଆକାନ୍ କାମିକ ଚାବାକେଦ୍‌ତେ, ଆବୁ ପାତିୟାଭରଃ ଲେକାନ୍ ଦାସିକ  
ନାହାଁଲାବୁ, ଆବୁଆଃ ଲାଗାତିକ୍‌ କାମିକରୁ କାମିକେଦାଃ ମେନ୍ତେ କାଜିପେ ।”

ୟୀଶୁ ଗେଲ୍ ନାଗେଘାଅତାନ୍‌କକେ ବୁଗିକତାନାଏ

\* ୧୭:୩ ୧୭:୩ ମାଥୁର ୧୮:୧୫.

୧୧ ଯୀଶୁ ଯୀରୁଶାଲେମ୍‌ରେ ସେନାତାନ୍ ଇମ୍‌ତା, ଶମିରୋନ୍ ଆଡ଼ଃ ଗାଲିଲ୍ ଦିଶୁମ୍ ଥାଲା ଥାଲାତେ ସେନାତାନାଏ ତାଇକେନା । ୧୨ ଇନିଃ ମିଆଁଦ୍ ହାତୁତେ ବଲତାନ୍ ଇମ୍‌ତା ଗେଲ୍ ନାଗେଘାଅତାନ୍ ହଡ଼କ ସାଜିନ୍‌ରେକ ତିଙ୍ଗ୍‌ୟାନ୍ତେ ଇନିଃକେ ଦାରମ୍‌କିୟାଃକ । ୧୩ ଆଡ଼ଃ ଇନ୍‌କୁ “ହେ ଯୀଶୁ ଦାୟାଲେମ୍‌ଠେ” ମେନ୍ତେକ କାଉରିକେଦାଃ ।

୧୪ ଇନିଃ ଇନ୍‌କୁକେ ନେଲ୍‌କେଦ୍‌ତେ ମେତାଦ୍‌କଥାଏ, “ସେନାତେ ଆଡ଼ଃ ଯାଜାକ୍‌କତାଃ ଉଦୁବେନ୍‌ପେ ।” ଆଡ଼ଃ ଇନ୍‌କୁ ସେନାତାନ୍‌ଲଃକ ଫାରିତିୟାନା । ୧୫ ଇନ୍‌କୁଏତେ ମିଆଁଦ୍‌ନିଃ ଆଇଙ୍ଗ୍ ବୁଗିକାନାଇଙ୍ଗ୍ ମେନ୍ତେ ନେଲ୍‌ୟାନ୍‌ତି କାଉରିକେଦ୍‌ତେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ତାନ୍‌ଲଃ ହିଜୁଃରୁହାଡ଼୍‌ୟାନା । ୧୬ ଆଡ଼ଃ ଯୀଶୁଆଃ କାଟାସୁବାରେ ଅମ୍‌ନାଃକେଦ୍‌ତେ ଇନିଃକେ ଧାନାବାଦ୍ ଏମ୍‌କିୟାଏ, ଆଡ଼ଃ ଇନିଃଦ୍ ଶମିରୋନିରେନ୍ ତାଇକେନାଏ । ୧୭ ଯୀଶୁ କୁଲିକେଦ୍‌କଥାଏ, “ତିୟାଃ ସବେନ୍ ଗେଲ୍ ହଡ଼କ କାକତି ଫାରିତିୟାନା ? ଏଟାଃ ନାଅଝାନ୍‌କ କତାଃରେକଆଃ ? ୧୮ ତିୟାଃ ନେ ଏଟାଃ ଦିଶୁମ୍‌ରେନ୍ ନିଃକେ ବାଗିକିଃତେ ପାର୍‌ମେଶ୍‌ବାର୍‌କେ ଧାନାବାଦ୍ ଏମ୍ ନାଗେନ୍ତେ ଆଡ଼ଃ ଜେତାଏ କାକ ରୁହାଡ଼୍‌ୟାନା ?” ୧୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସେନାତେ ବିଶ୍ୱାସ୍‌ତାମାଃ ବୁଗିକାଦ୍‌ମେୟାଏ ।”

ପାର୍‌ମେଶ୍‌ବାର୍‌ଆଃ ରାଇଜ୍ ହିଜୁଃତାନା  
(ମାଥ୍‌ଉ ୨୪:୨୩-୨୮, ୩୭-୪୧)

୨୦ ମିସା, ତିମ୍‌ନାଙ୍ଗ୍ ଫାରୁଗୀକ ପାର୍‌ମେଶ୍‌ବାର୍‌ଆଃ ରାଇଜ୍ ତିଉଲା ହିଜୁଃଆ ମେନ୍ତେ କୁଲିକିୟାଃକ, ଯୀଶୁ ମେନ୍‌ରୁହାଡ଼ାଦ୍‌କଥାଏ, “ପାର୍‌ମେଶ୍‌ବାର୍‌ଆଃ ରାଇଜ୍ ଆପେୟାଃ ନେନେଲ୍‌ରେ କା ହିଜୁଃଆ, ୨୧ ଆଡ଼ଃ ହଡ଼କ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ତିୟାଃତି ପାର୍‌ମେଶ୍‌ବାର୍‌ଆଃ ରାଇଜ୍ ଆପେ ଥାଲାରେଗିୟା ।”

୨୨ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଥାଏ, “ଏନ୍ ନେତା ହିଜୁଃତାନା, ଆପେକେ ମାନଝାହନ୍‌ଆଃ ମିପିୟାଦ୍ ହୁଲାଙ୍ଗ୍‌ଏତେ ମିଆଁଦ୍ ହୁଲାଙ୍ଗ୍ ନେନେଲ୍ ସାନାଙ୍ଗ୍‌ପେୟା, ମେନ୍‌ଦ୍ କାପେ ନେଲେୟା । ୨୩ ହଡ଼କ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେନ୍ତାଃରିୟା,’ ମେନ୍‌ଦ୍ ଆଲ୍‌ପେ ସେନାଃ । ୨୪ ଜୁଲ୍‌ତାନ୍‌ହିଚିର୍‌ଦ୍ ସିର୍‌ମାଲାତାର୍ ନେ’ସାଃଏତେ ଏଟାଃସାଃ ଜାକେଦ୍ ସିର୍‌ମାକେ ମାୟାଲେୟାଏ, ଏନ୍ ଲେକାଗି ମାନଝାହନ୍‌ଆଃ ହିନିଜୁଃ ହବାଅଆଃ । ୨୫ ମେନ୍‌ଦ୍ ସିଦାତେ ଇନିଃକେ ପୁରାଃଗି ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆଡ଼ଃ ନେ ଦିପିଲିରେନ୍ ହଡ଼କ ଇନିଃକେକ ହିଲାଙ୍ଗ୍‌ଇଆ । ୨୬ ଆଡ଼ଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନଝାହନ୍‌ଆଃ ହୁଲାଙ୍ଗ୍‌ରେହଚି ଏନ୍‌ଲେକା ହବାଅଆଃ । ୨୭ ନୁହୁଁ ଲାଉକାରେ ଦେଏୟାନ୍ ହୁଲାଙ୍ଗ୍ ଜାକେଦ୍ ଇନ୍‌କୁ ଜମ୍ ନୁଁତାନ୍ ଆଣ୍‌ଦି ଆଡ଼ଃ ଆଣ୍‌ଦିଏମାତାନ୍‌କ ତାଇକେନା, ଇମ୍‌ତାଗି ଚୁତା ହିଜୁଃୟାନ୍ତେ ସବେନ୍‌କକେ ଜିୟନ୍‌କେଦ୍‌କଥାଏ । ୨୮ ଲୁଟ୍‌ଆଃ ହୁଲାଙ୍ଗ୍‌ରେହ ଏନ୍‌କାୟାନା, ଇନ୍‌କୁ ଜମ୍ ନୁଁତାନ୍, କିରିଙ୍ଗ୍ ଆଖିରିଙ୍ଗ୍‌ତାନ୍, ରଏତାନ୍ ଆଡ଼ଃ ଅଡ଼ାଃ ବାଇତାନ୍‌କ ତାଇକେନା । ୨୯ ମେନ୍‌ଦ୍ ଲୁଟ୍ ସୋଦମ୍ ଏତେ ଅଡ଼ଙ୍ଗ୍‌ୟାନ୍ ଇମ୍‌ତା ସିର୍‌ମାଏତେ ସେଙ୍ଗେଲ୍ ଆଡ଼ଃ ଗାନ୍‌କା ଗାମାକେଦାଏ ଆଡ଼ଃ ଏନ୍ ସବେନ୍‌କକେ ଜିୟନ୍ କେଦ୍‌କଥାଏ । ୩୦ ଏନ୍ ଲେକାଗି ମାନଝାହନ୍‌ଆଃ ଉଦୁବଃ ହୁଲାଙ୍ଗ୍‌ରେ ହବାଅଆଃ ।

୩୧ ☆“ଏନ୍ ହୁଲାଙ୍ଗ୍‌ରେ ଜେତାଏ ସାଡ଼୍‌ମିରେ ତାଇନାଃରେଦ୍ ଆଡ଼ଃ ଇନିୟାଃ ମେନାଃତେୟାଃକ ଅଡ଼ାଃରେ ତାଇନ୍‌ରେଦ୍, ଏନା ଇଦିନାଗେନ୍ତେ ଆଲକାଏ

☆ ୧୭:୩୧ ୧୭:୩୧ ମାଥ୍‌ଉ ୨୪:୧୭,୧୮; ମାର୍କ ୧୩:୧୫,୧୬.

ଆଡ଼ଗୁନକା, ଆଡ଼ ଏନ୍‌ଲୋକାଗି ପିଡ଼ିଲୟଙ୍ଗରେ ତାଇନ୍‌ନିଃ ଦୟାତେ ଆଲକାଏ ରୁହାଡ଼କା । ୩୨ ଲୁଟ୍ କୁଡ଼ିତେକେ ପାହାମିପେ । ୩୩ \*ଜେତାଏ ଆୟାଃ ଜୀଉ ବାଞ୍ଛାଅ ନାଙ୍ଗ୍ ସାନାଙ୍ଗ୍‌ରେଦ ଏନା ଆଦେୟାଏ, ଆଡ଼ ଜେତାଏ ଏନା ଆଦେରେଦ ଏନାଏ ବାଞ୍ଛାଅୟା । ୩୪ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଏନ୍ ନିଦାରେ ବାରହଡ଼୍ ମିଆଁଦ୍ ପାରକମ୍‌ରେକିନ୍ ଗିଡ଼ିଃକାନରେଦ ମିହୁଡ଼କେ ଇଦିୟଃଆ ଆଡ଼ ମିହୁଡ଼କେ ବାଗିଅଃଆ । ୩୫ ବାରିଆ କୁଡ଼ିକିନ୍ ମିଦ୍‌ତେ ଜନ୍ତାଦିରିରେକିନ୍ ରିଦକାତେରେଦ ମିଆଁଦ୍‌ନିଃକେ ଇଦିୟଃଆ ଆଡ଼ ଏଟାଃନିଃକେ ବାଗିଅଃଆ । ୩୬ ବାରହଡ଼୍ ଅତେରେକିନ୍ ତାଇନ୍‌ରେଦ ମିଆଁଦ୍‌ନିଃକେ ଇଦିୟଃଆ ଆଡ଼ ଏଟାଃନିଃକେ ବାଗିଅଃଆ ।”\*

୩୭ ଇନ୍‌କୁ କୁଲିକିୟାଃକ, “ହେ ପ୍ରାଭୁ କତାଃରେ ନେ ସବେନାଃ ହବାଅଆଃ ?” ଆଡ଼ ଇନିଃ “ଅକ୍‌ତାଃରେ ମାଁଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟଃଆଃ” ମେନ୍‌ରୁହାଡ଼ାଦକଆଏ ।

## ୧୮

ରାଣ୍ଡିକୁଡ଼ି ଆଡ଼ ବିଚାର୍‌ନିୟାଃ ଜନ୍‌କା କାଜି

୧ ଜାନାଅ ବିନ୍ତି ଆଡ଼ ଭାର୍‌ସା କା ହୁଡ଼ିଙ୍ଗ୍ ଲାଗାତିଙ୍ଗ୍‌ୟାଃ ମେନ୍ତେ ଯାଶୁ ଆୟାଃ ତେଲକକେ ମିଆଁଦ୍ ଜନ୍‌କା କାଜି ଉଦୁବାଦକଆଏ । ୨ “ଜେତାଏ ସାହାରରେ ମିଆଁଦ୍ ବିଚାର୍‌ନିଃ ତାଇକେନାଏ, ଇନିଃ ପାର୍‌ମେଶ୍ୱାରକେ କାଏ ବରଆଇ ତାଇକେନା ଚି ହଡ଼କକେ କାଏ ମାନାତିଙ୍ଗ୍‌କ ତାଇକେନା । ୩ ଆଡ଼ ଏନ୍ ସାହାରରେ ମିଆଁଦ୍ ରାଣ୍ଡିକୁଡ଼ି ତାଇକେନାଏ, ଇନିଃ ଏନ୍ ବିଚାର୍‌ନିଃତାଃ ମଣେଁସା ହିଜୁଃୟାନ୍ତେ, ‘ଆଇଁୟାଃ ବାଇରିକତାଃ ଏତେ ଆଇଙ୍ଗ୍‌କେ ନ୍ୟାୟ ଏମାଇଙ୍ଗ୍‌ମେ’ ମେନ୍ତେ ବିନ୍ତିକିୟାଏ । ୪ ଇନିଃ ଚିମିନ୍‌ଦିନ୍ କାଏ ମାନାତିଙ୍ଗ୍‌କେଦାଃ, ମେନ୍‌ଦ ତାୟମ୍‌ତେ, ଆଇଙ୍ଗ୍ ଦ ‘ପାର୍‌ମେଶ୍ୱାରକେ କାଇଙ୍ଗ୍ ବରଆଇତାନା ଚି ହଡ଼କକେ କାଇଙ୍ଗ୍ ମାନାତିଙ୍ଗ୍‌କତାନା’ ୫ ଏନ୍‌ରେୟ ନେ ରାଣ୍ଡିକୁଡ଼ି ବିଡ଼ଲାଇଙ୍ଗ୍ ତାନାଏ, ଏନାତେ ଆଇଙ୍ଗ୍ ଇନିୟାଃ ତେତାନରେ ହବାକାନ୍ କା ଲାଗାତିଙ୍ଗ୍ କାମି ନାଙ୍ଗ୍ ନ୍ୟାୟ ରିକାଏୟାଇଙ୍ଗ୍ ଆଡ଼ ଆଇଙ୍ଗ୍ ଇନିୟାଃ ଗହରାଅ ଆୟୁମେଆଇଙ୍ଗ୍, କା'ରେଦ ଇନିଃ ଜାନାଅ ଜାନାଅ ହିଜୁଃକେଦ୍‌ତେ ହାଏରାନିଆଁ ମେନ୍ତେ ଆୟାଃ ମନ୍‌ରେ କାଜିକେଦାଏ ।”

୬ ଆଡ଼ ପ୍ରାଭୁ କାଜିକେଦାଏ, “ଏନ୍ ଏଡ଼କାନ୍ ବିଚାର୍‌ନିଃ ଚିକ୍‌ନାଃ କାଜିକେଦାଏ ଏନା ଆୟୁମେପେ । ୭ ଆଡ଼ ପାର୍‌ମେଶ୍ୱାର ନିଦାସିଙ୍ଗି ହାକାଅଇତାନ୍ ଆୟାଃ ସାଲକାନକଆଃ ନାଙ୍ଗ୍ ଥ୍‌ମ୍‌ସାମାଏ ସାହାତିଙ୍ଗ୍‌ରେହ ଚିୟାଃ ନ୍ୟାୟ କାଏ ରୁହାଡ଼ାକଆ ? ୮ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଇନିଃ ଇନ୍‌କୁରେ ହବାକାନ୍ ଏଡ଼କାନ୍ କାଜିକ ସାଙ୍ଗିନେ ନାଙ୍ଗ୍ ଜାଲ୍‌ଦିଗି ନ୍ୟାୟ ଏମରୁହାଡ଼ାକଆଏ । ଏନ୍‌ରେୟ, ମାନଝାହନ୍ ହିଜୁଃଇମ୍‌ତା, ଚିୟାଃ ଅତେରେ ବିଶ୍ୱାସ୍ ନାମେୟାଏ ?”

ଫାରୁଶୀ ଆଡ଼ ମାଲ୍‌ହାରମ୍‌ନିୟାଃ ଜନ୍‌କା କାଜି

୯ ଆବୁ ଧାର୍‌ମାନ୍‌ଗିୟାଃରୁ ମେନ୍ତେ ଆକରେ ଭାର୍‌ସାଏତାନ୍ ଆଡ଼ ଏଟାଃକକେ ହିଲାଇଙ୍ଗ୍‌କତାନ୍, ଚିମିନ୍ ହଡ଼କ ନାଗେନ୍ତେ ଯାଶୁ ନେ ଜନ୍‌କା କାଜି କାଜିୟାଦକଆଏ । ୧୦ “ବାରହଡ଼୍ ମାଦିର୍ ଅଡ଼ାଃତେ ବିନ୍ତିତେକିନ୍ ସେନଃୟାନା, ମିଆଁଦ୍‌ନିଃ ଫାରୁଶୀ ଆଡ଼ ଏଟାଃନିଃ ମାଲ୍‌ହାରମ୍‌ନିଃ ।

୧୧ “ଫାରୁଶୀ ଆଡ଼ମରେ ତିଙ୍ଗ୍‌ୟାନ୍ତେ ବିନ୍ତିକେଦାଏ, ‘ହେ ପାର୍‌ମେଶ୍ୱାର, ଆଇଙ୍ଗ୍ ଏଟାଃ ହଡ଼କଲେକା ନାହାଁଲାଇଙ୍ଗ୍, ଇନ୍‌କୁଦ ରେଃକ୍‌ନିଃକ, ଏଡ଼କାନ୍‌କାମିକ,

\* ୧୭:୩୩ ୧୭:୩୩ ମାଥୁର ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଯୋହାନ୍ ୧୨:୨୫. \* ୧୭:୩୭ 17:36 ଚିମିନ୍ ମାରି ଅନଲରେ ନେ ପଦ ବାନଃଆ

ଆପାଙ୍କିରକ ତାନକୁ ଆତଃ ନେ ମାଲହାରମନିଃ ଲେକାହ ନାହାଁଲାଇଙ୍ଗ ।<sup>୧୨</sup> ଆଇଙ୍ଗ ହାପ୍ରାରେ ବାରସାଇଙ୍ଗ କାଟାବତାନା ଆତଃ ଗଟା କାମିୟାକାଦରେୟାଃ ଗେଲ୍‌ହିସା\* ହାନାଟିଙ୍ଗ ଏମତାନାଇଙ୍ଗ ।

୧୩ “ଆତଃ ମାଲହାରମନିଃ ସାଙ୍ଗିନ୍‌ରେ ତିଙ୍ଗୁୟାନ୍ତେ ସିର୍ମାସାଃତେ ସାଙ୍ଗିଲ୍ ନାଙ୍ଗ କାଏ ସାହାସକେଦା ମେନ୍‌ଦ ଆୟାଃ କୁଡ଼ାମ୍ ଠାପ୍‌ଡ଼ିତାନଲଃ କାଜିକେଦାଏ, ‘ହେ ପାର୍‌ମେଶ୍ୱାର୍ ଆଇଙ୍ଗ ପାପି ତାନିଙ୍ଗ ଲିରୁଆଇଙ୍ଗମ୍ ।’”<sup>୧୪</sup> ଏନ୍ତେ ଯୀଶୁ କାଜିକେଦାଏ, “ଆଇଙ୍ଗ କାଜିୟାପେ ତାନାଇଙ୍ଗ, ମାଲହାରମନିଃ ଫାରୁଶୀଏତେ ଆଦକା ଧାର୍‌ମାନ୍ ମେନ୍ତେ ଲେକାୟାନା ଆତଃ ଅତାଃତେ ସେନଃୟାନା । ଜେତାଏ ମାରାଙ୍ଗ୍‌ୟେନ୍‌ନିଃଦ ହୁଡ଼ିଙ୍ଗ୍‌ୟାଏ ଆତଃ ଜେତାଏ ହୁଡ଼ିଙ୍ଗ୍‌ୟାନ୍‌ନିଃଦ ମାରାଙ୍ଗ୍‌ଆଃଏ ।”

ୟୀଶୁ ସିଟିଆ ହନକକେ ଆଶିଷକତାନାଏ  
(ମାଥୂଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଆତଃ ଯୀଶୁ ସିଟିଆ ହନକକେ ଡୁଟିଦକକାଏ ମେନ୍ତେ ହଡ଼କ ଇନ୍‌କୁକେ ଇନିଃତାଃ ଆଉକେଦକଆକ, ମେନ୍‌ଦ ଚେଲାକ ନେଆଁ ନେଲ୍‌କେଦତେକ ମାରାଙ୍ଗ୍‌ମଚାକେଦକଆ ।<sup>୧୬</sup> ମେନ୍‌ଦ ଯୀଶୁ ଇନ୍‌କୁକେ ଆୟାଃତାଃ ହାକାଅକେଦତେ କାଜିୟାଦକଆଏ, “ହୁପଡ଼ିଙ୍ଗ ହନକକେ ଆଇଙ୍ଗତାଃ ହିଜୁଃରିକାକପେ ଆତଃ ଇନ୍‌କୁକେ ଆଲ୍‌ପେ ରୁହାଡ଼କଆ, ପାର୍‌ମେଶ୍ୱାର୍‌ଆଃ ରାଇଜ୍‌ଦ ନେ'ଲେକାନ୍‌କଆଃଗିଆଃ ।<sup>୧୭</sup> ଆଇଙ୍ଗ ସାର୍‌ତିଗିଙ୍ଗ କାଜିୟାପେତାନା, ଜେତାଏ ପାର୍‌ମେଶ୍ୱାର୍‌ଆଃ ରାଇଜ୍‌କେ, ହୁଡ଼ିଙ୍ଗ୍‌ହନ୍ ଲେକା କାଏ ତେଲାଏରେଦ ଇନିଃ ଜେତାଲେକାତେ ଏନାରେ କାଏ ବଲ୍‌ଆ ।”

ମିଆଁଦ୍ କିସାଁଶ୍ ହାକିମ୍  
(ମାଥୂଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ଆତଃ ମିଆଁଦ୍ ହାକିମ୍ ଯୀଶୁକେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜାଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୧୯ ଯୀଶୁ କୁଲିକିୟାଏ, “ଆମ୍ ଚିନାଃମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗତାନା ? ମିଆଁଦ୍‌ନିଃ ଏସକାର୍ ବୁଗିନାଏଃ ଇନିଃ ପାର୍‌ମେଶ୍ୱାର୍ ତାନିଃ ଆତଃ ଜେତାଏକାହା ।<sup>୨୦</sup> ଆମ୍ ଆନ୍‌ରୁମ୍ ସାରିତାନା, ‘ଆଲମ୍ ଆପାଙ୍କିରରାଃ, ଆଲମ୍ ଗଟାଏୟାଃ, ଆଲମ୍ କୁମ୍‌ଡୁଲୁୟା, ହସଡ଼ଗାଞ୍ଜା ଆଲମାଃ, ଏଙ୍ଗା ଆପୁ କିନ୍‌କେ ମାନାତିଙ୍ଗକିନ୍‌ମେ ।’”

୨୧ ଇନିଃ କାଜିରୁହାଡ଼କିୟାଏ, “ନେ ସବେନ୍ ଆନ୍‌ରୁ ମିଦ୍‌ସିଟିଆଏତେଇଙ୍ଗ ମାନାତିଙ୍ଗ ଆଉକାଦା ।”

୨୨ ଯୀଶୁ ନେଆଁ ଆୟୁମ୍‌କେଦତେ ଇନିଃକେ କାଜିକିୟାଏ, “ନାହାଁଃହାଁ ମିଆଁଦ୍ କାଜିତେମ୍ ଜାଞ୍ଜିଆକାନାଃ, ଡୁ ଆମ୍ ଆମାଃ ସବେନାଃ ଆଖିରିଙ୍ଗକେଦତେ ଏନା ରେଙ୍ଗେଃତାନ୍‌କକେ ଏମାକମେ, ଏନ୍ତେ ସିର୍ମାରେ ଖୁଜ୍‌ମ୍ ନାମେୟା ଆତଃ ହିଜୁଃକେଦତେ ଅତଙ୍ଗ୍‌ଇଙ୍ଗମେ ।”<sup>୨୩</sup> ମେନ୍‌ଦ ନେ କାଜି ଆୟୁମ୍‌କେଦତେ ଇନିଃଦ ପୁରାଃଗି ହୁଡ଼ିଙ୍ଗ୍‌ଜାଉୟାନାଏ, ଚିୟାଃଗି ଇନିଃଦ ପୁରାଃଗି କିସାଁଶ୍ ତାଇକେନାଏ ।

୨୪ ଯୀଶୁ ଇନିଃକେ ପୁରାଃ ହୁଡ଼ିଙ୍ଗ୍‌ଜାଉକାନ୍ ନେଲ୍‌କିଃତେ କାଜିକେଦାଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିସାଁଶ୍ ହଡ଼କନାଙ୍ଗ୍ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ ।<sup>୨୫</sup> କିସାଁଶ୍ ହଡ଼ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଏତେ ସୁଇ ଉଣ୍ଡୁତେ ଉର୍ ପାରମଃତେୟାଃ ରାଞ୍ଜାଲାଃ ମେତାଦକଆଏ ।”

\* ୧୮:୧୨ ୧୮:୧୨ ଗେଲ୍‌ରେୟାଃ ମିଦ୍‌ଭାଗ୍ † ୧୮:୧୩ ୧୮:୧୩ ଛାଡ଼ି ☆ ୧୮:୧୪ ୧୮:୧୪ ମାଥୂଉ ୨୩:୧୨; ଲୁକ ୧୪:୧୧. ‡ ୧୮:୨୨ ୧୮:୨୨ ଆମାଃରେ ପାଟି ମେନାଃ

୨୭ ଆତ୍ମା ନେଆଁ ଆୟୁମ୍ଭାନ୍ତକ ମେନ୍ଦକେଦାଃ, “ତାବ୍ଦ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ।”

୨୮ ମେନ୍ଦ ଯୀଶୁ କାଜିକିୟାଏ, “ହଡ଼କତେ କା ହବାଦାଡ଼ିୟାଃ କାଜି ପାର୍ମେଶ୍ଵାର୍ତେ ହବାଦାଡ଼ିୟାଃ ।”

୨୯ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାରିକେଦ୍ତେ ଆମ୍ବକେଲେ ଅତଙ୍ଗକେଦ୍ମେୟା ।”

୩୦ ଆତ୍ମା ଯୀଶୁ ଇନ୍ଦ୍ରେ କାଜିୟାଦକଆଏ, “ସାର୍ତ୍ତିଗିଙ୍ଗ୍ କାଜିୟାପେତାନା ପାର୍ମେଶ୍ଵାର୍ତାଃ ରାଜଜ୍ ନାଗେନ୍ତେ ଆପ୍ନାଃ ଅତାଃ ଚାଏ କୁଡ଼ି ଚାଏ ହାଗା ଚାଏ ଏଙ୍ଗା ଆପୁକ ଚାଏ ହନ୍ଦକେ ବାରିକାଦ୍ ସବେନ୍ ହଡ଼କ, ୩୧ ନେ ସାମାଏରେଗି ଏନାଏତେ ଆଦକାକ ନାମେୟା ଆତ୍ମା ହିଜୁଃ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍ଦକ ନାମେୟା ।”

ଯୀଶୁ ଆୟାଃ ଗନଏଃରେୟାଃ କାଜି ଉଦୁବେତାନାଏ  
(ମାଥୁଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଯୀଶୁ ଗେଲ୍‌ବାର୍ ତେଲକକେ ଗେନାତେ ଇଦିକେଦ୍ତେ କାଜିୟାଦକଆଏ, “ନେଲେପେ ଆବୁ ଯୀରୁଗାଲେମ୍ତେବୁ ସେନଃତାନା ଆତ୍ମା ମାନୱାହନ୍‌ଆଃ ବିଷାଏରେ ନାବୀକ ଅଲକାଦ୍ ସବେନାଃ ପୁରାଅଆଃ । ୩୨ ଇନିଃ ସାଅଁସାର୍ ହଡ଼କଆଃ ତିଃଇରେ ଏମଃଆଏ । ଇନ୍ଦ୍ରେ ଇନିଃକେକ ଲାନ୍ଦାୟା, ହିଲାଙ୍ଗ୍‌ୟା, ଆତ୍ମାକ ବେଜିୟା । ୩୩ ହାଁସାୟାୟା ଆତ୍ମାକ ଗଜିୟା, ଇନିଃ ଆପି ମାହାଁରେ ଜୀଉବିଦିଦାଏ ।”

୩୪ ମେନ୍ଦ ଇନ୍ଦ୍ରେ ନେ କାଜିକି ଜେଡ଼ନାଃ କାକ ମୁଣ୍ଡିକେଦାଃ, ନେ କାଜି ଇନ୍ଦ୍ରେ ଆୟାର୍ରେ ଉକୁଆକାନ୍ ତାଇକେନା, ଆତ୍ମା ଇନ୍ଦ୍ରେ କାଜିୟାକାନ୍ତେୟାଃ କାକ ଆଟ୍‌କାର୍‌କେଦାଃ ।

ଯୀଶୁ ମିଆଁଦ୍ କାଣ୍ଟାକାନ୍‌ନିଃକେ ବୁଗିକିୟାଏ  
(ମାଥୁଉ ୨୦:୨୦-୩୪; ମାର୍କ ୧୦:୪୬-୫୨)

୩୫ ଯୀଶୁ ଯିରିହୋ ସାହାର୍ତେ ସେଟ୍‌ଟେଡ଼ାନ୍ ତାଇକେନ୍‌ରେ ମିଆଁଦ୍ କାଣ୍ଟାକାନ୍ ହଡ଼ ହରାଗେନାରେ ଦୁବ୍‌କେଦ୍ତେ କଏଁ ତାନାଏ ତାଇକେନା । ୩୬ ଆତ୍ମା ପୁରାଃ ହଡ଼କ ସେନ୍‌ପାରମଃତାନ୍ ଆୟୁମ୍ଭାନ୍‌କେଦକତି, “ନେଆଁ ଚିକ୍‌ନାଃ ହବାଅଃତାନାଃ” ମେନ୍ତେ କୁଲିକେଦକଆଏ ।

୩୭ “ନାଜ୍‌ରେଡ଼ରେନ୍ ଯୀଶୁ ପାରମଃତାନାଏ” ମେନ୍ତେକ ଉଦୁବ୍‌କିୟା ।

୩୮ ଏନ୍ତେ ଇନିଃ “ହେ ଯୀଶୁ, ହେ ଦାଉଦ୍‌ଆଃ ହନ୍ ଲିବୁଆଇଙ୍ଗ୍‌ମେ” ମେନ୍ତେ କାଉରିକେଦାଏ ।

୩୯ ଆୟାରାକାନ୍ଦକ ହାପାନ୍‌ମେ ମେନ୍ତେକ ମାରାଙ୍ଗ୍‌ମଚାକିୟାଃ, ମେନ୍ଦ ଇନିଃ, “ହେ ଦାଉଦ୍‌ଆଃ ହନ୍ ଦାୟାଇଙ୍ଗ୍‌ମେ” ମେନ୍ତେ ଆତ୍ମାଃ ହାକାଅକିୟାଏ ।

୪୦ ଯୀଶୁ ତିଙ୍ଗ୍‌ୟାନ୍ତେ ଇନିଃକେ ଆଇଙ୍ଗ୍‌ତାଃ ଆଉଝିପେ ମେନ୍ତେ ଆତ୍ମାକେଦକଆ ଆତ୍ମା ନାଡ଼େଃୟାନ୍ତି କୁଲିକିୟାଏ, ୪୧ “ଆମ୍ ଚିନାଃମ୍ ଆସିତାନା, ଆଇଙ୍ଗ୍ ଆମାଃ ନାଙ୍ଗ୍ ଚିନାଃଇଙ୍ଗ୍ ଚିକାୟା ମେନ୍ତେମ୍ ସାନାଙ୍ଗ୍‌ତାନା” ମେନ୍ତେ କୁଲିକିୟାଏ । ଇନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଇଙ୍ଗ୍ ଆତ୍ମାଃମିସା ନେଲ୍ ଦାଡ଼ିକା ।”

୪୨ ଯୀଶୁ କାଜିକିୟାଏ, “ତାବ୍ଦ ମେଦ୍‌ତାମ୍ ନାମ୍‌ଜମେମେ; ଆମାଃ ବିଶ୍ଵାସ୍ ଆମ୍‌କେ ବୁଗିକେଦ୍ମେୟାଏ ।”

୪୩ ଆତ୍ମା ଇମ୍‌ତାଙ୍ଗ୍‌ଗି ଇନିଃ ନେଲ୍ ଦାଡ଼ିକେଦାଏ, ଆତ୍ମା ଯୀଶୁକେ ଅତଙ୍ଗ୍‌ତାନ୍‌ଲଃ ପାର୍ମେଶ୍ଵାର୍‌କେ ମାରାଙ୍ଗ୍‌କିୟାଏ ଆତ୍ମା ସବେନ୍ ହଡ଼କ ନେଆଁ ନେଲ୍‌କେଦ୍ତେ ପାର୍ମେଶ୍ଵାର୍‌କେ ମାନାରାଙ୍ଗ୍‌କିୟାଃକ ।

# ୧୯

ୟୀଶୁ ଆତଃ ମାଲହାରମ୍ବନିଃ ଜଖ୍ଯ

୧ ଆତଃ ଯୀଶୁ ଯିରିହୋ ନୁତୁମ୍ ହାତୁରେ ବଲୟାନ୍ଲଃ ଆଲା ଆଲାତେ ସେନଃତାନାଏ ତାଇକେନା । ୨ ଆତଃ ନେଲେପେ ଜଖ୍ଯ ନୁତୁମ୍ ମିଆଁଦ୍ ହଡ୍ ତାଇକେନାଏ, ଇନିଃ ମାଲହାରମ୍ବକଆଃ ଗମ୍ବେ ଆତଃ କିର୍ଯାଣ୍ ହଡ୍ ତାଇକେନାଏ । ୩ ଇନିଃ ଯୀଶୁକେ ଚିଲ୍ଲକାନ୍ ହଡ୍ ତାନିଃ ମେନ୍ତେ ନେଲ୍ଯାନାଙ୍ଗ୍ ତାଇକେନାଏ, ଚିୟାଠି ଇନିଃ ବୁଟିୟା ହଡ୍ ତାଇକେନାଏ ଆତଃ ଗାଦେଲ୍ ହଡ୍ କରାଠତେ କାଏ ନେଲ୍ ଦାଡ଼ିକିୟା । ୪ ଏନାତେ ଇନିଃ ଯୀଶୁ ପାରମ୍ ହରାରେ ନିର୍ ଆୟାର୍ କେଦ୍ ତେ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ । ୫ ଏନ୍ ଠାୟାଦ୍ ସେଚେରୟାନ୍ତେ ଯୀଶୁ ସାଙ୍ଗିଲ୍ ରାକାବ୍ କେଦ୍ ତେ ଇନିଃକେ ନେଲ୍ କିୟାଏ ଆତଃ କାଜିକିୟାଏ, “ଜଖ୍ଯ ମାର୍ ଆଡ଼ଗୁଃମେ, ତିସିଙ୍ଗ୍ଦ ଆମାଃ ଅଡ଼ାଃରେ ଆଇଙ୍ଗ୍ କେ ତାଇନ୍ ଲାଗାଡ଼ିଙ୍ଗ୍ୟାଃ ।”

୬ ଆତଃ ଜଖ୍ଯ ଆଡ଼ଗୁ ଧାବ୍ଯାନ୍ତେ ରାସ୍ କାତେ ଯୀଶୁକେ ଦାରମ୍ବିୟାଏ । ୭ ମେନ୍ଦ୍ ନେଆଁ ନେଲ୍ କେଦ୍ ତେ ସବେନ୍ କ କୁରୁମ୍ ତୁରୁମ୍ ଯାନାକ ଆତଃ ମେନ୍ କେଦାଃକ, “ଇନିଃ ପାପିହଡ୍ ଆଃ ଅଡ଼ାଃରେ ପେଡ଼ାଅଃତାନାଏ ।”

୮ ମେନ୍ଦ୍ ଜଖ୍ଯ ତିଙ୍ଗ୍ଯାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍ଗ୍ ତାଃରେ ମେନାଃତେୟାଃହେତେ ଆଧା, ରେଙ୍ଗେଃତାନକ୍ କେଇଙ୍ଗ୍ ଏମାକଆ, ଆତଃ ବେଦାତେ ଜେତାଏତାଃଏତେ ଜେଡ଼ନାଃ ଆଉକାଇରେଦ୍ ଚାର୍ଗୁନା ଏମରୁହାଡ଼େୟାଇଙ୍ଗ୍ ।”

୯ ଯୀଶୁ ଇନିଃକେ କାଜିକିୟାଏ, “ତିସିଙ୍ଗ୍ ନେ ଅଡ଼ାଃରେ ଜୀଉବାସ୍ତାଅ ତେବାଃକାନା, ଚିୟାଠି ନେ ହଡ୍, ହ୍ୱାନ୍ଦ୍ ଆବାହାମ୍ ଆଃ ହନ୍ ତାନିଃ । ୧୦ ଚିୟାଠି ମାନଃହନ୍ଦ୍ ଆଦାକାନ୍ କେ ନାନାମ୍ ଆତଃ ବାସ୍ତା ନାଗେନ୍ତେ ହିଜୁଆକାନାଏ ।”

ଗେଲ୍ଠୁ ସୋନା ସିକାରେୟାଃ ଜନ୍କା କାଜି  
(ମାଥୂଉ ୨୫:୧୪-୩୦)

୧୧ ହଡ୍ କ ନେଆଁ ଆୟୁମ୍ ତାନ୍ ତାଇକେନ୍ ଇମ୍ବତା, ଇନିଃ ମିଆଁଦ୍ ଜନ୍କା କାଜି କାଜିଏଚେଦ୍ କେଦାଃଏ, ଚିୟାଠି ଇନିଃଦ୍ ଯୀରୁଶାଲେମ୍ ନାଡ଼େଃରେ ତାଇକେନାଏ ଆତଃ ଇନ୍ କୁ ପାରମେଶ୍ୱାର୍ ଆଃ ରାଇଜ୍ ବଦେଗି ଉଦୁବଃଆ ମେନ୍ତେ ଆଟ୍ କାରେତାନ୍ ତାଇକେନାକ । ୧୨ ଇନିଃ କାଜିକେଦାଏ, “ମାରାଙ୍ଗ୍ ଜାତିରେନ୍ ମିଆଁଦ୍ ହଡ୍ ରାଇଜ୍ ଚାଲାଅରେୟାଃ ଇନିତୁ ନାମ୍ ନାଙ୍ଗ୍ ସାଙ୍ଗିନ୍ ଦିଶୁମ୍ ତେ ସେନଃୟନା ଆତଃ ଇନିଃ ଏନ୍ତାଃଏତେ ଠାଉକା ନେତାରେ ହିଜୁଃରୁହାଡ଼୍, ନାଙ୍ଗ୍ ଉହାଟ୍ କାଦ୍ ତାଇକେନାଏ । ୧୩ ଏନାମେନ୍ତେ ଇନିଃ ଆୟାଃ ଦାସିକଏତେ ଗେଲ୍ଠାନ୍ କେକେ ହାକାଅକେଦ୍ ତେ ମିମିଆଦ୍ ହଡ୍ କେକେ ଗେଲ୍ଠୁ ସୋନା ସିକା ଏମାଦ୍ କଆଏ । ‘ଆଉରିଙ୍ଗ୍ ହିଜୁଃରୁହାଡ଼୍, ଜାକେଦ୍ କିରିଙ୍ଗ୍ ଆଖିରିଙ୍ଗ୍ ଏପେ’ ମେତାଦ୍ କଆଏ । ୧୪ ମେନ୍ଦ୍ ଆୟାଃ ଦିଶୁମ୍ରେନ୍ କ ଇନିଃକେ ଖ୍ଯଆଇତାନ୍ କ ତାଇକେନା, ଆତଃ ଏନ୍ ହଡ୍ ଆଲେୟାଃ ରାଇଜ୍ରେ ରାଜା ହବାଅଃକାଏ ନେଆଁ ଆଲେ କାଲେ ସାନାଙ୍ଗ୍ ତାନା’ ମେନ୍ତେ କାଜିସେଚେରୁନିଃକେ କାଜିସେଚେରୁତେ ଇନିୟାଃତାଃକ କୁଲ୍ କିୟାଃ ।

୧୫ “ଏନ୍ରେହ ଇନିଃ ରାଇଜ୍ ନାମ୍ କେଦାଏ, ଆତଃ ହିଜୁଃରୁହାଡ଼୍ ଯାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍ ନିଃ ତିମିନାଙ୍ଗ୍ କିରିଙ୍ଗ୍ ଆଖିରିଙ୍ଗ୍ କେଦ୍ ତେ ପସାକାଦାଃକ ଏନା ସାରିନାଗେନ୍ତେ ଆଇଙ୍ଗ୍ ତାଃ ହାକାଅକପେ ମେନ୍ତେ ଆତୁକେଦ୍ କଆ । ୧୬ ସିଦାନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍ବେ,

☆ ୧୯:୧୦ ୧୯:୧୦ ମାଥୂଉ ୧୮:୧୧.

ଆମ୍ଭ ଏମାନଙ୍କୁ ଯୋନା ସିକାଏତେ ଆଇଙ୍ଗ୍ ଗେଲୁଠୁ ଯୋନା ସିକା ଆଦକା ପସାକାଦାଇଙ୍ଗ୍ ।<sup>୧୭</sup> ଇନିୟାଃ ଗମ୍ବକେ କାଜିକିୟାଏ, ‘ସାବାସ, ଆଇଁୟାଃ ବୁଗିନ୍ ଦାସି ! ଆମ୍ଭ ବୁଗିନ୍ ଆତଃ ପାତିୟାର୍ତ୍ତରେ ଲେକାନ୍ ଦାସି ତାନ୍ମେ । ଆମ୍ଭ ହୁଡ଼ିଙ୍ଗ୍ତେୟାଃରେ ପାତିୟାର୍ତ୍ତରେ ଲେକାମ୍ କାମିକାଦ୍ ହରାତେ, ଆମ୍ଭ ଗେଲୁ ନାଗାର୍ତ୍ତରେ ଆକ୍ତେୟାର୍ତ୍ତରେ ହବାଅଃଆମେ ।’<sup>୧୮</sup> ଏଗାଃ ଦାସି ହିନ୍ଦୁୟାଃରେ କାଜିକିୟାଏ, ‘ହେ ପ୍ରାଭୁ, ଆମ୍ଭ ଏମାନଙ୍କୁ ଯୋନା ସିକାଏତେ ମଣେୟାଁ ଯୋନା ସିକା ଆଦକା ପସାୟାନା ।’<sup>୧୯</sup> ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ଆମ୍ଭ ମଣେୟାଁ ନାଗାର୍ତ୍ତରେ ଗମ୍ବକେୟାଃମେ ।’

<sup>୨୦</sup> “ଏନ୍ତେ ଆତଃଗି ଏଗାଃ ଦାସି ହିନ୍ଦୁୟାଃରେ କାଜିକିୟାଏ, ‘ହେ ପ୍ରାଭୁ ନେଲେମେ ଆମ୍ଭ ଏମାନଙ୍କୁ ଯୋନା ସିକାକେ ତାରାଲିକାଃରେଇଙ୍ଗ୍ ଦହପଟମାକାଦାଃ ।’<sup>୨୧</sup> ଆମ୍ଭ କେଟେଦ୍ ମନ୍ରେନ୍ ହଡ଼ ତାନ୍ମେ ମେନ୍ତେ ଆଇଙ୍ଗ୍ ବରଥାମେ ତାଇକେନାଇଙ୍ଗ୍, ଆମ୍ଭ କାମ୍ ଦହତେୟାଃ ଇଦିୟାଃମେ ଆତଃ କାମ୍ ହେରତେୟାଃ ଇରୁଇଦିୟାଃମେ ।’<sup>୨୨</sup> ଇନିୟାଃ ପ୍ରାଭୁ କାଜିରୁହାଡ଼କିୟାଏ, ‘ଏ ଏଡ଼କାନ୍ ଦାସି, ଆମାଃ କାଜିତେଗିଙ୍ଗ୍ ବିଚାରମେୟାଃ । ଆଇଙ୍ଗ୍ କେଟେଦ୍ ମନ୍ରେନ୍ ହଡ଼ ତାନିଙ୍ଗ୍, ଆଇଙ୍ଗ୍ କାଇଙ୍ଗ୍ ଦହ ଏନାଇଙ୍ଗ୍ ଇଦିୟା ଆତଃ କାଇଙ୍ଗ୍ ହେର୍ ଏନାଇଙ୍ଗ୍ ଇରୁଇଦିୟାଃ, ଏନା ସାରିତାନାମ୍ ତାଇକେନା ।’<sup>୨୩</sup> ତିନାଃମେନ୍ତେ ଆମ୍ଭ ଆଇଁୟାଃ ଟାକାକେ ବେଙ୍ଗ୍ରେ କାମ୍ ଦହକେଦା ? ଆଇଙ୍ଗ୍ ହିନ୍ଦୁୟାଃରେହାଡ଼କେଦ୍ତେ ସବେନ୍ ମୁଲ୍’କାନ୍ତାରଲିଃ ଟାକା ନାମ୍ଭୁହାଡ଼ କେଦ୍ତେୟାଃଇଙ୍ଗ୍ ।’

<sup>୨୪</sup> “ଏନ୍ତେ ଇନିଃ ତିଙ୍ଗୁଜାପାଃକାନ୍ ହଡ଼କକେ କାଜିୟାଦକଥାଏ, ଏନ୍ ଯୋନା ସିକା ଇନିଃତାଃଏତେ ରେଃଜିପେ ଆତଃ ଗେଲୁ ଯୋନା ସିକା ନାମାକାଦ୍ ହଡ଼କେ ଏମାଇପେ ।<sup>୨୫</sup> ମେନ୍ଦ୍ ଇନ୍କୁ କାଜିକିୟା ‘ହେ ପ୍ରାଭୁ, ଗେଲୁ ଯୋନା ସିକା ଇନିଃତାଃରେୟା ।’<sup>୨୬</sup> ଇନିଃ ମେନ୍ରୁହାଡ଼ାଦକଥାଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ସବେନ୍ ମେନାଃନିଃକକେ ଏମାଃଆ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟାଃଆ ।<sup>୨୭</sup> ମେନ୍ଦ୍ ଆଲେରେ ଇନିଃ ରାଇଜେକାଏ ଏନା କା ସାନାଇଙ୍ଗ୍ତାନ୍ ତାଇକେନ୍ ଆଇଁୟାଃ ବାଇରିକକେ ନେତାଃ ଆଉକ୍ତେପେ ଆତଃ ଆଇଁୟାଃ ସାମ୍ନାଇଙ୍ଗ୍ରେ ମାଃଆକପେ ।”

ୟାଶୁ ଯୀରୁଶାଲେମ୍ତେ ବଲତାନାଏ  
(ମାଥୁଉ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

<sup>୨୮</sup> ଯାଶୁ ନେଆଁ କାଜିକେଦ୍ତି, ଯୀରୁଶାଲେମ୍ତେ ସେନଃ ନାଗେନ୍ତେ ଆୟାଃ ତେଲକତାଃଏତେ ଆୟାର୍ତ୍ତୟାନାଏ ।<sup>୨୯</sup> ଆତଃ ଜାଇତୁନ୍\* ନୁତୁମ୍ ବୁରୁ ହେପାଦ୍ରେ ତାଇନ୍ତାନ୍ ବେଡ଼ପାଗି ଆତଃ ବେଅନ୍ଥା ହାତୁତାଃ ସେଟେରୁୟାନ୍ତି ଇନିଃ ଆୟାଃ ବାରହଡ଼ ତେଲକିନ୍କେ ନେଆଁଏ କାଜିକେଦ୍କିନା, <sup>୩୦</sup> “ଆବେନାଃ ଆୟାର୍ତ୍ତରେୟାଃ ହାତୁତେ ସେନଃବେନ୍, ଆତଃ ଏନାରେ ବଲଇମ୍ତାଗି ଆବେନ୍ ତଲକାନ୍ ଗାଧାହନ୍କେବେନ୍ ନାମିଆଁ, ଇନିଃରେ ଜେତାଏ ହଡ଼ ଚିଉଲାହ କାଏ ଦୁବାକାନା, ଇନିଃକେ ରାଡ଼ା ଆଉଝିବେନ୍ । <sup>୩୧</sup> ଜେତାଏ ତିନାଃମେନ୍ତେ ଇନିଃକେବେନ୍ ରାଡ଼ାଇତାନା ମେନ୍ତେ କୁଲିବେନ୍ରେଦ୍, ଇନିଃକେ ମେତାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ ।”

<sup>୩୨</sup> ଏନ୍ କୁଲକାନ୍କିନ୍ ସେନଃୟାନ୍ତେ ଯାଶୁ କାଜିୟାଦକିନ୍ ଲେକା ନାମ୍ଭିୟାଃକିନ୍ । <sup>୩୩</sup> ମେନ୍ଦ୍ ଇନ୍କିନ୍ ଗାଧାହନ୍କେ ରାଡ଼ାଇତାନ୍ଇମ୍ତା ଇନିଃକେ ଗମ୍ବକେକ “ତିକାନାଗେନ୍ତେ ରାଡ଼ାଇତାନାବେନ୍ ମେନ୍ତେ କୁଲିକେଦ୍କିନାକ ?”

☆ ୧୯:୨୭ ୧୯:୨୭ ମାଥୁଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ୧୯:୨୭ ମାଥୁଉ ୨୫:୧୪-୩୦.  
\* ୧୯:୨୯ ୧୯:୨୯ ଜାଇତୁନ୍

୩୪ ଇନ୍କିନ୍, “ନିଃତାଃରେ ପ୍ରାଭୁଆଃ କାମିନେନାଃ” ମେନ୍ତେ କାଜିୟାଦକଆକିନ୍ ।

୩୫ ଇନ୍କିନ୍ ଗାଧାହନ୍‌କେ ଯୀଶୁତାଃତେ ଆଉକିୟାକିନ୍, ଆତଃ ଗାଧା ତେତାନ୍‌ରେ ଆକିନାଃ ଲିଜାଃକିନ୍ ଆଟେଦକେଦା ଆତଃ ଯୀଶୁକେ ଦୁବକିୟାକିନ୍ । ୩୬ ଆତଃ ଇନିଃ ସେନଃତାନ୍‌ରେ ହଡ଼କ ଆକଆଃ ଲିଜାଃ ହରାରେକ ଆଟେଦକେଦା ।

୩୭ ଆତଃ ଯୀଶୁ ଯୀରୁଶାଲେମ୍ ନାଡ଼େଃତେ ସେଟେରତାନ୍ ଇମ୍‌ତା ଏନ୍ତାଃରେୟାଃ ଜାଇତୁନ୍ ବୁରୁତେ ସେନଃ ହରାତାଃତେ ସେଟେରୟାନ୍‌ତି ଆୟାଃ ତେଲାକଆଃ ଗଟାଗହଣା ରାସକାୟାନାକ ଆତଃ ନେଲାକାଦ୍ ତାଇକେନ୍ ସବେନ୍ ଆକ୍‌ଦାୟା ଆକାମି ନାଗେନ୍ତେ କାଉରିତାନ୍‌ଲଃ ପାରମେଶ୍ୱାର୍‌କେ ମାନାରାଜ୍‌କିୟାଃକ । ୩୮ ଆତଃ କାଜିକେଦାକ, “ପ୍ରାଭୁଆଃ ନୁତୁମ୍‌ତେ ହିଜୁଃତାନ୍ ରାଜାକେ ପାରମେଶ୍ୱାର୍ ଆଣିଷ୍ ଏମାଇକାଏ, ସିମା ଦିଶୁମ୍‌ରେ ଜୀଉସୁକୁ ଆତଃ ସାଲାଜିତତାର୍ ପାରମେଶ୍ୱାର୍‌ଆଃ ମାନାରାଜ୍ ହବାଅଃକା ।” ୩୯ ଗାଦେଲ୍‌ହଡ଼କଏତେ ଚିମିନ୍ ଫାରୁଶୀକ କାଜିକେଦାଃକ, ହେ ଗୁରୁ ଆମାଃ ତେଲାକକେ ହାପାଅଃନାଜ୍ ମାରାଜ୍‌ମତାକମ୍ ।

୪୦ ଇନିଃ କାଜିରୁହାଡ଼ାଦକଆଏ, ଆଇଜ୍ କାଜିୟାପେ ତାନାଇଜ୍, “ନିକୁ ହାପାନ୍‌ରେଦ ଦିରିକ ହାକାଅବିରିଦାଃ ।”

ଯୀଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ

୪୧ ଯୀଶୁ ଯୀରୁଶାଲେମ୍ ସାହାର୍‌ତେ ନାଡ଼େଃୟାନ୍‌ତି ସାହାର୍‌କେ ନେଲ୍‌କେଦାଏ ଆତଃ ଏନାନାଗେନ୍ତେ ରାଆଃକେଦାଏ, ୪୨ ଆତଃ କାଜିକେଦାଏ, “ଆମ୍‌ଗି ତିସିଜ୍ ସୁକୁରାଃ ବିଷାଏକ ସାରିକାଦ୍‌ତେୟାଃମ୍, ମେନ୍‌ଦ ନାହାଁଃ ଏନା ମେଦ୍‌ତାମ୍‌ଏତେ ଉକୁଆକାନା । ୪୩ ଏନ୍ ହୁଲାଜ୍ ଆମ୍‌ତାଃ ହିଜୁଃଆ, ଏନ୍‌ରେ ଆମାଃ ବାଇରିକ ଡିପାୟାକ ଆତଃ ଆମ୍‌କେ ବିହୁର୍‌ମେୟାକ ଆତଃ ସବେନ୍‌ସାଃଏତେ କେସେଦ୍‌ବିହୁର୍‌ମେୟାକ । ୪୪ ଆମ୍ ଆତଃ ଆମାଃ ହନ୍‌କକେ ହାସାରେକ ମିଦ୍‌ପେୟା । ଆମାଃ ତେତାନ୍‌ରେ ଦିରି ତେତାନ୍ ଦିରି ତିରିୟାକାନ୍ କା ତାଇନା, ତିୟାଃତି ଆମ୍‌ଦ ପାରମେଶ୍ୱାର୍ ହିଜୁଆକାନ୍ ଦିପିଲିକେ କାମ୍ ନେଲ୍‌ତୁରୁମ୍‌କେଦାଃ ।”

ଯୀଶୁ ମାନ୍‌ିର୍ ଅଡ଼ାଃତେ ବଲତାନାଏ

(ମାଥ୍‌ଉ ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୨:୧୩-୨୨)

୪୫ ଏନ୍ତେ ମାନ୍‌ିର୍ ଅଡ଼ାଃରେ ବଲୟାନ୍‌ତେ ଇନିଃ ସବେନ୍ କିରିଜ୍ ଆଖିରିଜ୍‌ତାନ୍‌କକେ ହାର୍‌ଅଡ଼ଜ୍ ଏଟେଦକେଦ୍‌ଆଏ । ୪୬ ଇନିଃ ଇନ୍କୁକେ କାଜିୟାଦକଆଏ, “ପାରମେଶ୍ୱାର୍ କାଜିକେଦାଏ ଯେ ଧାରାମ୍‌ପୁଥ୍‌ରେ ନେଆଁ ଅଲ୍‌କାନା, ‘ଆଇୟାଃ ଅଡ଼ାଃ ବିକ୍ତିଅଡ଼ାଃ ତାନାଃ’ ମେନ୍‌ଦ ଆପେ ନେଆଁକେ କୁମ୍‌ଡୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୪୭ ଯୀଶୁ ସବେନ୍ ହୁଲାଜ୍ ମାନ୍‌ିର୍ ଅଡ଼ାଃରେ ଇତୁକତାନାଏ ତାଇକେନାଏ, ମେନ୍‌ଦ ମୁଲ୍ ଯାଜାକ୍‌କ, ଆଇନ୍ ଇତୁକ ଆତଃ ହଡ଼କଆଃ ମୁଖ୍‌ଆକ ଇନିଃକେ ଗରଏଃ ସାନାଜ୍‌ତାନ୍‌କ ତାଇକେନା । ୪୮ ମେନ୍‌ଦ ଚିକ୍‌ନାଃବୁ ଚିକାୟା ନେଆଁ କାକ ନାମ୍‌ଦାଡ଼ିକେଦାଃ, ତିୟାଃତି ସବେନ୍ ହଡ଼କଦ ଇନିୟାଃ କାଜି ଆୟୁମ୍ ନାଗେନ୍ତେ ଜୁରୁଆକାନ୍‌କ ତାଇକେନା ।

### ୨୦

ଯୀଶୁଆଃ ଆକ୍‌ତେୟାର୍ ବିଷାଏରେ କୁନୁଲି

(ମାଥ୍‌ଉ ୨୧:୨୩-୨୭; ମାର୍କ ୧୧:୨୭-୩୩)

☆ ୧୯:୪୭ ୧୯:୪୭ ଲୁକ ୨୧:୩୭.



୧ ଏନ୍ ହୁଲାଙ୍ଗକଏତେ ମୁସିଙ୍ଗ୍ ଯୀଶୁ ମାନ୍ଦିର୍ ଅଡ଼ାଠରେ ହଡକକେ ଇତୁକତାନ୍ ଆତଃ ସୁକୁକାଜି ଉଦୁବାକତାନ୍ ତାଇକେନ୍ରେ ମାରାଙ୍ଗ୍ ଯାଜାକକ ଆତଃ ଆଇନ୍ ଇତୁକ ପ୍ରାଚିନ୍କଲଃ ଇନିଃତାଃତେ ହିଜୁଃଲେନ୍ତେ, ୨ ଇନିଃକେକ କୁଲିକିୟାଃ, “ଆମ୍ ଅକ ଆକତେୟାର୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକତେୟାର୍ ଏମାକାଦମେଆ ?” ୩ ଇନିଃ ଇନ୍କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ହିଁ ମିଆଁଦ୍ କାଜିଙ୍ଗ୍ କୁଲିପେୟା, ଆତଃ ଆପେ କାଜିରୁହାଡ଼ିଙ୍ଗ୍ପେ, ୪ ବାପ୍ତିସ୍ତା ଏମଃନିଃ ଯୋହାନ୍ଆଃ ବାପ୍ତିସ୍ତା ସିର୍ମାରେନ୍ ପାର୍ମେଶ୍ୱାର୍ତାଃଏତେ ତି ମାନଝାତାଃଏତେ ତାଇକେନା ?”

୫ ଏନ୍ତେ ଇନ୍କୁ ଆକ ଆକରେକ ଉଡ଼ଃକେଦା, “ଆବୁ, ‘ସିର୍ମାରେନ୍ ପାର୍ମେଶ୍ୱାର୍ତାଃଏତେ’ ମେନେରେଦ ଇନିଃ ‘ତିକାନାଙ୍ଗ୍ ଯୋହାନ୍ରେ କାପେ ବିଶ୍ୱାସକେଦା’ ମେତାବୁଆଏ ? ୬ ମେନ୍ଦ୍ ହଡକ ସାଃଏତେ ମେନେରେଦ ସବେନ୍ ହଡକ ଆବୁକେ ତିଦ୍ଗିବୁଆକ, ତିୟାଃତି ବାପ୍ତିସ୍ତା ଏମଃନିଃ ଯୋହାନ୍ ନାବୀ ତାନିଃ ମେନ୍ତେ ଇନ୍କୁ ପୁରାଃଗି ଭାର୍ଯ୍ୟାକାଦାକ ।” ୭ ଏନ୍ତେ ଇନ୍କୁ କାଜିରୁହାଡ଼କିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ଯୀଶୁ ଇନ୍କୁକେ ମେତାଦକଆଏ, “ଆଇଙ୍ଗ୍ହିଁ ଅକ ପେଡ଼େଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

ଦାଖ୍ବାକ୍ତିରାଃ କାର୍କାମିହଡକଆଃ ଜନ୍କା କାଜି  
(ମାଥୁଉ ୨୧:୩୩-୪୬; ମାର୍କ ୧୨:୧-୧୨)

୯ ଯୀଶୁ ହଡକକେ ନେ ଜନ୍କା କାଜି ଏଟେଦକେଦ୍ଆଏ, “ମିଆଁଦ୍ ହଡ ଦାଖ୍ବାକ୍ତି ବାଇକେଦାଏ, କାର୍କାମିହଡକକେ କାର୍ ଏମକେଦ୍ତେ ପୁରାଃ ସାମାଏ ଜାକେଦ୍ ଏଟାଃ ଦିଶୁମ୍ତେ ସେନଃୟାନାଏ । ୧୦ ଇରୋଃଅ ଦିପିଲିରେ ଇନିଃ ଦାଖ୍ବାକ୍ତିରେୟାଃ ଜ ଏମାଇଙ୍ଗ୍ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡକତାଃତେ କୁଲିକିୟାଏ, ମେନ୍ଦ୍ କାର୍କାମିହଡକ ଇନିଃକେ ଦାଲ୍ଲକିୟାଃକ ଆତଃ ସାମାତିଃଇଗି କୁଲ୍ଲୁହାଡ଼କିୟାଃକ । ୧୧ ଇନିଃ ଏଟାଃ ଦାସିକେ କୁଲିକିୟାଏ, ଇନ୍କୁ ଇନିଃକେହ ଦାଲ୍ଲକିୟାଃକ ଆତଃ ହିଲାଙ୍ଗ୍କିଦ୍ତେ ସାମାତିଃଇଗି କୁଲ୍ଲୁହାଡ଼କିୟାଃକ । ୧୨ ଇନିଃ ଆତଃଗି ଆପିୟାନିଃକେହ କୁଲିକିୟାଏ, ଆତଃ ଇନ୍କୁ ଇନିଃକେ ପାଅକିଃତେକ ଅତଙ୍ଗ୍ଏଶ୍ୱାଃକିୟାଃ । ୧୩ ଏନ୍ତେ ଦାଖ୍ବାକ୍ତିରାଃ ଗମ୍ବେକେ ମେନ୍କେଦାଏ, ‘ତିନାଃଇଙ୍ଗ୍ ତିକାୟା ? ଆଇଁୟାଃ ଦୁଲାଡ଼୍ ହନିଙ୍ଗକଡ଼ାକେ କୁଲିୟାଇଙ୍ଗ୍, ଇଦୁ ଇନ୍କୁ ଇନିଃକେ ମାଇନିୟାକ ।’ ୧୪ ମେନ୍ଦ୍ କାର୍କାମିହଡକ ଇନିଃକେ ନେଲ୍କିଦ୍ତି ମେପେନ୍ୟାନାକ, ‘ନିଃଗି ଗୁସିୟାଃରାଃ ହନ୍ ତାନିଃ ଦଲ୍ଲାବୁ ଗଜିୟା, ତାବ୍ଦ୍ ନିୟାଃ ହାନାଟିଙ୍ଗ୍ ଆବୁଆଃଗି ହବାଅଆଃ ।’ ୧୫ ଆତଃ ଇନ୍କୁ ଇନିଃକେ ଦାଖ୍ବାକ୍ତିଏତେ ଅତଙ୍ଗ୍ଏଶ୍ୱାଃକିୟାଃକ ଆତଃ ଗଏଃକିୟାଃକ ।

“ୟୀଶୁ କୁଲିକେଦକଆ, ‘ନାହିଁଃଦ୍ ଦାଖ୍ବାକ୍ତି ଗମ୍ବେକେ ଇନ୍କୁକେ ଚିକ୍ନାଃଏ ତିକାକଆ ? ୧୬ ଇନିଃ ହିଜୁଃକେଦ୍ତେ ଏନ୍ କାର୍କାମିହଡକକେ ଗଏଃକଆଏ ଆତଃ ଦାଖ୍ବାକ୍ତି ଏଟାଃକକେ ଏମାକଆଏ ।’” ହଡକ ନେଆଁ ଆୟୁମ୍ବେକେଦ୍ତେ ମେନ୍କେଦାଃକ, “ଆଲକାଏ ଏନ୍କାଅଃକା ।”

୧୭ ଯୀଶୁ ଇନ୍କୁସାଃ ନେଲ୍କେଦ୍ତେ କୁଲିକେଦକଆଏ, “ତାବ୍ଦ୍ ଧାରାମ୍ପୁଅରେୟାଃ ନେ କାଜିରାଃ ମୁଣ୍ଡି ଚିକ୍ନାଃ ତାନାଃ ?”

“ଅଡ଼ାଃ ବାବାଇକ ଅକ ଦିରିକେକ ଆତମ୍ ଏଶ୍ୱାଃକେଦା,

ଏନ୍ ଦିରି ଅଡ଼ାଃରାଃ କଚାଦିରି ବାଇୟାକାନା ।’

୧୮ ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”

ମାଲ୍‌ଏମ୍ ବିଷାଏରେୟାଃ କୁନ୍ତୁଲି

(ମାଥୂଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ମାରାଜ୍ ଯାଜାକ୍ ଆତଃ ଆଇନ୍ ଇତୁକ ଇନିଃ ନେ ଜନ୍‌କା କାଜି ଆବୁକେ କାଜିୟାଦ୍‌ବୁଆଏ ନେଆଁ ସାରିକେଦତେ ଏନ୍ ଦିପିଲିରେଗି ଇନିଃକେ ସାସାଦ୍ ସାନାଜ୍ ତାଇକେନାକ, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦକଆକ । ୨୦ ଏନାତେ ଇନ୍‌କୁ ଯୀଶୁଆଃ କାଜିରେ ଭୁଲ୍ ସାବିନାଜ୍ ଚିମିନ୍ ହଡ଼କ ଆପାନ୍‌କେ ଧାର୍‌ମାନ୍ ମେନ୍ତେ ଉଦୁବେନ୍‌ତାନ୍‌କକେ କୁଲ୍‌କେଦକଆକ, ଜେ'ଲେକାଚି ଇନ୍‌କୁ ଇନିଃକେ ସାବକେଦତେ ରୋମ୍‌ରେୟାଃ ପେଡ଼େଃ ଆତଃ ଆକ୍‌ତେୟାର୍ ନାମାକାଦ୍ ଲାଟ୍‌ସାହେବ୍‌ତାଃରେକ ଜିମାଦାଡ଼ିୟା । ୨୧ ଏନାତେ ଇନ୍‌କୁ କୁଲିକିୟାଃକ, “ହେ ଗୁରୁ, ଆମ୍ ବୁଗିଲେକାତେମ୍ କାଜିତାନା ଆତଃ ଇତୁତାନା ଆତଃ ହଡ଼କଆଃ ମେଦ୍‌ମୁହାଁଡ଼୍ କାମ୍ ନେନେଲାଃ, ମେନ୍‌ଦ ପାର୍‌ମେଶ୍ୱାର୍‌ରାଃ ହରା ସାର୍‌ତିତେମ୍ ଇତୁତାନା, ଏନାଲେ ସାରିତାନା । ୨୨ କାଜିୟାଲେମ୍, ଚିୟାଃ ଆଲେ କାଇସାର୍‌କେ କାର୍ ଏମାଇ ଲାଗାଡ଼ିୟାଃ ଚି କା ?”

୨୩ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆଟ୍‌କାରକେଦତେ ମେତାଦକଆଏ, ୨୪ “ମୁସିଙ୍ଗ୍‌ରାଃ ନାଲା ସିକା ଆଉଝାଇଙ୍ଗ୍‌ପେ, ନେଆଁ ଅକଏୟାଃ ମୁରୁଡ଼୍ ଆତଃ ଅନଲ୍ ତାନାଃ ?” ଇନ୍‌କୁ କାଜିରୁହାଡ଼କିୟାକ, “କାଇସାର୍‌ଆଃ ।”

୨୫ ଯୀଶୁ ଇନ୍‌କୁକେ ମେତାଦକଆଏ, “ତାବ୍‌ଦ କାଇସାର୍‌ଆଃ କାଇସାର୍‌କେ ଏମାଇପେ, ଆତଃ ପାର୍‌ମେଶ୍ୱାର୍‌ଆଃ ପାର୍‌ମେଶ୍ୱାର୍‌କେ ଏମାଇପେ ।”

୨୬ ଇନ୍‌କୁ ହଡ଼କଆଃ ଆୟାରରେ ଯୀଶୁଆଃ କାଜିରେ କାକ ସାବ୍ ଦାଡ଼ିକିୟାଃ, ଆତଃ ଇନିୟାଃ କାଜିରୁହାଡ଼ତେ ଆକ୍‌ଦାଦାଅୟାନ୍‌ଲଃ ହାପାୟାନାକ ।

ଜୀଉବିନିରିଦ୍‌ରେୟାଃ କୁନ୍ତୁଲି

(ମାଥୂଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ✽ସାଦୁକିକଏତେ ଚିମିନ୍‌ହଡ଼କ ଯୀଶୁତାଃତେକ ହିଜୁଃୟାନା, ଇନ୍‌କୁଦ ଜୀଉବିନିରିଦ୍ ବାନଃଆମେନ୍ତେକ କାଜିୟା, ଆତଃ ଇନ୍‌କୁ ଇନିଃକେ କୁଲିକିୟାଃକ, ୨୮ “ହେ ଗୁରୁ, ଜେତାଏ ହଡ଼ଆଃ ହନ୍‌ଗାଁଣା ବାନ୍‌କୁୟାନ୍ତେ ଆୟାଃ କୁଡ଼ିତେକେ ଗଏଃବାଗିରେ ହାଗାତେ ଇନିୟାଃ କୁଡ଼ିତେକେ ଆଣ୍‌ଦିୟାକା ଆତଃ ହାଗାତେୟାଃ ନୁଡୁମ୍‌ତେ ହନ୍ ପସାକକାଏ, ନେଆଁଦ ମୁଣା ଆଲେ ନାଗେନ୍ତେ ଅଲ୍‌କାଦାଏ ମେନ୍‌କେଦାକ । ୨୯ ନେଲେମେ ସାଡ଼ ହାଗିୟା ତାଇକେନାକ, ଆତଃ ମାରାଜ୍‌ନିଃ ଆଣ୍‌ଦିକେଦତେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୦ ଆତଃ ବାରିୟାନିଃ ଇନିଃକେ ଆଣ୍‌ଦିୟାନାଏ ଆତଃ ଇନିଃହ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୧ ଏନ୍ତେ ଆପିୟାନିଃ ଇନିଃକେ ଆଣ୍‌ଦିୟାନାଏ ଆତଃ ନେ ଲେକାଗି ସାଡ଼ ହାଗିୟାକହଁ ବେଗାର୍ ହନ୍‌ଗାଁଣାତେ ଗଏଃୟାନାକ । ୩୨ ତାୟମ୍‌ତେ, କୁଡ଼ିୟଗି ଗଏଃୟାନାଏ । ୩୩ ନାହାଁଃଦ ଜୀଉବିନିରିଦ୍ ଇମ୍‌ତା ଇନିଃ ଅକଏୟାଃ କୁଡ଼ି ହବାଅଆଃଏ ? ଏନ୍ ସାଡ଼ିୟ ହାଗିୟାକଦ ଇନିଃକେ ଆଣ୍‌ଦିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ଼ାଦକଆଏ, “ନେ ଦିପିଲିରେନ୍ ହନ୍‌କ ଆଣ୍‌ଦିୟତାନା ଆତଃକ ଆଣ୍‌ଦିକତାନା । ୩୫ ମେନ୍‌ଦ ହିଜୁଃତାନ୍ ପାରିୟାରେ ଜୀହୁଦଃ ହଡ଼କ ଆତଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍ ହଡ଼କ କାକ ଆଣ୍‌ଦିୟାଆ ଆତଃ କାକ ଆଣ୍‌ଦିନାଃ । ୩୬ ଆତଃ ଇନ୍‌କୁ ଆତଃମିସା କାକ ଗଏଃଦାଡ଼ିୟାଆ, ଚିୟାଃଚି ଇନ୍‌କୁଦ ସିର୍ମାରେନ୍ ଦାସିକଲେକା, ଆତଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହନ୍ ତାନ୍‌କୁ । ୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍

✽ ୨୦:୨୨ ୨୦:୨୭ ପ୍ରେରିଡ଼୍ ୨୩:୮.

କାଜି ମୁଣ୍ଡାହିଁ ତୁପାଦରେୟାଃ କାଜିତେ ଉଦୁବାକାଦାଏ, ଏନରେ ଇନିଃ ପ୍ରାଭୁକେ କାଜିକିୟାଏ, “ଆମ୍ ଆବ୍ରାହାମଆଃ ପାର୍ମେଶ୍ୱାର୍, ଆଡଃ ଇସାକ୍ଆଃ ପାର୍ମେଶ୍ୱାର୍, ଆଡଃ ଯାକୁବଆଃ ପାର୍ମେଶ୍ୱାର୍ ତାନମେ ।” ୩୮ ନେଲେମେ ପାର୍ମେଶ୍ୱାର୍ ଗଜାକାନକଆଃଦ ନାହିଁଲିଃ, ମେନ୍ଦ ଦ ଜୀହୁଦତାନକଆଃ ପାର୍ମେଶ୍ୱାର୍ ତାନିଃ, ଇନିଃ ନାଗେନ୍ତେଦ ସବେନକ ଜୀହୁଦଃତାନାକ ।”

୩୯ ଆଇନ୍ ଇତୁକଏତେ ଚିମିନକ କାଜିରୁହାଡ଼କିୟାକ, “ହେ ଗୁରୁ ଆମ୍ ବୁଗିନାମ୍ କାଜିୟାକାଦାଃ ।” ୪୦ ଆଡଃ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହିଁସକେଦା ।

ଖ୍ରୀଷ୍ଟ ଅକଏୟାଃ ହନ୍ ତାନିଃ

(ମାଥୂଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନକୁକେ କାଜିୟାଦକଆଏ, “ହଡ଼କ ଖ୍ରୀଷ୍ଟ ଦାଉଦଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?” ୪୨ ନେଆଁ ଦାଉଦ୍ ଆଇଃକ୍ରି ଦୁରାଙ୍ଗ୍ ପୁଥ୍ରେ କାଜିତାନାଏ,

“ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ,

ଆଇଁୟାଃ ଜମ୍ତିଃ ସାଃରେ ଦୁବାକାନମେଁ,

୪୩ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍ ।”

୪୪ “ଦାଉଦ୍‌ଦଃ ଇନିଃକେ ‘ପ୍ରାଭୁ’ ମେତାକତାନାଏ, ଏନ୍ତେ ଖ୍ରୀଷ୍ଟ ଚିଲ୍‌କାତେ ଇନିୟାଃ ହନ୍ ତାନିଃ ?”

ୟୀଶୁ ଆଇନ୍‌ଇତୁକକେ ଚିଟାକତାନାଏ

(ମାଥୂଉ ୨୩:୧-୩୬; ମାର୍କ ୧୨:୩୮-୪୦)

୪୫ ସବେନ୍ ହଡ଼କ ଆୟୁମତାନ୍ ତାକକେନ୍‌ରେ, ଯୀଶୁ ଆୟାଃ ଚେଲାକକେ କାଜିୟାଦକଆଏ, ୪୬ “ଆଇନ୍ ଇତୁକତାଃଏତେ ଚିର୍ଗାଲାକାନପେ, ଇନକୁ ଜିଲିଙ୍ଗ୍ ଲିଜାଃ ତୁସିଙ୍ଗକେଦତେ ସେନ୍‌ବାଡ଼ା, ଆଡଃ ପିର୍ ପିଡ଼ିକରେ ଜହାର୍‌ତେଲା ଆଡଃ ସାମାଜ୍ ଅଡ଼ାଃକରେ ଆୟାର୍‌ରେ ଦୁବ୍‌ନାଙ୍ଗ୍ ଆଡଃ ମାରାଙ୍ଗ୍ ଜମ୍‌ନୁଁକରେ ସିଦା ଠାୟାଦରେ ଦୁବ୍‌ନାଙ୍ଗ୍ ସୁକୁକଆ । ୪୭ ଇନକୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆଡଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିକ୍ରିୟା । ଏନ୍‌ଲେକାନ୍ ହଡ଼କଦ ଆଦକା ସାଜାକ ନାମେୟା ।”

## ୨୧

ମିଆଁଦ୍ ରାଣ୍ଡିକୁଡ଼ିଆଃ ଏମଃ

(ମାର୍କ ୧୨:୪୧-୪୪)

୧ ଯୀଶୁ ଆରିଦ୍ ରାକାବକେଦତେ କିସାଁଣ୍ ହଡ଼କ ଆକଆଃ ଦାନ୍ ଏମଃ ଖାଜନା ବାକାସରେ ସାଜୁତାନ୍ ନେଲ୍‌କେଦକଆଏ । ୨ ଇନିଃ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ବାରିଆ ହୁପ୍‌ଡ଼ିଙ୍ଗ୍ ତାମ୍ବା ସିକା ସାଜୁତେୟାଃ ନେଲ୍‌କିୟାଏ । ୩ ଯୀଶୁ ମେତାଦକଆଏ, “ସାର୍‌ଡ଼ିଗିଙ୍ଗ୍ କାଜିୟାପେତାନା, ନେ ରେଙ୍ଗେଃ ରାଣ୍ଡିକୁଡ଼ି ସବେନକଏତେ ଥୁମ୍ବା ଏମାକାଦାଃଏ । ୪ ଏନ୍ ସବେନକଦ ପାର୍ମେଶ୍ୱାର୍ ନାଙ୍ଗ୍ ଦାନ୍ ବାକାସରେ ଆକଆଃ ଆଦକା ମେନାଃତେୟାଃଏତେ କାଚିଃଲେକା ସାଜୁଆକାଦାଃକ ମେନ୍ଦ ନିଃ ଆୟାଃ ଜୀଉ ବାଞ୍ଚାଅ ନାଗେନ୍ତେ ଅକ୍‌ନାଃ ତାକକେନା, ଏନା ସବେନାଃଏ ସାଜୁଆକାଦାଏ ।”

ମାଦିର୍ ହାଦୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ

(ମାଥୂଉ ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ଚେଲକ ମାନ୍ଦିର୍ ଅଡ଼ାଃ ସୁଗାଡ଼୍ ଦିରିତେ ଆଡ଼ଃ ପାରମେଶ୍ଵାରିତାଃ ଦାନ୍ ରାକାବାକାନ୍ ତେୟାଃତେ ସିଙ୍ଗାରାକାନା ମେନ୍ତେ କାଜିକେଦାଃକ, ମେନ୍ଦ ଯୀଶୁ ମେତାଦକଆଏ, <sup>୬</sup> “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ୍ ସବେନାଃ ହାଦୁଡ଼ଃଆ, ଦିରି ଚେତାନ୍ ଦିରି ତିରିୟାକାନ୍ କା ତାଇନା ।”

ଦୁକୁ ଆଡ଼ଃ ସିଗିଦ୍

(ମାଥୂଉ ୨୪:୩-୧୪; ମାର୍କ ୧୩:୩-୧୩)

୬ ଯୀଶୁଆଃ ଚେଲକ କୁଲିକିୟାଃକ, “ହେ ଗୁରୁ, ନେଆଁଦ ଚିତଲା ହବାଅଃଆ ? ଆଡ଼ଃ ନେ ସବେନାଃ ହବାଅଃରେୟା ଚିକାନ୍ ଚିହ୍ନାଁ ଉଦୁବଃଆ ?” 「 ଜନିଃ କାଜିକେଦାଏ, “ଚିଗାଲାକାନ୍ଦେ, ଆଲ୍ଦେ ବେଦାଅଆଃ, ପୁରାଃ ହଡ଼କଦ ଆଇଙ୍ଗ୍ ଜନିଃଗି ତାନିଙ୍ଗ୍ ଆଡ଼ଃ ସାମାଏ ନାଡ଼େଃକାନା ମେନ୍ତେ ଆଇୟାଃ ନୁଡୁମ୍ତେକ ହିଜୁଃଆ, ଇନ୍ଦକୁକେ ଆଲ୍ଦେ ଅଡ଼ଙ୍ଗକଆ । <sup>୯</sup> ଆପେ ମାପାଃତୁପୁଇଙ୍ଗ୍ ଆଡ଼ଃ ହାଲାଗୁଲାରେୟାଃ କାଜି ଆୟୁମେରେ ଆଲ୍ଦେ ଆକବାକାଅଆଃ, ନେ କାଜିକଦ ସିଦାରେ ହବାଅଃଗି ଲାଗାଡିୟାଃ, ମେନ୍ଦ ଚୁଣ୍ଟୁ କୁ ହିଜୁଃଧାବାଃ ।”

<sup>୧୦</sup> ଏନ୍ତେ ଯୀଶୁ ଆଡ଼ଃଗି ଇନ୍ଦକୁକେ କାଜିୟାଦକଆଏ, “ହଡ଼କଦ ହଡ଼କଆଃ ବିରୁଧ୍ରେ ଆଡ଼ଃ ରାଇଜ୍ ରାଇଜ୍ରେୟାଃ ବିରୁଧ୍ରେକ ବିରିଦାଃ । <sup>୧୧</sup> ମିଦ୍ତାଃରେ ଅଡ଼େ ପୁରାଃ ଏକଲାଅଃଆ, ରିଙ୍ଗା ଆଡ଼ଃ ଦୁକୁ, ଆଡ଼ଃ ବରଆନ୍ତେୟାଃକ ଆଡ଼ଃ ସିମାଏତେ ମାପରାଙ୍ଗ୍ ଚିହ୍ନାଁକ ଉଦୁବଃଆ । <sup>୧୨</sup> ମେନ୍ଦ ଏନ୍ ସବେନାଃ ସିଦାରେ, ହଡ଼କ ଆଇୟାଃ ନୁଡୁମ୍ ନାଗେନ୍ତେକ ସାବପେୟା ଆଡ଼ଃକ ସିଗିଦ୍ପେୟା । ଇନ୍ଦକୁ ସାମାଜ୍ ଅଡ଼ଃକରେକ ଜିମାପେୟା ଆଡ଼ଃକ ଜେହେଲ୍ପେୟା, ଆଡ଼ଃ ରାଜାକଆଃ ଆଡ଼ଃ ହାକିମ୍କଆଃ ଆୟାର୍ରେକ ଇଦିପେୟା । <sup>୧୩</sup> ମେନ୍ଦ ନେଆଁ ଆପେୟାଃ ନାଗେନ୍ତେ ଗାଝାଇ ହବାଅଆଃ । <sup>୧୪</sup> ମେନ୍ଦ ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ଃକେଦତେ ଆପେୟାଃ ମନ୍ରେ ଉହାଟେପେ । <sup>୧୫</sup> ଚିୟାଃଗି ଆଇଙ୍ଗ୍ ଆପେକେ ନେ'ଲେକାନ୍ ବାଚାନ୍ରେୟାଃ ପେଡ଼େ ଆଡ଼ଃ ସେଣାଁ ଏମାପେୟାଇଙ୍ଗ୍ ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ଼ କାଜିତାନାଃ ମେନ୍ତେ କାକ କାଜିରୁହାଡ଼୍ ଦାଡ଼ିୟା । <sup>୧୬</sup> ଆପେୟାଃ ଏଙ୍ଗା ଆପୁକ ଆଡ଼ଃ ହାଗାକ ଆଡ଼ଃ କୁଟୁମ୍ବୁପୁଲ୍କ ଆଡ଼ଃ ଗାଡ଼ିକ ସାବଇଚିପେୟା ଆଡ଼ଃ ଆପେକଏତେ ଚିମିନ୍କକେ ଗଏଃଇଚିକଆକ । <sup>୧୭</sup> ଆଇୟାଃ ନୁଡୁମ୍ ନାଙ୍ଗ୍ ସବେନ୍ ହଡ଼କ ଆପେକେ ଖସ୍ଆପେୟାକ । <sup>୧୮</sup> ମେନ୍ଦ ଆପେୟାଃ ବହଃଏତେ ମିଆଁଦ୍ ଉବ୍ହ କା ଜିୟନଃଆ । <sup>୧୯</sup> ଆପେ ସାହାଡ଼ିଙ୍ଗ୍ ତାନ୍ଲଃ ଆପେୟାଃ ଜୀଉପେ ନାମେୟା ।

ଯୀରୁଶାଲେମରାଃ ଜିୟନଃ ବିଷାଏରେ ଯୀଶୁ କାଜିତାନାଏ

(ମାଥୂଉ ୨୪:୧୫-୨୧; ମାର୍କ ୧୩:୧୪-୧୯)

୨୦ “ଯୀରୁଶାଲେମ୍ ଫାଉଦତେ କେସେଦ୍ବିୟୁରାକାନ୍ ନେଲେ ଇମ୍ତା, ଏନାଦ ଉଡୁଡ଼ଧାବଆଃ ମେନ୍ତେ ସାରିପେ । <sup>୨୧</sup> ଇମ୍ତା ଯିହୁଦା ପାରଗାନ୍ରେ ତାଇନଃତାନ୍କ ବୁରୁଡେକ ନିରଡେବାଃକା, ଯୀରୁଶାଲେମ୍ ଆଲାରେ ତାଇନ୍ତାନ୍କ ଅଡ଼ଙ୍ଗାଃକାକ ଆଡ଼ଃ ହାଡ଼କରେ ତାଇନ୍ତାନ୍କ ସାହାର୍ତେ ଆଲକାକ ବଲଃକା । <sup>୨୨</sup> ଚିୟାଃଗି ସବେନ୍ ଅଲକାନ୍ତେୟାଃ ପୁରାଅଃ ନାଗେନ୍ତେ ନେ ହୁଲାଙ୍ଗକଦ ସାଜାଇଅଃରେୟାଃ ହୁଲାଙ୍ଗ୍ ତାନାଃ । <sup>୨୩</sup> ମେନ୍ଦ ଏନ୍ ଦିପିଲିରେନ୍ ବାଜିଆକାନ୍ କୁଡ଼ିକଆଃ ଆଡ଼ଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍ଗି ଦୁକୁ ହବାଅଆଃ । ଚିୟାଃଗି ଅଡେଦିଶ୍ଵମ୍ରେଦ ମାରାଙ୍ଗ୍ ଦୁକୁ ଆଡ଼ଃ ନେ ହଡ଼କରେ

\* ୨୧:୧୪ ୨୧:୧୪ ଲୁକ ୧୨:୧୧,୧୨.

ଏନେସେଦ୍\* ଠଗଣଆ । ୨୪ ଇନ୍‌କୁ ତାରାଉଡ଼ିତେ ମାଗଆଃକ ଆଡଃ ସବେନ୍ ଦିଶ୍‌ମ୍‌ରେନ୍‌କତାଃତେକ ତଲ୍‌ଇଦିୟାଆ ଆଡଃ ଏଟାଃ ଜାତିରେନ୍‌କଆଃ ଦିପିଲି ଆଉରି ପୁରାଅଃଜାକେଦ୍ ଯାରୁଶାଲେମ୍‌କେ ଏଟାଃ ଜାତିରେନ୍‌କ ଏନେୟା ।

ମାନୱାହନ୍‌ଆଃ ହିଜୁଃରୁହାଡ଼ରେୟାଃ ଆୟାରକାଜି  
(ମାଥୁଉ ୨୪:୨୯-୩୧; ମାର୍କ ୧୩:୨୪-୨୭)

୨୫ ☆“ସିଜି, ଚାଣ୍ଡୁ, ଆଡଃ ଇପିଲକରେ ଚିହ୍ନାକ ଉଦୁବଃଆ । ଦରେୟା ଆଡଃ ଆଲ୍‌ପୁଜ୍‌ରେୟାଃ ସାଡ଼ିରେ, ଅତେରେ ଜାତିରେନ୍‌କ ଦୁକୁତେକ ଆକ୍‌ବାକାଆଆ । ୨୬ ଅତେଦିଶ୍‌ମ୍‌ତେ ହିଜୁଃତାନ୍ ସାକାଟ୍‌କେ ନେଲ୍‌ହରାତାନ୍‌ଲଃ ହଡ଼କ ବରତେ ଗଜଃ ଲେକାକ ହବାଅଃଆ, ଚିୟାଃଟି ସିର୍ମାରେୟାଃ ପେଡ଼େଃୟାନ୍‌ତେୟାଃକ ଏକଲାଅଃଆ । ୨୭ ☆ଏନ୍ ସାମାଏରେ ହଡ଼କ ମାନୱାହନ୍‌କେ ପେଡ଼େଃ ଆଡଃ ପୁରାଃ ମାନାରାଙ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିୟା । ୨୮ ଚିମ୍‌ତାଙ୍‌ ନେଆଁକ ଏଟେଜଃରେ ତିଜ୍‌ନ୍‌ପେ ଆଡଃ ସାଜିଲେପେ, ଚିୟାଃଟି ଆପେୟାଃ ମୁକ୍ତିଦ ନାଡ଼େୟାଃତାନା ।”

ଲଆଦାରୁଏତେ ଇନିତୁ  
(ମାଥୁଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆଡଃ ଯୀଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଲଆଦାରୁ ଆଡଃ ସବେନ୍ ଦାରୁ ଆଡଃ ଏଟାଃ ଦାରୁକଏତେ ଇତୁନ୍‌ପେ । ୩୦ ଏନା ସୁଡ଼ାଅଃତାନ୍ ନେଲ୍‌କେଦ୍‌ତେ ଜେଟ୍‌ସିଜି ନାହାଁଃଦ ନାଡ଼େୟାକାନା ମେନ୍‌ତେପେ ସାରିୟାଃ । ୩୧ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା ପାର୍‌ମେଶ୍‌ବାରାଃ ରାଇଜ୍ ନାଡ଼େୟାକାନା ମେନ୍‌ତେ ସାରିପେ ।”

୩୨ ସାର୍‌ତିଗିଜ୍ କାଜିୟାପେତାନା, “ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ । ୩୩ ସିର୍ମା ଆଡଃ ଅତେ ଚୁଣ୍ଡୁତାରାଃଆ, ମେନ୍‌ଦ ଆଇୟାଃ କାଜିକ କା ଚୁଣ୍ଡୁଆ ।

ଚିର୍ଗାଲାକାନ୍‌ପେ

୩୪ “ଚିର୍ଗାଲାକାନ୍‌ପେ, କା'ରେଦ ନୁଁରେୟାଃ ବୁନ୍‌ଲ୍‌ତେ ଆଡଃ ନେ ଜୀଦାନ୍‌ରେୟାଃ ଉଡ଼ୁକେଦ୍‌ତେ ଆପେୟାଃ ମନ୍ ହାମ୍‌ଲାଆଆ ଆଡଃ ଏନ୍ ହୁଲାଙ୍ ଆପେରେ ଆଡ଼କାତେ ଫାସରିଲେକା ହିଜୁଃଆ । ୩୫ ଏନାଦ ଏନ୍ ଫାଁସରି ଲେକାଗି ସବେନ୍ ଅତେରେନ୍‌କଆଃରେ ହିଜୁଃଆ । ୩୬ ଆପେ ନେ ସବେନ୍ ହିଜୁଃତେୟାଃକଏତେ ବାଞ୍ଛାଆ ଆଡଃ ମାନୱାହନ୍‌ଆଃ ଆୟାରରେ ତିଜ୍‌ସଦାଡ଼ିକାଲେ ମେନ୍‌ତେ ସବେନ୍ ଦିପିଲିରେ ଏୟନାକାନ୍‌ପେ ଆଡଃ ବିକ୍ତିପେ ।”

୩୭ ☆ସବେନ୍ ହୁଲାଙ୍ ଯୀଶୁ ମାନ୍‌ିର୍ ଅଡ଼ାଃରେ ଇତୁକତାନ୍ ଆଡଃ ସିଜିହାସୁର୍‌ୟାନ୍ତେ ଜାଇତୁନ୍ ବୁରୁରେ ତାଇନ୍‌ତାନାଏ ତାଇକେନା । ୩୮ ଆଡଃ ସେତାଃୟାନ୍‌ରେଦ ସବେନ୍ ହଡ଼କ ଇନିୟାଃ କାଜି ଆୟୁମ୍ ନାଗେନ୍ତେ ମାନ୍‌ିର୍ ଅଡ଼ାଃତେ ଇନିଃତାଃକ ହିଜୁଃତାନ୍ ତାଇକେନା ।

# ୨୨

ୟୀଶୁଆଃ ବିରୁଧ୍‌ରେ ରଜୋଟ  
(ମାଥୁଉ ୨୨:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

\* ୨୧:୨୩ ୨୧:୨୩ ଖସ୍ ☆ ୨୧:୨୫ ୨୧:୨୫ ଉନ୍‌ଦୁଦ୍ କାଜି ୬:୧୨,୧୩. ☆ ୨୧:୨୭ ୨୧:୨୭ ଉନ୍‌ଦୁଦ୍ କାଜି ୧:୭. † ୨୧:୩୦ ୨୧:୩୦ ପାଆଁଲାଃଆ ☆ ୨୧:୩୭ ୨୧:୩୭ ଲୁକ ୧୯:୪୭.

<sup>୧</sup> ପାସ୍କା ପାରାବ୍ ନୁତୁମଃତାନ ସାବାଃ ହଲଙ୍ଗ୍ରେୟାଃ ପାରାବ୍ ନାଡ଼େଃୟାନା,  
<sup>୨</sup> ଆତଃ ମାରାଙ୍ଗ୍ ଯାଜାକ୍ ଆତଃ ଆଇନ୍ ଇତୁକ ଆବୁ ଯୀଶୁକେ ଚିଲ୍କାବୁ  
 ଗଜିୟା ମେନ୍ତେ ହରାକ ଦାଣ୍ଠାବାଡ଼ା ତାଇକେନା, ଇନ୍କୁଦ ହଡ଼କକେ ବରଆକତାନ୍  
 ତାଇକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ରାଜିୟାନା  
 (ମାଥୂଉ ୨୨:୧୪-୧୬; ମାର୍କ ୧୪:୧୦-୧୧)

<sup>୩</sup> ଏନ୍ତେ ଗେଲ୍‌ବାର୍ ଚେଲାକଏତେ, ଇଷ୍ଟାରିୟଡ଼ ଯିହୁଦା ନୁତୁମଃତାନ୍  
 ମିଆଁଦ୍‌ନିୟାଃରେ ସାଏତାନ୍ ବଲୟାନାଏ । <sup>୪</sup> ଆତଃ ଇନିଃ ସେନଃୟାନ୍ତେ ଆଇଙ୍ଗ୍  
 ଯୀଶୁକେ ଚିଲ୍କା ଆପେୟାଃ ତିଃଇରେ ଜିମାଇୟା ମେନ୍ତେ ମାରାଙ୍ଗ୍ ଯାଜାକ୍ ଆତଃ  
 ସିପାଇକଆଃ ଗମ୍‌କେକଲଃ ବାଖାଣ୍ଡକେଦାଏ । <sup>୫</sup> ଇନ୍କୁ ଟାକାଲେ ଏମାମେୟା  
 ମେନ୍ତେ ରାସ୍କାତାନ୍‌ଲଃକ ହୁଣ୍ଡିୟାନା । <sup>୬</sup> ଆତଃ ଇନିଃ ରାଜିୟାନାଏ ଆତଃ କା  
 ହାଲାଗୁଲାଏତାନ୍‌ଲଃ ଇନ୍କୁଆଃ ତିଃଇରେ ଯୀଶୁକେ ସାବ୍ରିକାଇ ନାଗେନ୍ତେ  
 ସୁୟୋଗ୍ ଦାଣ୍ଠାତାନାଏ ତାଇକେନା ।

ୟୀଶୁ ପାସ୍କା ପାରାବ୍‌ରେୟାଃ ଜମେୟାଃ ନାଗେନ୍ତେ ସେକାଡ଼ୟାନାଏ  
 (ମାଥୂଉ ୨୨:୧୭-୨୫; ମାର୍କ ୧୪:୧୨-୨୧; ଯୋହାନ୍ ୧୩:୨୧-୩୦)

<sup>୭</sup> ସାବାଃ ହଲଙ୍ଗ୍‌ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ  
 ମିଣ୍ଡିହନ୍‌ଆଃ ଦାଣ୍ଠେ ମାୟୋମ୍ ଲାଗାଡ଼ିଙ୍ଗ୍ ତାଇକେନା । <sup>୮</sup> ଯୀଶୁ, ପାଡ଼ରାଏ ଆତଃ  
 ଯୋହାନ୍‌କେ “ପାସ୍କା ପାରାବ୍ ନାଙ୍ଗ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦକିନା  
 ।

<sup>୯</sup> ଏନ୍ତେ ଇନ୍‌କିନ୍ ଇନିଃକେ କୁଲିକିୟାକିନ୍, “ଆଲିଙ୍ଗ୍ ଅକ ଠାୟାଦ୍‌ରେ  
 ବାଇୟାଲିଙ୍ଗ୍ ମେନ୍ତେମ୍ ସାନାଙ୍ଗ୍‌ତାନା ?”

<sup>୧୦</sup> ଯୀଶୁ ମେତାଦକିନାଏ, “ନାଗାର୍‌ରେ ବଲଃ ଇମ୍‌ତା ଦାଆଃଚାରୁ ଡେଙ୍ଗ୍‌କାଦ୍  
 ମିଆଁଦ୍ ହଡ଼କେ ନାମ୍‌ୟାବେନ୍, ଇନିଃ ବଲଃ ଅଡ଼ାଃତେ ଅତଙ୍ଗ୍‌ଇବେନ୍,  
<sup>୧୧</sup> ଆତଃ ଅଡ଼ାଃରେନ୍ ଗମ୍‌କେ କେ କାଜିୟାଇବେନ୍, ‘ଗୁରୁ କୁଲିତାନାଏ, ବାଖିରା  
 ଅକ୍‌ତାଃରେୟା ? ଏନ୍ତାଃଦ୍ ଆଇଁୟାଃ ଚେଲାକଲଃ ପାସ୍କା ପାରାବ୍‌ରେୟାଃ  
 ଜମେୟାଃ ଜମେୟାଈଙ୍ଗ୍ ।’ <sup>୧୨</sup> ଇନିଃ ବାଇସେକାଡ଼ାକାନ୍ ମାରାଙ୍ଗ୍ ବାଖିରା  
 ଉଦୁବାବେନାଏ, ଏନ୍ତାଃରେ ବାଇୟେବେନ୍ ।”

<sup>୧୩</sup> ଇନ୍‌କିନ୍ ସେନଃୟାନ୍ତେ ଯୀଶୁ ଉଦୁବାଦକିନ୍‌ଲେକା ନାମ୍‌କେଦାଃକିନ୍, ଆତଃ  
 ପାସ୍କା ପାରାବ୍ ନାଙ୍ଗ୍ ଜମେୟାଈକିନ୍ ବାଇକେଦାଃ ।

ପ୍ରାଭୁ ଭୋଜ  
 (ମାଥୂଉ ୨୨:୨୬-୩୦; ମାର୍କ ୧୪:୨୨-୨୬; ୧ କରିନ୍ଥ୍ରିୟ ୧୧:୨୩-୨୫)

<sup>୧୪</sup> ଆତଃ ଏନ୍ ଦିପିଲି ସେଟେରୟାନ୍‌ତି ଯୀଶୁ ଆୟାଃ ପ୍ରେରିଡ଼କଲଃ ଜଜମ୍  
 ନାଗେନ୍ତେ ଦୁବ୍‌ୟାନାଏ । <sup>୧୫</sup> ଆତଃ ଇନିଃ ଇନ୍‌କୁକେ କାଜିୟାଦକଆଏ, “ଆଇଙ୍ଗ୍  
 ଦୁକୁ ସାହାଡ଼ିଙ୍ଗ୍‌ୟେଁ ସିଦାରେ ନେ ପାସ୍କା ପାରାବ୍‌ରେୟାଃ ଜମେୟାଈ ଆପେଲଃ  
 ଜଜମାଇଙ୍ଗ୍ ସାନାଙ୍ଗ୍‌ତାନା । <sup>୧୬</sup> ଆଇଙ୍ଗ୍‌ଦ୍ ପାର୍‌ମେଶ୍‌ବାରୁଆଃ ରାଇଜ୍‌ରେ ଏନାରାଃ  
 ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆତଃ ଚିତଲାଇ କାଇଙ୍ଗ୍ ଜମାଃ  
 ମେତାପେତାନାଇଙ୍ଗ୍ ।”

<sup>୧୭</sup> ଆତଃ କାଟୋରା ଆଉକେଦ୍‌ତେ, ଇନିଃ ଧାନ୍ୟାବାଦ୍ ଏମ୍‌ତାନ୍‌ଲଃ  
 ମେତାଦକଆଏ, “ଆପେୟାଃ ଆଲାରେ ନେଆଁ ହାଟିଙ୍ଗ୍‌ୟେଁପେ ।” <sup>୧୮</sup> ଆଇଙ୍ଗ୍‌ଦ୍  
 କାଜିୟାପେ ତାନାଇଙ୍ଗ୍, “ପାର୍‌ମେଶ୍‌ବାରୁଆଃ ରାଇଜ୍ ଆଉରି ହିଜୁଃଜାକେଦ୍ ଆଇଙ୍ଗ୍  
 ଦାଖିରାସି ଆତଃ ଚିତଲାଇ କାଇଙ୍ଗ୍ ନୁଇଆ ।”

୧୯ ଆତ୍ମା ଇନିଃ ହଲଙ୍ଗ୍ ସାବ୍‌କେଦ୍‌ତେ, ପାର୍‌ମେଶ୍ଵାର୍‌କେ ଧାନ୍‌ଧାବାଦ୍ ଏମ୍‌କିୟାଏ ଆତ୍ମା ଏନାକେ କେଟାଃକେଦ୍‌ତେ ଇନ୍‌କୁକେ ଏମ୍‌ତାନ୍‌ଲଃ କାଜିୟାଦ୍‌କଥାଏ, “ନେଆଁ ଆଇଁୟାଃ ହଡ଼ମ୍‌ତାନାଃ, ଆପେ ନାଗେନ୍ତେ ଏମ୍‌ତାନା, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁରିକାଏପେ ।” ୨୦ ଏନ୍‌ଲେକାରି, ଇନିଃ ଆୟ୍‌ବ୍‌ଜମେୟାଃ ତାୟମ୍‌ତେ କାଟୋରା ସାବ୍‌କେଦ୍‌ତେ ମେତାଦ୍‌କଥାଏ, “ନେ କାଟୋରା ଆଇଁୟାଃ ମାୟୋମ୍‌ତେ ଆପେୟାଃ ନାଙ୍ଗ୍ ଲିଙ୍ଗିୟାତାନ୍ ପାର୍‌ମେଶ୍ଵାର୍‌ଆଃ ରାଜିନାମାରାଃ ନାଞ୍ଜାନିୟାମ୍‌ ତାନାଃ ।

୨୧ “ମେନ୍‌ଦ ନେଲେପେ ଆଇଙ୍ଗ୍‌କେ ସାବ୍‌କରିନିୟାଃ ତିଃଇ ଆଇଁୟାଃଲଃ ମେଜ୍‌ରେୟା ।” ୨୨ ମାନଞ୍ଜହନ୍ ଆୟାଃ ନାଗେନ୍ତେ ଦହାକାନ୍ ଲେକାଏ ସେନଃତାନା, ମେନ୍‌ଦ ବାଇରିକିଆଃ ତିଃଇରେ ଇନିଃକେ ସାବ୍‌ରିକାନିଃ ହାୟ୍ ହାୟ୍ ତିମିନ୍ ଦୁକୁନାମେୟାଏ ।”

୨୩ ଆତ୍ମା ଇନ୍‌କୁ ଆରୁଏତେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡ଼ାକେଦାଃ ।

ଆରୁଏତେ ଅକଏ ମାରାଙ୍ଗ୍ ମେନ୍ତେ ତେଲାଇ ଏପ୍‌ରାଙ୍ଗ୍‌ତାନା  
(ମାଥ୍‌ଉ ୨୦:୨୫-୨୮; ମାର୍କ ୧୦:୪୨-୪୪)

୨୪ \*ତେଲାଇ ଆରୁଏତେ ଅକଏ ମାରାଙ୍ଗ୍‌ନିଃ ଆବ୍‌କାରଃଆଏ ମେନ୍ତେକ ଏପ୍‌ରାଙ୍ଗ୍‌ୟାନା । ୨୫ ଯୀଶୁ ଇନ୍‌କୁକେ କାଜିୟାଦ୍‌କଥାଏ, “ଏଟାଃ ଜାତିରେନ୍‌କଥାଃ ରାଜାକ ଇନ୍‌କୁରେକ ରାଇଜେତାନା, ଆତ୍ମା ଇନ୍‌କୁଆଃରେ ଆକ୍‌ତେୟାର୍ ତାନ୍‌କକେ ଗାତିକ କାଜିୟାତାନା । ୨୬ \*\*ମେନ୍‌ଦ ଆପେ ଆଲ୍‌ପେ ନେକାଅଆଃ, ଆପେୟାଃ ଆଲାରେ ମାରାଙ୍ଗ୍‌ନିଃ ହୁଡ଼ିଙ୍ଗ୍‌ନିଃଲେକା, ଆତ୍ମା ଆଗୁଆଇନିଃ ସୁସାର୍‌ନିଃ ଲେକା ତାଇନଃକାଏ । ୨୭ \*ଅକଏ ମାରାଙ୍ଗ୍‌ଆଏ, ଜଜମ୍‌ରେ ଦୁବାକାନ୍‌ନିଃ ତି ଦାସି ? ତିୟାଃ ଜଜମ୍‌ରେ ଦୁବାକାନ୍‌ନିଃ କାଏ ମାରାଙ୍ଗ୍‌ଆଁ ? ମେନ୍‌ଦ ଆଇଙ୍ଗ୍ ଆପେୟାଃ ଆଲାରେ ମିଆଁଦ୍ ଦାସିଲେକାଃଇଙ୍ଗ୍ ।

୨୮ “ଆଇଁୟାଃ ବିନିଡ଼ାଅକରେ ଆଇଙ୍ଗ୍‌ଲଃ ତାଇକାନ୍‌କ ଆପେଗି ତାନ୍‌ପେ । ୨୯ ଆତ୍ମା ଆପୁଇଙ୍ଗ୍ ଆଇଙ୍ଗ୍‌କେ ରାଇଜ୍ ରିକାଏରେୟାଃ ଆକ୍‌ତେୟାର୍ ଏମାକାଦିଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ ଆକ୍‌ତେୟାର୍ ଏମାପେତାନାଇଙ୍ଗ୍, ୩୦ \*ଜେ'ଲେକାରି, ଆପେ ଆଇଁୟାଃ ରାଇଜ୍‌ରେ ଆଇଁୟାଃ ମେଜ୍‌ରେପେ ଜମ୍‌ନୁଏୟା ଆତ୍ମା ରାଇଗାଦିରେ ଦୁବ୍‌କେଦ୍‌ତେ ଇସ୍ରାଏଲ୍‌ରେନ୍ ବାରା କିଲିକିଆଃପେ ବିଚାରେୟା ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାର୍‌କାଜି\* କାଜିତାନା

(ମାଥ୍‌ଉ ୨୬:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୬-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ଚାଷି ଗହମ୍‌କେ ହାଟାଃରେ କେଲାଅକେଦ୍‌ତେ ପେଟେଃକେ ଆତମେଲେକା, ଆପେକେ ବିଡ଼ାଅ ମେନ୍ତେ ସାଏତାନ୍‌ହଗି ବୁଗିନ୍ ହଡ଼କତାଃଏତେ ଏଡ଼କାନ୍ ହଡ଼କକେ ଆଲ୍‌ଗାଅରେୟାଃ ଆନ୍‌ଚୁଇ ନାମାକାଦା । ୩୨ ମେନ୍‌ଦ ଆମାଃ ବିଶ୍ଵାସ୍ ଆଲକା ଚାବାଃଆ ମେନ୍ତେ ଆଇଙ୍ଗ୍ ଆମାଃ ନାଗେନ୍ତେଇଙ୍ଗ୍ ବିକ୍ରିୟାକାଦାଃ, ଆତ୍ମା ଆମ୍ ରୁହାଡ଼୍‌ରେଦ୍ ଆମାଃ ହାଗାକକେ ପକ୍‌ତାକମେ ।”

\* ୨୨:୨୪ ୨୨:୨୪ ମାଥ୍‌ଉ ୧୮:୧; ମାର୍କ ୯:୩୪; ଲୁକ ୯:୪୭. \* ୨୨:୨୬ ୨୨:୨୬ ମାଥ୍‌ଉ ୨୩:୧୧; ମାର୍କ ୯:୩୫.  
\* ୨୨:୨୭ ୨୨:୨୭ ମାଥ୍‌ଉ ୨୦:୨୫-୨୭; ମାର୍କ ୧୦:୪୨-୪୪. \* ୨୨:୨୭ ୨୨:୨୭ ଯୋହାନ୍ ୧୩:୧୨-୧୫.  
\* ୨୨:୩୦ ୨୨:୩୦ ମାଥ୍‌ଉ ୧୯:୨୮. \* ୨୨:୩୦ ୨୨:୩୧ ହବାଃଆ ସିଦାରେ କାଜିତେୟାଃ

୩୩ ମେନ୍ଦ ପାଡ଼ରାସ କାଜିକିୟାଏ, “ହେ ପ୍ରାଭୁ ଆମ୍ଭାଃ ଜେହେଲ୍‌ତେ ସେନ୍ ଆଡ଼ଃ ଗଜଃ ନାଗେନ୍ତେ ସାପ୍‌ଡ଼ାଅକାନାଇଙ୍ଗ୍ ।”

୩୪ ଯୀଶୁ ମେତାଇକାଏ, “ଏ ପାଡ଼ରାସ, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଇନିଃକେ କାଇଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଇଙ୍ଗ୍ ମେତାମ୍‌ତାନା ।”

ପାଏସାମୁନା, ଆଇଲା, ଆଡ଼ଃ ତାରାଉଡ଼ି

୩୫ ଏନ୍ତେ ଯୀଶୁ ଆୟାଃ ଚେଲାକକେ କୁଲିକେଦକଆଏ, “ଆଇଙ୍ଗ୍ ଆପେକେ ବେଗାର୍ ପାଏସାମୁନା, ଆଇଲା, ଆଡ଼ଃ ଖାର୍‌ପାଡେଇଙ୍ଗ୍ କୁଲିକେଦପେରେ, ତିୟାଃ ଜେଡ଼ନାଃତେପେ ଜାଞ୍ଜିୟାନା† ?” “ଜେଡ଼ନାଃତେ କାହା” ମେନ୍ତେକ କାଜିରୁହାଡ଼କିୟା ।

୩୬ ଯୀଶୁ ଇନକୁକେ ମେତାଦକଆଏ, “ମେନ୍ଦ ନାହାଁଃ ପାଏସାମୁନା ତାଇନଃନିଃ ଏନା ଇଦିକାଏ, ଆଡ଼ଃ ଆଇଲାହ୍, ଆଡ଼ଃ ଅକଏତାଃରେ ତାରାଉଡ଼ି ବାନଆଃ ଇନିଃ ଆୟାଃ ଲିଜାଃ ଆଖିରଙ୍ଗ୍‌କେଦତେ ମିଆଁଦ୍ କିରିଙ୍ଗ୍‌ୟେକାଏ । ୩୭ ନେଆଁ ଧାରାମ୍‌ପୁଥିରେ ଅଲାକାନା, ‘ଇନିଃ କା ଧାର୍‌ମାନ୍ ହଡ଼କଲଃ ଲେକାୟାନାଏ,’ ଆଡ଼ଃ ଆଇଙ୍ଗ୍ ମେତାପେ ତାନାଇଙ୍ଗ୍, ନେଆଁ ଆଇଁୟାଃରେ ହବାଅଃଗିୟା । ହେଗି, ଧାରାମ୍‌ପୁଥିରେ ଆଇଁୟାଃ ବିଷାଏରେ ଅଲାକାନ୍‌ତେୟାଃଦ ସାର୍‌ତିଗି ହବାଅଃଗିୟା ।”

୩୮ ଚେଲାକ କାଜିକିୟାଃକ, “ହେ ପ୍ରାଭୁ, ନେଲେମେ ବାରିଆ ତାରାଉଡ଼ି ନେତାଃରେୟା ।” ଇନିଃ ମେତାଦକଆଏ, “ଇମ୍‌ନାଙ୍ଗ୍‌ରେ ହବାକଆଃ ।”

ଜାଲ୍‌ପାଇ ବୁରୁରେ ଯୀଶୁଆଃ ବିକ୍ତି

(ମାଥୁର ୨୬:୩୬-୪୬; ମାର୍କ ୧୪:୩୨-୪୨)

୩୯ ଯୀଶୁ ସାହାରହେତେ ଅତଙ୍ଗ୍‌ୟାନଲଃ ସବେନ୍ ହୁଲାଙ୍ଗ୍ ସେନଃତାନ୍‌ଲେକା ଜାଇଡୁନ୍ ବୁରୁତେ ସେନଃୟାନା, ଆଡ଼ଃ ଇନିୟାଃ ଚେଲାକହ ଅତଙ୍ଗ୍‌କିୟାକ । ୪୦ ଏନ୍ ଠାୟାଦ୍‌ରେ ସେଟେରୟାନ୍‌ଚି ମେତାଦକଆଏ, “ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ତିପେ ।”

୪୧ ଯୀଶୁ ମିଆଁଦ୍ ଦିରିହୁଦମାଃ ଇମ୍‌ନାଙ୍ଗ୍ ସାଙ୍ଗିନ୍ ଇନକୁଏତେ ଆତମ୍‌ୟାନାଏ, ଆଡ଼ଃ ଇକଡ଼୍‌କେଦତେ ବିକ୍ତିକେଦାଏ । ୪୨ “ହେ ଆବା, ଆମ୍ ସାନାଙ୍ଗ୍‌ରେଦ ନେ କାଟୋରା ଆଇଙ୍ଗ୍‌ଏତେ ଆତମ୍‌ୱେମେ, ଏନ୍‌ରେୟ ଆଇଁୟାଃ ସାନାଙ୍ଗ୍‌ଲେକାଦ କାହା ମେନ୍ଦ ଆମାଃ ସାନାଙ୍ଗ୍‌ଲେକା ହବାଅଃକା ।” ୪୩ ସିର୍ମାସାଃଏତେ ମିଆଁଦ୍ ସିର୍ମାରେନ୍ ଦାସି ଇନିଃକେ ପେଡେଜି ନାଗେନ୍ତେ ଇନିଃତାଃତେ ହିଜୁଃୟାନା । ୪୪ ଆଡ଼ଃ ଯୀଶୁ ପୁରାଃ ଦୁକୁୟାନ୍ତେ ପୁରାଃଗି ବିକ୍ତିଗରୋଙ୍ଗ୍‌କେଦାଃଏ ଆଡ଼ଃ ଇନିୟାଃ ବାଲ୍‌ବାଲ୍‌ଦାଆଃ ଅତେରେ ଜରତାନ୍ ସାକିଦ୍ ମାୟୋମ୍‌ଲେକାୟାନା ।‡

୪୫ ଇନିଃ ବିକ୍ତିକେଦତେ ବିରିଦ୍‌ୟାନାଏ ଆଡ଼ଃ ଆୟାଃ ଚେଲାକତାଃ ରୁହାଡ଼ୟାନ୍‌ଚି, ଇନକୁକେ ଦୁଡ଼୍‌ମ୍‌କାନ୍ ନାମକେଦକଆଏ, ଆଡ଼ଃ ହୁଡ଼ିଙ୍ଗ୍‌ଜାଉୟାନାଏ । ୪୬ ଇନିଃ କୁଲିକେଦକଆଏ, “ତିନାଃମେନ୍ତେପେ ଦୁଡ଼୍‌ମ୍‌ତାନା ? ମାର୍ ବିରିଦ୍‌ପେ ଆଡ଼ଃ ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ତିପେ ।”

ଯୀଶୁଆଃ ସାଦ୍‌ଇଦିୟାଃ

(ମାଥୁର ୨୬:୪୭-୫୬; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

୪୭ ଯୀଶୁ ନେଆଁ କାଜିତାନ୍ ତାଇକେନ୍ ଇମ୍‌ତାଗି ନେଲେପେ ଗାଦେଲହଡ଼କ ହିଜୁଃୟାନା, ଆଡ଼ଃ ଗେଲ୍‌ବାର୍ ଚେଲାକଏତେ ଯିହୁଦା ନୁଡୁମ୍ ମିଆଁଦ୍ ଚେଲା

☆ ୨୨:୩୫ ୨୨:୩୫ ମାଥୁର ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪. † ୨୨:୩୫ ୨୨:୩୫ ଘାଗିୟାନା ‡ ୨୨:୪୪ 22:44 ଚିମିନ୍ ମାରି ଅନଲକରେ ୪୩-୪୪ ପଦ ବାନଃଆ



ଇନକୁକେ ଆୟାତ୍ରେତେ ଆଉକେଦକଆ ଆତଃ ଯୀଶୁକେ ଚଅଃଇ ନାଗେନ୍ତେ ଇନିଃତାଃତେ ନାଡ଼େଃୟାନା, ୪୮ ଫେନ୍ଦ ଯୀଶୁ ଫେତାଇଜାଏ, “ଏ ଯିହୁଦା, ଚିୟାଃ ଆମ୍ ଫାନଞ୍ଜାହନ୍କେ ଚଅଃଇତାନଲମ୍ ସାବ୍‌ଇଚିତାନା ?”

୪୯ ଯୀଶୁଲଃ ତାଇକେନ୍ଦକ ହବାଅଃତେୟାଃ ନେଲ୍‌କେଦତେ କାଜିକିୟାକ, “ହେ ପ୍ରାଭୁ ଚିୟାଃ ଆଲେ ତାରାଉଡ଼ିତେଲେ ଫାଆଃକଆ ? ୫୦ ଆତଃ ଇନକୁଏତେ ମିଆଁଦ୍‌ନିଃ ଫାରାଙ୍ଗ୍ ଯାଜାକ୍‌ଆଃ ଦାସିରାଃ ଜମ୍ ଲୁଡୁରକେ ଫାଆଃଖାଣ୍ଡାଅକେଦାଏ ।” ୫୧ ଫେନ୍ଦ ଯୀଶୁ କାଜିରୁହାଡ଼କେଦାଏ, “ନେଆଁଦ କାହା” ଆତଃ ଏନ୍ ଦାସିଆଃ ଲୁଡୁର ଜୁଚିଦକେଦତେ ଇନିଃକେ ବୁଗିକିୟାଏ । ୫୨ ଏନ୍ତେ ଯୀଶୁ ଆୟାଃତାଃ ହିଜୁଆକାନ୍ ଫାରାଙ୍ଗ୍ ଯାଜାକ୍‌କ, ଫାନ୍ଦିର୍ ହରକଆଃ ଗୁସିୟାକ, ଆତଃ ପ୍ରାଚିନ୍‌କକେ କାଜିୟାଦକଆଏ, “ଚିୟାଃ ଆପେ କୁମ୍‌ଡୁୟାବ୍‌ଲେକା ତାରାଉଡ଼ି ଆତଃ ଉଙ୍ଗାଟ୍‌କ ସାବ୍‌କେଦତେପେ ହିଜୁଆକାନା ? ୫୩ ଏପେନ୍ ହୁଲାଙ୍ଗ୍ ଆଇଙ୍ଗ୍ ଫାନ୍ଦିର୍‌ରେ ଆପେଲଃ ତାଇକେନ୍‌ଇମ୍‌ତା ଆପେ ଆଇଙ୍ଗ୍‌ରେ ତିଃଇ କାପେ ଜିଲିଙ୍ଗ୍‌କେଦାଃ । ଫେନ୍ଦ ନେଆଁ ଆପେୟାଃ ସାମାଏ ତାନାଃ ଆତଃ ନୁବାଃରେୟାଃ ରାଇଜ୍‌ତାନାଃ ।”

ପାଡ଼ରାସ୍ ଆଇଙ୍ଗ୍ ଯୀଶୁକେ କାଇଙ୍ଗ୍ ସାରିୟାଃ ଫେନ୍ତେ କାଜିତାନାଏ

(ଫାଥୁଉ ୨୬:୫୭-୫୮, ୬୯-୭୫; ଫାର୍କ ୧୪:୫୩-୫୪, ୬୬-୭୨; ଯୋହାନ୍ ୧୮:୧୨-୧୮, ୨୫-୨୭)

୫୪ ଇନକୁ ଯୀଶୁକେ ସାବ୍‌ଇଦିକିଃତେ ଫାରାଙ୍ଗ୍ ଯାଜାକ୍‌କଆଃ ଅଡ଼ାଃତେକ ଇଦିକିୟାଃ, ଆତଃ ପାଡ଼ରାସ୍ ସାଙ୍ଗିନ୍‌ରେ ତାଇକେଦତେ ଦୟା ଦୟା ଇନିଃକେ ଅତଙ୍ଗକିୟା । ୫୫ ଫେନ୍ଦ ଇନକୁ ଅଡ଼ାଃରାଗାରେ ସେଙ୍ଗେଲ୍‌ଡିଙ୍ଗ୍‌କେଦତେ ସବେନ୍‌କ ଦୁବ୍‌ୟାନା, ଆତଃ ପାଡ଼ରାସ୍‌ହ ଇନକୁଲଃ ଦୁବ୍‌ୟାନାଏ । ୫୬ ମିଆଁଦ୍ କାମ୍‌ଡିଃ ଇନିଃକେ ସେଙ୍ଗେଲ୍‌ଜାପାଃରେ ଦୁବାକାନ୍ ନେଲ୍‌କିଃତେ ନେଲ୍‌ବାଇକିୟାଏ ଆତଃ ଫେନ୍‌କେଦାଏ, “ନିଃ ହଗି ଯୀଶୁଲଃ ତାଇକେନାଏ ।” ୫୭ ଫେନ୍ଦ ଇନିଃ ଦଦାଦ୍‌ତାନଲଃ କାଜିକିୟାଏ, “ଏ କୁଡ଼ି ଆଇଙ୍ଗ୍‌ଦ ଇନିଃକେ କାଇଙ୍ଗ୍ ସାରିୟାଃ ।”

୫୮ ଆତଃଘାଡ଼ିକାଦ୍ ତାୟମ୍‌ତେ ଏଗାଃ ହଡ଼ ଇନିଃକେ ନେଲ୍‌କିଦତେ ଫେତାଇଜାଏ, “ଆମ୍‌ହ ଇନକୁଏତେ ମିଆଁଦ୍‌ନିଃ ତାନ୍‌ମେ ।” ଫେନ୍ଦ ପାଡ଼ରାସ୍ କାଜିକିୟାଏ, “ଏ ହଡ଼ ଆଇଙ୍ଗ୍‌ଦ ନାହାଁଲିଙ୍ଗ୍ ।”

୫୯ ମିଦ୍‌ଘାଣ୍ଡାଲେକା ତାୟମ୍‌ତେ ଆତଃ ଏଗାଃନିଃ କାଜିକେଦାଏ, “ସାଡ଼୍‌ତିଗି ନିଃହ ଇନିଃଲଃ ତାଇକେନାଏ, ନିଃଦ ଗାଲିଲ୍‌ରେନ୍ ନିଃ ତାନିଃ ।” ୬୦ ଫେନ୍ଦ ପାଡ଼ରାସ୍ କାଜିରୁହାଡ଼କିୟାଏ, “ଏ ହଡ଼, ଆମ୍ କାଜିତାନ୍‌ତେୟାଃ କାଇଙ୍ଗ୍ ସାରିୟାଃ ।” ପାଡ଼ରାସ୍ ନେଆଁ କାଜିତାନ୍ ଇମ୍‌ତାଗି ସାଣ୍ଡିସିମ୍ ରାଆଃକେଦାଏ । ୬୧ ଏନ୍ତେ ପ୍ରାଭୁ ହେତାରୁହାଡ଼କେଦତେ ପାଡ଼ରାସ୍‌କେ ଆରିଦ୍‌କିୟାଏ, ଏନ୍ତେ ପାଡ଼ରାସ୍ ସାଣ୍ଡିସିମ୍ ରାଆଃ ସିଦାରେ ଆପିସା ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ଫେନେୟାମ୍ ଫେନ୍ତେ ପ୍ରାଭୁ କାଜିକାନ୍ କାଜିକେ ପାହାମ୍‌କେଦାଏ । ୬୨ ଆତଃ ପାଡ଼ରାସ୍ ଅତଙ୍ଗ୍‌ୟାନ୍‌ତେ କୁସୁଦ୍ କୁସୁଦ୍ ରାଆଃକେଦାଏ ।

ଯୀଶୁକେ ଲାନ୍‌କିୟାଃକ ଆତଃ ଦାଲ୍‌କିୟାଃକ

(ଫାଥୁଉ ୨୬:୬୭-୬୮; ଫାର୍କ ୧୪:୬୫)

୬୩ ଯୀଶୁକେ ସାବାକାଇ ହଡ଼କ ଲାନ୍‌ଇତାନଲଃ ଦାଲ୍‌କିୟାଃକ । ୬୪ ଇନିୟାଃ ଫେଦ୍ ତଲ୍‌ଜାପିଦ୍‌କିଃତେ କୁଲିକିୟାଃକ, “ଆମ୍ ପରେ ନାବୀ ତାନ୍‌ମେ, ଫାର୍ ଉଦୁବାଲେମ୍, ଅକଏ ଆପଡ଼ିକେଦ୍‌ମୈୟାଏ ।” ୬୫ ଆତଃ ଏଗାଃ ଏଗାଃ ପୁରାଃ ହିଲାଙ୍ଗ୍‌କାଜି ଇନିୟାଃ ବିରୁଧ୍‌ରେକ କାଜିକେଦା ।

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭. § ୨୨:୫୬ ୨୨:୫୬ ଦାସିକୁଡ଼ି

ୟୀଶୁକେ ମାରାଙ୍ଗ ଯାଜାକଆଃ ପାଞ୍ଚେଟ୍‌ତେକ ଆଉକିୟା  
(ମାଥୂଉ ୨୨:୫୯-୬୬; ମାର୍କ ୧୪:୫୫-୬୪; ଯୋହାନ୍ ୧୮:୧୯-୨୪)

୬୭ ଆଙ୍ଗୟାନ୍‌ଲଠି ହଡକଆଃ ପ୍ରାଚିନ୍‌କ ଆଡ଼ଃ ମାରାଙ୍ଗ ଯାଜାକକ, ଆଇନ୍‌ ଇତୁକ ହୁଣ୍ଡିୟାନା ଆଡ଼ଃ ୟୀଶୁକେ ଆକଆଃ ପାଞ୍ଚେଟ୍‌ତେ ଇଦିକିୟାଃକ ।

୬୮ “ଆମ୍ ଖ୍ରୀଷ୍ଟ୍ ତାନ୍‌ମେରେଦ ମାର୍ କାଜିୟାଲେମ୍” ମେନ୍ତେ କାଜିକିୟାକ, ୟୀଶୁ ମେନ୍‌ରୁହାଡ଼ାଦକଆଏ, “ଆଇଙ୍ଗ୍ ଆପେକେ କାଜିୟାପେରେହ୍ ଆପେ କାପେ ବିଶ୍ୱାସେୟା, ୬୮ ଆଡ଼ଃ ଆଇଙ୍ଗ୍ ଜେଡ଼ନାଃଇଙ୍ଗ୍ କୁଲିପେରେୟ ଆପେ କାପେ କାଜିରୁହାଡ଼ାଇୟାଃ । ୬୯ ମେନ୍‌ଦ ନାହାଁଃଏତେ ମାନଂଖାହନ୍ ସବେନ୍ ପେଡେୟାନ୍ ପାରମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନ୍ ନେଲଃଆଏ ।”

୭୦ ଆଡ଼ଃ ସବେନକ କୁଲିକିୟାଃକ, “ତାଦ୍‌ଦ, ଚିୟାଃ ଆମ୍ ପାରମେଶ୍ୱାର୍‌ଆଃ ହନ୍ ତାନ୍‌ମେ ?” ଇନିଃ ମେତାଦକଆଏ, “ଆମ୍ ଇନିଃଗି ତାନ୍‌ମେ ମେନ୍ତେ ଆପେଗିପେ କାଜିତାନା ।”

୭୧ ଏନ୍ତେ ଇନ୍‌କୁ ମେନ୍‌କେଦାଃ, “ନାହାଁଃଦ ଆରୁଆଃ ଆଡ଼ଃ ଚିକାନ୍ ଗାଖା ଲାଗାତିଙ୍ଗ୍‌ୟାଃ ? ଆରୁଦ ଇନିୟାଃ ମଚାଏତେଗି ଆୟୁମ୍‌କେଦାଃବୁ ।”

### ୨୩

ୟୀଶୁକେ ପିଲାତୁସ୍‌ତାଃତେକ ଆଉକିୟା

(ମାଥୂଉ ୨୨:୧, ୨, ୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

୧ ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ୟୀଶୁକେ ପିଲାତୁସ୍‌ତାଃତେକ ଇଦିକିୟାଃ । ୨ ଆଡ଼ଃ ଇନ୍‌କୁ ଇନିଃକେ ଚିଟାଈତାନ୍‌ଲଠଃ କାଜିକେଦାକ, “ନେ ହଡ଼, କାଇସାର୍‌କେ କାର୍ ଆଲପେ ଏମାଇ ମେନ୍ତେ ହଡ଼କକେ ଉସ୍‌କୁରକ ତାନ୍ ଆଡ଼ଃ ଆପାନ୍‌କେ ଖ୍ରୀଷ୍ଟ୍, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଇଜା ।”

୩ ଏନ୍ତେ ପିଲାତୁସ୍ ୟୀଶୁକେ କୁଲିକିୟାଏ, “ଆମ୍ ଚିନାଃ ଯିହୁଦୀକଆଃ ରାଜାତାନ୍‌ମେଁ ?” ୟୀଶୁ କାଜିରୁହାଡ଼କିୟାଏ “ଆମ୍‌ଗିମ୍ କାଜିତାନା ।”

୪ ଏନ୍ତେ ପିଲାତୁସ୍ ମୁଲ୍ ଯାଜାକକକେ ଆଡ଼ଃ ଗାଦେଲ୍ ହଡ଼କକେ କାଜିୟାଦକଆଏ, “ନେ ହଡ଼ରେ ଜେତାନ୍ ଗୁଣ୍ଟାଁ କାଇଙ୍ଗ୍ ନାମେତାନା ।”

୫ ମେନ୍‌ଦ ଇନ୍‌କୁ ଆଡ଼ଃପୁରାଃଗି କାଜିକେଦାଃକ, “ଇନିଃ ଗାଲିଲ୍‌ଏତେ ନେତାଃ ଜାକେଦ୍ ଗଟା ଯିହୁଦାରେନ୍‌କକେ ଇତୁକତାନ୍‌ଲଠଃ ଉସ୍‌କୁରକତାନା ।”

ପିଲାତୁସ୍ ୟୀଶୁକେ ହେରୋଦ୍‌ତାଃତେ କୁଲିକିୟାଏ

୬ ପିଲାତୁସ୍ ଗାଲିଲ୍ ନୁତୁମ୍ ଆୟୁମ୍‌କେଦ୍‌ଚି କୁଲିକେଦକଆଏ, “ଚିୟାଃ ନେ ହଡ଼ ଗାଲିଲ୍‌ରେନ୍ ତାନିଃଟି ?” ୭ ୟୀଶୁ ହେରୋଦ୍‌ଆଃ ରାଇଜ୍‌ରେନ୍ ତାନିଃ ନେଆଁ ଆଟ୍‌କାର୍‌କେଦ୍‌ଚି ପିଲାତୁସ୍ ଇନିଃକେ ହେରୋଦ୍‌ତାଃତେ କୁଲିକିୟାଏ । ଇନିଃଦ ଏନ୍‌ହୁଲାଙ୍ଗ୍‌ରେ ଯୀରୁଶାଲେମ୍‌ରେ ତାଇକେନାଏ । ୮ ଆଡ଼ଃ ହେରୋଦ୍ ୟୀଶୁକେ ନେଲ୍‌କିଃତେ ପୁରାଃଗି ରାସକାୟାନାଏ, ଇନିଃଦ ୟୀଶୁଆଃ କାଜିକାମି ବିଷାଏରେ ଆୟୁମାକାଦ୍ ତାଇକେନାଏ, ଏନାନାଗେନ୍ତେ ଇନିଃ ୟୀଶୁକେ ନେନେଲ୍ ସାନାଙ୍ଗ୍‌ତାନାଏ ତାଇକେନା, ଆଡ଼ଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡେୟାନ୍ କାମି ନେଲେଆଇଙ୍ଗ୍ ମେନ୍ତେ ଆସ୍ତାଏତାନା ତାଇକେନା । ୯ ଏନାନାଗେନ୍ତେ ହେରୋଦ୍ ଇନିଃକେ ପୁରାଃ କାଜିକ କୁଲିକିୟାଏ, ମେନ୍‌ଦ ୟୀଶୁ ଜେଡ଼ନାଃ କାଏ କାଜିରୁହାଡ଼କିୟା । ୧୦ ମାରାଙ୍ଗ୍ ଯାଜାକକ ଆଡ଼ଃ ଆଇନ୍ ଇତୁକ ଡିଙ୍ଗ୍‌ୟାନ୍ତେ ପୁରାଃଗି ଇନିଃକେ ଚିଟାକିୟାଃକ । ୧୧ ଏନ୍ତେ ହେରୋଦ୍ ଆଡ଼ଃ ଆୟାଃ ସିପାଇକଲଃ ଇନିଃକେ ହିନିସ୍ତାକିଃତେ ଲାନ୍‌କିୟାଃକ ଆଡ଼ଃ ରାଙ୍ଗ୍ ଲିଜାଃ ତୁସିଙ୍ଗ୍‌କିଃତେ

ପିଲାତୁସ୍‌ତାଃତେକ କୁଲ୍‌ରୁହାଡ଼କିୟାଃ । ୧୭ ଏନ୍ ହୁଲାଙ୍ଗି ପିଲାତୁସ୍ ଆତଃ ହେରୋଦ୍ ବାରାନ୍‌କିନ୍ ଗାତିୟାନାକିନ୍, ସିଦାଦ ଇନ୍‌କିନ୍ ବାଇରିକିନ୍ ତାଇକେନା ।

ୟୀଶୁଆଃ ଗନ୍‌ଏଃ ସାର୍‌ତିଗି ତାନାଃ

(ମାଥୂଉ ୨୭:୧୫-୨୬; ମାର୍କ ୧୫:୬-୧୫; ଯୋହାନ୍ ୧୮:୩୯-୧୯:୧୬)

୧୩ ପିଲାତୁସ୍, ମାରାଙ୍ଗ୍ ଯାଜାକକକେ, ହାକିମକକେ ଆତଃ ହଡ଼କକେ କେଡ଼ାହୁଣ୍ଡିକେଦକଆଏ, ୧୪ ଆତଃ କାଜିୟାଦକଆଏ, “ନିଃ ହଡ଼କକେ ବାଗ୍‌ଡ଼ାଅନିଃ ତାନିଃ ମେନ୍ତେ ଆପେ ଆଇଁୟାଃତାଃପେ ଆଉକିୟା । ଆତଃ ନେଲେପେ ଆପେୟାଃ ଆୟାରରେଗି କୁଲିକିୟାଇଙ୍ଗ୍, ମେନ୍‌ଦ ଆପେ ଚିଟାଇତାନ୍ ଜେତାନ୍ ଗୁହ୍ନାଁ ନିଃରେ କାଇଙ୍ଗ୍ ନାମ୍‌କେଦାଃ । ୧୫ ଆତଃ ହେରୋଦ୍‌ହ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲ୍‌ରୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍‌କାମି ନିଃ କାଏ କାମିୟାକାଦାଃ । ୧୬ ଏନାମେନ୍ତେ ଆଇଙ୍ଗ୍ ହାଁଣ୍‌ସାକିଃତେ ଆଡ଼ାଃଇୟା ।” ୧୭ ଏନ୍ ପାରାବ୍‌ରେ ହଡ଼କ ନାଗେନ୍ତେ ମିଆଁଦ୍ ହଡ଼କେ ଆଡ଼ାଃଇ ଲାଗାଡ଼ିଙ୍ଗ୍ ତାଇକେନା ।\*

୧୮ ଆତଃ ସବେନକ ମିଦ୍‌ୟାନ୍ତେ କାଉରିକେଦାଃକ, “ନେ ହଡ଼କେ ଗଜିମେଁ ଆତଃ ବାରବ୍‌ବାକେ ଆଲେ ନାଗେନ୍ତେ ଆଡ଼ାଃଇମେ ।” ୧୯ ହାତୁରେ ହବାଲେନ୍ ହାଲାଗୁଲା ଆତଃ ହଡ଼ ଗଏଃକେନ୍ ନାଗେନ୍ତେ ବାରବ୍‌ବା ଜେହେଲିକାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ାଃଇ ନାଗେନ୍ତେ ସାନାଙ୍ଗିକିୟା ଏନାମେନ୍ତେ ଆତଃଗି ହଡ଼କକେ କାଜିୟାଦକଆଏ । ୨୧ ମେନ୍‌ଦ ଇନ୍‌କୁ କାଉରିକେଦାଃକ, “କୁଶ୍‌ରେ କିଲାଇମେ, କୁଶ୍‌ରେ କିଲାଇମେ ।”

୨୨ ଏନ୍ତେ ପିଲାତ୍ ଆପିସାତେ କାଜିୟାଦକଆଏ, “ଟିକା ନାଗେନ୍ତେ, ନେ ହଡ଼ ଟିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ୍ ଗଜିଲେକାନ୍ ଜେତାନ୍ ଗୁହ୍ନାଁ ଇନିଃରେ କାଇଙ୍ଗ୍ ନାମାକାଦା, ଏନାମେନ୍ତେ ଇନିଃକେ ହାଁଣ୍‌ସାକିଃତେଇଙ୍ଗ୍ ବାଗିୟା ।”

୨୩ ମେନ୍‌ଦ ଇନ୍‌କୁ ପୁରାଃଗି କାଉରିତାନ୍‌ଲଃ ଯୀଶୁକେ କୁଶ୍‌ରେ ରାକାବିମେଁ ମେନ୍ତେ ଆସିତାନ୍‌କ ତାଇକେନା, ଆତଃ ଇନ୍‌କୁଆଃ କାଉରିରେୟାଃ ଜିନିତାଏ ହବାୟାନା । ୨୪ ଏନ୍ତେ ପିଲାତୁସ୍, ଇନ୍‌କୁ ଆସିତାନ୍ ଲେକା ରିକାଏପେ ମେନ୍ତେ ଆରୁକେଦାଏ ।

ୟୀଶୁକେ ଗଲ୍‌ଗାଆତେକ ଇଦିତାନା

୨୫ ଇନିଃ ଇନ୍‌କୁ ଆସିତାନ୍ ହଡ଼କେ, ଅକଏଟି ହାଲାଗୁଲା ଆତଃ ହଡ଼ ଗଏଃକେନ୍‌ନାଙ୍ଗ୍ ଜେହେଲିକାନ୍ ତାଇକେନାଏ ଇନିଃକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍‌ଦ ଯୀଶୁକେ ଇନ୍‌କୁଆଃ ସାନାଙ୍ଗ୍ ଲେକା ଜିମାକିୟାଏ ।

ୟୀଶୁକେ କୁଶ୍‌ରେ କିଲାକିୟାଃକ

(ମାଥୂଉ ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୬ ଆତଃ ଇନ୍‌କୁ ଇନିଃକେ ଇଦିତାନ୍ ତାଇକେନ୍‌ରେ ହାତୁଏତେ ହିଜୁଃତାନ୍ ଗିମୋନ୍ ନୁତୁମ୍ କୁରିନରେନ୍ ହଡ଼କେ ସାବ୍‌କିୟାଃକ ଆତଃ ଯୀଶୁଆଃ ତାୟମ୍ ତାୟମ୍‌ତେ କୁଶ୍ ଇଦି ନାଗେନ୍ତେ ଇନିଃକେ ଗଅଃଟିକାକିୟାଃକ ।

୨୭ ପୁରାଃ ହଡ଼କ ଇନିଃକେ ଅତଙ୍ଗିକିୟାକ ଇନ୍‌କୁ ଆଲାରେ ଇନିଃ ନାଙ୍ଗ୍ କୁଡ଼ାମ୍ ଆପ୍‌ଡ଼ି ଆତଃ ରାଆଃତାନ୍ କୁଡ଼ିକହ ତାଇକେନାକ । ୨୮ ମେନ୍‌ଦ ଯୀଶୁ ଇନ୍‌କୁୟାଃ ହେତାରୁହାଡ଼କେଦ୍‌ପେ ଇନ୍‌କୁକେ କାଜିୟାଦକଆଏ, “ହେ ଯୀରୁଶାଲେମ୍‌ରେନ୍ କୁଡ଼ିହନ୍‌କ, ଆଇଁୟାଃ ନାଙ୍ଗ୍ ଆଲ୍‌ପେ ରାଆଃୟା, ମେନ୍‌ଦ ଆପେୟାଃ ଆତଃ ଆପେୟାଃ ହନ୍‌କ ନାଙ୍ଗ୍ ରାଆଃଏପେ । ୨୯ ନେଲେପେ ଏନ୍ ହୁଲାଙ୍ଗ୍ ହିଜୁଃଆ

\* ୨୩:୧୭ ୨୩:୧୭ ନେ ପଦ ଚିମିନ୍ ମାରି ଅନଲ୍‌କରେ ବାନଆଃ

ଏନାରେ ହତକ ମେନେଆଁ, ‘କା ହାମ୍ବାଲଃ ଦାଡ଼ିତାନ୍ କୁଡ଼ି ଆତଃ ଚିଉଲ୍ଲାହ କା ହାମ୍ବାଲ୍ଲାକାନ୍ ଲାହିଦ୍ ଆତଃ ଚିଉଲ୍ଲାହ ତଥା କା ନୁନୁଆକ ସୁକୁତାନ୍‌ଗିଆଃ ।’  
 ୩୦ ଏବେ ଇନ୍‌କୁ କାଜିୟା, ‘ଏ ବୁରୁକ ଆଲେରେ ଉୟୁଗଠପେ ଆତଃ ଏ ଚୁଙ୍ଗୁରିକ ଆଲେକେ ଦାନାଙ୍ଗଲେପେ ।’  
 ୩୧ ଇନ୍‌କୁ ହାରିୟାର୍ ଦାରୁକେ ନେଲେକାଇରେଦ ରହଡ଼ାକାନ୍ ଦାରୁରାଃ ଚିନାଃ ହବାଅଆଃ ?”

୩୨ ଇନ୍‌କୁ ଇନିଃଲଃ ଗଏଃନାଗେନ୍ତେ ଏଡ଼କାନାଃ କାମିକେନ୍ ଆତଃଗି ବାରହଡ଼କିନ୍‌କେ ହ ଇଦିକେଦକିନାକ ।  
 ୩୩ ଇନ୍‌କୁ “ବହଃଜାଙ୍ଗ” ନୁତୁମଠତାନ୍ ଠାୟାଦ୍‌ତେ ସେଟେରୁୟାନ୍‌ଚି ଏନ୍ତାଃରେ ଇନିଃକେ ଆତଃ ଏନ୍ ଏଡ଼କାନ୍ କାମିକେନ୍‌କିନ୍‌ଏତେ ମିଆଁଦକେ ଇନିୟାଃ ଜମ୍‌ସାଃ ଆତଃ ଏଟାଃନିଃକେ ଲେଙ୍ଗାସାଃରେ କୁଶ୍‌ରେକ କିଲ୍‌କେଦକିନା ।  
 ୩୪ ଏବେ ଯୀଶୁ ମେନ୍‌କେଦାଏ, “ହେ ଆବା ଇନ୍‌କୁକେ ଛାମାକମେଁ, ଚିୟାଃଚି ଇନ୍‌କୁ ଚିନାଃ କାମିତାନାକ ଏନା କାକ ସାରିତାନା ।”  
 † ଆତଃ ଚିଠା ଉୟୁଃକେଦ୍‌ତେ ଇନିୟାଃ ଲିଜାଃକେ ହାଟିଙ୍ଗକେଦାଃକ ।  
 ୩୫ ହତକ ତିଙ୍ଗୁୟାନ୍ତେ ନେଲ୍‌ତାନ୍‌କ ତାଇକେନା, ଆତଃ ହାକିମ୍‌କହ ଇନିଃକେ ଲାନ୍‌କିଃତେ ମେନ୍‌କେଦାଃକ, “ଇନିଃଦ ଏଟାଃକକେ ବାସ୍ତାଅକେଦକଥାଏ, ଇନିଃ ପାର୍‌ମେଶ୍‌ବରୁଆଃ ସାଲ୍‌କାନ୍ ଖ୍ରୀଷ୍ଟ ତାଇନିଃରେଦ ଆପାନ୍‌କେ ବାସ୍ତାଅନ୍‌କା ।”

୩୬ ସିପାଇକହ ହିଜୁଃଲେନ୍ତେ ଇନିଃକେ ଲାନ୍‌କିୟାଃକ ଆତଃ ମେହେର୍ ରାସିକ ଆନୁକିୟାଃ,  
 ୩୭ ଆତଃ କାଜିକିୟାକ, “ଆମ୍ ଯିହୁଦୀକଆଃ ରାଜା ତାନ୍‌ମେରେଦ ଆପାନ୍‌କେ ବାସ୍ତାଅଏନ୍‌ମେ ।”

୩୮ ଆତଃ “ନିଃ ଯିହୁଦୀକଆଃ ରାଜାତାନିଃ” ମେନ୍ତେ ମିଆଁଦ୍ ଅନଲ୍ ଇନିୟାଃ ଚେତାନ୍‌ରେ ଅଲ୍‌କାନ୍ ତାଇକେନା ।

୩୯ ଏବେ ହାକାକାନ୍ ଏଡ଼କାନ୍ କାମିକିନ୍‌ଏତେ ମିଆଁଦ୍‌ନିଃ ଯୀଶୁକେ ହିଲ୍‌କିଃତେ କାଜିକିୟାଏ, “ଆମ୍ ଖ୍ରୀଷ୍ଟ ତାନ୍‌ମେରେଦ, ଆପାନ୍‌କେ ଆତଃ ଆଲିଙ୍ଗକେ ବାସ୍ତାଅଲିଙ୍ଗମେଁ ।”

୪୦ ମେନ୍‌ଦ ଏଟାଃନିଃ ଇନିଃକେ ମାରାଙ୍ଗମଟାକିଦ୍‌ତେ କାଜିରୁହାଡ଼କିୟାଏ, “ଆମ୍‌ହଦ ନେ ଲେକା ସାଜାଲ ନାମେତାନାମ୍, ପାର୍‌ମେଶ୍‌ବରକେ କାଟିମ୍ ବରଇତାନା ?  
 ୪୧ ଆଲ୍‌କାଦ୍ ଲାଗାଡ଼ିଙ୍ଗଲେକା ସାଜାଲଅଃତାନାଲ୍‌କା, ଆଲ୍‌କା କାମିକାଦ୍‌ରେୟାଃ ନାଲ୍‌ଲାଙ୍ଗ ନାମେତାନା, ମେନ୍‌ଦ ନିଃ ଜେତାନ୍ ଏଡ଼କାନାଃ କାଏ କାମିୟାକାଦା ।”  
 ୪୨ ଏବେ ଇନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍‌ରେମ୍ ତେବାଃଇମ୍‌ତା ଆଇଙ୍ଗକେ ପାହାମିଙ୍ଗମେଁ ।”

୪୩ ଯୀଶୁ କାଜିରୁହାଡ଼କିୟାଏ, “ସାର୍‌ତିଗି କାଜିୟାମ୍ ତାନାଇଙ୍ଗ, ତିସିଙ୍ଗ୍ ଆମ୍ ଆଇଁୟାଃଲଃ ପାରାଦେସ୍‌ରେମ୍ ତାଇନାଃ ।”

**ୟୀଶୁଆଃ ଗନଏଃ**

(ମାଥୂଉ ୨୭:୪୫-୫୬; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୪ ଇମ୍‌ତା ତିକିନ୍‌ସିଙ୍ଗି ହବାକାନ୍ ତାଇକେନା, ଆତଃ ତାର୍‌ସିଙ୍ଗ୍ ତିନ୍‌ପାଣ୍ଟା ଜାକେଦ୍ ଗଟା ଦିଶ୍‌ମ୍ ନୁବାଃୟାନା ।  
 ୪୫ ସିଙ୍ଗି ହ ନୁବାଃୟାନାଏ, ଆତଃ ମାନ୍‌ଦି ଅଡ଼ାଃରାଃ ହାନାଟିଙ୍ଗ୍ ଦାନାଙ୍ଗଲିଜାଃଆଲ୍ଲା ଆଲ୍ଲାତେ ଚେଟାଃୟାନା ।  
 ୪୬ ଯୀଶୁ ପୁରାଃ କାଉରିକେଦ୍‌ତେ ମେନ୍‌କେଦାଏ, “ହେ ଆବା, ଆଇଁୟାଃ ଆମ୍ ଆମାଃତିଃଇରେଇଙ୍ଗ୍ ଜିମାଏତାନା ।”  
 ନେଆଁ କାଜିକେଦ୍‌ତେ ଜୀଉତାୟାଃ ଅଡ଼ଙ୍ଗୟାନା ।

☆ ୨୩:୩୦ ୨୩:୩୦ ଉନ୍‌ଦୁଦ୍ କାଜି ୭:୧୭. † ୨୩:୩୪ 23:34 ନେ ପଦ ଚିମିନ୍ ମାରି ଅନଲ୍‌କରେ ବାନଆଃ

୪୭ ଏଣୁ ମିଦ୍‌ଶାଅ ସିପାଇକଆଃ ଗମ୍‌କେ ନେଆଁ ନେଲ୍‌କେଦ୍‌ତେ ପାର୍‌ମେଶ୍ଵାରକେ ମାନାରାଜ୍‌କେଦ୍‌ତେ କାଜିକେଦାଏ, “ସାର୍‌ତିଗି ନିଃ ଧାର୍‌ମାନ୍ ହଡ଼ ତାଇକେନାଏ ।”

୪୮ ଆତଃ ନେଆଁ ନେନେଲ୍‌ନାଗେନ୍ତେ ହୁଣ୍ଡିୟାକାନ୍ ସବେନ୍ ହଡ଼କ ହବାୟାନ୍‌ତେୟାଃ ନେଲ୍‌କେଦ୍‌ତେ, ଦୁକୁତେ ଆକଆଃ କୁଡ଼ାମ୍ ଥାପ୍‌ଡ଼ିତାନ୍‌ଲଃ ରୁହାଡ଼୍‌ୟାନାକ । ୪୯ \*ମେନ୍‌ଦ ଯୀଶୁଆଃ ସବେନ୍ ନେପେଲ୍‌ଉପରୁଜ୍‌କ ଆତଃ ଗାଲିଲ୍‌ଏତେ ଅତଙ୍ଗଆଉକାଇ କୁଡ଼ିକ ସାଙ୍ଗିନ୍‌ରେ ତିଙ୍ଗୁକେଦ୍‌ତେ ନେଆଁ ନେଲ୍‌ତାନ୍‌କ ତାଇକେନା ।

ୟୀଶୁକେ ତପାଇତାନାକ

(ମାଥ୍‌ଉ ୨୭:୫୭-୬୧; ମାର୍କ ୧୫:୪୨-୪୬; ଯୋହାନ୍ ୧୯:୩୮-୪୨)

୫୦ ନେଲେପେ ଯିହୁଦୀକଆଃ ହାରାମାଥ୍‌ୟା ସାହାରରେ ଯୋଷେଫ୍ ନୁତୁମ୍ ମିଆଁଦ୍ ହଡ଼, ଇନିଃ ପାଞ୍ଚେଟ୍‌ରେନ୍ ମିହୁଡ଼ ବୁଗିନ୍ ଆତଃ ଧାର୍‌ମାନ୍ ହଡ଼ ତାଇକେନାଏ ।

୫୧ ଯିହୁଦୀକଆଃ ନାଗାରରେନ୍ ହାରାମାଥ୍‌ୟା ଇନ୍‌କୁଆଃ ଉଡ଼ୁ ଆତଃ କାମିରେ କାଏ ମେସାକାନ୍ ତାଇକେନା । ଆତଃ ଇନିଃ ପାର୍‌ମେଶ୍ଵାରଆଃ ରାଇଜ୍ ନେଲ୍‌ହରାତାନାଏ ତାଇକେନା ।

୫୨ ଇନିଃ ପିଲାଡୁସ୍‌ତାଃ ସେନଃୟାନ୍ତେ ଯୀଶୁଆଃ ଗଏଃ ହଡ଼ମକେ ଆସିକିୟାଏ । ୫୩ ଏଣୁ ଇନିଃ ଏନାକେ ଆଡ଼ଗୁକେଦ୍‌ତେ, ଫାର୍‌ତି ନିରାଲ୍ ଲିଜାଃଲଃ ପଟମ୍‌କେଦାଏ ଆତଃ ଦିରିଏତେ ଉରଲେଦ୍ ତପାଗାଡ଼ାରେ ଦହକେଦାଏ, ଏନାରେଦ୍ ତିଉଲ୍‌ହ ଜେତାଏକେ କାକ ତପାକାକ ତାଇକେନା । ୫୪ ଏନ୍ ହୁଲାଙ୍ଗ୍‌ଦ ସାପ୍‌ଡ଼ାଅନ୍ ହୁଲାଙ୍ଗ୍ ତାଇକେନା, ଆତଃ ରୁଡ଼ନ୍ ହୁଲାଙ୍ଗ୍ ନାଡ଼େୟାକାନ୍ ତାଇକେନା ।

୫୫ ଗାଲିଲ୍‌ଏତେ ଯୀଶୁଲଃ ହିଜୁଆକାନ୍ କୁଡ଼ିକହ ଅତଙ୍ଗକିୟାକ, ତପାଠାୟାଦ୍ ଆତଃ ଇନିୟାଃ ହଡ଼ମ୍ ଚିଲ୍‌କାତେ ଦହାକାନା ଏନାକ ନେଲ୍‌କେଦାଃ । ୫୬ ଏଣୁ ଇନ୍‌କୁ ରୁହାଡ଼୍‌ୟାନ୍ତେ ବୁଗିନ୍ ସହାନ୍ ସୁନ୍‌ମକ୍ ବାଇକେଦା । ଆତଃ ଆନ୍‌ରୁଲେକା ରୁଡ଼ନ୍ ହୁଲାଙ୍ଗ୍‌ରେକ ରୁଡ଼୍‌ୟାନା ।

# ୨୪

ୟୀଶୁଆଃ ଜୀଉବିରିଦ୍

(ମାଥ୍‌ଉ ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍ତାରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍‌ତା, ଏନ୍ କୁଡ଼ିକ ଆକଆଃ ବାଇୟାକାଦ୍ ବୁଗିନ୍ ସହାନ୍‌ତେୟାଃ ଆଉକେଦ୍‌ତେ ତପାଗାଡ଼ା ଠାୟାଦ୍‌ତାଃକ ସେନଃୟାନା । ୨ ଆତଃ ଇନ୍‌କୁ ତପାଠାୟାଦ୍‌ରାଃ ଦୁଆର୍‌ଏତେ ପୁରାଃ ମାରାଙ୍ଗ୍ ଦିରିକେ ବାଟି ଆତମାକାନ୍‌କ ନେଲ୍‌କେଦାଃ । ୩ ମେନ୍‌ଦ ଇନ୍‌କୁ ବଲ୍‌ୟାନ୍ତେ ପ୍ରାଭୁ ଯୀଶୁଆଃ ହଡ଼ମ୍ କାକ ନାମ୍‌କେଦାଃ । ୪ ଆତଃ ଇନ୍‌କୁ ନେଆଁତେ ଆକ୍‌ଦାଦାଥ୍‌ୟାନାକ, ନେଲେପେ ଝାକ୍‌ମାକ୍ ଲିଜାଃ ତୁସିଙ୍ଗ୍‌ଆଁକାନ୍ ବାର୍‌ହଡ଼୍ ଇନ୍‌କୁଆଃ ଜାପାଃରେକିନ୍ ତିଙ୍ଗୁୟାନା । ୫ ଇନ୍‌କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍‌ତା ଇନ୍‌କିନ୍ କାଜିୟାଦ୍‌କଆକିନ୍, “ଆପେ ଜୀଉଦ୍‌ତାନ୍‌କକେ ଗଜାକାନ୍‌କଆଃ ଆଲାରେ ଚିନାଃମେନ୍ତେପେ ଦାଣ୍ଠାଁଇତାନା ? ୬ \*ଇନିଃ ନେତାଃରେ ବାଙ୍ଗାୟା, ଇନିଃଦ୍ ଜୀଉବିରିଦାକାନାଏ ! ଗାଲିଲ୍‌ରେ ତାଇକାନ୍ ଇମ୍‌ତା ଇନିଃ ଚିକ୍‌ନାଃ ମେତାକାପେ ତାଇନାଏ, ଏନା ପାହାମେପେ । ୭ ମାନଝାହନ୍ ପାପିକଆଃ ତିଃଇରେ ସାଦ୍‌ଇଚିୟଃଆଏ, ଆତଃ କୁଶ୍‌ରେ ଗଜଃଆଏ ଆତଃ ଆପି ମାହାଁରେ ଜୀଉବିରିଦ୍ କାଗାତିଙ୍ଗ୍‌ୟାଃ । ”

\* ୨୩:୪୯ ୨୩:୪୯ ଲୁକ ୮:୨,୩.    ✪ ୨୪:୬ ୨୪:୬ ମାଥ୍‌ଉ ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୮ ଏନ୍ତେ ଇନ୍କୁ ଇନିୟାଃ କାଜିକ ପାହାମ୍‌କେଦାଃ । ୯ ତପାଗାଡ଼ାଏତେ ରୁହାଡ଼କେଦ୍‌ତେ, ଇନ୍କୁ ନେ ସବେନ୍‌କାଜି ଏଗାରାଝାନ୍ ଚେଲାକକେ ଆତଃ ସବେନ୍ ଏଗାଃ ହଡ଼କକେ ଉଦୁବାଦକଆକ । ୧୦ ମାର୍‌ଦାଲିନି ମାରିୟାମ୍, ଯୋହାନ୍ନା, ଯାକୁବ୍ ଏଙ୍ଗାତେ ମାରିୟାମ୍, ଆତଃ ଏଗାଃକ ନେ କାଜି ପ୍ରେରିଡ଼କକେ ଉଦୁବାଦକଆକ । ୧୧ ମେନ୍‌ଦ ଇନ୍କୁ ଇନ୍କୁଆଃ କାଜିକେ କାକ ବିଶ୍ୱାସକେଦାଃ, ଚିୟାଃଚି ଇନ୍କୁଆଃ କାଜି ଆକକେ ସାମାକାଜିଲେକା ଆଟ୍‌କାରକେଦକଆ । ୧୨ ପାଡ଼ରାସ୍, ବିରିଦ୍‌ୟାନ୍ତେ ତପାଗାଡ଼ାତେ ନିରକେଦାଏ, ଆତଃ ଇନିଃ ଉଜ୍ଜୁଦକେଦ୍‌ତେ ପାଡ଼ଲାଲିଜାଃ ଏସକାର୍ ଦହାକାନ୍‌ତେୟାଃ ନେଲକେଦାଏ, ଆତଃ ହବାକାନ୍‌ତେୟାଃ ନେଲକେଦ୍‌ତେ ଆୟାଃ ମନ୍‌ରେ ଆକ୍‌ଦାନ୍‌ଅ ତାନ୍‌ଲଃ ଅଡ଼ାଃତେ ସେନଃୟାନାଏ ।\*

ୟାଶୁ ଇମ୍ମାୟୁସ୍‌ତେ ସେନଃତାନ୍ ବାରିଆ ଚେଲାକିନ୍‌ତାଃ ନେଲକଚିୟଃତାନାଏ (ମାର୍କ ୧୬:୧୨-୧୩)

୧୩ ନେଲେପେ ଏନ୍‌ହୁଲାଙ୍ଗି ଇନ୍କୁଏତେ ବାରହଡ଼ ଇମ୍ମାୟୁସ୍ ନୁତୁମ୍ ହାତୁତେ ସେନଃତାନ୍‌କିନ୍ ତାଇକେନା, ଏନ୍ ହାତୁ ଯୀରୁଶାଲେମ୍‌ଏତେ ସାଡ଼ମାଲଲ୍ ଲେକା ସାଜିନ୍ ତାଇକେନା । ୧୪ ଇନ୍କିନ୍ ନେ ହବାକାନ୍ ସବେନ୍ କାଜିକ ବାଖାଁଶେତାନ୍‌କିନ୍ ତାଇକେନା । ୧୫ ଚିମ୍‌ତାଙ୍ଗ ଇନ୍କିନ୍ ବାଖାଁଶ୍‌ତାନ୍ ଆତଃ କୁପୁଲିତାନ୍‌ଲଃ ସେନଃତାଇକେନାକିନ୍ ଯାଶୁ ଆଇଃକ୍‌ହଚି ନାଡ଼େଃୟାନ୍ତେ ଇନ୍କିନ୍‌ଲଃ ଗାଡ଼ିୟାନାଏ । ୧୬ ମେନ୍‌ଦ ଇନ୍କିନାଃ ମେଦ୍ ଦାନାଙ୍ଗକାନ୍‌ତାଇକେନା, ଏନାନାଗେନ୍ତେ ଇନ୍କିନ୍ ଇନିଃକେ କାକିନ୍ ନେଲ୍‌ଉରୁମ୍‌କିୟାଃ । ୧୭ ଇନିଃ ଇନ୍କିନ୍‌କେ କୁଲିକେଦ୍‌କିନାଏ, “ଆବେନ୍ ସେନଃତାନ୍‌ଲଃ ଚିକାନ୍ କାଜିବେନ୍ କୁପୁଲିତାନା ଆତଃ ହୁଡ଼ଙ୍ଗିଜୀଉକାନା ? ୧୮ ଏନ୍ତେ ଇନ୍କିନ୍‌ଏତେ କ୍ଲେୟା ନୁତୁମ୍‌ନିଃ, କାଜିରୁହାଡ଼କିୟାଏ, ଆମ୍ ଚିନାଃ ଯୀରୁଶାଲେମ୍‌ରେ ତେରାଏତାନ୍‌ରେହ ତିସିଙ୍ଗ୍ ନେ ହବାକାନ୍ କାଜିକ ଆମ୍ ଏସକାର୍‌ଚି କାମ୍ ସାରିୟାଃ ?”

୧୯ ଯାଶୁ କୁଲିକେଦ୍‌କିନାଏ, “ଚିଲକାନ୍ କାଜି ?”

“ନାଜ୍‌ରେଡ଼ରେନ୍ ଯାଶୁଆଃ ବିଷାଏ,” ମେନ୍ତେକିନ୍‌କାଜିକିୟାଃ । “ଇନିଃ ନାବୀ ତାଇକେନାଏ, ପାର୍‌ମେଶ୍ୱାର୍ ଆତଃ ହଡ଼କଆଃ ଆୟାର୍‌ରେ କାମି ଆତଃ କାଜିରେ ପେଡ଼େୟାନ୍ ହଡ଼ ତାଇକେନାଏ । ୨୦ ଆଲେୟାଃ ମାରାଙ୍ଗ୍ ଯାଜାକ୍‌କ ଆତଃ ହାକିମ୍‌କ ଇନିଃକେ ଗନଏଃ ସାଜାଇ ଏମ୍ ନାଗେନ୍ତେକ ଏମ୍‌ଏଣ୍ଡାଃକିୟାଃ ଆତଃ କୁଶ୍‌ରେକ କିଲାଗଏଃକିୟାଃ । ୨୧ ମେନ୍‌ଦ ଆଲେ ଇନିଃ ଇସ୍ରାଏଲ୍‌ରେନ୍‌କକେ ମୁକ୍ତି ଏମାକଆ ମେନ୍ତେ ଆସ୍ରାଏତାନ୍‌ଲେ ତାଇକେନା । ନେ ସବେନାଃ ହବାକାନ୍‌ତେୟାଃ ତିସିଙ୍ଗ୍‌ଲଃ ଆପି ମାହାଁ ହବାଅଃତାନା । ୨୨ ଆତଃଚି ଆଲେୟାଃ ଗାଡ଼ିରେନ୍ ଚିମିନାଙ୍ଗ୍ କୁଡ଼ିକ, ଆକ୍‌ଚାକାଅଁ କାଦ୍‌ଲେୟାକ, ଇନ୍କୁ ଇଦାନ୍‌ରେ ତପାଗାଡ଼ାତାଃକ ସେନ୍‌କେନା, ୨୩ ମେନ୍‌ଦ ଇନ୍କୁ ଇନିୟାଃ ଗଏଃହଡ଼ମ୍ କାକ ନାମ୍‌କେଦାଃ । ଇନ୍କୁ ରୁହାଡ଼କେଦ୍‌ତେ କାଜିୟାଦ୍‌ଲେୟାକ, ଆଲେ ଦୁଡ଼କେ ନେଲାଦ୍‌କିନାଲେ, ଇନ୍କିନ୍ ଯାଶୁ ଜୀହୁଦ୍‌ଚିୟାଏ ମେତାଦ୍‌ଲେୟାକିନ୍ । ୨୪ ଏନ୍ତେ ଆଲେୟାଃ ଗାଡ଼ିକଏତେ ଚିମିନାଙ୍ଗ୍‌କ ତପାଗାଡ଼ାତାଃକ ସେନଃୟାନା ଆତଃ କୁଡ଼ିକଆଃ କାଜିଲେକାକ ନାମ୍‌କେଦାଃ, ମେନ୍‌ଦ ଯାଶୁକେ କାକ ନେଲକିୟାଃ ।”

୨୫ ଯାଶୁ ମେତାଦ୍‌କିନାଏ, “ଏ ତଣ୍ଡକିନ୍ ଆତଃ ନାବୀକଆଃ ସବେନ୍ କାଜି ବିଶ୍ୱାସନାଙ୍ଗ୍ ମନ୍‌କେଚେୟାକାନ୍ ହଡ଼କିନ୍ ! ୨୬ ଚିୟାଃ ଖ୍ରୀଷ୍ଟ୍ ନେ ଦୁକୁ ସାହାଡ଼ିଙ୍ଗ୍ ଆତଃ ଆୟାଃ ମାନାରାଙ୍ଗ୍‌ରେ ବଲ କା ଲାଗାଡ଼ିଙ୍ଗ୍‌ତାନ୍ ତାଇକେନା ?” ୨୭ ମୁଣା

\* ୨୪:୧୨ 24:12 ନେ ପଦ ଚିମିନ୍ ମାରି ଅନଲକରେ ବାନଃଆ † ୨୪:୨୨ ୨୪:୨୨ ଚାକିଡ଼

ଆତ୍ମ ସବେନ୍ ନାବାକଏତେ ଏଚେଦକେଦତେ ଗଟା ଧାରାମ୍ପୁଥିରେ ଆୟାଃ ବିଷାଏରେ ଅଲ୍ଲାନାନ୍ କାଜିକରେୟାଃ ମୁଣ୍ଡି ଉଦୁବାଦକିନାଏ ।

୨୮ ଏନ୍ତେ ଇନ୍ଦକୁ ଆକସେନଃତାନ୍ ତାଇକେନ୍ ହାତୁତେ ସେଚେରୟାନ୍ତି ଯାଶୁ ଆୟାର୍ତେ ସେନଃତାନ୍ ଲେକାଏ ଉଦୁବେନ୍ୟାନା । ୨୯ ମେନ୍ଦ ଇନ୍ଦକିନ୍ “ଦେଲ୍ଲା ଆଲିଙ୍ଗଲଃ ତାଇନଃମେଁ, ଆୟୁବଃତାନା ଆତ୍ମ ସିଜିହାସୁରଃତାନା” ମେନ୍ତେ କାଜିକିୟାଃକିନ୍, ଆତ୍ମ ଇନିଃ ଇନ୍ଦକିନ୍ଲଃ ତାଇନଃ ନାଗେନ୍ତେ ବଲୟାନାଏ । ୩୦ ଇନିଃ ଇନ୍ଦକିନ୍ଲଃ ଜମ୍ପଦୁବୟାନ୍ତି ହଲଙ୍ଗକେ ସାଦକେଦତେ, ଆଶିଷ ଏମ୍ବକେଦାଏ, ଆତ୍ମ ଏନା କେଚାଃକେଦତେ ଏମାଦକିନାଏ । ୩୧ ଏନ୍ତେ ଇନ୍ଦକିନାଃ ମେଦ ରାଡାୟାନା ଆତ୍ମ ଇନ୍ଦକିନ୍ ଯାଶୁକେ ନେଲ୍ଲଉରୁମ୍ବକିୟାକିନ୍, ଆତ୍ମ ଇନିଃ ଇନ୍ଦକିନ୍ତାଃଏତେ ଦାନାଙ୍ଗୟାନାଏ । ୩୨ ଆତ୍ମ ଇନ୍ଦକିନ୍ ଆକିନ୍ଆକିନ୍ରେ କୁଲିୟାନାକିନ୍, “ତିୟାଃ ଇନିଃ ହରାରେ ଆଲ୍ଲଙ୍ଗଲଃ ବାଶୀଣ୍ଡାନ୍ ଆତ୍ମ ଧାରାମ୍ପୁଥିରେୟାଃ ମୁଣ୍ଡି ଉଦୁବାଲ୍ଲଙ୍ଗ ତାଇକେନ୍ ଇମ୍ବତା, ଆଲ୍ଲଙ୍ଗଆଃ ମନ୍ଦ ରାସ୍ତକାତେ କାଟି ଜୁଲଃତାନ୍ ତାଇକେନା ?”

୩୩ ଆତ୍ମ ଇମ୍ବତାଗି ଇନ୍ଦକିନ୍ ବିରିଦୟାନ୍ତେ ଯାରୁଶାଲେମ୍ବେକିନ୍ ରୁହାଡୟାନା ଆତ୍ମ ଏଗାରାଝାନ୍ ଚେଲ୍ଲକ ଆତ୍ମ ଇନ୍ଦକୁଆଃ ଗାତିକ ହୁଣ୍ଡିୟାକାନକିନ୍ ନାମ୍ବକେଦକଆ । ୩୪ “ସାର୍ତିଗି ପ୍ରାଭୁ ଜୀଉବିରିଦାକାନାଏ ଆତ୍ମ ଶିମୋନ୍ତାଃ ନେଲ୍ଲଇତିୟାନାଏ” ମେନ୍ତେ ଇନ୍ଦକୁକେ କାଜିୟାଦକଆକିନ୍ ।

୩୫ ଏନ୍ତେ ଇନ୍ଦକିନ୍ ହରାରେ ହବାଲେନ୍ତେୟାଃ ଆତ୍ମ ଚିଲ୍ଲକାତେ ହଲଙ୍ଗ କେଚାଃତାନ୍ରେ ଆଲିଙ୍ଗ ଇନିଃକେ ନେଲ୍ଲଉରୁମ୍ବକିୟାଃ ଏନା ଇନ୍ଦକୁକେ ଉଦୁବାଦକଆକିନ୍ ।

ୟାଶୁ ଚେଲ୍ଲକତାଃରେ ଉଦୁବଃତାନା

(ମାଥୁର ୨୮:୧୭-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିଡ ୧:୬-୮)

୩୬ ଇନ୍ଦକିନ୍ ନେ କାଜି କାଜିତାନ୍ ତାଇକେନ୍ ଇମ୍ବତା, ପ୍ରାଭୁ ଯାଶୁ ଆଇଃକ୍ତି ଇନ୍ଦକୁଆଃ ଆଲ୍ଲାରେ ତିଙ୍ଗୟାନାଏ, ଆତ୍ମ ମେତାଦକଆଏ, “ଆପେରେ ଜୀଉସୁକୁ ହବାଅଃକା ।” ୩୭ ମେନ୍ଦ ଇନ୍ଦକୁ ଆକ୍ଦାନ୍ଦାଅୟାନ୍ଲଃ, ବରକେଦତେ ଆରୁ ବଙ୍ଗାରୁ ନେଲ୍ଲକିୟାଃ ମେନ୍ତେକ ଆବ୍ବକାର୍ବକେଦାଃ । ୩୮ ଇନିଃ କାଜିୟାଦକଆଏ, “ତିନାଃମେନ୍ତେପେ ବରତାନା, ଆତ୍ମ ଆପେୟାଃ ମନ୍ଦରେ ଆତ୍ମାଃଉଡ଼ୁ ତିନାଃମେନ୍ତେ ଅମନଃତାନା ? ୩୯ ଆଇଁୟାଃ ତିଃଇ ଆତ୍ମ କାଟା ନେଲେପେ, ଆଇଙ୍ଗି ତାନିଙ୍ଗ ! ଜୁଟିଦିଙ୍ଗପେ ଆତ୍ମ ନେଲ୍ଲବାଇଙ୍ଗପେ, ଆଇଙ୍ଗିରେପେ ନେଲେତାନ୍ଲେକାନ୍ ଜାଙ୍ଗି ଜିଲ୍ଲୁ ବଙ୍ଗାରେଦ ବାନଆଃ ।”

୪୦ ଇନିଃ ନେଆଁ କାଜିକେଦତି ଇନ୍ଦକୁକେ ଆୟାଃ ତିଃଇ ଆତ୍ମ କାଟା ଉଦୁବାଦକଆଏ । ୪୧ ଆତ୍ମ ଇନ୍ଦକୁ ରାସ୍ତକାତେ କାକ ପାତିୟାର୍ତାନ୍ ଆତ୍ମ ଆକ୍ଦାନ୍ଦାଅକାନ୍ ତାଇକେନ୍ରେ, “ତିୟାଃ ଆପେତାଃ ହୁଡିଙ୍ଗଲେକା ଜମେୟାଃ ମେନାଃଟି ?” ମେନ୍ତେ ଇନିଃ କୁଲିକେଦକଆଏ । ୪୨ ଏନ୍ତେ ଇନ୍ଦକୁ ଇନିଃକେ ଆନ୍ଦାଗାକାନ୍ ହାକୁ ହୁଡିଙ୍ଗଲେକାକ ଏମ୍ବକିୟାଃ । ୪୩ ଆତ୍ମ ଇନିଃ ଏନା ତେଲ୍ଲକେଦତେ ଇନ୍ଦକୁଆଃ ସାମ୍ବନାଙ୍ଗିରେ ଜମ୍ବକେଦାଏ ।

୪୪ ଏନ୍ତେ ଇନିଃ ମେତାଦକଆଏ, ମୁଶାରାଃ ଆନ୍ଦୁ ପୁଥିରେ ଆତ୍ମ ନାବାକଆଃ ଆତ୍ମ ଦୁରାଙ୍ଗ ପୁଥିରେ ଆଇଁୟାଃ ବିଷାଏରେ ସବେନ୍ ଅଲ୍ଲାନାନ୍ତେୟାଃ ପୁରାଅଃ ଲାଗାତିଙ୍ଗୟାଃ, ଏନ୍ଦକାଜି ଆପେଲଃ ତାଇକେନ୍ ଇମ୍ବତାଙ୍ଗି କାଜିକାଦପେୟାଈକ୍ ।

‡ ୨୪:୩୭ 24:36 ତିମିନ୍ ମାରି ଅନଲ୍ଲକରେ, “ଆତ୍ମ ମେତାଦକଆଏ, ଆପେରେ ଜୀଉସୁକୁହବାଅଃକା” ମେନ୍ତେ କା ଅଲ୍ଲାନା । § ୨୪:୪୦ 24:40 ନେ ପଦ ତିମିନ୍ ମାରି ଅନଲ୍ଲକରେ ବାନଃଆ

୪୫ ଏନ୍ତେ ଇନିଃ ଧାରାମ୍ବୁଥୁ ଆର୍କାରୁଉରୁମେଁ ନାଗେନ୍ତେ ଇନ୍‌କୁଆଃ ମନ୍‌କେ ସେଣ୍‌କେଦାଏ । ୪୬ ଇନିଃ ଇନ୍‌କୁକେ କାଜିୟାଦକଆଏ, “ନେଆଁ ଅଲ୍‌କାନା, ଖ୍ରୀଷ୍ଟ ଦୁକୁସାହାତିଙ୍ଗ ଆଡ଼ଃ ଆପି ମାହାଁରେ ଗଜାକାନକଏତେ ଜୀଉରିଦ୍ ଲାଗାତିଙ୍ଗୟାଃ, ୪୭ ଆଡ଼ଃ ଯୀରୁଶାଲେମ୍‌ଏତେ ଏଟେଦକେଦ୍‌ତେ ସବେନ୍ ଦିଶୁମ୍‌ରେନ୍ ସବେନ୍ ହଡ଼କକେ ଇନିୟାଃ ନୁତୁମ୍‌ତେ ହେୟାତିଙ୍ଗ୍‌ରେୟାଃ ଆଡ଼ଃ ପାପ୍ ଛାମାରେୟାଃ କାଜି ଉଦୁବ୍ ଲାଗାତିଙ୍ଗ୍‌ୟାଃ । ୪୮ ଆଡ଼ଃ ଆପେ ନେ କାଜିରେୟାଃ ଗାଞ୍ଜାଇକ ତାନ୍‌ପେ । ୪୯ \*ନେଲେପେ ଆଇଙ୍ଗ୍ ଆପୁଇୟାଃ ବାନାର୍‌ସା\* କାଜି ଆପେତାଃତେ କୁଲେୟା; ମେନ୍‌ଦ୍ ତେତାନ୍ ପେଡ଼େଃ ଆଉରିପେ ନାମେଜାକେଦ୍ ଯୀରୁଶାଲେମ୍ ସାହାରରେ ତାଇନ୍‌ପେ ।”

ୟୀଶୁ ସିର୍ମାତେ ରାକାବ୍‌ୟାନାଏ

(ମାର୍କ ୧୬:୧୯-୨୦; ପ୍ରେରିଡ଼ ୧:୯-୧୧)

୫୦ \*ୟୀଶୁ ଇନ୍‌କୁକେ ବେଅନ୍‌ଆ ସାମ୍‌ନାଙ୍ଗ୍‌ତେ ଅତଙ୍ଗ୍ ଇଦିକେଦକଆଏ ଆଡ଼ଃ ଆୟାଃ ତିଃଇ ରିମ୍‌କେଦ୍‌ତେ ଇନ୍‌କୁକେ ଆଶିଷ୍‌କେଦକଆଏ । ୫୧ ଆଡ଼ଃ ଇନିଃ ଇନ୍‌କୁକେ ଆଶିଷ୍‌କତାନ୍‌ଲଃ ଇନ୍‌କୁଏତେ ବିନ୍‌ଗାଅୟାନାଏ† ଆଡ଼ଃ ସିର୍ମା ଦିଶୁମ୍‌ତେ ଇଦିୟାନା । ୫୨ ଏନ୍ତେ ଇନ୍‌କୁ ଇନିଃକେ ଜହାର୍‌କିଃତେ ପୁରାଃ ରାସ୍‌କାତାନ୍‌ଲଃ ଯୀରୁଶାଲେମ୍‌ତେକ ରୁହାଡ଼ୟାନା । ୫୩ ଆଡ଼ଃ ପାର୍‌ମେଶ୍‌ବରକେ ଧାନାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ବିଅଡ଼ାଃରେକ ତାଇକେନା ।

☆ ୨୪:୪୯ ୨୪:୪୯ ପ୍ରେରିଡ଼ ୧:୪.      \* ୨୪:୪୯ ୨୪:୪୯ ବାଗ୍‌ଶିଷ୍‌ମାକାଦ୍ / ବାସଦା      ☆ ୨୪:୫୦ ୨୪:୫୦  
 ପ୍ରେରିଡ଼ ୧:୯-୧୧.      † ୨୪:୫୧ ୨୪:୫୧ ଫୀର୍କାୟାନାଏ



# ଯୋହାନ୍ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଟାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ୍ ନାଞ୍ଜା ନିୟାମ୍‌ରାଃ ଚାରୁଠୁ ପୁଥୁକଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “ବୁଗିନ୍ କାଜି” ତାନାଃ । ଏନ୍‌ସବେନାଃକେ ଯୀଶୁଆଃ ଗନଏଃ ତାୟମ୍‌ତେ ମାଥୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଃଏ ମେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍‌ଦ୍ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ତିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦ୍‌ଲେକାଗି ମେନାଃ । ତିମିନ୍ ମାରି ଅନଲ୍‌କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସ୍‌ଏତେ ଅଲ୍ଲାକାନା ତିୟାଃତି ନେ ନେତାକରେ ଯୋହାନ୍ ଏଫିସୁସ୍‌ରେ ତାଇନଃ ତାଇକେନାଏ ।

ଯୋହାନ୍ ଫୀର୍ଟିକେଦ୍‌ତେ କାଜିୟାଃଏ, “ଯୀଶୁଗି ଖ୍ରୀଷ୍ଟ, ଜାନିଦ୍ ପାର୍‌ମେଶ୍ୱାର୍‌ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାର୍ ନାଗେନ୍ତେ ହଡକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ୍ ଉଦେଶ୍ ତାନାଃ । ନେଆଁ ପାତିୟାରେ ହରାତେ, ସବେନ୍‌କ ଜେ'ଲେକା ଜୀଞ୍ଜାନକ ନାମଦାଡିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଥ୍‌ସାରକଆଃ ନାଙ୍ଗ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍‌କା କାଜି ଏତେ ଇନିୟାଃ ପେଡେୟାନ୍‌କାମିକ ବିଷାଏରେ ପୁରାଃ ଅଲ୍ଲାକାଦାଃଏ । ଯୀଶୁଆଃ ବାପ୍ତିସ୍ମା, ବିରରେ ଯୀଶୁଆଃ ବିଡାଅ, ଆତଃ ତିମିନ୍ ବିଶେଷ୍ ଘାଟଣା ବିଷାଏରେ ଯୋହାନ୍ ନେ ସୁକୁକାଜିରେ ଜେଡ୍‌ନାଃ କାଏ ଅଲ୍ଲାକାଦାଃ । ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଟାଃଗିଆଃ ।

### ପୁଥୁ ଭିତାରେ ତାଇକାନ୍ କାଜି

- ୧. ସୁକୁକାଜିରାଃ ଏନେଟେଦ୍ । ୧:୧-୧୮
- ୨. ଯୀଶୁଆଃ ତିମିୟାଙ୍ଗ୍ ପେଡେୟାନ୍‌କାମିକ । ୧:୧୯-୧୨:୫୦
- ୩. ଯୀଶୁଆଃ ଜୀଞ୍ଜାନ୍, ଗନଏଃ ଆତଃ ଜୀଉବିନିରିଦ୍ । ୧୩:୧-୨୦:୩୧
- ୪. ଯୀଶୁଆଃ ଜୀଉବିନିରିଦ୍ ତାୟମ୍‌ତେ ଉଦୁବେନ୍ । ୨୧:୧-୨୫

### ଜୀଦାନ୍ ବାଚାନ୍

୧ ଏନେଟେଦ୍‌ରେ କାଜି ତାଇକେନା, ଆତଃ କାଜି ପାର୍‌ମେଶ୍ୱାର୍‌ଲଃ ତାଇକେନା, ଆତଃ କାଜି ପାର୍‌ମେଶ୍ୱାର୍ ତାଇକେନାଏ । ୨ ଇନିଃ ଏନେଟେଦ୍‌ରେ ପାର୍‌ମେଶ୍ୱାର୍‌ଲଃ ତାଇକେନାଏ । ୩ ପାର୍‌ମେଶ୍ୱାର୍ ସବେନାଃ ଇନିଃତେ ବାଇୟାକାଦା, ଆତଃ ବାଇୟାକାନ୍ ତେୟାଃଏତେ ଜେଡ୍‌ନାଃ ଇନିଃକେ ବାଗିକେଦ୍‌ତେ କା ବାଇୟାକାନା, ୪ ଇନିଃରେ ଜୀଦାନ୍ ତାଇକେନା ଆତଃ ଏନ୍ ଜୀଦାନ୍ ହଡକଆଃ ମାର୍‌ସାଲ୍ ତାଇକେନା । ୫ ମାର୍‌ସାଲ୍ ନୁବାଃରେ ଜୁଲଃତାନା, ମେନ୍‌ଦ୍ ନୁବାଃ ଏନାକେ କାଏ ଆଟ୍‌କାର୍‌ଉରୁମ୍‌କେଦାଃ ।

୭ \*ପାରମ୍ପୋଶ୍ଵାଋତେ କୁଲ୍ମାକାନ୍ ମିଆଁଦ୍ କାଜିଏମନିଃ ତାଇକେନାଏ, ଜନିୟାଃ ନୁତୁମ୍ ଯୋହାନ୍ ତାଇକେନା । ୭ ଜନିଃ ଏନ୍ ମାସ୍ଵାଲ୍ରେୟାଃ ଗାଞ୍ଜା ଉଦୁବ୍ ନାଗେନ୍ତେ ହିଜୁଃୟାନାଏ, ଜେ'ଲେକାଟି ଜନିୟାଃ ହରାତେ ସବେନ୍ ହଡ଼କ ବିଶ୍ଵାସେଆ । ୮ ଜନିଃ ଆଇଃକ୍ଠି ଏନ୍ ମାସ୍ଵାଲ୍ କାଏ ତାଇକେନା; ମେନ୍ଦ ଏନ୍ ମାସ୍ଵାଲ୍ରେୟାଃ ଗାଞ୍ଜା ଏମ୍ ନାଗେନ୍ତେ ହିଜୁଃୟାନାଏ । ୯ ଏନା ସାର୍ତି ମାର୍ସାଲ୍ ତାଇକେନା, ହେଗି ସବେନ୍ ହଡ଼କକେ ମାସ୍ଵାଲ୍କତାନ୍ ମାର୍ସାଲ୍ ଅତେଦିଶ୍ଵମ୍ରେ ହିଜୁଃତାଇକେନା ।

୧୦ ଜନିଃ ଅତେଦିଶ୍ଵମ୍ରେ ତାଇକେନାଏ, ଆଡଃ ଅତେଦିଶ୍ଵମ୍ ଜନିଃତେ ବାଇୟାନା, ଏନ୍ରେୟ ଅତେଦିଶ୍ଵମ୍ରେନ୍କ ଜନିଃକେ କାକ ସାରିକିୟା । ୧୧ ଜନିଃ ଆୟାଃ ଦିଶ୍ଵମ୍ରେ ହିଜୁଃୟାନାଏ ମେନ୍ଦ ଆୟାଃ ହଡ଼କ ଜନିଃକେ କାକ ଦାରମକିୟାଃ । ୧୨ ମେନ୍ଦ ଆଇଃକ୍ଠକେ ଦାରମିତାନ୍କକେ, ଆଡଃ ଆୟାଃ ନୁତୁମ୍ରେ ବିଶ୍ଵାସେତାନ୍ ସବେନ୍ ହଡ଼କକେ ଜନିଃ ପାରମ୍ପୋଶ୍ଵାଋଆଃ ହନ୍ ହବାଆଃରେୟାଃ ଆକ୍ତେୟାର୍ ଏମାଦକଆଏ । ୧୩ ଜନ୍କୁ ମାୟୋମ୍ତେଦ କାହା, ହଡ଼ମ୍ରେୟାଃ ମନେତେଦ କାହା ଆଡଃ ହଡ଼ଆଃ ମନେତେଦ କାହା ମେନ୍ଦ ପାରମ୍ପୋଶ୍ଵାଋ ଆଇଃକ୍ଠି ଆକ୍ତଆଃ ଆପୁ ।

୧୪ ଆଡଃ ଏନ୍ କାଜି ହଡ଼ମ୍ ସାବ୍କେଦା, ପୁରାଃ ଦାୟା ଆଡଃ ସାର୍ତିତେ ପେରେଜାକାନ୍, ଆରୁଆଃ ଆଲାରେ ତେରାକେଦାଏ ଆଡଃ ଆରୁ ଜନିୟାଃ ମାନାରାଙ୍ଗ୍ ନେଲ୍କେଦା ଏନା ଆପୁଆଃ ମିଆଁଦ୍ଠି ହନ୍ଆଃ ମାନାରାଙ୍ଗ୍ ତାଇକେନା ।

୧୫ ଆଡଃ ଯୋହାନ୍ ଜନିୟାଃ ଗାଞ୍ଜା ଏମ୍ତାନ୍ଲଃ, କାଉରିକେଦ୍ତେ କାଜିକେଦାଏ, “ଆଇଙ୍ଗ୍ ଅକଏୟାଃ କାଜି କାଜିତାଇକେନାଇଙ୍ଗ୍ ଜନିଃ ନିଃଗିତାନିଃ, ‘ଆଇଁୟାଃ ତାୟମ୍ତେ ହିଜୁଃଗିଆଏ, ମେନ୍ଦ ଜନିଃ ମାରାଙ୍ଗ୍ଆଁଏ, ଚିୟାଃଟି ଜନିଃଦ ଆଇଁୟାଃ ଜାନାମ୍ ସିଦାରେ ତାଇକେନାଏ ।”

୧୬ ଜନିୟାଃ ପେରେଜାକାନ୍ ଦାୟାଏତେ ଆରୁ ସବେନ୍କକେ ଆଶିଷାକାଦ୍ବୁଆଏ, ହେଗି, ଆଶିଷ୍ ଚେତାନ୍ ଆଶିଷ୍ ଏମାକାଦ୍ବୁଆଏ । ୧୭ ପାରମ୍ପୋଶ୍ଵାଋ ମୁଶାରାଃ ହରାତେ ଆନ୍ତୁ ଏମ୍କେଦାଏ, ମେନ୍ଦ ଦାୟା ଆଡଃ ସାନାର୍ତି ଯାଶୁ ଖ୍ରୀଷ୍ଟଆଃ ହରାତେ ହବାୟାନା । ୧୮ ପାରମ୍ପୋଶ୍ଵାଋକେ ଜେତାଏ ଚିତ୍ତଲାହ କାକ ନେଲ୍, ମେନ୍ଦ ଜନିୟାଃ ମିଆଁଦ୍ଠି ହନ୍, ଆପୁଆଃ କୟଙ୍ଗ୍ରେ ଦୁବାକାନ୍ନିଃ ଜନିଃକେ ଉଦୁବକିୟା ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଗାଞ୍ଜାଇ  
(ମାଥୁଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଯାରୁଶାଲେମ୍ରେନ୍ ଯିହୁଦୀ ହାକିମ୍ କିମିନ୍ ଯାଜାକ୍କକେ ଆଡଃ ଲେବୀକକେ ଯୋହାନ୍ତାଃତେ “ଆମ୍ ଅକଏ ତାନ୍ମେ” ମେନ୍ତେ କୁଲି ନାଗେନ୍ତେ କୁଲ୍କେଦକଆ । ଇମ୍ତା ଜନିଃ ନେ ଗାଞ୍ଜା ଏମ୍କେଦାଏ ।

୨୦ ଯୋହାନ୍ କାଏ ଦଦାଦତାନ୍ଲଃ ଉଦୁବ୍କେଦାଏ, “ଆଇଙ୍ଗ୍ ମାସି ନାହାଁଲିଙ୍ଗ୍ ।”

୨୧ ଏନ୍ତେ ଜନ୍କୁ ଯୋହାନ୍କେକ କୁଲିକିୟା, “ତାବ୍ଦ ଆମ୍ ଅକଏ ତାନ୍ମେ ?”  
“ଚିୟାଃ ଆମ୍ ଏଲିୟ ତାନ୍ମେ ?”

ଜନିଃ ମେନ୍କେଦାଏ, “କାହାଗି, ଆଇଙ୍ଗ୍ ନାହାଁଲିଙ୍ଗ୍ ।”

“ଚିୟାଃ ଆମ୍ ଏନ୍ ନାବୀ ତାନ୍ମେ ?”

ଜନିଃ ମେନ୍ରୁହାଡ଼ାଦକଆଏ, “କାହାଗି ।”

୨୨ ଏନ୍ତେ ଜନ୍କୁ କାଜିକିୟାକ, “ତାବ୍ଦ ଆମ୍ ଅକଏ ତାନ୍ମେ ଆଲେକେ ଉଦୁବାଲେମ୍, ଚିୟାଃଟି ଆଲେକେ ଅକନ୍କ କୁଲ୍ମାକାଦ୍ଲେୟାକ, ଜନ୍କୁକେ

\* ୧:୭ ୧:୭ ମାଥୁଉ ୩:୧; ମାର୍କ ୧:୪; ଲୁକ ୩:୧,୨.

କାଜିରୁହାଡ଼, ଲାଗାତିଙ୍ଗିୟାଠା, ଆମ୍ଭ ଆପାନ୍‌କେ ଅକଏ ତାନ୍‌ମେ ମେନ୍ତେମ୍ କାଜିନ୍‌ତାନା ?”

୨୩ ଯୋହାନ୍ କାଜିରୁହାଡ଼ାଦକଆଏ, ଯିଶାୟ ନାବୀ କାଜିଲେଦ୍ କାଜିଲେକା :

“ଆଇଙ୍ଗ୍ ବିରରେ କାଉରିତାନ୍‌ନିୟାଠା ସାଡ଼ି ତାନିଙ୍ଗ୍ :

ପ୍ରାଭୁଆଃ ହରା ସିଧାଏପେ ।”

୨୪ ଆଡ଼ଃ ଏନ୍ କୁଲ୍‌ଲେନ୍‌କ ଫାରୁଶୀକଏତେକ ତାଇକେନା । ୨୫ ଇନ୍‌କୁ ଯୋହାନ୍‌କେକ କୁଲିକିୟା, “ଆମ୍ଭଦ ମାସି ନାହାଁଲାଃମେ, ଏଲିୟ ହୁଁ ନାହାଁଲାଃମେ ଆଡ଼ଃ ଏନ୍ ନାବୀହ ନାହାଁଲାଃମେ, ମେନ୍‌ଦ ତିନାଃ ମେନ୍ତେମ୍ ବାପ୍ତିସ୍ତାକତାନା ?” ୨୬ ଯୋହାନ୍ କାଜିୟାଦକଆଏ, “ଆଇଙ୍ଗ୍‌ଦ ଦାଆଃତେ ବାପ୍ତିସ୍ତାପେ ତାନାଇଙ୍ଗ୍, ମେନ୍‌ଦ ଆପେୟାଃ ଆଲାରେ ମିଆଁଦ୍ ହଡ଼ ତିଙ୍ଗୁଆକାନାଏ ଇନିଃକେ ଆପେ କାପେ ସାରିୟା । ୨୭ ଆଇଁୟାଃ ତାୟମ୍‌ତେ ହିଜୁଃନିଃ ଇନିଃଗି ତାନିଃ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିଙ୍ଗ୍” ମେନ୍ତେ କାଜିରୁହାଡ଼ାଦକଆଏ ।

୨୮ ନେ କାଜିକ ଯାଦାନ୍ ଗାଡ଼ା ହାନ୍ ପାରମ୍‌ରେୟାଃ ବେଅନିଆରେ ହବାୟାନା ଏନ୍ତାଃରେ ଯୋହାନ୍ ବାପ୍ତିସ୍ତା ଏମାକତାନ୍ ତାଇକେନାଏ ।

ପାରମେଶ୍ୱାର୍‌ଆଃ ମିଶ୍ରିହନ୍

୨୯ ଏଟାଃ ହୁଲାଙ୍ଗ୍ ଯୋହାନ୍ ଯିଶୁକେ ଆୟାଃତାଃତେ ହିଜୁଃତାନ୍ ନେଲ୍‌କିୟାଏ, ଆଡ଼ଃ ମେନ୍‌କେଦାଏ, “ନେଲିପେ ପାରମେଶ୍ୱାର୍‌ଆଃ ମିଶ୍ରିହନ୍, ଇନିଃ ଅତେଦିଶୁମ୍‌ରେୟାଃ ପାପ୍‌କେ ଗଅଃ ଇଦିୟାଏ ! ୩୦ ଆଇଁୟାଃ ତାୟମ୍‌ତେ ମିହୁଡ଼୍, ହିଜୁଃଆଏ ଇନିଃ ଆଇଁୟାଃତାଃଏତେ ପୁରାଃ ମାରାଙ୍ଗ୍ ମେନ୍ତେଇଙ୍ଗ୍ କାଜିଲେଦ୍ ହଡ଼ ନିଃଗି ତାନିଃ, ଇନିଃଦ ଆଇଁୟାଃ ଜାନାମ୍‌ଏତେ ସିଦାରେ ତାଇକେନା । ୩୧ ଆଡ଼ଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିଉରୁମିତାନ୍ ତାଇକେନା, ମେନ୍‌ଦ ଇନିଃ ଇସ୍ରାଏଲ୍ ହଡ଼କତାଃରେ ଉଦୁବଃକାଏ ମେନ୍ତେ ଆଇଙ୍ଗ୍ ଦାଆଃତେ ବାପ୍ତିସ୍ତାକ ନାଙ୍ଗ୍ ହିଜୁଃକାନାଇଙ୍ଗ୍ ।”

୩୨ ଆଡ଼ଃ ଯୋହାନ୍ ଗାଝା ଏମ୍‌ତାନ୍‌ଲଃ କାଜିକେଦାଏ, “ଆଇଙ୍ଗ୍ ଆମ୍ବାକେ ଦୁଦୁମୁଲ୍ ଲେକା ସିର୍ମାଏତେ ଆଡ଼ଗୁତାନ୍ ଆଡ଼ଃ ଇନିଃରେ ତାଇନିଃତାନ୍ ନେଲ୍‌କିୟାଇଙ୍ଗ୍ । ୩୩ ଆଇଙ୍ଗ୍‌ହୁଁ ଇନିଃକେ କାଇଙ୍ଗ୍ ନେଲ୍‌ଉରୁମି ତାଇକେନା ମେନ୍‌ଦ ଆଇଙ୍ଗ୍‌କେ ଦାଆଃତେ ବାପ୍ତିସ୍ତା ଏମ୍ ନାଙ୍ଗ୍ କୁଲ୍‌କାଦିଙ୍ଗ୍‌ନିଃ, ଆଇଙ୍ଗ୍‌କେ କାଜିକିୟା, ଆମ୍ଭ ଆମ୍ବାକେ ମିଆଁଦ୍ ହଡ଼ରେ ଆଡ଼ଗୁତାନ୍ ଆଡ଼ଃ ଇନିଃରେ ତାଇନିଃତାନ୍ ନେଲିୟାମ୍, ଇନିଃଗି ପାବିତାର୍ ଆମ୍ବାତେ ବାପ୍ତିସ୍ତା ଏମାକତାନ୍‌ନିଃ ତାନିଃ ।” ୩୪ ଆଡ଼ଃ ଆଇଙ୍ଗ୍ ନେଲ୍‌କେଦାଃଇଙ୍ଗ୍, ଆଡ଼ଃ ନିଃଗି ପାରମେଶ୍ୱାର୍‌ଆଃ ହନ୍ ମେନ୍ତେ ଗାଝାଇଙ୍ଗ୍ ଏମେତାନା ।”

ୟିଶୁଆଃ ପାହିଲା ଚେଲାକ

୩୫ ଏଟାଃ ହୁଲାଙ୍ଗ୍ ଯୋହାନ୍ ଆୟାଃ ଚେଲାକଏତେ ବାର୍‌ହଡ଼କିନ୍‌ଲଃ ଏନ୍ତାଃରେ ଆଡ଼ଃଗି ତିଙ୍ଗୁଆକାନ୍ ତାଇକେନାଏ । ୩୬ ଇନିଃ ଯିଶୁକେ ସେନ୍‌ପାରମଃତାନ୍ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ପାରମେଶ୍ୱାର୍‌ଆଃ ମିଶ୍ରିହନ୍ ।”

୩୭ ଆଡ଼ଃ ଏନ୍ ବାରାନ୍ ଚେଲାକିନ୍ ଇନିଃ ନେଆଁ କାଜିତାନ୍ ଆୟୁମ୍‌କେଦ୍‌ତି ଯିଶୁକେ ଅତଙ୍ଗ୍‌କିୟାକିନ୍ ୩୮ ଯିଶୁ ହେତାରୁହାଡ଼କେଦ୍‌ତି, ଇନ୍‌କିନ୍ ଅତଙ୍ଗ୍‌ଇଁତାନ୍ ନେଲ୍‌କେଦ୍‌କିନାଏ ଆଡ଼ଃ ମେତାଦ୍‌କିନାଏ, “ତିକ୍‌ନାଃବେନ୍ ନାମ୍‌ତାନା ?” ଆଡ଼ଃ ଇନ୍‌କିନ୍ ମେନ୍‌ରୁହାଡ଼ାଇୟାକିନ୍, “ଏ ରାବି”\* କତାଃରେମ୍ ତାଇନିଃତାନା ?

\* ୧:୩୮ ୧:୩୮ ଏ ରାବି ହେ ଗୁରୁ

୩୯ ମାର୍ ହିନ୍ଦୁଃକେଦ୍‌ତେ ନେଲେବେନ୍” ମେତାଦକିନାଏ । ଏନାମେନ୍ତେ ଇନ୍‌କିନ୍‌ ସେନ୍‌ଝୟାନ୍ତେ ଇନ୍‌ଝି ତାଈନ୍‌ତାନ୍‌ ଠାୟାଦକିନ୍‌ ନେଲ୍‌କେଦାଃ, ଇମ୍‌ତାଙ୍ଗ୍‌ଦ୍‌ ତେତାନ୍‌ ସିଙ୍ଗିରାଃ ଉପ୍‌ନ୍‌ ଘାଡ଼ି ହବାକାନ୍‌ ତାଈକେନା, ଆତଃ ଏନ୍‌ ହୁଲାଙ୍ଗ୍‌ ଇନ୍‌ଝିଲ୍‌ଝିନ୍‌ ତାଈନ୍‌ୟାନା,

୪୦ ଯୋହାନ୍‌ଆଃ କାଜି ଆୟ୍‌ମ୍‌କେଦ୍‌ତେ ଯୀଶୁକେ ଅତଙ୍ଗକାଇ ଏନ୍‌ ବାରିଆ ତେଲାକିନ୍‌ଏତେ ମିଆଁଦ୍‌ନିଃ ଶିମୋନ୍‌ ପାଡ଼ରାସ୍‌ଆଃ ହାଗାତେ ଆହିୟାସ୍‌ ତାଈକେନାଏ । ୪୧ ଆହିୟାସ୍‌ ଆୟାଃ ହାଗାତେ ଶିମୋନ୍‌କେ ନାମ୍‌କେଦ୍‌ତେ କାଜିକିୟା, “ଆଲିଙ୍ଗ୍‌ ମାସିଂକେ ନାମାକାଈଜାଲିଙ୍ଗ୍‌ ।” ୪୨ ଆତଃ ଇନ୍‌ଝି ଶିମୋନ୍‌କେ ଯୀଶୁତାଃତେ ଆତକିୟା, ଯୀଶୁ ଇନ୍‌ଝିକେ ନେଲ୍‌କେଦ୍‌ତେ କାଜିକିୟା, “ଆମ୍‌ ଯୋହାନ୍‌ଆଃ ହନ୍‌ ଶିମୋନ୍‌ ତାନ୍‌ମେ, ଆମ୍‌ କେଫା, ଏନାରେୟାଃ ମୁଣ୍ଡି ‘ପାଡ଼ରାସ୍‌’ ମେନ୍ତେମ୍‌ ନୁଡୁମାଃଆ ।”

ଯୀଶୁ ଫିଲିପ୍‌ ଆତଃ ନିଅନ୍‌ନିୟେଲ୍‌କେ କେଡାକିନ୍‌ ତାନାଏ

୪୩ ଏତାଃ ହୁଲାଙ୍ଗ୍‌ ଯୀଶୁକେ ଗାଲିଲ୍‌ତେ ସେନ୍‌ଝି ସାନାଙ୍ଗକିୟା । ଇନ୍‌ଝି ଫିଲିପ୍‌କେ ନାମ୍‌କିଃତେ ମେତାଈୟାଏ, “ଅତଙ୍ଗ୍‌ଇଙ୍ଗ୍‌ମେ ।” ୪୪ ଆହିୟାସ୍‌ ଆତଃ ପାଡ଼ରାସ୍‌ଲେକା ଫିଲିପ୍‌ ହରି ବେଅସାଇଦା ସାହାରରେନ୍‌ ତାଈକେନାଏ । ୪୫ ଫିଲିପ୍‌ ନିଅନ୍‌ନିୟେଲ୍‌କେ ନାମ୍‌କିଃତେ ମେତାଈୟାଏ, “ମୁଣା ଅଲାକାଦ୍‌ ଆନ୍‌ରୁ ପୁଅରେ ଆତଃ ନାବାକହ୍‌ ଅଲାକାଦ୍‌ ହଡ଼କେ ଆଲେ ନାମାକାଈୟାଃ ଇନ୍‌ଝି ଯୋଷେଫ୍‌ ହନ୍‌ ନାଜ୍‌ରେଡ଼ରେନ୍‌ ଯୀଶୁ ତାନିଃ ।”

୪୬ ନିଅନ୍‌ନିୟେଲ୍‌ କୁଲିକିୟାଏ, “ଚିୟାଃ ନାଜ୍‌ରେଡ଼ଏତେ ଜେଡନାଃ ବୁଗିନ୍‌ ଅତଙ୍ଗଦାଡ଼ିଅଃଆ ?”

ଫିଲିପ୍‌ ମେନ୍‌ରୁହାଡ଼ାଈୟା, “ମାର୍ ହିନ୍ଦୁଃକେଦ୍‌ତେ ନେଲେମେ ।”

୪୭ ଯୀଶୁ, ନିଅନ୍‌ନିୟେଲ୍‌କେ ଆୟାଃତାଃ ହିନ୍ଦୁଃତାନ୍‌ ନେଲ୍‌କେଦ୍‌ତେ କାଜିକେଦାଏ, “ନେଲିପେ, ନିଃ ସାର୍‌ଡିଗି ଇସ୍ରାଏଲ୍‌ରେନ୍‌ ତାନିଃ, ଇନ୍‌ଝିରେ ଜେତାଏ ବେଦା ବାନଆଃ ।”

୪୮ ନିଅନ୍‌ନିୟେଲ୍‌ ଇନ୍‌ଝିକେ କୁଲିକିୟା, “ଆମ୍‌ ଆଇଙ୍ଗ୍‌କେ ଚିଲ୍‌କାତେମ୍‌ ସାରିକେଦିୟା ?”

ଯୀଶୁ କାଜିରୁହାଡ଼କିୟାଏ, “ଫିଲିପ୍‌ ଆମ୍‌କେ କେଡାକେଦ୍‌ମେ ସିଦାରେ ଆମ୍‌ ଲଆଦାରୁ ବୁଗାରେମ୍‌ ତାଈକେନା, ଇମ୍‌ତା ଆଇଙ୍ଗ୍‌ ନେଲ୍‌କେଦ୍‌ମେୟା ।”

୪୯ ଏନ୍ତେ ନିଅନ୍‌ନିୟେଲ୍‌ କାଜିକେଦାଃଏ, “ଏ ରାବି, ଆମ୍‌ ପାର୍‌ମେଶ୍ୱାର୍‌ଆଃ ହନ୍‌ ତାନ୍‌ମେ; ଆମ୍‌ ଇସ୍ରାଏଲ୍‌ରେନ୍‌ ରାଜା ତାନ୍‌ମେ ।”

୫୦ ଯୀଶୁ କାଜିକିୟାଏ, “ଚିୟାଃ ଆଇଙ୍ଗ୍‌ ଆମ୍‌କେ ଲଆଦାରୁ ବୁଗାରେଇଙ୍ଗ୍‌ ନେଲ୍‌ଲେଦ୍‌ମେୟା ମେନ୍ତେ କାଜିୟାଦ୍‌ମାଈଙ୍ଗ୍‌, ଏନାମେନ୍ତେମ୍‌ ବିଶ୍ୱାସେତାନା ? ଆମ୍‌ ଏନାଏତେହ୍‌ ମାପ୍‌ରାଙ୍ଗ୍‌ ବିଷାଏତେୟାଃକ ନେଲେୟାମ୍‌ ।” ୫୧ ଇନ୍‌ଝି ଆତଃଗି ଇନ୍‌କୁକେ କାଜିୟାଦକିଆ, “ଆଇଙ୍ଗ୍‌ ସାର୍‌ଡିଗି କାଜିୟାପେ ତାନାଈଙ୍ଗ୍‌ ଆପେ ସିମ୍‌ନା ନିଜାକାନ୍‌ ଆତଃ ପାର୍‌ମେଶ୍ୱାର୍‌ଆଃ ଦୁଡ଼କ ମାନଖାହନ୍‌ ତେତାନ୍‌ରେ ରାକାଦ୍‌ତାନ୍‌ ଆତଃ ଆଡ଼ଗୁନ୍‌ତାନ୍‌ପେ ନେଲ୍‌କିଆ ।”

# 9

କାନାହାଡୁରେ ଆଣ୍ଡି

୧ ଆପି ମାହାଁ ହୁଲାଙ୍ଗ୍‌ରେ ଗାଲିଲ୍‌ରେୟାଃ କାନା ହାଡୁରେ ଆଣ୍ଡି ହବାଅଃ ତାଈକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଈକେନାଏ । ୨ ଯୀଶୁ ଆତଃ ଆୟାଃ ତେଲାକକେ ହରି ଏନ୍‌ ଆଣ୍ଡି ଅଡ଼ାଃତେ କେଡାକାନ୍‌ ତାଈକେନାକ

† ୧:୪୧ ୧:୪୧ ଏଡ଼ାରେ ମାସି ଆତଃ ଗ୍ରୀକ୍‌ରେ ଖ୍ରୀଷ୍ଟ

। ୩ ଚିମତା ଦାଖରାସି ଚାବାୟାନା, ଯୀଶୁଆଃ ଏଙ୍ଗାତେ ଇନିଃକେ କାଜିକିୟା, “ଇନ୍କୁତାଃରେ ଦାଖରାସି ବାନଆଃ ।”

୪ ଯୀଶୁ ଫେନ୍‌ରୁହାଡ଼ାଲୟାଏ, “ଆଇଙ୍ଗଲିଆଃ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଚେରାଃ ।”

୫ ଫେନ୍‌ଦ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦକଆଏ, “ଇନିଃ ଆପେକେ କାଜିପେ ଲେକା କାମିପେ ।”

୬ ଆତଃ ଯିହୁଦୀକଆଃ ଫାରିଅଃନାଙ୍ଗ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ଘୁମା ଦହାକାନ୍ ତାଇକେନା, ମିଆଁଦରେ ମିଦହିସି\* ଚାଏ ତିରିଶ୍ ଗ୍ୟାଲେନ୍† ଦାଆଃ ସାବେତାନ୍ ତାଇକେନା । ୭ ଯୀଶୁ ଦାସିକକେ କାଜିୟାଦକଆଏ, “ନେ ଘୁମାକରେ ଦାଆଃ ପେରେଃତାପେ” ଆତଃ ଇନ୍କୁ ଘୁମାରେ ଦାଆଃ ଦୁଲ୍ଲ ପେରେଃକେଦା । ୮ ଏନ୍ତେ ଇନିଃ ଇନ୍କୁକେ କାଜିୟାଦକଆଏ, “ନାହାଁଃଦ ଏନ୍ ଦାଆଃଏତେ କାଟିଃ ଅତଙ୍ଗେୟେ ଆତଃ ମାରାଙ୍ଗଜଜମାଃରେନ୍ ଗମ୍‌କେତାଃ ଇଦିପେ ।” ଏନ୍ତେ ଇନ୍କୁ ଏନ୍ ଦାଆଃକେ ଇଦିକେଦାଃକ, ୯ ଆତଃ ମାରାଙ୍ଗଜଜମାଃରେନ୍ ଗମ୍‌କେ ଏନ୍ ଦାଖରାସି ବାୟାକାନ୍ ଦାଆଃକେ ଚାଖାଅକେଦାଃ ଆତଃ ଏନା ଅକ୍‌ତାଃଏତେ ହିଜୁଆକାନା ଏନା କାଏ ସାରିକେଦା, ଫେନ୍‌ଦ ଏନ୍ ଦାଆଃ ଅତଙ୍ଗକେନ୍ ଦାସିକ ସାରିତାଇକେନାକ । ଏନ୍ତେ ଇନିଃ ଦୁଲ୍ଲକଡ଼ାକେ ଗେନାତେ ହାକାଅକିୟାଏ, ୧୦ ଆତଃ କାଜିକିୟାଏ, “ସବେନ୍ ହଡ଼କ ସିଦାତେ ବୁଗିନ୍ ଦାଖରାସିକ ଏମାକଆ ଆତଃ ହଡ଼କ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଆ, ଫେନ୍‌ଦ ଆମ୍ ବୁଗିନ୍ ଦାଖରାସି ନାହାଁଃ ଜାକେଦ୍ ଦହାକାଦାମ୍ ।”

୧୧ ନେ'ଲେକା ଯୀଶୁ ଗାଲିଲ୍‌ରେୟାଃ କାନା ହାତୁରେ ଆୟାଃ ପାହିଲ୍‌ ପେଡ଼େୟାନ୍ କାମି ଏଚେଦ୍‌କେଦାଏ ନେ'ଲେକା ଇନିଃ ଆୟାଃ ମାନାରାଙ୍ଗ ଉଦୁବ୍‌କେଦାଏ ଆତଃ ଇନିୟାଃ ଚେଲାକ ଇନିଃରେକ ବିଶ୍ୱାସକେଦାଃ ।

୧୨ ☆ଏନ୍ ତାୟମ୍‌ତେ ଯୀଶୁ ଆତଃ ଇନିୟାଃ ଏଙ୍ଗାତେ, ହାଗାତେ, ଆତଃ ଚେଲାକ କପରନାହୁମ୍ ସାହାର୍‌ତେ ସେନଃୟାନା ଆତଃ ଏନ୍ତାଃରେ ଚିମିନ୍ ମାହାଁଲେକା ତାଇନ୍‌ୟାନାକ ।

ଯୀଶୁ ଯୀରୁଶାଲେମ୍ ମାହିର୍ ଅଡ଼ାଃତେ ସେନଃୟାନାଏ  
(ମାଥୁଇ ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)

୧୩ ଆତଃ ଯିହୁଦୀକଆଃ ପାସକା ପାରାବ୍ ନାଡ଼େୟାକାନ୍ ତାଇକେନା, ଆତଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ । ୧୪ ଇନିଃ ମାହିର୍ ଅଡ଼ାଃରେ ଉରିଃକକ, ମିଶ୍ଟିକ, ଦୁଦୁମ୍‌ଲ୍‌କକେ କିରିଙ୍ଗ୍ ଆଖିରିଙ୍ଗ୍‌ତାନ୍‌କକେ ଆତଃ ଦୁବାକାନ୍ ପାଏସା ଭାଞ୍ଜାଅତାନ୍‌କକେ ନାମ୍‌କେଦକଆଏ । ୧୫ ଏନ୍ତେ ଇନିଃ ବାଏହାର୍ ରେୟାଃ ହାଁଶ୍‌ସା ବାଇକେଦ୍‌ତେ ସବେନ୍ ମିଶ୍ଟି ଆତଃ ଉରିଃକକକେ ମାହିର୍ ଅଡ଼ାଃଏତେ ଅତଙ୍ଗକେଦକଆଏ ଆତଃ ପାଏସା ଭାଞ୍ଜାଅତାନ୍‌କଆଃ ଗାଣ୍ଡିକ୍‌କେ ଉଦୁର୍‌ବାଟିକେଦାଏ ଆତଃ ପାଏସାକ ଛିତିବିତିକେଦାଏ । ୧୬ ଆତଃ ଦୁଦୁମ୍‌ଲ୍ ଆଖିରିଙ୍ଗ୍‌କକେ କାଜିୟାଦକଆଏ, “ନିକୁକେ ନେତାଃଏତେ ଇଦିକପେ । ଆପୁଇୟାଃ ଅଡ଼ାଃ କିରିଙ୍ଗ୍ ଆଖିରିଙ୍ଗ୍ ଅଡ଼ାଃ ଆଲ୍‌ପେ ବାଇୟାଃ ।” ୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଥୁରେ ଅଲ୍‌କାନ୍‌ତେୟାଃ ଇନିୟାଃ ଚେଲାକ ପାହାମ୍‌କେଦାକ, “ଆମାଃ ଅଡ଼ାଃ ନାଗେନ୍ତେ ଆଇଁୟାଃ ଚିହୁଲ୍‌ତେୟାଃ ଇଣ୍‌ଜିଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିଜୁଃରୁହାଡ଼କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଆକ୍‌ତେୟାର୍ ନାମାକାଦାମ୍

\* ୨:୨ ୨:୨ ମିଦହିସି କୁଡ଼େ † ୨:୨ ୨:୨ ଗ୍ୟାଲେନ୍ ଆଦିହିସି ପାନ୍‌ରା ଏତେ ମିଦ୍‌ଗାଅ ପାନ୍‌ରା ଲିଟର୍ କାକେଦ୍ ☆ ୨:୧୨ ୨:୧୨ ମାଥୁଇ ୪:୧୩.

ମେନ୍ତେ ଆଲେ ଚିଲ୍‌କାଲେ ସାରିୟା ? ଆତଃ ଚିକାନ୍ ଚିହ୍ନାଁତେ ଆଲେକେମ୍ ଉଦୁବାଲେତାନା ।” ୧୯ \* ଯୀଶୁ କାଜିରୁହାଡ଼ାଦକଆଏ, “ନେ ମାହିର୍ ଅଡ଼ାଃକେ ହାଦୁଡ଼ ତାପେ ଆତଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡ଼େୟାଈଙ୍ଗ୍ ।”

୨୦ ଆତଃ ଯିହୁଦୀକ କାଜିକିୟାଃକ, “ନେ ମାହିର୍‌କେ ବାଇକେସେଦନାଙ୍ଗ୍ ଛୟାଲିଶ୍ ସିର୍ମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆତଃମିସା ବାଇରୁହାଡ଼େୟାମ୍ ?”

୨୧ ମେନ୍‌ଦ ଯୀଶୁ ଆୟାଃ ହଡ଼ମରେୟାଃ ମାହିର୍ ଅଡ଼ାଃରାଃ କାଜି କାଜିତାନାଏ ତାଇକେନା । ୨୨ ଏନ୍ତେ ଇନିଃ ଗଜାକାନକ ଏତେ ଜୀଉବିରିଦ୍‌ୟାନ୍ତେ ଇନିୟାଃ ତେଲାଇ ଇନିଃ ନେ କାଜିଏ କାଜିଲେଦା ନେଆଁକ ପାହାମ୍‌କେଦାଃ । ଏନ୍ତେ ଧାରାମ୍‌ପୁଅରେ ଆତଃ ଯୀଶୁ କାଜିକେଦ୍ କାଜିରେକ ବିଶ୍ୱାସକେଦା ।

**ଯୀଶୁ ହଡ଼ଆଃ ମନକେ ସାରିୟାଏ**

୨୩ ଆତଃ ଯୀଶୁ ପାସକା ପାରାବ୍ ଦିପିଲିରେ ଯୀରୁଶାଲେମ୍‌ରେ ତାଇକେନ୍ ଇମ୍‌ତା ପୁରାଃ ହଡ଼କ ଇନିଃ କାମି ତାଇକେନ୍ ଚିହ୍ନାଁକ ନେଲ୍‌କେଦ୍‌ତେ ଇନିଃଡ଼ାଃରେକ ବିଶ୍ୱାସକେଦା । ୨୪ ମେନ୍‌ଦ ଯୀଶୁ ଇନକୁକେ କାଏ ବିଶ୍ୱାସକେଦକଆ, ଚିୟାଃଚି ଇନିଃ ହଡ଼କଆଃ ମନକେ ସାରିତାଇକେନାଏ । ୨୫ ମାନଝା ନାଗେନ୍ତେ ଜେତାଏ ଗାଝାକ ଇନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃଚି ମାନଝାରାଃ ମନ୍‌ସୁରୁଦ୍‌ରେ ଚିକ୍‌ନାଃ ମେନାଃ ଏନାଦ ଇନିଃ ଆଇଃକ୍‌ଚି ସାରିତାନାଏ ତାଇକେନା ।

**୩**

**ଯୀଶୁ ଆତଃ ନିକଦୀମ୍**

୧ ଫାରୁଶୀକଏତେ ନିକଦୀମ୍ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ । ୨ ଇନିଃ ମିଆଁଦ୍ ନିଦା ଯୀଶୁତାଃ ହିଜୁଃକେଦ୍‌ତେ କାଜିକିୟା, “ହେ ଗୁରୁ, ଆମ୍ ପାର୍‌ମେଶ୍ୱାର୍‌ସାଃଏତେ ଇଦୁନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍‌ମେଶ୍ୱାର୍ ଜେତାଏଲଃ କା ତାଇନ୍‌ରେଦ ଇନିଃ ଆମ୍ କାମିକାଦ୍ ଚିହ୍ନାଁକ କାଏ କାମିଦାଡ଼ିୟାଃ ।”

୩ ଯୀଶୁ କାଜିରୁହାଡ଼କିୟା, “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାମେତାନା, ଜେତାଏ କାଏ ଜାନାମ୍‌ରୁହାଡ଼୍‌\* ରେଦ ପାର୍‌ମେଶ୍ୱାର୍‌ଆଃ ରାଇଙ୍ଗ୍ କାଏ ନେଲ୍‌ଦାଡ଼ିୟା ।”

୪ ନିକଦୀମ୍ କୁଲିକିୟାଏ, “ହଡ଼ ହାଡ଼ାମ୍‌ୟାନ୍ତେ ଚିଲ୍‌କାତେ ଜାନାମ୍‌ରୁହାଡ଼୍‌ ଦାଡ଼ିୟାଃ ?” “ଇନିଃ ଚିୟାଃ ଆତଃମିସା ଏଙ୍ଗାତେୟାଃ ଲାହିଦ୍‌ରେ ବଲକେଦ୍‌ତେ ଜାନାମ୍‌ ଦାଡ଼ିୟାଃ ।”

୫ ଯୀଶୁ କାଜିରୁହାଡ଼କିୟାଏ, “ସାର୍‌ତିଗିଙ୍ଗ୍ କାଜିୟାମେତାନା, ଦାଆଃ ଆତଃ ଆମ୍‌ତେ କାକ ଜାନାମ୍‌ରୁହାଡ଼ରେଦ ପାର୍‌ମେଶ୍ୱାର୍‌ଆଃ ରାଇଙ୍ଗ୍‌ରେ ଜେତାଏ କାକ ବଲଦାଡ଼ିୟାଃ । ୬ ହଡ଼ମଏତେ ଜାନାମାକାନ୍‌ତେୟାଃ ହଡ଼ମଗି ତାନାଃ ଆତଃ ଆମ୍‌ଏତେ ଜାନାମାକାନ୍‌ତେୟାଃ ଆମ୍‌ଗି ତାନାଃ । ୭ ଜାନାମ୍‌ରୁହାଡ଼୍‌ ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ କାଜିୟାଦ୍‌ମେଆ, ଏନାତେ ଆଲମ୍ ହାଏକାଟଃଆ । ୮ ହୟ ଆୟାଃ ସାନାଙ୍ଗ୍ ଲେକାତେ ହୟତାନା ଆତଃ ଏନାରେୟାଃ ଲାବ୍‌ଜା ଆୟୁମଃତାନା, ମେନ୍‌ଦ ଏନା ଅକସାଃ ଏତେ ହିଜୁଃତାନା ଆତଃ ଅକ୍‌ତାଃତେ ସେନଃତାନା ଏନା କା ସାରିୟାଃଆ । ଆମ୍‌ଏତେ ସବେନ୍ ଜାନାମାକାନ୍‌କ ନେ'ଲେକାଗିଆଃକ ।” ୯ ନିକଦୀମ୍ ଇନିଃକେ କୁଲିକିୟାଏ, “ନେଆଁ ଚିଲ୍‌କାତେ ହବାଦାଡ଼ିଝାଃ ?”

\* ୨:୧୯ ୨:୧୯ ମାଥୁର ୨୭:୭୧; ୨୭:୪୦; ମାର୍କ ୧୪:୫୮; ୧୫:୨୯. ୩:୩ ୩:୩ ପାର୍‌ମେଶ୍ୱାର୍‌ତାଃଏତେ ଜାନାମ୍

୧୦ ଯୀଶୁ କାଜିକିୟାଏ, “ତିୟାଃ ଆମ୍ଭ ଇସ୍ରାଏଲ୍ରେନ୍ଦକଆଃ ଗୁରୁ ତାନ୍ଦେ ଆତଃ ନେଆଁ କାମ୍ ସାରିୟା ?” ୧୧ ସାର୍ତ୍ତିଗିଙ୍ଗ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆତଃ ନେଲ୍ଲକାନ୍ରେୟା ଗାଞ୍ଜାଲେ ଏମେତାନା ଆତଃ ଆପେ ଆଲେୟାଃ ଗାଞ୍ଜା କାପେ ମାନାତିଙ୍ଗ୍ତାନା । ୧୨ ଆଇଙ୍ଗ୍ ନେ ଅତେରେୟାଃ କାଜିଙ୍ଗ୍ କାଜିୟାଦ୍ପେରେ କାପେ ପାତିୟାରେତାନା, ଏନ୍ତେ ଆଇଙ୍ଗ୍ ସିର୍ମାରେୟାଃ କାଜିଙ୍ଗ୍ କାଜିୟାଦ୍ପେରେ ଚିଲ୍ଲକାତେପେ ପାତିୟାରେଆ । ୧୩ ଅକନ୍ ମାନଞ୍ଜାହନ୍ ସିର୍ମାଏତେ ଆଡ଼ଗୁଆକାନାଏ, ଇନିଃକେ ବାଗିକିଃତେ ଆତଃ ଜେତାଏ ହଡ଼ ଚିଉଲ୍ଲାହ ସିର୍ମାତେ କାଏ ରାକାବାକାନା ।”

୧୪ ଆତଃ ମୁଶା ବିରରେ ପିତାଲ୍ ବିଙ୍ଗ୍କେ ଖୁଟାରେ ରାକାବି ଲେକା ମାନଞ୍ଜାହନ୍କେହଗି ରାକାବଃ ଲାଗାତିଙ୍ଗ୍ୟାଃ । ୧୫ ଇନିଃରେ ବିଶ୍ୱାସ୍ତାନ୍ଦକଦ ଜାନାଅ ଜାନାଅରେୟାଃ ଜୀଦାନ୍ଦକ ନାମେୟା ।

୧୬ ମେନ୍ଦ୍ ପାର୍ମେଶ୍ୱାର୍ ଅତେଦିଶ୍ୱମ୍ବକେ ପୁରାଃଗି ଦୁଲ୍ଲାଡ଼କେଦାଏ ଆତଃ ଆୟାଃ ମିଆଁଦଗି ଦୁଲ୍ଲାଡ଼ହନ୍ଦକେ ଏମ୍ବକିୟାଏ, ଇନିଃରେ ବିଶ୍ୱାସ୍ତାନ୍ଦକଦ କାକ ଜିୟନଃଆ ମେନ୍ଦ୍ ଜାନାଅରେୟାଃ ଜୀଦାନ୍ଦକ ନାମେୟା । ୧୭ ପାର୍ମେଶ୍ୱାର୍ ଆୟାଃ ହନ୍ଦକେ ଅତେଦିଶ୍ୱମ୍ବରାଃ ବିଚାର୍ ନାଗେନ୍ତେଦ କାହା, ମେନ୍ଦ୍ ଅତେଦିଶ୍ୱମ୍ବକେ ଇନିଃତେ ବାଞ୍ଛାଅ ନାଗେନ୍ତେ କୁଲ୍ଲକିୟାଏ ।

୧୮ ଜେତାଏ ହନ୍ଦରେ ବିଶ୍ୱାସ୍ତାନ୍ଦନିଃ କାଏ ସାଜାୟାଃ ମେନ୍ଦ୍ କା ବିଶ୍ୱାସ୍ତାନ୍ଦନିଃ ସାଜାୟାକାନାଏ, ତିୟାଃଚି ଇନିଃଦ ପାର୍ମେଶ୍ୱାର୍ଆଃ ମିଆଁଦଗି ହନ୍ଦଆଃ ନୁଡ଼ମରେ କାଏ ବିଶ୍ୱାସ୍ତାଦା । ୧୯ ଆତଃ ଏନ୍ ବିଚାର୍ ନେଆଁଗି ତାନାଃ, ମାର୍ସାଲ୍ ଅତେଦିଶ୍ୱମ୍ବରେ ହିଜୁଆକାନା, ମେନ୍ଦ୍ ହଡ଼କ ମାର୍ସାଲ୍ ଏତେ ନୁବାଃକେ ଆଦକାକ ଦୁଲ୍ଲାଡ଼କେଦାଃ ତିୟାଃଚି ଇନ୍କୁଆଃ କାମିକଦ ଏଡକାନାଃ ତାନାଃ । ୨୦ ଏଡକାନ୍ କାମିତାନ୍ଦକଦ ମାର୍ସାଲ୍କେ କାକ ଦୁଲ୍ଲାଡ଼ାଃ, ଆତଃ ମାର୍ସାଲ୍ତାଃତେ କାକ ହିଜୁଃଆ, ତିୟାଃଚି ଇନ୍କୁଆଃ ଏଡକାନ୍ କାମି ମାର୍ସାଲ୍ରେ ଉଦୁବଃକା ମେନ୍ତେ ଇନ୍କୁ କାକ ସାନାଙ୍ଗ୍ଆଃ । ୨୧ ମେନ୍ଦ୍ ଜେତାଏ ସାର୍ତ୍ତି କାମି କାମିୟାଏ, ଇନିଃ କାମିକାଦ୍ତେୟାଃକ ଜେଲେକା ପାର୍ମେଶ୍ୱାର୍ଆଃ ସାନାଙ୍ଗ୍ଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ସାଲ୍ତାଃଏ ହିଜୁଃଆ ।

**ଯୀଶୁ ଆତଃ ଯୋହାନ୍**

୨୨ ନେଆଁ ତାୟମତେ, ଯୀଶୁ ଆତଃ ଆୟାଃ ଚେଲ୍ଲକ ଯିହୁଦା ଦିଶ୍ୱମ୍ବତେକ ସେନଃୟାନା ଆତଃ ଇନିଃ ଇନ୍କୁଲ୍ଲଃ ଏନ୍ତାଃରେ ତାଇନ୍ଦୟାନ୍ତେ ବାପ୍ତିସ୍ମାକତାନ୍ ତାଇକେନାଏ । ୨୩ ଆତଃ ଯୋହାନ୍ହଁ ସାଲିମ୍ ଜାପାଃ ଏନନ୍ରେ ବାପ୍ତିସ୍ମାକତାନ୍ ତାଇକେନାଏ, ତିୟାଃଚି ଏନ୍ତାଃରେଦ ପୁରାଃଗି ଦାଆଃ ତାଇକେନା, ଆତଃ ହଡ଼କ ବାପ୍ତିସ୍ମାଆଃ ନାଗେନ୍ତେ ହିଜୁଃତାଇକେନାକ । ୨୪ ଯୋହାନ୍ଦ୍ ଇମ୍ବତାଙ୍ଗ୍ ଜାକେଦ୍ କାଏ ଜେହେଲ୍ଲକାନ୍ ତାଇକେନା ।

୨୫ ଏନ୍ତେ ଯୋହାନ୍ଦାଆଃ ଚିମିନ୍ ଚେଲ୍ଲକ ଆତଃ ମିଆଁଦ୍ ଯିହୁଦୀ, ଫାର୍ଚିଅଃରେୟା ବିଷାଏରେ କୁପୁଲ୍ଲିୟାନାକ । ୨୬ ଇନ୍କୁ ଯୋହାନ୍ତାଃତେ ହିଜୁଃୟାନ୍ତେ କାଜିକିୟା, “ହେ ଗୁରୁ” ଯାଦାନ୍ ହାନ୍ ପାରମ୍ ଆମାଃଲଃ ତାଇକେନ୍ନିଃ, ଇନିୟାଃ ନାଗେନ୍ତେ ଆମ୍ଭ ଗାଞ୍ଜା ଏମ୍ବକେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆତଃ ସବେନ୍ଦକ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦକଆଏ, “ସିର୍ମାସାଃଏତେ କା ଏମଃରେଦ ହଡ଼ ଜେତନାଃ କାଏ ନାମ୍ଦାଡ଼ିୟାଃ । ୨୮ ଯୋହାନ୍ଦ୍ ମାସି ନାହାଁଲିଙ୍ଗ୍ ମେନ୍ଦ୍ଦ

୧୦ ୩:୨୪ ୩:୨୪ ମାଥୁଉ ୧୪:୩; ମାର୍କ ୬:୧୭; ଲୁକ ୩:୧୯,୨୦. ୨୮ ୩:୨୮ ୩:୨୮ ଯୋହାନ୍ ୧:୨୦.

ଇନିୟାଃ ଆୟାଋରେ କୁଲ୍ଲକାନାଇଙ୍ଗ୍ ଫେନ୍‌କେଦାଃଏ, ଏନାରେୟାଃ ଗାଞ୍ଜା ଆପେଗି ତାନ୍‌ପେ । ୨୯ ଜେତାଏ ଆଣ୍‌ଦିୟାଃନିଃ ଦ ଦୁଲ୍ଲକଡାରାଃ ତାନିଃ, ଫେନ୍‌ଦ ଦୁଲ୍ଲକଡାଃ ତିଙ୍ଗ୍‌କେଦ୍‌ତେ ଇନିୟାଃ କାଜି ଆୟୁଫତାନ୍ ଗାତି ଦୁଲ୍ଲକରାଃ କାଜିତେ ପୁରାଃଗି ରାସ୍‌କାଅଃଆ । ଏନାତେ ଆଇଁୟାଃ ନେ ରାସ୍‌କାଦ ନାମ୍‌ଗାବାୟାନା । ୩୦ ଇନିଃକେ ମାରାଙ୍ଗ୍ ହବା ଲାଗାତିଙ୍ଗ୍‌ୟାଃ ଫେନ୍‌ଦ ଆଇଙ୍ଗ୍‌କେ ହୁଡିଙ୍ଗ୍‌ଅଃ ଲାଗାତିଙ୍ଗ୍‌ୟାଃ ।”

ସିର୍ମା ଏତେ ହିଜୁଃନିଃ

୩୧ ଚେତାନ୍‌ଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ଅତେସାଃଏତେ ହିଜୁଃନିଃ ଅତେରେନ୍‌ନିଃ ତାନିଃ ଆତଃ ଅତେସାଃଏତେ କାଜିୟାଏ ଫେନ୍‌ଦ ସିର୍ମାସାଃଏତେ ହିଜୁଃନିଃ ସବେନ୍‌କଏତେ ମାରାଙ୍ଗ୍‌ଆଁଏଃ । ୩୨ ଇନିଃ ନେଲ୍ଲକାଦ୍ ଆତଃ ଆୟୁଫକାଦ୍ ତେୟାଃରାଃ ଗାଞ୍ଜାଇ ପେରେଃକେଦା ଫେନ୍‌ଦ ଇନିୟାଃ ଗାଞ୍ଜା ଜେତାଏ କାକ ମାନାତିଙ୍ଗ୍‌କେଦା । ୩୩ ଫେନ୍‌ଦ ଇନିୟାଃ ଗାଞ୍ଜା ଅକଏ ମାନାତିଙ୍ଗ୍‌ନିଃ, ପାର୍‌ଫେଶ୍ୱାର୍ ସାର୍‌ତିଗିୟାଏ ଫେନ୍‌ତେ ଏନ୍ କାଜିରେ ମୋହ୍‌ରକାଦାଏ† । ୩୪ ପାର୍‌ଫେଶ୍ୱାର୍‌ତାଃଏତେ କୁଲ୍ଲକାନିଃଦ ପାର୍‌ଫେଶ୍ୱାର୍‌ଆଃ କାଜି କାଜିୟାଏ, ତିୟାଃତି ପାର୍‌ଫେଶ୍ୱାର୍‌ଦ ଇନିଃକେ ଆୟାଃ ଆମ୍ ଫୁରାଃଗି ଏମିୟା । ୩୫ \*ଆପୁଦ ଆୟାଃ ହନ୍‌କେ ଦୁଲ୍ଲକଡାଃଏ ଆତଃ ସବେନାଃ ଇନିୟାଃ ତିଃଇରେ ଏମ୍‌ତତାରାକାଦାଏ । ୩୬ ହନ୍‌ରେ ବିଶ୍ୱାସ୍‌ତାନିଃନିୟାଃ ଜାନାଅଜୀଦାନ୍ ଫେନାଃ, ଫେନ୍‌ଦ ହନ୍‌କେ କାଏ ଦାର୍‌ମତାନ୍‌ନିଃ ଜୀଦାନ୍ କାଏ ନେଲେୟା, ତିୟାଃତି ପାର୍‌ଫେଶ୍ୱାର୍‌ଆଃ ଏନେସେଦ୍‡ ଇନିଃରେ ତାଇନ୍‌ତାନା ।

୪

ୟାଶୁ ଆତଃ ଶମିରୋନ୍‌ରେନ୍ କୁଡି

୯ ଫାରୁଶୀକ, ଯାଶୁ ଯୋହାନ୍ ଏତେ ଆଦ୍‌କା ଚେଲ୍ଲାକେଦ୍‌ତେ ବାପ୍ତିସ୍ମାକତାନାଏ ଫେନ୍‌କେ ଆୟୁଫକେଦା ନେଆଁ ଯାଶୁ ଆଟ୍‌କାର୍‌କେଦାଏ । ୨ ଯାଶୁ ଆୟାଃତେଗି କାଏ ବାପ୍ତିସ୍ମାକ ତାଇକେନା ଫେନ୍‌ଦ ଇନିୟାଃ ଚେଲ୍ଲକ ବାପ୍ତିସ୍ମା ଏମାକତାନ୍ ତାଇକେନାକ । ୩ ନେ ସବେନାଃ ଆଟ୍‌କାର୍‌କେଦ୍‌ତି ଇନିଃ ଯିହୁଦା ଦିଶୁମ୍ ବାଗିକେଦାଏ ଆତଃ ଗାଲିଲ୍ଲତେ ସେନ୍‌ରୁହାଡ୍‌ୟାନାଏ । ୪ ଆତଃ ଇନିଃକେ ଶମିରୋନ୍ ଦିଶୁମ୍ ଆଲା ଆଲାତେ ସେନଃ ଲାଗାତିଙ୍ଗ୍ ତାଇକେନା ।

୫ ଏନ୍ତେ ଯାଶୁ ଶମିରୋନ୍‌ରେଆଃ ଶିଖର୍ ନୁଡୁମ୍ ମିଆଁଦ୍ ହାତୁତେ ସେଚେରୁୟାନାଏ, ଏନା ଯାକୁଦ୍ ଆୟାଃ ହନ୍ ଯୋଷ୍ଠେଫ୍‌କେ ଏମାକାଇ ଅତେ ଜାପାଃରେ ତାଇକେନା । ୬ ଏନ୍ତାଃରେ ଯାକୁଦ୍‌ଆଃ କୁଆଁ ତାଇକେନା, ଆତଃ ଯାଶୁ ହରା ସେସେନ୍‌ତେ ଲାଗାୟାନ୍ତେ, କୁଆଁତାଃରେ ଦୁବ୍‌ୟାନାଏ । ଇମ୍‌ତାଦ୍ ତିକିନ୍‌ସିଙ୍ଗି ତାଇକେନା ।

୭ ଏନ୍ତେ ମିଆଁଦ୍ ଶମିରୋନ୍‌ରେନ୍ କୁଡି ଦାଆଃ ରୁରାଃତେ ହିଜୁଃୟାନାଏ, ଆତଃ ଯାଶୁ ଇନିଃକେ କାଜିକିୟାଏ, “ନୁଁଏ ଦାଆଃ ଏମାକଙ୍ଗ୍‌ଫେ ।” † ଇମ୍‌ତାଙ୍ଗ୍ ଇନିୟାଃ ଚେଲ୍ଲକଦ୍ ଜଫେୟାଃ କିରିଙ୍ଗ୍‌ତେ ସାହାର୍‌ତେ ସେନାକାନ୍ ତାଇକେନାକ ।

୯ ଏନ୍ କୁଡି ଯାଶୁକେ କାଜିକିୟାଏ, “ଆମ୍ ଯିହୁଦୀ ତାନ୍‌ଫେ ଆତଃ ଆଇଙ୍ଗ୍ ଶମିରୋନ୍‌ରେନ୍ ତାନିଙ୍ଗ୍, ଆମ୍ ଚିଲ୍‌କାତେ ନୁଁଏ ଦାଆଃ ଆସି ଦାଡିତାନାମ୍ ?” ତିୟାଃତି ଯାହୁଦିକଦ ଶମିରୋନି କଲଃ କାକ ଫେସାଅଃ ତାଇକେନା ।

† ୩:୩୩ ୩:୩୩ ମୋହ୍‌ରକାଦାଏ ପକ୍‌ତାସାବୁଡ୍      \* ୩:୩୫ ୩:୩୫ ମାଥ୍‌ଉ ୧୧:୨୭; ଲୁକ ୧୦:୨୨.      ‡ ୩:୩୭ 3:36 ଖ୍‌ସ୍



୧୦ ଯୀଶୁ କାଜିରୁହାଡ଼କିୟାଏ, “ଆମ୍ଭ ପାର୍ମେଶ୍ଵାରୀଆଃ ଏନେମତେୟାଃ ଆତଃ ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ, ଆମ୍ ଭନିଃକେ ଆସିତେୟାଃ ଆତଃ ଭନିଃ ଆମ୍‌କେ ଜାନିଦ୍ ଦାଆଃ ଏମାମ୍‌ତେୟାଃଏ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍‌କେ, ଆମାଃତାଃରେ ବୁରାଃତେଆଃଦ ବାନଆଃ ଆତଃ କୁଆଁଦ ଭକିରା\* , ଏନ୍ ଜାନିଦ୍ ଦାଆଃ କତାଃଏତେମ୍ ନାମେୟା ? ୧୨ ତିୟାଃ ଆମ୍ ଆଲେୟାଃ ଆପୁ ଯାକୁବ୍ ଏତେ ମାରାଙ୍ଗ୍‌ଆଁମ୍ ? ଭନିଃ ନେ କୁଆଁ ଏମାଦଲେୟାଏ ଆତଃ ଏନାଏତେ ଆଭଃକହଗି ନୁଁକେଦାଏଃ, ଏନ୍‌ଲେକା ଭନିୟାଃ ହନ୍‌ହପନ୍‌କ ଆତଃ ଭନିୟାଃ ଭରିଃକ୍, ମେରମ୍‌କହ୍ ନୁଁକେଦାଃକ ।”

୧୩ ଯୀଶୁ ଭନିଃକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଃକେ ତେତାଙ୍ଗ୍ ରୁହାଡ଼ିଆ, ୧୪ ମେନ୍‌ଦ ଆଭଙ୍ଗ୍ ଏମାଇ ଦାଆଃ ନୁଁଏ ହଡ୍ ତିଭଲାହ୍ କାଏ ତେତାଙ୍ଗ୍‌ଆଃ ଆତଃ ଆଭଙ୍ଗ୍ ଏମାଇ ଦାଆଃ ଭନିଃରେ ଜାନାଅ ଜୀଦାନ୍ ଜାକେଦ୍ ଲିଙ୍ଗିୟାଆଃ ଦାଆଃରେୟାଃ କୁଆଁଦାଆଃ ବାଇୟାଆଃ ।”

୧୫ ଏନ୍ କୁଡ଼ି କାଜିକିୟାଏ, “‘ହେ ଗମ୍‌କେ,’ ଆଭଙ୍ଗ୍‌କେ ଏନ୍ ଦାଆଃ ଏମାଇଙ୍ଗ୍‌ମେ, ଜେ’ଲେକାଟି ଆଭଙ୍ଗ୍ ଆଲକାଇଙ୍ଗ୍ ତେତାଙ୍ଗ୍‌କାଃ, ଆତଃ ଦାଆଃ ବୁରାଃନାଙ୍ଗ୍ ନେତାଃତେ ଆଲକାଇଙ୍ଗ୍ ହିଜୁଃକା ।”

୧୬ ଯୀଶୁ ଭନିଃକେ ମେନ୍‌କିୟାଏ, “ଜୁ ଆମାଃ କଡ଼ାକେ କେଡ଼ାକମେ,” ଆତଃ “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍‌ରୁହାଡ଼ାଇୟାଏ, “ଆଭିୟାଃ କଡ଼ା ବାଙ୍ଗାଭୟାଃ ।” ଯୀଶୁ ମେନ୍‌ରୁହାଡ଼ାଇୟାଏ, “ଆଭିୟାଃ କଡ଼ା ବାଙ୍ଗାଭୟାଃ ମେନ୍ତେ ବୁଗିନାମ୍ କାଜିକେଦା, ୧୮ ଆମ୍‌ଦ ମଶେୟାତାଃ ଅଡ଼ାଃୟାନାମ୍ ଆତଃ ଆମାଃଲଃ ନାହାଁଃ ତାଭନ୍‌ତାନ୍‌ନିଃ ଆମାଃ କଡ଼ା ନାହାଁଲିଃ, ନେଆଁ ଆମ୍ ସାର୍‌ତିଗି କାଜିୟାକାଦାମ୍ ।”

୧୯ ଏନ୍ କୁଡ଼ି ମେନ୍‌କିୟାଏ, “ହେ ଗମ୍‌କେ, ଆମ୍ ନାବୀ ତାନ୍‌ମେ, ନେଆଁ ଆଭଙ୍ଗ୍ ନେଲ୍‌ଦାଡ଼ିତାନା ।

୨୦ “ଆଲେୟାଃ ହାଡ଼ାମ୍ ହଡ଼କ ନେ ବୁରୁରେ ପାର୍ମେଶ୍ଵାରୀଆଃକ ସେଝା କେଦାଃ ମେନ୍‌ଦ ଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ଵାରୀଆଃ ସେଝା ଲାଗାତିଙ୍ଗ୍‌ୟାଃ ଏନା ଯୀରୁଶାଲେମ୍‌ରେ ମେନାଃ ।”

୨୧ ଯୀଶୁ ଭନିଃକେ କାଜିକିୟାଏ, “ଏ କୁଡ଼ି କାଜିତାଭୟାଃ ପାତିୟାରେମ୍, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ତି ଯୀରୁଶାଲେମ୍‌ରେହ୍ ଆପୁଆଃ କାପେ ସେଝା ରିକାଗିଆ । ୨୨ ଆପେ ଶମିରୋନ୍‌ରେନ୍‌କ କା ସାରିନିଃକେପେ ସେଝାଭତାନା; ଆଲେ ଯିହୁଦୀକ ସାରିତାନ୍‌ନିଃକେ ସେଝାଭତାନାଲେ, ତିୟାଃତି ଜୀଭବାଞ୍ଚାଅନିଃ ଯୀହୁଦିକଏତେ ହିଜୁଃତାନା । ୨୩ ମେନ୍‌ଦ ଦିପିଲି ହିଜୁଃଆ ଆତଃ ନାହାଁଃ ସେଟେରାକାନା, ଏନାରେ ସାର୍‌ତି ସେଝାଭନିଃକ ଆମ୍‌ା ଆତଃ ସାନାର୍‌ତିତେ ଆପୁକେକ ସେଝାଭୟା, ଆପୁଦ ନେ ଲେକାନ୍ ସେଝାଭତାନ୍‌କକେ ନାମ୍‌ତାନା । ୨୪ ପାର୍ମେଶ୍ଵାର୍ ଆମ୍‌ା ତାନିଃ ଆତଃ ଭନିଃକେ ସେଝାଭତାନ୍‌କ ଆମ୍‌ାରାଃ ପେଡ଼େଃତେ ଏସ୍‌କାର୍ ଆତଃ ସାନାର୍‌ତିତେ ସେଝାଭ ଲାଗାତିଙ୍ଗ୍‌ୟାଃ ।”

୨୫ ଏନ୍ କୁଡ଼ି ଭନିଃକେ ମେତାଭୟାଏ, “ଶ୍ରୀଷ୍ଟ୍ ନୁହୁମ୍‌ତାନ୍ ମାସି ହିଜୁଆଃଏ, ଏନାଭଙ୍ଗ୍ ସାରିତାନା, ଭନିଃ ହିଜୁଃକେଦ୍‌ତେ ସବେନାଃଏ ଭଦୁବାଲେୟା ।”

୨୬ ଯୀଶୁ ମେତାଭୟାଏ, “ଆଭଙ୍ଗ୍ ଭନିଃ ତାନିଙ୍ଗ୍, ଅକଏଟି ଆମାଃଲଃ ଜାଗାର୍‌ତାନାଏ ।”

୨୭ ଆତଃ ଏନ୍ ଦିପିଲିରେ ଭନିୟାଃ ତେଲାକ ହିଜୁଃୟାନା ଆତଃ ଭନିଃ ମିଆଁଦ୍ କୁଡ଼ିଲଃ ଜାଗାର୍‌ତାନ୍ ନେଲ୍‌କେଦ୍‌ତେ ହାଏକାଟ୍‌ୟାନାକ । ଏନ୍‌ରେହ୍ ଜେତାଏ

\* ୪:୧୧ ୪:୧୧ ଭକିରା ଗାଢ଼ାଗିଆଃ

ଆମ୍ଭ ଚିକ୍ନାଃମ୍ ସାନାଙ୍ଗତାନା ଚାଏ ନିଃଲଃ ଚିନାଃ ମେନ୍ତେମ୍ ଜାଗାଋତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡ଼ି ଆୟାଃ ଚାନ୍ତୁ ବାଗିଡୁକାକେଦ୍ତେ, ହାତୁତେ ସେନଃୟାନାଏ ଆତଃ ଏନ୍ତାଃରେ ହଡ଼କକେ କାଜିୟାଦକଆଏ, ୨୯ “ଏଲା ମିଆଁଦ୍ ହଡ଼ ନେଲିପେ, ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍କେ ଉଦୁବାଦିଇୟା, ଇଦୁ ଇନିଃ ମାସି ତାନିଃ ଚି କାହା ?” ୩୦ ଇନ୍କୁ ସାହାରାଏତେ ଅତଙ୍ଗ୍ୟାନ୍ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ଚେଲାକ ବିକ୍ରିକେଦ୍ତେ କାଜିକିୟାଃକ, “ହେ ଗୁରୁ, ଜେତ୍ନାଃ କାଟିକାନ୍ ଜମେମେ ।”

୩୨ ମେନ୍ଦ୍ ଯାଶୁ ଇନ୍କୁକେ କାଜିୟାଦକଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇୟାଃତାଃରେୟା ।”

୩୩ ଏନ୍ତେ ଚେଲାକ ଆକ ଆକରେ ମେପେନ୍ୟାନାକ, “ଜେତାଏ ମିହୁଡ୍ ଇନିଃକେ ଜମେୟାଃ ଆଉଝାକାୟାଏ ?”

୩୪ ଯାଶୁ ଇନ୍କୁକେ କାଜିକେଦ୍ତେକଆଏ, “ଆଇଙ୍ଗ୍କେ କୁଲକାନ୍ନିୟାଃ ମନେଲେକା ସେସେନ୍ ଆତଃ ଇନିଃ ଆଇଙ୍ଗ୍କେ ଏମାକାଇଙ୍ଗ୍ କାମି ଚାବାଏତେୟାଃ ଆଇୟାଃ ଜମେୟାଃ ତାନାଃ । ୩୫ ଚିୟାଃ ଆପେ ଚାଋ ମାହଁନା ତାୟମ୍ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡ଼ିକେ ଆରିଦରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା । ୩୬ ନାହାଁଃ ଜାକେଦ୍ ଇରୋଃନିଃ ନାଲା ନାମତାନାଏ, ଆତଃ ଜାନାଅ ଜୀଦାନ୍ ନାଗେନ୍ତେ ଜ'ଆଏ ହୁଣ୍ଡିତାନା, ଜେ'ଲେକା ଏନାତେ ହେରଃନିଃ ଆତଃ ଇରୋଃନିଃ ବାରାନ୍କିନ୍ ମିଦ୍ତେକିନ୍ ରାସ୍ତାକାଅଆ । ୩୭ ମିଆଁଦ୍ ହଡ଼ ହେରେତାନାଏ ଆତଃ ଏଗାଃନିଃ ଇରେତାନାଏ, ନେ କାଜିଦ୍ ସାଋତିଗିଆଃ । ୩୮ ଆପେ କାପେ କାମିୟାକାଦ୍ତେୟାଃ ଇରେ ନାଗେନ୍ତେଇଙ୍ଗ୍ କୁଲକେଦ୍ପେୟା । ଏଗାଃକ କାମିୟାକାଦାଃ ଆତଃ ଆପେ ଇନ୍କୁଆଃ କାମିରେ ଆଦାଏପେ ନାମାକାଦା ।”

୩୯ ଆତଃ ଏନ୍ ସାହାରରେନ୍ ଶମିରୋନିକଏତେ ପୁରାଃ ହଡ଼କ ଯାଶୁରେକ ବିଶ୍ୱାସକେଦାଃ, ଚିୟାଃଚି ଏନ୍ କୁଡ଼ିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍କେ ଉଦୁବାଦିଇୟା” ମେନ୍ତେ ଗାଝା ଏମ୍କେଦାଏ । ୪୦ ଏନାମେନ୍ତେ ଶମିରୋନିରେନ୍ ଇନିଃତାଃ ହିଜୁଃଲେନ୍ତେ ଆମ୍ ଆଲେଲଃ ତାଇନ୍ମେ ମେନ୍ତେକ ବିକ୍ରିକିୟାଃ ଆତଃ ଇନିଃ ଏନ୍ତାଃରେ ବାଋସିଙ୍ଗ୍ ତାଇନ୍ୟାନାଏ ।

୪୧ ଆତଃ ଇନିୟାଃ କାଜି ନାଗେନ୍ତେ ଆଦ୍କା ହଡ଼କ ବିଶ୍ୱାସକେଦାଃ । ୪୨ ଆତଃ ଇନ୍କୁ ଏନ୍ କୁଡ଼ିକେ କାଜିକିୟାଃକ, “ନାହାଁଃଦ୍ ଆମାଃ କାଜି ନାଗେନ୍ତେ କାଲେ ବିଶ୍ୱାସତାନା, ଚିୟାଃଚି ଆଲେଦ୍ ନାହାଁଃ ଆୟୁମାକାଦାଲେ ଆତଃ ନିଃ ସାଋତିଗି ଅତେଦିଶୁମ୍ବରାଃ ଜାଉବାଞ୍ଚାଅନିଃ ତାନିଃ ନେଆଁଲେ ସାରିତାନା ।”

**ଯାଶୁ ମିଆଁଦ୍ ଗମ୍କେୟାଃ କଡ଼ାହନ୍କେ ବୁଗିକିୟାଏ**

୪୩ ଆତଃ ବାଋସିଙ୍ଗ୍ ତାୟମ୍ତେ ଯାଶୁ ଏନ୍ତାଃଏତେ ଅତଙ୍ଗ୍ୟାନ୍ତେ ଗାଲିଲ୍ତେ ସେନଃୟାନାଏ । ୪୪ \*ଯାଶୁ ଆୟାଃତେଗି ଗାଝା ଏମ୍କେଦାଏ, “ନାବୀ ଆୟାଃ ଦିଶୁମ୍ରେ କାଏ ମାଇନଃଆ ।” ୪୫ \*ଇନିଃ ଗାଲିଲ୍ତେ ତେବାଃୟାନ୍ଚି, ଗାଲିଲ୍ତେନ୍ଦକ ଇନିଃକେ ଦାରମ୍କିୟାଃ । ଇନ୍କୁଦ୍ ଯାରୁଗାଲେମ୍ରେଆଃ ପାରାଦ୍ ଦିପିଲିରେ ଇନିଃ କାମିକେଦ୍ ସବେନାଃ ନେଲାକାଦ୍କ ତାଇକେନା, ଚିୟାଃଚି ଇନ୍କୁହ ପାରାଦ୍ତେକ ସେନ୍କେନା ।

\* ୪:୪୪ ୪:୪୪ ମାଥୱ ୧୩:୫୭; ମାର୍କ ୬:୪; ଲୁକ ୪:୨୪.      \* ୪:୪୫ ୪:୪୫ ଯୋହାନ୍ ୨:୨୩.

୪୭ ✠ ଯୀଶୁ ଆଡ଼ଃଗି ଗାଲିଲ୍‌ରେୟାଃ କାନା ହାତୁରେ ତେବାଃୟାନା, ଏନ୍ତାଃରେଦ ଇନିଃ ଦାଆଃକେ ଦାଖ୍‌ରାସି ବାଲୟାକାଦ୍ ତାଇକେନାଏ । ଆଡ଼ଃ ଏନ୍ତାଃରେଦ ମିଆଁଦ୍ ଗମ୍‌କେ† ତାଇକେନାଏ, ଇନିୟାଃ ହନ୍ କପର୍‌ନାହୁମ୍ ସାହାରରେ ଦୁକୁତାନ୍ ତାଇକେନାଏ । ୪୮ ଆଡ଼ଃ ଯୀଶୁ ଯିହୁଦା ଏତେ ଗାଲିଲ୍‌ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍‌କେଦ୍‌ଚି ଇନିଃତାଃତେ ସେନଃୟାନାଏ, ଆଡ଼ଃ ଆମ୍ ହିଜୁଃକେଦ୍‌ତେ ଆଇଁୟାଃ ହନ୍‌କେ ବୁଗିମେ ମେନ୍ତେ ବିକ୍ରିକିୟାଏ, ଚିୟାଃଚି ଇନିଃଦ ଗଜଃଲେକାନ୍ ତାଇକେନାଏ । ୪୯ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆଡ଼ଃ ଆକ୍‌ଦାନ୍‌ଆ କାମି କାପେ ନେଲେରେଦ କାପେ ବିଶ୍ୱାସେଆ ।”

୪୯ ଏନ୍ ଗମ୍‌କେ ମେତାଇୟାଏ, “ହେ ଗୁରୁ, ଆଇଁୟାଃ ହନ୍ ଗଜଃ ସିଦାରେ ହିଜୁଃମେ ।”

୫୦ ଯୀଶୁ ଇନିଃକେ ମେନ୍‌ରୁହାଡ଼ାଇୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ଼ ଯୀଶୁ କାଜିକାଇ କାଜିରେ ବିଶ୍ୱାସ୍‌କେଦ୍‌ତେ ସେନଃୟାନାଏ । ୫୧ ଆଡ଼ଃ ଇନିଃ ସେନଃତାନ୍ ତାଇକେନ୍‌ରେ ଇନିୟାଃ ଦାସିକ ଇନିଃକେ ସେନ୍‌ଦାରମ୍‌କିୟାଃକ ଆଡ଼ଃ “ହନ୍‌ତାମାଃ ଜୀହୁଦ୍‌ୟାନାଏ” ମେନ୍ତେକ ଉଦୁବ୍‌କିୟା ।

୫୨ ଏନ୍ତେ ଇନିଃ ଅକ ଦିପିଲିରେ ବୁଗି ଏଟେଦ୍‌ୟାନାଏ ମେନ୍ତେ ଇନ୍‌କୁକେ କୁଲିକେଦ୍‌କଥାଏ । ଆଡ଼ଃ ଇନ୍‌କୁ ହଲ୍ଲା ହୁଡ଼ିଙ୍ଗ୍ ସିଙ୍ଗ୍ ମିଦ୍ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେନ୍ତେ ଇନ୍‌କୁ କାଜିକିୟାଃକ । ୫୩ ଆଡ଼ଃ ହନ୍‌ତାମାଃ ଜୀହୁଦଃଆଏ ମେନ୍ତେ ଯୀଶୁ କାଜିୟାଇ ଦିପିଲିରେଗି ନେକାୟାନା ଏନା ଆପୁତେ ଆଟ୍‌କାର୍‌କେଦାଏ, ଏନ୍ତେ ଇନିଃ ଆଡ଼ଃ ଇନିୟାଃ ଅଡ଼ାଃରେନ୍‌କ ଯୀଶୁରେକ ବିଶ୍ୱାସ୍‌କେଦାଃ । ୫୪ ଯୀଶୁ ଯିହୁଦାଏତେ ଗାଲିଲ୍‌ରେ ହିଜୁଃୟାନ୍ତେ ନେଆଁ ବାଃସାତେ ପେଡ଼େୟାନ୍ କାମି କାମିକେଦାଏ ।

### ୫

ଯୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍‌ନିଃକେ ବୁଗିକିୟାଏ

୧ ନେଆଁ ତାୟମ୍‌ତେ, ଯୀଶୁ ଯୀରୁଶାଲେମ୍‌ତେ ସେନଃୟାନାଏ, ଚିୟାଃଚି ଯିହୁଦୀକଆଃ ପାରାଦ୍ ତାଇକେନା । ୨ ଯୀରୁଶାଲେମରାଃ ମିଣ୍ଡି ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏନ୍ତା କାଜିତେ ଏନାଦ ବେଥେସ୍‌ଦା ନୁତୁମଃତାନା । ଏନ୍ ବାନ୍ଦାରେ ମଣେୟାଁ ପିଣ୍ଡୁଗି ତାଇକେନା । ୩ ଏନ୍ତାଃରେ ପୁରାଃ ଦୁକୁତାନ୍‌କ, କାଣାଁକ, ଛୁଟାକ ଆଡ଼ଃ ରହଡ଼ାକାନ୍‌କ ବାଟିଆକାନ୍ କେପା ତାଇକେନାକ । ଇନ୍‌କୁଦ ଦାଆଃ ହେଲତେଆଃ ନେଲ୍‌ହରାତାଇକେନାକ । ୪ ଚିୟାଃଚି ମିସା ମିସାଦ୍ ମିଆଁଦ୍ ଦୁଡ଼ ବାନ୍ଦାରେ ଆଡ଼ଗୁକେଦ୍‌ତେ ଦାଆଃ ହେଲତାଇକେନାଏ ଆଡ଼ଃ ଦାଆଃ ହେଲୟାନ୍ ତାୟମ୍‌ତେ, ଅକଏ ସିଦାତେ ଏନାରେ ଆଡ଼ଗୁୟାନ୍‌ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ । ୫ ଏନ୍ତାଃରେ ମିଆଁଦ୍ ହଡ଼ ତାଇକେନାଏ, ଇନିଃ ହିସିଗେଲ୍\* ଇରାଲିୟା† ବାରାଷ୍‌ଏତେ ହାସୁତାନ୍‌ଏ ତାଇକେନା । ୬ ଯୀଶୁ ଇନିଃକେ ବାଟିଆକାନ୍ ନେଲ୍‌କିୟାଏ ଆଡ଼ଃ ଏନ୍‌ଲେକା ପୁରାଃ ମାହାଁ ହେତେ ମେନାଇୟା ଏନା ଆଟ୍‌କାର୍‌କେଦ୍‌ତେ, “ଚିୟାଃ ଆମ୍ ବୁଗିଅଃ ସାନାଙ୍ଗ୍‌ତାନାମ୍” ମେନ୍ତେ କୁଲିକିୟାଏ ।

୭ ଏନ୍ ହାସୁତାନ୍‌ନିଃ କାଜିରୁହାଡ଼କିୟାଏ, “ଗମ୍‌କେ, ଦାଆଃ ହେଲଃତାନ୍ ଇମ୍‌ତା ବାନ୍ଦାରେ ଆଡ଼ଗୁଇଙ୍ଗ୍‌ନିଃ ଜେତାଏ ବାଙ୍ଗ୍‌କୁଆ ଆଡ଼ଃ ଆଇଙ୍ଗ୍ ସେଟେର୍ ସିଦାରେ ଏଟାଃନିଃ ଆଡ଼ଗୁ ଆୟାରେନ୍‌ତାନାଏ ।”

✠ ୪:୪୭ ୪:୪୭ ଯୋହାନ୍ ୨:୧-୧୧. † ୪:୪୭ ୪:୪୭ ଗମ୍‌କେ ମାରାଙ୍ଗ୍ ହଡ଼ \* ୫:୫ ୫:୫ ଚିରିଙ୍ଗ୍ † ୫:୫ ୫:୫ ଆଠ୍

୮ ଯୀଶୁ ଇନିଷକେ ମେତାଇୟାଏ, “ବିରିଦ୍‌ମେ, ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ।” ୯ ଆତଃ ଇମ୍‌ତାଗି ଏନ୍ ହଡ଼ ବୁଗିୟାନାଏ ଆତଃ ଆୟାଃ ପାର୍‌କମ୍ ଗଅଃକେଦ୍‌ତେ ସେନଃୟାନାଏ । ଏନା ରୁଡ଼ନ୍ ଛୁଲାଙ୍ଗ୍ ତାଇକେନା, ୧୦ ଏନାମେନ୍ତେ ଯିହୁଦୀକ ବୁଗିଆକାନ୍ ହଡ଼କେ କାଜିକିୟାଃକ, “ତିସଙ୍ଗ୍ ରୁଡ଼ନ୍ ଛୁଲାଙ୍ଗ୍ ତାନାଃ, ପାର୍‌କମ୍ ଗଅଃ ଆମ୍‌କେ କା ଲାଗାତିଙ୍ଗ୍‌ୟାଃ ।”

୧୧ ମେନ୍‌ଦ ଇନିଃ କାଜିରୁହାଡ଼ାଦ୍‌କଆଏ, “ଆଇଙ୍ଗ୍‌କେ ବୁଗିକେଦ୍‌ନିଃ ପାର୍‌କମ୍ ଗଅଃକେଦ୍‌ତେ ସେନଃମେ ମେତାଦିୟାଏ ।”

୧୨ ଏନ୍ତେ ଇନ୍‌କୁ ଇନିଷକେ କୁଲିକିୟାଃକ, “ପାର୍‌କମ୍‌ତାମାଃ ଗଅଃକେଦ୍‌ତେ ସେନଃମେ ମେତାଦ୍‌ମେ ହଡ଼ ଅକଏ ତାନିଃ ?”

୧୩ ମେନ୍‌ଦ ଏନ୍ ବୁଗିଆକାନ୍ ହଡ଼ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏନ୍ତାଃରେ ଗାଦେଲ୍ ହଡ଼କ ତାଇକେନ୍ ହରାତେ ଯୀଶୁଦ ଦାନାଙ୍ଗ୍‌କେଦ୍‌ତେ ସେନଃୟାନାଏ ।

୧୪ ନେଆଁ ତାୟମ୍‌ତେ ଯୀଶୁ, ବୁଗିଆକାନ୍ ହଡ଼କେ ମାନ୍‌ିର୍ ଅଡ଼ାଃରେ ନାମକିୟାଏ ଆତଃ ମେତାଇୟାଏ, “ନେଲେମେ ଆମ୍ ବୁଗିଆକାନାମ୍, ଆତଃ ଆଲମ୍ ପାପ୍‌ପେଆ କା'ରେଦ୍ ନେଆଁଏତେ ଆଦ୍‌କା ଏଡ଼କାନ୍ ଦୁକୁରେ ଉୟୁଗଃଆମ୍ ।”

୧୫ ଏନ୍ ହଡ଼ ସେନଃୟାନ୍ତେ, ଆଇଙ୍ଗ୍‌କେ ବୁଗିକେଦ୍ ହଡ଼ ଯୀଶୁ ତାନିଃ ମେନ୍ତେ ଯିହୁଦୀକଆଃ ହାକିମ୍‌କେ ଉଦୁବାଦ୍‌କଆଏ । ୧୬ ଏନ୍ତେ ଯୀଶୁ ନେ କାମିକେ ରୁଡ଼ନ୍ ଛୁଲାଙ୍ଗ୍‌ରେ କାମିକେଦ୍ ମେନ୍ତେ ଯିହୁଦୀକ ଇନିଷକେ ସାସାଡ଼ିକିୟାଃକ । ୧୭ ମେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପୁଇଙ୍ଗ୍ ତାଇୟାଃ ଜାନାଅ କାମିତାନାଏ ଆତଃ ଏନ୍‌ଲେକା ଆଇଙ୍ଗ୍ ହଗି କାମିତାନାଇଙ୍ଗ୍ ।”

୧୮ ଏନ୍ତେ ଯିହୁଦୀକ ଯୀଶୁକେ ପୁରାଃଗି ଗଗଏଃ ସାନାଙ୍ଗ୍‌କେଦାକ, ଚିୟାଃତି ଯୀଶୁ ରୁଡ଼ନ୍ ଛୁଲାଙ୍ଗ୍‌କେ କାଏ ମାନାଡ଼ିଙ୍ଗ୍‌କେଦାଃ, ଆତଃ ନେଆଁ ନାଗେନ୍ତେ ଏସ୍‌କାର୍ କାହା, ମେନ୍‌ଦ ପାର୍‌ମେଶ୍‌ବାର୍‌କେ ଇନିଃ ଆୟାଃ ଆପୁ ମେନ୍‌କେଦାଏ ଆତଃ ଆପାନ୍‌କେ ପାର୍‌ମେଶ୍‌ବାର୍‌ଲଃ ଜକା କେଦାଏ ।

ଯୀଶୁ ଯୀହୁଦିକତାଃରେ ପାର୍‌ମେଶ୍‌ବାର୍‌ଆଃ ହନ୍ ମେନ୍ତେ ଉଦୁବଃତାନା

୧୯ ଏନ୍ତେ ଯୀଶୁ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ହନ୍ ଆୟାଃତେ ଜେଡ଼ନାଃ କାଏ କାମିଦାଡ଼ିୟାଃ, ଆପୁକେ କାମିକେଦ୍‌ତେୟାଃ ନେଲ୍‌କିଃତେ ଏନା ଏସ୍‌କାର୍ ଇନିଃ କାମିୟାଏ, ଆପୁ କାମିକାଦ୍ ସବେନ୍ କାମିକ ହନ୍‌ହ ଏନାଲେକାଗି କାମିକାଦାଃଏ । ୨୦ ଚିୟାଃତି ଆପୁଦ ହନ୍‌କେ ଦୁଲାଡ଼ିତାନାଏ ଆତଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆତଃ ଆପେ ଚିଲ୍‌କା ହାଏକାଟ୍‌ଆଃ ଏନାମେନ୍ତେ ନେଆଁଏତେ ଆତଃ ମାରାଙ୍ଗ୍ କାମି ଉଦୁବାଇୟା । ୨୧ ଆପୁ ଜେ'ଲେକା ଗଜାକାନ୍‌କେ ଜୀଉବିରିଦ୍‌କେଦ୍‌ତେ ଜୀଦାନ୍ ଏମାଃଏ ଏନ୍‌ଲେକା ହନ୍‌ହଗି ଆୟାଃ ସାନାଙ୍ଗ୍‌ତାନ୍‌କେ ଜୀଦାନ୍ ଏମାଃଏ । ୨୨ ଆତଃ ଆପୁଦ ଆଇଃକ୍‌ଗି ଜେତାଏକେ କାଏ ବିଚାର୍‌କଆ ମେନ୍‌ଦ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍‌କେ ଏମ୍‌କିୟାଏ । ୨୩ ନେଆଁମେନ୍ତେ ସବେନ୍‌କ ଆପୁକେ ମାଇନିତାନ୍‌ଲେକା ହନ୍‌କେହ ମାଇନିଆକ । ହନ୍‌କେ କାଏ ମାଇନିନିଃ କୁଲାକାଇ ଆପୁକେ ହଗି କାଏ ମାଇନିଆଃ ।

୨୪ “ସାର୍‌ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଆୟୁମ୍‌ତାନ୍ ଆତଃ ଆଇଁୟାଃ କୁଲିନିଃରେ ବିଶ୍ୱାସ୍‌ତାନ୍ ହଡ଼ ଜାନାଅ ଜୀଦାନ୍ ନାମାକାଦାଃଏ ଆତଃ ଇନିଃ କାଏ ବିଚାର୍‌ଆଃ; ମେନ୍‌ଦ ଇନିଃ ଗନ୍‌ଏଃ ଏତେ ଜୀଦାନ୍‌ରେ ପାରମ୍ ସେଟେରକାନାଏ । ୨୫ ସାର୍‌ତିଗି କାଜିୟାପେ ତାନାଇଙ୍ଗ୍ ଏନ୍ ଦିପିଲି ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍‌କ ପାର୍‌ମେଶ୍‌ବାର୍‌ଆଃ ହନ୍‌ଆଃ ସାଡ଼ିକ ଆୟୁମେୟା ଆତଃ ଆୟୁମେକ ଜୀହିଦଃଆ । ୨୬ ଆପୁଦ ଆୟାଃତେଗି ଜୀହିଦଃତାନ୍

ଲେକା, ହନକେ ହଗି ଆୟାଃତେଗି ଜୀହିଦଃରେୟାଃ ପେଡ଼େଃ ଏଫକିୟାଏ । ୨୭ ଆତଃ ଇନିଃ ମାନୱାହନ୍ ତାନିଃ ମେନ୍ତେ ଇନିଃକେ ବିଚାରରେୟା ପେଡ଼େଃ ଏମାକାଇୟାଏ । ୨୮ ନେଆଁତେ ଆଲ୍‌ପେ ହାଏକାଟଆଃ, ଏନ୍ ଦିପିଲିଦ ହିଜୁଃଆ ଏନାରେ ସବେନ୍ ତପାକାନକ ଇନିୟାଃ ସାଡ଼ିକ ଆୟୁମେୟା ୨୯ ଆତଃ ଇନ୍କୁ ତପାକାନଏତେ ଅତଙ୍ଗଆଁକ, ବୁଗିନ୍‌ଆଃ କାମିକାଦକ ଜୀଦାନ୍ ନାମେ ନାଗେନ୍ତେ ଆତଃ ଏଡ଼କାନାଃ କାମିକାଦକ ବିଚାରରେୟାଃ ସାଜାଇ ନାମେ ନାଗେନ୍ତେ ଇନ୍କୁଆଃ ଜୀଉବିନିରିଦ୍ ହବାଅଃଆ ।

**ୟୀଶୁଆଃ ଗାଞ୍ଜା**

୩୦ “ଆଇଙ୍ଗ୍ ଆଇୟାଃ ପେଡ଼େଃତେ ଜେଡ଼ନାଃ କାଇଙ୍ଗ୍ କାମିଦାଡ଼ିୟାଃ, ଆଇଙ୍ଗ୍‌କେ ପାରମେଶ୍ୱାର୍ କାଜିତାନ୍ ଲେକାଗିଇଙ୍ଗ୍ ବିଚାରେତାନା ଆତଃ ଆଇୟାଃ ବିଚାର୍ ସାର୍‌ଡ଼ିଗିଆଃ, ଚିୟାଃଚି ଆଇଙ୍ଗ୍‌ଦ ଆଇୟାଃ ମନେଲେକା କାହା ମେନ୍‌ଦ କୁଲାକାନ୍‌ନିୟାଃ ମନେଲେକା ସେସେନ୍ ନାଗେନ୍ତେ ସାନାଙ୍ଗ୍‌ତାନା । ୩୧ ଆଇଙ୍ଗ୍ ଆଇୟାଃ ଗାଞ୍ଜା କାଜିରେଦ ଆଇୟାଃ ଗାଞ୍ଜା କା ସାର୍‌ଡ଼ିଞ୍ଜାଃ । ୩୨ ଆଇୟାଃ ଗାଞ୍ଜା ପେରେନିଃ ଏଟାଃ ତାନିଃ ଆତଃ ଆଇୟାଃ ନାଗେନ୍ତେ ଇନିଃ ଏମେତାନ୍ ଗାଞ୍ଜା ସାର୍‌ଡ଼ିଗିଆଃ ନେଆଁଇଙ୍ଗ୍ ଇତୁଆନ୍‌ତାନା । ୩୩ \*ଆପେ ଯୋହାନ୍‌ତାଃତେ ହଡ଼କକେ କୁଲ୍‌କେଦକଆ ଆତଃ ଇନିଃ ସାନାର୍‌ଡ଼ିରେଆ ଗାଞ୍ଜା ଏଫକେଦାଃଏ । ୩୪ ଆଇଙ୍ଗ୍‌କେ ହଡ଼ସାଃଏତେ ଗାଞ୍ଜା କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ ଆପେୟାଃ ବାଞ୍ଚାଅଃ ନାଗେନ୍ତେଦ ନେ ସବେନାଃ କାଜିତାନାଇଙ୍ଗ୍ । ୩୫ ଯୋହାନ୍ କୁଲଃତାନ୍ ଆତଃ ମାୟ୍‌ଲେତାନ୍ ଦିମି ତାଇକେନାଏ, ଆତଃ ଆପେକେ ଇନିୟାଃ ମାର୍‌ସାଲ୍‌ରେ ଘାଡ଼ିକାଦ୍ ରାସକା ସାନାଙ୍ଗ୍ ଲେଦ୍‌ପେୟା । ୩୬ ମେନ୍‌ଦ ଯୋହାନ୍‌ଆଃ ଗାଞ୍ଜାଏତେ ମାରାଙ୍ଗ୍ ଗାଞ୍ଜା ଆଇୟାଃତାଃରେୟା, ଚିଆଃଚି ଆପୁଇଙ୍ଗ୍ ଏମାକାଦ୍ କାମିକକେ ଚାବାଏ ନାଗେନ୍ତେ ଏମାକାଦିୟାଏ, ଆଇଙ୍ଗ୍ ଅକନ୍ କାମିକ ରିକାତାନାଇଙ୍ଗ୍ ଏନ୍‌ସବେନାଃ ଆପୁଇଙ୍ଗ୍ ଆଇଙ୍ଗ୍‌କେ କୁଲାକାଦିୟାଃଏ ଏନାରେୟାଃ ଗାଞ୍ଜା ଏମେତାନା । ୩୭ \*ଆତଃ ଆଇଙ୍ଗ୍‌କେ କୁଲାକାଦ୍ ଆପୁ ଆଇୟାଃ ନାଗେନ୍ତେ ଗାଞ୍ଜା ଏମେତାନାଏ, ଆପେ ଇନିୟାଃ ସାଡ଼ି ଚିଉଲ୍‌ହଗି କାପେ ଆୟୁମାକାଦାଃ ଆତଃ ଇନିୟାଃ ମେଦ୍‌ମୁହାଁଡ଼୍ କାପେ ନେଲ୍‌କାଦାଃ । ୩୮ ଆତଃ ଇନିୟାଃ କାଜି ଆପେରେ କା ତାଇନ୍‌ତାନା, ଚିୟାଃଚି ଆପେଦ ଇନିଃ କୁଲାକାଈନିଃରେ କାପେ ବିଶ୍ୱାସ୍‌ତାନା । ୩୯ ଆପେ ଧାରାମ୍‌ପୁଅରେ ଦାଣ୍ଠାଏ ତାନାପେ, ଚିୟାଃଚି ଆପେଦ ଏନାରେ ଜାନାଅ ଜୀଦାନ୍‌ବୁ ନାମେୟା ମେନ୍ତେପେ ଆଡ଼କାରେତାନା । ଆତଃ ଏନାଗି ଆଇୟାଃ ଗାଞ୍ଜା ଏମେତାନା । ୪୦ ମେନ୍‌ଦ ଜୀଦାନ୍ ନାମ୍ ନାଗେନ୍ତେ ଆପେକେ ଆଇୟାଃତାଃତେ ହିଜୁଃ କା ସାନାଙ୍ଗ୍‌କେଦ୍‌ପେୟା ।

୪୧ “ଆଇଙ୍ଗ୍ ହଡ଼କତାଃ ଏତେ ମାଇନ୍ କାଇଙ୍ଗ୍ ନାମେତାନା, ୪୨ ମେନ୍‌ଦ ଆପେ ଚିଲ୍‌କାନ୍ ହଡ଼ ତାନ୍‌ପେ ଆଇଙ୍ଗ୍ ଆପେକେ ସାରିତାନାଇଙ୍ଗ୍, ଚିୟାଃଚି ଆପେୟାଃ ମନ୍‌ରେ ପାରମେଶ୍ୱାର୍‌ଆଃ ଦୁଲାଡ଼୍ ବାନଆଃ । ୪୩ ଆଇଙ୍ଗ୍ ଆପୁଆଃ ନୁଡୁମ୍‌ତେଗି ହିଜୁଆକାନାଇଙ୍ଗ୍ ଆତଃ ଆପେ କାପେ ଦାରମ୍‌ତାନା, ଏଟାଃନିଃ ଆୟାଃ ନୁଡୁମ୍‌ତେଗି ହିଜୁଃରେଦ ଇନିଃକେ ଆପେ ଦାରମିୟା । ୪୪ ଆପେ ମିଆଁଦ୍‌ନିଃ ଏଟାଃନିଃଏତେ ମାଇନ୍‌ପେ ନାମ୍‌ତାନା ଆତଃ ଏନ୍ ମିଆଁଦ୍‌ଗି ପାରମେଶ୍ୱାର୍‌ଏତେ ହିଜୁଃତାନ୍ ମାଇନ୍ କାପେ ଦାଣ୍ଠାଏତାନା, ଏନ୍ତେଦ ଚିଲ୍‌କାତେପେ ବିଶ୍ୱାସ୍‌ଦାଡ଼ିୟାଃ ? ୪୫ ଆଇଙ୍ଗ୍ ଆପୁଆଃ ଆୟାର୍‌ରେ ଚିଟାପେୟା ଏନ୍‌ଲେକା ଆଲ୍‌ପେ ଆଡ଼କାରେୟା, ଆପେ ଅକନ୍ ମୁଣାରେ ଆସ୍ରାଏତାନାପେ ଇନିଃଗି ଆପେୟାଃ ଚିଟାନିଃ ତାନିଃ । ୪୬ ଆପେ

\* ୫:୩୩ ୫:୩୩ ଯୋହାନ୍ ୧:୧୯-୨୭; ୩:୨୭-୩୦.      \* ୫:୩୭ ୫:୩୭ ମାଥୁର ୩:୧୭; ମାର୍କ ୧:୧୧; ଲୁକ ୩:୨୨.

ମୁଣାରେପେ ବିଶ୍ୱାସେରେଦ ଆଇଙ୍ଗରେ ହଗି ବିଶ୍ୱାସେତେଆଃ, ଚିୟାଃଚି ଇନିଃଦ ଆଇଁୟାଃ ବିଷାଏରେ ଅଲକେଦାଏ । ୪୭ ଫେନ୍ଦ ଆପେ ମୁଣାରାଃ ଅନଲ୍ରେ କାପେ ବିଶ୍ୱାସେରେଦ, ଚିଲକାକେଦତେ ଆଇଁୟାଃ କାଜିରେପେ ବିଶ୍ୱାସେଆ ?”



ୟୀଶୁ ପାଞ୍ଚ ହାଜାର ହଡକକେ ଜମେୟାଃ ଏମାଦକଥାଏ  
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଏନା ତାୟମ୍ତେ ଯୀଶୁ ଗାଲିଲ ଚାଏ ତିବିରିୟା ଦରେୟା ହାନ୍ ପାରମ୍ତେ ସେନଃୟାନାଏ । ୨ ଆତଃ ପୁରାଃ ଗାଦେଲ୍ ହଡକ ଇନିଃକେ ଅତଙ୍ଗକିୟାଃକ, ଚିୟାଃଚି ଇନ୍କୁଦ ହାସୁତାନ୍ କରେ ଇନିଃ କାମିକେଦ୍ ଚିହ୍ନାକ ନେଲ୍କେଦାଃ । ୩ ଆତଃ ଯୀଶୁ ବୁରୁ ଚେତାନରେ ଦେଏଃୟାନ୍ତେ ଏନ୍ତାଃରେ ଆୟାଃ ଚେଲକଲଃ ଦୁବ୍ୟାନାଏ । ୪ ଆତଃ ଯିହୁଦୀକଥାଃ ପାସକା ପାରାବ୍ ନାଡେଃଜାକାନ୍ ତାଇକେନା । ୫ ଆତଃ ଯୀଶୁ ଆରିଦକେଦତେ, ପୁରାଃ ଗାଦେଲ୍ ହଡକ ଆୟାଃତାଃତେ ହିଜୁଃତାନ୍ ନେଲ୍କେଦକଥାଏ, ଆତଃ ଇନିଃ ଫିଲିପକେ କାଜିକିୟାଏ, “ନିକୁଆଃ ଜମେ ନାଗେନ୍ତେ ପୁରାଃ ହଲଙ୍ଗ କତାଃଏତେବୁ କିରିଙ୍ଗ୍ୟେଆ ?” ୬ ଫେନ୍ଦ ଇନିଃ ଫିଲିପକେ ଆଟକାରି ନାଗେନ୍ତେ ନେଆଁ କାଜିକିୟାଏ, ଇନିଃଦ ଚିକ୍ନାଃଇଙ୍ଗ୍ ଚିକାୟା ଏନା ଆଇଃକ୍ଚି ସାରିତାନାଏ ତାଇକେନା ।

୭ ଫିଲିପ୍ ଇନିଃକେ କାଜିରୁହାଡକିୟାଏ, “ମିଆଁଦନିଃ ହୁଡିଙ୍ଗ୍ଲେକାଏ ଜମେରେୟଗି, ହଲଙ୍ଗ୍ ପୁରାଅଃନାଙ୍ ୨୦୦ ରୁପାରାଃ ସିକାତେ ହଲଙ୍ଗ୍ କିରିଙ୍ଗ୍ ଲାଗାଡିଙ୍ଗ୍ୟାଃ ।”

୮ ଏନ୍ତେ ଚେଲକଏତେ ମିଆଁଦନିଃ ଶିମୋନ୍ ପାଡ୍ରାସରାଃ ହାଗାତେ ଆହିୟ ଇନିଃକେ ଫେନ୍କିୟାଏ, ୯ “ନେତାଃରେ ମିଆଁଦ୍ ସେପେଡେଦ୍ ମେନାଇୟା, ଇନିଃତାଃରେ ମଣେୟାଁ ଗହମରାଃ ହଲଙ୍ଗ୍ ଆତଃ ବାରିଆ ହାକୁ ମେନାଃ, ମେନ୍ଦ୍ ନେଆଁ ନିମିନାଙ୍ ହଡକ ନାଗେନ୍ତେ କା ହବାଅଆଃ ।”

୧୦ ଯୀଶୁ ଚେଲକକେ କାଜିୟାଦକଥାଏ, “ହଡକକେ ଦୁବ୍କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହଡକ ଦୁବ୍ୟାନାକ, ଇନ୍କୁଦ ପାଞ୍ଚ ହାଜାର କଡକ ତାଇକେନା । ୧୧ ଯୀଶୁ ହଲଙ୍ଗ୍କେ ସାବ୍କେଦାଏ ଆତଃ ବିନ୍ତିକେଦତେ ଦୁବାକାନ୍କକେ ହାଟିଙ୍ଗ୍ଆଁଦକଥାଏ, ଏନ୍ଲେକାଗି ହାକୁକେହ ଇନ୍କୁକେ ଏମାଦକଥାଏ, ଆତଃ ଇନ୍କୁ ଆକଥାଃ ସାନାଙ୍ ଲେକା ଜମ୍କେଦାଃକ । ୧୨ ଆତଃ ଇନ୍କୁ ବିୟାନାକ, ଏନ୍ତେ ଇନିଃ ଆୟାଃ ଚେଲକକେ କାଜିୟାଦକଥାଏ, “ସାରେଜାକାନ୍ କେଚାଃକ ହୁଣ୍ଡିପେ, ଜେଡନାଃ ଆଲକା ନକ୍ସାନଃକା ।” ୧୩ ଏନ୍ତେ ଇନ୍କୁ ଏନ୍ କେଚାଃ ହଲଙ୍ଗ୍ ହୁଣ୍ଡିକେଦାଃକ ଆତଃ ହଡକ ଏନ୍ ମଣେୟାଁ ଗହମ୍ ହଲଙ୍ଗ୍ରେୟାଃ କେଚାଃଏତେ ବିଇକେଦତେ, ସାରେଜାକାନ୍ କେଚାଃଏତେ ବାରା ବୁଜିକ ପେରେଃକେଦାଃ ।

୧୪ ଏନ୍ତାଃରେ ତାଇକେନ୍ ହଡକ ଯୀଶୁ କାମିକେଦ୍ ନେ ଚିହ୍ନାଁ ନେଲ୍କେଦତେ ମେନ୍କେଦାଃ, “ସାର୍ତଗି ଅତେଦିଶୁମ୍ରେ ହିଜୁଃତାନ୍ ନାବୀ ନିଃ ତାନିଃ ।” ୧୫ ଇନ୍କୁ ହିଜୁଆଃକ ଆତଃ ସାବ୍କେଦତେ ରାଜାୟାକ ନେଆଁ ଆଟକାର୍କେଦତେ, ଯୀଶୁ ଆଇଃକ୍ ଏସକାର୍ଗି ବୁରୁତେ ଅତଙ୍ଗୟାନା ।

ୟୀଶୁ ଦାଆଃରେ ସେସେନ୍ତାନାଏ  
(ମାଥୁଉ ୧୪:୨୨-୩୩; ମାର୍କ ୬:୪୫-୫୨)

୧୬ ଏନ୍ ହୁଲାଙ୍ଗ୍ ଆୟୁବ୍ୟାନତି ଯୀଶୁଆଃ ଚେଲକ ଦରେୟା ଗେନାତେକ ଆଡ଼ଗୁୟାନା । ୧୭ ଆତଃ ଇନ୍କୁ ଲାଉକାରେ ଦେଏଃୟାନ୍ତେ ଦରେୟା ହାନ୍

ପାରମ୍ କପର୍ନାହୁମ୍ପାସାଃତେକ ସେନଃତାନ୍ ତାଇକେନା । ଇମ୍ତାଲଃ ନୁବାଗାକାନ୍ ତାଇକେନା ଆତଃ ଯୀଶୁ ଇନ୍କୁତାଃ କାଏ ହିଜୁଃକାନ୍ ତାଇକେନାଏ । ୧୮ ଏନ୍ତେ ମାରାଜ୍ ହୟ ହୟକେଦ୍ଦତେ ଦରେୟା ଆଲ୍ପୁଜ୍ତେ ଏକ୍ଲାଅଃତାଇକେନା । ୧୯ ଇନ୍କୁ ପାଞ୍ଚ ଚାହେ ଛ କିଲୋମିଟର୍ ଲାଉକା ଇଦିକେଦ୍ଦି, ଯୀଶୁକେ ଦରେୟାରେ ସେସେନ୍ତାନ୍ ଆତଃ ଲାଉକା ନାଡ଼େଃତେ ହିଜୁଃତାନ୍ ନେଲ୍କେଦ୍ଦତେ ବରକେଦାକ । ୨୦ ମେନ୍ଦ ଯୀଶୁ ଇନ୍କୁକେ କାଜିୟାଦକଆଏ, “ଆଇଜ୍ ତାନିଜ୍ ଆଲ୍ପେ ବରଏୟା ।” ୨୧ ଏନ୍ତେ ଇନ୍କୁ ଇନିଃକେ ଲାଉକାରେ ରାକାଦ୍ନାଜ୍ ସୁକୁୟାନାକ ଆତଃ ଇମ୍ତାଗି ଇନ୍କୁ ସେନଃତାନ୍ ଠାୟାଦ୍ଦତେ ଲାଉକା ସେଟେରୁୟାନା ।

ଯୀଶୁକେ ହଡକ ଦାଣ୍ଠାଇତାନାକ /

୨୨ ଏଟାଃ ହୁଲାଜ୍ ଦରେୟା ହାନ୍ ପାରମ୍ରେ ତିଜ୍ଜୁଆକାନ୍ ହଡକ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍ଦତେ ଆତଃ ଏଟାଃ ଲାଉକା କା ତାଇକେନା ଆତଃ ଯୀଶୁ ଆୟାଃ ଚେଲାକଲଃ ଲାଉକାରେ କାଏ ବଲୟାନା ମେନ୍ଦ ଇନିୟାଃ ଚେଲାକ ଏସ୍କାର୍ ସେନଃୟାନା । ୨୩ ମେନ୍ଦ ପ୍ରାଭୁ ଧାନାବାଦ୍ ଏମ୍କେଦ୍ଦି ଇନ୍କୁ ହଲଜ୍ ଜମ୍କେଦ୍ ଠାୟାଦ୍ ନାଡ଼େଃ ତିବିରିୟାଏତେ ଆତଃତିମିନ୍ ଲାଉକା ହିଜୁଃୟାନା । ୨୪ ଏନ୍ତେ ଗାଦେଲ୍ ହଡକ ଯୀଶୁ ନେତାଃରେ ବାଜାଈୟାଃ ଆତଃ ଇନିୟାଃ ଚେଲାକହ ବାଜ୍କଆ ନେଆଁ ନେଲ୍କେଦ୍ଦତେ, ଆକଗି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଠାଇତାନ୍ଲଃ କପର୍ନାହୁମ୍ପାସାଃତେକ ସେନଃୟାନା ।

ଯୀଶୁ ଜୀଦାନ୍ ହଲଜ୍ ତାନିଃ

୨୫ ହଡକ ଯୀଶୁକେ ଦରେୟା ହାନ୍ ପାରମ୍ରେ ନାମ୍କିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍ତାମ୍ ହିଜୁଃୟାନା ?”

୨୬ ଯୀଶୁ ଇନ୍କୁକେ କାଜିରୁହାଡାଦକଆଏ, “ସାର୍ତିଗି କାଜିୟାପେ ତାନାଈଜ୍, ଆପେ ଚିହ୍ନାଁ ନେଲ୍କେଦ୍ଦତେ କା ମେନ୍ଦ ହଲଜ୍ପେ ଜମ୍କେଦାଃ ଆତଃପେ ବିଇୟାନା ଏନାମେନ୍ତେପେ ଦାଣ୍ଠାଇଜ୍ତାନା । ୨୭ ଜିୟନଃ ଜମେୟାଃ ନାଗେନ୍ତେ ଆଲ୍ପେ କାମିୟା ମେନ୍ଦ ଜାନାଅ ଜୀଦାନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନଞ୍ଜାହନ୍ ଏମାପେୟାଏ । ତିୟାଃତି ପାର୍ମେଶ୍ୱାର୍ ଆପୁଦ, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୨୮ ଇନ୍କୁ ମେନ୍ଦରୁହାଡାଈୟା, “ପାର୍ମେଶ୍ୱାର୍ ଆଲେତେ ସାନାଜ୍ତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୨୯ ଯୀଶୁ କାଜିରୁହାଡାଦକଆଏ, “ପାର୍ମେଶ୍ୱାର୍ଆଃ କୁଲାକାନ୍ନିଃରେ ବିଶ୍ୱାସେପେ, ନେଆଁ ପାର୍ମେଶ୍ୱାର୍ଆଃ କାମି ତାନାଃ ।”

୩୦ ଏନ୍ତେ ଇନ୍କୁ କୁଲିକିୟାକ, “ଆମାଃତାଃରେ ଆଲେ ବିଶ୍ୱାସେ ନାଗେନ୍ତେ, ଅକ ଚିହ୍ନାଁ ଉଦ୍ଭବେତାନା ? ଆମାଃ ଚିକାନ୍ କାମିତେଲେ ବିଶ୍ୱାସ୍ ଦାଡ଼ିୟାଃ ?

୩୧ ଆଲେୟାଃ ହାଡାମ୍ ହଡକ ବିର୍ରେ ମାନ୍ନାକ ଜମ୍କେଦାଃ, ଧାରାମ୍ପୁଅରେ ନେଆଁ ଅଲ୍ଲାନା, ‘ଇନିଃ ଜମ୍ ନାଗେନ୍ତେ ସିର୍ମାଏତେ ହଲଜ୍ ଇନ୍କୁକେ ଏମାଦକଆଏ ।’”

୩୨ ଏନ୍ତେ ଯୀଶୁ ମେତାଦକଆଏ, “ସାର୍ତିଗି କାଜିୟାପେ ତାନାଈଜ୍, ମୁଣା ଆପେକେ ହଲଜ୍ ଏମାଦ୍ପେତେୟାଃ, ସିର୍ମାଏତେ ହିଜୁଆକାନ୍ ହଲଜ୍ କା ତାଇକେନା, ମେନ୍ଦ ଆପୁଈଜ୍ ସିର୍ମାଏତେ ସାର୍ତି ହଲଜ୍ ଏମାପେତାନାଏ ।

୩୩ ସିର୍ମାଏତେ ଆଡ଼ଗୁୟାନ୍ ଆତଃ ଅତେଦିଶୁମ୍କେ ଜୀଦାନ୍ ଏମେତାନ୍ ହଲଜ୍ ଦ, ପାର୍ମେଶ୍ୱାର୍ଆଃ ହଲଜ୍ ତାନାଃ ।”

୩୪ ଇନ୍କୁ ଯୀଶୁକେକ କାଜିକିୟା, “ହେ ପ୍ରାଭୁ, ଏନ୍ ହଲଜ୍ ଆଲେକେ ସବେନ୍ଇମ୍ତା ଏମାଲେମ୍ ।”

୩୫ ଯୀଶୁ ଇନ୍ଦ୍ରକୁଳେ କାଜିୟାଦକଥାଏ, “ଜୀଦାନ୍ ହଲଙ୍ଗ୍ ଆଇଙ୍ଗ୍ରି ତାନିଙ୍ଗ୍ ଆଇଁୟାଃତାଃ ହିଜୁଃନିଃ ଚିତ୍ତଲାହ୍ କାଏ ରେଙ୍ଗେଜଥାଃ ଆତଃ ଆଇଙ୍ଗ୍ରେ ବିଶ୍ୱାସେନିଃ ଚିତ୍ତଲାହ୍ କାଏ ତେତାଙ୍ଗ୍ଆଃ । ୩୬ ମେନ୍ଦ୍ ଆପେ ଆଇଙ୍ଗ୍ରେ ନେଲ୍‌କେଦିଙ୍ଗ୍ ରେୟ୍ କାପେ ବିଶ୍ୱାସ୍ତାନା ମେନ୍ତେଇଙ୍ଗ୍ କାଜିୟାପେ ତାନା । ୩୭ ଆପୁ ଏମାକାଇଙ୍ଗ୍ ସବେନ୍ଦ୍ ଆଇଁୟାଃତାଃତେକ୍ ହିଜୁଃଆ, ଆତଃ ଆଇଁୟାଃତାଃ ହିଜୁଃନିଃକେ ଜେତାଲେକାତେ କାଇଙ୍ଗ୍ ଅତଙ୍ଗ୍‌ଇଁୟା । ୩୮ ଚିୟାଃତି ଆଇଙ୍ଗ୍ ଦ ଆଇଁୟାଃ ମନେଲେକା କାମି ନାଗେନ୍ତେ କାହା ମେନ୍ଦ୍ କୁଲ୍‌ନିୟାଃ ସାନାଙ୍ଗ୍‌କେ ପୁରାଏ ନାଗେନ୍ତେ ସିର୍ମାଏତେ ଆଡ଼ଗୁଆ କାନାଇଙ୍ଗ୍ । ୩୯ ଆତଃ ଅକନ୍‌କକେ ଇନିଃ ଆଇଙ୍ଗ୍‌କେ ଏମାକାଦିଙ୍ଗ୍‌ୟା ଇନ୍ଦ୍ରକୁଏତେ ମିହୁଡ଼କେହ୍ କା ଆଦକେଦ୍‌ତେ ତୁଣ୍ଡୁଲ୍‌ଲାଙ୍ଗ୍‌ରେ ଏନ୍ ସବେନ୍‌କକେ ଜୀଉବିରିଦକଥାଇଙ୍ଗ୍, ନେଆଁଗି ଇନିୟାଃ ଇଛାସାନାଙ୍ଗ୍ ତାନାଃ । ୪୦ ଚିଆଃତି ହଡ଼କ୍ ହନ୍‌କେ ନେଲ୍‌କେଦ୍‌ତେ ଇନିଃତାଃରେକ୍ ବିଶ୍ୱାସେଆ, ଆତଃ ଇନ୍ଦ୍ରୁ ଜେ'ଲେକା ଜାନାଅ ଜୀଦାନ୍‌କ ନାମେଆ, ନେଆଁଗି ଆପୁଇଁୟାଃ ଇଛାସାନାଙ୍ଗ୍ ତାନାଃ । ଆତଃ ଆଇଙ୍ଗ୍ ଇନ୍ଦ୍ରୁକେ ତୁଣ୍ଡୁଲ୍‌ଲାଙ୍ଗ୍‌ରେ ଜୀଉବିରିଦକଥାଇଙ୍ଗ୍ ।”

୪୧ ଯିହୁଦୀକ ଯୀଶୁଆଃ ବିଷାଏରେ ନଗମ୍‌ତଗମ୍‌ତାନ୍‌କ୍ ତାଇକେନା, ଚିୟାଃତି ଇନିଃଦ୍ “ଆଇଙ୍ଗ୍ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ତାନିଙ୍ଗ୍” ମେନ୍‌କେଦାଏ । ୪୨ ଏନ୍ତେ ଇନ୍ଦ୍ରୁ କାଜିକେଦା, “ଚିୟାଃ ନିଃ ଯୋଷେପ୍ ହନ୍ତେକଡ଼ା ଯୀଶୁ ନାହାଲିଃ ? ଆବୁ ଇନିୟାଃ ଏଙ୍ଗା ଆପୁକିନ୍‌କେ ସାରିୟାଃରୁ, ଇନିଃ ସିର୍ମାହେତେ ଆଡ଼ଗୁଆକାନାଇଙ୍ଗ୍ ମେନ୍ତେ ନାହାଁଃ ଚିନାଃମେନ୍ତେ କାଜିତାନାଏ ?” ୪୩ ଯୀଶୁ ଇନ୍ଦ୍ରୁକେ କାଜିରୁହାଡ଼ାଦକଥାଏ, “ଆପେ ଆପେରେ ଆଲ୍‌ପେ ନଗମ୍‌ତଗମ୍‌ଆଃ । ୪୪ ଆଇଙ୍ଗ୍‌କେ କୁଲ୍‌କାନ୍ ଆପୁ କାଏ ଆଇଙ୍ଗ୍‌ରେଦ୍ ଜେତାଏ ଆଇଁୟାଃତାଃ କାଏ ହିଜୁଃଦାଡ଼ିୟାଃ ଆତଃ ଆଇଙ୍ଗ୍ ଇନିଃକେ ତାୟମ୍ ହୁଲ୍‌ଲାଙ୍ଗ୍‌ରେ ଜୀଉ ବିରିଦିୟା । ୪୫ ନାବୀକଥାଃ ଧାରାମ୍‌ପୁଥିରେ ଅଲ୍‌କାନା, ‘ପାର୍‌ମେଶ୍ୱାର୍‌ତାଃଏତେ ଏସ୍‌କାର୍ ସବେନ୍‌କ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆତଃ ଇତୁଆକାଦ୍ ସବେନ୍ ହଡ଼କ୍, ଆଇଁୟାଃତାଃତେକ୍ ହିଜୁଃଆ । ୪୬ ଜେତାଏ ଆପୁକେ କାଏ ନେଲ୍‌କାଇୟାଃ, ମେନ୍ଦ୍ ପାର୍‌ମେଶ୍ୱାର୍‌ତାଃଏତେ ହିଜୁଆକାନ୍‌ନିଃ ଏସ୍‌କାର୍ ଆପୁକେ ନେଲ୍‌କାଇୟାଏ । ୪୭ ସାର୍‌ତିଗି କାଜିୟାପେ ତାନାଇଙ୍ଗ୍, ବିଶ୍ୱାସେନିଃ ଜାନାଅ ଜୀଦାନ୍ ନାମେୟାଏ । ୪୮ ଜୀଦାନ୍ ହଲଙ୍ଗ୍ ଆଇଙ୍ଗ୍‌ରି ତାନିଙ୍ଗ୍ । ୪୯ ଆପେୟାଃ ହାଡ଼ାମ୍ ହଡ଼କ୍ ବିରରେ ଏନ୍ ମାନ୍ନାକ ଜମ୍‌କେଦା, ଏନ୍‌ରେହ୍ ଗଏଃୟାନାକ । ୫୦ ମେନ୍ଦ୍ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ନେଆଁ ତାନାଃ, ଏନା ଜମେନିଃ କାଏ ଗଜଃଆ । ୫୧ ସିର୍ମାଏତେ ଆଡ଼ଗୁଆକାନ୍ ଜୀଦାନ୍ ହଲଙ୍ଗ୍ ଆଇଙ୍ଗ୍ ତାନିଙ୍ଗ୍, ନେ ହଲଙ୍ଗ୍ ଜେତାଏ ଜମେରେଦ୍ ଜାନାଅ ଜାନାଅ ଜାକେଦ୍ ଜୀହିଦଃଆଏ । ହେଗି ଆଇଙ୍ଗ୍ ଏମେ ହଲଙ୍ଗ୍ ଆଇଁୟାଃ ମାସ୍ ତାନାଃ, ଏନା ଅତେଦିଶୁମ୍‌କେ ବାସ୍ତାଅ ନାଗେନ୍ତେ ଏମେୟାଇଙ୍ଗ୍ ।”

୫୨ ଏନା ନାଗେନ୍ତେ ଯିହୁଦୀକ ଆକ ଆକରେକ୍ ଏପେଗେର୍‌ୟାନ୍ତେ ମେନ୍‌କେଦାଃ, “ଇନିଃ ଚିଲ୍‌କାତେ ଆୟାଃ ମାସ୍ ଜମେନାଙ୍ଗ୍ ଆବୁକେ ଏମ୍ ଦାଡ଼ିବୁୟାଏ ?” ୫୩ ଏନ୍ତେ ଯୀଶୁ ଇନ୍ଦ୍ରୁକେ କାଜିୟାଦକଥାଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ମାନଝାହନ୍‌ଆଃ ମାସ୍ କାପେ ଜମେରେଦ୍ ଆତଃ ଇନିୟାଃ ମାୟୋମ୍ କାପେ ନୁଁଏରେଦ୍ ଆପେରେ ଜୀଦାନ୍ ବାନଆଃ । ୫୪ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଜାନାଅ ଜୀଦାନ୍ ନାମେୟାଏ ଆତଃ ଆଇଙ୍ଗ୍ ତାୟମ୍ ହୁଲ୍‌ଲାଙ୍ଗ୍‌ରେ ଇନିଃକେ ଜୀଉ ବିରିଦିୟାଇଙ୍ଗ୍ । ୫୫ ଆଇଁୟାଃ ମାସ୍‌ଦ୍ ସାର୍‌ତି ଜମେୟାଃ



ତାନାଃ ଆତଃ ଆଇଁୟାଃ ମାୟୋମ୍ ସାର୍ତ୍ତି ନୁଁଏୟାଃ ତାନାଃ । ୫୭ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଆଇଙ୍ଗ୍ରେ ତାଇନ୍ତାନାଏ ଆତଃ ଆଇଙ୍ଗ୍ ଇନିଃରେଇଙ୍ଗ୍ ତାଇନ୍ତାନା । ୫୭ ଜାନିଦ୍ ଆପୁ ଆଇଙ୍ଗ୍କେ କୁଲ୍ଲକେଦିୟାଏ ଆତଃ ଆଇଙ୍ଗ୍ ଆପୁଆଃ ହରାତେ ଜୀହୁଦଃତାନ୍ଲେକା ଆଇଙ୍ଗ୍କେ ଜମ୍ନିଃ ଆଇଁୟାଃ ହରାତେ ଜୀହିଦଃଆଏ । ୫୮ ସିର୍ମାଏତେ ଆଡ଼ଗୁଆକାନ୍ ହଲ୍ଲଙ୍ଗ୍ ନେଆଁ ତାନାଃ, ହାଡ଼ାମ୍ ହଡ଼କ ଜମକେଦ୍ ଆତଃକ ଗଏଃୟାନା ଲେକାଦ କାହା, ମେନ୍ଦ୍ ନେ ହଲ୍ଲଙ୍ଗ୍ ଜମେନିଃ ଜାନାଅ ଜାନାଅ ଜାକେଦ୍ ଜୀହିଦଃଆଏ ।”

୫୯ କପରନାହୁମ୍ ହାତୁରେୟାଃ ସାମାଜ୍ ଅଡ଼ାଃରେ ଇଡ଼ୁକତାନ୍ଲଃ ଇନିଃ ନେ କାଜି କାଜିୟାଦକଆଏ ।

ଜାନାଅ ଜୀଦାନରାଃ ବାଚାନ୍

୬୦ ଏନ୍ତେ ଯୀଶୁଆଃ ଚେଲାକଏତେ ପୁରାଃକ ନେଆଁ ଆୟୁମ୍କେଦ୍ତେ ମେନ୍ଦ୍କେଦାଃ, “ନେ କାଜି କେଟେଦ୍ରିୟା, ନେଆଁ ଅକଏ ଆୟୁମ୍ଦାଡ଼ିୟାଏ ।”

୬୧ ମେନ୍ଦ୍ ଯୀଶୁକେ ଜେତାଏ କାକ କାଜିରେହ୍, ଚେଲା ତାୟାଃକ ନେ କାଜି ନାଗେନ୍ତେ ନଗମ୍ତଗମ୍ୟାନାକ ନେଆଁ ଆୟାଃ ଜୀଉରେ ସାରିକେଦ୍ତେ ମେତାଦକଆଏ, “ଚିୟାଃ ଆପେ ନେଆଁ ନାଗେନ୍ତେ ଆଡ଼ାଃଉଡ଼ୁଗଃ ତାନାପେ ? ୬୨ ଏନ୍ତେ ଆପେ ମାନଝାହନ୍ଦ୍କେ ସିଦା ତାଇକେନ୍ ଠାୟାଦ୍ତେ ରାକାବ୍ତାନ୍ଦେ ନେଲିରେଦ୍ ତିନାଃ ଚିକାଝାଃ ? ୬୩ ପାର୍ମେଶ୍ଵାରରାଃ ଆମ୍ ଜୀଦାନ୍ ଏମଃନିଃ ତାନିଃ, ହଡ଼ରାଃ ପେଡ଼େଃ ଜେଡ଼ନାଃ କାମି କାଏ ଦାଡ଼ିୟା । ପାର୍ମେଶ୍ଵାର୍ଆଃ ଜୀଦାନ୍ ଏମଃ ଆମ୍କେ ଆପେ ଜେଲେକା ଆବ୍କାରଉରୁମ୍ ଦାଡ଼ିୟାପେ ଏନାମେନ୍ତେ ଆଇଙ୍ଗ୍ ନେ ସବେନାଃ କାଜିକେଦାଇଙ୍ଗ୍ । ୬୪ ଏନ୍ରେୟ ଆପେକଏତେ ଚିମିନ୍କ କାକ ବିଶ୍ଵାସ୍ତାନା,” ଚିୟାଃଚି ଯୀଶୁଦ୍ ଏନ୍ କା ବିଶ୍ଵାସ୍ତାନ୍ ଚିମିନ୍କକେ ଆତଃ ବାଇରିକଆଃ ଡିଃଇରେ ସାବ୍ରିକାଇ ହଡ଼କେୟଗି ମୁନୁଏତେ ସାରିତାନାଏ ତାଇକେନା । ୬୫ ଇନିଃ ଆତଃଚି ମେତାଦକଆଏ, “ଏନାମେନ୍ତେ ଆପୁଇଁୟାଃ ସାଏତେ ଲିବୁଇ କା ହିଜୁଃରେଦ୍, ଜେତାଏ ଆଇଁୟାଃତାଃ କାକ ହିଜୁଃଦାଡ଼ିୟାଃ ?”

୬୬ ନେଆଁ ନାଗେନ୍ତେ ଇନିୟାଃ ଚେଲାକଏତେ ପୁରାଃକ ରୁହାଡ଼୍ୟାନା ଆତଃ ଇନିଃକେ କାକ ଅତଙ୍ଗ୍କିୟା । ୬୭ ଏନ୍ତେ ଯୀଶୁ ଆୟାଃ ଗେଲ୍ବାର୍ ଚେଲାକକେ କାଜିୟାଦକଆଏ, ଚିୟାଃ ଆପେକେୟ ଆଇଙ୍ଗ୍କେ ବାଗିକେଦ୍ତେ ସେନଃ ସାନାଙ୍ଗ୍ପେ ତାନା ? ୬୮ ଶିମୋନ୍ ପାଡ଼ରାସ୍ ଯୀଶୁକେ ମେନ୍ଦ୍ରୁହାଡ଼ାଇୟାଏ, “ହେ ଗମ୍କେ, ଆଲେ ଅକଏତାଃତେଲେ ସେନାଃ ? ଜାନାଅ ଜୀଦାନ୍ରେୟାଃ କାଜିଦ୍ ଆମାଃତାଃରେୟା, ୬୯ ଆମ୍ ଜାନିଦ୍ ପାର୍ମେଶ୍ଵାର୍ଆଃ ପାବିତାର୍ ହନ୍ ଯୀଶୁ ତାନ୍ଦେ ମେନ୍ତେଲେ ବିଶ୍ଵାସ୍କାଦାଃ ଆତଃ ସାରିକାଦାଲେ ।”

୭୦ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଚିୟାଃ ଆଇଙ୍ଗ୍ ଆପେ ଗେଲ୍ବାର୍ ଚେଲାକକେ କାଇଙ୍ଗ୍ ସାଲାକାଦ୍ପେଆଚି ? ଆତଃ ଆପେକଏତେ ମିଆଁଦ୍ନିଃ ସାଏତାନ୍ ତାନିଃ ।” ୭୧ ଇନିଃ ଶିମୋନ୍ ହନ୍ତେକଡ଼ା ଇଷ୍ଟାରିୟଡ଼୍ ଯିହୁଦାରାଃ କାଜି କାଜିକେଦାଏ, ନିଃଦ୍ ଗେଲ୍ବାର୍ ଚେଲାକଏତେ ମିଆଁଦ୍ନିଃ ଆତଃ ଇନିୟାଃ ସାବ୍ରିକିନିଃ ତାଇକେନାଏ ।



ଯୀଶୁ ଆତଃ ଆୟାଃ ହାଗାକ

☆ ୭:୨୮ ୭:୨୮ ମାଥୁଉ ୧୭:୧୭; ମାର୍କ ୮:୨୯; ଲୁକ ୯:୨୦.

<sup>୧</sup> ଏନ୍ ତାୟମ୍‌ତେ ଯୀଶୁ ଗାଲିଲ୍‌ରେ ହନର୍ ବାଡ଼ାକେଦାଏ; ଚିୟାଃତି ଯିହୁଦୀକଆଃ ହାକିମ୍‌କ ଇନିଃକେ ଗଗଏଃ ସାନାଙ୍ଗ୍ ତାଇକେନାକ ଏନାମେନ୍ତେ ଇନିଃକେ ଯିହୁଦାତେ କା ସେନ୍ ସାନାଙ୍ଗ୍‌କିୟାଃ । <sup>୨</sup> ଯିହୁଦୀକଆଃ ଜାମ୍‌ଡ଼ା \*ପାରାବ୍‌ରେୟାଃ ନେତା ନାଡ଼େଃୟାନ୍‌ତି, <sup>୩</sup> ଯୀଶୁଆଃ ହାଗାକ ଇନିଃକେ କାଜିକିୟାଃକ, “ଆମ୍ ନେତାଃଏତେ ଅତଙ୍ଗ୍‌କେଦ୍‌ତେ ଯିହୁଦାତେ ସେନଃମେ, ଏନ୍ତାଃରେ ଆମାଃ ଚେଲ୍‌କ ଆମ୍ କାମିତାନ୍ ପେଡ଼େୟାନ୍ କାମିକ ନେଲେକା । <sup>୪</sup> ଚିୟାଃତି ଜେତାଏ ଆଇଃକ୍‌ଗି ଉଦୁବେନ୍ ସାନାଙ୍ଗ୍‌ରେଦ ଦାନାଙ୍ଗ୍‌ରେ ଜେଡ଼ନାଃ କାଏ କାମିୟା, ନେୟାମ୍ କାମିତାନ୍‌ରେଦ ଅତେଦିଶୁମ୍‌ରେନ୍‌କତାଃରେ ଉଦୁବେନ୍‌ମେ ।” <sup>୫</sup> ଚିୟାଃତି ଇନିୟାଃ ହାଗାକହଁ ଇନିଃତାଃରେ କାକ ବିଶ୍ୱାସ୍‌ତାଇକେନା ।

<sup>୬</sup> ଏନାମେନ୍ତେ ଯୀଶୁ କାଜିକେଦ୍‌କଆଏ, “ନାହାଁଃ ଜାକେଦ୍ ଆଇଁୟାଃ ଠାଉକାନ୍ ନେତା ଆଉରି ସେଟେରାଃ, ମେନ୍‌ଦ ଆପେୟାଃନାଙ୍ଗ୍ ଠାଉକାନ୍ ନେତା ଜାନାଅଗି ନେତାକାନା । <sup>୭</sup> ସାଂସାର୍ ଆପେକେ କାଏ ହିଲାଙ୍ଗ୍‌ପେୟା, ମେନ୍‌ଦ ଏନା ଆଇଙ୍ଗ୍‌କେ ହିଲାଙ୍ଗ୍‌ଇଙ୍ଗ୍‌ତାନା, ଚିୟାଃତି ଆଇଙ୍ଗ୍‌ଦ୍ ଏନାରେୟାଃ କାମି ଏଡ଼କାନ୍‌ଗିୟାଃ ମେନ୍ତେ ଗାଝାଇଙ୍ଗ୍ ଏମ୍‌ଆଉତାନା । <sup>୮</sup> ଆପେ ପାରାବ୍‌ତେ ସେନଃପେ, ଆଇଙ୍ଗ୍ ପାରାବ୍‌ତେ କାଇଙ୍ଗ୍ ସେନ୍‌ତାନା, ଚିୟାଃତି ଆଇଁୟାଃ ନେତାଦ ନାହାଁଃ ଜାକେଦ୍ ଆଉରି ହିଜୁଃଆ ।” <sup>୯</sup> ଆତଃ ଇନିଃ ନେ ସବେନ୍ କାଜି କାଜିକେଦ୍‌ଚି ଗାଲିଲ୍‌ରେ ତାଇନ୍‌ୟାନାଏ ।

### ଜାମ୍‌ଡ଼ା ପାରାବ୍‌ରେ ଯୀଶୁ

<sup>୧୦</sup> ଯୀଶୁଆଃ ହାଗାକ ପାରାବ୍‌ତେ ସେନଃୟାନ୍‌ତି, ଯୀଶୁହଁ ନେପେଲ୍‌ରେଦ କା ମେନ୍‌ଦ ଉକ୍ତ ଉକ୍ତ ଲେକାତେ ସେନଃୟାନାଏ । <sup>୧୧</sup> ଏନ୍ତେ ଯିହୁଦୀକଆଃ ହାକିମ୍‌କ ଇନିଃକେ ପାରାବ୍‌ରେ ଦାଣ୍ଠାଈତାନ୍‌କ ତାଇକେନା ଆତଃକ ମେନ୍‌କେଦାଃ, “ଇନିଃ କତାଃରିୟା ।”

<sup>୧୨</sup> ଏନ୍ତେ ଗାଦେଲ୍ ହଡ଼କ ଆକ ଆକରେ ଯୀଶୁଆଃ ବିଷାଏରେ ପୁରାଃ ହାୟମ୍ ହାୟମେଂ‌ତାନ୍‌କ ତାଇକେନା । ଆତଃ ଚିମିନ୍‌କ କାଜିକେଦା, “ଇନିଃ ବୁଗିନ୍ ହଡ଼ ତାନିଃ,” ଆତଃ ଚିମିନ୍‌କ କାଜିକେଦା, “କାହାଗି ଇନିଃ ହଡ଼କକେ ବେଦାକୁତାନାଏ ।” <sup>୧୩</sup> ଏନ୍‌ରେୟ ଯିହୁଦୀକଆଃ ହାକିମ୍‌କଆଃ ବରତେ ଜେତାଏ ଇନିୟାଃ ବିଷାଏରେ ନେପେଲ୍‌ରେ କାକ କାଜିକେଦା ।

<sup>୧୪</sup> ପାରାବ୍‌ରେୟାଃ ଆଲାମାଲା ସେନଃୟାନ୍‌ତି ଯୀଶୁ ମାହିର୍ ଅତାଃତେ ସେନ୍‌କେଦ୍‌ତେ ଇତୁଏଟେଦ୍ କେଦ୍‌କଆଏ । <sup>୧୫</sup> ଯିହୁଦୀକଆଃ ହାକିମ୍‌କ ହାୟକାଟ୍‌ୟାନ୍ତେ ମେନ୍‌କେଦାଃକ, “ନିଃ ବେଗାର୍ ପାଢ଼ାଅକେଦ୍‌ତେ ଚିଲ୍‌କା ନେ ଲେକା ଇତୁକତାନାଏ ?”

<sup>୧୬</sup> ଏନାତେ ଯୀଶୁ କାଜିରୁହାଡ଼କେଦ୍‌କଆଏ, “ଆଇଁୟାଃ ଇନିତୁ ଆଇଁୟାଃ ନାହାଁଲାଃ ମେନ୍‌ଦ ଆଇଙ୍ଗ୍‌କେ କୁଲାକାଇଙ୍ଗ୍ ପାର୍‌ମେଶ୍ୱାର୍‌ତାଃଏତେ ହିଜୁଆକାନା । <sup>୧୭</sup> ଜେତାଏ ପାର୍‌ମେଶ୍ୱାର୍‌ଆଃ ମନେଲେକା ରିକା ସାନାଙ୍ଗ୍‌ରେଦ, ଇନିଃ ଆଇଁୟାଃ ଇନିତୁ ପାର୍‌ମେଶ୍ୱାର୍ ସାଃଏତେ ଚାଏ ଆଇଁୟାଃ ପେଡ଼େଃତିଙ୍ଗ୍ କାଜିତାନା ଏନା ସାରିୟାଏ । <sup>୧୮</sup> ଜେତାଏ ଆୟାଃତେ କାଜିନିଃ ଆୟାଃ ମାନାରାଙ୍ଗ୍ ନାମ୍‌ବାଡ଼ାଏଃ, ମେନ୍‌ଦ ଜେତାଏ ଆଇଃକ୍‌କେ କୁଲ୍‌ନିୟାଃ ମାନାରାଙ୍ଗ୍ ନାମ୍‌ବାଡ଼ାଏନିଃ ସାର୍‌ତିଗିୟାଏ; ଆତଃ ଇନିଃତାଃରେ ଏଡ଼କାନ୍‌ଆଃ ବାନଆଃ । <sup>୧୯</sup> ଚିୟାଃ ମୁଣା ଆପେକେ ଆନ୍‌ରୁ କାଏ ଏମାକାଦ୍‌ପେୟା ? ଏନ୍‌ରେୟ ଆପେକଏତେ ଜେତାଏୟ ଆନ୍‌ରୁ କାକ ମାନାତିଙ୍ଗ୍‌ତାନା, ଆପେ ଚିକାନାଙ୍ଗ୍ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାପେ ?”

\* ୭:୨ ୭:୨ ଜାମ୍‌ଡ଼ା କୁମ୍ବା † ୭:୧୨ ୭:୧୨ ହାୟମ୍ ହାୟମେ ନଗମ୍ ତଗମ୍ / କୁରମ୍ ତୁରମ୍

୨୦ ଗାଦେଲ୍ ହତକ କାଜିରୁହାଡ଼କିୟାକ, “ଆମ୍ଭେ ବଜ୍ର ଏସେରାକାଦ୍‌ମେୟାଏ, ଅକଏ ଆମ୍ଭେ ଗଗଏ୪ ସାନାଙ୍ଗତାନାଏ ?”

୨୧ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ମିଆଁଦ୍ ପେଡ଼େୟାନ୍ କାମିଙ୍ଗ୍ କାମିୟାକାଦ୍ ନାଗେନ୍ତେ ଆପେ ସବେନ୍‌କ ହାଏକାଟଃତାନା । ୨୨ ନେୟାମେନ୍ତେ ମୁଣା ଆପେୟା୪ ହନ୍‌କକେ ଖାଡ଼ନାଅରେୟା୪ ଆନ୍‌ରୁ ଏମାକାଦ୍‌ପେୟାଏ, ଏନାଦ୍ ମୁଣାଏତେ କାହା ମେନ୍‌ଦ୍ ହାଡ଼ାମ୍ ହତକଆ୪ ସା୪ଏତେଗି, ଆତଃ ଆପେ ରୁଡ଼ନ୍ତୁ ହୁଲାଙ୍ଗ୍‌ରେ କଡ଼ାହନ୍‌କକେ ଖାଡ଼ନାଅକତାନାପେ । ୨୩ \*ମୁଣା ଅଲ୍ଲକାନ୍ ଆନ୍‌ରୁ ଆଲକା ଟଟାଗଠକା ମେନ୍ତେ ରୁଡ଼ନ୍ତୁ ହୁଲାଙ୍ଗ୍‌ରେ ମିଆଁଦ୍ କଡ଼ାହନ୍‌ରା୪ ଖାଡ଼ନାଅ୪ରେଦ୍, ଆଇଙ୍ଗ୍ ରୁଡ଼ନ୍ତୁ ହୁଲାଙ୍ଗ୍‌ରେ ମିଆଁଦ୍ ହତକେ ପୁରାଗି ବୁଗିକାଇ ହରାତେ, ଆପେ ତିନା୪ ଆଇଙ୍ଗ୍‌କେପେ ଏସେଦାଇଙ୍ଗ୍ ତାନା ? ୨୪ ମେଦ୍‌ମୁହାଁଡ଼୍, ନେଲ୍‌କେଦ୍‌ତେ ଆଲ୍‌ପେ ବିଚାର୍‌ଆ୪, ମେନ୍‌ଦ୍ ସାର୍‌ତି ଲେକାତେ ବିଚାର୍ ରିକାଏପେ ।”

ୟୀଶୁ ମାସି ତାନି୪ ତି ?

୨୫ ଯୀରୁଶାଲେମ୍‌ରେନ୍ ହତକଏତେ ତିମିନ୍‌କ କାଜିକେଦା, “ତିୟା୪ ଯିହୁଦୀକଆ୪ ହାକିମ୍‌କ ଗଏ୪ ନାଙ୍ଗ୍‌କ ସାନାଙ୍ଗତାନ୍ ହତ ନି୪ ନାହାଲି୪ ତି ? ୨୬ ନେଲିପେ, ନି୪ ନେତା୪ରିୟା, ନେପେଲ୍‌ରେ ଜାଗାର୍‌ତାନାଏ ଆତଃ ଇନ୍‌କୁ ଜେଡ଼ନା୪ କାକ କାଜିୟାଇତାନା, ତିୟା୪ ଆଗୁଆଇକ ଇନି୪କେ ମାସି ତାନି୪ ମେନ୍ତେ ସାର୍‌ତିଗିକ ଆଟ୍‌କାର୍‌କେଦା୪ ତି ? ୨୭ ଇନି୪ ଅକ୍‌ତା୪ରେନ୍ ତାନି୪ ନେୟାଁରୁ ସାରିତାନା, ମେନ୍‌ଦ୍ ମାସି ହିଜୁ୪ରେ ଇନି୪ କତା୪ରେନ୍ ତାନି୪ ଏନା ଜେତାଏ କାକ ସାରିଆ୪ ।”

୨୮ ଏନ୍ତେ ଯୀଶୁ ମାଦିର୍ ଅଡ଼ା୪ରେ ଇତୁକତାନ୍‌ଲ୪ କାଉରିତାନ୍‌ଲ୪ କାଜିକେଦାଏ, “ତିୟା୪ ଆପେ ଆଇଙ୍ଗ୍‌କେ ସାରିତାନାପେ ଆତଃ ଆଇଙ୍ଗ୍ ଅକ୍‌ତା୪ରେନ୍ ତାନିଙ୍ଗ୍ ଏନାପେ ସାରିତାନାତି ? ଆଇଙ୍ଗ୍ ଆଇଁୟା୪ତେଗି କାଇଙ୍ଗ୍ ହିଜୁଆକାନା ମେନ୍‌ଦ୍ ଆଇଁୟା୪ କୁଲ୍‌ନି୪ ସାର୍‌ତିଗିୟାଏ, ଆପେ ଇନି୪କେ କାପେ ସାରିତାନା, ୨୯ ମେନ୍‌ଦ୍ ଆଇଙ୍ଗ୍ ଇନି୪କେ ସାରିତାନାଇଙ୍ଗ୍ ତିୟା୪ତି ଆଇଙ୍ଗ୍ ଇନି୪ତା୪ଏତେ ହିଜୁଆକାନାଇଙ୍ଗ୍ ଆତଃ ଇନି୪ ଆଇଙ୍ଗ୍‌କେ କୁଲାକାଦିୟାଏ ।”

୩୦ ଏନ୍ତେ ଇନ୍‌କୁ ଇନି୪କେ ସାସାବ୍ ସାନାଙ୍ଗ୍‌କିୟା୪କ, ଏନ୍‌ରେୟ ଜେତାଏ ଇନି୪ରେ ତି୪ଇ କାକ ଜିଲିଙ୍ଗ୍‌କେଦା୪, ତିୟା୪ତି ଇନିୟା୪ ନେତାଦ୍ ଇମ୍‌ତାଜାକେଦ୍ କା ସେଟେରାକାନ୍ ତାଇକେନା । ୩୧ ମେନ୍‌ଦ୍ ଗାଦେଲ୍ ହତକଏତେ ପୁରା୪ ହତକ ଇନି୪ରେକ ବିଶ୍ୱାସ୍ କେଦା୪ ଆତଃକ କାଜିକେଦା, “ତିୟା୪ ମାସି ହିଜୁ୪ରେ ନି୪ କାମିୟାକାଦ୍ ପେଡ଼େ୪ରା୪ କାମିଏତେ ଆଦକା କାମିକି କାମିୟା ?”

ଫାରୁଶୀକ ଯୀଶୁକେ ସାବିନାଗେନ୍ତେ ଦାର୍‌ଖାନ୍‌କକେ କୁଲ୍‌କତାନାକ

୩୨ ଫାରୁଶୀକ ହତକକେ ଯୀଶୁଆ୪ ବିଷାଏରେ ନେୟାଁ ହାୟମ୍ ହାୟମ୍‌ତାନ୍‌କ ଆୟୁମ୍‌କେଦକଆ, ଏନ୍ତେ ଫାରୁଶୀକ ଆତଃ ମୁଲ୍ ଯାଜାକ୍‌କ ଇନି୪କେ ସାସାବ୍‌ନାଙ୍ଗ୍ ଦାର୍‌ଖାନ୍‌କକେ କୁଲ୍‌କେଦକଆକ । ୩୩ ଯୀଶୁ କାଜିୟାଦକଆଏ, “ଆଇଙ୍ଗ୍ ହୁଡ଼ିଙ୍ଗ୍ ଦିପିଲି ଜାକେଦ୍ ଆପେଲ୪ ତାଇନି୪କ୍, ଏନ୍ତେ ଆଇଙ୍ଗ୍‌କେ କୁଲାକାଦ୍‌ନି୪ତା୪ତେ ସେନ୪ଆଇଙ୍ଗ୍ । ୩୪ ଆପେ ଆଇଙ୍ଗ୍‌କେ ଦାଣ୍ଟିଆଇଙ୍ଗ୍‌ରେୟ କାପେ ନାମିୟାଁ ଆତଃ ଆଇଙ୍ଗ୍ ତାଇନି୪ତା୪ ଆପେ କାପେ ସେନ୍‌ଦାଡ଼ିୟା୪ ।”

୩୫ ଏନ୍ତେ ଯିହୁଦୀକଆ୪ ହାକିମ୍‌କ ଆକ ଆକରେକ ଜାଗାର୍‌କେଦା୪, “ନି୪ କତା୪ତେ ସେନ୪ନାଙ୍ଗ୍ ସାନାଙ୍ଗ୍ ତାନାଏ ଯେ ଆବୁ ଇନି୪କେ କାବୁ ନାମିୟାଁ ? ତିୟା୪ ଇନି୪ ଗ୍ରୀକ୍ ହତକଆ୪ ଆଲ୍ଲାରେ ନେତେ ହେନ୍ତେୟାକାନ୍ ଆବୁଆ୪ ହତକତା୪ ସେନ୪ଆଏ ଆତଃ ଗ୍ରୀକ୍ ହତକକେ ଇତୁକଆଏ ? ୩୬ ଆପେ ଆଇଙ୍ଗ୍‌କେ

\* ୭:୨୩ ୭:୨୩ ଯୋହାନ୍ ୫:୯.

ଦାଣ୍ଡିକଙ୍କରେୟ କାପେ ନାମିୟା ଆତଃ ଆଇଙ୍କ ତାଇନଃତାଃ କାପେ ସେନ୍ଦାଡ଼ିୟା  
ମେନ୍ତେ ଇନିଃ କାଜିକେଦ୍ କାଜି ଚିକ୍ନାଃତାନା ?”

ଲିଙ୍ଗିୟଃତାନ ଜୀଦାନ୍ ଏମଃ ଦାଆଃ

୩୭ ରୁଣ୍ଡ ହୁଲାଙ୍ଗ, ଚାଏ ପାରାବ୍ରେୟାଃ ମାରାଙ୍ଗ ହୁଲାଙ୍ଗରେ ଯୀଶୁ ତିଙ୍ଗୁୟାନ୍ତେ  
କାଉରିକେଦ୍ତେ କାଜିକେଦାଏ, “ଜେତାଏ ତେତାଙ୍ଗରେଦ୍ ଆଇୟାଃତାଃତେ  
ହିଜୁଃକାଏ, ଆତଃ ୩୮ ଜେତାଏ ଆଇଙ୍କରେ ବିଶ୍ୱାସ୍ତାନନିଃ ନୁଏକାଏ, ଧାରାମ୍ପୁଥିରେ  
କାଜିକାନ୍ଲେକା, ‘ବିଶ୍ୱାସ୍ତାନନିୟାଃ ଜୀଉଏତେ ଜୀଦାନ୍ ଦାଆଃରେୟାଃ ଗାଡ଼ାକ  
ଲିଙ୍ଗିକାତେୟାଃ ।’ ” ୩୯ ଇନିଃକେ ବିଶ୍ୱାସୀତାନ୍କ, ତାୟମ୍ତେ ଅକନ୍ ଆମ୍ବାକେକ  
ନାମିୟା, ଇନ୍କୁଆଃ ବିଷାଏରେ ଇନିଃ ନେ କାଜି କାଜିକେଦାଏ, ଚିୟାଠି ଇମ୍ତା  
ଜାକେଦ୍ ଯୀଶୁଆଃ ମାନାରାଙ୍ଗ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ବାଦ  
କାଏ ଏମାକାନ୍ ତାଇକେନା ।

ହଡ଼କଆଃ ଆଲାରେ ବିନ୍ଗାଅଃ

୪୦ ପୁରାଃ ହଡ଼କଏତେ ଚିମିନ୍କ ନେ କାଜି ଆୟୁମ୍କେଦ୍ତେ ମେନ୍କେଦାଃକ, “ନିଃ  
ସାର୍ତିଗି ନାବୀ ତାନିଃ !”

୪୧ ଏଗାଃକ ମେନ୍କେଦାଃ, “ଇନିଃ ମାସି ତାନିଃ !” ମେନ୍ଦ୍ ଚିମିନ୍କ  
ମେନ୍କେଦାଃ, “ମାସି ଗାଲିଲ୍ଏତେ କାଏ ହିଜୁଃଆ ? ” ୪୨ ମାସି ଦାଉଦ୍ଆଃ  
କିଲିଏତେ ଆତଃ ଦାଉଦ୍ ତାଇକେନ୍ ବେଥଲେହେମ୍ ସାହାର୍ଏତେ ହିଜୁଆଏଃ  
ମେନ୍ତେ ଧାରାମ୍ପୁଥିରେ କାଚି କାଜିକାନା ?” ୪୩ ଏନାତେ ଗାଦେଲ୍ ହଡ଼କ  
ଇନିୟାଃ ନାଗେନ୍ତେକ ବିପିଙ୍ଗାୟାନା । ୪୪ ଆତଃ ଇନ୍କୁଏତେ ଚିମିନ୍କ ଯୀଶୁ  
ସାବଃକାଏ ମେନ୍ତେ ସାନାଙ୍ଗ୍ତାନ୍କ ତାଇକେନା ମେନ୍ଦ୍ ଜେତାଏ ଇନିଃରେ ତିଃଇ  
କାକ ଜିଲିଙ୍ଗ୍କେଦାଃ ।

କା ବିଶ୍ୱାସ୍ତାନ ଯିହୁଦୀ ହାକିମ୍କ

୪୫ ଦାରଝାନ୍କ ରୁହାଡ଼ୟାନ୍ତି, ମୁଲ୍ ଯାଜାକ୍ ଆତଃ ଫାରୁଶୀକ ଇନ୍କୁକେ  
କୁଲିକେଦ୍କଆକ, “ଚିନାଃ ମେନ୍ତେ ଇନିଃକେ କାପେ ଆଉକିୟା ?”

୪୬ ଦାରଝାନ୍କ ମେତାଦ୍କଆକ, “ନେ ହଡ଼ କାଜିତାନ୍ଲେକା ଜେତାଏ ହଡ଼  
ତିଉଲାହ କାଏ କାଜିୟାକାଦାଃ ।”

୪୭ ଏନ୍ତେ ଫାରୁଶୀକ ଇନ୍କୁକେ କାଜିରୁହାଡ଼ାଦ୍କଆକ, “ଆପେକେୟଗିତି ଇନିଃ  
ବେଦାକାଦ୍ପେୟାଏ ? ” ୪୮ ହାକିମ୍କଏତେ ଚାଏ ଫାରୁଶୀକଏତେ ଚିୟାଃ ଜେତାଏ  
ଇନିଃରେ ବିଶ୍ୱାସ୍କାଦାକ ? ଏନା ସାରିକାଦାପେତି ? ୪୯ କାହା ! ମେନ୍ଦ୍ ମୁଶାରାଃ  
ଆନ୍ତୁ କାକ ସାରିତାନ୍ ନାଗେନ୍ତେ ନେ ଗାଦେଲ୍ ହଡ଼କ ସାର୍ପାଝାକାନାକ ।”

୫୦ ଧନିକଦାମ୍, ଅକଏଚି ସିଦାରେ ଯୀଶୁତାଃତେ ସେନ୍କାନ୍ ତାଇକେନାଏ ଆତଃ  
ଇନିଃ ଇନ୍କୁଏତେ ମିହୁଡ଼୍ ତାଇକେନାଏ, ଇନିଃ କୁଲିକେଦ୍କଆଏ, ୫୧ “ମିଆଁଦ୍  
ହଡ଼ତାଃଏତେ ଆଉରି ଆୟୁମ୍ ଜାକେଦ୍ ଆତଃ ଇନିୟାଃ ଚାଇଲ୍ ଚାଲାନ୍ ଆଉରି  
ସାରି ଜାକେଦ୍ ଆରୁଆଃ ଆନ୍ତୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍କୁ ଇନିଃକେ କାଜିରୁହାଡ଼କିୟାଃକ, “ଆମ୍ହଗିତି ଗାଲିଲ୍ରେନ୍ ହଡ଼  
ତାନ୍ମେ ? ନେଲ୍ ନାମେମେ, ଗାଲିଲ୍ଏତେ ଜେତାଏ ନାବୀ କାଏ ଅଡ଼ଙ୍ଗ୍ଆଃଆ ?”  
୫୩ ଏନ୍ତେ ସବେନ୍କ ଆକଆଃ ଆକଆଃ ଅଡ଼ାଃତେକ ସେନଃୟାନା ।



ଆପାଙ୍ଗ୍ କାମିରେ ସାବାକାନ୍ କୁଡ଼ି

‡ ୭:୩୯ ୭:୪୦ ଆପାନ୍ ଆପାନ୍ନଃ ☆ ୭:୫୦ ୭:୫୦ ଯୋହାନ୍ ୩:୧,୨.

୧୧ ମୋନଦ ଯୀଶୁ ଜାଇତୁନ୍ ବୁରୁତେ ସେନଃୟାନାଏ । ୧୨ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନତି ଯୀଶୁ ମାନ୍ଦିରତେ ରୁହାଡ଼୍‌ୟାନାଏ ଆତଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆତଃ ଇନିଃ ଦୁବକେଦତେ ଇନ୍‌କୁକେ ଇଡୁକେଦକଆଏ । ୧୩ ଆଇନ୍ ଇଡୁକ ଆତଃ ଫାରୁଣୀକ ଆପାଙ୍ଗ୍‌ର କାମିରେ ସାବକାନ୍ କୁଡ଼ିକେ ଆଉକେଦତେ ସବେନ୍‌କଆଃ ଆଲାରେକ ତିଙ୍ଗୁକିୟା ଆତଃ ଯୀଶୁକେ କାଜିକିୟାଃକ, ୪ “ହେ ଗୁରୁ, ନେ କୁଡ଼ି ଆପାଙ୍ଗ୍‌ର କାମି କାମିତାନ୍ ଇମ୍‌ତାଗି ସାବ୍‌ୟାନାଏ । ୫ ଆଲେୟାଃ ଆନ୍‌ରୁରେ ମୁଣା ନେ ଲେକାନ୍ କୁଡ଼ିକେ ଦିରି ତିଦ୍‌ଗି ଗଏଃକପେ ମେନ୍ତେ ଆଲେକେ ଆରୁଆକାଦଲେୟାଏ, ନାହାଁଃ ଆମ୍ ତିନାଃ ମେନେତାନାମ୍ ?” ୬ ଯୀଶୁକେ ଚିଟାଇରାଃ ହରାନାମ୍ ନାଗେନ୍ତେ ବିଡ଼ାଏ ତାନ୍‌ଲଃ ଇନ୍‌କୁ ନେୟାଁ କୁଲିକିୟାଃକ । ମୋନଦ ଯୀଶୁ ତିରୁବ୍‌ୟାନ୍‌ଲଃ ସାର୍‌ସାର୍‌ତେ ଅତେରେ ଅଲ୍‌କେଦା ।

୭ ଏନ୍ତେ ଇନ୍‌କୁ କୁଲିତାନ୍ ଇମ୍‌ତାଗି ଇନିଃ ବିରିଦ୍‌କେଦତେ ମେତାଦକଆଏ, “ଆପେୟାଃ ଆଲାରେ କା ପାପ୍‌କାଦ୍‌ନିଃ ସିଦାତେ ଇନିଃକେ ଦିରି ତିଦ୍‌ଗିକାଏ ।” ୮ ଏନ୍ତେ ଆତଃଗି ଇନିଃ ତିରୁବ୍ ରୁହାଡ଼୍‌କେଦତେ ଅତେରେ ସାର୍‌ସାର୍‌ତେ ଅଲ୍‌କେଦାଏ । ୯ ଇନ୍‌କୁ ନେୟାଁ ଆୟୁମ୍‌କେଦତେ ସବେନ୍‌କ ମାପ୍‌ରାଙ୍ଗ୍‌ଏତେ ହୁପ୍‌ତିଙ୍ଗ୍ ଜାକେଦ୍ ମିମିଆଦତେକ ଅତଙ୍ଗ୍‌ୟାନା, ଯୀଶୁ ଏସ୍‌କାର୍‌ଗି ତାଇନ୍‌ୟାନାଏ ଆତଃ ଏନ୍ କୁଡ଼ି ଆଲାରେ ତିଙ୍ଗୁଆକାନାଏ ତାଇକେନା । ୧୦ ଏନ୍ତେ ଯୀଶୁ ତିଙ୍ଗୁୟାନତେ ଇନିଃକେ କାଜିକିୟାଏ, “ଏ କୁଡ଼ି ଆମ୍‌କେ ଚିଟାତାନ୍‌କ କତାଃରେକଆଃ ? ତିୟାଃ ଜେତାଏ ଆମ୍‌କେ କାକ ସାଜାଇକେଦମେଆଚି ?”

୧୧ ଇନିଃ କାଜିକିୟାଏ, “ହେ ଗମ୍‌କେ, ଜେତାଏ ଦ କାହା,” ଏନ୍ତେ ଯୀଶୁ ମେତାଇୟାଏ, “ଆଇଙ୍ଗ୍ ହୁଁ ଆମ୍‌କେ କାଇଙ୍ଗ୍ ସାଜାଇମେତାନା, ତୁ ସେନଃମେ ଆତଃ ଆୟାର୍‌ତେ ଆଲମ୍ ପାପ୍ କାମିୟା ।”\*

**ଯୀଶୁ ଅତେଦିଶ୍‌ମ୍‌ରେନ୍ ମାସ୍‌ଲ ତାନିଃ**

୧୨ \* ଯୀଶୁ ଆତଃମିସା ଫାରୁଣୀକକେ ଇଡୁତାନ୍‌ଲଃ କାଜିକେଦକଆଏ, “ଆଇଙ୍ଗ୍ ଅତେଦିଶ୍‌ମ୍‌ରେନ୍ ମାସ୍‌ଲ ତାନିଙ୍ଗ୍, ଆଇଙ୍ଗ୍‌କେ ଅତଙ୍ଗ୍‌ନିଃ ଜୀଦାନ୍‌ରେୟାଃ ମାସ୍‌ଲ ନାମେୟାଏ । ଆତଃ ନୁବାଃରେ କାଏ ସେନେୟା ।”

୧୩ \* ଏନ୍ତେ ଫାରୁଣୀକ ଇନିଃକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାର୍‌ତି ନାହାଁଲାଃ ।”

୧୪ ଯୀଶୁ କାଜିରୁହାଡ଼ାଦକଆଏ, “କାହାଗି, ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନ୍‌ରେଅ ଆଇଁୟାଃ ଗାଞ୍ଜା ସାର୍‌ତିଗିୟା । ଆଇଙ୍ଗ୍‌ଦ କତାଃଏତେଇଙ୍ଗ୍ ହିଜୁଆକାନା ଆତଃ କତାଃତେଇଙ୍ଗ୍ ସେନଃତାନା ନେୟାଁଇଙ୍ଗ୍ ସାରିତାନା ମୋନଦ ଆଇଙ୍ଗ୍ କତାଃଏତେଇଙ୍ଗ୍ ହିଜୁଃକାନା ଆତଃ କତାଃତେଇଙ୍ଗ୍ ସେନାଃ, ଏନା ଆପେ କାପେ ସାରିୟାଃ । ୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍ଗ୍ ଜେତାଏକେ କାଇଙ୍ଗ୍ ବିଚାର୍‌କତାନା । ୧୬ ମୋନଦ ଆଇଙ୍ଗ୍ ବିଚାରେରେଦ ଆଇଁୟାଃ ବିଚାର୍ ସାର୍‌ତିଗିୟାଃ, ତିୟାଃଗି ଆଇଙ୍ଗ୍‌ଦ କାଇଙ୍ଗ୍ ଏସ୍‌କାରାଃ, ମୋନଦ ଆଇଙ୍ଗ୍‌କେ କୁଲ୍‌କାଇଙ୍ଗ୍ ଆପୁଲଃ ମେନାଇୟା । ୧୭ ଆତଃ ବାର୍‌ହଡ଼କିନାଃ ଗାଞ୍ଜା ମିଦଃରେ, ଇନ୍‌କିନାଃ କାଜିତେୟାଃ ସାର୍‌ତିଗିୟା ନେୟାଁ ଆପେୟାଃ ଆନ୍‌ରୁ ପୁଥ୍‌ରେ ଅଲ୍‌କାନା । ୧୮ ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନା ଆତଃ ଆଇଙ୍ଗ୍‌କେ କୁଲ୍‌କାନ୍ ଆପୁ ଆଇଁୟାଃନାଙ୍ଗ୍ ଗାଞ୍ଜା ଏମେତାନାଏ ।”

\* ୮:୧୧ ୮:୧୧ ୧ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍‌ରେ ବାନଃଆ    ✱ ୮:୧୨ ୮:୧୨ ମାଥୁଭ ୫:୧୪; ଯୋହାନ୍ ୯:୫.    ✱ ୮:୧୩ ୮:୧୩ ଯୋହାନ୍ ୫:୩୧.

୧୯ ଏନ୍ତେ ଇନ୍କୁ କୁଲିକିୟାଃକ, “ଆପୁମ୍ଭାମାଃ କତାଃରିୟାଃ ?” ଯୀଶୁ କାଜିରୁହାଡ଼ାଦକଥାଏ, “ଆପେ ଆଇଙ୍ଗକେ ଆତଃ ଆପୁଇଙ୍ଗକେ କାପେ ସାରିୟାଃ । ଆଇଙ୍ଗକେ ଆପେ ସାରିରେଦ ଆପୁଇଙ୍ଗକେହ ସାରିତେୟାଃପେ ।”

୨୦ ନେ କାଜି ଯୀଶୁ ମାନ୍ଦିର ଅଡ଼ାଃରେୟାଃ ଭାଣ୍ଡାଡ଼ି ଅଡ଼ାଃ ଜାପାଃରେ ଇଡୁକତାନ୍ ଇମ୍ଭା କାଜିକେଦାଏ, ଆତଃ ଜେତାଏ ଇନିଃକେ କାକ ସାଦ୍‌କିୟାଃ ଚିୟାଃଚି ଇନିୟାଃ ନେତା ଇମ୍ଭାଙ୍ଗ ଜାକେଦ୍ କା ତେଦାଃକାନ୍ ତାଇକେନା ।

ଯୀଶୁ ଆୟାଃ ସେନଃ ବିଷାଏରେ ଆୟାଡ଼କାଜି କାଜିକେଦା

୨୧ ଆତଃମିସା ଯୀଶୁ ଇନ୍କୁକେ କାଜିକେଦକଥାଏ, “ଆଇଙ୍ଗ ସେନଃତାନାଇଙ୍ଗ ଆତଃ ଆପେ ଆଇଙ୍ଗକେ ଦାଣ୍ଠାଇଙ୍ଗାପେ ମେନ୍ଦ ଆପେୟାଃ ପାପ୍‌ରେପେ ଗଜଃଆ । ଆଇଙ୍ଗ ସେନଃତାଃତେ କାପେ ସେନ୍ଦାଡ଼ିୟା ।”

୨୨ ଯିହୁଦୀକଥାଃ ହାକିମ୍‌କ ଆକ ଆକରେକ ମେନ୍‌କେଦାଃ, “ଚିୟାଃ ଇନିଃ ଆଇଃକଚି ଗଜଃଇଙ୍ଗ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍ଗ ସେନଃତାଃତେ କାପେ ସେନ୍ ଦାଡ଼ିୟା ମେନ୍ତେ କାଜିତାନାଏ ?”

୨୩ ଏନ୍ତେ ଯୀଶୁ ଇନ୍କୁକେ ମେତାଦକଥାଏ, “ଆପେ ନେ ଅତେଦିଶୁମ୍ଭରେ ଜାନାମ୍‌କାନାପେ, ମେନ୍ଦ ଆଇଙ୍ଗ ସିମାତେ ହିଜୁଆକାନାଇଙ୍ଗ । ଆପେ ନେ ଅତେଦିଶୁମ୍ଭରେନ୍‌କ ତାନ୍‌ପେ, ଆଇଙ୍ଗ ନେ ଅତେଦିଶୁମ୍ଭରେନ୍ ନାହାଁଲାଇଙ୍ଗ । ୨୪ ଏନାମେନ୍ତେ ଆଇଙ୍ଗ ମେତାପେ ତାନାଇଙ୍ଗ, ଆପେ ଆପେୟାଃ ପାପ୍‌ରେ ଗଜଃଆପେ, ଚିୟାଃଚି ଆଇଙ୍ଗ, ଆଇଙ୍ଗଚି ଇନିଃ ତାନିଙ୍ଗ ଏନା କାପେ ବିଶ୍ୱାସେରେଦ ଆପେୟାଃ ପାପ୍‌ରେଚି ଗଜଃଆପେ ।”

୨୫ ଏନ୍ତେ ଇନ୍କୁ ଇନିଃକେ କୁଲିକିୟାଃକ, “ଆମ୍ ଅକଏ ତାନ୍‌ମେ ?” ଯୀଶୁ ଇନ୍କୁକେ କାଜିୟାଦକଥାଏ, “ମୁନ୍‌ଏତେଚି କାଜିୟାକାଦପେୟାଈଙ୍ଗ ଇନିଃ ଆଇଙ୍ଗଚି ତାନିଙ୍ଗ । ୨୬ ଆପେୟାଃ ବିଷାଏରେ କାଜି ଆତଃ ବିଚାର ନାଗେନ୍ତେ ଆଇଙ୍ଗାଃତାଃରେ ପୁରାଃଚି କାଜି ମେନାଃ । ମେନ୍ଦ ଆଇଙ୍ଗକେ କୁଲିନିଃ ସାର୍‌ତିଗିୟାଏ, ଆତଃ ଆଇଙ୍ଗ ଇନିଃତାଃଏତେ ଆୟୁମ୍‌କାଦ୍‌ତେୟାଃ ସବେନାଃ ଅତେଦିଶୁମ୍ଭରେ ଉଦୁବେତାନାଇଙ୍ଗ ।”

୨୭ ଯୀଶୁ ଆପୁଆଃ ବିଷାଏରେ ଇନ୍କୁକେ କାଜିୟାକତାନ୍ ତାଇକେନାଏ, ଏନା ଇନ୍କୁ କାକ ଆଟ୍‌କାର୍‌କେଦାଃ । ୨୮ ଏନ୍ତେ ଯୀଶୁ କାଜିୟାଦକଥାଏ, “ଆପେ ଚିମ୍ଭା ମାନଝାହନ୍‌କେ ଚେତାନ୍‌ତେପେ ରାକାବିୟା, ଇମ୍ଭା ଆଇଙ୍ଗ, ଆଇଙ୍ଗଚି ଇନିଃ ତାନିଙ୍ଗ ମେନ୍ତେପେ ସାରିୟାଃ ଆତଃ ଆଇଙ୍ଗଏତେ ଜେଡ୍‌ନାଃ କାଇଙ୍ଗ କାମି, ମେନ୍ଦ ଆପୁ ଇଡୁଆକାଇଙ୍ଗଲେକା ନେ କାଜିକଇଙ୍ଗ କାଜିକାଦା ମେନ୍ତେପେ ଆଟ୍‌କାର୍‌ରୁମେୟା । ୨୯ ଆତଃ ଆଇଙ୍ଗକେ କୁଲିନିଃ ଆଇଙ୍ଗଲଃରିୟା, ଇନିଃ ଆଇଙ୍ଗକେ ଏସ୍‌କାର୍‌ଚି କାଏ ବାଗିୟାକାଦିୟା, ଚିୟାଃଚି ଆଇଙ୍ଗ ଜାନାଅଚି ଇନିଃକେ ସୁକୁଆଇଲେକା କାମିରିକାଇଃକ ।”

୩୦ ଯୀଶୁ ନେୟାଁ କାଜିତାନ୍ ତାଇକେନ୍‌ରେ ପୁରାଃ ହଡ଼କ ଇନିଃତାଃରେକ ବିଶ୍ୱାସକେଦା ।

ସାନାର୍‌ଚି ଆପେକେ ଆଡ଼ାଃପେୟାଏ

୩୧ ଏନ୍ତେ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସତାନ୍‌କ ତାଇକେନା, ଇନିଃ ଇନ୍କୁକେ କାଜିୟାଦକଥାଏ, “ଆପେ ଆଇଙ୍ଗାଃ ଇନିଡୁ ମାନାଡ଼ିଙ୍ଗରେଦ ସାର୍‌ତିଗି ଆଇଙ୍ଗାଃ ଚେଲାଇ ତାନ୍‌ପେ । ୩୨ ଆତଃ ଆପେ ସାର୍‌ତିକେ ଆଟ୍‌କାରେୟା, ଆତଃ ଏନ୍ ସାର୍‌ତିଗି ଆପେକେ ଆଡ଼ାଃପେୟାଏ ।”

୩୩ ଇନ୍ଦ୍ରକୁ ଇନିଷକେ କାଜିରୁହାଡ଼ାଦକିୟାକ, “ଆଲେଦ ଆବ୍ରାହାମ୍‌ଆଃ କିଲିରେନକ ତାନ୍‌ଲେ ଆତଃ ଚିଭଲ୍‌ହାରି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଅଆଃପେ ମେନ୍ତେମ୍ କାଜିତାନା ? ନେୟାଃରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦକିୟାକ, “ସାର୍‌ତିଗି କାଜିୟାପେ ତାନାଇକ୍‌ ପାପକାମିତାନ୍ ସବେନକ ପାପ୍‌ରେୟାଃ ଦାସିତାନ୍‌କୁ । ୩୫ ଦାସି ଜାନାଅ ଜାନାଅ ଅଡ଼ାଃରେ କାଏ ତାଇନାଃ ମେନ୍‌ଦ ହନ୍ ଜାନାଅ ଜାନାଅ ତାଇନାଃଏ । ୩୬ ଏନାମେନ୍ତେ ହନ୍ ରାଡ଼ାପେରେଦ, ଆପେ ସାର୍‌ତିଗିପେ ରାଡ଼ାଅଆ । ୩୭ ଆପେ ଆବ୍ରାହାମ୍‌ଆଃ କିଲିରେନକ ତାନ୍‌ପେ ନେୟା ଆଇକ୍‌ ସାରିତାନାଇକ୍‌ ମେନ୍‌ଦ ଆଇୟାଃ ଇନିତୁ କାପେ ତେଲ୍‌ଏତାନା ଏନାମେନ୍ତେ ଆପେ ଆଇକ୍‌କେ ଗଗଏଃ ସାନାକ୍‌ତାନାପେ । ୩୮ ଆଇକ୍‌ ଆପୁଇକ୍‌ତାଃରେ ନେଲ୍‌କାଦ୍‌ତେୟାଃ କାଜିତାନାଇକ୍‌ ମେନ୍‌ଦ ଆପେ ଆପେୟାଃ ଆପୁ କାଜିକାଦ୍‌ଲେକା କାମିୟାଃପେ ।”

୩୯ ଇନ୍ଦ୍ରକୁ ଇନିଷକେ କାଜିରୁହାଡ଼ାଦକିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଇନ୍ଦ୍ରକୁକେ କାଜିୟାଦକିୟାକ, “ଆପେ ସାର୍‌ତିଗି ଆବ୍ରାହାମ୍‌ଆଃ ହନ୍ ତାନ୍‌ପେରେଦ ଆବ୍ରାହାମ୍‌ଆଃ କାମି ଲେକା କାମିତେୟାଃପେ । ୪୦ ଆଇକ୍‌ଦ ପାର୍‌ମେଣ୍ଡାଃରତାଃଏତେ ଆୟୁମ୍‌କେଦ୍ ସାର୍‌ତିକାଜି ବାଗିକେଦ୍‌ତେ ଏଟାଃତେୟାଃ କାଇକ୍‌ ଉଦୁବାପେତାନା ହଲେହ୍ ଆଇକ୍‌କେ ନାହାଃ ଗଗଏଃ ସାନାକ୍‌ତାନାପେ, ଆବ୍ରାହାମ୍ ଏନଲେକା କାମି କାଏ କାମିକାଦାଃ । ୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଇନ୍ଦ୍ରକୁ ଯୀଶୁକେ କାଜିକିୟାଃକ, “ଆଲେ ଆପାକ୍‌ର କାମିରେନ୍ ହନ୍‌କ ନାହାଲ୍‌ଲେ । ଆଲେୟାଃଦ ମିଆଁଦ୍‌ଗି ଆପୁ ଇନିଷଦ ପାର୍‌ମେଣ୍ଡାଃର ତାନିଃ ।”

୪୨ ଯୀଶୁ ଇନ୍ଦ୍ରକୁକେ କାଜିୟାଦକିୟାକ, “ପାର୍‌ମେଣ୍ଡାଃ ଆପେୟାଃ ଆପୁ ତାନିଃରେଦ ଆପେ ଆଇକ୍‌କେ ଦୁଲ୍‌ଡ଼ିକ୍‌ତେୟାଃପେ ଚିୟାଃଚି ଆଇକ୍‌ ପାର୍‌ମେଣ୍ଡାଃରତାଃଏତେ ହିଜୁଃକାନାଇକ୍‌ ଆତଃ ନାହାଃ ନେତାଃରିୟା । ଆଇକ୍‌ଦ ଆଇୟାଃ ପେଡ଼େଃତେ କାଇକ୍‌ ହିଜୁଆକାନା ମେନ୍‌ଦ ଆପୁ ଆଇକ୍‌କେ କୁଲ୍‌କାଦିୟାଏ । ୪୩ ଆପେ ଆଇୟାଃ କାଜି ଚିନାଃ ମେନ୍ତେ କାପେ ଆଟ୍‌କାର୍‌ଉରୁମେତାନା ? ଚିୟାଃଚି ଆପେଦ ଆଇୟାଃ ଇନିତୁ ଆୟୁମ୍ ନାକ୍ କାପେ ସାହାଡ଼ିକ୍ ଦାଡ଼ିତାନା । ୪୪ ଆପେ ଆପେୟାଃ ଆପୁ ସାଏତାନ୍‌ରାଃ ହନ୍‌କ ତାନ୍‌ପେ ଆତଃ ଆପେୟାଃ ଆପୁଆଃ ସାନାକ୍‌ଲେକା କାମି ସାନାକ୍‌ତାନାପେ । ଇନିଃ ମୁନ୍‌ଏତେ ହଡ଼ ଗଗଏଃନିଃ ତାଇକେନାଏ ଆତଃ ସାର୍‌ତିରେ କାଏ ତିକ୍‌ କେଟେଦ୍‌ୟାନା, ଚିୟାଃଚି ଇନିଷରେଦ ସାର୍‌ତି ବାନଆ । ଇନିଃ ହସଡ଼ କାଜି କାଜିତାନ୍ ଇମ୍‌ତା ଆୟାଃତେଗି କାଜିୟାଏ ଚିୟାଃଚି ଇନିଷଦ ହସଡ଼ନିଃ ଆତଃ ହସଡ଼ରେନ୍ ଆପୁ ତାନିଃ । ୪୫ ମେନ୍‌ଦ ଆଇକ୍‌ ସାର୍‌ତିଗି କାଜିତାନାଇକ୍‌ ମେନ୍ତେ ଆଇୟାଃ କାଜି କାପେ ପାଡ଼ିୟାରେତାନା । ୪୬ ଆଇୟାଃତାଃରେ ପାପ୍ ମେନାଃ ମେନ୍ତେ ଆପେକଏତେ ଅକଏ ଚିଟାଇକ୍‌ୟାଏ ? ଆଇକ୍‌ ସାର୍‌ତି କାଜି କାଜିରେଦ ଚିନାଃ ମେନ୍ତେ ଆଇୟାଃ କାଜିକେ କାପେ ପାଡ଼ିୟାରେତାନା ? ୪୭ ଜେତାଏ ପାର୍‌ମେଣ୍ଡାଃରତାଃଏତେ ହିଜୁଃକାନାଏ ଇନିଃ ପାର୍‌ମେଣ୍ଡାଃରଆଃ କାଜି ଆୟୁମେୟାଏ । ଆପେ ପାର୍‌ମେଣ୍ଡାଃରତାଃଏତେ କାପେ ହିଜୁଃକାନା ଏନାମେନ୍ତେ ଇନିୟାଃ କାଜି କାପେ ଆୟୁମେତାନା ।”

ଯୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁକେ କୁଲିକିୟାଃକ, “ଆମ୍ ଶମିରୋନିରେନ୍ ତାନ୍‌ମେ ଆତଃ ଆମ୍‌କେ ବକ୍‌ମ ଏସେରାକାଦ୍‌ମେୟାଏ, ନେୟା ଚିନାଃ ଆଲେ ଠାଉକା କାଲେ କାଜିତାନା ?” ୪୯ ଯୀଶୁ କାଜିରୁହାଡ଼ାଦକିୟାକ, “ବାନଶିଗି ଆଇକ୍‌କେ ବକ୍‌ମ

☆ ୮:୩୩ ୮:୩୩ ମାଥୁରା ୩:୯; ଲୁକା ୩:୮.

କାଏ ଏସେରାକାଦିୟାଁ ମେନ୍ଦ ଆଇଙ୍ଗ୍ ଆପୁଇଙ୍ଗ୍‌କେ ମାଇନିତାନାଇଙ୍ଗ୍ ଆଡ଼ଃ ଆପେ ଆଇଙ୍ଗ୍‌କେ କାପେ ମାଇନିଙ୍ଗ୍‌ତାନା । ୫୦ ଆଇଙ୍ଗ୍ ଆଇଙ୍ଗ୍‌ଗି ଆଇଁୟାଃ ମାନାରାଙ୍ଗ୍ କାଇଙ୍ଗ୍ ଦାଣ୍ଡାତାନା ମେନ୍ଦ ମିଆଁଦ୍‌ନିଃ ମେନାଇୟା ଇନିଃ ଦାଣ୍ଡାଏଃ ଆଡ଼ଃ ବିଚାର୍ ରିକାଏଃ । ୫୧ ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ମାନାତିଙ୍ଗ୍‌ନିଃ ଚିଉଲୀଅ କାଏ ଗଜଃଆ ।”

୫୨ ଯିହୁଦୀକ ଯୀଶୁକେ କାଜିକିୟାଃକ, “ନାହାଁଃ ଆଲେ ସାରିକେଦାଃଲେ, ଆମ୍‌କେ ବଙ୍ଗା ଏସେରାକାଦ୍‌ମେୟାଏ, ଆବ୍ରାହାମ୍ ଆଡ଼ଃ ନାବାକ ଗଏଃୟାନା ଆଡ଼ଃ ଆଇଁୟାଃ କାଜି ମାନାତିଙ୍ଗ୍‌ନିଃ ଗନଏଃ ଚିଉଲୀଅ କାଏ ନେଲେୟା ମେନ୍ତେ କାଜିତାନାମ୍ । ୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍‌ଏତେ ମାରାଙ୍ଗ୍‌ଆମ୍ ? ନାବାକହଗି ଗଏଃୟାନାକ, ଆମ୍ ଆମ୍‌ଗି ଅକଏ ମେନ୍ତେମ୍ ଉଡ଼ୁଟୁତାନା ?”

୫୪ ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ଆଇଁୟାଃଗି ମାନାରାଙ୍ଗ୍‌ଲେରେଦ ଆଇଁୟାଃ ମାନାରାଙ୍ଗ୍ ଜେଦ୍‌ନାଃ ବାନଆଃ । ଅକନ୍ ଆପୁଇଙ୍ଗ୍‌କେ ଆପେ ଆଲେୟାଃ ପାର୍‌ମେଶ୍ୱାର୍ ମେତାଇତାନାପେ, ଇନିଃ ଆଇଁୟାଃ ମାନାରାଙ୍ଗ୍ ରିକାଏତାନା । ୫୫ ଏନ୍‌ରେୟ ଆପେ ଇନିଃକେ କାପେ ସାରିତାନା, ମେନ୍ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍, ଆଡ଼ଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିରେଦ ଆଇଙ୍ଗ୍‌ହଗି ଆପେଲେକାଇଙ୍ଗ୍ ହସଡ଼ଃତେୟାଃ, ମେନ୍ଦ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍ ଆଡ଼ଃ ଇନିୟାଃ କାଜି ମାନାତିଙ୍ଗ୍ ତାନାଇଙ୍ଗ୍ । ୫୬ ଆପେୟାଃ ଆପୁ ଆବ୍ରାହାମ୍ ଆଇଁୟାଃ ହିଜୁଃ ହୁଲୀଙ୍ଗ୍‌କେ ନେନେଲ୍ ନାଗେନ୍ତେ ରାସ୍‌କାଅଃତାନାଏ ତାଇକେନା ଆଡ଼ଃ ଏନା ନେଲ୍‌କେଦ୍‌ତେ ରାସ୍‌କାୟାନାଏ ।”

୫୭ ଏନ୍ତେ ଯିହୁଦୀକ ଇନିଃକେ କାଜିକିୟାଃକ, “ଆମ୍‌କେଦ୍ ନାହାଁଃ ଜାକେଦ୍ ପାଚାଶ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍‌କେ ନେଲୀକାଇୟାମ୍ ?”

୫୮ ଯୀଶୁ ଇନ୍‌କୁକେ କାଜିକେଦକଆଏ, “ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଆବ୍ରାହାମ୍‌ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟାଁ ।”

୫୯ ଏନ୍ତେ ଇନ୍‌କୁ ଇନିଃକେ ଚିଦ୍‌ଗି ନାଗେନ୍ତେ ଦିରିକ ସାବ୍‌କେଦା, ମେନ୍ଦ ଯୀଶୁ ଉକୁକେଦ୍‌ତେ ମାନ୍‌ିର୍ ଅଡ଼ଃଏତେ ଅଡ଼ଙ୍ଗ୍‌ୟାନା ।

**୯**

ଯୀଶୁ ମିଆଁଦ୍ ଜାନାମ୍ କାଣ୍ଡାକେ ବୁଗି ତାନାଏ

୯ ଯୀଶୁ ସେନଃତାନ୍ ତାଇକେନ୍ ଇମ୍‌ତା ଜାନାମ୍‌ଏତେ କାଣ୍ଡାକାନ୍ ମିଆଁଦ୍ ହଡ଼କେ ନେଲ୍‌କିୟାଏ । ୨ ଆଡ଼ଃ ଇନିୟାଃ ତେଲୀକ ଇନିଃକେ କୁଲିକିୟାଃକ, “ହେ ଗୁରୁ, ଅକଏୟାଃ ପାପ୍ ଖାତିର୍ ନିଃ କାଣ୍ଡାକେଦ୍‌ତେ ଜାନାମ୍‌ୟାନାଏ ? ଚିୟାଃ ଆୟାଃ ପାପ୍‌ତେଗିଚି ଆୟାଃ ଏଙ୍ଗା ଆପୁକିନାଃ ?”

୩ ଯୀଶୁ କାଜିରୁହାଡ଼ାଦକଆଏ, “ଇନିୟାଃ କାଣ୍ଡାକାନ୍‌ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ କାହାଗି ମେନ୍ଦ ନିଃତାଃରେ ପାର୍‌ମେଶ୍ୱାର୍‌ଆଃ କାମି ଉଦୁବଃକା ମେନ୍ତେ ଇନିଃ କାଣ୍ଡାକେଦ୍‌ତେ ଜାନାମ୍ କାନାଏ । ୪ ସିଙ୍ଗି ତାଇନ୍ ତାଇନ୍‌ଗି ଆଇଙ୍ଗ୍‌କେ କୁଲିନିୟାଃ କାମି ଆବୁକେ କାମି ଲାଗାତିୟାଃ, ଅକ ଘାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍‌ଲେକାନ୍ ନିଦା ହିଜୁଃତାନା । ୫ ଆଇଙ୍ଗ୍ ଅତେଦିଶୁମ୍‌ରେ ତାଇନ୍ ଜାକେଦ୍ ଅତେଦିଶୁମ୍‌ରେନ୍ ମାର୍‌ୟାଲ୍ ତାନିଙ୍ଗ୍ ।”

୬ ନେୟାଁ କାଜିକେଦ୍‌ତେ ଯୀଶୁ ଅତେରେ ବେଏକ୍‌କେଦାଏ ଆଡ଼ଃ ଏନ୍ ବେଏକ୍‌ହାସାକେ ଲସ୍‌ଦ୍‌କେଦ୍‌ତେ ଏନ୍ ହଡ଼ରାଃ ମେଦ୍‌ରେ ଗସଃକେଦାଏ, ଆଡ଼ଃ ଇନିଃକେ ମେତାଇୟାଏ, ୭ “ଜୁ ସେନଃମେ ଆଡ଼ଃ ‘ଶିଲୋହ’\* ନୁହୁମ୍ ବାନ୍ଦାରେ

\* ୯:୫ ୯:୫ ମାଥୁର୍ ୫:୧୪; ଯୋହାନ୍ ୮:୧୨. \* ୯:୭ ୯:୭ ଶିଲୋହକୁଲୀକାନ୍‌ନିଃ



ଆରୁଙ୍ଗାଅଃମେ ।” ଇନିଃ ସେନଃୟାନ୍ତେ ଆରୁଙ୍ଗାୟାନାଏ ଆତଃ ନେନେଲ୍‌ତାନଲଃ  
ଅଡ଼ାଃତେ ହିଜୁଃୟାନାଏ ।

୮ ଏନାତେ ହପରଜାପାଃରେନ୍‌କ ଆତଃ ଅକନ୍‌କ ଇନିଃକେ ସିଦା କର୍ଷତାନ୍  
ନେଲ୍ୟାକାଇକ, କାଜିକେଦାଃକ “ଦୁବ୍‌କେଦ୍‌ତେ କର୍ଷତାନ୍ ତାଇକେନ୍‌ନିଃ ଚିୟାଃ ନିଃଗି  
ନାହାଲିଃ ?”

୯ ଚିମିନ୍‌କ କାଜିକେଦା, “ନିଃଗି ତାନିଃ” ଆତଃ ଏଗାଃକ କାଜିକେଦା, “ବାନଃ ନିଃ  
ଇନିଃଲେକାନିଃ ତାନିଃ ।”

ଏନାତେ ଇନିଃ ଆଇଃକ୍‌ଗି କାଜିକେଦାଏ, “ଆଇଙ୍ଗ୍ ଇନିଃଗି ତାନିଙ୍ଗ୍ ।”

୧୦ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ଚିଲ୍‌କାତେ ନାହାଁଃ ଆମ୍  
ନେଲ୍‌ଦାଡ଼ିତାନାମ୍ ?”

୧୧ ଇନିଃ କାଜିରୁହାଡ଼ାଦ୍‌କଆଏ, “ଏନ୍ ଯାଶୁ ନୁତୁମ୍ ହଡ଼ ବେଏକ୍‌ହାସାକେ  
ଲସଦ୍‌କେଦ୍‌ତେ ଆଇଙ୍ଗାଃ ମେଦ୍‌ରେ ଗସଃକେଦାଏ ଆତଃ ଶିଲୋହରେୟାଃ  
ବାନ୍ଦାତେ ସେନ୍‌କେଦ୍‌ତେ ଆରୁଙ୍ଗାଅଃମେ ମେତାଦିୟାଏ । ଏନ୍ତେ ଆଇଙ୍ଗ୍  
ସେନ୍‌କେଦ୍‌ତେ ଆରୁଙ୍ଗାୟାନ୍ ତରସା ନେଲ୍ ଦାଡ଼ିକେଦାଇଙ୍ଗ୍ ।”

୧୨ ଇନ୍‌କୁ ଇନିଃକେ କୁଲିକିୟାଃକ, “ଇନିଃ କତାଃରିୟା ?”

ଇନିଃ ମେତାଦ୍‌କଆଏ, “ଆଇଙ୍ଗ୍ କାଇଙ୍ଗ୍ ସାରିୟାଃ ।”

ଫାରୁଶୀକ ବୁଗିୟାଃ ବିଷାଏରେ ଦାଣାଁବାଡ଼ାକେଦାକ

୧୩ ଏନ୍ତେ ଜାନାମ୍‌ଏତେ କାଣାଁତାଇକେନ୍ ହଡ଼କେ ଇନ୍‌କୁ ଫାରୁଶୀକତାଃତେ  
ଇଦିକିୟାଃକ । ୧୪ ଯାଶୁ ଅକନ୍ ହୁଲାଇଁ ହାସା ଲସଦ୍‌କେଦ୍‌ତେ କାଣାଁ ହଡ଼ରାଃ  
ମେଦ୍ ବୁଗିକାଇତାଇକେନାଏ, ଏନା ରୁଡ଼ନ୍ ହୁଲାଇଁ ତାଇକେନା । ୧୫ ଏନାମେନ୍ତେ  
ଇନିଃ ଚିଲ୍‌କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଇନିଃକେ ଆତଃମିସା  
କୁଲିକିୟାଃକ । ଏନ୍ତେ ଇନିଃ ଇନ୍‌କୁକେ କାଜିୟାଦ୍‌କଆଏ, “ଇନିଃ ଆଇଙ୍ଗାଃ  
ମେଦ୍‌ରେ ଲସଦ୍ ହାସାକେ ଗସଃକେଦାଏ ଆତଃ ଆଇଙ୍ଗ୍ ଆରୁଙ୍ଗାୟାନାଇଙ୍ଗ୍ ଏନ୍ତେ  
ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୧୬ ଏନ୍ତେ ଫାରୁଶୀକଏତେ ଚିମିନ୍‌କ କାଜିକେଦା, “ନେୟାଁ କାମିକାଦ୍ ହଡ଼  
ପାର୍‌ମେଶ୍‌ପାଃଏତେ ନାହାଁଲିଃ, ଚିୟାଃଗି ଇନିଃଦ୍ ରୁଡ଼ନ୍ ହୁଲାଇଁକେ କାଏ  
ମାନାଡ଼ିଙ୍ଗ୍‌ତାନା ।”

ଆତଃ ଏଗାଃକ କାଜିକେଦା, “ପାପିହଡ଼ ଚିଲ୍‌କାତେ ନେ ଲେକାନ୍ ପେଡ଼େୟାନ୍  
କାମିକ କାମିଦାଡ଼ିୟାଏ ?” ଏନ୍ତେ ଆକଆଃ ଆଲାରେ ବିପିଙ୍ଗାଅୟାନାକ ।

୧୭ ଏନାମେନ୍ତେ ଫାରୁଶୀକ ଏନ୍ ହଡ଼କେ ଆତଃମିସା କୁଲିକିୟାଃକ, “ଆମାଃ ମେଦ୍  
ବୁଗିକେଦ୍‌ମେୟାଏ ଇନିଃୟାଃ ବିଷାଏରେ ଆମ୍ ଚିନାଃମ୍ ମେନେତାନା ?”

ଇନିଃ ମେତାଦ୍‌କଆଏ, “ଇନିଃ ମିଆଁଦ୍ ନାବୀ ତାନିଃ ।”

୧୮ ଇନିଃ କାଣାଁ ତାଇକେନାଏ ଆତଃ ନାହାଁଃ ନେଲ୍ ଦାଡ଼ିକେଦାଏ, ଏନ୍  
ମେଦ୍ ବୁଗିୟାକାନ୍ ହଡ଼ଆଃ ଏଙ୍ଗା ଆପୁକିନ୍‌କେ ଆଉରି କୁଲିକିନ୍ ଜାକେଦ୍  
ଯିହୁଦୀକଆଃ ହାକିମ୍‌କ କାକ ପାଡ଼ିୟାଃକେଦାଃ । ୧୯ ଆତଃ ଇନ୍‌କୁ ଇନ୍‌କିନ୍‌କେ  
କୁଲିକେଦ୍‌କିନାକ, “ମେଦ୍ କାଣାଁକେଦ୍‌ତେ ଜାନାମାକାନ୍ ହନ୍ ତାବେନାଃ ନିଃଗି  
ତାନିଃଗି ? ଚିଲ୍‌କାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୨୦ ଇନିଃୟାଃ ଏଙ୍ଗାଆପୁକିନ୍ ମେତାଦ୍‌କଆକିନ୍, “ଇନିଃ ଆଲିଙ୍ଗ୍‌ୟାଃ ହନ୍  
ତାନିଃ ଆତଃ ମେଦ୍ କାଣାଁକେଦ୍‌ତେ ଜାନାମାକାନ୍ ତାଇକେନାଏ ନେୟାଁଲିଙ୍ଗ୍  
ସାରିକାଦା, ୨୧ ମେନ୍‌ଦ୍ ଇନିଃ ଚିଲ୍‌କାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ୍  
ସାରିୟାଃ, ତାଏ ଅକଏ ଇନିଃୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ୍ ସାରିୟାଃ  
। ଇନିଃକେ କୁଲିପେ, ଇନିଃଦ୍ ସେୟାନାନ୍‌ଗିୟାଏ, ଆୟାଃ କାଜି ଆଇଃକ୍‌ଗି

କାଜିୟାଏ ।” ୨୨ ଇନିୟାଃ ଏକ୍ଷାଆପୁକିନ୍ ଯିହୁଦୀକଆଃ ହାକିମ୍ବକଆଃ ବରତେ ନେ ସବେନାଃକିନ୍ କାଜିକେଦା, ଚିୟାଃଚି ଜେତାଏ ଯୀଶୁକେ ମାସି ତାନିଃ ମେନ୍ତେ ମାନାତିଙ୍ଗ୍ରେଦ ଇନିଃ ସାମାଜ୍‌ଅଡ଼ାଃଏତେ ଆତମଃଆଏ ମେନ୍ତେ ଯିହୁଦୀକ ଆକ ଆକରେକ ରୋଜୋଟକାଦ୍ ତାଇକେନାକ । ୨୩ ଏନାମେନ୍ତେ ଇନିୟାଃ ଏକ୍ଷାଆପୁକିନ୍ କାଜିୟାଦକଆକିନ୍, “ଇନିଃ ସେୟାନାନ୍‌ଗିୟାଏ; ଇନିଃକେ କୁଲିପେ ।”

୨୪ ଏନ୍ତେ ଇନ୍‌କୁ ଏନ୍ ମେଦ୍ କାଣ୍ଟାକାନ୍ ହଡ଼କେ ଆତଃଃମିସା କେଡ଼ାକେଦ୍‌ତେ କାଜିକିୟାଃକ, ପାର୍‌ମେଶ୍ୱାର୍‌ଆଃ ଆୟାର୍‌ରେ କିରିୟାକେଦ୍‌ତେ ସାର୍‌ତି କାଜିମେ, “ଆଲେ ସାରିତାନାଲେ ଅକ ହଡ଼ ଆମ୍‌କେ ନେନେଲ୍ ନାଙ୍ଗ୍ ପେଡ଼େଃ ଏମାକାଦ୍‌ମେୟାଏ, ଇନିଃ ପାପିତାନିଃ ।”

୨୫ ଏନ୍ତେ ଇନିଃ କାଜିରୁହାଡ଼ାଦକଆଏ, “ଇନିଃ ପାପିହଡ଼ ତାନିଃ ଚାଏ ନାହାଁଲିଃ ଏନା କାଇଙ୍ଗ୍ ସାରିୟାଃ ? ମିଆଁଦ୍ କାଜି ସାରିତାନାଇଙ୍ଗ୍, ଆଇଙ୍ଗ୍ କାଣ୍ଟା ତାଇକେନାଇଙ୍ଗ୍, ଆତଃ ନାହାଁଃ ନେଲ୍ ଦାଡ଼ିତାନାଇଙ୍ଗ୍ ।”

୨୬ ଏନ୍ତେ ଇନ୍‌କୁ ଇନିଃକେ ଆତଃଃଗି କୁଲିକିୟାଃକ, “ଇନିଃ ଚିକ୍‌ନାଃ ଚିକାକେଦ୍‌ମେୟାଏ ? ଆତଃ ଚିଲ୍‌କାତେ କାଣ୍ଟାକାନ୍ ମେଦ୍‌ତାମାଃ ବୁଗିକେଦ୍‌ମେୟାଏ ?”

୨୭ ଇନିଃ ଇନ୍‌କୁକେ ମେତାଦକଆଏ, “ଆଇଙ୍ଗ୍ ସିଦାରେ ଆପେକେ କାଜିୟାଦ୍‌ପେୟାଇଙ୍ଗ୍, ଆତଃ ଆପେ କାପେ ଆୟୁମକେଦାଃ, ଚିନାଃ ମେନ୍ତେ ଆତଃଃଗି ଆୟୁମ୍ ସାନାଙ୍ଗ୍‌ତାନାପେ ? ଚିୟାଃ ଆପେୟଚି ଇନିୟାଃ ତେଲା ବାଇୟଃ ସାନାଙ୍ଗ୍‌ତାନାପେ ?”

୨୮ ଏନ୍ତେ ଇନ୍‌କୁ ଇନିଃକେ ସାର୍‌ପାଅକେଦ୍‌ତେ କାଜିକିୟାଃକ, “ଆମ୍ ଇନିୟାଃ ତେଲା ତାନ୍‌ମେ ମେନ୍‌ଦ୍ ଆଲେ ମୁଶାରାଃ ତେଲାକ ତାନ୍‌ଲେ । ୨୯ ମୁଶାଲଃ ପାର୍‌ମେଶ୍ୱାର୍ ଜାଗାର୍‌ତାନ୍ ତାଇକେନାଏ ନେୟାଲେ ସାରିତାନା ମେନ୍‌ଦ୍ ନିଃ କତାଃଏତେ ହିଜୁଃକାନାଏ, ଏନା କାଲେ ସାରିୟାଃ ।”

୩୦ ଏନ୍ ହଡ଼ ଇନ୍‌କୁକେ କାଜିରୁହାଡ଼ାଦକଆଏ, “ଇନିଃ କତାଃଏତେ ହିଜୁଃକାନାଏ ଏନା କାପେ ସାରିୟାଃ ଆତଃ ଇନିଃ ଆଇଁୟାଃ ମେଦ୍ ବୁଗିକେଦିୟାଏ, ନେୟାଦ୍ ଆକ୍‌ଦାନ୍‌ଅ କାଜିତାନାଃ । ୩୧ ପାର୍‌ମେଶ୍ୱାର୍ ପାପିକଆଃ ବିନ୍ତି କାଏ ଆୟୁମାଃ, ନେୟାବୁ ସାରିତାନା, ମେନ୍‌ଦ୍ ଜେତାଏ ପାର୍‌ମେଶ୍ୱାର୍‌କେ ସୁସାରିରେଦ୍ ଆତଃ ଆୟାଃ ମନେଲେକାତେ ସେସେନ୍‌ରେଦ୍ ଇନିୟାଃ ବିନ୍ତି ଆୟୁମେୟାଏ । ୩୨ ଅତେଦିଶ୍ୱମରେୟାଃ ମୁନ୍‌ଏତେ ଜେତାଏ ହଡ଼ ଜାନାମ୍‌କାଣ୍ଟାକେ ବୁଗିତେୟାଃ, ଚିଉଲାହ୍ କା ଆୟୁମ୍‌କାନା । ୩୩ ନେ ହଡ଼ ପାର୍‌ମେଶ୍ୱାର୍‌ତାଃଏତେ କାଏ ହିଜୁଃକାନ୍‌ରେଦ୍ ଚିଉଲାହ୍ ଜେଡ଼ନାଃ କାଏ କାମି ରିକାଦାଡ଼ିତେୟାଃ ।”

୩୪ ଇନ୍‌କୁ ଇନିଃକେ କାଜିରୁହାଡ଼କିୟାଃକ, “ଆମ୍‌ଦ୍ ପାପ୍‌ରେ ଜାନାମ୍‌କେଦ୍‌ତେ ପାପ୍‌ରେ ମେନାମେଆ ଆତଃ ଆମ୍‌ଚି ଆଲେକେ ଇତୁ ସାନାଙ୍ଗ୍‌ତାନାମ୍ ?” ଏନ୍ତେ ଇନ୍‌କୁ ଇନିଃକେ ସାମାଜ୍‌ଅଡ଼ାଃଏତେ ବାହାରି ଅତଙ୍ଗ୍‌କିୟାଃକ ।

ଆମ୍‌କ୍ ଜୀଝାନ୍‌ରେ କାଣ୍ଟାକାନ୍‌ନିଃ

୩୫ ଇନ୍‌କୁ ଇନିଃକେ ସାମାଜ୍‌ଅଡ଼ାଃଏତେ ବାହାରି ଅତଙ୍ଗ୍‌କିୟାଃକ, ନେୟା ଯୀଶୁ ଆୟୁମ୍‌କେଦ୍‌ତେ ଇନିଃକେ ନେଲ୍‌ନାମ୍‌ତାଇଲଃ କୁଲିକିୟାଏ, “ଚିୟାଃ ଆମ୍ ମାନଝାହନ୍‌ତାଃରେ ବିଶ୍ୱାସେତାନାମ୍ ?”

୩୬ ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ, ଇନିଃ ଅକଏ ତାନିଃ କାଜିମେ, ଆଇଙ୍ଗ୍‌ଦ୍ ଇନିଃରେ ବିଶ୍ୱାସେଆଇଙ୍ଗ୍ ।”

୩୭ ଯୀଶୁ ଇନିଃକେ କାଜିକିୟାଏ, “ଆମ୍ ଇନିଃକେ ନେଲ୍ଲକାକୟାମ୍, ଆତଃ ଇନିଃ ଆମାଃଲଃ ଜାଗାର୍ତାନିଃଗି ତାନିଃ ।”

୩୮ ଏନ୍ତେ ଇନିଃ “ହେ ପ୍ରାଭୁ, ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍” ମେତାଇୟାଏ ଆତଃ ଇନିଃକେ ଅମ୍ବାଃକେଦ୍ତେ ଜହାର୍କିୟାଏ ।

୩୯ ଯୀଶୁ ମେତାଇୟାଏ, “ହଡ଼କଆଃ ବିଚାର୍ ନାଗେନ୍ତେ ଆଇଙ୍ଗ୍ ଅତେଦିଶ୍ୱମ୍ତେ ହିଜୁଆକାନାଇଙ୍ଗ୍ ।” କା ନେଲ୍ତାନକ୍ ନେଲେୟାକ୍ ଆତଃ ନେନେଲ୍ତାନକ୍ କାଣ୍ଡାଃ । ୪୦ ଇନିଃଲଃ ତାଇକେନ୍ ଫାରୁଣୀକ୍ ନେୟା ଆୟୁମ୍କେଦ୍ତେ ମେନ୍କେଦାଃକ, “ଚିୟାଃ ଆଲେୟଚି କାଣ୍ଡାକାନାଲେ ?” ୪୧ ଯୀଶୁ ଇନ୍କୁକେ କାଜିୟାଦକଆଏ, “ଆପେ କାଣ୍ଡାକାନରେଦ୍ ଆପେୟାଃ ପାପ୍ କା ତାଇନ୍ତେୟାଃ, ମେନ୍ଦ୍ ଆଲେ ନେଲେତାନାଲେ, ନେୟା ନାହାଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଃତାନା ।”

### ୧୦

#### ମିଶ୍ଟିଗୁପିନିୟାଃ ଜନ୍କା କାଜି

୧ ଯୀଶୁ କାଜିକେଦାଏ, “ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଜେତାଏ ଦୁଆର୍ହରା ମିଶ୍ଟିଅଡ଼ାଃରେ କା ବଲଃନିଃ ମେନ୍ଦ୍ ଏଟାଃସାଃଏତେ ରାକାଦ୍କେଦ୍ତେ ବଲଃନିଃ, କୁମ୍ବୁଡୁ ଆତଃ ରେରେଃକ୍ନିଃ ତାନିଃ । ୨ ଦୁଆର୍ହରା ବଲଃନିଃ ମିଶ୍ଟିକଆଃ ଗୁପିନିଃ ତାନିଃ । ୩ ଇନିୟାଃ ନାଗେନ୍ତେ ଦୁଆର୍ ହରନିଃ ଦୁଆର୍ ନିଜେୟାଏ ଆତଃ ଇନିଃ ଆୟାଃ ମିଶ୍ଟିକକେ ନୁଡୁମ୍ ସାଦ୍କେଦ୍ତେ ହାକାଅକରେ ମିଶ୍ଟିକ ଇନିୟାଃ କାଜିକ ଆୟୁମାଃ ଆତଃ ଇନିଃ ବାହାରି ଅତଙ୍ଗ୍ଇଦିକଆଏ । ୪ ଆତଃ ଆୟାଃ ସବେନ୍ ମିଶ୍ଟିକକେ ବାହାରି ଅତଙ୍ଗ୍କେଦ୍ତେ ଇନ୍କୁଆଃ ଆୟାର୍ ଆୟାର୍ରେ ସେସେନାଏ ଆତଃ ମିଶ୍ଟିକ ସବେନ୍ ଆୟାଃ ଦୟା ଦୟାତେକ୍ ଅତଙ୍ଗ୍ଇୟା ଚିୟାଃଚି ଇନ୍କୁଦ୍ ଇନିୟାଃ ଲାଦ୍ଜାକ ସାରିୟାଃ । ୫ ମେନ୍ଦ୍ ଇନ୍କୁ ଏଟାଃନିଃକେ ଚିଉଲ୍ଲାହ୍ କାକ୍ ଅତଙ୍ଗ୍ଇୟା ମେନ୍ଦ୍ ଇନିଃତାଃଏତେ ସାଜିନ୍ତେକ୍ ନିରାଃ, ଚିୟାଃଚି ଇନ୍କୁଦ୍ ଇନିୟାଃ ଲାଦ୍ଜାକ କାକ୍ ସାରିୟା ।”

୬ ଯୀଶୁ ନେ ଜନ୍କା କାଜି କାଜିୟାଦକଆଏ, ମେନ୍ଦ୍ ଇନ୍କୁ ଇନିୟାଃ କାଜିକେଦ୍କାଜି ଚିନାଃତାନାଃ ଏନା କାକ୍ ମୁଶ୍ଟିୟାନା ।

#### ବୁଗିନ୍ ମିଶ୍ଟିଗୁପିନିଃ ଯୀଶୁ

୭ ଏନ୍ତେ ଯୀଶୁ ଆତଃମିସା କାଜିୟାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍, ମିଶ୍ଟିକଆଃ ଦୁଆର୍ ଆଇଙ୍ଗ୍ ତାନିଙ୍ଗ୍ । ୮ ଆଇୟାଃଏତେ ସିଦାରେ ହିଜୁଆକାନ୍ ସବେନ୍କ୍ କୁମ୍ବୁଡୁ ଆତଃ ରେରେଃକ୍ନକ୍ ତାନ୍କୁ ମେନ୍ଦ୍ ମିଶ୍ଟିକ ଇନ୍କୁଆଃ କାଜି କାକ୍ ଆୟୁମ୍କେଦା । ୯ ଦୁଆର୍ ଆଇଙ୍ଗ୍ ତାନିଙ୍ଗ୍, ଜେତାଏ ଆଇୟାଃ ହରାତେ ବଲ୍ରେଦ୍ ଇନିଃ ବାସ୍ତାଅଃଆଏ, ଇନିଃ ଭିତାର୍ତେ ଅତଙ୍ଗ୍ ବଲଃରେ ଚାରା ନାମେଗିୟାଏ । ୧୦ କୁମ୍ବୁଡୁ କୁମ୍ବୁଡୁ ଗଗଏଃ ଆତଃ ଜିୟନ୍ ନାଗେନ୍ତେ ଏସକାର୍ ହିଜୁଆଏଃ, ମେନ୍ଦ୍ ଇନ୍କୁ ଜୀଦାନ୍କ୍ ନାମେକା, ଆଦକାଗି ନାମେକା ମେନ୍ତେଇଙ୍ଗ୍ ହିଜୁଆକାନା ।

୧୧ “ଆଇଙ୍ଗ୍ ଏନ୍ ବୁଗିନ୍ ଗୁପିନିଃ ତାନିଙ୍ଗ୍, ବୁଗିନ୍ ଗୁପିନିଃ ମିଶ୍ଟିକ ନାଗେନ୍ତେ ଆୟାଃ ଜୀଉ ଏମେୟାଏ । ୧୨ ଅକଏ ଗୁପିନିଃ ନାହାଲିଃ, ଇନିଃଦ୍ ନାଲାନାମ୍ନିଃ ତାନିଃ ଆତଃ ମିଶ୍ଟିକ ଆୟାଃ ନାହାଲିଃକ୍ ଏନାମେନ୍ତେ ଇନିଃ ହୁଣ୍ଡାର୍ ହିଜୁଃତାନ୍ ନେଲ୍କେଦ୍ତେ ମିଶ୍ଟିକକେ ନିର୍ ବାଗିତାକୁଆଏ ଆତଃ ହୁଣ୍ଡାର୍ ମିଶ୍ଟିକକେ ରେଃକ୍କେଦ୍ତେ ଛିତିବିତି ତାକଆଏ । ୧୩ ଏନ୍ ହଡ଼ ନିର୍ ବାଗିତାକୁଆଏ, ଚିୟାଃଚି ଇନିଃ ନାଲାନାମ୍ନିଃ ତାନିଃ ଆତଃ ମିଶ୍ଟିକ ନାଗେନ୍ତେ କାଏ ଉଡ଼୍ଝୟା । ୧୪ \*ଆଇଙ୍ଗ୍ ବୁଗିନ୍ ଗୁପିନିଃ

\* ୧୦:୧୪ ୧୦:୧୪ ମାଥ୍ୱଇ ୧୧:୨୭; ଲୁକ ୧୦:୨୨.

ତାନିଙ୍କୁ, ଜେ'ଲେକା ଆପୁଇଙ୍କୁ ଆଇଙ୍କୁକେ ସାରିୟାଏ ଆତଃ ଆଇଙ୍କୁ ଆପୁଇଙ୍କୁକେ ସାରିୟାଇଙ୍କୁ, <sup>୧୫</sup> ଏନ୍‌ଲେକାଗି ଆଇଙ୍କୁ ଆଇଁୟାଃ ମିଣ୍ଡିକକେ ସାରିୟାଇଙ୍କୁ ଆତଃ ଆଇଁୟାଃ ମିଣ୍ଡିକ ଆଇଙ୍କୁକେ ସାରିୟାଃକ । ଆଇଙ୍କୁ ମିଣ୍ଡିକ ନାଗେନ୍ତେ ଆଇଁୟାଃ ଜୀଉ ଏମ୍ ନାଗେନ୍ତେ ସେକାଡ଼ାକାନାଇଙ୍କୁ । <sup>୧୬</sup> ଆଇଁୟାଃ ଆତଃଗି ଏଟାଃ ମିଣ୍ଡିକ ମେନାକଆ, ଇନ୍‌କୁ ନେ ମିଣ୍ଡିଅଡ଼ାଃରେନ୍ ନାହାଁଲାଃକ । ଇନ୍‌କୁକେହଗି ଆଇଙ୍କୁକେ ଆଉ ଲାଗାତିୟାଃ ଆତଃ ଇନ୍‌କୁ ଆଇଁୟାଃ ଲାବ୍‌ଜାକ ଆୟୁମେୟା ଏନ୍ତେ ମିଆଁଦ୍ ଗୋଟ୍ ଆତଃ ମିଆଁଦ୍ ଗୁପିନିଃ ତାଇନାଃଏ ।

<sup>୧୭</sup> “ଆଇଙ୍କୁ ଆଇଁୟାଃ ଜୀଉକେ ଏମ୍‌କେଦ୍ ହରାତେ ଆପୁ ଆଇଙ୍କୁକେ ଦୁଲାଡ଼ିଙ୍କୁ ତାନାଏ, ଆତଃ ଆଇଙ୍କୁ ଆଇଁୟାଃ ଜୀଉକେ ଆତଃମିସା ନାମରୁହାଡ଼େ ନାଗେନ୍ତେ ଏମେତାନିଙ୍କୁ । <sup>୧୮</sup> ଜେତାଏ ଆଇଁୟାଃ ଜୀଉକେ ଆଇଙ୍କୁତାଃଏତେ କାକ ଇଦିୟା ମେନ୍‌ଦ୍ ଆଇଙ୍କୁ ଆଇଙ୍କୁତେଗି ଏନାକେ ଏମାଃଇଙ୍କୁ । ଏନାକେ ଏମ୍ ଆତଃ ଇଦି ରୁହାଡ଼ରେୟାଃ ଆକ୍‌ତେୟାର୍ ଆଇଁୟାଃ ମେନାଃ । ନେ ଆନ୍‌ତୁ ଆଇଙ୍କୁ ଆପୁଇଙ୍କୁତାଃଏତେ ନାମ୍‌କାଦାଇଙ୍କୁ ।”

<sup>୧୯</sup> ଆତଃଗି ନେ କାଜି ନାଗେନ୍ତେ ଯିହୁଦୀକ ବିପିଙ୍ଗାଅ\* ଯାନାକ । <sup>୨୦</sup> ଇନ୍‌କୁଏତେ ପୁରାଃକ କାଜିକେଦା, “ଇନିଃକେ ବଙ୍ଗା ଏସେରକିୟାଏ, ଆତଃ ଇନିଃ ବାଲୁଅଃତାନାଏ, ଇନିୟାଃ କାଜି ଚିନାଃ ମେନ୍ତେପେ ଆୟୁମେତାନା ?”

<sup>୨୧</sup> ମେନ୍‌ଦ୍ ଏଟାଃକ କାଜିକେଦା, “ବାନଃଗି ବଙ୍ଗା ଏସେରକାଇ ହଡ଼ ନେ ଲେକା କାଏ କାଜିୟା, ଚିୟାଃ ବଙ୍ଗା ମେଦ୍ କାଗାଁକାନ୍‌ନିଃକେ ବୁଗି ଦାଡ଼ିୟାଏ ?”

**ୟୀଶୁକେ କାକ ଦାରମ୍‌କିୟା**

<sup>୨୨</sup> ଏନ୍ତେ ଯୀରୁଶାଲେମ୍ ମାନ୍ଦିରୁଅଡ଼ାଃକେ ପାର୍‌ମେଶ୍ୱାର୍‌ତାଃରେ ଜିମାଅଃରେୟାଃ ପାରାବ୍ ସେଟେରୁୟାନା ଆତଃ ଏନା ରାବାଙ୍କୁ ସାହା ତାଇକେନା । <sup>୨୩</sup> ଆତଃ ଯୀଶୁ ମାନ୍ଦିରୁ ଅଡ଼ାଃରେ ସୁଲିମାନ୍ ନୁତୁମ୍ ପିଣ୍ଡିଗିରେ ହନରୁତାନ୍ ତାଇକେନାଏ । <sup>୨୪</sup> ଏନ୍ତେ ଯିହୁଦୀକ ଇନିଃକେ ହୁଣ୍ଡି ବିୟୁରକିଃତେ କାଜିକିୟାଃକ, “ଆମ୍ ଆଲେକେ ଚିମିନ୍ ଜାକେଦ୍ ଆଲେୟାଃ ମନ୍‌ରେ ଆଡ଼ାଃଉଡ଼ୁରେମ୍ ଦହଲେୟା ? ଆମ୍ ମାସି ତାନ୍‌ମେରେଦ୍ ଆଲେକେ କାଜିୟାଲେମେ ।”

<sup>୨୫</sup> ଯୀଶୁ ଇନ୍‌କୁକେ କାଜିରୁହାଡ଼ାଦକଆଏ, “ଆଇଙ୍କୁ ଆପେକେ ସିଦାରେ କାଜିୟାଦ୍‌ପେୟାଇଙ୍କୁ, ମେନ୍‌ଦ୍ ଆପେ କାପେ ପାଡ଼ିୟାରେତାନା । ଆପୁଇଁୟାଃ ନୁତୁମ୍‌ତେ ପେଡ଼େୟାନ୍ କାମିକ ଆଇଙ୍କୁ କାମିକାଦ୍ କାମି ଆଇଁୟାଃ ଗାଞ୍ଜା ଏମେତାନାଏ । <sup>୨୬</sup> ମେନ୍‌ଦ୍ ଆପେ ଆଇଁୟାଃ ମିଣ୍ଡିକ ନାହାଁଲାପେ ମେନ୍ତେ କାପେ ପାଡ଼ିୟାରେତାନା । <sup>୨୭</sup> ଆଇଁୟାଃ ମିଣ୍ଡିକ ଆଇଁୟାଃ ଲାବ୍‌ଜାକ ଆୟୁମାଃ ଆତଃ ଆଇଙ୍କୁ ଇନ୍‌କୁକେଇଙ୍କୁ ସାରିୟାଃ, ଏନ୍ତେ ଇନ୍‌କୁ ଦୟା ଦୟାତେକ ଅତଙ୍ଗୁଇଁୟା । <sup>୨୮</sup> ଆତଃ ଆଇଙ୍କୁ ଇନ୍‌କୁକେ ଜାନାଅ ଜାନାଅରେୟାଃ ଜୀଦାନ୍ ଏମାଃଇଙ୍କୁ, ଆତଃ ଇନ୍‌କୁ ଚିଉଲାହ କାକ ଜିୟନଃଆ; ଆଇଁୟାଃ ତିଃଇଏତେ ଇନ୍‌କୁକେ ଜେତାଏ କାକ ରେଃକ୍‌ଇଦି ଦାଡ଼ିୟାଃ । <sup>୨୯</sup> ଆପୁଇଙ୍କୁ ଅକ୍‌ନାଃ ଏମାକାଦିୟାଃଏ ଏନା ସବେନାଃଏତେ ମାରାଙ୍ଗୁଆଃ ଆତଃ ଇନ୍‌କୁକେ ଆପୁଆଃ ତିଃଇଏତେ ଜେତାଏ କାକ ରେଃକ୍‌ଇଦି ଦାଡ଼ିୟା । <sup>୩୦</sup> ଆଇଙ୍କୁ ଆତଃ ଆପୁଇଙ୍କୁ ମିଆଁଦ୍‌ଗି ତାନ୍‌ଲିଙ୍କୁ ।”

<sup>୩୧</sup> ନେ କାଜି ଆୟୁମ୍‌କେଦ୍‌ତେ, ଯିହୁଦୀକ ଇନିଃକେ ଚିଦ୍‌ଗି ନାଗେନ୍ତେ ଆତଃମିସା ଦିରିକ ହାଲାଙ୍ଗୁକେଦାଃ । <sup>୩୨</sup> ମେନ୍‌ଦ୍ ଯୀଶୁ ଇନ୍‌କୁକେ କାଜିୟାଦକଆଏ, “ଆଇଙ୍କୁ ଆପୁତାଃଏତେ ପୁରାଃ ବୁଗିନ୍ କାମିକ ଆପେକେଇଙ୍କୁ ଉଦୁବାଦ୍‌ପେୟା, ଏନାଏତେ ଅକ କାମି ନାଗେନ୍ତେ ଚିଦ୍‌ଗିଙ୍ଗୁତାନାପେ ?”

\* ୧୦:୧୯ ୧୦:୧୯ କାଜି କା ମେସାଅଃତେୟାଃ

୩୩ ଯିହୁଦୀକ ଇନିଃକେ କାଜିରୁହାଡ଼କିୟାଃକ, “ଆଲେ ଆମ୍ଭେ ବୁଗିନ୍ କାମି ନାଗେନ୍ତେ ଦିରି କାଲେ ଚିଦ୍‌ଗିମ୍‌ତାନା ମେନ୍‌ଦ ପାର୍‌ମେଶ୍ୱାର୍‌କେ ନିନ୍ଦାକତାନ୍ ନାଗେନ୍ତେ ଆଡ଼ ଆମ୍ ହଡ଼ ତାନ୍‌ମେରେୟ ପାର୍‌ମେଶ୍ୱାର୍ ମେନ୍ତେ କାଜିନ୍‌ତାନାମ୍ ଏନାମେନ୍ତେ ଦିରି ଚିଦ୍‌ଗିମେତାନାଲେ ।”

୩୪ ଯୀଶୁ ଇନକୁକେ କାଜିରୁହାଡ଼ାଦ୍‌କଆଏ, “ଆପେୟାଃ ଆନ୍‌ରୁ ପୁଅରେ ପାର୍‌ମେଶ୍ୱାର୍ ମେନ୍‌କେଦାଏ, “ଆପେ ପାର୍‌ମେଶ୍ୱାର୍‌କ ତାନ୍‌ପେ ।” ୩୫ ଆଲେ ସାରିଆଃଲେ ପାର୍‌ମେଶ୍ୱାର୍‌ଆଃ ବାତାନ୍ ଜାନାଅ ସାର୍‌ତିଗିଆ, ପାର୍‌ମେଶ୍ୱାର୍‌ଆଃ କାଜି ଉଦ୍‌ବଲେନ୍‌କକେ ପାର୍‌ମେଶ୍ୱାର୍‌କ ତାନ୍‌ପେ ମେତାକତାନ୍‌ରେଦ ଆଡ଼ ଧାରାମ୍‌ପୁଅରେୟାଃ କାଜି କା ଆତମ୍‌ଦାଡ଼ିୟାଃ । ୩୬ ଆପୁ ପାର୍‌ମେଶ୍ୱାର୍ ଆଇଙ୍ଗ୍‌କେ ସାଲ୍‌କେଦ୍‌ତେ ପାବିତାର୍ କାମି ନାଙ୍ ଜିମାଇଙ୍ଗ୍‌ତାନ୍‌ଲଃ ନେ ଅତେଦିଶ୍ୱମ୍‌ତେ କୁଲ୍‌କାଦିୟାଁ । ଆଇଙ୍ଗ୍‌ଦ ପାର୍‌ମେଶ୍ୱାର୍‌ଆଃ ହନ୍ ତାନିଙ୍ଗ୍ ମେନ୍ତେ କାଜିକେଦାଃଇଙ୍ଗ୍, ଏନାତେଚି ଆପେ ଆମ୍ ପାର୍‌ମେଶ୍ୱାର୍‌କେମ୍ ନିନ୍ଦାକତାନା ମେନ୍ତେପେ କାଜିୟାଇଙ୍ଗ୍‌ତାନା ? ୩୭ ଆପୁଆଃ କାମିକ କାଇଙ୍ଗ୍ କାମିତାନ୍‌ରେଦ ଆଲ୍‌ପେ ପାତିୟାର୍‌ରିଙ୍ଗ୍ । ୩୮ ମେନ୍‌ଦ ଆଇଙ୍ଗ୍ ଇନିୟାଃ ମନେଲେକା କାମିତାନ୍‌ରେଦ ଆଇଙ୍ଗ୍‌କେ କାପେ ପାତିୟାର୍‌ରେହଗି ଆଇଁୟାଃ ପେଡ଼େୟାନ୍‌କାମିକେ ବିଶ୍ୱାସେପେ, ଏନ୍ତେ ଆପୁ ଆଇଁୟାଃରିୟା ଆଡ଼ ଆଇଙ୍ଗ୍ ଆପୁରିୟାଁ ନେଆଁ ଆପେ ଇଡୁଆଃ ଆଡ଼ ଆଟ୍‌କାର୍‌ଉରୁମେଆ ।”

୩୯ ଏନ୍ତେ ଆଡ଼ମିସା ଯିହୁଦୀକ ଯୀଶୁକେ ସାସାଦ୍‌ନାଗେନ୍ତେ ସାନାଙ୍‌କେଦାଃକ, ମେନ୍‌ଦ ଇନକୁଆଃ ତିଃଇଏତେ ଅଡ଼ଙ୍‌ୟାନା ।

୪୦ ଏନ୍ତେ ଯୀଶୁ ଆଡ଼ଗି ଯାଦାନ୍ ହାନ୍‌ପାରମ୍ ଯୋହାନ୍ ସିଦା ବାପ୍ତିସ୍ମା ଏମାକତାନ୍ ତାଇକେନ୍ ଠାୟାଦ୍‌ତେ ସେନଃୟାନାଏ ଆଡ଼ ଏନ୍ତାଃରେ ତାଇନ୍‌ୟାନାଏ । ୪୧ ଆଡ଼ ପୁରାଃ ହଡ଼କ ଇନିଃତାଃତେକ ହିଜୁଃୟାନା ଆଡ଼ ଯୋହାନ୍‌ଦ ଜେତାନ୍ ପେଡ଼େୟାନ୍ କାମି କାଏ କାମିକେଦାଃ, ମେନ୍‌ଦ ଯୋହାନ୍ ଇନିୟାଃ ବିଷାଏରେ କାଜିକାଦ୍ ସବେନାଃ ସାର୍‌ତିଗି ତାନାଃ । ୪୨ ଆଡ଼ ଏନ୍ତାଃରେ ପୁରାଃ ହଡ଼କ ଇନିଃରେକ ପାତିୟାର୍‌କେଦାଃ ।

## ୧୧

### ଲାଜାର୍‌ରାଃ ଗନଏଃ

୧ ଏବେଅନିଆରେନ୍ ମିଆଁଦ୍ ଲାଜାର୍ ନୁଡୁମ୍ ହଡ଼ ଉରିୟୁତେ ଦୁକୁତାନ୍ ତାଇକେନାଏ । ମାରିୟାମ୍ ଆଡ଼ ଆୟାଃ ମିଗି ମାର୍ଥା ବାରାନ୍‌କିନ୍ ଏନ୍ ସାହାର୍‌ରେ ତାଇନ୍ ତାଇନାକିନ୍ । ୨ ଅକନ୍ କୁଡ଼ିଚି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁନ୍‌ମ୍ ଗସକିୟାଏ, ଆଡ଼ ଇନିୟାଃ କାଟାକେ ଆୟାଃ ଉଦ୍‌ତେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆଡ଼ ଆୟାଃ ହାଗାତେ ଲାଜାର୍ ଉରିୟୁତାନାଏ ତାଇକେନାଏ । ୩ ଏନ୍ତେ ଏନ୍ ମିଗିକିନ୍ ଯୀଶୁତାଃତେ କାଜିକୁଲ୍‌କେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲ୍‌ଡ଼ିତାନ୍‌ନିଃ ଉରିୟୁତାନାଏ ।”

୪ ଯୀଶୁ ନେୟାଁ ଆୟୁମ୍‌କେଦ୍‌ତେ କାଜିକେଦାଃଏ, “ନେ ଦୁକୁ ଲାଜାର୍‌ଆଃ ଗନଏଃ ନାଗେନ୍ତେଦ କାହା, ମେନ୍‌ଦ ପାର୍‌ମେଶ୍ୱାର୍‌ଆଃ ମାଇନାନ୍ ନାଗେନ୍ତେ ଆଡ଼ ଏନାତେ ପାର୍‌ମେଶ୍ୱାର୍‌ଆଃ ହନ୍ ମାଇନାନ୍‌ନଃକାଏ ମେନ୍ତେ ଏନା ହବାକାନା ।”

୫ ଯୀଶୁଦ ମାର୍ଥା ଆଡ଼ ଇନିୟାଃ ମିଗିତେ ମାରିୟାମ୍‌କେ ଆଡ଼ ଲାଜାର୍‌କେ ଦୁଲ୍‌ଡ଼ିକତାନ୍ ତାଇକେନାଏ । ୬ ଲାଜାର୍ ଉରିୟୁତେ ଦୁକୁତାନାଏ ତାଇକେନା ନେୟାଁ ଆୟୁମ୍‌କେଦ୍ ରେହଁ ଯୀଶୁ ତାଇକେନ୍ ଠାୟାଦ୍‌ତାଃରେ ଆଡ଼ ବାର୍‌ସିଙ୍ଗ୍

୪ ୧୦:୪୦ ୧୦:୪୦ ଯୋହାନ୍ ୧:୨୮.    ୫ ୧୧:୧ ୧୧:୧ ଲୁକ ୧୦:୩୮, ୩୯.    ୬ ୧୧:୨ ୧୧:୨ ଯୋହାନ୍ ୧୨:୩.

ତାଙ୍କୁ ଯାହା ଦେଖିବି ତାହା ଦେଖିବି । ୭ ଏବଂ ଯୀଶୁ ଆୟାଃ ଚେଲାକଙ୍କେ କାଜିୟାଦକଆଏ, “ଦଲା ଯିହୁଦା ନାଗାବତେବୁ ସେନ୍‌ରୁହାଡ଼ାଃ ।”

୮ ଚେଲାକ ଯୀଶୁଙ୍କେ କାଜିକିୟାଃକ, “ହେ ଗୁରୁ, ଚିମିନ୍ ମାହାଁ ସିଦାରେ ଆମ୍‌ଙ୍କେ ଯିହୁଦୀକ ଦିରି ଚିଦ୍‌ଗିନାଙ୍ଗକ ସାନାଙ୍ଗ ତାକକେନା, ହଲେହ୍ ଆମ୍‌ଙ୍କେ ଏନ୍ତାଃତେ ଆଡ଼ଃଗି ସେନଃ ସାନାଙ୍ଗ୍‌ମେଁ ତାନା ?”

୯ ଯୀଶୁ କାଜିରୁହାଡ଼ାଦକଆଏ, “ସିଙ୍ଗିସାଗୁବ୍‌ରେ ବାରା ଘାଣ୍ଟା ବାନଆଃତି ? ଜେତାଏ ସିଙ୍ଗିମାସ୍ତାଲ୍‌ରେ ସେସେନ୍‌ରେଦ କାଏ ତହଦଃଆ, ଚିୟାଃତି ଇନିଃ ନେ ଅତେଦିଶୁମ୍‌ରାଃ ମାସ୍ତାଲ୍‌କେ ନେଲାଏଃ । ୧୦ ମେନ୍‌ଦ ଜେତାଏ ନିଦାରେ ସେସେନ୍‌ରେଦ ଇନିଃ ତହଦଃଆଏ, ଚିୟାଃତି ଇନିୟାଃ ମାର୍‌ଆଲ୍ ବାନଆଃ ।” ୧୧ ନେୟାଁ କାଜିକେଦ୍ ତାୟମ୍‌ତେ ଯୀଶୁ ଆୟାଃ ଚେଲାକଙ୍କେ ଆଡ଼ଃଗି ମେତାଦକଆଏ, “ଆବୁଆଃ ଗାତି ଲାଜାର୍ ଦୁଡ଼଼ାକାନାଏ, ମେନ୍‌ଦ ଆଇଙ୍ଗ୍ ଇନିଃକେ ଏୟନ୍‌ନାଙ୍ଗ୍ ସେନ୍‌ତାନାଇଙ୍ଗ୍ ।”

୧୨ ଚେଲାକ ଯୀଶୁଙ୍କେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ଼଼ାକାନ୍‌ରେଦ ବୁଗିୟଃଆଏ ।”

୧୩ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍‌ଦ ଚେଲାକ ସାର୍‌ତିଗି ଦୁଡ଼଼ାକାନାଏ ମେନ୍ତେକ ଆଟ୍‌କାରକେଦାଃ । ୧୪ ଏନାତେ ଯୀଶୁ ଇନ୍‌କୁକେ “ଲାଜାର୍ ଗଏଃୟାନାଏ ମେତାଦକଆଏ । ୧୫ ଆଡ଼ଃ ଆପେୟାଃ ନାଗେନ୍ତେ ଆଇଙ୍ଗ୍ ଏନ୍ତାଃରେ କା ତାକକେଦ୍‌ତେ ରାସ୍‌କାଆଃ ତାନାଇଙ୍ଗ୍, ଜେ'ଲେକା ଆପେ ପାଡ଼ିୟାରେୟାପେ, ମେନ୍‌ଦ ଦଲା ଇନିଃକେ ନେଲ୍‌ତେବୁ ସେନା ।”

୧୬ ଏବଂ ଦିଦୁମ୍ କାଜିୟାଃତାନ୍ ଥୋମା ଆୟାଃ ଗାତିକେକେ କାଜିୟାଦକଆଏ, “ଦଲାବୁ ସବେନ୍‌କ ଗୁରୁଲଃ ସେନାବୁ ଆଡ଼ଃ ଆବୁହଗି ଇନିଃଲଃବୁ ଗଜଃଆ ।”

ଯୀଶୁଗି ଜାଉବିନିରିଦ୍ ଆଡ଼ଃ ଜୀଦାନ୍ ତାନିଃ

୧୭ ଏବଂ ଯୀଶୁ ସେଟେରକେଦ୍‌ତେ, “ଲାଜାର୍‌କେ ତପାଗାଡ଼ାରେ ତପାତେୟାଃ ଚାର୍‌ଦିନ୍ ହବାଃଆତାନା” ମେନ୍ତେ ଆୟୁମ୍‌କେଦାଃଏ । ୧୮ ବେଥ୍‌ନିଆ ଯୀରୁଶାଲେମ୍‌ଏତେ ତିନ୍ କିଲୋମିଟର୍‌ଏତେହ କାମ୍‌ତିସାଙ୍ଗିନ୍‌ରେ ତାକକେନା । ୧୯ ଆଡ଼ଃ ପୁରାଃ ଯିହୁଦୀକ ମାର୍‌ଆ ଆଡ଼ଃ ମାରିୟାମ୍‌ଆଃ ହାଗା ଲାଜାର୍ ବିଷାଏରେ ଇନ୍‌କିନ୍‌କେ ଜୀଉରାଡ଼େଃ\* ଏମଃ ନାଗେନ୍ତେକ ହିଜୁଃକାନ୍ ତାକକେନା ।

୨୦ ଏବଂ ମାର୍‌ଆ ଯୀଶୁ ହିଜୁଃତାନାଏ ମେନ୍ତେ ଆୟୁମ୍‌କେଦ୍‌ତି ଇନିଃକେ ସେନ୍‌ଦାରମ୍‌କିୟାଏ, ମେନ୍‌ଦ ମାରିୟାମ୍ ଆଡ଼ଃରେଗି ଦୁବାକାନାଏ ତାକକେନା । ୨୧ ଆଡ଼ଃ ମାର୍‌ଆ ଯୀଶୁଙ୍କେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାକକାନ୍‌ରେଦ ଆଇଁୟାଃ ହାଗାଇଙ୍ଗ୍ କାଏ ଗଜାକାନ୍ତେୟାଃ । ୨୨ ମେନ୍‌ଦ ଆମ୍ ନାହାଁଃ ହ୍ ପାର୍‌ମେଶ୍‌ବରକେ ଆସିତେୟାଃ ସବେନାଃ ଏମାମେୟାଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୩ ଯୀଶୁ ମାର୍‌ଆକେ କାଜିକିୟାଏ, “ହାଗାମ୍ ତାମାଃ ଜୀଉ ନାମ୍‌କେଦ୍‌ତେ ଆଡ଼ଃଗି ବିରିଦାଃଏ ।”

୨୪ ମାର୍‌ଆ ଇନିଃକେ କାଜିକିୟାଏ, “ଇନିଃ ଚୁଣ୍ଟ ଦ୍ଵିପିଲିରେ ଜୀଉବିନିରିଦ୍‌ରେୟାଃ ନେତାରେ ଜୀଉବିରିଦାଃଏ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୨୫ ଯୀଶୁ ଇନିଃକେ କାଜିକିୟାଏ, “ଜୀଉବିନିରିଦ୍ ଆଡ଼ଃ ଜୀଦାନ୍ ଆଇଙ୍ଗ୍‌ଗି ତାନିଙ୍ଗ୍, ଜେତାଏ ଆଇଁୟାଃରେ ବିଶ୍ଵାସେତାନ୍‌ନିଃ ଗଜଃରେୟା ଜୀଉଦଃଆଏ ।

\* ୧୧:୧୯ ୧୧:୧୯ ସାକ୍ତନା

୨୬ ଆତ୍ମା ଜେତାଏ ଜୀହ୍ୱାଦଃତାନ୍ନିଃ ଆତ୍ମା ଆଇଁୟାଃରେ ବିଶ୍ୱାସେତାନ୍ନିଃ ଚିତ୍ତଲୀଅ କାଏ ଗଜଃଆ, ନେଆଁ ତିନାଃ ବିଶ୍ୱାସେତାନାମ୍ ?”

୨୭ ଇନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶ୍ୱାମ୍ତେ ଅକଏୟାଃ ହିଜୁଃରାଃ ତାଇନକେନା, ଇନିଃ ଆମ୍ବି ପାର୍ମେଶ୍ୱାର୍ଆଃ ହନ୍ ମାସି ତାନ୍ମେଁ ନେୟାଁ ଆଇଙ୍ଗ ବିଶ୍ୱାସେତାନା ।”

ୟୀଶୁ ରାଆଃକେଦାଏ

୨୮ ନେୟାଁ କାଜିକେଦ୍ତି, ମାର୍ଥା ଆୟାଃ ମିଶିତେ ମାରିୟାମ୍କେ ଉକ୍ତକେଦ୍ତେ କେଡ଼ାକିୟାଏ, ଆତ୍ମା ମେତାଇୟାଏ, “ଗୁରୁ ହିଜୁଃୟାନାଏ ଆତ୍ମା ଆମ୍ବେ କେଡ଼ାମ୍ତାନାଏ ।” ୨୯ ଇନିଃ ନେୟାଁ ଆୟୁମ୍କେଦ୍ତି, ବିରିଦ୍ ଧାବ୍ୟାନାଏ ଆତ୍ମା ଯୀଶୁତାଃତେ ସେନଃୟାନାଏ । ୩୦ ଯୀଶୁ ଇମ୍ତା ଜାକେଦ୍ ହାତୁତେ କାଏ ତେବାଃକାନ୍ ତାଇକେନା, ମେନ୍ଦ ମାର୍ଥା ଦାରମ୍ ଠାୟାଦ୍ତାଃରେଚି ଇନିଃ ତାଇକେନାଏ । ୩୧ ଏନ୍ତେ ଜୀଉରାଡ଼େଃ ନାଙ୍ଗ୍ ଅକନ୍ ଯିହୁଦୀକ ଅତ୍ତାଃରେ ମାରିୟାମ୍ଲଃ ତାଇକେନାକ, ଇନ୍କୁ ମାରିୟାମ୍କେ ଇମ୍ତାଚି ବିରିଦ୍କେଦ୍ତେ ବାହାରି ଅତ୍ତାତାନ୍ ନେଲ୍ଲିଃତେ ଇନିଃ ରାଆଃ ନାଗେନ୍ତେ ତପାଗାଡ଼ାତେ ସେନଃତାନାଏ ମେନ୍ତେ ଆଟ୍ଟକାର୍ତାନ୍ଲଃ ଇନିୟାଃ ଦୟା ଦୟାକ ଅତ୍ତାକିୟା ।

୩୨ ଏନ୍ତେ ମାରିୟାମ୍ ଯୀଶୁ ତାଇକେନ୍ତାଃ ତେବାଃୟାନ୍ତି, ଇନିଃ ଯୀଶୁକେ ନେଲ୍ଲତାଇଲଃଚି ଇନିୟାଃ କାଟା ସୁବାରେ ଉୟୁଃୟାନାଏ ଆତ୍ମା କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇନକାନ୍ରେଦ୍ ହାଗାଇଙ୍ଗ୍ ତାଇୟାଃ କାଏ ଗଜାକାନ୍ତେୟାଃ ।”

୩୩ ଯୀଶୁ ଇନିଃ ରାଆଃତାନ୍ ଆତ୍ମା ଇନିଃଲଃ ହିଜୁଃକାନ୍ ଯିହୁଦୀକକେହ ରାଆଃତାନ୍ ନେଲ୍ଲକେଦ୍ତେ, ପୁରାଃ ଦୁକୁତେ ଆମ୍ବରେ ବିଲ୍ଲକାଅୟାନାଏ । ୩୪ ଆତ୍ମା କୁଲିକେଦ୍କଆଏ, “ଅକ୍ତାଃରେପେ ତପାକିୟା ?”

ଇନ୍କୁ କାଜିରୁହାଡ଼କିୟାଃକ, “ହେ ପ୍ରାଭୁ, ଏଲା ହିଜୁଃକେଦ୍ତେ ନେଲିମେ ।”

୩୫ ଯୀଶୁ ରାଆଃକେଦାଏ । ୩୬ ଏନ୍ତେ ଯିହୁଦୀକ କାଜିକେଦାଃକ, “ନେଲିପେ, ଯୀଶୁ ଲାଜାର୍କେ ଚିମିନ୍ ଦୁଲାଡ଼ି ତାଇକେନାଏ ।”

୩୭ ମେନ୍ଦ ଇନ୍କୁଏତେ ଚିମିନ୍କ କାଜିକେଦା, “ଇନିଃ ଏନ୍ କାଣ୍ଟାକାନ୍ ହଡ଼କେ କାଏ ନେଲ୍ଲିକାକିୟାଚି ? ତିନାଃ ଇନିଃ ଲାଜାର୍ରାଃ ଗନ୍ଏଃ କାଏ ରକାଅଦାଡ଼ିତେୟାଃ ?”

ୟୀଶୁ ଲାଜାର୍କେ ଗନ୍ଏଃତେ ଜୀଉବିରିଦ୍କିୟାଏ

୩୮ ଏନ୍ତେ ଯୀଶୁ ଆତ୍ମାମିଆ ଆୟାଃ ମନ୍ରେ ପୁରାଃ ଖୁସ୍କେଦ୍ତେ ତପା ଠାୟାଦ୍ତେ ସେନଃୟାନାଏ, ଏନା ମିଆଁଦ୍ ଲାପାଙ୍ଗା ତାଇକେନା, ଆତ୍ମା ଏନାରେୟାଃ ଦୁଆର୍ତାଃ ମିଆଁଦ୍ ଦିରି ତାଇକେନା । ୩୯ ଯୀଶୁ “ଦିରିକେ ବାଟିଆତମେପେ” ମେନ୍ତେ ଆରୁକେଦ୍କଆ । ଏନ୍ତେ ଗଜାକାନ୍ନିୟାଃ ମିଶିତେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଃଦ୍ ଇନିଃ ସହାନ୍କାତେୟାଃଆଏ, ଚିୟାଃଚି ଇନିଃ ଗଜାକାନ୍ତେୟାଃ ଚାର୍ଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ୍ ପାର୍ମେଶ୍ୱାର୍ଆଃ ମାନାରାଙ୍ଗ୍ ନେଲେୟାମ୍, ଚିୟାଃ ନେୟାଁ କାଇଙ୍ଗ୍ କାଜିକାମ୍ତାଇନା ?” ୪୧ ଏନ୍ତେ ଇନ୍କୁ ଦିରିକେ ବାଟି ଆତମକେଦାଃକ । ଆତ୍ମା ଯୀଶୁ ସାଙ୍ଗିଲ୍ ରକାବ୍କେଦ୍ତେ କାଜିକେଦାଃଏ, “ହେ ଆବା, ଆମ୍ ଆଇଁୟାଃ ବିନ୍ତି ଆୟୁମ୍କେଦାମ୍ ମେନ୍ତେ ଧାନ୍ୟାବାଦ୍ ଏମାମ୍ ତାନାଇଙ୍ଗ୍ । ୪୨ ଆମ୍ ଆଇଁୟାଃ ବିନ୍ତି ସବେନ୍ଇମ୍ତା ଆୟୁମାଃମ୍, ଏନା ଆଇଙ୍ଗ୍ ସାରିୟାଙ୍ଗ୍, ମେନ୍ଦ ନେ ଚାରିୟାଃରେ ତିଲ୍ଲୁଆକାନ୍ ଗାଦେଲ୍

ହତୁକ ଆମ୍ଭ ଆଇଙ୍ଗକେ କୁଲ୍ଲକାଦିୟାମ୍ ଫେନ୍ତେ ବିଶ୍ୱାସେ ନାଗେନ୍ତେ ଆଇଙ୍ଗ ନେୟା କାଜିକେଦାଇଙ୍ଗ ।” ୪୩ ଇନିଃ ନେୟା କାଜିକେଦତି, କାଉରିକେଦତେ ହାକାଅକିୟାଏ, “ଏ ଲାଜାର୍, ଅତଙ୍ଗଅଃମେ ।” ୪୪ ଏନ୍ତେ ଇନିଃ ଅତଙ୍ଗୟାନା, ଆୟାଃ ତିଃଇ କାଟା ଲିଜାଃତେ ତଲ୍ଲକାନ୍ ତାଇକେନା ଆତଃ ଇନିୟାଃ ମେଦ୍ମୁହାଁଡ୍, ଗାମଛାତେ ତଲ୍ ବିୟୁରକାନ୍ ତାଇକେନା । ଯୀଶୁ ଇନକୁକେ ମେତାଦ୍‌କଆଏ, “ଇନିଃକେ ତଲ୍ଲକାନ୍‌ତେୟାଃ ରାଡ଼ାଇପେ ଆତଃ ସେନ୍‌ଇତିଃପେ ।”

ୟୀଶୁଆଃ ବିରୁଧ୍‌ରେ ରୋଜୋଟ

(ମାଥୁଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମ୍‌ତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦତେୟାଃ ନେଲ୍‌କେଦତେ ଇନିଃରେକ ବିଶ୍ୱାସକେଦାଃ । ୪୬ ମେନ୍‌ଦ ଇନକୁଏତେ ତିମିନ୍‌କ ଫାରୁଶୀକତାଃ ସେନ୍‌କେଦତେ ଯୀଶୁ କାମିକେଦତେୟାଃ ଉଦୁବାଦ୍‌କଆକ । ୪୭ ଏନାମେନ୍ତେ ମୁଲ୍ ଯାଜାକ୍‌କ ଆତଃ ଫାରୁଶୀକ ମାରାଙ୍ଗ ପାଞ୍ଚେଟ୍‌କେଦତେ କାଜିକେଦାଃକ, “ଆବୁ ତିନାଃବୁ ତିକାତାନା ? ନେଲିପେ, ଏନ୍ ହତୁଦ ପୁରାଃ ପେଡେୟାନ୍ କାମିକ କାମିତାନାଏ । ୪୮ ଆବୁ ଇନିଃକେ ନେ ଲେକାଗିବୁ ବାଗିତାଇରେଦ ସବେନ୍ ହତୁକ ଇନିଃରେକ ବିଶ୍ୱାସେୟା, ଆତଃ ରୋମିରେନ୍‌କ ହିଜୁଃକେଦତେ ଆବୁଆଃ ମାନ୍‌ିର୍ ଆତଃ ଦିଶୁମ୍ ବାର୍‌ନାଃକେକ ରେଃଫ୍ ଇଦିୟା ।”

୪୯ ଏନ୍ତେ ଇନକୁଏତେ ମିଆଁଦ୍ କାୟଫା ନୁତୁମ୍ ହତୁ, ଏନ୍ ବାରାଷ୍‌ରେନ୍ ସାଲ୍ଲକାନ୍ ମାରାଙ୍ଗ ଯାଜାକ୍ ଇନକୁକେ କାଜିୟାଦ୍‌କଆଏ, “ଆପେ ସବେନ୍ ତିମିନ୍ ଡଣ୍ଡକ ତାନପେ, ୫୦ ହତୁକ ନାଗେନ୍ତେ ମିହୁଡ୍‌ଗି ଗଜଃକାଏ ଆତଃ ଗଟା ଜାତି ଆଲ୍‌କାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ ମେନ୍ତେ କାପେ ଆଟ୍‌କାରେତାନା ।” ୫୧ କାୟଫା ନେ କାଜିଦ୍ ଆଇଃକ୍‌ତେଗି କାଏ କାଜି, ମେନ୍‌ଦ ଏନ୍ ବାରାଷ୍‌ରେନ୍ ମାରାଙ୍ଗ ଯାଜାକ୍ ତାଇନ୍‌ହରାତେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାର୍‌କାଜିକ କାଜିକେଦାଃଏ । ୫୨ ଆତଃ ଏନ୍ ଜାତିକ ନାଗେନ୍ତେ ଏସ୍‌କାର୍ କାହା ମେନ୍‌ଦ ପାର୍‌ମେଶ୍ୱାର୍‌ଆଃ ନେତେ ହେନ୍ତେୟାକାନ୍ ହତୁକକେ ମିଦ୍‌ରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍‌ହୁଲ୍‌ଙ୍ଗତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟ୍‌କେଦାଃ । ୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍‌ରେ ଆତଃ କାଏ ହନର୍‌କେଦାଃ, ମେନ୍‌ଦ ଏନ୍ତାଃ ବାଗିକେଦତେ ବିରରେୟାଃ ନାଡେଃ ଦିଶୁମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆତଃ ଆୟାଃ ତେଲ୍‌କଲଃ ଏନ୍ତାଃରେ ତାଇନ୍‌ୟାନାଏ ।

୫୫ ଯିହୁଦୀକଆଃ ପାସ୍‌କା ପାରାଦ୍ ନାଡେୟାକାନ୍ ତାଇକେନା, ପାରାଦ୍ ସିଦାରେ ପୁରାଃ ହତୁକ ଆକଆଃ ଫାର୍‌ତିୟାଃ ନାଗେନ୍ତେ ଦିଶୁମ୍‌କଏତେ ଯୀରୁଶାଲେମ୍‌ତେକ ସେନଃୟାନା । ୫୬ ଏନ୍ତେ ଇନକୁ ଯୀଶୁକେ ଦାଣ୍ଠାବାଡ଼ାତାନଲ୍‌ଫା ମାନ୍‌ିର୍ ଅଡ଼ାଃରେ ତିଙ୍ଗୁଆକାନ୍ ଇମ୍‌ତା ଆକ ଆକଗିକ କୁପୁଲିୟାନା, “ଆପେ ତିନାଃପେ ଉଡ଼ୁଡ଼ାନା ? ତିୟାଃ ଇନିଃ ପାରାବ୍‌ରେ କାଏ ହିଜୁଃଆ ?” ୫୭ ମୁଲ୍ ଯାଜାକ୍‌କ ଆତଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କତାଃରିୟା, ଏନା ଜେତାଏ ସାରିରେଦ ଉଦୁବାଲେପେ ମେନ୍ତେ ଆବୁକାଦ୍ ତାଇକେନାକ ।

୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ

(ମାଥୁଉ ୨୭:୬-୧୩; ମାର୍କ ୧୪:୩-୯)



୧ ଯୀଶୁ ପାସକା ପାରାବରେୟାଃ ଛ ଦିନ୍ ସିଦାରେ ବେଥନିଆତେ ସେନଃୟାନାଏ, ଏନ୍ତାଃରେ ଯୀଶୁ ଗନ୍‌ଏଃ ଏତେ ଜୀଉବିରିଦାକାଇ ଲାଜାରୁରାଃ ଅଡ଼ାଃ ତାଇକେନା । ୨ ଇନ୍‌କୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁର୍ ଜମେୟାକ ବାଇକେଦାଃ ଆତଃ ମାର୍ଥା ସୁସାରରେୟାଃ ବାହାରମ୍ ଇଦିକାଦ୍ ତାଇକେନାଏ, ଏନ୍ତେ ଯୀଶୁଲଃ ଦୁବାକାନକ ଆଲାରେ ଲାଜାରୁହଗି ତାଇକେନାଏ । ୩ ଏନ୍ତେ ମାରିୟାମ୍ ଆଧା ଲିଟର୍ ପୁରାଃ ଫାର୍ତି ଗନଙ୍‌ଆଁନ୍ ଜଗାମାଂସି ବୁଗିନ୍ ସହାନ୍ ସୁନ୍‌ମ୍ ଆତକେଦ୍‌ତେ ଯୀଶୁଆଃ କାଗାରେ ଦୁଲ୍‌କେଦାଏ ଆତଃ ଇନିୟାଃ କାଗା ଆୟାଃ ଉଦ୍‌ତେ ଜଦ୍‌କେଦାଏ ଆତଃ ସୁନ୍‌ମ୍‌ରେୟାଃ ବୁଗିନ୍ ସହାନ୍‌ତେ ଅଡ଼ାଃ ପେରେଃୟାନା । ୪ ଯୀଶୁଆଃ ଚେଲାକଏତେ ଇଷ୍ଟାରିୟତ୍ ଯିହୁଦା ନୁତୁମ୍ ମିଆଁଦ୍ ଚେଲା ତାଇକେନାଏ, ଅକଏତି ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ସାନାଙ୍ଗ୍ ତାଇକେନିଃ କାଜିକେଦାଏ, ୫ “ନେ ବୁଗିନ୍ ସହାନ୍ ସୁନ୍‌ମ୍‌କେ ୩୦୦ ହୁଲାଙ୍‌ରାଃ ନାଲା ସିକାରେ ଆଖ୍‌ରିଙ୍‌କେଦ୍‌ତେ ଏନ୍ ପାଏସା ତିନାଃମେନ୍ତେ ରେଙ୍ଗେଃକକେ କା ଏମ୍‌ୟାନା ?” ୬ ରେଙ୍ଗେଃତାନକଆଃ ନାଗେନ୍ତେ ଉଡ଼ୁଡ଼ୁତାଇକେନାଏ ମେନ୍ତେ ଇନିଃ ନେଆଁ କାଏ କାଜିକେଦା ମେନ୍‌ଦ ଇନିଃ କୁମ୍‌ତୁ ତାଇକେନାଏ ଆତଃ ଇନିଃତାଃରେ ଚାକା ଆଇଲାଃ ତାଇକେନ୍ ହରାତେ ଏନାରେ ସାଜୁତେୟାଃ ଇନିଃ କୁମ୍‌ତୁ ଇଦି ତାଇକେନାଏ ।

୭ ମେନ୍‌ଦ ଯୀଶୁ କାଜିକେଦାଃଏ, “ଇନିଃକେ ବାଗିତାଇପେ ତିୟାଃତି ଆଇୟାଃ ତପାଅଃ ହୁଲାଙ୍ଗ୍ ନାଗେନ୍ତେ ଇନିଃ ଏନାକେ ଦହଏକାଏ । ୮ ରେଙ୍ଗେଃକଦ ସବେନ୍‌ଇମ୍‌ତା ଆପେଲଃ ତାଇନାଃକ ମେନ୍‌ଦ ଆଇଙ୍ଗ୍ ଆପେଲଃ ସବେନ୍‌ଇମ୍‌ତା କାଇଙ୍ଗ୍ ତାଇନାଃ ।”

ଲାଜାରୁଆଃ ବିରୁଧ୍‌ରେ ରୋଜୋଟ

୯ ଯିହୁଦୀକଏତେ ଗାଦେଲ୍ ହଡ଼କ ଯୀଶୁ ବେଥନିଆରେ ମେନାଇୟା ମେନ୍ତେ ସାରିକେଦାଃକ ଆତଃ ଯୀଶୁଆଃ ନାଗେନ୍ତେ ଏସକାର୍ କାହା ମେନ୍‌ଦ ଯୀଶୁ ଗଏଃକାନକଏତେ ଜୀଉବିରିଦାକାଇ ଲାଜାରୁକେ ନେଲି ନାଗେନ୍ତେକ ହିଜୁଃୟାନା । ୧୦ ଏନ୍ତେ ଲାଜାରୁକେହଗି ଗଜି ନାଗେନ୍ତେ ମୁଲ୍ ଯାଜାକ୍‌କ ରୋଜୋଟକେଦାଃ । ୧୧ ତିୟାଃତି ଇନିୟାଃ ନାଗେନ୍ତେ ଯିହୁଦୀକଏତେ ପୁରାଃ ହଡ଼କ ଇନ୍‌କୁକେ ମାନାତାଇକେନାକ ଆତଃ ଯୀଶୁରେକ ବିଶ୍ୱାସକେଦାଃ ।

ଯୀଶୁ ରାଜାଲେକା ଯୀରୁଶାଲେମ୍‌ତେ ବଲୟାନାଏ  
(ମାଥୁଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ଏଗାଃ ହୁଲାଙ୍ଗ୍ ପାସକା ପାରାବ୍‌ତେ ହିଜୁଃକାନ୍ ଗାଦେଲ୍ ହଡ଼କ ଯୀଶୁ ଯୀରୁଶାଲେମ୍‌ତେ ହିଜୁଃତାନାଏ ମେନ୍ତେ ଆୟୁମ୍‌କେଦ୍‌ତି, ୧୩ ଇନ୍‌କୁ କିତା ଜାଉଡ଼ା ସାବ୍‌କେଦ୍‌ତେ ଇନିଃକେ ଦାରମି ନାଗେନ୍ତେକ ଅତଙ୍ଗ୍‌ୟାନା ଆତଃ କାଉରିତାନଲଃ କାଜିକେଦାଃକ “ହୋଶାନ୍ନା, ପାରମେଶ୍ୱାର୍‌ଆଃ ନୁତୁମ୍‌ତେ ହିଜୁଃତାନିୟାଃ ଧାଇନ୍ ହବାଅଃକା, ଇସ୍ରାଏଲ୍‌ରେନ୍ ରାଜାରାଃ ଧାଇନ୍ ହବାଅଃକା ।”

୧୪ ଧାରାମ୍‌ପୁଥିରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍‌କିଃତେ ଇନିଃରେ ଦେଏଃୟାନାଏ,

୧୫ “ସିୟୋନ୍‌ରେନ୍ ହନ୍‌କୁଡ଼ି, ଆଲମ୍ ବରଏୟା,  
ନେଲିମେ ଆମାଃ ରାଜା

ଗାଧାହନ୍‌ରେ ଦୁବ୍‌କେଦ୍‌ତେ ହିଜୁଃତାନା ।”

୧୬ ଇନିୟାଃ ଚେଲାକ ନେ କାଜିକେ ଇମ୍‌ତା କାକ ଆବ୍‌କାର୍ ଉରୁମ୍‌କେଦାଃ ମେନ୍‌ଦ ଯୀଶୁଆଃ ମାଇନାନ୍ ତାୟମ୍‌ତେ ନେ ସବେନାଃ ଇନିୟାଃ ବିଷାଏରେ

☆ ୧୨:୩ ୧୨:୩ ଲୁକ ୭:୩୭,୩୮.

ଧାରାମ୍ବୁଥିରେ ଅଲୀକାନ୍ ତାଇକେନା ଆତଃ ଇନିଃକେ ଇନ୍କୁ ନେ ସବେନାଃକ ରିକାକାନ୍ ତାଇକେନା ଏନା ଇନ୍କୁ ପାହାମ୍ବୁକେଦାଃକ ।

୧୭ ଆତଃ ଯୀଶୁ ଲାଜାରୁକେ ତପା ଗାତାଏତେ ହାକାଅକିୟାଏ ଆତଃ ଗଏଃକାନ୍କଏତେ ଜୀଉବିରିଦକିୟାଏ ଇମ୍ବତା ଇନିଃକେ ଗାଦେଲ୍ ହଡକ ଗାଞ୍ଜାକ ଏମ୍ବତାଇକେନା । ୧୮ ତିମ୍ବତାଙ୍ଗ ଇନ୍କୁ ଯୀଶୁ ନେ ପେଡେୟାନ୍ କାମି କାମିକାଦାଏ ମେନ୍ତେ ଆୟୁମ୍ବକେଦାଃ ଇମ୍ବତାଙ୍ଗ ଏନ୍ ଗାଦେଲ୍ ହଡକ ଇନିଃକେ ନେପେଲ୍ ନାଗେନ୍ତେ ଅତଙ୍ଗୟାନାକ । ୧୯ ଏନ୍ତେ ଫାରୁଣୀକ ଆକ ଆକରେକ କାଜିକେଦା, “ନେଲେତାନାପେଦ, ଆରୁତେ ଜେଡନାଃ କା ବାଲୟଆଃ ନେଆଁ ଆଟ୍ଟକାରେପେ, ନେଲ୍କପେ, ଅତେଦିଶୁମ୍ବରେନ୍ ସବେନ୍କ ଇନିଃକେ ଅତଙ୍ଗକିୟାଃକ ।”

ୟୁନାନୀରେନ୍କ ଯୀଶୁକେକ ଦାଣ୍ଡୀତାନା

୨୦ ପାରାବ୍ରେ ସେଞ୍ଜା ନାଗେନ୍ତେ ହିଜୁଆକାନ୍କଏତେ ରିମିନ୍ ହଡକ ଗ୍ରୀକ୍ରେନ୍କ ତାଇକେନା । ୨୧ ଇନ୍କୁ ଗାଲିଲ୍ରେୟାଃ ବେଥ୍ସାଇଦାରେନ୍ ଫିଲିପ୍ତାଃ ହିଜୁଃକେଦ୍ତେ କୁଲିକିୟାଃକ, “ହେ ଗମ୍ବକେ, ଆଲେ ଯୀଶୁକେ ନେନେଲ୍ ସାନାଙ୍ଗ୍ତାନାଲେ ।”

୨୨ ଫିଲିପ୍ ଆନ୍ଦ୍ରିୟାସ୍ତାଃ ସେନ୍କେଦ୍ତେ କାଜିକିୟାଏ, “ଏନ୍ତେ ଆନ୍ଦ୍ରିୟାସ୍ ଆତଃ ଫିଲିପ୍ ଯୀଶୁକେକିନ୍ କାଜିକିୟାଃ ।” ୨୩ ଯୀଶୁ ଇନ୍କିନ୍କେ ମେତାଦକିନାଏ, “ମାନଞ୍ଜାହନ୍ଆଃ ମାଇନାନ୍ରେୟାଃ ନେତା ସେଟେରାକାନା । ୨୪ ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଗହମ୍ବଜାଙ୍ଗ୍ ଅତେରେ ଉୟୁଃକେଦ୍ତେ କା ଗଜଃରେଦ ଏନା ଏସ୍କାର୍ଗି ତାଇନାଃ, ମେନ୍ଦ ଏନା ଗଜଃରେଦ ପୁରାଃ ଜ ଜଅଃଆ । ୨୫ ଧ୍ରେତାଏ ଆୟାଃ ଜୀଉକେ ଦୁଲାଡେୟାଏ ଇନିଃ ଏନାକେ ଆଦେୟାଏ ଆତଃ ଜେତାଏ ଆୟାଃ ଜୀଉକେ ନେ ଅତେଦିଶୁମ୍ବରେ ହିଲାଙ୍ଗ୍ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେନ୍ତେ ବାଞ୍ଚାଅୟା । ୨୬ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଇନିଃ ଆଇଙ୍ଗ୍କେ ଅତଙ୍ଗ୍ଇଙ୍ଗ୍କାଏ, ଆତଃ ଆଇଙ୍ଗ୍ ତାଇନଃତାଃରେ ଆଇଙ୍ଗ୍କେ ସୁସାର୍ନିଃହ ତାଇନାଃଏ, ଆତଃ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଆପୁଇଙ୍ଗ୍ ଇନିଃକେ ମାଇନିୟାଏ ।

ୟୀଶୁ ଆୟାଃ ଗନ୍ଏଃ ବିଷାଏରେ କାଜିକେଦାଃଏ

୨୭ “ନାହ୍ଣାଃଦ ଆଇଁୟାଃ ମନ୍ ଆକ୍ବକାଅକାନା, ତିନାଃ ଆତଃଇଙ୍ଗ୍ କାଜିୟା ? ହେ ଆବା, ନେ ନେତାଏତେ ଆଇଙ୍ଗ୍କେ ବାଞ୍ଚାଅଇଙ୍ଗ୍ମେ ମେନ୍ତେଇଙ୍ଗ୍ କାଜିୟାତି ? ମେନ୍ଦ ଆଇଙ୍ଗ୍ ନେୟାଁ ନାଗେନ୍ତେଗିଇଙ୍ଗ୍ ହିଜୁଃକାନା, ଜେ'ଲେକାତି ଆଇଙ୍ଗ୍ ନେ ଦୁକୁରାଃ ନେତାରେଇଙ୍ଗ୍ ସାହାତିଙ୍ଗ୍ ଦାଡିୟାଃ । ୨୮ ହେ ଆବା ଆମାଃ ନୁଡୁମ୍ ମାନାରାଙ୍ଗ୍ଅଃକା,” ମେନ୍କେଦ୍ତି ସିମ୍ବାଏତେ ନେ କାଜି ଆୟୁମ୍ବୟାନା, “ଆଇଙ୍ଗ୍ ଏନା ମାଇନାନ୍କାଦାଇଙ୍ଗ୍ ଆତଃ ଏନାକେ ଆତଃଗିଇଙ୍ଗ୍ ମାଇନାନ୍ନେୟାଁ ।”

୨୯ ଏନ୍ତାଃରେ ତିଜୁଆକାନ୍ ଗାଦେଲ୍ ହଡକ ଏନା ଆୟୁମ୍ବକେଦ୍ତେ ରିମିଲ୍ ସାଡିଲେନା ମେନ୍ତେକ କାଜିକେଦା । ଏଟାଃକ ମେନ୍କେଦାଃ, “ଦୁଁଡ୍ ଇନିଃକେ ଜାଗାରୁକେନାଏ ।”

୩୦ ଯୀଶୁ କାଜିରୁହାଡ୍କେଦ୍କଆଏ, “ନେ କାଜି ଆଇଁୟାଃ ନାଗେନ୍ତେଦ କାହା, ମେନ୍ଦ ଆପେ ନାଗେନ୍ତେ ତାନାଃ ।” ୩୧ ନାହ୍ଣାଃଦ ନେ ଅତେଦିଶୁମ୍ବରେୟାଃ ବିଚାଡ୍ ସେଟେରାକାନା, ନାହ୍ଣାଃ ନେ ଅତେଦିଶୁମ୍ବରେନ୍ ଗମ୍ବକେ ବାହାରି ହୁରାଙ୍ଗ୍ଅଃଆଏ । ୩୨ ଆତଃ ଆଇଙ୍ଗ୍ ଅତେଦିଶୁମ୍ବଏତେ ଚେତାନ୍ତେ ରାକାବଃରେଦ,

\* ୧୨:୨୫ ୧୨:୨୫ ମାଥୁର ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.

ସବେନକକେ ଆଇଙ୍ଗତାଃତେଇଙ୍ଗ ଆଇଜ୍ ଇଦିକଆ । ୩୩ ଇନିଃ ଚିଲ୍‌କା ଗନଏଃରେ ଦୁକୁନାମେୟାଏ, ଏନା ନେ କାଜି ହରାତେ ଉଦୁବକେଦା ।

୩୪ ସବେନ୍ ହଡକ କାଜିରୁହାଡକିୟାକ, “ମାସି ଜାନାଅ ଜାନାଅଗି ତାଇନାଃଏ ମେନ୍ତେ ଆଲେୟାଃ ଆନୁରେ ଆୟୁମାକାଦାଃଲେ, ଏନ୍ତେ ଆମ୍ ଚିଲ୍‌କାତେ ମାନଝାହନ୍ ଚେତାନ୍ତେ ରାକାବଃଗିୟାଏ ମେନ୍ତେମ୍ କାଜିତାନା ? ନେ ମାନଝାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦକଆଏ, “ଆତଃ ହୁଡିଙ୍ଗ୍ ନେତାଗି ମାୟ୍ଲାଲ୍ ଆପେଲଃ ତାଇନାଃ, ନୁବଃ ଆପେକେ କାଏ ଏସେର୍ପେ ନାଗେନ୍ତେ ମାୟ୍ଲାଲ୍ ଆପେଲଃ ତାଇନଃ ଇମ୍ତାଗି ମାୟ୍ଲାଲ୍ରେ ସେସେନେପେ ଆତଃ ନୁବଃରେ ସେସେନ୍ନିଃ କତାଃତେ ସେନଃତାନାଏ ଏନା କାଏ ସାରିୟାଃ । ୩୬ ଆପେ ମାୟ୍ଲାଲ୍ରେନ୍ ହଡ ବାଇୟଃ ନାଗେନ୍ତେ ମାୟ୍ଲାଲ୍ ଆପେଲଃ ତାଇନଃ ଇମ୍ତାଗି ମାୟ୍ଲାଲ୍ରେ ବିଶ୍ୱାସେପେ ।” ଯୀଶୁ ନେ ସବେନାଃ କାଜିକେଦ୍ତି ସେନଃୟାନାଏ ଆତଃ ଇନ୍‌କୁତାଃଏତେ ଉକୁୟାନା ।

କା ବିଶ୍ୱାସ୍ତାନ୍ ହଡକ

୩୭ ଯୀଶୁ ଇନ୍‌କୁଆଃ ଆୟାରରେ ପେଡେୟାନ୍ କାମିକ କାମିକେଦ୍ରେୟ ଇନ୍‌କୁ ଇନିଃତାଃରେ କାକ ବିଶ୍ୱାସ୍‌କେଦାଃ । ୩୮ ନେ ଲେକାତେ ଯିଶାୟ ନାବୀୟାଃ କାଜି ପୁରାୟାନା,

“ହେ ପ୍ରାଭୁ, ଆଲେୟାଃ କାଜିରେ ଅକଏ ବିଶ୍ୱାସ୍‌କାଦା ?  
ଆତଃ ପ୍ରାଭୁଆଃ ପେଡେଃ ଅକଏତାଃରେ ଉଦୁବାକାନା ?”

୩୯ ଆତଃ ଏନାତେ ଇନ୍‌କୁ କାକ ବିଶ୍ୱାସ୍ ଦାଡିକେନା, ଚିୟାଃଚି ଯିଶାୟ ଆତଃଗି କାଜିକାଦାଏ :

୪୦ “ପାରମେଶ୍ୱାର୍ ଇନ୍‌କୁଆଃ ମେଦ୍‌କେ କାଣ୍ କାଦାଃଏ  
ଆତଃ ମନ୍ ତାକଆଃକେ କେଟେଦ୍ କାଦାଃଏ  
ଏନାମେନ୍ତେ ଇନ୍‌କୁଆଃ ମେଦ୍‌ତେ କାକ ନେଲ୍‌ଦାଡିୟାଃ  
ଆତଃ ଆକଆଃ ମନ୍‌ତେ କାକ ଆଟ୍‌କାର୍ ଦାଡିୟାଃ  
ଆତଃ ଇନ୍‌କୁ ଆଇୟାଃରେ ମନ୍ କାକ ରୁହାଡ୍ ଦାଡିୟାଃ  
ଆତଃ ଆଲେ ଇନ୍‌କୁକେ କାଲେ ବୁଗିକଆ ।”

୪୧ ଯିଶାୟ ଇନିୟାଃ ମାନାରାଙ୍ଗ୍ ନେଲ୍‌କେଦ୍‌ତେ ଆତଃ ଇନିଃକେ ଉଦୁବକେଦ୍‌ତେ ଏନାକେ କାଜିକେଦାଏ । ୪୨ ଏନ୍‌ରେୟ ଯିହୁଦୀକଆଃ ହାକିମ୍‌କଏତେ ପୁରାଃ ହଡକ ଇନିଃରେକ ବିଶ୍ୱାସ୍‌କେଦାଃ, ମେନ୍‌ଦ୍ ପାରୁଶୀକଆଃ ନାଗେନ୍ତେ ଆତଃ ସାମାଜିଅତାଃଏତେ ଆତମଃରେୟାଃ ବରତେ ଇନ୍‌କୁ କାକ ଉଦୁବେନ୍‌ୟାନା । ୪୩ ଚିୟାଃଚି ଇନ୍‌କୁଦ ପାରମେଶ୍ୱାର୍‌ଆଃ ମାଇନାନ୍‌ଏତେ ଆଦ୍‌କା ହଡକଆଃ ମାଇନାନ୍‌କେକ ଦୁଲ୍‌ାଡିକେଦାଃ ।

ୟୀଶୁଆଃ କାନାଜିତେ ବିଚାର୍ ହବାଅଆଃ

୪୪ ଯୀଶୁ କାଉରିତାନ୍‌ଲଃ କାଜିକେଦାଏ, “ଜେତାଏ ଆଇଙ୍ଗ୍‌ରେ ବିଶ୍ୱାସେତାନ୍‌ନିଃ ଆଇୟାଃରେ ଏସ୍‌କାର୍ କାହା ମେନ୍‌ଦ୍ ଆଇଙ୍ଗ୍‌କେ କୁଲାକାଇଙ୍ଗ୍‌ନିଃରେୟ ବିଶ୍ୱାସାଃଏ । ୪୫ ଆତଃ ଜେତାଏ ଆଇଙ୍ଗ୍‌କେ ନେଲାକାଦିଙ୍ଗ୍‌ୟାଏ, ଇନିଃ ଆଇଙ୍ଗ୍‌କେ କୁଲାକାଇଙ୍ଗ୍‌ନିଃକେୟ ନେଲାକାଇଜାଏ । ୪୬ ଆଇୟାଃରେ ବିଶ୍ୱାସେନିଃ ନୁବଃରେ ଆଲକାଏ ତାଇନଃକା ମେନ୍ତେ ଆଇଙ୍ଗ୍ ମାୟ୍ଲାଲ୍ ଲେକା ଅତେଦିଶୁମ୍‌ତେଇଙ୍ଗ୍ ହିଜୁଃକାନା । ୪୭ ଜେତାଏନିଃ ଆଇୟାଃ କାଜି ଆୟୁମ୍‌କେଦ୍‌ତେ କାଏ ବିଶ୍ୱାସେରେଦ୍ ଆଇଙ୍ଗ୍ ଇନିୟାଃ କାଇଙ୍ଗ୍ ବିଚାରେୟାଃ, ଚିୟାଃଚି ଆଇଙ୍ଗ୍ ଅତେଦିଶୁମ୍‌ରାଃ ବିଚାର୍ ନାଗେନ୍ତେଦ୍ କାହା ମେନ୍‌ଦ୍ ଅତେଦିଶୁମ୍‌କେ ବାଞ୍ଛାଅ ନାଗେନ୍ତେ ହିଜୁଃକାନାଇଙ୍ଗ୍ । ୪୮ ଜେତାଏ ଆଇଙ୍ଗ୍‌କେ ହିଲାଙ୍ଗ୍‌ନିଃ ଆତଃ ଆଇୟାଃ କାଜି କା ମାନାଡିଙ୍ଗ୍‌ନିୟାଃ

ବିଚାରନିଃ ସେନାଭୟାଃ, ଆଇଙ୍ଗ କାଜିୟାକାଦ୍ କାଜିଗି ଚୁଣ୍ଡୁଲାଇଙ୍ଗରେ ଭନିୟାଃ ବିଚାରେୟାଏ । ୪୯ ନେଆଁ ସାର୍ତ୍ତଗିଆ, ଚିୟାଃତି ଆଇଙ୍ଗଦ୍ ଆଇଁୟାଃ ପେଡେଃଡେ କାଇଙ୍ଗ କାଜିୟାକାଦାଃ ମେନ୍ଦ୍ ଆଇଙ୍ଗ ଚିନାଃଇଙ୍ଗ କାଜିୟା ଆଡଃ ଚିନାଃଇଙ୍ଗ ଜାଗାରେୟା ଏନା ଆଇଙ୍ଗକେ କୁଲାଇଙ୍ଗ ଆପୁ ଆଇଙ୍ଗକେ ଆରୁକାଦିୟାଏ । ୫୦ ଆଡଃ ଭନିୟାଃ ଆନ୍ତୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗ ସାରିୟାଃ, ଚିୟାଃତି ଆଇଙ୍ଗ ଅକନ୍ କାଜିକ କାଜିୟାଇଙ୍ଗ ଏନା ଆପୁଇଙ୍ଗ ଆରୁକାଦ୍ ଲେକାଇଙ୍ଗ କାଜିୟାଃ ।”

## ୧୩

ୟୀଶୁ ଚେଲାଇଆଃ କାଟା ଆରୁଙ୍ଗୟେଁତାନା

୧ ପାସକା ପାରାବ୍ରେୟାଃ ସିଦାରେ ୟୀଶୁ ନେ ଅଡେଦିଶୁମ୍ବତେ ଆପୁତାଃଡେ ସେନଃରେୟା ନେଡା ସେଟେରକାନା ମେନ୍ତେ ସାରିକେଦ୍ଚି ଭନିଃ ଅଡେଦିଶୁମ୍ବରେନ୍ ଆୟାଃ ହଡକକେ ଦୁଲାଇଙ୍ଗଦ୍ ଆଏ ଆଡଃ ଭନକୁକେ ଭନିୟାଃ ପୁରାଃ ଦୁଲାଇଙ୍ଗ୍ ଭଦୁବାଦ୍ ଆଏ ।

୨ ୟୀଶୁ ଆଡଃ ଆୟାଃ ଚେଲାଇ ଆୟୁବ୍ ଜମେୟାଃରେ ତାଇକେନାକ, ଭମ୍ତା ସାଏତାନ୍ ଶିମୋନ୍ରାଃ ହଡକକଡା ଭୟାରିୟଡ୍ ଯିହୁଦାରାଃ ମନ୍ରେ ୟୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ମନ୍ବାଇ ଚାବାକାଦ୍ ତାଇକେନାଏ । ୩ ଭମ୍ତା ଆପୁ ସବେନ୍ ଆକଡେୟାଦ୍ ଆଇଁୟାଃ ତିଃଇରେ ଏନାକାଦାଃଏ ଆଡଃ ଆଇଙ୍ଗ ପାର୍ମେଶ୍ୱାର୍ତାଃଏଡେ ହିଜୁଃକାନାଇଙ୍ଗ ଆଡଃ ପାର୍ମେଶ୍ୱାର୍ତାଃଡେ ସେନ୍ରୁହାଡାଇଙ୍ଗ ମେନ୍ତେ ୟୀଶୁ ସାରି ତାଇକେନାଏ । ୪ ଭନିଃ ଜଜମ୍ ଠାୟାଦ୍ଏଡେ ବିରିଦ୍ୟାନାଏ ଆଡଃ ଆୟାଃ ଦୁସିଙ୍ଗାନ୍ ବାହାରି ଲିଜାଃ ଦହକେଦ୍ତେ ଆୟାଃ ମାୟାଙ୍ଗରେ ମିଆଁଦ୍ ଗାମଛା ପାଟେୟାନାଏ । ୫ ଏନ୍ତେ ବାସାନ୍ରେ ଦାଆଃ ଦୁଲକେଦ୍ତେ ଚେଲାଇଆଃ କାଟା ଆରୁଙ୍ଗ୍ ଏଟେଦ୍କେଦାଏ, ଆଡଃ ମାୟାଙ୍ଗରେ ପାଟେୟାକାନ୍ ଗାମଛାଡେ ଜଦ୍କେଦାଏ । ୬ ଏନ୍ତେ ଭନିଃ ଶିମୋନ୍ ପାଡ୍ରାସ୍ତାଃଡେ ହିଜୁଃୟାନାଏ, ଆଡଃ ଅକଏତି କାଜିକିୟାଏ, “ହେ ପ୍ରାଭୁ, ଆମ୍ତି ଆଇଁୟାଃ କାଟା ଆରୁଙ୍ଗ୍ଇୟାମ୍ ?”

୭ ୟୀଶୁ ଭନିଃକେ କାଜିରୁହାଡକିୟାଏ, “ଆଇଙ୍ଗ୍ ରିକାତାନ୍ତେୟାଃ ନାହାଁଃ କାମ୍ ସାରିୟାଃ, ମେନ୍ଦ୍ ଏନା ତାୟମ୍ତେମ୍ ଆଟ୍କାରେୟା ।”

୮ ପାଡ୍ରାସ୍ ଭନିଃକେ କାଜିକିୟାଏ, “ଆମ୍ ଚିତଲାଇଆ ଆଇଁୟାଃ କାଟା ଆଲମ୍ ଆରୁଙ୍ଗ୍ଇୟା” ୟୀଶୁ ଭନିଃକେ କାଜିରୁହାଡକିୟାଏ, “ଆଇଙ୍ଗ୍ କାଇଙ୍ଗ୍ ଆରୁଙ୍ଗ୍ମେରେଦ୍ ଆମ୍ ଆଇଁୟାଃ ଚେଲାଇ କାମ୍ ହବାଦାଡିୟାଆ ।”

୯ ଏନ୍ତେ ଶିମୋନ୍ ପାଡ୍ରାସ୍ କାଜିକିୟାଏ, “ହେ ପ୍ରାଭୁ, ଆଇଁୟାଃ କାଟା ଏସକାର୍ କାହା, ମେନ୍ଦ୍ ଆଇଁୟାଃ ତିଃଇ ଆଡଃ ବହଃକେହଗି ଆରୁଙ୍ଗ୍ଇଙ୍ଗମେ ।”

୧୦ ୟୀଶୁ ଭନିଃକେ କାଜିକିୟାଏ, “ଭମେନ୍କାନ୍ନିଃକେ କାଟା ଏସକାର୍ ଆରୁଙ୍ଗ୍ ଲାଗାତିୟାଃ; ଭନିୟାଃ ଗଟା ହଡମ୍ଦ୍ ଫାର୍ତିୟାକାନା ଆଡଃ ମିହୁଡକେ ବାଗିକେଦ୍ତେ ଆପେ ସବେନ୍କ୍ ଫାର୍ତିୟାକାନାପେ ।” ୧୧ ଚିୟାଃତି ଭନିଃ ଆୟାଃ ସାବ୍ରିକାଭନିଃକେ ସାରିକାଇ ତାଇନାଏ ଏନାମେନ୍ତେ ଭନିଃ କାଜିକେଦାଃଏ, “ମିହୁଡକେ ବାଗିକେଦ୍ତେ ଆପେ ସବେନ୍କ୍ ଫାର୍ତିୟାକାନାପେ ।”

୧୨ \*ୟୀଶୁ ଭନକୁଆଃ କାଟା ଆରୁଙ୍ଗ୍କେଦ୍ଚି ଆୟାଃ ଲିଜାଃ ଦୁସିଙ୍ଗାୟାନାଏ ଆଡଃ ଆୟାଃ ଜଜମ୍ ଠାୟାଦ୍ରେ ଦୁବ୍ରୁହାଡ୍ୟାନାଏ, ଏନ୍ତେ ଭନକୁକେ କୁଲିକେଦ୍ ଆଏ, “ଆଇଙ୍ଗ୍ ଆପେ ନାଗେନ୍ତେ ରିକାକାଦ୍ତେୟାଃ ଆଟ୍କାରେତାନାପେଚି ?” ୧୩ “ଆପେ

ଆଇଙ୍ଗ୍‌କେ ହେ ଗୁରୁ ଆଡ଼ଃ ହେ ପ୍ରାଭୁ, ମେନ୍ତେପେ କାଜିୟାଇଙ୍ଗ୍‌ତାନା ଏନା ବୁଗିନ୍‌ଗିପେ କାଜିତାନା ଚିୟାଃଚି ଆଇଙ୍ଗ୍ ଇନିଃଗି ତାନିଙ୍ଗ୍ । ୧୪ ଆଇଙ୍ଗ୍ ଆପେୟାଃ ପ୍ରାଭୁ ଆଡ଼ଃ ଗୁରୁ ତାନିଙ୍ଗ୍ ହଲେହ୍ ଆପେୟାଃ କାଟା ଆବୁଙ୍ଗ୍‌କେଦାଃଇଙ୍ଗ୍, ଏନ୍‌ଲେକା ଆପେୟାଃ ମିଆଁଦ୍‌ନିଃ ଏଟାଃନିୟାଃ କାଟା ଆବୁଙ୍ଗ୍ ଲାଗାତିଙ୍ଗ୍‌ୟାଃ । ୧୫ ଆଇଙ୍ଗ୍ ଆପେୟାଃ ନାଗେନ୍ତେ କାମିକାଦ୍‌ଲେକା ଆପେୟାଃ ରିକାଏପେ, ଏନାମେନ୍ତେ ଆଇଙ୍ଗ୍ ଆପେକେ ମିଆଁଦ୍ ନାମୁନା ଉଦୁବାକାଦ୍‌ପେୟାଈଙ୍ଗ୍ । ୧୬ \*ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଦାସି ଆୟାଃ ଗମ୍‌କେଏଡେ କାଏ ମାରାଙ୍ଗ୍‌ଆଃ, ଆଡ଼ଃ କାଜିଏମ୍‌ନିଃ ଆୟାଃ କୁଲ୍‌ନିଃତାଃଏଡେ କାଏ ମାରାଙ୍ଗ୍‌ଆଃ । ୧୭ ନାହାଁଃଦ ଆପେ ନେ ସାର୍‌ତିକେ ସାରିୟାଃକାଦାଃପେ, ଏନାକେ ରିକାଏରେଦ ଆପେ ସୁକୁତାନ୍‌ଗିୟାଃପେ ।

୧୮ “ଆଇଙ୍ଗ୍ ଆପେ ସବେନ୍‌କଆଃ ବିଷାଏରେ କାଇଙ୍ଗ୍ କାଜିତାନା, ଆଇଙ୍ଗ୍ ସାଲାକାଦ୍ ହଡ଼କକେ ସାରିକାଦ୍‌କଆଇଙ୍ଗ୍, ମେନ୍‌ଦ୍ ଧାରାମ୍‌ପୁଅରେୟାଃ କାଜି ପୁରାଆଃ ନାଗେନ୍ତେ ନେ ଲେକା ହବାଅଃତାନା ‘ଆଇଁୟାଃଲଃ ହଲଙ୍ଗ୍ ହାଟିଙ୍ଗ୍ ଜମ୍‌ନିଃ ଆଇଁୟାଃ ବିରୁଧ୍‌ରେ ବିରିଦ୍‌ୟାନାଏ ।’ ୧୯ ନେୟାଁ ହବାଅଃରେ ଆପେ ଆଇଙ୍ଗ୍‌କେ ‘ଆଇଙ୍ଗ୍ ଆଇଙ୍ଗ୍‌ଗି ତାନିଙ୍ଗ୍’ ମେନ୍ତେପେ ବିଶ୍ୱାସେ ନାଗେନ୍ତେ ଆଇଙ୍ଗ୍ ଏନା ହବାଅଃ ସିଦାରେ ଆପେକେ ନାହାଁଃଡେଗି ଉଦୁବାପେତାନାଇଙ୍ଗ୍ । ୨୦ \*ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଜେତାଏ ଆଇଙ୍ଗ୍ କୁଲାକାଇନିଃକେ ସୁକୁଆଇନିଃ ଆଇଙ୍ଗ୍‌କେ ସୁକୁଆଇଙ୍ଗ୍‌ୟାଏ, ଆଡ଼ଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ ଆଇଙ୍ଗ୍‌କେ କୁଲ୍‌ନିଃକେ ସୁକୁଆଇୟାଏ ।”

ସାବ୍‌ରିକାଇନିଆଃ ବିଷାଏରେ ଯୀଶୁଆଃ ଆୟାଃକାଜି  
(ମାଥୁଉ ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୀଶୁ ନେ ସବେନ୍ କାଜି କାଜିକେଦ୍‌ଚି ଆମ୍‌ରେ ଆକ୍‌ବାକାଅୟାନାଏ ଆଡ଼ଃ ଗାଞ୍ଜା ଏମ୍‌ତାନ୍‌ଲଃ କାଜିକେଦାଃଏ, “ସାର୍‌ତିଗିଙ୍ଗ୍ କାଜିୟାପେତାନା, ଆପେକଏଡେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ଡିଃଇରେ ସାବ୍‌ରିକାଇଙ୍ଗ୍‌ୟାଏ ।”

୨୨ ଯୀଶୁ ଅକଏକେ କାଜିତାନାଏ ମେନ୍ତେ ଚେଲାକ ଆଡ଼ଃଉଡ଼ୁ ତାନ୍‌ଲଃ ଆକ ଆକରେକ ଆପ୍‌ରିଦ୍‌ୟାନା । ୨୩ ଆୟାଃ ଚେଲାକଏଡେ ମିଆଁଦ୍ ଚେଲା ଅକଏକେଚି ଯୀଶୁ ଦୁଲ୍‌ଡ଼ାଡ଼ାନ୍ ତାଇକେନାଏ, ଏନ୍ ଚେଲା ଯୀଶୁଆଃ ଗେନାରେ ଦୁବ୍‌କାନ୍ ତାଇକେନାଏ । ୨୪ ଏନ୍ତେ ଶିମୋନ୍ ପାଡ଼ରାସ୍ ଇନିଃକେ ତୁଣ୍ଡୁକେଦ୍‌ଡେ କାଜିକିୟାଏ, “ଇନିଃ ଅକଏକେ କାଜିତାନା ଏନା କୁଲି'ମେଁ ।”

୨୫ ଇନିଃ ଦୁବ୍‌କେଦ୍‌ଡେ ଯୀଶୁଆଃ କୁଡ଼ାମ୍‌ରେ ଟେଣ୍ଡେର୍‌ୟାନାଏ ଆଡ଼ଃ କୁଲିକିୟାଏ, “ହେ ପ୍ରାଭୁ ଇନିଃ ଅକଏ ତାନିଃ ?”

୨୬ ଯୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ହଲଙ୍ଗ୍‌ରାଃ କେଟାଃ ତୁପୁକେଦ୍‌ଡେ ଅକଏକେ ଏମିୟାଈଙ୍ଗ୍ ଏନ୍ ହଡ଼ ଇନିଃଗି ତାନିଃ ।” ଏନ୍ତେ ଇନିଃ ଏନ୍ ହଲଙ୍ଗ୍‌ରାଃ କେଟାଃକେ ତୁପୁକେଦ୍‌ଡେ ଶିମୋନ୍ ଇଷ୍ଟାରିୟ୍‌ଡ଼ରାଃ ହନ୍ତେକଡ଼ା ଯିହୁଦାକେ ଏମ୍‌କିୟାଏ । ୨୭ ଏନ୍ତେ ଇନିଃ ହଲଙ୍ଗ୍ କେଟାଃ ଇଦିକେଦ୍‌ଚି ଇମ୍‌ତାଗି ସାଏତାନ୍ ଇନିଃକେ ଏସେର୍‌କିୟାଏ । ଏନ୍ତେ ଯୀଶୁ ଇନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।” ୨୮ ମେନ୍‌ଦ୍ ଇନିଃ ଚିନାଃ ମେନ୍ତେ ଇନିଃକେ ନେ କାଜି କାଜିକିୟାଏ, ଏନା ଦୁବାକାନ୍‌କଏଡେ ଜେତାଏ କାକ ସାରିକେଦାଃ । ୨୯ ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ଚେଲାକଏଡେ ଚିମିନ୍‌କ

\* ୧୩:୧୭ ୧୩:୧୭ ମାଥୁଉ ୧୦:୨୪; ଲୁକ ୬:୪୦; ଯୋହାନ୍ ୧୫:୨୦. \* ୧୩:୨୦ ୧୩:୨୦ ମାଥୁଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ଉଡ଼ୁକେଦାଃଟି ପାରାବ୍ ନାଜ୍ ଲାଗାଡିଜ୍‌ତେୟାଃକ କିରିଜ୍ ନାଗେନ୍ତେ ଆଡଃ ରେଜ୍‌ଠକକେ ହୁଡିଜ୍ ଲେକା ଏମାକ ନାଗେନ୍ତେ ଯୀଶୁ ଜନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲଜ୍ କେଟାଃ ତେଲ୍‌କେଦ୍‌ତି ଜମ୍‌ତାଗି ଅତଜ୍‌ଧାବ୍‌ୟାନାଏ, ଆଡଃ ଜମ୍‌ତା ନୁଁବାଃକାନ୍ ତାଇକେନା ।

**ନାଝା ଆନ୍‌ରୁ**

୩୧ ଯିହୁଦା ଅତଜ୍‌ୟାନ୍ ତାୟମ୍‌ତେ ଯୀଶୁ କାଜିକେଦାଏ, “ନାହାଁଃଦ ମାନଝାହନ୍‌ରାଃ ମାଇନାନ୍ ଉଦୁବ୍‌ୟାନା ଆଡଃ ପାର୍‌ମେଶ୍‌ବାରାଃ ମାଇନାନ୍ ଜନିୟାଃ ହରାତେ ଉଦୁବ୍‌ୟାନା । ୩୨ ଆଡଃ ପାର୍‌ମେଶ୍‌ବାରାଃ ମାଇନାନ୍ ଜନିୟାଃ ହରାତେ ଉଦୁବ୍‌ୟାନ୍‌ରେଦ, ପାର୍‌ମେଶ୍‌ବାରାଃ ମାନଝାହନ୍‌କେ ଆୟାଃତାଃରେ ମାଇନାନ୍‌ନିୟା ଆଡଃ ଜମ୍‌ତାଗି ଜନିଃକେ ମାଇନାନ୍‌ନିୟା । ୩୩ ଯୀଶୁ କାଜିକେଦାଏ, ‘ଏ ହନ୍‌କ, ଆଇଜ୍ ଆପେଲଃ ଆଡଃ ଘାଡ଼ିକାଦ୍‌ଗି ତାଇନାଇଜ୍, ଆପେ ଆଇଜ୍‌କେ ଦାଣ୍ଠାଇୟାପେ, ଆଡଃ ଆଇଜ୍ ଯିହୁଦୀ ହାକିମ୍‌କକେ କାଜିୟାକାଦ୍‌କଲେକା ନାହାଁଃ ଆପେକେଇଜ୍ କାଜିୟାପେତାନା, ଆଇଜ୍ ସେନଃତାଃତେ କାପେ ସେନ୍‌ଦାଡ଼ିୟା ।’ ୩୪ ଆପେ ଦୁପୁଲ୍‌ାଡ଼ରେ ତାଇନ୍‌ପେ, ନେ ନାଝା ଆନ୍‌ରୁ ଆଇଜ୍ ଆପେକେ ଏମାପେତାନାଇଜ୍, ଆଇଜ୍ ଆପେକେ ଦୁଲ୍‌ାଡ଼କାଦ୍‌ପେଲେକା ଆପେୟ ଦୁପୁଲ୍‌ାଡ଼ରେ ତାଇନ୍ ଲାଗାଡିଜ୍‌ୟାଃ । ୩୫ ଆପେ ଦୁଲ୍‌ାଡ଼ରେପେ ତାଇନ୍‌ରେଦ ଆଇୟାଃ ତେଲ୍‌କ ତାନ୍‌ପେ ମେନ୍ତେ ସବେନ୍ ହଡ଼କ ସାରିୟାଃ ।”

ପାଡ଼ରାସ୍ ଯୀଶୁକେ କାଇଜ୍ ସାରିୟା ମେନ୍ତେ କାଜିରାଃ ଆୟା଼ରକାଜି (ମାଥୁଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପାଡ଼ରାସ୍ ଯୀଶୁକେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯୀଶୁ କାଜିକିୟାଏ, “ଆଇଜ୍ ସେନଃତାନ୍‌ତାଃ ନାହାଁଃ ଆମ୍ କାମ୍ ଅତଜ୍‌ଦାଡ଼ିୟାଃ ମେନ୍‌ଦ ତାୟମ୍‌ତେମ୍ ଅତଜ୍‌ଇୟା ।” ୩୭ ପାଡ଼ରାସ୍ ଜନିଃକେ କୁଲିକିୟାଏ, “ହେ ପ୍ରାଭୁ ଆଇଜ୍ ନାହାଁଃ ଚିକାନାଜ୍ ଆମ୍‌କେ ଅତଜ୍ କାଇଜ୍ ଦାଡ଼ିମେୟା ? ଆଇଜ୍ ଆମାଃ ନାଗେନ୍ତେ ଆଇୟାଃ ଜୀଉ ଏମ୍‌ନାଜ୍ ସେକାଡ଼ାକାନାଇଜ୍ ।” ୩୮ ଯୀଶୁ କାଜିରୁହାଡ଼କିୟାଏ, “ଚିୟାଃ ଆମ୍ ସାର୍‌ତିଗି ଆଇୟାଃ ନାଜ୍ ଜୀଉ ଏମ୍‌ନାଜ୍ ସେକାଡ଼ାକାନାମ୍ ? ଆଇଜ୍ ଆମ୍‌କେ ସାର୍‌ତିଗି କାଜିୟାମ୍‌ତାନାଇଜ୍, ସାଣ୍ଡିସିମ୍ ଆଉରି ରାଆଃ ସିଦାରେ ଆଇଜ୍ ଜନିଃକେ କାଇଜ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

**୧୪**

ଆପୁତାଃତେ ସେଟେର୍ ହରା ଯୀଶୁ ତାନିଃ

୧ ଯୀଶୁ କାଜିକେଦାଏ, “ଆପେୟାଃ ମନ୍ ଆଲକା ଆକ୍‌ବାକାଅଃକା, ଆପେ ପାର୍‌ମେଶ୍‌ବାରରେ ବିଶ୍ୱାସେପେ ଆଡଃ ଆଇଜ୍‌ରେୟ ବିଶ୍ୱାସେପେ । ୨ ଆଇୟାଃ ଆପୁଇୟାଃ ଅଡ଼ାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆଡଃ କା'ତାଇନ୍‌କାରେଦ ଆଇଜ୍ ଆପେନାଜ୍ ଠାୟାଦ୍ ବାଇବାଇତେ ସେନ୍‌ତାନାଇଜ୍ ମେନ୍ତେ କାଜିୟାପେତେୟାଃଇଜ୍ । ୩ ଆଡଃ ଆଇଜ୍ ସେନ୍‌କେଦ୍‌ତେ ଆପେନାଜ୍ ଠାୟାଦ୍ ବାଇସେକାଡ଼ଲେରେ ଆଡଃମିସା ହିଜୁଃଆଇଜ୍ ଆଡଃ ଆଇଜ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇଜ୍‌ତାଃତେ ଆପେକେ ଇଦିପେୟାଇଜ୍ । ୪ ଆଇଜ୍ ଅକ୍‌ତାଃତେ ସେନଃତାନାଇଜ୍ ଏନ୍ ଠାୟାଦ୍‌ରାଃ ହରା ଆପେ ସାରିୟାଃପେ ।”

☆ ୧୩:୩୩ ୧୩:୩୩ ଯୋହାନ୍ ୭:୩୪. ☆ ୧୩:୩୪ ୧୩:୩୪ ଯୋହାନ୍ ୧୫:୧୨,୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

୫ ଥୋମା ଇନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲ୍ଲକାତେ ହରାଲେ ସାରି ଦାଡ଼ିୟା ?”

୬ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍‌ଗି ତାନିଙ୍ଗ୍ ହରା, ସାର୍‌ଡ଼ି ଆତଃ ଜୀଦାନ୍, ଆଇଙ୍ଗ୍‌କେ ବାଗିକେଦ୍‌ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।” ୭ ଇନିଃ ମେତାଦକଆଏ, “ଆପେ ଆଇଙ୍ଗ୍‌କେ ସାର୍‌ଡ଼ିଗି ସାରିକାଇଙ୍ଗ୍‌ରେଦ ଆପୁଇଙ୍ଗ୍‌କେହ ସାରିକାଇତେୟାଃପେ, ନାହାଁଏତେ ଆପେ ଇନିଃକେପେ ସାରିତାନା ଆତଃ ଇନିଃକେପେ ନେଲ୍‌କାଇଜାଃ ।”

୮ ଫିଲିପ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍‌ନାଙ୍ଗ୍‌ଗି ଆଲେୟାଃ ସାନାଙ୍ଗ୍ ତାନାଃ ।”

୯ ଯୀଶୁ କାଜିରୁହାଡ଼କିୟାଏ, “ଏ ଫିଲିପ୍, ନିମିନ୍ ମାହାଁଏତେ ଆଇଙ୍ଗ୍ ଆପେଲଃ ମେନାଇୟାଃ ଚିୟାଃ ଆମ୍ ଆଇଙ୍ଗ୍‌କେ କାମ୍ ସାରିକାଦ୍ ଯାଃ, ଜେତାଏ ଆଇଙ୍ଗ୍‌କେ ନେଲ୍‌କାଦିଙ୍ଗ୍‌ନିଃ ଆପୁକେ ନେଲ୍‌କାଇଜାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲ୍ଲକାତେମ୍ କାଜିତାନା ?” ୧୦ ଆଇଙ୍ଗ୍ ଆପୁତାଃରେ ମେନାଇୟାଃ ଆତଃ ଆପୁ ଆଇଙ୍ଗ୍‌ରିୟା, ଚିୟାଃ ନେଆଁ ଆମ୍ କାମ୍ ପାତିୟାରେତାନା, ଆଇଙ୍ଗ୍ ଆପେକେ କାଜିୟାପେତାନ୍ କାଜିକ ଆଇଙ୍ଗ୍‌ତାଃଏତେ କାଇଙ୍ଗ୍ କାଜିୟାଃ ମେନ୍‌ଦ ଆପୁ ଆଇଙ୍ଗ୍‌ରେ ତାଇନ୍‌କେଦ୍‌ତେ ଆୟାଃ କାମିକ କାମିତାନାଏ । ୧୧ ଆଇଙ୍ଗ୍ ଆପୁତାଃରେ ମେନାଇୟାଃ ଆତଃ ଆପୁ ଆଇଙ୍ଗ୍‌ରିୟାଃ ଏନା ବିଶ୍ୱାସେପେ, ଏନା କା'ରେଦ, ଆଇଙ୍ଗ୍ କାମିକାଦ୍ କାମିକ ନାଗେନ୍ତେ ପାତିୟାରିଙ୍ଗ୍‌ପେ । ୧୨ ଆଇଙ୍ଗ୍ ସାର୍‌ଡ଼ିଗି କାଜିୟାପେ ତାନାଇଙ୍ଗ୍, ଆଇଙ୍ଗ୍‌ରେ ବିଶ୍ୱାସେତାନ୍‌କ, ଆଇଙ୍ଗ୍ କାମିକାଦ୍ କାମିକ କାମିୟା ଆତଃ ଏନାଏତେ ଆଦକା ମାପରାଙ୍ଗ୍ କାମିକ କାମିୟା, ଚିୟାଃତି ଆଇଙ୍ଗ୍‌ଦ ଆପୁତାଃତେ ସେନଃତାନାଇଙ୍ଗ୍ । ୧୩ ଆତଃ ଆଇଁୟାଃ ନୁତୁମ୍‌ତେ ସବେନାଃ ଆସିତେୟାଃ ଆଇଙ୍ଗ୍ ଆପେନାଙ୍ଗ୍ କାମିୟାଈଙ୍ଗ୍, ଏନାତେ ଆପୁଆଃ ମାଇନାନ୍ ହନ୍‌ଆଃ ହରାତେ ଉଦୁବଃଆ । ୧୪ ଆପେ ଆଇଁୟାଃ ନୁତୁମ୍‌ତେ ଜେଡ୍‌ନାଃପେ ଆସିରେଦ ଏନାଇଙ୍ଗ୍ ରିକାୟା ।

ପାବିତାର୍ ଆମ୍‌ରାଃ କାଜିଏମଃ

୧୫ ଆପେ ଆଇଙ୍ଗ୍‌କେ ଦୁଲ୍‌ାଡ଼ିଙ୍ଗ୍‌ରେଦ ଆଇଁୟାଃ ଆନ୍‌ରୁପେ ମାନାଡ଼ିଙ୍ଗ୍‌ୟାଃ । ୧୬ ଆଇଙ୍ଗ୍ ଆପୁକେଇଙ୍ଗ୍ ବନ୍ତିୟା ଆତଃ ଇନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏତାଃ ଜୀଉରାଡ଼େଃ ଏମଃନିଃକେ ଏମାପେୟାଏ । ୧୭ ଇନିଃ ସାର୍‌ଡ଼ି ଆମ୍ ତାନିଃ, ଆତଃ ପାର୍‌ମେଶ୍ୱାର୍‌ରାଃ ସାର୍‌ଡ଼ି ବିଷାଏକେ ଉଦୁବେୟାଏ । ଅତେଦିଶ୍ୱମ୍ ଇନିଃକେ କାଏ ସାରିୟାଃ, ଚିୟାଃତି ଅତେଦିଶ୍ୱମ୍ ଇନିଃକେ କାଏ ନେଲ୍ ଦାଡ଼ିୟାଃ ତାଏ କାଏ ନାମ୍ ଦାଡ଼ିୟାଃ । ମେନ୍‌ଦ ଆପେ ଇନିଃକେ ସାରିୟାଃପେ ଚିୟାଃତି ଇନିଃ ଆପେଲଃ ମେନାଇୟା ଆତଃ ଆପେରେ ତାଇନଃଆଏ ।

୧୮ “ଆଇଙ୍ଗ୍ ସେନଃୟାନ୍ ତାୟମ୍‌ତେ, ଆଇଙ୍ଗ୍ ଆପେକେ ତୁଆର୍‌ଲେକା କାଇଙ୍ଗ୍ ବାଗିପେୟା, ଆଇଙ୍ଗ୍ ଆପେତାଃତେ ରୁହାଡ଼୍ ହିଜୁଃଆଇଙ୍ଗ୍ । ୧୯ ଆତଃ କାଟିଃ ଘାଡ଼ିକାଦ୍‌ରେ ଅତେଦିଶ୍ୱମ୍ ଆଇଙ୍ଗ୍‌କେ କାଏ ନେଲ୍‌ୟାଃ, ମେନ୍‌ଦ ଆପେ ଆଇଙ୍ଗ୍‌କେ ନେଲ୍‌ୟାଃପେ, ଚିୟାଃତି ଆଇଙ୍ଗ୍‌ଦ ଜୀହିଦ୍ ମେନାଇୟାଃ ଆତଃ ଆପେୟ ଜୀହିଦ୍‌ଗି ତାଇନାଃପେ । ୨୦ ଆଇଙ୍ଗ୍ ଆପୁଲଃ ମେନାଇୟାଃ ଆତଃ ଆଇଙ୍ଗ୍ ଆପେରେ ମେନାଇଙ୍ଗ୍ ଲେକା ଆପେ ଆଇଁୟାଃରେ ମେନାପେୟା ଏନା ଏନ୍ ହୁଲ୍‌ାଙ୍ଗ୍ ହିଜୁଃରେପେ ସାରିୟାଃ ।

୨୧ “ଜେତାଏ ଆଇଁୟାଃ ଆନ୍‌ରୁ ନାମ୍‌କେଦ୍‌ତେ ମାନାଡ଼ିଙ୍ଗ୍‌ନିଃ ଆଇଙ୍ଗ୍‌କେ ଦୁଲ୍‌ାଡ଼ାଏ, ଆତଃ ଆଇଙ୍ଗ୍‌କେ ଦୁଲ୍‌ାଡ଼ିଙ୍ଗ୍‌ନିଃକେ ଆପୁଇଙ୍ଗ୍ ଦୁଲ୍‌ାଡ଼ିୟାଏ ଆତଃ ଆଇଙ୍ଗ୍‌ହଁ ଇନିଃକେ ଦୁଲ୍‌ାଡ଼ିୟାଈଙ୍ଗ୍ ଆତଃ ଇନିଃତାଃରେ ଉଦୁବେନାଈଙ୍ଗ୍ ।”

୨୨ ଇଷ୍ଟାରିୟତ୍ ଯିହୁଦା କାହା, ଏତାଃ ଯିହୁଦା ଯୀଶୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍ଲକା ହବାଅଥାଃ ? ଚିନାଃମେନ୍ତେ ଆମ୍ ଅତେଦିଶୁମ୍ରେ କା ଉଦୁବେନ୍ କେଦତେ ଆଲେତାଃରେ ଉଦୁବେନ୍ ସାନାଙ୍ଗତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼କିୟାଏ, “ଜେତାଏ ଆଇଙ୍ଗକେ ଦୁଲ୍ଲାଡ଼ିଙ୍ଗରେଦ ଇନିଃ ଆଇୟାଃ କାଜି ମାନାଡିୟାଏ ଆତଃ ଆପୁଇଙ୍ଗ ଇନିଃକେ ଦୁଲ୍ଲାଡ଼ିୟାଏ ଆତଃ ଆପୁଇଙ୍ଗ ଆତଃ ଆଇଙ୍ଗ ହିଜୁଃକେଦତେ ଇନିଃଲଃ ତାଇନାଃଲିଙ୍ଗ । ୨୪ ଆଇଙ୍ଗକେ କାଏ ଦୁଲ୍ଲାଡ଼ିଙ୍ଗନିଃ ଆଇୟାଃ କାଜି କାଏ ମାନାଡିୟାଃ ଆତଃ ଆପେ ଆୟୁମ୍ତାନ କାଜି ଆଇୟାଃ ନାହାଁଲାଃ, ମେନ୍ଦ ଆଇଙ୍ଗକେ କୁଲ୍ଲାଇଙ୍ଗନିଃ ଆପୁଇୟାଃ ତାନାଃ ।

୨୫ “ଆଇଙ୍ଗ ଆପେଲଃ ତାଇକେନ୍ ଇମ୍ତା ନେ କାଜିକ କାଜିୟାପେ ତାନାଇଙ୍ଗ । ୨୬ ମେନ୍ଦ ଏନ୍ ଜୀଉରାଡେଃ ଏମଃ ପାବିତାର୍ ଆମ୍ ଆକେ ଆପୁ ଆଇୟାଃ ନୁଡୁମ୍ତେ କୁଲିୟାଏ ଇନିଃ ଆପେକେ ସବେନାଃ ଇଡୁପେୟାଏ ଆତଃ ଆପେକେ କାଜିକାଦପେତେୟାଃ, ପାହାମ୍ ରିକାପେୟାଏ ।

୨୭ “ଆଇଙ୍ଗ ଆପେକେ ଜୀଉସୁକୁ ବାଗିୟାପେତାନାଇଙ୍ଗ, ଆଇୟାଃ ଜୀଉସୁକୁ ଏମାପେତାନାଇଙ୍ଗ, ଅତେଦିଶୁମ୍ ଏମ୍ଲେକା କାଇଙ୍ଗ ଏମାପେତାନା, ଆପେୟାଃ ମନ୍ ଆଲକାଏ ଆକ୍ବାକାଅଃକା ଆତଃ ଆଲକାଏ ବରଏକା । ୨୮ “ଆଇଙ୍ଗ ସେନଃତାନାଇଙ୍ଗ ଆତଃ ଆପେତାଃତେଇଙ୍ଗ ହିଜୁଃରୁହାଡ଼ାଃ” ମେନ୍ତେ ଆପେକେ କାଜିକାଦପେତେୟାଃ ଆୟୁମ୍କାଦାଃପେ । ଆପେ ଆଇଙ୍ଗକେ ଦୁଲ୍ଲାଡ଼ିଙ୍ଗତେୟାଃପେ ରେଦ ଆଇଙ୍ଗ ଆପୁତାଃତେଇଙ୍ଗ ସେନଃତାନା ମେନ୍ତେ ରାସ୍ବାକାଅଃତେୟାଃପେ, ଚିୟାଃଚି ଆପୁଦ ଆଇଙ୍ଗଏତେ ମାରାଙ୍ଗଆଃଏ । ୨୯ ଏନା ହବାଃଅ ଦିପିଲିରେ ଆପେ ଜେଲେକା ବିଶ୍ବାସେ ନାଗେନ୍ତେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଙ୍ଗ । ୩୦ ଆଇଙ୍ଗ ଆପେଲଃ ପୁରାଃ କାଇଙ୍ଗ ଜାଗାରେୟା, ନେ ଅତେଦିଶୁମ୍ରେନ୍ ଗମ୍ କେ ହିଜୁଃତାନାଏ ଆତଃ ଆଇଙ୍ଗରେ ଇନିୟାଃ ଜେତାନ୍ ପେଡେଃ ବାନଆଃ । ୩୧ ମେନ୍ଦ ଆପୁ ଆରୁକାଦ୍ ଲେକାଇଙ୍ଗ କାମିୟାଃ, ଏନାତେ ଆଇଙ୍ଗ ଆପୁକେଇଙ୍ଗ ଦୁଲ୍ଲାଡ଼ାଃ ମେନ୍ତେ ଅତେଦିଶୁମ୍ ଆଟ୍ କାରେକାଏ ।

“ବିରିଦପେ, ଦଲ୍ଲା ନେତାଃଏତେରୁ ସେନଃଆ ।

### ୧୫

ୟୀଶୁ ସାର୍ତ୍ତି ଦାଖନାଡ଼ି ତାନିଃ

୧ “ଆଇଙ୍ଗ ସାର୍ତ୍ତି ଦାଖନାଡ଼ି ତାନିଙ୍ଗ ଆତଃ ଆପୁଇଙ୍ଗ କିଷାନ୍ ତାନିଃ । ୨ ଆଇଙ୍ଗତାଃରେ ତାଇନଃ ଜେତାନ୍ କତ କା ଜଅଃତେୟାଃକେ ମାଆଃ ଆତମେୟାଏ ଆତଃ ଜଅଃତାନ୍ କତ ଆଦକା ଜଅଃକା ମେନ୍ତେ ଏନାକେ ମାଆଃକେଦତେ ସାପା ଫାଟ୍ଟିୟାଏ । ୩ ଆପେଦ ଆଇଙ୍ଗ କାଜିୟାଦ୍ କାଜିରେୟାଃ ହରାତେପେ ଫାଟ୍ଟି ଚାବାକାନା । ୪ ଆଇଙ୍ଗରେ ତାଇନ୍ପେ ଆତଃ ଆଇଙ୍ଗ ଆପେରେ ତାଇନାଃଇଙ୍ଗ, କତ ଦାଖନାଡ଼ିରେ କା ତାଇନ୍ରେଦ ଆଇଃକ୍ତେଗି କା ଜଅଃ ଦାଡ଼ିୟାଆ, ଏନ୍ ଲେକାତେ ଆପେୟ ଆଇୟାଃରେ କାପେ ତାଇନ୍ରେଦ କାପେ ଜଅଃ ଦାଡ଼ିୟାଆ ।

୫ “ଆଇଙ୍ଗ ଦାଖନାଡ଼ି ତାନିଙ୍ଗ, ଆପେ କତକ ତାନ୍ପେ, ଆଇଙ୍ଗରେ ତାଇନ୍ତାନକ୍ ଆତଃ ଆଇଙ୍ଗ ଇନ୍କୁରେ ତାଇନ୍ତାନ୍ ହଡ଼କ ପୁରାଃ ଜଆଃକ । ଚିୟାଃଚି ଆଇଙ୍ଗ ବେଗାର୍ଦ୍ ଆପେ ଜେଡ଼ନାଃ କାପେ କାମି ଦାଡ଼ିୟାଃ । ୬ ଜେତାଏ ଆଇଙ୍ଗରେ କାଏ ତାଇନ୍ରେଦ ଇନିଃ ମାଆଃକାନ୍ କତଲେକାଏ ଏଶ୍ବାଗଃଆ, ଆତଃ ରହଡ଼ାଆଏ; ଏନ୍ଲେକାନ୍ କତକେ ହଡ଼କ ହୁଣ୍ଡିକେଦତେ ସେଙ୍ଗେଲ୍ରେକ ହୁଦ୍ମାୟା ଆତଃ ଏନା ଲଆଃ । ୭ ଆପେ ଆଇଙ୍ଗରେ ତାଇନ୍ରେ ଆତଃ ଆଇୟାଃ କାଜି ଆପେରେ ତାଇନ୍ରେଦ ଆପେ ଜେଡ଼ନାଃ ସାନାଙ୍ଗତେୟାଃ ଆସିପେ



ଆଡ଼ ଆପେୟାଃ ନାଗେନ୍ତେ ଏନା ହବାଅଆଃ । ୮ ଆପେ ପୁରାଃ ଜ ଜଅଃରେ ଆଇଁୟାଃ ଆପୁଇଙ୍ଗ୍ ମାଇନାନଃଆଏ ଆଡ଼ ଆପେ ଆଇଁୟାଃ ବୁଗିନ୍ ତେଲାପେ ବାଇୟାଃ । ୯ ଆପୁ ଆଇଙ୍ଗ୍ କେ ଦୁଲ୍ଲାଡ଼କାଦିଙ୍ଗ୍ ଲେକା ଆଇଙ୍ଗ୍ ଆପେକେ ଦୁଲ୍ଲାଡ଼କାଦପେୟାଇଙ୍ଗ୍, ଆଇଁୟାଃ ଦୁଲ୍ଲାଡ଼ରେ ତାଇନକାନ୍ଦେ । ୧୦ ଆଇଙ୍ଗ୍ ଆପୁଇଁୟାଃ ଆନୁରୁ ମାନାଡ଼ିଙ୍ଗ୍ କେଦତେ ଆୟାଃ ଦୁଲ୍ଲାଡ଼ରେ ତାଇକାନ୍ ଲେକାଗି ଆପେୟାଃ ଆଇଁୟାଃ ଆନୁରୁପେ ମାନାଡ଼ିଙ୍ଗ୍ରେ ଆଇଁୟାଃ ଦୁଲ୍ଲାଡ଼ରେପେ ତାଇନାଃ ।

୧୧ “ଆଇଁୟାଃ ରାସ୍ତା ଆପେରେ ତାଇନକା ଆଡ଼ ଆପେୟାଃ ରାସ୍ତା ପୁରାଆଃ ନାଗେନ୍ତେ ଆଇଙ୍ଗ୍ ଆପେକେ ନେଆଁ କାଜିୟାଦପେୟାଇଙ୍ଗ୍ । ୧୨ \*ଆଇଙ୍ଗ୍ ଆପେକେ ଦୁଲ୍ଲାଡ଼କାଦପେ ଲେକା ଆପେୟା ଦୁପୁଲ୍ଲାଡ଼ପେ, ନେଆଁ ଆଇଁୟାଃ ଆନୁରୁ ତାନାଃ । ୧୩ ଜେତାଏ ଆୟାଃ ଗାଡ଼ିକଆଃ ନାଗେନ୍ତେ ଆୟାଃ ଜୀଉ ଏମଠିୟାଃଏତେ ମାରାଙ୍ଗ୍ ଦୁଲ୍ଲାଡ଼, ଜେଡ଼ନାଃ ବାନଆଃ । ୧୪ ଆଇଙ୍ଗ୍ ଆପେକେ ଏମାକାଦ୍ ଆନୁରୁକେପେ ମାନାଡ଼ିଙ୍ଗ୍ରେଦ ଆପେ ଆଇଁୟାଃ ଗାଡ଼ିକ ତାନ୍ଦେ । ୧୫ ଆଇଙ୍ଗ୍ ଆପେକେ ଆଡ଼ ଦାସି ମେନ୍ତେ କାଇଙ୍ଗ୍ କାଜିପେତାନା, ଚିୟାଃଚି ଗମ୍ବେ ଚିନାଃ କାମିତାନ୍ତେୟାଃ, ଦାସି କାଏ ସାରିୟାଃ ମେନ୍ଦ୍ ଆଇଙ୍ଗ୍ ଆପେକେ ଗାଡ଼ି ମେନ୍ତେ କାଜିପେତାନାଇଙ୍ଗ୍ ଚିୟାଃଚି ଆଇଁୟାଃ ଆପୁଇଙ୍ଗ୍ ତାଃଏତେ ଆୟୁମକାଦ୍ ସବେନାଃ ଆପେକେ ଉଦୁବାକାଦପେୟାଇଙ୍ଗ୍ । ୧୬ ଆପେ ଆଇଙ୍ଗ୍ କେ କାପେ ସାଲାକାଦିୟାଃ ମେନ୍ଦ୍ ଆଇଙ୍ଗ୍ ଆପେକେ ସାଲାକାଦପେୟାଇଙ୍ଗ୍ । ଆପେ ଜେ'ଲେକା ପୁରାଃଗି ଜ ଦାଡ଼ିୟାଃଆପେ ଆଡ଼ ଏନ୍ ଜ ଜାନାଅଗି ତାଇନଃକା ମେନ୍ତେଇଙ୍ଗ୍ ସାଲାକାଦପେୟା । ଏନାତେ ଆପେ ଆଇଁୟାଃ ନୁଡ଼ମ୍ତେ ଆପୁକେ ଜେଡ଼ନାଃ ଆସିତେୟାଃ ଆପେକେ ଏମାପେୟାଏ । ୧୭ ଆଇଙ୍ଗ୍ ଆପେକେ ଦୁଲ୍ଲାଡ଼ପେତାନ୍ ଲେକାଗି ଆପେ ଆପେଗି ଦୁପୁଲ୍ଲାଡ଼ପେ, ନେଆଁ ଆଇଁୟାଃ ଆନୁରୁ ତାନାଃ ।

ଅତେଦିଶୁମ୍ ଆପେକେ ହିଲାଙ୍ଗ୍ପେୟା

୧୮ “ଅତେଦିଶୁମ୍ ଆପେକେ ହିଲାଙ୍ଗ୍ପେରେଦ, ଆପେକେ ହିଲାଙ୍ଗ୍ ସିଦାରେ ଆଇଙ୍ଗ୍ କେ ହିଲାଙ୍ଗ୍ କାଦିୟାଏ ଏନା ସାରିପେ । ୧୯ ଆପେ ନେ ଅତେଦିଶୁମ୍ରେନ୍ ତାଇକାନ୍ରେଦ ଅତେଦିଶୁମ୍ ଆପେକେ ଆଇଃକ୍ ଲେକାଗି ଦୁଲ୍ଲାଡ଼କାପେତେୟାଃଏ । ମେନ୍ଦ୍ ଆଇଙ୍ଗ୍ ଆପେକେ ଅତେଦିଶୁମ୍ଏତେ ସାଲାକାଦପେୟାଇଙ୍ଗ୍, ଆଡ଼ ଆପେ ଅତେଦିଶୁମ୍ରେନ୍ ନାହାଁଲାପେ ଏନାତେ ଆପେକେ ଅତେଦିଶୁମ୍ ହିଲାଙ୍ଗ୍ପେତାନାଏ । ୨୦ \*ଦାସି ଆୟାଃ ଗମ୍ବେଏତେ କାଏ ମାରାଙ୍ଗ୍ଆଃ ମେନ୍ତେ କାଜିୟାଦପେ କାଜି ପାହାମେପେ । ଇନ୍କୁ ଆଇଙ୍ଗ୍ କେ ସିଗିଦକାଦିଙ୍ଗ୍ ରେଦକ ଆପେକେୟାଗି ସିଗିଦପେୟାକ, ଇନ୍କୁ ଆଇଁୟାଃ କାଜି ମାନାଡ଼ିଙ୍ଗ୍ଲେରେ ଆପେୟାଃ କାଜିକେୟାକ ମାନାଡ଼ିଙ୍ଗ୍ୟାଃ । ୨୧ ମେନ୍ଦ୍ ଇନ୍କୁ ଆଇଁୟାଃ ନୁଡ଼ମ୍ ନାଗେନ୍ତେ ନେ ସବେନାଃ ଆପେକେୟା ରିକାପେୟାକ, ଚିୟାଃଚି ଇନ୍କୁ ଆଇଙ୍ଗ୍ କେ କୁଲ୍ନିଃକେ କାକ ସାରିୟା ? ୨୨ ଆଇଙ୍ଗ୍ ହିଡ଼ୁଃକେଦତେ ଇନ୍କୁକେ କାଇଙ୍ଗ୍ କାଜିକାକରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ୍ ନାହାଁଃ ଆକଆଃ ପାପ୍ ନାଗେନ୍ତେ ଇନ୍କୁ ଜେଡ଼ନାଃ କାକ ବାହାନା ଦାଡ଼ିୟାଃ । ୨୩ ଆଇଙ୍ଗ୍ କେ ହିଲାଙ୍ଗ୍ନିଃ ଆଇଁୟାଃ ଆପୁକେହଗି ହିଲାଙ୍ଗ୍ଆଃଏ । ୨୪ ଜେତାଏ କାକ କାମିୟାକାଦ୍ କାମି ଆଇଙ୍ଗ୍ ଇନ୍କୁଆଃ ଆଲାରେ କାଇଙ୍ଗ୍ କାମିକେଦରେଦ ଇନ୍କୁଆଃ ପାପ୍ କା ହବାଅଃତେୟାଃ, ମେନ୍ଦ୍ ଆଇଙ୍ଗ୍ କାମିକାଦତେୟାଃ ନାହାଁଃ ଇନ୍କୁ ନେଲ୍କାଦାଃକ ଆଡ଼ ଆଇଙ୍ଗ୍ ଆଡ଼ ଆପୁଇଙ୍ଗ୍ ବାରାନ୍କିନ୍କେ ହିଲାଙ୍ଗ୍ କାଦଲିୟାକ । ୨୫ ମେନ୍ଦ୍

\* ୧୫:୧୨ ୧୫:୧୨ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.      \* ୧୫:୨୦ ୧୫:୨୦ ମାଥୁ ୧୦:୨୪; ଲୁକ ୬:୪୦; ଯୋହାନ୍ ୧୩:୧୭.

‘ଇନ୍ଦ୍ରକୁ ଆଇଙ୍ଗକେ ସାମାଗିକ ହିଲାଇକିଦିୟାଃ ।’ ଇନ୍ଦ୍ରକୁଆଃ ଆନ୍ତରୁରେ ନେ କାଜି ଆଲ୍ମାକାନ୍ତେୟାଃ ପୁରାଅଃ ନାଗେନ୍ତେ ନେ’ଲେକା ହବାଅଃତାନାଃ ।

୨୭ “ଆପୁତାଃଏତେ ଆପେତାଃ ଆଇଙ୍ଗ କୁଲି ଜୀଉରାତେଃ ଏମଃନିଃକେ ଚାଏ ଆପୁତାଃଏତେ ହିନ୍ଦୁଃତାନ୍ ସାନାରୁତିରେନ୍ ଆମ୍ବା ହିନ୍ଦୁଃରେ ଆଇଁୟାଃ ବିଷାଏରେ ଗାଞ୍ଜା ଏମେୟାଏ । ୨୭ ଆତଃ ଆପେୟ ଆଇଁୟାଃ ବିଷାଏରେ ଗାଞ୍ଜାଏ ଏମେୟା, ଚିୟାଃତି ଆପେଦ ମୁନ୍ନୁଏତେ ଆଇଁୟାଃଲଃ ତାଇକେନାପେ ।

## ୧୭

ୟାଶୁ ଆୟାଃ ଚେଲକକେ ଜୀଉ ରାତେଃକତାନାଏ

୧ “ଆପେ ଜେ’ଲେକା ବିଶ୍ୱାସକେ ଆଲ୍ମାପେ ଆଦେକା ଏନାମେନ୍ତେ ଆଇଙ୍ଗ ନେ ସବେନ୍ କାଜିଇଙ୍ଗ ଉଦୁବାଦପେୟା । ୨ ଇନ୍ଦ୍ରକୁ ଆପେକେ ସାମାଜିଅତାଃଏତେ ଆତମପେୟାକ, ଏନ୍ଦିପିଲି ହିନ୍ଦୁଃଆ, ଚିମ୍ତାଙ୍ଗ ଜେତାଏନିଃ ଆପେକେ ଗଏଃପେୟାଏ, ଇମତାଙ୍ଗ ଇନିଃ ପାରମେଶ୍ୱାରୁଆଃ ସେଞ୍ଜାତାନାଇଙ୍ଗ ମେନ୍ତେ ଆଟ୍‌କାରେୟାଏ । ୩ ଆତଃ ଇନ୍ଦ୍ରକୁ ଆପେକେ ନେକାପେୟାକ ଚିୟାଃତି ଇନ୍ଦ୍ରକୁ ଆପୁ ଆତଃ ଆଇଙ୍ଗକେ କାକ ସାରିୟାଃ । ୪ ମେନ୍ଦ ଏନ୍ ଦିପିଲି ସେଚେରୁରେ ଆଇଙ୍ଗ ଆପେକେ ନେ କାଜି କାଜିକାପେ ତାଇକେନାଇଙ୍ଗ, ଏନା ପାହାମେ ନାଗେନ୍ତେ ଆଇଙ୍ଗ ନେ ସବେନ୍ କାଜି ଆପେକେ କାଜିୟାଦପେୟାଇଙ୍ଗ ।

“ଆଇଙ୍ଗ ଆପେଲଃ ତାଇକେନ୍ ଇମ୍ତା ମୁନ୍ନୁଏତେ ନେ ସବେନ୍ କାଜି କାଇଙ୍ଗ କାଜି ।

ପାବିତାର ଆମ୍ବାରାଃ କାମି

୫ “ମେନ୍ଦ ନାହାଁଃ ଆଇଙ୍ଗକେ କୁଲିନିଃତାଃତେ ସେନଃତାନାଇଙ୍ଗ, ହଲେହ୍ ଅକ୍ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଙ୍ଗତାନା । ୬ ଆତଃ ନାହାଁଃ ଆଇଙ୍ଗ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍ସୁରୁଦରେ ପୁରାଃଗିପେ ହୁଡିଙ୍ଗଜୀଉକାନା । ୭ ମେନ୍ଦ ଆଇଙ୍ଗ ଆପେକେ ସାର୍ତି କାଜିୟାପେ ତାନାଇଙ୍ଗ, ଆଇଙ୍ଗ ସେନଃତେୟାଃ ଆପେୟାଃ ନାଙ୍ଗ ପୁରାଃ ବୁଗିଅଆଃ, ଚିୟାଃତି ଆଇଙ୍ଗ କାଇଙ୍ଗ ସେନ୍ରେଦ ଜୀଉରାତେଃ ଏମଃନିଃ କାଏ ହିନ୍ଦୁଃଆ, ମେନ୍ଦ ଆଇଙ୍ଗ ସେନ୍ରେଦ ଇନିଃକେ ଆପେତାଃତେଇଙ୍ଗ କୁଲିୟା । ୮ ଆତଃ ଇନିଃ ହିନ୍ଦୁଃରେ ଅତେଦିଶ୍ୱମ୍ରେନ୍ ହଡକଆଃ ପାପରେୟାଃ ଏଡକାନ୍ ବିଷାଏ, ଧାର୍ମାନ୍ ବିଷାଏ ଆତଃ ପାରମେଶ୍ୱାରୁଆଃ ବିଚାରୁ ବିଷାଏରେ ଉଦୁବେୟାଏ । ୯ ପାପ ବିଷାଏରେ ଇନ୍ଦ୍ରକୁ କାକ ଠାଉକା, ଚିୟାଃତି ଇନ୍ଦ୍ରକୁ କାକ ବିଶ୍ୱାସେତାନା ୧୦ ଧାର୍ମାନ୍ ବିଷାଏରେ ଇନ୍ଦ୍ରକୁ କାକ ଠାଉକା, ଚିୟାଃତି ଆଇଙ୍ଗଦ ଆପୁତାଃତେ ସେନଃତାନାଇଙ୍ଗ, ଆପେ ଆତଃ କାପେ ନେଲିୟାଃ । ୧୧ ବିଚାରୁ ବିଷାଏରେ ଇନ୍ଦ୍ରକୁ କାକ ଠାଉକା, ଚିୟାଃତି ନେ ଅତେଦିଶ୍ୱମ୍ରେନ୍ ଗମ୍‌କେଦ ବିଚାରୁ ଚାବାକାନାଏ ।

୧୨ “ଆଇଙ୍ଗତାଃରେ ଆପେକେ ଆତଃ ପୁରାଃଗି କାଜି ଉଦୁବାପେ ନାଙ୍ଗ ମେନାଃ ମେନ୍ଦ ନାହାଁଃ ଆପେ ଏନାକେ କାପେ ସାହାତିଙ୍ଗ ଦାଡିୟାଃ । ୧୩ ମେନ୍ଦ ଇନିଃ, ଏନ୍ ସାର୍ତିରେନ୍ ଆମ୍ବା ହିନ୍ଦୁଃରେ, ଇନିଃ ପାରମେଶ୍ୱାରୁଆଃ ହରା ଉଦୁବକେଦତେ ଆପେକେ ସବେନ୍ ସାର୍ତିରେ ଆୟାରୁ ଇଦିପେୟାଏ । ଚିୟାଃତି ଇନିଃଦ ଆୟାଃ ପେଡେଃତେ କାଏ କାଜିୟା ମେନ୍ଦ ଆଇଃକ୍ ଆୟୁମ୍‌ତେୟାଃଗି କାଜିୟାଏ, ଆତଃ ହିନ୍ଦୁଃ ବିଷାଏକ ଉଦୁବାପେୟାଏ । ୧୪ ଇନିଃ ଆଇଙ୍ଗକେ ମାଇନାନ୍ ଏମାଇଙ୍ଗୟାଏ, ଚିୟାଃତି ଇନିଃଦ ଆଇଙ୍ଗ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ । ୧୫ ଆପୁଇଁୟାଃ ସବେନାଃତେୟାଃ ଆଇଁୟାଃ ତାନାଃ ମେନ୍ତେ

ଆଇଙ୍ଗ୍ କାଜିକେଦାଇଙ୍ଗ୍, ପାବିତାର୍ ଆମ୍ବା ଆଇଙ୍ଗ୍ ଏମ୍ତେୟାଃ ଇଦିୟାଏ ଆଡ଼ଃ ଆପେକେ ଉଦୁବାପେୟାଏ ।

ଦୁକୁ ଆଡ଼ଃ ରାସ୍‌କା

୧୭ “ଆପେ ଆଡ଼ଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ, ଏନ୍ତେ ଆଡ଼ଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ।”

୧୭ ଏନ୍ତେ ଯୀଶୁଆଃ ଚେଲାକଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆଡ଼ଃ କାଟିଃ ଘାଡ଼ିକାଦ୍‌ରେପେ ନେଲିୟାଃ ଆଡ଼ଃ ‘ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ? ୧୮ ଏନ୍ତେ ଇନ୍‌କୁ କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ଚେଲାକ ଇନିଃକେ କୁଲିନାଙ୍ଗ୍ ସାନାଙ୍ଗ୍‌ତାନାକ ମେନ୍ତେ ଆର୍‌କାର୍‌କେଦ୍‌ତି ଯୀଶୁ ଇନ୍‌କୁକେ ମେତାଦ୍‌କଆଏ, “ଆଡ଼ଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଃ ଆଡ଼ଃ କାଟିଃ ଘାଡ଼ିକାଦ୍‌ରେପେ ନେଲିୟାଃ, ମେନ୍ତେଇଙ୍ଗ୍ କାଜିୟାଦ୍‌ପେୟା ଏନା ନାଗେନ୍ତେ ଆପେ ଆପେରେଚି କୁପୁଲିୟାତାନାପେ ? ୨୦ ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଅତେଦିଶୁମ୍ ରାସ୍‌କାଅଃ ଇମ୍‌ତା ଆପେ ରାଆଃଏୟା ଆଡ଼ଃ ଏୟମ୍‌ମେୟା, ଆପେ ଦୁକୁଃଆପେ ମେନ୍‌ଦ୍ ଆପେୟାଃ ଦୁକୁ ରାସ୍‌କାରେ ବାଇୟାଆ । ୨୧ ମିଆଁଦ୍ ଆଶ୍‌ଦି କୁଡ଼ିରାଃ ହନ୍ ଜାନାମ୍ ଦିପିଲି ସେଚେରୁୟାନ୍‌ରେ ଦୁକୁ ନାମେୟାଏ, ମେନ୍‌ଦ୍ ଇନିଃ ହନ୍ ଜାନାମ୍ ତାୟମ୍‌ତେ ଅତେଦିଶୁମ୍‌ରେ ମିଆଁଦ୍ ହନ୍ ଜାନାମ୍‌ୟାନାଏ ମେନ୍ତେ ଆୟାଃ ଦୁକୁକେ ଆଡ଼ଃ କାଏ ପାହାମାଃ । ୨୨ ଏନ୍‌ଲେକାଗି ନାହାଁଃଦ୍ ଆପେ ଦୁକୁଃତାନାପେ, ମେନ୍‌ଦ୍ ଆଇଙ୍ଗ୍ ଆପେକେ ଆଡ଼ଃମିସା ନେଲ୍‌ପେୟାଇଙ୍ଗ୍ ଆଡ଼ଃ ଆପେୟାଃ ମନ୍ ରାସ୍‌କାତେ ପେରେଜଃଆ ଆଡ଼ଃ ଏନ୍ ରାସ୍‌କା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

୨୩ “ଏନ୍ ହୁଲାଙ୍ଗ୍ ଆପେ ଆଇଙ୍ଗ୍‌କେ ଜେଡ୍‌ନାଃ କାପେ କୁଲିୟା, ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ଆଇୟାଃ ନୁଡୁମ୍‌ତେ ଆପୁଇଙ୍ଗ୍‌କେ ଜେଡ୍‌ନାଃପେ ଆସିରେଦ୍ ଇନିଃ ଏନାକେ ଏମାପେୟାଏ । ୨୪ ନାହାଁଃ ଜାକେଦ୍ ଆପେ ଆଇୟାଃ ନୁଡୁମ୍‌ତେ ଜେଡ୍‌ନାଃ କାପେ ଆସିକାଦାଃ, ଆସିପେ ଆଡ଼ଃ ଆପେୟାଃ ରାସ୍‌କା ପେରେଜଃ ନାଗେନ୍ତେ ଆପେ ଏନାପେ ନାମେୟା ।

ଅତେଦିଶୁମ୍‌କେ ଜିତାଅ

୨୫ “ଆଇଙ୍ଗ୍ ଆପେକେ ଜନ୍‌କା କାଜିତେ ନେ ସବେନ୍ କାଜିକ କାଜିକାଦ୍‌ପେୟାଇଙ୍ଗ୍ । ମେନ୍‌ଦ୍ ଏନ୍ ଦିପିଲି ହିଜୁଃଆ, ଇମ୍‌ତା ଆଇଙ୍ଗ୍ ଜନ୍‌କା କାଜିତେ କାଇଙ୍ଗ୍ ଉଦୁବାପେୟା, ମେନ୍‌ଦ୍ ଆପୁଇୟାଃ ବିଷାଏ ଆପେକେ ଉଦୁବ୍‌ତାର୍‌ପେୟା । ୨୬ ଏନ୍ ହୁଲାଙ୍ଗ୍ ଆପେ ଆଇୟାଃ ନୁଡୁମ୍‌ତେପେ ଆସିୟା; ଆଡ଼ଃ ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା । ୨୭ ଆପୁ ଆଇଃକ୍‌ଗି ଆପେକେ ଦୁଲାଡ଼ାଃଏ, ଚିୟାଃଚି ଆପେ ଆଇଙ୍ଗ୍‌କେ ଦୁଲାଡ଼କାଦିୟାଃପେ ଆଡ଼ଃ ଆଇଙ୍ଗ୍ ଆପୁତାଃଏତେ ହିଜୁଃକାନାଇଙ୍ଗ୍ ଏନା ବିଶ୍ୱାସକାଦାଃପେ । ୨୮ ଆଇଙ୍ଗ୍ ଆପୁତାଃଏତେ ଅତେଦିଶୁମ୍‌ତେ ହିଜୁଆକାନାଇଙ୍ଗ୍ ଆଡ଼ଃ ନାହାଁଃ ଆଇଙ୍ଗ୍ ଅତେଦିଶୁମ୍ ବାଗିକେଦ୍‌ତେ ଆପୁତାଃତେ ସେନଃତାନାଇଙ୍ଗ୍ ।”

୨୯ ଯୀଶୁଆଃ ଚେଲାକ କାଜିକିୟାଃକ, “ନେଲେମେ, ନାହାଁଃଦ୍ ଆମ୍ ଜନ୍‌କା କାଜିତେଦ୍ କାହା ମେନ୍‌ଦ୍ ଫାର୍‌ତିଗି କାଜିତାନାମ୍ । ୩୦ ନାହାଁଃ ଆଲେ ଆର୍‌କାର୍‌କାଦା, ଆମ୍ ସବେନାଃମ୍ ସାରିୟାଃ ଆଡ଼ଃ ଜେତାଏ ଆମ୍‌କେ ଜେଡ୍‌ନାଃ

କୁଲି କା ଲାଗାତିୟାଃ । ଏନାତେ ଆମ୍ ପାର୍ମେଶ୍ଵାର୍ତାଃଏତେମ୍ ହିଜୁଆକାନା ଏନାଲେ ବିଶ୍ଵାସେତାନା ।”

୩୧ ଯୀଶୁ ଇନକୁକେ କାଜିକେଦକଆଏ, “ତିୟାଃ ନାହାଁଃପେ ବିଶ୍ଵାସେତାନା ?” ୩୨ ନେଲେପେ, ଏନ୍ ଦିପିଲି ହିଜୁଃତାନା, ହେଗି ଏନା ସେଚେରୟାନା, ଚିମ୍ତାଙ୍ଗ ଆପେ ଛିତିବିତିକେଦତେ ଜେତେକ ଆପେୟାଃ ଆପାନ୍ ଅଡ଼ାଃତେପେ ସେନଃଆ, ଆତଃ ଆଇଙ୍ଗକେ ଏସକାର୍ତ୍ତି ବାଗିତାଇଙ୍ଗରେୟ ଆଇଙ୍ଗ କାଇଙ୍ଗ ଏସକାରଃଆଃ, ତିୟାଃଚି ଆପୁ ଆଇଁୟାଃଲଃଃ ଫେନାଇୟା । ୩୩ ଆପେ ସବେନ୍ ଆଇଁୟାଃରେ ଜୀଉସୁକୁ ନାମେ ନାଗେନ୍ତେ ନେଆଁ ଆଇଙ୍ଗ କାଜିୟାଦପେୟା । ଅତେଦିଶୁମ୍ରେ ସାସାତିପେ ନାମେୟା ଫେନ୍ଦ ଆଲପେ ବରଏୟା, ଆଇଙ୍ଗ ଅତେଦିଶୁମ୍ରେ ଜିତାଝାକାଦାଇଙ୍ଗ ।

୧୭

ୟୀଶୁ ଆୟାଃ ଚେଲାକ ନାଗେନ୍ତେ ବିନ୍ତି

୧ ଯୀଶୁ ନେଆଁ କାଜିକେଦଚି ସିର୍ମାସାଃ ସାଜିଲ ରାକାବ୍ କେଦତେ କାଜିକେଦାଃଏ, ହେ ଆବା ନେତା ସେଚେରାକାନା, ହନ୍ ଆମ୍ କେ ମାଇନାନ୍ ଫେ ନାଗେନ୍ତେ ହନ୍ତାମାଃକେ ମାଇନିଫେ । ୨ ଆମ୍ ଇନିଃକେ ସବେନ୍ ହଡକଆଃରେ ଆକ୍ତେୟାର୍ରେ ନାଙ୍ଗ ଏମାକାଇୟାମ୍, ଜେଲେକା ଆମ୍ ଇନିଃକେ ଏମାକାଇ ସବେନ୍ ହଡକକେ ଜାନାଅ ଜାନାଅରେୟାଃ ଜୀଦାନ୍ ଏମ୍ଦାଡ଼ିୟାଃଏ । ୩ ଆତଃ ମିଆଁଦଗି ସାର୍ତି ପାର୍ମେଶ୍ଵାର୍ ଆମ୍ ତାନ୍ ଫେ, ଆମ୍ କେ ଆତଃ ଆମ୍ କୁଲକାଇ ଯୀଶୁ ଖ୍ରୀଷ୍ଟକେ ସାରିତେୟାଃଗି ଜାନାଅ ଜାନାଅରେୟାଃ ଜୀଦାନ୍ ତାନାଃ । ୪ ଆମ୍ ଆଇଙ୍ଗକେ ଅକନ୍ କାମି ଏମାକାଇଙ୍ଗ ତାଇନାମ୍ ଏନ୍ କାମି ଆଇଙ୍ଗ ଟୁଣ୍ଡୁକଦତେ ଅତେଦିଶୁମ୍ରେ ଆମ୍ କେ ମାଇନାନ୍ କାଦ୍ ଫେୟାଃଇଙ୍ଗ । ୫ ନାହାଁଃ, ହେ ଆବା, ଅତେଦିଶୁମ୍ ବାଇୟାନ୍ ସିଦାରେ ଆମାଃଲଃଃ ତାଇକେନ୍ ଇମ୍ତା ଆଇଁୟାଃ ଅକନ୍ ମାନାରାଙ୍ଗ୍ ତାଇକେନା ଏନ୍ ମାନାରାଙ୍ଗ୍ ତେ ଆଇଙ୍ଗକେ ଆମାଃଲଃଃ ମାନାରାଙ୍ଗ୍ ରିକାଇଙ୍ଗ୍ ଫେ ।

୬ “ଅତେଦିଶୁମ୍ରେନକଏତେ ଆମ୍ ଆଇଙ୍ଗକେ ଏମାକାଦିଙ୍ଗ ହଡକକେ, ଆମାଃ ନୁତୁମ୍ ଉଦୁବାକାଦକଆଇଙ୍ଗ, ଇନକୁ ଆମାଃକ ତାଇକେନା ଆତଃ ଆମ୍ ଇନକୁକେ ଏମାକାଦିୟାମ୍ ଆତଃ ଇନକୁ ଆମାଃ କାଜିକ ମାନାତିଙ୍ଗାକାଦାଃ । ୭ ଆମ୍ ଆଇଙ୍ଗକେ ଅକ୍ନାଃକ ଏମାକାଦିୟାମ୍ ଏନ୍ ସବେନାଃ ଆମାଃ ସାଃଏତେଗି ହିଜୁଆକାନା, ଏନା ଇନକୁ ନାହାଁଃକ ଆର୍ବକାରକାଦାଃ । ୮ ତିୟାଃଚି ଆମ୍ ଏମାକାଦିଙ୍ଗ କାଜିକ ଇନକୁକେ ଏମାକାଦକଆଇଙ୍ଗ ଆତଃ ଇନକୁ ଏନାକ ତେଲାକାଦାଃ; ଆଇଙ୍ଗ ଆମାଃ ସାଃଏତେ ହିଜୁଆକାନାଇଙ୍ଗ ଏନା ସାରିତିଗିକ ଆର୍ବକାରକାଦାଃ, ଆତଃ ଆମ୍ ଆଇଙ୍ଗକେ କୁଲକାଦିୟାମ୍ ଏନା ବିଶ୍ଵାସକାଦାଃକ ।

୯ “ଆଇଙ୍ଗ ଇନକୁ ନାଗେନ୍ତେ ବିନ୍ତିତାନାଇଙ୍ଗ, ଅତେଦିଶୁମ୍ ନାଗେନ୍ତେ କାହା ଫେନ୍ଦ ଆମ୍ ଏମାକାଦିଙ୍ଗ ହଡକଆଃ ନାଗେନ୍ତେ ବିନ୍ତିତାନାଇଙ୍ଗ, ତିୟାଃଚି ଇନକୁଦ ଆମାଃଗି ତାନ୍ କୁ । ୧୦ ଆତଃ ଆଇଁୟାଃ ସବେନାଃ ଆମାଃ ତାନାଃ, ଆତଃ ଆମାଃ ସବେନାଃ ଆଇଁୟାଃ ତାନାଃ, ଆତଃ ଆଇଙ୍ଗ ଇନକୁଆଃ ହରାତେ ମାଇନାନ୍ କାନାଇଙ୍ଗ । ୧୧ ଆତଃ ନାହାଁଃ ଆଇଙ୍ଗ ନେ ଅତେଦିଶୁମ୍ରେ କାଇଙ୍ଗ ତାଇନାଃ, ଫେନ୍ଦ ଇନକୁ ଅତେଦିଶୁମ୍ରେକ ତାଇନାଃ, ଆତଃ ଆଇଙ୍ଗ ଆମାଃତାଃତେ ହିଜୁଃତାନାଇଙ୍ଗ । ଏ ପାବିତାର୍ ଆବା ! ଆମ୍ ଆଇଙ୍ଗକେ ଏମାକାଦିଙ୍ଗ ନୁତୁମ୍ରେ ପେଡ଼େଃତେ ବାଞ୍ଛାଅକମେ, ଆମ୍ ଏମାକାଦିଙ୍ଗ ନୁତୁମ୍ରେ, ଆମ୍ ଆତଃ ଆଇଙ୍ଗ ଜେଲେକା ମିଦ୍ ତାନ୍ ଲାଙ୍ଗ, ଏନ୍ ଲେକା ଇନକୁ ମିଦଃକାକ ।

୧୭ \*ଆଇଙ୍ଗ୍ ଇନ୍‌କୁଲଃ ତାଇକେନ୍ ଇମ୍‌ତା ଆମ୍ ଏମାକାଦ୍ ଆମାଃ ନୁତୁମ୍‌ତେ ଆଇଙ୍ଗ୍ ଇନ୍‌କୁକେ ବାଞ୍ଚାଅକେଦ୍‌ତେ ବୁଗିଲେକା ଯାତାନ୍‌କାଦ୍‌କଆଇଙ୍ଗ୍, ଆତଃ ଧାରାମ୍‌ପୁଅରାଃ ଅନଲ୍ ଜେ'ଲେକା ସାର୍‌ତିୟାଆ, ଏନାମେନ୍ତେ ଏନ୍ ଜିୟନଃ ହନ୍‌କେ ବାଗିକେଦ୍‌ତେ ଇନ୍‌କୁଏତେ ଜେତାଏ କାକ ଜିୟନାକାନା । ୧୩ ମେନ୍‌ଦ୍ ଆଇଙ୍ଗ୍ ନାହାଃ ଆମାଃତାଃତେଇଙ୍ଗ୍ ହିନ୍‌ଦୁଃତାନା ଆତଃ ଇନ୍‌କୁଆଃ ମନ୍‌ରେ ଆଇଙ୍ଗ୍‌ୟାଃ ରାସକା ପେରେଜଃ ନାଗେନ୍ତେ ଅତେଦିଶୁମ୍‌ରେ ତାଇକେଦ୍‌ତେଗି ଆଇଙ୍ଗ୍ ନେ ସବେନାଃ କାଜିତାନାଇଙ୍ଗ୍ । ୧୪ ଆଇଙ୍ଗ୍ ଇନ୍‌କୁକେ ଆମାଃ କାଜି ଏମାକାଦ୍‌କଆଇଙ୍ଗ୍, ଆତଃ ଅତେଦିଶୁମ୍ ଇନ୍‌କୁକେ ହିଲାଇକାଦ୍‌କଆଏ, ଚିୟାଃତି ଆଇଙ୍ଗ୍ ଜେ'ଲେକା ନେ ଅତେଦିଶୁମ୍‌ରେନ୍ ନାହାଁଲାଇଙ୍ଗ୍ ଏନ୍‌ଲେକା ଇନ୍‌କୁ ନେ ଅତେଦିଶୁମ୍‌ରେନ୍ ନାହାଁଲାଇକ । ୧୫ ଆମ୍ ଇନ୍‌କୁକେ ଅତେଦିଶୁମ୍‌ଏତେ ଇଦିକୁମେ ମେନ୍ତେ କାଈଙ୍ଗ୍ ବିକ୍ରିମେତାନା, ମେନ୍‌ଦ୍ ଆମ୍ ଇନ୍‌କୁକେ ଏଡ୍‌କାନ୍‌ଏତେ ବାଞ୍ଚାଅକମେ ମେନ୍ତେ ବିକ୍ରିମେତାନାଇଙ୍ଗ୍ । ୧୬ ଆଇଙ୍ଗ୍ ଜେ'ଲେକା ଅତେଦିଶୁମ୍‌ରେନ୍ ନାହାଁଲାଇଙ୍ଗ୍ ଏନ୍‌ଲେକା ଇନ୍‌କୁ ଅତେଦିଶୁମ୍‌ରେନ୍ ନାହାଁଲାଇକ । ୧୭ ସାନାର୍‌ତିତେ ଇନ୍‌କୁକେ ପାବିତାର୍ କାମି ନାଙ୍ଗ୍ ଜିମାକମେ; ଆମାଃ କାଜିଦ୍ ସାର୍‌ତି ତାନାଃ । ୧୮ ଆମ୍ ଆଇଙ୍ଗ୍‌କେ ଜେ'ଲେକା ଅତେଦିଶୁମ୍‌ତେମ୍ କୁଲ୍‌କାଦିୟାଁ, ଏନ୍‌ଲେକା ଆଇଙ୍ଗ୍‌ହ୍ ଇନ୍‌କୁକେ ଅତେଦିଶୁମ୍‌ତେ କୁଲ୍‌କାଦ୍‌କଆଇଙ୍ଗ୍ । ୧୯ ଆତଃ ଇନ୍‌କୁ ହ୍ ସାନାର୍‌ତିରେକ ପାବିତାରଃକା ମେନ୍ତେ ଆଇଙ୍ଗ୍ ଇନ୍‌କୁ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାନ୍ ତାନାଇଙ୍ଗ୍ ।

୨୦ “ଆଇଙ୍ଗ୍ ଇନ୍‌କୁଆଃ ନାଗେନ୍ତେ ଏସ୍‌କାର୍ କାହା ମେନ୍‌ଦ୍ ଇନ୍‌କୁଆଃ କାଜିରେୟାଃ ହରାତେ ଆଇଙ୍ଗ୍‌ରେ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ବିକ୍ରିତାନାଇଙ୍ଗ୍ । ୨୧ ହେ ଆବା ! ଇନ୍‌କୁ ଜେତେକ ଜେ'ଲେକା ମିଦଃକାକ ମେନ୍ତେ ଇନ୍‌କୁଆଃ ନାଙ୍ଗ୍ ବିକ୍ରିମେତାନାଇଙ୍ଗ୍, ଆଇଙ୍ଗ୍ ଆମାଃରେ ଆତଃ ଆମ୍ ଆଇଙ୍ଗ୍‌ୟାଃରେ ମେନାମେ ଲେକା, ଇନ୍‌କୁହ ସବେନ୍‌କ ଆବୁରେ ତାଇନଃକାକ, ଜେ'ଲେକାଟି ଆମ୍ ଆଇଙ୍ଗ୍‌କେ କୁଲ୍‌କାଦିୟାଁମ୍ ଏନା ଅତେଦିଶୁମ୍‌ରେନ୍‌କ ବିଶ୍ୱାସେୟା । ୨୨ ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ମାନାରାଙ୍ଗ୍ ଇନ୍‌କୁକେ ଏମାକାଦ୍‌କଆଇଙ୍ଗ୍, ଆମ୍ ଆତଃ ଆଇଙ୍ଗ୍ ମିଦ୍‌କାନ୍ ଲେକା ଇନ୍‌କୁହ ମିଦଃକାକ । ୨୩ ଆଇଙ୍ଗ୍ ଇନ୍‌କୁରେ ଆତଃ ଆମ୍ ଆଇଙ୍ଗ୍‌ୟାଃରେ ମେନାମେୟା, ଏନାତେ ଇନ୍‌କୁ ମିଦ୍ ଉତାରଃକା ଆତଃ ଆମ୍ ଆଇଙ୍ଗ୍‌କେ କୁଲ୍‌କାଦିୟାଁମ୍ ଆତଃ ଦୁଲ୍‌କାଦିୟାଁମ୍ ଲେକା ଇନ୍‌କୁକେହ ଦୁଲ୍‌କାଦ୍‌କଆମ୍ ମେନ୍ତେ ଅତେଦିଶୁମ୍‌ରେନ୍‌କ ଆଟ୍‌କାରେକା ।

୨୪ “ହେ ଆବା, ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ହଡ୍‌କ ଆଇଙ୍ଗ୍ ତାଇନଃତାଃରେକ ତାଇନଃକା, ଏନାତେ ଇନ୍‌କୁ ଆମ୍ ଆଇଙ୍ଗ୍‌କେ ଏମାକାଦିଙ୍ଗ୍ ମାନାରାଙ୍ଗ୍‌କ ନେଲେକା ମେନ୍ତେ ସାନାଙ୍ଗ୍‌ତାନାଇଙ୍ଗ୍, ଚିୟାଃତି ଆମ୍‌ଦ୍ ଅତେଦିଶୁମ୍ ବାଇୟେ ସିଦାରେ ଆଇଙ୍ଗ୍‌କେ ଦୁଲ୍‌କାଦିୟାଁମ୍ । ୨୫ ଏ ଧାର୍‌ମାନ୍ ଆବା, ଅତେଦିଶୁମ୍ ଆମ୍‌କେ କାଏ ସାରିୟାକାଦ୍‌ମେୟା ମେନ୍‌ଦ୍ ଆଇଙ୍ଗ୍ ସାରିୟାକାଦ୍‌ମେୟାଈଙ୍ଗ୍ ଆତଃ ଆମ୍ ଆଇଙ୍ଗ୍‌କେ କୁଲ୍‌କାଦିୟାଁମ୍ ଏନା ନିକୁ ସାରିୟାକାଦାଃକ । ୨୬ ଆମ୍ ଆଇଙ୍ଗ୍‌କେ ଅକନ୍ ଦୁଲ୍‌କାଦ୍‌ରେମ୍ ଦୁଲ୍‌କାଦିୟାଁମ୍ ଏନ୍ ଦୁଲ୍‌କାଦ୍ ଇନ୍‌କୁରେ ତାଇନଃକା, ଆତଃ ଆଇଙ୍ଗ୍ ଇନ୍‌କୁରେ ତାଇନଃନାଙ୍ଗ୍ ଇନ୍‌କୁକେ ଆମାଃ ନୁତୁମ୍ ଉଦ୍‌ବାକାଦ୍‌କଆଇଙ୍ଗ୍ ଆତଃ ଉଦ୍‌ବାକୁଆଇଙ୍ଗ୍ ।”

## ୧୮

ୟୀଶୁକେ ସାବ୍‌କିୟାଃକ

(ମାଥୂଉ ୨୬:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ୟୀଶୁ ନେ ବିକ୍ରି ଚାବାକେଦ୍‌ତି, ଆୟାଃ ଚେଲାକଲଃ କିଦ୍‌ରୋନ୍ ଲର୍\* ହାନ୍ ପାରମ୍‌ତେ ସେନଃୟାନାକ, ଏନ୍ତାଃରେ ମିଆଁଦ୍ ବାଗାନ୍ ତାଇକେନା, ଏନାରେ ଇନିଃ ଆତଃ ଆୟାଃ ଚେଲାକ ବଲୟାନାକ । ୨ ୟୀଶୁକେ ସାବ୍‌ରିକାନିଃ ଯିହୁଦା, ଏନ୍ ଠାୟାଦ୍‌କେ ସାରିକାଦ୍ ତାଇକେନାଏ, ଚିୟାଃତି ୟୀଶୁ ଆୟାଃ ଚେଲାକଲଃ ପୁରାଃ ଦିପିଲି ଏନ୍ ଠାୟାଦ୍‌ତେ ସେନାକାନ୍ ତାଇକେନାଏ । ୩ ଏନ୍ତେ ଯିହୁଦା, ପାଲ୍‌ଟାନକ, ମୁଲ୍ ଯାଜାକ୍‌କ ଆତଃ ଫାରୁଶୀକ ସାଃଏତେ ଦାରଖାନ୍‌କକେ ଆଉକେଦ୍‌ତେ ଦିମି ଆତଃ ହାଁତେୟାର୍ ସାବ୍‌କେଦ୍‌ତେ ଏନ୍ତାଃତେକ ହିଜୁଃୟାନା । ୪ ଏନାତେ ୟୀଶୁ ଆୟାଃରେ ହିଜୁଃତାନ୍ ହବାଅଃତେୟାଃ ସବେନାଃ ସାରିକେଦ୍‌ତେ ଅତଙ୍‌ୟାନା ଆତଃ ଆପେ ଅକଏକେ ଦାଣ୍ଠାତାନାପେ ମେତାଦ୍‌କଆଏ ।

\* “ନାଜ୍‌ରେଡ୍‌ରେନ୍ ୟୀଶୁକେ” ମେନ୍ତେକ କାଜିରୁହାଡ୍‌କିୟା ।

ୟୀଶୁ ମେତାଦ୍‌କଆଏ, “ଆଇଙ୍‌ଗ୍ ତାନିଙ୍‌ଗ୍ ।”

ଆତଃ ୟୀଶୁକେ ସାବ୍‌ରିକାନିଃ ଯିହୁଦା ଇନ୍‌କୁଲଃ ତିଙ୍‌ଗ୍‌ଆକାନ୍ ତାଇକେନାଏ । ୬ ୟୀଶୁ ଚିମ୍‌ତାଙ୍ ଇନ୍‌କୁକେ “ଆଇଙ୍‌ଗ୍ ତାନିଙ୍‌ଗ୍” ମେତାଦ୍‌କଆଏ, ଇମ୍‌ତା ଇନ୍‌କୁ ଇମ୍‌ତାଗି ଦୟା ରୁହାଡ୍‌କେଦ୍‌ତେ ଅତେରେକ ଉୟୁଃୟାନା । ୭ ଏନ୍ତେ ଇନିଃ ଇନ୍‌କୁକେ ଆତଃମିସା କୁଲିକେଦ୍‌କଆଏ, “ଆପେ ଅକଏକେ ଦାଣ୍ଠାତାନାପେ ?”

ଇନ୍‌କୁ କାଜିରୁହାଡ୍‌କିୟା, “ନାଜ୍‌ରେଡ୍‌ରେନ୍ ୟୀଶୁକେ ।”

୮ ୟୀଶୁ କାଜିରୁହାଡ୍‌କିୟାଏ, “ୟୀଶୁ ଆଇଙ୍‌ଗି ତାନିଙ୍‌ଗ୍ ମେନ୍ତେ ସିଦାରେ କାଜିୟାଦ୍‌ପେୟାଇଙ୍‌ଗ୍ । ଆପେ ଆଇଙ୍‌ଗ୍‌କେ ଦାଣ୍ଠାତାନ୍‌ରେଦ୍ ନିକୁକେ ସେନ୍‌ରିକାକପେ ।” ୯ “ଆବା, ଆମ୍ ଆଇଙ୍‌ଗ୍‌କେ ଏମାକାଦିଙ୍‌ଗ୍ ହଡ୍‌କଏତେ ମିହୁଡ୍‌କେହ୍ କାଇଙ୍‌ଗ୍ ଆଦାକାଇୟାଃ ।” ଇନିଃ ନେ କାଜି କାଜିକେଦାଃଏ, ଜେ'ଲେକାଚି ଇନିୟାଃ ନେ କାଜି ପୁରାଃଃ ।

୧୦ ଶିମୋନ୍ ପାଡ୍‌ରାସ୍‌ତାଃରେ ତାରାଡ୍‌ଡି ତାଇକେନା, ଏନାକେ ଅତଙ୍‌କେଦ୍‌ତେ ଇନିଃ ମାରାଙ୍ ଯାଜାକ୍‌ଆଃ ଦାସିକେ ମାଆଃକିୟାଏ ଆତଃ ଜମ୍‌ସାଃରାଃ ଲୁଡ୍‌ରକେ ମାଆଃଖାଣ୍ଡାଅକେଦାଏ, ଏନ୍ ଦାସିଆଃ ନୁଡ୍‌ମ୍ ମାଲ୍‌ଖ ତାଇକେନା । ୧୧ ଏନ୍ତେ ୟୀଶୁ ପାଡ୍‌ରାସ୍‌କେ କାଜିକିୟାଏ, “ଆମାଃ ତାରାଡ୍‌ଡିକେ ଖାପ୍‌ରେ ଦହଏମେ, ଆପୁ ଏମାକାଇଙ୍‌ଗ୍ କାଟୋରାରେ ଚିୟାଃ ଆଇଙ୍‌ଗ୍ କାଇଙ୍‌ଗ୍ ନୁଁଇୟା ?”

ୟୀଶୁ ହାନାନ୍‌ରାଃ ସାମ୍‌ନାଙ୍‌ରେ

୧୨ ଏନ୍ତେ ପାଲ୍‌ଟାନକ, ପାଲ୍‌ଟାନ୍‌ରେନ୍ ଗମ୍‌କେ ଆତଃ ଯିହୁଦାକିୟାଃ ଦାରଖାନ୍‌କ ୟୀଶୁକେ ସାବ୍‌ଇଦିକେଦ୍‌ତେ ତଲ୍‌କିୟାଃକ । ୧୩ ଆତଃ ଇନ୍‌କୁ ଇନିଃକେ ସିଦାତେ କାୟଫାରାଃ ହୟାଁରତେ ହାନାନ୍‌ତାଃତେକ ଇଦିକିୟାଃ, ଇନିଃଦ୍ ଏନ୍ ସିମ୍‌ାରେନ୍ ମାରାଙ୍ ଯାଜାକ୍ ତାଇକେନାଏ । ୧୪ ଏସବେନ୍ ହଡ୍‌କ ନାଗେନ୍ତେ ମିଆଁଦ୍ ହଡ୍ ଗଜଃରେଦ୍ ବୁଗିୟାଃ ମେନ୍ତେ ଯିହୁଦା ହାକିମ୍‌କେ କାଜିକାଦ୍‌କ ତାଇକେନାଏ, ଇନିଃ ଏନ୍ କାୟଫା ତାନିଃ ।

ପାଡ୍‌ରାସ୍ ୟୀଶୁକେ କାଇଙ୍‌ଗ୍ ସାରିୟା ମେନ୍ତେ କାଜିତାନାଏ

(ମାଥୂଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)

୧୫ ଶିମୋନ୍ ପାଡ୍‌ରାସ୍ ଆତଃ ଏଟାଃ ମିହୁଡ୍‌ଚେଲା ୟୀଶୁକେ ଅତଙ୍ ଇଦିକିୟାଏ, ଏନ୍ ଏଟାଃ ଚେଲା ମାରାଙ୍ ଯାଜାକ୍‌ଆଃ ନେପେଲ୍ ଉପୁରୁମ୍ ହଡ୍ ତାଇକେନାଏ,

\* **୧୮:୧** ୧୮:୧ ଲର୍ ମାରାଙ୍ ଦଲ୍‌ଖା      ✪ **୧୮:୧୧** ୧୮:୧୧ ମାଥୂଉ ୨୬:୩୯; ମାର୍କ ୧୪:୩୭; ଲୁକ ୨୨:୪୨.  
✪ **୧୮:୧୪** ୧୮:୧୪ ଯୋହାନ୍ ୧୧:୪୯,୫୦.

ଏନାମେନ୍ତେ ଜନିଃ ମାରାଙ୍ଗ୍ ଯାଜାକ୍ ଆଃ ଅଡ଼ାଃରାଚାତେ ଯିଶୁଲଃ ବଲୟାନାଏ । ୧୭ ମେନ୍ଦ ପାଡ଼ରାସ୍ ରାଚା ଦୁଆରତାଃରେ ତିଙ୍ଗୁଆକାନ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍ଲଃ ନେପେଲ୍ ଉରୁମାକାନ ଏଟାଃ ଚେଲା ଅଡ଼ଙ୍ଗ୍ କେଦ୍ଦତେ ଦୁଆର ହରତାନ କୁଡ଼ିକେ କାଜିକିୟାଏ, ଆଡ଼ଃ ପାଡ଼ରାସ୍ କେ ଅଡ଼ାଃ ଭିତାରତେ ଇଦିକିୟାଏ । ୧୭ ଏନ୍ତେ ଦୁଆର ହରତାନ ଏନ୍ କାମ୍ଡ଼ି କୁଡ଼ି ପାଡ଼ରାସ୍ କେ କାଜିକିୟାଏ, “ତିୟାଃ ଆମ୍ ହୁଁ ନେ ହଡ଼ଆଃ ଚେଲାକଏତେ ମିଆଁଦ୍ ନିଃ ନାହାଁଲାମ୍ ?”

ଜନିଃ ମେତାଇଜାଏ, “ଆଇଙ୍ଗ୍ ନାହାଁଲିଙ୍ଗ୍ ।”

୧୮ ରାବାଙ୍ଗ୍ ତାନ ତାଇକେନ୍ ଇମ୍ତା ଦାସିକ ଆଡ଼ଃ ଦାରଖାନକ ସେଙ୍ଗେଲ୍ ତିଙ୍ଗ୍ କେଦ୍ଦତେ ତିଙ୍ଗୁଆକାନଲଃ ଜୁରୁବ୍ ତାଇକେନାକ । ପାଡ଼ରାସ୍ ହୁଁ ଇନ୍ କୁଲଃ ତିଙ୍ଗ୍ କେଦ୍ଦତେ ଜୁରୁବ୍ ତାଇକେନାଏ ।

ମାରାଙ୍ଗ୍ ଯାଜାକ୍ ଯିଶୁକେ କୁଲିକିୟାକ

(ମାଥୁଉ ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୭-୭୧)

୧୯ ଏନ୍ତେ ମାରାଙ୍ଗ୍ ଯାଜାକ୍ ଯିଶୁକେ ଆୟାଃ ଚେଲାକ ବିଷାଏରେ ଆଡ଼ଃ ଆୟାଃ ଜନିତୁ ବିଷାଏରେ କୁଲିକିୟାଏ । ୨୦ ଯିଶୁ ଜନିଃକେ କାଜିକିୟାଏ, “ଆଇଙ୍ଗ୍ ଅତେଦିଶୁମ୍ରେ ସବେନ୍ ଇମ୍ତା ସବେନ୍ କତାଃରେ କାଜିୟାକାଦାଇଙ୍ଗ୍, ଯିହୁଦୀକ ହୁଣ୍ଡିନତାନ ସବେନ୍ ତାଃରେ, ସାମାଜ୍ ଅଡ଼ାଃକରେ ଆଡ଼ଃ ମାନ୍ଦିର୍ ଅଡ଼ାଃରେ ଆଇଙ୍ଗ୍ ଇଡୁକେଦକଆ ଆଡ଼ଃ ଦାନାଙ୍ଗ୍ରେ ଜେଡ଼ନାଃ କାଇଙ୍ଗ୍ କାଜିକାଦାଃ । ୨୧ ଚିନାଃମେନ୍ତେ ଆମ୍ ଆଇଙ୍ଗ୍ କେ କୁଲିତାନାମ୍ ? ଆଇଙ୍ଗ୍ ଇନ୍ କୁକେ ଚିନାଃ କାଜିୟାକାଦକଆଇଙ୍ଗ୍ ଏନା ଆୟୁମ୍ କେନ୍ଦକକେ କୁଲିକମ୍, ନେଲେମେ, ଆଇଙ୍ଗ୍ କାଜିକାଦ୍ଦେୟାଃ ଇନ୍ କୁ ସାରିୟାଃକ ।”

୨୨ ଯିଶୁ ନେଆଁ କାଜିକେଦ୍ ଇମ୍ତା ନାଡ଼େଃରେ ତିଙ୍ଗୁଆକାନ ମିଆଁଦ୍ ଦାରଖାନ ଜନିଃକେ ଆପ୍ଡ଼ିକେଦ୍ଦତେ କାଜିକିୟାଏ, “ଆମାଃ ନାମିୟାଙ୍ଗ୍ ସାହାଁସ୍, ତିୟାଃ ଆମ୍ ମାରାଙ୍ଗ୍ ଯାଜାକ୍ କେ ନେ ଲେକା କାଜିରୁହାଡ଼ାଇତାନାମ୍ ?”

୨୩ ଯିଶୁ ଜନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ଏଡ଼କାନାଃ କାଜିକାଦ୍ରେଦ୍ ନେତାଃରେ ଜେଡେକଆଃ ସାମ୍ନାଙ୍ଗ୍ରେ ସାବୁଦ୍ ଉଦୁବେମେ, ମେନ୍ଦ ଆଇଙ୍ଗ୍ ବୁଗିନ୍ କାଜି କାଜିକାଦ୍ରେଦ୍ ଚିନାଃମେନ୍ତେମ୍ ଆପ୍ଡ଼ିଙ୍ଗ୍ ତାନା ?”

୨୪ ଏନ୍ତେ ହାନାନ୍ ଜନିଃକେ ତଲାକାନ୍ତେଗି ମାରାଙ୍ଗ୍ ଯାଜାକ୍ କାୟଫାତାଃତେ କୁଲିକିୟାଏ ।

ପାଡ଼ରାସ୍ ଆଡ଼ଃମିସା କାଇଙ୍ଗ୍ ସାରିୟା ମେନ୍ତେ କାଜିକେଦାଏ

(ମାଥୁଉ ୨୭:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଶିମୋନ୍ ପାଡ଼ରାସ୍ ତିଙ୍ଗୁକେଦ୍ଦତେ ସେଙ୍ଗେଲ୍ ଜୁରୁବ୍ ତାନ ତାଇକେନାଏ, ଏନ୍ତେ ଇନ୍ କୁ ଜନିଃକେ କୁଲିକିୟାକ, “ତିୟାଃ ଆମ୍ ହୁଁ ଇନିୟାଃ ଚେଲାକଏତେ ମିହୁଡ୍ ନାହାଁଲାମେ ?”

ଜନିଃ ଦଦାଦ୍ ଯାନ୍ତେ କାଜିକେଦାଃଏ, “ଆଇଙ୍ଗ୍ ନାହାଁଲିଙ୍ଗ୍ ।”

୨୬ ମାରାଙ୍ଗ୍ ଯାଜାକ୍ ଆଃ ଦାସିକଏତେ ମିହୁଡ୍, ଅକଏକେଚି ପାଡ଼ରାସ୍ ଲୁଡୁର୍ ମାଃ ଖାଣ୍ଡୁଅକାଇ ତାଇକେନାଏ, ଇନିୟାଃ ମିହୁଡ୍ କୁପୁଲ୍ କାଜିକେଦାଃଏ, “ଆଇଙ୍ଗ୍ ଚିନାଃ ଆମ୍ କେ ଜନିଃଲଃ ବାଖ୍ଡ଼ିରେ କାଇଙ୍ଗ୍ ନେଲାକାମ୍ ତାଇକେନା ?”

୨୭ ଏନ୍ତେ ପାଡ଼ରାସ୍ ଆଡ଼ଃଗି ଦଦାଦ୍ ଯାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍ତାଗି ସାଣ୍ଡିସିମ୍ ରାଆଃକେଦାଏ ।

ଯିଶୁକେ ପିଲାତୁସ୍ ଆଃ ସାମ୍ନାଙ୍ଗ୍ ତେକ ଆଉକିୟା

(ମାଥୁଉ ୨୭:୧, ୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ସେତାଃ ଇଦାନରେ ଇନ୍କୁ ଯିଶୁକେ କାୟଫାତାଃଏତେ ଲାଟ୍‌ସାହେବ୍‌ଆଃ ଅଡ଼ାଃ ଭିତାର୍‌ତେକ ଇଦିକିୟା । ଜେ'ଲେକା କା ସତ୍‌ରାକେଦ୍‌ତେ ପାସ୍କା ପାରାବ୍‌ରେ ଜମେୟାଃ ଜମ୍‌ଦାଡ଼ିୟାଏ, ଏନାମେନ୍ତେ ଯିହୁଦୀ ହାକିମ୍‌କ ଲାଟ୍‌ସାହେବ୍‌ଆଃ ଅଡ଼ାଃତେ କାକ ବଲୟାନା । ୨୯ ଏନ୍ତେ ପିଲାତୁସ୍ ଇନ୍କୁତାଃତେ ଅଡ଼କ୍‌କେଦ୍‌ତେ କୁଲିକେଦ୍‌କଆଏ, “ଆପେ ନେ ହଡ଼କେ ଚିନାଃମେନ୍ତେ ଚିଟାଇତାନାପେ ?”

୩୦ ଇନ୍କୁ କାଜିରୁହାଡ଼କିୟାକ, “ନେ ହଡ଼ ଏଡ଼କାନ୍ କାମି କାଏ କାମିକାଦ୍‌ରେଦ ଆମାଃ ତିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍କୁକେ କାଜିୟାଦ୍‌କଆଏ, “ଆପେ ଇନିଃକେ ଇଦିକେଦ୍‌ତେ, ଆପେୟାଃ ଆନ୍‌ରୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ ଇନିଃକେ କାଜିକିୟାକ, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍‌ତେୟାର୍ ବାନଃଆ ।” ୩୨ ଯିଶୁକେ ଚିଲ୍‌କାନ୍ ଗନଏଃତେ ଗଜଃ ଲାଗାଡ଼ିକ୍‌ୟାଃ ଏନ୍ ବିଷାଏରେ ଇନିଃ କାଜିଲେଦ୍ କାଜି ପୁରାଅଃ ନାଗେନ୍ତେ ଇନ୍କୁ ନେକା କାଜିକେଦାଃକ ।

୩୩ ପିଲାତୁସ୍ ଆୟାଃ ମାହାଲ୍‌ତେ ବଲ ରୁହାଡ଼କେଦ୍‌ତେ ଯିଶୁକେ କେଡ଼ାକିୟାଏ ଆଡ଼ଃ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଚି ?”

୩୪ ଯିଶୁ କାଜିରୁହାଡ଼କିୟାଏ, “ଚିୟାଃ ଆମ୍ ନେ କାଜି ଆମ୍‌ତେଗି କାଜିତାନାମ୍ ଚି ଏଟାଃକ ଆଇଁୟାଃ ବିଷାଏରେ ଆମ୍‌କେ ନେୟାକ ଉଦ୍‌ବାକାଦ୍‌ମେୟା ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ଗ୍ ଯିହୁଦୀ ତାନିଙ୍ଗ୍‌ଚି ? ଆମାଃ ଜାତିରେନ୍‌କ ଆଡ଼ଃ ମୁଲ୍ ଯାଜାକ୍‌କ ଆମ୍‌କେ ଆଇଁୟାଃ ତିଃଇରେକ ଏମାକାଦିୟା । ଆମ୍ ଚିନାଃମ୍ ଚିକାକାଦାଃ ?”

୩୬ ଯିଶୁ କାଜିକିୟାଏ, “ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ନାହାଁଲାଃ, ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ତାଇନ୍‌ତେୟାଃରେଦ ଆଇଙ୍ଗ୍ ଯିହୁଦୀ ହାକିମ୍‌କଆଃ ତିଃଇରେ କାଇଙ୍ଗ୍ ଏମଃନାଙ୍ଗ୍ ଆଇଁୟାଃ ଦାସିକ ମାପାଃତୁପୁଇଙ୍ଗ୍‌ତେୟାଃକ, ମେନ୍‌ଦ ଆଇଁୟାଃ ରାଇଜ୍ ଏନ୍‌ଲେକ୍‌ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଇନିଃକେ କୁଲିକିୟାଏ, “ଚିୟାଃ ଆମ୍ ମିଆଁଦ୍ ରାଜା ତାନ୍‌ମେ ଚି ?”

ଯିଶୁ କାଜିରୁହାଡ଼କିୟାଏ, “ଆଇଙ୍ଗ୍ ରାଜା ତାନିଙ୍ଗ୍ ମେନ୍ତେ, ଆମ୍‌ଗି କାଜିତାନାମ୍ । ସାର୍‌ତିରେୟାଃ ଗାଞ୍ଜା କାଜି ନାଗେନ୍ତେ ଆଇଙ୍ଗ୍ ଜାନାମାକାନା ଆଡ଼ଃ ଅତେଦିଶୁମ୍‌ତେ ହିଜୁଆକାନାଇଙ୍ଗ୍, ଜେତାଏ ସାର୍‌ତିରେନ୍ ହନ୍ ତାନିଃ ଇନିଃ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯିଶୁକେ କୁଲିକିୟାଏ, “ସାର୍‌ତି ଚିନାଃତାନାଃ ?” ଏନ୍ତେ ନେଆଁ କାଜିକେଦ୍‌ଚି ଇନିଃ ଆଡ଼ଃଗି ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆଡ଼ଃ ଇନ୍କୁକେ କାଜିକେଦ୍‌କଆଏ, “ସାଜାଇ ଏମ୍‌ନାଙ୍ଗ୍ ଆଇଙ୍ଗ୍ ଇନିଃରେ ଜେତାନ୍ ଗୁହାଁ କାଇଙ୍ଗ୍ ନାମେତାନା । ୩୯ ମେନ୍‌ଦ ଆଇଙ୍ଗ୍ ପାସ୍କା ପାରାବ୍‌ରେ ଆପେନାଙ୍ଗ୍ ମିଆଁଦ୍ ହଡ଼କେ ଆଡ଼ାଃତେୟାଃଆପେୟାଃ ରିତିରେ ମେନାଃ, ଏନାମେନ୍ତେ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ାଃତାଇୟା, ମେନ୍ତେପେ ସାନାଙ୍ଗ୍‌ତାନା ଚି ?”

ଯିଶୁକେ ଗନଏଃ ସାଜାଇ ଏମ୍‌ୟାନା

(ମାଥ୍‌ଉ ୨୭:୧୫-୩୧; ମାର୍କ ୧୫:୭-୨୦; ଲୁକ ୨୩:୧୩-୨୫)



୪୦ ଏନ୍ତେ ସବେନକ କାଉରିକେଦତେ କାଜିକେଦାଃକ, “ବାନଃଗି, ନିଃକେଦ କାହା, ମେନଦ ବାରଦ୍‌ବାକେ ଏମାଲେମ୍ ।” ଏନ୍ ବାରଦ୍‌ବା ମିଆଁଦ୍ ରେରେଃକନିଃ ତାଇକେନାଏ ।

## ୧୯

୧ ଏନ୍ତେ ପିଲାତୁସ୍ ଯୀଶୁକେ ଇଦିକିଃତେ ହାଁଶ୍‌ସା ରିକାକିୟାଏ । ୨ ଆତଃ ପାଲଟାନକ ଜାନୁମ୍ କତରାଃ ଟୁପୁରି ଗାଲାଙ୍ଗ୍‌କେଦତେ ବହଃରେ ଟୁପୁରିକିୟାକ ଆତଃ ଇନିଃକେ ବାଇଗିନିଆ ରାଙ୍ଗ୍‌ରାଃ ଲିଜାଃ ତୁସିଙ୍ଗ୍‌କିୟାକ । ୩ ଆତଃ ଇନକୁ ଯୀଶୁଆଃ ନାଡ଼େଃତେ ସେନକେଦତେ କାଜିକିୟାକ, “ଏ ଯିହୁଦୀକଆଃ ରାଜା ଜହାର୍ !” ଆତଃ ଇନକୁ ଇନିଃକେ ଆପ୍‌ଡ଼ିକିୟାକ ।

୪ ପିଲାତୁସ୍ ଆତଃମିସା ଅତଙ୍ଗ୍‌କେଦତେ ହଡ଼କକେ କାଜିୟାଦ୍‌କଆଏ, “ନେଲେପେ, ଇନିଃକେ ସାଜାଇ ନାଗେନ୍ତେ ଆଇଙ୍ଗ୍ ଇନିୟାଃରେ ଜେତାନ୍ ଗୁହ୍ନା କାଇଙ୍ଗ୍ ନାମ୍‌କେଦା, ନେଆଁ ଆପେ ସାରିପେ ମେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ ଅତଙ୍ଗ୍‌ଆଉଡ଼ିତାନା ।” ୫ ଏନ୍ତେ ଯୀଶୁ ଜାନୁମ୍ ମୁକୁର୍ ଆତଃ ବାଇଗିନିଆ ଲିଜାଃ ତୁସିଙ୍ଗ୍‌କେଦତେ ଅତଙ୍ଗ୍‌ୟାନା । ପିଲାତୁସ୍ ଇନକୁକେ କାଜିୟାଦ୍‌କଆଏ, “ନେଲିପେ ! ନିଃ ନେ ହଡ଼ ।”

୬ ଏନ୍ତେ ମୁଲ୍ ଯାଜାକ୍‌କ ଆତଃ ମାନ୍ଦିର୍ ଦାରଝାନକ ଇନିଃକେ ନେଲକେଦତେ “କୁଗ୍‌ରେ କିଲାଇମେ ! କୁଗ୍‌ରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନକୁକେ କାଜିୟାଦ୍‌କଆଏ, “ଆପେଗି ଇନିଃକେ ଇଦିପେ ଆତଃ କୁଗ୍‌ରେ କିଲାଇପେ, ଆଇଙ୍ଗ୍‌ଦ ଇନିଃକେ ସାଜାଇ ନାଗେନ୍ତେ ଜେତାନ୍ ଗୁହ୍ନା କାଇଙ୍ଗ୍ ନାମ୍‌କେଦା ।”

୭ ଯିହୁଦୀକ ପିଲାତୁସ୍‌କେ କାଜିରୁହାଡ଼କିୟାକ, “ଆଲେତାଃରେ ଆନ୍‌ରୁ ମେନା ଆତଃ ଏନ୍ ଆନ୍‌ରୁ ଲେକାତେ ଇନିୟାଃ ଗଜଃ ଲାଗାତିଙ୍ଗ୍‌ୟାଃ, ଚିୟାଃତି ଇନିଃଦ ଆଇଃକ୍‌ଗି ପାର୍‌ମେଶ୍‌ବାର୍‌ଆଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମ୍‌କେଦତେ, ପିଲାତୁସ୍ ପୁରାଃଗି ବରକେଦାଏ । ୯ ଆତଃ ପିଲାତୁସ୍ ମାହାଲ୍‌ତେ ବଲ ରୁହାଡ଼ୟାନାଏ ଏନ୍ତେ ଯୀଶୁକେ କୁଲିକିୟାଏ, “ଆମ୍ ଅକ୍‌ତାଃଏତେମ୍ ହିଜୁଃକାନା ?”

ମେନଦ ଯୀଶୁ ଇନିଃକେ କାଏ କାଜିରୁହାଡ଼କିୟା । ୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଚିନାଃମେନ୍ତେ କାମ୍ କାଜିୟାଇଙ୍ଗ୍‌ତାନା ? ଆମ୍‌କେ ରାଡ଼ାରେୟାଃ ଆତଃ କୁଗ୍‌ରେ କିଲାରେୟାଃ ଆକ୍‌ତେୟାର୍ ଆଇଙ୍ଗ୍‌ତାଃରେ ମେନାଃ, ଚିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯୀଶୁ କାଜିରୁହାଡ଼କିୟାଏ, “ଆମ୍‌କେ ପାର୍‌ମେଶ୍‌ବାର୍‌ତାଃଏତେ ଆକ୍‌ତେୟାର୍ କା ନାମ୍‌କାନ୍‌ରେ, ଆଇଁୟାଃ ବିରୁଧ୍‌ରେ ଆମାଃ ଜେତାନ୍ ଆକ୍‌ତେୟାର୍ କା ତାଇନ୍‌ତେୟାଃ । ଏନାତେ ଆଇଙ୍ଗ୍‌କେ ଅକଏ ଆମାଃ ତିଃଇରେ ଜିମାକାଦିୟାଏ ଇନିୟାଃ ପାପ୍ ପୁରାଃ ଏଡ଼କାନ୍‌ଗିୟାଃ ।”

୧୨ ପିଲାତୁସ୍ ନେୟାଁ ଆୟୁମ୍‌କେଦତି, ଯୀଶୁକେ ରାଡ଼ାଇ ନାଗେନ୍ତେ ସାନାଙ୍ଗ୍‌କେଦାଃଏ, ମେନଦ ଯିହୁଦୀ ହଡ଼କ କାଉରିତାନ୍‌ଲଃ କାଜିକେଦାଃକ, “ଆମ୍ ନେ ହଡ଼କେ ରାଡ଼ାଇରେଦ, ଆମ୍ କାଇସାର୍‌ଆଃ ଗାତି ନାହାଁଲାଃମେ, ଅକଏ ଆଇଃକ୍‌କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍‌ଆଃ ବିରୁଧ୍‌ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜିକ ଆୟୁମ୍‌କେଦତି, ଯୀଶୁକେ ଅତଙ୍ଗ୍‌କିୟାଏ ଆତଃ “ଗାଟେନ୍‌ଲାପାଙ୍ଗା” ଅକ୍‌ନାଃତି ଏରୁୀ ଜାଗାର୍‌ତେ “ଗାଦ୍‌ବାଆ” ନୁଡ଼ୁମଃତାନା, ଏନ୍ ବିଚାର୍ ଠାୟାଦ୍‌ତାଃରେ ବିଚାର୍ ନାଙ୍ଗ୍ ଦୁବ୍‌ୟାନାଏ । ୧୪ ପାସ୍‌କା ପାରାଦ୍ ସାପ୍‌ଡ଼ାଅନ୍

ହୁଲାଇଫରେୟାଃ ତିକିନ୍‌ସିଙ୍ଗି ସିଦାରେ ଇନିଃ ଯିହୁଦୀକକେ କାଜିୟାଦକଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନ୍‌କୁ କାଉରିକେଦାଃକ, “ଇନିଃକେ ଗଜିମେଁ ! ଗଜିମେଁ ! କୁଶ୍‌ରେ କିଲାଇମେ ।”

ପିଲାତୁସ୍ ଇନ୍‌କୁକେ କୁଲିକେଦକଆଏ, “ଆପେୟାଃ ରାଜାକେ କୁଶ୍‌ରେଇଙ୍ଗ କିଲାଇୟା ମେନ୍ତେପେ ସାନାଙ୍ଗତାନାଟି ?”

ମୁଲ୍ ଯାଜାକ୍‌କ କାଜିରୁହାଡ଼କିୟାଃକ, “କାଇସାର୍ ଏସ୍‌କାର୍ ଆଲେୟାଃ ରାଜା ତାନିଃ ଆତଃ ଜେତାଏ ରାଜା ନାହାଲିଃ ।”

୧୬ ଏନ୍ତେ ଯୀଶୁ କୁଶ୍‌ରେ କିଲାଇୟାକାଏ ମେନ୍ତେ ପିଲାତୁସ୍ ଇନିଃକେ ଇନ୍‌କୁଆଃ ସାନାଙ୍ଗ ଲେକାଡେ ଏମାଦକଆଏ । ଏନ୍ତେ ଇନ୍‌କୁ ଯୀଶୁକେ ସାବ୍‌କେଦ୍‌ଡେ ଇଦିକିୟାକ ।

ଯୀଶୁକେ କୁଶ୍‌ରେ କିଲାଇୟାଃ

(ମାଥୁଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଯୀଶୁ ଆୟାଃ କୁଶ୍‌କେ ଗଅଃକେଦ୍‌ଡେ “ବହଃଜାଙ୍ଗ ନୁତୁମ୍ ଠାୟାଦ୍” ଅକ୍‌ନାଃଟି ଏବ୍ରୀ ଜାଗାର୍‌ଡେ “ଗାଲ୍‌ଗାଥା” ମେନ୍ତେ କାଜିୟାଃତାନା, ଏନ୍ତାଃଡେ ହିଜୁଃୟାନାଏ ।

୧୮ ଏନ୍ତାଃଡେ ଇନ୍‌କୁ ଇନିଃକେ ଆତଃ ଇନିଃଲଃ ବାର୍‌ହଡ଼କିନ୍‌କେ କୁଶ୍‌ରେ କିଲାଇକେଦକିନାକ, ମିଆଁଦିନିଃକେ ଆୟାଃ ଜମ୍ ସାଃରେ ଆତଃ ମିଆଁଦିନିଃକେ ଲେଙ୍ଗା ସାଃରେ ଆତଃ ଯୀଶୁକେ ଆଲାର୍‌ରେ କିଲାଇୟାକ ।

୧୯ ଆତଃ ପିଲାତୁସ୍ ମିଆଁଦ୍ ଅନଲ୍‌ଟିଠା ଅଲ୍‌କେଦ୍‌ଡେ କୁଶ୍‌ରେ ଲାଟ୍‌କାଅକେଦାଃଏ, ଆତଃ ଏନାରେ “ନାଜ୍‌ରେଡ୍‌ରେନ୍ ଯୀଶୁ ଯିହୁଦୀକଆଃ ରାଜା” ମେନ୍ତେ ଅଲ୍‌କାନ୍ ତାଇକେନା ।

୨୦ ଯୀଶୁ କୁଶ୍‌ରେ କିଲାଇୟାନ୍ ଠାୟାଦ୍ ହାତୁ ନାଡ୍‌ଡେରେ ତାଇକେନ୍ ନାଗେନ୍ତେ ଏନ୍ ଅନଲ୍‌ଟିଠାକେ ପୁରାଃ ଯିହୁଦୀକ ପାଢାଅକେଦାଃ ଆତଃ ଏନା ଏବ୍ରୀ, ଲାଟିନ୍, ଆତଃ ଗ୍ରୀକ୍ ଜାଗାର୍‌ରେ ଅଲ୍‌କାନ୍ ତାଇକେନା ।

୨୧ ଏନ୍ତେ ଯିହୁଦୀକଆଃ ମୁଲ୍ ଯାଜାକ୍‌କ ପିଲାତୁସ୍‌କେ କାଜିକିୟାଃକ, “ଯିହୁଦୀକଆଃ ରାଜା ମେନ୍ତେ ଆଲମ୍ ଅଲେୟା ମେନ୍‌ଦ୍ ‘ଆଇଙ୍ଗ ଯିହୁଦୀକଆଃ ରାଜା ତାନିଙ୍ଗ’ ମେନ୍ତେ କାଜିକେଦ୍‌ଡେୟାଃ ଅଲେମେ ।”

୨୨ ପିଲାତୁସ୍ କାଜିରୁହାଡ଼ାଦକଆଏ, “ଆଇଙ୍ଗ୍ ଅଲ୍‌କାଦ୍‌ଡେୟାଃ ଅଲ୍‌କାଦାଇଙ୍ଗ୍ ।”

୨୩ ଯୀଶୁକେ କୁଶ୍‌ରେ କିଲାଇକେଦ୍‌ଡେ, ସିପାଇକ ଇନିୟାଃ ତୁସିଙ୍ଗ୍ ଲିଜାଃ ଆଉକେଦ୍‌ଡେ ଚାର୍‌ତାଃରେ ହାଟିଙ୍ଗ୍‌କେଦାଃକ, ମିଆଁଦ୍ ସିପାଇ ନାଗେନ୍ତେ ମିଆଁଦ୍ ହାଟିଙ୍ଗ୍ ଆତଃ ପାଟେଲିଜାଃକେଅକ ଆଉକେଦାଃ, ଏନା କା ତୁନାକାନ୍ ତାଇକେନା ମେନ୍‌ଦ୍ ଚେତାନ୍‌ଏଡେ ଲାତାର୍ ଜାକେଦ୍ ଡିଃଇଲଃ ରଅଃକାନ୍ ତାଇକେନା ।

୨୪ ଏନାମେନ୍ତେ ଇନ୍‌କୁ ଆକ ଆକରେକ କାଜିକେଦା, “ନେଆଁକେ କାବୁ ଚାଗାଡେୟା ମେନ୍‌ଦ୍ ନେଆଁ ଅକଏୟାଃ ହବାଅଆଃ ଏନାମେନ୍ତେ ଚିଠାବୁ ସାଲାଇୟା ।”

୨୫ ଧାରାମ୍‌ପୁଥ୍‌ରେୟାଃ କାଜି ସାର୍‌ଡିଅଃ ନାଗେନ୍ତେ ନେ ସବେନ୍ ହବାୟାନା, “ଇନ୍‌କୁ ଆଇଁୟାଃ ଲିଜାଃକ ହାଟିଙ୍ଗ୍‌ୟାନା ଆତଃ ଆଇଁୟାଃ ପାଟେଲିଜାଃ ନାଙ୍ଗ୍ ଚିଠାକ ସାଲାଇକେଦା ।” ଏନାଡେ ସିପାଇକ ନେ'ଲେକାକ ରିକାକେଦା ।

୨୬ ଯୀଶୁଆଃ ଏଙ୍ଗାଡେ ମାରିୟାମ୍ ଆତଃ ଏଙ୍ଗାଡେୟାଃ ମିଶିଡେ, କ୍ଲୋପାରାଃ କୁଡିଡେ ମାରିୟାମ୍ ଆତଃ ମାଗ୍‌ଦାଲିନି ମାରିୟାମ୍ ଯୀଶୁଆଃ କୁଶ୍ ଜାପାଃରେକ ତିଙ୍ଗୁଆକାନ୍ ତାଇକେନା ।

୨୭ ଯୀଶୁ ଆୟାଃ ଏଙ୍ଗାଡେକେ ଆତଃ ଆଇଃକ୍ ଦୁଲ୍‌ଡିତାନ୍ ଚେଲାକେ, ଜାପାଃରେ ତିଙ୍ଗୁଆକାନ୍ ନେଲ୍‌କେଦକିନାଏ, ଏଙ୍ଗାଡେକେ କାଜିକିୟାଏ, “ନେଲିମେ ହନ୍‌ତାମାଃକେ ।”

୨୮ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍‌ତାଙ୍ଗ୍‌ଏଡେ ଏନ୍ ଚେଲା ଇନିଃକେ ଆୟାଃ ଅଡ଼ାଃଡେ ଇଦିକିୟାଏ ।

୨୯ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍‌ତାଙ୍ଗ୍‌ଏଡେ ଏନ୍ ଚେଲା ଇନିଃକେ ଆୟାଃ ଅଡ଼ାଃଡେ ଇଦିକିୟାଏ ।

୩୦ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍‌ତାଙ୍ଗ୍‌ଏଡେ ଏନ୍ ଚେଲା ଇନିଃକେ ଆୟାଃ ଅଡ଼ାଃଡେ ଇଦିକିୟାଏ ।

୩୧ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍ଗା” ଆତଃ ଇମ୍‌ତାଙ୍ଗ୍‌ଏଡେ ଏନ୍ ଚେଲା ଇନିଃକେ ଆୟାଃ ଅଡ଼ାଃଡେ ଇଦିକିୟାଏ ।

ୟୀଶୁଆଃ ଗନଏଃ

(ମାଥୂଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହାଁଃ ପୁରାଚାବାକାନା ମେନ୍ତେ ଯୀଶୁ ସାରିକେଦ୍ଵି, ଧାରାମ୍ପୁଅରେୟାଃ କାଜି ପୁରାଅଃ ନାଗେନ୍ତେ ଇନିଃ କାଜିକେଦାଃଏ, “ଆଇଙ୍ଫକେ ତେତାଙ୍ଫଜ୍ଞତାନା ।”

୨୯ ଏନ୍ତାଃରେ ମେହେର୍ ରାସିତେ ପେରେଜାକାନ ମିଆଁଦ୍ ଚାଟୁ ଦହାକାନ ତାଇକେନା । ଏନ୍ତେ ଇନ୍ଦକୁ ସ୍ପଞ୍ଜକେ ମେହେର୍ ରାସିରେ ତୁପୁକେଦାଃକ, ଆତଃ ଏନାକେ ଏସୋବ୍ ତାଙ୍ଫରେ ଗୁଡୁକେଦ୍ଵେ ଇନିୟାଃ ମଚା ହେପାଦ୍ଵେ ନୁଁଏ ନାଗେନ୍ତେ ଏମକିୟାକ । ୩୦ ଏନ୍ତେ ଯୀଶୁ ମେହେର୍ ରାସି ନୁଁକେଦ୍ଵେ, କାଜିକେଦାଃଏ, “ନେଆଁ ପୁରାୟାନ” ଏନ୍ତେ ଆୟାଃ ବହଃ ତିରୁଦ୍ଵକେଦ୍ଵେ ଜୀଉ ଟୁଣ୍ଡୁକେଦା ।

ୟୀଶୁକେ କୁଡାମ୍ରେ ସବଃକିୟାକ

୩୧ ଏନ୍ ହୁଲାଙ୍ଫ ସାପ୍ତାଅନ୍ ହୁଲାଙ୍ଫ ତାଇକେନା, ଆତଃ ଏଚାଃ ହୁଲାଙ୍ଫ ମାରାଙ୍ଫ ରୁଡୁନ୍ ହୁଲାଙ୍ଫ ତାଇକେନ୍ ନାଗେନ୍ତେ ଯିହୁଦୀ ହାକିମ୍ କ ଗଏଃ ହଡ଼ମକେ କୁଶ୍ରେ ରୁଡୁନ୍ ହୁଲାଙ୍ଫ ଜାକେଦ୍ ତାଇନଃକା ମେନ୍ତେ କାକ ସାନାଙ୍ଫ ତାଇକେନା । ଏନାତେ ଇନ୍ଦକୁ କିଲୀକାନକ ଜାଲ୍ଦି ଗଜଃକାକ ମେନ୍ତେ ଇନ୍ଦକୁଆଃ କାଟା ଠଏଜଃକା ଆତଃ ଇନ୍ଦକୁକେ କୁଶ୍ରେଏତେ ଆଡ଼ଗୁଃକାକ ମେନ୍ତେ ପିଲାତୁସ୍ଵକେକ ବିକ୍ତିକିୟାଃ । ୩୨ ଏନ୍ତେ ସିପାଇକ ହିଜୁଃକେଦ୍ଵେ ଯୀଶୁଲଃ କିଲୀକାନ ବାରାନ୍କିନାଃ କାଟାକେ ଠଏଜ୍ଵକେଦାଃକ । ୩୩ ମେନ୍ଦ ଇନ୍ଦକୁ ଯୀଶୁତାଃ ହିଜୁଃୟାନ୍ତେ, ଇନିଃକେ ଗଜାକାନକ ନେଲ୍କିୟାଃ, ଏନାତେ ଇନ୍ଦକୁ ଇନିୟାଃ କାଟାକେ କାକ ଠଏଜ୍ଵକେଦାଃ । ୩୪ ମେନ୍ଦ ସିପାଇକଏତେ ମିଆଁଦ୍ନିଃ ବାଞ୍ଛାତେ ଇନିୟାଃ କୁଡାମ୍ରେ ସବଃକିୟାଏ, ଆତଃ ଇମ୍ତାଗି ମାୟୋମ୍ ଆତଃ ଦାଆଃ ଅତଙ୍ଫୟାନା । ୩୫ ଆତଃ ନେଆଁ ନେଲ୍କାଦ୍ନିଃ ଗାଞ୍ଜା ଏମାକାଦାଏ, ଜେ'ଲେକାଟି ଆପେୟଗି ବିଶ୍ଵାସେୟାପେ । ଆତଃ ଇନିୟାଃ ଗାଞ୍ଜା ସାର୍ତିଗିୟା, ଆତଃ ଇନିଃ ସାର୍ତି କାଜିତାନାଏ ଏନା ଆଇଃକ୍ତି ସାରିୟାଏ । ୩୬ “ଇନିୟାଃ ଜେତାନ୍ ଜାଙ୍ଫ କା ଠଏଜଆଃ” ନେ କାଜିଦ୍ ଧାରାମ୍ପୁଅରେ ପୁରାଅଃ ନାଗେନ୍ତେ ନେ ସବେନାଃ ହବାୟାନା । ୩୭ \*ଧାରାମ୍ପୁଅରେ ଆତଃମିଆଁଦ୍ କାଜି ଅଲୀକାନା, “ଇନ୍ଦକୁ ଅକଏକେ କିଲୀକିୟାଃକ,” ହଡ଼କ ଇନିଃକେ ନେଲିୟାକ ।

ୟୀଶୁଆଃ ତପାଅଃ

(ମାଥୂଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଏନ୍ ତାୟମ୍ତେ ହାରାମାଥୁୟା ସାହାରରେନ୍ ଯୋଷେଫ୍, ଯୀଶୁଆଃ ହଡ଼ମ ଇଦି ନାଗେନ୍ତେ ପିଲାତୁସ୍ଵକେ ବିକ୍ତିକିୟାଏ, ଇନିଃ ଯୀଶୁଆଃ ମିଆଁଦ୍ ତେଲା ତାଇକେନାଏ, ମେନ୍ଦ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆତଃ ପିଲାତୁସ୍ ଆରୁକେଦ୍ଵି ଯୀଶୁଆଃ ହଡ଼ମ ଇଦିକେଦ୍ଵେ ସେନଃୟାନାଏ । ୩୯ \*ଏନ୍ ନିକଦାମ୍ ସିଦାରେ ନିଦା ଇମ୍ତା ଯୀଶୁତାଃତେ ହିଜୁଃୟାନାଏ, ଇନିଃ ଯୋଷେଫ୍ଲଃ ହିଜୁଃୟାନାଏ । ଆତଃ ଇନିଃ ତିରିଶ୍ କେଜି ବୁଗିନ୍ ସହାନ୍ସୁନ୍ମୁମ୍ ଆତଃ ମେସାକାନ୍ ଗାନ୍ଦରାସ୍ ଆଉକେଦାଏ । ୪୦ ଏନ୍ତେ ଇନ୍ଦକିନ୍ ଯୀଶୁଆଃ ହଡ଼ମକେକିନ୍ ଆଉକେଦାଃ ଏନ୍ତେ ଯିହୁଦୀକଆଃ ତପାରେୟାଃ ରିଡିଲେକାତେ ଏନାକେ ବୁଗିନ୍ ସହାନ୍ ସୁନ୍ମୁମ୍ ଆତଃ ଫାରି ନିରାଲ୍ ଲିଜାଃରେ ପଟମ୍କେଦାଃକିନ୍ । ୪୧ ଆତଃ ଯୀଶୁ କୁଶ୍ରେ କିଲୀୟାନ୍ ଠାୟାଦ୍ତାଃରେ ମିଆଁଦ୍ ବାଗାନ୍ ତାଇକେନା, ଆତଃ ବାଗାନ୍ରେ ମିଆଁଦ୍ ନାଞ୍ଜା ତପା ଠାୟାଦ୍ ତାଇକେନା, ଏନାରେ ଜେତାଏ ଚିଉଲାହ କାକ ତପାକାଦ୍ଵକ ତାଇକେନା

\* ୧୯:୩୭ ୧୯:୩୭ ଉନ୍ଦୁଦ୍ କାଜି ୧:୭. \* ୧୯:୩୯ ୧୯:୩୯ ଯୋହାନ୍ ୩:୧,୨.

। ୪୨ ଯିହୁଦୀକଥାଃ ସାପ୍ତାହୀନ୍ ହୁଲାଙ୍ଗ ନାଗେନ୍ତେ ଇନକିନ୍ ଯୀଶୁକେ ଏନ୍ତାଃରେଗି ଦହକିୟାକିନ୍, ଚିୟାଠି ଏନ୍ ତପା ଠାୟାଦ୍ ନାଡେଃରେ ତାଇକେନା ।

### ୨୦

ତପାଗାଡ଼ା ବିଡ଼ାଙ୍ଗ

(ମାଥୂଉ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ହାପ୍ରାରେୟାଃ ପାହିଲା ହୁଲାଙ୍ଗ ସେତାଃ ଇଦାନ୍ ନୁବାଃ ତାଇକେନ୍ ଇମତା ମାଗଦାଲିନି ମାରିୟାମ୍ ତପାଗାଡ଼ା ଠାୟାଦ୍‌ତେ ହିଜୁଃକେଦ୍‌ତେ ପୁରାଃ ମାରାଙ୍ଗ ଦିରିକେ ତପାଗାଡ଼ା ଠାୟାଦ୍‌ଏତେ ଆତମ୍‌କାନ୍ ନେଲ୍‌କେଦାଃଏ । ୨ ଏନ୍ତେ ଇନିଃ ନିର୍କେଦ୍‌ତେ ଶିମୋନ୍ ପାଡ଼ରାସ୍ ଆତଃ ଯୀଶୁ ହୁଲାଡ଼ିତାନ୍ ଏନ୍ ଏଟାଃ ଚେଲାତାଃତେ ତେବାଃୟାନା ଆତଃ ମେତାଦ୍‌କିନାଏ, “ଇନ୍‌କୁ ପ୍ରାଭୁକେ ତପାଗାଡ଼ାଏତେ ଇଦିକିୟାକ ଆତଃ କତାଃରେକ ଦହକିୟା ଏନା କାଲେ ସାରିତାନା ।”

୩ ଏନ୍ତେ ପାଡ଼ରାସ୍ ଆତଃ ଏନ୍ ଏଟାଃ ଚେଲା ଅତଙ୍ଗ୍‌ୟାନ୍‌ତେ ତପାଠାୟାଦ୍‌ତେ ସେନଃୟାନାକିନ୍ । ୪ ଆତଃ ଏନ୍ ବାରାନ୍‌କିନ୍ ମିଦ୍‌ତେକିନ୍ ନିର୍କେଦାଃ ମେନ୍‌ଦ ଏଟାଃ ଚେଲା ପାଡ଼ରାସ୍‌କେ ନିର୍କେଦ୍‌କେଦ୍‌ତେ ସିଦାରେ ତପାଠାୟାଦ୍‌ତେ ସେଟେରୁୟାନାଏ । ୫ ଆତଃ ଇନିଃ ଉଜୁଦ୍‌କେଦ୍‌ତେ ପାଡ଼ଲା ଲିଜାଃ ଏସ୍କାର୍ ଦହକାନ୍‌ତେୟାଃ ନେଲ୍‌କେଦାଏ ମେନ୍‌ଦ କାଏ ବଲ୍‌ୟାନା । ୬ ଏନ୍ତେ ଶିମୋନ୍ ପାଡ଼ରାସ୍ ଇନିୟାଃ ତାୟମ୍‌ତେ ସେଟେରୁୟାନାଏ ଆତଃ ତପାଠାୟାଦ୍‌ରେ ବଲ୍‌କେଦ୍‌ତେ ଏନ୍ ପାଡ଼ଲା ଲିଜାଃ ଉୟୁଗାକାନ୍ ନେଲ୍‌କେଦାଏ । ୭ ଆତଃ ଯୀଶୁଆଃ ବହଃରେ ତଲ୍‌ବିହୁରାକାନ୍ ଲିଜାଃ ଏନ୍ ପାଡ଼ଲା ଲିଜାଃଲଃ କା ତାଇନ୍‌କେନା ମେନ୍‌ଦ ଏଟାଃରେ ପୋଟମାକାନ୍ ତାଇକେନା । ୮ ଏନ୍ତେ ସିଦାରେ ତପାଠାୟାଦ୍‌ତାଃ ସେଟେରୁୟାନ୍ ଏନ୍ ଏଟାଃ ଚେଲାହ ବଲ୍‌ୟାନାଏ, ଆତଃ ଇନିଃ ନେଲ୍‌କେଦ୍‌ତେ ବିଶ୍ୱାସ୍‌କେଦାଃଏ । ୯ ଇନିଃକେ ଗଏଃକାନ୍‌କଏତେ ଜୀଉବିରିଦଃ ଲାଗାତିଙ୍ଗ୍‌ୟାଃ, ଧାରାମ୍‌ପୁଥ୍‌ରେ ଅଲ୍‌କାନ୍ ନେ କାଜିକେ, ଇନ୍‌କୁ ଇମ୍‌ତାଜାକେଦ୍ କାକ ଆଟ୍‌କାର୍‌ଉରୁମ୍‌ ତାଇକେନା । ୧୦ ଏନ୍ତେ ଏନ୍ ବାରାନ୍ ଚେଲାକିନ୍ ଆକିନାଃ ଅଡ଼ାଃତେ ରୁହାଡ଼୍‌ୟାନାକିନ୍ ।

ୟୀଶୁ ମାଗ୍‌ଦଲାରେନ୍ ମାରିୟାମ୍‌ତାଃରେ ଉଦୁବେନ୍‌ୟାନାଏ

(ମାଥୂଉ ୨୮:୯-୧୦; ମାର୍କ ୧୬:୯-୧୧)

୧୧ ମେନ୍‌ଦ ମାରିୟାମ୍ ରାଆଃତାନ୍‌ଲଃ ତପାଠାୟାଦ୍‌ତାଃରେ ତିଙ୍ଗୁଆକାନାଏ ତାଇକେନା । ଚିମ୍‌ତାଙ୍ଗ ରାଆଃତାନ୍‌ଲଃ ତପାଠାୟାଦ୍ ଭିତାର୍‌ତେ ଉଜୁଦ୍‌କେଦ୍‌ତେ ନେଲ୍‌କେଦାଃଏ, ୧୨ ଇମ୍‌ତା ପୁଣି ଲିଜାଃ ତୁସିଙ୍ଗ୍‌ଆକାନ୍ ବାରିଆ ଦୁଡ୍‌କିନ୍ ଯୀଶୁଆଃ ହଡ଼ମ୍ ଦହକାନ୍ ଠାୟାଦ୍‌ରେ ଦୁବାକାନ୍ ନେଲ୍‌କେଦ୍‌କିନାଏ, ମିଆଁଦ୍‌ନିଃ ବହଃସାଃରେ ଆତଃ ମିଆଁଦ୍‌ନିଃ କାଟାସାଃରେ । ୧୩ ଆତଃ ଇନ୍‌କିନ୍ କୁଲିକିୟାଃକିନ୍, “ଏ ମାଲ୍, ଚିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍‌କିନ୍‌କେ କାଜିୟାଦ୍‌କିନାଏ, “ଇନ୍‌କୁ ଆଇଁୟାଃ ପ୍ରାଭୁକେ ଇଦିକିୟାଃକ ଆତଃ ଇନିଃକେ ଅକ୍‌ତାଃରେ ଦହକିୟାଃକ ଏନା କାଲ୍‌କ୍ ସାରିତାନା ।”

୧୪ ଏନ୍ତେ ନେଆଁ କାଜିକେଦ୍‌ଚି ଇନିଃ ଦୟାସାଃତେ ହେତାକେଦାଏ ଆତଃ ଯୀଶୁକେ ତିଙ୍ଗୁଆକାନ୍ ନେଲ୍‌କିୟାଏ, ମେନ୍‌ଦ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ । ୧୫ ଯୀଶୁ ଇନିଃକେ କାଜିକିୟାଏ, “ଏ ମାଲ୍, ଆମ୍ ଚିନାଃ ମେନ୍ତେ ରାଆଃତାନାମ୍ ? ଆତଃ ଅକ୍‌ଏକେ ଦାଣ୍ଠାବାଡ଼ା ତାନାମ୍ ?” ଏନ୍ କୁଡ଼ି ଯୀଶୁକେ ବାଖ୍‌ଡ଼ିରେନ୍ ମାଲିହଡ଼ ତାନିଃ ମେନ୍ତେ ଆଟ୍‌କାର୍‌କେଦ୍‌ତେ, କାଜିକିୟାଏ, “ହେ ଗମ୍‌କେ, ଆମ୍

ଇନିଃକେ ଇଦିକାଇରେଦ ଇନିଃକେ ଅକ୍ତାଃରେମ୍ ଦହକିୟା ଏନା ଉଦୁବାଇଙ୍ଗ୍ମେ  
 ଆତଃ ଆଇଙ୍ଗ୍ ଇନିଃକେ ଇଦିକିୟାଈଙ୍ଗ୍ ।” ୧୭ ଯୀଶୁ ଇନିଃକେ କାଜିକିୟାଏ,  
 “ଏ ମାରିୟାମ୍,” ଇନିଃ ହେତାରୁହାଡ଼କେଦ୍ତେ ଏବ୍ରୀ ଜାଗାର୍ତେ କାଜିକିୟାଏ,  
 “ରାବ୍ବୁନି” ନେୟାରାଃ ମୁଣ୍ଡି “ହେ ଗୁରୁ” । ୧୭ ଯୀଶୁ ଇନିଃକେ କାଜିକିୟାଏ,  
 “ଆଇଙ୍ଗ୍କେ ଆଲମ୍ ସାବାକାଇଙ୍ଗ୍, ଚିୟାଠି ଆଇଙ୍ଗ୍ଦ ନାହାଃ ଜାକେଦ୍  
 ଆପୁଇଙ୍ଗ୍ତାଃତେ ଆଉରି ସେନ୍ରୁହାଡ଼ାଇଙ୍ଗ୍ । ମେନ୍ଦ୍ ହାଗାଇଙ୍ଗ୍ତେକତାଃ  
 ସେନ୍କେଦ୍ତେ କାଜିୟାକମ୍, “ଆଇଙ୍ଗ୍ ଆଇଁୟାଃ ଆପୁ ଆତଃ ଇନ୍କୁଆଃ  
 ଆପୁ, ଆଇଁୟାଃ ପାର୍ମେଶ୍ୱାର୍ ଆତଃ ଇନ୍କୁଆଃ ପାର୍ମେଶ୍ୱାର୍ ତାଃତେଇଙ୍ଗ୍  
 ସେନ୍ରୁହାଡ଼ତାନା ।” ୧୮ ଆତଃ ମାଗ୍ଦାଲିନି ମାରିୟାମ୍ ସେନ୍କେଦ୍ତେ  
 ଚେଲାଇକେ ମେତାଦକଆଏ, “ଆଇଙ୍ଗ୍ ପ୍ରାଭୁକେ ନେଲାଇୟାଈଙ୍ଗ୍, ଆତଃ  
 ଇନିଃ ନେ କାଜିକ ଆଇଙ୍ଗ୍କେ କାଜିକାଦିୟାଏ ।”

ଯୀଶୁ ଆୟାଃ ଚେଲାଇକତାଃରେ ଉଦୁବେନ୍ୟାନା  
 (ମାଥୂଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ହାପ୍ରାରେୟାଃ ପାହିଲା ହୁଲାଙ୍ଗ୍ ଆୟୁବଃତାନ୍ ଇମ୍ତା ଯିହୁଦୀକଆଃ ବରତେ  
 ଚେଲାଇ ହୁଣ୍ଡିୟାନାକ ଆତଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେଦକେଦ୍ତେ  
 ତାଇକେନାକ, ଇମ୍ତା ଯୀଶୁ ହିଜୁଃକେଦ୍ତେ ଆକଆଃ ଆଲାରେ ତିଙ୍ଗ୍ମାନାଏ ଆତଃ  
 ମେତାଦକଆଏ, “ଆପେରେ ଜୀଉସୁକୁ ହବାଅଃକା ।” ୨୦ ଇନିଃ ନେଆଁ କାଜିକେଦ୍ତି  
 ଇନ୍କୁକେ ଆୟାଃ ତିଃଇକେ ଆତଃ ଆୟାଃ ସାଡ଼େଜାଙ୍ଗ୍କେ ଉଦୁବାଦକଆଏ । ଏନ୍ତେ  
 ଚେଲାଇ ପ୍ରାଭୁକେ ନେଲକେଦ୍ତେ ପୁରାଠି ରାସକାୟାନାକ । ୨୧ ଯୀଶୁ ଆତଃଗି  
 କାଜିୟାଦ୍ତକଆଏ, “ଆପେରେ ଜୀଉସୁକୁ ତାଇନ୍କା, ଆପୁଇଙ୍ଗ୍ କୁଲାକାଇଙ୍ଗ୍ ଲେକା  
 ଆଇଙ୍ଗ୍ହ ଆପେକେ କୁଲପେତାନାଇଙ୍ଗ୍ ।” ୨୨ ଇନିଃ ନେଆଁ କାଜିକେଦ୍ତି ଇନ୍କୁଆଃ  
 ଚେତାନରେ ଅମ୍ବକେଦାଃଏ, ଆତଃ “ନେ ପାବିତାର୍ ଆମାକେ ତେଲାଇପେ  
 ମେତାଦକଆଏ । ୨୩ ଆପେ ହଡ଼କଆଃ ପାପ୍ ଛାମାକରେଦ ଇନ୍କୁଆଃ ପାପ୍  
 ଛାମାଞ୍ଜାଃ, ଆପେ କାପେ ଛାମାକରେଦ ଇନ୍କୁଆଃ ପାପ୍ କା ଛାମାଞ୍ଜାଃ ।”

ଯୀଶୁ ଆତଃ ଥୋମା

୨୪ ଦିଦୁମ୍ କାଜିୟାତାନ୍ ଥୋମା ଗେଲ୍ବାର୍ ଚେଲାଇଏତେ ମିହୁଡ଼୍ ତାଇକେନାଏ  
 । ଇନିଃ ଯୀଶୁ ହିଜୁଃଲେନ୍ ଇମ୍ତା ଚେଲାଇକଲଃ କାଏ ତାଇକେନା । ୨୫ ଏନ୍ତେ  
 ଏଟାଃ ଚେଲାଇ ଇନିଃକେ କାଜିକିୟାଈକ, “ଆଲେ ପ୍ରାଭୁକେ, ନେଲାଇୟାଈଲେ ।”  
 ମେନ୍ଦ୍ ଇନିଃ ଇନ୍କୁକେ କାଜିୟାଦକଆଏ, “ଇନିୟାଃ ତିଃଇରେ କିଲ୍ଲାରେୟାଃ ଚିହ୍ନାଁ  
 କାଇଙ୍ଗ୍ ନେନେଲ୍ ଜାକେଦ୍ ଆତଃ ଆଇଁୟାଃ ସାର୍ସାର୍ତେ କିଲ୍ଲାରେୟାଃ ଚିହ୍ନାଁକେ  
 କାଇଙ୍ଗ୍ ଜୁଟିଦେ ଜାକେଦ୍ ଆତଃ ତିଃଇତେ ଇନିୟାଃ ସାଡ଼େଜାଙ୍ଗ୍ରେ କାଇଙ୍ଗ୍  
 ଜୁଟିଦେ ଜାକେଦ୍ କାଇଙ୍ଗ୍ ବିଶ୍ୱାସେୟା ।” ୨୬ ମିଦ୍ ହାପ୍ରା ତାୟମ୍ତେ ଇନିୟାଃ  
 ଚେଲାଇ ଆତଃଗି ଅଡ଼ାଃରେକ ତାଇକେନା ଆତଃ ଥୋମା ଇନ୍କୁଲଃ ତାଇକେନାଏ,  
 ଦୁଆର୍ ହାଣ୍ଡେଦକାନ୍ ତାଇକେନ୍ରେୟ ଯୀଶୁ ହିଜୁଃୟାନାଏ ଆତଃ ଆଲାରେ  
 ତିଙ୍ଗ୍କେଦ୍ତେ କାଜିୟାଦକଆଏ, “ଆପେରେ ଜୀଉସୁକୁ ତାଇନ୍କା ।” ୨୭ ଏନ୍ତେ  
 ଇନିଃ ଥୋମାକେ କାଜିକିୟାଏ, “ଆମାଃ ସାର୍ସାର୍ଲଃ ଜୁଟିଦେମ୍ ଆତଃ ଆଇଁୟାଃ  
 ତିଃଇ ନେଲେମେ, ଆତଃ ତିଃଇତାମାଃ ଜିଲିଙ୍ଗ୍ୟେମେ ଆତଃ ସାଡ଼େଜାଙ୍ଗ୍ତାଃରେ  
 ଜୁଟିଜେମ୍, କା ବିଶ୍ୱାସେନିଃଦ କାହା ମେନ୍ଦ୍ ବିଶ୍ୱାସେନିଃ ହବାଅଃମେ ।”

୨୮ ଥୋମା କାଜିରୁହାଡ଼କିୟାଏ, “ଆଇଁୟାଃ ପ୍ରାଭୁ ଆତଃ ଆଇଁୟାଃ ପାର୍ମେଶ୍ୱାର୍  
 ।”

☆ ୨୦:୨୩ ୨୦:୨୩ ମାଥୂଉ ୧୭:୧୯; ୧୮:୧୮.

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ଭ ଆଇଙ୍ଗ୍‌କେ ନେଲ୍‌କେଦ୍‌ତେମ୍ ବିଶ୍ୱାସୀଈତାନା, ମେନ୍‌ଦ କା ନେଲ୍‌କେଦ୍‌ତେ ବିଶ୍ୱାସ୍‌ତାନ୍‌କ ସୁକୁତାନ୍‌ଗିୟାଃ ।”

ନେ ପୁଥୁରାଃ ଅନଲ୍‌କାଜି

୩୦ ଯୀଶୁ ଚେଲ୍‌କଆଃ ସାମ୍‌ନାଙ୍ଗ୍‌ରେ ନେ'ଲେକା ପୁରାଃ ଏଟାଃ ପେଡ୍‌ୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଥୁରେ କା ଅଲ୍‌କାନା । ୩୧ ମେନ୍‌ଦ ଯୀଶୁ ପାରମେଶ୍ୱାର୍‌ଆଃ ହନ୍ ମାସି ତାନିଃ, ନେୟାପେ ବିଶ୍ୱାସେକା ଆଡ଼ଃ ନେଆଁ ବିଶ୍ୱାସ୍‌କେଦ୍‌ତେ ଇନିୟାଃ ନୁଡୁମ୍‌ତେ ଆପେ ଜୀଦାନ୍‌ପେ ନାମେକା ମେନ୍ତେ ନେଆଁରେ ଅଲ୍‌କାନା ।

## ୨୧

ଯୀଶୁ ସାଡ଼ଝାନ୍ ଚେଲ୍‌କତାଃରେ ଉଦୁବେନ୍‌ତାନାଏ

୧ ଏନ୍ ତାୟମ୍‌ତେ ଯୀଶୁ ଆଡ଼ଃମିସା ଡିବିରିୟା ଦରେୟା ଗେନାରେ ଆୟାଃ ଚେଲ୍‌କତାଃରେ ଉଦୁବେନ୍‌ୟାନାଏ । ନେୟା ନେ ଲେକା ହବାଲେନା : ୨ ଶିମୋନ୍ ପାଡ଼ରାସ୍ ଆଡ଼ଃ ଦିଦୁମ୍ କାଜିୟାଃତାନ୍ ଥୋମା ଆଡ଼ଃ ଗାଲିଲ୍‌ରେୟାଃ କାନା ହାଡୁରେନ୍ ନିଅିନିୟେଲ୍ ଆଡ଼ଃ ଜେବଦୀୟାଃ ବାରାନ୍ ହନ୍‌କିନ୍ ଆଡ଼ଃ ଇନିୟାଃ ଚେଲ୍‌କଏଡେ ଆଡ଼ଃ ବାରହଡ଼ ମିଦ୍‌ତାଃରେକ ତାଇକେନା । ୩ \*ଆଡ଼ଃ ଶିମୋନ୍ ପାଡ଼ରାସ୍ ଇନ୍‌କୁକେ ମେଡାଦକିଆଏ, “ଆଇଙ୍ଗ୍ ହାକୁ ସାବ୍‌ନାଙ୍ଗ୍ ସେନଃତାନାଇଙ୍ଗ୍ ।” ଇନ୍‌କୁ ଇନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଇନ୍‌କୁ ଅଡ଼ଙ୍ଗ୍‌ୟାନ୍‌ତେ ଲାଉକାରେକ ଦେଏଃୟାନା, ମେନ୍‌ଦ ଏନ୍ ନିଦାରେ ଜାଲୋମ୍‌ତେ ହାକୁ କାକ ସାବ୍ ଦାଡ଼ିୟାନା । ୪ ଆଡ଼ଃ ଆଙ୍ଗ୍‌ୟାନ୍‌ଡି ଯୀଶୁ ଦରେୟା ଗେନାରେ ଡିଙ୍ଗ୍‌ୟାନାଏ, ହଲେହ୍ ଚେଲ୍‌କ ନିଃ ଯୀଶୁ ତାନିଃ ମେନ୍ତେ କାକ ସାରିତାନ୍ ତାଇକେନା । ୫ ଏନ୍ତେ ଯୀଶୁ ଇନ୍‌କୁକେ କାଜିୟାଦକିଆଏ, “ହେ ଦୁଲ୍‌ାଡ଼୍ ହନ୍‌କ ଚିୟାଃ ଆପେତାଃରେ ହାକୁ ମେନାକଆ ?” ଇନ୍‌କୁ “କାହା” ମେନ୍ତେ କାଜିରୁହାଡ଼କିୟାକ ।

୬ \*ଯୀଶୁ ଇନ୍‌କୁକେ କାଜିୟାଦକିଆ, “ଲାଉକାରାଃ ଜମ୍‌ସାଃତେ ଜାଲୋମ୍‌କେ ହୁଦ୍‌ମାଏପେ, ଏନାରେ ଆପେ ହାକୁ ନାମ୍‌କଆପେ ।” ଏନ୍ତେ ଇନ୍‌କୁ ଜାଲୋମ୍‌କେ ହୁଦ୍‌ମାକେଦ୍‌ତେ ପୁରାଃ ହାକୁକ ନାମ୍‌କେଦକିଆ, ମେନ୍‌ଦ ପୁରାଃ ପେଡ୍‌ଃତେ ଆଇଜକେଦ୍‌ରେୟ କାକ ଆଇଜ ଦାଡ଼ିୟାନା ।

୭ ଏନ୍ତେ ଯୀଶୁ ଅକନ୍ ଚେଲ୍‌କେ ଦୁଲ୍‌ାଡ଼ିତାନ୍ ତାଇକେନାଏ, ଇନିଃ ପାଡ଼ରାସ୍‌କେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମ୍‌କେଦ୍‌ତେ ଶିମୋନ୍ ପାଡ଼ରାସ୍, ସାମା ହଡ଼ମ୍ ତାଇକେନ୍‌ହରାତେ ମାୟାଙ୍ଗ୍‌ରେ ଲିଜାଃ ପାଟେୟାନ୍‌ଡି ଦରେୟାରେ ଡେଗାଅକେଦାଏ । ୮ ମେନ୍‌ଦ ଏଟାଃ ଚେଲ୍‌କ ହାକୁତେ ପେରେଜାକାନ୍ ଜାଲୋମ୍ ଆଇଜକେଦ୍‌ତେ ହୁଡିଙ୍ଗ୍ ଲାଉକାତେକ ହିଜୁଃୟାନା, ଚିୟାଃଡି ଇନ୍‌କୁଦ ଦରେୟା ଗେନାଏଡେ ପୁରାଃ ସାଜିନ୍‌ରେଦ କାହା, ମେନ୍‌ଦ ଦୁଇଶହାଡ଼ ଲେକା ସାଜିନ୍‌ରେ ତାଇକେନାକ । ୯ ଆଡ଼ଃ ଇନ୍‌କୁ ଦରେୟା ଖାଙ୍ଗ୍‌ରେ ଆଡ଼ଗୁକେଦ୍‌ତେ ଆଙ୍ଗ୍‌ରାସେଙ୍ଗ୍‌ଲ୍‌ରେ ହାକୁ ରାପାଃକାନ୍ ଆଡ଼ଃ ହଲ୍‌ଙ୍ଗ୍ ମାଣ୍ଡାଃକାନ୍ ନେଲ୍‌କେଦାଃକ । ୧୦ ଆଡ଼ଃ ଯୀଶୁ ଇନ୍‌କୁକେ କାଜିୟାଦକିଆଏ, “ନାହାଁ ଆପେ ସାବାକାଦ୍ ହାକୁକଏଡେ କାଚିଃଲେକା ଆଉକୁପେ ।”

୧୧ ଶିମୋନ୍ ପାଡ଼ରାସ୍ ସେନଃୟାନ୍ତେ ୧୫୩ ୦ ମାପ୍‌ରାଙ୍ଗ୍ ହାକୁତେ ପେରେଜାକାନ୍ ଜାଲୋମ୍‌କେ ଦରେୟା ଖାଙ୍ଗ୍‌ତେ ଆଇଜ୍ ଆଉକେଦାଃଏ । ନିମିନ୍ ହାକୁକ ତାଇକେନ୍‌ରେୟ ଜାଲୋମ୍ କା ଟଟାଃୟାନା । ୧୨ ଯୀଶୁ କାଜିୟାଦକିଆଏ, “ହିଜୁଃପେ ଆଡ଼ଃ ଜମେପେ ।” ମେନ୍‌ଦ “ଆମ୍ ଅକଏ ତାନ୍‌ମେ ?” ମେନ୍ତେ ଇନିଃକେ କୁଲି

ନାଗେନ୍ତେ ଚେଲାକଏତେ, ଜେତାଏ କାକ ପେଡ଼େଃକେଦାଃ, ଚିୟାଃଟି ଇନ୍‌କୁଦ ନିଃ ପ୍ରାଭୁ ତାନିଃ ମେନ୍ତେ ସାରିତାନ୍ ତାଇକେନାକ । ୧୩ ଏନ୍ତେ ଯୀଶୁ ହିଜୁଃୟାନାଏ ଆତଃ ହଲଙ୍ଗ୍ ଆତକେଦ୍‌ତେ ଇନ୍‌କୁକେ ଏମାଦ୍‌କଆଏ, ଆତଃ ଏନ୍ ଲେକା ହାକୁ ହରି ଏମାଦ୍‌କଆଏ ।

୧୪ ନେୟାଲିଃ ଆପିସା, ଯୀଶୁ ଗଏଃକାନ୍‌କଏତେ ଜୀଉବିରିଦ୍‌କେଦ୍‌ତେ ଆୟାଃ ଚେଲାକତାଃରେ ଉଦୁବ୍‌ୟାନାଏ ।

**ଯୀଶୁ ଆତଃ ପାଡ଼ରାସ୍**

୧୫ ଏନ୍ତେ ଇନ୍‌କୁ ଜମ୍‌କେଦ୍ ତାୟମତେ ଯୀଶୁ ଶିମୋନ୍ ପାଡ଼ରାସ୍‌କେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏତେ ଆଦ୍‌କାମ୍ ଦୁଲାଡ଼ିଙ୍ଗ୍‌ତାନା ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍,” ଯୀଶୁ ଇନିଃକେ ମେତାଇୟାଏ, “ଆଇଁୟାଃ ମିଶ୍ଟି ହନ୍‌କକେ ଗୁପିକମେ ।” ୧୬ ଯୀଶୁ ବାଦ୍‌ସାତେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍‌ତାନା, ଏନା ଆମ୍ ସାରିତାନାମ୍ ।” ଯୀଶୁ ମେତାଇୟାଏ, “ଆଇଁୟାଃ ମିଶ୍ଟିକକେ ଗୁପିକମେ ।” ୧୭ ଯୀଶୁ ଆପିସାତେ ଇନିଃକେ କୁଲିକିୟାଏ, “ଏ ଯୋହାନ୍‌ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍‌କେ ଦୁଲାଡ଼ିଙ୍ଗ୍‌ତାନାମ୍ ?” ଯୀଶୁ ଆପିସାତେ ଚିୟାଃ ଆମ୍ ଦୁଲାଡ଼ିଙ୍ଗ୍‌ତାନାମ୍ ? ମେନ୍ତେ କୁଲିକିୟାଏ, ନେଆଁତେ ପାଡ଼ରାସ୍ ହୁଡ଼ିଙ୍ଗ୍‌ଜୀଉୟାନାଏ । ଏନାତେ ପାଡ଼ରାସ୍ ମେତାଇୟାଏ, “ହେ ପ୍ରାଭୁ ଆଇଙ୍ଗ୍ ଆମ୍‌କେଗି ଦୁଲାଡ଼ିଙ୍ଗ୍‌ତାନା, ଏନା ସବେନାଃ ଆମ୍ ସାରିତାନାମ୍ ।” ଯୀଶୁ କାଜିକିୟାଏ, “ମିଶ୍ଟି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାର୍‌ତିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡ଼େଦ୍ ତାଇକେନ୍‌ରେ ଆମ୍ ସେକାଡ଼ିକେଦ୍‌ତେ ଆମାଃ ସାନାଙ୍ଗ୍‌ଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍‌ଦ୍ ହାଡ଼ାମ୍ ଇମତା ଆମାଃ ତିଃଇ ଜିଲିଙ୍ଗ୍‌ୟେଆମ୍ ଆତଃ ଏଟାଃନିଃ ଆମାଃ ମାୟାଙ୍ଗ୍ ତଲେୟାଏ ଆତଃ ଆମ୍ କାମ୍ ସାନାଙ୍ଗ୍‌ତାଃତେ ଇଦିମେୟାଏ ।” ୧୯ ପାଡ଼ରାସ୍ ଚିଲିକା ଆୟାଃ ଗନ୍‌ଏଃ ହରାତେ ପାର୍‌ମେଶ୍ୱାର୍‌କେ ମାନାରାଙ୍ଗ୍ ରିକାଇୟାଏ, ଏନାରେୟାଃ ଇସାରା ଏମ୍‌କେଦ୍‌ତେ ଯୀଶୁ ଏନା କାଜିକେଦାଏ । ଏନ୍ତେ ଇନିଃ “ଅତଙ୍ଗ୍‌ଇଙ୍ଗ୍‌ମେ” ମେନ୍ତେ ପାଡ଼ରାସ୍‌କେ କାଜିକିୟା ।

**ଯୀଶୁ ଆତଃ ଏଟାଃ ଚେଲାକ**

୨୦ \*ପାଡ଼ରାସ୍ ହେତାରୁହାଡ଼ିକେଦ୍‌ତେ, ଏଟାଃ ଚେଲାକେ ଦୟାହରା ହିଜୁଃତାନ୍ ନେଲ୍‌କିୟାଏ, ଅକଏକେଗି ଯୀଶୁ ଦୁଲାଡ଼ିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ଼ାମ୍‌ରେ ଟେଣ୍ଡେରକେଦ୍‌ତେ କୁଲିକାଇତାଇନାଏ, “ହେ ପ୍ରାଭୁ, ଆମ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ଅକଏ ତାନିଃ ?” ୨୧ ପାଡ଼ରାସ୍ ଇନିଃକେ ନେଲ୍‌କେଦ୍‌ତେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ତିନାଃ ମେନେତାନାମ୍ ?”

୨୨ ଯୀଶୁ ଇନିଃକେ କାଜିରୁହାଡ଼ିକିୟାଏ, “ଆଇଁୟାଃ ହିଜୁଃ ଜାକେଦ୍ ଇନିଃ ତାଇନ୍‌କାଏ ମେନ୍ତେ ଆଇଙ୍ଗ୍ ସାନାଙ୍ଗ୍‌ତାନ୍‌ରେଦ୍ ଆମାଃ ତିନାଃ ସେନଃତାନା ? ଆମ୍ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ମେ ।”

୨୩ ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିତିରୁୟାନା\*, ମେନ୍‌ଦ୍ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍‌ତାଇନା,

\* ୨୧:୨୦ ୨୧:୨୦ ଯୋହାନ୍ ୧୩:୨୫. \* ୨୧:୨୩ ୨୧:୨୩ ଫାଇଲାଥୟାନା

ଇନିଃ ଆଇଙ୍ଗ୍ ହିଜୁଃ ଜାକେଦ୍ ତାଇନଃକାଏ ନେଆଁ ଆଇଙ୍ଗ୍ ସାନାଙ୍ଗ୍ରେଦ୍ ଆମାଃ  
ଚିନାଃ ଚିକାଅଃଆ ? ମେନ୍ତେ କାଜିକାଦ୍ତାଇନାଏ ।

୨୪ ନେ କାଜିକରାଃ ଗାଞ୍ଜା ଏମେତାନ୍ ଆଡଃ ନେ କାଜିକ ଅଲ୍ଲାକାଦ୍ ଚେଲା ନିଃଗି  
ତାନିଃ ଆଡଃ ନିୟାଃ କାଜିତେୟାଃ ସାର୍ତ୍ତିଗିୟାଃ ନେୟାଁରୁ ସାରିତାନା ।

ସୁକୁ କାଜିରେୟାଃ ଚୁଣ୍ଟୁ

୨୫ ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍ତେ ଅଲେରେଦ୍  
ଅକଏସାରି ଏନ୍ ଅନଲ୍ ପୁଥୁକ୍ ଅତେଦିଶୁମ୍ରେ ଦହ ନାଗେନ୍ତେ ଠାୟାଦ୍ କା  
ହବାଅଃତେୟାଃ ନେଆଁ ଆଇଙ୍ଗ୍ ଆଟ୍ଟକାରେତାନା ।



# ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତକଥାଃ କାମି ପାରିଚା୍ୟ

ପ୍ରେରିତ ପୁଅ ଲୁକ୍‌ଆଃ ହରାତେ ଅଲ୍ଲାକାନା, ଅକଏଚି ଲୁକ୍ ଅଲ୍ଲାକାନ ସୁକୁକାଜିକେହଚି ଅଲ୍ଲାକାଦାଏ । ଇନିଃ ମିହୁଡ୍, ବାଇଦ୍ ତାଇକେନାଏ ଆତଃ ବେଗାର୍ ତୁଲ୍ଲତେ ଅନଲ୍ରେ ପୁରାଃଚି ଚିହୁଲ୍ଲନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲ୍ଲାଡ୍ ଥ୍ଯୁଫିଲ୍ସକେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିୟାଃ ପୁଅକ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍ଲାକାନ୍ ତାଇକେନା ପ୍ରେରିତ୍ ୧:୧ ।

ହବାସାକାଅଆଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍ଲାକାନ୍ ତାଇକେନା, ଚିୟାଃଚି ପାଉଲ୍ଲୁସ୍‌ଆଃ ଜେହେଲ୍ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍ ଚାବାକାନ୍ ତାଇକେନା । ଲୁକ୍‌ହଚି ପ୍ରେରିତ୍ ପାଉଲ୍ଲୁସ୍‌ଲଃ ହରାସେନ୍ ତାଇକେନାଏ, ଏନାତେ ନେ ପୁଅ ଆକ୍ରିୟୋଖ୍‌ଏତେ ଅଲ୍ଲାକାନଚିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାରାଃ ଏନେଟେଦ୍ । ପ୍ରେରିତ୍ ପୁଅ, ଲୁକ୍ ଅଲ୍ଲାକାନ୍ ସୁକୁକାଜିଏତେଚି ଅଲ୍‌ଆଉକାନା ମେନ୍ତେ କାଜିଲେରେୟ ଠାଉକାଚିୟା, ଚିଆଃଚି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବକେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଚି ଯୀଶୁଆଃ ସିର୍ମାରାକାବ୍ ତାୟମ୍‌ତେ ଚେଲ୍ଲାକ ପାବିତାର୍ ଆମ୍‌ଲଃ ପେରେଃୟାନାକ ଆତଃ ଚିଲ୍ଲକା ଯୀରୁଶାଲେମ୍‌ଏତେ, ଯିହୁଦୀ, ଶିମିରୋନ୍, ଆତଃ ଏନାଏତେ ବାହାରି ଦିଶୁମ୍‌କରେ ସୁକୁକାଜି ନିଡିର୍‌ୟାନା, ଏନା ନେ ପୁଅରେ ଅଲ୍ଲାକାନା ପ୍ରେରିତ୍ ୧:୮ ।

ଇନିଃ ଥ୍ଯୁଫିଲ୍ସକେ ଆତଃ ବିଶ୍ୱାସରେ ହାରା ଇଦିୟଃତାନ୍ ଖ୍ରୀଷ୍ଟିୟାନ୍ ହାଗାକକେ ଚିହୁଲ୍ଲଃ ନାଗେନ୍ତେ ଉସ୍‌କୁର୍‌କତାନା । ଯୀଶୁ ଖ୍ରୀଷ୍ଟୁଆଃ ଜୀଦାନ୍ ବିଷାଏରେ ଆତଃ ପାସ୍ରାଅ ଇଦିୟଃତାନ୍ ଖ୍ରୀଷ୍ଟ୍ ବିଶ୍ୱାସୀକଆଃ ଜୀଦାନ୍ ବିଷାଏରେ କାଜିକାଦା । ପ୍ରେରିତ୍ ଚିଟାଉରେ ଏନେଟେଦ୍‌ରେନ୍ କାଲିସିୟାକ ଖ୍ରୀଷ୍ଟତାଃରେ ଚିଲ୍ଲକା ବିଶ୍ୱାସ୍ ତାଇକେନାକ, ଏନାରେୟାଃ ନାମୁନା ଆବୁକେ ଉଦୁବେତାନା । ପ୍ରେରିତ୍‌କଆଃ ନାମୁନା ହରାତେ ଆବୁ ଆଟ୍‌କାର୍ ଦାଡିୟାଃବୁ ଯେ, ଚିଲ୍ଲକା ପାବିତାର୍ ଆମ୍‌ତାଃରେ ଆସ୍ରାକେଦ୍‌ତେ ଏଟାଃକତାଃରେ ସୁକୁକାଜି ନିଡିର୍‌ ଦାଡିୟାଃଆ ।

## ପୁଅ ଭିତାରେ ଅଲ୍ଲାକାନ୍ କାଜି

- ୧. ପାବିତାର୍ ଆମ୍‌ରାଃ ହିନିଜୁଃ ଆତଃ କାଲିସିୟାରାଃ ପସାଇଦିୟଃ । ୧:୧-୮:୧
- ୨. କାଲିସିୟାରାଃ ସିଗିଦ୍ ଆତଃ ସୁକୁକାଜିରାଃ ପସାଇଦିୟଃ । ୮:୨-୧୨:୨୩
- ୩. ପାଉଲ୍ଲୁସ୍‌ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
- ୪. ଯୀରୁଶାଲେମ୍‌ରେ ମାରାଜ୍ ପାଞ୍ଚେଟ୍ । ୧୫:୧-୩୫
- ୫. ପାଉଲ୍ଲୁସ୍‌ଆଃ ବାଟ୍‌ସାତେ ସେଝାକାମି ନାଜ୍ ହରାସେନ୍ । ୧୫:୩୬-୧୮:୨୨
- ୬. ପାଉଲ୍ଲୁସ୍‌ଆଃ ଆପିସାତେ ସେଝାକାମି ନାଜ୍ ହରାସେନ୍ । ୧୮:୨୩-୨୦:୩୮
- ୭. ଯୀରୁଶାଲେମ୍‌ରେ ପାଉଲ୍ଲୁସ୍‌ଆଃ ତନଲ୍ । ୨୧:୧-୨୬:୧-୩୨
- ୮. ପାଉଲ୍ଲୁସ୍‌ଆଃ ରୋମ୍‌ତେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍‌କେ ଏମାଃରାଃ ବାନାର୍‌ସା

୧ \*ହେ ଦୁଇାଡ଼ି ଥିଲୁଫିଲସ୍,

ଆଇଙ୍ଗ୍ ଆଇୟାଃ ପାହିଲା ଚିତାଉ ଲୁକ୍ ପୁଥିରେ ଯାଣୁ କାମିକାଦ୍ ଆତଃ  
ଇଡୁକାଦ୍ ସବେନାଃ ଆୟାଃ କାମିରାଃ ଏନେଚେଦତାଃଏତେ ୨ ସିର୍ମାଦିଶୁମ୍ତେ  
ଇଦିୟଃ ହୁଲାଙ୍ଗ୍ ଜାକେଦ୍ ହବାକାନ୍ତେୟାଃ ଅଲୀକାଦାଇଙ୍ଗ୍ । ସିର୍ମାଦିଶୁମ୍ତେ  
ଇଦିୟଃ ସିଦାରେ ଯାଣୁ ଆୟାଃ ସାଲୀକାନ୍ ପ୍ରେରିଡକକେ ପାବିତାର୍ ଆମ୍ବାରାଃ  
ପେଡେଃତେ ଇଡୁକାଦକ୍ ତାଇକେନା । ୩ ଯାଣୁ ଆୟାଃ ଗନ୍ଏଃ ତାୟମ୍ତେ  
ପୁରାଃ ସାବୁଡ଼ରାଃ କାଜି ଏମକେଦ୍ତେ ଇନ୍କୁତାଃରେ ଆଇଃକ୍ରି ଜାନିଦ୍ ମେନ୍ତେ  
ଉଦୁବ୍ୟାନା, ଆତଃ ବାଋହିସି ମାହାଁ ଇନ୍କୁତାଃରେ ମିସା ମିସା ଉଦୁବ୍ୟାନତି  
ପାରମେଶ୍ଵାର୍ଆଃ ରାଇଜ୍ରେୟାଃ କାଜିକଏ ଉଦୁବାଦକଥା । ୪ \*ଆତଃ ଯାଣୁ  
ଇନ୍କୁଲଃ ଜମତାନ୍ ତାଇକେନ୍ ଇମ୍ତା, ଇନ୍କୁକେ ନେଆଁ ଆଡୁକାଦକ୍  
ତାଇକେନାଏ, ଆପେ ଯାରୁଶାଲେମ୍ ଆଲ୍ପେ ବାଗିୟା, ମେନ୍ଦ୍ ଆପୁଇୟାଃ  
ବାନାର୍ସା କାଜି ଆୟାକାଦ୍ତେୟାଃକେ ନେଲ୍ହରାଏପେ । ୫ \*ଚିୟାଃଚି  
ଯୋହାନ୍ଦ୍ ଦାଆଃତେ ବାପ୍ତିସ୍ମା ଏମାଦକଥାଏ, ମେନ୍ଦ୍ ଆପେ ହୁଡିଙ୍ଗ୍ ମାହାଁ  
ତାୟମ୍ତେ ପାବିତାର୍ ଆମ୍ବାତେ ବାପ୍ତିସ୍ମାଃତେ ।

ଯାଣୁ ସିର୍ମାତେ ଇଦିୟାନାଏ

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୨ ମୁସିଙ୍ଗ୍ ହୁଲାଙ୍ଗ୍ ପ୍ରେରିଡକ୍ ହୁଣ୍ଡିକେଦ୍ତେ ଯାଣୁକେ କୁଲିକିୟାକ୍, “ହେ ପ୍ରାଭୁ,  
ଚିୟାଃ ଆମ୍ ନେ ଦିପିଲିରେଚି ଇସ୍ରାଏଲ୍କତାଃରେ ଆତଃଚି ରାଇଜ୍ ଏମେତାନାମ୍  
?”

୩ ଯାଣୁ ଇନ୍କୁକେ ମେତାଦକଥା, “ଆପୁ ଆୟାଃ ଆପ୍ନାଃ ପେଡେଃତେ ଦହାକାଦ୍  
ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଙ୍ଗ୍ ନାହାଁଲାଃ । ୮ \*ମେନ୍ଦ୍  
ପାବିତାର୍ ଆମ୍ ଆପେତାଃ ହିଜୁଃରେ, ଆପେ ପେଡେଃତେ ନାମେୟା ଆତଃ  
ଯାରୁଶାଲେମ୍ରେ, ଗଟା ଯିହୁଦା, ଶମିରୋନ୍ ଆତଃ ଅତେରାଃ ଟୁଣ୍ଡୁଜାକେଦ୍  
ଆଇୟାଃ ଗାଝାପେ ହବାଅଆଃ ।” ୯ \*ଇନିଃ ନେଆଁ କାଜିକେଦ୍ଚି, ଇନ୍କୁ ଇନିଃକେ  
ନେଲିତାନ୍ଲଃ ଇନିଃ ସିର୍ମାତେ ଇଦିୟାନା, ଆତଃ ମିଆଁଦ୍ ରିମିଲ୍ ଇନିଃକେ  
ଇନ୍କୁତାଃଏତେ ଦାନାଙ୍ଗ୍କିୟା ।

୧୦ ଯାଣୁ ସିର୍ମାତେ ଇଦିୟାତାନ୍ ତାଇକେନ୍ରେ ଇନ୍କୁ ସିର୍ମାସାଃ ସାଜିଲାକାଦ୍  
ତାଇକେନ୍ ଇମ୍ତା, ବାଋହଡ୍ ଇମତାଗି ପୁଣ୍ଡି ଲିଜାଃ ତୁସିଙ୍ଗ୍କେଦ୍ତେ  
ଇନ୍କୁତାଃରେକିନ୍ ତିଙ୍ଗୁୟାନା । ୧୧ ଆତଃ କାଜିକେଦାକିନ୍, “ଏ ଗାଲିଲ୍ରେନ୍  
ହଡକ୍, ଚିନାଃମେନ୍ତେ ସିର୍ମାସାଃ ସାଜିଲ୍କେଦ୍ତେ ତିଙ୍ଗୁଆକାନାପେ ? ନେ ଯାଣୁଗି  
ଆପେତାଃଏତେ ସିର୍ମାତେ ଇଦିୟାକାନା । ମେନ୍ଦ୍ ଆପେ ଇନିଃକେ ସିର୍ମାତେ  
ସେନଃତାନ୍ ନେଲ୍କିଃ ଲେକାଗି ହିଜୁଃରୁହାଡାଏ ।”

ଯିହୁଦାରାଃ ବାଦଲରେ ମାଥୁଆସ୍ଆଃ ସାଲାଅଃ

(ମାଥୁଉ ୨୭:୩-୧୦)

୧୨ ଏନ୍ତେ ପ୍ରେରିଡକ୍ ଜାଇଡୁନ୍ ନୁଡୁମ୍ ବୁରୁଏତେ ଯାରୁଶାଲେମ୍ତେକ୍  
ସେନଃରୁହାଡ଼ୟାନା, ଏନା ନାଗାର୍ତାଃଏତେ ମିଦ୍ କିଲୋମିଟର୍ ଲେକା ସାଜିନ୍ରେ  
ତାଇକେନା । ୧୩ \*ଇନ୍କୁ ଯାରୁଶାଲେମ୍ ନାଗାର୍ତେ ବଲୟାନାକ୍ ଆତଃ ଆକ୍  
ତାଇନଃ ତାଇକେନ୍ ତେତାନ୍ କୁଠାତେ ସେନଃୟାନାକ୍ । ଏନ୍ ପ୍ରେରିଡକ୍ଆଃ

\* ୧:୧ ୧:୧ ଲୁକ ୧:୧-୪.    \* ୧:୪ ୧:୪ ଲୁକ ୨୪:୪୯.    \* ୧:୫ ୧:୫ ମାଥୁଉ ୩:୧୧; ମାର୍କ ୧:୮; ଲୁକ  
୩:୧୭; ଯୋହାନ୍ ୧:୩୩.    \* ୧:୮ ୧:୮ ମାଥୁଉ ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮.    \* ୧:୯ ୧:୯ ମାର୍କ  
୧୭:୧୯; ଲୁକ ୨୪:୫୦,୫୧.    \* ୧:୧୩ ୧:୧୩ ମାଥୁଉ ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୭.

ନୁତୁମ୍ ପାତ୍ରରାସ୍, ଯୋହାନ୍, ଯାକୁବ୍, ଆହିୟ୍, ଫିଲିପ୍, ଥୋମା, ବାର୍ଥୋଲମି, ମାଥୁଉ, ଆଲ୍ଫିୟନାଃ ହନ୍ ଯାକୁବ୍, ଚିହ୍ଲୁଲ୍ନିଃ ଶିମୋନ୍ ଆତଃ ଯାକୁବ୍ଆଃ ହନ୍ ଯିହୁଦା ତାଇକେନା । ୧୪ ଇନ୍କୁ ସବେନ୍କ ମିଦ୍ତାଃରେ ହୁଣ୍ଡିକେଦ୍ତେ ବନ୍ତିତାନକ ତାଇକେନା ଆତଃ ଇନ୍କୁଲଃ କୁଡ଼ିକ, ଯୀଶୁଆଃ ଏକ୍ଷାତେ ମାରିୟାମ୍ ଆତଃ ଆୟାଃ ହାଗାକ ହୁଣ୍ଡିୟଃତାନକ ତାଇକେନା ।

୧୫ ଚିମିନ୍ ମାହ୍ନାଁ ତାୟମ୍ତେ ଲାଗଭାଗ୍ ତୁରିୟାହିସି\* ବିଶ୍ୱାସୀ ହାଗାକଆଃ ସାମିଲାନ୍ ଆଲାରେ ପାତ୍ରରାସ୍ ତିଜ୍ଜୁକେଦ୍ତେ କାଜିକେଦା, ୧୬ “ହେ ଦୁଲାଡ୍, ହାଗା ମିଶିକ, ଅକନ୍ ଇଷ୍ଟାରିୟଡ୍ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ବାଇରିକକେ ଆୟାଃଆଉକାକ ତାଇକେନା, ଇନିୟାଃ ବିଷାଏରେ ଦାଉଦ୍ ପାବିତାଃ ଆମ୍ବାତେ ପେରେଃକେଦ୍ତେ କାଜିକାଦ୍ତେୟାଃ, ଧାରାମ୍ପୁଥ୍ରେୟାଃ କାଜି ପୁରାଆଃ ଲାଗାତିଜ୍ଜ୍ ତାଇକେନା । ୧୭ ଚିଆଃଚି ଇଷ୍ଟାରିୟଡ୍ ଯିହୁଦା ଆବୁଆଃ ଝୁଣ୍ଡରେନ୍ ମିହୁଡ୍, ତାଇକେନାଏ ଆତଃ ଆବୁଆଃ ସେଝାକାମି ନାଗେନ୍ତେ ଇନିଃ ସାଲାକାନ୍ ତାଇକେନାଏ ।”

୧୮ \*ଇଷ୍ଟାରିୟଡ୍ ଯିହୁଦାରାଃ ଏଡକାନ୍ କାମିରାଃ ନାଲାତେ ମିଆଁଦ୍ ପିଡ଼ି କିରିଜ୍ଝାୟାକାନ୍ ତାଇକେନା ଆତଃ ଇନିଃ ଏନ୍ ପିଡ଼ିରେ ତାବେରତେ ଉୟୁଃୟାନା ଆତଃ ଆୟାଃ ଲାହିଦ୍ ଫାଡ଼ାୟାନ୍ତେ ଏନ୍ ଭିତାରରେୟାଃ ସବେନ୍ ପଗାକ ଅଡ଼ଜ୍ଝାୟାନା । ୧୯ ଆତଃ ଯୀରୁଶାଲେମ୍ରେ ତାଇନ୍ତାନ୍ ସବେନ୍ ହଡ଼କ ନେଆଁ ସାରିକେଦ୍ତେ, ଆକଆଃ ଜାଗାର୍ତେ ଏନ୍ ପିଡ଼ିରାଃ ନୁତୁମ୍ ହକଲ୍ଦମା ମେନ୍ତେକ ନୁତୁମ୍କେଦା, ଏନାରାଃ ମୁଣ୍ଡିଦ୍ “ମାୟୋମରାଃ ପିଡ଼ି” ତାନାଃ ।

୨୦ ଚିୟାଃଚି ଦୁରାଜ୍ପୁଥ୍ରେ ଅଲାକାନା,  
 ଇନିୟାଃ ଅଡ଼ାଃ ସିଃସଏଃଗି ହବାଅଃକା;  
 ଏନାରେ ଜେତାଏ ଆଲକାକ ତାଇନିଃକା ।  
 ନେଆଁହିଗି ଅଲାକାନା,  
 ଇନିୟାଃ କାମି ଏଟାଃନିଃ ନାମେକାଏ ।

୨୧ \*ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦ୍ରେୟାଃ ଗାଝା ହବାଅଃ ନାଗେନ୍ତେ ଆତଃମିହୁଡ୍ ଆବୁଲଃ ମେସାଅଃ ଲାଗାତିଜ୍ଝାୟାଃ । ୨୨ ଯୀଶୁ ଯୋହାନ୍ତାଃଏତେ ବାପ୍ରିସ୍ତା ହବାୟାନ୍ ହୁଲାଜ୍ତାଃଏତେ ଯୀଶୁ ସିର୍ମାତେ ଇଦିୟଃ ହୁଲାଜ୍ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍ ଇମତା, ଅକନ୍ ହଡ଼କ ଆବୁଆଃ ଝୁଣ୍ଡରେ ତାଇକେନାକ, ଇନ୍କୁଏତେ ମିହୁଡ୍କେ ଆବୁଲଃ ଇନିୟାଃ ଜୀଉବିନିରିଦ୍ରେୟାଃ ଗାଝା ଏମ୍ ଲାଗାତିଜ୍ଝାୟାଃ ।”

୨୩ ଏନାତେ ଇନ୍କୁ ମାଥୁଆସ୍ ଆତଃ ଯୋଷେଫ୍, ଅକଏକେଚି ବାର୍ଗବାସ୍ ମେନ୍ତେ କାଜିୟାଃକ ଆତଃ ଜୁସ୍ତସ୍ ମେନ୍ତେହ୍ କାଜିୟାଃକ, ନେ ବାଃହଡ଼କିନ୍କେ ସାଲାକେଦ୍କିନାକ । ୨୪ ଏନ୍ତେ ଇନ୍କୁ ବନ୍ତିତାନଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନ୍କଆଃ ମନ୍ସୁରୁଦ୍ରେୟାଃ ଉଡ଼ୁ ସାରିୟାଃମେ । ନେ ବାଃହଡ଼କିନ୍ଏତେ ଆମାଃ ହରାତେ ସାଲାକାନ୍ନିଃ ଅକ୍ନିଃ ତାନିଃ ଏନା ଆଲେକେ ଉଦ୍‌ବାଲେମେ । ୨୫ ଏନ୍ ହଡ଼ ଇଷ୍ଟାରିୟଡ୍ ଯିହୁଦାରାଃ ଠାୟାଦ୍ରେ ପ୍ରେରିତ୍ୱ କାମି କାମିୟା ।” ୨୬ ଏନ୍ତେ ଇନ୍କୁ ଚିର୍ପଟ୍ ସାଲାକେଦାକ ଆତଃ ମାଥୁଆସ୍ଆଃ ନୁତୁମ୍ରେ ଅଡ଼ଜ୍ଝାୟାନା । ଏନ୍ତେ ଇନିଃ ଗେଲ୍ମିଆଁଦ୍† ପ୍ରେରିତ୍ୱକଲଃ ମେସାୟାନାଏ ।

\* ୧:୧୫ ୧:୧୫ ମିଦ୍‌ଶାଅ କୁଡ଼ିଏ ☆ ୧:୧୮ ୧:୧୮ ମାଥୁଉ ୨୭:୩-୮. ☆ ୧:୨୧ ୧:୨୧ ମାଥୁଉ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧. † ୧:୨୭ ୧:୨୭ ଏଗାରାଝାନ୍

୨

ପାବିତାର ଆମ୍ବାରାଃ ହିନିଜୁଃ

୧ ପେଣ୍ଟିକସ୍\* ପାରାବ୍ ତେବାଃୟାନତି, ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିଆକାନକ ତାଇକେନା । ୨ ଇମ୍‌ତାଙ୍ଗ୍ ଦୁଦ୍‌ଗାର୍ ହୟ ହୟତାନଲେକା ସିର୍ମାଏତେ ସାଡ଼ି ଆୟୁମ୍‌ୟାନା ଆତଃ ଇନ୍କୁ ଦୁବାକାନ ତାଇକେନ୍ ଗଟା ଅତାଃରେ ପେରେଃୟାନା । ୩ ଏନ୍ତେ ଇନ୍କୁ ସେଙ୍ଗେଲ୍ ଲେକାନ ଆଲାଙ୍ଗକ ବିପିଙ୍ଗାଅଃତାନ ନେଲ୍‌କେଦାକ ଆତଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡ଼ରେ ଆଡ଼ଗୁୟାନା । ୪ ଇନ୍କୁ ସବେନ୍‌କ ପାବିତାର୍ ଆମ୍ବାତେକ ପେରେଃୟାନା ଆତଃ ପାବିତାର୍ ଆମ୍ବା ଇନ୍କୁକେ ଦେଙ୍ଗାକେଦକ ଲେକାଗି ଏଟାଃ ଏଟାଃ ଜାଗାର୍‌ତେ କାଜି ଏଟେଦ୍‌କେଦାକ ।

୫ ଅତେଦିଶୁମ୍‌ରେୟାଃ ଏଟାଃ ଏଟାଃ ଦିଶୁମ୍‌ଏତେ ହିଜୁଆକାନ୍ ଯିହୁଦୀ ଧାରାମାନ୍ ହଡ଼କ ଇମ୍‌ତା ଯାରୁଗାଲେମ୍‌ରେକ ତାଇକେନା । ୬ ଇନ୍କୁ ନେ ଲାବ୍‌ଜା ଆୟୁମ୍‌କେଦତି, ଗାଦେଲ୍ ହଡ଼କ ହିଜୁଃ ହୁଣ୍ଡିୟାନା ଆତଃ ସବେନ୍‌କ ଆକଆଃ ଆକଆଃ ଜାଗାର୍‌ତେ ଖ୍ରୀଷ୍ଟ୍ ବିଶ୍ୱାସୀକକେ କାଜିତାନ୍ ଆୟୁମ୍‌କେଦତେ ଆକ୍ରାକାଅୟାନାକ । ୭ ଆତଃ ଇନ୍କୁ ସବେନ୍‌କ ଆକଦାନ୍‌ଆୟାନା ଆତଃ ହାଏକାଟ୍‌ୟାନ୍ତେ କୁପୁଲିୟାନାକ, “ନେଲେପେ, ଚିୟାଃ ନେ ସବେନ୍ କାଜିତାନ୍ ହଡ଼କ ଗାଲିଲ୍‌ରେନ୍ ନାହାଁଲାକ ? ” ତାବ୍‌ଦ ଆରୁ ସବେନ୍‌କ ଚିଲ୍‌କାତେ ଇନ୍କୁକେ ଆରୁଆଃ ଆପ୍‌ନାଃ ଜାଗାର୍‌ତେ କାଜିତାନ୍‌ରୁ ଆୟୁମ୍‌କତାନା ? ୮ ଆରୁ ପାଅଁୟା, ମାଦିୟା, ଏଲ୍‌ମିୟା, ମେସପଟାମିଆ, ଯିହୁଦୀ, କାପାଦକିଆ, ପନ୍ତ, ଆତଃ ରୋମ୍ ଏସିଆରେନ୍‌କ, ୯୦ ଫୁଗିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନ୍‌କ ଆତଃ ରୋମିଏତେ ହିଜୁଃକାନ୍ ୯୧ ଯିହୁଦୀ ଆତଃ ଯିହୁଦୀ ଧାରାମ୍‌ରେ ମେସାକାନ୍ ସାଅଁସାର୍ ହଡ଼କ, ଚିମିନ୍ କ୍ରିଡ଼ରେନ୍ ଆତଃ ଆରାବ୍‌ରେନ୍ ହଡ଼କ ତାନବୁ, ଏନ୍‌ରେୟ ଆରୁ ଆରୁଆଃ ଜାଗାର୍‌ତେ ଇନ୍କୁକେ ପାର୍‌ମେଶ୍ୱାର୍‌ଆଃ ମାପ୍‌ରାଙ୍ଗ୍ କାମିରାଃ କାଜିକ କାଜିତାନ୍‌ରୁ ଆୟୁମ୍‌କତାନା । ୯୨ ଆତଃ ଇନ୍କୁ ସବେନ୍‌କ ଆକଦାନ୍‌ଆ ଆତଃ ଆତଃଃଉଡ଼ୁୟାନ୍‌ଲଃ ଆକ ଆକାଗି କୁପୁଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ ? ”

୯୩ ମେନ୍‌ଦ ଏଟାଃ ହଡ଼କ ବିଶ୍ୱାସୀକକେ ଲାନ୍‌ଦା ଏସେଦ୍‌ତାନ୍‌ଲଃ କାଜିକେଦକଆକ, “ଇନ୍କୁ ନାଃ଼ା ଦାଖ୍‌ରାସି ପୁରାଃଗି ନୁଁକେଦ୍‌ତେ ବୁଲାକାନାକ । ”

ପାଡ଼ରାସ୍‌ଆଃ କାନାଜି

୯୪ ଏନ୍ତେ ପାଡ଼ରାସ୍ ଗେଲ୍‌ମିଆଁଦ୍ ଚେଲ୍‌କଲଃ ତିଙ୍ଗୁୟାନାଏ ଆତଃ କାଉରିକେଦ୍‌ତେ ଉଦୁବ୍ ଏଟେଦ୍‌କେଦାଏ, “ଏ ଯିହୁଦୀ ହାଗାକ, ଆତଃ ଯାରୁଗାଲେମ୍‌ରେ ତାଇନ୍‌ତାନ୍ ସବେନ୍ ହଡ଼କ, ଆଇଙ୍ଗ୍ କାଜିତାନ୍‌ତେୟାଃ ବୁଗିଲେକା ଆୟୁମ୍‌ମେପେ ଆତଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ । ୯୫ ଆପେ ନେ ହଡ଼କକେ ବୁଲଃତାନାକ ମେନ୍ତେପେ ବିଚାରେତାନା, ମେନ୍‌ଦ କାହାଗି, ନାହାଁଃଦ ସେତାଃରାଃ ଅରେୟାଃ ସାଡ଼ିକାନା । ୯୬ ମେନ୍‌ଦ ଯୋଏଲ୍ ନାବୀ କାଜିକାଦ୍ କାଜି ନେଆଁତାନାଃ :

୯୭ “ପାର୍‌ମେଶ୍ୱାର୍ କାଜିତାନାଏ, ‘ତାୟମ୍ ହୁଲାଙ୍ଗ୍‌କରେ ଆଇଙ୍ଗ୍ ନେ ସବେନାଃ ରିକାଏୟାଇଙ୍ଗ୍,

ଆଇଙ୍ଗ୍ ସବେନ୍ ହଡ଼କ ଚେତାନ୍‌ରେ ଆଇଁୟାଃ ଆମ୍ବାକେଇଙ୍ଗ୍ ଦୁଲିୟା

\* ୨:୧ ୨:୧ ପାସ୍କା ପାରାବ୍‌ରେୟାଃ ଏନେଟେଦ୍ ହୁଲାଙ୍ଗ୍‌ତାଃଏତେ ପାଗାଗ୍ ଦିନ୍ ହବାଅଃ ହୁଲାଙ୍ଗ୍‌କେ ପେଣ୍ଟିକସ୍ କାଜିୟାଃକ † ୨:୧୪ ୨:୧୪ ଏଗାରାଝାନ୍ ‡ ୨:୧୫ ୨:୧୫ ନାଅ

ଆତ୍ମା ଆପେୟାଃ କର୍ତ୍ତାହନ୍ କୃତ୍ରିହନ୍‌କ ଆୟାରକାଜିକ କାଜିୟା,  
ଆତ୍ମା ଆପେୟାଃ ସେପେଡେଦକ ଦାର୍ଶାନିକ ନେଲେୟା,  
ଆତ୍ମା ଆପେୟାଃ ପ୍ରାଚିନକ କୁମୁୟା ।

୧୮ ହେଗି, ଏନ୍ ହୁଲାଙ୍ଗକରେ ଆଇୟାଃ ଦାସିକ ଆତ୍ମା କାମ୍‌ଡିକରେହଗି,  
ଆଇୟାଃ ଆମ୍‌କେଇଙ୍ଗ ଦୁଲିୟା,  
ଆତ୍ମା ଇନ୍‌କୁ ଆଇୟାଃ ଆୟାରକାଜିକ ଉଦୁବେୟା ।

୧୯ ଆଇଙ୍ଗ ଚେତାନ୍ ସିର୍ମାରେ ପେଡେୟାନ୍ କାମିକ  
ଆତ୍ମା ଅତେଦିଶୁମରେ ଆକଦାନ୍‌ଅ ଚିହ୍ନିକଇଙ୍ଗ ରିକାୟା ।

ଅତେଦିଶୁମ ମାୟୋମ୍, ସେଙ୍ଗେଲ୍ ଆତ୍ମା ପୁରାଃ ସୁକୁଲ୍‌ତେ ପେରେଜଃଆ;  
୨୦ ପ୍ରାଭୁଆଃ ମାରାଙ୍ଗ ଆତ୍ମା ମାନାରାଙ୍ଗ ହୁଲାଙ୍ଗ ହିଜୁଃ ସିଦାରେ  
ସିଙ୍ଗି କୁଲ୍‌କୁଲ୍ ନୁବାଗଃଆ,  
ଆତ୍ମା ଚାଣ୍ଡୁ ମାୟୋମ୍ ଲେକା ହବାଅଃଆ ।

୨୧ ଆତ୍ମା ଏନ୍ ଦିପିଲିକରେ ଜେତାଏ ପ୍ରାଭୁଆଃ ନୁଡୁମ୍‌ତେ ବିକ୍ରିୟାଏ, ଇନିଃ ଜୀଉ  
ବାସ୍ତାଅ ନାମେୟାଏ ।

୨୨ “ହେ ଇସ୍ରାଏଲ୍‌ରେନ୍ ହାଗାକ, ନେ କାଜି ଆୟୁମେପେ, ପୁରାଃ ପେଡେୟାନ୍  
କାମିକ, ଆକଦାନ୍‌ଅ କାମିକ ଆତ୍ମା ଚିହ୍ନିକ ନାଗେନ୍ତେ ନାଜ୍‌ରେଡ୍‌ରେନ୍ ଯୀଶୁ  
ପାର୍‌ମେଶ୍‌ବାର୍‌ଆଃ କୁଲାକାନ୍‌ନିଃ ତାନିଃ ମେନ୍ତେ ଆପେୟାଃ ସାମ୍‌ନାଙ୍ଗ୍‌ରେ ପକ୍ତା  
ସାରୁଦ୍ ହବାକାନା । ଏନାକ ପାର୍‌ମେଶ୍‌ବାର୍‌ ଆପେୟାଃ ଆଲାରେ ଇନିୟାଃ  
ହରାତେ ରିକାକାଦାଏ ଏନାପେ ସାରିତାନା । ୨୩ \*ପାର୍‌ମେଶ୍‌ବାର୍‌ ଆୟାଃ ସାନାଙ୍ଗ୍  
ଲେକାତେ ଯୀଶୁକେ ଆପେୟାଃ ତିଃଇରେ ଜିମାଇ ନାଗେନ୍ତେ ପାହିଲାରେ ମନ୍  
ବାଇୟାକାଦ୍ ତାଇକେନାଏ ଆତ୍ମା ଆପେ ଇନିଃକେ କା ଧାର୍‌ମାନ୍ ହଡକଆଃ  
ହରାତେ କୁଶ୍‌ରେପେ କିଲାକିୟା । ୨୪ \*ମେନ୍‌ଦ ପାର୍‌ମେଶ୍‌ବାର୍‌ ଇନିଃକେ ଗନ୍‌ଏଃରାଃ  
ତନଲ୍ ରାଡାକେଦ୍‌ତେ ଜୀଉବିରିଦ୍‌କିୟାଏ, ଚିୟାଃଚି ଗନ୍‌ଏଃ ଇନିଃକେ ଦହ କାଏ  
ଦାଡିକିୟା । ୨୫ ଦାଉଦ୍ ଇନିୟାଃ ବିଷାଏରେ କାଜିକାଦାଏ,

“ଆଇଙ୍ଗ ପ୍ରାଭୁକେ ସବେନ୍ ଇମ୍‌ତା ଆଇୟାଃ ଆୟାରରେ ନେଲି ତାଇକେନାଇଙ୍ଗ୍,  
ଆଇଙ୍ଗ୍ ଆଲକାଇଙ୍ଗ୍ ଏକ୍‌ଲାଅଃକା ମେନ୍ତେ ଇନିଃ ଆଇୟାଃଲଃ ମେନାଇୟା

୨୬ ଏନା ନାଗେନ୍ତେ ଆଇୟାଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା,  
ଆତ୍ମା ଆଲାଙ୍ଗ୍‌ତାଇୟାଃ ଲାନ୍‌ ରାସ୍‌କାତେ ପେରେୟାନ୍ ।

ଆତ୍ମା ଆଇୟାଃ ଗନ୍‌ଏଃ ହଡ୍‌ମ୍  
ଆସ୍‌ବାତାନ୍‌ଲଃ ଜୀହିଦଃଆ,

୨୭ ଚିୟାଃଚି ଆମ୍ ଆଇୟାଃ ଜୀଉକେ ଗନ୍‌ଏଃଗାଡାରେ କାମ୍ ବାଗିୟା,  
ଆତ୍ମା ଆମାଃ ପାବିତାର୍ ଦାସିକେ ତପାଗାଡାରେ ଜିୟନଃ ନାଗେନ୍ତେ କାମ୍  
ବାଗିୟା ।

୨୮ ଆମ୍ ଆଇଙ୍ଗ୍‌କେ ଜୀଦାନ୍‌ରାଃ ହରା ଉଦୁବାକାଦିୟାମ୍,  
ଆତ୍ମା ଆମାଃ ହେପାଦ୍‌ରେ ଆଇଙ୍ଗ୍‌କେ ରାସ୍‌କାତେମ୍ ପେରେଜିୟା ।

୨୯ “ହେ ଇସ୍ରାଏଲ୍‌ରେନ୍ ହାଗା ମିଗିକ, ଆଇଙ୍ଗ୍ ଆପେକେ ଆବୁଆଃ  
ପୁରୁଖାହାଡାମ୍‌କଆଃ ରାଜା ଦାଉଦ୍‌ଆଃ ବିଷାଏରେ ସାଫାସାଫା କାଜି ଦାଡିୟାଇଙ୍ଗ୍  
। ଇନିଃ ଗଏଃକେଦ୍‌ତେ ତପାୟାନାଏ ଆତ୍ମା ଇନିୟାଃ ତପାଠାୟାଦ୍ ତିସିଙ୍ଗ୍ ଜାକେଦ୍  
ଆବୁଆଃ ଆଲାରେମେନାଃ । ୩୦ ଇନିଃଦ ନାବୀ ତାଇକେନାଏ ଆତ୍ମା ପାର୍‌ମେଶ୍‌ବାର୍‌  
ଇନିଃକେ ବାନାର୍‌ସା ଏମାକାଇ ତାଇକେନାଏ, ଏନା ଇନିଃ ସାରିକାଦ୍ ତାଇକେନାଏ

\* ୨:୨୩ ୨:୨୩ ମାଥୁର ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଯୋହାନ୍ ୧୯:୧୮. \* ୨:୨୪ ୨:୨୪ ମାଥୁର  
୨୮:୫,୬; ମାର୍କ ୧୭:୬; ଲୁକ ୨୪:୫.

। ଦାଉଦାଃ କିଲିକଏତେ ମିହୁଡ଼ ରାଜଗାଦିରେ ଦୁବାଏ ମେନ୍ତେ ପାରମେଶ୍ୱାର୍ ବାନାର୍‌ସା ଏମାକାଦ୍ ତାଇକେନାଏ । ୩୧ ପାରମେଶ୍ୱାର୍ ହିଜୁଃ ଦିପିଲିରେ ଅକ୍‌ନାଃ ରିକା ନାଗେନ୍ତେ ସେନଃତାନା, ଏନା ଦାଉଦ୍ ସାରିକେଦ୍‌ତେ, ମାସିଆଃ ଜୀଉବିନିରିଦ୍ ବିଷାଏରେ କାଜିକାଦାଏ,

“ ‘ଇନିଃକେ ଗନଏଃଗାଡ଼ା କାଏ ବାଗିକିୟା,

ଆଡ଼ଃ ଆୟାଃ ହଡ଼ମ୍ ତପାଗାଡ଼ାରେ କା ଜିୟନ୍‌ୟାନା ।’

୩୨ ପାରମେଶ୍ୱାର୍ ନେ ଯୀଶୁକେଗି ଜୀଉବିରିଦ୍‌କିୟାଏ ଆଡ଼ଃ ଆବୁ ସବେନ୍‌କ ଏନାରାଃ ଗାଝାକତାନୁ । ୩୩ ଯୀଶୁ ଆୟାଃ ଆପୁ ପାରମେଶ୍ୱାର୍‌ଆଃ ଜମ୍‌ତିସାଃତେ ବିରିଦ୍‌କାନା ଆଡ଼ଃ ଆପୁଆଃ ବାନାର୍‌ସା ଲେକାତେ ପାବିତାର୍ ଆମ୍‌ ନାମ୍‌କେଦାଏ, ଆଡ଼ଃ ନାହାଁଃ ଆପେ ନେଲେତାନ୍‌ତେୟାଃ ଆଡ଼ଃ ଆୟୁମେତାନ୍‌ତେୟାଃ ଇନିୟାଃ ବାର୍‌ଦାନ୍ ତାନାଃ । ଏନା ଇନିଃ ଆବୁଆଃ ତେତାନ୍‌ରେ ଦୁଲ୍‌କାଦାଏ । ୩୪ ଚିୟାଃତି ଦାଉଦ୍‌ଦ୍ ସିମ୍‌ାତେ କାଏ ରାକାଦ୍ ମେନ୍‌ଦ୍ ଇନିଃ ଆଇଃକ୍‌ଗି କାଜିକେଦାଏ,

‘ପ୍ରାଭୁ ଆଇୟାଃ ପ୍ରାଭୁକେ କାଜିକିୟାଏ,

୩୫ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍

ଆମ୍ ଆଇୟାଃ ଜମ୍‌ତିସାଃରେ ଦୁବାକାନ୍‌ମେ ।’

୩୬ “ଆପେ କୁଶ୍‌ରେ କିଲିକାଇ ଯୀଶୁକେ, ପାରମେଶ୍ୱାର୍, ପ୍ରାଭୁ ଆଡ଼ଃ ମାସି ମେନ୍ତେ ନୁଡୁମ୍‌କିୟାଏ, ନେଆଁ ଇସ୍ରାଏଲ୍‌ରେନ୍ ସବେନ୍ ହଡ଼କ ସାର୍‌ତିଗିକ ଆଟ୍‌କାରେକା ।”

୩୭ ନେ କାଜି ଆୟୁମ୍‌କେଦ୍‌ତେ ହଡ଼କଆଃ ମନ୍‌ସୁରୁଦ୍ ରଅଃୟାନା ଆଡ଼ଃ ଇନ୍‌କୁ ପାଡ଼ରାସ୍ ଆଡ଼ଃ ଏଟାଃ ପ୍ରେରିତ୍‌କକେ କାଜିୟାଦ୍‌କଆକ, “ହେ ହାଗାକ, ଆଲେ ତିନାଃଲେ ଚିକାୟା ?”

୩୮ ଏନ୍ତେ ପାଡ଼ରାସ୍ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପେ ପାପ୍ ଏତେ ମନ୍‌ରୁହାଡ଼େପେ ଆଡ଼ଃ ଯୀଶୁ ଶ୍ରୀଷ୍ଟ୍‌ଆଃ ନୁଡୁମ୍‌ତେ ବାପ୍ରିସ୍ତାଆପେ, ଏନ୍ତେ ଆପେୟାଃ ପାପ୍‌କ ଛାମାଆଆ ଆଡ଼ଃ ପାରମେଶ୍ୱାର୍‌ଆଃ ବାର୍‌ଦାନ୍, ପାବିତାର୍ ଆମ୍‌କେପେ ନାମିୟା । ୩୯ ଚିୟାଃତି ପାରମେଶ୍ୱାର୍‌ଆଃ ନେ ବାନାର୍‌ସା କାଜିଦ୍ ଆପେୟାଃ ଆଡ଼ଃ ଆପେୟାଃ ହନ୍‌କଆଃ ନାଗେନ୍ତେ, ଆଡ଼ଃ ଆବୁଆଃ ପ୍ରାଭୁ ପାରମେଶ୍ୱାର୍ ଆଇଃକ୍‌ଗି କେଡ଼ାକାଦ୍ ସାଜିନ୍‌ରେନ୍ ସବେନ୍ ହଡ଼କ ନାଗେନ୍ତେ ତାନାଃ ।”

୪୦ ପାଡ଼ରାସ୍ ଆଡ଼ଃଗି ପୁରାଃ କାଜିକ କାଜିକେଦ୍‌ତେ ଇନ୍‌କୁକେ କାଜିଗରଙ୍ଗ୍‌କେଦ୍‌ତେ କାଜିକେଦ୍‌କଆ, “ନେ ପାରିୟାରେନ୍ ଏଡ଼କାନ୍ ହଡ଼କ ନାଗେନ୍ତେ ହିଜୁଃତାନ୍ ସାଜାକଏତେ ପ୍ରାଭୁ ଆପେକେ ବାସ୍ତାଆପେକା ।” ୪୧ ଏନ୍ତେ ଇନ୍‌କୁଏତେ ଚିମିନ୍ ହଡ଼କ ଇନିୟାଃ କାଜି ସୁକୁତେ ତେଲ୍‌କେଦ୍‌ଲଃ ବିଶ୍ୱାସ୍‌କେଦାକ ଆଡ଼ଃ ବାପ୍ରିସ୍ତାୟାନାକ । ଏନ୍ ହୁଲ୍‌ଙ୍ଗ୍ ଆପି ହାଜାର୍ ଲେକା ହଡ଼କ କାଲିସିୟାରେକ ମେସାୟାନା । ୪୨ ଆଡ଼ଃ ଇନ୍‌କୁ ଏନ୍ ପ୍ରେରିତ୍‌କଆଃ ଇନିତୁରେ, ମେନେସାରେ, ହଲ୍‌ଙ୍ଗ୍ କେଟାଃରେ ଆଡ଼ଃ ବିକ୍ରିରେ ତାଇନ୍‌ତାନ୍‌କ ତାଇକେନା ।

ବିଶ୍ୱାସୀକଆଃ ସବେନ୍ ହୁଲ୍‌ଙ୍ଗ୍‌ରେୟାଃ ଜୀଦାନ୍

୪୩ ପ୍ରେରିତ୍‌କ ପୁରାଃ ପେଡ଼େୟାନ୍‌କାମି, ଆକ୍‌ଦାୟା କାମିକ, ଆଡ଼ଃ ଚିଙ୍ଗ୍ କାମିକେଦ୍ ହରାତେ ସବେନ୍ ହଡ଼କ ଆକ୍‌ଆଃ ଜୀଉରେ ହାଏକାଟ୍‌ତେ ପେରେଃୟାନାକ । ୪୪ ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିୟାନ୍‌ଲଃ ଆକ୍‌ତାଃରେ ତାଇକେନ୍ ସବେନ୍ ମେନାଃତେୟାଃ ମିଦ୍‌ତାଃରେ ହୁଣ୍ଡିକେଦାକ । ୪୫ ଆଡ଼ଃ ଇନ୍‌କୁ ଆକ୍‌ଆଃ ସବେନ୍ ଲୟଙ୍ଗ୍ ଆଖ୍‌ରିଙ୍ଗ୍‌କେଦ୍‌ତେ ଟାକା ପାଏସାକେ ମିମିଆଦ୍‌ନିଃକେ ଲାଗାତିଙ୍ଗ୍ ଲେକା ସବେନ୍‌କ ହାପ୍‌ଟିଙ୍ଗ୍‌ୟାନା । ୪୬ ଇନ୍‌କୁ ମାନ୍‌ଦିରଅଡ଼ାଃରେ

ସବେନହୁଲାଙ୍ଗ ମିଦତାଃରେ ହୁଣ୍ଡିକେଦତେ ଆକଆଃ ଅଡ଼ାଃକରେ ହଲଙ୍ଗ କେଚାଃତାନଲଃ ରାସ୍‌କାତେ ଆତଃ ଲେବେଃ ମନ୍‌ସୁରୁଦତେ ଜମ୍‌ତାନ ତାଇକେନାକ । ୪୭ ଆତଃ ଇନ୍‌କୁ ପାର୍‌ମେଶ୍‌ବାର୍‌ଆଃ ମାନାରାଙ୍ଗ ତାଇକେନାକ ଆତଃ ସବେନ୍ ହଡ଼କ ଇନ୍‌କୁକେ ସୁକୁଆକ ତାଇକେନାକ । ଆତଃ ପ୍ରାଭୁ ସବେନ୍ ହୁଲାଙ୍ଗ ପାରିତ୍ରାଙ୍ଗ ନାମେତାନ ହଡ଼କକେ କାଲିସିୟାରେ ମେସାକୁତାନ ତାଇକେନାଏ ।

## ୩

ମିଆଁଦ କାଟା କୁରୁଙ୍ଗକାନ କର୍‌ନିଃ ବୁଗିୟାନାଏ

୯ ମୁସିଙ୍ଗ ପାଡ଼ରାସ୍ ଆତଃ ଯୋହାନ୍ ବିକ୍ରି ଦିପିଲିରେ ତାର୍‌ସିଙ୍ଗ ଆପିପାଡ଼ି ଇମ୍‌ତାକ ମାନ୍‌ଦିରତେକିନ୍ ସେନଃ ତାଇକେନା । ୧୦ ଏନ୍ତାଃରେ ଜାନାମ୍‌ଏତେ କାଟା କୁରୁଙ୍ଗକାନ ମିଆଁଦ ହଡ଼, ମାନ୍‌ଦିର ଅଡ଼ାଃତେ ବଲତାନ ପୁରାଃ ହଡ଼କତାଃଏତେ କର୍‌ନାମେ ନାଗେନ୍ତେ ସବେନ୍ ହୁଲାଙ୍ଗ ମାନ୍‌ଦିର ଅଡ଼ାଃରାଃ ସୁଗାଡ଼ାନ୍ ନୁତୁମାକାନ୍ ଦୁଆରତାଃତେ ଗଅଃ ଇଦିୟାତାନ ତାଇକେନାଏ । ୧୧ ଇନିଃ ପାଡ଼ରାସ୍ ଆତଃ ଯୋହାନ୍‌କେ ମାନ୍‌ଦିରତେ ବଲତାନ ନେଲ୍‌କେଦତେ ଇନ୍‌କିନ୍‌କେ କର୍‌ ଆସିକେଦକିନାଏ । ୧୨ ପାଡ଼ରାସ୍ ଆତଃ ଯୋହାନ୍ ଇନିଃକେ ମିଦନାଜେରରେ ନେଲ୍‌କିଃତେ, ପାଡ଼ରାସ୍ କାଜିକିୟାଏ, “ଆଲିଙ୍ଗସାଃତେ ନେଲେମେ ।” ୧୩ ଇନିଃ ଇନ୍‌କିନ୍‌ତାଃଏତେ ଜେଡ଼ନାଃ ନାମେ ନାଗେନ୍ତେ ଆସ୍ତାଏତାନଲଃ ଇନ୍‌କିନ୍‌ସାଃତେ ନେଲ୍‌କେଦା ।

୧୪ ମେନ୍‌ଦ ପାଡ଼ରାସ୍ କାଜିକିୟାଏ, “ରୁପା ଚାଏ ସୋନା ଆଇଙ୍ଗତାଃରେ ବାନଆଃ, ମେନ୍‌ଦ ଆଇଙ୍ଗତାଃରେ ମେନାଃତେୟାଃଇଙ୍ଗ ଏମାମେତାନା, ନାଜ୍‌ରେଡ଼ରେନ୍ ଯାଶୁ ଖ୍ରୀଷ୍ଟଆଃ ନୁତୁମ୍‌ତେ ଆତୁମେତାନାଇଙ୍ଗ ବିରିଦ୍‌ମେ ଆତଃ ସେନେମେ ।” ୧୫ ଏନ୍ତେ ଇନିଃ ଇନିୟାଃ ଜମ୍ ତିଃଇ ସାବ୍‌କେଦତେ ବିରିଦ୍‌କିୟା ଆତଃ ଇମ୍‌ତାଗି ଇନିୟାଃ କାଟା ଆତଃ କାଟାମୁକ୍‌ଶୀକରେ ପେଡ଼େଃ ନାମ୍‌କେଦାଏ । ୧୬ ଆତଃ ଇନିଃ ନିରୁବିରିଦ୍‌ୟାନାଏ ଆତଃ ସେନ୍ ଏଟେଦକେଦାଏ । ଏନ୍ତେ ଇନିଃ ସେସେନ୍‌ତାନଲଃ, ତେଗାଅତାନଲଃ ଆତଃ ପାର୍‌ମେଶ୍‌ବାର୍‌ଆଃ ମାନାରାଙ୍ଗତାନଲଃ ଇନ୍‌କିନ୍‌ଲଃ ମାନ୍‌ଦିରତେ ବଲୟାନାଏ । ୧୭ ଏନ୍ତାଃରେନ୍ ସବେନ୍ ହଡ଼କ ଇନିଃକେ ସେନ୍‌ବାଡ଼ାତାନ ଆତଃ ପାର୍‌ମେଶ୍‌ବାର୍‌ଆଃ ମାନାରାଙ୍ଗତାନକ ନେଲ୍‌କିୟା, ୧୮ ଆତଃ ମାନ୍‌ଦିର ଅଡ଼ାଃରାଃ ସୁଗାଡ଼ାନ୍ ଦୁଆରତାଃରେ ଦୁବ୍‌କେଦତେ କର୍‌ ଆସିତାଇକେନାଏ, ଇନିଃ ନିଃଗି ତାନିଃ ମେନ୍ତେ ନେଲ୍‌ଉରୁମ୍‌କିୟାକ ଆତଃ ଇନିଃରେ ହବାକାନ୍‌ତେୟାଃ ସବେନ୍ ସାରିକେଦତେ ଇନ୍‌କୁ ପୁରାଃ ହାଏକାଟ୍ ଆତଃ ଆକ୍‌ଦାନ୍‌ଆୟାନାକ ।

ମାନ୍‌ଦିର ଅଡ଼ାଃରେ ପାଡ଼ରାସ୍‌ଆଃ ବାଚାନ୍‌ଉଦୁବ୍

୧୯ ସୁଲିମାନ୍ ନୁତୁମ୍ ପିଣ୍ଡିଗିତାଃରେ ଏନ୍ ବୁଗିକାନ୍ ହଡ଼କେ ପାଡ଼ରାସ୍ ଆତଃ ଯୋହାନ୍‌ଲଃ ନେଲ୍‌କେଦତେ ସବେନ୍ ହଡ଼କ ହାଏକାଟ୍‌ୟାନ୍ତେ ଇନ୍‌କିନ୍‌ତାଃକ ନିରୁଆଉକେଦା । ୨୦ ପାଡ଼ରାସ୍ ହଡ଼କକେ ନେଲ୍‌କେଦତେ କାଜିୟାଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡ଼କ, ଆପେ ନେ ହଡ଼ ନାଗେନ୍ତେ ଚିନାଃମେନ୍ତେପେ ହାଏକାଟ୍‌ତାନା, ଆତଃ ଆଲିଙ୍ଗକେପେ ନେଲ୍‌ତାନା ? ଆଲିଙ୍ଗ ଆଲିଙ୍ଗୟାଃ ପେଡ଼େଃତେ ଚାଏ ଧାର୍‌ମାନ୍‌ତେ ଇନିଃକେ ସେସେନ୍ ନାଗେନ୍ତେ ପେଡ଼େଃଲିଙ୍ଗ ଏମାକାୟା ମେନ୍ତେପେ ଉଡ଼ୁତାନାଚି ? ୨୧ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍‌ମେଶ୍‌ବାର୍, ଆବୁଆଃ ପୁରଖାହାଡ଼ାମ୍‌କଆଃ ପାର୍‌ମେଶ୍‌ବାର୍ ଆୟାଃ ଦାସି ଯାଶୁକେ ମାଇନାନ୍‌କିୟା । ମେନ୍‌ଦ ଆପେ ଏନ୍ ଯାଶୁକେ ଆକ୍‌ତେୟାର୍‌କଆଃ ତିଃଇରେ ଜିମାକିୟାପେ ଆତଃ ପିଲାତୁସ୍ ଇନିଃକେ ରାଡ଼ାଇ ନାଗେନ୍ତେ ଉହାଟ୍‌କେଦ୍‌ରେୟ,

ଆପେ ଇନିଷକେ କାପେ ସୁକୁୟାନା । ୧୪ ଇନିଷ ପାବିତାର୍ ଆତଃ ଧାର୍ମାନ ହତ୍ ତାଇକେନାଏ, ମେନ୍ଦ ଆପେ ଇନିଷକେ କାପେ ସୁକୁୟାନା ଆତଃ ଆୟାଃ ବାଦଲ୍ଲାରେ ହତ୍ ଗରାଏନିଷକେ ରାଡ଼ାଇ ନାଗେନ୍ତେ ପିଲାତୁସ୍ତକେ ଆସିକିୟାପେ । ୧୫ ଆପେ ଜୀଦାନ ହରାତେ ସୁତୁଃଇଦିନିଷକେ ଗଏଃକିୟାପେ, ମେନ୍ଦ ପାର୍ମେଶ୍ୱାର୍ ଇନିଷକେ ଗଜାକାନକଏତେ ଜୀଉବିରିଦକିୟା ଆତଃ ଆଲେ ଏନାରାଃ ଗାଞ୍ଜାକ ତାନଲେ । ୧୬ ଆପେ ନେଲାଇ ଆତଃ ସାରିକାଇ ନେ କାଟା କୁଚୁଙ୍ଗ୍ ହତ୍ ଯୀଶୁଆଃ ନୁତୁମ୍ରେ ବିଶ୍ୱାସକେଦ୍ ନାଗେନ୍ତେ ପେଡ଼େଃନାମକେଦାଏ । ଆତଃ ଯୀଶୁରେ ବିଶ୍ୱାସକେଦ୍ ନାଗେନ୍ତେ ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡ଼ିତାନାପେ ।

୧୭ “ହେ ଇସ୍ରାଏଲ୍ରେନ୍ ହାଗା ମିଶିକ, ନାହାଁଃଦ, ଆପେ ଆତଃ ଆପେୟାଃ ଆଗୁଆଇକ ଯୀଶୁକେ ରିକାକିଃତେୟାଃ କା ସାରିତେ ରିକାକେଦାପେ ଏନାଇଙ୍ଗ୍ ସାରିତାନା । ୧୮ ମେନ୍ଦ ମାସିଆଃ ଦୁକୁ ସାହାଡ଼ିଙ୍ଗ୍ ବିଷାଏରେ ପାର୍ମେଶ୍ୱାର୍ ଆୟାଃ ସବେନ୍ ନାବୀକଆଃ ହରାତେ ନାଙ୍ଗ୍ ପାରିୟାରେ କାଜିକାଦ୍ ତାଇକେନ୍ କାଜି ନେ ଲେକାତେ ପୁରାକେଦାଏ । ୧୯ ଏନାମେନ୍ତେ ଆପେ ହେୟାଡ଼ିଙ୍ଗ୍କେଦ୍ତେ ପାର୍ମେଶ୍ୱାର୍ସାଃତେ ରୁହାଡ଼ପେ ଏନାରେ ଇନିଷ ଆପେୟାଃ ପାପକ ଛାମାପେୟାଏ, ୨୦ ଆତଃ ଆପେୟାଃ ପ୍ରାଭୁତାଃଏତେ ଜୀଉରାଡ଼େଃରେୟାଃ ଦିପିଲି ହିଜୁଃଆ, ଆତଃ ପାର୍ମେଶ୍ୱାର୍ ଆପେ ନାଗେନ୍ତେ ସିଦାରେ ସାଲାକାଇ ଯୀଶୁ ମାସିକେ ଆପେତାଃତେ କୁଲିୟା । ୨୧ ପାର୍ମେଶ୍ୱାର୍ ସବେନାଃ ଆଉରି ବାଇରୁହାଡ଼େ ଜାକେଦ୍ ଯୀଶୁ ସିର୍ମାରେଗି ତାଇନାଏ ମେନ୍ତେ ପାବିତାର୍ ନାବୀକଆଃ ହରାତେ ପାର୍ମେଶ୍ୱାର୍ ନାଙ୍ଗ୍ ପାରିୟାରେ କାଜିକାଦ୍ ତାଇକେନା । ୨୨ ନେ ବିଷାଏରେ ମୁଶାନାବୀ କାଜିକାଦ୍ ତାଇକେନାଏ, ‘ଆପେୟାଃ ପ୍ରାଭୁ ପାର୍ମେଶ୍ୱାର୍ ଆପେୟାଃ ହେପାଡ଼ତେ ଆଇଙ୍ଗ୍ ଲେକା ମିଆଁଦ୍ ନାବୀକେ କୁଲିୟା । ଇନିଷ ଆପେୟାଃ ହାଗାକଏତେ ମିହୁଡ୍ ହବାଅଃଆଏ । ଇନିଷ ଆପେକେ କାଜିୟାପେତେୟାଃ ସବେନାଃ ମାନାଡ଼ିଙ୍ଗ୍ ଲାଗାଡ଼ିଙ୍ଗ୍ୟାଃ । ୨୩ ମେନ୍ଦ ଏନ୍ ନାବୀଆଃ କାଜି କା ମାନାଡ଼ିଙ୍ଗ୍ତାନ୍ ଜୀଉ ନାମାକାଦ୍ ସବେନକକେ ପାର୍ମେଶ୍ୱାର୍ ଆତମକେଦ୍ତେ ଜିୟନ୍କଆ ।’ ୨୪ ହେଗି, ଶାମୁଏଲ୍ ନାବୀ ଆତଃ ଇନିୟାଃ ତାୟମ୍ତେ କାଜିକେଦ୍ ସବେନ୍ ନାବୀକହଗି ନେ ଦିପିଲିରେ ହବାଅଃତାନ୍ ଆୟାରକାଜିକ କାଜିକାଦାଃ । ୨୫ ନାବୀକଆଃ ହରାତେ ପାର୍ମେଶ୍ୱାର୍ ଅକ ବାନାର୍ସା ଏମାକାଦାଏ, ଏନା ଆପେ ନାଗେନ୍ତେ ହବାକାନା, ଆତଃ ପାର୍ମେଶ୍ୱାର୍ ଆପେୟାଃ ପୁରଶା ହାଡ଼ାମ୍କଲଃ ଅକ ରାଜିନାମା ବାଇୟାକାଦାଏ, ଆପେ ଏନାରେୟାଃ ହିସାପେ ନାମେୟା । ପାର୍ମେଶ୍ୱାର୍ ଆଗ୍ରାହାମକେ କାଜିକାଇ ତାଇକେନା, ‘ଆପେୟାଃ କିଲିକଆଃ ହରାତେ ଆଇଙ୍ଗ୍ ଅତେଦିଶୁମ୍ରେନ୍ ସବେନ୍ ହତ୍ତକକେଇଙ୍ଗ୍ ଆଗିଷ୍ଟକଆ ।’ ୨୬ ଆତଃ ପାର୍ମେଶ୍ୱାର୍ ଆୟାଃ ଏନ୍ ଦାସିକେ ସାଲାକିୟା ଆତଃ ଆପେ ସବେନକକେ ଏଡ଼କାନ୍ ହରାଏତେ ରୁହାଡ଼୍ ଆତକେଦ୍ତେ ଆଗିଷ୍ଟନାଙ୍ଗ୍ ଦାହିଲାତେ ଇନିଷକେ ଆପେତାଃତେ କୁଲିକିୟା ।”

## ୪

ମାରାଙ୍ଗ୍ପାଞ୍ଚେଟ୍ ଆୟାର୍ରେ ପାଡ଼ରାସ୍ ଆତଃ ଯୋହାନ୍

୧ ପାଡ଼ରାସ୍ ଆତଃ ଯୋହାନ୍ ହତ୍ତକକେ କାଜିୟାକ ତାଇକେନ୍ରେ ଯାଜାକ୍କ, ମାନ୍ଦିର୍ ଅଡ଼ାଃରେନ୍ ଦାରଖାନ୍କଆଃ ଗମ୍କେ ଆତଃ ସାଦୁକିକ ଇନ୍କିନ୍ତାଃତେକ ହିଜୁଃୟାନା । ୨ ଏନ୍ତେ ଇନ୍କୁ ପୁରାଃଗିକ ଖୁସ୍ୟାନା ତିୟାଃଟି ଯୀଶୁ ଗନ୍ଏଃତେ ଜୀଉବିରିଦକାନାଏ ମେନ୍ତେ ଏନ୍ ବାରାନ୍ ପ୍ରେରିତ୍ୱକିନ୍ ଇତୁ ତାଇକେନାକିନ୍

୪ ୩:୧୪ ୩:୧୪ ମାଥୁଉ ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଯୋହାନ୍ ୧୯:୧୨-୧୫.



। ଏନା ହରାତେ ଗଜାକାନ୍ଦକଆଃ ଜୀଉବିନିରିଦ୍ ମେନାଃ ମେନ୍ତେ ସାବୁଦ୍‌କିନ୍ ଏମେତାଇକେନା । ୩ ଏନାମେନ୍ତେ ଇନ୍‌କୁ ଇନ୍‌କିନ୍‌କେ ସାବ୍‌କେଦ୍‌କିନାକ । ଏନ୍ ହୁଲାଙ୍ଗ୍ ପୁରାଃ ବିଲାମକାନ୍ ତାଇକେନ୍ ନାଗେନ୍ତେ ଏଟାଃ ହୁଲାଙ୍ଗ୍ ଜାକେଦ୍ ଜେହେଲ୍‌ରେକ ଦହକେଦ୍‌କିନା । ୪ ମେନ୍‌ଦ ଇନ୍‌କିନାଃ ଇନିତୁ ଆୟୁମକେଦ୍‌କଏତେ ପୁରାଃ ହଡକ ବିଶ୍ୱାସ୍‌କେଦା ଆଡ଼ଃ ଏନ୍ ହଡକ ମଣେଁ ହାଜାର୍ ଲେକାକ ହବାୟାନା ।

୫ ଏଟାଃ ହୁଲାଙ୍ଗ୍ ଯିହୁଦୀକଆଃ ଆଗୁଆଇକ, ପ୍ରାଚିନ୍‌କ ଆଡ଼ଃ ଆଇନ୍ ଇତୁକ ଯୀରୁଶାଲେମରେକ ହୁଣ୍ଡିୟାନା । ୬ ଇନ୍‌କୁ ମାରାଙ୍ଗ୍ ଯାଜାକ୍ ହାନାନ୍, କାୟ୍‌ଫା, ଯୋହାନ୍, ଆଲେକ୍‌ଜାଣ୍ଡାର୍ ଆଡ଼ଃ ମାରାଙ୍ଗ୍ ଯାଜାକ୍‌ଆଃ ଅଡ଼ାଃରେନ୍ ଏଟାଃକଲଃ ନାପାମ୍‌ୟାନାକ । ୭ ଇନ୍‌କୁ ପ୍ରେରିତ୍‌କକେ ଆକଆଃ ସାମ୍‌ନାଙ୍ଗ୍‌ରେ ତିଙ୍ଗୁକେଦ୍‌ତେ କୁଲିକେଦ୍‌କଆକ, “ଆପେ ନେ ସବେନାଃ ଚିଲ୍‌କା ରିକାତାନାପେ ? ଚିକାନ୍ ପେଡ଼େଃତେ ଚାଏ ଅକ ନୁତୁମ୍‌ତେ ନେ କାମିପେ ରିକାତାନା ?”

୮ ଏନ୍ତେ ପାଡ଼ରାସ୍ ପାବିତାର୍ ଆମ୍‌ତେ ପେରେଃୟାନାଏ ଆଡ଼ଃ ଇନ୍‌କୁକେ କାଜିରୁହାଡ଼ାଦ୍‌କଆଏ, “ହଡକଆଃ ଆଗୁଆଇକ ଆଡ଼ଃ ପ୍ରାଚିନ୍‌କ, ୯ ତିସିଙ୍ଗ୍ ଆଲେ ନେ କାଟା କୁରୁଙ୍ଗ୍‌କାନ୍‌ନିଃକେ ବୁଗିକାଇ ନାଗେନ୍ତେ ଆପେ ଆଲେକେ କୁଲିଲେତାନାପେ ଆଡ଼ଃ ଇନିଃ ଚିଲ୍‌କାତେ ବୁଗିୟାନା, ଏନା ସାରି ନାଗେନ୍ତେପେ ସାନାଙ୍ଗ୍‌ତାନ୍‌ରେଦ, ୧୦ ଆପେ ସବେନ୍‌କ ଆଡ଼ଃ ଇସ୍ରାଏଲ୍‌ରେନ୍ ସବେନ୍ ହଡକ ସାରିପେ, ଆପେ ନାଜ୍‌ରେଡ଼ରେନ୍ ଅକନ୍ ଯୀଶୁ ଖ୍ରୀଷ୍ଟକେ ଜୁଣ୍‌ରେ କିଲାକାଇ ତାଇକେନାପେ, ଇନିଃକେ ପାର୍‌ମେଶ୍ୱାର୍ ଗଜାକାନ୍‌କଏତେ ଜୀଉବିରିଦ୍‌କିୟା, ଇନିୟାଃ ନୁତୁମ୍‌ରାଃ ପେଡ଼େଃତେ ଏନ୍ ହଡ ବୁଗିୟାନାଏ ଆଡ଼ଃ ଆପେୟାଃ ଆୟାର୍‌ରେ ତିଙ୍ଗୁଆକାନା । ୧୧ ଧାରାମ୍‌ପୁଅରେ ଯୀଶୁଆଃ ବିଷାଏରେ ଅଲ୍‌କାନା,

“ଅଡ଼ାଃ ବାବାଇକ ଅକନ୍ ଦିରିକେ ଆତମ୍‌ଏଣ୍ଡାଃକେଦାକ

ଏନାଗି ଅଡ଼ାଃକଚରାଃ ଦିରି ହବାୟାନା ।”

୧୨ ଇନିଃ ବେଗାର୍ ଜେତାଏଡ଼ାଃରେ ଜୀଉବାସ୍ତାଏ ବାନଃଆ, ଚିୟାଃଚି ପାର୍‌ମେଶ୍ୱାର୍ ଆରୁଆଃ ଜୀଉବାସ୍ତାଏ ନାଗେନ୍ତେ ଗଟା ଅତେଦିଶୁମ୍‌ରେ ଇନିୟାଃ ନୁତୁମ୍ ବେଗାର୍ ଆଡ଼ଃ ଜେତା ନୁତୁମ୍ କାଏ ଏମାକାଦା ।”

୧୩ ଇନ୍‌କୁ ପାଡ଼ରାସ୍ ଆଡ଼ଃ ଯୋହାନ୍‌ଆଃ ଜୀଉରେକେଟେଦ୍ ନେଲ୍‌କେଦ୍‌ତେ ଆଡ଼ଃ ଇନ୍‌କିନାଃ କା ଇନିତୁ, କା ସେଣାନ୍ ହଡକିନ୍ ତାନ୍‌କିନ୍ ଏନା ସାରିକେଦ୍‌ତେକ ହାଏକାଟ୍‌ୟାନା ଆଡ଼ଃ ଇନ୍‌କିନ୍ ଯୀଶୁଲଃ ତାଇକେନାକିନ୍ ମେନ୍ତେ ଇନ୍‌କୁ ଆଟ୍‌କାର୍‌କେଦାକ । ୧୪ ମେନ୍‌ଦ ଇନ୍‌କୁ ଇନ୍‌କିନାଃ ବିରୁଧ୍‌ରେ ଜେଡନାଃ କାକ କାଜିଦାଡ଼ିକେଦା ଚିୟାଃଚି ଏନ୍ ବୁଗିଆକାନ୍ ହଡକେ ପାଡ଼ରାସ୍ ଆଡ଼ଃ ଯୋହାନ୍‌ଲଃ ତିଙ୍ଗୁଆକାନ୍‌କ ନେଲ୍‌କିୟା । ୧୫ ଏନାମେନ୍ତେ ଇନ୍‌କୁ ପାଞ୍ଚେଟ୍ ଅଡ଼ାଃଏତେ ଅତଙ୍ଗ୍‌ଅଃବେନ୍ ମେନ୍ତେ ଆରୁକେଦ୍‌କିନାକ ଆଡ଼ଃ ଇନ୍‌କୁ ଆକ ଆକରେ ଇନ୍‌କିନାଃ ବିଷାଏରେକ ଜାଗାର୍ ଏଟେଦ୍‌କେଦା । ୧୬ ଇନ୍‌କୁ କୁପ୍‌ଲିୟାନାକ, “ଆବୁ ନେ ହଡକିନ୍‌କେ ତିନାଃବୁ ଚିକାକିନା ? ଇନ୍‌କିନ୍ ସାର୍‌ତିଗି ମିଆଁଦ୍ ଆକ୍‌ଦାନ୍‌ଆ କାମିକିନ୍ କାମିକାଦା ଏନା ଯୀରୁଶାଲେମରେନ୍ ସବେନ୍‌କ ସାରିତାନା ଆଡ଼ଃ ଏନା ଆବୁ ବାନଃ ମେନ୍ତେ କାବୁ କାଜି ଦାଡ଼ିୟା । ୧୭ ମେନ୍‌ଦ ନେ କାଜି ହଡକତାଃରେ ଆଲିକା ପାସ୍ରାଅଃକା, ଏନା ନାଗେନ୍ତେ ଯୀଶୁଆଃ ନୁତୁମ୍‌ତେ ଜେତା ହଡକକେ ଆଲବେନ୍ କାଜିକଆ ମେନ୍ତେ ଇନ୍‌କିନ୍‌କେବୁ ତେତାଅକିନା ।”

୧୮ ଏନ୍ତେ ଇନ୍‌କୁ ପାଡ଼ରାସ୍ ଆଡ଼ଃ ଯୋହାନ୍‌କେ ଆଡ଼ଃମିସା କେଡାକେଦ୍‌କିନାକ ଆଡ଼ଃ ଯୀଶୁଆଃ ନୁତୁମ୍‌ତେ ଜେଡନାଃ ଆଲବେନ୍ କାଜିୟାଃ ଚାଏ ଆଲବେନ୍ ଇତୁକଆ ମେନ୍ତେ ଆରୁକେଦ୍‌କିନାକ । ୧୯ ମେନ୍‌ଦ ପାଡ଼ରାସ୍ ଆଡ଼ଃ ଯୋହାନ୍ ଇନ୍‌କୁକେ କାଜିରୁହାଡ଼ାଦ୍‌କଆକିନ୍, “ଆଲିଙ୍ଗ୍ ପାର୍‌ମେଶ୍ୱାର୍‌କେ ମାନାଡ଼ିଙ୍ଗ୍‌ତେୟାଃ

ତାଏ ଆପେୟାଃ କାଜି ମାନାତିଙ୍ଗତେୟାଃ ଅକ୍ନାଃ ପାର୍ମେଶ୍ଵାର୍ଆଃ ଆୟାର୍ରେ  
 ଠାଉକାନିଗିୟା ଏନା ଆପେ ଆପେଗି ବିଚାରେପେ । ୨୦ ଚିୟାଃଟି ଆଲିଙ୍ଗି  
 ନେଲୀକାଦ୍ତେୟାଃ ଆତଃ ଆୟୁମାକାଦ୍ତେୟାଃ କା ଉଦ୍ଭବକେଦ୍ତେ କାଲିଙ୍ଗି  
 ତାଇନ୍ଦାଡ଼ିୟା ।” ୨୧ ଏନ୍ତେ ପାଞ୍ଚେଟ୍ରେନ୍ ହଡ଼କ ଇନ୍ଦକିନ୍ଦକେ ସାଜାଇ ଏମ୍ କା  
 ହବାସାକାଅଆଃ, ଆତଃ ପୁରାଃ ଚେତାଅତାନ୍ଲଃ ଇନ୍ଦକିନ୍ଦକେ ବାଗିକେଦ୍ଦକିନାକ,  
 ଚିୟାଃଟି ହଡ଼କ ଏନ୍ ହବାକାନ୍ତେୟାଃ ନେଲକେଦ୍ତେ ପାର୍ମେଶ୍ଵାର୍ଆଃ  
 ମାନାରାଙ୍ଗି ତାଇକେନାକ । ୨୨ ଆକ୍ଦାନ୍ଦାଅ ଲେକାତେ ରୁଗିଆକାନ୍ ଏନ୍ ହଡ଼ଆଃ  
 ବାଋହିସି ବାରାଷ୍ଠଏତେ ଆଦକା ହବାଅଃତାଇକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ଵାସୀକଆଃ ବିନ୍ଦି

୨୩ ପାତରାସ୍ ଆତଃ ଯୋହାନ୍ ରାଡ଼ାୟାନ୍ଦି, ଇନ୍ଦକିନ୍ଦ ଆକିନାଃ ଆପ୍ନାଃ  
 ହଡ଼କତାଃତେ ରୁହାଡ଼କେଦ୍ତେ ମୁଲ୍ଲ ଯାଜାକ୍କ ଆତଃ ପ୍ରାଚିନ୍ଦକ କାଜିକେଦ୍ତେୟାଃ  
 ସବେନାଃ ଇନ୍ଦକୁକେ ଉଦ୍ଭବାଦ୍ଦକଆକିନ୍ଦ । ୨୪ ବିଶ୍ଵାସୀକ ସବେନ୍ କାଜି  
 ଆୟୁମ୍କେଦ୍ଦି ମିଦ୍ ମନ୍ଦେ ପାର୍ମେଶ୍ଵାର୍ତାଃରେ ବିନ୍ଦିକେଦାକ; “ହେ ଗମକେ,  
 ଆମ୍ ସିର୍ମା, ଅତେ, ଦରେୟା ଆତଃ ଏନାରେୟାଃ ସବେନାଃ ବାବାଇନିଃ ତାନ୍ମେ !  
 ୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍ଆଃ ମଚାତେ ପାବିତାର୍ ଆମ୍ତେ  
 ନେ କାଜି କାଜିକାଦାମ୍,

“ ‘ନେ ସାଅଁସାର୍ ହଡ଼କ ଚିନାଃମେନ୍ତେ ଖୁସ୍ଯାନାକ;  
 ଆତଃ ହଡ଼କ ଚିନାଃମେନ୍ତେ ସାମାକାଜିକ ରୋଜୋଟତାନା ?

୨୬ ପ୍ରାଭୁଆଃ ବିରୁଧ୍ରେ ଆତଃ ଆୟାଃ ସାଲ୍ଲାନାନ୍ ମାସିଆଃ ବିରୁଧ୍ରେ  
 ଅତେଦିଶ୍ଵାମ୍ରେନ୍ ରାଜାକ ସେକାଡ଼ୟାନା  
 ଆତଃ ହାକିମ୍ ମିଦ୍ତାଃରେକ ହୁଣ୍ଡିୟାନା ।’

୨୭ ଧିୟାଃଟି ସାର୍ତି କାଜିଲେରେ ହେରୋଦ୍ ଆତଃ ପନ୍ଦିୟସ୍ ପିଲାତୁସ୍ ନେ  
 ନାଗାର୍ରେ ସାଅଁସାର୍କଲଃ ଆତଃ ଇସ୍ରାଏଲ୍ ହଡ଼କଲଃ ମେସାକେଦ୍ତେ ଆମାଃ  
 ପାବିତାର୍ ଦାସି ଯୀଶୁ, ଅକଏକେଚି ଆମ୍ ମାସି ମେନ୍ତେମ୍ ଆଭିଷେକ୍କିୟା, ଇନ୍ଦିୟାଃ  
 ବିରୁଧ୍ରେ ରୋଜୋଟକେଦାକ । ୨୮ ଆମାଃ ପେଡ଼େଃ ଆତଃ ମନେଲେକାତେ  
 ସବେନାଃ ହବାଅଃକା ମେନ୍ତେ ସିଦାରେ ଉହାଟ୍କାନ୍ ତାଇକେନା, ଏନାକେ ରିକାଏ  
 ନାଗେନ୍ତେ ଇନ୍ଦକୁ ହୁଣ୍ଡିୟାନାକ । ୨୯ ଆତଃ ନାହ୍ୱାଃଦ୍, ହେ ପ୍ରାଭୁ, ଇନ୍ଦକୁ  
 ଆଲେକେ ବତଙ୍ଗଲେତାନାକ ଏନା ନେଲେମେ ଆତଃ ଆମାଃ ଦାସିକକେ ପୁରାଃ  
 ପେଡ଼େୟାନ୍ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ ।  
 ୩୦ ଆତଃ ରୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଗ୍ଠେୟାମେ ଆତଃ ଆମାଃ ପାବିତାର୍  
 ଦାସି ଯୀଶୁଆଃ ନୁତୁମ୍ତେ ଚିଙ୍ଗାଁ ଆତଃ ଆକ୍ଦାନ୍ଦାଅ କାମିକ ରିକା ନାଗେନ୍ତେ ପେଡ଼େଃ  
 ଏମାଲେମେ ।”

୩୧ ଇନ୍ଦକୁ ବିନ୍ଦି ଚୁଣ୍ଡିକେଦ୍ଦି ଆକ ହୁଣ୍ଡିକାନ୍ ଠାୟାଦ୍ତାଃରେ ଅତେ ଏକ୍ଲାଅୟାନା  
 ଆତଃ ସବେନ୍ଦକ ପାବିତାର୍ ଆମ୍ତେକ ପେରେୟାନା ଆତଃ ପାର୍ମେଶ୍ଵାର୍ଆଃ  
 କାଜି ପୁରାଃ ଜୀଉରେ କେଟେଦ୍କେଦ୍ତେ ଉଦ୍ଭବ୍ ଏଟେଦ୍କେଦା ।

ବିଶ୍ଵାସୀକ ଆକଆଃ ମେନାଃତେୟାଃକ ହାପ୍ଟିଙ୍ଗ୍ଯାନା

୩୨ ଧିୟାଃଟି ସାର୍ତି କାଜିଲେରେ ହେରୋଦ୍ ଆତଃ ପନ୍ଦିୟସ୍ ପିଲାତୁସ୍ ନେ  
 ନାଗାର୍ରେ ସାଅଁସାର୍କଲଃ ଆତଃ ଇସ୍ରାଏଲ୍ ହଡ଼କଲଃ ମେସାକେଦ୍ତେ ଆମାଃ  
 ପାବିତାର୍ ଦାସି ଯୀଶୁ, ଅକଏକେଚି ଆମ୍ ମାସି ମେନ୍ତେମ୍ ଆଭିଷେକ୍କିୟା, ଇନ୍ଦିୟାଃ  
 ବିରୁଧ୍ରେ ରୋଜୋଟକେଦାକ । ୨୮ ଆମାଃ ପେଡ଼େଃ ଆତଃ ମନେଲେକାତେ  
 ସବେନାଃ ହବାଅଃକା ମେନ୍ତେ ସିଦାରେ ଉହାଟ୍କାନ୍ ତାଇକେନା, ଏନାକେ ରିକାଏ  
 ନାଗେନ୍ତେ ଇନ୍ଦକୁ ହୁଣ୍ଡିୟାନାକ । ୨୯ ଆତଃ ନାହ୍ୱାଃଦ୍, ହେ ପ୍ରାଭୁ, ଇନ୍ଦକୁ  
 ଆଲେକେ ବତଙ୍ଗଲେତାନାକ ଏନା ନେଲେମେ ଆତଃ ଆମାଃ ଦାସିକକେ ପୁରାଃ  
 ପେଡ଼େୟାନ୍ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ ।  
 ୩୦ ଆତଃ ରୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଗ୍ଠେୟାମେ ଆତଃ ଆମାଃ ପାବିତାର୍  
 ଦାସି ଯୀଶୁଆଃ ନୁତୁମ୍ତେ ଚିଙ୍ଗାଁ ଆତଃ ଆକ୍ଦାନ୍ଦାଅ କାମିକ ରିକା ନାଗେନ୍ତେ ପେଡ଼େଃ  
 ଏମାଲେମେ ।”

☆ ୪:୨୭ ୪:୨୭ ଲୁକ ୨୩:୭-୧୧; ମାଥୁର ୨୭:୧,୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮,୨୯. ☆ ୪:୩୨  
 ୪:୩୨ ପ୍ରେରିତ୍ ୨:୪୪,୪୫.

ବିଷାଏରେ ଗାଞ୍ଜାକ ଏମ୍‌କେଦା ଆତଃ ପାରମେଶ୍ୱାର୍ ଇନ୍‌କୁକେ ପୁରାଃ ଆଶିଷ୍ ଏମ୍‌କେଦକଆଏ । ୩୪ ଏନାତେ ଇନ୍‌କୁଆଃ ଜେଡନାଃ କା ହାଟିଆଃ ତାଇକେନା, ଚିୟାଃଟି ଅକନ୍‌କଆଃ ପିଡି ଆତଃ ଅଡ଼ାଃ ତାଇକେନା, ଇନ୍‌କୁ ଏନାକ ଆଖ୍‌ରିଙ୍‌କେଦତେ ଏନାରାଃ ଗନଙ୍ ଟାକା ପାଏସା ଆଉକେଦତେ ୩୫ ପ୍ରେରିତ୍‌କକେ ଏମାକ ତାଇକେନାକ ଆତଃ ଏନ୍ ପାଏସାକେ ଆକଆଃ ଲାଗାଡିୟ୍‌ଃ ଲେକାକ ହାପ୍‌ଟିଙ୍‌ୟ୍‌ଃ ତାଇକେନା ।

୩୬ ଆତଃ ସାଇପ୍ରସ୍ ନୁତୁମ୍ ଠାୟାଦରେ ଜାନାମାକାନ୍ ଲେବୀ କିଲିରେନ୍ ଯୋଷେଫ୍, ଅକଏକେଟି ପ୍ରେରିତ୍‌କ ବର୍ଣ୍ଣବାସ୍, ଏନାରାଃ ମୁଣ୍ଡିଦ୍ “ଜାଉରାଡେଃରାଃ ହନ୍” ମେନ୍‌କେ ନୁତୁମ୍‌କିୟା । ୩୭ ଇନିୟାଃ ମିଆଁଦ୍ ପିଡି ତାଇକେନା, ଏନାକେ ଇନିଃ ଆଖ୍‌ରିଙ୍‌କେଦତେ ଏନାରାଃ ଟାକା ପାଏସା ପ୍ରେରିତ୍‌କକେ ଏମାଦକଆ ।

### ୫

#### ହନାନିୟ୍ ଆତଃ ସଫିରା

୯ ହନାନିୟ୍ ନୁତୁମ୍ ମିଆଁଦ୍ ହଡ୍ ଆୟାଃ କୁଡିତେ ସଫିରାଲଃ ହୁଡିଙ୍‌ଲେକା ଅତେ ଆଖ୍‌ରିଙ୍‌କେଦାକିନ୍ । ୧୦ ମେନ୍‌ଦ୍ ହନାନିୟ୍ ଆୟାଃ କୁଡିତେଲଃ ସାଲ୍‌ହାକେଦତେ, ଇନିଃ କାଟିଃଲେକା ଟାକା ପାଏସା ଆୟାଃ ନାଗେନ୍ତେ ଉକୁ ଦହକେଦା ଆତଃ ବାକିତେୟାଃ ଇଦିକେଦତେ ପ୍ରେରିତ୍‌କଆଃ କାଟା ଲାଡାରରେ ଦହକେଦା । ୧୧ ପାଡରାସ୍ ଇନିଃକେ କାଜିକିୟାଏ, “ଏ ହନାନିୟ୍, ପାବିତାର୍ ଆମ୍‌ରାଃ ଆୟାରରେ ହସଡ୍ କାଜି ନାଗେନ୍ତେ ଆତଃ ଅତେରାଃ ଗନଙ୍‌ଏତେ କାଟିଃଲେକା ଉକୁ ନାଗେନ୍ତେ ସାଏତାନ୍ ଚିନାଃମେନ୍ତେ ଆମାଃ ମନ୍‌ସୁରୁଦକେ ଆକ୍‌ତେୟାରକେଦା ? ୧୨ ଆଖ୍‌ରିଙ୍‌କେଦ୍ ସିଦାରେ ଏନା ଚିୟାଃ ଆମାଃ କା ତାଇକେନା ? ଆତଃ ଆଖ୍‌ରିଙ୍‌କେଦ୍ ତାୟମ୍‌ତେ ଏନ୍ ଟାକା ପାଏସା ଚିନାଃ ଆମାଃ ଆକ୍‌ତେୟାରରେ କା ତାଇକେନା ? ତାବ୍‌ଦ୍ ଚିନାଃମେନ୍ତେ ଆମ୍ ନେ'ଲେକା ଆମାଃ ମନ୍‌ସୁରୁଦରେମ୍ ଉଡ଼ୁକେଦା ? ଆମ୍ ହଡକକେଦ କା ମେନ୍‌ଦ୍ ପାରମେଶ୍ୱାର୍‌ଆଃ ଆୟାରରେ ବେଦାକାଜିମ୍ କାଜିକାଦା ।” ୧୩ ନେ କାଜିକ ଆୟୁମ୍‌କେଦଟି ହନାନିୟ୍ ଅତେରେ ଉୟୁଃକେଦତେ ଗଏଃୟାନା, ଆତଃ ନେ ବିଷାଏରେ ଆୟୁମ୍‌କେଦ୍ ସବେନ୍‌କ ପୁରାଃଶିକ ବରକେଦା । ୧୪ ସେପେଡେଦକ ହିଜୁଃକେଦତେ ଇନିଃକେ ଲିଜାଃତେ ପଟମ୍‌କିୟାକ ଆତଃ ଗଅଃ ଅଡ଼ଙ୍‌କିତେ ତପାକିୟାକ ।

୧୫ ଆପି ଘାଡିଲେକା ତାୟମ୍‌ତେ ଇନିୟାଃ କୁଡି ଅକ୍‌ନାଃ ହବାକାନ୍‌ତେୟାଃ କା ସାରିକେଦତେ ହିଜୁଃୟାନା ଆତଃ ବଲୟାନାଏ । ୧୬ ପାଡରାସ୍ ଇନିଃକେ କୁଲିକିୟାଏ, “ଆବେନ୍ ନେ ପିଡିକେ ନିମ୍‌ନାଙ୍‌ଡେଗିବେନ୍ ଆଖ୍‌ରିଙ୍‌କେଦାଟି ?”

ଇନିଃ କାଜିରୁହାଡକେଦାଏ, “ହେଗି, ନିମିନାଙ୍‌ଡେଗି ।”

୧୭ ଏନ୍ତେ ପାଡରାସ୍ ଇନିଃକେ କାଜିକିୟାଏ, “ପ୍ରାଭୁଆଃ ଆମ୍‌କେ ବିଡାଅ ନାଗେନ୍ତେ ଆବେନ୍ ବାରାନ୍‌କିନ୍ ଚିନାଃ ମେନ୍‌କେବେନ୍ ଉଡ଼ୁକେଦା ? ନେଲ୍‌କୁମ୍, ଆମାଃ କଡାକେ ତପାକେନ୍‌କ ଦୁଆରତାଃରେ ମେନାକଆ ଆତଃ ଇନ୍‌କୁ ଆମ୍‌କେ ହଗି ଗଅଃ ଅଡ଼ଙ୍‌କେମ୍‌ୟାକ ।” ୧୮ କାଜିକେଦ୍ ଇମ୍‌ତାଗି ଇନିଃ ଇନିୟାଃ କାଟା ଲାଡାରରେ ଉୟୁଃୟାନା ଆତଃ ଗଏଃୟାନାଏ । ଏନ୍ତେ ସେପେଡେଦକ ବଲୟାନ୍‌ଟି ଇନିଃକେ ଗଏଃକାନ୍‌କ ନେଲ୍‌କିୟା ଆତଃ ଇନ୍‌କୁ ଇନିଃକେ ଗଅଃ ଅଡ଼ଙ୍‌କିତେ କଡାତେୟାଃ ଜାପାଃରେକ ତପାକିୟା । ୧୯ ଗଟା କାଲିସିୟା ଆତଃ ନେ କାଜି ଆୟୁମ୍‌କେଦ୍ ସବେନ୍‌କ ପୁରାଃଶିକ ବରକେଦା ।

ଆକ୍‌ଚାକାଅ ଆତଃ ଆକ୍‌ଦାନ୍‌ଆ କାମି

୧୭ ପ୍ରେରିତ୍ୱକ ପୁରାଃଗି ଆକ୍ରାକାଅ କାମି ଆତଃ ଆକ୍‌ଦାନ୍‌ଆ କାମିକ ହତ୍‌କଆଃ ଆଲ୍‌ମାରେକ କାମିକେଦା ଆତଃ ସବେନ୍ ବିଶ୍ୱାସୀକ ସୁଲ୍‌ମାନାନ୍‌ଆଃ ପିଣ୍ଡିତାଃରେ ହୁଣ୍ଡିୟଃ ତାଇକେନାକ । ୧୩ ଇନ୍‌କୁଆଃ ବିଷାଏରେ ହତ୍‌କ ବୁଗିନାଃ ଜାଗାର୍‌ତାନ୍‌ ତାଇକେନ୍‌ରେୟ ଏଟାଃ ଝୁଣ୍ଡରେନ୍ ହତ୍‌କ ଇନ୍‌କୁଲ୍‌ଃ ମେସାଆଃ ନାଗେନ୍ତେ ଜେତାଏ କାକ ସାହାସେ ତାଇକେନା । ୧୪ ମେନ୍‌ଦ ଗାଦେଲ୍‌ କଡ଼ା ଆତଃ କୁଡ଼ିକ ପ୍ରାଭୁତାଃରେ ବିଶ୍ୱାସକେଦ୍‌ତେ ଚିମିନ୍ ଚିମିନ୍ ହତ୍‌କ ଏନ୍ ଝୁଣ୍ଡରେ ମେସାଆଃ ତାଇକେନାକ । ୧୫ ପ୍ରେରିତ୍ୱକଆଃ କାମି ବୁଗିଲେକା ହବାଆଃ ତାଇକେନା, ପାତ୍ରାସ୍‌ ହିଜୁଃ ତାଇକେନ୍ ଇମ୍‌ତା ହରାରେ ଆୟାଃ ଉମ୍‌ଲ୍‌ ଦୁକୁତାନ୍ ହତ୍‌କଆଃରେ ଉୟୁଗଃକା ମେନ୍ତେ ହତ୍‌କ ଦୁକୁତାନ୍‌କକେ ପାର୍‌କମ୍ ଆତଃ ଜାଟିକରେ ଗଅଃ ଆଉକେଦ୍‌ତେ ହରାଗେନାରେ ଦହକ ତାଇକେନାକ । ୧୬ ଆତଃ ଯୀରୁଗାଲେମରେୟାଃ ଚାରିୟାଃରେନ୍ ନାଗାର୍‌କଏତେ ଗାଦେଲ୍ ହତ୍‌କ ଦୁକୁତାନ୍ ଆତଃ ସଡ଼ରା ଆମ୍‌ାତେ ଏସେରାକାନ୍ ହତ୍‌କକେ ପ୍ରେରିତ୍ୱକତାଃ ଆଉକତାଇକେନାକ ଆତଃ ଇନ୍‌କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍ୱକକେ ସାସାତି

୧୭ ଏନ୍ତେ ମାରାଙ୍ଗ୍ ଯାଜାକ୍ ଆତଃ ଆୟାଃ ସବେନ୍ ଦେଙ୍ଗାତାନ୍‌କ, ଅକନ୍‌କଚି ସାଦୁକି ଝୁଣ୍ଡରେନ୍ ତାଇକେନାକ, ଇନ୍‌କୁ ପ୍ରେରିତ୍ୱକଆଃ ଚେତାନ୍‌ରେ ପୁରାଃଗି ହିସ୍‌ଙ୍ଗାତେ ପେରେଃୟାନାକ । ୧୮ ଇନ୍‌କୁ ପ୍ରେରିତ୍ୱକକେ ସାଦ୍‌କେଦ୍‌ତେ ଆନାରେକ ଦହକେଦ୍‌କଆ । ୧୯ ମେନ୍‌ଦ ପ୍ରାଭୁଆଃ ଦୁଡ୍‌ ଏନ୍ ନିଦାଗି ଆନାରାଃ ଦୁଆର୍‌କେ ନିକ୍‌କେଦା, ଆତଃ ପ୍ରେରିତ୍ୱକକେ ଅତଙ୍ଗକେଦ୍‌ତେ ମେତାଦ୍‌କଆ, ୨୦ “ଜୁ, ସେନଃପେ, ଆତଃ ମାନ୍‌ିର୍ ଅଡ଼ାଃରେ ତିଙ୍ଗୁକେଦ୍‌ତେ ନେ ନାଞ୍ଜା ଜୀଦାନ୍ ବିଷାଏରେ କାଜିୟାକପେ ।” ୨୧ ପ୍ରେରିତ୍ୱକ ଏନ୍ ଦୁଡ୍‌ଆଃ କାଜି ମାନାତିଙ୍ଗକେଦ୍‌ତେ ସେତାଃ ଇଦାନ୍‌ରେ ମାନ୍‌ିର୍ ଅଡ଼ାଃତେ ବଲକେଦ୍‌ତେ ହତ୍‌କକେ ଇଡୁ ଏଟେଦ୍‌କେଦ୍‌କଆ । ମାରାଙ୍ଗ୍ ଯାଜାକ୍ ଆତଃ ଇନ୍‌ୟାଃ ଦେଙ୍ଗାତାନ୍‌କ ହିଜୁଃକେଦ୍‌ତେ, ମାରାଙ୍ଗ୍ ପାଞ୍ଚେଟ୍ ଆତଃ ଇସ୍ରାଏଲ୍ ହନ୍‌କଆଃ ସବେନ୍ ପ୍ରାଟୀନ୍‌କକେ କେଡ଼ା ହୁଣ୍ଡିକେଦ୍‌କଆକ ଆତଃ ପ୍ରେରିତ୍ୱକକେ ଆଉକ ନାଗେନ୍ତେ ହତ୍‌କକେ ଜେହେଲ୍‌ତେ କୁଲ୍‌କେଦ୍‌କଆକ । ୨୨ ମେନ୍‌ଦ ସିପାଈକ ଆନାତେ ସେଟେର୍‌ୟାନ୍‌ଚି ପ୍ରେରିତ୍ୱକକେ ଏନ୍ତାଃରେ କାକ ନାମ୍‌କେଦ୍‌କଆ, ଏନ୍ତେ ଇନ୍‌କୁ ମାରାଙ୍ଗ୍ ପାଞ୍ଚେଟ୍‌ତେ ହିଜୁଃରୁହାଡ୍‌କେଦ୍‌ତେ ଉଦୁବାଦ୍‌କଆକ, ୨୩ “ଆଲେ ଜେହେଲ୍‌ତେ ସେଟେର୍‌ୟାନ୍‌ଚି ଦୁଆର୍ ବୁଗିଲେକା ହାଣ୍ଡେଦାକାନ୍ ଆତଃ ଦାରଞ୍ଜାନ୍‌କ ଦୁଆର୍ ହେପାଦ୍‌ରେ ହରତାନ୍‌ଲେ ନେଲ୍‌କେଦ୍‌କଆ, ମେନ୍‌ଦ ଦୁଆର୍ ନିଜ୍‌କେଦ୍‌ତେ ଭିତାର୍‌ରେ ଜେତାଏକେ କାଲେ ନାମ୍‌କେଦ୍‌କଆ ।” ୨୪ ମାନ୍‌ିର୍ ଅଡ଼ାଃ ହରକଆଃ ଗମ୍‌କେ ଆତଃ ମୁଲ୍ ଯାଜାକ୍ ବାରାନ୍‌କିନ୍ ନେ କାଜିକ ଆୟୁମ୍‌କେଦ୍‌ତେ ପ୍ରେରିତ୍ୱକଆଃ ଚିକ୍‌ନାଃ ହବାୟାନା ମେନ୍ତେ ଆକ୍ରାକାଅୟାନାକିନ୍ । ୨୫ ଇମ୍‌ତା ମିଆଁଦ୍ ହଡ୍ ହିଜୁଃକେଦ୍‌ତେ ଇନ୍‌କୁକେ ଉଦୁବାଦ୍‌କଆଏ, “ଆୟୁମେପେ, ଆପେ ଆନାରେ ଦହକାଦ୍‌କ ତାଇକେନ୍ ହତ୍‌କ, ମାନ୍‌ିର୍ ଅଡ଼ାଃରେ ତିଙ୍ଗୁକେଦ୍‌ତେ ହତ୍‌କକେ ଇଡୁକତାନାକ ।” ୨୬ ଏନ୍ତେ ଦାରଞ୍ଜାନ୍‌କଆଃ ଗମ୍‌କେ, ଦାରଞ୍ଜାନ୍‌କଲଃ ସେନ୍‌କେଦ୍‌ତେ ପ୍ରେରିତ୍ୱକକେ ଆତଃମିସା ଆଉକେଦ୍‌କଆକ । ମେନ୍‌ଦ ଇନ୍‌କୁକେ ଜାବାର୍‌ଜାସିତେ କାକ ଆଉକେଦ୍‌କଆ, ଚିୟାଃଚି ହତ୍‌କ ଦିରିତେକ ଚିଦ୍‌ଗିବୁଆ ମେନ୍ତେ ଇନ୍‌କୁ ହତ୍‌କକେ ବର ତାଇକେନାକ ।

୨୭ ଇନ୍‌କୁ ପ୍ରେରିତ୍ୱକକେ ଆଉକେଦ୍‌ତେ ମାରାଙ୍ଗ୍ ପାଞ୍ଚେଟ୍‌ରେ ତିଙ୍ଗୁକେଦ୍‌କଆକ, ଆତଃ ମାରାଙ୍ଗ୍ ଯାଜାକ୍ ଇନ୍‌କୁକେ କୁଲ୍‌କେଦ୍‌କଆ, ୨୮ \* “ଆଲେ ଆପେକେ ନେ ହଡ଼ରାଃ ନୁଡୁମ୍‌ତେ ଆଲ୍‌ପେ ଇଡୁକଆ ମେନ୍ତେ ପୁରାଃଗିଲେ ଆଚୁକାଦ୍‌ପେ

\* ୫:୨୮ ୫:୨୮ ମାଥ୍‌ଉ ୨୭:୨୫.

ତାଇକେନା, ମେନ୍ଦ ନେଲେପେ ଆପେ ଚିନାଃ ଚିକାକାଦାପେ, ଆପେ ଆପେୟାଃ  
ଇନିତୁରେ ଯାରୁଗାଲେମ୍ବରାଃ ଚାରିୟସାଃରେ ନିତିଚ୍ଚିକାଦାପେ ଆତଃ ଏନ୍ ହଡ଼ରାଃ  
ମାୟୋମ୍ ନାଗେନ୍ତେ ଆପେ ଆଲେକେ ଚିଟା ନାଗେନ୍ତେପେ ସାନାଙ୍ଗତାନା ।”

୨୯ ପାଡ଼ରାସ୍ ଆତଃ ଏଟାଃ ପ୍ରେରିତ୍ତକ କାଜିରୁହାଡ଼କେଦା, “ଆଲେ  
ପାର୍ମେଶ୍ଵାରକେ ମାନାତିଙ୍ଗ୍ ଲାଗାତିୟା, ହଡ଼କକେ କାହାଗି । ୩୦ ଆପେ  
ୟାଶୁକେ କ୍ରଗରେ କିଲାଗାଏଃକିଃ ତାୟମ୍ତେ ଆଗୁଆଃ ପୁରୁଖାହାଡ଼ାମ୍କଆଃ  
ପାର୍ମେଶ୍ଵାର୍, ଯାଶୁକେ ଗନ୍ଏଃହେତେ ଜାଉବିରିଦ୍‌କିୟାଏ । ୩୧ ଇସ୍ରାଏଲ୍‌ରେନ୍  
ହଡ଼କକେ ହେୟାତିଙ୍ଗ୍‌କେଦ୍‌ତେ ପାପ୍ ଛାମା ନାମେ ନାଗେନ୍ତେ ପାର୍ମେଶ୍ଵାର୍  
ଇନିଃକେ ଆଗୁଆଇ ଆତଃ ବାସ୍ତାଅନିଃ ଲେକା ଆୟାଃ ଜମ୍‌ତିସାଃରେ ଦହକିୟାଏ ।  
୩୨ ଆଲେ ନେ ସବେନ୍ କାଜିକରାଃ ଗାଞ୍ଜାକ ତାନ୍‌ଲେ ଆତଃ ପାର୍ମେଶ୍ଵାର୍, ଆୟାଃ  
ମାନାତିଙ୍ଗ୍‌ତାନ ହଡ଼କକେ ଏମାକାଦକ ପାବିତାର୍ ଆମ୍‌ହଗି ନେଆଁରାଃ ଗାଞ୍ଜାତାନିଃ  
।”

୩୩ ମାରାଙ୍ଗ୍ ପାଞ୍ଚେଟ୍‌ରେନ୍ ହଡ଼କ ନେ କାଜି ଆୟୁମ୍‌କେଦ୍‌ତି ପୁରାଃଗି ଖୁସ୍‌ୟାନାକ  
ଆତଃ ପ୍ରେରିତ୍ତକକେ ଗଗଏଃ ନାଙ୍ଗକ ସାନାଙ୍ଗକେଦା । ୩୪ ମେନ୍ଦ ଗମଲିଏଲ୍  
ନୁତୁମ୍ ମିଆଁଦ୍ ପାରୁଗା, ଇନିଃ ଆଇନ୍ ଇତୁନିଃ ଆତଃ ସବେନ୍ ହଡ଼କତାଃଏତେ  
ମାଇନ୍ ନାମେତାନ୍ ହଡ଼ ତାଇକେନାଏ । ଇନିଃ ପାଞ୍ଚେଟ୍‌ରେ ତିଙ୍ଗ୍‌କେଦ୍‌ତେ  
ପ୍ରେରିତ୍ତକକେ କାଟିଃ ପାଡ଼ିକାଦ୍ ବାହାରିତେ ଅତଙ୍ଗ୍‌କପେ ମେନ୍ତେ ଆରୁକେଦ୍‌କଆ  
। ୩୫ ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡ଼କ, ଆପେ  
ନେ ହଡ଼କକେ ଚିକ୍‌ନାଃ ଚିକାନାଙ୍ଗ୍ ସେନ୍‌ତାନାପେ ଏନ୍ ବିଷାଏରେ ଚିଗାଲ୍‌କାନ୍‌ପେ  
। ୩୬ ଚିୟାଃଚି ଚିମିନ୍ ମାହାଁ ସିଦାରେ ଥଉଦା ନୁତୁମ୍ ମିଆଁଦ୍ ହଡ଼ ବିରିଦ୍‌ୟାନାଏ ଆତଃ  
ଆଇଙ୍ଗ୍ ମାରାଙ୍ଗ୍ ହଡ଼ ତାନିଙ୍ଗ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍‌ଗାଆ  
ଲେକା ହଡ଼କ ମେସାୟାନା । ମେନ୍ଦ ଇନିଃ ଗଏଃୟାନ୍ତେ, ଇନିଃକେ ଅତଙ୍ଗ୍‌ଇତାନ୍  
ସବେନ୍‌କ ଛିତିବିତିୟାନାକ ଆତଃ ଆୟାଃ ଝୁଣ୍ଟ୍ ଜିୟନ୍‌ୟାନା । ୩୭ ଇନିୟାଃ  
ତାୟମ୍‌ତେ, ଗାଲିଲ୍‌ରେନ୍ ଯିହୁଦା ନୁତୁମ୍ ମିଆଁଦ୍ ହଡ଼, ନୁତୁମ୍ ଅଲ୍ ଦିପିଲିରେ  
ବିରିଦ୍‌ୟାନାଏ ଆତଃ ପୁରାଃ ହଡ଼କ ଇନିଃକେ ଅତଙ୍ଗ୍‌କିୟାକ ମେନ୍ଦ ଇନିଃକେହ୍  
ଗଏଃକିୟାକ, ଏନ୍ତେ ଇନିଃକେ ଅତଙ୍ଗ୍‌ଇତାନ୍ ସବେନ୍‌କ ଛିତିବିତିୟାନାକ । ୩୮ ଆତଃ  
ନାଆଃଦଇଙ୍ଗ୍ କାଜିୟାପେତାନା, ନେ ହଡ଼କକେ ଜେଡ୍‌ନାଃ କା ରିକାକେଦ୍‌ତେ  
ବାଗିତାକୁପେ ଆତଃ ଇନ୍‌କୁକେ ସେନ୍ ଇତିକୁପେ ଚିୟାଃଚି ଇନ୍‌କୁଆଃ କାମି ଚାଏ  
ଉଦେଶ୍ ହଡ଼କଆଃ ସାଃଏତେ ତାନାଃରେଦ୍ ଏନା ଜିୟନ୍‌ଆ । ୩୯ ମେନ୍ଦ ଏନା  
ପାର୍ମେଶ୍ଵାର୍ ସାଃଏତେ ହବାଅଃତାନ୍‌ରେଦ୍, ଆପେ ଇନ୍‌କୁକେ କାପେ ହାରାଆ  
ଦାଡ଼ିୟା, କା'ରେଦ୍ ଆପେ ପାର୍ମେଶ୍ଵାର୍‌ଲଃ ଲାଡ଼ାଇତାନ୍ ଲେକାପେ ଆଟ୍‌କାରଃଆ  
।”

ଏନ୍ତେ ମାରାଙ୍ଗ୍ ପାଞ୍ଚେଟ୍‌ରେନ୍ ହଡ଼କ ଗମଲିଏଲ୍‌ଆଃ ଆନାରୁକ୍ ଆୟୁମ୍‌କେଦା  
। ୪୦ ଇନ୍‌କୁ ପ୍ରେରିତ୍ତକକେ ହାକାଅକେଦ୍‌ତେ କୋରତାତେ ହାଁଶ୍‌ସାକୁତାନ୍‌ଲଃ  
ୟାଶୁଆଃ ନୁତୁମ୍‌ତେ ଆଲ୍‌ପେ କାଜିୟା ମେନ୍ତେ ଆରୁକେଦ୍‌କଆକ ଆତଃ ଇନ୍‌କୁକେ  
ବାଗିକେଦ୍‌କଆକ । ୪୧ ଏନ୍ତେ ପାର୍ମେଶ୍ଵାରାଃ ନେପେଲ୍‌ରେ ଇନ୍‌କୁ ଯାଶୁଆଃ ନୁତୁମ୍  
ନାଗେନ୍ତେ ହିଲାଙ୍ଗ୍‌ଅଃଲେକାକ ଆଟ୍‌କାର୍‌ୟାନା ମେନ୍ତେ ରାସ୍‌କାଅଃତାନ୍‌ଲଃ ମାରାଙ୍ଗ୍  
ପାଞ୍ଚେଟ୍‌ଏତେ ସେନଃୟାନାକ । ୪୨ ଆତଃ ଇନ୍‌କୁ ସବେନ୍ ହୁଲାଙ୍ଗ୍ ମାନ୍‌ଦ୍ ଅଡ଼ାଃରେ  
ଆତଃ ହଡ଼କଆଃ ଅଡ଼ାଃରେ ଯାଶୁ, ମାସି ତାନିଃ ମେନ୍ତେ ଇତୁତାନ୍‌ଲଃ ନେ ସୁକୁକାଜି  
ଉଦୁବ୍ ନାଙ୍ଗ୍ କାକ ବାଗିକେଦା ।



ଏୟା\* ଝାନ୍ ଦେଞ୍ଜାତାନକ

୧ ଚିମିନ୍ ମାହାଁ ତାୟମ୍‌ତେ ଚେଲ୍‌କ ପୁରାଃ ପସାଅଃତାଇକେନ୍‌ରେ ଗ୍ରୀକ୍ ଜାଗାର୍‌ତାନ୍ ଯିହୁଦୀକ, ଏବ୍ରୀ ଜାଗାର୍‌ତାନ୍ ଯୀହୁଦିକଲଃ ଏପୁରାଙ୍ଗୟାନାକ, ଚିୟାଃତି ଇନ୍‌କୁ ସବେନ୍ ହୁଲାଙ୍ଗରାଃ ଲାଗାତିଙ୍ଗ୍‌ତେୟାଃ ହାଟିଙ୍ଗ୍‌ରେ ରାଣ୍ଡିକୁଡ଼ିକକେ ସୁସାର୍ ନାଗେନ୍ତେ କାକ ଧ୍ୟାନ୍‌କେଦକଆ । ୨ ଏନାମେନ୍ତେ ଗେଲ୍‌ବାର୍ ପ୍ରେରିତ୍‌କ ଆକଆଃ ଝୁଣ୍ଡରେନ୍ ସବେନ୍ ବିଶ୍ୱାସୀକକେ କେଡ଼ା ହୁଣ୍ଡିକେଦ୍‌ତେ ମେତାଦକଆକ, “ଆଲେ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବ୍ ବାଗିକେଦ୍‌ତେ, ଇନ୍‌କୁଆଃ ସୁସାର୍‌ରେ ତାଇନାଲେ, ନେଆଁଦ କା ବୁଗିନାଃ । ୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏମାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍ବା ଆତଃ ସେଣ୍‌ତେ ପେରେଜାକାନ୍ ଏୟାଝାନ୍ ମାଇନାନ୍ ହଡ଼କକେ ସାଲାକୁପେ । ୪ ଏନ୍ତେ ଆଲେ ବିନ୍ତି ଆତଃ ସେଞ୍ଜାକାମିରେ ପୁରା ସାମାଏଲେ ବିତାଅୟା ।”

୫ ପ୍ରେରିତ୍‌କଆଃ ନେ କାଜିରେ ସବେନ୍‌କ ସୁକୁୟାନାକ ଆତଃ ଇନ୍‌କୁ ବିଶ୍ୱାସ୍ ଆତଃ ପାବିତାର୍ ଆମ୍ବାତେ ପେରେଜାକାନ୍ ସ୍ତ୍ରୀମାନ୍ ନୁତୁମ୍ ମିଆଁଦ୍ ହଡ଼, ଆତଃ ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମିନା, ଆନ୍ତିୟୋଖରେନ୍ ସାଅଁସାର୍ ହଡ଼ ନିକଲାସ୍ ଅକଏତି ତାୟମ୍‌ତେ ଯିହୁଦୀ ଧାରାମ୍‌ରେ ମେସାୟାନା, ନେ ସବେନ୍‌କକେ ସାଲାକେଦକଆକ । ୬ ଇନ୍‌କୁକେ ପ୍ରେରିତ୍‌କଆଃ ସାମ୍‌ନାଙ୍ଗ୍‌ରେକ ତିଙ୍ଗ୍‌କେଦକଆ ଆତଃ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦ୍‌ତେ ବିନ୍ତିକେଦାକ । ୭ ନେ ଲେକାତେ ପାର୍‌ମେଶ୍ୱାର୍‌ଆଃ ବାଚାନ୍ ପାସାର୍‌ଅଇଦିୟାନା ଆତଃ ଯୀରୁଶାଲେମ୍‌ରେ ଜାଲ୍‌ଦିଗି ଚେଲ୍‌କଆଃ ଲେକାରେ ପୁରାଃ ଆଦକାଇଦିୟାନା ଆତଃ ଯାଜାକ୍ କଏତେ ପୁରାଃ ହଡ଼କ, ଏନ୍ ବିଶ୍ୱାସକ ମାନାତିଙ୍ଗ୍‌କେଦା ।

ସ୍ତ୍ରୀମାନ୍ ସାନାବ୍‌ୟାନାଏ

୮ ପାର୍‌ମେଶ୍ୱାର୍‌ତାଃଏତେ ପୁରାଃ ଆଶିଷ୍ ନାମ୍‌କେଦ୍‌ତେ ସ୍ତ୍ରୀମାନ୍ ପେଡ଼େଃତେ ପେରେଃୟାନାଏ ଆତଃ ହଡ଼କଆଃ ଆଲାରେ ପୁରାଃ ପେଡ଼େୟାନ୍ କାମି ଆତଃ ଆକ୍‌ଦାନ୍‌ଆ କାମିକ ରିକାତାଇକେନାଏ । ୯ ମେନ୍‌ଦ କୁରିନି ଆତଃ ଆଲେକ୍‌ଜାଣ୍ଡିଆ ନାଗାର୍‌ରେ ଦାସିୟେତେ ରାଡ଼ାକାନ୍ ଯୀହୁଦିକକେ ଇଦିକେଦ୍‌ତେ ବାଇୟାକାନ୍ ସାମାଜ୍ ଅଡ଼ାଃରେନ୍ ଚିମିନ୍ ହଡ଼କ ସ୍ତ୍ରୀମାନ୍‌ଆଃ ବିରୁଧ୍‌ରେ କାଜିକେଦାକ । ଇନ୍‌କୁ ଆତଃ କିଲିକିଆରେନ୍, ଆତଃ ଏସିଆରେନ୍ ଚିମିନ୍ ଯିହୁଦୀକ ବିରିଦକେଦ୍‌ତେ ସ୍ତ୍ରୀମାନ୍‌ଲଃ ଏପେରାଙ୍ଗ୍ ଏଟେଦକେଦାକ । ୧୦ ମେନ୍‌ଦ ପାବିତାର୍ ଆମ୍ବା ସ୍ତ୍ରୀମାନ୍‌କେ ଏମାକାଇ ସେଣ୍‌ତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଜେଡ଼ନାଃ କାକ କାଜି ଦାଡ଼ିୟାନା । ୧୧ ଏନ୍ତେ “ଆଲେ ସ୍ତ୍ରୀମାନ୍‌କେ ମୁଣା ଆତଃ ପାର୍‌ମେଶ୍ୱାର୍‌ଆଃ ବିରୁଧ୍‌ରେ ନିନ୍ଦା କାଜିତାନ୍‌ଲେ ଆୟୁମ୍‌କିୟା” ନେଆଁ କାଜିପେ ମେନ୍ତେ ଇନ୍‌କୁ ଚିମିନ୍ ହଡ଼କକେ ଟାକା ପାଏସା ଏମ୍‌କେଦ୍‌ତେ ଉସ୍‌କୁରକେଦକଆକ । ୧୨ ନେଲେକାତେ ଇନ୍‌କୁ ହଡ଼କକେ, ପ୍ରାତିନ୍‌କକେ, ଆତଃ ଆଇନ୍ ଇଡ଼କକେ ଉସ୍‌କୁରକେଦ୍‌ତେ ଇନିଃକେ ସାଦକିୟାକ ଆତଃ ପାଞ୍ଚେର୍‌ତେକ ଇଦିକିୟା । ୧୩ ଏନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଚିମିନ୍ ହସଡ଼ ଗାଞ୍ଜାକକେ ତିଙ୍ଗ୍‌କେଦକଆକ, ଅକନ୍‌କଟି, “ନେ ହଡ଼ ସବେନ୍ ଇମ୍‌ତା ଆବୁଆଃ ପାବିତାର୍ ମାହିର୍ ଆତଃ ମୁଣାରାଃ ଆନ୍‌ରୁ ବିରୁଧ୍‌ରେ ହିଲାଙ୍ଗ୍‌କାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ । ୧୪ ଚିୟାଃତି ଆଲେ, ନାଜ୍‌ରେଡ଼ରେନ୍ ଯୀଶୁକେ ନେ ମାହିର୍ ଅଡ଼ାଃକେ ଜିୟନେଆ ଆତଃ ମୁଣା ଏମାକାଦ୍‌ରୁ ରିଡିରିଞ୍ଜାଜ୍‌କେ ବାଦ୍‌ଲାଅୟାଏ ମେନ୍ତେ ନେ ହଡ଼କେ କାଜିତାନ୍‌ଲେ ଆୟୁମ୍‌କିୟା । ୧୫ ଇମ୍‌ତା

\* ୨: ୨:୧ ସାଡ଼

ପାଞ୍ଚେଟ୍‌ରେ ଦୁବାକାନ୍ ସବେନ୍ ହଡ଼କ ଇନିଃକେ ମିଦ୍‌ଜିଟ୍‌ରେ ନେଲ୍‌କିୟାକ ଆଡ଼ଃ ଇନିୟାଃ ମେଦ୍‌ମୁହାଁଡ଼୍, ଦୁଁଡ଼୍‌ଆଃ ମେଦ୍‌ମୁହାଁଡ଼୍, ଲେକାକ ନେଲ୍‌କେଦା ।



ସ୍ତ୍ରୀମାନୁଆଃ କାଜି

୧ ଏନ୍ତେ ମାରାଙ୍ଗ୍ ଯାଜାକ୍ ସ୍ତ୍ରୀମାନୁକେ କୁଲିକିୟାଏ, “ତିୟାଃ ନେ କାଜିକ ସାର୍‌ତି କାଜିତାନାଃଟି ?”

୨ ସ୍ତ୍ରୀମାନୁ କାଜିରୁହାଡ଼କିୟାଏ, “ହେ ହାଗାକ ଆଡ଼ଃ ଆପୁକ ଆୟୁମେପେ ! ଆରୁଆଃ ପୁରଖା ଆପୁ ଆବ୍ରାହାମ୍ ହାରାନ୍ ସାହାରରେ ତାଇନଃ ସିଦାରେ, ମାନାରାଙ୍ଗ୍‌ରେନ୍ ପାର୍‌ମେଶ୍‌ୱାର୍ ମେସପଟାମିଆରେ ଇନିଃକେ ଦାର୍‌ଶାନ୍ ଏମ୍‌କିୟାଏ, ୩ ଆଡ଼ଃ ଇନିଃକେ କାଜିକିୟାଏ, ‘ଆମାଃ ଅଡ଼ାଃରେନକକେ ଆଡ଼ଃ ଦିଶୁମ୍‌କେ ବାଗିକେଦତେ ଆଇଙ୍ଗ୍ ଉଦୁବାମେ ଦିଶୁମ୍‌କେ ସେନଃମେ ।’ ୪ ଏନ୍ତେ ଇନିଃ ଆୟାଃ ଦିଶୁମ୍ କଲ୍‌ଦିୟାଏତେ ଅଡ଼ଙ୍ଗ୍‌କେଦତେ ହାରାନ୍ ଦିଶୁମ୍‌ରେ ତାଇନଃ ନାଗେନ୍ତେ ସେନଃୟାନା, ଆଡ଼ଃ ଆବ୍ରାହାମ୍‌ଆଃ ଆପୁତେ ଗଏଃୟାନ୍‌ତି ନାହାଁଃ ଆପେ ଅକନ୍ ଦିଶୁମ୍‌ରେ ତାଇନଃତାନାପେ, ଏନ୍ ଦିଶୁମ୍‌କେ ପାର୍‌ମେଶ୍‌ୱାର୍ ଇନିଃକେ ଆଉକିୟାଏ । ୫ ଇମ୍‌ତା ପାର୍‌ମେଶ୍‌ୱାର୍ ଆବ୍ରାହାମ୍‌କେ ଏନ୍ ଦିଶୁମ୍‌ରେ ଜେତାନ୍ ହାନାଟିଙ୍ଗ୍ କାଏ ଏମ୍‌କିୟା, ଅତେରାଃ ମିଦ୍‌ତାଣ୍ଡାଙ୍ଗ୍‌ହ୍ କାଏ ଏମ୍‌କିୟା, ମେନ୍‌ଦ ଇନିୟାଃ ହନ୍‌ଗାଁଣା କାକ ତାଇକେନ୍‌ରେୟ ପାର୍‌ମେଶ୍‌ୱାର୍ ଇନିଃକେ ଆଡ଼ଃ ଆୟାଃ ହିଜୁଃତାନ୍ ପିଜିରେନକକେ ଏନ୍ ଦିଶୁମ୍‌କେ ଆକ୍‌ତେୟାରରେ ନାଙ୍ଗ୍ ଏମାପେୟାଈଙ୍ଗ୍ ମେନ୍ତେ ବାନାର୍‌ସା ଏମାକାଦ୍ ତାଇକେନାଏ । ୬ ପାର୍‌ମେଶ୍‌ୱାର୍ ନେ’ଲେକାଏ କାଜିକାଜ ତାଇକେନା, ‘ଆମାଃ ହନ୍‌ଗାଁଣାକ ଦାସିୟାଆ ଆଡ଼ଃ ଏଗାଃ ଦିଶୁମ୍‌ରେକ ତାଇନା ଏନ୍ତେ ଉପୁନ୍\* ଶାଅ ସିର୍ମା ପୁରାଃଗିକ ସିଗିଦଃଆ । ୭ ମେନ୍‌ଦ ଇନ୍‌କୁ ଅକ ହଡ଼କଆଃ ସେଝା ରିକାକଆକ, ଆଇଙ୍ଗ୍ ଏନ୍ ହଡ଼କଆଃ ବିଚାର୍ ରିକାଏୟାଈଙ୍ଗ୍, ଏନ୍‌ତାୟମ୍‌କେ ଆପେୟାଃ କିଲିକ ଏନ୍ ଦିଶୁମ୍‌ଏତେକ ଅଡ଼ଙ୍ଗ୍‌ଆଁ ଆଡ଼ଃ ନେ ଠାୟାଦ୍‌ରେ ଆଇଁୟାଃ ସେଝା ରିକାଏୟାକ ।’ ମେନ୍ତେ ପାର୍‌ମେଶ୍‌ୱାର୍ କାଜିକେଦାଏ । ୮ ଏନ୍ତେ ପାର୍‌ମେଶ୍‌ୱାର୍, ଆବ୍ରାହାମ୍‌ଲଃ ମିଆଁଦ୍ ରାଜିନାମାରେୟାଃ ଚିହ୍ନାଁ ଲେକା ଖାଡ଼ନାଅରେୟାଃ ଆନ୍‌ରୁ ତଲ୍‌କେଦା । ଏନାତେ ଆବ୍ରାହାମ୍, ଆୟାଃ ହନ୍ ଇସାକ୍‌ଆଃ ଜାନାମ୍‌ରେୟାଃ ମିଦ୍ ହାପ୍ତା ତାୟମ୍‌କେ ଆବ୍ରାହାମ୍ ଇନିଃକେ ଖାଡ଼ନାଅକିୟାଏ, ଇସାକ୍‌ଆୟାଃ ହନ୍ ଯାକୁବ୍‌କେ ଆଡ଼ଃ ଯାକୁବ୍‌ଆୟାଃ ଗେଲ୍‌ବାର୍‌† ହନ୍‌କକେ ଖାଡ଼ନାଅକେଦକଆ, ଅକନ୍‌କଟି ଆରୁଆଃ ପୁରଖା ହାଡ଼ାମ୍‌କତାନ୍‌କ ।

୯ “ଯାକୁବ୍‌ଆଃ ହନ୍‌କ ଆକଆଃ ହାଗା ଯୋଷେଫ୍‌କେ ହିସ୍‌ଜାକିୟାକ ଆଡ଼ଃ ଇନିଃକେ ମିସାର୍ ଦିଶୁମ୍‌କେ ଦାସିୟାଃ ନାଗେନ୍ତେ ଆଖ୍‌ରିଙ୍ଗ୍‌କିୟାକ । ମେନ୍‌ଦ ପାର୍‌ମେଶ୍‌ୱାର୍ ଇନିଃକେ ତାଇକେନା, ୧୦ ଆଡ଼ଃ ସବେନ୍ ଦୁକୁ ହାସ୍‌ଏତେ ଇନିଃକେ ସୁତୁଃ ଆଉକିୟାଏ । ତିମ୍‌ତା ଯୋଷେଫ୍ ମିସାର୍ ଦିଶୁମ୍‌ରେନ୍ ଫାରୋ ରାଜାରାଃ ହେପାଦ୍‌କେ ହିଜୁଃୟାନା, ଇମ୍‌ତା ପାର୍‌ମେଶ୍‌ୱାର୍ ଇନିଃକେ ସୁକୁଆନ୍ ତାଇଲ୍ ତାଲାନୁ ଆଡ଼ଃ ସେଣାଁ ଏମ୍‌କିୟାଏ, ଆଡ଼ଃ ରାଜା, ଯୋଷେଫ୍‌କେ ମିସାର୍ ଦିଶୁମ୍‌ରେୟାଃ ତାଲାନୁନିଃ ଆଡ଼ଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଇକିୟା । ୧୧ ଏନ୍ତେ ଗଟା ମିସାର୍ ଆଡ଼ଃ କିନାନ୍ ଦିଶୁମ୍‌ରେ ରିଙ୍ଗାୟାନ୍‌କେ ହଡ଼କ ପୁରାଃ ଦୁକୁ ସାହାତିଙ୍ଗ୍‌କେଦାକ । ଆରୁଆଃ ପୁରଖା ହାଡ଼ାମ୍‌କ ଜେତାନ୍ ଜମେୟାଃ କାକ ନାମ୍ ଦାଡ଼ିକେଦା । ୧୨ ମେନ୍‌ଦ ଯାକୁବ୍ ମିସାର୍‌ରେ ଜମେୟାଃ ନାମଃତାନା ମେନ୍ତେ ଆୟୁମ୍‌କେଦତେ, ଆୟାଃ ହନ୍‌କ, ଅକନ୍‌କଟି ଆରୁଆଃ ପୁରଖାହାଡ଼ାମ୍ ହଡ଼କ

\* ୭:୬ ୭:୭ ଗଇର୍ † ୭:୮ ୭:୮ ବରା

ତାଙ୍କ, ଇନକୁକେ ପାହିଲାତେ ମିସାର ଦିଶୁମତେ କୁଲକେଦକଆ । ୧୩ ମିସାରତେ ଇନକୁ ବାରିଆତେ ସେନକେନାକ ଇମତା ଯୋଷେଫ୍ ଆୟାଃ ହାଗାକତାଃରେ ନେପେଲ୍ ଉପୁରୁମ୍‌ୟାନା ଆତଃ ମିସାରରେନ୍ ରାଜା ଫାରୋ ଯୋଷେଫ୍‌ଆଃ ଅଡ଼ାଃରେନକଆଃ ବିଷାଏରେ ସାରିୟାନା । ୧୪ ଏନ୍ତେ ଯୋଷେଫ୍ ଆୟାଃଆପୁ ଯାକୁବ୍ ଆତଃ ଆୟାଃ ଅଡ଼ାଃରେନ୍ ସବେନକକେ ମିସାରତେ କେଡ଼ାକେଦକଆ, ଇନକୁ ଆପିହିସିଃ ଗେଲମଣେୟାଃ ହଡ଼କ ତାଇକେନା । ୧୫ ଏନ୍ତେ ଯାକୁବ୍ ମିସାରତେ ସେନଃୟାନା, ଏଡ଼ାଃରେ ଆଇଃକ ଆତଃ ଆୟାଃ ହନ୍‌କ ଗଏଃୟାନା । ୧୬ ଇନକୁଆଃ ଗଏଃ ହଡ଼ମକେ ଶିଖ୍‌ମତେକ ଇଦିକେଦା ଆତଃ ଆବ୍ରାହାମ୍, ହାମର୍ ହଡ଼କତାଃଏତେ କିରିଙ୍ଗକାଦ୍ ତପାଗାଡ଼ାରେ ଇନକୁକେ ତପାକେଦକଆ ।

୧୭ “ପାର୍‌ମେଶ୍‌ବାର୍ ଆବ୍ରାହାମକେ ଅକନ୍ ବାନାର୍‌ସା ଏମାକାଇ ତାଇକେନାଏ, ଏନା ପୁରାଅଃରେୟାଃ ଦିପିଲି ନାଡ଼େଃୟାନ୍‌ତି ଆରୁଆଃ ହଡ଼କ ମିସାର ଦିଶୁମତେ ପୁରାଃଗିକ ପସାୟାନା । ୧୮ ଚୁଶ୍‌ତୁର ଯୋଷେଫ୍ ବିଷାଏରେ କାଏ ସାରିତାନ୍ ମିଆଁଦ୍ ରାଜା ମିସାର ଦିଶୁମତେ ରାଇଜକେଦା । ୧୯ ଇନିଃ ଆରୁଆଃ ପୁରୁଷା ହାଡ଼ାମକକେ ପୁରାଃଗି ସାସାତିକେଦତେ ସିଗିଦକେଦକଆ ଆତଃ ଇନକୁଆଃ ବାଲେଃହନ୍‌କ ଆଲକାକ ଜୀହୁଦଃକା ମେନ୍ତେ ଇନକୁକେ ଏଣ୍ଡାଃରିକାକେଦକଆ । ୨୦ ଏନ୍ ଦିପିଲିରେ ମୁଶା ଜାନାମୟାନାଏ, ଇନିଃ ପାର୍‌ମେଶ୍‌ବାର୍ ନେପେଲ୍‌ରେ ପୁରାଃ ସୁଗାଡ଼ାନ୍‌ଗି ତାଇକେନା । ଇନିଃ ଆପି ମାହିନା ଆପୁତେୟାଃ ଅଡ଼ାଃରେ ଆସୁଲ୍‌ୟାନା, ୨୧ ଆତଃ ଏନ୍ ହନ୍‌କେ ଅଡ଼ାଃଏତେ ବାହାରିରେକ ଦହକିୟା ଇମତା, ଫାରୋରାଃ ହନ୍ତେକୁଡ଼ି ଇନିଃକେ ନାମକେଦତେ ଆୟାଃ ହନ୍ ଲେକାଏ ଆସୁଲ୍‌କିୟା । ୨୨ ଆତଃ ମୁଶା ମିସାରରେନ୍ ସବେନ୍ ହଡ଼କଆଃ ସେଣ୍ଡାତେ ଇଡୁୟାନା ଆତଃ ଆୟାଃ କାଜି କାମିରେ ପୁରାଃଗି ମାରାଙ୍ଗ୍ ହଡ଼ ହବାୟାନାଏ ।

୨୩ “ମୁଶା ବାର୍‌ହିସି\* ବାରାଷ୍‌ରେନ୍ ହବାୟାନାଏ, ଇମତା ଇନିଃ ଆୟାଃ ଇସ୍ରାଏଲ୍‌ରେନ୍ ହାଗାକକେ ମିସାରରେନ୍ ହଡ଼କ ଚିଲ୍‌କାକ ନେଲ୍‌କତାନା, ଏନା ସାରିନାମ୍ ନାଗେନ୍ତେ ମନ୍‌ସୁରୁଦ୍‌ରେ ଉହାଟକେଦା । ୨୪ ଇନିଃ ଇନକୁଏତେ ମିହୁଡ଼ନିଃକେ ଅନ୍ୟାୟ୍ ରିକାଇତାନ୍ ନେଲ୍‌କିଃତେ ଦେଙ୍ଗାଇ ନାଙ୍ଗ୍ ମିସାରରେନ୍ ହଡ଼କେ ବାଦ୍‌ଲା ଇଦିତାନ୍‌ଲଃ ଇନିଃକେ ଗଏଃକିୟା । ୨୫ ଆୟାଃ ହରାତେ ଆୟାଃ ହଡ଼କକେ ବାଞ୍ଛାଅକ ନାଗେନ୍ତେ ପାର୍‌ମେଶ୍‌ବାର୍ ଆଇଃକକେ ବେଭାରିତାନା, ଏନା ଇନକୁ ଆଟ୍‌କାର୍ ଉରୁମେକାକ ମେନ୍ତେ ଇନିଃ ଉଡ଼ଃକେଦାଏ, ମେନ୍‌ଦ ଇନକୁ ଏନା କାକ ଆଟ୍‌କାର୍ ଉରୁମକେଦା । ୨୬ ଇନିଃ ଏଗାଃ ହୁଲାଇ ବାର୍‌ହଡ଼ ଇସ୍ରାଏଲ୍ ହଡ଼କିନ୍‌କେ ଲାପ୍‌ଡ଼ାଇତାନ୍ ନେଲ୍‌କେଦକିନାଏ, ଆତଃ ଏନ୍ ବାରାନ୍‌କିନ୍ ମେସାଅଃକାକିନ୍ ମେନ୍ତେ ସାନାଙ୍ଗ୍‌ତାନ୍‌ଲଃ କାଜିକେଦକିନାଏ, ‘ଆୟୁମେବେନ୍, ଆବେନ୍ ବାରାନ୍‌କିନ୍ ହାଗାତାନ୍‌ବେନ୍ ଚିନାଃମେନ୍ତେବେନ୍ ଲାପ୍‌ଡ଼ାଇତାନା ?’ ୨୭ ମେନ୍‌ଦ୍ ଅକନ୍ ହଡ଼ ଏଗାଃ ମିହୁଡ଼କେ ଅନ୍ୟାୟ୍ ରିକାଇ ତାଇକେନାଏ, ଇନିଃ ମୁଶାକେ ଇଲିଙ୍ଗକେଦତେ କୁଲିକିୟା, ‘ଆଲିଙ୍ଗିୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ଅକଏ ଆମକେ ସାଲାକାଦ୍‌ମେୟା ?’ ୨୮ ‘ହଲା ଏନ୍ ମିସାରରେନ୍ ହଡ଼କେମ୍ ଗଏଃକିଃ ଲେକା ଆମ୍ ଚିନାଃ ଆଇଙ୍ଗକେ ଗଗଏଃ ସାନାଙ୍ଗ୍‌ତାନାମ୍ ?’ ୨୯ ମୁଶା ଏନ୍ କାଜି ଆୟୁମକେଦତେ, ମିସାର ଦିଶୁମତେ ନିର୍‌ୟାନା ଆତଃ ମିଦିୟନ୍ ଦିଶୁମତେ ତାଇନ୍‌ୟାନା । ଏଡ଼ାଃରେ ଆୟାଃ ବାରିଆ ହନ୍‌କିନ୍ ଜାନାମୟାନା ।

୩୦ “ବାର୍‌ହିସି ବାରାଷ୍ ପୁରାୟାନ୍ ତାୟମତେ, ସିନାଇ ବୁରୁ ହେପାଦ୍‌ରେୟାଃ ବିର୍‌ରେ ପାର୍‌ମେଶ୍‌ବାର୍‌ଆଃ ମିଆଁଦ୍ ଦୁଡ଼୍ ଚୁପାଦ୍‌ରାଃ ସେଙ୍ଗେଲ୍ ଜୁନୁଲ୍‌ରେ ମୁଶାତାଃରେ ଉଦୁବେନ୍‌ୟାନା । ୩୧ ମୁଶା ଏନା ନେଲ୍‌କେଦତେ ପୁରାଃଗି

‡ ୨:୧୪ ୨:୧୪ ଷାଠିଏ § ୨:୧୪ ୨:୧୪ ପାନ୍‌ରା \* ୨:୨୩ ୨:୨୩ ଚାଲିଙ୍ଗ୍



ହାଏକାବ୍ୟୟନା ଆତଃ ଇନିଃ ବୁଗିଲେକା ନେଲେ ନାଗେନ୍ତେ ରୁପାଦ୍ ନାଡ଼େଃତେ ସେନଃୟନା । ମେନ୍ଦ୍ ଇନିଃ ପ୍ରାଭୁଆଃ ଲାଦ୍‌ନା ଆୟୁମ୍‌କେଦାଏ, ୩୨ ‘ଆଇଙ୍ଗ୍ ଆପେୟାଃ ପୁରଖା ହାଡ଼ାମ୍ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାରମେଶ୍ୱାର୍ ତାନିଙ୍ଗ୍ ।’ ମୁଣା ବରତେ ଏକ୍‌ଲାଅୟନା ଆତଃ ନେଲ୍ ନାଗେନ୍ତେ କାଏ ସାହାସ୍‌କେଦା । ୩୩ ପ୍ରାଭୁ ଇନିଃକେ କାଜିକିୟା, ‘ଖାର୍‌ପାତାମାଃ ହଲେଜେମେ, ଚିୟାଃତି ଆମ୍ ତିଙ୍ଗୁଆକାନ୍ ଠାୟାଦ୍ ପାବିତାର୍ ଅତେ ତାନାଃ । ୩୪ ଆଇଙ୍ଗ୍ ମିସାର୍‌ରେ ଆଇଁୟାଃ ହଡ଼କଆଃ ସାସାତିକଇଙ୍ଗ୍ ନେଲାକାଦା । ଇନ୍‌କୁଆଃ ରାଆଃ ଗେରାଙ୍ଗ୍‌କଇଙ୍ଗ୍ ଆୟୁମ୍‌କାଦା ଆତଃ ଇନ୍‌କୁକେ ତନଲ୍‌ଦାସିଏତେ ରାଡ଼ାକ ନାଗେନ୍ତେଇଙ୍ଗ୍ ଆଡ଼ଗୁଆକାନା । ନାହାଃ ହିଜୁଃମେ, ଆଇଙ୍ଗ୍ ଆମ୍‌କେ ମିସାର୍‌ତେଇଙ୍ଗ୍ କୁଲ୍‌ମେୟା ।’

୩୫ “ଅକଏ ଆମ୍‌କେ ଆଲେୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ସାଲାକାଦମାଏ ?’ ମେନ୍ତେକ କୁଲିକାଇ ଏନ୍ ମୁଣାଗି ଇସ୍ରାଏଲ୍ ହଡ଼କତାଃଏତେ ହିଲାଙ୍ଗ୍‌କାନ୍ ତାଇକେନା । ଇନିଃକେ ପାରମେଶ୍ୱାର୍ ରୁପାଦ୍‌ରାଃ ସେଲେଲ୍ ଜୁନୁଲ୍‌ତେ ଉଦୁବାକାନ୍ ଦୁଁଡ଼ଆଃ ଦେଙ୍ଗାତେ ହଡ଼କଆଃ ହାକିମ୍ ଆତଃ ଇନ୍‌କୁକେ ତନଲ୍‌ଏତେ ରାଡ଼ାକ ନାଗେନ୍ତେ କୁଲ୍‌କିୟା । ୩୬ ଇନିଃ ମିସାର୍‌ରେ ଆତଃ ସୁୟ୍‌ ଦରେୟାରେ ପୁରାଃ ଆକଦାୟା କାମିକ କାମିକେଦ୍‌ତେ ହଡ଼କକେ ମିସାର୍ ଦିଶ୍ଟମ୍‌ଏତେ ଅଡ଼ଙ୍ଗ୍‌କେଦକଆ, ଆତଃ ବାର୍‌ହିସି ବାରାଷ୍ ଜାକେଦ୍ ବିର୍‌ରେ ସୁଡୁଃ ଆଉକେଦକଆ । ୩୭ ମୁଣା ଆଇଃକ୍‌ଗି ଇସ୍ରାଏଲ୍‌ରେନ୍ ହଡ଼କକେ କାଜିୟାଦକଆ, ‘ପାରମେଶ୍ୱାର୍ ଆଇଙ୍ଗ୍‌କେ କୁଲାକାଦିଙ୍ଗ୍ ଲେକାଗି, ଆପେତାଃତେ ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହଡ଼କଏତେ ମିହୁଡ଼୍ ହବାଅଃଆଏ ।’ ୩୮ ଏନ୍ ମୁଣାଗି ବିର୍‌ରେ ହୁଣ୍ଡିୟାକାନ୍ ଇସ୍ରାଏଲ୍ ହଡ଼କଲଃ ତାଇକେନାଏ । ଇନିଃ ସିନାଇ ବୁରୁରେ ଆବୁଆଃ ପୁରଖା ହାଡ଼ାମ୍‌କଲଃ ଆତଃ ଇନ୍‌କୁଲଃ ଜାଗାର୍‌ତାନ୍ ଦୁଁଡ଼ଲଃ ତାଇକେନାଏ ଆତଃ ଆବୁତାଃରେ ଉଦୁବେ ନାଗେନ୍ତେ ଇନିଃ ପାରମେଶ୍ୱାର୍‌ତାଃଏତେ ଜାନିଦ୍ ବାଚାନ୍ ତେଲାକେଦାଏ ।

୩୯ “ମେନ୍ଦ୍ ଆବୁଆଃ ପୁରଖା ହାଡ଼ାମ୍‌କ ଇନିଃକେ କାକ ମାନାଡ଼ିଙ୍ଗ୍‌କେନା, ଇନ୍‌କୁ ଇନିଃକେ ଉଦୁର୍ ଗେନାକେଦ୍‌ତେ ମିସାର୍‌ତେ ରୁହାଡ଼୍ ନାଗେନ୍ତେକ ମନ୍‌ସୁରୁଦ୍‌ରେ ଉଡ଼ଃକେଦା । ୪୦ ଏନାମେନ୍ତେ ଇନ୍‌କୁ ହାରୁନ୍‌କେକ କାଜିକିୟା, ‘ନାହାଃ ଆଲେକେ ସୁଡୁଃ ଇଦି ନାଗେନ୍ତେ ଚିମିନ୍ ମାହାପୁରୁକକେ ବାଇକମ୍ । ଆଲେକେ ମିସାର୍ ଦିଶ୍ଟମ୍‌ଏତେ ଅଡ଼ଙ୍ଗ୍ ଆଉକାଦ୍‌ଲେ ଏନ୍ ମୁଣାଦ୍ ଚିନାଃ ଚିକାୟାନାଏ ଏନା କାଲେ ସାରିୟା ।’ ୪୧ ଏନ୍ତେ ଏନ୍ ଦିପିଲିରେ ଇନ୍‌କୁ ମିଆଁଦ୍ ଦାମୁର୍‌ହନ୍‌ରାଃ ମୁରୁଡ଼୍ ବାଇକିୟାକ ଆତଃ ଏନ୍ ଦାମୁର୍‌ହନ୍ ନାଗେନ୍ତେ ଦାଣ୍ଟେ ରାକାବ୍‌କେଦାକ । ଏନ୍ତେ ଆକଗି ବାଇୟାକାଦ୍ ଏନ୍ ମୁରୁଡ଼୍‌ରାଃ ମାଇନଃ ନାଗେନ୍ତେ ମିଆଁଦ୍ ଭୋଜି ଜମ୍‌କେଦାକ । ୪୨ ଏନାତେ ପାରମେଶ୍ୱାର୍ ଇନ୍‌କୁତାଃଏତେ ସାଜିନ୍‌ୟନା ଆତଃ ଇନ୍‌କୁକେ ସିମ୍‌ରେନ୍ ଇପିଲ୍‌କକେ ସେଞ୍ଜା ନାଗେନ୍ତେ ବାଗିକେଦକଆ । ନେ’ଲେକା ନାବୀକଆଃ ପୁଥ୍‌ରେ ଅଲାକାନା,

“ହେ ଇସ୍ରାଏଲ୍‌ରେନ୍ ହଡ଼କ,  
ଆପେ ବାର୍‌ହିସି ବାରାଷ୍ ଜାକେଦ୍ ବିର୍‌ରେ ଆଇଁୟାଃ ନାଗେନ୍ତେ  
ଜାଁଡୁକଆଃ ଦାଣ୍ଟେ କାପେ ରାକାବ୍ ।

୪୩ ମେନ୍ଦ୍ ସେଞ୍ଜା ନାଗେନ୍ତେ ଆପେ ଅକନ୍ ମୁରୁଡ଼୍‌କେ ବାଇକିୟାପେ,  
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍‌ମ୍  
ଆତଃ ଇପିଲ୍ ମାହାପୁରୁ, ରମ୍‌ରାଃ ମୁରୁଡ଼୍‌କେପେ ଗଅଃକେଦା ।

† ୨:୩୨ ୨:୩୨ ଆରାଃ ଦରେୟା

ଏନାମେନ୍ତେ ଆଇଙ୍ଗ୍ ବାବିଲୋନ୍‌ରେୟାଃ ହାନ୍ ପାରମ୍ପେଟେଇଙ୍ଗ୍ ତଲ୍ କୁଲ୍‌ପେୟା ।’  
 ୪୪ “ବିରରେ ଆବୁଆଃ ହାଡ଼ାମ୍ ହଡ଼କଲଃ ପାରମ୍ପେଶ୍ୱାର୍‌ଆଃ ତାଇନଃ କୁମ୍ବା  
 ତାଇକେନା । ପାରମ୍ପେଶ୍ୱାର୍, ମୁଣାକେ ବାଇ ନାଗେନ୍ତେ ଆରୁକାଇ ତାଇକେନ୍  
 ଲେକାଗି ବାଇୟାକାଦ୍ ତାଇକେନାଏ ଆତଃ ମୁଣାକେ ଉଦୁବାକାଇ ନାମୁନା ଲେକାଗି  
 ବାଇୟାକାନ୍ ତାଇକେନା । ୪୫ ତାୟମ୍ ଦିପିଲିକରେ ଆବୁଆଃ ପୁରୁଖା ହାଡ଼ାମ୍‌କ  
 ଆକଆଃ ଆପୁକତାଃଏତେ ନାମାକାଦ୍, ଏନ୍ କୁମ୍ବାକେ ଯିହୋଶ୍ୱୟଲଃ ଗଅଃକେଦ୍‌ତେ  
 ସେନ୍ ଆୟାର୍‌ୟାନାକ ଆତଃ ପାରମ୍ପେଶ୍ୱାର୍‌ତେ ହାରାଅକାନ୍ ଏଗାଃ ହଡ଼କଆଃ  
 ଦିଶ୍ୱମ୍‌କେକ ଆକ୍‌ତେୟାର୍‌କେଦା । ଆତଃ ଏନ୍ କୁମ୍ବା ଦାଉଦ୍‌ଆଃ ପାରିୟା  
 ଜାକେଦ୍ ତାଇନ୍‌କେନା । ୪୬ ଦାଉଦ୍, ପାରମ୍ପେଶ୍ୱାର୍‌ଆଃ ନେପେଲ୍‌ରେ ସୁକୁଆନ୍‌ଗି  
 ନେଲଃୟାନା, ଏନ୍ତେ ଇନିଃ ଯାକୁବ୍‌ଆଃ ପାରମ୍ପେଶ୍ୱାର୍‌ ନାଗେନ୍ତେ ମିଆଁଦ୍ ତାଇନଃ  
 ଠାୟାଦ୍ ବାଇ ଇତିଇଙ୍ଗ୍‌ମେ ମେନ୍ତେ କୁଲିକିୟା । ୪୭ ମେନ୍‌ଦ ସୁଲିମାନ୍ ଇନିୟାଃ  
 ନାଗେନ୍ତେ ମିଆଁଦ୍ ଅଡ଼ାଃ ବାଇକେଦାଏ ।

୪୮ “ମେନ୍‌ଦ ହଡ଼ ବାଇୟାକାଦ୍ ଅଡ଼ାଃରେ ସାଲାଙ୍ଗି ଉତାର୍ ପାରମ୍ପେଶ୍ୱାର୍ କାଏ  
 ତାଇନା । ନାବୀ ନେ ଲେକାଏ କାଜିକାଦା,

୪୯ “ପ୍ରାଭୁ କାଜିତାନାଏ, ‘ସିର୍ମା ଆଇଁୟାଃ ରାଜ୍‌ଗାଦି ତାନାଃ,  
 ଆତଃ ଅତେ ଆଇଁୟାଃ କାଟାରେୟାଃ ଗାଣ୍ଡୁ ତୁନାଃ ।

ଆପେ ଆଇଁୟାଃ ନାଗେନ୍ତେ ଚିଲ୍‌କାନ୍ ଅଡ଼ାଃପେ ବାଇୟା ?

ଆଇଁୟାଃ ରୁଡ଼ନ୍ତୁ ନାଗେନ୍ତେ ଠାୟାଦ୍ କତାଃରେୟା ?

୫୦ ନେ ସବେନାଃ ଚିନାଃ ଆଇଙ୍ଗ୍‌ଗି କାଇଙ୍ଗ୍ ବାଇୟାକାଦା ?

୫୧ “ସ୍ତ୍ରୀମ୍‌ନ୍ ଆତଃଗି କାଜିକେଦା, ଆପେ ଚିମିନ୍‌ଗି କା ମାନାତିଙ୍ଗ୍‌ତାନ୍ ହଡ଼କ  
 ତାନ୍‌ପେ ! ଆପେୟାଃ ମନ୍‌ସୁରୁଦ୍‌କ ପୁରାଃଗି ସଡ଼ରାଗିୟା ଆତଃ ପାରମ୍ପେଶ୍ୱାର୍‌ଆଃ  
 ବାତାନ୍ ନାଙ୍ଗ୍ ଆପେ ପୁରାଃଗି କା ଆୟୁମ୍ ହଡ଼କ ତାନ୍‌ପେ ! ଆପେ ଆପେୟାଃ  
 ପୁରୁଖା ହାଡ଼ାମ୍‌କ ଲେକାଃପେ, ଆପେୟାଗି ସବେନ୍ ଇମ୍‌ତା ପାବିତାର୍ ଆମ୍ବାରାଃ  
 ବିରୁଧ୍‌ରେ କାଜିତାନାପେ । ୫୨ ଆପେୟାଃ ପୁରୁଖା ହାଡ଼ାମ୍‌କଆଃ ହରାତେ କା  
 ସାସାତିକାନ୍ ଜେତା ନାବୀ ମେନାକଆ ଚି ? ଧାର୍‌ମାନ୍ ଦାସିଆଃ ହିନିଜୁଃ  
 ବିଷାଏରେ, ସିଦାରେ ଉଦୁବାକାଦ୍ ପାରମ୍ପେଶ୍ୱାର୍‌ଆଃ କାଜିକୁଲ୍‌କେ ଆପେୟାଃ  
 ପୁରୁଖା ହାଡ଼ାମ୍‌କ ଗଏଃକେଦ୍‌କଆକ । ଆତଃ ନାହାଁଃ ଆପେ ଇନିଃକେ ବାଇରିକଆଃ  
 ତିଃଇରେ ଜିମାକେଦ୍‌ତେ ଗଏଃକିୟାପେ । ୫୩ ଆପେ ଦୁଡ଼କଆଃ ହରାତେ ଏମାକାନ୍  
 ପାରମ୍ପେଶ୍ୱାର୍‌ଆଃ ଆନ୍‌ରୁପେ ନାମାକାଦା, ଏନ୍‌ରେୟ ଆପେ ଏନାକେ କାପେ  
 ମାନାତିଙ୍ଗ୍‌କେଦା ।”

ଦିରି ଚିଦ୍‌ଗିତେ ସ୍ତ୍ରୀମ୍‌ନ୍‌ଆଃ ଗନଏଃ

୫୪ ମାରାଙ୍ଗ୍ ପାଞ୍ଚେଟ୍‌ରେନ୍ ହଡ଼କ ସ୍ତ୍ରୀମ୍‌ନ୍‌ଆଃ ନେ କାଜିକ ଆୟୁମ୍‌କେଦ୍‌ତେ  
 ପୁରାଃଗିକ ଖୁସ୍‌ୟାନା ଆତଃ ଆୟାଃ ନାଗେନ୍ତେ ଖୁସ୍‌ତେ ଡାଟା ହାବ୍‌କେଦାକ  
 । ୫୫ ମେନ୍‌ଦ ସ୍ତ୍ରୀମ୍‌ନ୍ ପାବିତାର୍ ଆମ୍ବାତେ ପେରେୟାନ୍‌ଲଃ ସିର୍ମାତେ  
 ଆରିଦ୍‌ରାକାବ୍‌କେଦା ଏନ୍ତେ ପାରମ୍ପେଶ୍ୱାର୍‌ଆଃ ମାନାରାଙ୍ଗ୍ ଆତଃ ଯାଶୁକେ  
 ପାରମ୍ପେଶ୍ୱାର୍‌ଆଃ ଜମ୍‌ତିସାଃରେ ତିଙ୍ଗ୍‌ଆକାନାଏ ନେଲ୍‌କିୟା । ୫୬ ଆତଃ ଇନିଃ  
 କାଜିକେଦାଏ, “ନେଲେପେ, ଆଇଙ୍ଗ୍ ସିର୍ମା ନିଜାକାନ୍ ଆତଃ ମାନଖାହନ୍‌କେ  
 ପାରମ୍ପେଶ୍ୱାର୍‌ଆଃ ଜମ୍‌ତିସାଃରେ ତିଙ୍ଗ୍‌ଆକାନ୍ ନେଲିତାନାଇଙ୍ଗ୍ ।”

୫୭ ମାରାଙ୍ଗ୍ ପାଞ୍ଚେଟ୍‌ରେନ୍ ହଡ଼କ ପୁରାଃ କାଉରିତାନ୍‌ଲଃ ନେ କାଜି କା ଆୟୁମ୍‌ମେ  
 ନାଗେନ୍ତେ ଆକଆଃ ଲୁଡୁରରେ ତିଃଇ ଦହକେଦାକ । ଏନ୍ତେ ଇନ୍‌କୁ ସବେନ୍‌କ

‡ ୨:୫୭ 7:46 ଚିମିନ୍ ମାରି ଅନଲ୍‌ରେ “ଯାକୁବ୍‌ଆଃ ପାରମ୍ପେଶ୍ୱାର୍” କେ ଇସ୍ରାଏଲ୍‌ରେନ୍ ହଡ଼କ ମେନ୍ତେ  
 ଅଲ୍ଲାକାନା

ମିଦ୍ୟାନ୍ତେ ଆୟାଃ ହେପାଦତେ ନିରକେଦାକ, <sup>୫୮</sup> ଆତଃ ଇନକୁ ସାହାରହେତେ ବାହାରି ଥାଇଜକେଦତେ ଆୟାଃ ଚେତାନରେ ଦିରି ଚିଦ୍‌ଗିକିୟାକ । ହସତ୍ ଗାଞ୍ଜା ଏମ୍ ହତକ ଶାଉଲ୍ ନୁତୁମ୍ ମିଆଁଦ୍ ସେପେଡେଦ୍‌ଆଃ ଜିମାରେ ଇନକୁଆଃ ଲିଜାଃକ ବାଗିକେଦା । <sup>୫୯</sup> ଇନକୁ ସ୍ତ୍ରୀମାନୁଆଃ ଚେତାନରେ ଦିରି ଚିଦ୍‌ଗିକେଦ୍ ଇମ୍‌ତା ଇନିଃ ପ୍ରାଭୁକେ ବିନ୍ନିକେଦ୍‌ତେ କାଜିକିୟା, “ହେ ପ୍ରାଭୁ ଯୀଶୁ, ଆଇଁୟାଃ ଆମ୍‌ମାକେ ତେଲାଏମେ ।” <sup>୬୦</sup> ଇନିଃ ଇକ୍‌ଡ୍‌ମୁକେଦ୍‌ତେ ପୁରାଃ କାଉରିତାନଲଃ କାଜିକେଦା, “ହେ ପ୍ରାଭୁ, ଇନକୁଆଃ ବିରୁଧରେ ନେ ପାପ୍ ଆଲମ୍ ପାହେମେୟା ।” ନେୟାଁ କାଜିକେଦ୍‌ତେ ଜୀଉତାୟାଃ ଚୁଣ୍ଡୁକେଦା । ସ୍ତ୍ରୀମାନୁଆଃ ଗଗଣଃରେ ଶାଉଲ୍ ମିଦ୍‌ମନ୍‌ୟାନାଏ ।

## ୮

ଶାଉଲ୍ କାଲିସିୟାକେ ସାସାତିକେଦା

<sup>୧</sup> ଶାଉଲ୍ ସ୍ତ୍ରୀମାନୁଆଃ ଗଗଣଃରେ ମିଦ୍‌ମନ୍‌ୟାନାଏ । ଏନ୍ ହୁଲାଙ୍ଗ୍‌ତାଃଏତେ ଯୀରୁଶାଲେମ୍‌ରେୟାଃ କାଲିସିୟାକରେ ପୁରାଃଗି ସାସାତିକ ଏନେଟେଦ୍‌ୟାନା । ପ୍ରେରିତ୍‌କକେ ବାଗିକେଦ୍‌ତେ ଏଟାଃ ସବେନ୍ ବିଶ୍ୱାସୀକ ଯିହୁଦା ଆତଃ ଶମିରୋନ୍ ପାରଗାନରେ ଛିତିବିତିୟାନାକ । <sup>୨</sup> ଚିମିନ୍ ଧାର୍‌ମାନ୍ ହତକ ପୁରାଃ କାଉରିକେଦ୍‌ତେ ଏୟମତାନଲଃ ସ୍ତ୍ରୀମାନୁଆଃ ଗଗଣ ହତ୍‌ମକେ ତପାକେଦାକ ।

<sup>୩</sup> \*ମେନ୍‌ଦ୍ ଶାଉଲ୍ କାଲିସିୟାକେ ଜିୟନେ ନାଗେନ୍ତେ ସାନାଙ୍ଗ୍‌କେଦା, ଇନିଃ ଅଡ଼ାଃ ଅଡ଼ାଃ ବଲକେଦ୍‌ତେ ଶ୍ରୀଷ୍ଟ୍ ବିଶ୍ୱାସୀ ସବେନ୍ କଡ଼ା କୁଡ଼ିକକେ ଥାଇଜ୍ ଆଉକେଦ୍‌ତେ ଜେହେଲ୍‌ରେ ଦହକେଦ୍‌କଥା ।

ଶମିରୋନ୍‌ରେ ସୁକୁକାଜି ଉନୁଦୁଦ୍

<sup>୪</sup> ଛିତିବିତିୟାକାନ୍ ବିଶ୍ୱାସୀକ ଚାରିୟସାଃ ସେନ୍‌କେଦ୍‌ତେ ସୁକୁକାଜି ଉଦୁବକେଦାକ । <sup>୫</sup> ଫିଲିପ୍ ଶମିରୋନ୍‌ରେୟାଃ ମାରାଙ୍ଗ୍ ନାଗାର୍‌ତେ ସେନ୍‌କେଦ୍‌ତେ, ଏନ୍ତାଃରେନ୍ ହତକକେ ମାସିଆଃ ସୁକୁକାଜି ଉଦୁବକେଦ୍‌କଥା । <sup>୬</sup> ଫିଲିପ୍‌ଆଃ କାଜି ଆୟୁମ୍‌କେଦ୍‌ତେ ଆତଃ ଆୟାଃ ଆକ୍‌ଦାନ୍‌ଆ କାମିକ ନେଲ୍‌କେଦ୍‌ତେ ଗାଦେଲ୍ ହତକ ଆୟାଃ କାଜିରେ ମିଦ୍‌ମନ୍‌ତେକ ଆୟୁମ୍‌କେଦା । <sup>୭</sup> ପୁରାଃ ହତକତାଃଏତେ ସତ୍‌ରା ଆମ୍‌କ କାଉରିତାନଲଃ ଅତଙ୍ଗ୍‌ୟାନାକ, ପୁରାଃ ବାଡ୍‌କାନ୍ ହତକ ଆତଃ କାଟା କୁଚୁଙ୍ଗ୍‌କାନ୍ ହତକ ବୁଗିୟାନା । <sup>୮</sup> ଏନାତେ ଏନ୍ ନାଗାର୍‌ରେ ପୁରାଃଗି ରାସ୍‌କା ହବାୟାନା ।

<sup>୯</sup> ଏନ୍ତାଃରେ ଶିମୋନ୍ ନୁତୁମ୍ ମିଆଁଦ୍ ହତ୍ ତାଇକେନାଏ, ଇନିଃ ଆୟାଃ ଦେଅଁଶା କାମିକେଦ୍‌ତେ ସିଦାଏତେଗି ଶମିରୋନ୍‌ରେନ୍ ହତକକେ ଆକ୍‌ଦାନ୍‌ଆକାଦକ ତାଇକେନାଏ । ଇନିଃ ଆଇଃକକେଗି ମିଆଁଦ୍ ମାରାଙ୍ଗ୍ ହତ୍ ମେନ୍ତେ ଉଦୁବେନ୍ ତାଇକେନା, <sup>୧୦</sup> ଆତଃ ଏନ୍ ନାଗାର୍‌ରେନ୍ ସବେନ୍‌କ ଆତଃ ସାମାଜ୍‌ରେନ୍ ସବେନ୍ ହୁପ୍‌ଡିଙ୍ଗ୍ ମାପ୍‌ରାଙ୍ଗ୍‌କ, ପାର୍‌ମେଶ୍ୱାର୍‌ଆଃ ଅକନ୍ ପେଡେଃକେ ମାରାଙ୍ଗ୍ ମେନ୍ତେ କାଜିୟଃତାନା, ଏନା ଇନିଃଗି ତାନିଃ ମେନ୍ତେକ ମାନାତିଙ୍ଗ୍ ତାଇକେନା । <sup>୧୧</sup> ଏନ୍ ଦେଅଁଶାରାଃ ପେଡେଃ ହରାତେ ପୁରାଃ ମାହିଁଏତେ ଇନିଃ ଶମିରୋନ୍‌ରେନ୍ ହତକକେ ଆକ୍‌ଦାନ୍‌ଆକାକ ତାଇକେନା । <sup>୧୨</sup> ମେନ୍‌ଦ୍ ଫିଲିପ୍‌ତାଃଏତେ ପାର୍‌ମେଶ୍ୱାର୍‌ଆଃ ରାଇଜ୍ ଆତଃ ଯୀଶୁ ଶ୍ରୀଷ୍ଟ୍‌ଆଃ ନୁତୁମ୍‌ରେ ସୁକୁକାଜି ଆୟୁମ୍‌କେଦ୍ ହରାତେ ହତକଆଃ ବିଶ୍ୱାସ୍ ହବାୟାନା ଆତଃ ଏନ୍ ପାରଗାନରେନ୍ କଡ଼ା କୁଡ଼ି ସବେନ୍‌କ ବାପ୍‌ସ୍ତ୍ରା ଇଦିକେଦାକ । <sup>୧୩</sup> ଶିମୋନ୍ ହଗି ଏନ୍ କାଜିରେ ବିଶ୍ୱାସ୍‌କେଦା

। ଫିଲିପ୍ କାମିକାଦ୍ ଆକ୍‌ଦାନ୍ଦାଅ କାମି ଆତଃ ହାଏକାଟ୍ କାମିକ ନେଲ୍‌କେଦ୍‌ତେ, ଇନିଃ ବାପ୍ତିସ୍ମା ଇଦିକେଦ୍‌ତେ ଫିଲିପ୍‌ଲଃ ମିସାତେ ତାଇନ୍‌ୟାନା ।

୧୪ ଶମିରୋନ୍‌ରେନ୍ ହଡକ ପାର୍‌ମେଶ୍ୱାର୍‌ଆଃ କାଜିକ ତେଲ୍‌କାଦା ମେନ୍ତେ ଯାରୁଶାଲେମ୍‌ରେନ୍ ପ୍ରେରିତ୍ୱ ଆୟ୍‌ମ୍‌କେଦ୍‌ତେ, ପାଡ୍ରାସ୍ ଆତଃ ଯୋହାନ୍‌କେ ଇନ୍‌କୁତାଃତେକ କୁଲ୍‌କେଦ୍‌କିନା । ୧୫ ଇନ୍‌କିନ୍ ଏନ୍ତାଃତେ ସେଟେର୍‌ୟାନ୍ ତାୟ୍‌ମ୍‌ତେ ଶମିରୋନ୍‌ରେନ୍ ବିଶ୍ୱାସୀକ ପାବିତାର୍ ଆମ୍ବା ନାମେକାକ ମେନ୍ତେକିନ୍ ବିନ୍ତିକେଦା । ୧୬ ଚିୟାଃତି ଇମ୍‌ତାଙ୍ଗ ଜାକେଦ୍ ଇନ୍‌କୁଆଃଏତେ ଜେତାଏୟାଃ ଚେତାନ୍‌ରେ ପାବିତାର୍ ଆମ୍ବା କାଏ ଆଡ୍ରଗୁକାନ୍ ତାଇକେନା । ଇନ୍‌କୁ ପ୍ରାଭୁ ଯୀଶୁଆଃ ନୁତୁମ୍‌ତେ ଏସକାର୍ ବାପ୍ତିସ୍ମା ଇଦିକାଦ୍ ତାଇକେନାକ । ୧୭ ଏନ୍ତେ ପାଡ୍ରାସ୍ ଆତଃ ଯୋହାନ୍ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦ୍‌ତି ଇନ୍‌କୁ ପାବିତାର୍ ଆମ୍ବାକେ ନାମ୍‌କିୟାକ ।

୧୮ ପାଡ୍ରାସ୍ ଆତଃ ଯୋହାନ୍, ନେ ବାରାନ୍ ପ୍ରେରିତ୍ୱକିନ୍ ବିଶ୍ୱାସୀକଆଃ ଚେତାନ୍‌ରେ ତିଃଇ ଦହକେଦ୍‌ତେ ଇନ୍‌କୁକେ ପାବିତାର୍ ଆମ୍ବାକିନ୍ ଏମାକତାନା, ନେୟା ନେଲ୍‌କେଦ୍‌ତେ ଶିମୋନ୍ ଇନ୍‌କିନ୍‌କେ ଟାକା ପାଏସା ଏମ୍‌ତାନ୍‌ଲଃ ମେତାଦ୍‌କିନାଏ, ୧୯ “ଆଇଙ୍ଗ୍ ଏଟାଃକଆଃ ଚେତାନ୍‌ରେ ତିଃଇ ଦହଲେରେ, ଇନ୍‌କୁ ଜେ'ଲେକା ପାବିତାର୍ ଆମ୍ବା ନାମ୍ ଦାଡ୍ରିୟାକ, ଏନାମେନ୍ତେ ନେ ପେଡେଃ ଆଇଙ୍ଗ୍‌କେହ୍ ଏମାଇଙ୍ଗ୍‌ବେନ୍ ।”

୨୦ ମେନ୍‌ଦ୍ ପାଡ୍ରାସ୍ ଇନିଃକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନଃକା, ଚିୟାଃତି ଆମ୍ ଟାକା ପାଏସାତେ ପାର୍‌ମେଶ୍ୱାର୍‌ଆଃ ବାରଦାନ୍ କିରିଙ୍ଗ୍ ନାଗେନ୍ତେମ୍ ଉଡ଼ଃତାନା । ୨୧ ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ଚିୟାଃତି ପାର୍‌ମେଶ୍ୱାର୍‌ଆଃ ନେପେଲ୍‌ରେ ଆମାଃ ମନ୍‌ସୁରୁଦ୍ କା ଠାଉକା । ୨୨ ଏନାମେନ୍ତେ ଆମାଃ ନେ ଏଡକାନ୍ ଉଡ଼ଃ ନାଗେନ୍ତେ ହେୟାତିଙ୍ଗ୍‌ମେ, ନେ'ଲେକା ମନ୍‌ସୁରୁଦ୍‌ରେ ଉଡ଼ଃକେଦ୍ ନାଗେନ୍ତେ ପ୍ରାଭୁତାଃରେ ବିନ୍ତିମେ, ଇନିଃ ଆମ୍‌କେ ଛାମାମେୟା । ୨୩ ଚିୟାଃତି ଆଇଙ୍ଗ୍ ଆମ୍‌କେ ନେଲ୍‌ମେ ତାନାଇଙ୍ଗ୍, ଆମାଃ ମନ୍‌ସୁରୁଦ୍ ହିସଙ୍ଗାତେ ପେରେଜାକାନା, ଆମ୍‌ଦ୍ ପାପ୍ ତନଲ୍‌ତେମ୍ ତଲ୍‌କାନା ।”

୨୪ ପାଡ୍ରାସ୍ ଆତଃ ଯୋହାନ୍‌କେ ଶିମୋନ୍ ମେତାଦ୍‌କିନାଏ, “ଆବେନ୍ କାଜିକାଦ୍‌ତେୟାଃ ଆଇଙ୍ଗ୍‌ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍‌ତେ ଆଇଁୟାଃ ନାଙ୍ଗ୍ ପ୍ରାଭୁତାଃରେ ବିନ୍ତିବେନ୍ ।”

୨୫ ପାଡ୍ରାସ୍ ଆତଃ ଯୋହାନ୍ ଗାଞ୍ଜା ଏମ୍‌କେଦ୍ ଆତଃ ପ୍ରାଭୁଆଃ କାଜି ଉଦୁବ୍‌କେଦ୍ ତାୟ୍‌ମ୍‌ତେ, ଇନ୍‌କିନ୍ ଯୀରୁଶାଲେମ୍‌ତେକିନ୍ ରୁହାଡ୍ରୟାନା । ରୁହାଡ୍ର ହରାରେ ଇନ୍‌କିନ୍ ଶମିରୋନ୍‌ ହଡକ ତାୟ୍‌ଃତାନ୍ ପୁରାଃ ହାଡ୍ରକରେ ସୁକ୍ଷ୍ମକାଜିକିନ୍ ଉଦୁବ୍‌କେଦା ।

ଫିଲିପ୍ ଆତଃ ଇଥ୍‌ଓପିଆରେନ୍ ଚାକ୍‌ରା

୨୬ ପ୍ରାଭୁଆଃ ମିଆଁଦ୍ ଦୁଡ୍ ଫିଲିପ୍‌କେ କାଜିକିୟା, “ସେକାଡ୍ରାକାନ୍‌ମେ, ଆତଃ ଯୀରୁଶାଲେମ୍‌ଏତେ ଗାଜା ନାଗାର୍‌ତେ ସେନଃତାନ୍ ଜମ୍‌ସାଃ ହରାତେ ସେନଃମେ ।” ନାହାଃ ଏନ୍ ହରା ବାନଆଃ, ଏନା ବିର୍‌ଲେକା ମେନାଃ । ୨୭ ଫିଲିପ୍ ସେକାଡ୍ରକେଦ୍‌ତେ ସେନଃୟାନା । ଇମ୍‌ତା ଇଥ୍‌ଓପିଆ ଦିଶୁମ୍‌ରେନ୍ କାଣ୍ଡାକି ନୁତୁମ୍ ରାନୀଆଃ ଆକ୍‌ତେୟାର୍‌ରେ ତାଇନ୍‌ତାନ୍ ସବେନ୍ ରାଇଜ୍‌ରେନ୍ ଖୁଲ୍‌କରାଃ ଭାଣ୍ଡାରି ତାଇକେନ୍ ମିଆଁଦ୍ ଚାକ୍‌ରା, ପାର୍‌ମେଶ୍ୱାର୍‌କେ ସେଞ୍ଜା ନାଗେନ୍ତେ ଯୀରୁଶାଲେମ୍‌ତେ ସେନାକାନ୍ ତାଇକେନା । ୨୮ ଇନିଃ ଆୟାଃ ସାଦମ୍ ଗାଡ୍ରରେ ଦୁବ୍‌କେଦ୍‌ତେ ଅଡ଼ାଃତେ ରୁହାଡ୍ର ତାଇକେନ୍ ଇମ୍‌ତା ଯିଶାୟ ନାବା'ଆଃ ପୁଥ୍ କାଉରିତାନ୍‌ଲଃ ପାଡ୍ରାଅତାନାଏ ତାଇକେନା । ୨୯ ପାବିତାର୍ ଆମ୍ବା ଫିଲିପ୍‌କେ କାଜିକିୟା, “ଏନ୍

ସାଦମ୍ ଗାଡ଼ି ହେପାଦତେ ସେନଃମେ ଆତଃ ଆୟାଃ ନାଡ଼େଃରେ ତାଇନମେ ।<sup>୧୦</sup> ଫିଲିପ୍ ନିର୍ ନିର୍ ସେନକେଦତେ ଏନ୍ କାମିହଡ଼କେ ଯିଶାୟ ନାବାଆଃ ପୁଥ୍ କାଉରିତାନଲଃ ପାଢ଼ାଅତେୟାଃ ଆୟୁମ୍‌କିୟାଏ । ଇନିଃ ଏନ୍ ଚାକୁରାକେ କୁଲିକିୟା, “ଆମ୍ ପାଢ଼ାଅତାନତେୟାଃ ସାରିଉରୁମ୍ ଦାଡ଼ିତାନାମ୍ ତି ?”

<sup>୧୧</sup> ଚାକୁରା କାଜିରୁହାଡ଼କିୟାଏ, “ଜେତାଏ ଆଇଙ୍ଗକେ କାକ ଉଦୁବାଇଙ୍ଗରେଦ ଚିଲକାତେଇଙ୍ଗ ସାରିଉରୁମ୍ ଦାଡ଼ିୟା ?” ଏନ୍ତେ ଇନିଃ ଫିଲିପ୍‌କେ ଆୟାଃଲଃ ସାଦମ୍ ଗାଡ଼ିରେ ଦୁବ୍ ନାଗେନ୍ତେ ବିନ୍ତୁକିୟା । <sup>୧୨</sup> ଇନିଃ ପାଢ଼ାଅ ତାଇକେନ୍ ଧାରାମ୍‌ପୁଥ୍‌ରେୟାଃ ହିସା ନେୟାଁ ତାଇକେନା,

“ଇନିଃ, ମାଆଃଇ ନାଗେନ୍ତେ ଇଦିୟଃତାନ୍ ମିଶ୍ଟିହନ୍ ଲେକାଃଏ,  
ଉବ୍ କାଇଚିନିୟାଃ ହେପାଦରେ ମିଶ୍ଟିହନ୍ କାଏ କାଉରି ଲେକା  
ଇନିଃ ଜେଡ଼ନାଃ କାଏ କାଜିକେଦା ।

<sup>୧୩</sup> ଇନିଃକେ ଲାନ୍‌କିୟାକ ଆତଃ ନ୍ୟାୟ ବିଚାର୍ କା ନାମୟାନା ।  
ଇନିୟାଃ କିଲିକଆଃ ବିଷାଏରେ ଜେତାଏ କାକ କାଜି ଦାଡ଼ିୟା,  
ଚିୟାଃଚି ଅତେଦିଶ୍ଟୁମ୍‌ରେ ଆୟାଃ ଜୀଦାନ୍ ଟୁଣ୍ଡୁକାନା ।”

<sup>୧୪</sup> ଚାକୁରା ଫିଲିପ୍‌କେ କୁଲିକିୟା, “ନାବା ଅକଏୟାଃ ବିଷାଏରେ କାଜିତାନା, ଆୟାଃ ବିଷାଏରେଗି ତି ଏଟାଃନିୟାଃ ବିଷାଏରେ, ଏନା ଆଇଙ୍ଗକେ ଦାୟାକେଦତେ କାଜିଙ୍ଗମେ ?” <sup>୧୫</sup> ଏନ୍ତେ ଫିଲିପ୍ ଧାରାମ୍‌ପୁଥ୍‌ରେୟାଃ ନେ ହିସାଏତେ ଏଟେଦକେଦତେ ଯୀଶୁଆଃ ବିଷାଏରେ ଅଲକାନ୍ ସବେନ୍ ସୁକୁକାଜି ଇନିଃକେ ଉଦୁବକିୟା । <sup>୧୬</sup> ଇନ୍‌କୁ ହରାରେ ସେନଃତାନ୍ ତାଇକେନ୍ ଇମ୍‌ତା ମିଦତାଃରେ ଦାଆଃ ହୁଣ୍ଡିୟାକାନ୍ ଠାୟାଦତାଃରେକ ସେଟେରୟାନା, ଏନ୍ତେ ଚାକୁରା ଇନିଃକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗକେ ବାପ୍ଟିସ୍ତା ଇଦି ନାଗେନ୍ତେ ଚିନାଃ ଜେତାନ୍ ରୋକ୍‌ଟକ ମେନାଃ ତି ?” <sup>୧୭</sup> ଫିଲିପ୍ କାଜିକିୟାଏ, “ଆମ୍ ସବେନ୍ ମନ୍‌ସୁରଦତେମ୍ ବିଶ୍ୱାସତାନ୍‌ରେଦ ବାପ୍ଟିସ୍ତା ଇଦି ଦାଡ଼ିୟାମ୍ ।” ଏନ୍ତେ ଇନିଃ କାଜିରୁହାଡ଼କିୟାଏ, “ୟୀଶୁ ଖ୍ରୀଷ୍ଟ୍ ପାର୍‌ମେଶ୍ୱାର୍‌ଆଃ ହନ୍ ତାନିଃ ଏନା ଆଇଙ୍ଗ ବିଶ୍ୱାସତାନାଇଙ୍ଗ ।”\*

<sup>୧୮</sup> ଚାକୁରା, ସାଦମ୍ ଗାଡ଼ି ଚାଲାଅତାନ୍ ହଡ଼କେ ସାଦମ୍ ଗାଡ଼ିକେ ଡିଙ୍ଗୁଇମେ ମେନ୍ତେ ଆଟୁକିୟା । ଫିଲିପ୍ ଆତଃ ଚାକୁରା ଦାଆଃ ଭିଚାର୍‌ତେକିନ୍ ବଲୟାନା ଆତଃ ଫିଲିପ୍ ଇନିଃକେ ବାପ୍ଟିସ୍ତା ଏମ୍‌କିୟାଏ । <sup>୧୯</sup> ଇନ୍‌କିନ୍ ଦାଆଃଏତେ ଅତଙ୍ଗୟାନ୍ ତାୟମ୍‌ତେ, ପ୍ରାଭୁଆଃ ଆମ୍ ଫିଲିପ୍‌କେ ଇଦିକିୟା । ଚାକୁରା ଇନିଃକେ ଆତଃ କାଏ ନେଲ୍ ଦାଡ଼ିକିୟା, ମେନ୍‌ଦ ରାସ୍‌କାତେ ପେରେଃୟାନ୍‌ଲଃ ଆୟାଃ ହରାରେ ସେନଃୟାନା । <sup>୨୦</sup> ଆତଃ କାଟିଃ ଘାଡ଼ିକାଦ ତାୟମ୍‌ତେ ଫିଲିପ୍ ଆଇଃକ୍ ଆପାନ୍‌କେଗି ଆସ୍‌ଦଦ୍ ନୁଡୁମ୍ ସାହାରରେ ନାମ୍‌ୟାନା ଆତଃ ଇନିଃ ଏନ୍ତାଃଏତେ କାଇସରିୟା ସାହାରତେ ସେନଃ ହରାରେୟାଃ ସବେନ୍ ନାଗାର୍‌କରେ ସୁକୁକାଜି ଉଦୁବତାନଲଃ କାଇସରିୟାତେ ତେବାଃୟାନା ।



ଗାଉଲ୍‌ଆଃ ମନ୍‌ରୁହାଡ଼୍  
(ପ୍ରେରିତ୍ୱ ୨୨:୬-୧୬; ୨୬:୧୨-୧୮)

<sup>୧</sup> ଏନ୍ ଦିପିଲିକରେ ଗାଉଲ୍, ପ୍ରାଭୁଆଃ ତେଲାକକେ ଗଏଃକଆଇଙ୍ଗ ମେନ୍ତେ ବତଙ୍ଗକ ତାଇକେନାଏ । ଏନ୍ତେ ଇନିଃ ମାରାଙ୍ଗ୍ ଯାଜାକ୍‌ତାଃତେ ସେନଃୟାନା, <sup>୨</sup> ଆତଃ ଦମାସକସ୍‌ରେୟାଃ ସାମାଜ୍ ଅଡ଼ାଃକରେ ପ୍ରାଭୁକେ ଅତଙ୍ଗତାନ୍‌କକେ

\* ୮:୩୭ 8:37 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

ନାମକେଦତେ ତଲକତାନଲଃ ଯୀରୁଶାଲେମତେ ସାବ୍‌ଆଉକ ନାଗେନ୍ତେ ଏନ୍ ମାରାଙ୍ଗ ଯାଜାକତାଃଏତେ ଆନାରୁ ଆଉକେଦା ।

୩ ଶାଉଲ୍ ଦମାସକସ୍ ନାଗାରରେୟାଃ ହେପାଦତେ ହିଜୁଃ ସେଟେରତାନ ଜମତା, ଆବ୍‌କାତେ ସିର୍ମାଏତେ ମିଆଁଦ୍ ମାର୍ଯାଲ୍ ଆୟାଃ ଚାରିୟସାଃରେ ଜୁଲ୍ ବିୟୁରୟାନା । ୪ ଇନିଃ ଅତେରେ ଉୟୁଃୟାନା ଆତଃ ମିଆଁଦ୍ ଲାବ୍‌ଜା ଆଇଃକକେ କାଜିତାନ୍ ଆୟୁମକେଦାଏ, “ହେ ଶାଉଲ୍, ହେ ଶାଉଲ୍, ତିନାଃମେନ୍ତେ ଆମ୍ ଆଇଙ୍ଗକେମ୍ ସିଗିଦିଇଙ୍ଗତାନା ?”

୫ ଇନିଃ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନମେ ?” ଆତଃଗି ଏନ୍ ଲାବ୍‌ଜା ଆୟୁମୟାନା, “ଆମ୍ ଅକଏକେମ୍ ସିଗିଦିତାନା, ଆଇଙ୍ଗ ଏନ୍ ଯୀଶୁ ତାନିଙ୍ଗ । ୬ ମେନ୍‌ଦ୍ ବିରିଦମେ, ଆତଃ ନାଗାରତେ ସେନଃମେ, ଚିକ୍‌ନାଃ କାମି ରିକା ଲାଗାତିଙ୍ଗୟାଃ, ଏନା ଏନ୍ତାଃରେ ଆମ୍‌କେ କାଜିୟଃଆ ।”

୭ ଶାଉଲ୍‌ଲଃ ଗାତିରେ ହରାସେନ୍ ତାକକେନ୍ ହଡକ ଆକ୍‌ଚାକାଅକେଦତେ ତିଙ୍ଗୁୟାନାକ, ଇନ୍‌କୁ ଏନ୍ ଲାବ୍‌ଜା ଆୟୁମକେଦାକ ମେନ୍‌ଦ୍ ଜେତାଏକେ କାକ ନେଲ୍ ଦାଡିକେନା । ୮ ଶାଉଲ୍ ଅତେହେତେ ବିରିଦୟାନା ଆତଃ ନେଲ୍‌କେଦାଏ ମେନ୍‌ଦ୍ ଜେତନାଃ କାଏ ନେଲ୍ ଦାଡିକେନା । ଏନାତେ ଇନ୍‌କୁ ଆୟାଃ ତିଃଇ ସାବ୍‌କେଦତେ ଦମାସକସ୍ ଜାକେଦ୍ ସୁତୁଃ ଇଦିକିୟାକ । ୯ ଆପି ମାହାଁ ଜାକେଦ୍ ଇନିଃ କାଏ ନେଲ୍ ଦାଡିତାକକେନା ଆତଃ ଏନ୍ ଦିପିଲିରେ କାଏ ଜମ୍ ନୁଁକେଦା ।

୧୦ ଦମାସକସ୍‌ରେ ହନାନିୟ ନୁତୁମ୍ ମିଆଁଦ୍ ଚେଲା ତାକକେନାଏ । ଇନିଃ ମିଆଁଦ୍ ଦାର୍‌ଶାନ୍ ନାମକେଦାଏ, ପ୍ରାଭୁ ଇନିଃକେ କାଜିକିୟା, “ହନାନିୟ !” ଇନିଃ କାଜିରୁହାଡକିୟାଏ, “ହେ ପ୍ରାଭୁ କାଜିମେ ।”

୧୧ ପ୍ରାଭୁ ଇନିଃକେ କାଜିକିୟା, “ମାର୍ ସେକାଡ଼ଃମେ ଆତଃ ସିଧା ହରା ସେନ୍‌କେଦତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍‌ସ୍ ନାଗାରତାଃଏତେ ହିଜୁଃକାନ୍ ଶାଉଲ୍ ନୁତୁମ୍ ମିଆଁଦ୍ ହଡକେ ଦାଣାଁଇମେ, ତିଆଃତି ଇନିଃ ବିକ୍ତିତାନାଏ, ୧୨ ଆତଃ ହନାନିୟ ନୁତୁମ୍ ମିଆଁଦ୍ ହଡ ହିଜୁଃକେଦତେ ଆୟାଃ ଚେତାନରେ ତିଃଇ ଦହଲେରେ ଇନିଃ ଆତଃମିସା ନେଲ୍ ଦାଡିୟାଏ ମେନ୍ତେ ଦାର୍‌ଶାନ୍ ନାମାକାଦ୍ ତାକକେନାଏ ।”

୧୩ ହନାନିୟ କାଜିରୁହାଡକିୟାଏ, “ହେ ପ୍ରାଭୁ, ନେ ହଡ ଯୀରୁଶାଲେମ୍‌ରେନ୍ ଆମାଃ ପାବିତାର୍ ହଡକକେ ପୁରାଃ ବରଝାନ୍ ଦୁକୁକଏ ଏମାକାଦକଆ, ଏନା ଆଇଙ୍ଗ୍ ପୁରାଃ ହଡକତାଃଏତେଇଙ୍ଗ୍ ଆୟୁମାକାଦା । ୧୪ ଆତଃ ଇନିଃ ମୁଲ୍ ଯାଜାକକତାଃଏତେ ଆକ୍‌ତେୟାର୍ ନାମକେଦତେ ଦମାସକସ୍‌ରେ ଆମ୍‌କେ ବିକ୍ତିତାନ୍ ହଡକକେ ସାବ୍‌କେଦତେ ତଲ୍‌ଇଦି ନାଙ୍ଗ୍ ହିଜୁଃକାନାଏ ।”

୧୫ ମେନ୍‌ଦ୍ ପ୍ରାଭୁ ଇନିଃକେ କାଜିକିୟା, “ଜୁ ସେନଃମେ, ସାଅଁସାର୍ ହଡକକେ, ରାଜା ଆତଃ ଇସ୍ରାଏଲ୍‌ରେନ୍ ହଡକକେ ଆଇଁୟାଃ ନୁତୁମ୍ ଉଦୁବେ ନାଗେନ୍ତେ ଆତଃ ଆଇଙ୍ଗ୍‌କେ ସେଝା ନାଗେନ୍ତେ ଆଇଙ୍ଗ୍ ଇନିଃକେଇଙ୍ଗ୍ ସାଲାକାଇଜା । ୧୬ ଆଇଁୟାଃ ନୁତୁମ୍ ନାଗେନ୍ତେ ଇନିଃକେ ଅକ ଦୁକୁକ ସାହାତିଙ୍ଗ୍ ଲାଗାତିଙ୍ଗୟାଃ, ଏନା ଆଇଙ୍ଗ୍‌ଗି ଇନିଃକେଇଙ୍ଗ୍ ଉଦୁବାଇୟା ।” ୧୭ ଏନ୍ତେ ହନାନିୟ ସେନଃୟାନାଏ ଆତଃ ଶାଉଲ୍ ତାକକେନ୍ ଅଡ଼ାଃତେ ବଲୟାନଲଃ ଇନିୟାଃ ଚେତାନରେ ତିଃଇ ଦହକେଦତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିଜୁଃ ହରାରେ, ଅକ ପ୍ରାଭୁ ଯୀଶୁ ଆମ୍‌କେ ଦାର୍‌ଶାନ୍ ଏମାକାମ୍ ତାକକେନାଏ, ଇନିଃ ଆଇଙ୍ଗ୍‌କେ କୁଲାକାଦିୟାଁ, ଜେ'ଲେକାଚି ଆମ୍ ଆତଃମିସା ନେଲ୍ ଦାଡିୟାମ୍ ଆତଃ ପାବିତାର୍ ଆମ୍‌ରେ ପେରେଜଃଆମ୍ ।” ୧୮ ଇମ୍‌ତାଗି ଶାଉଲ୍‌ଆଃ ମେଦ୍‌ହେତେ, ହାକୁଆଃ କାଚି ଲେକା ଚିନାଃ ଉୟୁଃୟାନା ଆତଃ ଇନିଃ ଆତଃମିସା ନେଲ୍ ଦାଡିକେଦାଏ । ଇନିଃ

ତିଜ୍ଞୁୟାନାଏ ଆଡ଼ଃ ବାପ୍ତିସ୍ତା ଇଦିକେଦାଏ । ୧୯ ଆଡ଼ଃ ତାୟମ୍‌ତେ ଜମ୍‌କେଦ୍‌ତେ ପେଡ଼େଃ ନାମ୍‌ରୁହାଡ଼୍‌କେଦାଏ । ଶାଉଲ୍ ଚେଲ୍‌କଲ୍‌ଃ ଦମାସ୍‌କସ୍‌ରେ ଚିମିନ୍ ଦିନ୍ ତାଇନ୍‌ୟାନାଏ ।

ଦମାସ୍‌କସ୍‌ରେ ଶାଉଲ୍‌ଆଃ ପ୍ରାଚାର୍

୨୦ ଆଡ଼ଃ ଇନିଃ ଇମ୍‌ତାଗି ସାମାଜ୍ ଅଡ଼ାଃକରେ, ଯୀଶୁ ପାର୍‌ମେଶ୍‌ବାର୍‌ଆଃ ହନ୍‌ତାନିଃ ମେନ୍ତେ ପ୍ରାଚାର୍ ଏଚେଦ୍‌କେଦା ।

୨୧ ଆୟାଃ କାଜି ଆୟୁମ୍‌କେଦ୍‌ତେ ସବେନ୍‌କ ହାଏକାଟ୍‌ୟାନ୍‌ଲଃ କୁପ୍‌ଲିୟାନାକ, “ଯୀରୁଶାଲେମ୍‌ରେ ଯୀଶୁ ନୁତୁମ୍ ହଡ଼ରାଃ ସେଝାତାନ୍ ହଡ଼କକେ ଅକ ହଡ଼ ଗଏଃକ ତାଇକେନାଏ, ଇନିଃ ଚିନାଃ ନେ ହଡ଼ ନାହାଁଲିଃ ? ଯୀଶୁ ନୁତୁମ୍‌ରେ ସେଝାତାନ୍ ହଡ଼କକେ ତଲ୍‌କେଦ୍‌ତେ ମୁଲ୍ ଯାଜାକ୍‌କତାଃତେ ଇଦି ନାଗେନ୍ତେ ଇନିଃ ଚିନାଃ ନେତାଃତେ କାଏ ହିଜ୍ଞୁଃକାନ୍ ତାଇକେନା ?”

୨୨ ମେନ୍‌ଦ ଶାଉଲ୍‌ଆଃ ପ୍ରାଚାର୍ ପୁରାଃ ପେଡ଼େୟାନ୍‌ଗି ହବାୟାନା, ଆଡ଼ଃ ଯୀଶୁଗି ମାସିତାନିଃ ମେନ୍ତେ ଇନିୟାଃ ସାବୁଡ଼ ପୁରାଃଗି ପକତାୟାନା ଯେ, ଦମାସ୍‌କସ୍‌ରେନ୍ ଯିହୁଦୀ ହଡ଼କ ନେ ବିଷାଏରେ ଇନିଃକେ କାକ କାଜିରୁହାଡ଼୍‌ଦାଡ଼ିୟାନା ।

୨୩ \*ଚିମିନ୍ ଦିନ୍ ସେନଃୟାନ୍ ତାୟମ୍‌ତେ, ଯିହୁଦୀ ହଡ଼କ ମିଦ୍‌ତାଃରେ ହୁଣ୍ଡିକେଦ୍‌ତେ ଶାଉଲ୍‌କେ ଗଏଃ ନାଗେନ୍ତେକ ରୋଜୋଟ୍‌କେଦା, ୨୪ ମେନ୍‌ଦ ଇନ୍‌କୁଆଃ ରୋଜୋଟ୍ ଶାଉଲ୍ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍‌କୁ ନିଦା ସିଙ୍ଗି ନାଗାର୍‌ରେୟାଃ ଦୁଆର୍କରେକ ହରକେଦା । ୨୫ ମେନ୍‌ଦ ଶାଉଲ୍‌ଆଃ ଚେଲ୍‌କ ନୁବାଃ ଇମ୍‌ତା ଶାଉଲ୍‌କେ ମିଆଁଦ୍ ଟୁଙ୍ଗିରେ ଦହକେଦ୍‌ତେ ପାର୍‌ରି ହାନ୍‌ପାରମ୍‌ରେକ ଆଡ଼ଗୁକିୟା ।

ଯୀରୁଶାଲେମ୍‌ରେ ଶାଉଲ୍

୨୬ ଶାଉଲ୍ ଯୀରୁଶାଲେମ୍‌ତେ ସେନ୍‌କେଦ୍‌ତେ ଚେଲ୍‌କଲ୍‌ଃ ମେସାନ୍ ନାଗେନ୍ତେ ସାନାଙ୍ଗ୍‌କେଦା । ମେନ୍‌ଦ ଇନିଃ ମିଆଁଦ୍ ଚେଲ୍‌ା ତାନିଃ ମେନ୍ତେ କାକଗି ବିଶ୍ୱାସ୍‌କେଦା ଆଡ଼ଃ ସବେନ୍‌କ ଇନିଃକେ ବରଆଇ ତାଇକେନାକ । ୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେସ୍‌ଡ଼ ଚେଲ୍‌କତାଃତେ ଇଦିକେଦ୍‌ତେ ଦମାସ୍‌କସ୍ ହରାରେ ଶାଉଲ୍ ଚିଲ୍‌କା ପ୍ରାଭୁଆଃ ଦାର୍‌ଶାନ୍ ନାମାକାଦ୍ ତାଇକେନାଏ ଆଡ଼ଃ ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍‌କୁକେ ଉଦୁବାଦକଆ । ଦମାସ୍‌କସ୍‌ରେ ଯୀଶୁଆଃ ନୁତୁମ୍‌ତେ ଶାଉଲ୍ ଚିଲ୍‌କା ବେଗାର୍ ବରତେ ପ୍ରାଚାର୍‌କେଦା, ଏନ୍ ସବେନାଃ ଇନ୍‌କୁକେ ବୁଗିଲେକାଏ ଉଦୁବାଦକଆ । ୨୮ ଏନ୍ତେ ଶାଉଲ୍ ପ୍ରେସ୍‌ଡ଼ ଚେଲ୍‌କଲ୍‌ଃ ତାଇନ୍‌ୟାନାଏ ଆଡ଼ଃ ଯୀରୁଶାଲେମ୍‌ରେୟାଃ ଚାରିୟସାଃ ସେନ୍‌କେଦ୍‌ତେ ବେଗାର୍ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାର୍‌କେଦାକ । ୨୯ ଇନିଃ ଗ୍ରୀକ୍ ଜାଗାର୍‌ତେ ବାଗାଁଣ୍‌ତାନ୍ ଯିହୁଦୀ ହଡ଼କଲ୍‌ଃ ବାଗାଁଣ୍ ତାଇକେନାଏ ଆଡ଼ଃ କାପ୍‌ଜିତାଇକେନାଏ, ମେନ୍‌ଦ ଇନ୍‌କୁ ଇନିଃକେ ଗଏଃ ନାଗେନ୍ତେକ ରୋଜୋଟ୍ ତାଇକେନା । ୩୦ ଖ୍ରୀଷ୍ଟ୍‌ରେ ହାଗାକ ନେ କାଜି ସାରିକେଦ୍‌ତେ, ଶାଉଲ୍‌କେ କାଇସରିୟା ନାଗାର୍‌ତେକ ଇଦିକିୟା ଆଡ଼ଃ ଏନ୍ତାଃଏତେ ତାଷ୍ ସ୍‌ସାହାର୍‌ତେକ କୁଲ୍‌କିୟା ।

୩୧ ନେ'ଲେକାତେ ଗଟା ଯିହୁଦା ପାର୍‌ଗାନ୍, ଗାଲିଲ୍ ଆଡ଼ଃ ଶମିରୋନ୍‌ରେୟାଃ କାଲିସିୟାକରେନ୍ ଖ୍ରୀଷ୍ଟ୍ ବିଶ୍ୱାସୀକ ସୁକୁଜୀତରେ ତାଇକେନାକ ଆଡ଼ଃ ପାବିତାର୍ ଆମ୍‌ଜାରେୟାଃ ଦେଙ୍ଗାତେ ପେଡ଼େଃ ନାମ୍‌ତାନ୍‌ଲଃ ପସାଇଦିୟଃ ତାଇକେନାକ ଆଡ଼ଃ ପ୍ରାଭୁକେ ବରଭାକ୍ତିତାନ୍‌ଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆଡ଼ଃ ଯୋପ୍‌ପାରେ ପାଡ଼ରାସ୍

\* ୯:୨୩ ୯:୨୩ ୨ କରିଛିୟ ୧୧:୩୨,୩୩.

୩୨ ପାତ୍ରରାସ୍ ସବେନତାଃ ହରାସେନତାନଲଃ ଲୁଦା ସାହାରରେ ତାଇନଃତାନ ପାର୍ମେଶ୍ଵାରଆଃ ପାବିତାର୍ ହଡକତାଃତେ ନେପେଲ୍ ନାଗେନ୍ତେ ସେନଃୟାନା । ୩୩ ଏନ୍ତାଃରେ ପାତ୍ରରାସ୍ ଏନିୟ୍ ନୁତୁମ୍ ମିଆଁଦ୍ ହଡକେ ନାମକିୟା । ଇନିଃ ବାଡକାନ୍ ହରାତେ ଇରାଲିୟା\* ବାରାଷ୍ ଜାକେଦ୍ ପାରକମ୍‌ହେତେ ବିରିଦ୍ କାଏ ଦାଡିତାଇକେନା । ୩୪ ପାତ୍ରରାସ୍ ଇନିଃକେ କାଜିକିୟା, “ଏନିୟ୍, ଯୀଶୁ ଖ୍ରୀଷ୍ଟ୍ ଆମ୍‌କେ ବୁଗିକାଦ୍‌ମେଆ । ବିରିଦ୍‌ମେ ଆତଃ ପାରକମ୍‌ତାମାଃ ବିଲାଇକାଦ୍‌ତେୟାଃ ଉଠାଏମେ ।” ଇମତାଗି ଏନିୟ୍ ବିରିଦ୍‌ୟାନାଏ । ୩୫ ଲୁଦା ଆତଃ ଶାରୋନରେ ତାଇନଃତାନ ସବେନ ହଡକ ଇନିଃକେ ନେଲ୍‌କେଦ୍‌ତେ ପ୍ରାଭୁରେ ବିଶ୍ଵାସ୍‌କେଦାକ ।

ପାତ୍ରରାସ୍ ଦର୍କାସ୍‌କେ ଜୀଉବିରିଦ୍‌କିୟା

୩୬ ଯୋପ୍‌ପା ସାହାରରେ ଗାବିଆ ନୁତୁମ୍ ମିଆଁଦ୍ ଖ୍ରୀଷ୍ଟ୍ ବିଶ୍ଵାସୀ କୁଡି ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ ନେତାରେ ବୁଗିନ୍ କାମି କାମିତାଇକେନା ଆତଃ ଗାରିବ୍ ହଡକକେ ଦେଜ୍ଞାକତାନ୍ ତାଇକେନା । ୩୭ ଏନ୍ ନେତାରେ ଇନିଃ ବେମାର୍‌କେଦ୍‌ତେ ଗଏଃୟାନା । ହଡକ ଇନିୟାଃ ହଡଫକେ ନିୟାଁରକେଦାକ ଆତଃ ମାହାଲା ଅଡ଼ାଃରେୟାଃ ତେତାନ୍ କୁଠାରେକ ଦହକେଦା । ୩୮ ଯୋପ୍‌ପା ସାହାର ଲୁଦା ସାହାରତାଃଏତେ ଥୁମ୍ ସାଜିନ୍‌ରେ କା ତାଇକେନା । ପାତ୍ରରାସ୍ ଲୁଦା ସାହାରରେ ମେନାଇୟା ମେନ୍ତେ ଯୋପ୍‌ପାରେନ୍ ଖ୍ରୀଷ୍ଟ୍ ବିଶ୍ଵାସୀକ ଆୟୁମ୍‌କେଦ୍‌ତି, ଇନ୍‌କୁ ବାରହଡକିନ୍‌କେ ଆୟାଃ ହେପାଦ୍ କୁଲ୍‌କେଦ୍‌ତେ ନେ'ଲେକା କାଜିଗହାରକେଦାକ, “ଦାୟାକେଦ୍‌ତେ ଆଲେତାଃତେ ଜାଲ୍‌ଦି ହିଜୁଃମେ ।” ୩୯ ପାତ୍ରରାସ୍ ସେକାଡକେଦ୍‌ତେ ଇନ୍‌କୁଲଃ ସେନଃୟାନାଏ । ଏନ୍ତାଃତେ ସେଟେରୁୟାନ୍‌ତି ଇମତାଗି ହଡକ ମାହାଲା ଅଡ଼ାଃରେୟାଃ ତେତାନ୍ କୁଠାତେ ଇନିଃକେକ ଇଦିକିୟା । ଏନ୍ତାଃରେ ରାଣ୍ଡିକୁଡିକ ଇନିଃକେ ଜୁରୁବିୟୁରକେଦ୍‌ତେ ରାଆଃତାନ୍‌ଲଃ ଦର୍କାସ୍ ଜାନିଦ୍ ତାଇକେନ୍ ଇମତା ସିଲାଇକାଦ୍ ତୁସିଙ୍ଗ୍ ଲିଜାଃ ଆତଃ ଲିଜାଃକ ଇନିଃକେକ ଉଦ୍‌ଦକିୟା । ୪୦ ପାତ୍ରରାସ୍ ସବେନକକେ ଏନ୍ କୁଠାଏତେ ଅଡ଼ଙ୍‌କେଦ୍‌କଆ ଆତଃ ଇକ୍‌ଡ଼ମ୍‌କେଦ୍‌ତେ ବିନ୍ତିକେଦା, ଏନ୍ତେ ଇନିଃ ଦର୍କାସ୍‌ଆଃ ଗଏଃ ହଡଫସାଃତେ ହେତାରୁହାଡକେଦ୍‌ତେ କାଜିକେଦା, “ଗାବିଆ, ବିରିଦ୍‌ମେ ।” ଦର୍କାସ୍ ନେଲ୍‌କେଦାଏ ଆତଃ ପାତ୍ରରାସ୍‌କେ ନେଲ୍‌କେଦ୍‌ତେ ଦୁବ୍‌ୟାନା । ୪୧ ପାତ୍ରରାସ୍ ଇନିୟାଃ ତିଃଇକେ ସାବ୍‌କେଦ୍‌ତେ ବିରିଦ୍‌କିୟା । ଏନ୍ତେ ଇନିଃ ହୁଣ୍ଡିୟାକାନ୍ ପାବିତାର୍ ହଡକକେ ଆତଃ ରାଣ୍ଡିକୁଡିକକେ ହାକାଅକେଦ୍‌ତେ ଦର୍କାସ୍‌କେ ଇନ୍‌କୁଆଃ ତିଃଇରେ ଜୀହୁଦ୍‌ଗି ଜିମାକିୟା । ୪୨ ନେ କାଜି ଗଗା ଯୋପ୍‌ପା ସାହାରରେୟାଃ ଚାରିୟସାଃରେ ଆୟୁମ୍‌ୟାନା ଆତଃ ପୁରାଃ ହଡକ ପ୍ରାଭୁକେକ ବିଶ୍ଵାସକିୟା । ୪୩ ପାତ୍ରରାସ୍ ପୁରାଃ ଦିନ୍ ଜାକେଦ୍ ଯୋପ୍‌ପାରେ ଶିମୋନ୍ ନୁତୁମ୍ ମିଆଁଦ୍ ମୁରିଆଃ ଅଡ଼ାଃରେ ତାଇନ୍‌ୟାନା ।

୧୦

ପାତ୍ରରାସ୍ ଆତଃ କର୍ଣ୍ଣଲିୟ

୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହଡ ତାଇକେନାଏ, ଇନିଃ “ଇଟାଲିରେନ୍ ପାଲ୍‌ଟାନ୍” ନୁତୁମ୍‌ତାନ ରୋମାନ୍ ପାଲ୍‌ଟାନ୍‌କଆଃ ମିଦ୍‌ଶାଅ ସିପାଇକଆଃ ଆଗୁଆଇ ତାଇକେନାଏ । ୨ ଇନିଃ ଧାର୍ମାନ୍ ହଡ ତାଇକେନାଏ । ଇନିଃ ଆତଃ ଆୟାଃ ଅଡ଼ାଃରେନ୍ ସବେନକ ପାର୍ମେଶ୍ଵାରକେକ ବର

\* ୯:୩୩ ୯:୩୩ ଆଠ



ତାଙ୍କୁ କେନା । ଇନିଃ ଗାରିବ୍ ଯିହୁଦୀ ହତୁକକେ ଦେଘାକତାନ୍ ତାଙ୍କୁ କେନା ଆଡ଼ଃ ପାର୍‌ମେଶ୍ୱାରତାଃରେ ସବେନ୍ ଇମ୍‌ତାଏ ବିକ୍ରିତାନ୍ ତାଙ୍କୁ କେନା ।<sup>୩</sup> ମୁସିଙ୍ଗ୍ ତାର୍‌ସିଙ୍ଗ୍ ଆପି ଘାଡ଼ି ହବାଅଃତାଙ୍କୁ କେନ୍ ଇମ୍‌ତାକରେ ଇନିଃ ମିଆଁଦ୍ ଦାର୍‌ଶାନ୍‌ରେ ପୁରା ନେଲ୍‌କେଦା ଯେ, ପାର୍‌ମେଶ୍ୱାରଆଃ ମିଆଁଦ୍ ଦୁଢ଼୍ ହିଜୁଃକେଦ୍‌ତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

<sup>୪</sup> ଇନିଃ ବରତେ ଦୁଢ଼୍‌ସାଃତେ ନେଲ୍‌କେଦା ଆଡ଼ଃ କାଜିକିୟାଏ, “ହେ ଗମକେ, ଚିନାଃମ୍ କାଜିତାନା ?” ଦୁଢ଼୍ କାଜିରୁହାଡ଼କିୟାଏ, “ପାର୍‌ମେଶ୍ୱାର୍ ଆମାଃ ବିକ୍ରି ଆଡ଼ଃ ଦାନ୍ ଏମଃରେ ସୁକୁଆକାନା ଆଡ଼ଃ ଇନିଃ ଆମକେ କାଜିରୁହାଡ଼୍ ନାଗେନ୍ତେ ସେକାଡ଼ାକାନା ।<sup>୫</sup> ନାହାଃ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହତୁକେ କେଡ଼ାଆଡ଼ ନାଗେନ୍ତେ ହତୁକକେ ଯୋପ୍‌ପାତେ କୁଲ୍‌କେମେ ।<sup>୬</sup> ପାଡ଼ରାସ୍ ଦରେୟା ଗେନାରେ ତାଙ୍କୁଦାନ୍ ଶିମୋନ୍ ନୁତୁମ୍ ମିଆଁଦ୍ ମୁଚିଆଃ ଅଡ଼ାଃରେ ପେଡ଼ାହତୁ ଲେକାଏ ତାଙ୍କୁ କେନା ।”<sup>୭</sup> ନେଆଁ କାଜିକେଦ୍‌ତେ ଦୁଢ଼୍ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅଡ଼ାଃରେନ୍ ବାରହତୁ ଦାସିକିନ୍‌କେ ଆଡ଼ଃ ମିଆଁଦ୍ ସିପାଲ୍, ଅକଏଚି ଧାର୍‌ମାନ୍ ହତୁ ତାଙ୍କୁ କେନାଏ, ଇନିଃକେ କେଡ଼ାଆଡ଼କିୟା ।<sup>୮</sup> ଇନିଃ ଇନ୍‌କୁକେ ସବେନାଃ ଉଦୁବ୍‌କେଦ୍‌ତେ ଯୋପ୍‌ପାତେ କୁଲ୍‌କେଦ୍‌କଆ ।

<sup>୯</sup> ଏଟାଃ ହୁଲାଙ୍ଗ୍ ଇନ୍‌କୁ ଯୋପ୍‌ପା ସାହାରତେ ସେଚେରଃତାନ୍ ଇମ୍‌ତା ପାଡ଼ରାସ୍ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ବିକ୍ରି ନାଙ୍ଗ୍ ସେନ୍‌କେନାଏ । ଇମ୍‌ତାକ ଡିକିନ୍‌ସିଙ୍ଗ୍ ହବାଅଃ ତାଙ୍କୁ କେନା ।<sup>୧୦</sup> ପାଡ଼ରାସ୍‌କେ ପୁରାଃଗି ରେଙ୍ଗେଃକିଃ ହରାତେ ଜେଡ଼ନାଃ ଜମ୍‌ନାଙ୍ଗ୍ ସାନାଙ୍ଗ୍‌କିୟା । ଜମେୟାଃ ସେକାଡ଼ଃତାଙ୍କୁ କେନ୍ ଇମ୍‌ତା ଇନିଃ ମିଆଁଦ୍ ଦାର୍‌ଶାନ୍ ନାମକେଦାଏ ।<sup>୧୧</sup> ଇନିଃ ସିର୍ମା ନିଜାକାନ୍ ଆଡ଼ଃ ଏନାଏତେ ମିଆଁଦ୍ ମାରାଙ୍ଗ୍ ଚାଦାର୍ ଲେକା ଉପୁନିୟା\* କଚାରେ ତୁଙ୍ଗାକେଦ୍‌ତେ ଅତେ ଚେତାନ୍‌ତେ ଆଡ଼ଗୁଃତାନାଏ ନେଲ୍‌କେଦା ।<sup>୧୨</sup> ଏନାରେ ଚିମିନ୍ ରାକାମ୍‌ରେନ୍ ଜାଁତୁ, ଅତେରେ ରେଙ୍ଗାଅଃତାନ୍ ଜାଁତୁ ଆଡ଼ଃ ବିରରେନ୍ ଅଡ଼େକ ତାଙ୍କୁ କେନା ।<sup>୧୩</sup> ଆଡ଼ଃ ଇନିଃ ମିଆଁଦ୍ ଲାବ୍‌ଜା ଆୟୁମ୍‌କେଦାଏ, “ଏ ପାଡ଼ରାସ୍, ବିରିଦ୍‌ମେ ଆଡ଼ଃ ଗଏଃକେଦ୍‌ତେ ଜମ୍‌କୁମ୍ ।”

<sup>୧୪</sup> ମେନ୍‌ଦ୍ ପାଡ଼ରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିଉଲାଅଗି କା ଫାର୍‌ଚିୟାକାନ୍ ଚାଏ ସଡ଼ରାକାନ୍ ଜମେୟାଃ କାଇଙ୍ଗ୍ ଜମାକାଦା ।”

<sup>୧୫</sup> ଇନିଃ ଆଡ଼ଃମିସା ଏନ୍ ଲାବ୍‌ଜା ଆୟୁମ୍‌କେଦାଏ, “ପାର୍‌ମେଶ୍ୱାର୍ ଅକ୍‌ନାଃକେ ଫାର୍‌ଚିକାଦା, ଆମ୍ ଏନାକେ କା ଫାର୍‌ଚି ମେନ୍ତେ ଆଲମ୍ କାଜିୟା ।”<sup>୧୬</sup> ନେ'ଲେକା ଆପିସାତେ ହବାୟାନ୍ ତାୟମ୍‌ତେ, ଚାଦାର୍ ଇମ୍‌ତାଗି ସିର୍ମାତେ ରାକାବ୍‌ୟାନା ।

<sup>୧୭</sup> ପାଡ଼ରାସ୍ ଆୟାଃ ଦାର୍‌ଶାନ୍‌ରେୟାଃ ମୁଣ୍ଡି ଉଡ଼ଃକେଦ୍‌ତେ ଆକ୍‌ଦାନ୍‌ଆଡ଼ତାନ୍ ଇମ୍‌ତା, କର୍ଣ୍ଣଲିୟ ଅକନ୍ ହତୁକକେ କୁଲାକାଦ୍‌କ ତାଙ୍କୁ କେନା, ଇନ୍‌କୁ ଶିମୋନ୍‌ଆଃ ଅଡ଼ାଃ ନେଲ୍‌ଉରମ୍‌କେଦ୍‌ତେ ଆୟାଃ ଅଡ଼ାଃରାଚାରେୟାଃ ବଲ୍‌ଦୁଆର୍‌ତାଃରେ ଡିଙ୍ଗୁକାନ୍‌କ ତାଙ୍କୁ କେନା ।<sup>୧୮</sup> ଇନ୍‌କୁ ହାକାଅକେଦ୍‌ତେ କୁଲିକେଦାକ, “ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ପେଡ଼ାହତୁ ନେତାଃରେ ମେନାଇୟାଚି ?”

<sup>୧୯</sup> ପାଡ଼ରାସ୍ ଇମ୍‌ତାଜାକେଦ୍ ଏନ୍ ଦାର୍‌ଶାନ୍‌ରେୟାଃ ମୁଣ୍ଡି ଆବ୍‌କାର୍‌ଉରୁମେ ନାଗେନ୍ତେ ସାନାଙ୍ଗ୍ ତାଙ୍କୁ କେନା, ଇମ୍‌ତା ଆମ୍ କାଜିକିୟାଏ, “ଆୟୁମ୍‌ଲେମ୍, ଆମକେ ଆପିହତୁ ଦାଣାଁମେତାନାକ ।<sup>୨୦</sup> ଏନାତେ ମାର୍ ସେକାଡ଼କେଦ୍‌ତେ ଲାଡ଼ାର୍‌ତେ ଆଡ଼ଗୁନ୍‌ମେ ଆଡ଼ଃ ଇନ୍‌କୁଲଃ ସେନ୍ ନାଗେନ୍ତେ ଆଲମ୍ ହିଚ୍‌କିଠାଃଅଆ, ଚିଆଃଚି ଆଇଙ୍ଗ୍ ଇନ୍‌କୁକେ କୁଲାକାଦ୍‌କଆଇଙ୍ଗ୍ ।”<sup>୨୧</sup> ଏନ୍ତେ ପାଡ଼ରାସ୍ ଲାଡ଼ାର୍‌ତେ

\* ୧୦:୧୧ ୧୦:୧୧ ଚାଇର୍

ଆଡ଼ଗୁକେଦତେ ଇନକୁକେ କାଜିକେଦକଆ, “ଆପେ ଅକଏକେ ଦାଣ୍ଡାତାନାପେ ଇନିଃ ଆଇଙ୍ଗାରି ତାନିଙ୍ଗ, ଆପେ ଚିନାଃ ମେନ୍ତେପେ ହିଜୁଃକାନା ?”

୨୭ ଇନକୁ କାଜିରୁହାଡ଼କିୟାକ, “ମିଦ୍‌ଶାଅ ସିପାଇକଆଃ ଆଗୁଆଇ କର୍ଣ୍ଣଲିୟ ଆଲେକେ କୁଲାକାଦଲେୟା । ଇନିଃ ମିହୁଡ଼୍ ଧାର୍‌ମାନ୍ ହଡ଼ ତାନିଃ । ଇନିଃ ପାର୍‌ମେଶ୍ୱାର୍‌କେ ବରଝାଇ ତାଇକେନା ଆଡ଼ଃ ସବେନ୍ ଯିହୁଦୀ ହଡ଼କ ଇନିଃକେ ମାଇନାଃକ । ପାର୍‌ମେଶ୍ୱାର୍‌ଆଃ ମିଆଁଦ୍ ପାବିତାର୍ ଦୁଡ଼୍ କର୍ଣ୍ଣଲିୟକେ ଦାର୍‌ଶାନ୍ ଏମ୍‌କେଦତେ ଆମ୍‌କେ ଆୟାଃ ଅଡ଼ାଃତେ କେଡ଼ାଇଦିମେ ମେନ୍ତେ କାଜିକାଦା, ଜେ'ଲେକାଟି ଇନିଃ ଆମାଃତାଃଏତେ ଇତୁ ଦାଡ଼ିୟଃଆ ।” ୨୩ ପାଡ଼ରାସ୍ ଇନକୁକେ ଅଡ଼ାଃତେ କେଡ଼ାଇଦିକେଦକଆ ଆଡ଼ଃ ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିକ୍ରିକେଦକଆ । ଏଗାଃ ହୁଲାଙ୍ଗ୍ ଇନିଃ ସେକାଡ଼କେଦତେ ଇନକୁଲଃ ସେନଃୟାନାଏ । ଯୋପ୍‌ପାରେନ୍ ଚିମିନ୍ ବିଶ୍ୱାସୀକହଗି ଇନକୁଲଃ ମିସାତେକ ସେନଃୟାନା । ୨୪ ଏନ୍ ହୁଲାଙ୍ଗ୍‌ରେୟାଃ ଏଗାଃ ହୁଲାଙ୍ଗ୍‌ରେ ଇନକୁ କାଇସରିୟା ସାହାର୍‌ତେକ ସେରେୟାନା । ଏନ୍ତାଃରେ କର୍ଣ୍ଣଲିୟ ଆୟାଃ ହଡ଼ପେଡ଼ାକକେ ଆଡ଼ଃ ଆୟାଃ ଗାତିକକେ ହାକାଅକେଦତେ ଇନକୁକେ ତାଙ୍ଗିତାନ୍‌କ ତାଇକେନା । ୨୫ ପାଡ଼ରାସ୍ ଭିତାର୍‌ତେ ବଲତାନ୍ ତାଇକେନ୍ ଇମ୍‌ତା କର୍ଣ୍ଣଲିୟ ଇନିଃକେ ଦାରମିତାନ୍‌ଲଃ ଆୟାଃ କାଟା ସୁବାରେ ଉୟୁଃକେଦତେ ଜହାର୍‌କିୟା । ୨୬ ମେନ୍‌ଦ୍ ପାଡ଼ରାସ୍ ଇନିଃକେ ବିରିଦ୍‌କେଦତେ କାଜିକିୟା, “ମାର୍ ତିଙ୍ଗୁନ୍‌ମେ, ଆଇଙ୍ଗ୍‌ହ୍ ମିହୁଡ଼୍ ହଡ଼ ତାନିଙ୍ଗ ।” ୨୭ ପାଡ଼ରାସ୍ କର୍ଣ୍ଣଲିୟଲଃ ଜାଗାର୍‌ତାନ୍‌ଲଃଗି ଅଡ଼ାଃତେ ବଲୟାନା । ଏନ୍ତାଃରେ ପୁରାଃ ହଡ଼କକେ ନେଲ୍‌କେଦତେ, ୨୮ ଇନିଃ ଇନକୁକେ କାଜିକେଦକଆ, “ଆପେ ସବେନ୍‌କ ସାରିତାନାପେ, ମିଆଁଦ୍ ଯିହୁଦୀ ହଡ଼ ଆୟାଃ ଧାରାମ୍ ବିଶ୍ୱାସ୍ ଲେକାତେ ସାଅଁସାର୍ ହଡ଼କଲଃ କାଏ ଦୁବ୍‌ତିଙ୍ଗୁନା । ମେନ୍‌ଦ୍ ପାର୍‌ମେଶ୍ୱାର୍ ଆଇଙ୍ଗ୍‌କେ ଉଦୁବ୍‌କାଦିୟାଁ, ଜେତାଏକେ କା ଫାର୍‌ଟି ଚାଏ ସଡ଼ରା ମେନ୍ତେ ଆଲମ୍ କାଜିକଆ । ୨୯ ଏନାମେନ୍ତେ ଆମ୍ ଚିମ୍‌ତା ଆଇଙ୍ଗ୍‌କେ କେଡ଼ାଆଉ ନାଙ୍ଗ୍ କାଜିକେଦାମ୍, ଆଇଙ୍ଗ୍ ଜେଡ଼ନାଃ କା କାଜିକେଦତେଇଙ୍ଗ୍ ହିଜୁଃୟାନା । ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆମ୍ ଚିନାଃମେନ୍ତେମ୍ କେଡ଼ାଆଉକାଦିୟାଁ ?”

୩୦ କର୍ଣ୍ଣଲିୟ କାଜିକିୟାଏ, “ଉପୁନ୍‌ମାହାଁରେ ଠିକ୍ ନେ ନେତାରେ ତାର୍‌ସିଙ୍ଗ୍ ଆପି ପାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିକ୍ରି ତାଇକେନାଇଙ୍ଗ୍ । ଇମ୍‌ତାଙ୍ଗି ଝାକ୍‌ମାକ୍ ଲିଜାଃ ତୁସିଙ୍ଗ୍‌ୟାଁକାନ୍ ମିଆଁଦ୍ ହଡ଼ ଆଇଁୟାଃ ସାମ୍‌ନାଙ୍ଗ୍‌ରେ ତିଙ୍ଗୁୟାନା ଆଡ଼ଃ କାଜିକିୟାଏ, ୩୧ ଏ କର୍ଣ୍ଣଲିୟ, ପାର୍‌ମେଶ୍ୱାର୍ ଆମାଃ ବିକ୍ରି ଆୟୁମାକାଦା ଆଡ଼ଃ ଗାରିବ୍ ହଡ଼କକେ ଦାନ୍ ଏମ୍‌ରେୟାଃ କାମିତେ ସୁକୁଆକାନା । ୩୨ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ ଯୋପ୍‌ପା ସାହାର୍‌ତେ ଜେତାଏ ମିହୁଡ଼କେ କୁଲିପେ । ଇନିଃ ଦରେୟା ଗେନାରେ ତାଇନ୍‌ତାନ୍ ମୁଚି ଶିମୋନ୍‌ଆଃ ଅଡ଼ାଃରେ ପେଡ଼ାହଡ଼ ଲେକା ମେନାଇୟା । ୩୩ ଏନ୍ତେ ଆଇଙ୍ଗ୍ ଇମ୍‌ତାଗି ଆମ୍‌କେ କେଡ଼ାଆଉ ନାଙ୍ଗ୍ ହଡ଼କଇଙ୍ଗ୍ କୁଲ୍‌କେଦକଆ ଆଡ଼ଃ ଆମ୍ ଲିବୁଇତାନ୍‌ଲଃ ହିଜୁଃୟାନାମ୍ । ପ୍ରାଭୁ ଆମ୍‌କେ ଅକ୍‌ନାଃ କାଜି ନାଗେନ୍ତେ ଆରୁକାଦମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍‌କ ନେତାଃରେଲେ ହୁଣ୍ଡିୟାକାନା ଆଡ଼ଃ ସାରିତାନାଲେ ପାର୍‌ମେଶ୍ୱାର୍ ଆଲେଲଃ ମେନାଇୟା ।”

କର୍ଣ୍ଣଲିୟରାଃ ଅଡ଼ାଃରେ ପାଡ଼ରାସ୍‌ଆଃ ପ୍ରାଚାର୍

୩୪ ପାଡ଼ରାସ୍ ଇତୁ ଏଚେଦ୍‌ତାନ୍‌ଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆବ୍‌କାର୍ ଉରୁମ୍‌କେଦାଇଙ୍ଗ୍ ଯେ ସାର୍‌ତିଗି ପାର୍‌ମେଶ୍ୱାର୍ ସବେନ୍‌କକେ ମିଦ୍‌ଜକାଗି ନେଲଃଏ । ୩୫ ଜେତାଏ ପାର୍‌ମେଶ୍ୱାର୍‌କେ ବରଝାଇୟା ଆଡ଼ଃ ଅକ୍‌ନାଃ ବୁଗିନାଃ ଏନା

ରିକାଃଏ, ଇନିଃକେ ପାର୍ମେଶ୍ୱାର୍ ସୁକ୍ଷୁଆଏ । ଏନ୍ ହଡ଼ ଜେତା ଜାତିରେନ୍ ତାଇନଃରେୟ୍ ବାୟୁଃଆ । ୩୬ ପାର୍ମେଶ୍ୱାର୍ ଇସ୍ରାଏଲ୍ ହଡ଼କତାଃତେ ଅକ କାନାଜି କୁଲାକାଦ୍ ତାଇକେନାଏ, ଏନାଗି ଯୀଶୁ ଖ୍ରୀଷ୍ଟୁଆଃ ହରାତେ ଉଦୁବକାନ୍ ଜୀଉସୁକ୍ତରାଃ ସୁକ୍ତକାଜି ତାନାଃ ଆତଃ ନେ ଯୀଶୁଗି ସବେନ୍କଆଃ ପ୍ରାଭୁ ତାନିଃ, ଏନାଦପେ ସାରିତାନା । ୩୭ ଯୋହାନ୍ ମନ୍ରୁହାଡ଼ରେୟାଃ ଆତଃ ଦାଆଃରେ ବାପ୍ତିସ୍ତା ଇଦିରେୟାଃ କାନାଜି ଉଦୁବକେଦ୍ ତାୟମ୍ତେ, ଗାଲିଲ୍ତାଃଏତେ ଏଟେଃକେଦ୍ତେ ଗଟା ଯିହୁଦା ଦିଶ୍ୱମ୍ତେ ସୁକ୍ତକାଜି ଉଦୁବୟାନା, ଏନାଦପେ ସାରିତାନା । ୩୮ ଆପେ ନାଜ୍ରେତ୍ରେନ୍ ଯୀଶୁଆଃ ବିଷାଏରେ ଆତଃ ପାର୍ମେଶ୍ୱାର୍ ଚିଲ୍କା ଯୀଶୁଆଃ ଚେତାନରେ ପାବିତାର୍ ଆମ୍ବା ଆତଃ ପେଡ଼େଃତେ ଆଭିଷେକ୍କିୟାଏ, ଏନାଦପେ ସାରିତାନା । ଯୀଶୁ ସବେନ୍ୟାଃତେ ସେନ୍କେଦ୍ତେ ବୁଗିନାଃ କାମିକେଦାଏ ଆତଃ ସାଏତାନ୍ତେ ଏସେରାକାନ୍ ହଡ଼କକେ ବୁଗିକେଦକଆ, ତିଆଃଟି ପାର୍ମେଶ୍ୱାର୍ ଇନିଃଲଃ ତାଇକେନାଏ । ୩୯ ଯିହୁଦା ଦିଶ୍ୱମ୍ତେ ଆତଃ ଯୀରୁଶାଲେମ୍ ଦିଶ୍ୱମ୍ତେ ଇନିଃ ଅକ କାମିକଏ କାମିକେଦା, ଏନ୍ ସବେନାଃରେୟାଃ ଆଲେ ଗାଞ୍ଜାତାନ୍ଲେ । ଏନ୍ତେ ଯୀଶୁକେ ଇନ୍କୁ କୁଶ୍ରେ କିଲାକେଦ୍ତେ ଗଏଃକିୟାକ । ୪୦ ମେନ୍ଦ ପାର୍ମେଶ୍ୱାର୍ ଇନିଃକେ ଆପିମାହ୍ଁ ତାୟମ୍ତେ ଗନଏଃହେତେ ଜୀଉବିରିଦ୍କିୟା ଆତଃ ହଡ଼କତାଃରେ ଉଦୁବେନଇଚିକିୟା । ୪୧ ଇନିଃ ସବେନ୍କତାଃରେଦ୍ କାଏ ଉଦୁବେନ୍ୟାନା, ମେନ୍ଦ ପାର୍ମେଶ୍ୱାର୍ ଅକ ହଡ଼କକେ ଆୟାଃ ଗାଞ୍ଜା ଏମ୍ନାଜ୍ ସିଦାରେ ସାଲାକାଦ୍କ ତାଇକେନା, ଇନ୍କୁତାଃରେ ଏସ୍କାର୍ ଉଦୁବେନ୍ୟାନାଏ । ପାର୍ମେଶ୍ୱାର୍ ଇନିଃକେ ଗନଏଃହେତେ ଜୀଉବିରିଦ୍ୟାନ୍ ତାୟମ୍ତେ ଆଲେ ଇନିଃଲଃ ଜମ୍ ନୁଁକେଦାଲେ । ୪୨ ହଡ଼କତାଃରେ ସୁକ୍ତକାଜି ଉଦୁବ୍ ନାଗେନ୍ତେ ଆତଃ ପାର୍ମେଶ୍ୱାର୍ ଇନିଃକେ ଜାନିଦ୍ ଆତଃ ଗନଏଃ ହଡ଼କଆଃ ବିଚାର୍ ନାଗେନ୍ତେ ସାଲାକିୟା, ନେ କାଜିରେୟାଃ ଗାଞ୍ଜା ଏମ୍ ନାଗେନ୍ତେ ଇନିଃ ଆଲେକେ ଆରୁକାଦଲେୟା । ୪୩ ସବେନ୍ ନାବୀକ ଇନିୟାଃ ବିଷାଏରେ ଗାଞ୍ଜା ଏମ୍କେଦାକ, ଅକନ୍ ହଡ଼କ ଇନିଃତାଃରେକ ବିଶ୍ୱାସେୟା, ଇନ୍କୁ ଇନିୟାଃ ନୁତୁମ୍ରେୟାଃ ପେଡ଼େଃତେ ପାପ୍ ଛାମାକ ନାମେୟା ।”

ସାଅଁସାର୍ ବିଶ୍ୱାସୀ ହଡ଼କ ପାବିତାର୍ ଆମ୍ବାକେକ ନାମ୍ ତାନା

୪୪ ପାଡ଼ରାସ୍ ନେ କାଜି କାଜିତାନ୍ ଇମ୍ତା, ଇନିୟାଃ କାଜି ଆୟୁମ୍ତାନ୍ ସବେନ୍ ହଡ଼କଆଃ ଚେତାନରେ ପାବିତାର୍ ଆମ୍ବା ଆଡ଼ଗ୍ଣୟାନାଏ । ୪୫ ପାର୍ମେଶ୍ୱାର୍ ସାଅଁସାର୍ ବିଶ୍ୱାସୀ ହଡ଼କକେୟଗି ପାବିତାର୍ ଆମ୍ବାରେୟାଃ ବାର୍ଦାନ୍ ଏମାକତାନାଏ, ଏନା ନେଲ୍କେଦ୍ତେ ପାଡ଼ରାସ୍ଲଃ ହିଜୁଃକାନ୍ ଯୋପ୍ପା ସାହାରରେନ୍ ଯିହୁଦୀ ବିଶ୍ୱାସୀକ ହାଏକାଟ୍ୟାନାକ । ୪୬ ତିଆଃଟି ଯିହୁଦୀ ବିଶ୍ୱାସୀକ ଇନ୍କୁକେ ପାର୍ମେଶ୍ୱାର୍ଆଃ ମାନାରାଜ୍ ରିକାତାନ୍ ଆତଃ ଏଟାଃ ଏଟାଃ ଜାଗାର୍ତେ କାଜିତାନ୍କ ଆୟୁମ୍କେଦକଆ । ଏନ୍ତେ ପାଡ଼ରାସ୍ କାଜିକେଦକଆଏ, ୪୭ “ଆବୁ ଲେକାଗି ନେ ହଡ଼କହ ପାବିତାର୍ ଆମ୍ବାକ ନାମ୍କିୟା । ଦାଆଃରେ ବାପ୍ତିସ୍ତା ଇଦି ନାଗେନ୍ତେ ଇନ୍କୁକେ ଚିନାଃ ଜେତାଏ ହକା ଦାଡ଼ିୟାଃକ ?” ୪୮ ଏନ୍ତେ ଇନିଃ ଇନ୍କୁକେ ଯୀଶୁ ଖ୍ରୀଷ୍ଟୁଆଃ ନୁତୁମ୍ତେ ଦାଆଃରେ ବାପ୍ତିସ୍ତା ଇଦି ନାଗେନ୍ତେ ଆରୁକେଦକଆ । ଏନ୍ତେ ଇନ୍କୁ ଇନିଃକେ ଆତଃ ଚିମିନ୍ ଦିନ୍ ଇନ୍କୁଲଃ ତାଇନ୍ ନାଗେନ୍ତେ କାଜିକିୟାକ ।

## ୧୧

ଯୀରୁଶାଲେମ୍ କାଲିସିୟାରେ ପାଡ଼ରାସ୍ଆଃ ଉନ୍ନୁଦ୍

୧ ସାଅଁସାର୍ ହଡ଼କହଗି ପାର୍ମେଶ୍ୱାର୍ଆଃ ବାତାନ୍ ତେଲାକେଦାକ ମେନ୍ତେ ପ୍ରେରିତ୍ ଆତଃ ଯିହୁଦାରେନ୍ ଏଟାଃ ବିଶ୍ୱାସୀକ ଆୟୁମ୍କେଦାକ । ୨ ପାଡ଼ରାସ୍

ତିମ୍ତା ଯୀରୁଶାଲେମ୍‌ରେ ସେନଃୟାନା, ଇମ୍ତା ଖାତ୍‌ନାଅକାନ୍ ହତ୍‌କ ଇନିୟାଃ ବିରୁଧ୍‌ରେ କାଜିକିୟାକ, ୩ “ଆପେ କା ଖାତ୍‌ନାଅକାନ୍ ସାଅଁସାର୍‌କଆଃ ଅଡ଼ାଃରେ ପେଡ଼ାହତ୍‌ ଲେକାପେ ତାଇକେନା ଆଡ଼ଃ ଇନ୍‌କୁଲଃ ଜମ୍‌ ନୁଁକେଦାପେ ।” ୪ ଏନାତେ ପାଡ଼ରାସ୍‌ ଏନେଟେଦ୍‌ତାଃଏତେ ଅକ୍‌ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦ୍‌କଆ,

୫ “ଆଇଙ୍ଗ୍‌ ଯୋପ୍‌ପା ସାହାର୍‌ରେ ବିନ୍ତି ତାଇକେନାଇଙ୍ଗ୍‌ ଇମ୍ତା ମିଆଁଦ୍‌ ଦାର୍‌ଶାନ୍ ନାମ୍‌କେଦାଇଙ୍ଗ୍‌ । ମିଆଁଦ୍‌ ମାରାଙ୍ଗ୍‌ ଚାଦାର୍‌ରେୟାଃ ଉପୁନ୍ କଚାରେ ସାବ୍‌କେଦ୍‌ତେ ସିର୍ମାଏତେ ତୁଙ୍ଗାଆଡ଼ଗୁଃ ତାଇକେନା ଆଡ଼ଃ ଆଇଁୟାଃ ଆୟାର୍‌ରେ ଆର୍‌କାଅୟାନ୍ ଲେକାଇଙ୍ଗ୍‌ ନେଲ୍‌କେଦା । ୬ ଆଇଙ୍ଗ୍‌ ଏନାରେୟାଃ ଭିତାର୍‌ସାଃରେ ବୁଗିଲେକାଇଙ୍ଗ୍‌ ନେଲ୍‌କେଦ୍‌ ଇମ୍ତା, ଏନାରେ ଉପୁନିୟା କାଟାକାନ୍ ଜାଁତୁକ, ଅଡ଼ାଃରେ ଆସୁଲ୍‌ ଜାଁତୁକ ଆଡ଼ଃ ବିର୍‌ରେନ୍‌ ଜାଁତୁକ, ଅତେରେ ରେଙ୍ଗାଅଃତାନ୍‌ ଜାଁତୁକ ଆଡ଼ଃ ବିର୍‌ରେନ୍‌ ଅଡ଼େକକେଇଙ୍ଗ୍‌ ନେଲ୍‌କେଦ୍‌କଆ । ଆରୁଆଃ ଆଇନ୍‌ ଲେକାତେ କାରୁ ଜଜମ୍‌ ଜାଁତୁକହଗି ତାଇକେନାକ । ୭ ଏନ୍ତେ ଆଇଙ୍ଗ୍‌, ଆଇଙ୍ଗ୍‌କେ କାଜିୟାଇଙ୍ଗ୍‌ତାନ୍‌ ଲାବ୍‌ଜା ଆୟୁମ୍‌କେଦାଇଙ୍ଗ୍‌, ‘ପାଡ଼ରାସ୍‌, ବିରିଦ୍‌ମେ, ଆଡ଼ଃ ଗଏଃକେଦ୍‌ତେ ଜମ୍‌କମ୍‌ ।’ ୮ ମେନ୍‌ଦ୍‌ ଆଇଙ୍ଗ୍‌ କାଜିରୁହାଡ଼କେଦାଇଙ୍ଗ୍‌, ‘କାହାଗି ପ୍ରାଭୁ, ଆଇଙ୍ଗ୍‌ କାଇଙ୍ଗ୍‌ ଜମ୍‌ ଦାଡ଼ିୟା । ନାହାଁଃ ଜାକେଦ୍‌ ଜେତା ସଡ଼ରାତେୟାଃ ଚାଏ କା ଫାର୍‌ତିତେୟାଃ କାଇଙ୍ଗ୍‌ ଜମାକାଦା ।’ ୯ ସିର୍ମାଏତେ ଆଡ଼ଃମିସା ନେ ଲାବ୍‌ଜା ଆୟୁମ୍‌ୟାନା, ‘ପାର୍‌ମେଶ୍ୱାର୍‌ ଅକ୍‌ନାଃକେ ଫାର୍‌ତିକାନା ମେନ୍ତେ କାଜିକାଦ୍‌ତେୟାଃକେ କା ଫାର୍‌ତିକାନା ମେନ୍ତେ ଆଲମ୍‌ କାଜିୟା ।’ ୧୦ ନେ’ଲେକା ଆପିସାତେ ହବାୟାନା, ଆଡ଼ଃ ଚୁଶ୍ଚୁର ଏନ୍‌ ସବେନ୍‌ ବିଷାଏକେ ସିର୍ମାତେ ଇଦ୍‌ ରୁହାଡ଼ିୟାନା । ୧୧ ଏନ୍‌ ନେତାରେଗି, କାଇସରିୟାଏତେ ଆଇଙ୍ଗ୍‌ତାଃତେ କୁଲାକାନ୍‌ ଆପିହତ୍‌କ ଆଇଙ୍ଗ୍‌ ତାଇନଃ ଅଡ଼ାଃତାଃତେକ ସେଟେର୍‌ୟାନା । ୧୨ ପାବିତାର୍‌ ଆମ୍‌ ଆଇଙ୍ଗ୍‌କେ ବେଗାର୍‌ ହିଡ଼କିଚାଅକେଦ୍‌ତେ ଜୁ ସେନଃମେ ମେନ୍ତେ କାଜିକିୟା । ଯୋପ୍‌ପାରେନ୍‌ ନେ ତୁରିୟା\* ବିଶ୍ୱାସୀ ହାଗାକ ଆଇଙ୍ଗ୍‌ଲଃ କାଇସରିୟାତେକ ସେନ୍‌କେନା ଆଡ଼ଃ ଆଲେ ସବେନ୍‌କ କର୍ଣ୍ଣୁଲିୟାଆଃ ଅଡ଼ାଃରେଲେ ସେଟେର୍‌ୟାନା । ୧୩ ଇନିଃ ଚିଲ୍‌କା ଆୟାଃ ଅଡ଼ାଃରେ ମିଆଁଦ୍‌ ଦୁଡ଼କେ ତିଙ୍ଗୁକାନ୍‌ ନେଲ୍‌କାଇ ତାଇକେନାଏ, ଏନ୍‌ ବିଷାଏରେ ଆଲେକେ ଉଦୁବାଦ୍‌ଲେୟା । ଦୁଡ଼ ଇନିଃକେ କାଜିକାଇ ତାଇକେନା, ‘ଯୋପ୍‌ପାତେ ଶିମୋନ୍‌ ପାଡ଼ରାସ୍‌ ନୁଡୁମ୍‌ ମିଆଁଦ୍‌ ହତ୍‌କେ ଆଉ ନାଗେନ୍ତେ ହତ୍‌ କୁଲ୍‌କମ୍‌ । ୧୪ ଇନିଃ ହିଜୁଃକେଦ୍‌ତେ ଆମ୍‌କେ ଜୀଉବାସ୍ତାଅରେୟାଃ କାଜି କାଜିମେୟା, ଏନା ହରାତେ ଆମ୍‌ ଆଡ଼ଃ ଆମାଃ ଅଡ଼ାଃରେନ୍‌ ସବେନ୍‌କ ଜୀଉବାସ୍ତାଅପେ ନାମେୟା ।’ ୧୫ ଆଡ଼ଃ ଆଇଙ୍ଗ୍‌ କାଜି ଏଟେଦ୍‌କେଦ୍‌ ଇମ୍ତା, ପାବିତାର୍‌ ଆମ୍‌ ଏନେଟେଦ୍‌ରେ ଆରୁଆଃ ଚେତାନ୍‌ରେ ଆଡ଼ଗୁୟାନ୍‌ ଲେକାଗି ଇନ୍‌କୁଆଃ ଚେତାନ୍‌ରେୟା ଆଡ଼ଗୁୟାନା । ୧୬ ଏନ୍ତେ ଆଇଙ୍ଗ୍‌ ପ୍ରାଭୁ କାଜିକାଦ୍‌ କାଜିଇଙ୍ଗ୍‌ ପାହାମ୍‌କେଦା, ‘ଯୋହାନ୍‌ଦ୍‌ ଦାଆଃତେ ବାପ୍ତିସ୍ତା ଏମାଦ୍‌କଆଏ, ମେନ୍‌ଦ୍‌ ଆପେ ପାବିତାର୍‌ ଆମ୍‌ତେ ବାପ୍ତିସ୍ତାଃଃରେ ।’ ୧୭ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସକେଦ୍‌ ହରାତେ ପାର୍‌ମେଶ୍ୱାର୍‌ ଆବୁକେ ପାବିତାର୍‌ ଆମ୍‌ରାଃ ବାର୍‌ଦାନ୍‌ ଏମାକାଦ୍‌ବୁ ଲେକାଗି ସାଅଁସାର୍‌ ବିଶ୍ୱାସୀକକେହଗି ଏନ୍‌ଲେକାନ୍‌ ବାର୍‌ଦାନ୍‌ ଏମାକାଦ୍‌କଆଏ, ଆଇଙ୍ଗ୍‌ ଅକଏ ତାନିଙ୍ଗ୍‌ ଯେ ପାର୍‌ମେଶ୍ୱାର୍‌ଆଃ ନେ କାମିକେଇଙ୍ଗ୍‌ ହକାଦାଡ଼ିୟା ।” ୧୮ ଇନ୍‌କୁ ନେଆଁ ଆୟୁମ୍‌କେଦ୍‌ତେ ହାପାୟାନାକ ଆଡ଼ଃ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତାନ୍‌ଲଃ କାଜିକେଦାକ, “ଏନାରେଦ୍‌ ପାର୍‌ମେଶ୍ୱାର୍‌

\* ୧୧:୧୨ ୧୧:୧୨ ଛ'ଖାନ୍    ✱ ୧୧:୧୬ ୧୧:୧୭ ପ୍ରେମିକ୍ ୧:୫.

ସାଥଁସାର ହତକକେୟଗି ହେୟାତିଙ୍ଗ ନାଗେନ୍ତେ ଆତଃ ଜୀଦାନ୍ ବାସ୍ତାଅଃ ନାଗେନ୍ତେ ସୁଯୋଗ୍ ଏମାକାଦକଆଏ ।”

ଆନ୍ତ୍ରୟୋଖରେୟାଃ କାଲିସିୟା

୧୯ \*ପ୍ରିଫାନକେ ଗଏଃକିଃ ତାୟମତେ ବିଶ୍ୱାସୀ ହତକ ସାସାତି ନାମକେଦ୍ ହରାତେ ଛିତିବିତିୟାନାକ, ଇନ୍କୁଏତେ ଚିମିନ୍ ହତକ ଯିହୁଦୀ ହତକତାଃରେ ଏସ୍କାର ପ୍ରାଗରତାନଲଃ ଫିନିସିୟା, ସାଇପ୍ରସ୍ ଆତଃ ଆନ୍ତ୍ରୟୋଖ୍ ଜାକେଦକ ସେନଃୟାନା । ୨୦ ମେନ୍ଦ ସାଇପ୍ରସ୍ ଟାପୁ ଆତଃ କୁରିନି ନାଗାରରେନ୍ ଏଗାଃ ଚିମିନ୍ ବିଶ୍ୱାସୀ ହତକ ଆନ୍ତ୍ରୟୋଖ୍ତେ ସେନକେଦ୍ତେ ସାଥଁସାର ହତକତାଃରେୟଗି ଗ୍ରୀକ୍ ଜାଗାରତେ ପ୍ରାଭୁ ଯୀଶୁଆଃ ସୁକୁକାଜିକ ଉଦୁବକେଦା । ୨୧ ପ୍ରାଭୁଆଃ ପେଡ଼େଃ ଇନ୍କୁଲଃ ତାଇକେନା ଆତଃ ପୁରାଃ ହତକ ବିଶ୍ୱାସକେଦ୍ତେ ପ୍ରାଭୁସାଃତେ ମନ୍ରୁହାଡ଼କେଦାକ ।

୨୨ ନେ କାନାଜି ଯୀରୁଗାଲେମ୍ କାଲିସିୟାତେ ସେଟେରୟାନ୍ ଇମ୍ତା, ଇନ୍କୁ ବର୍ଣ୍ଣବାସକେ ଆନ୍ତ୍ରୟୋଖ୍ତେ କୁଲ୍କିୟାକ । ୨୩ ଇନିଃ ଏନ୍ତାଃତେ ସେଟେରକେଦ୍ତେ ପାର୍ମେଶ୍ୱାର୍ ଏନ୍ ହତକକେ ଚିଲ୍କାଏ ଆଶିଷକାଦକଆ, ଏନା ନେଲ୍କେଦ୍ତେ ଇନିଃ ରାସକାୟାନାଏ ଆତଃ ସବେନ୍ ମନ୍ସୁରୁଦ୍ତେ ପ୍ରାଭୁଆଃ ନାଙ୍ ପାତିୟାରରଃ ଲେକା ତାଇନଃ ନାଗେନ୍ତେ ଇନ୍କୁକେ ଜୀଉରେ ରାସକାକେଦକଆ । ୨୪ ବର୍ଣ୍ଣବାସ୍ ପାବିତାର ଆମ୍ବାତେ ଆତଃ ବିଶ୍ୱାସ୍ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହତ ତାଇକେନାଏ । ନେଲ୍କାତେ ପୁରାଃ ହତକ ପ୍ରାଭୁରେ ମନ୍ରୁହାଡ଼କେଦାକ ।

୨୫ ଏନ୍ତେ ବର୍ଣ୍ଣବାସ୍, ଶାଉଲ୍କେ ନାନାମ୍ତେ ତାଷ୍ ସ୍ତେ ସେନଃୟାନା । ୨୬ ଏନ୍ତାଃରେ ଇନିଃକେ ନାମ୍ତକେଦ୍ତେ ଆନ୍ତ୍ରୟୋଖ୍ତେ ଇଦିକିୟା । ଆତଃ ମିଦ୍ ବାରାଷ୍ ଜାକେଦ୍ ବାରାନ୍କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦ୍ତେ ପୁରାଃ ହତକକେ ଇଡୁକେଦକଆକ । ନେ ଆନ୍ତ୍ରୟୋଖ୍ରେନ୍ ବିଶ୍ୱାସୀକକେ ହତକ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁଡୁମ୍ତକେଦକଆ । ୨୭ ଏନ୍ ଦିପିଲିକରେ ଚିମିନ୍ ନାବାକ ଯୀରୁଗାଲେମ୍ତେତେ ଆନ୍ତ୍ରୟୋଖ୍ତେକ ହିକୁଃୟାନା । ୨୮ \*ଇନ୍କୁଏତେ ଆଗାବ ନୁଡୁମ୍ ମିଆଁଦ୍ ହତ୍ ଆମ୍ବରେୟାଃ ପେଡ଼େଃତେ ପେରେୟାନ୍ଲଃ ଗଟା ଅତେଦିଶ୍ୱମ୍ରେ ମିଆଁଦ୍ ବରଝାନ୍ ରିଙ୍ଗା ହବାଅଃଆ ମେନ୍ତେ କାଜିଆୟାରକାଦ୍ ତାଇକେନା । ଏନା କ୍ଲାଉଦିଆ ରୋମ୍ରେନ୍ ମାରାଙ୍ ହାକିମ୍ ତାଇକେନ୍ ପାରିୟାରେ ହବାୟାନା । ୨୯ ଚେଲାକ ଯିହୁଦୀରେ ତାଇନ୍ତାନ୍ ବିଶ୍ୱାସୀ ହାଗାକତାଃତେ ଇନ୍କୁଆଃ ଲାଗାତିଙ୍ଗ୍ ଲେକା ଦେଙ୍ଗା କୁଲେ ନାଗେନ୍ତେ ଉହାଟ୍କେଦାକ । ୩୦ ଇନ୍କୁ ଟାକା ପାଏସା ହାରମ୍ତକେଦ୍ତେ ବର୍ଣ୍ଣବାସ୍ ଆତଃ ଶାଉଲ୍ଆଃ ତିଃଇରେ କାଲିସିୟାରେନ୍ ପ୍ରାଚିନକତାଃତେ କୁଲ୍କେଦାକ ।

୧୨

ପୁରାଃଗି ସାସାତି

୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ଚିମିନ୍ ହତକକେ ସାସାତି ଏଟେଦକେଦକଆଏ । ୨ ଇନିଃ ଯୋହାନ୍ଆଃ ହାଗାତେ ଯାକୁବ୍କେ ତାରାଉଡିତେ ଗଏଃକିୟା । ୩ ଯିହୁଦୀ ହତକ ନେ କାମି ନେଲ୍କେଦ୍ତେ ରାସକାଅଃତାନାକ ଏନା ଇନିଃ ଆଟ୍କାରକେଦ୍ତେ, ପାଡ଼ରାସକେୟଗି ତଲ୍କିୟାଏ । ନେଆଁ ସାବାଃ ହଲ୍ଲ୍ରେୟାଃ ପାରାବ୍ ଇମ୍ତା ହବାୟାନା । ୪ ଏନ୍ତେ ହେରୋଦ୍ ରାଜା ପାଡ଼ରାସକେ ତଲ୍କେଦ୍ତେ ଜେହେଲ୍ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡରେନ୍ ପାଲ୍ଟାନକଏତେ ମିପିହୁଡ଼୍ ଉପୁନିୟା ଝାନ୍ ସିପାଇକ ହରକିୟାକ

\* ୧୧:୧୯ ୧୧:୧୯ ପ୍ରେସ୍ ୮:୧-୪. \* ୧୧:୨୮ ୧୧:୨୮ ପ୍ରେସ୍ ୨୧:୧୦.

। ପାସ୍କା ପାରାବ୍ ତାୟମ୍‌ତେ ସବେନ୍ ହଡ଼କଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍‌କେଦାଏ । ୫ ପାଡ଼ରାସ୍ ଜେହେଲ୍‌ରେ ତାଇକେନ୍ ଇମତା କାଲିସିୟାରେନ୍ ହଡ଼କ ମିଦ୍‌ମନ୍‌ତେ ଇନିୟାଃ ନାଗେନ୍ତେ ପାର୍‌ମେଶ୍ୱାର୍‌ତାଃରେକ ବିକ୍ରିତାଇକେନା ।

ଜେହେଲ୍‌ଏତେ ପାଡ଼ରାସ୍‌ଆଃ ରାଡ଼ାଃଅ

୬ ହେରୋଦ୍ ରାଜା ଅକ ହୁଲାଙ୍ଗ୍ ପାଡ଼ରାସ୍‌କେ ହଡ଼କଆଃ ସାମନାଙ୍ଗ୍‌ତେ ଆଉ ନାଗେନ୍ତେ ଉହାଟ୍‌କାଦ୍ ତାଇକେନାଏ, ଏନ୍ ହୁଲାଙ୍ଗ୍‌ରେୟାଃ ସିଦା ନୁବାରରେ ପାଡ଼ରାସ୍ ବାର୍‌ହଡ଼୍ ହରତାନକିନାଃ ଆଲାରେ ଦୁଡ଼ମ୍‌କାନ୍ ତାଇକେନା । ଇନିଃ ବାରିୟା ସିକ୍‌ଡିତେ ତଲାକାନ୍ ତାଇକେନା ଆତଃ ଜେହେଲ୍‌ରେୟାଃ ଦୁଆର୍ ଯାପାଃରେ ହରତାନ ହଡ଼କ ହରତାଇକେନା । ୭ ଇମ୍‌ତାଗି ପ୍ରାଭୁଆଃ ମିଆଁଦ୍ ଦୁଡ଼୍ ହିଜୁଃକେଦ୍‌ତେ ତିଙ୍ଗ୍‌ୟାନା ଆତଃ ଅଡ଼ାଃରେୟାଃ କୁଠା ମାର୍‌ସାଲ୍‌ତେ ପେରେଃୟାନା । ଦୁଡ଼୍, ପାଡ଼ରାସ୍‌ଆଃ ତାରାନ୍‌କେ ଏକ୍‌ଲାଅକେଦ୍‌ତେ ଇନିଃକେ ଦୁଡ଼ମ୍‌ଏତେ ବିରିଦ୍‌କିଃଲଃ କାଜିକିୟାଏ, “ଜାଲ୍‌ଦି ବିରିଦ୍‌ମେ !” ଇମ୍‌ତାଙ୍ଗି ପାଡ଼ରାସ୍‌ଆଃ ତିଃଇରେ ତଲାକାନ୍ ସିକ୍‌ଡି ରାଡ଼ାୟାନା । ୮ ଏନ୍ତେ ଦୁଡ଼୍ କାଜିକିୟାଏ, “ମାୟାଙ୍ଗ୍‌ରେ ଲିଜାଃ ପାଟେନ୍‌ମେ, ଆତଃ ଖାର୍‌ପାତାମାଃ ତୁସିୟେନ୍‌ମେ ।” ପାଡ଼ରାସ୍ ଏନ୍‌ଲେକାଗି ରିକାକେଦ୍ ତାୟମ୍‌ତେ ଦୁଡ଼୍ କାଜିକିୟାଏ, “ହଡ଼ମ୍‌ରେ ଚାଦାର୍ ଉୟ୍‌କେଦ୍‌ତେ ଆଇଙ୍ଗ୍‌କେ ଅତଙ୍ଗ୍‌ଇମେ ।” ୯ ଦୁଡ଼୍ ରିକାତାଇକେନ୍‌ତେୟାଃ ସାର୍‌ତିତାନାଃ ତି ନାହାଁଲାଃ ଏନା ପାଡ଼ରାସ୍ କାଏ ସାରି ଦାଡ଼ିକେଦା । ଇନିଃ କୁମ୍‌ ନେଲ୍‌ତାନାଇଙ୍ଗ୍ ମେନ୍ତେ ଉଡ଼୍‌କେଦା । ଏନ୍‌ରେୟ ପାଡ଼ରାସ୍ ଜେହେଲ୍‌ହେତେ ଅତଙ୍ଗ୍‌କେଦ୍‌ତେ ଦୁଡ଼୍‌କେ ଅତଙ୍ଗ୍‌କିୟା । ୧୦ ଇନିକିନ୍ ହରତାନକଆଃ ମିଆଁଦ୍ ଆତଃ ବାରିୟା ଠାୟାଦ୍ ପାରମ୍‌କେଦ୍‌ତେ ଟୁଣ୍ଡୁରେ ସାହାର୍‌ତେ ବଲ୍ ହରାରେ ତାଇକାନ୍ ମେଡେଦ୍‌ରେୟାଃ ଦୁଆର୍‌ତାଃତେକିନ୍ ସେଟେର୍‌ୟାନା । ଇମ୍‌ତା ଇନିକିନାଃ ନାଗେନ୍ତେ ଦୁଆର୍ ଆପାନ୍‌ତେଗି ନିଜ୍‌ୟାନା ଆତଃ ଇନିକିନ୍ ଅତଙ୍ଗ୍‌କେଦ୍‌ତେ ସେନଃୟାନାକିନ୍ । ଇନିକିନ୍ ହରାରେ ସେନ୍‌ତାନ୍ ଇମ୍‌ତାଗି ଦୁଡ଼୍ ପାଡ଼ରାସ୍‌କେ ବାଗିକେଦ୍‌ତେ ସେନଃୟାନା ।

୧୧ ଏନ୍ତେ ପାଡ଼ରାସ୍ ଆଇଃକ୍‌ରେ ହବାୟାନ୍‌ତେୟାଃ ସାରି ଦାଡ଼ିକେଦ୍‌ତେ କାଜିକେଦା, “ନେଆଁ ସାର୍‌ତିତାନାଃ ମେନ୍ତେ ଆଇଙ୍ଗ୍ ନାହାଁଃ ସାରି ଦାଡ଼ିତାନାଇଙ୍ଗ୍ ଯେ, ହେରୋଦ୍‌ତାଃଏତେ ଆତଃ ଯିହୁଦା ହଡ଼କ ଅକ୍‌ନାଃ ହବାଅଃଆ ମେନ୍ତେ ଆସ୍ରାକାଦ୍ ତାଇକେନାକ, ପ୍ରାଭୁ ଏନାଏତେ ଆଇଙ୍ଗ୍‌କେ ବାସ୍ତାଅ ନାଗେନ୍ତେ ଦୁଡ଼୍‌କେ କୁଲାକାଇ ତାଇକେନା ।”

୧୨ ପାର୍‌ମେଶ୍ୱାର୍ ବାସ୍ତାଅକାଦିୟାଏ ମେନ୍ତେ ପାଡ଼ରାସ୍ ଆବ୍‌କାର୍‌କେଦାଏ, ଆତଃ ଇନିଃ ଯୋହାନ୍‌ଆଃ ଏଙ୍ଗ୍‌ତେ ମାରିୟାମ୍‌ଆଃ ଅଡ଼ାଃତେ ସେନଃୟାନା । ଯୋହାନ୍‌ଆଃ ଏଟାଃ ନୁଡୁମ୍ ହବାଅଃତାନା ମାର୍କ । ଏନ୍ତାଃରେ ପୁରାଃ ହଡ଼କ ହୁଣ୍ଡିକେଦ୍‌ତେ ବିକ୍ରି ତାଇକେନାକ । ୧୩ ପାଡ଼ରାସ୍ ଅଡ଼ାଃରେୟାଃ ବାହାରି ଦୁଆର୍‌ରେ ଠକ୍ ଠକ୍‌କାଅକେଦା ଆତଃ ରୋଦା ନୁଡୁମ୍ ମିଆଁଦ୍ କାମ୍‌ଡି କୁଡ଼ି ଅଡ଼ାଃ ବଲ୍‌ଦୁଆର୍ ନିଜ୍ ନାଗେନ୍ତେ ହିଜୁଃୟାନା । ୧୪ ପାଡ଼ରାସ୍‌ଆଃ ଲାବ୍‌ଜା ଆୟୁମ୍ ଉରୁମ୍‌କେଦ୍‌ତେ ଇନିଃ ପୁରାଃଗି ରାସ୍‌କାୟାନା ଯେ, ବଲ୍‌ଦୁଆର୍ କା ନିଜ୍‌କେଦ୍‌ତେ ପାଡ଼ରାସ୍ ବାହାରିରେ ତିଙ୍ଗ୍‌ଆକାନା ମେନ୍ତେ ଉଦ୍‌ବ୍‌କେଦା । ୧୫ ଇନିକୁ ଇନିଃକେ କାଜିକିୟାକ, “ଆମ୍ ବାଲୁଅଃତାନାମ୍ ।” ମେନ୍‌ଦ ଇନିଃ “ନେଆଁ ସାର୍‌ତି ତାନାଃ” ମେନ୍ତେ ପୁରାଃତେ କାଜିକେଦା । ଏନ୍ତେ ଇନିକୁ କାଜିରୁହାଡ଼୍‌କେଦାକ, “ଇନିଃ ଆୟାଃ ଦୁଡ଼୍ ତାଇନ୍‌ସାକାଅଃଆଏ ।”

୧୭ ପାଦରାସ୍ ଦୁଆରକେ ଠକ୍ ଠକ୍‌କାଅକାତେ ତାଇକେନାଏ । ତୁଣ୍ଡୁରୁର ଇନକୁ ଦୁଆର ନିଜକେଦ୍‌ତେ ଇନିଃକେ ନେଲ୍‌କିୟାକ ଆତଃ ହାଏକାର୍‌ୟାନାକ । ୧୭ ଇନିଃ ହାପାକାନପେ ମେନ୍ତେ ତିଃଇତେ କାଜିୟାଦକଆ ଆତଃ ପ୍ରାଭୁ ଇନିଃକେ ଚିଲ୍‌କା ଜେହେଲ୍‌ହେତେ ଅତଙ୍ଗ୍ ଆଉକିୟା, ଏନ୍ ବିଷାଏ ଇନକୁଆଃ ଆୟାରରେ କାଜିକେଦା । ଏନ୍ତେ ଇନିଃ ନେ ସବେନ୍ କାଜି “ଯାକୁବ୍ ଆତଃ ଏଟାଃ ସବେନ୍ ବିଶ୍ୱାସୀ ହାଗାକକେ” ଉଦୁବ୍ ନାଗେନ୍ତେ ଆରୁକେଦକଆ ଆତଃ ଇନିଃ ଏନ୍ତାଃଏତେ ଏଟାଃତେ ସେନଃୟାନା ।

୧୮ ଏଟାଃ ହୁଲାଙ୍ଗ୍ ଆଙ୍ଗୟାନତି ପାଦରାସ୍ କତେ ସେନଃୟାନା ମେନ୍ତେ ହରତାନ୍ ହଡକ ପୁରାଃଗି ଆକ୍‌ବାକାଅୟାନାକ । ଚିଆଃଚି ପାଦରାସ୍‌ଲଃ ଚିକ୍‌ନାଃ ହବାୟାନା ଏନା ଇନକୁ କାକ ସାରିକାଦ୍ ତାଇକେନା । ୧୯ ହେରୋଦ୍ ଇନିଃକେ ଦାଣ୍ଠାଆଉ ନାଗେନ୍ତେ ଆରୁକେଦକଆ ମେନ୍‌ଦ ଇନକୁ ଇନିଃକେ କାକ ନାମ୍‌କିୟା । ତୁଣ୍ଡୁରୁର ହରତାନ୍ ହଡକକେ କୁଲିକତାନ୍‌ଲଃ ଇନକୁକେ ଗଏଃକ ନାଗେନ୍ତେ ଆନାରୁ ଏମାଦକଆ । ଏନ୍ ତାୟମ୍‌ତେ ହେରୋଦ୍ ଯିହୁଦା ପାର୍‌ଗାନ୍ ବାଗିକେଦ୍‌ତେ କାଇସରିୟାରେ ସେନ୍‌କେଦ୍‌ତେ ତାଇନ୍‌ୟାନା ।

ହେରୋଦ୍ ରାଜାରାଃ ଗନଏଃ

୨୦ ହେରୋଦ୍ ରାଜା ସୋର୍ ଆତଃ ସିଦୋନ୍ ନାଗାରରେନ୍ ହଡକକେ ପୁରାଃଗି ଖୁସ୍‌କାନ୍ ତାଇକେନା, ଏନାତେ ଇନକୁଏତେ ମିଦ୍ ଝୁଣ୍ଡୁ ଇନିଃଲଃ ନେପେଲ୍ ନାଗେନ୍ତେ ଇନିଃତାଃତେକ ସେନଃୟାନା । ସିଦାତେ ଇନକୁ ବାପାଇୟଃ ନାଗେନ୍ତେ ଦେଙ୍ଗା ନାଙ୍ଗ୍ ରାଜ୍‌ମାହାଲ୍‌କେ ନେଲ୍‌ହରତାନ୍ ଲ୍ଲାଷ୍ଟ୍‌ୟଲଃ ଜାଗାରକେଦାକ । ଏନ୍ତେ ଇନକୁ ହେରୋଦ୍‌ତାଃ ସେନ୍‌କେଦ୍‌ତେ ବାପାଇୟଃ ନାଗେନ୍ତେକ ବିକ୍ରିକିୟା, ଚିୟାଃଚି ହେରୋଦ୍ ରାଜାରାଃ ଦିଶ୍‌ମ୍‌ହେତେ ଇନକୁଆଃ ଦିଶ୍‌ମ୍‌ତେ ଜମେୟା କୁଲଃ ତାଇକେନା ।

୨୧ ହେରୋଦ୍ ଟାହାରାଝାକାନ୍ ହୁଲାଙ୍ଗ୍‌ରେ ରାଜା ତୁସିଙ୍ଗ୍‌ଅଃ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ରାଜ୍‌ଗାଦିରେ ଦୁବ୍‌କେଦ୍‌ତେ ହଡକକେ ଜାଗାରକେଦକଆ । ୨୨ ଏନା ଆୟୁମ୍‌କେଦ୍‌ତେ ଇନକୁ କାଉରିକେଦ୍‌ତେ କାଜିକେଦାକ, “ନେଆଁ ଜେତା ହଡରାଃ ଜାଗାର ନାହାଁଲଃ ମେନ୍‌ଦ ମିଆଁଦ୍ କା ସାରିକାନ୍ ପାର୍‌ମେଶ୍ୱାର୍‌ଆଃ ଜାଗାରତାନାଃ ।” ୨୩ ଇମ୍‌ତାଙ୍ଗି ପ୍ରାଭୁଆଃ ମିଆଁଦ୍ ଦୁଁଡ୍ ଇନିଃକେ ଦାଲ୍‌କିଆ, ଚିଆଃଚି ଇନିଃ ପାର୍‌ମେଶ୍ୱାର୍‌କେ କାଏ ମାଇନ୍‌କିଆ, ଆତଃ ଇନିଃକେ ତିଜୁକ ଜମ୍‌କିଃ ହରାତେ ଗଏଃୟାନା ।

୨୪ ମେନ୍‌ଦ ପାର୍‌ମେଶ୍ୱାର୍‌ଆଃ ବାତାନ୍ ପୁରାଃତେ ନିତିର୍‌ୟାନା ଆତଃ ହାରାଇଦିୟାନା । ୨୫ ବର୍ଣ୍ଣବାସ୍ ଆତଃ ଶାଉଲ୍ ଆକିନାଃ ସେଝାକାମି ଚାବାକେଦ୍‌ତେ ଯୋହାନ୍ ଏଟାଃ ନୁତୁମ୍ ମାର୍କ୍ ମେନ୍ତେହ କାଜିୟାଃକ, ଇନିଃକେ ଇଦିକେଦ୍‌ତେ ଯୀରୁଶାଲେମ୍‌ଏତେକ ରୁହାଡ୍‌ୟାନା ।

**୧୩**

ବର୍ଣ୍ଣବାସ୍ ଆତଃ ଶାଉଲ୍ ସାଲାୟାନ୍‌ଲଃ ସେଝାକାମି ନାଗେନ୍ତେ କୁଲ୍‌ୟାନାକିନ୍

୧ ଆକ୍ରିୟୋଖ୍ କାଲିସିୟାରେ ଚିମିନ୍ ନାବୀକ ଆତଃ ଇତୁହଡକ ତାଇକେନା, ଇନକୁଏତେ ବର୍ଣ୍ଣବାସ୍, ନିଗର୍ ହଡ ମେନ୍ତେ କାଜିୟଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍‌ସାହେବ୍ ହେରୋଦ୍‌ଆଃ ଅଡ଼ାଃରେ ଆୟୁଲ୍‌ହାରାକାନ୍‌ନିଃ ମନହେମ୍, ଆତଃ ଶାଉଲ୍ । ୨ ଇନକୁ ପ୍ରାଭୁକେ ସେଝାତାନ୍ ଆତଃ କାଟାବ୍‌ତାନ୍ ତାଇକେନ୍ ଇମ୍‌ତା ପାବିତାର୍ ଆମ୍‌ ଇନକୁକେ କାଜିୟାଦକଆ, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆତଃ ଶାଉଲ୍‌କେ ସାଲାକାଦ୍‌କିନାଇଙ୍ଗ୍, ଏନାମେନ୍ତେ ଇନକିନ୍‌କେ ଆଇଁୟାଃ ନାଙ୍ଗ୍ ଗେନା ଆତମ୍‌କିନ୍‌ପେ ।”

୩ ଏନ୍ତେ ଇନକୁ କାଟାବକେଦତେ ଏନ୍ ବାରାନ୍‌କିନାଃ ଚେତାନରେ ତିଃଇ ଦହତାନଲଃ ବିକ୍ରିକେଦାକ ଆତଃ ଇନକିନ୍‌କେ ସେଝାକାମି ନାଗେନ୍ତକ କୁଲ୍‌କେଦକିନା ।

ସାଇପ୍ରସରେ ସେଝାକାମି

୪ ନେ'ଲେକାତେ ବର୍ଣ୍ଣବାସ୍ ଆତଃ ଶାଉଲ୍ ପାବିତାର୍ ଆମ୍ବାତେ କୁଲ୍‌ୟାନାକିନ୍ ଆତଃ ସେଲୁ୍ୟକିଆତେକିନ୍ ସେନଃୟାନା ଆତଃ ଏନ୍ତାଃଏତେ ଦାଆଃ ଜାହାଜ୍‌ରେ ଦୁବକେଦତେ ସାଇପ୍ରସ୍ ଟାପୁତେକିନ୍ ସେନଃୟାନା । ୫ ଇନକିନ୍ ସଲାମି ସାହାର୍‌ରେ ସେଟେରକେଦତେ ଯିହୁଦୀକଆଃ ସାମାଜ୍ ଅଡ଼ାଃକରେ ପାର୍‌ମେଶ୍‌ବାର୍‌ଆଃ ବାଚାନ୍ ଉଦୁବକେଦାକିନ୍ । ଯୋହାନ୍ ମାର୍କ ଇନକିନ୍‌ଲଃ ତାଇକେଦତେ ଦେଙ୍ଗାକିନ୍ ତାଇକେନା ।

୬ ଇନକୁ ସାଇପ୍ରସ୍ ଟାପୁ ପାରମ୍‌କେଦତେ ପାଫସ୍ ସାହାର୍‌ରେ ସେନଃୟାନାକ । ଏନ୍ତାଃରେ ଇନକୁ ବାର୍‌ୟାଶ୍ ନୁତୁମ୍ ମିଆଁଦ୍ ଯିହୁଦୀ ଦେଅଁଶା ହଡ଼ଲଃ ନାପାମ୍‌ୟାନାକ । ଇନିଃ ଆପାନ୍‌କେ ନାବୀ ମେନ୍ତେ କାଜିନ୍ ତାଇକେନା । ୭ ସର୍‌ୟସ୍ ପାଉଲୁସ୍ ମେନ୍ତେ ଇନିୟାଃ ମିଆଁଦ୍ ଗାତି ତାଇକେନାଏ, ଇନିଃ ଏନ୍ ଟାପୁରେନ୍ ଲାଟ୍‌ସାହେବ୍ ତାଇକେନାଏ । ସର୍‌ୟସ୍ ପାଉଲୁସ୍ ମିହୁଡ୍ ସେଣ୍ଡାନ୍ ହଡ଼ ତାଇକେନାଏ । ଇନିଃ ପାର୍‌ମେଶ୍‌ବାର୍‌ଆଃ ବାଚାନ୍ ଆୟୁମ୍ ନାଜ୍ ସାନାଜ୍‌କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲ୍‌କେ ଆୟାଃତାଃ କେଡ଼ାକେଦକିନାଏ । ୮ ମେନ୍‌ଦ ଦେଅଁଶାହଡ଼ରାଃ ଗ୍ରୀକ୍ ନୁତୁମ୍ ଏଲିମାସ୍, ଏନ୍ ଲାଟ୍‌ସାହେବ୍ ଆଲକାଏ ବିଶ୍ୱାସେକା ମେନ୍ତେ ଇନିଃ ଇନକୁକେ କାଜିକଟଜ୍ କେଦକଆ । ୯ ମେନ୍‌ଦ ଶାଉଲ୍, ଅକଏକେତି ପାଉଲୁସ୍ ମେନ୍ତେହ କାଜିୟାଃକ, ଇନିଃ ପାବିତାର୍ ଆମ୍ବାତେ ପେରେଃୟାନଲଃ ଦେଅଁଶାହଡ଼କେ ମିଦ୍‌ଜିଟ୍‌ଗି ନେଲ୍‌କିୟାଏ, ଆତଃ କାଜିକିୟାଏ, ୧୦ “ଏ ସାଏତାନଆଃ ହନ୍, ଆମ୍ ସବେନ୍ ବୁଗିନ୍ ବିଷାଏରେୟାଃ ବାଇରିତାନ୍‌ମେ । ଆମ୍ ସବେନ୍ ଲେକାନ୍ ଏଡ଼କାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍‌ତା ପ୍ରାଭୁଆଃ ସାନାର୍‌ତି ହରାକେ ହସଡ଼ ମେନ୍ତେ କାଜି ନାଜ୍ ଚେଷ୍ଟାଏ ତାନାମ୍ । ୧୧ ନାହ୍‌ଠିଗି ପ୍ରାଭୁ ଆମ୍‌କେ ସାଜାଇ ଏମାମେୟାଏ, ଆମାଃ ମେଦ୍ କାଣ୍‌ଅଃଆ ଆତଃ ଚିମିନ୍ ନେଡ଼ା ଜାକେଦ୍ ସିଜିରେ ଜେଡ଼ନାଃ କାମ୍ ନେଲ୍ ଦାଡ଼ିୟା ।” ଇମ୍‌ତାଜି ଏଲିମାସ୍ ଆୟାଃ ମେଦ୍‌ରେ ନୁବାଃ ଦାଲବ୍‌ୟାନ୍ ଲେକାଏ ଆଟ୍‌କାର୍‌କେଦା ଆତଃ ଜେତାଏ ମିହୁଡ୍ ଆୟାଃ ତିଃଇ ସାବକେଦତେ ସୁଡ଼ଃଇଦିକାକ ମେନ୍ତେ ଦାଣ୍‌କେଦକଆ । ୧୨ ନେଆଁ ନେଲ୍‌କେଦତେ ଲାଟ୍‌ସାହେବ୍ ବିଶ୍ୱାସକେଦାଏ, ତିଆଃତି ଇନିଃ ପ୍ରାଭୁଆଃ ଇନିତୁ ଆୟୁମ୍‌କେଦତେ ପୁରାଃଗି ଆକଟାକାଆଃ ତାଇକେନା ।

ପିସିଦିଆରେୟାଃ ଆନ୍ତିୟୋଖ୍‌ରେ ସେଝାକାମି

୧୩ ପାଉଲୁସ୍ ଆତଃ ଆୟାଃଲଃ ମିସାତେ ହରାସେନ୍‌ତାନ୍‌କ ପାଫସ୍‌ତାଃଏତେ ଦାଆଃ ଜାହାଜ୍‌ରେ ପାମିଲିଆ ନାଗାର୍‌ରେୟାଃ ପେର୍‌ଗା ସାହାର୍‌ରେକ ହିଜୁଃୟାନା, ଏନ୍ତାଃରେ ଯୋହାନ୍ ମାର୍କ ଇନକୁକେ ବାଗିକେଦତେ ଯାରୁଶାଲେମ୍‌ରେ ସେନଃୟାହାଡ଼ିୟାନା । ୧୪ ଇନକୁ ପେର୍‌ଗାଏତେ ସେନ୍‌କେଦତେ ପିସିଦିଆରେୟାଃ ଆନ୍ତିୟୋଖ୍‌ରେକ ସେଟେରୟାନା ଆତଃ ରୁଡ଼ନୁ ହୁଲାଜ୍‌ରେ ସାମାଜ୍ ଅଡ଼ାଃରେ ବଲକେଦତେକ ଦୁବୟାନା । ୧୫ ମୁଶା ନାବାଆଃ ଆନ୍‌ତୁ ଆତଃ ନାବାକଆଃ ଅନଲ୍ ପାଡ଼ାଅକେଦ୍ ତାୟମ୍‌ତେ, ସାମାଜ୍‌ଅଡ଼ାଃରେନ୍ ଆଗୁଆଇକ ନେଆଁ କାଜିକୁଲ୍‌କେଦାକ, “ହାଗା ମିଗିକ, ହଡ଼କ ନାଗେନ୍ତେ ଜାଉରେ ରାସ୍‌କାଆଃ ଲେକାନ୍ କାଜି ମେନାଃରେଦ, କାଜିପେ ମେନ୍ତେଲେ ସାନାଜ୍‌ତାନା ।”



୧୭ ପାଉଲୁସ୍ ତିଆରିକେଦେ, ହତକକେ ତିଃଇ ହିଲାଅତାନଲଃ କାଜିୟାଦକଆ, “ନେତାଃରେ ନେନାପେ ସବେନ୍ ଇସ୍ରାଏଲ୍ ଆତଃ ପାର୍‌ମେଶ୍‌ବାରକେ ବରଝାଇତାନ୍ ସାଅଁସାର୍ ହତକ, ଆଇୟାଃ କାଜି ଆୟୁମେପେ, ୧୭ ନେ ଇସ୍ରାଏଲ୍ ହତକଆଃ ପାର୍‌ମେଶ୍‌ବାର୍ ଆବୁଆଃ ପୁରଝା ହତକକେ ସାଲାକେଦକଆ ଆତଃ ମିସାର୍ ଦିଶ୍‌ମ୍‌ରେ ଇନ୍‌କୁ ଏଟାଃ ଦିଶ୍‌ମ୍‌ରେନ୍ ହତକ ଲେକାକ ତାଇନଃ ତାଇକେନା, ଇମ୍‌ତା ଇନ୍‌କୁ ପୁରାଃ ଗାଦେଲ୍ ହତକ ହବାୟାନା । ପାର୍‌ମେଶ୍‌ବାର୍ ଆୟାଃ ପୁରାଃ ପେଡେଃଡେ ଇନ୍‌କୁକେ ମିସାର୍ ଦିଶ୍‌ମ୍‌ହେଡେ ଅତଙ୍ଗ୍ ଆଉକେଦକଆ, ୧୮ ଆତଃ ଇନ୍‌କୁ ଇନ୍‌ୟାଃ କାଜି କାକ ମାନାତିଙ୍ଗ୍ ତାଇକେନ୍‌ରେୟଗି, ଇନିଃ ବାର୍‌ହିସି ବାରାଷ୍ ଜାକେଦ୍ ବିରରେ ଇନ୍‌କୁକେ ଆୟୁଲକେଦକଆ । ୧୯ ଇନିଃ କିନାନ୍ ଦିଶ୍‌ମ୍‌ରେ ଏୟା\* କିଲିକଆଃ ଦିଶ୍‌ମ୍ ଜିୟନ୍‌କେଦେ ଆୟାଃ ସାଲାକାନ୍ ହତକକେ ଏନ୍ ଦିଶ୍‌ମ୍‌ଆ ଏମାଦକଆ ।

୨୦ “ନେ ସବେନାଃ ୪୫୦ ବାରାଷ୍‌ରେ ହବାୟାନା । ନେ ସବେନାଃରେୟାଃ ତାୟମ୍‌ଡେ ନାବୀ ଶାମୁଏଲ୍ ଜାକେଦ୍ ପାର୍‌ମେଶ୍‌ବାର୍ ଇନ୍‌କୁ ନାଙ୍ଗ୍ ବିଚାର୍ ହତକକେ ସାଲାକେଦକଆ । ୨୧ ଆତଃ ଇନ୍‌କୁ ମିଆଁଦ୍ ରାଜା ଆସିକେନାକ, ଇମ୍‌ତା ପାର୍‌ମେଶ୍‌ବାର୍ ଇନ୍‌କୁଆଃ ତେତାନ୍‌ରେ ୪୦ ବାରାଷ୍ ଜାକେଦ୍ ରାଇଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କୀଶ୍‌ଆଃ ହନ୍ ଶାଉଲ୍‌କେ ଏମ୍‌କିୟା । ୨୨ ଏଡେ ପାର୍‌ମେଶ୍‌ବାର୍ ଇନିଃକେ ରାଜଗାଦିହେଡେ ଆତମକେଦେ, ଦାଉଦକେ ଇନ୍‌କୁଆଃ ରାଜାଏ ବାଇକିୟା । ପାର୍‌ମେଶ୍‌ବାର୍ ଦାଉଦ୍‌ଆଃ ବିଷାଏରେ ଗାଞ୍ଜା ଏମ୍‌କେଦେ କାଜିକେଦା, “ଆଇଙ୍ଗ୍ ତିଲ୍‌କା ହତକକେ ଦୁଲାଡକଆଇଙ୍ଗ୍, ଯିଗିରାଃ ହନ୍ ଦାଉଦ୍ ଏନ୍‌ଲେକାନ୍‌ନିଃ ମିହୁଡ୍ ତାନିଃ । ଇନିଃ ଆଇୟାଃ ମନ୍‌ସୁରୁଦ୍‌ରେୟାଃ ଇଛାସାନାଙ୍ଗ୍ ଲେକା ସବେନାଃଏ କାମିୟା ।” ୨୩ ନେ ଦାଉଦାଃ କିଲିରେନ୍ ଯୀଶୁକେ ପାର୍‌ମେଶ୍‌ବାର୍ ଆୟାଃ ବାନାର୍‌ସା ଲେକାଡେ ଇସ୍ରାଏଲ୍ ହତକଆଃ ଜୀଉବାଞ୍ଚାଅନିଃ ବାଇକିୟାଏ । ୨୪ \*ୟୀଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍‌ରେନ୍ ସବେନ୍ ହତକତାଃରେ ଉଦୁବକେଦେ କାଜିକେଦାଏ, ‘ଇନ୍‌କୁକେ ପାପ୍‌ହେଡେ ହେୟାତିଙ୍ଗ୍‌ତାନଲଃ ଦାଆଃରେ ବାପ୍ତିସ୍ମା ଇଦି ଲାଗାତିଙ୍ଗ୍‌ୟାଃ ।’ ୨୫ \*ଆତଃ ଯୋହାନ୍ ଆୟାଃ ସେଞ୍ଜାକାମି ଚୁଣ୍ଡୁତାନ୍ ଇମ୍‌ତା ହତକକେ କୁଲିକେଦକଆ, “ଆଇୟାଃ ବିଷାଏରେ ଆପେ ଚିନାଃପେ ଉଡ଼ୁତାନା ? ଆପେ ଅକଏକେପେ ନେଲ୍‌ହରାତାନା, ଇନିଃ ଆଇଙ୍ଗ୍ ନାହାଁଲିଙ୍ଗ୍ । ମେନ୍‌ଦ୍ ଆୟୁମେପେ, ଆଇୟାଃ ତାୟମ୍‌ଡେ ଅକଏ ହିଜୁଃତାନାଏ, ଇନ୍‌ୟାଃ ଖାର୍‌ପାରେୟାଃ ତନଲ୍ ରାଡାଏ ଲେକାନ୍‌ନିଃ ନାହାଁଲିଙ୍ଗ୍ ।’

୨୬ “ହେ ଇସ୍ରାଏଲ୍ ହାଗାକ, ଆଗ୍ରାହାମ୍‌ଆଃ କିଲିରେନ୍ ହନ୍‌କ ଆତଃ ପାର୍‌ମେଶ୍‌ବାରକେ ବରଝାଇତାନ୍ ସବେନ୍ ସାଅଁସାର୍ ହତକ, ଆବୁକେଗି ନେ ଜୀଉବାଞ୍ଚାଅରେୟାଃ କାନାଜି ଏମାକାନା । ୨୭ ମେନ୍‌ଦ୍ ଇନିଃ ଜୀଉବାଞ୍ଚାଅନିଃ ତାନିଃ ମେନ୍ତେ ଯୀରୁଶାଲେମ୍‌ରେ ତାଇନ୍‌ତାନ୍ ହତକ ଆତଃ ଇନ୍‌କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଇନ୍‌କୁ ସବେନ୍ ରୁଡୁନ୍ ହୁଲାଙ୍ଗ୍‌ରେ ପାଡାଆଃ ତାଇକେନ୍ ନାବୀକଆଃ କାଜି କାକ ଆର୍‌କାର୍‌ଉରୁମେ ତାଇକେନା । ଏନ୍‌ରେୟ ଇନ୍‌କୁ ଯୀଶୁକେ ଚିଟାକେଦେ ନାବୀକଆଃ କାଜିକେ ପୁରାକେଦାକ । ୨୮ ଇନ୍‌କୁ ଗନଏଃ ସାଜାଇ ଏମ୍‌ରେୟାଃ ଜେତାନ୍ ଗୁହ୍ନାଁ କାକ ନାମ୍‌କେଦ୍‌ରେୟ, ଇନିଃକେ ଗନଏଃ ସାଜାଇ ଏମ୍ ନାଗେନ୍ତେ ପିଲାଡୁସକେ କାଜିକିୟାକ । ୨୯ \*ଇନ୍‌ୟାଃ ବିଷାଏରେ ଧାରାମ୍‌ପୁଅରେ ଅଲାକାନ୍ ଲେକାଗି ସବେନ୍ କାମି ରିକାକେଦ୍ ତାୟମ୍‌ଡେ

\* ୧୩:୧୯ ୧୩:୧୯ ସାଦ୍ ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ☆ ୧୩:୨୫ ୧୩:୨୫ ଯୋହାନ୍ ୧:୨୦; ମାଥୁର ୩:୧୧; ମାର୍କ ୧:୭; ଲୁକ ୩:୧୭; ଯୋହାନ୍ ୧:୨୭. ☆ ୧୩:୨୮ ୧୩:୨୮ ମାଥୁର ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. ☆ ୧୩:୨୯ ୧୩:୨୯ ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨.

ଇନ୍କୁ ଇନିଃକେ କୁଣ୍ଠିଏତେ ଆଡ଼ଗୁକିୟାକ ଆଡ଼ ତପାଗାଡ଼ାରେ ଦହକିୟାକ ।  
 ୩୦ ଫେନ୍ଦ ପାର୍ମେଶ୍ଵାର ଇନିଃକେ ଗନଏଃହେତେ ଜୀଉବିରିଦ୍‌କିୟା, ୩୧ \*ଆଡ଼ଃ  
 ପୁରାଃ ମାହାଁ ଜାକେଦ୍ ଇନିଃଲଃ ଗାଲିଲ୍‌ଏତେ ଯୀରୁଶାଲେମ୍‌ତେ ହିଜୁଃ ସେନଃତାନ୍  
 ହଡ଼କତାଃରେ ଉଦୁବେନ୍‌ୟାନା । ଇନ୍କୁ ନାହାଁଃ ଇସ୍ରାଏଲ୍ ହଡ଼କତାଃରେ  
 ଇନିୟାଃ ଗାଝାକ ତାନ୍‌କ । ୩୨ ଆଡ଼ଃ ଆଲିଙ୍ଗ୍ ଆପେକେ ଏନ୍ ସୁକୁକାଜି ଉଦୁବ୍  
 ନାଗେନ୍ତେ ନେତାଃରେ ଫେନାଲିୟାଁ, ଅକ୍‌ନାଃତି ପାର୍ମେଶ୍ଵାର୍ ଆବୁଆଃ ପୁରଖା  
 ହାଡ଼ାମ୍‌ହଡ଼କକେ ବାନାର୍‌ସା ଏମାକାଦ୍‌କ ତାଇକେନାଏ, ୩୩ ପାର୍ମେଶ୍ଵାର୍ ଯୀଶୁକେ  
 ଜୀଉବିରିଦ୍‌କିଃ ହରାତେ ଆବୁ ନାଗେନ୍ତେ ନାହାଁଃ ପୁରାକାଦାଏ ଆଡ଼ଃ ଆବୁ ଇନ୍କୁଆଃ  
 କିଲିରେନ୍‌କ ହବାକାନାବୁ । ଦାଉଦ୍‌ଆଃ ଦୁରାଙ୍ଗ୍‌ପୁଥ୍ ୨ ଆଧ୍ୟାଏରେ ନେ'ଲେକା  
 ଅଲ୍ଲକାନା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।’

୩୪ ଆଡ଼ଃ ତପାଗାଡ଼ାରେ ଆଲକାଏ ଜିୟନଃକା ଫେନ୍ତେ ଇନିଃକେ ଗନଏଃହେତେ  
 ଜୀଉବିରିଦ୍ ନାଗେନ୍ତେ ପାର୍ମେଶ୍ଵାର୍ ନେ'ଲେକାଏ କାଜିକାଦ୍ ତାଇକେନା,

‘ଦାଉଦ୍‌କେ ଏମାକାଇ ବାନାର୍‌ସା ଲେକାଗି

ଆଇଙ୍ଗ୍ ଆମକେ ପାବିତାର୍ ଆଡ଼ଃ ସାର୍‌ତିଗିଇଙ୍ଗ୍ ଆଶିଷ୍‌ମେୟାଁ ।’

୩୫ ଦୁରାଙ୍ଗ୍‌ପୁଥ୍‌ରେୟାଃ ଏଟାଃତାଃରେ ଅଲ୍ଲକାନା,

‘ଆମ୍ ଆମାଃ ପାବିତାର୍ ଦାସିକେ ତପାଗାଡ଼ାରେ ଜିୟନଃ ନାଗେନ୍ତେ କାମ୍  
 ବାଗିଇରିୟା ।’”

୩୬ ଦାଉଦ୍ ଆୟାଃ ଜୀନିଦ୍ ଦିପିଲିରେ ପାର୍ମେଶ୍ଵାର୍‌ଆଃ ଇଛାସାନାଙ୍ଗ୍ ଲେକାଗି,  
 ସୁସାର୍‌କେଦ୍‌ତେ ଜୀଉତାୟାଃ ଚୁଣ୍ଡୁକଦା ଆଡ଼ଃ ପୁରଖା ହାଡ଼ାମ୍‌କଲଃ ତପାୟାନାଏ  
 । ଆୟାଃ ଗନଏଃ ହଡ଼ମ୍ ତପାଗାଡ଼ାରେୟାଃ ହାସାରେ ଫେସାୟାନା । ୩୭ ଫେନ୍ଦ  
 ପାର୍ମେଶ୍ଵାର୍ ଅକଏକେ ଗନଏଃହେତେ ଜୀଉବିରିଦ୍‌କିୟାଏ, ଇନିଃ ହାସାରେ କାଏ  
 ଫେସାକାନା । ୩୮ ଏନାମେନ୍ତେ, ହେ ଇସ୍ରାଏଲ୍‌ରେନ୍ ହାଗାକ, ଆପେ ସବେନ୍‌କକେ  
 ନେଆଁ ସାରି ଲାଗାତିଙ୍ଗ୍‌ୟାଁଃ ଯେ, ଯୀଶୁଆଃ ହରାତେ ଏସ୍‌କାର୍ ଆପେତାଃରେ  
 ପାପ୍ ଛାମାରେୟାଃ କାନାଜି ଉଦୁବ୍‌କାନା । ଆଡ଼ଃ ମୁଣା ନାବୀଆଃ ଆନ୍‌ରୁ ହରାତେ  
 ପାପ୍‌ହେତେ କା ରାଡ଼ା ଦାଡ଼ିକାନ୍ ସବେନ୍ ହଡ଼କ, ୩୯ ଏନ୍ ଯୀଶୁତାଃରେ ବିଶ୍ଵାସକେଦ୍  
 ହରାତେ ଜୀଉବାସ୍ତାଅକ ନାମେୟା, ନେଆଁ ଆପେକେ ସାରି ଲାଗାତିଙ୍ଗ୍‌ୟାଁଃ ।  
 ୪୦ ଏନାମେନ୍ତେ ଚିର୍ଗାଲ୍‌କାନ୍‌ପେ, ନାବୀକ କାଜିକାଦ୍‌ତେୟାଃ ଆପେରେ ଆଲକା  
 ହବାଅଃକା,

୪୧ “ଆଇଙ୍ଗ୍‌କେ ଲାନ୍‌ଇଙ୍ଗ୍‌ତାନ୍ ହଡ଼କ, ଆପେ ଆକ୍‌ଦାନ୍‌ଅକେଦ୍‌ତେ  
 ଜିୟନଃପେ,

ତିଆଃତି ତିସିଙ୍ଗ୍ ଆଇଙ୍ଗ୍ କାମିତାନ୍‌ତେୟାଃ,

ଜେତାଏ ଆପେକେ ଉଦୁବାପେରେୟ ଆପେ କାପେ ବିଶ୍ଵାସେୟା ।’”

୪୨ ପାଉଲୁସ୍ ଆଡ଼ଃ ବର୍ଣ୍ଣବାସ୍ ସାମାଜ୍ ଅଡ଼ଃ ବାଗିକେଦ୍‌ତେ ସେନଃ  
 ତାଇକେନାକିନ୍ ଇମ୍‌ତା, ହଡ଼କ ଏଟାଃ ରୁଡ଼ନ୍ ଛୁଲ୍‌ଇଙ୍ଗ୍‌ରେ ହିଜୁଃ ରୁହାଡ଼କେଦ୍‌ତେ  
 ନେ ସବେନ୍ ବିଷାଏରେ ଆଡ଼ଃଗି ପୁରାଃତେ କାଜି ନାଙ୍ଗ୍ ଇନ୍‌କିନ୍‌କେ  
 ବିନ୍ତିକେଦ୍‌କିନାକ । ୪୩ ହଡ଼କ ପାଞ୍ଚେର୍ ବାଗିକେଦ୍‌ତେ ସେନଃୟାନ୍ ତାୟମ୍‌ତେ,  
 ପୁରାଃ ଯିହୁଦୀ ଆଡ଼ଃ ସାଅଁସାର୍‌ହେତେ ଯିହୁଦୀ ଧାରାମ୍‌ତେ ବାଦ୍‌ଲାଅକାନ୍ ହଡ଼କ,  
 ପାଉଲୁସ୍ ଆଡ଼ଃ ବର୍ଣ୍ଣବାସ୍‌କେ ଅତଙ୍ଗ୍‌କେଦ୍‌କିନାକ । ପ୍ରେରିତ୍‌କ ଇନ୍‌କୁଲଃ  
 ଜାଗାର୍‌କେଦାକ ଆଡ଼ଃ ପାର୍ମେଶ୍ଵାର୍‌ଆଃ ସାୟାଦ୍‌ତେ ଜୀଦାନ୍ ବିତାଅ ନାଗେନ୍ତେ  
 ଉସ୍‌କୁର୍‌କେଦ୍‌କଆକ ।

\* ୧୩:୩୧ ୧୩:୩୧ ପ୍ରେରିତ୍ ୧:୩.

୪୪ ଏଗାଃ ରୁଡ଼ନ୍ ହୁଲାଙ୍ଗରେ, ସାହାରରେନ୍ ଲାଗଭାଗ ସବେନ୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିଜୁଃୟାନା । ୪୫ ଯିହୁଦୀ ହଡ଼କ ଗାଦେଲ୍ ହଡ଼କକେ ନେଲ୍‌କେଦ୍‌ତେ ହିସଙ୍ଗାତେ ପେରେଃୟାନାକ ଆଡ଼ଃ ପାଉଲୁସ୍‌ଆଃ କାଜିରେ କାଜିକଟଙ୍ଗକେଦ୍‌ତେ ଇନିଃକେ ଲାୟାକିୟାକ । ୪୬ ମେନ୍‌ଦ ପାଉଲୁସ୍ ଆଡ଼ଃ ବର୍ଣ୍ଣବାସ୍ ଆଡ଼ଃଗି ବେଗାର୍ ବରତେ କାଜିକେଦାକିନ୍, “ଆପେଡ଼ାଃରେ ପାହିଲାତେ ପାର୍‌ମେଶ୍‌ଆଃ ବାଚାନ୍ କାଜିୟଃ ଲାଗାତିଙ୍ଗ୍ ତାଇକେନା । ମେନ୍‌ଦ ଆପେ ଜାନାଅ ଜୀଦାନ୍ ନାମେକାଲେ ମେନ୍ତେ କାପେ ବିଚାରକେଦ୍ ହରାତେ, ଆଲିଙ୍ଗ୍ ଆପେକେ ବାଗିକେଦ୍‌ତେ ସାଅଁସାର୍ ହଡ଼କଡ଼ାଃତେଲିଙ୍ଗ୍ ସେନା । ୪୭ ଚିଆଃଟି ପ୍ରାଭୁ ଆଲିଙ୍ଗ୍‌କେ ନେ ଲେକାଏ ଆତୁକାଦ୍‌ଲିୟା,

“ଆଇଙ୍ଗ୍ ଆମକେ ସାଅଁସାର୍ ହଡ଼କଆଃ ନାଗେନ୍ତେ ମାର୍ସାଲ୍ ଲେକାଇଙ୍ଗ୍ ବାଇୟାକାଦ୍‌ମା,

ଜେ'ଲେକାଟି ସବେନ୍ ଅତେଦିଶୁମ୍‌ରେ ଜୀଉବାସ୍ତାଅ ନାମଃଆ ।”

୪୮ ସାଅଁସାର୍ ହଡ଼କ ନେଆଁ ଆୟୁମ୍‌କେଦ୍‌ତେ ରାସ୍‌କାୟାନାକ ଆଡ଼ଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗ୍‌କେଦାକ । ଅକ ହଡ଼କ ଜାନାଅ ଜୀଦାନ୍ ନାମେ ନାଗେନ୍ତେ ସାଲାୟାନାକ, ଇନ୍‌କୁ ଏନ୍ କାନାଜିରେ ବିଶ୍ୱାସକେଦାକ ଆଡ଼ଃ ବିଶ୍ୱାସୀ ହବାୟାନାକ । ୪୯ ପ୍ରାଭୁଆଃ ବାଚାନ୍ ଏନ୍ ପାର୍‌ଗାନ୍‌ରେୟଃ ସବେନ୍‌ସାଃରେ ନିତିରୟାନା । ୫୦ ମେନ୍‌ଦ ନାଗାର୍‌ରେନ୍ ଆଗୁଆଇ ହଡ଼କକେ ଆଡ଼ଃ ସାମାଜରେ ମାଇନ୍ ନାମେତାନ୍ ସାଅଁସାର୍ କୁଡ଼ିକ, ଅକନ୍‌କଟି ପାର୍‌ମେଶ୍‌ଆଃକେ ବରଭାଲ୍‌ତାନାକ, ଇନ୍‌କୁକେ ଯିହୁଦୀ ହଡ଼କ ଉସ୍‌କୁରକେଦ୍‌ତେ ପାଉଲୁସ୍ ଆଡ଼ଃ ବର୍ଣ୍ଣବାସ୍‌କିନଃ ବିରୁଧ୍‌ରେ ସାସାତି ଏଟେଦ୍‌କେଦାକ ଆଡ଼ଃ ଇନ୍‌କିନ୍‌କେ ଏନ୍ ପାର୍‌ଗାନ୍‌ଡ଼ାଃଏତେ ଅଡ଼ଙ୍ଗକେଦ୍‌କିନାକ । ୫୧ \*ପ୍ରେସ୍‌ବିଟିକିନ୍ ଆକିନଃ କାଟାରେୟଃ ଧୁଡ଼ି ଇନ୍‌କୁଆଃ ବିରୁଧ୍‌ରେ କଟାବାଗିକେଦ୍‌ତେ ଇକନିୟାତେକିନ୍ ସେନଃୟାନା । ୫୨ ଆଡ଼ଃ ଆନ୍ତିୟୋଖ୍‌ରେନ୍ ବିଶ୍ୱାସୀକ ପାବିତାର୍ ଆମ୍ ଆଡ଼ଃ ରାସ୍‌କାତେ ପେରେଃୟାନାକ ।

## ୧୪

ଇକନିୟାରେ ସେଝାକାମି

୧ ଇକନିୟାରେ ଏନ୍‌ଲେକାଗି ହବାୟାନା, ପାଉଲୁସ୍ ଆଡ଼ଃ ବର୍ଣ୍ଣବାସ୍ ସାମାଜ୍ ଅଡ଼ାଃତେ ସେନ୍‌କେନାକିନ୍ ଆଡ଼ଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହଡ଼କ ଆଡ଼ଃ ସାଅଁସାର୍ ହଡ଼କ ଖ୍ରୀଷ୍ଟାଃରେ ବିଶ୍ୱାସକେଦାକ । ୨ ମେନ୍‌ଦ କା ବିଶ୍ୱାସ୍‌ତାନ୍ ଯିହୁଦୀକ ସାଅଁସାର୍ ହଡ଼କଆଃ ମନ୍‌କେ ଉସ୍‌କୁରକେଦ୍‌ତେ ବିଶ୍ୱାସୀକଆଃ ବିରୁଧ୍‌ରେ ଖ୍ୱସ୍‌ରିକାକେଦ୍‌କଆକ । ୩ ଏନ୍‌ରେୟ ପ୍ରେସ୍‌ବିଟିକିନ୍ ବେଗାର୍ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦ୍‌ଦ୍‌କେଦାକିନ୍ ଆଡ଼ଃ ପୁରାଃ ଦିନ୍ ତାଇନ୍‌ୟାନାକିନ୍ । ଇନ୍‌କିନ୍ ଆକ୍‌ଦାନ୍‌ଆ କାମିକ ଆଡ଼ଃ ଆକ୍‌ଚାକାଅ କାମିକ ରିକାକେଦ୍ ହରାତେ ପାର୍‌ମେଶ୍‌ଆଃ ସାୟାଦ୍‌ତେ ନାମାକାନ୍ ପେଡ଼େଃ ବିଷାଏରେ କାଜିକେଦ୍ କାନାଜିକ ସାର୍‌ତି ତାନାଃ ମେନ୍ତେ ସାରୁଦ୍‌କିନ୍ ଏମକେଦା । ୪ ନାଗାର୍‌ରେନ୍ ହଡ଼କ ବାର୍‌ହିସାରେ ବିନ୍‌ଗାଅୟାନାକ, ଇନ୍‌କୁଏତେ ଚିମିନ୍ ହଡ଼କ ଯିହୁଦୀ ହଡ଼କସାଃତେ ଆଡ଼ଃ ଚିମିନ୍ ହଡ଼କ ପ୍ରେସ୍‌ବିଟିକିନଃ ସାଃତେ ହବାୟାନାକ ।

୫ ଏନ୍ତେ ଚିମିନ୍ ସାଅଁସାର୍ ହଡ଼କ ଆଡ଼ଃ ଯିହୁଦୀ ହଡ଼କ ଆକଆଃ ଆଗୁଆଇକଲଃ ମିଦ୍‌ଡ଼ାଃରେ ହୁଣ୍ଡିକେଦ୍‌ତେ ହାଲାଗୁଲାତାନ୍‌ଲଃ ପ୍ରେସ୍‌ବିଟିକିନ୍‌କେ ଦିରିଲଃ ଚିଦ୍‌ଗିକେଦ୍‌ତେ ଗଏଃ ନାଗେନ୍ତେ ଉହାଟ୍‌କେଦାକ । ୬ ପ୍ରେସ୍‌ବିଟିକିନ୍ ଏନ୍ ବିଷାଏରେ

\* ୧୩:୫୧ ୧୩:୫୧ ମାଥୁର ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

ସାରିକେଦ୍‌ରେ ଲୁକାୟନିଆ ଜିଲ୍ଲାରେୟାଃ ଲୁସ୍‌ତ୍ରା ଆତଃ ଦର୍ବୀ ସାହାରରେୟାଃ ଚାରିୟସାଃରେ ତାଇକାନ୍ ପାର୍‌ଗାନ୍‌ଡେକିନ୍ ସେନଃୟାନ୍ । ୭ ଆତଃ ଏନ୍ତାଃରେ ସୁକୁକାଜିକିନ୍ ଉଦୁବ୍‌କେଦା ।

ଲୁସ୍‌ତ୍ରା ଆତଃ ଦର୍ବୀରେ ପାଉଲୁସ୍‌ଆଃ ସେଝାକାମି

୮ ଲୁସ୍‌ତ୍ରାରେ ମିଆଁଦ୍ ଜାନାମହେଡେ କାଟା କୁରୁଙ୍ଗକାନ୍ ହଡ୍ ତାଇକେନାଏ । ଇନିଃ ଚିଉଲାଇ କାଏ ସେନ୍ ଦାଡିତାଇକେନା । ୯ ଇନିଃ ଏନ୍ତାଃରେ ଦୁବ୍‌କେଦ୍‌ରେ ପାଉଲୁସ୍‌ଆଃ କାଜି ଆୟୁମ୍ ତାଇକେନା । ପାଉଲୁସ୍ ଇନିଃକେ ମିଦ୍ ନାଜେର୍‌ରେ ନେଲ୍‌କେଦ୍‌ରେ, ବୁଗିୟଃ ନାଗେନ୍ତେ ଇନିୟାଃ ମନ୍‌ରେ ବିଶ୍ୱାସ୍ ହବାକାନା ମେନ୍ତେ ଆଟ୍‌କାର୍‌କେଦା, ୧୦ ଆତଃ କାଉରିତାନ୍‌ଲଃ କାଜିକେଦାଏ, “କାଟାରେ ପେଡ୍‌ରେ ଏମ୍‌କେଦ୍‌ରେ ତିଙ୍ଗୁନ୍‌ମେ !” ଏନ୍ ହଡ୍ ଡେଗାଅତାନ୍‌ଲଃ ଚାରିୟସାଃ ସେନ୍ ଏଟେଦ୍‌କେଦାଏ । ୧୧ ଏନ୍ତାଃରେ ତାଇକାନ୍ ଗାଦେଲ୍ ହଡ୍‌କ ପାଉଲୁସ୍‌ଆଃ ନେ କାମି ନେଲ୍‌କେଦ୍‌ରେ, ଆକଆଃ ଲୁକାୟନିଆ ଜାଗାର୍‌ରେ କାଉରିତାନ୍‌ଲଃ କାଜି ଏଟେଦ୍‌କେଦାକ, “ମାହାପୁରୁକ ହଡ୍ ଲେକା ହବାକେଦ୍‌ରେ ଆବୁତାଃରେ ହିଙ୍ଗୁଃକାନାକ ।” ୧୨ ଇନ୍‌କୁ ବର୍ଣ୍ଣବାସ୍‌କେ ଜିଅସ୍ ଆତଃ ପାଉଲୁସ୍ ମୁଲ୍ କାଜିନିଃ ହବାକାନ୍ ହରାଡେ ଇନିଃକେ ହେର୍‌ମିସ୍ ମେନ୍ତେକ ନୁଡୁମ୍‌କିୟା । ୧୩ ନାଗାରରେୟାଃ ବାହାରିରେ ତାଇକାନ୍ ଜିଅସ୍ ମାନ୍‌ଡିରେନ୍ ଯାଜାକ୍, ଦୁଆର୍ ଜାପାଃରେ ଚିମିନ୍ ସାଣ୍‌କକେ ଆତଃ ଗାଲ୍‌ଙ୍ଗକାନ୍ ବାହା ଆଉକେଦାଏ, ଚିଆଃଚି ଇନିଃ ଆତଃ ଏନ୍ତାଃରେ ହୁଣ୍ଡିୟାକାନ୍ ଗାଦେଲ୍ ହଡ୍‌କ ପ୍ରେରିଡ୍‌କିନାଃ ନାଗେନ୍ତେ ଦାଣ୍‌ ରାକାବ୍ ନାଙ୍ଗ୍ ସାନାଙ୍ଗ୍ ତାଇକେନାକ ।

୧୪ ଇନ୍‌କୁ ଅକ କାମି ନାଗେନ୍ତେକ କୁଲ୍‌କାନ୍ ତାଇକେନା, ଏନା ଆୟୁମ୍‌କେଦ୍‌ରେ ପ୍ରେରିଡ୍‌କିନ୍ ଚାଏ ବର୍ଣ୍ଣବାସ୍ ଆତଃ ପାଉଲୁସ୍ ପୁରାଃଗି ଦୁକୁୟାନ୍‌କିନ୍ ଆତଃ ଆକିନାଃ ଲିଜାଃ ଚେତାଃକେଦ୍‌ରେ ଗାଦେଲ୍ ହଡ୍‌କଆଃ ଆଲାଡେ ନିର୍‌କେଦାକିନ୍ ଆତଃ କାଉରିକେଦ୍‌ରେ କାଜିକେଦାକିନ୍, ୧୫ “ଆପେ ଚିନାଃମେନ୍ତେ ନେଆଁ ରିକାତାନାପେ ? ଆଲିଙ୍ଗ୍‌ହ ଆପେ ଲେକାଗି ହଡ୍ ତାନ୍‌ଲିଙ୍ଗ୍ । ଆପେ ଜେ'ଲେକାଚି ନେ ସବେନ୍ ସାମା ସାମାରେନ୍ ମାହାପୁରୁକକେ ବାରିକେଦ୍‌ରେ ଜାନିଦ୍ ପାର୍‌ମେଶ୍ୱାର୍, ଅକଏଚି ସିର୍ମା, ଅଡେ, ଦରେୟା ଆତଃ ଏନାରେ ତାଇନ୍‌ତାନ୍ ସବେନାଃକେ ବାଇୟାକାଦ୍‌ନିଃ ସାଃରେ ରୁହାଡାଃପେ । ଏନାମେନ୍ତେ ଆଲିଙ୍ଗ୍ ଆପେତାଃରେ ସୁକୁକାଜି ଉଦୁବ୍ ନାଗେନ୍ତେ ହିଙ୍ଗୁଃକାନାଲିଙ୍ଗ୍ । ୧୬ ପାର୍‌ମେଶ୍ୱାର୍ ସିଦା ପାରିୟାରେନ୍ ସବେନ୍ ହଡ୍‌କକେ ଆକଆଃ ଇଛାସାନାଙ୍ଗ୍ ଲେକାଏ ସେସେନ୍‌ଇଚିକାକ ତାଇକେନା । ୧୭ ମେନ୍‌ଦ ଆୟାଃ ବୁଗିନ୍ କାମି ହରାଡେ ସବେନ୍ ଇମ୍‌ତା ମେନାଈୟା ମେନ୍ତେ ସାବୁଦ୍ ଏମାକାଦାଏ । ଇନିଃ ସିର୍ମାଏଡେ ଗାମାଦାଆଃ ଆତଃ ଠାଉକାନ୍ ନେଡାରେ ଆଡାଃ ସାକାମ୍ ଜ'କଏ ଏମାଃ, ଇନିଃ, ଜମେୟାଁ ଆତଃ ଆପେୟାଃ ମନ୍‌ସୁରୁଦ୍‌କେ ରାସ୍‌କାଡେ ପେରେଜାକାଦା ।” ୧୮ ପ୍ରେରିଡ୍‌କିନ୍ ନେ'ଲେକା ପୁରାଃଗି ଚିମିନ୍ କାଜିକ କାଜିକେଦ୍‌ରେ ଏନ୍ ଗାଦେଲ୍ ହଡ୍‌କକେ ଦାଣ୍‌ ରାକାବ୍‌ହେଡେ ହକାକେଦ୍‌କଆକିନ୍ ।

୧୯ ମେନ୍‌ଦ ଚିମିନ୍ ଯିହୁଦୀକ ପିସିଦିଆରେୟାଃ ଆନ୍ତ୍ରିୟୋଖ୍ ଆତଃ ଇକନିୟାହେଡେ ହିଙ୍ଗୁଃକାନ୍ ତାଇକେନାକ, ଇନ୍‌କୁ ଗାଦେଲ୍ ହଡ୍‌କକେ ଉସ୍‌କୁରକେଦ୍‌ରେ ପାଉଲୁସ୍‌କେ ଦିରିଡେ ଚିଦ୍‌ଗିକିୟାକ ଆତଃ ଇନିଃ ଗଏଃୟାନ୍‌ଏ ମେନ୍ତେ ଉଡ୍‌ଖୁକେଦ୍‌ରେ ସାହାରରେୟାଃ ବାହାରିଡେ ଅର୍ ଇଦିକିୟାକ । ୨୦ ମେନ୍‌ଦ ବିଶ୍ୱାସୀକ ହିଙ୍ଗୁଃକେଦ୍‌ରେ ଆୟାଃ ଚାରିୟସାଃରେ ହୁଣ୍ଡି ବିୟୁରକିୟାକ ଏନ୍ତେ ଇନିଃ ତିଙ୍ଗୁକେଦ୍‌ରେ ସାହାରଡେ ରୁହାଡ୍‌ୟାନ୍ । ଏଟାଃ ହୁଲ୍‌ଙ୍ଗ୍ ଇନିଃ ଆତଃ ବର୍ଣ୍ଣବାସ୍ ଦର୍ବୀଡେକିନ୍ ସେନଃୟାନ୍ ।

ପାଉଲୁସ୍ ଆଡ଼ଃ ବର୍ଣ୍ଣବାସ୍ ସିରିୟାରାଃ ଆନ୍ତିୟୋଖ୍‌ରେ ରୁହାଡ଼୍‌ୟାନାକିନ୍

୨୧ ପାଉଲୁସ୍ ଆଡ଼ଃ ବର୍ଣ୍ଣବାସ୍ ଦର୍ବାରେ ସୁକୁକାଜି ଉଦୁବକେଦ୍‌ତେ ପୁରାଃ ଚେଲାକକିନ୍ ବାଇକେଦ୍‌କଆ । ଏନ୍ତେ ଇନ୍‌କିନ୍ ଲୁସ୍‌ତ୍ରା, ଇକନିୟା ଆଡ଼ଃ ପିସିଦିଆରାଃ ଆନ୍ତିୟୋଖ୍‌ତେକିନ୍ ରୁହାଡ଼୍‌ୟାନା । ୨୨ ଆଡ଼ଃ ଇନ୍‌କିନ୍ ଏନ୍ତାଃରେନ୍ ବିଶ୍ୱାସୀକକେ ଆକଆଃ ସାର୍‌ତି ବିଶ୍ୱାସ୍‌ରେ କେଟେୟଃ ନାଗେନ୍ତେ ଆଡ଼ଃ ଜୀଉରେ ରାସ୍‌କାଆଃ ନାଗେନ୍ତେ ଇନ୍‌କୁକେ ଇଡୁକେଦ୍‌ତେ କାଜିକେଦ୍‌କଆକିନ୍, “ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲ୍ ନାଗେନ୍ତେ ଆବୁକେ ପୁରାଃ ଦୁକୁ ସାହାତିକ୍‌କେଦ୍‌ତେ ସେନ୍ ଲାଗାତିକ୍‌ୟାଃ ।” ୨୩ ଇନ୍‌କିନ୍ ସବେନ୍ କାଲିସିୟାରେ ପ୍ରାଚିନ୍‌କକେ ସାଲାକେଦ୍‌କଆକିନ୍ ଆଡ଼ଃ କାଟାବ୍‌ତାନ୍‌ଲଃ ବିକ୍ତିକେଦାକିନ୍, ଏନ୍ତେ ଇନ୍‌କିନ୍ ଅକ ପ୍ରାଭୁତାଃରେ ବିଶ୍ୱାସକାଦାକିନ୍, ଇନିଃତାଃରେ ଇନ୍‌କୁକେ ଜିମାକେଦ୍‌କଆକିନ୍ ।

୨୪ ତାୟମ୍‌ତେ ଇନ୍‌କିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦ୍‌ତେ ପାମିଲିଆ ଜିଲ୍ଲାତେକିନ୍ ହିକ୍‌ୟାୟାନା । ୨୫ ଏନ୍ତାଃରେୟାଃ ପେର୍‌ଗା ସାହାର୍‌ରେ ବାଚାନ୍ ଉଦୁବକେଦ୍‌ତେ ଆଭାଲିଆ ସାହାର୍‌ତେକିନ୍ ସେନଃୟାନା, ୨୬ ଆଡ଼ଃ ଏନ୍ତାଃଏତେ ଇନ୍‌କିନ୍ ଦାଆଃ ଜାହାଜ୍‌ତେ ଆନ୍ତିୟୋଖ୍‌ରେ ସେନଃ ରୁହାଡ଼୍‌ୟାନାକିନ୍, ନେ ଆନ୍ତିୟୋଖ୍‌ରେ ନାହାଁଃ ହବାକାନ୍ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଇନ୍‌କିନ୍ ଜିମାକାନ୍ ତାଇକେନାକିନ୍ ।

୨୭ ଇନ୍‌କିନ୍ ଆନ୍ତିୟୋଖ୍‌ରେ ସେଟେର୍‌କେଦ୍‌ତେ କାଲିସିୟାରେନ୍ ହଡ଼କକେ ହୁଣ୍ଡିକେଦ୍‌କଆକିନ୍ । ପାର୍‌ମେଶ୍ୱାର୍ ଇନ୍‌କିନାଃ ନାଗେନ୍ତେ ରିକାକାଦ୍ ତାଇକେନ୍‌ତେୟାଃ ଆଡ଼ଃ ସାଅଁସାର୍ ହଡ଼କଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦୁବକାଦ୍ ତାଇକେନା, ଏନ୍ ସବେନାଃ ଇନ୍‌କୁକେକିନ୍ ଉଦୁବାଦ୍‌କଆ । ୨୮ ଏନ୍ତେ ଇନ୍‌କିନ୍ ଆନ୍ତିୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନ୍‌କିନ୍ ତାଇନ୍‌ୟାନା ।

### ୧୫

ଯୀରୁଶାଲେମ୍‌ରେ ଖ୍ରୀଷ୍ଟ୍ ବିଶ୍ୱାସୀକଆଃ ସାଭା

୧ ଯିହୁଦାଏତେ ଚିମିନ୍ ହଡ଼କ ଆନ୍ତିୟୋଖ୍‌ରେ ହିକ୍‌ୟାୟାନାକେଦ୍‌ତେ, ମୁଶା ନାବାଆଃ ଆନ୍‌ରୁ ଲେକାତେ ଇନ୍‌କୁ କାକ ଖାଦ୍‌ନାଅଃରେଦ୍ ଜୀଉବାଆଁଅ କାକ ନାମେୟା ମେନ୍ତେ ବିଶ୍ୱାସୀକକେ ଇଡୁକେଦ୍‌କଆକ । ୨ ନେ ବିଷାଏରେ ଇନ୍‌କୁଲଃ ପାଉଲୁସ୍ ଆଡ଼ଃ ବର୍ଣ୍ଣବାସ୍‌ଆଃ ପୁରାଃଗି କାପ୍‌ଜି ହବାୟାନା, ଏନାତେ ପାଉଲୁସ୍, ବର୍ଣ୍ଣବାସ୍ ଆଡ଼ଃ ଆନ୍ତିୟୋଖ୍‌ରେନ୍ ଚିମିନ୍ ହଡ଼କ ଯୀରୁଶାଲେମ୍‌ତେ ସେନ୍‌କେଦ୍‌ତେ ପ୍ରେରିତ୍ ଆଡ଼ଃ କାଲିସିୟାରେନ୍ ପ୍ରାଚିନ୍‌କଲଃ ନେ ବିଷାଏରେ କାଜିଅଡ଼କ୍‌ଅଃକା ମେନ୍ତେକ ଉହାଡ଼୍‌କେଦା ।

୩ କାଲିସିୟାରେନ୍ ହଡ଼କ ଇନ୍‌କିନାଃ ହରାସେନ୍ ନାଗେନ୍ତେକ ଦେଙ୍ଗାକେଦ୍‌କିନା, ଆଡ଼ଃ ଇନ୍‌କିନ୍ ଫିନିସିୟା ଆଡ଼ଃ ଶମିରେନ୍ ହରାତେ ସେନଃ ଇମ୍‌ତା, ସାଅଁସାର୍ ହଡ଼କ ଚିଲ୍‌କା ହେୟାତିକ୍‌କେଦ୍‌ତେ ପାର୍‌ମେଶ୍ୱାର୍‌ସାଃତେକ ରୁହାଡ଼୍‌କାନା, ଏନ୍ ବିଷାଏରେକିନ୍ ଉଦୁବକେଦ୍‌କଆ; ନେ କାନାଜି ଆୟୁମ୍‌କେଦ୍‌ତେ ବିଶ୍ୱାସୀକ ପୁରାଃଗିକ ରାସ୍‌କାୟାନା । ୪ ଇନ୍‌କିନ୍ ଯୀରୁଶାଲେମ୍‌ତେ ସେଟେର୍‌ୟାନ୍‌ତି, କାଲିସିୟାରେନ୍ ହଡ଼କ, ପ୍ରେରିତ୍‌କ ଆଡ଼ଃ ପ୍ରାଚିନ୍‌କ ଇନ୍‌କିନ୍‌କେକ ଦାରମ୍‌କେଦ୍‌କିନା । ପାର୍‌ମେଶ୍ୱାର୍ ଆକିନାଃଲଃ ତାଇକେଦ୍‌ତେ କାମିକାଦ୍ ସବେନ୍ କାମିକ ଇନ୍‌କିନ୍ ଇନ୍‌କୁକେ ଉଦୁବକେଦ୍‌କଆକିନ୍ । ୫ ମେନ୍‌ଦ୍ ଫୀରୁଶୀ ଝୁଣ୍ଡ୍‌ରେନ୍ ଚିମିନ୍ ବିଶ୍ୱାସୀ ହଡ଼କ ଡିକ୍‌କେଦ୍‌ତେ କାଜିକେଦାକ, “ସାଅଁସାର୍ ହଡ଼କଆଃ

ଖାଦନାଅ ହବାଅଃଗି ଲାଗାତିୟାଁ ଆତଃ ମୁଣା ନାବାଆଃ ଆନରୁକେ ମାନାତିଙ୍ଗ ନାଙ୍ଗ୍ ଇନ୍କୁକେ କାଜି ଲାଗାତିୟାଁ ।”

୭ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍ ଆତଃ ପ୍ରାଚିନ୍ଦକ ମିଦତାଃରେ ହୁଣ୍ଡିୟାନାକ । ୭ \*ପୁରାଃଗି କାପ୍ତିୟାନ୍ ତାୟମ୍ତେ ପାତ୍ରାୟ ଡିଙ୍ଗୁକେଦତେ କାଜିକେଦା, “ହେ ହାଗା ମିଶିକ, ଆଇଙ୍ଗ୍ ସାଅଁସାର୍ ହଡକତାଃରେ ସୁକୁକାଜି ଉଦୁବେକାଇଙ୍ଗ୍ ଆତଃ ଇନ୍କୁ ଏନାରେକ ବିଶ୍ୱାସେକା ମେନ୍ତେ ପାର୍ମେଶ୍ୱାର୍ ଆଇଙ୍ଗ୍କେ ଆପେକଏତେ ପୁରାଃ ମାହାଁ ସିଦାରେ ସାଲାକାଦିୟାଁ, ଏନାଦପେ ସାରିତାନା । ୮ \*ଆତଃ ସବେନ୍ଦକଆଃ ମନ୍ସୁରୁଦ୍ରେୟାଃ ଉଡ଼ୁ ସାରି ଦାଡ଼ିତାନ୍ ପାର୍ମେଶ୍ୱାର୍, ଆରୁକେ ଜେ’ଲେକା ପାବିତାର୍ ଆମ୍ବା ଏମାକାଦ୍ବୁଆଏ, ଏନ୍ଲେକାଗି ସାଅଁସାର୍ ହଡକକେହ ଏମ୍କେଦତେ ଇନ୍କୁସାଃଏତେ ଗାଞ୍ଜାଏ ଏମାକାଦା । ୯ ଇନ୍କୁଆଃ ଆତଃ ଆରୁଆଃ ଆଲାରେ ଜେତାନ୍ ଫୀରାକ୍ କାଏ ଦହକାଦା । ଇନ୍କୁଆଃ ବିଶ୍ୱାସ୍ ହରାତେ ଇନିଃ ଇନ୍କୁଆଃ ମନ୍ସୁରୁଦ୍ବକଏ ଫୀରାକାଦା । ୧୦ ତାବ୍ଦ ଯିହୁଦାକଆଃ ରିତିରିଞ୍ଜାନ୍ ଆତଃ ଆନରୁ, ଅକନାଃଗି ହାମ୍ବାଲ୍ ବାହାରମ୍ ଲେକାନାଃତାନାଃ, ଏନାକେ ଆରୁଆଃ ପୁରୁଶା ହାଡ଼ାମ୍କ ଆତଃ ଆରୁ କାରୁ ଗଅଃ ଦାଡ଼ିକେନା, ଏନ୍ ଆଡ଼ନାକେ ନାହାଁଃ ଆପେ ବିଶ୍ୱାସୀକଆଃ ତାରାନ୍ରେ ଲାଦିକେଦତେ ଚିନାଃମେନ୍ତେ ପାର୍ମେଶ୍ୱାର୍କେ ବିଡ଼ାଅ ନାଗେନ୍ତେପେ ସାନାଙ୍ଗ୍ତାନା ? ୧୧ କାହାଗି, ଏନା କା ବୁଗିନାଃ । ଇନ୍କୁ ଜେ’ଲେକା ବିଶ୍ୱାସ୍କେଦତେ ଜୀଉବାଞ୍ଚାଅକ ନାମାକାଦା, ଏନ୍ ଲେକାଗି ଆରୁହ ବିଶ୍ୱାସ୍କେଦତେ ପ୍ରାଭୁ ଯୀଶୁଆଃ ସାୟାଦ୍ତେ ଜୀଉବାଞ୍ଚାଅରୁ ନାମାକାଦା ।”

୧୨ ପାଉଲୁସ୍ ଆତଃ ବର୍ଣ୍ଣବାସ୍ଆଃ ହରାତେ ସାଅଁସାର୍ ହଡକଆଃ ଆଲାରେ ପାର୍ମେଶ୍ୱାର୍ ଅକ ଆକ୍ଦାନ୍ଦାଅ କାମିକ ଆତଃ ଆକ୍ଚାକାଅ କାମିକ କାମିକାଦ୍ ତାଇକେନାଏ । ଏନାକ ଇନ୍କିନ୍ତାଃଏତେ ଆୟୁମ୍କେଦତେ ଝୁଣ୍ଡରେନ୍ ସବେନ୍ଦକ ହାପାୟାନାକ । ୧୩ ଇନ୍କିନ୍ କାଜି ଚାବାକେଦ୍ତି, ଯାକୁବ୍ କାଜିକେଦାଏ, “ହେ ହାଗା ମିଶିକ, ଆଇଁୟାଃ କାଜି ଆୟୁମ୍ପେପେ ! ୧୪ ପାର୍ମେଶ୍ୱାର୍ ଚିଲ୍କା ଆୟାଃ ଲିନିବୁଇ ସାଅଁସାର୍ ହଡକଏତେ ଚିମିନ୍ଦକକେ ଆୟାଃ ନୁଡୁମ୍ ନାଗେନ୍ତେ ସାଲାକାଦ୍ବକଆ, ଏନ୍ କାଜିକେ ଶିମୋନ୍ ଉଦୁବ୍କେଦାଏ । ୧୫ ନାବାକଆଃ କାଜି ନେ କାଜିଲଃ ପୁରା ମେସାଅଃତାନା । ଧାରାମ୍ପୁଅରେ ଅଲାକାନା;

୧୬ “ ପ୍ରାଭୁ କାଜିୟାଃଏ, ନେ ତାୟମ୍ତେ ଆଇଙ୍ଗ୍ ହିଜୁଃ ରୁହାଡ଼ାଇଙ୍ଗ୍  
ଆତଃ ଦାଉଦ୍ଆଃ ତାଇନଃ ଠାୟାଦ୍କେ ଆତଃମିସା ବାଇରୁହାଡ଼େୟାଇଙ୍ଗ୍ ।  
ଆଇଙ୍ଗ୍ ଏନ୍ ଜିୟନ୍କାନ୍ତେୟାଃକେ ଆତଃମିସା ବାଇରୁହାଡ଼େୟାଇଙ୍ଗ୍  
ଆତଃ ଏନାକେ କେଟେଦ୍ ରୁହାଡ଼େୟାଇଙ୍ଗ୍ ।

୧୭ ଆତଃ ସବେନ୍ ମାନଞ୍ଜା ହଡକ ଆଇଙ୍ଗ୍ତାଃତେକ ହିଜୁଃଆ,  
ଆଇଙ୍ଗ୍ ଅକ ସାଅଁସାର୍ ହଡକକେ ଆଇଁୟାଃ ହବାଅଃ ନାଗେନ୍ତେଇଙ୍ଗ୍  
କେଡ଼ାକାଦ୍ବକଆ, ଇନ୍କୁ ସବେନ୍ଦକ ଆଇଁୟାଃତାନ୍ଦକ ମେନ୍ତେ ପ୍ରାଭୁ  
କାଜିୟାଏ ।

୧୮ ନେ କାଜିକେ ପ୍ରାଭୁ, ନାକ୍ ପାରିୟାଏତେ କାଜିକାଦ୍ ତାଇକେନା । ୮  
୧୯ “ଯାକୁବ୍ ଆତଃଗି କାଜିକେଦା, ଆଇଁୟାଃ ବିଚାର୍ ନେଆଁତାନାଃ, ଅକ ସାଅଁସାର୍ ହଡକ ପାର୍ମେଶ୍ୱାର୍ସାଃତେ ରୁହାଡ଼ତାନାକ, ଇନ୍କୁକେ ଆରୁ କାରୁ ହାଏରାନ୍ଦକଆ । ୨୦ ମେନ୍ଦ ଇନ୍କୁ ମୁରୁଡକତାଃରେ ଦାନ୍ ରାକାବାକାନ୍ ସଡ଼ରା ଜମେୟାଁ ଆଲକାକ ଜମେକା, ଜେତା କଡ଼ା ଚାଏ କୁଡ଼ିଲଃ ହଡ଼ମ୍ରେୟାଃ ଏଡ଼କାନ୍ କାମି ଆଲକାକ ରିକାଏକା, ହଟଃ ଲିମ୍ବୁଦ୍କେଦତେ ଗଜାକାନ୍ ଜାଡ଼ୁରାଃ ମାସ୍ ଚାଏ ମାୟୋମ୍

\* ୧୫:୭ ୧୫:୭ ପ୍ରେରିତ୍ ୧୦:୧-୪୩. \* ୧୫:୮ ୧୫:୮ ପ୍ରେରିତ୍ ୧୦:୪୪; ୨:୪.

ଆଲକାକ ଜମେକା ମେନ୍ତେ ନେ ସବେନ୍ ବିଷାଏରେ କାଜିକତାନ୍ଲଃ ଇନ୍କୁତାଃତେ ମିଆଁଦ୍ ଚିଟାଉରୁ ଅଲେୟା । ୨୧ ଚିୟାଃଚି ପୁରାଃ ସିଦାଏତେଗି ସବେନ୍ ରୁଡ୍ନୁ ହୁଲ୍ଲାଇଁରେ ସାମାଜ୍ ଅଡ଼ାଃକରେ ମୁଣା ନାବୀଆଃ ଆନ୍ତୁ ପାଢ଼ାଅଃତାନା, ଆତଃ ସବେନ୍ ସାହାରରେ ଇନ୍ୟାଃ କାଜି ଉଦୁବଃତାନା ।”

ସାଅଁସାର୍ ବିଶ୍ୱାସୀ ହଡ଼କତାଃତେ ଚିଟାଉ

୨୨ ଏନ୍ତେ ପ୍ରେରିତକ ଆତଃ କାଲିସିୟାରେନ୍ ପ୍ରାଚିନ୍ଦକ, ଆତଃ କାଲିସିୟାରେନ୍ ସବେନ୍ଦକ, ଝୁଣ୍ଡରେନ୍ ଚିମିନ୍ ହଡ଼କକେ ସାଲ୍ଲାକେଦତେ, ପାଉଲୁସ୍ ଆତଃ ବର୍ଣ୍ଣବାସଲଃ ଇନ୍କୁକେ ଆନ୍ତ୍ରିୟୋଖତେ କୁଲ୍ ନାଗେନ୍ତେକ ଉହାଟ୍କେଦା । ବାର୍ଣବାସ୍ ନୁଡୁମ୍ତେ ସାରିୟଃତାନ୍ ଯିହୁଦା ଆତଃ ସିଲ୍ଲାସ୍, ନେ ବାରାନ୍କିନ୍ଦକେ ଇନ୍କୁ ସାଲ୍ଲାକେଦକିନାକ ଆତଃ ଇନ୍କିନ୍ ବିଶ୍ୱାସୀକଆଃ ଆଲ୍ଲାରେ ପୁରାଃଚି ମାଲ୍ଲନଃତାନ୍କିନ୍ ତାଇକେନା । ୨୩ ଆତଃ ବିଶ୍ୱାସୀକ ନେ ଚିଟାଉକେ ଇନ୍କିନାଃ ଡିଃଇରେ କୁଲ୍ଲକେଦାକ । “ଆନ୍ତ୍ରିୟୋଖ୍, ସିରିୟା ଆତଃ କିଲିକିଆ ପାର୍ଗାନରେନ୍ ସାଅଁସାର୍ ହଡ଼କଏତେ ହିନ୍ଦୁଃକାନ୍ ହାଗାକକେ ପ୍ରେରିତକ ଆତଃ କାଲିସିୟାରେନ୍ ପ୍ରାଚିନ୍ଦକ ଜହାର୍ ମେନ୍ତେକ କାଜିକୁଲ୍ଲକାଦା । ୨୪ ଆଲେ ଆୟୁମେତାନାଲେ ଯେ, ଆଲେୟାଃ ଝୁଣ୍ଡହେତେ ଚିମିନ୍ ହଡ଼କ ଆପେତାଃତେ ସେନ୍ଦକେଦତେ ଆପେୟାଃ ମନ୍ଦରେ ଦୁକୁଃଲେକାନ୍ କାଜିକ କାଜିକାଦା । ମେନ୍ଦ ଏନ୍ ବିଷାଏରେ ଆଲେ ଇନ୍କୁକେ କାଜି ନାଜ୍ ଜେଡ୍ନାଃ କାଲେ ଆରୁକାକ ତାଇକେନା । ୨୫ ଆତଃ ଆଲେ ସବେନ୍ଦକ ମିଦ୍ ମନ୍ୟାନ୍ଲଃ ଚିମିନ୍ ଝାନ୍ କାଜିକୁଲ୍ଲକକେ ସାଲ୍ଲାକେଦତେ ଆପେତାଃତେ କୁଲ୍ ନାଗେନ୍ତେଲେ ଉହାଟ୍କାଦା । ଇନ୍କୁ ଆରୁଆଃ ଦୁଲ୍ଲାଡ୍ ହାଗା ବର୍ଣ୍ଣବାସ୍ ଆତଃ ପାଉଲୁସଲଃ ସେନାଃକ । ୨୬ ଇନ୍କିନ୍ ଆକିନାଃ ଜୀଦାନ୍ଦକେ ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁଡୁମ୍ ନାଜ୍ ସାଙ୍କାଟ୍ରେ ଉୟୁଃକାଦାକିନ୍ । ୨୭ ଆଲେ ଯିହୁଦା ଆତଃ ସିଲ୍ଲାସକେ ଆପେତାଃତେ କୁଲ୍ଲକିନ୍ତାନାଲେ । ଆଲେ ଅକ୍ନାଃ ଅଲ୍ଲାକାଦାଲେ ଏନାକେଗି ଇନ୍କିନ୍ ଆପେକେ ଉଦୁବାପେୟାକିନ୍ । ୨୮ ଚିମିନାଜ୍ ଲାଗାତିଜ୍ ଆଇନ୍ଦକ ବାଗିକେଦତେ ଆପେ ତେତାନ୍ଦରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ ପାବିତାର୍ ଆମ୍ବାତାଃଏତେ ଆନାରୁଲେ ନାମାକାଦା । ୨୯ ଆପେ ମୁରୁଡକଆଃ ଆୟାରରେ ଦାନ୍ ରାକାବାକାନ୍ ଜଜମାଃ ଆଲପେ ଜମେୟାଁ, ମାୟୋମ୍ ଆଲପେ ନୁଁଇଆ, ହଟଃ ଲିମ୍ବଦୁକେଦତେ ଗଜାକାଇ ଜେତା ଜାଁତୁରାଃ ମାସ୍ ଆଲପେ ଜମେୟାଁ ଆତଃ ଜେତା କଡ଼ା ଚାଏ କୁଡିଲଃ ହଡ଼ମରେୟାଃ ଏଡକାନ୍ କାମିକଏତେ ସାଜିନାକାନ୍ ତାଇନ୍ଦପେ । ଆପେ ନେ ସବେନ୍ କାମିକ କାପେ କାମିରେଦ ଆପେୟାଃ ବୁଗିନାଃ ହବାଅଃଆ । ଆଲେୟାଃ ଜହାର୍ ତେଲ୍ଲାଏପେ ।”

୩୦ ଅକ କାଜିକୁଲ୍ଲକିନ୍ଦକେ କୁଲ୍ଲାକାନ୍ ତାଇକେନା, ଇନ୍କିନ୍ ଆନ୍ତ୍ରିୟୋଖ୍ତେ ସେନ୍ଦକେଦତେ ବିଶ୍ୱାସୀକଆଃ ସବେନ୍ ଝୁଣ୍ଡକକେ ହୁଣ୍ଡିକେଦତେ ନେ ଚିଟାଉକେ ଏମାଦକଆକିନ୍ । ୩୧ ଏନ୍ତାଃରେନ୍ ବିଶ୍ୱାସୀକ ଜୀଉରେ ରାସକାନ୍ କାଜି ଚିଟାଉରେ ପାଢ଼ାଅକେଦତେ ରାସକାତେ ପେରେୟାନ୍ନାକ । ୩୨ ଯିହୁଦା ଆତଃ ସିଲ୍ଲାସ୍ ଆକିନ୍ଗି ନାବୀ ତାଇକେନାକିନ୍ ଆତଃ ଇନ୍କିନ୍ ଆନ୍ତ୍ରିୟୋଖ୍ରେନ୍ ବିଶ୍ୱାସୀକକେ ପୁରାଃ ନେତା ଜାକେଦ୍ ଜାଗାର୍ତାନ୍ଲଃ ଇନ୍କୁକେ ଜୀଉରେ ରାସକାନ୍ କାଜିକ ଏମ୍କେଦତେ ଇନ୍କୁଆଃ ବିଶ୍ୱାସକେ କେଟେଦକେଦାକିନ୍ । ୩୩ ଏନ୍ତାଃରେ ଚିମିନ୍ ମାହାଁ ତାଇନ୍ୟାନ୍ ତାୟମ୍ତେ ଅକ ହଡ଼କ ଇନ୍କିନ୍ଦକେ କୁଲ୍ଲାକାଦକିନ୍ ତାଇକେନାକ, ଇନ୍କୁତାଃ ସେନ୍ଦୁହାଡ୍ ନାଗେନ୍ତେ ବିଶ୍ୱାସୀକ ଇନ୍କିନ୍ଦକେ ସୁକୁଜୀଉତେ କୁଲ୍ଲକେଦକିନାକ । ୩୪ ମେନ୍ଦ ସିଲ୍ଲାସ୍ ଏନ୍ତାଃରେ ତାଇନଃ ନାଗେନ୍ତେ ବୁଗିନାଃ ଆଟ୍କାଟ୍କେଦାଏ ।\*

\* ୧୫:୩୪ 15:34 ନେ ପଦ ଚିମିନ୍ ମାରି ଅନଲ୍ଲକରେ ବାନଃଆ

୩୫ ପାଉଲୁସ୍ ଆତଃ ବର୍ଣ୍ଣବାସ୍ ଆନ୍ତିୟୋଖରେ ଚିମିନ୍ ଦିନ୍ ତାଇନ୍ୟାନାକିନ୍ ଆତଃ ଏଟାଃ ପୁରାଃ ହତ୍ତକଲଃ ମେସାକେଦ୍ତେ ପ୍ରାଭୁଆଃ ବାଚାନ୍ ଉଦୁବକେଦ୍ଦକଆକ ଆତଃ ଇତ୍ତୁକେଦ୍ଦକଆକ ।

ପାଉଲୁସ୍ ଆତଃ ବର୍ଣ୍ଣବାସ୍ଆଃ ବିନ୍ଗାଥ

୩୬ ଚିମିନ୍ ଦିନ୍ ତାୟମ୍ତେ ପାଉଲୁସ୍, ବର୍ଣ୍ଣବାସ୍କେ କାଜିକିୟା, “ଦଲା, ରୁହାଡ଼ାଃଲାଙ୍ଗ୍ ଆତଃ ସବେନ୍ ସାହାରରେନ୍ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବକାକ ତାଇକେନାଲାଙ୍ଗ୍, ଇନ୍କୁଲଃ ନେପେଲ୍ଲକେଦ୍ତେ, ଇନ୍କୁ ଚିଲ୍ଲକା ମେନାକଆ ଏନାଲାଙ୍ଗ୍ ନେଲାଉକଆ ।” ୩୭ ବର୍ଣ୍ଣବାସ୍, ଯୋହାନ୍ ନୁତୁମ୍ତେ ସାରିୟଃତାନ୍ ମାର୍କକେ ଆକିନାଃଲଃ ଇଦି ନାଗେନ୍ତେ ସାନାଙ୍ଗ୍କାଦ୍ ତାଇକେନା, ୩୮ ମେନ୍ଦ୍ ପାଉଲୁସ୍ ମାର୍କକେ ଇଦି ନାଗେନ୍ତେ କାଏ ସାନାଙ୍ଗ୍କେଦା, ତିଆଃଚି ଇନିଃ ସିଦାରେୟାଃ ହରାସେନ୍ରେ କାମି ଚୁଣ୍ଡୁ ଜାକେଦ୍ ଆକଲଃ କା ତାଇକେଦ୍ତେ ଇନ୍କୁକେ ପାମିଲିଆରେ ବାଗିକେଦ୍ତେ ରୁହାଡ଼ୟାନା । ୩୯ ନେ ବିଷାଏରେ ପୁରାଃଗି କାପ୍ତି ହବାୟାନା ଆତଃ ଇନ୍କିନାଃ ବିନ୍ଗାଥ ହବାୟାନା । ବର୍ଣ୍ଣବାସ୍ ମାର୍କକେ ଇଦିକେଦ୍ତେ ସାଇପ୍ରସ୍ତେ ଦାଆଃ ଜାହାଜ୍ରେ ଦୁବକେଦ୍ତେକିନ୍ ସେନଃୟାନା । ୪୦ ମେନ୍ଦ୍ ପାଉଲୁସ୍, ସିଲାସ୍କେ ସାଲାକିୟା ଆତଃ ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍ରେ ଜିମାୟାନ୍ଲଃ ବିଦା ଇଦିକେଦାଏ । ୪୧ ଇନିଃ ସିରିୟା ଆତଃ କିଲିକିଆ ପାର୍ଗାନ୍ ହରାତେ ସେନଃୟାନା ଆତଃ କାଲିସିୟାରେନ୍ ହତ୍ତକକେ ବିଶ୍ୱାସ୍ରେ କେଟେଦ୍ ଇଦିକେଦ୍ଦକଆ ।

### ୧୭

ପାଉଲୁସ୍ ଆତଃ ସିଲାସ୍ଲଃ ତାମଥୁଆଃ ହରାସେନ୍

୧ ପାଉଲୁସ୍ ଦର୍ବୀ ଆତଃ ଲୁସ୍ତ୍ରାତେ ସେନଃୟାନା, ଏନ୍ତାଃରେ ତାମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହତ୍ତ ତାଇନଃତାନ୍ ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ୍ ବିଶ୍ୱାସୀ ଯିହୁଦୀ ତାଇକେନାଏ, ମେନ୍ଦ୍ ଆପୁତେ ଗ୍ରୀକ୍ ହତ୍ତ ତାଇକେନାଏ । ୨ ଲୁସ୍ତ୍ରା ଆତଃ ଇକିନିୟାରେନ୍ ସବେନ୍ ବିଶ୍ୱାସୀକ ତାମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା । ୩ ପାଉଲୁସ୍, ତାମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍ଗ୍କେଦା, ଏନାତେ ଇନିଃ ତାମଥୁକେ ଖାଡ଼ନାଅକିୟାଏ । ତିଆଃଚି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହତ୍ତକ ତାମଥୁଆଃ ଆପୁତେକେ ଗ୍ରୀକ୍ ହତ୍ତ ତାନିଃ ମେନ୍ତେକ ସାରିକାଦ୍ ତାଇକେନା । ୪ ଇନ୍କୁ ସାହାର ହରାକରେ ସେନଃ ତାଇକେନ୍ ଇମ୍ତା, ବିଶ୍ୱାସୀକକେ ଯୀରୁଶାଲେମ୍ରେନ୍ ପ୍ରେରିତ୍ ଆତଃ ପ୍ରାଚିନ୍କ ଠାହାରାଅକାଦ୍ ସବେନ୍ ଆନ୍ତୁକେ ମାନାତିଙ୍ଗ୍ ନାଗେନ୍ତେକ କାଜିକେଦ୍ଦକଆ । ୫ ନେ'ଲେକାତେ କାଲିସିୟାକ ବିଶ୍ୱାସ୍ରେ ପୁରାଃଗିକ କେଟେଦ୍ୟାନା ଆତଃ ସବେନ୍ ହୁଲାଙ୍ଗ୍ ପସାଇଦିୟଃତାନ୍କ ତାଇକେନା ।

ତ୍ରୋୟାସ୍ରେ ପାଉଲୁସ୍ଆଃ ଦାର୍ଗାନ୍

୬ ଇନ୍କୁକେ ପାବିତାର୍ ଆମ୍ବା ଏସିଆ ପାର୍ଗାନ୍ରେ ବାଚାନ୍ ଉଦୁବ୍ ନାଗେନ୍ତେ କାଏ ଆରୁକେଦ୍ଦକ ହରାତେ ଇନ୍କୁ ଫୁଗିଆ ଆତଃ ଗାଲାତିୟ ପାର୍ଗାନ୍ତେକ ସେନଃୟାନା । ୭ ଇନ୍କୁ ମୁସିୟା ପାର୍ଗାନ୍ରେୟାଃ ସିମ୍ନାତେ ସେଟେର୍ୟାନ୍ଲଃ ବେଥ୍ନିଆ ପାର୍ଗାନ୍ତେ ସେନଃ ନାଙ୍ଗ୍ ଅତଙ୍ଗ୍ଆଃ ଇମ୍ତା ଯୀଶୁଆଃ ଆମ୍ବା ଇନ୍କୁକେ କାଏ ଆରୁକେଦ୍ଦକଆ । ୮ ଏନାତେ ଇନ୍କୁ ମୁସିୟା ହରାତେ ସେନଃୟାନ୍ଲଃ ତ୍ରୋୟାସ୍ତେକ ସେନଃୟାନା । ୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍ଗାନ୍

☆ ୧୫:୩୮ ୧୫:୩୮ ପ୍ରେରିତ୍ ୧୩:୧୩.



ନେଲକେଦାଏ ଯେ, ମାକିଦନିଆରେନ୍ ମିଆଁଦ୍ ହଡ଼ ତିଲ୍ଲୁକେଦତେ ବିକ୍ରିତାନଲ୍‌ଠ କାଜିତାନାଏ, “ମାକିଦନିଆତେ ହିଜୁଠକେଦତେ ଆଲେକେ ଦେଙ୍ଗାଲେପେ !”  
 ୧୦ ପାଉଲୁସ୍ ନେ ଦାର୍‌ଶାନ୍ ନେଲକେଦତି ଆଲେ ମାକିଦନିଆତେ ସେନଠ ନାଗେନ୍ତେଲେ ସେକାଡ଼ୟାନା, ଚିଆଠଚି ଆଲେ ସାର୍‌ତିଗି ସାରିକାଦ୍ ତାଇକେନାଲେ, ପାର୍‌ମେଶ୍ୱାର୍ ଏନ୍ତାଠରେନ୍ ହଡ଼କଆଠ ଆଲାରେ ସୁକୁକାଜି ଉଦୁବ୍ ନାଗେନ୍ତେ ଆଲେକେ କେଡ଼ାକାଦଲେୟା ।

ଫିଲିପିରେ ଲୁଦିୟାରାଠ ମନ୍‌ରୁହାଡ଼୍

୧୧ ଆଲେ ଡ୍ରୋୟାସ୍‌ତାଠଏତେ ଦାଆଠ ଜାହାଜ୍‌ରେ ଦୁବ୍‌କେଦତେ ସାମଥ୍ରାକି ଟାପୁତେଲେ ସେନଠୟାନା, ଆତଠ ଏଟାଠହୁଲାଙ୍ଗ୍ ନିୟାପଲି ସାହାର୍‌ତେଲେ ସେଟେରୁୟାନା । ୧୨ ଏନ୍ତାଠଏତେ ଆଲେ ମାକିଦନିଆ ଜିଲ୍ଲାରେୟାଠ ମାରାଙ୍ଗ୍ ନାଗାର୍ ଫିଲିପିତେଲେ ସେନଠୟାନା । ଏନ୍ ନାଗାର୍‌ରେ ରୋମ୍‌ରେନ୍ ହଡ଼କହଗି ତାଇନଠତାନ୍ ତାଇକେନାକ । ଆଲେ ଏନ୍ତାଠରେ ଚିମିନ୍‌ଦିନ୍ ଲେକାଲେ ତାଇକେନା । ୧୩ ରୁଡ଼ନ୍ ହୁଲାଙ୍ଗ୍‌ରେ ଆଲେ ନାଗାର୍‌ହେତେ ଅତଙ୍ଗ୍‌ୟାନ୍‌ଲଠ ନାହିଁ ଗେନାତେଲେ ସେନଠୟାନା । ଏନ୍ତାଠରେ ଯିହୁଦୀ ହଡ଼କ ହୁଣ୍ଡିକେଦତେ ବିକ୍ରି ତାଇକେନ୍ ମିଆଁଦ୍ ଠାୟାଦ୍ ତାଇନାଠ ମେନ୍ତେଲେ ଉଡ଼ଠୁକାଦ୍ ତାଇକେନା । ଆଲେ ଲାତାର୍‌ରେ ଦୁବ୍‌କେଦତେ ଏନ୍ତାଠରେ ହୁଣ୍ଡିୟାକାନ୍ କୁଡ଼ିକଲଠ ଜାଗାର୍‌କେଦାଲେ । ୧୪ ଇନ୍‌କୁଆଠ ଆଲାରେ ଥୁୟତିରା ନାଗାର୍‌ରେନ୍ ଲୁଦିୟା ନୁଡୁମ୍ ମିଆଁଦ୍ କୁଡ଼ି ତାଇକେନା । ଇନିଠ ବାଇଗିନିଆ ଲିଜାଠ ଆଖିରଙ୍ଗିନିଠ ତାଇକେନାଏ । ଇନିଠ ପାର୍‌ମେଶ୍ୱାର୍‌କେ ବରଭାଲ୍ଲି ତାଇକେନା ଆତଠ ପାଉଲୁସ୍ କାଜିତାଇକେନ୍‌ତେୟାଠ ମନ୍‌ଧ୍ୟାନ୍ ଆୟୁମ୍‌କେଦତେ ମନ୍‌ସୁରୁଦ୍‌ରେ ତେଲାଏ ନାଗେନ୍ତେ ପ୍ରାଭୁ ଇନିଠକେ ସୁଯୋଗ୍ ଏମ୍‌କିୟାଏ । ୧୫ ଇନିଠ ଆତଠ ଆୟାଠ ଅଡ଼ାଠରେନ୍ ସବେନ୍‌କ ବାପ୍ତିସ୍ମା ଇଦିକେଦ୍ ତାୟମ୍‌ତେ ଆଲେକେ କେଡ଼ାକେଦତେ କାଜିକେଦ୍‌ଲେୟାକ, “ଆପେ ଆଇଙ୍ଗ୍‌କେ ପ୍ରାଭୁତାଠରେ ପାତିୟାର୍‌ରଠ ଲେକା ମେନାଲୟା ମେନ୍ତେପେ ବିଚାର୍‌ତାନ୍ ରେଦ୍, ଦେଲା ଆଇଁୟାଠ ଅଡ଼ାଠରେ ତାଇନ୍‌ପେ ।” ଇନିଠ ନେ’ଲେକା କାଜିକେଦତେ ଆୟାଠ ଅଡ଼ାଠରେ ତାଇନ୍ ନାଗେନ୍ତେ ଆଲେକେ ଉସ୍‌କୁରକେଦ୍‌ଲେୟା ।

ଫିଲିପିରେୟାଠ ଜେହେଲ୍‌ରେ ପାଉଲୁସ୍ ଆତଠ ସିଲାସ୍

୧୬ ମୁସିଙ୍ଗ୍ ଆଲେ ବିକ୍ରି ଠାୟାଦ୍‌ତେ ସେନଠ ତାଇକେନ୍ ଇମ୍‌ତା ମିଆଁଦ୍ କାମ୍‌ଡ଼ି କୁଡ଼ିଲଠ ନାପାମ୍‌ୟାନାଲେ । ଇନିୟାଠରେ ତାଇକାନ୍ ଏଡ଼କାନ୍ ଆମ୍‌ା ହରାତେ ଇନିଠ ଆୟାର୍‌କାଜିକଏ କାଜି ଦାଡ଼ିତାଇକେନା । ଇନିଠ ହଡ଼କଆଠ ଚିନାଠ ହବାଅଠଆ ଏନାକ ସିଦାରେ କାଜି ଦାଡ଼ି ତାଇକେନା । ଇନିଠ ଆୟାଠ ଗୁସିୟାକଆଠ ନାଙ୍ଗ୍ ପୁରାଠ ଟାକା ପାଏସାଏ କାମି ତାଇକେନା । ୧୭ ଇନିଠ ପାଉଲୁସ୍ ଆତଠ ଆଲେୟାଠ ଦୟା ଦୟା ହିଜୁଠକେଦତେ କାଉରିତାନଲ୍‌ଠ କାଜିକେଦାଏ, “ନେ ହଡ଼କ ସାଲାଙ୍ଗି ଉତାର୍ ପାର୍‌ମେଶ୍ୱାର୍‌ଆଠ ଦାସିକ ତାନ୍‌କ । ଆପେ ଚିଲ୍‌କାତେ ଜାଉବାଞ୍ଚାଅପେ ନାମେୟା, ଏନାକ କାଜିତାନା ।” ୧୮ ଏନ୍ କୁଡ଼ି ପୁରାଠ ମାହାଁ ଜାକେଦ୍ ନେ’ଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସିୟାନ୍‌ଲଠ ଦୟା ହେଡାକେଦତେ ଏଡ଼କାନ୍ ଆମ୍‌ାକେ କେଟେଦକେଦତେ କାଜିକିୟା, “ୟାଶୁ ଖ୍ରୀଷ୍ଟ୍‌ଆଠ ନୁଡୁମ୍‌ତେଇଙ୍ଗ୍ ଆଡୁମେତାନା, ଇନିଠତାଠଏତେ ଅତଙ୍ଗ୍‌ଅଠମେ !” ଇମ୍‌ତାଗି ଏଡ଼କାନ୍ ଆମ୍‌ା ଇନିଠତାଠଏତେ ଅତଙ୍ଗ୍‌ୟାନା ।

୧୯ ଚିମ୍‌ତା ଇନିୟାଠ ଗୁସିୟାକ ଆକଆଠ ଟାକା କାମିରେୟାଠ ଆସ୍ରାକ ଆଦକେଦା ମେନ୍ତେ ଆଟ୍‌କାରକେଦତି, ପାଉଲୁସ୍ ଆତଠ ସିଲାସ୍‌କେ ସାଦକେଦତେ ବାଜାର୍ ପିଡ଼ି ଆଲାତେ ଆକ୍‌ତେୟାର୍ ନାମାକାଦ୍ ହଡ଼କତାଠତେ ଅର୍ ଇଦିକେଦକିନାକ । ୨୦ ଇନ୍‌କୁ ଇନ୍‌କିନ୍‌କେ ରୋମି ହାକିମ୍‌କତାଠତେ ଆଉକେଦକିନାକ ଆତଠ

କାଜିକେଦାକ, “ନେ ହଡକିନ୍ ଯିହୁଦୀ ତାନକିନ୍, ଆଡ଼ଃ ଆଲେୟାଃ ନାଗାରରେ ହାଲାଗୁଲାଏ ତାନାକିନ୍ । ୨୧ ଇନ୍‌କିନ୍ ଆବୁଆଃ ଆନ୍‌ରୁ ବିରୁଧ୍ ରିଡିରିଖାନ୍ ଇଡୁକତାନାକିନ୍ । ଆବୁ ରୋମିରେନ୍ ହଡକ ତାନୁ, ଏନାତେ ନେ ସବେନ୍ କାଲାଗାଡିଙ୍ଗ୍ ରିଡିରିଖାନ୍ କାରୁ ମାନାଡିଙ୍ଗ୍ ଦାଡ଼ିୟା ।”

୨୨ ଆଡ଼ଃ ଗାଦେଲ୍ ହଡକହଗି ପାଉଲୁସ୍ ଆଡ଼ଃ ସିଲାସ୍‌ଆଃ ବିରୁଧ୍‌ରେ ମେସାୟାନାକ । ଏନ୍ତେ ପାଉଲୁସ୍ ଆଡ଼ଃ ସିଲାସ୍‌ଆଃ ଲିଜାଃ ଚେଟାଃକେଦ୍‌ତେ ଇନ୍‌କିନ୍‌କେ ସଟାତେ ହାଣ୍ଡିଆ ନାଗେନ୍ତେ ରୋମି ହାକିମ୍‌କ ଇନ୍‌କୁକେ ଆରୁକେଦ୍‌କଆକ । ୨୩ ଇନ୍‌କୁ ଇନ୍‌କିନ୍‌କେ ପୁରାଃଗି ଦାଲ୍‌କେଦ୍‌ତେ ଜେହେଲ୍‌ରେ ଦହକେଦ୍‌କିନାକ ଆଡ଼ଃ ତାଲାକେଦ୍‌ତେ ହର ନାଙ୍ଗ୍ ଆରୁକେଦ୍‌କଆକ । ୨୪ ନେ ଆନାରୁ ନାମ୍‌କେଦ୍‌ତେ ଜେହେଲ୍ ହରନିଃ ଇନ୍‌କିନ୍‌କେ ମିଆଁଦ୍ ଭିଡାରୁ କୁଠାତେ ଇଦିକେଦ୍‌ତେ ହାମ୍‌ଲା ସାହାନ୍‌ରେୟାଃ ଅର୍ଗଡ୍‌ରେ ଇନ୍‌କିନାଃ କାଟାକେ ତଲ୍‌କେଦ୍‌କିନାଏ ।

୨୫ ଆଲାନିଦାରେ ପାଉଲୁସ୍ ଆଡ଼ଃ ସିଲାସ୍ ପାର୍‌ମେଶ୍‌ବାର୍‌ଆଃ ନୁତୁମତେ ବିକ୍ତି ଆଡ଼ଃ ମାନାରାଙ୍ଗ୍‌ରାଃ ଦୁରାଙ୍ଗ୍ ତାଇକେନାକିନ୍ ଆଡ଼ଃ ଏଟାଃ ଜେହେଲାକାନ୍ ହଡକ ଏନା ଆୟୁମ୍ ତାଇକେନାକ । ୨୬ ଇମ୍‌ତାଗି ପୁରାଃତେ ଅତେ ଦିଲ୍‌କାଅୟାନା ଆଡ଼ଃ ଜେହେଲ୍ ଅଡ଼ାଃରାଃ ନିହିଁଗାଡ଼ା ଏକ୍‌ଲାଅୟାନା । ଇମ୍‌ତାଗି ସବେନ୍ ଦୁଆରକ ନିଜ୍‌ୟାନା ଆଡ଼ଃ ଜେହେଲାକାନ୍ ସବେନ୍ ହଡକଆଃ ସିକ୍ତିକ ରାଡ଼ାୟାନା । ୨୭ ଜେହେଲ୍ ହରନିଃ ଦୁଡ଼ମ୍‌ଏତେ ବିରିଦ୍‌ୟାନାଏ ଆଡ଼ଃ ଜେହେଲ୍‌ରେୟାଃ ଦୁଆର ସବେନ୍ ନିଜାକାନ୍ ନେଲ୍‌କେଦ୍‌ତେ ଉଡ଼ଃକେଦାଏ ଯେ, ଜେହେଲାକାନ୍ ସବେନ୍ ହଡକ ନିର୍‌ୟାନାକ । ଏନାତେ ଇନିଃ ଆୟାଃ ତାରାଉଡ଼ି ଅତଙ୍ଗ୍‌କେଦ୍‌ତେ ଆଇଃକ୍‌ଗି ଗଜେନ୍ ନାଗେନ୍ତେ ସାନାଙ୍ଗ୍‌କେଦା । ୨୮ ମେନ୍‌ଦ୍ ପାଉଲୁସ୍ ପୁରାଃ କାଉରିକେଦ୍‌ତେ କାଜିକିୟା, “ଆମ୍ ଆପାନକେ ଜେଡ୍‌ନାଃ ଆଲମ୍ ନକ୍‌ସାନେନ୍ ଚିଆଃଟି ଆଲେ ସବେନ୍‌କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍‌କଆ ଆଡ଼ଃ ଭିଡାର୍‌ତେ ନିର୍‌ବଲୟାନା ଏନ୍ତେ ବରତେ ଏକ୍‌ଲାଅଃତାନଲଃ ପାଉଲୁସ୍ ଆଡ଼ଃ ସିଲାସ୍‌ଆଃ କାଟା ଲାଡାରରେ ଉୟୁଃୟାନା । ୩୦ ଏନ୍ତେ ଇନ୍‌କିନ୍‌କେ ବାହାରିତେ ଅତଙ୍ଗ୍‌କେଦ୍‌ତେ କୁଲିକେଦ୍‌କିନା, “ମାଇନାନ୍‌କିନ୍, ଜୀଉବାଞ୍ଚାଅ ନାମେ ନାଗେନ୍ତେ ଆଇଙ୍ଗ୍‌କେ ଚିନାଃ ରିକା ଲାଗାଡିଙ୍ଗ୍‌ୟାଃ ?”

୩୧ ଇନ୍‌କିନ୍ କାଜିକିୟାକିନ୍, “ପ୍ରାଭୁ ଯାଶୁରେ ବିଶ୍ୱାସେରେଦ, ଆମ୍ ଆଡ଼ଃ ଆମାଃ ଅଡ଼ାଃରେନ୍ ଜୀଉବାଞ୍ଚାଅପେ ନାମେୟା ।” ୩୨ ଏନ୍ତେ ଇନ୍‌କିନ୍ ଇନିଃକେ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ ହଡକକେ ପ୍ରାଭୁଆଃ ବାଚାନ୍ ଉଦୁବ୍‌କେଦ୍‌କଆକିନ୍ । ୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ ଇନ୍‌କିନ୍‌କେ ଇଦିକେଦ୍‌ତେ, ଆକିନାଃ ଘାଅକ ଚାପି ଆରୁଙ୍ଗ୍‌କେଦାଏ, ଆଡ଼ଃ ଇନିୟାଃ ଅଡ଼ାଃରେନ୍ ସବେନ୍ ହଡକ ଇମ୍‌ତାଗି ବାପ୍ତିସ୍ମାୟାନାକ । ୩୪ ଏନ୍ତେ ଇନିଃ ପାଉଲୁସ୍ ଆଡ଼ଃ ସିଲାସ୍‌କେ ଆୟାଃ ଅଡ଼ାଃତେ ଇଦିକେଦ୍‌ତେ ଜମେ ନାଗେନ୍ତେ ଏମାଦ୍‌କିନା । ପାର୍‌ମେଶ୍‌ବାର୍‌ତାଃରେ ବିଶ୍ୱାସକେଦ୍ ହରାତେ ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ ହଡକ ରାସ୍‌କାତେ ପେରେଃୟାନାକ ।

୩୫ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନ୍‌ଚି ରୋମିରେନ୍ ହାକିମ୍‌କ ସିପାଇକତାଃରେ, “ଏନ୍ ହଡକିନ୍‌କେ ଆଡ଼ାଃତାକିନ୍‌ପେ” ମେନ୍ତେକ କାଜିକୁଲ୍‌କେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍‌କେ କାଜିକିୟା, “ହାକିମ୍‌କ ଆମ୍‌କେ ଆଡ଼ଃ ସିଲାସ୍‌କେ ଜେହେଲ୍‌ହେତେ ରାଡ଼ାଃଅକାକିନ୍ ମେନ୍ତେ ହୁକୁମ୍ ଏମାକାନା । ନାହାଁଃ ଆବେନ୍ ଜୀଉସୁକ୍‌ତେ ସେନ୍ ଦାଡ଼ିୟାଃବେନ୍ ।”

୩୭ ଫେନଦ ପାଉଲୁସ୍ ସିପାଇକକେ କାଜିୟାଦକଆ, “ଜେତାନ୍ ଗୁଣ୍ଠାଁ କାଲିଙ୍ଗ୍ କାମିକାଦରେୟ୍ ଇନ୍‌କୁ ଆଲିଙ୍ଗ୍‌କେ ଦାଲ୍‌କାଦଲିୟାକ । ଆଲିଙ୍ଗ୍ ରୋମିରେନ୍ ହଡକିନ୍ ତାନ୍‌ଲିଙ୍ଗ୍, ଫେନଦ ଇନ୍‌କୁ ଆଲିଙ୍ଗ୍‌କେ ଜେହେଲ୍‌କେଦଲିୟାକ । ନାହାଁଃ ଇନ୍‌କୁ ଜେତାଏ ଆଲକାକ ସାରିଲେକା ଆଲିଙ୍ଗ୍‌କେ କୁଲ୍‌ନାଙ୍ଗ୍ ସାନାଙ୍ଗ୍‌ତାନାକ । ଆଲିଙ୍ଗ୍ ନେ'ଲେକା ହବାଅଃକା ଫେନ୍ତେ କାଲିଙ୍ଗ୍ ସାନାଙ୍ଗ୍‌ତାନା । ରୋମିରେନ୍ ହାକିମ୍‌କ ଆକଗି ନେତାଃତେ ହିଜୁଃକେଦତେ ଆଲିଙ୍ଗ୍‌କେ ଜେହେଲ୍‌ହେତେ ରାଡାଲିଙ୍ଗ୍‌କାକ ।”

୩୮ ସିପାଇକ ନେ କାଜି ରୋମିରେନ୍ ହାକିମ୍‌କକେ ଉଦୁବାଦକଆକ । ପାଉଲୁସ୍ ଆତଃ ସିଲାସ୍ ରୋମିରେନ୍ ତାନ୍‌କିନ୍ ଫେନ୍ତେ ଆୟୁମ୍‌କେଦତେ ଇନ୍‌କୁ ବରକେଦାକ । ୩୯ ଏନ୍ତେ ଇନ୍‌କୁ ସେନ୍‌କେଦତେ ଇନ୍‌କିନ୍‌ତାଃରେ ଜହାର୍ ବିକ୍ରିକେଦତେ ଇନ୍‌କିନ୍‌କେ ଜେହେଲ୍‌ହେତେ ରାଡାକେଦକିନାକ ଆତଃ ନାଗାର୍ ବାଗିକେଦତେ ସେନ୍‌ଃବେନ୍ ଫେନ୍ତେକ କାଜିକେଦକିନା । ୪୦ ପାଉଲୁସ୍ ଆତଃ ସିଲାସ୍ ଜେହେଲ୍ ବାଗିକେଦତେ ଲୁଦିୟାରାଃ ଅଡାଃତେ ସେନ୍‌ଃୟାନାକିନ୍ । ଏନ୍ତାଃରେ ଇନ୍‌କିନ୍ ବିଶ୍ୱାସୀକଲଃ ନେପେଲ୍‌ୟାନାକିନ୍ ଆତଃ ଇନ୍‌କୁକେ ଜୀଉରେ ରାସ୍‌କାରେୟାଃ କାଜି ଏମ୍‌କେଦତେ ସେନ୍‌ଃୟାନାକିନ୍ ।

## ୧୭

### ଥେସଲନିକାରେ ସେଝାକାମି

୧ ପାଉଲୁସ୍ ଆତଃ ସିଲାସ୍ ଆମ୍‌ପଲି ଆତଃ ଆପଲୋନିଆ ସାହାର୍ ହରାତେ ହରାସେନ୍‌ତାନ୍‌ଲଃ ଥେସଲନିକା ନାଗାର୍‌ତେକିନ୍ ସେଟେର୍‌ୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡ଼ାଃ ତାଇକେନା । ୨ ପାଉଲୁସ୍ ଆୟାଃ ରିତିରିଝାଜ୍ ଲେକାତେ ସାମାଜ୍ ଅଡ଼ାଃତେ ସେନ୍‌ଃୟାନା । ଏନ୍ତାଃରେ ଇନିଃ ଆପି ହାପ୍ତା ରୁଡନ୍ ହୁଲାଙ୍ଗ୍ ଜାକେଦ୍ ସାମାଜ୍ ଅଡ଼ାଃ ସେନ୍‌କେଦତେ ହଡକକେ ଧାରାମ୍‌ପୁଅରେୟାଃ କାଜି ଜାଗାର୍‌କେଦକଆ, ୩ ଆତଃ ଧାରାମ୍‌ପୁଅରେ ଅଲ୍ୟାକାନ୍‌ତେୟାଃ ଉଦୁବେତାନ୍‌ଲଃ ସାରୁଦ୍ ଏମ୍‌କେଦାଏ ଯେ, ମାସିଆଃ ଦୁକୁ ଆତଃ ଗନ୍‌ଏଃହେତେ ଜୀଉ ବିନିରିଦ୍ ହବାଅଃ ଲାଗାଡିଙ୍ଗ୍ ତାଇକେନା । ପାଉଲୁସ୍ କାଜିକେଦାଏ, “ଆଇଙ୍ଗ୍ ଅକ ଯାଶୁଆଃ ବିଷାଏରେ ଉଦୁଦକାଦାଇଙ୍ଗ୍, ଇନିଃ ଏନ୍ ମାସିଗି ତାନିଃ ।” ୪ ଇନ୍‌କୁଏତେ ଚିମିନ୍ ହଡକ ପାଉଲୁସ୍ କାଜିରେ ସାଲ୍‌ହାୟାନାକ ଏନ୍ତେ ପାଉଲୁସ୍ ଆତଃ ସିଲାସ୍‌ଲଃ ଫେସାୟାନାକ, ଏନ୍‌ଲେକାଗି ପୁରାଃ ଆଗୁଆଇ କୁଡିକ ଆତଃ ପାର୍‌ମେଶ୍ୱାର୍‌କେ ବରଭାକ୍ତିତାନ୍ ଗ୍ରୀକ୍ ହଡକଆଃ ମିଆଁଦ୍ ମାରାଙ୍ଗ୍ ଝୁଣ୍ଟ୍ ଇନ୍‌କିନ୍‌ଲଃ ଫେସାୟାନାକ ।

୫ ଫେନଦ ଯିହୁଦୀ ହଡକ ହିସ୍‌ଜାୟାନାକ ଆତଃ ଚିମିନ୍ ଝାନ୍ ଏଡକାନ୍ ହଡକକେ ହୁଣ୍ଟିକେଦତେ ପୁରା ସାହାର୍‌ରେ ହାଲାଗୁଲାକେଦାକ । ଇନ୍‌କୁ ପାଉଲୁସ୍ ଆତଃ ସିଲାସ୍‌କେ ଦାଣାକେଦତେ ହଡକତାଃତେ ଆଉକିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡରାଃ ଅଡ଼ାଃତେକ ନିର୍‌କେଦା । ଚିଆଃତି ଇନିଃଗି ପାଉଲୁସ୍ ଆତଃ ସିଲାସ୍‌କେ ଆୟାଃ ଅଡ଼ାଃରେ ତାଇନଃ ନାଗେନ୍ତେ କେଡାକାଦକିନ୍ ତାଇକେନା । ୬ ଫେନଦ ଇନ୍‌କୁ ଏନ୍ତାଃରେ ପାଉଲୁସ୍ ଆତଃ ସିଲାସ୍‌କେ କା ନାମ୍‌କେଦ୍ ହରାତେ, ଜେସନ୍ ଆତଃ ଏଟାଃ ଚିମିନ୍ ବିଶ୍ୱାସୀ ହାଗାକକେ ନାଗାର୍‌ରେନ୍ ହାକିମ୍‌କତାଃତେ ଆଇଜ୍ ଇଦିକେଦତେ କାଉରିତାନ୍‌ଲଃ କାଜିକେଦାକ, “ନେ ହଡକ ଅଡେଦିଶ୍ୱାମ୍‌ରେୟାଃ ଚାରିୟାଃରେ ହାଲାଗୁଲାଏ ତାନାକ, ନାହାଁଃ ଇନ୍‌କୁ ଆବୁଆଃ ନାଗାର୍‌ତେକ ହିଜୁଃକାନା, ୭ ଆତଃ ଇନ୍‌କିନ୍‌କେ ଜେସନ୍ ଆୟାଃ ଅଡ଼ାଃରେ ଦହକାଦକିନା । ଯାଶୁ ନୁଡୁମ୍‌ରେ ଆତଃମିଆଁଦ୍ ରାଜା ମେନାଇୟା

ମେଣ୍ଡେ କାଜିତାନଲଃ ଇନକିନ୍ କାଈସାରଆଃ ଆନ୍‌ତୁ ଟଟାଃଏ ତାନାକିନ୍ ।”  
 “ଇନକୁଆଃ ନେ କାଜିକ ଆୟୁମକେଦ୍‌ତେ ଗାଦେଲ୍ ହଡ଼କ ଆତଃ ହାକିମ୍‌କ ପୁରାଃଗି  
 ହାଲାଗୁଲାକେଦାକ । ୯ ହାକିମ୍‌କ ଜେସନ୍ ଆତଃ ବିଶ୍ୱାସୀକତାଃଏତେ ଜାମାନାଡ଼  
 ଇଦିକେଦ୍‌ତେ ଇନକିନ୍‌କେ ଆଡ଼ାଃକେଦ୍‌କିନାକ ।

ବେରିଆ ସାହାରରେ ସେଝାକାମି

୧୦ ନୁବାଃୟାନ୍‌ତି ବିଶ୍ୱାସୀ ହାଗାକ ପାଉଲୁସ୍ ଆତଃ ସିଲାସ୍‌କେ ବେରିଆତେକ  
 କୁଲକେଦ୍‌କିନା । ଇନକିନ୍ ଏନ୍ତାଃତେ ସେଟେରକେଦ୍‌ତେ ଯିହୁଦୀକଆଃ ସାମାଜ୍  
 ଅଡ଼ାଃତେକିନ୍ ସେନଃୟାନା । ୧୧ ଥେସଲନିକାରେନ୍ ହଡ଼କତାଃଏତେ ବେରିଆରେନ୍  
 ହଡ଼କ ପୁରାଃଗି ନାଝା ଉଡ଼ୁ ଆତଃ ଇନତୁକେ ଆୟୁମ୍ ନାଝ୍ ଇଛାସାନାଝ୍‌ତାନ୍  
 ହଡ଼କ ତାଇକେନା । ଇନକୁ ଯୀଶୁଆଃ କାଜି ଆୟୁମ୍ ନାଗେଣ୍ଡେ ପୁରାଃ  
 ସାନାଝ୍‌କେଦାକ ଆତଃ ପାଉଲୁସ୍ ଉଦୁବ୍ ତାଇକେନ୍‌ତେୟାଃରାଃ ସାନାର୍‌ତି ସାରି  
 ନାଗେଣ୍ଡେ ସବେନ୍ ହୁଲାଝ୍ ଆରାମ୍‌ପୁଥ୍ ପାଢ଼ାଅ ତାଇକେନାକ । ୧୨ ଇନକୁଏତେ  
 ପୁରାଃ ହଡ଼କ ବିଶ୍ୱାସ୍‌କେଦା । ଆତଃ ସାମାଜକରେ ନୁତୁମଃତାନ୍ ମାପ୍‌ରାଝ୍  
 ପୁରାଃ ଗ୍ରୀକ୍ କୁଡ଼ିକ ଆତଃ କଡ଼ାକ ବିଶ୍ୱାସୀକଲଃ ମେସାୟାନାକ । ୧୩ ମେନ୍‌ଦ  
 ପାଉଲୁସ୍ ବେରିଆରେହ ପାରମେଶ୍ୱାର୍‌ଆଃ ବାଚାନ୍ ଉଦୁବେତାନାଏ ମେଣ୍ଡେ  
 ଥେସଲନିକାରେନ୍ ଯିହୁଦୀ ହଡ଼କ ଆୟୁମ୍‌କେଦା, ଇମ୍‌ତା ଇନକୁ ବେରିଆତେ  
 ହିଜୁଃକେଦ୍‌ତେ ହାଲାଗୁଲାଏ ନାଗେଣ୍ଡେ ହଡ଼କକେ ଉସ୍‌କୁରକେଦ୍‌କଆକ ।  
 ୧୪ ଇମ୍‌ତାଗି ବିଶ୍ୱାସୀ ହାଗାକ ପାଉଲୁସ୍‌କେ ଦରେୟା ଗେନାତେକ କୁଲକିୟା,  
 ମେନ୍‌ଦ ସିଲାସ୍ ଆତଃ ତୀମଥୁ ନେ ବାରାନ୍‌କିନ୍ ବେରିଆରେ ତାଇନ୍‌ୟାନାକିନ୍  
 । ୧୫ ପାଉଲୁସ୍‌କେ ତେବାଡ଼ୁକାଈତାନ୍ ହଡ଼କ ଆୟାଃଲଃ ଏଥେନ୍‌ସ୍ ଜାକେଦ୍‌କ  
 ସେନଃୟାନା । ଏନ୍ତାଃଏତେ ଇନକୁ ବେରିଆତେ ହିଜୁଃ ରୁହାଡ଼କେଦ୍‌ତେ ସିଲାସ୍  
 ଆତଃ ତୀମଥୁକେ କାଜିକେଦ୍‌କିନାକ, “ଆବେନ୍ ଜାଲ୍‌ଦିଗି ସେନ୍‌କେଦ୍‌ତେ  
 ପାଉଲୁସ୍‌ଲଃ ମେସାଅଃବେନ୍” ମେଣ୍ଡେ ପାଉଲୁସ୍ କାଜିକାଦାଏ । ନେ ଆନାତୁ  
 ନାମ୍‌କେଦ୍‌ତି ଇନକିନ୍ ସେନଃୟାନାକିନ୍ ।

ଏଥେନ୍‌ସ୍‌ରେ ପାଉଲୁସ୍‌ଆଃ କାମି

୧୬ ପାଉଲୁସ୍ ଏଥେନ୍‌ସ୍‌ରେ ସିଲାସ୍ ଆତଃ ତୀମଥୁଆଃ ନେଲ୍‌ହରାତାନ୍ ତାଇକେନ୍  
 ଇମ୍‌ତା, ଏନ୍ ନାଗାର୍ ମୁରୁଡ଼ ସେଝାରେ ପେରେଜାକାନ୍ ନେଲ୍‌କେଦ୍‌ତେ ପୁରାଃଗି  
 ମନ୍‌ଦୁକୁୟାନା । ୧୭ ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡ଼କଲଃ,  
 ପାରମେଶ୍ୱାର୍‌କେ ବରଭାକ୍ତିତାନ୍ ସାଅଁସାର୍ ହଡ଼କଲଃ, ଆତଃ ସାହାରରେୟାଃ ଆଲା  
 ହରାକରେ ହିଜୁଃ ସେନଃତାନ୍ ହଡ଼କଲଃ ଏନ୍ ବିଷାଏରେ ଜାଗାର୍‌କେଦା । ୧୮ ଏଣ୍ଡେ  
 ଚିମିନ୍ ଇପିକୁରିୟାନ୍ ଆତଃ ସ୍ରୋୟିକ୍ ଇତୁ ହଡ଼କଲଃ ପାଉଲୁସ୍‌ଆଃ କାପ୍‌ଜି  
 ହବାୟାନା । ଇନକୁଏତେ ଚିମିନ୍ ହଡ଼କ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନାର୍  
 ହଡ଼, ଚିନାଃକ କାଜି ନାଝ୍ ସାନାଝ୍‌ତାନାଏ ?” ଏଟାଃକ କାଜିକେଦା, “ଏଟାଃ  
 କା ସାରିକାନ୍ ବଜାକଆଃ ବିଷାଏରେ ଇନିଃ ଉଦୁବ୍‌ତାନ୍ ଲେକାଏ ଆଟ୍‌କାରଃତାନା  
 ।” ଇନକୁ ନେଲେକା କାଜିକେଦାକ ଚିଆଃତି ଇନିଃ ଯୀଶୁ ଆତଃ ଆୟାଃ  
 ଜୀଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍‌ତାଇକେନା । ୧୯ ଏନାମେଣ୍ଡେ  
 ଇନକୁ ପାଉଲୁସ୍‌କେ ସାବ୍‌ଇଦିକିୟାକ ଆତଃ ଏରିୟପାଗସ୍ ନୁତୁମ୍ ନାଗାର୍‌ରେୟାଃ  
 ପାଞ୍ଚେଟ୍‌ତେ ଆଉକେଦ୍‌ତେ କାଜିକିୟା, “ଆବେନ୍ ଅକ ନାଝା ଇନିତୁ ବିଷାଏରେ  
 କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେଣ୍ଡେଲେ ସାନାଝ୍‌ତାନା ।  
 ୨୦ ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍‌ଟାକାଅଲେ ତାନା । ଆଲେ  
 ଏନାରେୟାଃ ମୁଣ୍ଡି ସାରି ନାଗେଣ୍ଡେଲେ ସାନାଝ୍‌ତାନା ।” ୨୧ ଏଥେନ୍‌ସ୍‌ରେନ୍ ହଡ଼କ

ଆତ୍ମା ଏକାନ୍ତରେ ତାଙ୍କୁ ଚାନ୍ତି ଏବଂ ଦିଶୁଥିଲେ ହେତୁ ନାମ ବିଷୟ ଆତ୍ମା ନାଗେନ୍ଦ୍ର ଆତ୍ମା କାଳି ନାଗେନ୍ଦ୍ର ପୁରାଣ ବୁଦ୍ଧି ଆତ୍ମାକାରକ ତାଙ୍କେନା । ନେଆଁରେ ଇନ୍ଦ୍ରକୁ ପୁରାଣ ନେତା ବିତାଅ ତାଙ୍କେନାକ ।

୨୨ ପାଉଲୁସ୍ ନାଗାରରେୟାଃ ଏରିୟପାଗସ୍ ନୁତୁମ୍ ପାଞ୍ଚେଟ୍ ଆୟାରେ ତିଲ୍ଲୁୟାନା ଆତ୍ମା କାଳିକେଦାଏ, “ଏଥେନ୍ସରେନ୍ ମାଲନାନ୍କ, ଆପେ ପୁରାଣଗି ଧାର୍ମାନ୍ ହେତୁକ ଲେକାପେ ଆତ୍ମକାରତାନା, ଏନାଲକ୍ ନେଲ୍ପେ ତାନା । ୨୩ ଚିୟାଃତି ଆଲକ୍ ଆପେୟାଃ ନାଗାରରେ ହରାସେନ୍ ତାଙ୍କେନ୍ ଇମ୍ତା, ମିଆଁଦ୍ ଦାଣ୍ଡେ ରାକାଦ୍ ଠାୟାଦ୍ ନେଲ୍ଲକେଦାଲକ୍, ଏନାରେୟାଃ ବେଦି ଚେତାନରେ ‘ମିଆଁଦ୍ କା ସାରି ପାର୍ମେଶ୍ଵାର୍ ଆଃ ବିଷାଏରେ’ ଅଲକାନ୍ ତାଙ୍କେନା । ଆପେ ବେଗାଦ୍ ସାରିକେଦ୍ତେ ଅକ୍ନିଃକେ ସେଞ୍ଜାତାନାପେ, ନାହାଁଃ ଆୟାଃ କାଳି ଆପେତାଃରେଲକ୍ ଉଦ୍ଭବତାନା । ୨୪ \*ପାର୍ମେଶ୍ଵାର୍ ଅତେଦିଶୁମ୍ ଆତ୍ମା ଏନାରେ ତାଙ୍କାନ୍ ସବେନ୍ ବିଷାଏ ବାଲକେଦାଏ । ଇନିଃ ସିମ୍ବା ଆତ୍ମା ଅତେରେନ୍ ପ୍ରାଭୁ ତାନିଃ । ହେତୁକ ବାଲକାଦ୍ ମାନ୍ଦିଅତାଃକରେ ଇନିଃ କାଏ ତାଲନାଃ । ୨୫ ଆବୁ ଆୟାଃ ନାଗେନ୍ଦ୍ର କାମିକେଦ୍ତେ ଆଇଃକ୍ତେ ଏମ୍ ଦାଡିୟାବୁ ଏନ୍ଲେକା ଜେଡନାଃ କାଏ ସାନାଲ୍ ଆଃ, ଚିୟାଃତି ଇନିଃ ସବେନ୍କକେ ଜୀଦାନ୍, ସାହେଦ୍ ଆତ୍ମା ଆବୁଆଃ ସବେନ୍ ଲାଗାତିକ୍ତେୟାଃ ଏମାଃଏ । ୨୬ ମିଆଁଦ୍ ମାନଜାତାଃଏତେ ଇନିଃ ସବେନ୍ ହେତୁକକେ ବାଲକାଦ୍ କଥା ଆତ୍ମା ଆୟାଃ ଆନାବୁ ଲେକାତେ ଇନ୍ଦ୍ରକୁ ଅତେରେୟାଃ ସବେନ୍ତାଃରେ ମେନାକଥା । ଅକ୍ ନେତାରେ, ଅକ୍ ଏ ଅକ୍ ଠାୟାଦ୍ରେ ତାଲନା, ଏନା ମୁନ୍ନୁଏତେ ପାର୍ମେଶ୍ଵାର୍ ଠାହାରାଅକାଦାଏ । ୨୭ ସବେନ୍ ହେତୁକ ଜେଲ୍ଲେକା ଆଇଃକ୍ତେ ଦାଣ୍ଡାମ୍ ଦାଡିୟାଃକ, ଏନା ଆୟାଃ ଉଦ୍ଭେତ୍ ତାଙ୍କେନା । ଏନ୍ରେୟ ପାର୍ମେଶ୍ଵାର୍ ଆବୁତାଃଏତେ ଜେତାଏୟାଃ ସାଜିନ୍ରେ ବାଜାଲୟା । ୨୮ ଏନ୍ ବିଷାଏରେ ଜେତାଏ ମିହୁଡ୍ କାଳିକାଦାଏ,

“ଆୟାଃତାଃରେଗି ଆବୁଆଃ ଜୀଦାନ୍ରେୟାଃ ଜୀହୁଦଃ, ଆସୁଲଃ, ଆତ୍ମା କାମି ଉଦାମ୍ ମେନାଃ ।”

ଆପେୟାଃ ଦୁରାଲ୍ ଅନଲ୍ଲକଏତେ ଚିମିନ୍ ହେତୁକ କାଳିକାଦା,

“ଆବୁ ଆୟାଃ ହନ୍କ ତାନ୍ବୁ ।

୨୯ ଆବୁ ପାର୍ମେଶ୍ଵାର୍ ଆଃ ହନ୍କ ହବାକାନ୍ ହରାତେ, ଆବୁ ପାର୍ମେଶ୍ଵାର୍ ଆଃ ଲେକାନ୍ ସଭାବ୍ କେ ସୋନା, ରୁପା ଚାଏ ଦିରିତେ ବାଲୟାକାନ୍ ମୁରୁଡଲଃ କାବୁ ଜକା ଦାଡିୟା । ୩୦ ହେତୁକ ପାର୍ମେଶ୍ଵାର୍ କେ କାକ ସାରିକାଲ ନେତାରେ ଇନିଃ କାଏ ଚିଟାକାକ ତାଙ୍କେନା, ମେନ୍ଦ ନାହାଁଃ ଇନିଃ ସବେନ୍ ହେତୁକକେ ଆକଥା ପାପ୍ ହରାଏତେ ମନ୍ରୁହାଡ୍ ନାଗେନ୍ଦ୍ର ଆବୁକତାନା । ୩୧ ଚିୟାଃତି ଇନିଃ ମୁସିଲ୍ ହୁଲ୍ଲକ୍ତେ ଠାହାରାଅକାଦା । ଏନ୍ ହୁଲ୍ଲକ୍ତେ ଇନିଃ ଆୟାଃ ସାଲକାନ୍ ହେତୁକଥା ହରାତେ ଗଟା ଅତେଦିଶୁମ୍ରେନ୍ ହେତୁକକେ ନ୍ୟାୟ ବିଚାରକଥା । ଏନ୍ ହେତୁକେ ଗନ୍ଧଃହେତେ ଜୀଉବିରିଦ୍ କାଲ୍ ହରାତେ ଇନିଃ ନେ କାଳିରେୟାଃ ସାନାଡିକେ ସବେନ୍କକେ ଉଦ୍ଭବକାଦ୍ କଥା ।”

୩୨ ପାଉଲୁସ୍ତାଃଏତେ ଗନ୍ଧଃରେୟାଃ ଜୀଉବିରିଦ୍ ବିଷାଏରେ ଆୟାକେଦ୍ତେ ଇନ୍ଦ୍ରକୁଏତେ ଚିମିନ୍ ହେତୁକ ଇନିଃକେକ ଲାୟାକିୟା, ମେନ୍ଦ ଏଟାଃକ କାଳିକେଦାକ, “ଆବେନ୍ତାଃଏତେ ନେ ବିଷାଏରେ ଆତ୍ମାମିସା ଆୟା ନାଗେନ୍ଦ୍ରଲେ ସାନାଲ୍ତାନା ।” ୩୩ ନେଆଁ କାଳିକେଦ୍ତେ ପାଉଲୁସ୍ ପାଞ୍ଚେଟ୍ଏତେ ସେନ୍ୟାୟାଏ । ୩୪ ଦିୟନ୍ସିୟ ନୁତୁମ୍ ପାଞ୍ଚେଟ୍ରେନ୍ ମିଆଁଦ୍ ହେତୁ, ଦାମାରା ନୁତୁମ୍ ମିଆଁଦ୍ କୁଡି ଆତ୍ମା ଚିମିନ୍ ହେତୁକ ବିଶ୍ଵାସକେଦାକ ଆତ୍ମା ଆୟାଃଲଃ ମେସାୟାନାକ ।

\* ୧୭:୨୪ ୧୭:୨୪ ପ୍ରେରିତ୍ ୭:୪୮.

# ୧୮

କରିଛି ନାଗାରରେ ପାଉଲୁସଆଃ କାମି

୧ ନେଆଁ ତାୟମ୍‌ତେ ପାଉଲୁସ୍ ଏଥେନ୍‌ସ୍ ନାଗାର୍ ବାଗିକେଦ୍‌ତେ କରିଛି ନାଗାର୍‌ତେ ସେନଃୟାନା । ୧ ଏନ୍ତାଃରେ ଇନିଃ ପତ୍ରସ୍ ପାର୍‌ଗାନ୍‌ରେ ଜାନାମାକାନ୍ ଆକିଲା ନୁତୁମ୍ ମିଆଁଦ୍ ଯିହୁଦୀ ହଡକେ ନାମକିୟା । ରୋମିରେନ୍ ହାକିମ୍ କ୍ଲାଉଦିଆ ସବେନ୍ ଯିହୁଦୀକକେ ରୋମ୍ ନାଗାର୍ ବାଗି ନାଗେନ୍ତେ ଆତୁକାଦକ ତାଇକେନ୍ ହରାତେ ଇନିଃ ଚିମିନ୍ ମାହାଁ ତାୟମ୍‌ତେ ଆୟାଃ କୁଡି ପ୍ରିସକିଲାଲଃ ଇଟାଲି ନାଗାର୍‌ହେତେ ହିଜୁଆକାନ୍ ତାଇକେନା । ପାଉଲୁସ୍ ଇନ୍‌କୁକେ ନେନେଲ୍ ନାଗେନ୍ତେ ସେନଃୟାନା, ୩ ଆତଃ ଇନ୍‌କୁଲଃ ତାଇକେଦ୍‌ତେ ଏନ୍ତାଃରେ କାମିକେଦା, ତିଆଃତି ଇନିଃହଗି ଇନ୍‌କୁ ଲେକା କୁମ୍ବା ବାବାଇରେ କାମିକେଦ୍‌ତେ ଜୀହୁଦଃ ତାଇକେନା । ୪ ଯିହୁଦୀ ଆତଃ ଗ୍ରାକ୍ ହଡକଆଃ ମନ୍‌ରେ ବିଶ୍ୱାସ୍ ହବାଅଃ ନାଗେନ୍ତେ ସବେନ୍ ରୁଡନ୍ ହୁଲାଙ୍ଗ୍‌ରେ ଇନିଃ ସାମାଜ୍ ଅଡ଼ାଃକରେ ଜାଗାର୍‌ତାନ୍ ତାଇକେନା ।

୫ ସିଲାସ୍ ଆତଃ ତାମଥ୍ ମାକିଦନିଆଏତେକିନ୍ ରୁହାଡ଼ୟାନ୍ ତାୟମ୍‌ତେ ପାଉଲୁସ୍ ଯିହୁଦୀ ହଡକତାଃରେ ଯିଶୁଆଃ ସୁକୁକାଜି ଉଦୁବ୍‌ରେ ପୁରା ସାମାଏ ଏମ୍‌କେଦାଏ, ଆତଃ ଯିଶୁଗି ମାସି ତାନିଃ ମେନ୍ତେ ଗାଞ୍ଜା ଏମ୍‌କେଦା । ୬ ମେନ୍‌ଦ ଇନ୍‌କୁ ଆୟାଃ କାଜିକଟଙ୍ଗ୍ ରିକାକେଦ୍‌ତେ ଆୟାଃ ବିଷାଏରେ ନିନ୍‌କାଜିକ କାଜିକେଦା । ଏନାତେ ଇନିଃ ଆୟାଃ ଲିଜାଃରେୟାଃ ଧୁଡି କଟାକେଦ୍‌ତେ ଇନ୍‌କୁକେ କାଜିକେଦକଆ, “ଆପେ ଜିୟନଃରେଦ ଏନାରେୟାଃ ଦାୟୀ ଆପେୟାଃଗି ତାନାଃ, ଆଇଁୟାଃ ନାହାଁଲାଃ । ନାହାଁଃ ଆଇଙ୍ଗ୍ ସାଅଁସାର୍ ହଡକତାଃତେଇଙ୍ଗ୍ ସେନଃଆ ।” ୭ ଏନାତେ ଇନିଃ ଇନ୍‌କୁକେ ବାଗିକେଦ୍‌ତେ ପାର୍‌ମେଶ୍ୱାର୍‌କେ ବରଭାଲ୍‌ତିତାନ୍ ତିତସ୍ ଜୁସ୍ତସ୍ ନୁତୁମ୍ ମିଆଁଦ୍ ସାଅଁସାର୍ ହଡଆଃ ଅଡ଼ାଃରେ ତାଇନଃ ନାଗେନ୍ତେ ସେନଃୟାନା । ଜୁସ୍ତସ୍‌ଆଃ ଅଡ଼ାଃ ସାମାଜ୍ ଅଡ଼ାଃ ନାଡ଼େଃରେ ତାଇକେନା । ୮ ସାମାଜ୍‌ଅଡ଼ାଃରେନ୍ ଆଗୁଆଇ କ୍ରୀଷ୍ଟସ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ ପ୍ରାଭୁତାଃରେ ବିଶ୍ୱାସ୍‌କେଦାକ ଆତଃ କରିଛିରେନ୍ ଆତଃଗି ପୁରାଃ ହଡକ ପାଉଲୁସ୍‌ଆଃ ଇନିତୁ ଆୟୁମ୍‌କେଦ୍‌ତେ ବିଶ୍ୱାସ୍‌କେଦାକ ଆତଃ ବାପ୍ତିସ୍ମା ଇଦିକେଦାକ ।

୯ ମିଆଁଦ୍ ନିଦାରେ ପାଉଲୁସ୍ ଦାର୍‌ଶାନ୍ ନାମକେଦାଏ, ଦାର୍‌ଶାନ୍‌ରେ ପ୍ରାଭୁ ଇନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦୁବ୍‌କାତେମ୍, ଏନାକେ ଆଲମ୍ ବାଗିୟା, ୧୦ ତିଆଃତି ଆଇଙ୍ଗ୍ ଆମାଃଲଃ ମେନାଇୟାଃ । ଜେତାଏ ଆମାଃ କାକ ନକ୍‌ସାନ୍ ଦାଡିୟା, ତିଆଃତି ନେ ନାଗାର୍‌ରେ ଆଇଁୟାଃ ପୁରାଃ ହଡକ ମେନାକଆ ।” ୧୧ ଏନାତେ ପାଉଲୁସ୍ ଏନ୍ତାଃରେ ପାର୍‌ମେଶ୍ୱାର୍‌ଆଃ ବାଚାନ୍ ଇତୁକେଦ୍‌ତେ ମିଦ୍ ବାରାଷ୍ଟ୍ ତୁରିୟା ମାହ୍ ନା ତାଇନ୍‌ୟାନାଏ ।

୧୨ ଗାଲିୟୋ ଆଖାୟା ପାର୍‌ଗାନ୍‌ରେନ୍ ରୋମାନ୍ ଲାଟ୍‌ସାହେବ୍ ତାଇକେନ୍ ଇମ୍‌ତା, ଯିହୁଦୀକ ମିଦ୍‌ତାଃରେ ହୁଣ୍ଡିକେଦ୍‌ତେ ପାଉଲୁସ୍‌କେ ସାବ୍‌କେଦ୍‌ତେ କାଚାଈରିତେକ ଇଦିକିୟା । ୧୩ ଇନ୍‌କୁ କାଜିକେଦାକ, “ନେ ହଡ ଆନ୍‌ତୁ ବିରୁଧ୍‌ରେ ପାର୍‌ମେଶ୍ୱାର୍‌କେ ବରଭାଲ୍‌ତି ନାଙ୍ଗ୍ ହଡକକେ ଉସ୍‌କୁରକତାନା ।”

୧୪ ପାଉଲୁସ୍ କାଜିରୁହାଡ଼୍ ନାଙ୍ଗ୍ ସାନାଙ୍ଗ୍ ତାଇକେନ୍ ଇମ୍‌ତା, ଗାଲିୟୋ ଯିହୁଦୀ ହଡକକେ କାଜିକେଦକଆ, “ନେଆଁରେ ଜେତାନ୍ ଗୁଣ୍ଟାଁ ଚାଏ ଏଡକାନ୍ କାମି କାମିକାଦ୍‌ରେଦ୍, ଏ ଯିହୁଦୀ ହଡକ, ଆଇଙ୍ଗ୍ ଧିରାଜ୍‌ରେ ଆପେୟାଃ କାଜି ଆୟୁମ୍‌ତେୟାଃ ଆଇଁୟାଃ ନାଙ୍ଗ୍ ବୁଗିନାଃ ହବାଅଃଆ । ୧୫ ମେନ୍‌ଦ ନେ କାପ୍‌ଜି ଆପେୟାଃ ଆପ୍‌ନାଃ କାଜି, ନୁତୁମ୍ ଆତଃ ଆନ୍‌ତୁ ବିଷାଏରେୟାଃ ଏସ୍‌କାର୍ ତାନାଃ, ଏନାତେ ଆପେ ଆପେଗି ବିଚାର୍‌ରେପେ, ଆଇଙ୍ଗ୍ ନେ'ଲେକାନ୍ ବିଷାଏ କାଈଙ୍ଗ୍ ବିଚାରାଃ ।” ୧୬ ନେଆଁ କାଜିକେଦ୍‌ତେ ଇନିଃ ଇନ୍‌କୁକେ କାଚାଈରିହେତେ

ହାରାଅତ୍ୟନ୍ତକେଦକଆ । ୧୭ ଇନକୁ ସାମାଜିଅଡ଼ାରେନ୍ ଆଗୁଆଇ ସପ୍ଲେନସକେ ସାବକେଦତେ କାଚାଇରି ଆୟାରରେକ ଦାଲ୍‌କିୟା । ମେନ୍‌ଦ ଗାଲିୟୋ ଏନ୍ ବିଷାଏରେ ଜେଡ଼ନାଃ କାଏ ଉଡ଼ୁକେଦା ।

ସିରିୟା ଆନ୍ତିୟୋଖ୍‌ତେ ରୁହାଡ଼୍

୧୮ ମେନ୍‌ଦ ପାଉଲୁସ୍ କରନ୍ତିରେନ୍ ବିଶ୍ୱାସୀ ହାଗା ମିଶିକଲଃ ପୁରାଃ ମାହ୍ନା ଜାକେଦ୍ ତାଇକେନାଏ । ଏନ୍ତେ ଇନକୁ କେକ୍‌କ୍‌ୟାଏତେ ଦାଆଃ ଜାହାଜ୍‌ରେକ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉର୍ ଠାଟୁୟାନାଏ ।\* ଏନ୍ତେ ବିଶ୍ୱାସୀକକେ ବାରିକେଦତେ ପ୍ରିସକିଲା ଆତଃ ଆକ୍‌ଲିଲାଃ ସିରିୟା ପାରଗାନ୍‌ତେ ଦାଆଃ ଜାହାଜ୍‌ରେକ ସେନଃୟାନା । ୧୯ ଇନକୁ ଏଫିସୁସ୍‌ତେ ତେବାଃୟାନ୍ ତାୟମ୍‌ତେ ପାଉଲୁସ୍, ପ୍ରିସକିଲା ଆତଃ ଆକ୍‌ଲିଲାକେ ବିଦାକେଦତେ, ଇନିଃ ଏନ୍ତାଃରେ ସାମାଜି ଅଡ଼ାଃତେ ସେନ୍‌କେଦତେ ଯିହୁଦୀ ହଡ଼କଲଃ ଜାଗାର୍‌କେଦା । ୨୦ ହଡ଼କ ଇନିଃକେ ଆତଃଗି ପୁରାଃ ମାହ୍ନା ତାଇନ୍ ନାଗେନ୍ତେକ କାଜିକିୟା, ମେନ୍‌ଦ ଇନିଃ କାଏ ମାନାତିକ୍‌ୟାନା । ୨୧ ବିଦାଅଃତାନ୍ ଇମ୍‌ତା ଇନିଃ ଇନକୁକେ କାଜିକେଦକଆ, “ପାର୍‌ମେଶ୍ୱାର୍‌ଆଃ ଇଛାସାନାଜ୍ ତାଇନଃରେଦ, ଆଇଜ୍ ଆପେତାଃତେଇଜ୍ ହିଜୁଃ ରୁହାଡ଼ା ।” ଏନ୍ତେ ଇନିଃ ଏଫିସୁସ୍‌ତାଏତେ ଦାଆଃ ଜାହାଜ୍‌ରେକ ସେନଃୟାନା ।

୨୨ ଇନିଃ କାଇସିରିୟାତେ ସେଟେରକେଦତେ ଏନ୍ତାଃଏତେ ଯୀରୁଶାଲେମ୍‌ତେ ସେନଃୟାନା ଆତଃ କାଲିସିୟାରେନ୍ ହଡ଼କକେ ଜହାରକେଦତେ ଆନ୍ତିୟୋଖ୍‌ତେ ସେନଃୟାନା । ୨୩ ଏନ୍ତାଃରେ ଇନିଃ ଚିମିନ୍‌ଦିନ୍ ତାଇନ୍‌କେଦତେ ଗାଲାତିୟ ଆତଃ ଫୁଗିଆଃ ପାରଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ ବିଶ୍ୱାସରେ ପେଡେୟଃ ନାଗେନ୍ତେ ସବେନ୍‌କକେ ଉସ୍‌କୁରକେଦକଆ ।

ଏଫିସୁସ୍ ଆତଃ କରନ୍ତିରେ ଆପୋଲୋ

୨୪ ଏନ୍ ଦିପିଲିରେ ଆଲେକ୍‌ଜାଣ୍ଡ୍ରିଆ ନାଗାରରେ ଜାନାମାକାନ୍ ଆପୋଲୋ ନୁତୁମ୍ ମିଆଁଦ୍ ଯିହୁଦୀ ଏଫିସୁସ୍‌ତେ ହିଜୁଃୟାନା । ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡ଼ିନିଃ ଆତଃ ଧାରାମ୍‌ପୁଥ୍‌ରେ ଆୟାଃ ପୁରାଃ ସେଣ୍ଟାତାଇକେନା । ୨୫ ଇନିଃ ପ୍ରାଭୁଆଃ ହରା ବିଷାଏରେ ଇତୁଆକାନାଏ ତାଇକେନା ଆତଃ ପୁରାଃ ଆମ୍‌ରେ ଚିହୁଲ୍‌ତେ ଯୀଶୁଆଃ ବିଷାଏରେ ସାର୍‌ତିତେ ଇତୁ ତାଇକେନା । ମେନ୍‌ଦ ଇନିଃ ଯୋହାନ୍‌ଆଃ ବାପ୍ତିସ୍ମା ବିଷାଏରେ ଏସ୍କାର୍ ସାରିକାଦ୍ ତାଇକେନାଏ । ୨୬ ସାମାଜି ଅଡ଼ାଃକରେ ଇନିଃ ବେଗାର୍ ବରତେ ଇତୁ ଏଟେଃକେଦକଆ । ଆୟାଃ ଇନିତୁ ଆୟୁମ୍‌କେଦତେ ପ୍ରିସକିଲା ଆତଃ ଆକ୍‌ଲିଲା ଇନିଃକେ ଆକିନାଃ ଅଡ଼ାଃତେ ଇଦିକିୟାକିନ୍ ଆତଃ ଏନ୍ତାଃରେ ଇନିଃକେ ପାର୍‌ମେଶ୍ୱାର୍‌ଆଃ ହରା ବିଷାଏରେ ପୁରାଃ ଠାଉକା ଲେକାତେ ଉଦୁବ୍‌କିୟାକିନ୍ । ୨୭ ଏନ୍ତେ ଆପୋଲୋ ଆଖାୟା ପାରଗାନ୍‌ତେ ସେନଃ ସାନାଜ୍ ତାଇକେନ୍ ହରାତେ, ଏଫିସୁସ୍‌ରେନ୍ ବିଶ୍ୱାସୀକ ଇନିଃକେ ଦେଜ୍‌କାକିୟାକ ଆତଃ ଇନିଃକେ ସୁକୁତେ ଦାରମ୍ ନାଗେନ୍ତେ କାଜିତାନ୍‌ଲଃ ଆଖାୟାରେନ୍ ବିଶ୍ୱାସୀକକେ ଚିଟାଉ ଅଲାଦକଆକ । ଇନିଃ ଏନ୍ତାଃତେ ସେଟେରକେଦତେ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ବିଶ୍ୱାସୀ ହବାକାନ୍ ହଡ଼କକେ ପୁରାଃଗି ଦେଜ୍‌କାକେଦକଆ । ୨୮ ଯୀଶୁ ମାସି ତାନିଃ ମେନ୍ତେ, ଆୟାଃ କେଟେୟାନ୍ କାପ୍‌ଜି ହରାତେ ଧାରାମ୍‌ପୁଥ୍‌ଏତେ ସାରୁଦେତାନ୍‌ଲଃ ଉଦୁବ୍‌ତାନ୍ ଇମ୍‌ତା ଇନିଃ ଯିହୁଦୀକକେ ହାରାଅକେଦକଆ ।

\* ୧୮:୧୮ 18:18 ଯିହୁଦୀ ହଡ଼କଆଃ ବହଃରେୟାଃ ଉର୍ ଠାଟୁନ୍‌ତେୟାଃ, କିରିୟାକାଦ୍‌ତେୟାଃ ମାନାତିକ୍‌ରାଃ ଚିହ୍ନା ତାନାଃ

# ୧୯

## ଏଫିସୁସ୍‌ରେ ପାଉଲୁସ୍

୧ ଆପୋଲୋ କରିନ୍ଥୀରେ ତାଙ୍କେନ୍ ଇମ୍ପା, ପାଉଲୁସ୍ ସିଙ୍ଗିଡୁରସ୍ୟାଃ ପାର୍ଗାନ୍‌କରେ ହରାସେନ୍‌ତାନ୍‌ଲଃ ଏଫିସୁସ୍‌ରେ ସେଟେରୁୟାନ୍‌ । ଏନ୍ତାଃରେ ଇନିଃ ତିମିନ୍ ଚେଲକଲଃ ନାପାମ୍‌ୟାନ୍‌ ।<sup>୨</sup> ଆତଃ କୁଲିକେଦକଆ, “ଆପେ ବିଶ୍ୱାସୀ ହବାୟାନ୍ ଇମ୍ପା ତିନାଃ ପାବିତାର୍ ଆମ୍‌କେପେ ନାମ୍‌କିୟା ?” ଇନ୍‌କୁ କାଜିରୁହାଡ଼କିୟାକ, “ପାବିତାର୍ ଆମ୍‌ ମେନ୍ତେ ଜେତାଏ ମେନାଇୟା, ନେ କାଜିୟ ଆଲେ କାଲେ ଆୟୁମ୍‌କାଦା ।”

୩ ପାଉଲୁସ୍ କୁଲିକେଦକଆଏ, “ତାବ୍‌ଦ, ଆପେ ଅକ ଲେକାନ୍ ବାପ୍ତିସ୍ମା ଇଦିକାଦାପେ ?” ଇନ୍‌କୁ କାଜିରୁହାଡ଼କିୟାକ, “ଯୋହାନ୍‌ଆଃ ବାପ୍ତିସ୍ମାରେ ।”

୪ \*ପାଉଲୁସ୍ କାଜିକେଦକଆଏ, “ଅକ ହଡ଼କ ପାପ୍‌ହେତେ ହେୟାତିଙ୍ଗ୍ ତାଙ୍କେନାକ, ଯୋହାନ୍‌ଆଃ ବାପ୍ତିସ୍ମା ଇନ୍‌କୁ ନାଗେନ୍ତେ ଲାଗାତିଙ୍ଗ୍ ତାଙ୍କେନା । ମେନ୍‌ଦ ଆୟାଃ ତାୟମ୍‌ତେ ଅକଏ ହିଜୁଃରାଃ ତାଙ୍କେନା, ଇନିଃତାଃରେ ଚାଏ ଯୀଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ତେ ଯୋହାନ୍ ଇସ୍ରାଏଲ୍ ହଡ଼କକେ କାଜିକାକ ତାଙ୍କେନା ।”

୫ ନେଆଁ ଆୟୁମ୍‌କେଦ୍‌ତେ ଇନ୍‌କୁ ପ୍ରାଭୁ ଯୀଶୁଆଃ ନୁତୁମ୍‌ତେକ ବାପ୍ତିସ୍ମାୟାନ୍‌ ।<sup>୬</sup> ପାଉଲୁସ୍ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦାଏ ଆତଃ ପାବିତାର୍ ଆମ୍‌ ଇନ୍‌କୁ ଚେତାନ୍‌ରେ ଆଡ଼ଗୁୟାନ୍‌ । ଇନ୍‌କୁ ରାକାମ୍ ରାକାମ୍ ଜାଗାର୍‌ତେ କାଜିକେଦାକ ଆତଃ ପାର୍‌ମେଶ୍ୱାର୍‌ଆଃ କାନାଜିକ ଉଦୁବ୍‌କେଦା ।<sup>୭</sup> ଇନ୍‌କୁ ସବେନ୍ ଗେଲ୍‌ବାର୍ ହାଗାକ ତାଙ୍କେନା ।

୮ ପାଉଲୁସ୍ ଆପି ଚାଣ୍ଡୁ\* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡ଼କଲଃ ଜାଗାର୍‌ତାନ୍‌ଲଃ ପାର୍‌ମେଶ୍ୱାର୍‌ଆଃ ରାଜ୍‌ଜ୍ ବିଷାଏରେ ଇନ୍‌କୁଆଃ ମନ୍‌କରେ ବିଶ୍ୱାସ୍ ଉପ୍‌ଜାଅ ସାନାଙ୍ଗ୍‌କେଦାଏ ।<sup>୯</sup> ମେନ୍‌ଦ ଇନ୍‌କୁଏତେ ତିମିନ୍ ହଡ଼କ କେଟେଦ୍ ମନ୍‌ରେନ୍ ତାଙ୍କେନାକ, ଇନ୍‌କୁ କାକ ବିଶ୍ୱାସ୍‌କେଦା । ଇନ୍‌କୁ ଝୁଣ୍ଡରେନ୍ ସବେନ୍‌କଆଃ ସାମନାଙ୍ଗ୍‌ରେ ପ୍ରାଭୁଆଃ ହରା ବିଷାଏରେ ଏଡ଼କାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନ୍‌କୁକେ ବାଗିକେଦକଆ ଆତଃ ବିଶ୍ୱାସୀକକେ ଇଦିକେଦ୍‌ତେ ସବେନ୍ ହୁଲାଙ୍ଗ୍ ତିରାନ୍‌ସ୍ ନୁତୁମ୍ ଇତୁନ୍ ଅଡ଼ାଃତାଃରେ ଜାଗାର୍‌ତାନ୍ ତାଙ୍କେନା ।<sup>୧୦</sup> ବାର୍ ସିର୍ମା ଜାକେଦ୍ ନେଆଁ ହବାୟାନ୍ । ଏସିଆ ପାର୍‌ଗାନ୍‌ରେ ତାଙ୍କେନ୍‌ତାନ୍ ପୁରାଃ ଯିହୁଦୀ ଆତଃ ସାଅଁସାର୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍‌କେଦାକ ।

## ସ୍ଲୋବାରାଃ ହନ୍‌କ

୧୧ ପାର୍‌ମେଶ୍ୱାର୍ ପାଉଲୁସ୍‌ଆଃ ହରାତେ ମାପ୍‌ରାଙ୍ଗ୍ ଆକ୍‌ଦାୟା କାମିକଏ ରିକାକେଦା ।<sup>୧୨</sup> ନେଲେକାଚି ପାଉଲୁସ୍ ସାବାକାଦ୍ ରୁମାଲ୍ ଆତଃ ଲିଜାଃକ ବେମାର୍ ହଡ଼କତାଃତେ ଇଦିୟାଃରେ ଇନ୍‌କୁ ବୁଗିୟାଃ ତାଙ୍କେନାକ ଆତଃ ଇନ୍‌କୁଆଃ ହଡ଼ମ୍‌ଏତେ ଏଡ଼କାନ୍ ଆମ୍‌କ ଅଡ଼ଙ୍ଗ୍‌ଆଃ ତାଙ୍କେନା ।<sup>୧୩</sup> ତିମିନ୍ ହନ୍‌ରାବତାତାନ୍ ଯିହୁଦୀ ହଡ଼କହଗି ପ୍ରାଭୁ ଯୀଶୁଆଃ ନୁତୁମ୍ ସାବ୍‌କେଦ୍‌ତେ ବଙ୍ଗା ହାର୍‌ଅଡ଼ଙ୍ଗ୍ ନାଙ୍ଗ୍ ସାନାଙ୍ଗ୍‌କେଦାକ । ଇନ୍‌କୁ ଏଡ଼କାନ୍ ଆମ୍‌କକେ କାଜିକ ତାଙ୍କେନାକ, “ପାଉଲୁସ୍ ଉଦୁବ୍‌ତାନ୍ ଯୀଶୁଆଃ ନୁତୁମ୍‌ତେ ଆଇଙ୍ଗ୍ ଆମ୍‌କେ ଆରୁମେତାନ୍‌ ।”<sup>୧୪</sup> ସ୍ଲୋବା ନୁତୁମ୍ ମିଆଁଦ୍ ଯିହୁଦୀ ମାରାଙ୍ଗ୍ ଯାଜାକ୍‌ଆଃ ଏୟା କଡ଼ା ହନ୍‌କ ଏନ୍‌ଲେକାକ କାମିତାଙ୍କେନା ।

\* ୧୯:୪ ୧୯:୪ ମାଥୁରା ୧୧:୧୧; ମାର୍କ ୧:୪, ୭, ୮; ଲୁକା ୩:୪, ୧୭; ଯୋହାନ୍ ୧:୨୭, ୨୭. \* ୧୯:୮ ୧୯:୮ ମାହୁଁନା



୧୫ ମେନ୍ଦ ଏଡକାନ ଆମ୍ବା ଇନ୍‌କୁକେ କାଜିକେଦକଆ, “ଆଇଙ୍ଗ ଯୀଶୁକେଇଙ୍ଗ ସାରିୟା ଆତଃ ପାଉଲୁସଆଃ ବିଷାଏରେଇଙ୍ଗ ସାରିୟା, ମେନ୍ଦ ଆପେ ଅକଏ ତାନପେ ?”

୧୬ ଏଡକାନ ଆମ୍ବାତେ ଏସେରେକାନ ହଡ଼, ଇନ୍‌କୁକେ ପୁରାଃ ପେଡ଼େଃଲଃ ସାବକେଟେଦକେଦତେ ଆପୁଇଃତାନ ଇମ୍‌ତା ଇନ୍‌କୁଆଃ ଲିଜାଃକ ଚାଗାଡ଼ୟାନା ଆତଃ ଇନ୍‌କୁଆଃ ହଡ଼ଫକରେ ଘାଅବାଡ଼ାକେଦତେ ଇନ୍‌ୟାଃ ଅଡ଼ାଃଏତେ ନିର୍‌ୟାନାକ । ୧୭ ଏଫିସୁସ୍‌ରେ ତାଇନ୍‌ତାନ ସବେନ୍ ଯିହୁଦୀ ଆତଃ ସାଅଁସାର ହଡ଼କ ନେ ବିଷାଏ ଆୟୁମକେଦତେ ବରତେ ପେରେଃୟାନାକ ଆତଃ ଏନ୍ତାଃରେ ପ୍ରାଭୁ ଯୀଶୁଆଃ ନୁତୁମ୍ ଆତଃଗି ପୁରାଃତେ ମାଇନ୍‌ୟାନା । ୧୮ ବିଶ୍ୱାସୀକଏତେ ପୁରାଃ ହଡ଼କ ହିଜୁଃକେଦତେ ଆକଆଃ ଏଡକାନ କାମିକ ରିକାକାଦତେୟାଃ ହଡ଼କଆଃ ସାମ୍‌ନାଙ୍ଗରେକ ମାନାତିଙ୍ଗୟାନା ଆତଃକ ଉଦୁବକେଦା । ୧୯ ଦେଅଁଣାକାମି ରିକାତାନକଏତେ ପୁରାଃ ହଡ଼କ ଆକଆଃ ପୁଅକ ଆଉ ହୁଣ୍ଡିକେଦତେ ହଡ଼କଆଃ ସାମ୍‌ନାଙ୍ଗରେକ ଅଣ୍ଡିରକେଦା । ଇନ୍‌କୁଆଃ ପୁଅକରାଃ ଗନଙ୍ଗ ଲେକାକେଦରେ ବାରହିସି ଗେଲ୍ ହାଜାର ରୁପା ସିକା ହବାୟାନା । ୨୦ ନେ'ଲେକାତେ ପ୍ରାଭୁଆଃ ବାଚାନ ପୁରାଃଗି ନିତିର୍‌ୟାନା ଆତଃ ପୁରାଃତେ ପେଡ଼େଃଇଦିୟାନା ।

ଏଫିସୁସ୍‌ରେ ହିସିଙ୍ଗା

୨୧ ନେଅଁ ସବେନ୍ ହବାୟାନ ତାୟମ୍‌ତେ ପାଉଲୁସ୍ ମାକିଦନିଆ ଆତଃ ଆଖାୟା ହରାତେ ଯୀରୁଶାଲେମ୍‌ତେ ସେନଃ ନାଙ୍ଗ ମନ୍‌ରେ ଉହାଟ୍‌କେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମ୍‌ତେ ଆଇଙ୍ଗ ଜାରୁଡ଼ିଗି ରୋମ୍‌ତେହଗି ସେନାଇଙ୍ଗ ।” ୨୨ ଏନାତେ ଇନିଃ ଆଇଃକକେ ଦେଙ୍ଗାଇତାନ ବାରାନ୍‌କିନ୍ ତାମଥୁ ଆତଃ ଏରାଷ୍ଟକେ ମାକିଦନିଆତେ କୁଲ୍‌କେଦକିନା, ମେନ୍ଦ ଆଇଃକଗି ଏସିଆ ଦିଶୁମ୍‌ରେ ଆତଃଚିମିନ୍ ମାହାଁ ତାଇନ୍‌ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସ୍‌ରେ ପୁରାଃ ବରଝାନଗି ହାଲାଗୁଲା ହବାୟାନା । ୨୪ ଦିମତ୍ରିୟ ନୁତୁମ୍ ମିଆଁଦ୍ ସୁନାରିହଡ଼ ଆର୍ଡେମୀ ମାହାପୁରୁଆଃ ରୁପାରାଃ ମାନ୍‌ିର୍ ବାଇତାଇକେନାଏ, ନେ କାମିରେ କାମିତାଇକେନ୍ ହଡ଼କ ପୁରାଃଗି ଟାକା ପାଏସାକ ନାମେ ତାଇକେନା । ୨୫ ଏନାମେନ୍ତେ ଇନିଃ କାମିତାନ ସବେନ୍ ହଡ଼କକେ ଆତଃ ଏନ୍ ଲେକାନ କାମିତାନ ଏଟାଃସାଃରେନ୍ ହଡ଼କକେ ହାକାଅକେଦତେ କାଜିକେଦକଆ, “ମାଇନାନକ, ନେ କାମିରେ ଆରୁ ସବେନ୍‌କ ପୁରାଃଗି ଟାକା ପାଏସାରୁ କାମିତାନା ଏନାଦପେ ସାରିତାନା । ୨୬ ନାହାଁଃ ନେ ହଡ଼ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ଼ିତାନାପେ ଆତଃ ଆୟୁମ୍ ଦାଡ଼ିତାନାପେ । ଇନିଃ କାଜିତାନାଏ, ହଡ଼ଆଃ ଡିଃଇତେ ବାଇକାନ ମାହାପୁରୁକ ମାହାପୁରୁ ନାହାଁଲାକ, ଆତଃ ଇନିଃ ନେତାଃରେ ଏଫିସୁସ୍ ଆତଃ ପୁରା ଏସିଆ ପାରଗାନ୍‌ରେ ପୁରାଃ ହଡ଼କକେ ନେ ବିଷାଏରେ କାଜିକତାନା । ୨୭ ଏନାତେ ଆରୁଆଃ କାମାନି ଜିୟନ୍‌କେନଃଆ, ଇମ୍‌ନାଙ୍ଗ୍ ଏସକାର କାହାଗି, ମେନ୍ଦ ଅକ ମାହାପୁରୁ ଆର୍ଡେମୀକେ ଗଟା ଏସିଆରେ ଆତଃ ପୁରା ଅତେଦିଶୁମ୍‌ରେନ୍ ହଡ଼କ ବରଭାଲିତାନା, ଏନ୍ ପୁରାଃମାରାଙ୍ଗ୍ ଆର୍ଡେମୀ ମାହାପୁରୁଆଃ ମାନାରାଙ୍ଗ୍ କା ତାଇନା ଆତଃ ମାନ୍‌ିର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହଡ଼କ ନେଅଁ ଆୟୁମକେଦତେ ଖୁସ୍‌ତେକ ପେରେଃୟାନା ଆତଃ କାଉରିକେଦତେ କାଜିକେଦାକ, “ଏଫିସୁସ୍‌ରେନ୍‌କଆଃ ଆର୍ଡେମୀ ମାହାପୁରୁଆଃ ମାରାଙ୍ଗ୍ ହବାଅଃକା ।” ୨୯ ନେ ହାଲାଗୁଲା ଗଟା ନାଗାରରେ ନିତିର୍‌ୟାନା ।

ଆତ୍ମା ଗାଦେଲ୍ ହତୁକ ପାଉଲୁସ୍‌ଲଃ ହରାସେନ୍‌ତାନ୍ ମାକିଦନିଆରେନ୍ ଗାୟ୍‌ସ୍ ଆତ୍ମା ଆରିସ୍ତାର୍ଖକେ ସାବ୍‌କେଦ୍‌ତେ ଇନ୍‌କୁ ମାରାଙ୍ଗ୍ ଆଖଡ଼ାତେକ ଆଇଲ୍ ଇଦିକେଦକିନା । ୩୦ ପାଉଲୁସ୍ ଆଇଃକ୍‌ଗି ଗାଦେଲ୍ ହତୁକ ଆୟାର୍‌ତେ ସେନ୍ ନାଙ୍ଗ୍ ସାନାଙ୍ଗ୍‌କେଦାଏ, ମେନ୍‌ଦ ବିଶ୍ୱାସୀକ କାକ ସେନ୍ ଇଚିକିୟା । ୩୧ ଚିମିନ୍‌ଖାନ୍ ଏସିଆରେ ଆକ୍‌ତେୟାର୍ ନାମାକାଦ୍ ପାଉଲୁସ୍‌ଆଃ ଗାତିକ ନେଆଁ ଆୟୁମ୍‌କେଦ୍‌ତେ ପାଉଲୁସ୍‌କେ ମାରାଙ୍ଗ୍ ଆଖଡ଼ାତେ ଆଲକାଏ ସେନ୍‌କା ମେନ୍ତେ ମିହୁଡ଼ତାଃରେ କାଜିଗହାର୍ କାଜିକୁଲ୍‌କେଦାକ । ୩୨ ନେ ଘାଡ଼ି ଭିତାର୍‌ରେ ଗଟା ପାଞ୍ଚେଟ୍‌ରେନ୍ ହତୁକ ଖୁସ୍‌ତେ ପେରେଃୟାନାକ । ହତୁକ ଏଟାଃ ଏଟାଃ ଝୁଣ୍ଡରେ ରାକାମ୍ ରାକାମ୍‌କ କାଉରିତାନ୍ ତାଇକେନା, ଚିଆଃଚି ଇନ୍‌କୁଏତେ ଚିମିନ୍ ହତୁକ ଏନ୍ତାଃରେ ଚିନାଃନାଙ୍ଗ୍‌କ ହୁଣ୍ଡିକାନା ଏନାହ କାକ ସାରିକାଦ୍ ତାଇକେନା । ୩୩ ହତୁକଏତେ ଚିମିନ୍ ହତୁକ କାଜିକେଦାକ ଯେ, ଆଲେକ୍‌ଜାଣ୍ଡାର୍ ନେଆଁ ନାଗେନ୍ତେ ଦାୟା ତାନିଃ, ଚିଆଃଚି ଯିହୁଦୀ ହତୁକ ଇନିଃକେ ଆୟାର୍‌ରେ ତିଲ୍ଲୁକାଇ ତାଇକେନାକ । ଏନ୍ତେ ଆଲେକ୍‌ଜାଣ୍ଡାର୍ ତିଃଇ ଉଠାଅକେଦ୍‌ତେ ହତୁକକେ ହାପାଅଃପେ ମେନ୍ତେ ଠାରାଅକେଦ୍‌କଆ ଆତ୍ମା ବିଶ୍ୱାସୀକଆଃସାଃଏତେ କାଜିତାନ୍‌ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ । ୩୪ ମେନ୍‌ଦ ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦ୍‌ତେ ଇନ୍‌କୁ ସବେନ୍‌କ ମିସାତେ କାଉରିତାନ୍‌ଲଃ କାଜିକେଦାକ, “ଏଫିସୁସ୍‌ରେନ୍ ଆର୍ତ୍ତେମୀ ମାହାପୁରୁଆଃ ମାରାଙ୍ଗ୍‌ଅଃକା ।” ନେ'ଲେକା ବାର୍ ଘାଡ଼ି ଜାକେଦ୍‌କ କାଉରିକେଦା ।

୩୫ ଚୁଣ୍ଡୁରୁ ସାହାର୍‌ରେନ୍ ମୁନ୍‌ସି ହତୁକକେ ହାପାଅଃ ନାଗେନ୍ତେ କାଜିକେଦ୍‌କଆ, “ଏଫିସୁସ୍‌ରେନ୍ ହାଗାକ, ସବେନ୍‌କ ସାରିତାନା ଯେ, ଏଫିସୁସ୍ ନାଗାର୍‌ରେନ୍ ଆର୍ତ୍ତେମୀ ମାହାପୁରୁଆଃ ମାନ୍‌ଦିର୍ ଆତ୍ମା ସିମ୍‌ଏତେ ଆଡ଼ଗୁକାନ୍ ପାବିତାର୍ ମୁରୁଡ଼ରାଃ ବାଞ୍ଛାଅ ହବାଆଃତାନ୍ । ୩୬ ଜେତାଏ ନେଆଁକେ କାହା ମେନ୍ତେ କାକ କାଜି ଦାଡ଼ିୟା । ଏନାତେ ଆପେ ସବେନ୍‌କ ହାପାଅଃପେ ଆତ୍ମା କା ଲାଗାତିଙ୍ଗ୍ ଲେକା ଜେତାନ୍ କାମି ଆଲପେ କାମିୟା । ୩୭ ନେ ହତୁକିନ୍ ମାନ୍‌ଦିର୍‌ହେତେ ଜେତନାଃ କାକିନ୍ କୁମ୍‌ଡୁକାଦା, ଚାଏ ଆବୁଆଃ ମାହାପୁରୁ ବିଷାଏରେ ଜେତାନ୍ ଏଡ଼କାନାଃ କାକିନ୍ କାଜିକାଦା, ଏନ୍‌ରେୟ ଆପେ ନେ ହତୁକିନ୍‌କେ ନେତାଃତେପେ ଆଉକାଦକିନା । ୩୮ ଦିମ୍‌ଡିୟ ଆତ୍ମା ଇନିୟାଃ କାମି ହତୁକଆଃ ବିରୁଧ୍‌ରେ ଜେତାନ୍ କାଜି ମେନାଃରେଦ, ଏନା ବିଚାରେ ନାଗେନ୍ତେ ଆବୁଆଃ ଆକ୍‌ତେୟାର୍ ନାମାକାଦ୍ ହତୁକ ମେନାକଆ ଆତ୍ମା କାଚାଇରି ମେନାଃ, ଏନ୍ତାଃରେ ଏନ୍ ବିରୁଧ୍‌କାନ୍ କାଜିକ ଉଦୁବଃଆ । ୩୯ ମେନ୍‌ଦ ନେଆଁଏତେ ଆତ୍ମା ଆଦ୍‌କାପେ ସାନାଙ୍ଗ୍‌ତାନ୍‌ରେଦ, ଆପ୍‌ନାଃ ଦିଶ୍ଟମ୍‌ରେନ୍ ହତୁକଆଃ ଆଇନ୍ ମାନାତିୟାଃ ପାଞ୍ଚେଟ୍‌ରେ ଏନା ବିଚାରଃକା । ୪୦ ଚିଆଃଚି ତିସିଙ୍ଗ୍ ଅକ୍‌ନାଃ ହବାକାନା, ଏନା ବରଝାନ୍‌ଗିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧ୍‌ରେ କାଜିୟାତାନ୍ । ଆଲେ ନେ ସବେନ୍ ହାଲାଗୁଲ୍‌ରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡ଼ିୟା ।” ୪୧ ନେ ସବେନ୍ କାଜି କାଜିକେଦ୍‌ତେ ଇନିଃ ଗାଦେଲ୍ ହତୁକକେ ହାପାକେଦ୍‌କଆଏ ଆତ୍ମା ପାଞ୍ଚେଟ୍‌ରେନ୍ ହତୁକକେ ବିଦାକେଦ୍‌କଆ ।

### ୨୦

ମାକିଦନିଆତେ ଆତ୍ମା ଆଖାୟାତେ

୧ ହାଲାଗୁଲ୍‌ ଚାବାୟାନ୍ ତାୟମ୍‌ତେ, ପାଉଲୁସ୍ ବିଶ୍ୱାସୀକକେ ହୁଣ୍ଡିକେଦ୍‌ତେ ଜୀଉରେ ରାସ୍‌କାଆଃ ଲେକାନ୍ କାଜି ଉଦୁବାଦ୍‌କଆଏ । ଇନ୍‌କୁତାଃଏତେ ବିଦା ଇଦିକେଦ୍‌ତେ ଇନିଃ ମାକିଦନିଆତେ ସେନଃୟାନା । ୨ ଇନିଃ ଏନ୍ ସବେନ୍ ପାର୍‌ଗାନ୍

ହରାତେ ସେନଃୟାନା ଆତଃ ବିଶ୍ୱାସୀ ହତକକେ ଜୀଉରେ ରାସକାଅଃରାଃ କାଜି କାଜିକେଦକଆ । ଏନ୍ତେ ଜନିଃ ଗ୍ରୀସ୍ ଦିଶୁମ୍ତେ ହିନ୍ଦୁଃୟାନା, <sup>୩</sup> ଏନ୍ତାଃରେ ଆପି ମାହିନା ତାଇନ୍ୟାନାଏ । ଜନିଃ ସିରିୟାତେ ସେନଃ ନାଗେନ୍ତେ ସେକାଡେନ୍ ତାଇକେନ୍ ଇମ୍ତା ଯିହୁଦୀ ହତକ ଜନିକେ ଗଏଃ ନାଗେନ୍ତେକ ରୋଜୋଟାନା ମେନ୍ତେ ଆୟୁମ୍ତେଦେ ଜନିଃ ମାଜିଦନିଆ ହରାତେ ରୁହାଡ୍ ନାଗେନ୍ତେ ଉହାଟ୍କେଦା । <sup>୪</sup> ବେରିଆ ନାଗାର୍ରେ ତାଇନ୍ତାନ୍ ପୁରସ୍ଆଃ ହନ୍ ସୋପାତ୍ର, ଥେସଲନିକାରେନ୍ ଆରିସ୍ତାର୍ଗୀ ଆତଃ ସେକୁନ୍, ଦର୍ବୀରେନ୍ ଗାୟସ୍, ଏସିଆ ପାର୍ଗାନ୍ରେନ୍ ତୁଖ୍ଜ୍, ତ୍ରଫିମ୍ ଆତଃ ତୀମଥ୍ ଜନିଃଲଃ ସେନଃୟାନାକ । <sup>୫</sup> ନେ ଏୟାଝାନ୍ ହତକ ସିଦାରେ ସେନକେଦେତେ ତ୍ରୋୟାସ୍ରେ ଆଲେକେ ତାଜିକାଲେ ତାଇକେନାକ । <sup>୬</sup> ସାବାଃ ହଲଜ୍ ପାରାବ୍ ତାୟମ୍ତେ ଆଲେ ଫିଲିପି ସାହାର୍ଏତେ ଦାଆଃ ଜାହାଜ୍ରେ ସେନଃକେଦେତେ ମଣ୍ଟୋମାହି ତାୟମ୍ତେ ତ୍ରୋୟାସ୍ରେ ଏନ୍ ଏୟାଝାନ୍ ହତକଲଃ ମେସାୟାନାଲେ ଆତଃ ଏନ୍ତାଃରେ ମିଦ୍ ହାପ୍ରା ତାଇନ୍ୟାନାଲେ ।

ତ୍ରୋୟାସ୍ତେ ପାଉଲୁସ୍ଆଃ ଚୁଣ୍ଟୁ ସେନଃ

<sup>୭</sup> ହାପ୍ରାରେୟାଃ ସିଦା ହୁଲାଜ୍\* ସିଜିହାସ୍ତୁରେ ଆଲେ ମେନେସାରାଃ ହଲଜ୍ କେଟାଃ ମିଦ୍ତାଃରେ ହୁଣ୍ଟିକେଦେତେ ମାନାତିଜ୍କେଦାଲେ । ପାଉଲୁସ୍ ହତକକେ ଆଲାନିଦା ଜାକେଦ୍ ଜାଗାର୍କେଦକଆଏ, ଚିଆଃଚି ଏଟାଃ ହୁଲାଜ୍ ଜନିଃ ଏନ୍ ଠାୟାଦ୍ ବାଗିକେଦେତେ ସେନଃରାଃ ତାଇକେନା । <sup>୮</sup> ଆଲେ ଅକ୍ ଚେତାନ୍ କୁଠାରେ ହୁଣ୍ଟିକାନ୍ ତାଇକେନାଲେ, ଏନ୍ତାଃରେ ପୁରାଃ ଦିମିକ୍ ଜୁଲଃତାଇକେନା । <sup>୯</sup> ଏନ୍ତାଃରେ ଇଉଟିକସ୍ ନୁତୁମ୍ ମିଆଁଦ୍ ସେପେଡେଦ୍ ଖୁଡ୍କି ଚେତାନ୍ରେ ଦୁବାକାନ୍ ତାଇକେନା ଆତଃ ପାଉଲୁସ୍ ଜାଗାର୍ ତାଇକେନ୍ ଇମ୍ତା ଜନିଃକେ ଦୁଡ୍ମିତାଇକେନା । ଏନ୍ତେ ଜନିଃ ପୁରା ଦୁଡ୍ମୁୟାନାଏ ଆତଃ ଆପି ମାହାଲା ଚେତାନ୍ହେତେ ଲାତାର୍ରେ ଉୟୁଃୟାନା । ଇନ୍କୁ ଜନିଃକେ ବିରିଦ୍କିୟାକ ଇମ୍ତା ଜନିୟାଃ ଜୀଉ ଚୁଣ୍ଟୁକାନ୍ ତାଇକେନା । <sup>୧୦</sup> ମେନ୍ଦ୍ ପାଉଲୁସ୍ ଲାତାର୍ରେତେ ଆଡ୍ଗୁକେଦେତେ ଜନିଃକେ ହାମ୍ପୁକିୟାଏ ଆତଃ କାଜିକେଦାଏ, “ଆଲପେ ଆଡ୍ଠାଃଉଡ୍ଗୁଃଆ, ଜନିଃ ଜାନିଦ୍ଗି ମେନାୟା ।” <sup>୧୧</sup> ଏନ୍ତେ ଜନିଃ ଚେତାନ୍ତେ ରାକାବ୍ ରୁହାଡ୍ୟାନାଏ ଆତଃ ହଲଜ୍ କେଟାଃକେଦେତେ ଜମ୍କେଦାଏ, ଏନ୍ତେ ସିଜିତୁରଃ ଜାକେଦ୍ ଇନ୍କୁଲଃ ପୁରାଃଗି ଜାଗାର୍କେଦା ଆତଃ ଏନ୍ତାଃଏତେ ସେନଃୟାନା । <sup>୧୨</sup> ହତକ ସେପେଡେଦ୍କେ ଜାନିଦ୍ ନେଲ୍କେଦେତେ ଆୟାଃ ଅଡ୍ଠାଃତେକ ଇଦିକିୟା ଆତଃ ପୁରାଃଗି ଜୀଉରାଡ୍ଠେଃକ ନାମ୍କେଦା ।

ତ୍ରୋୟାସ୍ତେ ମିଲିତସ୍ତେ ସେନଃ

<sup>୧୩</sup> ଆଲେ ସିଦାରେ ଦାଆଃ ଜାହାଜ୍ରେ ଦେଏଃକେଦେତେ ଆସେସ୍ ନାଗାର୍ରେତେଲେ ସେନଃୟାନା । ଏନ୍ତାଃଏତେ ଆଲେ ପାଉଲୁସ୍କେ ଦାଆଃ ଜାହାଜ୍ରେ ଇଦି ନାଗେନ୍ତେଲେ ଉହାଟ୍କାଦ୍ ତାଇକେନା, ଚିଆଃଚି ଜନିଃ ଅତେ ହରାତେ ସେନକେଦେତେ ଏନ୍ ଠାୟାଦ୍ତେ ସେଚେରା ମେନ୍ତେ କାଜିକାଦ୍ ତାଇକେନା । <sup>୧୪</sup> ଜନିଃ ଚିମ୍ତା ଆଲେଲଃ ଆସେସ୍ରେ ନାପାମ୍ୟାନା, ଆଲେ ଜନିଃକେ ଦାଆଃ ଜାହାଜ୍ରେ ଇଦିକେଦେତେ ମିଡିଲିନ୍ ନାଗାର୍ରେତେଲେ ସେନଃୟାନା । <sup>୧୫</sup> ଏନ୍ତାଃଏତେ ଆତଃଗି ସେନଃକେଦେତେ ଏଟାଃ ହୁଲାଜ୍ ଖୁଥ୍ସ୍ ଟାପୁତାଃଲେ ସେଚେର୍ୟାନା । ଆତଃମୁସିଜ୍ ତାୟମ୍ତେ ଆଲେ ସାମସ୍ ଟାପୁତେ ସେଚେର୍କେଦେତେ, ଏଟାଃ ହୁଲାଜ୍ ମିଲିତସ୍ ନାଗାର୍ରେତେଲେ ସେଚେର୍ୟାନା । <sup>୧୬</sup> ଏସିଆ ପାର୍ଗାନ୍ରେ ଆତଃ ଆଦ୍କା ନେଡା କା ଇଦିକେଦେତେ ଏଫିସୁସ୍ ଗେନା ଗେନାତେ ଦାଆଃ ଜାହାଜ୍କେ ଇଦି

\* ୨୦:୭ 20:7 ଏତଆର୍ ହୁଲାଜ୍

ନାଗେନ୍ତେ ପାଉଲୁସ୍ ଉତ୍ତରକେଦାଏ । ଆତଃ ହବାସାକାଅଃରେଦ, ପେଣ୍ଟିକ୍‌ସ୍ ହୁଲାଙ୍ଗ୍‌ରେ ଯୀରୁଶାଲେମ୍‌ତେ ଜାଲ୍‌ଦି ସେଟେର୍ ନାଙ୍ଗ୍ ଇନିଃ ଉତ୍ତରକାଦ୍ ତାଇକେନାଏ ।

ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ପାଉଲୁସ୍‌ଆଃ ବିଦା ଜାଗାର୍

୧୭ ପାଉଲୁସ୍ ମିଲିତସ୍‌ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ଆୟାଃଲଃ ନେପେଲ୍ ନାଗେନ୍ତେ କାଜିକୁଲ୍‌କେଦା । ୧୮ ଇନ୍‌କୁ ପାଉଲୁସ୍‌ତାଃ ତେବାଃୟାନ୍‌ତି ଇନିଃ କାଜିକେଦାଏ, “ଏସିଆ ପାର୍‌ଗାନ୍ ସେଟେର୍‌ୟାନ୍ ପାହିଲା ହୁଲାଙ୍ଗ୍‌ତାଃଏତେ ଆଇଙ୍ଗ୍ ଚିଲ୍‌କା ଆପେଲଃ ଆଦ୍‌କା ନେତା ବିତାଅକାଦାଇଙ୍ଗ୍, ଏନା ଆପେ ସାରିକାଦାପେ । ୧୯ ଯିହୁଦୀ ହଡ୍‌କ ଆଇଙ୍ଗ୍‌କେ ଗଗଏଃ ନାଗେନ୍ତେକ ରୋଜୋଟ୍ ତାଇକେନ୍ ହରାତେ ଆଇଙ୍ଗ୍ ପୁରାଃ ଦୁକୁହାସୁ ସାହାଡିଙ୍ଗ୍‌କେଦାଇଙ୍ଗ୍, ଏନ୍‌ରେୟ ଆଇଙ୍ଗ୍ ପ୍ରାଭୁଆଃ ଦାସି ଲେକା ଲେବେଃ ମନ୍‌ତେ ଆତଃ ପୁରାଃ ରାଆଃତାନ୍‌ଲଃ ଆଇଁୟାଃ କାମି କାମିକାଦାଇଙ୍ଗ୍ । ୨୦ ଆପେ ସାରିତାନାପେ, ଆଇଙ୍ଗ୍ ହଡ୍‌କତାଃରେ ଉଦୁବ୍‌ତାନ୍ ଇମ୍‌ତା ଆତଃ ଆପେୟାଃ ଅଡ଼ାଃରେ ଇତୁତାନ୍ ଇମ୍‌ତା ଆପେୟାଃ ରୁଗିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେନ୍ତେ କାଇଙ୍ଗ୍ ହିଚ୍‌କିରାଅକାଦା । ୨୧ ଯିହୁଦୀ ଆତଃ ସାଅଁସାର୍ ସବେନ୍‌କକେ ଆଇଙ୍ଗ୍ ପୁରାଃଗି ଚିର୍ଗାଲାନ୍ କାଜିକଇଙ୍ଗ୍ କାଜିକାଦ୍‌ପେ ତାଇକେନା, ଜେ'ଲେକା ଇନ୍‌କୁ ଆକଆଃ ପାପକ ହେୟାଡିଙ୍ଗ୍‌କେଦ୍‌ତେ ପାର୍‌ମେଶ୍‌ବାର୍‌ସାଃତେକ ହିଜୁଃରୁହାଡ଼ା ଆତଃ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ । ୨୨ ନାହାଁଃଦ ପାବିତାର୍ ଆମ୍‌ରାଃ ଆନାଟୁ ମାନାଡିଙ୍ଗ୍‌କେଦ୍‌ତେ ଆଇଙ୍ଗ୍ ଯୀରୁଶାଲେମ୍‌ତେଇଙ୍ଗ୍ ସେନଃତାନା, ଏନ୍ତାଃରେ ଆଇଁୟାଃ ଚିକ୍‌ନାଃ ହବାଅଃଆ ଏନା କାଇଙ୍ଗ୍ ସାରିୟା । ୨୩ ପାବିତାର୍ ଆମ୍‌ ଆଇଙ୍ଗ୍‌କେ ଚେତାଅକାଦିୟାଁ ଚି, ସବେନ୍ ନାଗାର୍‌ରେ ଆଇଙ୍ଗ୍ ଜେହେଲ୍‌ରେ ସାଜାଇ ଆତଃ ଦୁକୁଇଙ୍ଗ୍ ନାମେୟା । ୨୪ ଯେମେନ୍‌ଦ ଆଇଙ୍ଗ୍ ଆଇଁୟାଃ ଆପନାଃ ଜୀଦାନ୍‌କେ ଜେଡ୍‌ନାଃ ଲେକା କା ଆଟ୍‌କାର୍‌କେଦ୍‌ତେ, ପାର୍‌ମେଶ୍‌ବାର୍‌ଆଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇଙ୍ଗ୍‌କେ ଅକ ସୁକୁକାଜି ଉଦୁବ୍ ନାଗେନ୍ତେ ଏମାକାଦିଙ୍ଗ୍ ସେଝାକାମିକେ ଜେ'ଲେକା ପୁରା ଦାଡିୟାଇଙ୍ଗ୍, ନିମିନାଙ୍ଗ୍ ଏସ୍‌କାର୍ ଆଇଁୟାଃ ଇଛାସାନାଙ୍ଗ୍ ତାନାଃ ।

୨୫ “ପାର୍‌ମେଶ୍‌ବାର୍‌ଆଃ ରାଇଜ୍ ବିଷାଏରେ ଉଦୁବ୍ ନାଗେନ୍ତେ ଆଇଙ୍ଗ୍ ଆପେ ସବେନ୍‌କତାଃତେଇଙ୍ଗ୍ ସେନାକାନା । ନାହାଁଃ ଆଇଙ୍ଗ୍ ସାରିତାନାଇଙ୍ଗ୍ ଯେ, ଆପେକଏତେ ଜେତାଏ ଆଇଙ୍ଗ୍‌କେ ଆତଃମିସା କାପେ ନେଲିୟାଁ । ୨୬ ଏନାମେନ୍ତେ ଡିସିଙ୍ଗ୍ ଆଇଙ୍ଗ୍ ଆପେତାଃରେ ଗାଝା ଏମ୍‌ତାନାଇଙ୍ଗ୍ ଯେ, ଆପେକଏତେ ଜେତାଏ ଜିୟନଃରେଦ ଏନାରେୟାଃ ଦାୟୀ ଆଇଙ୍ଗ୍ ନାହାଁଲିଙ୍ଗ୍ । ୨୭ ଚିଆଃଚି ପାର୍‌ମେଶ୍‌ବାର୍‌ଆଃ ଗଟା ଉଦ୍‌ବେଶ୍ ଆପେତାଃରେ ଉଦୁବ୍ ନାଗେନ୍ତେ ଆଇଙ୍ଗ୍ କାଇଙ୍ଗ୍ ହିଚ୍‌କିରାଅକାଦା । ୨୮ ଏନାମେନ୍ତେ ଆପେ ଆଗୁଆଇ ଲେକା ଆପାନ୍‌କେ ଆତଃ ପାବିତାର୍ ଆମ୍‌ ଏମାକାଦ୍‌ପେ ବିଶ୍ୱାସୀ ଗୋଟ୍ କକେ ଯାଡ୍‌ନାଅକପେ । ମିଣ୍ଟିଗୁପିନିଃ ଲେକା ପାର୍‌ମେଶ୍‌ବାର୍‌ଆଃ କାଲିସିୟାକେ ଯାଡ୍‌ନାଏପେ । ଅକ କାଲିସିୟାକେଚି ଇନିଃ ଆୟାଃ ହନ୍‌ଆଃ ମାୟୋମ୍ ହରାତେ ଆପନାଃ ବାଲୟାକାଦାଏ । ୨୯ ଆଇଙ୍ଗ୍ ସାରିତାନାଇଙ୍ଗ୍, ଆଇଙ୍ଗ୍ ସେନଃ ତାୟମ୍‌ତେ ଆପେ ଆଲାତେ ହସଡ୍ ଇତୁକ ହିଜୁଃଆ ଆତଃ ବିଶ୍ୱାସୀକକେ ହସଡ୍ ଇନିତୁକ ଇତୁକଆ । ଇନ୍‌କୁ ମିଣ୍ଟିଗୋଟ୍‌କେ ନକ୍‌ସାନ୍‌କତାନ୍ ବରଝାନ୍ ହୁଣ୍ଡାନ୍‌କ ଲେକାନ୍‌କ ତାନ୍‌କ । ୩୦ ନେତା ସେଟେରା, ଚିମ୍‌ତା ଆପେୟାଃ ଆପନାଃ ଝୁଣ୍ଡରେନ୍ ଚିମିନ୍ ହଡ୍‌କ ବିଶ୍ୱାସୀକକେ ହସଡ୍ କାଜି କାଜିକେଦ୍‌ତେ ଏଟାଃ ହରାତେକ ଇଦିକଆ । ୩୧ ଏନାମେନ୍ତେ ଏୟନାକାନ୍

☆ ୨୦:୨୪ ୨୦:୨୪ ୨ ଡିପଥ୍ ୪:୭.

ତାଙ୍କନପେ, ଆଇଙ୍ଗ ନିଦା ସିଙ୍ଗି ମେଦ୍ ଦାଆଃ ଜରକେଦ୍‌ତେ ଆପି ସିମ୍‌ଫା ଜାକେଦ୍‌ ଆପେ ସବେନ୍‌କକେଇଙ୍ଗ୍ ଇଡୁକାଦ୍‌ପେୟା, ନେୟା ପାହାମେପେ ।

୩୭ “ନାହାଁଃ ଆଇଙ୍ଗ୍ ଆପେକେ ପାର୍‌ମେଶ୍‌ବାର୍‌ଆଃ ତିଃଇରେ ଆତଃ ଆୟାଃ ସାୟାଦ୍‌ରାଃ କାନାଜିରେଇଙ୍ଗ୍ ଜିମାପେତାନା, ଏନା ଆପେକେ ବାଇକେଟେଦ୍‌ପେ ନାଗେନ୍ତେ ଆତଃ ପାର୍‌ମେଶ୍‌ବାର୍‌ଆଃ ପାବିତାର୍‌କାନ ହଡକ ନାଗେନ୍ତେ ହବାଆ ସବେନ୍ ଆଶିଷ୍, ଆପେକେ ଏମ୍ ଦାଡ଼ି ଲେକାନାଃ ତାନାଃ । ୩୩ ଆଇଙ୍ଗ୍ ଜେତାଏୟାଃ ରୁପା, ସୋନା ଚାଏ ଲିଜାଃ ନାମେ ନାଗେନ୍ତେ କାଇଙ୍ଗ୍ ସାନାଙ୍ଗ୍‌କେଦା । ୩୪ ଆପେ ସାରିତାନାପେ, ଆଇଙ୍ଗ୍ ଆଇଁୟାଃ ନେ ବାରାନ୍ ତିଃଇତେ କେଟେଦ୍ କାମି କାମିକେଦ୍‌ତେ ଆପ୍‌ନାଃ ଆତଃ ଆଇଁୟାଃମିସାତେ କାମିତାନ୍‌କଆଃ ଲାଗାଡ଼ିଙ୍ଗ୍‌ତେୟାଃ ପୁରାକାଦାଇଙ୍ଗ୍ । ୩୫ ‘ନାମେତାଃଏତେ ଦାନ୍ ଏମ୍‌ରେ ପୁରାଃ ରାସ୍‌କାମେନାଃ,’ ପ୍ରାଭୁ ଯୀଶୁ ଆଇଃକ୍‌ଗି କାଜିକାଦ୍ ନେ କାଜିକେ ପାହାମକେଦ୍‌ତେ, ନେ’ଲେକା କେଟେଦ୍ କାମି କାମିକେଦ୍‌ତେ ନାରାଦୁରା ହଡକକେ ଦେଙ୍ଗା ଲାଗାଡ଼ିଙ୍ଗ୍‌ୟାଃ, ନେ ବିଷାଏରେ ଆଇଙ୍ଗ୍ ସବେନ୍ ଇମ୍‌ତା ଆପେକେ ନାମ୍‌ନାଇଙ୍ଗ୍ ଉଦୁବ୍‌କାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍‌ତେ, ଇନିଃ ଇନ୍‌କୁଲଃ ଇକ୍‌ଡ଼ମୁକେଦ୍‌ତେ ବିକ୍ରିକେଦା । ୩୭ ସବେନ୍‌କ ରାଆଃକେଦ୍‌ତେ ଇନିଃକେ ହାମ୍‌ଡୁକିୟାକ ଆତଃ ପାବିତାର୍ ଚଅଃକେଦ୍‌ତେ ବିଦାକିୟାକ । ୩୮ ଇନ୍‌କୁ ଆଇଃକ୍‌କେ ଆତଃମିସା କାକ ନେଲ୍ ଦାଡ଼ିୟା ମେନ୍ତେ ଇନିଃ କାଜିକେଦ୍ ହରାତେ ଇନ୍‌କୁ ପୁରାଃଗିକ ହୁଡ଼ିଙ୍ଗ୍ ଜାଉୟାନା । ଇନ୍‌କୁ ଇନିଃଲଃ ଦାଆଃ ଜାହାଜ୍ ନାଡ଼େଃତେକ ସେନଃୟାନା ।

# ୨୧

## ପାଉଲୁସ୍‌ଆଃ ଯୀରୁଶାଲେମ୍‌ତେ ସେନଃ

୧ ଇନ୍‌କୁକେ ବିଦାକେଦ୍‌ତେ ଆଲେ ଏନ୍ତାଃଏତେଲେ ସେନଃୟାନା । ଆତଃ ଦାଆଃ ହରା ପାର୍‌ମକେଦ୍‌ତେ ଆଲେ କୋସ୍ ଚାପୁତେଲେ ସେଟେରୁୟାନା । ଏନାରେୟାଃ ଏଗାଃ ହୁଲାଙ୍ଗ୍ ରୋଡସ୍ ଚାପୁ ହରାତେ ପାଡ଼ରା ନାଗାର୍‌ତେଲେ ସେଟେରୁୟାନା । ୨ ଏନ୍ତାଃଏତେ ଫିନିସିୟା ପାର୍‌ଗାନ୍‌ତେ ସେନଃତାନ୍ ମିଆଁଦ୍ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେଲେ ସେନଃୟାନା । ୩ ଏନ୍ତେ ସାଇପ୍ରସ୍ ଚାପୁ ନେଲ୍‌ତାନ୍ ମିଆଁଦ୍ ଠାୟାଦ୍‌ତାଃଲେ ସେଟେରୁୟାନା । ଏନ୍ତାଃଏତେ ଏନାରେୟାଃ ଜମ୍‌ସାଃ ହରାତେ ଆଲେ ସିରିୟା ପାର୍‌ଗାନ୍‌ତେଲେ ସେନଃୟାନା । ଆଲେ ସୋର୍ ନାଗାର୍‌ରେ ଦାଆଃ ଜାହାଜ୍‌ଏତେଲେ ଆଡ଼ଗୁୟାନା, ଚିଆଃଟି ନେ ଦାଆଃ ଜାହାଜ୍‌ଏତେ ସାମାନ୍‌କ ଆଡ଼ଗୁରାଃ ତାଇକେନା । ୪ ଏନ୍ତାଃରେ ଆଲେ ଚିନିନ୍ ବିଶ୍ୱାସୀକକେ ନାମ୍‌କେଦ୍‌ତେ ଇନ୍‌କୁଲଃ ମିଦ୍ ହାପ୍ରାଲେ ତାଇନ୍‌ୟାନା । ପାବିତାର୍ ଆମ୍‌ନାରାଃ ଆନାଟୁ ନାମ୍‌କେଦ୍‌ତେ ଇନ୍‌କୁ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେକ କାଜିକିୟା । ୫ ମେନ୍‌ଦ ଇନ୍‌କୁଲଃ ମିଦ୍ ହାପ୍ରା ତାଇନ୍‌ୟାନ୍ ତାୟମ୍‌ତେ, ଆଲେ ଇନ୍‌କୁକେ ବାଗିକେଦ୍‌ତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନ୍‌କୁ ସବେନ୍‌କ ଆକଆଃ କୁଡ଼ି ଆତଃ ହନ୍‌କଲଃ ନାଗାର୍ ବାହାରି ଦରେୟା ଗେନା ଜାକେଦ୍‌କ ହିଜୁଃୟାନା । ଏନ୍ତାଃରେ ଆଲେ ସବେନ୍‌କ ଇକ୍‌ଡ଼ମୁକେଦ୍‌ତେ ବିକ୍ରିକେଦାଲେ । ୬ ଏନ୍ତେ ଆଲେ ଇନ୍‌କୁକେ ବିଦାକେଦ୍‌ତେ, ଦାଆଃ ଜାହାଜ୍‌ରେ ଦୁବ୍‌ୟାନାଲେ ଆତଃ ଇନ୍‌କୁ ଅଡ଼ାଃତେକ ରୁହାଡ଼ୁୟାନା ।

୭ ସୋର୍ ନାଗାର୍‌ହେତେ ଆଲେ ପତଲ୍‌ମାଇ ସାହାର୍‌ତେଲେ ସେଟେରୁୟାନା, ଏନ୍ତାଃରେ ବିଶ୍ୱାସୀକକେ ଜହାର୍‌କେଦ୍‌ତେ ଇନ୍‌କୁଲଃ ମୁସିଙ୍ଗ୍‌ଲେ ତାଇନ୍‌ୟାନା ।

୮ \*ଏଗାର ହୁଲାଙ୍ଗ ଆଲେ ଏନ୍ ଠାୟାଦ୍ ବାଗିକେଦ୍‌ତେ କାଇସରିୟା ନାଗାର୍‌ତେଲେ ସେଟେରୟାନା । ଏନ୍ତାଃରେ ଆଲେ ସୁକୁକାଜି ଉଦୁବ୍‌ତାନ୍ ଫିଲିପ୍‌ଆଃ ଅଡ଼ାଃରେଲେ ତାଇନ୍‌ୟାନା, ଯାରୁଶାଲେମ୍‌ରେ ଦେଙ୍ଗା ନାଗେନ୍ତେ ସାଲ୍‌କାନ୍ ଏୟାଝାନ୍‌କଏତେ ଫିଲିପ୍ ମିହୁଡ୍ ତାଇକେନାଏ । ୯ ଇନିୟାଃ ଉପୁନିୟାଝାନ୍ କା ଆଣ୍ଡିକାନ୍ କୁଡ଼ିହନ୍ ପାର୍‌ମେଶ୍‌ଆଃ କାନାଜିକ ଉଦୁବ୍ ତାଇକେନା । ୧୦ \*ଆଲେ ଏନ୍ତାଃରେ ପୁରାଃ ମାହାଁ ତାଇନ୍‌ୟାନ୍ ତାୟମ୍‌ତେ, ଯିହୁଦାଏତେ ଆଗାବ ନୁଡୁମ୍ ମିଆଁଦ୍ ନାବୀ ଏନ୍ତାଃରେ ସେଟେରୟାନା । ୧୧ ଇନିଃ ଆଲେତାଃ ହିଜୁକେଦ୍‌ତେ, ପାଉଲୁସ୍‌ଆଃ କାସନା ଇଦିକେଦାଏ, ଆତଃ ଆଇଃକ୍‌ଗି ଆୟାଃ ତିଃଇ ଆତଃ କାଟା ତଲ୍‌କେଦ୍‌ତେ କାଜିକେଦା, “ପାବିତାର୍ ଆମ୍ ଆଇଙ୍ଗ୍‌କେ ଉଦୁବ୍‌କାଦିୟାଁ ଯେ, ନେ କାସନା ଅକଏୟାଃ ତାନାଃ, ଇନିଃକେ ଯାରୁଶାଲେମ୍‌ରେ ଯିହୁଦୀ ହଡକ ନେ'ଲେକାଗି ତଲ୍‌କେଦ୍‌ତେ ସାଅଁସାର୍ ହଡକଆଃ ତିଃଇରେକ ଜିମାଇୟା ।”

୧୨ ନେଆଁ ଆୟୁମ୍‌କେଦ୍‌ତେ ଆଲେ ଆତଃ ଏନ୍ ଠାୟାଦ୍‌ରେ ତାଇକେନ୍ ଏଗାର ହଡକ ପାଉଲୁସ୍‌କେ ଯାରୁଶାଲେମ୍‌ତେ ଆଲମ୍ ସେନା ମେନ୍ତେଲେ ବିନ୍ତିକିୟା । ୧୩ ମେନ୍ଦ୍ ପାଉଲୁସ୍ କାଜିରୁହାଡକେଦ୍‌କଆଏ, “ଆପେ ନେଆଁ ତିନାଃପେ ଚିକାଏତାନା ? ତିନାଃମେନ୍ତେ ନେ ଲେକା ରାଆଃକେଦ୍‌ତେ ଆଇଁୟାଃ ମନ୍‌ସୁରୁଦ୍‌କେ ହୁଡିଙ୍ଗ୍ ଜୀଉ ତାନାପେ ? ଯାରୁଶାଲେମ୍‌ରେ ଏସ୍‌କାର୍ ତଲେନ୍ ନାଗେନ୍ତେ କାହା, ମେନ୍ଦ୍ ପ୍ରାଭୁ ଯୀଶୁଆଃ ନୁଡୁମ୍ ନାଗେନ୍ତେ ଗନ୍‌ଏଃ ହବାଅଃରେୟ ଆଇଙ୍ଗ୍ ସେକାଡକାନାଇଙ୍ଗ୍ ।”

୧୪ ଇନିଃ ଆଲେୟାଃ କାଜି କାଏ ମାନାଡିଙ୍ଗ୍‌କେଦ୍ ହରାତେ ଆଲେ ହାପାୟାନାଲେ ଆତଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

୧୫ ଏନ୍ତାଃରେ ଚିମିନ୍ ମାହାଁ ତାଇନ୍‌କେଦ୍‌ତେ ଆଲେ ଆଲେୟାଃ ଜିନିଷ୍ଟକ ସାଜ୍‌ଡାଅକେଦ୍‌ତେ ଯାରୁଶାଲେମ୍‌ତେଲେ ସେନଃୟାନା । ୧୬ କାଇସରିୟାରେ ଚିମିନାଙ୍ଗ୍ ଚେଲାକ ଆତଃ ସାଇପ୍ରସ୍‌ରେନ୍ ମନାସନ୍ ନୁଡୁମ୍ ମିଆଁଦ୍ ବିଶ୍ୱାସୀହଗି ଆଲେଲଃ ମିସାତେ ସେନଃୟାନା । ଆତଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନ୍‌ଃ ନାଙ୍ଗ୍ ଇଦିକେଦ୍‌ଲେୟାଏ ।

**ଯାକୁବ୍‌ଲଃ ପାଉଲୁସ୍‌ଆଃ ନେପେଲ୍**

୧୭ ଆଲେ ଯାରୁଶାଲେମ୍‌ରେ ସେଟେରୟାନ୍ ଇମ୍‌ତା ଏନ୍ତାଃରେନ୍ ବିଶ୍ୱାସୀ ହଡକ ଆଲେକେ ରାସ୍‌କାତେକ ଦାରମ୍‌କେଦ୍‌ଲେୟା । ୧୮ ଏଗାର ହୁଲାଙ୍ଗ୍ ପାଉଲୁସ୍ ଆଲେଲଃ ଯାକୁବ୍‌କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଃରେ କାଲିସିୟାରେନ୍ ସବେନ୍ ପ୍ରାତିନ୍‌କ ତାଇକେନା । ୧୯ ପାଉଲୁସ୍ ଇନ୍‌କୁକେ ଜହାର୍‌କେଦ୍‌କଆ ଆତଃ ଆୟାଃ କାମି ହରାତେ ପାର୍‌ମେଶ୍‌ଆଃ ସାଅଁସାର୍ ହଡକ ଆଲାରେ ଅକ କାମିକଏ କାମିକେଦା, ଏନା ସବେନାଃଏ ଉଦୁବାଦ୍‌କଆ । ୨୦ ଆୟାଃ କାଜି ଆୟୁମ୍‌କେଦ୍ ତାୟମ୍‌ତେ ଇନ୍‌କୁ ସବେନ୍‌କ ପାର୍‌ମେଶ୍‌ଆଃ ମାନାରାଙ୍ଗ୍‌କ ରିକାକେଦା । ଏନ୍ତେ ଇନ୍‌କୁ କାଜିକେଦାକ, “ହାଗା ପାଉଲୁସ୍, ଆମ୍ ନେଲ୍ ଦାଡିତାନାମ୍, ଚିଲ୍‌କା ହାଜାର୍ ହାଜାର୍ ଯିହୁଦୀ ହଡକ ପ୍ରାଭୁ ଯୀଶୁତାଃରେ ବିଶ୍ୱାସ୍‌ତାନାକ ଆତଃ ଇନ୍‌କୁ ସବେନ୍‌କ ଆନ୍‌ରୁ ମାନାଡିଙ୍ଗ୍‌ରେ ଚିହ୍‌ଲକେଦ୍‌ତେ ମେନାକଆ । ୨୧ ଇନ୍‌କୁ କାଜି ଆୟୁମ୍‌କାଦାକ ଯେ, ଆମ୍ ସାଅଁସାର୍ ହଡକଆଃ ଦିଶୁମ୍‌ରେ ତାଇନ୍‌ତାନ୍ ଯିହୁଦୀ ହଡକକେ ମୁଶା ନାବୀଆଃ ଆନ୍‌ରୁ ବାଗି ନାଗେନ୍ତେ, ଇନ୍‌କୁଆଃ ହନ୍‌କକେ କା ଖାଡନାଅ ନାଗେନ୍ତେ ଆତଃ ଯିହୁଦୀ ରିଡିରିଝାଜ୍ କା ମାନାଡିଙ୍ଗ୍ ନାଗେନ୍ତେମ୍ ଇଡୁକତାନା । ୨୨ ଆମ୍ ନେତାଃତେମ୍ ସେଟେରାକାନା ମେନ୍ତେ ଇନ୍‌କୁ ସାର୍‌ତିଗିକ ଆୟୁମ୍‌କେୟା । ତାବ୍‌ଦ୍ ତିନାଃବୁ ଚିକାଏୟା ? ୨୩ ଏନାମେନ୍ତେ ଆଲେ ସାନାଙ୍ଗ୍‌ତାନାଲେ, ଆମ୍ ମିଆଁଦ୍

\* ୨୧:୮ ୨୧:୮ ପ୍ରେସ୍‌ବିଟରୀ ୨:୫; ୮:୫.      \* ୨୧:୧୦ ୨୧:୧୦ ପ୍ରେସ୍‌ବିଟରୀ ୧୧:୨୮.

କାମି କାମିନେ, ନେତାଃରେ ମେନାକ ଉପୁନ୍\* ହଡକ ମିଆଁଦ୍ କିରିୟାକାଦାକ । ୨୪ ଇନ୍‌କୁଲଃ ସେନଃମେ ଆତଃ ଫାଋତିଅଃରେୟାଃ ରିତିରିଖାନ୍ ମାନାତିଙ୍ଗ୍ ନାଗେନ୍ତେ ଇନ୍‌କୁଲଃ ମେସାକେଦ୍‌ଡେ ଦାଣ୍ଠେରାକାବଃ ନାଙ୍ଗ୍ ଖାଠାଅଃଡେୟାଃ ଏମେମେ, ଏନ୍ତେ ଇନ୍‌କୁ ଆକଆଃ ଆପ୍‌ନାଃ ବହଃରାଃ ଉଦ୍ ଟାଠୁନାଃକ । ଏନାଡେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାଋତି ନାହାଁଲାଃ, ମେନଦ୍ ଆମ୍ ମୁଣା ନାବାଆଃ ଆନ୍‌ରୁ ଲେକାମ୍ ସେସେନ୍‌ତାନା, ମେନ୍ତେ ସବେନ୍‌କ ଆଟ୍‌କାରେୟା । ୨୫ \*ମେନଦ୍ ଅକ ସାଆଁସାଋ ହଡକ ବିଶ୍ୱାସୀକାନାକ, ଇନ୍‌କୁତାଃଡେ ଆଲେ ମିଆଁଦ୍ ଚିଟାଢଲେ ଅଲ୍ କୁଲ୍‌କାଦା, ଏନାରେ ଆଲେ ଆରୁକାଦାଲେ, ଇନ୍‌କୁ ମୁରୁଡକତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟେମ୍ ଆଲକାକ ନୁଁଏକା, ହଟଃ ଲିମ୍‌ଦୁକେଦ୍‌ଡେ ଗଜାକାଇ ଜାଁଡୁରାଃ ମାସ୍ ଆଲକାକ ଜମେକା ଆତଃ ଇନ୍‌କୁ କଡ଼ା ଚାଏ କୁଡିଲଃ ହଡ଼ଫରାଃ ଏଡକାନ୍ ସାମ୍‌ମାକ୍‌କ୍ ଆଲକାକ କାମିକା ।”

୨୬ ଏନ୍ତେ ଏଟାଃ ହୁଲାଙ୍ଗ୍ ପାଢଲୁସ୍ ଏନ୍ ଉପୁନ୍ ହଡକଲଃ ଫାଋତିନ୍‌ରେୟାଃ ରିତିରିଖାନ୍ ରିକା ନାଗେନ୍ତେ ମାନାତିଙ୍ଗ୍‌ୟାନା । ଏନ୍ତେ ଇନିଃ ମାହିର୍‌ଡେ ସେନ୍‌କେଦ୍‌ଡେ ଫାଋତିନ୍‌ରେୟାଃ କାମି ଚିତଲା ଚୁଣ୍ଡୁଆ ଆତଃ ଚିମ୍‌ତା ଦାଣ୍ଠେରାକାଦ୍ ହବାଅଃଆ, ଏନା ଉଦ୍‌ବକିୟାକ ।

ପାଢଲୁସ୍ ମାହିର୍ ଅଡ଼ାଃରେ ସାନାବ୍‌ୟାନା

୨୭ ଫାଋତିନ୍‌ରେୟାଃ ଏୟାମାହ୍ ଚୁଣ୍ଡୁତାନ୍ ଦିପିଲିରେ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହଡକ ପାଢଲୁସ୍‌କେ ମାହିର୍ ଅଡ଼ାଃରେକ ନେଲ୍‌କିୟା । ଇନ୍‌କୁ ଏନ୍ତାଃରେ, ଏନ୍ତାଃରେନ୍ ଗଟା ଗାଦେଲ୍ ହଡକକେ ଉସ୍‌କୁରକେଦ୍‌ଡେ ପାଢଲୁସ୍‌କେ ସାବ୍‌କିୟାକ । ୨୮ ଇନ୍‌କୁ କାଢରିକେଦ୍‌ଡେ କାଜିକେଦାକ, “ହେ ଇସ୍ରାଏଲ୍‌ରେନ୍ ହଡକ, ଆଲେକେ ଦେଙ୍ଗାଲେପେ ! ନେ ହଡ ଚାରିୟସାଃ ସେନ୍‌କେଦ୍‌ଡେ ଇସ୍ରାଏଲ୍‌ରେନ୍ ହଡକଆଃ ବିରୁଧ୍‌ରେ, ମୁଣା ନାବାଆଃ ଆନ୍‌ରୁ ଆତଃ ନେ ମାହିର୍ ଅଡ଼ାଃ ବିରୁଧ୍‌ରେ ଇଡୁତାନା । ଆତଃ ନାହାଁଃ ଇନିଃ ଚିମିନ୍ ସାଆଁସାଋ ହଡକକେ ମାହିର୍ ଅଡ଼ାଃ ଭିତାଋଡେ ଆଢକେଦ୍‌ଡେ ନେ ପାବିତାର୍ ଠାୟାଦ୍‌କେ ସଡ଼ରାଏ ତାନା ।” ୨୯ \*ଇନ୍‌କୁ ନାଗାର୍‌ରେ ଏଫିସୁସ୍‌ରେନ୍ ତ୍ରଫିମ୍‌କେ ପାଢଲୁସ୍‌ଲଃ ନେଲାକାଇ ତାଇକେନାକ, ଏନାଡେ ପାଢଲୁସ୍ ତ୍ରଫିମ୍‌କେ ମାହିର୍ ଅଡ଼ାଃଡେ ଇଦିତାନା ମେନ୍ତେ ଇନ୍‌କୁ ଉଡ଼ୁକେଦାକ ।

୩୦ ଗଟା ନାଗାର୍‌ରେ ହାଲାଗୁଲା ନିଡିର୍‌ୟାନା, ଆତଃ ହଡକ ପାଢଲୁସ୍‌କେ ମାହିର୍ ଅଡ଼ାଃଏଡେ ବାହାରିଡେକ ଅର୍ ଅଡକ୍‌କିୟା । ମାହିର୍ ଅଡ଼ାଃରେୟାଃ ଦୁଆରକ ହାଣ୍ଡେଦକେଦା । ୩୧ ଇନ୍‌କୁ ଇନିଃକେ ଗଟଏଃ ନାଗେନ୍ତେକ ଚେଷ୍ଟା ତାଇକେନ୍ ଇମ୍‌ତା ଗଟା ଯୀରୁଶାଲେମ୍‌ରେ ହାଲାଗୁଲାଡେ ପେରେଃକାନା ମେନ୍ତେ ରୋମାନ୍‌ରେନ୍ ହାଜାର୍ ସିପାଇକଆଃ ଆଗୁଆଇନିଃତାଃଡେ କାନାଜି ସେଟେର୍‌ୟାନା । ୩୨ ଇମ୍‌ତାଗି ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆତଃ ମିଦ୍‌ଶାଅ ସିପାଇକଆଃ ଆଗୁଆଇକକେ ଇଦିକେଦ୍‌ଡେ ଏନ୍ତାଃଡେ ସେଟେର୍‌ୟାନା । ହଡକ ଇନିଃକେ ଇନ୍‌କୁଲଃ ନେଲ୍‌କେଦ୍‌ଡେ ପାଢଲୁସ୍‌କେ କା ଦାଲ୍‌କେଦ୍‌ଡେ ବାଗିକିୟାକ । ୩୩ ହାଜାର୍ ସିପାଇକଆଃ ଆଗୁଆଇନିଃ ପାଢଲୁସ୍‌କେ ବାରିୟା ସିକ୍‌ଡିଡେ ତଲି ନାଗେନ୍ତେ ଆରୁକେଦକଆ । ଏନ୍ତେ ଇନିଃ କୁଲିକେଦକଆଏ, “ନେ ହଡ ଅକଏ ତାନିଃ ଆତଃ ଇନିଃ ଚିନାଃ ଚିକା କାଦାଏ ?” ୩୪ ଗାଦେଲ୍ ହଡକଏଡେ ଚିମିନ୍ ହଡକ ରାକାମ୍ ରାକାମ୍ କାଜିକେଦ୍‌ଡେ କାଢରିକେଦାକ । ନେଲେକା କାଢରିକେଦାକ ଚି, ହାଜାର୍ ସିପାଇକଆଃ ଆଗୁଆଇନିଃ ହାଲାଗୁଲା ଚିନାଃମେନ୍ତେ ହବାଅଃତାନା

\* ୨୧:୨୩ ୨୧:୨୩ ଚାଇର୍ ଝାନ୍ ☆ ୨୧:୨୫ ୨୧:୨୫ ପ୍ରେସ୍‌ବିଟିଆନ ୧୫:୨୯. ☆ ୨୧:୨୯ ୨୧:୨୯ ପ୍ରେସ୍‌ବିଟିଆନ ୨୦:୪.

ଏନା କାଏ ସାରିଦାଡ଼ିୟାନା । ଏନାତେ ଇନିଃ ପାଉଲୁସ୍‌କେ ସିପାଇକଆଃ ଗାଡ଼୍, ଭିଡାର୍‌ତେ ଇଦି ନାଗେନ୍ତେ ସିପାଇକକେ ଆଡୁକେଦକଆ । ୩୫ ଇନ୍‌କୁ ପାଉଲୁସ୍‌କେ ଇଦିକେଦତେ ଗାଡ଼୍‌ରେୟାଃ ପାଉର୍‌ଡ଼ାଃ ସେଟେରଃତାନରେ ଗାଦେଲ୍ ହଡ଼କଆଃ ଖୁସ୍ ନେଲ୍‌କେଦତେ ସିପାଇକ ପାଉଲୁସ୍‌କେ ଗଅଃକେଦତେ ଇଦିକିୟାକ । ୩୬ ସବେନ୍ ହଡ଼କ ଆୟାଃ ଦୟା ଦୟା ଅତଙ୍ ଥାଉକେଦତେ “ଇନିଃକେ ଗଜିପେ” ମେନ୍ତେ କାଉରିତାନଲଃ କାଜିକେଦାକ ।

ପାଉଲୁସ୍ ଆଇଃକ୍‌ଗି ଆୟାଃ ବାଞ୍ଚାଅ ନାଙ୍ କାଜିକେଦାଏ

୩୭ ସିପାଇକ ପାଉଲୁସ୍‌କେ ଗାଡ଼୍, ଭିଡାର୍‌ତେ ଇଦି ଇମ୍‌ତା ପାଉଲୁସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆଇଙ୍ ଥାବେନ୍‌କେ ଜେଡ଼ନାଃ କାଜି ଦାଡ଼ିୟାଇଙ୍ଗି ?” ଇନିଃ କୁଲିକିୟାଏ, “ଆମ୍ ଗ୍ରୀକ୍ ଜାଗାର୍‌ତେ କାଜିତାନାମ୍, ଗ୍ରୀକ୍ ହଡ଼ ତାନମେଟି ? ୩୮ ଏନ୍‌ରେଦ ଚିମିନ୍ ମାହ୍ ସିଦାରେ ମିସାର୍‌ରେନ୍ ଅକ ହଡ଼ ହାଲ୍‌ଗୁଲ୍‌କେଦତେ ଉପୁନ୍ ହାଜାର୍ ବରଞ୍ଜାନ୍ ଗଗଏଃ ହଡ଼କକେ ଇଦିକେଦତେ ବିରରେ ସେଟେରୟାନା, ଆମ୍ ଚିନାଃ ଏନ୍ ହଡ଼ ନାହ୍‌ଲ୍‌ମେ ?”

୩୯ ପାଉଲୁସ୍ କାଜିରୁହାଡ଼କିୟାଏ, “ଆଇଙ୍ କିଲିକିଆ ପାର୍‌ଗାନରେୟାଃ ତାଷ୍‌ସ୍ ସାହାର୍‌ରେ ଜାନାମାକାନ୍ ଯିହୁଦୀ ହଡ଼ ତାନିଙ୍ । ଦାୟାକେଦତେ ନେ ହଡ଼କତାଃରେ ଜାଗାର୍ ଇଟିଙ୍ମେ ।”

୪୦ ଇନିଃ ପାଉଲୁସ୍‌କେ କାଜି ଇଟିକିୟାଏ, ଏନ୍ତେ ପାଉଲୁସ୍ ଅଡ଼ାଃପାଉର୍ ଚେତାନରେ ଡିଙ୍ଗୁକେଦତେ ହଡ଼କକେ ହାପାଅଃ ନାଗେନ୍ତେ ତିଃଇ ରିମ୍‌କେଦତେ ଇସାରାକେଦକଆ । ଇନ୍‌କୁ ହାପାୟାନ୍ ତାୟମ୍‌ତେ ପାଉଲୁସ୍ ଏବ୍ରୀ ଜାଗାର୍‌ତେ କାଜିକେଦା,

## ୨୨

୧ “ଦୁଲ୍‌ଡ଼୍ ହାଗାକ ଆଡ଼ଃ ଆପୁକ, ଆଇଙ୍ ଥାପେୟାଃ ସାମ୍‌ନାଙ୍‌ରେ ଆପନାଃ ନାଗେନ୍ତେ କାଜିତାନତେୟାଃ ଆୟୁମେପେ,” ୨ ଇନିଃ ଇନ୍‌କୁଲଃ ଏବ୍ରୀତେ ଜାଗାର୍‌ତାନ୍ ଆୟୁମ୍‌କେଦତେ ଇନ୍‌କୁ ଆଡ଼ଃଗି ହାପାୟାନାକ ଆଡ଼ଃ ପାଉଲୁସ୍ ଆଡ଼ଃଗି କାଜିକିୟାକେଦା,

୩ \* “ଆଇଙ୍ ମିହୁଡ଼ ଯିହୁଦୀ ତାନିଙ୍, କିଲିକିଆ ପାର୍‌ଗାନରେୟାଃ ତାଷ୍‌ସ୍ ସାହାର୍‌ରେଇଙ୍ଗି ଜାନାମ୍ କାନା, ମେନ୍‌ଦ୍ ଆଇଙ୍ ଯୀରୁଶାଲେମ୍‌ରେଇଙ୍ଗି ଆସୁଲ୍ ହାରାକାନା ଆଡ଼ଃ ଗମଲିଏଲ୍‌ତାଃଏତେ ଇନିତୁଇଙ୍ଗି ନାମାକାଦା । ଆଇଙ୍ ଆବୁଆଃ ପୁରଖା ହାଡ଼ାମକଆଃ ଆନ୍‌ରୁ ବୁଗିଲେକାଇଙ୍ଗି ଇଡୁକାନା ଆଡ଼ଃ ଆପେୟାଃ ଲେକା ପାର୍‌ମେଶ୍‌ଆଃ ନାଗେନ୍ତେ ତିହୁଲାନଗି ତାଇକେନାଇଙ୍ଗି । ୪ \* ଆଇଙ୍ ପ୍ରାଭୁଆଃ ହରାକେ ଅତଙ୍‌ତାନ୍ ହଡ଼କକେ ସାସାତିକେଦତେ ଗଏଃକ ତାଇକେନାଇଙ୍ଗି । କଡ଼ା କୁଡ଼ି ସବେନ୍‌କକେ ତଲ୍‌କେଦତେ ଜେହେଲ୍‌ରେ ଜିମାକ ତାଇକେନାଇଙ୍ଗି । ୫ ଆଇୟାଃ ନେ କାଜି ସାର୍‌ଡି ତାନାଃ, ମାରାଙ୍ ଯାଜାକ୍ ଆଡ଼ଃ ପାଞ୍ଚେର୍‌ରେନ୍ ସବେନ୍‌କ ନେଆଁରେୟାଃ ଗାଞ୍ଜାତାନ୍କ । ନେ ହଡ଼କକେ ତଲ୍‌କେଦତେ ଆଡ଼ଃ ସିକିଡ଼ିରେ ତଲ୍‌କେଦତେ ସାଜାଇ ଏମାକ ନାଗେନ୍ତେ ଯୀରୁଶାଲେମ୍‌ତେ ଇଦିକ ନାଙ୍ ଆଇଙ୍ ମାରାଙ୍ ଯାଜାକ୍‌ତାଃଏତେ ଅନଲ୍ ଚିଗାଉ ଇଦିକେଦତେ, ଦମାସ୍‌କସ୍ ନାଗାର୍‌ରେ ତାଇନ୍‌ତାନ୍ ଯିହୁଦୀ ହାଗାକତାଃତେଇଙ୍ଗି ସେନଃୟାନା ।

ପାଉଲୁସ୍ ଆୟାଃ ମନ୍‌ରୁହାଡ଼୍ ବିଷାଏରେ ଉଦୁବ୍‌କେଦା  
(ପ୍ରେରିତ୍ ୯:୧-୧୯; ୨୭:୧୨-୧୮)

☆ ୨୨:୩ ୨୨:୩ ପ୍ରେରିତ୍ ୫:୩୪-୩୯. ☆ ୨୨:୪ ୨୨:୪ ପ୍ରେରିତ୍ ୮:୩; ୨୭:୯-୧୧.



୨ “ଆଇଜ୍ ସେନୱତାନ୍ ତାଇକେନ୍ ଇମ୍ତା ଦମାସ୍‌କସ୍ ନାଗାର୍‌ତେ ତେବାଗଃ ତାଇକେନ୍‌ରେ ସିର୍ମାଏତେ ମିଆଁଦ୍ ହିଚିରଲେକା ମାର୍ସାଲ୍ ଆର୍‌କାଗି ଆଇଁୟାଃ ଚାରିୟାଃରେ ମାର୍ସାଲ୍‌ୟାନା । ୭ ଆତଃ ଆଇଜ୍ ଅତେରେଇଜ୍ ଉୟାୟାନା ଏନ୍ତେ ଆଇଜ୍ ନାଗେନ୍ତେ ନେ ଲାବ୍‌ଜାଇଜ୍ ଆୟୁମ୍‌କେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଜ୍‌କେମ୍ ସିଗିଦିଇଜ୍‌ତାନା ?’ । ‘ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆମ୍ ଅକଏ ତାନମେ ?’ ଇନିଃ ଆଇଜ୍‌କେ କାଜିରୁହାଡ୍‌କିୟା, ‘ଆମ୍ ଅକଏକେମ୍ ସାସାଡିତାନା, ଆଇଜ୍ ଏନ୍ ନାଜ୍‌ରେଡ୍‌ରେନ୍ ଯୀଶୁ ତାନିଜ୍ ।’ ୯ ଆଇଁୟାଃଲଃ ତାଇକେନ୍ ହଡ୍‌କ ଏନ୍ ମାର୍ସାଲ୍‌କ ନେଲ୍‌କେଦା, ମେନ୍‌ଦ ଆଇଜ୍‌ଲଃ ଜାଗାର୍‌ତାନ୍ ହଡ୍‌ଆଃ ଲାବ୍‌ଜା କାକ ଆୟୁମ୍ ଦାଡିୟାନା । ୧୦ ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆଇଜ୍ ଚିନାଃ ଚିକାଏୟାଇଜ୍ ?’ ପ୍ରାଭୁ ଆଇଜ୍‌କେ କାଜିକେଦିୟା, ‘ବିରିଦମେ, ଆତଃ ଦମାସ୍‌କସ୍‌ତେ ସେନୱମେ, ପାର୍‌ମେଶ୍ୱାର୍ ଆମାଃ ନାଗେନ୍ତେ ଅକ କାମି ଦହକାଦା, ଏନା ଏନ୍ତାଃରେ ଆମ୍‌କେ ଉଦୁବାମେୟା ।’ ୧୧ ଏନ୍ ମାର୍ସାଲ୍‌ରେୟାଃ ପୁରାଃ ମାର୍ସାଲ୍‌ତେ ଆଇଁୟାଃ ମେଦ୍‌ତାଇୟାଃ ବିଗ୍‌ଡାଅୟାନା ଆତଃ କାଇଜ୍ ନେଲ୍‌ଦାଡିୟାନା । ଏନାମେନ୍ତେ ଆଇଁୟାଃଲଃ ମିସାତେ ସେନ୍‌ତାଇକେନ୍ ହଡ୍‌କ ଆଇଁୟାଃ ତିଃଇ ସାବ୍‌କେଦ୍‌ତେ ଆଇଜ୍‌କେ ଦମାସ୍‌କସ୍‌ତେକ ସୁଡୁଃଇଦିକିୟା ।

୧୨ “ଏନ୍ ନାଗାର୍‌ରେ ହନାନିୟ ନୁତୁମ୍ ମିଆଁଦ୍ ଧାର୍‌ମାନ୍ ହଡ୍ ତାଇକେନାଏ । ଇନିଃ ଆବୁଆଃ ଆନ୍‌ତୁ ମାନାଡିଜ୍‌ନିଃ ତାଇକେନାଏ ଆତଃ ଏନ୍ତାଃରେ ତାଇକେନ୍‌ତାନ୍ ଯିହୁଦୀ ହଡ୍ ସବେନ୍‌କ ଇନିଃକେ ପୁରାଃଗିକ ମାଇନି ତାଇକେନା । ୧୩ ଇନିଃ ଆଇଁୟାଃତାଃତେ ହିଜୁଃକେଦ୍‌ତେ ନାଡେଃରେ ତିଜୁୟାନା ଆତଃ କାଜିକେଦାଏ, ‘ହାଗା ଶାଉଲ୍, ଆମ୍ ଆତଃମିସାମ୍ ନେଲ୍‌ଦାଡିୟା ।’ ଏନ୍ ନେଡାରେଗି ଆଇଜ୍ ଆତଃମିସା ନେଲ୍ ଦାଡିକେଦ୍‌ତେ, ଇନିଃକେଇଜ୍ ନେଲ୍‌କିୟା । ୧୪ ଇନିଃ କାଜିକେଦାଏ, ‘ଆବୁଆଃ ପୁରଃ ହାଡାମ୍‌କଆଃ ପାର୍‌ମେଶ୍ୱାର୍ ଆମ୍‌କେ ଆୟାଃ ଇଛାସାନାଜ୍ ସାରି ନାଗେନ୍ତେ, ଆୟାଃ ଧାର୍‌ମାନ୍ ଦାସିକେ ନେଲି ନାଗେନ୍ତେ ଆତଃ ଆୟାଃ କାଜି ଆୟୁମ୍‌କେଦ୍‌ତେ ଆୟାଃ ଆପ୍‌ନାଃ ଲାବ୍‌ଜାତେ ଜାଗାର୍ ନାଗେନ୍ତେ ସାଲାକାଦମେୟା । ୧୫ ତିଆଃତି ଆମ୍ ଅକ୍‌ନାଃ ନେଲାକାଦାମ୍ ଆତଃ ଆୟୁମ୍‌କାଦାମ୍, ଏନା ସବେନ୍‌କତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଞ୍ଜାମ୍ ହବାଅଥା । ୧୬ ଆତଃ ନାହ୍‌ଆ, ଚିନାଃମେନ୍ତେମ୍ ବିଲାମେତାନା ? ବିରିଦମେ, ବାପ୍ରିସ୍ତା ଇଦିମେ ଆତଃ ଆୟାଃ ନୁତୁମ୍‌ରେ ବିକ୍ତିକେଦ୍‌ତେ ଆମାଃ ସବେନ୍ ପାପ୍‌କ ଫାର୍‌ଚିୟାଥା ।’

ସାଅଁସାର୍ ହଡ୍‌କତାଃରେ ପ୍ରାଚାର୍ ରିକା ନାଗେନ୍ତେ ପାଉଲୁସ୍‌କେ କେନେଡା

୧୭ “ଆଇଜ୍ ଯୀରୁଶାଲେମ୍ ରୁହାଡ୍‌କେଦ୍‌ତେ ଏନ୍ତାଃରେୟାଃ ମାନ୍‌ିର୍ ଅଡାଃରେ ବିକ୍ତିତାଇକେନ୍ ଇମ୍ତା, ଦାର୍‌ଶାନ୍ ନେଲ୍‌କେଦାଇଜ୍, ୧୮ ଏନ୍ ଦାର୍‌ଶାନ୍‌ରେ ପ୍ରାଭୁକେ ନେଲ୍‌କିୟାଇଜ୍ । ଇନିଃ ଆଇଜ୍‌କେ କାଜିକେଦିୟା, ‘ଜାଲ୍‌ଦି ଯୀରୁଶାଲେମ୍ ବାଗିମେ, ତିଆଃତି ନେତାଃରେନ୍ ହଡ୍‌କ ଆଇଁୟାଃ ବିଷାଏରେ ଏମାକାଦ୍ ଗାଞ୍ଜା କାକ ଆୟୁମେୟା ।’ ୧୯ ଆଇଜ୍ କାଜିରୁହାଡ୍‌କେଦାଇଜ୍, ‘ପ୍ରାଭୁ ଆଇଜ୍ ସାମାଜ୍ ଅଡାଃକରେ ସେନ୍‌କେଦ୍‌ତେ ଆମାଃତାଃରେ ବିଶ୍ୱାସ୍‌ତାନ୍ ହଡ୍‌କକେ ଚିଲ୍‌କାଇଜ୍ ତଲ୍‌କତାଇକେନା ଆତଃ ଦାଲ୍‌କ ତାଇକେନା, ଏନା ଇନ୍‌କୁ ବୁଗିଲେକାକ ସାରିକାଦା, ୨୦ \*ଆତଃ ଆମାଃ ବିଷାଏରେ ସ୍ତ୍ରୀମ୍ ଗାଞ୍ଜା ଏମ୍‌ତାଇକେନ୍ ଇମ୍ତା ଇନିଃକେ ଦିରିତେ ଚିଦ୍‌ଗି ଗଏଃକିୟାକ, ଆଇଜ୍ ଏନ୍ତାଃରେଇଜ୍ ତାଇକେନା, ଆତଃ ଇନିୟାଃ ଗନ୍‌ଏଃରେଇଜ୍ ସାଲ୍‌ହାକାନ୍ ତାଇକେନା ଆତଃ ଇନିଃକେ ଗଏଃତାନ୍ ହଡ୍‌କଆଃ ଲିଜାଃକଇଜ୍ ହରତାଇକେନା ।’

☆ ୨୨:୨୦ ୨୨:୨୦ ପ୍ରେସ୍ ୭:୫୮.

୨୧ ପ୍ରାଭୁ ଆଇଙ୍ଗ୍‌କେ କାଜିକେଦିୟା, ‘ଜୁ, ଆଇଙ୍ଗ୍ ଆମ୍‌କେ ପୁରାଃ ସାଜିନ୍ ସାଆଁସାର୍ ହଡ଼କତାଃତେଇଙ୍ଗ୍ କୁଲ୍‌ମେୟା ।’ ”

୨୨ ହଡ଼କ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାଇକେନାକ, ମେନ୍‌ଦ ଏନ୍ ତାୟମ୍‌ତେ ଇନ୍‌କୁ ପୁରାଃ କାଉରିକେଦ୍‌ତେ କାଜି ଏଟେଃକେଦାକ, “ଇନିଃକେ ଅତେଦିଶୁମ୍‌ଏତେ ବାହାରି ଅତଙ୍ଗ୍‌ଇଁପେ, ଇନିଃକେ ଗଜିପେ, ଇନିୟାଃ ଜାନିଦ୍ ତାଇନଃରେୟାଃ ଜେତାନ୍ ଆକ୍‌ତେୟାର୍ ବାନଃଆ ।” ୨୩ ଇନ୍‌କୁ କାଉରିତାନ୍‌ଲଃ ଆକଆଃ ଲିଜାଃ ହିରକେଦାକ ଆତଃ ରେତାନ୍‌ତେ ଧୁଡ଼ି ହିରଚିକେଦାକ ।

୨୪ ପାଉଲୁସ୍‌କେ ଗାଡ଼୍ ଭିତାର୍‌ତେ ଇଦି ନାଗେନ୍ତେ ରୋମିରେନ୍ ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆରୁକେଦକଆ ଆତଃ ଯିହୁଦୀ ହଡ଼କ ଚିନାଃମେନ୍ତେ ଆୟାଃ ବିରୁଧ୍‌ରେ ନେ'ଲେକା କାଉରିତାନାକ, ଏନା ସାରି ନାଗେନ୍ତେ ଇନିଃକେ କରତାତେ ହାଁଶ୍‌ସାଇ ନାଙ୍ଗ୍ ଆରୁକେଦକଆଏ । ୨୫ ମେନ୍‌ଦ ଇନିଃକେ ତନଲ୍ ଇମ୍‌ତା ପାଉଲୁସ୍ ଏନ୍ତାଃରେ ତାଇକାନ୍ ମିଦ୍‌ଶାଅ ସିପାଇକଆଃ ଆଗୁଆଇନିଃକେ କାଜିକିୟା, “ଜେତା ଗୁଣ୍ଡାଁରେ ନାହାଁଃ ଜାକେଦ୍ କା ଚିଟାକାନ୍ ରୋମିରେନ୍ ହଡ଼କେ ହାଁଶ୍‌ସାତେୟାଃ ଚିନାଃ ଆଇନ୍ ଲେକାତେ ବୁଗିନାଃ ତାନାଃ ?”

୨୬ ନେଆଁ ଆୟୁମ୍‌କେଦ୍‌ତେ ମିଦ୍‌ଶାଅ ସିପାଇକଆଃ ଆଗୁଆଇନିଃ ସେନ୍‌କେଦ୍‌ତେ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆବେନ୍ ଚିନାଃବେନ୍ ଚିକାଏତାନା ? ଏନ୍ ହଡ଼ ରୋମିରେନ୍ ତାନିଃ ।”

୨୭ ଏନ୍ତେ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌ତାଃତେ ସେନ୍‌କେଦ୍‌ତେ କୁଲିକିୟା, “ଆମ୍ ଚିନାଃ ମିଆଁଦ୍ ରୋମିରେନ୍ ତାନ୍‌ମେ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ୍ ।”

୨୮ ହାଜାର୍ ସିପାଇକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନଙ୍ଗ୍ ଏମ୍‌କେଦ୍‌ତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାଇଙ୍ଗ୍ ।” ମେନ୍‌ଦ ପାଉଲୁସ୍ କାଜିରୁହାଡ଼କିୟାଏ, “ମେନ୍‌ଦ ଆଇଙ୍ଗ୍ ଜାନାମ୍‌ହେତେଗି ରୋମିରେନ୍ ତାନିଙ୍ଗ୍ ।”

୨୯ ଇମ୍‌ତାଗି ଅକ ହଡ଼କ ପାଉଲୁସ୍‌କେ କୁଲି ନାଗେନ୍ତେକ ସେନ୍‌ତାଇକେନା, ଇନ୍‌କୁ ତାୟମ୍‌ତେକ ରୁହାଡ଼ୟାନା ଆତଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦ୍‌ତେ ଆତଃ ଇନିଃ ସିକିଡ଼ିତେ ପାଉଲୁସ୍‌କେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦ୍‌ତେ, ଇନିଃ ପୁରାଃଗି ବରକେଦା ।

ଯିହୁଦୀକଆଃ ମାରାଙ୍ଗ୍ ପାଞ୍ଚେଟ୍ ଆୟାର୍‌ରେ ପାଉଲୁସ୍

୩୦ ଯିହୁଦୀ ହଡ଼କ ପାଉଲୁସ୍‌କେ ଚିନାଃମେନ୍ତେକ ଚିଟାକତାନା, ଏନା ସାରି ନାଗେନ୍ତେ ହାଜାର୍ ସିପାଇକଆଃ ଆଗୁଆଇନିଃ ଏଟାଃ ହୁଲାଙ୍ଗ୍ ପାଉଲୁସ୍‌ଆଃ ସିକିଡ଼ି ତନଲ୍‌ତେୟାଃକ ରାଡ଼ାକେଦ୍‌ତେ ମାରାଙ୍ଗ୍ ପାଞ୍ଚେଟ୍ ହବାଅଃ ନାଗେନ୍ତେ ମୁଲ୍ ଯାଜାକକକେ ଆରୁକେଦକଆ । ଏନ୍ତେ ଇନିଃ ପାଉଲୁସ୍‌କେ ଇଦିକେଦ୍‌ତେ ଇନ୍‌କୁଆଃ ଆୟାର୍‌ରେ ଡିଙ୍ଗୁକିୟା ।

୨୩

୧ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ସାଃତେ ମିଦ୍‌ନାଜେର୍‌ରେ ନେଲ୍‌କେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ତିସିଙ୍ଗ୍ ଜାକେଦ୍ ଆଇଙ୍ଗ୍ ଆଇଁୟାଃ ଜୀଦାନ୍‌ରେ ପାର୍‌ମେଶ୍‌ଆର୍‌କେ ପୁରାଃ ମାଇନ୍‌ତାନ୍‌ଲଃ ଜୀଦାନ୍ ବିତାଅକାଦାଇଙ୍ଗ୍, ଏନ୍ ବିଷାଏରେ ଆଇଁୟାଃ ବିବେକ୍ ପୁରା ବୁଗିନ୍‌ଗିୟା ।” ୨ ନେ କାଜି ଆୟୁମ୍‌କେଦ୍‌ତେ ମାରାଙ୍ଗ୍ ଯାଜାକ୍ ହନାନିୟ, ପାଉଲୁସ୍‌ଆଃ ଜଆରେ ଚାଟ୍‌କାନ୍ ନାଗେନ୍ତେ

ପାଉଲୁସ୍‌ଆଃ ନାଡ଼େଃରେ ତିଜ୍ଞୁଆକାନ ହଡ଼କକେ ଆରୁକେଦକଆ । ୩୩ \*ପାଉଲୁସ୍‌ ଇନିଃକେ କାଜିକିୟା, “ଏ ପୁଣ୍ଡିଆକାନ ଭିଡ଼\* , ପାର୍‌ମେଶ୍ଵାର୍ ସାର୍‌ତିଗି ଆମ୍‌କେ ଦାଲ୍‌ମେୟା । ଆନରୁ ଲେକାତେ ଆଇଁୟାଃ ବିଚାର୍ ନାଗେନ୍ତେ ଆମ୍‌ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଙ୍ଗ୍‌କେ ଦାଲ୍ ନାଙ୍ଗ୍ ଆରୁକେଦତେ ଆମ୍ ଆନରୁମ୍ ଚଟାଃତାନା ।”

୪ ପାଉଲୁସ୍‌ଆଃ ନାଡ଼େଃରେ ତାଇକାନ ହଡ଼କ ଇନିଃକେ କାଜିକିୟାକ, “ଆମ୍ ପାର୍‌ମେଶ୍ଵାର୍‌ଆଃ ମାରାଙ୍ଗ୍ ଯାଜାକ୍‌କେମ୍ ଲାନ୍‌ଇତାନା ।”

୫ ପାଉଲୁସ୍‌ କାଜିରୁହାଡ଼କେଦକଆଏ, “ହେ ଇସ୍ରାଏଲ୍‌ରେନ୍ ହାଗାକ, ଇନିଃ ମାରାଙ୍ଗ୍ ଯାଜାକ୍ ତାନିଃ ମେନ୍ତେ ଆଇଙ୍ଗ୍ କାଇଙ୍ଗ୍ ସାରିକାଦ୍ ତାଇକେନା । ଧାରାମ୍‌ପୁଥ୍‌ରେ ଅଲ୍‌କାନା, ‘ଆପେ ଆପେୟାଃ ହଡ଼କଆଃ ହାକିମ୍‌ଆଃ ବିଷାଏରେ ଏଡ଼କାନାଃ ଆଲପେ କାଜିୟା ।’ ”

୬ \*ଯିହୁଦୀ ହଡ଼କଆଃ ଝୁଣ୍ଡିରେ ଚିମିନ୍ ଫାରୁଶୀ ଆତଃ ଚିମିନ୍ ସାଦୁକି ହଡ଼କ ମେନାକତେୟାଃ ନେଲ୍‌କେଦତେ ପାଉଲୁସ୍‌ ମାରାଙ୍ଗ୍ ପାଞ୍ଚେଟ୍‌ରେ କାଉରିକେଦତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଙ୍ଗ୍ ଫାରୁଶୀ ତାନିଙ୍ଗ୍ ଆତଃ ଫାରୁଶୀ କିଲିରେଇଙ୍ଗ୍ ଜାନାମ୍ କାନା । ଆତଃ ଗଜାକାନକଆଃ ଜୀଉବିନିରିଦ୍ ମେନାଃ ମେନ୍ତେ ଭାର୍‌ସାକାଦ୍ ହରାତେ ନେତାଃରେ ଆଇଁୟାଃ ବିଚାର୍ ହବାଅଃତାନା ।”

୭ ନେ କାଜି କାଜିକେଦ୍‌ଚି ଇମ୍‌ତାଗି, ଫାରୁଶୀକଆଃ ଆତଃ ସାଦୁକିକଆଃ ଆଲାରେ କାପ୍‌ଜି ଏଟେଦ୍‌ୟାନା, ଏନ୍ତେ ଇନ୍କୁଆଃ ଝୁଣ୍ଡି ବିପିଙ୍ଗାଅୟାନା । ୮ \*ତିଆଃତି ସାଦୁକିକ ଗଜାକାନକଆଃ ଜୀଉବିନିରିଦ୍ ବାନଃଆ ଆତଃ ଦୁଁଡ଼କ, ଆତଃ ଆମ୍‌ ବାଙ୍ଗକଆ ମେନ୍ତେକ କାଜିୟାଃ, ମେନ୍‌ଦ ଫାରୁଶୀକ ନେ ଆପିୟାତେୟାଃରେକ ବିଶ୍ଵାସାଃ । ୯ ଇନ୍କୁଆଃ ଆଲାରେ ପୁରାଃଗି କାପ୍‌ଜି ହବାୟାନା ଆତଃ ଫାରୁଶୀକଆଃ ଝୁଣ୍ଡିରେନ୍ ଚିମିନ୍ ଆଇନ୍ ଇଡ଼ୁକ ତିଜ୍ଞୁୟାନ୍‌ଲଃ କେଟେୟାନ୍‌ଗି କାଜିକଟଙ୍ଗ୍‌କେଦତେ କାଜିକେଦାକ, “ଆଲେ ନେ ହଡ଼ତାଃରେ ଜେତାନ୍ ଗୁଣ୍ଡାଁ କାଲେ ନାମେତାନା, ହବାସାକାଆଃ ଜାରୁଡ଼ଗି ଇନିଃଲଃ ମିଆଁଦ୍ ଆମ୍‌ ଚାଏ ଦୁଁଡ଼ କାଜିକାତେୟାଃଏ ।”

୧୦ କାପ୍‌ଜି ନିମିନାଙ୍ଗ୍ ବରଝାନ୍ ଲେକା ହବାୟାନା ଯେ, ଗାଦେଲ୍ ହଡ଼କ ପାଉଲୁସ୍‌କେ ଟୁକ୍‌ଡ଼ା ଟୁକ୍‌ଡ଼ା ତାଇୟାକ ମେନ୍ତେ ହାଜାର୍ ସିପାଇକଆଃ ଆଗୁଆଇ ବରକେଦାଏ । ଏନାତେ ଇନିଃ ହାଲାଗୁଲାତାନ୍ ହଡ଼କଆଃ ଆଲାଏତେ ପାଉଲୁସ୍‌କେ ଇଦି ଆତମ୍‌କିୟା ଆତଃ ଇନିଃକେ ଗାଡ଼୍ ଭିତାର୍‌ତେ ଇଦିପେ ମେନ୍ତେ ସିପାଇକକେ ଆରୁକେଦକଆ । ୧୧ ପ୍ରାଭୁ ଏନ୍ ନିଦାରେଗି ପାଉଲୁସ୍‌ତାଃରେ ତିଜ୍ଞୁକେଦତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯୀରୁଶାଲେମ୍‌ରେ ଆଇଁୟାଃ ନାଗେନ୍ତେ ଗାଝାମ୍ ଏମାକାଦା । ରୋମ୍‌ରେୟଗି ଆମ୍‌କେ ନେ'ଲେକାଗି ଗାଝା ଏମ୍ ଲାଗାତିୟା ।”

ପାଉଲୁସ୍‌କେ ଗଗଏଃ ନାଗେନ୍ତେ ରୋଜୋଟ

୧୨ ଏଟାଃ ହୁଲାଙ୍ଗ୍ ସେତାଃରେ ଚିମିନ୍ ଯିହୁଦୀ ହଡ଼କ ହୁଣ୍ଡିକେଦତେକ ରୋଜୋଟକେଦା । ପାଉଲୁସ୍‌କେ ଆଉରି ଗଜି ଜାକେଦ୍ ଇନ୍କୁ ଜମ୍ ନୁଁ କାକଆଃ ମେନ୍ତେକ କିରିୟାକେଦା । ୧୩ ବାରୁହିସିହେତେ ଆଦକା ହଡ଼କ ନେ'ଲେକା ରୋଜୋଟକାଦ୍ ତାଇକେନାକ । ୧୪ ଇନ୍କୁ ସେନ୍‌କେଦତେ ମୁଲ୍ ଯାଜାକ୍ ଆତଃ ପ୍ରାତିନ୍‌କକେ କାଜିକେଦକଆକ, “ପାଉଲୁସ୍‌କେ ଆଉରି ଗଜି ଜାକେଦ୍ ଜେଡ଼ନାଃ କାଲେ ଜମେୟା ମେନ୍ତେ ଆଲେ କିରିୟାକାଦାଲେ । ୧୫ ଏନାତେ ଆପେ ବେଦାତାନ୍‌ଲଃ ଇନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗ୍‌ତାନାଲେ

\* ୨୩:୩ ୨୩:୩ ମାଥୁର ୨୩:୨୭,୨୮. \* ୨୩:୩ ୨୩:୩ କାଥ୍ ☆ ୨୩:୭ ୨୩:୭ ପ୍ରେରିତ୍ ୨୨:୫; ଫିଲିପିୟ ୩:୫. ☆ ୨୩:୮ ୨୩:୮ ମାଥୁର ୨୨:୨୩; ମାର୍କ ୧୨:୧୮; ଲୁକ ୨୦:୨୭.

ମେନ୍ତେ ଇନିଷକେ ଆପେତାଃତେ ଆଉ ନାଗେନ୍ତେ ନାହିଁଃ ମାରାଙ୍ଗ ପାଞ୍ଚେଟ୍‌ଲଃ ହାଜାର୍ ସିପାଇକଆଃ ଆଗୁଆଇତାଃତେ କାଜି କୁଲେପେ । ମେନ୍ଦ୍ ଇନିଷ ଆପେତାଃତେ ହିନ୍ଦୁଃ ସିଦାରେ ଆଲେ ଇନିଷକେ ହରାରେ ଗଜି ନାଗେନ୍ତେ ସେକାଡ଼ାକାନିଗି ତାଇନାଲେ ।”

୧୭ ମେନ୍ଦ୍ ପାଉଲୁସଆଃ ମିଶିତେୟାଃ ହନ୍ ଇନ୍‌କୁଆଃ ରୋଜୋଟ୍ କାଜି ଆୟୁମ୍‌କେଦ୍‌ତେ ଗାଡ୍ ଭିତାର୍ ସେନ୍‌କେଦ୍‌ତେ ପାଉଲୁସକେ ଉଦୁବକିୟା । ୧୭ ଏନ୍ତେ ପାଉଲୁସ୍ ମିଦ୍‌ଶାଅ ସିପାଇକଆଃ ଆଗୁଆଇକଏତେ ମିହୁଡ୍‌କେ କେଡ଼ାକେଦ୍‌ତେ କାଜିକିୟା, “ନେ ସେପେଡ୍‌ଦକେ ହାଜାର୍ ସିପାଇକଆଃ ମାରାଙ୍ଗ୍‌ନିଷତାଃତେ ଇଦିମେ, ଚିଆଃଟି ଇନିଷ ଚିନାଃ ମିଆଁଦ୍ କାଜି ସାନାଙ୍ଗ୍‌ତାନାଏ ।” ୧୮ ମିଦ୍‌ଶାଅ ସିପାଇକଆଃ ଆଗୁଆଇ ଇନିଷକେ ହାଜାର୍ ସିପାଇକଆଃ ଆଗୁଆଇତାଃତେ ଇଦିକେଦ୍‌ତେ କାଜିକିୟା, “ତଲାକାନ୍ ପାଉଲୁସ୍ ଆଇଙ୍ଗ୍‌କେ କେଡ଼ାକେଦ୍‌ତେ ନେ ସେପେଡ୍‌ଦକେ ଆବେନ୍‌ତାଃତେ ଆଉ ନାଗେନ୍ତେ କାଜିକେଦିୟା, ଚିଆଃଟି ଇନିଷ ଆବେନ୍‌କେ ଚିନାଃ ମିଆଁଦ୍ କାଜି ସାନାଙ୍ଗ୍‌ତାନାଏ ।”

୧୯ ହାଜାର୍ ସିପାଇକଆଃ ଆଗୁଆଇ ଇନିୟାଃ ତିଃଇ ସାବ୍‌କେଦ୍‌ତେ ଗେନାତେ ଇଦିକିୟାଏ ଆତଃ କୁଲିକିୟାଏ, “ଆଇଙ୍ଗ୍‌କେ ଚିନାଃ କାଜିରାଃ ମେନାଃ, କାଜିମେ ?”

୨୦ ଏନ୍ତେ ଇନିଷ କାଜିକେଦାଏ, “ପିହୁଦ୍‌ଆ ଥାକ୍‌ତେୟାର୍ ହଡ୍‌କ ରୋଜୋଟ୍‌କାଦାକ ଯେ, ପାଉଲୁସଆଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗ୍‌ତାନାକି ମେନ୍ତେ ବେଦାକେଦ୍‌ତେ, ପାଉଲୁସକେ ଗାପା ମାରାଙ୍ଗ୍ ପାଞ୍ଚେଟ୍‌ତେ ଇଦି ନାଗେନ୍ତେ ଆବେନ୍‌କେକ କାଜିବେନା । ୨୧ ମେନ୍ଦ୍ ଆବେନ୍ ଇନ୍‌କୁଆଃ କାଜି ଆଲବେନ୍ ଆୟୁମେୟା, ଚିଆଃଟି ବାର୍‌ହିସିହେତେ ଆଦ୍‌କା ହଡ୍‌କ ଇନିଷକେ ଆଉରି ଗଜି ଜାକେଦ୍ କାଲେ ଜମେୟା ମେନ୍ତେ କିରିୟାକାଦାକ ଆତଃ ଉକୁକେଦ୍‌ତେ ଇନିୟାଃ ନେଲ୍‌ହରାତାନାକ । ନାହିଁଃ ଇନ୍‌କୁ ଆବେନାଃ କାଜି ଆୟୁମ୍ ନାଙ୍ଗ୍‌କ ତାଙ୍ଗିତାନା ।”

୨୨ ହାଜାର୍ ସିପାଇକଆଃ ଆଗୁଆଇ “ଆମ୍ ଆଇଙ୍ଗ୍‌କେ ନେ କାଜିମ୍ ଉଦୁବକାଦିୟା ଏନା ଜେତାଏକେ ଆଲମ୍ କାଜିକିଆ ।” ମେନ୍ତେ କାଜିକେଦ୍‌ତେ ଇନିଷକେ କୁଲିକିୟା ।

ପାଉଲୁସ୍ କାଇସାର୍‌ତାଃତେ କୁଲିୟାନା

୨୩ ଏନ୍ତେ ହାଜାର୍ ସିପାଇକଆଃ ଆଗୁଆଇ ଆୟାଃ ମିଦ୍‌ଶାଅ ସିପାଇକଆଃ ଆଗୁଆଇ, ବାର୍‌ହଡ୍‌କିନ୍‌କେ କେଡ଼ାକେଦ୍‌ତେ କାଜିକେଦ୍‌କିନା, “ତିସିଙ୍ଗ୍‌ନିଦା ନାଅ ଘାଡ୍‌କିରେ କାଇସରିୟା ସାହାର୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆତଃ ଗେଲ୍‌ହିସି ବାଞ୍ଛା ସାବାକାଦ୍ ସିପାଇକକେ ସେକାଡ୍‌କବେନ୍ । ୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡ୍‌କବେନ୍ ଜେ'ଲେକା ଇନ୍‌କୁ ପାଉଲୁସକେ ସାଦମ୍‌ରେ ଦୁବ୍‌କେଦ୍‌ତେ ଲାଟ୍‌ସାହେବ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟେର୍ ଦାଡ୍‌ିୟା ।” ୨୫ ଏନ୍ତେ ହାଜାର୍ ସିପାଇକଆଃ ଆଗୁଆଇ ନେ'ଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଇନାନ୍ ଲାଟ୍‌ସାହେବ୍ ଫେଲିକ୍‌ସ୍‌କେ କ୍ଲୁଉଦିଆ ଲୁସିୟସ୍‌ଆଃ ଜହାର୍ । ୨୬ ମିହୁଦ୍‌ଆ ହଡ୍‌କ ନେ ହଡ୍‌କେ ସାବ୍‌କେଦ୍‌ତେ ଗଗଏଃ ନାଙ୍ଗ୍‌କ ସାନାଙ୍ଗ୍ ତାଇକେନା । ଇନିଷ ମିଆଁଦ୍ ରୋମିରେନ୍ ହଡ୍‌ ତାନିଃ ମେନ୍ତେ ସାରିକେଦ୍‌ତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦ୍‌ତେ ଇନିଷକେଇଙ୍ଗ୍ ବାଚାଅକିୟା । ୨୮ ଇନ୍‌କୁଆଃ ବିରୁଧ୍‌ରେ ଇନିଷ ଚିନାଃ ଗୁହ୍‌କାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଇନିଷକେ ଇନ୍‌କୁଆଃ ମାରାଙ୍ଗ୍ ପାଞ୍ଚେଟ୍‌ତେଇଙ୍ଗ୍ ଇଦିକିୟା । ୨୯ ମେନ୍ଦ୍ ଇନିଷ ଗନଏଃ ତାଏ

† ୨୩:୨୩ ୨୩:୨୩ ଦୁଇଶାଅ

ଜେହେଲ୍‌ରେ ସାଜାଇ ନାମେ ଲେକା ଜେତାନ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଇଙ୍ଗ୍ । ଆତଃ ଆୟାଃ ବିରୁଧ୍‌ରେ ହବାକାନ୍ ଗୁହ୍ନାଁ କାଜି ଆକଆଃ ଆନ୍ତୁ ବିରୁଧ୍ ବିଷାଏରେ ହବାକାନା । ୩୦ ଆତଃ ଇନିୟାଃ ବିରୁଧ୍‌ରେ ମିଆଁଦ୍ ରୋଜୋଟ ହବାକାନା ମେନ୍ତେ ସାରିକେଦ୍‌ତେ ଆଇଙ୍ଗ୍ ଇମ୍‌ତାଗି ଇନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁହ୍ନାଁକକେ ଆବେନାଃ ଆୟାର୍‌ରେ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡକକେଇଙ୍ଗ୍ କାଜିକାଦକଆ ।”

୩୧ ସିପାଇକ ଇନିଃ ଆରୁକାଦ୍ ଲେକାଗି ପାଉଲୁସକେ ଏନ୍ ନିଦାରେଗି ଆକ୍ତିପାକ୍ତି ନାଗାର୍‌ତେକ ଇଦିକିୟା । ୩୨ ଏଟାଃ ହୁଲାଇଁ ସେସେନ୍‌ତେ ସେନ୍‌ତାନ୍ ସିପାଇକ ଆତଃ ସାଦମ୍‌ରେ ଦୁବ୍‌କେଦ୍‌ତେ ସେନ୍‌ତାନ୍ ସିପାଇକ ଇନିଃଲଃ ସେନ୍ ନାଗେନ୍ତେ ଗାଡ୍‌ତେକ ରୁହାଡ୍‌ୟାନା । ୩୩ ଇନ୍‌କୁ ପାଉଲୁସକେ କାଇସରିୟାତେକ ଇଦିକିୟା, ଆତଃ ଏନ୍ତାଃରେ ଇନ୍‌କୁ ହାଜାର୍ ସିପାଇକଆଃ ଆଗୁଆଇଆଃ ଅନଲ୍ ଚିଟାଉଲଃ ପାଉଲୁସକେୟ ଲାଟ୍‌ସାହେବ୍‌ଆଃ ତିଃଇରେକ ଜିମାକିୟା । ୩୪ ଲାଟ୍‌ସାହେବ୍ ଏନ୍ ଅନଲ୍ ଚିଟାଉ ପାଡ୍‌ଅକେଦ୍‌ତେ ପାଉଲୁସକେ ଅକ ପାର୍‌ଗାନହେତେ ହିଜୁଃକାନାମ୍ ମେନ୍ତେ କୁଲିକିୟା । ପାଉଲୁସ୍ କିଲିକିଆ ପାର୍‌ଗାନରେନ୍ ତାନିଃ ମେନ୍ତେ ସାରିକେଦ୍‌ତେ, ୩୫ ଇନିଃ କାଜିକିୟାଏ, “ଆମ୍‌କେ ଚିଟାମେତାନ୍ ହଡକ ସେଟେରୟାନ୍ ତାୟମ୍‌ତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟାଁ ।” ଏନ୍ତେ ପାଉଲୁସକେ ହେରୋଦ୍ ରାଜାରାଃ ମାହାଲ୍‌ଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆରୁକେଦକଆ ।

## ୨୪

### ପାଉଲୁସଆଃ ବିରୁଧ୍‌ରେ ଚିଟାକାଜି

୧ ମଣେଁ ମାହାଁ ତାୟମ୍‌ତେ ମାରାଇଁ ଯାଜାକ୍ ହନାନିୟ, ଚିମିନ୍ ଯିହୁଦୀ ପ୍ରାଚିନ୍‌କକେ ଆତଃ ତର୍ଭୁଲସ୍ ନୁତୁମ୍ ମିଆଁଦ୍ ଓକିଲ୍‌ଲଃ କାଇସରିୟାତେକ ସେନଃୟାନା । ଇନ୍‌କୁ ଲାଟ୍‌ସାହେବ୍ ଫେଲିକ୍‌ସ୍‌ଆଃ ଆୟାର୍‌ରେ ପାଉଲୁସଆଃ ବିରୁଧ୍‌ରେ ଚିଟାନ୍‌କାଜିକ ଉଦୁବ୍‌କେଦା । ୨ ଏନ୍ତେ ପାଉଲୁସକେ ଏନ୍ତାଃତେକ ଆଉକିୟା ଆତଃ ତର୍ଭୁଲସ୍ ମିମିଆଦ୍‌ତେ ଇନିୟାଃ ଚିଟାନ୍‌କାଜିକ ଉଦୁବ୍‌କେଦା, “ଏ ପୁରାଃ ମାଇନାନ୍‌ନିଃ, ଆବେନାଃ ସେଣାଁନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜାଠତେଲେ ତାଇନ୍‌ତାନା, ଆତଃ ଆଲେୟାଃ ଦିଶୁମ୍‌ରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା । ୩ ସବେନ୍ ଠାୟାଦ୍‌ତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନ୍ୟାବାଦ୍‌ଲେ ପାହାମେତାନା । ୪ ଆଇଙ୍ଗ୍ ଆବେନାଃ ଆଦକା ନେଡା ଇଦି ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ଏନାତେ ଆବେନ୍ ଦାୟାକେଦ୍‌ତେ ଆଇୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିନ୍ତିତାନା । ୫ ନେ ହଡଦ୍ ପୁରାଃ ବରଝାନ୍ ହାଲାଗୁଲା ରିକାଏ ଲେକାନ୍‌ନିଃ ତାନିଃ ମେନ୍ତେଲେ ଆଟ୍‌କାରିତାନା, ଇନିଃ ଅତେଦିଶୁମ୍‌ରେୟାଃ ସବେନ୍‌ସାଃ ସେନ୍‌କେଦ୍‌ତେ ଯିହୁଦୀ ଆଲାରେ ହାଲାଗୁଲାଏ ତାନା ଆତଃ ଇନିଃ ନାଜ୍‌ରେଡ୍ ଝୁଣ୍ଡ୍‌ରେନ୍ ମିଆଁଦ୍ ଆଗୁଆଇ ତାନିଃ । ୬ ଇନିଃ ମାନ୍‌ିର୍ ଅଡ଼ାଃକେ ସଡ୍‌ରାଏ ନାଙ୍ଗ୍ ଚେଷ୍ଟା ତାଇକେନ୍ ଇମ୍‌ତା ଆଲେ ଇନିଃକେଲେ ସାଦକିୟା । ୭ ମେନ୍‌ଦ୍ ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ହିଜୁଃକେଦ୍‌ତେ ପାଉଲୁସକେ ପୁରାଃ ପେଡ଼ଃଲଃ ଆଲେତାଃଏତେ ଇଦିକିୟା ।\* 「ଆଲେ ଇନିୟାଃ ବିରୁଧ୍‌ରେ

\* ୨୪:୭ 24:7 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

ଅକନ୍ ଚିତାନ୍‌କାଜିକ କାଜିକାଦାଲେ, ଏନା ଆବେନ୍‌ଗି ନେ ହଡକେ କୁଲିକେଦ୍‌ଡେ ସାରି ଦାଡ଼ିୟାସବେନ୍ ।” ୯ ଯିହୁଦୀ ହଡକହଗି ନେ ଚିତାନ୍‌କାଜିରେ ମେସାକେଦ୍‌ଡେ ନେ ସବେନ୍ କାଜିକ ସାର୍‌ତିତାନାଃ ମେନ୍‌ଡେକ କାଜିକେଦା ।

ଫେଲିକ୍‌ସ୍‌ଆଃ ଆୟାରରେ ପାଉଲୁସ୍

୧୦ ଲାଟ୍‌ସାହେବ୍ ପାଉଲୁସ୍‌କେ କାଜି ନାଗେନ୍ତେ ଇସାରାକିୟା, ଆତଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଇଙ୍ଗ୍, ପୁରାଃ ବାରାଷ୍‌ହେତେ ଆବେନ୍ ନେ ଯିହୁଦୀ ହଡକଆଃ ବିଚାରନିଃ ହବାକାନାବେନ୍, ଏନାତେ ଆବେନାଃ ଆୟାରରେ ଆଇଙ୍ଗ୍ ଆପ୍‌ନାଃ ବାଞ୍ଛାଅଃକାଜି କାଜି ନାଗେନ୍ତେଇଙ୍ଗ୍ ରାସ୍‌କା କାନା । ୧୧ ଆବେନ୍ ଆବେନ୍‌ଗି ସାରି ଦାଡ଼ିୟାସବେନ୍ ଯେ, ଗେଲ୍‌ବାର୍ ହୁଲାଇଙ୍ଗ୍‌ଏତେ ଆଦ୍‌କା କା ହବାଅଃଆ ଆଇଙ୍ଗ୍ ଯୀରୁଶାଲେମ୍‌ଡେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା । ୧୨ ଯିହୁଦୀ ହଡକ ଆଇଙ୍ଗ୍‌କେ ମାନ୍‌ିର୍ ଅଡ଼ାଃରେ ଜେତାଏଲଃ କାପ୍‌ଜିତାନ୍ କାକ ନେଲାଇଦିୟାଁ ଚାଏ ସାମାଜ୍ ଅଡ଼ାଃରେ ଚାଏ ନାଗାରରେୟାଃ ଏଟାଃ ଜେତାନ୍ ଠାୟାଦ୍‌ରେ ହଡକକେ ଏଡକାନ୍ କାମିରେ ଉସ୍‌କୁର୍ ନାଙ୍ଗ୍ କାକ ନେଲାଇଦିୟାଁ । ୧୩ ଏନାତେ ଆଇଁୟାଃ ବିରୁଧ୍‌ରେ ନାହାଁଃ ଆଉଝାକାନ୍ ଚିତାନ୍‌କାଜିକ ନାଗେନ୍ତେ ଇନ୍‌କୁ କାକ ଉଦ୍‌ବ୍ ଦାଡ଼ିୟା । ୧୪ ଆଇଙ୍ଗ୍ ଆବେନ୍‌ତାଃରେ ମାନାତିଙ୍ଗ୍ ତାନାଇଙ୍ଗ୍ ଯେ ଅକ ହରାକେ ଇନ୍‌କୁ ହସଡ୍ ମେନ୍‌ଡେକ କାଜିତାନା, ଏନ୍ ହରାକେ ଅଡକ୍‌କେଦ୍‌ଡେ ଆଇଙ୍ଗ୍ ଆବୁଆଃ ପୁରଖା ହାଡ଼ାମ୍‌କଆଃ ପାର୍‌ମେଶ୍‌ବାର୍‌କେଇଙ୍ଗ୍ ସେଝାତାନା । ମେନ୍‌ଦ୍ ଆଇଙ୍ଗ୍‌ହଗି ମୁଶା ନାବୀଆଃ ଆନ୍‌ରୁ ଆତଃ ନାବୀକଆଃ ପୁଥ୍‌ରେ ଅଲାଇକାନ୍ ସବେନ୍ ବିଷାଏ ବିଶ୍ୱାସ୍‌ତାନାଇଙ୍ଗ୍ । ୧୫ ନେ ହଡକଆଃ ଲେକାଗି ପାର୍‌ମେଶ୍‌ବାର୍‌ତାଃରେ ଆଇଁୟାଃ ମିଆଁଦ୍ ଆସ୍ତା ମେନାଃ ଚି, ଧାର୍‌ମାନ୍ ଆତଃ ଏଡକାନ୍ ସବେନ୍ ହଡକଆଃ ଗନ୍‌ଏଃହେତେ ଜୀଉବିନିରିଦ୍ ମେନାଃ । ୧୬ ଏନାତେ ପାର୍‌ମେଶ୍‌ବାର୍ ଆତଃ ହଡକଆଃ ସାମ୍‌ନାଙ୍ଗ୍‌ରେ ନିରାଲ୍ ବିବେକ୍ ଲେକାତେ ଚାଇଲ୍ ଚାଲାଇ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମ୍‌ତାଇଙ୍ଗ୍ ସାନାଙ୍ଗ୍‌ତାନା ।

୧୭ \*“ପୁରାଃ ସିର୍ମାହେତେ ଯୀରୁଶାଲେମ୍‌ଡାଃଏତେ ସାଜିନ୍‌ରେ ତାଇକେନ୍ ତାୟମ୍‌ଡେ, ଆଇଁୟାଃ ଆପ୍‌ନାଃ ହଡକ ନାଗେନ୍ତେ ଚିମିନ୍ ଟାକା ପାଏସା ଇଦି ନାଗେନ୍ତେ ଆତଃ ଦାଣ୍ଟେ ରାକାବେ ନାଗେନ୍ତେ ଆଇଙ୍ଗ୍ ଏନ୍ତାଃତେଇଙ୍ଗ୍ ସେନାକାନ୍ ତାଇକେନା । ୧୮ ଆଇଙ୍ଗ୍ ଫାର୍‌ତିନ୍‌ରେୟାଃ ଚିତିରିଝାଜ୍ ଟୁଣ୍ଡୁ ତାଇକେନ୍ ଇମ୍‌ତା ଇନ୍‌କୁ ଆଇଙ୍ଗ୍‌କେ ମାନ୍‌ିର୍ ଅଡ଼ାଃରେକ ନେଲ୍‌କେଦିୟାଁ । ଇମ୍‌ତା ଆଇଙ୍ଗ୍‌ଲଃ ଗାଦେଲ୍ ହଡକ କାକ ତାଇକେନା ଚାଏ ହାଲାଇଗୁଲାଇ କା ହବାଅଃ ତାଇକେନା । ୧୯ ମେନ୍‌ଦ୍ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହଡକ ଏନ୍ତାଃରେକ ତାଇକେନା, ଇନ୍‌କୁଆଃ ଜେଡନାଃ କାଜିରାଃ ତାଇକାନ୍‌ଡେୟାଃ ରେଦ୍, ଇନ୍‌କୁ ଆକଗି ଆବେନାଃ ହେପାଦ୍‌ଡେ ହିଜ୍‌କେଦ୍‌ଡେ ଆଇଁୟାଃ ବିରୁଧ୍‌ରେ ଚିତାନ୍‌କାଜି କାଜି ଦାଡ଼ିକାତେଡେୟାଃକ । ୨୦ ଆତଃଗି ଆଇଙ୍ଗ୍ ମାରାଙ୍ଗ୍ ପାଞ୍ଚେଟ୍ ଆୟାରରେ ତିଙ୍ଗ୍‌କାନ୍ ତାଇକେନାଇଙ୍ଗ୍ ଇମ୍‌ତା, ଆଇଙ୍ଗ୍ ଅକ ଏଡକାନ୍ କାମିରେୟାଃ ଗୁହ୍ନାରେଇଙ୍ଗ୍ ଚିଟାକାନା, ଏନା ନେତାଃରେ ଅକ ହଡକ ମେନାକଆ, ଇନ୍‌କୁ କାଜିକାକ । ୨୧ \*ଆଇଙ୍ଗ୍ ଇନ୍‌କୁଆଃ ଆୟାରରେ ତିଙ୍ଗ୍‌କେଦ୍‌ଡେ ମିଆଁଦ୍ କାଜି ଏସ୍‌କାର୍ କାଜିକାଦ୍ ତାଇକେନାଇଙ୍ଗ୍, ଏନା ହବାଅଃତାନା, ‘ଗନ୍‌ଏଃ ହଡକଆଃ ଜୀଉବିନିରିଦ୍ ମେନାଃ ମେନ୍‌ଡେ ଆଇଙ୍ଗ୍ ବିଶ୍ୱାସ୍‌ତାନ୍ ହରାତେ ତିସିଙ୍ଗ୍ ବିଚାରତାନାଇଙ୍ଗ୍ ।”

\* ୨୪:୧୭ ୨୪:୧୭ ପ୍ରେସ୍‌ବିଟି ୨୧:୧୭-୨୮.      \* ୨୪:୨୧ ୨୪:୨୧ ପ୍ରେସ୍‌ବିଟି ୨୩:୬.

୨୭ ଫେଲିକ୍ସ୍ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆଡ଼ଃଗି କା ଆୟୁମକେଦ୍‌ତେ କାଜିକେଦା, “ହାଜାର୍ ସିପାଇକଆଃ ଆଗୁଆଇଲ ଲୁସିୟସ୍ ସେଟେରାଏ ଇମ୍‌ତା, ଆଇଙ୍ଗ୍ ଆମାଃ ବିଷାଏରେୟାଃ କାଜିଇଙ୍ଗ୍ ଉହାଟେୟା ।” ୨୩ ଇନିଃ ପାଉଲୁସ୍‌କେ ଜେହେଲ୍‌ରେ ଦହ ନାଙ୍ଗ୍ ମିଦ୍‌ଶାଅ ସିପାଇକଆଃ ଆଗୁଆଇକେ ଆରୁକିୟା, ମେନ୍‌ଦ ପାଉଲୁସ୍‌କେ ସିକିଡ଼ିତେ କା ତଲ୍‌କେଦ୍‌ତେ ପୁରା ରାଡ଼ାଗି ତାଇନ୍‌କା ଆଡ଼ଃ ଆୟାଃ ଗାତିକ ନେପେଲ୍ ନାଙ୍ଗ୍ ହିଜୁଃରେ ଚାଏ ଆୟାଃ ଲାଗାଡ଼ିଙ୍ଗ୍‌ତେୟାଃକ ଜଗାଅରେ, ଏମ୍‌ଇଟିକମ୍ ।

ଫେଲିକ୍ସ୍ ଆଡ଼ଃ ଦୁସିଲା ଆୟାରରେ ପାଉଲୁସ୍

୨୪ ଚିମିନ୍ ହୁଲାଙ୍ଗ୍‌ରାଃ ତାୟମ୍‌ତେ ଫେଲିକ୍ସ୍ ଆୟାଃ ଯିହୁଦୀ କୁଡ଼ି ଦୁସିଲାଲଃ ହିଜୁଃୟାନାଏ, ଇନିଃ ପାଉଲୁସ୍‌କେ କେଡ଼ାକେଦ୍‌ତେ ଯାଶୁ ଖ୍ରୀଷ୍ଟ୍‌ତାଃରେ ବିଶ୍ୱାସ୍ ନାଙ୍ଗ୍ ଆୟାଃ କାଜି ଆୟୁମକେଦା । ୨୫ ମେନ୍‌ଦ ଚିମ୍‌ତା ପାଉଲୁସ୍ ଧାର୍‌ମାନ୍ ବିଷାଏ, ଆପ୍‌ନାଃ ମନ୍‌କେ ଆବରରେ ଦହ ଆଡ଼ଃ ହିଜୁଃତାନ୍ ବିଚାର୍ ହୁଲାଙ୍ଗ୍ ବିଷାଏରେ ଜାଗାର୍ ତାଇକେନାଏ, ଫେଲିକ୍ସ୍ ବରୟାନାଏ ଆଡ଼ଃ କାଜିକେଦାଏ, “ଆମ୍ ନାହାଁଃ ସେନଃ ଦାଡ଼ିୟାମ୍ । ସୁଯୋଗ୍ ନାମେରେ, ଆଡ଼ଃମିସା ଆମ୍‌କେଇଙ୍ଗ୍ କେଡ଼ାମେୟା ।” ୨୬ ଏନ୍ ନେତାରେ ଇନିଃ ପାଉଲୁସ୍‌ତାଃଏତେ ଚାକା ପାଏସା ନାମେୟାଇଙ୍ଗ୍ ମେନ୍ତେ ଆସ୍ତାକାଦ୍ ତାଇକେନା, ଏନାମେନ୍ତେ ଇନିଃ ସବେନ୍ ଇମ୍‌ତା ଇନିଃକେ କେଡ଼ା ଆଡ଼କେଦ୍‌ତେ ଜାଗାର୍‌ତାନ୍ ତାଇକେନା ।

୨୭ ନେଲେକା ବାର୍ ସିମ୍‌ା ହବାୟାନ୍ ତାୟମ୍‌ତେ ପୋକ୍‌ୟସ୍ ଫେଷ୍ଟସ୍, ଫେଲିକ୍ସ୍‌ଆଃ ଠାୟାଦ୍‌ରେ ଲାଟ୍‌ସାହେବ୍ ଲେକାଏ ସାଲାୟାନା । ଫେଲିକ୍ସ୍, ଯିହୁଦୀ ହଡ଼କ ସୁକୁଆଇଙ୍ଗ୍‌କାକ ମେନ୍ତେ ସାନାଙ୍ଗ୍‌କେଦ୍‌ତେ ପାଉଲୁସ୍‌କେ କା ରାଡ଼ାକେଦ୍‌ତେ ଜେହେଲ୍‌ରେ ବାଗିକିୟା ।

## ୨୫

କାଇସାର୍‌ଆଃ ଆୟାରରେ ପାଉଲୁସ୍‌ଆଃ ବିନ୍ତି

୧ ଫେଷ୍ଟସ୍ ଏନ୍ ପାର୍‌ଗାନ୍‌ତେ ସେଟେରୟାନ୍‌ରାଃ ଆପି ମାହାଁ ତାୟମ୍‌ତେ କାଇସରିୟାହେତେ ଯୀରୁଶାଲେମ୍‌ତେ ସେନଃୟାନା । ୨ ଏନ୍ତାଃରେ ମୁଲ୍ ଯାଜାକ୍ ଆଡ଼ଃ ଯିହୁଦୀ ଆଗୁଆଇକ ଆଡ଼ଃମିସା ପାଉଲୁସ୍‌ଆଃ ବିରୁଧ୍‌ରେ ଚିଟାନ୍‌କାଜିକ ଫେଷ୍ଟସ୍‌ଆଃ ଆୟାରରେ ବିନ୍ତିକେଦାକ । ୩ ପାଉଲୁସ୍‌କେ ଯୀରୁଶାଲେମ୍‌ତେ ଆଉ ନାଙ୍ଗ୍ ଆରୁକମ୍ ମେନ୍ତେ ଇନ୍‌କୁ ଫେଷ୍ଟସ୍‌କେ କାଜିଗହାର୍‌କିୟାକ, ଚିଆଃଟି ଇନ୍‌କୁ ପାଉଲୁସ୍‌କେ ହରାରେ ଗଗଏଃ ନାଙ୍ଗ୍ ରୋଜୋଟକେଦ୍‌ତେ ଉହାଟ୍‌କାଦ୍ ତାଇକେନାକ । ୪ ଫେଷ୍ଟସ୍ କାଜିକେଦାଏ, “ପାଉଲୁସ୍‌କେ କାଇସରିୟାରେୟାଃ ଜେହେଲ୍‌ରେ ଦହକାନା ଆଡ଼ଃ ଆଇଙ୍ଗ୍ ଏନ୍ତାଃତେ ଜାଲ୍‌ଦିଗିଇଙ୍ଗ୍ ସେନ୍‌ରୁହାଡ଼ା । ୫ ଇନିଃ ଜେଡ୍‌ନାଃ ଗୁହ୍ନାଁକାଦ୍‌ରେଦ୍, ଆପେୟାଃ ଆଗୁଆଇକ ଆଇୟାଃଲଃ କାଇସରିୟାତେ ସେନ୍‌କାକ ଆଡ଼ଃ ଇନ୍‌କୁ ଇନିଃ କା ଠାଉକାନ୍‌କାମି କାମିକାଦ୍‌ତେୟାଃ ଉଦୁବେକାକ ।”

୬ ଫେଷ୍ଟସ୍ ଇନ୍‌କୁଆଃଲଃ ଇରାଲିୟା\* ଚାଏ ଗେଲେୟା ମାହାଁଏତେ ଆଦକା କା ତାଇନ୍‌କେଦ୍‌ତେ କାଇସରିୟାତେ ରୁହାଡ଼ୟାନା । ଏଟାଃ ହୁଲାଙ୍ଗ୍ ଇନିଃ ବିଚାରରେୟାଃ କାଚାଇରିରେ ଦୁବ୍‌କେଦ୍‌ତେ ପାଉଲୁସ୍‌କେ ଆଉ ନାଗେନ୍ତେ ହୁକୁମକେଦା । ୭ ପାଉଲୁସ୍ ହିଜୁଃୟାନତି ଯୀରୁଶାଲେମ୍‌ରେନ୍ ଯିହୁଦୀ ହଡ଼କ ଆୟାଃ ଚାରିୟାଃରେ ଜୁରୁହୁଣ୍ଡିକେଦ୍‌ତେ ତିଙ୍ଗୁୟାନାକ ଆଡ଼ଃ ଆୟାଃ ବିରୁଧ୍‌ରେ ପୁରାଃଗିକ କାଜିକେଦା । ମେନ୍‌ଦ ଇନ୍‌କୁ ଏନ୍ କାଜିକେଦ୍‌ତେୟାଃରାଃ ସାରୁଦ୍

\* ୨୫:୭ ୨୫:୭ ଆଠ

କାକ ଏମ୍ ଦାଡ଼ିକେଦା । ୮ ମେନ୍‌ଦ ପାଉଲୁସ୍ ଆପନାଃ ବାଚାଅଃ ରିକା ନାଜ୍ କାଜିକେଦାଏ, “ଯିହୁଦୀ ହଡ଼କଆଃ ଆନ୍‌ତୁ ବିରୁଧ୍‌ରେ ଚାଏ ମାନ୍‌ଦିର୍ ଅଡ଼ାଃ ବିରୁଧ୍‌ରେ ଚାଏ କାଲସାର୍‌ଆଃ ବିରୁଧ୍‌ରେ ଜେଡ଼ନାଃ କାଲଜ୍ ଗୁଣ୍ଟାକାଦା ।”

୯ ମେନ୍‌ଦ ଫେଷ୍ଟସ୍ ଯିହୁଦୀ ହଡ଼କ ସୁକୁଃକାକ ମେନ୍‌ତେ ପାଉଲୁସ୍‌କେ କୁଲିକିୟା, “ଯୀରୁଶାଲେମ୍‌ତେ ସେନ୍ ନାଜ୍ ଆଡ଼ଃ ଏନ୍ତାଃରେ ଆଇୟାଃ ହେପାଦ୍‌ରେ ନେ ସବେନ୍ ଗୁଣ୍ଟା କାଜିକ ବିଚାର୍ ନାଗେନ୍ତେ ଆମ୍ ଚିନାଃ ସାନାଜ୍‌ତାନାମ୍ ?”

୧୦ ପାଉଲୁସ୍ କାଜିକେଦାଏ, “ଆଇଜ୍ କାଲସାର୍‌ଆଃ ବିଚାର୍ ଠାୟାଦ୍ କାଚାଲରିରେ ତିଜ୍‌ଆକାନାଲଜ୍ । ନେତାଃରେଗି ଆଇୟାଃ ବିଚାର୍ ହବାଅଃ ଲାଗାତିୟାଃ । ଆବେନ୍ ଆବେନ୍‌ଗି ବୁଗିଲେକା ସାରିତାନାବେନ୍, ଆଇଜ୍ ଯିହୁଦୀ ହଡ଼କଆଃ ବିରୁଧ୍‌ରେ ଜେଡ଼ନାଃ କାଲଜ୍ ଅନ୍‌ୟାୟ । ୧୧ ଆଇଜ୍ ଆନ୍‌ତୁ ଚଟାଃକେଦ୍‌ତେ ଗଜେନ୍ ଲେକା ଜେତା ଅନ୍‌ୟାୟ କାମିଇଜ୍ କାମିକାଦ୍‌ରେଦ୍, ଏନାଏତେ ବାଞ୍ଚାଅଃ ନାଗେନ୍ତେ କାଲଜ୍ ସାନାଜ୍‌ତାନା । ମେନ୍‌ଦ ଇନ୍‌କୁ ଆଇୟାଃ ବିରୁଧ୍‌ରେ ଆଉଖାକାଦ୍ ଚିଟାଅଃକାଜିକରେ ଜେତାନ୍ ସାନାର୍‌ତି ବାନଃରେଦ୍, ଜେତାଏ ଆଇଜ୍‌କେ ଇନ୍‌କୁଆଃ ତିଃଇରେ ଜିମା କାଏ ଦାଡ଼ିୟା । ଆଇୟାଃ କାଲସାର୍‌ତାଃରେ ବିଚାର୍ ହବାଅଃକା ମେନ୍‌ତେଇଜ୍ କାଜିଗହାର୍‌ତାନାଃ ।” ୧୨ ଏନ୍ତେ ଫେଷ୍ଟସ୍, ମାରାଜ୍ ପାଞ୍ଚେଟ୍‌ରେନ୍ ପାଞ୍ଚକଲଃ ଜାଗାର୍ ଚାବାକେଦ୍‌ତେ କାଜିରୁହାଡ଼କେଦା, “ଆମ୍ କାଲସାର୍‌ତାଃରେ କାଜିଗହାର୍‌କାଦାମ୍, ଏନାମେନ୍ତେ ଆମ୍ କାଲସାର୍‌ତାଃତେମ୍ ସେନା ।”

ଆଗ୍ରିପା ଆଡ଼ଃ ବର୍‌ନିସ୍‌ଆଃ ଆୟାର୍‌ରେ ପାଉଲୁସ୍

୧୩ ଚିମିନ୍ ମାହାଁ ସେନଃୟାନ୍ ତାୟମ୍‌ତେ ରାଜା ଆଗ୍ରିପା ଆଡ଼ଃ ବର୍‌ନିସ୍, ଫେଷ୍ଟସ୍‌କେ ଦାରମି ନାଗେନ୍ତେ କାଲସରିୟା ପାର୍‌ଗାନ୍‌ତେକ ହିଜୁଃୟାନ୍ । ୧୪ ଏନ୍ତାଃରେ ଇନ୍‌କୁ ଚିମିନ୍ ମାହାଁ ତାଇକେଦ୍‌ତେ ରାଜା ଫେଷ୍ଟସ୍‌କେ ପାଉଲୁସ୍‌ଆଃ ବିଷାଏରେ କାଜିକିୟାକ, “ଫେଲିକ୍‌ସ୍ ଜେହେଲକାଲ ମିଆଁଦ୍ ହଡ଼ ନେତାଃରେ ମିନାଲୟା । ୧୫ ଆଡ଼ଃ ଆଇଜ୍ ଯୀରୁଶାଲେମ୍‌ତେ ସେନାକାନ୍ ତାଇକେନାଲଜ୍ ଇମ୍‌ତା, ଯିହୁଦୀ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍‌କ ଇନିୟାଃ ବିରୁଧ୍‌ରେ ଚିମିନ୍ ଚିଟାନ୍‌କାଜିକ ଆଉକେଦା ଆଡ଼ଃ ଇନ୍‌କୁ ଆଇଜ୍‌କେ ଇନିଃକେ ସାଜାଲ ନାଗେନ୍ତେକ କାଜିକେଦିୟା । ୧୬ ମେନ୍‌ଦ ଆଇଜ୍ ଇନ୍‌କୁକେ କାଜିକେଦକଆଇଜ୍ ଚି, ମିଆଁଦ୍ ଚିଟାକାନ୍ ହଡ଼କେ ବିଚାର୍‌ରେୟାଃ କାଚାଲରିରେ ଆଇଃକକେ ଚିଟାକାଲ ହଡ଼କଆଃ ସାମ୍‌ନାଜ୍‌ରେ ଆପାନ୍‌କେ ବାଚାଞ୍ଜେନ୍‌କାଜି କାଜି ନାଗେନ୍ତେ ସୁଯୋଗ୍ ଏମ୍ ସିଦାରେ ଇନିଃକେ ସାଜାଲ ଏମ୍ ନାଜ୍ ଜିମା ରିକାରେୟାଃ ରୋମିରେନ୍ ହଡ଼କଆଃ ଆଇନ୍ ନାହାଁଲାଃ । ୧୭ ଇନ୍‌କୁ ନେତାଃତେ ହିଜୁଃୟାନ୍ ତାୟମ୍‌ତେ ଆଇଜ୍ ବେଗାର୍ ବିଲାମ୍‌କେଦ୍‌ତେ ଏନାରେୟାଃ ଏଟାଃ ହୁଲାଜ୍ କାଚାଲରିରେ ଦୁବ୍‌ୟାନାଲଜ୍ ଆଡ଼ଃ ପାଉଲୁସ୍‌କେ ଭିତାର୍‌ତେ ଆଉ ନାଜ୍ ଆଚୁକେଦକଆଇଜ୍ । ୧୮ ଆଇଃକକେ ଚିଟାଲତାନ୍ ହଡ଼କ ଆୟାଃ ବିରୁଧ୍‌ରେ କାଜି ନାଗେନ୍ତେକ ତିଜ୍‌ୟାନା, ମେନ୍‌ଦ ଆଇଜ୍ ମନେକାଦ୍ ତାଇକେନ୍ ଲେକା ଚିଟାଅଃରାଃ କାଜି ଆଉୟାକ ମେନ୍‌ତେଇଜ୍ ଉଡ଼ଃକାଦ୍ ତାଇକେନା, ମେନ୍‌ଦ ଇନ୍‌କୁ ଏନ୍ ଲେକା କାକ ଦାଡ଼ିକେନା । ୧୯ ଇନ୍‌କୁ ସବେନ୍‌କ ଆକଆଃ ଧାରାମ୍ ବିଷାଏରେ ଆଡ଼ଃ ଯୀଶୁ ନୁତୁମ୍ ମିଆଁଦ୍ ହଡ଼, ଗଜାକାନ୍‌କଏତେ ଜୀଉବିରିଦାକାନାଏ ମେନ୍‌ତେ ପାଉଲୁସ୍ କାଜିତାନ୍ ବିଷାଏରେ ଜାଗାର୍‌ତାନାକ । ୨୦ ଆଇଜ୍ ନେ ସବେନ୍ ବିଷାଏରେ ଆଡ଼ଃଗି ବୁଗିଲେକା ସାରିନାମ୍ ନାଗେନ୍ତେ ଚିନାଃ ରିକା ଲାଗାତିୟା, ଏନା କାଲଜ୍ ଉହାଟ୍ ଦାଡ଼ିୟାନ୍ ହରାତେ, ନେ ଚିଟାନ୍‌କାଜିରେ ବିଚାରଃ ନାଜ୍ ପାଉଲୁସ୍‌କେ ଯୀରୁଶାଲେମ୍‌ତେମ୍



ସେନାଟି ମେନ୍ତେଇଜ୍ କୁଲିକିୟା । ୨୧ ମେନ୍ଦ ପାଉଲୁସ୍, ଆଇଃକ୍‌ଗି ରୋମିରେନ୍ ହାକିମ୍ ଆଇଜ୍‌କେ ବିଚାରିଜ୍‌କା ମେନ୍ତେ କାଜିଗରଜ୍‌କେଦା, ଏନାତେ ଆଇଜ୍‌କେ ଜନିଃକେ କାଲ୍‌ସାଋତାଃତେ ଆଉରି କୁଲି ଜାକେଦ୍ ଜେହେଲ୍‌ରେ ଦହକେଦ୍‌ତେ ଦାର୍‌ଖାନ୍‌କକେ ହର ନାଜ୍ ଆରୁକାଦ୍‌କଆଇଜ୍ ।”

୨୨ ଆଗ୍ରିପା ଫେଷ୍ଟସ୍‌କେ କାଜିକିୟା, “ଆଇଜ୍‌ଗି ନେ ହଡ଼ରାଃ କାଜି ଆୟୁମ୍ ନାଗେନ୍ତେଇଜ୍ ସାନାଜ୍‌ତାନା ।” ଫେଷ୍ଟସ୍ କାଜିରୁହାଡ଼କିୟାଏ, “ଗାପା ଆବେନ୍ ଜନିୟାଃ କାଜିବେନ୍ ଆୟୁମେୟା ।”

୨୩ ଏନାରେୟାଃ ଏଟାଃ ହୁଲାଜ୍ ଆଗ୍ରିପା ଆତଃ ବର୍ନିସ୍ ପୁରାଃ ମାରାଜ୍ ପାଞ୍ଚେଟ୍‌କେ ହିନ୍ଦୁୟାନା ଆତଃ ହାଜାର୍ ସିପାଲକଆଃ ଆଗୁଆଇକ ଆତଃ ନାଗାରରେନ୍ ମାପ୍‌ରାଜ୍ ହଡ଼କଲଃ କାତାଲରିତେ ବଲୟାନାକ । ଫେଷ୍ଟସ୍‌ଆଃ ହୁକୁମ୍‌ତେ ପାଉଲୁସ୍‌କେ ଭିତାଟ୍‌କେ ଆଉକିୟା । ୨୪ ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆତଃ ନେତାଃରେ ମେନାକ ସବେନ୍ ମାଇନାନ୍ ହଡ଼କ, ଆପେ ନେଲିତାନ୍ ନେ ହଡ଼ଆଃ ବିରୁଧ୍‌ରେ ନେତାଃରେନ୍ ହଡ଼କ ଆତଃ ଯୀରୁଶାଲେମ୍‌ରେ ତାଇନ୍‌ତାନ୍ ଯିହୁଦୀ ହଡ଼କ ଆଇଜ୍‌ତାଃତେ ଜନିୟାଃ ଗୁଣ୍ଟାକାଜିକ ଆଉଝାକାଦା । ଜନିଃ ଜାନିଦ୍ ଆଲକାଏ ତାଇନଃକା ମେନ୍ତେ ଜନ୍‌କୁ ସବେନ୍‌କ କାଉରିୟାକାଦାକ । ୨୫ ମେନ୍ଦ ଜନିଃ ଗନ୍‌ଏଃ ସାଜାଇ ନାମେଲେକା ଜେତାନ୍ କାମି କାଲ୍‌ଜ୍ ନାମକେଦା । ଜନିଃ ଆଇଃକ୍‌ଗି ରୋମିରେନ୍ ହାକିମ୍‌କେ କାଜିଗହାଋକାଇ ହରାତେ, ଆଇଜ୍‌କେ ଜନିଃକେ ରୋମ୍‌ତେ କୁଲ୍ ନାଜ୍ ଉହାଋକାଦାଇଜ୍ । ୨୬ ମେନ୍ଦ ଜନିୟାଃ ବିଷାଏରେ ହାକିମ୍‌ତାଃତେ ଅଲ୍ ନାଜ୍ ଜେଡ଼ନାଃ କାଲ୍‌ଜ୍ ନାମେତାନା । ଏନାତେ ଆଇଜ୍‌କେ ଜନିଃକେ ଆପେତାଃତେ, ବିଶେଷ୍‌କେଦ୍‌ତେ ରାଜା ଆଗ୍ରିପା, ଆବେନାଃ ଆୟାଋତେଇଜ୍ ଆଉକିୟା, ଜେଲେକାଟି ଜନିୟାଃ ବିଷାଏ ବୁଗିଲେକା କୁଲିକେଦ୍‌ତେ ଆଇଜ୍‌କେ ରୋମିରେନ୍ ହାକିମ୍‌ତାଃତେ ଜେଡ଼ନାଃଇଜ୍ ଅଲ୍ ଦାଡ଼ିୟା । ୨୭ ଚିଆଃଟି ମିଆଁଦ୍ ଜେହେଲାକାନ୍‌ନିୟାଃ ବିରୁଧ୍‌ରେ ତାଇକାନ୍ ଚିଟାନ୍‌କାଜିକ ବୁଗିଲେକା କା ଉଦ୍‌ବ୍‌କେଦ୍‌ତେ ଜନିଃକେ ହାକିମ୍‌ତାଃତେ କୁଲ୍‌ତେୟାଃ କା ଠାଉକା ଲେକାଇଜ୍ ଆଋକାରେତାନା ।”

## ୨୭

### ଆଗ୍ରିପା ଆୟାଋରେ ପାଉଲୁସ୍

୧ ଆଗ୍ରିପା ପାଉଲୁସ୍‌କେ କାଜିକିୟା, “ଆମ୍ ନାହାଁଃ ଆମାଃ ସାଃଏତେ ଜେଡ଼ନାଃ କାଜି ଦାଡ଼ିୟାଃମ୍ ।” ପାଉଲୁସ୍ ତିଃଇ ଜିଲିଜ୍‌କେଦ୍‌ତେ ଆୟାଃ ଆପ୍‌ନାଃସାଃଏତେ ବାଞ୍ଚାଅଃ ନାଜ୍ କାଜିକେଦାଏ,

୨ “ହେ ରାଜା ଆଗ୍ରିପା, ଯିହୁଦୀ ହଡ଼କ ଆଇଜ୍‌କେ ଚିଟାଇଜ୍‌ତାନ୍ ସବେନ୍ କାଜିକ ନାଗେନ୍ତେ ଆଇଜ୍‌କେ ତିସିଜ୍ ଆବେନାଃ ଆୟାଋରେ ଆପ୍‌ନାଃସାଃଏତେ ବାଞ୍ଚାଅଃ ନାଜ୍ କାଜିରେୟାଃ ସୁଯୋଗ୍ ଏମାକାନ୍ ହରାତେ ପୁରାଃଗିଇଜ୍ ସୁକୁକାନା । ୩ ଚିଆଃଟି ଯିହୁଦୀ ହଡ଼କଆଃ ରିତିରିଝାଜ୍ ଆତଃ ଜନ୍‌କୁଆଃ ଏପ୍‌ରାଜ୍ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିକ୍ରିବେନ୍ ତାନାଇଜ୍, ଆବେନ୍ ଧିରାଜ୍‌ତେ ଆଇୟାଃ କାଜି ଆୟୁମେବେନ୍ ।

୪ “ମିଦ୍ ସିଟିଆଏତେ ଆଇୟାଃ ଜୀଦାନ୍‌ରେୟାଃ ଚାଇଲ୍ ଚାଲାନ୍ ବିଷାଏରେ ସବେନ୍ ଯିହୁଦୀ ହଡ଼କ ସାରିକାଦାକ । ସିଦାତେ ଆଇୟାଃ ଆପ୍‌ନାଃ ଦିଶ୍ଟମ୍‌ରେ ଏନ୍ତେ ଯୀରୁଶାଲେମ୍‌ରେ ଆଇଜ୍‌କେ ଚିଲ୍‌କା ଜୀଦାନ୍ ବିତାଅକାଦାଇଜ୍, ଏନାହ ଜନ୍‌କୁ ସାରିକାଦାକ । ୫ \*ଆଇଜ୍‌କେ ସିଦାଏତେଗି ଫାରୁଶୀ ନୁଡୁମ୍ ଆଲେୟାଃ

☆ ୨୭:୫ ୨୭:୫ ପ୍ରେସ୍‌ବିଟିଆନ ୨୩:୭; ଫିଲିପିୟ ୩:୫.

ଧାରାମ୍ରେୟାଃ ସବେନାଃଏତେ କେଟେୟାନ୍ ଝୁଣ୍ଡରେନ୍ ହତ୍ତ ତାଇକେନାଇଈ, ଏନା ଇନ୍କୁ ସାରିତାନାକ ଆତଃ ସାନାଈ ତାନରେଦ, ଇନ୍କୁ ନେ ବିଷାଏରେ ଗାଞ୍ଜା ଏମ୍ ଦାଡ଼ିୟାଃକ ।<sup>୬</sup> ପାର୍ମେଶ୍ଵାର୍ ଆଲେୟାଃ ପୁରୁଖା ହାତ୍ତାମ୍‌କକେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇଁୟାଃ ଆସ୍ତା ମେନାଃ ହରାତେ ତିସିଈ ଆଇଈ ନେତାଃରେ ବିଚାର୍ ହବାଅଃ ନାଈ ତିଈକାନାଇଈ ।<sup>୭</sup> ଆଲେୟାଃ ହତ୍ତକଆଃ ଗେଲ୍‌ବାର୍ କିଲିକ ନିଦା ସିଈ ପାର୍ମେଶ୍ଵାର୍‌ଆଃ ସେଞ୍ଜାକେଦ୍‌ତେ ଏନ୍ ମିଆଁଦ୍ ବିଷାଏରି ନାମେ ନାଗେନ୍ତେକ ଆସ୍ତାକାଦା । ହେ ମାଇନାନ୍ ରାଜା ଆଗ୍ରିପା, ଆଇଁୟାଃ ଏନ୍ ଆସ୍ତା ହରାତେ ଯିହୁଦୀ ହତ୍ତକ ଆଇଈକେକ ଚିଟାଇଈତାନା ।<sup>୮</sup> ପାର୍ମେଶ୍ଵାର୍ ଗଜାକାନକକେ ଜୀଉବିରିଦ୍‌କଆ, ନେ କାଜି ତିନାଃମେନ୍ତେ ଆପେୟାଃ ବିଚାର୍‌ରେ କା ପାତିୟାର୍‌ରଃ ଲେକାପେ ଆବ୍‌କାରେତାନା ?

<sup>୯</sup> \* “ନାଜରେତ୍‌ରେନ୍ ଯୀଶୁଆଃ ନୁତୁମ୍ ବିରୁଧରେ ଆଇଁୟାଃ ପୁରାଃଗି କାମି ରିକା ଲାଗାତିଈୟାଃ ମେନ୍ତେଇଈ ଉଡ଼ୁକାଦ୍ ତାଇକେନା ।<sup>୧୦</sup> ଯୀରୁଗାଲେମ୍‌ରେ ଆଇଈ ଏନ୍‌ଲେକାଗିଇଈ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆତ୍‌କେଦ୍‌ତେ ପାର୍ମେଶ୍ଵାର୍‌ଆଃ ପୁରାଃ ପାବିତାର୍ ହତ୍ତକକେ ଜେହେଲ୍‌ରେ ଦହକେଦ୍‌କଆଇଈ ଆତଃ ଇନ୍କୁକେ ଗିନ୍‌ଏଃ ସାଜାଇ ଏମଃ ଇମ୍‌ତା ଆଇଈ ଇନ୍କୁଆଃ ବିରୁଧରେ ତାଇକେନାଇଈ ।<sup>୧୧</sup> ପୁରାଃସାଃ ସାମାଜ୍ ଅତାଃକରେ ଆଇଈ ଇନ୍କୁକେ ସାଜାଇ ଏମାକାଦ୍‌କଆଇଈ ଆତଃ ଇନ୍କୁ ଯୀଶୁକେ ନିଦାକେଦ୍‌ତେ ବିଶ୍ଵାସକାଦ୍‌ତେୟାଃକେ ବାଗିପେ ମେନ୍ତେଇଈ କାଜିକତାଇକେନା । ଆଇଈ ଇନ୍କୁଆଃ ନାଗେନ୍ତେ ନିମିନାଈ ଖସ୍‌କାନ୍ ତାଇକେନାଇଈ ଯେ, ଇନ୍କୁକେ ସାସାତି ରିକା ନାଗେନ୍ତେ ଏଟାଃଦିଶୁମ୍‌ରାଃ ନାଗାର୍‌କତେହଗି ସେନାକାନ୍ ତାଇକେନାଇଈ ।

ପାଉଲ୍‌ସ୍ ଆୟାଃ ମନ୍‌ରୁହାଡ଼ ବିଷାଏରେ କାଜିକେଦା  
(ପ୍ରେସ୍ ୯:୧-୧୯; ୨୭:୬-୧୬)

<sup>୧୨</sup> “ନେ ଉଦେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆତଃ ଆନାରୁ ଆତ୍‌କେଦ୍‌ତେ ଆଇଈ ଦମାସ୍‌କସ୍‌ତେ ସେନାକାନ୍ ତାଇକେନାଇଈ ।<sup>୧୩</sup> ହେ ମାଇନାନ୍ ରାଜା ଆଗ୍ରିପା, ମୁସିଈ ତିକିନ୍‌ସିଈ ଇମ୍‌ତା ସେନ୍ ହରାରେ ଆଇଈ ସିଈଏତେ ଆଦ୍‌କା ମାର୍‌ସାଲ୍ ନେଲ୍‌କେଦାଈଈ, ସିମ୍‌ହେତେ ଏନ୍ ମାର୍‌ସାଲ୍ ହିଜୁଃକେଦ୍‌ତେ ଆଇଁୟାଃ ଆତଃ ଆଇଁୟାଃଲଃ ସେନ୍‌ତାନ୍‌କଆଃ ଚାରିୟସାଃରେ ମାର୍‌ସାଲ୍‌ୟାନା ।<sup>୧୪</sup> ଆଲେ ସବେନ୍‌କ ଅତେରେଲେ ଉୟୁଃୟାନା ଆତଃ ଏବୁୀ ଜାଗାର୍‌ତେ ଆଇଈ ନାଗେନ୍ତେ ନେ ଲାବ୍‌ଜା ଆୟୁମ୍‌କେଦାଈଈ, ‘ହେ ଶାଉଲ୍, ହେ ଶାଉଲ୍, ତିନାଃମେନ୍ତେ ଆମ୍ ଆଇଈକେମ୍ ସିଗିଦିଈଈତାନା ? ସିହୁଃତାନ୍ ନାଏହାଲ୍ ତୁଚିରେ ତାୟୁଃତାନ୍ ପାହାଲ୍‌ରେ ଫାଦାତାନ୍ ଉରିଃକ୍ ଲେକା ଆମ୍ ଆମ୍‌ଗି ଫାଦାଅଃଆ ।’<sup>୧୫</sup> ଆଇଈ କୁଲିକେଦାଈଈ, ‘ପ୍ରାଭୁ ଆବେନ୍ ଅକଏତାନ୍‌ବେନ୍ ?’ ପ୍ରାଭୁ କାଜିରୁହାଡ଼କେଦିୟାଏ, ‘ଆଇଈ ଏନ୍ ଯୀଶୁ ତାନିଈ, ଅକଏକେଟି ଆମ୍ ସାସାତିତାନାମ୍ ।<sup>୧୬</sup> ମେନ୍‌ଦ ବିରିଦ୍‌କେଦ୍‌ତେ ତିଈନ୍‌ମେ, ଆମ୍‌କେ ଆଇଁୟାଃ ଦାସି ଲେକା ସାଲାମେ ନାଗେନ୍ତେ ଆଇଈ ଆମ୍‌ତାଃରେଇଈ ଉଦୁବେନ୍‌ୟାନା । ତିସିଈ ଆଇଁୟାଃ ବିଷାଏରେ ନେଲାକାଦ୍‌ତେୟାଃ ଆତଃ ହିଜୁଃ ଦିପିଲିରେ ଆଇଈ ଆମ୍‌କେ ଉଦୁବାମେତେୟାଃ, ଏନ୍ ସବେନାଃରାଃ ଗାଞ୍ଜା ଆମ୍ ଏଟାଃକକେମ୍ କାଜିୟାକଆ ।<sup>୧୭</sup> ଆଇଈ ଆମ୍‌କେ ଅକ ଯିହୁଦୀ ଆତଃ ସାଅଁସାର୍ ହତ୍ତକତାଃତେ କୁଲ୍‌ମେୟାଈଈଈ, ଇନ୍କୁତାଃଏତେ ଆଇଈ ଆମ୍‌କେ ବାଞ୍ଚାଅମେୟାଈଈଈ ।<sup>୧୮</sup> ଆମ୍ ଇନ୍କୁକେ ସାର୍‌ତିତେୟାଃ ଆବ୍‌କାରେ ନାଈ ଆତଃ ହସ୍‌ତେୟାଃକେ

\* ୨୭:୯ ୨୭:୯ ପ୍ରେସ୍ ୮:୩; ୨୭:୪,୫.

କା ବିଶ୍ୱାସେ ନାହିଁ ଦେଖାକଥାଏ, ଇନ୍‌କୁକେ ନୁବାଃହେତେ ମାର୍ସାଲ୍‌ତେ ଆଡ଼ଃ ସାଏତାନଆଃ ଆକ୍‌ତେୟାର୍‌ହେତେ ପାର୍‌ମେଶ୍ୱାର୍‌ସାଃତେ ରୁହାଡ଼କଥାମେ, ଜେ'ଲେକାଟି ଆଇଙ୍ଗ୍‌ଡ଼ାଃରେ ବିଶ୍ୱାସେ ହରାତେ ଇନ୍‌କୁଆଃ ପାପ୍‌କ ଛାମାଅଃଆ ଆଡ଼ଃ ପାର୍‌ମେଶ୍ୱାର୍‌ଆଃ ପାବିତାର୍‌କାନ୍ ହଡ଼କ ଆଲାରେ ଇନ୍‌କୁ ଠାୟାଦକ ନାମେୟା ।

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

୧୯ “ଏନାମେନ୍ତେ ହେ ରାଜା ଆଗ୍ରିପା, ଆଇଙ୍ଗ୍ ସିର୍ମାଏତେ ଅକ ଦାର୍‌ଶାନ୍ ନାମାକାଦାଇଙ୍ଗ୍ ଏନାକେଇଙ୍ଗ୍ ମାନାତିଙ୍ଗ୍‌କାଦା । ୧୦ \*ଆଇଙ୍ଗ୍ ସିଦାତେ ଦମାସ୍‌କସ୍, ଯୀରୁଶାଲେମ୍ ଆଡ଼ଃ ଏନାରେୟାଃ ତାୟମ୍‌ତେ ସବେନ୍ ଯିହୁଦା ପାର୍‌ଗାନ୍‌ରେ ଆଡ଼ଃ ସାଅଁସାର୍ ହଡ଼କଆଃ ଆଲାରେଇଙ୍ଗ୍ ଉଦୁବକେଦା, ଜେ'ଲେକାଟି ଇନ୍‌କୁ ପାପ୍ ନାଗେନ୍ତେ ହେୟାତିଙ୍ଗ୍‌ତାନ୍‌ଲଃ ପାର୍‌ମେଶ୍ୱାର୍‌ସାଃତେକ ରୁହାଡ଼ାଃ ଆଡ଼ଃ ଇନ୍‌କୁ ହେୟାତିଙ୍ଗ୍‌କାଦାକ ମେନ୍ତେ ଏନାକେ କାମିରେକ ଉଦୁବେୟା । ୧୧ ନେଆଁ ନାଗେନ୍ତେ ଆଇଙ୍ଗ୍ ମାନ୍‌ିର୍ ଅଡ଼ାଃରେ ତାଇକେନ୍ ଇମ୍‌ତା ଯିହୁଦୀ ହଡ଼କ ଆଇଙ୍ଗ୍‌କେ ସାଦ୍‌କେଦ୍‌ତେ ଗଗ୍‌ଏଃ ନାଗେନ୍ତେକ ସେକାଡ଼ାକାନ୍ ତାଇକେନା । ୧୨ ମେନ୍‌ଦ ପାର୍‌ମେଶ୍ୱାର୍ ତିସିଙ୍ଗ୍ ଜାକେଦ୍ ଆଇଙ୍ଗ୍‌କେ ଦେଖାକାଦିୟାଁ ଆଡ଼ଃ ଏନାମେନ୍ତେ ଆଇଙ୍ଗ୍ ତିସିଙ୍ଗ୍ ହୁଡ଼ିଙ୍ଗ୍ ମାରାଙ୍ଗ୍ ସବେନ୍‌କଡ଼ାଃରେ ଗାଝା ଏମ୍ ନାଗେନ୍ତେଇଙ୍ଗ୍ ତିଙ୍ଗୁଆକାନା । ନାବୀକ ଆଡ଼ଃ ମୁଣା, ଅକ୍‌ନାଃ ହବାଅଃଆ ମେନ୍ତେକ କାଜିକାଦ୍ ତାଇକେନା, ଆଇଙ୍ଗ୍ ଏନ୍ କାଜିକେଗିଇଙ୍ଗ୍ କାଜିତାନା । ୧୩ \*ମାସିକେ ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆଡ଼ଃ ଗଜାକାନ୍‌କଆଃଏତେ ସିଦାତେ ଜୀଉବିରିଦ୍‌ୟାନ୍‌ଲଃ ଯିହୁଦୀ ଆଡ଼ଃ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଣରେୟାଃ ମାର୍ସାଲ୍ ଉଦୁବେୟାଏ ।”

୨୪ ନେ'ଲେକା ପାଉଲୁସ୍ ଆୟାଃ ଆପ୍‌ନାଃସାଃଏତେ କାଜିତାଇକେନ୍ ଇମ୍‌ତା, ଫେଷ୍ଟସ୍ କାଉରିକେଦ୍‌ତେ କାଜିକେଦା, “ପାଉଲୁସ୍, ଆମ୍ ବାଲୁଅଃ ତାନାମେ ! ଆମାଃ ମାରାଙ୍ଗ୍ ଇନ୍‌ତୁ ଆମ୍‌କେ ବାଉଡ଼ାକାଦ୍‌ମେୟା !”

୨୫ ପାଉଲୁସ୍ କାଜିରୁହାଡ଼କେଦାଏ, “ଏ ମାଇନାନ୍ ଫେଷ୍ଟସ୍, ଆଇଙ୍ଗ୍ କାଇଙ୍ଗ୍ ବାଏହାକାନା, ଆଇଙ୍ଗ୍ କାଜିତାନ୍‌ତେୟାଃ ସାର୍‌ତିତାନାଃ ଆଡ଼ଃ ଲାଗାତିଙ୍ଗ୍‌ରାଃ କାଜିଇଙ୍ଗ୍ କାଜିକାଦା । ୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଙ୍ଗ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଙ୍ଗ୍ ସାହାସେତାନା, ଆଇଙ୍ଗ୍ ସାର୍‌ତିଗିଇଙ୍ଗ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃଟି ନେଆଁ କା ସାରି ଠାୟାଦ୍‌ରେ ଉକ୍ତକେଦ୍‌ତେ କା ହବାକାନା । ୨୭ ହେ ରାଜା ଆଗ୍ରିପା, ଚିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଙ୍ଗ୍ ସାରିତାନାଇଙ୍ଗ୍ ଆବେନ୍ ବିଶ୍ୱାସ୍‌ସାଃବେନ୍ !”

୨୮ ଆଗ୍ରିପା ପାଉଲୁସ୍‌କେ କାଜିକିୟା, “ନେ ହୁଡ଼ିଙ୍ଗ୍ ଘାଡ଼ିରେଗି ଆମ୍ ଚିନାଃ ଆଇଙ୍ଗ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ୁତାନା ?”

୨୯ ପାଉଲୁସ୍ କାଜିରୁହାଡ଼କିୟାଏ, “କାଟିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍‌ମେଶ୍ୱାର୍‌ଡ଼ାଃରେ ଆଇଁୟାଃ ନିମିନାଙ୍ଗ୍ ବିନ୍ତିତାନାଃ, ଆବେନ୍ ଆଡ଼ଃ ତିସିଙ୍ଗ୍ ଆଇଁୟାଃ କାଜି ଆୟୁମ୍‌କାଦ୍ ସବେନ୍‌କ ଆଇଁୟାଃ ଲେକା ହବାଅଃପେ, ମେନ୍‌ଦ ନେ'ଲେକା ସିକିଡ଼ିରେ ତଲଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା ।”

୩୦ ଏନ୍ତେ ରାଜା, ଲାଟ୍‌ସାହେବ୍, ବରୁନିସ୍ ଆଡ଼ଃ ଏଟାଃ ସବେନ୍‌କ ବିରିଦ୍‌ୟାନା, ୩୧ ଆଡ଼ଃ ସେନଃ ତାଇକେନ୍ ଇମ୍‌ତା ମିହୁଡ଼୍ ଆଡ଼ଃମିହୁଡ଼୍‌କେ କାଜିୟାନାକ, “ନେ ହଡ଼ ନେ'ଲେକାନ୍ ଜେତାନ୍ କାମି କାଏ କାମିକାଦା, ଅକ୍‌ନାଃ ହରାତେଟି

\* ୨୭:୨୦ ୨୭:୨୦ ପ୍ରେସ୍‌ବିଟିରୀ ୯:୨୦,୨୮,୨୯.      \* ୨୭:୨୩ ୨୭:୨୩ ୧ କରିଲ୍ଲିୟ ୧୫:୨୦.

ଇନିଃ ଗନଏଃ ଚାଏ ଜେହେଲ୍ରେ ସାଜାଇ ନାମେୟାଏ ।” ୩୨ ଆତଃ ଆଗ୍ରିପା ଫେଷ୍ଟସ୍‌କେ କାଜିକିୟା, “ନେ ହଡ଼ କାଇସାର୍‌ତାଃରେ ବିଚାରଃ ନାଗେନ୍ତେ କାଏ କାଜିଗରଙ୍ଗ୍‌କେଦ୍‌ରେଦ୍, ଆବୁ ଇନିଃକେ ଜେହେଲ୍‌ହେତେ ରାଡ଼ା ଦାଡ଼ିକାଇତେୟାଃବୁ ।”

### ୨୭

ରୋମ୍‌ତେ ପାଉଲୁସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶୁମ୍‌ତେ ସେନାଲେ ମେନ୍ତେ ଉହାଟ୍‌କେଦ୍ ହରାତେ ପାଉଲୁସ୍ ଆତଃ ଏଟାଃ ଚିମିନ୍ ଜେହେଲ୍‌କାନକ “ମିଦ୍‌ଶାଅ ସିପାଇକଆଃ ଆଗୁଆଇ ଝୁଣ୍ଡ୍” ନୁତୁମ୍, ମିଆଁଦ୍ ରୋମିରେନ୍ ସିପାଇକଆଃ ଆଗୁଆଇ ଜୁଲିୟସ୍‌ଆଃ ଡିଃଇରେ ଜିମାୟାନା । ୨ ଆଲେ ଏସିଆ ପାର୍‌ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଚି ଦାଆଃ ଜାହାଜ୍ ହିଜୁଃ ସେନଃ ଟାପୁକ୍‌ତେ ସେନଃ ନାଙ୍ଗ୍ ସେକାଡ଼ାକାନ୍ ଆଦ୍ରାମିଡିୟରାଃ ମିଆଁଦ୍ ଜାହାଜ୍‌ରେ ସେନଃୟାନାଲେ । ଆରିସ୍‌ପାର୍ଟ୍ ନୁତୁମ୍ ଥେସ୍‌ଲନିକା ନାଗାର୍‌ରେନ୍ ମିହୁଡ୍ ମାକିଦନିଆରେନ୍ ହଡ଼ ଆଲେଲଃ ତାଇକେନାଏ । ୩ ଏନାରେୟାଃ ଏଟାଃହୁଲ୍‌କାଙ୍ଗ୍ ଆଲେ ସିଦୋନ୍ ନାଗାର୍‌ତେଲେ ସେଟେର୍‌ୟାନା । ଜୁଲିୟସ୍ ପାଉଲୁସ୍‌କେ ଦାୟାକିୟା ଆତଃ ଇନିଃକେ ଆୟାଃ ଗାଡିକଲଃ ନେପେଲ୍‌କେଦ୍‌ତେ, ଆୟାଃ ଲାଗାଡିକ୍‌ତେୟାଃ ସବେନାଃ ଆଉଝେ ନାଙ୍ଗ୍ ଆରୁକିୟାଏ । ୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍‌ତା ସାମ୍‌ନାଙ୍ଗ୍‌ସାଃଏତେ ହୟ୍‌କେଦ୍ ହରାତେ ସାଇପ୍ରସ୍ ଟାପୁରେୟାଃ ଗେନା ଗେନାତେଲେ ସେନଃୟାନା । ୫ କିଲିକିଆ ଆତଃ ପାମିଲିଆ ପାର୍‌ଗାନ୍ ପାରମ୍‌କେଦ୍‌ତେ ଲୁକିଆ ପାର୍‌ଗାନ୍‌ରେୟାଃ ମୁରା ନାଗାର୍‌ତେଲେ ହିଜୁଃୟାନା । ୬ ଏନ୍ତାଃରେ ମିଦ୍‌ଶାଅ ସିପାଇକଆଃ ଆଗୁଆଇ ଆଲେକ୍‌ଜାଣ୍ଡ୍ରିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିତେ ସେନଃ ନାଙ୍ଗ୍ ସେକାଡ଼ାତାନ୍‌ତେୟାଃ ନେଲ୍‌କେଦ୍‌ତେ ଆଲେକେ ଏନାରେ ଦୁବ୍‌କେଦ୍‌ଲେୟା ।

୭ ଆଲେ ପୁରାଃମାହାଁ ଜାକେଦ୍ ମାଡ଼ି ମାଡ଼ିତେ ସେନଃତାନ୍‌ଲଃ ତାର୍‌ସାର୍ କ୍ଲିଦ୍ ସାହାର୍ ନାଡ଼େଃତେଲେ ସେଟେର୍‌ୟାନା । ସାମ୍‌ନାଙ୍ଗ୍‌ସାଃଏତେ ହୟ୍ ହିଜୁଃତାନ୍ ହରାତେ ଆଲେ ଏନ୍‌ସାଃତେ ଆୟାର୍‌ତେ କାଲେ ସେନ୍ ଦାଡ଼ିୟାନା, ଏନାତେ କ୍ରିଡ୍ ଟାପୁରେୟାଃ ଦାକ୍‌ସିଣ୍ଡାଃ ଗେନାରେୟାଃ ପାର୍‌ଗାନ୍ ହରାତେ ସେନଃକେଦ୍‌ତେ ସାଲ୍‌ମୋନି ପାର୍‌ଗାନ୍‌କେଲେ ପାରମ୍‌କେଦା । ୮ ଆଲେ ଦରେୟା ଗେନାତେ ତାର୍‌ସାର୍ ସେନ୍‌କେଦ୍‌ତେ “ସୁଗାଡାନ୍ ଟାପୁ” ନୁତୁମ୍‌ତାନ୍ ମିୟାଦ୍ ଠାୟାଦ୍‌ତାଃଲେ ସେଟେର୍‌ୟାନା । ଏନା ଲାସିଆ ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହାଁ ତାଇକେନାଲେ । ଯିହୁଦୀ ହଡ଼କଆଃ କାଟାବ୍ ପାରାବ୍\* ଟୁଣ୍ଡ୍‌କାନ୍ ହରାତେ, ଏନ୍ ଦିପିଲିରେ ଦାଆଃ ଜାହାଜ୍‌ରେ ସେନ୍ ନାଙ୍ଗ୍ ବରଝାନ୍‌ଗି ହବାୟାନା । ଏନାତେ ପାଉଲୁସ୍ ଇନ୍‌କୁକେ ନେ'ଲେକାଏ କାଜିୟାଦ୍‌କଆ, ୧୦ “ହେ ହାଗାକ, ଆଇଙ୍ଗ୍ ସାରି ଦାଡ଼ିତାନାଇଙ୍ଗ୍ ଯେ, ଆବୁ ନେତାଃଏତେ ଆତଃଗି ଦାଆଃ ଜାହାଜ୍‌ରେ ସେନଃ ଏଟେଜେରେଦ୍ ବରଝାନ୍‌ଗି ହବାଅଃଆ । ନେଆଁ ହରାତେ ଦାଆଃ ଜାହାଜ୍ ଆତଃ ଏନାରେ ଲାଦିଆକାନ୍ ସାମାନ୍‌କ ଏସକାର୍ ନକ୍‌ସାନଃଆ ମେନ୍ତେଦ୍ କାହା ମେନ୍‌ଦ୍ ସେନ୍ ହରାତାନ୍ ହଡ଼କଆଃ ଜୀଦାନ୍‌ହଗି ଜିୟନଃଆ ।” ୧୧ ମେନ୍‌ଦ୍ ମିଦ୍‌ଶାଅ ସିପାଇକଆଃ ଆଗୁଆଇ ପାଉଲୁସ୍‌ଆଃ କାଜିକେ କା ଆୟୁମ୍‌କେଦ୍‌ତେ, ଦାଆଃ ଜାହାଜ୍ ଚାଲାଇଅନିୟାଃ ଆତଃ ଗମ୍‌କେୟାଃ କାଜି ଆୟୁମ୍‌କେଦାଏ । ୧୨ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ ଦାଆଃ

\* ୨୭:୯ 27:9 ନେଆଁ ସେପ୍‌ଟେମ୍ବର୍ ମାହ ନାରାଃ ଟୁଣ୍ଡ୍‌ରେ ଚାଏ ଅକ୍ଟୋବର୍ ମାହ ନାରାଃ ଏନେଟେଦ୍‌ରେ ମାନାଡିକ୍ ତାଇକେନାକ

ଜାହାଜ୍ ତିଜ୍ଠୁ ଠାୟାଦ୍ ବେଶ୍ କା ତାଇକେନା । ଏନାତେ ଫୈନିକ୍ସ୍ ଠାୟାଦ୍‌ତେ ସେଟେରକେଦ୍‌ତେ ଏନ୍ତାଃରେ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ତାଃଏତେ ଦାଆଃ ଜାହାଜ୍‌ରେ ସେନଃ ନାଙ୍ଗ୍ ପୁରାଃ ହଡ଼କ କାଜିକେଦାକ । ଫୈନିକ୍ସ୍ ଦାକ୍ଷିଣ୍ ପାଶ୍ଟିମ୍ ଆଡ଼ଃ ଉତ୍ତାର୍ ପାଶ୍ଟିମ୍‌ସାଃତେ ସାମ୍‌ନାଙ୍ଗ୍‌କାଦ୍ କ୍ରିଡ଼ରେ ମିଆଁଦ୍ ଦାଆଃ ଜାହାଜ୍ ତିଜ୍ଠୁ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍‌ସାଃଏତେ ସୁଆଏତେ† ହୟ ହିଜୁଃୟାନା ଇମ୍‌ତା, ଦାଆଃ ଜାହାଜ୍‌ରେ ସେନଃତାନ୍ ହଡ଼କ ଆକଆଃ ଉହାଟ୍‌କାଦ୍ ଠାୟାଦ୍‌ତେ ସେନ୍ ଦାଡ଼ିୟାକ ମେନ୍ତେ ଉଡ଼ଃକେଦାକ, ଆଡ଼ଃ ଇନ୍‌କୁ ଦାଆଃ ଜାହାଜ୍‌କେ ତିଜ୍ଠୁକାଦ୍ ହାମ୍‌ଲ୍ ମେଡ଼େଦ୍‌କେ ଉଠାଏକେଦ୍‌ତେ ଚିମିନ୍ ସାଜିନ୍ ସେନ୍ ହବାସାକାଆଃ ଲେକା କ୍ରିଡ଼ ଦରେୟା ଗେନା ଗେନାତେକ ସେନଃୟାନା । ୧୪ ମେନ୍‌ଦ ଇମ୍‌ତାଙ୍ଗି ଟାପୁସାଃଏତେ ଉତ୍ତାର୍ ପୁରାଦ୍ ହୟ ଦୁଦୁଗାର୍‌ଗି ହିଜୁଃୟାନା, ୧୫ ଆଡ଼ଃ ଦାଆଃ ଜାହାଜ୍‌ରେ ଠକ୍‌ରାଆୟାନା । ଏନ୍ତେ ଦାଆଃ ଜାହାଜ୍‌କେ ହୟସାଃତେ ସାମ୍‌ନାଙ୍ଗ୍‌କେଦ୍‌ତେ କା ସେନ୍ ଦାଡ଼ିୟାନ୍ ହରାତେ ଆଲେ କାଲେ ଚେଷ୍ଟାକେଦା ଆଡ଼ଃ ହୟଲଃଗି ଦାଆଃ ଜାହାଜ୍‌କେ ଆତୁ ନାଙ୍ଗ୍ ବାଗିତାଦାଲେ । ୧୬ ମିଆଁଦ୍ ହୁଡ଼ିଙ୍ଗ୍ ଟାପୁ କ୍ଲାଉଦ୍‌ରେୟାଃ ଦାକ୍ଷିଣ୍‌ସାଃ ହରାତେ ସେନଃ ତାଇକେନ୍ ଇମ୍‌ତା କାଟିଃଲେକା ଏନ୍ ହୟଏତେ ବାଞ୍ଛାଆ ନାମ୍‌କେଦାଲେ । ଏନ୍ତାଃରେ ଜା'ଲେକାତେ ଦାଆଃ ଜାହାଜ୍‌ରେୟାଃ ଲାଉକାକେ ଚୁଗିଲେକା ଦହ ଦାଡ଼ିକେନାଲେ । ୧୭ ଲାଉକା ଚାଲାଅ ହଡ଼କ ଲାଉକାକେ ଦାଆଃ ଜାହାଜ୍ ଚେତାନତେ ଆଇଜ୍ ରାକାଦ୍‌କେଦାକ ଆଡ଼ଃ ମୋଟା ବାଏହାର୍‌ଲଃ କେଟେଦ୍‌କେଦ୍‌ତେ ଦାଆଃ ଜାହାଜ୍‌ରେ ତଲ୍‌କେଦାକ । ଦାଆଃ ଜାହାଜ୍ ଦରେୟା ଖାଙ୍ଗି ଲିବିଆରେୟାଃ ସୁର୍ତ୍ତ୍ ନୁଡୁମ୍ ହୁଣ୍ଡିଆକାନ୍ ଗିଡିଲ୍‌ତେ ସେନଃକେନଃଆ ମେନ୍ତେ ବରତାନଲଃ ଦାଆଃ ଜାହାଜ୍ ଚାଲାଅତାନ୍ ହଡ଼କ ପାଲ୍‌କେ ଆଡ଼ଗୁକେଦ୍‌ତେ ଦାଆଃ ଜାହାଜ୍ ହୟଲଃଗି ଆତୁ ନାଗେନ୍ତେ ବାଗିତାଦାକ । ୧୮ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ ଏଟାଃ ହୁଲ୍‌ଲାଙ୍ଗ୍ ଇନ୍‌କୁ ଦାଆଃ ଜାହାଜ୍‌ରେ ଲାଦିଆକାନ୍ ଜିନିଷ୍ଟକ ଦାଆଃରେ ହୁରାଙ୍ଗ୍‌କେଦାକ, ୧୯ ଆଡ଼ଃ ଆପି ମାହାଁରେ ଦାଆଃ ଜାହାଜ୍‌ରେୟାଃ ଜିନିଷ୍ଟକ ହୁରାଙ୍ଗ୍‌କେଦା । ୨୦ ପୁରାଃ ଦିନ୍ ଜାକେଦ୍ ଆଲେ ସିଙ୍ଗି ଟାଏ ଇପିଲ୍‌କକେ କାଲେ ନେଲ୍ ଦାଡ଼ିକେନା ଆଡ଼ଃ ପୁରାଃ ଜୋର୍‌ଗି ହୟକାତେ ତାଇକେନା, ଆଡ଼ଃ ଚୁଣ୍ଡୁରେ ଆଲେ ବାଞ୍ଛାଆ ନାମେରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

୨୧ ସବେନ୍‌କ ଚିମିନ୍‌ନେତା ବେଗାର୍ ଜମ୍‌ତେ ତାଇନ୍‌ୟାନ୍ ତାୟମ୍‌ତେ ପାଉଲୁସ୍ ସେନଃତାନ୍ ହଡ଼କଆଃ ଆଲାରେ ତିଜ୍ଠୁକେଦ୍‌ତେ କାଜିକେଦା, “ହେ ହାଗାକ, ଆପେ କ୍ରିଡ଼ରେ ଆଇଁୟାଃ କାଜି ଆୟୁମ୍‌କେଦ୍‌ତେ ଦାଆଃ ଜାହାଜ୍‌ରେ କା ହିଜୁଃକାନ୍‌ରେ, ଆବୁଆଃ ନେ'ଲେକା ନକ୍‌ସାନ୍ ଆଡ଼ଃ ଜିୟନ୍ କା ହବାକାନ୍‌ତେୟାଃ । ୨୨ ମେନ୍‌ଦ ନାହାଁଃ ଆଇଙ୍ଗ୍ ଆପେକେ ବିକ୍ରିପେତାନାଇଙ୍ଗ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜୀଉ କା ନକ୍‌ସାନଃଆ, ଦାଆଃ ଜାହାଜ୍ ଏସ୍‌କାର୍ ନକ୍‌ସାନଃଆ । ୨୩ ତିଆଃତି ଆଇଙ୍ଗ୍ ଅକ ପାର୍‌ମେଶ୍‌ବାର୍‌କେ ସେଞ୍ଜା ରିକାଃଇଙ୍ଗ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଡ଼୍ ଆଇଙ୍ଗ୍‌ତାଃତେ ହିଜୁଃକେଦ୍‌ତେ କାଜିକେଦିୟାଁ, ୨୪ ଏ ପାଉଲୁସ୍ ଆଲମ୍ ବରଏୟା, ଆମ୍‌କେ ଜାରୁଡ଼୍‌ଗି କାଇସାର୍‌ଆଃ ଆୟାର୍‌ରେ ତିଜ୍ଠୁନ୍ ଲାଗାଡିଙ୍ଗ୍‌ୟାଁଃ । ଆମାଃଲଃ ପାର୍‌ମେଶ୍‌ବାର୍‌ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍‌ତାନ୍ ସବେନ୍‌କଆଃ ଜୀଦାନ୍‌କେ ବାଞ୍ଛାଅକାଦା । ୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ତିଆଃତି ଆଇଙ୍ଗ୍ ପାର୍‌ମେଶ୍‌ବାର୍‌ତାଃରେ ବିଶ୍ୱାସ୍‌ତାନାଇଙ୍ଗ୍, ଆଇଙ୍ଗ୍‌କେ ଅକ୍‌ନାଃ କାଜିକାନା

† ୨୭:୧୩ ୨୭:୧୩ ମାଡ଼ି ମାଡ଼ିତେ

ଏନଲେକାଗି ହବାଅଥାଃ । ୨୭ ମେନ୍ଦ ଆବୁ ଆୟାର୍‌ତେ ସେନ୍‌କେଦ୍‌ତେ ମିଆଁଦ୍ ଗାପୁରେବୁ ଠଗଃଆ ।”

୨୭ ନେଆଁ ଗେଲ୍‌ଉପୁନ୍ ନିଦା ତାଇନ୍‌କେନା, ଆତଃ ଆଲେ ଆଦିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନଲଃ ଲାଗ୍‌ଭାଗ୍ ଆଲାନିଦାରେ ଦାଆଃ ଜାହାଜ୍ ଚାଲାଅ ହଡ଼କ ଆଟ୍‌କାର୍ ଉରୁମ୍‌କେଦାକ ଯେ, ଆବୁ ଦରେୟା ଖାଲ୍‌ଣ୍ଡେ ନାଡେଜଃତାନାବୁ । ୨୮ ଏନ୍ତେ ଇନ୍‌କୁ ବାଏହାର୍‌ରେ ହାମ୍‌ଲ୍‌ତେୟାଃ ତଲ୍‌କେଦ୍‌ତେ ଦାଆଃରେ ତୁବିଃଗ୍‌କେଦ୍ ହରାତେ ବାର୍‌ହସି ମିଟର୍ ଗାଡା ମେନାଃ ମେନ୍ତେକ ସାରିକେଦା । ଆତଃକାଟିଃ ସାଜିନ୍ ସେନ୍‌କେଦ୍‌ତେ ନେଲ୍‌କେଦାକ ଯେ, ଦାଆଃରାଃ ଗାଡା ହିସିଗେଲ୍ ମିଟର୍ ତାଇନ୍‌କେନା । ୨୯ ଦାଆଃ ଜାହାଜ୍ ଜେତା ସେରେଙ୍ଗ୍‌ରେ ଠଗଃଆଃ ମେନ୍ତେ ବରତାନଲଃ ଇନ୍‌କୁ ତାୟମ୍‌ସାଃଏତେ ଉପୁନିୟା ହାମ୍‌ଲ୍ ମେଡେଦ୍ ଉୟୁଃକେଦାକ ଆତଃ ସିଜ୍‌ତୁରଃ ନାଜ୍ ବିକ୍ତିକେଦାକ । ୩୦ ଏନ୍ତେ ଦାଆଃ ଜାହାଜ୍ ଚାଲାଅ ହଡ଼କ ଏନାଏତେ ଆଡ୍‌ଗୁକେଦ୍‌ତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ ଦାଆଃ ଜାହାଜ୍‌ରେୟାଃ ସାମ୍‌ନାଙ୍ଗ୍‌ସାଃଏତେ ଆତଃଟିମିନ୍ ହାମ୍‌ଲ୍ ମେଡେଦ୍‌କେ ଉୟୁଃରେୟାଃ ବାହାନାତାନଲଃ ଇନ୍‌କୁ ଦାଆଃ ଜାହାଜ୍‌ରେ ତାଇକେନ୍ ଲାଉକାକେ ଲାଡାର୍‌ତେକ ଲିଲ୍‌କେଦା । ୩୧ ମେନ୍ଦ ପାଉଲୁସ୍ ମିଦ୍‌ଗାଅ ସିପାଇକଆଃ ଆଗୁଆଇକେ ଆତଃ ସିପାଇକକେ କାଜିକେଦ୍‌କଆ, “ଦାଆଃ ଜାହାଜ୍ ଚାଲାଅ ହଡ଼କ କାକି ତାଇନଃରେଦ୍, ଆପେୟାଃ ବାଞ୍ଚାଅଃରେୟାଃ ଆସ୍ତା କା ତାଇନଃଆ ।” ୩୨ ଏନାତେ ସିପାଇକ ଲାଉକାରେୟାଃ ବାଏହାର୍‌କେ ହାଦ୍‌କେଦ୍‌ତେ ଦାଆଃରେ ଆତୁ ନାଗେନ୍ତେକ ଆଡ଼ାଃତାଦା ।

୩୩ ସିଜ୍‌ତୁରଃ ସିଦାରେ ପାଉଲୁସ୍ ସବେନ୍‌କକେ ଜମେ ନାଗେନ୍ତେ କାଜିକେଦ୍‌କଆ । ଇନିଃ କାଜିକେଦ୍‌କଆଏ, “ଗେଲ୍‌ଉପୁନ୍ ମାହାଁ ହବାୟାନ୍‌ଗିୟା ଆପେ ଜେଡ୍‌ନାଃ କାପେ ଜମ୍‌କାଦା । ୩୪ ଆଇଙ୍ଗ୍ ବିକ୍ତିପେ ତାନାଇଙ୍ଗ୍, ନାହାଁଃ କାଟିଃଲେକା ଜମେପେ, ଜାନିଦ୍ ତାଇନଃ ନାଗେନ୍ତେ ନେଆଁ ଜାରୁଡ୍ ଲାଗାଡିଙ୍ଗ୍‌ୟାଃ । ଆଲପେ ବରଏୟା, ଆପେୟାଃ ବହଃଏତେ ମିଆଁଦ୍ ଉବ୍‌ହ କା ଜିୟନଃଆ ।” ୩୫ ଇନିଃ ନେଆଁ କାଜିକେଦ୍‌ତେ, ପାଉଲୁସ୍ ପାର୍‌ମେଶ୍‌ବାର୍‌କେ ଧାନ୍‌ଧାବାଦ୍ ଏମ୍‌କେଦ୍‌ତେ ହଲ୍‌ଙ୍ଗ୍ କେଚାଃକେଦ୍‌ତେ ଜମ୍‌କେଦାକ । ୩୬ ନେଆଁରେ ଇନ୍‌କୁ ସବେନ୍‌କ ଜୀଉରେ କେଟେଦ୍ ନାମ୍‌କେଦ୍‌ତେ ଜମ୍‌କେଦାକ । ୩୭ ଇମ୍‌ତା ଆଲେ ଦାଆଃ ଜାହାଜ୍‌ରେ ୨୭୬ ଝାନ୍ ହଡ଼କ ତାଇକେନାଲେ । ୩୮ ସବେନ୍‌କ ବିୟଃଗି ଜମ୍‌କେଦ୍ ତାୟମ୍‌ତେ ଦାଆଃ ଜାହାଜ୍‌କେ ଉସାସେ ନାଗେନ୍ତେ ଏନାରେ ତାଇକେନ୍ ସବେନ୍ ଗହମ୍ ଦରେୟାରେକ ହୁରାଙ୍ଗ୍‌କେଦା ।

ଦାଆଃ ଜାହାଜ୍‌ରାଃ ନକ୍‌ସାନଃ

୩୯ ଏଚାଃ ହୁଲ୍‌ଙ୍ଗ୍ ଆଙ୍ଗ୍‌ୟାନ୍‌ତି, ଦାଆଃ ଜାହାଜ୍ ଚାଲାଅ ହଡ଼କ ଦରେୟାରାଃ ଅକ ଖାଲ୍‌ଣ୍ଡେରେ ସେଟେରାକାନାକ ଏନା କାକ ସାରି ଦାଡିକେନା । ମେନ୍ଦ ଇନ୍‌କୁ ଗିଡିଲ୍‌ଖାଲ୍‌ଣ୍ଡେରେ ମିଆଁଦ୍ ଗାଡା ନେଲ୍‌କେଦ୍‌ତେ ଜେତାଲେକାତେ ଏନ୍ତାଃରେ ଦାଆଃ ଜାହାଜ୍ ଡିଙ୍ଗ୍‌ଇ ନାଗେନ୍ତେକ ଉହାଟ୍‌କେଦାକ । ୪୦ ଏନାତେ ଇନ୍‌କୁ ହାମ୍‌ଲ୍ ମେଡେଦ୍‌ରେୟାଃ ବାଏହାର୍ ହାଦ୍‌କେଦ୍‌ତେ ଏନ୍ ସବେନାଃକେ ଦରେୟା ଲାଡାର୍‌ରେ ତପାଅଃ ନାଗେନ୍ତେ ବାଗିତାଦାକ । ଏନ୍ତେ ପାତ୍‌ଝାର୍‌ରେୟାଃ ବାଏହାର୍‌କ ରାଡାକେଦ୍‌ତେ ଆୟାର୍‌ରେ ତଲ୍‌କାଦ୍ ପାଲ୍‌କେ ଉଠାଅକେଦ୍ ହରାତେ ଦାଆଃ ଜାହାଜ୍ ହୟଲଃ ଖାଲ୍‌ଣ୍ଡେ ଗେନାତେ ସେନଃୟାନା । ୪୧ ମେନ୍ଦ ଦାଆଃ ଜାହାଜ୍ ହୁଣ୍ଡିଗିଡିଲ୍‌ରେ ଠକ୍‌ରାଅକେଦ୍‌ତେ ଦାଆଃ ଜାହାଜ୍‌ରେୟାଃ ସାମ୍‌ନାଙ୍ଗ୍‌ରେୟାଃ ହିସା ଲାଡାର୍‌ରେ ତପାୟାନା ଆତଃ ଆଲ୍‌ପୁଙ୍ଗ୍‌ତେ ଜୋରରେ ଠକ୍‌ରାଅୟାନ୍ ହରାତେ ଦାଆଃ ଜାହାଜ୍‌ରେୟାଃ ତାୟମ୍‌ସାଃ ଟୁକ୍‌ଡା ଟୁକ୍‌ଡାୟାନା ।

୪୨ ଜେହେଲୀକାନ ହତକ ଦରେୟା ଖାଇଁଶ୍ୱେତେ ପାହୁଁରାଅ ପାହୁଁରାଅ ସେନୱଥାକ ଫେନ୍ତେ ଇନକୁକେ ଗଗଏୱ ନାଗେନ୍ତେ ସିପାଇକ ଉହାଟ୍‌କେଦାକ । ୪୩ ଫେନ୍‌ଦ ମିଦ୍‌ଶାଅ ସିପାଇକଆୱ ଆଗୁଆଇ ପାଉଲୁସ୍‌କେ ବାସ୍ତାଅ ନାଗେନ୍ତେ ସାନାଙ୍ଗ୍‌ତାଇକେନା, ଏନାତେ ଇନିୱ ସିପାଇକକେ ଗଗଏୱ ନାଙ୍ଗ୍ କାଏ ଆରୁକେଦକଆ । ପାହୁଁରାଅ ଦାଡ଼ିତାନ ସବେନ୍‌କକେ ଦାଆୱରେ ତେଗାଅକେଦତେ ଦରେୟା ଖାଇଁଶ୍ୱେତେ ସେନୱ ନାଙ୍ଗ୍ ଆରୁକେଦକଆଏ । ୪୪ ଆତୱ ସାରେଜାକାନକ ଦାରୁପାଟାକରେ ଆତୱ ଦାଆୱ ଜାହାଜ୍‌ରେୟାୱ ଟହେଜାକାନ ଏଟାୱ ଆତୁୱତାନ ଜିନିଷକରେ ସାବକେଦତେ ଆତୁୱ ନାଗେନ୍ତେ ଏଟାୱକକେ କାଜିକେଦକଆ । ନେ'ଲେକାତେ ଆଲେ ସବେନ୍‌କ ବୁଗିଲେକା ଦରେୟା ଖାଇଁଶ୍ୱେତେ ସେଟେ'ରୟାନାଲେ ।

## ୨୮

### ମାଲ୍‌ଟା ଟାପୁରେ ପାଉଲୁସ୍

୧ ଆଲେ ବାସ୍ତାଅ ନାମକେଦତେ ଖାଇଁଶ୍ୱେରେ ସେନ୍‌କେନାଲେ ଆତୱ ନେଲ୍‌କେଦାଲେ ଯେ, ଆଲେ ମାଲ୍‌ଟା ଟାପୁରେ ସେଟେ'ରକାନାଲେ । ୨ ଏନ୍ତାୱରେ ତାଇନତାନ ଏଟାୱ ଦିଶୁମ୍‌ରେନ୍ ହତକ ଆଲେକେ ଦୁପୁଲ୍‌ତରାୱ ଦାୟା ଏମାଦ୍‌ଲେୟାକ । ଇମ୍‌ତା ଦାଆୱ ଗାମାକେଦତେ ରାବାଙ୍ଗ୍‌ତାଇକେନା, ଏନାତେ ଇନକୁ ଆଲେକେ ସେଙ୍ଗେଲ୍‌ ଜୁଲ୍‌କେଦତେ ଦାରମ୍‌କେଦଲେୟାକ । ୩ ପାଉଲୁସ୍ ମିଦ୍ ବିଡ଼ା ସାହାନ୍ ଆଉକେଦତେ ସେଙ୍ଗେଲ୍‌ରେ ଉରୁବ୍ ତାଇକେନ୍ ଇମ୍‌ତା, ଏନାରେ ମିଆଁଦ୍ ବିଙ୍ଗ୍ ଅତଙ୍ଗ୍‌ୟାନାଏ ଆତୱ ଏଲାଇହେତେ ବାସ୍ତାଅ ନାମେ ନାଙ୍ଗ୍ ପାଉଲୁସ୍‌ଆୱ ତିୱଇରେ ହାବକେଦତେ ତାଇନ୍‌ୟାନା । ୪ ଏନ୍ତାୱରେ ତାଇକାନ ଏଟାୱ ଦିଶୁମ୍‌ରେନ୍ ହତକ ପାଉଲୁସ୍‌ଆୱ ତିୱଇରେ ତୁଙ୍ଗାକାନ ବିଙ୍ଗ୍‌କେ ନେଲ୍‌କେଦତେ ମିହୁଡ୍ ଆତୱମିହୁଡ୍‌କେ କାଜିୟାନାକ, “ଇନିୱ ଜାରୁଡ୍ ମିଆଁଦ୍ ହତ ଗଗଏୱନିୱ ତାନିୱ, ଇନିୱ ଦରେୟାଏତେ ବାସ୍ତାଅ ନାମକେଦରେୟ ଆୟାୱ କିସ୍‌ମାଦ୍ କାଏ ଜାହୁଦ୍‌ଇଚିକିୟା ।” ୫ ଫେନ୍‌ଦ ପାଉଲୁସ୍‌ଆୱ ଜେତାନ ନକ୍‌ସାନ୍ କା ହବାକେଦତେ ବିଙ୍ଗ୍‌କେ ସେଙ୍ଗେଲ୍‌ରେ ହୁରାଙ୍ଗ୍‌କିୟା । ୬ ପାଉଲୁସ୍ ମିଆଁଦ୍‌ଏ ଟାଏ ଗଏୱକେଦତେ ଉୟୁୱକଆୱଏ ଫେନ୍ତେ ଇନକୁ ଉଡ଼ୁକେଦତେ ଚିମିନ୍‌ୟାଡ଼ି ତାଙ୍ଗିକେଦାକ । ଫେନ୍‌ଦ ପୁରାୱୟାଡ଼ି ତାଙ୍ଗିକେଦ୍ ତାୟମ୍‌ତେ ଇନକୁ ନେଲ୍‌କେଦାକ ଯେ, ପାଉଲୁସ୍‌ଆୱ ଜେଡ୍‌ନାୱ ନକ୍‌ସାନ୍ କା ହବାଅୱତାନା, ଏନ୍ତେ ଇନକୁ ଆକଆୱ ଉଡ଼ୁ ବାଦ୍‌ଲାଇକେଦତେ କାଜିକେଦାକ, “ଇନିୱ ମିଆଁଦ୍ ମାହାପୁରୁ ତାନିୱ ।”

୭ ଏନ୍ ଟାପୁରେଗି ପୁଲ୍‌ୟସ୍ ନୁଡୁମ୍ ମିଆଁଦ୍ ହଡ଼ରାୱ ଅଡ଼ାୱ ଆତୱ ଅତେ ତାଇନ୍‌କେନା । ଇନିୱ ଆଲେକେ ଦାରମ୍‌କେଦଲେୟା ଆତୱ ଆପିମାହାଁ ଜାକେଦ୍ ଆୟାୱ ଅଡ଼ାୱରେ ପେଡ଼ାକେଦଲେୟା । ୮ ପୁଲ୍‌ୟସ୍‌ରାୱ ଆପୁତେ ଉରୁଇ ଆତୱ ଦାଆୱ ଲେକା ବାହାର୍‌ତାନ ହରାତେ ପାରକମରେ ବାଟିୟାକାନ ତାଇକେନା । ପାଉଲୁସ୍ ଆୟାୱ କୁଠାତେ ସେନ୍‌ୟାନା, ଏନ୍ତେ ଆୟାୱ ତେତାନରେ ତିୱଇ ଦହକେଦତେ ବିକ୍ତିକେଦା ଆତୱ ବୁଗିକିୟାଏ । ୯ ନେଆଁ ହବାୟାନ୍ ତାୟମ୍‌ତେ ଟାପୁରେନ୍ ଏଟାୱ ସବେନ୍ ଦୁକ୍ତିତାନକ ପାଉଲୁସ୍‌ଆୱ ନାଡ଼େୱତେ ହିଜୁୱକେଦତେ ବୁଗିୟାନାକ । ୧୦ ଇନକୁ ଆଲେକେ ପୁରାୱଗି ଦାନକ ଏମ୍‌କେଦତେ ମାଲ୍‌ନକେଦଲେୟାକ । ଆତୱ ଆଲେ ଏନ୍ତାୱଏତେ ଦାଆୱ ଜାହାଜ୍‌ରେ ସେନୱ ଇମ୍‌ତା ଆଲେୟାୱ ହରାସେନ୍ ନାଗେନ୍ତେ ଲାଗାଡ଼ିଙ୍ଗ୍‌ତେୟାୱ ସବେନାୱ ଇନକୁ ଆଉକେଦତେ ଦାଆୱ ଜାହାଜ୍‌ରେ ଦହକେଦତେ ସେନୱୟାନାକ ।

### ମାଲ୍‌ଟାଏତେ ରୋମ୍

୧୧ ଆଲେକଜାଣ୍ଡ୍ରିଆତାଃଏତେ ହିଜାକାନ “ଜାଅଁଲା ମାହାପୁରୁ” ନୁତୁମଃତାନ ଦାଆଃ ଜାହାଜ୍ ମାଲ୍ଟା ଟାପୁରେ ରାବାଜ୍‌ସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହଁନା ତାଇନ୍‌ୟାନ୍ ତାୟମ୍‌ତେ, ଆଲେ ଏନ୍ ଦାଆଃ ଜାହାଜ୍‌ରେଗି ଆତଃମିସା ସେନଃୟାନାଲେ । ୧୨ ଆତଃ ସିରାକୁସ୍ ନାଗାର୍‌ରେ ସେଟେଟ୍‌କେଦ୍‌ତେ, ଏନ୍ତାଃରେ ଆପିମାହଁ ତାଇକେନାଲେ । ୧୩ ଏନ୍ତାଃଏତେ ସେନଃକେଦ୍‌ତେ ରିଜିୟମ୍ ନାଗାର୍‌ତେଲେ ସେଟେଟ୍‌ୟାନା । ଏନାରେୟାଃ ଏଟାଃ ହୁଲାଜ୍ ଦାକ୍ଷିଣ୍ ହୟ ହୟକେଦାଏ, ଆତଃ ବାର୍‌ସିଜ୍ ତାୟମ୍‌ତେ ପୁତିଅଲି ସାହାର୍‌ତେ ସେଟେଟ୍‌ୟାନାଲେ । ୧୪ ଏନ୍ତାଃରେ ଆଲେ ଚିମିନ୍‌ଝାନ୍ ଖ୍ରୀଷ୍ଟରେ ବିଶ୍ୱାସତାନ୍ ହାଗା ମିଗିକଲଃ ନାପାମ୍‌ୟାନାଲେ । ଇନ୍‌କୁଲଃ ମିଦ୍ ହାପ୍ତା ତାଇନଃ ନାଗେନ୍ତେ ଇନ୍‌କୁ ଆଲେକେ ବିକ୍ରିକେଦ୍‌ଲେୟାକ । ନେ'ଲେକାତେ ଆଲେ ରୋମ୍‌ତେ ସେଟେଟ୍‌ୟାନାଲେ । ୧୫ ଆଲେୟାଃ ବିଷାଏରେ ଆୟୁମ୍‌କେଦ୍‌ତେ ରୋମ୍‌ରେନ୍ ବିଶ୍ୱାସୀକ ଆଲେକେ ଦାରମ୍ ନାଗେନ୍ତେ ଏନ୍ ଠାୟାଦ୍‌ତାଃଏତେଗି ଆପିୟସାଆ ପିଏ ଆତଃ ଆପିୟା ରୁଡ୍‌ନୁ ଅତଃ ନୁତୁମ୍ ନାଗାର୍‌କଏତେ ହିଜୁଃୟାନାକ । ଇନ୍‌କୁକେ ନେଲ୍‌କେଦ୍‌ତେ ପାଉଲୁସ୍ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କିୟାଏ ଆତଃ ପୁରାଃଗି ରାସକାୟାନା ।

**ରୋମ୍‌ରେ ପାଉଲୁସ୍**

୧୬ ଆଲେ ରୋମ୍‌ତେ ସେଟେଟ୍‌ୟାନତି, ପାଉଲୁସକେ ହର ନାଗେନ୍ତେ ମିଆଁଦ୍ ସିପାଇଲଃ ଇନିଃ ଆୟାଃ ଇଛାସାନାଜ୍‌ଲେକା ଜେ'ଲେକାନ୍ ଠାୟାଦ୍‌ରେ ତାଇନ୍ ଦାଡ଼ିୟାଏ ମେନ୍ତେ ଆତୁଇନାମ୍‌କେଦା ।

୧୭ ଆପିମାହଁ ତାୟମ୍‌ତେ ପାଉଲୁସ୍ ଏନ୍ତାଃରେନ୍ ଯିହୁଦୀ ଆଗୁଆଇକକେ ମିଆଁଦ୍ ପାଞ୍ଚେଟ୍‌ରେ ମେସାଅଃ ନାଗେନ୍ତେ କେଡାକେଦ୍‌କଆ । ଇନ୍‌କୁ ହୁଣ୍ଡିୟାନ୍ ହରାତେ ପାଉଲୁସ୍ ଇନ୍‌କୁକେ କାଜିକେଦ୍‌କଆ, “ଇସ୍ରାଏଲ୍ ହାଗାକ, ଆଇଜ୍ ଆରୁଆଃ ହଡକଆଃ ବିରୁଧ୍‌ରେ ଚାଏ ଆରୁଆଃ ପୁରଃା ହଡାମ୍‌କତାଃଏତେ ଆରୁ ନାମାକାଦ୍ ରିତିରିଞ୍ଜାଜ୍ ବିରୁଧ୍‌ରେ ଜେଡନାଃ କାଇଜ୍ କାମିକାଦ୍‌ରେୟ, ଆଇଜ୍ ଯାରୁଶାଲେମ୍‌ରେ ଜେହେଲ୍‌କେଦ୍‌ତେ ରୋମିରେନ୍ ହଡକଆଃ ତିଃଇରେ ଜିମାକାନାଇଜ୍ । ୧୮ ଆଇଜ୍‌କେ କୁଲିକେଦ୍ ତାୟମ୍‌ତେ ଗନ୍‌ଏଃ ସାଜାଇ ନାମେ ଲେକା ଆଇଜ୍ ଜେତାନ୍ ଗୁଣ୍ଡାଁ କାଇଜ୍ କାମିକାଦା ମେନ୍ତେ ସାରିକେଦ୍‌ତେ ରୋମିରେନ୍ ହଡକ ଆଇଜ୍‌କେ ରାଡାନାଜ୍ ସାନାଜ୍‌କେଦାକ । ୧୯ \*ମେନ୍‌ଦ୍ ଯିହୁଦୀକ ନେଆଁରେୟାଃ ବିରୁଧ୍‌ରେ କାଜିକେଦ୍ ହରାତେ ଆଇୟାଃ ଆପ୍‌ନାଃ ହଡକଆଃ ବିରୁଧ୍‌ରେ ଆଇୟାଃ ଜେତାନ୍ ଚିଟାକାଜି କା ତାଇକେନ୍‌ରେୟ, ଆଇଜ୍ କାଇସାର୍‌କେ କାଜିଗରଜ୍ ରିକା ପାଡାଅୟାନା । ୨୦ ଏନାମେନ୍ତେ ଆଇଜ୍ ନେ ବିଷାଏରେ ଜାଗାର୍ ନାଗେନ୍ତେ ଆପେକେ କେଡାକାଦ୍‌ପେୟାଇଜ୍ । ତିଆଃତି ଅକଏୟାଃ ଚେତାନ୍‌ରେ ଇସ୍ରାଏଲ୍ ହଡକ ଆସ୍ରାକାଦାକ, ଇନିଃ ନାଗେନ୍ତେ ତିସିଜ୍ ଆଇଜ୍ ସିକ୍‌ଡିରେଇଜ୍ ତଲ୍ୟାକାନା ।”

୨୧ ଇନ୍‌କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମ୍‌କାଦା, ଚାଏ ଆଲେୟାଃ ହଡକ ଏନ୍ତାଃଏତେ ଆମାଃ ବିଷାଏରେ ଜେତାନ୍ ଏଡକାନ୍ କାଜି କାକ ଆଉଞ୍ଜାକାଦା ଚାଏ କାକ କାଜିକାଦା । ୨୨ ମେନ୍‌ଦ୍ ଆଲେ ଆମାଃ ଉଡ୍‌ଝୁ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍ ସାନାଜ୍‌ତାନାଲେ । ତିଆଃତି ସବେନ୍‌ସାଃରେନ୍ ହଡକକେ ନେ ଝୁଣ୍ଡ୍ ବିରୁଧ୍‌ରେ ଜାଗାର୍‌ତାନାକ ମେନ୍ତେ ଆଲେ ସାରିତାନାଲେ ।”

୨୩ ଇନ୍‌କୁ ମିଆଁଦ୍ ହୁଲାଜ୍ ଠାହାରାଅକେଦାକ ଆତଃ ଇନ୍‌କୁଏତେ ଚିମିନ୍ ହଡକ ଏନ୍ ଠାହାରାଅକାନ୍ ହୁଲାଜ୍‌ରେ ପାଉଲୁସ୍ ତାଇନ୍‌ତାନ୍ ଠାୟାଦ୍‌ତେକ ସେନଃୟାନା

\* ୨୮:୧୧ ୨୮:୧୧ ପ୍ରେକ୍ଷିତ୍ ୨୫:୧୧.



। ସେତାଃଏତେ ନୁବାଃ ଜାକେଦ ପାଉଲୁସ୍ ଇନକୁକେ ପାର୍ମେଶ୍ଵାର୍ଆଃ ରାଇଜ୍ ବିଷାଏରେ କାଜିକେଦକଆ ଆତଃ ମୁଣା ନାବାଆଃ ଆନ୍ତୁ ଆତଃ ନାବାକଆଃ ଅନଲ୍ଲହେତେ ଯୀଶୁଆଃ ବିଷାଏରେ ଇନକୁକେ କାଜିକେଦତେ ବିଶ୍ଵାସେକାକ ମେନ୍ତେ ଚେଷ୍ଟାକେଦା । ୨୪ ଇନକୁଏତେ ଚିମିନ୍ ଝାନ୍ ହଡକ ଇନିୟାଃ କାଜିରେ ବିଶ୍ଵାସକେଦାକ ଆତଃ ଚିମିନ୍ ଝାନ୍ ହଡକ କାକ ବିଶ୍ଵାସକେଦା । ୨୫ ଆତଃ ଇନକୁ ଆକ ଆକରେ ମିଦମନ୍ କା ହବାୟାନ୍ ହରାତେ କାପ୍ତି ହବାୟାନା, ଆତଃ ଇନକୁ ସେନଃ ସିଦାରେ ପାଉଲୁସ୍ ନେ ମିଆଁଦ୍ କାଜି କାଜିକେଦକଆ, “ପାବିତାର୍ ଆମ୍ବା ଆପେୟାଃ ପୁରଖା ହାଡ଼ାମକକେ ନାବୀ ଯିଶାୟାଃ ହରାତେ ବୁଗିଲେକାଏ କାଜିକାଦ୍ ତାଇକେନା, ୨୬ ଇନିଃ କାଜିକାଦାଏ,

“ନେ ହଡକକେ ସେନକେଦତେ କାଜିକମେ,  
ଆପେ ଆୟୁମଦପେ ଆୟୁମେୟା ମେନ୍ଦ କାପେ ଆଟ୍ଟକାର୍ ଉରୁମେୟା,

ଆତଃ ନେଲ୍ଲଦପେ ନେଲ୍ଲୟା ମେନ୍ଦ କାପେ ନେଲ୍ଲ ଦାଡ଼ିୟା,

୨୭ ଚିଆଃଚି ନେ ହଡକଆଃ ମନ୍ କେଟେଦୟାକାନା,

ଆତଃ ଇନକୁ ଆକଆଃ ଲୁତୁର୍

ଆତଃ ମେଦ୍ ଜାପିଦାକାଦାକ,

ଏନ୍କା କା ହବାକାନରେ ଇନକୁ ନେଲ୍ଲ ଦାଡ଼ିକାତେୟାଃକ

ଆତଃ ଆୟୁମ୍ ଦାଡ଼ିକାତେୟାଃକ ।

ଇନକୁ ଆକଆଃ ମନ୍ସୁରୁଦରେ ଆଟ୍ଟକାର୍ ଉରୁମେତେୟାଃକ,

ଆତଃ ପାର୍ମେଶ୍ଵାର୍ସାଃତେ ରୁହାଡ଼ଃତେୟାଃକ

ଆତଃ ଆଇଙ୍ଗ୍ ଇନକୁକେ ବୁଗିକାକତେୟାଃକଇଙ୍ଗ୍ ।”

୨୮ ଆତଃ ପାଉଲୁସ୍ ନେଲେକା କାଜିଚୁଣ୍ଟୁକେଦାଏ, “ଆପେ ସାରିପେ, ପାରିତ୍ରାଣ୍ ନାମେ ନାଗେନ୍ତେ ପାର୍ମେଶ୍ଵାର୍ଆଃ ସୁକୁକାଜି ସାଅଁସାର୍ ହଡକତାଃତେ କୁଲ୍ୟାକାନା । ଇନକୁ ଏନା ଆୟୁମେୟାକ ।” ୨୯ ଆତଃ ଇନିଃ ନେ ସବେନାଃ କାଜିକେଦ୍ଚି ଯିହୁଦୀକ ଆକ ଆକରେ କାପ୍ତିତାନ୍ଲଃ ସେନଃୟାନାକ ।\*

୩୦ ପାଉଲୁସ୍ ରାଜମାହାଲ୍ରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦତେ ଦୁଇ ବାରାଷ୍ଟ ତାଇକେନାଏ, ଆତଃ ଆଇଃକକେ ନେନେଲ୍ ନାଙ୍ଗ୍ ହିଜୁଃତାନ୍ ସବେନକକେ ଇନିଃ ଏନ୍ତାଃରେ ଦାରମକ୍ ତାଇକେନା । ୩୧ ଇନିଃ ପାର୍ମେଶ୍ଵାର୍ଆଃ ରାଇଜ୍ ବିଷାଏରେ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ବିଷାଏରେ ପୁରା ସାହାସକେଦତେ ଇତୁକେଦକଆ ଆତଃ ଇନିଃକେ ହକା ନାଙ୍ଗ୍ ଜେତାଏ କାକ ଚେଷ୍ଟାକେଦା ।

\* ୨୮:୨୯ 28:29 ନେ ପଦ ଚିମିନ୍ ମାରି ଅନଲ୍ଲକରେ ବାନଃଆ

# ରୋମିୟମାନଙ୍କ ନିକଟକୁ ପାଉଲଙ୍କ ପତ୍ନୀ ରୋମିରେନ୍ ବିଶ୍ୱାସୀକତାରେ ପ୍ରେରିତ ପାଉଲୁସ୍‌ଆଃ ଚିଟାଉ ପାରିଚାଏ

ରୋମି ଚିଟାଉ ପ୍ରେରିତ ପାଉଲୁସ୍‌ଆଃ ହରାତେ ହବାସାକାଅଥାଃ ଖ୍ରୀଷ୍ଟ ତାୟମ୍ ୫୪ ଏତେ ୫୮ କରେ ଅଲ୍ଲାନା । ପାଉଲୁସ୍ ରୋମ୍‌ତେ ସେନଃ ସିଦାରେ ଯିହୁଦୀ ଆତଃ ସାଅଁସାର୍ ବିଶ୍ୱାସୀକକେ ଚିହ୍ନିଲଃ ନାଗେନ୍ତେ ନେ ଚିଟାଉ ଅଲ୍ଲାନାଦ୍ ତାଇକେନାଏ । ସବେନ୍ କିଲିକ ଖ୍ରୀଷ୍ଟକେ ଚିଲ୍ଲକା ବିଶ୍ୱାସୀୟାକ ଆତଃ ମାଇନ୍ ରିକାଇୟାକ, ଏନା ନାଗେନ୍ତେ ଇନିଃ କରନ୍ତି ସାହାରରେ ତାଇନ୍ ଇମ୍‌ତା ରୋମ୍‌ରେନ୍ ଖ୍ରୀଷ୍ଟ ବିଶ୍ୱାସୀ ହାଗା ମିଶିକକେ ନେ ଚିଟାଉ ଅଲ୍ଲାନାଦ୍‌କଆଏ ।

ସବେନ୍‌କତାଃରେ ଆତଃ ସବେନ୍ ଖ୍ରୀଷ୍ଟ ବିଶ୍ୱାସୀକ ନାଗେନ୍ତେ ରୋମି ପୁଅଁ ମିଆଁଦ୍ ବୁଗିନ୍ ଚିଟାଉ ତାନାଃ । ଚିୟାଃଚି ଖ୍ରୀଷ୍ଟ ଆବୁକେ ଚିଲ୍ଲକା ପାପ୍‌ରାଃ ତନଲ୍‌ହେତେ ରାଡାରୁଆଏ, ଏନ୍ କାଜିକେ ବୁଗି ଲେକାତେ ସୁକୁକାଜିରେ ଉଦୁବାକାନା । ଚିଟାଉରାଃ ଆଧ୍ୟାୟ ୧:୧୭ ପାଦ୍ ହବାଅଃତାନା ତାଲା ଚାଭି । ଅକ କାଜିଚି ଅଲଃତାନା, ଆଇଙ୍ଗ୍ ସୁକୁକାଜି ନାଗେନ୍ତେ କାଇଙ୍ଗ୍ ଗିହୁଗଃଆ, ଚିୟାଃଚି ନେଆଁ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ପେଡ଼େଃ ତାନାଃ । ସିଦାତେଦ୍ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ସାଅଁସାର୍ ହଡକଆଃ ନାଗେନ୍ତେ ତାନାଃ ।

ପାହିଲା ହିସାରେ ୧-୧୨ପୁରାଃଗି ଆମ୍‌କି କାଜିକ ଅଲ୍ଲାନା । ଏଟାଃ ହିସାରେ ୧୩-୧୫ ଖ୍ରୀଷ୍ଟକେ ଜୀଦାନରେ ସବେନ୍ ହୁଲାଙ୍ଗ୍ ମାନାତିଙ୍ଗ୍ କାଜିକ ଅଲ୍ଲାନା ।

### ପୁଅଁ ଭିତାରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଆପ୍‌ନାଃ ବିଷାଏରେ ଆତଃ ଅକଏତାଃତେ ନେ ଚିଟାଉ ଅଲେତାନାଏ ଏନାରେୟାଃ ପାରିଚାଏ । ୧:୧-୧୫
- ୨. ମାନଝାରାଃ ରାଇଜ୍ ଆତଃ ଯୀଶୁ ଖ୍ରୀଷ୍ଟଆଃ ସୁକୁକାଜି । ୧:୧୬-୧୧:୩୬
- ୩. ସବେନ୍ ହୁଲାଙ୍ଗ୍ ଖ୍ରୀଷ୍ଟଲଃ ଜୀଦାନ୍ ବିତାଅ ବିଷାଏରେ କାଜି । ୧୨:୧-୧୫:୧୩
- ୪. ରୋମ୍‌ରେନ୍ ବିଶ୍ୱାସୀ ହାଗାକକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲ୍ଲ ଚୁଣ୍ଡୁ ତାନାଏ । ୧୬

### ପାଉଲୁସ୍‌ଆଃ ଜହାର୍

୧ ପାଉଲୁସ୍, ଖ୍ରୀଷ୍ଟ ଯୀଶୁଆଃ ଦାସି ଆତଃ ସାଲାକେଦ୍‌ତେ କୁଲ୍ଲାନିଃ ଆତଃ ସୁକୁକାଜି ଉଦୁବ୍ ନାଗେନ୍ତେ ପାର୍‌ମେଶ୍ୱାର୍‌ତେ କେଡାକାନ୍‌ନିଃ ତାନିଃ । ୨ ପାବିତାର୍ ଧାରାମ୍‌ପୁଅଁରେ ଅଲ୍ଲାନାନ୍ ଲେକା ଏନ୍ ସୁକୁକାଜି ବିଷାଏରେ ପାର୍‌ମେଶ୍ୱାର୍ ସିଦାରେ ଆୟାଃ ନାବାକଆଃ ହରାତେ ବାନାର୍‌ସା ଏମାକାଦ୍ ତାଇକେନାଏ । ୩ ଏନା ହବାଅଃତାନା, ପାର୍‌ମେଶ୍ୱାର୍‌ଆଃ ହନ୍, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ହଡ଼ମ୍ ଲେକାତେ ଦାଉଦ୍‌ଆଃ କିଲିଏତେ ଜାନାମ୍‌ୟାନା । ୪ ମେନ୍‌ଦ୍ ଧାର୍‌ମାନ୍‌ରେନ୍ ପାବିତାର୍ ଆମ୍‌ ବିଷାଏରେ ଗଜାକାନ୍‌କଏତେ ଜୀଉବିରିଦ୍‌ୟାନ୍ ହରାତେ ଇନିଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ପୁରାଃ ପେଡ଼େଃଲଃ ଉଦୁବ୍‌ୟାନା । ଇନିଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ତାନିଃ । ୫ ଖ୍ରୀଷ୍ଟଆଃ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ପ୍ରେରିତ୍ ଲେକା ସାଲାକେଦ୍‌ତେ ସବେନ୍ ହଡକତାଃରେ ଉଦୁବ୍ ନାଗେନ୍ତେ ସାୟାଦ୍

ଏମାକାଦିୟାଏ, ଜେ'ଲେକାଚି ଇନ୍‌କୁ ଖ୍ରୀଷ୍ଟ ଯୀଶୁତାଃରେ ବିଶ୍ୱାସକେଦତେ ଆୟାଃତାଃରେ ମାନାତିକ୍‌କ ହବାଅଃଆ । <sup>୬</sup> ଆପେ ରୋମ୍‌ରେ ତାଇନ୍‌ତାନ୍ ହଡକ ତାନ୍‌ପେ, ଆପେକେୟି ଯୀଶୁ ଖ୍ରୀଷ୍ଟଆଃ ହବାଅଃ ନାଗେନ୍ତେ ପାର୍‌ମେଶ୍ୱାର୍ କେଡ଼ାକାଦପେୟାଏ । <sup>୭</sup> ପାର୍‌ମେଶ୍ୱାର୍ ଦୁଲ୍‌ାଡ଼ତାନ୍ ରୋମ୍‌ରେନ୍ ହଡକକେ ଆତଃ ଆୟାଃ ଆପନାଃ ପାବିତାର୍ ହଡ ହବାଅଃ ନାଗେନ୍ତେ କେଡ଼ାକାଦକକେ, ଆଇଙ୍ଗ ନେ ଚିଟାଉ ଅଲେତାନାଇଙ୍ଗ । ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

**ଧାନ୍ୟାବାଦରାଃ ବିକ୍ତି**

୮ ଆପେୟାଃ ବିଶ୍ୱାସ୍ ବିଷାଏରେ ଗଟା ଅତେଦିଶ୍ୱମ୍‌ରେ ଉଦୁବଃତାନା, ଏନାମେନ୍ତେ ପାହିଲ୍‌ାରେ ଆଇଙ୍ଗ୍ ଆପେ ସବେନ୍‌କ ନାଙ୍ଗ୍ ଯୀଶୁ ଖ୍ରୀଷ୍ଟଆଃ ନୁଡୁମ୍‌ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଇତାନାଇଙ୍ଗ୍ । <sup>୯</sup> ଆଇଙ୍ଗ୍ ଅକ ପାର୍‌ମେଶ୍ୱାର୍‌କେ ଆଇୟାଃ ମନ୍‌ସୁରୁଦଲ୍‌ଃ ସେଝା ତାନାଇଙ୍ଗ୍ ଆତଃ ଅକ ପାର୍‌ମେଶ୍ୱାର୍‌ଆଃ ହନ୍ ବିଷାଏରେ ସୁକ୍ଳକାଜିଇଙ୍ଗ୍ ଉଦୁବତାନା, ଏନ୍ ପାର୍‌ମେଶ୍ୱାର୍ ଆଇୟାଃ ଗାଝା ତାନିଃ । <sup>୧୦</sup> ସବେନ୍ ଇମତା ବିକ୍ତି ତାଇୟାଃରେ ଆପେକେଇଙ୍ଗ୍ ପାହାମପେତାନାଃ ଆତଃ ଆପେତାଃତେ ହିଜୁଃ ନାଗେନ୍ତେ ଆଇଙ୍ଗ୍‌କେ ନେଡା ନାମାଃକା ମେନ୍ତେ ପାର୍‌ମେଶ୍ୱାର୍‌ତାଃରେଇଙ୍ଗ୍ ବିକ୍ତିତାନା । <sup>୧୧</sup> ଆପେତାଃତେ ସେଟେରକେଦତେ ଆଇଙ୍ଗ୍ ନାମାକାଦ୍ ଆମ୍‌ାରେୟାଃ ଦାନ୍ ବିଷାଏରେ ଆପେକେ ଉଦୁବାପେ ହରାତେ ଆପେୟାଃ ବିଶ୍ୱାସ୍‌କେ କେଟେଜେୟାଇଙ୍ଗ୍ ମେନ୍ତେ ଆଇୟାଃ ପୁରାଃଗି ସାନାଙ୍ଗ୍‌ତାନାଃ । <sup>୧୨</sup> ନେ ହରାତେ ଆବୁ ମିହୁଡ୍ ଆତଃମିହୁଡ୍‌ରାଃ ବିଶ୍ୱାସ୍‌କେ କେଟେଦ୍ ରିକା ଦାଡ଼ିୟାଃରୁ ।

<sup>୧୩</sup> \*ହେ ହାଗା ମିଗିକ, ଆଇଙ୍ଗ୍ ଆପେତାଃତେ ହିଜୁଃ ନାଗେନ୍ତେ ପୁରାଃଗିଇଙ୍ଗ୍ ମନେକେଦା, ମେନ୍‌ଦ ପୁରାଃ କାଜିକଟଙ୍ଗ୍ ହରାତେ ନାହିଃଃ ଜାକେଦ୍ ଆଇଙ୍ଗ୍ ଆପେତାଃତେ କାଜିଙ୍ଗ୍ ସେଟେର ଦାଡ଼ିକାନା । ଏଟାଃ ପାର୍‌ଗାନ୍‌ରେନ୍ ଗ୍ରୀକ୍ ହଡକଆଃ ଆଲାରେ ଆଇଙ୍ଗ୍ ବାଟାନ୍ ଉଦୁବକେଦତେ ଜୀଉବାଞ୍ଚାଅକ ନାମ୍‌କେଦ୍ ଲେକା ଆପେୟାଃ ପାର୍‌ଗାନ୍‌ରେୟ ଜୀଉବାଞ୍ଚାଅକ ନାମେକା ମେନ୍ତେ ଆଇୟାଃ ପୁରାଃ ସାନାଙ୍ଗ୍ । <sup>୧୪</sup> ଚିୟାଃଟି ଗ୍ରୀକ୍ ଦିଶ୍ୱମ୍‌ରେନ୍ ହଡ ଚାଏ ଏଟାଃ ଦିଶ୍ୱମ୍‌ରେନ୍ ହଡ, ସେଣ୍‌ାନ୍‌କ ଚାଏ କା ସେଣ୍‌ାନ୍‌କ, ନେ ସବେନ୍ ହଡକଆଃ ନାଗେନ୍ତେ ଆଇଙ୍ଗ୍ ରିଣାକାନା । <sup>୧୫</sup> ଏନା ନାଗେନ୍ତେ, ଆଇଙ୍ଗ୍ ଆପେକେ ଆତଃ ରୋମ୍‌ରେ ତାଇନ୍‌ତାନ୍ ହଡକକେୟି ସୁକ୍ଳକାଜି ଉଦୁବ୍ ନାଗେନ୍ତେଇଙ୍ଗ୍ ତେତାଙ୍ଗ୍‌ତାନା ।

**ସୁକ୍ଳକାଜିରାଃ ପେଡ଼ଃ**

<sup>୧୬</sup> \*ଏନ୍ ସୁକ୍ଳକାଜି ଚେତାନ୍‌ରେ ଆଇୟାଃ ପୁରାଃଗି ଆସ୍ତା ମେନାଃ । ନେଆଁଦ୍ ସିବାତେ ଯିହୁଦୀକ ନାଙ୍ଗ୍ ଏନ୍ ତାୟମ୍‌ତେ ଗ୍ରୀକ୍ ବିଶ୍ୱାସୀକଆଃ ଜୀଉବାଞ୍ଚାଅ ନାଗେନ୍ତେ ପାର୍‌ମେଶ୍ୱାର୍‌ଆଃ ପୁରାଃ ପେଡ଼ଃ ମେନାଃ । <sup>୧୭</sup> ହଡକ ପାର୍‌ମେଶ୍ୱାର୍‌ତାଃରେ ଚିଲ୍‌କା ଧାର୍‌ମାନ୍ ହବା ଦାଡ଼ିୟାଃଆକ ଏନା ସୁକ୍ଳକାଜିରେ ଉଦୁବାକାନା, ମୁନ୍‌ସତେ ଟୁଣ୍ଡୁ ଜାକେଦ୍ ଜୀଉବାଞ୍ଚାଅ ନାମେରେୟାଃ ମିଆଁଦ୍‌ଗି ହରା ମେନାଃ, ଏନାଦ୍ ବିଶ୍ୱାସ୍ ତାନାଃ । ଧାରାମ୍‌ପୁଅରେ ଅଲ୍‌ାକାନା, “ଧାର୍‌ମାନ୍ ହଡ୍ ବିଶ୍ୱାସ୍ ହରାତେ ବାଞ୍ଚାଅଃଆ ।”

**ପାପ୍ ନାଗେନ୍ତେ ପାର୍‌ମେଶ୍ୱାର୍‌ଆଃ ଖ୍‌ସ୍**

<sup>୧୮</sup> ଅକନ୍ ଏଡକାନ୍ ହଡକ ଆକଆଃ ସବେନ୍ ପାପ୍ ଆତଃ ଏଡକାନ୍ କାମି ହରାତେ ସାନାର୍‌ତିକେକ କେସେଦେତାନା, ଇନ୍‌କୁଆଃ ବିରୁଧ୍‌ରେ ସିର୍ମାଏତେ

\* ୧:୧୩ ୧:୧୩ ପ୍ରେରିଡ୍ ୧୯:୨୧.    \* ୧:୧୬ ୧:୧୬ ମାର୍କ୍ ୮:୩୮.

ପାର୍ମ୍ଭେଶ୍ୱରୀଆଃ ଖୁସ୍ ହବାଅଃତାନା । ୧୯ ପାର୍ମ୍ଭେଶ୍ୱରୀଆଃ ବିଷାଏରେୟାଃ ସାରି କାଜିତେୟାଃକେ ଇନ୍କୁ ସାରିତାନାକ ଏନା ପାର୍ମ୍ଭେଶ୍ୱରୀ ଆଇଃକ୍ତି ଇନ୍କୁତାଃରେ ଉଦୁବାକାଦକଆ । ୨୦ ପାର୍ମ୍ଭେଶ୍ୱରୀ ଅତେଦିଶ୍ୱମ୍ଭେକେ ବାଇକେଦ୍ ଦିପିଲିଏତେଗି, କା ନେଲଃତାନ କାଜିତାୟାଃକ, ଆୟାଃ ଜାନାଅ ଜାନାଅରେୟାଃ ପେଡ଼େଃ ଆତଃ ଆୟାଃ ଆକଦାନ୍ଦାଅ ସଭାବ୍ ଫାର୍ତା ଫାର୍ତଗି ନେଲଃତାନା, ଆୟାଃ ବାଇୟାକାନ୍ଦ ବିଷାଏକରେ ଏନା ଆଟ୍ଟକାର୍ତ୍ତରୁମଃ ତାନା, ଏନାତେ ହଡ଼କ କାଲେ ସାରିୟାଃ ମେନ୍ତେ କାକ କାଜି ଦାଡ଼ିୟା । ୨୧ \*ଇନ୍କୁ ପାର୍ମ୍ଭେଶ୍ୱରୀକେ ସାରିକାଇଃରେୟାଗି ଇନିଃକେ କାକ ମାଇନ୍ଦକିୟା ଚାଏ ଜେତାନ୍ ବିଷାଏ ନାଗେନ୍ତେ ଧାନ୍ୟାବାଦ୍ କାକ ଏମ୍ବକିୟା । ମେନ୍ଦ୍ ଇନ୍କୁଆଃ ଉଡ଼ଃକ ସାମାକାଜି ତାନାଃ ଆତଃ ଇନ୍କୁଆଃ ତଣ୍ଡ ମନ୍ଦ୍ ଏଡ଼କାନ୍ ଉଡ଼ଃକେ ନୁବାଗାକାନା । ୨୨ ଇନ୍କୁ ଆପାନ୍ଦକେ ସେଣ୍ଡାନ୍ ମେନ୍ତେକ କାଜିନ୍ଦାନା ମେନ୍ଦ୍ ଇନ୍କୁ ସାର୍ତଗି ତଣ୍ଡଗିୟାକ । ୨୩ କା ଜିୟନଃ ପାର୍ମ୍ଭେଶ୍ୱରୀକେ କା ସେଝାକେଦ୍ତେ, ଇନ୍କୁ ଜିୟନଃ ମାନଝାକଆଃ, ଚେଣ୍ଡକିଆଃ ଆତଃ ଜାଣ୍ଡକଆଃ ଚାଏ ଅତେରେ ରେଙ୍ଗାଅଃତାନକଆଃ ମୁରୁଡ଼କକେ ପୁଜାକତାନାକ ।

୨୪ ଏନାମେନ୍ତେ ପାର୍ମ୍ଭେଶ୍ୱରୀ ଇନ୍କୁକେ ବାଗିକାଦକଆ ଆତଃ ଇନ୍କୁ ଆକଆଃ ଆପ୍ତନାଃ ମନ୍ଦ୍ସୁରୁଦରେୟାଃ ଏଡ଼କାନ୍ ସାନାଙ୍ଗଲେକାତେ ମିହୁଡ଼୍ ଆତଃମିହୁଡ଼ଲଃ ହଡ଼ମରେୟାଃ ଗିହୁଗଃ ଲେକାନ୍ କାମିକ କାମିତାନା । ୨୫ ଇନ୍କୁ ପାର୍ମ୍ଭେଶ୍ୱରୀଆଃ ସାନାର୍ତ୍ତି ବାଦଲ୍ଲାରେ ହସତ୍ କାଜିକରେକ ଆସ୍ରାକେଦା । ବାବାଇନିଃ ପାର୍ମ୍ଭେଶ୍ୱରୀକେ ଆତଃ ଜାନାଅ ସାହାରାଅ ନାମେତାନ୍ନିଃକେ ବାଗିକେଦ୍ତେ ବାଇୟାକାନ୍ ତେୟାଃକକେ ପୁଜାକେଦାକ । ଆମେନ୍ ।

୨୬ ଇନ୍କୁ ଗିହୁଗାନ୍ ଏଡ଼କାନ୍ କାମିକରେକ ପେରେଜାକାନ୍ ହରାତେ ପାର୍ମ୍ଭେଶ୍ୱରୀ ଇନ୍କୁକେ ବାଗିକେଦ୍ତେକଆ, ଇନ୍କୁଆଃ କୁଡ଼ିକ ଆକଆଃ ଆପ୍ତନାଃ କଡ଼ାକଲଃ ହଡ଼ମରାଃ କାମି ବାଗିକେଦ୍ତେ କୁଡ଼ି କୁଡ଼ିକଲଃ ହଡ଼ମରାଃ କାମିକ କାମିତାନା । ୨୭ ଏନ୍ଲେକାଗି କଡ଼ାକହଗି ଆକଆଃ ଆପ୍ତନାଃ କୁଡ଼ିକଲଃ ହଡ଼ମରାଃ କାମି ବାଗିକେଦ୍ତେ କଡ଼ା କଡ଼ାକଲଃ ହଡ଼ମରାଃ କାମିକ କାମିତାନା । କଡ଼ାକ ଆକ ଆକଗି ଗିହୁଗାନ୍ କାମିକ କାମିତାନା, ଆତଃ ଏଡ଼କାନ୍ କାମି ହରାତେ ଆକ ଆକଗି ଆକଆଃ ନାଙ୍ଗ୍ ଯାଜାଇକ ଆଉଝେତାନା ।

୨୮ ନେ ହଡ଼କ ପାର୍ମ୍ଭେଶ୍ୱରୀଆଃ ବିଷାଏରେୟାଃ ସାର୍ତ୍ତି ସେଣ୍ଡାକେ ବୁଗିଲେକାତେ ସାରି ନାଗେନ୍ତେ କାକ ସାନାଙ୍ଗକେଦା, ଏନାମେନ୍ତେ ପାର୍ମ୍ଭେଶ୍ୱରୀ ଇନ୍କୁକେ ଆୟାଃ କା ଲାଗାତିଙ୍ଗ୍ କାମି ରିକାନାଗେନ୍ତେ ଏଡ଼କାନ୍ କାମିରେ ଜିମାକେଦ୍ତେକଆ । ୨୯ ଇନ୍କୁଦ୍ ସବେନ୍ ଲେକାନ୍ ଏଡ଼କାନାଃତେ ପେରେଜାକାନ୍ଦକ, ଏଡ଼କାନ୍ କାମିକ, ହାଏୟାଃଅତାନ୍ଦକ, ଏଟାଃକଆଃ ନକ୍ସାନ୍ତାନ୍ଦକ, ଆତଃ ହାଁକାର୍ତ୍ତେ ପେରେଜାକାନ୍ଦକ, ହଡ଼ ଗଗଏଃକ, ଲାପାଡ଼ାଇକ, ବେଦାକ, ଆତଃ ହିସ୍ତାପେ ପେରେଜାକାନ୍ଦକ ତାନ୍ଦକ । ଇନ୍କୁ ଏଟାଃନିୟାଃ ରୁପ୍ତରା କାଜିକ କାଜିୟାଃ, ୩୦ ମିହୁଡ଼୍ ଆତଃମିହୁଡ଼୍ଆଃ ଏଡ଼କାନ୍ କାଜିକ ଜାଗାରାଃ, ଇନ୍କୁ ପାର୍ମ୍ଭେଶ୍ୱରୀକେ ହିଲାଙ୍ଗ୍ ହଡ଼କ ତାନ୍ଦକ, ଏଟାଃକକେ ଲାନ୍ଦାଃକ, ଆକ ଆକଗି ମାରାଙ୍ଗ୍ୟେନ୍ଦକ, ଆତଃ ମାରାଙ୍ଗ୍ ଆଟ୍ଟକାରେନ୍ ତାନ୍ଦକ, ଆତଃଗି ଏଡ଼କାନ୍ କାମିକ କାମିନାଙ୍ଗ୍ ଉଡ଼ଃକତାନ୍ଦକ, ଆକଆଃ ଏଙ୍ଗା ଆପୁକକେ କାକ ମାନାତିଙ୍ଗ୍ ତାନ୍ଦକ, ୩୧ ବିବେକ୍ ବାନଃକ, ଆକଆଃ କାଜି କାଜିକାଦ୍ତେୟାଃକେ କା ପୁରାଏକ, ଆତଃ ଏଟାଃକ ନାଗେନ୍ତେ କାଟିଃଲେକାହ୍ ଦାୟା ଦୁଲ୍ଲାଡ଼୍ ଆତଃ ଲିନିବୁଇ ବାନଃକ ତାନ୍ଦକ । ୩୨ ଇନ୍କୁ ସାରିତାନାକ, ପାର୍ମ୍ଭେଶ୍ୱରୀଆଃ ଆନ୍ତୁ ଲେକାତେ ନେ ଲେକାନ୍ ହଡ଼କ ଗନ୍ଏଃରାଃ ସାଜାଇ

\* ୧:୨୧ ୧:୨୧ ଏଡ଼ିସିୟ ୪:୧୭,୧୮.

ନାମେଗିୟାଃକ । ନେଆଁ ସାରିକାଦରେୟ ଇନକୁ ଏନଲେକା ଏଡକାନ୍ କାମିକ କାମିତାନା ଆତଃ ଏନଲେକା କାମିତାନ୍ ହଡକକେୟଗି ଉସ୍କୁରକତାନାକ ।

୨

ପାରମେଶ୍ଵାରଆଃ ନ୍ୟାୟ ବିଚାର

୧ \*ଏ ହାଗା ଚାଏ ମିଗି, ଆମ୍ ତିନାଃ ଏଟାଃକଆଃ ବିଚାରତାନାମେ ? ଆମ୍ ଜେତାଏ ହଡ ତାନ୍ମେରେୟ, ନେଆଁ ରିକା ନାଗେନ୍ତେ ଆମ୍ ନାଙ୍ କା ବୁଗିନାଃ । ଏଟାଃକକେ ଚିଟାକେଦତେ ଆମ୍ଗି ଏନ୍ କାମିମ୍ କାମିତାନ୍ରେଦ, ଆମ୍ ଆମ୍ଗି ସାଜାଇୟେନ୍ ତାନାମେ । ୨ ଆବୁ ସାରିତାନାରୁ, ପାରମେଶ୍ଵାର ନେ'ଲେକା କାମିତାନ୍ ହଡକକେ ସାରତିଗି ବିଚାରକଆ । ୩ ହେ ହାଗା ମିଗିକ, ଅକ ଏଡକାନ୍ କାମି ନାଗେନ୍ତେ ଆପେ ଏଟାଃକକେପେ ଚିଟାକ ତାନା, ଏନା ଆପେଗିପେ କାମିତାନ୍ରେଦ, ଚିୟାଃ ଆପେ ପାରମେଶ୍ଵାରଆଃ ବିଚାରହେତେ ବାତାଅଃଖାଲେ ମେନ୍ତେପେ ଉଡ଼ଷ୍ଟତାନା ? ୪ ହବାସାକାଅଆଃ, ଆପେ ପାରମେଶ୍ଵାରଆଃ ମାରାଙ୍ ଦାୟା, ଧୁରାଜ୍ ଆତଃ ସାହାତିଙ୍ ଜୀଞ୍ଜାନ୍କେପେ ହିଲାଙ୍ଗତାନା । ଆପେ ସାରତିଗିପେ ସାରିତାନା ଯେ, ଆପେୟାଃ ମନ୍ରେ ହେୟାତିଙ୍ ଆଉଖେ ନାଗେନ୍ତେ ପାରମେଶ୍ଵାର ଦାୟାକାଦପେୟାଏ । ୫ ମେନ୍ଦ ଆପେ କେଟେଦମନ୍କ ଆତଃ କା ବାଦଲାଅଃ ମନ୍ପୁରୁଦକ ତାନ୍ପେ । ଏନାତେ ଚୁଣ୍ଟୁ ହୁଲାଙ୍ରେୟାଃ ନ୍ୟାୟ ବିଚାର ଇମତା ଆପେ ପାରମେଶ୍ଵାରଆଃ ଖସ୍ଆକାନ୍ ହବାକେଦତେ ପୁରାଃଗି ସାଜାଇପେ ନାମେୟାଁ । ୬ ଚିୟାଃଟି ପାରମେଶ୍ଵାର ସବେନ୍କକେ ଆକଆଃ କାମିଲେକାତେ ନାଲାଏ ଏମାକଆ । ୭ ଅକ ହଡକ ମାନାରାଙ୍, ମାଇନାନ୍ ଆତଃ କା ଚୁଣ୍ଟୁ ଜୀଦାନ୍ ନାମେରେୟାଃ ଆସ୍ତାରେ ଧୁରାଜ୍ ସାବକେଦତେ ବୁଗିନ୍ କାମିକ କାମିୟା, ଇନକୁକେ ପାରମେଶ୍ଵାର ଜାନାଅ ଜୀଦାନ୍ ଏମାକଆଏ । ୮ ମେନ୍ଦ ଅକନ୍ ହଡକ ଆପାନାଃ ନାଗେନ୍ତେ ଏସ୍କାର ଉଡ଼ଗୁାଃକ, ସାନାର୍ତିରାଃ ହରାକେ ବାଗିକେଦତେ ଏଡକାନ୍ ହରାକ ଅତଙ୍ଗଆଁଃ, ଇନକୁଆଃ ଚେତାନ୍ରେ ପାରମେଶ୍ଵାରଆଃ ଖସ୍ ପୁରାଃଗି ଆତଃ ବରଞ୍ଜାନ୍ଗି ହବାଅଃଆ । ୯ ଅକନ୍କ ଏଡକାନ୍ କାମି କାମିତାନାକ ଇନକୁଆଃ ଜୀଉରେ ଦୁକୁ ଆତଃ ସାସାତିରେୟାଃ ଦିପିଲି ହିଜୁଃତାନା । ସିଦାତେଦ ଯିହୁଦୀକଆଃ ନାଗେନ୍ତେ ଏନ୍ ତାୟମ୍ତେ ଗ୍ରୀକ୍ ହଡକଆଃ ନାଗେନ୍ତେ ହବାଅଃଆ । ୧୦ ମେନ୍ଦ ଅକନ୍କ ବୁଗିନ୍ କାମିକ କାମିତାନା, ଇନକୁକେ ପାରମେଶ୍ଵାର ମାନାରାଙ୍, ମାଇନାନ୍, ଆତଃ ଜୀଉସ୍କୁ ଏମାକଆଏ । ସିଦାତେ ଯିହୁଦୀ ହଡକକେ ଏନ୍ତାୟମ୍ତେ ଗ୍ରୀକ୍ ହଡକକେ, ୧୧ ଚିୟାଃଟି ପାରମେଶ୍ଵାର ସବେନ୍କକେ ମିଦଲେକାଗି ବିଚାରକଆ ।

୧୨ ଗ୍ରୀକ୍\* ହଡକ ମୁଗା ନାବୀ ଅଲାକାଦ୍ ଆନ୍ରୁ କାକ ନାମାକାଦା । ଇନକୁ ବେଗାର୍ ଆନ୍ରୁତେ ପାପକେଦାକ, ଏନାତେ ଇନକୁ ବେଗାର୍ ଆନ୍ରୁତେ ଜିୟନଃଆକ । ମେନ୍ଦ ଯିହୁଦୀକ ଆନ୍ରୁ ସାରିକେଦତେହ୍ ପାପକେଦାକ, ଏନାତେ ଏନ୍ ଆନ୍ରୁ ହରାତେଗି ବିଚାରଃଆକ । ୧୩ ଚିୟାଃଟି ଆନ୍ରୁ ଆୟୁମ୍କେଦତେ ଏସ୍କାର ହଡକ ପାରମେଶ୍ଵାରଆଃ ସାମ୍ନାଙ୍ରେ ଧାରମାନ୍ କାକ ହବା ଦାଡ଼ିୟଃଆ, ମେନ୍ଦ ଆନ୍ରୁ ମାନାତିଙ୍କେଦତେହଗି ଧାରମାନ୍ ହବା ଦାଡ଼ିୟଃଆକ । ୧୪ ଗ୍ରୀକ୍ ହଡକଆଃ ଆନ୍ରୁ ବାନଃଆ, ମେନ୍ଦ ଇନକୁ ଆନ୍ରୁ ହୁକୁମାକାଦ୍ ଲେକାକ ମାନାତିଙ୍ଗତାନ୍ରେଦ ଏନାଗି ଇନକୁଆଃ ଆନ୍ରୁ ଲେକ୍ନାଃ ତାନାଃ । ୧୫ ଇନକୁଆଃ ଚାଇଲ୍ ଚାଇଲ୍ ହରାତେ ଉଦୁବଃତାନା, ଆନ୍ରୁରେୟାଃ ନିୟାମ୍କ ଇନକୁଆଃ ମନ୍ପୁରୁଦରେ ଅଲ୍କେଦତେ ମେନାଃ । ନେ କାଜିରେୟାଃ ସାନାର୍ତି ଇନକୁଆଃ ବିବେକ୍ତେହଗି ଉଦୁବାକାନା, ବୁଗିନ୍ ଉଡ଼ଷ୍ଟତାନ୍ ଇମତା ବିବେକ୍ ଇନକୁକେ

\* ୨:୧ ୨:୧ ମାଥୁର ୨:୧; ଲୁକ ୬:୩୭. \* ୨:୧୨ ୨:୧୨ ଅକନ୍କ ଯିହୁଦୀ ହଡକ ନାହାଁଲାକ

ଦେଖାକଥା, ଆତ୍ମ ଏତକାନ ଉତ୍ତୁ ଇମତା ଚିଟାକଥା । ୧୭ ଅକନ୍ ହୁଲାଙ୍ଗ ପାର୍ମେଶ୍ୱାର ଯୀଶୁ ଖ୍ରୀଷ୍ଟଆଃ ହରାତେ ସବେନ୍ ହତକଥାଃ ଉକ୍ତୁଆକାନ୍ କାଜିକଏ ବିଚାରେୟା, ଏନ୍ ହୁଲାଙ୍ଗ ଆଇଙ୍ଗ ଉଦୁବେତାନ୍ ସୁକ୍ତୁକାଜି ଲେକାତେ ନେ ସବେନାଃ ହବାଅଃଆ ।

ଯିହୁଦୀକ ଆତ୍ମ ଆନ୍ତୁ

୧୭ ଆପେ ଚିନାଃ କାଜିତାନାପେ ? ଆପେ ଆପାନ୍‌କେ ଯିହୁଦୀ ମେନ୍ତେପେ କାଜିନ୍‌ତାନା, ମୁଣା ଏମାକାଦ୍ ଆନ୍ତୁ ଚେତାନ୍‌ରେ ଭାର୍‌ସାକେଦ୍‌ତେ ଆତ୍ମ ପାର୍ମେଶ୍ୱାରଲଃ ଆପେୟାଃ ନାତା ମେନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ ଉତ୍ତୁତାନା, ୧୮ ମୁଣା ନାବୀରାଃ ଆନ୍ତୁଏତେ ଆପେ ଇତୁକାନାପେ ଆତ୍ମ ପାର୍ମେଶ୍ୱାରଆଃ ଇଛାସାନାଙ୍ଗ୍‌କେ ସାରିକେଦ୍‌ତେ ବୁଗିନାଃ ଆତ୍ମ ଏତକାନାଃରେୟାଃ ସେଣ୍‌କେପେ ଆଟ୍‌କାର୍‌ଉରୁମ୍ କାଦା, ୧୯ ସାର୍‌ତିଗିପେ ସାରିତାନା, ଆପେ କା ନେଲ୍ ଦାଡ୍‌ନିୟାଃ ହରା ଉଦୁବ୍‌କ ତାନ୍‌ପେ, ନୁବାଃରେ ତାଇନ୍‌ତାନ୍ ହତକ ନାଗେନ୍ତେ ମାର୍‌ସାଲ୍‌କ ତାନ୍‌ପେ, ୨୦ ତଣ୍ଡ ହତକକେ ଇତୁ ହତକ ତାନ୍‌ପେ, କା ସେଣ୍‌ନ୍‌କଥାଃ ଇନିତୁକ ତାନ୍‌ପେ । ଆପେୟାଃ ବିଶ୍ୱାସ୍, ଆନ୍ତୁଏତେ ଆପେ ପୁରା ସାନାର୍‌ତି ଆତ୍ମ ସେଣ୍‌ପେ ନାମାକାଦା । ୨୧ ଆପେ ଏଟାଃକକେ ଇତୁକତାନାପେ ମେନ୍‌ଦ୍ ଆପେ ଆପେଗି ଚିୟାଃ ମେନ୍ତେ କାପେ ଇତୁନ୍‌ତାନା ? “ଆଲ୍‌ପେ କୁମ୍‌ତୁଆଃ” ମେନ୍ତେ ଇତୁକେଦ୍‌ତେ ଆପେଗିପେ କୁମ୍‌ତୁ ତାନାଚି ? ୨୨ “ଆପାଙ୍ଗିର୍ କାମି ଆଲ୍‌ପେ ରିକାଏୟା” ମେନ୍ତେ କାଜିକେଦ୍‌ତେ, ଚିୟାଃ ଆପେଗି ଆପାଙ୍ଗିର୍ କାମିପେ ରିକାତାନା ? ଆପେ ମୁରୁଦ୍‌କକେ ହିଲାଙ୍ଗ୍‌କେଦ୍‌ତେ ଚିୟାଃ ମାଦିର୍‌ରେୟାଃ ଜିନିଷ୍‌କକେପେ ରେଃକତାନା ? ୨୩ ଆପେ ପାର୍ମେଶ୍ୱାର୍‌ଆଃ ଆନ୍ତୁ ନାମାକାଦାଲେ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା, ମେନ୍‌ଦ୍ ଆୟାଃ ଆନ୍ତୁକେ ଟଟାଃକେଦ୍‌ତେ ଚିୟାଃ ପାର୍ମେଶ୍ୱାର୍‌କେପେ ନିୟାଈ ତାନା ? ୨୪ ଧାରାମ୍‌ପୁଥ୍‌ରେ ଅଲ୍‌କାନା, “ଆପେୟାଃ ନାଗେନ୍ତେ ଗ୍ରୀକ୍ ହତକ ପାର୍ମେଶ୍ୱାର୍‌ଆଃ ଏତକାନାଃକ କାଜିତାନା ।”

୨୫ ଆନ୍ତୁକେପେ ମାନାତିଙ୍ଗ୍ ତାନ୍‌ରେଦ୍, ଆପେୟାଃ ଖାଡ୍‌ନାଅରାଃ ଗନଙ୍ଗ୍ ମେନାଃ, ମେନ୍‌ଦ୍ ଆନ୍ତୁକେ କାପେ ମାନାତିଙ୍ଗ୍‌ତାନ୍‌ରେଦ୍ ଆପେ କା ଖାଡ୍‌ନାଅକାନ୍ ହତକଲଃ ମିଦ୍‌ଗିୟାପେ । ୨୬ କା ଖାଡ୍‌ନାଅକାନ୍ ମିଆଁଦ୍ ଗ୍ରୀକ୍ ହତଆଃ ଆନ୍ତୁରେୟାଃ ରିତିରିଝାଜ୍‌କକେ ମାନାତିଙ୍ଗ୍ ତାନ୍‌ରେଦ୍, ପାର୍ମେଶ୍ୱାର୍ ଇନିଃକେ ଖାଡ୍‌ନାଅକାନ୍ ହତ୍ ଲେକା କାଏ ତି ମାଇନିୟା ? ୨୭ ଏନାମେନ୍ତେ ହତ୍‌ମରେ କା ଖାଡ୍‌ନାଅକାନ୍‌ରେୟା ଆନ୍ତୁ ମାନାତିଙ୍ଗ୍‌ତାନ୍ ଗ୍ରୀକ୍ ହତକ ଯିହୁଦୀ ହତକକେ ବିଚାର୍‌କଥାକ, ଚିୟାଃଚି ଇନ୍‌କୁ ହତ୍‌ମ ଲେକାତେ ଖାଡ୍‌ନାଅକାନ୍‌ରେୟା ଏନ୍ ଅନଲ୍ ଆନ୍ତୁକେ କାକ ମାନାତିଙ୍ଗ୍ ତାନା । ୨୮ ବାହାରି ହତ୍‌ମ ଲେକାତେ ଏସ୍‌କାର୍ ଖାଡ୍‌ନାଅକାନ୍‌ନିଃ ଯିହୁଦୀ ମେନ୍ତେ କାଜିୟାଃତାନା ମେନ୍‌ଦ୍ ସାର୍‌ତି ଯିହୁଦୀ ନାହାଁଲିଃ । ୨୯ ସାର୍‌ତି ଯିହୁଦୀ ତାନିଃରେଦ୍, ଇନିଃ ମନ୍ ଭିତାର୍‌ଏତେଗି ଯିହୁଦୀ ତାନିଃ । ସାର୍‌ତି ଖାଡ୍‌ନାଅ ମନ୍‌ସୁରୁଦ୍‌ରେଗି ହବାଅଃଆ, ଏନା ପାର୍ମେଶ୍ୱାର୍‌ଆଃ ଆମ୍‌ାତେ ହବାଅଃଆ, ଅନଲ୍‌ତେଦ୍ କାହାଗି । ଅକନ୍ ହତ୍ ମନ୍‌ସୁରୁଦ୍‌ରେ ଆମ୍‌ାତେ ଖାଡ୍‌ନାଅକାନା, ଇନିଃ ପାର୍ମେଶ୍ୱାର୍‌ତାଃଏତେ ସାହାରାଅ ନାମେୟାଏ, ହତକତାଃଏତେଦ୍ କାହାଗି ।

୩

୧ ତାବ୍‌ଦ୍ ଗ୍ରୀକ୍ ହତକତାଃଏତେ ଯିହୁଦୀ ହତକଥାଃ ପୁରାଃ ସୁବିଧା ଚିନାଃ ତାନାଃ ? ତାଏ ଖାଡ୍‌ନାଅକାନ୍‌ରେୟାଃ ଚିକାନ୍ ସୁବିଧା ମେନାଃ ? ୨ ହେଗି, ଯିହୁଦୀ

ହତକତାଃରେ ପୁରାଃ ବିଶେଷ ବିଷାଏକ ମେନାଃ । ସବେନାଃଏତେ ବିଶେଷ କାଜି ହବାଅଃତାନା, ପାର୍ମେଶ୍ୱାର୍ ଆୟାଃ ବିଷାଏରେ କାଜିରାଃ ବାହାରମ୍ ଯିହୁଦୀକକେ ପାହିଲାତେ ଏମାକାଦକଆ ।<sup>୩</sup> ମେନ୍ଦ ଚିମିନ୍ ହତକ କା ପାତିୟାର୍ରେ ଲେକାନକ ତାନକ, ଏନାତେ ଚିନାଃ ପାର୍ମେଶ୍ୱାର୍ କା ପାତିୟାର୍ରେ ଲେକାନନିଃ ହବାଅଃଆଏ ?<sup>୪</sup> କାହାଗି, ଏନ୍କାଦ ଆଲ ହବାଅଃକା । ସବେନ୍ ହତକ ହସଡ୍ ହବାଅଃରେୟ ପାର୍ମେଶ୍ୱାର୍ ସାର୍ତି ତାନିଃ । ଧାରାମ୍ ପୁଥ୍ରେ ଅଲ୍ଲାନା,  
 “ଆମାଃ କାଜି ହରାତେ ଆମ୍ ଧାର୍ମାନ୍ ମେନ୍ତେମ୍ ସାରିୟଃଆ,  
 ଆମ୍ ବିଚାରଃତାନ୍ ଇମ୍ତା ଜିନିତାଅ ନାମେୟାମ୍ ।”

<sup>୫</sup> ନେତାଃରେ ମିଆଁଦ୍ କୁନୁଲି ହବାସାକାଅଥାଃ, ଆବୁ ଏଡ୍‌କାନ୍ କାମି ରିକାଃବୁ ଇମ୍ତା ଆଟ୍‌କାରଃଆ ଯେ ପାର୍ମେଶ୍ୱାର୍‌ଆଃ କାମି ବୁଗିନାଃତାନାଃ, ଏନାତେ ପାର୍ମେଶ୍ୱାର୍ ଆବୁକେ ସାଜାଇ ଏମାବୁତାନ୍ ଇମ୍ତା ଇନିଃ ଗୁହ୍ନାଁ କାମି ରିକାଏତାନା ମେନ୍ତେ କାଜି ଦାଡ୍‌ୟାବୁଚି ? ଆଇଙ୍ଗ୍ ହଡ୍ ଲେକା କାଜିତାନାଇଙ୍ଗ୍ ।<sup>୬</sup> କାହାଗି ଏନ୍କା ଆଲକା ହବାଅଃକା, ପାର୍ମେଶ୍ୱାର୍ ନ୍ୟାୟ ଏମ୍‌ନିଃ ନାହାଁଲିଃ ରେଦ୍ ଇନିଃ ଚିଲ୍‌କାତେ ଅତେଦିଶୁମ୍‌ରାଃ ବିଚାର୍ ରିକା ଦାଡ୍‌ୟାଏ ?

<sup>୭</sup> ମେନ୍ଦ ଆଇଁୟାଃ କା ସାନାର୍ତି ହରାତେ ପାର୍ମେଶ୍ୱାର୍‌ଆଃ ସାନାର୍ତିତେୟାଃ ପୁରାଃତେ ପୁରାଗି ଉଦୁବଃଆ ଆତଃ ଇନିୟାଃ ମାନାରାଙ୍ଗ୍ ହବାଅଃରେଦ୍, ଆଇଙ୍ଗ୍ ପାପି ମେନ୍ତେ ଚିନାଃ ନାଙ୍ଗ୍ ସାଜାଇ ନାମେୟାଇଙ୍ଗ୍ ? 「ଆବୁ ଚିନାଃମେନ୍ତେ କାବୁ କାଜିୟାତାମ୍, “ଦଲାରୁ ଏଡ୍‌କାନ୍ କାମିକବୁ ରିକାୟା, ଏନାତେ ବୁଗିନ୍‌ଆଃ ହିଜୁଃଆ ?” ଆଇଙ୍ଗ୍ ଠାଉକାଗି ନେ କାଜିକ କାଜିକେଦ୍ ହରାତେ, ପୁରାଃ ହତକ ଆଇଙ୍ଗ୍‌କେ ଲାନ୍ଦାକେଦିୟାଁକ ଆତଃ ଚିଟାକେଦିୟାଁକ । ନେଆଁ ନାଗେନ୍ତେ ଇନ୍‌କୁ ସାଜାଇକ ନାମେଗିୟା ।

ଜେତାଏୟ ଧାର୍ମାନ୍ ହଡ୍ ବାଙ୍କଆ

<sup>୯</sup> ତାବ୍‌ଦ, ଆବୁ ଯିହୁଦୀ ହଡ୍‌କ ଗ୍ରୀକ୍ ହଡ୍‌କତାଃଏତେ ଚିନାଃ ପୁରାଃ ବୁଗିନାଃବୁ ? କାହାଗି, ଯିହୁଦୀ ହଡ୍ ଆତଃ ଗ୍ରୀକ୍ ହଡ୍ ସବେନ୍‌କ ମିଦ୍‌ଗିୟାକ ମେନ୍ତେ ଆଇଙ୍ଗ୍ ସିଦାରେଗିଇଙ୍ଗ୍ କାଜି ଚାବାକାଦା, ଇନ୍‌କୁ ସବେନ୍‌କ ଆକଆଃ ଆପ୍‌ନାଃ ପାପ୍‌ରେୟାଃ ଆକ୍‌ତେୟାର୍ରେ ମେନାକଆ ।<sup>୧୦</sup> ଧାରାମ୍ ପୁଥ୍ରେ ଅଲ୍ଲାନା,

“ଧାର୍ମାନ୍ ହଡ୍ ଜେତାଏ ବାଙ୍କଆ, ମିହୁଡ୍‌ହ୍ ବାଙ୍କଆ,  
<sup>୧୧</sup> ମିହୁଡ୍‌ହ୍ ସେଣ୍‌ନ୍ ହଡ୍ ବାଙ୍କଆ,  
 ତାଏ ପାର୍ମେଶ୍ୱାର୍‌କେ ସାର୍ତିତେ ଦାଣ୍‌ଇନିଃ ଜେତାଏ ବାଙ୍କଆ ।

<sup>୧୨</sup> ଇନ୍‌କୁ ସବେନ୍‌କ ପାର୍ମେଶ୍ୱାର୍‌ତାଃଏତେ ସାଜିନାକାନାକ,  
 ସବେନ୍‌କ ହରା ଆଦାକାଦାକ,  
 ଜେତାଏ ମିହୁଡ୍‌ହ୍ ବୁଗିନ୍ କାମି କାକ ରିକାତାନା ।

<sup>୧୩</sup> ଇନ୍‌କୁଆଃ ମଚାରାଃ କାନାଜି ଉରାକାନ୍ ତପାଗାଡ୍‌ ଲେକାନାଃ ତାନାଃ,  
 ଆଲାଇଙ୍ଗ୍‌ହେତେ ଏଡ୍‌କାନ୍ ବେଦା ଲିଙ୍ଗିୟଃତାନା,  
 ଆତଃ ଇନ୍‌କୁଆଃ ମତାଏତେ ଅତଙ୍ଗ୍‌ତାନ୍ କାଜି, ବରଞ୍ଜାନ୍ ବିଙ୍ଗ୍‌ରାଃ ବିଷ୍  
 ଲେକାନାଃ ତାନାଃ,

<sup>୧୪</sup> ଇନ୍‌କୁଆଃ ଜାଗାର୍ ମେହେର୍‌ତେ ଆତଃ ସାର୍‌ପାଅତେ ପେରେଜାକାନା ।

<sup>୧୫</sup> ଇନ୍‌କୁ ଏଟାଃକକେ ନକ୍‌ସାନ୍ ଆତଃ ଗଗଏଃ ନାଗେନ୍ତେ ସେକାଡ୍‌କାନ୍‌ଗିକ  
 ତାଇନାଃ ।  
<sup>୧୬</sup> ଇନ୍‌କୁ ଜିୟନେ ନାଗେନ୍ତେ ଆତଃ ସାସାତି ନାଗେନ୍ତେ ସବେନ୍‌ସାଃତେ  
 ସେନାଃକ ।

<sup>୧୭</sup> ଇନ୍‌କୁ ଜୀଉସୁକୁରାଃ ହରାକେ କାକ ସାରିୟା ।

୧୮ ତାଏ ପାର୍ମେଶ୍ୱରକେ ବରଭାକ୍ତି ଲାଗାତିଙ୍ଗିୟାଃ, ଏନା ଇନ୍କୁ କାକ ଇଡୁକାନା ।”

୧୯ ନାହାଁଃ ଆବୁ ସାରିତାନାବୁ, ଅକନ୍କ ଆନ୍ତୁରେ ମେନାକଆ, ଇନ୍କୁକେ ଏନାରେୟାଃ ସବେନ୍ ଆନ୍ତୁ ମାନାତିଙ୍ଗି ଲାଗାତିଙ୍ଗିୟାଃ । ପାର୍ମେଶ୍ୱର ସବେନ୍ ଅତେଦିଶୁମରାଃ ବିଚାର ରିକାଏ ଇମତା, ଆନ୍ତୁକେ କା ମାନାତିଙ୍ଗିତାନ୍ ହଡକ ଜେଡନାଃ ଉଦୁବକେଦତେ, ଆପାନ୍କେ ବେଗାର୍ ତିଚାନିଃ ତାନିଙ୍ଗି ମେନ୍ତେ କାକ କାଜି ଦାଡ଼ିୟା । ୨୦ \*ମେନ୍ଦ ଆନ୍ତୁରେୟାଃ କାଜିକାମି ରିକାକେଦତେ ଜେତାଏ ମାନଞ୍ଜା ପାର୍ମେଶ୍ୱରଆଃ ନେପେଲ୍ରେ ଧାର୍ମାନ୍ ମେନ୍ତେ କାଏ କାଜିୟଃଆ । ଆନ୍ତୁ ଆବୁଆଃ ପାପ୍ ବିଷାଏରେ ଏସକାର୍ ଆବୁକେ ଚେଡଗାର୍ବୁଆ ।

ବିଶ୍ୱାସରେ ଧାର୍ମାନ୍ ହବାଅଃ

୨୧ ମେନ୍ଦ ନାହାଁଃ ମୁଣାରାଃ ଆନ୍ତୁ ବାଗିକେଦତେ ପାର୍ମେଶ୍ୱରଆଃ ଧାର୍ମାନ୍ତେୟାଃ ଉଦୁବାକାନା । ନେ ବିଷାଏରେ ମୁଣାରାଃ ଆନ୍ତୁ ଆଡ଼ଃ ନାବାକହଗି ଗାଞ୍ଜା ଏମାକାଦାକ । ୨୨ \*ୟୀଶୁ ଖ୍ରୀଷ୍ଟତାଃରେ ଏସକାର୍ ବିଶ୍ୱାସ୍ ହରାତେ ହଡକ ପାର୍ମେଶ୍ୱରଆଃ ଆୟାରରେ ଧାର୍ମାନ୍କ ହବାଅଃଆ । ପାର୍ମେଶ୍ୱର ସବେନ୍କକେ ମିଦଲେକାଗି ନେଲ୍ଲାଃଏ, ଖ୍ରୀଷ୍ଟତାଃରେ ବିଶ୍ୱାସ୍ତାନ୍ ସବେନ୍ ହଡକକେ ନେ ସୁୟୋଗ୍ ଏମାଃଏ । ୨୩ ସବେନ୍କ ପାପକାଦାକ ଆଡ଼ଃ ପାର୍ମେଶ୍ୱରଆଃ ମାନାରାଙ୍ଗ ନାମେହେତେ ସାଙ୍ଗିନ୍ରେ ମେନାକଆ । ୨୪ ମେନ୍ଦ ଖ୍ରୀଷ୍ଟ୍ ଯୀଶୁଆଃ ହରାତେ ବେଗାର୍ ଗନଙ୍ଗ୍ରେ ପାର୍ମେଶ୍ୱର ଅକନ୍ ସାୟାଦ୍ ଏମାକାଦାଏ, ଏନାକେ ଅକନ୍ ହଡକ ତେଲ୍ଲାଏୟାକ, ଇନ୍କୁ ଖ୍ରୀଷ୍ଟ୍ ଯୀଶୁଆଃ ହରାତେ ପାପ୍ହେତେ ରାଡାକେଦତେ ପାର୍ମେଶ୍ୱରଆଃ ନେପେଲ୍ରେ ଧାର୍ମାନ୍କ ହବାଅଃଆ । ୨୫ ପାର୍ମେଶ୍ୱର ଯୀଶୁକେ ଏମକିୟାଏ, ଇନିୟାଃ ଦାଣ୍ଟେ ଗନଏଃ ତାଏ ମାୟୋମ୍ ହରାତେ ଆୟାଃତାଃରେ ବିଶ୍ୱାସ୍ତାନ୍ ହଡକଆଃ ପାପ୍ ଛାମାରାଃ ହରାଏ ବାଇକେଦା । ପାର୍ମେଶ୍ୱର ଆୟାଃ ଧାର୍ମାନ୍କେ ଉଦୁବ୍ ନାଗେନ୍ତେ ନେଆଁଏ ରିକାକେଦା । ପାର୍ମେଶ୍ୱର ଧୂରାଜ୍ ସାବ୍କେଦତେ ହଡକ ସିଦାରେ କାମିକାଦ୍ ପାପକଏ ବାଗିକେଦା । ୨୬ ମେନ୍ଦ ନାହାଁଃ ଇନିଃ ଆୟାଃ ଧାର୍ମାନ୍କେ ଉଦୁବେ ନାଗେନ୍ତେ ପାପ୍ ଛାମାରେୟାଃ ହରାଏ ଉଦୁବକେଦା । ନେ ହରାତେ ପାର୍ମେଶ୍ୱର ଉଦୁବକେଦାଏ ଯେ, ଇନିଃ ଆଇଃକ୍ରି ଧାର୍ମାନ୍ନିଃ ତାନିଃ ଆଡ଼ଃ ଅକନ୍କ ଯୀଶୁତାଃରେ ବିଶ୍ୱାସ୍ ରିକାଏୟାକ, ଏନ୍ ସବେନ୍କକେ ଧାର୍ମାନ୍ ମେନ୍ତେ କାଜିକଆ ।

୨୭ ତାବଦ, ଆବୁ ଅକ ବିଷାଏରେ ଆପାନ୍କେ ମାରାଙ୍ଗ୍‌ୟେନ୍ ମେନ୍ତେବୁ କାଜିନାଃ ? କାହାଗି, ଏନ୍ଲେକାନ୍ ବିଷାଏ ଜେଡନାଃ ବାନଃଆ । ଆପାନ୍କେ ମାରାଙ୍ଗ୍‌ୟେନ୍ ମେନ୍ତେ କାଜିନ୍ତେୟାଃ ଆବୁଆଃ ତିନାଃ ତାଇନ୍ସାକାଅଃଆ ? ତିନାଃ ଆନ୍ତୁକେ ପୁରା ମାନାତିଙ୍ଗିକାଦାବୁ ମେନ୍ତେ ? କାହାଗି, ଆବୁଆଃ ବିଶ୍ୱାସ୍ ଏସକାର୍ ତାନାଃ, ଅକନାଃତି ଆବୁ ଆପାନ୍କେ ମାରାଙ୍ଗ୍‌ୟେନ୍ ମେନ୍ତେବୁ କାଜିନ୍ ତାନା । ୨୮ ନେଆଁତେ ଆବୁ ସାର୍ତ୍ତିଗି ଆଟକାର୍ ଉରୁମେତାନାବୁ ଯେ, ମିହୁଡ୍ ଆୟାଃ ବିଶ୍ୱାସ୍ ହରାତେ ଏସକାର୍ ପାର୍ମେଶ୍ୱରଆଃ ନେପେଲ୍ରେ ଧାର୍ମାନ୍ ହବାଅଃଆଏ, ମେନ୍ଦ ଆନ୍ତୁକେ ମାନାତିଙ୍ଗି ହରାତେ କାହାଗି । ୨୯ ପାର୍ମେଶ୍ୱର୍ ଯିହୁଦୀକଆଃ ଏସକାର୍ ପାର୍ମେଶ୍ୱର ନାହାଁଲିଃ ? ଇନିଃ ଗ୍ରୀକ୍ ହଡକଆଃ ପାର୍ମେଶ୍ୱରହ୍ ତାନିଃ । ସାର୍ତ୍ତିଗି ଇନିଃ ସବେନ୍କଆଃ ପାର୍ମେଶ୍ୱର ତାନିଃ । ୩୦ \*ପାର୍ମେଶ୍ୱର୍ ମିହୁଡ୍ରି ତାନିଃ । ଖାଡନାଅ ଆଡ଼ଃ କା ଖାଡନାଅ ହଡକ ଆକଆଃ ବିଶ୍ୱାସ୍ ହରାତେ ଇନିଃ ଇନ୍କୁକେ ଧାର୍ମାନ୍ ମେନ୍ତେ କାଜିକଆ । ୩୧ ନେଆଁରାଃ ମୁଣ୍ଡି ତିନାଃ, ଆବୁ ବିଶ୍ୱାସ୍ ହରାତେ

\* ୩:୨୦ ୩:୨୦ ଗାଲାତିୟ ୨:୧୭. ☆ ୩:୨୨ ୩:୨୨ ଗାଲାତିୟ ୨:୧୭. ☆ ୩:୩୦ ୩:୩୦ ଗାଲାତିୟ ୩:୨୦.



ଆନୁରୁକେ ଜିୟନଃ ନାଗେନ୍ତେବୁ ସାନାଙ୍ଗତାନା ? କାହାଗି, ଏନକାଦ କା ହବାଅଃଆ । ବିଶ୍ୱାସ୍ ହରାତେ ଆବୁ ଆନୁରୁରେୟାଃ ନିହିଁ ଗାତା କେଟେଦକାଦାବୁ ।

### ୪

#### ଆବ୍ରାହାମ୍‌ଆଃ ନାମୁନ

୯ ତାବଦ, ହଡ଼ମ୍ ଲେକାତେ ଆବୁଆଃ ପୁରଖା ଆପୁ ଆବ୍ରାହାମ୍‌ଆଃ ବିଷାଏରେ ତିନାଃରୁ କାଜି ଦାଡ଼ିୟା ? ୧୨ ଆବ୍ରାହାମ୍‌ ଆୟାଃ କାମି ହରାତେ ପାର୍‌ମେଶ୍ୱାର୍‌ଆଃ ନେପେଲ୍‌ରେ ଧାର୍‌ମାନ୍ ହବାକାନ୍‌ତେୟାଃଏ ରେଦ, ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃ, ମେନ୍‌ଦ ପାର୍‌ମେଶ୍ୱାର୍‌ଆଃ ନେପେଲ୍‌ରେ ଏନକା କା ହବାକାନ୍‌ ତାଇକେନା । ୧୩ \*ଆରାମ୍‌ପୁଥ୍ ଲେକାତେ, “ଆବ୍ରାହାମ୍‌ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌କେଦା ଆତଃ ଏନ୍ ବିଶ୍ୱାସ୍ ହରାତେ ପାର୍‌ମେଶ୍ୱାର୍‌ ଇନିଃକେ ଧାର୍‌ମାନ୍ ମେନ୍ତେ କାଜିକିୟା ।” ୧୪ ଜେତାଏ କାମିନିଃ ନାଲା ନାମେଗିୟାଏ । ଏନାକେ ଦାନ୍ ଲେକା କାଏ ନାମେୟାଁ । ୧୫ ମେନ୍‌ଦ ଜେତାଏ ଆପାନାଃ କାମିରେ ଆସ୍ତା କା ଦହକେଦ୍‌ତେ, ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌ଆ, ଆୟାଃ ବିଶ୍ୱାସ୍ ହରାତେ ଚିଟାକାନ୍‌ନିୟାଃ ଗୁହ୍ଲ୍‌କେ ରାଡ଼ା ଦାଡ଼ିତାନ୍ ପାର୍‌ମେଶ୍ୱାର୍‌ ଇନିଃକେ ଧାର୍‌ମାନ୍ ମେନ୍ତେ କାଜିୟା । ୧୬ ଜେତା ହଡ଼ରାଃ କାଜିକାମିକେ କା ନେଲ୍‌କେଦ୍‌ତେ ପାର୍‌ମେଶ୍ୱାର୍‌ ଇନିଃକେ ଧାର୍‌ମାନ୍ ଲେକାଏ ତେଲା ଦାରମିୟାଁ, ଇନିୟାଃ ସାହାରାଅ ରିକାତାନ୍‌ଲଃ ଦାଉଦ୍ କାଜିକେଦାଏ

୧୭ “ଜେତାଏୟାଃ ଏଡ଼କାନ୍ କାମି ଛାମାକାନା ଇନିଃ ରାସ୍‌କାଗିୟାଏ,

ଜେତାଏ ପାପ୍‌ଛାମା ନାମାକାଦାଏ ଇନିଃ ଧାଇନ୍‌ଗିୟାଏ ।

୧୮ ଜେତାଏୟାଃ ପାପ୍‌କ ପ୍ରାଭୁ କାଏ ଲେକାଏୟା ଇନିଃ ରାସ୍‌କାଗିୟାଏ ।”

୯ ନେତାଃରେ ଦାଉଦ୍ ଅକନ୍‌କକେ ରାସ୍‌କା କାନ୍‌କ ମେନ୍ତେ କାଜିତାନା, ଇନ୍‌କୁ ତିନାଃ ଖାଡ଼ନାଅକାନ୍ ହଡ଼କ ଏସ୍‌କାର୍ ତାଇକେନାକ ? କାହାଗି, କା ଖାଡ଼ନାଅକାନ୍ ହଡ଼କଆଃହଗି ରାସ୍‌କା ହବା ଦାଡ଼ିୟଃଆ । ଆବୁ କାଜିତାନାବୁ, ଆବ୍ରାହାମ୍‌ ବିଶ୍ୱାସ୍ ହରାତେ ଧାର୍‌ମାନ୍ ହବାକାନାଏ, ୧୦ ନେଆଁ ଅକ ଦିପିଲିରେ ହବାକାନ୍ ତାଇକେନା ? ଆବ୍ରାହାମ୍‌ଆଃ ଖାଡ଼ନାଅ ହବାୟାନ୍ ସିଦାରେଚି ତାୟମ୍‌ତେ ? ନେଆଁଦ ସିଦାରେ ହବାକାନ୍ ତାଇକେନା, ତାୟମ୍‌ତେ କାହାଗି । ୧୧ ଆବ୍ରାହାମ୍‌ଆଃ ଖାଡ଼ନାଅ ହବାୟାନ୍ ସିଦାରେ ପାର୍‌ମେଶ୍ୱାର୍‌ ଇନିଃକେ ଆୟାଃ ବିଶ୍ୱାସ୍ ହରାତେ ଧାର୍‌ମାନ୍ ମେନ୍ତେ କାଜିକିୟା । ନେଆଁ ଉଦ୍‌ବେ ନାଗେନ୍ତେ ମିଆଁଦ୍ ଚିହ୍ନାଁ ଲେକାତେ ଆବ୍ରାହାମ୍‌ ଖାଡ଼ନାଅୟାନ୍‌ଏ । ଏନାତେ ଅକନ୍‌କ କା ଖାଡ଼ନାଅ କାନ୍‌ରେୟ ପାର୍‌ମେଶ୍ୱାର୍‌କେ ବିଶ୍ୱାସ୍‌କିଃ ହରାତେ ଧାର୍‌ମାନ୍ ମେନ୍ତେକ କାଜିୟଃତାନା ଆତଃ ଆମିକ୍ ଲେକାତେ ଆବ୍ରାହାମ୍‌ ଇନ୍‌କୁଆଃ ଆପୁ ତାନିଃ । ୧୨ ଆପୁ ଆବ୍ରାହାମ୍‌ ଖାଡ଼ନାଅରାଃ ସିଦାରେ ଅକ ବିଶ୍ୱାସ୍‌ରେୟାଃ ପାରିତାଏ ଏମାକାଦ୍ ତାଇକେନାଏ, ଏନ୍‌ଲେକାଗି କା ଖାଡ଼ନାଅକାନ୍ ହଡ଼କହଗି ବିଶ୍ୱାସ୍‌ରେୟାଃ ଜାଦାନ୍‌ରେକ ତାଇନଃରେଦ, ଆବ୍ରାହାମ୍‌ ଇନ୍‌କୁଆଃ ହଗି ଆପୁ ତାନିଃ ।

#### ବିଶ୍ୱାସାକକେ ପାର୍‌ମେଶ୍ୱାର୍‌ଆଃ ବାନାର୍‌ସା

୧୩ \*ଆବ୍ରାହାମ୍‌ ଆନୁରୁ ମାନାତିଙ୍ଗ୍ କେଦ୍‌ତେଦ କାହାଗି, ମେନ୍‌ଦ ଆୟାଃ ବିଶ୍ୱାସ୍ ନାଗେନ୍ତେ ଏସ୍‌କାର୍ ପାର୍‌ମେଶ୍ୱାର୍‌ଆଃ ହରାତେ ଧାର୍‌ମାନ୍ ମେନ୍ତେ ହବାୟାନା ଆତଃ ଏନାମେନ୍ତେ ଆୟାଃ କିଲିକ ଅତେଦିଶ୍ୱମ୍‌ରାଃ ଆକ୍‌ତେୟାର୍‌ତାନ୍‌କ ହବାଅଃଆ ମେନ୍ତେ ପାର୍‌ମେଶ୍ୱାର୍‌ ବାନାର୍‌ସାଏ ଏମାକାଦ୍ ତାଇକେନା । ୧୪ \*ଆନୁରୁ ମାନାତିଙ୍ଗ୍‌ତାନ୍‌କ ଏସ୍‌କାର୍ ପାର୍‌ମେଶ୍ୱାର୍‌ ଏମାକାଦ୍ ବାନାର୍‌ସାକ ନାମେରେଦ,

\* ୪:୩ ୪:୩ ଗାଲାତିୟ ୩:୭.    \* ୪:୧୩ ୪:୧୩ ଗାଲାତିୟ ୩:୨୯.    \* ୪:୧୪ ୪:୧୪ ଗାଲାତିୟ ୩:୧୮.

ବିଶ୍ୱାସ୍ ଜେଡ଼ନାଃ ନାହାଁଲାଃ ଆଡ଼ଃ ପାର୍ମେଶ୍ୱାର୍ଆଃ ବାନାର୍ସା ସାମା ତାନାଃ ।  
 ୧୫ ଆନ୍ତୁ କା ମାନାତିଙ୍ଗ୍ ହରାତେ ପାର୍ମେଶ୍ୱାର୍ଆଃ ଖ୍ୱସ୍ ହବାଅଃଆ, ମେନ୍ଦ  
 ଆନ୍ତୁ ବାନଃଡ଼ାଃରେ, ଆନ୍ତୁକେ କା ମାନାତିଙ୍ଗ୍ କାଜି ବାନଃଆ ।

୧୬ ଏନାମେନ୍ତେ ପାର୍ମେଶ୍ୱାର୍ଆଃ ବାନାର୍ସା ବିଶ୍ୱାସ୍ ଚେତାନ୍ତରେ  
 ଠାହାରାଅକାନା । ପାର୍ମେଶ୍ୱାର୍ ଆୟାଃ ସାୟାଦ୍ତେ ନେ ବାନାର୍ସାକେ  
 ଆବ୍ରାହାମ୍ଆଃ କିଲିକକେ ଏମାକାଦକଆ, ଅକନ୍ଦ ଆନ୍ତୁକେକ ମାନାତିଙ୍ଗ୍ ତାନା,  
 ଇନ୍ଦକୁ ନାଗେନ୍ତେ ଏସ୍କାର୍ ବାନାର୍ସା ନାହାଁଲାଃ, ମେନ୍ଦ ଆବ୍ରାହାମ୍ ଲେକା  
 ବିଶ୍ୱାସ୍ତାନ୍ ସବେନ୍ଦକ ନାଗେନ୍ତେ ଏନା ତାନାଃ । ତିୟାଃତି ଆବ୍ରାହାମ୍ ଇନ୍ଦକୁଆଃ  
 ଆମ୍ବିକ୍ ଆପୁ ତାନିଃ । ୧୭ ଧାରାମ୍ ପୁଥୁରେ ଅଲକାନା, “ଆଲେ ଆମ୍ବିକେ ପୁରାଃ  
 କିଲିରେନ୍ ଆପୁଲେ ବାଇୟାକାଦ୍ମେୟାଁ ।” ପାର୍ମେଶ୍ୱାର୍ଆଃ ନେପେଲ୍ରେ ନେ  
 ବାନାର୍ସା ବୁଗିନାଃ ତାଇକେନା, ତିୟାଃତି ଅକ ପାର୍ମେଶ୍ୱାର୍କେ ଆବ୍ରାହାମ୍ ବିଶ୍ୱାସ୍  
 ତାଇକେନାଏ, ଏନ୍ ପାର୍ମେଶ୍ୱାର୍ଗି ଗଜାକାନ୍ ହଡ଼କକେ ଜୀଉବିରିଦ୍କଆ ଆଡ଼ଃ  
 ଅକ୍ନାଃ ବାନଃଡ଼େୟାଃ ଆୟାଃ ଆନାତୁତେ ସବେନାଃ ହବାସାକାଅଆଃ । ୧୮ ଆସ୍ତାଏ  
 ଲେକାନାଃ ଜେଡ଼ନାଃ କା ତାଇକେନ୍ରେୟଗି, ଆବ୍ରାହାମ୍ ଆସ୍ତା ଦହକେଦ୍ତେ  
 ବିଶ୍ୱାସ୍କାଦ୍ ତାଇକେନାଏ । ଏନାମେନ୍ତେ ଇନିଃ ପୁରାଃ ଜାତିରେନ୍ ଆପୁ ହବାୟାନାଏ,  
 ତିୟାଃତି ଧାରାମ୍ପୁଥୁ ଲେକାତେ ଇନିଃକେ ବାନାର୍ସା ନାମାକାନ୍ ତାଇକେନା,  
 “ଆମାଃ କିଲିକ ସିମାରେନ୍ ପୁରାଃଗି ଇପିଲ୍କ ଲେକାକ ହବାଅଃଆ ।” ୧୯ ଇମ୍ତା  
 ଆବ୍ରାହାମ୍କେ ମଣେୟାଁ ହିସି ବାରାଷ୍ ହବାଅଃ ତାଇକେନା, ମେନ୍ଦ ଆୟାଃ  
 ହଡ଼ମ୍ ବିଷାଏରେ ଉଡ଼ୁକେଦା, ଅକ୍ନାଃତି ଗଜଃ ଲେକା ହବାଅଃ ତାଇକେନା  
 ଚାଏ ଆୟାଃ କୁଡ଼ିତେ ସାରାରାଃ ହନ୍ଗାଁଣା ହବାଅଃରେୟାଃ ନେତା ପାରମଃତାନା  
 ମେନ୍ତେ ସାରିକେଦ୍ରେୟ, ଆୟାଃ ବିଶ୍ୱାସ୍ କା ନାରାଦୁରାୟାନା । ୨୦ ଆବ୍ରାହାମ୍  
 ଆୟାଃ ବିଶ୍ୱାସ୍କେ କାଏ ବାଗିକେଦା, ଚାଏ ପାର୍ମେଶ୍ୱାର୍ଆଃ ବାନାର୍ସାରେ  
 କାଏ ଆଡ଼ାଃଉଡ଼ୁୟାନା । ଆୟାଃ ବିଶ୍ୱାସ୍ ଆଇଃକ୍କେ ପୁରାଃଗି ପେଡ଼େଃଡ଼େ  
 ପେରେଃକିୟା ଆଡ଼ଃ ଇନିଃ ପାର୍ମେଶ୍ୱାର୍କେ ମାରାଙ୍ଗ୍କିୟା । ୨୧ ପାର୍ମେଶ୍ୱାର୍  
 ଅକ ବାନାର୍ସା ଏମାକାଇ ତାଇକେନାଏ, ଏନା ଇନିଃ ରିକାଏଗିୟାଏ ମେନ୍ତେ  
 ଆୟାଃ ପୁରା ବିଶ୍ୱାସ୍ ତାଇକେନା । ୨୨ ଏନାମେନ୍ତେ ଆବ୍ରାହାମ୍ ଆୟାଃ ବିଶ୍ୱାସ୍  
 ହରାତେ “ପାର୍ମେଶ୍ୱାର୍ତେ ଧାର୍ମାନ୍ ମେନ୍ତେ କାଜିୟାନା ।” ୨୩ “ଧାର୍ମାନ୍  
 ଲେକାଏ ହବାୟାନା” ମେନ୍ତେ କାଜିତେୟାଃ, ଧାରାମ୍ପୁଥୁରେ ଆବ୍ରାହାମ୍ ନାଗେନ୍ତେ  
 ଏସ୍କାର୍ ଲାଗାତିଙ୍ଗ୍ୟାଃ ମେନ୍ତେଦ କାହାଗି । ୨୪ ଆବୁହଗି ପାର୍ମେଶ୍ୱାର୍ତାଃରେ  
 ବିଶ୍ୱାସ୍କେଦ୍ ହରାତେ ଧାର୍ମାନ୍ ଲେକାବୁ ହବାଅଃଆ । ପାର୍ମେଶ୍ୱାର୍ ପ୍ରାଭୁ  
 ଯୀଶୁକେ ଗନ୍ଏଃହେତେ ଜୀଉବିରିଦ୍କିୟାଏ । ୨୫ ଏନ୍ ପ୍ରାଭୁ ଯୀଶୁଗି ଆବୁଆଃ  
 ପାପ୍ଛାମା ନାଗେନ୍ତେ ଗନ୍ଏଃରେ ଜିମାୟାନା ଆଡ଼ଃ ପାର୍ମେଶ୍ୱାର୍ତାଃରେ ଆବୁକେ  
 ଧାର୍ମାନ୍ ବାଜୁ ନାଗେନ୍ତେ ଯୀଶୁ ଗନ୍ଏଃହେତେ ଜୀଉବିରିଦ୍କିୟାଏ ।

**୫**

ପାର୍ମେଶ୍ୱାର୍ଲଃ ବୁଗିନ୍ ନାତା

୧ ନାହାଁଃଦ ଆବୁ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ନେପେଲ୍ରେ ଧାର୍ମାନ୍  
 ଲେକାବୁ ହବାକାନା ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ଆବୁ ପାର୍ମେଶ୍ୱାର୍ଲଃ  
 ଜୀଉସୁକୁରେ ମେନାବୁଆ । ୨ ଏନ୍ ଯୀଶୁତାଃରେ ଆବୁଆଃ ବିଶ୍ୱାସ୍ ମେନାଃ ହରାତେ  
 ନାହାଁଃ ଆବୁଆଃ ଜୀଦାନ୍ରେ ପାର୍ମେଶ୍ୱାର୍ଆଃ ସାୟାଦ୍ ଆଡ଼ଃ ପାର୍ମେଶ୍ୱାର୍ଆଃ  
 ମାନାରାଙ୍ଗ୍ରେ ହିସା ନାମେରେୟାଃ ଆସ୍ତା ମେନାଃ ହରାତେ ଆବୁ ପୁରାଃଗି

☆ ୪:୧୬ ୪:୧୭ ଗାଲାତିୟ ୩:୭.

ରାସକାଅଃ ତାନାକୁ । ୩ ଏନା ଏସକାର୍ କାହାଗି, ସବେନ୍ ଲେକାନ୍ ଦୁକୁ ସାସାତିରେୟଗି ଆବୁ ରାସକାଅଃ ତାନାକୁ, ଚିୟାଃଚି କା ଆକଟାକାଅ କେଦ୍‌ଡେ ସାସାତିକେ ସାହାତିଙ୍ଗ୍‌ଲେରେ ମନ୍‌ରେ ଧିରାଜ୍ ହିଜୁଃଆ ଏନାବୁ ସାରିତାନା । ୪ ନେ ଧିରାଜ୍‌ହେତେ ଆବୁଆଃ ଚାଇଲ୍ ଚାଲାନ୍ କେଟେୟଃଆ ଆଡଃ କେଟେଦ୍ ଚାଇଲ୍ ଚାଲାନ୍‌ହେତେ ଭାର୍‌ସା ନାମଃଆ । ୫ ନେ ଆସ୍ତା ଆବୁକେ କାଏ ହୁଡ଼ିଙ୍ଗ୍‌ଜୀଉବୁଆ, ଚିୟାଃଚି ପାର୍‌ମେଶ୍‌ବାର୍ ଆବୁକେ ପାବିତାର୍ ଆମ୍‌ ଏମ୍‌କେଦ୍‌ଡେ ଆବୁଆଃ ମନ୍‌ସୁରୁଦ୍‌ରେ ଆୟାଃ ଦୁଲ୍‌ଭାଡ଼ ପେରେଃକାଦାଏ ।

୬ ଆବୁ ଦେଙ୍ଗା କା ନାମେଲେକା ତାଇକେନ୍ ଇମ୍‌ତା, ପାର୍‌ମେଶ୍‌ବାର୍‌ଆଃ ଠାହାରାଅକାଦ୍ ଦିପିଲିରେ, ଖ୍ରୀଷ୍ଟ୍ ଏଡ଼କାନ୍ ହଡ଼କଆଃ ନାଗେନ୍ତେ ଗଏଃୟାନା । ୭ ଧାର୍‌ମାନ୍ ହଡ଼ ନାଗେନ୍ତେ ଏଟାଃ ଜେତା ହଡ଼ ଜୀଉ ଏମ୍‌ଡେୟାଃ କାକ ନେଲଃଆ । ହବାସାକାଅଆଃ ବୁଗିନ୍ ହଡ଼ ନାଗେନ୍ତେ ଜେତାଏ ଜୀଉ ଏମ୍ ନାଙ୍ଗ୍ ସେକାଡ଼୍ ଦାଡ଼ିୟଃଆଏ । ୮ ମେନ୍‌ଦ୍ ଆବୁ ପାପି ତାଇକେନ୍ ଇମ୍‌ତାଗି ଖ୍ରୀଷ୍ଟ୍ ଆବୁ ନାଗେନ୍ତେ ଆୟାଃ ଜୀଉ ଏମ୍‌କେଦାଏ, ନେଆଁ ହରାତେ ପାର୍‌ମେଶ୍‌ବାର୍ ଆବୁକେ ଚିମିନ୍ ଦୁଲ୍‌ଭାଡ଼ତାନାଏ ଏନାଏ ଉଦୁବ୍‌କେଦା । ୯ ଖ୍ରୀଷ୍ଟ୍‌ରାଃ ମାୟୋମ୍ ହରାତେ ପାର୍‌ମେଶ୍‌ବାର୍ ଆବୁକେ ଧାର୍‌ମାନ୍ ମେନ୍ତେ କାଜିବୁତାନା । ତାବ୍‌ଦ୍ ପାର୍‌ମେଶ୍‌ବାର୍‌ଆଃ ଖୁସ୍‌ଏତେ ଖ୍ରୀଷ୍ଟ୍ ଆବୁକେ ସାର୍‌ତିଗି ବାସ୍ତାଅବୁଆ । ୧୦ ଆବୁଦ୍ ପାର୍‌ମେଶ୍‌ବାର୍‌ଆଃ ବାଜ୍‌ରି ତାଇକେନ୍ ଇମ୍‌ତାଗି ଆୟାଃ ହନ୍ ଆବୁଆଃ ନାଗେନ୍ତେ ଜୀଉ ଏମ୍‌କେଦା, ଏନା ହରାତେ ପାର୍‌ମେଶ୍‌ବାର୍‌ଲଃ ଆବୁଆଃ ମେନେସା ହବାୟାନା । ପାର୍‌ମେଶ୍‌ବାର୍‌ଲଃ ମେସାୟାନ୍ ତାୟମ୍‌ତେ ନାହାଁଃଦ୍ ଖ୍ରୀଷ୍ଟ୍‌ଆଃ ଜୀଦାନ୍ ହରାତେ ଆବୁ ଜୀଉ ବାସ୍ତାଅ ନାମେ ନାଙ୍ଗ୍ ଚିମିନ୍ ଆଦ୍‌କା ସୁୟୋଗ୍ କାବୁ ନାମେୟାଁ ? ୧୧ ମେନ୍‌ଦ୍ ଏମ୍‌ନାଙ୍ଗ୍ ଏସକାର୍ ନାହାଁଲାଃ, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ପାର୍‌ମେଶ୍‌ବାର୍ ଅକ କାମିକଏ ରିକାକାଦା, ଏନାମେନ୍ତେ ଆବୁଆଃ ମନ୍‌ସୁରୁଦ୍ ରାସକାତେ ପେରେଜାକାନା । ଏନ୍ ଯୀଶୁ ଆବୁକେ ପାର୍‌ମେଶ୍‌ବାର୍‌ଲଃ ଆଡଃମିସାଏ ମେସାକାଦ୍‌ବୁଆ ।

ଆଦାମ୍ ଆଡଃ ଖ୍ରୀଷ୍ଟ୍

୧୨ ଆଦାମ୍ ପାପ୍‌କେଦ୍ ହରାତେ ଅତେଦିଶ୍‌ମ୍‌ରେ ପାପ୍ ବଲୟାନା ଆଡଃ ଆଦାମ୍‌ଆଃ ପାପ୍ ହରାତେ ଗନଏଃ ହିଜୁଃୟାନା । ସବେନ୍‌କ ପାପ୍‌କେଦ୍ ହରାତେ ଗନଏଃ ସବେନ୍ ହଡ଼କକେ ହବାଅଃଆ । ୧୩ ଆନ୍‌ରୁ ଉଦୁବଃ ସିଦାରେ ଅତେଦିଶ୍‌ମ୍‌ରେ ପାପ୍ ତାଇକେନା, ମେନ୍‌ଦ୍ ଆନ୍‌ରୁ କା ତାଇକେନ୍ ଇମ୍‌ତା ପାପ୍ କା ଲେକାଃଆ ତାଇକେନା । ୧୪ ଆଦାମ୍‌ତାଃଏତେ ମୁଣା ନାବାଆଃ ଦିପିଲି ଜାକେଦ୍ ଜେତାଏ ଆଦାମ୍ ଲେକା ପାର୍‌ମେଶ୍‌ବାର୍‌ଆଃ ହୁକୁମ୍ କା ମାନାତିଙ୍ଗ୍‌କେଦ୍‌ଡେ ପାପ୍ କାମି କାକ ରିକାକାଦ୍‌ରେୟ, ସବେନ୍‌କଆଃରେ ଗନଏଃ ହିଜୁଃୟାନା । ଅକଏୟାଃ ହିଜୁଃରାଃ ତାଇକେନା, ଇନିଃ ଆଦାମ୍‌ଲଃ ମିଦ୍‌ଲେକାଗି । ୧୫ ମେନ୍‌ଦ୍ ନେ ବାରାନ୍‌କିନ୍ ମିଦ୍‌ଲେକାଗି ବାଙ୍ଗ୍‌କିନା । ଆଦାମ୍‌ଆଃ ପାପ୍ ଆଡଃ ପାର୍‌ମେଶ୍‌ବାର୍‌ଆଃ ବେଗାର୍ ଗନଙ୍ଗ୍ ଦାନ୍ ମିଦ୍‌ଲେକାଗି ନାହାଁଲାଃ । ମିଆଁଦ୍ ହଡ଼ଆଃ ପାପ୍ ନାଗେନ୍ତେ ପୁରାଃ ହଡ଼କ ଗଏଃୟାନା ଏନା ସାର୍‌ତି ତାନାଃ । ମେନ୍‌ଦ୍ ପାର୍‌ମେଶ୍‌ବାର୍‌ଆଃ ମାରାଙ୍ଗ୍ ସାୟାଦ୍‌ତେ, ଆଡଃମିଆଁଦ୍ ହଡ଼, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ହରାତେ ପୁରାଃ ହଡ଼କଆଃ ନାଙ୍ଗ୍ ଅକ ଦାନ୍ ଏମାକାନା, ଏନା ପୁରାଃଚି ପେଡ଼େୟାନ୍‌ଗିୟା । ୧୬ ମିଆଁଦ୍ ହଡ଼ରାଃ ପାପ୍ ହରାତେ ହଡ଼ ବିଚାର୍‌ରେ ହିଜୁଃୟାନା ଆଡଃ ଗୁଣ୍ଟାଁ ମେନ୍ତେ ଉଦୁବ୍‌ୟାନା, ମେନ୍‌ଦ୍ ହଡ଼କଆଃ ପୁରାଃ ପାପ୍ ହରାତେ ଆଡଃ ଛାମା ନାମେଲେକା କା ତାଇକେନ୍‌ରେୟ, ପାର୍‌ମେଶ୍‌ବାର୍‌ଆଃ ଏନ୍ ଦାନ୍ ହରାତେ, ନାହାଁଃ ହଡ଼ ଧାର୍‌ମାନ୍‌ନିଃ ମେନ୍ତେ ଉଦୁବ୍ ଦାଡ଼ିୟଃଆ । ୧୭ ମିଆଁଦ୍ ହଡ଼ରାଃ ପାପ୍ ହରାତେ ଗନଏଃ ସବେନ୍ ହଡ଼କତାଃରେ ରାଇଜ୍‌କେଦା, ମେନ୍‌ଦ୍ ମିଆଁଦ୍ ହଡ଼ ଅକଏଚି

ୟୀଶୁ ଖ୍ରୀଷ୍ଟ ଅକଥାଃ ରିକାକାଦାଏ, ଏନା ଚିମିନ୍ ମାରାଙ୍ଗ୍ ତାନାଃ । ଅକ ହଡକ ପାର୍ମେଶ୍ଵାର୍‌ଆଃ ପୁରାଃ ସାୟାଦ୍‌ତେ ବେଗାଚ୍ ଗନଙ୍ଗ୍‌ରେ ପାର୍ମେଶ୍ଵାର୍‌ତାଃରେ ଧାର୍‌ମାନ୍ ମେନ୍ତେକ କାଜିୟଃଆ, ଇନ୍‌କୁ ଜୀଦାନ୍‌କ ନାମେୟାଁ ଆତଃ ଏନ୍ ହଡକ ଖ୍ରୀଷ୍ଟ ହରାତେ ଜିନିତାଅ ଜୀଦାନ୍‌କ ବିତାଅୟା ।

୧୮ ମିଆଁଦ୍ ହଡରାଃ ପାପ୍ ହରାତେ ସବେନ୍ ହଡକ ସାଜାଈକ ନାମ୍‌କେଦା, ଏନ୍‌ଲେକାଗି ମିଆଁଦ୍ ହଡରାଃ ଧାର୍‌ମାନ୍ ହରାତେ ସବେନ୍ ହଡକ ନାଙ୍ଗ୍ ରାଡାନ୍ ଆତଃ ନାଞ୍ଜା ଜୀଦାନ୍ ଆଉଞ୍ଜାକାଦାଏ । ୧୯ ମିହୁଡ୍ କାଜି କା ମାନାତିଙ୍ଗ୍ ହରାତେ ସବେନ୍ ହଡକ ପାପିକ ହବାୟାନା, ଏନ୍‌ଲେକାଗି ମିହୁଡ୍ କାଜି ମାନାତିଙ୍ଗ୍ ହରାତେ ସବେନ୍‌କ ପାର୍ମେଶ୍ଵାର୍‌ଆଃ ଆୟାର୍‌ରେ ଧାର୍‌ମାନ୍‌କ ହବାଅଃଆ ।

୨୦ ଆନ୍‌ରୁ ଉଦ୍‌ବୁୟାନ୍ ହରାତେ ଏଡକାନ୍ କାଜିକାମିକ ଆର୍‌କାର୍‌ଉରୁମ୍‌ୟାନା, ମେନ୍‌ଦ ପାପ୍‌ରେୟାଃ କାଜିକ ପସାଅଃତାନ୍‌ଲଃ ପାର୍ମେଶ୍ଵାର୍‌ଆଃ ସାୟାଦ୍‌ହ୍ ପୁରାଃତେ ପସାଈଦିୟାନା । ୨୧ ପାପ୍ ଜେ'ଲେକା ଗନଏଃ ହରାତେ ରାଈଜେ ତାଈକେନା, ଏନ୍‌ଲେକାଗି ପାର୍ମେଶ୍ଵାର୍‌ଆଃ ସାୟାଦ୍ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ଆବୁ ସବେନ୍‌କକେ ଧାର୍‌ମାନ୍ ମେନ୍ତେ କାଜିକେଦ୍‌ତେ ଜାନାଅ ଜାନାଅରେୟାଃ ଜୀଦାନ୍‌ତେ ସୁତୁଃଈଦିୟାଃ ।



ପାପ୍ ନାଗେନ୍ତେ ଗନଏଃ ଆତଃ ଖ୍ରୀଷ୍ଟ୍‌ଲଃ ମେସାନ୍ ହରାତେ ଜୀନିଦ୍

୧ ତାବ୍‌ଦ ଚିନାଃରୁ କାଜିୟା ? ପାର୍ମେଶ୍ଵାର୍‌ଆଃ ସାୟାଦ୍ ଆତଃଚି ହବାଅଃକା ମେନ୍ତେ ଆବୁ ଚିନାଃ ପାପ୍‌ରେ ଜୀଦାନ୍‌ରୁ ବିତାଅୟା ? ୨ କାହାଗି ଏନ୍‌କାଦ ଆଲକା ହବାଅଃକା, ପାପ୍ ନାଗେନ୍ତେ ଆବୁ ଗଜାକାନା, ଏନାରେ ଆତଃ ଚିଲ୍‌କାତେ ଜୀଦାନ୍‌ରୁ ବିତାଅୟା ? ୩ ନେଆଁ ଚିନାଃ ଆପେ କାପେ ସାରିତାନା, ବାପ୍ତିସ୍ମା ହରାତେ ଖ୍ରୀଷ୍ଟ୍‌ ଯୀଶୁଲଃ ମେସାକେଦ୍‌ତେ ଆବୁ ଇନିୟାଃ ଗନଏଃରେ ମେସାକାନାବୁ । ୪ ଏନାମେନ୍ତେ ବାପ୍ତିସ୍ମା ହରାତେ ଆବୁ ସବେନ୍‌କ ଯୀଶୁ ଖ୍ରୀଷ୍ଟ୍‌ଆଃ ଗନଏଃରେ ହିସାଦାର୍ ହବାକେଦ୍‌ତେ ଆୟାଃଲଃ ତପାକାନାବୁ । ଇନିଃ ଜେ'ଲେକା ଆପୁଆଃ ମାନାରାଙ୍ଗ୍‌ରେୟାଃ ପେଡ଼େଃତେ ଜୀଉବିରିଦ୍‌ୟାନା, ଆବୁହଗି ଇନିୟାଃ ହରାତେ ନାଞ୍ଜା ଜୀଦାନ୍ ନାମ୍‌କେଦ୍‌ତେବୁ ବାଞ୍ଜାଅଃଆ ।

୫ ଚିୟାଃଚି ଆବୁ ଆୟାଃ ଗନଏଃରେ ମେସାକେଦ୍‌ତେ ଇନିଃଲଃ ମିଦ୍‌କାନାବୁ, ଏନ୍‌ଲେକାଗି ଆବୁ ଇନିୟାଃ ଜୀଉବିରିଦ୍‌ରେ ହଗି ଆୟାଃଲଃ ମିଦ୍‌ୟାନ୍ତେ ନାଞ୍ଜା ଜୀଦାନ୍‌ରୁ ନାମେୟାଁ । ୬ ଆବୁ ସାରିତାନାବୁ, ଖ୍ରୀଷ୍ଟ୍‌ଲଃ କ୍ରୁଗ୍ ଚେତାନ୍‌ରେ ଆବୁଆଃ ମାରି ଜୀଦାନ୍ ଗଜାକାନା । ଏନାତେ ଆବୁଆଃ ପାପ୍‌ରେୟାଃ ସଭାବ୍ ଜିୟନ୍‌କାନା ଆତଃ ଆବୁ ପାପ୍‌ରେୟାଃ ଦାସିହେତେ ରାଡାକାନାବୁ, ୭ ଚିୟାଃଚି ହଡ ଗଏଃୟାନ୍‌ରେ, ପାପ୍‌ରେୟାଃ ତନଲ୍‌ହେତେ ରାଡାକଆଃଏ । ୮ ଆବୁ ଯୀଶୁ ଖ୍ରୀଷ୍ଟ୍‌ଲଃ ଗଜାକାନ୍ ହରାତେ, ଆୟାଃଲଃ ଜୀଦାନ୍‌ରୁ ନାମେୟାଁ ମେନ୍ତେବୁ ପାତିୟାରେତାନା । ୯ ଆବୁ ସାରିତାନାବୁ, ଖ୍ରୀଷ୍ଟ୍‌ ଗଜାକାନ୍‌କଏତେ ଜୀଉବିରିଦାକାନ୍ ହରାତେ, ଇନିଃ ଆତଃ ଚିଉଲ୍‌ହ କାଏ ଗଜଃଆ । ଆୟାଃ ଚେତାନ୍‌ରେ ଗନଏଃରାଃ ଆକ୍‌ତେୟାର୍ ଆତଃ ବାନଃଆ । ୧୦ ଇନିଃ ଅକ ଗନଏଃରେ ଗଏଃୟାନା, ଏନା ହରାତେ ପାପ୍‌ରେୟାଃ ପେଡ଼େଃହେତେ ମିସାତେଗି ରାଡାୟାନା । ଇନିଃ ନାହିଁଃ ଅକ ଜୀଦାନ୍ ବିତାଅତାନାଏ, ଏନାଦ ପାର୍ମେଶ୍ଵାର୍‌ଲଃ ମେନେସାରେୟାଃ ଜୀଦାନ୍ ତାନାଃ । ୧୧ ଏନ୍‌ଲେକାଗି ଆପେୟ ପାପ୍‌ହେତେ ଗଜାକାନାଲେ ମେନ୍ତେ ଆର୍‌କାରେପେ । ଆପେ ସବେନ୍‌କ

☆ ୭:୪ ୭:୪ କଲସିୟ ୭:୧୨.

ନାହାଁଃଦ ଯୀଶୁ ଖ୍ରୀଷ୍ଟୁଆଃ ହରାତେ ଜୀଦାନରେ ପାର୍ମେଶ୍ୱାରଲଃ ମେସାକାନାପେ ।

୧୭ ଏନାମେନ୍ତେ ଆପେୟାଃ ଗଜଃ ହଡ଼ମରେ ପାପ୍ ଆଡ଼ଃ ଆଲକାଏ ରାଇଜେକା, ଆପେ ହଡ଼ମରେୟାଃ ଏଡ଼କାନ୍ ସାନାଙ୍ଗରେ ଆଡ଼ଃ ଆଲ୍ପେ ତାଇନା । ୧୩ ଆପେ ଆପ୍ନାଃ ହଡ଼ମରାଃ ଜେତାନ୍ ହିସାକେ କା ଧାର୍ମାନରେୟାଃ ହାଁତେୟାର୍ ଲେକା ପାପ୍ତାଃରେ ଆଲପେ ଜିମାନାଃ, ମେନ୍ଦ୍ ଗନଏଃହେତେ ଜୀଉବିରିଦ୍‌କାନ୍ ଲେକା ଆପ୍ନାଃ ପାର୍ମେଶ୍ୱାରୁଆଃ ଆୟାରରେ ଜିମାନପେ, ଆଡ଼ଃ ଆପ୍ନାଃ ହଡ଼ମରାଃ ହିସାକକେ ଧାର୍ମାନରେୟାଃ ହାଁତେୟାର୍ ଲେକା ପାର୍ମେଶ୍ୱାରୁଆଃ ଆୟାରରେ ଜିମାନପେ । ୧୪ ପାପ୍ ଆପେ ଚେତାନରେ ଆଲକାଏ ରାଇଜେକା, ଚିୟାଃତି ଆପେ ଆଡ଼ଃ ଆନୁରେୟାଃ ଆକ୍ତେୟାରରେ କାପେ ତଲ୍ଲାନା, ମେନ୍ଦ୍ ପାର୍ମେଶ୍ୱାରୁଆଃ ସାୟାଦ୍‌ତେ ନାହାଁଃ ଜୀନିଦ୍ ମେନାପେୟା ।

ଧାର୍ମାନରେନ୍ ଦାସି

୧୫ ତାବ୍ଦ, ଆବୁ ଆନୁରେୟାଃ ଆକ୍ତେୟାରରେ କା ତାଇନକେଦ୍‌ତେ ପାର୍ମେଶ୍ୱାରୁଆଃ ସାୟାଦ୍ ନାମାକାଦାରୁ ମେନ୍ତେ ଚିନାଃ ପାପ୍‌ରେବୁ ତାଇନାଃ ? କାହାଗି ଏନ୍‌କାଦ ଆଲକା ହବାଅଃକା । ୧୬ ଆପେ ଚିନାଃ କାପେ ସାରିତାନା ? ଆପେ ଆପାନକେ ଦାସି ଲେକା ଜିମାନାଃପେ ଇମ୍‌ତା, ଆପେ ସାର୍‌ତିଗି ଏନ୍ ହଡ଼ରାଃ ଦାସି ତାନପେ, ଅକନ୍ ହଡ଼କେ ଆପେ ମାନାତିଙ୍ଗ୍ ରିକାଇୟାପେ ଇନିଃ ହବାଅଃତାନାଏ ଆପେୟାଃ ଗୁସିୟା । ଆପେ ପାପ୍‌ରେୟାଃ ଦାସି ହବାଅଃରେଦ୍, ଏନାରେୟାଃ ନାଲା ଗନଏଃ ତାନାଃ, ଚାଏ ଆପେ ପାର୍ମେଶ୍ୱାରକେ ମାନାତିଙ୍ଗ୍‌ରେଦ୍ ଏନାରେୟାଃ ନାଲା ହବାଅଃତାନା ପାର୍ମେଶ୍ୱାରଲଃ ଧାର୍ମାନ ମେନ୍ତେପେ କାଜିୟାଆ । ୧୬ ମୁସିଙ୍ଗ୍ ଆପେ ପାପ୍‌ରେୟାଃ ଦାସିପେ ତାଇକେନା, ମେନ୍ଦ୍ ପାର୍ମେଶ୍ୱାରୁଆଃ ଧାନ୍‌ପାବାଦ୍ ହବାଅଃକା, ନାହାଁଃ ଆପେ ସୁକୁକାଜିହେତେ ଇଡୁଆକାନ୍ ସାନାରୁତିକେ ମନ୍‌ସୁରୁଦ୍‌ତେ ମାନାତିଙ୍ଗ୍ ତାନାପେ । ୧୮ ଆପେ ପାପ୍‌ରେୟାଃ ତନଲ୍‌ହେତେ ରାଡ଼ାକେଦ୍‌ତେ ଧାର୍ମାନରେୟାଃ ଦାସିପେ ହବାକାନା । ୧୯ ଆପେୟାଃ କା ପେଡ଼େୟାନ୍ ହରାତେ ନେ ସବେନ୍ କାଜିକ ଆଇଙ୍ଗ୍ ଆପେକେ ହଡ଼ ଜାଗାର୍‌ତାନ୍ କାଜିତେଇଙ୍ଗ୍ କାଜିପେତାନା, ମୁସିଙ୍ଗ୍ ଆପେ ଆପେୟାଃ ହଡ଼ମରେୟାଃ ହିସାକେ ସଡ଼ରା କାମି ନାଙ୍ଗ୍ ଆଡ଼ଃ ଏଡ଼କାନ୍ କାମି ନାଙ୍ଗ୍ ଦାସି ଲେକା ଜିମାକାଦ୍ ତାଇକେନାପେ । ଏନ୍‌ଲେକାଗି ନାହାଁଃ ପାବିତାର୍ ହବାଅଃ ନାଙ୍ଗ୍ ଆଡ଼ଃ ହଡ଼ମରେୟାଃ ସବେନ୍ ହିସାକେ ଧାର୍ମାନରେୟାଃ ଦାସି ଲେକା ହବାଅଃ ନାଙ୍ଗ୍ ଆପାନକେ ପୁରା ଜିମାନପେ ।

୨୦ ଆପେ ପାପ୍‌ରେୟାଃ ଦାସି ତାଇକେନ୍ ଇମ୍‌ତା, ଧାର୍ମାନତାଃଏତେ ରାଡ଼ାକାନ୍ ତାଇକେନାପେ । ୨୧ ନାହାଁଃ ଆପେକେ ଅକ କାମିକ ରିକା ନାଗେନ୍ତେ ଗିହୁଃ ଆର୍‌କାର୍‌ପେ ତାନା, ଏନ୍ କାମିକ ସିଦା ଆପେ ରିକା ତାଇକେନାପେ । ଏନାରେ ଚିନାଃପେ ନାମାକାଦା ? ଏନ୍ ସବେନ୍ କାମିରେୟାଃ ନାଲା ହବାଅଃତାନା ଗନଏଃ । ୨୨ ମେନ୍ଦ୍ ନାହାଁଃ ଆପେ ପାପ୍ ତନଲ୍‌ହେତେ ରାଡ଼ାୟାନ୍‌ଲଃ ପାର୍ମେଶ୍ୱାରୁଆଃ ଦାସିପେ ହବାକାନା, ଆଡ଼ଃ ପାବିତାର୍‌କାନାପେ । ଏନାରେୟାଃ ଲାଡୁ ହବାଅଃତାନା, ପାର୍ମେଶ୍ୱାରତାଃରେ ଜୀଉକେ ପୁରା ଜିମାନ୍ ଆଡ଼ଃ ଏନାରେୟାଃ ନାଲା ହବାଅଃତାନା ଜାନାଅ ଜାନାଅରେୟାଃ ଜୀଦାନ । ୨୩ ପାପ୍‌ରେୟାଃ ନାଲା ହବାଅଃତାନା ଗନଏଃ, ମେନ୍ଦ୍ ପାର୍ମେଶ୍ୱାରୁଆଃ ବେଗାର୍ ଗନଙ୍ଗ୍ ଦାନ୍ ହବାଅଃତାନା, ପ୍ରାଡୁ ଯୀଶୁ ଖ୍ରୀଷ୍ଟଲଃ ମେସାନ୍ ହରାତେ ଜାନାଅ ଜାନାଅରେୟାଃ ଜୀଦାନ ।



ଆଣ୍ଠିରେୟାଃ ଜନ୍ମକା

<sup>୧</sup> ହେ ହାଗା ମିଶିକ, ନାହାଁଃଦ ଆଇଙ୍ଗ ଅକଆଃ କାଜିନାଙ୍ଗ ସେନ୍ତାନାଇଙ୍ଗ, ଏନାଦ ଆପେ ଆବ୍‌କାର୍‌ଉରୁମ୍ ଦାଡ଼ିୟାପେ, ଚିୟାଃଚି ଆପେଦ ଆନ୍‌ରୁ ଚିନାଃ ତାନାଃ ଏନାପେ ସାରିକାଦା । ହଡ଼ଦ ଆୟାଃ ଜାନିଦ୍‌ରେ ତାଇନଃ ଇମ୍‌ତା ଏସ୍‌କାର୍‌ ଆନ୍‌ରୁରାଃ ତନଲ୍‌ରେ ତାଇନା । <sup>୨</sup> ଆଣ୍ଠିକାନ୍ କୁଡ଼ି ଆୟାଃ କଡ଼ା ଜାନିଦ୍‌ ତାଇନ୍ ଜାକେଦ୍ କଡ଼ାତେଲ୍‌ଃ ମୁଣାରାଃ ଆନ୍‌ରୁରେୟାଃ ତନଲ୍‌ରେ ତାଇନା । ମେନ୍‌ଦ କଡ଼ାତେୟାଃ ଗନ୍‌ଏଃ ହବାଅଃରେ, ଇନିୟାଃ କୁଡ଼ି ନେ ମୁଣାରାଃ ଆନ୍‌ରୁ ତନଲ୍‌ହେତେ ରାଡ଼ାକେନଃଆ । <sup>୩</sup> କଡ଼ାତେ ଜାନିଦ୍‌ ତାଇନ୍ ଇମ୍‌ତା, କୁଡ଼ିତେ ଏଟାଃ କଡ଼ାଲ୍‌ଃ ଆଣ୍ଠିୟାଃରେଦ, ଇନିଃ ଆପାଙ୍ଗିର୍‌ କୁଡ଼ି ମେନ୍ତେ କାଜିୟାଃଆ, ମେନ୍‌ଦ କଡ଼ାତେୟାଃ ଗନ୍‌ଏଃ ହବାଅଃରେ, କୁଡ଼ିତେ ମୁଣା ଏମାକାଦ୍ ଆନ୍‌ରୁରେୟାଃ ତନଲ୍‌ହେତେ ରାଡ଼ାକଆଃଏ, ଏନ୍ତେ ଏଟାଃ କଡ଼ାଲ୍‌ଃ ଆଣ୍ଠିୟାଃରେଦ, ଇନିଃ ଆପାଙ୍ଗିର୍‌ କୁଡ଼ି ମେନ୍ତେ କାଏ କାଜିୟାଃଆ । <sup>୪</sup> ହେ ହାଗା ମିଶିକ, ଆପେୟ୍ ଏନ୍‌ଲେକାଗି ମୁଣାରାଃ ଆନ୍‌ରୁରେ ଗଜାକାନାପେ । ଆପେ ବାପ୍ତିସ୍ମା ହରାତେ ଖ୍ରୀଷ୍ଟ୍‌ଆଃ ହଡ଼ମଲ୍‌ଃ ଗଏଃକେଦ୍‌ତେ ଆୟାଃ ଜୀଉବିନିରିଦ୍‌ରେୟ୍ ହିସା ହବାକାନାପେ ଆଡ଼ଃ ନାହାଁଃ ଆପେ ପାର୍‌ମେଣ୍ଟାର୍‌ଆଃ ସେଞ୍ଜାରେ ବେଭାର୍‌ ଦାଡ଼ିୟାଆପେ । <sup>୫</sup> ଚିମିନ୍ ମାହାଁ ଜାକେଦ୍ ଆବୁ ଆବୁଆଃ ହଡ଼ମରେୟାଃ ଇଛାସାନାଙ୍ଗ୍ ଲେକାରୁ ତାଇକେନା । ଆନ୍‌ରୁରେ ମାନାକାଦ୍ ଆବୁଆଃ ପାପ୍ ଆବୁଆଃ ହରାତେ ଆନ୍‌ରୁ ପାପ୍‌ରେୟାଃ କାମିକଏ ରିକାଇଚିରୁ ତାଇକେନା ଆଡ଼ଃ ନେ କାମି ଆବୁଆଃ ଆମିକ୍‌ରେୟାଃ ଗନ୍‌ଏଃ ରିକା ତାଇକେନାଏ । <sup>୬</sup> ସିଦାରେୟାଃ ଆନ୍‌ରୁ ଆବୁକେ ଆୟାଃ ତନଲ୍‌ରେ ତଲ୍‌କାକାଦ୍‌ରୁ ତାଇକେନା, ମେନ୍‌ଦ ନାହାଁଃ ଆବୁଆଃ ମାରି ସଭାବ୍ ଗଏଃୟାନା ଆଡ଼ଃ ଆବୁ ଆନ୍‌ରୁରେୟାଃ ତନଲ୍‌ହେତେ ରାଡ଼ା ଚାବାକାନାବୁ । ଏନାତେ ଆବୁ ନାହାଁଃ ସିଦାଲେକା ଅନଲ୍ ଆନ୍‌ରୁରେୟାଃ ସେଞ୍ଜା କାରୁ ରିକାତାନା, ମେନ୍‌ଦ ପାବିତାର୍‌ ଆମ୍ବା ଉଦୁବ୍‌ତାନ୍ ନାଞ୍ଜା ହରାରେବୁ ସେସେନ୍‌ତାନା ।

ଆନ୍‌ରୁ ଆଡ଼ଃ ପାପ୍

<sup>୭</sup> ତାବ୍‌ଦ ଚିନାଃରୁ କାଜିୟା, ଆନ୍‌ରୁଗି ପାପ୍‌ତାନାଃ ? କାହାଗି, ଏନାଦ ନାହାଁଲ୍‌ଃ । ମେନ୍‌ଦ ପାପ୍ ଚିନାଃ ତାନାଃ ଏନା ଆନ୍‌ରୁ ଆଇଙ୍ଗ୍‌କେ ଉଦୁବ୍‌କାଦିୟା, “ଏଟାଃନିୟାଃ ଜିନିଷ୍ଟକେ ଆଲ୍‌ପେ ହାୟାଃଆଃଆ,” ନେ ଆନାରୁ ଆନ୍‌ରୁରେ କା ଏମାକାନ୍‌ରେ, ହାୟା ଚିନାଃ ତାନାଃ, ଏନା ଆଇଙ୍ଗ୍ କାଇଙ୍ଗ୍ ସାରିତେୟାଃ । <sup>୮</sup> ମେନ୍‌ଦ ଏନ୍ ଆନାରୁ ହରାତେ ଆଇଁୟାଃ ମନ୍‌ରେ ଚିମିନ୍ ରାକାମ୍‌ରେୟାଃ ପାପ୍‌କ ରିକାନାଙ୍ଗ୍ ଉପ୍‌ଜାଅୟାନା । ମେନ୍‌ଦ ଆନ୍‌ରୁ ବାଗିକେଦ୍‌ତେ ପାପ୍‌ରାଃ ଜେତାନ୍ ପେଡ଼େଃ ବାନଃଆ । <sup>୯</sup> ମିସା ଆଇଙ୍ଗ୍ ଆନ୍‌ରୁକେ କା ସାରିକେଦ୍‌ତେ ଜାନିଦ୍‌ ତାଇକେନାଇଙ୍ଗ୍, ମେନ୍‌ଦ ଆନ୍‌ରୁ ହିଜୁଃୟାନ୍‌ଚି ପାପ୍ ବଲ୍‌ୟାନା ଆଡ଼ଃ ଆଇଁୟାଃ ଗନ୍‌ଏଃ ହବାୟାନା । <sup>୧୦</sup> ଅକ ଆନ୍‌ରୁ ଜୀଦାନ୍ ଏମେ ନାଗେନ୍ତେ ତାଇକେନା, ଏନା ଆଇଁୟାଃ ଆମିକ୍ ଗନ୍‌ଏଃ ଆଉକେଦାଏ । <sup>୧୧</sup> ଆନ୍‌ରୁରେୟାଃ ସୁୟୋଗ୍ ଇଦିକେଦ୍‌ତେ ପାପ୍ ଆଇଙ୍ଗ୍‌କେ ବେଦାକେଦିୟା ଆଡ଼ଃ ଗଏଃକେଦିୟାଏ ।

<sup>୧୨</sup> ଆନ୍‌ରୁ ପାବିତାର୍‌ଗିଆ, ଏନାରେୟାଃ ସବେନ୍ ଆନ୍‌ରୁ ପାବିତାର୍‌ଗିଆ, ଠାଉକାନ୍‌ଗିୟା ଆଡ଼ଃ ବୁଗିନ୍‌ଗିୟା । <sup>୧୩</sup> ତାବ୍‌ଦ ଅକ୍‌ନାଃ ବୁଗିନ୍ ତାନାଃ, ଏନା ନାଗେନ୍ତେ ଚିନାଃ ଆଇଁୟାଃ ଗନ୍‌ଏଃ ହବାଆଃ ? କାହାଗି, ଏନ୍‌କାଦ ଚିଉଲ୍‌ଆ କା ହବାଆଃ ? ଏନା ପାପ୍‌ଗି ରିକା କାଦାଏ । ବୁଗିନ୍ ଆନ୍‌ରୁ ମାନାଡ଼ିଙ୍ଗ୍‌କେଦ୍ ହରାତେ ପାପ୍ ଆଇଁୟାଃ ଗନ୍‌ଏଃ ଆଉକେଦାଏ । ଏନାତେ ପାପ୍‌ରାଃ ସାର୍‌ଚି ସଭାବ୍

ଉଦ୍‌ବୁଦ୍ଧ୍ୟାନା, ଆତଃ ଆନୁରୁ ହରାତେ ପାପ୍ ପୁରାଃ ବରଞ୍ଚାନତେୟାଃ ତାନାଃ ମେତ୍ରେ ଉଦ୍‌ବୁଦ୍ଧ୍ୟାନା ।

ଆରୁଆଃ ମନରେ ଆଡ଼ାଃଉଡ଼ଃ

୧୪ ଆରୁ ସାରିତାନାରୁ, ଆନୁରୁ ଆମ୍ବିକ୍ ତାନାଃ, ମେନଦ ଆଇଙ୍ଗ୍ ଆମ୍ବିକ୍ ହଡ଼ ନାହାଁଲିଙ୍ଗ୍ । ଆଇଙ୍ଗ୍ ପାପ୍‌ତାଃରେ ଦାସି ଲେକାଇଙ୍ଗ୍ ଆଖ୍‌ରିଙ୍ଗ୍‌କାନା । ୧୫ ଆଇଙ୍ଗ୍ ଚିନାଃ ରିକାତାନତେୟାଃ କାଇଙ୍ଗ୍ ଆବ୍‌କାର୍‌ତରୁମେ ତାନା । ଆଇଙ୍ଗ୍ ଅକ୍‌ନାଃ କାମି ସାନାଙ୍ଗ୍‌ତାନତେୟାଃ କାଇଙ୍ଗ୍ କାମିତାନା ମେନଦ ଅକ୍‌ନାଃ ହିଲାଇଙ୍ଗ୍‌ତାନତେୟାଃ କାମିତାନା । ୧୬ ଅକ୍‌ଆଃ ରିକାତାନା, ଏନା ଆଇଁୟାଃ ଇଛା ସାନାଙ୍ଗ୍ ବିରୁଧ୍‌ରେ ରିକା ତାନାଇଙ୍ଗ୍, ଏନାମେତ୍ରେ ଆନୁରୁ ବୁଗିନାଃ ମେତ୍ରେ ଆବ୍‌କାରେତାନା । ୧୭ ଏନାତେ ଏନ୍ କାମି ଆଇଙ୍ଗ୍ କାଇଙ୍ଗ୍ ରିକାତାନା ମେନଦ ଆଇଁୟାଃ ମନ୍ ଭିତାର୍‌ରେ ତାଇନତାନ୍ ପାପ୍ ଏନାକେ ରିକାତାନା । ୧୮ ଆଇଙ୍ଗ୍ ସାରିତାନାଇଙ୍ଗ୍, ଆଇଁୟାଃ ହଡ଼ମରେ ଜେତାନ୍ ବୁଗିନାଃ ବାନଃଆ, ଚିଆଃଚି ବୁଗିନ୍ କାମି ରିକା ନାଗେତ୍ରେ ଆଇଁୟାଃ ଇଛାସାନାଙ୍ଗ୍ ତାଇନରେୟ ଏନା କାଇଙ୍ଗ୍ କାମି ଦାଡ଼ିତାନା । ୧୯ ଏନାମେତ୍ରେ ଅକ୍ ବୁଗିନ୍ କାମି ରିକା ନାଗେତ୍ରେ ଆଇଁୟାଃ ଇଛାସାନାଙ୍ଗ୍ ମେନାଃ, ଏନା କା କାମିକେଦତେ, ଆଇଁୟାଃ ଇଛାସାନାଙ୍ଗ୍ ବିରୁଧ୍‌ରେୟାଃ ଏଡ଼କାନ୍ କାମିକଗିଇଙ୍ଗ୍ ରିକାତାନା । ୨୦ ଆଇଁୟାଃ ଇଛାସାନାଙ୍ଗ୍ ବିରୁଧ୍‌ରେ ଅକ୍ କାମିକଇଙ୍ଗ୍ ରିକାତାନା, ସାର୍‌ତିଗି ଏନ୍ କାମିକଦ ଆଇଙ୍ଗ୍ କାଇଙ୍ଗ୍ କାମିତାନା, ଆଇଙ୍ଗ୍‌ରେ ତାଇନକାନ୍ ପାପ୍ ନେ କାମିକଏ ରିକାତାନା ।

୨୧ ଏନ୍ ଲେକାଗି ଆଇଙ୍ଗ୍ ନେ ଆନୁରୁରେ ନାମାକାଦାଇଙ୍ଗ୍, ଆଇଙ୍ଗ୍ ବୁଗିନାଃ କାମିନାଙ୍ଗ୍ ସାନାଙ୍ଗ୍‌ତାନ୍ ଇମ୍‌ତା, ଏଡ଼କାନ୍ କାମି ଏସ୍‌କାର୍ କାମିୟାଃଇଙ୍ଗ୍ । ୨୨ ପାର୍‌ମେଶ୍‌ବାର୍‌ଆଃ ଆନୁରୁ ମାନାଡିଙ୍ଗ୍ ନାଗେତ୍ରେ ଆଇଁୟାଃ ସାନାଙ୍ଗ୍, ୨୩ ମେନଦ ଆଇଁୟାଃ ମନରେ ନେ ଇଛାସାନାଙ୍ଗ୍ ବିରୁଧ୍‌ରେ ଆଇଁୟାଃ ହଡ଼ମକେ ଆକ୍‌ତେୟାର୍‌ରେତାନ୍ ଆନୁରୁ ସବେନ୍ ଇମ୍‌ତା ଲାପାଡ଼ାଇତାନାଏ । ଆଇଁୟାଃ ହଡ଼ମରେ କାମିୟଃତାନ୍ ଏନ୍ ପାପ୍ କାମିକ ଆଇଙ୍ଗ୍‌କେ ତଲ୍‌କେଦତେ ଦହକାଦିୟା । ୨୪ ହାଏ, ଆଇଙ୍ଗ୍ ଚିମିନ୍ କା ସୁକୁତାନ୍ ହଡ଼ତାନିଙ୍ଗ୍, ଗନଏଃ ଗାତାତେ ଇଦିତାନ୍ ନେ ହଡ଼ମରେୟାଃ କାମିଏତେ ଆଇଙ୍ଗ୍‌କେ ଅକ୍‌ଏ ବାଞ୍ଚାଅୟାଏ ? ୨୫ ପାର୍‌ମେଶ୍‌ବାର୍‌ଆଃ ଧାନ୍ୟାବାଦ୍ ହବାଅଃକା, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ନେ ସବେନାଃ ହବାକାନା । ଏନାତେ, ନେଆଁ ହବାଅଃତାନା ଆଇଁୟାଃ ଦାସା । ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ଆନୁରୁକେ ଏସ୍‌କାର୍ ଆଇଁୟାଃ ମନରେ ମାନାଡିଙ୍ଗ୍ ଦାଡ଼ିୟାଇଙ୍ଗ୍ । ମେନଦ ଆଇଁୟାଃ ମାନଞ୍ଜା ସଭାବ୍ ଆଇଙ୍ଗ୍‌କେ ପାପ୍‌ରେୟାଃ ଦାସି ହବାଅଃ ନାଗେତ୍ରେ ଆରୁଇଙ୍ଗ୍‌ତାନା ।

### ୮

ଆମ୍ବାରେୟାଃ ଜୀଦାନ୍

୧ ନାହାଁଃ ଅକନ୍‌କ ଖ୍ରୀଷ୍ଟ୍ ଯୀଶୁଲଃ ମେସାକେଦତେ ଜୀଦାନ୍ ବିତାଅଆଃକ, ଇନ୍‌କୁ ଆତଃ ସାଜାଇ କାକ ନାମେୟା । ୨ ପାବିତାର୍ ଆମ୍ବା ଅକ୍ ଆନୁରୁ ହରାତେ ଆରୁକେ ଖ୍ରୀଷ୍ଟ୍ ଯୀଶୁଲଃ ମେସାକେଦତେ ଅକ୍ ଜୀଦାନ୍ ଏମାକାଦ୍‌ବୁଆଏ, ଏନା ହରାତେ ଆରୁ ପାପ୍ ଆତଃ ଗନଏଃରେୟାଃ ଆନୁରୁହେତେ ରାଡ଼ାକାନାରୁ । ୩ ମାନଞ୍ଜାରାଃ ସଭାବ୍‌ରେ ପେଡ଼ଃ ବାନଃ ହରାତେ ମୁଣା ନାବୀ ଏମାକାଦ୍ ଆନୁରୁକେ ମାନାଡିଙ୍ଗ୍ କାଏ ଦାଡ଼ିକେନା, ଏନାକେ ପାର୍‌ମେଶ୍‌ବାର୍ ରିକାକେଦାଏ । ମାନଞ୍ଜା ଜୀଦାନ୍‌ରେ ପାପ୍‌କେ ଜିୟନେ ନାଗେତ୍ରେ ଇନିଃ ଆୟାଃ ହନ୍‌କେ ପାପି ମାନଞ୍ଜା ଲେକାଏ କୁଲ୍‌କିୟା

୧ ୭:୧୫ ୭:୧୫ ଗାଲାତିୟ ୫:୧୭.

ଆତ୍ମା ଶ୍ରୀଷ୍ଟ ଯୀଶୁ ପାପରେୟାଃ ପେଡ଼େଃକେ ଜିୟନ୍‌କେଦା । ୪ ଏନାମେନ୍ତେ ନାହାଁଃ ଆରୁ ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ କା ତାଜନ୍‌କେଦ୍‌ତେ ପାବିତାର୍ ଆମ୍ବାର୍‌ରେୟାଃ ହରାତେରୁ ସେସେନ୍‌ତାନା ଆତ୍ମା ନେଆଁ ହରାତେ ଆରୁ ଆନ୍‌ତୁରେୟାଃ ଧାର୍‌ମାନ୍ ହାଟିରୁ ପୁରାକାଦା । ୫ ଅକନ୍ ହଡ଼କ ମାନଞ୍ଜା ସଭାବ୍ ଲେକା ଜୀଦାନ୍‌କ ବିତାଅଆଃ, ଇନ୍‌କୁଆଃ ମନ୍ ଉଡ଼ଝୁକ, ଏନ୍ ସଭାବ୍ ଲେକାଗି କାମିଇଚିକଆ । ମେନ୍‌ଦ ଅକନ୍ ହଡ଼କ ପାବିତାର୍ ଆମ୍ବାରାଃ କାଜି ଲେକା କାମିୟାଃକ, ଇନ୍‌କୁଆଃ ମନ୍‌ରାଃ ଉଡ଼ଝୁ ପାବିତାର୍ ଆମ୍ବାରାଃ ସାନାଙ୍ଗ୍ ଲେକା ତାଜନାଃ । ୬ ଚିୟାଃଚି ମନ୍, ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ ତାଜନଃରେଦ, ଏନାରେୟାଃ ନାଲା ଗନଏଃ ନାମଃଆ, ଆତ୍ମା ପାବିତାର୍ ଆମ୍ବାର୍‌ରେୟାଃ ଆକ୍‌ତେୟାର୍‌ରେ ତାଜନଃରେଦ ଏନାରେୟାଃ ନାଲା ଜୀଦାନ୍ ଆତ୍ମା ଜୀଉସୁକୁ ନାମଃଆ । ୭ ଆତ୍ମା ମନ୍, ମାନଞ୍ଜା ସଭାବ୍‌ରେୟାଃ ଆକ୍‌ତେୟାର୍‌ରେ ତାଜନଃ ହରାତେ ହଡ଼ ପାର୍‌ମେଶ୍ଵାର୍‌ଆଃ ବାଇଚି ହବାଅଃଆଏ, ଚିୟାଃଚି ଇନିଃ ପାର୍‌ମେଶ୍ଵାର୍‌ଆଃ ଆନ୍‌ତୁ କାଏ ମାନାତିୟାଃ ଆତ୍ମା ଇନିଃ ଏନାକେ କାଏ ମାନାତିଙ୍ଗ୍ ଦାଡ଼ିୟା । ୮ ଅକନ୍ ହଡ଼କ ମାନଞ୍ଜା ସଭାବ୍ ଲେକାତେ କାମିୟାଃକ, ଇନ୍‌କୁ ପାର୍‌ମେଶ୍ଵାର୍‌କେ କାକ ସୁକୁଇଚି ଦାଡ଼ିୟା ।

୯ ପାର୍‌ମେଶ୍ଵାର୍‌ଆଃ ପାବିତାର୍ ଆମ୍ବା ସାର୍‌ତିଗି ଆପେରେ ମେନାଇରେଦ, ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ କାପେ ବିତାଅ ତାନା, ମେନ୍‌ଦ ଜୀଦାନ୍‌ରେ ପାବିତାର୍ ଆମ୍ବାରାଃ ଆନାତୁପେ ମାନାତିଙ୍ଗ୍ ତାନା । ଶ୍ରୀଷ୍ଟିଆଃ ଆମ୍ବା ଜେତାଏତାଃରେ ବାଙ୍ଗାଲୟା, ଇନିଃ ଚିଉଲାଅ ଆୟାଃ ହଡ଼ କାଏ ହବା ଦାଡ଼ିୟାଆ । ୧୦ ମେନ୍‌ଦ ଶ୍ରୀଷ୍ଟି ଆପେରେ ମେନାଇରେଦ, ଆପେୟାଃ ହଡ଼ଫ ପାପ୍ ନାଗେନ୍ତେ ଜିୟନଃତେ ସେନଃତାନ୍‌ରେୟ, ପାବିତାର୍ ଆମ୍ବା ଆପେକେ ଜୀଦାନ୍ ଏମାପେୟାଏ, ଚିୟାଃଚି ଆପେ ପାର୍‌ମେଶ୍ଵାର୍‌ଆଃ ଆୟାର୍‌ରେ ଧାର୍‌ମାନ୍ ଲେକାପେ ହବାକାନା । ୧୧ ଯୀଶୁକେ ଗନଏଃହେତେ ଜୀଉ ବିରିଦାକାଇ ପାର୍‌ମେଶ୍ଵାର୍‌ଆଃ ଆମ୍ବା ଆପେରେ ମେନାଃରେଦ, ଗନଏଃକଏତେ ଶ୍ରୀଷ୍ଟି ଯୀଶୁକେ ଜୀଉବିରିଦକାଇ ପାର୍‌ମେଶ୍ଵାର୍‌, ଆପେତାଃରେ ତାଜନଃତାନ୍ ଆୟାଃ ଆପ୍‌ନାଃ ଆମ୍ବା ହରାତେ ଆପେୟାଃ ଗଜଃ ହଡ଼ଫ‌କେହଗି ଜୀଦାନ୍ ଏମେୟାଏ ।

୧୨ ଏନାତେ, ହେ ହାଗା ମିଶିକ, ଆରୁ ଚିଣୀକାନାରୁ, ମେନ୍‌ଦ ଆରୁଆଃ କାମି ହବାଅଃତାନା, ମାନଞ୍ଜା ସଭାବ୍ ଲେକାତେ ଜୀଦାନ୍ କାରୁ ବିତାଅୟା । ୧୩ ଚିୟାଃଚି ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ ବିତାଅଲେରେ ଆପେୟାଃ ଗନଏଃ ହବାଅଃଆ, ମେନ୍‌ଦ ପାବିତାର୍ ଆମ୍ବାର୍‌ରେୟାଃ ଦେଙ୍ଗାତେ ଆପେୟାଃ ପାପ୍‌ରେୟାଃ କାମିକ ବାଗିକେଦ୍‌ତେ ଆତ୍ମା ପାପ୍ କାମି କାପେ ରିକାଏରେଦ ଆପେ ଜୀହୁଦଃଆପେ । ୧୪ ଅକନ୍ ହଡ଼କ ପାର୍‌ମେଶ୍ଵାର୍‌ଆଃ ଆମ୍ବାତେ ସୁତୁଃଇଦିୟଃଆକ, ଇନ୍‌କୁ ପାର୍‌ମେଶ୍ଵାର୍‌ଆଃ ହନ୍‌କ ତାନ୍‌କ । ୧୫ ଚିୟାଃଚି ପାର୍‌ମେଶ୍ଵାର୍‌ ଏମାକାଦ୍ ଏନ୍ ଆମ୍ବା ଆପେକେ ଦାସିହେତେ ରାଡ଼ାକାଦ୍‌ପେୟା, ଆପେକେ ଆତ୍ମା ବର କା ଲାଗାତିଙ୍ଗ୍‌ୟାଃ । ମେନ୍‌ଦ ପାବିତାର୍ ଆମ୍ବା ଆପେକେ ପାର୍‌ମେଶ୍ଵାର୍‌ଆଃ ହନ୍ ହବାଅଃ ନାଗେନ୍ତେ ସୁଯୋଗ୍ ଏମାକାଦ୍‌ପେୟାଏ । ଆୟାଃ ପେଡ଼େଃ ଆର୍‌କାର୍‌କେଦ୍‌ତେ ଆରୁ ନାହାଁଃ ପାର୍‌ମେଶ୍ଵାର୍‌କେ “ଆବା” ମେନ୍ତେରୁ କାଜି ଦାଡ଼ିତାନା । ୧୬ ପାର୍‌ମେଶ୍ଵାର୍‌ଆଃ ଆମ୍ବା ଆଇଃକଗି ଆରୁଆଃ ମନ୍‌ସୁରୁଦ୍‌ଲଃ ମେସାକେଦ୍‌ତେ ଆରୁକେ ପାର୍‌ମେଶ୍ଵାର୍‌ଆଃ ହନ୍‌ତାନ୍‌ପେ ମେନ୍ତେ ଉଦୁବେତାନା । ୧୭ ଆରୁ ପାର୍‌ମେଶ୍ଵାର୍‌ଆଃ ହନ୍‌ତାନ୍‌ରୁ ମେନ୍ତେ, ଆୟାଃ ହଡ଼କଆଃ ନାଗେନ୍ତେ ଦହକାନ୍ ଆଶିଷ୍‌ରେ ଆରୁ ହିସାବୁ ନାମେୟା । ଆତ୍ମା ଶ୍ରୀଷ୍ଟ ନାଗେନ୍ତେ ପାର୍‌ମେଶ୍ଵାର୍‌ ଅକ୍‌ନାଃ ଦହକାଦାଏ, ଏନାରେୟାଗି ଆରୁ

☆ ୮:୧୧ ୮:୧୧ ୧ କରନ୍ତିୟ ୩:୧୭. ☆ ୮:୧୫ ୮:୧୫ ମାର୍ଚ୍ଚ ୧୪:୩୭; ଗାଲାତିୟ ୪:୭.



ହିସାବୁ ନାମେୟାଁ । ଆବୁ ଯୀଶୁଆଃ ଦୁକୁରେ ହିସାବୁ ନାମାକାଦରେଦ, ଆୟାଃ ମାନାରାଙ୍ଗରେୟାଗି ହିସାବୁ ନାମେୟାଁ ।

ହିନିଜୁଃ ଦିପିଲିରେୟାଃ ମାନାରାଙ୍ଗ

୧୮ ଆବୁ ଅକ ମାନାରାଙ୍ଗରେୟାଃ ହିନିଜୁଃ ଦିପିଲିରେ ବଲଆବୁ, ଏନାରେୟାଃ ଜକାରେ ନାହାଁଃରେୟାଃ ଦୁକୁହାସୁ ଜେଡନାଃ ନାହାଁଲାଃ । ଏନ୍ ଦିପିଲିରେ ପାର୍ମେଶ୍ଵାର୍ ଆୟାଃ ହନକକେ ଉଦୁବାକଆ । ୧୯ ସବେନ୍ ବାଇୟାକାନ୍ତେୟାଃକ ପୁରାଃ ଆସ୍ତାଏତାନ୍ଲଃ ପାର୍ମେଶ୍ଵାର୍ଆଃ ହନକଆଃ ଉନୁଦୁବ୍ ଦିପିଲିକେ ନେଲ୍ ହରାଏତାନା । ୨୦ ଚିୟାଃତି ପାର୍ମେଶ୍ଵାର୍ ବାଇୟାକାନ୍ତେୟାଃ ଆୟାଃ ହରାତେ ସାର୍ପାଆୟାନ୍ଲଃ ଏନାରେୟାଃ ଉକେଶ୍ ଆଦୟାନା, ଏନ୍ରେୟା ଏନାରେୟାଃ ଆସ୍ତା ମେନାଃ ୨୧ ଯେ, ମୁସିଙ୍ଗ୍ ହୁଲାଙ୍ଗ୍ ପାର୍ମେଶ୍ଵାର୍ଆଃ ହନକଆଃ ମାନାରାଙ୍ଗରେ ହିସା ହବାକେଦ୍ତେ, ବାଇୟାକାନ୍ତେୟାଃ ଜିୟନଃରେୟାଃ ଦାସିହେତେ ରାଡାଅଃଆ । ୨୨ ଚିଆଃତି ଆବୁ ସାରିତାନାବୁ, ନାହାଁଃ ଜାକେଦ୍ ସବେନ୍ ବାଇୟାକାନ୍ତେୟାଃ ହନ୍ ଜାନାମଃ ଇମ୍ତାରେୟାଃ ଦୁକୁ ନାମେ ଲେକା ଦୁକୁଃତାନ୍ଲଃ ରାଆଃଗେରାଙ୍ଗ୍ଆଃ ତାନା । ୨୩ ବାଇୟାକାନ୍ତେୟାଃ ଏସକାର୍ କାଏ ରାଆଃଗେରାଙ୍ଗ୍ ତାନା, ମେନ୍ଦ୍ ଆବୁହଗି ଏନ୍ଲେକା ରାଆଃଗେରାଙ୍ଗ୍ ତାନ୍ଲଃ ମେନାବୁଆ । ପାର୍ମେଶ୍ଵାର୍ଆଃ ପାହିଲା ଦାନ୍ ଲେକା ପାବିତାର୍ ଆମ୍ବାକେବୁ ନାମକିୟା । ଏନ୍ରେୟା ପାର୍ମେଶ୍ଵାର୍ଆଃ ହନକ ବାଇୟାକାନ୍ତେୟାଃ ଆତଃ ପୁରା ରାଡାଅଃ ନାମେକାବୁ ମେନ୍ତେ ଆବୁହଗି ତାଙ୍ଗିତାନାବୁ । ୨୪ ଚିୟାଃତି ଆସ୍ତା ଦହ ହରାତେଗି ଆବୁ ବାଞ୍ଚାଅ ନାମାଃବୁ । ମେନ୍ଦ୍ ଅକନାଃ ନେଲଃତାନା, ଏନା ନାଗେନ୍ତେ ଆସ୍ତା ଦହଃତେୟାଃ ସାର୍ଡି ଆସ୍ତା ନାହାଁଲାଃ । ଜେତାଏ ଚିନାଃ ନେଲଃତାନ୍ ବିଷାଏ ନାଗେନ୍ତେ ଆସ୍ତାଏଆ ? ୨୫ ମେନ୍ଦ୍ ଆବୁ କା ନେଲଃତାନ୍ ବିଷାଏ ନାଗେନ୍ତେବୁ ଆସ୍ତାଏ ରେଦ, ଆବୁକେ ଧିରାଜ୍ ସାବକେଦ୍ତେ ତାଙ୍ଗି ଲାଗାତିଙ୍ଗ୍ୟାଃ ।

୨୬ ଏନ୍ଲେକାଗି ଆବୁ ନାରାଦୁରାଗିୟାବୁ ମେନ୍ଦ୍ ପାବିତାର୍ ଆମ୍ବା ଆବୁକେ ଦେଙ୍ଗାଏଃ । ଚିଲ୍କା ବିକ୍ତି ରିକା ଲାଗାତିଙ୍ଗ୍ୟାଃ, ଏନା ଆବୁ କାବୁ ସାରିୟାଃ । ଏନାମେନ୍ତେ ପାବିତାର୍ ଆମ୍ବା ଆବୁଆଃ କା କାଜିୟଃତାନ୍ କାଜିରେ ଆବୁ ନାଗେନ୍ତେ ପାର୍ମେଶ୍ଵାର୍ତଃରେ ବିକ୍ତି ତାନା । ୨୭ ପାର୍ମେଶ୍ଵାର୍ଦ୍ ଆବୁଆଃ ମନ୍ସୁରୁଦ୍କେ ସାରିୟାଏ, ଚିୟାଃତି ଇନିଃଦ୍ ସବେନାଃ ସାରିନିଃ ତାନିଃ ଆତଃ ପାବିତାର୍ ଆମ୍ବା ପାର୍ମେଶ୍ଵାର୍ଆଃ ସାନାଙ୍ଗ୍ ଲେକାତେ ଆୟାଃ ହଡକ ନାଗେନ୍ତେ ବିକ୍ତି ତାନା ।

୨୮ ଆବୁ ସାରିତାନାବୁ ଯେ, ଅକନ୍ଦ୍ ପାର୍ମେଶ୍ଵାର୍ଆଃ ଇଛା ସାନାଙ୍ଗ୍କେ ପୁରାଏ ନାଗେନ୍ତେକ କେଡାକାନା ଆତଃ ପାର୍ମେଶ୍ଵାର୍କେ ଦୁଲାଡ଼ାଃକ, ଇନ୍କୁ ନାଗେନ୍ତେ ସବେନାଃ ବୁଗିନ୍ଗି ହବାଅଃଆ । ୨୯ ଅକନ୍ଦ୍କେ ପାର୍ମେଶ୍ଵାର୍ ସିଦାରେଗି ସାଲାକାଦ୍କଆ, ଇନ୍କୁକେ ଆୟାଃ ହନ୍ଆଃ ଲେକା ହବାଅଃ ନାଗେନ୍ତେ ସାଲାକାଦ୍କଆ, ଏନାତେ ପାର୍ମେଶ୍ଵାର୍ଆଃ ହନ୍ ପୁରାଃ ହାଗା ମିଗିକଏତେ ମୁଡ୍କୁଲ୍ ହନ୍ ହବାଅଃଆଏ । ୩୦ ଆତଃ ଅକନ୍ଦ୍ ନେ'ଲେକା ସାଲାକେଦ୍ତେ କେଡାକାନାକ, ଇନ୍କୁ ପାର୍ମେଶ୍ଵାର୍ଆଃ ଆୟାର୍ରେ ଧାର୍ମାନ୍ ଲେକା ହବାକେଦ୍ତେ ଇନିଃ ଆୟାଃ ମାନାରାଙ୍ଗ୍କେ ଇନ୍କୁତଃରେ ଉଦୁବାକାଦା ।

ପାର୍ମେଶ୍ଵାର୍ଆଃ ଦୁଲାଡ୍

୩୧ ଏନାତେ, ନେ ସବେନ୍ ବିଷାଏରେ ଆତଃ ଚିନାଃବୁ କାଜିୟା ? ପାର୍ମେଶ୍ଵାର୍ ଆବୁଲଃ ମେନାଇରେଦ୍ ଅକଏ ଆବୁଆଃ ବିରୁଧ୍ରେ ହବା ଦାଡିୟଃଆ ? ୩୨ ପାର୍ମେଶ୍ଵାର୍ ଆବୁଆଃ ବିରୁଧ୍ରେ କାଏ ହବାଅଃଆ, ଚିୟାଃତି ଇନିଃ ଆୟାଃ ଆପ୍ନାଃ ହନ୍କେହଗି କା ବାଞ୍ଚାଅକେଦ୍ତେ ଆବୁ ନାଗେନ୍ତେ ଦାନ୍ ଏମକିୟାଏ

\* ୮:୨୩ ୮:୨୩ ୨ କରନ୍ତୁୟ ୫:୨-୪.

। ଏନ୍‌ରେଦ, ଇନିଃ ଚିନାଃ ଆରୁକେ ସବେନ୍ ବିଷାଏ କାଏ ଏମାରୁଆ ?  
 ୩୩ ପାର୍‌ମେଶ୍ୱାର୍‌ଆଃ ସାଲ୍‌କାନ୍ ହଡ଼କଆଃ ବିରୁଧ୍‌ରେ ଅକଏ ଚିଟା ଦାଡ଼ିକଆଏ ?  
 ଇନ୍‌କୁକେ ବେଗାର୍‌ ଗୁହ୍ନାଁ ମେନ୍ତେ ପାର୍‌ମେଶ୍ୱାର୍‌ ଆଇଃକ୍‌ଗି କାଜିକାଦା । ୩୪ ତାବ୍‌ଦ  
 ଅକଏ ଇନ୍‌କୁକେ ସାଜାଇ ଏମ୍‌ ଦାଡ଼ିୟାଏ ? ଯୀଶୁ ଖ୍ରୀଷ୍ଟ୍‌ ଚିତ୍‌ଲାହ୍‌ ଏନ୍‌କା କାଏ  
 ରିକାୟା, ଚିୟାଃତି ଇନିଃ ଗନ୍‌ଏଃହେତେ ଜୀଉବିରିଦ୍‌କେଦ୍‌ତେ ପାର୍‌ମେଶ୍ୱାର୍‌ଆଃ  
 ଜମ୍‌ସାଃରେ ଦୁବାକାନା । ଇନିଃହ୍‌ ଆରୁ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିନ୍ତିତାନା  
 । ୩୫ ତାବ୍‌ଦ ଅକଏ ଆରୁକେ ଖ୍ରୀଷ୍ଟ୍‌ଆଃ ଦୁଲାଡ଼୍‌ହେତେ ବିନ୍‌ଗାଅ ଦାଡ଼ିୟା ? ଦୁକୁ,  
 ହାସୁ, ସାସାତି, ରିଙ୍ଗା, ନାରାଦୁରା, ବରଝାନ୍‌ରେ, ଆତଃ ଗନ୍‌ଏଃ ଚିନାଃ ବିନ୍‌ଗାଅ  
 ଦାଡ଼ିୟାଏ ? ୩୬ ଧାରାମ୍‌ପୁଅରେ ଅଲ୍‌କାନା,

“ଆପେ ନାଗେନ୍ତେ ଆଲେ ସବେନ୍ ହୁଲାଙ୍ଗ୍‌ ଗନ୍‌ଏଃରେୟାଃ ଆୟାର୍‌ରେ  
 ମେନାଲେୟା,

ଆଲେ ମାଆଃ ନାଗେନ୍ତେ ଇଦିୟାତାନ୍ ମିଣ୍ଡି ଲେକାଲେ ହବାକାନା ।”

୩୭ ଏନ୍‌ରେୟ, ଅକଏ ଆରୁକେ ଦୁଲାଡ଼୍‌ ତାନାଏ, ଇନିୟାଃ ଦେଙ୍ଗାତେ ଆରୁ  
 ନେ ସବେନାଃରେ ଜିତାଅ କାନାରୁ । ୩୮ ଆଇଙ୍ଗ୍‌ ସାର୍‌ତିଗିଙ୍ଗ୍‌ ସାରିତାନା ଯେ  
 ଆୟାଃ ଦୁଲାଡ଼୍‌ ହରାତେ ଆରୁ ଚିତ୍‌ଲାହ୍‌ କାରୁ ବିନ୍‌ଗାଅଃଆ । ଗନ୍‌ଏଃ ଚାଏ  
 ଜୀଦାନ୍, ଦୁଡ଼କ ଚାଏ ସିର୍‌ମା ରାଇଜ୍‌ରେୟାଃ ଜେତାନ୍ ପେଡ଼େଃ ଚାଏ ଆକ୍‌ତେୟାର୍‌  
 ନାମାକାଦ୍‌ତେୟାଃ, ନାହାଁଃ ଚାଏ ହିଜୁଃ ଦିପିଲି, ୩୯ ଅତେ ଚେତାନ୍‌ରେ ଚାଏ ଅତେ  
 ଲାତାର୍‌ରେ ଜେତାନ୍ ବିଷାଏ ଆତଃ ସବେନ୍ ବାଇୟାକାନ୍‌ତେୟାଃରେ ନେ ଲେକାନ୍  
 ଜେତାନ୍ ବିଷାଏ ବାନଃଆ, ଅକ୍‌ନାଃତି ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହରାତେ ଉନ୍‌ଦୁବ୍‌କାନ୍  
 ପାର୍‌ମେଶ୍ୱାର୍‌ଆଃ ଏନ୍‌ ଦୁଲାଡ଼୍‌ହେତେ ଆରୁକେ ବିନ୍‌ଗାଅ ଦାଡ଼ିୟା ।



ପାର୍‌ମେଶ୍ୱାର୍‌ ଆତଃ ଆୟାଃ ହଡ଼କ

୧ ଆଇଙ୍ଗ୍‌ ସାର୍‌ତିଗିଙ୍ଗ୍‌ କାଜିତାନା, ଆଇଙ୍ଗ୍‌ ଖ୍ରୀଷ୍ଟ୍‌ଆଃ ହବାକାନ୍ ହରାତେ  
 କାଇଙ୍ଗ୍‌ ବେଦାତାନା । ଆଇୟାଃ ବିବେକ୍‌ ପାବିତାର୍‌ ଆମ୍‌ରାଃ ଆକ୍‌ତେୟାର୍‌ତେ  
 ଗାଝାଏ ଏମେତାନା । ୨ ଆଇୟାଃ ପୁରାଃଗି ଦୁକୁ ମେନାଃ, ଚିମିନ୍‌ଗି କା ଟୁଣ୍ଡୁ  
 ହାସୁକ ଆଇୟାଃ ମନ୍‌ପୁରୁଦ୍‌ରେ ମେନାଃ । ୩ ଚିଆଃତି ଅକନ୍‌କ ହଡ଼ମ୍‌ଲେକାତେ  
 ଆଇୟାଃ ଆପ୍‌ନାଃ ତାନ୍‌କୁ, ନେଲେକାତି ଆଇୟାଃ ହାଗା ମିଶିକ ନାଗେନ୍ତେ  
 ଆଇଙ୍ଗ୍‌ଗି ଖ୍ରୀଷ୍ଟ୍‌ତାଃଏତେ ହିଗାଡ଼୍‌କେଦ୍‌ତେ ପାର୍‌ମେଶ୍ୱାର୍‌ଆଃ ହରାତେ ସାର୍‌ପାଆଃ  
 ନାଙ୍ଗ୍‌ ସାନାଙ୍ଗ୍‌କେଦାଇଙ୍ଗ୍‌ । ୪ ଚିୟାଃତି ଇନ୍‌କୁଦ ଇସ୍ରାଏଲ୍‌ରେନ୍ ହଡ଼କତାନ୍‌କ ।  
 ପାର୍‌ମେଶ୍ୱାର୍‌ ଇନ୍‌କୁକେ ଆୟାଃ ଆପ୍‌ନାଃ ହନ୍ ଲେକା ବାଇକେଦ୍‌ତେ ଇନ୍‌କୁତାଃରେ  
 ଆପ୍‌ନାଃ ମାନାରାଙ୍ଗ୍‌ ଉଦୁବ୍‌କାଦ୍‌ ତାଇକେନାଏ, ଇନ୍‌କୁଲଃ ଆୟାଃ ରାଜିନାମା  
 ତଲ୍‌କେଦ୍‌ତେ ଇନ୍‌କୁକେ ଆନ୍‌ରୁ ଏମାକାଦ୍‌କ ତାଇକେନାଏ, ଇନ୍‌କୁ ସାର୍‌ତିଗି  
 ସେଝାଃକ, ଆତଃ ପାର୍‌ମେଶ୍ୱାର୍‌ତାଃଏତେ ବାନାର୍‌ସାକ ନାମାକାଦା । ୫ ଇନ୍‌କୁ  
 ଆରୁଆଃ ପୁରାଃ ନୁଡ଼ମାଃତାନ୍ ଯିହୁଦୀ ପୁରଃ ହଡ଼କଆଃ କିଲିରେନ୍ ତାନ୍‌କ ଆତଃ  
 ଖ୍ରୀଷ୍ଟ୍‌ ଇନ୍‌କୁଆଃ କିଲିରେନ୍‌ଗି ତାନିଃ । ସବେନାଃ ରାଇଜେତାନ୍ ପାର୍‌ମେଶ୍ୱାର୍‌ଆଃ  
 ସାହାରାଅ ଜାନାଅ ଜାନାଅ ହବାଅଃକା, ଆମେନ୍ ।

୬ ପାର୍‌ମେଶ୍ୱାର୍‌ଆଃ ବାନାର୍‌ସା କା ପୁରାକାନା ମେନ୍ତେଦ୍‌ ଆଇଙ୍ଗ୍‌ କାଇଙ୍ଗ୍‌  
 କାଜିତାନା, ଚିୟାଃତି ସବେନ୍ ଇସ୍ରାଏଲ୍‌କଦ୍‌ ପାର୍‌ମେଶ୍ୱାର୍‌ଆଃ ହଡ଼କ ନାହାଁଲାକ  
 । ୭ ଚାଏ ଆବ୍ରାହାମ୍‌ଆଃ କିଲିରେନ୍ ସବେନ୍‌କ ପାର୍‌ମେଶ୍ୱାର୍‌ଆଃ ହନ୍‌କ ନାହାଁଲାକ  
 । ପାର୍‌ମେଶ୍ୱାର୍‌ ଆବ୍ରାହାମ୍‌କେ କାଜିକାଇ ତାଇକେନା, “ଆମାଃ ଅକନ୍‌ କିଲିକ  
 ବିଷାଏରେ ଆଇଙ୍ଗ୍‌ ବାନାର୍‌ସା ଏମାକାଦ୍‌ ତାଇକେନାଇଙ୍ଗ୍‌, ଇନ୍‌କୁ ଇସାକ୍‌ଆଃ

ହରାତେ ହିଜୁଃଆକ ।” ୮ ନେଆଁରାଃ ମୁଣ୍ଡି ହବାଅଃତାନା, ହଡ଼ ହନକ ଜାନାମ୍‌ଏତେ ଏସକାର୍ ପାର୍‌ମେଶ୍‌ବାର୍‌ଆଃ ହନକ କାକି ହବାଅଃଆ । ପାର୍‌ମେଶ୍‌ବାର୍‌ଆଃ ବାନାର୍‌ସାଃ ଲେକାତେ ଜାନାମାକାନ୍ ହନକ ପାର୍‌ମେଶ୍‌ବାର୍‌ଆଃ ନେପେଲ୍‌ରେ ସାର୍‌ତି ହନକ ମେନ୍ତେକ କାଜିୟଃଆ । ୯ ଚିୟାଃତି ପାର୍‌ମେଶ୍‌ବାର୍‌ ନେ ବାନାର୍‌ସା ଏମାକାଦ୍ ତାଇକେନାଏ, “ଠାଉକାନ୍ ଦିପିଲି ହିଜୁଃରେ ଆଇଙ୍ଗ୍ ହିଜୁଃରୁହାଡ଼ାଇଙ୍ଗ୍ ଇମ୍‌ତା ସାରା ଏଙ୍ଗା ହବାକାନ୍‌ଗିଆଃଏ ।”

୧୦ ଇମ୍‌ନାଙ୍ଗ୍ ଏସକାର୍ କାହାଗି, ଆବୁଆଃ ପୁରଂଗା ହଡ଼ ଇସାକ୍‌ତାଃଏତେ ରିବ୍‌କାରାଃ ବାରିଆ ହନ୍ ହବାକାନ୍ ତାଇକେନାକିନ୍ । ୧୧ ଇନ୍କିନ୍ ଜାନାମ୍ ସିଦାରେ ଆଡ଼ଃ ଇନ୍କିନ୍ ବୁଗିନ୍ ଚାଏ ଏଡ଼କାନ୍ ଜେଡ଼ନାଃ କାକିନ୍ ରିକାକାଦ୍ ତାଇକେନ୍ ସିଦାରେ ପାର୍‌ମେଶ୍‌ବାର୍‌ ନେଆଁଏ କାଜିକାଦ୍ ତାଇକେନା । ଏନାତେ ଇନ୍କିନାଃ କାମି ହରାତେ ଏସକାର୍ କାହାଗି ମେନ୍‌ଦ ପାର୍‌ମେଶ୍‌ବାର୍‌ଆଃ କେନେଡ଼ା ହରାତେ ଇନ୍କିନ୍ ସାଲାୟାନାକିନ୍ । ୧୨ ନେ ବାରାନ୍‌କିନାଃ ଭିତାର୍‌ରେ ମିହୁଡ଼୍ ପାର୍‌ମେଶ୍‌ବାର୍‌ଆଃ ଉଦେଶ୍ ରିକା ନାଗେନ୍ତେ ସାଲାୟାନା । ରିବ୍‌କାକେ ପାର୍‌ମେଶ୍‌ବାର୍‌ କାଜିକିୟାଏ, “ମାରାଙ୍ଗ୍ ହନ୍ ହୁଡ଼ିଙ୍ଗ୍ ହନ୍‌ଆଃ ସେଝାନିଃ ହବାଅଃଆଏ ।” ୧୩ ଧାରାମ୍‌ପୁଥୁ କାଜି ଲେକାତେ, “ଆଇଙ୍ଗ୍ ଯାକୁବ୍‌କେ ଦୁଲାଡ଼କିୟାଇଙ୍ଗ୍ ମେନ୍‌ଦ ଏଷୌକେ ହିଲାଙ୍ଗ୍‌କିୟାଇଙ୍ଗ୍ ।”

୧୪ ଏନ୍‌ରେଦ ଚିନାଃବୁ କାଜିୟା, ପାର୍‌ମେଶ୍‌ବାର୍‌ ଚିନାଃ ନ୍ୟାୟ କାଏ ରିକାଃତି ? କାହାଗି, ଏନ୍‌କାଦ୍ ଆଲକା ହବାଅଃକା । ୧୫ ଚିୟାଃତି ଇନିଃଦ ମୁଣାକେ କାଜିକାଇ ତାଇକେନା, “ଆଇଁୟାଃ ଇଛାସାନାଙ୍ଗ୍‌ଲେକା ଆଇଙ୍ଗ୍ ଅକଏକେ ସାଲାଃଇଙ୍ଗ୍ ଇନିଃକେ ସାୟାଦ୍ ଏମାଃଇଙ୍ଗ୍, ଆଡ଼ଃ ଅକଏକେ ସାନାଙ୍ଗ୍‌ଇଙ୍ଗ୍ ଇନିଃକେ ଦାୟା ରିକାଃଇଙ୍ଗ୍ ।” ୧୬ ଏନାମେନ୍ତେ ସବେନ୍ ବିଷାଏ ପାର୍‌ମେଶ୍‌ବାର୍‌ଆଃ ଲିନିବୁଇ ହରାତେ ପୁରାଅଃଆ । ମାନଝାରାଃ ସାନାଙ୍ଗ୍ ଚାଏ କାମି ତେତାନ୍‌ରେ କାହାଗି । ୧୭ ଧାରାମ୍‌ପୁଥୁରେ ଅଲକାନ୍ ଲେକାତେ, ପାର୍‌ମେଶ୍‌ବାର୍‌ ମିସାର୍ ଦିଶ୍‌ମରେନ୍ ଫାରୋ ରାଜାକେ କାଜିକାଇ ତାଇକେନା, “ଆମାଃ ହରାତେ ଆଇଁୟାଃ ପେଡ଼େଃ ଉଦୁବେ ନାଗେନ୍ତେ ଆଡ଼ଃ ଗଟା ଅତେଦିଶ୍‌ମରେ ଆଇଁୟାଃ ନୁଡ଼ମ୍‌ରାଃ ମାନାରାଙ୍ଗ୍ ଉଦୁବେ ନାଗେନ୍ତେ ଆଇଙ୍ଗ୍ ଆମକେ ରାଜା ବାଇୟାକାଦ୍ ମେଆଇଙ୍ଗ୍ ।” ୧୮ ଏନାମେନ୍ତେ, ପାର୍‌ମେଶ୍‌ବାର୍‌ ଆୟାଃ ଇଛାସାନାଙ୍ଗ୍ ଲେକାତେ ଇନିଃ ଅକଏକେ ଦାୟାକଆଏ ଆଡ଼ଃ ଅକଏକେ କେଟେଦ୍ ମନ୍ ହବାଅଃ ନାଗେନ୍ତେ ବାରିତାକଆ ।

ପାର୍‌ମେଶ୍‌ବାର୍‌ଆଃ ଖ୍‌ସ୍ ଆଡ଼ଃ ଲିନିବୁଇ

୧୯ ଆପେକଏତେ ଜେତାଏ ଆଇଙ୍ଗ୍‌କେ କାଜି ଦାଡ଼ିୟାଏ, “ତାବ୍‌ଦ ପାର୍‌ମେଶ୍‌ବାର୍‌ ଚିନାଃ ମେନ୍ତେ ଜେତାଏକେ ଚିଟାଇୟା ? ଜେତାଏ ଚିନାଃ ପାର୍‌ମେଶ୍‌ବାର୍‌ଆଃ ବିରୁଧ୍‌ରେ ଜେଡ଼ନାଃ ରିକା ଦାଡ଼ିୟାଏ ?” ୨୦ ମେନ୍‌ଦ ହେ ହାଗା ମିଶିକ, ପାର୍‌ମେଶ୍‌ବାର୍‌ଆଃ କାଜିରେ କାଜିକଟଙ୍ଗ୍‌ନିଃ ଆମ୍ ଅକଏ ତାନ୍‌ମେ ? “ଆଇଙ୍ଗ୍‌କେ ନେଲେକା ଚିନାଃମେନ୍ତେମ୍ ବାଇକିଦିୟା ?” ମେନ୍ତେ ହାସାରେୟାଃ ଚାଟୁ, କୁମ୍‌ରକେ କାଏ କୁଲି ଦାଡ଼ିୟା । ୨୧ ହାସାକେ ଆପ୍‌ନାଃ ସାନାଙ୍ଗ୍ ଲେକା ସିପୁଦ୍‌କେଦ୍‌ତେ ଚାଟୁ ବାଇ ନାଗେନ୍ତେ କୁମ୍‌ରରାଃ ପୁରା ଆକ୍‌ତେୟାର୍ ମେନାଃ । ଏନ୍ ମିଦ୍ ସାମାନ୍ ଡ଼ିଶ୍‌ହା ହାସାଏତେ ଇନିଃ ବାର୍ ରାକାମ୍‌ରାଃ ଚାଟୁ ବାଇ ଦାଡ଼ିୟାଏ, ମିଆଁଦ୍ ବିଶେଷ୍ ହୁଲାଙ୍ଗ୍‌କରେ ଆଡ଼ଃମିଆଁଦ୍ ସବେନ୍ ହୁଲାଙ୍ଗ୍‌ରେୟାଃ କାମିରେ ବାଉରାଅ ନାଗେନ୍ତେ ବାଇୟାକାନା ।

୨୨ ଆଡ଼ଃ ପାର୍‌ମେଶ୍‌ବାର୍‌ହ୍ ଏନ୍‌ଲେକାଗି ରିକାକାଦା । ଇନିଃ ଆୟାଃ ଖ୍‌ସ୍‌କେ ଆଡ଼ଃ ପେଡ଼େଃକେ ଉଦୁବ୍ ସାନାଙ୍ଗ୍ ତାଇକେନାଏ । ମେନ୍‌ଦ ଅକନ୍‌କ ଆୟାଃ ଖ୍‌ସ୍‌ଅଃ ଲେକା ହବାକେଦ୍‌ତେ ଜିୟନଃ ଲାଗାଡ଼ିୟାଃ ତାଇକେନାକ, ଇନ୍କୁ ନାଗେନ୍ତେ

ପାର୍ମେଶ୍ୱାର ପୁରାଃଶି ଧିରାଜ ସାବକେଦ୍‌ତେ ସାହାତିଙ୍ଗ୍ କେଦା । ୨୩ ଆତଃ ଜନିଃ ଆୟାଃ ପୁରାଃ ମାନାରାଙ୍ଗ୍ ଉଦୁବ୍ ନାଗେନ୍ତେ ଆବୁକେ ବିଶେଷ୍‌କେଦ୍‌ତେ ଆୟାଃ ସାୟାଦ୍‌ରେୟାଃ ଆଶିଷ୍ ନାମେ ନାଗେନ୍ତେ ସିଦାରେଗି ଆବୁକେ ବାଇୟାକାଦ୍‌ବୁଆ । ୨୪ ଜନିଃ ଯିହୁଦୀକଏତେ ଏସ୍‌କାର୍ କାହାଗି ମେନ୍‌ଦ ଗ୍ରୀକ୍ ହଡ଼କଏତେ ହଗି ଆବୁକେ କେଡ଼ାକାଦ୍‌ବୁଆ । ୨୫ ନେ ବିଷାଏରେ ପାର୍ମେଶ୍ୱାର୍ ହୋଶେୟ ପୁଥ୍‌ରେ କାଜିକାଦା, “ଅକନ୍‌କ ଆଇଁୟାଃ ହଡ଼ କାକ ତାଇକେନା,

ଜନ୍‌କୁକେ ଆଇଁୟାଃ ହଡ଼ ଲେକା କେଡ଼ାକଆଇଙ୍ଗ୍,  
 ଅକନ୍‌ ହଡ଼କକେ ଆଇଙ୍ଗ୍ କାଇଙ୍ଗ୍ ଦୁଲ୍‌ଡ଼କାଦକ ତାଇକେନା,  
 ଜନ୍‌କୁକେ ଆଇଁୟାଃ ଦୁଲ୍‌ଡ଼କ ମେନ୍ତେଇଙ୍ଗ୍ କେଡ଼ାକଆ ।

୨୬ ଆତଃ ‘ଆପେ ଆଇଁୟାଃ ହଡ଼ ନାହାଁଲାପେ,’ ମେନ୍ତେ ଅକ ଠାୟାଦ୍‌ରେ ଜନ୍‌କୁକେ କାଜିକାନ୍ ତାଇକେନା,

ଏନ୍ତାଃରେ ଜନ୍‌କୁ ଜାନିଦ୍ ପାର୍ମେଶ୍ୱାର୍‌ଆଃ ହନ୍‌କ ମେନ୍ତେ କାଜିୟଃଆକ ।”

୨୭ ଆତଃ ଇସ୍ରାଏଲ୍ ହଡ଼କଆଃ ବିଷାଏରେ ଯିଶାୟ ନାବୀ କାଜିକାଦା, “ଇସ୍ରାଏଲ୍ ହଡ଼କ ଦରେୟାରେନ୍ ଗିତିଲ୍ ଲେକା ତାଇନଃରେୟ, ଜନ୍‌କୁଏତେ କାଟିଃଲେକା ହଡ଼କ ବାସ୍ତାଅକ ନାମେୟାଁ । ୨୮ ଚିୟାଃଗି ପ୍ରାଭୁ ଜାଲ୍‌ଦିଗି ଅତେଦିଶୁମ୍‌ରେ ପୁରା ନ୍ୟାୟ ବିଚାର୍ ରିକାଏୟାଏ ।” ୨୯ ଯିଶାୟ ନାବୀ ସିଦାରେଗି କାଜିକାଦା, “ସବେନାଃଏତେ ପେଡେୟାନ୍ ପ୍ରାଭୁ ଆବୁଆଃ ଚିମିନ୍ କିଲିକକେ କାଏ ବାସ୍ତାଅ କାକରେଦ୍, ଆବୁଆଃ ଦାସା ସୋଦମ୍ ଆତଃ ଗମ୍‌ରାରେନ୍ ହଡ଼କ ଲେକା ହବାକାନ୍‌ତେୟାଃ ।”

**ଇସ୍ରାଏଲ୍ ନାଗେନ୍ତେ ପାଉଲୁସ୍‌ଆଃ ବିକ୍ତି**

୩୦ ଏନାମେନ୍ତେ ସାଅଁସାର୍ ହଡ଼କ ବିଷାଏରେ ନେଆଁ କାଜି ଦାଡ଼ିୟାବୁ, ଜନ୍‌କୁ ଧାର୍‌ମାନ୍ ହବାଅ ନାଗେନ୍ତେ କାକ ସାନାଙ୍ଗ୍ ତାଇକେନା, ମେନ୍‌ଦ ଆକଆଃ ବିଶ୍ୱାସ୍ ହରାତେ ଜନ୍‌କୁ ଧାର୍‌ମାନ୍ ମେନ୍ତେକ କାଜିୟଃତାନା । ୩୧ ମେନ୍‌ଦ ଇସ୍ରାଏଲ୍ ହଡ଼କ ଯିହୁଦୀକଆଃ ଆନ୍‌ଚୁ ହରାତେ ଧାର୍‌ମାନ୍ ହବାଅ ନାଙ୍ଗ୍ ସାନାଙ୍ଗ୍‌କେଦ୍‌ତେ ହାରାଅକାନାକ । ୩୨ ନେଆଁରାଃ କାଜି ହବାଅଃତାନା, ଜନ୍‌କୁ ବିଶ୍ୱାସ୍ ଚେତାନ୍‌ରେ କା ଆସ୍ତାକେଦ୍‌ତେ ଆକଆଃ ଆପ୍‌ନାଃ କାମି ଚେତାନ୍‌ରେ ଆସ୍ରାଏ ତାଇକେନାକ, ଏନାମେନ୍ତେ ଜନ୍‌କୁ “ତହଦଃ ଦିରିରେ” ତହଦ୍‌ୟାନାକ । ୩୩ ଧାରାମ୍‌ପୁଥ୍‌ରେ ଅଲ୍‌କାନ୍ ଲେକା,

“ନେଲେପେ, ଆଇଙ୍ଗ୍ ସିୟୋନ୍‌ରେ ମିଆଁଦ୍ ତହଦଃ ଲେକାନ୍ ଦିରି  
 ଆତଃ ମିଆଁଦ୍ ସେରେଙ୍ଗ୍ ବାଇୟାକାଦାଇଙ୍ଗ୍,  
 ଏନାରେ ଜନ୍‌କୁକେଇଙ୍ଗ୍ ଉୟୁଃଇଟିକଆ ।  
 ମେନ୍‌ଦ ଜେତାଏ ଜନିଃତାଃରେ ବିଶ୍ୱାସେନିଃ କାଏ ଗିହୁଗଃଆ ।”

**୧୦**

୧ ହେ ହାଗା ମିଶିକ, ଆଇଁୟାଃ ଆପ୍‌ନାଃ ହଡ଼କ ଜୀଉବାସ୍ତାଅ ନାମେକାକ, ମେନ୍ତେ ଆଇଁୟାଃ ମନ୍‌ସୁରୁଦ୍‌ରେ ସାନାଙ୍ଗ୍‌ତାନାଇଙ୍ଗ୍ ଆତଃ ଆଇଙ୍ଗ୍ ପାର୍ମେଶ୍ୱାର୍‌ତାଃରେ ସବେନ୍ ଇମ୍‌ତାଇଙ୍ଗ୍ ବିକ୍ତିତାନା । ୨ ପାର୍ମେଶ୍ୱାର୍‌ଆଃ ବିଷାଏରେ ଜନ୍‌କୁଆଃ ପୁରାଃଶି ଚିହ୍‌ଲ୍‌ଲାନ୍ ମେନାଃ, ଏନା ଆଇଙ୍ଗ୍ ଜନ୍‌କୁଆଃ ସାଃଏତେ ଗାଞ୍ଜା ଏମ୍‌ତାନାଇଙ୍ଗ୍, ମେନ୍‌ଦ ଜନ୍‌କୁଆଃ ଚିହ୍‌ଲ୍‌ତେୟାଃ ସାର୍‌ତି ସେଶାଁନ୍ ଲେକାତେ ନାହାଁଲାଃ । ୩ ପାର୍ମେଶ୍ୱାର୍ ହଡ଼କକେ ଚିଲ୍‌କା ଆୟାଃଲଃ ଧାର୍‌ମାନ୍ ବାଇକଆଏ, ଏନା ଜନ୍‌କୁ କାକ ସାରିକାଦ୍ ତାଇକେନା ଆତଃ ଜନ୍‌କୁ ଧାର୍‌ମାନ୍ ହବାଅଃ ନାଗେନ୍ତେ ଆକଆଃ ଆପ୍‌ନାଃ ଇଛାସାନାଙ୍ଗ୍ ଲେକା ରିକାକେଦାକ, ଏନାତେ

ଇନ୍କୁ ଆପାନ୍‌କେ ପାର୍‌ମେଶ୍ୱାର୍‌ତାଃରେ କା ଜିମାକେଦ୍‌ତେ ପାର୍‌ମେଶ୍ୱାର୍‌ଆଃ ଏନ୍ ହରାକେ ବାରିୟାକାଦାକ । ୪ ଖ୍ରୀଷ୍ଟି ଆନ୍‌ରୁରେନ୍ ଟୁଣ୍ଡୁ ତାନିଃ, ଏନାତେ ସବେନ୍‌କ ଇନିଃତାଃରେ ଏସ୍‌କାର୍ ବିଶ୍ୱାସ୍‌ଲେରେ ପାର୍‌ମେଶ୍ୱାର୍‌ଆଃ ନେପେଲ୍‌ରେ ଧାର୍‌ମାନ୍ ମେନ୍ତେକ କାଜିୟଃଆ ।

ସବେନ୍‌କଆଃ ନାଗେନ୍ତେ ଜୀଉବାଞ୍ଚାଅ

୫ ଆନ୍‌ରୁ ମାନାତିଙ୍ଗ୍ ହରାତେ ପାର୍‌ମେଶ୍ୱାର୍‌ଲଃ ଧାର୍‌ମାନ୍ ହବାଅଃ ନାଗେନ୍ତେ ମୁଣା ଅଲ୍‌କାଦା, “ଅକନ୍‌କ ପାର୍‌ମେଶ୍ୱାର୍‌ଆଃ ଆନ୍‌ରୁକ ମାନାତିୟାଃ, ଇନ୍କୁ ବାଞ୍ଚାଅଃଆକ ।” ୬ ମେନ୍‌ଦ ବିଶ୍ୱାସ୍ ହରାତେ ଧାର୍‌ମାନ୍ ହବାଅଃ ବିଷାଏରେ ଧାରାମ୍‌ପୁଥିରେ ଅଲ୍‌କାନା, “ଖ୍ରୀଷ୍ଟ୍‌କେ ଆଡ଼ଗୁ ନାଗେନ୍ତେ ଅକଏ ସିମାତେ ରାକାବା ? ମେନ୍ତେ ଆପେ ଆପେୟାଃ ମନ୍‌ରେ ଆଲ୍‌ପେ କୁପୁଲିନାଃ ।” ୭ ଚାଏ, “ଖ୍ରୀଷ୍ଟ୍‌କେ ଗନ୍‌ଏଃହେତେ ବିରିଦ୍ ଆଉ ନାଙ୍ଗ୍ ଅକଏ ହୁଆଙ୍ଗ୍‌ଗାଡାତେ ସେନା ?” ନେ କାଜିୟାରି ଆପେ ଆଲ୍‌ପେ କୁପୁଲିନାଃ । ୮ ଚିୟାଃଟି ଧାରାମ୍‌ପୁଥି ଲେକାତେ, “ପାର୍‌ମେଶ୍ୱାର୍‌ଆଃ କାଜି ଆପେତାଃରେ, ଆପେୟାଃ ମତାରେ ଆତଃ ମନ୍‌ପୁରୁଦ୍‌ରେ ମେନାଃ ।” ଏନ୍ ବିଶ୍ୱାସ୍‌ରେୟାଃ କାଜିରି ଆଲେ ଉଦ୍‌ବେତାନାଲେ । ୯ ଆପେ ଯାଗୁକେ ଆପେୟାଃ ମତାତେ ପ୍ରାଭୁ ମେନ୍ତେପେ ମାନାତିଙ୍ଗ୍‌ରେଦ ଆତଃ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟାଏ ମେନ୍ତେ ମନ୍‌ପୁରୁଦ୍‌ରେପେ ବିଶ୍ୱାସ୍‌ପେ ରେଦ, ଆପେ ଜୀଉ ବାଞ୍ଚାଅପେ ନାମେୟା । ୧୦ ତିଆଃଟି ଆବୁ ମନ୍‌ପୁରୁଦ୍‌ରେ ବିଶ୍ୱାସ୍‌କେଦ୍ ହରାତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ମେନ୍ତେକୁ କାଜିନାଃ ଆତଃ ମତାତେ ମାନାତିଙ୍ଗ୍‌କେଦ୍ ହରାତେ ଜୀଉବାଞ୍ଚାଅବୁ ନାମ୍‌ଦାଡିୟା । ୧୧ ଧାରାମ୍‌ପୁଥି ଲେକାତେ, “ଜେତାଏ ଇନିଃତାଃରେ ବିଶ୍ୱାସ୍‌ସେନିଃ କାଏ ଗିହୁଗଃଆ । ୧୨ ତିଆଃଟି ଯିହୁଦୀ ହଡ୍ ଆତଃ ଗ୍ରୀକ୍ ହଡ୍‌କ ପାର୍‌ମେଶ୍ୱାର୍‌ଆଃ ଆୟାର୍‌ରେ ସବେନ୍‌କ ମିଦ୍‌ଗିୟାକ । ପାର୍‌ମେଶ୍ୱାର୍ ଏସ୍‌କାର୍ ସବେନ୍‌କଆଃ ପ୍ରାଭୁ ତାନିଃ, ଅକନ୍‌କ ଆଇଃକ୍‌ତାଃରେ ଦେଙ୍ଗା ବିନ୍ତି ରିକାଃକ ଇନ୍‌କୁକେ ଇନିଃ ପୁରାଃଟି ଆଶିଷ୍‌କଆ ।” ୧୩ ତିଆଃଟି ଜେତାଏ ପ୍ରାଭୁଆଃ ନୁହୁମ୍‌ତେ ବିନ୍ତିୟାଏ, ଇନିଃ ଜୀଉବାଞ୍ଚାଅ ନାମେୟାଏ ।

୧୪ ମେନ୍‌ଦ ଇନିଃତାଃରେ କା ବିଶ୍ୱାସ୍‌କେଦ୍‌ତେ ଇନ୍କୁ ଚିଲ୍‌କାତେ ଇନିଃକେ ବିନ୍ତିୟାକ ? ଆତଃ ଆୟାଃ ବିଷାଏରେ ସୁକୁକାଜି କା ଆୟୁମ୍‌କେଦ୍‌ତେ ଇନ୍କୁ ଚିଲ୍‌କାତେ ବିଶ୍ୱାସ୍ ଦାଡିୟାକ ? ଆତଃ ସୁକୁକାଜିକେ ବେଗାର୍ ଉଦ୍‌ବେକେଦ୍‌ତେ ଇନ୍କୁ ଚିଲ୍‌କାତେକ ଆୟୁମେୟା ? ୧୫ ଆତଃ କାଜି ଉଦ୍‌ବ ନାଗେନ୍ତେ ମିହୁଡ୍‌କେ କା କୁଲିରେ ଇନିଃ ଚିଲ୍‌କାତେ ପାର୍‌ଚାର୍‌ରେୟା ? ନେ ବିଷାଏରେ ଧାରାମ୍‌ପୁଥିରେ ଅଲ୍‌କାନା, “ସୁକୁକାଜି ଉଦ୍‌ବତାନକଆଃ ହିନିଜୁଃ ଚିମିନ୍ ରୁଗିନ୍‌ଗିୟା ?” ୧୬ ମେନ୍‌ଦ ସବେନ୍‌କ ଏନ୍ ସୁକୁକାଜିକେ କାକ ମାନାତିଙ୍ଗ୍‌କାଦା । ଏନାମେନ୍ତେ ଯିଶାୟ ନାବୀ ଅଲ୍‌କାଦା, “ପ୍ରାଭୁ, ଆଲେୟାଃ ସୁକୁକାଜି ଆୟୁମ୍‌କେଦ୍‌ତେ ଅକଏ ବିଶ୍ୱାସ୍‌କାଦା ?” ୧୭ ସୁକୁକାଜି ଆୟୁମ୍ ହରାତେ ବିଶ୍ୱାସ୍ ହିଜୁଃଆ ଆତଃ ଖ୍ରୀଷ୍ଟ୍‌ଆଃ କାଜି ଉଦ୍‌ବତେୟାଃଟି ଏନ୍ ସୁକୁକାଜି ତାନାଃ । ୧୮ ମେନ୍‌ଦ ଆଇଙ୍ଗ୍ କୁଲି ତାନାଇଙ୍ଗ୍, ଇନ୍କୁ ଚିନାଃ ଏନ୍ କାଜିକେ କାକ ଆୟୁମାକାଦା ? ସାର୍‌ତିଗି ଆୟୁମାକାଦାକ, ଚିୟାଃଟି ଧାରାମ୍‌ପୁଥିରେ ଅଲ୍‌କାନା, “ଇନ୍‌କୁଆଃ ଲାବ୍‌ଜା ଗଟା ଅତେଦିଶ୍ଟୁମ୍ ନିତିର୍‌କାନା, ଇନ୍‌କୁଆଃ ନିତିର୍‌ଅଃ କାଜିକ ଅତେଦିଶ୍ଟୁମ୍‌ରେୟାଃ ଟୁଣ୍ଡୁ ଲାକେଦ୍ ଆୟୁମାକାନା ।” ୧୯ ଆତଃମିସା ଆଇଙ୍ଗ୍ କୁଲି ତାନାଇଙ୍ଗ୍, ଇସ୍‌ଏଲ୍ ହଡ୍‌କ ଚିନାଃ ଏନାକେ କାକ ଆଟ୍‌କାର୍‌ଉରୁମ୍‌କେଦା ? ସାର୍‌ତିଗି ଆଟ୍‌କାର୍‌ଉରୁମ୍‌କେଦାକ, ସିଦାରେଗି ମୁଶାରାଃ ଦିପିଲିରେ ପାର୍‌ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆଲେୟାଃ

ହତକକେ ହିସାବକରିକ ନାଗେନ୍ତେ ମିଆଁଦ୍ ଡଣ୍ଡ ହତକେଇଙ୍ଗ୍ ବେଭାରିୟା, ଏନ୍ଲେକା ମିଆଁଦ୍ ଡଣ୍ଡ ହତ ହରାତେ ଇନ୍କୁକେଇଙ୍ଗ୍ ଖୁସକରିକଆ ।”<sup>୨୦</sup> ଯିଗାୟ ନାବୀ ଆଡ଼ଠି ପେଡ଼େଡ଼େ କାଜିକାଦା, “ଆଇଙ୍ଗ୍‌କେ କା ଦାଣ୍ଡାତାନ୍ ହତକ, ଆଇଙ୍ଗ୍‌କେ ନାମ୍‌କେଦିୟାକ, ଅକନ୍‌କ ଆଇଙ୍ଗ୍‌କେ କାକ କୁଲିଙ୍ଗ୍‌ତାଇକେନା, ଆଇଙ୍ଗ୍ ଇନ୍କୁତାଃରେଇଙ୍ଗ୍ ଉଦୁବେନ୍‌ୟାନା ।”<sup>୨୧</sup> ମେନ୍‌ଦ ପାର୍‌ମେଶ୍ୱାର୍ ଇସ୍ରାଏଲ୍ ହତକଆଃ ବିଷାଏରେ କାଜିୟାଃଏ, “କାଜି କା ମାନାତିଙ୍ଗ୍‌ତାନ୍ ହତକ ନାଗେନ୍ତେ ସବେନ୍ ଇମ୍‌ତା ତିଃଇ ଜିଲିଙ୍ଗ୍‌କେଦ୍‌ତେ ଆଇଙ୍ଗ୍ ଦାରମ୍‌କତାନା ।”

## ୧୧

ଇସ୍ରାଏଲ୍ ହତକଆଃ ତେତାନ୍‌ରେ ପାର୍‌ମେଶ୍ୱାର୍‌ଆଃ ଲିନିବୁଇ

୧ \*ଆଇଙ୍ଗ୍ ଆଡ଼ଠିଇଙ୍ଗ୍ କୁଲି ଦାଡ଼ିୟା, ତାବ୍‌ଦ ତିନାଃ ପାର୍‌ମେଶ୍ୱାର୍ ଆୟାଃ ଆପ୍‌ନାଃ ହତକକେ ବାଗି କାଦ୍‌କଆ ? କାହା ଏନ୍‌କାଦ କା ହବାଅଃଆ । ଆଇଙ୍ଗ୍‌ଗି ମିଆଁଦ୍ ଇସ୍ରାଏଲ୍‌ରେନ୍ ହତ ତାନିଙ୍ଗ୍, ଆରୁହାମ୍‌ଆଃ ଆଡ଼ଠ ବେଞ୍ଜାମିନ୍‌ଆଃ କିଲିରେନ୍ ତାନିଙ୍ଗ୍ ।<sup>୨</sup> ପାର୍‌ମେଶ୍ୱାର୍ ମୁନୁହେତେ ସାଲାକାଦ୍ ଆୟାଃ ହତକକେ ଚିତ୍‌ଲାହ କାଏ ବାଗିକାଦ୍‌କଆ । ଏଲିୟ ଚିଲ୍‌କା ପାର୍‌ମେଶ୍ୱାର୍‌ତାଃରେ ଇସ୍ରାଏଲ୍ ହତକଆଃ ବିରୁଧ୍‌ରେ ତିଙ୍ଗ୍‌କେଦ୍‌ତେ କାଜିକେଦା : ଏନା ଆପେ ଧାରାମ୍‌ପୁଅରେ ଅଲ୍‌କାନ୍‌ତେୟାଃ ସାରିକାଦାପେ, <sup>୩</sup> “ପ୍ରାଭୁ, ଏନ୍ ହତକ ଆମାଃ ନାବୀକକେ ଗଜାକାଦ୍‌କଆକ, ଆମାଃ ଦାଣ୍ଡା ରାକାବ୍ ବେଦିକକେ ଉରଧାସୁଡ଼କାଦାକ, ଆଡ଼ଠ ଆଇଙ୍ଗ୍ ଏସ୍‌କାର୍ ମିହୁଡ଼ିଗି ବାଞ୍ଚାଅକାନାଇଙ୍ଗ୍, ଇନ୍‌କୁ ଆଇୟାଃ ଜୀଉ ଇଦି ନାଗେନ୍ତେକ ସାନାଙ୍ଗ୍‌ତାନା ।”<sup>୪</sup> ମେନ୍‌ଦ ପାର୍‌ମେଶ୍ୱାର୍ ଏଲିୟକେ ତିନାଃ କାଜିରୁହାଡ଼କିୟାଏ ? “ଅକନ୍ ହତକ, ହସଡ଼ ବାଲ୍ ମାହାପୁରୁକେ କାକ ସେଞ୍ଜା, ଏନ୍‌ଲେକାନ୍ ୭,୦୦୦ ହତକକେ ଆଇଙ୍ଗ୍ ଆଇୟାଃ ନାଗେନ୍ତେଇଙ୍ଗ୍ ଦହକାଦ୍‌କଆ ।”<sup>୫</sup> ଏନ୍ ଲେକାଗି ନାହାଃଦ ହବାକାନା, ପାର୍‌ମେଶ୍ୱାର୍ ଆୟାଃ ସାୟାଦ୍‌ତେ ଅକ ହତକକେ ସାଲାକାଦ୍‌କ ତାଇକେନା, ଇନ୍‌କୁଏତେ ଚିମିନ୍ ହତକ ସାରେଜାକାନା ।<sup>୬</sup> ପାର୍‌ମେଶ୍ୱାର୍ ଆୟାଃ ସାୟାଦ୍ ହରାତେ ଇନ୍‌କୁକେ ସାଲାକାଦ୍‌କଆ । ପାର୍‌ମେଶ୍ୱାର୍ ଇନ୍‌କୁଆଃ ବୁଗିନ୍ କାମି ନାଗେନ୍ତେ ସାଲାକାଦ୍‌କ ତାଇକେନ୍‌ରେଦ, ଇନିୟାଃ ସାୟାଦ୍ ସାର୍‌ତି ସାୟାଦ୍ କା ହବାଅଃତେୟାଃ ।

<sup>୭</sup> ତାବ୍‌ଦ ତିନାଃ ହବାୟାନା ? ଇସ୍ରାଏଲ୍ ହତକ ଅକ୍‌ନାଃ ଦାଣ୍ଡା ତାଇକେନାକ, ଏନା କାକ ନାମ୍‌କେଦା । ପାର୍‌ମେଶ୍ୱାର୍ ସାଲାକାଦ୍ ତାଇକେନ୍ ମିଆଁଦ୍ ହୁଡ଼ିଙ୍ଗ୍ ଝୁଣ୍ଡ୍ ଏସ୍‌କାର୍ ଏନାକେ ଦାଣ୍ଡା ନାମ୍‌କେଦା । ଏଟାଃକ ଜେତାଏ ପାର୍‌ମେଶ୍ୱାର୍‌ଆଃ କେନେଡ଼ାରେ ମନ୍ କାକ ଏମ୍‌କେଦା । † ଧାରାମ୍‌ପୁଅରେ ଅଲ୍‌କାନ୍ ଲେକା, “ପାର୍‌ମେଶ୍ୱାର୍ ତିସିଙ୍ଗ୍ ଜାକେଦ୍ ଇନ୍‌କୁଆଃ ମନ୍ ଆଡ଼ଠ ମନ୍‌ସୁରୁଦ୍‌କେ କେଚେଦ୍ କାଦା, ଏନାତେ ଇନ୍‌କୁ କାକ ନେଲ୍ ଦାଡ଼ିତାନା ଚାଏ କାକ ଆୟୁମ୍ ଦାଡ଼ିତାନ୍ ।”<sup>୮</sup> ଇନ୍‌କୁଆଃ ବିଷାଏରେ ଦାଉଦ୍ ଆଡ଼ଠି ଅଲ୍‌କାଦା,

“ଇନ୍‌କୁ ରିଜରାଙ୍ଗ୍ ରିକାଏ ଇମ୍‌ତା

ପାଁସ୍‌ରେ ଉୟୁଗଃକାକ ଆଡ଼ଠ ସାଜାଇ ନାମେକାକ ।

<sup>୧୦</sup> ଇନ୍‌କୁଆଃ ମେଦ୍ ଜାପିଦଃକା ଜେ'ଲେକାଚି ଇନ୍‌କୁ ଜେଡ଼ନାଃ ଅଲ୍‌କାକ ନେଲ୍ ଦାଡ଼ିକା,  
ଆଡ଼ଠ ସବେନ୍ ଇମ୍‌ତା ଦୁକୁହାସୁ ନାମ୍‌କେଦ୍‌ତେ ଇନ୍‌କୁଆଃ ମାୟାଙ୍ଗ୍ ଲିକୁଜଃକା ।”

\* ୧୧:୧ ୧୧:୧ ଫିଲିପିୟ ୩:୫.

୧୧ ତାବଦ, ଆଇଙ୍ଗ କୁଲି ସାନାଙ୍ଗତାନାଇଙ୍ଗ, ଯିହୁଦୀ ହତକ ତହଦ୍‌ୟାନ୍ ହରାତେ ଚିନାଃ ଜିୟନ୍‌ୟାନାକ ? କାହାଗି, ଇନ୍‌କୁ ପାପ୍‌କେଦ୍ ହରାତେ, ଇନ୍‌କୁକେ ହିସ୍‌ଜାକତିକ ନାଗେନ୍ତେ ସାଅଁସାର୍ ହତକକେ ଜୀଉ ବାସ୍ତାଅରେୟାଃ ଆକ୍‌ତେୟାର୍ ନାମ୍‌ୟାନା । ୧୨ ଯିହୁଦୀ ହତକଆଃ ପାପ୍, ଅତେଦିଶ୍‌ତ୍‌ରେନ୍ ଏଟାଃ ସବେନ୍‌କ ନାଗେନ୍ତେ ପୁରାଃଗି ଆଶିଷ୍ ଆଉଝାକାଦାଏ । ଯିହୁଦୀ ହତକଆଃ ଆମ୍‌କ୍‌ରେୟାଃ ନାରାଦୁରା ହରାତେ ସାଅଁସାର୍ ହତକ ପୁରାଃଗି ଆଶିଷ୍‌କ ନାମାକାଦା । ଏନାତେ ସବେନ୍ ଯିହୁଦୀ ହତକ ବାସ୍ତାଅ ଦାଡ଼ିୟାଃରେଦ୍, ଏନ୍ ହରାତେ ଆତଃଟିମିନ୍ ଆଦକା ଆଶିଷ୍ କାକ ନାମେତେୟାଃ ।

ସାଅଁସାର୍ ହତକଆଃ ଜୀଉବାସ୍ତାଅ

୧୩ ସାଅଁସାର୍ ହତକକେ ଆଇଙ୍ଗ କାଜିକତାନାଇଙ୍ଗ, ଆପେ ନାଗେନ୍ତେ ଆଇଙ୍ଗ କୁଲ୍ୟାକାନ୍ ତେଲା ଲେକାଇଙ୍ଗ କାମିତାନା, ଏନାମେନ୍ତେ ଆଇଙ୍ଗ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ କାଜିନ୍‌ତାନା । ୧୪ ନେଆଁ ହରାତେ ଆଇଙ୍ଗ୍ ଆପ୍‌ନାଃ ହତକକେ ଖସ୍‌ଇତି ରିକା ଦାଡ଼ିରେଦ୍, ହବାସାକାଅଆଃ ଇନ୍‌କୁଏତେ ଚିମିନ୍ ହତକକେ ବାସ୍ତାଅ ଦାଡ଼ିୟାଇଙ୍ଗ୍ । ୧୫ ଚିୟାଃଟି ଇନ୍‌କୁକେ ଗେନା ଆତମାକାନ୍ ହରାତେ ଅତେଦିଶ୍‌ତ୍‌ରେୟାଃ ମେନେସା ହବାୟାନା ଚାଏ ପାର୍‌ମେଶ୍‌ୱାର୍‌ଆଃ ସବେନ୍ ବାଇରି ହତକଆଃ ବାଦ୍‌ଲାଅ ହବାୟାନା ଆତଃ ଆୟାଃ ଗାତିକ ହବାକାନା । ଏନାତେ ପାର୍‌ମେଶ୍‌ୱାର୍ ସବେନ୍ ଯିହୁଦୀ ହତକକେ ଆତଃଟିସା ତେଲାଦାରମ୍‌କରେଦ୍, ଏନାରେୟାଃ ନାଲା ଚିନାଃ ହବାଅଃଆ ? ଏନାଦ୍ ଏଟାଃ ହତକ ନାଗେନ୍ତେ ଗନ୍‌ଏଃହେତେ ଜୀଦାନ୍ ନାମେ ଲେକା ହବାଅଃ ତାନାଃ । ୧୬ ହଲ୍‌ଙ୍ଗ୍‌ହେତେ ମିଦ୍‌କେଟାଃ ପାର୍‌ମେଶ୍‌ୱାର୍ ନାଙ୍ଗ୍ ପାବିତାର୍‌କାନ୍‌ରେଦ୍, ପୁରା ହଲ୍‌ଙ୍ଗ୍ ପାବିତାର୍‌କାନା ମେନ୍ତେ ଆଟ୍‌କାର୍‌ଉରୁମ୍ ଲାଗାତିଙ୍ଗ୍‌ୟାଃ । ମିଆଁଦ୍ ଦାରୁରେୟାଃ ରେହେଦ୍ ପାବିତାର୍‌କାନ୍‌ରେଦ୍, ଏନାରେୟାଃ କତକ ହଗି ପାବିତାର୍‌କାନା ମେନ୍ତେ ଆଟ୍‌କାର୍‌ଉରୁମ୍ ଲାଗାତିଙ୍ଗ୍‌ୟାଃ । ୧୭ ବାଖ୍‌ଡ଼ିରେ ଯାତାନ୍ ଇଦିତାନ୍ ମିଆଁଦ୍ ଜାଇତୁନ୍ ଦାରୁରାଃ ଚିମିନ୍ କତକକେ ମାଆଃକେଦ୍‌ତେ ଏନ୍ତାଃରେ ବିରରେୟାଃ ଜାଲ୍‌ପାଇ ଦାରୁରାଃ କତକକେ କାଲ୍‌ମିକାନା । ନାହାଁଃ, ଏନା ଜାଲ୍‌ପାଇ ଦାରୁରାଃ ବୁଟାରେୟାଃ ହିସା ହବାକାନା । ଏନ୍‌ଲେକାଗି, ସାଅଁସାର୍ ହତକ ଏନ୍ ବିର୍ ଜାଲ୍‌ପାଇ ଦାରୁ ଲେକାନ୍‌କ ତାନ୍‌କ । ଆପେ ସବେନ୍‌କ ନାହାଁଃ ଯିହୁଦୀ ହତକଆଃ କେଟେଦ୍ ଆମ୍‌କ୍ ଜୀଦାନ୍‌ରେୟାଃ ହିସାପେ ହବାକାନା ୧୮ ଏନାମେନ୍ତେ, ଆପେ ମାଆଃକାନ୍ କତକକେ ଆଲ୍‌ପେ ଗେନା ଆତମେୟାଁ । ଆପେ ଚିନାଃ ମେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା ? ଆପେଦ୍ କତକ ଏସ୍‌କାର୍ ତାନ୍‌ପେ, ଦାରୁରେୟାଃ ରେହେଦ୍‌କେ ଆପେ କାପେ ଦେଙ୍ଗା ତାନା, ମେନ୍‌ଦ୍ ରେହେଦ୍ ଆପେକେ ହାରାଇଦିୟାଃରେ ଦେଙ୍ଗାପେ ତାନା ।

୧୯ ଏନାମେନ୍ତେ ଆପେ କାଜିୟାପେ, “ହେଗି, ମେନ୍‌ଦ୍ ଆଇଙ୍ଗ୍‌କେ ଠାୟାଦ୍ ଏମ୍ ନାଗେନ୍ତେଗି ଏନ୍ କତକକେ ମାଆଃ ଆତମ୍‌କାନ୍ ତାଇକେନା ।” ୨୦ ଏନା ସାର୍‌ତିଗି ତାନାଃ, ଇନ୍‌କୁ କା ବିଶ୍ୱାସ୍‌କେଦ୍ ହରାତେ ଆତମ୍‌ୟାନାକ । ଆପେ ବିଶ୍ୱାସ୍ ହରାତେ ଏସ୍‌କାର୍ ଏନ୍ ଠାୟାଦ୍ ଆକ୍‌ତେୟାର୍ କାଦାପେ । ମେନ୍‌ଦ୍ ଆପାନ୍‌କେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ବରୟେପେ । ୨୧ ପାର୍‌ମେଶ୍‌ୱାର୍ କା ବିଶ୍ୱାସ୍‌ତାନ୍ ଯିହୁଦୀ ହତକକେୟ କାଏ ବାଟାଅକେଦ୍‌କଆ, ଅକନ୍‌କତି ଦାରୁରେନ୍ କତକ ଲେକା ତାନ୍‌କୁ, ତାବ୍‌ଦ୍ ଆପେ କା ବିଶ୍ୱାସ୍‌ତାନ୍‌କକେ ଚିନାଃ ଇନିଃ ବାଟାଅପେୟାଏ ? ୨୨ ପାର୍‌ମେଶ୍‌ୱାର୍‌ଆଃ ଚିଲ୍‌କା ଦାୟାନିଃ ଆତଃ କେଟେଦ୍‌ନିଃ ତାନିଃ ଏନାରୁ ନେଲେୟା । ଅକନ୍‌କ ଉୟୁଗାକାନା ଇନ୍‌କୁ ନାଗେନ୍ତେ ଇନିଃ କେଟେଦ୍‌ନିଃ ତାନିଃ, ମେନ୍‌ଦ୍ ଅକନ୍‌କ ଇନିୟାଃ ଦାୟାରେ ଆସ୍ତାଏତାନ୍ ମେନାକଆ

ଇନ୍କୁ ନାଗେନ୍ତେ ଇନିୟାଃ ସାୟାଦ୍ ପୁରାଃଗି ମେନାଃ ଆତଃ ଇନିୟାଃ ଦାୟାକେ ବାଗିରେଦ ଆପେ ହଗି ଇନିଃତାଃଏତେ ବିନ୍‌ଗାଅକାନାପେ । ୨୩ ମେନ୍‌ଦ ଯିହୁଦୀ ହଡକ ଆକଆଃ କା ବିଶ୍ୱାସ୍‌ତାନ୍‌ତେୟାଃକେ ସାଜିନେ ରେଦକ, ଇନ୍କୁ ଆକଆଃ ଆପ୍‌ନାଃ ଠାୟାଦ୍‌ରେ ଆତଃମିସାକ ତିକ୍ଳୁନାଃ । ନେଆଁ ରିକାନାଗେନ୍ତେ ପାର୍‌ମେଶ୍ୱାର୍ ପେଡେୟାନ୍‌ନିଃ ତାନିଃ । ୨୪ ସାଅଁସାର୍ ହଡକ ବିରରେୟାଃ ଜାଇତୁନ୍ ଦାରୁରେନ୍ କତକ ଲେକାଃକ । ଏନାକେ ମାଆଃ କେଦ୍‌ତେ ବାଖ୍‌ଡିରେ ରୟାକାନ୍ ଜାଲ୍‌ପାଇ ଦାରୁଲଃ ଜଡେନ୍‌କେଦ୍‌ତେ କାଲ୍‌ମିକାନା । ଯିହୁଦୀ ହଡକ ବାଖ୍‌ଡିରେ ରୟାକାନ୍ ଜାଲ୍‌ପାଇ ଦାରୁ ଲେକାଃକ । ନେ ଦାରୁରେୟାଃ ମାଆଃକାନ୍ କତକକେ ଆତଃମିସା ଦାରୁଲଃ ଜଡେନ୍‌କେଦ୍‌ତେ କାଲ୍‌ମି ନାଜ୍ ପାର୍‌ମେଶ୍ୱାର୍‌କେ ପୁରାଃ ସାହାଜ୍‌ଗିଆ ।

ସବେନ୍‌କ ନାଗେନ୍ତେ ପାର୍‌ମେଶ୍ୱାର୍‌ଆଃ ଲିନିବୁଇ

୨୫ ହେ ହାଗା ମିଗିକ, ଆଇଙ୍ଗ ମିଆଁଦ୍ ଉକୁଆକାନ୍ ସାର୍‌ତି କାଜିକେ ଆପେତାଃରେଇଙ୍ଗ ଉଦ୍‌ବତାନା । ଏନା ଆୟୁମ୍‌କେଦ୍‌ତେ ଆପେ ଆପାନ୍‌କେ ଆତଃ ସେଣ୍‌ାନ୍ ମେନ୍ତେ କାପେ ଆଟ୍‌କାରେୟା, ଇସ୍ରାଏଲ୍ ହଡକଆଃ କା ମାନାତିଙ୍ଗ୍‌ତେୟାଃ ରୁଣ୍ଡୁ ଜାକେଦ୍ କା ତାଇନାଃ । ସାଅଁସାର୍ ହଡକ ସବେନ୍‌କ ପାର୍‌ମେଶ୍ୱାର୍‌ତାଃତେ ହିଜୁଃ ଜାକେଦ୍ ଯିହୁଦୀ ହଡକ ଏନ୍‌ଲେକାଗିକ ତାଇନା । ୨୬ ଆତଃ ନେ'ଲେକାତେ ଗଟା ଇସ୍ରାଏଲ୍‌ରେନ୍ ହଡକ ଜୀଉବାସ୍ତାଅକ ନାମେୟା, ତିୟାଃତି ଧାରାମ୍‌ପୁଅରେ ନେ'ଲେକା ଅଲ୍‌କାନା,

“ସିୟୋନ୍‌ଏତେ ଜୀଉବାସ୍ତାଏ ଏମ୍‌ନିଃ ହିଜୁଃଆଏ,

ଆତଃ ଇନିଃ ଯାକୁବ୍‌ଆଃ କିଲିକତାଃଏତେ ସବେନ୍ ଏଡ୍‌କାନ୍‌ତେୟାଃକଏ ସାଜିନେଆ ।

୨୭ ଆଇଙ୍ଗ ଇନ୍‌କୁଆଃ ପାପ୍‌କ ସାଜିନେ

ଇମ୍‌ତା ଇନ୍‌କୁଲଃ ନେ ରାଜିନାମାଃ ବାଇୟା ।”

୨୮ ଆପେୟାଃ ବୁଗିନାଃ ନାଗେନ୍ତେ ଯିହୁଦୀ ହଡକ ସୁକୁକାଜିକେ ବାଗିକେଦ୍‌ତେ ପାର୍‌ମେଶ୍ୱାର୍‌ଆଃ ବାଇରିକ ହବାକାନା । ମେନ୍‌ଦ ପାର୍‌ମେଶ୍ୱାର୍‌ଆଃ ହରାତେ ସାଲାୟାନ୍‌ଲଃ ଇନ୍‌କୁଆଃ ପୁରଖା ହାଡ୍‌ମାକ୍‌ଆଃ ହରାତେ ଇନ୍‌କୁ ପାର୍‌ମେଶ୍ୱାର୍‌ଆଃ ଦୁଲ୍‌ମାଡ୍‌ ଗାଡିକ ହବାକାନା । ୨୯ ତିଆଃତି ପାର୍‌ମେଶ୍ୱାର୍ ଅକନ୍‌କେ ସାଲାକାଦ୍‌କଆ ଆତଃ ଆଗିଷ୍‌କାଦ୍‌କଆ, ଇନ୍‌କୁକେ ଆୟାଃ ଦାନ୍ ଏମ୍ ନାଗେନ୍ତେ ମନ୍‌ରେ ଉହାଟ୍‌କାଦ୍‌ତେୟାଃ ତିଉଲ୍‌ହ କା ବାଦ୍‌ଲାଅଃଆ । ୩୦ ସାଅଁସାର୍ ହଡକ ସିଦା ପାର୍‌ମେଶ୍ୱାର୍‌ଆଃ କା ମାନାତିଙ୍ଗ୍ ହଡକ ତାଇକେନା, ମେନ୍‌ଦ ନାହ୍‌ାଃ ଯିହୁଦୀ ହଡକଆଃ କା ମାନାତିଙ୍ଗ୍ ହରାତେ ସାଅଁସାର୍ ହଡକ ପାର୍‌ମେଶ୍ୱାର୍‌ଆଃ ଦାୟାକ ନାମାକାଦା । ୩୧ ତିୟାଃତି ସାଅଁସାର୍ ହଡକହଗି ଦାୟାକ ନାମାକାଦା, ଯିହୁଦୀ ହଡକ ପାର୍‌ମେଶ୍ୱାର୍‌ତାଃଏତେ ସାଜିନ୍‌କାନ୍‌ରେୟ, ମୁସିଙ୍ଗ୍ ହୁଲ୍‌ାଙ୍ଗ୍ ଇନ୍‌କୁ ରୁହାଡ୍‌କେଦ୍‌ତେ ଦାୟାକ ନାମେୟା । ୩୨ ପାର୍‌ମେଶ୍ୱାର୍ ସବେନ୍‌କକେ କାଜି କା ମାନାତିଙ୍ଗ୍ ନାଗେନ୍ତେ ବାଗିୟାକାଦ୍‌କଆ, ଜେ'ଲେକାତି ଇନିଃ ସବେନ୍‌କକେ ଦାୟାକଆ ।

ପାର୍‌ମେଶ୍ୱାର୍‌ଆଃ ମାନାରାଙ୍ଗ୍

୩୩ ପାର୍‌ମେଶ୍ୱାର୍ ତିମିନ୍ ପୁରାଃଗି ମାରାଙ୍ଗ୍ ତାନିଃ, ଇନିୟାଃ ବୁଝି ଆତଃ ସେଣ୍‌ାରେୟାଃ ରୁଣ୍ଡୁ ବୁନଃଆ । ଅକଏ ଇନିୟାଃ ବିଚାର୍‌କେ ଆଟ୍‌କାର୍‌ଉରୁମ୍ ଦାଡ୍‌ୟା ? ଅକଏ ଇନିୟାଃ ହରାକେ ଆଟ୍‌କାର୍‌ଉରୁମ୍ ଦାଡ୍‌ୟା ? ୩୪ ଧାରାମ୍‌ପୁଅରେ ଅଲ୍‌କାନା,

“ଅକଏ ପାର୍‌ମେଶ୍ୱାର୍‌ଆଃ ମନ୍‌କେ ସାରିଦାଡ୍‌ୟା ?

ଅକଏ ଇନିଃକେ ଇତୁ ଏମ୍‌ଦାଡ୍‌ୟା ?”

୩୫ ଅକଏ ତିନାଃ ପାର୍‌ମେଶ୍ୱାର୍‌କେ ଜେଡ୍‌ନାଃ ଏମ୍ ଦାଡ୍‌କିୟାଏ ଯେ,



ପାର୍‌ଫେଶ୍‌ବର୍କେ ଏନାରେୟାଃ ବାଦ୍‌ଲୀରେ ଏମ୍ ଲାଗାତିଙ୍ଗ୍ ହବାଅଃତାନା ?

୩୭ \*ସବେନ୍ ବିଷାଏ ପାର୍‌ଫେଶ୍‌ବର୍କେ ବାଇୟାକାନା, ସବେନାଃ ଜନିୟାଃ ହରାତେ ଆଡଃ ଜନିଃ ମାନାରାଙ୍ଗ୍ ନାଗେନ୍ତେ ହବାକାନା । ଜାନାଅ ଜାନାଅ ପାର୍‌ଫେଶ୍‌ବର୍କିଆଃ ମାନାରାଙ୍ଗ୍ ହବାଅଃକା । ଆମେନ୍ ।

### ୧୨

ପାର୍‌ଫେଶ୍‌ବର୍କେ ସେଝାରେୟାଃ ଜୀବାନ୍

୧ ଏନାମେନ୍ତେ, ହେ ହାଗା ମିଶିକ, ଆବୁ ନାଗେନ୍ତେ ପାର୍‌ଫେଶ୍‌ବର୍କିଆଃ ପୁରାଃ ଲିନିବୁଇ ହବାକାନ୍ ହରାତେ, ଆଇଙ୍ଗ୍ ଆପେକେଇଙ୍ଗ୍ ବିନ୍ତ୍ରିପେ ତାନା, ପାର୍‌ଫେଶ୍‌ବର୍କିଆଃରେ ଆପେ ଆପ୍‌ନାଃ ହଡ଼ମକେ ପାବିତାର୍ ଜୀନିଦ୍ ଦାଣ୍ଠେ ଲେକା ରାକାବେପେ । ଜନିୟାଃ ସେଝାରେ ଆପାନ୍‌କେ ଜିମାକେଦ୍‌ତେ ଜନିୟାଃ ସୁକୁଇରିୟାଃ ଲେକା ହବାଅଃପେ । ଏନାଗି ପାର୍‌ଫେଶ୍‌ବର୍କିଆଃ ସାର୍‌ତି ସେଝା ତାନା । ୨ ନେ ଅତେଦିଶ୍‌ମ୍‌ରେ ଆପେ ନେ ପାରିୟାରେନ୍ ହଡ଼କ ଲେକା ଆଲ୍‌ପେ ହବାଅଃଆ । ପାର୍‌ଫେଶ୍‌ବର୍କିଆଃ ଆପେୟାଃ ମନ୍‌କେ ବାଦ୍‌ଲୀଅକେଦ୍‌ତେ ପୁରାଗି ଆପେୟାଃ ମନ୍‌ଜିତାର୍‌ରେୟାଃ ଉଡ଼ଠୁକ ନାଝାଲେକା ହବାଅଃକା । ଏନାରେ, ପାର୍‌ଫେଶ୍‌ବର୍କିଆଃ ଇଛାସାନାଙ୍ଗ୍ ଚିନାଃ ତାନାଃ, ଆୟାଃ ଆୟାର୍‌ରେ ଅକ କାଜିକ ବୁଗିନାଃ ତାନାଃ, ଆଇଃକ୍‌କେ ସୁକୁଆନ୍ ଆଡଃ ପକ୍‌ତାଃଅତେୟାଃ ତାନାଃ, ଏନା ଆପେ ଆଟ୍‌କାର୍‌ଉରୁମ୍ ଦାଡ଼ିୟାଃପେ ।

୩ ପାର୍‌ଫେଶ୍‌ବର୍କିଆଃ ଆଇଙ୍ଗ୍‌କେ ବିଶେଷ୍ ସାୟାଦ୍ ଏମାକାଦିଙ୍ଗ୍ ହରାତେ ଆପେ ସବେନ୍‌କେଇଙ୍ଗ୍ କାଜିପେତାନା, ଆପେ ଆପାନ୍‌ନାଃ ବିଷାଏରେ ଜେ'ଲେକା ଉଡ଼ଠୁ ଲାଗାତିଙ୍ଗ୍‌ୟାଃ ଏନାଏତେ ପୁରାଃ ଆଦ୍‌କା ମାରାଙ୍ଗ୍ ଲେକା ଆଲ୍‌ପେ ଆଟ୍‌କାରେନ୍‌କା, ମେନ୍‌ଦ ପାର୍‌ଫେଶ୍‌ବର୍କିଆଃ ଆପେକେ ଏମାକାଦ୍‌ପେ ବିଶ୍ୱାସ୍ ଲେକାଗି ଆପ୍‌ନାଃ ବିଚାର୍ ରିକାଏପେ । \*ଆବୁଆଃ ହଡ଼ମରେ ପୁରାଃଗି ହିସାକ ମେନାଃ ଆଡଃ ସବେନାଃରେୟାଃ କାମିକ ମିଦ୍‌ରାକାମ୍‌ଗି ବାନାଃଆ । \*ଏନ୍‌ଲେକାଗି ଆବୁ ପୁରାଃଗି ମେନାରୁଆ, ମେନ୍‌ଦ ସବେନ୍‌କ ଖ୍ରୀଷ୍ଟଲଃ ମେସାକାନ୍ ହରାତେ, ଆବୁ ମିଆଁଦ୍ ହଡ଼ମ ତାନବୁ ଆଡଃ ହଡ଼ମରେ ସବେନ୍ ହିସା ମେନାଃ ଲେକାଗି ମିହୁଡ୍ ଆଡଃମିହୁଡ୍‌ଲଃ ଜଡେନ୍‌କାନାବୁ । ୨ \*ଏନାମେନ୍ତେ ଆବୁ ନାଙ୍ଗ୍ ପାର୍‌ଫେଶ୍‌ବର୍କିଆଃ ସାୟାଦ୍ ଲେକାତେ ଆୟାଃତାଃଏତେ ନାମାକାଦ୍ ଏଟାଃ ଏଟାଃ ଦାନ୍‌କକେ ଆବୁକେ ବୁଗିଲେକା ବେଭାର୍ ଲାଗାତିଙ୍ଗ୍‌ୟାଃ । ଆବୁ ପାର୍‌ଫେଶ୍‌ବର୍କିଆଃ ବାଚାନ୍‌କେ ଉଦୁବ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ, ଆବୁଆଃ ପକ୍‌ତା ବିଶ୍ୱାସ୍ ହରାତେ ଏନ୍ କାମିକେ ରିକା ଲାଗାତିଙ୍ଗ୍‌ୟାଃ । ୩ ସେଝା ନାଗେନ୍ତେ ଏନ୍ ବାର୍‌ଦାନ୍‌ବୁ ନାମାକାଦ୍‌ରେଦ, ଆବୁକେ ସେଝା ଲାଗାତିଙ୍ଗ୍‌ୟାଃ; ଜନିତୁ ଏମ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ, ଜନିତୁ ଏମ୍ ଲାଗାତିଙ୍ଗ୍‌ୟାଃ; « ଜେତାଏ ଏଟାଃକକେ ଜୀଉରାଡ଼େଃ ଏମ୍‌ରେୟାଃ ବାର୍‌ଦାନ୍ ନାମାକାଦ୍‌ରେଦ, ଏନା ଜନିଃକେ ରିକା ଲାଗାତିଙ୍ଗ୍‌ୟାଃ; ଦାନ୍ ଏମ୍ ନାଗେନ୍ତେ ବାର୍‌ଦାନ୍ ନାମାକାଦ୍ ହଡ଼ ଲେବେଃ ମନ୍‌ତେ ଦାନ୍ ଏମେକାଏ । ଏଟାଃନିୟାଃ କାମିରେ ଯାତାନ୍ ଇଦିରେୟାଃ ଆକ୍‌ତେୟାର୍ ନାମାକାଦ୍‌ରେଦ, ଆଇଃକ୍‌କେଗି କେଟେଦ୍ କାମି ରିକା ଲାଗାତିଙ୍ଗ୍‌ୟାଃ; ଦାୟା ରିକାତାନ୍ ହଡ଼ ରାସ୍‌କାତେ ଦାୟା ରିକାଏକାଏ ।

୯ ଦୁଲାଡ୍ ସାର୍‌ତି ହବାଅଃ ଲାଗାତିଙ୍ଗ୍‌ୟାଃ । ଏଡ୍‌କାନାଃତେୟାଃକେ ହିଲାଙ୍ଗ୍‌ୟେପେ, ବୁଗିନ୍‌ତେୟାଃକେ ସାବେପେ । ୧୦ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକ ଲେକା ମିହୁଡ୍ ଆଡଃମିହୁଡ୍‌କେ ଦୁଲାଡିପେ ଆଡଃ ମିହୁଡ୍ ଆଡଃମିହୁଡ୍‌କେ

\* ୧୧:୩୭ ୧୧:୩୭ ୧ କରିନ୍ଥ୍‌ୟ ୮:୬. ☆ ୧୨:୪ ୧୨:୪ ୧ କରିନ୍ଥ୍‌ୟ ୧୨:୧୨. ☆ ୧୨:୬ ୧୨:୬ ୧ କରିନ୍ଥ୍‌ୟ ୧୨:୪-୧୧.

ମାଇନିପେ । ୧୧ କେଟେଦ୍ କାମି କାମିପେ ଆଲ୍‌ପେ ଢିଲାଅଥଆ ଆଡ଼ଃ ମନ୍‌ସୁରୁଦ୍‌ରେ ପୁରାଃ ଭାକ୍ତିତେ ପ୍ରାଭୁକେ ସେଞ୍ଜାଇପେ । ୧୨ ପୁରାଃ ଆସ୍ତାଏତାନ୍‌ଲଃ ରାସ୍‌କାରେ ତାଇନ୍‌ପେ । ଦୁକୁହାସୁ ଇମ୍‌ତା ଧିରାଜ୍ ସାବ୍‌କେଦ୍‌ତେ ତାଇନ୍‌ପେ ଆଡ଼ଃ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ । ୧୩ ପାର୍‌ମେଶ୍‌ବରୁଆଃ ହଡ଼କ ଜାଞ୍ଜିଅଥତାନ୍ ଇମ୍‌ତା ହାନାଟିଙ୍ଗ୍ ରିକାଏପେ ଆଡ଼ଃ ଆପେ ଅଡ଼ଃତେ ହିଜୁଃତାନ୍ କା ନେଲ୍‌ଉରୁମ୍ ହଡ଼କକେ ପେଡ଼ାକନାଙ୍ଗ୍ ସେକାଡ଼ାକାନ୍‌ପେ ।

୧୪ \*ଆପେକେ ଅକନ୍ ହଡ଼କ ସିଗିଦ୍‌ପେୟାକ, ଇନ୍‌କୁଆଃ ଆଶିଷ୍ ନାମଃ ନାଗେନ୍ତେ ପାର୍‌ମେଶ୍‌ବରତଃରେ ବିକ୍ତିପେ । ଇନ୍‌କୁକେ ଆଶିଷ୍‌କପେ, ଆଲ୍‌ପେ ସାର୍‌ପାଅକଆ । ୧୫ ରାସ୍‌କାରେ ତାଇନ୍‌ତାନ୍ ହଡ଼କଲଃ ରାସ୍‌କାଅଥପେ, ଆଡ଼ଃ ରାଆଃଏତାନ୍ ହଡ଼କଲଃ ରାଆଃଏପେ । ୧୬ ଆପେ ସବେନ୍‌କଲଃ ମିଦ୍ ମନ୍‌ତେଗି ତାଇନ୍‌ପେ, ଆପେ ଆପାନ୍‌କେ ମାରାଙ୍ଗ୍ ମେନ୍ତେ ଆଲ୍‌ପେ କାଜିନ୍, ଆମ୍‌କିରେ ଆଡ଼ଃ ସାଂସାର୍‌ରେୟାଃ ସବେନ୍ ଲେକାନ୍ ନାରାଦୁରାରେ ତାଇନ୍‌ତାନ୍ ହଡ଼କଲଃ ଗାତିରେ ତାଇନ୍‌ପେ । ଆପାନ୍‌କେ ସେଣ୍‌ନ୍ ମେନ୍ତେ ଆଲ୍‌ପେ କାଜିନ୍ ।

୧୭ ଏଡ଼କାନ୍ ବାଦ୍‌ଲାରେ ଏଡ଼କାନ୍ କାମି ଆଲ୍‌ପେ ରିକାଏୟା; ସବେନ୍ ହଡ଼କଆଃ ଆୟାର୍‌ରେ ଅକନାଃ ବୁଗିନାଃ ତାନାଃ ଏନାଗି ରିକାଏପେ । ୧୮ ଆପେ ସବେନ୍ ହଡ଼କଲଃ ସୁକୁରେ ତାଇନ୍‌ନାଗେନ୍ତେ ହବାସାକାଅଃ ଲେକା ସବେନାଃ ରିକାଏପେ । ୧୯ ହେ ଦୁଲାଡ଼କ, ଆପେ ଆପେଗି ଜେତାଏୟାଃ ବାଦ୍‌ଲା ଆଲ୍‌ପେ ଇଦିୟା, ମେନ୍‌ଦ ପାର୍‌ମେଶ୍‌ବରୁଆଃ ଖୁସ୍‌ରେ ସାଜାଇ ହବାଅଃ ନାଗେନ୍ତେ ଇନିଃକେ ବାଗି ତାଇପେ । ଚିୟାଃଟି ଧାରାମ୍‌ପୁଅରେ ଅଲ୍‌କାନା, “ପ୍ରାଭୁ କାଜିତାନାଏ, ସାଜାଇ ଏମ୍‌ତେୟାଃ ଆଇୟାଃ କାମିତାନାଃ, ଆଇଙ୍ଗ୍ ଆୟାଃ କାମି ଲେକାଗି ନାଲାଇଙ୍ଗ୍ ଏମାଇୟା ।” ୨୦ ଆଡ଼ଃଟି “ଆପେୟାଃ ବାଇରି ରେଙ୍ଗେଃତାନ୍‌ରେଦ୍ ଜଜମାଃ ଏମାଇପେ, ଇନିଃ ତେତାଙ୍ଗ୍‌ତାନ୍‌ରେଦ୍ ନୁଁଏ ନାଙ୍ଗ୍ ଦାଆଃ ଏମାଇପେ; ନେ'ଲେକା ରିକାଇ ରେଦ୍ ଇନିଃ ଗିହୁଗଃଆଏ ।” ୨୧ ଏଡ଼କାନ୍ ହରାତେ ଆଲ୍‌ପେ ହାରାଅଥଆ, ସବେନ୍ ଏଡ଼କାନ୍ କାଜିକେ ବୁଗିନ୍ କାମିତେ ଜିତାଏପେ ।

## ୧୩

ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍‌ପେ

୧ ସବେନ୍‌କକେ ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିୟାଃ, ଚିୟାଃଟି ପାର୍‌ମେଶ୍‌ବରୁଆଃ ବେଗାର୍ ଆରୁତେ ଜେତାଏ ରାଇଜେ ନାଗେନ୍ତେ ଆକ୍‌ତେୟାର୍ କାଏ ନାମେୟା, ଆଡ଼ଃ ଆକ୍‌ତେୟାର୍ ନାମାକାଦ୍ ହଡ଼କ ପାର୍‌ମେଶ୍‌ବରୁଆଃ ହରାତେ ନାମାକାଦାକ । ୨ ଏନାମେନ୍ତେ ଜେତାଏ ଆକ୍‌ତେୟାର୍ ନାମାକାଦ୍ ହଡ଼କେ କାଏ ମାଇନାଃ, ଇନିଃ ପାର୍‌ମେଶ୍‌ବରୁତେ ଠାହାରାଅକାଦ୍ ଆନ୍‌ରୁକେ କାଏ ମାନାତିଙ୍ଗ୍ ତାନା । ନେ'ଲେକା ରିକାଏତାନ୍ ହଡ଼ ଆଇଃକ୍‌ଗି ସାଜାଇ ଆଉଞ୍ଜେୟାଏ । ୩ ଅକ ହଡ଼କ ବୁଗିନ୍ କାମି ରିକାଃକ, ଇନ୍‌କୁ ଆକ୍‌ତେୟାର୍ ନାମାକାଦ୍‌କକେ ଆଡ଼ଃ ଆକଆଃ ହାକିମ୍‌କକେ ବର କା ଲାଗାତିଙ୍ଗ୍‌ୟାଃ, ମେନ୍‌ଦ ଏଡ଼କାନ୍ କାମିତାନ୍ ହଡ଼କକେ ବର ଲାଗାତିଙ୍ଗ୍‌ୟାଃ । ବେଗାର୍ ବରତେ ତାଇନ୍ ସାନାଙ୍ଗ୍‌ତାନ୍ ରେଦ୍‌ପେ ହାକିମ୍‌କଆଃ ଆୟାର୍‌ରେ ବୁଗିନ୍ କାମିକ ରିକାଏପେ । ଏନ୍‌ରେଦ୍ ଇନ୍‌କୁ ଆପେକେ ମାଇନ୍‌ପେୟାକ । ୪ ଚିୟାଃଟି ଇନ୍‌କୁ ଆପେୟାଃ ବୁଗିନ୍ କାମି ରିକାଏ ନାଗେନ୍ତେ ପାର୍‌ମେଶ୍‌ବରୁଆଃ ସାଲାକାନ୍ ଦାସିତାନ୍‌କ । ମେନ୍‌ଦ ଆପେ ଏଡ଼କାନ୍ କାମି ରିକାଏ ରେଦ୍ ଇନ୍‌କୁକେ ବରକୁପେ, ଚିୟାଃଟି ସାଜାଇ ଏମ୍ ନାଗେନ୍ତେ ଇନ୍‌କୁଆଃ ପେଡ଼େଃ ମେନାଃ । ଏଡ଼କାନ୍ କାମିତାନ୍ ହଡ଼କକେ ସାଜାଇ ଏମ୍

\* ୧୨:୧୪ ୧୨:୧୪ ମାଥୁର ୫:୪୪; ଲୁକ ୬:୨୮.

ନାଗେନ୍ତେ ଇନକୁ ପାର୍ମେଶ୍ୱାର୍ ଆଃ ହୁକୁମକ ମାନାତିୟାଃ । ୫ ଏନାମେନ୍ତେ ଆପେକେ ରାଇଜ୍ ଚାଲାଅତାନକଆଃ କାଜି ମାନାତିଜ୍ ଲାଗାତିଜ୍ୟାଃ, ପାର୍ମେଶ୍ୱାର୍ ଆଃ ସାଜାଇ ନାମେରେୟାଃ ବରତେ କାହାଗି, ମେନ୍ଦ ଆପ୍ନାଃ ବିବେକ୍ରେ ନେଆଁ ବୁଗିନାଃ ତାନାଃ ମେନ୍ତେ ସାରିତାନ୍ ହରାତେ ଆପେକେ ରିକା ଲାଗାତିଜ୍ୟାଃ ।

୬ ଏନାମେନ୍ତେ ଆପେ କାର୍ ହ୍ ଏମ୍ତାନାପେ, ଚିୟାଃଟି ରାଇଜ୍ ଚାଲାଅତାନକ ଆକଆଃ ପୁରା କାମି କାମିତାନ୍ ଇମ୍ତା ପାର୍ମେଶ୍ୱାର୍ ଆଃ ଦାସିକ ଲେକା କାମିତାନାକ । ୭ ଏନାମେନ୍ତେ ଇନକୁଆଃ ଲାଗାତିଜ୍ତେୟାଃକ ଏମାକପେ, ଅକ୍ନାଃ କାର୍ ଏମ ଲାଗାତିଜ୍ୟାଃ ଏନା ସବେନାଃ ଏମାକପେ, ବର ଲାଗାତିଜ୍ତେରେ ବରକପେ ଆତଃ ସୁସାର୍ ଲାଗାତିଜ୍ତେରେ ସୁସାର୍କପେ ।

ମିହୁଡ୍ ଆତଃମିହୁଡ୍ଲଃ ଦୁପୁଲ୍ଲାଡ୍,

୮ ମିହୁଡ୍ ଆତଃମିହୁଡ୍ଲେ ଦୁଲ୍ଲାଡ୍ ବାଗିକେଦ୍ତେ ଆତଃ ଏଟାଃ ଜେତାନ୍ ବିଷାଏରେ ଜେତାଏୟାଃ ଆଲ୍ପେ ରିଶାନାଃ । ଜେତାଏ ଏଟାଃନିଃକେ ଦୁଲ୍ଲାଡ୍ ଆଏ ଇନିଃ ଆନ୍ତୁକେ ମାନାତିଜ୍କାଦା । ୯ “ଆଲ୍ପେ ଆପାଜ୍ ରାଃ, ହଡ୍ ଆଲ୍ପେ ଗଗଏୟାଃ, ଆଲ୍ପେ କୁମ୍ପୁଆଃ, ଏଟାଃନିଆଃ ଜିନିଷ୍ଟକେ ଆଲ୍ପେ ହାୟାଆ,” ନେଲେକାନ୍ ସବେନ୍ ଆନ୍ତୁ ମିଆଁଦ୍ ଆନ୍ତୁରେ ମେସାକାନା, “ଆମାଃ ହପ୍ତଜାପାଃରେନିଃକେ ଆପାନାଃ ଲେକା ଦୁଲ୍ଲାଡ୍ ମେ ।” ୧୦ ଆମ୍ ମିହୁଡ୍ଲେ ଦୁଲ୍ଲାଡ୍ ତାନ୍ ରେଦ୍, ଇନିୟାଃ ଏଡ୍ କାନାଃ ଚିଉଲ୍ଲାହ୍ ଆଲ୍ମ୍ ରିକାଏୟା, ଏନାତେ ଦୁଲ୍ଲାଡ୍ ତେଗି ସବେନ୍ ଆନ୍ତୁ ପୁରାଅତାନା ।

୧୧ ନାହାଃ ଆପେ ନେ ସବେନାଃକେ ରିକା ଲାଗାତିଜ୍ୟାଃ, ଚିଆଃଟି ଦୁଡ୍ଲୁଏତେ ଏୟନଃରାଃ ଦିପିଲି ସେଟେରାକାନା । ଆବୁଆଃ ବିଶ୍ୱାସ୍ ହବାୟାନ୍ ହୁଲ୍ଲାଜ୍ ତାଃଏତେ ନାହାଃ ଜୀଉବାସ୍ତାଅ ନାମେରେୟାଃ ଦିପିଲି ପୁରାଟି ନାଡେଜାକାନା । ୧୨ ନୁବାଃ ସେନଃୟାନ୍ ଗିୟା, ମାର୍ସାଲ୍ ହିକ୍ଲୁଃ ସେଟେରଃତାନା । ଏଲା, ନୁବାଃରେୟାଃ ଏଡ୍ କାନ୍ କାମିକ ବାଗିକେଦ୍ତେ ମାସ୍ଲାଲ୍ରେ ହବାଅତାନ୍ ବୁଗିନ୍ କାମି ରିକା ନାଗେନ୍ତେ ସେକାଡାକାନ୍ ଗିବୁ ତାଇନାଃ । ୧୩ ଦିଶ୍ୱାମ୍ରେୟାଃ ରିଜ୍ ରାଜ୍ ଆତଃ ଇଲିଆର୍ ଶ୍ରେ ବୁଲ୍ଲଃତାନ୍, ହଡ୍ ମରେୟାଃ ଏଡ୍ କାନ୍ ସାନାଜ୍ ଚାଏ ଏଡ୍ କାନ୍ ଚାଇଲ୍ ଚାଲାନ୍, ଲାପାଡାଇ ଆତଃ ହିସ୍ ଜାରେ କା ତାଇନକେଦ୍ତେ ଏଲା, ଆବୁ ବୁଗିନ୍ ଆତଃ ମାର୍ସାଲ୍ରେନ୍ ହଡ୍ କ ଲେକା ବୁଗିନ୍ ଚାଇଲ୍ ଚାଲାନ୍ରେବୁ ତାଇନାଃ । ୧୪ ମେନ୍ଦ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ଗୁନ୍ ଲେକା ଚାଇଲ୍ ଚାଲାନ୍ ରିକାଏପେ, ପାପ୍ ଆତଃ ହଡ୍ ମରାଃ ଏଡ୍ କାନ୍ ସାନାଜ୍ କେ ପୁରାଏ ନାଗେନ୍ତେ ଆଲ୍ପେ ଉଡ୍ ଷ୍ଟୟା ।

୧୪

ଏଟାଃନିଃକେ ଆଲ୍ପେ ବିଚାରାଃ

୧ ବିଶ୍ୱାସ୍ରେ ତାଇନତାନ୍ ନାରାଦୁରାକକେ ଦାରମ୍ କପେ, ମେନ୍ଦ ଇନକୁଆଃ ଆକଆଃ ଆପ୍ନାଃ ବିଶ୍ୱାସ୍ କାଜିରେ ଆଲ୍ପେ କାପ୍ ଜିଆଃ । ୨ ଚିମିନ୍ ହଡ୍ କ ସବେନାଃ ଜମ୍ରେୟା ହବାଆଆ ମେନ୍ତେ ବିଶ୍ୱାସ୍ ଆଃକ, ମେନ୍ଦ ବିଶ୍ୱାସ୍ରେ ନାରାଦୁରା ହଡ୍ ଏସ୍ କାର୍ ଆଡାଃସାକାମ୍ ଜଜମାଃଏ । ୩ ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ୍ କ, ଆଡାଃସାକାମ୍ ଜମ୍ତାନ୍ ହଡ୍ କକେ ଆଲ୍ କାକ ଲାୟାକକା, ଆତଃ ଆଡାଃସାକାମ୍ ଜମ୍ତାନ୍ ହଡ୍ କ, ସବେନ୍ ଲେକାନ୍ ଜମ୍ରେୟାଃ ଜମ୍ତାନ୍ ହଡ୍ କକେ ଆଲ୍ କାକ ବିଚାରକକା, ଚିଆଃଟି ପାର୍ମେଶ୍ୱାର୍ ଇନକୁକେହଗି ଗ୍ରାହାଣକାଦକଆ । ୪ ଏଟାଃନିୟାଃ ଦାସିକକେ ବିଚାର୍ ନାଗେନ୍ତେ ଆପେ ଅକଏ ତାନ୍ପେ ? ଇନକୁ

\* ୧୩:୬ ୧୩:୬ ମାଥୁର ୨୨:୨୧; ମାର୍କ ୧୨:୧୭; ଲୁକ ୨୦:୨୫. \* ୧୪:୧ ୧୪:୧ କଲସିୟ ୨:୧୭.

ବୁଗିନୀଃ ରିକାକାଦାକ ଚାଏ ଏଡ଼କାନୀଃ ରିକାକାଦାକ ଏନା ଆକଆଃ ଗୁସିୟାଁ ଏସ୍କାର୍ ବିଚାରେୟାଏ । ଇନ୍‌କୁ ଗ୍ରାହାଣିଆକ ଚିଆଃଚି ପ୍ରାଭୁ ଇନ୍‌କୁକେ ଗ୍ରାହାଣ୍‌କାଦକଆ ।

୫ ଚିମିନ୍ ହଡ଼କ ଏଟୀଃ ହୁଲାଙ୍ଗକଏତେ ବିଶେଷ ହୁଲାଙ୍ଗକେ ପୁରୀଠିକ ମାଇନୀଃ, ଆଡ଼ଃ ଚିମିନ୍ ହଡ଼କ ସବେନ୍ ହୁଲାଙ୍ଗକେ ସାମାନ୍‌ଗିକ ମାଇନୀଃ । ମେନ୍‌ଦ ଆବୁ ଆପ୍‌ନୀଃ ବିଶ୍ୱାସ୍ ଲେକାତେ ମନ୍‌ରେ ଉଡ଼ୁତାନଲଃ ତିଙ୍ଗୁକେଟେଦ୍‌ଗିବୁ ତାଇନୀଃ । ୬ ଅକନ୍ ହଡ଼କ ମିଆଁଦ୍ ଦିନ୍‌କେ ବିଶେଷ୍ ଦିନ୍ ମେନ୍‌ତେ ଉଡ଼ୁତାନାକ, ଇନ୍‌କୁ ଏନାକେ ପ୍ରାଭୁଆଃ ମାଇନୀଃ ନାଗେନ୍ତେ ରିକାଏକାକ, ଆଡ଼ଃ ଅକନ୍ ହଡ଼କ ସବେନ୍ ଲେକାନ୍ ଜମେୟାଁଃ ଜମ୍‌ତାନାକ, ଇନ୍‌କୁ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌ତାନଲଃ ଜମେକାକ, ଏନା ହରାତେ ପାର୍‌ମେଶ୍ୱାର୍ ମାଇନୀଃଆଏ । ଅକନ୍ ହଡ଼କ ସବେନ୍ ଲେକାନ୍ ଜମେୟାଁଃ କାକ ଜମ୍‌ତାନା, ଇନ୍‌କୁ ପାର୍‌ମେଶ୍ୱାର୍‌ଆଃ ମାଇନୀଃ ନାଗେନ୍ତେ ରିକାଏକାକ ଆଡ଼ଃ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଇକାକ । ୭ ଆବୁକଏତେ ଜେତାଏ ଆପ୍‌ନୀଃ ନାଗେନ୍ତେ କାଏ ବାସ୍ତାଅଃଆ ଚାଏ ଆପ୍‌ନୀଃ ନାଗେନ୍ତେ ଏସ୍କାର୍ ଜୀଉ କାଏ ଏମେୟା । ୮ ଆବୁ ବାସ୍ତାଅଃତାନ୍ ରେଦ୍ ପ୍ରାଭୁଆଃ ନାଗେନ୍ତେ ବାସ୍ତାଅଃତାନା, ଆଡ଼ଃ ଜୀଉ ଏମ୍‌ତାନ୍‌ରେଦ୍ ପ୍ରାଭୁଆଃ ନାଗେନ୍ତେ ଜୀଉ ଏମ୍‌ତାନାବୁ । ଏନାମେନ୍ତେ ଜୀନିଦ୍ ଆଡ଼ଃ ଗନ୍‌ଏଃରେ ଆବୁ ପ୍ରାଭୁଆଃତାନ୍‌ବୁ । ୯ ଚିୟାଃଚି ଖ୍ରୀଷ୍ଟ୍ ଗଏଃକେଦ୍‌ତେ ଜୀଉବିରିଦ୍‌ୟାନ୍ ହରାତେ ଜୀହୁଦଃତାନ୍‌କଆଃ ଆଡ଼ଃ ଗଜାକାନ୍‌କଆଃ ପ୍ରାଭୁ ହବାକାନାଏ । ୧୦ \*ତାବ୍‌ଦ୍ ଆପେ ଚିନୀଃ ନାଙ୍ଗ୍ ଆଡ଼ଃସାକାମ୍ ଜମ୍‌ତାନ୍ ହାଗାକକେ ବିଚାର୍‌କତାନାପେ ? ଆଡ଼ଃ ସବେନ୍ ଲେକାନ୍ ଜମେୟାଁଃ ଜମ୍‌ତାନ୍ ବିଶ୍ୱାସୀକକେ ଚିନୀଃମେନ୍ତେପେ ହିଲାଙ୍ଗକତାନା ? ଆବୁ ସବେନ୍‌କକେ ପାର୍‌ମେଶ୍ୱାର୍‌ଆଃ ବିଚାର୍ ଠାୟାଦ୍‌ରେ ବିଚାର୍ ନାଗେନ୍ତେ ତିଙ୍ଗୁନ୍ ଲାଗାତିଙ୍ଗ୍‌ୟାଃ । ୧୧ ଚିୟାଃଚି ଧାରାମ୍‌ପୁଅରେ ଅଲ୍‌କାନା,

“ପ୍ରାଭୁ କାଜିତାନାଏ, ଆଇଙ୍ଗ୍‌ଦ୍ ଜୀନିଦ୍ ପାର୍‌ମେଶ୍ୱାର୍ ତାନିଙ୍ଗ୍,  
ସବେନ୍‌କ ଆଇଁୟାଃ ଆୟାର୍‌ରେକ ଇକ୍‌ଡ଼ୁମ୍‌ଆ,  
ଆଡ଼ଃ ଆଇଙ୍ଗ୍ ପାର୍‌ମେଶ୍ୱାର୍ ତାନିଙ୍ଗ୍ ମେନ୍ତେ ସବେନ୍‌କ କାଜିୟା ।”

୧୨ ଆବୁ ସବେନ୍‌କକେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଆପ୍‌ନୀଃ ହିସାବ୍ ଏମଃ ଲାଗାତିଙ୍ଗ୍‌ୟାଃ ।

ଜେତାଏୟାଃ ତହ୍‌ଦଃନିଃ ଆଲପେ ହବାଅଃଆ

୧୩ ଏନାତେ ମିହୁଡ଼୍ ଆଡ଼ଃମିହୁଡ଼୍‌ଆଃ ବିଚାର୍ ଆଲପେ ରିକାଏୟା, ନେ'ଲେକାହଗି ଆଲପେ ରିକାଏ, ଅକ ହରାତେ ଚି ଏଟୀଃମିହୁଡ଼୍ ହାଗା ତହ୍‌ଦକେଦ୍‌ତେ ପାପ୍‌ରେ ଉୟୁଗଃଆ । ୧୪ ଆଇଙ୍ଗ୍ ପ୍ରାଭୁ ଯୀଶୁଲଃ ମେନେସାରେ ତାଇନ୍ ହରାତେ ସାରିତାନାଇଙ୍ଗ୍ ଯେ, ସାର୍‌ତିଗି ଜେତାନ୍ ଜମେୟାଁଃ ଆପାନ୍‌ତେଗି କା ସଡ଼ରାଅଃଆ, ମେନ୍‌ଦ ଜେତାଏ ହଡ଼ ଜେତାନ୍ ଜମେୟାଁଃକେ ସଡ଼ରାକାନା ମେନ୍ତେ ବିଶ୍ୱାସେରେଦ୍ ଏନ୍ ଜମେୟାଁଃ ଇନିୟାଃ ନାଗେନ୍ତେ ସଡ଼ରାଅଃଆ । ୧୫ ଆପେ ଜେତାନ୍ ଜମେୟାଁଃ ଜମ୍ ହରାତେ ଆପେୟାଃ ହାଗା ଚାଏ ମିଗିଆଃ ମନ୍‌ରେ ଦୁକୁପେ ଏମାଇତାନ୍‌ରେଦ୍, ଆପେ ଦୁଲାଡ଼୍‌ତେ କାପେ ସେସେନ୍‌ତାନା । ଅକ ହାଗା ଚାଏ ମିଗି ନାଗେନ୍ତେ ଖ୍ରୀଷ୍ଟ୍ ଜୀଉ ଏମ୍‌କେଦାଏ, ନେ ଜମେୟାଁଃ ନାଗେନ୍ତେ ଇନିୟାଃ ଜିୟନୀଃ ଆଲପେ ରିକାଏୟା । ୧୬ ଆପେ ଅକ୍‌ନୀଃକେ ବୁଗିନ୍ ମେନ୍ତେପେ ଆବ୍‌କାରେତାନା, ଏନ୍ ହରାତେ ଆପେୟାଃ ନୁଡ଼ମ୍ ଆଲକା ଏଡ଼କାନୀଃକା । ୧୭ ଚିଆଃଚି ପାର୍‌ମେଶ୍ୱାର୍‌ଆଃ ରାଇଙ୍ଗ୍‌ଦ୍ ବିଶେଷ୍‌କେଦ୍‌ତେ ଜଜମ୍ ନୁଁ ନାହାଁଲାଃ, ମେନ୍‌ଦ ଏନା ପାବିତାର୍ ଆମ୍‌ରୀଃ ହରାତେ ଏମାକାନ୍ ଧାର୍‌ମାନ୍, ଜୀଉସୁକୁ ଆଡ଼ଃ ରାସ୍କାନ୍‌ତେୟାଃ ତାନୀଃ । ୧୮ ଜେତାଏ

\* ୧୪:୧୦ ୧୪:୧୦ ୨ କରିଗ୍ଲିୟ ୫:୧୦.

ନେ'ଲେକା ଖ୍ରୀଷ୍ଟୁଆଃ ସେଞ୍ଜା ରିକାଃଏ, ଇନିଃ ପାର୍‌ମେଶ୍ଵାର୍‌କେ ସୁକୁଇଚିୟା ଆଡଃ ହଡ଼କଆଃ ଆୟାର୍‌ରେ ମାଇନ୍ ନାମେନିଃ ହବାଅଃଆଏ ।

୧୯ ଏନାମେନ୍ତେ ହିଜୁଃପେ, ଜୀଉସୁକୁ ଏମେତାନ୍ କାମିକକେ ଆରୁ କେଟେଜେ ନାଗେନ୍ତେବୁ କାମିୟା ଆଡଃ ମିହୁଡ଼ ଆଡଃମିହୁଡ଼କେ ଦେଙ୍ଗାତାନ୍ କାମିକବୁ କାମିୟା । ୨୦ ପାର୍‌ମେଶ୍ଵାର୍ ଅକଆଃ ରିକାକାଦାଏ ଏନାକେ ଜଜମାଃ ହରାତେ ଆଲପେ ଜିୟନେଆ । ସବେନ୍ ଲେକାନ୍ ଜମେୟାଃ ଫାର୍‌ଚିଗିୟା ଆଡଃ ଜମ୍ ଦାଡ଼ିଅଃଆ, ମେନ୍‌ଦ ଜେତାନ୍ ଜମେୟାଃ ହରାତେ ଆପେ ଜେତାଏୟାଃ ନାଙ୍ଗ୍ ତହଦ୍‌ଇଚିୟାଃ ରେଦ ଏନ୍ ଜମେୟାଃ ଆଲପେ ଜମେୟା । ୨୧ ଆପେ ହାକୁ ଚାଏ ମାସ୍ ଜମ୍‌ରେ ଆଡଃ ଇଲିଆର୍‌ଖୁରେ ବୁଲଃ ହରାତେ ଆପେୟାଃ ହାଗା ଚାଏ ମିଶି ବିଶ୍ଵାସ୍‌ରେ ତହଦ୍‌ଃରେଦ, ଏନ୍ ସବେନାଃଏତେ ସାଙ୍ଗିନଃତେୟାଃ ବୁଗିନାଃ ତାନାଃ । ୨୨ ନେ ବିଷାଏରେ ଆପେୟାଃ ଆପ୍‌ନାଃ ବିଶ୍ଵାସ୍ ପାର୍‌ମେଶ୍ଵାର୍ ଏସକାର୍ ସାରିକାଏ । ଅକନ୍ ହଡ଼ ବୁଗିନାଃ ତାନାଃ ମେନ୍ତେ ଆଟ୍‌କାର୍‌ଉରୁମ୍‌ତାନ୍‌ଲଃ ଜେତାନ୍ କାମି କାମିୟାଏ, ଆଡଃ ଏନା ନାଗେନ୍ତେ ତାୟମ୍‌ତେ ଆପାନ୍‌କେ କାଏ ଚିଟାନ୍‌ନିଃ ସୁକୁତାନ୍‌ଗିଆଏ । ୨୩ ମେନ୍‌ଦ ଅକ ଜମେୟାଃ ଜମ୍ ନାଙ୍ଗ୍ ବୁଗିନାଃ ଚାଏ କା ବୁଗିନାଃ, ନେ କାଜି ମନ୍‌ରେ ଆଡଃଃଉଡ଼ଃକେଦ୍‌ତେ ଜମେରେଦ, ଇନିଃ ପାର୍‌ମେଶ୍ଵାର୍‌ଆଃ ଆୟାର୍‌ରେ ସାଜାଇ ନାମେୟାଏ, ଚିଆଟି ଏନା ଆୟାଃ ବିଶ୍ଵାସ୍ ଲେକାତେ ନାହାଁଲାଃ । ବିଶ୍ଵାସ୍ ତେତାନ୍‌ରେ ଅକ୍‌ନାଃ କା ଠାହାରାଅକାନା ଏନା ପାପ୍ ତାନାଃ ।

### ୧୫

ଏଟାଃନିଃକେ ସୁକୁଇଚିପେ ଆପାନ୍‌କେଦ କାହାଗି

୧ ଆରୁ ଆରୁଆଃ ବିଶ୍ଵାସ୍‌ରେ କେଟେୟାନ୍‌ଗି ମେନାବୁଆ, ଏନାତେ ଆରୁ ବିଶ୍ଵାସ୍‌ରେ ନାରାଦୁରା ମେନାକ ହଡ଼କକେ ଦେଙ୍ଗା ଲାଗାତିଙ୍ଗ୍‌ୟାଃ । ଆରୁ ଆପାନ୍‌କେ ଏସକାର୍ ସୁକୁରେ ତାଇନଃ କା ଲାଗାତିଙ୍ଗ୍‌ୟାଃ । ୨ ମେନ୍‌ଦ ଆରୁ ଏଟାଃ ହଡ଼କଆଃ ବୁଗିନ୍ ନାଗେନ୍ତେ ଆଡଃ ଇନ୍‌କୁଆଃ ବିଶ୍ଵାସ୍‌କେ କେଟେଜେ ନାଗେନ୍ତେ ଇନ୍‌କୁକେ ସୁକୁରେ ଦହ ଲାଗାତିଙ୍ଗ୍‌ୟାଃ । ୩ ଖ୍ରୀଷ୍ଟୁ ଆୟାଃ ଆପ୍‌ନାଃ ସୁକୁ ନାଗେନ୍ତେ ଜେଡ଼ନାଃ କାଏ କାମି ତାଇକେନା, ମେନ୍‌ଦ ଧାରାମ୍‌ପୁଥ୍‌ରେ ଅଲାଇନା, “ଇନ୍‌କୁ ଆମ୍‌କେ ଲାନ୍‌କେଦ୍‌ମେୟାକ, ଏନା ଆଇଙ୍ଗ୍ ସାହାତିଙ୍ଗ୍‌ତାନା ।” ୪ ଧାରାମ୍‌ପୁଥ୍‌ରେୟାଃ ସବେନ୍ ଇନିତୁ ଆରୁଆଃ ବୁଗିନାଃ ନାଗେନ୍ତେ ତାନାଃ, ଆସ୍ତାରେ ତିଙ୍ଗ୍‌କେଟେୟାଃ ନାଗେନ୍ତେ ଧାରାମ୍‌ପୁଥ୍ ଆରୁକେ ଧୁରାଜ୍ ଆଡଃ ଜୀଉରାଡ଼େଃ ଏମାଃଏ । ୫ ଖ୍ରୀଷ୍ଟୁ ଯୀଶୁଆଃ ନାମୁନାରେୟାଃ ଅତଙ୍ଗ୍‌ତାନ୍‌କ ହବାଅଃ ନାଗେନ୍ତେ ଆପେ ସବେନ୍‌କଆଃ ମନ୍ ଆଡଃ ଉଡ଼ଃ, ଏନ୍ ଲେକାଗି ହବାଅଃ ନାଗେନ୍ତେ ଧୁରାଜ୍ ଆଡଃ ଜୀଉରାଡ଼େଃ ଏମାବୁତାନ୍ ପାର୍‌ମେଶ୍ଵାର୍ ଆପେକେ ଦେଙ୍ଗାପେକାଏ । ୬ ଆପେ ସବେନ୍‌କ ମିସାତେ ମିଦ୍ ଲାବ୍‌ଜାଲଃ ଆପୁ ପାର୍‌ମେଶ୍ଵାର୍ ଆଡଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ମାନାରାଙ୍ଗ୍ ରିକାଏପେ ।

ଯିହୁଦୀ ହଡ଼କ ଆଡଃ ସାଅଁସାର୍ ହଡ଼କ ନାଗେନ୍ତେ ସୁକୁକାଜି

୭ ଏନାମେନ୍ତେ ଖ୍ରୀଷ୍ଟୁ ଜେ'ଲେକା ଆପେକେ ଦାରମ୍‌କାଦ୍‌ପେୟା, ପାର୍‌ମେଶ୍ଵାର୍‌ଆଃ ମାଇନାନ୍ ନାଗେନ୍ତେ ଆପେୟ ଏନ୍ ଲେକାଗି ମିହୁଡ଼ ଆଡଃମିହୁଡ଼କକେ ଦାରମ୍‌କପେ । ୮ ଚିଆଟି ଖ୍ରୀଷ୍ଟୁଆଃ ସୁସାର୍‌ରେୟାଃ ଜୀଦାନ୍ ଖାଡ଼ନାଅକାନ୍ ଯିହୁଦୀ ହଡ଼କ ନାଙ୍ଗ୍ ତାଇକେନା । ଇନ୍‌କୁକେ ଇନିଃ ଦେଖାଅକ ନାଙ୍ଗ୍ ସାନାଙ୍ଗ୍ ତାଇକେନାଏ ଯେ ପାର୍‌ମେଶ୍ଵାର୍ ପାତିୟାର୍‌ରଃ ଲେକାନ୍‌ନିଃ ତାନିଃ । ଯିହୁଦୀ ହଡ଼କଆଃ ପୁର୍‌ଖା ହାଡ଼ାମ୍‌କକେ ଏମାକାଦ୍‌କ ଆୟାଃ ବାନାର୍‌ସା ସବେନାଃକେ ଖ୍ରୀଷ୍ଟୁ ମାନାତିୟେଆଏ ।

୯ ଆଡ଼ଃ ସାର୍ଥସାର୍ ହଡ଼କ ପାର୍ମେଶ୍ୱାର୍ ଆଃ ଲିନିବୁଇ ନାଗେନ୍ତେ ଇନିୟାଃ ମାନାରାଙ୍ଗ୍  
ରିକା ଦାଡ଼ିୟାଃକ । ଧାରାମ୍ପୁଥିରେ ଅଲ୍ଲକାନା,

“ଏନାମେନ୍ତେ ଆଇଙ୍ଗ୍ ସାର୍ଥସାର୍ ହଡ଼କଆଃ ଆଲ୍ଲାରେ ଆମାଃ ମାନାରାଙ୍ଗ୍  
ରିକାୟାଇଙ୍ଗ୍,

ସବେନ୍ ଇମତା ଆମାଃ ମାନାରାଙ୍ଗ୍ ଦୁରାଙ୍ଗ୍‌ୟେଇଙ୍ଗ୍ ।”

୧୦ ଆଡ଼ଃଗି ଧାରାମ୍ପୁଥିରେ ଅଲ୍ଲକାନା,

“ସାର୍ଥସାର୍ ହଡ଼କ ପାର୍ମେଶ୍ୱାର୍ ଆଃ ହଡ଼କଲଃ ରାସ୍‌କାଅଃକାକ ।”

୧୧ ଆଡ଼ଃଗି,

“ସବେନ୍ ସାର୍ଥସାର୍ ହଡ଼କ ପ୍ରାଭୁଆଃ ମାନାରାଙ୍ଗ୍ ରିକାଏକାକ ।

ଆଡ଼ଃ ସବେନ୍ ହଡ଼କ ଇନିୟାଃ ମାନାରାଙ୍ଗ୍ ରିକାଏକାକ ।”

୧୨ ଆଡ଼ଃଗି, ଯିଶାୟ କାଜିକାଦା,

“ଯିଶିଆଃ କଲିରେନ୍ ମିହୁଡ଼୍ ଉନ୍ନୁଦୁବଃଆଏ,

ଇନିଃ ସାର୍ଥସାର୍ ହଡ଼କକେ ରାଇଜ୍‌କଆ

ଆଡ଼ଃ ଇନ୍‌କୁ ଇନିଃତାଃରେକ ଆସ୍ତାଏୟା ।”

୧୩ ପାର୍ମେଶ୍ୱାର୍ ସବେନ୍ ଆସ୍ତାରେନ୍ ଭାଣ୍ଡାର୍ ହବାଅଃକାଏ, ଆପେ ଇନିଃତାଃରେ  
ବିଶ୍ୱାସତାନ୍ ହରାତେ ସବେନ୍ ରାସ୍‌କା ଆଡ଼ଃ ଜୀଉସ୍‌କୁରେ ଇନିଃ ଆପେକେ  
ପେରେଃପେକା, ଜେ'ଲେକାଟି ଆପେ ପାବିତାର୍ ଆମ୍ବାରାଃ ପେଡ଼େଃତେ ଆପେୟାଃ  
ଆସ୍ତା ହାରାଇଦିୟାଆ ।

ସାର୍ଥସାର୍ ହଡ଼କତାଃରେ ପାଉଲୁସ୍‌ଆଃ କାମି

୧୪ ହେ ହାଗା ମିଶିକ, ଆଇଙ୍ଗ୍ ବିଶ୍ୱାସ୍ ତାନାଇଙ୍ଗ୍ ଯେ ଆପେ ସବେନ୍‌କ ପୁରାଃ  
ବୁଗିନାଃତେ, ଆଡ଼ଃ ସବେନ୍ ସେଣ୍‌ନ୍‌ତେ ପେରେଜାକାନାପେ, ଆଡ଼ଃ ଆପେ ମିହୁଡ଼୍  
ଆଡ଼ଃମିହୁଡ଼କେ ଇତୁ ଦାଡ଼ିୟାଃପେ । ୧୫ ଏନ୍‌ରେୟ ଆଡ଼ଃମିସା ପାହାମ୍‌ରୁହାଡ଼େ  
ନାଗେନ୍ତେ ଆଇଙ୍ଗ୍ ଚିମିନ୍ ବିଷାଏକ ନେ ଚିଟାଉରେ ଅଲ୍ଲକାଦ୍ ତାଇକେନାଇଙ୍ଗ୍,  
ପାର୍ମେଶ୍ୱାର୍ ଆଃ ସାୟାଦ୍ ହରାତେ ଆଇଙ୍ଗ୍ ଜୀଉରେ କେଟେଦ୍ ନାମ୍‌କେଦ୍‌ତେ  
ନେ ସବେନାଃ ଆପେତାଃତେଇଙ୍ଗ୍ ଅଲ୍‌କେଦା । ୧୬ ଚିୟାଃଗି ସାର୍ଥସାର୍ ହଡ଼କ  
ଜେ'ଲେକା ପାବିତାର୍ ଆମ୍ବାରାଃ ହରାତେ ପାବିତାର୍ କାମି ନାଙ୍ଗ୍ ଜିମାୟାନ୍‌ଲଃ  
ପାର୍ମେଶ୍ୱାର୍ ଆଃ ଆୟାର୍‌ରେ ଦାନ୍ ରାକାବଃରେ ସୁକୁଆନ୍‌ଗିକ ହବାଅଃଆ,  
ଏନାମେନ୍ତେ ଆଇଙ୍ଗ୍ ଇନ୍‌କୁତାଃରେ ଖ୍ରୀଷ୍ଟ୍ ଯୀଶୁଆଃ ଦାସି ଲେକା ହବାକେଦ୍‌ତେ  
ପାର୍ମେଶ୍ୱାର୍ ଆଃ ସୁକୁକାଜି ଉଦୁବ୍‌ରେ, ଆଇଙ୍ଗ୍ ଯାଜାକ୍ କାମି ଲେକାଇଙ୍ଗ୍  
କାମିତାନା । ୧୭ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ପାର୍ମେଶ୍ୱାର୍ ଆଃ ନାଗେନ୍ତେ  
ନେ ସେଞ୍ଜାକାମି ରିକାତାନ୍ ହରାତେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍  
କାଜିନ୍‌ତାନା । ୧୮ ସାର୍ଥସାର୍ ହଡ଼କ ପାର୍ମେଶ୍ୱାର୍ ଆଃ କାଜି ଆୟୁମେକାକ ମେନ୍ତେ  
ଖ୍ରୀଷ୍ଟ୍ ଆଇଁୟାଃ ହରାତେ ଚିନାଃଏ କାମିକାଦା, ଏନା ଏସ୍‌କାର୍ କାଜି ନାଗେନ୍ତେ  
ଆଇଙ୍ଗ୍ ଜୀଉରେ କେଟେଦ୍ ନାମାକାଦାଇଙ୍ଗ୍ । ୧୯ ଇନିଃ ବାଚାନ୍‌ତେ ଆଡ଼ଃ  
କାମିତେ ଆକ୍‌ଦାନ୍‌ଆ କାମିରାଃ ପେଡ଼େଃତେ ଆଡ଼ଃ ଆକ୍‌ଚାକାଅତେ, ଆଡ଼ଃ  
ପାର୍ମେଶ୍ୱାର୍ ଆଃ ପାବିତାର୍ ଆମ୍ବାରାଃ ପେଡ଼େଃତେ ନେ ସବେନାଃଏ କାମିକାଦା  
। ଏନାତେ ଆଇଙ୍ଗ୍ ଯୀରୁଶାଲେମ୍‌ତାଃଏତେ ଇଲିରିକମ୍‌ତେ ହରାସେନ୍ ଇମତା  
ହରାରେ ଖ୍ରୀଷ୍ଟ୍ ଆଃ ସୁକୁକାଜି ପୁରାଃଗିଇଙ୍ଗ୍ ଉଦୁବ୍‌କାଦା । ୨୦ ଅକ ଠାୟାଦ୍‌କରେନ୍  
ହଡ଼କ ଖ୍ରୀଷ୍ଟ୍ ଆଃ ସୁକୁକାଜିକେ କାକ ଆୟୁମାକାଦା, ଏନ୍ତାଃରେ ନେ ସୁକୁକାଜିକେ  
ଉଦୁବ୍ ନାଙ୍ଗ୍ ଆଇଙ୍ଗ୍ ସାନାଙ୍ଗ୍‌କେଦାଇଙ୍ଗ୍, ଚିଆଃଟି ଏଟାଃ ହଡ଼କଆଃ ହରାତେ  
ଏନେଟେଦ୍‌କାନ୍ ନିହିଁଗାତାରେ କାମିୟାକାନ୍ କାମିକେ ଆଇଙ୍ଗ୍ ଆଡ଼ଃମିସା କାମି  
ନାଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା । ୨୧ ଧାରାମ୍ପୁଥିରେ ନେ'ଲେକା ଅଲ୍ଲକାନା,

“ଅକନ୍ ହତକକେ ଇନିୟାଃ ବିଷାଏରେ କା କାଜିକାନ୍ ତାଇକେନା, ଇନ୍କୁ ଇନିଃକେକ ନେଲିୟା  
 ଆତଃ ଅକନ୍ ହତକ ଇନିୟାଃ ବିଷାଏରେ କାକ ଆୟୁମାକାଦ୍ ତାଇକେନା,  
 ଇନ୍କୁ ଆୟୁମେଆକ ।”\*

ରୋମ୍ ନାଗାର୍ତେ ସେନଃନାଜ୍ ପାଉଲୁସଆଃ ଉହାଟ୍

୨୨ ✠ଏନାମେନ୍ତେ ଆଇଜ୍ଜକେ ଆପେତାଃତେ ସେନ୍ ନାଗେନ୍ତେ ପୁରାଃସାଃ କାଜିକଟଜ୍ ନାମାକାଦାଇଜ୍ । ୨୩ ମେନ୍ଦ ନେ ପାର୍ଗାନ୍କରେ ଆଇୟାଃ କାମିକ ପୁରାୟାନା ଆତଃ ଆପେକେ ନେନେଲ୍ ନାଗେନ୍ତେ ପୁରାଃ ବାରାଷ୍ରେୟାଃ ଆସ୍ତା ନାହାଃଦ ପୁରାଅଃଆ । ୨୪ ଆଇଜ୍ ସ୍ତେନ୍ତେ ସେନଃ ହରାରେ ଆପେଲଃ ନେପେଲ୍କେଦତେଇଜ୍ ହିଜୁଃଆ ମେନ୍ତେଇଜ୍ ଉଡ଼ୁକାଦା । ଆପେତାଃରେ ଘାଡ଼ିକାଦ୍ ତାଇନକେଦତେ ସ୍ତେନ୍ତେ ସେନଃ ନାଜ୍ ଦେଜ୍ଜାଇୟାଃପେ ମେନ୍ତେଇଜ୍ ଆସ୍ତାତାନା । ୨୫ ✠ମେନ୍ଦ ନାହାଃ ଆଇଜ୍ ପାର୍ମେଶ୍ୱାର୍ଆଃ ହତକଆଃ ସୁସାର୍ ନାଗେନ୍ତେ ଯୀରୁଶାଲେମ୍ତେ ସେନଃ ନାଗେନ୍ତେଇଜ୍ ଅତଜ୍ଆକାନା । ୨୬ ଚିଆଃଚି ଯୀରୁଶାଲେମ୍ରେ ପାର୍ମେଶ୍ୱାର୍ଆଃ ହତକ ଜାଞ୍ଜିଆକାନାକ, ଇନ୍କୁଆଃ ନାଜ୍ ଦାନ୍ ଏମ୍କେଦତେ ଦେଜ୍ଜାକ ନାଗେନ୍ତେ ମାକିଦନିଆ ଆତଃ ଆଖାୟାରାଃ କାଲିସିୟାରେନ୍ ହତକ ଉହାଟ୍କାଦାକ । ୨୭ ✠ନେଆଁଦ ଇନ୍କୁ ଆପ୍ନାଃ ଇଛାସାନାଜ୍ତେ ଉହାଟ୍କାଦାକ, ମେନ୍ଦ ଇନ୍କୁ ସାଆଁସାର୍ ହତକଆଃ ଆୟାର୍ରେ ହଗି ରିଶୀକାନାକ, ଚିଆଃଚି ଯିହୁଦୀ ହତକ ଆକଆଃ ଆପ୍ନାଃ ଆମ୍ବିକ୍ରେୟାଃ ଆଗିଷ୍ରେ ସାଆଁସାର୍ ହତକକେ ହିସା ଏମାକାଦକ ହରାତେ, ସାଆଁସାର୍ ହତକ ଆପ୍ନାଃ ଟାକା ପାଏସାରେ ହିସା ଏମ୍କେଦତେ ଯିହୁଦୀ ହତକକେ ଦେଜ୍ଜା ଏମ୍ ଲାଗାତିଜ୍ୟାଃ । ୨୮ ଯୀରୁଶାଲେମ୍ରେ ଏନ୍ ଦାନ୍କେ ଏମ୍କେଦତେ ଆଇୟାଃ କାମି ଚାବାକେଦ୍ ତାୟମ୍ତେ, ଆଇଜ୍ ସ୍ତେନ୍ତେ ସେନଃନାଜ୍ ଅତଜ୍ଆଃଆଇଜ୍ ଆତଃ ସେନ୍ହରାରେ ଆପେଲଃ ନେପେଲ୍ କେଦତେଇଜ୍ ହିଜୁଃଆ । ୨୯ ଆଇଜ୍ ସାରିକାଦାଇଜ୍, ଆଇଜ୍ ଖ୍ରୀଷ୍ଟତାଃଏତେ ପୁରାଃ ଆଗିଷ୍ ଆତକେଦତେ ଆପେତାଃତେଇଜ୍ ହିଜୁଃଆ । ୩୦ ହେ ହାଗା ମିଗିକ, ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁତୁମ୍ତେ ଆତଃ ପାବିତାର୍ ଆମ୍ବା ଏମାକାଦ୍ ଦୁଲାଡ୍ ହରାତେ ଆଇଜ୍ ଆପେକେଇଜ୍ ବିନ୍ତିପେ ତାନା, ଆଇୟାଃ ନାଗେନ୍ତେ ପାର୍ମେଶ୍ୱାର୍ତାଃରେ ପୁରାଃ ଇଛାସାନାଜ୍ତେ ବିନ୍ତିପେ । ୩୧ ଆଇଜ୍ ଯିହୁଦୀ ପାର୍ଗାନ୍ରେ କା ବିଶ୍ୱାସତାନ୍ ହତକତାଃଏତେ ଜେ'ଲେକା ବାସ୍ତାଅକେଦତେ ତାଇନ୍ ଦାଡ଼ିୟାଇଜ୍ ଆତଃ ଯୀରୁଶାଲେମ୍ରେ ତାଇନ୍ତାନ୍ ପାର୍ମେଶ୍ୱାର୍ଆଃ ହତକ ଜେ'ଲେକା ଆଇୟାଃ କାମିକେ ସୁକ୍ଷଆକ ଏନାମେନ୍ତେ ବିନ୍ତିପେ । ୩୨ ପାର୍ମେଶ୍ୱାର୍ଆଃ ଇଛାସାନାଜ୍ ହବାଅଃରେଦ, ଆଇଜ୍ ଆପେତାଃତେ ରାସକାତେଇଜ୍ ହିଜୁଃଆ ଆତଃ ଆପେଲଃ ଘାଡ଼ିକାଦ୍ ତାଇନକେଦତେ ରାସକାଇଜ୍ ନାମେୟା । ୩୩ ଆବୁକେ ଜୀଉସୁକୁ ଏମ୍ତାନ୍ ପାର୍ମେଶ୍ୱାର୍ ଆପେ ସବେନ୍କଲଃ ତାଇନଃକାଏ । ଆମେନ୍ ।

## ୧୭

ପାଉଲୁସଆଃ ଜହାର୍ ଚାଏ ଇଶୁସାଏ

୧ କେଜ୍ଜେ\_ୟା ନାଗାର୍ରେୟାଃ କାଲିସିୟାରେନ୍ ମିହୁଡ୍, ସୁସାର୍ତାନ୍ ଆବୁଆଃ ମିଶି ଫେଁବିକେ ଆପେତାଃତେଇଜ୍ କୁଲିତାନା, ୨ ଇନିଃକେ ପାର୍ମେଶ୍ୱାର୍ଆଃ ହତକ ଲେକା ପ୍ରାଭୁଆଃ ନୁତୁମ୍ତେ ଦାରମିପେ । ଇନିୟାଃ ଲାଗାତିଜ୍ତେୟାଃକ

\* ୧୫:୨୧ ୧୫:୨୧ ଯିଶାୟ ୫୩:୧୫ ✠ ୧୫:୨୨ ୧୫:୨୨ ରୋମୀ ୧:୧୩ ✠ ୧୫:୨୫ ୧୫:୨୫ ୧ କରିନ୍ଥ୍ରିୟ ୧୭:୧-୪. ✠ ୧୫:୨୭ ୧୫:୨୭ ୧ କରିନ୍ଥ୍ରିୟ ୯:୧୧.

ଆପେତାଃଏତେ ଏମ୍ବେଦତେ ଇନିଃକେ ଦେଙ୍ଗାଲପେ । ଇନିଃ ଆଇଙ୍ଗ୍‌କେ ଆଡଃ ଏଟାଃ ପୁରାଃ ହଡ଼କକେ ପୁରାଃଗି ଦେଙ୍ଗାକାଦକଆ ।

୩ \*ଖ୍ରୀଷ୍ଟ ଯୀଶୁଆଃ ସେଝାରେ ଆଇଁୟାଃଲଃ ଗାତିରେ କାମିତାନ୍ ପ୍ରିସକିଲା ଆଡଃ ଆକ୍ୱିଲାକେ ଆଇଁୟାଃ ଜହାର୍ ଉଦୁବାକିନ୍‌ପେ । ୪ ଇନ୍‌କିନ୍ ଆଇଁୟାଃ ଜୀଉ ବାଞ୍ଛାଆ ନାଗେନ୍ତେ ଆକିନାଃ ଜୀଉକେ ଏମ୍ ନାଗେନ୍ତେ ସାନାଙ୍ଗକାଦ୍ ତାଇକେନାକିନ୍ । ଆଇଙ୍ଗ୍ ଏସକାର୍ କାହାଗି, ମେନ୍‌ଦ ସବେନ୍ ସାଅଁସାର୍ ହଡ଼କଆଃ କାଲିସିୟାରେନ୍ ହଡ଼କ ଇନ୍‌କିନାଃ ଧାନ୍ୟାବାଦ୍ ଏମ୍‌ତାନାକ । ୫ ଇନ୍‌କିନାଃ ଅଡଃରେ ହୁଣ୍ଡିଅଃତାନ୍ କାଲିସିୟାରେନ୍ ହଡ଼କକେୟଗି ଜହାର୍ ମେନ୍ତେଇଙ୍ଗ୍ କାଜିକତାନା । ଆଇଁୟାଃ ଦୁଲାଡ଼୍ ଗାତି ଏପାଇନେତୁସକେ ଆଇଁୟାଃ ଜହାର୍ ଉଦୁବାଲପେ । ଏସିଆ ପାର୍ଗାନ୍‌ରେ ଇନିଃ ହବାଅଃତାନାଏ ପାହିଲା ଖ୍ରୀଷ୍ଟ ବିଶ୍ୱାସୀ । ୬ ଆପେ ନାଗେନ୍ତେ ପୁରାଃଗି କାମିକାଦ୍ ମାରିୟାମ୍‌କେ ଆଇଁୟାଃ ଜହାର୍ ଉଦୁବାଲପେ । ୭ ଆନ୍ତ୍ରନିକସ୍ ଆଡଃ ୟୁନିୟାକେ ଆଇଁୟାଃ ଜହାର୍ କାଜିୟାକିନ୍‌ପେ । ନେ ବାରାନ୍‌କିନ୍ ଯିହୁଦୀ ତାନ୍‌କିନ୍ ଆଡଃ ଆଇଁୟାଃଲଃ ଜେହେଲ୍‌ରେକିନ୍ ତାଇକେନା । ଆଇଁୟାଃଏତେ ସିଦାରେ ଇନ୍‌କିନ୍ ଖ୍ରୀଷ୍ଟକେ ବିଶ୍ୱାସକାଇ ତାଇକେନାକିନ୍ ଆଡଃ କୁଲାକାନ୍‌କ ଇନ୍‌କିନ୍‌କେ ବୁଗିଲେକା ସାରିକାଦକିନାକ ।

୮ ପ୍ରାଭୁତାଃରେ ଆଇଁୟାଃ ଦୁଲାଡ଼୍ ଗାତି ଆମ୍‌ପ୍ରିୟାତୁସକେ ଜହାର୍ ଉଦୁବାଲପେ । ୯ ଖ୍ରୀଷ୍ଟଆଃ ସେଝାରେ ଆଇଁୟାଃଲଃ ମିସାତେ କାମିତାନ୍ ଉର୍ବାନସକେ ଆଡଃ ଆଇଁୟାଃ ଦୁଲାଡ଼୍ ଗାତି ସ୍ତ୍ରାଖ୍‌ୟକେ ହଗି ଜହାର୍ ଉଦୁବାକିନ୍‌ପେ । ୧୦ ଖ୍ରୀଷ୍ଟଆଃ ସେଝାରେ ମାଇନ୍ ନାମେନିଃ, ଆପେଲସକେ ଆଇଁୟାଃ ଜହାର୍ ଉଦୁବାଲପେ, ଆଡଃ ଆରିସ୍ତ୍ରୁଲ୍‌ଆଃ ଅଡଃରେନ୍ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୧ ଆଇଁୟାଃ ଆପ୍‌ନାଃ ହଡ଼କ ଯିହୁଦୀ, ହେରୋଦିୟାରେନ୍ ହଡ଼କ ଆଡଃ ନାକ୍ ସିଆଃ ଅଡଃରେନ୍ ପ୍ରାଭୁଆଃ ବିଶ୍ୱାସୀ ହାଗା ମିଶିକକେହଗି ଆଇଁୟାଃ ଜହାର୍ ଉଦୁବାକପେ ।

୧୨ ପ୍ରାଭୁଆଃ ସେଝାରେ ତାଇନଃତାନ୍ ତ୍ରିଫେନା ଆଡଃ ତ୍ରିଫୋସା ଆଡଃ ପ୍ରାଭୁଆଃ ନାଗେନ୍ତେ ପୁରାଃଗି କାମିତାନ୍ ଦୁଲାଡ଼୍ ପଗିସ୍, ନେ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୩ \*ପ୍ରାଭୁଆଃ ସାଲାକାନ୍ ଦାସି ରୁଫସ୍ ଆଡଃ ଇନିୟାଃ ଏଙ୍ଗାତେକେ ଆଇଁୟାଃ ଜହାର୍ ଉଦୁବାକିନ୍‌ପେ, ଇନିଃହଗି ଆଇଁୟାଃ ଏଙ୍ଗା ଲେକାଃଏ । ୧୪ ଆସୁଲ୍‌ଡ୍, ଫ୍ଲେଗୋନ୍, ହର୍ମିସ୍, ପାତ୍ରବାସ୍, ହାର୍‌ମେସ୍ ଆଡଃ ଇନ୍‌କୁଲଃ ତାଇନ୍‌ତାନ୍ ଏଟାଃ ସବେନ୍ ଖ୍ରୀଷ୍ଟିୟାନ୍ ହାଗାକକେ ଆଡଃ ମିଶିକକେ ଆଇଁୟାଃ ଜହାର୍ ଉଦୁବାକପେ । ୧୫ ଫିଲ୍‌ଲଗ୍ ଆଡଃ ଜୁଲିୟା, ନିରୁସ୍ ଆଡଃ ଇନିୟାଃ ମିଶି, ଆଡଃ ଅଲୁମ୍‌ନା ଆଡଃ ଇନ୍‌କୁଲଃ ତାଇନ୍‌ତାନ୍ ସବେନ୍ ପାର୍‌ମେଶ୍ୱାର୍‌ଆଃ ହଡ଼କକେ ଆଇଁୟାଃ ଜହାର୍ ଉଦୁବାକପେ । ୧୬ ଖ୍ରୀଷ୍ଟ ଦୁଲାଡ଼୍‌ତେ ମିହୁଡ୍ ଆଡଃମିହୁଡ୍‌ଲଃ ଜହାର୍‌ଃପେ । ଖ୍ରୀଷ୍ଟଆଃ ସବେନ୍ କାଲିସିୟା ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

ପାଉଲ୍‌ସ୍‌ଆଃ ବୁଣ୍ଡୁ କୁନିତୁ

୧୭ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିନ୍ତ୍ରିପେ ତାନା, ଅକ ହଡ଼କ ଆପେୟାଃ ବିଶ୍ୱାସକେ କାଜିକଟଙ୍ଗ୍ ନାଗେନ୍ତେକ ସାନାଙ୍ଗତାନା ଆଡଃ ତହଦଃ ଲେକାନ୍ କାମିକ ରିକାଏୟାଃ ଏନ୍ ଲେକାନ୍ ହଡ଼କତାଃଏତେ ଚିର୍ଗାଲାକାନ୍ ତାଇନ୍‌ପେ । ନେ'ଲେକାନ୍ ହଡ଼କ, ଆପେ ଅକ ଇନିତୁପେ ନାମାକାଦା, ଏନାରେୟାଃ

\* ୧୬:୩ ୧୬:୩ ପ୍ରେରିଡ୍ ୧୮:୨. \* ୧୬:୧୩ ୧୬:୧୩ ମାର୍କ ୧୫:୨୧.



ବିରୁଧରେକ ସେନାଃ । ଇନ୍ଦ୍ରକୃତାଃଏତେ ସାଞ୍ଜିନ୍ରେ ତାଇନ୍ଦେ । ୧୮ ଚିୟାଃଚି ନେ ହତକଦ ଆବୁଆଃ ଖ୍ରୀଷ୍ଟ୍ ପ୍ରାଭୁକେ କାକ ସେଝାଃଆ, ମେନ୍ଦ ଇନ୍ଦ୍ରୁ ଆକଆଃ ଆପ୍ନାଃ ସୁକୁ ନାଗେନ୍ତେକ କାମିୟାଃ । ଇନ୍ଦ୍ରୁ ଲେବେୟାନ୍ କାଜିତେ ଆତଃ ସୁଗାଡାନ୍ କାଜି ଜାଗାରକେଦତେ ହତକଆଃ ମନ୍କକେ ବେଦାଃକ । ୧୯ ମେନ୍ଦ ସୁକୁକାଜି ନାଗେନ୍ତେ ଆପେୟାଃ ପାତିୟାରରଃ ଲେକାନ୍ କାଜିକେ ସବେନ୍ ହତକ ସାରିକାଦାକ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ରାସକାଅଃତାନା । ଆଇଙ୍ଗ୍ ସାନାଙ୍ଗ୍ତାନାଇଙ୍ଗ୍, ଆପେ ସବେନ୍କ ବୁଗିନ୍ କାଜିକରେ ସେଣ୍ଟାନ୍ଠପେ ଆତଃ ଏଡକାନ୍ କାଜିକଏତେ ସାଞ୍ଜିନଃପେ । ୨୦ ଏନ୍ରେଦ, ଜୀଉସୁକୁ ଏମ୍ତାନ୍ ପାରମେଶ୍ୱାର ଜାଲ୍ଦିଗି ସାଏତାନ୍କେ ଆପେୟାଃ କାଟା ସୁବାରେ ରେସେଦିୟା । ଆବୁଆଃ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।\*

୨୧ ☆ଆଇଙ୍ଗ୍‌ୟାଃଲଃ କାମିତାନ୍ ତୀମଥ୍ ଆତଃ ଆବୁଆଃ ଯିହୁଦୀ ହାଗାକ, ଲୁକିୟ, ଯାସୋନ୍, ଆତଃ ସୋସିପାତ୍ର ଆପେ ସବେନ୍କକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୨ ଆଇଙ୍ଗ୍ ତଉର୍ ଯସ୍, ପାଉଲୁସ୍‌ଆଃ ନାଗେନ୍ତେ ନେ ଚିଟାଉ ଅଲ୍‌କୁଲ୍‌କେଦତେ ପ୍ରାଭୁଆଃ ନୁତୁମ୍ରେ ଆପେକେଇଙ୍ଗ୍ ଜହାର୍‌ପେତାନା ।

୨୩ ☆ଆଇଙ୍ଗ୍‌କେ ସୁସାରକାଦିଙ୍ଗ୍ ଗାୟସ୍, ଅକଏୟାଃ ଅଡ଼ାଃରେଚି କାଲିସିୟାରେନ୍ ପୁରା ହତକ ହୁଣ୍ଡିୟତାନା ଆତଃ ନେ ସାହାରରେନ୍ ଖାଜାନ୍‌ଚି ଏରାଷ୍ଟ୍ ଆତଃ କ୍ୱାର୍‌ତୁସ୍ ନୁତୁମ୍ ହାଗାହଗି ଆପେକେ ଜହାର୍ ମେନ୍ତେ କାଜିକୁଲ୍‌କାଦା । ୨୪ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।†

ବିକ୍ରି ଆତଃ ମାନାରାଙ୍ଗ୍‌ଲଃ ଚିଟାଉରାଃ ଚୁଣ୍ଡୁ

୨୫ ହିଜୁଃପେ, ପାରମେଶ୍ୱାର୍‌ଆଃ ମାନାରାଙ୍ଗ୍‌ବୁ ରିକାୟା, ଆଇଙ୍ଗ୍ ଉଦୁବେତାନ୍ ଯୀଶୁ ଖ୍ରୀଷ୍ଟ୍‌ଆଃ ବିଷାଏରେୟାଃ ସୁକୁକାଜି ଲେକାତେ ଆତଃ ଜାନାଅ ଜାନାଅହେତେ ଉକୁଆକାନ୍ ସାନାର୍‌ଚି ଲେକାତେ ଆପେ ଆପେୟାଃ ବିଶ୍ୱାସରେ ତିଙ୍ଗୁକେଟେୟଃ ଲେକା ଇନ୍ଦିଃ ଆପେକେ ବାଇ ଦାଡ଼ିୟାପେୟା । ୨୬ ମେନ୍ଦ ଏନ୍ ଉକୁଆକାନ୍ ସାନାର୍‌ଚି ସବେନାଃ ନାବାକଆଃ ଅନଲ୍ ହରାତେ ଉଦୁବାକାନା, ଆତଃ ଏନାଦ ନାହ୍‌ଠ ଜାନାଅ ଜାନାଅରେନ୍ ପାରମେଶ୍ୱାର୍‌ଆଃ ହରାତେ ସବେନ୍ ହତକ ଥାଲାରେ ଉଦୁବଃତାନା । ନେଆଁ ହରାତେ ସବେନ୍କ ବିଶ୍ୱାସକେଦତେ ପାରମେଶ୍ୱାର୍‌ଆଃ କାଜି ମାନାତିଙ୍ଗ୍‌ତାନ୍ ହତକ ହବା ଦାଡ଼ିୟଃଆ । ୨୭ ଯୀଶୁ ଖ୍ରୀଷ୍ଟ୍‌ଆଃ ହରାତେ ସବେନ୍ ସେଣ୍ଟାନ୍ ମିଆଁଦ୍‌ଗି ପାରମେଶ୍ୱାର୍‌ଆଃ ମାଇନାନ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

\* ୧୭:୨୦ 16:20 ନେ ବାଚାନ୍ ଚିମିନ୍ ମାରି ଅନଲ୍‌କରେ ବାନଃଆ ☆ ୧୭:୨୧ ୧୭:୨୧ ପ୍ରେରିଡ୍ ୧୭:୧.  
 ☆ ୧୭:୨୩ ୧୭:୨୩ ପ୍ରେରିଡ୍ ୧୯:୨୯; ୧ କରିଲ୍ଲିୟ ୧:୧୪; ୨ ତିମଥ୍ ୪:୨୦. † ୧୭:୨୪ 16:24 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

# କବିଚ୍ଛିନ୍ଦୀୟମାନଙ୍କ ନିକଟକୁ ପାଠଲକ୍ଷ୍ୟ ପ୍ରଥମ ପତ୍ର କବିଚ୍ଛିନ୍ଦୀୟ ବିଶ୍ୱାସୀକତାଃତେ ପ୍ରେରିତ୍ ପାଠଲକ୍ଷ୍ୟଆଃ ପାହିଲା ଚିଟାଉ ପାରିଟାଏ

କବିଚ୍ଛି କାଳିସିନ୍ଦୀୟାତେ ପ୍ରେରିତ୍ ପାଠଲକ୍ଷ୍ୟଆଃ ପାହିଲା ଚିଟାଉ, ନେଆଁ ଖ୍ରୀଷ୍ଟତାୟମ୍ ୫୫ କରେ ଅଲ୍ଲକାନ୍ ତାଇକେନା ୧:୧ । କବିଚ୍ଛି କାଳିସିନ୍ଦୀୟାତେ ପ୍ରେରିତ୍ ପାଠଲକ୍ଷ୍ୟ ଅଲ୍ଲକାନ୍ଦ୍ ବାରିଆ ଚିଟାଉହେତେ, ନେଆଁ ହବାଅଃତାନା ପାହିଲା ଚିଟାଉ । ହବାସାକାଅଃ ତାନା, ଇନିଃ ଏଫିସୁସ୍ରେ ତାଇନ୍ ଇମ୍ତା ନେ ଚିଟାଉ କବିଚ୍ଛି କାଳିସିନ୍ଦୀୟାକେ ଅଲ୍ଲକାନ୍ଦ୍ ତାଇକେନା । ମାକିଦନିଆହେତେ କବିଚ୍ଛିତେ ହରାସେନ୍ ନାଜ୍ ମନେକାନ୍ଦ୍ ତାଇକେନ୍ ସିଦାରେଗି ଅଲ୍ଲକାନ୍ଦ୍ ତାଇକେନା ୧୨:୫-୯ ।

ପ୍ରେରିତ୍ ପାଠଲକ୍ଷ୍ୟ ନେ ଚିଟାଉରେ କାଳିସିନ୍ଦୀୟା ଆଲାରେ ହବାଅଃତାନ୍ ବିନ୍‌ଗାଅ ଆତଃ ହତ୍‌ମରେୟାଃ ଏଡ୍‌କାନ୍ ସାନାଜ୍ କାମିକଲଃ ଏଟାଃ ଏଟାଃ ଏଡ୍‌କାନ୍ କାମିକ ହବାଅଃତାନ୍ ବିଷାଏରେ କାଳିସିନ୍ଦୀୟାରେନ୍ ହତ୍‌କତାଃଏତେ ଆୟୁମ୍‌କେଦ୍‌ତେ ଇନ୍‌କୁକେ କାଜିରୁହାଡ୍ ନାଗେନ୍ତେ ଇନିଃ ଧ୍ୟାନ୍ ଏମ୍‌ତାଇକେନାଏ । କବିଚ୍ଛି ସାହାର୍, ହତ୍‌ମରେୟାଃ ଏଡ୍‌କାନ୍ ସାନାଜ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଳିସିନ୍ଦୀୟା ନେ ଲେକାନ୍ ଏଡ୍‌କାନ୍ କାମିରେ ଉୟୁଗଃତାନା, ଏନାରେ ଆକ୍‌ଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କବିଚ୍ଛିନ୍ଦୀୟ ଦୁଲାଡ୍, ବିଷାଏରେ ମିଆଁଦ୍ ପୁରାଃ ମାରାଜ୍ ହିସାତାନାଃ ।

### ପୁଅ ଉତ୍ତରରେ ତାଇକାନ୍ କାଜି

- ୧. ପାଠଲକ୍ଷ୍ୟ କବିଚ୍ଛିରେନ୍‌କକେ ଜହାର୍ ଉଦ୍‌ବୁତାନାଏ ଆତଃ ଇନ୍‌କୁ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଇତାନାଏ । ୧:୧-୯
- ୨. ପାଠଲକ୍ଷ୍ୟ କବିଚ୍ଛି କାଳିସିନ୍ଦୀୟାହେତେ ନାମାକାଦ୍ କାଳିସିନ୍ଦୀୟା ବିନ୍‌ଗାଅ ବିଷାଏରେ ଇନ୍‌ତୁ ଏମାଃଏ । ୧:୧୦-୪:୨୧
- ୩. ଏଟାଃତେୟାଃ ଇନିଃ ହତ୍‌ମରେୟାଃ ଏଡ୍‌କାନ୍ ସାନାଜ୍ କାମି ଆତଃ ମିହୁଡ୍ ଆତଃମିହୁଡ୍‌କେ କାଚାଈରେତେ ଇଦି ବିଷାଏରେ ଅଲ୍ଲକାଦା । ୫-୬
- ୪. ଆଣ୍‌ଦି ବିଷାଏ, ମୁରୁଡ୍ ନାଗେନ୍ତେ ଦାଣ୍‌ ରାକାବ୍, ମିଦ୍‌ଝୁଣ୍‌ରେ ସେଞ୍ଜା, ପାବିତାର୍‌ରାଃ ବାର୍‌ଦାନ୍ ଆତଃ ଜୀଉବିନିରିଦ୍ ବିଷାଏରେ ଅଲ୍ଲକାଦା । ୭-୧୫
- ୫. ଚୁଣ୍‌ଚୁରେ ଇନିଃ ଚିମିନ୍ ଲାଗାତିଜ୍ କାଜିକ ଆତଃ ଆପ୍‌ନାଃ ବିଷାଏରେ ଅଲ୍ଲକେଦ୍‌ତେ ଚୁଣ୍‌ଚୁକଦା । ୧୬

୧ ପାର୍‌ମେଶ୍ୱାର୍‌ଆଃ ମନେଲେକାତେ ଯାଗୁ ଖ୍ରୀଷ୍ଟଆଃ କୁଲାକାନ୍‌ନିଃ ଲେକା ସାଲାକାନ୍, ଆଇଜ୍ ପାଠଲକ୍ଷ୍ୟ ଆତଃ ଆବୁଆଃ ହାଗା ସସ୍ତ୍ରିନା,

୨ \*ଆଲେ କବିଚ୍ଛି ନାଗାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଳିସିନ୍ଦୀୟାତେ ନେ ଚିଟାଉଲେ ଅଲେତାନା ଅକନ୍‌କ ପାର୍‌ମେଶ୍ୱାର୍‌ଆଃ ପାବିତାର୍ ହତ୍ ହବାଅଃ ନାଗେନ୍ତେକ ସାଲାକାନା, ଆତଃ ଯାଗୁ ଖ୍ରୀଷ୍ଟଲିଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ହବାକାନାକ, ଆତଃ ସବେନ୍‌ସାଃରେ ଆବୁଆଃ ପ୍ରାଭୁ ଯାଗୁ ଖ୍ରୀଷ୍ଟକେକ ସେଞ୍ଜାତାନା ।

୩ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯାଗୁ ଖ୍ରୀଷ୍ଟ ଇନ୍‌କୁ ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

\* ୧:୨ ୧:୨ ପ୍ରେରିତ୍ ୧୮:୧.

ୟୀଶୁ ଖ୍ରୀଷ୍ଟଆଃ ହରାତେ ଆଶିଷ

୪ ଚିୟାଃତି ଆପେ ଯୀଶୁ ଖ୍ରୀଷ୍ଟଲଃ ମେସାକାନ୍ ହରାତେ ଆତଃ ପାର୍ମେଶ୍ଵାର୍ ଆପେକେ ସାୟାଦ୍ ଏମାକାଦ୍ପେ ନାଗେନ୍ତେ, ଆଇଙ୍ଗ୍ ପାର୍ମେଶ୍ଵାର୍‌କେ ସବେନ୍ ଇମ୍ତା ଧାନ୍ୟାବାଦ୍ ଏମାଇ ତାନାଇଙ୍ଗ୍ । ୫ ଚିୟାଃତି ଯୀଶୁ ଖ୍ରୀଷ୍ଟଲଃ ମେସାକାନ୍ ହରାତେ ଆପେ ସବେନ୍ ବିଷାଏରେୟାଃ ଇନିତୁରେ ଆତଃ ସେଣ୍ଠାରେ କିସାଣ୍‌କାନାପେ । ୬ ଯୀଶୁ ଖ୍ରୀଷ୍ଟ ବିଷାଏରେୟାଃ ଗାଞ୍ଜା କାଜି ଆପେତାଃରେ ପୁରାଃତେ ପକ୍ତାକାନା । ୭ ଏନାମେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟଆଃ ଉନୁଦୁବଃ ଇମ୍ତାକେ ତାଜିତାନ୍ ଇମ୍ତା ଆପେୟାଃ ଜେତାନ୍ ଆମିକ୍ ବାର୍ଦାନରେ କାପେ ଜାଞ୍ଜିକାନା । ୮ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନିଦୁଃ ହୁଲାଇଙ୍ଗ୍ରେ, ଆପେ ଆଲକାପେ ଚିଟାଅଃଆ, ମେନ୍ତେ ଇନିଃହରି ଆପେକେ ଚୁଣ୍ଡୁ ଜାକେଦ୍ ଯାତ୍ନାଅପେୟାଏ । ୯ ପାର୍ମେଶ୍ଵାର୍ ଆୟାଃ ହନ୍ ପ୍ରାଭୁ ଯୀଶୁ ଖ୍ରୀଷ୍ଟଲଃ ମେନେସାଅଃ ନାଗେନ୍ତେ ଆରୁକେ କେତାକାଦ୍‌ରୁଆ, ଇନିଃ ପାତିୟାଃରଃ ଲେକାନ୍‌ନିଃ ତାନିଃ ।

କାଲିସିୟାରେ ବିନ୍‌ଗାଅ

୧୦ ହେ ହାଗା ମିଶିକ, ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁତୁମ୍ତେ ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ଜାଗାର୍‌ତାନ୍ ଇମ୍ତା ମିଦ୍‌ମନ୍‌ତେଗି ଜାଗାରେପେ । ଏନାରେ ଆପେ ଆଲ୍‌ରେ ଜେତାନ୍ ବିନ୍‌ଗାଅ କା ହବାଅଃଆ, ଆତଃ ମିଦ୍ ମନ୍, ମିଦ୍ ଉଡ଼୍‌ସୁରେ ପକ୍ତାକେଦ୍‌ତେ ମେସାଅଃପେ । ୧୧ ହେ ହାଗା ମିଶିକ, ଆପେ ଆଲ୍‌ରେ କାପ୍‌ଜି ହବାଅଃତାନା ମେନ୍ତେ ଖୁୟୀଆଃ ଅଡ଼ାଃରେନ୍ ଚିମିନ୍‌ଝାନ୍ ହଡକ ଆଇଙ୍ଗ୍‌କେକ ଉଦୁବ୍‌କାଦିୟା । ୧୨ \*ଆଇଁୟାଃ ଉଡ଼୍‌ସୁରେ, ଆପେକଏତେ ଚିମିନ୍ ହଡକ କାଜିୟାଃ, “ଆଲେ ପାଉଲୁସ୍‌କେଲେ ଅତଙ୍ଗ୍‌ଇତାନା,” ଆତଃ ଚିମିନ୍‌କ କାଜିୟାଃ, “ଆଲେ ଆପୋଲୋକେଲେ ଅତଙ୍ଗ୍‌ଇତାନା,” ଆତଃ ଚିମିନ୍‌କ କାଜିୟାଃ, “ଆଲେ ପାଡ଼ରାସ୍‌କେଲେ ଅତଙ୍ଗ୍‌ଇତାନା,” ଆତଃ ଚିମିନ୍‌କ କାଜିୟାଃ, “ଆଲେ ଖ୍ରୀଷ୍ଟକେଲେ ଅତଙ୍ଗ୍‌ଇତାନା ।” ୧୩ ଖ୍ରୀଷ୍ଟ ଚିନାଃ ହିସାକାନାଏ ? ଆପେ ନାଗେନ୍ତେଚି ପାଉଲୁସ୍ କୁଶ୍‌ରେ କିଲକାନ୍ ତାଇକେନା ? ତାଏ ଆପେଚି ପାଉଲୁସ୍ ନୁତୁମ୍ତେପେ ବାପ୍ତିସ୍ମାକାନ୍ ତାଇକେନା ?

୧୪ \*ପାର୍ମେଶ୍ଵାର୍‌ଆଃ ଧାନ୍ୟାବାଦ୍ ହବାଅଃକା, ଆଇଙ୍ଗ୍ କ୍ରୀଷ୍ଟସ୍ ଆତଃ ଗାୟସକେ ବାଗିକେଦ୍‌ତେ ଆପେଏତେ ଜେତାଏକେ ବାପ୍ତିସ୍ମା କାଇଙ୍ଗ୍ ଏମ୍ । ୧୫ ଏନାତେ ଆପେ ଆଇଁୟାଃ ନୁତୁମ୍ତେ ବାପ୍ତିସ୍ମାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା । ୧୬ \*ହେଗି, ଆଇଙ୍ଗ୍, ସ୍ତ୍ରୀମାନ୍ ଆତଃ ଆୟାଃ ଅଡ଼ାଃରେନକକେ ବାପ୍ତିସ୍ମା ଏମାକାଦ୍‌କଆଇଙ୍ଗ୍, ଆତଃ ଏଟାଃକକେ ବାପ୍ତିସ୍ମା ଏମାକାଦ୍‌କଆଇଙ୍ଗ୍ ମେନ୍ତେ ଆଇଙ୍ଗ୍ କାଇଙ୍ଗ୍ ପାହାମେତାନା । ୧୭ ଚିୟାଃତି ବାପ୍ତିସ୍ମା ଏମ୍ ନାଗେନ୍ତେ ଖ୍ରୀଷ୍ଟ ଆଇଙ୍ଗ୍‌କେ କାଏ କୁଲ୍, ମେନ୍‌ଦ ସୁକ୍ତକାଜି ଉଦୁବ୍ ନାଗେନ୍ତେ କୁଲକାଦିୟା; ଏନାହଗି କୁଶ୍ ଚେତାନ୍‌ରେ ଯୀଶୁ ଖ୍ରୀଷ୍ଟଆଃ ଗନଏଃ ଆଲକା ସାମାଏଶ୍ଵାଗଃକା ମେନ୍ତେ ମାନଞ୍ଜାକଆଃ ସେଣ୍ଠାରେୟାଃ କାଜି ଲେକାତେ କା ହବାକାନା ।

ପାର୍ମେଶ୍ଵାର୍‌ଆଃ ସେଣ୍ଠା ଆତଃ ପେଡ଼େଃ ଖ୍ରୀଷ୍ଟ ତାନିଃ

୧୮ ଜିୟନଃତାନ୍ ହଡକ ନାଗେନ୍ତେ କୁଶ୍ ଚେତାନ୍‌ରେ ଖ୍ରୀଷ୍ଟଆଃ ଗନଏଃରାଃ କାଜି ମୁରୁଖ୍ କାଜି ତାନାଃ, ମେନ୍‌ଦ ଜୀଉ ବାଞ୍ଚାଅ ନାମେତାନ୍ ହଡକ, ଆରୁଆଃ ନାଙ୍ଗ୍ ନେଆଁ ପାର୍ମେଶ୍ଵାର୍‌ଆଃ ପେଡ଼େଃ ତାନାଃ । ୧୯ ଧାର୍ମାପୁଥ୍‌ରେ ଅଲକାନା, “ଆଇଙ୍ଗ୍ ସେଣ୍ଠାନ୍ ହଡକଆଃ ସେଣ୍ଠା ଜିୟନେୟାଇଙ୍ଗ୍,

\* ୧:୧୨ ୧:୧୨ ପ୍ରେରିଡ୍ ୧୮:୨୪. \* ୧:୧୪ ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରୋମି ୧୭:୨୩.  
\* ୧:୧୭ ୧:୧୭ ୧ କବିଚ୍ଛିନ୍ଦ ୧୭:୧୫.

ବୁଦ୍ଧିମାନ ହୃଦକଥାଃ ବୁଦ୍ଧିକେଇଙ୍ଗ ଗେନାଆତମେୟା ।”

୨୦ ନେ ପାରିତ୍ୟରେନ୍ ସେଣାନ୍ ହୃଦକ, ବୁଦ୍ଧିମାନ ହୃଦକ, ଚାଏ ଆଇନ୍ ଇତ୍ତୁକ କତେରେକଥା ? ପାର୍ମେଶ୍ଵର ନେ ଅତେଦିଶୁମ୍ରେୟାଃ ସେଣାକେ ତଣ୍ଡ ତାନାଃ ମେନ୍ତେ କାଏତି ଉଦୁବକାଦା ?

୨୧ ଚିନ୍ତାଃଚି ପାର୍ମେଶ୍ଵର ଆୟାଃ ପୁରାଃ ସେଣାତେ ଉହାଟ୍ଟକାଦ୍ ତାଇକେନା ଚି, ଅତେଦିଶୁମ୍ରେନ୍ ହୃଦକ ଆକଥାଃ ସେଣାତେ ପାର୍ମେଶ୍ଵରକେ ଆଲକାକ ସାରି ଦାଡ଼ିକା, ଆବୁ ଉଦୁବତାନ୍ ସୁକୁକାଜିକେ ତଣ୍ଡ ମେନ୍ତେ କାଜିୟଃତାନା, ଏନ୍ ସୁକୁକାଜିରେ ବିଶ୍ଵାସେତାନ୍ ହୃଦକକେ ବାଞ୍ଛାଅକ ନାଗେନ୍ତେ ପାର୍ମେଶ୍ଵର ମନେକେଦାଏ । ୨୨ ଯିହୁଦୀ ହୃଦକ ପେଡେୟାନ୍ ଚିହ୍ନାକ ଦାଣା, ଆତଃ ଗ୍ରୀକ୍ ହୃଦକ ସେଣାକ ନାମବାଡ଼ାଃ, ୨୩ ମେନ୍ଦ ଦ ଆଲେ କୁଶ୍ରେ କିଲକାନ୍ ଯୀଶୁ ଖ୍ରୀଷ୍ଟକେଲେ ଉଦୁବତାନା । ନେ କାଜି ଯିହୁଦୀ ହୃଦକ ନାଗେନ୍ତେ ତହଦଃ ଲେକାନାଃ ତାନାଃ ଆତଃ ସାଅଁସାର୍ ହୃଦକ ନାଗେନ୍ତେ ମୁରୁଖ୍ ଲେକାନାଃ ତାନାଃ, ୨୪ ମେନ୍ଦ ଯିହୁଦୀ ହବାଃ ଚାଏ ସାଅଁସାର୍, ପାର୍ମେଶ୍ଵର କେଡାକାଦ୍ ସବେନ୍ଦ ନାଗେନ୍ତେ ଯୀଶୁ ଖ୍ରୀଷ୍ଟ ହବାଃ ତାନାଏ, ପାର୍ମେଶ୍ଵରଆଃ ପେଡେଃ ଆତଃ ସେଣା । ୨୫ ଚିନ୍ତାଃଚି ଅକ୍ନାଃ ପାର୍ମେଶ୍ଵରଆଃ ମୁରୁଖ୍ ବିଷାଏ ମେନ୍ତେ ଉଡ଼ଗୁଃ ତାନା, ଏନା ମାନଃ ସେଣାଏତେ ପୁରାଃ ସେଣାନ୍ଗିଆ । ଆତଃ ଅକ୍ନାଃ ପାର୍ମେଶ୍ଵରଆଃ କା ପେଡେୟାନ୍ ବିଷାଏ ମେନ୍ତେ ଉଡ଼ଗୁଃ ତାନା, ଏନା ମାନଃପରାଃ ପେଡେଃହେତେ ପୁରାଃଚି ପେଡେୟାନ୍ଗିୟା ।

୨୬ ହେ ହାଗା ମିଶିକ, ପାର୍ମେଶ୍ଵର ଆପେକେ କେଡାକେଦ୍ପେ ଇମ୍ତା ଆପେ ଚିଲକାପେ ତାଇକେନା, ଏନା ପାହାମେପେ । ଅତେଦିଶୁମ୍ ଲେକାତେ ଆପେକଏତେ ଚିମିନ୍ ଝାନ୍ ହୃଦକ ସେଣାନ୍ କାପେ ତାଇକେନା, ପୁରାଃ ପେଡେୟାନ୍ କାପେ ତାଇକେନା, ଆତଃ ମାରାଙ୍ଗ୍ ଅଡ଼ାଃରେନ୍ କାପେ ତାଇକେନା । ୨୭ ପାର୍ମେଶ୍ଵର ସେଣାନ୍ ହୃଦକକେ ଗିହୁଃଇତିକ ନାଗେନ୍ତେ ଅତେଦିଶୁମ୍ ଲେକାତେ କା ସେଣାନ୍ ହୃଦକକେ ସାଲାକେଦକଥା ଆତଃ ପେଡେୟାନ୍ ହୃଦକକେ ଗିହୁଃଇତିକ ନାଗେନ୍ତେ ଅତେଦିଶୁମ୍ରେ କା ପେଡେୟାନ୍ ହୃଦକକେ ସାଲାକେଦକଥା । ୨୮ ଅତେଦିଶୁମ୍ ଲେକାତେ ଅକ୍ନାଃ ଲାଗାତିଙ୍ଗତେୟାଃ ତାନାଃ, ଏନାକେ ଜିୟନେ ନାଗେନ୍ତେ ଅତେଦିଶୁମ୍ରେ ହିନିସା, ହିଲାଙ୍ଗ୍ଘେ ଆତଃ ମୁରୁଖ୍ ବିଷାଏକକେ ପାର୍ମେଶ୍ଵର ସାଲାକେଦାଏ । ୨୯ ନେଆଁତେ ସାରିୟଃତାନା, ପାର୍ମେଶ୍ଵରଆଃ ଆୟାର୍ରେ ଜେତା ହୃଦ ଆପାନ୍କେ ମାରାଙ୍ଗ୍ଘେନ୍ କାଏ ଦାଡ଼ିୟା । ୩୦ ମେନ୍ଦ ପାର୍ମେଶ୍ଵର ଆପେକେ ଯୀଶୁ ଖ୍ରୀଷ୍ଟଲଃ ମେସାକାଦପେଥାଏ ଆତଃ ଏନ୍ ଯୀଶୁ ଖ୍ରୀଷ୍ଟକେୟ ଆବୁଆଃ ସେଣା ଲେକାଏ ବାଇକିୟା । ଆୟାଃ ହରାତେ ପାର୍ମେଶ୍ଵରଲଃ ଆବୁଆଃ ସାର୍ତି ନାତା ହବାକାନା, ଆବୁ ପାର୍ମେଶ୍ଵରଆଃ ଧାର୍ମାନ୍ ଆତଃ ପାବିତାର୍ ହୃଦ ହବାକେଦ୍ପେ ମୁକ୍ତିବୁ ନାମାକାଦା । ୩୧ ଏନାତେ ଧାରାମ୍ପୁଥିରେ ଅଲକାନା, “ଜେତାଏ ଆପାନ୍କେ ମାରାଙ୍ଗ୍ଘେନ୍ ରିକା ନାଗେନ୍ତେ ସାନାଙ୍ଗ୍ତାନନିଃ, ପ୍ରାଭୁ କାମିକାଦ୍ କାମି ନାଗେନ୍ତେ ଏସକାର୍ ଇନିଃ ଆପାନ୍କେ ମାରାଙ୍ଗ୍ଘେନ୍କାଏ ।”

୨

କୁଶ୍ରେ କିଲକାନ୍ ଯୀଶୁ ଖ୍ରୀଷ୍ଟଆଃ ବିଷାଏରେୟାଃ କାନାଜି

୧ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ପାର୍ମେଶ୍ଵରଆଃ ଉକୁଆକାନ୍ ସାର୍ତିକାଜି ଉଦୁବ୍ ନାଗେନ୍ତେଇଙ୍ଗ୍ ସେନାକାନ୍ ତାଇକେନ୍ରେ, ମାପରାଙ୍ଗ୍ କାଜି ଆତଃ ପୁରାଃ ଇତ୍ତୁକାନ୍ ଲେକା କାଇଙ୍ଗ୍ ଉଦୁବ୍ । ୨ ଆଇଙ୍ଗ୍ ଆପେଲଃ ତାଇକେନ୍

ଇମ୍ପତା, ଯୁଗ୍ମ ଶ୍ରୀଷ୍ଟ ଆତ୍ମ ଆୟାଃ କୁଶ୍ମରେୟାଃ ଗନ୍ଧଃ ବାଗିକେଦତେ ଏତାଃ  
 ଜେତାନ୍ ବିଷାଏ ସାରି ନାଗେନ୍ଦ୍ରେ କାଈକ୍ଷ୍ ଉଡ଼଼ୁକେଦା । ୩ ଏନାତେ ଆଇକ୍ଷ୍  
 ଆପେତାଃତେ ହିନ୍ଦୁଃୟାନ୍ ଇମ୍ପତା, କା ପେଡ଼େୟାନ୍, ଆତ୍ମ ବରତେ ଏକ୍ଲାଅଃତାନ୍  
 ତାଇକେନାଇକ୍ଷ୍ । ୪ ଆଇୟାଃ ଇନିତୁ ଆତ୍ମ କାନାଜି, ମାନଝାରାଃ ସେଣ୍ଟି ଲେକାତେ  
 କା ଉଦୁବକାନା, ମେନ୍ଦ ପାର୍ମେଶ୍ଵାର୍ଆଃ ଆମ୍ବା ଆତ୍ମ ପେଡ଼େରେୟାଃ ସାର୍ତି  
 ପ୍ରାମାଣ୍ଡେ ଉଦୁବକାନ୍ ତାଇକେନା । ୫ ଆପେୟାଃ ବିଶ୍ଵାସ୍ ମାନଝାରାଃ ସେଣ୍ଟି  
 ଲେକାତେ କା ହବାକାନା, ମେନ୍ଦ ପାର୍ମେଶ୍ଵାର୍ଆଃ ପେଡ଼େତେ ହବାକାନା ।

ପାର୍ମେଶ୍ଵାର୍ଆଃ ସେଣ୍ଟି

୬ ହଲେହ୍ ଆଇକ୍ଷ୍ ପାବିତାର୍ ଆମ୍ବାତେ ପକ୍ତାକାନ୍ ହଡ଼କତାଃରେ ସେଣ୍ଟିନ୍  
 କାଜିକ୍ଷ୍ ଉଦୁବକାଦା । ମେନ୍ଦ ନେ ସେଣ୍ଟି ନେ ଅତେଦିଶ୍ଵମ୍ରେୟାଃ ସେଣ୍ଟି  
 ନାହ୍ଣାୟାଃ, ଚାଏ ନେ ଅତେଦିଶ୍ଵମ୍ରେନ୍ ହାକିମ୍କଆଃ ଜିୟନଃ ସେଣ୍ଟି ନାହ୍ଣାୟାଃ  
 । ୭ ଆଇକ୍ଷ୍ ପାର୍ମେଶ୍ଵାର୍ଆଃ ଉକ୍ଷୁଆକାନ୍ ସେଣ୍ଟିକେଇକ୍ଷ୍ ଉଦୁବତାନା, ଅକନ୍  
 ସେଣ୍ଟି ମାନଝାତାଃଏତେ ଉକ୍ଷୁଆକାନା, ମେନ୍ଦ ଆରୁଆଃ ମାନାରାକ୍ଷ୍ ନାଗେନ୍ଦ୍ରେ  
 ଅତେଦିଶ୍ଵମ୍ ବାଇୟାନ୍ ସିଦାରେ ପାର୍ମେଶ୍ଵାର୍ ଏନାକେ ସାଲ୍ଲାକାଦ୍ ତାଇକେନା  
 । ୮ ନେ ଅତେଦିଶ୍ଵମ୍ରେନ୍ ହାକିମ୍କଏତେ ଜେତା ହଡ଼ ନେ ସେଣ୍ଟିକେ କାକ  
 ସାରିୟାକାଦ୍ ତାଇକେନା । ଇନ୍ଦ୍କୁ ଏନାକେ ସାରିକାତେତେୟାଃକ ହଲେ,  
 ମାନାରାକ୍ଷ୍ରେନ୍ ପ୍ରାଭୁକେ କୁଶ୍ମରେ କାକ କିଲ୍ଲାଇତେୟାଃ । ୯ ଜେ'ଲେକାଗି,  
 ଧାରାମ୍ପୁଥ୍ରେ ଅଲ୍ଲାକାନା,

“ଅକ୍ନାଃ ଜେତାଏ ଜେତ୍ନାଃ କାକ ନେଲ୍ ଚାଏ କାକ ଆୟୁମ୍,  
 ଅକ୍ନାଃ ହବାଅଃରେୟାଃ ଜେତାଏ ମନ୍ସୁରୁଦ୍ରେ କାକ ଉଡ଼଼ୁକାଦ୍  
 ତାଇକେନା,  
 ଆଇଃକ୍କେ ଦୁଲ୍ଲାଡ଼୍ତାନ୍ ହଡ଼କ ନାଗେନ୍ଦ୍ରେ ପାର୍ମେଶ୍ଵାର୍ ଏନାକେ  
 ସେକାଡ଼ାକାଦା ।”

୧୦ ମେନ୍ଦ ପାର୍ମେଶ୍ଵାର୍ ଆୟାଃ ଆମ୍ବା ହରାତେ ଆବୁକେ ନେ ଉକ୍ଷୁଆକାନ୍  
 ବିଷାଏକେ ଉଦୁବକାଦ୍ବୁଆ । ଏନ୍ ଆମ୍ବାଗି ପାର୍ମେଶ୍ଵାର୍ଆଃ ଉକ୍ଷୁଆକାନ୍ ଇକିର୍  
 ବିଷାଏକ ସବେନାଃ ଦାଣ୍ଟାଏ । ୧୧ ହଡ଼ରାଃ ଆମ୍ବା, ହଡ଼ରାଃ ସବେନ୍ ବିଷାଏରେ  
 ସାରିୟା, ଏନ୍ଲେକାଗି, ପାର୍ମେଶ୍ଵାର୍ଆଃ ଆମ୍ବା ଏସକାର୍, ପାର୍ମେଶ୍ଵାର୍ଆଃ  
 ସବେନ୍ ବିଷାଏରେ ସାରିୟା । ୧୨ ଆବୁ ଅତେଦିଶ୍ଵମ୍ରେନ୍ ଆମ୍ବାକେ କାରୁ ନାମ୍ ।  
 ମେନ୍ଦ ପାର୍ମେଶ୍ଵାର୍ ଏମାକାଦ୍ ସବେନ୍ ବିଷାଏ ସାରି ନାଗେନ୍ଦ୍ରେ ପାର୍ମେଶ୍ଵାର୍  
 କୁଲ୍ଲାଇ ଆମ୍ବାକେବୁ ନାମ୍କିୟା ।

୧୩ ଏନାତେ, ଆମ୍ବାରେନ୍ ହଡ଼କତାଃରେ ଆମ୍ବାରାଃ ସାନାର୍ତି ଉଦୁବ ଇମ୍ପତା  
 ଆବୁ ଅତେଦିଶ୍ଵମ୍ରେୟାଃ ସେଣ୍ଟି ଲେକା କାରୁ ଉଦୁବାଃ, ମେନ୍ଦ ପାବିତାର୍  
 ଆମ୍ବାରାଃ ଇନିତୁ ଲେକାତେ ଏନ୍ ସାନାର୍ତିକେବୁ ଉଦୁବାଃ । ୧୪ ଜେତାଏତାଃରେ  
 ପାର୍ମେଶ୍ଵାର୍ଆଃ ଆମ୍ବା ବାନଆଃ, ଇନିଃ ପାର୍ମେଶ୍ଵାର୍ତାଃତେ ହିନ୍ଦୁଃ ବାର୍ଦାନକେ  
 କାଏ ନାମ୍ ଦାଡ଼ିୟା । ଏନ୍ ଲେକାନ୍ ହଡ଼ ନେ ବାର୍ଦାନକକେ କାଏ ଆଟ୍‌କାର୍‌ଉରୁମ୍  
 ଦାଡ଼ିୟା । ନେଆଁକ ଇନିଃ ନାଗେନ୍ଦ୍ରେ କା ସାରିତାନ୍ ଲେକାନାଃ ତାନାଃ, ଚିୟାଃତି ଏନ୍  
 ସବେନାଃକେ ଆମ୍ବାକେ ଲେକାତେ ବିଚାରଃଆ । ୧୫ ଜେତାଏତାଃରେ ପାର୍ମେଶ୍ଵାର୍ଆଃ  
 ଆମ୍ବା ମେନାଃ, ଇନିଃ ସବେନ୍ ବିଷାଏରେୟାଃ ବୁଗିନାଃଗି ବିଚାରେୟା, ମେନ୍ଦ  
 ଇନିଃକେ ଜେତାଏ କାକ ବିଚାର୍ ଦାଡ଼ିୟା । ୧୬ ଧାରାମ୍ପୁଥ୍ରେ ଅଲ୍ଲାକାନ୍ ଲେକାଗି,  
 “ଅକ୍‌ଏ ପ୍ରାଭୁଆଃ ମନ୍ ସାରିୟାଏ ?  
 ଅକ୍‌ଏ ଇନିଃକେ ଇତୁ ଦାଡ଼ିୟା ?”

୨:୩ ୨:୩ ପ୍ରେରିକ୍ ୧୮:୯.

ମେନ୍ଦଦ ଆବୁ ଯାଶୁ ଶ୍ରୀଷ୍ଟିଆଃ ମନ୍ଦୁ ନାମାକାଦା ।

### ୩

ପାରମେଶ୍ଵରଆଃ ଦାସିକ

୯ ହେ ହାଗା ମିଶିକ, ଆଇଙ୍ଗ ଆମିକ୍ ହଡ଼କକେ କାଜିତାନ୍ ଲେକା ଆପେକେ କାଇଙ୍ଗ କାଜିଦାଡ଼ି ତାନା, ମେନ୍ଦଦ ଅତେଦିଶୁମ୍ରେନ୍ ହଡ଼କକେ ଆତଃ ଶ୍ରୀଷ୍ଟି ବିଶ୍ଵାସ୍ରେନ୍ ହନ୍କକେ କାଜିତାନ୍ ଲେକା ଆପେକେଇଙ୍ଗ କାଜିପେତାନା ।  
 ୧୦ \*ଆଇଙ୍ଗ ଆପେକେ ପାଚାଏ କା ଦାଡ଼ିୟଃ ଲେକାନ୍ ଜମେୟାଃ କା ଏମ୍କେଦ୍ତେ ତଥା ନୁଁ ନାଗେନ୍ତେଇଙ୍ଗ ଏମାଦ୍ପେୟା, ମେନ୍ଦଦ ଆପେ ପାଚାଏ କା ଦାଡ଼ିୟଃ ଲେକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍ ତାଇକେନା, ନାହାଁଃହଗି କାପେ ସେକାଡ଼କାନା । ୧୧ ନାହାଁଃ ଜାକେଦ୍ ଆପେ ଅତେଦିଶୁମ୍ରେନ୍ ହଡ଼କ ଲେକା ସେସେନ୍ ତାନାପେ । ଆପେ ଥାଲାରେ ହିସଙ୍ଗା ଆତଃ ଆପେ ଆପେରେ ଏପେଗେର୍ ହବାକାତେୟଃତାନା, ନେଆଁତେ ଚିନାଃ ଆପେ ଅତେଦିଶୁମ୍ରେନ୍ ଆତଃ ଅତେଦିଶୁମ୍ ଲେକାପେ ସେସେନ୍ତାନା ମେନ୍ତେ କାପେ ଉଦୁବେନ୍ତାନା ?  
 ୧୨ \*ଆପେକଏତେ ଜେତାଏ, ଆଇଙ୍ଗ ପାଉଲୁସକେ ଅତଙ୍ଗନିଃ ତାନିଙ୍ଗ, ଆତଃ ଏଟାଃନିଃ, ଆଇଙ୍ଗ ଆପୋଲୋକେ ଅତଙ୍ଗନିଃ ତାନିଙ୍ଗ ମେନ୍ତେ କାଜି ଇମ୍ତା ଚିନାଃ ଆପେ ଅତେଦିଶୁମ୍ରେନ୍ ହଡ଼କ ଲେକା କାପେଟି କାମିତାନା ?

୧୩ ଆପୋଲୋ ଅକଏ ତାନିଃ ? ଆତଃ ପାଉଲୁସ୍ ଅକଏ ତାନିଃ ? ଇନ୍କୁ ସବେନ୍ ପାରମେଶ୍ଵରଆଃ ଦାସିକ ଏସକାର୍ ତାନ୍କ, ଇନ୍କୁ ଆପେକେ ବିଶ୍ଵାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାରମେଶ୍ଵର ଆବୁକଏତେ ମିହୁଡ଼୍ ମିହୁଡ଼୍ତେ ଅକନ୍ କାମି ରିକା ନାଗେନ୍ତେ ଏମାକାଦ୍ବୁଆ, ଏନାରୁ କାମିୟାଃ । ୧୪ \*ଆଇଙ୍ଗ ହିତା ରୟାକାଦାଇଙ୍ଗ ଆତଃ ଆପୋଲୋ ଏନାରେ ଦାଆଃ ଦୁଲ୍ଲକେଦାଏ, ମେନ୍ଦଦ ପାରମେଶ୍ଵର ହିତାକେ ହାରାଇଦିକେଦା । ୧୫ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲେନିଃ ଜେତାନିଃ ନାହାଁଲିଃ, ମେନ୍ଦଦ ପାରମେଶ୍ଵର, ଅକଏଟି ହିତା ହାରାଇଦିନିଃ ମାରାଙ୍ଗ ତାନିଃ । «ହିତା ହେରନିଃ ଆତଃ ଦାଆଃ ଦୁଲ୍ଲନିଃ ବାରାନ୍କିନ୍ ମିଦ୍ଗିୟାକିନ୍ ଚିୟାଃଟି ପାରମେଶ୍ଵର ମିମିଆଦ୍ ହଡ଼କକେ ଆକଆଃ କାମି ଲେକାତେ ନାଲାଏ ଏମାକଥା । ୧୬ ଚିୟାଃଟି ଆବୁ ପାରମେଶ୍ଵରଲଃ ମିସାତେ କାମିତାନ୍ ହଡ଼କ ତାନ୍ବୁ, ଆପେ ପାରମେଶ୍ଵରଆଃ ପିଡ଼ି ଆତଃ ଅଡ଼ାଃ ତାନ୍ପେ । ୧୭ ପାରମେଶ୍ଵର ଆଇଙ୍ଗକେ ଏମାକାଦିଙ୍ଗ ସାୟାଦ୍ ଲେକାତେ ଆଇଙ୍ଗ ମିଆଁଦ୍ ସେଣାନ୍ ଅଡ଼ାଃ ବାଇନିଃ ଲେକା ନିହଁଗାଡ଼ା ବାଇୟାକାଦାଇଙ୍ଗ, ଏଟାଃ ମିହୁଡ଼୍ ଏନ୍ ଚେତାନ୍ରେ ଅଡ଼ାଃ ବାଇତାନାଏ । ମେନ୍ଦଦ ଆପେକଏତେ ସବେନ୍କ ଅଡ଼ାଃ ଚିଲ୍ଲକାପେ ବାଇତାନା, ଏନ୍ ବିଷାଏରେ ଚିର୍ଗାଲାକାନ୍ ତାଇନ୍ ଲାଗାତିଙ୍ଗୟାଃ । ୧୮ ଚିୟାଃଟି ପାରମେଶ୍ଵର ବାଇସେକାଡ଼ାକାଦ୍ ନିହଁଗାଡ଼ା ଯାଶୁ ଶ୍ରୀଷ୍ଟି ତାନିଃ, ଇନିଃକେ ବାଗିକେଦ୍ତେ ଏଟାଃ ଜେତାଏ ନିହଁଗାଡ଼ା କାଏ ବାଇ ଦାଡ଼ିୟା । ୧୯ ଚିମିନ୍ ହଡ଼କ ଏନ୍ ନିହଁଗାଡ଼ାରେ ସୋନା, ରୁପା, ଗନଙ୍ଗାଆଁନ୍ ଦିରିତେ ଅଡ଼ାଃକ ବାଇୟା ଆତଃ ଏଟାଃ ଚିମିନ୍ ହଡ଼କ ସାହାନ୍, ତାସାଦ୍ ଚାଏ ବୁସୁଃ ଏମ୍କେଦ୍ତେ ଅଡ଼ାଃକ ବାଇୟା । ୨୦ ମେନ୍ଦଦ ମିମିଆଦ୍ ହଡ଼କଆଃ କାମି, ଯାଶୁ ଶ୍ରୀଷ୍ଟିଆଃ ଆତଃମିସା ହିନିଜୁଃ ହୁଲାଙ୍ଗ୍ରେ ଉଦୁବଃଆ । ଏନ୍ ହୁଲାଙ୍ଗ୍ ମିହୁଡ଼୍ ମିହୁଡ଼୍ତରାଃ କାମି ସେଙ୍ଗେଲ୍ତେ ଉଦୁବଃଆ ଆତଃ ଚିଲ୍ଲକାନ୍ କାମିତାନାଃ ଏନା ସେଙ୍ଗେଲ୍ତେ ବିଡ଼ାଅକେଦ୍ତେ ଉଦୁବଃଆ । ୨୧ ଜେତାଏ ନିହଁଗାଡ଼ାରେ ଅଡ଼ାଃ ବାଇକେଦ୍ତେ ସେଙ୍ଗେଲ୍ ବିଡ଼ାଅରେ କାଏ ଜିୟନଃଆ, ଇନିଃ

\* ୩:୨ ୩:୨ ଏବ୍ରୀ ୫:୧୨,୧୩.    \* ୩:୪ ୩:୪ ୧ କବିଚ୍ଛିନ୍ଦ୍ୟ ୧:୧୨.    \* ୩:୬ ୩:୬ ପ୍ରେରିଡ଼୍ ୧୮:୪-୧୧; ପ୍ରେରିଡ଼୍ ୧୮:୨୪-୨୮.

ନାଲାଏ ନାମେୟା । ୧୫ ଜେତାଏୟାଃ କାମି ଜିୟନଃରେଦ, ଇନିଃ ଏନାକେ ଆଦେୟା, ମେନ୍ଦ ସେଞ୍ଜେଲ୍ ହରାତେ ବାଞ୍ଚାଅକାନ୍ ହଡ଼ ଲେକା ଇନିଃ ଆଇଃକ୍‌ଗି ବାଞ୍ଚାଅ ନାମେୟାଏ ।

୧୬ \*ଆପେ ପାର୍ମେଶ୍ଵାର୍‌ଆଃ ମାହିର୍ ଅଡ଼ାଃ ତାନ୍‌ପେ, ଏନା ଆପେ ସାର୍‌ତିଗିପେ ସାରିତାନା ଆଡ଼ଃ ପାର୍ମେଶ୍ଵାର୍‌ଆଃ ଆମ୍ବା ଆପେୟାଃ ମନ୍‌ସୁରୁଦ୍‌ରେ ତାଇନାଃ ତାନା । ୧୭ ଜେତାଏ ପାର୍ମେଶ୍ଵାର୍‌ଆଃ ମାହିର୍‌କେ ଜିୟନେରେଦ, ପାର୍ମେଶ୍ଵାର୍ ଇନିଃକେ ଜିୟନିଆ । ଚିୟାଃତି ପାର୍ମେଶ୍ଵାର୍‌ଆଃ ମାହିର୍ ପାବିତାର୍‌ଗିଆ ଆଡ଼ଃ ଆପେ ଇନିୟାଃ ମାହିର୍ ତାନ୍‌ପେ ।

୧୮ ଆପେ, ଆପେଗି ଆଲ୍‌ପେ ବେଦାନାଃ । ଆପେକଏତେ ଜେତା ହଡ଼ ଆପାନ୍‌କେ ଅତେଦିଶ୍ଵମ୍ ଲେକାତେ ସେଣ୍‌ନ୍ ମେନ୍ତେ ମନେତାନ୍‌ରେଦ, ଇନିଃ ସାର୍‌ତି ସେଣ୍‌ ନାମେ ନାଗେନ୍ତେ ଆପାନ୍‌କେ କା ସେଣ୍‌ନ୍ ଲେକା ହବାଅଃ ଲାଗାତିଙ୍‌ୟାଃ । ୧୯ ଚିୟାଃତି ନେ ଅତେଦିଶ୍ଵମ୍‌ରେୟାଃ ସେଣ୍‌ ପାର୍ମେଶ୍ଵାର୍‌ଆଃ ଆୟାରରେ ଡ଼ଣ୍ଡ ତାନାଃ । ଧାରାମ୍‌ପୁଅରେ ଅଲ୍‌କାନା, “ପାର୍ମେଶ୍ଵାର୍ ସେଣ୍‌ନ୍ ହଡ଼କକେ ଆକଆଃ ଚାତୁରେନ୍ କାମିରେ ସାବ୍‌କଆ ।” ୨୦ ଆଡ଼ଃଗି ଧାରାମ୍‌ପୁଅରେ ଅଲ୍‌କାନା, “ସେଣ୍‌ନ୍ ହଡ଼କଆଃ ଉଡ଼଼ୁ ସାମାକାଜି ତାନାଃ, ମେନ୍ତେ ପ୍ରାଭୁ ସାରିୟାଃଏ ।” ୨୧ ଏନାତେ, ମାନଃଞ୍ଜାରାଃ କାମି ବିଷାଏରେ ଜେତାଏ ଆପାନ୍‌କେ ଆଲ୍‌କାଏ ମାରାଙ୍‌ୟେନ୍‌କା । ସାର୍‌ତିଗି ସବେନାଃ ଆପେୟାଃଗି ତାନାଃ : ୨୨ ପାଉଲ୍‌ସ୍, ଆପୋଲୋ, ପାଡ଼ରାସ୍, ନେ ଅତେଦିଶ୍ଵମ୍, ଜୀଦାନ୍, ଆଡ଼ଃ ଗନ୍‌ଏଃ, ନାହ୍‌ଆଃ ଆଡ଼ଃ ହିଜୁଃ ଦିପିଲି, ନେ ସବେନାଃ ଆପେୟାଃ ତାନାଃ, ୨୩ ମେନ୍ଦ ଆପେ ଖ୍ରୀଷ୍ଟ୍‌ଆଃ ତାନ୍‌ପେ, ଆଡ଼ଃ ଖ୍ରୀଷ୍ଟ୍ ପାର୍ମେଶ୍ଵାର୍‌ଆଃ ତାନିଃ ।

### ୪

#### ଖ୍ରୀଷ୍ଟ୍‌ଆଃ ପ୍ରେରିତକ

୧ ଆପେ ଆଲେକେ ଖ୍ରୀଷ୍ଟ୍‌ଆଃ ଦାସି ଆଡ଼ଃ ପାର୍ମେଶ୍ଵାର୍‌ଆଃ ଉକ୍ତୁଆକାନ୍ ସାନାର୍‌ତିରାଃ ନାମାକାଦ୍ ଭାଣ୍ଡାରି ଲେକା ଉଡ଼଼ୁଲେପେ । ୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହଡ଼ ଆୟାଃ ଗମ୍‌କେୟାଃ ନାଗେନ୍ତେ ପାତିୟାର୍‌ରାଃ ଲେକାନ୍‌ନିଃ ହବାଅଃ ଲାଗାତିଙ୍‌ୟାଃ । ୩ ନାହ୍‌ଆଃ, ନେ ବିଷାଏରେ ଆପେୟାଃ ହରାତେ ଚାଏ ଜେତାନ୍ ମାନଃଞ୍ଜାରେୟାଃ ବିଚାର୍‌ତେ ବିଚାରାଃ ନାଗେନ୍ତେ ଆଇଙ୍‌ କାଇଙ୍‌ ଉଡ଼଼ୁତାନା, ଆଡ଼ଃ ଆଇଙ୍‌, ଆଇଙ୍‌ଗି ଆଇଁୟାଃ ବିଚାର୍ କାଇଙ୍‌ ରିକାଃ । ୪ ଚିୟାଃତି ଆଇଙ୍‌ ଆଇଁୟାଃ ବିରୁଧ୍‌ରେ ଜେତାନ୍ କାଜି ମେନାଃ ମେନ୍ତେ କାଇଙ୍‌ ସାରିତାନା, ଏନ୍‌ରେୟ ଏନାରେ ଆଇଙ୍‌ କାଇଙ୍‌ ଚିଟାକାନା ମେନ୍ତେ କାଇଙ୍‌ କାଜିତାନା । ମେନ୍ଦ ପ୍ରାଭୁ ଆଇଁୟାଃ ବିଚାର୍‌ନିଃ ତାନିଃ । ୫ ଏନାତେ ନେତା ତେବାଃ ସିଦାରେ ଆପେ ଜେତାଏକେ ଆଲ୍‌ପେ ବିଚାର୍‌କଆ । ପ୍ରାଭୁଆଃ ଟୁଣ୍ଡୁ ବିଚାର୍ ହିଜୁଃ ଦିପିଲି ଜାକେଦ୍ ତାଜିକାତେପେ । ଇନିଃ ନୁବାଃରେ ଉକ୍ତୁଆକାନ୍‌ତେୟାଃ ମାର୍‌ଆଲ୍‌ତେ ଆଉୟା । ହଡ଼କଆଃ ମନ୍‌ସୁରୁଦ୍‌ରେ ଉକ୍ତୁଆକାନ୍‌ତେୟାଃ ସବେନାଃ ଉଦୁବେୟା । ଇମ୍‌ତା ସବେନ୍‌କ ପାର୍ମେଶ୍ଵାର୍‌ତାଃଏତେ ମାନାରାଙ୍‌କ ନାମେୟା ।

୬ ହେ ହାଗା ମିଶିକ, ଆଇଙ୍‌ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ଆପୋଲୋ, ଆଡ଼ଃ ଆଇଁୟାଃ ବିଷାଏରେଇଙ୍‌ କାଜିକାଦା । ଆଲିଙ୍‌ ବାରାନ୍‌କିନ୍‌କେ ନାମୁନା ଲେକା ମନେକେଦ୍‌ତେ ଆପେକେ ଇଡୁନ୍ ଲାଗାତିଙ୍‌ୟାଃ, ଧାରାମ୍‌ପୁଅରେ ଅଲ୍‌କାନ୍‌ତେୟାଃ ଆଲ୍‌ପେ ପାରମେୟା, ନେଆଁ ଆପେ ଆଲେତାଃଏତେ ଇଡୁନ୍‌ପେ, ଆଡ଼ଃ ଆପେକଏତେ ଜେତାଏକେ ଇଦିକେଦ୍‌ତେ ଆପାନ୍‌କେ

\* ୩:୧୬ ୩:୧୭ ୧ କବିଚ୍ଛିନ୍ଦ ୬:୧୯; ୨ କବିଚ୍ଛିନ୍ଦ ୭:୧୭.

ଆଲ୍ଲପେ ମାରାଙ୍ଗଝେଁନା, ଚାଏ ଜେତାଏକେ ଆଲ୍ଲପେ ହିଲାଙ୍ଗକଥା । ୭ ଆପେକେ ଅକଏ ଏଟାଠନିଠାଠାଏକେ ମାରାଙ୍ଗକାଦପେୟା ? ଆପେୟାଃ ସବେନାଃ ଚିନାଃ ପାରମେଶ୍ୱାର କାଏ ଏନାକାଦପେୟା ? ଏନାରେ ଆପେ ଦାନ କା ନାମାକାଦ୍ ଲେକା ଚିନାଃ ମେନ୍ତେ ଆପାନ୍‌କେ ମାରାଙ୍ଗ ମେନ୍ତେପେ କାଜିନ୍‌ତାନା ?

୮ ଆପେୟାଃ ଲାଗାତିଙ୍ଗତେୟାଃ ସବେନାଃ ନାମ୍ ସେକାଡ଼କେଦାପେତି ? ଆପେ ଚିନାଃ କିସାଁଶ୍ୱୟାନାପେ ? ଆଲେ କାଲେ ରାଜାକାନ୍‌ରେୟ, ଆପେ ଚିନାଃ ରାଜା କାନାପେତି ? ସାର୍‌ତିଗି ଆପେ ରାଜା ହବାକାନ୍‌ରେଦ ବୁଗିନାଃ ହବାକାନ୍‌ତେୟାଃ, ଚିୟାଃତି ଆଲେୟ ଆପେଲଃ ରାଜଜେତେୟାଃଲେ । ୯ ଆଇଁୟାଃ ହିତୁରେ, ଆଲେ ଲେକାନ୍ ପ୍ରେରିଡ଼କକେ ପାରମେଶ୍ୱାର ସବେନକଥାଃଏକେ ତାୟମ୍‌ରେ ଦହକାଦକଥା । ଗନଏଃ ସାଜାଇ ନାମାକାଦ୍ ହଡ଼ ଲେକା ଆଲେ ଅତେଦିଶ୍ୱମ୍‌ରେ ହଡ଼କଥାଃ, ଆତଃ ଦୁଁଡ଼କଥାଃ ସାମ୍‌ନାଙ୍ଗରେ ଲାଦାକାନ୍‌କ ଲେକାଲେ ହବାକାନା । ୧୦ ଆଲେ ଖ୍ରୀଷ୍ଟ ନାଗେନ୍ତେଲେ ତଣ୍ଡକାନା, ମେନ୍‌ଦ ଆପେ ଖ୍ରୀଷ୍ଟରେ ମିଦକାନ୍ ହରାତେ ସେଣାଁକାନାପେ, ଆଲେଦଲେ ନାରାଦୁରାକାନା ମେନ୍‌ଦ ଆପେ ପେଡ଼େଃପେ ନାମାକାଦା, ଆଲେଦଲେ ହିଲାଙ୍ଗକାନା ମେନ୍‌ଦ ଆପେ ମାଇନ୍‌ପେ ନାମାକାଦା । ୧୧ ଆଲେ ନାହାଁଃ ଜାକେଦଲେ ରେଙ୍ଗେଃତାନା, ତେତାଙ୍ଗତାନା, ତେତାଃ ଲିଜାଃଲେ ତୁସିଙ୍ଗକାନା, ଦାଲଃତାନା ଆତଃ ଅଡ଼ାଃ ବାନଃଆ, ୧୨ ଆଲେ କେଟେଦ୍ କାମି କାମିକେଦ୍‌ତେଲେ ଲାଗାଉତାରଃ ତାନା । ଜେତାଏ ଆଲେକେ ସାର୍‌ପାଅଲେ ତାନ୍‌ରେ, ଆଲେ ଇନ୍‌କୁକେ ଆଗିଷ୍ଟକତାନାଲେ । ସିଗିଦଃତାନ୍‌ରେ ସାହାତିଙ୍ଗ ତାନାଲେ, ୧୩ ହିଲାଙ୍ଗଲେ ତାନ୍‌କକେ ଲେବେଃ କାଜିତେଲେ କାଜିରୁହାଡ଼କତାନା । ଆଲେ ନାହାଁଃ ଜାକେଦ୍ ଅତେଦିଶ୍ୱମ୍‌ରେ କେଚ୍‌ରା ଆତଃ ହୁମ୍ ଲେକାଲେ ହବାକାନା ।

୧୪ ଆପେକେ ଗିହୁଃଈତିପେ ନାଗେନ୍ତେ ନେଆଁ ଆଇଙ୍ଗ କାଇଙ୍ଗ ଅଲେତାନା, ମେନ୍‌ଦ ଆଇଁୟାଃ ଦୁଲାଡ଼୍ ହନ୍‌କ ଲେକାଲଙ୍ଗ୍ ଉଦୁବ୍‌ପେତାନା । ୧୫ ଖ୍ରୀଷ୍ଟରେ ଆପେୟାଃ ପୁରାଃଗି ଗେଲ୍ ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦ୍‌ଗି ଆପୁ ମେନାଲୟା । ଆଇଙ୍ଗ୍ ଆପେତାଃରେ ସୁକୁକାଜି ଉଦୁବ୍‌କେଦାଲଙ୍ଗ୍ ଆତଃ ଯାଶୁ ଖ୍ରୀଷ୍ଟକେ ଆପେ ବିଶ୍ୱାସକିୟାପେ ଏନାତେ ଆଇଙ୍ଗ୍ ଆପେୟାଃ ଆପୁ ଲେକାଲଙ୍ଗ୍ ହବାୟାନା । ୧୬ ଏନାମେନ୍ତେ ଆଇଁୟାଃ ନାମୁନା ଲେକା ସେସେନ୍‌ପେ ମେନ୍ତେଇଙ୍ଗ୍ ବିନ୍ତ୍ରପେତାନା । ୧୭ ଏନା ନାଗେନ୍ତେ ଆଇଙ୍ଗ୍ ପ୍ରାଭୁରେ ଦୁଲାଡ଼୍ ଆତଃ ପାତିୟାରଃ ଲେକାନ୍ ହନ୍ ତାମଥୁକେ ଆପେତାଃତେଇଙ୍ଗ୍ କୁଲିତାନା । ଆଇଙ୍ଗ୍ ଯାଶୁ ଖ୍ରୀଷ୍ଟଲଃ ତାଇକେଦ୍‌ତେ ନାଞ୍ଜା ଜୀଦାନ୍‌ରେ ସେସେନ୍‌ତାନ୍‌ଲଃ ସବେନ୍‌ତାଃରେ, ସବେନ୍ କାଲିସିୟାରେଇଙ୍ଗ୍ ଇଡୁକାଦକଥା, ଏନା ଇନିଃ ଆପେକେ ପାହାମ୍‌ଇତିପେୟା ।

୧୮ ଆଇଙ୍ଗ୍ ଆପେତାଃତେ କାଇଙ୍ଗ୍ ହିଜୁଃଆ ମେନ୍ତେ ଆପେ ଉଡ଼ୁତାନ୍‌ଲଃ ଆପେକଏକେ ଚିମିନ୍ ହଡ଼କ ମାରାଙ୍ଗଝେଁନ୍ ତାନା । ୧୯ ପ୍ରାଭୁଆଃ ସାନାଙ୍ଗ୍ ହବାଅଃରେଦ, ଆଇଙ୍ଗ୍ ଆପେତାଃତେ ଜାଲ୍‌ଦିଗିଇଙ୍ଗ୍ ହିଜୁଃଆ । ଇମ୍‌ତା ଆଇଙ୍ଗ୍ ନେ ମାରାଙ୍ଗଝେଁନ୍ ହଡ଼କଥାଃ କାଜି କାଇଙ୍ଗ୍ ଆୟୁମାଃ, ମେନ୍‌ଦ ଇନ୍‌କୁଆଃ ପେଡ଼େଃ ଚିମିନ୍ ମେନାଃ ଏନା ଆଇଙ୍ଗ୍‌ଗିଇଙ୍ଗ୍ ନେଲେୟା । ୨୦ ଚିୟାଃତି ପାରମେଶ୍ୱାର୍‌ଆଃ ରାଇଜ୍‌ଦ ଜାଗାର୍ ବିଷାଏ ଏସ୍‌କାର୍ ନାହାଁଲାଃ ମେନ୍‌ଦ ପେଡ଼େଃରେୟାଃ ବିଷାଏ ତାନାଃ । ୨୧ ଆପେ ଚିନାଃ ସାନାଙ୍ଗ୍‌ତାନାପେ ? ଆଇଙ୍ଗ୍ ଆପେକେ ତେତାଅପେ ନାଗେନ୍ତେ ସଗା ସାବ୍‌କେଦ୍‌ତେଇଙ୍ଗ୍ ହିଜୁଃଆ ଚି, ଦୁଲାଡ଼୍ ଆତଃ ଲେବେଃ ମନ୍‌ତେଇଙ୍ଗ୍ ହିଜୁଃଆ ?

☆ ୪:୧୨ ୪:୧୨ ପ୍ରେରିଡ଼ ୧୮:୩। ☆ ୪:୧୭ ୪:୧୭ ୧ କବିଚିନ୍ତା ୧୧:୧; ଫିଲିପିୟ ୩:୧୭.



୫

କାଲିସିନ୍ଧାରେ ଏଡକାନ୍ ଚାଇଲ୍ ଚାଲାନ୍

୯ ଆପେ ଆଲାରେ ଅକନ୍ ଆପାଙ୍ଗିର୍ କାମି ହବାଅଃତାନା, ଏନ୍ଲେକାନ୍ ଆପାଙ୍ଗିର୍ କାମି ସାଅଁସାର୍ ହଡକ ଆଲାରେୟ କା ହବାଅଃତାନା । ଆଇଙ୍ଗ୍ ଆୟୁମ୍‌କାଦାଇଙ୍ଗ୍, ଆପେଏତେ ମିହୁଡ୍ ଆପୁତେୟାଃ କୁଡିତେକେ ଆୟାଃ କୁଡି ଲେକାଏ ଦହକିୟା । ୧୦ ଏନ୍ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡିତାନ୍ ? ଆପେ ଗିହୁଃକେଦ୍‌ତେ, ଏନ୍ ଲେକା କାମିକାଦ୍ ହଡକେ ଆପେୟାଃ ମେନେସାଏତେ ଆତମ୍‌ଏଣ୍ଡା ଲାଗାତିୟା । ୧୧ ଆଇଙ୍ଗ୍ ଏନ୍ତାଃରେ କାଇଙ୍ଗ୍ ତାଇକେନ୍‌ରେୟ ଆମ୍‌ଗାରେ ଆପେତାଃରେଇଙ୍ଗ୍ ତାଇକେନା, ଆତଃ ଆପେତାଃରେ ତାଇନ୍‌ତାନ୍‌ନିଃ ଲେକା ଏନ୍ ଲେକାନ୍ କାମି କାମିକାଦ୍‌ନିଃକେ ଆଇଙ୍ଗ୍ ବିଚାର୍ ଚାବାକିୟା । ୧୨ ପ୍ରାଭୁ ଯାଶୁଆଃ ନୁଡୁମ୍‌ତେ ଆପେ ମିଦ୍‌ତାଃରେ ହୁଣ୍ଡିକାନ୍ ଇମ୍‌ତା ଆଇଙ୍ଗ୍‌ହ୍ ଏନ୍ତାଃରେ ଆପେଲଃ ଆମ୍‌ଗାରେଇଙ୍ଗ୍ ତାଇକେନା ଆତଃ ଆବୁଆଃ ଆଲାରେ ପ୍ରାଭୁ ଯାଶୁଆଃ ପେଡେଃ ତାଇକେନା । ୧୩ ଏନ୍ ଲେକାନ୍ ହଡକେ ଆୟାଃ ହଡମ୍ ଜିୟନେ ନାଗେନ୍ତେ ସାଏତାନ୍‌ରାଃ ତିଃଇରେ ଜିମାତାଇପେ । ଜେ'ଲେକାଗି ପ୍ରାଭୁଆଃ ହିନ୍‌ଜୁଃ ହୁଲାଙ୍ଗ୍‌ରେ ଆୟାଃ ଆମ୍‌ଗା ବାଞ୍ଛାଅ ଦାଡିୟଃଆ ।

୧୪ \*ନେ'ଲେକା ଆପାନ୍‌କେ ମାରାଙ୍ଗ୍‌ୟେନ୍ ଆପେୟାଃ ନାଗେନ୍ତେ କା ବୁଗିନାଃ । କାଟିଃଲେକା ରାନ୍ ଗଟା ମାଏଦାକେ ଜୋଜୟା ଏନା ଆପେ କାପେଟି ସାରିତାନା ? ୧୫ ଆପେ ଆପେୟାଃ ପାପ୍ ଲେକାନ୍ ମାରି ରାନ୍‌କେ ସାଙ୍ଗିନ୍‌କେଦ୍‌ତେ ପୁରା ଫାଟିୟଃରେଦ୍, ଆପେ ରାନ୍ ବାନଃ ନାଞ୍ଜା ମାଏଦା ଲେକାପେ ହବାଅଃଆ । ଆଇଙ୍ଗ୍ ସାରିତାନାଇଙ୍ଗ୍ ନାହାଁଃ ଆପେ ଫାଟିଗି ମେନାପେୟା । ଚିୟାଃତି ଆବୁଆଃ ପାସକା ପାରାବ୍ ସେକାଡାକାନା ଆତଃ ଖ୍ରୀଷ୍ଟ୍ ଆବୁଆଃ ପାସକା ପାରାବ୍‌ରେୟାଃ ମିଣ୍ଡିହନ୍ ଲେକା ଦାଣ୍ଡେଁ ରାକାବ୍‌ୟାନାଏ । ୧୬ ଏନାତେ ଏଲା ହିଜୁଃପେ, ପାପ୍ ଆତଃ ଏଡକାନ୍ ଲେକାନ୍ ମାରି ରାନ୍‌କେ ବାଗିକେଦ୍‌ତେ ଲେବେଃ ମନ୍‌ତେ ଆତଃ ସାନାଟିତେ ରାନ୍ ବାନଃ ହଲଙ୍ଗ୍‌ତେ ନେ ପାରାବ୍‌କେବୁ ମାନାତିୟେୟା ।

୧୭ ଆପେ ଆପାଙ୍ଗିର୍ ହଡକଆଃ ସାଙ୍ଗାତିରେ ଆଲ୍‌ପେ ମେସାନା ମେନ୍ତେ ଆଇଙ୍ଗ୍ ସିଦା ଚିଟାଉରେ ଅଲାକାଦ୍ ତାଇକେନାଇଙ୍ଗ୍ । ୧୮ ଆପେ ନେ ଅତେଦିଶୁମ୍‌ରେନ୍ ଆପାଙ୍ଗିର୍, ଲୋଭା, କୁମ୍‌ତୁ ଆତଃ ମୁରୁଡ୍ ପୁଜାତାନ୍ ହଡକଲଃ ଜେତାନ୍ ନାତା ଆଲ୍‌ପେ ଦହୟା ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ଆପେ ନାତା କାପେ ଦହଲେରେ, ଆପେକେ ନେ ଅତେଦିଶୁମ୍‌ଏତେ ଅଡଙ୍ଗ୍ ଲାଗାତିୟାଃ । ୧୯ ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ଆପେୟାଃ ହାଗା ମେନ୍ତେ ସାରିକାନ୍ ଜେତାଏ ହଡ ଆପାଙ୍ଗିର୍‌ନିଃ, ଲୋଭାନ୍‌ନିଃ, ମୁରୁଡ୍ ସେଞ୍ଜାନ୍‌ନିଃ, ହିଲାଙ୍ଗ୍‌ନିଃ, ଇଲିଆର୍‌ଶ୍‌ରେ ବୁଲଃନିଃ, ଚାଏ କୁମ୍‌ତୁନ୍‌ନିଃ ହବାଅଃରେଦ୍, ଇନିଃଲଃ ସବେନ୍ ନାତା ବାଗିତାପେ । ଏନ୍‌ଲେକାନ୍ ହଡକଲଃ ଦୁବ୍‌କେଦ୍‌ତେ ଆଲ୍‌ପେହ୍ ଜଜମାଃ ।

୨୦ କାଲିସିନ୍ଧାଏତେ ବାହାରିରେନ୍ ହଡକଆଃ ବିଚାର୍ ରିକା ନାଗେନ୍ତେ ଆଇଙ୍ଗ୍ ଅକଏ ତାନିଙ୍ଗ୍ ? ମେନ୍‌ଦ୍ ଆବୁଆଃ କାଲିସିନ୍ଧାରେନ୍ ହଡକଆଃ ବିଚାର୍ ନାଗେନ୍ତେ ଆବୁଆଃ ଚିନାଃ ଆକ୍‌ତେୟାର୍ ବାନଃଆ ? ୨୧ ପାର୍‌ମେଶ୍‌ବାର୍ ଇନ୍‌କୁକେ ବିଚାର୍‌କଆ, ଧାରାମ୍‌ପୁଥ୍‌ରେ ଅଲାକାନା, “ଆପେକଏତେ ଏନ୍‌ଲେକାଗି ଏଡକାନ୍ ହଡକକେ ବାହାରି ଅଡଙ୍ଗ୍‌କପେ ।”

୬

ଖ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

\* ୫:୬ ୫:୭ ଗାଲାତିୟ ୫:୯.

୧ ଆପେକଷତେ ଜେତାଏତାଃରେ ଏତାଃ ଶ୍ରୀଷ୍ଟିୟାନ୍ ହାଗା ବିରୁଧରେ କାଜି ମେନାଃରେଦ, ଇନିଃ ବିଚାର ନାଗେନ୍ତେ ପାରମେଶ୍ଵରଂଆଃ ହତକତାଃତେ କା ସେନକେଦତେ ସାଅଁସାର ହତକତାଃତେ ସେନ୍ ନାଗେନ୍ତେ ଚିଲକାତେ ସାହାସେ ତାନା ? ୨ ପାରମେଶ୍ଵରଂଆଃ ହତକ ନେ ଅତେଦିଶ୍ଵମକେ ବିଚାରେୟାକ ମେନ୍ତେ ଚିନାଃ ଆପେ କାପେ ସାରିତାନା ? ଆପେ ନେ ଅତେଦିଶ୍ଵମକେପେ ବିଚାର ଦାଡ଼ିତାନରେଦ, ନେ ହୁପୁଡ଼ିଙ୍ଗ କାଜିକ ଚିନାଃ କାପେ ବିଚାର ଦାଡ଼ିୟା ? ୩ ଆବୁ ଦୁଡ଼କକେ ବିଚାରକଆବୁ, ଏନା ଆପେ କାପେଟି ସାରିତାନା ? ତାଦ୍ଦ ନେ ସାଂସାରରେ ହବାଅତାନ୍ ବିଷାଏକ ବିଚାର ନାଗେନ୍ତେ ଆବୁଆଃ ନେ ଜୀଦାନରେ ଚିମିନ୍ ରାଞ୍ଜାଲ୍ ହବାଅଥା ! ୪ କାଲିସିୟାରାଃ ନେପେଲ୍ରେ ଅକନକଟି ମାଇନ୍ କାକ ନାମେତାନା, ଏନ୍ ହତକତାଃତେ ଆପେ ନେ ହୁପୁଡ଼ିଙ୍ଗ କାଜିକ ବିଚାର ନାଗେନ୍ତେ ଚିନାଃମେନ୍ତେପେ ସେନ୍ତାନା ? ୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲାରେ କା ବାପାଇ ତାନକଆଃ ବିଚାର ରିକାଦାଡ଼ି ନାଗେନ୍ତେ କାଲିସିୟାରେ ମିହୁଡ଼୍, ଲେକାଦ ସେଣ୍ଡାନ୍ ହତ ତାଇନାଏ ! ୬ ମିହୁଡ଼୍ ହାଗା ଆତଃମିହୁଡ଼୍ ହାଗାରାଃ ବିରୁଧରେ କାଚାଇରିତେ ସେନକେଦତେ, କା ବିଶ୍ଵାସତାନ୍ ହତକତାଃରେ ବିଚାରେନ୍ତାନା ।

୭ ଆପେ ଆଲାରେ ହବାଅତାନ୍ କା ବାପାଇ ହରାତେ କାଚାଇରିତେ ନ୍ୟାୟବିଚାର ନାଗେନ୍ତେପେ ସେନ୍ତାନା, ଏନା ଆପେ ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର ରିକାଏତେଦ ଏଡ଼କାନାଃ ସାହାଡ଼ିଙ୍ଗକେଦତେ ଜିୟନଃତେୟାଃ, ଆପେ ନାଗେନ୍ତେ ବୁଗିନାଃ ହବାଅଃତେୟାଃ । ୮ ନେଆଁ କାମିକେଦ୍ ହରାତେ ଆପେ ଆପେଟି ମିହୁଡ଼୍ ଆତଃମିହୁଡ଼୍ଆଃ ଏଡ଼କାନ୍ କାମି କାମିତାନାପେ ଆତଃ କୁମ୍ବୁଡୁତାନାପେ, ଏନ୍ଲେକାଗି ଏତାଃ ବିଶ୍ଵାସୀ ହାଗା ମିଶିକଲଃହଁ କାମିତାନାପେ । ୯ ଏଡ଼କାନ୍ ହତକ ପାରମେଶ୍ଵରଂଆଃ ରାଇଜ୍ରେ କାକ ବଲ ଦାଡ଼ିୟା ମେନ୍ତେ ଚିନାଃ ଆପେ କାପେ ସାରିତାନା ? ଆଲ୍ପେ ବେଦାଅଥା; କା ଆଣ୍ଡିକାନ୍ କଡ଼ା ଆତଃ ଆଣ୍ଡି କୁଡ଼ିଲଃ ଆପାଙ୍ଗିର୍ କାମିତାନ୍କ, ଆଣ୍ଡିକାନ୍ କଡ଼ା ଚାଏ କୁଡ଼ି ଏତାଃ ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିର୍ କାମିତାନ୍କ, ମୁରୁଡ଼ ପୁଜାତାନ୍କ, କଡ଼ା କୁଡ଼ିଲେକା ଚାଇଲ୍ ଚାଇଲ୍, କଡ଼ାକ ଆକରେଗି ଆପାଙ୍ଗିର୍ତାନ୍କ, ୧୦ କୁମ୍ବୁଡୁକୁ, ଟାକା ପାଏସା ହାୟାତାନ୍କ, ଇଲିଆରଖ୍ରେ ବୁଲଃତାନ୍କ, ହିଲାଇଙ୍ଗତାନ୍କ, ରେରେଃକକ, ନେ ସବେନ୍କ ପାରମେଶ୍ଵରଂଆଃ ରାଇଜ୍ରେ କାକ ବଲ ଦାଡ଼ିୟା । ୧୧ ଆପେକଷତେ ଚିମିନ୍କ ଏନ୍ଲେକାପେ ତାଇନ୍କେନା । ମେନ୍ଦ ପ୍ରାଭୁ ଯିଶୁ ଶ୍ରୀଷ୍ଠିଆଃ ନୁଡ଼ମତେ ଆତଃ ଆବୁଆଃ ପାରମେଶ୍ଵରଂଆଃ ଆମ୍ବା ହରାତେ ନାହାଁଃ ଆପେ ପାପହେତେ ଫାରୁଟିଆକାନାପେ, ପାବିତାର୍ କାମି ନାଙ୍ଗ୍ ଜିମାକାନାପେ, ଆତଃ ଆର୍ମାନ୍ ହତ ମେନ୍ତେପେ ଲେକାକାନା ।

ଆପେୟାଃ ହତମକେ ପାରମେଶ୍ଵରଂଆଃ ମାନାରାଙ୍ଗ୍ ନାଗେନ୍ତେ ବେଭାରେପେ

୧୨ \*ଜେତାଏ ମିହୁଡ଼୍ କାଜିୟାଏ, “ଆଇଙ୍ଗକେ ସବେନାଃ ରିକା ନାଗେନ୍ତେ ଆରୁକାନା ।” ସାର୍ତି କାଜିତାନାଃ, ମେନ୍ଦ ସବେନାଃ ଆପେ ନାଗେନ୍ତେ କା ବୁଗିନାଃ । ଆଇଙ୍ଗକେ ସବେନ୍ କାମି ରିକା ନାଗେନ୍ତେ ଆରୁକାନା, ମେନ୍ଦ ଆଇଙ୍ଗ୍ ଜେତାଏକେ ଆୟାଃ ଆକ୍ତେୟାର୍ରେ ଦହ ନାଗେନ୍ତେ ସୁଯୋଗ୍ କାଇଙ୍ଗ୍ ଏମ୍ ଦାଡ଼ିୟା । ୧୩ ଜେତାଏ ମିହୁଡ଼୍ କାଜିୟାଏ, “ଜମେୟାଃ ଲାହିଦ୍ ନାଗେନ୍ତେ, ଆତଃ ଲାହିଦ୍ ଜମେୟାଃ ନାଗେନ୍ତେ ।” ସାର୍ତି କାଜିତାନାଃ, ମେନ୍ଦ ପାରମେଶ୍ଵର ବାରାନାଃକେ ଜିୟନେଆଁ । ହତମ ଆପାଙ୍ଗିର୍ କାମି ନାଗେନ୍ତେ ନାହାଁଲାଃ, ମେନ୍ଦ ପ୍ରାଭୁଆଃ ସେଞ୍ଜାରେ ବାଉରାଅଥକା, ଚିୟାଃଟି ପ୍ରାଭୁ ହତମରାଃ ଲାଗାଡ଼ିଙ୍ଗତେୟାଃ

ଜଗାଅନିଃ ତାନିଃ । ୧୪ ପାର୍ବତ୍ୟାୟ ଆୟାଃ ପେତେଃତେ ପ୍ରାଭୁ ଯାଶୁକେ ଗନ୍ଧଃସହେତେ ଜୀଉବିରିଦ୍‌କିୟାଏ ଆତଃ ଇନିଃ ଆବୁକେୟ ଆୟାଃ ପେତେଃତେ ଜୀଉବିରିଦ୍‌ବୁଆ ।

୧୫ ଆପେୟାଃ ହତ୍‌ଫ ଯାଶୁ ଶ୍ରୀଷ୍ଟିଆଃ ହତ୍‌ଫରାଃ ହିସା ଲେକାନାଃ ତାନାଃ ଏନା କାପେତି ସାରିକାଦା ? ତିନାଃ ଆଇଙ୍ଗ ଯାଶୁ ଶ୍ରୀଷ୍ଟିଆଃ ହତ୍‌ଫରାଃ ମିଦ୍ ହିସାକେ ଇଦିକେଦ୍‌ତେ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍‌ନିଆଃ ହିସାଇଙ୍ଗ୍ ବାଇୟା ? ଏନ୍‌କା ଆଲକା ହବାଅଃକା । ୧୬ ଚାଏ ଜେତାଏ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍‌ନିଃଲଃ ମିଦ୍‌ରେ ମେସାନାଏ, ଇନିଃ ଏନ୍ କା ଆଣ୍ଡିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍‌ନିଃଲଃ ମିଆଁଦ୍ ହତ୍‌ଫଃଆଏ, ତିନାଃ ଏନା କାପେ ସାରିତାନା ? ତିୟାଃତି ଧାରାମ୍‌ପୁଥ୍‌ରେ ବୁଗିଲେକା ଅଲକାନା, “ଏନ୍ ବାରାନ୍‌କିନ୍ ମିଆଁଦ୍ ହତ୍‌ଫଃଆକିନ୍ ।” ୧୭ ମେନ୍‌ଦ୍ ଜେତାଏ ପ୍ରାଭୁଲଃ ମେସାଅଃଆଏ, ଇନିଃ ପ୍ରାଭୁଆଃ ଆମ୍‌ରେ ମିଦଃଆ ।

୧୮ ଆପାଙ୍ଗିର୍ କାମିଏତେ ସାଙ୍ଗିନଃପେ । ଏଟାଃ ଜେତାନ୍ ପାପ୍‌ଏତେ ହତ୍‌ରାଃ ହତ୍‌ଫ କା ନକ୍‌ସାନଃଆ, ମେନ୍‌ଦ୍ ଆପାଙ୍ଗିର୍ କାମିନିଃ ଆୟାଃ ହତ୍‌ଫ ବିରୁଧ୍‌ରେ ପାପ୍ ରିକାଏୟା । ୧୯ \*ଆପେୟାଃ ହତ୍‌ଫଦ୍ ପାର୍ବତ୍ୟାୟତାଃଏତେ ନାମାକାଦ୍ ପାବିତାର୍ ଆମ୍‌ରାଃ ମାନ୍‌ରି ତାନାଃ, ଏନା କାପେତି ସାରିତାନା ? ଆପେ ଆପେଗି ନାହାଁଲାପେ, ମେନ୍‌ଦ୍ ପାର୍ବତ୍ୟାୟତାଃ ତାନ୍‌ପେ । ୨୦ ଇନିଃ ଆପେକେ ପୁରାଃ ଗନ୍‌କ୍‌ଆଁନ୍‌ତେ କିରିଙ୍ଗକାଦ୍‌ପେୟା । ଏନାତେ ଆପେ ଆପେୟାଃ ହତ୍‌ଫତେ ପାର୍ବତ୍ୟାୟତାଃ ମାନାରାଙ୍ଗ୍ ରିକାଏପେ ।

## ୭

ଆଣ୍ଡି ବିଷାଏରେ କୁନ୍‌ଲି

୧ ଆପେ ଆଇଙ୍ଗ୍‌କେ ଚିଟାଉରେ କୁଲିକାଦିଙ୍ଗ୍ କୁନ୍‌ଲି, ନାହାଁଃ ଆଇଙ୍ଗ୍ ଆପେକେଇଙ୍ଗ୍ କାଜିରୁହାଡ୍‌ପେତାନା । ହତ୍ କା ଆଣ୍ଡିନ୍‌ତେୟାଃ ବୁଗିନାଃ ତାନାଃ । ୨ ମେନ୍‌ଦ୍ ଆପାଙ୍ଗିର୍ କାମି ପେରେଜାକାନ୍ ହରାତେ ସବେନ୍ ହତ୍‌ରାଃ କୁଡ଼ି ଆତଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିଙ୍ଗ୍‌ୟାଃ । ୩ କଡ଼ା ଆୟାଃ କୁଡ଼ିରାଃ ଲାଗାତିଙ୍ଗ୍‌ତେୟାଃ ପୁରାଏକା ଆତଃ କୁଡ଼ି ଆୟାଃ କଡ଼ାରାଃ ଲାଗାତିଙ୍ଗ୍‌ତେୟାଃ ପୁରାଏକା । ଆତଃ ବାରାନ୍‌କିନ୍ ଆକିନାଃ ବାରାନ୍‌କିନାଃ ଲାଗାତିଙ୍ଗ୍‌ତେୟାଃ ପୁରାଏ ନାଗେନ୍ତେ ଲାଗାତିଙ୍ଗ୍‌ୟାଃ । ୪ ଆୟାଃ ଆପ୍‌ନାଃ ହତ୍‌ଫରେ କୁଡ଼ିରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍‌ଦ୍ କଡ଼ାରାଃ ମେନାଃ । ଏନ୍‌ଲେକାଗି ଆୟାଃ ଆପ୍‌ନାଃ ହତ୍‌ଫରେ କଡ଼ାରାଃ ଜେତାନ୍ ଆକ୍‌ତେୟାର୍ ବାନଃଆ, ମେନ୍‌ଦ୍ କୁଡ଼ିରାଃ ମେନାଃ । ୫ ମିହୁଡ୍ ଆତଃମିହୁଡ୍‌ତାଃଏତେ ଆଲକାଏ ବିନ୍‌ଗାଅଃକା । ମେନ୍‌ଦ୍ ବାରାନ୍‌କିନ୍ ମିଦ୍‌ତାଃରେ ବିନ୍‌ଗିରେ ତାଇନ୍ ନାଗେନ୍ତେ ଘାଡ଼ିକାଦ୍ ନାଙ୍ଗ୍ ବିନ୍‌ଗାଅ ଦାଡ଼ିୟାକିନ୍ । ଆପାନ୍‌କେ କାବୁରେ ଦହ୍ ନାଗେନ୍ତେ କାମ୍‌ଜର୍ ତାଇନ୍ ହରାତେ ସାଏତାନ୍ ଇନ୍‌କିନ୍‌କେ ବିଡ଼ାଅରେ ଆଲକାଏ ଉୟାଃକିନ୍‌କା, ଏନାମେନ୍ତେ ଆତଃମିସା ମିଦ୍‌ରେ ମେସାନ୍‌କାକିନ୍ ।

୬ ଆଇଙ୍ଗ୍ ଆପେକେ ହୁକୁମ୍ ଏମତାନ୍ ଲେକାଦ୍ କାଇଙ୍ଗ୍ କାଜିତାନା, ମେନ୍‌ଦ୍ ଆବୁପେତାନ୍ ଲେକାଇଙ୍ଗ୍ କାଜିପେତାନା । ୭ ଆପେ ସବେନ୍‌କ ଆଇଁୟାଃ ଲେକା ହବାଅଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ମେନ୍‌ଦ୍ ସବେନ୍‌କ ଆକଆଃ ଆପ୍‌ନାଃ ବାର୍‌ଦାନ୍ ପାର୍ବତ୍ୟାୟତାଃଏତେ ନାମାକାଦାକ । ସବେନ୍‌କ ମିଦ୍ ଲେକାଗି ବାର୍‌ଦାନ୍ କା ନାମ୍‌କେଦ୍‌ତେ ଏଟାଃ ଏଟାଃ ବାର୍‌ଦାନ୍‌କ ନାମାକାଦା ।

\* ୬:୧୯ ୬:୧୯ ୧ କବିଚ୍ଛିନ୍ଦ ୩:୧୭; ୨ କବିଚ୍ଛିନ୍ଦ ୬:୧୭.

୮ ନାହାଁଃ ଆଇଙ୍ଗ କା ଆଶ୍ୱିକାନ୍ ଆତଃ ରାଶ୍ଟ୍ରିକୃତ୍ତିକକେଇଙ୍ଗ କାଜିତାନା, ଇନ୍ଦ୍ରୁ ଆଇଁୟାଃଲେକା ଏସ୍ୱକାର୍ତ୍ତିକ ତାଇନ୍ଦରେ ବୁଗିନାଃ ହବାଅଃତେୟାଃ । ୯ ଫେନ୍ଦ ଇନ୍ଦ୍ରୁ ଆକଗି ଏଡକାନ୍ ସାନାଙ୍ଗଏତେ କାକ ସାମ୍ବାଡ଼ାଅ ଦାଡ଼ିୟଃରେଦ, ଆଶ୍ୱିକାନ୍କାକ । ଚିୟାଃତି କା ସାହାଅକେଦ୍ତେ ତାଇନ୍ଦଃଏତେଦ ଆଶ୍ୱିକାନ୍ରେ ବୁଗିନାଃ ହବାଅଃଆ ।

୧୦ \*ଆଇଙ୍ଗ ଆଶ୍ୱିକାନ୍କକେ ହୁକୁମ୍ବକ ତାନାଇଙ୍ଗ, ଅକ୍ନାଃତି ଆଇଁୟାଃ ହୁକୁମ୍ବ ନାହାଁଲ୍ୟାଃ ଫେନ୍ଦ ପ୍ରାଭୁଆଃ ତାନାଃ : କୁଡ଼ି ଆୟାଃ କଡ଼ାକେ ଆଲକାଏ ବାଗିକା, ୧୧ ଇନ୍ଦିଃ କଡ଼ାକେ ବାଗିରେଦ ଏସ୍ୱକାର୍ତ୍ତି ତାଇନ୍ଦଃକା ଚାଏ କଡ଼ାତେଲଃ ଆତଃଫିସା ଫେସାରୁହାଡେନ୍ଦକା । ଆତଃ କଡ଼ାତେ ଆୟାଃ କୁଡ଼ିକେ ବାଗିରେଆଃ ଅନଲ୍ ଆଲକାଏ ଏମାଇକା ।

୧୨ ଆଇଙ୍ଗ ଏଟାଃକକେଇଙ୍ଗ କାଜିକତାନା, ନେଆଁ ପ୍ରାଭୁ କାଏ କାଜି, ଆବୁ ଆଲ୍ଲାରେନ୍ ଜେତାଏ ହାଗାତେୟାଃ କୁଡ଼ି ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆତଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନ୍ଦଃ ନାଗେନ୍ତେ ସାନାଙ୍ଗରେଦ, ଏନ୍ ହାଗା ଇନ୍ଦିଃକେ ବାଗିରେଆଃ ଅନଲ୍ ଆଲକାଏ ଏମାଇକା । ୧୩ ଏନ୍ଲେକାଗି ଜେତାଏ କଡ଼ା, ଖ୍ରୀଷ୍ଟ ବିଶ୍ୱାସୀ ନାହାଁଲିଃ ଆତଃ ଖ୍ରୀଷ୍ଟ ବିଶ୍ୱାସୀ କୁଡ଼ିଲଃ ତାଇନ୍ଦଃ ନାଗେନ୍ତେ ସାନାଙ୍ଗରେଦ, ଏନ୍ କୁଡ଼ି ଇନ୍ଦିଃକେ ବାଗିରେଆଃ ଅନଲ୍ ଆଲକାଏ ଏମାଇକା । ୧୪ ଚିୟାଃତି କା ବିଶ୍ୱାସ୍ତାନ କଡ଼ା, ବିଶ୍ୱାସ୍ତାନ କୁଡ଼ିତେଲଃ ଫିଦ୍ରେ ଫେସାୟାନ୍ ହରାତେ ପାର୍ମେଶ୍ୱାର୍ ଇନ୍ଦିକିନ୍ଦକେ ପାବିତାର୍ କାଦ୍କିନା ଆତଃ ଏନ୍ କା ବିଶ୍ୱାସ୍ତାନ କୁଡ଼ି, ବିଶ୍ୱାସ୍ତାନ କଡ଼ାତେଲଃ ଫିଦ୍ରେ ଫେସାୟାନ୍ ହରାତେ ପାର୍ମେଶ୍ୱାର୍ ଇନ୍ଦିକିନ୍ଦକେ ପାବିତାର୍ କାଦ୍କିନା । ଏନ୍କା କା ହବାକାନ୍ରେଦ, ଇନ୍ଦିକିନାଃ ହନ୍ଦଗାଁଶାକ ସଡ଼ରା ଲେକାକ ହବାକାନ୍ତେୟାଃ, ଫେନ୍ଦ ନାହାଁଃ ଇନ୍ଦ୍ରୁ ପାବିତାର୍କାନାକ । ୧୫ କା ବିଶ୍ୱାସ୍ତାନ ହଡ଼, ବିଶ୍ୱାସ୍ତାନିନ୍ଦିଃକେ ବାଗିନାଙ୍ଗ ସାନାଙ୍ଗତାନରେଦ, ଇନ୍ଦିଃ ବାଗି ଦାଡ଼ିୟାଏ । ନେ ବିଷାଏରେ ଖ୍ରୀଷ୍ଟିୟାନ୍ ହାଗା ଫିଗି ଜେତାନ୍ ନିୟାମ୍ରେ କାକ ତଲ୍ଲକାନା ଚାଏ ଜେତାଏୟାଃ ଦାସି ନାହାଁଲକା । ଚିୟାଃତି ପାର୍ମେଶ୍ୱାର୍ ଆପେକେ ସୁକୁଜୀଉରେ ତାଇନ୍ଦଃ ନାଗେନ୍ତେ କେଡ଼ାକାଦ୍ପେୟା । ୧୬ ଖ୍ରୀଷ୍ଟ ବିଶ୍ୱାସୀ କୁଡ଼ି, ଆମ୍ ଆମାଃ କଡ଼ାରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ ବାଞ୍ଛାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ?

ପାର୍ମେଶ୍ୱାର୍ଆଃ କେନେଡ଼ା ଲେକା ଜୀହୁଦଃପେ

୧୭ ପ୍ରାଭୁଆଃ ସାୟାଦ୍ତେ ନାମାକାଦ୍ ବାର୍ଦାନ ଲେକାତେ ଆତଃ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ । ନେଆଁ ଆଇଙ୍ଗ ସବେନ୍ କାଲିସିୟାରେଇଙ୍ଗ ଇଡୁକାଦ୍କଆ । ୧୮ ଖାଡନାଅୟାନ୍ ତାୟମ୍ତେ ଜେତାଏ ପାର୍ମେଶ୍ୱାର୍ଆଃ କେନେଡ଼ା ନାମେରେଦ, ଇନ୍ଦିଃ କା ଖାଡନାଅକାନ୍ ଲେକା ହବାଅଃ ନାଗେନ୍ତେ ଆଲକାଏ ଫନେକା, ଆତଃ କା ଖାଡନାଅକାନ୍ ହଡ଼ ପାର୍ମେଶ୍ୱାର୍ଆଃ କେନେଡ଼ା ନାମାକାଦ୍ରେଦ, ଇନ୍ଦିଃ ଖାଡନାଅଃ ନାଗେନ୍ତେ ଆଲକାଏ ଫନେକା । ୧୯ ଜେତାଏ ହଡ଼ ଖାଡନାଅଃ ଚାଏ କାଏ ଖାଡନାଅଃ, ଏନାରେ ଜେଡନାଃ କା ହବାଅଃଆ, ଫେନ୍ଦ ପାର୍ମେଶ୍ୱାର୍ଆଃ ଆନ୍ଦ୍ରୁକେ ଏସ୍ୱକାର୍ ମାନାତିଙ୍ଗ ଲାଗାତିୟାଁ । ୨୦ ପାର୍ମେଶ୍ୱାର୍ଆଃ କେନେଡ଼ା ନାମ୍କେଦ୍ ଇମ୍ତା ଆପେ ଚିଲ୍ଲକା ତାଇନ୍ଦକେନାପେ ଏନ୍ଲେକାଗି, ଏନାରେ ତାଇନ୍ଦପେ । ୨୧ ପାର୍ମେଶ୍ୱାର୍ କେଡ଼ାକେଦ୍ପେ ଇମ୍ତା ଚିନାଃ ଆପେ ଦାସିପେ ତାଇକେନା ? ଠାଉକାଗିୟା, ଫନ୍ରେ ଆଲ୍ପେ ଦୁକୁଃଆ, ଫେନ୍ଦ ଆପେ ତନଲ୍ଏତେ ରାଡ଼ାଅଃ ନାଗେନ୍ତେ ବୁଗିନ୍ ନେଡ଼ା ନେଲ୍କାତେପେ

\* ୭:୧୦ ୭:୧୦ ମାଥୁଉ ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮.

। ୨୨ ଚିୟାଃଚି ପ୍ରାଭୁଆଃ କେନେଡ଼ା ନାମାକାଦ୍ ଦାସି, ପ୍ରାଭୁଆଃ ରାଡ଼ାକାନ୍ ହଡ଼ତାନିଃ, ଏନ୍ଲେକାଗି ଯୀଶୁ ଖ୍ରୀଷ୍ଟଆଃ କେନେଡ଼ାତେ ରାଡ଼ାକାନ୍ ହଡ଼, ଯୀଶୁ ଖ୍ରୀଷ୍ଟଆଃ କିରିଙ୍ଗଦାସି ତାନିଃ । ୨୩ ପାର୍ମେଶ୍ଵାର୍ ଆପେକେ ପୁରାଃ ଗନଙ୍ଗତେ କିରିଙ୍ଗକାଦପେୟା, ଏନାତେ ହଡ଼କଆଃ ଦାସି ଆଲ୍ପେ ହବାଅଃଆ । ୨୪ ହେ ହାଗା ମିଶିକ, ପାର୍ମେଶ୍ଵାର୍ ଆପେକେ କେଡ଼ାକେଦ୍ପେ ଇମ୍ତା ଆପେ ଅକଲେକାପେ ତାଇନ୍କେନା, ଏନ୍ଲେକାଗି ଆପେ ପାର୍ମେଶ୍ଵାର୍ଲଃ ସାଙ୍ଗାତିରେ ତାଇନ୍ପେ ।

କା ଆଣ୍ଡିକାନ୍ ଆତଃ ରାଣ୍ଡିକୁଡ଼ିକଆଃ ବିଷାଏରେ କୁନ୍ନୁଲି

୨୫ ଆପେ କା ଆଣ୍ଡିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ଜେତାନ୍ ଆନାରୁ କାଇଙ୍ଗ୍ ନାମାକାଦା । ମେନ୍ଦ୍ ପ୍ରାଭୁଆଃ ଦାୟାତେ ଆଇଙ୍ଗ୍ ପାତିୟାରଃ ଲେକାନ୍ ହଡ଼ ଲେକା ଆଇଁୟାଃ ବିଚାର୍ ଲେକାତେଇଙ୍ଗ୍ କାଜିତାନା ।

୨୬ ନାହାଁଃରେୟାଃ ଦୁକୁହାସୁ ନେଲ୍ଲକେଦ୍ପେ, ମିଆଁଦ୍ ହଡ଼ ଚିଲ୍ଲକା ମେନାଇୟା, ଏନ୍ଲେକାଗି ତାଇନଃରେ ବୁଗିନାଃ ହବାଅଃତେୟାଃ ମେନ୍ତେଇଙ୍ଗ୍ ଉଡ଼ଝୁତାନା । ୨୭ ଆପେ ଆଣ୍ଡିକାନ୍ରେଦ, ନେ ତନଲ୍ଲକେ ରାଡ଼ାଏ ନାଗେନ୍ତେ ଆଲ୍ପେ ଚେଷ୍ଟାଏୟା । ଆତଃ ଆପେ କାପେ ଆଣ୍ଡିକାନ୍ରେଦ, ଆଣ୍ଡିନ୍ ନାଗେନ୍ତେ ଆଲ୍ପେ ଚେଷ୍ଟାଏୟା । ୨୮ ଆପେ ଆଣ୍ଡିକାନ୍ରେଦ, ପାପ୍ କାମି କାପେ କାମିକାଦା; ଆତଃ କା ଆଣ୍ଡିକାନ୍ କୁଡ଼ି ଆଣ୍ଡିନ୍ରେଦ, ଇନିଃ ପାପ୍ କାମି ଆଲକାଏ ରିକାଏକା । ମେନ୍ଦ୍ ଆଣ୍ଡିକାନ୍ ହଡ଼କ ପୁରାଃ ଦୁକୁକ ନାମେୟା, ଆତଃ ଆପେ ନେ ଦୁକୁଏତେ ବାଚାଅଃପେ ମେନ୍ତେଇଙ୍ଗ୍ ସାନାଙ୍ଗତାନା ।

୨୯ ମେନ୍ଦ୍ ହେ ହାଗା ମିଶିକ, ଆଇଙ୍ଗ୍ ନେ କାଜି, କାଜି ନାଗେନ୍ତେଇଙ୍ଗ୍ ସାନାଙ୍ଗତାନା, ନେତା ସେଚେରାକାନା । ତିସିଙ୍ଗତାଃଏତେ ଆଣ୍ଡିକାନ୍ ହଡ଼କ କା ଆଣ୍ଡିକାନ୍ ହଡ଼କ ଲେକା ଜୀଝାନ୍ ବିତାଏକାକ, ୩୦ ଆତଃ ରାଆଃତାନ୍ ହଡ଼କ କା ରାଆଃତାନ୍ ହଡ଼କ ଲେକା ହବାଅଃକାକ, ଆତଃ ଲାୟାତାନ୍ ହଡ଼କ କା ଲାୟାତାନ୍ ହଡ଼କ ଲେକା ହବାଅଃକାକ, କିରିଙ୍ଗତାନ୍ ହଡ଼କ କିରିଙ୍ଗକାଦ୍ପେୟାଃ ଆକଆଃ ନାହାଁଲାଃ ମେନ୍ତେ ମନେକାକ । ୩୧ ଆତଃ ଅକନ୍ଦ୍ ଅତେଦିଶ୍ଵମ୍ରେୟାଃ ଜିନିଷକକେ ବାଉରାଅ ତାନା, ଇନ୍କୁ କା ବାଉରାଅ ତାନ୍ଲେକାକ ହବାଅଃକା, ଚିୟାଃଚି ନେ ଅତେଦିଶ୍ଵମ୍ ବାଦ୍ଲାଅଃ ତାନା ।

୩୨ ମେନ୍ଦ୍ ଆପେ ନିର୍ଫିକିର୍ ତାଇନଃପେ, ମେନ୍ତେଇଙ୍ଗ୍ ସାନାଙ୍ଗତାନା । କା ଆଣ୍ଡିକାନ୍ ହଡ଼ ପ୍ରାଭୁଆଃ କାମି ରିକା ନାଗେନ୍ତେ ଆଇଃକ୍ଚି ଉଡ଼ଝୁଇକା, ଚିୟାଃଚି ପ୍ରାଭୁ ସୁକୁଃକାଏ ମେନ୍ତେ ଇନିଃ ଚେଷ୍ଟାଏ ତାନା । ୩୩ ମେନ୍ଦ୍ ଆଣ୍ଡିକାନ୍ କଡ଼ା ଆୟାଃ କୁଡ଼ିକେ ସୁକୁଇଚି ନାଗେନ୍ତେ ଇନିଃ ଅତେଦିଶ୍ଵମ୍ପୁରାଃ ବିଷାଏକେ ଉଡ଼ଝୁୟା, ୩୪ ଆତଃ ଆୟାଃ ମନ୍ଦ୍ ବିନ୍ଗାଅଃଆ । କା ଆଣ୍ଡିକାନ୍ କୁଡ଼ି ଚାଏ ଡିଶ୍ଵାକୁଡ଼ି, ଆୟାଃ ହଡ଼ମ୍ ଆତଃ ଆମ୍ବା ବାରାନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆଃ କାମିରେ ମନ୍ଦ୍ ଏମେକାଏ, ମେନ୍ଦ୍ ଆଣ୍ଡିକାନ୍ କୁଡ଼ି ଆୟାଃ କଡ଼ାକେ ସୁକୁଇଚି ନାଗେନ୍ତେ ଇନିଃ ଅତେଦିଶ୍ଵମ୍ପୁରାଃ ବିଷାଏକେ ଉଡ଼ଝୁୟା ।

୩୫ ନେ କାଜି ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେଇଙ୍ଗ୍ କାଜିତାନା, ଆପେ ତନଲ୍ଲରେ ତାଇନଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା, ମେନ୍ଦ୍ ଆପେ ବୁଗିଲେକା ଜୀଝାନ୍ ବିତାଅକେଦ୍ପେ ମିଦ୍ ମନ୍ଦ୍ରେ ପ୍ରାଭୁତାଃରେ ତାଇନଃପେ ମେନ୍ତେଇଙ୍ଗ୍ ସାନାଙ୍ଗତାନା ।

୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜାଝାନ୍ ସାମାଏ ପାରମ୍କାନା ଆତଃ ଇନିଃ କା ଲାଗାତିୟାଃ ଲେକାଏ ବେଭାର୍ତାନା ମେନ୍ତେ ଆର୍କାରେରେଦ, ଆୟାଃ ଲାଗାତିଙ୍ଗ୍ ଲେକାତେ ଅକ୍ନାଃ ସାନାଙ୍ଗ୍, ଏନାଏ କାମିକା

ଆତଃ ଇନ୍ଦ୍ରିୟ ଆଶ୍ୱଦିୟଃକାକିନ୍ । ଏନାରେ ଜେତାନ୍ ପାପ୍ କା ହବାଅଃଆ ।  
 ୩୭ ମେନ୍ଦ୍ ଜେତା ହତ୍ ଆୟାଃ ମନ୍ସୁରୁଦ୍ରେ ଆବର୍ତ୍ତା ଦହକେଦ୍ରେ ଆୟାଃ ନାଜ୍  
 ଆସିଆକାନ୍ କୁଡ଼ିକେ କା ଆଶ୍ୱଦି ନାଗେନ୍ତେ ମନ୍ରେ ଠାହାରାଅକାଦା ଆତଃ ଆୟାଃ  
 ଇଛା ସାନାଜ୍ଜକେ ଆବର୍ତ୍ତରେ ଦହକାଦ୍ରେଦ୍, ଇନ୍ଦିଃ ଏନ୍ ଆସିଆକାନ୍ କୁଡ଼ିକେ କା  
 ଆଶ୍ୱଦି ନାଗେନ୍ତେ ଉହାଟ୍ଟକାଦା, ଏନାରେ ଇନ୍ଦିଃ ବୁଗିନାଃଏ କାମିକାଦା । ୩୮ ଏନାତେ  
 ଜେତାଏ ଏନ୍ ଆସିଆକାନ୍ କୁଡ଼ିକେ ଆଶ୍ୱଦିନ୍ରେ ବୁଗିନାଃ କାମିୟାଏ । ମେନ୍ଦ୍  
 ଜେତାଏ କାଏ ଆଶ୍ୱଦିନାଃ, ଇନ୍ଦିଃ ପୁରାଃ ବୁଗିନାଃଏ କାମିୟା ।

୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍ରେ ତାଇନଃଆ, କଡ଼ାରାଃ  
 ଗନ୍ଏଃ ତାୟମ୍ରେ, ଇନ୍ଦିଃ ଆୟାଃ ସାନାଜ୍ ଲେକା ଆତଃମିସାଏ ଆଶ୍ୱଦି ଦାଡ଼ିୟା,  
 ମେନ୍ଦ୍ ଇନ୍ଦିଃ ପ୍ରାଭୁଆଃ ବିଶ୍ୱାସୀକେ ଏସ୍କାର୍ ଆଶ୍ୱଦି ଦାଡ଼ିୟାଏ । ୪୦ ଆଇଁୟାଃ  
 ମନେ ଲେକାତେ, ଇନ୍ଦିଃ କା ଆଶ୍ୱଦିକେଦ୍ରେ ଏନ୍ଲେକାଗି ତାଇନଃରେ ପୁରାଃଗି  
 ସୁକୁରେ ତାଇନା । ନେଆଁ ଆଇଁୟାଃ ମନେତାନା ଆତଃ ପାର୍ମେଶ୍ୱାର୍ଆଃ ପାବିତାର୍  
 ଆମ୍ବାରାଃହଗି ମନେତାନା ।

୮

ମୁରୁଦ୍‌କତାଃରେ ଦାଣ୍ଠେ ରାକାବାକାନ୍ ଜମେୟାଃ ବିଷାଏରେ କୁନ୍ତୁଲି

୧ ଆଇଜ୍ ମୁରୁଦ୍‌କତାଃରେ ଦାଣ୍ଠେ ରାକାବାକାନ୍ ଜମେୟାଃ ବିଷାଏରେ  
 ନେଆଁଇଜ୍ କାଜିତାନା, ଆବୁ ସବେନ୍‌କଆଃ ସେଣ୍ଠା ମେନାଃ ମେନ୍ତେ ଆପେ  
 କାଜିତାନ୍‌ତେୟାଃ ଆଲେ ସାରିତାନାଲେ । ଏନ୍‌ଲେକାନ୍ ସେଣ୍ଠାନ୍ ହତ୍‌କ  
 ହାଁକାରଃଆକ, ମେନ୍ଦ୍ ଦୁଲ୍‌ତ୍, ହତ୍‌କକେ ବାଇରୁହାତ୍‌କଆ । ୨ ଜେତାଏ ଆଇଜ୍  
 ସାରିୟାଇଜ୍ ମେନ୍ତେ କାଜିନିଃ, ଅକନାଃ ସାରି ଲାଗାଡ଼ିଜ୍‌ୟାଃ ଏନା କାଏ ସାରିୟା ।  
 ୩ ମେନ୍ଦ୍ ଜେତାଏ ପାର୍ମେଶ୍ୱାର୍‌କେ ଦୁଲ୍‌ତାଃଏ, ପାର୍ମେଶ୍ୱାର୍ ଇନ୍ଦିଃକେ ଏସ୍‌କାର୍  
 ସାରିୟାଃଏ ।

୪ ଏନାତେ ମୁରୁଦ୍‌କକେ ଦାଣ୍ଠେ ରାକାବାକାନ୍ ଜମେୟାଃ ବିଷାଏରେ ଆଲେ  
 ସାରିତାନାଲେ, ନେ ଅତେଦିଶ୍ୱମ୍ରେ ମୁରୁଦ୍‌କ ଜେତାନିଃ ନାହାଁଲାକ । ଆବୁଆଃ  
 ମିଆଁଦ୍‌ଗି ପାର୍ମେଶ୍ୱାର୍ ମେନାଇୟା ଇନ୍ଦିଃ ବେଗାର୍ ଜେତାଏ ବାଜ୍‌କଆ । ୫ ସିର୍ମାରେ  
 ହବାଃଆ ଚାଏ ଅତେରେ, ଅକନ୍‌କ ମାହାପୁରୁ ଆତଃ ପ୍ରାଭୁ ମେନ୍ତେକ କାଜିୟଃତାନା,  
 ଇନ୍‌କୁ ପୁରାଃଗି ମେନାକଆ । ୬ ଏନ୍‌ରେୟ ଆବୁଆଃ ମିଆଁଦ୍‌ଗି ପାର୍ମେଶ୍ୱାର୍  
 ମେନାଇୟା । ଇନ୍ଦିଃଗି ଆପୁ ପାର୍ମେଶ୍ୱାର୍ ତାନିଃ, ଅକଏତି ସବେନାଃରେୟାଃ  
 ବାବାଇନିଃ ତାନିଃ ଆତଃ ଆୟାଃ ନାଗେନ୍ତେ ଆବୁ ଜାନିଦ୍ ମେନାବୁଆ । ଆତଃ  
 ଆବୁଆଃ ମିଆଁଦ୍‌ଗି ପ୍ରାଭୁ ଯୀଶୁ ଶ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ  
 ବାଇୟାକାନା ଆତଃ ଆବୁ ଆୟାଃତାଃରେ ଜାହୁଦଃ ତାନାବୁ ।

୭ ମେନ୍ଦ୍ ସବେନ୍‌କ ନେ ସାନାର୍‌ତି କାକ ସାରିୟା । ଚିମିନ୍ ହତ୍‌କ ନାହାଁଃ ଜାକେଦ୍  
 ମୁରୁଦ୍ ମେନାକଆ ମେନ୍ତେକ ଉଡ଼ୁତାନା ଆତଃ ଦାନ୍ ରାକାବାକାନ୍ ଜମେୟାଃକେ  
 ମାହାପୁରୁକଆଃ ପାର୍ସାଦ୍ ତାନାଃ ମେନ୍ତେକ ଜମେତାନା । ଇନ୍‌କୁଆଃ ବିବେକ୍  
 ନାରାଦୁରାଗିୟା, ଏନାତେ ଏନ୍ ପାର୍ସାଦ୍ ଜମ୍‌କେଦ୍ ହରାତେ ଇନ୍‌କୁ ସତ୍‌ରାଆଃ  
 ତାନାକ । ୮ ମେନ୍ଦ୍ ଜମେୟାଃ ହରାତେ ଆବୁଆଃ ନାତା ପାର୍ମେଶ୍ୱାର୍‌ଲଃ ଜେତାନ୍  
 ବାଦ୍‌ଲାଅ କା ହବାଅଃଆ । ଜେତାନ୍ ଜମେୟାଃ ଜମ୍‌କେଦ୍ ହରାତେ ଚାଏ କା  
 ଜମ୍‌କେଦ୍ ହରାତେ ଆବୁଆଃ ଜେତନାଃ କା ନକ୍‌ସାନାଃଆ ଚାଏ କା ପସାଆଃଆ ।

୯ ମେନ୍ଦ୍ ଚିର୍ଗାଲାକାନ୍ ତାଇନ୍‌ପେ, ଆପେୟାଃ ନେ ଆକ୍‌ତେୟାର୍ ନାଗେନ୍ତେ  
 ନାରାଦୁରା ମନ୍‌ରେନ୍ ହତ୍‌କ ବିଶ୍ୱାସ୍‌ରେ ଜେତାଲେକାତେ ଆଲକାକ ତହଦଃକା ।  
 ୧୦ ମିହୁଡ୍ ବିଶ୍ୱାସ୍‌ରେ ନାରାଦୁରାନିଃ ଆପେ ଲେକାନ୍ ସେଣ୍ଠାନ୍ ହତ୍‌କକେ ମାନ୍ଦିର୍

ଅଡ଼ାଠରେ ଦାନ୍ ରାକାବାକାନ୍ ଜମେୟାଠକେ ଜମ୍‌ତାନ୍ ନେଲ୍‌ତାପେରେ, ଚିନାଠ  
 ଇନିଠ ଏନାକେ ଜମ୍ ନାଗେନ୍ତେ କାଏଚି ସାହାସେଆ ? ୧୧ ଏନାତେ ବିଶ୍ୱାସ୍‌ରେ  
 ନାରାଦୁରା ମେନାଇ ଅକନ୍ ହାଗା ନାଗେନ୍ତେ ଯାଶୁ ଶ୍ରୀଷ୍ଟ ଗଏଠୟାନାଏ, ଇନିଠ  
 ଆପେୟାଠ “ସେଣ୍‌ନ୍” ହରାତେ ଜିୟନଠ ତାନାଏ । ୧୨ ନେ ଲେକାତେ ଆପେୟାଠ  
 ହାଗାକଆଠ ବିରୁଧ୍‌ରେ ପାପ୍ କାମିକେଦ୍‌ତେ ଆପେ ଯାଶୁ ଶ୍ରୀଷ୍ଟଆଠ ବିରୁଧ୍‌ରେ ପାପ୍  
 କାମିତାନାପେ ଆଡ଼ଠ ଏନ୍ ହାଗାକଆଠ ନାରାଦୁରା ବିବେକ୍‌କେ ଠକରେତାନାପେ ।  
 ୧୩ ଜେତାନ୍ ଜମେୟାଠ ନାଗେନ୍ତେ ହାଗାଇଜ୍ ପାପ୍ ହରାତେ ସେନଠରେଦ, ଆଇଜ୍  
 ଏନ୍ ଜମେୟାଠକେ ଚିଉଲାଅ କାଇଜ୍ ଜମେୟା ।

୯

ପ୍ରେରିତ୍‌କଆଠ ଚାଇଲ୍ ଚାଲାନରାଠ ନିୟାମ୍

୧ ଆଇଜ୍ ଚିନାଠ ତନଲ୍‌ହେତେ ରାଡ଼ାକାନ୍ ହଡ଼ ନାହାଁଲାଇଜ୍ ? ଆଇଜ୍ ଚିନାଠ  
 ପ୍ରେରିତ୍ ନାହାଁଲାଇଜ୍ ? ଆରୁଆଠ ପ୍ରାଭୁ ଯାଶୁ ଶ୍ରୀଷ୍ଟକେ ଆଇଜ୍ ଚିନାଠ କାଇଜ୍  
 ନେଲ୍ ? ଆଇଜ୍ ପ୍ରାଭୁଆଠ ନାଗେନ୍ତେ କାମିକାଦ୍ କାମିରେୟାଠ ଜ, ଆପେ ଚିନାଠ  
 ନାହାଁଲାପେ ? ୨ ଏଟାଠକ ଆଇଜ୍‌କେ ପ୍ରେରିତ୍ ତାନିଠ ମେନ୍ତେ କାକ କାଜିରେୟ,  
 ଆପେ ଆଇଜ୍‌କେ ପ୍ରେରିତ୍ ମେନ୍ତେପେ କାଜିଜ୍ ତାନା, ଚିୟାଠଚି ଆପେୟାଠ ଜୀଦାନ୍  
 ପ୍ରାଭୁଲଠ ମେସାକାନ୍ ହରାତେ ଆପେଗି ଆଇଜ୍ ପ୍ରେରିତ୍ ତାନିଜ୍ ମେନ୍ତେପେ  
 ଉଦୁବେତାନା ।

୩ ଆଇଜ୍‌କେ କାଜିକଟ୍‌ଜ୍‌ତାନ୍ ହଡ଼କକେ, ଆଇଜ୍ ନେ ଲେକାତେଇଜ୍  
 କାଜିରୁହାଡ଼କଆ । ୪ ଆଇୟାଠ କାମିରାଠ ହରାତେ ଜମ୍ ନୁଁ ନାଗେନ୍ତେୟ ଚିନାଠ  
 ଆଇୟାଠ ଆକ୍‌ତେୟାର୍ ବାନଠଆ ? ୫ ଏଟାଠ ପ୍ରେରିତ୍‌କ, ପାଡ଼ରାସ୍, ଆଡ଼ଠ ପ୍ରାଭୁଆଠ  
 ହାଗାକ ଲେକା ବିଶ୍ୱାସୀ ମିଶିକେ ଆଣ୍‌ଦିକେଦ୍‌ତେ ଆୟାଠଲଠ ହରାସେନ୍ ନାଗେନ୍ତେ  
 ଚିନାଠ ଆଇୟାଠ ଆକ୍‌ତେୟାର୍ ବାନଠଆ ? ୬ ଜାନିଦ୍ ତାଇନ୍ ନାଗେନ୍ତେ ଆଇଜ୍‌କେ  
 ଆଡ଼ଠ ବର୍ଣ୍ଣବାସ୍‌କେ ଏସ୍‌କାର୍ କାମି ଲାଗାତିଜ୍‌ୟାଠଚି ? ୭ ମିଆଁଦ୍ ପାଲ୍‌ଗାନ୍ ଆୟାଠ  
 ଖାର୍ଣ୍ଣ ଆଇଠକ୍‌ଗି ଏମେୟାଚି ? ଚାଷିହଡ଼ ଚିନାଠ ଆୟାଠ ଦାଖ୍‌ବାକ୍‌ତିରାଠ ଜ କାଏ  
 ଜମେୟା ? ଚାଏ ମିଶ୍ଟିଗୁପିନିଠ ଆୟାଠ ମିଶ୍ଟିରାଠ ତଆ କାଏ ନୁଁଏୟା ?

୮ ଚିନାଠ ଆଇଜ୍ ନେ କାଜିକ ମାନଖା ଲେକାଇଜ୍ କାଜିତାନା ? ଚିନାଠ  
 ମୁଣା ନାବାଆଠ ଆନ୍‌ରୁ ପୁଥ୍‌ରେ ନେଆଁ କା ଅଲାକାନା ? ୯ ଆରୁଆଠ ମୁଣା  
 ନାବାଆଠ ଆନ୍‌ରୁରେ ଅଲାକାନା, ବାବା ଦାଉଁରିତାନ୍ ଉରିଠକ୍‌କେ, ମଚାରେ ଆଲମ୍  
 ତଲିୟା । ପାର୍‌ମେଶ୍ୱାର୍ ଚିନାଠ ଉରିଠକ୍ ବିଷାଏରେ ଉଡ଼ୁଡ଼ୁତାନା ? ୧୦ ଇନିଠ  
 ଚିନାଠ ଆରୁ ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆରୁ ନାଗେନ୍ତେ  
 ଅଲାକାନା, ଜେତାଏ ସିହୁଠକାମି ରିକାଏନିଠ ଆଡ଼ଠ ଇରୋଠକାମି ରିକାଏନିଠ ଜ  
 ନାମେରେୟାଠ ଆସ୍ତାରେ କାମିୟା । ୧୧ ଆଲେ ଆପେ ଆଲାରେ ଆମ୍‌ରେୟାଠ  
 ହିତା ହେରାକାଦାଲେ, ଏନାତେ ଆଲେ ଚିନାଠ ଆପେତାଠଏତେ ଅତେରେୟାଠ  
 ଜ ନାମେ ନାଗେନ୍ତେ କାଲେଚି ଆସ୍ତାଏୟା ? ୧୨ ନେଲେକା ଆପେତାଠଏତେ  
 ଆସ୍ତାଏ ନାଗେନ୍ତେ ଏଟାଠକଆଠ ଆକ୍‌ତେୟାର୍ ମେନାଠରେଦ, ଆରୁଆଠ ଆକ୍‌ତେୟାର୍  
 ଚିନାଠ ଇନ୍‌କୁତାଠଏତେ ଆଦ୍‌କା ବାନଠଆ ? ଆରୁ ନେ ଆକ୍‌ତେୟାର୍‌କେ କାରୁ  
 ବେଭାର୍‌କାଦା ।

ମେନ୍‌ଦ୍ ଶ୍ରୀଷ୍ଟଆଠ ସୁକୁକାଜି ଉଦୁବ୍ ନାଜ୍ ହରା ଆଲକା ଛେକାଦଠକା ମେନ୍ତେ  
 ଆଲେ ସବେନାଠଲେ ସାହାତିଜ୍ ତାନା । ୧୩ ମାନ୍‌ଦ୍ ଅଡ଼ାଠରେ କାମିତାନ୍‌କ,  
 ମାନ୍‌ଦ୍ ଅଡ଼ାଠଏତେ ଜମେୟାଠକ ନାମେୟା, ଦାଣ୍‌ ରାକାବ୍‌ତାନ୍ ହଡ଼, ଦାଣ୍‌

☆ ୯:୯ ୯:୧୧ ୧ ତିମଥ୍ ୫:୧୮. ☆ ୯:୧୧ ୯:୧୧ ରୋମି ୧୫:୨୭.

ରାକାବକାନ୍ତେୟାରାଃ ହିସାକ ନାମେୟା, ଏନା ତିନାଃ ଆପେ କାପେ ସାରିତାନା ?  
୧୪\* ଏନ୍ଲେକାଗି, ସୁକୁକାଜି ଉଦୁବତାନ୍ ହଡ଼କ, ସୁକୁକାଜି ଉଦୁବକେଦ୍ତେ ଜୀଞ୍ଜାନ୍  
ବିତାଏକାକ ମେନ୍ତେ ପ୍ରାଭୁ ଆରୁକାଦା ।

୧୫ ମେନ୍ଦ ଏଇଁୟାଃ ଅକନ୍ ଆକ୍ତେୟାର୍ ମେନାଃ ଏନା ଆଇଙ୍ଗ୍ ମିଆଁଦ୍ ହୁଁ  
କାଇଙ୍ଗ୍ ବେଭାରକାଦା, ଚାଏ ଏନ୍ ସବେନାଃ ଆଇଁୟାଃ ନାଗେନ୍ତେ ହବାଅଃକା  
ମେନ୍ତେ ଆଇଙ୍ଗ୍ ଆପେତାଃତେ କାଇଙ୍ଗ୍ ଅଲେତାନା, ଜେତାଏ ଆଇଁୟାଃ ନେ  
ମାନାରାଙ୍ଗ୍ କେ ସାମା ଏଣ୍ଡାଗେତେଦ, ଗଜଃତେୟାଃ ଆଇଁୟାଃ ନାଗେନ୍ତେ ବୁଗିନାଃ  
ହବାଅଃକା । ୧୬ ସୁକୁକାଜି ଉଦୁବତାନାଇଙ୍ଗ୍ ମେନ୍ତେ ଆଇଙ୍ଗ୍ ଆପାନ୍ କେ କାଇଙ୍ଗ୍  
ମାରାଙ୍ଗ୍ ଯେନ୍ ତାନା, ନେ ବାହାରମ୍ ମାନାତିଙ୍ଗ୍ ନାଗେନ୍ତେ ଆଇଙ୍ଗ୍ କେ ଆରୁକାନା ।  
ଏନାତେ ସୁକୁକାଜି କାଇଙ୍ଗ୍ ଉଦୁବେରେଦ, ହାଏ, ଆଇଁୟାଃ ପୁରାଃ ଦୁକୁ ହବାଅଃକା  
। ୧୭ ଆଇଙ୍ଗ୍ ଏନ୍ ସୁକୁକାଜିକେ ବେଗାର୍ ଆରୁତେ ଆଇଙ୍ଗ୍ ଗିଇଙ୍ଗ୍ କାମିରେଦ,  
ଆଇଙ୍ଗ୍ ନାଲା ନାମେ ନାଗେନ୍ତେଇଙ୍ଗ୍ ତାଙ୍ଗିକାତେତେୟାଃ, ମେନ୍ଦ ପାରମେଶ୍ୱାର୍  
ଆଇଙ୍ଗ୍ କେ ନେ କାମି ରିକାରେୟାଃ ବାହାରମ୍ ଏମାକାଦିଙ୍ଗ୍ ହରାତେ ଆଇଙ୍ଗ୍ କେ  
ନେ କାମି ରିକା ଲାଗାତିୟାଁ । ୧୮ ଏନାରେ ଆଇଙ୍ଗ୍ ତିଲକାତେ ନାଲାଇଙ୍ଗ୍ ନାମେୟା  
? ସବେନକତାଃରେ ବେଗାର୍ ଗନଙ୍ଗ୍ତେ ସୁକୁକାଜିଇଙ୍ଗ୍ ଉଦୁବତାନା, ନେଆଁଗି  
ଆଇଁୟାଃ ନାଲାତାନାଃ । ଏନାତେ ସୁକୁକାଜି ଉଦୁବ ନାଗେନ୍ତେ ଆଇଙ୍ଗ୍ ଆଇଁୟାଃ  
ଜେତାନ୍ ଆକ୍ତେୟାର୍ କାଇଙ୍ଗ୍ ବେଭାରକାଦା ।

୧୯ ଆଇଙ୍ଗ୍ ମିହୁଡ଼୍ ତନଲ୍ ହେତେ ରାଡ଼ାକାନ୍ ହଡ଼ ତାନିଙ୍ଗ୍, ଜେତାଏୟାଃ ଦାସି  
ନାହାଁଲିଙ୍ଗ୍, ଏନ୍ରେୟ ଖ୍ରୀଷ୍ଟ୍ରେ ସବେନକକେ ନାମକ ନାଗେନ୍ତେ ଆଇଙ୍ଗ୍  
ସବେନକଆଃ କିରିଙ୍ଗଦାସିଙ୍ଗ୍ ହବାକାନା । ୨୦ ଆଇଙ୍ଗ୍ ଯିହୁଦୀ ହଡ଼କକେ  
ଖ୍ରୀଷ୍ଟ୍ରେ ନାମକ ନାଗେନ୍ତେ ଇନ୍କୁଲଃ ଯିହୁଦୀକ ଲେକା ତାଇଲ୍ ତାଲାନ୍  
ରିକାତାନିଙ୍ଗ୍ । ମୁଗା ନାବୀଆଃ ଆନ୍ତୁ ମାନାତିଙ୍ଗ୍ତାନକକେ ଖ୍ରୀଷ୍ଟ୍ରେ ନାମକ  
ନାଗେନ୍ତେ ଆଇଙ୍ଗ୍ ଜେତାନ୍ ଆନ୍ତୁରେୟାଃ ଆକ୍ତେୟାର୍ରେ ବାଙ୍ଗାଇଙ୍ଗ୍ରେୟ  
ଆନ୍ତୁରେୟାଃ ଆକ୍ତେୟାର୍ରେ ମେନାଇଙ୍ଗ୍ଲେକା ତାଇଲ୍ ତାଲାନ୍ ରିକାତାନିଙ୍ଗ୍  
। ୨୧ ଏନ୍ଲେକାଗି ଆଇଙ୍ଗ୍ ଆନ୍ତୁ ବାନଃ ହଡ଼କକେ ଖ୍ରୀଷ୍ଟ୍ରେ ନାମକ ନାଗେନ୍ତେ  
ଆଇଙ୍ଗ୍ ଇନ୍କୁ ଆଲାରେ କାମିତାନ୍ ଇମ୍ତା ସାଆଁସାର୍ କ ଲେକା ଜୀଞ୍ଜାନ୍  
ବିତାଅତାନାଇଙ୍ଗ୍ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଙ୍ଗ୍ ପାରମେଶ୍ୱାର୍ଆଃ  
ନିୟାମ୍ କାଇଙ୍ଗ୍ ମାନାତିଙ୍ଗ୍ତାନା । ସାର୍ତ୍ତିଗି ଆଇଙ୍ଗ୍ ଯାଶୁ ଖ୍ରୀଷ୍ଟ୍ଆଃ ନିୟାମ୍ଆଃ  
ଆକ୍ତେୟାର୍ରେ ମେନାଇୟାଁ । ୨୨ ଅକନ୍ ବିଶ୍ୱାସରେ ନାରାଦୁରା ମେନାକଆ  
ଇନ୍କୁକେ ଖ୍ରୀଷ୍ଟ୍ରେ ନାମକ ନାଗେନ୍ତେ ଆଇଙ୍ଗ୍ ହୁଁ ଇନ୍କୁଲେକା ହବାୟାନାଇଙ୍ଗ୍ ।  
ଏନାତେ ଆଇଙ୍ଗ୍ ଇନ୍କୁକେ ବାଞ୍ଛାଅକ ନାଗେନ୍ତେ ସବେନକତାଃରେ ହବାସାକଆଃ  
ଲେକା ଜୀଞ୍ଜାନ୍ ବିତାଅକେଦାଇଙ୍ଗ୍ ।

୨୩ ଆଇଙ୍ଗ୍ ସୁକୁକାଜି ଉଦୁବକେଦ୍ତେ ଆଶିଷରାଃ ହିସା ନାମେ ନାଗେନ୍ତେ  
ନେ ସବେନାଃଇଙ୍ଗ୍ ରିକାତାନା । ୨୪ ଜିନିତାଅରେୟାଃ ଏନେଃରେ ପୁରାଃ ହଡ଼କ  
ମେସାନାଃ ମେନ୍ଦ ମିହୁଡ଼୍ଗି ନାଲାଏ ନାମେୟା, ଏନା ତିନାଃ ଆପେ କାପେ ସାରିତାନା  
? ଆପେ ନାଲାପେ ନାମେ ଲେକା ନିରେପେ । ୨୫ ଜିନିତାଅରେୟାଃ ଏନେଃ ନାଗେନ୍ତେ  
ଇଡୁକାନ୍ ହଡ଼କ ସବେନ୍ ଲେକାନ୍ ଇନିଡୁତେ ସେକାଡ଼ାକାନ୍ତ୍ରିକ ତାଇନାଃ, ଇନ୍କୁ  
ଜିୟନଃ ବାହାମାଲା ନାମେ ନାଗେନ୍ତେକ କାମିୟାଃ, ମେନ୍ଦ ଆରୁ କା ଜିୟନଃ ନାଲା  
ନାମେ ନାଗେନ୍ତେବୁ କାମିୟା । ୨୬ ଏନାମେନ୍ତେ ଆଇଙ୍ଗ୍ ନିର୍ ସେଟେରେ ଠାୟାଦକେ  
ନେଲ୍ କେଦ୍ତେ ଏନ୍ତାଃତେ ନିର୍ ସେଟେରେ ନାଗେନ୍ତେ ସିଧାଗିଙ୍ଗ୍ ନିରେତାନା  
। ମୁକାଲାଡ଼ାଇତାନ୍ ହଡ଼ ଲେକା ଆଇଙ୍ଗ୍ ଆଇଁୟାଃ ମୁକାକେ ସାମା ହୟରେ



ମୁକା କାଇଁ ସାନାଙ୍ଗତାନା । <sup>୨୭</sup> ଏଟାଠକତାଠରେ ସୁକୁକାଜି ଉଦୁବକେଦରେୟ  
ଆଇଙ୍ଗ ଆଲକାଇଙ୍ଗ ବାଗ୍ଡାଅଠ ମେନ୍ତେ ଦୁକୁ ସାହାତିଙ୍ଗକେଦତେ ହଡ଼ମକେଇଙ୍ଗ  
କେଟେଦକେଦା ଆତଠ ଆଇୟାଠ ଆବରରେଇଙ୍ଗ ଦହକାଦା ।

## ୧୦

ମୁରୁଡକଆଠ ବିରୁଧରେ ଚେତାଅ

<sup>୧</sup> ହେ ହାଗା ମିଶିକ, ମୁଣା ନାବୀକେ ଅତଙ୍ଗକେଦତେ ଆରୁଆଠ ପୁରଖା  
ହାଡାମକଆଠ ଚିନାଠ ହବାକାନ ତାଇକେନା ଏନା ଆପେ ପାହାମେପେ ମେନ୍ତେଇଙ୍ଗ  
ସାନାଙ୍ଗତାନା । ଇନ୍କୁକେ ରିମିଲ୍ତେ ବାଞ୍ଛାଅକାନ ତାଇକେନାକ ଆତଠ ଆରାଠ  
ଦରେୟା ଆଲା ଆଲାତେ ବୁଗିଲେକାକ ସେନ୍ ପାରମୟାନା । <sup>୨</sup> ମୁଣା ନାବୀକେ  
ଅତଙ୍ଗତାନକ ଲେକା ଇନ୍କୁ ସବେନ୍କ ରିମିଲ୍ ଆତଠ ଦରେୟାରେ ବାପ୍ତିସ୍ଥାୟାନାକ  
। <sup>୩</sup> ଇନ୍କୁ ସବେନ୍କ ମିଦ ସାମାନ ଆମ୍ବରେୟାଠ ଜଜମାଠକ ଜମାକାଦା, <sup>୪</sup> ଆତଠ ଏନ୍  
ମିଦ ସାମାନ ଆମ୍ବରେୟାଠ ଦାଆଠକ ନୁଆକାଦା । ଚିୟାଠଚି ଇନ୍କୁଲଠ ସେସେନ୍ତାନ  
ଆମ୍ବରେୟାଠ ଚାଟେନ୍ଏତେ ଇନ୍କୁ ଆମ୍ବରେୟାଠ ଦାଆଠ ନୁ ତାଇକେନାକ, ଆତଠ  
ଏନ୍ ଚାଟେନ୍ ଯାଶୁ ଶ୍ରୀଷ୍ଟି ତାନିଠ । <sup>୫</sup> ଏନ୍ରେୟ ପାରମେଶ୍ୱାର ଇନ୍କୁଏତେ  
ଚିମିନ୍କ ନାଗେନ୍ତେ କାଏ ସୁକୁକାନ ତାଇକେନା । ଏନାତେ ଇନ୍କୁଆଠ ଗନ୍ଏଠ ହଡ଼ମ  
ବିରରେ ନେତେହାନ୍ତେ ଛିତିବିତିକାନ ତାଇକେନା ।

<sup>୬</sup> ଇନ୍କୁ ଲେକା ଏଡକାନ ଉଡ଼ୁଆତଠ ଏଡକାନ କାମି କା ରିକା ନାଗେନ୍ତେ ନାହାଠ,  
ନେ ସବେନାଠ ନାମୁନା ଲେକା ହବାକେଦତେ ଆରୁକେ ଚେତାଅରୁ ତାନା, <sup>୭</sup> ଚାଏ  
ଇନ୍କୁଏତେ ଚିମିନ୍କ ମୁରୁଡ ସେଞ୍ଜାତାନକ ହବାୟାନା, ଏନାଲେକା ଆପେ ଆଲପେ  
ହବାଅଠଆ, ଧାରାମ୍ପୁଅରେ ଅଲକାନା : “ହଡକ ଜମ, ନୁ ନାଗେନ୍ତେକ ଦୁଦୟାନା,  
ଏନ୍ତେ ତିଙ୍ଗକେଦତେ ସୁସୁନ୍ତାନଲଠ ଏଡକାନ ରିଜ ରାଙ୍ଗରେକ ବୁଲୟାନା ।”  
। ଇନ୍କୁଏତେ ଚିମିନ୍କ ଆପାଙ୍ଗିର୍ କାମିକେଦ ହରାତେ ମୁସିଙ୍ଗରେ ମିଦହିସି ଆପି  
ହାଜାର ହଡକ ଗଏଠୟାନା । ଏନ୍ଲେକା ପାପ କାମି ଆରୁ ଆଲକାରୁ କାମିକା ।  
<sup>୯</sup> ଇନ୍କୁଏତେ ଚିମିନ୍କ ପ୍ରାଭୁକେ ବିଡାଅକିଠ ହରାତେ ବିଙ୍ଗ ହାବତେକ ଗଏଠୟାନା  
। ଏନ୍ଲେକା ଆରୁ ଶ୍ରୀଷ୍ଟକେ ଆଲକାରୁ ବିଡାଅଇକା । <sup>୧୦</sup> ଇନ୍କୁଏତେ ଚିମିନ୍କ  
ପାରମେଶ୍ୱାରଆଠ ବିରୁଧରେ କୁରୁମ୍ବୁରୁମୟାନାକ, ଆତଠ ଜିୟନକତାନ ଦୁଡ଼  
ଇନ୍କୁକେ ଗଏଠକେଦକଆ । ଆପେ ଏନ୍ଲେକା କାଜି ଆଲପେ ଜାଗାରେୟା ।

<sup>୧୧</sup> ଇନ୍କୁଆଠ ନାଗେନ୍ତେ ନେ ସବେନାଠ ନାମୁନା ଲେକା ହବାୟାନା, ଆତଠ  
ଆରୁକେ ଚେତାଅ ନାଗେନ୍ତେ ଏନା ସବେନାଠ ଅଲକାନା । ଚିୟାଠଚି ଆରୁ ଲାଗ୍ଡାଗ୍  
ଚୁଣ୍ଡୁ ହିପିଲିରେ ସେଟେରକାନାରୁ ।

<sup>୧୨</sup> ଏନାତେ ଜେତାଏ ଆପାନକେ ତିଙ୍ଗ କେଟେଦକାନାଇଙ୍ଗ ମେନ୍ତେ ଉଡ଼ୁନିଠ,  
ଆଲକାଏ ଉୟୁଗଠକା ମେନ୍ତେ ଚିର୍ଗାଲକାନ ତାଇକ୍‌କାଏ । <sup>୧୩</sup> ହଡକକେ  
ହବାଅଠତାନ ବିନିଡାଅ ବାଗିକେଦତେ ଆତଠ ଏଟାଠଲେକାନ ବିନିଡାଅରେ ଆପେ  
କାପେ ଉୟୁଠକାନା । ମେନ୍ଦ ପାରମେଶ୍ୱାର ଆୟାଠ ବାନାର୍‌ସା ଦହ ନାଗେନ୍ତେ  
ପାତିୟାରଠ ଲେକାନିଠ ତାନିଠ । ଏନାମେନ୍ତେ ଇନିଠ ଆପେକେ କା ସାହାତିଙ୍ଗୟେ  
ଲେକାନ ବିନିଡାଅରେ କାଏ ଉୟୁପେୟା । ଆପେୟା ବିନିଡାଅ ଇମତା ସାହାତିଙ୍ଗ  
ନାଗେନ୍ତେ ପାରମେଶ୍ୱାର ଆପେକେ ପେଡ଼ଠ ଏମାପେୟାଏ ଆତଠ ବାଞ୍ଛାଅଠ  
ନାଗେନ୍ତେ ହରାଏ ଉଦୁବାପେୟା ।

<sup>୧୪</sup> ଏନାମେନ୍ତେ ହେ ଦୁଲ୍ଲାଡକ, ଆପେ ମୁରୁଡ ସେଞ୍ଜା ବାଗିପେ । <sup>୧୫</sup> ଆଇଙ୍ଗ  
ଆପେକେ ସେଣ୍ଡିନ୍ ହଡକକେ କାଜିତାନ ଲେକାଇଙ୍ଗ କାଜିପେତାନା, ଆଇଙ୍ଗ

ଆପେକେ କାଜିପେତାନୁତେୟାଃ ଆପେଗି ବିଚାରେପେ ।<sup>୧୭</sup> \*ଆବୁ ପ୍ରାଭୁଭୋଜ୍ଞରେ ବାଉରାଅତାନ କାଗୋରା ନାଗେନ୍ତେ ପାର୍ମେଶ୍ଵାରକେ ଧାନାବାଦ୍ ଏମାଃରୁ । ନେ କାଗୋରାଏତେ ନୁଁ ଇମ୍ତା ଆବୁ ଶ୍ରୀଷ୍ଟିଆଃ ମାୟୋମ୍ରେ ହିସାବୁ ଇଦିତାନା । ଆତଃ ହଲଙ୍ଗ୍ କେଟାଃକେଦ୍ତେ ଜମକେଦ୍ ହରାତେ ଆବୁ ଶ୍ରୀଷ୍ଟିଆଃ ହଡ଼ମ୍ରେ ହିସାବୁ ଇଦିତାନା ।<sup>୧୮</sup> ଚିୟାଃଟି ଆବୁ ପୁରାଃଟି ମେନାଃରୁରେୟ ନିଆଁଦ୍ଗି ହଲଙ୍ଗ୍ ମେନାଃ ହରାତେ ଆବୁ ମିଆଁଦ୍ ହଡ଼ମ୍ବୁ ହବାଅଃଆ ଚିୟାଃଟି ଆବୁ ସବେନ୍ଦକ ଏନ୍ ମିଆଁଦ୍ ହଲଙ୍ଗ୍ରେ ହିସାବୁ ଇଦିତାନା ।

<sup>୧୮</sup> ଇସ୍ତାଏଲ୍ ହଡ଼କଆଃ ବିଷାଏରେ ଉଡ଼ୁଏପେ, ଇନ୍କୁଏତେ ଅକନ୍ଦକ ଦାଣ୍ଡୋରାକାବ୍‌କାନ୍ ମାସ୍ ଜମାଃକ ଇନ୍କୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ?<sup>୧୯</sup> ମୁରୁଡ଼ ଚାଏ ଏନାରେ ଦାଣ୍ଡୋ ରାକାବାକାନ୍ ଜମେୟାଃରେୟାଃ ଜେତାନ୍ ଗନଙ୍ଗ୍ ମେନାଃ ମେନ୍ତେ ଚିନାଃ ଆଇଙ୍ଗ୍ କାଜିତାନାଇଙ୍ଗ୍ ?<sup>୨୦</sup> କାହାଗି, ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଡ଼ ସେଞ୍ଜାତାନକ ଦାଣ୍ଡୋ ରାକାବାକାଦ୍ତେୟାଃ ପାର୍ମେଶ୍ଵାରଆଃ ନାଗେନ୍ତେଦ୍ କାହା, ମେନ୍ଦ୍ ବଙ୍ଗାକଆଃ ନାଗେନ୍ତେ ଦାଣ୍ଡୋ ରାକାବାକାଦା । ବଙ୍ଗାକଲଃ ଆପେୟାଃ ଜେତାନ୍ ମେନେସା ତାଇନଃକା ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ତାନା ।<sup>୨୧</sup> ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନାଃ କାଗୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନ୍‌ଲଃ ମିସାତେ ମିଆଁଦ୍ ଟେବୁଲ୍ରେ ଆପେ କାପେ ଜମ୍ ଦାଡ଼ିୟାଃ ।<sup>୨୨</sup> ଚାଏ ଆବୁ ଚିନାଃ ପ୍ରାଭୁଆଃ ମନ୍ରେ ହିସଙ୍ଗା ବିରିଦ୍‌କା ମେନ୍ତେବୁ ସାନାଙ୍ଗ୍ତାନା ? ଆବୁ ଚିନାଃ ପ୍ରାଭୁତାଃଏତେ ପୁରାଃ ପେଡ଼େୟାନ୍‌ଗିୟାବୁ ?

<sup>୨୩</sup> \*ଇନ୍କୁ, ଆବୁକେ ସବେନାଃ କାମି ନାଗେନ୍ତେ ଆରୁକାନା ମେନ୍ତେକ କାଜିତାନା । ସାର୍ତ୍ତି କାଜିତାନାଃ, ମେନ୍ଦ୍ ସବେନାଃ ବୁଗିନାଃ ନାହାଁଲାଃ । ଆବୁ ସବେନାଃ କାମି ଦାଡ଼ିୟାଃରୁ, ମେନ୍ଦ୍ ସବେନାଃ ଦେଙ୍ଗାବୁ ଲେକାନାଃ ନାହାଁଲାଃ ।<sup>୨୪</sup> ଜେତାଏ ଆପାନାଃ ବୁଗିନାଃ ନାଗେନ୍ତେ ଏସ୍‌କାର୍ କା ନେଲ୍‌କେଦ୍ତେ, ସବେନ୍‌କଆଃ ବୁଗିନାଃ ନାଗେନ୍ତେୟ ନେଲ୍ ଲାଗାତିଙ୍ଗ୍‌ୟାଃ ।

<sup>୨୫</sup> ଆପେୟାଃ ବିବେକ୍ରେ ଜେତାନ୍ କୁନ୍ତୁଲି କା ଦହକେଦ୍ତେ ପିଟ୍ରେ ଆଖ୍‌ରିଙ୍ଗ୍‌ୟାଃତାନ୍ ମାସ୍‌କେ ବେଗାର୍ ଆଡ଼ାଃଉଡ଼ୁକେଦ୍ତେ ଜମ୍ ଦାଡ଼ିୟାପେ ।<sup>୨୬</sup> ଚିୟାଃଟି ଧାରାମ୍‌ପୁଥ୍ରେ ଅଲ୍‌କାନା, “ଅତେ ଆତଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

<sup>୨୭</sup> କା ବିଶ୍ଵାସ୍‌ତାନ୍ ଜେତା ହଡ଼ ଆପେକେ ଜେଡ଼ନାଃଟି ଜମ୍ ନାଗେନ୍ତେ ନେଅଁତାପେରେଦ୍, ଆପେ ଆପେୟାଃ ବିବେକ୍ରେ ବେଗାର୍ ଆଡ଼ାଃଉଡ଼ୁକେଦ୍ତେ ଜମେପେ ।<sup>୨୮</sup> ଜେତାଏ ମୁରୁଡ଼ତାଃରେ ଦାଣ୍ଡୋ ରାକାବାକାନ୍ ପାର୍‌ସାଦ୍ ତାନାଃ ମେନ୍ତେ କାଜିପେରେ, ଇନ୍‌ୟାଃ ବୁଗିନାଃ ନାଗେନ୍ତେ ଆତଃ ବିବେକ୍ ହରାତେ ଏନା ଆଲ୍‌ପେ ଜମେୟାଁ ।<sup>୨୯</sup> ନେତାଃରେ ଆପେୟାଃ ବିବେକ୍ ନାଗେନ୍ତେ କାଇଙ୍ଗ୍ କାଜି, ମେନ୍ଦ୍ ଏଟାଃନିୟାଃ ବିବେକ୍ ନାଗେନ୍ତେଇଙ୍ଗ୍ କାଜିପେତାନା ।

ହବାସାକାଅଆଃ, ଆପେ ଆଇଙ୍ଗ୍‌କେ କୁଲି ଦାଡ଼ିୟାପେ, “ଆଇଁୟାଃ ରାଡ଼ାକାନ୍‌ତେୟାଃ ଚିନାଃମେନ୍ତେ ଏଟାଃକଆଃ ବିବେକ୍ତେ ବିଚାରଃଆ ?<sup>୩୦</sup> ଆଇଙ୍ଗ୍ ପାର୍ମେଶ୍ଵାରକେ ଧାନାବାଦ୍ ଏମ୍‌କେଦ୍ତେ ଜମେୟାଃରେ ହିସା ଇଦିରେ, ଆଇଙ୍ଗ୍‌କେ ଅକଏ ଚିନାଃମେନ୍ତେ ନିୟାୟାଏ ?”

<sup>୩୧</sup> ଏନାମେନ୍ତେ ଆପେ ଜମେ, ନୁଁଏ ଚାଏ ଜେଡ଼ନାଃଟିପେ କାମି, ଏନା ପାର୍ମେଶ୍ଵାରଆଃ ମାନାରାଙ୍ଗ୍ ନାଗେନ୍ତେ କାମିପେ ।<sup>୩୨</sup> ଏଟାଃ ଦିଶ୍ଵମ୍‌ରେନ୍ ଯିହୁଦ୍, 1,

\* ୧୦:୧୭ ୧୦:୧୭ ମାଥୁଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦. \* ୧୦:୨୩ ୧୦:୨୩ ୧ କବିଚ୍ଛିନ୍ଦ ୭:୧୨.

ସାର୍ଥସାର୍ ଚାଏ ପାର୍ବତ୍ୟୋଽପି ଚାଲିଯିଯାକକେ ଆପେ ଆଲ୍ଲପେ ତହଦ୍ଦକ୍ତିକଆ ।  
 ୩୩ ଆପେ ଆଲ୍ଲୟାଃ ଚାଲଲ୍ ଚାଲାନ୍ ଲେକା ତାଇନଃପେ । ଆଲ୍ଲଜ୍ ସବେନ୍  
 ବିଷାଏରେ ସବେନ୍ଦକଆଃ ସୁକୁ ହବାଅଃକା ମେନ୍ତେଇଜ୍ ସାନାଜ୍ତାନା । ଆଲ୍ଲଜ୍  
 ଆଲ୍ଲୟାଃ ନାଗେନ୍ତେ କା ଉଡ୍ଡୁକେଦ୍ତେ, ଏଟାଃକଆଃ ଜୀଉ ବାଞ୍ଚାଅଃକା ମେନ୍ତେ  
 ସବେନ୍ଦକଆଃ ନାଜ୍ ବୁଗିନାଃଇଜ୍ କାମିକାଦା ।

## ୧୧

୧ \*ଆଲ୍ଲଜ୍ ଯୀଶୁ ଖ୍ରୀଷ୍ଟଆଃ ନାମୁନା ଅତଜ୍ଜକାଦ୍ ଲେକା ଆପେୟ ଆଲ୍ଲୟାଃ  
 ନାମୁନାକେ ଅତଜ୍ଜୟେ ।

ବିନ୍ତ୍ରିତାନ୍ ଇମତା ବହଃ ଗୁଗ୍ଲୁ

୨ ଆଲ୍ଲଜ୍ ଆପେୟାଃ ସାହାରାଅ ତାନାଲ୍ଲଜ୍, ଚିୟାଃଚି ଆପେ ସବେନ୍ ଇମତା  
 ଆଲ୍ଲଜ୍କେ ପାହାମିଜ୍ତାନାପେ ଆତଃଆଲ୍ଲଜ୍ ଆପେକେ ଏମାକାଦ୍ ସବେନ୍ ଇନିତୁ  
 ମାନାତିଜ୍ତାନାପେ । ୩ ମେନ୍ଦ୍ ଖ୍ରୀଷ୍ଟ୍ ସବେନ୍ ହଡ୍ଡକଆଃ ବହଃ ଲେକାନିନିଃ  
 ତାନିଃ, ହଡ୍ଡ, କୁଡ୍ଡିରାଃ ବହଃ ଲେକାନିନିଃ ତାନିଃ ଆତଃ ପାର୍ବତ୍ୟୋଽପି ଖ୍ରୀଷ୍ଟ୍ଆଃ  
 ବହଃ ତାନିଃ, ମେନ୍ତେ ଆପେ ଆଟ୍ଟକାର୍ଡୁରୁମେପେ ମେନ୍ତେ ଆଲ୍ଲଜ୍ ସାନାଜ୍ତାନା ।  
 ୪ ଜେତାଏ ହଡ୍ଡ ବହଃ ଗୁଗ୍ଲୁକେଦ୍ତେ ବିନ୍ତ୍ରିୟା ଚାଏ ପାର୍ବତ୍ୟୋଽପି କାନାଜି  
 ଉଦୁବେତାନରେଦ, ଇନିଃ ଆପ୍ନାଃ ବହଃ ଅକଏଚି ଖ୍ରୀଷ୍ଟ୍ ତାନିଃ, ଇନିଃକେ କାଏ  
 ମାଲ୍ଲନି ତାନା । ୫ ଆତଃ ଜେତାଏ କୁଡ୍ଡି ଆୟାଃ ବହଃକେ ବେଗାର୍ ଗୁଗ୍ଲୁକେଦ୍ତେ  
 ବିନ୍ତ୍ରିତାନରେଦ, ଚାଏ ପାର୍ବତ୍ୟୋଽପି କାନାଜି ଉଦୁବେତାନରେଦ, ଇନିଃ ଆପ୍ନାଃ  
 ବହଃ ଅକଏଚି ଆୟାଃ କଡ଼ା ତାନିଃ, ଇନିଃକେ କାଏ ମାଲ୍ଲନି ତାନା । ଏନ୍ଲେକାନ୍  
 କୁଡ୍ଡି ଆତଃ ବହଃରେ ଉବ୍ ବାନଃ କୁଡ୍ଡି, ନେ ବାରାନ୍କିନାଃ ଆଲ୍ଲାରେ ଜେତାନ୍  
 ଏଟାଃ ବାନଃଆ । ୬ ଜେତା କୁଡ୍ଡି ଆୟାଃ ବହଃକେ ଗୁଗ୍ଲୁ କାଏ ସାନାଜ୍ରେଦ,  
 ଆୟାଃ ବହଃରେୟାଃ ଉବ୍ କାଲ୍ଲଚିୟାଃକାଏ । ମେନ୍ଦ୍ ଉବ୍ କାଲ୍ଲଚିନ୍ ଚାଏ  
 ଉବ୍ ଠାଟ୍ଟନ୍ତେୟାଃ କୁଡ୍ଡି ନାଗେନ୍ତେ ଗିହୁଗାନ୍ ଲେକାନାଃ ତାନାଃରେଦ, ଇନିଃ  
 ବହଃ ଗୁଗ୍ଲୁନ୍କାଏ । ୭ କଡ଼ାକେ ଆୟାଃ ବହଃ ଗୁଗ୍ଲୁନ୍ କା ଲାଗାତିଜ୍ୟାଃ,  
 ଚିୟାଃଚି ପାର୍ବତ୍ୟୋଽପି ମୁରୁଡ୍ ଆତଃ ମାନାରାଜ୍ ଇନିଃତାଃରେ ଚାକ୍ମାକାଆଃ  
 ତାନା, ଆତଃ କୁଡ୍ଡି, କଡ଼ାରାଃ ମାନାରାଜ୍ ଲେକାନିନିଃ ତାନିଃ । ୮ କଡ଼ାଦ,  
 କୁଡ୍ଡିତାଃଏତେ କାଏ ବାଲ୍ଲୟାକାନା, ମେନ୍ଦ୍ କୁଡ୍ଡି, କଡ଼ାତାଃଏତେ ବାଲ୍ଲୟାକାନା  
 । ୯ କୁଡ୍ଡି ନାଗେନ୍ତେ କଡ଼ା କାଏ ବାଲ୍ଲୟାକାନା, ମେନ୍ଦ୍ କଡ଼ା ନାଗେନ୍ତେ କୁଡ୍ଡି  
 ବାଲ୍ଲୟାକାନା । ୧୦ ଏନାମେନ୍ତେ ଦୁଡ୍ଡକଆଃ ହରାତେ କୁଡ୍ଡି ଆୟାଃ କଡ଼ାରାଃ  
 ଆକ୍ତେୟାର୍ରେ ମେନାଲ୍ଲୟା ମେନ୍ତେ ଉଦୁବେନ୍ ନାଗେନ୍ତେ ଇନିଃଆୟାଃ ବହଃକେ  
 ଗୁଗ୍ଲୁ ଲାଗାତିଜ୍ୟାଃ । ୧୧ ଏନ୍ରେୟ, ପ୍ରାଭୁଆଃ ମେନେସାରେ କଡ଼ା, କୁଡ୍ଡିତାଃଏତେ  
 କାଏ ରାଡ଼ାକାନା, ଚାଏ କୁଡ୍ଡି, କଡ଼ାତାଃଏତେ କାଏ ରାଡ଼ାକାନା । ୧୨ ଚିୟାଃଚି କୁଡ୍ଡି,  
 କଡ଼ାତାଃଏତେ ବାଲ୍ଲୟାକାନା, ଏନ୍ଲେକାଗି କଡ଼ାହଗି କୁଡ୍ଡିତାଃଏତେ ଜାନାମାକାନା  
 । ମେନ୍ଦ୍ ପାର୍ବତ୍ୟୋଽପି ସବେନ୍ଦକଆଃ ବାବାଇନିଃ ତାନିଃ ।

୩ ଆପେ ଆପେଗି ବିଚାରେପେ, ବହଃ କା ଗୁଗ୍ଲୁକେଦ୍ତେ ପାର୍ବତ୍ୟୋଽପିଆଃ  
 ଆୟାର୍ରେ ବିନ୍ତ୍ରିତେୟାଃ କୁଡ୍ଡି ନାଗେନ୍ତେ ଚିନାଃ ବୁଗିନାଃ ତାନାଃ ? ୧୪ ଜିଲିଜ୍ ଉବ୍,  
 କଡ଼ା ନାଗେନ୍ତେ ଗିହୁଗଃତେୟାଃ ତାନାଃ, ମେନ୍ତେ ଚିନାଃ ନେ ସଭାବ୍ ଆପେକେ କାଏ  
 ଇତୁପେ ତାନା ? ୧୫ ମେନ୍ଦ୍ କୁଡ୍ଡିକେ ଜିଲିଜ୍ ଉବ୍ ଦହଲେରେ, ଆୟାଃ ନାଗେନ୍ତେ  
 ସୁଗାଡ଼ାନ୍ ବିଷାଏ ତାନାଃ । ଚିୟାଃଚି ନେ ଜିଲିଜ୍ ଉବ୍ ଇନିଃକେ ବହଃ ଗୁଗ୍ଲୁଃ

\* ୧୧:୧ ୧୧:୧ ୧ କବିଚ୍ଛିନ୍ଦ ୪:୧୭; ଫିଲିପିୟ ୩:୧୭.

ନାଗେନ୍ଦ୍ର ଏମାକାନା । ୧୭ ମେନ୍ଦ ଦ ଜେତାଏ ନେ ବିଷାଏରେ କାପଜି ସାନାଙ୍ଗରେଦ, ଆବୁଆଃ ଆଲାରେ ତାଏ ପାର୍ମେଶ୍ୱାର୍ଆଃ କାଲିସିୟାରେ ସେଜାତାନ ଇମତା ନେ ଲେକାନ ରିତିରିଖାଜ୍ ବାରିକେଦତେ ଆତଃ ଏଗାଃ ରିତିରିଖାଜ୍ ବାନଃଆ, ମେନ୍ଦେ ଇନିଃ ସାରିକାଏ ।

ପ୍ରାଭୁଭୋଜ୍

(ମାଥୁଉ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ଆପେ ସେଜା ନାଗେନ୍ଦ୍ର ମିଦତାଃରେ ହୁଣ୍ଡିନ୍ ଇମତା, ନେଆଁ ଆପେୟାଃ ନାଗେନ୍ଦ୍ର ବୁଗିନାଃ କା ହବାକେଦତେ ଏଡକାନାଃ ହବାଅଃତାନା । ଏନାମେନ୍ଦେ ଆଇଙ୍ଗ୍ ଆପେକେ କାଇଙ୍ଗ୍ ସାହାରାଅପେ ତାନା । ୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେନ୍ଦ୍ର ମିଦତାଃରେ ହୁଣ୍ଡିନ୍ ଇମତା ଆପେ ଆଲାରେ ବିପିଙ୍ଗାଅ ହବାଅଃତାନା ମେନ୍ଦେଇଙ୍ଗ୍ ଆୟୁମ୍ବାଦା, ନେଆଁ ସାର୍ତ୍ତିଗି ତାନାଃ ମେନ୍ଦେଇଙ୍ଗ୍ ବିଶ୍ୱାସ୍ ତାନା । ୧୯ ପାର୍ମେଶ୍ୱାର୍ଆଃ ଆୟାରରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟଃ ନାଗେନ୍ଦ୍ର ଆପେ ଆଲାରେ ବିପିଙ୍ଗାଅ ହବାଅଃଗି ଲାଗାତିଙ୍ଗ୍ୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ । ୨୦ ତିମତା ଆପେ ମିଦ୍ ଝୁଣ୍ଡ ଲେକା ମିଦତାଃରେ ହୁଣ୍ଡିକେଦତେ ଜମତାନ୍ତେୟାଃ ପ୍ରାଭୁଭୋଜ୍ ମେନ୍ଦେପେ ଉଡ଼ୁତାନା, ଏନା ପ୍ରାଭୁଭୋଜ୍ ନାହାଁଲାଃ, ୨୧ ଚିୟାଃତି ଆପେ ସବେନ୍ଦକ ଆପେୟାଃ ଜଜମାଃ ଜମତାନ୍ ଇମତା, ମିହୁଡ୍ ରେଙ୍ଗେଃଗି ତାଇନଃତାନ୍ ଇମତା ଏଗାଃ ମିହୁଡ୍ ଇଲିଆରୁଶ୍ୱରେ ବୁଲଃତାନା । ୨୨ ଜମ୍ ନୁଁ ନାଗେନ୍ଦ୍ର ଆପେୟାଃ ଅଡ଼ାଃ ତିନାଃ ବାନଃଆ ? ତାଏ ଆପେ ତିନାଃ ପାର୍ମେଶ୍ୱାର୍ଆଃ କାଲିସିୟାକେ ହିଲାଙ୍ଗ୍ୟେ ତାନାପେ ? ଆତଃ ଅକଏୟାଃ ବାନଃଆ ଏନ୍ ହଡକକେ ଗିହୁଃକ ତାନାପେ ? ଆଇଙ୍ଗ୍ ଆପେକେ ତିନାଃ ମେତାପେୟାଈଙ୍ଗ୍ ? ତିନାଃ ଆପେୟାଃ ସାହାରାଅ ରିକାୟାଈଙ୍ଗ୍ ? କାହାଗି, ନେ ବିଷାଏରେ ଆଇଙ୍ଗ୍ ଆପେୟାଃ ସାହାରାଅ କାଇଙ୍ଗ୍ ରିକା ଦାଡିୟା ।

୨୩ ଚିୟାଃତି ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବାପେ ତାନା । ପ୍ରାଭୁ ଯାଶୁ ବାଇରିକଆଃ ତିଃଇରେ ଜିମାଅଃ ନିଦାରେ ହଲଙ୍ଗ୍ ଇଦିକେଦତେ, ୨୪ ପାର୍ମେଶ୍ୱାର୍କେ ଧାନାବାଦ୍ ଏମ୍କିୟାଏ, ଆତଃ ଏନା କେଟାଃକେଦତେ କାଜିକେଦାଏ, “ନେଆଁ ଆପେୟାଃ ନାଗେନ୍ଦ୍ର ଆଇଁୟାଃ ହଡ଼୍ମ ତାନାଃ, ଆଇଙ୍ଗ୍କେ ପାହାମିଙ୍ଗ୍ ନାଗେନ୍ଦ୍ର ନେଆଁ ରିକାଏପେ ।” ୨୫ ଏନ୍ଲେକାଗି ଜମକେଦ୍ ତାୟମତେ, ଇନିଃ କାଟୋରା ଇଦିକେଦାଏ ଆତଃ କାଜିକେଦାଏ, “ନେ କାଟୋରା ଆଇଁୟାଃ ମାୟୋମ୍ତେ ବାଇୟାକାନ୍ ପାର୍ମେଶ୍ୱାର୍ଆଃ ନାଝା ରାଜିନାମା ତାନାଃ । ଆପେ ତିମତାଙ୍ଗ୍ ନେଆଁ ନୁଁୟାପେ ଇମତାଙ୍ଗ୍ ଆଇଙ୍ଗ୍କେ ପାହାମିଙ୍ଗ୍ ନାଗେନ୍ଦ୍ର ନେଆଁ ରିକାଏପେ ।”

୨୬ ନେଆଁତେ ଆବ୍କାରଃ ତାନା, ଆପେ ତିମିନ୍ଧାଆଁ ନେ ହଲଙ୍ଗ୍ ଜମେୟାପେ ଆତଃ ନେ କାଟୋରାଏତେ ନୁଁୟାପେ, ଇମିନ୍ଧାଆଁ ଆପେ ପ୍ରାଭୁଆଃ ହିନିଜୁଃ ସେଟେର ଜାକେଦ୍ ଆୟାଃ ଗନଏଃରାଃ କାଜିପେ ଉଦୁବେୟା । ୨୭ ଏନାତେ ଜେତାଏ ସଡ଼ରାକେଦତେ ପ୍ରାଭୁଆଃ ନେ ହଲଙ୍ଗ୍କେ ଜମେନିଃ ତାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼୍ମ ଆତଃ ମାୟୋମ୍ରେୟାଃ ବିରୁଧ୍ରେ ପାପକେଦତେ ତିଟାଅଃଆ । ୨୮ ଏନାତେ ଆପେ ସବେନ୍ଦକ ଆପାନ୍କେ ବିଡ଼ାଅକେଦ୍ ତାୟମତେ, ନେ ହଲଙ୍ଗ୍କେ ଜମେପେ ଆତଃ କାଟୋରାଏତେ ନୁଁଏପେ । ୨୯ ଚିୟାଃତି ଜେତାଏ ହଡ଼ ପ୍ରାଭୁଆଃ ହଡ଼୍ମରାଃ ସାର୍ତ୍ତି ମୁଣ୍ଡି କା ଆବ୍କାର୍ ଉରୁମକେଦତେ, ଜମ୍, ନୁଁଏନିଃ ସାର୍ତ୍ତିଗି ସାଜାଇ ନାମେୟାଏ । ୩୦ ଏନାମେନ୍ଦେ ଆପେକଏତେ ତିମିନ୍ ହଡ଼କ ପୁରାଃଗି ନାରାଦୁରା, ବେମ୍ରିୟା ଆତଃ ପୁରାଃ ହଡ଼କ ଗଜାକାନା । ୩୧ ମେନ୍ଦ ଆବୁ

ଆପାନ୍ଦକେ ସିଦ୍ଧାରେଗିବୁ ବିଚାର କାନ୍ଦରେଦ, ଆବୁ ପାର୍ମେଶ୍ଵରଆଃ ବିଚାରରେ କାବୁ ବିଚାରରେୟାଃ ।<sup>୩୭</sup> ଅତେଦିଶୁମରାଃ ଚୁଣ୍ଡ ସୁଜାଲକ୍ଷଣେ ଆବୁକେ ବାଞ୍ଛାଅବୁ ନାଗେନ୍ତେ ପ୍ରାଭୁ ଆବୁକେ ସାଜାଲ ଏମ୍‌କେଦତେ ସତଃବୁତାନା ।

<sup>୩୮</sup> ଏନାତେ ହେ ହାଗା ମିଶିକ, ଆପେ ପ୍ରାଭୁଭୋଜ୍ଞ ନାଗେନ୍ତେ ହୁଣ୍ଡିନ୍ ଇମତା ସବେନ୍‌କକେ ତାଳିକପେ ।<sup>୩୯</sup> ଆପେୟାଃ ହୁଣ୍ଡିନ୍‌ତେୟାଃ ସାଜାଲ ନାମେ ନାଗେନ୍ତେ ଆଲକା ହବାଅଃକା । ଏନାତେ ଜେତାଏ ରେଜେଜଃ ତାନରେଦ, ଇନିଃ ଅଡ଼ାଃରେ ଜମେକାଏ । ଆତଃ ଏଗାଃତେୟାଃକ ଆଲକ୍ ହିଜୁଃରେ ଉଦୁବାପେୟାଲକ୍ ।

## ୧୨

ପାବିତାର୍ ଆମ୍ବାତାଃଏତେ ବାର୍ଦ୍ଦାନ

<sup>୧</sup> ଆଇୟାଃ ହାଗା ମିଶିକ ପାବିତାର୍ ଆମ୍ବାତାଃଏତେ ବାର୍ଦ୍ଦାନ ବିଷାଏରେ ଆଲକ୍ ଆପେକେ ସାର୍ତ୍ତତେୟାଃ ଉଦୁଦ୍ ନାଗେନ୍ତେଇକ୍ ସାନାକ୍‌ତାନା ।<sup>୨</sup> ଆପେ ସାର୍ଥସାରକ୍ ତାଲକେନାପେ ଇମତା ଜୀଉ ବାନଃ ମୁରୁଦକକେ ସେଞ୍ଜାକେଦତେ ହରା ଆଦାକାଦ୍ ତାଲକେନାପେ, ଏନାପେ ସାରିତାନା ।<sup>୩</sup> ଏନାମେନ୍ତେ ଆପେକେ ସାରି ଲାଗାତିକ୍‌ୟାଃ, ପାର୍ମେଶ୍ଵରଆଃ ଆମ୍ବାତେ ସେସେନ୍‌ତାନ୍ ହଡ୍ଡ “ୟାଶୁ ସାର୍ପାଅଃକାଏ” ମେନ୍ତେ ଜେତାଏ କାକ କାଜି ଦାଡ଼ିୟା । ଆତଃ ପାବିତାର୍ ଆମ୍ବାକେ କା ନାମ୍‌କେଦତେ “ୟାଶୁ ପ୍ରାଭୁ” ତାନିଃ ମେନ୍ତେ ଜେତାଏ କାକ କାଜି ଦାଡ଼ିୟା ।

<sup>୪</sup> \*ପାବିତାର୍ ଆମ୍ବାରେୟାଃ ବାର୍ଦ୍ଦାନ ରାକାମ୍ ରାକାମ୍ ମେନାଃ, ମେନ୍‌ଦ ଏନ୍ ମିଆଁଦ୍ ପାବିତାର୍ ଆମ୍ବା ଏନ୍ ସବେନାଃ ଏମାଃଏ ।<sup>୫</sup> ରାକାମ୍ ରାକାମ୍ ସେଞ୍ଜା ମେନାଃରେୟା ମିଆଁଦ୍‌ଗି ପ୍ରାଭୁଆଃ ସେଞ୍ଜା ହବାଅଃତାନା ।<sup>୬</sup> କାମି ରିକାରେୟାଃ ପେଡ଼େଃ ରାକାମ୍ ରାକାମ୍ ମେନାଃ, ମେନ୍‌ଦ ମିଆଁଦ୍‌ଗି ପାର୍ମେଶ୍ଵର ଏନ୍ ସବେନାଃରେୟାଃ ପେଡ଼େଃଏମାଃଏ ।<sup>୭</sup> ସବେନ୍‌କଆଃ ବୁଗିନାଃ ନାଗେନ୍ତେ ମିମିଆଦ୍ ହଡ୍ଡକଆଃ ଆଲ୍‌ରେ ପାବିତାର୍ ଆମ୍ବାରେୟାଃ ପେଡ଼େଃ ରାକାମ୍ ରାକାମ୍ ଲେକାତେ ଉଦୁବଃଆ ।<sup>୮</sup> ତିୟାଃତି ମିହୁଡ୍‌କେ ପାବିତାର୍ ଆମ୍ବାରେୟାଃ ସାୟାଦ୍‌ତେ ସେଣ୍ଡିନ୍‌ରାଃ କାଜି ଆତଃ ଏଗାଃ ଆତଃମିହୁଡ୍‌କେ ଏନ୍ ପାବିତାର୍ ଆମ୍ବାରେୟାଃ ଇନିତୁ ଲେକାତେ ବୁଞ୍ଚିରେୟାଃ କାଜି ଏମାଃଏ ।<sup>୯</sup> ଏନ୍ ମିଆଁଦ୍ ପାବିତାର୍ ଆମ୍ବାଗି ମିହୁଡ୍‌କେ ବିଶ୍ଵାସ୍, ଆତଃମିହୁଡ୍‌କେ ହଡ୍ଡକକେ ବୁଗିକ ନାଗେନ୍ତେ ପେଡ଼େଃଏମାଃଏ ।<sup>୧୦</sup> ତିମିନ୍‌କକେ ଆକ୍‌ଦାନ୍‌ଆ କାମି ରିକା ନାଗେନ୍ତେ ପେଡ଼େଃଏମାଃଏ, ତିମିନ୍‌କକେ ପାର୍ମେଶ୍ଵରଆଃ ଆୟାଃକାଜି କାଜି ନାଗେନ୍ତେ ପେଡ଼େଃଏମାଃଏ, ତିମିନ୍‌କକେ ପାବିତାର୍ ଆମ୍ବା ଆତଃ ଏଡ୍‌କାନ୍ ଆମ୍ବାକକେ ନେଲ୍‌ଉରୁମ୍‌ରେୟାଃ ପେଡ଼େଃଏମାଃଏ, ତିମିନ୍‌କକେ ରାକାମ୍ ରାକାମ୍ ନାଞ୍ଜା ଜାଗାର୍‌ତେ ଜାଗାର୍ ନାଜ୍ ପେଡ଼େଃଏମାଃଏ, ଆତଃ ତିମିନ୍‌କକେ ଏନ୍ ଜାଗାର୍‌ରେୟାଃ ମୁଣ୍ଡି କାଜି ନାଗେନ୍ତେ ପେଡ଼େଃଏମାଃଏ ।<sup>୧୧</sup> ମେନ୍‌ଦ ନେ ସବେନାଃ ଏନ୍ ମିଆଁଦ୍ ଆମ୍ବାଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହଡ୍ଡକକେ ରାକାମ୍ ରାକାମ୍ ବାର୍ଦ୍ଦାନ ଏମାକାଦ୍‌କଆଏ ।

ମିଆଁଦ୍ ହଡ୍ଡମ୍ ମେନ୍‌ଦ ପୁରାଃ ହିସା ମେନାଃ

<sup>୧୨</sup> \*ମିଆଁଦ୍‌ଗି ହଡ୍ଡମ୍, ଆତଃ ଏନାରେ ପୁରାଃଗି ହିସା ମେନାଃ, ଆତଃ ହଡ୍ଡମ୍ ରାକାମ୍ ରାକାମ୍ ହିସାରେ ବାଲୟାକାନ୍‌ରେୟା, ମିଆଁଦ୍‌ଗି ହଡ୍ଡମ୍ ତାନାଃ, ଏନ୍‌ଲେକାଗି ଯାଶୁ ଶ୍ରୀଷ୍ଟି ମିଆଁଦ୍ ହଡ୍ଡମ୍ ଲେକାନିଃ ତାନିଃ ।<sup>୧୩</sup> ଏନ୍‌ଲେକାଗି ଯିହୁଦୀ ହବାଅଃ ଚାଏ ସାର୍ଥସାର୍, ଦାସି ହବାଅଃ ଚାଏ ରାଡ଼ାକାନ୍ ହଡ୍ଡ, ଆବୁ ସବେନ୍‌କଦ୍ ମିଆଁଦ୍ ହଡ୍ଡମ୍ ହବାଅଃ ନାଗେନ୍ତେ ମିଆଁଦ୍ ଆମ୍ବାତେବୁ ବାପ୍ରିସ୍ତାକାନା,

ଆତଃ ଏନ୍ ମିଆଁଦ୍ ହତ୍ତଫରେ ମେସାକାନାବୁ ଆତଃ ମିଆଁଦ୍ ଆମ୍ବାଏତେ ନୁଁ ନାଗେନ୍ତେ ସବେନ୍କକେ ଏମାକାନା ।

୧୪ ହତ୍ତଫ ମିଆଁଦ୍‌ଗି ହିସାରେ କା ବାଇୟାକାନା, ମେନ୍ଦ ପୁରାଃ ହିସାରେ ବାଇୟାକାନା । ୧୫ କାଟା, ଆଇଙ୍ଗ୍ ତିଃଇ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହତ୍ତଫରାଃ ହିସା ନାହାଁଲାଃ, ଏନ୍କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହତ୍ତଫରେୟାଃ ହିସାରେ ତାଇନ୍ଦ କା ଦାଡ଼ିୟଃଆ । ୧୬ ଆତଃ ଲୁତୁର, ଆଇଙ୍ଗ୍ ମେଦ୍ ନାହାଁଲାଇଙ୍ଗ୍ ମେନ୍ତେ କାଜିକେଦ୍ ହରାତେ ଏନା ହତ୍ତଫରାଃ ହିସା ନାହାଁଲାଃ, ଏନ୍କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହତ୍ତଫରେୟାଃ ହିସାରେ ତାଇନ୍ଦ କା ଦାଡ଼ିୟଃଆ । ୧୭ ଗଟା ହତ୍ତଫ, ମେଦ୍ ହବାଅଃରେଦ, ଚିଲ୍‌କାତେ ଆୟୁମ୍ ଦାଡ଼ିୟଃଆ ? ଆତଃ ଗଟା ହତ୍ତଫ, ଲୁତୁର ହବାଅଃରେଦ ଚିଲ୍‌କାତେ ସୁକ୍ସ୍ ଦାଡ଼ିୟଃଆ ? ୧୮ ପାର୍‌ମେଶ୍ୱାର୍ ହତ୍ତଫରାଃ ସବେନ୍ ହିସାକେ ମିଆଁଦ୍ ମିଆଁଦ୍‌ତେ ଆୟାଃ ସାନାଙ୍ଗ୍ ଲେକା ହତ୍ତଫରେ ଖାଞ୍ଜାଅକାଦା । ୧୯ ଏନ୍ ସବେନାଃ ମିଆଁଦ୍‌ଗି ହିସା ହବାକାନ୍‌ତେୟାଃ ହଲେ, ଚିଲ୍‌କାତେ ହତ୍ତଫ ହବାସାକାଅଆଃ ? ୨୦ ଏନାତେ ହତ୍ତଫରେ ପୁରାଃ ହିସା ତାଇନ୍‌ରେୟ, ମିଆଁଦ୍‌ଗି ହତ୍ତଫ ତାନାଃ ।

୨୧ ଏନାତେ, “ଆଇଙ୍ଗ୍‌କେ ଆମାଃ ଲାଗାତିଙ୍ଗ୍ ବାନଃଆ” ମେନ୍ତେ ମେଦ୍, ତିଃଇକେ କାଜି କାଏ ଦାଡ଼ିୟା, ତାଏ ବହଃ, କାଟାକେ “ଆମାଃ ଦାର୍‌କାର୍ ବାନଃଆ” ମେନ୍ତେ କାଜି କାଏ ଦାଡ଼ିୟା । ୨୨ ମେନ୍ଦ୍ ହତ୍ତଫରେ ଅକନ୍ଦ୍ ହିସା ନାରାଦୁରା ମେନ୍ତେ ଆଟ୍‌କାରଃତାନ୍‌ରେଦ, ଆବୁ ଜେଡ୍‌ନାଃ କାବୁ ରିକା ଦାଡ଼ିୟା । ୨୩ ଆତଃ ହତ୍ତଫରେୟାଃ ଅକନ୍ଦ୍ ହିସା ପୁରାଃଗି ଲାଗାତିଙ୍ଗ୍‌ତେୟାଃ ନାହାଁଲାଃ ମେନ୍ତେ ଆଟ୍‌କାର୍‌ଲେରେ, ଆବୁ ଏନ୍ ହିସାକେ ଜାତାନ୍ ରିକାଃବୁ । ଆତଃ ହତ୍ତଫରେୟାଃ ଦାନାଙ୍ଗ୍‌କାନ୍ ହିସାକେ ପୁରାଃଗି ଜାଡ୍‌ନାଅ ରିକାଃବୁ । ୨୪ ହତ୍ତଫରେୟାଃ ସୁଗାଡ୍‌ନ୍ ହିସା ନାଗେନ୍ତେ ଇମ୍‌ନାଙ୍ଗ୍ ଆବୁ କାବୁ ଉଡ୍‌ଗୁାଃ । ପାର୍‌ମେଶ୍ୱାର୍ ଆଇଃକ୍‌ଗି ହତ୍ତଫକେ ନେଲେକା ସାଜାଅକାଦାଏ ଯେ, ଅକନ୍ଦ୍ ହିସାକେ ଜାତାନ୍ ଇଦ୍ ଲାଗାତିଙ୍ଗ୍‌ୟାଃ, ଏନା ପୁରାଃଗି ମାଇନଃ ଲେକାନାଃତାନାଃ । ୨୫ ଆତଃ ହତ୍ତଫରେ ଜେତାନ୍ ବିନ୍‌ଗାଅ କା ହବାଅଃଆ, ମେନ୍ଦ୍ ହତ୍ତଫରେୟାଃ ମିମିଆଦ୍ ହିସା ମିଆଁଦ୍ ଆତଃମିଆଁଦ୍‌ରାଃ ଦେଙ୍ଗା ରିକାଃଏ । ୨୬ ହତ୍ତଫରେୟାଃ ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା । ମିଆଁଦ୍ ହିସା ମାନାରାଙ୍ଗ୍ ହବାଅଃରେ, ଏଟାଃ ସବେନ୍ ହିସା ଏନ୍ ରାସ୍‌କାରେ ରାସ୍‌କାଞ୍ଜାକ ।

୨୭ ଆପେ ଶ୍ରୀଷ୍ଟିଆଃ ହତ୍ତଫ ତାନ୍‌ପେ । ଆପେ ସବେନ୍‌କ ଏନ୍ ହତ୍ତଫରେନ୍ଦ୍ ମିପିଆଦ୍ ହିସା ତାନ୍‌ପେ । ୨୮ ଶକାଲିସିୟାରେ ପାର୍‌ମେଶ୍ୱାର୍ ସବେନାଃଏତେ ସିଦାରେ ପ୍ରେରିଡ୍‌କକେ, ଏନ୍ ତାୟମ୍‌ତେ ଆୟାର୍‌କାଜିକକେ, ଏନ୍ ତାୟମ୍‌ତେ ଇଡ୍‌କକେ, ଏନ୍ତେ ଆକ୍‌ଦାୟାଅ କାମିକକେ, ଦୁକୁ ବୁଗିତାନ୍‌କକେ, ଦେଙ୍ଗାତାନ୍‌କକେ, ଆକ୍‌ତେୟାର୍ ନାମାକାଦ୍‌କକେ, କା ସାରିକାଦ୍ ଏଟାଃ ଜାଗାର୍‌ତେ ଜାଗାର୍ ଦାଡ଼ିତାନ୍ ହତ୍ତକକେ ଆତଃ ରାକାମ୍ ରାକାମ୍ ବାର୍‌ଦାନ୍ ନାମାକାଦ୍ ହତ୍ତକକେ ସାଲାକେଦ୍‌କଆ । ୨୯ ଇନ୍‌କୁ ସବେନ୍‌କ ପ୍ରେରିଡ୍, ଆୟାର୍‌କାଜିକ, ଆତଃ ଇଡ୍‌ତାନ୍‌କ ନାହାଁଲାକ । ଆକ୍‌ଦାୟାଅ କାମି ରିକାରେୟାଃ ପେଡ୍‌ଃ ସବେନ୍‌କଆଃ ବାନଃଆ । ୩୦ ସବେନ୍‌କ ଦୁକୁ ବୁଗି କାକ ଦାଡ଼ିୟା, କା ସାରିକାଦ୍ ଏଟାଃ ଜାଗାର୍‌ତେ କାକ ଜାଗାର୍ ଦାଡ଼ିୟା, ଆତଃ କାଜିକାନ୍‌ତେୟାଃରାଃ ମୁଣ୍ଡି ଉଦୁବ୍ ନାଗେନ୍ତେ କାକ ଦାଡ଼ିୟା । ତିଆଃତି ସବେନ୍‌କ ଏଟାଃ ଏଟାଃ ବାର୍‌ଦାନ୍ ନାମାକାଦାକ । ୩୧ ଆପେ ସବେନ୍‌କ ବୁଗିନ୍ ବାର୍‌ଦାନ୍ ନାମେ ନାଗେନ୍ତେ ଚେଷ୍ଟାଏପେ । ଆଇଙ୍ଗ୍ ଆପେକେ ନେଆଁଏତେ ପୁରାଃ ବୁଗିନ୍ ହରାଇଙ୍ଗ୍ ଉଦୁବାପେୟା ।

## ୧୩

ଦୁଲ୍ଲଭଃ

୧ ଆଇଙ୍ଗ ହୃଦକଥାଃ ଆତଃ ଦୁଃସୃକଥାଃ ଜାଗାରତେ କାଜି ଦାଡ଼ିୟାଇଙ୍ଗ୍, ମେନ୍ଦ ଦ ଆଇଁୟାଃ ଦୁଲ୍ଲଭଃ କା ତାଇନ୍ରେଦ, ଆଇଙ୍ଗ ଠାନ୍ ଠାନ୍ ସାଡ଼ି ଆୟୁମଃତାନ୍ ଘାଣ୍ଟି ଚାଏ ତିଃଇତେ ଆପ୍ଡିତାନ୍ ସାଡ଼ି ଆୟୁମଃତାନ୍ ଲେକାନ୍ନିଃ ତାନିଙ୍ଗ୍ । ୨ \*ଆତଃ ଆଇଙ୍ଗକେ ପାରମେଶ୍ଵାରଥାଃ କାଜି କାଜିନାଙ୍ଗ୍ ପେଡ଼େଃ ତାଇନ୍ ସାକାଥଃଆ, ସବେନ୍ ବିଷାଏରେ ସେଣ୍ଟା ତାଇନ୍ ସାକାଥଃଆ, ସବେନ୍ ଉକ୍ଥୁଆକାନ୍ତେୟାଃ ଆଟ୍ଟକାର୍ତ୍ତରୁମ୍ ନାଗେନ୍ତେ ପେଡ଼େଃ ତାଇନ୍ ସାକାଥଃଆ, ବିଶ୍ଵାସରାଃ ପେଡ଼େଃତେ ବୁରୁକେ ନେତାଃଏତେ ହାନ୍ତାଃ ଇଦି ନାଗେନ୍ତେ ପେଡ଼େଃ ତାଇନ୍ ସାକାଥଃଆ, ମେନ୍ଦ ଦ ଆଇଁୟାଃ ଦୁଲ୍ଲଭଃ ବାନଃରେଦ, ଆଇଙ୍ଗ ଜେତାନିଃ ନାହ୍ନାଲିଙ୍ଗ୍ । ୩ ଆଇଙ୍ଗ୍, ଆଇଁୟାଃ ସବେନାଃ ଏମ୍ ଦାଡ଼ିୟାଇଙ୍ଗ୍ ଚାଏ ସେଙ୍ଗେଲ୍ରେ ଆଇଁୟାଃ ହୃଦମକେ ଜୁଲଃ ନାଗେନ୍ତେ ଏମ୍ ଦାଡ଼ିୟାଇଙ୍ଗ୍, ମେନ୍ଦ ଦ ଆଇଁୟାଃ ମନ୍ସୁରୁଦରେ ଦୁଲ୍ଲଭଃ ବାନଃରେଦ, ଏନ୍ ସବେନାଃ ଆଇଁୟାଃ ନାଗେନ୍ତେ ବୁଗିନାଃ କା ହବାଥଃଆ ।

୪ ଦୁଲ୍ଲଭଃ ହବାଥଃତାନା, ଧୂରାଜ୍ ଆତଃ ଲିବୁୟାନ୍ ଜୀଝାନ୍ । ଦୁଲ୍ଲଭଃ, କାଏ ହିସଙ୍ଗାଃ, କାଏ ହାକାରାଃ, ଆତଃ ଆପାନ୍କେ ମାରାଙ୍ଗ୍ୟେନ୍ କାଏ ସାନାଙ୍ଗ୍ଆଃ; ୫ ଦୁଲ୍ଲଭଃ, କା ଲାଗାତିଙ୍ଗ୍ ଲେକା କାଏ ବେଭାରାଃ, ଆୟାଃ ନାଗେନ୍ତେ ଏସ୍କାର୍ କାଏ ରିକାଃ, କାଏ ଖ୍ଵଥଃଆ, ଏଡ୍ଟକାନ୍ତେୟାଃ କାଏ ପାହାମାଃ; ୬ ଦୁଲ୍ଲଭଃ, ଏଡ୍ଟକାନ୍ତେୟାଃରେ କାଏ ସୁକ୍ଷୁଆ, ମେନ୍ଦ ଦ ସାନାଡ଼ିରେ ସୁକ୍ଷୁଆ । ୭ ଦୁଲ୍ଲଭଃ, ସବେନାଃଏ ସାହାତିଙ୍ଗ୍ୟେଆ, ସବେନାଃଏ ବିଶ୍ଵାସେଆ, ସବେନାଃଏ ଆସ୍ରାଏୟା, ଆତଃ ସବେନ୍ ବିଷାଏରେ ଧୂରାଜ୍ ସାବ୍କେଦ୍ତେ ତାଇନାଃ ।

୮ ଦୁଲ୍ଲଭଃ, ଜାନାଥ ଜାନାଅଗି ତାଇନଃଆ, ଆୟାରକାଜି ଉଦୁବ୍ତେୟାଃ ଜିୟନଃଆ, ଆକ୍ଦାନ୍ଦାଥ କାଜିତେୟାଃ ଜିୟନଃଆ, ହୃଦକଥାଃ ସେଣ୍ଟା ମେନାଃରେଦ, ଏନା ଜିୟନଃଆ । ୯ ତିୟାଃତି ଆବୁକେ ସେଣ୍ଟାରାଃ ବାର୍ଦାନ୍ ଏମାକାନ୍ତେୟାଃ ଆତଃ ପାରମେଶ୍ଵାରତାଃଏତେ କାନାଜି ଉଦୁବ୍ତେୟାଃରାଃ ସେଣ୍ଟା ପୁରା ନାହ୍ନାଲିଃ, ୧୦ ମେନ୍ଦ ଦ ସବେନ୍ ବିଷାଏରେୟାଃ ପୁରାଅତେୟାଃ ହିଜୁଃରେ, ନେ କାଟିକାନ୍ତେୟାଃ ସବେନ୍ ଜିୟନଃଆ ।

୧୧ ଆଇଙ୍ଗ୍ ସିଟିଆ ଲେକାଇଙ୍ଗ୍ ତାଇକେନ୍ ଇମ୍ତା, ସିଟିଆ ଲେକାଇଙ୍ଗ୍ ଜାଗାର୍ ତାଇକେନା, ସିଟିଆ ଲେକାଇଙ୍ଗ୍ ପାହାମ୍ ତାଇକେନା, ସିଟିଆ ଲେକାଇଙ୍ଗ୍ ଉଡ୍ଡୁ ତାଇକେନା, ମେନ୍ଦ ଦ ସିଟିଆଏତେ ମାରାଙ୍ଗ୍ ହାରାୟାନ୍ତେ ଆତଃ ଆଇଙ୍ଗ୍ ସିଟିଆ ଲେକା କାଇଙ୍ଗ୍ କାଜିତାନା । ୧୨ ନାହ୍ନାଃ ଆବୁ ଅକ୍ନାଃ ନେଲ୍ତାନ୍ତେୟାଃ, ଆଏନାରେ ନେଲେତାନ୍ ନାକାଲ୍ ଲେକାନାଃ ତାନାଃ । ମେନ୍ଦ ଦ ମୁସିଙ୍ଗ୍ ନେତା ହିଜୁଃଆ, ଇମ୍ତା ଆବୁ ମିହୁଡ୍ ଆତଃମିହୁଡ୍କେ ନେପେଲ୍ତାନ୍ ଲେକାବୁ ନେପେଲ୍ । ନାହ୍ନାଃ ଆଇଙ୍ଗ୍ ଅକ୍ନାଃ ସାରିତାନାଇଙ୍ଗ୍, ଏନା ପୁରା କାଇଙ୍ଗ୍ ସାରିତାନା । ମେନ୍ଦ ଦ ପାରମେଶ୍ଵାର୍ ଆଇଙ୍ଗ୍କେ ପୁରା ସାରିକାଦିଙ୍ଗ୍ ଲେକା ହବାଥଃରେ ଆଇଁୟାଃ ସେଣ୍ଟାହିଁ ପୁରାଅଥଃଆ ।

୧୩ ବିଶ୍ଵାସ୍, ଆସ୍ରା, ଆତଃ ଦୁଲ୍ଲଭଃ, ନେ ଆପିୟା ତାଇନଃଆ । ମେନ୍ଦ ଦ ନେ ଆପିୟାଏତେ ଦୁଲ୍ଲଭଃ ମାରାଙ୍ଗ୍ତାନାଃ ।

## ୧୪

ଆମ୍ବାତାଃଏତେ ବାର୍ଦାନ୍ ବିଷାଏରେ ପୁରାଃ କାଜି

୧ ଏନାତେ ଆପେ ଦୁଲ୍ଲଭ ନାଗେନ୍ତେ ଚିହ୍ନେନ୍ଦେ । ଏଟାଃ ଏଟାଃ ଆମ୍ଭାରେୟାଃ  
 ବାରଦାନକେ ନାମେ ନାଗେନ୍ତେ, ବିଶେଷକେଦତେ ପାରମେଶ୍ଵାର୍ଥାଃ କାନାଜି ଉଦୁବ୍  
 ନାଗେନ୍ତେ, ଆପେୟାଃ ମନ୍ସୁରୁଦତେ ରିକା ନାଜ୍ ସାନାଜ୍ପେ । ୨ ଚିୟାଃଚି  
 ଜେତାଏ କା ସାରି ଜାଗାରତେ ଜାଗାରତାନିଃ, ହଡ଼ଲଃ କାଏ ଜାଗାରାଃ ମେନ୍ଦ  
 ପାରମେଶ୍ଵାର୍ଥାଃ ଜାଗାରାଃଏ, ଏନାତେ ଜେତାଏ କାକ ବୁଝାଅଃଆ । ଏନ୍ ଆମ୍ଭାରେୟାଃ  
 ପେଡ଼େଃତେ ଉକ୍ତୁଆକାନ୍ ସାରତି ବିଷାଏକ ଜାଗାରତାନା । ୩ ମେନ୍ଦ ଜେତାଏ  
 ପାରମେଶ୍ଵାର୍ଥାଃ କାନାଜି କାଜିତାନିଃ ହଡ଼କଆଃ ବିଶ୍ଵାସକେ କେଚେଜେ ନାଜ୍  
 କାଜିୟାଃଏ ଆତଃ ଇନ୍କୁକେ ଦେଜ୍ଞା, ରାସ୍କା, ଆତଃ ଜୀଉରାଡ଼େଃ ଏମାକଆଏ ।  
 ୪ ଜେତାଏ କା ସାରି ଜାଗାରତେ ଜାଗାରନିଃ, ଆୟାଃ ନାଗେନ୍ତେ ଏସ୍କାର କାଜିୟାଃଏ,  
 ମେନ୍ଦ ଜେତାଏ ପାରମେଶ୍ଵାର୍ଥାଃ କାନାଜି ଉଦୁବ୍ନିଃ, ସବେନ୍ କାଲିସିୟାକେ  
 ଦେଜ୍ଞାଃଏ ।

୫ ଆପେ ସବେନ୍ଦକ କା ସାରି ଜାଗାରତେ ଜାଗାରରେ, ଆଇଜ୍ ରାସ୍କାଅଃଇଜ୍,  
 ମେନ୍ଦ ଆପେ ସବେନ୍ଦକ ପାରମେଶ୍ଵାର୍ଥାଃ କାନାଜି ଉଦୁବେପେ, ମେନ୍ତେ ଆଇୟାଃ  
 ପୁରାଃ ସାନାଜ୍ ତାନାଃ । ଜେତାଏ କା ସାରି ଜାଗାରତେ ଜାଗାରେନିଃ, କାଲିସିୟାରାଃ  
 ବୁଗିନାଃ ନାଗେନ୍ତେ କା ସାରି ଜାଗାରରେୟାଃ ମୁଣ୍ଡି ଉଦୁବେରେଦ ବୁଗିନାଃ  
 ହବାଅଃତେୟାଃ, କା'ରେଦ କା ସାରି ଜାଗାର କାଜିଏତେ ପାରମେଶ୍ଵାର୍ଥାଃ କାନାଜି  
 ଉଦୁବ୍ତେୟାଃ ସବେନାଃଏତେ ବୁଗିନାଃ ତାନାଃ । ୬ ହେ ହାଗା ମିଶିକ, ଆଇଜ୍  
 ଆପେତାଃତେ ହିନ୍ଦୁଃକେଦତେ ପାରମେଶ୍ଵାର୍ତାଃଏତେ ଜେତାନ୍ ଉଦୁଦୁବ୍ କାଜି,  
 ସେଣ୍ନିନ୍ କାଜି, ଆୟାରକାଜି, ଆତଃ ଇନିତୁ କାଜି କା ଉଦୁବ୍କେଦତେ କା ସାରି  
 ଜାଗାରତେଇଜ୍ କାଜିୟା, ଆତଃ ଆପେ କାପେ ବୁଝାଅଃରେଦ ଆପେୟାଃ ଚିୟାଃ  
 ବୁଗିନାଃ ହବାଅଃଆ ?

୭ ମୁରଲି ତାଏ ବାନାମ୍ ଲେକାନ୍ ଜୀଉ ବାନଃ ସାଡ଼ିତେୟାଃରେ ବୁଗିନ୍ ଲାବ୍ଜା  
 କା ଅତଜ୍ଞାଅଃରେଦ, ଏନାରେ ଚିନାଃ ସାଡ଼ିତାନା ଏନା ଜେତାଏ କାକ ସାରି ଦାଡ଼ିୟା ?  
 ୮ ବିଜ୍ଞାଳ ସାଡ଼ିରେୟାଃ ଲାବ୍ଜା ବୁଗିଲେକା କା ଆୟୁମଃରେଦ, ଲାଡ଼ାଇ ନାଗେନ୍ତେ  
 ଅକଏତାମ୍ ଜାଲ୍ଦି ସେକାଡ଼ଦାବେନାଏ ? ୯ ଏନ୍ଲେକାଗି, କା ସାରି ଜାଗାରତେ  
 କାଜିରେ, ଅକଏ ବୁଝାଅଃଆଏ ? ନେଆଁ ହୟକେ କାଜିତାନ୍ଲେକା ହବାଅଃଆ ।  
 ୧୦ ଅତେଦିଶ୍ଵମ୍ରେ ପୁରାଃଗି ଜାଗାର ମେନାଃ, ମେନ୍ଦ ଏନ୍ ସବେନ୍ ଜାଗାରରେୟାଃ  
 ମୁଣ୍ଡି ମେନାଃ । ୧୧ ଆଇୟାଃଲଃ ଜାଗାରତାନ୍ ହଡ଼ରାଃ ଜାଗାର ଆଇଜ୍ କାଇଜ୍  
 ସାରିରେଦ, ଏନ୍ ହଡ଼ ଆଇୟାଃତାଃରେ ଏଟାଃ ଦିଶ୍ଵମ୍ରେନ୍ ହଡ଼ ଲେକାନ୍ନିଃ ତାନିଃ  
 । ଆଇଜ୍ ହଁ ଆୟାଃତାଃରେ ଏଟାଃ ଦିଶ୍ଵମ୍ରେନ୍ ହଡ଼ ଲେକାଇଜ୍ ହବାଅଃଆ  
 । ୧୨ ଆପେୟ ପାବିତାର ଆମ୍ଭାରେୟାଃ ବାରଦାନ୍ ନାମେ ନାଗେନ୍ତେ ପୁରାଃଗିପେ  
 ସାନାଜ୍ତାନ୍ ହରାତେ, ଅକ୍ନାଃରେ କାଲିସିୟାରାଃ ବୁଗିନାଃ ହବା ଦାଡ଼ିୟାଆ, ଏନ୍  
 ସବେନାଃ ପୁରାଃଗି ନାମେ ନାଗେନ୍ତେ ପୁରାଃଗି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାରତେ ଜାଗାରତାନରେଦ, ଇନିଃ ଏନ୍ କା ସାରି  
 ଜାଗାରତେ କାଜିକାଦ୍ତେୟାଃରାଃ ମୁଣ୍ଡି ଉଦୁବ୍ ନାଜ୍ ବାରଦାନ୍ ନାମେ ନାଗେନ୍ତେ  
 ଇନିଃକେ ବିନ୍ତି ଲାଗାଡ଼ିଜ୍ଞୟାଃ । ୧୪ ଚିୟାଃଚି ଆଇଜ୍ କା ସାରି ଜାଗାରତେଇଜ୍  
 ବିନ୍ତିରେଦ, ଏନା ଆଇୟାଃ ଆମ୍ଭା ବିନ୍ତିୟାଏ, ମେନ୍ଦ ଆଇୟାଃ ମନ୍ ଜେତନାଃ କାଏ  
 ସାରିୟା । ୧୫ ଏନାରେ ଆଇଜ୍ ଚିନାଃଇଜ୍ ଚିକାୟା ? ଆଇଜ୍ ଆମ୍ଭାତେଇଜ୍ ବିନ୍ତିୟା,  
 ଏନାଲଃ ଆଇୟାଃ ମନ୍ତେହଁ ବିନ୍ତିୟା, ଆଇଜ୍ ଆମ୍ଭାତେଇଜ୍ ଦୁରାଜ୍ଞେଆ, ଏନାଲଃ  
 ମନ୍ତେହଁ ଦୁରାଜ୍ଞେଆ । ୧୬ ଆପେ ପାରମେଶ୍ଵାର୍ତକେ ଆମ୍ଭାତେ ଏସ୍କାର ଧାନ୍ୟାବାଦ୍  
 ଏମାଜ୍ ଇମ୍ତା, ଏନ୍ତାଃରେ ତାଇକାନ୍ ହଡ଼ ଆପେୟାଃ କାଜି ବେଗାର ବୁଝାଅତେ  
 ଚିଲ୍ଲକାତେ ଆପେଲଃ ଆମେନ୍ ମେନ୍ତେ କାଜିୟା ? ୧୭ ଆପେ ପୁରାଃ ସାରତିତେ



ପାର୍ଫେଣ୍ଡାକେ ଧାନ୍ୟାବାଦପେ ଏମାକାଈୟା, ଏନା ସାର୍ଫତିତାନାଃ, ମେନ୍ଦ ଏଟାଃ ହତ୍ ଜେତାଲେକାତେ ଆଶିଷ୍ କାଏ ନାମେୟା ।

୧୮ ଆଇଙ୍ଗ୍ ଆପେ ସବେନ୍ଦକଏତେ ପୁରାଃଶି କା ସାରି ଜାଗାର୍ଫତେଇଙ୍ଗ୍ ଜାଗାର୍ ଦାଡ଼ିୟା ମେନ୍ତେ ପାର୍ଫେଣ୍ଡାକେ ଧାନ୍ୟାବାଦ୍ ଏମାକତାନାଈଙ୍ଗ୍ । ୧୯ ମେନ୍ଦ ଆଇଙ୍ଗ୍ ଏଟାଃକକେହ୍ ଇତ୍ତୁ ଦାଡ଼ିକାଈଙ୍ଗ୍ ମେନ୍ତେ କାଲିସିୟାରେ କା ସାରି ଜାଗାର୍ଫତେ ହାଜାର୍ ହାଜାର୍ କାଜି କା କାଜିକେଦ୍ତେ, ସବେନ୍ଦକ ସାରିଲେକା ମଣେୟାଁ କାଜି କାଜିତେୟାଃ ପୁରାଃ ରୁଗିନାଃ ମେନ୍ତେଇଙ୍ଗ୍ ଆଟ୍‌କାର୍‌କେଦା ।

୨୦ ହେ ହାଗାକ, ଆପେୟାଃ ଉଡ଼ଃରେ ସିଟିଆ ଲେକା ଆଲ୍‌ପେ ହବାଅଃକା, ମେନ୍ଦ ଏଡ଼କାନ୍ ବିଷାଏରେ ସିଟିଆ ଲେକା ହବାଅଃପେ, ଆତଃ ସେଣ୍ଡାନ୍‌ରେ ଆପେ ପୁରା ହାରା ସେକାଡ଼ାକାନ୍ ହତ୍ ଲେକା ହବାଅଃ ଲାଗାଡ଼ିଙ୍ଗ୍‌ୟାଃ ।

୨୧ ଧାରାମ୍‌ପୁଅରେୟାଃ ଆନ୍‌ରୁରେ ନେଆଁ ଅଲ୍‌କାନା,  
“ପ୍ରାଭୁ କାଜିତାନାଏ, କା ସାରି ଜାଗାର୍ଫତେ କାଜିତାନ୍  
ଏଟାଃ ଦିଶୁମ୍‌ରେନ୍ଦକଆଃ ମଟାତେ,

ଆଇଙ୍ଗ୍ ଆଇଁୟାଃ ହତ୍‌କକେଇଙ୍ଗ୍ କାଜିକରେୟ,  
ଇନ୍‌କୁ ଆଇଁୟାଃ କାଜି କାକ ଆୟୁମେୟା ।”

୨୨ ଏନାତେ କା ସାରି ଜାଗାର୍ଫତେ ଜାଗାର୍ଫତେୟାଃ ବିଶ୍ଵାସୀ ହତ୍‌କଆଃ ନାଗେନ୍ତେ ଜେତାନ୍ ଚିହ୍ନାଁ ନାହାଁଲାଃ, ମେନ୍ଦ କା ବିଶ୍ଵାସ୍‌ତାନ୍‌କଆଃ ନାଗେନ୍ତେ ଏସକାର୍ ଚିହ୍ନାଁ ଲେକାନାଃ ତାନାଃ । ଏଟାଃ ହରା ନେଲେରେ, ପାର୍ଫେଣ୍ଡାଆଃ କାଜି ଉଦୁବ୍‌ରେୟାଃ ବାର୍‌ଦାନ୍ କା ବିଶ୍ଵାସ୍‌ତାନ୍‌କଆଃ ନାଗେନ୍ତେ ନାହାଁଲାଃ, ମେନ୍ଦ ବିଶ୍ଵାସୀକଆଃ ନାଗେନ୍ତେ କା ସାରି ଜାଗାର୍ ଚିହ୍ନାଁ ଲେକାନାଃ ତାନାଃ ।

୨୩ କାଲିସିୟାରେ ହୁଣ୍ଡିକେଦ୍ତେ ସବେନ୍ଦକ କା ସାରି ଜାଗାର୍ଫତେ ଜାଗାର୍ ଏଟେଦ୍‌ଲେରେ, ଏନ୍ତାଃତେ ହିନ୍ତୁଃକାନ୍ ଦେହାଡ଼ି ହତ୍‌କ ଚାଏ କା ବିଶ୍ଵାସ୍‌ତାନ୍ ହତ୍‌କ, କାଲିସିୟାରେନ୍ ସବେନ୍ ହତ୍‌କକେ ବାଏହା ମେନ୍ତେ କାକଟି କାଜିକଆ ? ୨୪ ମେନ୍ଦ ଇନ୍‌କୁ ପାର୍ଫେଣ୍ଡାଆଃ କାନାଜିକେ ଉଦୁବ୍‌ତାନ୍‌ରେଦ, ଆତଃ ଜେତାଏ ହତ୍ ଚାଏ କା ବିଶ୍ଵାସ୍‌ତାନ୍ ହତ୍ ହିନ୍ତୁଃରେଦ, ଇନିଃ ସବେନ୍‌କଆଃତେ ଚିଟାକାନା ମେନ୍ତେ ଆଟ୍‌କାରଃଆ ଆତଃ ସବେନ୍‌କଆଃତେ ବିଚାରଃଆ । ୨୫ ଇନିୟାଃ ମନ୍‌ସୁରୁଦ୍‌ରେ ଉକୁଆକାନ୍‌ତେୟାଃ ସବେନାଃ ଉଦୁବଃଆ । ଏନ୍ତେ ଇନିଃ ମେଦ୍ ମୁହାଡ଼୍ ଲାଡ଼ାର୍‌କେଦ୍ତେ ଉୟୁଗଃଆ ଆତଃ ପାର୍ଫେଣ୍ଡାକେ ଜହାର୍‌ତାନ୍‌ଲଃ କାଜିୟାଏ, “ସାର୍‌ଡ଼ିଗି ଆପେୟାଃ ଆଲ୍‌ରେ ପାର୍ଫେଣ୍ଡାକ୍ ମେନାଈୟା ।”

କାଲିସିୟାରେ ବେଗାର୍ ହାଲାଗୁଲା

୨୬ ହେ ହାଗା ମିଶିକ, ଆଇଙ୍ଗ୍ ଆପେକେ କାଜିରେୟାଃ ମୁଣ୍ଡି ନେୟାଁତାନାଃ, ସେଝାକାମି ନାଗେନ୍ତେ ହୁଣ୍ଡିନ୍ ଇମ୍‌ତା ଜେତାଏ ମିହୁଡ୍‌ ଦୁରାଙ୍ଗେକାଏ, ଆତଃମିହୁଡ୍‌ ଇତ୍ତୁଇକାଏ, ଆତଃମିହୁଡ୍‌ ପାର୍ଫେଣ୍ଡାଆଃ ଉନ୍‌ଦୁବ୍ ଉଦୁବେକାଏ, ଆତଃମିହୁଡ୍‌ କା ସାରି ଜାଗାର୍ଫତେ କାଜିକା, ଆତଃମିହୁଡ୍‌ କା ସାରି ଜାଗାର୍‌ରେୟାଃ ମୁଣ୍ଡି କାଜିକାଏ, ନେ ସବେନାଃ କାଲିସିୟାରାଃ ଦେଙ୍ଗା ନାଗେନ୍ତେ ହବାଅଃ ଲାଗାଡ଼ିଙ୍ଗ୍‌ୟାଃ । ୨୭ ଜେତାଏ କା ସାରି ଜାଗାର୍ଫତେ କାଜିରେଦ, ବାର୍‌ହତ୍ ଚାଏ ଏନାଏତେ ଥ୍‌ମ୍‌ୟା ହତ୍ ହବାଅଃରେ, ଆପିହତ୍, ମିହୁଡ୍ ମିହୁଡ୍‌ତେ କାଜିକାକ ଏନ୍ତେ ଆତଃମିହୁଡ୍‌ ଏନାରେୟାଃ ମୁଣ୍ଡି କାଜିକାଏ । ୨୮ ଏନାରେୟାଃ ମୁଣ୍ଡି କାଜି ହତ୍ କାକ ତାଇନ୍‌ରେଦ, ଇନିଃ କାଲିସିୟାରେ ହାପାକାନ୍‌ଗି ତାଇନ୍‌କାଏ ଆତଃ ଆଇଃକ୍‌ଗି ପାର୍ଫେଣ୍ଡାକେ କାଜିକା । ୨୯ ଆତଃ ବାର୍‌ହତ୍ ଚାଏ ଆପିହତ୍ ପାର୍ଫେଣ୍ଡାଆଃ କାଜି ଉଦୁବେକାକ, ଇନ୍‌କୁ କାଜିତାନ୍‌ତେୟାଃ ଏଟାଃକ ବିଚାରେକାକ । ୩୦ ମେନ୍ଦ

ସେଝାକାମିରେ ଦୁବାକାନକଏତେ ଜେତାଏ ପାର୍ମ୍ଭେଶ୍ୱାର୍ତାଃଏତେ ଜେତାନ୍ କାଜି ଆୟୁମ୍ଭେରେ, ସିଦାରେନ୍ ହଡ଼ ଆୟାଃ ଉଦୁବତାନ୍ କାଜିକେ ହକାଏକା ।<sup>୩୧</sup> ସବେନ୍‌କଆଃ ଇନିତୁ ଆତଃ ଜୀଉରେ ରାସକା ନାମ୍ ନାଗେନ୍ତେ ସବେନ୍‌କ ମିହୁଡ଼୍, ମିହୁଡ଼୍‌ତେ ପାର୍ମ୍ଭେଶ୍ୱାର୍ତାଃ କାନାଜି ଉଦୁବେପେ ।<sup>୩୨</sup> ପାର୍ମ୍ଭେଶ୍ୱାର୍ତାଃ କାନାଜି ଉଦୁବ୍‌ରେୟାଃ ବାର୍ଦାନ୍ ନାମାକାଦ୍ ନାବୀକଆଃ ଆମ୍ ନାବୀକଆଃ ଆବ୍‌ରେ ତାଇନ୍ ଲାଗାତିଙ୍ଗ୍‌ୟାଃ ।<sup>୩୩</sup> ଚିୟାଃତି ପାର୍ମ୍ଭେଶ୍ୱାର୍ ହାଲାଗୁଲା କାଏ ସାନାଙ୍‌ଆଃ, ମେନ୍‌ଦ ଜୀଉସୁକୁତେୟାଃ ସାନାଙ୍‌ଆଃଏ ।

ପାର୍ମ୍ଭେଶ୍ୱାର୍ତାଃ ସବେନ୍ କାଲିସିୟାରେନ୍ ହଡ଼କ ଲେକା, <sup>୩୪</sup> ଆପେୟାଃ କାଲିସିୟାରେୟାଃ ଦୁନ୍‌ବକରେ କୁଡ଼ିକ ହାପାକାନ୍‌ଗି ତାଇନ୍ ଲାଗାତିଙ୍ଗ୍‌ୟାଃ । ଇନ୍‌କୁକେ ଏନ୍ତାଃରେ କାଜି ନାଗେନ୍ତେ କା ଆତୁକାନା । ମେନ୍‌ଦ ଯିହୁଦୀକଆଃ ଆନ୍‌ତୁ ଲେକାତେ ଇନ୍‌କୁ ଆପାନ୍‌କେ ଆବ୍‌ରେକେଦ୍‌ତେ ତାଇନ୍ ଲାଗାତିଙ୍ଗ୍‌ୟାଃ ।<sup>୩୫</sup> ଇନ୍‌କୁ ଜେଡ଼ନାଃ ସାରି ନାଗେନ୍ତେକ ସାନାଙ୍‌ରେଦ୍, ଅଡ଼ାଃରେ ଆପ୍‌ନାଃ କଡ଼ାକକେ କୁଲିକକାକ, ଚିୟାଃତି କାଲିସିୟାରେୟାଃ ଦୁନ୍‌ବରେ କୁଡ଼ିକ ଜାଗାର୍‌ତେୟାଃ ଗିହୁଃରାଃ କାଜିତାନା ।

<sup>୩୬</sup> ପାର୍ମ୍ଭେଶ୍ୱାର୍ତାଃ ବାଚାନ୍ ଚିନାଃ ଆପେତାଃଏତେ ହିଜୁଆକାନ୍ ତାଇକେନା ? ଚାଏ ଆପେତାଃତେ ଏସକାର୍ ହିଜୁଆକାନ୍ ତାଇକେନା ? <sup>୩୭</sup> ଆପେକଏତେ ଜେତାଏ ମିହୁଡ଼୍, ଆଇଙ୍ଗ୍ ଆୟାଃକାଜିନିଃ ଚାଏ ଆମ୍‌ରେୟାଃ ବାର୍ଦାନ୍ ନାମାକାଦ୍‌ନିଃ ତାନିଙ୍ଗ୍ ମେନ୍ତେ କାଜିରେଦ୍, ଇନିଃ ସାରିକାଏ ଯେ, ନେତାଃରେ ଆଇଙ୍ଗ୍ ଅଲ୍‌କାଦ୍‌ତେୟାଃ, ପ୍ରାଭୁଆଃ ଆନାତୁତାନାଃ । <sup>୩୮</sup> ମେନ୍‌ଦ ଇନିଃ ନେ କାଜିକକେ କା ସାରିଲେକା ମେନାଇରେଦ୍, ଇନିଃ ଆଇଃକ୍‌ଗି କା ସାରିଲେକାଏ ହବାଅଃଆ ।

<sup>୩୯</sup> ଏନାତେ ହେ ହାଗା ମିଶିକ, ପାର୍ମ୍ଭେଶ୍ୱାର୍ତାଃ କାନାଜି ଉଦୁବ୍ ନାଗେନ୍ତେ ପୁରାଃଗି ରାସକାଅଃପେ, ଆତଃ କା ସାରି ଜାଗାର୍‌ତେ କାଜିତାନ୍‌କକେ ଆଲ୍‌ପେ ମାନାକଆ ।<sup>୪୦</sup> ସବେନ୍ କାଜି ବୁଗିଲେକାତେ ଆତଃ ବେଗାର୍ ହାଲାଗୁଲାତେ କାମି ରିକା ଲାଗାତିଙ୍ଗ୍‌ୟାଃ ।

## ୧୫

ୟାଶୁ ଖ୍ରୀଷ୍ଟଆଃ ଜୀଉବିନିରିଦ୍

<sup>୧</sup> ହେ ହାଗା ମିଶିକ, ଆଇଙ୍ଗ୍ ଆପେତାଃରେ ଉଦୁବକାଦ୍ ସୁକୁକାଜିକେ ନାମାକାଦାପେ ଆତଃ ଏନାରେ ଆପେୟାଃ ବିଶ୍ୱାସ୍ ତିଙ୍ଗ୍‌କେରେଦ୍‌କାନା । ଆଇଙ୍ଗ୍ ଆପେକେ ଏନ୍ ବିଷାଏ ପାହାମ୍‌ଇତି ନାଗେନ୍ତେଇଙ୍ଗ୍ ସାନାଙ୍‌ତାନା । <sup>୨</sup> ଆଇଙ୍ଗ୍ ଆପେତାଃରେ ଉଦୁବକାଦ୍ ବୁଗିନ୍ କାଜିଗି ସୁକୁକାଜି ତାନାଃ । ଆପେ ଏନ୍ ସୁକୁକାଜିରେୟାଃ କାଜିରେ ପୁରାଃ ପକ୍‌ତାକେଦ୍‌ତେପେ ବିଶ୍ୱାସେରେଦ୍, ଜୀଉବାଞ୍ଚାଅପେ ନାମେୟା । କା'ରେଦ୍, ଆପେୟାଃ ବିଶ୍ୱାସ୍ ସାମାତାନାଃ ।

<sup>୩</sup> ଆଇଙ୍ଗ୍ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବ୍‌ପେତାନ୍‌ତେୟାଃ ପୁରାଃ ବୁଗିନାଃ ତାନାଃ । ଏନା ହବାଅଃତାନା, ଧାରାମ୍‌ପୁଥିରେ ଅଲ୍‌କାନ୍ ଲେକା, ଖ୍ରୀଷ୍ଟ୍ ଆବୁଆଃ ପାପ୍ ନାଗେନ୍ତେ ଗଏଃୟାନା, <sup>୪</sup> ଧାରାମ୍‌ପୁଥିରେ ଅଲ୍‌କାନ୍ ଲେକା, ତପାଗାଡ଼ାରେ ତପାୟାନା ଆତଃ ଆପି ମାହାଁରେ ଜୀଉବିରିଦ୍‌ୟାନା । <sup>୫</sup> ଇନିଃ ପାଡ଼ରାସ୍ ଆତଃ ଆୟାଃ ସବେନ୍ ଗେଲ୍‌ବାର୍ ତେଲ୍‌କତାଃରେ ତାୟମ୍‌ତେ ଉଦୁବେନ୍‌ୟାନା । <sup>୬</sup> ଏନ୍ତେ ଇନିଃ ଆଇଃକ୍‌କେ ଅତଙ୍ଗ୍‌ଇତାନ୍ ୫୦୦ ହେତେ ଆଦ୍‌କା ହାଗା ମିଶିକତାଃରେ ମିସାତେ ଉଦୁବେନ୍‌ୟାନା । ଇନ୍‌କୁଏତେ ଚିମିନ୍ ହଡ଼କ

☆ ୧୫:୪ ୧୫:୪ ମାଥୁଉ ୧୨:୪୦; ପ୍ରେରିଡ଼୍ ୨:୨୪-୩୨. ☆ ୧୫:୫ ୧୫:୫ ଲୁକ ୨୪:୩୪; ମାଥୁଉ ୨୮:୧୭, ୧୭; ମାର୍କ ୧୬:୧୪; ଲୁକ ୨୪:୩୬; ଯୋହାନ୍ ୨୦:୧୯.

ଗଂଧର୍ଯ୍ୟାନା, ମେନ୍ଦ ଦିମିନ୍ ହଡ଼କ ନାହାଁଃ ଜାକେଦ୍ ମେନାକଥା । ୭ ଏନ୍ତେ ଇନିଃ ତାୟମ୍ତେ ଯାକୁଦ୍ ଆତଃ ସବେନ୍ ପ୍ରେରିଡ଼କତାଃରେ ଉଦୁବେନ୍ୟାନା ।

୮ \*ଆଇଙ୍ଗ୍ କା ହୁୟଃ ନେତାରେ ଜାନାମ୍‌କାନ୍‌ରେୟ, ଚୁଣ୍ଡୁରେ ଇନିଃ ଆଇଁୟାଃତାଃରେ ଉଦ୍‌ବେନ୍ୟାନା । ୯ \*ଆଇଙ୍ଗ୍ ପାର୍‌ମେଶ୍ଵାର୍‌ଆଃ କାଲିସିୟାକେ ସିଗିଦ୍‌କାଦ୍ ହରାତେ, ଆଇଙ୍ଗ୍ ପ୍ରେରିଡ଼ ମେନ୍ତେ ନୁତୁମଃ ଲେକାନ୍‌ନିଃ ନାହାଁଲିଙ୍ଗ୍ । ୧୦ ମେନ୍ଦ୍ ଆଇଙ୍ଗ୍ ନାହାଁଃ ପାର୍‌ମେଶ୍ଵାର୍‌ଆଃ ସାୟାଦ୍ ହରାତେ ପ୍ରେରିଡ଼ ମେନ୍ତେଇଙ୍ଗ୍ ନୁତୁମାକାନା, ଆତଃ ଇନିଃ ଆଇଙ୍ଗ୍‌କେ ଏମାକାଦିଙ୍ଗ୍ ସାୟାଦ୍ କା ସାମାଏଣ୍ଡାଃକାନା । ମେନ୍ଦ୍ ଆଇଙ୍ଗ୍ ଏଟାଃ ସବେନ୍ ପ୍ରେରିଡ଼କତାଃଏତେ ପୁରାଃଗି କେଚେଦ୍ କାମିଇଙ୍ଗ୍ କାମିକାଦ୍‌ରେୟ, ଏନା ଆଇଁୟାଃ ଆପାନାଃ କେଚେଦ୍ କାମି ଏସ୍‌କାର୍ ନାହାଁଲାଃ, ମେନ୍ଦ୍ ପାର୍‌ମେଶ୍ଵାର୍‌ଆଃ ସାୟାଦ୍‌ହ୍ ଆଇଁୟାଃଲଃ ମେସାକାନା । ୧୧ ଏନାତେ, ଆଇଙ୍ଗ୍ ହବାଅଃ ଚାଏ ଇନ୍‌କୁ, ଆଲେ ସବେନ୍‌କ ଏନ୍ ମିଆଁଦ୍‌ଗି କାଜିଲେ ଉଦୁବତାନା ଆତଃ ଆପେ ଏନାରେ ବିଶ୍ଵାସ୍‌ତାନାପେ ।

ଆରୁଆଃ ଜୀଉବିନିରିଦ୍

୧୨ ଖ୍ରୀଷ୍ଟ ଗନଏଃହେତେ ଜୀଉବିନିଦ୍‌କାନାଏ, ନେଆଁଗି ଆଲେ ଉଦୁବେତାନ୍ କାଜି ତାନାଃ । ଏନ୍‌ରେୟ ଆପେକଏତେ ଚିମିନ୍ ହଡ଼କ ଗନଏଃହେତେ ଜୀଉବିନିରିଦ୍‌ତେୟାଃ ବାନଃଆ ମେନ୍ତେ ଚିଲ୍‌କାପେ କାଜିତାନା ? ୧୩ ଗନଏଃ ହଡ଼କଆଃ ଜୀଉବିନିରିଦ୍ ବାନଃରେଦ୍, ଖ୍ରୀଷ୍ଟ୍‌ହ୍ ଜୀଉ କାଏ ବିରିଦ୍‌କାନା; ୧୪ ଆତଃ ଖ୍ରୀଷ୍ଟ୍‌ଆଃ ଜୀଉବିନିରିଦ୍ କା ହବାକାନ୍‌ରେଦ୍, ଆଲେୟାଃ ଉନ୍‌ଦୁଦ୍ ସାମାତାନା ଆତଃ ଆପେୟାଃ ବିଶ୍ଵାସ୍‌ହ୍ ସାମାତାନା । ୧୫ ଏନାତେ ଆରୁ ପାର୍‌ମେଶ୍ଵାର୍‌ଆଃ ବିଷାଏରେ ହସଡ଼ ଗାଞ୍ଜା ଏମତାନ୍ ଲେକାରୁ ହବାଅଃଆ, ଚିୟାଃତି ପାର୍‌ମେଶ୍ଵାର୍ ଖ୍ରୀଷ୍ଟ୍‌କେ ଗନଏଃହେତେ ଜୀଉବିରିଦ୍‌କିୟାଏ ମେନ୍ତେ ଗାଞ୍ଜାକୁ ଏମତାନା । ଗନଏଃ ହଡ଼କଆଃ ସାର୍‌ତିଗି ଜୀଉବିନିରିଦ୍ ବାନଃରେଦ୍, ଖ୍ରୀଷ୍ଟ୍‌କେ ପାର୍‌ମେଶ୍ଵାର୍ ଗନଏଃହେତେ କାଏ ବିରିଦ୍ । ୧୬ ଆତଃ ଗନଏଃ ହଡ଼କ କାକ ଜୀଉବିରିଦ୍‌ଃରେଦ୍, ଖ୍ରୀଷ୍ଟ୍‌ହ୍ କାଏ ଜୀଉବିରିଦ୍ । ୧୭ ଆତଃ ଖ୍ରୀଷ୍ଟ୍ ଗନଏଃହେତେ କାଏ ଜୀଉବିରିଦ୍‌କାନ୍‌ରେଦ୍, ଆପେୟାଃ ବିଶ୍ଵାସ୍ ସାମା ତାନାଃ ଆତଃ ଆପେ ନାହାଁଃ ଜାକେଦ୍ ଆପେୟାଃ ପାପ୍‌ରେ ମେନାପେୟା । ୧୮ ଏନ୍‌ରେଦ୍, ଗଜାକାନ୍ ଖ୍ରୀଷ୍ଟ୍ ବିଶ୍ଵାସୀକହ୍ ଜିୟନ୍‌କାନାକ । ୧୯ ଖ୍ରୀଷ୍ଟ୍‌ରେ ଆରୁଆଃ ଆସ୍ତା ନେ ଜୀଦାନ୍ ନାଗେନ୍ତେ ଏସ୍‌କାର୍ ତାନାଃରେଦ୍, ଏଟାଃ ସବେନ୍‌କତାଃଏତେ ଆରୁଆଃ ଦାସା ପୁରାଃ ନାରାଦୁରା ହବାଅଃଆ ।

୨୦ ମେନ୍ଦ୍ ସାର୍‌ତିଗି ଖ୍ରୀଷ୍ଟ୍ ଗଜାକାନ୍ ହଡ଼କଆଃ ଜୀଉବିନିରିଦ୍‌କେ ସାର୍‌ତି ତାନାଃ ମେନ୍ତେ ଉଦୁଦ୍ ନାଙ୍ଗ୍ ଇନିଃଗି ଇନ୍‌କୁଆଃଏତେ ସିଦାରେ ଜୀଉବିରିଦ୍‌ୟାନାଏ । ୨୧ ଚିୟାଃତି ମିହୁଡ଼୍ ହରାତେ ଗନଏଃ ଅତେଦିଶ୍ଵମ୍‌ରେ ହିଜୁଃୟାନା । ଏନ୍‌ଲେକାଗି ମିହୁଡ଼୍ ହରାତେ ଗନଏଃ ହଡ଼କଆଃ ଜୀଉବିନିରିଦ୍ ହିଜୁଆକାନା । ୨୨ ଆଦାମ୍‌ଲଃ ମେସାକାନ୍ ହରାତେ ସବେନ୍ ହଡ଼କଆଃ ଗନଏଃ ମେନାଃ, ଏନ୍‌ଲେକାଗି ଖ୍ରୀଷ୍ଟ୍‌ଲଃ ମେସାକାନ୍ ହରାତେ ସବେନ୍ ହଡ଼କ ଗନଏଃହେତେ ଜୀଉବିରିଦ୍‌ଃକ । ୨୩ ମେନ୍ଦ୍ ସବେନ୍‌କ ଏନ୍ ମିଆଁଦ୍ ନେତାରେଗି ଜୀଉବିରିଦ୍‌ଃକ । ସବେନ୍‌କଆଃଏତେ ସିଦାରେ ଖ୍ରୀଷ୍ଟ୍ ଜୀଉବିରିଦ୍‌କାନାଏ, ଏନାତେ ଇନିୟାଃ ଆତଃମିସା ହିନିଜୁଃ ନେତାରେ ଆୟାଃ ହଡ଼କ ସିଦାତେ ଜୀଉବିରିଦ୍‌ଃକ । ୨୪ ଏନ୍ତେ ଚୁଣ୍ଡୁ ହିପିଲି ସେଚେରା । ଖ୍ରୀଷ୍ଟ୍ ସବେନ୍ ଏଡ଼କାନ୍ ଆମ୍‌, ଅକଏତାଃରେଚି ସବେନ୍ ଆକ୍‌ତେୟାର୍, ପେଡ଼େଃ ଆତଃ ପୁରାଃ ପେଡ଼େୟାନ୍‌ତେୟାଃକ ଜିୟନ୍‌କେଦ୍‌ତେ ଆୟାଃ ଆବା ପାର୍‌ମେଶ୍ଵାର୍‌କେ ରାଇଜ୍ ଜିମାଲୟାଏ । ୨୫ ଚିୟାଃତି ପାର୍‌ମେଶ୍ଵାର୍ ସବେନ୍ ବାଇରିକକେ ହାରାଅକେଦ୍‌ତେ

\* ୧୫:୮ ୧୫:୮ ପ୍ରେରିଡ଼ ୯:୩-୭.      \* ୧୫:୯ ୧୫:୯ ପ୍ରେରିଡ଼ ୮:୩.

ଶ୍ରୀଷ୍ଟୀଆଃ କାଚା ଲାତାରରେ ଦହକ ଜାକେଦ୍ ଶ୍ରୀଷ୍ଟ ରାଇଜେୟାଏ । ୨୭ ଚୁଣ୍ଡ ବାଇରିଆଃ ହାରାଅଗି ଚୁଣ୍ଡର ଗନ୍ଧଃ ହବାଅଃଆ । ୨୮ ଚିୟାଃତି ଧାରାମ୍ପୁଅରେ ଅଲ୍ଲାନା, “ପାର୍ମେଶ୍ଵର ସିବେନାଃ ଶ୍ରୀଷ୍ଟୀଆଃ ଆକ୍ତେୟାରରେ ଦହେୟା ।” ଏନ୍ “ସିବେନ୍ ବିଷାଏ” ମେନ୍ତେ ଅଲ୍ଲାନା ଏନାରେ ପାର୍ମେଶ୍ଵର କାଏ ମେସାକାନା, ମେନ୍ଦ ଇନିଃ ସିବେନ୍ ବିଷାଏକେ ଶ୍ରୀଷ୍ଟୀଆଃ ଆକ୍ତେୟାରରେ ଦହେୟା । ୨୯ ଆତଃ ସିବେନାଃ ଶ୍ରୀଷ୍ଟୀଆଃ ଆକ୍ତେୟାରରେ ଦହକେଦ୍ ତାୟମ୍ତେ, ଶ୍ରୀଷ୍ଟ ଅକଏତି ହନ୍ ତାନିଃ, ଇନିଃ ଆଇଃକ୍ତି ଆବା ପାର୍ମେଶ୍ଵରୀଆଃ ଆକ୍ତେୟାରରେ ତାଇନା ଆତଃ ସିବେନ୍ ବିଷାଏରେୟାଃ ଚେତାନ୍ରେ ପାର୍ମେଶ୍ଵରୀଆଃ ରାଇଜ୍ ପୁରାଅଃଆ ।

୩୦ ଗଜାକାନ୍ ହଡ଼କ ନାଗେନ୍ତେ ଅକନ୍ଦକ ବାପ୍ତିସ୍ତା ଇଦିତାନାକ, ଇନ୍କୁଆଃ ବିଷାଏରେ ଚିନାଃରୁ କାଜିୟା ? ଚିମିନ୍ ହଡ଼କଆଃ କାଜିଲେକାତେ, ଗଜାକାନ୍ ହଡ଼କଆଃ ଜୀଉବିନିରିଦ୍ ବାନଃରେଦ, ଇନ୍କୁ ନାଗେନ୍ତେ ଏଗାଃ ହଡ଼କ ଚିନାଃମେନ୍ତେ ବାପ୍ତିସ୍ତା ଇଦିତାନାକ ? ୩୧ ଆତଃ ଆରୁ ଚିନାଃମେନ୍ତେ ସିବେନ୍ ଇମ୍ତା ସାକ୍ତରେବୁ ଉୟୁଗଃତାନା ? ୩୨ ହେ ହାଗା ମିଶିକ, ଆରୁଆଃ ଜୀଦାନ୍, ପ୍ରାଭୁ ଯୀଶୁ ଶ୍ରୀଷ୍ଟଲଃ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଙ୍ଗ୍ ବହଃ ରିମ୍କେଦ୍ତେ କାଜିତାନାଇଙ୍ଗ୍, ଆଇଙ୍ଗ୍ ସିବେନ୍ ହୁଲାଇଁ ଗନ୍ଧଃ ଗାଡ଼ାରେଇଙ୍ଗ୍ ଉୟୁଗଃତାନା । ୩୩ ଆଇଙ୍ଗ୍, ହଡ଼କଆଃ ସାନାଙ୍ଗ୍ ଲେକାତେ ଏସକାର୍ ଏଫିସୁସରେ ବିର୍ ଜାତୁକଲଃ ଲାଡ଼ାଇକାନ୍ରେଦ, ଆଇୟାଃ ଚିକାନ୍ ଲାଭୁ ? ମେନ୍ଦ ଗଜାକାନ୍କଆଃ ଜୀଉବିନିରିଦ୍ କା ହବାଅଃରେଦ, କାଜି ଲେକାତେ, “ଏଲ୍ଲା ହିଜୁଃପେ, ଜମ୍ ନୁଁକେଦ୍ତେ ଜୀଞ୍ଜାନ୍ରୁ ବିତାୟା, ଚିୟାଃତି ହିଜୁଃ ହୁଲାଇଁଦ୍ ଆରୁକେ ଗଜଃ ଲାଗାତିଙ୍ଗ୍ୟାଃ ।”

୩୪ ଆପେ ଆଲ୍ପେ ସେଦାଅଃଆ । “ଏଡ଼କାନ୍ ସାଙ୍ଗାତି ବୁଗିନ୍ ଚାଇଲ୍ ଚାଲାନକେ ଜିୟନେୟା ।” ୩୫ ଏନାତେ ଆପେ ଲାଗାତିଙ୍ଗ୍ଲେକା ଚେତାଅଃପେ, ପାପ୍ କାମି ଆଲ୍ପେୟାଃ । ଆପେକଏତେ ଚିମିନ୍ ହଡ଼କ ପାର୍ମେଶ୍ଵରକେ କାକ ସାରିୟା, ଏନାମେନ୍ତେ ଆଇଙ୍ଗ୍ ଆପେକେ ଗିହୁଃ ଇଚିପେ ନାଗେନ୍ତେ ନେ କାଜିଙ୍ଗ୍ କାଜିତାନା ।

**ଜୀଉବିନିରିଦ୍ ହଡ଼କ**

୩୬ ଜେତାଏ ଆପେକେ କୁଲି ସାକାଅପେୟାକ, “ଗଜାକାନ୍କ ଚିଲ୍କାତେ ଜୀଉବିନିରାଃକ ? ଆତଃ ଇନ୍କୁ ଚିଲ୍କାନ୍ ହଡ଼ମ୍ତେକ ହିଜୁଃଆ ?” ୩୭ ଆପେ ଚିମିନ୍ ଡ଼ଣ୍ଡକ ତାନ୍ପେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମ୍ନାଙ୍ଗ୍ ହିଁ କାପେ ସାରିୟା ? ୩୮ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍ଦ ଆପେ ହେରାକାଦ୍ତେୟାଃ ହବାସାକାଅଆଃ ଗହମ୍ଜାଙ୍ଗ୍ ଚାଏ ଏଗାଃ ହିତାଜାଙ୍ଗ୍ ତାନାଃ । ୩୯ ମେନ୍ଦ ପାର୍ମେଶ୍ଵର ଆୟାଃ ମନେଲେକା ଏନାରେୟାଃ ହଡ଼ମ୍ଲଃ ହିତାଜାଙ୍ଗ୍ ଏମାଃଏ, ଆତଃ ସିବେନ୍ ହିତାଜାଙ୍ଗ୍କେ ଏନାଲେକାଗି ହଡ଼ମ୍ ଏମାଃଏ ।

୪୦ ସିବେନ୍ ଜାନିଦ୍ତାନକଆଃ ହଡ଼ମ୍ ମିଦ୍ଲେକା ବାନଃଆ । ହଡ଼ରାଃ ହଡ଼ମ୍ ଏଗାଃ ରାକାମ୍ ମେନାଃ, ଜାତୁରାଃ ହଡ଼ମ୍ ଏଗାଃ ରାକାମ୍ ମେନାଃ, ଚେଟ୍ଟୋରାଃ ହଡ଼ମ୍ ଏଗାଃ ରାକାମ୍ ମେନାଃ ଆତଃ ହାକୁରାଃ ହଡ଼ମ୍ ଏଗାଃ ରାକାମ୍ ମେନାଃ ।

୪୧ ସିମ୍ପାରାଃ ହଡ଼ମ୍ ମେନାଃ ଆତଃ ଅତେରାଃ ହଡ଼ମ୍ ହିଁ ମେନାଃ, ମେନ୍ଦ ଅତେରେୟାଃ ହଡ଼ମ୍ରାଃ ସୁଗାଡ଼ାନ୍ତାଏତେ ସିମ୍ପାରେୟାଃ ହଡ଼ମ୍ରାଃ ସୁଗାଡ଼ାନ୍ତେୟାଃ ଏଗାଃ ରାକାମ୍ ମେନାଃ । ୪୨ ସିଙ୍ଗିରାଃ ସୁଗାଡ଼ାନ୍ ଏଗାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡ଼ାନ୍ ଏଗାଃ ରାକାମ୍ ମେନାଃ, ଆତଃ ଇପିଲ୍କଆଃ

ସୁଗାଡ଼ାନ୍ ଏଗାଃ ରାକାମ୍ ମେନାଃ, ଆଡ଼ଃଗି ଇପିଲକ ଆଲ୍ଲାରେୟ୍ ଏଗାଃ ଏଗାଃ ରାକାମ୍ରେୟାଃ ସୁଗାଡ଼ାନ୍ ମେନାଃ ।

୪୭ ଗଜାକାନ୍ ହଡ଼କଆଃ ଜୀଉବିନିରିଦ୍ ହ ଏନ୍ଲେକାଗି ମେନାଃ । ତପାକାନ୍ ହଡ଼ମ୍ ଜିୟନଃଆ ଆଡ଼ଃ ଜୀଉ ବିରିଦ୍ରେ କା ଜିୟନଃଆ । ୪୮ ତପାଅଃ ଇମ୍ତା ସିଡ଼ରୁ ଆଡ଼ଃ ନାରାଦୁରାକେଦ୍ରେ ତପାଅଃଆ, ମେନ୍ଦ୍ ଜୀଉବିରିଦ୍ରେ ସୁଗାଡ଼ାନ୍ ଆଡ଼ଃ ପେଡ଼େୟାନ୍ଗି ହବାଅଃଆ । ୪୯ ତପାଅଃ ଇମ୍ତା, ହଡ଼ମ୍ତାୟାଃ ଗଜାକାନ୍ଗି ତାଇନା, ମେନ୍ଦ୍ ଜୀଉବିରିଦ୍ରେ ଆମ୍ବ୍ରେୟାଃ ହଡ଼ମ୍ ହବାଅଃଆ । ସାର୍ତ୍ତି ହଡ଼ମ୍ ମେନାଃରେଦ୍, ଆମ୍ବ୍ରେୟାଃ ହଡ଼ମ୍ ହେ ମେନାଃ । ୫୦ ଧାରାମ୍ପୁଥ୍ରେ ଅଲ୍ଲାନା, “ସିଦାରେନ୍ ହଡ଼, ଆଦାମ୍, ଜୀନିଦ୍ ହଡ଼ ହବାୟାନ୍ୟ, ମେନ୍ଦ୍ ଟୁଣ୍ଡୁରେନ୍ ଆଦାମ୍ ଜୀଦାନ୍ ଏମଃ ଆମ୍ବ୍ ହବାୟାନ୍ୟ । ୫୧ ସିଦାତେ ଆମ୍ବ୍ରେୟାଃ ହଡ଼ମ୍ କା ତାଇକେନା, ମେନ୍ଦ୍ ସିଦା ସାର୍ତ୍ତି ହଡ଼ମ୍ ତାଇକେନା, ଏନ୍ ତାୟମ୍ତେ ଆମ୍ବ୍ରେୟାଃ ହଡ଼ମ୍ ହିଜୁଃୟାନ୍ । ୫୨ ପାହିଲା ହଡ଼ ଆଦାମ୍ ତାଇକେନା, ଇନିଃ ଅତେରେୟାଃ ଧୂଡ଼ିତେ ବାଇୟାକାନ୍ ତାଇକେନା, ଏନ୍ତେ ଆଡ଼ଃମିହୁଡ଼୍ ଆଦାମ୍ ସିମ୍ବାଏତେ ହିଜୁଃୟାନ୍ । ୫୩ ଅତେରେନ୍ ହଡ଼କ, ଏନ୍ ଅତେରେୟାଃ ଧୂଡ଼ିତେ ବାଇୟାକାନ୍ ହଡ଼ ଲେକାଃକ, ଆଡ଼ଃ ସିମ୍ବାରେ ମେନାଃକ ହଡ଼କ, ଏନ୍ ସିମ୍ବାଏତେ ହିଜୁଆକାନ୍ ହଡ଼ ଲେକାଃକ ।” ୫୪ ଆବୁ ନାହାଃ ଅତେରେୟାଃ ଧୂଡ଼ିତେ ବାଇୟାକାନ୍ ଏନ୍ ହଡ଼ ଲେକା ମେନାବୁଆ, ଏନ୍ଲେକାଗି ମୁସିଙ୍ଗ୍ ହୁଲାଇ ଆବୁ ଏନ୍ ସିମ୍ବାଏତେ ହିଜୁଆକାନ୍ ହଡ଼ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇୟାଃ କାଜିରେୟାଃ ମୁଣ୍ଡି ହବାଅଃତାନା, ମାୟୋମ୍ମାସ୍ ହଡ଼ମ୍ ସାବ୍କେଦ୍ରେ ଆବୁ ପାର୍ମେଶ୍ୱାର୍ ଆଃ ରାଇଜ୍ରେୟାଃ ହିସା କାବୁ ହବାଦାଡ଼ିୟାଆ, ଚାଏ ଜିୟନଃ ହଡ଼ମ୍ କା ଜିୟନଃ ହଡ଼ମ୍କେ କାଏ ଆକ୍ତେୟାଡ଼ ଦାଡ଼ିୟା ।

୫୧ \*ଆଇଙ୍ଗ୍ ଆପେକେ ମିଆଁଦ୍ ଉକୁଆକାନ୍ ସାର୍ତ୍ତି କାଜିଙ୍ଗ୍ କାଜିପେତାନା, ଆବୁ ସବେନ୍ କାବୁ ଗଜଃଆ । ମେନ୍ଦ୍ ଟୁଣ୍ଡୁ ବିଜୁଲ୍ବାଜା ସାଡ଼ିୟାନ୍ ଇମ୍ତାଲଃଗି ବାଦ୍ଲାଝାଃବୁ । ୫୨ ନେଆଁ ଇମ୍ତାଗି ମେଦ୍ ରାପିଦଃଲେକା ହବାଅଃଆ । ବିଜୁଲ୍ ବାଜା ସାଡ଼ି ଇମ୍ତା ଗଜାକାନ୍ ବିଶ୍ୱାସୀକ କା ଜିୟନଃ ନାଗେନ୍ତେକ ବିରିଦା, ଆଡ଼ଃ ଆବୁ ସବେନ୍ ବାଦ୍ଲାଝାଃବୁ । ୫୩ ଚିୟାଃଚି ନେ ଜିୟନଃ ହଡ଼ମ୍କେ କା ଜିୟନଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ, ଆଡ଼ଃ ନେ ଅତେରେୟାଃ ଧୂଡ଼ିରାଃ ଗନଏଃ ହଡ଼ମ୍କେ ଚିଉଲ୍ଲାଅ କା ଗଜଃ ଲେକାନ୍ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ । ୫୪ ନେ ଗନଏଃ ହଡ଼ମ୍ ଚିଉଲ୍ଲାଅ କା ଗଜଃ ହଡ଼ମ୍ରେ ବାଦ୍ଲାଅକେନଃରେଦ୍, ଧାରାମ୍ପୁଥ୍ରେ ଅଲ୍ଲାନା ନେ କାଜି ସାର୍ତ୍ତି ହବାଅଃଆ : “ଗନଏଃ ଜିୟନ୍ୟାନ୍, ଆଡ଼ଃ ଜିନିତାଅ ପୁରାୟାନ୍ !”

୫୫ “ଏ ଗନଏଃ, ଆମାଃ ଜିତାଅ କତାଃରେୟା ?

ଏ ଗନଏଃ, ଆମାଃ ଗନଏଃରାଃ ତୁଡ଼୍ରେୟାଃ କତାଃରେୟା ?”

୫୬ ତୁଡ଼୍ରେୟାଃରେୟା ପେଡ଼େଃ, ଗନଏଃ ପାପ୍ତାଃଏତେ ନାମାଃଏ, ଆଡ଼ଃ ମୁଗାରାଃ ଆନ୍ତୁଡ଼ାଃଏତେ ପାପ୍ ପେଡ଼େଃ ନାମାଃଏ । ୫୭ ମେନ୍ଦ୍ ପାର୍ମେଶ୍ୱାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟାଃ ହରାତେ ଆବୁକେ ଜିତାଅକାଦ୍ବୁଆଏ, ଇନିୟାଃ ଧାନାବାଦ୍ ହବାଅଃକା ।

୫୮ ଏନାମେନ୍ତେ ହେ ଦୁଲ୍ଲାଡ଼୍ ହାଗା ମିଶିକ, ତିଙ୍ଗ୍ କେଟେଦ୍କାନ୍ପେ ଆଡ଼ଃ ଆବରାକାନ୍ ତାଇନ୍ପେ । ପ୍ରାଭୁଆଃ କାମିରେ ସବେନ୍ ଇମ୍ତା ଚିହ୍ନଃପେ । ଚିୟାଃଚି ଆପେ ସାରିତାନାପେ, ପ୍ରାଭୁ ନାଗେନ୍ତେ ଆପେୟାଃ କାମି କା ସାମାଅଃଆ ।



ପାରମେଶ୍ୱରୁଆଃ ହୃଦକ ନାଗେନ୍ଦ୍ରେ ଦେଢ଼ାରେୟାଃ ଦାନ

୧ \*ଯିହୁଦାରେନ୍ ପାରମେଶ୍ୱରୁଆଃ ହୃଦକ ନାଗେନ୍ଦ୍ରେ ଦାନ ଏମ୍ରେ ଦେଢ଼ା ନାଢ଼ ଆଇଁୟାଃ ସାଲୁହା ନେଆଁ ତାନାଃ, ଆଇଢ଼ ଗାଲାତିୟ ପାରଗାନ୍ରେ ତାଇନ୍ତାନ କାଲିସିୟାକକେ କାମି ନାଢ଼ କାଜିକାଦକ ଲେକା ଆପେୟ ଏନ୍ଲେକାଗି କାମିପେ । ୨ ଆଇଢ଼ ସେନ୍ରେ ଦାନ ହାରମ୍ ନାଗେନ୍ଦ୍ରେ କା ଲାଗାତିୟଃଆ, ଏନାମେନ୍ଦ୍ରେ ସବେନ୍ ହାପ୍ରାରେୟାଃ ପାହିଲା ହୁଲାଙ୍ଗ୍ରେଗି ଆପେୟାଃ ନାଲାହେତେ କାଟିଃଲେକା ଟାକା ପାଏସା ଆପାନରେ ଦହେପେ । ୩ ଆତଃ ଆପେ ଅକନ୍କକେ ବୁଗିନ୍ ହୃଦ ତାନକ ମେନ୍ଦ୍ରେ ଆଟ୍ଟକାରଉରୁମକାଦକଆ, ଇନ୍କୁକେ ଆଇଢ଼ ସେନ୍ରେ ଅନଲ୍ଟିଠା ଏମ୍କେଦ୍ତେ ଆପେୟାଃ ଦାନଲଃ ଯୀରୁଗାଲେମତେଇଢ଼ କୁଲ୍କଆ । ୪ ଆଇଢ଼କେହ୍ ସେନ୍ ଲାଗାତିଙ୍ଗ୍ରେ, ଇନ୍କୁ ଆଇଁୟାଃଲଃକ ସେନ୍ ଦାଡ଼ିୟା ।

ପାଉଲୁସ୍ଆଃ କବିଚ୍ଛିନ୍ଦେ ସେନ୍ରେୟାଃ ଉହାଟ୍

୫ \*ଆଇଢ଼ ମାକିଦନିଆତେ ସେନ୍ ତାୟମ୍ତେ ଆପେତାଃତେଇଢ଼ ସେନା, ଚିୟାଃଟି ଆଇଢ଼ ମାକିଦନିଆ ହରାତେଇଢ଼ ସେନ୍ତାନା । ୬ ହବାସାକାଅଆଃ, ରାବାଢ଼ ସାହା ଆଇଢ଼ ଆପେଲଃ ଚିମିନ୍ ମାହାଁ ତାଇନ୍ ସାକାଅଆଇଢ଼, ଆତଃ ଆଇଢ଼ ଜାହାଜ୍ତେଗି ସେନ୍ ନାଗେନ୍ଦ୍ରେ ମନେୟାଃଇଢ଼, ଇମ୍ତା ଆପେ ଆଇଢ଼କେ ସେନ୍ ନାଗେନ୍ଦ୍ରେ ଦେଢ଼ା ଦାଡ଼ିୟାପେ । ୭ ଆଇଢ଼ ସେନ୍ ହରାରେ ଆପେଲଃ କାଟିଃ ଲେକାଗି ନେପେଲ୍ ନାଗେନ୍ଦ୍ରେ କାଈଢ଼ ସାନାଙ୍ଗ୍ତାନା । ପ୍ରାଭୁ ଆରୁଇଢ଼ରେଦ, ଆଇଢ଼ ଆପେଲଃ ପୁରାଃ ମାହାଁ ତାଇନାଈଢ଼ ମେନ୍ଦ୍ରେ ଆସ୍ରା କାଦାଈଢ଼ ।

୮ \*ଆଇଢ଼ ପେଶ୍ଟିକ୍ଷ୍ ପାରାବ୍ ହୁଲାଙ୍ଗ୍ ଜାକେଦ୍ ଏନ୍ତାଃରେଗି ଏଫିସୁସ୍ରେ ତାଇନାଈଢ଼ । ୯ ନେତାଃରେ ଆଇଁୟାଃ ବିରୁଧ୍ରେ ପୁରାଃ ହୃଦକ ମେନାକରେୟ, ଜ ନାମାଃଲେକା କାମି ନାଗେନ୍ଦ୍ରେ ଆଇଁୟାଃ ନାଢ଼ ଚକାର ଦୁଆର୍ ନିଜାକାନା ।

୧୦ \*ତମୟ ଆପେତାଃତେ ହିଜୁଃରେ ଦାରମିପେ, ଚିୟାଃଟି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା । ୧୧ ଜେତାଏ ଇନିଃକେ ଆଲ୍ପେ ନେଲ୍ ବାଗିୟା, ମେନ୍ଦ୍ ଇନିଃ ଆଇଁୟାଃତାଃ ହିଜୁଃ ଦାଡ଼ିକାଏ ମେନ୍ଦ୍ ଇନିଃକେ ସୁକୁଜାଈରେ ସେନ୍ ହରା ନାଗେନ୍ଦ୍ରେ ଦେଢ଼ାଈପେ, ଚିୟାଃଟି ଇନିଃ ବିଶ୍ୱାସୀ ହାଗାକଲଃ ହିଜୁଃରୁହାଡ଼ାଏ ମେନ୍ଦ୍ରେଇଢ଼ ନେଲ୍ ହରାଈତାନା ।

୧୨ ମେନ୍ଦ୍ ଆବୁଆଃ ହାଗା ଆପୋଲୋ ବିଷାଏରେଇଢ଼ କାଜିତାନା, ଆଇଢ଼ ଇନିଃକେ ଏଟାଃ ହାଗାକଲଃ ଆପେତାଃତେ ସେନ୍ ନାଗେନ୍ଦ୍ରେ ପୁରାଃଗିଈଢ଼ ଆରୁକିୟା, ମେନ୍ଦ୍ ନାହାଁଃ ଇନିଃ ସେନ୍ ନାଗେନ୍ଦ୍ରେ କାଏ ସାନାଙ୍ଗ୍ତାନା । ତାୟମ୍ତେ ସେନ୍ ନାଗେନ୍ଦ୍ରେ ନେତା ନାମ୍ଲେରେ ସେନାଏଁ ।

ରୁଣ୍ଡ କୁଜି

୧୩ ଆପେ ଚିର୍ଗାଲାନନ୍ ତାଇନ୍କେଦ୍ତେ ବିଶ୍ୱାସ୍ରେ ଡିଙ୍ଗୁକେଟେଦ୍, ଜାଈରେ କେଟେଦ୍ ଆତଃ ପେଡ଼େୟାନ୍ ହବାଅଃପେ । ୧୪ ଆପେୟାଃ ସବେନ୍ କାମି ଦୁଲାଡ଼ରେ କାମିପେ ।

୧୫ \*ଆପେ ସ୍ତ୍ରୀମନ୍ ଆତଃ ଆୟାଃ ଅତାଃରେନ୍କଆଃ ବିଷାଏରେ ସାରିତାନାପେ । ଇନ୍କୁ ଆଖାୟାରାଃ ପାହିଲା ଖ୍ରୀଷ୍ଟ୍ ବିଶ୍ୱାସୀତାନକ ଆତଃ ପାରମେଶ୍ୱରୁଆଃ ହୃଦକକେ ସେଧା ନାଗେନ୍ଦ୍ରେ ଇନ୍କୁ ଆକାଗି ଜିମାକାନାକ । ହେ ହାଗା ମିଗିକ,

\* ୧୭:୧ ୧୭:୧ ରୋମି ୧୫:୨୫,୨୬. \* ୧୭:୫ ୧୭:୫ ପ୍ରେରିଡ୍ ୧୯:୨୧. \* ୧୭:୮ ୧୭:୮ ପ୍ରେରିଡ୍ ୧୯:୮-୧୦. \* ୧୭:୧୦ ୧୭:୧୦ ୧ କବିଚ୍ଛିନ୍ଦ ୪:୧୭. \* ୧୭:୧୫ ୧୭:୧୫ ୧ କବିଚ୍ଛିନ୍ଦ ୧:୧୭.

ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, <sup>୧୭</sup> ଆପେ ନେ ଲେକାନ୍ ହଡ଼କଆଃ ଆତଃ ନେକାନ୍କଲଃ ସେଞ୍ଜା ଆତଃ କାମି ତାନ୍କକେ ଅତଙ୍ଗକପେ ।

<sup>୧୮</sup> ସ୍ତ୍ରୀମାନ୍, ପର୍ତ୍ତୁନାଡ଼, ଆତଃ ଆଖାୟିକୁସ୍, ନେ ସବେନ୍କ ହିଜୁଃକାନ୍ ହରାତେ ଆଇଙ୍ଗ୍ ପୁରାଃଗି ରାସକା କାନାଇଙ୍ଗ୍ । ଚିୟାଃଗି ଆପେ ବାଙ୍ଗପେରେୟ୍ ଇନ୍କୁ ଆପେୟାଃ ଠାୟାଦକେକ ପୁରାକାଦା । <sup>୧୯</sup> ଇନ୍କୁ ଆପେକେ ଆତଃ ଆଇଙ୍ଗ୍କେ ପୁରାଃଆମ୍ବାତେ ରାସକାତେ ପେରେଃ କାଦିୟାକ । ଏନାତେ ଆପେ ଇନ୍କୁକେ ପୁରାଃ ମାଇନ୍କପେ ।

<sup>୧୯</sup> ☆ଏସିଆ ପାରଗାନ୍ରେନ୍ କାଲିସିୟାକ ଆପେକେ ଜହାର୍ ମେନ୍ତେକ କାଜିକୁଲ୍କାଦା । ଆକିଲା, ପ୍ରିସକିଲା ଆତଃ ଇନ୍କୁଆଃ ଅଡ଼ାଃରେ ପ୍ରାଭୁକେ ସେଞ୍ଜାତାନ୍ କାଲିସିୟା, ପ୍ରାଭୁଆଃ ନୁଡ଼ୁମତେ ଆପେକେ ପୁରାଃଗି ମନ୍ସୁରୁଦହେତେ ଜହାର୍ ମେନ୍ତେକ କାଜିକୁଲ୍କାଦା । <sup>୨୦</sup> ନେତାଃରେନ୍ ସବେନ୍ ବିଶ୍ୱାସୀ ହାଗା ମିଶିକ ଜହାର୍କ କାଜିକୁଲ୍କାଦା । ଖ୍ରୀଷ୍ଟ ଦୁଲାଡ଼ରେ ମିହୁଡ଼୍ ଆତଃମିହୁଡ଼୍ଲଃ ଜହାରଃପେ ।

<sup>୨୧</sup> ଆଇଙ୍ଗ୍ ପାଉଲୁସ୍, ଆଇଁୟାଃ ତିଃଇତେଗି ନେ ସବେନ୍ ଜହାର୍କାଜି ଅଲ୍ଲାଇଙ୍ଗ୍ ।

<sup>୨୨</sup> ଜେତାଏ ପ୍ରାଭୁକେ କା ଦୁଲାଡ଼ନିଃ, ସାର୍ପାଅଃକାଏ ।

ମାରାନାଆ, ମେନ୍ଲେରେ, ଆରୁଆଃ ପ୍ରାଭୁ ହିଜୁଃଆଏ ।

<sup>୨୩</sup> ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

<sup>୨୪</sup> ଯୀଶୁ ଖ୍ରୀଷ୍ଟରେ ମେସାକାନ୍ ଆପେ ସବେନ୍କଲଃ ଆଇଁୟାଃ ଦୁଲାଡ଼୍ ହବାଅଃକା ।

# କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ଦ୍ଵିତୀୟ ପତ୍ର କରିଷ୍ଣିୟ ବିଶ୍ଵାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ହବାସାକାଅଆଃ, କରିଷ୍ଣିୟ କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ନେ ଏଟାଃ ଚିଟାଉ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୫୫-୫୬ ସିମ୍ବୀକରେ ଅଲ୍ଲାନାନ୍ ତାଇକେନା ୧:୧ । ଅନଲ୍ ହଡ଼କ ବିଶ୍ଵାସେ ତାନାକ ଯେ, ନେ ଚିଟାଉ ଅନଲ୍ ସିଦାରେ ପ୍ରେରିତ୍ ପାଉଲୁସ୍ କରିଷ୍ଣିୟ କାଲିସିୟାକେ ପୁରାଃ କେଟେୟାନ୍‌ଗି ଚିଟାଉ ଅଲ୍ଲାନାଦ୍ ତାଇକେନାଏ, ଏନା ୨:୩-୪ ରେ ଆଟ୍‌କାରଃତାନା, ଏନାରେୟାଃ ଜେତାନ୍ ଅନଲ୍‌ରେୟାଃ ନାକାଲ୍ ଆବୁତାଃରେ ବାନଃଆ ।

ହବାସାକାଅଆଃ, ପାଉଲୁସ୍ ମାକିଦନିଆରେ ତାଇକେନ୍ ଇମ୍‌ତାଏ ଅଲ୍ଲାନାଦ୍ ତାଇକେନା, ୨:୧୩ । ଏଟାଃ କରିଷ୍ଣିୟ, ଏଟାଃ ନାହ୍‌ଲ୍ଲାଃ, ଏନ୍ ମିଆଁଦ୍‌ଗି ତାନାଃ । କରିଷ୍ଣିରେ ତାଇନଃତାନ୍ କାଲିସିୟା ବିଷାଏରେ ତିତସ୍‌ତାଃଏତେ ବୁଗିନ୍ କାଜି ନାମ୍‌କେଦ୍‌ତେ ପାଉଲୁସ୍ ରାସ୍‌କା କାନାଏ । ନେ ଚିଟାଉରେ, ନାଝା ନିୟାମ୍‌ରେ ଦାନ୍ ଏମ୍ ବିଷାଏରେୟାଃ ଇନିତୁ ନାମାଃବୁ । ନେ ହିସାରେ, ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ଵାସୀକକେ ଦେଙ୍ଗାକ ନାଗେନ୍ତେ ଟାକା ପାଏସା ହାରମ୍ ନାଗେନ୍ତେ ଆଚୁକାଦା, ୮-୯ । ନେ ଚିଟାଉରାଃ ଚିମିନ୍ ଅନଲ୍‌ରେ ସାରିୟଃତାନା ଯେ, ଏନ୍ କାଲିସିୟାରେୟାଃ ବାହାରିଏତେ ଚିମିନ୍ ହସଡ୍ ପ୍ରେରିତ୍‌କ, ଆପ୍‌ନାଃ ମାଇନଃ ହବାଅଃ ନାଗେନ୍ତେ ପାଉଲୁସ୍‌ଆଃ ବିରୁଧ୍‌ରେ କାଲିସିୟାରେନ୍ ଚିମିନ୍ ହଡ଼କକେ ବତଙ୍ଗ୍‌କେଦ୍‌ତେ ହିସ୍‌ଜାଈଚିକ ତାନାକ । ଇନ୍‌କୁ ପାଉଲୁସ୍‌ଆଃ ଆକ୍‌ତେୟାର୍‌କେ ଆଡ଼ାଃଉଡ଼ବୁଃ ତାନାକ ଏନାତେ ନେ ଚିଟାଉରେୟାଃ ଚୁଣ୍ଡୁୟାଃରେ ଇନିଃ ମିଆଁଦ୍ ଯୀଶୁ ଖ୍ରୀଷ୍ଟ୍‌ଆଃ ଆକ୍‌ତେୟାର୍‌ତେ କୁଲ୍ଲାନିଃ ତାନିଃ ମେନ୍ତେ ପୁରାଃ ପକ୍‌ତାକେଦ୍‌ତେ ଉଦୁବାକାଦା ।

## ପୁଅ୍ ଉଚାବରେ ତାଇକାନ୍ କାଜି

୧. ପାଉଲୁସ୍‌ଆଃ ଚିଟାଉରେୟାଃ ଏନେଟେଦ୍‌ରେ ଜହାର୍ ମେନ୍ତେ ଅଲ୍ଲାନାଦା । ୧:୧-୭
୨. ପାଉଲୁସ୍ ଆୟାଃ ହରାସେନ୍ ସେକାଡେନ୍‌ରେ ବାଦ୍‌ଲ୍ଲାଅ ଆତଃ ଇନ୍‌କୁଆଃ ବିଷାଏରେ ନାମାକାଦ୍ କୁନ୍‌ଲି ଆତଃ ଇନ୍‌କୁଆଃ କୁନ୍‌ଲି ବିଷାଏରେ ଇନ୍‌କୁକେ କାଜିରୁହାଡ୍ । ୧:୮-୭:୧୬
୩. ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ଵାସୀକ ନାଗେନ୍ତେ ଦାନ୍ ହାରମ୍ ବିଷାଏରେ ଆନାରୁ । ୮:୧-୯:୧୫
୪. ଚୁଣ୍ଡୁରେ ପାଉଲୁସ୍ ଆୟାଃ ପ୍ରେରିତ୍ କାମିକେ ବାଟାଅକେଦା ଆତଃ ଆତଃମିସା ହରାସେନ୍ ନାଗେନ୍ତେ ସାପ୍‌ଡାଅନ୍ ତାନା । ୧୦:୧-୧୩:୧୦

୧ \*ଅଲ୍ଲଙ୍ଗ୍ ପାଉଲୁସ୍, ପାର୍‌ମେଶ୍ଵାର୍‌ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲ୍ଲାନିଃ ତାନିଙ୍ଗ୍ । ପାଉଲୁସ୍, ଆତଃ ଆବୁଆଃ ହାଗା ତୀମଥ୍, କରିଷ୍ଣିରେ ତାଇନଃତାନ୍ ପାର୍‌ମେଶ୍ଵାର୍‌ଆଃ କାଲିସିୟାରେନ୍ ହଡ଼କକେ, ଆତଃ ଆଖାୟା ପାର୍‌ଗାନରେ ତାଇନଃତାନ୍ ପାର୍‌ମେଶ୍ଵାର୍‌ଆଃ ସବେନ୍ ବିଶ୍ଵାସୀକତାଃତେ ନେ ଚିଟାଉ ଅଲେତାନାଈଙ୍ଗ୍ ।

\* ୧:୧ ୧:୧ ପ୍ରେରିତ୍ ୧୮:୧.



୨ ଆବୁଆଃ ଆପୁ ପାର୍ମେଶ୍ଵରଆଃ ଆତଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍ ଆତଃ ଜୀଉସୁକୁ ଆପେ ନାଗେନ୍ତେ ହବାଅଃକା ।

ପାର୍ମେଶ୍ଵରକେ ପାଉଲୁସଆଃ ଧାନ୍ୟାବାଦ୍

୩ ଦଲାବୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଆପୁ ପାର୍ମେଶ୍ଵରକେ ସାହାରାଅବୁ ଏମାଇୟା, ଇନିଃ ଲିନିବୁଇ ଆପୁ ଆତଃ ସବେନାଃରେ ଜୀଉରାଡ଼େଃ ଏମ୍ତାନ୍ ପାର୍ମେଶ୍ଵର ତାନିଃ । ୪ ଇନିଃଦ ଆବୁଆଃ ସବେନ୍ ଦୁକୁହାସୁ ଇମ୍ତା ଜୀଉରାଡ଼େଃ ଏମାବୁତାନାଏ, ଏନାମେନ୍ତେ ଆବୁ ପାର୍ମେଶ୍ଵରତାଃଏତେ ନାମାକାଦ୍ ଏନ୍ ଜୀଉରାଡ଼େଃରେୟାଃ ହରାଡେ, ସବେନ୍ ରାକାମ୍ବରାଃ ଦୁକୁହାସୁତାନ୍ ହଡକକେ ଜୀଉରାଡ଼େଃକୁ ଏମ୍ ଦାଡ଼ିୟା । ୫ ଆବୁ ଖ୍ରୀଷ୍ଟଆଃ ନାଗେନ୍ତେ ତମିନ୍ ଦୁକୁହାସୁରୁ ନାମେୟା, ଇମନାଙ୍ ଖ୍ରୀଷ୍ଟଆଃ ହରାଡେ ପାର୍ମେଶ୍ଵରତାଃଏତେ ଜୀଉରାଡ଼େଃକୁ ନାମେୟା । ୬ ଆଲେ ଦୁକୁହାସୁତାନ୍ରେଦ ଏନା ଆପେୟାଃ ଦେଙ୍ଗା ଆତଃ ଜୀଉବାଞ୍ଚାଅ ନାଗେନ୍ତେଲେ ରିକାତାନା । ଆଲେ ଜୀଉରାଡ଼େଃଲେ ନାମେରେଦ, ଆପେୟ ଏନ୍ଲେକାଗି ଦୁକୁହାସୁ ନାମେ ଇମ୍ତା ସାହାତିଙ୍ଗ୍ ଆତଃ ପେଡ଼େଃପେ ନାମ୍ ଦାଡ଼ିୟା । ୭ ଆପେତାଃରେ ଆଲେୟାଃ ଆସ୍ତା କେଟେଦ୍ରିୟା, ତିୟାଃତି ଆପେ ତିଲ୍ଲକା ଦୁକୁହାସୁରେନ୍ ହିସା ହବାକାନାପେ, ଏନ୍ଲେକାଗି ଆଲେୟାଃ ଜୀଉରାଡ଼େଃରେନ୍ହ ହିସାପେ ହବାଅଃଆ, ଏନାଲେ ସାରିତାନା ।

୮ \*ହେ ହାଗା ମିଶିକ, ଏସିଆ ଦିଶୁମ୍ରେ ଆଲେୟାଃ ଚେତାନରେ ହବାକାନ୍ ସାସାତି କାଜିକ ଆଲେ ଆପେକେ ଉଦୁଦ୍ ନାଗେନ୍ତେଲେ ସାନାଙ୍ଗତାନା, ତିୟାଃତି ଏନାଦ୍ ଆଲେୟାଃ ସାହାତିଙ୍ଗ୍ରାଃ ପେଡ଼େଃହେତେ ଆଦକା ହାମ୍ବାଲ୍ ଆତଃ କା ସାହାତିଙ୍ଗ୍ୟାଃ ଲେକା ତାଇକେନା, ଏନାତେ ଜୀଉବାଞ୍ଚାଅଃରାଃ ଆସ୍ତା ହଗି କା ତାଇକେନା । ୯ ଆଲେକେ ଗନଏଃରାଃ ହୁକୁମ୍ ଏମାକାନା ମେନ୍ତେଲେ ଉଡ଼ୁକାଦ୍ ତାଇକେନା, ମେନ୍ଦ୍ ଆଲେ ଆପାନାଃ ଚେତାନରେ କା ଆସ୍ତାକେଦ୍ତେ ଗଏଃକାନ୍କକେ ଜୀଉବିରିଦକାଦ୍ ପାର୍ମେଶ୍ଵରତାଃରେ ଆସ୍ତା ଦହ ନାଗେନ୍ତେ ନେ ସବେନାଃ ହବାକାନା । ୧୦ ନେ ଲେକାନ୍ ବରଞ୍ଜାନ୍ ଗନଏଃହେତେ ଇନିଃ ଆବୁକେ ବାଞ୍ଚାଅକାଦବୁଆ ଆତଃ ବାଞ୍ଚାଅକାତେବୁଆଏ । ଇନିଃ ଆତଃଗି ଆବୁକେ ବାଞ୍ଚାଅବୁଆ, ନେ ଆସ୍ତା ଆବୁଆଃ ଇନିଃତାଃରେ ମେନାଃ । ୧୧ ଆତଃ ଆପେ ସବେନ୍କ ଆଲେ ନାଙ୍ଗ ବିନ୍ତ୍ରିକେଦ୍ତେ ଦେଙ୍ଗାଲେପେ । ଏନାରେ ଆଲେ ନାଗେନ୍ତେ ପୁରାଃ ବିନ୍ତ୍ରିୟଃତାନ୍ ବିନ୍ତ୍ରିରାଃ କାଜିରୁହାଡ୍ ନାମଃଆ ଆତଃ ପାର୍ମେଶ୍ଵର ଆଲେକେ ବାର୍ଦାନ୍ ଏମାଲେୟାଏ । ଆଲେ ନାଗେନ୍ତେ ପୁରାଃ ହଡକ ପାର୍ମେଶ୍ଵରକେ ଧାନ୍ୟାବାଦକ ଏମାଇୟା ।

ପାଉଲୁସଆଃ ଉଡ଼ୁରାଃ ବାଦଲାଅ

୧୨ ନେ ଅତେଦିଶୁମ୍ରେ ଜୀଦାନ୍ ଆତଃ ବିଶେଷକେଦ୍ତେ ଆପେଲଃ ଆଲେୟାଃ ନାତା ପାର୍ମେଶ୍ଵର ଏମାକାଦ୍ ପାବିତାର୍ ଆତଃ ପାତିୟାର୍ରେନ୍ ହରାଡେ ହବାକାନା ମେନ୍ତେ ଆଲେୟାଃ ବିବେକ୍ ଗାଞ୍ଜା ଏମେତାନାଏ । ଏନାମେନ୍ତେ ଆଲେ ଆପାନ୍କେ ମାରାଙ୍ ମେନ୍ତେଲେ କାଜିନ୍ତାନା । ହଡକଆଃ ସେଣ୍ଟାନ୍ତେଦ୍ କାହା, ମେନ୍ଦ୍ ପାର୍ମେଶ୍ଵରଆଃ ସାୟାଦ୍ରାଃ ପେଡ଼େଃତେ ନେଆଁଲେ କାମି ଦାଡ଼ିତାନା । ୧୩ ଅକ୍ନାଃ ଆପେ ପାଡ଼ାଅକେଦ୍ତେ ଆବ୍କାର୍ଉରୁମ୍ ଦାଡ଼ିୟାପେ, ଆଲେ ଇମ୍ନାଙ୍ ଏସ୍କାର୍ ଆପେତାଃତେ ଅଲେତାନାଲେ । ଆଇଙ୍ଗ୍ ଆସ୍ତା ତାନିଙ୍ଗ୍, ୧୪ ନାହାଁଃ ଆପେ ଅକ୍ନାଃ କାଟିଃ ଲେକାଗିପେ ଆବ୍କାର୍ଉରୁମେ ତାନା, ଏନା ଆବୁଆଃ ପ୍ରାଭୁ ଯୀଶୁଆଃ ହିନିକ୍ଠୁଃ ଦିପିଲିରେ ପୁରାଃଗିପେ ଆବ୍କାର୍ଉରୁମେୟା । ଏନାରେଦ, ଆପେ ଆଲେ ନାଗେନ୍ତେ ଆପାନ୍କେ ମାରାଙ୍ ମେନ୍ତେପେ କାଜିନା ଆତଃ ଆଲେୟା ଆପେ ନାଗେନ୍ତେ ଆପାନ୍କେ ମାରାଙ୍ ମେନ୍ତେଲେ କାଜିନା ।

\* e:Γ e:Γ e କବିଚ୍ଛିନ୍ଦ ୧୫:୩୨.

୧୫ ଆଇଙ୍କା ନେ ବିଷାଏରେ ସାର୍ତ୍ତବି ସାରିତାଇକେନ୍ ହରାତେ ସିଦାତେ ଆପେତାଃତେ ସେନ୍ ନାଗେନ୍ତେଇଙ୍କା ମନେ ତାଇକେନା । ଏନାତେ ଆପେ ବାଠସାତେ ଆଶିଷ୍ଟପେ ନାମାକାତେତେୟାଃ । ୧୬ \*ଆଇଙ୍କା ମାକିଦନିଆ ସେନ୍ ଇମତା ଆତଃ ଏନ୍ତାଃଏତେ ରୁହାଡ଼ ଇମତା ଆପେତାଃତେ ତିମିନ୍ ମାହାଁ ତାଇନଃ ନାଗେନ୍ତେଇଙ୍କା ଉଡ଼ୁକାଦ୍ ତାଇକେନା, ତିୟାଃତି ଯିହୁଦା ରାଇକ୍ତେ ହରାସେନ୍ ନାଗେନ୍ତେ ଆପେୟାଃ ଦେଙ୍ଗାଇଙ୍କା ସାନାଙ୍କା ତାଇକେନା । ୧୭ ଆପେ ତିନାଃପେ ଉଡ଼ୁତାନା ? ଆଇଙ୍କା ତିନାଃ କା ସାରିଲେକା କାମିତାଇୟାକ ବାଇୟାକାଦ୍ ତାଇକେନାଇଙ୍କା ? ଅକନ୍ କ ମିସାତେ ହୁଁ, ହୁଁ ଆତଃ କାହା, କାହା ମେନ୍ତେକ କାଜିୟାଃ, ଏନ୍ ହଡ଼କ ଲେକା ତିନାଃ ଆଇଙ୍କା ଆପନାଃ ବୁଗିନାଃ ନାଗେନ୍ତେ ଏସକାର୍ କାମିତାଇୟାଁ ବାଇୟାକାଦାଇଙ୍କା ? ୧୮ ସାର୍ତ୍ତବି ପାର୍ମେଶ୍ୱାର୍ ପାତିୟାରଃ ଲେକାନିଃ ତାନିଃ, ଆଇଙ୍କା ଆପେକେ କାଜି ଏମ୍ ଇମତା ତିଉଲ୍ୟାମ ମନ୍ତାୟାଃକେ କାଇଙ୍କା ନେତେହେନ୍ତେ । ୧୯ \*ପାର୍ମେଶ୍ୱାର୍ଆଃ ହନ୍ ଯାଶୁ ଶ୍ରୀଷ୍ଟ, ଅକଏକେତି ଆଇଙ୍କା, ସିଲ୍ୟାସ୍, ଆତଃ ତାମଥ୍ ଆପେତାଃତେ ଉଦୁବକାଇ ତାଇକେନାଲେ, ଇନିଃ “ହୁଁ” ଆତଃ “କାହା” ନାହାଲିଃ, ମେନ୍ଦ ଇନିଃ ପାର୍ମେଶ୍ୱାର୍ଆଃ “ହୁଁ” ତାନିଃ । ୨୦ ପାର୍ମେଶ୍ୱାର୍ଆଃ ସବେନ୍ ବାନାର୍ସା ନାଗେନ୍ତେ ଯାଶୁ ଶ୍ରୀଷ୍ଟ “ହୁଁ” ତାନିଃ । ଏନା ନାଗେନ୍ତେ ଯାଶୁ ଶ୍ରୀଷ୍ଟଆଃ ହରାତେ ପାର୍ମେଶ୍ୱାର୍ଆଃ ମାନାରାଙ୍କା ନାଙ୍କା “ଆମେନ୍” କାଜିୟାଃରୁ । ୨୧ ପାର୍ମେଶ୍ୱାର୍ ଆଇଃକ୍ରି ଯାଶୁ ଶ୍ରୀଷ୍ଟତାଃତେ ଆପେୟାଃ ଆତଃ ଆଲେୟାଃ ଜୀଦାନକେ ମିଦରେ ମେସାକେଦ୍ତେ, ଆବୁକେ ଆଭିଷେକ୍ କାଦ୍ବୁଆ । ୨୨ ଇନିଃ ଆବୁକେ ଆପାନକାଦ୍ବୁଆ ଆତଃ ଆବୁଆଃ ମନ୍ସୁରୁଦରେ ଆୟାଃ ପାବିତାର୍ ଆମାକେ ଠାହାରାଅକିଃ ହରାତେ ଆବୁଆଃ ଚେତାନରେ ପାର୍ମେଶ୍ୱାର୍ଆଃ ଆକ୍ତେୟାର୍ରେୟାଃ ତିହ୍ନାଁ ଆତଃ ହିଜୁଃ ଦିପିଲିରେ ଆବୁ ଅକନାଃ ନାମେୟାଃରୁ ଏନା ସାର୍ତ୍ତବି ତାନାଃ ।

୨୩ ପାର୍ମେଶ୍ୱାର୍ ଆଇଁୟାଃ ଗାଞ୍ଜା ତାନିଃ । ଇନିଃ ଆଇଁୟାଃ ମନ୍ସୁରୁଦ୍ ସାରିୟାଏ । ଆଇଙ୍କା ଆପେକେ ଆତଃ ଦୁକୁ କାଇଙ୍କା ଏମାପେୟା, ଏନାମେନ୍ତେ ଆଇଙ୍କା କବିନ୍ଦ୍ରିତେ ସେନ୍ ନାଙ୍କା କାଇଙ୍କା ସାନାଙ୍କାକେଦା । ୨୪ ଆପେ ଅକନ୍ କାଜି ବିଶ୍ୱାସେୟାପେ, ଏନ୍ ବିଷାଏରେ ଆପେ ଚେତାନରେ ଆକ୍ତେୟାର୍ ରିକାଏ ନାଗେନ୍ତେ ଆଲେ କାଲେ ସାନାଙ୍କାତାନା, ତିୟାଃତି ଆପେ ବିଶ୍ୱାସ୍ରେ ତିଙ୍ଗୁକେଟେଦକାନାପେ । ମେନ୍ଦ ଆପେକେ ସୁକୁଇତିପେ ନାଗେନ୍ତେ ଏସକାର୍ ଆପେଲଃ ମିସାତେ ଆଲେ କାମିତାନାଲେ ।

## ୨

୧ ଆଇଙ୍କା ଆପେତାଃତେ ସେନ୍ତେୟାଃ ଆପେ ନାଗେନ୍ତେ ଦୁକୁରାଃ କାଜିତାନାଃରେଦ, ଆଇଙ୍କା ଆପେତାଃତେ ଆତଃ ତିଉଲ୍ୟା ଅକାଇଙ୍କା ସେନା ମେନ୍ତେ ମନ୍ରେଇଙ୍କା ଉଡ଼ୁକାଦା । ୨ ଆପେକେ ଦୁକୁ ଏମାପେରେ, ଅକଏ ଆଇଙ୍କାକେ ରାସକା ଏମାଇୟାଏ ? ଆପେକେ ବାଗିକେଦ୍ତେ ଆତଃ ଏନ୍ଲେକା ଜେତାଏ ବାଙ୍କକଥା । ୩ ଏନାମେନ୍ତେ ଆଇଙ୍କା ଆପେତାଃତେ ଏନ୍ ତିଚାଉ ଅଲକାଦ୍ ତାଇକେନାଇଙ୍କା, ଆଇଙ୍କା ଏନ୍ତାଃତେ ସେନ୍ରେ, ଅକନ୍ ହଡ଼କଆଃ ନାଗେନ୍ତେ ଆଇଁୟାଃ ସୁକୁହବାୟାଃତେୟାଃ, ଇନ୍କୁଆଃ ହରାତେ ଆଇଙ୍କା ଜେଲେକା ଦୁକୁ ଆଲକାଇଙ୍କା ନାମେକା । ସାର୍ତ୍ତବି ଆଇଁୟାଃ ପୁରାଃ ବିଶ୍ୱାସ୍ ମେନାଃ, ଆଇଁୟାଃ ରାସକାରେ ଆପେୟାଃ ରାସକା ମେନାଃ । ୪ ପୁରାଃ ଦୁକୁ ଆତଃ ମନ୍ସୁରୁଦ୍ରେୟାଃ ହାସୁତେ ରାଆଃତାନୁଲଃ ଆଇଙ୍କା ଅକ ଚିଠି ଅଲକାଦ୍ ତାଇକେନାଇଙ୍କା, ଏନା

\* ୧:୧୬ ୧:୧୭ ପ୍ରେରିକ୍ ୧୯:୨୧.    \* ୧:୧୯ ୧:୧୯ ପ୍ରେରିକ୍ ୧୮:୫.

ଆପେକେ ଦୁକୁଇଚିପେ ନାଗେନ୍ତେ କାଇଁ ଅଲ୍ଲ, ମେନ୍ଦ ଆପେକେ ଆଇଁ ଚିମିନ୍ ଦୁଲ୍ଲାଡ଼ପେ ତାନାଇଁ, ଏନା ଉଦୁଦ୍ ନାଗେନ୍ତେଇଁ ଅଲ୍ଲକାଦ୍ ତାଇକେନା ।

ଏଡ଼କାନ ହଡ଼କକେ ଛାମାକପେ

\* ଆପେକଏତେ ଜେତାଏ ମିହୁଡ଼କେ ଦୁକୁ ଏମାକାଇରେଦ, ଇନିଃ ଆଇଁୟାଃ ମନ୍ରେ ଏସକାର୍ ଦୁକୁ କାଏ ଏମ, ମେନ୍ଦ ହୁଡ଼ିଁ ଲେକା ଆପେ ସବେନ୍କକେହିଁ ଦୁକୁ ଏମାକାଦପେୟାଏ । <sup>୬</sup> ଆପେକଏତେ ଚିମିନ୍ ହଡ଼କ ଏନ୍ ହଡ଼କେ ସାଜାଇ ଏମ୍‌କିୟାପେ, ଏନା ଇନିୟାଃ ନାଗେନ୍ତେ ପୁରାଃଗିୟା । <sup>୭</sup> ଇନିଃ ପୁରାଃଗି ଆଲକାଏ ଦୁକୁଃକା, ଏନା ନାଗେନ୍ତେ ନାହିଁଃ ଇନିଃକେ ଛାମା ଆତଃ ଜୀଉରାଡ଼େଃ ଆପେକେ ଏମ୍ ଲାଗାତିଙ୍ଗିୟାଃ । <sup>୮</sup> ଆଇଁ ଆପେକେଇଁ ବିକ୍ତିପେତାନା, ଆପେ ଇନିଃକେ ସାର୍‌ତିଗି ଦୁଲ୍ଲାଡ଼ତାନାପେ ମେନ୍ତେ ଇନିଃକେ ଉଦୁବାଇପେ । <sup>୯</sup> ଆପେ ସବେନ୍ କାଜିକ ମାନାତିଙ୍ଗି ତାନାପେ ଚି କାହା, ଏନା ସାରି ନାଗେନ୍ତେ ଆଇଁ ଏନ୍ ଚିଟାଉ ଅଲ୍ଲକାଦ୍ ତାଇକେନାଇଁ । <sup>୧୦</sup> ଆପେ ଜେତାଏକକେପେ ଛାମାକରେଦ, ଆଇଁହିଁ ଇନ୍‌କୁକେ ଛାମାକଆଇଁ । ଆଇଁ ଜେତା କାଜି ନାଗେନ୍ତେଇଁ ଛାମାକରେଦ, ଏନା ଖ୍ରୀଷ୍ଟଆଃ ସାମ୍‌ନାଙ୍ଗରେ ଆପେୟାଃ ହରାତେ ଛାମାଅଃଆ । <sup>୧୧</sup> ସାଏତାନ ଆରୁଆଃ ବିରୁଧରେ ଜେତାନ୍ କାମିରିକା ନାଗେନ୍ତେ ନେତା ଆଲକାଏ ନାମେକା, ଚିୟାଃଚି ଆରୁ ଇନିୟାଃ ସବେନ୍ କାମିତାୟାଃ ସାରିୟାଃବୁ ।

<sup>୧୨</sup> \*ଆଇଁ ଖ୍ରୀଷ୍ଟଆଃ ସୁକୁକାଜି ଉଦୁଦ୍ ନାଗେନ୍ତେ ତ୍ରୋୟାସତେ ସେଟେରୟାନ୍‌ଲଃ, ନେ କାମି କାମି ନାଗେନ୍ତେ ପ୍ରାଭୁ ହରା ନିଜାକାଦାଏ ମେନ୍ତେ ଆଟକାରକେଦାଇଁ । <sup>୧୩</sup> ମେନ୍ଦ ଆରୁଆଃ ହାଗା ତିତସକେ ଏନ୍ତାଃରେ କା ନେଲ୍‌କେଦତେ, ଆଇଁ ମନ୍ରେ କାଇଁ ସୁକୁୟାନା । ଏନାତେ ଏନ୍ତାଃରେନ୍ ହଡ଼କତାଃଏତେ ମାକିଦନିଆତେଇଁ ସେନଃୟାନା ।

ଖ୍ରୀଷ୍ଟ ହରାତେ ଜିନିତାଅ

<sup>୧୪</sup> ପାରମେଶ୍ଵାର୍‌ଆଃ ଧାନଧାବାଦ୍ ହବାଅଃକା । ଚିୟାଃଚି ଇନିଃ ଯୀଶୁ ଖ୍ରୀଷ୍ଟଲଃ ମେସାକାନ୍ ହରାତେ ସବେନ୍ ଇମ୍‌ତା ଆରୁକେ ଜିନିତାଅ ହରାତେ ସୁତୁଃଇଦିୟାଃ । ଆତଃ ବୁଗିନ୍ ସହାନ୍ ଚାରିୟସାଃତେ ପାସରାଅଃ ଲେକା ଖ୍ରୀଷ୍ଟଆଃ ସେଣ୍ଟା ଏଟାଃକକେ ଏମ୍ ନାଗେନ୍ତେ ପାରମେଶ୍ଵାର୍ ଆରୁକେ ବେଭାର୍‌ବୁ ତାନା । <sup>୧୫</sup> ଚିୟାଃଚି ଆରୁ ଖ୍ରୀଷ୍ଟ ହରାତେ ପାରମେଶ୍ଵାର୍‌ଆଃ ନାଗେନ୍ତେ ଚାହାଅକାନ୍ ବୁଗିନ୍ ସହାନ୍ ଲେକାନ୍‌କ ତାନ୍‌ବୁ । ଅକ୍‌ନାଃଚି ଅକ୍‌ନକ ଜୀଉବାଞ୍ଚାଅକ ନାମେତାନା ଆତଃ ଅକ୍‌ନକ ଜିୟନଃ ହରାରେକ ସେନ୍‌ତାନା, ଇନ୍‌କୁଆଃ ଆଲାରେ ପାସରାଅଃ ତାନା । <sup>୧୬</sup> ଗନଏଃ ହରାତେ ସେନଃତାନ୍ ହଡ଼କତାଃରେ ନେ ବୁଗିନ୍ ସହାନ୍ ଗନଏଃ ଲେକାନାଃ ତାନାଃ, ମେନ୍ଦ ଜୀଉବାଞ୍ଚାଅ ନାମାକାଦ୍ ହଡ଼କତାଃରେ ନେ ବୁଗିନ୍ ସହାନ୍ ଜୀଦାନ୍ ଏମାଃଏ । ମେନ୍ଦ ନେ କାମି ରିକାଏ ଲେକାନ୍‌ନିଃ ଅକଏ ତାନିଃ ? <sup>୧୭</sup> ପୁରାଃ ହଡ଼କ ଆପାନାଃ ପସାଅଃ ନାଗେନ୍ତେ ପାରମେଶ୍ଵାର୍‌ଆଃ ସୁକୁକାଜିକେକ ବେଭାର୍‌ତାନା । ଆଲେ ଇନ୍‌କୁ ଲେକା ନାହିଁଲାଃଲେ । ଆଲେକେ ପାରମେଶ୍ଵାର୍ କୁଲ୍ଲକାଦ୍ ହରାତେ ଆଲେ ପାତିୟାରଃ ଲେକା ଆୟାଃ କାଜିଲେ ମାନାତିଙ୍ଗିତାନା ଆତଃ ପାରମେଶ୍ଵାର୍‌ଆଃ ସାମ୍‌ନାଙ୍ଗରେ ଖ୍ରୀଷ୍ଟଆଃ ଦାସି ଲେକାଲେ କାଜିତାନା ।

## ୩

ନାଞ୍ଜା ନିୟାମ୍‌ରେନ୍ ଦାସିକ

୧ ଆଲେ ଚିନ୍ୟାଃ ଆପାନକେ ମାରାଙ୍ଗଝେନ୍ଦତାନ୍ ଲେକାଲେ ଆଚ୍ଚକାରଃତାନା ? ଚାଏ, ଏତାଃକ ଲେକା ଆଲେ ଚିନାଃ ଆପେତାଃତେ ଚାଏ ଆପେତାଃଏତେ ପାରିଚାଏ ଅନଲ୍ ଚିଠିଲେ ଆସିତାନା ? ୨ ଆପେଗି ଆଲେୟାଃ ପାରିଚାଏ ଅନଲ୍ ଚିଠି ତାନ୍ପେ, ଆଲେୟାଃ ମନ୍ସୁରୁଦ୍ରେ ଅଲ୍ଲାନାନ୍ ଚିଠି ତାନ୍ପେ, ଅକ୍ନାଃକେଚି ସବେନ୍ ହଡ଼କ ସାରିତାନା ଆତଃ ପାଢ଼ାଅ ଦାଡ଼ିତାନା । ୩ ନେ ପାରିଚାଏ ଚିଠି ଶ୍ରୀଷ୍ଟୁ ଆଇଃକ୍ତି ଅଲ୍ଲାନାଦା ଆତଃ ଆରୁଆଃ ସୁସାର୍ ହରାତେ ଏନା କୁଲଃତାନା । ନେଆଁ ଚାକାର୍ ଦିରିରେ ସିହାଜତେ କା ଅଲ୍ଲାନା, ମେନ୍ଦ୍ ଜାନିଦ୍ ପାର୍ମେଶ୍ଵାର୍ଆଃ ଆମ୍ନା ହରାତେ ମାନଃରାଃ ମନ୍ସୁରୁଦ୍ରେ ଅଲ୍ଲାନା ।

୪ ଶ୍ରୀଷ୍ଟୁଆଃ ହରାତେ ପାର୍ମେଶ୍ଵାର୍ଆଃ ଚେତାନ୍ରେ ଭାର୍ଯ୍ୟାକେଦ୍ରେତେ ଆଲେ ନେ ସବେନାଃଲେ କାଜିଦାଡ଼ିତାନା । ୫ ଆଲେତାଃରେ ନେ ଲେକା କାଜି ଚାଏ କାମି ଦାଡ଼ିରେୟାଃ ପେଡ଼େଃ ମେନାଃ ମେନ୍ତେ ଆଲେ ଜେତାଲେକାତେ କାଜି କାଲେ ଦାଡ଼ିୟା, ଚିନ୍ୟାଃଚି ଆଲେକେ କାଜିରେୟାଃ ପେଡ଼େଃ ପାର୍ମେଶ୍ଵାର୍ତାଃଏତେ ହିଜୁଃଆ । ୬ ନାଞ୍ଜା ରାଜିନାମାକେ ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆରୁକେ ସୁସାର୍ରେ କାମି ଦାଡ଼ିୟାଃକ ଲେକାଏ ହବାକାଦ୍ବୁଆ । ନେ ନିୟାମ୍ ଅନଲ୍ରେୟାଃ ନାହାଁଲାଃ, ମେନ୍ଦ୍ ଆମ୍ନାତେ ବାଲ୍ଲୟାକାନା, ଚିନ୍ୟାଃଚି ଅନଲ୍ ନିୟାମ୍ ଗନଏଃ ଆଉଃକ୍ତେୟାଏ, ମେନ୍ଦ୍ ଆମ୍ନା ଜାଦାନ୍ ଏମାଃଏ ।

୭ ମୁଣା ନାବୀଆଃ ଆନ୍ତୁ ଦିରି ଚେତାନ୍ରେ ଖଦାକାନ୍ ତାଇକେନା । ଏନାରେ ପାର୍ମେଶ୍ଵାର୍ଆଃ ସେଞ୍ଜାକାମିରେ ନେଲେକା ମାନାରାଙ୍ଗ୍ ଉଦୁବାକାନ୍ ତାଇକେନା । ଆତଃ ଏନ୍ ମାନାରାଙ୍ଗ୍ରେୟାଃ ମାର୍ଯ୍ୟାଲ୍ଲରାଃ ରାଁପ୍ ତେଜ୍ କା ତାଇକେନ୍ରେୟ, ଇସ୍ତାଏଲ୍ ହଡ଼କ ମାସ୍ତାଲ୍ଲୟାଃତେ କାକ ନେଲ୍ ଦାଡ଼ିକେଦା । ଗନଏଃ ଆଉଃକ୍ତେତାନ୍ ଆନ୍ତୁ ନେଲେକା ହବାଅଃତାନ୍ରେଦ, ଠ ପାବିତାର୍ ଆମ୍ନାରାଃ ସେଞ୍ଜାକାମିକ ଏନାଏତେ ଚିମିନ୍ ପୁରାଃ ଆଦ୍କା ମାନାରାଙ୍ଗ୍ରେ କା ହବାଅଃଆ ? ୯ ସାଜାଜ ନାମଃ ଆନ୍ତୁରାଃ ସେଞ୍ଜାକାମିରେ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍ରେଦ, ଜୀଉବାଞ୍ଚାଅ ଏମେତାନ୍ ନିୟାମ୍ ବାଲ୍ଲୟାକାନ୍ତେୟାଃରାଃ ସେଞ୍ଜାକାମିରେ ଚିମିନ୍ ପୁରାଃ ଆଦ୍କା ମାନାରାଙ୍ଗ୍ କା ହବାଅଃଆ ? ୧୦ ଆରୁ କାଜି ଦାଡ଼ିୟାବୁ, ମାସ୍ତାଲ୍ଲରେୟାଃ ମିଆଁଦ୍ ମାନାରାଙ୍ଗ୍ ହବାୟାନ୍ ହରାତେ, ସିଦା ଦିପିଲିରେ ତାଇକେନ୍ ମାନାରାଙ୍ଗ୍ ନାହାଁଃ ବାନଃଆ । ୧୧ ଚିନ୍ୟାଃଚି ଘାଡ଼ିକାଦ୍ଗି ତାଇନଃ ବିଷାଏ ନିମିନାଙ୍ଗ୍ ମାନାରାଙ୍ଗ୍ ହବାଅଃତାନ୍ରେଦ, କା ଚୁଣ୍ଡୁ ବିଷାଏ ନେଆଁଏତେ ଚିମିନ୍ ପୁରାଃ ଆଦ୍କାତେ ମାନାରାଙ୍ଗ୍ କା ହବାଅଃଆ ?

୧୨ ଆରୁଆଃ ଏନ୍ ଆସ୍ତା ମେନାଃ ଏନାମେନ୍ତେ ଆରୁ ଜୀଉରେ କେଚେଦ୍କେଦ୍ରେତେ ମେନାରୁଆ । ୧୩ ଆରୁ ମୁଣା ନାବୀ ଲେକା ନାହାଁଲାରୁ । ଏନ୍ ମାସ୍ତାଲ୍ଲରେୟାଃ ରାଁପ୍ରେତାଃ ତେଜ୍ କାମ୍ତେୟାଃତେୟାଃ ଇସ୍ତାଏଲ୍ ହଡ଼କ ଆଲକାକ ନେଲେକା ମେନ୍ତେ ଇନିଃଆୟାଃ ମତା ଦାପାଲକାଦ୍ ତାଇକେନାଏ । ୧୪ ସାର୍ତ୍ତିକାଜିଲେରେ, ଇନ୍କୁଆଃ ଆୟୁମ୍ରେୟାଃ ଆତଃ ମନ୍ରେ ଆଚ୍ଚକାର୍ଉରୁମ୍ରେୟାଃ ପେଡ଼େଃ କା ତାଇକେନା । ନାହାଁଃହଗି ମାରି ରାଜିନାମା ପାଢ଼ାଅ ଇମ୍ତା ଇନ୍କୁଆଃ ମନ୍ଦ୍ ଦାପାଲକାନା । ଯାଶୁ ଶ୍ରୀଷ୍ଟୁଲଃ ମେସାନ୍ ହରାତେ ଏସ୍କାର୍ ଏନ୍ ଦାପାଲକାନ୍ତେୟାଃ ଆତମଃଆ । ୧୫ ନାହାଁଃହଗି, ଏନ୍ ମୁଣା ନାବୀଆଃ ଆନ୍ତୁକେ ପାଢ଼ାଅତାନ୍ ଇମ୍ତା ଇନ୍କୁଆଃ ମନ୍ରେ ନାହାଁଃ ଜାକେଦ୍ ଦାପାଲକାନା । ୧୬ ମେନ୍ଦ୍ ଏନ୍ ଦାପାଲକାନ୍ତେୟାଃ ହଗି ଆତମ୍ ଦାଡ଼ିୟାଃଆ । ଚିନ୍ୟାଃଚି ଧାରାମ୍ପୁଥ୍ରେ ଅଲ୍ଲାନା, “ପ୍ରାଭୁସାଃତେ ହେତାରୁହାଡ଼ଲେରେ, ଏନ୍ ଦାପାଲକାନ୍ତେୟାଃ ଆତମଃଆ ।” ୧୭ ନାହାଁଃଦ, “ପ୍ରାଭୁ” ଆମ୍ନା ତାନିଃ । ଆତଃ ପ୍ରାଭୁଆଃ ଆମ୍ନା ତାଇନ୍ତାଃରେ, ତନଲ୍ ବାନଆଃ । ୧୮ ଆରୁ ସବେନ୍କଥାଃ କା ହାରୁବାକାନ୍ ମେଦ୍ମୁହାଡ଼୍ରେ ନାହାଁଃ ପ୍ରାଭୁଆଃ ମାନାରାଙ୍ଗ୍ ଚାମ୍କାଅଃତାନା ଆତଃ ଏନ୍ ମାନାରାଙ୍ଗ୍ଗି ପ୍ରାଭୁତାଃଏତେ ହିଜୁଃତାନା,

ଆତଃ ଆବୁ ପୁରାଃଶି ମାସ୍ମାଲଃତାନଲଃ ଆୟାଃ ରୁପ୍ ଲେକାବୁ ବାଦ୍‌ଲାଅଃତାନା ।  
ଚିଆଃଚି ପ୍ରାଭୁଗି ଆମ୍ବା ତାନିଃ ଆତଃ ଆୟାଃ ହରାତେ ନେ ସବେନାଃ ହବାଅଃତାନା ।

### ୪

ହାସା ଚାଟୁରେ ସିର୍ମାରେୟାଃ ଖୁଜ୍

୧ ପାର୍ବତ୍ୟାୟ ଆୟାଃ ଦାୟାତେ ଆଲେକେ ନେ ସେଞ୍ଜାକାମି ଏମାକାଦ୍‌ଲେ ନାଗେନ୍ତେ ଆଲେ କାଲେ ହୁଡ଼ିଙ୍ଗ୍‌ଜୀଉକାନା । ୨ ଆଲେ ଉକ୍ତୁଆକାନ୍ ଆତଃ ଚିହୁଗାନ୍ କାଜିକାମିକଲେ ବାଗିକେଦା । ଆଲେ କାଲେ ବେଦାତାନା ଚାଏ ପାର୍ବତ୍ୟାୟଆଃ ବାଚାନ୍‌କେ ବାଗିକେଦ୍‌ତେ ଏଟାଃ ଲେକା ମୁଣ୍ଡି କାଲେ କାଜିତାନା । ମେନ୍‌ଦ ପାର୍ବତ୍ୟାୟଆଃ ନେପେଲ୍‌ରେ ଆଲେ ସାନାର୍‌ତିରେୟାଃ ପୁରା ମାସ୍ମାଲ୍‌ରେଲେ ସେସେନ୍‌ତାନା, ଆତଃ ହଡ଼କଆଃ ବିବେକ୍ ଆୟାର୍‌ରେ ଆଲେ ଆପାନ୍‌କେ ମାଲନ୍ ନାମଃ ନାଗେନ୍ତେଲେ ସାନାଙ୍ଗ୍‌ତାନା । ୩ ଚିୟାଃଚି ଆଲେୟାଃ ହରାତେ ଉଦୁବାକାନ୍ ସୁକୁକାଜି ଦାନାଙ୍ଗ୍‌ଆଁକାନ୍‌ରେଦ୍, ଏନା ଜିୟନଃତାନ୍ ହଡ଼କ ନାଗେନ୍ତେ ଏସ୍‌କାର୍ ଦାନାଙ୍ଗ୍‌ଆଁକାନା । ୪ ଇନ୍‌କୁ କାକ ବିଶ୍ୱାସ୍ ତାନା, ଚିୟାଃଚି ଇନ୍‌କୁଆଃ ମନ୍‌କେ ନେ ଅତେଦିଶ୍ୱମକେ ରାଇଜେତାନ୍ ସାଏତାନ୍ ନୁବାଃକାଦାଏ । ଖ୍ରୀଷ୍ଟ୍, ଅକ୍‌ଏଚି ପାର୍ବତ୍ୟାୟଆଃ ମିଦ୍‌ସାମାନ୍ ରୁପ୍ ତାନିଃ, ଇନ୍‌ୟାଃ ମାନାରାଙ୍ଗ୍ ବିଷାଏରେ ସୁକୁକାଜିହେତେ ହିଜୁଃତାନ୍ ମାସ୍ମାଲ୍‌କେ ଇନ୍‌କୁ ଆଲକାକ ନେଲେକା ମେନ୍ତେ ସାଏତାନ୍ ନୁବାଃକାଦାଏ । ୫ ଚିୟାଃଚି ଆଲେ ଆପାନ୍‌କେଚି କାଲେ ଉଦୁଦ୍‌ତାନା, ମେନ୍‌ଦ ଖ୍ରୀଷ୍ଟ୍‌ଗି ପ୍ରାଭୁ ତାନିଃ ମେନ୍ତେ ଆତଃ ଯୀଶୁଆଃ ନାଗେନ୍ତେ ଆଲେ ଆପାନ୍‌କେ ଆପେୟାଃ ଦାସିକତାନ୍‌ଲେ ମେନ୍ତେଲେ ଉଦୁଦ୍‌ତାନା । ୬ ଚିୟାଃଚି ଅକନ୍ ପାର୍ବତ୍ୟାୟ, “ନୁବାଃଏତେ ମାର୍ସାଲ୍ ହବାଅଃକା” ମେନ୍ତେ କାଜିକାଦ୍ ତାଇକେନାଏ, ଏନ୍ ପାର୍ବତ୍ୟାୟଗି, ଖ୍ରୀଷ୍ଟ୍‌ଆଃ ମେଦ୍‌ମୁହାଁଡ଼ରେ ମାସ୍ମାଲଃତାନ୍ ପାର୍ବତ୍ୟାୟଆଃ ମାନାରାଙ୍ଗ୍ ସେଣ୍ଟାରେୟାଃ ମାର୍ସାଲ୍ ଉଦୁଦ୍ ନାଗେନ୍ତେ ଆଲେୟାଃ ମନ୍‌ସୁରୁଦ୍‌ରେ ମାସ୍ମାଲ୍‌କେଦା ।

୭ ମେନ୍‌ଦ ନେ ପୁରାଃ ମାରାଙ୍ଗ୍ ପେଡ଼େଃ ପାର୍ବତ୍ୟାୟଆଃ ତାନାଃ, ଆଲେୟାଃ ନାହାଁଲାଃ ନେଆଁ ଉଦୁଦ୍ ନାଗେନ୍ତେ ଆଲେ ନେ ହାସାରେୟାଃ ଚାଟୁ ଲେକାନ୍‌କ ତାନ୍‌ଲେ, ଅକନାଃରେଚି ସିର୍ମାରେୟାଃ ଖୁଜ୍ ମେନାଃ । ୮ ଆଲେ ସବେନ୍ ଲେକାନ୍ ଦୁକୁହାସୁଲେ ନାମାକାଦା, ଏନ୍‌ରେୟ କାଲେ ଉୟୁଗାକାନା । ମିସାମିସା ଆଡ଼ାଃଉଡ଼ଗୁଃ ତାଇକେନାଲେ, ଏନ୍‌ରେୟ କାଲେ ହୁଡ଼ିଙ୍ଗ୍‌ଜୀଉକାନା । ୯ ପୁରାଃ ବାଇରିକ ମେନାକଆ, ଏନ୍‌ରେୟ ଆଲେ ଗାଡି ବାଙ୍ଗକ ଲେକା ଚିଉଲାଅ କାଲେ ତାଇକାନା, ଆତଃ ସିଗିଦଃ ତାଇକେନାଲେ, ଏନ୍‌ରେୟ ଆଲେ କାଲେ ଜିୟନାକାନା । ୧୦ ଯୀଶୁଆଃ ଜୀଦାନ୍ ଜେ'ଲେକା ଆଲେତାଃରେ ଉଦୁବଃଆ, ଏନାମେନ୍ତେ ଆଲେ ସବେନ୍ ଇମ୍‌ତା ଆଲେୟାଃ ହଡ଼ମକରେ ଯୀଶୁଆଃ ଗନଏଃକେଲେ ଗଅଃକାଦା । ୧୧ ଯୀଶୁଆଃ ଜୀଦାନ୍‌ରେ ଆଲେୟାଃ ଗନଏଃ ହଡ଼ମରେ ନେଲଃକା ମେନ୍ତେ ଆଲେୟାଃ ଜୀନିଦ୍‌ରେ ଯୀଶୁ ନାଗେନ୍ତେ ବରଞ୍ଜାନ୍ ଗନଏଃରେ ସବେନ୍ ଇମ୍‌ତା ମେନାଲେୟା । ୧୨ ନେ ଲେକାତେ ଆଲେତାଃରେ ଗନଏଃ ଆତଃ ଆପେତାଃରେ ଜୀଦାନ୍‌ରେୟାଃ କାମି କାମିତାନା ।

୧୩ ଧାରାମ୍‌ପୁଅରେ ଅଲକାନା, “ଆଇଙ୍ଗ୍ ବିଶ୍ୱାସ୍‌କାଦାଇଙ୍ଗ୍ ଏନାମେନ୍ତେଇଙ୍ଗ୍ କାଜିକାଦା ।” ଆଲେ ଏନ୍ ବିଶ୍ୱାସରେୟାଃ ଆମ୍ବା ନାମାକାଦ୍ ହରାତେ, ଆଲେୟ ବିଶ୍ୱାସ୍‌କାଦାଲେ ଆତଃ କାଜିତାନାଲେ । ୧୪ ଆଲେ ସାରିତାନାଲେ, ପାର୍ବତ୍ୟାୟ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ, ଏନ୍ ପାର୍ବତ୍ୟାୟଗି ଯୀଶୁଲଃ ଆଲେକେୟ ଜୀଉବିରିଦ୍‌ଲେୟାଏ ଆତଃ ଆପେଲଃ ଆଲେକେ ଆୟାଃ ହେପାଦ୍‌ତେ

ଇଦିଲେୟା । ୧୫ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ହବାଅଃତାନା । ପାର୍ବମେଶ୍ଵାରଆଃ ସାୟାଦ୍ ଆତଃଗି ପୁରାଃତେ ହଡ଼କତାଃତେ ସେଟେରରେ, ଆତଃଗି ପୁରାଃ ହଡ଼କ ପାର୍ବମେଶ୍ଵାରଆଃ ମାନାରାଜ୍ ନାଜ୍ ଧାନ୍ୟାବାଦ୍ରେୟାଃ ବିକ୍ରିକ ବିକ୍ରିୟା ।

ବିଶ୍ଵାସ୍ତେ ଜାନିଦ୍

୧୬ ଏନାମେନ୍ତେ ଆଲେ ଚିତ୍ତଲାଅ କାଲେ ହୁଡ଼ିଙ୍ଗଜୀଉ କାନା । ଆଲେୟାଃ ନେଲଃତାନ ହଡ଼ମ୍ ମାଡ଼ି ମାଡ଼ିତେ ଜିୟନଃ ତାନା, ମେନ୍ଦ୍ ଆଲେୟାଃ ମନ୍ସୁରୁଦ୍ରେୟାଃ ଆମ୍ନା ଅକନାଠି ପାର୍ବମେଶ୍ଵାରତାଃଏତେ ନାମାକାନା ଏନା ମୁସିଙ୍ଗ୍ ମୁସିଙ୍ଗ୍ତେ ନାଞ୍ଜାଇଦିୟଃ ତାନା । ୧୭ ଆତଃ ନେ କାଟିଃ ଲେକାନ୍ ଦୁକୁ ହାସୁ ଆଲେ ନାଗେନ୍ତେ କା ଜକାଃଅ ଜାନାଅରେୟାଃ ମାନାରାଜ୍ ଆଉଗାଲେ ତାନାଏ । ୧୮ ଚିୟାଠି ଆଲେ ନେଲଃତାନ ବିଷାଏକକେ କା ନେଲକେଦ୍ତେ, କା ନେଲଃତାନ ବିଷାଏକକେ ନେଲତାନାଲେ, ଚିୟାଠି ନେଲଃତାନ ବିଷାଏକ ହୁଡ଼ିଙ୍ଗ ଦିପିଲିଗି ତାଇନାଃ, ମେନ୍ଦ୍ କା ନେଲଃତାନ ବିଷାଏକ ଜାନାଅ ଜାନାଅଗି ତାଇନାଃ ।

୫

୧ ମେନ୍ଦ୍ ଆଲେ ସାରିତାନାଲେ, ନେ ଅତେରେ ହଡ଼ମ୍ ଲେକାନ୍ କୁମ୍ପାରେ ଆବୁ ନାହାଁଃ ତାଇନଃତାନାବୁ, ଏନା ଜିୟନଃରେଦ୍, ଆବୁକେ ପାର୍ବମେଶ୍ଵାର୍ ସିର୍ମାରେ ମିଆଁଦ୍ ଜାନାଅଗି ତାଇନଃ ନାଗେନ୍ତେ ଅଡ଼ାଃ ଏମାରୁଆଏ । ଏନାଦ୍ ହଡ଼ତେ କା ବାଇକାନା, ମେନ୍ଦ୍ ପାର୍ବମେଶ୍ଵାର୍ ଆଇଃକ୍ରି ଏନାକେ ବାଇୟାକାଦା । ୨ ଆତଃ ନେ ଅତେରେୟାଃ ଅଡ଼ାଃରେ ତାଇନକେଦ୍ତେ ଆବୁ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅଃ ନାଗେନ୍ତେ ଆବୁଆଃ ଇଛାସାନାଜ୍ ମେନାଃ । ୩ ମେନ୍ଦ୍ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅରେଦ୍, ଆବୁ ସାମା ହଡ଼ମ୍ଗି କାବୁ ନେଲଆଃ । ୪ ଆବୁ ନେ ସାଂସାର୍ରେୟାଃ କୁମ୍ପାରେ ତାଇନଃତାନ ଇମ୍ତା ଲାଗାଉତାରଃତାନଲଃ ମନ୍ସୁରୁଦ୍ରେ ରାଆଃ ଗେରାଜ୍ ତାନାବୁ । ଆବୁ ସାଂସାର୍ରେୟାଃ ହଡ଼ମ୍କେ ବାଗି ନାଗେନ୍ତେ ସାନାଜ୍ ତାନାବୁ ଏନାଦ୍ ନାହାଁଲାଃ, ମେନ୍ଦ୍ ସିର୍ମାରେୟାଃ ଲିଜାଃ ତୁସିଙ୍ଗ୍ ହରାତେ ଆବୁଆଃ ନେ ସାଂସାର୍ରେୟାଃ ହଡ଼ମ୍ ଜେଲେକା କା ଗଜଃ ଜୀଦାନ୍ରେ ବାଦ୍ଲାଅଃଆ, ଏନା ଆଲେୟାଃ ସାନାଜ୍ତାନା । ୫ ପାର୍ବମେଶ୍ଵାର୍ ଆବୁକେ ନେଲେକା ବାଦ୍ଲାଅ ନାଗେନ୍ତେ ବାଇସେକାଡ଼ା କାଦ୍ବୁଆ । ଆତଃ ଜନିଃ ଆୟାଃ ପାବିତାର୍ ଆମ୍ନାକେ କୁଲକିଃଦ୍ ହରାତେ ଆବୁରେ ତାଇନଃ ନାଜ୍ ଏମ୍କିୟାଏ ।

୬ ଏନାମେନ୍ତେ ଆବୁ ସବେନ୍ ଇମ୍ତା ଜୀଉରେ କେଟେଦ୍କେଦ୍ତେ ମେନାରୁଆ, ଆବୁ ସାରି ତାନାବୁ, ଚିମିନ୍ ଦିନ୍ ଜାକେଦ୍ ନେ ହଡ଼ମ୍ରେ ମେନାରୁଆ, ଇମିନ୍ ଦିନ୍ ଜାକେଦ୍ ପ୍ରାଭୁତାଃଏତେ ସାଜିନ୍ରେ ତାଇନକେଦ୍ତେ ଜୀଦାନ୍ବୁ ବିତାଅ ତାନା । ୭ ଆବୁଆଃ ଜୀଦାନ୍ ନେନେଲ୍ତେଦ୍ କା ମେନ୍ଦ୍ ବିଶ୍ଵାସ୍ ଚେତାନ୍ରେ ତିଙ୍ଗୁଆକାନା । ୮ ଏନାମେନ୍ତେ ଆବୁ ଜୀଉରେ କେଟେଦ୍କେଦ୍ତେ, ଆତଃ ନେ ହଡ଼ମ୍କେ ବାଗିକେଦ୍ତେ ପ୍ରାଭୁଲଃ ତାଇନଃ ନାଗେନ୍ତେ ଆବୁ ପୁରାଃଗିବୁ ସାନାଜ୍ତାନା । ୯ ଏନାମେନ୍ତେ ଆବୁ ଆପନାଃ ଅଡ଼ାଃରେ ତାଇନଃ ଚାଏ ଏଟାଃ ଅଡ଼ାଃରେ ତାଇନଃ, ପାର୍ବମେଶ୍ଵାର୍କେ ସୁକୁଇଚିତେୟାଃଗି ଆବୁଆଃ ପୁରାଃ ସାନାଜ୍ତାନା । ୧୦ ଚିୟାଠି ଆବୁ ସବେନ୍କକେ ଆୟାଃ ହରାତେ ବିଚାର୍ ହବାଅଃ ନାଗେନ୍ତେ ସାର୍ତ୍ତି ଖ୍ରୀଷ୍ଟଆଃ ବିଚାର୍ ଠାୟାଦ୍ରେ ତିଙ୍ଗୁନ୍ ଲାଗାତିୟାଃ । ଇମ୍ତା ବୁଗିନାଃ ହବାଅଃ ଚାଏ ଏଡ଼କାନାଃ ହବାଅଃ, ଆବୁ ସବେନ୍ ମିମିଆଦ୍ ହଡ଼କ ସାଂସାର୍ରେୟାଃ ହଡ଼ମ୍ରେ କାମିକାଦ୍ ଲେକାଗି ନାଲାବୁ ନାମେୟା ।

୫:୧୦ ୫:୧୦ ରୋମି ୧୪:୧୦.

ଶ୍ରୀଷ୍ଟିଆଃ ଦେଈାତେ ପାର୍ମ୍ଭେଶ୍ଵରଲଃ ଗାତି

୧୧ ପ୍ରାଭୁକେ ବର ରେୟାଃ ମୁଣ୍ଡି ତିନାଃ ତାନାଃ, ଏନା ଆଲେ ସାରି କାଦାଲେ ଆତଃ ଏନା ରିକା ନାଗେନ୍ତେ ଆଲେ ସବେନକକେ ଆରୁପେତାନାଲେ । ପାର୍ମ୍ଭେଶ୍ଵର ଆରୁ ସବେନକକେ ବୁଗିଲେକାଏ ସାରିୟା । ଆଇଙ୍ଗ ଆସ୍ରା ତାନାଇଙ୍ଗ, ଆପେ ଆଇଙ୍ଗକେ ବୁଗି ଲେକାପେ ସାରିୟା । ୧୨ ଆଲେ ଆତଃମିସା ଆପେୟାଃ ଆୟାରରେ ଆଲେଗି ମାଇନ୍ ନାମେ ନାଗେନ୍ତେ କାଲେ ସାନାଙ୍ଗତାନା, ମେନ୍ଦ ଅକନ୍ଦ ମନ୍ ଭିତାରରେୟାଃ ଚାଇଲ୍ ଚାଇଲ୍ କା ନେଲ୍‌କେଦ୍‌ତେ ହଡ଼କଆଃ ବାହାରି ରେୟାଃ ନେପେଲ୍ ନେଲ୍‌କେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା, ଇନ୍‌କୁକେ ଆପେ କାଜିରୁହାଡ଼୍ ଦାଡ଼ିୟାପେ । ଏନାମେନ୍ତେ ଆଲେୟାଃ ବିଷାଏରେ ଆପେ ଆପାନ୍‌କେ ମାରାଙ୍ଗ୍‌ୟେନ୍ ଉଡ଼ଗୁଗ ନାଗେନ୍ତେ ଆପେକେ ନେତାଲେ ଏମାପେତାନା । ୧୩ ଚିୟାଃ ଆଲେୟାଃ ମନ୍ ବାଲୁଅଃତାନା ? ତାଦ୍‌ଦ ପାର୍ମ୍ଭେଶ୍ଵର ନାଙ୍ଗ୍ ବାଲୁଅଃତାନା । ଚାଏ ଆଲେୟାଃ ମନ୍ ଆବରରେ ମେନାଃରେଦ୍, ଏନା ଆପେୟାଃ ନାଗେନ୍ତେ ଆବରରେ ମେନାଃ । ୧୪ ଶ୍ରୀଷ୍ଟିଆଃ ଦୁଲାଡ଼ତେ ଆରୁ ରାଇଜଃ ତାନାରୁ । ଏନାତେ ଆରୁ ନେଆଁ ଉହାଟ୍‌ତାନାରୁ ଯେ, ମିହୁଡ଼୍ ହଡ଼ ସବେନ୍ ହଡ଼କଆଃ ନାଗେନ୍ତେ ଗଜାକାନା, ଏନାତେ ସବେନକ ଏନ୍ ଗନଏଃରେୟାଃ ହିସାରୁ ହବାକାନା । ୧୫ ଇନିଃ ସବେନକ ନାଗେନ୍ତେ ଗଜାକାନ୍ ହରାତେ ଅକନ୍ଦ ଜୀନିଦ୍ ମେନାକଆ, ଇନ୍‌କୁ ଆତଃ ଆପ୍‌ନାଃ ଆପ୍‌ନାଃ ନାଗେନ୍ତେ କା ଜୀହୁଦ୍‌କେଦ୍‌ତେ, ଅକଏଚି ଆକଆଃ ନାଗେନ୍ତେ ଗଏଃୟାନା ଆତଃ ଜୀଉବିରିଦ୍‌ୟାନା, ଇନିୟାଃ ନାଗେନ୍ତେକ ଜୀହୁଦଃଆ ।

୧୬ ଏନା ନାଗେନ୍ତେ ଆଲେ ହଡ଼ମ୍ ଲେକାତେ ବିଚାର୍, ଜେତାଏକେ କାଲେ ବିଚାର୍ ତାନା । ନେତା ତାଇକେନା ଆଲେ ଶ୍ରୀଷ୍ଟିକେ ହଗି ହଡ଼କେ ବିଚାର୍ ତାନ୍ ଲେକାଲେ ବିଚାରି ତାଇକେନା । ମେନ୍ଦ ନାହାଁଃ ଆଲେ ଏନ୍‌ଲେକା କାଲେ ରିକାତାନା । ୧୭ ଜେତାଏ ହଡ଼ ଶ୍ରୀଷ୍ଟିଲଃ ମେସାକାନ୍‌ରେ, ନାଞ୍ଜା ହଡ଼ ହବାଅଃଆଏ । ମାରିତେୟାଃ ଜିୟନ୍‌କେଦ୍‌ତେ ସବେନ୍ ନାଞ୍ଜା ବିଷାଏ ହବାଅଃଆ । ୧୮ ଏନା ସବେନାଃ ପାର୍ମ୍ଭେଶ୍ଵରଆଃ କାମିତାନା । ସିଦା ଆରୁ ଇନିୟାଃ ବାଇରିବୁ ତାଇକେନା, ନାହାଁଃ ଇନିଃ ଶ୍ରୀଷ୍ଟି ହରାତେ ଆରୁକେ ଆୟାଃଲଃ ମେସାରୁହାଡ଼୍ କାଦ୍‌ବୁଆ ଆତଃ ଆୟାଃଲଃ ଏଟାଃକକେ ମେସାରୁହାଡ଼୍ ନାଗେନ୍ତେ ଇନିଃ ଆରୁକେ ବାହାରମ୍ ଏମାକାଦ୍‌ବୁଆଏ । ୧୯ ଏନାତେ ଆରୁଆଃ କାନାଜି ହବାଅଃତାନା, ପାର୍ମ୍ଭେଶ୍ଵର, ଶ୍ରୀଷ୍ଟିଆଃ ହରାତେ ଅତେଦିଶ୍ଵମ୍‌ରେନ୍ ସବେନ୍ ହଡ଼କକେ ଆୟାଃଲଃ ମେସାରୁହାଡ଼୍ ନାଗେନ୍ତେ ହରା ବାଇୟାକାଦାଏ । ଆୟାଃ ବିରୁଧରେୟାଃ ସବେନ୍ ପାପ୍‌କ ଇନିଃ ଆୟାଃ ଗିନ୍‌ତିରେ କାଏ ଦହକାଦା । ଆତଃ ଏନ୍ ମେସାରୁହାଡ଼୍ ରେୟାଃ ସୁକୁକାଜି ଉଦ୍‌ବ୍ ନାଗେନ୍ତେ ଆରୁକେ ବାହାରମ୍ ଏମାକାଦ୍‌ବୁଆଏ ।

୨୦ ଏନାତେ, ଆରୁ ଶ୍ରୀଷ୍ଟିସାଃଏତେ ନେଆଁ କାଜିତାନାରୁ, ପାର୍ମ୍ଭେଶ୍ଵର ଆଇଃକ୍‌ଗି ଆରୁଆଃ ହରାତେ ନେ କେନେଡ଼ା ଏମାକାଦାଏ ମେନ୍ତେ ଆଟ୍‌କାର୍ ଲାଗାଡ଼ିଙ୍ଗ୍‌ୟାଃ । ଶ୍ରୀଷ୍ଟିସାଃତେ ଆଲେ ବିକ୍ତିପେ ତାନାଲେ, ପାର୍ମ୍ଭେଶ୍ଵରଲଃ ମେସାରୁହାଡ଼େନ୍‌ପେ, ୨୧ ଚିୟାଃଚି ଶ୍ରୀଷ୍ଟି, ବେଗାର୍ ପାପ୍‌ତେ ତାଇକେନ୍‌ରେୟା, ପାର୍ମ୍ଭେଶ୍ଵର ଇନିଃକେ ଆରୁଆଃ ପାପ୍‌ରେୟାଃ ହିସାଏ ବାଇକିୟା, ଜେଲେକାଚି ଆରୁ ଆୟାଃଲଃ ମେସାକେଦ୍‌ତେ ପାର୍ମ୍ଭେଶ୍ଵରଆଃ ଧାର୍‌ମାନ୍‌ରେୟାଃ ହିସାବୁ ହବା ଦାଡ଼ିୟାଆ ।



୧ ପାର୍ମ୍ଭେଶ୍ଵରଆଃ ନାଗେନ୍ତେ ମିସାତେ କାମିତାନ୍ ହରାତେ ଆଲେ ଆପେକେ ବିକ୍ତିପେତାନାଲେ, ଆପେୟାଃ ଜୀଦାନ୍‌ରେ ପାର୍ମ୍ଭେଶ୍ଵରଆଃ ସାୟାଦ୍‌କେ ଆଲ୍‌ପେ ସାମାଏଶ୍ଵାଃଏୟା । ୨ ଚିୟାଃଚି ଇନିଃ କାଜିୟାଃଏ, “ଆପେୟାଃ ନାଗେନ୍ତେ ଦାୟା

ଉଦ୍ଭବ ନାଜ୍ଞ ଦିପିଲି ହିନ୍ଦୁଃୟାନ୍ ଇମତା ଆଇଜ୍ଞ ଆପେୟାଃ ବିକ୍ରିଇଜ୍ଞ ଆୟୁମକେଦା, ଜୀଉବାଞ୍ଚାଅ ହୁଲାଇଞ୍ରେ ଆଇଜ୍ଞ ଆପେକେଇଜ୍ଞ ଦେକ୍ଷାକେଦପେୟା ।” ନେଲେପେ ! ନେଆଁ ହବାଅଃତାନା, ପାର୍ମେଶ୍ଵରଆଃ ଦାୟା ତେଲାରେୟାଃ ନେତା । ତିସିଜ୍ଞ ହବାଅଃତାନା ଜୀଉବାଞ୍ଚାଅଃରେୟାଃ ଦିପିଲି ।

୩ ଅକନ୍ ସେଞ୍ଚାକାମି ଆରୁ ନାମାକାଦାରୁ, ଏନାକେ ଜେତାଏ ଆଲକାକ ଚିଟାଏ, ମେନ୍ତେ ଆଲେ ଜେତାଏୟାଃ କାମିରେ କାଜିକଟଜ୍ଞ ହବାଅଃ ନାଗେନ୍ତେ କାଲେ ସାନାଜ୍ଞତାନା । ୪ ମେନ୍ଦ ସବେନ୍ ଲେକାନ୍ ନେତାରେ ଆଲେ ଆପାନ୍କେ ପାର୍ମେଶ୍ଵରଆଃ ଦାସି ଲେକାଲେ ଉଦ୍ଭବେନ୍ତାନା, ଆଲେ ସବେନ୍ ଲେକାନ୍ ଦୁକୁ, ହାସ୍ତ, ସାଙ୍କାଟ୍ରେ ପୁରାଃ ଧୂରାଜ୍ରେ ସାହାତିଜ୍ଞ କାଦାଲେ । ୫ ଆଲେ ଦାଲ୍ଲୟାନ୍ରେ, ଜେହେଲ୍ଲୟାନ୍ରେ, ହାଲାଗୁଲାଅଃତାନ୍ରେ, କେଟେଦ୍ କାମିରେ, ବେଗାଟ୍ ଦୁଡ୍ଡୁଡ୍ରେ, କାଟାବ୍ରେ, ୬ ଫାଟ୍ଟିନ୍ରେ, ସେଣ୍ଟିନ୍ରେ, ଧୂରାଜ୍ରେ, ଦାୟାତେ, ଆଲେୟାଃ ସାର୍ତି ଦୁଲାଡ୍ରେ, ପାବିତାର୍ ଆମ୍ରେ, ୭ ଆଲେୟାଃ ସାର୍ତି ସୁକୁକାଜିତେ, ଆତଃ ପାର୍ମେଶ୍ଵରଆଃ ପେଡ୍ରେତେ ଆଲେ ଆପାନ୍କେ ପାର୍ମେଶ୍ଵରଆଃ ଦାସି ମେନ୍ତେଲେ ଉଦ୍ଭବେନ୍ତାନା । ବାଇରିକଆଃ ବିରୁଧ୍ରେ ଲାଡ୍ଵାଇ ନାଗେନ୍ତେ ଧାର୍ମାନ୍ ହବାଅଃତାନା ଆଲେୟାଃ ହାଁତେୟାର୍ । ୮ ଆଲେ ମାଇନ୍ ନାମେ ଚାଏ ମାଇନ୍ କା ନାମେ, ଲାୟାଅଃତାନ୍ ଚାଏ ସାହାରାଅ ନାମେତାନ୍, ଆଲେକେ ହସଡ୍ ମେନ୍ତେ କାଜିଲେ ତାନାକ, ଏନ୍ରେୟ ଆଲେ ସାର୍ତି କାଜିତାନାଲେ । ୯ ଆଲେ ସବେନ୍କଲଃ ନେଲ୍ଭରୁମ୍ କାନ୍ରେୟ, କାଲେ ନେଲ୍ଭରୁମକାନ୍ ଲେକା ମେନାଲେୟା, ଜାନିଦ୍ ମେନାଲେରେୟ, ଗଜାକାନ୍କ ଲେକା ମେନାଲେୟା । ଆଲେ ସାଜାଇ ନାମେତାନାଲେ, ମେନ୍ଦ କାଲେ ଜିୟନାକାନା । ୧୦ ଆଲେ ହୁଡ୍ଞଜୀଉକାନ୍ରେୟ ସବେନ୍ ଇମତା ରାସ୍କାଗି ମେନାଲେୟା । ଆଲେ ନାରାଦୁରାଗିଲେ ନେଲଃତାନା, ମେନ୍ଦ ପୁରାଃ ହଡ୍ଡକକେଲେ କିସାଣ୍ଡକାଦକଆ । ଆଲେୟାଃ ଜେଡ୍ନାଃ ବାନଃଲେକା ଆଟ୍କାରଃ ତାନା, ମେନ୍ଦ ସାର୍ତିଗି ଆଲେ ସବେନାଃଲେ ଆକ୍ତେୟାର୍କାଦା ।

୧୧ କବିଚ୍ଛିନ୍ଦେନ୍ ଦୁଲାଡ୍ ଗାଡିକ, ଆଲେ ବେଗାଟ୍ ବେଦାତେ ସବେନାଃଲେ କାଜିକାଦପେୟା, ଆଲେ ଆପେକେ ପୁରାଃଗିଲେ ଦୁଲାଡ୍ପେ ତାନା । ୧୨ ଆପେ ନାଗେନ୍ତେ ଆଲେୟାଃ ଦୁଲାଡ୍ କା ଲାସୁରକାନା, ମେନ୍ଦ ଆପେୟାଃ ଦୁଲାଡ୍ ଲାସୁରକାନା । ୧୩ ଆଇୟାଃ ହନ୍କକେ କାଜିକତାନ୍ ଲେକା ଆଇଜ୍ଞ ଆପେକେଇଜ୍ଞ କାଜିପେତାନା, ଆଲେ ଆପେକେ ଦୁଲାଡ୍ପେ ତାଇକେନ୍ ଲେକାଗି, ଆପେୟ ଆଲେକେ ଦୁଲାଡ୍ଲେପେ ।

ସାଅଁସାର୍ ହଡ୍ଡକଲଃ ଆଲ୍ପେ ଜକାନାଃ

୧୪ ଅକନ୍କ ଶ୍ରୀଷ୍ଟକେ କାକ ବିଶ୍ଵାସ୍ତାନା, ଇନ୍ଦକୁଲଃ ମିଦ୍ଜକାତେ କାମି ନାଗେନ୍ତେ ଆଲ୍ପେ ସାନାଜ୍ଞଆଁଃ । ନେଲେକା ଚିଉଲାଅ କା ହବାଦାଡ୍ଵୟା, ଚିୟାଃଚି ଧାର୍ମାନ୍ ଆତଃ କା ଧାର୍ମାନ୍କଲଃ ଚିକାନ୍ ସାଜାତି ? ମାର୍ଯାଲ୍ ଆତଃ ନୁବାଃ ଚିଲ୍କାତେ ମିଦ୍ରେ ତାଇନା ? ୧୫ ଶ୍ରୀଷ୍ଟ ଆତଃ ସାଏତାନ୍ ଚିଲ୍କାତେ ମିଦେନାକିନ୍ ? କା ବିଶ୍ଵାସ୍ ତାନ୍ନିଃଲଃ ବିଶ୍ଵାସ୍ତାନ୍ନିଃ ଚିକାନ୍ ବିଷାଏରେ ମେସା ଦାଡ୍ଵିନାଃ ? ୧୬ ସାଅଁସାର୍କଆଃ ମୁରୁଡ୍ଡକଲଃ ପାର୍ମେଶ୍ଵରଆଃ ମାନ୍ଦିର୍ ଚିଲ୍କାତେ ମେସାଅଃଆ ? ଆବୁଦ ଜାନିଦ୍ ପାର୍ମେଶ୍ଵରଆଃ ମାନ୍ଦିର୍ ତାନ୍ଦୁ, ଚିୟାଃଚି ପାର୍ମେଶ୍ଵର ଆଇଃକ୍ଗି କାଜିକାଦା, “ଆଇଜ୍ଞ ଆଇୟାଃ ହଡ୍ଡକଲଃ ତାଇନାଇଜ୍ଞ ଆତଃ ଇନ୍ଦକୁଆଃ ଆଲାରିଜ୍ଞ ହନ୍ଦ୍ ବାଡାଏୟା ଆତଃ ଆଇଜ୍ଞ ଇନ୍ଦକୁଆଃ ପାର୍ମେଶ୍ଵର ହବାଅଃଆଇଜ୍ଞ ଆତଃ ଇନ୍ଦକୁ ଆଇୟାଃ ଆପ୍ନାଃ ହଡ୍ଡକ

☆ ୬:୫ ୬:୫ ପ୍ରେରିଡ୍ ୧୭:୨୩. ☆ ୬:୧୭ ୬:୧୭ ୧ କବିଚ୍ଛିନ୍ଦ ୩:୧୭; ୬:୧୯.



ହବାଅଃଆକ ।” ୧୭ ଏନାତେ ପ୍ରାଭୁ କାଜିୟାଃଏ, “ଇନ୍ଦ୍ରକୁକେ ବାଗିତାକପେ ଆତଃ ଇନ୍ଦ୍ରକୁତାଃଏତେ ଆତମେନ୍ଦପେ । ସତ୍ରରା ବିଷାଏଲଃ ନାତା ଆଲ୍ଲପେ ଦହଏଆ, ଏନାରେ ଆଇଙ୍ଗ୍ ଆପେକେଇଙ୍ଗ୍ ଦାରମ୍ପପେୟା । ୧୮ ଆଇଙ୍ଗ୍ ଆପେୟାଃ ଆପୁ ଆତଃ ଆପେ ଆଇଁୟାଃ କଡ଼ାହନ୍ଦକ ଆତଃ କୁଡ଼ିହନ୍ଦକ ହବାଅଃଆପେ, ପେଡ଼େୟାନ୍ ପ୍ରାଭୁ ନେଆଁଏ କାଜିତାନା ।”



୧ ହେ ଦୁଲ୍ଲାଡ଼୍ ହାଗା ମିଗିକ, ନେ ସବେନ୍ ବାନାର୍ସା ଆବୁ ପାରମେଶ୍ୱାର୍ତାଃଏତେ ନାମାକାଦାରୁ । ଏନାତେ ଏଲା ହିନ୍ଦୁଃପେ, ହଡ଼ମ୍ ଆତଃ ଆମ୍ବାକେ ସତ୍ରରାଏତାନ୍ ସବେନ୍ ବିଷାଏତେ ଆପାନ୍ଦକେ ଫାର୍ତ୍ତିନ୍ଦପେ । ଆତଃ ପାରମେଶ୍ୱାର୍ତକେ ବରଭାକ୍ତିତାନ୍ଲଃ ପୁରାଗି ପାବିତାର୍ତକେଦତେ ତାଇନାବୁ ।

ପାଉଲୁସ୍ଆଃ ରାସକା

୨ ଆପେୟାଃ ମନ୍ସୁରୁଦ୍ରେ ଆଲେକେ ଠାୟାଦ୍ ଏମାଲେପେ । ଆଲେ ଜେତାଏୟାଃ ଏଡ଼କାନ୍ କାଲେ ରିକା, ଜେତାଏୟାଃ କାଲେ ହାନିକାଦା, ଜେତାଏତାଃଏତେ ଜେଡ଼ନାଃ ନାମେ ନାଗେନ୍ତେ ବେଦାକେଦ୍ରେ କାଲେ ଆଉକାଦା । ୩ ଆପେକେ ଚିଟାପେ ନାଗେନ୍ତେ ଆଇଙ୍ଗ୍ ନେ କାଜି କାଇଙ୍ଗ୍ କାଜିତାନା । ଆଇଙ୍ଗ୍ ସିଦାରେଇଙ୍ଗ୍ କାଜିକାଦା, ଆପେ ଆଲେୟାଃ ନିମିନାଙ୍ଗ୍ ଦୁଲ୍ଲାଡ଼୍ ତାନ୍ଦପେ ଯେ, ଆବୁ ଜାନିଦ୍ ତାଇନଃ ଚାଏ ଗଜଃ, ଆବୁ ସବେନ୍ ଇମ୍ତା ମିଦ୍ତାଃରେ ମେନାବୁଆ । ୪ ଆପେତାଃରେ ଆଇଁୟାଃ ପୁରାଃ ବିଶ୍ୱାସ୍ମେନା । ଆପେୟାଃ ନାଗେନ୍ତେ ଆଇଙ୍ଗ୍ ଆପାନ୍ଦକେ ମାରାଙ୍ଗ୍ୟେନ୍ଦେୟାଃ ହଗି ପୁରାଃଗିଆ । ଦୁକୁହାସ୍ତରେ ଆଇଙ୍ଗ୍ ପୁରାଃଗି ଜାଉରାଡ଼େଃ ନାମ୍ବକେଦ୍ରେ ରାସ୍କାଡେଇଙ୍ଗ୍ ପେରେଜାକାନା ।

୫ ଫାକିଦନିଆତେ ସେଚେରକେଦ୍ରେ ଆଲେୟାଃ ହଡ଼ମ୍ କା ରୁଡ଼ୟାନା । ହଡ଼କଲଃ ସବେନ୍ତାଃରେ କା ବାପାଲ୍ ଆତଃ ଏପେଗେର୍ ହବାଅଃ ତାଇକେନା, ଏନାତେ ଆଲେୟାଃ ମନ୍ସୁରୁଦ୍ରେ ବର ତାଇକେନା । ୬ ମେନ୍ଦ ହୁଡ଼ିଙ୍ଗ୍ଜାଉକାନ୍ଦକେ ଜାଉରାଡ଼େଃ ଏମାକାତାନ୍ ପାରମେଶ୍ୱାର୍ ତିତସ୍କେ ଆଲେତାଃତେ କୁଲ୍ଲକେଦ୍ରେ ଜାଉରାଡ଼େଃ ଏମାକାଦ୍ଲେୟାଏ । ୭ ଇନିୟାଃ ହିନିନ୍ଦୁ ହରାତେ ଏସ୍କାର କାହା, ମେନ୍ଦ ଇନିଃ ଆପେତାଃତେ ସେନ୍ଦକେଦ୍ରେ ଅକନ୍ ଜାଉରାଡ଼େଃ ନାମାକାଦାଃଏ, ଏନା ହରାତେ ଆଲେ ରାସ୍କାଅଃ ତାନାଲେ । ଆଇଙ୍ଗ୍କେ ନେନେଲ୍ ନାଗେନ୍ତେ ଆପେୟାଃ ଚିମିନ୍ ଇଛାସାନାଙ୍ଗ୍, ଆଇଁୟାଃ ନାଗେନ୍ତେ ଆପେୟାଃ ଚିମିନ୍ ଦୁକୁ, ଆଇଁୟାଃସାଃରେ ଜେଡ଼ନାଃ କାଜି ନାଗେନ୍ତେ ଆପେ ଚିମିନ୍ ଚିହ୍ଲୁଲ୍ଲାନି ମେନାପେୟା, ନେ ସବେନ୍ ବିଷାଏ ଇନିଃ ଆଇଙ୍ଗ୍କେ ଉଦ୍ଦୁକାଦିୟାଃ । ଏନାତେ ଆଇଙ୍ଗ୍ ପୁରାଃଗିଇଙ୍ଗ୍ ରାସ୍କା କାନା ।

୮ ଆଇଁୟାଃ ଚିଠି ପାଡ଼ାଅକେଦ୍ରେ ଆପେ ହୁଡ଼ିଙ୍ଗ୍ଜାଉକାନ୍ରେୟ, ଏନ୍ ଚିଠି ଅଲ୍ଲାକାଦ୍ ହରାତେ ଆଇଁୟାଃ ମନ୍ରେ ଜେତାନ୍ ଦୁକୁ ବାନଃଆ । ନେ ଚିଠି ଆପେକେ ଘାଡ଼ିକାଦ୍ ନାଙ୍ଗ୍ ହୁଡ଼ିଙ୍ଗ୍ଜାଉକାଦ୍ପେ ନାଗେନ୍ତେ ଆଇଙ୍ଗ୍ ଦୁକୁକାନ୍ଦେୟାଃଇଙ୍ଗ୍ । ୯ ମେନ୍ଦ ଆପେୟାଃ ମନ୍ରେ ଦୁକୁ ଏମାକାଦ୍ପେ ହରାତେ କାହାଗି, ମେନ୍ଦ ନେ ଦୁକୁ ଆପେୟାଃ ଜାଦାନ୍ରେୟାଃ ସେନ୍ଦହରା ବାଦ୍ଲାଅକାଦ୍ ହରାତେ ନାହାଁଃ ଆଇଙ୍ଗ୍ ରାସ୍କାଅଃ ତାନାଲ୍ଲ । ପାରମେଶ୍ୱାର୍ଆଃ ମନେ ଲେକାତେ ଆପେ ନେ ଦୁକୁ ସାହାଡ଼ିଙ୍ଗ୍କାଦାପେ । ଏନାତେ ଆଲେୟାଃ ହରାତେ ଆପେ ଜେତାଲେକାତେ କାପେ ହାନିକାନା । ୧୦ ଚିୟାଃଚି ନେ ଲେକାନ୍ ଦୁକୁ ପାରମେଶ୍ୱାର୍ଆଃ ହରାତେ ବେଭାର୍ତକେଦ୍ରେ ମନ୍ସୁରୁଦ୍ ନେଲେକା ବାଦ୍ଲାଅଃରେଦ୍ ଜାଉବାଞ୍ଚାଅ ନାମଃଆ । ନେଆଁରେ ହୁଡ଼ିଙ୍ଗ୍ଜାଉଃରେୟାଃ ଜେଡ଼ନାଃ ବାନଃଆ । ମେନ୍ଦ ସାଂସାର୍ରେୟାଃ

☆ ୭:୫ ୭:୫ ୨ କବିଚ୍ଛିନ୍ଦ ୭:୧୩.

ଦୁକୁରେ ଏସକାର୍ ଗନଏଃ ହବାଅଃଆ । ୧୧ ନେଲେପେ, ପାର୍ମ୍ଭେଶ୍ଵାର୍ଆଃ ଇକ୍ଷାସାନାକ୍ ଲେକାତେ ଆପେ ଅକନ୍ ଦୁକୁପେ ନାମାକାଦା, ଏନା ଆପେତାଃରେ ତିମିନ୍ ରାସ୍କା, ତିମିନ୍ ବର, ତିମିନ୍ ଚିହ୍ନୁଟ୍, ଆମ୍ବା ସୁଧରାଅ ନାକ୍ ତିମିନ୍ ଉନ୍ନୁଦୁବ୍, ଏଡକାନ୍ ହଡକକେ ସାଜାଇ ଏମ୍ ନାକ୍ ତିମିନ୍ ଚିହ୍ନୁଲ୍ଲାନା କାଜିକ ହବାକାନା । ନେ ସବେନ୍ ବିଷାଏରେ ଆପେ ବେଗାର୍ ତିଟାକାନ୍ ଲେକାପେ ଉଦୁବାକାନା ।

୧୨ ଆପେକଏତେ ଜେତାଏ ଏଡକାନ୍ କାମିକାଦାଏ ଚାଏ ଏଡକାନ୍ ସାହାତିକ୍କାଦାଏ, ଇନିୟାଃ ନାଗେନ୍ତେ ଆଇକ୍ ଏନ୍ ଚିଠି କାଇକ୍ ଅଲ୍ଲାକାଦା । ମେନ୍ଦ ଦ ପାର୍ମ୍ଭେଶ୍ଵାର୍ଆଃ ନେପେଲ୍ରେ ଆଲେ ନାକ୍ ଆପେୟାଃ ଭକ୍ତି ତିମିନ୍ ଇକିରା ଆତଃ ୧୩ ଏନା ନାକ୍ ଆଲେ ତିମିନ୍ ଜୀଉରାଡେଃ ନାମାକାଦାଲେ । ଏନା ଉଦୁବ୍ ନାଗେନ୍ତେ ଆଇକ୍ ଏନ୍ ଚିଟାଉ ଅଲ୍ଲାକାଦାଇକ୍ । ଆଲେ ଜୀଉରାଡେଃ ଏସକାର୍ କାଲେ ନାମାକାଦା, ମେନ୍ଦ ଆପେ ତିତସ୍କେ ସବେନ୍ ଲେକାତେ ଦେକ୍ଷାତାନ୍ଲଃ ଚିଲ୍ଲକା ରାସ୍କା କାଇଜାପେ, ଏନା ଆଲେକେ ପୁରାଃଗି ରାସ୍କାଲେତାନା । ୧୪ ଆୟାଃ ଆୟାର୍ରେ ଆପେ ନାଗେନ୍ତେ ଆଇକ୍ ଆପାନ୍କେ ମାରାକ୍ ମେନ୍ତେଇକ୍ କାଜିତାନା । ଆତଃ ଆପେ ଆଇକ୍କେ କାପେ ହୁଡିକ୍ଜୀଉକାଦିୟା । ଆଲେ ସବେନ୍ ଇମ୍ତା ଆପେତାଃରେ ସାର୍ତିଗିଲେ କାଜିକାଦା, ଏନ୍ଲେକାଗି ତିତସ୍ଆଃ ସାମ୍ନାକ୍ରେ ଆଲେ ଆପାନ୍କେ ମାରାକ୍ ମେନ୍ତେ କାଜିନ୍ତେୟାଃ ସାର୍ତି ତାନାଃ । ୧୫ ଚିଲ୍ଲକା ଆପେ ସବେନ୍କ ଇନିୟାଃ କାଜିକ ମାନାତିକ୍ ନାକ୍ ସେକାଡକାନ୍ ତାଇକେନାପେ ଆତଃ ବରତାନ୍, ଏକ୍ଲୀଅଃତାନ୍ଲଃ ଇନିଃକେ ଦାରମ୍ବିକ୍ସାପେ, ନେ କାଜିକ ପାହାମ୍ବେକଦତେ ଆପେ ନାଗେନ୍ତେ ଆୟାଃ ଦୁଲ୍ଲାଡ୍ ଆତଃଗି ହାରାଇଦିୟାଃତାନା । ୧୬ ଆତଃ ଆଇକ୍ ସବେନ୍ ବିଷାଏରେ ଆପେତାଃରେ ପୁରାଃଗିକ୍ ବିଶ୍ଵାସ୍ ଦାଡିୟା, ଏନାମେନ୍ତେଇକ୍ ରାସ୍କାଅଃତାନା ।

୮

ଶ୍ରୀଷ୍ଟିୟାନ୍କଆଃ ଏମଃ

୧ \*ହେ ହାଗା ମିଶିକ, ମାକିଦନିଆରେୟାଃ କାଲିସିୟାକରେ ଚିଲ୍ଲକା ପାର୍ମ୍ଭେଶ୍ଵାର୍ଆଃ ସାୟାଦ୍ ନାମାକାଦାକ, ଏନା ଆପେକେ ଉଦୁବ୍ ନାଗେନ୍ତେ ସାନାକ୍ତାନାଲେ । ୨ ଇନ୍କୁ ପୁରାଃ ଦୁକୁତେ ପୁରାଃଗିକ ବିଡାଅୟାନା । ଇନ୍କୁ ପୁରାଃଗି ନାରାଦୁରାକ ତାଇକେନ୍ରେୟ, ଆକଆଃ ଏମଃରେ, ତିମିୟାକ୍ ଏମ୍ରେୟାଃ କାଜି ଏନାଏତେ ଆଦ୍କା ସୁକୁମନ୍ତେକ ଏମ୍କେଦା । ୩ ଆଇକ୍ ସାର୍ତିଗି ଗାଞ୍ଜା ଏମ୍ତାନାକ୍, ଇନ୍କୁ ଆକଆଃ ଇକ୍ଷାସାନାକ୍ ଲେକାତେ ତିମିନାକ୍ ଏମ୍ ଦାଡିରେୟାଃ ପେଡେଃ ମେନାଃ ଇମ୍ନାକ୍ ଏମ୍କେଦାକ ଆତଃ ଏନାଏତେ ଆଦ୍କାହ୍ ଏମ୍କେଦାକ । ୪ ଯିହୁଦାରେ ତାଇନ୍ତାନ୍ ପାର୍ମ୍ଭେଶ୍ଵାର୍ଆଃ ହଡକକେ ଦେକ୍ଷାକ ନାଗେନ୍ତେ ଇନ୍କୁକେ ସୁୟୋଗ୍ ନାମଃକା ମେନ୍ତେ ଇନ୍କୁ ଆଲେକେ ବିକ୍ତିକାଦ୍ଲେ ତାଇକେନାକ । ୫ ଇନ୍କୁତାଃଏତେ ଆଲେ ଇମ୍ନାକ୍ କାଲେ ଆସ୍ତାକାଦ୍ ତାଇକେନା । ସିଦାତେ ଇନ୍କୁ ଆପାନ୍ ଆପାନ୍କେ ପ୍ରାଭୁତାଃରେକ ଜିମାକାନ୍ ତାଇକେନା ଆତଃ ତାୟମ୍ତେ ପାର୍ମ୍ଭେଶ୍ଵାର୍ଆଃ ଇକ୍ଷା ଲେକାତେ ଆପାନ୍ ଆପାନ୍କେ ଆଲେୟାଃ ନାଗେନ୍ତେକ ଜିମାୟାନା । ୬ ତିତସାଃ ଦେକ୍ଷାତେ ନେ ସାୟାଦ୍ରାଃ କାମି ଏଟେଦ୍କାନ୍ ତାଇକେନା । ନେ କାମି କାମିଇଦିୟାଃକା ଆତଃ ନେ ଦୁଲ୍ଲାଡ୍ରେୟାଃ ସେଞ୍ଜାକାମିରେ ତିତସ୍ ଆପେକେ ଦେକ୍ଷାପେକା ମେନ୍ତେ ଆଲେ ତିତସ୍କେ ବିକ୍ତିକାଇ ତାଇକେନାଲେ । ୭ ମେନ୍ଦ ଆପେ ସବେନ୍ ବିଷାଏରେ କିସାଣ୍ଟକାନାପେ, ବିଶ୍ଵାସ୍ରେ, ଜାଗାର୍ରେ ପକ୍ତା, ସେଣ୍ଟାନ୍ରେ, ଦେକ୍ଷାରେ ଚିହ୍ନୁଲ୍ଲାକାନାପେ, ଆତଃ ଆଲେ ନାଗେନ୍ତେ

\* ୮:୧ ୮:୧ ରୋମି ୧୫:୨୭.

ଆପେୟାଃ ଦୁଲ୍ଲାଡ଼଼ ପୁରାଃତେ ଉଦୁବ୍‌କାଦାପେ । ଏନ୍ତେ ନେ ସାୟାଦ୍‌ରେୟାଃ  
ସେଞ୍ଜାକାମିରେୟ ଧାନ୍ ଏମ୍‌କେଦ୍‌ତେ ଦୁଲ୍ଲାଡ଼଼ରେୟାଃ ପାରିତାଏ ଏମେପେ, ଏନା  
ଆଇଁୟାଃ ସାନାଙ୍ଗତାନାଃ ।

୮ ଆଇଙ୍ଗ୍ ଆପେକେ ହୁକୁମ୍ ଏମ୍‌ତାନ୍ ଲେକା କାଇଙ୍ଗ୍ କାଜିତାନା, ମେନ୍‌ଦ  
ସେଞ୍ଜାକାମିରେ ଏଟାଃକଥାଃ ଇଛାସାନାଙ୍ଗ୍‌ରେୟାଃ ନାମୁନା ଏମ୍‌କେଦ୍‌ତେ ଆପେୟାଃ  
ଦୁଲ୍ଲାଡ଼଼ରେୟାଃ ସାଠ୍‌ତିତେୟାଃ ଆଟ୍‌କାର୍‌ଉରୁମ୍ ନାଗେନ୍ତେଇଙ୍ଗ୍ ସାନାଙ୍ଗତାନା ।  
୯ ଆପେ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍‌କେପେ ସାରିତାନା । ଆପେକେ  
କିର୍ସାଣ୍ ବାଇପେ ନାଗେନ୍ତେ, ଇନିଃ କିର୍ସାଣ୍ ତାଇକେନ୍‌ରେୟ, ଆପେୟାଃ ନାଗେନ୍ତେ  
ଆଇଃକ୍‌ଗି ନାରାଦୁରାୟାନା ।

୧୦ ନେ ବିଷାଏରେ ଆଇଁୟାଃ ବିଚାର୍ ହବାଅଃତାନା, ସେନଃୟାନ୍ ସିମ୍‌ଆପେ  
ଅକ୍‌ନାଃ ଏଟେଦ୍‌କାଦ୍ ତାଇକେନାପେ, ଏନା ନାହାଁଃ ଚୁଣ୍ଡ ଛିକା ନାଗେନ୍ତେ ଆପେକେ  
ଲାଗାତିଙ୍ଗ୍‌ୟାଃ । କାମି ରିକାରେ ଏସ୍‌କାର୍ କାହାଗି, ମେନ୍‌ଦ ଏନ୍ କାମି ରିକା  
ନାଗେନ୍ତେ ସାନାଙ୍ଗ୍‌ତେୟାଃରେ ଆପେ ହବାଅଃତାନାପେ ପାହିଲା । ୧୧ ଏନାତେ କାମି  
ରିକାଇଦିକାତେପେ ଆତଃ ଆପେୟାଃ ନେତାଲେକା ଏନ୍ କାମିକେ ଚାବାଏପେ ।  
ଉହାଟ୍‌ତାନ୍ ତାଇକେନ୍ ଇମ୍‌ତା ଆପେୟାଃ ଅକନ୍ ଇଛାସାନାଙ୍ଗ୍ ତାଇକେନା, ଏନ୍  
ଲେକାଗି କାମି ଚାବାଏ ଜାକେଦ୍ କାମିକାତେପେ । ୧୨ ଏମ୍ ନାଗେନ୍ତେ ଇଛାସାନାଙ୍ଗ୍  
ମେନାଃରେଦ୍, ଆପେ ଅକ୍‌ନାଃ ଏମ୍ ନାଗେନ୍ତେ ଦାଡ଼ିୟାପେ, ଏନାକେ ପାର୍‌ମେଶ୍ୱାର୍  
ତେଲ୍ୟାୟାଏ । ଆପେତାଃରେ ମେନାତେୟାଃଏତେ ଆଦ୍‌କା ଏମେପେ ମେନ୍ତେ  
ପାର୍‌ମେଶ୍ୱାର୍ କାଏ ସାନାଙ୍ଗ୍‌ଆଃ ।

୧୩ ଆପେୟାଃ ତେତାନ୍‌ରେ ବାହାରମ୍ ଲାଦିକେଦ୍‌ତେ, ଏଟାଃକ ସୁକୁ ନାମେକାକ  
ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗତାନା । ୧୪ ମେନ୍‌ଦ ନାହାଁଃ ଆପେୟାଃ ପୁରାଃଗି  
ମେନାଃ ହରାତେ, ଜାଞ୍ଜିଆକାନ୍ ହଡ଼କକେ ଆପେକେ ଦେଙ୍ଗା ଲାଗାତିଙ୍ଗ୍‌ୟାଃ ।  
ନେତା ସେଟେ'ରା, ଆପେ ଜାଞ୍ଜିଆକାନ୍ ତାଇନଃ ଇମ୍‌ତା, ଇନ୍‌କୁତାଃରେ ପୁରାଃଗି  
ତାଇନଃରେ ଆପେୟାଃ ଲାଗାତିଙ୍ଗ୍‌ତେୟାଃ ପୁରାଏ ନାଗେନ୍ତେକ ଦେଙ୍ଗାପେୟା  
। ନେ ଲେକାତେ ଆପେ, ଆପେୟାଃ ଆଲାରେ ମିଦ୍‌ଜକାଗି ଦେଙ୍ଗା ହବାଅଃଆ  
। ୧୫ ଧାରାମ୍‌ପୁଅରେ ଅଲ୍ଲାକାନା, “ଜେତାଏ ପୁରାଃଗି ହୁଣ୍ଡିକେଦା, ଇନିୟାଃ କା  
ବାଚାୟାନା, ଆତଃ ଜେତାଏ କାଟିଃଗି ହୁଣ୍ଡିକେଦା, ଇନିୟାଃ କା ଜାଞ୍ଜିୟାନା ।”

### ତିତସ୍ ଆତଃ ଆୟାଃ ଗାତିରେ କାମିତାନ୍‌କ

୧୬ ପାର୍‌ମେଶ୍ୱାର୍‌ଆଃ ଧାନ୍ୟାବାଦ୍ ହବାଅଃକା, ଚିୟାଃତି ଆବୁଆଃ ଲେକା  
ତିତସ୍‌ଆଃ ମନ୍‌ସୁରୁଦ୍‌ରେ ହଗି ଆପେକେ ଦେଙ୍ଗା ନାଗେନ୍ତେ ଇଛାସାନାଙ୍ଗ୍ ହବାକାନା  
। ୧୭ ଇନିଃ ଆଲେୟାଃ ବିନ୍ତ୍ରକେ ଏସ୍‌କାର୍ ଦାରମ୍‌କେଦାଏ ମେନ୍ତେଦ୍ କାହାଗି,  
ମେନ୍‌ଦ ଆପେକେ ଦେଙ୍ଗାପେ ନାଗେନ୍ତେ ନିମିନାଙ୍ଗ୍ ଇଛାସାନାଙ୍ଗ୍ କେଦାଏ ଯେ,  
ଇନିଃ ଆଇଃକ୍‌ଗି ଆପେତାଃତେ ସେନ୍ ନାଗେନ୍ତେ ମନେକେଦାଏ । ୧୮ ଆଲେ  
ଆୟାଃଲଃ ଆତଃମିଆଁଦ୍ ହାଗାକେଲେ କୁଲିତାନା । ଇନିଃ ସୁକୁକାଜି ଉଦୁବ୍‌ରେ  
ସବେନ୍ କାଲିସିୟାରେ ପୁରାଃଗି ମାଇନ୍ ନାମାକାଦାଏ । ୧୯ ଏନା ଏସ୍‌କାର୍ କାହାଗି,  
ଇନିଃ ହଗି ଆବୁଆଃ ସୁନ୍‌ସାର୍ ହରାତେ ହବାକାନ୍ ନେ ପ୍ରାଭୁଆଃ ମାନାରାଙ୍ଗ୍  
ଆତଃ ଆଲେୟାଃ ଜହାର୍ ଉଦୁବ୍ ନାଗେନ୍ତେ ଅକନ୍ ସାୟାଦ୍‌ରେୟାଃ କାମି ଆଲେ  
ନାମାକାଦାଲେ, ଏନାରେ ଆଲେଲଃ ହରାସେନ୍ ନାଗେନ୍ତେ କାଲିସିୟା ଇନିଃକେ  
ସାଲାକାଇଜା ।

୨୦ ଲେବେଃ ମନ୍‌ତେ ଏମାକାନ୍ ନେ ସୁନ୍‌ସାର୍‌ରେୟାଃ ବାର୍‌ଦାନ୍‌କେ ଆଲେ ପୁରାଃ  
ଚିର୍ଗାଲ୍‌ତେ ବାଉରାଅ ତାନାଲେ, ଜେ'ଲେକାଟି ଜେତାଏ ଆଲେକେ କାକ ଚିଟା

ଦାଡ଼ିୟା ।<sup>୨୧</sup> ଚିନ୍ତାଧରୀ ଆଲେ ପ୍ରାଭୁଆଃ ସାମନାଙ୍ଗରେ ଏସକାର୍ କାହାଗି ମେନ୍ଦ ହଡ଼କଆଃ ସାମନାଙ୍ଗରେହ ବୁଗିନାଃଲେ ଉଡ଼ୁତାନା ।

<sup>୨୨</sup> ଏନାତେ ଆଲେ ଇନ୍ଦୁଲୁଲଃ ଆଲେୟାଃ ହାଗାକେଲେ କୁଲିତାନା । ଆଲେ ଇନିଃକେ ପୁରାଃଗି ବିଡ଼ାଅକେଦତେ ଇନିଃକେ ପାତିୟାର୍‌ରଃ ଲେକାଲେ ନାମ୍‌କିୟା । ଆପେୟାଃ ଚେତାନରେ ଆୟାଃ ପୁରାଃ ଆସ୍ରା ତାଇନ୍ ହରାତେ, ଇନିଃ ଆପେକେ ଦେଙ୍ଗାପେ ନାଗେନ୍ତେ ପୁରାଃଗି ମନେକାଦା ।<sup>୨୩</sup> ତିତସ୍ୟଆଃ ପାରିତାଏ ନେଆଁତାନାଃ, ଇନିଃ ଆଇଁୟାଃ ଗାତିରେ କାମିତାନିଃ ତାନିଃ ଆତଃ ଆପେକେ ଦେଙ୍ଗାରେ ଆଇଁୟାଃଲଃ ମେସାକାନିଃ ତାନିଃ । ଆତଃ ଆଇଁୟାଃଲଃ ସେନ୍‌ତାନ୍ ଏଟାଃ ବିଶ୍ୱାସୀ ହାଗାକ ହବାଅଃତାନାକ : କାଲିସିୟା ହରାତେ କୁଲ୍ୟାକାନ୍‌କ ଆତଃ ଖ୍ରୀଷ୍ଟୁଆଃ ମାନାରାଙ୍ଗ ଆଉଖେ ଲେକାନ୍‌କ ତାନ୍‌କ ।<sup>୨୪</sup> ଏନାମେନ୍ତେ, ଇନ୍ଦୁକୁକେ ଆପେୟାଃ ଦୁଲ୍ଲାଡ଼ ଉଦୁବକପେ । ଏନାରେ ସବେନ୍ କାଲିସିୟାକ ନେ ବିଷାଏରେ ଠାଉକା ହବାଅଃଆ ଆତଃ ଆପେ ନାଗେନ୍ତେ ଆଲେ ଆପାନ୍‌କେ ମାରାଙ୍ଗ ମେନ୍ତେ କାଜିନ୍‌ତାନ୍‌ତେୟାଃ ସାର୍‌ତି ମେନ୍ତେକ ଆଟ୍‌କାର୍ ଦାଡ଼ିୟା ।

## ୯

ଏଟାଃ କାଲିସିୟାରେନ୍ ବିଶ୍ୱାସୀକ ନାଗେନ୍ତେ ଦେଙ୍ଗା

<sup>୧</sup> ଯିହୁଦାରେ ତାଇନ୍‌ତାନ୍ ପାରମେଶ୍ୱାର୍‌ଆଃ ହଡ଼କତାଃତେ ଦେଙ୍ଗା କୁଲେ ନାଗେନ୍ତେ ଆପେକେ ଜେଡ଼ନାଃ ଅଲ୍ ନାଙ୍ଗ କା ଲାଗାତିଙ୍ଗୟାଃ ।<sup>୨</sup> ଆଇଙ୍ଗ ଆପେୟାଃ ଚିହ୍ନୁଲ୍‌ଲାନ୍ କାମିକ ସାରିତାନାଇଙ୍ଗ, ଆପେ ସବେନ୍ ଇମ୍‌ତା ଦେଙ୍ଗା ନାଗେନ୍ତେପେ ସେକାଡ଼ାକାନା ଆତଃ ମାକିଦନିଆରେନ୍ ହଡ଼କଆଃ ସାମନାଙ୍ଗରେ ଆପେୟାଃ ବିଷାଏରେ ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେଇଙ୍ଗ କାଜିକାଦା । ଆଇଙ୍ଗ କାଜିକାଦ୍ ତାଇକେନାଇଙ୍ଗ, “ଆଖାୟାରେନ୍ ହାଗାକ ଦେଙ୍ଗା ନାଗେନ୍ତେ ସେକାଡ଼ାକାନ୍ ମେନାକଆ ।” ଆପେୟାଃ ଚିହ୍ନୁଲ୍‌ଲାନ୍ କାମିକ ଇନ୍ଦୁକୁକଏତେ ପୁରାଃ ହଡ଼କକେ ଚେଡ଼ଗାର୍ କାଦକଆ ।<sup>୩</sup> ନାହାଃ ଆଇଙ୍ଗ ନେ ହାଗା ମିଶିକକେ ଆପେତାଃତେଇଙ୍ଗ କୁଲ୍‌କତାନା । ଜେ'ଲେକାତି ଆପେୟାଃ ବିଷାଏରେ ଆଲେ ଆପାନ୍‌କେ ମାରାଙ୍ଗୟେନ୍ କାଜିନ୍‌ତାନ୍‌ତେୟାଃ ଆଲକା ସାମାଏଶ୍ୱାଗଃକା । ଆଇଁୟାଃ କାଜି ଲେକାତେ ଆପେ ଦେଙ୍ଗା ଏମ୍ ନାଗେନ୍ତେ ସେକାଡ଼ାକାନ୍ ତାଇନ୍‌ପେ ।<sup>୪</sup> ମାକିଦନିଆରେନ୍ ହଡ଼କ ଆଇଁୟାଃଲଃ ସେନ୍‌କେଦ୍‌ତେ ଆପେକେ କା ସେକାଡ଼ାକାନ୍ ନେଲ୍‌ପେରେଦ୍, ଆପେୟାଃ ଚେତାନରେ ଆଲେୟାଃ ପକତା ଆସ୍ରା ତାଇନ୍ ହରାତେ ଆଲେ ଗିହୁଗଃଆଲେ, ସାର୍‌ତି କାଜିଲେରେ, ଏନା ଆପେ ନାଗେନ୍ତେୟାଃ ଗିହୁଗଃଆଃ କାଜି ହବାଅଃଆ ।<sup>୫</sup> ଆପେ ଦାନ୍ ଏମ୍ ନାଗେନ୍ତେ ସିଦାରେ ବାନାର୍‌ସା ଏମାକାଦ୍ ତାଇକେନାପେ, ଏନାକେ ହାରିମ୍ ନାଗେନ୍ତେ ଆଇଙ୍ଗ ନେ ହାଗା ମିଶିକକେ ସିଦାରେ ଆପେତାଃତେ ସେନ୍ ନାଙ୍ଗ, ଆଚୁତେୟାଃ ବୁଗିନାଃ ହବାଅଃଆ ମେନ୍ତେଇଙ୍ଗ ଆଟ୍‌କାର୍‌କେଦା । ଜେ'ଲେକାତି ଆଇଙ୍ଗ ଆପେତାଃତେ ସେଚେର୍ ଇମ୍‌ତାଲଃ ଏନ୍ ଦାନ୍ ଉଖାରାଅକେଦ୍‌ତେ ଦହାକାନଗି ତାଇନା । ନେଆଁ ହରାତେ ଆପେକେ ଏମ୍ ଲାଗାତିଙ୍ଗୟାଃ ଲେକା କା ଏମ୍‌କେଦ୍‌ତେ ଆପ୍‌ନାଃ ସାନାଙ୍ଗ ଲେକା ଏମ୍‌ତାନାପେ ମେନ୍ତେ ଉଦୁବଃଆ ।

<sup>୬</sup> ପାହାମେପେ, କାଟିଃ ଲେକା ହିତା ହେରେତାନ୍‌ନିଃ, କାଟିଃ ଲେକାଗି ଇରେୟା, ଆତଃ ପୁରାଃ ହିତା ହେରେତାନ୍‌ନିଃ ପୁରାଃଗି ଇରେୟା ।<sup>୭</sup> ଏନାତେ, ଅକଏ ଚିଲ୍‌କା ମନ୍‌ରେ ଉଡ଼ୁକାଦାଏ, ଇନିଃ ଏନ୍ ଲେକାଗି ଏମେକାଏ ଆତଃ ଇନିଃ ଏମେତାନ୍‌ତେୟାଃ ହୁଡ଼ିଙ୍ଗାଉତେ ଚାଏ ମାମ୍‌ରାଙ୍ଗ୍‌ତେ ଆଲକାଏ ଏମେକା । ଚିନ୍ତାଧରୀ ପାରମେଶ୍ୱାର୍‌ଦ ରାସ୍‌କାତେ ଏମଃନିଃକେ ଦୁଲ୍ଲାଡ଼ାଏ ।<sup>୮</sup> ସବେନ୍ ବିଷାଏ ସବେନ୍ ଇମ୍‌ତା ପୁରାଃତେ ନାମ୍‌କେଦ୍‌ତେ, ଆପେ ଜେ'ଲେକା ସବେନ୍ ବୁଗିନ୍

କାମି ନାଗେନ୍ଦ୍ର ପୁରାଃ ଆଦକାଗି ଏମ୍ ଦାଡ଼ିୟାପେ, ଏନାମେନ୍ଦ୍ର ପାର୍ମେଶ୍ଵାର୍ ଆପେକେ ସବେନ୍ ଲେକାନ୍ ସାୟାଦ୍ ପୁରାଃଗି ଏମ୍ ଦାଡ଼ିନିଃ ତାନିଃ । ୯ ଧାରାମ୍ ପୁଥ୍ରେ ଅଲ୍ଲାନାନ୍ ଲେକା, “ଇନିଃପ ରେଞ୍ଜେଃକକେ ହାଟିଙ୍ଗକ ତାନା, ଇନିୟାଃ ଧାର୍ମାନତେୟାଃ ଜାନାଅ ଜାନାଅଗି ମେନାଃ ।”

୧୦ ହିତାହେର୍ ହଡ଼କକେ ପାର୍ମେଶ୍ଵାର୍ ହେର୍ ନାଗେନ୍ଦ୍ର ହିତା ଆଡ଼ଃ ଜମ୍ ନାଗେନ୍ଦ୍ର ହଲଙ୍ଗ୍ ଏମାଃଏ, ଇନିଃ ଆପେୟାଃ ଲାଗାତିଙ୍ଗ୍ ଲେକା ହିତାଏ ଯୋଗାଅପେୟା ଆଡ଼ଃ ଏନାକେ ହାରାଇଚିୟା, ଆଡ଼ଃ ଆପେୟାଃ ରୁଗିନ୍ ବିଷାଏରେୟାଃ ଜ ପୁରାଃଗି ପସା ଇଦିୟଃଆ । ୧୧ ଆପେ ଜେ'ଲେକା ଲେବେଃମନ୍ତେ ଦାନ୍ ଏମ୍ ଦାଡ଼ିୟାପେ, ଏନାମେନ୍ଦ୍ର ପାର୍ମେଶ୍ଵାର୍ ଆପେକେ ସବେନ୍ ବିଷାଏରେ କିର୍ସାଣ୍ଡପେୟା ଆଡ଼ଃଆଲେୟାଃ ହରାତେ ଆପେ କୁଲ୍ଲାନାଦ୍ ଦାନ୍ ନାଗେନ୍ଦ୍ର ପୁରାଃ ହଡ଼କ ପାର୍ମେଶ୍ଵାର୍ କେ ଧାନ୍ୟାବାଦକ୍ ଏମାଇୟା । ୧୨ ଆପେୟାଃ ଏମାଃରେୟାଃ ସେଞ୍ଜା ହରାତେ ପାର୍ମେଶ୍ଵାର୍ ଆଃ ହଡ଼କଆଃ ଜାଞ୍ଜିଅଃତେୟାଃ ସାଞ୍ଜିନଃଆ, ଏନା ଏସକାର୍ କାହାଗି, ମେନ୍ଦ୍ ନେ ଏମାଃ ହରାତେ ପୁରାଃ ହଡ଼କ ପାର୍ମେଶ୍ଵାର୍ କେ ଧାନ୍ୟାବାଦକ୍ ଏମାଇୟା । ୧୩ ନେ ସେଞ୍ଜାକାମି ହରାତେ ଖ୍ରୀଷ୍ଟୁଆଃ ସୁକୁକାଜି ନାଙ୍ଗ୍ ଆପେୟାଃ ପାତିୟାର୍ରେୟାଃତେୟାଃ ଆଡ଼ଃ ସବେନ୍ କଲଃ ମେନେସାରେୟାଃ ଲେବେଃମନ୍ତ ହରାତେ ଇନ୍କୁ ପାର୍ମେଶ୍ଵାର୍ ଆଃ ମାନାରାଙ୍ଗକ ଉଦୁବେୟା । ୧୪ ଆଡ଼ଃ ଆପେୟାଃ ନାଗେନ୍ଦ୍ର ପାର୍ମେଶ୍ଵାର୍ ଆଃ ସାୟାଦ୍ ପୁରାଃଗି ହବାଅଃକା ମେନ୍ଦ୍ର ଇନ୍କୁ ପୁରାଃ ଇଛାସାନାଙ୍ଗଲଃ ପାର୍ମେଶ୍ଵାର୍ ତାଃରେ ବିନ୍ଦିୟାକ । ୧୫ ଦଲାରୁ, ପାର୍ମେଶ୍ଵାର୍ ଆଃ ପୁରାଃ ଗନଙ୍ଗ୍ ଆନ୍ ଦାନ୍ ନାଗେନ୍ଦ୍ର, ଇନିଃକେ ଧାନ୍ୟାବାଦକ୍ ଏମାଇୟା ।

## ୧୦

କା ଲାଗାତିଙ୍ଗ୍ ଉନ୍ନୁଦୁବ୍ରେ ପାଉଲୁସ୍ ଆଃ କାଜିରୁହାଡ଼୍

୧ ଆଇଙ୍ଗ୍ ପାଉଲୁସ୍, ଆପେକେ ଆଇୟାଃ ଆପାନ୍ ସାଃଏତେଇଙ୍ଗ୍ ବିନ୍ଦିପେତାନା, ଚିମିନ୍ ହଡ଼କ କାଜିୟାଃକ, “ଆଇଙ୍ଗ୍ ଆପେତାଃରେ ତାଇକେନ୍ ଇମ୍ତା ପୁରାଃଗି ଲେବେଃମନ୍ ଆଡ଼ଃ ହୁଡ଼ିଙ୍ଗମନ୍ ଲେକାନ୍ ନିଃ ତାଇକେନାଇଙ୍ଗ୍, ମେନ୍ଦ୍ ଆପେତାଃହେତେ ସାଞ୍ଜିନ୍ତେ ସେନଃୟାନ୍ରେ ପୁରାଃ କେଟେଦମନ୍ ଲେକାନ୍ ନିଃ ତାନିଙ୍ଗ୍ ।” ଖ୍ରୀଷ୍ଟୁଆଃ ଲେବେଃମନ୍ ଆଡ଼ଃ ଦାୟା ହରାତେ ୨ ଆଇଙ୍ଗ୍ ଆପେକେ ବିନ୍ଦିକେଦ୍ରେ କାଜିପେତାନାଇଙ୍ଗ୍, ଆପେଲଃ ନେପେଲ୍ ଇମ୍ତା ଆଇଙ୍ଗ୍ କେ ଆପେ ଆଲ୍ପେ ଖ୍ପସଇଚିଙ୍ଗ୍, ଚିୟାଃଗି ଆଲେ ସାଂସାର୍ରେୟାଃ ରିତିନିତି ଲେକା ସେସେନ୍ତାନାଲେ ମେନ୍ଦ୍ର ଅକନ୍ ହଡ଼କ କାଜିତାନାକ, ଇନ୍କୁଆଃ ବିରୁଧ୍ରେ ପୁରାଃତେ କାଜିନାଙ୍ଗ୍ ଆଇଙ୍ଗ୍ କାଇଙ୍ଗ୍ ବରତାନା । ୩ ଆରୁ ନେ ଅତେଦିଶ୍ଵମ୍ରେ ତାଇନଃ ତାନାରୁ ଏନା ସାର୍ତିଗି ତାନାଃ, ମେନ୍ଦ୍ ଆରୁ ସାଂସାର୍ରେନ୍ ହଡ଼କ ଲାଡ଼ାଇତାନ୍ ଲେକା, କାରୁ ଲାଡ଼ାଇନ୍ତାନା । ୪ ମେନ୍ଦ୍ ଆରୁ ଲାଡ଼ାଇ ନାଗେନ୍ଦ୍ର ନେ ଅତେଦିଶ୍ଵମ୍ରେୟାଃ ହାଁତେୟାର୍ କାରୁ ବେଭାର୍ ଆଃ, ମେନ୍ଦ୍ ପାର୍ମେଶ୍ଵାର୍ ଆଃ ପେଡ଼ଃୟାନ୍ ହାଁତେୟାର୍ ବେଭାର୍ କେଦ୍ରେ ବାଇରିକଆଃ କେଟେୟାନ୍ ହରତାନ୍ ଠାୟାଦ୍ କେ ଜିୟନ୍ତାନାରୁ । ଆରୁ ହସଡ଼ ଜାଗାର୍ କକେହ୍ ଜିୟନ୍ତାଃରୁ । ୫ ପାର୍ମେଶ୍ଵାର୍ ଆଃ ସେଣାନ୍ ବିରୁଧ୍ରେ ବିରିଦ୍ ତାନ୍ ସବେନ୍ କାଜିକଟଙ୍ଗ୍ ତେୟାଃକେ ଆଲେ ଆଡ଼ମ୍ ତାଃଲେ ଆଡ଼ଃ ହଡ଼କଆଃ ସବେନ୍ ଉଡ଼ୁ ଆବରରେ ଦହକେଦ୍ରେ ଖ୍ରୀଷ୍ଟୁକେ ମାନାତିଙ୍ଗ୍ ନାଗେନ୍ଦ୍ର ବାଇକଆ । ୬ ଆଡ଼ଃ ଚିମ୍ତା ଆପେ ପୁରା ଖ୍ରୀଷ୍ଟୁଆଃ ମାନାତିଙ୍ଗ୍ ତାନ୍ ଲେକାପେ ହବାଅଃ ତାୟମ୍ତେ, ଆପେ ଆଲାରେ ଜେତାଏ କା ମାନାତିଙ୍ଗ୍ ତାନ୍ ନିଃ ଲେକାଏ ନେଲଃରେ, ଆଲେ ଇନିଃକେ ସାଜାଇ ଏମ୍ ନାଗେନ୍ଦ୍ର ସେକାଡ଼ାକାନାଲେ ।

୭ ଆପେୟାଃ ଉପୁନ୍‌ସାଃରେ ଚିନାଃ ହବାଅଃତାନା, ଏନା ନେଲେପେ । ଆପେକଏତେ ଜେତାଏ, ଆପାନ୍‌କେ ଶ୍ରୀଷ୍ଟିଆଃ ତାନିଙ୍ଗ୍ ମେନ୍ତେ ବିଶ୍ୱାସ୍‌ତାନ୍‌ନିଃ ମେନାଲୟାତି ? ମେନାଲରେଦ, ଇନିଃ ଆତଃମିସାଏ ଉଡ଼୍‌ଝୁରତା, ଚିୟାଃତି ଇନିୟାଃ ଲେକା ଆବୁହ ଶ୍ରୀଷ୍ଟିକେ ବିଶ୍ୱାସ୍‌ତାନ୍ ହଡ଼କ ତାନ୍‌ବୁ । ୮ ଆପେକେ ଜିୟନ୍‌ପେ ନାଗେନ୍ତେଦ କାହା, ମେନ୍‌ଦ ବାଇଇଦିପେ ନାଗେନ୍ତେ ପ୍ରାଭୁ ଆଲେକେ ଅକ ଆକ୍‌ତେୟାର୍ ଏମାକାଦଲେୟାଏ, ଏନା ନାଗେନ୍ତେ ଆଇଙ୍ଗ୍ ପୁରାଃଗି ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ରେଦ, ଏନାରେ ଆଇଙ୍ଗ୍ କାଇଙ୍ଗ୍ ଗିହୁଗଃଆ । ୯ ଆଇଁୟାଃ ଚିଠି ହରାତେ ଆପେକେ ବତଙ୍ଗ୍‌ପେ ନାଗେନ୍ତେ ଆଇଙ୍ଗ୍ ସାନାଙ୍ଗ୍‌ତାନା । ୧୦ ଚିମିନ୍ ହଡ଼କ କାଜିୟାଃ, “ପାଉଲୁସ୍‌ଆଃ ଚିଠିକ ପୁରାଃ ହାସୁଆନ୍‌ଗିଆ ଆତଃ କେଟେୟାନ୍‌ଗିୟା, ମେନ୍‌ଦ ଇନିଃ ଆବୁଲଃ ତାଇକେନ୍ ଇମ୍‌ତା ହଡ଼ମରେ କା ପେଡ଼େୟାନ୍ ଆତଃ ଆୟାଃ କାଜିକ ସାମାଗି ଲେକା ଆଟ୍‌କାରଃ ତାଇକେନା ।” ୧୧ ଏନ୍ ହଡ଼କକେ ଆଟ୍‌କାର୍ ଉରୁମ୍ ଲାଗାତିଙ୍ଗ୍‌ୟାଃ ଯେ, ଆଲେ ଅକ୍‌ନାଃ ସାଜିନ୍‌ହେତେ ଚିଠିରେ ଅଲେତାନାଲେ, ଏନା ସାମ୍‌ନାଙ୍ଗ୍‌ରେ ତାଇକ୍‌କେଦ୍‌ତେ କାମି ରିକାତାନ୍ ଲେକାନାଃ ତାନାଃ ।

୧୨ ଚିମିନ୍ ହଡ଼କ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତାନ୍‌କଲଃ ମେସାନ୍ ଚାଏ ଇନ୍‌କୁଲଃ ଆଲେ ଆପାନ୍‌କେ ଜକାଃଅ ନାଗେନ୍ତେ ବରତାନାଲେ । ଇନ୍‌କୁ ଚିମିନ୍ ଡଣ୍ଡକ ତାନ୍‌କ, ଚିୟାଃତି ଇନ୍‌କୁ ଆକ ଆକଗି ନାପାଅଃଆକ, ଆତଃ ଆକଆଃ ଆପ୍‌ନାଃ ଲେକାତେଗି ବିଚାରଃଆକ । ୧୩ ମେନ୍‌ଦ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃ ସିମ୍‌ନାହେତେ ବାହାରିରେ ବାନଃଆ, ପାର୍‌ମେଶ୍ୱାର୍ ଆବୁ ନାଗେନ୍ତେ ଅକନ୍ କାମି ବାଇୟାକାଦାଏ, ଏନା ସିମ୍‌ନା ଭିତାରରେଗି ତାଇନା ଆତଃ ଆପେ ଆଲାରେ ମେସାଅଃଆ । ୧୪ ଏନା ନାଗେନ୍ତେ ସିଦାତେ ଆଲେ ଶ୍ରୀଷ୍ଟିଆଃ ସୁକୁକାଜି ଆପେତାଃତେ ଇଦି ସେଟେର୍ ଇମ୍‌ତାରେ ସିମ୍‌ନା ଭିତାରରେ ତାଇକେଦ୍‌ତେ କାଲେ କାମି । ୧୫ ପାର୍‌ମେଶ୍ୱାର୍ ଆବୁଆଃ ନାଗେନ୍ତେ ବାଇୟାକାଦ୍ କାମିରେୟାଃ ସିମ୍‌ନା ବାହାରିରେ ଏଟାଃକ କାମିରେୟାଃ ସୁଯୋଗ୍ ଇଦିକେଦ୍‌ତେ କାମିକାଦାକ, ଏନାରେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାରୁ କାଜିନା । ମେନ୍‌ଦ ଆଲେ ଆସ୍ତାକାଦାଲେ ଯେ, ଆପେ ବିଶ୍ୱାସ୍‌ରେ ହାରା ଇଦିୟଃତାନ୍‌ଲଃ ଆପେ ଆଲାରେ ଆଲେୟାଃ କାମି ଆତଃଗି ପାସ୍‌ରାଅ ଇଦିଅଃଆ । ମେନ୍‌ଦ ନେଆଁ ପାର୍‌ମେଶ୍ୱାର୍ ଠାହାରାଅକାଦ୍ ସିମ୍‌ନା ଭିତାରରେ ହବାଅଃଆ । ୧୬ ଏନ୍‌ରେଦ, ଏଟାଃନିୟାଃ କାମିରେ ହବାକାନ୍ କାମି ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କା କାଜିକେଦ୍‌ତେ ଆପେୟାଃ ସିମ୍‌ନା ବାହାରିରେୟାଃ ଏଟାଃ ଦିଶୁମରେୟାଗି ଆବୁ ସୁକୁକାଜି ଉଦୁବ୍ ଦାଡ଼ିୟାବୁ ।

୧୭ ମେନ୍‌ଦ ଧାରାମ୍‌ପୁଅ୍‌ରେ ଅଲକାନା, “ଜେତାଏ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ସାନାଙ୍ଗ୍‌ନିଃ, ପ୍ରାଭୁ ରିକାକାଦ୍ କାମି ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଲାଗାତିଙ୍ଗ୍‌ୟାଃ ।” ୧୮ ଚିୟାଃତି ଆପ୍‌ନାଃ ସାହାରାଅ ରିକା ହରାତେ, ଇନିଃ ମାଇନ୍ ନାମେନିଃ କାଏ ହବାଅଃଆ, ମେନ୍‌ଦ ଜେତାଏ ପ୍ରାଭୁଆଃ ନେପେଲରେ ବୁଗିନାଃ ହବାଅଃଆ, ଇନିଃ ଏସ୍‌କାର୍ ମାଇନ୍ ନାମେନିଃ ହବାଅଃଆଏ ।

## ୧୧

### ପାଉଲୁସ୍‌ ଆତଃ ହସଡ଼ ପ୍ରେରିଡ଼

୯ ଆଇଁୟାଃ ସାନାଙ୍ଗ୍ ଯେ, ଜେତା ବିଷାଏରେ କାଟିଃଲେକା ଡଣ୍ଡ ହବାଅଃରେୟା ଆପେ ଆଇଙ୍ଗ୍‌କେ ସାହାତିଙ୍ଗ୍‌ପେ । ୨ ଆଇଙ୍ଗ୍‌ଦ ପାର୍‌ମେଶ୍ୱାର୍‌ଆଃ ଚିହୁଲ୍‌ଲାନ୍ ହରାତେ ଆପେ ନାଙ୍ଗ୍ ଚିହୁଲ୍‌ଲାନ୍‌ଗି ମେନାଲୟା, ଚିୟାଃତି ଫାର୍‌ତିୟାକାନ୍ ଡିଶ୍ୱା କୁଡ଼ି ଲେକା ଶ୍ରୀଷ୍ଟିଆଃ ସାମ୍‌ନାଙ୍ଗ୍‌ରେ ଡିଙ୍ଗ୍‌ଦାଡ଼ିପେ ମେନ୍ତେ ଆଇଙ୍ଗ୍ ମିଆଁଦ୍‌ଗି

କତାନାଙ୍କୁ ଆପେୟାଃ କାଜିକଙ୍କୁ ବାଇୟାକାଦା ।<sup>୩</sup> ମେନ୍ଦ ବିକ୍ଷୁ ଆୟାଃ ଚାତୁର୍ ହସତ ହରାତେ ହାଞ୍ଜାକେ ବେଦାକିଃ ଲେକା, ଆପେୟାଗି ଶ୍ରୀଷ୍ଟକେ ପୁରା ବାଗିୟାପେ ଆତଃ ଫାଟ୍ଟିନ୍ ପାତିୟାଚ୍ଚରେନ୍ତାଃଏତେ ବିଗ୍ଠାଅଃଆପେ, ମେନ୍ତେ ଆଇଁୟାଃ ବର ମେନାଃ ।<sup>୪</sup> ଚିୟାଃଚି ଜେତାଏ ହିନ୍ତୁଃକେଦତେ ଆଲେ ଉଦୁବାକାଲ ଯାଶୁକେ ବାଗିକେଦତେ ଏଟାଃ ଜେତା ଯାଶୁଆଃ କାଜିକ ଉଦୁବେୟା ଚାଏ ଆପେ ନାମାକାଦ୍ ଆମ୍ବାକେ ବାଗିକେଦତେ ଏଟାଃ ଜେତା ଆମ୍ବାରାଃ କାଜିକ କାଜିୟା ଚାଏ ଆପେ ତେଲା ଦାରମାକାଦ୍ ସୁକୁକାଜି ବାଗିକେଦତେ ଏଟାଃ ଜେତା ସୁକୁକାଜିକ ଉଦୁବେୟା ଆତଃଆପେ ଏନାକେ ସୁକୁତେପେ ତେଲା ତାନରେଦ, ସାମାରେ ଏନାକେପେ ତେଲା ଦାରମାକାଦା ।

<sup>୫</sup> ଆପେୟାଃ ଏନ୍ ମାପରାଙ୍କୁ ପ୍ରେରିତକତାଃଏତେ ଆଇଙ୍କୁ ଜେତାଲେକାତେ ହୁଡ଼ିକ୍ ମେନ୍ତେ କାଇଙ୍କୁ ଆଚ୍ଚାରେନ୍ତାନା ।<sup>୬</sup> ହବାସାକାଅଥାଃ, ଜାଗାଚ୍ଚରେ ଆଇଙ୍କୁ ଡଣ୍ଡାଗିୟାକଙ୍କୁ, ମେନ୍ଦ ସେଣ୍ଡାନ୍ରେ ଡଣ୍ଡ ନାହାଁଲିକ୍ । ଆପେକେ ନେ କାଜିକ ଆଲେ ସବେନ୍ ଇମତା ଆତଃ ସବେନ୍ ଲେକାତେ କାଜି ଆତପେତାନାଲେ ।

<sup>୭</sup> ପାରମେଶ୍ଵରୀଃ ସୁକୁକାଜି ଉଦୁବ ଇମତା ଆଇଙ୍କୁ ଆପେତାଃଏତେ ନେଆଁରାଃ ଗନଙ୍କୁ କାଇଙ୍କୁ ଆସି । ଆଇଙ୍କୁ ଆପେକେ ବିଶେଷ୍ ହତ୍ତ ବାଇପେ ନାଗେନ୍ତେ ଆପାନ୍କେକଙ୍କୁ ହୁଡ଼ିକ୍ଚେନ୍ୟନା । ନେଆଁ ଚିନାଃ ଆଇଁୟାଃ ଗୁହ୍ନା ତାନାଃ ? 「ଆପେୟାଃ ଆଲାରେ କାମିତାନ୍ ଇମତା ଆଇଙ୍କୁ ଏଟାଃ କାଲିସିୟାକତାଃଏତେ ଏମଃରେ ଦେକ୍ଷାକଙ୍କୁ ନାମାକାଦା । କାଜିଲେରେ, ଆପେୟାଃ ଦେକ୍ଷା ନାଗେନ୍ତେ ଆଇଙ୍କୁ ଇନ୍କୁକେକଙ୍କୁ ରେଏଃକାଦକଥା ।<sup>୮</sup> ଆପେଲଃ ତାଇକେନ୍ ଇମତା ଆଇଁୟାଃ ଜଞ୍ଜିଅଃତେୟାଃ ପୁରାଅଃ ନାଗେନ୍ତେ ଆଇଙ୍କୁ ଜେତାଏକେ ଉଡ଼ଃରେ କାଇଙ୍କୁ ଉୟାକାଦକଥା । ଚିୟାଃଚି ମାକିଦନିଆଏତେ ହିନ୍ତୁଃକାନ୍ ହାଗା ମିଶିକ ଆଇଁୟାଃ ସବେନ୍ ଜଞ୍ଜିକାନ୍ତେୟାଃ ଏମାଦିୟାକ । ସିଦା ଦିପିଲି ଲେକା ହିନ୍ତୁଃ ଦିପିଲିରେୟ ଆଇଙ୍କୁ ଚିତ୍ତଲାଅ ଆପେକେ ବାହାରମ୍ କାଇଙ୍କୁ ଲାଦିପେୟା ।<sup>୯</sup> ଆଇଙ୍କୁରେ ତାଇକାନ୍ ଶ୍ରୀଷ୍ଟାଃ ସାନାଚ୍ଚି ହରାତେ, ଆଇଙ୍କୁ ବାନାର୍ସା ଏମକେଦତେ କାଜିତାନାକଙ୍କୁ ଯେ, ଆଇଙ୍କୁ ଆପାନ୍କେ ମାରାଙ୍କୁ ମେନ୍ତେ କାଜିନ୍ତେୟାଃକେ, ଆଖାୟା ଦିଶୁମ୍ରେୟାଃ ଜେତାନ୍ ପାରଗାନ୍ରେ ହାପାକେଦତେ ତାଇନ୍ କା ଦାଡ଼ିୟାଆ ।<sup>୧୦</sup> ଆଇଙ୍କୁ ଚିନାଃ ମେନ୍ତେ ନେ'ଲେକା କାଜିତାନାକଙ୍କୁ ? ଆଇଙ୍କୁ ଚିନାଃ ଆପେକେ କାଇଙ୍କୁ ଦୁଲାଡ଼ପେ ତାନା ? ଆଇଙ୍କୁ ଆପେକେ ଚିମିନ୍ ଦୁଲାଡ଼ପେ ତାନତେୟାଃ, ପାରମେଶ୍ଵର ସାରିତାନାଏ ।

<sup>୧୧</sup> ମେନ୍ଦ ନାହାଁଃ ଆଇଙ୍କୁ ଅକ୍ନାଃ କାମିତାନ୍ତେୟାଃ, କାମି ଇଦିକାତେୟାଃଇ । ଏନାରେଦ, ଆଲେ ଲେକା କାମିତାନାକ ମେନ୍ତେ ଅକନ୍ ଏଟାଃ ବିଶେଷ୍ “ପ୍ରେରିତକ” ଆପାନ୍କେ ମାରାଙ୍କୁ ମେନ୍ତେକ କାଜିନ୍ତାନା, ଇନ୍କୁ ଆତଃ ଏନା କାକ ରିକାଦାଡ଼ିୟା ।<sup>୧୨</sup> ଏନ୍ଲେକାନ୍ ହତକଦ ହସତ୍ ପ୍ରେରିତକ ତାନ୍କ ଆତଃ ବେଦା କାମିତାନ୍ ହତକତାନ୍କ, ଆକଥାଃ କାମି ବିଷାଏରେ ବେଦା କାଜି କାଜିୟାଃକ ଆତଃ ଶ୍ରୀଷ୍ଟାଃ ପ୍ରେରିତକ ଲେକା ନେଲଃ ନାଗେନ୍ତେ ଶ୍ରୀଷ୍ଟାଃ ପ୍ରେରିତକ ଲେକାକ ବାଇୟେନା ।<sup>୧୩</sup> ନେଆଁରେ ଆକଦାଦାଅ ହବାଅଃରେୟାଃ ଜେତାନ୍ କାଜି ବାନଃଆ, ଚିୟାଃଚି ସାଏତାନ୍ହ ଆଇଃକ୍ଚି ମାସ୍ତାଲ୍ରେନ୍ ଦୁଡ଼ ଲେକା ନେଲଃ ନାଗେନ୍ତେ ମାସ୍ତାଲ୍ରେନ୍ ଦୁଡ଼ ଲେକାଏ ବାଇୟେନା ।<sup>୧୪</sup> ଏନାତେ ଏନ୍ ଭେସ୍ ବାଦଲାଅ ତାନିୟାଃ ଦାସିକ, ଧାରମାନ୍ ଦାସିକ ଲେକା ବାଇୟେନ୍ରେଦ, ଏନାରେ ଆକଦାଦାଅ ହବାଅଃରେୟାଃ ଜେତାନ୍ କାଜି ବାନଃଆ, ମେନ୍ଦ ଇନ୍କୁଆଃ ଚୁଣ୍ଡୁଆକଥାଃ କାମି ଲେକାଗି ହବାଅଃଆ ।

\* ୧୧:୯ ୧୧:୯ ଚିଲିପିୟ ୪:୧୫-୧୮.

ପ୍ରେରିତ ଲେକା ପାଉଲୁସଆଃ ଦୁକୁହାସୁ

୧୭ ଆଇଙ୍ଗ ଆଡ଼ଃଗିଇଙ୍ଗ କାଜିତାନା, ଜେତାଏ ଆଇଙ୍ଗକେ ଡଣ୍ଡ ମେନ୍ତେ ଆଲକାଏ ଆଟ୍‌କାରିଙ୍ଗକା, ମେନ୍‌ଦ ଆପେ ଏନ୍‌ଲେକା ଆଟ୍‌କାରିଙ୍ଗ ରେୟ, ଆଇଙ୍ଗକେ ଡଣ୍ଡ ଲେକା ଦାର୍‌ମିଙ୍ଗପେ, ଜେ'ଲେକା ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜି ନାଙ୍ଗ କାଟିଃଲେକା ନେଡ଼ାଇଙ୍ଗ ନାମେୟା । ୧୭ ସାର୍‌ତିଗି, ନାହାଁଃ ଆଇଙ୍ଗ କାଜିତାନ୍‌ଡେୟାଃ, ଏନା ପ୍ରାଭୁଆଃ କାଜି ଲେକାତେ କାଇଙ୍ଗ କାଜିତାନା । ଚିୟାଃଟି ଆଇଙ୍ଗ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ବିଷାଏରେ ଡଣ୍ଡ ଲେକାଇଙ୍ଗ କାଜିତାନା । ୧୮ ମେନ୍‌ଦ ସାଂସାର ବିଷାଏରେ ପୁରାଃ ହଡ଼କ ଆପାନ୍‌କେ ମାରାଙ୍ଗ ମେନ୍ତେ କାଜିନା, ଆଇଙ୍ଗହ୍ ଏନ୍ ଲେକାଗିଇଙ୍ଗ ରିକା ଦାଡ଼ିୟା । ୧୯ ଆପେଦ ସେଣ୍‌ନ୍ ହବାକାନ୍‌ରେୟ ରାସ୍‌କାତେ ଡଣ୍ଡକକେପେ ସାହାଡ଼ିଙ୍ଗକ ତାନା । ୨୦ ଜେତା ହଡ଼ ଆପେକେ ଦାସିଲେକାଏ ଦହପେରେ, ଆପେୟାଃ ଖୁଜ୍‌କଏ ନକ୍‌ସାନେରେ, ଜେତାଏ ଆପେକେ ଫାନ୍‌ଦିରେ ଉୟୁଃପେରେ, ହିଲାଙ୍ଗପେରେ, ଆଡ଼ଃ ଆପେୟାଃ ଜଆରେ ଚାଟ୍‌କାନ୍‌ପେରେୟ ଆପେ ଏନାକେ ସାହାଡ଼ିଙ୍ଗୟେ । ୨୧ ଆଇଙ୍ଗ ଗିହୁଗଃତାନ୍‌ଲଃ କାଜିତାନାଇଙ୍ଗ ଯେ, ନେ ସବେନ୍ ବିଷାଏରେ ଆଲେଦ ନାରାଦୁରାଗିୟାଲେ । ମେନ୍‌ଦ ଏଟାଃ ଜାହାନ୍ ବିଷାଏରେ ଜେତାଏ ଆପାନ୍‌କେ ମାରାଙ୍ଗ ମେନ୍ତେ କାଜି ନାଙ୍ଗ ଜୀଉରେ କେଟେଦ୍‌ଜେ ତାନ୍‌ରେଦ, ଆଇଙ୍ଗ ଡଣ୍ଡ ଲେକାଇଙ୍ଗ କାଜିତାନା, ଆଇଁୟାଃ ହଗି ଏନ୍ ଲେକା ଜୀଉରେ କେଟେଦ୍ ମେନାଃ । ୨୨ ଇନ୍‌କୁ ଚିୟାଃ ଏବ୍ରୀ ତାନ୍‌କ ? ଆଇଙ୍ଗହଗି ଏବ୍ରୀ ହଡ଼ ତାନିଙ୍ଗ । ଇନ୍‌କୁ ଚିନାଃ ଇସ୍ରାଏଲ୍‌ରେନ୍ ତାନ୍‌କ ? ଆଇଙ୍ଗହଗି ଇସ୍ରାଏଲ୍‌ରେନ୍ ତାନିଙ୍ଗ । ଇନ୍‌କୁ ଚିୟାଃ ଆବ୍ରାହାମ୍‌ଆଃ କିଲିରେନ୍‌କ ତାନ୍‌କ ? ଆଇଙ୍ଗହଗି ଆବ୍ରାହାମ୍‌ଆଃ କିଲିରେନ୍ ତାନିଙ୍ଗ । ୨୩ \*ଇନ୍‌କୁ ଚିୟାଃ ଶ୍ରୀଷ୍ଟିଆଃ ଦାସିକ ତାନ୍‌କ ? ଆଇଙ୍ଗ ବାଏହା ହଡ଼ ଲେକାଇଙ୍ଗ କାଜି ତାନା, ଆଇଙ୍ଗ ଇନ୍‌କୁତାଃଏତେ ପୁରାଃ ବୁଗିନ୍ ଦାସି ତାନିଙ୍ଗ । ଆଇଙ୍ଗ ଇନ୍‌କୁତାଃଏତେ ଆଦ୍‌କା ପୁରାଃ କେଟେଦ୍‌କାମିଇଙ୍ଗ କାମିକାଦା, ପୁରାଃତେଇଙ୍ଗ ଜେହେଲାକାନା, ଆଡ଼ଃ ପୁରାଃଗି ଚାବୁକ୍‌ତେଇଙ୍ଗ ହାଁଣ୍‌ସାକାନା ଆଡ଼ଃ ଚିମିନ୍‌ସା ଲେକା ଗଜଃ ଲେକାଇଙ୍ଗ ହବାକାନା । ୨୪ ପାଞ୍ଚ ଧାଅଁ ଯିହୁଦୀକତାଃଏତେ ମିଦ୍‌ହିସି ଗେଲ୍‌ଅରେୟା\* ଚାବୁକ୍‌ତେଇଙ୍ଗ ହାଁଣ୍‌ସାୟାନା । ୨୫ \*ଆପିସା ରୋମ୍‌ରେନ୍‌କତାଃଏତେ ଚାବୁକ୍‌ତେଇଙ୍ଗ ହାଁଣ୍‌ସାୟାନା । ମିସା ଦିରିଲଃ ଚିଦ୍‌ଗିୟାନାଇଙ୍ଗ ଆଡ଼ଃ ମିଦ୍ ନିଦାସିଙ୍ଗି ଦାଆଃରେଇଙ୍ଗ ତାଇନ୍‌ୟାନା । ୨୬ \*ଆଇଁୟାଃ ହରାସେନ୍‌ରେ ଆଇଙ୍ଗ ପୁରାଃସା ଦାଆଃ ଚୁଡ଼ାକଏତେ, ରେରେଃକ୍‌କତାଃଏତେ, ଯିହୁଦୀକତାଃଏତେ, ସାଅଁସାର୍ ହଡ଼କତାଃଏତେ, ଜୀଉତାଇଙ୍ଗ ଗଜଃ ଲେକା ହବାୟାନା ଆଡ଼ଃ ସାହାର୍‌କରେ, ବିରରେ, ଦରେୟାରେ, ହସଡ଼ ଗାତିକତାଃଏତେ ଜୀଉତାଇଙ୍ଗ ଗଜଃ ଲେକା ହବାୟାନା । ୨୭ ପୁରାଃଗି କେଟେଦ୍‌କାମିଙ୍ଗ କାମିକାଦା ଆଡ଼ଃ ଦୁକୁହାସୁଇଙ୍ଗ ସାହାଡ଼ିଙ୍ଗକାଦା, ବେଗାର୍ ଦୁଡ଼ମୁତେ, ରେଙ୍ଗେଃ କାଟାବ୍‌କେଦ୍‌ତେ ପୁରାଃ ମାହାଁ ତାଇକେନାଇଙ୍ଗ, ଲାଗାଡ଼ିଙ୍ଗ ଜମେୟାଃ, ଲିଜାଃ ଆଡ଼ଃ ତାଇନଃ ନାଙ୍ଗ ଠାୟାଦ୍ କା ତାଇକେନ୍ ହାରାତେ ପୁରାଃ ଦୁକୁଇଙ୍ଗ ସାହାଡ଼ିଙ୍ଗକାଦା । ୨୮ ନେ ସବେନାଃ ହବାକେଦ୍‌ତେୟ, ସବେନ୍ କାଲିସିୟା ନାଗେନ୍ତେ ଆଇଁୟାଃ ଉଡ଼ୁ ସବେନ୍ ହୁଲାଙ୍ଗ ଆଇଙ୍ଗକେ ଉଡ଼ୁତେ ଅତାକାଦିୟା । ୨୯ ଜେତାଏ ନାରାଦୁରା ହବାଅଃତାନ୍‌ରେ, ଆଇଙ୍ଗହ୍ ଇନିଃଲଃ ନାରାଦୁରା ଆଟ୍‌କାରେୟାଇଙ୍ଗ । ଜେତାଏ ପାପ୍‌କାମି ରିକାଏରେ, ଆଇଙ୍ଗ ମନ୍‌ରେ

\* ୧୧:୨୩ ୧୧:୨୩ ପ୍ରେରିତ ୧୭:୨୩. \* ୧୧:୨୪ ୧୧:୨୪ ଅନାଇସ୍ \* ୧୧:୨୫ ୧୧:୨୫ ପ୍ରେରିତ ୧୭:୨୨: ପ୍ରେରିତ ୧୪:୧୯. \* ୧୧:୨୬ ୧୧:୨୬ ପ୍ରେରିତ ୯:୨୩; ପ୍ରେରିତ ୧୪:୫.



ପୁରାଃଶିକ୍ଷା ନାରାଜଃ ।

୩୦ ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ କାଜିନ୍ ହବାଅଃରେ, ଆଇଁୟାଃ ନେ ସବେନ୍ ନାରାଦୁରା ନାଗେନ୍ତେ ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ କାଜିନ୍ ହବାଅଃଆ । ୩୧ ଆଇକ୍ଷ୍ କାକ୍ଷ୍ ବେଦାତାନା, ଏନା ପାରମେଶ୍ୱାର୍ ଆତଃ ଆରୁଆଃ ପ୍ରାଭୁ ଯାଶୁଆଃ ଆପୁ ସାରିତାନାଏ । ଇନ୍ଦିୟାଃ ଜାନାଅ ଜାନାଅଗି ସାହାରାଅ ହବାଅଃକା । ୩୨ ଆଇକ୍ଷ୍ ଦମାସକସରେ ତାଇନ୍‌ତାନ୍ ଇମତା ରାଜା ଆରିସ୍ତାକ୍‌ଆଃ ହାକିମ୍ ଆଇକ୍ଷ୍‌କେ ତଲ୍‌କଦି ନାଗେନ୍ତେ ନାଗାରରେୟାଃ ଚାରିୟସାଃରେ ହର ହଡକକେ ଦହକାଦକ ତାଇକେନା । ୩୩ ମେନ୍‌ଦ ଆଇକ୍ଷ୍‌କେ ମାରାକ୍ଷ ଚୁକ୍ଷିରେ ଦହକେଦତେ ନାଗାରରେୟାଃ ପାଚ୍‌ରିରାଃ ଖଡକ୍ ହରା ବାହାରିତେ ତୁକ୍ଷା ଆଡଗୁକେଦିୟା, ନେ ଲେକାତେ ଆଇକ୍ଷ୍ ଇନ୍‌ଃତାଃଏତେଇକ୍ଷ୍ ନିର୍‌ୟାନା ।

### ୧୨

ପାତଲୁସ୍‌ଆଃ ଦାରଶାନ୍ ଉନ୍ନୁଦୁବକାଜି

୯ ଜେତାନ୍ ରୁଗିନାଃ କା ହବାଅଃରେୟ, ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ କାଜିନ୍ ଲାଗାତକ୍ଷିୟାଃ । ମେନ୍‌ଦ ପ୍ରାଭୁ ଆଇକ୍ଷ୍‌କେ ଏମାକାଦିକ୍ଷ୍ ସବେନ୍ ଦାରଶାନ୍ ଆତଃ ଉନ୍ନୁଦୁବକାଜିକ ନାହାଃଇକ୍ଷ୍ ଉଦୁବେୟା । ୨ ଆଇକ୍ଷ୍ ଖ୍ରୀଷ୍ଟରେ ଆସ୍ରାଏତାନ୍ ମିଆଁଦ୍ ହଡକେଇକ୍ଷ୍ ସାରିୟାଃ, ଇନ୍‌ଃଦ ଗେଲ୍‌ଉପୁନ୍ ବାରାଷ୍ ସିଦାରେ ଆପିୟା ସିମା ଦିଶୁମତେ ସେନ୍‌କାନ୍ ତାଇକେନା । ଇନ୍‌ଃ ଆୟାଃ ଗନଏଃ ହଡମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାକ୍ଷ୍ ସାରିୟା ? ଏନାଦ ପାରମେଶ୍ୱାର୍ ଏସକାର୍ ସାରିୟାଏ । ୩ ଆତଃଶିକ୍ଷା କାଜିତାନା, ଇନ୍‌ଃକେ ସିମାରେୟାଃ ବାଗାନ୍‌ତେ ଇଦିକାନ୍ ତାଇକେନା । ଇନ୍‌ଃ ଆୟାଃ ସାଂସାର୍ ହଡମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାକ୍ଷ୍ ସାରିୟା ? ଏନାଦ ପାରମେଶ୍ୱାର୍ ଏସକାର୍ ସାରିୟାଏ । ୪ ଏନ୍ ପାରାଦେସ୍‌ରେ ଇନ୍‌ଃ ଜାଗାରରେ କା କାଜି ଦାଡ୍‌ୟଃତାନ୍ ଆତଃ ଦୁର୍‌ଚାଅକେଦତେ କାଜି କା ଦାଡ୍‌ୟଃତାନ୍ ଜାଗାର୍ ଆୟୁମ୍ ଦାଡ୍‌କେଦାଇକ୍ଷ୍ । ୫ ନେ ହଡ ନାଗେନ୍ତେ ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେଇକ୍ଷ୍ କାଜିନ୍ ତାନା । ମେନ୍‌ଦ ଆଇଁୟାଃ ନାରାଦୁରାକେ ଉଦୁବେତେୟାଃକେ ବାଗିକେଦତେ ଏଟାଃ ଜେତାନ୍ ବିଷାଏରେ ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ କାକ୍ଷ୍ କାଜିନା । ୬ ଆପାନ୍‌କେ ମାରାକ୍ଷ ମେନ୍ତେ କାଜିନ୍ ନାକ୍ ଆଇଁୟାଃ ନାଗେନ୍ତେ ତଣ୍ଡୁ କା ହବାଅଃଆ, ଚିୟାଃଚି ଆଇକ୍ଷ୍‌ଦ ସାର୍‌ତି କାଜି କାଜିତାନାଇକ୍ଷ୍ । ମେନ୍‌ଦ ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ କାଜିନ୍ କାକ୍ଷ୍ ସାନାକ୍ ତାନା, ହଡକ ଆଇକ୍ଷ୍‌କେ ଜେ'ଲେକା କାମି ନାଗେନ୍ତେ ନେଲ୍‌କେୟାକ ଆତଃ ଆଇଁୟାଃତାଃଏତେ ଜେ'ଲେକା କାଜି ଆୟୁମେୟାକ, ଏନାଏତେ ଆଇକ୍ଷ୍‌କେ ମାରାକ୍ଷ ମେନ୍ତେ ଆଲ୍‌ପେ ଆଚ୍‌କାରିୟା ।

୭ ମେନ୍‌ଦ ଆଇକ୍ଷ୍ ପାରମେଶ୍ୱାର୍‌ତାଃଏତେ ଉଦୁବାକାନ୍ ନେ ଲେକାନ୍ ଆକ୍‌ଦାଦାଅ କାମିକଇକ୍ଷ୍ ନାମାକାଦ୍‌ରେୟ, ଆଇକ୍ଷ୍ ଆପାନ୍‌କେ ମାରାକ୍ଷ ମେନ୍ତେ ଆଲ୍‌କାଇକ୍ଷ୍ କାଜିନ୍‌କା ମେନ୍ତେ ଆଇଁୟାଃ ହଡମରେ ହାସୁଇକ୍ଷ୍ ନାକ୍ ମିଆଁଦ୍ ଜାନୁମ୍ ଲେକା ଏମାକାନା, ନେଆଁ ଆଇକ୍ଷ୍‌ରେ ସାଏତାନ୍‌ରାଃ କାଜିକୁଲ୍‌ନିଃ ଲେକାଏ କାମିୟା, ଜେ'ଲେକାଚି ଆଇକ୍ଷ୍ ପୁରାଶି ଆପାନ୍‌କେ ମାରାକ୍ଷ ମେନ୍ତେ କାଜି କାକ୍ଷ୍ ଦାଡ୍‌ୟା । 「 ନେଆଁକେ ସାକ୍ଷିନେ ନାଗେନ୍ତେ ଆଇକ୍ଷ୍ ଆପିସା ପ୍ରାଭୁତାଃରେଇକ୍ଷ୍ ବିକ୍ଷିକେଦା, ୯ ମେନ୍‌ଦ ଇନ୍‌ଃ ଆଇକ୍ଷ୍‌କେ କାଜିକିୟା, “ଆଇଁୟାଃ ସାୟାଦ୍ ଆପେ ନାଗେନ୍ତେ ପୁରାଶିୟା, ଆପେ ନାରାଦୁରାଃଅ ଇମତା ଆଇଁୟାଃ ପେଡ଼େଃ ପୁରାଶିଆ ।” ଏନାତେ ଖ୍ରୀଷ୍ଟାଃ ପେଡ଼େଃ ଆଇକ୍ଷ୍‌ତାଃରେ ତାଇନଃ ନାକ୍ ଆଇକ୍ଷ୍ ଆଇଁୟାଃ

୨୧:୩୨ ୧୧:୩୨ ପ୍ରେରିତ୍ ୯:୨୩-୨୫.

ନାରାଦୁରା ନାଗେନ୍ଦ୍ରେ ପୁରାଃଶି ଆପାନ୍ଦକେ ମାରାଙ୍ଗ ମେନ୍ଦ୍ରେ କାଜିନାଇଙ୍ଗ ଆଡଃ ରାସକାଅଃଆଇଙ୍ଗ । ୧୦ ଖ୍ରୀଷ୍ଟ ନାଗେନ୍ଦ୍ରେ ଆଇଙ୍ଗ ସବେନ୍ ଲେକାନ୍ ନାରାଦୁରା, ହିନିସ୍ତା, ସାସାତି, ଆଡଃ ସିଗିଦ୍ ହବାଅଃରେୟ ରାସକାଅଃଆଇଙ୍ଗ, ଚିୟାଃତି ଆଇଙ୍ଗ ନାରାଦୁରାଃଆ ଇମତା ପେଡ଼େଜଃଆଇଙ୍ଗ ।

କବିଚ୍ଛିନ୍ଦରେନ୍ ହଡ଼କଆଃ ନାଗେନ୍ଦ୍ରେ ପାଉଲୁସ୍ଆଃ ଉଡ଼ଃ

୧୧ ଆଇଙ୍ଗ ଡ଼ଣ୍ଡ ଲେକାଇଙ୍ଗ କାମିତାନା । ନେଆଁ କାମି ନାଗେନ୍ଦ୍ରେ ଆପେ ଆଇଙ୍ଗକେ ଜାବାରଜାସ୍ତି କାଦିୟାପେ, ଚିୟାଃତି ଆଇଁୟାଃ ସାହାରାଅ ରିକା ନାଗେନ୍ଦ୍ରେ ଆପେୟାଃ ଲାଗାତିଙ୍ଗ ତାଇକେନା । ଆଇଙ୍ଗ ଜେତାନିଃ ନାହାଁଲାଇଙ୍ଗରେୟ ଆପେୟାଃ ଏନ୍ ମାପୁରାଙ୍ଗ ପ୍ରେରିଡ଼କତାଃଏତେ ଜେତାରେୟ ହୁଡ଼ିଙ୍ଗ ନାହାଁଲାଇଙ୍ଗ । ୧୨ ପୁରାଃ ଆକଦାନ୍ଦାଅ ଆଡଃ ଆକତାକାଅ କାମିକ ପୁରାଃ ଧୁରାଜ୍ ସାବକେଦ୍ତେ ଆପେ ଆଲାରେଇଙ୍ଗ ରିକାକାଦା, ଏନା ସାରୁଦ୍ ଏମେତାନାଏ ଯେ, ଆଇଙ୍ଗ ପ୍ରେରିଡ଼ ତାନିଙ୍ଗ । ୧୩ ମିଆଁଦ୍ ବିଷାଏରେ ଏସକାର ଆଇଙ୍ଗ ଏଟାଃ ଏଟାଃ କାଲିସିୟାତାଃଏତେ ଆପେଲଃ ଏଟାଃ ଲେକାଇଙ୍ଗ ବେଭାରକାଦା । ଆଇଙ୍ଗ ଆପେୟାଃ ଚେତାନରେ ବାହାରମ୍ ଲେକା କାଇଙ୍ଗ ହବାକାନା । ଏନ୍ ଏଡ଼କାନ୍ଆଃ ନାଗେନ୍ଦ୍ରେ ଆଇଙ୍ଗକେ ଛାମାଈୟାପେ ।

୧୪ ଆଇଙ୍ଗ ଆପିସାତେ ଆପେତାଃତେ ସେନ୍ ନାଗେନ୍ଦ୍ରେ ସେକାଡ଼େନ୍ ତାନାଇଙ୍ଗ । ଆଇଙ୍ଗ ଆପେତାଃଏତେ ଜେଡ଼ନାଃ କାଇଙ୍ଗ ହାତି । ଆଇଙ୍ଗ ଆପେକେଇଙ୍ଗ ସାନାଙ୍ଗତାନା, ଆପେୟାଃ ଟାକା ପାଏସା କାହାଗି । ଚିୟାଃତି ଏଙ୍ଗାଆପୁକଆଃ ନାଗେନ୍ଦ୍ରେ ହନ୍କକେ ଜଗାଅ ନାଙ୍ଗ କା ଲାଗାତିଙ୍ଗୟାଃ, ମେନ୍ଦ୍ ହନ୍କଆଃ ନାଗେନ୍ଦ୍ରେ ଏଙ୍ଗାଆପୁକ ଜଗାଏୟା । ୧୫ ଆଇଙ୍ଗ ଆପେୟାଃ ଜୀଉରେ ଆପେକେ ଦେଙ୍ଗାପେ ନାଗେନ୍ଦ୍ରେ ଆଇଁୟାଃ ସବେନାଃ ଏମକେଦାଇଙ୍ଗ, ନେଲେକାତି ଆଇଙ୍ଗ ଆପାନ୍ଦକେ ରାସକାତେ ଏମ୍ ନାଗେନ୍ଦ୍ରେଇଙ୍ଗ ସେକାଡ଼ାକାନା । ଆଇଙ୍ଗ ଆପେକେ ନିମିନ୍ ପୁରାଃଶିଇଙ୍ଗ ଦୁଲାଡ଼ପେ ତାନା ମେନ୍ଦ୍ରେ ଚିନାଃ ଆପେ ଆଇଙ୍ଗକେ ନିମିନ୍ କାତିଃଗି ଦୁଲାଡ଼ିୟାପେ ?

୧୬ ଆଇଙ୍ଗ ଆପେୟାଃ ଚେତାନରେ ବାହାରମ୍ ଲାଦିୟାକାନ୍ ଲେକା କାଇଙ୍ଗ ହବାକାନା । ନେ କାଜି ସାରୁଡ଼ିତାନାଃ ମେନ୍ଦ୍ରେ ମିଦ୍ମନ୍ ହବାଅଃଆପେ । ମେନ୍ଦ୍ ଆପେକଏତେ ଜେତାଏ କାଜିୟାଏ, ଆଇଙ୍ଗ ଚାଲାକ୍ତେ ଆପେକେ ହସଡ଼ କାଜିତାନୁଲଃ ଫାଦିରେଇଙ୍ଗ ଉୟାଃକାଦପେୟା । ୧୭ ଆପେତାଃତେ ଅକନ୍ଦକେ କୁଲାକାଦକଆଇଙ୍ଗ, ଇନ୍କୁକଏତେ ଜେତାଏୟାଃ ହରାତେ ଆଇଙ୍ଗ ଚିନାଃ ଆପେତାଃଏତେ ଜେତାନ୍ ସୁଯୋଗ୍ ଇଦିକାଦାଇଙ୍ଗ । ୧୮ ଆଇଙ୍ଗ ତିତସ୍କେ ଆପେତାଃତେ ସେନ୍ ନାଗେନ୍ଦ୍ରେଇଙ୍ଗ ବିନ୍ତିକିୟା ଆଡଃ ଇନିଃଲଃ ଏଟାଃ ହାଗାକେଇଙ୍ଗ କୁଲ୍କିୟା । ତିତସ୍ ଆପେତାଃଏତେ ସୁଯୋଗ୍ ଇଦିକାଦାଏ ମେନ୍ଦ୍ରେ ଚିୟାଃ ଜେତାଏ କାଜି ଦାଡ଼ିୟାପେ ? ଇନିଃ ଆଡଃ ଆଇଙ୍ଗ ଚିନାଃ ମିଦ୍ମନ୍ତେ କାଲିଙ୍ଗ ସେସେନ୍କାଦା ? ଆଲିଙ୍ଗୟାଃ ଚାଇଲ୍ ଚାଲାନ ଚିନାଃ ମିଦ୍ଲେକାଗି ବାନଃଆ ?

୧୯ ହବାସାକାଅଆଃ, ଆପେ ନାହାଁଃ ଜାକେଦ୍ପେ ଉଡ଼ଃତାନା ଯେ, ଆଲେ ଆପେୟାଃ ଆୟାରରେ କାଜିକଲେ ବାଇତାନା । ପାର୍ମେଶ୍ଵାର୍ଆଃ ଆୟାରରେ ଖ୍ରୀଷ୍ଟ ଆଲେକେ କାଜିକାଦ୍ ଲେକା ଆଲେ ଆପେକେ କାଜିପେତାନାଲେ । ହେ ଦୁଲାଡ଼୍, ଗାତିକ, ସବେନ୍ ବିଷାଏ ଆପେକେ ଦେଙ୍ଗାପେ ନାଗେନ୍ଦ୍ରେଲେ କାମିତାନା । ୨୦ ଚିୟାଃତି ଆଇଁୟାଃ ବର ହବାଅଃତାନା, ଆଇଙ୍ଗ ଆପେତାଃତେ ସେନ୍କେଦ୍ତେ ଆପେକେ ନେଲ୍ ନାଗେନ୍ଦ୍ରେ ସାନାଙ୍ଗତାନ୍ ଲେକା ନେଲ୍ କାଇଙ୍ଗ ଦାଡ଼ିୟା ଆଡଃ ଆପେ ଆଇଁୟାଃ ଅକନ୍ ରୁପ୍ ନେଲ୍ ନାଗେନ୍ଦ୍ରେ କାପେ ସାନାଙ୍ଗତାନା, ହବାସାକାଅଆଃ, ଏନା ନେଲ୍ ନାଗେନ୍ଦ୍ରେପେ ନାମେୟା । ଏନ୍ତାଃତେ ସେନ୍କେଦ୍ତେ

ଆଇଙ୍ଗ୍ ଚିମିନ୍ ରାକାମ୍ରେୟାଃ ଏପେଗେର୍, ହିସଙ୍ଗା, ଖସ୍, ଆପନାଃ ନାଗେନ୍ତେ ଏସକାର୍ ଉଡ଼ୁ, ହିନିସ୍ତା, ତୁପୁରାକାଜି, ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍, ହାଲାଗୁଲା ନେ ସବେନାଃ ନେଲ୍ ନାଗେନ୍ତେଇଙ୍ଗ୍ ନାମେୟାଁ । ୨୧ ଆଇଙ୍ଗ୍ ଆପେତାଃତେ ଆତଃମିସା ସେନ୍‌ସେଟେର୍ ଇମ୍‌ତା ଅକ୍‌ଏସାରି ପାର୍‌ମେଶ୍ୱାର୍ ଆଇଙ୍ଗ୍‌କେ ଆପେୟାଃ ଆୟାରରେ ହୁଡିଙ୍ଗ୍‌ଇୟାଁ, ଅକନ୍‌କ ସିଦାକରେ ପାପ୍ କାମିକାଦାକ, ଆକଆଃ ସତ୍‌ରା କାଜିକାମି, ଆପାଙ୍ଗିର୍ କାମି, ଆତଃ ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍ ନେ ସବେନାଃ ନାଗେନ୍ତେ ଇନ୍‌କୁ କାକ ହେୟାଡିଙ୍ଗ୍ ତାନା, ନେ ଲେକାନ୍ ହଡ଼କ ନାଗେନ୍ତେ ଆଇଙ୍ଗ୍‌କେ ଏୟମ୍ ରିକା ଲାଗାଡିଙ୍ଗ୍‌ୟାଁ ।

## ୧୩

୧ ନେଆଁଲଃ ଆଇଙ୍ଗ୍ ଆପେତାଃତେ ଆପିସା ସେନ୍‌ତାନାଇଙ୍ଗ୍ । ଧାରାମ୍‌ପୁଥ୍ ଲେକାତେ, ବାର୍‌ହଡ଼୍ ଚାଏ ଆପିହଡ଼୍‌ଆଃ ଗାଞ୍ଜାତେ ସବେନ୍ କାଜି ମାନାଡିଙ୍ଗ୍ ହବାଅଃଆ । ୨ ସିଦାକରେ ପାପ୍‌କାଦ୍ ହଡ଼କକେ ଆତଃ ଏଟାଃ ସବେନ୍‌କକେ, ଆଇଙ୍ଗ୍ ଏନ୍ତାଃତେ ସେନ୍‌ୟାନ୍‌ଲଃ ବାର୍‌ସାତେ କାଜିକାଦ୍‌କ ତାଇକେନାଇଙ୍ଗ୍, ଆତଃ ନାହାଁଃ ସାଜିନ୍‌ରେ ତାଇକେଦ୍‌ତେୟ କାଜିକତାନାଇଙ୍ଗ୍, ଆଇଙ୍ଗ୍ ନେସକାନ୍ ସେନ୍‌ରେ, ଜେତାଏ ସାଜାଇଏତେ ବାଞ୍ଜାଅ କାକ ନାମେୟା । ୩ ଖ୍ରୀଷ୍ଟ୍ ଆଇଁୟାଃ ହରାତେ କାଜିତାନା, ଏନ୍ ବିଷାଏରେ ଆପେ ସାନାଙ୍ଗ୍‌ତାନ୍ ସବେନାଃରେୟାଃ ସାରୁଦ୍‌ପେ ନାମେୟା । ଆପେୟାଃ ନାଗେନ୍ତେ ଇନିଃ ଚିଉଲାଅ କାଏ ନାରାଦୁରାକାନା । ମେନ୍‌ଦ୍ ଆପେତାଃରେ ଇନିଃ ଆୟାଃ ପେଡ଼େଃରେୟାଃ ପାରିତାଏ ଏମାକାଦାଏ । ୪ ଇନିଃ ନାରାଦୁରାକେଦ୍‌ତେ କୁଶିରେ ଗଏଃୟାନ୍‌ରେୟ ପାର୍‌ମେଶ୍ୱାର୍‌ଆଃ ପେଡ଼େଃତେ ଜାନିଦ୍ ମେନାଇୟା । ଆୟାଃଲଃ ମେସାକେଦ୍‌ତେ ଆଲେ ହଗି ନାରାଦୁରାକାନାଲେ, ମେନ୍‌ଦ୍ ଆଲେୟାଃ ନାତା ଆପେଲଃ ପାର୍‌ମେଶ୍ୱାର୍‌ଆଃ ପେଡ଼େଃରେୟାଃ ହିସା ହବାକେଦ୍‌ତେ ଖ୍ରୀଷ୍ଟ୍‌ଲଃ ଆବୁ ଜାନିଦ୍ ହବାଅଃଆବୁ ।

୫ ଆପେ ବିଶ୍ୱାସରେ ମେନାପେୟା ଚି କାହା, ଏନ୍ ବିଷାଏରେ ଆପେ ଆପାନ୍‌କେ ବିଡ଼ାଅତାନ୍‌ଲଃ ବିଚାରେନ୍‌ପେ, ଚାଏ ଯାଶୁ ଖ୍ରୀଷ୍ଟ୍ ଆପେରେ ତାଇନ୍‌ତାନାଏ, ଏନା କାପେ ଚି ଆଟ୍‌କାର୍‌ଉରୁମ୍ ତାନା ? ନେଆଁ କା ହବାଅଃତାନ୍ ରେଦ୍, ଆପେ ବିନିଡ଼ାଅରେ ପୁରାଗି ହାରାଅକାନାପେ । ୬ ମେନ୍‌ଦ୍ ଆଇଁୟାଃ ଭାର୍‌ସା ମେନାଃ, ଆଲେ ବିନିଡ଼ାଅରେ ଜିତାଅକାନାଲେ, ଏନା ଆପେ ଆଟ୍‌କାର୍ ଦାଡ଼ିୟାପେ । ୭ ମେନ୍‌ଦ୍ ଆପେ ଜେତାନ୍ ଏଡ଼କାନ୍ କାମିରେ ଆଲପେ ତାଇନାଃ ମେନ୍ତେ ପାର୍‌ମେଶ୍ୱାର୍‌ତାଃରେ ଆଲେ ଆପେ ନାଗେନ୍ତେଲେ ବିନ୍ତିତାନା । ଆଲେ ବିନିଡ଼ାଅରେ ଜିତାଅକାନାଲେ ଏନା ଉଦୁବେ ନାଗେନ୍ତେ ମେନ୍ତେଦ୍ କାହା, ମେନ୍‌ଦ୍ ଆଲେ ବିନିଡ଼ାଅରେ ହାରାଅକାନ୍ ଲେକାଲେ ନେଲଃ ରେୟ, ଆପେ ଜେ'ଲେକା ବୁଗିନ୍ କାମିପେ କାମିୟାଁ, ଏନାମେନ୍ତେଲେ ବିନ୍ତିତାନା । ୮ ସାନାର୍‌ଡିରେୟାଃ ବିରୁଧ୍‌ରେ କାମି ନାଗେନ୍ତେ ଆଲେୟାଃ ଆକ୍‌ତେୟାର୍ ବାନଃଆ, ଆଲେ ସାନାର୍‌ଡିରେୟାଃ ବିଷାଏରେ ଏସକାର୍ କାମି ଦାଡ଼ିୟାଃଲେ । ୯ ଆଲେ ନାରାଦୁରା ତାଇକେନ୍ ଇମ୍‌ତା ଆପେ କେଟେୟାନ୍‌ଗିପେ ତାଇକେନା, ଏନାମେନ୍ତେ ଆଲେ ରାସକାଅଃ ତାନାଲେ ଆତଃ ଆପେ ପକ୍‌ତାଃଅପେ ମେନ୍ତେଲେ ବିନ୍ତିତାନା । ୧୦ ଏନାମେନ୍ତେ ସାଜିନ୍‌ରେ ତାଇକେଦ୍‌ତେ ଆଇଙ୍ଗ୍ ଆପେତାଃତେ ଚିଟାଉ ଅଲେତାନାଇଙ୍ଗ୍, ଚିୟାଃଚି ଆପେତାଃରେ ସେଟେର୍‌ୟାନ୍ ଇମ୍‌ତା ପ୍ରାଭୁ ଆଇଙ୍ଗ୍‌କେ ଏମାକାଦିଙ୍ଗ୍ ଆକ୍‌ତେୟାର୍‌କେ କେଟେଦ୍ ମନ୍‌ତେ ରିକା ଆଲକା ଲାଗାଡିଙ୍ଗ୍‌କା । ଚିୟାଃଚି ଆପେକେ ହୁଡିଙ୍ଗ୍ ଜୀଉ ରିକା ନାଗେନ୍ତେଦ୍ କାହା, ମେନ୍‌ଦ୍ ବାଇ ନାଗେନ୍ତେ ପ୍ରାଭୁ ଆଇଙ୍ଗ୍‌କେ ଆକ୍‌ତେୟାର୍ ଏମାକାଦିୟାଏ ।

୧୧ ଚୁଣ୍ଡଚୁର ହେ ହାଗା ମିଶିକ, ରାସକାଅଃପେ, ପକତାଃଅପେ, ମିହୁଡ୍, ଆତଃମିହୁଡ୍‌କେ ଜୀଉରେ ରାସକା ଏପେମ୍‌ପେ, ମିନ୍ ମନ୍‌ଅଃପେ, ସୁକୁରେ ତାଇନଃପେ । ଦୁଲାଡ୍‌ଆତଃ ଜୀଉସୁକୁଡେ ପେରେଜାକାନ୍ ପାର୍‌ମେଶ୍ଵାର୍ ଆପେଲଃ ତାଇନକାଏ ।

୧୨ ଖ୍ରୀଷ୍ଟ ଦୁଲାଡ୍‌ଡେ ମିହୁଡ୍‌ଆତଃମିହୁଡ୍‌ଲଃ ଜହାରଃପେ । ପାର୍‌ମେଶ୍ଵାର୍‌ଆଃ ସବେନ୍ ହଡକ ଆପେକେ ଜହାର୍ ମେନ୍ତେକ କାଜିକୁଲ୍‌ତାନା ।

୧୩ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍, ପାର୍‌ମେଶ୍ଵାର୍‌ଆଃ ଦୁଲାଡ୍, ଆତଃ ପାବିତାର୍ ଆମ୍‌ରେୟାଃ ସାଙ୍ଗାତି ଆପେ ସବେନକଲଃ ହବାଅଃକା ।

# ଗାଲାତୀୟମାନଙ୍କ ନିକଟକୁ ପାଉଲଙ୍କ ପତ୍ର ଗାଲାତିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଗାଲାତିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍ଲାନା ୧:୧ । ନେ ଚିଟାଉ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୪୮-୫୭ କରେ ଗାଲାତିୟରେନ୍ ବିଶ୍ୱାସୀକତାଃତେ ଅଲ୍ଲାନାନ୍ ତାଇକେନା । ହବାସାକାଅଆଃ ଗାଲାତିୟରେନ୍ ହଡକ ରୋମି ପାର୍ଗାନ୍‌ରେୟାଃ ଗାଲାତିୟରେ ତାଇନଃତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲ୍ଲକେଦ୍ ଇମତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍‌କ କାକ ସାରି ଦାଡ଼ିକାନା । ମେନ୍‌ଦ ଚିମିନ୍ ପାଣ୍ଡିତ୍‌କ ଏଫିସିୟ ଚାଏ କରନ୍ତିରେ ଅଲ୍ଲାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଲାତିୟ କାଲିସିୟାରେ ତାଇନ୍‌ତାନ୍ ଯିହୁଦୀ ଆତଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍ଲାନାଦାଏ । ବିଶେଷକେଦ୍‌ତେ ଇନିଃ ହସଡ଼ ଇନିତୁ ଏମତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍ଲାନାଦ୍ ତାଇକେନାଏ । ଏନା ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ମାରି ନିୟାମ୍‌ରେୟାଃ ଯିହୁଦୀକଆଃ ଆନ୍‌ତୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଆଃଚି ଖାଡ଼ନାଅରେୟାଃ ବିଷାଏ ତାଇକେନା । ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକଆଃ ଝୁଣ୍ଡକଏତେ ଚିମିନ୍ ଝୁଣ୍ଡକ ତାଇକେନା, ଇନ୍‌କୁକେ ଯୁଦାଈଜମ୍, ଯିହୁଦୀ ଧାରାମ୍‌ରେନ୍ ହଡକ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାଡ଼ନାଅରେୟାଃ ରିତିରିଖାଜ୍ ମାନାତିଙ୍ଗ୍ ନାଗେନ୍ତେ ଆତୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାର୍ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଥୁନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଆ ୧:୧-୨:୧୪ । ଆତଃ ଯୀଶୁ ଖ୍ରୀଷ୍ଟ୍‌ରେ ବିଶ୍ୱାସ୍‌କେଦ୍ ହରାତେ ଜୀଉବାଞ୍ଚାଅ ନାମଃଆ, ନେଆଁ ଉଦ୍‌କେଦ୍‌ତେ ସୁକୁକାଜିକେ ବାଞ୍ଚାଅ ଦାଡ଼ିକାନା ୨:୧୭ । ଅକଆଃଚି ପାର୍‌ମେଶ୍ୱାର୍‌ଆଃ ଦାୟାତେ ହବାଦାଡ଼ିୟଃଆ, ମେନ୍‌ଦ ମାନଝାସାଃତେ କା ହବାଦାଡ଼ିୟଃଆ ।

### ପୁଅ ଭିତରରେ ତାଇକାନ୍ କାଜି

- ୧. ପାଉଲୁସ୍‌ଆଃ ଜହାର୍ । ୧:୧-୫
- ୨. ପାଉଲୁସ୍‌ଆଃ ସିଦା ଜୀଝାନ୍, ଆୟାଃ ଇନିତୁ ଏମ୍‌ରେୟାଃ ଆକ୍‌ତେୟାର୍ ଆତଃ ଆନ୍‌ତୁରେୟାଃ କାଜିକାମି । ୧:୬-୨:୨୧
- ୩. ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଉବାଞ୍ଚାଅ ନାମେରେୟାଃ କାଜି । ୩-୪
- ୪. ବୁଗିନ୍ ଖ୍ରୀଷ୍ଟିୟାନ୍ ତାଇଲ୍ ଚାଲାନ୍ ନାଗେନ୍ତେ ଆନାତୁ । ୫:୬-୧୦
- ୫. ପାଉଲୁସ୍‌ଆଃ ଚୁଣ୍ଡୁ ଜହାର୍ ଆତଃ ପାର୍‌ମେଶ୍ୱାର୍‌ଆଃ ହରାତେ ଜୀଝାନ୍ ବାଦ୍‌ଲାଅ । ୬:୧୧-୧୮

### ପାଉଲୁସ୍‌ଆଃ ଜହାର୍

୧ ଆଇଙ୍ଗ୍ ପ୍ରେରିତ୍ ପାଉଲୁସ୍ ତାନିଙ୍ଗ୍, ମାନଝାସାଃଏତେ ଚାଏ ମାନଝା ହରାତେ କାଇଙ୍ଗ୍ ହିଜାକାନା, ମେନ୍‌ଦ ଆପୁ ପାର୍‌ମେଶ୍ୱାର୍‌ତାଃଏତେ ଆତଃ ଇନିଃ ଗଜାକାନ୍‌କଏତେ ଜୀଉବିରିଦାକାଜ, ଏନ୍ ଯୀଶୁ ଖ୍ରୀଷ୍ଟ୍‌ଆଃ ହରାତେ କେନେଡ଼ା

ନାମାକାଦାଈଙ୍କ । ୨ ଆଇଁୟାଃଲଃ ନେତାଃରେ ତାଇନ୍ତାନ ସବେନ୍ ବିଶ୍ୱାସୀ ହାଗା ମିଶିକ ଗାଳାତିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେକ କାଜିକୁଲେତାନା ।

୩ ଆବୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୪ ନାହାଁଃରେୟାଃ ନେ ଏଡକାନ୍ ପାରିୟାଏତେ ଆବୁକେ ବାଞ୍ଛାଅବୁ ନାଗେନ୍ତେ ଆବୁଆଃ ଆପୁ ପାର୍ମେଶ୍ୱାର୍ ଆଃ ଇଛାସାନାଙ୍କକେ ମାନାତିଙ୍କ୍ତାନଲଃ, ଖ୍ରୀଷ୍ଟ୍ ଆବୁଆଃ ପାପ ନାଗେନ୍ତେ ଆଇଃକକେ ଏମକିୟା । ୫ ପାର୍ମେଶ୍ୱାର୍ ଆଃ ମାନାରାଙ୍କ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

ମିଆଁଦ୍ଗି ସୁକୁକାଜି

୬ ଖ୍ରୀଷ୍ଟ୍ ଆଃ ସାୟାଦ୍ ହରାତେ ଇନିଃ ଆପେକେ କେଡାକାଦ୍ପେ ତାଇକେନା, ଇମିନ୍ ଜାଲ୍ଦି ଆପେ ଇନିଃକେ ବାଗିକେଦ୍ତେ ଏଟାଃ ମିଆଁଦ୍ ସୁକୁକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍କ୍ ପୁରାଃଗିଇଙ୍କ୍ ହାଏକାଟଃତାନା । ୭ ସାର୍ତି କାଜିଲେରେ, ଏଟାଃ ସୁକୁକାଜି ବାନଃଆ । ମେନ୍ଦ୍ ଆଇଙ୍କ୍ କାଜିତାନାଇଙ୍କ୍, ଚିଆଃଟି ଚିମିନ୍ ହଡକ ଖ୍ରୀଷ୍ଟ୍ ଆଃ ସୁକୁକାଜିକେ ଏଟାଃ ଲେକାତେ ଉଦୁବକେଦ୍ତେ ଆପେକେ ଆକ୍ଦାନ୍ଦାଅ ନାଗେନ୍ତେ ସାନାଙ୍କ୍ତାନା । ୮ ମେନ୍ଦ୍ ଆଲେ ଅକ ସୁକୁକାଜି ଆପେତାଃରେ ଉଦୁବାକାଦ୍ ତାଇକେନାଲେ, ଏନାକେ ବାଗିକେଦ୍ତେ ଏଟାଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିମ୍ପାରେନ୍ ଦୁଁଡ୍ ଉଦୁବେରେଦ୍, ଇନିଃ ସାର୍ପାଅଃକାଏ । ୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି, ନାହାଁଃ ଆତଃମିସା କାଜିତାନାଇଙ୍କ୍, ଆପେ ଅକ ସୁକୁକାଜି ତେଲକାଦାପେ, ଏନାଏତେ ଏଟାଃ ସୁକୁକାଜି ଜେତାଏ ଉଦୁବେରେଦ୍, ଇନିଃ ସାର୍ପାଅଃକାଏ ।

୧୦ ନେଆଁ ଆୟୁମକେଦ୍ତେ ଚିନାଃ ଆପେ ଆଟ୍କାରେତାନାପେ ଯେ, ଆଇଙ୍କ୍ ହଡକତାଃଏତେ ସୁକୁଇଚିୟଃ ନାଙ୍କ୍ ସାନାଙ୍କ୍ତାନାଇଙ୍କ୍ ? କାହାଗି । ଆଇଙ୍କ୍ ପାର୍ମେଶ୍ୱାର୍ ଆଃ ଏସକାର୍ ସୁକୁଇଚିୟଃ ନାଙ୍କ୍ ସାନାଙ୍କ୍ତାନାଇଙ୍କ୍ । ଆଇଙ୍କ୍ ଚିନାଃ ସବେନ୍ ହଡକତାଃରେ ସାରିୟଃ ନାଙ୍କ୍ ସାନାଙ୍କ୍ତାନାଇଙ୍କ୍ ? ଆଇଙ୍କ୍ ନାହାଁଃ ଜାକେଦ୍ ସବେନ୍ ହଡକ ସାରିଙ୍କ୍କାକ ମେନ୍ତେଇଙ୍କ୍ ସାନାଙ୍କ୍ତାନରେଦ୍, ଆଇଙ୍କ୍ ତସିଙ୍କ୍ ଖ୍ରୀଷ୍ଟ୍ ଆଃ ଦାସି କାଇଙ୍କ୍ ହବାକାନ୍ତେୟାଃ ।

ପାଉଲୁସ୍ ଚିଲ୍କାତେ ପ୍ରେରିଡ୍ ହବାୟାନାଏ

୧୧ ହେ ଦୁଲ୍ଲାଡ୍ ହାଗା ମିଶିକ, ଆଇଙ୍କ୍ ଆପେକେଇଙ୍କ୍ କାଜିପେତାନା, ଆଇଙ୍କ୍ ଅକ ସୁକୁକାଜିଇଙ୍କ୍ ଉଦୁବପେତାନା, ଏନା ମାନଞ୍ଜାତାଃଏତେ କା ଉଦୁବାକାନା । ୧୨ ଆଇଙ୍କ୍ ଜେତା ମାନଞ୍ଜାତାଃଏତେ ଏନା କାଇଙ୍କ୍ ନାମାକାଦା, ଚାଏ ଜେତାଏ ଆଇଙ୍କ୍କେ କାକ ଇଡୁକାଦିୟାଁ । ମେନ୍ଦ୍ ଯୀଶୁ ଖ୍ରୀଷ୍ଟ୍ ଆଇଃକକ୍ଚି ଆଇଙ୍କ୍ତାଃରେ ଉଦୁବେନ୍ୟାନା ।

୧୩ ଯିହୁଦୀ ଧାରାମ୍ରେ ପାତିୟାର୍ରେଲେକା ତାଇକେନ୍ ଇମ୍ତା, ଆଇଙ୍କ୍ ଚିଲ୍କା ଜୀଦାନ୍ ବିତାଅ ତାଇକେନାଇଙ୍କ୍, ଚିଲ୍କା ବେଗାର୍ ଲିନିବୁଇତେ ପାର୍ମେଶ୍ୱାର୍ ଆଃ କାଲିସିୟାରେନ୍ ହଡକକେ ସାସାତିକ ତାଇକେନାଇଙ୍କ୍ ଆତଃ କାଲିସିୟାକେ ଜିୟନେ ନାଗେନ୍ତେଇଙ୍କ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଙ୍କ୍ ଉଦୁବାକାଦ୍ପେୟା । ୧୪ ଯିହୁଦୀ ଧାରାମ୍ ମାନାତିଙ୍କ୍ରେ ଆଇଁୟାଃ ବାୟାସ୍ରେନ୍ ଯିହୁଦୀ ହଡକତାଃଏତେ ଆୟାର୍ରେଇଙ୍କ୍ ତାଇକେନା

\* ୧:୧୩ ୧:୧୩ ପ୍ରେରିଡ୍ ୮:୩; ୨୨:୪,୫; ୨୭:୯-୧୧.      \* ୧:୧୪ ୧:୧୪ ପ୍ରେରିଡ୍ ୨୨:୩.

ଆଡ଼ଠା ଆବୁଆଃ ପୁରୁଖାହାଡ଼ାନ୍ ହଡ଼କଆଃ ରିତିରିଖାନ୍ ମାନାତିଙ୍ଗ୍ ନାଗେନ୍ତେ ପୁରାଃ ତିହୁଲାନଗିଇଙ୍ଗ୍ ତାଇକେନା ।

୧୫ \*ମେନ୍ଦ ଦା଼ମେଶ୍ୱାର୍ ଆୟାଃ ସାୟାଦତେ ଆଇଁୟାଃ ଜାନାମ୍ ହବାଅଃ ସିଦାରେ ଆଇଙ୍ଗ୍କେ ସାଲାକେଦିୟାଁ ଆଡ଼ଠା ଆୟାଃ ସେଖା ନାଗେନ୍ତେ କେଡାକେଦିୟାଁ । ୧୬ ଆଡ଼ଠା ସାଅଁସାର୍ ହଡ଼କଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ ତିମ୍ତା ପା଼ମେଶ୍ୱାର୍ ଆୟାଃ ହନ୍କେ ଆଇଁୟାଃତାଃରେ ଉଦୁବ୍କିୟା, ଇମତା ନେ ବିଷାଏରେ କୁପ୍ଲି ନାଗେନ୍ତେ ଆଇଙ୍ଗ୍ ଏଟାଃକତାଃତେ କାଇଙ୍ଗ୍ ସେନାକାନ୍ ତାଇକେନା । ୧୭ ଚାଏ ଆଇଁୟାଃଏତେ ସିଦାରେ ଅକନ୍ଦକ ପ୍ରେରିଡ଼ ତାଇକେନାକ, ଇନ୍ଦକୁଲଃ ହଗି ନେପେଲ୍ ନାଗେନ୍ତେ ଯୀରୁଶାଲେମ୍ତେ କାଇଙ୍ଗ୍ ସେନାକାନ୍ ତାଇକେନା । ମେନ୍ଦ ଆଇଙ୍ଗ୍ ଇମ୍ତାଃଗି ଆରବ୍ ଦିଶ୍ୱମ୍ତେଇଙ୍ଗ୍ ସେନଃୟାନା ଆଡ଼ଠା ତାୟମ୍ତେ ଦମାସକସତେ ରୁହାଡ଼ୟାନାଇଙ୍ଗ୍ । ୧୮ \*ଏନ୍ତେ ଆପି ବାରାଷ୍ ତାୟମ୍ତେ ଆଇଙ୍ଗ୍ ପାଡ଼ରାସ୍ଲଃ ନେପେଲ୍ ନାଙ୍ ଯୀରୁଶାଲେମ୍ତେଇଙ୍ଗ୍ ସେନଃୟାନା ଆଡ଼ଠା ଇନିଃଲଃ ଗେଲ୍ ମଶେୟାଁ ମାହାଁ ତାଇକେନାଇଙ୍ଗ୍ । ୧୯ ମେନ୍ଦ ପ୍ରାଭୁଆଃ ହାଗା ଯାକୁବ୍କେ ବାଗିକେଦତେ ଆଇଙ୍ଗ୍ ଏଟାଃ ଜେତା ପ୍ରେରିଡ଼ଲଃ କାଇଙ୍ଗ୍ ନେପେଲ୍ ।

୨୦ ଆଇଙ୍ଗ୍ ଅଲ୍ତାନ୍ତେୟାଃ ସା଼ଡ଼ି ତାନାଃ । ପା଼ମେଶ୍ୱାର୍ ସାରିତାନାଏ, ଆଇଙ୍ଗ୍ କାଇଙ୍ଗ୍ ବେଦାତାନା !

୨୧ ଏନ୍ ତାୟମ୍ତେ ଆଇଙ୍ଗ୍ ସିରିୟା ଆଡ଼ଠା କିଲିକିଆ ପା଼ଗାନ୍ତେଇଙ୍ଗ୍ ସେନଃୟାନା । ୨୨ ଏନ୍ ଦିପିଲିକରେ ଯିହୁଦା ରାଇଜ୍ରେ ତାଇନ୍ତାନ୍ ଖ୍ରୀଷ୍ଟିଆଃ କାଲିସିୟାରେନ୍ ବିଶ୍ୱାସୀ ହାଗା ମିଶିକ ଆଇଙ୍ଗ୍କେ ବେଶ୍କେଦତେ କାକ ସାରିକାଇଙ୍ଗ୍ ତାଇକେନା । ୨୩ ଆଇଁୟାଃ ବିଷାଏରେ ଏଟାଃକ ଅକଆଃ କାଜିକାଦ୍ ତାଇକେନାକ, ଇମ୍ନାଙ୍ ଏସକାର୍ ଇନ୍ଦକୁ ସାରିୟାକାଦ୍ ତାଇକେନାକ । ଏଟାଃକତାଃଏତେ ଇନ୍ଦକୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ଼ ଆବୁକେ ସିଦା ସିଗିଦ୍ବୁ ତାଇକେନା ଆଡ଼ଠା ଆବୁଆଃ ଧାରାମ୍କେ ଜିୟନେ ନାଗେନ୍ତେ ସାନାଙ୍ଗ୍ ତାଇକେନା, ନାହାଁଃଦ ଇନିଃ ଆବୁ ବିଶ୍ୱାସକାଦ୍ କାଜିକେ ପା଼ଟାର୍ ତାନା !”

୨୪ ଏନାମେନ୍ତେ ଇନ୍ଦକୁ ଆଇଁୟାଃ ନାଗେନ୍ତେ ପା଼ମେଶ୍ୱାର୍କେକ ମାନାରାଙ୍ଗ୍ ତାଇକେନା ।

## ୨

ପା଼ଲୁସ୍ ଆଡ଼ଠା ଏଟାଃ ପ୍ରେରିଡ଼କ

୧ \*ଏନ୍ତେ ଗେଲ୍ ଉପୁନିୟା ବାରାଷ୍ ତାୟମ୍ତେ ଆଇଙ୍ଗ୍ ଆଡ଼ଠାସିସା ବର୍ଣ୍ଣବାସ୍ଲଃ ଯୀରୁଶାଲେମ୍ତେଇଙ୍ଗ୍ ରୁହାଡ଼ୟାନା, ଇମ୍ତା ତିତସକେ ହଗି ଆଇଁୟାଃଲଃ ଗାତିରେଇଙ୍ଗ୍ ଇଦିକାଇ ତାଇକେନା । ୨ ଆଇଙ୍ଗ୍ ଏନ୍ତାଃତେ ସେନ୍କେନାଇଙ୍ଗ୍ ତିଆଃତି ପା଼ମେଶ୍ୱାର୍ତାଃଏତେ ଉନ୍ଦୁବ୍ ନାମାକାଦ୍ ତାଇକେନାଇଙ୍ଗ୍ । ସାଅଁସାର୍ ହଡ଼କତାଃରେ ଆଇଙ୍ଗ୍ ଅକ ସୁକୁକାଜି ଉଦୁବ୍କାଦାଇଙ୍ଗ୍, ଏନା ଯୀରୁଶାଲେମ୍ରେନ୍ ଆଗୁଆଇକକେ ମିଆଁଦ୍ ଅଡ଼ାଃରେ ଦୁନ୍ଦୁବ୍ ଇମ୍ତା ଇନ୍ଦକୁକେ ବୁଗିଲେକାଇଙ୍ଗ୍ ଉଦୁବ୍କାଦକ ତାଇକେନା । ଆଇଁୟାଃ ସିଦାକରାଃ କାମି ଆଡ଼ଠା ନାହାଁଃରେୟାଃ କାମିକ ଜେ'ଲେକା ସାମାଏଶ୍ୱାଗଃଆ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ ତାଇକେନା । ୩ ଆଇଁୟାଃ ଗାତି ତିତସ୍ ମିଆଁଦ୍ ଗ୍ରୀକ୍ ହଡ଼ ତାଇକେନାଏ, ଏନ୍ରେହ ଇନିଃକେ ଖାଡ଼ନାଅ ରିକାଃଅ ଲାଗାତିୟାଃ ମେନ୍ତେ କା କାଜିକାନ୍ ତାଇକେନା । ୪ ମେନ୍ଦ ତିମିନ୍ ହଡ଼କ ଇନିଃକେ ଖାଡ଼ନାଅ ରିକାଇ ନାଗେନ୍ତେକ ସାନାଙ୍ଗ୍ ତାଇକେନା ।

\* ୧:୧୫ ୧:୧୫ ପ୍ରେରିଡ଼ ୯:୩-୬; ୨୨:୭-୧୦; ୨୬:୧୩-୧୮.

\* ୧:୧୮ ୧:୧୮ ପ୍ରେରିଡ଼ ୯:୨୬-୩୦.

\* ୨:୧

୨:୧ ପ୍ରେରିଡ଼ ୧୧:୩୦; ୧୫:୨.

ଇନକୁ ବିଶ୍ୱାସୀ ହାଗା ତାନ୍ଲେ ମେନ୍ତେ ବେଦାକେଦତେ କୁମ୍ଭୁକୁ ଲେକା ଝୁଣ୍ଡରେ ମେସାକାନ୍ ତାଇକେନାକ । ଖ୍ରୀଷ୍ଟ ଯୀଶୁଲକ୍ଷ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡ଼ାକାନାରୁ, ଏନାକେ ଦାଣ୍ଟା ନାମତେୟାଃ ଇନକୁଆଃ ଉଦେଶ୍ ତାଇକେନା । ଆରୁକେ ଆଡ଼ଃମିସା ଆନ୍‌ରୁରେୟାଃ କିରିଙ୍ଗ୍‌ୟାକାନ୍ ଦାସି ହବାଃଅ ନାଗେନ୍ତେ ଇନକୁ ସାନାଙ୍ଗ୍ ତାଇକେନାକ ।<sup>୫</sup> ମେନ୍‌ଦ ଆପେୟାଃ ନାଗେନ୍ତେ ସୁକୁକାଜିରେୟାଃ ସାନାର୍‌ତି ତାଇନଃକା ମେନ୍ତେ ଆଲେ ଏନ୍ ବେଦାହତକକେ କାଟିଃଲେକାହିଁ ଠାୟାଦ୍ କାଲେ ଏମାକାକ ତାଇକେନା ।

<sup>୬</sup> ମେନ୍‌ଦ ଅକ ହତକ ଆଗୁଆଇ ମେନ୍ତେ କାଜିୟାଃ ତାଇକେନାକ, ଇନକୁ ଜେତା ହତ ତାଇନଃରେୟ, ଏନାରେ ଆଇଁୟାଃ ଜେତାନ୍ କାଜି ବାନଃଆ, ଚିୟାଃତି ହତରାଃ ବାହାରି ନେପେଲ୍‌ରେ ପାର୍‌ମେଶ୍ୱାର୍ ଜେତାଏୟାଃ ବିଚାର୍ କାଏ ରିକାଃ, ଏନ୍ ଆଗୁଆଇକ ଆଇଙ୍ଗ୍‌କେ ଜେତାନ୍ ନାଝା କାଜିକ କାକ ଏମାକାଇଙ୍ଗ୍ ତାଇକେନା ।<sup>୬</sup> ଏଗାଃ ହରାତେ, ଇନକୁ ନେଲ୍‌କେଦାକ ଯେ, ପାର୍‌ମେଶ୍ୱାର୍ ଜେ'ଲେକା ଯିହୁଦୀ ହତକତାଃରେ ସୁକୁକାଜି ଉଦୁବ୍‌ରେୟାଃ ବାହାରମ୍ ପାଡ଼ରାସ୍‌କେ ଏମାକାନ୍ ତାଇକେନା, ଏନ୍‌ଲେକାଗି କା ଖାଡ଼ନାଅକାନ୍ ହତକଆଃ ଆୟାର୍‌ରେ ସୁକୁକାଜି ଉଦୁବ୍‌ରେୟାଃ ବାହାରମ୍ ଆଇଙ୍ଗ୍‌କେ ଏମାକାନା ।<sup>୭</sup> ଚିୟାଃତି ପାଡ଼ରାସ୍ ଜେ'ଲେକା ପାର୍‌ମେଶ୍ୱାର୍‌ଆଃ ପେଡ଼େଃତେ ଯିହୁଦୀ ହତକ ନାଗେନ୍ତେ ପ୍ରେରିଡ଼୍ ଲେକାଏ ସାଲାକାନ୍ ତାଇକେନା, ଆଇଙ୍ଗ୍‌ହଗି ଏନ୍‌ଲେକାଗି ପାର୍‌ମେଶ୍ୱାର୍‌ଆଃ ପେଡ଼େଃତେ ସାଅଁସାର୍ ହତକ ନାଗେନ୍ତେ ପ୍ରେରିଡ଼୍ ଲେକାଇଙ୍ଗ୍ ସାଲାକାନା ।<sup>୮</sup> ଆଗୁଆଇ ଲେକା କାଜିୟାଃତାନ୍ ଯାକୁବ୍, ପାଡ଼ରାସ୍ ଆଡ଼ଃ ଯୋହାନ୍ ମାନାତିଙ୍ଗ୍‌କେଦାକ ଯେ, ପାର୍‌ମେଶ୍ୱାର୍ ଆଇଙ୍ଗ୍‌କେ ନେ ସାୟାଦ୍‌ରେୟାଃ ବିଶେଷ୍ କାମି ନାଗେନ୍ତେ ବାହାରମ୍ ଏମାକାଦିୟାଏ । ଏନାମେନ୍ତେ ଇନକୁ ଆଇଙ୍ଗ୍‌କେ ଆଡ଼ଃ ବର୍ଣ୍ଣବାସ୍‌କେ ମିସାତେ କାମିତାନ୍ ହତକିନ୍ ତାନ୍‌କିନ୍ ମେନ୍ତେ କାଜିକେଦାକ । ବର୍ଣ୍ଣବାସ୍ ଆଡ଼ଃ ଆଇଙ୍ଗ୍ ସାଅଁସାର୍ ହତକଆଃ ଆଲାରେ ଆଡ଼ଃ ଇନକୁ ଯିହୁଦୀ ହତକଆଃ ଆଲାରେ କାମିୟାକ ମେନ୍ତେ ମିଦମନ୍‌ୟାନାଲେ ।<sup>୯</sup> ଇନକୁ ନିମିନାଙ୍ଗ୍ ଏସ୍‌କାର୍ ବିନ୍ତିକାଦ୍ ତାଇକେନାକ ଯେ, ଆଲେ ଇନକୁଆଃ ଝୁଣ୍ଡରେ ତାଇନତାନ୍ ଜାଞ୍ଜିଆଃ ହତକକେ ପାହାମ୍‌କଆଲେ । ଏନ୍ ବିଷାଏରେଗି ଆଇଁୟାଃ ସାନାଙ୍ଗ୍ ତାଇକେନା ।

ଆନ୍ତିୟୋଖରେ ପାଡ଼ରାସ୍‌କେ ପାଉଲୁସ୍‌ଆଃ କାଜିକଟଙ୍ଗ୍

<sup>୧୧</sup> ମେନ୍‌ଦ ପାଡ଼ରାସ୍ ଆନ୍ତିୟୋଖ୍‌ତେ ହିନ୍ଦୁଃକାନ୍ ଇମ୍‌ତା ଆଇଙ୍ଗ୍ ହତକ ଆଲାରେ ଇନିୟାଃ କାଜିକଟଙ୍ଗ୍ ରିକାକାଦ୍ ତାଇକେନାଇଙ୍ଗ୍, ତିଆଃତି ଇନିଃ ଭୁଲ୍ ରିକାକାଦ୍ ତାଇକେନାଏ ।<sup>୧୨</sup> ଯାକୁବ୍‌ଆଃ ହରାତେ କୁଲାକାନ୍ ଚିମିନ୍ ହତକ ଏନ୍ତାଃତେ ହିନ୍ଦୁଃ ସିଦାରେ, ପାଡ଼ରାସ୍ ସାଅଁସାର୍ ହତକଲକ୍ଷ ଜମ୍‌ତାନ୍ ତାଇକେନାଏ । ମେନ୍‌ଦ ଏନ୍ ହତକ ହିନ୍ଦୁଃ ତାୟମ୍‌ତେ, ଇନିଃ କାଏ ଜମ୍‌କେଦା, ତିଆଃତି ସାଅଁସାର୍ ହତକକେ ଖାଡ଼ନାଅ ହବାଃଅ ଲାଗାତିଙ୍ଗ୍‌ୟାଃ ମେନ୍ତେ ଅକ ହତକ କାଜିତାଇକେନାକ, ଇନକୁକେ ଇନିଃ ବରକ ତାଇକେନାଏ ।<sup>୧୩</sup> ଏଗାଃ ଯିହୁଦୀ ହାଗା ମିଶିକ ପାଡ଼ରାସ୍‌ଲକ୍ଷ ମେସାକେଦତେ ହସଡ଼ କାମିକ କାମିକେଦା ଆଡ଼ଃ ଏନ୍‌ଲେକା ବର୍ଣ୍ଣବାସ୍ ହଗି ଇନକୁଆଃ ହସଡ଼ରେ ଉୟୁଃୟାନା ।<sup>୧୪</sup> ମେନ୍‌ଦ ଚିମ୍‌ତା ଆଇଙ୍ଗ୍ ଇନକୁକେ ସୁକୁକାଜିରାଃ ସାନାର୍‌ତି ଲେକାତେ ଜାଝାନ୍ ବିତାଅତେୟାଃ କାଇଙ୍ଗ୍ ନେଲ୍‌କେଦକିଆ, ଇମ୍‌ତା ଆଇଙ୍ଗ୍ ପାଡ଼ରାସ୍‌କେ ଇନକୁଆଃ ଆୟାର୍‌ରେଇଙ୍ଗ୍ କାଜିକିୟା, “ମେନ୍‌ଦ ଆମ୍ ଯିହୁଦୀ ହତ ତାଇନକେଦତେ ସାଅଁସାର୍ ହତକ ଲେକାମ୍ ସେସେନ୍‌ତାନା, ତାବ୍‌ଦ ଯିହୁଦୀ ହତକ ଲେକା ଜାଝାନ୍ ବିତାଅ ନାଗେନ୍ତେ ଆମ୍ ଚିଲ୍‌କାତେ ସାଅଁସାର୍ ହତକକେମ୍ ଆରୁକତାନା ?”



ବିଶ୍ୱାସ ହରାତେ ଜୀଉ ବାସ୍ତାଅ

୧୫ ସାର୍ବତ୍ରି ଆଲେ ଜାନାମ୍‌ଏତେଗି ଯିହୁଦୀ ହତକତାନ୍‌ଲେ, କାନାଜି ଲେକାତେ, ପାପି ସାର୍ଥସାର୍ ହତକ ନାହାଁଲାଃଲେ । ୧୬ ଏନ୍‌ରେୟ, ଆଲେ ସାରିତାନାଲେ ଯେ, ଆନ୍‌ରୁରାଃ କାଜିକ ପୁରାକେଦ୍‌ତେ କାହାଗି, ମେନ୍‌ଦ ଯୀଶୁ ଖ୍ରୀଷ୍ଟତାଃରେ ବିଶ୍ୱାସକେଦ୍ ହରାତେ ଏସକାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃଆଏ । ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ଆଲେ ଆନ୍‌ରୁ ଚେତାନ୍‌ରେ କା ଆସ୍ରାକେଦ୍‌ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ତାନାଲେ, ଚିୟାଃଟି ଆନ୍‌ରୁ ମାନାତିଙ୍ଗକେଦ୍‌ତେ ଏସକାର୍ ଜେତଏ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ କାଏ ହବାଅଃଆ । ୧୭ ମେନ୍‌ଦ ଖ୍ରୀଷ୍ଟଲଃ ମେସାକେଦ୍‌ତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ସାନାଙ୍ଗତାନ୍ ଇମତା ଆରୁ ହଗି ସାର୍ଥସାର୍ ହତକ ଲେକା ପାପି ହବାକେଦ୍‌ତେ ମେନାରୁରେଦ, ଚିନାଃ ଖ୍ରୀଷ୍ଟ୍ ଏନାରେନ୍ ଜିମାଦାର୍ ତାନିଃ ? କାହାଗି ଏନାଦ ଆଲକା ହବାଅଃକା ? ୧୮ ଚିୟାଃଟି ଅକ ଆନ୍‌ରୁରାଃ ତନଲ୍‌କେ ଆଇଙ୍ଗ୍ ଟଟାଃକାଦାଇଙ୍ଗ୍, ଏନାକେ ଆତଃମିସା ବାଇରୁହାଡେରେଦ ଆଇଙ୍ଗ୍ ଗୁହ୍ନାଁ ହବାଅଃଆଇଙ୍ଗ୍ । ୧୯ ଆଇଙ୍ଗ୍ ଆନ୍‌ରୁ ନାଗେନ୍ତେ କାଇଙ୍ଗ୍ ଜୀହୁଦଃତାନାଃ ଚିଆଃଟି ଆନ୍‌ରୁ ଆଇଁୟାଃ ଗନଏଃ ଆତକେଦାଏ, ମେନ୍‌ଦ ନାହାଁଃ ଆଇଙ୍ଗ୍ ପାର୍‌ମେଶ୍ୱାର୍ ନାଗେନ୍ତେ ଜୀନିଦ୍ ମେନାଇୟାଁ । ଖ୍ରୀଷ୍ଟଲଃ ଆୟାଃ କୁଗ୍ ଚେତାନ୍‌ରେ ଆଇଙ୍ଗ୍ ହଗି ଗଜାକାନାଇଙ୍ଗ୍ । ୨୦ ଏନାମେନ୍ତେ ନାହାଁଃ ଆଇଙ୍ଗ୍ ଜୀନିଦ୍ ନାହାଁଲିଙ୍ଗ୍, ଆଇଁୟାଃତାଃରେ ଖ୍ରୀଷ୍ଟଗି ଜୀନିଦ୍ ମେନାଇୟାଁ । ଆଇଙ୍ଗ୍ ହାସା ହତ୍‌ମରେ ତାଇକେଦ୍‌ତେ ନାହାଁଃ ଅକ ଜୀଝାନ୍ ବିତାଅତାନାଇଙ୍ଗ୍, ଏନାଦ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ହନ୍‌ତାଃରେ ବିଶ୍ୱାସକେଦ୍ ହରାତେ ଏସକାର୍ ହବାଦାଡିକାନା, ଅକଏତି ଆଇଙ୍ଗ୍‌କେ ଦୁଲ୍‌ାଡକେଦ୍‌ତେ ଆଇଁୟାଃ ନାଗେନ୍ତେ ଆୟାଃ ଜୀଉକେ ଏମକେଦାଏ । ୨୧ ଏନାମେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍‌କେ ଆଇଙ୍ଗ୍ ସାମାତାନାଃ ମେନ୍ତେ କାଇଙ୍ଗ୍ କାଜି, ଚିୟାଃଟି ଆନ୍‌ରୁ ମାନାତିଙ୍ଗ୍ ହରାତେ ଏସକାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃରେଦ, ଖ୍ରୀଷ୍ଟାଃ ଗନଏଃ ସାମାତାନାଃ ମେନ୍ତେ କାଜିୟାଆ ।

**୩**

ଆନ୍‌ରୁ ଚାଏ ବିଶ୍ୱାସ୍

୧ ହେ ଗାଳାତିୟରେନ୍ ତଣ୍ଡକ ! ଅକଏ ଆପେକେ ମୁହିନି କାଦ୍‌ପେୟା ? କୁଗ୍ ଚେତାନ୍‌ରେ ଯୀଶୁ ଖ୍ରୀଷ୍ଟାଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା । ୨ ଆପେ ଆଇଙ୍ଗ୍‌କେ ମିଆଁଦ୍ କାଜି କାଜିଙ୍ଗ୍‌ପେ, ଆନ୍‌ରୁ ମାନାତିଙ୍ଗ୍ ହରାତେ ଆପେ ପାବିତାର୍ ଆମ୍ବାକେପେ ନାମ୍‌କିୟା ଚି ସୁକୁକାଜି ଆୟୁମ୍‌କେଦ୍‌ତେ ଏନାରେ ବିଶ୍ୱାସକେଦ୍ ହରାତେ ? ୩ ଆପେ ଚିନାଃ ନିମିନ୍ ତଣ୍ଡତାନ୍‌ପେ ? ପାର୍‌ମେଶ୍ୱାର୍‌ଆଃ ପାବିତାର୍ ଆମ୍ବାରାଃ ପେଡେଃତେ ଆପେ ଅକ ଜୀଦାନ୍ ଏଟେଦ୍‌କାଦାପେ, ଏନାକେ ଚିନାଃ ଆପ୍‌ନାଃ ହାସା ହତ୍‌ମରେୟାଃ ପେଡେଃତେ ଚୁଣ୍ଡ ନୁଙ୍ଗ୍ ସାନାଙ୍ଗତାନାପେ ? ୪ ଆପେ ଚିନାଃ ସାମାରେ ନିମିନାଙ୍ଗ୍ ଦୁକୁହାସୁ ସାହାଡିଙ୍ଗ୍‌କାଦାପେ ? ଏନାଏତେ ଚିନାଃ ଜେଡ୍‌ନାଃ କାପେ ଇଡୁକାନା ? ୫ ଆପେ ଆନ୍‌ରୁରେ ଏସକାର୍ ବିଶ୍ୱାସକାଦ୍ ହରାତେ ଚିନାଃ ପାର୍‌ମେଶ୍ୱାର୍ ଆପେକେ ଆୟାଃ ଆମ୍ବା ଏନାକାଦ୍‌ପେୟାଏ ଆତଃ ଆପେୟାଃ ଆଲ୍‌ାରେ ଆକ୍‌ଦାନ୍‌ଆ କାମିକଏ ରିକାଏତାନା, ଚି ଆପେ ସୁକୁକାଜି ଆୟୁମ୍‌କେଦ୍‌ତେ ଏନାରେ ବିଶ୍ୱାସକେଦ୍ ହରାତେ ଇନିଃ ଏନାକ ରିକାଃଏ ?

☆ ୨:୧୭ ୨:୧୭ ରୋମି ୩:୨୦; ରୋମି ୩:୨୨.

୭ ✠ ଆବ୍ରାହାମ୍‌ଆଃ କାଜିକେ ପାହାମେପେ । ଧାରାମ୍‌ପୁଥିରେ ଅଲ୍ଲାକାନା, “ଇନିଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌କେଦା ଆତଃ ଆୟାଃ ବିଶ୍ୱାସ୍‌ ହରାତେ ପାର୍‌ମେଶ୍ୱାର୍‌ ଇନିଃକେ ଧାର୍‌ମାନ୍‌ ମେନ୍ତେ କାଜିକିୟା ।” ୭ ✠ ବିଶ୍ୱାସ୍‌ତାନ୍‌ ହଡ଼କ ଏସ୍‌କାର୍‌ ଆବ୍ରାହାମ୍‌ଆଃ ହନ୍‌କ ତାନ୍‌କ, ଏନା ଆପେକେ ସାରି ଲାଗାତିଙ୍ଗ୍‌ୟାଃ । ିସିଦାରେଗି ଧାରାମ୍‌ପୁଥିରେ ଅଲ୍ଲାକାନା, ବିଶ୍ୱାସ୍‌ ହରାତେ ପାର୍‌ମେଶ୍ୱାର୍‌ ସାଅଁସାର୍‌ ହଡ଼କକେ ହଗି ଧାର୍‌ମାନ୍‌ ମେନ୍ତେ କାଜିକିଆ, ଆବ୍ରାହାମ୍‌ତାଃରେ ନେ କାଜି ପାହିଲା ଉଦୁବ୍‌କାଦ୍‌ ତାଇକେନା, “ଆମାଃ ହରାତେ ପାର୍‌ମେଶ୍ୱାର୍‌ ଅତେଦିଶ୍ୱାମ୍‌ରେନ୍‌ ସବେନ୍‌ ହଡ଼କକେ ଆଶିଷ୍‌କିଆ ।” ୯ ଆବ୍ରାହାମ୍‌ ବିଶ୍ୱାସ୍‌କେଦ୍‌ତେ ଆଶିଷ୍‌ ନାମ୍‌କେଦାଏ । ଏନାମେନ୍ତେ ଅକନ୍‌କ ବିଶ୍ୱାସେୟାକ, ଏନ୍‌ ସବେନ୍‌କ ଆୟାଃ ଲେକାଗି ଆଶିଷ୍‌କ ନାମେୟା ।

୧୦ ଅକନ୍‌କ ଆନ୍‌ରୁ ମାନାତିଙ୍ଗ୍‌ ଚେତାନ୍‌ରେ ଆସ୍ତା ଦହୟାକ, ଇନ୍‌କୁ ସାର୍‌ପାଅରେୟାଃ ବରତେ ଜୀଦାନ୍‌ ବିତାଅଆଃକ । ଚିୟାଃତି ଧାରାମ୍‌ପୁଥିରେ ଅଲ୍ଲାକାନା “ମୁଶାରାଃ ଆନ୍‌ରୁ ପୁଥିରେ ଅକ ସବେନାଃ ଅଲ୍ଲାକାନା, ଜେତାଏ ଏନାକେ ପୁରା କାଏ ମାନାତିଙ୍ଗ୍‌ରେଦ ଇନିଃ ପାର୍‌ମେଶ୍ୱାର୍‌ଆଃ ସାର୍‌ପାଅନିଃ ତାନିଃ ।” ୧୧ ନେ ହରାତେ ସାରିୟଃତାନା, ଆନ୍‌ରୁ ହରାତେ ଜେତା ହଡ଼ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌ କାଏ ହବାଅଆ, ଚିୟାଃତି ଧାରାମ୍‌ପୁଥିରେ ଅଲ୍ଲାକାନା, “ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌ ହଡ଼ ବିଶ୍ୱାସ୍‌ ହରାତେ ଜାହିଦଃଆ ।” ୧୨ ମେନ୍‌ଦ ଆନ୍‌ରୁଲଃ ବିଶ୍ୱାସ୍‌ରାଃ ଜେତାନ୍‌ ନାତା ବାନାଆ । ଧାରାମ୍‌ପୁଥିରେ ଅଲ୍ଲାକାନା, “ଅକ ହଡ଼ ସବେନ୍‌ ଆନ୍‌ରୁ ମାନାତିଙ୍ଗ୍‌ ରିକାଃଏ, ଇନିଃ ବାଞ୍ଛାଅଆଏ ।”

୧୩ ମେନ୍‌ଦ ଶ୍ରୀଷ୍ଟ୍ ଆରୁ ନାଗେନ୍ତେ ସାର୍‌ପାଅ ନାମ୍‌କେଦ୍‌ତେ ଆନ୍‌ରୁରେ ଅଲ୍ଲାକାନ୍‌ ସାର୍‌ପାଅଏତେ ଆରୁକେ ରାଡ଼ାକାଦ୍‌ରୁଆ । ଧାରାମ୍‌ପୁଥିରେ ଅଲ୍ଲାକାନା, “ଜେତାଏ ଦାରୁରେ ହାକା ଗଜଃଆଏ, ଇନିଃ ପାର୍‌ମେଶ୍ୱାର୍‌ଆଃ ହରାତେ ସାର୍‌ପାଅନିଃ ତାନିଃ ।” ୧୪ ପାର୍‌ମେଶ୍ୱାର୍‌ ଆବ୍ରାହାମ୍‌କେ ଅକ ଆଶିଷ୍‌ ନାଗେନ୍ତେ ବାନାର୍‌ସା ଏମାକାଇ ତାଇକେନାଏ, ସାଅଁସାର୍‌ ହଡ଼କହଗି ଜେ'ଲେକା ଏନ୍‌ ଆଶିଷ୍‌ ନାମ୍‌ ଦାଡ଼ିୟାକ, ଏନାମେନ୍ତେ ଶ୍ରୀଷ୍ଟ୍ ନେ କାମିକେ ପୁରାକେଦା । ଏନାମେନ୍ତେ ବିଶ୍ୱାସ୍‌ ହରାତେ ଆରୁ ହଗି ପାର୍‌ମେଶ୍ୱାର୍‌ କାଜିକାଦ୍‌ ଲେକା ପାବିତାର୍‌ ଆମ୍‌ରୁ ନାମ୍‌ ଦାଡ଼ିୟା ।

ଆନ୍‌ରୁ ଆତଃ ବାନାର୍‌ସା

୧୫ ହେ ହାଗା ମିଶିକ, ଆଇଙ୍ଗ୍‌ ମିଆଁଦ୍‌ ନାମ୍‌ନା ଏମାପେତାନାଇଙ୍ଗ୍‌, ଚିମ୍‌ତା ବାର୍‌ହଡ଼୍‌ ଜେତାନ୍‌ ବିଷାଏରେ ମିଆଁଦ୍‌ ରାଜିନାମା ବାଇୟାଃକିନ୍‌ ଇମ୍‌ତା ଏନାକେ ଜେତାଏ କାକ ଚଟାଃଦାଡ଼ିୟା ଚାଏ ଏନାରେ ଜେଡ଼ନାଃ କାକ ମେସା ଦାଡ଼ିୟା । ୧୬ ଆବ୍ରାହାମ୍‌ ଆତଃ ଆୟାଃ କିଲିକତାଃରେ ପାର୍‌ମେଶ୍ୱାର୍‌ ଆୟାଃ ବାନାର୍‌ସା ଏମାକାଦ୍‌ ତାଇକେନାଏ । ମେନ୍‌ଦ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍‌ଲେରେ ପୁରାଃ ହଡ଼କ ନାଗେନ୍ତେ ମେନ୍ତେ ଧାରାମ୍‌ପୁଥିରେ କା ଅଲ୍ଲାକାନା । “ଆମାଃ କିଲି ନାଗେନ୍ତେ ଏସ୍‌କାର୍‌” ମେନ୍ତେ ଅଲ୍ଲାକାନା । ଏନାତେ ଏନ୍‌ ଧାରାମ୍‌ପୁଥିରେ ଅଲ୍ଲାକାନ୍‌ତେୟାଃ, ମିଆଁଦ୍‌ ହଡ଼ ନାଗେନ୍ତେ ଏସ୍‌କାର୍‌, ମେନ୍‌ଲେରେ ଶ୍ରୀଷ୍ଟ୍ ନାଗେନ୍ତେ ଏସ୍‌କାର୍‌ ଅଲ୍ଲାକାନା । ୧୭ ଆଇଁୟାଃ କାଜିରାଃ ମୁଣ୍ଡି ହବାଅଆତାନାଃ, ପାର୍‌ମେଶ୍ୱାର୍‌ ଆବ୍ରାହାମ୍‌ଲଃ ମିଆଁଦ୍‌ ରାଜିନାମା ବାଇକାଦ୍‌ ତାଇକେନାଏ, ଆତଃ ଏନା ବାଞ୍ଛାଅ ନାଗେନ୍ତେ ବାନାର୍‌ସା ଏମାକାଦ୍‌ ତାଇକେନାଏ । ଅକ ଆନ୍‌ରୁ ୪୩୦ ବାରାଷ୍ଟ୍ ତାୟମ୍‌ତେ ଏମ୍‌ୟାନା, ଏନ୍‌ ଆନ୍‌ରୁ ଏନ୍‌ ରାଜିନାମାକେ ଚଟାଃକେଦ୍‌ତେ ପାର୍‌ମେଶ୍ୱାର୍‌ ଏମାକାଦ୍‌ ବାନାର୍‌ସାକେ କାଏ ହକା ଦାଡ଼ିୟା । ୧୮ ✠ ପାର୍‌ମେଶ୍ୱାର୍‌ଆଃ ବାନାର୍‌ସା ହରାତେ ଏମାକାନ୍‌ ଆଶିଷ୍‌ ନାମ୍‌ ନାଗେନ୍ତେ ଆନ୍‌ରୁ ଚେତାନ୍‌ରେ ଆସ୍ତାଏ ରେଦ୍‌, ଏନା ଆୟାଃ ଏମାକାଦ୍‌ ବାନାର୍‌ସା ହରାତେ ନାମାକାନା ମେନ୍ତେ କା

କାଜିୟଃଆ । ଏନାତେ ପାର୍ମେଶ୍ୱାର୍ ଆୟାଃ ବାନାର୍‌ସା ଲେକାତେ ଏସ୍‌କାର୍ ଏନ୍ ଆଗିଷ୍ ଆବ୍ରାହାମ୍‌କେ ଏମ୍‌କିୟା ।

<sup>୧୯</sup> ତାବ୍‌ଦ ଆନ୍ରୁ ତିନାଃମେନ୍ତେ ଏମ୍‌ୟାନା ? ହଡ଼କଆଃ ସବେନ୍ ଏଡ଼କାନ୍ କାମିକକେ ଉଦୁବ୍‌ରେୟାଃ ଉଦେଶ୍‌ରେ ଏନା ଏମାକାନ୍ ତାଇକେନା, ଆଡ଼ଃ ଆବ୍ରାହାମ୍‌ଆଃ ଅକ କିଲିକେ ନେଲକେଦ୍‌ତେ ପାର୍ମେଶ୍ୱାର୍ ବାନାର୍‌ସା ଏମାକାଦ୍ ତାଇକେନାଏ, ଏନ୍ ହଡ଼ରାଃ ହିନିଜୁଃ ଜାକେଦ୍ ଆନ୍ରୁରାଃ ଲାଗାତିଙ୍ଗ୍ ତାଇକେନା । ପାର୍ମେଶ୍ୱାର୍ ଆଡ଼ଃ ହଡ଼କଆଃ ଆଲାରେ କାମିତାନ୍ ମିଆଁଦ୍ ହଡ଼କେ ଦୁଡ଼କଆଃ ହରାତେ ଏନ୍ ଆନ୍ରୁ ଏମାକାନ୍ ତାଇକେନା । <sup>୨୦</sup> ମେନ୍‌ଦ ବାନାର୍‌ସା ଏମାକାନ୍ ଦାନଲଃ ମିହୁଡ଼୍ ଏସ୍‌କାର୍ ମେସାକାନ୍ ତାଇକେନାଏ । ଇନିଃ ପାର୍ମେଶ୍ୱାର୍ ତାନିଃ ।

ଆନ୍ରୁରେୟାଃ ଉଦେଶ୍

<sup>୨୧</sup> ଆନ୍ରୁ ତିନାଃ ପାର୍ମେଶ୍ୱାର୍ ଏମାକାଦ୍ ବାନାର୍‌ସାକେ ବିରୁଧ୍ ରିକାଃଏ ? କାହାଗି, ତିଉଲାଇ କା ହବାଅଃଆ ! ତିଆଃତି ମାନଝାକେ ଜୀଦାନ୍ ଏମେ ଲେକା ମିଆଁଦ୍ ଆନ୍ରୁ ବାଇୟାକାନ୍ ରେଦ୍, ଏନାକେ ମାନାତିଙ୍ଗ୍ ହରାତେଗି ମାନଝା ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌ନିଃ ମେନ୍ତେ ଉଦୁବ୍‌କାନ୍‌ତେୟାଃ । <sup>୨୨</sup> ମେନ୍‌ଦ ଧାରାମପୁଅରେ ଅଲକାନା, ସବେନ୍ ମାନଝାକ ପାପ୍‌ରେୟାଃ ଆକ୍‌ତେୟାର୍‌ରେ ମେନାକଆ, ଏନାମେନ୍ତେ ଯୀଶୁ ଖ୍ରୀଷ୍ଟାଃରେ ବିଶ୍ୱାସ୍‌କାଦ୍ ହରାତେ ବାନାର୍‌ସା ଏମାକାନ୍ ଆଗିଷ୍ ଖ୍ରୀଷ୍ଟ୍ ବିଶ୍ୱାସୀକକେ ଏମଃଆ ।

<sup>୨୩</sup> ବିଶ୍ୱାସ୍‌ରେୟାଃ ଦିପିଲି ହିଜୁଃ ସିଦାରେ ଆଡ଼ଃ ଏନା ଉନୁଦୁବ୍ ହବାଅଃ ଜାକେଦ୍ ଆନ୍ରୁ ଆବୁ ସବେନ୍‌କକେ ତଲକାଦ୍‌ରୁ ତାଇକେନା । <sup>୨୪</sup> ଖ୍ରୀଷ୍ଟ୍‌ଆଃ ହିନିଜୁଃ ଜାକେଦ୍ ଆନ୍ରୁ ଆବୁଆଃ ଇଡୁନିଃ ଲେକା ତାଇକେନା । ମେନ୍‌ଦ ଏନ୍ ତାୟମ୍‌ତେ ବିଶ୍ୱାସ୍ ହରାତେ ଏସ୍‌କାର୍ ଆବୁ ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ଲେକାରୁ ହବାଅଃଆ । <sup>୨୫</sup> ନାହାଁଃ ବିଶ୍ୱାସ୍‌ରେୟାଃ ଦିପିଲି ସେଟେରକାନା, ଆବୁ ଆନ୍ରୁରେୟାଃ ଆକ୍‌ତେୟାର୍‌ରେ ଆଡ଼ଃ ବାଙ୍ଗ୍‌ରୁଆ ।

<sup>୨୬</sup> ବିଶ୍ୱାସ୍ ହରାତେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ଆପେ ପାର୍ମେଶ୍ୱାର୍‌ରାଃ ହନ୍‌କପେ ହବାକାନା । <sup>୨୭</sup> ତିଆଃତି ଆପେ ବାପ୍ତିସ୍ମାୟାନ୍ ହରାତେ ଖ୍ରୀଷ୍ଟ୍‌ଲଃ ମିଦ୍‌କାନାପେ ଆଡ଼ଃ ନାହାଁଃ ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ଲେକାନ୍ ଲିଜାଃ ତୁସିଙ୍ଗ୍‌କାନାପେ । <sup>୨୮</sup> ଏନାମେନ୍ତେ ଯିହୁଦୀ ଆଡ଼ଃ ସାଅଁସାର୍ ହଡ଼, କିରିଙ୍ଗ୍‌ୟାକାନ୍ ଦାସି ଆଡ଼ଃ ରାଡ଼ାକାନ୍ ହଡ଼କ, କଡ଼ା ଆଡ଼ଃ କୁଡ଼ି ଆଲାରେ ଆଡ଼ଃ ଜେତାନ୍ ଭେଦ୍‌ଭାଦ୍ ବାନଃଆ । ଆପେ ସବେନ୍‌କ ଯୀଶୁ ଖ୍ରୀଷ୍ଟ୍‌ଲଃ ମେସାକେଦ୍‌ତେ ମିଦ୍‌କାନାପେ । <sup>୨୯</sup> ଆପେ ଖ୍ରୀଷ୍ଟ୍‌ଆଃ ତାନପେରେଦ୍, ଆପେୟଗି ଆବ୍ରାହାମ୍‌ଆଃ କିଲିକ ତାନପେ ଆଡ଼ଃ ପାର୍ମେଶ୍ୱାର୍ ଅକଆଃ ବାନାର୍‌ସା ଏମାକାଦାଏ, ଏନା ନାମେୟାଃପେ ।

## ୪

ହନ୍ ଆଡ଼ଃ ହାନାତିଙ୍ଗ୍ ନାମେନିଃ

<sup>୧</sup> ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ହନ୍ ଆପୁଆଃ ସବେନ୍ ହାନାତିଙ୍ଗ୍ ନାମେନିଃ ତାନିଃ, ମେନ୍‌ଦ ସବେନ୍ ବିଷାଏରେୟାଃ ହାନାତିଙ୍ଗ୍ ନାମେନିଃ ତାନିଃରେୟଗି, ଇନିଃ ସିଟିଆଗି ମେନାଇ ହରାତେ, କିରିଙ୍ଗ୍‌ୟାକାନ୍ ଦାସି ଲେକାଏ ତାଇନା । <sup>୨</sup> ସିଟିଆ ତାଇକାନ୍ ଦିପିଲିରେ, ଆୟାଃ ଆପୁଆଃ ସାଲାକାନ୍ ନେତା ଜାକେଦ୍ ଇନିଃ ଖାଜାନ୍‌ତିରାଃ ଆକ୍‌ତେୟାର୍‌ରେ ତାଇନାଃ ଆଡ଼ଃ ସବେନ୍ ବିଷାଏରେ

ଇନିଷକେ ଦେଖାଇୟାକ ।<sup>୩</sup> ଏନ୍‌ଲେକାଗି ଆବୁହ ଆମିକ୍ ଲେକାତେ ସେପେଡ୍‌ଡ୍ ହବାଅଃ ସିଦାରେ, ଅତେଦିଶୁମ୍‌ରେ ଆକ୍‌ତେୟାରେତାନ୍ ପେଡ୍‌ଡ୍‌ରେୟାଃ ଏନେଟେଦ୍ ବିଷାଏରେୟାଃ କିରିଙ୍‌ଝାଁକାନ୍ ଦାସି ତାଇକେନାବୁ ।<sup>୪</sup> ମେନ୍‌ଦ ଦୁଣ୍ଡୁରୁ ଚିମ୍‌ତା ଠାଉକା ନେଡା ସେଟେରୁୟାନା ଇମ୍‌ତା ପାର୍‌ମେଶ୍‌ୱାର୍ ଆୟାଃ ହନ୍‌କେ କୁଲ୍‌କିୟା, ମିଆଁଦ୍ ଡିଶ୍‌ୟା କୁଡ଼ିଆଃ ହରାତେ ଇନିଃ ଜାନାମ୍ ଇଦିକେଦ୍‌ତେ ଯିହୁଦୀକଆଃ ଆନ୍‌ରୁ ଲେକାତେ ଜୀଦାନ୍ ବିତାଅକେଦାଏ ।<sup>୫</sup> \*ଜେ'ଲେକାଗି ଇନିଃ ଲାଗାଡିଙ୍‌ ଗନଙ୍‌ ଏମ୍‌କେଦ୍‌ତେ ଏନ୍‌ ଆନ୍‌ରୁରେୟାଃ ତନଲ୍‌ହେତେ ହଡ଼କକେ ରାଡ଼ାନାଙ୍‌ ଆଡ଼ଃ ଇନ୍‌କୁକେ ପାର୍‌ମେଶ୍‌ୱାର୍‌ଆଃ ହନ୍‌ ହବାଅଃନାଙ୍‌ ସୁୟୋଗ୍ ଏମ୍‌ରେୟାଃ ଆୟାଃ ଜୀଦାନ୍‌ରେ ଉଦେଶ୍‌ ତାଇକେନା ।

<sup>୬</sup> ଆପେ ପାର୍‌ମେଶ୍‌ୱାର୍‌ଆଃ ହନ୍‌କ ତାନ୍‌ପେ, ଏନା ଉଦୁବେ ନାଗେନ୍ତେ ପାର୍‌ମେଶ୍‌ୱାର୍‌ ଆୟାଃ ହନ୍‌ଆଃ ପାବିତାର୍ ଆମ୍‌କେ ଆବୁଆଃ ମନ୍‌ସୁରୁଦ୍‌ତେ କୁଲ୍‌କିୟା, ଏନ୍‌ ପାବିତାର୍ ଆମ୍‌ "ଆବା ! ହେ ଆଇଁୟାଃ ଆବା !" ମେନ୍ତେ କାଉରିତାନ୍‌ଲଃ କାଜିତାନା ।<sup>୭</sup> ଏନାମେନ୍ତେ ଆପେ କିରିଙ୍‌ଝାଁକାନ୍ ଦାସି ନାହାଁଲାଃପେ, ହନ୍‌ ତାନ୍‌ପେ । ଆପେ ଇନିୟାଃ ହନ୍‌କ ହବାୟାନ୍ତେ, ପାର୍‌ମେଶ୍‌ୱାର୍‌ ଆୟାଃ ହନ୍‌କ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନ୍‌କକେ ଏମାପେୟା ।

ଗାଲାତିୟ ବିଶ୍ୱାସୀକ ନାଗେନ୍ତେ ପାଉଲୁସ୍‌ଆଃ ଉଡ଼ୁ

୮ ସିଦା ଦିପିଲିରେ ଆପେ ପାର୍‌ମେଶ୍‌ୱାର୍‌କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍‌କ ସାର୍‌ତି ପାର୍‌ମେଶ୍‌ୱାର୍‌ ନାହାଁଲାକ, ଏନ୍‌ଲେକାନ୍ ହସଡ଼ ମାହାପୁରୁକଆଃ ଦାସିପେ ତାଇକେନା ।<sup>୯</sup> ମେନ୍‌ଦ ନାହାଁଃ ଆପେ ପାର୍‌ମେଶ୍‌ୱାର୍‌କେ ସାରିକାଇଜାଃପେ, ଏନାତେ ଆଇଙ୍‌ କାଜିୟାଇଙ୍‌, ନାହାଁଃ ପାର୍‌ମେଶ୍‌ୱାର୍‌ ଆପେକେ ସାରିକାଦ୍‌ପେୟା । ତାବ୍‌ଦ ନେଆଁ ଚିଲ୍‌କା ହବାସାକାଅଆଃ ଯେ, ଆପେ ଆଡ଼ଃମିସା ଏନେଟେଦ୍ ବିଷାଏରେୟାଃ କା ପେଡ୍‌ଡ୍‌ୟାନ୍, ଗର୍‌ଗରାଗି ନେଲଃତାନ୍ ମାହାପୁରୁକତାଃତେ ରୁହାଡ଼୍ ନାଗେନ୍ତେ ସାନାଙ୍‌ତାନାପେ ? ଆପେ ଚିନାଃମେନ୍ତେ ଆଡ଼ଃମିସା ଇନ୍‌କୁଆଃ କିରିଙ୍‌ଝାଁକାନ୍ ଦାସି ହବାଅଃ ନାଗେନ୍ତେପେ ସାନାଙ୍‌ତାନା ?<sup>୧୦</sup> ଆପେ ସବେନ୍‌କ ବିଶେଷ୍ ବିଶେଷ୍ ହୁଲାଙ୍‌, ମାହ୍‌ନା, ପାରାବ୍, ଆଡ଼ଃ ବାରାଷ୍‌କକେପେ ମାନାଡିଙ୍‌ତାନା ।<sup>୧୧</sup> ଆଇଙ୍‌ ଆପେୟାଃ ନାଗେନ୍ତେ ଅକଆଃ କାମିକାଦାଇଙ୍‌, ଏନା ସାମା ଏଣ୍ଡୁଗଃଆ ମେନ୍ତେ ଆଇଁୟାଃ ବର ମେନାଃ ।

<sup>୧୨</sup> ହେ ହାଗା ମିଶିକ, ଆଇଙ୍‌ ଆପେକେଇଙ୍‌ ବିକ୍ରିପେତାନା, ଆପେ ସବେନ୍‌କ ଆଇଁୟାଃ ଲେକା ହବାଅଃପେ । ଆଇଙ୍‌ ଆପେ ଲେକାଇଙ୍‌ ହବାକାନା ଆଡ଼ଃ ଆପେ ଆଇଁୟାଃ ନାଙ୍‌ ଜେତାନ୍ ଏଡ଼କାନାଃ କାପେ ରିକାକାଦା ।<sup>୧୩</sup> ଆଇଙ୍‌ ବେମାର୍ ତାଇକେନ୍ ଇମ୍‌ତା ଆପେତାଃରେ ପାହିଲାତେ ସୁକୁକାଜିଇଙ୍‌ ଉଦୁବାକାଦ୍ ତାଇକେନା, ଏନା ପାହାମେପେ ।<sup>୧୪</sup> ମେନ୍‌ଦ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖ୍‌ସୁରାଃ କାଜି ହବାକାନ୍‌ରେୟାଗି, ଆପେ ଆଇଙ୍‌କେ କାପେ ହିଲାଙ୍‌କେଦିୟାଁ ତାଏ କାପେ ବାଗିକେଦିୟାଁ । ମେନ୍‌ଦ ଆପେ ଆଇଙ୍‌କେ ପାର୍‌ମେଶ୍‌ୱାର୍‌ଆଃ ମିଆଁଦ୍ ଦୁଁଡ଼ ଲେକାପେ ଦାରମ୍‌କେଦିୟାଁ । ଖ୍ରୀଷ୍ଟ୍ ଯୀଶୁକେ ଆପେ ଜେ'ଲେକା ଦାରମ୍ କାଉଡେୟାଃପେ, ଏନ୍‌ଲେକାଗି ଆଇଙ୍‌କେୟାଗି ଦାରମ୍‌କାଇଙ୍‌ ତାଇକେନାପେ ।<sup>୧୫</sup> ଇମ୍‌ତା ଆପେ ଚିମିନ୍ ରାସ୍‌କାକାନ୍ ତାଇକେନାପେ ! ମେନ୍‌ଦ ନାହାଁଃ ଚିନାଃ ହବାୟାନା ? ଆଇଙ୍‌ ଆପେୟାଃ ବିଷାଏରେ ଗାଞ୍ଜା ଏମ୍‌ତାନାଇଙ୍‌ ଚି, ହବାସାକାଅକାନ୍‌ରେ, ଆପେୟାଃ ସବେନାଃଏତେ ଗନଙ୍‌ଆଁନ୍ ବିଷାଏ ଆସିକାପେରେୟାଗି, ଆପେ ଏମାକାଇଙ୍‌ ତେୟାଃପେ ।<sup>୧୬</sup> ମେନ୍‌ଦ

\* ୪:୫ ୪:୫ ରୋମି ୮:୧୫-୧୭.

ନାହାଁଃ ଆଇଙ୍ଗ୍ ଆପେକେ ସାର୍ତି କାଜିକାଦ୍ ହରାତେ ଚିନାଃ ଆପେୟାଃ ବାଇରି ହବାଅଃତାନାଇଙ୍ଗ୍ ?

୧୭ ଏନ୍ ଏଟାଃ ହଡ଼କ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ଚିହ୍ନୁଲାନ୍ ଲେକା ଉଦୁବେନ୍ତାନାକ । ଫେନ୍ଦ ନେଆଁରେ ଇନ୍କୁଆଃ ସାର୍ତି ଉଦେଶ୍ ବାନଃଆ । ଇନ୍କୁଆଃ ମିଆଁଦ୍ଗି ସାନାଙ୍ଗ୍ତାନାଃ ଯେ, ଆପେ ଚିଲ୍ଲକା ଆଇଁୟାଃତାଃଏତେ ରୁହାଡ଼କେଦ୍ତେ ଆକରେ ମନ୍ ଏମେୟାଃପେ । ୧୮ ବୁଗିନ୍ ଉଦେଶ୍ ନାଗେନ୍ତେ ଚିହ୍ନୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଇମ୍ତା ଏସ୍କାର୍ କାହାଗି, ଫେନ୍ଦ ସବେନ୍ ଇମ୍ତା ଆପେ ନେ ଠାଉକାନ୍ତେୟାଃ ରିକା ଲାଗାତିଙ୍ଗ୍ୟାଃ । ୧୯ ଏ ଆଇଁୟାଃ ଦୁଲ୍ଲାଡ଼୍ ହନ୍କ, ଆପେକେ ଖ୍ରୀଷ୍ଟ ଲେକା ବାଇ ନାଗେନ୍ତେ ଆଇଙ୍ଗ୍ ଆତଃମିସା ହନ୍ ଜାନାମଃ ଇମ୍ତାରେୟାଃ ଦୁକୁ ଲେକାଇଙ୍ଗ୍ ଆଟ୍ଟକାରେତାନା । ୨୦ ଆଇଙ୍ଗ୍ ନାହାଁଃ ଆପେତାଃରେଇଙ୍ଗ୍ ତାଇନ୍କାନ୍ରେ, ଆପେୟାଃ ବିଷାଏରେ ଆଇଙ୍ଗ୍ ଏଟାଃ ଲେକାଇଙ୍ଗ୍ କାଜି ଦାଡ଼ିତେୟାଃ ମେନ୍ତେ ଆଇଁୟାଃ ସାନାଙ୍ଗ୍ । ଚିୟାଃଚି ଆଇଙ୍ଗ୍ ଆପେ ନାଗେନ୍ତେ ପୁରାଃଗିଇଙ୍ଗ୍ ପାହାମ୍ତାନା ।

ହାଗାର୍ ଆତଃ ସାରାଃ ନାମ୍ନା

୨୧ ଅକନ୍କ ଆନ୍ତୁରେୟାଃ ଆକ୍ତେୟାର୍ରେ ତାଇନଃ ନାଙ୍ଗ୍ ସାନାଙ୍ଗ୍ଆଃକ, ଆଇଙ୍ଗ୍ ଇନ୍କୁକେ କୁଲି ନାଗେନ୍ତେଇଙ୍ଗ୍ ସାନାଙ୍ଗ୍ତାନା, ଆନ୍ତୁରେ ଚିନାଃ ଅଲ୍ଲାନା, ଏନା କାପେଚି ସାରିକାଦା ? ୨୨ ଧାରାମ୍ପୁଥ୍ରେ ଅଲ୍ଲାନା, ଆବ୍ରାହାମ୍ଆଃ ବାରିୟା ହନ୍ ତାଇକେନାକିନ୍, ମିଆଁଦ୍ କାମ୍ଡ଼ି କୁଡ଼ିରାଃ ହନ୍ ଏନ୍ତେ ଆତଃମିଆଁଦ୍ନିଃ ଆୟାଃ କୁଡ଼ିତେୟାଃ ହନ୍ । ୨୩ କାମ୍ଡ଼ି କୁଡ଼ିଆଃ ହନ୍, ହଡ଼ମ୍ଲେକାତେ ଜାନାମ୍ୟାନା, ଫେନ୍ଦ ଆୟାଃଲଃ ଆଣ୍ଡିକାନ୍ କୁଡ଼ିଆଃ ହନ୍, ପାର୍ମେଶ୍ୱାର୍ଆଃ ବାନାର୍ସା କାଜି ଲେକାତେ ଜାନାମ୍ୟାନା । ୨୪ ନେଆଁ ମିଆଁଦ୍ ଜନ୍କା ଲେକା କାଜିୟଃଆ । ନେ ବାରାନ୍ କୁଡ଼ିକିନ୍ ବାରିୟା ରାଜିନାମାକାଦ୍ ଲେକାନ୍କିନ୍ ତାନ୍କିନ୍ । ମିଆଁଦ୍ ରାଜିନାମା ସିନାଇ ବୁରୁତାଃରେ ହବାକାନ୍ ତାଇକେନା । ନେ ରାଜିନାମା ଉଦେଶ୍ରେ ଅକ ହଡ଼କ ଜାନାମଃଆକ, ଇନ୍କୁ କିରିଙ୍ଗ୍ୟାକାନ୍ ଦାସି ଲେକା ତାନ୍କ । ହାଗାର୍ ନେ ରାଜିନାମାରେୟାଃ ଚିହ୍ନାଁ ଲେକାନ୍ନିଃ ତାନିଃ । ୨୫ ହାଗାର୍ ଫେନ୍ଲେରେ ଆରବ୍ ଦିଶ୍ମ୍ରେ ତାଇନ୍ତାନ୍ ସିନାଇ ବୁରୁକେ କାଜିୟାଃକ, ଆତଃ ଏନା ନାହାଁଃରେୟାଃ ଯୀରୁଶାଲେମ୍ ନାଗାର୍ ଲେକା ତାନା । ହାଗାର୍ ଲେକା ଯୀରୁଶାଲେମ୍ ଆତଃ ଆୟାଃ ହଡ଼କ ନାହାଁଃ କିରିଙ୍ଗ୍ୟାକାନ୍ ଦାସିରେୟାଃ ତନଲ୍ରେକେ ତଲ୍ଲାନା । ୨୬ ଫେନ୍ଦ ସିର୍ମାରେୟାଃ ଯୀରୁଶାଲେମ୍ ରାଡ଼ାକାନା ଆତଃ ଏନା ଆବୁଆଃ ଏଙ୍ଗା ତାନିଃ । ୨୭ ଚିୟାଃଚି ଧାରାମ୍ପୁଥ୍ରେ ଅଲ୍ଲାନା, “ହେ ଟିଗିବ୍ କୁଡ଼ି, ଆମ୍ ରାସ୍କାଆଃମେ, ହନ୍ ଜାନାମ୍ ହବାଅଃ ଇମ୍ତାରେୟାଃ ଦୁକୁ ଚିଉଲ୍ଆ କାମ୍ ଆଟ୍ଟକାଟ୍ଟକାଦ୍ରେହ୍, ପୁରାଃଗି ରାସ୍କାତେ କାଉରିମେ । ଚିୟାଃଚି କଡ଼ାଲଃ ତାଇନ୍ତାନ୍ କୁଡ଼ିଏତେ ମିଆଁଦ୍ ସାଙ୍ଗିନାକାନ୍ କୁଡ଼ିରାଃ ହନ୍କ ପୁରାଃଗି ହବାଅଃଆକ ।”

୨୮ ହେ ହାଗା ମିଶିକ, ଆପେ ସବେନ୍କ ଇସାକ୍ ଲେକାଗି ନାହାଁଃଦ୍ ପାର୍ମେଶ୍ୱାର୍ଆଃ ବାନାର୍ସା ଏମାକାନ୍ ହନ୍କ ତାନ୍ଦେ । ୨୯ ମୁସିଙ୍ଗ୍ ହଡ଼ମ୍ରେୟାଃ ସଭାବ୍ ଲେକାତେ ଜାନାମାକାନ୍ ହନ୍, ପାର୍ମେଶ୍ୱାର୍ଆଃ ଆମ୍ତେ ଜାନାମାକାନ୍ ହନ୍କେ ସାସାତିକିୟାଏ । ଏନ୍ଲେକାଗି ନାହାଁଃହ୍ ହବାଅଃତାନା । ୩୦ ଫେନ୍ଦ ନେ ବିଷାଏରେ ଧାରାମ୍ପୁଥ୍ ଚିନାଃଏ କାଜିତାନା ? ଏନାରେ ଅଲ୍ଲାନା, “କାମ୍ଡ଼ି କୁଡ଼ିକେ ଆତଃ ଇନିୟାଃ ହନ୍କେ ସାଙ୍ଗିନ୍କିନ୍ଦେ, ଚିୟାଃଚି ଆଣ୍ଡିୟାକାନ୍ କୁଡ଼ିରାଃ ହନ୍ଲଃ କାମ୍ଡ଼ି କୁଡ଼ିରାଃ ହନ୍ ଆପୁଆଃ ଖୁଜ୍ରେ ଜେତାନ୍ ହିସା କାଏ ନାମେୟା ।”

୩୧ ଏନାମେନ୍ତେ ହେ ହାଗା ମିଶିକ, ଆବୁ କାମ୍ଡି କୁଡ଼ିଆଃ ହନ୍ଦକ ନାହାଁଲାବୁ, ମେନ୍ଦଦ ଆଣ୍ଡିୟାକାନ୍ କୁଡ଼ିରାଃ ହନ୍ଦକ ତାନ୍ତୁ ।

**୫**

ଆପେୟାଃ ତନଲ୍ଲହେତେ ରାଡ଼ାକାନ୍ତେୟାଃକେ ବାଞ୍ଚାଏପେ

୧ ଆବୁ ତନଲ୍ଲହେତେ ରାଡ଼ାକାନାବୁ । ଖ୍ରୀଷ୍ଟ ଆବୁକେ ତନଲ୍ଲହେତେ ରାଡ଼ାକାନ୍ତେୟାଃକେ । ଏନାମେନ୍ତେ ଆପେ ତନଲ୍ଲହେତେ ରାଡ଼ାକାନ୍ତେୟାଃକେ ସାବ୍‌କେଟେଦକେଦତେ ତାଇନପେ । ଆଡ଼ଃମିସା କିରିଙ୍ଗ୍‌ୟାକାନ୍ ଦାସି ଲେକା ଆଡ଼ିନାରେ ତଲଃ ନାଗେନ୍ତେ ଆଲପେ ରୁହାଡ଼ା ।

୨ ଆଇଙ୍ଗ୍ ପାଉଲୁସ୍, ଅକଆଃ କାଜିତାନାଇଙ୍ଗ୍ ଏନା ଆୟୁମେପେ, ଆପେ ଖାଡ଼ନାଅ ରିଡ଼ିରିଝାଜ୍ ମାନାତିଙ୍ଗ୍‌ତାନ୍ ରେଦ, ଏନାରେୟାଃ ମୁଣ୍ଡି ହବାଅଥା, ଆପେ ନାଗେନ୍ତେ ଖ୍ରୀଷ୍ଟଆଃ ଜେତାନ୍ ଲାଗାତିଙ୍ଗ୍ ବାନଃଥା । ୩ ଆଇଙ୍ଗ୍ ଖାଡ଼ନାଅ ରିକାଅଃତାନ୍ ମିପିଆଦ୍ ହଡ଼କେ ଆଡ଼ଃମିସା ଚେତାଅ ଏମାଇ ତାନାଇଙ୍ଗ୍ ଯେ, ମୁଣା ଏମାକାଦ୍ ଆନ୍ତୁକେ ପୁରା ମାନାତିଙ୍ଗ୍ ଲାଗାତିଙ୍ଗ୍‌ୟାଃ । ୪ ଆପେକଏତେ ଅକନ୍ଦକ ଆନ୍ତୁ ମାନାତିଙ୍ଗ୍ ହରାତେ ପାରମେଶ୍ୱାର୍‌ଆଃ ଆୟାରରେ ଧାରମାନ୍ ହବାଅଃ ନାଗେନ୍ତେକ ସାନାଙ୍ଗ୍‌ତାନା, ଇନ୍ଦକୁ ଆପାନ୍‌କେ ଖ୍ରୀଷ୍ଟତାଃଏତେ ବିନ୍‌ଗାଅକାନାକ, ଇନ୍ଦକୁ ପାରମେଶ୍ୱାର୍‌ଆଃ ସାୟାଦ୍‌ହେତେ ସାଙ୍ଗିନ୍‌କାନାକ । ୫ ମେନ୍ଦଦ ଆବୁ ଆସ୍ରାଏତାନାବୁ ଯେ, ପାରମେଶ୍ୱାର୍‌ ଆବୁକେ ଆୟାଃ ନେପେଲ୍‌ରେ ଧାରମାନ୍ ମେନ୍ତେ ଠାହାରାଅବୁଆ, ଆବୁଆଃ ବିଶ୍ୱାସ୍‌ରେୟାଃ ଜ ଲେକାତେ ଆବୁଆଃ ମନ୍‌ସୁରୁଦ୍‌ରେ କାମି ରିକାତାନ୍ ପାବିତାର୍‌ ଆମ୍ବାରାଃ ପେଡ଼େଃ ହରାତେ, ନେ ସବେନାଃ ହବାଅଥା ମେନ୍ତେବୁ ନେଲ୍ ହରାତାନା । ୬ ଚିୟାଃତି ଯୀଶୁ ଖ୍ରୀଷ୍ଟଲଃ ମେସାକେଦ୍‌ତେ ଜୀଦାନ୍ ବିତାଅରେଦ, ଖାଡ଼ନାଅ ତାଏ କା ଖାଡ଼ନାଅରେୟାଃ ଜେତାନ୍ ଫାରାକ୍ କା ତାଇନାଃ । ମିଆଁଦ୍‌ଗି ଲାଗାତିଙ୍ଗ୍‌ତେୟାଃ ହବାଅଥାତାନା, ବିଶ୍ୱାସ୍‌ରେ କେଟେଦ୍‌ ତାଇନକେଦ୍‌ତେ ଦୁଲ୍ଲାଡ଼ରେ କାମିକେ ପୁରା ଦାଡ଼ିୟଃଥା ।

୭ ଆପେଦ ଆମ୍ବିକ୍‌ରେ ବୁଗିଲେକାପେ ସେସେନ୍ ତାଇକେନା, ସାର୍‌ତି ହରାରେ ସେସେନ୍ ଇମ୍‌ତା ଅକଏ ଆପେକେ କାଜିକଟଙ୍ଗ୍ କେଦ୍‌ପେୟା ? 「ଆପେକେ କେଡ଼ାକାଦ୍‌ପେ ପାରମେଶ୍ୱାର୍‌ଆଃ ହରାତେ ନେ ଉସ୍‌କୁର୍ କା ହବାକାନା । ୯\*କାଜିରେ ମେନାଃ, “ସିପୁଦାକାନ୍ ମାଏଦାକେ ମାଏ ନାଗେନ୍ତେ କାଟିଃ ଲେକାଗି ରାନ୍ ଲାଗାତିଙ୍ଗ୍‌ୟାଃ ।” ୧୦ ଏନା ଜାହାନାଃତେ ହବାଅଥାକା, ନାହାଁଃ ଜାକେଦ୍‌ ଆପେତାଃରେ ଆଇଁୟାଃ ଆସ୍ରା ମେନାଃ, ଚିଆଃତି ଆବୁ ସବେନ୍‌କ ପ୍ରାଭୁଲଃ ମେସାକାନାବୁ, ଆଇଁୟାଃ ପୁରାଃ କେଟେଦ୍‌ ବିଶ୍ୱାସ୍ ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆଡ଼ଃ ଅକ ହଡ଼ ଆପେକେ ବିନ୍‌ଗାଅପେ ତାନା, ଇନିଃ ଜେତାଏ ହବାଅଥାରେୟାଗି ପାରମେଶ୍ୱାର୍ ଇନିଃକେ ସାଜାଇ ଏମାଇୟାଏ ।

୧୧ ମେନ୍ଦଦ ହେ ହାଗା ମିଶିକ, ଆଇଙ୍ଗ୍ ତିସିଙ୍ଗ୍ ଜାକେଦ୍ ଖାଡ଼ନାଅ ବିଷାଏରେଇଙ୍ଗ୍ ଉଦୁବେତାନ୍‌ରେଦ, ଚିନାଃ ମେନ୍ତେଇଙ୍ଗ୍ ସିଗିଦଃତାନା ? ତାବ୍‌ଦ ଖ୍ରୀଷ୍ଟଆଃ କୁଗ୍ ବିଷାଏରେ ଉଦୁବ୍‌ତେୟାଃ ତହଦଃରାଃ କାଜି ନାହାଁଲାଃ । ୧୨ ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍, ନେ ବିଷାଏରେ ଅକନ୍ଦକ ଆପେକେ କାଜିକଟଙ୍ଗ୍‌ପେ ତାନାକ, ଇନ୍ଦକୁ ଆଡ଼ଃକାଟିଃ ଆୟାର୍‌ରଃକାକ ଆଡ଼ଃ କା ଖାଡ଼ନାଅକେଦ୍‌ତେ ପୁରାଗି କା ପେଡ଼େୟାନ୍ ହବାକାନ୍ ରେଦ ବୁଗିନ୍ ହବାକାନ୍‌ତେୟାଃ ।

୧୩ ହେ ହାଗା ମିଶିକ, ଆପେଦ ତନଲ୍ଲହେତେ ରାଡ଼ାଅଃ ନାଗେନ୍ତେ କେଡ଼ାକାନ୍ ତାଇକେନାପେ । ମେନ୍ଦଦ ଚିର୍ଗାଲ୍‌କାନ୍‌ପେ, ଆପେୟାଃ ହଡ଼ମରେୟାଃ ସାନାଙ୍ଗ୍‌କେ ଏସ୍‌କାର୍ ପୁରାଏ ନାଗେନ୍ତେ ଏନ୍ ତନଲ୍ ରାଡ଼ାକାନ୍‌ତେୟାଃକେ ସୁଯୋଗ୍ ଲେକା

\* ୫:୯ ୫:୯ କରଲ୍ଲିୟ ୫:୭.

ଆଲପେ ବେଭାରରେୟା । ମେନ୍ଦ ଦୁଲ୍ଲାଡ଼ତେ ସେସେନ୍‌କେଦ୍‌ତେ ଆପେ ମିହୁଡ଼, ଆଡ଼ଃମିହୁଡ଼ରାଃ ସେଝାଏପେ । ୧୪ ଚିୟାଃଟି ମିଆଁଦ୍‌ଗି ଆନ୍‌ଚୁରେ ସବେନ୍ ଆନାଚୁ ପୁରାଅଃତାନା, “ଆମାଃ ହୋପରଜାପାଃନିଃକେ ଆପନାଃ ଲେକା ଦୁଲ୍ଲାଡ଼ିମେ ।” ୧୫ ମେନ୍ଦ ଆପେ ଜାଁତୁକ ଲେକା ଚାଇଲ୍ ଚାଲାନ୍ ତାନ୍‌ଲଃ ମିହୁଡ଼, ଆଡ଼ଃମିହୁଡ଼ଆଃ ହାନି ଆଡ଼ଃ ନକ୍‌ସାନ୍ କାମିକ ରିକାଏତାନ୍‌ରେଦ, ଚିର୍ଗାଲ୍ଲାନାନ୍ ତାଇନ୍‌ପେ, କା'ରେଦ ହବାସାକାଅଆଃ ଆପେ ମିହୁଡ଼, ଆଡ଼ଃମିହୁଡ଼ଆଃ ପୁରା ଜିୟନ୍ ରିକାଏଆପେ ।

ପାବିତାର୍ ଆମ୍ବା ଆଡ଼ଃ ମାନଝାରାଃ ସଭାବ୍

୧୬ ଆଇଙ୍ଗ୍ କାଜିତାନ୍‌ତେୟାଃ ହବାଅଃତାନା, ପାବିତାର୍ ଆମ୍ବା ଆପେୟାଃ ଜୀଦାନ୍‌କେ ଆୟାବ୍‌ତେ ଚାଲାଇଦିକା । ତାବ୍‌ଦ ଆପେ ହଡ଼ମରେୟାଃ ପାପ୍ ସଭାବ୍‌କେ କାପେ ପୁରାଏୟା । ୧୭ \*ମାନଝାରାଃ ସଭାବ୍ ପାବିତାର୍ ଆମ୍ବାରାଃ ବିରୁଧ୍ ତାନାଃ, ଏନ୍ ଲେକାଗି ପାବିତାର୍ ଆମ୍ବାରେୟାଃ ଇଛା ମାନଝାରାଃ ବିରୁଧ୍ ତାନାଃ । ନେ ବାରାନ୍‌କିନ୍ ମିହୁଡ଼, ଆଡ଼ଃମିହୁଡ଼ରାଃ ବାଇରି ତାନ୍‌କିନ୍ । ଏନାତେ ଆପେ ଅକ୍‌ନାଃ ରିକା ନାଗେନ୍ତେ ସାନାଙ୍ଗ୍‌ତାନାପେ, ଏନା କାପେ ରିକା ଦାଡ଼ିୟା । ୧୮ ପାବିତାର୍ ଆମ୍ବା ଆପେକେ ସୁଡ଼ଃ ଇଦିପେ ତାନ୍‌ରେଦ, ଆପେ ମୁଣା ଏମାକାଦ୍ ଆନ୍‌ଚୁରାଃ ଆକ୍‌ତେୟାବ୍‌ରେ ବାଙ୍ଗ୍‌ପେୟା ।

୧୯ ମାନଝା ସଭାବ୍‌ରେୟାଃ କାଜିକାମି ସବେନ୍ ହଡ଼କ ସାରିତାନା । ଏନା ହବାଅଃତାନା, ଆପାଙ୍ଗିର୍ କାମି, ସଡ଼ରା କାମି, ଏଡ଼କାନ୍ ରିଜ୍‌ରାଙ୍ଗ୍, ୨୦ ମୁରୁଡ଼ ସେଝା, ଦେଅଁଣା କାମି, ବାଇରି ଆଡ଼ଃ କାପ୍‌ଜି, ହିସ୍‌ଜା, ଖ୍‌ସ୍, ଆପ୍‌ନାଃ ନାଙ୍ଗ୍ ଏସ୍‌କାର୍ ଉଡ଼୍, ଝୁଣ୍‌କେକେ ବିନ୍‌ଗାଅ, ୨୧ ଆଡ଼ଃ ହିସ୍‌ଜା, ଇଲିଆର୍‌ଖ୍ ନୁଁ, ରିଜ୍‌ରାଙ୍ଗ୍, ଆଡ଼ଃ ଏନ୍‌ଲେକା ଏଟାଃ ଏଟାଃ ଏଡ଼କାନ୍ କାମିରେ ତାଇନାଃକ । ଆଇଙ୍ଗ୍ ସିଦା ଲେକା ନାହାଁଃ ହଗି ଆପେକେଇଙ୍ଗ୍ ଚିର୍ଗାଲ୍‌ପେ ତାନା । ଅକନ୍‌କ ନେ'ଲେକା କାମିକ କାମିୟା, ଇନ୍‌କୁ ପାର୍‌ମେଶ୍‌ଆଃ ରାଇଜ୍‌ରେ ଆକ୍‌ତେୟାବ୍ କାକ ନାମେୟା ।

୨୨ ମେନ୍ଦ ପାବିତାର୍ ଆମ୍ବାରେୟାଃ ବାର୍‌ଦାନ୍ ହବାଅଃତାନା, ଦୁଲ୍ଲାଡ଼, ରାସ୍‌କା, ଜୀଉସୁକୁ, ସାହାତିଙ୍ଗ୍ ଜାଝାନ୍, ଦାୟା, ବୁଗିନାଃ, ପାଡ଼ିୟାବ୍‌ରଃ ଲେକା, ୨୩ ଲେବେଃ ମନ୍, ଆଡ଼ଃ ଆପାନ୍‌କେ ଆବ୍‌ରେ ଦହ, ନେ ସବେନାଃରେ ଆନ୍‌ଚୁରାଃ ଜେତାନ୍ ବିରୁଧ୍ ବାନଆଃ । ୨୪ ଅକନ୍‌କ ଯାଶୁ ଖ୍ରୀଷ୍ଟ୍‌ଆଃ ତାନ୍‌କ, ଇନ୍‌କୁ ସବେନ୍ ଲାଲାର୍ ଆଡ଼ଃ ହଡ଼ମରାଃ ଏଡ଼କାନ୍ ସାନାଙ୍ଗ୍ ମାନଝାରାଃ ସଭାବ୍‌କେ ଜୁଗ୍‌ରେ କିଲାଇଦାକ । ୨୫ ପାବିତାର୍ ଆମ୍ବା ଆବୁକେ ଜୀଦାନ୍ ଏମାକାଦ୍‌ରୁଆଏ, ଇନିଃ ଆବୁଆଃ ଜୀଦାନ୍‌କେ ହଗି ସୁଡ଼ଃଇଦିକାଏ । ୨୬ ଏନାମେନ୍ତେ ଆବୁ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ଚାଏ ଏଟାଃକକେ ଖ୍‌ସ୍ ଚାଏ ଏଟାଃକକେ ହିସ୍‌ଜା ଆବୁକେ ରିକା କା ଲାଗାତିଙ୍ଗ୍‌ୟାଃ ।



ମିହୁଡ଼, ଆଡ଼ଃମିହୁଡ଼ରାଃ ବାହାରମ୍ ଗଗେକାବୁ ।

୧ ହେ ହାଗା ମିଗିକ, ଜେତାଏ ଜେତାନ୍ ଗୁଣ୍ଟାଁ କାମିରେ ସାବଃରେଦ, ଆପେକଏତେ ଅକନ୍‌କ ଆମ୍ବାରେ ସେସେନ୍ ତାନାକ, ଇନ୍‌କୁ ଇନିଃକେ ସୁଧ୍‌ରାଅ ଲାଗାତିଙ୍ଗ୍‌ୟାଃ, ମେନ୍ଦ ଆପେକେ ନେ କାମି ଲାବୁଃକେଦ୍‌ତେ, ଲେବେଃ ମନ୍‌ତେ ରିକା ଲାଗାତିଙ୍ଗ୍‌ୟାଃ । ଆଡ଼ଃ ଚିର୍ଗାଲ୍ଲାନାନ୍‌ପେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡ଼ାଅରେ ଉୟୁଃ ସାକାଅଃଆପେ । ୨ ମିହୁଡ଼, ଆଡ଼ଃମିହୁଡ଼ରାଃ ବାହାରମ୍ ଗଅଃ ନାଗେନ୍ତେ ଦେଙ୍ଗାଅଃପେ, ଏନ୍‌ଲେକା ରିକା ହରାତେ ଆପେ ସବେନ୍‌କ ଖ୍ରୀଷ୍ଟ୍‌ଆଃ ଆନ୍‌ଚୁକେପେ ମାନାତିୟେଆ । ୩ ଜେତାଏ ହଡ଼

ବେଗାର୍ ସାରିକେଦ୍‌ତେ ସାରିକାଦିଙ୍ଗ୍ ମେନ୍ତେ କାଜିନିଃ ଆପାନ୍‌କେଗି ବେଦାନ୍‌ତାନା । ୪ ଆପେ ସବେନ୍‌କ ଆପ୍‌ନାଃ ଆପ୍‌ନାଃ ଚାଇଲ୍ ଚାଲାନ୍କେ ବିଚାରକେଦ୍‌ତେ ଆଟ୍‌କାର୍‌ଉରୁମ୍ ଲାଗାତିୟାଁ । ଏନା ବୁଗିନାଃତାନାଃ ରେଦ୍, ଏନା ନାଗେନ୍ତେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନିକାଏ ଆତଃ ଏଗାଃନିୟାଃ କାମିକେ ଆପାନ୍‌ନାଃ କାମିଲଃ ଜକାକେଦ୍‌ତେ ଇନିଃ ଆପାନ୍‌କେ ମାରାଙ୍ଗ୍ ମେନ୍ତେ ଆଲକାଏ କାଜିନିକା । ୫ ଚିଆଃଚି ମିମିଆଦ୍ ହଡ଼କେ ଆପ୍‌ନାଃ ଆପ୍‌ନାଃ ବାହାରମ୍ ଗଅଃ ଲାଗାତିଙ୍ଗ୍‌ୟାଁ ।

୬ ଖ୍ରୀଷ୍ଟୁଆଃ ସୁକୁକାଜି ଇତୁତାନ୍ ଇମ୍‌ତା ଇତୁନିଃକେ ଆପାନ୍‌ନାଃ ଲାଗାତିଙ୍ଗ୍‌ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଙ୍ଗ୍‌ୟାଁ ।

୭ ଆପେ ଆପାନ୍‌କେ ଆଲପେ ବେଦାନାଃ, ପାର୍‌ମେଶ୍ୱାର୍ ବେଦାଅଃନିଃ ନାହାଁଲିଃ । ହଡ଼ହନ୍ ଅକଆଃ ହେରେୟାଏ ଏନାଗି ଇରେୟା । ୮ ଅକ ହଡ଼ ଆପାନ୍‌ନାଃ ପାପ୍‌ରେୟାଃ ସଭାବକେ ସୁକୁଇତି ନାଗେନ୍ତେ ଲୟଙ୍ଗ୍‌ରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍‌ଦ୍ ଜେତାଏ ପାବିତାର୍ ଆମ୍‌କେ ସୁକୁଇତି ନାଗେନ୍ତେ ଲୟଙ୍ଗ୍‌ରେ ହିତାଏ ହେରେୟା, ଇନିଃ ଆମ୍‌ତାଃଏତେ ଜାନାଅ ଜୀଦାନ୍‌ରେୟାଃ ହିତାଏ ଇରେୟା । ୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାରୁ ଲାଗାଅଃକା । ଚିୟାଃଚି ଏନାଏତେ କା ଲାଗାନ୍‌ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡ଼ିୟା । ୧୦ ଏନାମେନ୍ତେ ଆବୁ ଚିମତା ସୁଯୋଗବୁ ନାମେୟା, ଇମ୍‌ତା ଆବୁକେ ବୁଗିନ୍ କାମି ରିକା ଲାଗାତିଙ୍ଗ୍‌ୟାଁ । ବିଶେଷକେଦ୍‌ତେ ଅକନ୍‌କ ଆବୁଆଃ ବିଶ୍ୱାସୀ ଅଡ଼ାଃରେନ୍ ତାନ୍‌କ, ଇନ୍‌କୁଆଃ ବୁଗିନାଃ ରିକା ଲାଗାତିଙ୍ଗ୍‌ୟାଁ ।

ଚୁଣ୍ଟୁ ଚୁଚନେତାଅ କାଜି ଆତଃ ଜହାର୍

୧୧ ନେଲେପେ, ଆଇଙ୍ଗ୍ ଚିମିନ୍ ମାରାଙ୍ଗ୍ ମାରାଙ୍ଗ୍ ଅନଲ୍‌ରେ ଆପେତାଃତେଇଙ୍ଗ୍ ଅଲ୍‌କାଦା । ୧୨ ଅକନ୍‌କ ହଡ଼ମ୍‌ରେୟାଃ ବାହାରି ବିଷାଏରେ ଉଦୁବେନ୍ ତାନାକ ଆତଃ ଆପ୍‌ନାଃ ମାନାରାଙ୍ଗ୍ ରିକାତାନାକ, ଇନ୍‌କୁଗି ଆପେକେ ଖାଡ଼ନାଅଃପେ ମେନ୍ତେକ ଆରୁପେତାନା । ଇନ୍‌କୁ ଖ୍ରୀଷ୍ଟୁଆଃ କୁଶ୍ ନାଗେନ୍ତେ ସାସାତି କା ନାମେ ଉଦେଶ୍‌ରେ ଏନ୍ ଲେକା ରିକାତାନାକ । ୧୩ ଅକନ୍‌କ ଖାଡ଼ନାଅ ରିତିରିଖାଜ୍‌କେ ମାନାତିଙ୍ଗ୍‌ତାନାକ, ଇନ୍‌କୁଗି ମୁଶାରାଃ ଆନ୍‌ଚୁକେ କାକ ମାନାତିଙ୍ଗ୍‌ତାନା । ଆପେ ଖାଡ଼ନାଅଃପେ ମେନ୍ତେ ଇନ୍‌କୁ ସାନାଙ୍ଗ୍‌ତାନାକ । ମେନ୍‌ଦ୍ ନେ ହଡ଼ମ୍‌ରାଃ ରିତିରିଖାଜ୍‌କେ ମାନାତିଙ୍ଗ୍ ନାଗେନ୍ତେ ଆପେକେ ଆରୁ ଦାଡ଼ିପେରେଦ୍, ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନିକା । ୧୪ ମେନ୍‌ଦ୍ ଆଇଙ୍ଗ୍ ଏସ୍‌କାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ କୁଶ୍ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନିତାନା; ଚିୟାଃଚି ଇନିୟାଃ କୁଶ୍ ହରାତେ ଅତେଦିଶୁମ୍ ଆଇଁୟାଃ ନାଗେନ୍ତେ ଗଜାକାନା ଆତଃ ଆଇଙ୍ଗ୍ ଅତେଦିଶୁମ୍ ନାଗେନ୍ତେଇଙ୍ଗ୍ ଗଜାକାନା । ୧୫ ଅକଏ ଖାଡ଼ନାଅକାନ୍ ତାଏ କା ଖାଡ଼ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍‌ଦ୍ ପାର୍‌ମେଶ୍ୱାର୍ ହରାତେ ନାଖା ବାଇରୁହାଡ଼ଃତେୟାଃ ଏସ୍‌କାର୍ ବିଶେଷ୍ କାଜିତାନାଃ । ୧୬ ଅକନ୍‌କ ଆପ୍‌ନାଃ ଜୀଝାନ୍‌ରେ ନେ ରିତିରିଖାଜ୍‌କେ ମାନାତିଙ୍ଗ୍‌ତାନାକ, ଇନ୍‌କୁଆଃ ଚେତାନ୍‌ରେ ଆତଃ ଇସ୍ରାଏଲ୍ ହଡ଼କଆଃ ଚେତାନ୍‌ରେ ପାର୍‌ମେଶ୍ୱାର୍‌ଆଃ ଜୀଉସୁକୁ ଆତଃ ସାୟାଦ୍ ହବାଅଃକା ।

୧୭ ବୁଣ୍ଟୁରେ, ଆଇଙ୍ଗ୍ ନିମିନାଙ୍ଗି କାଜି ସାନାଙ୍ଗ୍‌ତାନାଇଙ୍ଗ୍, ଜେତାଏ ଆଇଙ୍ଗ୍‌କେ ଆଲକାଏ ସିଗିଦିଙ୍ଗ୍‌କା । ଚିୟାଃଚି ଆଇଁୟାଃ ହଡ଼ମ୍‌ରେ ଅକନ୍ ସାସାତିରାଃ ଘାଅକ ମେନାଃ, ଏନାତେ ସାରିୟଃତାନା ଯେ, ଆଇଙ୍ଗ୍ ଯୀଶୁଆଃ କିରିଙ୍ଗ୍‌ୟାକାନ୍ ଦାସି ତାନିଙ୍ଗ୍ ।

୧୮ ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲଃ ଆମ୍‌ରେ ତାଇନିକା । ଆମେନ୍ ।



# ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଏଫିସୁସ୍ ନାଗାର୍‌ରେୟାଃ କାଲିସିୟାତାଃତେ ଅଲ୍ଲାକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲାକାନା । ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୬୦ କରେ କଲସିୟ କାଲିସିୟାତାଃତେ ଅଲେତାଇକେନ୍ ଦିପିଲିରେରି ନେ ଚିଟାଉ ଅଲ୍ଲାକାନ୍ ତାଇକେନା । ଅନଲ୍ଲନିଃ ଆଇଃକ୍‌ଗି ପ୍ରେରିତ୍ ପାଉଲୁସ୍ ମେନ୍ତେ ପାରିଟାଏ ଏମାଃଏ, ଚ:୧ । କଲସିୟ ପୁଥ୍ରେ ଜହାର୍ ମେନ୍ତେ କାଏ କାଜିକାଦ୍‌ରେୟଗି ଚିମିନ୍ ବାଇବାଲ୍ ପାଣ୍ଡିତ୍‌କ ଏଫିସୁସ୍ ପୁଥ୍ରେ ପାଉଲୁସ୍ ଅଲ୍ଲାକାଦାଏ ମେନ୍ତେକ କାଜିୟାଃ । ନେଆଁ ହରାତେ ହବାସାକଅଥାଃ ସବେନ୍ କାଲିସିୟାକେ ଚିଟାଉ ହାଟିଙ୍ଗ୍‌ରେୟାଃ ଉକେଶ୍‌ରେ ଅଲ୍ଲସାକାଅଃକା । ପାଉଲୁସ୍ ନେଆଁ ହଗି ଉଦୁବ୍‌କାଦା ଯେ, ନେ ଚିଟାଉ ଅଲ୍ଲଃତାଇକେନ୍ ଇମତା ଆଇଃକ୍ ଜେହେଲାକାନ୍ ତାଇକେନାଏ, ୩:୧;୪:୧;୬:୨୦ । ପାଉଲୁସ୍, ତୁଖ୍‌କେ ଏଫିସୁସ୍ କାଲିସିୟାତେ କୁଲ୍‌କିୟା ଆତଃ ଆୟାଃ ଡିଃଇରେ ନେ ଚିଟାଉକେ ଏମ୍ କୁଲ୍‌କେଦା ୬:୨୧-୨୨ ।

ଏଫିସୁସ୍, ଏସିଆ ପାର୍‌ଗାନ୍‌ରେୟାଃ ମିଆଁଦ୍ ମାରାଙ୍ଗ୍ ସାହାର୍ ଆତଃ ମାରାଙ୍ଗ୍ ନାଗାର୍ ତାଇକେନା । ଏଫିସୁସ୍‌ରେନ୍ ଗ୍ରୀକ୍ ମାହାପୁରୁ ଆର୍ଡେମୀରାଃ ସୁନୁସାର୍ ଆତଃ ଆୟାଃ ମାନ୍ଦିର୍ ନାଗେନ୍ତେ ପୁରାଃ ନୁତୁମଃତାନା, ପ୍ରେରିତ୍ ୯:୩୩-୩୧ । ଏଫିସୁସ୍ କାଲିସିୟା ଏନେଟେଦ୍‌ରେ ଆମ୍‌ତେ କେଟେୟାନ୍‌ଗିକ ତାଇକେନା, ମେନ୍ଦ୍ ତାୟମ୍‌ତେ ନେ କାଲିସିୟା ଆମ୍‌ରେ ନାରାଦୁରା ହବାୟାନାକ, ଉନୁଦୁବ୍ କାଜି ୨:୧-୭ ।

ପାଉଲୁସ୍ ଆୟାଃ ଅନଲ୍ଲରେୟାଃ ଚିମିନ୍ ହିସାକରେ, ପାର୍‌ମେଶ୍ୱାର୍ ଚିଲ୍‌କା ଆୟାଃ ହଡକକେ ସାଲ୍‌କେଦ୍‌କଥା ଆତଃ ଚିଲ୍‌କା ଯୀଶୁଆଃ ହରାତେ ପାପ୍‌ଏତେ ବାସ୍ତାଅ ନାମାକାଦାକ, ଏନାଏ ଉଦୁବେତାନା । ପାଉଲୁସ୍ କାଲିସିୟାକେ ହଡ୍‌ମଲଃ ଜକାକେଦ୍‌ତେ, ଖ୍ରୀଷ୍ଟ୍ ଏନାରେନ୍ ବହଃ ଆତଃ କଟାରେନ୍ ମାରାଙ୍ଗ୍ ଦିରି ତାନିଃ, ଅକ୍‌ନାଃଲଃ ଚି ମେସାକେଦ୍‌ତେ ମିସାତେ ହାରା ଇଦିୟଃତାନା । ପାଉଲୁସ୍‌ଆଃ ଚିଟାଉରେୟାଃ ଆଧା ହିସାରେ ଖ୍ରୀଷ୍ଟିୟାନ୍ ଜୀଞ୍ଜାନ୍ ବିଷାଏରେ ଉଦୁବାକାଦା ।

### ପୁଥ୍ ଉଚାରରେ ତାଇକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାରିଟାଏ ଏମେତାନାଏ । ୧:୧-୨
- ୨. ଖ୍ରୀଷ୍ଟ୍‌ଲଃ କାଲିସିୟାରାଃ ନାତା । ୧:୩-୩:୨୧
- ୩. ଖ୍ରୀଷ୍ଟିୟାନ୍ ଜୀଞ୍ଜାନ୍ ବିତାଅରେୟାଃ ହରା । ୪:୧-୬:୨୦
- ୪. ପାଉଲୁସ୍‌ଆଃ ଚୁଣ୍ଡି ଜହାର୍ । ୬:୨୧-୨୪

୧ \*ପାଉଲୁସ୍, ପାର୍‌ମେଶ୍ୱାର୍‌ଆଃ ମନେ ଲେକା ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲାକାନ୍‌ନିଃ ତାନିଃ, ଇନିଃ ଯୀଶୁ ଖ୍ରୀଷ୍ଟ୍‌ରେ ମେସାକାନ୍ ପାତିୟାର୍‌ତେ ଜୀଞ୍ଜାନ୍ ବିତାଅତାନ୍ ଏଫିସୁସ୍‌ରେନ୍ ପାର୍‌ମେଶ୍ୱାର୍‌ଆଃ ହଡକତାଃତେ ନେ ଚିଟାଉ ଅଲ୍ଲାକାଦାଏ ।

୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

\* **୧:୧** ୧:୧ ପ୍ରେରିତ୍ ୧୮:୧୯-୨୧; ୧୯:୧.

ଆତ୍ମାରେୟାଃ ଆଶିଷ୍

୩ ଆତ୍ମାଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଆପୁ ଆତଃ ପାର୍ମେଶ୍ଵାରଆଃ ସାହାରାଅ ହବାଅଃକା । ଚିୟାଃଚି ଇନିଃ ଆତୁକେ ଖ୍ରୀଷ୍ଟଲଃ ମେସାକାଦ୍ରୁଆ ଆତଃ ସିର୍ମା ଦିଶ୍ଵମରେୟାଃ ସବେନ୍ ଲେକାନ୍ ଆମ୍ନାନ୍ ଆଶିଷ୍ତେ ଆଶିଷ୍ଟକାଦ୍ରୁଆ । ୪ ଖ୍ରୀଷ୍ଟତାଃରେ ମେସାକେଦ୍ତେ, ଆତୁ ଜେ'ଲେକା ପାର୍ମେଶ୍ଵାରଆଃ ହବାଅଃଆତୁ, ଏନାମେନ୍ତେ ଅତେଦିଶ୍ଵମ୍ ବାଇୟାନ୍ ସିଦାରେ ଇନିଃ ଆତୁକେ ସାଲ୍ଲକାଦ୍ରୁଆ, ନେଆଁ ହରାତେ ଆତୁ ଆୟାଃ ଆୟାରରେ ପାବିତାର୍ ଆତଃ ବେଗାର୍ ଦାରିୟାକାନ୍ଚିରୁ ତାଇନ୍ ଦାଡ଼ିୟା । ଚିୟାଃଚି ଆୟାଃ ଦୁଲ୍ଲାଡ଼ତେ ୫ ଆତୁକେ ଯୀଶୁ ଖ୍ରୀଷ୍ଟଆଃ ହରାତେ ଆୟାଃ ଆସୁଲ୍ ହନ୍କବୁ ହବାଅଃକା ମେନ୍ତେ ଇନିଃ ସିଦାରେଚି ଉହାଟ୍କାଦ୍ ତାଇକେନା, ନେଆଁଗି ଆୟାଃ ସୁକୁଆନ୍ ଆତଃ ମନେ ତାଇକେନା । ୬ ପାର୍ମେଶ୍ଵାରଆଃ ପୁରାଃ ସାୟାଦ୍ ହରାତେ ଆତଃ ଆୟାଃ ଦୁଲ୍ଲାଡ଼୍ ହନ୍କେ ବେଗାର୍ ଗନଙ୍ଗ୍ତେ ବାର୍ଦାନ୍ ଲେକା ଆତୁକେ ଏମାକାରୁ ନାଗେନ୍ତେ, ଆତୁ ପାର୍ମେଶ୍ଵାରଆଃ ମାନାରାଙ୍ଗ୍ବୁ ରିକାଏୟା । ୭\*ଖ୍ରୀଷ୍ଟଆଃ ମାୟୋମ୍ ହରାତେ ଆତୁ ମୁକ୍ତିବୁ ନାମାକାଦା, ଅର୍ଥାତ୍ ଆତୁଆଃ ସବେନ୍ ପାପକ ଛାମାକାନା । ପାର୍ମେଶ୍ଵାରଆଃ ସାୟାଦ୍ ପୁରାଃ ମାରାଙ୍ଗିଆ । ୮ ଏନା ସବେନ୍, ଇନିଃ ଆୟାଃ ସେଣ୍ଟାନ୍ତେ ଆତଃ ଆଟ୍କାର୍ତ୍ତରୁମ୍ତେ ଆତୁକେ ପୁରାଃଗି ଏମାକାଦ୍ରୁଆ । ୯ ପାର୍ମେଶ୍ଵାର୍ ସିଦାରେ ଉହାଟ୍କାଦ୍ ତାଇକେନ୍ତେୟାଃ, ଖ୍ରୀଷ୍ଟଲଃ ପୁରାଏ ନାଗେନ୍ତେ ଅକନ୍ ଉକ୍ତୁଆକାନ୍ତେୟାଃ ତାଇକେନା, ଏନାକେ ଇନିଃ ଆୟାଃ ବୁଗିନ୍ ସୁକୁଆନ୍ ମନେ ଲେକାତେ ଆତୁକେ ଉଦୁବାକାଦ୍ରୁଆ । ୧୦ ନେ ଉହାଟ୍ ଲେକାତେ ସିର୍ମା ଆତଃ ଅତେଦିଶ୍ଵମରେ ସବେନ୍ ବାଇୟାକାନ୍ତେୟାଃ ମିଦଃଆ ଆତଃ ଖ୍ରୀଷ୍ଟ୍ ଏନ୍ ସବେନାଃରେନ୍ ବହଃ ଲେକାଏ ତାଇନା । ନେ ଉହାଟ୍ ପାର୍ମେଶ୍ଵାର୍ ବୁଗିନ୍ ନେତାରେଚି ପୁରାଏୟା ।

୧୧ ସବେନାଃ ପାର୍ମେଶ୍ଵାରଆଃ ଉହାଟ୍ ଆତଃ ଇଛାସାନାଙ୍ଗ୍ ଲେକାଗି ହବାଅଃଆ, ମୁନ୍ନୁଏତେ ଉହାଟ୍କାନ୍ ଲେକାଗି ଆୟାଃ ଇଛାସାନାଙ୍ଗ୍ ପୁରାଅଃ ନାଗେନ୍ତେ, ଖ୍ରୀଷ୍ଟ୍ ହରାତେ ଆୟାଃ ଆପାନାଃ ହଡ୍ ହବାଅଃ ନାଗେନ୍ତେ ପାର୍ମେଶ୍ଵାର୍ ଆତୁକେ ସାଲ୍ଲକାଦ୍ରୁଆ । ୧୨ ଦଲ୍ଲାରୁ, ଅକନ୍କ ସିଦାରେଚି ଖ୍ରୀଷ୍ଟତାଃରେ ଆସ୍ରାକାଦ୍ ତାଇକେନାରୁ, ଏନ୍ ସବେନ୍କ ପାର୍ମେଶ୍ଵାରଆଃ ମାନାରାଙ୍ଗ୍ବୁ ଦୁରାଙ୍ଗେଆ ।

୧୩ ଆପେୟାଗି ଆପେୟାଃ ଜୀଉବାସ୍ତାଏ ଏମେତାନ୍, ନେ ସୁକୁକାଜିରେୟାଃ ସାର୍ଚି କାଜିପେ ଆୟୁମକେଦା ଇମ୍ତାଏତେ ପାର୍ମେଶ୍ଵାରଆଃ ହଡ୍ପେ ହବାକାନା । ଆପେ ଖ୍ରୀଷ୍ଟକେ ବିଶ୍ଵାସକାଇ ହରାତେ ପାର୍ମେଶ୍ଵାର୍ ଆୟାଃ ବାନାର୍ସା ଲେକାତେ ପାବିତାର୍ ଆମ୍ନାକେ ଏମ୍କିୟା, ଆତଃ ଆପେୟାଃ ଚେତାନ୍ରେ ଆୟାଃ ମୋହରକାନ୍ ଚିହ୍ନାଏ ଏମାକାଦ୍ପେୟା । ୧୪ ପାର୍ମେଶ୍ଵାର୍ ଆୟାଃ ହଡ୍ପକେ ଆକଆଃ ହାନାଟିଙ୍ଗକ ନାମେୟା ମେନ୍ତେ ବାନାର୍ସା ଏମାକାଦାଏ, ଏନାରେୟାଃ ଗାଞ୍ଜା ଏମ୍ନିଃ, ଆତୁ ନାମାକାଇ ପାବିତାର୍ ଆମ୍ନା ତାନିଃ । ପାର୍ମେଶ୍ଵାର୍ ଆୟାଃ ହଡ୍ପକେ ପୁରାଗି ରାଡ଼ାକଆ, ଏନାମେନ୍ତେ ଆୟାଃ ମାନାରାଙ୍ଗ୍ବୁ ଦୁରାଙ୍ଗେଆ ।

ପାଉଲ୍ଲସ୍ଆଃ ବିକ୍ତି

୧୫ ନେଆଁମେନ୍ତେ ପ୍ରାଭୁ ଯୀଶୁତାଃରେ ଆପେୟାଃ ବିଶ୍ଵାସ୍ ଆତଃ ପାର୍ମେଶ୍ଵାରଆଃ ହଡ୍ପକତାଃରେ ଆପେୟାଃ ଦୁଲ୍ଲାଡ଼୍ ମେନାଃ ମେନ୍ତେ ୧୬ ଆଇଙ୍ଗ୍ ଆୟୁମକେଦ୍ ଦିପିଲିହେତେ ଆପେୟାଃ ନାଗେନ୍ତେ ପାର୍ମେଶ୍ଵାରକେ ଧାନ୍ୟାବାଦ୍ ଏମ୍ ନାଗେନ୍ତେ କାଇଙ୍ଗ୍ ବାଗିତାନା, ଆଇଙ୍ଗ୍ ବିକ୍ତିରେ ଆପେକେଇଙ୍ଗ୍ ପାହାମ୍ପେତାନା । ୧୭ ଆତଃ ମାନାରାଙ୍ଗ୍ରେନ୍ ଆପୁ, ଆତୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ପାର୍ମେଶ୍ଵାରକେଇଙ୍ଗ୍ ବିକ୍ତିତାନା, ଜେ'ଲେକାଚି ଇନିଃ ଆପେକେ ପାବିତାର୍ ଆମ୍ନାକେ ଏମାପେୟା ।

\* ୧:୭ ୧:୭ କଲସିୟ ୧:୧୪.

ଏନ୍ ପାବିତାର୍ ଆମ୍ବା ଆପେକେ ସେଣ୍ଟିଏ ଏମାପେୟା ଆତଃ ପାର୍ମେଶ୍ଵାର୍‌କେ ବୁଗିଲେକାପେ ସାରି ନାଗେନ୍ତେ ଇନିଃକେ ଆପେତାଃରେ ଉଦୁବିୟା । <sup>୧୮</sup> ଇନିୟାଃ ମାର୍ସାଲ୍ ନେଲ୍ ନାଗେନ୍ତେ ଆପେୟାଃ ମନ୍‌ସୁରୁଦ୍‌ରେୟାଃ ମେଦ୍ ରାସକାଅଃକା ମେନ୍ତେଇଙ୍ଗ୍ ବିନ୍ତିତାନା, ଜେ'ଲେକାଟି ଇନିଃ ଆପେକେ ଅକନ୍ ଆସ୍ରା ନାଗେନ୍ତେ କେଡାକାଦ୍‌ପେୟା, ଆୟାଃ ପାବିତାର୍ ହଡକ ନାଗେନ୍ତେ ଆୟାଃ ବାନାର୍‌ସା ତିମିନ୍ ମାନାରାଙ୍ଗ୍‌ରେୟାଃ ହାନାଟିଙ୍ଗ୍ ତାନାଃ, <sup>୧୯</sup> ଆତଃ ଆବୁ ଲେକାନ୍ ବିଶ୍ଵାସୀକତାଃରେ କାମିୟାତାନ୍ ଇନିୟାଃ ପେଡେଃ ଚିମିନ୍ ମାରାଙ୍ଗ୍‌ଗିଆ, ଏନ୍ ପେଡେଃଗି ଆବୁତାଃରେ ପୁରାଃ ପେଡେଃତେ କାମିୟାତାନା, ଏନା ଆପେ ଆଟ୍‌କାର୍ ଦାଡ଼ିୟାପେ । <sup>୨୦</sup> ଏନ୍ ପେଡେଃ ହରାତେଗି ପାର୍ମେଶ୍ଵାର୍ ଖ୍ରୀଷ୍ଟ୍‌କେ ଗନ୍‌ଏଃହେତେ ଜୀଉବିରିଦ୍‌କିୟାଏ ଆତଃ ଇନିଃକେ ସିର୍ମାରେ ଆୟାଃ ଜମସାଃରେ ଦୁବ୍‌କିୟା । <sup>୨୧</sup> ଖ୍ରୀଷ୍ଟ୍ ସିର୍ମାରେନ୍ ସବେନ୍ ରାଇଜ୍‌ତାନ୍‌କଏତେ, ଆକ୍‌ତେୟାର୍ ନାମାକାଦ୍‌କଏତେ, ପେଡେୟାନ୍‌କଏତେ, ଆତଃ ଗମକେକଏତେ ଚେତାନ୍ ନୁଡୁମ୍‌ରେ ଦହକିୟା, ନେ ଅତେଦିଶ୍ଵମ୍ ଆତଃ ହିଜୁଃତାନ୍ ଦିପିଲିରେୟାଃ ସବେନ୍ ଆକ୍‌ତେୟାର୍‌ଏତେ ଚେତାନ୍ ଆକ୍‌ତେୟାର୍ ଇନିୟାଃ ତାନାଃ । <sup>୨୨</sup> \*ପାର୍ମେଶ୍ଵାର୍ ସବେନାଃକେ ଖ୍ରୀଷ୍ଟ୍‌ଆଃ କାଟା ଲାତାର୍‌ରେ ଦହକେଦା ଆତଃ ସବେନ୍ ବିଷାଏରେ ଇନିଃକେ ମାରାଙ୍ଗ୍‌ଉତାର୍ ପ୍ରାଭୁ ଲେକା କାଲିସିୟାକେ ଏମ୍‌କିୟା । <sup>୨୩</sup> କାଲିସିୟା ଖ୍ରୀଷ୍ଟ୍‌ଆଃ ହଡକ୍‌ତାନାଃ, କାଲିସିୟା ହରାତେ ଖ୍ରୀଷ୍ଟ୍‌ଆଃ କାମିକ ପୁରାଅଃଆ, ଆତଃ ଖ୍ରୀଷ୍ଟ୍ ସବେନାଃଏ ପୁରାଏଆ ।

## ୨

ଗନ୍‌ଏଃହେତେ ଜୀଦାନ୍

<sup>୧</sup> \*ଆପେୟାଃ କା ମାନାଡିଙ୍ଗ୍ ଆତଃ ପାପ୍ ହରାତେ ସିଦା ଦିପିଲିରେ ଆମ୍ବାରେ ଗଜାକାନ୍‌ପେ ତାଇକେନା, <sup>୨</sup> ଇମ୍‌ତାଙ୍ଗ୍ ଆପେ ଅତେଦିଶ୍ଵମ୍‌ରେୟାଃ ଏଡକାନ୍ ହରା ଅତଙ୍ଗ୍‌ତାନ୍‌ଲଃ, ଅତେ ଆତଃ ସିର୍ମା ଆଲାରେୟାଃ ହୟରେ ରାଇଜ୍ ତାନ୍‌ନିଃକେପେ ମାନାଡିଙ୍ଗ୍ ତାଇକେନା । ନାହାଃ ଏନ୍ ଏଡକାନ୍ ଆମ୍ବା, ପାର୍ମେଶ୍ଵାର୍‌କେ କା ମାନାଡିଙ୍ଗ୍‌ତାନ୍ ହଡକଆଃ ଚେତାନ୍‌ରେ ରାଇଜେତାନା । <sup>୩</sup> ସାର୍‌ତି କାଜିଲେରେ, ଆବୁ ସବେନ୍‌କ ଇନ୍‌କୁ ଲେକାଗି ଆପ୍‌ନାଃ ହଡମ୍‌ରେୟାଃ ଏଡକାନ୍ ସାନାଙ୍ଗ୍ ଆତଃ ମନ୍‌ରେୟାଃ ଏଡକାନ୍ ଉଡ଼ୁ ଲେକାତେବୁ ସେସେନ୍‌ତାନ୍ ତାଇକେନା, ଏଟାଃକ ଲେକା ଆବୁହ ପାର୍ମେଶ୍ଵାର୍‌ଆଃ ଖ୍ଵକାନ୍ ହଡକବୁ ତାଇକେନା ।

<sup>୪</sup> ମେନ୍‌ଦ ପାର୍ମେଶ୍ଵାର୍‌ଆଃ ପୁରାଃ ଲିନିବୁଇ ଆତଃ ଆୟାଃ ପୁରାଃ ଦୁଲାଡ୍, ଆବୁନାଙ୍ଗ୍ ନିମିନାଙ୍ଗ୍ ମେନାଃ ଯେ, <sup>୫</sup> ଆବୁଆଃ ପାପ୍ ହରାତେ ଆମ୍ବାରେ ଗଜାକାନ୍ ତାଇକେନ୍ ଇମ୍‌ତା, ଇନିଃ ଖ୍ରୀଷ୍ଟ୍‌ଲଃ ଆବୁକେ ଜୀଦାନାଏ ଏମାଦ୍‌ବୁଆ । ନେଆଁ ପାର୍ମେଶ୍ଵାର୍‌ଆଃ ସାୟାଦ୍ ହରାତେଗି ଆପେ ବାଞ୍ଛାଅକାନାପେ । <sup>୬</sup> ଆବୁ ଯୀଶୁ ଖ୍ରୀଷ୍ଟ୍‌ଲଃ ମେସାୟାନ୍ ହରାତେ ଇନିଃଲଃ ସିର୍ମାରେ ରାଇଜେ ନାଗେନ୍ତେ ଇନିଃ ଆବୁକେୟାଗି ଜୀଉ ବିରିଦାକାଦ୍‌ବୁଆ । <sup>୭</sup> ଯୀଶୁ ଖ୍ରୀଷ୍ଟ୍‌ରେ ଉଦୁବ୍‌କେଦ୍ ଦୁଲାଡ୍‌ତେ ଆୟାଃ ସାୟାଦ୍‌ରେୟାଃ କା ଜକାଃଅ ପୁରାଃ ପେଡେଃ ଆତଃ ଦାୟାକେ ସବେନ୍ ଦିପିଲିରେ ଉଦୁବେ ନାଗେନ୍ତେ ପାର୍ମେଶ୍ଵାର୍ ନେ ଲେକାଏ କାମିକେଦା । <sup>୮</sup> ଚିୟାଃଟି ପାର୍ମେଶ୍ଵାର୍‌ଆଃ ସାୟାଦ୍ ଆତଃ ବିଶ୍ଵାସ୍ ହରାତେ ଆପେ ଜୀଉବାଞ୍ଛାଅପେ ନାମାକାଦା । ନେଆଁ ଆପେୟାଃତେଦ କାହାଗି, ମେନ୍‌ଦ ପାର୍ମେଶ୍ଵାର୍‌ଆଃ ଦାନ୍ ତାନାଃ । <sup>୯</sup> ଜେତାଏ ଆପାନ୍‌କେ ମାରାଙ୍ଗ୍ ମେନ୍ତେ ଆଲକାଏ ଉଡ଼ୁଗେ ମେନ୍ତେ ଆପ୍‌ନାଃ କାମିତେ କା ହବାକାନା । <sup>୧୦</sup> ଆବୁ ଅକ୍‌ନାଃ ହବା ଦାଡ଼ିକାନାବୁ, ଏନା

ପାର୍ମେଶ୍ଵାରୀ ବାଈୟାକାଦ୍‌ରୁଆ, ଅକନ୍ ବୁଗିନ୍ କାମି ଆବୁ କାମିୟାବୁ ମେନ୍ତେ ପାର୍ମେଶ୍ଵାର ସିଦାରେଗି ଠାହାରାଅକାଦ୍ ତାଇକେନା, ଆବୁ ଖ୍ରୀଷ୍ଟ୍ ଯୀଶୁଲ୍ଲଃ ମେସାୟାନ୍ ହରାତେ ଏନା ହବା ସାକାଅକାନା ।

ଖ୍ରୀଷ୍ଟ୍ ହରାତେ ମିଦଃ

୧୧ ଏନାମେନ୍ତେ ଆପେୟାଃ ସିଦା ଦିପିଲି ପାହାମେପେ, ଜାନାମ୍‌ରେ ଆପେ ସାର୍ଥସାର୍ ହଡକ ତାଇକେନାପେ । ଆପାନ୍‌କେ ଖାଡନାଅକାନ୍‌କ ତାନ୍‌ଲେ ମେନ୍ତେ କାଜିନ୍‌ତାନ୍ ଯିହୁଦୀକ, ଆପେକେ କା ଖାଡନାଅକାନ୍‌କ ମେନ୍ତେ କାଜିତାଇକେନାକ । ନେଆଁ, ହଡକ ଆକଆଃ ହଡଫରେ ଚିନାଃ ରିକାଃକ ଏନା ଏସ୍‌କାର୍ କାଜିୟାଃଏ । ୧୨ ଇମ୍‌ତା ଆପେ ଖ୍ରୀଷ୍ଟ୍‌ତାଃଏତେ ସାଜିନ୍‌ରେ ତାଇକେନାପେ । ଆପେ ଇସ୍ରାଏଲ୍ ଦିଶୁମହେତେ ବାହାରିକାନ୍ ତାଇକେନାପେ, ଏଟାଃ ଦିଶୁମ୍‌ରେନ୍ ହଡକ ଲେକା ତାଇକେନାପେ ଆତଃ ପାର୍ମେଶ୍ଵାର୍‌ଆଃ ସାଲାକାନ୍ ହଡକ କାପେ ତାଇକେନା । ପାର୍ମେଶ୍ଵାର୍ ଆୟାଃ ହଡକଆଃ ନାଗେନ୍ତେ ଏମାକାଦ୍ ବାନାର୍‌ସା ତେତାନ୍‌ରେ ଠାହାରାଅକାଦ୍ ରାଜିନାମାରେ ଆପେୟାଃ ଜେତାନ୍ ହିସା କା ତାଇକେନା । ବେଗାର୍ ଆସ୍ରାତେ ଆତଃ ବେଗାର୍ ପାର୍ମେଶ୍ଵାର୍‌ତେ ଆପେ ନେ ଅତେଦିଶୁମ୍‌ରେପେ ତାଇନଃତାନ୍ ତାଇକେନା । ୧୩ ଖ୍ରୀଷ୍ଟ୍ ଯୀଶୁରେ ଆପେ ସାଜିନ୍‌ରେ ତାଇକେନାପେ, ମେନ୍‌ଦ ନାହାଁଃ ଖ୍ରୀଷ୍ଟ୍‌ଆଃ ମାୟୋମ୍‌ତେପେ ନାଡେୟାକାନା । ୧୪ ଚିୟାଃଚି ଯିହୁଦୀ ଆତଃ ସାର୍ଥସାର୍ ହଡକକେ ମିଦ୍‌କେଦ୍‌ତେ ଖ୍ରୀଷ୍ଟ୍ ଆଇଃକ୍‌ଗି ଆବୁ ଆଲାରେ ଜୀଉସୁକୁଇ ବାଇକେଦା । ଇନ୍‌କୁକେ ବିନ୍‌ଗାଅକେଦ୍‌ତେ ବାଇରି ଲେକା ଦହକାଦ୍ ପାର୍‌ରିକେ ଇନିଃ ଆୟାଃ ହଡଫ ହରାତେ ହାଦୁଡକେଦା । ୧୫ \*ଇନିଃ ଯିହୁଦୀକଆଃ ସବେନ୍ ଆଇନ୍, ଆନ୍‌ରୁ ଆତଃ ନିୟାମ୍‌କ ଆତମ୍‌କେଦ୍‌ତେ ଯିହୁଦୀ ଆତଃ ସାର୍ଥସାର୍ ହଡକତାଃଏତେ ଆୟାଃଲଃ ମେନେସାରେ ମିଆଁଦ୍ ନାଝା ହଡ ବାଇକିୟା, ନେ ଲେକାତେ ଜୀଉସୁକୁଇ ବାଇକେଦା । ୧୬ \*କୁଶ୍‌ରେ ଖ୍ରୀଷ୍ଟ୍‌ଆଃ ଗନଏଃ ହରାତେ ଯିହୁଦୀ ଆତଃ ସାର୍ଥସାର୍ ହଡକଆଃ ଆଲାରେ ତାଇକାନ୍ ବାଇରିକେ ଜିୟନ୍‌କେଦା ଆତଃ ମିଦ୍ ହଡଫରେ ମେସାକେଦ୍‌କଆ, ଏନ୍ତେ ପାର୍ମେଶ୍ଵାର୍‌ତାଃତେ ଆଉରୁହାଡକେଦ୍‌କଆ । ୧୭ ଏନାମେନ୍ତେ ଖ୍ରୀଷ୍ଟ୍ ହିଜୁଃକାନ୍ ତାଇକେନାଏ ଆତଃ ପାର୍ମେଶ୍ଵାର୍‌ତାଃଏତେ ସାଜିନ୍‌କାନ୍ ସାର୍ଥସାର୍ ହଡକତାଃରେ ଆତଃ ଆୟାଃ ହେପାଦ୍‌ରେନ୍ ଯିହୁଦୀ ହଡକତାଃରେ ସୁକୁକାଜି ଉଦୁବକେଦା । ୧୮ ଖ୍ରୀଷ୍ଟ୍ ହରାତେଗି ଯିହୁଦୀକ, ସାର୍ଥସାର୍ ହଡକ ଆତଃ ଆବୁ ସବେନ୍‌କ ମିଦ୍ ଆମ୍‌ରେ ଆପୁଆଃ ହେପାଦ୍‌ତେ ହିଜୁଃ ଦାଡ଼ିକାନାବୁ ।

୧୯ ଏନାତେ ହେ ସାର୍ଥସାର୍ ହଡକ, ଆପେ ଏଟାଃ ଦିଶୁମ୍‌ରେନ୍ ଆତଃ କା ଚିହ୍ନାଁର୍ ହଡକ ନାହାଁଃଲାପେ, ନାହାଁଃ ପାର୍ମେଶ୍ଵାର୍‌ଆଃ ହଡକଲଃ ଆପେୟାଗି ଆୟାଃ ରାଇଜ୍‌ରେନ୍ ଆତଃ ଅଡ଼ାଃରେନ୍ ହଡକ ତାନ୍‌ପେ । ୨୦ ଆପେୟାଗି ପ୍ରେରିଡକଆଃ ଆତଃ ନାବୀକଆଃ ହରାତେ ବାଈୟାକାନ୍ ନିହ୍‌ଗାତାରେ ବାଈୟାକାଦ୍ ଅଡ଼ାଃ ଲେକାଃପେ । ଏନ୍ ଅଡ଼ାଃରେୟାଃ କଚା ଦିରି ଖ୍ରୀଷ୍ଟ୍ ଯୀଶୁଗି ତାନିଃ । ୨୧ ଇନିଃରେ ବାଇକାନ୍ ମିପିଆଦ୍ ଅଡ଼ାଃ ଡିରିଜ୍‌କେଦ୍‌ତେ ଜଡ଼ାଇକାନା ଆତଃ ପ୍ରାଭୁ ନାଗେନ୍ତେ ରାକାବାକାନ୍ ପାବିତାର୍ ମାନ୍‌ିର୍ ଲେକା ହାରାଇଦିୟଃତାନା । ୨୨ ଆୟାଃଲଃ ମେନେସାରେ ଆପେୟାଗି ଏଟାଃ ସବେନ୍‌କଲଃ ମିସାତେ ଆମ୍‌ ଲେକାନ୍ ପାର୍ମେଶ୍ଵାର୍‌ଆଃ ତାଇନଃ ଠାୟାଦ୍ ନାଗେନ୍ତେ ଆପେ ମିଆଁଦ୍ ଅଡ଼ାଃପେ ବାଈୟାଃତାନା ।

\* ୨:୧୫ ୨:୧୫ କଲସିୟ ୨:୧୪.    \* ୨:୧୬ ୨:୧୭ କଲସିୟ ୧:୨୦.

# ୩

ସାଅଁସାର୍ ହଡକଆଃ ନାଗେନ୍ତେ ପାଉଲୁସ୍ଆଃ କାମି

୯ ନେଆଁ ନାଗେନ୍ତେ ଆପେ ଲେକାନ୍ ସାଅଁସାର୍ ହଡକ ନାଙ୍ଫ ଯୀଶୁ ଖ୍ରୀଷ୍ଟ୍ଆଃ ହରାତେ ଜେହେଲକାନ୍ ଆଇଙ୍ଫ ପାଉଲୁସ୍, ପାର୍ମେଶ୍ଵାର୍ତାଃରେଇଙ୍ଫ ବିନ୍ତିତାନା । ୧୦ ଆପେୟାଃ ବୁଗିନାଃ ନାଗେନ୍ତେ ପାର୍ମେଶ୍ଵାର୍ ଆୟାଃ ସାୟାଦ୍ତେ ଆଇଙ୍ଫକେ ନେ କାମି କାମି ନାଗେନ୍ତେ ଏମାକାଦିୟାଁ, ନେଆଁ ସାର୍ତିଗି ଆୟୁମକାଦାପେ । ୧୧ ପାର୍ମେଶ୍ଵାର୍ ଆୟାଃ ଉକ୍ତୁଆକାନ୍ କାଜିକେ ଉଦୁବ୍କେଦ୍ତେ ଆଇଙ୍ଫକେ ଉଦୁବ୍କାଦିୟାଁ, ଏନ୍ ବିଷାଏରେ ଆଇଙ୍ଫ କାଟିଃ ଲେକାଇଙ୍ଫ ଅଲକାଦା । ୧୨ ଏନା ପାଢ୍ଵାଅଲେରେ, ଖ୍ରୀଷ୍ଟ୍ଆଃ ଉକ୍ତୁଆକାନ୍ ବିଷାଏରେ ଆଇଙ୍ଫ ଆଟ୍ଟକାର୍ ଉରୁମକାଦ୍ତେୟାଃ, ଆପେ ଆଟ୍ଟକାର୍ ଉରୁମ୍ ଦାଡ଼ିୟାପେ । ୧୩ ସିଦା ଦିପିଲିରେ ମାନଃ ହଡକେ ନେ ଉକ୍ତୁଆକାନ୍ କାଜି ବିଷାଏରେ କା କାଜିକାନ୍ ତାଇକେନା । ମେନ୍ଦ ପାର୍ମେଶ୍ଵାର୍ ନାହାଁଃ ଆୟାଃ ପାବିତାର୍ ପ୍ରେରିଡକ ଆତଃ ନାବାକକେ ଆମ୍ବା ହରାତେ ନେଆଁଏ ଉଦୁବ୍କାଦା । ୧୪ ଏନ୍ ଉକ୍ତୁଆକାନ୍ କାଜି ହବାଃଅତାନା, ସୁକ୍ତକାଜି ହରାତେ ଯିହୁଦୀକଲଃ ସାଅଁସାର୍ ହଡକହଗି ପାର୍ମେଶ୍ଵାର୍ଆଃ ଆଣିଷ୍ଟ ନାମେରେୟାଃ ହିସାକ ନାମାକାଦା । ଇନ୍କୁ ଏନ୍ ମିଆଁଦ୍ ହଡକ୍ତେନ୍ ହଡକଗି ତାନ୍କ ଆତଃ ଯୀଶୁ ଖ୍ରୀଷ୍ଟ୍ଆଃ ଦେଙ୍ଫାତେ ପାର୍ମେଶ୍ଵାର୍ ଏମାକାଦ୍ ବାନାର୍ସାରେ ହାନାଟିଙ୍ଫକ ନାମେୟାଁ ।

୧୫ ପାର୍ମେଶ୍ଵାର୍ଆଃ କାମିଦାଡ଼ିୟାଃ ପେଡେଃ ଲେକାତେ ଆଇଙ୍ଫକେ ଏମାକାନ୍ ଆୟାଃ ସାୟାଦ୍ରେୟାଃ ବାର୍ଦାନ୍ ହରାତେ ଆଇଙ୍ଫ ଏନ୍ ସୁକ୍ତକାଜି ଉଦୁବ୍ରେୟାଃ ମିହୁଡ୍ ଦାସିଇଙ୍ଫ ହବାକାନା । ୧୬ ଆଇଙ୍ଫ ପାର୍ମେଶ୍ଵାର୍ଆଃ ହଡକ ଆଲାରେ ସବେନ୍କତାଃଏତେ ହୁଡିଙ୍ଫ ତାନିଙ୍ଫ, ଏନ୍ରେୟ, ସାଅଁସାର୍ ହଡକତାଃତେ ଖ୍ରୀଷ୍ଟ୍ଆଃ କା ଦାଣ୍ଠାନାମଃ ଖୁଜ୍ ବିଷାଏରେୟାଃ ସୁକ୍ତକାଜି ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଙ୍ଫକେ ସୁଯୋଗ୍ ଏମାକାଦିୟାଁଏ । ୧୭ ପାର୍ମେଶ୍ଵାର୍ଆଃ ଏନ୍ ଉକ୍ତୁଆକାନ୍ କାଜିକ ଚିଲ୍କା କାମିୟାଆ ଆତଃ ସବେନ୍ ହଡକତାଃରେ ନେଲ୍ଦାଡ଼ିୟାଆ ଏନା କାଜିରେୟାଃ ସୁଯୋଗ୍ ନାମକାଦାଇଙ୍ଫ । ସବେନାଃରେୟାଃ ବାବାଇନିଃ ପାର୍ମେଶ୍ଵାର୍ ଆୟାଃ ଉକ୍ତୁଆକାନ୍ କାଜିକେ ନାଙ୍ଫ ପାରିୟାରେଗି ଦାନାଙ୍ଫକେଦ୍ତେ ଦହକାଦ୍ ତାଇକେନା । ୧୮ ଜେଲେକାଟି ନେ ଦିପିଲିରେ କାଲିସିୟାରେୟାଃ କାମି ହରାତେ ସିର୍ମାରେ ରାଇଜ୍ତାନ୍କ ଆତଃ ସିର୍ମାରେ ଆକ୍ତେୟାର୍ ନାମାକାଦକ୍, ପାର୍ମେଶ୍ଵାର୍ଆଃ ଚିମିନ୍ ରାକାମ୍ରେୟାଃ ସେଣ୍ଠାଁ ବିଷାଏରେକ ଆଟ୍ଟକାର୍ଉରୁମ୍ ଦାଡ଼ିୟା । ୧୯ ପାର୍ମେଶ୍ଵାର୍ ଆୟାଃ ଜାନାଅ ଜାନାଅରେୟାଃ ଉକେଶ୍ଵ ଲେକାତେ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ହରାତେ ନେଆଁଏ ରିକାକାଦା । ୨୦ ଖ୍ରୀଷ୍ଟ୍ଲଃ ମେସାକାନ୍ ହରାତେ ଆତଃ ଆୟାଃତାଃରେ ବିଶ୍ଵାସ୍ତାନ୍ ହରାତେ ପୁରାଃ ଭାର୍ସାକେଦ୍ତେ ପାର୍ମେଶ୍ଵାର୍ଆଃ ହେପାଦ୍ତେ ସେନ୍ ନାଙ୍ଫ ଆରୁଆଃ ଜୀଉରେ କେଟେଦ୍ ମେନାଃ । ୨୧ ଏନାମେନ୍ତେ ଆଇଙ୍ଫ ବିନ୍ତିତାନା, ଆପେ ନାଗେନ୍ତେଇଙ୍ଫ ଦୁକ୍ତୁତାନା ମେନ୍ତେ ଆପେ ଆଲ୍ପେ ନାରାଜଃ, ଚିୟାଟି ନେ ସବେନାଃ ଆପେୟାଃ ବୁଗିନାଃ ନାଗେନ୍ତେ ହବାକାନା ।

ଖ୍ରୀଷ୍ଟ୍ଆଃ ଦୁଲାଡ୍,

୨୨ ନେଆଁମେନ୍ତେ ଆଇଙ୍ଫ ଆପୁ ପାର୍ମେଶ୍ଵାର୍ଆଃ ସାମନାଙ୍ଫରେ ଇକ୍ତୁମ୍କେଦ୍ତେଇଙ୍ଫ ବିନ୍ତି ତାନା, ୨୩ ଅକ୍ଷତାଃଏତେଟି ସିର୍ମା ଆତଃ ଅତେଦିଶ୍ଵମ୍ରେନ୍ ସବେନ୍ ପାରିବାର୍କ ଆୟାଃ ସାର୍ତି ନୁଡୁମକ ନାମାକାଦା

☆ ୩:୪ ଶ୍ଵା:୪ କଲସିୟ ୧:୨୭,୨୭.

। ୧୭ ଆଇଙ୍ଗ୍ ପାର୍ମେଶ୍ଵାରକେଇଙ୍ଗ୍ ବିକ୍ରିତାନା, ଜେ'ଲେକାଚି ଆୟାଃ ମାନାରାଙ୍ଗ୍ରେୟାଃ ଖୁଜ୍ ଲେକାତେ ଆୟାଃ ଆମ୍ବା ହରାତେ ଆପେୟାଃ ମନ୍‌ସୁରୁଦକେ ପୁରାଃ ପେଡ଼େଜେ ନାଗେନ୍ତେ ପେଡ଼େଃ ଏମାପେୟାଏ, ୧୭ ଆତଃ ବିଶ୍ଵାସ୍ ହରାତେ ଖ୍ରୀଷ୍ଟ୍ ଆପେୟାଃ ମନ୍‌ସୁରୁଦରେ ତାଇନା । ଆପେୟାଃ ନିହିଁଗାତା ଦୁଲାଡ଼ରେ କେଟେଜାକାନ୍ ହବାଅଃଆ । ୧୮ ଏନାରେ ଖ୍ରୀଷ୍ଟ୍‌ଆଃ ଦୁଲାଡ଼୍ ଚିମିନ୍ ଜିଲିଙ୍ଗ୍ ଆତଃ ଚାକାର୍, ଚିମିନ୍ ସାଲାଙ୍ଗି ଆତଃ ଇକିର୍ ତାନାଃ, ଏନା ଆପେ ପାର୍ମେଶ୍ଵାର୍‌ଆଃ ହଡ଼କଲଃ ଆର୍‌କାର୍‌ଉରମ୍ ଦାଡ଼ିରେୟାଃ ପେଡ଼େଃପେ ନାମ୍ ଦାଡ଼ିୟା । ୧୯ ହେଗି, ନେଆଁ ଚିଉଲାଅ ପୁରା କା ଆର୍‌କାର୍ ଦାଡ଼ିୟଃରେୟ, ଆପେ ଖ୍ରୀଷ୍ଟ୍‌ଆଃ ଦୁଲାଡ଼୍‌ପେ ଆର୍‌କାରେକା ମେନ୍ତେ ଆପେ ପାର୍ମେଶ୍ଵାର୍‌ଆଃ ସଭାବ୍ରେ ପୁରାଃତେପେ ପେରେଃ ଦାଡ଼ିୟଃକା ।

୨୦ ପାର୍ମେଶ୍ଵାର୍ ଆରୁଆଃ ଆଲାରେ କାମିୟଃତାନ୍ ଆୟାଃ ପେଡ଼େଃ ହରାତେ ଆରୁଆଃ ଆନାସିଏତେ ଆଦକା ଚାଏ ଆରୁଆଃ ଉଡ଼ୁଏତେ ଆଦକା ଏମ୍ ଦାଡ଼ିନିଃ ତାନିଃ । ୨୧ କାଲିସିୟା ହରାତେ ଆତଃ ଯୀଶୁ ଖ୍ରୀଷ୍ଟ୍‌ଆଃ ହରାତେ ସବେନ୍ ଇମ୍ତା ଜାନାଅ ଜାନାଅ ଜାକେଦ୍ ଏନ୍ ପାର୍ମେଶ୍ଵାର୍‌ଆଃ ମାଇନାନ୍ ହବାଅଃକା ! ଆମେନ୍ ।

### ୪

#### ହଡ଼ମରେ ମିଦେନ୍

୧ ପ୍ରାଭୁଆଃ ସୁସାର୍‌ତାନ୍ ହରାତେ ଜେହେଲାକାନ୍ ଆଇଙ୍ଗ୍ ପାଉଲୁସ୍ ଆପେକେଇଙ୍ଗ୍ ବିକ୍ରିତାନା, ପାର୍ମେଶ୍ଵାର୍ ଆପେକେ କେଡ଼ାକାଦ୍‌ପେ ଲେକାଗି ଜୀଝାନ୍ ବିତାଏପେ । ୨ \*ସବେନ୍ ଇମ୍ତା ମନ୍ ହୁଡ଼ିଙ୍ଗ୍‌ୟେନ୍, ଲେବେଃ, ଆତଃ ଧୁରାଜ୍ ଜୀଝାନ୍ ହବାଅଃପେ । ମିହୁଡ଼୍ ଆତଃମିହୁଡ଼ଲଃ ସାହାତିଙ୍ଗ୍‌ତାନଲଃ ଦୁଲାଡ଼ରେ ତାଇନ୍‌ପେ । ୩ ପାବିତାର୍ ଆମ୍ବାରାଃ ଦେଙ୍ଗାତେ ଜୀଉସୁକ୍ରେ ତାଇନଃ ନାଗେନ୍ତେ ଆପେ ଆଲାରେ ତାଇନାକାନ୍ ମେନେସାରେୟାଃ ତନଲକେ ଜୀଉଜାତାନ୍ ଦହକାପେ । ୪ ମିଆଁଦଗି ହଡ଼ମ୍ ଆତଃ ମିଆଁଦଗି ଆମ୍ବା, ଆତଃ ମିଆଁଦଗି ଆସ୍ରାତେ ପାର୍ମେଶ୍ଵାର୍ ଆପେକେ କେଡ଼ାକାଦ୍‌ପେୟା । ୫ ମିଆଁଦଗି ପ୍ରାଭୁ, ମିଆଁଦଗି ବିଶ୍ଵାସ୍ ଆତଃ ମିଆଁଦଗି ବାପ୍ରିସ୍ତା ମେନାଃ । ୬ ସବେନ୍ ମାନଝାକଆଃ ପାର୍ମେଶ୍ଵାର୍ ଆତଃ ଆପୁ ମିଆଁଦଗି ତାନିଃ, ଇନିଃ ସବେନ୍‌କଆଃ ପ୍ରାଭୁ, ସବେନ୍‌କଆଃ ଆଲାରେ ଆତଃ ସବେନ୍‌କଆଃରେ ମେନାଇୟା ।

୭ ଖ୍ରୀଷ୍ଟ୍ ଏମାକାଦ୍ ବାର୍‌ଦାନ୍ ଲେକାତେ ଆରୁ ସବେନ୍ ମିମିଆଦ୍ ହଡ଼କକେ ସାୟାଦରାଃ ବାର୍‌ଦାନ୍ ନାମାକାନା । ୮ ଧାରାମ୍‌ପୁଅରେ ନେ ବିଷାଏରେ ଅଲାକାନା, “ଚିମ୍ତା ଇନିଃ ପୁରାଃ ଚେତାନ୍‌ତେ ସେନଃୟାନା, ଇମ୍ତା ଇନିଃ ପୁରାଃ ଜେହେଲାକାନ୍‌କକେ ଆୟାଃଲଃ ଇଦିକେଦ୍‌କଆ; ଆତଃ ମାନଝାକକେ ପୁରାଃଗି ବାର୍‌ଦାନ୍ ଏମାଦ୍‌କଆଏ ।” ୯ “ଇନିଃ ପୁରାଃ ଚେତାନ୍‌ତେ ସେନଃୟାନା” ନେଆଁରେୟାଃ ମୁଣ୍ଡି ଚିନାଃ ତାନାଃ ? ନେଆଁରେୟାଃ ମୁଣ୍ଡି ହବାଅଃତାନା, ସିଦାତେ ଇନିଃ ପୁରାଃ ଲାତାର୍ ଠାୟାଦ୍ ଅତେତେ ଆଡ଼ଗୁୟାନା । ୧୦ ଏନାତେ ଆଡ଼ଗୁକାନ୍‌ନିଃ, ପୁରା ଅତେଦିଶ୍ଵମ୍‌କେ ପୁରାଏ ନାଗେନ୍ତେ ଇନିଃ ସିମ୍‌ରେୟାଃ ପୁରାଃ ଚେତାନ୍‌ତେ ସେନଃୟାନା । ୧୧ ଇନିଃଗି ହଡ଼କକେ ବାର୍‌ଦାନ୍ ଏମାକାଦ୍‌କଆଏ, ଚିମିନ୍‌କକେ ପ୍ରେରିଡ଼୍, ଚିମିନ୍‌କକେ ନାବୀ, ଚିମିନ୍‌କକେ ସୁକୁକାଜି ଉଦୁବ୍, ଚିମିନ୍‌କକେ ପାର୍‌ଚାର୍ ଆତଃ ଚିମିନ୍‌କକେ ଇଡୁରେୟାଃ ବାର୍‌ଦାନ୍ ଏମାଦ୍‌କଆଏ । ୧୨ ଖ୍ରୀଷ୍ଟ୍‌ଆଃ ଏନ୍ ହଡ଼ମ୍ ବାଇୟେ ନାଗେନ୍ତେ, ଖ୍ରୀଷ୍ଟ୍‌ଆଃ ସେଝା କାମି ନାଗେନ୍ତେ ଆତଃ ପାର୍ମେଶ୍ଵାର୍‌ଆଃ ହଡ଼କକେ ସେକାଡ଼୍‌କ ନାଗେନ୍ତେ ଇନିଃ ନେଆଁଏ କାମିକାଦା । ୧୩ ଏନାମେନ୍ତେ

☆ ୪:୨ ୪:୨ କଲସିୟ ଶ୍ଵା:୧୭,୧୩.

ଆରୁ ସବେନ୍ଦକ ଆରୁଆଃ ବିଶ୍ୱାସରେ ଆତଃ ପାର୍ମେଶ୍ୱାର୍ ଆଃ ହନ୍ ବିଷାଏରେୟାଃ ସେଣ୍ଟ୍ରେକ୍ସୁ ମିଦଃକା, ଚାଏ ଖ୍ରୀଷ୍ଟୁଆଃ ପୁରାକାନ୍ ହଡ଼ଫଲେକାତେ, ଆରୁ ପକ୍ତାକାନ୍ ହଡ଼କରୁ ହବାଅଃକା । ୧୪ ଆଲ୍‌ପୁଙ୍ଗ୍ ଆତଃ ହୟତେ ଏକ୍‌ଲ୍ୟାଅଃତାନ୍ ଲେକା ଆଲ୍‌କାରୁ ହବାଅଃକା, ଆତଃ ସିଟିଆ ଲେକା ଆରୁ ଆଲ୍‌କାରୁ ନେତେହାନ୍ତେୟଃକା । ଏଟାଃକେ ଏଟାଃ ହରାତେ ଇଦିତାନ୍ ବେଦା ହଡ଼କଆଃ ହସଡ଼ ଇନିତୁରେ ଆରୁ ଆଲ୍‌କାରୁ ବେଦାଅଃକା । ୧୫ ମେନ୍‌ଦ ଦୁଲ୍‌ାଡ଼ରେ ସାର୍ତି କାଜିତାନ୍‌ଲଃ ସବେନ୍ କାଜିକରେ ବହଃ ଲେକାନ୍ ଖ୍ରୀଷ୍ଟୁ ଲେକାରୁ ହବାଅଃକା । ୧୬ \*ଇନିଃ ସାଃଏତେ ହଡ଼ଫରେୟାଃ ସବେନ୍ ଏଟାଃ ଏଟାଃ ହିସାକ ମିଦ୍‌ରେ ଜଡେନ୍‌କାନା ଆତଃ ପୁରା ହଡ଼ଫ ଏଟାଃ ଏଟାଃ ହିସାଏତେ ମିଦ୍‌ରେ ଜଡେନ୍‌କାନ୍‌ଲଃ ଏନାକେ ଦେଙ୍ଗାଏତାନା । ଏନାତେ ମିମିଆଦକଆଃ ଏଟାଃ ଏଟାଃ କାମି ତାନାଃରେୟା ଦୁଲ୍‌ାଡ଼ତେ ପୁରା ହଡ଼ଫ ହରା ଇଦିୟଃତାନା ଆତଃ ଆଇଃକ୍‌ତେଗି ବାଇୟଃତାନା ।

### ଖ୍ରୀଷ୍ଟରେ ନାଞ୍ଜା ଜୀଦାନ୍

୧୭ ଏନାତେ ପ୍ରାଭୁଆଃ ନୁତୁମ୍‌ତେ ଆଇଙ୍ଗ୍ ଚେତାଅପେ ତାନାଇଙ୍ଗ୍, ସାର୍ଥସାର୍ ହଡ଼କ ଲେକା ଜୀଦାନ୍ ଆଲ୍‌ପେ ବିତାଏ, ଇନ୍‌କୁଆଃ ଉଡ଼ଃକ୍ ଜେତାନ୍ କାମିରାଃ ନାହ୍‌ଲଃ ୧୮ ଆତଃ ଇନ୍‌କୁଆଃ ମନ୍‌କ ନୁବାଃଗିଆ । ପାର୍ମେଶ୍ୱାର୍ ଏମାକାଦ୍ ଜୀଦାନ୍‌ରେ ଇନ୍‌କୁଆଃ ଜେତାନ୍ ହିସା ବାନଃଆ । ଚିୟାଃଟି ଇନ୍‌କୁ ପୁରାଗି ସାରିକେଦ୍‌ତେ କା ସାରି ଲେକା ମନ୍‌ସୁରୁଦ୍‌କେ କେଟେଜେତାନ୍ ହଡ଼କତାନ୍‌କ । ୧୯ ଇନ୍‌କୁ ବେଗାର୍ ଗିହୁଃତେ, ସବେନ୍ ଲେକାନ୍ ସଡ଼ରା କାମି ଆତଃ ଆପାଙ୍ଗିର୍ କାମି କାମି ନାଗେନ୍ତେ ଆକ ଆକଗିକ ଜିମାକାନା ।

୨୦ ନେ ଲେକାତେ ଆପେ ଖ୍ରୀଷ୍ଟୁକେ ସାରି ନାଙ୍ଗ୍ କାପେ ଇତୁଆକାନା । ୨୧ ଆପେ ସାର୍ତିଗି ଇନିୟାଃ ବିଷାଏରେ ଆୟୁମ୍‌କାଦାପେ ଆତଃ ଆଇଃକ୍‌କେ ଅତଙ୍ଗ୍‌ନିଃ ଲେକା ଯୀଶୁଆଃ ସାର୍ତି ବିଷାଏରେୟାଃ ଇନିତୁପେ ନାମାକାଦା । ୨୨ \*ଏନାତେ ଆପେ ଅକନ୍ ମାରି ସଭାବ୍‌ତେ ଜୀଦାନ୍ ବିତାଅ ତାଇକେନାପେ, ଏନାକେ ବାଗିତାପେ, ଚିୟାଃଟି ଏନାରେୟାଃ ହସଡ଼ କାମି ହରାତେ ଆପେୟାଃ ଆମ୍‌ା ଜିୟନଃ ତାଇକେନା । ୨୩ ଆପେୟାଃ ମନ୍‌ସୁରୁଦ୍‌ ଆତଃ ମନ୍‌କ ପୁରାଗି ନାଞ୍ଜା ହବାଅଃ ଲାଗାତିଙ୍ଗ୍‌ୟାଃ, ୨୪ \*ଆତଃ ପାର୍ମେଶ୍ୱାର୍‌ଆଃ ଲେକାଗି ବାଇୟାକାନ୍ ନାଞ୍ଜା ଆମ୍‌ା ନାମେପେ । ଏନା ଆପେୟାଃ ସାର୍ତି ଜୀଦାନ୍‌ରେ ପାବିତାର୍ ଆତଃ ଧାର୍‌ମାନ୍ ଉଦୁବଃକା ।

୨୫ ଏନାମେନ୍ତେ ଆତଃ ଆଲ୍‌ପେ ବେଦାଃ । ଖ୍ରୀଷ୍ଟୁ ବିଶ୍ୱାସୀକ ମିହୁଡ଼୍, ଆତଃମିହୁଡ଼୍‌କେ ସାର୍ତି କାଜି ଲାଗାତିଙ୍ଗ୍‌ୟାଃ, ଚିୟାଃଟି ଆରୁ ସବେନ୍‌କ ଖ୍ରୀଷ୍ଟୁଆଃ ହଡ଼ଫରେନ୍ ହିସାକ ତାନ୍‌ରୁ । ୨୬ ଆପେ ଖ୍‌ସ୍‌ଅଃ ତାନ୍‌ରେଦ୍, ପାପ୍ କାମି ଆଲ୍‌ପେ କାମିୟା । ସିଙ୍ଗି ହାସ୍‌ର୍ ସିଦାରେ ଆପେୟାଃ ଖ୍‌ସକ ବାଗିତାପେ । ୨୭ ସାଏତାନ୍‌କେ ଆପେରେ ଠାୟାଦ୍ ଆଲ୍‌ପେ ଏମାଇୟା । ୨୮ କୁମ୍‌ତୁ ଆତଃ ଆଲ୍‌କାଏ କୁମ୍‌ତୁକ୍, ମେନ୍‌ଦ ଆପାନାଃ ଜୀନିଦ୍ ନାଗେନ୍ତେ ଆତଃ ନାରାଦୁରା ହଡ଼କକେ ଆକଆଃ ଲାଗାତିଙ୍ଗ୍‌ତେୟାଃ ଏମ୍ ଦାଡ଼ି ନାଗେନ୍ତେ ବୁଗିନାଃ କାମିକା । ୨୯ ଆପେୟାଃ ମଚାଏତେ କା ଲାଗାତିଙ୍ଗ୍ କାଜିକ ଆଲ୍‌କା ଅତଙ୍ଗ୍‌ଅଃକା, ମେନ୍‌ଦ ଲାଗାତିଙ୍ଗ୍ ଇମ୍‌ତାକରେ ପୁରାଃ ବୁଗିନ୍ କାଜି ଅତଙ୍ଗ୍‌ଅଃକା, ଜେ'ଲେକାଟି ଆୟୁମ୍‌ତାନ୍ ହଡ଼କଆଃ ନାଗେନ୍ତେ ବୁଗିନାଃ ହବାଅଃଆ । ୩୦ ଆତଃ ପାର୍ମେଶ୍ୱାର୍‌ଆଃ ପାବିତାର୍ ଆମ୍‌ାକେ ଦୁକୁ ଆଲ୍‌ପେ ଏମାଇୟା, ଚିୟାଃଟି ପାବିତାର୍ ଆମ୍‌ାଦ୍ ଆପେୟାଃ ଚେତାନ୍‌ରେ ପାର୍ମେଶ୍ୱାର୍‌ଆଃ ଆପ୍‌ନାଃ ଆକ୍‌ତେୟାଃରେୟାଃ ଚିଙ୍ଗା ଲେକାନ୍‌ନିଃ ତାନିଃ ଆତଃ ପାର୍ମେଶ୍ୱାର୍

ମୁସିଙ୍ଗ ଆପେୟାଃ ମୁକ୍ତି କାମି ରିକାୟାଏ, ଏନା ସାର୍ତ୍ତି ତାନାଃ । ୩୧ ସବେନ୍ ଲେକାନ୍ ମେହେର୍ କାଜି, ଆତଃ ଖୁସ୍, ସାଙ୍ଗିନେପେ । ହିସିଙ୍ଗା କାଜି ଆତଃ ନିନ୍ଦା କାଜିକ ଆଲ୍‌ପେୟାଃ । ଜେତାଏକେ ଆଲ୍‌ପେ ହିଲାଙ୍ଗକଆ । ୩୨ \*ମେନ୍‌ଦ ମିହୁଡ୍, ଆତଃମିହୁଡ୍‌ଲଃ ଦାୟା ଆତଃ ଲେବେଃ ମନ୍‌ସୁରୁଦ୍ ହବାଅଃପେ ଆତଃ ଖ୍ରୀଷ୍ଟଆଃ ହରାତେ ପାର୍ମେଶ୍ଵାର୍ ଆପେକେ ଛାମାକାଦ୍‌ପେ ଲେକାଗି ଆପେ ମିହୁଡ୍, ଆତଃମିହୁଡ୍‌କେ ଛାମାକପେ ।



ମାର୍ସାଲ୍‌ରେ ଜାନିଦ୍

୯ ଆପେ ପାର୍ମେଶ୍ଵାର୍‌ଆଃ ଦୁଲାଡ୍, ହନ୍‌କ ତାନ୍‌ପେ, ଏନାତେ ଆପେ ଆୟାଃ ଲେକା ହବାଅଃପେ । ୧୦ ଖ୍ରୀଷ୍ଟ ଆରୁକେ ଦୁଲାଡ୍‌କେଦ୍‌ରୁଆ ଆତଃ ପାର୍ମେଶ୍ଵାର୍‌ଆଃ ସୁକୁଆନ୍ ଲେକା ଆରୁଆଃ ନାଗେନ୍ତେ ଆୟାଃ ଜୀଦାନ୍‌କେ ବୁଗିନ୍ ସହାନ୍ ଲେକା ଦାନ୍ ଆତଃ ଦାଣ୍ଠି ରାକାବ୍‌ୟାନା, ଆପେୟାଃ ଜୀଦାନ୍‌ରେୟ୍ ଏନ୍‌ଲେକାଗି ଦୁଲାଡ୍‌ରେ ତାଇନ୍‌ପେ ।

୩ ପାର୍ମେଶ୍ଵାର୍‌ଆଃ ହଡ୍‌କ ହବାୟାନ୍ତେ, ଆପେ ଆଲାରେ ଆପାଙ୍ଗିର୍ କାମି, ସଡ୍‌ରା ଚାଏ ଖୁଜ୍ କରେୟାଃ ହାୟା ଆଲକା ହବାଅଃକା । ନେଆଁ ସାଧୁ ହଡ୍‌କ ନାଗେନ୍ତେୟ୍ ରିକା କା ଲାଗାତିଙ୍ଗୟାଃ । ୪ ଆତଃ ଆପେୟାଃ ଆଲାରେ ଗିହୁଃ କାଜିକ, ଡଣ୍ଡ କାଜିକ, ଆତଃ ଲାନ୍ଦା କାଜିକ ଆଲକା ହବାଅଃକା । ମେନ୍‌ଦ ଆପେକେ ପାର୍ମେଶ୍ଵାର୍‌ଆଃ ଧାନ୍ୟାବଦ୍ ଏମ୍ ଲାଗାତିଙ୍ଗୟାଃ । ୫ ନେଆଁ ସାର୍ତ୍ତି ତାନାଃ ମେନ୍ତେ ଆବ୍‌କାର୍‌କାପେ, ଜେତାଏ ଆପାଙ୍ଗିର୍‌ନିଃ, ସଡ୍‌ରାନିଃ ଆତଃ ଖୁଜ୍ କରେୟାଃ ହାୟାନିଃ ଚାଏ ମୁରୁଡ୍ ସେଝାନିଃ ଚିତ୍‌ଲାଅ ଖ୍ରୀଷ୍ଟ ଆତଃ ପାର୍ମେଶ୍ଵାର୍‌ଆଃ ରାଇଜ୍‌ରେୟାଃ ଜେତାନ୍ ହାନାଟିଙ୍ଗ କାଏ ନାମେୟାଁ ।

୬ ଜେତାଏ ଆପେକେ ସାମାକାଜିକତେ ଆଲକାଏ ବେଦାପେକା, ନେ ସବେନାଃ ନାଗେନ୍ତେ ପାର୍ମେଶ୍ଵାର୍‌ଆଃ ଆନ୍‌ରୁକେ କା ମାନାତିଙ୍ଗତାନ୍ ହଡ୍‌କଆଃ ଚେତାନ୍‌ରେ ପାର୍ମେଶ୍ଵାର୍‌ଆଃ ଖୁସ୍ ହିଜୁଃଆ । ୭ ଏନାତେ ନେ ଲେକାନ୍ ହଡ୍‌କଲଃ ଜେତାନ୍ ନାତା ଆଲ୍‌ପେ ଦହଏୟା । ୮ ଚିୟାଃଟି ଆପେୟାଗି ମୁସିଙ୍ଗ ନୁବାଃରେପେ ତାଇନ୍‌କେନା । ମେନ୍‌ଦ ନାହାଁଃ ଆପେ ପ୍ରାଭୁଆଃ ହଡ୍‌କ ହବାକାନ୍ ହରାତେ ମାର୍ସାଲ୍‌ରେ ମେନାପେୟା । ଏନାତେ ଆପେ ମାର୍ସାଲ୍‌ରେନ୍ ହଡ୍‌କ ଲେକା ସେସେନ୍‌ପେ ।

୯ ଚିୟାଃଟି ମାର୍ସାଲ୍‌ରେଗି ତାଇନଃରେ ସବେନ୍ ଲେକାନ୍ ବୁଗିନାଃ ଧାର୍‌ମାନ୍ ଆତଃ ସାନାର୍‌ତିରେୟାଃ କାମି ହବାଅଃଆ । ୧୦ ପ୍ରାଭୁଆଃ ଚିକ୍‌ନାଃ ସୁକୁଆନ୍‌ତେୟାଃ ତାନାଃ, ଏନାକେ ଆବ୍‌କାର୍‌ଉରୁମ୍ ଲାଗାତିୟାଁ । ୧୧ ସାମାରେୟାଃ କାମି ନୁବାଃରେ କାମିତାନ୍ ହଡ୍‌କଲଃ ଆଲ୍‌ପେ ମେସାନା, ମେନ୍‌ଦ ଇନ୍‌କୁଆଃ କାଜିକାମିକ ମାର୍ସାଲ୍‌ରେ ଉଦୁବେପେ । ୧୨ ଇନ୍‌କୁ ଉକୁକେଦ୍‌ତେ କାମିତାନ୍ ବିଷାଏକେ କାଜିତେୟାଃ ପୁରାଃ ଗିହୁଃଗିୟା । ୧୩ ମେନ୍‌ଦ ଚିମ୍‌ତା ଏନ୍ ସବେନାଃ ମାର୍ସାଲ୍‌ତେ ଆଉଃଆ, ଇମ୍‌ତା ଏନାରେୟାଃ ସାର୍ତ୍ତି ସଭାବ୍ ପୁରା ଉଦୁବଃଆ, ୧୪ ଚିୟାଃଟି ମାର୍ସାଲ୍‌ରେ ସବେନାଃ ପୁରା ନେଲଃଆ । ଏନାତେ ନେ'ଲେକା କାଜିକାନା,

“ଏ ଦୁଡ୍‌ମୁତାନ୍‌ନିଃ, ଏୟନଃମେ  
 ଆତଃ ଗଜାକାନ୍‌କଏତେ ଜୀଉବିରିଦ୍‌ମେ !  
 ଆତଃ ଖ୍ରୀଷ୍ଟ ଆମ୍‌କେ ମାର୍ସାଲ୍ ଏମାମେୟାଁଏ ।”

\* ୪:୩୨ ୪:୩୨ କଲସିୟ ୩:୧୩.



୧୫ ଏନାତେ ଆପେ ଚିଲ୍ଲକାପେ ସେସେନା ଏନା ଚିର୍ଗାଲ୍ଲାନାନ୍ ତାଇନ୍ଦପେ । କା ସେଣ୍ଡାନ୍ ଲେକା କା ହବାକେଦ୍ତେ ସେଣ୍ଡାନ୍ ଲେକା ହବାଅଃପେ । ୧୬ ଧବେନ୍ ସୁଯୋଗ୍‌କେ ବୁଗିଲେକା ବେଭାରେପେ, ଚିୟାଃଚି ଦିପିଲିକଦ ଏଡ଼କାନ୍‌ଗିୟା । ୧୭ ତଣ୍ଡକଆଃ ଲେକା ଆଲ୍‌ପେ ହବାଅଃଆ, ଫେନ୍‌ଦ ପ୍ରାଭୁଆଃ ଇଛାସାନାଙ୍ଗ୍ ଆଟ୍‌କାର୍‌ଉରୁମେପେ ।

୧୮ ଆପେୟାଃ ଜିୟନ୍ ଚିକାଏତାନ୍ ଇଲିଆର୍‌ଖୁରେ ଆଲ୍‌ପେ ବୁଲ୍‌ଅଆ, ଫେନ୍‌ଦ ଆମ୍ବାତେ ପେରେଜଃପେ । ୧୯ ଧବୁରାଙ୍ଗ୍, ଭାଜାନ୍ ଆତଃ ଆମ୍ବାତେ ଦୁରାଙ୍ଗ୍‌ତାନ୍‌ଲଃ ମିହୁଡ଼ ଆତଃମିହୁଡ଼କେ ରାସ୍‌କାଇପେ । ମନ୍‌ସୁରୁଦ୍‌ରେୟାଃ ଦୁରାଙ୍ଗ୍‌ତେ ପ୍ରାଭୁଆଃ ନୁଡ଼ମ୍‌ତେ ଦୁରାଙ୍ଗ୍‌ୟେଁପେ । ୨୦ ସବେନ୍ ଇମ୍‌ତା ସବେନାଃ ନାଗେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡ଼ମ୍‌ତେ ଆବା ପାର୍‌ମେଶ୍ୱାର୍‌କେ ଧାନ୍‌ଧାବାଦ୍ ଏମାଇପେ ।

**କଡ଼ା ଆତଃ କୁଡ଼ି**

୨୧ ଆପେ ଖ୍ରୀଷ୍ଟ୍‌କେ ବରଭାକ୍ତିତାନ୍‌ଲଃ ମିହୁଡ଼୍ ଆତଃମିହୁଡ଼୍‌ତାଃରେ ଜିମାନ୍‌ପେ । ୨୨ ଧକ୍‌କୁଡ଼ିକ, ଆପେ ପ୍ରାଭୁତାଃରେ ଜିମାନ୍‌ତାନ୍ ଲେକାଗି ଆପାନ୍ କଡ଼ାକତାଃରେ ଜିମାନ୍‌ପେ । ୨୩ କାଲିସିୟା ଚେତାନ୍‌ରେ ଖ୍ରୀଷ୍ଟ୍‌ଆଃ ଆକ୍‌ତେୟାର୍ ଫେନାଃ ଲେକା କୁଡ଼ି ଚେତାନ୍‌ରେ କଡ଼ାରାଃ ଆକ୍‌ତେୟାର୍ ଫେନାଃ, ଆତଃ ଖ୍ରୀଷ୍ଟ୍‌ଗି ଆୟାଃ ହଡ଼ମ୍ ଲେକାନ୍ କାଲିସିୟାରେୟାଃ ବାଞ୍ଚାଅନିଃ ତାନିଃ । ୨୪ କାଲିସିୟା ଆଇଃକ୍‌ଗି ଖ୍ରୀଷ୍ଟ୍‌ତାଃରେ ଜିମାନ୍‌ତାନ୍ ଲେକାଗି, କୁଡ଼ିକହ ଆକଗି ଆକଆଃ ଆପାନ୍ କଡ଼ାକତାଃରେ ଜିମାନ୍ ଲାଗାତିଙ୍ଗ୍‌ୟାଃ ।

୨୫ ଧକଡ଼ାକ, ଖ୍ରୀଷ୍ଟ୍‌ କାଲିସିୟାକେ ଦୁଲ୍ଲାଡ଼କେଦ୍‌ତେ, ଏନା ନାଗେନ୍ତେ ଜୀଉ ଏମ୍‌କେଦାଏ ଏନ୍ ଲେକାଗି ଆପେ ଆପେୟାଃ କୁଡ଼ିକକେ ଦୁଲ୍ଲାଡ଼କପେ । ୨୬ ଖ୍ରୀଷ୍ଟ୍‌ କାଲିସିୟାକେ ଆୟାଃ ବାଚାନ୍ ଆତଃ ଦାଆଃତେ ଫାର୍‌ଚିକେଦ୍‌ତେ ନିୟାର୍‌କେଦା ଆତଃ ପାର୍‌ମେଶ୍ୱାର୍‌ଆଃ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାକେଦାଏ, ୨୭ ଆତଃ କାଲିସିୟାକେ ପାବିତାର୍, ବେଗାର୍ ଚିଗାଃଅ, ବେଗାର୍ ଦାଗିୟାଃ ଲେକା ପୁରାଃ ସୁଗାଡ଼ାନ୍‌ଗି ବାଇକେଦ୍‌ତେ ଆଇଃକ୍‌ଗି ତେଲ୍‌କେଦା । ୨୮ କଡ଼ାକ ଆପାନ୍ ହଡ଼ମ୍ ଲେକାଗି ଆଟ୍‌କାର୍‌କେଦ୍‌ତେ ଆପ୍‌ନାଃ କୁଡ଼ିକେ ଦୁଲ୍ଲାଡ଼୍ ଲାଗାତିଙ୍ଗ୍‌ୟାଃ । ଜେତାଏ ଆପ୍‌ନାଃ କୁଡ଼ିକେ ଦୁଲ୍ଲାଡ଼ିନିଃ, ଆପାନ୍‌କେଗି ଦୁଲ୍ଲାଡ଼ାଃଏ । ୨୯ ଜେତାଏ ଆପ୍‌ନାଃ ହଡ଼ମ୍‌କେ ଚିଉଲ୍‌ଆ କାଏ ହିଲ୍‌ଙ୍ଗ୍‌ଆଁ । ଫେନ୍‌ଦ ହଡ଼ମ୍‌ରେୟାଃ ଲାଗାତିଙ୍ଗ୍‌ତେୟାଃକ ଜଗାଅ ପୁରାତାନ୍‌ଲଃ ଏନାକେ ଜାଡ଼ନାଅଏୟା, ଜେ'ଲେକାଚି ଖ୍ରୀଷ୍ଟ୍‌ କାଲିସିୟାକେ ଜାଡ଼ନାଅଆ, ୩୦ ଚିୟାଃଚି ଆବୁ ସବେନ୍‌କ ଆୟାଃ ହଡ଼ମ୍‌ରେନ୍ ହିସା ତାନ୍‌ବୁ । ୩୧ ଧାରାମ୍‌ପୁଅରେ କାଜିକାନା, “ନେଆଁ ନାଗେନ୍ତେ ହଡ଼ ଏଙ୍ଗା ଆତଃ ଆପୁକେ ବାଗିକେଦ୍‌ତେ ଆପ୍‌ନାଃ କୁଡ଼ିଲଃ ମେସାନାଃଏ ଆତଃ ଏନ୍ ବାରାନ୍‌କିନ୍ ମିଆଁଦ୍ ହଡ଼ମ୍‌କିନ୍ ହବାଅଃଆ ।” ୩୨ ନେଆଁରେ ଧାରାମ୍‌ପୁଅରେୟାଃ ମିଆଁଦ୍ ଉକ୍‌ଆକାନ୍ ସାର୍‌ତି କାଜି ଉନ୍‌ଦୁଦ୍‌କାନା : ଏନା ଖ୍ରୀଷ୍ଟ୍‌ ଆତଃ କାଲିସିୟା ନାଗେନ୍ତେ ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ ଆଟ୍‌କାର୍‌ଉରୁମେ ତାନା । ୩୩ ଫେନ୍‌ଦ ନେଆଁ ଆପେ ନାଗେନ୍ତେୟାଗି ଲାଗାତିଙ୍ଗ୍‌ୟା । ମିମିଆଦ୍ କଡ଼ା ଆପ୍‌ନାଃ କୁଡ଼ିକେ ଆପ୍‌ନାଃ ଲେକାଗି ଦୁଲ୍ଲାଡ଼ିକାଏ ଆତଃ ମିମିଆଦ୍ କୁଡ଼ି ଆପ୍‌ନାଃ କଡ଼ାକେ ମାଇନ୍ ଲାଗାତିଙ୍ଗ୍‌ୟାଃ ।



**ହନ୍‌କ ଆତଃ ଏଙ୍ଗାଆପୁକ**

☆ ୫:୧୬ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭,୧୭. ☆ ୫:୨୨ ୫:୨୨ କଲସିୟ ୩:୧୮; ୧ ପାଡ଼ରାସ୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପାଡ଼ରାସ୍ ୩:୭.

୧ \*ଏ ହନକ, ପ୍ରାଭୁଆଃ ନାଗେନ୍ତେ ଆପେୟାଃ ଏଙ୍ଗାଆପୁକକେ ମାନାତିଙ୍ଗକପେ, ଚିୟାଃଚି ନେଆଁଗି ଠାଉକାତେୟାଃ ତାନାଃ । ୨ “ଆପେୟାଃ ଏଙ୍ଗାଆପୁକକେ ମାଇନକପେ” ନେଆଁ ବାନାର୍‌ସାରେ ମେସାକାନ୍ ମିଆଁଦ୍ ପାହିଲା ଆନ୍‌ରୁ ତାନାଃ । ୩ “ଜେ’ଲେକାଚି ଆପେୟାଃ ବୁଗିନାଃ ହବାଅଃଆ ଆତଃ ଆପେ ନେ ଅତେରେ ପୁରାଃ ସିର୍ମାପେ ଜାହୁଦଃଆ ।”

୪ \*ହେ ଆପୁକ, ଆପେୟାଃ ହନକକେ ଆଲ୍‌ପେ ଖୁସ୍‌ଇଚିକଆ, ମେନ୍‌ଦ ଇନ୍‌କୁକେ ପ୍ରାଭୁଆଃ ଇନ୍‌ତୁ ଆତଃ ଚେନେତାଅତେ ଜାତ୍‌ନାଅକପେ ।

କିରିଙ୍ଗୟାକାନ୍ ଦାସିକ ଆତଃ ଗୁସିୟାକ

୫ \*ହେ କିରିଙ୍ଗୟାକାନ୍ ଦାସିକ, ଆପେ ଖ୍ରୀଷ୍ଟକେ ମାନାତିଙ୍ଗତାନ୍ ଲେକାଗି, ମନ୍‌ପୁରୁଦ୍‌ରେ ବରତେ ଏକଲାଅଃତାନ୍‌ଲଃ ଅତେରେନ୍ ମାନଝା ଗୁସିୟାକକେ ମାନାତିଙ୍ଗକପେ । ୬ ଗୁସିୟା ଆପେକେ ନେଲ୍‌ପେତାନ୍ ଇମ୍‌ତା ଆଇଃକକେ ସୁକୁଇଚି ନାଗେନ୍ତେ ଏସକାର୍ କା କାମିକେଦ୍‌ତେ, ଖ୍ରୀଷ୍ଟଆଃ କିରିଙ୍ଗୟାକାନ୍ ଦାସିଲେକା ଆପେୟାଃ ସବେନ୍ ମନ୍‌ପୁରୁଦ୍‌ଲଃ ପାର୍‌ମେଶ୍ୱାର୍‌ଆଃ ମନେ ଲେକା କାମିପେ । ୭ ଆପେ ହଡକଆଃ ଏସକାର୍ ସୁସାର୍‌ତାନାଲେ ମେନ୍ତେ କା ଉଡ଼ଃକେଦ୍‌ତେ, ପ୍ରାଭୁଆଃ ସେଝାତାନାଲେ ମେନ୍ତେ ପୁରାଃ ସୁକୁମନ୍‌ତେ ଏନା କାମିପେ । ୮ ପାହାମାକାପେ, କିରିଙ୍ଗୟାକାନ୍ ଦାସି ଚାଏ କା କିରିଙ୍ଗୟାକାନ୍ ଦାସି ସବେନ୍ ମିମିଆଦ୍ ହଡକଆଃ ବୁଗିନ୍ କାମିରେୟାଃ ନାଲା ପ୍ରାଭୁଗି ଏମାକଆ ।

୯ \*ହେ ଗୁସିୟାକ, ଆପେୟାଃ କିରିଙ୍ଗୟାକାନ୍ ଦାସିକକେୟ ଏନ୍‌ଲେକାଗି ନେଲ୍‌କପେ ଆତଃ ଇନ୍‌କୁକେ ଆଲ୍‌ପେ ବଡଙ୍ଗକଆ । ପାହାମାକାପେ, ଆପେ ଆତଃ ଆପେୟାଃ କିରିଙ୍ଗୟାକାନ୍ ଦାସିକ ସିର୍ମାରେନ୍ ପ୍ରାଭୁଆଃ ତାନ୍‌ପେ । ଇନିଃ ସବେନ୍‌କକେ ମିଦ୍‌ଗି ବିଚାର୍‌କଆ ।

ଆମ୍‌କରେୟାଃ ଗଟା ହାଁତେୟାର୍

୧୦ ରୁଣ୍ଡୁରେ, ପ୍ରାଭୁଲଃ ମେସାକେଦ୍‌ତେ ଆୟାଃ ମାରାଙ୍ଗ୍ ପେଡ଼େଃରେ ପୁରାଃଗି ପେଡ଼େଜଃପେ । ୧୧ ପାର୍‌ମେଶ୍ୱାର୍ ଏମାକାଦ୍ ସବେନ୍ ହାଁତେୟାର୍ ତୁସିୟେନ୍‌ପେ, ଜେ’ଲେକାଚି ଆପେ ସାଏତାନ୍‌ରାଃ ଏଡକାନ୍ କାମିରେପେ ତିଙ୍ଗୁ ଦାଡ଼ିୟା । ୧୨ ଚିୟାଃଚି ଆରୁ ଅତେରେନ୍ ମାନଝାକଆଃ ବିରୁଧ୍‌ରେ କାରୁ ଲାଡ଼ାଇତାନା ମେନ୍‌ଦ ସିର୍ମା ଠାୟାଦକରେନ୍ ଏଡକାନ୍ ଆମ୍‌ରେୟାଃ ପେଡ଼େଃ ଆତଃ ନେ ନୁବାଃ ଦିପିଲିରେ ରାଇଜ୍‌ତାନ୍‌କଆଃ, ଆକ୍‌ତେୟାର୍‌ତାନ୍‌କଆଃ ବିରୁଧ୍‌ରେ ଲାଡ଼ାଇତାନାବୁ । ୧୩ ଏନାତେ ନାହାଁଃ ପାର୍‌ମେଶ୍ୱାର୍ ଏମାକାଦ୍ ହାଁତେୟାର୍ ତୁସିଙ୍ଗକେଦ୍‌ତେ ଏଡକାନ୍ ଦିପିଲିରେ ଆପେ ବାଇରିକଆଃ ଲାଡ଼ାଇରେ ତିଙ୍ଗୁ ଦାଡ଼ିୟାପେ, ଆତଃ ରୁଣ୍ଡୁ ଜ୍ଞାକେଦ୍ ଲାଡ଼ାଇରେୟ କେଚେଦ୍‌ରେ ତାଇନ୍ ଦାଡ଼ିୟାପେ ।

୧୪ ଏନା ନାଗେନ୍ତେ ଆପେୟାଃ ମାୟାଙ୍ଗ୍‌ରେ ସାନାର୍‌ତିରେୟାଃ କାସ୍‌ନାତେ ତଲାକାନ୍ ଆତଃ ଧାରାମ୍‌ରେୟାଃ ବୁକୁପାଟା ତୁସିଙ୍ଗକେଦ୍‌ତେ ତିଙ୍ଗୁନ୍‌ପେ, ୧୫ କାଟାରେ ଜୀଉସୁକୁରେୟାଃ ସୁକୁକାଜି ଲେକାନ୍ ଖାର୍‌ପା ତୁସିଙ୍ଗକାନ୍‌ଲଃ ସେକାଡକେଦ୍‌ତେ ତିଙ୍ଗୁନ୍‌ପେ । ୧୬ ସବେନ୍ ଇମ୍‌ତା, ବିଶ୍ୱାସକେ ଜାଲ୍ ଲେକା ସାଦ୍‌କେଦ୍‌ତେ ସେସେନ୍‌ପେ, ନେଆଁରେୟାଃ ଦେଙ୍ଗାତେ ଏଡକାନ୍ ହରାତେ ହୁରାଙ୍ଗ୍‌ଅଃତାନ୍ ସବେନ୍ ଜୁଲ୍‌ତାନ୍ ସେଙ୍ଗେଲ୍‌ରେୟାଃ ସରକକେ ହକା ଦାଡ଼ିୟାପେ । ୧୭ ପାରିତ୍ରାଣରେୟାଃ ରୁପୁରି ଆତଃ ପାବିତାର୍ ଆମ୍‌ ଏମାକାଦ୍‌ପେ ପାର୍‌ମେଶ୍ୱାର୍‌ଆଃ ବାଚାନ୍ ଲେକାନ୍ ତାରାଉଡ଼ି ନାମ୍‌ଜମ୍‌ପେ । ୧୮ ପାର୍‌ମେଶ୍ୱାର୍‌ଆଃ ଦେଙ୍ଗା

☆ ୬:୧ ୬:୧ କଲସିୟ ୩:୨୦. ☆ ୬:୪ ୬:୪ କଲସିୟ ୩:୨୧. ☆ ୬:୫ ୬:୫ କଲସିୟ ୩:୨୨-୨୫. ☆ ୬:୯ ୬:୯ କଲସିୟ ୪:୧; କଲସିୟ ୩:୨୫.

ଆସିକେଦ୍‌ତେ ବିକ୍ରି ହରାତେ ନେ ସବେନାଃ ରିକାଏପେ । ସବେନ୍ ଲେକାତେ ପାବିତାର୍ ଆମ୍ବରେୟାଃ ହରାତେ ବିକ୍ରିପେ । ଚିର୍ଗାଲାନାନ୍ ତାଇନ୍‌ପେ, ଚିଉଲୀଆ ଆଲ୍‌ପେ ଲାଗାଃଅଆ, ପାର୍‌ମେଶ୍‌ବାର୍‌ଆଃ ହଡ଼କ ନାଗେନ୍ତେ ସବେନ୍ ଇମ୍‌ତା ବିକ୍ତିରେ ତାଇନ୍‌ପେ । <sup>୧୯</sup> ଆଇଁୟାଃ ନାଗେନ୍ତେୟ ବିକ୍ତିପେ, ଜେ'ଲେକାଚି ସୁକୁକାଜିରେୟାଃ ଉକୁଆକାନ୍ କାଜିକେ ବେଗାର୍ ବରତେ ଉଦୁବ୍ ନାଙ୍ ପାର୍‌ମେଶ୍‌ବାର୍ ଆଇଙ୍‌କେ ଦେଙ୍‌ଗାଙ୍‌ୟା । <sup>୨୦</sup> ନାହାଃ ଆଇଙ୍ ଜେହେଲ୍‌ରେ ସିକିଡ଼ିକାନ୍ ତାଇନ୍‌ରେୟ, ସୁକୁକାଜି ନାଗେନ୍ତେ ଆଇଙ୍ ମିଆଁଦ୍ କାଜି ଇଦିସେଟେର୍ ହଡ଼ ତାନିଙ୍ । ବିକ୍ତିପେ, ଜେ'ଲେକାଚି ଆଇଙ୍ ବେଗାର୍ ବରତେ ସୁକୁକାଜିଇଙ୍ ଉଦୁବ୍ ଦାଡ଼ିୟା ।

### ଚୁଣ୍ଟୁ ହୁହାର୍

<sup>୨୧</sup> ✠✠ଆଇଁୟାଃ ବିଷାଏରେ ଆପେ ଜେ'ଲେକା ସାରି ଦାଡ଼ିୟାପେ, ଏନାମେନ୍ତେ ଆଲେୟାଃ ଦୁଲ୍‌ଡ଼୍ ହାଗା ଆତଃ ପ୍ରାଭୁଆଃ କାମିତାନ୍ ପାତିୟାରଃ ଲେକାନ୍ ଦାସି ଚୁଣ୍ଟୁକ୍, ଆଇଁୟାଃ ବିଷାଏରେ ଆପେକେ ସବେନ୍ କାଜି କାଜିୟାପେଆ । <sup>୨୨</sup> ଆଲେ ସବେନ୍‌କ ଚିଲ୍‌କା ମେନାଲେୟା, ଏନ୍ ବିଷାଏରେ ଉଦୁବ୍‌କେଦ୍‌ତେ ଆପେୟାଃ ଜୀଉରେ ରାସ୍‌କାପେ ନାଗେନ୍ତେ ଆଇଙ୍ ଇନିଃକେ ଆପେତାଃତେଇଙ୍ କୁଲିତାନା ।

<sup>୨୩</sup> ଆବା ପାର୍‌ମେଶ୍‌ବାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ଜୀଉସୁକୁ, ଦୁଲ୍‌ଡ଼୍ ଆତଃ ବିଶ୍ୱାସ୍ ଏମାକକାଏ । <sup>୨୪</sup> ଅକନ୍‌କ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେ କା ଚୁଣ୍ଟୁ ଦୁଲ୍‌ଡ଼୍‌ତେ ଦୁଲ୍‌ଡ଼୍‌ତାନାକ, ଇନ୍‌କୁଲଃ ପାର୍‌ମେଶ୍‌ବାର୍‌ଆଃ ସାୟାଦ୍ ହବାଅଃକା ।

# ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ୟୀଶୁ ଖ୍ରୀଷ୍ଟୁଆଃ ଜାନାମ୍‌ରେୟାଃ ୭୧ ବାରାଷ୍ଟ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦ୍ ତାଇକେନାଏ । ହବାସାକାଅଆଃ ପାଉଲୁସ୍ ରୋମ୍‌ରେ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲାକାଦ୍ ତାଇକେନାଏ ୧:୧୩ ।

ଫିଲିପି ସାହାରରେ ବାଇୟାକାନ୍ କାଲିସିୟାକତାଃତେ ନେ ଚିଟାଉ ଅଲ୍ଲାକାନ୍ ତାଇକେନା । ଆରୁ ପ୍ରେରିତ୍ ପୁଅକରେ ହଗି ଫିଲିପି ଚିଟାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାରୁ । ଫିଲିପି ମାକିଦନିଆ ପାର୍ଗାନ୍‌ରେୟାଃ ମାରାଙ୍ଗ୍ ସାହାର ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏନ୍ତାଃରେ ତାଇକେନ୍ ଇମ୍‌ତା ମିଦ୍ ନିଦା ନାଙ୍ଗ୍ ଜେହେଲ୍‌ରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ୍ ୧୭ ।

ହବାସାକାଅଆଃ ପାଉଲୁସ୍‌ଆଃ ନେ ଚିଟାଉ ଅନଲ୍‌ରେ ପୁରାଃଗି ଉଦେଗ୍ ତାଇନ୍‌ସାକାଅଆ । କାଲିସିୟାରେନ୍ ହଡ଼କ ପାଉଲୁସ୍ ଜେହେଲ୍ଲାକାନାଏ ମେନ୍ତେ ଆୟୁମ୍‌କେଦ୍‌ତି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲ୍ଲାକାଦ୍ ନାଙ୍ଗ୍ କାଲିସିୟାକେ ଧାନ୍ୟାବାଦ୍ ଏମ୍‌ରାଃ ଉଦେଗ୍‌ରେ ନେ ଚିଟାଉ ଅଲ୍ଲାକାନା ୪:୧୦-୧୯ । ଇନିଃ ଆୟାଃ ଜେହେଲ୍ଲାକାନ୍ ଇମ୍‌ତାରେୟାଃ କାଜିକ ଉଦୁବ୍‌କେଦ୍‌ଲ୍‌ଃ କାଲିସିୟାରେନ୍ ତାମଥ୍ ଆତଃ ଏପାପ୍ରାଦିତ୍‌କେ କାମି ନାଙ୍ଗ୍ ସାଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା ମାଇନ୍‌କେଦ୍‌ତେ ଜହାର୍‌କିନାକ ଆତଃ ଆକିନାଃ ଆଗୁଆଇରେ ମାଇନ୍‌କିନାକ ୨:୧୯-୩୦ ।

## ପୁଅ୍ ଉଚାରରେ ତାଇକାନ୍ କାଜି

- ୧. ପାଉଲୁସ୍ ଫିଲିପି କାଲିସିୟାକେ ଜହାର୍ କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ଼ୁକ । ୧:୩-୨:୩୦
- ୩. ଖ୍ରୀଷ୍ଟ୍ ଲେକା ଜୀଝାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ଚୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର୍ ଆତଃ ଧାନ୍ୟାବାଦ୍ ଏମ୍‌ତାନାଏ । ୪:୧୦-୨୩

## ଜହାର୍ ଆତଃ ପାଉଲୁସ୍‌ଆଃ ବିନ୍ତି

୧ \*ଫିଲିପି ସାହାରରେନ୍ ଯୀଶୁ ଖ୍ରୀଷ୍ଟ୍‌ଲ୍‌ ମେସାକାନ୍ ପାର୍‌ମେଶ୍ୱାର୍‌ଆଃ ହଡ଼କକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ଡିକାନ୍‌କକେ ଯୀଶୁ ଖ୍ରୀଷ୍ଟ୍‌ଆଃ ଦାସି ପାଉଲୁସ୍ ଆତଃ ତାମଥ୍‌ଆଃ ଚିଟାଉ, ୨ ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୩ ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମ୍‌ପେତାନା, ଇମିନ୍‌ସା ଆଇଁୟାଃ ପାର୍‌ମେଶ୍ୱାର୍‌କେଇଙ୍ଗ୍ ଜହାରିତାନା । ୪ ଆତଃ ସବେନ୍ ଦିପିଲିରେ ଆଇଙ୍ଗ୍

\* ୧:୧ ୧:୧ ପ୍ରେରିତ୍ ୧୭:୧୨.

ଆପେ ସବେନ୍ଦକ ନାଗେନ୍ତେ ସୁକୁଡେଇଙ୍ଗ ବିକ୍ରିତାନା, \* ଚିଆଃଚି ଆପେ ଆପେୟାଃ ବିଶ୍ୱାସରେୟାଃ ଏନେଟେଦ୍ ହୁଲାଙ୍ଗ୍ତାଃଏତେ ନାହାଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟାଁ । ୬ ଆତଃ ଆଇଙ୍ଗ୍ ପୁରାଃ ପକଡାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାର୍‌ମେଶ୍ୱାର୍ ଆପେରେ ବୁଗିନ୍ କାମି କାମି ଏଟେଦ୍‌କାଦାଏ, ଯୀଶୁ ଖ୍ରୀଷ୍ଟରାଃ ହିଜୁଃଦିପିଲି ହୁଲାଙ୍ଗ୍‌ରେ ନେଆଁ ଚାବାଃଅ ଜାକେଦ୍ ଇନିଃ ଏନାକେ ପୁରାଏୟା । ୭ ଆପେ ସବେନ୍ଦକ ସବେନ୍ଦ ଇମତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲେକାଇଙ୍ଗ୍ ଉଡ଼ୁକେଦା । ଆଇଙ୍ଗ୍ ତନଲ୍‌ହେତେ ରାଡ଼ାକାନ୍ ଦିପିଲିରେ ଆତଃ ନାହାଃ ନେ ଜେହେଲ୍‌କାନ୍ ଦିପିଲିରେ, ନେ ବାରାନ୍‌ଃରେ ସୁକୁକାଜିରେୟାଃ ସାନାର୍‌ତିରେ ତିଙ୍ଗ୍‌କେଟେଦ୍ ଆତଃ ଏଟାଃକକେ ଉଦୁବ୍‌ରେୟାଃ ଅକ ସୁଯୋଗ୍ ପାର୍‌ମେଶ୍ୱାର୍ ଏମାକାଦିୟାଁଏ, ଏନାରେ ଆପେ ସବେନ୍ଦକ ହିସାପେ ନାମାକାଦା । ୮ ଚିଆଃଚି ଯୀଶୁ ଖ୍ରୀଷ୍ଟ୍‌ଆଃ ଇକିରାନ୍ ଦୁଲାଡ଼୍ ହରାତେ ଆଇଙ୍ଗ୍ ଆପେ ସବେନ୍ଦକ ନାଗେନ୍ତେ ଚିଲ୍‌କାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍‌ମେଶ୍ୱାର୍ ଆଇଁୟାଃ ଗାଞ୍ଜା ତାନିଃ ।

୯ ଆଇଙ୍ଗ୍ ବିକ୍ରିତାନାଇଙ୍ଗ୍, ଆପେୟାଃ ଦୁଲାଡ଼୍ ସାର୍‌ତି ସେଣ୍‌ଲିଃ ଆତଃ ଆଟ୍‌କାର୍‌ଉରୁମଃଲଃ ମିସାତେ ପୁରାଃଚି ହାରାଇଦିୟଃକା । ୧୦ ଏନାତେ ଆପେ ଅକ୍‌ନାଃ ବୁଗିନାଃ ତାନାଃ ଏନାପେ ଆଟ୍‌କାର୍‌ଉରୁମ୍ ଦାଡ଼ିୟା । ଏନ୍ତେ ଆପେ ଖ୍ରୀଷ୍ଟ୍‌ଆଃ ହିନିଜୁଃ ହୁଲାଙ୍ଗ୍‌ରେ ସବେନ୍ଦ ଲେକାନ୍ ସଡ଼ରାଏତେ ଫାର୍‌ଚି ଆତଃ କା ଚିଟାକାନ୍ ତାଇନାଃପେ । ୧୧ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଆତଃ ସାହାରାଅ ନାଗେନ୍ତେ ଆପେୟାଃ ଜୀଦାନ୍ ଯୀଶୁ ଖ୍ରୀଷ୍ଟ୍‌ଆଃ ଏମାକାନ୍ ସବେନ୍ଦ ବୁଗିନ୍ ଗୁନ୍‌ତେ ପେରେଜଃଆ ।

ବାସ୍ତାଅରେୟାଃ ମୁଣ୍ଡିଦ ଖ୍ରୀଷ୍ଟ୍

୧୨ ହେ ଦୁଲାଡ଼୍ ହାଗା ମିଶିକ, ଆଇଙ୍ଗ୍ ନେଆଁ ସାରିପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା, ଅକନ୍ କାଜିକ ଆଇଁୟାଃରେ ହବାକାନା, ଏନା ସୁକୁକାଜିକେ ଆୟାର୍‌ତେ ଇଦି ନାଗେନ୍ତେ ଦେଙ୍ଗାକାଦା । ୧୩ ଏନାତେ, ମାହାଲ୍‌କେ ହରତାନ୍ ନେତାଃରେନ୍ ସବେନ୍ଦକ ଆତଃ ଏଟାଃ ସବେନ୍ଦକ ସାରିୟାଃକ ଯେ, ଆଇଙ୍ଗ୍ ଖ୍ରୀଷ୍ଟ୍‌ଆଃ ଦାସି ହବାକାନ୍ ହରାତେ ନାହାଃ ଜେହେଲ୍‌ରାଃ ସିକିଡ଼ିତେଇଙ୍ଗ୍ ତଲ୍‌କାନା । ୧୪ ମେନ୍‌ଦ ଆଇଙ୍ଗ୍ ଜେହେଲ୍‌ରାଃ ସିକିଡ଼ିତେଇଙ୍ଗ୍ ତଲ୍‌କାନ୍ ହରାତେ ପୁରାଃ ବିଶ୍ୱାସୀ ହାଗା ମିଶିକଆଃ ବିଶ୍ୱାସ୍ ପ୍ରାଭୁରେ ପୁରାଃଚି ହବାକାନା, ଆତଃ ନେ ହରାତେ ବେଗାର୍ ବରତାନ୍‌ଲଃ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବ୍ ନାଗେନ୍ତେ ଇନ୍‌କୁଆଃ ଜୀଉରେ କେଟେଦ୍ ହବାକାନା ।

୧୫ ଇନ୍‌କୁଏତେ ଚିମିନ୍ ହଡ଼କ ଖ୍ରୀଷ୍ଟ୍‌ଆଃ ବିଷାଏରେ ହିସ୍‌ଙ୍ଗାତାନ୍‌ଲଃ ଆତଃ ଏପେରାଙ୍ଗ୍‌ତାନ୍‌ଲଃ ବାଚାନ୍ ହାଚିଙ୍ଗ୍‌ତାନାକ, ମେନ୍‌ଦ ଚିମିନ୍ ହଡ଼କ ଖ୍ରୀଷ୍ଟ୍ ବିଷାଏରେ ଫାର୍‌ଚି ମନ୍‌ତେ କାମିତାନାକ । ୧୬ ଇନ୍‌କୁ ଦୁଲାଡ଼୍‌ତାନ୍ ହରାତେ ବାଚାନ୍ ଉଦୁବ୍‌ତାନାକ । ପାର୍‌ମେଶ୍ୱାର୍ ଆଇଙ୍ଗ୍‌କେ ସୁକୁକାଜି ବାସ୍ତାଅରାଃ କାମି ଏମାକାଦିୟାଁ, ଏନା ସାରିତାନାକ । ୧୭ ଏଟାଃକ ଫାର୍‌ଚିମନ୍‌ତେ ଖ୍ରୀଷ୍ଟ୍‌ଆଃ ବାଚାନ୍ କାକ ଉଦୁବ୍, ମେନ୍‌ଦ ଆପ୍‌ନାଃ ସାନାଙ୍ଗ୍‌କେ ପୁରାଏ ନାଗେନ୍ତେକ କାମିକେଦା । ଆଇଙ୍ଗ୍ ଜେହେଲ୍‌ରାଃ ସିକିଡ଼ିତେ ତଲ୍‌କାନ୍ ତାଇକେନ୍ ଇମତା ଆଇଁୟାଃ ମନ୍‌ରେ ପୁରାଃ ଦୁକୁ ଏମାଇଙ୍ଗ୍ ନାଗେନ୍ତେ ଇନ୍‌କୁ ଏନ୍‌ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍‌ତି ଉଦେଶ୍‌ରେ ହବାଃଅ ଚାଏ ଏଡ଼କାନ୍ ଉଦେଶ୍‌ରେ ହବାଃଅ, ଜେଡ଼ନାଃତେ ହବାଃଅ, ଖ୍ରୀଷ୍ଟ୍‌ଆଃ ବିଷାଏରେୟାଃ କାଜି

\* ୧:୧୩ ୧:୧୩ ପ୍ରେରିଡ଼ ୨୮:୩୦.

ଉଦ୍‌ବେଶରେ, ଆଇଙ୍କ ରାସକାଃଅଇଙ୍କ ଆତଃ ରାସକା କାତେୟଃଇଙ୍କ, ୧୯ ଚିଆଃଚି ଆଇଙ୍କ ସାରିତାନାଇଙ୍କ ଆପେୟାଃ ବିନ୍ତି ଆତଃ ଯୀଶୁ ଖ୍ରୀଷ୍ଟଆଃ ଆମ୍ଭାରେୟାଃ ଦେଙ୍ଗା ହରାତେ ଆଇଙ୍କ ତନଲ୍‌ହେତେ ରାଡ଼ାକାନାଇଙ୍କ । ୨୦ ଜୀଦାନରେ ତାଏ ଗନଏଃରେ ଆଇଙ୍କ ଖ୍ରୀଷ୍ଟଆଃ କାମି ଚିତଲାଇ କାଇଙ୍କ ବାରିୟା । ମେନ୍‌ଦ ସବେନ୍ ଇମ୍‌ତା ବିଶେଷକେଦ୍‌ତେ ନେ ଏଡ଼କାନ୍ ହୁଲାଇଙ୍କରେ ଜୀଉ କେଟେଦ୍‌ତାନୁଲଃ ପୁରାଗି ଆଇଙ୍କ ଆଇୟାଃ ହଡ଼ମରେ ଖ୍ରୀଷ୍ଟକେ ମାଇଜାନ ରିକାୟାଇଙ୍କ, ଏନାଗି ଆଇୟାଃ ପୁରାଃ ଆସ୍ତା ଆତଃ ଭାର୍‌ସା ତାନାଃ । ୨୧ ଆଇୟାଃ ଜୀନିଦ୍‌ରେ ଖ୍ରୀଷ୍ଟଗି ସବେନାଃ ତାନିଃ । ଏନାତେ ଆଇୟାଃ ନାଇଁ ଗନଏଃ ପୁରାଃଗି ବୁଗିନାଃ ହବାଅଃଆ । ୨୨ ମେନ୍‌ଦ ଆଇଙ୍କ ହାସା ହଡ଼ମରେ ଜୀନିଦ୍ ତାଇକେଦ୍‌ତେ ପୁରାଃଗି ଜ'ନାମଃ ଲେକାଇଙ୍କ କାମି ଦାଡ଼ିତାନରେଦ୍, ଜୀଦାନ ତାଏ ଗନଏଃ ଅକ୍‌ନାଃକେଇଙ୍କ ସାଲ୍‌ଏୟା ଏନା ଆଇଙ୍କ କାଇଙ୍କ ସାରିଦାଡ଼ିତାନା । ୨୩ ନେ ବାରାନ୍ କାଜି ଆଇଙ୍କକେ ବାରାନ୍‌ସାଃତେ ତାହୁଜିଇଙ୍କତାନା । ନେ ଜୀଦାନ ବାଗିକେଦ୍‌ତେ ଖ୍ରୀଷ୍ଟଲଃ ତାଇନଃ ନାଗେନ୍ତେ ଆଇୟାଃ ପୁରାଃଗି ସାନାଇଁ ଆତଃ ପୁରାଃଗି ବୁଗିନାଃ ତାନାଃ । ୨୪ ମେନ୍‌ଦ ଆପେ ନାଗେନ୍ତେ ହାସା ହଡ଼ମରେ ଜୀନିଦ୍ ତାଇନଃ ଆଇଙ୍କକେ ପୁରାଃଗି ଲାଗାଡ଼ିଙ୍କୟାଃ । ୨୫ ନେଆଁ ଆଇଙ୍କ ସାଡ଼ିଗିଙ୍କ ସାରିତାନା, ଆଇଙ୍କ ଆପେ ସବେନ୍‌କଲଃ ତାଇନାଇଙ୍କ, ଆତଃ ଆପେକେ ବିଶ୍ୱାସରେଇଙ୍କ ହାରାଇଦିପେୟା ଆତଃ ଜୀଉରେ ରାସକା ନାମେ ନାଗେନ୍ତେଇଙ୍କ ଦେଙ୍ଗାପେୟା । ୨୬ ତାବ୍‌ଦ୍, ଆଇଙ୍କ ଆପେଲଃ ଆତଃମିସା ତାଇନରେ, ଆପେ ଜୀଦାନରେ ଖ୍ରୀଷ୍ଟଲଃ ମେନେସାରେ ତାଇନ୍ ହରାତେ ଆଇୟାଃ ନାଇଁ ପୁରାଃଗି ଆପାନକେ ମାରାଙ୍କ ମେନ୍ତେ କାଜିନ୍ ଦାଡ଼ିୟାଃପେ ।

୨୭ ଆଇଙ୍କ ଆପେକେ ନେନେଲ୍ ନାଗେନ୍ତେ ସେନ୍ ଦାଡ଼ି ତାଏ କା ଦାଡ଼ି, ନାହାଁଃ କାଜି ହବାଅଃତାନା, ଆପେ ଖ୍ରୀଷ୍ଟଆଃ ସୁକ୍ଷ୍ମକାଜିରେୟାଃ ଲାଗାଡ଼ିଙ୍କ ଲେକାଗି ଜୀଦାନ ବିତାଏପେ, ଜେ'ଲେକାଚି ଆଇଙ୍କ ଆୟୁମେୟାଃଇଙ୍କ ଯେ ଆପେ ମିଆଁଦ୍ ଆମ୍ଭାରେ ତିଙ୍ଗୁ କେଟେଦ୍‌କାନାପେ ଆତଃ ମିଆଁଦ୍‌ଗି ଭାର୍‌ସାଲଃ ଆପେ ସୁକ୍ଷ୍ମକାଜିରେୟାଃ ବିଶ୍ୱାସ ନାଗେନ୍ତେ ମିସାତେ ଲାଡ଼ାଇତାନାପେ । ୨୮ ଆପେୟାଃ ବାଇରିକକେ ଆଲପେ ବରକଆ, ସବେନ୍ ଇମ୍‌ତା ଜୀଉ କେଟେଦ୍‌କେଦ୍‌ତେ ତାଇନ୍‌ପେ । ଏନାରେ, ଇନ୍‌କୁ ସାରି ଦାଡ଼ିୟାକ ଯେ, ଇନ୍‌କୁଆଃ ହାରାଅ ସାର୍‌ତି ତାନାଃ ଆତଃ ଆପେ ଜିତାଅଃଖାପେ, ଚିଆଃଚି ପାର୍‌ମେଶ୍ୱାର୍ ଆପେକେ ଜିନିତାଅ ଏମାପେୟାଏ । ୨୯ ଚିଆଃଚି ଖ୍ରୀଷ୍ଟତାଃରେ ବିଶ୍ୱାସକେଦ୍ ହରାତେ ଏସକାର୍ କାଗି, ମେନ୍‌ଦ ଆୟାଃ ନାଗେନ୍ତେ ଦୁକୁ ସାହାଡ଼ିଙ୍କକେଦ୍ ହରାତେ ଆପେକେ ଖ୍ରୀଷ୍ଟକେ ସେଖା ନାଗେନ୍ତେ ସୁୟୋଗ୍ ଏମାକାନା । ୩୦ \*ନାହାଁଃ ନେ ଲାଡ଼ାଇରେ ଆପେ ଆଇୟାଃଲଃ ମେସା ଦାଡ଼ିୟାଃଆପେ । ସିଦା ଦିପିଲିରେ ଆପେ ଆଇଙ୍କକେ ଜେ'ଲେକା ଲାଡ଼ାଇତାନ ନେଲାଇକାଦିଙ୍କ ତାଇକେନାପେ, ନାହାଁଃ ଜାକେଦ୍ ଆଇଙ୍କ ଏନ୍ ଲାଡ଼ାଇରେ ମେନାଇୟାଁ ମେନ୍ତେ ଆପେ ଆୟୁମ୍‌କାଦାପେ ।

## ୨

ଖ୍ରୀଷ୍ଟଆଃ ଲେବେୟେନ୍ ଆତଃ ମାରାଙ୍କୟେନ୍

୧ ଆପେ ଖ୍ରୀଷ୍ଟଆଃ ମେନେସା ହରାତେ ଆପେୟାଃ ଜୀଦାନରେ କେଟେଦ୍‌କାନାପେ, ଆତଃ ଆୟାଃ ଦୁଲାଇଁ ଆପେକେ ଜୀଉରାଡ଼େଃ ଏମାପେତାନାଏ । ଆପେ ପାବିତାର୍ ଆମ୍ଭାଲଃ ମେନେସାରେ ମେନାପେୟା ଆତଃ ଆପେୟାଃ ମିହୁଡ୍, ଆତଃମିହୁଡ୍‌ଲଃ ଲିନିବୁଇ ଆତଃ ଦାୟା ମେନାଃ । ୨ ଏନାତେ ଆଇଙ୍କ ଆପେକେ

\* ୧:୩୦ ୧:୩୦ ପ୍ରେରିଡ୍ ୧୭:୧୯-୪୦.

ବିକ୍ରିପେ ତାନାଇଁ, ମିଦ୍ ଉଡ଼ୁରେ, ମିଦ୍ ଦୁଲାଡ଼ରେ, ମିଦ୍ ଜୀଉରେ ଆଡ଼ଃ  
 ମନ୍ରେ ତାଇନକେଦ୍‌ତେ ଆପେ ଆଇଙ୍ଗକେ ପୁରାଃତେ ସୁକୁଇଙ୍ଗପେ ।<sup>୩</sup> ଆପ୍‌ନାଃ  
 ସାନାଙ୍ଗ୍ ପୁରାଅଃ ନାଗେନ୍ତେ ଚାଏ ମାରାଙ୍ଗ୍‌ୟେନ୍ ନାଗେନ୍ତେ ଜେତାନ୍ କାମି ଆଲପେ  
 କାମିୟା । ମେନ୍‌ଦ ଏଟାଃକକେ ଆପାନ୍‌ତାଃଏତେ ମାରାଙ୍ଗ୍ ନେଲକେଦ୍‌ତେ, ମିହୁଡ଼୍  
 ଆଡ଼ଃମିହୁଡ଼ଲଃ ସବେନ୍ ଇମ୍‌ତା ଲେବେଃ ମନ୍ରେ ତାଇନପେ ।<sup>୪</sup> ଆଡ଼ଃ ମିହୁଡ଼୍  
 ହଡ଼୍ ଆପ୍‌ନାଃ ନାଗେନ୍ତେ ଏସ୍‌କାର୍ କା ଉଡ଼ୁକେଦ୍‌ତେ ଏଟାଃକଆଃ ନାଗେନ୍ତେୟ  
 ଉଡ଼ୁଗେକାଏ ।<sup>୫</sup> ଯୀଶୁ ଖ୍ରୀଷ୍ଟଆଃ ମନ୍ ଉଡ଼ୁ ଲେକାଗି ଆପେୟାଃ ମନ୍ ଉଡ଼ୁକ  
 ହବାଅଃକା ।<sup>୬</sup> ଇନିଃ ପାର୍‌ମେଶ୍ୱାର୍ ତାଇନରେୟ, ପାର୍‌ମେଶ୍ୱାର୍‌ଲଃ ମିଦ୍ ଜକାଗି  
 ତାଇନଃ ନାଙ୍ଗ୍ କାଏ ମନେକେଦା ।<sup>୭</sup> ମେନ୍‌ଦ ଇନିଃ ଆପ୍‌ନାଃ ଇଛାସାନାଙ୍ଗ୍‌ତେ  
 ସବେନାଃ ବାଗିକେଦାଏ, ଆଡ଼ଃ ଦାସି ଲେକାଏ ବାଇୟାନା ଏନ୍ତେ ମାନଝା ରୁପ୍‌ରେ  
 ଜାନାମ୍‌ୟାନା ।<sup>୮</sup> ଇନିଃ ଆଇଃକ୍‌ଗି ଲେବେଃ ମନ୍‌ତେ ହବାୟାନଲଃ ଆଡ଼ଃ ସବେନ୍  
 ଗନଏଃରେୟାଃ ହରାରେ ଆୟାଃ କୁଶ୍‌ରାଃ ଗନଏଃ ଜାକେଦ୍ କାଜି ମାନାତିୟେନ୍  
 ଲେକାଏ ହବାୟାନା ।<sup>୯</sup> ଏନାମେନ୍ତେ ପାର୍‌ମେଶ୍ୱାର୍ ଇନିଃକେ ସବେନାଃଏତେ  
 ଚେତାନ୍ ଠାୟାଦ୍‌ତେ ଉଠାଅକିୟା, ଆଡ଼ଃ ଏଟାଃ ସବେନ୍ ନୁଡୁମ୍‌ଏତେ ଆୟାଃ ନୁଡୁମ୍  
 ସବେନାଃଏତେ ଚେତାନ୍‌ରେ ଏମ୍‌କେଦା ।<sup>୧୦</sup> ଏନାତେ ଯୀଶୁଆଃ ନୁଡୁମ୍‌ରେୟାଃ  
 ମାଇନାନ୍ ନାଗେନ୍ତେ ସିମ୍‌ା, ଅତେ, ଆଡ଼ଃ ଅତେଦିଶୁମ୍‌ରେ ଲାତାର୍‌ରେ ତାଇନତାନ୍  
 ସବେନ୍‌କ ଆୟାଃ ଆୟାର୍‌ରେ ଇକ୍‌ଡ଼୍‌ୟାନ୍ତେ ଉୟୁଗଃଆକ, <sup>୧୧</sup> ଆଡ଼ଃ ସବେନ୍  
 ହଡ଼୍‌କ ଯୀଶୁ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଉଦୁବ୍‌ତାନଲଃ ଆବା ପାର୍‌ମେଶ୍ୱାର୍‌ଆଃ  
 ମାନାରାଙ୍ଗ୍ ରିକାୟାକ ।

ଅତେଦିଶୁମ୍‌ରେ ମାସ୍‌ଲ ଲେକା ଜୁଲଃପେ

<sup>୧୨</sup> ତାବ୍‌ଦ ହେ ଦୁଲାଡ଼୍ ହାଗା ମିଶିକ, ଆଇଙ୍ଗ୍ ଆପେଲଃ ତାଇନତାନ୍ ଦିପିଲିରେ  
 ଆପେ ଜେ'ଲେକା ସବେନ୍ ଇମ୍‌ତା ମାନାତିଙ୍ଗ୍ ତାଇକେନାପେ, ନାହାଁଃ ଆଇଙ୍ଗ୍  
 ଆପେତାଃଏତେ ସାଙ୍ଗିନ୍‌ରେ ତାଇନଃତାନ୍ ଦିପିଲିରେୟ ପୁରାଃଗି ବର ଆଡ଼ଃ  
 ଏକ୍‌ଲାଅଃତାନ୍‌ଲଃ ଆପେୟାଃ ଜୀଉବାଞ୍ଚାଅ ପୁରାଏପେ ।<sup>୧୩</sup> ଚିଆଃତି ପାର୍‌ମେଶ୍ୱାର୍  
 ଆପେ ଆଲାରେ କାମିତାନା । ଇନିଃକେ ସୁକୁଇଟି ଲେକା କାମି ନାଗେନ୍ତେ ଇନିଃ  
 ଆପେକେ ଇଛାସାନାଙ୍ଗ୍ ଏମାଃଏ ଆଡ଼ଃ ଏନା ରିକାଏ ନାଗେନ୍ତେ ପେଡ଼େଃହ୍ ଏମାଃଏ  
 ।

<sup>୧୪</sup> ବେଗାର୍ କାଜି କେସେଦ୍‌ତେ ଆଡ଼ଃ କାପ୍‌ଜିତେ ସବେନ୍ କାମି ରିକାଏପେ ।  
<sup>୧୫</sup> ଏନାରେ, ଆପେ ବେଗାର୍ ଚିଟାକାନ୍ ଆଡ଼ଃ ପାର୍‌ମେଶ୍ୱାର୍‌ଆଃ ଫାର୍‌ଚିଆକାନ୍  
 ହନ୍‌କପେ ହବାଅଃଆ । ମେନ୍‌ଦ ନେ ଅତେଦିଶୁମ୍‌ରେ ଜିୟନଃତାନ୍ ଏଡ଼୍‌କାନ୍ ହଡ଼୍‌କ  
 ଆଲାରେ ତାଇନଃତାନାପେ, ଏନାତେ ଆପେ ଇନ୍‌କୁକେ ଜୀଦାନ୍ ଏମାଃରେୟାଃ  
 ବାତାନ୍ ଉଦୁବ୍‌କ ଇମ୍‌ତା ରିମିଲକେ ମାର୍‌ସାଲେତାନ୍ ଇପିଲକ ଲେକା ଇନ୍‌କୁଆଃ  
 ଆୟାର୍‌ରେ ଜୁଲଃ ଲାଗାତିଙ୍ଗ୍‌ୟାଃ ।<sup>୧୬</sup> ଏଟାଃକତାଃରେ ଜୀଦାନ୍ ଏମାଃ କାନାଜି  
 ଉଦୁବେ ଇମ୍‌ତା, ଆପେ ସିମ୍‌ାକେ ମାର୍‌ସାଲେତାନ୍ ଇପିଲକ ଲେକା ହବାଅଃ  
 ଲାଗାତିୟା । ଆପେ ନେ'ଲେକା ହବାଅଃରେଦ୍, ଖ୍ରୀଷ୍ଟ୍ ହୁଲାଇଙ୍ଗ୍‌ରେ ଆପେୟାଃ  
 ବିଷାଏରେ ଆଇଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନା, ଚିଆଃତି ନେଆଁଲଃ  
 ଉଦୁବଃଆ ଯେ, ଆଇଁୟାଃ ସବେନ୍ କେଚେଦ୍ କାମି କା ସାମାଏଣ୍ଡାଃ କାନା ।

<sup>୧୭</sup> ହବାସାକାଅଆଃ ପାର୍‌ମେଶ୍ୱାର୍‌ଆଃ ଉକେଶ୍‌ରେ ଆପେୟାଃ ବିଶ୍ୱାସ୍ ଲେକାନ୍  
 ସେଝାରାଃ ଦାଣ୍ଡେରେ ଆଇଁୟାଃ ଜୀଦାନ୍‌ରେୟାଃ ମାୟୋମ୍‌କେ ହ୍ ଆଇଙ୍ଗ୍‌କେ ଏମାଃ  
 ଲାଗାତିଙ୍ଗ୍‌ୟାଃ । ଏନାମେନ୍ତେ ଆଇଙ୍ଗ୍ ରାସ୍‌କାଅଃତାନାଇଙ୍ଗ୍ ଆଡ଼ଃ ଆଇଁୟାଃ ନେ  
 ରାସ୍‌କାରେ ଆପେ ମେସାନ୍‌ପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ।<sup>୧୮</sup> ଏନ୍ ଲେକାଗି,  
 ଆପେୟ ରାସ୍‌କାଅଃପେ ଆଡ଼ଃ ଆପେୟାଃ ରାସ୍‌କା ଆଇଁୟାଃଲଃ ହାଟିୟେପେ ।

ତୀମଥୁ ଆଡ଼ଃ ଏପାପ୍ରାଦିତ୍

୧୯ ପ୍ରାଭୁ ଯୀଶୁଆଃ ସାନାଙ୍ଗ ହବାଅଃରେଦ, ଆପେତାଃତେ ତୀମଥୁକେ ଜାଲ୍‌ଦିଗିଇଙ୍ଗ କୁଲିୟା ମେନ୍ତେଇଙ୍ଗ ଆସ୍ତାଏତାନା । ଏନାତେ ଆପେୟାଃ ବିଷାଏରେ କାଜି ଆୟୁମକେଦ୍‌ତେ ରାସ୍‌କାଅଃଆଇଙ୍ଗ । ୨୦ ଇନିୟାଃ ମନ୍‌ରାଃ ଉଡ଼ୁକ୍ ଆଇଁୟାଃ ଲେକା ମେନାଃ ଆଡ଼ଃ ସାର୍‌ତିଗି ଇନିଃ ଆପେୟାଃ ବିଷାଏରେ ଉଡ଼ୁତାନା । ୨୧ ଏଗାଃ ସବେନ୍‌କ ଯୀଶୁ ଖ୍ରୀଷ୍ଟୁଆଃ ବିଷାଏରେ କା ଉଡ଼ୁକେଦ୍‌ତେ ଆକଆଃ ଆପ୍‌ନାଃ ବିଷାଏରେ ଉଡ଼ୁତାନାକ । ୨୨ ଆପେ ସାରିତାନାପେ ଯେ ତୀମଥୁ ଚିଲ୍‌କାନ୍ ହଡ଼ ତାନିଃ । ହନ୍ ଜେ'ଲେକା ଆପୁଆଃ ସୁସାର୍ ରିକାଃଏ, ଏନ୍‌ଲେକାଗି ଇନିଃ ଆଇଁୟାଃଲଃ ମିସାତେ ସୁକୁକାଜି ଉଦୁବ୍ ଇମ୍‌ତା ଆଇଁୟାଃ ସୁସାର୍ ରିକାକାଦାଏ । ୨୩ ଆଇଁୟାଃ ଚିକ୍‌ନାଃ ହବାଅଃତେ ସେନଃତାନା, ଏନା ସାରିକେଦ୍‌ତି ଆଇଙ୍ଗ ଇନିଃକେ ଆପେତାଃତେ କୁଲିୟାଇଙ୍ଗ ମେନ୍ତେଇଙ୍ଗ ଆସ୍ତାକାଦା । ୨୪ ଆଡ଼ଃ ଆଇଙ୍ଗ ପ୍ରାଭୁତାଃରେ ବିଶ୍ୱାସ୍‌ତାନାଇଙ୍ଗ ଯେ, ଆଇଙ୍ଗ ଜାଲ୍‌ଦିଗି ଆପେତାଃତେଇଙ୍ଗ ହିଜୁଃ ଦାଡ଼ିୟା ।

୨୫ ଆଇଁୟାଃ କାମିରେ, ଆଇଁୟାଃ ଲାଗାତିଙ୍ଗ୍‌ତେୟାଃକ ପୁରାଏ ନାଙ୍ଗ୍ ଆଇଙ୍ଗ୍‌କେ ଦେଙ୍ଗାଇଙ୍ଗ ନାଗେନ୍ତେ ଆପେୟାଃ କୁଲିକାନ୍ ହାଗା ଏପାପ୍ରାଦିତ୍‌କେ ଆପେତାଃତେ କୁଲି ନାଙ୍ଗ୍ ବୁଗିନାଃ ହବାଅଃଆ ମେନ୍ତେଇଙ୍ଗ୍ ଆବ୍‌କାରେତାନା । ୨୬ ଇନିଃ ଆପେ ସବେନ୍‌କକେ ନେନେଲ୍ ନାଗେନ୍ତେ ପୁରାଃଗି ସାନାଙ୍ଗ୍‌ତାନା ଆଡ଼ଃ ଆପେ, ଇନିଃ କାଏ ସୁକୁତାନା ମେନ୍ତେ କାଜି ଆୟୁମକେଦ୍ ହରାତେ ଇନିଃ ପୁରାଃଗି ମନ୍‌ରେ ଦୁକୁୟାନା । ୨୭ ସାର୍‌ତି କାଜିଲେରେ, ଇନିଃ ବେମାର୍ ତାଇକେଦ୍‌ତେ ଗଜଃଲେକାଏ ହବାକାନ୍ ତାଇକେନା । ମେନ୍‌ଦ ପାର୍‌ମେଶ୍ୱାର୍ ଇନିଃକେ ଦାୟାକିୟା । ଇନିଃକେ ଏସ୍‌କାର୍ କାହାଗି, ମେନ୍‌ଦ ଆଇଁୟାଃ ଚେତାନ୍‌ରେୟାଗି ଆୟାଃ ଦାୟା ତାଇକେନ୍ ହରାତେ ଆଇଙ୍ଗ୍‌କେ ଦୁକୁ ଚେତାନ୍ ଦୁକୁ ସାହାତିଙ୍ଗ୍ ନାଙ୍ଗ୍ କାଏ ଏମାଦିୟା । ୨୮ ଆଇଙ୍ଗ୍ ଇନିଃକେ ଆପେତାଃତେ କୁଲି ନାଙ୍ଗ୍ ପୁରାଃଗିଇଙ୍ଗ୍ ସାନାଙ୍ଗ୍ ତାଇକେନା, ଚିଆଃତି ଆପେ ଇନିଃକେ ଆଡ଼ଃମିସା ନେଲ୍‌କେଦ୍‌ତେ ପୁରାଃଗିପେ ରାସ୍‌କାନା ଆଡ଼ଃ ଆଇଁୟାଃ ଦୁକୁହଗି ଅହରାଅକଥା । ୨୯ ଏନାତେ ମିଆଁଦ୍ ପ୍ରାଭୁଆଃ ବିଶ୍ୱାସୀ ହାଗା ଲେକା ଆପେ ଇନିଃକେ ସୁକୁତେ ଦାରମିପେ ଆଡ଼ଃ ଆୟାଃ ଲେକାନ୍ ସବେନ୍ ହଡ଼କକେ ମାଇନ୍‌କପେ । ୩୦ ଚିଆଃତି ଆପେ ଆଇଙ୍ଗ୍‌କେ ଅକ ଦେଙ୍ଗା କାପେ ଏମ୍ ଦାଡ଼ିୟାନା, ଏନା ପୁରାଏ ନାଗେନ୍ତେ ଇନିଃ ଖ୍ରୀଷ୍ଟୁଆଃ କାମିରେ ଆପ୍‌ନାଃ ଜୀଉକେ ସାଙ୍ଗାଟ୍‌ରେ ଉୟାଃକେଦ୍‌ତେ ଗଜଃଲେକାଏ ହବାକାନ୍ ତାଇକେନା ।

୩

ସାର୍‌ତି ଧାର୍‌ମାନ୍

୧ ଚୁଶ୍‌ଚୁର, ହେ ହାଗା ମିଶିକ, ପ୍ରାଭୁଲଃ ମେସାକାନ୍ ହରାତେ ଆପେ ରାସ୍‌କାଅଃପେ । ଆଇଙ୍ଗ୍ ସିଦାରେ ଅଲ୍‌କାଦ୍‌ତେୟାଃ, ଆଡ଼ଃମିସା କାଜି ନାଗେନ୍ତେ କାଇଙ୍ଗ୍ ଲାଗାଅଃଆ, ଚିଆଃତି ଆପେୟାଃ ବୁଗିନାଃ ନାଗେନ୍ତେ ନେଆଁଏ ଦେଙ୍ଗାପେୟା । ୨ ଏଡ଼କାନ୍ କାମିରେ ମେନାକଥା, ଏନ୍ ସେତାକଆଃଏତେ ଆଡ଼ଃ ବାସ୍ତାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଃଏତେ ଚିଗାଲ୍‌କାନ୍ ତାଇନ୍‌ପେ । ୩ ଚିଆଃତି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଇନ୍‌କୁ ନାହାଁଲ୍‌କ । ଆବୁ ପାବିତାର୍ ଆମ୍‌ରାଃ ଦେଙ୍ଗାତେ ପାର୍‌ମେଶ୍ୱାର୍‌କେ ସେଞ୍ଜାତାନାବୁ ଆଡ଼ଃ ଖ୍ରୀଷ୍ଟୁ ଯୀଶୁଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମରେୟାଃ ନେପେଲ୍ ରିତିରିଖାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆବୁଆଃ ଆସ୍ତା ବାନଃଆ । ୪ ସାର୍‌ତିଗି ଏନ୍



ସବେନାଃରେ ଆସ୍ତ୍ରା ଦହ ନାଗେନ୍ତେ ଆଇଁୟାଃ ନାଜ୍ ବୁଗିନାଃ ହବାଅଃତେୟାଃ । ଜେତାଏ ହାସା ହଡ଼ଫରେୟାଃ ନେପେଲ୍ ରିତିରିଝାଜ୍‌ରାଃ ଲାଗାତିଜ୍‌ତେୟାଃରେ ଆସ୍ତ୍ରାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ତ୍ରା ମେନାଃ । \* ଆଇଁୟାଃ ଜାନାମରାଃ ଇରିଲ୍‌ମାହାଁରେ\* ଆଇଜ୍ ଖାଡ଼ନାଅୟାନାଇଜ୍, ଆଇଜ୍ ଇସ୍ତ୍ରାଏଲ୍‌ରେନ୍ ବେଞ୍ଜାମିନ୍ କିଲିରେଇଜ୍ ଜାନାମୟାନା, ଆତଃ ସାର୍‌ତି ଏବ୍ରୀ ତାନିଜ୍ । ଯିହୁଦୀକଆଃ ଆନ୍‌ରୁ ମାନାତିଜ୍‌ରେ ଆଇଜ୍ ମିୟାଦ୍ ଫାରୁଣୀ ହଡ଼ତାନିଜ୍ । ୭ ଆତଃ ଆଇଁୟାଃ ଚିହ୍ନଲେନ୍ କାଜି ମେନାଃରେଦ, ଆଇଜ୍ ମିହୁଡ଼୍ କାଲିସିୟାକେ ସିଗିଦି ହଡ଼ ତାଇକେନାଇଜ୍ । ଆନ୍‌ରୁ ମାନାତିଜ୍‌କେଦ୍ ହରାତେ ମିହୁଡ଼୍ ହଡ଼ ଧାର୍‌ମାନ୍ ହବାଦାଡ଼ିୟଃରେଦ ଆଇଜ୍ ବେଗାର୍ ଚିଟାଅଃନିଃ ତାଇକେନାଇଜ୍ । ୯ ମେନ୍‌ଦ୍ ଅକ ସବେନାଃ ଆଇଜ୍ ବୁଗିନାଃ ମେନ୍ତେ ଆଟ୍‌କାରେ ତାଇକେନାଇଜ୍, ଏନାକେ ନାହାଁଃ ଆଇଜ୍ ଖ୍ରୀଷ୍ଟ୍ ନାଗେନ୍ତେ ସାମାକାଜି ଲେକାଇଜ୍ ଆଟ୍‌କାରେତାନା । ୧୦ ଏନାକ ଏସ୍‌କାର୍ କାଗି, ଆଇଁୟାଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେ ସାରିକିଃ ହରାତେ ଅକନ୍ ପୁରାଃ ଗନଜ୍‌ଆଁନ୍ ସେଣାଁ ନାମାକାଦାଇଜ୍, ଏନାଲଃ ଜକାଲେରେ ଏଟାଃ ସବେନାଃକେ ଆଇଜ୍ ନାହାଁଃ ସାମାକାଜି ଲେକାଇଜ୍ ଆଟ୍‌କାରେତାନା । ଖ୍ରୀଷ୍ଟ୍‌କେ ନାମି ନାଗେନ୍ତେ ଆଇଜ୍ ସବେନାଃଇଜ୍ ବାଗିକାଦା, ୧୧ ଆତଃ ଇନିଃଲଃ ପୁରାଃତେଇଜ୍ ମେସାକାନା । ଜେତା ଧାର୍‌ମାନ୍ ଆନ୍‌ରୁ ମାନାତିଜ୍‌କେଦ୍‌ତେ ନାମ୍ ଦାଡ଼ିୟଃଆ, ଏନ୍ ଲେକାଦ୍ ଜେତା ଧାର୍‌ମାନ୍ ଆଇଁୟାଃ ବାନଃଆ । ନାହାଁଃଦ୍ ଆଇଁୟାଃ ଅକ ଧାର୍‌ମାନ୍ ମେନାଃ, ଏନା ଖ୍ରୀଷ୍ଟ୍‌କେ ବିଶ୍ୱାସ୍‌କେଦ୍ ହରାତେ ନାମାକାନା, ଏନାଦ୍ ପାର୍‌ମେଶ୍ୱାର୍‌ତାଃଏତେ ହିଜ୍‌ରାଆ ଆତଃ ବିଶ୍ୱାସ୍‌ତେ ହବାଅଃଆ । ୧୨ ନାହାଁଃଦ୍, ନେଆଁଇଜ୍ ସାନାଜ୍‌ତାନା, ଆଇଜ୍ ଖ୍ରୀଷ୍ଟ୍‌କେ ସାରିୟାଇଜ୍ ଆତଃ ଆୟାଃ ଜୀଉବିନିରିଦ୍‌ରାଃ ପେଡ଼େଃକେଇଜ୍ ଆଟ୍‌କାର୍ ଦାଡ଼ିକା, ଆୟାଃ ଦୁକୁହାସୁକେ ଆଟ୍‌କାର୍‌କେଦ୍‌ତେ ଗନ୍‌ଏଃରେୟ ଆୟାଃ ଲେକାଇଜ୍ ହବାଅଃକା, ୧୩ ଆତଃ ଆଇଜ୍ ଆଇଜ୍‌ତେଗି ଗନ୍‌ଏଃହେତେ ଜୀଉବିନିରିଦ୍‌ରାଃ ଆସ୍ତ୍ରାଇଜ୍ ନାମେକା ।

ନିର୍‌ସେଟେରେ ଠାୟାଦ୍‌ତେ ନିରେୟାବୁ

୧୨ ଆଇଜ୍ ଏନ୍ ସବେନାଃ ସିଦାରେଇଜ୍ ନାମ୍ ଚାବାକାଦା ଚାଏ ଆଇଜ୍ ସିଦାରେଇଜ୍ ପକ୍‌ତାଚାବାକାନା, ମେନ୍ତେଦ୍ କାଇଜ୍ କାଜିତାନା । ମେନ୍‌ଦ୍ ଆଇଜ୍ ନାଲା ନାମେ ନାଗେନ୍ତେଇଜ୍ ନିରେତାନା, ଆତଃ ଯୀଶୁ ଖ୍ରୀଷ୍ଟ୍ ଆଇଃକ୍‌ଗି ଆଇଜ୍‌କେ ସିଦାରେ ଜିତାଅକାଦିୟାଁ । ୧୩ ହେ ହାଗା ମିଶିକ, ସାର୍‌ତିଗି, ଆଇଜ୍ ନିର୍‌ ସେଟେରେ ଠାୟାଦ୍‌ତେ ନାହାଁଃ ଜାକେଦ୍ ଆଉରିଜ୍ ସେଟେରା । ମେନ୍‌ଦ୍ ଆଇଜ୍ ମିୟାଦ୍ କାମିରେଗି ମେନାଇୟାଁ, ଦୟାସାଃରେ ବାଗିକାଦ୍ ବିଷାଏକେ ରିଡ଼ିଜ୍‌କେଦ୍‌ତେ, ଅକ୍‌ନାଃ ଆୟାର୍‌ସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଇଜ୍ ଚେଷ୍ଟାତାନା । ୧୪ ଏନାତେ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ସିର୍‌ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍‌ମେଶ୍ୱାର୍ ଆଇଜ୍‌କେ କେଡ଼ାକାଦିୟାଁ, ଏନ୍ ନାଲା ନାମ୍ ନାଗେନ୍ତେ ନିର୍‌ ସେଟେର୍ ଠାୟାଦ୍‌ତେ ନିରେତାନା ।

୧୫ ଆବୁଆଃ ଆଲାରେ ଅକନ୍‌କ ଆମ୍‌ରେ ପକ୍‌ତାକାନାକ, ଇନ୍‌କୁଆଃ ନେ'ଲେକା ମନ୍‌ରେ ଉଡ଼୍‌ଝୁ ଲାଗାତିଜ୍‌ୟାଃ । ମେନ୍‌ଦ୍ ଜେତାଏୟାଃ ଏଟାଃ ଲେକାଗି ମନ୍‌ରେ ଉଡ଼୍‌ଝୁ ମେନାଃରେଦ, ପାର୍‌ମେଶ୍ୱାର୍ ଆପେକେ ସବେନ୍ କାଜି ବୁଗିଲେକାଏ ଉଦୁବାପେୟା । ୧୬ ମେନ୍‌ଦ୍ ଅକନ୍ ସାନାର୍‌ତିକେ ଆବୁ ତିସିଜ୍ ଜାକେଦ୍ ମାନାତିଜ୍ ଆଉ ତାନାବୁ, ନାହାଁଃ ଏନ୍ ସାନାର୍‌ତିରେଗି ଆୟାର୍‌ତେ ସେନାବୁ ।

\* ୩:୫ ୩:୫ ରୋମି ୧୧:୧; ପ୍ରେରିଡ଼ ୨୩:୭; ୨୭:୫.      \* ୩:୫ ୩:୫ ଆଟ୍ ଦିନ୍‌ରେ      ✨ ୩:୭ ୩:୭ ପ୍ରେରିଡ଼ ୮:୩; ୨୨:୪; ୨୭:୯-୧୧.

୧୭ \*ହେ ହାଗା ମିଶିକ, ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ପେ ଆତଃ ଆଲେ ସେସେନ୍‌ତାନ୍ ନାମୁନା ଲେକା ଅକନ୍‌କ ସେସେନ୍‌ତାନା ଇନ୍‌କୁକେ ନେଲ୍‌କୁପେ । ୧୮ ସିଦାଏତେଗି ଆଇଙ୍ଗ୍ ଆପେକେ ନେ କାଜି ଚିମିନ୍‌ସାଇଙ୍ଗ୍ କାଜିକାଦ୍‌ପେୟା, ଆତଃ ନାହାଁଃହଗି ମେଦ୍ ଦାଆଃ ଲିଙ୍ଗିତାନ୍‌ଲଃ ଆତଃମିସାଇଙ୍ଗ୍ କାଜିତାନା, ପୁରାଃ ହଡ଼କ ଆକଆଃ ଆପ୍‌ନାଃ ଜୀଦାନ୍‌ରେ ଖ୍ରୀଷ୍ଟ୍‌ଆଃ କୁଣ୍ଡ ଗନ୍‌ଏଃରେୟାଃ ବାଇରି ଚାଇଲ୍ ଚାଲାନ୍ ରିକାତାନାକ । ୧୯ ନାରାକ୍‌ରେ ଇନ୍‌କୁଆଃ ଜୀଦାନ୍ ଜିୟନଃତେ ସେନଃତାନା । ଚିଆଠି ଇନ୍‌କୁଆଃ ହଡ଼ମରାଃ ଇଛାସାନାଙ୍ଗି ଆକଆଃ ମାହାପୁରୁ ତାନିଃ, ଅକ୍‌ନାଃ ଗିହୁଗାନ୍‌ତେୟାଃ ତାନାଃ, ଏନା ନାଗେନ୍ତେ ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା । ଅତେରେୟାଃ ବିଷାଏ ନାଗେନ୍ତେ ଏସ୍‌କାର୍ ଇନ୍‌କୁ ଉଡ଼ଗୁଃକ । ୨୦ ଏନା ଜାହାନାଃଗି ହବାଅଃକା, ଆରୁ ସିମା ଦିଶୁମରେନ୍‌କ ତାନ୍‌ରୁ, ସିମାଏତେ ଆରୁଆଃ ବାସ୍ତାଅନିଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନ୍‌ଜୁଃକେ ନେଲ୍ ହରାତାନାବୁ । ୨୧ ଅକନ୍‌ ପେଡ଼େଃ ହରାତେ ଇନିଃ ସବେନ୍ ବିଷାଏକେ ଆୟାଃ ଆପ୍‌ନାଃ ଆବର୍‌ରେ ଦହ ଦାଡ଼ିୟା । ଏନ୍ ପେଡ଼େଃକେ କାମିରେ ଲାଗାଅକେଦ୍‌ତେ, ଇନିଃ ଆରୁଆଃ ଗନ୍‌ଏଃ ହବାଅଃ ହଡ଼ମ୍‌କେ ଆୟାଃ ମାନାରାଙ୍ଗ୍ ହବାଅଃ ହଡ଼ମ୍ ଲେକାଏ ବାଇୟା ।

## ୪

ଇନିତୁଏମଃ ଆତଃ ଇନିତୁ

୧ ହେ ଦୁଲାଡ଼୍ ହାଗା ମିଶିକ, ଆପେକେ ନେନେଲ୍ ନାଗେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ । ଆପେୟାଃ ନାଗେନ୍ତେ ଆଇଁୟାଃ ଚିମିନ୍‌ଗି ରାସ୍‌କା ଆତଃ ଚିମିନ୍‌ଗି ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା । ହାଗା ମିଶିକ ଆଇଁୟାଃ ଇନିତୁ ଲେକାତେ ପ୍ରାଭୁତାଃରେ ତିଙ୍ଗୁକେଟେଦ୍‌କେଦ୍‌ତେ ଜୀଦାନ୍ ବିତାଏପେ ।

୨ ଇୟଦିଆ ଆତଃ ସନ୍ତୁଖୀକେ ଆଇଁୟାଃ ବିନ୍ତି, ଇନ୍‌କିନ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ମିଶିଲେକା ମିଦ୍‌ମନ୍‌କେଦ୍‌ତେ ତାଇନଃକାକିନ୍ । ୩ ହେ ଆଇଁୟାଃ ପାତିୟାର୍‌ରେ ଲେକାନ୍ ଗାତିରେ କାମିତାନ୍‌ନିଃ । ଆମ୍‌କେୟାଗି ଆଇଁୟାଃ ବିନ୍ତି, ନେ ମିଶିକକେ ଦେଙ୍ଗାକମେ, ଚିୟାଠି ନିକୁ କ୍ଲେମେଷ୍ଟ୍ ଆତଃ ଆଇଁୟାଃଲଃ ଗାତିରେ କାମିତାନ୍‌କ, ସୁକୁକାଜି ପାର୍‌ତାର୍ କାମିରେ ଆଇଙ୍ଗ୍‌କେ ପୁରାଃଗି ଦେଙ୍ଗାକାଦିୟାକ । ନେ ସବେନ୍‌କିଆଃ ନୁତୁମ୍ ପାର୍‌ମେଶ୍ୱାର୍‌ଆଃ ଜୀଦାନ୍ ପୁଥିରେ ଅଲ୍‌କାନା ।

୪ ପ୍ରାଭୁଲଃ ମେସାକାନ୍ ହରାତେ ଆପେ ସବେନ୍ ଇମ୍‌ତାଙ୍ଗ୍ ରାସ୍‌କାଅଃପେ । ଆଇଙ୍ଗ୍ ଆତଃମିସା କାଜିପେତାନାଇଙ୍ଗ୍ ରାସ୍‌କାଅଃପେ ।

୫ ସବେନ୍‌କଲଃ ଆପେୟାଃ ଲେବେଃମନ୍ ହବାଅଃକା । ପ୍ରାଭୁଆଃ ହିନ୍‌ଜୁଃ ଦିପିଲି ନାଡ଼େଃକାନା । ୬ ଜେତାନ୍ ବିଷାଏରେ ଆଲ୍‌ପେ ଉଡ଼ଗୁଃ, ମେନ୍‌ଦ୍ ଆପେୟାଃ ଲାଗାତିଙ୍ଗ୍‌ତେୟାଃକ ବିନ୍ତିରେ ପାର୍‌ମେଶ୍ୱାର୍‌କେ ଆସିପେ । ମନ୍‌ସୁରୁଦ୍‌ରେ ଧାନ୍ୟାବଦ୍ ଏମ୍‌ତାନ୍‌ଲଃ ଆପେୟାଃ ବିନ୍ତି ପାର୍‌ମେଶ୍ୱାର୍‌କେ ଉଦୁବିପେ । ୭ ଆତଃ ମାନଃରାଃ ଆର୍‌କାର୍‌ଉରୁମ୍‌ଏତେ ତେତାନ୍, ପାର୍‌ମେଶ୍ୱାର୍‌ଆଃ ଜୀଉସୁକୁ ଖ୍ରୀଷ୍ଟ୍ ଯୀଶୁଆଃ ମେନେସାରେ ଆପେୟାଃ ମନ୍‌ସୁରୁଦ୍‌କେ ଆତଃ ମନ୍‌କେ ବାସ୍ତାଅୟା ।

୮ ତୁଣ୍ଡୁରେ, ହେ ଆଇଁୟାଃ ହାଗା ମିଶିକ, ଅକ୍ ସବେନ୍ ବିଷାଏକ୍ ରୁଗିନାଃ ଆତଃ ମାଇନଃ ଲେକାନାଃ ତାନାଃ, ଅକ୍‌ଆଃ ସାର୍‌ତି, ମାଇନାନ୍, ଠାଉକାନ୍, ପୁରାଃ ଫାର୍‌ତି, ସୁଗାଡାନ୍, ଆତଃ ମାଇନଃତେୟାଃ, ଏନ୍ ସବେନାଃ ଆପେୟାଃ ଉଡ଼ଗୁଃ ବିଷାଏ ହବାଅଃକା । ୯ ଆଇଁୟାଃ କାଜି ଆତଃ କାମିତେ ଅକ୍‌ଆଃ ଇତୁକାନାପେ ଆତଃ ନାମାକାଦାପେ, ଏନାକେ କାମିରେ ଉଦୁବେପେ । ଏନାରେ, ଜୀଉସୁକୁ ଏମଃ ପାର୍‌ମେଶ୍ୱାର୍ ଆପେଲଃ ତାଇନାଏ ।

ବାରଦାନ ନାଗେନ୍ତେ ଧ୍ୟାନ୍ୟାବାଦ

୧୦ ପ୍ରାଭୁଲକ୍ଷ ଫେନେସାରେ ତାଇନକେଦ୍‌ତେ ଜୀଦାନ ବିତାଅତାନ ଇମ୍‌ତା ଆପେ ଆଇଁୟାଃ ନାଗେନ୍ତେ ପାହାମ୍‌ତାନାପେ ଏନାମେନ୍ତେ ଆଇଙ୍ଗ୍ ପୁରାଃ ରାସ୍‌କାଅଃତାନାଇଙ୍ଗ୍ । ସାର୍‌ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆତଃ ଉତ୍‌ହୁ ତାଇକେନାପେ, ମେନ୍‌ଦ ଏନା ଉଦୁବେ ନାଗେନ୍ତେ ସୁଯୋଗ୍ କାପେ ନାମେ ତାଇକେନା । ୧୧ ଆଇଙ୍ଗ୍ ଆପାନକେ ଜାଞ୍ଜିଆକାନ ଲେକା ଆର୍‌କାରକେଦ୍‌ତେ କାଇଙ୍ଗ୍ କାଜିତାନା, ଚିଆଃଟି ଆଇଙ୍ଗ୍ ଆଇଁୟାଃତାଃରେ ଅକଆଃ ମେନାଃ ଇମ୍‌ନାଙ୍ଗ୍‌ରେଗି ରାସ୍‌କାଅଃ ନାଙ୍ଗ୍ ଇତୁକାନାଇଙ୍ଗ୍ । ୧୨ କାଟିକାନ ହବାଃଅ ଚାଏ ଥୁମ୍‌ା ହବାଃଅ, ଏନାରେ ଚିଲ୍‌କା ସାମ୍‌ନାଙ୍ଗ୍ ହବାଅଃ ଲାଗାତିଙ୍ଗ୍‌ୟାଃ ଏନାଇଙ୍ଗ୍ ସାରିକାଦା । ଏନାତେ ଜେ'ଲେକାନ ଦିପିଲିରେ, ଜେ'ଲେକାନ ପାରିସ୍ଥିତିରେ, ରେଙ୍ଗେଃତାନ ଇମ୍‌ତା, ବିୟାକାନ ଇମ୍‌ତା, କାଟିକାନ ହବାଃଅ ଚାଏ ଥୁମ୍‌ା ହବାଃଅ ଆଇଙ୍ଗ୍ ସବେନ୍ ଇମ୍‌ତା ରାସ୍‌କାରେ ମେନାଇଁୟା । ୧୩ ଆଇଙ୍ଗ୍‌କେ ପେଡ଼େଃ ଏମଃନିଃ ଖ୍ରୀଷ୍ଟୁଆଃ ଦେଙ୍ଗାତେ ଆଇଙ୍ଗ୍ ସବେନାଃଇଙ୍ଗ୍ ରିକାଦାଡ଼ିୟା ।

୧୪ ଏନ୍‌ରେୟ ଆଇଁୟାଃ ଦୁକୁତାନ ଦିପିଲିରେ ଆଇଙ୍ଗ୍‌କେ ଦେଙ୍ଗାକେଦ୍‌ତେ ଆପେ ପୁରାଃ ବୁଗିନ୍ କାମିପେ ରିକାକାଦା । ୧୫ ହେ ଫିଲିପିରେନ୍ ହାଗା ମିଗିକ, ଆଇଙ୍ଗ୍ ସୁକୁକାଜି ପାର୍‌ଚାରରେୟାଃ ଏନେଟେଦ୍ ଦିପିଲିରେ, ଆଇଙ୍ଗ୍ ମାକିଦନିଆ ବାଗିକେଦାଇଙ୍ଗ୍ ଇମ୍‌ତା ଆପେୟାଃ କାଲିସିୟା ଏସ୍‌କାର୍ ଆଇଙ୍ଗ୍‌କେ ଦେଙ୍ଗାକେଦିୟା, ଆତଃ ଆପେ ଏସ୍‌କାର୍ ଆଇଁୟାଃ ଲାଗାତିଙ୍ଗ୍‌ତେୟାଃରାଃ ଏମଃଦେମଃରେ ହିସାପେ ହବାକାନ ତାଇକେନା । ଏନା ଆପେ ବୁଗିଲେକାପେ ସାରିକାଦା । ୧୬ ଆଇଙ୍ଗ୍ ଥେସ୍‌ଲନିକାରେ ତାଇକେନ୍ ଦିପିଲିରେ, ଆପେ ମିସାଏତେ ଆଦ୍‌କା ଆଇଁୟାଃ ଲାଗାତିଙ୍ଗ୍‌ତେୟାଃକ କୁଲ୍‌କାଦ୍ ତାଇକେନାପେ । ୧୭ ମେନ୍‌ଦ ଆପେତାଃଏତେ ଆଇଙ୍ଗ୍ ଦାନ ଏସ୍‌କାର୍ ନାମେ ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ମେନ୍‌ଦ ଆପେ ଜେ'ଲେକା ପୁରାଃ ଆଦ୍‌କା ନାଲାପେ ନାମେୟା, ମେନ୍ତେ ଆଇଁୟାଃ ସାନାଙ୍ଗ୍ । ୧୮ ଆପେତାଃଏତେ ଆଇଙ୍ଗ୍ ନାମାକାଦ୍ ସବେନ୍ ଦାନ ନାଗେନ୍ତେ ଆଇଁୟାଃ ପୁରାଃଟି ହବାକାନା । ଏନା ଆଇଁୟାଃ ଲାଗାତିଙ୍ଗ୍‌ୟାଃଏତେ ଆଦ୍‌କାଗି ହବାକାନା । ଆପେ ଏପାପ୍ରାଦିତ୍‌ଆଃ ତିଃଇରେ କୁଲ୍‌କାଦ୍ ଦାନ, ଆଇଁୟାଃ ସବେନ୍ ଲାଗାତିଙ୍ଗ୍‌ତେୟାଃକେ ପୁରାକାଦା, ଏନା ପାର୍‌ମେଶ୍ୱାର୍‌ଆଃ ଉଦେଶ୍‌ରେ ରାକାବାକାନ ବୁଗିନ୍ ସହାନ୍ ଦାଣ୍ଠେ ଆତଃ ଆଇଃକ୍ ତେଲାଏ ଚାଏ ଆଇଃକ୍‌କେ ସୁକୁଆଇ ଦାଣ୍ଠେ ଲେକାନାଃ ତାନାଃ । ୧୯ ଖ୍ରୀଷ୍ଟୁଆଃ ହରାତେ ଆଇଁୟାଃ ପାର୍‌ମେଶ୍ୱାର୍‌ ଆୟାଃ ପୁରାଃ ମାନାରାଙ୍ଗ୍‌ତେ ଆପେୟାଃ ସବେନ୍ ଲାଗାତିଙ୍ଗ୍‌ତେୟାଃକ ଏମାପେୟାଏ । ୨୦ ଜାନାଅ ଜାନାଅ ଆପୁ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ହବାଅଃକା । ଆମେନ୍ ।

ଚୁଣ୍ଟି ଜୁହାର୍

୨୧ ଖ୍ରୀଷ୍ଟୁ ଯୀଶୁଆଃ ନୁତୁମ୍‌ତେ ଏନ୍ତାଃରେ ତାଇନଃତାନ ସବେନ୍ ପାର୍‌ମେଶ୍ୱାର୍‌ଆଃ ହତ୍‌କକେ ଆଇଁୟାଃ ଜହାର୍ କାଜିକତାନାଇଙ୍ଗ୍ । ଆଇଁୟାଃଲକ୍ଷ ତାଇନତାନ ନେତାଃରେନ୍ ହାଗା ମିଗିକ ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା । ୨୨ ନେତାଃରେ ତାଇନତାନ ପାର୍‌ମେଶ୍ୱାର୍‌ଆଃ ହତ୍‌କ, ବିଶେଷ୍ଟକେଦ୍‌ତେ କାଇସାର୍‌ଆଃ ରାଜ୍‌ମାହାଲ୍‌ରେ ତାଇନତାନ ପାର୍‌ମେଶ୍ୱାର୍‌ଆଃ ହତ୍‌କ ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୩ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲକ୍ଷ ଆମ୍‌ାରେ ହବାଅଃକା ।

☆ ୪:୧୭ ୪:୧୭ ପ୍ରେରିଡ଼ ୧୭:୧. ☆ ୪:୧୭ ୪:୧୭ ୨ କରିନ୍ଥ୍‌ୟ ୧୧:୯.

# କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିତାଉ ପାରିଚାଏ

କଲସିୟ କାଲିସିୟାତେ ଅଲ୍ଲାକାନ୍ ଚିତାଉ ପାଉଲୁସ୍‌ଆଃ ହରାତେ ଅଲ୍ଲାକାନା, ୧:୧ । ହବାସାକାଅଆଃ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୬୦ କରେ ରୋମରେ ଜେହେଲ୍ଲାକାନ୍ ତାଇକେନ୍ ଇମ୍ତା ନେ ଚିତାଉ ଅଲ୍ଲାକାଦାଏ । କଲସିୟ ଚିତାଉଲଃ ଏଫିସୁସ୍ ଆତଃ ଫିଲିପି ଚିତାଉକେ ଜେହେଲ୍ଲରେ ଅଲ୍ଲାକାନ୍ ଚିତାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍ ଜେହେଲ୍ଲାକାନ୍ ତାଇକେନ୍ ଇମ୍ତା ନେ ଚିତାଉକେ ଅଲ୍ଲାକାଦ୍ ତାଇକେନା । ଇନିଃ କଲସିୟ ସାହାରରେ ତାଇକାନ୍ କାଲିସିୟାତାଃତେ ନେ ଚିତାଉ ଅଲ୍ଲାକାଦ୍ ତାଇକେନାଏ । ପାଉଲୁସ୍ ନେ କାଲିସିୟାକେ କାଏ ଏଟେଦକାଦ୍ ତାଇକେନା, ୨:୧ । ମେନ୍ଦ ପୁରାଃ ହଡକ ଏନାରେ ଆୟାଃ ବାହାରମ୍ ଲାଦିକାନ୍ ତାଇକେନ୍ କାଜି ଆଟ୍‌କାର୍‌କାଦାକ । ଏପାପୁସ୍ ନେ କାଲିସିୟା ବାଇୟାକାଦ୍ ତାଇକେନାଏ, ଏନାତେ ଇନିଃ କଲସିୟରେନ୍ ହଡ ତାଇକେନାଏ ।

ପାଉଲୁସ୍ କଲସିୟ କାଲିସିୟାରେୟାଃ ଚିମିନ୍ ହସଡ ଇନିତୁ ବିଷାଏରେ ଉଡ଼ଃ ତାଇକେନା । ଇନିଃ ନେ ବିଷାଏରେ ଚିତାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଆଃ ମିଦ୍ ଝୁଣ୍ଟ୍ ଯିହୁଦୀ ଖ୍ରୀଷ୍ଟିୟାନ୍, ଅକନ୍‌କଚି ଏଟାଃ ଖ୍ରୀଷ୍ଟିୟାନ୍‌କକେ ମାରି ନିୟାମ୍‌ରେୟାଃ ଯିହୁଦୀ ଆନ୍ତୁ ଆତଃ ଖାତ୍‌ନାଅରେୟାଃ ଚିତରିଝାଜ୍‌କେ ମାନାତିଜ୍ ନାଗେନ୍ତେ ଜାବାରଜାସ୍ତି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍, ନୁତୁମରେନ୍ ଏସକାର୍ ଖ୍ରୀଷ୍ଟିୟାନ୍‌କଆଃ ବିଷାଏରେ ଅଲ୍ଲାକାଦା, ମିହୁଡ୍ ଜେତାଏ ତାଇନଃରେୟ ଖ୍ରୀଷ୍ଟ୍ ବେଗାର୍ ପାର୍‌ମେଶ୍ୱାର୍‌ତାଃରେ କାଏ ତେଲ୍ଲାଦାରମଃଆ, ୧:୧୫-୨୦ ଆତଃ ମାନଝା ହରାତେ ବାଇୟାକାନ୍ ଇନିତୁ ସାମାତାନାଃ, ୨:୮ ।

## ପୁଅ୍ ଭିତାରେ ତାଇକାନ୍ କାଜି

୧. କଲସିୟ କାଲିସିୟାକେ ପାଉଲୁସ୍‌ଆଃ ଜହାର୍ । ୧:୧-୨
୨. ଖ୍ରୀଷ୍ଟ୍‌ଆଃ ମାନାରାଜ୍ ଆତଃ ହସଡ ଇତୁତାନ୍‌କଆଃ ବିରୁଧ୍‌ରେ ପାଉଲୁସ୍‌ଆଃ କାଜିକଟଜ୍ । ୧:୩-୩:୪
୩. ବୁଗିନ୍ ଖ୍ରୀଷ୍ଟିୟାନ୍ ଜୀଝାନ୍ ବିତାଅ ନାଗେନ୍ତେ ପାଉଲୁସ୍‌ଆଃ ଆନାତୁ । ୩:୫-୪:୭
୪. ପାଉଲୁସ୍ ନେ ଚିତାଉକେ ଏଟାଃ କାଲିସିୟାରେୟଗି ପାଢାଅ ନାଜ୍ କାଜିକେଦ୍‌ତେ ଜହାର୍‌ତାନ୍‌ଲଃ ଅଲ୍ ଚାବାକାଦାଏ । ୪:୭-୧୮

ଜହାର୍

୧ ପାର୍‌ମେଶ୍ୱାର୍‌ଆଃ ସାନାଜ୍ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିୟାଦ୍ କୁଲ୍ଲାକାନ୍‌ନିଃ ପାଉଲୁସ୍ ଆତଃ ଆରୁଆଃ ହାଗା ତାମଥ୍, ୨ କଲସିୟରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ପାବିତାର୍ ହଡକକେ ଆତଃ ଖ୍ରୀଷ୍ଟ୍‌ରେ ମେସାକାନ୍ ଆରୁଆଃ ପାତିୟାର୍‌ରଃ ଲେକାନ୍ ହାଗା ମିଶିକତାଃତେ ଆଲିଜ୍ ନେ ଚିତାଉଲିଜ୍ ଅଲେତାନା ।

ଆରୁଆଃ ଆପୁ ପାର୍‌ମେଶ୍ୱାର୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟବାଦରାଃ ବିନ୍ଦି

<sup>୩</sup> ଆଲେ ଆପେ ନାଗେନ୍ତେ ବିନ୍ଦିତାନ୍ ଇମତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଆପୁ ପାର୍ମେଶ୍ୱାରକେ ସବେନ୍ ଇମତା ଧାନ୍ୟବାଦ ଏମାଃଲେ । <sup>୪</sup> ଚିଆଠି ଆଲେ ଖ୍ରୀଷ୍ଟୁ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍ମେଶ୍ୱାରୁଆଃ ହଡକଆଃ ନାଗେନ୍ତେ ଆପେୟାଃ ଦୁଲ୍ଲାଡ୍ ବିଷାଏରେ ଆୟୁମାକାଦାଲେ । <sup>୫</sup> ଚିମତା ସୁକ୍ଳକାଜିରେୟାଃ ସାର୍ତ୍ତିକାଜି ଆପେତାଃଏତେ ପାହିଲା ହିଜୁଃୟାନା, ଆପେ ଏନା ହରାତେ ଏମାକାନ୍ ଆସ୍ରାଏରେୟାଃ କାଜି ଆୟୁମାକାଦ୍ ତାଇକେନାପେ । ଆପେ ଅକ୍ନାଃ ଆସ୍ରାଏ ତାନାପେ ଏନା ଆପେ ନାଗେନ୍ତେ ସିର୍ମାରେ ଜାଡନଅକେଦ୍ତେ ଦହାକାନା, ଏନ୍ ଆସ୍ରାରେ ଆପେୟାଃ ବିଶ୍ୱାସ୍ ଆତଃ ଦୁଲ୍ଲାଡ୍ ଠାହାରାଅକାନା । <sup>୬</sup> ଏନ୍ ସୁକ୍ଳକାଜି ଉଦୁବଃ ହରାତେ ଆପେ ପାହିଲା ପାର୍ମେଶ୍ୱାରୁଆଃ ସାୟାଦ୍ ବିଷାଏପେ ଆୟୁମକେଦା ଆତଃ ଏନାରେୟାଃ ସାନାର୍ତ୍ତିକେପେ ସାରିକେଦା, ଏନ୍ ସୁକ୍ଳକାଜି ନାହାଃ ଗଟା ଅତେଦିଶୁମ୍ପରେ ନିତିରୁଅଃ ତାନା ଆତଃ ଆଶିଷ୍ ଆଉଝେତାନାଏ । <sup>୭</sup> ଆଲେ ସାଃଏତେ ଖ୍ରୀଷ୍ଟୁଆଃ ପାତିୟାରୁଃ ଲେକାନ୍ ଦାସି ଆତଃ ଆବୁଲ୍ଲଃ ମିସାତେ କାମିତାନ୍ ଆବୁଆଃ ଦୁଲ୍ଲାଡ୍ ଗାଡିଦାସି ଏପାପ୍ରାତାଃଏତେ ଆପେ ପାର୍ମେଶ୍ୱାରୁଆଃ ନେ ସାୟାଦ୍ ବିଷାଏରେ ଇତୁଆକାନାପେ । <sup>୮</sup> ପାବିତାର୍ ଆମ୍ନା ଆପେକେ ଏମାକାଦ୍ପେ ଦୁଲ୍ଲାଡ୍ ବିଷାଏରେ ଇନିଃ ଆବୁକେ କାଜିକାଦ୍ବୁଆ ।

<sup>୯</sup> ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମକେଦ୍ ହୁଲାଙ୍ଗତାଃଏତେ ସବେନ୍ ହୁଲାଙ୍ଗ୍ ଆପେ ନାଗେନ୍ତେଲେ ବିନ୍ଦିତାନା । ପାବିତାର୍ ଆମ୍ନା ଏମାକାଦ୍ ସବେନ୍ ସେଣାଁ ଆତଃ ଆବ୍‌କାରୁଉରୁମ୍ ଦାଡିରେୟାଃ ପେଡେଃ ହରାତେ ପାର୍ମେଶ୍ୱାରୁଆଃ ଇଛାସାନାଙ୍ଗ୍ରେ ଆପେକେ ବୁଦ୍ଧିତେ ପେରେଃପେକା ମେନ୍ତେ ପାର୍ମେଶ୍ୱାରକେଲେ ଆସିତାନା । <sup>୧୦</sup> ଏନାତେ ଆପେ ପ୍ରାଭୁଆଃ ଇଛାସାନାଙ୍ଗ୍ ଲେକାତେ ଜୀଦାନ୍ ବିତାଅ ଦାଡିୟାପେ ଆତଃ ଆଇଃକ୍‌କେ ସୁକ୍ଳୁଆଇ ଲେକା କାମି ରିକା ଦାଡିୟାପେ । ଆପେ ଜୀଦାନ୍ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡିୟାପେ ଆତଃ ଆପେ ପାର୍ମେଶ୍ୱାରୁଆଃ ସେଣାଁରେ ହାରା ଇଦିୟଃଆପେ । <sup>୧୧</sup> ଧୁରାଜ୍ରେ ଆପେ ଜେ'ଲେକା ସବେନ୍ ବିଷାଏ ସାହାଡିଙ୍ଗ୍ ଦାଡିୟାପେ, ଏନାମେନ୍ତେ ଆୟାଃ ମାନାରାଙ୍ଗ୍ରେୟାଃ ପେଡେଃତେ ପେଡେୟାନ୍ ହବାଅଃପେ । <sup>୧୨</sup> ଆପୁ ପାର୍ମେଶ୍ୱାର୍ ମାର୍ସାଲ୍ ରାଇଜ୍ରେ ଆୟାଃ ପାବିତାର୍ ହଡକ ନାଗେନ୍ତେ ଅକ୍ନାଃ ବୁଗିନ୍‌ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦ୍‌ପେୟା, ଏନାମେନ୍ତେ ରାସ୍‌କାତେ ଇନିଃକେ ଧାନ୍ୟବାଦ୍ ଏମାଲପେ । <sup>୧୩</sup> ଇନିଃ ନୁବାଃରାଃ ପେଡେଃଃହେତେ ଆବୁକେ ବାଞ୍ଛାଅକାଦ୍‌ବୁଆ ଆତଃ ବେଗାର୍ ବିପାଦ୍ରେ ଆବୁକେ ଆୟାଃ ଦୁଲ୍ଲାଡ୍ ହନ୍‌ଆଃ ରାଇଜ୍ରେ ଆଉଝାକାଦ୍‌ବୁଆ । <sup>୧୪</sup> ଏନ୍ ହନ୍‌ଆଃ ହରାତେ ଆବୁ ରାଡାକାନାବୁ, ତାଏ ଆବୁଆଃ ପାପ୍ ଛାମା ହବାକାନା ।

ଖ୍ରୀଷ୍ଟୁ ଆତଃ ଇନିୟାଃ କାମି

<sup>୧୫</sup> ନେଲଃତାନ୍ ଖ୍ରୀଷ୍ଟୁ କା ନେଲଃତାନ୍ ପାର୍ମେଶ୍ୱାର୍ ଲେକାନ୍‌ନିଃ ତାନିଃ । ଇନିଃ ସବେନ୍ ବାଇୟାକାନ୍‌ତେୟାଃରାଃ ମାରାଙ୍ଗ୍ ଉତାର୍‌ନିଃ ଆତଃ ମୁଡକ୍‌କୁଲ୍ ହନ୍ ତାନିଃ । <sup>୧୬</sup> ଚିଆଠି ଇନିଃ ହରାତେ ପାର୍ମେଶ୍ୱାର୍ ସିର୍ମାରେ ଆତଃ ଅତେରେ, ସବେନ୍ ନେଲଃତାନ୍ ଆତଃ କା ନେଲଃତାନ୍‌ତେୟାଃ, ରାଜ୍‌ଗାଦିରେ ଦୁବାକାନ୍‌କ, ପେଡେଃକ, ରାଇଜେତାନ୍‌କ, ଆକ୍‌ତେୟାର୍‌କାଦ୍‌କ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା । <sup>୧୭</sup> ସବେନାଃ ବାଇୟାନ୍ ସିଦାରେ ଖ୍ରୀଷ୍ଟୁ

\* ୧:୭ ୧:୭ କଲସିୟ ୪:୧୨; ଫିଲ୍‌ମନ୍ ୧:୨୩.      \* ୧:୧୪ ୧:୧୪ ଏଫିସିୟ ୧:୭.

ତାଙ୍କକେନାଏ ଆତଃ ଆୟାଃଲଃ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍ରେ ତାଜନ୍ୟାନା । ୧୮ \*ଇନିଃ ଗନଏଃ ହଡ଼ଫଏତେ ଜୀଉବିରିଦାକାନ୍ ମୁଡ଼କୁଲ୍ ହନ୍ ତାନିଃ ଆତଃ ଆୟାଃ ସେଞ୍ଜାତନ୍କଆଃ କାଲିସିୟାରାଃ ମାରାଜ୍ ଉତାର୍ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ । ୧୯ ତିଆଠି ପାର୍ମେଶ୍ୱାର୍ ଆୟାଃ ସୁକୁଲେକାତେ ହନ୍ ଆଇଃକ୍ରି ପାର୍ମେଶ୍ୱାର୍ଆଃ ପୁରା ସଭାଦ୍ ସାବାକାଦାଏ । ୨୦ \*ହନ୍ଆଃ ହରାତେ ପାର୍ମେଶ୍ୱାର୍ ସବେନ୍ ଅତେଦିଶ୍ୱମ୍ବକେ ଆଉ ରୁହାଡ଼୍ ନାଗେନ୍ତେ ଉହାଟ୍କେଦା । କୁଶ୍ରେ ଆୟାଃ ହନ୍ଆଃ ଦାଣ୍ଠେ ମାୟୋମ୍ ହରାତେ ପାର୍ମେଶ୍ୱାର୍ ଜୀଉସୁକୁଲ୍ ବାଜକେଦା, ଏନାତେ ଅତେ ଆତଃ ସିର୍ମାରେ ତାଜକାନ୍ ସବେନ୍ ବିଷାଏକେ ଆପାନତାଃତେ ଆଉରୁହାଡ଼କାଦା ।

୨୧ ସିଦାଦ୍, ଆପେ ମନ୍ରେ ଏଡ଼କାନ୍ ଉଡ଼ଷୁ ଆତଃ ଏଡ଼କାନ୍ କାମିକ ରିକାତାନ୍ ହରାତେ ଆପେ ପାର୍ମେଶ୍ୱାର୍ତାଃଏତେ ସାଜିନ୍ରେ ତାଙ୍କକେନାପେ ଆତଃ ଆୟାଃ ବାଜରିକ ତାଙ୍କକେନାପେ । ୨୨ ମେନ୍ଦ୍ ନାହାଁଃ ପାର୍ମେଶ୍ୱାର୍ ଆପେକେ ପାବିତାର୍, ଫାର୍ତି, ଆତଃ ବେଗାର୍ ତିଟାକାନ୍ ଲେକା ଆୟାଃ ହେପାଦ୍ରେ ଆଉପେ ନାଜ୍ ଆୟାଃ ହନ୍ରାଃ ହଡ଼ଫ ଗନଏଃ ହରାତେ ଆପେକେ ଆୟାଃଲଃ ଆତଃମିସାଏ ମେସାକାଦ୍ପେୟା । ୨୩ ଆପେ ଆପେୟାଃ ବିଶ୍ୱାସ୍ରେୟାଃ କେଟେଦ୍ ନିହିଁ ଗାତାରେ ତିଜ୍ଜୁକେଟେଦ୍କେଦ୍ରେ ତାଜନ୍କାନ୍ପେ ଆତଃ ସୁକୁକାଜି ଆୟୁମେ ଇମ୍ତା ଅକ ଆସ୍ତାପେ ନାମାକାଦା, ଏନାଏତେ ଆପେ ନେତେହାନ୍ତେଅଃ ଲେକା ଆଲପେ ହବାଅଃଆ । ଏନ୍ ସୁକୁକାଜିଗି ଅତେଦିଶ୍ୱମ୍ବରେନ୍ ସବେନ୍କତାଃରେ ଉଦୁବଃତାନା ଆତଃ ଆଇଜ୍, ପାଉଲୁସ୍ ଏନାରେନ୍ ମିଆଁଦ୍ ପାତିୟାର୍ରେଃ ଲେକାନ୍ ଦାସି ହବାୟାନାଇଜ୍ ।

କାଲିସିୟାରେ ପାଉଲୁସ୍ଆଃ କାମି

୨୪ ନାହାଁଃଦ୍ ଆପେ ନାଗେନ୍ତେ ଆଇଜ୍ ଅକ ଦୁକୁ ନାମେତାନାଇଜ୍, ଏନାମେନ୍ତେଇଜ୍ ରାସକାଅଃତାନା । ତିଆଠି ଆଇୟାଃ ହଡ଼ଫରେୟାଃ ଦୁକୁ ହରାତେ ଆଇଜ୍ ଖ୍ରୀଷ୍ଟଆଃ ହଡ଼ଫ ଲେକାନ୍ କାଲିସିୟା ସାଃଏତେ ଖ୍ରୀଷ୍ଟଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଜ୍ ଦେକ୍ମାଏତାନା । ୨୫ ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଜ୍ ପାର୍ମେଶ୍ୱାର୍ଆଃ ହରାତେ କାଲିସିୟାରାଃ ମିଆଁଦ୍ ସୁସାର୍ତାନ୍ନିଃ ଲେକାଇଜ୍ ସାଲାକାନା । ନେ ସୁକୁକାଜିକେ ପୁରାଗି ପ୍ରାତାର୍ ନାଗେନ୍ତେଇଜ୍ କାମିତାନା । ୨୬ ଏନ୍ ସୁକୁକାଜିକେ ପାର୍ମେଶ୍ୱାର୍ ନାଜ୍ ପାରିୟାହେତେ ସବେନ୍କତାଃଏତେ ଉକୁକେଦ୍ରେ ଦହକାଦ୍ ତାଙ୍କକେନା, ମେନ୍ଦ୍ ନାହାଁଃ ଆୟାଃ ପାବିତାର୍ ହଡ଼କତାଃରେ ଉଦୁବାକାଦା । ୨୭ ତିଆଠି ଆୟାଃ ହଡ଼କକେ ଏନ୍ ଉକୁଆକାନ୍ତେୟାଃ ଉଦୁବକ ନାଗେନ୍ତେ ପାର୍ମେଶ୍ୱାର୍ ଉହାଟ୍କେଦାଏ, ଆୟାଃ ନେ ପୁରାଃ ଗନଜ୍ଆଁନ୍ ଆତଃ ମାନାରାଜ୍ତେୟାଃ ସବେନ୍ ହଡ଼କ ନାଗେନ୍ତେ ତାନାଃ । ଏନ୍ ଉକୁଆକାନ୍ତେୟାଃ ହବାଅଃତାନା, ଖ୍ରୀଷ୍ଟ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍ମେଶ୍ୱାର୍ଆଃ ମାନାରାଜ୍ରେୟାଃ ଆସ୍ତାରେନ୍ ହିସାତାନ୍ପେ । ୨୮ ଏନାମେନ୍ତେ ଆବୁ ସବେନ୍କତାଃରେ ଖ୍ରୀଷ୍ଟଆଃ ବିଷାଏରେ ଉଦୁବେତାନାବୁ । ମିମିୟାଦ୍ ସବେନ୍କକେ ଖ୍ରୀଷ୍ଟଲଃ ମେସାକେଦ୍ରେ ମିଆଁଦ୍ ପକ୍ତା ହଡ଼ ଲେକା ପାର୍ମେଶ୍ୱାର୍ଆଃ ଆୟାର୍ରେ ତିଜ୍ଜୁକ ନାଗେନ୍ତେ ଆବୁଆଃ ସବେନ୍ ଲେକାନ୍ ସେଣ୍ଠାତେ, ସବେନ୍କକେ ଚିର୍ଗାଲ୍ ଆତଃ ଇଡୁକତାନାବୁ । ୨୯ ନେଆଁକେ ପୁରାଏ

\* ୧:୧୮ ୧:୧୮ ଏଡ଼ିସିୟ ୧:୨୨,୨୩.    \* ୧:୨୦ ୧:୨୦ ଏଡ଼ିସିୟ ୨:୧୭.

ନାଗେନ୍ତେ ଆଇଙ୍ଗଡ଼ାରେ କାମିକାତେୟତାନ ଖ୍ରୀଷ୍ଟ ଆଇଙ୍ଗକେ ଏମାକାଦିଙ୍ଗ ମାରାଙ୍ଗ ପେଡ଼େଟେ ଆଇଙ୍ଗ ପୁରାଃ କେଟେଦ୍ କାମିତେଇଙ୍ଗ ଲାଗାଉତାରକାନା ।

୨

୧ ଆପେ ନାଗେନ୍ତେ, ଲାଉଦିକିଆରେ ତାଇନ୍ତାନ ହଡ଼କ ଆତଃ ଆଇଙ୍ଗକେ ବୁଗିଲେକାତେ କା ସାରିୟାକାଦ୍ ସବେନ୍ ହଡ଼କ ନାଗେନ୍ତେ ଆଇଙ୍ଗ ଚିମିନ୍ କେଟେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଙ୍ଗ ସାନାଙ୍ଗତାନା । ୨ ଇନ୍କୁ ସବେନ୍କ ଚିଲକା ଜୀଉରେ ରାସକାଅଃଆକ, ମିହୁଡ୍ ଆତଃମିହୁଡ଼ଲଃ ଦୁଲାଡ଼ରେ ତାଇନାକ ଆତଃ ସାର୍ତି ସେଣାଁ ନାମ୍‌କେଦ୍‌ତେ ଆସ୍ରାଏ ଲେକାନ ଖୁଜ୍ ରେୟାଃ ପୁରା ଆକ୍‌ତେୟାର୍‌କ ନାମେକା ମେନ୍ତେଇଙ୍ଗ ସାନାଙ୍ଗତାନା । ନେଆଁ ହରାତେ ଇନ୍କୁ ସବେନ୍କ ସାରିୟାକ ଯେ, ଯୀଶୁ ଖ୍ରୀଷ୍ଟି ପାର୍‌ମେଶ୍ୱାର୍‌ଆଃ ଏନ୍ ଉକୁଆକାନନିଃ ତାନିଃ । ୩ ଯୀଶୁ ଖ୍ରୀଷ୍ଟ ହବାଅଃତାନାଏ ଏନ୍ ତାଜିକୁଞ୍ଜି, ଅକ୍‌ନାଃଚି ପାର୍‌ମେଶ୍ୱାର୍‌ଆଃ ସେଣାଁ ଆତଃ ବୁଞ୍ଜି ଲେକାନ ସବେନ୍ ଦାନାଙ୍ଗଆଁକାନ ଖୁଜ୍ ରେୟାଃ ଭାଣ୍ଡାଚ୍ ନିଜଃଆ ।

୪ ଜେତାଏ ଆପେକେ ଏଡ଼କାନ କାପ୍‌ଜିତେ ଆଲକାଏ ବେଦାପେକା, ଏନାମେନ୍ତେଇଙ୍ଗ କାଜିପେତାନା । ୫ ଚିଆଃଚି ଆଇଙ୍ଗ ହଡ଼ମଲେକାତେ କାଇଙ୍ଗ ତାଇନଃରେୟ, ଆମ୍‌ଲେକାତେ ଆପେଲଃ ମେନାଇୟାଁ । ଆଇଙ୍ଗ ଆପେୟାଃ ବୁଗିନ୍ ଜୀଦାନ ଆତଃ ଖ୍ରୀଷ୍ଟ ଚେତାନରେ ପୁରାଃ ବିଶ୍ୱାସ୍ ନେଲ୍‌କେଦ୍‌ତେ ରାସକାଅଃ ତାନାଇଙ୍ଗ ।

ୟୀଶୁ ଖ୍ରୀଷ୍ଟତାରେ ପୁରା ତାଇନ୍‌ପେ

୬ ଆପେ ଖ୍ରୀଷ୍ଟ ଯୀଶୁକେ ପ୍ରାଭୁ ମେନ୍ତେପେ ବିଶ୍ୱାସ୍‌କିଃ ହୁଲାଙ୍ଗତାଏତେ, ଆୟାଃଲଃ ମେସାକେଦ୍‌ତେ ଜୀଦାନ୍ ବିତାଏପେ । ୭ ଆପେୟାଃ ନିହିଁ ଗାତା ଆୟାଃ ଚେତାନରେ କେଟେୟାନ୍‌ଗି ବାଇକେଦ୍‌ତେ ଜୀଦାନ୍ ବାଇୟେପେ ଆତଃ ଆପେ ନାମାକାଦ୍ ଇନିତୁ ଲେକାତେ ବିଶ୍ୱାସ୍‌ରେ ପୁରାଃ କେଟେଜଃପେ । ଆପେୟାଃ ମନ୍‌ସୁରୁଦ୍ ଧାନ୍ୟାବାଦ୍‌ତେ ପେରେଜଃକା ।

୮ ଚିଗାଲ୍‌କାନପେ, ଜେତାଏ ଆପେକେ ହଡ଼ରାଃ ହସଡ଼ ସାମାକାଜିରେୟାଃ ସେଣାଁତେ, ଆୟାଃ ଆକ୍‌ତେୟାର୍‌ରେ ଆଲକାଏ ଦହପେକା । ଏନ୍ ସବେନ୍ ସେଣାଁ ଖ୍ରୀଷ୍ଟଆଃ ଇନିତୁହେତେ କା ହିଜୁଃଆ । ମେନ୍‌ଦ ଏନା ହଡ଼କଆଃ ସାମାଜ୍‌ରେୟାଃ ରିତିରିଖାଜ୍‌ରାଃ ଇନିତୁ ଆତଃ ଅତେଦିଶୁମରେ ରାଇଜ୍‌ତାନ ପେଡ଼େଟେରେୟାଃ ଏଡ଼କାନ ଏନେଟେଦ୍ ଇନିତୁହେତେ ହିଜୁଃଆ । ୯ ଚିଆଃଚି ଖ୍ରୀଷ୍ଟଆଃ ମାନଖା ରୁପ୍‌ରେ, ପାର୍‌ମେଶ୍ୱାର୍‌ଆଃ ପୁରା ସଭାବ୍ ତାଇନଃତାନା । ୧୦ ଆତଃ ଆୟାଃଲଃ ମେସାୟାନ୍ ହରାତେ ଆପେ ପୁରା ଜୀଦାନ୍‌ପେ ନାମାକାଦା । ଏଟାଃ ସବେନ୍ ପେଡ଼େଟେ ଆତଃ ଆକ୍‌ତେୟାର୍ ଚେତାନରେ ଖ୍ରୀଷ୍ଟଆଃ ରାଇଜ୍‌ଗି ସାଲାଙ୍ଗି ଉତାର୍‌ ତାନାଃ ।

୧୧ ଖ୍ରୀଷ୍ଟଲଃ ମେସାକାନ୍ ଜୀଦାନ୍‌ଗି ଆପେୟାଃ ଖାତ୍‌ନାଅ ଲେକାନାଃ ତାନାଃ । ନେ ଖାତ୍‌ନାଅ ମାନଖା ବାଇତେୟାଃ ନାହାଁଲାଃ, ଏନା ଖ୍ରୀଷ୍ଟ ହରାତେ ହବାକାନା । ଏନା ମାନଖାକେ ପାପ୍‌ତେ ପେରେଜାକାନ୍ ହଡ଼ମରାଃ ତନଲ୍‌ହେତେ ରାଡ଼ାଇୟା । ୧୨ ଚିଆଃଚି ବାପ୍ତିସ୍ମା ଇଦି ହରାତେ ଆପେ ଖ୍ରୀଷ୍ଟଲଃ କାବାର୍‌ରେ ତପାକାନ୍ ତାଇକେନାପେ ଆତଃ ଯୀଶୁ ଖ୍ରୀଷ୍ଟକେ ଜୀଉବିରିଦାକାଇ ପାର୍‌ମେଶ୍ୱାର୍‌ଆଃ କାମିୟଃତାନ ପେଡ଼େଟେରେ ବିଶ୍ୱାସ୍‌କେଦ୍ ହରାତେ ଖ୍ରୀଷ୍ଟଲଃ ଆପେୟାଗି ଜୀଉ ବିରିଦକାନାପେ । ୧୩ ଆପେୟାଃ ପାପ୍ ହରାତେ ଆତଃ ଆପେ ସାଆଁସାର୍ ହଡ଼କଆଃ ଆନ୍‌ତୁ କା ତାଇକେନ୍ ହରାତେ ମିସା ଆପେ ଆମ୍‌ଜ୍ ଜୀଦାନ୍‌ରେ ଗଏଃକାନ

☆ ୨:୧୨ ୨:୧୨ ରୋମି ୬:୪. ☆ ୨:୧୩ ୨:୧୩ ଏଫିସିୟ ୨:୧-୫.

ତାଙ୍କକେନାପେ, ମେନ୍ଦ ପାର୍ମେଶ୍ୱାର ନାହିଁଃ ଖ୍ରୀଷ୍ଟଲଃ ଆପେକେ ଜୀଦାନ ଏମାକାଦପେୟାଏ । ପାର୍ମେଶ୍ୱାର ଆବୁଆଃ ସବେନ୍ ପାପକଏ ଛାମାକାଦା । ୧୪ \*ଆନ୍ତୁକ କା ମାନାତିଙ୍ଗ୍ ହରାତେ ଆବୁଆଃ ବିରୁଧରେ ଅଲକାନ ଅନଲ୍ଲଟିଠାକେ ପାର୍ମେଶ୍ୱାର ସାମାତାନାଃ ମେନ୍ତେ ଉଦୁବ୍ କେଦା, ଆତଃ ଆବୁକେ ଛାମାକେଦ୍ବୁଆ । ଆବୁଆଃ ବିରୁଧରେ ତାଙ୍କକାନ ଅନଲ୍ଲଟିଠାକେ ପାର୍ମେଶ୍ୱାର ଇଦିକେଦାଏ ଆତଃ କୁଶ୍ ଚେତାନରେ କିଲାକେଦା । ୧୫ ଆତଃ ଏନ୍ କୁଶ୍ ଚେତାନରେ ଖ୍ରୀଷ୍ଟ ସବେନ୍ ଲେକାନ ଆମ୍ବାରେୟାଃ ପେଡ଼େଃ ଆତଃ ଆକ୍ତେୟାର୍ ହେତେ ଆପାନକେ ରାଡ଼ାକେଦ୍ତେ ଆତଃ ଇନ୍କୁକେ ତଲ୍ଲକେଦ୍ତେ ଆଇଃକ୍ରି ଜିତାଅୟାନା । ପାର୍ମେଶ୍ୱାର ସାଂସାରରେନ୍ ହଡ଼କକେ ଉଦୁବାଦକଆ ଯେ, ଇନ୍କୁ କା ପେଡ଼େୟାନକ ତାନକ ।

୧୬ \*ଏନାତେ ଜେତାଏ ଆପେକେ ଜମ୍, ନୁଁ, ପାବିତାର ବିଷାଏରେ, ଆମାସ୍ ପାରାବ୍, ଆତଃ ରୁଡ଼ନୁ ହୁଲାଙ୍ଗ୍ ବିଷାଏରେ ଆଲକାଏ ବିଚାରପେକା । ୧୭ ଏନ୍ ସବେନାଃ ହିଲୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍ଲୁ ଲେକାନାଃ ତାନାଃ । ନେ ସବେନାଃରେୟାଃ ସାର୍ତ୍ତିତେୟାଃ ଖ୍ରୀଷ୍ଟି ତାନିଃ । ୧୮ ତିମିନ୍ ହଡ଼କ ଆପାନକେ ଲେବେଃୟାନ୍ ମେନ୍ତେକ କାଜିନା, ଦୁଁଡ଼କକେ ସେଝା ରିକାଃକ, ଇନ୍କୁ ସବେନ୍ ଇମ୍ତା ଦାର୍ଶାନ୍ ନେଲକାଦ୍ ବିଷାଏରେ ଜାଗାରାଃକ । ଆପେ ନେଲେକାନ୍ ହଡ଼କକେ, ଦାର୍ଶାନ୍ କାପେ ନେଲ୍ତାନା, ଦୁଁଡ଼କକେ କାପେ ସେଝାତାନା, ଏନାମେନ୍ତେ ଆପେ ରୁଗିନ୍ ହଡ଼ ନାହିଁଲାପେ ମେନ୍ତେ କାଜିନାଙ୍ଗ୍, ସୁୟୋଗ୍ ଆଲପେ ଏମାକଆ । ଇନ୍କୁ ହଡ଼କଆଃ ବିଚାରରେ ଏସକାର୍ ତାଙ୍କନ୍ ହରାତେ ଆତଃ ପାର୍ମେଶ୍ୱାର୍ଆଃ କାଜି କା ବିଚାରତାନ୍ ହରାତେ ସାମାରେ ଆପାନକେ ମାରାଙ୍ଗ୍ ମେନ୍ତେକ କାଜିନ୍ତାନା । ୧୯ \*ମେନ୍ଦ ଇନ୍କୁ ହଡ଼ଫରେୟାଃ ବହଃ ଲେକାନ୍ ଖ୍ରୀଷ୍ଟାଃଏତେ ବିନ୍ଗାଅକାନାକ । ଖ୍ରୀଷ୍ଟାଃ ଆକ୍ତେୟାର୍ରେ ଗଟା ହଡ଼ଫରେୟାଃ ଜଡ଼େନ୍ ଆତଃ ସିହିର୍କ ମିଦ୍ରେ ଜଡ଼ାକାନା ଆତଃ ହଡ଼ଫ ପାର୍ମେଶ୍ୱାର୍ଆଃ ମନେ ଲେକାତେ ହାରାଇଦିୟଃଆ ।

**ଖ୍ରୀଷ୍ଟଲଃ ଗନଏଃ ଆତଃ ଜାନିଦ୍**

୨୦ ଆପେ ଖ୍ରୀଷ୍ଟଲଃ ଅତେଦିଶ୍ୱମ୍ରେୟାଃ ଏନେଟେଦ୍ ଇନିତୁ ନାଙ୍ଗ୍ ଗଜାକାନାପେ ଆତଃ ନେ ଅତେଦିଶ୍ୱମ୍ରେ ରାଇଜେତାନ୍ ଏଡ଼କାନ୍ ପେଡ଼େଃହେତେ ରାଡ଼ାକାନାପେ । ତାବ୍ଦ ତିନାଃମେନ୍ତେ ନେ ଅତେଦିଶ୍ୱମ୍ରେନ୍ ହଡ଼କ ଲେକା ଜୀଦାନପେ ବିତାଅତାନା ? ତିନାଃମେନ୍ତେ ନେ ଲେକାନ୍ ନିୟାମ୍ପେ ମାନାତିଙ୍ଗ୍ ତାନା ? ୨୧ ଅକ୍ନାଃତି, “ନେଆଁ ଆଲପେ ସାବେଆ, ଏନା ଆଲପେ ଜମେୟାଁ, ଏନା ଆଲପେ ଜୁଟିଦେ,” ୨୨ ନେ ସବେନାଃ କାଟିଃ ଦିପିଲି ନାଙ୍ଗ୍ ତାନାଃ । ନେଆଁ ବାଉରାଅତାନ୍ଲଃଗି ସାମାକାଜି ଲେକା ହବାଅଃଆ । ନେ ସବେନାଃ ହଡ଼ତେ ବାଇୟାକାନ୍ ନିୟାମ୍ ଆତଃ ଇନିତୁ ତାନାଃ । ୨୩ ଇନ୍କୁଆଃ ଦୁଁଡ଼କଆଃ ସେଝା, ହଡ଼କଆଃ ବେଦା ଲେବେଃମନ୍ ଆତଃ ଆକଆଃ ହଡ଼ଫକେ ଦୁକୁହାସ୍ତ୍ ଏମେତେୟାଃ ତାନାଃ । ନେଲେକାନ୍ ନିୟାମ୍ ସେଣାନ୍ ଲେକା ଆବ୍କାରଃ ତାନା, ମେନ୍ଦ୍ ନେ ନିୟାମ୍ ଆପ୍ନାଃ ଇଛାସାନାଙ୍ଗ୍ ଲେକା ସେଝାତାନ୍ତେୟାଃ ତାନାଃ । ନେଆଁ ଇନ୍କୁକେ ଆକଆଃ ପାପ୍ ଉଡ଼ୁ ଆତଃ ଏଡ଼କାନ୍ କାମିହେତେ ସାଜିନ୍ରେ ତାଇନଃ ନାଙ୍ଗ୍ କାଏ ଦେଙ୍ଗାକଆଃ ।

\* ୨:୧୪ ୨:୧୪ ଏଦିସିୟ ୨:୧୫.    ✧ ୨:୧୭ ୨:୧୭ ରୋମି ୧୪:୧-୭.    ✧ ୨:୧୯ ୨:୧୯ ଏଦିସିୟ ୪:୧୭.



# ୩

୧ ଆପେ ଖ୍ରୀଷ୍ଟଲକ୍ଷ ଗନଏଃହେତେ ଜୀଉ ବିରିଦାକାନାପେ । ଏନାତେ ସିର୍ମାରେୟାଃ ବିଷାଏକ ନାମେ ନାଗେନ୍ତେ ମନ୍ ଏମେପେ, ତିଆଃତି ଖ୍ରୀଷ୍ଟ ସିର୍ମାରେ ଆୟାଃ ରାଜଗାଦିରେ ପାରମେଶ୍ୱାର୍ ଆଃ ଜମ୍ପାଃରେ ଦୁବାକାନା । ୨ ଅତେଦିଶ୍ୱମ୍ରେୟାଃ ବିଷାଏରେ ମନ୍ କା ଏମ୍ କେଦ୍ତେ ସିର୍ମାରେୟାଃ ବିଷାଏରେ ମନ୍ ଏମେପେ ଆତଃ ଉଡ୍ଡୁ ରିକାଏପେ । ୩ ତିଆଃତି ଆପେ ଗଏଃକାନାପେ ଆତଃ ଆପେୟାଃ ଜୀଦାନ୍ ପାରମେଶ୍ୱାର୍ତାଃରେ ଖ୍ରୀଷ୍ଟଲକ୍ଷ ଉକ୍ତୁଆକାନା । ୪ ଖ୍ରୀଷ୍ଟି ଆପେୟାଃ ସାର୍ତ୍ତି ଜୀଦାନ୍ ତାନିଃ ଆତଃ ଇନିଃ ଚିମ୍ତାଏ ଉଦୁବେନା ଇମ୍ତା ଆପେୟାଃ ଆୟାଃ ମାନାରାଜ୍ରେୟାଃ ହିସା ହବାକେଦ୍ତେ ଉଦୁବଃଆପେ ।

ମାରି ଆତଃ ନାଞ୍ଜା ଜୀଦାନ୍

୫ ଏନା ନାଗେନ୍ତେ ଆପେ ନେ ଅତେରେ ଆପାଙ୍ଗିର୍ କାମି, ସଡ଼ରା, ଏଡ଼କାନ୍ ସାନାଙ୍ଗ, ଗିହୁଗାନ୍ ସାନାଙ୍ଗ, ଆତଃ ଖୁଜ୍ କରେୟାଃ ହାୟାକ ବାଗିପେ । ଖୁଜ୍ କରାଃ ହାୟା ହବାଅଃତାନା ମୁରୁଡ଼ ସେଞ୍ଜା । ୬ ତିଆଃତି ନେ ସବେନାଃରେ ତାଇନ୍ କେଦ୍ତେ ଅକନ୍ କ ପାରମେଶ୍ୱାର୍ କେ କାକ ମାନାତିୟାଃ, ଇନ୍ କୁଆଃ ତେତାନ୍ରେ ପାରମେଶ୍ୱାର୍ ଆଃ ଖ୍ମ୍ ହିଜୁଃଆ । ୭ ମିସା ଆପେ ନେ'ଲେକାନ୍ ଏଡ଼କାନ୍ ସାନାଙ୍ଗରେ ଜୀଦାନ୍ ବିତାଅ ତାଇକେନାପେ ।

୮ ମେନ୍ଦ ନାହାଃ ଆପେକେ ନେ'ଲେକାନ୍ ଖ୍ମ୍, ହିସିଙ୍ଗା, ନିନ୍ଦା କାଜିକ ବାଗି ଲାଗାତିଙ୍ଗାୟାଃ । ଆପେ ଏଟାଃକକେ ଲାନ୍ଦାକ ଲେକାନ୍ କାଜିକ, ଆତଃ ଗିହୁଗାଃ କାଜିକ ଆଲପେ ଜାଗାରେୟା । ୯ \*ଆପେ ଆପେରେ ବେଦା କାଜି ଆଲପେ କାଜିୟା, ତିଆଃତି ଆପେ ମାରି ସଭାବ୍ ଚାଏ ଚାଇଲ୍ ଚାଲାନ ବାଗିକାଦାପେ, ୧୦ \*ଆତଃ ନାଞ୍ଜା ସଭାବ୍ ଚାଏ ଚାଇଲ୍ ଚାଲାନ ସାବାକାଦାପେ । ଆପେୟାଃ ନେ ନାଞ୍ଜା ଜୀଦାନ୍ ହରାତେ ଆପେ ଅତେଦିଶ୍ୱମ୍ ବାବାଇନିଃ ଲେକାପେ ହବାକାନା, ଆତଃ ଆପେ ପାରମେଶ୍ୱାର୍ ଆଃ ବିଷାଏରେୟାଃ ସାର୍ତ୍ତି ସେଣାପେ ନାମ୍ ଇଦିତାନା । ୧୧ ଏନାତେ ଯିହୁଦୀ ଆତଃ ସାଅଁସାର୍ ହଡ଼କ ଆଲାରେ ଜେତାନ୍ ଭେଦ୍ଭାବ୍ ବାନଃଆ, ଖାଡ଼ନାଅ ଚାଏ କା ଖାଡ଼ନାଅ, ଏଟାଃ ଦିଶ୍ୱମ୍ରେନ୍ ଚାଏ ଆପ୍ନାଃ ଦିଶ୍ୱମ୍ରେନ୍, ସ୍ତୁଆୟ ହଡ଼, କିରିଙ୍ଗାୟାକାନ୍ ଦାସି ଚାଏ ତନଲ୍ ରାଡ଼ାକାନ୍ ଦାସି ସବେନ୍ କ ମିଦ୍ ସାମାନ୍ ତାନ୍ କ । ମେନ୍ଦ ଖ୍ରୀଷ୍ଟ ସବେନ୍ କ ଆଃରେ ମେନାଇୟା ଆତଃ ଇନିଃ ହବାଅଃତାନାଏ ସବେନ୍ କ ଆଃ ।

୧୨ \*ଆପେ ପାରମେଶ୍ୱାର୍ ଆଃ ହଡ଼କ ତାନ୍ପେ । ଇନିଃ ଆପେକେ ଦୁଲାଡ଼କେଦ୍ତେ ଆୟାଃ ନାଗେନ୍ତେ ସାଲାକାଦ୍ପେୟା । ଏନାତେ ଆପେ ଲିନିବୁଇ, ଦାୟାଲ୍, ଲେବେୟେନ୍, ହୁଡ଼ିଙ୍ଗାୟେନ୍ ଆତଃ ଧୂରାଜ୍ ସାବେ ଲେକାନ୍ ଲିଜାଃ ଦୁସେୟେନ୍ପେ । ୧୩ \*ମିହୁଡ଼୍ ଆତଃମିହୁଡ଼କେ ସାହାତିଙ୍ଗାକ ତାନ୍ଲେକା ହବାଃଆପେ ଆତଃ ଜେତାଏୟାଃ ଏଟାଃନିଆଃ ବିରୁଧ୍ରେ କାଜି ମେନାଃରେଦ, ମିହୁଡ଼୍ ଆତଃମିହୁଡ଼କେ ଛାମାଲପେ । ପ୍ରାଭୁ ଆପେକେ ଛାମାକାଦ୍ପେ ଲେକାଗି, ଆପେ ମିହୁଡ଼୍ ଆତଃମିହୁଡ଼କେ ଛାମାଲପେ । ୧୪ ଆତଃ ନେ ସବେନ୍ ଚାଇଲ୍ ଚାଲାନଲକ୍ଷ ଦୁଲାଡ଼କେ ମେସାଏପେ । ଦୁଲାଡ଼୍ ସବେନ୍ ବିଷାଏକେ ମିଦ୍ତାଃରେ ମେସାଏତାନ୍ଲକ୍ଷ ତଲ୍ କେଚେଦ୍ତାଃଏ । ୧୫ ଖ୍ରୀଷ୍ଟ ଏମାକାଦ୍ ଜୀଉସୁକ୍ତେ ଆପେ ଉହାଟ୍ କାଦ୍ ତେୟାଃକକେ ଆୟୁର୍ତେ ଇଦି ନାଙ୍ଗ୍ ଦେଙ୍ଗାପେକାଏ, ତିଆଃତି ନେ ଜୀଉସୁକ୍ତ ନାଗେନ୍ତେ ପାରମେଶ୍ୱାର୍ ଆପେକେ ମିଦ୍ତେ ମିଆଁଦ୍ ହଡ଼ମ୍ ହବାଅଃ ନାଙ୍ଗ୍ ସାଲାକାଦ୍ପେୟାଏ । ସବେନ୍ ଇମ୍ତା ଧାନ୍ଧାବାଦ୍ ହବାଅଃକା । ୧୬ \*ଖ୍ରୀଷ୍ଟ ଆଃ

\* ୩:୯ ୩:୯ ଏଫିସିୟ ୪:୨୨.    \* ୩:୧୦ ୩:୧୦ ଏଫିସିୟ ୪:୨୪.    \* ୩:୧୨ ୩:୧୨ ଏଫିସିୟ ୪:୨.  
 \* ୩:୧୩ ୩:୧୩ ଏଫିସିୟ ୪:୩୨.    \* ୩:୧୬ ୩:୧୬ ଏଫିସିୟ ୫:୧୯,୨୦.

ବିଷାଏରେୟାଃ ଇନିତୁ ଆପେୟାଃ ମନ୍ସୁରୁଦ୍ରେ ପୁରାଃତେ ତାଇନ୍କା । ସେଣ୍ଡିନ୍ ଲେକାତେ ମିହୁଡ୍ ଆଡ଼ଃମିହୁଡ୍‌କେ ଇତୁ ଆଡ଼ଃ ଆରୁକପେ । ଦୁରାଙ୍ଗ୍ ଗାମୁତାନ୍‌ଲଃ, ଆଡ଼ଃ ଆମ୍ବାରେୟାଃ ଦୁରାଙ୍ଗ୍‌କ ଦୁରାଙ୍ଗ୍‌ତାନ୍‌ଲଃ ପାର୍‌ମେଶ୍ୱାର୍‌କେ ଆପେୟାଃ ମନ୍ସୁରୁଦ୍‌ତେ ଧାନ୍ୟାବାଦ୍ ଏମାଇପେ । ୧୭ ଆପେ କାଜିତେ ଚାଏ କାମିତେ ଜେଡ୍‌ନାଃଗି ରିକାତାନ୍‌ତେୟାଃ ପ୍ରାଭୁ ଯୀଶୁଆଃ ନୁତୁମ୍‌ତେ ରିକାତାନ୍‌ଲଃ ଆପୁ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଇପେ ।

ନାଞ୍ଜା ଜୀଦାନ୍‌ରେ ଆରୁଆଃ ନାତା

୧୮ ✧ଏ କୁଡିକ, ଆପେ ଆପେୟାଃ କଡ଼ାକଡ଼ାଃରେ ଜିମାନ୍‌ପେ । ପ୍ରାଭୁକେ ଅତଙ୍ଗ୍‌ତାନ୍‌କ ଲେକା ନେଆଁ ରିକା ଲାଗାତିଙ୍ଗ୍‌ୟାଃ ।

୧୯ ✧ଏ କଡ଼ାକ, ଆପେୟାଃ କୁଡିକକେ ଦୁଲ୍‌ାଡ୍‌କପେ । ଇନ୍‌କୁକେ ଖ୍ୱସ୍‌ଆଃ ଲେକା ଆଲପେ ବାଇକଆ ।

୨୦ ✧ଏ ହନ୍‌କ, ଆପେ ସବେନ୍ ଇମ୍‌ତା ଆପେୟାଃ ଏଙ୍ଗାଆପୁକକେ ମାନାତିଙ୍ଗ୍‌କପେ । ନେଆଁ ଖ୍ରୀଷ୍ଟ୍‌କେ ଅତଙ୍ଗ୍‌ତାନ୍‌କକେ ରିକା ଲାଗାତିଙ୍ଗ୍‌ୟାଃ, ତିଆଃତି ପାର୍‌ମେଶ୍ୱାର୍ ନେଆଁରେ ସୁକୁଃଆ ।

୨୧ ✧ଏ ଏଙ୍ଗାଆପୁକ, ଆପେ ହନ୍‌କକେ ଆଲପେ କାଏରାଅକଆ । କା'ରେଦ ଇନ୍‌କୁ ହୁଡିଙ୍ଗ୍ ଜୀଉକଆଃକ ।

୨୨ ✧ଏ କିରିଙ୍ଗ୍‌ୟାକାନ୍ ଦାସିକ, ସବେନ୍ ବିଷାଏରେ ଅତେରେନ୍ ଆପେୟାଃ ମାନଞ୍ଜା ଗୁସିୟାକଆଃ କାଜି ଆୟୁମେପେ, ଇନ୍‌କୁ ଆପେକେ ନେଲ୍‌ପେ ଇମ୍‌ତା ଇନ୍‌କୁକେ ସୁକୁଇତିକ ନାଗେନ୍ତେ ଏସ୍‌କାର୍ କାହାଗି, ମେନ୍‌ଦ ପ୍ରାଭୁଆଃ ନାଗେନ୍ତେ ବରଭାକ୍ତିତାନ୍‌ଲଃ ଆପ୍‌ନାଃ ମନ୍ସୁରୁଦ୍‌ରେୟାଃ ସାନାଙ୍ଗ୍ ଲେକାତେ କାମିପେ । ୨୩ଆପେ କାମିତାନ୍ କାମି, ହଡ୍‌କଆଃ ନାଗେନ୍ତେ କା କାମିକେଦ୍‌ତେ ପାର୍‌ମେଶ୍ୱାର୍‌ଆଃ ନାଗେନ୍ତେ କାମିତାନାଲେ ମେନ୍ତେ ଉଡ୍‌ଖୁତାନ୍‌ଲଃ ଆପେୟାଃ ସବେନ୍ ମନ୍ସୁରୁଦ୍‌ଲଃ କାମିପେ । ୨୪ ପାହାମେପେ, ପାର୍‌ମେଶ୍ୱାର୍ ଆୟାଃ ହଡ୍‌କ ନାଗେନ୍ତେ ଅକ୍‌ନାଃ ଦହକାଦାଏ, ଏନା ଆପେକେ ନାଲା ଲେକାଏ ଏମାପେୟା । ତିଆଃତି ଆପେ ସେଞ୍ଜାତାନ୍, ଖ୍ରୀଷ୍ଟ୍‌ଗି ଆପେୟାଃ ସାର୍‌ତି ଗୁସିୟା ତାନିଃ । ୨୫ ✧ଆଡ଼ଃ ସବେନ୍ ଏଡ୍‌କାନ୍ କାମିତାନ୍‌କ ଆକଆଃ ଏଡ୍‌କାନ୍ କାମି ନାଗେନ୍ତେ ସାଜାଇକ ନାମେୟା, ତିଆଃତି ପାର୍‌ମେଶ୍ୱାର୍ ସବେନ୍ ହଡ୍‌କକେ ଆକଆଃ କାମି ଲେକା ସାମାନ୍‌ଗି ବିଚାର୍‌କଆ ।

### ୪

୧ ✧ଏ ଗୁସିୟାକ, ଆପେୟାଃ ଦାସିକଆଃ ଅକ୍‌ନାଃ ବୁଗିନାଃ ଆଡ଼ଃ ଠାଉକାନ୍‌ଗି ହବାଅଃଆ ଏନ୍‌ଲେକାଗି ରିକାକପେ । ସିର୍ମାରେ ଆପେୟାଃହଗି ମିଆଁଦ୍ ଗୁସିୟା ମେନାଇୟା ମେନ୍ତେ ପାହାମେପେ ।

ଏଗାଃ ଏଗାଃ ବିଷାଏରେ ଆନାତୁ

୨ ସବେନ୍ ଇମ୍‌ତା ବିକ୍ତିରେ ଜୀଦାନ୍ ବିତାଏପେ ଆଡ଼ଃ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମକେଦ୍‌ତେ ବିକ୍ତିରେ ଚିହ୍ନିଲ୍‌କାନ୍ ତାଇନ୍‌ପେ । ୩ଖ୍ରୀଷ୍ଟ୍‌ଆଃ ବିଷାଏରେ ଉକୁଆକାନ୍ କାଜିକେ ଉଦ୍‌ବେ ନାଙ୍ଗ୍ ଦୁଆର୍ ନିଜେକାଏ ମେନ୍ତେ ପାର୍‌ମେଶ୍ୱାର୍ ଆଲେକେ ବୁଗିନ୍ ସୁୟୋଗ୍ ଏମାଲେକାଏ, ଏନାମେନ୍ତେୟଗି ଆଲେ ନାଗେନ୍ତେ ବିକ୍ତିପେ । ତିଆଃତି ଏନା ନାଗେନ୍ତେ ଆଇଙ୍ଗ୍ ନାହାଁଃ ଜେହେଲ୍‌ରେ ମେନାଇୟା,

✧ ୩:୧୮ ୩:୧୮ ଏଫିସିୟ ୫:୨୨; ୧ ପାଡ୍‌ରାସ୍ ୩:୧. ✧ ୩:୧୯ ୩:୧୯ ଏଫିସିୟ ୫:୨୫; ୧ ପାଡ୍‌ରାସ୍ ୩:୭.  
✧ ୩:୨୦ ୩:୨୦ ଏଫିସିୟ ୬:୧. ✧ ୩:୨୧ ୩:୨୧ ଏଫିସିୟ ୬:୪. ✧ ୩:୨୨ ୩:୨୨ ଏଫିସିୟ ୬:୫-୮.  
✧ ୩:୨୫ ୩:୨୫ ଏଫିସିୟ ୬:୯. ✧ ୪:୧ ୪:୧ ଏଫିସିୟ ୬:୯.

୪ ଆତ୍ମା ବିକ୍ରିପେ, ଆଇଙ୍ଗ୍ ଜେ'ଲେକା ନେ କାଜିକେ ସାର୍ତ୍ତି ଆତ୍ମା ଆର୍କାର୍ତ୍ତରୁମ୍ ଦାଡ଼ିୟା ଲେକାଇଙ୍ଗ୍ ଉଦୁବ୍ ଦାଡ଼ିୟା ।

୫ \*ଆପେୟାଃ ସବେନ୍ ସୁଯୋଗକେ ବୁଗିଲେକା ବେଭାରକେଦ୍ତେ କା ବିଶ୍ୱାସତାନ୍ ହଡ଼କତାଃରେ ସେଣ୍ଡିନ୍ ଲେକାତେ ଚାଇଲ୍ ଚାଲାନ୍ ରିକାଏପେ ।  
୬ ଆପେୟାଃ ଜାଗାରକ ସବେନ୍ ଇମ୍ତା ହେଡ଼େମାନ୍ ଆତ୍ମା ସୁକୁଆନ୍ ଲେକା ହବାଅଃକା । ଆତ୍ମା ଚିଲ୍କା ଆପେ ସବେନ୍କକେ ଠାଉକାଗି କାଜିରୁହାଡ଼୍ ଦାଡ଼ିୟାପେ, ଏନା ଆପେକେ ସାରି ଲାଗାଡ଼ିୟା ।

ବୁଣ୍ଡୁ ଜୁହାର୍

୭ \*\*ଆବୁଆଃ ଦୁଲାଡ଼୍ ହାଗା ତୁଖ୍ଟକ୍, ଅକଏଚି ପ୍ରାଭୁଆଃ କାମିରେ ପାତିୟାର୍ତ୍ତରଃ ଲେକାନ୍ ସୁସାର୍ନିଃ ଆତ୍ମା ଆଇୟାଃଲଃ ମିସାତେ କାମିତାନ୍ ଗାତିଦାସି ତାନିଃ । ଇନିଃ ଆଇୟାଃ ବିଷାଏରେ ଆପେକେ ସବେନାଏ କାଜିୟାପେଆ ।<sup>୧</sup> ଆଲେ ଚିଲ୍କା ମେନାଲେୟା, ଏନ୍ ସବେନ୍ ବିଷାଏ କାଜିକେଦ୍ତେ ଆପେକେ ଜୀଉରେ ରାସ୍କା ଏମ୍ ନାଙ୍ଗ୍ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।<sup>୧୧</sup> \*ଆୟାଃଲଃ ଆପେୟାଃ ଝୁଣ୍ଡୁରେନ୍ ଦୁଲାଡ଼୍ ପାତିୟାର୍ତ୍ତରଃ ଲେକାନ୍ ହାଗା ଅନିସିମସହ୍ ସେନ୍ତାନାଏ । ଇନ୍କିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

୧୦ \*ଆଇୟାଃଲଃ ଜେହେଲକାନ୍ ଆରିସ୍ତାର୍ଗ୍ ଆତ୍ମା ଆୟାଃଲଃ ବର୍ଣ୍ଣବାସ୍ଆଃ ଆପ୍ନାଃ ହଡ଼ ମାର୍କହଗି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ ଆପେତାଃତେ ସେନ୍ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆରୁକାନା ।<sup>୧୧</sup> ଯୁସ୍ତ ନୁହୁମ୍ତେ ସାରିୟାତାନ୍ ଯିହୋଶ୍ୱୟହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟକେ ବିଶ୍ୱାସକେଦ୍ତେ ନେ ଆପିହଡ଼୍ ଯିହୁଦୀକ ଏସ୍କାର୍ ପାର୍ମେଶ୍ୱାର୍ଆଃ ରାଇଜ୍ ନାଗେନ୍ତେ ଆଇୟାଃଲଃ ମିସାତେ କାମିକେଦ୍ତେ ଆଇଙ୍ଗ୍କେ ପୁରାଃଗିକ ଦେଙ୍ଗାକାଦିୟା ।

୧୨ \*ଏପାପ୍ଟା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟଆଃ ଦାସି ଆତ୍ମା ଆପେୟାଃ ଝୁଣ୍ଡୁରେନ୍ ହଡ଼ ତାନିଃ । ଆପେ ପାର୍ମେଶ୍ୱାର୍ଆଃ ଇଛାସାନାଙ୍ଗ୍ରେୟାଃ ପୁରା ମାନାଡିଙ୍ଗ୍ ତାନ୍କ ହବାକେଦ୍ତେ ପକ୍ତା ଆତ୍ମା କେଟେୟାନ୍ ବିଶ୍ୱାସୀ ଲେକା ଡିଙ୍ଗ୍କେଟେଦ୍ ଦାଡ଼ିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାର୍ମେଶ୍ୱାର୍ତାଃରେ ସବେନ୍ ଇମ୍ତାଏ ବିକ୍ରିତାନା ।<sup>୧୩</sup> ଆପେ ନାଗେନ୍ତେ, ଲାଉଦିକିଆ ଆତ୍ମା ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଡ଼୍ କେଟେଦ୍ କାମି ବିଷାଏରେ ଆଇଙ୍ଗ୍ ଗାଖା ଏମେତାନାଇଙ୍ଗ୍ ।<sup>୧୪</sup> \*ଆବୁଆଃ ଦୁଲାଡ଼୍ ବାଇଦ୍ ଲୁକ୍ ଆତ୍ମା ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

୧୫ ଲାଉଦିକିଆରେନ୍ ଖ୍ରୀଷ୍ଟ ବିଶ୍ୱାସୀ ହାଗାକକେ, ମିଗି ନୁମ୍ପା ଆତ୍ମା ଆୟାଃ ଅଡ଼ାଃରେ ହୁଣ୍ଡିୟାତାନ୍ କାଲିସିୟାରେନ୍ ସବେନ୍କକେ ଆଲେୟାଃ ଜହାର୍ ଉଦୁବାକପେ ।<sup>୧୬</sup> ଆପେ ନେ ଚିଟାଉ ପାଡ଼ାଅ ଚାବାକେଦ୍ ତାୟମ୍ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିଟାଉକେ ପାଡ଼ାଅ ନାଗେନ୍ତେ ଏମାକପେ । ଆତ୍ମା ଆଇଙ୍ଗ୍ ଲାଉଦିକିଆକେ ଅକ ଚିଟାଉ ଅଲ୍ଲାକାଦାଇଙ୍ଗ୍, ଏନାକେୟଗି ଆପେ ପାଡ଼ାଏପେ ।<sup>୧୭</sup> \*ଆତ୍ମା ଆଖି ପସକେ କାଜିପେ, “ପ୍ରାଭୁଆଃ ସେଖା ନାଗେନ୍ତେ ଆମ୍କେ ଅକ ବାହାରମ୍ ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

\* ୪:୫ ୪:୫ ଏପିସିୟ ୫:୧୭. \* ୪:୬ ୪:୬ ପ୍ରେରିଡ଼୍ ୨୦:୪; ୨ ତିମଥ୍ ୪:୧୨. \* ୪:୭ ୪:୭ ଏପିସିୟ ୬:୨୧,୨୨. \* ୪:୯ ୪:୯ ଫିଲ୍ମାନ୍ ୧:୧୦-୧୨. \* ୪:୧୦ ୪:୧୦ ପ୍ରେରିଡ଼୍ ୧୯:୨୯; ୨୭:୨; ଫିଲ୍ମାନ୍ ୧:୨୪; ପ୍ରେରିଡ଼୍ ୧୨:୧୨,୨୫; ୧୩:୧୩; ୧୫:୩୭-୩୯. \* ୪:୧୨ ୪:୧୨ କଲସିୟ ୧:୭; ଫିଲ୍ମାନ୍ ୧:୨୩. \* ୪:୧୪ ୪:୧୪ ୨ ତିମଥ୍ ୪:୧୧; ଫିଲ୍ମାନ୍ ୧:୨୪; ୨ ତିମଥ୍ ୪:୧୦; ଫିଲ୍ମାନ୍ ୧:୨୪. \* ୪:୧୭ ୪:୧୭ ଫିଲ୍ମାନ୍ ୧:୨.

୧୮ ଆଇଙ୍ଗ୍ ପାଉଲୁସ୍ ଆଇଁୟାଃ ଆପ୍ନାଃ ଅନଲ୍‌ତେଗି ଜହାର୍ ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ୍ ଜେହେଲ୍‌ରେ ସିକିଡ଼ିତେ ଡଲ୍‌କାନ୍‌ତେୟାଃକେ ପାହାମାକାପେ । ପାର୍‌ମେଗ୍‌ଆଃ ସାୟାଦ୍ ଆପେ ସବେନ୍‌କଲ୍‌ଃ ହବାଅଃକା ।

# **ଥେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର** **ଥେସଲନିକୀ ବିଶ୍ୱାସୀକତାଃତେ ପ୍ରେରିତ୍** **ପାଉଲୁସ୍ଆଃ ପାହିଲା ଚିଟାଉ** **ପାରିଚାଏ**

ପ୍ରେରିତ୍ ପାଉଲୁସ୍ ଥେସଲନିକୀ କାଲିସିୟାତେ ନେ ଚିଟାଉ ଅଲାକାଦାଏ ୧:୧ । ନେ ଚିଟାଉ ଥେସଲନିକୀ କାଲିସିୟା ନାଙ୍ଗ୍ ପାଉଲୁସ୍ଆଃ ପାହିଲା ଚିଟାଉ ତାନାଃ । ନେଆଁ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୫୧ କରେ ଅଲାକାନା । ପାଉଲୁସ୍ ଚିମତା କରନ୍ତି କାଲିସିୟାରେ ତାଇକେନାଏ, ଇମ୍ତା ନେ ଚିଟାଉ ଅଲାକାଦ୍ ତାଇକେନାଏ । ନେ ଚିଟାଉ ଅକନ୍ କାଲିସିୟାକେ ଅଲାକାଦ୍ ତାଇକେନାଏ, ଏନା ଇନିଃ ବାଝାତେ ମିସ୍ନାରି କାମି ହରାସେନ୍କେନ୍ ଇମ୍ତା ନେ କାଲିସିୟାକେ ବାଇୟାକାଦ୍ ତାଇକେନା ପ୍ରେରିତ୍ ୧୭:୧-୧୦ । ଏନା ଚିମିନ୍ ଯିହୁଦୀକ ଆତଃ ଚିମିନ୍ ସାଅଁସାର୍ ହଡକଆଃ ହରାତେ ହାରାଇଦିକାନା ମେନ୍ତେ ପ୍ରେରିତ୍ ପୁଥ୍ରେ କାଜିକାନା ।

ପାଉଲୁସ୍ କାଲିସିୟା ବାଇକେଦ୍ ତାୟମ୍ତେ ଥୁମ୍ବା ମାହାଁ ଥେସଲନିକାରେ କାଏ ତାଇନ୍ ଦାଡ଼ିୟାନା । ଏନାତେ ଚୁଣ୍ଟୁରୁ ଏନ୍ତାଃରେ ମେନାକ ବିଶ୍ୱାସୀକକେ ଜୀଉରେ କେଟେଦ୍ ଏମାକ ନାଗେନ୍ତେ ନେ ଚିଟାଉ ଅଲ୍ଲକୁଲ୍ଲକେଦାଏ । ମିଆଁଦ୍ ଖ୍ରୀଷ୍ଟିୟାନ୍କେ ଚିଲ୍ଲକା ଜୀହିଦ୍ ଲାଗାତିୟାଁ, ନେ ଚିଟାଉରେ ପୁରାଃ ବିଷାଏ ଆତଃ ଏଗାଃ ଏଗାଃ ଚିମିନ୍ ଆନ୍ତୁକ ମେନାଃ ।

ପାଉଲୁସ୍ଆଃ ଆତଃମିସା ହିନିଜୁଃ ବିଷାଏରେ ଅଲାକାନା । ହବାସାକାଅଆଃ ଥେସଲନିକୀ କାଲିସିୟାରେନ୍ ବିଶ୍ୱାସୀକ ପୁରାଃତେ ନେ ବିଷାଏରେ ଚିହୁଲ୍ଲକେଦ୍ତେ ତାଇକେନାକ । ପାଉଲୁସ୍ ଯୀଶୁଆଃ ଆତଃମିସା ହିନିଜୁଃକେ ନେଲ୍ଲକେଦ୍ତେ ପାର୍ମେଶ୍ୱାର୍କେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଉଦୁବାଃଏ ୫:୬-୮ ।

## **ପୁଥ୍ ଭିଟାଉରେ ତାଇକାନ୍ କାଜି**

୧. ପାଉଲୁସ୍ କାଲିସିୟାକେ ଜହାର୍ ଆତଃ ପାର୍ମେଶ୍ୱାର୍କେ ଧାନ୍ୟାବାଦ୍ ଏମକେଦ୍ତେ ନେ ଚିଟାଉରାଃ ଏନେଟେଦ୍ ହବାକାନା । ୧
୨. ତାୟମ୍ତେ ଇନିଃ ତୀମଥ୍ ଆଉଝାକାଦ୍ କାଜି ଆତଃ ଆୟାଃ କାମି ବିଷାଏରେ କାଜିକାଦା । ୨-୩
୩. ପାଉଲୁସ୍ ଆରୁକାଦାଏ ଯେ, ଖ୍ରୀଷ୍ଟିୟାନ୍କ ଚିଲ୍ଲକା ଯୀଶୁ ଖ୍ରୀଷ୍ଟୁଆଃ ଆତଃମିସା ହିନିଜୁଃରେୟାଃ ମାର୍ସାଲ୍ରେକ ତାଇନା । ୪:୧-୫:୧୫
୪. ପାଉଲୁସ୍ ଆତଃମିସା କାଲିସିୟାକେ ଜହାର୍ ଆତଃ ଇନ୍ଦକୁକେ ନେ ଚିଟାଉକେ ପାଡ଼ାଅ ଲାଗାତିୟାଁ ମେନ୍ତେ କାଜିଚୁଣ୍ଟୁକେଦା । ୫:୧୬-୨୮

୧ \*ଆରୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟରେ ତାଇକାନ୍ ଥେସଲନିକୀ କାଲିସିୟାରେନ୍ ହଡକତାଃତେ ପାଉଲୁସ୍, ସିଲାସ୍ ଆତଃ ତୀମଥ୍ଆଃ ଚିଟାଉ ।

ସାୟାଦ୍ ଆତଃ ଜୀଉସୁକୁ ଆପେରେ ହବାଅଃକା ।

ଥେସଲନିକାରେନ୍କଆଃ ଜୀଦାନ୍ ଆତଃ ବିଶ୍ୱାସ୍

☆ ୧:୧ ୧:୧ ପ୍ରେରିତ୍ ୧୭:୧.

୨ ଆଲେ ସବେନ୍ ଇମତା ଆଲେୟାଃ ବିକ୍ରିରେ ଆପେକେ ପାହାମପେତାନ୍ଲଃ ପାର୍ମେଶ୍ଵାରକେଲେ ଜହାରିତାନା । ୩ ଚିୟାଃତି ଆଲେ ଆରୁଆଃ ଆପୁ ପାର୍ମେଶ୍ଵାରଆଃ ସାମ୍ନାଙ୍ଗରେ ଆପେୟାଃ ବିଶ୍ଵାସରାଃ କାମି ଆତଃ ଆପେୟାଃ ଦୁଲ୍ଲାଡ୍ଡେ ଅତଙ୍ଗଅଃତାନ୍ କେଟେଦକାମି, ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟରେ ଆସ୍ରାଏତାନ୍ ଆପେୟାଃ ସାହାତିଙ୍ଗ ଜୀଦାନ୍କେଲେ ପାହାମାକାଦା । ୪ ହେ ହାଗା ମିଶିକ, ଆଲେ ସାରିତାନାଲେ, ପାର୍ମେଶ୍ଵାର ଆପେକେ ଦୁଲ୍ଲାଡ୍ଡେତାନା ଆତଃ ଆୟାଃ ହଡ୍ ହବାଅଃ ନାଗେନ୍ତେ ଆପେକେ ସାଲାକାଦପେୟା । ୫ ଚିୟାଃତି ବାଚାନ୍ତେ ଏସକାର୍ କା ମେନ୍ଦ ପାବିତାର୍ ଆମ୍ନାରାଃ ପେଡେଃଡେ, ସୁକୁକାଜିରେୟାଃ ସାନାର୍ତି ପୁରା ସେକାଡ୍ଡେଦେ ଆପେତାଃଡେ ସେଟେରୟାନା । ଆଲେ ଆପେଲଃ ତାଇନ୍ ଇମତା ଆପେୟାଃ ବୁଗିନ୍ ନାଗେନ୍ତେ ଚିଲ୍ଲକା ଜୀଦାନ୍ ବିତାଅ ତାଇକେନାଲେ ଏନା ଆପେ ସାରିତାନାପେ । ୬ \*ଆତଃ ଆପେ ଆଲେକେ ଆତଃ ପ୍ରାଭୁକେ ଅତଙ୍ଗକାଇ ତାଇକେନାପେ, ଆତଃ ଆପେ ପୁରାଃ ଦୁକୁ ସାହାତିଙ୍ଗତାନ୍ରେୟ ପାବିତାର୍ ଆମ୍ନାଏତେ ହିଜୁଃତାନ୍ ସୁକୁରାସକାଲଃ ଏନ୍ ସୁକୁକାଜିକେ ସୁକୁରାସକାଲଃ ତେଲକାଦ୍ ତାଇକେନାପେ । ୭ ନେ ଲେକାତେ ଆପେ ମାକିଦନିଆ ଆତଃ ଆଖାୟାରେ ତାଇନ୍ତାନ୍ ସବେନ୍ ବିଶ୍ଵାସୀକଆଃ ନାଙ୍ଗ୍ ନାମୁନା ଲେକାପେ ହବାକାନ୍ ତାଇକେନା । ୮ ଆପେତାଃଏତେ ଏସକାର୍ ପ୍ରାଭୁଆଃ ସୁକୁକାଜି ମାକିଦନିଆ ଆତଃ ଆଖାୟାରେ ଉଦୁବକାନା ଏନା କାହାଗି, ମେନ୍ଦ ଆପେ ପାର୍ମେଶ୍ଵାରତାଃରେ ବିଶ୍ଵାସକାଦ୍ କାଜି ସବେନ୍ତାଃରେ ଉଦୁବକାନା, ଏନାତେ ନେ ବିଷାଏରେ ଆଲେକେ ଆତଃ ଆଦ୍ କା ଜେଡ୍ନାଃ କାଜି କା ଲାଗାତିୟା । ୯ ଆଲେ ଆପେତାଃଡେ ସେନ୍ ଇମତା ଚିଲ୍ଲକା ଆପେ ଆଲେକେ ଦାରମ୍କେଦ୍ଲେୟାପେ, ଆତଃ ମୁରୁଡ୍ ସେଝାକେ ବାଗିକେଦେ ଆପେ ସାର୍ତି ଆତଃ ଜୀନିଦ୍ ପାର୍ମେଶ୍ଵାରକେ ସୁସାରି ନାଗେନ୍ତେ ମନ୍ଦେ ରୁହାଡ୍ଡେକଦା, ୧୦ ଆତଃ ଚିଲ୍ଲକା ପାର୍ମେଶ୍ଵାରଆଃ ଖ୍ଵଏଏତେ ଆରୁକେ ବାଞ୍ଛାଅ ନାଙ୍ଗ୍, ଗଜାକାନ୍କଏତେ ଜୀଉବିରିଦାକାନ୍ ଆୟାଃ ହନ୍ ଯୀଶୁଆଃ ସିର୍ମାଏତେ ହିଜୁଃରୁହାଡ୍ଡେକେ ନେଲ୍ହରା ନାଗେନ୍ତେ ପାର୍ମେଶ୍ଵାରତାଃଡେପେ ରୁହାଡ୍ଡେୟାନା, ଏନ୍ ସବେନ୍ ବିଷାଏରେ ଏନ୍ତାଃରେନ୍ ହଡ୍ଡକ ଜାଗାର୍ ତାନା ।

୨

ଥେସ୍ଵଲନିକାରେ ପାଉଲୁସଆଃ କାମି

୧ ହେ ହାଗା ମିଶିକ, ଆଲେ ଆପେତାଃଡେ ହିଜୁଃଡେୟାଃ କା ସାମାକାନା, ଏନା ଆପେୟାପେ ସାରିତାନା । ୨ \*ଆଲେ ଥେସ୍ଵଲନିକାରେ ଆପେତାଃଡେ ହିଜୁଃ ସିଦାରେଗି ଫିଲିପି ନାଗାର୍ରେ ଚିଲ୍ଲକା ଆଲେ ଚେତାନ୍ରେ ଦୁକୁ ଆତଃ ସାସାତି ହିଜୁଃକାନ୍ ତାଇକେନା, ଏନାପେ ସାରିକାଦା । ପୁରାଃ କାଜିକଟଙ୍ଗ୍ ହବାୟାନ୍ରେୟ ପାର୍ମେଶ୍ଵାରତାଃଏତେ ନାମାକାଦ୍ ସୁକୁକାଜି ଆପେକେ ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଲେକେ ପେଡେଃ ଏମାକାଦ୍ଲେ ତାଇକେନାଏ । ୩ ଆଲେ ଜେତାନ୍ ଭୁଲ୍ ଚାଏ କା ଫାର୍ତି ଲେକାନ୍ ଉଦ୍ଦେଶ୍ରେ ଆପେକେ କାଲେ ବିକ୍ରିକାଦ୍ପେ ତାଇକେନା, ଚାଏ ଆପେକେ ବେଦାପେ ନାଗେନ୍ତେ କାଲେ ସାନାଙ୍ଗ୍ ତାଇକେନା । ୪ ମେନ୍ଦ ଆଲେ ପାର୍ମେଶ୍ଵାରଆଃ ସାନାଙ୍ଗ୍ଲେକା ସବେନ୍ ଇମତା କାଜିୟାଃଲେ, ଚିୟାଃତି ଇନିଃ ସୁକୁକାଜି ଉଦୁବ୍ରେୟାଃ ବାହାରମ୍ ଆଲେକେ ଏମାକାଦ୍ଲେୟା । ହଡ୍ଡକେ ସୁକୁକାଜିକ ନାଗେନ୍ତେଦ କା ମେନ୍ଦ ଅକନ୍ ପାର୍ମେଶ୍ଵାର୍ ଆରୁଆଃ ମନ୍ଦୁରୁଦ୍ ବିଡାଅକେଦେ ଆର୍କାର୍ଉରୁମାଃଏ, ଇନିଃକେ ସୁକୁକାଜି ନାଗେନ୍ତେଲେ ସାନାଙ୍ଗ୍ତାନା । ୫ ଆପେ ବୁଗିଲେକାପେ ସାରିତାନା, ଆଲେ ଆପେତାଃଡେ

\* ୧:୨ ୧:୨ ପ୍ରେରିଡ୍ ୧୭:୫-୯.    \* ୨:୨ ୨:୨ ପ୍ରେରିଡ୍ ୧୭:୧୯-୨୪; ପ୍ରେରିଡ୍ ୧୭:୧-୯.

ଚିତ୍ତଲାହ ହସତ୍ କାଜିକ କାଜିକେଦ୍‌ତେ କାଲେ ହିନ୍ଦୁଃକାନ୍ ତାଇକେନା, ଚାଏ ଆଲେ ଖୁଜି ରାଃ ହାୟାତେ ବେଦା କାଜି କାଲେ କାଜିକାଦ୍ ତାଇକେନା, ଏନାରାଃ ଗାଞ୍ଜା ପାର୍‌ମେଶ୍ଵାର୍ ତାନିଃ । ୬ ଆଲେ ଜେତାଏତାଃଏତେ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗାକାଦ୍ ତାଇକେନା, ଆପେତାଃଏତେ ଚାଏ ଏଟାଃକତାଃଏତେହ୍ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗାକାଦ୍ ତାଇକେନରେୟ, ୭ ଆଲେ ଯୀଶୁ ଖ୍ରୀଷ୍ଟୁଆଃ ପ୍ରେରିତ୍‌କ ହବାୟାନ୍ତେ ଆପେତାଃଏତେ ଏନା ହାଟି ଦାଡ଼ିକାଦ୍‌ତେ ତେୟାଃଲେ, ମେନ୍‌ଦ ଏଙ୍ଗା ଆୟାଃ ହନ୍‌କକେ ସାକ୍‌ଲାଅ ଦାଡ଼ିଲେକା, ଆଲେ ଆପେତାଃରେ ତାଇକେନ୍ ଇମ୍‌ତା ଆପେକେୟ ଏନ୍‌ଲେକାଗି ଲେବେଃତେ ସାକ୍‌ଲାଅ କାଦ୍‌ପେ ତାଇକେନାଲେ । ୮ ଆଲେୟାଃ ଦୁଲାଡ୍ ଆପେ ନାଗେନ୍ତେ ତାଇନ୍ ହରାତେ ଆଲେ ଆପେକେ ପାର୍‌ମେଶ୍ଵାର୍‌ଆଃ ସୁକୁକାଜି ଏସ୍‌କାର୍ କାହା, ମେନ୍‌ଦ ଆପେ ନାଗେନ୍ତେ ଆଲେୟାଃ ଜୀଦାନକେୟ ଏମ୍ ନାଙ୍ଗ ସେକାଡ଼ାକାନ୍ ତାଇକେନାଲେ, ଚିୟାଃଟି ଆପେ ଆଲେୟାଃ ଦୁଲାଡ୍‌କପେ ହବାକାନ୍ ତାଇକେନା । ୯ ହେ ହାଗା ମିଶିକ, ଆପେଦ ଆଲେୟାଃ ହାମ୍‌ଲା କାମି ଆତଃ ଦୁକୁପେ ପାହାମେତାନା, ଆପେଏତେ ଜେତାଏରେ ବାହାରମ୍ ଆଲକା ଲାଦିୟଃକା ମେନ୍ତେ ଆଲେ ନିଦା ସିଙ୍ଗି କାମିକେଦ୍‌ତେ ଆପେ ଆଲାରେ ପାର୍‌ମେଶ୍ଵାର୍‌ଆଃ ସୁକୁକାଜିଲେ ଉଦୁବକାଦ୍ ତାଇକେନା ।

୧୦ ଆପେ ବିଶ୍ଵାସୀ ତାନ୍‌ପେ, ଆପେ ଆଲାରେ ଆଲେ ଚିଲ୍‌କା ପାବିତାର୍, ଧାର୍‌ମାନ୍ ଆତଃ କା ଚିଟାଃଅ ଲେକାଲେ କାମି ତାଇକେନା, ଏନାରାଃ ଗାଞ୍ଜାକ ଆପେଗି ତାନ୍‌ପେ ଆତଃ ପାର୍‌ମେଶ୍ଵାର୍ ହଗି ତାନିଃ । ୧୧ ଆପେଦପେ ସାରିତାନା, ଆପୁ ଆୟାଃ ହନ୍‌କଲଃ ରିକାଏ ଲେକା, ଆଲେ ଆପେ ସବେନ୍‌କଲଃ ଏନ୍‌ଲେକାଗିଲେ ରିକାକାଦ୍ ତାଇକେନା । ୧୨ ଆପେକେ କେଡ଼ାକାଦ୍‌ପେ ଏନ୍ ପାର୍‌ମେଶ୍ଵାର୍‌ଆଃ ରାଇଜ୍ ଆତଃ ମାନାରାଙ୍ଗ୍‌ରେ ମେସାଃଅ ନାଗେନ୍ତେ ଆପେ ଆଇଃକକେ ସୁକୁଆଇ ଲେକାନ୍ ଜୀଦାନ୍ ବିତାଏପେ, ମେନ୍ତେ ଆଲେ ଆପେକେ ବିକ୍ତିତାନଲଃ ଜୀଉରାସ୍‌କା ଆତଃ ଜୀଉରେ କେଟେଦ୍‌ଲେ ଏମାକାଦ୍‌ପେ ତାଇକେନା ।

୧୩ ଆତଃ ଆଲେ ଆପେତାଃରେ ପାର୍‌ମେଶ୍ଵାର୍‌ଆଃ ବାଚାନ୍ ହାଟିଙ୍ଗ୍‌କେଦ୍ ଇମ୍‌ତା, ଆପେ ଏନାକେ ହତ୍‌କଆଃ କାଜିତାନାଃ ମେନ୍ତେ କା କାଜିକେଦ୍‌ତେ, ପାର୍‌ମେଶ୍ଵାର୍‌ଆଃ ବାଚାନ୍ ଲେକା ଆୟୁମ୍‌ତାନଲଃ ତେଲକାଦ୍ ତାଇକେନାପେ । ଆତଃ ଏନା ସାର୍‌ତିଗି ପାର୍‌ମେଶ୍ଵାର୍‌ଆଃ ବାଚାନ୍ ତାନାଃ, ଆତଃ ଆପେ ଲେକାନ୍ ବିଶ୍ଵାସୀକଆଃ ମନ୍‌ସୁରୁଦ୍‌ରେ କାମିୟଃତାନା । ଏନାମେନ୍ତେ ଆଲେ ପାର୍‌ମେଶ୍ଵାର୍‌କେ ଜାନାଅଗିଲେ ଜହାରିତାନା । ୧୪ ଚିୟାଃଟି, ହେ ହାଗା ମିଶିକ, ଯିହୁଦା ଦିଶୁମ୍‌ରେ ତାଇନ୍‌ତାନ୍ ପାର୍‌ମେଶ୍ଵାର୍‌ଆଃ କାଲିସିୟାକରେ ଆତଃ ଏନ୍ତାଃରେନ୍ ଖ୍ରୀଷ୍ଟ ବିଶ୍ଵାସୀକରେ ହବାଲେନ୍ ଲେକାଗି ଆପେରେହ୍ ହବାଅଃତାନା । ଇନ୍‌କୁ ଯିହୁଦୀକତାଃଏତେ ସାସାତି ନାମ୍‌କେଦ୍ ଲେକାଗି ଆପେୟ ଆପେୟାଃ ହତ୍‌କତାଃଏତେ ସାସାତିପେ ନାମେତାନା । ୧୫ ଏନ୍ ଯିହୁଦୀକଦ୍ ପ୍ରାଭୁ ଯୀଶୁକେ ଆତଃ ନାବୀକକେୟ ଗଏଃକେଦ୍‌କଆକ ଆତଃ ଆବୁକେ ସାସାତିକେଦ୍‌ବୁଆକ । ଇନ୍‌କୁ ପାର୍‌ମେଶ୍ଵାର୍‌ଆଃ କା ସୁକୁଆନ୍‌କ ତାନ୍‌କ ଆତଃ ସବେନ୍ ହତ୍‌କଆଃ ବାଈରିକ ତାନ୍‌କ । ୧୬ ସାଅଁସାର୍ ହତ୍‌କଆଃ ଜୀଉବାଞ୍ଚାଅ ନାମେ ନାଗେନ୍ତେ ଅକନ୍ ସୁକୁକାଜି ଉଦୁବଃତାନା, ଏନାକେୟ ଆଲେକେ ଉଦୁବ୍ ନାଗେନ୍ତେ କାଜିକଟଙ୍ଗ୍ ନାଙ୍ଗ୍ ସାନାଙ୍ଗାତାନାକ । ଏନ୍‌ଲେକା ଇନ୍‌କୁ ସବେନ୍ ଇମ୍‌ତା ଆକଆଃ ଆକଆଃ ପାପରେ ପେରେଜାକାନାକ । ଆତଃ ଟୁଣ୍ଡୁରେ ନାହାଁଃ ପାର୍‌ମେଶ୍ଵାର୍‌ଆଃ ଖ୍‌ସ୍ ଇନ୍‌କୁଆଃ ବିରୁଧ୍‌ରେ ସେଟେରାକାନା ।

ପାଉଲୁସ୍ ଆତଃମିସା ଇନ୍‌କୁତାଃତେ ସେନ୍ ନାଗେନ୍ତେ ସାନାଙ୍ଗ୍‌କେଦା

☆ ୨:୧୪ ୨:୧୪ ପ୍ରେରିତ୍ ୧୭:୫. ☆ ୨:୧୫ ୨:୧୫ ପ୍ରେରିତ୍ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

୧୭ ହେ ହାଗା ମିଶିକ, ଆଲେ ଆପେତାଃଏତେ ମନ୍‌ରେଦ କା ମେନ୍‌ଦ ହଡ଼୍‌ମରେ ହୁଡ଼ିଙ୍ଗ ଦିପିଲି ବିନ୍‌ଗାଅକାନ୍ ନାଗେନ୍ତେ ଆପେକେ ଆଡ଼ଃମିସା ନେଲ୍ ନାଙ୍ଗ ପୁରାଃଲେ ସାନାଙ୍ଗ ତାଇକେନା । ୧୮ ଏନା ନାଗେନ୍ତେ ଆଲେ ଆପେତାଃତେ ସେନ୍ ନାଗେନ୍ତେଲେ ଉହାଟ୍‌କାଦ୍ ତାଇକେନା, ଆଇଙ୍ଗ ପାଉଲୁସ୍ ମିସା, ବାଟ୍‌ସାଏତେ ଆଦକା ଆପେତାଃତେ ସେନ୍ ନାଙ୍ଗ ମନେକାଦ୍ ତାଇକେନାଲିଙ୍ଗ, ମେନ୍‌ଦ ସାଏତାନ୍ ଆଲେକେ ଛେକାଦ୍ କେଦ୍‌ଲେୟା । ୧୯ ଚିୟାଃତି ଆରୁଆଃ ପ୍ରାଭୁ ଯୀଶୁଆଃ ହିନିକ୍‌ଠୁ ଦିପିଲିରେ ଆୟାଃ ସାମ୍‌ନାଙ୍ଗରେ ଏଟାଃକ ଲେକା ଆପେୟ ଆଲେୟାଃ ଆସ୍ତା, ରାସ୍‌କା ଚାଏ ମାନାରାଙ୍ଗରାଃ ମୁକୁର୍ ଚିନାଃତାନାଃ ? ଚିୟାଃ ଆପେଗି ନାହାଁଲାପେଚି ? ୨୦ ଆପେଗିଦ୍ ଆଲେୟାଃ ମାନାରାଙ୍ଗ ଆଡ଼ଃ ରାସ୍‌କା ତାନ୍‌ପେ ।

**୩**

୧ ✽ଆଲେ ସାହାତିଙ୍ଗ କାଲେ ଦାଡ଼ିୟାନା, ଏନା ନାଗେନ୍ତେ ଏଥେନ୍‌ସରେ ଏସ୍‌କାର୍ ତାଇନ୍ ନାଗେନ୍ତେଲେ ଉହାଟ୍‌କେଦା । ୨ ଆପେକେ ପେଡ଼େଃପେ ନାଗେନ୍ତେ ଆଡ଼ଃ ବିଶ୍ୱାସ୍‌ରେ ତାଇନ୍ ନାଙ୍ଗ ଜୀଉରେ ରାସ୍‌କା ଏମାପେ ନାଗେନ୍ତେ ଆପେତାଃତେ ଆଲେୟାଃ ହାଗା ତୀମଥୁକେଲେ କୁଲିୟା । ଇନିଃ ଖ୍ରୀଷ୍ଟ୍‌ଆଃ ସୁକୁକାଜି ଉଦୁଦ୍ ନାଙ୍ଗ ପାର୍‌ମେଶ୍ୱାର୍‌ଆଃ ସେଝା କାମିରେ ଆଲେଲଃ ମିସାତେ କାମିନିଃ ତାନିଃ । ୩ ଜେ'ଲେକାଟି ନେ ସବେନ୍ ସାସାତି ହରାତେ ଜେତାଏ ବିଶ୍ୱାସ୍‌ଏତେ ଆଲକାଏ ରୁହାଡ଼କା । ଆରୁ ନେ'ଲେକାଗି ସାସାତି ନାମେନାଙ୍ଗ୍‌ରୁ ଦହାକାନା, ଏନା ପାର୍‌ମେଶ୍ୱାର୍‌ଆଃ ସାନାଙ୍ଗ୍‌ତାନାଃ, ଏନାଦପେ ସାରିତାନା । ୪ ଚିୟାଃତି ଆରୁଆଃ ସାସାତି ହବାଅଆଃ ମେନ୍ତେ ଆଲେ ଆପେଲଃ ତାଇକେନ୍ ଇମତାରେଗି ଆପେକେ ସିଦାରେ କାଜିକାଦ୍‌ପେ ତାଇକେନାଲେ । ଏନା ଏନ୍‌ଲେକାଗି ହବାଅଃତାନା, ଏନାପେ ସାରିତାନା । ୫ ହବାସାକାଅଆଃ ସାଏତାନ୍ ଆପେକେ ବିଡ଼ାଅକାଦ୍‌ପେୟା ଆଡ଼ଃ ଆଲେୟାଃ କାମିକ ସାମାଏଶ୍ୱାଗଃଆ, ନେଆଁ ଉଡ଼ଃକେଦ୍‌ତେ ଆଇଙ୍ଗ କାଇଙ୍ଗ୍ ସାହାତିଙ୍ଗ ଦାଡ଼ିୟାନା, ଏନା ନାଗେନ୍ତେ ଆଇଙ୍ଗ୍ ଆପେୟାଃ ବିଶ୍ୱାସ୍ ବିଷାଏରେ ସାରିନାଙ୍ଗ୍ ତୀମଥୁକେ ଆପେତାଃତେଇଙ୍ଗ୍ କୁଲକିୟା ।

୬ ✽ମେନ୍‌ଦ ନାହାଁଃ ତୀମଥୁ ଆପେତାଃଏତେ ଆଲେତାଃ ହିକ୍‌ଠୁକାନାଏ ଆଡ଼ଃ ଆପେୟାଃ ବିଶ୍ୱାସ୍ ଆଡ଼ଃ ଦୁଲାଡ଼୍ ବିଷାଏରେ ରାସ୍‌କାରାଃ ସୁକୁକାଜି ଆଉକାଦା । ଆମ୍ ଆଲେୟାଃ ନାଙ୍ଗ ବୁଗିନ୍‌ଡେୟାଃ ଉଡ଼ଃ ଆଡ଼ଃ ଆଲେ ଆମ୍‌କେ ନେନେଲ୍ ସାନାଙ୍ଗ୍‌ତାନ୍‌ଲେକା ଆମ୍‌ହ ଆଲେକେ ନେନେଲ୍ ସାନାଙ୍ଗ୍‌ତାନାମ୍ ମେନ୍ତେ ଇନିଃ କାଜିକାଦ୍‌ଲେୟାଏ । ୭ ଏନାମେନ୍ତେ ହେ ହାଗା ମିଶିକ, ଆପେୟାଃ ବିଶ୍ୱାସ୍ ନାଙ୍ଗ୍ ଆଲେୟାଃ ସବେନ୍ ଦୁକୁ ଆଡ଼ଃ ହାସ୍ ଇମତା ଆଲେ ଆପେୟାଃ ହରାତେ ଜୀଉରାଡ଼େଃଲେ ନାମାକାଦା । ୮ ନାହାଁଃ ଆପେ ପ୍ରାଭୁରେ ତିଙ୍ଗ୍‌କେଟେଦ୍ କାନ୍‌ରେଦ୍, ଆରୁ ସାର୍‌ତିଗି ଜୀହୁଦଃ ତାନାରୁ । ୯ ନାହାଁଃଦ୍ ଆଲେ ଆପେୟାଃ ହରାତେ ପୁରାଃ ରାସ୍‌କାଲେ ନାମାକାଦା, ଏନାମେନ୍ତେ, ଏନାରେୟାଃ ବାଦ୍‌ଲାରେ ନାହାଁଃ ପାର୍‌ମେଶ୍ୱାର୍‌କେ ଧାନାବାଦ୍‌ଲେ ଏମାଲତାନା । ୧୦ ଆପେକେ ଆଡ଼ଃମିସା ନେନେଲ୍ ନାଙ୍ଗ୍ ଆଡ଼ଃ ଆପେୟାଃ ବିଶ୍ୱାସ୍‌ରେ ଜାଞ୍ଜିକାନ୍‌ଡେୟାଃ ପୁରାଅଃ ନାଗେନ୍ତେ ନିଦାସିଙ୍ଗି ବିକ୍ତିତାନାଲେ ।

୧୧ ଆପେତାଃତେ ହିକ୍‌ଠୁ ନାଙ୍ଗ୍ ଆରୁଆଃ ଆପୁ ପାର୍‌ମେଶ୍ୱାର୍ ଆଇଃକ୍‌ଗି ଆଡ଼ଃ ଆରୁଆଃ ପ୍ରାଭୁ ଯୀଶୁ ଆରୁଆଃ ହରାଏ ବାଇୟେକା । ୧୨ ଆପେୟାଃ ନାଙ୍ଗ୍ ଆଲେୟାଃ ଦୁଲାଡ଼୍ ଜେ'ଲେକା ପୁରାଃଗିଆ, ଏନ୍‌ଲେକାଗି ମିହୁଡ଼୍ ଆଡ଼ଃମିହୁଡ଼୍ ନାଙ୍ଗ୍ ଆଡ଼ଃ ସବେନ୍‌କ ନାଙ୍ଗ୍ ପ୍ରାଭୁ ଆପେୟାଃ ଦୁଲାଡ଼୍‌କେ ଆଡ଼ଃଗି ପୁରାଃତେ ହାରାଇଦିକା । ୧୩ ଏନ୍‌ଲେକାଗି ଇନିଃ ଆପେୟାଃ ମନ୍‌କେ ପେଡ଼େଦ୍‌ପେୟା, ଏନାତେ ଆରୁଆଃ ପ୍ରାଭୁ

✽ ୩:୧ ୩:୧ ପ୍ରେରିଡ଼୍ ୧୭:୧୫. ✽ ୩:୬ ୩:୬ ପ୍ରେରିଡ଼୍ ୧୮:୫.



ୟୀଶୁ ଆୟାଃ ପାବିତାର୍ ହତକଲଃ ହିନ୍ଦୁଃ ଇମତା ଆବୁଆଃ ଆପୁ ପାର୍‌ମେଶ୍ଵାର୍‌ଆଃ ଆୟାର୍‌ରେ ଆପେ ପକ୍‌ତାକାନ୍ ଆତଃ ପାବିତାର୍‌ରେ ବେଗାର୍ ଚିଟାକାନ୍ ଲେକାପେ ହବାଅଃଆ ।

୪

ପାର୍‌ମେଶ୍ଵାର୍‌କେ ସୁକୁଆଇଲେକାନ୍ ଜୀଦାନ୍

<sup>୧</sup> ତୁଣ୍ଡୁର, ହେ ହାଗା ମିଶିକ, ପାର୍‌ମେଶ୍ଵାର୍‌କେ ସୁକୁଆଇଲେକା ଚିଲ୍‌କା ଜୀଦାନ୍ ବିତାଅ ଲାଗାତିଙ୍ଗ୍‌ୟାଃ, ଏନା ଆଲେତାଃଏତେ ଇତୁକାନାପେ, ଏନ୍‌ଲେକାଗି ଆପେୟାଃ ଜୀଦାନ୍ ବିତାଅତାନାପେ । ମେନ୍‌ଦ ଏନାଏତେ ଆଦକା ରିକାନାଙ୍ଗ୍ ଆଲେ ଆପେକେ ପ୍ରାଭୁ ଯୀଶୁଆଃ ନୁତୁମତେ ପୁରାଃଗି ହାରାଇଦିୟଃପେ ମେନ୍ତେ ବିନ୍ତି ଆତଃ ଉସ୍‌କୁରପେ ତାନାଲେ । <sup>୨</sup> ଚିୟାଃଚି ଆଲେ ପ୍ରାଭୁ ଯୀଶୁଆଃ ଆକ୍‌ତେୟାର୍‌ତେ ଆପେକେ ଏମାକାଦ୍ ଆନାରୁକେ, ଆପେଦ ବୁଗିଲେକାପେ ସାରିଆକାଦା । <sup>୩</sup> ଆପେ ପାବିତାର୍ ହବାଅଃପେ ଆତଃ ଆପାଙ୍ଗ୍‌ର୍ କାମିଏତେ ସାଙ୍ଗିନ୍‌ରେ ତାଇନ୍‌ପେ, ନେଆଁ ପାର୍‌ମେଶ୍ଵାର୍‌ଆଃ ସାନାଙ୍ଗ୍‌ତାନାଃ । <sup>୪</sup> ଆପେ ସବେନ୍‌କ ଆପେୟାଃ କୁଡିକଲଃ ପାବିତାର୍‌ତେ ଆତଃ ମାଇନ୍ ନାମେଲେକା ଚିଲ୍‌କା ତାଇନାଃପେ, ଏନା ଆପେକେଗି ସାରି ଲାଗାତିଙ୍ଗ୍‌ୟାଃ, <sup>୫</sup> ପାର୍‌ମେଶ୍ଵାର୍‌କେ କା ସାରିତାନ୍ ସାଅଁସାର୍ ହତକଆଃ ଲେକା ହତମରେୟାଃ ଏଡକାନ୍ ସାନାଙ୍ଗ୍‌ଲେକା ଆଲ୍‌ପେ ହବାଅଃଆ । <sup>୬</sup> ଆତଃ ଜେତାଏ ହତ ଖ୍ରୀଷ୍ଟିୟାନ୍ ହାଗାକେ ଆଲକାଏ ବେଦାଇକା ଆତଃ ଏଡକାନ୍ ଆଲକାଏ ରିକାଇକା । ଏନ୍‌ଲେକାଗି କାମିତାନ୍‌କକେ ପ୍ରାଭୁ ସାଜାଇ ଏମାକଆଏ ମେନ୍ତେ ଆଲେ ଆପେକେ ସିଦାରେଗି କାଜିକେଦ୍‌ତେ ପୁରାଃ କେଟେଦ୍‌ତେ ତେତାଅକାଦ୍‌ପେୟାଲେ । <sup>୭</sup> ପାର୍‌ମେଶ୍ଵାର୍ ଆବୁକେ ସଡ଼ରାଲେକା ଜୀଦାନ୍ ବିତାଅ ନାଗେନ୍ତେ କାହା ମେନ୍‌ଦ ପାବିତାର୍ ଜୀଦାନ୍ ବିତାଅ ନାଗେନ୍ତେ କେଡ଼ାକାଦ୍‌ବୁଆ । <sup>୮</sup> ଏନା ନାଗେନ୍ତେ ଜେତାଏ ନେ ଇନିତୁକେ କାଏ ତେଲ୍‌ଏନିଃ, ହତକେ କାଏ ହିଲ୍‌ଆଃଆଃ, ମେନ୍‌ଦ ପାବିତାର୍ ଆମ୍ବାକେ ଏମିତାନ୍ ପାର୍‌ମେଶ୍ଵାର୍‌କେ ହିଲ୍‌ଆଙ୍ଗ୍‌ଇତାନା ।

<sup>୯</sup> ଖ୍ରୀଷ୍ଟିୟାନ୍ ବିଶ୍ଵାସୀ ଦୁଲାଡ୍ ବିଷାଏରେ ଆପେତାଃତେ ଆତଃଗି ଅଲ୍ ନାଙ୍ଗ୍ କା ଲାଗାତିଙ୍ଗ୍‌ୟାଃ, ଚିୟାଃଚି ଆପେ ସବେନ୍‌କ ଦୁପୁଲାଡ୍‌ରେ ତାଇନ୍ ନାଗେନ୍ତେ ପାର୍‌ମେଶ୍ଵାର୍‌ତାଃଏତେ ଆପେଗିପେ ଇତୁକାନା । <sup>୧୦</sup> ଆତଃ ଆପେୟାଃ ଚାଇଲ୍ ଚାଇଲ୍ ମାକିଦନିଆରେନ୍ ସବେନ୍ ଖ୍ରୀଷ୍ଟିୟାନ୍ ବିଶ୍ଵାସୀକଲଃ ଏନ୍‌ଲେକାଗି ହବାକାନା । ଏନାତେ ହେ ହାଗା ମିଶିକ, ନେଲେକା ଆତଃଗି ପୁରାଃତେ ରିକାଏପେ ମେନ୍ତେଲେ ବିନ୍ତିପେ ତାନା । <sup>୧୧</sup> ଆପେକେ ପାହିଲ୍‌ରେ ଆରୁକାଦ୍‌ପେ ଲେକା, ସୁକୁଜୀଉତେ ଜୀଦାନ୍ ବିତାଅତାନ୍‌ଲଃ ଆପ୍‌ନାଃ ଆପ୍‌ନାଃ କାମି କାମିପେ ଆତଃ ଆପେୟାଃ ଜୀହୁଦଃ ନାଙ୍ଗ୍ ଜଗାଏପେ । <sup>୧୨</sup> ଏନ୍‌ଲେକା କାମି ହରାତେ ଆପେ କା ବିଶ୍ଵାସ୍‌ତାନ୍ ହତକତାଃଏତେ ହଗି ମାଇନ୍‌ପେ ନାମେୟା ଆତଃ ଆପେୟାଃ ଜେଡନାଃରେ କା ଜାଞ୍ଜିଅଃଆ ।

ପ୍ରାଭୁଆଃ ହିନିନ୍ଦୁଃ

<sup>୧୩</sup> ହେ ହାଗା ମିଶିକ, ଗଜାକାନ୍ ହତକଆଃ ସାର୍‌ତି ବିଷାଏରେ ଆପେ ସାରିପେ ଆତଃ ଆସ୍ତା ବାନଃତାନ୍ ଏଟାଃ ହତକଲେକା ଆପେ ଆଲ୍‌ପେ ଦୁକୁନାଃ, ଏନା ଆଲେୟାଃ ସାନାଙ୍ଗ୍‌ତାନାଃ । <sup>୧୪</sup> ଚିୟାଃଚି ଆବୁ, ଯୀଶୁ ଗଏଃୟାନାଏ ଆତଃ ଜୀଉବିରିଦ୍‌ୟାନାଏ ମେନ୍ତେବୁ ବିଶ୍ଵାସ୍‌ତାନା । ଏନ୍‌ଲେକାଗି ଯୀଶୁରେ ବିଶ୍ଵାସ୍‌କେଦ୍‌ତେ ଗଜାକାନ୍‌କ, ଯୀଶୁ ଆତଃମିସାଏ ହିନ୍ଦୁଃ ଇମତା ପାର୍‌ମେଶ୍ଵାର୍ ଇନ୍‌କୁକେ ଯୀଶୁଲଃ ଆଉଡ଼ର୍‌ସାକଆ, ଏନାହଗି ଆବୁକେ ବିଶ୍ଵାସ୍ ଲାଗାତିଙ୍ଗ୍‌ୟାଃ ।

୧୫ ✨ ଆଲେ ନାହିଁଃ ଆପେକେ ଇତୁପେତାନତେୟାଃ ପ୍ରାଭୁଆଃ ଇନିତୁ ତାନାଃ । ଆବୁ ସବେନକଏତେ ଅକନକ ପ୍ରାଭୁଆଃ ହିନିଜୁଃ ଜାକେଦ୍ ଜାହିଦ୍‌ଗିକ ତାଇନା, ଇନକୁ ସିଦାରେ ଗଜାକାନ ହଡକତାଃଏତେ ଜେତାଲେକାତେ କାକ ଆୟାରଃଆ । ୧୬ ଚିୟାଃଚି ପ୍ରାଭୁଦ ଆଇଃକ୍‌ଗି ଆବୁକେଦ୍‌ତେ ମାରାଙ୍ଗ୍ ଦୁଡକଆଃ ଲାବ୍‌ଜା ଆତଃ ପାରମେଶ୍‌ବାରଆଃ ବିଙ୍ଗୁଲ୍ ବାଜା ସାଡିତାନଲଃ ସିର୍ମାଏତେ ଆଡଗୁନାଃ ଆତଃ ଖ୍ରୀଷ୍ଟାଃରେ ବିଶ୍ୱାସକେଦ୍‌ତେ ଗଜାକାନକ ସିଦାକ ବିରିଦାଃ । ୧୭ ଏନ୍ତେ ଆବୁ ସବେନକଏତେ ଅକନକ ଜାହିଦ୍‌ଗିବୁ ତାଇନା, ପ୍ରାଭୁଲଃ ନେପେଲ୍ ନାଗେନ୍ତେ ଆବୁକେ ଇଦିକେଦ୍‌ତେ ଇନକୁଲଃ ମିସାତେ ରିମିଲ୍ ହୟରେ ହୁଣ୍ଡିବୁଆ । ଆତଃ ଆବୁ ପ୍ରାଭୁଲଃ ସବେନ୍ ହୁଲ୍‌ଲ୍‌ଗୁ ତାଇନା । ୧୮ ଏନାମେନ୍ତେ ଆପେ ନେ ସବେନ୍ କାଜିତେଗି ମିହୁଡ୍ ଆତଃମିହୁଡ୍‌କେ ଜୀଉରାଡ଼େଃ ଏମଃପେ ।

**୫**

ପ୍ରାଭୁଆଃ ହିଜୁଃ ଦିପିଲି ନାଗେନ୍ତେ ସେକାଡାକାନ ତାଇନପେ

୧ ମେନ୍‌ଦ ହେ ହାଗା ମିଗିକ, ନେ ସବେନ୍ ବିଷାଏ ଚିଉଲ୍ଲା ହବାଅଃଆ ଆତଃ ଅକ ନେତାରେ ହବାଅଃଆ, ଏନ୍ ବିଷାଏରେ ଆଲେକେ ଆପେତାଃତେ ଜେଡନାଃ ଅଲ୍ କା ଲାଗାଡିଙ୍ଗ୍‌ୟାଃ । ୨ ✨ ଚିୟାଃଚି ନୁବାଃରେ କୁମ୍‌ଦୁ ହିଜୁଃ ଲେକା ପ୍ରାଭୁ ହିଜୁଃଆଏ, ନେଆଁ ଆପେ ବୁଗିଲେକାପେ ସାରିତାନା । ୩ ଚିମ୍‌ତା ହଡକ ଜୀଉରେ “ସୁକୁ ଆତଃ ଜେତାନ ବର ବାନଆଃ” ମେନେତାନ ଇମ୍‌ତା, ବାଜ୍ ଆକାନ କୁଡିତାଃରେ ସେଟେରାକାନ ଦୁକୁ ଲେକା ଇମ୍‌ତାଗି ଇନକୁତାଃରେ ଜିୟନଃ ସେଟେରାଃ ଆତଃ ଇନକୁ ଜେତାଲେକାତେ କାକ ବାଞ୍ଚାଅଃଆ । ୪ ମେନ୍‌ଦ ହେ ହାଗା ମିଗିକ, ଆପେ ନୁବାଃରେ ବାଙ୍ଗ୍‌ପେୟା, ଏନାତେ ଏନ୍ ହୁଲ୍‌ଲ୍‌ଗ୍ ବେଗାର୍ ସାରିତାନଲଃ ଆପେତାଃତେ କୁମ୍‌ଦୁ ହିଜୁଃତାନ ଲେକା କା ସେଟେରା । ୫ ଆପେ ସବେନକ ମାୟାଲ୍‌ରେନ୍ ଆତଃ ସିଙ୍ଗିରେନ୍ ହଡକ ତାନପେ । ଆବୁ ନିଦା ଚାଏ ନୁବାଃରେନ୍ ହଡକ ନାହିଁଲାବୁ । ୬ ଏନାମେନ୍ତେ ଆବୁ ଏଟାଃକ ଲେକା ଆଲକାବୁ ଦୁଡ୍‌ଦୁକା, ମେନ୍‌ଦ ଏୟନାକାନ ଆତଃ ଚିର୍ଗାଲକାନବୁ ତାଇନକା । ୭ ଚିୟାଃଚି ଦୁଡ୍‌ଦୁତାନକ ନିଦାରେକ ଦୁଡ୍‌ଦୁଆ, ଆତଃ ଇଲିଆର୍‌ଶ୍‌ରେ ବୁଲଃତାନକ ନିଦାରେକ ବୁଲଃଆଃ । ୮ ✨ ମେନ୍‌ଦ ଆବୁ ସିଙ୍ଗିରେନ୍ ହଡକ ହବାୟାନ୍ତେ, ମେଡେଦରାଃ ତୁସିଙ୍ଗ୍‌ତେୟାଃ କୁଡାମ୍‌ରେ ତୁସିଙ୍ଗ୍‌କାନ ଲେକା, ବିଶ୍ୱାସ୍ ଆତଃ ଦୁଲ୍‌ଡ୍‌ରେବୁ ତୁସିଙ୍ଗ୍‌କାନଃଆ । ଆତଃ ବହଃରେ ଟୁପୁରି ତୁସିଙ୍ଗ୍‌କାନ ଲେକା ଜୀଉବାଞ୍ଚାଅରେୟାଃ ଆସ୍ତାବୁ ତୁସିଙ୍ଗ୍‌କାନଃଆ । ଏନ୍ତେ ଆବୁ ଆବରରେବୁ ତାଇନକା । ୯ ଚିୟାଃଚି ପାରମେଶ୍‌ବାର୍ ଆବୁକେ ଶ୍‌ସ୍ ନାଗେନ୍ତେଦ କା ମେନ୍‌ଦ ଆବୁଆଃ ପ୍ରାଭୁ ଯାଶ୍ ଖ୍ରୀଷ୍ଟାଃ ହରାତେ ଜୀଉବାଞ୍ଚାଅ ନାମେ ନାଗେନ୍ତେ ସାଲାକାଦ୍‌ବୁଆ । ୧୦ ଆବୁ ନେ ଜୀଦାନରେ ଜାହିଦ୍‌କାନ ଚାଏ ଗଜାକାନ ତାଇନରେୟ ଇନିଃଲଃ ମିଦ୍‌ରେବୁ ଜାହିଦ୍‌ଃକା ମେନ୍ତେ ଇନିଃ ଆବୁନାଙ୍ଗ୍ ଗଏଃୟାନାଏ । ୧୧ ଏନା ନାଗେନ୍ତେ ଆପେ ନାହିଁଃ ରିକାତାନ ଲେକା ମିହୁଡ୍ ଆତଃମିହୁଡ୍‌କେ ଜୀଉରାଡ଼େଃ ଆତଃ ଦେଙ୍ଗାପେ ।

ଚୁଣ୍ଡି ଆନାବୁ ଆତଃ ଜହାର୍

୧୨ ମେନ୍‌ଦ ହେ ହାଗା ମିଗିକ, ଆଲେ ଆପେକେ ବିକ୍ରିପେ ତାନାଲେ, ଅକନକ ଆପେ ଥାଲାରେ କାମିତାନକ ଆତଃ ପ୍ରାଭୁଆଃ ସେଞ୍ଜାକାମିରେ ଆପେୟାଃ ଆଗୁଆଲ ଲେକା ସାଲାକେଦ୍‌ତେ ତେତାଅପେତାନାକ, ଇନକୁକେ ମାଇନକପେ । ୧୩ ଆତଃ

✨ ୪:୧୫ ୪:୧୫ ୧ କରିଷ୍ଟିୟ ୧୫:୫୧,୫୨. ✨ ୫:୨ ୫:୨ ମାଥୁଉ ୨୪:୪୩; ଲୁକ ୧୨:୩୯; ୨ ପାବୁରାସ୍ ୩:୧୦.  
 ✨ ୫:୮ ୫:୮ ଏଫିସିୟ ୬:୧୩-୧୭.

ଇନ୍‌କୁଆଃ କାମି ନାଗେନ୍ତେ ଇନ୍‌କୁକେ ପୁରାଃ ଦୁଲ୍ଲାଡ଼ତେ ମାଇନ୍‌କପେ । ଆଡ଼ଃ ଆପେ ସବେନ୍‌କଲଃ ସୁକୁରେ ତାଇନ୍‌କପେ ।

<sup>୧୪</sup> ମେନ୍‌ଦ ହେ ହାଗା ମିଶିକ, ଆପେକେ ବିନ୍ତ୍ରପେତାନାଲେ, ଆଲ୍‌ସି ହଡ଼କକେ ଚେତାଅକପେ, ବରତାନ୍ ହଡ଼କକେ ଜୀଉରେ କେଚେଦ୍ ଏମାକପେ, ନାରାଦୁରାକକେ ଦେଙ୍ଗାକପେ, ସବେନ୍‌କଲଃ ସାହାଡ଼ିଙ୍ଗ୍ ଜୀଦାନ୍ ବିତାଏପେ । <sup>୧୫</sup> ଜେତାଏ ଏଡ଼କାନାଃରାଃ ବାଦ୍‌ଲାରେ ଏଡ଼କାନାଃ ଆଲକାଏ ରିକାଏକା, ମେନ୍‌ଦ ଆପେ ସବେନ୍ ଇମ୍‌ତା ମିହୁଡ଼୍ ଆଡ଼ଃମିହୁଡ଼୍‌ଆଃ ଆଡ଼ଃ ସବେନ୍‌କଆଃ ବୁଗିନାଃ ରିକା ନାଙ୍ଗ୍ ସାନାଙ୍ଗ୍‌ପେ ।

<sup>୧୬</sup> ଜାନାଅଗି ରାସ୍‌କାଅଃପେ, <sup>୧୭</sup> ସବେନ୍ ଇମ୍‌ତା ବିନ୍ତ୍ରପେ । <sup>୧୮</sup> ସବେନ୍ ଲେକାନ୍ କାଜିକରେ ଧାନାବାଦ୍ ଏମେପେ । ଆପେ ଯୀଶୁ ଖ୍ରୀଷ୍ଟ୍‌ଆଃ ମେନେସାରେ ଜୀଦାନ୍ ବିତାଅକାଦ୍ ହରାତେ, ଆପେ ନାଙ୍ଗ୍ ନେଆଁ ପାର୍‌ମେଶ୍ୱାର୍‌ଆଃ ମନେତାନା ।

<sup>୧୯</sup> ପାବିତାର୍ ଆମ୍ବାକେ ଦୁକୁ ଆଲ୍‌ପେ ଏମାଇୟା । <sup>୨୦</sup> ପ୍ରାଭୁଆଃ କାଜିଏମ୍‌କେ ଆଲ୍‌ପେ ହିଲାଇଙ୍ଗ୍‌ୟେ । <sup>୨୧</sup> ସବେନାଃ ବିତାଅକେଦ୍‌ତେ, ବୁଗିନ୍‌ତେୟାଃ ସାବେପେ, <sup>୨୨</sup> ଆଡ଼ଃ ସବେନ୍ ଲେକାନ୍ ଏଡ଼କାନ୍‌ତେୟାଃ ସାଙ୍ଗିନେପେ ।

<sup>୨୩</sup> ଅକ ପାର୍‌ମେଶ୍ୱାର୍ ଆବୁକେ ଜୀଉସୁକୁ ଏମାଃଏ, ଇନିଃଗି ଆପେକେ ସବେନ୍ ବିଷାଏରେ ପୁରାଃତେ ପାବିତାର୍‌ପେକା, ଆଡ଼ଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଦୁଃ ଇମ୍‌ତା ଆପେୟାଃ ସବେନ୍ ଆମ୍ବା, ଜୀଉ, ଆଡ଼ଃ ହଡ଼ମ୍‌କେ କା ଚିଟାଃଅ ଲେକା ଦହେପେ । <sup>୨୪</sup> ଆପେକେ ହାକାଅନିଃ ସବେନାଃ ରିକାଏ ଗିୟାଏ, ଚିୟାଃଚି ଇନିଃ ପାତିୟାରଃଲେକାନ୍‌ନିଃ ତାନିଃ ।

<sup>୨୫</sup> ହେ ହାଗା ମିଶିକ, ଆଲେ ନାଗେନ୍ତେ ସବେନ୍‌କ ବିନ୍ତ୍ରପେ ।

<sup>୨୬</sup> ସବେନ୍ ହାଗା ମିଶିକକେ ଖ୍ରୀଷ୍ଟ୍ ଦୁଲ୍ଲାଡ଼ତେ ଜହାରକପେ ।

<sup>୨୭</sup> ସବେନ୍ ହାଗା ମିଶିକଆଃ ଆୟାର୍‌ରେ ନେ ଚିଟାଉ ପାଢ଼ାଅଃକା ମେନ୍ତେ ଆଇଙ୍ଗ୍ ପ୍ରାଭୁଆଃ ନୁଡୁମ୍‌ତେ ଆପେକେଇଙ୍ଗ୍ ବିନ୍ତ୍ରପେତାନା ।

<sup>୨୮</sup> ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେଲଃ ହବାଅଃକା ।

# ଥେସଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ଥେସଲନିକା ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏମାଃ ଚିତାଉ ପାରିତାଏ

ପ୍ରେରିତ୍ ପାଉଲୁସ୍, ଥେସଲନିକା କାଲିସିୟାତେ ଆଡ଼ମିଆଁଦ୍ ଚିତାଉ ଅଲ୍ଲାକାଦାଏ, ୧:୧ । ଥେସଲନିକା କାଲିସିୟାରାଃ ପାହିଲା ଚିତାଉ ଅନଲ୍‌ରେୟାଃ କାଟିଃ ତାୟମ୍‌ତେ ଖ୍ରୀଷ୍ଟ୍ ଜାନାମ୍ ତାୟମ୍ ୫୧ କରେ ନେ ଚିତାଉକେ ଅଲ୍ଲାକାଦ୍ ତାଇକେନା । ପାଉଲୁସ୍ ଚିମ୍ତା କରନ୍ତି କାଲିସିୟାରେ ତାଇକେନା ଇମ୍ତା ନେ ଚିତାଉ ଥେସଲନିକା କାଲିସିୟାତେ ଅଲ୍ଲାକାଦ୍ ତାଇକେନା । ଇନିଃ ବାଋସାତେ ମିସ୍‌ନାରି କାମି ହରାସେନ୍‌କେନ୍ ଇମ୍ତା ଥେସଲନିକା କାଲିସିୟାକେ ବାଇୟାକାଦ୍ ତାଇକେନା, ପ୍ରେରିତ୍ ୧୭:୧-୧୦ ।

ଚିମିନ୍ ଯିହୁଦୀ ଆଡ଼ଃ ଚିମିନ୍ ସାଅଁସାର୍ ହଡ଼କଆଃ ହରାତେ ନେ କାଲିସିୟା ବାଇୟାକାନ୍ ତାଇକେନା । ଥେସଲନିକା କାଲିସିୟାତାଃତେ ଅଲ୍ଲାକାନ୍ ଚିତାଉରେ ଖ୍ରୀଷ୍ଟ୍‌ଆଃ ଆଡ଼ଃମିସା ହିନିଜୁଃ ଆଡ଼ଃ ଚୁଣ୍ଟୁ ଦ୍ୱିପିଲି ବିଷାଏରେ ଅଲ୍ଲାକାନା । ଚିୟାଃଚି ପାଉଲୁସ୍ ଆୟାଃ ବାରାନ୍ ଚିତାଉରେ ଥେସଲନିକା କାଲିସିୟାତାଃତେ ଅଲ୍ଲାକାଦା । ପାଉଲୁସ୍ ଆଲ୍‌ସି ବିଷାଏରେ ଚେଡ଼ଗାର୍ ଏମାଃଏ । ମିମିଆଦ୍ ହଡ଼ ଆପ୍‌ନାଃ ଜମେୟାଃ ନାଗେନ୍ତେ କାମି ଲାଗାତିଙ୍ଗ୍‌ୟାଃ, ୩:୭-୧୦ ।

## ପୁଅ୍ ଭିତାଋରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଚିତାଉରେ ଆୟାଃ ଆପ୍‌ନାଃ ଆଡ଼ଃ ଗାତିରେ କାମିତାନ୍ ହାଗାକଆଃ ପାରିତାଏ ଏମ୍‌କେଦ୍‌ତେ ଏନେଟେଦ୍ ରିକାକାଦାଏ । ୧:୧-୨
- ୨. ଥେସଲନିକା କାଲିସିୟା ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଃଏ ଆଡ଼ଃ ବିକ୍ତି ରିକାଃଏ । ୧:୩-୧୨
- ୩. ଅତେଦିଶ୍ୱମ୍‌ରେୟାଃ ଚୁଣ୍ଟୁ ଦ୍ୱିପିଲି ବିଷାଏରେ କାଜିୟାଃଏ । ୨
- ୪. ଇନିଃ ଆଲ୍‌ସି ବିରୁଧ୍‌ରେ ଆଡ଼ଃ କେଟେଦ୍‌କାମି ରିକା ବିଷାଏରେ କାଜିୟାଃଏ । ୩:୧-୧୫
- ୫. ପାଉଲୁସ୍ ଆଡ଼ଃମିସା କାଲିସିୟାରେନ୍ ହଡ଼କକେ ଜହାର୍ କାଜିକେଦ୍‌ତେ ଅଲ୍‌ଚୁଣ୍ଟୁକ୍ୱାଦା । ୩:୧୬-୧୮

୧ \*ଆବୁଆଃ ଆପୁ ପାର୍‌ମେଶ୍ୱାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସଲନିକା କାଲିସିୟାରେନ୍ ହଡ଼କତାଃତେ ପାଉଲୁସ୍, ସିଲାସ୍ ଆଡ଼ଃ ତୀମଥ୍‌ଆଃ ଚିତାଉ ।

୨ ଆବୁଆଃ ଆପୁ ପାର୍‌ମେଶ୍ୱାର୍ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାଃଏତେ ସାୟାଦ୍ ଆଡ଼ଃ ଜୀଉସୁକୁ ଆପେୟାଃ ହବାଅଃକା ।

ଖ୍ରୀଷ୍ଟ୍‌ଆଃ ହିଜୁଃ ଦିପିଲିରାଃ ବିଚାର୍

୩ ହେ ହାଗା ମିଶିକ, ଆଲେ ଆପେ ନାଙ୍ଗ୍ ସବେନ୍ ଇମ୍ତା ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍ ଲାଗାତିଙ୍ଗ୍‌ୟାଃ, ଆଡ଼ଃ ଏନା ଠାଉକାଗିୟା, ଚିୟାଃଚି ଆପେୟାଃ ବିଶ୍ୱାସ୍ ଆଡ଼ଃଚି ପସା ଇଦିୟଃତାନା, ଆଡ଼ଃ ଆପେୟାଃ ଦୁଲାଡ୍ ସବେନ୍‌କଆଃ ନାଙ୍ଗ୍ ପୁରାଃଚି ହାରା ଇଦିୟଃତାନା । \* ନେ ଲେକାତେ ଆପେୟାଃ ସବେନ୍

\* ୧:୧ ୧:୧ ପ୍ରେରିତ୍ ୧୭:୧.

ସାସାତି ଆତଃ ଦୁକୁ ଇମତାରାଃ ସାହାତିଞ୍ଜ ଜୀଦାନ୍ ଆତଃ ବିଶ୍ଵାସ ନାଗେନ୍ତେ ଆଲେ ପାର୍ଫେଶ୍ଵାର୍ଆଃ କାଲିସିୟାକରେ ଆପେୟାଃ ବିଷାଏଲେ ଉଦୁବ୍‌କେଦା ।

୫ ପାର୍ଫେଶ୍ଵାର୍ଆଃ ବିଚାର୍ ଠାଉକାଗିୟା, ମେନ୍ତେ ନେ ସବେନାଃତେ ସାରିୟଃତାନା ଆତଃ ଏନାତେ ଆପେ ପାର୍ଫେଶ୍ଵାର୍ଆଃ ରାଈଜ୍ ନାମେ ଲେକାନକପେ ହବାଅଆଃ, ଚିୟାଃତି ଏନ୍ ରାଈଜ୍ ନାମେ ନାଗେନ୍ତେଗି ଆପେ ଦୁକୁପେ ସାହାତିଞ୍ଜତାନା । ୬ ଠାଉକାନତେୟାଃ ପାର୍ଫେଶ୍ଵାର୍ ରିକାୟାଏ, ନାହାଁଃ ଆପେକେ ଅକନ୍‌କ ଦୁକୁ ଏମାପେତାନାକ, ଇନ୍‌କୁକେ ଇନିଃ ଦୁକୁ ଏମ୍ ରୁହାଡ଼କଆଏ, ୭ ଆତଃ ଆପେୟାଃ ଦୁକୁ ସାଜିନ୍‌କେଦ୍‌ତେ, ଆଲେକେୟ ଜୀଉରାଡ଼େଃ ଏମାଲେୟାଏ । ନେଆଁ ପ୍ରାଭୁ ଯୀଶୁ, ଆୟାଃ ପୁରାଃ ପେଡ଼େୟାନ୍ ଦୁଡ଼କଲଃ ସିର୍ମାହେତେ ହିଜୁଃ ଇମତା ହବାଅଆ । ୮ ପାର୍ଫେଶ୍ଵାର୍‌କେ କା ସାରିତାନକକେ, ଆତଃ ଆରୁଆଃ ପ୍ରାଭୁ ଯୀଶୁଆଃ ସୁକୁକାଜି କା ମାନାତିଞ୍ଜ ତାନକକେ ଇନିଃ ସାଜାଇ ଏମାକ ନାଗେନ୍ତେ ସେଜେଲ୍ ଲେକା ଜୁଲ୍‌ତାନ୍ ହୁକା ସାବ୍‌କେଦ୍‌ତେ ହିଜୁଃଆ । ୯ ଏନ୍ ହଡ଼କ ପ୍ରାଭୁଆଃ ହେପାଦ୍‌ହେତେ ଆତଃ ଆୟାଃ ପେଡ଼େୟାନ୍ ମାନାରାଞ୍ଜହେତେ ବିନ୍‌ଗାଅଃତାନଲଃ ଜାନାଅ ଜାନାଅ ନାଗେନ୍ତେକ ଜିୟନଃଆ । ୧୦ ମେନ୍‌ଦ ଏନ୍ ହୁଲାଞ୍ ଇନିଃ ଆୟାଃ ପାବିତାର୍ ହଡ଼କତାଃଏତେ ଆତଃ ସବେନ୍ ବିଶ୍ଵାସୀକତାଃଏତେ ମାଇନାନ୍ ଆତଃ ମାନାରାଞ୍ ନାମେୟାଏ । ଇନ୍‌କୁଆଃ ଆଲାରେ ଆପେୟଗି ତାନ୍‌ପେ, ଚିୟାଃତି ଆପେ, ଆଲେ ଉଦୁବ୍‌କେଦ୍ କାଜିରେପେ ବିଶ୍ଵାସକେଦା ।

୧୧ ଏନା ନାଗେନ୍ତେ ଆପେ ପାର୍ଫେଶ୍ଵାର୍ଆଃ କେନେଡ଼ା ଲେକାଗି ଜୀଦାନ୍ ବିତାଏପେ ମେନ୍ତେ ଆଲେ ଆପେ ନାଞ୍ ପାର୍ଫେଶ୍ଵାର୍‌ତାଃରେ ଜାନାଅଗିଲେ ବିନ୍ତିତାନା । ଆୟାଃ ପେଡ଼େଃତେ ଇନିଃ ଆପେୟାଃ ସବେନ୍ ବୁଗିନାଃ ଆତଃ ଆପେୟାଃ ବିଶ୍ଵାସରାଃ କାମିକେ ପୁରାଏକା । ୧୨ ଏନ୍‌ଲେକାତେ ଆରୁଆଃ ପ୍ରାଭୁ ଯୀଶୁଆଃ ନୁଡୁମ୍ ଆପେରେ ମାନାରାଞ୍ ହବାଅଃକା, ଆତଃ ଆରୁଆଃ ପାର୍ଫେଶ୍ଵାର୍ ଆତଃ ଯୀଶୁ ଖ୍ରୀଷ୍ଟଆଃ ସାୟାଦ୍ ଲେକାତେ ଆପେ ଇନିଃରେଗି ମାନାରାଞ୍ ହବାଅଃତେ ।

### ୨

#### ଏଡ଼କାନ୍ ହଡ଼

୧ \*ହେ ହାଗା ମିଶିକ, ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନିଜୁଃ ଆତଃ ଆରୁ ଆୟାଃତାଃରେ ହୁଣ୍ଡିୟଃ ନାଗେନ୍ତେ ଆଲେ ଆପେକେ ବିନ୍ତିପେ ତାନାଲେ । ୨ ଆପେ ପ୍ରାଭୁଆଃ ହୁଲାଞ୍ ସେଟେରାକାନା ମେନ୍ତେ ଜେତାଏତାଃଏତେ ଆୟୁମ୍‌କେଦ୍‌ତେ, ଆମ୍ବରେ ଆଲ୍‌ପେ ଆକ୍‌ବାକାଅଆ ଚାଏ ବେଦାଅଆ । ଆଲେ ବାତାନ୍ ହାଟିଞ୍ଜ ଇମତା ନେକାନ୍ କାଜିଲେ କାଜିକାଦା ଚାଏ ନେ ବିଷାଏରେ ଚିଟାଉଲେ ଅଲ୍‌କାଦା ମେନ୍ତେ ଚିମିନ୍ ହଡ଼କ କାଜିତାନା । ୩ ଜେତାଏ ଆପେକେ ଜେତାଲେକାତେ ଆଲକାକ ବେଦାପେକା, ଚିୟାଃତି ଚୁଣ୍ଡ ମ୍ବାପାଃତୁପୁଇଞ୍ ହବାଅଆ ଆତଃ ଏନ୍ ଏଡ଼କାନ୍ ହଡ଼ ଉନ୍‌ଦୁବଃଆଏ । ଆତଃ ଇନିଃକେ ଜିୟନଃ ନାଞ୍ ନାରାକ୍‌ତେ ଆଉରି ଇଦିୟଃ ଜାକେଦ୍, ଏନ୍ ହୁଲାଞ୍ କା ହିଜୁଃଆ । ୪ ଏନ୍ ଏଡ଼କାନ୍ ହଡ଼, ବଙ୍ଗାବୁରୁ ସେଝାତାନ୍ ଆତଃ ପାର୍ଫେଶ୍ଵାର୍‌କେ ସୁସାର୍‌ତାନ୍ ସବେନ୍‌କଆଃ ବିରୁଧ୍‌ରେ ତାଇନା ଆତଃ ଆଇଃକ୍‌ଗି ସବେନ୍‌କଆଃ ଚେତାନ୍‌ରେ ତାଇନା ଆତଃ ପାର୍ଫେଶ୍ଵାର୍‌ଆଃ ମାନ୍‌ବିର୍ ଅଡ଼ାଃରେ ଦୁବ୍‌କେଦ୍‌ତେ ଆଇଞ୍ ପାର୍ଫେଶ୍ଵାର୍ ତାନିଞ୍ଜ ମେନ୍ତେ କାଜିୟା ।

୫ ଆଇଞ୍ ଆପେଲଃ ତାଇକେନ୍ ଇମତା, ନେ ସବେନ୍ ବିଷାଏରେ ଆପେକେ କାଜିକାଦ୍‌ପେ ତାଇକେନ୍‌ତେୟାଃ କାପେଟି ପାହାମେତାନା ? ୬ ଆତଃ ଇନିଃଦ୍ ଏଡ଼କାନ୍ ହଡ଼, ଦହାକାନ୍ ଦିପିଲିରେ ଉଦୁବଃ ନାଗେନ୍ତେ ଚିକ୍‌ନାଃ ଆପେକେ

\* ୨:୧ ୨:୧ ୧ ଥେସ୍‌ସ୍‌ଲିକା ୪:୧୫-୧୭.

ଛେକାଦପେ ତାନା, ଏନାଦପେ ସାରିତାନା ।<sup>୭</sup> ଚିୟାଃଚି ଏଡ଼କାନାଃରେ ଉକୁଆକାନ୍ ପେଡ଼େଃ ନାହାଁଃହୁଁ କାମିତାନାଏ, କାଜିଛେକାଦତାନ୍ ହଡ଼ ଆଉରି ସାଜିନଃ ଜାକେଦ ଏନାଏଁ କାମିକାତେୟାଃ ।<sup>୮</sup> ଏନ୍ତେ ଆନ୍‌ରୁ ବାନଃନିଃ ଉଦୁବଃଆଏ, ଜନିଃକେ ପ୍ରାଭୁ ଯାଶୁ ଆୟାଃ ମତାରେୟାଃ ସାହେଦ୍‌ଦେ ଗଜିୟା ଆତଃ ଆୟାଃ ହିନିଜୁଃରାଃ ଜୁନୁଲ୍‌ତେ ଜିୟନିଆ ।<sup>୯</sup> ଏନ୍ ଏଡ଼କାନ୍‌ନିଃ ସାଏତାନ୍‌ରାଃ ପେଡ଼େଃଲଃ ହିଜୁଃଆଏ ଆତଃ ସବେନ୍ ଲେକାନ୍ ହସଡ଼ରାଃ ପେଡ଼େୟାନ୍‌କାମି, ଚିହ୍ନାଁ, ଆତଃ ଆକ୍‌ଦାୟାଅ କାମିକ ରିକାଏୟାଏ ।<sup>୧୦</sup> ଆତଃ ପୁରାଃ ହଡ଼କ ଜନିୟାଃ ଏଡ଼କାନ୍ ବେଦାରେ ଜିୟନଃଆକ । ଅକନ୍ ଦୁଲ୍ଲାଡ଼ରେୟାଃ ସାନାର୍‌ତିକେ ତେଲା ଦାରମ୍‌କେଦ୍‌ତେ ଜନ୍‌କୁ ଜୀଉବାଞ୍ଚାଅ ନାମେତେୟାଃକ, ଏନାକେ କା ତେଲା ଦାରମ୍‌କେଦ୍‌ ହରାତେ ଜନ୍‌କୁ ଜିୟନଃଆକ ।<sup>୧୧</sup> ଏନାମେନ୍ତେ ଜନ୍‌କୁ ଜେ'ଲେକା ହସଡ଼ରେକ ବିଶ୍ଵାସେୟା, ଏନାମେନ୍ତେ ପାରମେଶ୍ଵାର୍ ଜନ୍‌କୁତାଃତେ ପେଡ଼େୟାନ୍ ହସଡ଼କେ କୁଲ୍‌କେଦା ।<sup>୧୨</sup> ଏନ୍ତେ ସାନାର୍‌ତିରେ କା ବିଶ୍ଵାସକେଦ୍‌ତେ ପାପ୍ କାମିରେ ସୁକୁନାମେତାନ୍ ସବେନ୍‌କ ସାଜାଇକ ନାମେୟା ।

ଆପେ ଜୀଉବାଞ୍ଚାଅ ନାମେ ନାଗେନ୍ତେପେ ସାଲାକାନା

<sup>୧୩</sup> ମେନ୍‌ଦ ହେ ପ୍ରାଭୁଆଃ ଦୁଲ୍ଲାଡ଼୍ ହାଗାକ, ଆଲେ ଆପେ ନାଗେନ୍ତେ ସବେନ୍ ଜମ୍‌ତା ପାରମେଶ୍ଵାର୍‌କେ ଧାନ୍ୟାବାଦ୍ ଏମ୍ ଲାଗାତିଙ୍ଗ୍‌ୟାଃ । ଚିୟାଃଚି ପାବିତାର୍ ଆମ୍‌ରାଃ ପେଡ଼େଃତେ, ଆତଃ ସାନାର୍‌ତିରାଃ ବିଶ୍ଵାସ୍‌ତେ ଜୀଉବାଞ୍ଚାଅ ନାମେ ନାଗେନ୍ତେ ପାରମେଶ୍ଵାର୍ ଆପେକେ ମୁନୁଏତେ ଆୟାଃ ପାବିତାର୍ ହଡ଼ ମେନ୍ତେ ସାଲାକାଦପେୟା ।<sup>୧୪</sup> ଆଲେ ଆପେତାଃରେ ଅକନ୍ ସୁକୁକାଜି ଉଦୁବ୍‌କାଦାଲେ, ଏନା ହରାତେ ପାରମେଶ୍ଵାର୍ ଆପେକେ ଏନ୍ ସୁକୁକାଜି ନାଗେନ୍ତେ କେଡ଼ାକାଦପେୟା । ଆବୁଆଃ ପ୍ରାଭୁ ଯାଶୁ ଶ୍ରୀଷ୍‌ଆଃ ମାନାରାଙ୍ଗ୍‌ରେୟାଃ ହିସା ହବାଅଃ ନାଗେନ୍ତେ ଜନିଃ ଆପେକେ କେଡ଼ାକାଦପେୟା ।<sup>୧୫</sup> ଏନା ନାଗେନ୍ତେ, ହେ ହାଗା ମିଶିକ, ଆଲେୟାଃ ଜନିତୁ ଆତଃ ଆଲେୟାଃ ଅନଲ୍‌ତେ ଆପେ ଜଡୁକାନ୍‌ତେୟାଃ ତିଜୁ କେଟେଦ୍‌କେଦ୍‌ତେ ସାବାକାପେ ।

<sup>୧୬</sup> ଆବୁଆଃ ପ୍ରାଭୁ ଯାଶୁ ଶ୍ରୀଷ୍‌ ଆଇଃକଚି ଆତଃ ଆବୁଆଃ ଆପୁ ପାରମେଶ୍ଵାର୍ ଆବୁକେ ଦୁଲ୍ଲାଡ଼୍‌କେଦ୍‌ତେ ଆୟାଃ ସାୟାଦ୍ ହରାତେ ଆବୁକେ ଜାନାଅଗି ଜୀଉରାଡ଼େଃ ଆତଃ ବୁଗିନ୍ ଆସ୍ତା ଏମାକାଦ୍‌ବୁଆଏ, <sup>୧୭</sup> ଜନିଃ ଆପେକେ ସବେନ୍ ଜମ୍‌ତା ବୁଗିନ୍ କାମି ନାଗେନ୍ତେ ଆତଃ ସାର୍‌ତି କାଜି ନାଙ୍ଗ୍ ପେଡ଼େଃ ଆତଃ ଜୀଉରେ ରାସ୍‌କା ଏମାପେକାଏ ।

## ୩

ଆଲେ ନାଗେନ୍ତେ ବିକ୍ରିପେ

<sup>୧</sup> ହେ ହାଗା ମିଶିକ ଚୁଣ୍ଡୁରେ ଆଲେ ନାଙ୍ଗ୍ ବିକ୍ରିପେ, ପ୍ରାଭୁଆଃ କାଜି ଆପେତାଃରେ ନିତିର୍‌ୟାନ୍‌\* ଲେକାଗି ଏନା ଚାରିୟାଃରେ ନିତିର୍‌କେଦ୍‌ତେ ମାନାରାଙ୍ଗ୍ ହବାଅଃକା ।<sup>୨</sup> ଆତଃଚି ବିକ୍ରିପେ, ପାରମେଶ୍ଵାର୍ ଆଲେକେ ଏଡ଼କାନାଃଏତେ ଆତଃ ଏଡ଼କାନ୍ ହଡ଼କତାଃଏତେ ବାଞ୍ଚାଅଲେକାଏ, ଚିୟାଃଚି ସବେନ୍‌କ ସୁକୁକାଜିରେ ବିଶ୍ଵାସା ନାହାଁଲାକ ।

<sup>୩</sup> ମେନ୍‌ଦ ପ୍ରାଭୁ ପାତିୟାର୍‌ରଃନିଃ ତାନିଃ, ଆତଃ ଜନିଃ ପେଡ଼େଃ ଏମାପେୟାଏ, ଏନ୍ତେ ଏଡ଼କାନ୍ ହଡ଼ଏତେ ବାଞ୍ଚାଅପେୟା ।<sup>୪</sup> ଆତଃ ଆଲେ ଆପେକେ ଆବୁକାଦ୍‌ପେତେୟାଃ ସବେନାଃପେ କାମିତାନା ଆତଃ କାମିୟାପେ, ମେନ୍ତେ ଆଲେ ପାରମେଶ୍ଵାର୍‌ତାଃରେ ଆପେୟାଃ ବିଷାଏରେ ପୁରାଃ ବିଶ୍ଵାସ୍ ମେନାଃ ।

\* ୨:୯ ୨:୯ ମାଥୁର ୨୪:୨୪.

\* ୩:୧ ୩:୧ ପାସରାଅ

୫ ପ୍ରାଭୁ ଆପେୟାଃ ମନ୍ସୁରୁଦ୍ରେ ପାର୍ମେଶ୍ୱାର୍ଥାଃ ଦୁଲାଡ୍, ଆତଃ ଖ୍ରୀଷ୍ଟ୍ ଏମାକାଦ୍ ସାହାତିଙ୍ଗ୍‌ୟେଁ ଲେକାନ୍ ହରାରେ ସୁତୁଃ ଇଦିପେକା ।

ସବେନ୍ କାମି ରିକା ଲାଗାତିଙ୍ଗ୍‌ୟାଃ

୬ ହେ ହାଗା ମିଶିକ, ଆଲେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଆରୁପେ ତାନାଲେ, ଜେତାଏ ହାଗା, ଆଲେତାଃଏତେ ନାମାକାଦ୍ ଇନିତୁଲେକା କା ସେସେନ୍‌କେଦ୍‌ତେ ଆଲ୍‌ସି ଜୀଦାନ୍ ବିତାଅତାନ୍‌ରେଦ୍, ଇନିଃତାଃଏତେ ସାଙ୍ଗିନ୍‌ରେ ତାଇନ୍‌ପେ ।

୭ ଆପେଦ୍ ଚିଲ୍‌କାତେ ଆଲେକେ ଅତଙ୍ଗ୍ ଲାଗାତିଙ୍ଗ୍‌ୟାଃ ଏନା ବୁଗିଲେକାପେ ଇତୁକାନା, ଆଲେଦ୍ ଆପେଲଃ ତାଇକେନ୍ ଇମତା ଆଲ୍‌ସି କାଲେ ତାଇକେନା ।

୮ ଆତଃ ବେଗାର୍ ଗନଙ୍ଗ୍‌ତେ ଜେତାଏତାଃରେ କାଲେ ଜମ୍ ତାଇକେନା, ମେନ୍‌ଦ୍ ଆପେତାଃଏତେ ଜେତାଏୟାଃ ବାହାରମ୍ ଲେକା ଆଲକାଲେ ଲାଦିୟଃ ମେନ୍ତେ ଦୁକୁ ସାହାତିଙ୍ଗ୍‌ତାନ୍‌ଲଃ ନିଦା ସିଙ୍ଗି ପୁରାଃ କେଟେଦ୍ କାମିଲେ କାମି ତାଇକେନା ।

୯ ଆପେତାଃଏତେ ଜେତ୍‌ନାଃ ନାମେ ନାଗେନ୍ତେ ଆଲେୟାଃ ଆକ୍‌ତେୟାର୍ ବାନଃଆ ମେନ୍ତେଦ୍ କା, ମେନ୍‌ଦ୍ ଆପେ ଆଲେକେ ଅତଙ୍ଗ୍‌ଲେପେ ମେନ୍ତେ, ଆଲେ ଆପେତାଃରେ ନାମ୍‌ନା ଲେକା ବାଇୟେନ୍ ନାଗେନ୍ତେଲେ ରିକାକେଦା ।

୧୦ ଚିୟାଃଚି ଆଲେ ଆପେଲଃ ତାଇକେନ୍ ଇମତାଗି ଆପେକେ ନେଆଁ ଆରୁକାଦ୍‌ପେ ତାଇକେନାଲେ, ଜେତାଏ କା କାମି ସାନାଙ୍ଗ୍‌ତାନ୍‌ନିଃ ଆଲକାଏ ଜମେକା ।

୧୧ ଆଲେ ଆପେକେ ନେଆଁ କାଜିପେତାନାଲେ, ଚିୟାଃଚି ଆପେ ଆଲାରେ ଚିମିନ୍ ହଡକ ଆଲ୍‌ସି ଜୀଦାନ୍ ବିତାଅତାନ୍‌ଲଃ ଏଟାଃକଆଃ କାମିରେ ଆଲା ଆଲାଅଃତାନାକ ଆତଃ ଜେତ୍‌ନାଃ କାକ କାମିତାନା, ମେନ୍ତେଲେ ଆୟୁମେତାନା ।

୧୨ ଏନ୍ ଲେକାନ୍ ହଡକକେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଚେତାଅକେଦ୍‌ତେଲେ ଆରୁକତାନା, ଇନ୍‌କୁ ଆକଆଃ ଜୀଦାନ୍‌ରେ ସୁକୁରେ ତାଇକେଦ୍‌ତେ ଆକଆଃ ଜମେନାଙ୍ଗ୍‌କ କାମିକା ।

୧୩ ମେନ୍‌ଦ୍ ହେ ହାଗା ମିଶିକ, ବୁଗିନ୍ କାମିରେ ଆଲ୍‌ପେ ଲାଗାଅଃଆ ।

୧୪ ଆତଃ ଆଲେ କୁଲାକାଦ୍ ନେ ଚିଠିରେୟାଃ କାଜି କା ମାନାତିଙ୍ଗ୍‌ତାନ୍‌କକେ ନେଲ୍ ଉରୁମାକାକପେ, ଆତଃ ଇନ୍‌କୁ ଗିହୁଗଃକାକ ମେନ୍ତେ ଆପେ ଇନ୍‌କୁଲଃ ଆଲ୍‌ପେ ମେସାନା । ୧୫ ମେନ୍‌ଦ୍ ଇନ୍‌କୁକେ ବାଇରି ଲେକା କା ନେଲ୍‌କେଦ୍‌ତେ ଖ୍ରୀଷ୍ଟ୍ ବିଶ୍ୱାସୀ ହାଗାଲେକା ମନେତାନ୍‌ଲଃ ଚେତାଅକପେ ।

ଚୁଣ୍ଡ କ୍ରାଜି

୧୬ ଅକନ୍ ପ୍ରାଭୁ ଆବୁଆଃ ଜୀଉସୁକୁ ଏମଃନିଃ ତାନିଃ, ଇନିଃ ଆପେକେ ସବେନ୍ ଇମ୍‌ତା ଆତଃ ସବେନ୍ ଲେକାତେ ଜୀଉସୁକୁ ଏମାପେକାଏ । ପ୍ରାଭୁ ଆପେ ସବେନ୍‌କଲଃ ହବାଅଃକା ।

୧୭ ଆଇଙ୍ଗ୍ ପାଉଲ୍‌ସ୍, ତିଃଇ ତାଇୟାଃତେ ଅଲ୍‌କେଦ୍‌ତେଇଙ୍ଗ୍ ଜହାର୍‌ପେତାନା, ନେ ଲେକାଗି ସବେନ୍ ଚିଠିକରେ ଚିହ୍ନାଁ ଲେକାଇଙ୍ଗ୍ ଅଲେତାନା ।

୧୮ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

# ତୀର୍ଥାଟକ ନିକଟକୁ ପାଉଲକ ପ୍ରଥମ ପତ୍ର ତୀର୍ଥାଟକରେ ପ୍ରେରିତ ପାଉଲୁସ୍‌ଆଃ ପାହିଲା ଚିଟାଉ ପାରିଚାଏ

ପାହିଲା ତୀର୍ଥାଟ ପୁଅ ମିଆଁଦ୍ ଚିଟାଉ ପ୍ରେରିତ ପାଉଲୁସ୍‌ଆଃ ହରାତେ ଆୟାଃ ତେଲା ତୀର୍ଥାଟକେ ଅଲାକାନା । ପାହିଲା ତୀର୍ଥାଟ ହବାପାକାଅଆଃ ୭୨-୭୪ କରେ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମତେ ଅଲାକାନା । ହବା ଦାଡ଼ିୟାଆ ନେଆଁ ପାଉଲୁସ୍‌ଆଃ ଜୀବାନରେୟାଃ ଚୁଣ୍ଟୁଦିପିଲି ତାନାଃ । ପାଉଲୁସ୍‌ଲଃ ତୀର୍ଥାଟୁଆଃ ପୁରାଃ ବୁଗିନ୍ ନାତା ତାଇକେନା, ଜନିଃ ପୁରାଃସାଃ ତୀର୍ଥାଟକେ ହନ୍ ମେନ୍ତେ କାଜିକାଦା ଫିଲିପିୟ ୨:୨୨;୧ ତିନଥ ୧:୨-୧୮ । ପାଉଲୁସ୍‌ଆଃ ହରାତେ ମିହୁଡ଼କେ ଏସକାର୍ ଅଲାକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଟାଃ ଆପିୟା ପୁଅ ହବାଅଃତାନା ୨ ତୀର୍ଥାଟ, ତିତସ୍, ଆତଃ ଫିଲ୍‌ମନ୍ । ପାହିଲା ତୀର୍ଥାଟରେ କାଲିସିୟାରାଃ ସୁନ୍ଦୁସାର୍ ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ଚାଇଲ୍ ଚାଲାନ୍ ବିଷାଏରେ ମେନାଃ ୩:୧-୧୩ଆତଃ ହସଡ଼ ଇଡୁକଆଃ ବିଷାଏରେ ତେନେତାଅ କାଜି ମେନାଃ ୧:୩-୧୧;୪:୧-୫;୬:୨-୫ । କାଲିସିୟାରେ ତୀର୍ଥାଟ ଚିଲ୍‌କା ମିଆଁଦ୍ ଆଗୁଆଇ ହବାଅଃ ଲାଗାତିଙ୍ଗ୍‌ୟାଃ, ଏନ୍ ବିଷାଏରେ ପାଉଲୁସ୍ ନେ ଚିଟାଉରେ ଉଦୁବକାଦା । ପାହିଲା ତୀର୍ଥାଟରେ ନାହାଁରେୟାଃ ହାତୁ କାଲିସିୟାକରେ କାମି ରିକା ଲାଗାତିଙ୍ଗ୍ ନାଗେନ୍ତେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଟେଦ୍ ଇନିଡୁକ ଏମାକାନା ।

## ପୁଅ ଭିଟାଉରେ ତାଇକାନ୍ କାଜି

- ୧. ପାଉଲୁସ୍ ତୀର୍ଥାଟକେ ଜହାର୍ କାଜିକେଦ୍‌ତେ ଅନଲ୍ ଏଟେଦ୍ କାଦାଏ । ୧:୧-୨
- ୨. ପାଉଲୁସ୍ ତୀର୍ଥାଟକେ ହସଡ଼ ଇଡୁକଆଃ ବିରୁଧ୍‌ରେ ତେନେତାଅ ଉଦୁବକାଦାଏ । ୧:୩-୧୧
- ୩. ଖ୍ରୀଷ୍ଟୁଆଃରେ ପାଉଲୁସ୍‌ଆଃ ଧାନ୍ୟାବାଦ୍ । ୧:୧୨-୧୯
- ୪. କାଲିସିୟାରେୟାଃ ସେଖା କାମି ଆତଃ ଆଗୁଆଇକଆଃ ବିଷାଏରେ ତୀର୍ଥାଟକେ ପାଉଲୁସ୍‌ଆଃ ଇନିଡୁ । ୨-୩
- ୫. ତୀର୍ଥାଟକେ ପାଉଲୁସ୍‌ଆଃ ଚୁଣ୍ଟୁ ଇନିଡୁ । ୪-୬

୧ ଆଇଙ୍ଗ୍ ପାଉଲୁସ୍, ଆଗୁଆଃ ଜୀଉବାସ୍ତାଅ ଏମଃନିଃ ପାର୍‌ମେଶ୍ୱାର୍ ଆତଃ ଆବୁ ଆସ୍ରାଏତାନ୍ ଯୀଶୁ ଖ୍ରୀଷ୍ଟୁଆଃ ଆନାଚୁ ଲେକାତେ କୁଲାକାନିନିଃ ତାନିଙ୍ଗ୍,

୨ \*ବିଶ୍ୱାସ୍‌ରେନ୍ ସାର୍‌ତି ହନ୍ ତୀର୍ଥାଟକରେ ଅଲାକାନ୍ ଚିଟାଉ : ଆପୁ ପାର୍‌ମେଶ୍ୱାର୍ ଆତଃ ଆଗୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁ ଆପେକେ ସାୟାଦ୍, ଲିନିବୁଇ ଆତଃ ଜୀଉସୁକୁ ଏମାପେକାଏ ।

ହସଡ଼ ଇନିଡୁଏତେ ଚିର୍ଗାଲାକାନ୍‌ପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମତା ଆମକେ କାଜିକେଦ୍‌ମେ ଲେକା ଆମ୍ ଏଫିସୁସ୍ ନାଗାରରେୟ ତାଇନ୍‌ମେ ଆତଃ ଚିମିନ୍ ହଡ଼କ ଏନ୍ତାଃରେ ହସଡ଼କାଜିକ ଇଡୁକତାନା, ଇନ୍‌କୁକେ ଏନ୍ ହସଡ଼କାଜିକ ଆଲ୍‌ପେ ଇଡୁକଆ ମେନ୍ତେ ଆଚୁକମେ । ୪ ଆତଃ ହଡ଼ତେ ବାଇୟାକାନ୍ କାଥ୍‌ନି ଆତଃ ହାଡ଼ାମ୍‌ହଡ଼କଆଃ

☆ ୧:୨ ୧:୨ ପ୍ରେରିତ ୧୭:୧.



ଜିଲିଙ୍ଗ କିଲିକିଆଃ ଉଡ଼ୁକ ଆଲୁପେ ଆୟୁମାଃ ମେନ୍ତେ ଆରୁକମେ, ଚିୟାଃତି ନେ ସବେନାଃତେଗି ପାତିୟାଃତେ ସାରିୟାଃତାନ ପାରମେଶ୍ୱାର୍ଆଃ ସେଞ୍ଜା କାମି କା ହବାକେଦତେ କାପୁଜିକ ଅତଙ୍ଗଅଃଆ । ୫ ଫାର୍ତି ମନ୍ସୁରୁଦତେ, ବୁଗିନ୍ ମନ୍ତେ ଆତଃ ସାର୍ତି ବିଶ୍ୱାସ୍ତେ ଅତଙ୍ଗଅଃତାନ ଦୁଲ୍ଲାଡ଼କେ ଚିହ୍ନଟ୍ ରିକାନାଙ୍ଗ ଆଇଙ୍ଗ୍ ଆମ୍ବକେଇଙ୍ଗ୍ ଆରୁମେତାନା । ନେଆଁଗି ଧାର୍ମାନ୍ ଇନିତୁ ତାନାଃ । ୬ ଚିମିନ୍ ହଡ଼କ ନେ ବିଶେଷ୍ କାଜିକ ବାରିକେଦତେ ସାମାକାଜିକରେ ପାତିୟାଃତକେଦତେ ଆକଆଃ ହରାକ ଆଦାକାଦା । ୭ ଇନ୍କୁ ମୁଣା ନାବୀଆଃ ଆନ୍ତୁରାଃ ଆଇନ୍ ଇତୁକ ହବାଅଃ ନାଙ୍ଗକ ସାନାଙ୍ଗତାନା, ମେନ୍ଦ୍ ଇନ୍କୁ ଆକଗି କାଜିତାନତେୟାଃ ଆତଃ ଆକଗି ଇତୁକତାନ ପକ୍ତାନ କାଜିକେ କାକ ଆଟ୍ କାରୁଉରୁମେତାନା ।

୮ ଆବୁ ସାରିତାନାବୁ ଯେ, ଜେତାଏ ହଡ଼ ମୁଣାରାଃ ଆନ୍ତୁ ଲେକାଗି ବୁଗିଲେକାଏ କାମିରେଦ ଏନା ବୁଗିନ୍ ତାନାଃ । ୯ ଆତଃ ଧାର୍ମାନ୍ ହଡ଼କ ନାଗେନ୍ତେ ଆନ୍ତୁ କା ଦହାକାନା, ମେନ୍ଦ୍ ଆନ୍ତୁ ବାନଃ ଏଡ଼କାନ୍ ହଡ଼କ ନାଙ୍ଗ୍, ଆପାନ୍ ସାନାଙ୍ଗତାନଲେକା କାମିତାନକ ନାଙ୍ଗ୍, ପାରମେଶ୍ୱାରକେ କା ବରତାନକ ନାଙ୍ଗ୍, ପାପକାମିରେ ତାଇନତାନକ ନାଙ୍ଗ୍, ସତ୍ତରାକାନକ ନାଙ୍ଗ୍, ଆତଃ କା ଧାର୍ମାନ୍ କାମି କାମିତାନକ ନାଙ୍ଗ୍, ଏଙ୍ଗା, ଆପୁକିନ୍କେ ଗଏଃତାନକ ନାଙ୍ଗ୍, ହଡ଼ ଗଗଏଃକ ନାଙ୍ଗ୍, ୧୦ ଆପାଙ୍ଗିତାନକ ନାଙ୍ଗ୍, କଡ଼ା କଡ଼ାକଲଃ ଆପାଙ୍ଗିତାନକ ନାଙ୍ଗ୍, ହଡ଼ ଆଖିଙ୍ଗ୍ତାନକ ନାଙ୍ଗ୍, ବେଦାତାନକ ନାଙ୍ଗ୍, ହସଡ଼ ଗାଞ୍ଜା ଏମ୍ତାନକ ନାଙ୍ଗ୍ ଆତଃ ସବେନ୍ ବୁଗିନ୍ ଇନିତୁରେ କାଜିକେସେଦତାନକ ନାଙ୍ଗ୍ ନେ ଆଇନ୍ ବାଇୟାକାନା । ୧୧ ପୁରାଃ ମାନାରାଙ୍ଗ୍ ସୁକୁଆନ୍ ପାରମେଶ୍ୱାର୍ଆଃ ସୁକୁକାଜିରେ ସବେନ୍ ବୁଗିନ୍ ଇନିତୁ ଦହାକାନା । ଏନ୍ ସୁକୁକାଜିକେ ଉଦୁବ୍ ନାଗେନ୍ତେ ଆଇଙ୍ଗ୍କେ ବାହାରମ୍ ଏମାକାନ୍ ତାଇକେନା ।

ପାରମେଶ୍ୱାର୍ଆଃ ଲିନିବୁଇ ନାଗେନ୍ତେ ଧାନ୍ୟାବଦ୍

୧୨ ଆୟାଃ କାମିରେ ପେଡ଼େଃ ଏମାକାଦିଙ୍ଗ୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେଇଙ୍ଗ୍ ଜହାରିତାନା । ଇନିଃ ଆଇଙ୍ଗ୍କେ ପାତିୟାଃତରଃନିଃ ଲେକା ଆଟ୍ କାରୁକେଦତେ ଆଇଃକ୍କେ ସେଞ୍ଜା ନାଙ୍ଗ୍ ସାଲାକାଦିୟାଏ । ୧୩ ଆଇଙ୍ଗ୍ଦ୍ ସିଦାକରେ ଯୀଶୁ ଖ୍ରୀଷ୍ଟକେଇଙ୍ଗ୍ ନିନ୍ଦାକିୟା, ସାସାତିକିୟା, ଆତଃ ଲାନ୍ଦାକିୟା, ଏନ୍ରେହ ପାରମେଶ୍ୱାର୍ ଆଇଙ୍ଗ୍କେ ଦାୟାକେଦିୟା, ମେନ୍ଦ୍ ଆଇଙ୍ଗ୍ ଚିନାଃ କାମି ତାଇନାଇଙ୍ଗ୍ ଏନା କା ବିଶ୍ୱାସ୍ତେ ଆତଃ ବେଗାର୍ ସାରିତେଇଙ୍ଗ୍ କାମିକାଦା । ୧୪ ଆତଃ ଆବୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦକାୟାନ୍ ହରାତେ ଆଇଙ୍ଗ୍ ଯୀଶୁ ଖ୍ରୀଷ୍ଟରେ ବିଶ୍ୱାସ୍ ଆତଃ ଦୁଲ୍ଲାଡ଼ରାଃ ମେନେସାରେ ମେନାଇୟା । ୧୫ ପାପି ହଡ଼କକେ ବାସ୍ତାଅ ନାଗେନ୍ତେ ଯୀଶୁ ଖ୍ରୀଷ୍ଟ୍ ଅତେଦିଶ୍ୱମ୍ତେ ହିଜୁଃୟାନା, ନେ କାଜି ପାତିୟାଃତରଃ ଲେକାନ୍ କାଜି ତାନାଃ, ନେଆଁକେ ସବେନ୍କ ବିଶ୍ୱାସ୍ ଆତଃ ତେଲ୍ଲାଦାରମେ ଲାଗାତିଙ୍ଗ୍ୟାଃ । ଆଇଙ୍ଗ୍ ଇନ୍କୁଏତେ ପୁରାଃଗି ଏଡ଼କାନ୍ନିଃ ତାନିଙ୍ଗ୍ । ୧୬ ଆଇଙ୍ଗ୍ ମାରାଙ୍ଗ୍ଉତାର୍ ପାପି ତାନିଙ୍ଗ୍ରେୟ ଯୀଶୁ ଖ୍ରୀଷ୍ଟ୍ଆଃ ସବେନ୍ ସାହାତିଙ୍ଗ୍ ଜୀଞ୍ଜାନ୍ ଉଦୁବ୍ ନାଗେନ୍ତେ ପାରମେଶ୍ୱାର୍ ଆଇଙ୍ଗ୍କେ ଦାୟାକେଦିୟା । ଏଟାଃକ ଜେ'ଲେକା ଯୀଶୁ ଖ୍ରୀଷ୍ଟ୍ତାଃରେ ବିଶ୍ୱାସେୟାକ ଆତଃ ଜାନାଅ ଜୀଦାନକ ନାମେୟା । ଏନା ନାଗେନ୍ତେ ଆଇଙ୍ଗ୍ ଇନ୍କୁଆଃ ନାଙ୍ଗ୍ ନାମୁନାଇଙ୍ଗ୍ ବାଇୟାକାନା । ୧୭ କା ଜିୟନଃତାନ, କା ନେଲଃତାନ, ମିଆଁଦଗି ପାରମେଶ୍ୱାର୍ ଜାନାଅ ଜାନାଅରେନ୍ ରାଜା, ଇନିୟାଃ ଏସ୍କାର୍ ମାଇନାନ୍ ଆତଃ ମାନାରାଙ୍ଗ୍ ଯୁର୍ ଯୁର୍ ହବାଃଅକା ! ଆମେନ୍ ।

୧୮ ହେ ଦୁଲ୍ଲାଡ଼୍ ହନ୍ ତୀମଥ୍, ଆମାଃ ନାଙ୍ଗ୍ ସିଦାରେ କାଜିୟାକାନ୍ ଆୟାରକାଜି ଲେକାତେ ଆଇଙ୍ଗ୍ ଆମ୍ବକେ ଆରୁମେତାନାଇଙ୍ଗ୍, ଏନ୍ ଲେକାଗି ଆମ୍ ସବେନ୍

\* ୧:୧୩ ୧:୧୩ ପ୍ରେରିଡ଼ ୮:୩; ୯:୪,୫.

ଆୟାତ୍ମକାଳି ହରାତେ ବୁଗିଲେକାମ୍ ଲାଡ଼ାଇ ଦାଡ଼ିୟା । ୧୯ ଆମ୍ ବିଶ୍ୱାସ୍ ଆତଃ ବୁଗିନ୍ ସେଣାଁ ସାବେମେ, ନେଆଁ ବାଗିକେଦ୍ ନାଗେନ୍ତେ ଚିମିନ୍ ହଡ଼କ ଆକଆଃ ବିଶ୍ୱାସ୍ ଜିୟନ୍କାଦା । ୨୦ ଇନ୍କୁଏତେ ହୁମ୍ନାୟ୍ ଆତଃ ଆଲେକ୍ଜାଣ୍ଡାର୍, ନେ ବାରାନ୍କିନ୍ ତାନ୍କିନ୍ । ନେ ବାରାନ୍କିନ୍କେ ଆଇଙ୍ଗ୍ ସାଏତାନ୍ଆଃ ତିଃଇରେଇଙ୍ଗ୍ ଜିମାକେଦ୍କିନା, ଜେ'ଲେକାଟି ଇନ୍କିନ୍ ପାର୍ମେଶ୍ୱାର୍କେ କା ନିୟାଇ ନାଗେନ୍ତେ ଇନିତୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଝାଇରାଃ ଇନିତୁ

୧ ଆଇଙ୍ଗ୍ ସିଦାତେ କାଜିଗରଙ୍ଗ୍ ତାନାଇଙ୍ଗ୍, ସେଝାତାନ୍ ଇମ୍ତା ସବେନ୍କ ନାଗେନ୍ତେ ପାର୍ମେଶ୍ୱାର୍ତାଃରେ ବିକ୍ତି, ଏଟାଃକ ନାଙ୍ଗ୍ ବିକ୍ତି, ଆତଃ ଧାନାବାଦ୍ ଏମେପେ । ୨ ନେ'ଲେକାଗି ରାଜାକଆଃ ନାଙ୍ଗ୍ ଆତଃ ଆକ୍ତେୟାର୍ ନାମାକାଦ୍କ ନାଙ୍ଗ୍ ବିକ୍ତିପେ, ଜେ'ଲେକା ପାର୍ମେଶ୍ୱାର୍କେ ବରଭାକ୍ତିତାନ୍ଲଃ ସାଲ୍ୟାନ୍ତ୍ରିବୁ ତାଇନା ଆତଃ ଏଟାଃକଲଃ ସୁକୁଜାତରେ ଜୀଦାନ୍ବୁ ବିତାଅ ଦାଡ଼ିୟା । ୩ ନେ'ଲେକାନ୍ ବିକ୍ତି ଆବୁଆଃ ଜୀଉ ବାଞ୍ଚାଅନିଃ ପାର୍ମେଶ୍ୱାର୍ଆଃ ଆୟାର୍ରେ ବୁଗିନ୍ ଆତଃ ସୁକୁଆନ୍ରିୟା । ୪ ସବେନ୍ ହଡ଼କଆଃ ଜୀଉ ବାଞ୍ଚାଅଃକା ଆତଃ ସାର୍ତି ବିଷାଏରେ ସେଣାଁକ ନାମେକା ମେନ୍ତେ ଇନିୟାଃ ସାନାଙ୍ଗ୍ତାନାଃ । ୫ ଚିୟାଃଟି ମିଆଁଦଗି ପାର୍ମେଶ୍ୱାର୍ ମେନାଇୟା । ହଡ଼କକେ ପାର୍ମେଶ୍ୱାର୍ତାଃରେ ଆଉ ହୁଣ୍ଡିକନାଙ୍ଗ୍ ମିହୁଡ଼ଗି ମେନାଇୟା, ଇନିଃ ହବାଅଃତାନାଏ ମାନଝାହନ୍ ଯାଶୁ ଖ୍ରୀଷ୍ଟ । ୬ ଇନିଃ ସବେନ୍କକେ ପାପ୍ତହେତେ ରାଡ଼ା ନାଗେନ୍ତେ ଆଇଃକ୍ଗି ଦାଣ୍ଡୋକାବ୍ୟାନାଏ, ନେଆଁତେ ଆବ୍କାର୍ଯ୍ୟାନା ଯେ, ପାର୍ମେଶ୍ୱାର୍ ଠାଉକା ନେତାରେ ସବେନ୍ ହଡ଼କକେ ବାଞ୍ଚାଅ ନାଗେନ୍ତେ ସାନାଙ୍ଗ୍ତାନା, ଏନାରେୟାଃ ସାରୁଦ୍ ଏମାକାଦାଏ । ୭ ଏନ୍ ସାର୍ତି ଆତଃ ବିଶ୍ୱାସ୍ତାଃ କାଜି ସାଆଁସାର୍କତାଃରେ ଉଦ୍ବୁଦ୍ ନାଗେନ୍ତେ ଆଇଙ୍ଗ୍ ମିଆଁଦ୍ ଇତୁନିଃ ଆତଃ କୁଲ୍ଲାନିଃ ଲେକାଙ୍ଗ୍ ସାଲ୍ଲାନା । ଆଇଙ୍ଗ୍ କାଇଙ୍ଗ୍ ବେଦାତାନା, ସାର୍ତିଗିଙ୍ଗ୍ କାଜିତାନା ।

୮ ସବେନ୍ କାଲିସିୟାରେୟାଃ ସେଝାକାମିରେ ହଡ଼କ, ପାବିତାର୍ ହଡ଼କ ବେଗାର୍ ଖୁସ୍ତେ ଆତଃ ବେଗାର୍ କାପ୍ତିକେତେ ତିଃଇ ଚିମ୍କେଦ୍ତେ ବିକ୍ତିପେ ମେନ୍ତେ ଆଇଙ୍ଗ୍ ସାନାଙ୍ଗ୍ତାନାଇଙ୍ଗ୍ । ୯ ଏନ୍ଲେକାଗି କୁଡ଼ିକହଗି ଆକଆଃ ଲିଜାଃ ତୁସିଙ୍ଗ୍ଆଃରେ ବୁଗିଲେକାତେ ତୁସିଙ୍ଗ୍ଆଃକାକ, ଉଦ୍ବକେ ବାଇ ବାଇତେ କା ଗାଲ୍ଲାଙ୍ଗ୍କେଦ୍ତେ, ସୋନା ଚାଏ ମତି ଚାଏ ପୁରାଃ ଗନଙ୍ଗ୍ତାଃ ଲିଜାଃ ଆଲ୍ଲକାକ ତୁସିଙ୍ଗ୍ଆଁକା । ୧୦ ମେନ୍ଦ ବୁଗିନ୍ କାମିରେୟାଃ ସିଙ୍ଗାର୍ରେ ଆକ ଆକଗି ସିଙ୍ଗାରଃକାକ, ଆତଃ ଧାର୍ମାନ୍ କୁଡ଼ିକ ମେନ୍ତେକ କାଜିନ୍କା । ୧୧ କୁଡ଼ିକ ସବେନ୍ କାଜିକରେ ହାପାଆଃ ନାଗେନ୍ତେ ଆତଃ ଲେବେଃ ମନ୍ରେ ଇତୁନ୍ ନାଗେନ୍ତେ ଲାଗାତିଙ୍ଗ୍ୟାଃ । ୧୨ କୁଡ଼ିକ ଇତୁକକାକ ଚାଏ କଡ଼ାକଆଃ ଚେତାନ୍ରେ ଆକ୍ତେୟାର୍ରେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ଆରୁକତାନା, ମେନ୍ଦ ଇନ୍କୁ ହାପାକାନ୍ଗି ତାଇନ୍କାକ । ୧୩ ଚିୟାଃଟି ପାର୍ମେଶ୍ୱାର୍ ସିଦାତେ ଆଦାମ୍କେ ବାଇକିୟା, ଏନ୍ ତାୟମ୍ତେ ହାଝାକେ । ୧୪ ଆତଃ ସିଦାତେ ଆଦାମ୍ କାଏ ବେଦାୟାନା, ମେନ୍ଦ କୁଡ଼ି ବେଦାୟାନାଏ ଆତଃ ପାର୍ମେଶ୍ୱାର୍ଆଃ ଆନ୍ତୁକେ ଟଟାଃକେଦା । ୧୫ ମେନ୍ଦ ଇନ୍କୁ ବୁଗିନ୍ ସେଣାଁଲଃ ବିଶ୍ୱାସ୍, ଦୁଲ୍ଲାଡ଼, ଆତଃ ପାବିତାର୍ରେ ଆବର୍ଗି ତାଇନଃରେଦ, ଇନ୍କୁ ଏଙ୍ଗା ହବାଅଃ ହରାତେ ପାରିତ୍ରାଣ୍ ନାମ୍ ଦାଡ଼ିୟାକ ।

☆ ୨:୭ ୨:୭ ୨ ତିମଥ୍ ୧:୧୧. ☆ ୨:୯ ୨:୯ ୧ ପାବ୍ତରାସ୍ ୩:୩.

# ୩

## କାଲିସିୟାରେନ୍ ଆଗୁଆଇକ

୯ ନେ କାଜି ସାର୍ତ୍ତଗି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଅଃନାଙ୍ଗ୍ ସାନାଙ୍ଗ୍ରେଦ, ଇନିଃ ବୁଗିନ୍ କାମି ରିକା ନାଙ୍ଗ୍ ସାନାଙ୍ଗ୍ଆଃଏ । ୨ \*ତିୟାଃତି କାଲିସିୟାରେନ୍ ଆଗୁଆଇକଦ ବେଗାର୍ ତିଟାକାନ୍ ଲେକା ତାଇନ୍ ଲାଗାତିଙ୍ଗ୍ୟାଃ, ଇନିୟାଃ ମିଆଁଦ୍ଵି କୁଡ଼ି ତାଇନ୍ ଲାଗାତିଙ୍ଗ୍ୟାଃ, ଲେବେଃଫନ୍ନିଃ, ଆପାନ୍କେ ଆବରରେ ଦହନିଃ, ଫାଇନ୍ ନାଫେତାନ୍ନିଃ, ଆପନାଃ ଅଡ଼ାଃତେ ହିଜୁଃନିଃକେ ଦାରମିନିଃଆତଃ ଇନିଃ ଇତୁ ଦାଡ଼ିଲେକାନ୍ନିଃ ତାଇନ୍କାଏ, ୩ ଇନିଃ ଇଲିଆରୁଶ୍ଵେତେ ବୁଲଃଫନ୍ନିଃ ଚାଏ ଏଡ଼କାନ୍ନିଃ ଆଲକାଏ ହବାଅଃକା, ଫେନ୍ଦ ଲେବେଃଫନ୍ନିଃ ଆତଃ ବାପାଇନିଃ ତାଇନ୍କାଏ । ଟାକା ପାଏସା ଦୁଲ୍ଲାଡ଼ନିଃ ଆଲକାଏ ହବାଅଃକା, ୪ ଇନିଃ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ଦାଡ଼ିକ ଲେକା ଆତଃ ଆୟାଃ ହନ୍କ ଆଇଃକକେ ସବେନ୍ ଲେକାନ୍ ଫାଇନ୍ତେ ମାନାତିଙ୍ଗ୍ ଲେକାଏ ତାଇନ୍କା । ୫ ଜେତାଏ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ନାଗେନ୍ତେ କାଏ ଇତୁଆନ୍ରେଦ ଇନିଃ ପାର୍ଫେଶ୍ଵାର୍ଆଃ କାଲିସିୟାକେ ଚିଲ୍କାତେ ଚାଲାଅ ଦାଡ଼ିୟା ? ୬ ଆତଃ ଇନିଃ ଶ୍ରୀଷ୍ଟ ବିଶ୍ଵାସ୍ରେ ପକ୍ତାକାନ୍ନି ତାଇନ୍ ଲାଗାତିଙ୍ଗ୍ୟାଃ, କା'ରେଦ ଇନିଃ ସାମାଗି ଆପାନ୍କେ ମାରାଙ୍ଗ୍ ଫେନ୍ତେ କାଜିନ୍ତାନ୍ନିଃ ସାଏତାନ୍ ଲେକା ସାଜାରେ ଉୟୁଗଃଆ । ୭ ଇନିଃ ଆଲକାଏ ଗିହୁଗଃକା ଆତଃ ସାଏତାନ୍ରାଃ ଫାଁସ୍ଵିରେ ଆଲକାଏ ଉୟୁଗଃକା, ଏନାଫେନ୍ତେ ଇନିଃକେ ବାହାରି କାଲିସିୟାରେନ୍ ହଡ଼କତାଃଏତେ ହଗି ଫାଇନ୍ ନାଫେଲେକାନ୍ନିଃ ହବାଅଃ ଲାଗାତିଙ୍ଗ୍ୟାଃ ।

## କାଲିସିୟାରେ ଦେଙ୍ଗାତାନ୍କ

୮ କାଲିସିୟାରେନ୍ ଦିକାନ୍କ ବୁଗିନ୍ ତାଇଲ୍ ଚାଲାନ୍ ଆତଃ ଫାଇନ୍ ନାଫେଲେକା ହବାଅଃ ଲାଗାତିଙ୍ଗ୍ୟାଃ । ଇନ୍କୁ ଇଲିଆରୁଶ୍ଵ ଆଲକାକ ନୁଏକା ଆତଃ ଟାକା ପାଏସାରେଆଃ ଲାଲାଡ଼ରେ ଆଲକାକ ତାଇନ୍କା । ୯ ଇନ୍କୁ ଆବୁଆଃ ଧାରାମ୍ ବିଶ୍ଵାସ୍ରେୟାଃ ଉନ୍ନୁଦ୍ଵ କାଜିରେୟାଃ ସାର୍ତ୍ତତେୟାଃକେ ଫାର୍ତି ବିବେକ୍ତେ ପୁରାଃ କେଟେଦ୍ ବିଶ୍ଵାସ୍ରେ ତାଇନ୍କାକ । ୧୦ ଇନ୍କୁକେ ହଗି ସିଦାତେ ବିଡ଼ାଅ ଲାଗାତିଙ୍ଗ୍ୟାଃ, ଏନ୍ତେ ବେଗାର୍ ତିଟାକାନ୍ ଲେକାକ ନେଲଃରେଦ, ଦିକାନ୍ ଲେକା ସୁନ୍ଦୁସାର୍ କାମିକ କାମିକା । ୧୧ ଏନ୍ଲେକାଗି ଆକଆଃ କୁଡ଼ିକଆଃ ତାଇଲ୍ ଚାଲାନ୍ ବୁଗିନ୍ ହବାଅଃ ଲାଗାତିଙ୍ଗ୍ୟାଃ ଆତଃ ଏଟାଃନିୟାଃ ବିରୁଧ୍ରେ ନିୟା କାଜିକ କା କାଜିକେଦ୍ତେ ଲେବେଃଫନ୍ନିଃ, ଆତଃ ସବେନ୍ କାଜିକରେ ପାତିୟାରୁରଃ ଲେକା ତାଇନ୍ ଲାଗାତିଙ୍ଗ୍ୟାଃ । ୧୨ କାଲିସିୟାରେନ୍ ଦିକାନ୍କଆଃ ମିଆଁଦ୍ଵି କୁଡ଼ି ତାଇନ୍ ଲାଗାତିଙ୍ଗ୍ୟାଃ ଆତଃ ଆକଆଃ ହନ୍କ ଆତଃ ଆକଆଃ ଅଡ଼ାଃରେନ୍କକେ ବୁଗିଲେକାତେ ଚାଲାଅକୁକାକ । ୧୩ ବୁଗିଲେକାତେ ସୁସାର୍ତ୍ତାନ୍ ଦିକାନ୍କ, କାଲିସିୟାରେ ଇନ୍କୁ ଆକଆଃ ନାଗେନ୍ତେ ଫାଇନ୍କ ନାଫେୟା ଆତଃ ଯାଶୁ ଶ୍ରୀଷ୍ଟରେ ବିଶ୍ଵାସ୍କାଦ୍ କାଜି ପୁରାଃ ସାହାସକେଦ୍ତେକ କାଜି ଦାଡ଼ିୟା ।

## ପାର୍ଫେଶ୍ଵାର୍ଆଃ ଉକୁଆକାନ୍ କାଜି

୧୪ ଆଇଙ୍ଗ୍ ଜାଲ୍ଦିଗି ହିଜୁଃକେଦ୍ତେ ଆମ୍କେ ନେଲ୍ଫେରାଃ ଆସ୍ତାରେ, ନେ ଚିଠାଉ ଆମାଃତାଃତେଇଙ୍ଗ୍ ଅଲେତାନା । ୧୫ ଫେନ୍ଦ୍ ଆଇଙ୍ଗ୍ ହିଜୁଃ ନାଙ୍ଗ୍ ବିଲାଫେରେଦ, ଜାନିଦ୍ ପାର୍ଫେଶ୍ଵାର୍ଆଃ ଅଡ଼ାଃରେ ଆବୁଆଃ ତାଇଲ୍ ଚାଲାନ୍ ଚିଲ୍କା ହବାଅଃ ଲାଗାତିଙ୍ଗ୍ୟାଃ, ଏନା ଆମ୍ ନେ ଚିଟାଉରେମ୍ ସାରି ଦାଡ଼ିୟା । ନେ ଜାନିଦ୍ ପାର୍ଫେଶ୍ଵାର୍ଆଃ କାଲିସିୟାଗି ସାନାର୍ତ୍ତରାଃ ଶୁଶୁ

\* ୩:୨ ଶ୍ଵା:୨ ତିତସ୍ ୧:୭-୯.

ଆତ୍ମ ନିହିତାତ୍ମା ତାନାଃ । ୧୭ ଆବୁଆଃ ଧାରାମ୍ ବିଶ୍ୱାସ୍ତାଃ ନେ ମାରାଜ୍ଞ  
 ଉକ୍ତୁଆକାନ୍ ବିଷାଏକେ ସବେନ୍ଦକ ମାନାତିକ୍ ଦାଡ଼ିୟଃତେୟାଃ ତାନାଃ, ଶ୍ରୀଷ୍ଟ  
 ମାନସା ହତ୍ତମତେ ହିଜୁଃୟାନା, ପାବିତାର୍ ଆମ୍ ଇନିଃକେ ଧାରମାନ୍ ହତ୍ତ ମେନ୍ତେ  
 ସାବୁଦକିୟା, ଦୁଡ଼କତାଃରେ ନେଲ୍ଲିକାୟାନା, ସବେନ୍ ହତ୍ତକତାଃରେ ଇନିୟାଃ  
 ବିଷାଏ ଉଦୁବ୍ୟାନା, ଅତେଦିଶୁମ୍ରେ ଇନିଃ ପାତିୟାର୍ରେ ଲେକାଏ ହବାୟାନା,  
 ଆତ୍ମ ମାନାରାଜ୍ଞରେ ସିମାତେ ଇଦିୟାନା ।

### ୪

#### ହସତ୍ତ ଇତୁକ

୯ ପାବିତାର୍ ଆମ୍ ଫାର୍ତାଫାର୍ତି କାଜିତାନା, ତାୟମ୍ ଦିପିଲିରେ ତିମିନ୍ ହତ୍ତକ  
 ଶ୍ରୀଷ୍ଟ ବିଶ୍ୱାସ୍ତକେକ ବାରିୟା ଆତ୍ମ ବେଦାତାନ୍ ଆମ୍ବାକକେ ମାନାତିକ୍କେଦତେ  
 ବଜାକଆଃ ଇନିତୁ ହରାକ ଅତକ୍ତୟେଆ । ୧୦ ଇନ୍କୁ ହସତ୍ତ ଇତୁକ ଆତ୍ମ ବେଦାତାନ୍  
 ହତ୍ତକ ତାନ୍କ । ଇନ୍କୁଆଃ ବିବେକ୍କ ଗଜାକାନା ଆତ୍ମ ଅଶ୍ୱରକାନା । ୧୧ ଏନ୍ ହସତ୍ତ  
 ଇତୁତାନ୍କ ଆଶ୍ୱଦି ନାଗେନ୍ତେ ଆତ୍ମ ତିମିନ୍ ଜମେତେୟାଃକ ଜମ୍ ନାଗେନ୍ତେ  
 କା ବୁଗିନାଃ ମେନ୍ତେକ ଇତୁଆଃ । ମେନ୍ଦ ପାର୍ମେଶ୍ୱାର୍କେ ବିଶ୍ୱାସ୍ତାନ୍କ  
 ଆତ୍ମ ସାନାର୍ତିକେ ସାରିତାନ୍ ହତ୍ତକ ନାକ୍ ଧାନ୍ୟାବାଦ୍ ଏମ୍ତାନ୍ଲଃ ଜମେ  
 ନାଗେନ୍ତେ ପାର୍ମେଶ୍ୱାର୍ ନେ ସବେନାଃଏ ବାଇୟାକାଦା । ୧୨ ତିୟାଃତି ପାର୍ମେଶ୍ୱାର୍  
 ବାଇୟାକାଦ୍ ସବେନାଃ ବୁଗିନ୍ରିୟା, ଆତ୍ମ ପାର୍ମେଶ୍ୱାର୍କେ ଧାନ୍ୟାବାଦ୍  
 ଏମ୍କେଦତେ ବିକ୍ତିତାନ୍ଲଃ ତେଲାଏରେଦ ଜେଡ଼ନାଃ କା ଗେନାଆତମଥା ।  
 ୧୩ ତିୟାଃତି ପାର୍ମେଶ୍ୱାର୍ଆଃ ବାତାନ୍ ଆତ୍ମ ବିକ୍ତି ହରାତେ ଏନା ପାବିତାର୍କାନା ।

#### ୟାଶୁ ଶ୍ରୀଷ୍ଟଆଃ ବୁଗିନ୍ ଦାସି

୧୪ ହେ ତୀମଥୁ, ଆମ୍ ବିଶ୍ୱାସ୍ତକାଦ୍ ଆତ୍ମ ଅତକ୍ତଆଉକାଦ୍ ସାର୍ତି ଇନିତୁକେ  
 ଆମାଃ ହାଗା ମିଶିକକେମ୍ ଇତୁକରେଦ, ଆମ୍ ଯାଶୁ ଶ୍ରୀଷ୍ଟଆଃ ବୁଗିନ୍ ଦାସିମ୍  
 ହବାଅଃଥା । ୧୫ ପାର୍ମେଶ୍ୱାର୍ କାଏ ସୁକ୍ତଃ ଲେକାନ୍ ସାମାକାଜିକକେ ବାରିକେଦତେ  
 ଆମାଃ ଧାରମାନ୍ ଜୀଦାନ୍କେ କେଟେଜେ ନାଗେନ୍ତେ ଇତୁନ୍ମେ । ୧୬ ତିୟାଃତି  
 ହତ୍ତମରେୟାଃ କାସ୍ତାତ୍ କାଟିଃଲେକା ବୁଗିନ୍ରିୟାଃ, ମେନ୍ଦ ପାର୍ମେଶ୍ୱାର୍ଆଃ  
 କାଜିଲେକା ଜୀଦାନ୍ ବିତାଅତେୟାଃ ସବେନ୍ ଲେକାତେ ବୁଗିନାଃ, ତିୟାଃତି ନେ  
 ଦିପିଲି ଆତ୍ମ ହିଜୁଃ ଦିପିଲି, ନେ ବାରାନ୍ ଦିପିଲିରେୟାଃ ଜୀଦାନ୍ ନାଗେନ୍ତେ  
 ବାନାର୍ସା ଏମାକାନା ଆତ୍ମ ଏନା ପୁରାଃତି ବୁଗିନାଃ ତାନାଃ । ୧୭ ନେଆଁ ସାର୍ତି  
 କାଜି ତାନାଃ, ଆତ୍ମ ନେଆଁକେ ତେଲାଏ ଲେକାନାଃ ତାନାଃ । ୧୮ ଏନା  
 ନାଗେନ୍ତେ ଆବୁ ସବେନ୍କ ଲାଗାଉତାରଃଗିବୁ କାମିତାନା, ତିୟାଃତି ଆବୁ ଜାନିଦ୍  
 ପାର୍ମେଶ୍ୱାର୍ତାଃରେବୁ ଆସ୍ତାକାଦା, ଇନିଃ ସବେନ୍ ହତ୍ତକଆଃ ଆତ୍ମ ଆଇଃକକେ  
 ବିଶ୍ୱାସ୍ତାନ୍କଆଃ ବାସ୍ତାଅନିଃ ତାନିଃ ।

୧୯ ଆମ୍ ଇନ୍କୁକେ ନେ ସବେନ୍ ବିଷାଏକ ଆରୁକମେ ଆତ୍ମ ଇତୁକମେ ।  
 ୨୦ ଆମାଃ ଜାସାନ୍ ଦିପିଲି ନାଗେନ୍ତେ ଜେତାଏ ଆମ୍କେ ଆଲକାକ ହିଲ୍ଲାଇମେକା,  
 ମେନ୍ଦ ଆମାଃ କାଜିରେ, ଚାଲ୍ଲ ଚାଲ୍ଲାନରେ, ଦୁଲ୍ଲାଡ଼ରେ, ବିଶ୍ୱାସ୍ତରେ ଆତ୍ମ  
 ଫାର୍ତିରେ, ବିଶ୍ୱାସାକ ନାକ୍ ନାମ୍ନା ହବାଅମେ । ୨୧ ଆଇକ୍ ଆମାଃତାଃ ଆଉରି  
 ହିଜୁଃ ଜାକେଦ୍, ଧାରାମ୍ପୁୟ ପାଡ଼ାଅରେ, ପାର୍ତାର୍ କାମିରେ, ଆତ୍ମ ଇନିତୁରେ  
 ନେତା ଏମେମେ । ୨୨ କାଲିସିୟାରେନ୍ ପ୍ରାତିନ୍କ ଆମ୍କେ ପାର୍ମେଶ୍ୱାର୍ଆଃ କାଜି  
 କାଜିକେଦତେ ଆମାଃ ବହଃ ଚେତାନ୍ରେ ତିଃଇ ଦହକେଦ୍ ଇମ୍ତା ଆମ୍ ଅକ ଆମ୍ବକ୍

ଦାନକ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା\* ଏୟା । ୧୫ ଏନ୍ ସବେନ୍ କାଜିକାମିକରେ ବୁଗିନ୍ କାମିନିଃ ହବାଅଃମେ ଆତଃ ଏନାକରେ ତାଇକାନ୍ମେ, ଏନାତେ ଆମାଃ କାଜିକାମି ସବେନ୍କତାଃରେ ଆୟୁରତେ ବାଡ଼ାଅଇଦିୟଃଆ । ୧୬ ଆମାଃ ନାଞ୍ ଆତଃ ଆମାଃ ଇନିତୁ ନାଞ୍ ଚିର୍ଗାଲ୍ଲାନନ୍ ତାଇକ୍ମେ, ନେ ସବେନ୍ କାଜିକାମିକରେ ତାଇକାନ୍ମେ, ଚିୟାଃଚି ଆମ୍ ନେ କାମିମ୍ ରିକାଏରେଦ, ଆମ୍ ଆମାଃ ପାରିତ୍ରାଣ୍ ଆତଃ ଆମ୍କେ ଆୟୁମେତାନକ୍ ବାଞ୍ଚାଅଃଆ ।

**୫**

ବିଶ୍ୱାସୀକଥାଃ କାମିରାଃ ବାହାରମ୍

୧ ହାଡ଼ାମ୍ ହଡ଼କକେ ଆଲମ୍ ମାରାଙ୍ଗମଚାକଥା, ମେନ୍ଦ୍ ଆପୁଲେକା ମାଇକ୍ମେ ଆତଃ ସେପେଡ଼େଦକକେ ହାଗାକଲେକା ମାଇକ୍ମେ । ୨ ବୁଡ଼ିଆକକେ ଏଙ୍ଗାଲେକା ଆତଃ ତିଣ୍ଡା କୁଡ଼ିକକେ ଫାର୍ଚି ମନ୍ତେ ମିଶିଲେକା ମାଇକ୍ମେ ।

୩ ଏସକାରକାନ୍ ରାଣ୍ଡିକୁଡ଼ିକକେ ଯାତ୍ନାଅକମେ । ୪ ମେନ୍ଦ୍ ଜେତା ରାଣ୍ଡିକୁଡ଼ିଆଃ ହନ୍ଗାଣା ଚାଏ ଆୟାଃ ଜାଇହନ୍କ ମେନାକରେଦ, ଇନ୍କୁ ସିଦାତେ ଆକଥାଃ ଅଡ଼ାଃରେନ୍କକେ ଭାଲ୍ଲି ଦେଖାଅ ନାଗେନ୍ତେ ଆତଃ ଏଙ୍ଗାଆପୁକଥାଃ ବୁଗିନାଃ ରିକା ନାଗେନ୍ତେ ଇତୁନ୍କା, ଚିୟାଃଚି ନେଆଁଦ ପାର୍ମେଶ୍ୱାର୍ଆଃ ନେପେଲ୍ଲରେ ସୁଗାଡ଼ାନ୍ରିଆ । ୫ ସାର୍ଚିଗି ଏସକାରକାନ୍ ଆତଃ ଜେତାଏ କାକ ଜାତାନିତାନ୍ ରାଣ୍ଡିକୁଡ଼ି, ପାର୍ମେଶ୍ୱାର୍ତାଃରେ ଆସା ଦହକେଦତେ ନିଦା ସିଙ୍ଗି ଆୟାଃ ଦେଙ୍ଗାନାଞ୍ ବିକ୍ରିତାନ୍ଲଃ ତାଇକ୍ମାଏ । ୬ ମେନ୍ଦ୍ ଜେତାଏ ରାଣ୍ଡିକାନ୍ରେୟ ରିଜ୍ଜରାଙ୍ଗ୍ରେ ତାଇକ୍ତାନ୍ନିଃ, ଜାନିଦ୍ ତାଇକ୍ରେୟଗି ଗଜାକାନାଏ । ୭ ଇନ୍କୁ ବେଗାର୍ ଚିଟାକାନ୍ ଲେକାକ ହବାଅଃଆ, ଏନାମେନ୍ତେ ଆମ୍ ନେ ସବେନାଃହଗି ଇନ୍କୁକେ ଆରୁକମେ । ୮ ମେନ୍ଦ୍ ଜେତାଏ ଆୟାଃ କୁଟୁମ୍କଥାଃ ଆତଃ ଆୟାଃ ଅଡ଼ାଃରେନ୍କଥାଃ ଯାତାନ୍ ଇଦି କାଏ ଦାଡ଼ିନିଃ ବିଶ୍ୱାସକେ ବାଗିକାଦା ଆତଃ ଇନିଃ କା ବିଶ୍ୱାସ୍ତାନ୍କଏତେ ପୁରାଃଗି ଏଡ଼କାନଃଆ ।

୯ ଜେତା ରାଣ୍ଡିକୁଡ଼ିଆଃ ବାୟାସ୍ ଷାଠିଏତେ ଆଦକା ବାରାଷ୍ ଆଉରି ହବାଅଃ ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାଗି ଆଣ୍ଡିକାନ୍ନିଃ ହବାଅଃକାଏ । ୧୦ ଆତଃ ଇନିଃ ଆୟାଃ ବୁଗିନ୍ କାମିରେ ନୁଡୁମାକାନ୍ନିଃ, ନେ'ଲେକାଚି ଆୟାଃ ହନ୍କଥାଃ ହାରାଆସୁଲ୍ନିଃ, କା ଚିହ୍ନାଁରକଥାଃ ସେଞ୍ଜାନିଃ, ପାବିତାର୍ ହଡ଼କଥାଃ କାଟା ଆବୁଙ୍ଗିନିଃ, ଦୁକୁତାନ୍କକେ ଦେଙ୍ଗାନିଃ ଆତଃ ସବେନ୍ ଲେକାନ୍ ବୁଗିନ୍ କାମିକରେ ଚିହ୍ଲୁଲ୍ନିଃ ତାନିଃରେଦ, ଇନିଃ ରାଣ୍ଡିକୁଡ଼ିକଥାଃ ନୁଡୁମ୍ରେ ହିସାବଃକା ।

୧୧ ମେନ୍ଦ୍ ଧାଙ୍ଗ୍ଡି ରାଣ୍ଡିକୁଡ଼ିକକେ ଆଲମ୍ ମେସାକଥା, ଚିୟାଃଚି ଇନ୍କୁ କଡ଼ାକଲଃ ଏଡ଼କାନ୍ ସାନାଙ୍ଗ୍ରେ ଉୟୁଃକେଦତେ ଆଣ୍ଡିୟଃ ନାଙ୍ଗ୍ ସାନାଙ୍ଗ୍ଆଃ, ଇମ୍ତା ଇନ୍କୁ ଯୀଶୁ ଖ୍ରୀଷ୍ଟତାଃଏତେକ ସାଙ୍ଗିନଃଆ । ୧୨ ଆତଃ ଇନ୍କୁ ଆକଥାଃ ପାହିଲ୍ଲା ବାନାର୍ସାକେ ବାଗିକାଦ୍ ନାଗେନ୍ତେ ଆକଗି ସାଜାଇକ ଆଉକାଦା । ୧୩ ଇନ୍କୁ ଜେତ୍ନାଃ କା କାମିକେଦତେ ଅଡ଼ାଃ ଅଡ଼ାଃ ହନ୍ରବାଡ଼ାତାନ୍ଲଃ ସାମାଏ ବିତାଅ ନାଗେନ୍ତେ ଇତୁକାନା, ଏନା ଏସକାର୍ କାହାଗି, ମେନ୍ଦ୍ ସାମାକାଜିକ ଆତଃ ଏଟାଃକଥାଃ ତୁପ୍ପରା କାଜିକ କାଜିତାନ୍ଲଃ କା ଠାଉକାନ୍ କାଜିକ ଜାଗାର୍ରାଃ । ୧୪ ଏନାମେନ୍ତେ ଧାଙ୍ଗ୍ଡି ରାଣ୍ଡିକ ଆଣ୍ଡିକେଦତେ ହନ୍ ଜାନାମ୍କକାକ, ଆକଥାଃ ଅଡ଼ାଃରେୟାଃ କାମିକ କାମିକା, ମେନ୍ତେଇଙ୍ଗ୍ ସାନାଙ୍ଗ୍ତାନା, ନେକା ରିକାଲେରେ

\* ୪:୧୪ ୪:୧୪ ଅବହେଲା

ବାଇରିକକେ ଆବୁଆଃ ବିରୁଧରେ ଏଡ଼କାନ କାଜି ନାଗେନ୍ତେ ହରା କାକ ନାମେୟା । ୧୫ ଚିୟାଃତି ନାହାଁଃହଗି ଚିମିନ୍ ଧାଙ୍ଗୁଡ଼ି ରାଣ୍ଡିକୁଡ଼ିକ ସାଏତାନ୍‌କେ ଅତଙ୍ଗ ନାଗେନ୍ତେ ରୁହାଡ଼ୟାନ୍‌ଗିଆକ । ୧୬ ଜେତାଏ ବିଶ୍ୱାସୀ କୁଡ଼ିଆଃ ଅଡ଼ାଃରେ ରାଣ୍ଡିକୁଡ଼ିକ ମେନାକରେଦ, ଇନିଃ ଇନ୍‌କୁକେ ଦେଙ୍ଗାକକାଏ । ଏନାତେ କାଲିସିୟା ଚେତାନ୍‌ରେ ଇନ୍‌କୁଆଃ ବାହାରମ୍ ଆଲକା ଲାଦିୟଃକା, ଆତଃ କାଲିସିୟା, ଏସକାରାକାନ୍ ରାଣ୍ଡିକୁଡ଼ିକଆଃ ଯାତାନ୍ ଇଦି ନାଗେନ୍ତେ ଦାଡ଼ିୟା ।

୧୭ କାଲିସିୟାରେ ଅକନ୍ ପ୍ରାଚିନ୍‌କ ବୁଗିଲେକାତେ କାମିତାନ୍‌କକେ, ବିଶେଷକେଦତେ ଅକନ୍‌କ ବାଚାନ୍ ଉଦୁଦ୍‌ରେ ଆତଃ ଇନିତୁରେ ଲାଗାଉତାରଃଗି କାମିତାନ୍‌କକେ ବାର୍ ହିସା ଆଦକା ମାଇନ୍ ନାମେଲେକା ବୁଗିନ୍ ନାଲା ଏମାକପେ । ୧୮ ଚିୟାଃତି ଧାରାମ୍‌ପୁଅରେ ଅଲକାନା, “ବାବା ଦାଉରିତାନ୍ ଉରିଃକକଆଃ ମରା ଆଲପେ ତଲେୟା,” ଆତଃ “କାମିତାନ୍‌ନିଃ ଆୟାଃ ନାଲା ନାମେଗିୟାଏ ।” ୧୯ ବାରହଡ଼୍ ଚାଏ ଆଦିହଡ଼ଏତେ ଆଦକା ଗାଞ୍ଜା ବାଙ୍ଗକରେଦ, ପ୍ରାଚିନ୍‌କଆଃ ବିରୁଧରେ ଚିଟାତାନ୍‌କଆଃ କାଜି ଆଲମ୍ ଆୟୁମାଃ । ୨୦ ଏଟାଃ ହଡ଼କ ବରଏକାକ ମେନ୍ତେ ପାପତାନ୍‌କକେ ସବେନ୍‌କଆଃ ଆୟାରିରେ ବତଙ୍ଗକମେ ।

୨୧ ଆଇଙ୍ଗ୍ ଆମ୍‌କେ ପାରମେଶ୍ୱାର୍‌ଆଃ, ଯୀଶୁ ଖ୍ରୀଷ୍ଟଆଃ ଆତଃ ସାଲାକାନ୍ ଦୁଡ଼କଆଃ ଆୟାରିରେଇଙ୍ଗ୍ ଆରୁମେତାନ୍ ଆନାରୁକେ ମାନାଡ଼ିଙ୍ଗମେ । ଜେତାଏୟାଃ ବିରୁଧରେ ମେଦମୁହାଡ଼୍ ନେଲକେଦତେ ଆଲମ୍ ବିଚାରେୟା ଚାଏ ଜେଡ଼ନାଃ ଆଲମ୍ ରିକାୟା । ୨୨ ଜେତାଏରେ ଇମ୍‌ତାଗି ଡିଃଇ ଦହକେଦତେ ବିନ୍ତିତାନ୍‌ଲଃ ପାରମେଶ୍ୱାର୍‌ଆଃ ସେଞ୍ଜା କାମିନାଙ୍ଗ୍ ଆଲମ୍ ସାଲାକଆ । ଏଟାଃକଆଃ ପାପରେ ଆଲମ୍ ମେସାନାଃ, ଆମ୍ ଆମ୍‌ଗି ଫାରତିଆକାନ୍ ତାଇନ୍‌ମେ ।

୨୩ ଦାଆଃ ଏସକାର୍ କା ନୁକେଦତେ ଆମାଃ ଲାହିଦ୍‌ରାଃ ହାସୁଏତେ ଆତଃ ସବେନ୍ ଇମ୍‌ତା ଆମାଃ ହଡ଼ମ୍ ବେଗ୍ କା ତାଇନ୍‌ତାନ୍ ହରାତେ ଆମ୍ ହୁଡ଼ଙ୍ଗଲେକା ଦାଖ୍‌ରାସି ନୁକମେ ।

୨୪ ଚିମିନ୍ ହଡ଼କଆଃ ପାପକ ବିଚାରରେୟାଃ ସିଦାରେ ନେଲଃତାନା ମେନ୍‌ଦ ଚିମିନ୍ ହଡ଼କଆଃ ପାପକ, ତାୟମ୍‌ତେ ନେଲଃତାନା । ୨୫ ଏନ୍‌ଲେକାଗି ବୁଗିନ୍ କାମିକ ବୁଗିଲେକା ନେଲଃତାନା ଆତଃ କା ନେଲଃତାନ୍‌ତେୟାଃ ଉକୁକାନ୍‌ଗି କା ତାଇନ୍ ଦାଡ଼ିୟଃଆ ।



୧ ଯୀଶୁ ଖ୍ରୀଷ୍ଟକେ ବିଶ୍ୱାସତାନ୍ କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେୟାଃ ଆକ୍‌ତେୟାରିରେ ମେନାକ ସବେନ୍ ଦାସିକ ଆପନାଃ ଗୁସିୟାକକେ ସବେନ୍ ଲେକାତେ ମାଇନ୍‌କପେ, ଜେଲେକାଗି ଜେତାଏ ପାରମେଶ୍ୱାର୍‌ଆଃ ନୁଡୁମ୍ ଆତଃ ଆବୁଆଃ ଇନିତୁକେ ଏଡ଼କାନାଃ ତାନାଃ ମେନ୍ତେ କାକ କାଜିୟା । ୨ ଆତଃ ଅକନ୍ ଦାସିକଆଃ ଗୁସିୟାକ ବିଶ୍ୱାସୀତାନ୍‌କ, ଇନ୍‌କୁକେ ଆବୁଆଃ ହାଗାକ ତାନ୍‌କ ମେନ୍ତେ ମାଇନ୍ ଏମ୍ ନାଗେନ୍ତେ ଆଲପେ ହିବ୍‌କିଚାଏଆ, ମେନ୍‌ଦ ପୁରାଃତେ ଇନ୍‌କୁକେ ସୁସାରକପେ, ଚିୟାଃତି ଅକନ୍‌କ ଆକଆଃ କାମିତେ ଲାଭକ ନାମେତାନା, ଇନ୍‌କୁ ହଗି ବିଶ୍ୱାସୀ ଆତଃ ପୁରାଃ ଦୁଲାଡ଼୍ ନାମେ ଲେକାନ୍‌କ ତାନ୍‌କ । ନେ ସବେନାଃ ଆମ୍‌କେ ଇତୁ ଆତଃ ଉଦୁଦ୍ ଲାଗାଡ଼ିଙ୍ଗ୍‌ୟାଃ ।

ହସଡ଼ ଇନିତୁ ଆତଃ ସାରତି ଖୁଜ୍

୩ ଜେତାଏ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାରତି ଇନିତୁ ଲେକା କାଏ ଇତୁତାନା, ଚାଏ ଆୟାଃ ଇନିତୁ କା ମେସାଏଃତାନା ଆତଃ ଧାରାମ୍ ବିଶ୍ୱାସରେଆଃ ଇନିତୁଏତେ

☆ ୫:୧୮ ୫:୧୮ ମାଥୁଉ ୧୦:୧୦; ଲୁକ ୧୦:୭.

ଏଟାଃଲେକାଏ ଇତୁତାନରେଦ, ୪ ଇନିଃ ଜେଡନାଃ କା ସାରିକେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନାଃ । ଇନିଃ ଏଡକାନ୍ ସାନାଙ୍ଗ୍, ଧାରାମ୍‌ପୁଅରାଃ ବାତାନ୍ ବିଷାଏରେ କାପ୍‌ଜି, ହିସ୍‌ଜା, ଏପୁରାଙ୍ଗ୍, ଏଟାଃକଥାଃ ନିନ୍‌କାଜି, ଆତଃ ଏଡକାନାଃକ ଉଡଗୁାଃଏ, ୫ ଆତଃ ଅକନ୍‌କ ଧାରାମ୍ ବିଶ୍ୱାସ୍‌ଗି କିସାଣ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉଡ଼ୁଃଇୟା, ନେ ଲେକାନ୍ ହଡକ ବେଗାର୍ ଉଡ଼ୁଃକେଦ୍‌ତେ ସାମାକାଜିତେକ କାପ୍‌ଜିୟାଃ ଆତଃ ସାନାର୍‌ତି ଇନ୍‌କୁତାଃରେ ବାନଃଆ ।

୬ ଧାର୍‌ମାନ୍ ହଡ ସାର୍‌ତିତେ କିସାଣ୍ ତାନିଃ, ଚିୟାଃଚି ଇନିଃତାଃରେ ଅକନାଃ ମେନାଃ ଇମ୍‌ନାଙ୍ଗ୍‌ରେଚି ଇନିଃ ସୁକୁଃତାନାଏ । ୭ ଚିୟାଃଚି ଆବୁଦ ଅତେଦିଶ୍ୱମ୍‌ତେ ଜେଡନାଃ କାରୁ ଆଉ, ଆତଃ ନେତାଃଏତେ ଜେଡନାଃ କାରୁ ଇଦି ଦାଡିୟା । ୮ ମେନ୍‌ଦ ଆବୁତାଃରେ ଜମେୟାଃ, ଆତଃ ତୁସିଙ୍ଗ୍ ନାଗେନ୍ତେ ଲିଜାଃ ମେନାଃରେଦ, ଆବୁ ନାଙ୍ଗ୍ ଇମ୍‌ନାଙ୍ଗ୍‌ଗି ଲାଗାତିଙ୍ଗ୍‌ୟାଃ । ୯ ଜେତାଏ କିସାଣ୍ ହବାଅଃ ନାଙ୍ଗ୍ ସାନାଙ୍ଗ୍‌ତାନରେଦ, ବିଡାଅ ଆତଃ ଏଡକାନ୍ ଫିସ୍‌ରେକ ଉୟୁଗଃଆ, ଆତଃ ଆକଥାଃ ମନ୍‌ରେ ପୁରାଃ କା ଲାଗାତିଙ୍ଗ୍ ଏଡକାନ୍‌ରାଃ ସାନାଙ୍ଗ୍‌ରେକ ଉୟୁଗଃଆ, ନେ ସବେନାଃ ଇନ୍‌କୁକେ ଜିୟନଃ ନାଗେନ୍ତେ ଆଇଜ୍ ଇଦିକଥା । ୧୦ ଚିୟାଃଚି ଟାକା ପାଏସାରାଃ ଦୁଲାଡ୍, ସବେନ୍ ଲେକାନ୍ ଏଡକାନାଃରାଃ ରେହେଦ୍ ତାନାଃ । ଚିମିନ୍ ହଡକ ଟାକା ପାଏସା ନାମେ ନାଙ୍ଗ୍ ପୁରାଃ ସାନାଙ୍ଗ୍‌ତାନ ହରାତେ, ଇନ୍‌କୁ ଆକଥାଃ ବିଶ୍ୱାସ୍‌କ ବାରିକେଦ୍‌ତେ ଏଡକାନ୍ ହରାକ ଅତଙ୍ଗ୍‌କାଦା ଆତଃ ପୁରାଃ ଦୁକୁତେ ଆକଥାଃ ମନ୍‌ସୁରୁଦ୍‌କ ଦୁକୁଃତାନା ।

**ଚୁଶ୍ଟୁ କାଜି**

୧୧ ମେନ୍‌ଦ ହେ ତାମଥୁ, ଆମ୍ ମିହୁଡ୍ ପାର୍‌ମେଶ୍ୱାର୍‌ଆଃ ହଡ୍ ତାନମେ, ଏନାତେ ନେ ସବେନାଃଏତେ ସାଜିମଃମେ ଆତଃ ଧାର୍‌ମାନ୍, ପାର୍‌ମେଶ୍ୱାର୍‌ଆଃ କାଜିଲେକା ସେସେନ୍‌ମେ, ବିଶ୍ୱାସ୍, ଦୁଲାଡ୍, ସାହାତିଙ୍ଗ୍ ଜୀଝାନ୍ ଆତଃ ଲେବେଃମନ୍‌ତେ ସେସେନ୍‌ମେ । ୧୨ ଖ୍ରୀଷ୍ଟ୍ ବିଶ୍ୱାସ୍‌ରାଃ ବୁଗିନ୍ ଲାଡାଈରେ ଲାଡାଈମେ, ଜାନାଅ ଜାନାଅରେୟାଃ ଜୀଦାନ୍ ସାବାକାମେ, ଏନା ନାଗେନ୍ତେ ପାର୍‌ମେଶ୍ୱାର୍ ଆମ୍‌କେ ସାଲାକାଦମେୟା ଆତଃ ପୁରାଃ ଗାଝାକଥାଃ ସାମନାଙ୍ଗ୍‌ରେ ବୁଗିନ୍ ଗାଝାମ୍ ଏମାକାଦା । ୧୩ ଧବେନ୍‌କକେ ଜୀଦାନ୍ ଏମ୍‌ତାନ୍ ପାର୍‌ମେଶ୍ୱାର୍‌ଆଃ ସାମନାଙ୍ଗ୍‌ରେ ଆତଃ ପନ୍ତିୟସ୍ ପିଲାତୁସ୍‌ଆଃ ଆୟାର୍‌ରେ ବୁଗିନ୍ ଗାଝା ଏମ୍‌ତାନ୍‌ନିଃ ଯୀଶୁ ଖ୍ରୀଷ୍ଟ୍‌ଆଃ ସାମନାଙ୍ଗ୍‌ରେ, ଆଇଙ୍ଗ୍ ଆମ୍‌କେଇଙ୍ଗ୍ ଆବୁମେତାନା । ୧୪ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆତଃମିସା ହିନିଜୁଃ ଜାକେଦ୍ ଆମ୍‌କେ ଏମାକାଦମେ ଆନାରୁକେ ମାନାତିଙ୍ଗ୍‌ତାନ୍‌ଲଃ, ବେଗାର୍ ଦାଗିୟାଃ ଆତଃ କା ନିନ୍‌ଆଃ ଲେକା ତାଇନ୍‌ମେ । ୧୫ ଯୀଶୁ ଖ୍ରୀଷ୍ଟ୍‌ଆଃ ଆତଃମିସା ହିନିଜୁଃ ବିଷାଏରେ ପାର୍‌ମେଶ୍ୱାର୍ ଆଇଃକ୍‌ଗି ଦିପିଲି ସାଲାଏୟା, ଇନିଃ ଧାଇନ୍‌ଗିୟାଏ ଆତଃ ଇନିଃ ଏସ୍‌କାର୍ ଆକ୍‌ତେୟାର୍ ନାମାକାଦନିଃ, ରାଜାକଥାଃ ରାଜା ଆତଃ ପ୍ରାଭୁକଥାଃ ପ୍ରାଭୁ ତାନିଃ । ୧୬ ଇନିଃ ଏସ୍‌କାର୍ ଚିଉଲାଅ କାଏ ଗଜଃଆ, ଆତଃ ଜେତାଏ ଇନିଃକେ କା ତେବାଃ ଦାଡିୟାଈଲେକାନ୍ ମାସ୍‌ଲ୍‌ରେ ତାଇନଃତାନା । ଇନିଃକେ ଜେତାଏ ହଡ୍ ଚିଉଲାଅ କାକ ନେଲ୍ ଟାଏ କାକ ନେଲ୍‌ଦାଡିୟା । ଇନିୟାଃ ମାଇନାନ୍ ଆତଃ ପେଡେଃ ଜାନାଅ ଜାନାଅ ହବାଃଅକା ! ଆମେନ୍ ।

୧୭ ନେ ଅତେଦିଶ୍ୱମ୍‌ରେନ୍ କିସାଣ୍ ହଡକ, ଆପେ ଆପାନ୍‌କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ଆତଃ କା ତାଇନଃ ଜିନିଷରେ ଆଲପେ ଆସ୍‌ଏୟା, ମେନ୍‌ଦ ଆବୁକେ ଆବୁଆଃ ସୁକୁରାସକା ନାଙ୍ଗ୍ ସବେନାଃ ଏମାବୁତାନ୍ ପାର୍‌ମେଶ୍ୱାର୍‌ତାଃରେ ଆସ୍‌ଏପେ ମେନ୍ତେ ଆବୁକମ୍ । ୧୮ ଆତଃ ବୁଗିନାଃ ରିକାକେଦ୍‌ତେ ବୁଗିନ୍ କାମିକରେ

☆ ୬:୧୩ ୬:୧୩ ଯୋହାନ୍ ୧୮:୩୭.

କିର୍ସାଣିଃପେ, ଆତଃ ଲେବେଃ ମନ୍ତେ ଏଟାଃକଲଃ ହାଟିଙ୍ଗ୍ ନାଙ୍ଗ୍ ସେକାଡ଼ାକାନ୍ତେ  
 ମେନ୍ତେ ଆରୁକମେ । ୧୯ ନେ ଲେକାକ ରିକାଏରେଦ, ଇନ୍କୁ ଆକଆଃ ନାଗେନ୍ତେ  
 ହିକୁଃ ଦିପିଲିରେ ପୁରାଃ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବାଅଃତାନା ନିହିଁଗାଡା,  
 ଅକ୍ନାଃରେଚି ଇନ୍କୁଆଃ ହିକୁଃ ଦିପିଲିରାଃ ଜୀଦାନ୍ ତିକ୍ସୁ ଦାଡ଼ିୟଃଆ । ଏନ୍ତେ  
 ତୁଣ୍ଡୁର ଇନ୍କୁ ସାର୍ତି ଜୀଦାନ୍କ ନାମେୟା ।

୨୦ ହେ ତୀମଥୁ, ଆମାଃତାଃରେ ଜିମାକାନ୍ ବାହାରମ୍ବକେ ବୁଗିଲେକା  
 ମାନାତିୟେମେ, ଚିମିନ୍ ହଡ଼କ ସାମାକାଜିକେ ଆତଃ ତଣ୍ଡୁ କାପ୍ତିକେ ବୁଗିନ୍  
 ସେଣ୍ଟା ତାନାଃ ମେନ୍ତେକ କାଜିତାନା, ଏନାକଏତେ ଆମ୍ ସାଙ୍ଗିନ୍ରେ ତାଇନ୍ମେ ।  
 ୨୧ ଚିମିନ୍ ହଡ଼କ ଏନାଗି ସାର୍ତି ତାନାଃ ମେନ୍ତେ କାଜିତାନ୍ଲଃ, ଇନ୍କୁ ଆକଆଃ  
 ବିଶ୍ୱାସକ ଆଦାକାଦା । ପାର୍ମେଶ୍ୱାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା  
 ।



## ତୀମଥ୍ ନିକଟକୁ ପାଉଲକ ଦ୍ଵିତୀୟ ପତ୍ର ତୀମଥ୍ ତାଃତେ ପ୍ରେରିତ୍ ପାଉଲ୍ ସ୍ଵଆଃ ଏଟାଃ ଚିଟାଉ ପାରିଚାଏ

ନେ ପୁଅ, ତୀମଥ୍ ତାଃତେ ଅଲ୍ଲକାନ୍ ପାଉଲ୍ ସ୍ଵଆଃ ଏଟାଃ ଚିଟାଉ ତାନାଃ । ତୀମଥ୍ ତାଃତେ ଅଲ୍ଲକାନ୍ ଏଟାଃ ଚିଟାଉ ପାଉଲ୍ ସ୍ଵଆଃ ଜୀଦାନ୍ ରେୟାଃ ଚୁଣ୍ଟୁ ଦିପିଲିରେ ଅଲ୍ଲକାନ୍ ଚିଟାଉ ତାନାଃ । ନେ ଦିପିଲିରେ ପାଉଲ୍ ସ୍ଵ ରୋମ୍ ନାଗାର୍ରେ ଜେହେଲ୍ଲକାନ୍ ତାଇକେନା ୧:୧୭ । ପାଉଲ୍ ସ୍ଵ ତୀମଥ୍ ଆଃ ପୁରାଃ ବୁଗିନ୍ ନାତା ତାଇକେନା ଆତଃ ସବେନ୍ ଇମ୍ତା ଇନିଃକେ ହନ୍ ଲେକାଏ ଉଦୁବ୍ କାଇଜା ଫିଲିପିୟ ୨:୨୨;୧ ତିମଥ୍ ୧:୨;୧:୧୮ ।

ପାଉଲ୍ ସ୍ଵ ଆଃ ହରାତେ ମିହୁଡ୍ କେ ଏସ୍ କାର୍ ଅଲ୍ଲକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଟାଃ ଆପିୟା ପୁଅ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍ ମନ୍ । ତୀମଥ୍ ତାଃତେ ଏଟାଃ ଚିଟାଉ ଅଲ୍ଲତାଇକେନ୍ ଇମ୍ତା ରୋମ୍ ନାଗାର୍ରେ ସାସାତି ହବାଅଃତାଇକେନା । ହବାସାକାଅଆଃ ନେଆଁ ନାଗେନ୍ତେ ପାଉଲ୍ ସ୍ଵ ଜେହେଲ୍ଲକାନ୍ ତାଇକେନାଏ ଆତଃ ତୀମଥ୍ କେ ଦୁକୁ ସାହାତିଙ୍ଗ୍ ଯେଁ ନାଙ୍ କାଜିୟାଇ ତାଇକେନାଏ । ତୀମଥ୍ ତାଃତେ ଅଲ୍ଲକାନ୍ ପାହିଲା ଚିଟାଉ ଲେକାତେ ପାଉଲ୍ ସ୍ଵ ତୀମଥ୍ କେ ହସଡ୍ ଇଡୁକଆଃ ବିଷାଏରେ ପୁରାଃ ତେନେତାଅ କାଜିକ କାଜିକାଦା । ୧ ତିମଥ୍ ୧:୧୭-୧୮ ପାଉଲ୍ ସ୍ଵ ତୀମଥ୍ କେ କାଜିୟାଃ ଯେ, ହିଜୁଃ ଦିପିଲିରେ ପୁରାଃ ଦୁକୁହାସୁରେୟାଃ ଦିପିଲି ମୋନାଃ ୩:୧ ।

### ପୁଅ ତିଟାରେ ତାଇକାନ୍ କାଜି

୧. ପାଉଲ୍ ସ୍ଵ ତୀମଥ୍ କେ ଜହାର୍ କାଜିତାନ୍ ଲଃ ଇନିଃକେ ଜୀଉରେ କେଟେଦ୍ ଏମାଇତାନାଏ । ୧:୧-୧୮
୨. ତୀମଥ୍ କେ ଧୁରାଜ୍ରେୟାଃ ସାରୁଦ୍ ଏମ୍ କେଦ୍ ତେ ଉଦୁବେନ୍ ନାଗେନ୍ତେ ପାଉଲ୍ ସ୍ଵ ଜୀଉରେ କେଟେଦ୍ ଏମାଇତାନାଏ । ୨:୧-୧୩
୩. ପାଉଲ୍ ସ୍ଵ ତୀମଥ୍ କେ ହୁପ୍ଡିଙ୍ଗ୍ ବିଷାଏରେ ଇନିତୁ ଏମାଇତାନା । ୨:୧୪-୨୬
୪. ହିଜୁଃ ଦିପିଲି ବିଷାଏରେ ଚିର୍ଗାଲ୍ଲକାନ୍ ତାଇନଃ ଆତଃ ସାର୍ଡି ହରା ସାଲାଏ ନାଗେନ୍ତେ ତେନେତାଅ ଏମେତାନାଏ । ୩:୧-୪:୮
୫. ପାଉଲ୍ ସ୍ଵ ତୀମଥ୍ କେ ଆୟାଃ ଏସ୍ କାର୍ରେୟାଃ କାଜିକ ଏମ୍ କେଦ୍ ତେ ଅନଲ୍ ଚାବାକେଦାଏ । ୪:୯-୨୨

୧ ଆଇଙ୍ଗ୍ ପାଉଲ୍ ସ୍ଵ, ଯୀଶୁ ଖ୍ରୀଷ୍ଟ୍ ଆଃ କୁଲ୍ଲକାନ୍ ନିଃ ତାନିଙ୍ । ଆବୁ ଯୀଶୁ ଖ୍ରୀଷ୍ଟ୍ ଲଃ ମେସାକାନ୍ ହରାତେ ପାର୍ମେଶ୍ଵାର୍ ଆଃ ବାନାର୍ ସା ଲେକାତେ ଯୀଶୁ ଖ୍ରୀଷ୍ଟ୍ରେ ଜୀଦାନ୍ ବୁ ନାମାକାଦା । ଏନା ଉଦୁବ୍ ନାଗେନ୍ତେ ଆଇଙ୍ଗ୍ ପାର୍ମେଶ୍ଵାର୍ ଆଃ ମନେଲେକାତେଇଙ୍ଗ୍ କୁଲ୍ଲକାନା ।

୨ \*ଆଇଁୟାଃ ଦୁଲ୍ଲାଡ୍ ହନ୍ ତୀମଥ୍ ତାଃତେ ନେ ଚିଟାଉ ଅଲେତାନାଇଙ୍ ।

ଆପୁ ପାର୍ମେଶ୍ଵାର୍ ଆତଃ ଆବୁଆଃ ଯୀଶୁ ଖ୍ରୀଷ୍ଟ୍ ସାଃଏତେ ସାୟାଦ୍, ଲିବୁଲ୍ ଆତଃ ଜୀଉସୁକୁ ଆମାଃ ହବାଅଃକା ।

ଧାନାବାଦ୍ ଏମଃ ଆତଃ ପାତିୟାର୍ରେନ୍ ହବାଅଃ

\* ୧:୨ ୧:୨ ପ୍ରେରିତ୍ ୧୭:୧.

୩ ଆଇଁୟାଃ ହାଡ଼ାମହତକଆଃ ଲେକା ଆଇଙ୍ଗ୍ ଫାଠ୍ଟି ମନ୍ତେ ସେଞ୍ଜାଇତାନ୍ ପାର୍ମେଶ୍ୱାର୍ତ୍ତକେ ନିଦାସିଙ୍ଗି ବିନ୍ତ୍ତିତାନ୍ ଇମ୍ତା ଆମ୍ବକେ ପାହାମ୍ବକେଦ୍ତେ ଆଇଙ୍ଗ୍ ପାର୍ମେଶ୍ୱାର୍ତ୍ତକେ ଧାନଧାବାଦ୍ ଏମାଇତାନିଙ୍ଗ୍ । ୪ ଆଇଙ୍ଗ୍ ରାସ୍ତାକେତେ ପେରେଜଃକାଇଙ୍ଗ୍ ମେନ୍ତେ ଆମାଃ ମେଦ୍ ଦାଆଃ ପାହାମ୍ବତାନ୍ଲଃ ଆମ୍ବକେ ନେଲ୍ ନାଗେନ୍ତେଇଙ୍ଗ୍ ସାନାଙ୍ଗ୍ ତାନା । ୫ \*ଆମାଃ ବୁଡିମ୍ପାଁ ଲଇସ୍ ଆତଃ ଆମାଃ ଏଙ୍ଗା ଇଉନିକିତାଃରେ ତାଇକାନ୍ ସାର୍ତ୍ତି ବିଶ୍ୱାସ୍ ଆମାଃତାଃରେୟ୍ ମେନାଃ ମେନ୍ତେ ଆଇଁୟାଃ ପୁରାଃ ବିଶ୍ୱାସ୍ ମେନାଃ, ଆମାଃ ଏନ୍ ସାର୍ତ୍ତି ବିଶ୍ୱାସ୍ ବିଷାଏରେ ଆଇଙ୍ଗ୍ ଆୟୁମ୍ବାଦା । ୬ ଆଇଙ୍ଗ୍ ଆମାଃ ଚେତାନ୍ରେ ତିଃଇ ଦହକେଦ୍ତେ ବିନ୍ତ୍ତିତାନ୍ ଇମ୍ତା ପାର୍ମେଶ୍ୱାର୍ତ୍ତାଃଏତେ ଅକ ବାଠ୍ଦାନ୍ ନାମାକାଦାମ୍ ଏନାକେ ଜୀହିଦ୍ଦି ଦହେମେ, ମେନ୍ତେଇଙ୍ଗ୍ ପାହାମ୍ବଇଚିମେ ତାନା । ୭ ଚିୟାଃଟି ପାର୍ମେଶ୍ୱାର୍ତ୍ତ ବରଏଲେକାନ୍ ଆମ୍ବା ଆବୁକେ କାଏ ଏମ୍, ମେନ୍ଦ୍ ପେଡେଃ, ଦୁଲ୍ଲାଡ୍ ଆତଃ ବୁଗିନ୍ ସେଣ୍ଟାନ୍ରେନ୍ ଆମ୍ବା ଏମାକାଦ୍ବୁଆଏ ।

୮ ଏନାମେନ୍ତେ ଆବୁଆଃ ପ୍ରାଭୁଆଃ ବିଷାଏରେ ଗାଞ୍ଜା ଏମ୍ ନାଗେନ୍ତେ ଚାଏ ଆଇଙ୍ଗ୍ ଇନିୟାଃ ନାଗେନ୍ତେ ଜେହେଲ୍କାନାଇଙ୍ଗ୍ ମେନ୍ତେ ଆଲମ୍ ଗିହୁଗଃଆ, ମେନ୍ଦ୍ ପାର୍ମେଶ୍ୱାର୍ତ୍ତାଃ ପେଡେଃତେ ସୁକୁକାଜି ନାଗେନ୍ତେ ଆଇଁୟାଃଲଃ ଦୁକୁ ସାହାତିଙ୍ଗ୍ୟେମେ । ୯ ଇନିଃ ଆବୁକେ ବାଞ୍ଚାଅକେଦ୍ବୁଆ ଆତଃ ପାବିତାର୍ କେନେଡାତେ କେଡାକେଦ୍ବୁଆ, ଆବୁଆଃ ବୁଗିନ୍ କାମିକ ନାଗେନ୍ତେଦ୍ କା ମେନ୍ଦ୍ ଆୟାଃ ଉଦେଶ୍ତେ ଆତଃ ସାୟାଦ୍ତେ ରିକାକାଦା, ଏନ୍ ସାୟାଦ୍ ନେତାରେୟାଃ ମୁନ୍ନୁ ସିଦାରେ ଖ୍ରୀଷ୍ଟ୍ ଯୀଶୁରେ ଆବୁକେ ଏମାଦ୍ବୁଆ । ୧୦ ମେନ୍ଦ୍ ନାହାଁଆ ବୁଆଆଃ ଜୀଉ ବାଞ୍ଚାଅନିଃ ଯୀଶୁ ଖ୍ରୀଷ୍ଟ୍ ଆଃ ହିନିଜୁଃ ହରାତେ ଉନ୍ନୁଦ୍ୟାନା, ଇନିଃ ଗନ୍ଏଃରାଃ ପେଡେଃକେ ଚୁଣ୍ଟୁକେଦା ଆତଃ ସୁକୁକାଜି ହରାତେ ଜାନାଅ ଜୀଦାନ୍ରାଃ ହରା ଉଦ୍ବୁୟାନା ।

୧୧ \*ଏନ୍ ସୁକୁକାଜି ଉଦ୍ବୁକେଦ୍ତେ ଇତୁନାଙ୍ଗ୍ ପାର୍ମେଶ୍ୱାର୍ ଆଇଙ୍ଗ୍କେ ମିଆଁଦ୍ କୁଲ୍ଲାକାନ୍ ଚେଲା ଲେକାନିଃ ଆତଃ ଇତୁନିଃଲେକାଏ ସାଲାକାଦିୟାଁ । ୧୨ ଏନା ନାଗେନ୍ତେ ଆଇଙ୍ଗ୍ ଦୁକୁ ସାହାତିଙ୍ଗ୍ ତାନ୍ରେୟ୍ କାଇଙ୍ଗ୍ ବରତାନା । ଚିୟାଃଟି ଆଇଙ୍ଗ୍ ବିଶ୍ୱାସ୍କାଇନିଃକେ ସାରିତାନାଇଙ୍ଗ୍ ଆତଃ ଇନିୟାଃ ତିଃଇରେଇଙ୍ଗ୍ ଜିମାକାନା । ଆତଃ ଇନିଃ ଏମାକାଦିଙ୍ଗ୍ କାମିରାଃ ବାହାରମ୍ବକେ ରିକାଏ ନାଗେନ୍ତେ ମାରାଙ୍ଗ୍ ବିଚାର୍ ହୁଲ୍ଲାଙ୍ଗ୍ ଜାକେଦ୍ ଆଇଙ୍ଗ୍କେ ବାଞ୍ଚାଅ ନାଙ୍ଗ୍ ଇନିଃତାଃରେ ପେଡେଃ ମେନାଃ, ଏନା ଆଇଙ୍ଗ୍ ପୁରା କେଟେଦ୍ତେଇଙ୍ଗ୍ ବିଶ୍ୱାସ୍ତାନା । ୧୩ ଆଇଙ୍ଗ୍ ଆମ୍ବକେ ଇତୁକାଦ୍ମେ ସାର୍ତ୍ତି କାଜିକକେ ଆମ୍ ନାମୁନାମ୍ ହବାଅଃଲେକା ପୁରା କେଟେୟାନ୍ଗି ସାବାକାମେ । ଅକ୍ନାଃଟି ଯୀଶୁ ଖ୍ରୀଷ୍ଟ୍ରେ ବିଶ୍ୱାସ୍ ଆତଃ ଦୁଲ୍ଲାଡ୍ତାନାଃ । ୧୪ ଆମ୍ବକେ ଜିମାକାଦ୍ମେ ବୁଗିନ୍ ବିଷାଏକେ ଆବୁତାଃରେ ତାଇନ୍ତାନ୍ ପାବିତାର୍ ଆମ୍ବରାଃ ପେଡେଃତେ ଏନାକେ ଯାଡ୍ନାଅ କେଦ୍ତେ ଦହେମେ ।

୧୫ ଫୁଗେଲ୍ ଆତଃ ହର୍ମଗିନସ୍ ମେସାକେଦ୍ତେ ଏସିଆ ପାର୍ଗାନ୍ରେନ୍ ସବେନ୍ଦ୍ ଆଇଙ୍ଗ୍କେ ବାଗିକେଦିୟାଁ, ଏନା ଆମ୍ ସାରିତାନା । ୧୬ ଅନସିଫ୍ଟ୍ଆଃ ଅଡ଼ାଃରେନ୍ଦକେ ପ୍ରାଭୁ ଦାୟା ଏମାକାଏ, ଚିୟାଃଟି ଇନିଃ ପୁରାଃତେ ଆଇଙ୍ଗ୍କେ ଜୀଉରାଡେଃ ଏମ୍ନାଙ୍ଗ୍ ଆତଃ ଜୀଉରେ ରାସ୍କା ଏମ୍ନାଙ୍ଗ୍ ହିଜୁଃକାନ୍ ତାଇକେନାଏ । ଆଇଙ୍ଗ୍ ଜେହେଲ୍କାନ୍ରେୟ୍ ଇନିଃକେ କା ଗିହୁଃକିୟା । ୧୭ ରୋମ୍ ନାଗାର୍ତ୍ତେ ସେଟେୟାନ୍ଗି ଇନିଃ ଆଇଙ୍ଗ୍କେ କା ନାମ୍ ଜାକେଦ୍ ଦାଣ୍ଟାକେଦିୟାଁ । ୧୮ ମାରାଙ୍ଗ୍ ବିଚାର୍ ହୁଲ୍ଲାଙ୍ଗ୍ରେ ପ୍ରାଭୁ ଇନିଃକେ ଦାୟାକାଏ । ଏଫ୍ସୁସ୍ରେ ଇନିଃ ଆଇଙ୍ଗ୍କେ ପୁରାଃଟି ସୁସାର୍କେଦିୟାଁ, ଏନା ଆମ୍ ବୁଗିଲେକାତେମ୍ ସାରିତାନା ।

\* ୧:୫ ୧:୫ ପ୍ରେରିଡ୍ ୧୭:୧.      \* ୧:୧୧ ୧:୧୧ ୧ ତିନଥ୍ୱ ୨:୭.

୨

ୟାଶୁ ଖ୍ରୀଷ୍ଟରେ ବିଶ୍ୱାସତାନ୍ ପାଲେଟାନ୍‌କ

୧ ଏନାମେନ୍ତେ, ଏ ଆଇଁୟାଃ ଦୁଲ୍ଲାଡ୍ ହନ୍, ଯାଶୁ ଖ୍ରୀଷ୍ଟରେ ତାଇନ୍‌କେଦ୍‌ତେ ଆୟାଃ ସାୟାଦ୍‌ତେ ନାମଃତାନ୍ ପେଡେଃରେ ପେଡେୟେନ୍‌ମେ । ୨ ଆତଃ ପୁରାଃ ଗାଞ୍ଜାକଆଃ ସାମ୍‌ନାଙ୍ଗ୍‌ରେ ଆଇଙ୍ଗ୍‌ତାଃଏତେ ଆୟୁମାକାଦ୍ କାଜିକ, ଏଟାଃକକେ ଇତୁ ଦାଡ଼ିଲେକାନ୍ ପାଡ଼ିୟାର୍‌ରେନ୍ ହଡକତାଃରେ ଜିମାଏମେ ।

୩ ଯାଶୁ ଖ୍ରୀଷ୍ଟଆଃ ମିଆଁଦ୍ ବୁଗିନ୍ ପାଲଟାନ୍‌ଲେକା ଆଇଁୟାଃଲଃ ଦୁକୁ ସାହାତିଙ୍ଗ୍‌ୟେମେ । ୪ ଜେତାଏ ପାଲଟାନ୍ କାମିରେ କାମିତାନ୍ ହଡ୍, ପାଲଟାନ୍‌କଆଃ ମାରାଙ୍ଗ୍‌ନିଃକେ ସୁକୁ ଏମ୍ ନାଗେନ୍ତେ ସାନାଙ୍ଗ୍‌ଆଃଏ, ଇନିଃ ଲାଡ଼ାଇ କାମି ବାଗିକେଦ୍‌ତେ ଏଟାଃ କାମିରେ କାଏ ମେସାନା । ୫ ଜେତାଏ ଆଖ୍‌ଡାରେ ହାରାଜିତା ଏନେଃ ଇମ୍‌ତା ନିୟାମ୍ ଲେକା କାଏ ଏନେଃରେଦ୍, ଇନିଃ ମୁକୁବ୍ କାଏ ନାମେୟା । ୬ କେଟେଦ୍ କାମିତାନ୍ ଚାଷିକେ ପାହିଲା ଇରାକାନ୍ ଜ' ନାମଃଗି ଲାଗାଡ଼ିଙ୍ଗ୍‌ୟାଃ । ୭ ଆଇଙ୍ଗ୍ କାଜିତାନ୍‌ତେୟାଃ, ବୁଗିଲେକାତେ ଉଡ଼ୁଈମେ, ଚିୟାଃଟି ପ୍ରାଭୁଦ୍ ନେ ସବେନ୍ କାଜିକ ଆଟ୍‌କାର୍‌ଉରୁମ୍ ନାଗେନ୍ତେ ପେଡେଃ ଏମାମେୟାଏ ।

୮ ଆଇଙ୍ଗ୍ ପ୍ରାଚାରକାଦ୍ ସୁକୁକାଜି ଲେକାତେ, ଗଜାକାନ୍‌କଏତେ ଜୀଉବିରିଦାକାନ୍ ଯାଶୁ ଖ୍ରୀଷ୍ଟ, ଦାଉଦ୍ ରାଜାରାଃ କିଲି ତାନିଃ, ଇନିଃକେ ପାହାମିମେ । ୯ ନେ ସୁକୁକାଜିକେ ଉଦୁଦ୍‌ତାନ୍ ହରାତେ, ଆଇଙ୍ଗ୍ ଗୁଞ୍ଜାକାଦ୍‌ନିଃ ଲେକା ସିକିଡ଼ିତେ ତଲ୍‌ୟାନାଇଙ୍ଗ୍ ଆତଃ ଦୁକୁଇଙ୍ଗ୍ ସାହାତିଙ୍ଗ୍‌ତାନା, ମେନ୍‌ଦ୍ ପାର୍‌ମେଶ୍ୱାର୍‌ଆଃ କାଜି କା ତଲଃଆ । ୧୦ ଏନାନାଗେନ୍ତେ ପାର୍‌ମେଶ୍ୱାର୍‌ଆଃ ସାଲାକାନ୍ ହଡକହ ଯାଶୁ ଖ୍ରୀଷ୍ଟତାଃଏତେ ଜୀଉ ବାଞ୍ଚାଅ ଆତଃ ଜାନାଅ ଜାନାଅରେୟାଃ ମାନାରାଙ୍ଗ୍‌କ ନାମେକା, ଏନାମେନ୍ତେ ଆଇଙ୍ଗ୍ ଇନ୍‌କୁ ନାଗେନ୍ତେ ସବେନ୍ ଲେକାନ୍ ଦୁକୁଇଙ୍ଗ୍ ସାହାତିଙ୍ଗ୍‌ତାନା । ୧୧ ନେ କାଜି ପାଡ଼ିୟାର୍‌ରେ ଲେକାଗିୟା,

“ଆବୁ ଇନିଃଲଃ ଗଜାକାନ୍‌ରେଦ୍,  
ଆବୁହ ଇନିଃଲଃରୁ ଜୀହିଦଃଆ ।  
୧୨ \*ଆବୁ ଇନିଃଲଃ ଦୁକୁ ସାହାତିଙ୍ଗ୍‌ରେଦ୍,  
ଆବୁହ ଇନିଃଲଃରୁ ରାଇଜେୟା,  
ଆବୁ ଇନିଃକେ କାଲେ ସାରିୟା ମେନ୍ତେବୁ କାଜିରେଦ୍,  
ଇନିଃହ ଆବୁକେ କାଇଙ୍ଗ୍ ସାରିୟା ମେତାବୁଆଏ ।  
୧୩ ଆବୁ ପାଡ଼ିୟାର୍‌ଲେକା କା ତାଇନ୍‌ରେୟା,  
ଇନିଃ ପାଡ଼ିୟାର୍‌ ଲେକାଗି ତାଇନାଏ,  
ଚିୟାଃଟି ଇନିଃ ଆପାନ୍‌କେଗି କାଇଙ୍ଗ୍ ସାରିୟା ମେନ୍ତେ କାଜି କାଏ ଦାଡ଼ିୟା ।”

ବିଶ୍ୱାସତେ କାମିତାନ୍‌କ

୧୪ ଆମାଃ ସବେନ୍ ବିଶ୍ୱାସୀକକେ ନେ ସବେନ୍ ବିଷାଏ ପାହାମ୍ ଇଚିକମେ ଆତଃ ଧାରାମ୍ ପୁଅରେୟାଃ କାଜି ଇତୁକେଦ୍‌ତେ କା ବୁଗିନ୍‌ତେୟାଃକ ଆତଃ ଜିୟନଃ ଲେକ୍‌ନାଃକ କା ଏପେଗେର୍ ନାଗେନ୍ତେ ଇନ୍‌କୁକେ ପାର୍‌ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ କେଟେୟାନ୍‌ଗି ଆରୁକମେ । ୧୫ ଆମ୍ ଆମକେଗି ପାର୍‌ମେଶ୍ୱାର୍‌ଆଃ ଆୟାର୍‌ରେ ମାଇନ୍ ନାମେନିଃ ଲେକାମ୍ ହବାଅଃ ସାନାଙ୍ଗ୍‌ରେଦ୍, ଆମ୍ କା ଗିହୁଃକେଦ୍‌ତେ ପାର୍‌ମେଶ୍ୱାର୍‌ଆଃ ସାର୍‌ତି କାଜିକ ମାଇନ୍ ନାମେନିଃ ଲେକା ଇତୁକମ୍ । ୧୬ ମେନ୍‌ଦ୍ ସାମାକାଜିକଏତେ ଆତଃ ଡଣ୍ଡୁ କାପ୍‌ଜିଏତେ ସାଜିନ୍‌ରେ ତାଇନ୍‌ମେ, ଚିୟାଃଟି ଜେତାଏ ଏନାରେ ତାଇନ୍‌କାନ୍‌କ ପାର୍‌ମେଶ୍ୱାର୍‌ତାଃଏତେ ଆତଃଗି ସାଜିନ୍

\* ୨:୧୭ ୨:୧୭ ମାଥୁଉ ୧୦:୩୩; ଲୁକ ୧୨:୯.

ଇଦିୟତାକ । ୧୭ ଆତଃ ଇନକୁଆଃ ଇନିତୁ ସୟା ଘାଅଲେକା ପାସରାଅ ଇଦିୟତା  
 । ଇନକୁଏତେ ହୁମ୍ନାୟ ଆତଃ ଫିଲିତୁସ୍, ନେ ବାରାନକିନ୍ ତାନକିନ୍ । ୧୮ ଇନକିନ୍  
 ଜାଉବିନିରିଦ୍ ହବାୟାନା ମେନ୍ତେ କାଜିକେଦ୍ତେ ସାର୍ତ୍ତି ହରା ବାଗିକାଦାକିନ୍, ଆତଃ  
 ଚିମିନ୍ ହଡକଆଃ ବିଶ୍ୱାସ୍ ଜିୟନାକାନା । ୧୯ ଏନ୍ରେୟ ପାର୍ମେଶ୍ୱାର୍ଆଃ ମାଜବୁଡ୍  
 ନିହିଁ ଗାତା ତିଲ୍ଲୁଆକାନା, ଆତଃ ଏନାରେ ନେ କାଜି ଅଲୀକାନା, “ପ୍ରାଭୁ ଆୟାଃ  
 ହଡକକେ ସାରିୟାଏ, ଆତଃ ଜେତାଏ ଆଇଙ୍ଗ୍ ପ୍ରାଭୁଆଃ ହଡ୍ ତାନିଙ୍ଗ୍ ମେନ୍ତେ  
 କାଜିନିଃ ଏଡକାନ୍ କାମିକଏତେ ସାଙ୍ଗିନ୍ରେ ତାଇନଃ ଲାଗାତିଙ୍ଗ୍ୟାଃ ।”

୨୦ ମିଆଁଦ୍ ମାରାଙ୍ଗ୍ ଅଡ଼ାଃରେ ସୋନା ଆତଃ ରୁପାତେ ବାଇୟାକାନ୍ ତୁବହା  
 ଏସକାର୍ କା ତାଇନା, ମେନ୍ଦ ଦାରୁରାଃ ଆତଃ ହାସାରାଃ ବାଇୟାକାନ୍  
 ତୁବହାହିଗି ତାଇନାଃ, ଚିମିନ୍ତେୟାଃ ପାରାବ୍ରେ ମାଇନ୍ ଏମ୍ ନାଙ୍ଗ୍ ଆତଃ  
 ଚିମିନ୍ତେୟାଃ ସବେନ୍ ହୁଲାଙ୍ଗ୍ ନାଙ୍ଗ୍ ବାଉରାଅ ତାନା । ୨୧ ଜେତାଏ ଏନ୍ ଏଡକାନ୍  
 କାମିକଏତେ ଆପାନ୍କେ ଫାର୍ଚିନ୍ତାନ୍ ହଡ୍ ପାବିତାର୍କାନାଏ, ଆତଃ ଇନିଃ  
 ପାର୍ମେଶ୍ୱାର୍ଆଃ ବିଶେଷ୍ କାମିନାଙ୍ଗ୍ ବେଭାରଃଆଏ, ଚିୟାଃଚି ଇନିଃ ଆୟାଃ  
 ଗମ୍କେୟାଃ ବେଭାରଃ ନାଗେନ୍ତେ ଜିମାକାନ୍, ଆତଃ ସବେନ୍ ବୁଗିନ୍ କାମି ନାଙ୍ଗ୍  
 ସେକାଡ଼ାକାନ୍ଗି ତାଇନାଃ । ୨୨ ମେନ୍ଦ ଆମ୍ ଜାଝାନ୍ ସାମାଏରାଃ ଏଡକାନ୍  
 ସାନାଙ୍ଗ୍ଏତେ ସାଙ୍ଗିନେନ୍ମେ, ଅକନ୍କ ଫାର୍ଚି ମନ୍ତେ ପାର୍ମେଶ୍ୱାର୍ତାଃରେ  
 ବିନ୍ଧିତାନ୍କଲଃ ଧାରାମ୍, ବିଶ୍ୱାସ୍, ଦୁଲାଡ୍, ଆତଃ ଜାଉସୁକୁ ହବାଅଃନାଙ୍ଗ୍ କାମିମେ  
 । ୨୩ ମେନ୍ଦ ଡଣ୍ଡୁ ଆତଃ କା ଲାଗାତିଙ୍ଗ୍ କାପ୍ତିକଏତେ ସାଙ୍ଗିନ୍ରେ ତାଇନ୍ମେ,  
 ଏନାଏତେଦ ଏପେରାଙ୍ଗ୍ ଅମନଆଃ ଏନାଦ ସାରିତାନାମ୍ । ୨୪ ପ୍ରାଭୁଆଃ ଦାସି  
 ହବାକେଦ୍ତେ ଏପେରାଙ୍ଗ୍ ନାଙ୍ଗ୍ କା ବୁଗିନାଃ, ମେନ୍ଦ ଇନିଃ ସବେନ୍କଆଃ ନାଙ୍ଗ୍  
 ଲେବେଃ ମନ୍ତେ ସାହାତିଙ୍ଗ୍ତାନଲଃ ବୁଗିଲେକା ଇତୁକକାଏ । ୨୫ ଆତଃ ଆୟାଃ  
 ବିରୁଧ୍ରେ ତାଇନ୍ତାନ୍ ହଡକକେ ଲେବେଃମନ୍ତେ ବୁଝାଅକକାଏ, ଏନାରେଦ  
 ଇଦୁ ପାର୍ମେଶ୍ୱାର୍ ଇନକୁକେ ହେୟାତିଙ୍ଗ୍ ନାଙ୍ଗ୍ ଆତଃ ସାର୍ତ୍ତି ବିଷାଏ ସାରି ନାଙ୍ଗ୍  
 ନେତା ଏମାକଆଏ । ୨୬ ଆତଃ ସାଏତାନ୍ ଅକନ୍କକେ ଆୟାଃ ସାନାଙ୍ଗ୍ଲେକା  
 କାମି ନାଗେନ୍ତେ ତଲକାଦ୍କ ତାଇକେନାଏ, ଇନକୁ ଆକଆଃ ଚେତା ନାମ୍କେଦ୍ତେ  
 ସାଏତାନ୍ଆଃ ଫାଁସ୍ହେତେକ ରାଡ଼ାଅଃଆ ।

### ୩

#### ଚୁଣ୍ଡ ଦିପିଲି

୧ ମେନ୍ଦ ନେୟାଁ ସାରିମେ, ଚୁଣ୍ଡ ହୁଲାଙ୍ଗ୍କରେ ପୁରାଃ ବରଝାନ୍ ଦିପିଲି ହିଜୁଃଆ  
 । ୨ ଚିୟାଃଚି ହଡକ ଆପନାଃ ନାଙ୍ଗ୍ ଏସକାର୍ ଉଡ୍ବୁଃକ, ଟାକା ପାଏସାରାଃ  
 ହାୟା, ଘାମାଣ୍ଡ, ହାଁକାର୍, ନିନ୍ଦା କାଜି, ଏଙ୍ଗା ଆପୁକେ କା ମାନାତିଙ୍ଗ୍, ମାଇନ୍ କା  
 ଏମ୍, ସଡରାକାନ୍କ, ୩ ଦୁଲାଡ୍ ବାନଃକ, ଦାୟା ବାନଃକ, ଏଟାଃନିୟାଃ ବିରୁଧ୍ରେ  
 ନିନ୍ଦା କାଜିକ, ଆପାନ୍କେଗି ଆବର୍ରେ କା ଦହ ଦାଡ୍ଡିକ, ପୁରାଃଚି ଛିଟ୍ଟକ, ଇନକୁ  
 ବୁଗିନାଃତେୟାଃକ ହିଲାଙ୍ଗ୍ୟେଆ । ୪ ଇନକୁ ବାଏମାନ୍କ, କା ଚେଡ୍ଗାର୍କ  
 ହବାଅଃଆ ଆତଃ ପାର୍ମେଶ୍ୱାର୍କେ ଦୁଲାଡ୍ ବାଗିକେଦ୍ତେ ରିଜ୍ଜରାଙ୍ଗ୍ରେକ  
 ତାଇନା । ୫ ଇନକୁ ଧାରାମ୍ରେୟାଃ କାଜିକ ସାବେୟା, ମେନ୍ଦ ଧାରାମ୍ରେୟାଃ  
 ସାର୍ତ୍ତି ପେଡ୍ଡେଃକେ କାକ ମାନାତିୟାଃ, ନେ ଲେକାନ୍ ହଡକଏତେ ସାଙ୍ଗିନ୍ରେ  
 ତାଇନ୍ମେ । ୬ ଚିୟାଃଚି ନିକୁଦ ଚିମିନ୍ ହଡକଆଃ ଅଡ଼ାଃତେ ସେନ୍କେଦ୍ତେ କା  
 ପେଡ୍ଡେୟାନ୍ କୁଡ୍ଡିକକେ, ଅକନ୍କଚି ଆକଆଃ ପାପ୍ତେ ଲାଦିୟାକାନ୍ ଆତଃ ସବେନ୍  
 ଲେକାନ୍ ଏଡକାନ୍ ସାନାଙ୍ଗ୍ତେ ପେରେଜାକାନ୍କକେ ଆକଆଃ ଆକ୍ତେୟାର୍ରେକ  
 ଦହକତାନା । ୭ ନେ କୁଡ୍ଡିକ ସବେନ୍ ଇମ୍ତା ଇତୁନ୍ତାନରେୟ ସାନାଡ୍ଡିରାଃ ସେଣ୍ଡାଁ

ଚିତ୍ତଲାହ କାକ ସାରି ଦାଡ଼ିୟାଃ । ୮ ଯନ୍ମୀସ୍ ଆତଃ ଯମ୍ବୀସ୍ ମୁଗାରାଃ ବିରୁଧ୍ରେକିନ୍ ତିଙ୍ଗୁକାନ୍ ତାଇକେନା, ଏନ୍ଲେକାଗି ନେ ହଡ଼କଆଃ ମନ୍ କାମି କାଏ ଏମେୟା, ଆତଃ ସାନାର୍ତ୍ତରାଃ ବିରୁଧ୍ରେକ ତିଙ୍ଗୁନାଃ ଆତଃ ଇନ୍କୁଆଃ ଧାରାମରେୟାଃ ବିଶ୍ୱାସ୍ କା ପକ୍ତାକାନା । ୯ ମେନ୍ଦ ଏ ଇନ୍କୁ ଥମ୍ବା ସାଙ୍ଗିନ୍ କାକ ସେନ୍ ଦାଡ଼ିୟା, ଚିୟାଃଚି ଏନ୍ ବାରାନ୍କିନ୍ ଚିମିନ୍ ତଣ୍ଡ ତାନକିନ୍, ଏନା ସବେନ୍କ ସାରିକେଦା, ଏନ୍ ଲେକାଗି ଇନ୍କୁଆଃହଚି ସବେନ୍କ ସାରିୟା ।

### ଚୁଣ୍ଡ କ୍ୱାଜି

୧୦ ମେନ୍ଦ ଆମ୍ ଆଇଁୟାଃ ଇନିତୁ, ଚାଇଲ୍ ଚାଲାନ, ଆତଃ ଆଇଁୟାଃ ଜୀଞ୍ଜାନ୍ ହରାକେ ଅତଙ୍ଗକାଦାମ୍ । ଆଇଁୟାଃ ବିଶ୍ୱାସ୍, ଧୂରାଜ୍, ଦୁଲାଡ଼, ସାହାତିଙ୍ଗ୍ ଜୀଞ୍ଜାନ୍, ୧୧ \*ଆଇଁୟାଃ ସାସାତି, ଆତଃ ଦୁକୁକେମ୍ ଆଟ୍‌କାରକାଦା । ଆଇଁୟାଃ ଚେତାନ୍ରେ ଆନ୍ତ୍ରିୟୋଖ୍, ଇକନିୟା ଆତଃ ଲୁସ୍ତ୍ରାରେ ହବାଲେନ୍ ବରଞ୍ଜାନ୍ ଦୁକୁ ସାସାତିକଇଙ୍ଗ୍ ସାହାତିଙ୍ଗ୍‌କେଦା । ମେନ୍ଦ ଏନ୍ ସବେନାଃଏତେ ପାର୍‌ମେଶ୍ୱାର୍ ଆଇଙ୍ଗ୍‌କେ ବାଞ୍ଛାଅକେଦିୟାଃ । ୧୨ ଯୀଶୁ ଖ୍ରୀଷ୍ଟଆଃ ମେନେସାରେ ଧାରାମ୍ ଜୀଞ୍ଜାନ୍ ବିତାଅ ନାଙ୍ଗ୍ ସାନାଙ୍ଗ୍‌ତାନ୍ ସବେନ୍କ ଦୁକୁ ସାସାତିକ ନାମେଗିୟା । ୧୩ ମେନ୍ଦ ଏଡ଼କାନ୍ ହଡ଼କ ଆତଃ ବେଦା ହଡ଼କ ପୁରାଃଚି ଏଡ଼କାନ୍ରେକ ସେନା ଆତଃ ଏଟାଃକକେ ବେଦାତାନ୍ଲଃ ଆକ ଆକଗିକ ବେଦାଅଃଆ । ୧୪ ମେନ୍ଦ ଆମ୍ ସାର୍‌ତି ବିଷାଏ ଇଡ଼କାନ୍‌ତେୟାଃ ପୁରାଃତେ ବିଶ୍ୱାସ୍‌ତାନାମ୍, ଏନ୍ ସବେନାଃରେ ପକ୍ତାକାନ୍‌ମେ । ଚିୟାଃଚି ଆମ୍‌କେ ଇଡ଼କାଦ୍‌ମେ ହଡ଼କକେ ଆମ୍ ସାରିତାନାମ୍ । ୧୫ ଆତଃ ଯୀଶୁ ଖ୍ରୀଷ୍ଟାଃରେ ବିଶ୍ୱାସ୍‌କେଦ୍ ହରାତେ ଜୀଉ ବାଞ୍ଛାଅ ନାଙ୍ଗ୍ ଆମ୍‌କେ ସେଣାଁ ଏମ୍ ଦାଡ଼ିୟାଏ, ଏନା ଆମ୍ ମିଦ୍ ହୁଡ଼ିଙ୍ଗ୍‌ଏତେ ଧାରାମ୍‌ପୁଥ୍ରେମ୍ ସାରିକାଦା । ୧୬ ଧାରାମ୍‌ପୁଥ୍ରେ ଅଲୀକାନ୍ ସବେନାଃ ପାର୍‌ମେଶ୍ୱାର୍‌ଆଃ ସାହେଁଦ୍‌ତେ ଏମାକାନା, ସାର୍‌ତି ଇନିତୁ ନାଙ୍ଗ୍, ଭୁଲ୍‌ତାନ୍‌କକେ ଏଗେର୍, କାଜି ବାଇରୁହାଡ଼, ଆତଃ ଧାରାମ୍ ଲେକାତେ ଜୀହୁଦଃ ନାଙ୍ଗ୍ ଆରୁଆଃଏ, ୧୭ ଏନାତେ ପାର୍‌ମେଶ୍ୱାର୍‌କେ ସେଞ୍ଜାତାନ୍ ହଡ଼କ ପକ୍ତାକେଦ୍‌ତେ, ସବେନ୍ ଲେକାନ୍ ରୁଗିନ୍ କାମି ନାଗେନ୍ତେ ସେକାଡ଼ାକାନ୍‌ଗି ତାଇନ୍ ଦାଡ଼ିୟାକ ।

## ୪

୧ ଆଇଙ୍ଗ୍ ପାର୍‌ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ଆତଃ ସବେନ୍ ଜୀନିଦ୍ ଆତଃ ଗଜାକାନ୍‌କଆଃ ବିଚାର୍ ନାଗେନ୍ତେ ଆତଃ ରାଇଜ୍ ରିକାଏ ନାଗେନ୍ତେ ହିଜୁଃତାନ୍ ଯୀଶୁ ଖ୍ରୀଷ୍ଟଆଃ ସାମ୍‌ନାଙ୍ଗ୍‌ରେ କିରିୟାତାନ୍‌ଲଃ ଆମ୍‌କେଇଙ୍ଗ୍ ଆଚୁମେତାନା । ୨ ନେଡାରେ ଚାଏ କା ନେଡାରେ ସବେନ୍ ଇମ୍‌ତା ବାତାନ୍ ଉଦୁବେମେ, ପୁରାଃ ସାହାତିଙ୍ଗ୍‌ତେ ଇଡ଼ତାନ୍‌ଲଃ ମିସା ମିସା ଏଗେର୍‌କୁମେ ଆତଃ ମିସା ମିସା ରୁଗିନାଃ କାମିନାଙ୍ଗ୍ ଜୀଉରେ ରାସ୍‌କା ଏମାକମେ । ୩ ଚିୟାଃଚି ନେଡା ସେଟେରାଃ, ଏନାରେ ହଡ଼କ ରୁଗିନ୍ ଇନିତୁ କାକ ଆୟୁମେୟା, ମେନ୍ଦ ଆକଆଃ ସାନାଙ୍ଗ୍‌ଲେକାକ ସେସେନା ଆତଃ ଆକଆଃ ନାଙ୍ଗ୍ ହସଡ଼ ଇଡ଼କକେ ହୁଣ୍ଡିକଆକ, ଏନ୍ତେ ଇନ୍କୁଆଃ ଇନିତୁକ ଆୟୁମେୟା । ୪ ଆତଃ ସାନାର୍‌ତି କାଜି କା ଆୟୁମ୍‌କେଦ୍‌ତେ ହଡ଼କଆଃ କାଥୁନି ଆୟୁମ୍ ନାଗେନ୍ତେ ମନ୍‌କ ଏମେୟା । ୫ ମେନ୍ଦ ଆମ୍ ସବେନ୍ କାଜିକରେ ଚିର୍ଗାଲୀକାନ୍ ତାଇନ୍‌ମେ, ଦୁକୁ ସାହାତିଙ୍ଗ୍‌ୟେଁମେ, ସୁକୁକାଜି ଉଦୁବ୍‌ତାନ୍‌ନିଆଃ କାମି କାମିମେ, ଆତଃ ପାର୍‌ମେଶ୍ୱାର୍‌ଆଃ ଦାସିଲେକା ସେଞ୍ଜାକାମି ପୁରାଏମେ ।

\* ୩:୧୧ ୩:୧୧ ପ୍ରେରିଡ଼ ୧୩:୧୪-୫୨; ପ୍ରେରିଡ଼ ୧୪:୧-୭; ପ୍ରେରିଡ଼ ୧୪:୮-୨୦.

୭ ଆଇଙ୍ଗ୍ ଆଇଁୟାଃ ଜୀଝାନ୍‌କେ ଦାଣ୍ଠେଁ ଏମ୍‌ରେୟାଃ ନେଡା ସେଟେରାକାନା, ଆଡଃ ନାହାଁଃଗି ଆଇଁୟାଃ ନାଙ୍ଗ୍ ନେ ଜୀଉକେ ବାଗିରେଆଃ ଦିପିଲି ସେଟେରାକାନା । ୮ ଆଇଙ୍ଗ୍ ଜୀଝାନ୍‌ରାଃ ଲାଡ଼ାଇରେ ବୁଗିଲେକାତେଇଙ୍ଗ୍ ଲାଡ଼ାଇକାନା, ଆଡଃ ଜୀଝାନ୍‌ରାଃ ନିର୍ରେ ବୁଣ୍ଡୁ ଜାକେଦ୍ ନିର୍ ସେଟେରାକାନିଙ୍ଗ୍, ଆଇଙ୍ଗ୍ ବିଶ୍ୱାସ୍ ଦହକାଦାଇଙ୍ଗ୍ । ୯ ଆଡଃ ନାହାଁଃ ଆଇଁୟାଃ ନାଙ୍ଗ୍ ଧାରମାନ୍ ମୁକୁଟ୍ ଦହକାନା, ଏନା ଏନ୍ ମାରାଙ୍ଗ୍ ହୁଲାଇଙ୍ଗ୍ରେ ଧାରାମ୍‌ତେ ବିଚାର୍‌ତାନ୍ ପ୍ରାଭୁ ଆଇଙ୍ଗ୍‌କେ ଏମାଇୟାଁ ଆଡଃ ଆଇଙ୍ଗ୍‌କେ ଏସ୍‌କାର୍ କା ମେନ୍‌ଦ ଆୟାଃ ହିନିଜୁଃକେ ଦୁଲାଇଡ଼େତେ ତାଙ୍ଗିକାଦ୍ ସବେନ୍‌କକେ ଏମାକଆ ।

ତୀମଥୁ ନାଗେନ୍ତେ ପାଉଲୁସ୍‌ଆଃ ଏସ୍‌କାର୍ କାଜି

୧୦ ଆଇଁୟାଃତାଃତେ ଜାଲ୍‌ଦି ହିଜୁଃ ନାଗେନ୍ତେ ସେକାଡ଼ଃମେ । ୧୦ ଧିୟାଃତି ଦିମା ନାହାଁଃରାଃ ନେ ଅତେଦିଶ୍ୱମ୍‌କେ ଦୁଲାଇଡ଼େକେଦ୍‌ତେ ଆଇଙ୍ଗ୍‌କେ ବାଗିକେଦିୟାଁ ଆଡଃ ଥେସ୍‌ଲିନିକାତେ ସେନଃକାନା । କ୍ରେସ୍‌କେନ୍‌ସ୍, ଗାଲାତିୟତେ ଆଡଃ ତିତସ୍, ଡାଲ୍‌ମାତିଆତେ ସେନଃୟାନା । ୧୧ ଧୁକ୍ ଏସ୍‌କାର୍ ଆଇଁୟାଃଲଃ ମେନାଇୟା । ମାର୍କକେ ଆମାଃଲଃ ଆଉଝିମେ, ଚିୟାଃତି ଇନିଃଦ ଆଇଁୟାଃ ସେଝା କାମିରେ ଦେଙ୍ଗା ଦାଡ଼ିୟା । ୧୨ ଆଇଙ୍ଗ୍ ତୁଖ୍‌କେ ଏଫିସୁସ୍‌ତେଇଙ୍ଗ୍ କୁଲ୍‌କିୟା । ୧୩ ଧିୟାସ୍ ସାହାରରେ ଆଇଙ୍ଗ୍ କାର୍‌ପସ୍‌ତାଃରେ ବାଗିକାଦ୍ ଲିଜାଃ ଆଡଃ ପୁଥ୍‌କହଗି ଆଉତର୍‌ସାଏମେ, ବିଶେଷକେଦ୍‌ତେ ଉହୁର୍‌ତେ ବାଇୟାକାନ୍‌ତେୟାଃକେ ଆଉଝିମେ ।

୧୪ ଆଲେକ୍‌ଜାଣ୍ଡାର୍ କାଁସାରି ଆଇଁୟାଃ ପୁରାଃ ଏଡ଼କାନାଃ ରିକାକାଦାଏ, ପ୍ରାଭୁ ଇନିୟାଃ କାମିଲେକା ନାଲା ଏମାଇୟାଏ । ୧୫ ଆମ୍‌ହ ଇନିଃତାଃଏତେ ଚିର୍ଗାଲାକାନ୍ ତାଇନ୍‌ମେ, ଚିୟାଃତି ଇନିଃଦ ଆବୁଆଃ କାଜିକ ପୁରାଃତେ କା ଆୟୁମ୍‌ତାନ୍‌ଲଃ କାଜିଛେକାଦ୍ ତାଇକେନାଏ ।

୧୬ ଆଇଁୟାଃ ପାହିଲା ଇଝାର୍ ଇମ୍‌ତା ଜେତାଏ ଆଇଙ୍ଗ୍‌କେ କାକ ଦେଙ୍ଗାକେଦିୟାଁ, ଆଡଃ ସବେନ୍‌କ ବାଗିକେଦିୟାଁ । ପାର୍‌ମେଶ୍ୱାର୍ ଇନ୍‌କୁଆଃ ନେ ଗୁହ୍ନାଁ ଆଲକାଏ ଲେକାଏକା । ୧୭ ମେନ୍‌ଦ ପ୍ରାଭୁ ଆଇଁୟାଃସାଃରେ ତିଙ୍ଗ୍‌କେଦ୍‌ତେ ପେଡ଼େଃ ଏମାଦିୟାଏ, ଆଡଃ ଆଇଙ୍ଗ୍ କୁଲାତାଃଏତେ ବାସ୍ତାଅୟାନାଇଙ୍ଗ୍, ଜେ'ଲେକାତି ଆଇଁୟାଃ ହରାତେ ସୁକୁକାଜି ପୁରାଃଗି ଉଦୁବ୍ ଦାଡ଼ିୟାଆ ଆଡଃ ସବେନ୍ ସାଥ୍‌ସା଼ରକ ଏନା ଆୟୁମ୍ ଦାଡ଼ିୟାକ । ୧୮ ପ୍ରାଭୁ ଆଇଙ୍ଗ୍‌କେ ସବେନ୍ ଏଡ଼କାନ୍ କାମିକଏତେ ବାସ୍ତାଅକେଦ୍‌ତେ ବୁଣ୍ଡୁରେ ଆୟାଃ ସିର୍ମା ରାଇଜ୍‌ତେ ବୁଗିଲେକାତେ ଇଦିୟାଁ । ଇନିୟାଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବଅଃକା ! ଆମେନ୍ ।

ବୁଣ୍ଡୁ ଜୁହାର୍

୧୯ ଧିସ୍‌କିଲା, ଆକ୍‌ଲିଆ ଆଡଃ ଅନିସିଫ୍‌ରଆଃ ଅଡ଼ାଃରେନ୍‌କକେ ଆଇଁୟାଃ ଜହାର୍ ଉଦୁବାକମେ । ୨୦ ଏରାଷ୍ଟ୍ କରିନ୍ଥ୍‌ୟରେ ତାଇନ୍‌ୟାନାଏ । ମେନ୍‌ଦ ତ୍ରଫିମ୍‌ରାଃ ହଡ଼ମ୍ ବେଶ୍ କା ତାଇନ୍ ହରାତେ ଆଇଙ୍ଗ୍ ଇନିଃକେ ମିଲିତସ୍‌ରେ ବାଗିକେଦ୍‌ତେଇଙ୍ଗ୍ ହିଜୁଃୟାନା । ୨୧ ରାବାଙ୍ଗ୍ ସାହା ସିଦାରେ ହିଜୁଃନାଙ୍ଗ୍ ସେକାଡ଼େନ୍‌ମେ ।

\* ୪:୧୦ ୪:୧୦ କଲସିୟ ୪:୧୪; ଫିଲ୍‌ମନ୍ ୧:୨୪; ୨ କରିନ୍ଥ୍‌ୟ ୮:୨୩; ଗାଲାତିୟ ୨:୩; ତିତସ୍ ୧:୪. \* ୪:୧୧ ୪:୧୧କଲସିୟ ୪:୧୪; ଫିଲ୍‌ମନ୍ ୧:୨୪; ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲ୍‌ମନ୍ ୧:୨୪. \* ୪:୧୨ ୪:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧,୨୨; କଲସିୟ ୪:୬,୮. \* ୪:୧୩ ୪:୧୩ ପ୍ରେରିଡ୍ ୨୦:୬. \* ୪:୧୪ ୪:୧୪ ୧ ତିମଥୁ ୧:୨୦; ରୋମି ୨:୬. \* ୪:୧୯ ୪:୧୯ ପ୍ରେରିଡ୍ ୧୮:୨; ୨ ତିମଥୁ ୧:୧୭,୧୭. \* ୪:୨୦ ୪:୨୦ ପ୍ରେରିଡ୍ ୧୯:୨୨; ରୋମି ୧୭:୨୩; ପ୍ରେରିଡ୍ ୨୦:୪; ୨୧:୨୯.

ଇଉବୁଲ୍, ପୁଦେନସ୍, ଲାଇନାସ୍, କ୍ଲାଉଦିଆ ଆଡ଼ଃ ସବେନ୍ ବିଶ୍ୱାସୀ ହାଗା ମିଶିକ  
ଆମ୍ଭକେ ଜହାର୍ ଆଡ଼ଃ ଇଶୁସାଏ କାଜିକୁଲ୍‌କାଦାକ ।  
୨୨ ପ୍ରାଭୁ ଆମାଃ ଆମ୍ଭାଲଃ ତାଇନ୍‌କାଏ ।  
ଆପେ ସବେନ୍‌କଲଃ ସାୟାଦ୍ ହବାଅଃକା ।

## ତୀତସକ ନିକଟକୁ ପାଉଲକ ପତ୍ର ତିତସ୍ତାଃତେ ପ୍ରେରିତ୍ ପାଉଲୁସ୍ଆଃ ଚିଟାଉ ପାରିଟାଏ

ପାଉଲୁସ୍ଆଃ ଉପୁନିୟା ପାର୍ତାର ଚିଟାଉହେତେ ତିତସ୍ ହବାଅଃତାନା ମିଆଁଦ୍, ଅକ୍ନାଃଚି କାଲିସିୟାରେୟାଃ ବାଦଲ୍ଲାରେ ହଡ଼ରାଃ ପାରିଟାଏ ଏମାକାଦାଏ । ଏଟାଃ ଆପିୟା ଚିଟାଉ ହବାଅଃତାନା, ତୀମଥୁତାଃତେ ଅଲ୍ଲାକାନ୍ ବାରାନ୍ ଚିଟାଉ, ଆଡ଼ଃ ଫିଲ୍ମାନ୍ । ତିତସ୍ ନେ ଚିଟାଉକେ ସବେନ୍କଆଃ ସାମନାଙ୍ଗରେ ପୁରାଃ କାଉରିକେଦ୍ତେ ପାଡ଼ାଅ ଲାଗାତିଙ୍ଗ୍ୟାଃ ମେନ୍ତେ ପାଉଲୁସ୍ ତିତସ୍ତାଃତେ ନେ ଚିଟାଉକେ ଅଲେତାନା । କୁଲ୍ଲାକାନ୍ନିଃ ତାନିଃ ଲେକା ଆୟାଃ ଚାଇଲ୍ଲ ଚାଲାନ୍ ହବାଅଃ ଲାଗାତିଙ୍ଗ୍ୟାଃ ମେନ୍ତେ କାଜିକାଦା । ନେଆଁକେ ତିତସ୍ ସିଦାରେ କାଟିଃ ଲେକାଏ ସାରିକାଦ୍ ତାଇକେନା । ହବାସାକାଅଆଃ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୩ ହେତେ ୬୫ ଭିତାରକରେ ପାଉଲୁସ୍ ନେ ଚିଟାଉକେ ଅଲ୍ଲାକାଦା ।

ପାଉଲୁସ୍ କ୍ରିତିରେୟାଃ ଟାପୁରେ ତାଇନ୍କାନ୍ କାଲିସିୟାକକେ ନେଲ୍ ନାଗେନ୍ତେ ତିତସ୍କେ ଆଚୁକିୟା, ଏନ୍ ମିଦ୍ ଇନିଡୁକେଗି ତୀମଥୁକେୟ ଏମାକାଇ ତାଇକେନାଏ । ପାଉଲୁସ୍ ନେ ଚିଟାଉରେ ତିତସ୍କେ କାଲିସିୟାରେନ୍ ପ୍ରାତିନ୍କକେ ସାଲାକେଦ୍ତେ ଇଡୁକରେୟାଃ ବିଷାଏରେ ଅଲ୍ଲାକାଦା । ତିସିଙ୍ଗ୍ରେୟାଃ କାଲିସିୟା ଆଡ଼ଃ କାଲିସିୟାରେନ୍ ପ୍ରାତିନ୍କଆଃ ଆଗୁଆଇ ନାଗେନ୍ତେ ପାର୍ମେଶ୍ୱାର୍ଆଃ ମନେ ଲେକାତେ ଚିଲ୍ଲକା ହବାଅଃ ଲାଗାତିଙ୍ଗ୍ୟାଃ ଏନା ପୁରାଃ ଜାଡ଼ନାଅକେଦ୍ତେ ଧ୍ୟାନ୍ ଏମ୍ ଲାଗାତିଙ୍ଗ୍ୟାଃ, ଏନା ନେ ଚିଟାଉରେ ଅଲ୍ଲାକାନା ।

### ପୁଥ୍ ଭିତାରରେ ତାଇକାନ୍ କାଜି

- ୧. ପାଉଲୁସ୍ ତିତସ୍କେ ଧାର୍ମାନ୍ ହଡ଼କକେ ସାଲାକ ନାଗେନ୍ତେ ଆଚୁକାଦା । ୧:୧-୧୭
- ୨. ଇନିଃହଗି ହଡ଼କକେ ପାର୍ମେଶ୍ୱାର୍କେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଇଡୁକ ନାଙ୍ଗ୍ ଆଚୁକାଦାଏ । ୨:୧-୩:୧୧
- ୩. ପାଉଲୁସ୍ ତୁଣ୍ଡୁକାଜି କାଜିକେଦ୍ତେ କାଜିତୁଣ୍ଡୁକେଦା । ୩:୧୨-୧୫

୧ ଆଇଙ୍ଗ୍ ପାଉଲୁସ୍, ପାର୍ମେଶ୍ୱାର୍ଆଃ ଦାସି ଆଡ଼ଃ ଯୀଶୁ ଖ୍ରୀଷ୍ଟୁଆଃ କୁଲ୍ଲାକାନ୍ନିଃ ତାନିଙ୍ଗ୍ । ବିଶ୍ୱାସ୍ରେୟାଃ ମେନେସା ଲେକାତେ ସାନାର୍ତ୍ତିରେନ୍ ହନ୍ ତିତସ୍ତାଃତେ ନେ ଚିଟାଉ ଅଲେତାନାଇଙ୍ଗ୍ ।

ପାର୍ମେଶ୍ୱାର୍ଆଃ ସାଲାକାନ୍ ହଡ଼କଆଃ ବିଶ୍ୱାସ୍କେ କେଟେଜେ ନାଗେନ୍ତେ ଆଡ଼ଃ ଆବୁଆଃ ଧାରାମ୍ ବିଶ୍ୱାସ୍ରେୟାଃ ସାନାର୍ତ୍ତି ନାଙ୍ଗ୍ ଚେଡ଼ଗାର୍ ନାଗେନ୍ତେ ଆଇଙ୍ଗ୍ କୁଲ୍ଲାକାନାଇଙ୍ଗ୍ ।

୨ ଅକ୍ନାଃ ଜାନାଅ ଜୀଦାନ୍ ନାମେରେୟାଃ ଆସ୍ତା ନାଗେନ୍ତେ ଠାହାରାଅକାନା । ପାର୍ମେଶ୍ୱାର୍ ହସଡ଼ ନାହାଁଲିଃ । ଇନିଃ ମୁନ୍ତୁହେତେ ସିଦାରେ ଆବୁକେ ଜୀଦାନ୍ ଏମ୍ରେୟାଃ ବାନାର୍ସା ଏମାକାଦାଏ । ୩ ଠାଉକାନ୍ ନେତାରେ ନେ କାଜି ଉଡୁବ୍କାଦା । ଆବୁଆଃ ଜୀଉବାସ୍ତାଏ ଏମ୍ନିଃ ପାର୍ମେଶ୍ୱାର୍ଆଃ ଆନାଚୁତେ ନେଆଁ ଉଡୁବ୍ ନାଗେନ୍ତେ ଆଇଙ୍ଗ୍କେ ବାହାରମ୍ ଏମକାନା ।

୪ \*ତିତସ୍ ଆଇଙ୍ଗ୍ୟାଃ ମିଦ୍ ବିଶ୍ୱାସ୍ରେନ୍ ହନ୍ ତାନିଃ । ଆପୁ ପାର୍ମେଶ୍ୱାର୍ ଆଡ଼ଃ ଆବୁଆଃ ବାସ୍ତାଅନିଃ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଜୀଉସୁକୁ ଏମାପେକାଏ ।

\* ୧:୪ ୧:୪ ୨ କରିଲ୍ଲିୟା ୮:୨୩; ଗାଲାତିୟ ୨:୩; ୨ ତିମଥୁ ୪:୧୦.



କ୍ରିତ୍ୱରେ ତିତସ୍ୱଆଃ କାମି

୫ କା ଚାବାକାନ୍ କାମିକେ ଚାବା ନାଗେନ୍ତେ ଆତଃ ଆଇଁୟାଃ ଆନାରୁକେ ପାହାମ୍ତାନଲଃ ସବେନ୍ ନାଗାରରେ କାଲିସିୟାରେନ୍ ପ୍ରାଚିନ୍ନକକେ ସାଲକ ନାଗେନ୍ତେ ଆଇଙ୍ଗ୍ ଆମ୍ବକେ କ୍ରିତ୍ୱରେ ବାଗିକେଦ୍‌ମେୟାଁଇଙ୍ଗ୍ । ୬ \*ଜେତାଏ କାଲିସିୟାରେନ୍ ପ୍ରାଚିନ୍ନ ଲେକା ସାଲ୍ୟାଃ ହଡ଼, ବେଗାର୍ ଗୁଣ୍ଡାଁ ହବାଅଃ ଲାଗାତିଙ୍ଗ୍‌ୟାଃ । ଇନିୟାଃ ମିଆଁଦ୍‌ଗି କୁଡ଼ି ହବାଅଃ ଲାଗାତିଙ୍ଗ୍‌ୟାଃ, ଆୟାଃ ହନ୍‌ଗାଁଶାକ ବିଶ୍ୱାସୀ ହବାଅଃ ଲାଗାତିଙ୍ଗ୍‌ୟାଃ, ଇନିଃ ବେଗାର୍ ଚିଟାକାନ୍‌ନିଃ ହବାଅଃକାଏ ଆତଃ କା ମାନାତିଙ୍ଗ୍‌ନିଃ ଆଲକାଏ ହବାଅଃକା । ୭ ଚିୟାଃଚି କାଲିସିୟାରେନ୍ ଆଗୁଆଇ, ପାର୍‌ମେଶ୍ୱାର୍‌ଆଃ ଖୁଲ୍ ଅଡ଼ାଃରେନ୍ ଭାଣ୍ଡାରି ହବାୟାନ୍ତେ ଇନିଃ ବେଗାର୍ ଚିଟାକାନ୍‌ନିଃ ଲେକା ତାଇନ୍‌କାଏ । ଇନିଃ ଆୟାଃ ସାନାଙ୍ଗ୍‌ଲେକା କାମିନିଃ, ଜାଲ୍‌ଦି ଖୁସ୍‌ନିଃ, ଇଲିଆର୍‌ଗ୍‌ ନୁଁତାନ୍‌ନିଃ, ଏପେଗେର୍‌ନିଃ, ଆତଃ ଟାକା ପାଏସା ହାୟାନ୍‌ନିଃ ଲେକା ଆଲକାଏ ହବାଅଃକା । ୮ ମେନ୍‌ଦ ଇନିଃ ସୁସାର୍‌ନିଃ, ବୁଗିନାଃ ଦୁଲ୍‌ଲାଡେନିଃ, ଆତଃ ଆୟାଃ ମନ୍ ଥାବର୍‌ନିଃ, ଧାର୍‌ମାନ୍‌ନିଃ, ପାବିତାର୍‌ନିଃ, ଆତଃ ନେତେହେନ୍ତେ କା ବାଗାଁଶ୍ୱିନିଃ ଲେକା ହବାଅଃ ଲାଗାତିଙ୍ଗ୍‌ୟାଃ । ୯ ମେନ୍‌ଦ ବୁଗିନ୍ ସାର୍‌ତିକାଜିକେ ଏଟାଃକକେ ଇତୁକେଦ୍‌ତେ ଜୀଉରେ ରାସକା ଏମ୍ ଦାଡ଼ିନାଙ୍ଗ୍ ଆତଃ ଏନାକେ କାଜି କେସେଦ୍‌ତାନ୍‌କଆଃ ଗାଲ୍‌ତି ଉଦୁବ୍ ଦାଡ଼ିୟାଏ, ଏନାମେନ୍ତେ ଇନିଃକେ ନେ ଇତୁଆକାନ୍ ପାତିୟାର୍‌ରେଲେକାନ୍ କାଜିକେ ବିଶ୍ୱାସ୍‌ତାନ୍‌ଲଃ ଏନାରେ ପକ୍‌ତାନ୍ ଲାଗାତିଙ୍ଗ୍‌ୟାଃ ।

୧୦ ଚିୟାଃଚି ପୁରାଃ କା ମାନାତିଙ୍ଗ୍ ହଡ଼କ, ସାମାକାଜିତାନ୍ ହଡ଼କ, ଆତଃ ବେଦା ହଡ଼କ ସବେନାଃଏତେ ଆଦକା ଯିହୁଦୀକଆଃ ଖାଡ଼ନାଅକାନ୍‌କ, ଝୁଣ୍ଡରେ ମେନାକଆ । ୧୧ ଇନ୍‌କୁକେ ଜେଡ଼ନାଃ କାଜି ନାଙ୍ଗ୍ କା ଲାଗାତିଙ୍ଗ୍‌ୟାଃ, ଚିୟାଃଚି ଇନ୍‌କୁଦ ଏଡ଼କାନ୍‌ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାତିଙ୍ଗ୍ ଇନିତୁକ ଇତୁକତାନା ଆତଃ ଗଟା ଅଡ଼ାଃରେନ୍‌କକେ କାକ ବାପାଇକ ତାନା । ୧୨ ଇନ୍‌କୁଏତେ ଆକଆଃ ମିହୁଡ଼୍ ନାବୀ କାଜିକାଦାଏ, “କ୍ରିତ୍ୱରେନ୍ ହଡ଼କ ସବେନ୍ ଇମ୍‌ତା ହସଡ଼କ, ଏଡ଼କାନ୍ ବିର୍ ଜାତୁକ ଆତଃ ଆଲ୍‌ସି ପେଟୁକ ତାନ୍‌କ ।” ୧୩ ନେ ଗାଞ୍ଜା ସାର୍‌ତିଗି ତାନାଃ । ଏନାମେନ୍ତେ ଏନ୍‌ଲେକାନ୍ ହଡ଼କକେ ପୁରାଃ କେଟେୟାନ୍‌ଗି କାଜିକମେ, ଜେ'ଲେକାଚି ଇନ୍‌କୁ ବୁଗିନ୍ ବିଶ୍ୱାସୀକ ହବାଅଃଆ । ୧୪ ଇନ୍‌କୁଦ ସାର୍‌ତିକେ ବାଗିକାଦ୍ ହଡ଼କ ତାନ୍‌କ, ଇନ୍‌କୁ ହଡ଼କଆଃ ଆତୁତେ ବାଇୟାକାନ୍ ରିତିରିଖାନ୍ ଆତଃ ଯିହୁଦୀକଆଃ କାଥ୍‌ନି ବାଗିକାକ ମେନ୍ତେ ଇନ୍‌କୁକେ ଇତୁକମେ । ୧୫ ଫାର୍‌ତି ହଡ଼କ ନାଙ୍ଗ୍ ସବେନାଃ ଫାର୍‌ତିୟାକାନା । ସଡ଼ରାକାନ୍ ଆତଃ କା ବିଶ୍ୱାସ୍‌ତାନ୍‌କ ନାଗେନ୍ତେ ଜେତାନ୍ ବିଷାଏ ଫାର୍‌ତି ବାନଆଃ ମେନ୍‌ଦ ଇନ୍‌କୁଆଃ ମନ୍ ଆତଃ ବିବେକ୍ ବାରାନାଃ ସଡ଼ରାକାନା । ୧୬ ଇନ୍‌କୁଦ ପାର୍‌ମେଶ୍ୱାର୍‌କେ ସାରିଆଲେ ମେନ୍ତେକ କାଜିୟା, ମେନ୍‌ଦ ଆକଆଃ କାମିତେ ଇନିଃକେକ ଦଧାଦିତାନା । ଇନ୍‌କୁଦ ହିଲ୍‌ଲାଙ୍ଗ୍‌ଅଃତାନ୍ ଆତଃ କା ମାନାତିଙ୍ଗ୍‌ତାନ୍ ହଡ଼କ ତାନ୍‌କ ଆତଃ ସବେନ୍ ବୁଗିନ୍ କାମିନାଙ୍ଗ୍ କା ଠାଉକାନ୍‌କ ତାନ୍‌କ ।

## ୨

ସାର୍‌ତି ଇନିତୁ

୯ ମେନ୍‌ଦ ଆମ୍ବକେ ଏନ୍ ବୁଗିନ୍ ଇନିତୁଲେକା ଇତୁ ଲାଗାତିଙ୍ଗ୍‌ୟାଃ । ୨ ହାଡ଼ାମ୍ ହଡ଼କକେ ସାଲ୍‌ସାନ୍ତଃ, ମାଇନ୍ ନାମେ, ମନ୍ ଥାବର୍, ବିଶ୍ୱାସ୍‌ରେ କେଟେୟାଃ, ଦୁଲ୍‌ଲାଡ଼, ଆତଃ ସାହାଡ଼ିଙ୍ଗ୍‌ରେ ପକ୍‌ତାଃଅ ନାଗେନ୍ତେ ଇତୁକମେ । ୩ ଏନ୍‌ଲେକାଗି

ବୁଢ଼ିଆକଙ୍କେ ପାବିତାର ଜୀଞ୍ଜାନ୍ ବିତାଅ ନାଗେନ୍ତେ ଇତୁକମେ । ଇନ୍କୁ ଏଟାଠନିୟାଃ ବିରୁଧରେ ନିନ୍ଦା ଆଲକାକ କାଜିକା, ଇଲିଆରଖରେ ଆଲକାକ ଲିଲକାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍କୁ ଅକ୍ନାଃ ବୁଗିନାଃ ତାନାଃ ଏନା ଇତୁ ଲାଗାତିକ୍ଷୟାଃ । ୪ ଧାଙ୍ଗଡ଼ି କୁଡ଼ିକ, ନେ ଲେକା ଇତୁକମେ, ଆକଆଃ କଡ଼ାକଙ୍କେ ଆତଃ ହନ୍ଗାଁଣାକଙ୍କେ ଦୁଲ୍ଲାଡ଼କକାକ, ୫ ମନ୍ଦକ ଥାବରରେ ଦହେକାକ, ଆତଃ ଫାରିଚି ତାଇନକାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲକାଅଃକାକ, ଆପାନ୍ ଆପାନ୍ କଡ଼ାକଆଃ ଥାବରରେ ତାଇନକାକ, ଏନାତେ ପାରମେଶ୍ଵାରତାଃଏତେ ହିନ୍ଦୁଃତାନ୍ କାଜିରେ ଜେତାଏ ଏଡ଼କାନାଃ କାକ କାଜି ଦାଡ଼ିୟା ।

୬ ଏନଲେକାଗି ଧାଙ୍ଗଡ଼ା କଡ଼ାକଙ୍କେ ଆକଆଃ ମନ୍ ଥାବରରେ ଦହ ନାଗେନ୍ତେ ଆରୁକମେ । ୭ ଆତଃ ଆମ୍ଗି ସବେନ୍ ବୁଗିନ୍ କାଜିକାମିକରେ ଇନ୍କୁତାଃରେ ନାମୁନାତେ ଉଦୁବେନ୍ମେ, ଆମାଃ ଇନିତୁରେ ଫାରିଚି ମନ୍, ମାଇନଃଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ । ୮ ଏନାତେ ଆମାଃ କାଜିକେସେଦ୍ ହଡ଼କ, ଆବୁ ଚିଟାଅଃଲେକାନ୍ ଏଡ଼କାନ୍କାଜି କାକ କାଜିଦାଡ଼ି ହରାତେ ଗିହୁଗଃଆକ ।

୯ ଦାସିକ, ଆକଆଃ ଗମ୍ବକେକଆଃ ଥାବରରେ ତାଇନକାକ ଆତଃ ସବେନ୍ କାଜିକରେ ସୁକୁଇଚିକକାକ ଆତଃ ଆଲ୍ପେ କାଜିରୁହାଡ଼କଥା, ୧୦ ଆତଃ ଆଲକାକ କୁମୁଡ଼ୁକା ମେନ୍ଦ ବୁଗିନ୍ ଆତଃ ପାତିୟାରରଃ ଲେକାନ୍ କାଜିକରେ ଉଦୁବେନକାକ, ଏନାତେ ଇନ୍କୁ ସବେନ୍ କାଜିକରେ ଆବୁଆଃ ବାଞ୍ଚାଅନିଃ ପାରମେଶ୍ଵାରଆଃ ବିଷାଏରେ ଆବୁଆଃ ଇନିତୁକେ ମାଇନାନ୍କ ଆଉଇୟା ।

୧୧ ଚିୟାଃଚି ସବେନ୍ ହଡ଼କଆଃ ପାରିତ୍ରାଣ୍ ନାଗେନ୍ତେ ପାରମେଶ୍ଵାରଆଃ ସାୟାଦ୍ତେ ଉଦୁବାକାନା । ୧୨ ଆତଃ ଏଡ଼କାନ୍ଲେକାତେ ଜୀହୁଦଃ ଆତଃ ଅତେଦିଶ୍ଵମ୍ବରାଃ ଏଡ଼କାନ୍ ସାନାଙ୍ଗକ ବାଗିକେଦ୍ତେ ଏନ୍ ସାୟାଦ୍ ଇତୁକାଦ୍ବୁ ଲେକା ନେ ପାରିୟାରେ ମନ୍ ଥାବର, ଧାରମାନ୍, ଆତଃ ଭାଲିଲେକାତେବୁ ଜୀହୁଦଃଆ । ୧୩ ଆତଃ ଏନ୍ ସୁକୁରାସକାରାଃ ଆସ୍ତା ଆତଃ ଆବୁଆଃ ମାରାଙ୍ଗଡ଼ତାର ପାରମେଶ୍ଵାରଆଃ ଆତଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟଆଃ ମାନାରାଙ୍ଗ ଉଦୁବଃ ଦିପିଲିକେ ନେଲହରା ତାନାବୁ । ୧୪ ଏନ୍ ଯୀଶୁ ଖ୍ରୀଷ୍ଟ, ଆବୁକେ ସବେନ୍ ଏଡ଼କାନାଃଏତେ ମୁକ୍ତି ଏମାବୁ ନାଙ୍ଗ ଆତଃ ଆୟାଃ ଆପ୍ନାଃ ବୁଗିନ୍ କାମିରେ ଚିହୁଲାନ୍ ହଡ଼କଙ୍କେ ଆୟାଃ ନାଙ୍ଗ ନିୟାରକ ନାଗେନ୍ତେ ଆବୁଆଃ ନାଙ୍ଗ ଆଇଃକ୍ଗି ଆପାନ୍କେ ଏମ୍ପୟାନା ।

୧୫ ନେ ସବେନ୍ କାଜିକ ଆକ୍ତେୟାର୍ତ୍ତେ କାଜିକମ୍ ଆତଃ ଜୀଉରେ ରାସକା ଏମ୍ବକେଦ୍ତେ ଚେତାଅକମେ । ଜେତାଏ ଆମ୍ବକେ ଆଲକାକ ହିଲାଇମେକା ।

## ୩

ଖ୍ରୀଷ୍ଟିୟାନ୍କଆଃ ଚାଇଲ୍ ଚାଲାନ୍

୧ ହାକିମ୍ବକଆଃ ଆତଃ ଆକ୍ତେୟାର୍ ନାମାକାଦ୍ ହଡ଼କଆଃ କାଜି ମାନାତିଙ୍ଗ ନାଗେନ୍ତେ ଆତଃ ସବେନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନ୍ପେ, ୨ ଜେତାଏୟାଃ ଏଡ଼କାନ୍ ଆଲ୍ପେ କାଜିୟା, ମେନ୍ଦ ସୁକୁଜୀଉତେ ଆତଃ ଗାତିସାଙ୍ଗାତିତେ ସେସେନ୍ ନାଙ୍ଗ ସବେନ୍ ହଡ଼କତାଃରେ ଲେବେଃମନ୍ତେ ସବେନ୍ ଇମ୍ପତା ଉଦୁବେନ୍ପେ ମେନ୍ତେ ଇନ୍କୁକେ ପାହାମାକମେ । ୩ ଚିୟାଃଚି ସିଦା ଆବୁହଗି ଡଣ୍ଡ, କା ମାନାତିଙ୍ଗକ, ଆଦାକାନ୍କ, ସବେନ୍ ଲେକାନ୍ ଏଡ଼କାନ୍ ସାନାଙ୍ଗ ଆତଃ ରିଜରାଙ୍ଗରେନ୍ ଦାସିକବୁ ତାଇକେନା । ଆବୁ ଏଡ଼କାନାଃ ଆତଃ ହିସ୍ତାମେ

ସେସେନ୍ତାନ୍, ହିଲାଇଫାକାନ୍ ଆତଃ ଏଟାଃକକେ ହିଲାଇଫକ ତାଇକେନାବୁ । ୪ ଫେନ୍ଦ ଚିମ୍ତା ଆବୁଆଃ ବାଞ୍ଚାଅନିଃ ପାର୍ମେଶ୍ୱାର୍ଆଃ ଦୁପୁଲ୍ଲାଡ଼ରାଃ ଦାୟା ଉଦୁବ୍ଯାନା, ୫ ଇମ୍ତା ଇନିଃ ଆବୁକେ ବାଞ୍ଚାଅକେଦ୍ବୁଆ, ନେଆଁ ଆବୁଆଃ ଧାର୍ମାନ୍ କାମିକରେୟାଃ ନାଗେନ୍ତେତେଦ କାହା ଫେନ୍ଦ ଆୟାଃ ଲିବୁଇ ଆତଃ ପାବିତାର୍ ଆମ୍ବାରାଃ ହରାତେ ଆବୁ ନାଞ୍ଜା ଜାନାମ୍ ଆତଃ ନାଞ୍ଜା ଜୀଞ୍ଜାନ୍ବୁ ନାମାକାଦା । ୬ ଆବୁଆଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟାଃ ହରାତେ ପାର୍ମେଶ୍ୱାର୍ ଆବୁକେ ପୁରାଃତେ ପାବିତାର୍ ଆମ୍ବା ଏମାକାଦ୍ବୁଆଏ । ୭ ଏନାତେ, ଇନିୟାଃ ସାୟାଦ୍ତେ ଆବୁ ପାର୍ମେଶ୍ୱାର୍ଆଃ ଆୟାର୍ରେ ଧାର୍ମାନ୍ ହଡ଼ବୁ ବାଇୟାକାନା ଆତଃ ଆବୁଆଃ ଆସ୍ତା ଲେକାତେ ଜାନାଅ ଜୀଦାନ୍ରେ ବଲ ନାଗେନ୍ତେ ଆକ୍ତେୟାର୍ବୁ ନାମାକାଦା । ୮ ନେ କାଜି ସାର୍ତ୍ତିତା ତାନାଃ ।

ଆତଃ ପାର୍ମେଶ୍ୱାର୍କେ ବିଶ୍ୱାସ୍ତାନକ, ସବେନ୍ ବୁଗିନ୍ କାମି ରିକା ନାଗେନ୍ତେ ସାନାଫକାକ, ଏନା ନାଗେନ୍ତେ ଆମ୍ ଇନ୍କୁକେ ନେ ସବେନ୍ ବିଷାଏରେ ପୁରାଃ କେଟେଦ୍ତେ ଇଡୁକମେ, ନେଆଁଇଫ୍ ମନେତାନା । ନେଆଁଦ୍ ହଡ଼କ ନାଗେନ୍ତେ ପୁରାଃ ବୁଗିନାଃ । ୯ ଫେନ୍ଦ ତଣ୍ଡ କାଜିକ ଆତଃ ପୁରୁଖା ହାଡ଼ାମ୍କଆଃ ନୁଡୁମ୍ବରାଃ ଜିଲିଫ୍ ତାଲିକା, ଏପରାଫ୍, ଆତଃ ଆଇନ୍ରେୟାଃ କାପ୍ତଜିକଏତେ ଆତମେନ୍ମେ, ଚିୟାଃଚି ଏନା ସବେନ୍ ଏଡ଼କାନାଃ ତାନାଃ ଆତଃ ସାମାଗିୟା । ୧୦ ବେଦା କାଜିତେ ବିନ୍ଗାଅତାନ୍ ହଡ଼କକେ ମିସା ବାର୍ସା ତେତାଅକେଦ୍ତେ ବାଗିତାକମ୍ । ୧୧ ନେ ଲେକାନ୍ ହଡ଼କ ହରାଆଦାକାଦାକ ଆତଃ ପାପ୍କେଦ୍ତେ ଆକଗି ଚିଟାଅଃତାନାକ, ଏନାଦମ୍ ସାରିତାନା ।

**ଚୁଣ୍ଡ ଉନ୍ଦୁଦୁବ୍**

୧୨ \*ଚିମ୍ତା ଆଇଫ୍ ଆର୍ଡେମା ଆତଃ ତୁଖ୍ୱକ୍କେ ଆମାଃତାଃତେଇଫ୍ କୁଲିରେ, ଆମ୍ ଆଇୟାଃତାଃତେ ନିକପଲି ସାହାର୍ତେ ହିଜୁଃମେ, ଚିୟାଃଚି ଆଇଫ୍ ରାବାଫ୍ସାହାକେ ଏନ୍ତାଃରେ ବିତାଅନାଫ୍ ଉହାଟ୍କାଦାଫ୍ । ୧୩ \*ଆଇନ୍ ଇଡୁନିଃ ଜୀନସ୍ ଆତଃ ଆପୋଲୋ, ନେ ବାରାନ୍କିନ୍ନାଃ ହରାସେନ୍ ନାଫ୍, ଅକ୍ନାଃ ଲାଗାତିଫ୍ତେୟାଃ ସବେନାଃ ଏମ୍କେଦ୍ତେ ହରାସେନ୍ ଏଟେଦ୍ ନାଗେନ୍ତେ ଦେଫାକିନ୍ମେ । ୧୪ ଆବୁଆଃ ହଡ଼କ ଆକଆଃ ଲାଗାତିଫ୍ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଫ୍ ଇଡୁଃକାକ, ଏନାରେ ଇନ୍କୁ ଜେଡ଼ନାଃତେ କାକ ଜାଞ୍ଜିଅଃଥ୍ ।

୧୫ ଆଇୟାଃଲଃ ତାଇନ୍ତାନ୍ ସବେନ୍କ ଆମ୍କେ ଜହାର୍ମେତାନାକ । ବିଶ୍ୱାସ୍ତେ ଆଲେକେ ଦୁଲ୍ଲାଡ଼ଲେତାନ୍ ସବେନ୍କକେ ଆଲେୟାଃ ଜହାର୍ ଉଦୁବାକମେ । ପାର୍ମେଶ୍ୱାର୍ଆଃ ସାୟାଦ୍ ଆପେ ସବେନ୍କଲଃ ହବାଅଃକା ।

\* ୩:୧୨ ୩:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧,୨୨; କଲସିୟ ୪:୭,୮; ୨ ତିମଥ୍ ୪:୧୨. \* ୩:୧୩ ୩:୧୩ ପ୍ରେରିଡ୍ ୧୮:୨୪; ୧ କରିନ୍ଥ୍ଯ ୧୬:୧୨.

# ଫିଲ୍ମମନଙ୍କ ନିକଟକୁ ପାଉଲଙ୍କ ପତ୍ର ଫିଲ୍ମମନ୍ତାଃତେ ପ୍ରେରିତ୍ ପାଉଲୁସ୍ଆଃ ଚିଟାଉ ପାରିତାଏ

ଫିଲ୍ମମନ୍ ପୁଅକେ ପ୍ରେରିତ୍ ପାଉଲୁସ୍ ଅଲ୍ଲାକାଦାଏ ୧:୧ । ଇନିଃ ଜେହେଲ୍ଲାକାନ୍ ତାଇକେନ୍ ଇମ୍ତା ନେ ପୁଅକେ ଅଲ୍ଲାକାଦ୍ ତାଇକେନା, ହବାସାକାଅଃ ତାନା, ରୋମ୍ରେ ତାଇକେନ୍ ଇମ୍ତାଏ ଅଲ୍ଲାକାଃ । ଇନିଃ ରୋମ୍ରେ ତାଇକେନ୍ରେଦ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୧ କରେ ନେ ଚିଟାଉକେ ଅଲ୍ଲ ସାକାଅଃକା । ଇନିଃ ଏନ୍ ମିଦ୍ସାମାନ୍ ଦିପିଲିରେଗି କଲିସିୟ କାଲିସିୟାକେ ଅଲ୍ଲାକାଃ । ଇନିଃ ନେ ଚିଟାଉ ଫିଲ୍ମମନ୍ ନୁତୁମ୍ ମିଆଁଦ୍ ହଡତାଃତେ ଅଲ୍ଲକେଦା । ଫିଲ୍ମମନ୍ କାଲିସିୟାରେନ୍ ମିହୁଡ୍ ପ୍ରାଚିନ୍ ତାଇକେନାଏ ଆତଃ ଦାସିକଆଃ ଗମ୍କେ ତାଇକେନା । ଫିଲ୍ମମନ୍ତାଃଏତେ କୁମ୍ବୁକେଦ୍ତେ ସାଜିନ୍ତେ ସେନଃକାନ୍ ଅନିସିମସ୍କେ ସାଜାଇ ଆଲମ୍ ଏମାଲୟା, ମେନ୍ତେ ପାଉଲୁସ୍ ନେ ଚିଟାଉରେ ଅଲ୍ଲାକାଦା । ରୋମ୍ରେୟାଃ ରିତିରିଖାଜ୍ ଲେକାତେ ଫିଲ୍ମମନ୍, ଅନିସିମସ୍କେ ଗନଏଃ ସାଜାଇ ଏମ୍ରେୟାଃ ଆକ୍ତେୟାଉ ତାଇକେନା ।

ଅନିସିମସ୍କେ ଖ୍ରୀଷ୍ଟୁରେ ହାଗା ଲେକା ମାନାତିଙ୍ଗକେଦ୍ତେ ତେଲାଦାରମିମେ ମେନ୍ତେ ଫିଲ୍ମମନ୍କେ ବିକ୍ରିତାନଲଃ ଜୀଉରାଡ୍ତେଃ ଏମାଲତାନାଏ । ପାଉଲୁସ୍ ଅନିସିମସ୍କେ ଆୟାଃ ଠାୟାଦ୍ରେ ସେଖା କାମି ରିକାନାଜ୍ ଆଚୁଇମେ ମେନ୍ତେ ଆଚୁକିୟା, ୧:୧୩-୧୪ ।

### ପୁଅ ଭିତାରେ ତାଇକାନ୍ କାଜି

- ୧. ପାଉଲୁସ୍ ଫିଲ୍ମମନ୍କେ ଜହାର୍ ମେନ୍ତେ ଉଦୁବ୍ତାନା । ୧:୧-୩
- ୨. ପାଉଲୁସ୍ ଅନିସିମସ୍ଆଃ ହରାତେ ଫିଲ୍ମମନ୍କେ ମିଆଁଦ୍ ଖ୍ରୀଷ୍ଟୁରେ ହାଗା ଲେକା ତେଲାଦାରମିମେ ମେନ୍ତେ କାଜିକାଦା । ୧:୪-୨୧
- ୩. ପାଉଲୁସ୍ ଆୟାଃ ହରାସେନ୍ ବିଷାଏରେ ଉଦୁବେତାନା ଆତଃ ଜହାର୍ ମେନ୍ତେ ଉଦୁବେତାନା । ୧:୨୨-୨୫

୧ ଯୀଶୁ ଖ୍ରୀଷ୍ଟୁଆଃ ନାଗେନ୍ତେ ଜେହେଲ୍ଲାକାନ୍ ଆଇଙ୍ଗ୍ ପାଉଲୁସ୍ ଆତଃ ହାଗା ତାମଥ୍ତାଃଏତେ, ଆରୁଆଃ ଦୁଲାଡ୍ ଗାତି ଆତଃ ମିସାତେ କାମିତାନିଃ ଫିଲ୍ମମନ୍, <sup>୨</sup> ଆୟାଃ ଅଡ଼ାଃରେ ହୁଣ୍ଡିକେଦ୍ତେ ଗିର୍ଜାତାନ୍କ ନାଗେନ୍ତେ, ଆରୁଆଃ ମିଶି ଆଫପିୟା, ଆତଃ ଧାରାମ୍ କାମିରେ ଆବୁଲଃ ମିସାତେ ଲାଡ଼ାଇତାନ୍ ଆଖି ପସତାଃତେ ନେ ଚିଟାଉ ଅଲେତାନାଲେ ।

<sup>୩</sup>ଆରୁଆଃ ଆପୁ ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

### ଫିଲ୍ମମନ୍ଆଃ ଦୁଲାଡ୍ ଆତଃ ବିଶ୍ୱାସ୍

୪ ହାଗା ଫିଲ୍ମମନ୍, ଆଇଙ୍ଗ୍ ବିକ୍ରିତାନ୍ ଇମ୍ତା ସବେନ୍ ହୁଲାଙ୍ଗ୍ ଆମ୍କେ ପାହାମ୍ତାନଲଃ ପାର୍ମେଶ୍ୱାର୍କେ ଧାନ୍ୟାବାଦ୍ ଏମାଲତାନାଇଙ୍ଗ୍ । <sup>୫</sup>ଚିୟାଃଚି ପ୍ରାଭୁ ଯୀଶୁ ଖ୍ରୀଷ୍ଟୁରେ ଆମାଃ ବିଶ୍ୱାସ୍ ଆତଃ ପାର୍ମେଶ୍ୱାର୍ଆଃ ହଡକଲଃ ଆମାଃ ଦୁଲାଡ୍ ମେନାଃ, ଏନା ଆଇଙ୍ଗ୍ ଆୟୁମକାଦା । <sup>୬</sup>ଖ୍ରୀଷ୍ଟୁଲଃ ଆରୁଆଃ ମେନେସା ହବାୟାନ୍ ହରାତେ ଆରୁଆଃ ଜୀଦାନ୍ରେ ଆଶିଷ୍ଟୁ ନାମାକାଦା । ଖ୍ରୀଷ୍ଟୁକେ ବିଶ୍ୱାସ୍ତାନ୍ ହରାତେ ଆମାଃଲଃ ଆଲେୟାଃ ମେନେସା, ଏନ୍ ସବେନ୍ ବୁଗିନ୍ ବିଷାଏରେୟାଃ

୫ ୧:୨ ୧:୨ କଲସିୟ ୪:୧୭.

ଇକିରାନ୍ତେୟାଃ ଆଟ୍‌କାର୍‌ଉରୁମ୍ ନାଗେନ୍ତେ ଆମକେ ଦେଙ୍ଗାମେକାଏ, ଏନା ଆଇଁୟାଃ ବିନ୍ତି । ୭ ଏ ହାଗା, ଆମାଃ ଦୁଲ୍‌ମାଡ୍‌ତେଦ ଆଇଙ୍ଗ୍ ପୁରାଃଗିଙ୍ଗ୍ ରାସ୍‌କାୟାନା ଆତଃ ଜୀଉରାଡେଃ ନାମକେଦାଇଙ୍ଗ୍ । ଚିୟାଃଚି ଆମାଃ ହରାତେ, ପାର୍‌ମେଶ୍‌ୱାର୍‌ଆଃ ହଡ୍‌କଆଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା ।

ଅନିସିମସ୍ ନାଗେନ୍ତେ ପାଉଲୁସ୍‌ଆଃ ବିନ୍ତି

୮ ଏନା ନାଗେନ୍ତେ ଆମ୍ ଖ୍ରୀଷ୍ଟ୍‌ରେ ବିଶ୍ୱାସୀ ହାଗାତାନ୍‌ମେ ମେନ୍ତେ ଆଇଙ୍ଗ୍ ଆମକେ କାମିକ ଆରୁ ନାଙ୍ଗ୍ ଆଇଁୟାଃ ପୁରାଃଗି ଜୀଉରେ କେଟେଦ୍ ମେନାଃ । ୯ ମେନ୍‌ଦ ଆଇଙ୍ଗ୍ ହାଡ଼ାମଃତାନ୍ ପାଉଲୁସ୍, ଦୁଲ୍‌ମାଡ୍ ହରାତେ ଆଇଙ୍ଗ୍ ଆମକେ ବିନ୍ତିମେ ତାନାଇଙ୍ଗ୍, ଆତଃ ଯୀଶୁ ଖ୍ରୀଷ୍ଟ୍ ନାଗେନ୍ତେ ଆଇଙ୍ଗ୍ ନାହାଁଃ ଜେହେଲ୍‌ଲା କାନାଇଙ୍ଗ୍ । ୧୦ ଆଇଙ୍ଗ୍ ଜେହେଲ୍‌ରେ ସିକିଡିତେ ତଲ୍‌କାନ୍ ତାଇକେନ୍ ଇମ୍‌ତା ଅନିସିମସ୍‌କେ ଯୀଶୁ ଖ୍ରୀଷ୍ଟ୍‌ଆଃ ହରାତେ ହନିଙ୍ଗ୍‌କଡ଼ା ଲେକାଇଙ୍ଗ୍ ନାମ୍‌କିୟା, ଆଇଙ୍ଗ୍ ନାହାଁଃ ଆମ୍‌କ୍ ଆପୁ ଲେକାଇଙ୍ଗ୍ ହବାକାନା ଆତଃ ଇନିଃ ନାଗେନ୍ତେଇଙ୍ଗ୍ ବିନ୍ତିମେତାନା । ୧୧ ସିଦା ଇନିଃ ଆମାଃ ଜେତାନ୍ କାମି ରିକାଏ ଲେକାନ୍‌ନିଃ କାଏ ତାଇକେନା, ମେନ୍‌ଦ ଇନିଃ ନାହାଁଃ ଆଇଁୟାଃ ନାଙ୍ଗ୍ ଆତଃ ଆମାଃ ନାଙ୍ଗ୍ ପୁରାଃ କାମି ରିକାଏନିଃ ହବାକାନାଏ ।

୧୨ ଆଇଙ୍ଗ୍ ନାହାଁଃ ଇନିଃକେ ଆପେତାଃତେଇଙ୍ଗ୍ କୁଲ୍ ରୁହାଡିତାନା, ଆତଃ ଆଇଁୟାଃ ମନ୍‌ସୁରୁଦ୍ ଇନିଃଲଃ ସେନ୍‌ତାନା । ୧୩ ଆଇଙ୍ଗ୍ ସୁକ୍‌କାଜି ନାଙ୍ଗ୍ ଜେହେଲ୍‌ରେ ସିକିଡିତେ ତଲ୍‌କାନ୍ ତାଇକେନ୍ ଇମ୍‌ତା ଆମାଃ ବାଦ୍‌ଲ୍‌ରେ ଆଇଙ୍ଗ୍‌କେ ଦେଙ୍ଗାମାଙ୍ଗ୍ ଇନିଃକେ ଆଇଁୟାଃ ହେପାଦ୍‌ରେ ଦହନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ । ୧୪ ଆମ୍ ଆଇଙ୍ଗ୍‌କେ ଦେଙ୍ଗାଇଙ୍ଗ୍‌ମେଚି ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା, ମେନ୍‌ଦ ଆମ୍ ଆମାଃ ବୁଗିନ୍ କାମି ବେଗାର୍ ଇଛାସାନାଙ୍ଗ୍‌ତେ କା ହବାକେଦ୍‌ତେ, ଆମାଃ ଇଛାସାନାଙ୍ଗ୍‌ତେ ହବାଅଃକା, ମେନ୍ତେ ଆଇଙ୍ଗ୍ ଜେଡ୍‌ନାଃ ରିକାନାଙ୍ଗ୍ କାଇଙ୍ଗ୍ ମନେତାନା ।

୧୫ ହବାସାକାଅଆଃ, ଜାନାଅ ଆମାଃତାଃରେ ତାଇନ୍ ଲାଗାଡିଙ୍ଗ୍‌ୟାଃ ମେନ୍ତେ ଅନିସିମସ୍ ଚିମିନ୍ ମାହାଁ ଆମାଃତାଃଏତେ ସାଜିନ୍‌ରେ ତାଇକେନା । ୧୬ ଆତଃ ନାହାଁଃଦ ଇନିଃ କିରିଙ୍ଗ୍ ଦାସି ଲେକା କାହାଗି, ମେନ୍‌ଦ କିରିଙ୍ଗ୍‌ଦାସିଏତେ ମାରାଙ୍ଗ୍ ଖ୍ରୀଷ୍ଟ୍‌ଆଃ ବିଶ୍ୱାସୀ ଲେକାତେ ଇନିଃ ମିଆଁଦ୍ ଦୁଲ୍‌ମାଡ୍ ହାଗା ଲେକା ତାନିଃ । ଏନାତେ ଇନିଃ ଆଇଁୟାଃ ଦୁଲ୍‌ମାଡ୍ ହାଗା ତାନିଃ । ଇନିଃ ମିଆଁଦ୍ ଦୁଲ୍‌ମାଡ୍ ହଡ୍ ଲେକା ଆତଃ ପ୍ରାଭୁରେ ମିଆଁଦ୍ ହାଗା ଲେକା ଆମାଃ ନାଙ୍ଗ୍ ଚିମିନ୍ ବୁଗିନାଃ ହବାଅଃଆ ।

୧୭ ଏନାମେନ୍ତେ ଆମ୍ ଆଇଙ୍ଗ୍‌କେ ମିଆଁଦ୍ ମିସାତେ କାମିନିଃ ମେନ୍ତେମ୍ ଆଟ୍‌କାରିଙ୍ଗ୍ ତାନ୍‌ରେଦ୍, ଆଇଙ୍ଗ୍‌କେ ଦାରମ୍‌ତାନ୍‌ଲେକାଗି ଇନିଃକେ ଦାରମିମେ । ୧୮ ଇନିଃ ଜେଡ୍‌ନାଃ ଆମାଃ ହାନି ରିକାକାଦ୍‌ରେଦ୍ ଚାଏ ଆମାଃତାଃଏତେ ରିଣୀ ଇଦିକାଦ୍‌ରେଦ୍, ଏନାକେ ଆମ୍ ଆଇଁୟାଃ ନୁଡ୍‌ମରେ ଅଲ୍‌ତାମେ । ୧୯ ଆଇଙ୍ଗ୍ ପାଉଲୁସ୍, ଡିଃଇ ତାଇୟାଃତେ ଅଲେତାନାଇଙ୍ଗ୍, ଏନାଇଙ୍ଗ୍ ହାଲ୍‌ରୁହାଡେଆ । ଆମାଃ ମନ୍‌ସୁରୁଦ୍ ଆଇଁୟାଃତାଃରେ ରିଣୀ କାନା, ଏନ୍ ବିଷାଏରେ ଆଇଙ୍ଗ୍ କାଜି ନାଙ୍ଗ୍ କାଇଙ୍ଗ୍ ସାନାଙ୍ଗ୍‌ତାନା । ୨୦ ଏନାତେ ଏ ହାଗା, ପ୍ରାଭୁଆଃ ମେନେସାରେ ଆମାଃ ହରାତେ ଆଇଁୟାଃ ବୁଗିନାଃ ହବାଅଃକା, ଆତଃ ଖ୍ରୀଷ୍ଟ୍‌ରେ ହାଗାଲେକା ରାସ୍‌କାଇଙ୍ଗ୍‌ମେ ।

୨୧ ଆଇଁୟାଃ ପୁରା ବିଶ୍ୱାସ୍ ମେନାଃ, ଆମ୍ ଆଇଁୟାଃ କାଜି ମାନାଡିଙ୍ଗ୍‌ତାନାମ୍ ମେନ୍ତେ ଆଇଙ୍ଗ୍ ଆମାତାଃତେଇଙ୍ଗ୍ ଅଲେତାନା, ଆଇଁୟାଃ କାଜିଏତେ ଆମ୍ ଆଦ୍‌କାମ୍ ରିକାୟା, ଏନାଇଙ୍ଗ୍ ସାରିତାନା । ୨୨ ଆତଃ ଆଇଁୟାଃ ନାଙ୍ଗ୍ ଏନ୍ତାଃରେ ଡେରା ଠାୟାଦ୍ ସେକାଡ୍‌କେଦ୍‌ତେ ଦହକାମେ ଚିୟାଃଚି ଆଇଁୟାଃ ଆସ୍ତା ମେନାଃ,

\* ୧:୧୦ ୧:୧୦ କଲସିୟ ୪:୯.

ପାରମେଶ୍ୱର ଆପେୟାଃ ବିନ୍ଦି ଆୟୁମେୟା ଆତଃ ଆଇକ୍ ଆପେତାଃତେ  
ହିନ୍ଦୁଃରୁହାଡ଼ାଇକ୍ ।

ରୁଣ୍ଡ ଜହାର୍

୨୩ ☆ ଯାଶୁ ଶ୍ରୀଷ୍ଟ ନାକ୍ ଆଇୟାଃଲଃ ଜେହେଲୀକାନ୍ ଏପାପ୍ତା, ଆମ୍ବେ ଆୟାଃ  
ଜହାର୍ କାଜିକୁଲେତାନାଏ, ୨୪ ☆ ଆତଃ ଆଇୟାଃଲଃ ମିସାତେ କାମିତାନ୍ ମାର୍କ,  
ଆରିସ୍ତାର୍ଗ, ଦିମା, ଲୁକ୍ ଆମ୍ବେ ଜହାର୍ ମେନ୍ତେକ କାଜିକୁଲେତାନା ।

୨୫ ପ୍ରାଭୁ ଯାଶୁ ଶ୍ରୀଷ୍ଟ ଆଃ ସାୟାଦ୍ ଆପେ ସବେନକଲଃ ଆମ୍ବରେ ହାବାଅଃକା ।

☆ ୧:୨୩ ୧:୨୩ କଲସିୟ ୧:୭; ୪:୧୨. ☆ ୧:୨୪ ୧:୨୪ ପ୍ରେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯; କଲସିୟ  
୪:୧୦; ପ୍ରେରିଡ୍ ୧୯:୨୯; ୨୭:୨; କଲସିୟ ୪:୧୦; କଲସିୟ ୪:୧୪; ୨ ତିମଥ୍ ୪:୧୦; କଲସିୟ ୪:୧୪; ୨ ତିମଥ୍  
୪:୧୧.

## ହିବୁମାନଙ୍କୁ ଲିଖିତ ପତ୍ର ଏବଂ ହତକତାଃତେ ଅଲ୍ଲାନାନ୍ ଚିଟାଉ ପାରିଟାଏ

ଏବଂ ଚିଟାଉ ମିଆଁଦ୍ ଜାଉରେ ରାସ୍‌କା ଏମଃ ଚିଟାଉ ତାନାଃ । ମାରି ନିୟାମ୍‌ରେୟାଃ ଆୟାର୍‌କାଜି ସବେନାଃ ପୁରାକାନ୍ ବିଷାଏ ନେ ଚିଟାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିଟାଉରେ ୭୦ ଏତେ ଆଦ୍‌କା ମାରି ନିୟାମ୍‌ରାଃ ଅନଲ୍‌ତେୟାଃ ମେନାଃ । ଯୀଶୁ ଖ୍ରୀଷ୍ଟ୍ ଚିଲ୍‌କା ଆୟାର୍‌କାଜି ଆତଃ ଯିହୁଦୀ ଯାଜାକ୍‌କଆଃ କାମି ପୁରାକେଦାଏ, ଏନା ନେ ଚିଟାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନ୍‌କକେ ଜାଉରେ ରାସ୍‌କା ଏମଃ ଚିଟାଉ ତାନାଃ । ଏବଂ ଚିଟାଉରେ ନେଲଃଆ ଯେ, ଯୀଶୁ ଚିଲ୍‌କା ଆନ୍‌ତୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିତ୍‌ଲ୍‌ହ ଦାଣ୍ଡେ ରାକାବ୍ କା ଲାଗାତିୟଃଆ । ଯୀଶୁ ଖ୍ରୀଷ୍ଟ୍ ହବାଅଃତାନାଏ ସବେନ୍ ପାପ୍‌ରେୟାଃ ଦାଣ୍ଡେ ରାକାବ୍, ନେଆଁ ମିସାତରା ସବେନ୍ ହୁଲ୍‌ଲ୍ ନାଗେନ୍ତେ ତାନାଃ । ନାହାଁଃ ପାତିୟାର୍‌ତାନ୍ ଖ୍ରୀଷ୍ଟିୟାନ୍‌କ ନାଗେନ୍ତେ ଏବଂ ଚିଟାଉରେ ଜାଉରେ ରାସ୍‌କା ନେଲଃଆ । ଖ୍ରୀଷ୍ଟ୍ ଏସ୍‌କାର୍ ଆବୁକେ ପାର୍‌ମେଶ୍‌ବାର୍‌ତାଃରେ ଆସ୍ତା ଦହ ନାଗେନ୍ତେ ରିକା ଦାଡ୍‌ିୟାରୁଆ, ଆତଃ ଆୟାଃତାଃରେ ଆସ୍ତା ଦହତାନ୍‌ଲଃ ଅତଙ୍‌କେଦ୍‌ତେ ସେନ୍ ଦାଡ୍‌ିୟାରୁ ୧୨:୨ ।

ଏବଂ ଚିଟାଉ ଅକ୍‌ଏ ଅଲ୍ଲାନାଦାଏ ଏନା କା ସାରିୟଃତାନା, ମେନ୍‌ଦ ପାଣ୍ଡିତ୍‌କ କାଜିୟାଃକ, ହବାସାକାଅଆଃ ପ୍ରେରିତ୍ ପାଉଲୁସ୍, ଲୁକ୍, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍‌ରେୟାଃ ଦିପିଲି ହରି କା ସାରିୟଃତାନା, ମେନ୍‌ଦ ପୁରାଃ ହତକ ବିଶ୍ୱାସାଃକ, ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୭୦ କରେ ଅଲ୍ଲାନା । ଯୀରୁଶାଲେମ୍ ମାନ୍‌ିର୍ ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିଟାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏବଂ ଚିଟାଉ ହବାସାକାଅଆଃ ରୋମ୍ ନାଗାର୍‌ରେ ଅଲ୍ଲାନାନ୍ ତାଇକେନା ୧୩:୨୪, ଆତଃ ଏଟାଃ ଏଟାଃ କାଲିସିୟାରେ ହାଟିଙ୍‌କାନ୍ ତାଇକେନା ।

### ପୁଅ୍ ଭିଟାଉରେ ଅଲ୍ଲାନାନ୍ କାଜି

- ୧. ଯୀଶୁ ଖ୍ରୀଷ୍ଟ୍ ନାବୀ ଆତଃ ଦୁଁତକତାଃଏତେ ହରି ମାରାଙ୍ଗ୍ ତାନିଃ । ୧:୧-୪:୧୩
- ୨. ଯୀଶୁ ଖ୍ରୀଷ୍ଟ୍ ମାରାଙ୍ଗ୍ ଯାଜାକ୍ ତାନିଃ । ୪:୧୪-୭:୨୮
- ୩. ଯୀଶୁଆଃ ସେଞ୍ଜା କାମି ମାରାଙ୍ଗ୍ ତାନାଃ । ୮:୧-୧୦:୩୧
- ୪. ଯୀଶୁରି ସବେନାଃଏତେ ମାରାଙ୍ଗ୍ ତାନିଃ । ୧୦:୩୨-୧୩:୧୭
- ୫. ଜାଉରେ ରାସ୍‌କାନ୍ କାଜି ଏମଃ ଆତଃ ଚୁଣ୍ଡ ଜୁହାର୍ । ୧୩:୧୮-୨୫

ପାର୍‌ମେଶ୍‌ବାର୍ ହନ୍ ହରାତେ ପାର୍‌ମେଶ୍‌ବାର୍‌ଆଃ ଏମାକାନ୍ ବାଚାନ୍

୧ ସିଦା ଦିପିଲିରେ ପାର୍‌ମେଶ୍‌ବାର୍ ଚିମିନ୍ ମାହାଁ ଆତଃ ସବେନ୍ ଲେକାତେ ନାବାକଆଃ ହରାତେ ଆବୁଆଃ ପୁରୁଶା ହାଡାମ୍‌କକେ କାଜିକାଦ୍‌କଆ ୨ ମେନ୍‌ଦ ନେ ଚୁଣ୍ଡ ଦିପିଲିରେ ପାର୍‌ମେଶ୍‌ବାର୍ ଆୟାଃ ହନ୍ତେକଡ଼ା ହରାତେ ଆବୁକେ କାଜିକାଦ୍‌ବୁଆ । ଏନ୍ ହନ୍ତେକଡ଼ା ହରାତେଗି ପାର୍‌ମେଶ୍‌ବାର୍ ଅତେଦିଶୁମ୍‌କେ ବାଇକେଦା, ଏନ୍ତେ ଚୁଣ୍ଡରେ ସବେନାଃରେୟାଃ ଆକ୍‌ତେୟାର୍ ହବାଅଃ ନାଗେନ୍ତେ ଇନିଃ ହନ୍ତେକଡ଼ାକେ ସାଲ୍‌କିୟା । ୩ ହନ୍ତେକଡ଼ାତାଃରେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ରେୟାଃ ଜୁନ୍‌ଲ୍

ଝାଲ୍‌ସାଃଅ ତାନା ଆତଃ ପୁରା ପାର୍ମେଶ୍ଵାର୍‌ଆଃ ଲେକାଗି ଆୟାଃ ସଭାଦ୍  
ମେନାଃ । ଇନିଃ ଆୟାଃ କାଜିରେୟାଃ ପେଡ଼େଃତେ ଗଟା ଅତେଦିଶୁମ୍‌କେ  
ଆକ୍‌ତେୟାର୍‌ରେ ତାନା । ଇନିଃ ସବେନ୍ ମାନଝାକଆଃ ପାପକ ଛାମାକେଦ୍‌ତେ,  
ସିର୍ମାରେ ସାଲାଙ୍ଗିତ୍‌ତାର୍ ପେଡ଼େୟାନ୍ ପାର୍ମେଶ୍ଵାର୍‌ଆଃ ଜମ୍‌ସାଃରେ ଦୁବାକାନା ।

ପାର୍ମେଶ୍ଵାର୍‌ଆଃ ହନ୍ ମାରାଙ୍ଗ୍ ତାନିଃ

୪ ଇନିଃ ସିର୍ମାରେନ୍ ଦୁଡ୍‌କଏତେ ଜେ'ଲେକା ମାରାଙ୍ଗ୍, ଏନ୍‌ଲେକାଗି ଆୟାଃ  
ନୁଡୁମ୍‌ହଗି ଇନ୍‌କୁଆଃ ନୁଡୁମ୍‌ଏତେ ପୁରାଃ ମାରାଙ୍ଗ୍‌ଆଁ,

୫ ଚିୟାଃଗି ଚିତ୍‌ଲାହଗି ପାର୍ମେଶ୍ଵାର୍ ଦୁଡ୍‌କକେ କାଏ କାଜି :

“ଆପେ ଆଇଁୟାଃ ହନ୍,  
ତିସିଙ୍ଗ୍‌ତାଃଏତେ ଆଇଙ୍ଗ୍ ଆପେୟାଃ ଆପୁ ତାନିଙ୍ଗ୍,” ପାର୍ମେଶ୍ଵାର୍ ଆତଃଗି  
କାଜିକେଦା,

“ଆଇଙ୍ଗ୍ ଇନିୟାଃ ଆପୁ ତାନିଙ୍ଗ୍  
ଆତଃ ଇନିଃ ଆଇଁୟାଃ ହନ୍ ତାନିଃ ।”

୬ ମେନ୍‌ଦ ପାର୍ମେଶ୍ଵାର୍ ଆୟାଃ ମୁଡ୍‌କୁଲ୍ ହନ୍‌କେ ନେ ଅତେଦିଶୁମ୍‌କେ କୁଲ୍‌କିୟା  
ଇମ୍‌ତା ନେ'ଲେକାଏ କାଜିକାଦ୍ ତାଇକେନା,

“ପାର୍ମେଶ୍ଵାର୍‌ଆଃ ସବେନ୍ ଦୁଡ୍‌କ ଇନିଃକେକ ଜହାର୍‌ରିୟା ।” ୭ ମେନ୍‌ଦ ସିର୍ମାରେନ୍  
ଦୁଡ୍‌କଆଃ ବିଷାଏରେ ପାର୍ମେଶ୍ଵାର୍ ନେ କାଜି କାଜିକାଦା;

“ପାର୍ମେଶ୍ଵାର୍ ଆୟାଃ ଦୁଡ୍‌କକେ ଆମ୍ ନେକା  
ଆତଃ ଆଇଃକକେ ସେଝାତାନ୍ ଦାସିକକେ ଜୁଲ୍‌ତାନ୍ ସେଙ୍ଗେଲ୍ ଲେକାଏ  
ବାଇୟାକାଦ୍‌କଆ ।”

୮ ଆୟାଃ ହକ୍ତେକତାରାଃ ବିଷାଏରେ କାଜିକେଦା,  
“ହେ ପାର୍ମେଶ୍ଵାର୍, ଆମାଃ ରାଜ୍‌ଗାଦି ଜାନାଅ ଜାନାଅ ମେନାଃ !

ଆମ୍ ନ୍ୟାୟ ବିଚାର୍‌ତେ ଆମାଃ ହଡ୍‌କକେମ୍ ଚାଲାଅକ ତାନା । ୯ ଆମ୍  
ଧାର୍‌ମାନ୍‌କେ ଦୁଲାତାଃମେ ଆତଃ ଏଡ୍‌କାନାଃକେ ହିଲାଙ୍ଗ୍‌ଆଁଃମେ ।  
ଏନାମେକ୍ତେ ପାର୍ମେଶ୍ଵାର୍, ଆମାଃ ପାର୍ମେଶ୍ଵାର୍ ଆମ୍‌କେ ଆମାଃ  
ଗାତିକଏତେ ଆଦ୍‌କା ପୁରାଃଗି ରାସ୍‌କାଅଃ ଲେକା, ଆମ୍‌କେ ସୁନ୍‌ମ୍‌ତେ  
ଆଭିଷେକ୍\* କାଦ୍‌ମେୟାଁ ।”

୧୦ ଇନିଃ ଆତଃଗି କାଜିକାଦ୍‌ମେୟା,

“ହେ ପ୍ରାଭୁ, ଆମ୍ ଏନେଟେଦ୍‌ରେ ଅତେରେୟାଃ ନିହିଁ ଗାତାମ୍ ବାଇକେଦା  
ଆତଃ ଆମାଃ ତିଃଇତେଗି ସିର୍ମାମ୍ ବାଇକେଦା ।

୧୧ ଏନା ସବେନାଃ ମୁସିଙ୍ଗ୍ ହୁଲାଙ୍ଗ୍ ଜିୟନଃଆ । ମେନ୍‌ଦ ଆମ୍ ଜାନାଅଗିମ୍ ତାଇନା,  
ଆତଃ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।

୧୨ ଲିଜାଃ କୁଡାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା  
ଆତଃ ଲିଜାଃ ବାଦ୍‌ଲାଅତାନ୍ ଲେକାଗିମ୍ ବାଦ୍‌ଲାଅଏୟା ।

ମେନ୍‌ଦ ଆମ୍ ଚିତ୍‌ଲାଅ କାମ୍ ବାଦ୍‌ଲାଅଃଆ  
ଆତଃ ଆମାଃ ଜୀଝାନ୍ ଚିତ୍‌ଲାଅ କା ଚୁଣ୍ଡୁଆ ।”

୧୩ “ଆଇଙ୍ଗ୍ ଆମାଃ ବାଇରିକକେ ପୁରା ଆଭରିଙ୍ଗ୍ ହାରାଅକ ଜାକେଦ୍ ଆମ୍ ଆଇଁୟାଃ  
ଜମ୍‌ସାଃରେ ଦୁବାକାନ୍‌ମେ” ମେକ୍ତେ ପାର୍ମେଶ୍ଵାର୍ ଆୟାଃ ଦୁଡ୍‌କଏତେ ଜେତାଏକେ  
ଚିତ୍‌ଲାଅ କାଏ କାଜିକାଦ୍‌କଆ ।

\* ୧:୯ ୧:୯ ବହଃରେ ସୁନ୍‌ମ୍ ଦୁଲ୍‌କେଦ୍‌ତେ ସାଲା



୧୪ ତାବଦ, ସିର୍ମାରେନ୍ ଦୁଁଡ଼କ ଅକଏତାନକ ? ଇନ୍କୁ ହବାଅଃତାନାକ ପାର୍ମେଶ୍ଵାରକେ ସେଝାତାନ୍ ଆମ୍ବାକ ଆତଃ ଜୀଉବାଞ୍ଚାଅ ନାମାକାଦ୍ ହଡ଼କକେ ଦେଞ୍ଜା ନାଗେନ୍ତେ ପାର୍ମେଶ୍ଵାରକେ କୁଲକାନ୍ ଆମ୍ବାକ ।

## ୨

### ପୁରାଃ ମାରାଙ୍ଗ୍ ପାରିତ୍ରାଣ

୯ ଆବୁ ସାନାରୁତିହେତେ ଆଲକାବୁ ହିଗାଡ଼ଃକା ମେନ୍ତେ ଆବୁ ଆୟୁମାକାଦ୍ ସାନାରୁତି କାଜିରେ ପୁରାଃ ପକ୍ତାକେଦ୍ତେ ତାଇନ୍ ଲାଗାତିଙ୍ଗ୍ୟାଃ । ୧୦ ଆବୁଆଃ ପୁରୁଖା ହାଡ଼ାମ୍ବକକେ ସିର୍ମାରେନ୍ ଦୁଁଡ଼କ ଅକନ୍ କାଜି ଏମାକାଦ୍କଆକ, ଏନା ସାରୁତି ମେନ୍ତେ ଉଦୁବାକାନା, ଅକନ୍କ ଏନାକେ କାକ ଅତଙ୍ଗ୍କେଦା ଆତଃ କାକ ମାନାତିଙ୍ଗ୍କେଦା ଇନ୍କୁ ସବେନ୍କ ସାଜାଇକ ନାମେଗିୟା । ୧୧ ତାବଦ, ନେ'ଲେକାନ୍ ପୁରାଃ ମାରାଙ୍ଗ୍ ଜୀଉବାଞ୍ଚାଅକେ ଦୟାକୁଣ୍ଡାମ୍ଲେରେ ଆବୁ ଚିଲ୍କାତେ ବାଞ୍ଚାଅବୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ ଆଇଃକ୍ରି ସିଦାତେ ଉଦୁବ୍କାଦା, ଆତଃ ଇନିଃତାଃଏତେ ଆୟୁମାକାଦ୍ ହଡ଼କ ଏନାରେୟାଃ ସାନାରୁତିକେ ଆବୁତାଃରେକ ଉଦୁବ୍କାଦା । ୧୨ ଆତଃଗି, ପାର୍ମେଶ୍ଵାର ସବେନ୍ ରାକାମ୍ରେୟାଃ ଚିହ୍ନା, ଆକ୍ଦାନ୍ଦାଅ କାମି ଆତଃ ପେଡେୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାରୁତି ତାନାଃ ମେନ୍ତେ ଗାଞ୍ଜା ଏମାକାଦାଏ ଆତଃ ଆୟାଃ ସାନାଙ୍ଗ୍ଲେକାତେ ପାବିତାର୍ ଆମ୍ବାରେୟାଃ ବାର୍ଦାନ୍ ଏମାକାଦାଏ ।

### ପାରିତ୍ରାଣ୍ ହରାତେ ଇଦିନିଃ ଶ୍ରୀଷ୍ଟ ତାନିଃ

୧୩ ପାର୍ମେଶ୍ଵାର୍ ଅକନ୍ ନାଞ୍ଜା ଅତେଦିଶୁମ୍ ବାଇୟାଏ ଆତଃ ଆଲେ ଅକନ୍ ଅତେଦିଶୁମ୍ରେୟାଃ କାଜିଲେ କାଜିତାନା, ଏନାକେ ରାଇଜେ ନାଗେନ୍ତେ ଦୁଁଡ଼କକେ କାଏ ସାଲକାଦ୍କଆ । ୧୪ ମେନ୍ଦ ଧାରାମ୍ପୁଅରେ ଅଲକାନା,

“ହେ ପାର୍ମେଶ୍ଵାର୍, ମାନଞ୍ଜାହନ୍ ଅକଏ ତାନିଃ,

ଆମ୍ ଇନିୟାଃ ନାଗେନ୍ତେମ୍ ଉଡ଼ଃତାନା ଆତଃ ଇନିୟାଃ ଜାତାନ୍ ଇଦିତାନାମ୍ ?

୧୫ ଆମ୍ ମାନଞ୍ଜାକେ ଦୁଁଡ଼କତାଃଏତେ କାଟିଃଲେକାମ୍ ହୁଡ଼ିଙ୍ଗ୍କିୟା ।

ଆମ୍ ଇନିଃକେ ମାଇନ୍ ଆତଃ ମାନାରାଙ୍ଗ୍ରେୟାଃ ଚୁପୁରିମ୍ ତୁସିଙ୍ଗ୍କିୟା ।

୧୬ “ଆତଃ ସବେନାଃ ରାଇଜେ ନାଗେନ୍ତେ ଆକ୍ତେୟାର୍ ଏମ୍କିୟାମ୍ ।”

“ସବେନ୍ ବିଷାଏ” ମେନ୍ଲେରେ, ଜେଡ଼ନାଃକେ କା ବାଗିକେଦ୍ତେ ସବେନ୍ ବିଷାଏତେୟାଃରେ ଆକ୍ତେୟାର୍ ଏମାକାଦାଏ । ନେଆଁତେ ପୁରା ଆବ୍କାରଃ ତାନା, ସବେନ୍ ବିଷାଏ ଇନିୟାଃ ଆକ୍ତେୟାର୍ରେଗି ମେନାଃ । ଆବୁ ସାରୁତିଗିବୁ ସାରିତାନା, ନାହାଁଃ ସବେନାଃରେ ମାନଞ୍ଜା କାଏ ରାଇଜେ ତାନା । ୧୭ ମେନ୍ଦ ଆବୁ ନେଲେତାନାବୁ, ଚିଲ୍କା ଯୀଶୁ ଘାଡ଼ିକାଦ୍ ନାଗେନ୍ତେ ସିର୍ମାରେନ୍ ଦୁଁଡ଼କତାଃଏତେ କାଟିଃଲେକାଏ ହୁଡ଼ିଙ୍ଗ୍ୟାକାନ୍ ତାଇକେନା, ଜେ'ଲେକା ପାର୍ମେଶ୍ଵାର୍ଆଃ ସାୟାଦ୍ରେ ମିମିୟାଦ୍ ସବେନ୍ ହଡ଼କ ନାଗେନ୍ତେ ଇନିଃ ଗନଏଃ ଚାଖାଅକାଦାଏ । ଆବୁ ଆୟାଃ ଗନଏଃରେୟାଃ ଦୁକୁ ହରାତେ ମାଇନ୍ ଆତଃ ମାନାରାଙ୍ଗ୍ରେୟାଃ ଚୁପୁରି ତୁସିଙ୍ଗ୍କାନ୍ବୁ ନେଲ୍କିୟା । ୧୮ ସବେନ୍କଆଃ ବାବାଇନିଃ ଆତଃ ବାଞ୍ଚାଅନିଃ, ପାର୍ମେଶ୍ଵାର୍ ତାନିଃ । ଇନିଃ ଆୟାଃ ପୁରାଃ ହନ୍କକେ ଯୀଶୁଆଃ ମାନାରାଙ୍ଗ୍ରେ ହିସା ଏମାକ ନାଗେନ୍ତେ, ଗନଏଃ ହରାଲଃ ଯୀଶୁକେ ପକ୍ତାକେଦ୍ତେ ପୁରାଃ ବୁଗିନ୍ କାମି କାମିକାଦା । ଚିୟାଃଚି ଯୀଶୁଗି ଜୀଉବାଞ୍ଚାଅ ହରାତେ ଇନ୍କୁକେ ସୁତୁଃଇଦିକଆ ।

୧୧ ଜନିଃ ହତକକେ ପାପହେତେ ଫାର୍ଚ୍ଚିକଥା । ଆତଃ ଆୟାଃ ଏନ୍ତେ ଆୟାଃତେ ପାବିତାରକାନ୍ ହତକଥାଃ ଆପୁ ମିଆଁଦ୍ ତାନିଃ । ଏନାମେନ୍ତେ ଯାଶୁ ଜନ୍ମକୁକେ ହାଗା ମିଶି ମେନ୍ତେ ହାକାଅ ନାଜ୍ କାଏ ଗିହୁଗାଃ । ୧୨ ଜନିଃ ପାର୍ମେଶ୍ଵାରକେ କାଜିକିୟା, “ଆଇଜ୍ ଆମାଃ ନୁତୁମ୍ ଆତଃ ସବେନ୍ କାମି ଆଇୟାଃ ହାଗା ମିଶିକକେଇଜ୍ ଉଦୁବକଥା ।

ଆଇଜ୍ ଜନ୍ମକୁ ହୁଣ୍ଡିକାନ୍ ଆଲାରେ ଆମାଃ ମାନାରାଜ୍ ଦୁରାଜ୍ ଯେଁଇଜ୍ ।” ୧୩ ଜନିଃ ନେୟାହଗି କାଜିକାଦାଏ, “ଆଇଜ୍ ପାର୍ମେଶ୍ଵାରତାଃରେ ଆଇୟାଃ ବିଶ୍ଵାସାଇଜ୍ ଦହେୟା” ଆତଃ “ପାର୍ମେଶ୍ଵାର୍ ଆଇଜ୍ କେ ଅକନ୍ ହନ୍କକେ ଏମାକାଦିୟା, ଜନ୍ମକୁ ଆଇୟାଃଲଃ ମେନାକଥା ।”

୧୪ ଜନିଃ ଅକନ୍କକେ ହନ୍କ ମେନ୍ତେ କାଜିତାନା, ଜନ୍ମକୁ ମାୟୋମ୍ ମାସ୍ ହତ୍ତମ୍ ଲେକାନ୍ ହତକ ହବାକାନ୍ ହରାତେ ଯାଶୁହ୍ ଆଇଃକ୍ରି ଜନ୍ମକୁଆଃ ଲେକା ମାନଃ ହତ୍ତମ୍ ଆତଃ ସଭାବ୍ରେ ମେସାୟାନା । ଜନିଃ ନେୟା କାଜିକେଦ୍ରେୟାଃ ମୁଣ୍ଡି ହବାଅଃତାନା, ଜନିଃ ଆୟାଃ ଗନଏଃ ହରାତେ ସାଏତାନ୍କେ ଜିୟନିଆ, ଚିୟାଃଚି ଗନଏଃରେ ସାଏତାନ୍ଆଃ ପେଡ଼େଃ ତାଇକେନା । ୧୫ ନେଆଁ ହରାତେ ଗଟା ଜୀଦାନ୍ ଗନଏଃ ବର ଲେକାନ୍ ଦାସିରେୟାଃ ତନଲ୍ରେ ତାଇନ୍ତାନ୍ ହତକକେ ଜନିଃ ରାଡ଼ାକାଦକଥାଏ । ୧୬ ନେଆଁତେ ପୁରା ଆଟ୍ କାରଃ ତାନା, ଜନିଃ ସିମାରେନ୍ ଦୁଡ଼କକେ କାଏ ଦେଜ୍ମାଃ, ମେନ୍ଦ୍ ଜନିଃ ଆତ୍ରାହାମ୍ଆଃ କିଲିକକେ ଦେଜ୍ମାଃଏ । ୧୭ ଏନାମେନ୍ତେ, ସବେନ୍ ବିଷାଏରେ ଆୟାଃ ହାଗା ମିଶିକ ଲେକା ହବାଃଅତେୟାଃ ଆୟାଃ ଲାଗାତିଜ୍ ତାଇକେନା, ଏନା ହରାତେ ଜନିଃ ଜନ୍ମକୁଆଃ ପାତିୟାରଃ ଲେକାନ୍ ଆତଃ ଦାୟା ଏମଃ ମାରାଜ୍ ଯାଜାକ୍ ହବାକେଦ୍ତେ ପାର୍ମେଶ୍ଵାର୍ଆଃ ସେଝା ରିକା ଦାଡ଼ିୟାଏ ଆତଃ ହତକ ପାପ୍ ଛାମାକ ନାମ୍ ଦାଡ଼ିୟା । ୧୮ ଜନିଃ ଆଇଃକ୍ରି ବିନିଡ଼ାଅରେ ଉୟାଃକେଦ୍ତେ ଦୁକୁ ନାମ୍ କେଦ୍ ହରାତେ, ଜନିଃ ବିନିଡ଼ାଅରେ ଉୟାଗାକାନ୍ ହତକକେ ଦେଜ୍ମା ଦାଡ଼ିୟା ।

## ୩

ୟାଶୁ ମୁଣାଏତେ ମାରାଜ୍

୧ ହେ ଖ୍ରୀଷ୍ଟରେ ପାତିୟାରଃ ଲେକାନ୍ ପାବିତାର୍ ହାଗା ମିଶିକ, ଆପେୟଗି ପାର୍ମେଶ୍ଵାର୍ତେ କେଡ଼ାକାନ୍କଥାଃ ହିସାରେନ୍ ହତକ ତାନ୍ପେ ! ଆପେ ଯାଶୁଆଃ ବିଷାଏରେ ଉଡ଼ୁଏପେ, ଜନିଃ ଆବୁଆଃ ଧାରାମ୍ ବିଶ୍ଵାସରେୟାଃ ମାରାଜ୍ ଯାଜାକ୍ ହବାଃ ନାଗେନ୍ତେ ପାର୍ମେଶ୍ଵାର୍ଆଃ ହରାତେ କୁଲାକାନା । ୨ ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାରଃ ଲେକାଏ କାମିକେଦା, ଏନ୍ଲେକାଗି, ପାର୍ମେଶ୍ଵାର୍ଆଃ ସାଲାକାନ୍ ଯାଶୁ ନେ କାମି ନାଗେନ୍ତେ ପାର୍ମେଶ୍ଵାର୍ଆଃ ନାଜ୍ ପାତିୟାରଃ ଲେକାଏ କାମିକେଦା । ୩ ଅଡ଼ାଏତେ ଅଡ଼ାଃ ବାବାଜନିଃକେ ପୁରାଃ ମାଇନ୍ ଏମଃଆ । ଏନ୍ଲେକାଗି ମୁଣାଏତେ ଯାଶୁ ପୁରାଃଗି ମାଇନ୍ ନାମେ ଲେକାଏ ହବାକାନା । ୪ ସବେନ୍ ଅଡ଼ାଃକେ ଜେତାଏ ମିହୁଡ୍ ବାଇୟାକାଦାଏ, ମେନ୍ଦ୍ ପାର୍ମେଶ୍ଵାର୍ ସବେନାଃରେୟାଃ ବାବାଜନିଃ ତାନିଃ । ୫ ଦାସି ଲେକା ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାରଃ ଲେକାଏ କାମିକେଦା ଆତଃ ଆୟାଃ କାମି ପାର୍ମେଶ୍ଵାର୍ ହିଜ୍ଠ ଦିପିଲିରେ ଉଦୁବ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା । ୬ ମେନ୍ଦ୍ ପାର୍ମେଶ୍ଵାର୍ଆଃ ଅଡ଼ାଃରେ ଖ୍ରୀଷ୍ଟ୍ ହନ୍ ଲେକା ପାତିୟାରଃ ଲେକାନ୍ ଗୁସିୟାଁ ତାନିଃ । ଆବୁ ଜୀଉରେ କେଟେଦ୍ କେଦ୍ତେ ଆସ୍ତ୍ରାକାଦ୍ତେୟାଃ ନାମେୟାବୁ ମେନ୍ତେ ପୁରା ପକ୍ତାକେଦ୍ତେବୁ ତାଇନଃରେଦ୍, ଆବୁ ଆୟାଃ ଅଡ଼ାଃ ତାନ୍ବୁ ।

ପାର୍ମେଶ୍ୱାର୍‌ଆଃ ହୃଦକ ନାଗେନ୍ତେ ରୁଡ଼ନୁ

୭ ଏନାତେ ପାବିତାର୍ ଆମ୍ନା ନେ'ଲେକାଏ କାଜିୟା,

“ତିସିଙ୍ଗ୍ ଆପେ ପାର୍ମେଶ୍ୱାର୍‌ଆଃ କାଜିପେ ଆୟୁମେରେଦ,

୮ ଆପେୟାଃ ପୁରଖା ହାଡ଼ାମ୍‌କଆଃ ଲେକା ମନ୍‌ସୁରୁଦ୍‌କେ ଆଲପେ କେଟେଜେୟା ।

ଇନ୍‌କୁ ଏନ୍ ହୁଲାଙ୍ଗ୍ ବିରରେ ପାର୍ମେଶ୍ୱାର୍‌କେକ ବିଡ଼ାଅକିୟା

ଆଡ଼ଃ ଆୟାଃ ବିରୁଧରେ ଏପେରାଙ୍‌କେନାକ ।

୯ ପାର୍ମେଶ୍ୱାର୍ କାଜିୟାଃଏ, ଏନ୍ ବିରରେ ଆପେୟାଃ ପୁରଖା ହାଡ଼ାମ୍‌କ ଆଇଁୟାଃ

ପେଡ଼େଃ ଆଡ଼ଃ ଧିରାଜ୍‌ତାୟାଃକେକ ବିଡ଼ାଅକେଦା,

ଆଡ଼ଃ ବାର୍ ହସି ବାରାଷ୍ ଜାକେଦ୍ ଆଇଙ୍ଗ୍ କାମିକେଦ୍‌ଡେୟାଃକ ନେଲ୍‌କେଦା

୧୦ ଏନାତେ ଆଇଙ୍ଗ୍ ଇନ୍‌କୁଆଃ ଚେତାନରେ ଖ୍ୱକେଦ୍‌ଡେ କାଜିକେଦାଇଙ୍ଗ୍,

‘ଇନ୍‌କୁଆଃ ମନ୍‌ସୁରୁଦ୍‌କ ସବେନ୍ ଇମ୍‌ତା ଏଡ଼କାନ୍ ହରାତେ ସେନଃତାନା,

ଆଡ଼ଃ ଆଇଁୟାଃ ହରା କାକ ସାରିୟାଃ,

ଆଡ଼ଃ ଆଇଁୟାଃ ଆନାରୁ ମାନାତିଙ୍ଗ୍ ନାଗେନ୍ତେ କା ସାନାଙ୍ଗ୍‌ତାନ୍ ହୃଦକ ତାନ୍‌କ

୧୧ ଆଇଙ୍ଗ୍ ଖ୍ୱକେ କିରିୟାକେଦାଇଙ୍ଗ୍ :

ଆଇଙ୍ଗ୍ ଇନ୍‌କୁକେ ଅକନ୍ ଦିଶୁମ୍‌ରେ ରୁଡ଼ନୁ ନାଗେନ୍ତେଇଙ୍ଗ୍

ଏମାକାକଡେୟାଃ, ଇନ୍‌କୁ ଏନ୍ ଦିଶୁମ୍‌ଡେ ଜେତାଲେକାଡେ କାକ ବଲ୍‌ଦାଡ଼ିୟା ।”

୧୨ ହେ ବିଶ୍ୱାସୀ ହାଗା ମିଶିକ, ଚିର୍ଗାଲାକାନ୍‌ପେ, ଆପେକଏଡେ ଜେତାଏୟାଃ ମନ୍‌ସୁରୁଦ୍ ପାପ୍‌ରେ ଆଡ଼ଃ କା ବିଶ୍ୱାସରେ ପେରେଃକେଦ୍‌ଡେ ଜାନିଦ୍ ପାର୍ମେଶ୍ୱାର୍‌ତାଃଏଡେ ଆଲକା ସାଙ୍ଗିନଃକା । ୧୩ ମେନ୍‌ଦ, ଆପେକଏଡେ ଜେତାଏ ପାପ୍‌ରେ ବେଦାକେଦ୍‌ଡେ କେଟେଦ୍ ମନ୍‌ସୁରୁଦ୍ ଆଲକାଏ ହବାଅଃକା, ଏନାମେନ୍ତେ ମିହୁଡ୍ ଆଡ଼ଃମିହୁଡ୍‌କେ ସବେନ୍ ହୁଲାଙ୍ଗ୍ ଜୀଉରେ ରାସ୍‌କା ଏମ୍‌କେଦ୍‌ଡେ ଦେଙ୍ଗାଇକାଏ । ଆଡ଼ଃ ଧାରାମ୍ ପୁଥ୍‌ରେ “ତିସିଙ୍ଗ୍” ମେନ୍ତେ ଅଲକାନ୍ ଲାବ୍‌ଜା ଆରୁ ନାଗେନ୍ତେ ଲାଗାତିଙ୍ଗ୍ ହବାଅଃ ଜାକେଦ୍ ଏନା କାମିକାଦ୍‌ଡେପେ । ୧୪ ଚିୟାଃତି ଆରୁ ରୁଣ୍ଡୁ ଜାକେଦ୍ ଆରୁଆଃ ଏନେଟେଦ୍ ବିଶ୍ୱାସରେ କେଟେଦ୍‌କେଦ୍‌ଡେତୁ ତାଇନଃରେଦ୍, ଆରୁ ସବେନକ ଖ୍ରୀଷ୍ଟ୍‌ଆଃ ହିସାରେତୁ ତାଇନ୍ ଦାଡ଼ିୟାଃଆ ।

୧୫ ଧାରାମ୍ ପୁଥ୍‌ରେ ଅଲକାନା,

“ତିସିଙ୍ଗ୍ ଆପେ ପାର୍ମେଶ୍ୱାର୍‌ଆଃ ବାଚାନ୍‌ପେ ଆୟୁମେରେଦ,

ଆପେୟାଃ ପୁରଖା ହାଡ଼ାମ୍‌କଆଃ ମନ୍‌ସୁରୁଦ୍ କେଟେଦ୍‌କେଦ୍‌ଡେ

ପାର୍ମେଶ୍ୱାର୍‌ଆଃ ବିରୁଧରେ ଏପେରାଙ୍‌କେନାକ,

ଏନ୍‌ଲେକା ଆପେ ଆଲ୍‌ପେ ରିକାୟା ।”

୧୬ ପାର୍ମେଶ୍ୱାର୍‌ଆଃ ବାଚାନ୍ ଆୟୁମକେଦ୍‌ରେୟ ଅକନ୍‌କ ପାର୍ମେଶ୍ୱାର୍‌ଆଃ ବିରୁଧରେ ଏପେରାଙ୍‌କେନାକ, ଇନ୍‌କୁ ଅକନ୍‌କ ତାନ୍‌କ ? ମୁଶା ନାବୀ ମିସାର୍ ଦିଶୁମ୍‌ଏଡେ ସୁଡ଼ଃ ଆଉକାଦ୍‌କ ତାଇକେନାଏ, ଇନ୍‌କୁ ଚିନାଃ ନାହାଁଲାକତି ?

୧୭ ବାର୍‌ହିସି ବାରାଷ୍ ଜାକେଦ୍ ଅକନ୍ ପାର୍ମେଶ୍ୱାର୍ ଖ୍ୱକାନ୍‌କ ତାଇକେନାଏ, ଇନ୍‌କୁ ଅକନ୍‌କ ତାନ୍‌କ ? ପାପ୍‌କାମିକେଦ୍ ହରାତେ ଗଏଃୟାନ୍‌କ ଆଡ଼ଃ ବିରରେ ଉୟୁଗାକାନ୍ ତାଇକେନାକ, ଇନ୍‌କୁ ଚିନାଃ ନାହାଁଲାକତି ? ୧୮ ପାର୍ମେଶ୍ୱାର୍ କିରିୟାକେଦ୍‌ଡେ ବାନାର୍‌ସାକାଦ୍ ତାଇକେନା, ଇନ୍‌କୁ ଆୟାଃ ବାନାର୍‌ସା ଏମାକାଦ୍ ରୁଡ଼ନୁରେୟାଃ ଦିଶୁମ୍‌ରେ ଚିରଲାଅ କାକ ବଲ୍‌ଦାଡ଼ିୟା, ଇମ୍‌ତା ଇନିଃ ଅକନ୍‌କଆଃ ବିଷାଏରେ କାଜିକାଦ୍ ତାଇକେନା ? ଅକନ୍‌କ ଏପେରାଙ୍‌କେନାକ ଇନ୍‌କୁଆଃ ବିଷାଏରେ ଏନା କାଜିକାଦ୍ ତାଇକେନା । ୧୯ ତାବ୍‌ଦ, ଆରୁ ନେଲେତାନାରୁ, ଇନ୍‌କୁ

ଆକଆଃ କା ବିଶ୍ୱାସ ହରାତେ ପାର୍ମେଶ୍ୱାର୍ ବାନାର୍ଯାକାଦ୍ ରୁଡ଼ନୁରେୟାଃ ଦିଶ୍ୱମ୍ କିନାନ୍ରେ କାକ ବଲ ଦାଡ଼ିୟାନା ।

୪

୧ ଆରୁକେ ଅକନ୍ ରୁଡ଼ନୁ ଏମଃଆ ମେନ୍ତେ ପାର୍ମେଶ୍ୱାର୍ କାଜିକାଦ୍ ତାଇକେନାଏ, ଏନା ଆରୁ ନାମ୍ ଦାଡ଼ିୟାବୁ ମେନ୍ତେ ପାର୍ମେଶ୍ୱାର୍ ବାନାର୍ଯା ଏମାକାଦାଏ । ଏନ୍ ବାନାର୍ଯା ଏମାକାନ୍ ରୁଡ଼ନୁଏତେ ଜେ'ଲେକା ଜେତାଏ ଆଲକାକ ବାରିୟଃକା, ଏନାମେନ୍ତେ ଚିର୍ଗାଲକାନ୍ ତାଇନ୍ଦେ । ୨ ଚିୟାଃତି ଇନ୍କୁଆଃ ଲେକା ଆବୁହଗି ସୁକୁକାଜିରୁ ଆୟୁମକାଦା । ଇନ୍କୁ ଏନାକେ ଆୟୁମକେଦ୍ ରେୟ ପାଡ଼ିୟାର୍ତେ କାକ ତେଲାଇକେଦା । ଏନାମେନ୍ତେ ଇନ୍କୁଆଃ ନାଜ୍ ବୁଗିନାଃ ଲେକା କା ହବାୟାନା । ୩ ମେନ୍ଦ ଏ ଆରୁକଏତେ ଅକନ୍କ ବିଶ୍ୱାସେୟା, ଇନ୍କୁଗି ପାର୍ମେଶ୍ୱାର୍ ଏମାକାଦ୍ ବାନାର୍ଯା ଲେକାତେ ରୁଡ଼ନୁକ ନାମେୟା, ଚିୟାଃତି ପାର୍ମେଶ୍ୱାର୍ କାଜିକାଦାଏ, “ଆଇଙ୍ଗ୍ ଖ୍ୱକେଦ୍ତେ କିରିୟାକେଦାଇଙ୍ଗ୍,

‘ଆଇଙ୍ଗ୍ ରୁଡ଼ନୁ ଏମାକ ଦିଶ୍ୱମ୍ରେ ଇନ୍କୁ ଚିତ୍ତଲଥ କାକ ବଲଥା ।’ ”

ନେ ରୁଡ଼ନୁତେୟାଃ ଅତେଦିଶ୍ୱମ୍ରେୟାଃ ମୁନ୍ଦୁଏତେ ପାର୍ମେଶ୍ୱାର୍ଆଃ କାମି ପୁରାକାନ୍ରେୟ ପାର୍ମେଶ୍ୱାର୍ ନେ କାଜି କାଜିକାଦ୍ ତାଇକେନା । ୪ ଧାରାମ୍ପୁଥ୍ରେ ଅଲକାନା, “ଏୟା ହୁଲାଙ୍ଗ୍” ବିଷାଏରେ, ନେ'ଲେକା ଅଲକାନା, “ପାର୍ମେଶ୍ୱାର୍ ଆୟାଃ ସବେନ୍ କାମି ଚାବାକେଦ୍ତେ ଏୟା ହୁଲାଙ୍ଗ୍ରେ ରୁଡ଼ୟାନା ।” ୫ ଆତଃ ନେ ବିଷାଏରେ ଏଟାଃତାଃରେ ଆତଃଗି ଅଲକାନା, ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ରୁଡ଼ନୁ ଏମାକ ଦିଶ୍ୱମ୍ରେ ଇନ୍କୁ ଚିତ୍ତଲଥ କାକ ବଲ ଦାଡ଼ିୟା ।” ୬ ଅକନ୍କ ସିଦାତେ ସୁକୁକାଜି ଆୟୁମାକାଦ୍ ତାଇକେନାକ, ଇନ୍କୁ ଆକଆଃ କା ପାଡ଼ିୟାର୍ ହରାତେ ପାର୍ମେଶ୍ୱାର୍ଆଃ ଏନ୍ ରୁଡ଼ନୁ କାକ ନାମ୍ ଦାଡ଼ିକେଦା । ନାହାଁଃ ଏଟାଃ ହଡ଼କ ଏନ୍ ରୁଡ଼ନୁ ନାମେ ନାଗେନ୍ତେ ସୁଯୋଗ୍ ନାମେତାନା, ୭ ଚିୟାଃତି ଇନ୍କୁଆଃ ନାଗେନ୍ତେ ପାର୍ମେଶ୍ୱାର୍ ଏଟାଃ ମିଆଁଦ୍ ହୁଲାଙ୍ଗ୍କେ ସାଲକାଦା ଆତଃ ଏନା ହାବାଅଃତାନା ‘ତିସିଙ୍ଗ୍’ । ନେଆଁକେ ପୁରାଃ ଦିପିଲି ସିଦାରେ ପାର୍ମେଶ୍ୱାର୍, ଦାଉଦ୍ ରାଜାରାଃ ହରାତେ ନେ ବିଷାଏକ କାଜିକାଦା,

‘ତିସିଙ୍ଗ୍ ଆପେ ପାର୍ମେଶ୍ୱାର୍ଆଃ କାଜିପେ ଆୟୁମେରେଦ୍, ମନ୍ସୁରୁଦ୍ ଆଲ୍ପେ କେଟେଜେୟା ।’ ”

୮ ଚିୟାଃତି ଯିହୋଶ୍ୱୟ ହଡ଼କକେ ପାର୍ମେଶ୍ୱାର୍ଆଃ ବାନାର୍ଯାକାଦ୍ ରୁଡ଼ନୁ ଏମ୍କାକତେୟାଃଏ ରେଦ୍, ପାର୍ମେଶ୍ୱାର୍ ତାୟମ୍ତେ ଏଟାଃ ମିଆଁଦ୍ ରୁଡ଼ନୁ କାଜି କାଏ କାଜିକାତେତେୟାଃ । ୯ ଏନାତେ, ନେଆଁ ଆଟ୍‌କାରଃତାନା, ଏୟା ହୁଲାଙ୍ଗ୍ରେ ପାର୍ମେଶ୍ୱାର୍ ରୁଡ଼ୟାନାଏ, ଏନ୍‌ଲେକାଗି, ପାର୍ମେଶ୍ୱାର୍ ଆୟାଃ ହଡ଼କଆଃ ନାଗେନ୍ତେ ବିଶେଷ୍ ରୁଡ଼ନୁ ଦହାକାଦାଏ । ୧୦ ପାର୍ମେଶ୍ୱାର୍ ଆୟାଃ କାମିଏତେ ରୁଡ଼ୟାନ୍ ଲେକାଗି, ଜେତାଏ ଆୟାଃ ଏମାକାଦ୍ ରୁଡ଼ନୁରେ ବଲକାନା, ଇନିଃଆପ୍‌ନାଃ କାମିଏତେ ରୁଡ଼ନୁ ନାମାକାଦାଏ । ୧୧ ଏନାତେ ଆରୁ ଏନ୍ ରୁଡ଼ନୁରେ ବଲ ନାଗେନ୍ତେ ପୁରାଃ ଚେଷ୍ଟାଏକାରୁ, ଜେ'ଲେକାଚି ଆରୁଏତେ ଜେତାଏ ହଡ଼, ଏନ୍ କା ପାଡ଼ିୟାର୍କେଦ୍ ହଡ଼କଆଃ ନାମ୍‌ନା ଲେକା ଆଲକାଏ ଉୟୁଗଃକା ।

୧୨ ଚିୟାଃତି ପାର୍ମେଶ୍ୱାର୍ଆଃ ବାଚାନ୍ ଜାନିଦ୍ ଆତଃ କାମିୟଃତେୟାଃ ତାନାଃ ଆତଃ ବାରାନ୍‌ହରା ଲେସେରକାନ୍ ତାରାଉଡ଼ିଏତେ ପୁରାଃ ଲେସେରତେୟାଃ ତାନାଃ, ନେ ବାଚାନ୍‌ତେ ଜାଉ ଆତଃ ଆମ୍ବା ମେସାନାଃ, ଜଡ଼େନ୍ ଜାଙ୍ଗ୍ରେ ଭେଦାଅଆଃ, ଆତଃ ହଡ଼କଆଃ ମନ୍ସୁରୁଦ୍ରେୟାଃ ଏଡ଼କାନ୍ ସାନାଙ୍ଗ୍ ଆତଃ ଉଡ଼୍ରେୟାଃ ବିଚାର୍ ହବାଅଃଆ । ୧୩ ପାର୍ମେଶ୍ୱାର୍ତାଃଏତେ ଜେଡ଼ନାଃ କା ଉକୁ ଦାଡ଼ିୟାଆ, ବାଇୟାକାନ୍‌ତେୟାଃ ସବେନାଃ ଇନିୟାଃ ସାମ୍‌ନାଙ୍ଗ୍ରେ କା

ଉକ୍ତୁଆକାନା ମେନ୍ଦ ଇନିୟାଃ ମେଦ୍ ସାମନାଙ୍ଗ୍ରେ ନେଲଃତାନା । ଆତଃ ଏନ୍ ପାର୍ମେଶ୍ଵାର୍ଆଃ ସାମନାଙ୍ଗ୍ରେ ଆବୁକେ ହିସାବ୍ ଏମ୍ ଲାଗାତିଙ୍ଗ୍ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

୧୪ ଏନାତେ, ସିର୍ମାସାଲିମ୍ ହରାତେ ସେନ୍ ସେଟେରାକାନ୍ ପାର୍ମେଶ୍ଵାର୍ଆଃ ହନ୍ ଯାଶୁଗି ଆବୁଆଃ ମାରାଙ୍ଗ୍ ଯାଜାକ୍ ତାନିଃ, ଏନାତେ ଏଲା ହିଜୁଃପେ, ଆବୁ ଆବୁଆଃ ବିଶ୍ଵାସ୍ରେ ପୁରାଃ କେଟେୟାନ୍ଗି ତାଇନ୍ ଲାଗାତିଙ୍ଗ୍ୟାଃ । ୧୫ ତିୟାଃତି ଇନିଃ ଆବୁଆଃ ନାରାଦୁରା ଇମ୍ତା କାଏ ଆବ୍‌କାର୍‌ଉରୁମ୍ ଦାଡ଼ିୟା ଏନ୍‌ଲେକାନ୍ ମାରାଙ୍ଗ୍ ଯାଜାକ୍ ନାହାଲିଃ । ମେନ୍ଦ୍ ତିମିନ୍ ରାକାମ୍‌ରେୟାଃ ବିନିଡ଼ାଅରେ ଉୟୁଃକାନ୍ ତାଇକେନ୍‌ରେୟ, ଇନିଃ କାଏ ପାପ୍‌କେଦା । ୧୬ ଏନାତେ ଆବୁ ଜୀଉ କେଟେଦତ୍‌ନଲଃ ପାର୍ମେଶ୍ଵାର୍ଆଃ ସାୟାଦ୍‌ରେୟାଃ ରାଜଗାଦି ହେପାଦ୍‌ତେବୁ ସେନା, ଏନ୍ତାଃରେ ଆବୁ ଆବୁଆଃ ଦେଙ୍ଗା ନାମେ ନାଗେନ୍ତେ ଲାଗାତିଙ୍ଗ୍ ଦିପିଲିରେ ଦାୟା ଆତଃ ସାୟାଦ୍‌ବୁ ନାମେୟା ।

୫

୧ ସବେନ୍ ମାରାଙ୍ଗ୍ ଯାଜାକ୍ ଆପାନ୍ ହଡ଼କତାଃଏତେ ସାଲାକେଦ୍‌ତେ କାମିୟାଃ । ଇନିଃ ଇନ୍‌କୁଆଃ ହରାତେ ପାପ୍ ଛାମାରେୟାଃ ଦାଣ୍ଠେ ରାକାବେ ନାଗେନ୍ତେ ଆତଃ ଦାନ୍ ରାକାବେ ନାଗେନ୍ତେ ପାର୍ମେଶ୍ଵାର୍ଆଃ ସେଞ୍ଜା କାମିୟାଃଏ । ୨ ଇନିଃ ଆଇଃକ୍‌ଗି ତିମିନ୍ ରାକାମ୍‌ରାଃ ଗୁହ୍ନା, କା ପେଡ଼େଃତେ ପେରେଜାକାନ୍ ହରାତେ, କା ସାରିକେଦ୍‌ତେ ଗୁହ୍ନା କାମିକାଦ୍ ଡଣ୍ଡୁ ହଡ଼କଆଃ ନାଗେନ୍ତେ ଇନିଃ ଲିବୁୟାନ୍‌ନିଃ ତାନିଃ । ୩ ଆତଃ ଇନିଃ ଏଟାଃକଆଃ ପାପ୍ ନାଗେନ୍ତେ ଏସ୍‌କାର୍ ଦାଣ୍ଠେ ରାକାବାଃଏ ମେନ୍ତେଦ୍ କାହା ମେନ୍ଦ୍ ଆୟାଃ ଆପାନାଃ ପାପ୍ ନାଗେନ୍ତେୟ ଇନିଃକେ ଦାଣ୍ଠେରାକାଦ୍ ଲାଗାତିଙ୍ଗ୍ୟାଃ । ୪ ଜେତାଏ ଆପାନ୍‌କେଗି ମାରାଙ୍ଗ୍ ଯାଜାକ୍ ସାଲାକେଦ୍‌ତେ ଆପାନାଃ ମାଇନ୍ କାଏ ରିକାଦାଡ଼ିୟା । ହାରୁନ୍‌ଆଃ ଲେକା ପାର୍ମେଶ୍ଵାର୍ଆଃ ହରାତେ କେଡ଼ାକାନ୍‌ନିଃ ଏସ୍‌କାର୍ ମାରାଙ୍ଗ୍ ଯାଜାକ୍ ହବା ଦାଡ଼ିୟଃଆଏ ।

୫ ଏନ୍‌ଲେକାଗି ମାରାଙ୍ଗ୍ ଯାଜାକ୍‌ରେୟାଃ ମାଇନାନ୍ ନାମେ ନାଗେନ୍ତେ ଖ୍ରୀଷ୍ଟ୍ ଆଇଃକ୍‌ଗି ଆଇଃକ୍‌କେ କାଏ ସାଲା । ମେନ୍ଦ୍ ପାର୍ମେଶ୍ଵାର୍ ଇନିଃକେ ସାଲାକେଦ୍‌ତେ କାଜିକିୟା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।”

୬ ଆତଃ ଇନିଃ ନେଆଁହ କାଜିକାଦାଏ, “ଆମ୍ ଯାଜାକ୍ କାମିରେ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନ୍‌ମେ ।”

୭\*ଏକନ୍ ପାର୍ମେଶ୍ଵାର୍ ଇନିଃକେ ଗନ-ଏଃଏତେ ବାଞ୍ଛାଅ ଦାଡ଼ିୟାଏ, ଇନିଃତାଃରେ ଯାଶୁ ନେ ଅତେଦିଶ୍ଵମ୍‌ରେୟାଃ ଜାଞ୍ଜାନ୍‌ରେ ପୁରାଃ ରାନାଃତାନ୍‌ଲଃ ମେଦ୍ ଦାଆଃ ଚିପାଃକେଦ୍‌ତେ ବିକ୍ରିକେଦା । ଇନିଃ ଲେବେଃ ଆତଃ ସାଧୁ ହଡ଼ ହବାକାନ୍ ହରାତେ ପାର୍ମେଶ୍ଵାର୍ ଆୟାଃ ବିକ୍ରି ଆୟୁମ୍‌କେଦା । ୮ ଇନିଃ ପାର୍ମେଶ୍ଵାର୍ଆଃ ହନ୍ ତାଇକେନ୍‌ରେୟ, ଦୁକୁ ସାହାତିଙ୍ଗ୍‌କେଦ୍‌ତେ କାଜି ମାନାତିଙ୍ଗ୍‌ତେୟାଃ ଇଭୁୟାନାଏ ।

୯ ନେ'ଲେକା ପାର୍ମେଶ୍ଵାର୍ ଇନିଃକେ ମିଆଁଦ୍ ପକ୍‌ତାକାନ୍ ମାରାଙ୍ଗ୍ ଯାଜାକ୍ ଲେକା ହବା ଦାଡ଼ିୟଃଆଏ ମେନ୍ତେ କାଜିକେଦାଏ, ଆତଃ ଇନିଃ ଆୟାଃ ମାନାତିଙ୍ଗ୍‌ତାନ୍ ସବେନ୍‌କଆଃ ନାଗେନ୍ତେ ଜାନାଅ ଜୀଉ ବାଞ୍ଛାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ । ୧୦ ଆତଃ ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ମାରାଙ୍ଗ୍ ଯାଜାକ୍ ହବାୟାନାଏ ମେନ୍ତେ ପାର୍ମେଶ୍ଵାର୍ ଉଦ୍‌ବ୍‌କେଦାଏ ।

\* ୫:୭ ୫:୭ ମାଥୁର ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭.

ପାତିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାଙ୍ଗତାନା । ମେନ୍ଦ ଆପେକେ ଉଦୁବ୍ ନାଗେନ୍ତେ ହାମ୍ବାଲ୍ଲିୟା, ତିଆଃତି ଆପେୟାଃ ଆମ୍ବିକ୍ ଜୀଞ୍ଜାନରେ ଆୟୁମ୍ ଆତଃ ଆଟ୍‌କାର୍‌ଉରୁମ୍ ନାଗେନ୍ତେ କାପେ ଚିହ୍ନାକାନା । ୧୨ \*ଆପେ ଏଟାଃକକେ ଇତ୍ତୁରେୟାଃ ଦିପିଲି ସେଟେରାକାନରେୟ, ପାର୍‌ମେଶ୍ୱାର୍‌ଆଃ ବାଚାନ୍‌ରେୟାଃ ଏନେଟେଦ୍ ଇନିତୁକେ, ଆପେକେ ଇତ୍ତୁ ନାଗେନ୍ତେ ଇତ୍ତୁନିଃ ଲାଗାତିଙ୍ଗ୍ ହବାଅଃତାନା । ଆପେ କେଟେଦ୍ ଜମେୟାଃ ବାଦ୍‌ଲୀରେ ନାହାଃ ଜାକେଦ୍ ତଆପେ ନୁଁ ତାନା । ୧୩ ଜେତାଏ ତଆ ନୁଁ ତାନିଃ, ସିଟିଆ ହନ୍ ଲେକାନିଃ ତାନିଃ । ବୁଗିନାଃ ଆତଃ ଏଡ୍‌କାନାଃ ବିଷାଏରେ ଆୟାଃ ସେଣାଁ ବାନଃଆ । ୧୪ ମେନ୍ଦ କେଟେଦ୍ ଜମେୟାଃ, ହାରା ଦାଡ୍‌କାନ୍ ହଡ୍‌କ ନାଗେନ୍ତେ ତାନାଃ, ଇନ୍‌କୁ ହାରା ଦାଡ୍‌ୟାନ୍ ହରାତେ ବୁଗିନାଃ ଆତଃ ଏଡ୍‌କାନାଃ ଆଟ୍‌କାର୍ ଉରୁମ୍ ଦାଡ୍‌ୟାକ ।



୧ ଏନାତେ ଆବୁ ଶ୍ରୀଷ୍ଟ ଧାରାମ୍ ବିଷାଏରେୟାଃ ଏନେଟେଦ୍ ଇନିତୁ ବାଗିକେଦ୍‌ତେ ଆମ୍ବୀରେ ହାରାଉଦିୟାଃ ଲେକାନ୍ ପକ୍‌ତାନ୍ ଇନିତୁରେ ଇତ୍ତୁନ୍ ଲାଗାତିଙ୍ଗ୍‌ୟାଃ । ଆବୁ ଧାରାମ୍ ବିଶ୍ୱାସ୍‌ରେୟାଃ ଏନେଟେଦ୍ ଇନିତୁ ଅକ୍‌ନାଃତି, ସାମାକାଜି କାମିକ୍‌ଏତେ ରୁହାଡ୍‌ତାନଲଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍, ୨ ବାପ୍ତିସ୍ତା ବିଷାଏରେୟାଃ ଇନିତୁ, ବାରାନ୍ ତିଃଇ ଜିଲିଙ୍ଗ୍, ଗନଏଃ ହଡ୍‌କଆଃ ଜୀଉବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାଇ, ନେ ସବେନାଃରେୟାଃ ଇତ୍ତୁ ନାଙ୍ଗ୍ ଆତଃମିସା ନିହଁ ଗାତା ବାଇ କା ଲାଗାତିଙ୍ଗ୍‌ୟାଃ । ୩ ଆବୁ ଆୟାର୍‌ତେ ସେନ୍ ଇଦିନାଃବୁ ! ଆତଃ ପାର୍‌ମେଶ୍ୱାର୍ ଆବୁକେ ଆବୁବୁରେଦ୍, ଆବୁ ନେଆଁବୁ କାମିୟା ।

୪ ଅକନ୍‌କ ଆକଆଃ ବିଶ୍ୱାସକ୍ ଆଦାକାଦା, ଇନ୍‌କୁ ହେୟାତିଙ୍ଗ୍‌କେଦ୍‌ତେ ଆତଃମିସାକ ରୁହାଡ୍‌ ଦାଡ୍‌ୟାତି ? ଇନ୍‌କୁ ମିସା ପାର୍‌ମେଶ୍ୱାର୍‌ଆଃ ମାର୍‌ସାଲ୍‌ରେ ତାଇନଃ ତାଇକେନାକ, ସିମ୍‌ରେୟାଃ ବାର୍‌ଦାନ୍ ଚାଖାଅକାଦାକ ଆତଃ ପାବିତାର୍ ଆମ୍ବୀରାଃ ହିସାଦାର୍ ହବାକାନାକ, ୫ ଇନ୍‌କୁ ପାର୍‌ମେଶ୍ୱାର୍‌ଆଃ ବୁଗିନ୍ ବାଚାନ୍‌କେ ଆତଃ ହିଜୁଃ ଦିପିଲିରେୟାଃ ପେଡେଃକେ ଆଟ୍‌କାର୍ ଉରୁମ୍‌କାଦାକ । ୬ ଏନ୍‌ରେୟ ଇନ୍‌କୁ ଆକଆଃ ବିଶ୍ୱାସକେ ଆଦାକାଦାକ । ଏନାତେ ଆତଃମିସା ହେୟାତିଙ୍ଗ୍‌କେଦ୍‌ତେ ରୁହାଡ୍‌ତେୟାଃ ଇନ୍‌କୁ ନାଗେନ୍ତେ କା ହବାସାକାଅଆଃ, ଚିୟାଃତି ଇନ୍‌କୁ ଆକଆଃ ଜିୟନଃ ନାଗେନ୍ତେ ପାର୍‌ମେଶ୍ୱାର୍‌ଆଃ ହନ୍‌କେ ଆତଃମିସା କୁଶ୍‌ରେ କିଲାକେଦ୍‌ତେ ହଡ୍‌ ଆଲାରେ ଗିହ୍‌ଗିତାନାକ ।

୭ ଅକ ଅତେରେ ସବେନ୍ ଇମ୍‌ତା ଗାମା ଦାଆଃ ଉୟାଃକେଦ୍‌ତେ ବେଭାରେ ଲେକାନ୍ ହିତାକଏ ଅମନେଆଁ, ଏନ୍ ଅତେରେ ପାର୍‌ମେଶ୍ୱାର୍‌ଆଃ ଆଶିଷ୍ ମେନାଃ । «ମେନ୍ଦ ଏନ୍ ଅତେ ଜାନୁମ୍ ଦାରୁ ଆତଃ ଟୁଲିତାସାଦ୍ ଅମନେରେଦ୍, ଏନାରେୟାଃ ଜେତାନ୍ ଗନଙ୍ଗ୍ କା ତାଇନାଃ, ଏନା ପାର୍‌ମେଶ୍ୱାର୍ ସାର୍‌ପାଅକାଦ୍ ଲେକାନାଃ ହବାଅଃଆ ଆତଃ ସେଙ୍ଗେଲ୍‌ତେ ଜିୟନଃଆ ।

୯ ହେ ଦୁଲାଡ୍‌କ୍, ଆଲେ ଆପେକେ ନେ'ଲେକା କାଜିଲେରେୟ, ଆପେ ଆପେୟାଃ ଜୀଉ ବାଞ୍ଛାଅ ନାମେ ନାଗେନ୍ତେ ଆଶିଷ୍ ନାମେ ଲେକାପେ ହବାକାନା, ମେନ୍ତେ ଆପେୟାଃ ଚେତାନ୍‌ରେ ଆଲେୟାଃ ବିଶ୍ୱାସ୍ ମେନାଃ । ୧୦ ପାର୍‌ମେଶ୍ୱାର୍ କା ଧାର୍‌ମାନ୍‌ନିଃ ନାହାଁଲିଃ । ଇନିଃ ଆପେୟାଃ କାମିକ୍, ବିଶେଷ୍‌କେଦ୍‌ତେ ପାବିତାର୍ ହଡ୍‌କକେ ଦେଙ୍ଗା ଆତଃ ନାହାଁଃ ଜାକେଦ୍ ସୁସାର୍‌କତାନ୍ ହରାତେ ପାର୍‌ମେଶ୍ୱାର୍‌ଆଃ ନୁତୁମ୍ ନାଙ୍ଗ୍ ଆପେ ଅକନ୍ ଦୁଲାଡ୍ ଉଦୁବ୍‌କାଦାପେ, ଏନା ଇନିଃ କାଏ ରିଡ୍‌ଙ୍ଗ୍‌ୟେଆ

\* ୫:୧୨ ୫:୧୨ ୧ କରିଛିୟ ୩:୨.

।<sup>୧୧</sup> ମେନ୍ଦ ଆଲେୟାଃ ଇଛାସାନାଙ୍ଗ ନେଆଁ ତାନାଃ, ଟୁଣ୍ଡୁ ଦ୍ଵିପିଲି ଜାକେଦ୍ ଏଟାଃକ ନାଗେନ୍ତେ ଆପେୟାଃ ଦୁଲ୍ଲାଡ୍, ସବେନ୍ ଇମତା ତାଇନ୍ଦକା । ଏନାରେ ଆପେୟାଃ ଆସ୍ରାକାଦ୍ ସବେନାଃ ପୁରାଅଃଆ ।<sup>୧୨</sup> ଆପେ କୁଢି ହବାଅଃଦେ ମେନ୍ତେ ଆଲେ କାଲେ ସାନାଙ୍ଗତାନା, ମେନ୍ଦ ବିଶ୍ଵାସରେ ପକ୍ତକାନ୍ଦକକେ ଆତଃ ଧୂରାଜ୍ରେ ତାଇନ୍ଦତାନ୍ ହଡକକେ ଅତଙ୍ଗକପେ, ଆତଃ ପାର୍ମେଶ୍ଵାର୍ ବାନାର୍ସା ଏମାକାଦ୍ ସବେନ୍ ବିଷାଏ ନାମେପେ ।

ପାର୍ମେଶ୍ଵାର୍ଆଃ ବାନାର୍ସା କା ବାଦ୍ଲୀଅଃଆ

<sup>୧୩</sup> ପାର୍ମେଶ୍ଵାର୍ ଆବ୍ରାହାମ୍‌କେ ବାନାର୍ସା ଏମ୍‌କିଃ ଇମତା, ପାର୍ମେଶ୍ଵାର୍ ଇନିଃକେ ଏମାକାଇ ବାନାର୍ସାକେ ପୁରାଏୟା ମେନ୍ତେ କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ଗ କା ତାଇନ୍ ହରାତେ ଇନିଃ ଆୟାଃ ନୁଡୁମ୍‌ତେ କିରିୟାକେଦା ।<sup>୧୪</sup> ଇନିଃ କାଜିକେଦାଏ, “ଆଇଙ୍ଗ୍ ଆମ୍‌କେ ଆଶିଷ୍‌ମେୟାଇଙ୍ଗ୍, ଆମାଃ କିଲିକକେ ପୁରାଃଗିଇଙ୍ଗ୍ ପସାକଥା ।”<sup>୧୫</sup> ଆବ୍ରାହାମ୍ ଧୂରାଜ୍ ସାବ୍‌କେଦ୍‌ତେ ତାଙ୍ଗିକେଦା । ଏନାତେ ଇନିଃ ପାର୍ମେଶ୍ଵାର୍ଆଃ ବାନାର୍ସା ବିଷାଏ ସବେନାଃ ନାମ୍‌କେଦାଏ ।<sup>୧୬</sup> ହଡକ କିରିୟାଏ ଇମତା ଆୟାଃତାଃଏତେ ମାରାଙ୍ଗ୍ ହଡ୍‌ଆଃ ନୁଡୁମ୍‌ତେ କିରିୟା ରିକାଃକ, ନେ'ଲେକା କିରିୟାକେଦ୍ ହରାତେ ସବେନ୍ କାପ୍‌ଜିତେୟାଃ ହକାଅଃଆ ।<sup>୧୭</sup> ପାର୍ମେଶ୍ଵାର୍ ଅକନ୍‌କକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍ସା ଏମାକାଦ୍‌କଥାଏ, ଏନ୍ ଏମାକାଦ୍ ବାନାର୍ସାକେ ତିଉଲୀଅ କାଏ ବାଦ୍‌ଲୀଅ ଦାଡ୍‌ୟା ମେନ୍ତେ ଇନ୍‌କୁକେ ବୁଗିଲେକା ଉଦୁବ୍ ନାଗେନ୍ତେ ଇନିଃ ଆୟାଃ ବାନାର୍ସାଲଃ କିରିୟାକେହ୍ ମେସାକାଦାଏ ।<sup>୧୮</sup> ଆୟାଃ ବାନାର୍ସା ଆତଃ କିରିୟା, ନେ ବାରାନାଃ କା ବାଦ୍‌ଲୀଅଃଆ, ଏନାକେ ବାଦ୍‌ଲୀଅକେଦ୍‌ତେ ପାର୍ମେଶ୍ଵାର୍ ହସଡ୍ କାଏ ହବାଅଃଆ । ଏନାତେ ଆୟାଃତାଃରେ ତାଇନ୍‌ତାନ୍ ଆରୁ ସବେନ୍‌କ ସାମ୍‌ନାଙ୍ଗ୍‌ରେ ଅକନ୍ ଆସ୍ରା ମେନାଃ ଏନାକେ ସାବ୍‌କେଟେଜେ ନାଗେନ୍ତେ ପୁରାଃଗି ଜୀଉରେ ରାସକାବୁ ନାମାକାଦା ।<sup>୧୯</sup> ନେ ଆସ୍ରା ଆରୁଆଃ ଜୀଦାନ୍‌ରେ ଜାହାଜ୍‌କେ ଆବ୍‌କାଏତାନ୍ ହାମ୍‌ଲ୍ ମେଡେଦ୍ ଲେକାନାଃ ତାନାଃ । ନେଆଁ ଆସ୍ରାଏ ଆତଃ ଭାର୍‌ସାଏ ଲେକ୍‌ନାଃ ତାନାଃ । ଏନା ସିମ୍‌ଦିଶୁମ୍ ମାନ୍ଦିର୍ ଅଡ଼ାଃରେୟାଃ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ପାରମ୍‌କେଦ୍‌ତେ ମାରାଙ୍ଗ୍ ପାବିତାର୍ ଠାୟାଦ୍‌ରେ ସେଟେର୍ ଦାଡ୍‌କାନା ।<sup>୨୦</sup> ଆରୁଆଃ ନାଗେନ୍ତେ ଯୀଶୁ ସିଦାରେ ଏନ୍ତାଃତେ ସେନ୍ ସେଟେର୍‌କାନା । ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ଗ୍ ଯାଜାକ୍ ହବାକାନାଏ ।



ଯାଜାକ୍ ମଲ୍‌କିସେଦକ୍

<sup>୧</sup> ନେ ମଲ୍‌କିସେଦକ୍ ସାଲେମ୍‌ରାଃ ରାଜା ଆତଃ ସାଲାଇଁ ଉତାର୍ ପାର୍ମେଶ୍ଵାର୍ଆଃ ଯାଜାକ୍ ତାଇକେନାଏ । ଆବ୍ରାହାମ୍ ଆୟାଃ ଗାତିକ ଉପୁନିୟା ରାଜାକକେ ଲାଡ଼ାଇରେ ହାରାଅକେଦ୍‌ତେ ରୁହାଡ୍, ତାଇକେନାକ ଇମତା, ମଲ୍‌କିସେଦକ୍ ଇନିଃଲଃ ନେପେଲ୍‌କେଦ୍‌ତେ ଇନିଃକେ ଆଶିଷ୍‌କାଇ ତାଇକେନାଏ ।<sup>୨</sup> ଆତଃ ଆବ୍ରାହାମ୍ ଇନିଃକେ ଲାଡ଼ାଇହେତେ ନାମାକାଦ୍ ହିସାଏତେ ଗେଲ୍‌ହିସା ଏମାକାଇ ତାଇକେନାଏ । ମଲ୍‌କିସେଦକ୍‌ଆଃ ନୁଡୁମ୍‌ରେୟାଃ ମୁଣ୍ଡି ହବାଅଃତାନା “ଧାରାମ୍‌ରେନ୍ ରାଜା,” ଇନିଃ ସାଲେମ୍‌ରେନ୍ ରାଜା ହବାକାନ୍ ହରାତେ ଆୟାଃ ନୁଡୁମ୍‌ରେୟାଃ ଆତଃମିଆଁଦ୍ ମୁଣ୍ଡି ହବାଅଃତାନା “ଜୀଉସୁକୁରେନ୍ ରାଜା” ।<sup>୩</sup> ମଲ୍‌କିସେଦକ୍‌ଆଃ ଏଙ୍ଗାଆପୁ ଚାଏ ପୁରଖା ହାଡ଼ାମ୍‌କଆଃ ଚାଏ ଆୟାଃ ଜାନାମ୍ ଆତଃ ଗନଏଃ ବିଷାଏରେ ଜେଡ୍‌ନାଃ କା ସାରିକାନା । ଇନିଃ ପାର୍ମେଶ୍ଵାର୍ଆଃ ହନ୍ ଲେକା, ଆୟାଃ ଯାଜାକ୍ କାମି ଜୀଦାନ୍‌ରାଃ କା ଟୁଣ୍ଡୁ ଜାକେଦ୍ ଜାନାଅ ଜାନାଅଗି ତାଇନା ।

୪ ଏନାତେ ଉଡ଼ୁଲେପେ, ଇନିଃ ଚିନିନ୍ ମାରାଙ୍ଗ୍ ତାନିଃ । ଆବୁଆଃ ସାରିୟାକାନ୍ ପୁରୁଖା ହାଡ଼ାମ୍ ଆବ୍ରାହାମ୍ ଲାଡ଼ାଇହେତେ ଜିତାଅକାନ୍ ଖୁଜ୍ ରାଃ ମିଦ୍ ଗେଲ୍‌ହିସା\* ଇନିଃକେ ଏମାକାଇ ତାଇକେନା । ୫ ଲେବୀକଆଃ କିଲିକ ଯାଜାକ୍ କାମିକ କାମିୟାଃ, ଇନ୍‌କୁ ଆନ୍‌ରୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍‌ହିସାକ ହାରମେୟାଁ ମେନ୍ତେ ଆତୁକାନା । ଏନାତେ ଇସ୍ରାଏଲ୍ ହଡ଼କ ଆବ୍ରାହାମ୍‌ଆଃ କିଲିକ ଆତଃ ଲେବୀକଆଃ ଆପାନାଃ ହଡ଼କ ତାନ୍‌କରେୟ, ଇନ୍‌କୁତାଃଏତେ ନେ'ଲେକା ଗେଲ୍‌ହିସାକ ହାରମ୍ ତାଇକେନା । ୬ ମଲ୍‌କିସେଦକ୍ ଲେବୀ କିଲିରେନ୍ କାଏ ତାଇକେନ୍‌ରେୟ, ଇନିଃ ପାର୍‌ମେଶ୍ୱାର୍‌ଆଃ ବାନାରସା ନାମାକାଦ୍ ଆବ୍ରାହାମ୍‌ତାଃଏତେ ମିଦ୍ ଗେଲ୍‌ହିସା ନାମ୍‌କେଦ୍‌ତେ ଇନିଃକେ ଆଶିଷ୍‌କିୟା । ୭ ଆଶିଷ୍ ଏମ୍ ହଡ଼, ଆଶିଷ୍ ନାମେ ହଡ଼ତାଃଏତେ ପୁରାଃଚି ମାରାଙ୍ଗ୍‌ଆଁ, ନେଆଁରେ ଜେତାନ୍ ଆଡ଼ାଃଉଡ଼ୁ ବାନଃଆ । ୮ ମିଦ୍ ଗେଲ୍‌ହିସା ନାମେ ଯାଜାକ୍‌କ, ମୁସିଙ୍ଗ୍ ହୁଲ୍‌ଲାଇଁ ଗଜଃଆକ, ମେନ୍‌ଦ ମଲ୍‌କିସେଦକ୍ ଇନ୍‌କୁତାଃଏତେ ମାରାଙ୍ଗ୍ ତାନିଃ ମେନ୍ତେ ଗାଞ୍ଜା ଏମଃତାନା, ଚିଆଃଚି ଧାରାମ୍‌ପୁଅଁ ଲେକାତେ ଇନିଃ ନାହାଁଃ ଜାକେଦ୍ ଜାନିଦ୍ ମେନାଇୟା । ୯ ଏନାତେ ଆବ୍ରାହାମ୍ ମଲ୍‌କିସେଦକ୍‌କେ ଗେଲ୍‌ହିସା ଏମ୍‌କିଃ ଇମ୍‌ତା, ଅକନ୍ ଲେବୀ ନାହାଁଃ ଗେଲ୍‌ହିସା ନାମେତାନାଏ, ଏନ୍ ଲେବୀହରି ମଲ୍‌କିସେଦକ୍‌କେ ଗେଲ୍‌ହିସା ଏମାକାଇ ତାଇକେନାଏ ମେନ୍ତେ କାଜିୟଃତାନା । ୧୦ ଇମ୍‌ତା ଲେବୀ କାଏ ଜାନାମ୍‌କାନ୍ ତାଇକେନା ଏନା ସାର୍‌ତିକାଜି ତାନାଃ, ମେନ୍‌ଦ ଆବ୍ରାହାମ୍ ମଲ୍‌କିସେଦକ୍‌ଲଃ ନେପେଲ୍‌କେନ୍ ଇମ୍‌ତା, ଇନିୟାଃ ହଡ଼ମ୍ ପୁରୁଖା ହାଡ଼ାମ୍ ଆବ୍ରାହାମ୍‌ଲଃ ତାଇକେନା ମେନ୍ତେ କାଜିଲେରେୟ ବାୟୁଃଆ ।

୧୧ ନେ ଲେବୀକଆଃ ଯାଜାକ୍ ହବାଅଃ ହରାତେ ଇସ୍ରାଏଲ୍ ହଡ଼କକେ ଆନ୍‌ରୁ ଏମାକାନା । ଲେବୀକଆଃ ଯାଜାକ୍ କାମି ହରାତେ ପକ୍‌ତାକାନ୍ ହବାଅଃତେୟାଃରେଦ, ହାରୁନ୍‌ଆଃ ଆକ୍‌ତେୟାର୍‌ତେ ନେ ଲେବୀକଆଃ ଯାଜାକ୍ କାମି ହକାକେଦ୍‌ତେ, ମଲ୍‌କିସେଦକ୍‌ଆଃ ଆକ୍‌ତେୟାର୍ ଲେକାତେ ଏଟାଃ ଆଡ଼ଃମିଆଁଦ୍ ଯାଜାକ୍‌ଆଃ ଲାଗାତିଙ୍ଗ୍ କା ତାଇକେନା । ୧୨ ଚିୟାଃଚି ଯାଜାକ୍ କାମି ବାଦ୍‌ଲାଅଃତେୟାଃରେଦ, ମୁଶାଃରାଃ ଆନ୍‌ରୁହରି ବାଦ୍‌ଲାଅଃତେୟାଃ । ୧୩ ଅକଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯିଶୁ ତାନିଃ ଆତଃ ଏଟାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ଚିଉଲ୍‌ଅ ବେଦି ତେତାନ୍‌ରେ ଯାଜାକ୍ କାମି କାକ ରିକା । ୧୪ ନେଆଁତେ ସାରିୟଃତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମ୍‌କାନ୍ ତାଇକେନା ଆତଃ ଯାଜାକ୍ ହବାଅଃ ନାଗେନ୍ତେ ମୁଶା ନାବୀ ନେ କିଲିରେୟାଃ ନୁତୁମ୍ ଚିଉଲ୍‌ଅ କାଏ କାଜି ।

ମଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍

୧୫ ନେଆଁତେ ପୁରାଃଚି ସାରିୟଃତାନା, ମଲ୍‌କିସେଦକ୍‌ଆଃ ଲେକା ଆତଃମିଆଁଦ୍ ଯାଜାକ୍‌ଆଃ ଉନ୍‌ଦୁବ୍ ହବାୟାନା । ୧୬ ଇନିଃ ମାନଞ୍ଜା ବାଇୟାକାଦ୍ ଆନ୍‌ରୁ ଲେକାତେ ଯାଜାକ୍ କାଏ ହବାକାନ୍ ତାଇକେନା, ମେନ୍‌ଦ କା ଚୁଣ୍ଡୁ ଜୀବାନ୍‌ରାଃ ପେଡ଼େଃ ହରାତେ ଯାଜାକ୍ ହବାକାନ୍ ତାଇକେନାଏ । ୧୭ ଚିୟାଃଚି ଧାରାମ୍‌ପୁଅଁରେ ଅଲ୍‌କାନା, “ଆମ୍ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାକ୍ ହବାଅଃଆମ୍, ମେନ୍ତେ ଗାଞ୍ଜା ଏମଃତାନା ।” ୧୮ ଏନାତେ ମାରି ଆନ୍‌ରୁଦ୍ ନାରାଦୁରା ଆତଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାରିୟଃତାନା । ୧୯ ଚିୟାଃଚି ମୁଶା ନାବୀ ଏମାକାଦ୍ ଆନ୍‌ରୁ ହରାତେ ଜେଡ଼ନାଃ ପୁରାଃ ବୁଗିନାଃ ଲେକା ପକ୍‌ତା କା ହବାଦାଡ଼ିୟାନା, ମେନ୍‌ଦ ନାହାଁଃ ଆବୁକେ ପୁରାଃ ବୁଗିନ୍ ଆସ୍ରା ଏମାକାନ୍ ହରାତେ, ଆବୁ ପାର୍‌ମେଶ୍ୱାର୍‌ଆଃ ହେପାଦ୍‌ତେ ସେନ୍‌ନାଙ୍ଗ୍ ଦାଡ଼ିତାନାବୁ ।

\* ୭:୪ ୭:୪ ଦାଶ ଭାଗ



୨୦ ନେଆଁଏତେ ଆଦକା, ଆବୁ ନାଗେନ୍ତେ ପାର୍‌ଫେଶ୍‌ବାର୍‌ଆଃ କିରିୟାହଗି ଫେନାଃ । ହାରୁନ୍‌ଆଃ କିଲିକ ଯାଜାକ୍ କାମିରେ ସାଲାୟାନ୍ ଇମ୍‌ତା ନେ'ଲେକା ଜେତାନ୍ କିରିୟା କା ଏମାକାନ୍ ତାଇକେନା । ୨୧ ଫେନ୍‌ଦ ଯୀଶୁ ଯାଜାକ୍ ହବାୟାନ୍ ଇମ୍‌ତା ପାର୍‌ଫେଶ୍‌ବାର୍ କିରିୟାକେଦ୍‌ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,

ଇନିଃ ଆୟାଃ କିରିୟା କାଏ ବାଦଲାଅଏୟା,

ଆମ୍ ଜାନାଅ ଜାନାଅଗି ଯାଜାକ୍ ହବାଅଃଆମ୍ ।”

୨୨ ନେ ରାଜିନାମା ହରାତେ ଯୀଶୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଞ୍ଜାଏ ହବାକାନା ।

୨୩ ନେଆଁ ବାଗିକେଦ୍‌ତେ ଆତଃମିଆଁଦ୍ ଧାରା ଫେନାଃ, ଏନା ହବାଅଃତାନା, ଯାଜାକ୍‌କଆଃ ଗନ୍‌ଏଃ ହବାଅଃରେ, ଏଟାଃ ଯାଜାକ୍‌କ ଯାଜାକ୍ କାମିକ କାମିୟାଃ, ଏନାତେ ଯାଜାକ୍‌କ ପୁରାଃଗି ଫେନାକଆ ଆତଃ ଇନ୍‌କୁକେ ସବେନ୍ ହୁଲାଙ୍ କାଏ କାମିଇଟିକତାନା । ୨୪ ଫେନ୍‌ଦ ଯୀଶୁ ଜାନାଅ ଜାନାଅ ତାଇନାଏ ଆତଃ ଇନିୟାଃ ଯାଜାକ୍ କାମି ହଗି ଜାନାଅ ଜାନାଅ ତାନାଃ । ୨୫ ଆତଃ ଇନିୟାଃ ହରାତେ ପାର୍‌ଫେଶ୍‌ବାର୍‌ଆଃ ହପର୍‌ଜାପାଃତେ ହିଜୁଃତାନ୍‌କକେ ନାହାଁଃ ଆତଃ ସବେନ୍ ଇମ୍‌ତା ଇନିଃ ଜୀଉବାଞ୍ଚାଅ ଦାଡ଼ିନିଃ ତାନିଃ, ଚିୟାଃଟି ଇନ୍‌କୁ ନାଗେନ୍ତେ ପାର୍‌ଫେଶ୍‌ବାର୍‌ତାଃରେ ବିକ୍ତି ନାଙ୍ ଇନିଃ ଜାନାଅ ଜାନାଅଗି ତାଇନା ।

୨୬ ଆବୁଆଃ ସବେନ୍ ଲାଗାତିଙ୍‌କେୟାଃକ ଯୋଗାଅନିଃ ଯୀଶୁଗି ମାରାଙ୍ ଯାଜାକ୍ ତାନିଃ । ଇନିଃ ପାବିତାର୍, କା ଚିଟାକାନ୍, ପାପିକତାଃଏତେ ସାଙ୍ଗିନାକାନା, ଆତଃ ସିର୍ମାରେ ସବେନାଃଏତେ ପୁରାଃ ମାରାଙ୍ ମାଇନାନ୍ ଏମାକାନା । ୨୭ ଇନିଃ ଏଟାଃ ମାରାଙ୍ ଯାଜାକ୍ ଲେକାନ୍‌ନିଃ ନାହାଁଲିଃ, ଇନ୍‌କୁଆଃ ଲେକା ଇନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆତଃ ତାୟମ୍‌ତେ ଏଟାଃକଆଃ ପାପ୍ ନାଗେନ୍ତେ ସବେନ୍ ହୁଲାଙ୍ ଦାଣ୍ଟୋରାକାଦ୍ କା ଲାଗାତିଙ୍‌ୟାଁଃ । ଇନିଃ ଆଇଃକକେଗି ଦାଣ୍ଟୋ ରାକାବ୍‌କେଦ୍‌ତେ ମିସାତରା ସବେନାଃ ପୁରାଚାବାକାଦା । ୨୮ ମୁଶା ନାବୀଆଃ ଆନ୍‌ରୁ ନାରାଦୁରା ହଡ଼କକେ ମାରାଙ୍ ଯାଜାକ୍‌ରେୟାଃ କାମି ନାଗେନ୍ତେ ସାଲାକାନା । ଫେନ୍‌ଦ୍ ଆନ୍‌ରୁ ହବାୟାନ୍ ତାୟମ୍‌ତେ ପାର୍‌ଫେଶ୍‌ବାର୍ ଆୟାଃ ବାନାର୍‌ସା ଆତଃ କିରିୟା ଲେକାତେ ଆୟାଃ ହନ୍‌କେ ମାରାଙ୍ ଯାଜାକ୍ ଲେକାଏ ସାଲାକିୟା, ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାନା ।

## ୮

ୟୀଶୁ ଆବୁଆଃ ମାରାଙ୍ ଯାଜାକ୍

୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆବୁ ନାମାକାଜ୍ ମାରାଙ୍ ଯାଜାକ୍, ସିର୍ମାରେନ୍ ମାରାଙ୍ ମାନାରାଙ୍‌ନିଆଃ ରାଜାଦିରାଃ ଜମ୍‌ସାଃରେ ଦୁବାକାନା । ୨ ଇନିଃ ଅକନ୍ ପୁରାଃ ପାବିତାର୍ ଠାୟାଦ୍‌ରାଃ ସାର୍‌ତି କୁମ୍ବା ଲାତାର୍‌ରେ ମାରାଙ୍ ଯାଜାକ୍ ଲେକାଏ କାମିତାନା, ଏନା ହଡ଼ତେ କା ବାଇୟାକାନା, ଫେନ୍‌ଦ୍ ପ୍ରାଭୁ ଏନାକେ ବାଇୟାକାଦା ।

୩ ସବେନ୍ ମାରାଙ୍ ଯାଜାକ୍‌କ ପାର୍‌ଫେଶ୍‌ବାର୍‌ଆଃ ନୁତୁମ୍‌ତେ ଦାନ୍ ରାକାବ୍ ଆତଃ ଜାତୁକଆଃ ଦାଣ୍ଟୋ ରାକାବ୍ ନାଗେନ୍ତେକ ସାଲାକାନା । ଏନାତେ ଆବୁଆଃ ନେ ମାରାଙ୍ ଯାଜାକ୍‌କେହ୍ ଜେଡ୍‌ନାଃ ଦାନ୍ ରାକାବେ ନାଗେନ୍ତେ ଲାଗାତିଙ୍‌ୟାଁଃ । ୪ ଇନିଃ ନେ ଅତେରେ ତାଇନ୍‌ତେୟାଃରେଦ୍, ଯାଜାକ୍‌ହ୍ କାଏ ହବା ସାକାଅକାନ୍‌ତେୟାଃ, ଚିୟାଃଟି ଯିହୁଦୀକଆଃ ଆନ୍‌ରୁ ଲେକାତେ ଦାଣ୍ଟୋରେୟାଃ ଦାନ୍ ରାକାବ୍ ନାଙ୍ ଯାଜାକ୍‌କ ଫେନାକଆ । ୫ ଇନ୍‌କୁ ଯାଜାକ୍ କାମି କାମିତାନ୍‌ତେୟାଃ, ସିର୍ମାରେୟାଃ ନାକାଲ୍ ଆତଃ ଉମୁଲ୍ ଲେକ୍‌ନାଃ ଏସ୍‌କାର୍ ତାନାଃ । ମୁଶା ନାବୀଆଃ ଦିପିଲିହେତେ

ନେଲେକା ହବା ଆଉଅଥତାନା । ମୁଣା ନାବୀ ପାବିତାର୍ କୁମ୍ଭା ବାଇ ନାଗେନ୍ତେ  
 ସେକାଡ଼ଃ ତାଇକେନ୍ ଇମତା, ପାର୍ମେଶ୍ୱାର୍ ଇନିଃକେ କାଜିକାଇ ତାଇକେନା,  
 “ନେଲେମେ, ବୁରୁରେ ଆମ୍ବେ ଅକନ୍ ନାମୁନା ଉଦୁବକାନ୍ ତାଇକେନା,  
 ଏନ୍ଲେକାଗି ସବେନାଃ ବାଇୟେମେ ।” ୬ ମେନ୍ଦ ନାହାଃ ଯାଶୁକେ ଅକନ୍  
 ଯାଜାକ୍ କାମି ଏମାକାନା, ଏନା ଏଟାଃକଆଃ ଯାଜାକ୍ କାମିହେତେ ପୁରାଃ ବୁଗିନାଃ  
 ତାନାଃ । ଏନ୍ଲେକାଗି ପାର୍ମେଶ୍ୱାର୍ ଆତଃ ହଡ଼କଆଃ ଆଲ୍ଲରେ ଇନିଃ ଅକ  
 ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ଚିୟାଃଚି ନେ ରାଜିନାମା  
 ପୁରାଃ ବୁଗିନାଃ ହବାଅଃ ନାଗେନ୍ତେ ବାନାର୍ଯା ଏମାକାନା ।

୭ ସିଦା ନିୟାମ୍ରେ ଜେତାନ୍ ଗୁହ୍ନା କା ତାଇକାନ୍ରେଦ, ଆତଃମିଆଁଦ୍ ନିୟାମ୍  
 କା ଲାଗାତିୟାଃତେୟାଃ । ୮ ମେନ୍ଦ ପାର୍ମେଶ୍ୱାର୍ ଆୟାଃ ହଡ଼କଆଃ ଗୁହ୍ନା  
 ଉଦୁବକେଦ୍ତେ କାଜିକେଦା,

“ପ୍ରାଭୁ କାଜିତାନାଏ, ନେତା ସେଟେରଃତାନା,

ଆଇଙ୍ଗ୍ ଇସ୍ତାଏଲ୍ ହଡ଼ ଆତଃ ଯିହୁଦାରେନ୍ ହଡ଼କଲଃ ମିଆଁଦ୍ ନାଖା ରାଜିନାମା  
 ବାଇୟାଇଙ୍ଗ୍ ।

୯ ଆଇଙ୍ଗ୍ ଇନ୍କୁଆଃ ପୁରୁଖା ହାଡ଼ାମ୍ ହଡ଼କଆଃ ତିଃଇ ସାବ୍କେଦ୍ତେ ମିସାର୍  
 ଦିଶ୍ୱମ୍ବେତେ ଅତଙ୍ଗ୍ ଆଉକେଦ୍କ ଇମତା,

ଅକ ରାଜିନାମା ବାଇୟାକାଦ୍ ତାଇକେନାଇଙ୍ଗ୍ ଏନା, ନେ ରାଜିନାମା ଲେକାନାଃ  
 ନାହା଼ଲାଃ । ଆଇଙ୍ଗ୍ ଇନ୍କୁଲଃ ଅକ ରାଜିନାମା ବାଇୟାକାଦ୍  
 ତାଇକେନାଇଙ୍ଗ୍,

ଏନାରେ ଇନ୍କୁ ପାତିୟାର୍ରେଃ ଲେକା କାକ ହବାୟାନା,

ଏନାତେ ଆଇଙ୍ଗ୍ ଇନ୍କୁଆଃ କାଇଙ୍ଗ୍ ଧ୍ୟାନ୍ କେଦା ।” ପ୍ରାଭୁ କାଜିତାନାଏ,

୧୦ “ଆଇଙ୍ଗ୍ ହିଜୁଃ ଦିପିଲିରେ

ଇସ୍ତାଏଲ୍ରେନ୍ ହଡ଼କଲଃ ନେ ରାଜିନାମା ବାଇୟାଇଙ୍ଗ୍,

ଆଇଙ୍ଗ୍ ଆଇୟାଃ ଆନ୍ତୁକେ ଇନ୍କୁଆଃ ମନ୍

ଆତଃ ମନ୍ସୁରୁଦ୍ରେ ଅଲେୟାଇଙ୍ଗ୍,

ଆତଃ ଇନ୍କୁଆଃ ପାର୍ମେଶ୍ୱାର୍ ହବାଅଃଇଙ୍ଗ୍,

ଆତଃ ଇନ୍କୁ ଆଇୟାଃ ହଡ଼ ହବାଅଃଆକ ।

୧୧ ଇମତା ଇନ୍କୁ ହପର୍ଜାପାଃରେନ୍କକେ ଚାଏ ହାଗା ମିଶିକକେ ଇନିତୁ ଏମ୍ କା  
 ଲାଗାତିଙ୍ଗ୍ୟାଃ, ଆତଃ ‘ପ୍ରାଭୁକେ ଆବ୍କାରିପେ ମେନ୍ତେ ଜେତାଏକେ କାଜି  
 କା ଲାଗାତିଙ୍ଗ୍ୟାଃ,’

ଚିୟାଃଚି ହୁଡ଼ିଙ୍ଗ୍ଏତେ ମାରାଙ୍ଗ୍ ସବେନ୍କ ଆଇଙ୍ଗ୍କେ ସାରିୟାକ ।

୧୨ ଆଇଙ୍ଗ୍ ଇନ୍କୁଆଃ ସବେନ୍ ପାପ୍ ଛାମାକଆଇଙ୍ଗ୍

ଆତଃ ଇନ୍କୁଆଃ ଜେତାନ୍ ଏଡ଼କାନ୍ଆଃ କାଇଙ୍ଗ୍ ପାହାମେୟା ।”

୧୩ ନେଆଁକେ ନାଖା ନିୟାମ୍ ମେନ୍ତେ କାଜିକେଦ୍ ହରାତେ ପାର୍ମେଶ୍ୱାର୍  
 ସିଦାତେୟାଃକେ ମାରିତେୟାଃ ମେନ୍ତେ କାଜିକେଦା ଆତଃ ଅକ୍ନାଃ ମାରିତେୟାଃ  
 ତାନାଃ, ଏନା ଜାଲ୍ଦିଗି ଜିୟନଃଆ ।



ଅତେଦିଶ୍ୱମ୍ ଆତଃ ସିମାରେୟାଃ ସେଖା

୧ ସିଦା ନିୟାମ୍ରେୟ ସେଖା ବିଷାଏରେ ଚିମିନ୍ ନିୟାମ୍ କାନୁନ୍କ ବାଇୟାକାନ୍  
 ତାଇକେନା ଆତଃ ଅତେରେ ମିଆଁଦ୍ ପାବିତାର୍ ଠାୟାଦ୍ ତାଇକେନା ।

୨ ଏନ୍ଲେକାଗି ମିଆଁଦ୍ ସେଖାରେୟାଃ କୁମ୍ଭା ବାଇୟାକାନ୍ ତାଇକେନା । ଏନାରେ

ତାଇକାନ ପାହିଲା ହିସାରେ ଦିଆ ଦହ ଖୁଣ୍ଟ, ମିଆଁଦ ଟେବୁଲ୍ ଆଡ଼େ ଟେବୁଲ୍ ଟେଡାନରେ ପାର୍ମେଣ୍ଟାକେ ଏମାକାନ ହିଲ୍ଲ୍ ତାଇକେନା । ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେ କାଜିୟାଃକ ।<sup>୩</sup> କୁମ୍ପାରେୟାଃ ପାବିତାର୍ ଠାୟାଦ୍ତାଃରେ ହାନାଟିଜ୍ ଦାନାଜ୍ଲିଜାଃରାଃ ତାୟମ୍ରେ ଅକନ୍ ଠାୟାଦ୍ ମେନାଃ, ଏନାକେ ପୁରାଃ ପାବିତାର୍ ଠାୟାଦ୍ ମେନ୍ତେକ କାଜିୟାଃ ।<sup>୪</sup> ଏନ୍ତାଃରେ ମିଆଁଦ୍ ବୁଗିନ୍ ସହାନ୍ ନାଜ୍ ଧୁଆନ୍ ଉରୁବେତେୟାଃ ସୋନାରେୟାଃ ଆଡ଼େ ଉପୁନ୍ସାଃରେ ସୋନାଡେ ଦାପାଲାକାନ “ରାଜିନାମାରାଃ ବାକ୍ସା” ତାଇକେନା । ଏନ୍ ବାକ୍ସା ଭିତାରରେ “ମାନ୍ନା” ଦହାକାନ ସୋନାରେୟାଃ ମିଆଁଦ୍ ତାସ୍ଜି ତାଇକେନା, ହାରୁନ୍ଆଃ ସୁଡାକାନ\* ମିଆଁଦ୍ ସଟା ଆଡ଼େ ପାର୍ମେଣ୍ଟାଆଃ ଆନ୍ତୁ ଅଲାକାନ ବାରିଆ ଚାକାର୍ ଦିରି ତାଇକେନା ।<sup>୫</sup> ବାକ୍ସା ଟେଡାନରେ ପାର୍ମେଣ୍ଟାକ୍ ମେନାଲୟା ମେନ୍ତେ ଉଦୁବେତାନ୍ ମାନାରାଜ୍ରେନ୍ ବାରିଆ ଆପରବ୍ ତାଇକେନ୍ କିରୁବ୍ଦୁଡ୍ଡକିନ୍ ତାଇକେନା । ଇନ୍କିନ୍ ପାପ୍ ଛାମା ଠାୟାଦ୍ ଟେଡାନରେ ଆପରବ୍ ଚାକାରକେଦ୍ତେ ତାଇକେନାକିନ୍, ମେନ୍ଦ୍ ନେ ସବେନାଃରାଃ ସାର୍ତିକାଜି ମିମିଆଦ୍ତେ ଉଦୁବ୍ କା ଲାଗାତିଜ୍ୟାଃ ।

<sup>୬</sup> ଏନ୍ତାଃରେ ନେ'ଲେକା ବାଇକାନ୍ ତାଇକେନା, ଯାଜାକ୍ ସେଞ୍ଜା ନାଗେନ୍ତେ ସବେନ୍ ହୁଲାଜ୍ କୁମ୍ପାରେୟାଃ ପାହିଲା ହିସାତେ ବଲୟାନ୍ଲଃ ଆକଥାଃ କାମିକ କାମିୟାଃ,<sup>୭</sup> ମେନ୍ଦ୍ କୁମ୍ପାରେୟାଃ ଆଡ଼େମିଆଁଦ୍ ହିସାତେ ମାରାଜ୍ ଯାଜାକ୍ ଏସ୍କାର୍ ବଲ ଦାଡ୍ଡିୟାଏ । ଇନିଃ ଆୟାଃ ନାଗେନ୍ତେ ଆଡ଼େ ହଡକ୍ ବେଗାର୍ ସାରିତେ ପାପକାଦ୍ ନାଗେନ୍ତେ, ପାର୍ମେଣ୍ଟାକ୍ତାଃରେ ଏମାକାଦ୍ ମାୟୋମ୍କେ ସାବ୍କେଦ୍ତେ ମିଦ୍ ବାରାଷରେ ମିସାଗି ଏନ୍ ଠାୟାଦ୍ତେ ବଲଆ ।<sup>୮</sup> ପାବିତାର୍ ଆମ୍ ନେ ସବେନାଃ ହରାତେ ବୁଗିଲେକାଏ ଇଡୁଆଃ ଯେ, କୁମ୍ପାରେୟାଃ ପାହିଲା ହିସା ତାଇନଃ ଜାକେଦ୍, ପୁରାଃ ପାବିତାର୍ ଠାୟାଦ୍ତେ ବଲ ନାଗେନ୍ତେ ହରା କା ନିଜାକାନା ।<sup>୯</sup> କୁମ୍ପାରେୟାଃ ନେ ପାହିଲା ହିସା, ନେ ଦିପିଲି ନାଗେନ୍ତେ ଜନ୍କା ଲେକାନାଃ ତାନାଃ । ନେଆଁରେୟାଃ ମୁଣ୍ଡି ହବାଅଃତାନା, ପାର୍ମେଣ୍ଟାଆଃ ନାଗେନ୍ତେ ଦାନ୍ ରାକାବ୍ ଆଡ଼େ ଜାଡୁକଥାଃ ଦାଣ୍ଡୋରାକାବ୍ ସେଞ୍ଜାତାନ୍ନିଆଃ ମନ୍ସୁରୁଦ୍କେ କାଏ ପକ୍ତା ଦାଡ୍ଡିୟା ।<sup>୧୦</sup> ଚିୟାଃଚି ଏନ୍ ସବେନାଃ ଜମେ, ନୁଁଏତେୟାଃ ଏସ୍କାର୍ ତାନାଃ ଆଡ଼େ ରାକାମ୍ ରାକାମ୍ରେୟାଃ ଆବୁଜ୍ ଫାର୍ଚିୟାଃ କାମିକ ଆଡ଼େ ହଡ ନେପେଲ୍ରେ କାମିୟାଃତାନ୍ ଲେକାନାଃ ଏସ୍କାର୍ ତାନାଃ । ପାର୍ମେଣ୍ଟାଆଃ ନାଞ୍ଜା ନିୟାମ୍ କାନୁନ୍କ୍ ହବାଅଃ ଜାକେଦ୍ ନେ ସବେନାଃରାଃ ଲାଗାତିଜ୍ ତାଇକେନା ।

<sup>୧୧</sup> ମେନ୍ଦ୍ ନାହାଃ ଅକନ୍ ସବେନ୍ ବୁଗିନ୍ ବିଷାଏ ଆବୁ ନାମାକାଦାବୁ, ଏନ୍ ସବେନାଃରାଃ ମାରାଜ୍ ଯାଜାକ୍ ଲେକା ଖ୍ରୀଷ୍ଟ୍ ହିଜୁଃକାନାଏ । ଅକନ୍ କୁମ୍ପାରେ ଇନିଃ ସେଞ୍ଜା କାମିତାନାଏ, ଏନା ପୁରାଃ ମାରାଜ୍ଆଁ ଆଡ଼େ ସିମାରେ ପୁରାଃ ବୁଗିନାଃ ତାନାଃ । ଏନାଦ୍ ହଡତେ କା ବାଇୟାକାନା, ଆଡ଼େ ବାଇୟାକାନ୍ ଅଡେଦିଶ୍ଟମ୍ରେୟାଃ ହିସା ନାହାଁଲାଃ ।<sup>୧୨</sup> ଖ୍ରୀଷ୍ଟ୍ ଏନ୍ କୁମ୍ପା ହରାତେ ମିସାଗି ପୁରାଃ ପାବିତାର୍ ଠାୟାଦ୍ତେ ବଲୟାନ୍ ଇମ୍ତା ଇନିଃ ମେରମ୍ ଚାଏ ବାଛାରାଃ ମାୟୋମ୍କେ ଦାଣ୍ଡୋ ରାକାବ୍ ନାଜ୍ କା ଇଦିକେଦ୍ତେ ଆୟାଃ ମାୟୋମ୍କେଗି ଇଦିକେଦା ଆଡ଼େ ଆବୁଆଃ ନାଗେନ୍ତେ ଜାନାଅ ଜାନାଅ ଜୀଉ ବାଞ୍ଚାଅରେୟାଃ କାମି କାମିକେଦା ।<sup>୧୩</sup> ଅକନ୍ ହଡକ୍ କାଜିକାମି କା ମାନାତିଜ୍ ହରାତେ ସଡ଼ରାଅଃତାନାକ, ଇନ୍କୁ ମେରମ୍କଥାଃ ମାୟୋମ୍ ଚାଏ ସାଁଶ୍ଟକଥାଃ ମାୟୋମ୍ ଆଡ଼େ ଉରୁବାକାନ୍ ଦାମୁରହନ୍ଆଃ ତରେକ୍ତେ ହିରତିକେଦ୍ତେ ଆକଥାଃ ସଡ଼ରାଏତେକ୍ ଫାର୍ଚିୟାଃତାନା ।<sup>୧୪</sup> ନେଆଁ ସାର୍ତି ତାନାଃରେଦ୍, ଅକନ୍ ଖ୍ରୀଷ୍ଟ୍ ଜାନାଅ ଜାନାଅ ଆମ୍ବାରାଃ ହରାତେ ପାର୍ମେଣ୍ଟାଆଃ

\* ଚ୍ୟା 9:4 ନାଗଜା

ଆୟାତ୍ରେ ଆପାନ୍‌କେ ବେଗାର୍ ଦାଗିୟାକାନ୍ ଦାଣ୍ଠେରାକାବ୍ ଲେକାଏ ଦାଣ୍ଠେୟାନା । ଇନିୟାଃ ମାୟୋମ୍ ଚିମିନାଙ୍ ପୁରାଃ ଆଦକା ଲାଗାତିଙ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିତିରିଖାଜ୍ରେୟାଃ ସାମାକାଜି କାମିକଏତେ ଆରୁଆଃ ବିବେକ୍ ଫାର୍ତିୟଃଆ, ଏନାତେ ଆରୁ ଜାନିଦ୍ ପାର୍ମେଶ୍ୱାର୍ଆଃ ସେଖାବୁ ରିକାଦାଡ଼ିୟା ।

୧୫ ନେ ହରାତେ ଶ୍ରୀଷ୍ଟି ନାଖା ରାଜିନାମା ଠାହାରାଅକାଦାଏ, ଏନାତେ ଅକନ୍‌କ ପାର୍ମେଶ୍ୱାର୍ତେ କେଡ଼ାକାନାକ, ଇନ୍‌କୁକେ ପାର୍ମେଶ୍ୱାର୍ଆଃ ବାନାରସା ଏମାକାଦ୍ ଜାନାଅ ଆଶିଷ୍ଟକ ନାମେୟା । ସିଦାରାଃ ରାଜିନାମାରେ କାମିୟଃତାନ୍ ତାଇକେନ୍ ଇମ୍ତା, ହଡ଼କ ଅକନ୍ ପାପକାମିକ କାମିକାଦା, ଏନା ଶ୍ରୀଷ୍ଟିଆଃ ଗନଏଃହେତେ ଏସକାର୍ ରାଡ଼ାଅଃଆ ।

୧୬ ମିଆଁଦ୍ ଏମଃ ଅନଲ୍‌ଚିଠା ନିୟାମ୍ ଲେକା ହବାକାନ୍‌ରେ, ଏମଃ ଅନଲ୍‌ଚିଠା ବାଇୟାକାଦ୍ ହଡ଼ଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାତିଙ୍‌ୟାଃ । ୧୭ ଚିୟାଃଚି ଏମଃ ଅନଲ୍‌ଚିଠା ବାଇୟାକାଦ୍ ହଡ଼ ଜାନିଦ୍ ତାଇନ୍ ଜାକେଦ୍ ଅନଲ୍‌ଚିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍‌ତେ ଏସକାର୍ ଏନାରେୟାଃ କାମି ହବା ଦାଡ଼ିୟଃଆ । ୧୮ ଏନାମେନ୍ତେ ସିଦା ରାଜିନାମା† ହରି ବେଗାର୍ ମାୟୋମ୍ ଲିଙ୍ଗିତେ କା ବାଇୟାକାନା । ୧୯ ସିଦାତେ ମୁଶା ନାବୀ ଆନ୍‌ଚୁରାଃ ଆନାଚୁକ ହଡ଼କତାଃରେ ଉଦୁବ୍‌କେଦା । ଏନ୍ତେ ଇନିଃ ବାଛା ଆତଃ ମେରମ୍‌କଆଃ ମାୟୋମ୍‌ଲଃ ଦାଆଃ ମେସାକେଦ୍‌ତେ, ଏସୋବ୍ କଡ଼ ଆତଃ ବାଇଗିନିଆ ଉନ୍‌ତେ ଆନ୍‌ଚୁରେୟାଃ ପୁଥ୍‌ରେ ଆତଃ ସବେନ୍ ହଡ଼କଆଃ ଚେତାନ୍‌ରେ ହିରୁଚିକେଦା । ୨୦ ଇନିଃ କାଜିକେଦାଏ, “ପାର୍ମେଶ୍ୱାର୍ ଆପେକେ ଅକନ୍ ରାଜିନାମା ମାନାତିଙ୍ ନାଗେନ୍ତେ ଆଚୁକାଦ୍‌ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।” ୨୧ ଏନ୍‌ଲେକାଗି ଇନିଃ ପାବିତାର୍ କୁମ୍ପା ଆତଃ ସେଖା କାମିରେ ଅତଙ୍‌ଅଃତାନ୍ ସବେନାଃରେ ମାୟୋମ୍‌କେ ହିରୁଚିକେଦା । ୨୨ ଆତଃ ଆନ୍‌ଚୁ ଲେକାତେ ସବେନାଃରେ ମାୟୋମ୍‌ତେ ଫାର୍ତିୟଃଆ, ଆତଃ ବେଗାର୍ ମାୟୋମ୍ ଲିଙ୍ଗିତେ ପାପ୍ ଛାମା କା ହବାଅଃଆ ।

ଶ୍ରୀଷ୍ଟିଆଃ ଦାଣ୍ଠେରାକାବ୍ ପାପ୍‌କେ ସାଙ୍ଗିନେୟା

୨୩ ଅକନ୍ ବିଷାଏକ ସିର୍ମାରେୟାଃ ନାମୁନା ଲେକ୍‌ନାଃ ତାନାଃ, ଏନ୍ ସବେନାଃ ମାୟୋମ୍‌ତେ ଫାର୍ତିୟଃ ଲାଗାତିଙ୍ ତାଇକେନା, ମେନ୍‌ଦ ସିର୍ମାରେୟାଃ ବିଷାଏକ ନାଗେନ୍ତେ ନେ ସବେନାଃଏତେ ପୁରାଃ ମାରାଙ୍ ଦାଣ୍ଠେ ରାକାବ୍‌କେଦ୍‌ତେ ଫାର୍ତିୟଃ ଲାଗାତିଙ୍ ମେନାଃ । ୨୪ ଅକ୍‌ନାଃ ହଡ଼ତେ କା ବାଇୟାକାନା, ଏନ୍‌ଲେକାନ୍ ମିଆଁଦ୍ ପୁରାଃ ପାବିତାର୍ ଠାୟାଦ୍‌ତେ ଶ୍ରୀଷ୍ଟି ସେନାକାନାଏ । ଏନା ସାର୍ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକଗି ସିର୍ମାତେ ସେନାକାନା, ଏନ୍ତାଃରେ ଆରୁଆଃ ନାଗେନ୍ତେ ନାହାଃ ପାର୍ମେଶ୍ୱାର୍ଆଃ ହେପାଦ୍‌ରେ ମେନାଇୟା । ୨୫ ଯିହୁଦୀ ମାରାଙ୍ ଯାଜାକ୍ ଜେ'ଲେକା ମିଦ୍ ବାରାଷ୍ଟରେ ମିସା ଜାତୁରାଃ ମାୟୋମ୍ ସାବ୍‌କେଦ୍‌ତେ ପୁରାଃ ପାବିତାର୍ ଠାୟାଦ୍‌ତେ ସେନା, ଏନ୍‌ଲେକା ଇନିଃ ଘାଡ଼ିଘାଡ଼ି ଦାଣ୍ଠେ ରାକାବ୍ ନାଗେନ୍ତେ କାଏ ସେନ୍ । ୨୬ ତାବ୍‌ଦ ଇନିଃକେ ଅତେଦିଶୁମ୍‌ରାଃ ବାଇୟଃ ହୁଲାଙ୍‌ତାଃଏତେ ପୁରାଃଗି ଦୁକୁ ସାହାତିଙ୍ ହବାକାନ୍‌ତେୟାଃ । ମେନ୍‌ଦ ଚୁଶ୍ଟୁ ଦିପିଲିରେ ଇନିଃ ଆପାନ୍‌କେ ଦାଣ୍ଠେ ରାକାବ୍ ହରାତେ ଜାନାଅ ଯୁଗ୍ ନାଙ୍ ପାପ୍‌ରାଃ ପେଡ଼େଃକେ ଜିୟନେ ନାଗେନ୍ତେ ହିଜୁଃକାନ୍ ତାଇକେନାଏ । ୨୭ ସବେନ୍ ହଡ଼କଆଃ ମିସାଗି ଗନଏଃ ହବାଅଃଆ ଆତଃ ଏନ୍ ତାୟମ୍‌ତେ ପାର୍ମେଶ୍ୱାର୍ଆଃ ବିଚାର୍ ହବାଅଃଆ । ୨୮ ଏନ୍‌ଲେକାଗି ପୁରାଃ ହଡ଼କଆଃ ପାପ୍ ସାଙ୍ଗିନେ ନାଗେନ୍ତେ ଶ୍ରୀଷ୍ଟି ମିସାଗି

† ୯:୧୮ 9:18 ଭୁକ୍ତି

ଦାଣ୍ଡେଇନା । ଇନିଃ ଆତଃମିସାଏ ହିଜୁଃଆ, ଇମତା ପାପ୍ ନାଗେନ୍ତେଦ ବାନଃଗି, ଫେନ୍ଦ୍ ଆଇଃକ୍‌କେ ନେଲ୍‌ହରାଇ ତାନ୍‌କକେ ଜୀଉବାଞ୍ଚାଅ ନାଗେନ୍ତେ ହିଜୁଃଆ ।

୧୦

୧ ଯିହୁଦୀକଆଃ ଆନ୍‌ରୁ ହିଜୁଃତାନ୍ ବୁଗିନ୍ ସାର୍‌ତି ବିଷାଏରେୟାଃ ମିଆଁଦ୍ ଉମ୍‌ଲୁ ଲେକାନାଃ ତାନାଃ । ସବେନ୍ ଇମତା ବାରାଷ୍‌କେ ବାରାଷ୍ ଏନ୍ ମିଦ୍ ରାକାମ୍ ଦାଣ୍ଡେ ରାକାବଃତାନା । ଅକନ୍‌କ ପାର୍‌ମେଶ୍‌ବାର୍‌ଆଃ ହେପାଦ୍‌ତେ ହିଜୁଃଆକ, ଆଇନ୍‌ରେୟାଃ ଏନ୍ ସବେନ୍ ଦାଣ୍ଡେ ହରାତେ ଇନ୍‌କୁ ଚିନାଃ ପକ୍‌ତା ଦାଡ୍‌ୟଃତାନାକ ? ୨ ନେ'ଲେକାତେ ପାର୍‌ମେଶ୍‌ବାର୍‌ଆଃ ସେଞ୍ଜାତାନ୍‌କ ପାପ୍‌ହେତେ ସାର୍‌ତି ବିବେକ୍‌ରେ ଫାର୍‌ତି ଦାଡ୍‌ୟଃତେୟାଃକରେଦ, ଇନ୍‌କୁ ଆପାନ୍‌କେ ପାପି ମେନ୍ତେ କାକ ଆର୍‌କାରେନ୍ତେୟାଃ ଆତଃ ସବେନ୍ ଦାଣ୍ଡେ ହକାଅଃତେୟାଃ । ୩ ମେନ୍ଦ୍ ଏନ୍‌ଲେକା କା ହବାକେଦ୍‌ତେ ବାରାଷ୍‌କେ ବାରାଷ୍ ଦାଣ୍ଡେ ରାକାବ୍ ହରାତେ ହଡ୍‌କକେ ଆକଆଃ ପାପ୍‌କେ ପାହାମ୍‌ଇତିକ ତାନା । ୪ ଚିୟାଃତି ସାଁଶ୍‌କଆଃ ଆତଃ ମେରମକଆଃ ମାୟୋମ୍‌ତେ ପାପ୍ କା ସାଜିନ୍ ଦାଡ୍‌ୟଃଆ ।

୫ ଏନାମେନ୍ତେ ଖ୍ରୀଷ୍ଟ୍ ଅତେଦିଶ୍‌ମ୍‌ତେ ହିଜୁଃ ସିଦାରେ ପାର୍‌ମେଶ୍‌ବାର୍‌କେ କାଜିକିୟା, “ଆମ୍ ଦାଣ୍ଡେ ଆତଃ ଦାନ୍ ଏମ୍‌କରେ କାମ୍ ସୁକୁଃଆ,

ମେନ୍ଦ୍ ଆଇଁୟାଃ ନାଗେନ୍ତେ ମିଆଁଦ୍ ହଡ୍‌ମ୍ ସେକାଡାକାଦାମ୍ ।

୬ ପାପ୍‌କ ସାଜିନେ ନାଗେନ୍ତେ ଆମ୍ ବେଦି ତେତାନ୍‌ରେ ଉରୁବ୍ ଦାଣ୍ଡେ ଚାଏ ଜାଁତୁକଆଃ ଦାଣ୍ଡେରେ କାମ୍ ସୁକୁଃଆ ।

୭ ଏନାତେ ଆଇଙ୍ଗ୍ କାଜିକିୟାଇଙ୍ଗ୍,

ଆନ୍‌ରୁ ପୁଥ୍‌ରେ ଆଇଁୟାଃ ବିଷାଏ ଅଲ୍‌କାନା,

ହେ ପାର୍‌ମେଶ୍‌ବାର୍, ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।”

୮ ସିଦାତେ ଇନିଃ କାଜିକେଦାଏ, “ଆମ୍ ହଡ୍‌ରାଃ ପାପ୍ ସାଜିନେ ନାଗେନ୍ତେ ଦାଣ୍ଡେରାକାବ୍ ଚାଏ ଦାନ୍ ଏମ୍ ଆତଃ ବେଦି ତେତାନ୍‌ରେ ଜାଁତୁକଆଃ ଉରୁବ୍ ଦାଣ୍ଡେକ କାମ୍ ଆସିୟା, ଏନ୍ ସବେନାଃରେ ଆମାଃ ସୁକୁ ବାନଃଆ ।” ନେ ସବେନ୍ ଦାଣ୍ଡେ ମୁଶାରାଃ ଆନ୍‌ରୁ ଲେକାତେ ହବାଅଃ ତାଇକେନ୍‌ରେୟ, ଇନିଃ ନେ ଲେକାଏ କାଜିକାଦ୍ ତାଇକେନା । ୯ ଏନ୍ତେ ଇନିଃ କାଜିକେଦାଏ, “ହେ ପାର୍‌ମେଶ୍‌ବାର୍, ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।” ଏନାତେ ପାର୍‌ମେଶ୍‌ବାର୍ ସିଦା ଦାଣ୍ଡେରାକାବ୍‌ତେୟାଃକେ ଆତମକେଦ୍‌ତେ, ଏନାରେୟାଃ ବାଦ୍‌ଲାରେ ଖ୍ରୀଷ୍ଟ୍‌ଆଃ ଦାଣ୍ଡେକେ ଦହକେଦା । ୧୦ ଚିୟାଃତି ଯୀଶୁ ଖ୍ରୀଷ୍ଟ୍ ମିସାଗି ଆୟାଃ ହଡ୍‌ମ୍‌କେ ସବେନ୍‌କଆଃ ନାଙ୍ଗ୍ ଦାନ୍ ଏମ୍‌କେଦ୍‌ତେ ପାର୍‌ମେଶ୍‌ବାର୍‌ଆଃ ମନେଲେକାଏ କାମିକେଦା, ଏନାତେ ଆବୁ ସବେନ୍‌କ ପାପ୍‌ହେତେ ଫାର୍‌ତିୟାକାନାବୁ ।

୧୧ ଯିହୁଦୀ ଯାଜାକ୍‌କ ସବେନ୍ ହୁଲାଇଁ ଆକଆଃ ସୁସାର୍ କାମି ନାଗେନ୍ତେ ଆତଃ ଘାଡ୍‌ଘାଡ୍ ଏନ୍ ମିଦ୍‌ରାକାମଗି ଦାଣ୍ଡେରାକାବ୍ ତାନାକ, ମେନ୍ଦ୍ ନେ ସବେନ୍ ଦାଣ୍ଡେରାକାବ୍ ହରାତେ ଚିଉଲାଅ ପାପ୍ କା ସାଜିନଃଆ । ୧୨ ମେନ୍ଦ୍ ଖ୍ରୀଷ୍ଟ୍ ପାପ୍ ନାଗେନ୍ତେ ମିସାଗି ଦାଣ୍ଡେୟାନ୍‌ତି ଜାନାଅ ଜାନାଅ ନାଗେନ୍ତେ ପାର୍‌ମେଶ୍‌ବାର୍‌ଆଃ ଜମ୍‌ତିଃସାଃରେ ବୁବ୍‌ୟାନା । ୧୩ ପାର୍‌ମେଶ୍‌ବାର୍ ଆୟାଃ ବାଇରିକକେ ପୁରା ଆଉରି ହାରାଅକ ଜାକେଦ୍ ଇନିଃ ଏନ୍ତାଃରେଗି ନେଲ୍ ହରାତାନା । ୧୪ ମିଆଁଦ୍ ଦାଣ୍ଡେରାକାବ୍ ହରାତେ ଅକନ୍‌କ ପାପ୍‌ହେତେ ଫାର୍‌ତିୟାକାନାକ, ଇନ୍‌କୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାଦ୍‌କଆ ।

୧୫ ଆତଃ ପାବିତାର୍ ଆମ୍‌ହଗି ଆବୁକେ ଇନିୟାଃ ଗାଞ୍ଜା ଏମ୍‌କେଦ୍‌ତେ କାଜିକାଦା,

୧୭ “ପ୍ରାଭୁ କାଜିୟାଃଏ,

ହିଜୁଃ ଦିପିଲିକରେ ଆଇଙ୍ଗ ଇନ୍‌କୁଲଃ ନେ ନାଞ୍ଜା ରାଜିନାମା ବାଇୟାଇଙ୍ଗ,  
ଆଇଙ୍ଗ ଆଇୟାଃ ଆନ୍‌ଚୁକେ ଇନ୍‌କୁଆଃ ମନ୍‌ସୁରୁଦରେଇଙ୍ଗ ଦହୟା  
ଆତଃ ଆକଆଃ ମନ୍‌ରେଇଙ୍ଗ ଅଲେୟା ।”

୧୭ ଇନିଃ ଆତଃଗି କାଜିୟାଃ, “ଆଇଙ୍ଗ ଇନ୍‌କୁଆଃ ପାପକ ଆତଃ ଏଡକାନ୍ କାମିକ  
କାଇଙ୍ଗ ପାହାମେୟା ।” ୧୮ ଏନାତେ ଇନ୍‌କୁ ଛାମା ନାମାକାଦ୍‌ରେଦ, ପାପ ଛାମା  
ନାଗେନ୍ତେ ଆତଃମିସା ଦାଣ୍ଠୋରାକାବ୍ କା ଲାଗାତିଙ୍ଗୟାଃ ।

ପାର୍‌ମେଶ୍‌ବରଆଃ ହେପାଦ୍‌ତେ ହିଜୁଃକାବୁ

୧୯ ଏନାତେ ହେ ହାଗା ମିଗିକ, ଯୀଶୁଆଃ ଗନଏଃ ହରାତେ ଆବୁ ପୁରାଃ ପାବିତାର୍  
ଠାୟାଦ୍‌ରେ ବଲ ନାଗେନ୍ତେ ପୁରା ଆକ୍‌ତେୟାର୍‌ବୁ ନାମାକାଦା । ୨୦ ପାବିତାର୍ ଆତଃ  
ପୁରାଃ ପାବିତାର୍ ଠାୟାଦ୍‌ରେୟାଃ ହାନାଟିଙ୍ଗ୍ ଆଲାରେ ତୁଙ୍ଗାକାନ୍ ଦାନାଙ୍ଗ୍‌ଲିଜାଃ  
ହରାତେ ବଲ ନାଙ୍ଗ୍ ଯୀଶୁଆଃ ଗନଏଃ ହରାତେ ଆବୁଆଃ ନାଙ୍ଗ୍ ମିଆଁଦ୍ ଜୀନିଦ୍‌ରାଃ  
ନାଞ୍ଜା ହରା ନିଜାକାନା । ୨୧ ପାର୍‌ମେଶ୍‌ବରଆଃ ଅଡ଼ାଃ ନାହାଁଃ ଆବୁଆଃ ମାରାଙ୍ଗ୍  
ଯାଜାକ୍‌ଆଃ ଜିମାରେ ମେନାଃ । ୨୨ ଏନାତେ ଆବୁ ଫାର୍‌ତି ମନ୍‌ସୁରୁଦ୍‌ତେ ଆତଃ  
ସାର୍‌ତି ବିଶ୍ୱାସ୍‌ଲଃ ପାର୍‌ମେଶ୍‌ବରଆଃ ହେପାଦ୍‌ତେବୁ ସେନା, ଚିଆଃଟି ଆବୁ ନାହାଁଃ  
ଚିଟାକାନ୍ ବିବେକ୍‌ହେତେ ଖ୍ରୀଷ୍ଟ୍‌ଆଃ ମାୟୋମ୍‌ତେ ଫାର୍‌ତିକାନାବୁ ଆତଃ ଆବୁଆଃ  
ହଡ଼ମ୍ ନିରାଲ୍ ଦାଆଃରେ ଆବୁଙ୍ଗ୍‌କାନା । ୨୩ ଆବୁଆଃ ଅକନ୍ ଆସ୍ତା ମେନାଃ  
ମେନ୍ତେ କାଜିତାନାବୁ, ଏନାରେ ଆବୁ ପୁରାଃ ପକ୍‌ତାକେଦ୍‌ତେ ତାଇନ୍ ଲାଗାତିଙ୍ଗୟାଃ,  
ଚିୟାଃଟି ଆବୁ ପାର୍‌ମେଶ୍‌ବରଆଃ ବାନାର୍‌ସାରେ ପାତିୟାର୍ ଦାଡ଼ିୟାବୁ । ୨୪ ଦୁଲାଡ୍  
ଆତଃ ବୁଗିନ୍ କାମି ନାଗେନ୍ତେ ମିହୁଡ୍ ଆତଃମିହୁଡ୍‌ଲଃ ଦେଙ୍ଗାଞ୍ଜାଃବୁ । ୨୫ ଅକନ୍‌କ  
କାଲିସିୟାରେ ହୁଣ୍ଡିୟାଃ ନାଗେନ୍ତେ କାକ ସାନାଙ୍ଗ୍‌ତାନା, ଇନ୍‌କୁଆଃ ଲେକା ଆବୁ  
କାବୁ କାମିୟା । ମେନ୍‌ଦ୍ ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡେଜଃ ତାନା ମେନ୍ତେ  
ସାରିକେଦ୍‌ତେ ମିହୁଡ୍ ଆତଃମିହୁଡ୍‌ଆଃ ଜୀଉରେ ରାସ୍‌କା ଏମ୍‌ତାନ୍‌ଲଃ ତାଇନାଃବୁ  
।

୨୬ ଆବୁତାଃରେ ସାନାର୍‌ତି ଉଦୁବ୍‌ୟାନ୍ ତାୟମ୍‌ତେ ଆବୁ ସାରି ସାରିଗି ପାପ୍  
କାମିରେ ତାଇନାଃବୁରେଦ, ଆତଃ ଜେତାନ୍ ଦାଣ୍ଠୋ ଆବୁକେ ପାପ୍‌ହେତେ ରାଡ଼ା  
କାଏ ଦାଡ଼ିୟା । ୨୭ ତାବ୍‌ଦ୍, ଆବୁ ହିଜୁଃତାନ୍ ମାରାଙ୍ଗ୍ ବିଚାର୍‌ରେ ପାର୍‌ମେଶ୍‌ବରଆଃ  
ବିରୁଧ୍‌ରେ କାଜିକଟଙ୍ଗ୍ ହଡ଼କ ନାଗେନ୍ତେ ତାଇନକାନ୍ ପୁରାଃଗି ସେଙ୍ଗେଲ୍‌ରେ  
ଜିୟନିଃ ଦାସାକେ ବରକେଦ୍‌ତେ ତାଙ୍ଗ୍‌ତେୟାଃଏତେ ଆବୁଆଃ ଏଟାଃ ଦାସା ବାନଃଆ  
। ୨୮ ଜେତାଏ ମୁଣା ନାବାଆଃ ଆନ୍‌ଚୁ କାଏ ମାନାତିୟେଆ ଆତଃ ବାରିଆ  
ତାଏ ଏନାଏତେ ଆଦ୍‌କା ଗାଞ୍ଜା ଏମ୍ ହଡ଼କଆଃ ଗାଞ୍ଜାତେ ଇନିଃ ଗୁଣ୍ଡାଁ ମେନ୍ତେ  
କାଜିୟାଃଆ, ଆତଃ ଇନିଃକେ କା ଲିନିବୁଇକେଦ୍‌ତେ ଗନଏଃ ସାଜାଇ ଏମାଃଏ  
। ୨୯ ତାବ୍‌ଦ୍ ଉଡ଼ୁଲେପେ, ଜେତାଏ ପାର୍‌ମେଶ୍‌ବରଆଃ ହନ୍‌କେ ହିଲାଙ୍ଗ୍‌ଇତାନା  
ଆତଃ ପାର୍‌ମେଶ୍‌ବରଆଃ ନାଞ୍ଜା ରାଜିନାମାରେୟାଃ ମାୟୋମ୍ ହରାତେ ପାପ୍‌ହେତେ  
ଫାର୍‌ତିକାନ୍ ତାଇକେନ୍‌ରେୟ, ଇନିଃ ଏନାକେ ହିଲାଙ୍ଗ୍‌ୟେତାନା ଆତଃ ସାୟାଦ୍  
ଏମ୍‌ନିଃ ପାବିତାର୍ ଆମ୍‌କେ କା ମାନାତିଙ୍ଗ୍‌ରେଦ, ଇନିଃ ଚିମିନ୍ ପୁରାଃଗି  
ସାଜାଇ ନାମେ ଲେକାଏ ହବାଅଃଆ ? ୩୦ ଚିୟାଃଟି “ଆଇୟାଃ ବାଦ୍‌ଲା  
ଇଦିରେୟାଃ ଆକ୍‌ତେୟାର୍ ମେନାଃ, ଆଇଙ୍ଗ୍ ସାଜାଇ ଏମ୍‌ନିଃ ତାନିଙ୍ଗ୍” ନେ କାଜି  
କାଜିକେଦ୍‌ନିଃକେ ଆବୁ ସାରିତାନାବୁ । ଇନିଃ ଆତଃଗି କାଜିକାଦା, “ପ୍ରାଭୁ ଆୟାଃ  
ହଡ଼କକେ ବିଚାର୍‌କଆ ।” ୩୧ ଜୀନିଦ୍ ପାର୍‌ମେଶ୍‌ବରଆଃ ବିଚାର୍‌ରେ ତିଙ୍ଗ୍‌ନ୍‌ତେୟାଃ  
ଚିମିନ୍ ବରଞ୍ଜାନଗିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ, ପାର୍ମେଶ୍ୱାର୍ଥାଃ ମାର୍ସାଲ୍ ନାମ୍‌କେଦ୍ ତାୟମ୍‌ତେ, ଆପେ ଚିମିନ୍ ରାକାମ୍‌ରେୟାଃ ଦୁକୁ ସାସାତିପେ ନାମ୍‌କେଦା, ଏନ୍‌ରେୟ ଆପେ କାପେ ହାରାଅୟାନା । ୩୩ ମିସା ମିସାଦ ଆପେ ହଡ଼କଆଃ ଆୟାର୍‌ରେ ହିଲାଙ୍ଗ୍‌ଆଃ ଲେକା ଆତଃ ଦୁକୁତେ ଲାନ୍ଦାଆଃ ଲେକାପେ ହବାୟାନା । ଏନ୍‌ଲେକାତେ ଆପେ ଅକନ୍ ହଡ଼କ ନେ'ଲେକା ସାହାତିଙ୍ଗ୍ ତାଇକେନାକ, ଇନ୍‌କୁଲଃ ମେସା ନାଗେନ୍ତେ ସେକାଡ଼ୟାନାପେ । ୩୪ ଆପେ ଜେହେଲାକାନ୍‌କଆଃ ଦୁକୁ ହାସୁରେପେ ଦୁକୁୟାନା ଆତଃ ଆପେୟାଃ ଖୁଜ୍‌କ ସବେନାଃ ରେଃକ୍‌ଇଦିୟାନା, ଇମ୍‌ତା ଆପେ ରାସକାତେ ସାହାତିଙ୍ଗ୍‌କେଦାପେ, ଚିୟାଃଚି ଆପେୟାଃ ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଜ୍‌ ମେନାଃ, ଏନାପେ ସାରିକାଦା । ୩୫ ଏନାମେନ୍ତେ ଆପେ ଜୀଉରେ କେଟେଦ୍‌କାଦ୍‌ତେୟାଃ ଆଲ୍‌ପେ ଆଦେୟା, ଚିୟାଃଚି ଏନାରେ ପୁରାଃଗି ନାଲା ନାମଃଆ । ୩୬ ପାର୍ମେଶ୍ୱାର୍ଥାଃ ମନେ ପୁରାକେଦ୍‌ତେ, ଇନିଃ ଏମାବୁଆଏ ମେନ୍ତେ ବାନାର୍‌ସା ଏମାକାଦାଏ, ଏନାକେ ନାମେ ନାଙ୍ଗ୍ ଧୂରାଜ୍ ସାବ୍‌କେଦ୍‌ତେ ତାଇନ୍‌ପେ । ୩୭ ଚିୟାଃଚି ଧାରାମ୍ ପୁଥ୍‌ରେ ଅଲାକାନା, “ଆତଃ କାଚିଃ ଘାଡ଼ିକାଦ୍ ତାଙ୍ଗିପେ,

ଅକଏୟାଃ ହିନିଜୁଃରାଃ ମେନାଃ,  
ଇନିଃ ହିଜୁଃଆଏ, କାଏ ବିଲାମେୟା,

୩୮ ଆଇୟାଃ ଧାର୍‌ମାନ୍ ହଡ଼ ବିଶ୍ୱାସ୍ ହରାତେ ବାଞ୍ଛାଅଃଆ,  
ମେନ୍‌ଦ୍ ଜେତାଏ ତାୟମ୍‌ତେ ରୁହାଡ଼ନିଃକେ  
ଆଇଙ୍ଗ୍ କାଇଙ୍ଗ୍ ସୁକୁଃଆ ।”

୩୯ ଆଲେ ଦୟା ରୁହାଡ଼କେଦ୍‌ତେ ଜିୟନଃ ଲେକାନ୍ ହଡ଼କ ନାହାଁଲାଲେ, ମେନ୍‌ଦ୍ ପୁରାଃ ବିଶ୍ୱାସ୍‌କାଦ୍ ଆତଃ ଜୀଉ ବାଞ୍ଛାଅ ନାମାକାଦ୍ ହଡ଼କ ତାନ୍‌ଲେ ।

## ୧୧

ବିଶ୍ୱାସ୍‌ରେୟାଃ ନାମୁନା

୧ ଆବୁ ଆସ୍ତାକାଦ୍‌ତେୟାଃ ନାମ୍‌ୟାନା ମେନ୍ତେ ସାରିତେୟାଃ ଆତଃ କା ନେଲଃତାନ୍‌ତେୟାଃରାଃ ସାର୍‌ଚି ସେଣ୍‌ଗି ବିଶ୍ୱାସ୍ ତାନାଃ । ୨ ସିଦା ଦିପିଲିରେନ୍ ପ୍ରାଚିନ୍‌କ ଆକଆଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଥାଃ ମାଇନ୍ ନାମେ ଲେକାକ ହବାୟାନା ।

୩ \*ପାର୍ମେଶ୍ୱାର୍ଥାଃ ଆନାରୁତେ ନେ ଅତେଦିଶ୍ୱମ୍ ବାଇୟାନା ଆତଃ କା ନେଲଃତେୟାଃଏତେ ନେଲଃତେୟାଃ ବାଇୟାନା, ନେ କାଜି ବିଶ୍ୱାସ୍‌ତେ ଏସ୍‌କାର୍ ଆବୁ ସାରିତାନାବୁ ।

୪ ବିଶ୍ୱାସ୍ ହରାତେ ହାବିଲ୍ ପାର୍ମେଶ୍ୱାର୍ଥାଃ ଆୟାର୍‌ରେ କୟିନ୍‌ଏତେ ପୁରାଃ ବୁଗିନ୍ ଦାଣ୍ଠି ରାକାବ୍‌କେଦା । ଆୟାଃ ବିଶ୍ୱାସ୍ ହରାତେ ଇନିଃ ଧାର୍‌ମାନ୍ ମେନ୍ତେ ଉଦୁବେନ୍‌ୟାନା, ପାର୍ମେଶ୍ୱାର୍ ଆଇଃକ୍‌ଗି ଆୟାଃ ଦାନ୍ ବିଷାଏରେ ଗାଞ୍ଜା ଏମ୍‌କେଦାଏ, ଆତଃ ଇନିଃ ଗଏଃକାନ୍‌ରେୟ ବିଶ୍ୱାସ୍ ହରାତେ ତିସିଙ୍ଗ୍ ଜାକେଦ୍ ବାଞ୍ଚାଣ୍ଡତାନାଏ ।

୫ ବିଶ୍ୱାସ୍ ହରାତେ ହନୋକ୍ ବେଗାର୍ ଗନ୍‌ଏଃତେ ପାର୍ମେଶ୍ୱାର୍ଥାଃ ଜାପାଃତେ ସେନଃୟାନା ଆତଃ ଜେତାଏ ଇନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଥ୍‌ରେ ଅଲାକାନା, ହନୋକ୍ ପାର୍ମେଶ୍ୱାର୍ଥାଃ ହେପାଦ୍‌ତେ ସେନଃ ସିଦାରେ ଆୟାଃ ସୁକୁଆନ୍ ଲେକାଗି ହବାୟାନା । ୬ ବିଶ୍ୱାସ୍ ବେଗାର୍ ଜେତାଏ ପାର୍ମେଶ୍ୱାର୍‌କେ ସୁକୁ କାଏ ଦାଡ଼ିୟା, ଚିୟାଃଚି ଜେତାଏ ପାର୍ମେଶ୍ୱାର୍ଥାଃ ହେପାଦ୍‌ତେ ହିଜୁଃଆ ଇନିଃକେ

ପାର୍ଫେଶ୍ଵାର୍ ମେନାଇୟା ମେନ୍ତେ ବିଶ୍ଵାସ୍ ରିକା ଲାଗାତିଙ୍ଗ୍‌ୟାଃ, ପାର୍ଫେଶ୍ଵାର୍‌କେ ଦାଣ୍ଡାତାନ୍ ହଡ଼କଆଃ ଆସ୍ତା ପୁରାଏୟାଏ ମେନ୍ତେହ୍ ବିଶ୍ଵାସ୍ ରିକା ଲାଗାତିଙ୍ଗ୍‌ୟାଃ ।

୭ ବିଶ୍ଵାସ୍ ହରାତେ ନୁହ୍ଁ ହିନ୍ଦୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍ଫେଶ୍ଵାର୍‌ଆଃ ଚେନେତାଅ କାଜି ଆୟୁମ୍ ଦାଡ଼ିକେନା । ଇନିଃ ପାର୍ଫେଶ୍ଵାର୍‌ଆଃ ଆନାରୁ ମାନାତିଙ୍ଗ୍‌କେଦତେ ମିଆଁଦ୍ ଜାହାଜ୍ ବାଇକେଦାଏ । ଏନାରେ ଆଇଃକ୍ ଆଡଃ ଆୟାଃ ଅଡଃରେନକ ବାସ୍ତାଅ ଦାଡ଼ିୟାନା । ଆଡଃ ଅତେଦିଶ୍ଵମ୍‌ରେନ୍ ହଡ଼କ ସାଜାଇକ ନାମକେଦା, ମେନ୍ଦ୍ ନୁହ୍ଁ ଆୟାଃ ବିଶ୍ଵାସ୍ ହରାତେ ଧାର୍‌ମାନ୍‌ରେୟାଃ ନାଲାଏ ନାମକେଦା ।

୮ ପାର୍ଫେଶ୍ଵାର୍ ଆବ୍ରାହାମ୍‌କେ ଅକନ୍ ଦିଶ୍ଵମ୍ ଏମାମେୟାଈଙ୍ଗ୍ ମେନ୍ତେ ବାନାର୍‌ସା ଏମାକାଇ ତାଇକେନାଏ, ଏନ୍ ଦିଶ୍ଵମ୍‌ତେ ସେନଃ ନାଗେନ୍ତେ ପାର୍ଫେଶ୍ଵାର୍ କେଡ଼ାକିଃ ଇମ୍‌ତା ଆବ୍ରାହାମ୍ ବିଶ୍ଵାସ୍‌ତେ ପାର୍ଫେଶ୍ଵାର୍‌ଆଃ ଆନାରୁ ଆୟୁମ୍‌କେଦାଏ, ଆଡଃ ଆଇଃକ୍‌କେ କତାଃତେ ସେନ୍ ଲାଗାତିଙ୍ଗ୍‌ୟାଈ ଏନାହ୍ ବେଗାର୍ ସାରିତେ ଇନିଃ ଆୟାଃ ଦିଶ୍ଵମ୍‌କେ ବାଗିକେଦତେ ଅଡ଼ଙ୍ଗ୍‌ୟାନା । ୯ ଇନିଃ ବିଶ୍ଵାସ୍ ହରାତେ ପାର୍ଫେଶ୍ଵାର୍ ବାନାର୍‌ସା ଏମାକାଦ୍ ଦିଶ୍ଵମ୍‌ରେ ଏଟାଃ ଦିଶ୍ଵମ୍‌ରେନ୍ ଲେକାଏ ତାଇନ୍‌ୟାନା । ଇନିଃ କୁମ୍‌ମ୍‌ରେ ତାଇନ୍‌ୟାନା ଆଡଃ ଆୟାଈ ଲେକା ପାର୍ଫେଶ୍ଵାର୍‌ତେ ବାନାର୍‌ସା ଏମାକାନ୍ ଇସାକ୍ ଆଡଃ ଯାକୁବ୍‌ହରି ଏନ୍‌ଲେକା କୁମ୍‌ମ୍‌ରେ ତାଇନ୍‌କାନ୍ ତାଇକେନାକିନ୍ । ୧୦ ଚିୟାଃତି ଅକନ୍ ନାଗାର୍ ଜାନାଅରେୟାଈ ନିହ୍ଁ ଗାତା ତାନାଃ, ଏନାକେ ନାକ୍‌ସା ଏମ୍‌ନିଃ ଆଡଃ ବାବାଇନିଃ ପାର୍ଫେଶ୍ଵାର୍‌ଗି ତାନିଃ । ଆବ୍ରାହାମ୍ ଏନ୍ ନାଗାର୍‌କେ ନେଲ୍‌ହରା ତାଇକେନା ।

୧୧ ସାରା ପୁରାଃଗି ବୁଡ଼ିଆକାନ୍ ହରାତେ ଆୟାଈ ହନ୍‌ଗାଁଣା ହବାଅଃରେୟାଈ ପେଡ଼େଃ କା ତାଇକେନ୍‌ରେୟ, ବିଶ୍ଵାସ୍ ହରାତେ ଆବ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନାଏ । ପାର୍ଫେଶ୍ଵାର୍ ଆୟାଈ ବାନାର୍‌ସାକେ ପୁରାଏୟା ମେନ୍ତେ ଆବ୍ରାହାମ୍ ବିଶ୍ଵାସ୍‌କାଦ୍ ତାଇକେନାଏ । ୧୨ ଆବ୍ରାହାମ୍ ଗଜଃଲେକାଏ ତାଇକେନ୍‌ରେୟ, ଆୟାଈତାଃଏତେ ସିର୍ମାରେ ମେନାକ ଇପିଲ୍ ଆଡଃ ଦରେୟା ଗେନାରେୟାଈ କା ଲେକାଅଃ ଗିତିଲ୍ ଇମ୍‌ନାଙ୍ଗ୍ ହନ୍‌ଗାଁଣାକ ହବାୟାନା ।

୧୩ ଏନ୍ ସବେନ୍‌କ ବିଶ୍ଵାସ୍‌ରେକ ଗଏଃୟାନା । ପାର୍ଫେଶ୍ଵାର୍ ଇନ୍‌କୁକେ ବାନାର୍‌ସା ଏମାକାଦ୍‌କ ତାଇକେନ୍‌ତେୟାଈ ଇନ୍‌କୁ କାକ ନାମ୍ ଦାଡ଼ିକେଦା, ମେନ୍ଦ୍ ସାଜିନେତେ ଏନାକେ ନେଲ୍‌କେଦ୍‌ତେକ ଦାର୍‌ମ୍‌କେଦା, ଆଡଃ ଇନ୍‌କୁ ଆପାନ୍‌କେ ଏଟାଈ ଦିଶ୍ଵମ୍‌ରେନ୍ ତାନ୍‌ରୁ ମେନ୍ଦ୍ ନେ ଅତେଦିଶ୍ଵମ୍‌ରେ ତାଇନ୍‌ତାନାରୁ ମେନ୍ତେକ ମାନାତିଙ୍ଗ୍‌କେଦା । ୧୪ ନେ'ଲେକା କାଜିତାନ୍‌କଦ୍, ଆଲେ ନାଗେନ୍ତେ ଆଲେୟାଈ ଦିଶ୍ଵମ୍‌ଲେ ଦାଣ୍ଡାତାନା ମେନ୍ତେକ ଉଦୁବେନ୍‌ତାନା । ୧୫ ଇନ୍‌କୁ ବାଗିକାଦ୍ ଦିଶ୍ଵମ୍‌କେ ଆଡଃ କାକ ଉଡ଼ୁ ତାଇକେନା, ଇନ୍‌କୁ ଉଡ଼ୁକାତେ ତେୟାଈକରେଦ୍, ଏନ୍ତାଈତେ ରୁହାଡ଼୍ ନାଗେନ୍ତେ ହରାକ ନାମାକାଡେତେୟାଈ । ୧୬ ମେନ୍ଦ୍ ଇନ୍‌କୁ ପୁରାଈ ବୁଗିନ୍ ଦିଶ୍ଵମ୍, ଚାଏ ସିର୍ମା ଦିଶ୍ଵମ୍‌ତେ ସେନଈ ନାଗେନ୍ତେକ ତେଡାଙ୍ଗ୍‌ତାନା । ଏନା ନାଗେନ୍ତେ ଆଇଙ୍ଗ୍ ଇନ୍‌କୁଆଈ ପାର୍ଫେଶ୍ଵାରାଈଙ୍ଗ୍ କାଜିୟାଈ ମେନ୍ତେ ପାର୍ଫେଶ୍ଵାର୍ କାଏ ଗିହୁଃକାନ୍ ତାଇକେନା, ଚିୟାଈତି ଇନିଈ ଇନ୍‌କୁ ନାଗେନ୍ତେ ମିଆଁଦ୍ ନାଗାର୍ ବାଇସେକାଡ଼ାକାଦାଏ ।

୧୭ ପାର୍ଫେଶ୍ଵାର୍ ଆବ୍ରାହାମ୍‌କେ ବିଡ଼ାଅକିଈ ଇମ୍‌ତା, ବିଶ୍ଵାସ୍‌ତେ ଆବ୍ରାହାମ୍ ଆୟାଈ ହନ୍‌କଡ଼ା ଇସାକ୍‌କେ ଦାଣ୍ଡା ରାକାବ୍ ନାଙ୍ଗ୍ ସେକାଡ଼୍‌ୟାନାଏ । ପାର୍ଫେଶ୍ଵାର୍ ଆବ୍ରାହାମ୍‌କେଗି ଆୟାଈ ବାନାର୍‌ସା କାଜି ଏମାକାଇ ତାଇକେନାଏ, ଏନ୍‌ରେୟ ଆବ୍ରାହାମ୍ ଆୟାଈ ମିଆଁଦ୍‌ଗି ହନ୍‌କଡ଼ାକେ ଦାଣ୍ଡା ରାକାବ୍ ନାଗେନ୍ତେ ସେକାଡ଼୍‌ୟାନା । ୧୮ ପାର୍ଫେଶ୍ଵାର୍ ଇନିଈକେ କାଜିକିୟା, “ଆଇଙ୍ଗ୍ ଆମ୍‌କେ ଅକନ୍ କିଲି





ନେତା କା ହବାଅଥଆ । ୩୩ ବିଶ୍ୱାସ୍ ହରାତେ ଇନ୍ଦକୁ ଲାଡ଼ାଇକେଦତେ ରାଇଜକ ଆମ୍ଲିଆକେଦା । ଇନ୍ଦକୁ ପୁରାଃ ବୁଗିନାଃ କାମିକ କାମିକେଦା ଆତଃ ପାର୍ମେଶ୍ୱାର୍ ଏମାକାଦ୍ ବାନାର୍ଯାକ ନାମକେଦା । ଇନ୍ଦକୁ କୁଲାଇଆଃ ମଚାକ ତେପେଦକେଦା, ୩୪ ସେଙ୍ଗେଲ୍ରେୟାଃ ପୁରାଃ ଏଲାଇକ୍ ହକାକେଦା ଆତଃ ଲେସେର୍ ତାରାଉଡ଼ିଏତେକ ବାଞ୍ଛାଅୟନା । ଇନ୍ଦକୁ କା ପେଡ଼େୟାନ୍ତିକ ତାଇକେନା, ମେନ୍ଦ୍ ପୁରାଃ ପେଡ଼େୟାନ୍ଦ୍ ହବାୟନା, ଲାଡ଼ାଇରେ ଜିତାଅୟନାକ ଆତଃ ଏଟାଃ ଦିଶ୍ୱମ୍ରେନ୍ ପାଲ୍ଟାନ୍ଦକଆଃ ଗାଡ଼କ୍ରେ ଧାସୁଡ଼କେଦାକ । ୩୫ ବିଶ୍ୱାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଚୁମ୍କେ ଜାଉବିରିଦାକାନ୍ ନାମ୍ବୁହାଡ଼୍ କେଦକଆକ । ଏଟାଃକ ପୁରାଃ ବୁଗିନ୍ ଜାଉବିନ୍ରିଦ୍ ନାମେରେୟାଃ ଆସ୍ତାରେ, ରାଡ଼ାନ୍ କା ସାନାଙ୍ଗକେଦତେ ପୁରାଃ ସାସାତିକ ନାମକେଦା ।

୩୬ ଚିମିନ୍ ହଡ଼କକେ ଲାନ୍ଦାକେଦକଆକ, ଆତଃ ଚିମିନ୍କକେ ଚାବୁକ୍ତେକ ହାଁଣ୍ଟାକେଦକଆ, ଆତଃକକେ ସିକିଡ଼ିତେ ତଲ୍ଲକେଦତେ ଜେହେଲ୍ତେକ ଇଦିକେଦକଆ । ୩୭ ଆତଃ ଚିମିନ୍ ହଡ଼କକେ ଦିରିତେକ ଚିଦ୍ଗି ଗଏଃକେଦକଆ ଆତଃ କାରାଡ଼ତେକ ବାର୍ ହିସାକେଦକଆ, ଆତଃ ତାରାଉଡ଼ିତେକ ଗଏଃକେଦକଆ, ଆତଃ ଅକଏ ଅକଏଦ ମିଶ୍ଟି ଆତଃ ମେରମ୍କଆଃ ଉହୁର୍ ତୁସିଙ୍ଗକେଦତେ ନାରାଦୁରାଗି, ସାସାତି ଆତଃ ସିଗିଦ୍ୟାନ୍ଲଃ ନେତେ ହାନ୍ତେକ ହନର୍ବାଡ଼ା ତାଇକେନା । ୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶ୍ୱମ୍ରେ ବୁଗିନ୍ ଠାୟାଦ୍ କା ତାଇକେନା । ଇନ୍ଦକୁ କା ଚିଙ୍ଗାନ୍ ହଡ଼ ଲେକା ହନର୍ବାଡ଼ାନ୍ଲଃ ବିରରେ, ବୁରୁରେ, ଆତଃ ଅତେରେୟାଃ ଲାପାଙ୍ଗା ଆତଃ ସୁରୁଙ୍ଗରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ୱାସ୍ ହରାତେ ମାଇନ୍ ନାମେଲେକାକ ହବାକାନା । ଏନ୍ରେୟ ଇନ୍ଦକୁ ପାର୍ମେଶ୍ୱାର୍ ଏମାକାଦ୍ ବାନାର୍ଯାକେ କାକ ନାମକେଦା, ୪୦ ଚିୟାଃତି ପାର୍ମେଶ୍ୱାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାଟ୍କାଦ୍ ତାଇକେନା । ଇନ୍ଦକୁ ଆବୁଲଃ ଏସ୍କାର୍ ପକ୍ତାଃଅକାକ ମେନ୍ତେ ଆୟାଃ ଇଛାସାନାଙ୍ଗ ତାଇକେନା ।

## ୧୨

### ପାର୍ମେଶ୍ୱାର୍ ଆବୁଆଃ ଆପୁ

୧ ନେ'ଲେକା ଗାଞ୍ଜାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟସାଃରେ ମେନାକଆ, ଏନାମେନ୍ତେ ମାର୍ ହିଜୁଃପେ, ଆବୁ ନିରେତାନ୍ ଇମ୍ତା ଅକନାଃ ଆବୁକେ ଛେକାଦ୍ବୁତାନା ଆତଃ କେଟେୟାନ୍ତି ସାବ୍ବୁତାନ୍ ପାପକେ ବାଗିତାନ୍ଲଃ, ଦଲ୍ଲାବୁ, ଏନ୍ତାଃତେ ନିର୍ ସେଟେରେ ନାଙ୍ଗ୍ ଧୂରାଜ୍ ସାବ୍ବକେଦତେ ଆବୁଆଃ ଆୟାରରେୟାଃ ନିର୍ରେ ହରାରେବୁ ନିର୍ରେୟା । ୨ ଅକନ୍ ଯାଶୁକେ ଆବୁ ମୁନ୍ଦ୍ଏତେ ଚୁଣ୍ଟୁ ଜାକେଦ୍ ବିଶ୍ୱାସ୍କାଇଜାବୁ, ଇନ୍ଦିୟାଃ ଚେତାନ୍ରେଗି ଆବୁଆଃ ମେଦ୍ ଦହକାନ୍କା । ଇନ୍ଦିଃ କୁଗରାଃ ବରତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍ଦ୍ ହିଜୁଃ ଦିପିଲିରେ ଆୟାଃ ନାଙ୍ଗ୍ ଅକନ୍ ରାସ୍କା ମେନାଃ, ଏନା ନାଗେନ୍ତେ କୁଗ୍ରେୟାଃ ଗନଏଃକେ ଇନ୍ଦିଃ ବାନଃ ମେନ୍ତେ କାଏ କାଜିକେଦା, ଆତଃ ନାହାଁଃ ଇନ୍ଦିଃ ପାର୍ମେଶ୍ୱାର୍ଆଃ ରାଜ୍ଗାଦିରେୟାଃ ଜମ୍ସାଃରେ ଦୁବାକାନା ।

୩ ଇନ୍ଦିଃ ପାପିକତାଃଏତେ ଚିମିନ୍ ପୁରାଃଗି ହିଲାଇୟାନା ଆତଃ ଚିମିନ୍ଗି ଦୁକୁ ସାହାତିଙ୍ଗକେଦା, ଏନା ଉଡ଼ଃଲେପେ ! ଏନାତେ ଆପେ ଆପେୟାଃ ମନ୍ଦ୍ରେ ଆଲ୍ପେ ହୁଡ଼ିଙ୍ଗଜାଉଥା ଆତଃ ଆଲ୍ପେ ଲାଗାଉତାରଥା । ୪ ଚିୟାଃତି ଆପେକେ ପାପ୍ ବିରୁଧ୍ରେ ଲାଡ଼ାଇକେଦତେ ନାହାଁଃ ଜାକେଦ୍ ମାୟୋମ୍ ଲିଙ୍ଗିୟାଃ ଲେକା ଆଉରିପେ ହବାଅଥଆ । ୫ ପାର୍ମେଶ୍ୱାର୍ ଆୟାଃ ହନ୍କ ଲେକା ଆପେକେ ଅକ ଜାଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାକାଦାପେ ?

“ଏ ଆଇଁୟାଃ ହନ୍, ପ୍ରାଭୁଆଃ ଚେନେତାଅ କାଜିକେ ରାଞ୍ଜାଲାନ କାଜିଲେକା ଆଲମ୍ ଆଟ୍ଟକାରେୟା,

ଚାଏ ଇନିଃ ଆମ୍ବକେ ଏଗେର୍ଚ୍ଚେ ଇମ୍ବତା ଆଲମ୍ ହୁଡ଼ିଙ୍ଗଜୀଉଃଆ ।

୬ ଚିୟାଃଚି ପ୍ରାଭୁ ଜେତାଏକେ ଦୁଲ୍ଲାଡ଼ାଃଏ, ଇନିଃକେ ଚେତାଅଆଃ,

ଆଡ଼ଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ

୭ ଆପେୟାଃ ଦୁକୁହାସୁକେ ପାର୍ଚ୍ଚେଶ୍ୱାର୍ଆଃ ସାଜାଇତାନାଃ ମେନ୍ତେ ଆଟ୍ଟକାରକେଦ୍ତେ ସାହାତିଙ୍ଗ୍ରେୟେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍ଲାଅ ସାଜାଇ କା ନାମାକାଦ୍ ଜେତା ହନ୍ ମେନାଇୟା ଚି ? ଠ ମେନ୍ଦ୍ ଆପେ ସବେନ୍ଦକ ଆୟାଃ ହନ୍କ ଲେକା ସାଜାଇ କାପେ ନାମାକାଦ୍ରେଦ୍, ଆପେ ସାର୍ଚ୍ଚି ହନ୍ ନାହାଁଲାପେ, ମେନ୍ଦ୍ ଲାମ୍ବି\* ହନ୍ତାନୁପେ । ୯ ଅତେଦିଶୁମ୍ରେନ୍ ଆବୁଆଃ ଆପୁକ ଆବୁକେ ସାଜାଇ ଏମାବୁତାନ୍ରେୟ, ଆବୁ ଇନ୍ଦକୁକେ ମାଇନ୍ଦକ ତାନାବୁ, ତାବ୍ଦ ଆବୁଆଃ ଆମ୍ବିକ୍ ଆପୁଆଃ ଚେନେତାଅରେ ଜାନିଦ୍ ତାଇନଃ ନାଙ୍ଗ୍ ଚିମିନ୍ ଆଦକା ବୁଗିନ୍ ତାଇନ୍ ଲାଗାଡ଼ିଙ୍ଗ୍ୟାଃ ! ୧୦ ଅତେଦିଶୁମ୍ରେନ୍ ଆବୁଆଃ ଆପୁକଆଃ ନେପେଲ୍ରେ ଅକ୍ନାଃ ଠାଉକାଗିୟା, ଏନ୍ଲେକାଗି ଆବୁକେ କାଟିଃ ଘାଡ଼ିକାଦ୍ ନାଙ୍ଗ୍ ସାଜାଇ ଏମାଦ୍ବୁତାନାକ, ମେନ୍ଦ୍ ଆବୁ ପାର୍ଚ୍ଚେଶ୍ୱାର୍ଆଃ ପାବିତାର୍ରେୟାଃ ହାନାଟିଙ୍ଗ୍ବୁ ନାମେକା ମେନ୍ତେ ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃଏ । ୧୧ ସାଜାଇ ନାମେ ଇମ୍ବତା ଆବୁକେ ଦୁକୁ ଆଟ୍ଟକାରାଃ, ସୁକୁ କା ଆଟ୍ଟକାରାଃ । ମେନ୍ଦ୍ ସାଜାଇ ନାମକେଦ୍ତେ ଅକ୍ନକ୍ ଆକଆଃ ଜୀଦାନ୍ ବାଇୟାକାଦାକ, ଇନ୍ଦକୁ ତାୟମ୍ତେ ଜୀଉସୁକୁରେୟାଃ ଧାର୍ମାନ୍ ଜୀଦାନ୍ ଲେକାନ୍ ନାଲାଇ ନାମେୟା ।

ଇନିଦୁ ଆଡ଼ଃ ଚେନେତାଅ

୧୨ ଏନାତେ ଆପେୟାଃ କା ପେଡ଼େୟାନ୍ ତିଃଇକେ ଆଡ଼ଃ ଏକ୍ଲାଅଃତାନ୍ ମୁକ୍ତିକେ କେଟେଜେପେ । ୧୩ କା ସେସେନ୍ ଦାଡ଼ିତାନ୍ କାଟା ଆଲକା ଆଡ଼ମାଃକା ମେନ୍ଦ୍ ବୁଗିୟାଃକା ମେନ୍ତେ ସିଧା ହରାରେ ସେନ୍କାତେକାଏ ।

୧୪ ସବେନ୍ଦକଲଃ ସୁକୁଜୀଉରେ ତାଇନଃ ନାଗେନ୍ତେ ଆଡ଼ଃ ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ ଚିହୁଲେନ୍ଦେ, ଚିୟାଃଚି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡ଼ିୟା । ୧୫ ଜେତାଏ ପାର୍ଚ୍ଚେଶ୍ୱାର୍ଆଃ ସାୟାଦ୍ହେତେ ଆଲକାଏ ରୁହାଡ଼କା, ଏନାମେନ୍ତେ ଚିର୍ଗାଲାଇକାନ୍ ତାଇନ୍ଦେ । ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ବୁଟା ହାରାକରେ, ଏନାରେୟାଃ ମାହୁଁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ । ୧୬ ଜେତାଏ ଆପାଙ୍ଗ୍ କାମିନିଃ ଚାଏ ମିସାଗି ଜମେ ନାଗେନ୍ତେ ଆପ୍ନାଃ ମୁଡ଼କୁଲ୍ରେୟାଃ ଆକ୍ତେୟାର୍କେ ଆଖ୍ରିଙ୍ଗ୍କେଦ୍ ଏଷାଁ ଲେକା କା ଧାର୍ମାନ୍ ଆଲକାଏ ହବାଅଃକା । ୧୭ ତାୟମ୍ତେ ଇନିଃ ଆପୁତେୟାଃ ଆଗିଷ୍ରେୟାଃ ଆକ୍ତେୟାର୍ ନାମେ ନାଗେନ୍ତେ ସାନାଙ୍ଗ୍କେଦ୍ରେୟ, ଇନିଃ ଗେନା ଆଡ଼ମ୍ୟାନାଏ, ପୁରାଃଗି ରାଆଃକେଦ୍ ରେୟ ଆଇଃକ୍ କାମିକାଦ୍ତେୟାଃ କାଏ ବାଦ୍ଲାଅ ଦାଡ଼ିୟାନା ।

୧୮ ଇସ୍ରାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଃତାନ୍ ସେଙ୍ଗେଲ୍, କୁଲ୍କୁଲ୍ ନୁବାଃ, ହୁରଲାସି ହୟ, ୧୯ ବିଙ୍ଗୁଲ୍ ବାଜା ସାଡ଼ି, କାଜିରେୟାଃ ସାଡ଼ି ଆପେ କାପେ ଆୟୁମ୍ । ଇସ୍ରାଏଲ୍ ହଡ଼କ ଏନ୍ ସାଡ଼ି ଆୟୁମ୍କେଦ୍ତେ, ଆଡ଼ଃ କାଲେ ଆୟୁମାଃ ମେନ୍ତେ ବିକ୍ତିକିୟାକ, ୨୦ ଚିୟାଃଚି “ଜେତା ଜାଁତୁହଗି ଏନ୍ ବୁରୁକେ ଜୁଟିଦ୍ତାରେ, ଇନିଃକେ ଦିରିତେ ଚିଦ୍ଗି ଗଏଃ ଲାଗାଡ଼ିଙ୍ଗ୍ୟାଃ” ମେନ୍ତେ ଆବୁକାନ୍ ତାଇକେନା,

\* ୧୨:୮ ୧୨:୮ ବେଗାର୍ ଆପୁରେନ୍ ହନ୍

ଏନାକେ ଇନକୁ କାକ ସାହାତିଙ୍ଗ ଦାଡ଼ିକେନା । ୨୧ ଏନା ନେଲଃରେ ପୁରାଃ ବରଝାନୁଗି ତାଇକେନା ଯେ, ମୁଣା ନାବୀ କାଜିକେଦା, “ଆଇଙ୍ଗ ପୁରାଃଗିଇଙ୍ଗ ବରତାନା ଆତଃ ଏକ୍ଲୀଅଃତାନା ।”

୨୨ ମେନ୍ଦ ଆପେ ସିନାଇ ବୁରୁତେ, ଜାନିନ୍ଦ ପାର୍ମେଶ୍ୱାର୍ ଆଃ ନାଗାର୍ ସିର୍ମାରେୟାଃ ଯାରୁଣାଲେମ୍ତେପେ ହିଜୁଃକାନା, ଅକ୍ତାଃରେଚି କା ଲେକାଦାଡ଼ିୟଃ ସିର୍ମା ଦୁଡ଼କ ହୁଣ୍ଡିୟଃତାନା । ୨୩ ପାର୍ମେଶ୍ୱାର୍ ଆଃ ଅକନ୍ ମୁଡ଼କୁଲ୍ ହନ୍ଦକଆଃ ନୁତୁମ୍ ସିର୍ମାରେ ଅଲ୍ଲାନା, ଆପେ ଇନକୁଆଃ ରାସକାରେ ହୁଣ୍ଡିନ୍ ନାଗେନ୍ତେପେ ହିଜୁଃକାନା । ପାର୍ମେଶ୍ୱାର୍ ସବେନ୍ଦକଆଃ ବିଚାରନିଃ ତାନିଃ, ଆପେ ଇନିଃତାଃତେ ଆତଃ ପକ୍ତକାନନ୍ ଧାର୍ମାନ୍ ହଡ଼କଆଃ ଆମ୍ନାକତାଃତେପେ ହିଜୁଃକାନା । ୨୪ ନାଞ୍ଜା ରାଜିନାମାକେ ଠାହାରାଅକାଦ୍ ଯୀଶୁତାଃତେ ଆତଃ ନେ ହିରୁଚିୟାକାନ୍ ମାୟୋମ୍ ହେପାଦ୍ତେପେ ହିଜୁଃକାନା । ଏନ୍ ହିରୁଚିୟାକାନ୍ ମାୟୋମ୍ ହାବିଲ୍ ଆଃ ମାୟୋମ୍‌ଏତେ ପୁରାଃଗି ବୁଗିନାଃ ତାନାଃ ।

୨୫ ଏନାତେ ଚିର୍ଗାଲ୍ଲାନାନ୍ ତାଇନ୍ଦପେ, ଇନିୟାଃ କାଜିକେ ଆୟୁମ୍ ନାଗେନ୍ତେ ଆଲ୍ପେ ହିଚ୍ଚିଚାଅଃଆ, ଚିୟାଃଚି ସିର୍ମାରେୟାଃ କାଜି ଅତେଦିଶ୍ୱମ୍ରେ ଉଦୁବକେଦନିଃକେ ଅକନ୍ଦକ କାକ ଆୟୁମ୍‌କିୟା, ଇନକୁ ଜେତାଏ କାକ ବାଚାଅୟାନା । ଏନ୍ରେଦ, ନାହାଃ ଅକଏଚି ସିର୍ମାରେ ତାଇନ୍ଦକେଦ୍ତେ କାଜିତାନାଏ, ଇନିଃକେ ଆବୁ କାରୁ ମାନାତିଙ୍ଗରେଦ ଚିନାଃ ଆବୁ ବାଞ୍ଜାଞ୍ଜେନ୍ ଦାଡ଼ିୟାବୁ ? ୨୬ ଏନ୍ ଦିପିଲିରେ ଇନିୟାଃ ଲାବ୍‌ଜା ଅତେକେ ଏକ୍ଲୀଅକେଦାଏ, ମେନ୍ଦ ନାହାଃ ଇନିଃ ବାନାର୍‌ସା ଏମାକାଦାଏ, “ଆଇଙ୍ଗ୍ ଆତଃମିସା ଅତେକେ ଏସକାର୍ କାହା, ମେନ୍ଦ ସିର୍ମାକେହ୍ ଏକ୍ଲୀଅୟାଇଙ୍ଗ୍ ।” ୨୭ “ଆତଃମିସା” ମେନ୍ତେ କାଜିକେଦ୍ ହରାତେ ଆଟ୍‌କାରଃତାନା ଯେ, ବାଇୟାକାନ୍‌ତେୟାଃ ସବେନାଃ ଏକ୍ଲୀଅଃଆ ଆତଃ ଆତମିଃଆ ଆତଃ ଅକ୍ନାଃ କା ଏକ୍ଲୀଅଃଆ ଏନା ତାଇନଃଆ ।

୨୮ ଏନାତେ ଆବୁ କା ଏକ୍ଲୀଅଃ ରାଇଜକେବୁ ନାମେତାନ୍ ନାଗେନ୍ତେ ଏଲ୍ଲା ହିଜୁଃପେ, ଆବୁ ପାର୍ମେଶ୍ୱାର୍‌କେବୁ ଜହାରିୟା ଆତଃ ବରଭାନ୍ତିତାନ୍‌ଲଃ ଆୟାଃ ସୁକୁଆନ୍ ହବାଅଃ ଲେକାବୁ ସୁସାରିୟା । ୨୯ ଚିୟାଃଚି ଆବୁଆଃ ପାର୍ମେଶ୍ୱାର୍ ଜିୟନେତାନ୍ ସେଙ୍ଗେଲ୍ ତାନିଃ ।

## ୧୩

ପାର୍ମେଶ୍ୱାର୍‌କେ ସୁକୁଇଚି

୧ ଶ୍ରୀଷ୍ଟିୟାନ୍ ହାଗା ମିଶିକ ମିହୁଡ଼୍ ଆତଃମିହୁଡ଼୍‌କେ ଦୁଲ୍ଲାଡ଼କାତେକୁପେ । ୨ ଆପେୟାଃ ଅଡ଼ାଃତେ ହିଜୁଃତାନ୍ ହଡ଼କକେ ଦାରମ୍‌କ ନାଗେନ୍ତେ ଆଲ୍ପେ ରିଡ଼ିଙ୍ଗ୍‌ୟେଆ । ଚିମିନ୍ ହଡ଼କ ନେଲେକା କାମିତାନ୍ ହରାତେ ବେଗାର୍ ସାରିତେ ସିର୍ମାରେନ୍ ଦୁଡ଼କକେ ଦାରମ୍‌କେଦ୍‌କଆକ । ୩ ଜେହେଲ୍ଲାନାନ୍ ହଡ଼କଲଃ ଆପେୟଗି ଇନକୁଲଃ ଜେହେଲ୍ଲାନାନ୍ ଲେକା ଉଡ଼୍‌କେଦ୍‌ତେ ଇନକୁକେ ପାହାମକୁପେ । ଆପେୟଗି ହାସା ହଡ଼ମ୍‌ରେନ୍ ହଡ଼କତାନ୍‌ପେ ମେନ୍ତେ ଆଟ୍‌କାର୍‌ତାନ୍‌ଲଃ ଦୁକୁହାସୁ ନାମେତାନ୍ ହଡ଼କକେ ପାହାମକୁପେ ।

୪ ଆଶ୍‌ଦିୟଃତେୟାଃ ସବେନ୍ଦକ ନାଗେନ୍ତେ ମାଇନାନ୍ ହବାଅଃକା, ଆତଃ କଡ଼ା କୁଡ଼ି ବାରାନ୍‌କିନ୍‌ଗି ପାଚିୟାର୍‌ରଃ ଲେକାକିନ୍ ହବାଅଃକା । ପାର୍ମେଶ୍ୱାର୍ ହଡ଼ମ୍‌ରାଃ ଏଡ଼କାନ୍ ସାନାଙ୍ଗ୍ କାମିତାନ୍ ଆତଃ ଆପାଙ୍ଗ୍‌ର କାମିତାନ୍‌କକେ ବିଚାର୍‌କଆ ।

୫ ଆପେୟାଃ ଜୀଦାନ୍‌ରେ ଟାକା ପାଏସାରାଃ ହାୟାହେତେ ସାଜିନ୍‌ରେ ତାଇନ୍ଦପେ, ଆତଃ ଆପେତାଃରେ ଅକ୍ନାଃ ମେନାଃ ଇମ୍‌ନାଙ୍ଗ୍‌ରେଗି ସୁକୁକେଦ୍ ତାଇନ୍ଦପେ । ଚିୟାଃଚି ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆମ୍‌କେ ଚିତ୍‌ଲ୍ଲୀଅ କାଇଙ୍ଗ୍

ଆଡ଼ାଃମେୟାଂ, ଚି ଚିଉଲ୍ଲା କାଲ୍ଲଞ୍ଜ ବାଗିମେୟାଂ ।” ୬ ଏନାତେ ଆବୁ ଜୀଉରେ କେଟେଦ୍‌କେଦ୍‌ତେ କାଜି ଦାଡ଼ିୟାବୁ,

“ପ୍ରାଭୁ ଆଇଁୟାଃ ଦେଙ୍ଗାନିଃ ତାନିଃ,  
ଆଇଲ୍ଲଞ୍ଜ କାଲ୍ଲଞ୍ଜ ବରଏୟା ।

ହଡ଼ ଆଇଁୟାଃ ଚିନାଃ ରିକା ଦାଡ଼ିୟାଏ ?”

୭ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍‌ମେଶ୍ୱାର୍‌ଆଃ କାଜିକ କାଜିକେଦ୍‌ପେୟା ଏନା ପାହାମେପେ । ଇନ୍‌କୁଆଃ ଜୀଦାନ୍ ଆତଃ ଗନଏଃ ଚିଲ୍ଲକା ହବାଲେନା ଏନା ପାହାମ୍ ରୁହାଡ଼େପେ ଆତଃ ଇନ୍‌କୁଆଃ ବିଶ୍ୱାସ୍‌କେ ଆପେୟାଃ ଜୀଦାନ୍‌ରେ ଅତଲ୍‌କ୍‌ୟେପେ । ୮ ଯୀଶୁ ଖ୍ରୀଷ୍ଟ ହଲ୍ଲା, ତିସିଙ୍ଗ୍, ଆତଃ ଜାନାଅ ଜାନାଅ ଜାକେଦ୍ ମିଦ୍‌ଗି ତାଇନା । ୯ ରାକାମ୍ ରାକାମ୍ ଏଟାଃ ଇନ୍‌ତୁତେ ଆପେୟାଃ ବୁଗିନ୍ ହରା ଆଲକା ଆଦଃକା । ଚିୟାଃଚି ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍‌କେଦ୍‌ତେଦ କାହାଗି, ମେନ୍‌ଦ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ମନ୍‌ସୁରୁଦ୍‌ରେୟାଃ ପେଡ଼େଃ ନାମେତେୟାଃ ବୁଗିନାଃ ତାନାଃ । ଅକନ୍‌କ ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍‌ ତାନାକ, ଇନ୍‌କୁଆଃ ଜେଡ଼ନାଃ ବୁଗିନାଃ କା ହବାକାନା ।

୧୦ ଆବୁଆଃ ମିଆଁଦ୍ ଦାଣେଁ ରାକାଦ୍‌ରେୟାଃ ବେଦି ମେନାଃ, ଏନାରେ ତାଇନାକାନ୍ ଜମେୟାଂ ଜମ୍ ନାଗେନ୍ତେ ଯିହୁଦୀକଆଃ କୁମ୍‌ମାରେ ସୁସାର୍‌ତାନ୍ ଯାଜାକ୍‌କଆଃ ଆକ୍‌ତେୟାର୍ ବାନଃଆ । ୧୧ ଯିହୁଦୀ ମାରାଙ୍ଗ୍ ଯାଜାକ୍ ଜାତୁରାଃ ମାୟୋମ୍‌କେ ପାପ୍‌ରେୟାଃ ଦାଣେଁ ରାକାଦ୍ ନାଗେନ୍ତେ ପୁରାଃ ପାବିତାର୍ ଠାୟାଦ୍‌ତେ ଆଉଇୟା, ମେନ୍‌ଦ ଏନ୍ ଜାତୁରାଃ ହଡ଼ମ୍‌କେ କୁମ୍‌ମାରେୟାଃ ବାହାରି ଇଦିକେଦ୍‌ତେ ସେଙ୍ଗେଲ୍‌ରେ ଉରୁବଃଆ । ୧୨ ଏନ୍‌ଲେକାଗି ଯୀଶୁହ୍ ଆୟାଃ ମାୟୋମ୍‌ତେ ହଡ଼କକେ ପାପ୍‌ହେତେ ଫାର୍‌ତିକ ନାଗେନ୍ତେ ନାଗାର୍‌ରେୟାଃ ବାହାରିରେ ଗଏଃୟାନା । ୧୩ ଏନାତେ ଦଲ୍ଲାବୁ, ଆବୁହ୍ ଆୟାଃ ଲେକାଗି ଆବୁକେ ଲାୟାବୁତେୟାଃକ ସାହାତିଙ୍ଗ୍‌କେଦ୍‌ତେ ନାଗାର୍‌ରେୟାଃ ବାହାରି କୁମ୍‌ମାତେ ଆୟାଃ ହେପାଦ୍‌ତେବୁ ସେନା । ୧୪ ଚିୟାଃଚି ନେ ଅତେଦିଶୁମ୍‌ରେ ଆବୁ ନାଗେନ୍ତେ ସବେନ୍ ହୁଲ୍ଲଙ୍ଗ୍ ନାଙ୍ଗ୍ ଜେତା ନାଗାର୍ ବାନଃଆ, ମେନ୍‌ଦ ଆବୁ ନାଙ୍ଗ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ, ଏନ୍ ନାଗାର୍‌କେବୁ ନେଲ୍‌ହରାତାନା । ୧୫ ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍‌ମେଶ୍ୱାର୍‌ଆଃ ନୁତୁମ୍‌ରେ ଆବୁଆଃ ସାହାରାଅ ଦାଣେଁବୁ ରାକାବେୟା । ନେ ଦାଣେଁ ଆବୁଆଃ ଲାତଡ଼ାତେ ଯୀଶୁକେ “ପ୍ରାଭୁ” ମେନ୍ତେ ମାରାଙ୍ଗ୍‌ଇଁତାନା । ୧୬ ଏଟାଃକଆଃ ବୁଗିନାଃ କାମି ନାଗେନ୍ତେ ଆତଃ ଇନ୍‌କୁକେ ଦେଙ୍ଗାକ ନାଗେନ୍ତେ ଆଲ୍‌ପେ ରିଡ଼ିଙ୍ଗ୍‌ୟେଆ, ଚିୟାଃଚି ନେ ସବେନାଃଚି ପାର୍‌ମେଶ୍ୱାର୍‌ଆଃ ସୁକୁଆନ୍ ଦାଣେଁ ତାନାଃ ।

୧୭ ଆପେୟାଃ ଆଗୁଆଇକଆଃ କାଜି ମାନାତିଙ୍ଗ୍‌ପେ ଆତଃ ଆକଆଃ କାଜି ଆୟୁମେପେ । ଇନ୍‌କୁ ହର ହଡ଼ଲେକା ବେଗାର୍ ରୁଡ଼ଚୁକଦ୍‌ତେ ଆପେୟାଃ ଜୀଉକ ହରତାନା, ଚିୟାଃଚି ଇନ୍‌କୁକେ ପାର୍‌ମେଶ୍ୱାର୍‌ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାତିଙ୍ଗ୍‌ୟାଂ । ଆପେ ଇନ୍‌କୁକେ ମାନାତିଙ୍ଗ୍‌କରେଦ, ଇନ୍‌କୁ ସୁକୁମନ୍‌ତେ ଆକଆଃ କାମିକ କାମିୟାଂ, ମେନ୍‌ଦ ଆପେ କାପେୟାଃରେଦ, ଇନ୍‌କୁ ଦୁକୁ ମନ୍‌ତେକ କାମିୟାଂ, ଆତଃ ଏନାରେ ଆପେୟାଃ ନାଙ୍ଗ୍ ଜେତାନ୍ ବୁଗିନାଃ କା ହବାଅଃଆ ।

୧୮ ଆଲେ ନାଗେନ୍ତେ ବିକ୍ରିକାତେପେ । ଆଲେୟାଃ ବିବେକ୍ ନିରାଲ୍‌ଗିୟା, ଏନା ସାର୍‌ତି ତାନାଃ, ଚିୟାଃଚି ଆଲେ ସବେନ୍ ଇମ୍‌ତା ବୁଗିନ୍ ଚାଇଲ୍ ଚାଲ୍ଲାନ୍ ରିକା ନାଗେନ୍ତେଲେ ସାନାଙ୍ଗ୍ ତାନା । ୧୯ ଆତଃ ପାର୍‌ମେଶ୍ୱାର୍ ଆଇଙ୍ଗ୍‌କେ ଆପେତାଃତେ ଜାଲ୍‌ଦିଗି କୁଲ୍‌ତାଇଙ୍ଗ୍‌କା ମେନ୍ତେ ବିକ୍ରିପେ । ଆଇଙ୍ଗ୍ ନେଆଁ ଆପେତାଃରେ ଆଇଁୟାଃ ମନ୍‌ସୁରୁଦ୍‌ତେଇଙ୍ଗ୍ ବିକ୍ରିତାନା ।

### ଚୁଣ୍ଡ ବିକ୍ରି

<sup>୨୦</sup> ଅକଏତି ଆୟାଃ ଗନଏଃ ହରାତେ ମିଶ୍ରିକଥାଃ ମାରାଞ୍ଚ ମିଶ୍ରିଗୁପିନିଃ ହବାକାନାଏ, ଆରୁଆଃ ଜୀଉସୁକୁ ଏମଃନିଃ ପାର୍ମେଶ୍ଵାର୍ ଏନ୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ । ଏନ୍ ଯୀଶୁଆଃ ଗନଏଃରେୟାଃ ମାୟୋମ୍‌ତେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରାଃ ମୋହର୍ ଏମାକାନା । <sup>୨୧</sup> ଜୀଉସୁକୁ ଏମଃନିଃ ପାର୍ମେଶ୍ଵାର୍, ଆୟାଃ ସାନାଞ୍ଚ ଲେକା କାମି ନାଗେନ୍ତେ ଆପେକେ ଆପେୟାଃ ଲାଗାତିଞ୍ଚ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆତଃ ଯୀଶୁ ଖ୍ରୀଷ୍ଟଆଃ ହରାତେ ଆରୁଆଃ ଜୀଦାନରେ ଇନିୟାଃ ସୁକୁଆନ୍ କାମିକ ହବାଅଃକା । ଆତଃ ଜାନାଅ ଜାନାଅ ଖ୍ରୀଷ୍ଟଆଃ ମାନାରାଞ୍ଚ ହବାଅଃକା ! ଆମେନ୍ ।

### ଚୁଣ୍ଡ କୁଜି

<sup>୨୨</sup> ହେ ହାଗା ମିଗିକ, ଆଇଞ୍ଚ ବିକ୍ରିପେ ତାନାଇଞ୍ଚ, ଆଇଁୟାଃ ନେ ହୁଡିଞ୍ଚ ଲେକାନ୍ ଅନଲ୍ କାଜିକେ ଧ୍ୟାନ୍ ଏମ୍‌କେଦ୍‌ତେ ଆୟୁମେପେ । ଆଇଞ୍ଚ ଆପେକେ ଜୀଉରେ ରାସ୍‌କାପେ ନାଗେନ୍ତେ ନେଆଁଇଞ୍ଚ ଅଲ୍‌କାଦା । <sup>୨୩</sup> ଆପେ ସାରିପେ ମେନ୍ତେଇଞ୍ଚ ସାନାଞ୍ଚତାନା ଯେ, ଆରୁଆଃ ହାଗା ତୀମଥ୍ ଜେହେଲ୍‌ହେତେ ଅତଞ୍ଚଆଁକାନା, ଇନିଃ ଜାଲ୍‌ଦି ହିଜୁଃରେଦ୍, ଆଇଞ୍ଚ ଆୟାଃଲଃ ମିସାତେ ଆପେତାଃତେ ନେପେଲ୍ ନାଗେନ୍ତେଇଞ୍ଚ ହିଜୁଃଆ ।

<sup>୨୪</sup> ଆପେୟାଃ ସବେନ୍ ଆଗୁଆଇକକେ ଆତଃ ପାର୍ମେଶ୍ଵାର୍‌ଆଃ ହଡକକେ ଆଲେୟାଃ ଜହାର୍ ଉଦୁବାକପେ । ଇଟାଲି ଦିଶୁମ୍‌ହେତେ ହିଜୁଃକାନ୍ ହାଗାକ ଆପେକେହରି ଜହାର୍ ମେନ୍ତେକ କାଜିକୁଲେତାନା ।

<sup>୨୫</sup> ପାର୍ମେଶ୍ଵାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

# ଯାକୁବକ ଲିଖିତ ପତ୍ର ଯାକୁବ୍ ଅଲ୍ଲାକାଦ୍ ଚିତାଉ ପାରିଚାଏ

ଯାକୁବ୍ ପୁଅ ଯାକୁବ୍ ନୁହେଁମତେ ସାରିୟାତାନ୍ ମିଆଁଦ୍ ହତ୍ ଅଲ୍ଲାକାଦାଏ । ହବାସାକାଅଥାଃ ନେ ଯାକୁବ୍ ଯାଶୁ ଶ୍ରୀଷ୍ଟିଆଃ ହାଗାତେ ତାଇକେନା, ଅକଏଚି ଏନେଟେଦ୍ କାଲିସିୟାରେନ୍ ମିଆଁଦ୍ ଆଗୁଆଇ ଆତଃ ଯାରୁଶାଲେମ୍ ପାଞ୍ଚେଟ୍ରେନ୍ ହତ୍ ତାଇକେନାଏ ପ୍ରେରିଡ୍ ୧୫:୧୩ । ପ୍ରେରିଡ୍ ପାଉଲୁସ୍‌ହଗି ଯାକୁବ୍‌କେ କାଲିସିୟାରେନ୍ ଖୁଶୁ ମେନ୍ତେ କାଜିୟା ଗାଲାତିୟ ୨:୯ ।

ଯାକୁବ୍ ପୁଅ ଯାଶୁ ଶ୍ରୀଷ୍ଟିଆଃ ଜାନାମ୍‌ରେୟାଃ ୫୦ ବାରାଷ୍ ତାୟମତେ ଅଲ୍ଲାକାନା ମେନ୍ତେ ବାଇବାଲ୍ ପାଣ୍ଡିଡକ୍ ବିଶ୍ୱାସ୍ ରିକାଃକ । ଯାକୁବ୍ ଯାରୁଶାଲେମ୍‌ରେନ୍ ଆଗୁଆଇ ତାଇକେନାଏ, ଏନାତେ ହବାସାକାଅଥାଃ ଇନିଃ ଏନ୍ତାଃରେ ତାଇନ୍‌ତାନ୍ ଜମ୍‌ତା ଇନିଃ ନେ ପୁଅ ଅଲ୍ଲାକାଦ୍ ତାଇକେନାଏ ।

ଯାକୁବ୍ ଅତେଦିଶୁମ୍‌ରେ ଛିତିବିତିକାନ୍ ଗେଲ୍‌ବାର୍ କିଲିକଆଃ ବିଷାଏରେ ଆୟାଃ ପୁଅରେ ଉଦୁବାକାଦା ଯାକୁବ୍ ୧:୧ । ଯାକୁବ୍ ପୁଅରେୟାଃ ଇନିତୁ ସବେନ୍ ଶ୍ରୀଷ୍ଟିୟାନ୍‌କଆଃ ନାଗେନ୍ତେ ଲାଗାତିଙ୍ଗ୍ ତାନା । ମେନ୍‌ଦ୍ “ଗେଲ୍‌ବାର୍ କିଲିକ” ମେନ୍ତେ କାଜିକାନ୍ କାଜି, ହବାସାକାଅଥାଃ ଯାକୁବ୍ ଯିହୁଦୀ ଶ୍ରୀଷ୍ଟିୟାନ୍‌କକେ ଅଲ୍ଲାକାଦ୍‌କଆ । ଚିଆଃଚି ନେ ପୁଅ ପୁରାଃ ପାଢାଅଃତାନ୍ ହତ୍‌କତାଃତେ ସେଟେରେ ନାଗେନ୍ତେ ତାଇକେନା, ନେଆଁରେ ପୁରାଃ ବିଷାଏକ ଅଲ୍ଲାକାନା । ଯାକୁବ୍ ବିଶ୍ୱାସ୍ ଆତଃ କାମିରେୟାଃ ଚେତାନ୍‌ରେ କାଜିକାଦା ଯେ, ସାର୍‌ତି ବିଶ୍ୱାସ୍ କାମିରେ ଉଦୁବଃଆ ୨:୧୭ । ଇନିଃ କିସାଁଶ୍ ହତ୍‌କକେ ଏସ୍‌କାର୍ ମାଇନ୍ ଏମାକ ବିଷାଏରେ ଚେତାଅ କାଜି କାଜିକାଦା ୨:୧-୪ । ଆତଃ ଆରୁକେ ଉଦୁବ୍‌ରୁ ତାନା ଯେ, ଆରୁ ଜାଗାର୍‌ତାନ୍ ବିଷାଏରେ ଚିର୍ଗାଲ୍‌କାନ୍‌ରୁ ତାଇନା ୩:୧-୧୨ ।

## ପୁଅ ଭିତରରେ ଅଲ୍ଲାକାନ୍ କାଜି

୧. ଯାକୁବ୍ ଆୟାଃ ପାଢାଅତାନ୍‌କକେ ଜହାର୍ ମେନ୍ତେ କାଜିକତାନାଏ । ୧:୧
୨. ଇନିଃ ଶ୍ରୀଷ୍ଟିୟାନ୍‌କକେ ଦୁକୁ ଇମ୍‌ତା ଧୁରାଜ୍ ସାବ୍‌କେଦ୍‌ତେ ତାଇନ୍ ନାଗେନ୍ତେ ଜୀଉରେ କେଟେଦ୍ ଏମାକିତାନାଏ । ୧:୨-୨୭
୩. କାମି ହରାତେ ଚିଲ୍‌କା ବିଶ୍ୱାସ୍‌କେ ଉଦୁବ୍ ଲାଗାତିଙ୍ଗ୍‌ୟାଃ ଏନ୍ ବିଷାଏରେ କାଜିକାଦା । ୨:୧-୨୭
୪. ବାତାନ୍ ଚିଲ୍‌କା ପେଡେୟାନ୍ ହବାଅଃଆ ଏନା ଇନିଃ କାଜିକାଦାଏ । ୩:୧-୧୨
୫. ଯାକୁବ୍ ଅତେଦିଶୁମ୍‌ରେୟାଃ ସେଣାଁ ପାର୍‌ମେଶ୍ୱାର୍‌ଆଃ ସେଣାଁ ଲେକା ନାହାଁଲାଃ ମେନ୍ତେ କାଜିକାଦା । ୩:୧୩-୪:୧୦
୬. ପାଢାଅତାନ୍ ହତ୍‌କକେ ଆପାନ୍‌କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ମେନ୍ତେ ଚେତାଅକ ତାନା । ୪:୧୧-୫:୭
୭. ରୁଶୁରେ ଯାକୁବ୍ ଚିମିନ୍ ହୁପ୍‌ତିଙ୍ଗ୍ ଇନିତୁକ୍ ଏମ୍‌କେଦ୍‌ତେ ଆୟାଃ ଅନଲ୍ ଚାବାକେଦାଏ । ୫:୭-୨୦

୧ ଧର୍ମ ଆଇଁଠା ଯାକୁବ୍ ପାରମେଶ୍ୱାରୀଆଃ ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଦାସି ତାନିଙ୍ଗ୍, ଗଟା ଅତେଦିଶ୍ୱମ୍ରେ ଛିତିବିତିକାନ୍ ପାରମେଶ୍ୱାରୀଆଃ ହଡ଼କକେ ଜହାର୍ କାଜିତାନ୍ଲଃ ନେ ଚିଟାଉ ଅଲେତାନାଇଙ୍ଗ୍ ।

ବିଶ୍ୱାସ୍ ଆତଃ ସେଣ୍ଟାଁ

୨ ହେ ଆଇଁୟାଃ ହାଗା ମିଶିକ, ଜୀଦାନରେୟାଃ ସେସେନ୍ ହରାରେ ଚିମିନ୍ ରାକାମ୍ରେୟାଃ ବିନିଡ଼ାଅ ହିଜୁଃରେଦ, ଏନାକେ ରାସକାରେୟାଃ ବିଷାଏ ତାନାଃ ମେନ୍ତେ ଆବ୍କାରେସେ । ୩ ଚିୟାଃଚି ଆସେ ସାରିତାନାସେ, ନେ'ଲେକାନ୍ ବିନିଡ଼ାଅ ହିଜୁଃତାନ୍ ଇମ୍ତା ବିଶ୍ୱାସ୍ରେ କେଟେଦ୍ ତାଇନଃରେ, ଆସେୟାଃ ସାହାତିଙ୍ଗ୍ରେୟାଃ ପେଡ଼େଃ ହାରାଇଦିୟାଃଆ । ୪ ଆସେ ଚୁଣ୍ଟୁ ଜାକେଦ୍ ସାହାତିଙ୍ଗ୍କେଦ୍ତେସେ ତାଇନଃରେଦ, ଜେତାନ୍ ବିଷାଏରେ କା ଜାଞ୍ଜିକେଦ୍ତେ ପକ୍ତା ଆତଃ ପୁରାକେଦ୍ତେସେ ତାଇନାଃ । ୫ ମେନ୍ଦ୍ ଆପେକଏତେ ଜେତାଏ ସେଣ୍ଟାଁରେ ଜାଞ୍ଜିକାନ୍ରେଦ, ଇନିଃ ପାରମେଶ୍ୱାରୀଆଃରେ ବିକ୍ରିକା, ଏନାରେ ପାରମେଶ୍ୱାର୍ ଇନିଃକେ ସେଣ୍ଟାଁଏ ଏମାଇୟା, ଚିୟାଃଚି ପାରମେଶ୍ୱାର୍ଦ୍ ବେଗାର୍ ହିଚ୍ଚିକାଅକେଦ୍ତେ ଆତଃ ଲେବେଃ ମନ୍ତେ ସବେନ୍କକେ ଏମାଃଏ । ୬ ମେନ୍ଦ୍ ଆସେ ବିକ୍ରି ଇମ୍ତା, ବେଗାର୍ ଆଡ଼ାଃଉଡ଼ୁକେଦ୍ତେ ବିଶ୍ୱାସ୍ତାନଲଃ ବିକ୍ରିସେ । ଆଡ଼ାଃଉଡ଼ୁକେଦ୍ତେ ବିକ୍ରିତାନିଃ, ହୟତେ କା ଆବ୍ରାହାମ୍ ଦରେୟାରେୟାଃ ଆଲ୍ପୁଙ୍ଗ୍ ଲେକାଃଏ । ୭ ଏନ୍ଲେକାନ୍ ହଡ଼ଦ୍, ପ୍ରାଭୁତାଃଏତେ ଜେତ୍ନାଃ ନାମେୟାଃଏ ମେନ୍ତେ ଆଲକାଏ ଉଡ଼ୁଗକା, ୮ ଚିୟାଃଚି ଇନିଃଦ୍ ବାରିଆ ମନ୍ରେନ୍ ହଡ଼ତାନିଃ, ଏନାତେ ଇନିଃ ଆୟାଃ ଉହାବ୍କାଦ୍ତେୟାଃ କାଏ ରିକା ଦାଡ଼ିୟା ।

କିସାଁଣ୍ ଆତଃ ଗାରିବ୍

୯ ଗାରିବ୍ ଖ୍ରୀଷ୍ଟ୍ ବିଶ୍ୱାସୀ ହାଗାକକେ ପାରମେଶ୍ୱାର୍ ଇନ୍କୁଆଃ ଜୀଦାନରେ ହାରାଇଦିକ ଇମ୍ତା ଇନ୍କୁ ରାସକାଅଃକାକ, ୧୦ ଆତଃ କିସାଁଣ୍ ଖ୍ରୀଷ୍ଟ୍ ବିଶ୍ୱାସୀକକେ ପାରମେଶ୍ୱାର୍ ଲାତାରରେ ଉୟୁଃକ ଇମ୍ତା ଇନ୍କୁ ରାସକାଅଃକାକ । ତିଆଃଚି ଇନ୍କୁଆଃ କିସାଁଣ୍ତେୟାଃ ତାସାଦ୍ ବାହା ଲେକା ନୁରକେନଃଆ । ୧୧ ସିକ୍ରି ରାଁପ୍ରେୟାଃ ଲଲ ହୟତେ ତାସାଦ୍ ରହଡ଼କଆଃ, ଆତଃ ଏନାରେୟାଃ ବାହା ନୁରକଆଃ ଏନ୍ତେ ଏନାରେୟାଃ ସୁଗାତାନ୍ତେୟାଃ ଜିୟନ୍କଆଃ । ଏନ୍ଲେକାଗି, କିସାଁଣ୍ ହଡ଼ହ୍ ଆୟାଃ ସବେନ୍ କାଜିକାମିରେୟାଃ ଭିଡ଼୍ରେ ମୁସିଙ୍ଗ୍ ହୁଲାଇଙ୍ଗ୍ ଜିୟନଃଆଏ ।

ବିନିଡ଼ାଅ ଆତଃ ଲାଲାବ୍

୧୨ ବିନିଡ଼ାଅରେ ସାହାତିଙ୍ଗ୍ତାନ୍ ହଡ଼କ ସୁକୁତାନ୍ରିୟାକ, ଚିୟାଃଚି ନେ ଲେକାନ୍ ବିନିଡ଼ାଅରେ ଜିତାଅଃରେଦ, ପାରମେଶ୍ୱାର୍ ଅକ ଜୀଦାନ୍ ଏମ୍ ନାଗେନ୍ତେ ଆଇଃକକେ ଦୁଲ୍ଲାଡ଼ିତାନ୍ ହଡ଼କକେ ବାନାର୍ସା ଏମାକାଦକଆଏ, ଇନ୍କୁ ଏନାକେ ମୁକୁର୍ ଲେକାକ ନାମେୟାଃ । ୧୩ ଜେତା ହଡ଼ ବିଡ଼ାଅରେ ଉୟୁଗଃରେ, “ଆଇୟାଃ ନେ ବିଡ଼ାଅ ପାରମେଶ୍ୱାର୍ ସାଃଏତେ ହିଜୁଆକାନା” ମେନ୍ତେ ଆଲକାଏ କାଜିକା, ଚିୟାଃଚି ପାରମେଶ୍ୱାର୍ ଏଡ଼କାନାଃତେ କାଏ ବିଡ଼ାଅ ଦାଡ଼ିୟାଃଆଃ, ଆତଃ ଇନିଃ ଜେତାଏକେ କାଏ ବିଡ଼ାଅକଆ । ୧୪ ମେନ୍ଦ୍ ଜେତା ହଡ଼ ଆୟାଃ ଏଡ଼କାନ୍ ସାନାଙ୍ଗ୍ରେ ତାଇନକେଦ୍ତେ ବିଡ଼ାଅରେ ଉୟୁଗଃଆ । ୧୫ ଏଡ଼କାନ୍ ସାନାଙ୍ଗ୍ରେୟାଃ ହାମ୍ପାଲ୍ରେୟାଃଏତେ ପାପ୍ ସିରଜାଅଃଆ ଆତଃ ଏନ୍ ପାପ୍ ପୁରା ହାରାଇଦିକେନଃରେ ଗନଏଃ ହବାଅଃଆ ।



୧୭ ହେ ଦୁଲ୍ଲଭ ହାଗା ମିଶିକ, ଆଲପେ ବେଦାଅଥା । ୧୭ ସବେନ୍ ବୁଗିନ୍ ବାରଦାନ୍ ଆତଃ ସବେନାଥଏତେ ପୁରାଃ ବୁଗିନ୍ ଦାନ୍ ସିର୍ମାରେନ୍ ଆପୁ ପାର୍ମେଶ୍ଵାର୍ତାଃଏତେଗି ହିଜୁଃଥା । ଇନିଃ ସିର୍ମାରେ ମାର୍ଯ୍ୟାଲେତାନ୍ ସିଙ୍ଗି, ଚାଣ୍ଡୁ, ଇପିଲକକେ ବାବାଇନିଃ ତାନିଃ । ଇନିଃ ଉତ୍ତୁଲ୍ଲ ଲେକା ବାଦ୍‌ଲ୍ଲାଅଥନିଃ ନାହ୍ଲିଃ । ୧୮ ଗଟା ଅତେଦିଶୁମ୍‌ରେ ଆଇଃକ୍ ବାଇୟାକାଦ୍ ଜ୍ଞାତୁକଆଃ ଆଲ୍ଲାରେ ଆବୁ ଜେ'ଲେକା ପାହିଲା ଠାୟାଦ୍‌ରେବୁ ତାଇନା, ଏନାମେନ୍ତେ ଇନିଃ ଆୟାଃ ଇଛାସାନାଙ୍‌ରେ ସାର୍ତ୍ତି କାଜିତେ ଆବୁକେ ବାଇୟାକାଦ୍‌ବୁଆ ।

### ଆୟୁମ୍ ଆତଃ କାମିରିକା

୧୯ ଆଇଁୟାଃ ଦୁଲ୍ଲଭ ହାଗା ମିଶିକ, ନେଆଁ ପାହାମେପେ, ଆପେ ସବେନ୍‌କ ଆୟୁମ୍ ନାଗେନ୍ତେ ଏୟନାକାନ୍‌ପେ, ମେନ୍‌ଦ ସୁଆଏତେ ଜାଗାର୍ ନାଙ୍ ଆତଃ ସୁଆଏତେ ଖ୍‌ସଥା ନାଗେନ୍ତେ ହବାଅଥପେ । ୨୦ ଚିୟାଃଚି ହଡ୍‌ଆଃ ଖ୍‌ସ୍ ହରାତେ ପାର୍ମେଶ୍ଵାର୍‌ଆଃ ଇଛା ଧାର୍‌ମାନ୍ କାଏ ରିକାଦାଡିୟା । ୨୧ ଏନାମେନ୍ତେ ସବେନ୍ ଲେକାନ୍ ଏଡ୍‌କାନ୍ ଗିନିକାନ୍‌ତେୟାଃକ ଆତଃ ଏଡ୍‌କାନ୍ ଚାଇଲ୍ ଚାଲାନ କାମିକ ବାଗିପେ । ଆପାନ୍‌କେ ପାର୍ମେଶ୍ଵାର୍‌ତାଃରେ ଜିମାକେଦ୍‌ତେ, ଆପେୟାଃ ମନ୍‌ସୁରୁଦ୍‌ରେ ଇନିଃ ଅକ ବାଚାନ୍ ହେରାକାଦାଏ, ଏନାକେ ତେଲାଏପେ । ଏନା ଆପେକେ ବାଞ୍ଛାଅ ଦାଡିୟାପେୟା ।

୨୨ ଆପେ ଆପାନ୍‌କେ ଆଲପେ ବେଦାନାଃ । ଇନିୟାଃ ବାଚାନ୍ ଏସ୍‌କାର୍ ଆୟୁମ୍‌ଲେରେ କା ହବାଅଥା ମେନ୍‌ଦ ଏନ୍ ବାଚାନ୍ ଲେକାତେ କାମି ରିକା ଲାଗାତିଙ୍‌ୟାଃ । ୨୩ ଅକ ହଡ୍ ପାର୍ମେଶ୍ଵାର୍‌ଆଃ କାଜି ଏସ୍‌କାର୍ ଆୟୁମାଃଏ, ଚାଏ ଆୟୁମ୍‌କେଦ୍‌ତେ କାଏ କାମିୟାଃ, ଇନିଃ ଆଏନାରେ ଆୟାଃ ମେଦ୍‌ମୁହ୍‌ଡ୍, ନେଲେତାନ୍ ହଡ୍ ଲେକାଃଏ । ୨୪ ଇନିଃଦ ବୁଗିଲେକା ଆୟାଃ ମେଦ୍‌ମୁହ୍‌ଡ୍‌କେ ଆଏନାରେ ନେଲେନା, ମେନ୍‌ଦ ଇନିଃ ଏନ୍ତାଃଏତେ ଅତଙ୍‌ୟାନ୍‌ତେ ଆୟାଃ ଆପ୍‌ନାଃ ମେଦ୍‌ମୁହ୍‌ଡ୍‌କେ ଇମ୍‌ତାଗି ରିଡିଙ୍‌ତାଃ । ୨୫ ମେନ୍‌ଦ ହଡ୍‌ରାଃ ଜୀଉବାଞ୍ଛାଅ ନାଗେନ୍ତେ ମିଆଁଦ୍ ପୁରା ପକ୍‌ତାକାନ୍ ଆନ୍‌ରୁ ମେନାଃ । ଜେତାଏ ଏନା ଆୟୁମ୍‌କେଦ୍‌ତେ କାଏ ରିଡିଙ୍‌ୟେଆ ଆତଃ ଆୟାଃ ନାଗେନ୍ତେ ପୁରା ମନ୍‌ସୁରୁଦ୍‌ରେ ମିଦ୍‌ମନ୍‌ତେ ଏନାକେ ମାନାତିୟେରେଦ, ପାର୍ମେଶ୍ଵାର୍ ଇନିୟାଃ ସବେନ୍ କାମିରେ ଆଶିଷ୍ ଏମାଇୟାଃ ।

୨୬ ଜେତାଏ ଚିନାଃ ଆପାନ୍‌କେ ଧାର୍‌ମାନ୍ ମେନ୍ତେ ଆବ୍‌କାରେନ୍ ତାନା ? ଇନିଃ ଆୟାଃ ଆଲ୍ଲାଙ୍‌କେ ଥାବ୍‌ରେ କାଏ ଦହ ଦାଡିତାନ୍‌ରେଦ, ଇନିୟାଃ ଧାରାମ୍ କାମିକ ସବେନାଃ ସାମାତାନାଃ ଆତଃ ଇନିଃ ଆପ୍‌ନାଃ ମନ୍‌କେ ବେଦାତାନା । ୨୭ ଟୁଆର୍ ହନ୍‌କଆଃ ଆତଃ ରାଣ୍ଡିକଆଃ ନାରାଦୁରା ଇମତାଙ୍ ଯାଡନାଅ ଇଦିକେଦ୍‌ତେ, ଅତେଦିଶୁମ୍‌ରେୟାଃ ଏଡ୍‌କାନାଃଏତେ ଆପାନ୍‌କେ ବେଗାର୍ ଦାଗିକେଦ୍‌ତେ ଦହତେୟାଃଗି, ଆବୁଆଃ ଆପୁ ପାର୍ମେଶ୍ଵାର୍‌ଆଃ ଆୟାର୍‌ରେ ପୁରାଃ ଫାର୍‌ତିୟାନ୍ ଆତଃ ସୁଗାଡାନ୍ ଧାର୍‌ମାନ୍ କାମି ତାନାଃ ।

## ୨

### ମେଦ୍‌ମୁହ୍‌ଡ୍ ନେଲ୍‌ରେୟାଃ କାଜି

୧ ହେ ଆଇଁୟାଃ ହାଗା ମିଶିକ, ଆବୁଆଃ ମାନାରାଙ୍ ପ୍ରାଭୁ ଯାଶୁ ଖ୍ରୀଷ୍ଟତାଃରେ ବିଶ୍ଵାସକାଦ୍ ହରାତେ, ଆପେ ହଡ୍‌କଆଃ ମେଦ୍‌ମୁହ୍‌ଡ୍ ନେଲ୍‌କେଦ୍‌ତେ ଆଲପେ ସୁସାର୍‌କଆ । ୨ ହବାସାକାଅଆଃ, ଆପେୟାଃ ସାମାଜ୍ ଅତାଃତେ ଜେତାଏ ମିହୁଡ୍, ସୋନାରେୟାଃ ମୁଦାମ୍ ଆତଃ ଗନଙ୍‌ଆଁନ୍ ଲିଜାଃ ତୁସିଙ୍‌କେଦ୍‌ତେ ହିଜୁଃରେ

ଆତ୍ମା ଏଗାଃ ମିଛୁଡ଼୍, ହୁମୁ ଲିଜାଃ ଆତ୍ମା ଚେଚାଃ ଲିଜାଃ ତୁସିଙ୍ଗ୍‌କେଦ୍‌ତେ ହିଜୁଃ ଇମ୍‌ତା, ୩ ଆପେ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ୟାଁକାନ୍ ହଡ଼କେ ପୁରାଃଗି ମାଇନ୍‌କେଦ୍‌ତେ “ନେତାଃ ଦେଲା ନେ ବୁଗିନ୍ ଠାୟାଦ୍‌ରେ ଦୁବ୍‌ମେଁ ମେନ୍ତେପେ କାଜିୟା,” ମେନ୍‌ଦ ମିଆଁଦ୍ ଗାରିବ୍ ହଡ଼କେ, “ହୁ ଏନ୍ତାଃରେ ତିଙ୍ଗ୍‌ମେଁ, ଚାଏ ଏନ୍ ଅତେ ଲାତାରରେ ଦୁବ୍‌ମେଁ” ମେନ୍ତେପେ କାଜିୟା, ୪ ଏନ୍‌ରେଦ ଆପେ ଆପେୟାଃ ଆଲାରେ ମାରାଙ୍ଗ୍ ହୁଡ଼ିଙ୍ଗ୍‌ରେୟାଃ ଭେଦ୍‌ଭାବ୍ ରିକାଏତାନାପେ ଆତ୍ମା ଏଡ଼କାନ୍ ଉଡ଼୍‌ହୁତାନ୍‌ଲଃ ମେଦ୍‌ମୁହାଁଡ଼୍ ନେଲ୍‌କେଦ୍‌ତେପେ ବିଚାର୍‌ତାନା ।

\* ହେ ଆଇଁୟାଃ ଦୁଲାଡ଼୍, ହାଗା ମିଶିକ ଆୟୁମେପେ, ପାର୍‌ମେଶ୍ୱାର୍ ଚିନାଃ ନେ ଅତେଦିଶ୍‌ମ୍‌ରେନ୍ ନାରାଦୁରା ହଡ଼କକେ ବିଶ୍ୱାସ୍‌ରେୟାଃ ଖୁଜ୍‌ରେ କିର୍‌ୟାଃ ନାଗେନ୍ତେ ଆତ୍ମା ଆଇଃକକେ ଦୁଲାଡ଼ିତାନ୍ ହଡ଼କକେ ଅକ ରାଇଜ୍ ଏମାକ ନାଗେନ୍ତେ ବାନାର୍‌ସାଏ ଏମାକାଦକଆ, ଏନାରେୟାଃ ଆକ୍‌ତେୟାର୍ ନାମେ ନାଗେନ୍ତେ କାଏତି ସାଲାକାଦକଆ ? ୧ ମେନ୍‌ଦ, ଆପେ ଗାରିବ୍ ହଡ଼କକେ କାପେ ମାଇନ୍‌କତାନା । ଅକନ୍ ହଡ଼କ ଆପେକେ ସିଗିଦ୍‌ପେତାନାକ ଆତ୍ମା କାତାଇରିତେ ଆଇଜ୍ ଇଦିପେତାନାକ, ଇନ୍‌କୁ ଅକଏ ତାନ୍‌କୁ ? ଇନ୍‌କୁଗି ଏନ୍ କିର୍‌ୟାଁ ହଡ଼କ ତାନ୍‌କୁ । ୨ ଅକ ଯାଶୁ ଖ୍ରୀଷ୍ଟ୍‌ଆଃ ନୁତୁମ୍ ଆପେକେ ଏମାକାନା, ଇନ୍‌କୁ ଏନ୍ ବୁଗିନ୍ ନୁତୁମ୍‌ରେୟାଃ ଏଡ଼କାନ୍ କାଜିକ କାଜିୟାଃ ।

୮ “ଆମାଃ ହପର୍‌ଜାପାଃ ନିଃକେ ଆମାଃ ଲେକାଗି ଦୁଲାଡ଼ିମେ,” ଧାରାମ୍‌ପୁଅରେ ଅଲାକାନ୍ ପାର୍‌ମେଶ୍ୱାର୍‌ଆଃ ରାଇଜ୍‌ରାଃ ନେ ଆନ୍‌ରୁକେପେ ମାନାତିଙ୍ଗ୍‌ତାନ୍ ରେଦ୍, ଆପେ ଠାଉକାନ୍ କାମିପେ କାମିତାନା । ୯ ମେନ୍‌ଦ ଆପେ ହଡ଼ରାଃ ଏୟରଃତୁସିଙ୍ଗ୍‌ଆଁଃ ନେଲ୍‌କେଦ୍‌ତେ ହଡ଼କକେପେ ମାଇନ୍‌କ ତାନ୍‌ରେଦ୍, ଆପେ ପାପ୍ କାମିତାନାପେ ଆତ୍ମା ଆନ୍‌ରୁ ଲେକାତେ ଆପେ ମିଛୁଡ଼୍ ଆନ୍‌ରୁକେ କା ମାନାତିଙ୍ଗ୍‌ତାନ୍ ହଡ଼ ଲେକାନ୍‌କ ତାନ୍‌ପେ । ୧୦ ଜେତାଏ ସବେନ୍ ଆନ୍‌ରୁକେ ମାନାତିଙ୍ଗ୍‌ ତାନାଏ, ମେନ୍‌ଦ ମିଆଁଦ୍ ଆନ୍‌ରୁ ଏସକାର୍ କାଏ ମାନାତିଙ୍ଗ୍‌ ତାନା, ଇନିଃ ସବେନ୍ ଆନ୍‌ରୁକେ କା ମାନାତିଙ୍ଗ୍‌ତାନ୍‌ନିଃ ତାନିଃ । ୧୧ ଚିୟାଃଚି, ପାର୍‌ମେଶ୍ୱାର୍ କାଜିକାଦାଏ, “ଆପାଙ୍ଗ୍‌ର୍ କାମି ଆଲମାଃ,” ଏନ୍ ପାର୍‌ମେଶ୍ୱାର୍‌ଗି ଆତ୍ମାମିଆଁଦ୍ କାଜିକାଦାଏ, “ହଡ଼ ଗଗଏଃ ଆଲମାଃ ।” ଏନାତେ, ଆମ୍ କାମ୍ ଆପାଙ୍ଗ୍‌ର୍ ତାନ୍‌ରେୟଗି, ହଡ଼ ଗଗଏଃ ତାନ୍‌ରେଦମ୍, ଆମ୍ ମିଛୁଡ଼୍ ଆନ୍‌ରୁ କା ମାନାତିଙ୍ଗ୍‌ନିଃ ତାନ୍‌ମେ । ୧୨ ରାଡ଼ାଅଃରେୟାଃ କାମି ଏମ୍ ଦାଡ଼ିତାନ୍ ମୁଶାରାଃ ଆନ୍‌ରୁ ହରାତେ ଆମାଃ ବିଚାର୍ ହବଅଃଆ, ଏନା ଆମାଃ ଜାଗାର୍‌ତେ ଆତ୍ମା କାମିତେ ଉଦୁବେମେ । ୧୩ ଚିୟାଃଚି ଜେତାଏ ଏଟାଃନିଃକେ କାଏ ଦାୟାଈୟା, ପାର୍‌ମେଶ୍ୱାର୍ ଇନିଃକେ କାଏ ଦାୟାଈୟା, ମେନ୍‌ଦ ଅକନ୍‌କ ଏଟାଃକକେ ଦାୟାକାଦକଆକ, ଇନ୍‌କୁକେ ପାର୍‌ମେଶ୍ୱାର୍ ବିଚାର୍ ନେତାରେ ଦାୟାକଆ ।

କାମି ବେଗାର୍ ବିଶ୍ୱାସ୍ ଗନଏଃ

୧୪ ହେ ହାଗା ମିଶିକ, ଜେତାଏ ଆଇଁୟାଃ ବିଶ୍ୱାସ୍ ମେନାଃ ମେନ୍ତେ କାଜିତାନା, ମେନ୍‌ଦ କାମିରେ କାଏ ଉଦୁବେତାନ୍ ରେଦ୍, ଇନିୟାଃ କାଜିରେ ଜେତାନ୍ ଲାଡ଼୍ ବାନଃଆ । ଚିନାଃ ଏନ୍ ଲେକାନ୍ ବିଶ୍ୱାସ୍ ଜେତାଏକେ ବାଞ୍ଛାଅ ଦାଡ଼ିୟାଃଏତି ? ୧୫ ମେନ୍‌ଦ ଜେତାଏ ହାଗା ଚାଏ ମିଶିଆଃ ଲିଜାଃ ଆତ୍ମା ଜଜମାଃ ବାନଃରେଦ୍, ୧୬ ଆତ୍ମା ଆପେ ଇନିୟାଃ ଲାଗାତିଙ୍ଗ୍‌ତେୟାଃକେ କା ଏମ୍‌କେଦ୍‌ତେ କାଜିୟାପେ, “ପାର୍‌ମେଶ୍ୱାର୍ ଆମ୍‌କେ ଆଶିଷ୍‌ମେକା, ଜମ୍ ନୁଁକେଦ୍‌ତେ ଜୀଉସୁକୁରେ ତାଇନ୍‌ମେଁ ।” ୧୭ ବିଶ୍ୱାସ୍‌ହଗି ଠିକ୍ । ଏନ୍‌ଲେକାଗି ବେଗାର୍ କାମିତେ ବିଶ୍ୱାସ୍ ଗଜାକାନା ।

୧୮ ମେନ୍ଦ ଦେତାଏ କାଜି ଦାଡ଼ିୟାଏ, “ମିଛୁଡ଼ରାଃ ବିଶ୍ୱାସ୍ ମେନାଃ, ଏଗାଃ ମିଛୁଡ଼ରାଃ କାମି ମେନାଃ ।” ମେନ୍ଦ ଆଇଙ୍ଗ୍ କାଜିୟାଇଙ୍ଗ୍, “କାମି ବେଗାର୍ ଆପେୟାଃ ବିଶ୍ୱାସ୍ ଆଇଙ୍ଗ୍ କେ ଉଦୁବାଇଙ୍ଗ୍ ପେ ଆତଃ ଆଇଙ୍ଗ୍ କାମି ହରାତେ ଆପେକେ ଆଇଁୟାଃ ବିଶ୍ୱାସ୍ ଉଦୁବାପେୟାଇଙ୍ଗ୍ ।” ୧୯ ପାର୍ମେଶ୍ୱାର୍ ମିଛୁଡ଼ିୟାଏ ଏନା ଆପେ ବିଶ୍ୱାସ୍ ତାନାପେ ବୁଗିନ୍ କାଜିତାନାଃ । ବଙ୍ଗାକହଗି ବିଶ୍ୱାସ୍ କେଦତେ ବରତେ ଆର୍ଥାରାଞ୍ଜାଃକ । ୨୦ ହେ ଡଣ୍ଡକ, କାମି ବେଗାର୍ ବିଶ୍ୱାସ୍ ସାମାତାନାଃ, ନେଆଁ ଚିନାଃ କାପେ ସାରିତାନା ? ୨୧ ଆରୁଆଃ ପୁରଖା ହାଡ଼ାମ୍ ଆବ୍ରାହାମ୍, ପାର୍ମେଶ୍ୱାର୍ ଆଃ ନେପେଲ୍ରେ ଚିଲ୍ କା ଧାର୍ମାନ୍ ହବାୟାନାଏ ? ଇନିଃ ଆୟାଃ ହନ୍ ଇସାକ୍ କେ ବେଦି ତେତାନ୍ରେ ଦାଣ୍ଠେ ରାକାବ୍ କିୟାଏ ଇମ୍ତାଙ୍ଗ୍ ଆୟାଃ କାମି ହରାତେ ଧାର୍ମାନ୍ ମେନ୍ତେ କାଜିୟାନା । ୨୨ ଆପେ ଚିନାଃ କାପେ ଆର୍କାର୍ ଉରୁମ୍ ଦାଡ଼ିତାନା ? ଆବ୍ରାହାମ୍ ଆଃ ବିଶ୍ୱାସ୍, କାମିତେ ଉଦୁବୟାନା, କାମି ହରାତେ ଇନିୟାଃ ବିଶ୍ୱାସ୍ ପକ୍ତାୟାନା । ୨୩ ନେଆଁ ହରାତେ ଧାରାମ୍ ପୁଥ୍ରେୟାଃ କାଜି ପୁରାୟାନା : “ଆବ୍ରାହାମ୍ ପାର୍ମେଶ୍ୱାର୍ କେ ବିଶ୍ୱାସ୍ କିୟା ଆତଃ ଇନିୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଆଃ ନେପେଲ୍ରେ ଇନିଃ ଧାର୍ମାନ୍ ମେନ୍ତେ ଲେକାୟାନା ।” ଆତଃ ଆବ୍ରାହାମ୍ ପାର୍ମେଶ୍ୱାର୍ ଆଃ ଗାଡ଼ି ମେନ୍ତେ କାଜିୟାନା । ୨୪ ଏନାତେ, ଆପେ ଆର୍କାର୍ ଉରୁମ୍ ଦାଡ଼ିୟାପେ ଯେ, ହଡ଼ହନ୍ ବିଶ୍ୱାସ୍ ହରାତେ ଏସ୍କାର୍ କା ମେନ୍ଦ କାମି ହରାତେ ଧାର୍ମାନ୍ ମେନ୍ତେ କାଜିୟାଆ ।

୨୫ ଏନ୍ଲେକାଗି ହଡ଼୍ମରେୟାଃ ଏଡ଼କାନ୍ କାମିରେ ତାଇନ୍ତାନ୍ କୁଡ଼ି ରାହାବ୍ ହଗି ଆୟାଃ ବୁଗିନ୍ କାମି ହରାତେ ଧାର୍ମାନ୍ ମେନ୍ତେ କାଜିୟାନା । ଇସ୍ରାଏଲ୍ରେନ୍ ଅକନ୍ ହଡ଼କକେ ଉକ୍ତକେଦତେ କୁଲ୍ଲକାନ୍ ତାଇକେନା, ଇନ୍କୁକେ ଇନିଃ ଉକ୍ତୁଃ ନାଗେନ୍ତେ ଆତଃ ଏଗାଃ ହରାରେ ସେନଃ ନାଙ୍ଗ୍ ଦେଙ୍ଗାକାଦ୍ ତାଇକେନାଏ, ଏନା ପାର୍ମେଶ୍ୱାର୍ ଆଃ ଆୟାଃରେ ଠାଉକାନ୍ କାମି ତାଇକେନା ।

୨୬ ଏନାତେ, ଆମ୍ ବେଗାର୍ ହଡ଼୍ମ ଜେ'ଲେକା ଗଜାକାନା, ଏନ୍ଲେକାଗି କାମି ବେଗାର୍ ବିଶ୍ୱାସ୍ ହଗି ଗଜାକାନା ।

## ୩

ଆଲାଙ୍ଗ୍ରେୟାଃ ଜନ୍କା

୧ ହେ ହାଗା ମିଗିକ, ଆପେକଏତେ ପୁରାଃ ଇନିତୁକ ଆଲପେ ହବାଅଃଆ । ଚିୟାଃତି ଆପେ ସାରିତାନାପେ ଯେ, ଆଲେ ଲେକାନ୍ ଇନିତୁକ ଏଗାଃକଆଃ ତାଃଏତେ ପୁରାଃଗି ସାଜାଇକ ନାମେୟା । ୨ ଆରୁ ସବେନ୍କଦ ଚିମିନ୍ସା ଭୁଲ୍ ରିକାଃରୁ । ଜେତାଏ ଆୟାଃ ଜାଗାର୍ତାନ୍ ଇମ୍ତା କାଏ ଭୁଲ୍ଲେତାନ୍ ରେଦ୍, ଇନିଃ ପକ୍ତାକାନ୍ ଆତଃ ଆପ୍ନାଃ ହଡ଼୍ମକେ ପୁରା ଆବର୍ରେକଦତେ ଦହ ଦାଡ଼ିତାନ୍ ହଡ଼ ତାନିଃ । ୩ ସାଦମ୍ ଆଃ ହଡ଼୍ମକେ ଆବର୍ରେ ଦହ ନାଗେନ୍ତେ ଆରୁ ଆୟାଃ ମଗରେ ଲାଗମ୍ ତଲାଃରୁ ଆତଃ ଆରୁ ଇନିଃକେ ଆରୁଆଃ ଇଛାସାନାଙ୍ଗ୍ ଲେକାତେ ଇଦି ଦାଡ଼ିୟାଃରୁ । ୪ ମିଆଁଦ୍ ମାରାଙ୍ଗ୍ ଦାଆଃ ଜାହାଜ୍ ବିଷାଏରେ ଉଡ଼ୁକ୍ତପେ, ଦାଆଃ ଜାହାଜ୍ କେ ଚାଲାଅତାନ୍ନିଃ ପୁରାଃ ହୟ ହିଜୁଃତାନ୍ରେୟ ମିଆଁଦ୍ ହୁଡ଼ିଙ୍ଗ୍ ପାତଞ୍ଜାରେୟାଃ ଦେଙ୍ଗାତେ ଏନାକେ ଆବର୍ରେ ଦହକେଦତେ ଆପ୍ନାଃ ଇଛାସାନାଙ୍ଗ୍ ଲେକାତେ ଚାଲାଅ ଇଦିୟାଏ । ୫ ଏନ୍ଲେକାଗି ନେ ଆଲାଙ୍ଗ୍ ହୁଡ଼ିଙ୍ଗ୍ ଆ, ଏନ୍ରେୟ ମାପ୍ରେଙ୍ଗ୍ କାଜି କାଜିକେଦତେ ଆପାନ୍ କେ ମାରାଙ୍ଗ୍ ମେନ୍ତେ କାଜିନାଃ ।

ଉଡ଼ୁ ଲେକାପେ ଚିଲ୍ କା ସେଙ୍ଗେଲ୍ ଆଙ୍ଗରା ହୁଡ଼ିଙ୍ଗ୍ରେୟାଗି ମାରାଙ୍ଗ୍ ବିର୍ରେକ ଅଣ୍ଡୁରତାଃଏ । ୬ ମଗରେୟାଃ ଆଲାଙ୍ଗ୍ ସେଙ୍ଗେଲ୍ ଲେକନାଃ ତାନାଃ, ଆରୁଆଃ

ହତ୍ତମରେୟାଃ ହିସାରେ ଅତେଦିଶ୍ୱମ୍ରେୟାଃ ସବେନ୍ ଏତ୍ତକାନରେୟାଃ ଏନେଚେଦ୍ ଲେକନାଃ ତାନାଃ । ଏନା ଆବୁଆଃ ହତ୍ତମରେ ତାଇନ୍ତାନ୍ ହରାତେ ହସତ୍ତ କାଜିକ ନିତିର୍ଯ୍ୟାନ୍ଲଃ ଆବୁଆଃ ପୁରା ହତ୍ତମକେ ସତ୍ତରାକାଦା । ଆଲାଙ୍ଗରେୟାଃ ନାରାକ୍ ସେଙ୍ଗେଲ୍ରେ ଆବୁଆଃ ଗଟା ଜୀଦାନ୍କେ ଅଶ୍ୱରତାଃଏ । ୭ ମାନଞ୍ଜା ସବେନ୍ ବିର୍ ଜାଁତୁକକେ, ଚେଣ୍, ରେଙ୍ଗାଅଜାଁତୁ ଆତଃ ଦାଆଃରେ ତାଇନ୍ତାନ୍ ଜାଁତୁକକେ ଆପନାଃ ଆକ୍ତେୟାଃରେ ଦହକାଦକଥା । 「 ମେନ୍ଦ୍ ଜେତାଏ ଚିଉଲ୍ଲାହ ଆଲାଙ୍ଗକେ ଆବରରେ ଦହ କାକ ଦାଡ଼ିୟା । ଏନା ହସତ୍ତେ ଆତଃ ଗନଏଃରାଃ ମାହୁଁରାତେ ପେରେଜାକାନା । ୯ ଆବୁ ଆଲାଙ୍ଗ ହରାତେ ପ୍ରାଭୁ ଆତଃ ଆପୁ ପାର୍ମେଶ୍ୱାର୍ରେ ଧାନ୍ୟାବାଦ୍ ଏମାଃବୁ । ଆତଃ ଏନ୍ ଆଲାଙ୍ଗ ହରାତେ ପାର୍ମେଶ୍ୱାର୍ଆଃ ସଭାବ୍ ଲେକାଗି ବାଇୟାକାନ୍ ହତ୍ତକକେ ସାର୍ପାଅକ ତାନାବୁ । ୧୦ ଏନ୍ ମଚା ହରାତେଗି ଧାନ୍ୟାବାଦ୍ ଆତଃ ସାର୍ପାଅ ଅତଙ୍ଗଅଃତାନା । ହେ ହାଗା ମିଶିକ, ଏନ୍ଲେକା ଆଲକା ହବାଅଃକା । ୧୧ ମିଆଁଦ୍ ସେତେଙ୍ଗଏତେ ହେଡ୍ଡେମ୍ ଆତଃ ମେହେର୍ ଦାଆଃ ଲିଙ୍ଗି ଦାଡ଼ିୟଃଆତି ? ୧୨ ହାଗା ମିଶିକ, ଲଆଦାରୁଏତେ ଚିନାଃ ଜାଇତୁନ୍ ଜ ଜ'ଆ ? ଚାଏ ଦାଖନାଡ଼ିଏତେ ଚିନାଃ ଲଆ ଜ ଜ'ଆ ? ଏନ୍ଲେକାଗି ବୁଲୁଙ୍ଗ୍ ଦାଆଃ ଲିଙ୍ଗିୟଃତାନ୍ ସେତେଙ୍ଗଏତେ ହେଡ୍ଡେମ୍ ଦାଆଃ କା ଲିଙ୍ଗିୟଃଆ ।

ସିର୍ମାଏତେ ହିଜୁଃତାନ୍ ସେଣ୍

୧୩ ଆପେକଏତେ ସେଣ୍ନିନିଃ ଚାଏ ଆବ୍କାର୍ଉରୁମ୍ନିଃ ଅକଏ ମେନାଇୟା ? ଜିନିଃ ସେଣ୍ନିନିତେ ଆତଃ ଲେବେଃତେ ବୁଗିନ୍ କାମି ରିକାକେଦ୍ତେ ଆୟାଃ ଜୀଦାନ୍ରେ ଉତୁବେକାଏ । ୧୪ ମେନ୍ଦ୍ ଆପେୟାଃ ମନ୍ସୁରୁଦ୍ରେ ହିସଙ୍ଗା, ମେହେର୍ ଆତଃ ଆପନାଃ ନାଙ୍ଗ୍ ଏସ୍କାର୍ ଉଡ଼ୁତେ ପେରେଜାକାନ୍ ରେଦ୍, ଆପନାଃ ସେଣ୍ନି ହରାତେ ସାନାର୍ତିରାଃ ବିରୁଧ୍ରେ ଆପାନ୍କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ଆତଃ ହସତ୍ତ କାଜି ଆଲପେ କାଜିୟା । ୧୫ ନେ'ଲେକାନ୍ ସେଣ୍ ପାର୍ମେଶ୍ୱାର୍ତାଃଏତେ କା ହିଜୁଃଆ, ମେନ୍ଦ୍ ନେ ସେଣ୍ ଅତେଦିଶ୍ୱମ୍ଏତେ ହିଜୁଃଆ । ନେଆଁ ଆମ୍ବାଏତେ କାହା ମେନ୍ଦ୍ ସାଏତାନ୍ତାଃଏତେ ହିଜୁଃଆ । ୧୬ ଚିୟାଃତି ଅକ୍ତାଃରେ ହିସଙ୍ଗା, ଆପନାଃ ନାଙ୍ଗ୍ ଏସ୍କାର୍ ଉଡ଼ୁ ମେନାଃ, ଏନ୍ତାଃରେ ବିନ୍ଗାଅ, ଆତଃ ସବେନ୍ ଲେକାନ୍ ଏତ୍ତକାନ୍ କାଜିକ ତାଇନାଃ । ୧୭ ମେନ୍ଦ୍ ସିର୍ମାଏତେ ଆଡ଼ଗୁଃତାନ୍ ସେଣ୍ ସବେନାଃଏତେ ସିଦାତେଦ୍ ଫାର୍ଚି, ସୁକୁ ଏମାଃ, ଲେବେଃମନ୍, ଆତଃ ଗାତିସାଙ୍ଗାତି ତାନାଃ, ଏନା ଦାୟାତେ ପେରେଜାକାନା ଆତଃ ପୁରାଃଗି ବୁଗିନ୍ କାମିରେୟାଃ ଜ'ତେ ପେରେଜାକାନା । ନେଆଁ ସାର୍ତିତେ ଆତଃ ବେଗାର୍ ଆଡ଼ାଃଉଡ଼ୁତେ ହବାଅଃତାନା । ୧୮ ଜୀଉସୁକୁ ବାବାଇ ହତ୍ତକ ହରାତେ ହେରାକାନ୍ ହିତାଏତେ ଧାର୍ମାନ୍ରେୟାଃ ଜ' ଏମାଃଏ ।

୪

ଅତେଦିଶ୍ୱମ୍ଲଃ ଗାତିସାଙ୍ଗାତି

୯ ଆପେ ଆଲାରେ ଲାଡ଼ାଇ ଆତଃ ଏପେଗେର୍ ଚିନାଃମେନ୍ତେ ହବାଅଃତାନା ? ଆପେରେ ତାଇନ୍ତାନ୍ ରିଜ୍ଜରାଙ୍ଗରେୟାଃ ସାନାଙ୍ଗାଗି ଏନ୍ ଲେକାଏ ରିକାଏତାନା । ୨ ଚିୟାଃତି ଆପେ ଅକ୍ତାଃ ନାମ୍ ନାଗେନ୍ତେପେ ସାନାଙ୍ଗାତାନା, ଏନା କାପେ ନାମେରେ ମାଆଃ ଗଗଏଃ ନାଗେନ୍ତେପେ ସେକାଡ୍ଡେନ୍ ତାନା । ଅକ୍ନାଃ ନାମେ ନାଗେନ୍ତେ ଆପେୟାଃ ପୁରାଃଗି ସାନାଙ୍ଗ୍ ହବାଅଃଆ, ଏନା କାପେ ନାମ୍ଲେରେ ଏପେଗେର୍ ଆତଃ ଲାଡ଼ାଇୟାଃପେ । ଚିୟାଃତି ଆପେ ପାର୍ମେଶ୍ୱାର୍ରେ ଆପେୟାଃ ଲାଗାଡ଼ିଙ୍ଗ୍ତେୟାଃକ କାପେ ଆସିୟାଃ, ଏନାମେନ୍ତେ ଆପେ ଏନ୍ ସବେନାଃ କାପେ

ନାମାଃ । ୩ ଆତଃ ଆପେ ଆସିରେୟ କାପେ ନାମେରେୟାଃ ବିଷାଏ ହବାଅଃତାନା, ଆପେୟାଃ ଆସିରେୟାଃ ଉଦ୍ଦେଶ୍ ଏତ୍ତକାନାଃ ତାନାଃ । ଆପେ ଆପେୟାଃ ରିଜରାଜ୍ ନାଗେନ୍ତେ ଆସିୟାଃପେ । ୪ ଏ ଆପାଜିର୍ କାମିତାନ୍ କୁଡ଼ି ଲେକାନ୍ ହତ୍ତକ, ଅତେଦିଶ୍ମୁମ୍ରେୟାଃ ଗାତିସାଜ୍ଞାତି ପାର୍ମେଶ୍ଵାର୍ଆଃ ବାଜରି ତାନାଃ, ଏନା ତିନାଃ ଆପେ କାପେ ସାରିତାନା ? ଜେତାଏ ନେ ଅତେଦିଶ୍ମୁମ୍ଲଃ ଗାତିସାଜ୍ଞାତି ରିକାଃଏ ଜନିଃ ପାର୍ମେଶ୍ଵାର୍ଆଃ ବାଜରି ତାନିଃ । ୫ ଆପେ ତିନାଃ ଧାରାମ୍ପୁଥ୍ରେୟାଃ ନେ କାଜିରେ ସାର୍ତି ବାନଃଆ ମେନ୍ତେପେ ଆଟ୍ଟକାରେତାନା, “ପାର୍ମେଶ୍ଵାର୍ ଆବୁତାଃରେ ଅକ ଆମ୍ବାକେ ତାଇନଃ ନାଗେନ୍ତେ ଏମ୍ବିୟା, ଜନିଃ ଆବୁକେ ପୁରା ଆକ୍ତେୟାର୍ବୁ ନାଗେନ୍ତେ ପୁରାଃଗି ସାନାଜ୍ଞତାନା ?” ୬ ମେନ୍ଦ୍ ପାର୍ମେଶ୍ଵାର୍ ଅକ ସାୟାଦ୍ ଏମାଃ, ଏନା ପୁରାଃଗି ପେଡ୍ରେୟାନ୍ଗିୟା । ଧାରାମ୍ପୁଥ୍ରେ ଅଲାକାନା, “ପାର୍ମେଶ୍ଵାର୍ ହିସିଜ୍ଞାତାନ୍ତକଆଃ କାଜିକଟ୍ଟ ରିକାଃଏ ମେନ୍ଦ୍ ଲେବେଃମନ୍ଦ୍ ହତ୍ତକକେ ସାୟାଦ୍ ଏମାଃଏ ।”

୭ ଏନାତେ, ଆପେ ପାର୍ମେଶ୍ଵାର୍ତାଃରେ ଆପାନ୍କେ ଜିମାନ୍ଦେ । ସାଏତାନ୍କେ କାଜିକଟ୍ଟ ରିକାଜପେ । ଏନ୍ରେଦ୍ ଜନିଃ ଆପେତାଃଏତେ ନିରାଃଏ । ି ପାର୍ମେଶ୍ଵାର୍ଆଃ ହେପାଦ୍ତେ ହିଜ୍ଞୁଃପେ, ଏନାରେ ଜନିଃ ଆପେୟାଃ ହେପାଦ୍ତେ ହିଜ୍ଞୁଃଆ । ଏ ପାପି ହତ୍ତକ, ଆପେୟାଃ ତିଃଜକେ ଆବୁଜ୍ଞୟେପେ ଆତଃ ଏ ବାରିୟା ମନ୍ରେନ୍ ହତ୍ତକ, ଆପେୟାଃ ମନ୍ସୁରୁଦ୍କେ ଫାର୍ତିପେ । ୯ ଏୟମ୍ତାନ, ଦୁକୁଃତାନ୍ଲଃ ରାଆଃଏପେ, ଆପେୟାଃ ଲାଦା ରାନାଃରେ ଆତଃ ଆପେୟାଃ ରାସ୍ତକା ଦୁକୁରେ ବାଦ୍ଲାଅଃକା । ୧୦ ପ୍ରାଭୁଆଃ ଆୟାର୍ରେ ଆପେ ଆପାନ୍କେ ଲେବେୟେନ୍ଦେ, ଏନାରେ ଜନିଃ ଆପେକେ ମାରାଜ୍ଞପେୟା ।

ମିହୁଡ୍ ଆତଃମିହୁଡ୍କେ ଆଲପେ ବିଚାରାଃ

୧୧ ହେ ଦୁଲାଡ୍ ହାଗା ମିଶିକ, ମିହୁଡ୍ ଆତଃମିହୁଡ୍ଆଃ ବିରୁଧ୍ରେ ଏତ୍ତକାନ୍ କାଜି ଆଲପେୟାଃ । ଜେତାଏ ବିଶ୍ଵାସୀ ହାଗାରାଃ ବିଚାରକେଦ୍ତେ ଜନିୟାଃ ବିରୁଧ୍ରେ ଏତ୍ତକାନ୍ କାଜି କାଜିରେଦ୍, ଜନିଃ ଆନ୍ତୁରେୟାଃ ବିଚାର୍ ଆତଃ ଏନାରେୟାଃ ବିରୁଧ୍ରେ ଏତ୍ତକାନ୍ କାଜି କାଜିୟା । ଆପେ ଆନ୍ତୁରେୟାଃ ବିଚାର୍ ରିକାଏରେଦ୍, ଆପେ ଏନା କାପେ ମାନାତିଜ୍ଞତାନା, ମେନ୍ଦ୍ ଏନାରେୟାଃ ବିଚାର୍ନିଃପେ ହବାକାନା । ୧୨ ପାର୍ମେଶ୍ଵାର୍ ଏସ୍କାର୍ ଆନ୍ତୁ ଏମଃନିଃ ଆତଃ ବିଚାର୍ନିଃ ତାନିଃ । ଜନିଃ ଏସ୍କାର୍ ବାଞ୍ଛାଅ ଆତଃ ଜିୟନ୍ ଦାଡ଼ିନିଃ ତାନିଃ । ଏନାମେନ୍ତେ ହପ୍ତରଜାପାଃରେନ୍ଦକଆଃ ଗୁହ୍ନା ବିଚାର୍ ନାଗେନ୍ତେ ଆପେ ଅକଏ ତାନ୍ଦେ ?

ଆପାନ୍କେ ମାରାଜ୍ ମେନ୍ତେ କାଜିନ୍ ବିଷାଏରେ ତେତାଅ

୧୩ ନାହ୍ନାନ୍ଦ୍ ଆୟୁମେପେ, ଆପେକଏତେ ଚିମିନ୍ଦ୍ହତ୍ତକ କାଜିୟାଃପେ, “ଆଲେ ତିସିଜ୍ ଚାଏ ଗାପା ଏନ୍ ନାଗାର୍ତେ ସେନାଲେ, ଆତଃ ଏନ୍ତାଃରେ ମିଦ୍ ବାରାଷ୍ ତାଇନାଲେ ଏନ୍ତେ କାମିତଦାମ୍ବକେଦ୍ତେ ପୁରାଃଗି ଟାକା ପାଏସାଲେ ନାମ୍ବେୟା ।” ୧୪ ମେନ୍ଦ୍ ଗାପା ଆପେୟାଃ ଜୀଦାନ୍ରେ ତିନାଃ ହବାଅଃଆ, ଏନାଦ୍ ଆପେ କାପେ ସାରିୟା ! ଆପେୟାଃ ଜୀଦାନ୍ଦ୍ କୁହୁଡ଼ି ଲେକା, ଘାଡ଼ିକାଦ୍ଗି ନେଲଃଆ ଏନ୍ତେ ଆତଃକାଟିଃ ଘାଡ଼ିକାଦ୍ରେ କା ନେଲଃଆ । ୧୫ ଏନାମେନ୍ତେ ଆପେକେ ନେଲେକା କାଜି ଲାଗାତିଜ୍ଞୟାଃ, “ପ୍ରାଭୁଆଃ ସାନାଜ୍ ହବାଅଃରେଦ୍, ଆଲେ ଜାନିଦ୍ ତାଇନ୍କେଦ୍ତେ ନେଆଁଲେ ରିକାୟା ଚାଏ ଏନାଲେ ରିକାୟା ।” ୧୬ ମେନ୍ଦ୍ ନାହ୍ନାନ୍ଦ୍ ଆପେ ଆପ୍ତନାଃ ମାନାରାଜ୍ ରିକାକେଦ୍ତେ ଆପାନ୍କେ ମାରାଜ୍ ମେନ୍ତେପେ କାଜିନ୍ତାନା; ନେଲେକାନ୍ ମାରାଜ୍ଞୟେନ୍ଦେୟାଃ ଏତ୍ତକାନାଃ ତାନାଃ ।

୧୭ ଏନାମେନ୍ତେ, ଜେତା ହଡ଼ ବୁଗିନ୍ କାମି ରିକା ଲାଗାତିଙ୍ଗ୍‌ୟାଃ ମେନ୍ତେ ସାରିକାଦ୍‌ରେୟ ଏନା କାଏ ରିକାଏ ରେଦ, ଇନିଃ ପାପ୍ କାମିତାନାଏ ।

**୫**

କିସାଁଣ୍ ହଡ଼କ ନାଗେନ୍ତେ ଚେତାଅରେୟାଃ କାଜି

୯ ହେ କିସାଁଣ୍ ହଡ଼କ ଆଇଁୟାଃ କାଜି ଆୟୁମେପେ, ଆପେୟାଃ ନାଗେନ୍ତେ ହିଜୁଃତାନ୍ ବରଝାନ୍ ଦୁକୁ ହବାଅଃତେ ସେନ୍‌ତାନା, ଏନାମେନ୍ତେ ରାଆଃଏପେ ଆତଃ ଏୟମେପେ । ୧୦ \*ଆପେୟାଃ ଖୁଜ୍ କ ଜିୟନଃଆ ଆତଃ ଲିଜାଃକକେ ନିଦିରକ ଜମେୟାଁ । ୧୧ ଆପେୟାଃ ସୋନା ରୁପାକରେ ମୁର୍ଚା ସାବ୍‌କେଦାକ, ଆତଃ ଏନ୍ ମୁର୍ଚା ଆପେୟାଃ ବିରୁଧ୍‌ରେ ଗାଝାଏ ଏମେୟା ଆତଃ ଆପେୟାଃ ହଡ଼ମକେ ସେଜେଲ୍ ଲେକା ଜୁଲ୍ ଅଣ୍ଟରେଆଏ । ନେ ରୁଣ୍ଟୁ ଦିପିଲିରେ ଆପେ ଖୁଜ୍ କପେ ହୁଣ୍ଟିଆକାଦା । ୧୨ ଆପେୟାଃ ପିଡ଼ିରେ କାମିତାନକକେ ନାଲା କାପେ ଏମାକାଦକଆ । ଇନ୍‌କୁଆଃ କାଜିଗହାର୍ ଆୟୁମେପେ । ବାବା ଇରଃକଆଃ ରାନାଃ ସବେନାଃଏତେ ପେଡ଼େୟାନ୍ ପ୍ରାଭୁ ପାରମେଶ୍ୱାର୍ ଆୟୁମାକାଦାଏ । ୧୩ ନେ ଅତେଦିଶୁମ୍‌ରେ ଆପେୟାଃ ଜୀଦାନ୍ ରିଜ୍‌ରାଙ୍ଗ୍‌ରେ ପେରେଜାକାନା । ଗନ-ଏଃରେୟାଃ ହୁଲାଙ୍ଗ୍ ନାଗେନ୍ତେ ଆପେ ଆପେୟାଃ ମନ୍‌ସୁରୁଦକେ ମଟାକାଦାପେ । ୧୪ ଆପେ ଧାର୍‌ମାନ୍ ହଡ଼କକେ ଚିଟାକେଦ୍‌ତେ ମାଆଃଗଏଃ କାଦକଆପେ; ଇନ୍‌କୁ ଆପେୟାଃ କାଜିକଟଙ୍ଗ୍ କାକ ରିକା ଦାଡ଼ିୟା ।

ଧିରାଜ୍ ସାବ୍‌କେଦ୍‌ତେ ବିନ୍ତିପେ

୧୫ ହେ ହାଗା ମିଶିକ, ପ୍ରାଭୁଆଃ ଆତଃମିସା ହିଜୁଃ ଜାକେଦ୍ ଧିରାଜ୍ ସାବ୍‌କେଦ୍‌ତେ ତାଇନ୍‌ପେ । ନେଲେପେ, ଚାଷିହଡ଼ ଚିଲ୍‌କା ଆୟାଃ ଅତେରେ ପୁରାଃ ଗନଙ୍ଗ୍‌ଆଁନ୍ ଜ ନାମେ ନାଙ୍ଗ୍ ଧିରାଜ୍ ସାବ୍‌କେଦ୍‌ତେ ଗାମାଦାଆଃକେକ ତାଜିଆ । «ଏନ୍‌ଲେକାଗି ଆପେୟ ଧିରାଜ୍ ସାବ୍‌କେଦ୍‌ତେ ଆପେୟାଃ ମନ୍‌ସୁରୁଦକେ ସାଲ୍‌ସାନ୍ତ୍ ରିକାଏପେ । ଆପେୟାଃ ଆସ୍ତା କେଚେଦ୍‌ଗି ତାଇନ୍‌କା, ଚିଆଃଚି ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡ଼େଜାକାନା ।

୧୬ ହେ ହାଗା ମିଶିକ, ମିହୁଡ୍ ଆତଃମିହୁଡ଼ନିୟାଃ ବିରୁଧ୍‌ରେ ଆଲପେ କାଜିୟା, ଏନାରେ ପାରମେଶ୍ୱାର୍ ଆପେୟାଃ ବିଚାର୍ କାଏ ରିକାଏୟା । ନେଲେପେ, ମାରାଙ୍ଗ୍ ବିଚାର୍‌ନିଃ ଦୁଆର୍ ହେପାଦ୍‌ରେ ତିଙ୍ଗ୍‌ଆକାନା । ୧୭ ହେ ହାଗା ମିଶିକ, ଅକ ନାବୀକ ପ୍ରାଭୁଆଃ ନୁଡୁମ୍‌ତେ କାଜିକାଦ୍ ତାଇକେନାକ, ଇନ୍‌କୁକେ ଧିରାଜ୍ ଆତଃ ସାସାତି ନାମେକେଦ୍‌ରେୟାଃ ନାମୁନା ଲେକା ତେଲାକପେ । ୧୮ ଇନ୍‌କୁଆଃ ସାହାତିଙ୍ଗ୍ ଜୀଝାନ୍ ହରାତେ ଆବୁ ଇନ୍‌କୁକେ ଧାଇନ୍ ମେନ୍ତେବୁ କାଜିତାନା । ଆପେ ଆୟୁବରାଃ ସାହାତିଙ୍ଗ୍ ଜୀଝାନ୍ ବିଷାଏରେ ଆୟୁମାକାଦାପେ ଆତଃ ରୁଣ୍ଟୁରେ ପ୍ରାଭୁ ଚିଲ୍‌କା ଇନିଃକେ ଆଶିଷ୍ ଏମ୍‌କିୟାଏ, ଏନା ସାରିତାନାପେ । ଚିୟାଃଚି ପ୍ରାଭୁଦ୍ ପୁରା ଲିବୁଇତେ ଆତଃ ଦାୟାତେ ପେରେଜାକାନିଃ ତାନିଃ ।

୧୯ \*ହେ ହାଗା ମିଶିକ, କିରିୟାଏ ଇମ୍‌ତା ସିମା ଦିଶୁମ୍‌ରେୟାଃ ଚାଏ ଅତେରେୟାଃ ଚାଏ ଏଟାଃ ଜେତାନ୍ ବିଷାଏରେ କିରିୟା ଆଲପେ ରିକାଏ । ଆପେୟାଃ “ହୁ” ମେନ୍‌ତେୟାଃ ହୁଁ ତାଇନ୍‌କା ଆତଃ “ବାନଃ” ମେନ୍‌ତେୟାଃ ବାନଃ ତାଇନ୍‌କା । ଏନ୍‌ରେଦ୍ ପାରମେଶ୍ୱାର୍‌ଆଃ ବିଚାର୍‌ରେ ସାଜାଇ କାପେ ନାମେୟା ।

୨୦ ଆପେକଏତେ ଜେତାଏ ଚିନାଃ ନାରାଦୁରାଗିୟାଏ ? ଇନିଃ ବିନ୍ତିକାଏ । ଜେତାଏ ଚିନାଃ ରାସ୍‌କାଗିୟାଏ ? ଇନିଃ ମାନାରାଙ୍ଗ୍‌ରେୟାଃ ଦୁରାଙ୍ଗ୍‌କାଏ

\* ୫:୨ ୫:୨ ମାଥୁର ୭:୧୯. \* ୫:୧୭ ୫:୧୭ ମାଥୁର ୫:୩୪-୩୭.

। ୧୪ ✨ଆପେକ୍ଷାରେ ଜେତାଏ ଚିନାଃ ଦୁକୁତାନାଏ ? ଇନିଃ କାଲିସିୟାରେନ୍ ପ୍ରାଚିନ୍ଦକକେ କେଡାକକାଏ; ଇନ୍ଦୁ ପ୍ରାଭୁଆଃ ନୁଡୁମ୍ତେ ସୁନୁମ୍ ଗସଃକେଦ୍ତେ ଆୟାଃ ନାଗେନ୍ତେ ବିନ୍ଦିକାକ । ୧୫ ନେ'ଲେକାନ୍ ବିଶ୍ୱାସରେୟାଃ ବିନ୍ଦି ଦୁକୁତାନିଃକେ ବୁଗିୟା । ପ୍ରାଭୁ ଇନିଃକେ ବୁଗିୟାଏ ଆତଃ ଇନିଃ ପାପ୍ କାମିକାଦ୍ରେଦ୍, ଇନିଃକେ ଛାମା ଏମାଲୟାଏ । ୧୬ ମିହୁଡ୍ ଆତଃମିହୁଡ୍ନିୟାଃ ଆୟାରରେ ପାପ୍କାଦାଲ୍ଲ୍ ମେନ୍ତେ ମାନାତିଲ୍ଲ୍ପେ ଆତଃ ମିହୁଡ୍ ଆତଃମିହୁଡ୍ଆଃ ବୁଗିୟଃ ନାଗେନ୍ତେ ବିନ୍ଦିପେ । ଧାରମାନ୍ ହଡ୍କଆଃ ବିନ୍ଦିରେ ପୁରାଃ ପେଡେଃମେନା ଆତଃ କାମି ରିକା ଦାଡିୟଃତେୟାଃ ତାନାଃ । ୧୭ ଏଲିୟ ଆବୁଲେକା ହଡ୍ ତାଇକେନାଏ । ଇନିଃ ଦାଆଃ ଆଲକାଏ ଗାମାଏକା ମେନ୍ତେ ମିଦ୍ମନ୍ତେ ବିନ୍ଦିକାଦ୍ ତାଇକେନା, ଆପିୟା ଆତଃ ଆଧା ବାରାଷ୍ ଅତେଦିଶ୍ୱମ୍ରେ ଦାଆଃ କାଏ ଗାମାକେଦା । ୧୮ ଇନିଃ ଆତଃମିୟା ବିନ୍ଦିକେଦାଏ, ଆତଃ ସିମ୍ନାଏତେ ଦାଆଃ ଗାମାକେଦାଏ, ଆତଃ ଅତେରେ ହିତା ଜ ଅମନ୍ୟାନା ।

୧୯ ହେ ଆଇୟାଃ ହାଗା ମିଶିକ, ଆପେକ୍ଷାରେ ଜେତାଏ ହରା ଆଦେରେଦ୍, ଏଟାଃନିଃ ଇନିଃକେ ସାଡ୍ଡି ହରାତେ ରୁହାଡ୍ ଆଉଲୟାଏ । ୨୦ ✨ତାବ୍ଦ ପାହାମେପେ, ଜେତାଏ ଆଦାକାନ୍ ହରାଏତେ ପାପି ହଡ୍କେ ରୁହାଡ୍ ଆଉଲୟାଏ, ଇନିଃ ଏନ୍ ପାପି ହଡ୍ରାଃ ଆମ୍ନାକେ ଗନଏଃହେତେ ବାଞ୍ଚାଅୟା ଆତଃ ପୁରାଃ ପାପ୍କ ଛାମା ହବାଅଃଆ ।

## ପିତରଙ୍କ ଲିଖିତ ପ୍ରଥମ ପତ୍ର ପାଢ଼ରାସ୍ ଅଲୀକାଦ୍ ପାହିଲା ଚିଟାଉ ପାରିତାଏ

ପାଢ଼ରାସ୍‌ଆଃ ପାହିଲା ଚିଟାଉ ପ୍ରେରିତ୍ ପାଢ଼ରାସ୍ ହରାତେ ଅଲୀକାନା । ପାଢ଼ରାସ୍ ଅକଏ ତାନିଃ ଆତଃ ନେ ଚିଟାଉ ଅକଏତାଃ ଅଲୀକାଦାଏ, ନେ ବିଷାଏରେ କାଜିକେଦ୍‌ତେ ଚିଟାଉ ଅଲ୍ ଏଟେଦ୍‌କାଦାଏ । ଇନିଃ ନେ ଚିଟାଉରେ ବେଗାର୍ ଚିହ୍ନାର୍ ଖ୍ରୀଷ୍ଟିୟାନ୍ ହତ୍‌କକେ ଅଲୀକାଦ୍‌କଥା ୧:୧; ୧:୧୭; ୨:୧୧ । ଇନ୍‌କୁ ଅତେଦିଶ୍ଟୁମ୍‌ରେ ଛିତିବିତିକାନ୍ ହରାତେ ଇନିଃ ଆୟାଃ ପାଢ଼ାଅତାନ୍ ହତ୍‌କକେ ପୁରାଃସାଃ ନେ'ଲେକାଏ କାଜିକାଦ୍‌କଥା । ତିଆଃତି ନେ ଚିଟାଉ ଏଫିସ୍‌ସ୍ କାଲିସିୟାତେ ଅଲୀକାଦ୍ ପାଠଲୁୟାଃ ଚିଟାଉ ଲେକା ତାନାଃ । ପୁରାଃ ହତ୍‌କ ବିଶ୍ୱାସାଃକ ଯେ, ପାହିଲା ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ଜାନାମ୍‌ରେୟାଃ ୬୫ ବାରାଷ୍ ତାୟମ୍‌ତେ ଅଲୀକାନ୍ ତାଇକେନା । ପାଢ଼ରାସ୍ ନେ ଚିଟାଉ ରୋମ୍ ନାଗାର୍‌ହେତେ ଅଲୀକାଦା, ଅକ୍‌ନାଃକେଚି ବାବିଲୋନ୍ ମେନ୍ତେ ଇନିଃ କାଜିୟାଃଏ ୫:୧୩ ।

ପାଢ଼ରାସ୍ ନେ ଚିଟାଉରେ କାଜିୟାଃଏ ଯେ, ନେ ଚିଟାଉରେୟାଃ ଉଦ୍‌ଦେଶ୍ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେ ଆତଃ ପାର୍‌ମେଶ୍ୱାର୍‌ଆଃ ସାର୍‌ତି ସାୟାଦ୍‌ରେୟାଃ ଗାଞ୍ଜା ଏମ୍ ନାଗେନ୍ତେ ତାନାଃ ୫:୧୨; ୧ ପାଢ଼ରାସ୍ ୨:୧୧-୩:୭; ଏଫିସିୟ ୫:୧୮-୬:୯, ଆତଃ କଲସିୟ ୩:୧୮-୪:୬ ନେଆଁରେ ମିଦ୍‌ଜକାଗି ମେନାଃ । ନେ ଆପିୟା ଚିଟାଉରେୟାଃ ସବେନ୍ ଆଧ୍ୟାୟରେ କୁଟୁମ୍ କୁପୁଲ୍‌କଥାଃ ନାତା ବିଷାଏରେ ଆତଃ ଆକ୍‌ତେୟାର୍ ନାମାକାଦ୍‌କକେ ମାନାତିଙ୍ଗ୍ ବିଷାଏରେ ଇନିତୁ ଏମାଃଏ । ତୁଣ୍ଡୁଦିପିଲି ନାଡେଜଃତାନ୍ ହରାତେ ଇନିଃ ଦୁକୁ ଇମ୍‌ତାହଗି ସାହାତିଙ୍ଗ୍‌କେଦ୍‌ତେ ତାଇନଃ ନାଗେନ୍ତେ ଖ୍ରୀଷ୍ଟିୟାନ୍ ହତ୍‌କକେ ଜୀଉରେ ରାସ୍‌କା ଏମାଃଏ ୪:୧ ।

### ପୁଅ ଭିତାରେ ତାଇକାନ୍ କାଜି

୧. ପାଢ଼ରାସ୍ ଆୟାଃ ପାଢ଼ାଅତାନ୍ ହତ୍‌କକେ ଆୟାଃ ବିଷାଏରେ ପାରିତାଏ ଆତଃ ଆୟାଃ ଆପୁଆଃ ଅଡ଼ାଃ ଠାୟାଦ୍ ଏମାଃଏ । ୧:୧-୨
୨. ପାଢ଼ରାସ୍ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଃଏ ଯେ, ସବେନ୍‌କ ପାର୍‌ମେଶ୍ୱାର୍‌ଆଃ ପାରିତ୍ରାଣ୍‌ରେୟାଃ ହିସା ହବାଅଃଆକ, ଅକ୍‌ନାଃ ଆକଥାଃ ଜୀଦାନ୍‌ରେୟାଃ ଉଦ୍‌ଦେଶ୍ ତାନାଃ । ୧:୩-୨:୧୦
୩. ଅତେଦିଶ୍ଟୁମ୍‌ରେ ଚିଲ୍‌କା ବୁଗିଲେକା ଜୀଦାନ୍ ବିତାଅ ହବାଅଃ ଲାଗାତିଙ୍ଗ୍‌ୟାଃ ଆତଃ କଡ଼ା କୁଡ଼ି, ଗୁସିୟାଁ ଆତଃ ଦାସି ଆଲାରେ ଚିଲ୍‌କା ନାତା ଦହ ଲାଗାତିଙ୍ଗ୍‌ୟାଃ ଏନାରେୟାଃ ଇନିତୁ ଏମାଃଏ । ୨:୧୧-୪:୧୧
୪. ଦୁକୁ ଇମ୍‌ତାକରେ ସାହାତିଙ୍ଗ୍‌କେଦ୍‌ତେ ତାଇନଃ ନାଗେନ୍ତେ ପାଢ଼ରାସ୍ ଇନ୍‌କୁକେ ଜୀଉରେ ରାସ୍‌କା ଏମାଃଏ । ୪:୧୨-୫:୧୧
୫. ଏନ୍ତେ ଇନିଃ ଆୟାଃ ଚିଟାଉ ଅଲ୍‌କେଦ୍‌ତେ ଚାବାକେଦା । ୫:୧୨-୧୪

୧ ଆଇଙ୍ଗ୍ ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ମିଆଁଦ୍ କୁଲୀକାନ୍‌ନିଃ ତାନିଙ୍ଗ୍, ପନ୍ତସ୍, ଗାଲାତିୟ, କାପାଦକିଆ, ଏସିଆ, ବେଥ୍‌ନିଆ, ରାଇଜ୍‌କରେ ଛିତିବିତିକେଦ୍‌ତେ ତାଇନଃତାନ୍ ପାର୍‌ମେଶ୍ୱାର୍‌ଆଃ ସାଲୀକାନ୍ ହତ୍‌କକେ ନେ ଚିଟାଉ ଅଲେତାନାଇଙ୍ଗ୍ ।

୨ ଆପୁ ପାର୍‌ମେଶ୍ୱାର୍ ସିଦାରେ ଉହାଟ୍‌କାଦ୍ ସେଣାଁ ଲେକାତେ ଆପେ ସାଲୀକାନାପେ ଆତଃ ଯୀଶୁ ଖ୍ରୀଷ୍ଟିଆଃ କାଜି ମାନାତିଙ୍ଗ୍‌କେଦ୍‌ତେ ଆୟାଃ



ମାୟୋମରେ ଫାରବିୟଃ ନାଗେନ୍ତେ ଆପେ ପାବିତାର୍ ଆମ୍ବାତେ ପାବିତାର୍ ହତ୍ତପେ ବାଲ୍ୟାକାନା । ପାର୍ମେଶ୍ୱାର୍ଆଃ ସାୟାଦ୍ ଆତଃ ଜୀଉସୁକ୍ତୁ ଆପେୟାଃ ପୁରାଃତେ ହବାଅଃକା ।

ମିଆଁଦ୍ ଜାନିଦ୍‌ରାଃ ଆସ୍ତା

୩ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍, ଆପୁ ପାର୍ମେଶ୍ୱାର୍ଆଃ ସାହାରାଅ ହବାଅଃକା, ଚିୟାଃଚି ଆୟାଃ ମାରାଙ୍ଗ୍ ଦାୟାତେ ଯୀଶୁ ଖ୍ରୀଷ୍ଟ୍‌କେ ଗନଏଃହେତେ ଜୀଉବିରିଦ୍‌କିୟାଏ, ଆତଃ ଆରୁକେ ନାଞ୍ଜା ଜୀଞ୍ଜାନ୍ ଏମାକାଦ୍‌ରୁଆଏ । ନେଆଁ ଆରୁକେ ଜାନିଦ୍ ଆସ୍ତାରେ ପେରେଜାକାଦ୍‌ରୁଆ । ୪ ଏନାମେନ୍ତେ ପାର୍ମେଶ୍ୱାର୍ ଆୟାଃ ହତ୍ତକ ନାଙ୍ଗ୍ ମାରାଙ୍ଗ୍ ଆଶିଷ୍ ଦହାକାଦାଏ, ଏନାକେ ନାମେ ନାଗେନ୍ତେ ଆରୁ ସବେନ୍‌କ ତାଙ୍ଗିତାନାରୁ । ଇନିଃ ଏନାକେ ଆପେ ନାଗେନ୍ତେ ସିର୍ମାରେ ଦହାକାଦା । ଏନ୍ତାଃରେ ଏନା କା ସୟାଃଞ୍ଜା, କା ଜିୟନଃଆ, ଆତଃ କା ଗସଃଆ । ୫ ରୁଶ୍ଟୁ ଦ୍ୱିପିଲିରେ ଅକ ଜୀଉବାଞ୍ଚାଅ ଉଦୁବଃ ନାଗେନ୍ତେ ସେକାଡାକାନା, ଏନାକେ ନାମେ ନାଙ୍ଗ୍ ଆପେୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ପେଡ଼େଃତେ ଜାଡନାଅ କାନାପେ ।

୬ ଏନାତେ ଆପେ ରାସ୍‌କାଅଃପେ । ହବାସାକାଅଆଃ ଚିମିନ୍ ରାକାମ୍‌ରେୟାଃ ଦୁକୁହାସୁ ହରାତେ ଆପେକେ ନାହାଁଃ କାଚିଃ ଘାଡ଼ିକାଦ୍ ନାଙ୍ଗ୍ ଦୁକୁ ହବାଅଃ ଲାଗାତିଙ୍ଗ୍‌ୟାଃ । ୭ ଆପେୟାଃ ବିଶ୍ୱାସ୍ ସାର୍ତ୍ତିତାନାଃଚି ନାହାଁଲାଃ ଏନା ବିଡାଅ ନାଗେନ୍ତେ ନେ ସବେନାଃରାଃ ଉଦେଶ୍ ତାନାଃ । ସୋନାକେ ସେଙ୍ଗେଲ୍‌ରେ ବିଡାଅକେଦ୍‌ତେ ବୁଗିନାଃ ତାନାଃଚି ନାହାଁଲାଃ ଏନା ସାରିୟଃଆ, ମେନ୍‌ଦ ଏନା ଜିୟନଃତେୟାଃ ତାନାଃ । ଆପେୟାଃ ବିଶ୍ୱାସ୍ ସୋନାଏତେୟାଃ ପୁରାଃ ଗନଙ୍ଗ୍‌ଆଁନ୍ ତାନାଃ ଏନା ନାଗେନ୍ତେ ବିନିଡାଅ ହରାତେ ଏନାକେ ପକ୍‌ତାଏ ଲାଗାତିଙ୍ଗ୍‌ୟାଃ । ଏନା ହବା ଦାଡ଼ିୟଃରେ, ଯୀଶୁ ଖ୍ରୀଷ୍ଟ୍‌ଆଃ ଉନ୍ନୁଦୁଦ୍ ଦିପିଲିରେ ଆପେ ମାଲନାନ୍, ମାନାରାଙ୍ଗ୍, ଆତଃ ସାହାରାଅପେ ନାମେୟା । ୮ ଆପେ ଇନିଃକେ କାପେ ନେଲ୍‌କାଲ୍‌ରେୟା ଦୁଲ୍‌ଲାଡ଼ିତାନାପେ ଆତଃ ନାହାଁଃ ହ୍ କାପେ ନେଲିତାନ୍‌ରେୟା ଇନିଃତାଃରେ ବିଶ୍ୱାସ୍‌କେଦ୍‌ତେ କା କାଜି ଦାଡ଼ିୟଃ ଲେକା ମାନାରାଙ୍ଗ୍ ରାସ୍‌କାତେପେ ରାସ୍‌କାଅଃତାନା, ୯ ଚିଆଃଚି ଆପେୟାଃ ବିଶ୍ୱାସ୍‌ରେଆଃ ନାଲା ଆପେୟାଃ ଆମ୍‌ରାଃ ଜୀଉବାଞ୍ଚାଅ ତାନା, ଏନାପେ ନାମାକାଦା ।

୧୦ ନେ ଜୀଉବାଞ୍ଚାଅ ବିଷାଏରେ ନାବୀକ ପୁରାଃ ବୁଗିଲେକା ଦାଣାଁ ନାମ୍‌କେଦ୍‌ତେ ଇନ୍‌କୁ ପାର୍ମେଶ୍ୱାର୍ଆଃ ନେ ସାୟାଦ୍‌ରେୟାଃ ବାର୍‌ଦାନ୍ ବିଷାଏରେକ କାଜିଆୟାଦ୍‌କେଦା । ୧୧ ଏନ୍ ବାର୍‌ଦାନ୍‌କେ ଆପେ ଚିଉଲା ଆତଃ ଚିଲ୍‌କାତେପେ ନାମେୟା, ଏନା ସାରିନାମ୍ ନାଗେନ୍ତେ ଇନ୍‌କୁ ଚେଷ୍ଟା ତାଲକେନାକ । ଏନ୍ ବିଷାଏରେ ପାବିତାର୍ ଆମ୍‌ରାଃ ଦେଙ୍ଗାତେ ଇନ୍‌କୁ ଖ୍ରୀଷ୍ଟ୍‌ଆଃ ଦୁକୁ ଆତଃ ତାୟମ୍‌ତେରାଃ ମାନାରାଙ୍ଗ୍ ବିଷାଏରେ ଆୟାଦ୍‌କାଜି କାଜିକାଦ୍ ତାଲକେନାକ । ୧୨ ନେ ସବେନ୍ ବିଷାଏରେ ଇନ୍‌କୁ ଆକଆଃ ଆପ୍‌ନାଃ ସୁନ୍‌ସାର୍ କା ରିକାକେଦ୍‌ତେ ଆପେୟାଃ ସୁନ୍‌ସାର୍ ରିକା ତାଲକେନାକ, ମେନ୍‌ଦ ଇନ୍‌କୁ ଆକଆଃ ବୁଗିନ୍ ନାଗେନ୍ତେ ଜେଡ୍‌ନାଃ କାକ କାମିକେଦା । ଇନ୍‌କୁ କାଜି ତାଲକେନ୍‌ତେୟାଃ ଆପେ ନାଗେନ୍ତେ ଉଦୁବ୍‌କାନ୍ ତାଲକେନା । ଏନା ସିର୍ମାଏତେ କୁଲ୍‌କାନ୍ ପାବିତାର୍ ଆମ୍‌ରାଃ ପେଡ଼େଃତେ ନାହାଁଃ କାଜି ଏମ୍‌ତାନ୍‌କଆଃ ହରାତେ ଆପେତାଃତେ ସୁକୁକାଜି ଉଦୁବାକାନା, ଏନ୍ ସବେନ୍ ବିଷାଏ ଦୁଡ୍‌କହ ନେଲ୍ ନାଗେନ୍ତେକ ସାନାଙ୍ଗ୍‌ତାନା ।

ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ କେନେଡ଼ା

୧୩ ଏନାମେନ୍ତେ, କାମି ନାଙ୍ଗ୍ ଆପେୟାଃ ମନ୍‌ରେ ସେକାଡାକାନ୍ ତାଲନ୍‌ପେ । ଚିର୍ଗାଲାକାନ୍‌ପେ, ଯୀଶୁ ଖ୍ରୀଷ୍ଟ୍ ଉଦୁବଃ ଇମ୍‌ତାରେ ଆପେକେ ଅକ ସାୟାଦ୍‌ରେୟାଃ ଜୀଉବାଞ୍ଚାଅ ଏମଃଆ ଏନାରେ ପୁରାଃତେ ଆସ୍ତା ଦହେପେ । ୧୪ ପାର୍ମେଶ୍ୱାର୍ଆଃ

କାଜି ମାନାଡ଼ିଙ୍ଗ୍‌ପେ, ଆଡ଼ଃ ଆପେ ବେଗାର୍ ସାରିତେ ଏଡ଼କାନ୍ ସାନାଙ୍ଗ୍‌ରେପେ ଜୀହୁଦଃ ତାଇକେନ୍ ଲେକା ଆଲ୍‌ପେ ସେସେନା । ୧୫ ମେନ୍‌ଦ ଆପେକେ କେଡ଼ାକେନ୍‌ନିଃ ପାବିତାର୍ ମେନାଇ ଲେକାଗି ଆପେୟ ସବେନ୍ ଚାଇଲ୍ ଚାଇଲ୍‌ରେ ପାବିତାରଃପେ । ୧୬ ଧାରାମ୍‌ପୁଥିରେ ଅଲ୍‌କାନା, “ଆପେ ପାବିତାରଃପେ ଚିୟାଃତି ଆଇଙ୍ଗ୍ ପାବିତାର୍ ତାନିଙ୍ଗ୍ ।”

୧୭ ପାର୍‌ମେଶ୍ୱାର୍ ଜେତାଏୟାଃ ମେଦ୍‌ମୁହ୍‌ଡ଼୍ କା ନେଲ୍‌କେଦ୍‌ତେ ଆକଆଃ କାମି ଲେକାତେ ବିଚାର୍‌କଆ । ଆପେ ଇନିଃତାଃରେ ବିନ୍ତି ଇମ୍‌ତା ଇନିଃକେ ଆପୁ ମେନ୍ତେପେ ମାଇନିତାନ୍‌ରେଦ୍, ନେ ଅତେରେ ଆପେୟାଃ ଜୀଝାନ୍ ବାଚାଅକାନ୍ ନେତାରେ ଇନିଃକେ ବରଭାକ୍ତିତାନ୍‌ଲଃ ଜୀଝାନ୍ ବିତାଏପେ । ୧୮ ଆପେଦ୍ ସାରିତାନାପେ, ଆପେୟାଃ ପୁରଃ ହଡ଼କତାଃଏତେ ହିଜୁଃକାନ୍ ରିତିରିଝାଜ୍ ଆଡ଼ଃ ସାମାରେୟାଃ ଜୀଝାନ୍‌ଏତେ ଆପେକେ ମୁକ୍ତି ଏମ୍ ନାଙ୍ଗ୍ ପାର୍‌ମେଶ୍ୱାର୍‌କେ ଗନଙ୍ଗ୍ ଏମ୍ ଲାଗାଡ଼ିଙ୍ଗ୍ ତାଇକେନା । ଏନା ରୁପା ଚାଏ ସୋନା ଲେକାନ୍ ଜିୟନଃ ଜିନିଷ୍ କା ତାଇକେନା, ୧୯ ମେନ୍‌ଦ ବେଗାର୍ ଦାଗିକାନ୍ ଆଡ଼ଃ କା ଚିଟାକାନ୍ ମିଣ୍ଡିହ୍‌ନ୍ ଲେକା ଯୀଶୁ ଖ୍ରୀଷ୍ଟ୍‌ଆଃ ପୁରାଃ ଗନଙ୍ଗ୍‌ଆଁନ୍ ମାୟୋମ୍‌ତେ ରାଡ଼ାକାନାପେ । ୨୦ ଇନିଃଦ୍ ଅତେଦିଶ୍ୱମ୍‌ରେୟାଃ ବାଇୟାଃ ସିଦାରେ ପାର୍‌ମେଶ୍ୱାର୍‌ତେ ସାଲ୍‌କାନ୍ ତାଇକେନାଏ ଆଡ଼ଃ ଆପେ ନାଗେନ୍ତେ ନେ ଟୁଣ୍ଡୁ ଦିପିଲିରେ ଉଦୁବାକାନା । ୨୧ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା ଆଡ଼ଃ ମାନାରାଙ୍ଗ୍ ଏମ୍‌କିୟାଏ । ଇନିୟାଃ ହରାତେ ଆପେ ପାର୍‌ମେଶ୍ୱାର୍‌କେପେ ବିଶ୍ୱାସୀ ତାନା, ଏନାତେ ପାର୍‌ମେଶ୍ୱାର୍‌ତାଃରେ ଆପେୟାଃ ବିଶ୍ୱାସ୍ ଆଡ଼ଃ ଆସ୍ତା କେଟେୟାଃ ତାନା ।

୨୨ ନାହାଁଃ ଆପେ ସାର୍‌ତି ମାନାଡ଼ିଙ୍ଗ୍‌ତାନ୍ ହରାତେ ଆପେ ଆପେଗି ଫାର୍‌ତିଆକାନାପେ ଆଡ଼ଃ ବିଶ୍ୱାସ୍‌ତାନ୍ ହାଗାକକେ ଆପେୟାଃ ସବେନ୍ ମନ୍‌ପୁରୁଦ୍‌ତେ ଦୁଲ୍‌ଡ଼କପେ, ଆଡ଼ଃ ସବେନ୍‌କଲଃ ଦୁପୁଲ୍‌ଡ଼ରେ ତାଇନ୍‌ପେ । ୨୩ ଚିୟାଃତି ପାର୍‌ମେଶ୍ୱାର୍‌ଆଃ ଜୀନିଦ୍ ଆଡ଼ଃ କା ଜିୟନଃ ବାଚାନ୍‌ତେ ଚାଏ ଆପେଦ୍ ଗନଏଃରେନ୍ ଆପୁଆଃ ହନ୍ ଲେକା କାହାଗି ମେନ୍‌ଦ୍ କା ଗନଏଃ ଆପୁଆଃ ହନ୍ ଲେକାପେ ଜାନାମ୍‌ରୁହାଡ଼କାନା । ୨୪ ଧାରାମ୍‌ପୁଥିରେ ଅଲ୍‌କାନା, “ସବେନ୍ ହଡ଼କ ତାସାଦ୍ ଲେକାଃକ,

ଆଡ଼ଃ ଇନ୍‌କୁଆଃ ସବେନ୍ ସୁଗାଡ଼ାନ୍‌ତେୟାଃ ବିର୍ ବାହା ଲେକାଃ । ତାସାଦ୍ ରହଡ଼କଆଃ ଆଡ଼ଃ ବାହା ଗାସାର୍‌କଆଃ, ୨୫ ମେନ୍‌ଦ୍ ପାର୍‌ମେଶ୍ୱାର୍‌ଆଃ ବାଚାନ୍ ଜାନାଅ ଜାନାଅ ଜାକେଦ୍ ତାଇନାଃ ।” ନେଆଁ ଏନ୍ ସୁକୁକାଜି ଅକ୍‌ନାଃ ଆପେତାଃରେ ଉଦୁବାକାନା ।

### ୨

ଜୀନିଦ୍ ଦିରି ଆଡ଼ଃ ପାବିତାର୍ ହଡ଼କ

୧ ଆପେ ସବେନ୍ ଲେକାନ୍ ଏଡ଼କାନାଃଏତେ ସାଙ୍ଗିନେନ୍‌ପେ । ସବେନ୍ ଏଡ଼କାନ୍ କାଜି ଚାଏ ହସଡ଼ କାଜି ଚାଏ ହିସଙ୍ଗା କାଜି ଚାଏ ରୁପରା କାଜିକ ବାଗିପେ । ୨ ନାଝାଜାନାମ୍ ହନ୍‌ଲେକା ହବାଅଃପେ । ସବେନ୍ ଇମ୍‌ତା ଫାର୍‌ତି ଆମ୍‌ିକ୍ ତଆ ନୁଁ ନାଗେନ୍ତେ ତେତାଙ୍ଗ୍‌ଅଃପେ, ଜେଲେକାତି ଆପେ ନୁଁକେଦ୍‌ତେ ହାରା ଦାଡ଼ିୟାଆପେ ଆଡ଼ଃ ବାଞ୍ଚାଅପେ ନାମେୟା । ୩ ଧାରାମ୍‌ପୁଥିରେ ଅଲ୍‌କାନା, “ପ୍ରାଭୁ ଚିମିନ୍ ଦାୟାଲୁ ତାନିଃ, ଏନା ଆପେ ଆର୍‌କାର୍‌ଉରୁମ୍ କାଦାପେ ।”

୪ ଜୀନିଦ୍ ଦିରି ଲେକାନ୍‌ନିଃଗି ଏନ୍ ପ୍ରାଭୁ ତାନିଃ, ହଡ଼କ ଇନିଃକେ କା ଗନଙ୍ଗ୍‌ଆଁନ୍ ଲେକା ଗେନା ଆତମ୍‌କିୟାକ, ଇନିଃତାଃତେ ହିଜୁଃପେ, ଚିୟାଃତି ପାର୍‌ମେଶ୍ୱାର୍‌ତାଃରେ ଇନିଃ ପୁରାଃ ଗନଙ୍ଗ୍‌ଆଁନ୍ ହବାକେଦ୍‌ତେ ସାଲ୍‌ୟାନାଏ । ୫ ଆପେ ମିଆଁଦ୍ ଆମ୍‌ିକ୍ ମାୟିର୍ ବାଇୟେନ୍ ନାଙ୍ଗ୍ ଜୀନିଦ୍ ଦିରି ଲେକା ବାଉରାଅଃ

ନାଗେନ୍ଦ୍ରେ ହିନ୍ଦୁଃପେ । ଏନ୍ ମାନ୍ଦିର୍ ଅଡ଼ାଃରେ ଆପେ ଯୀଶୁ ଖ୍ରୀଷ୍ଟୁଆଃ ହରାତେ ପାର୍ମେଶ୍ଵାର୍ ସୁକ୍ଷୁଆଏ ଲେକା ଆମ୍ବିକ୍ ଦାଣ୍ଠେ ରାକାବ୍ ନାଗେନ୍ଦ୍ରେ ପାବିତାର୍ ଯାଜାକ୍ କାମି କାମିୟାପେ ।<sup>୨</sup> ଚିୟାଃଟି ଧାରାମ୍ପୁଥ୍ରେ ଅଲ୍ଲାନା,

“ଆଲେ ମିଆଁଦ୍ ପୁରାଃ ଗନଙ୍ଗ୍ଆନ୍ ଦିରି ସାଲ୍ଲାନାଦାଲେ,  
ଏନାକେ ଆଲେ ସିୟୋନ୍ରେୟାଃ କଟା ଦିରି ଲେକାଲେ ମାଣ୍ଡାୟକାଦା ।  
ଜେତାଏ ଇନିଃରେ ବିଶ୍ଵାସେନିଃ, ଚିତଲ୍ଲାଅ କାଏ ଗିହୁଗଃଆ ।”

<sup>୩</sup> ଆପେ ବିଶ୍ଵାସ୍ତାନ ହରାତେ ନେ ଦିରି ଆପେୟାଃ ନାଙ୍ଗ୍ ପୁରାଃଗି ଗନଙ୍ଗ୍ଆନ୍ ତାନାଃ । ମେନ୍ଦ୍ କା ବିଶ୍ଵାସ୍ତାନକଥାଃ ନାଙ୍ଗ୍,

“ଅଡ଼ାଃ ବାବାଇକ୍ ଅକନ୍ ଦିରିକେ ଗେନା ଆତମ୍ବକେଦାକ୍,  
ଏନା ନାହାଁଃ ସବେନାଃରାଃ କଟା ଦିରି ହବାୟାନା ।”

୮ ଧାରାମ୍ପୁଥ୍ରେ ଆଡ଼ଃଗି ଅଲ୍ଲାନା,

“ନେ ସେରେଙ୍ଗ୍ ଦିରି ଚେତାନ୍ରେ ପୁରାଃ ହଡ଼କ୍ ତହଦଃଆକ୍,  
ନେ ସେରେଙ୍ଗ୍ ହରାତେ ଇନ୍କୁଆଃ ଜିୟନ୍ ହବାଅଃଆ ।” ଇନ୍କୁ  
ପାର୍ମେଶ୍ଵାର୍ଆଃ ବାଚାନ୍କେ କାକ୍ ମାନାତିଙ୍ଗ୍କେଦା, ଏନାତେ ଇନ୍କୁ  
ତହଦ୍ୟାନାକ୍ । ନେଆଁ ଇନ୍କୁଆଃ ନାଗେନ୍ଦ୍ରେ ପାର୍ମେଶ୍ଵାର୍ଆଃ ସାନାଙ୍ଗ୍  
ତାଇକେନା ।

<sup>୯</sup> ମେନ୍ଦ୍ ପାର୍ମେଶ୍ଵାର୍ ଆପେକେ ନୁବାଃହେତେ ଆୟାଃ ଆକ୍ଦାନ୍ଦାଅ ମାସ୍ତାଲ୍ତେ କେଡ଼ାକାଦ୍ପେୟା, ଜେ'ଲେକାଟି ଆପେ ପାର୍ମେଶ୍ଵାର୍ଆଃ ଆକ୍ଚାକାଅ କାମିକପେ ଉଦୁବେଆ, ଏନାମେନ୍ଦ୍ରେ ଆପେ ମିପିହୁଡ୍ ସାଲ୍ଲାନାନ୍ ହଡ଼କ୍ ତାନ୍ପେ, ରାଜା ଲେକାନ୍ ଯାଜାକ୍ କିଲିକ୍, ପାବିତାର୍ ହଡ଼କ୍, ଆଡ଼ଃ ପାର୍ମେଶ୍ଵାର୍ଆଃ ଆୟାଃ ହଡ଼କପେ ହବାକାନା ।<sup>୧୦</sup> ସିଦା ଆପେ ପାର୍ମେଶ୍ଵାର୍ଆଃ ହଡ଼କ୍ କାପେ ତାଇକେନା, ମେନ୍ଦ୍ ନାହାଁଃ ଆୟାଃ ହଡ଼କ୍ ତାନ୍ପେ । ସିଦା ପାର୍ମେଶ୍ଵାର୍ଆଃ ଦାୟା କାପେ ସାରିକାଦ୍ ତାଇକେନା, ମେନ୍ଦ୍ ନାହାଁଃ ଆପେ ଇନିୟାଃ ଦାୟା ନାମାକାଦାପେ ।

ପାର୍ମେଶ୍ଵାର୍ଆଃ ଦାସି

<sup>୧୧</sup> ହେ ଦୁଲ୍ଲାଡ୍ ହାଗା ମିଶିକ୍, ଆପେ ନେ ଅତେଦିଶ୍ଵମ୍ରେନ୍ଦ୍ ନାହାଁଲ୍ଲାପେ ଆଡ଼ଃ କା ଚିହ୍ନାଁର୍ ଲେକାନ୍ଦ୍ ତାନ୍ପେ, ଏନାମେନ୍ଦ୍ରେ ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ଆପେ ହଡ଼ମ୍ରେୟାଃ ଏଡ଼କାନ୍ ସାନାଙ୍ଗ୍କଏତେ ସାଙ୍ଗିନେନ୍ପେ, ଏନାକଦ୍ ଆମ୍ବାରେୟାଃ ବିରୁଧ୍ରେ ଲାଡ଼ାଇୟାଃ ।<sup>୧୨</sup> ସାଅଁସାର୍ ହଡ଼କଥାଃ ଆଲ୍ଲାରେ ଆପେୟାଃ ଚାଇଲ୍ ଚାଲାନ୍ ବୁଗିଲେକା ହବାଅଃ ଲାଗାତିୟାଁ, ଚିମ୍ତା ଇନ୍କୁ ଆପେକେ ଏଡ଼କାନ୍ କାମିହଡ଼ ମେନ୍ଦ୍ରେକ୍ ହିଲ୍ଲାଙ୍ଗ୍ପେରେ, ଆପେୟାଃ ବୁଗିନ୍ କାମି ନେଲ୍କେଦ୍ତେ ଯୀଶୁ ଖ୍ରୀଷ୍ଟୁଆଃ ହିନ୍ଦୁଃ ହୁଲ୍ଲାଙ୍ଗ୍ରେ ପାର୍ମେଶ୍ଵାର୍କେକ୍ ମାଇନିୟା ।

<sup>୧୩</sup> ପ୍ରାଭୁଆଃ ନୁଡ଼ମ୍ତେଇଙ୍ଗ୍ ବିକ୍ରିପେ ତାନା, ସବେନ୍ ଆକ୍ତେୟାର୍ ନାମାକାଦ୍ ହଡ଼କଥାଃ ଆବରରେ ତାଇନ୍ପେ । ରାଜା ତାଇନଃ ଚାଏ, ଲାନ୍ସାହେବ୍, ଆଡ଼ଃ ଏଟାଃ ହାକିମ୍କେ ମାନାତିଙ୍ଗ୍କପେ ।<sup>୧୪</sup> ହାକିମ୍କ, ଏଡ଼କାନ୍ ହଡ଼କକେ ସାଜାଇ ଏମ୍ ନାଗେନ୍ଦ୍ରେ ଆଡ଼ଃ ବୁଗିନ୍ କାମି କାମିକାଦ୍ ହଡ଼କକେ ସାହାରାଅକ୍ ନାଗେନ୍ଦ୍ରେ ଇନିଃ ଇନ୍କୁକେ ସାଲ୍ଲାନାଦ୍କଥା ।<sup>୧୫</sup> ଆପେ ବୁଗିନ୍ କାମିତେ କା ସେଣ୍ଡାନ୍ ଡ଼ଣ୍ଡ୍ ହଡ଼କକେ ହାପାଡ଼ାଚ୍ଚକପେ, ଏନା ପାର୍ମେଶ୍ଵାର୍ଆଃ ସାନାଙ୍ଗ୍ ତାନାଃ ।<sup>୧୬</sup> ରାଡ଼ାକାନ୍ ହଡ଼କ୍ ଲେକା ଜୀହୁଦଃପେ, ମେନ୍ଦ୍ ଆପେ ରାଡ଼ାକାନାଲେ ମେନ୍ଦ୍ରେ ଏଡ଼କାନ୍ କାମିରେଲେ ତାଇନା ମେନ୍ଦ୍ରେ କା ଉଡ଼୍ଡ୍କେଦ୍ତେ, ପାର୍ମେଶ୍ଵାର୍ଆଃ କିରିଙ୍ଗ୍ୟାକାନ୍ ଦାସି ଲେକା ଜୀଝାନ୍ ବିତାଏପେ ।<sup>୧୭</sup> ସବେନ୍କକେ ମାଇନ୍ଦ୍କପେ,

☆ ୨:୯ ୨:୯ ଡିଡ଼ସ୍ ୨:୧୪.

ଏଟାଃ ବିଶ୍ୱାସୀ ହାଗା ମିଶିକକେ ଦୁଲ୍ଲାଡ଼କପେ, ପାର୍ମେଶ୍ୱାରକେ ବରଥାଇପେ, ଆଡ଼ଃ ରାଜାକେ ମାଇନିପେ ।

ୟୀଶୁ ଖ୍ରୀଷ୍ଟୁଆଃ ଦୁକୁରେୟାଃ ନାମୁନା

୧୮ ହେ ଦାସିକ, ଆପେ ବରତାନ୍ଲଃ ଆପେୟାଃ ଗମ୍ବେକକେ ମାଇନକପେ, ବୁଗିନ୍ ଆଡ଼ଃ ଲେବେଃମନ୍ରେନ୍ ହଡ଼କକେ ଏସକାର କାହା, ମେନ୍ଦ କା ଲେବେଃମନ୍ରେନ୍ ହଡ଼କକେହ ମାଇନକପେ । ୧୯ ଆପେ ପାର୍ମେଶ୍ୱାରୁଆଃ ଇଛା ସାରିକାଦ୍ ହରାତେ ବେଗାର୍ ଗୁହ୍ଲୀରେ ସାସାତି ନାମେତାନ୍ଲଃ ଦୁକୁପେ ସାହାତିଙ୍ଗ୍ ତାନ୍ରେଦ, ପାର୍ମେଶ୍ୱାର୍ ଆପେକେ ଆଶିଷପେୟା । ୨୦ ଆପେ ଗୁହ୍ଲୀକେଦ୍ତେ ସାଜାଇପେ ନାମେରେଦ, ଏନାରେ ଚିକାନ୍ ମାରାଙ୍ଗ୍ ତାନାଃ ? ମେନ୍ଦ ଆପେ ବୁଗିନ୍ କାମିକେଦ୍ତେ ଦୁକୁପେ ସାହାତିଙ୍ଗ୍ ତାନ୍ରେଦ, ଏନାରେ ପାର୍ମେଶ୍ୱାର୍ ଆପେକେ ଆଶିଷପେୟା । ୨୧ ପାର୍ମେଶ୍ୱାର୍ ନେଆଁ ନାଗେନ୍ତେ ଆପେକେ କେଡ଼ାକାଦ୍ପେୟା । ଯୀଶୁ ଖ୍ରୀଷ୍ଟୁ ଆଇଃକ୍ଗି ଆପେ ନାଗେନ୍ତେ ଦୁକୁ ସାହାତିଙ୍ଗ୍କେଦ୍ତେ ନାମୁନା ଉଦୁବକାଦା, ଜେ'ଲେକାତି ଆପେ ଆୟାଃ ଉଦୁବକାଦ୍ ହରାକେପେ ଅତଙ୍ଗ୍ ଦାଡ଼ିୟା । ୨୨ ଇନିଃ ଜେଡ଼ନାଃ କାଏ ପାପକାଦା, ଆଡ଼ଃ ଆୟାଃ ମରାଏତେ ବେଦା କାଜି ଅତଙ୍ଗ୍ଅଃତେୟାଃ ଜେତାଏ ଚିତ୍ତଲାଅ କାକ ଆୟୁମକାଦା । ୨୩ ଇନିଃକେ ଲାନ୍ଦାକିୟାକ ଇମ୍ତା ଇନିଃ ଇନ୍କୁକେ କାଏ ଲାନ୍ଦାରୁହାଡ଼କେଦ୍କଆ, ଦୁକୁ ନାମ୍ବେଦ୍ ଇମ୍ତା ଇନ୍କୁଆଃ ବାଦ୍ଲା ଇଦିନାଙ୍ଗ୍ କାଏ ବତଙ୍ଗ୍କେଦ୍କଆ, ମେନ୍ଦ ନ୍ୟାୟ ବିଚାରନିଃ ପାର୍ମେଶ୍ୱାରୁତାଃରେ ପୁରାଃଗି ଆସ୍ରାକାଦ୍ ତାଇକେନାଏ । ୨୪ ଆରୁ ଜେ'ଲେକା ପାପ ନାଙ୍ଗ୍ ଗଏଃକେଦ୍ତେ, ଧାର୍ମାନ୍ ନାଗେନ୍ତେରୁ ଜୀହୁଦଃକା, ଏନାମେନ୍ତେ ଯୀଶୁ ଖ୍ରୀଷ୍ଟୁ ଆଇଃକ୍ଗି କୁଗ୍ ଚେତାନ୍ରେ ଆୟାଃ ହଡ଼ମରେ ଆରୁଆଃ ପାପକଏ ଗଅଃକେଦା । ଆରୁ ଆୟାଃ ହଡ଼ମରେ ହାଁଶ୍ୱାକାନ୍ ଘାଅ ହରାତେ ବୁଗିକାନାରୁ । ୨୫ ଆପେଦ ଆଦାକାନ୍ ମିଶ୍ଟିକ ଲେକାପେ ତାଇକେନା, ମେନ୍ଦ ନାହାଁଃ ଆପେୟାଃ ଆମ୍ବାରେନ୍ ମିଶ୍ଟିଗୁପିନିଃ ଆଡ଼ଃ ଆଗୁଆଇନିଃକେ ଅତଙ୍ଗ୍ଲ ନାଗେନ୍ତେପେ ଆଉରୁହାଡ଼ାକାନା ।

### ୩

ଆଶ୍ୱଦି କଡ଼ା କୁଡ଼ିକ ନାଙ୍ଗ୍ ଇନିତୁ

୧ \*ହେ ଆଶ୍ୱଦି କୁଡ଼ିକ, ଏନ୍ଲେକାଗି ଆପେ ଆପାନ୍ ଆପାନ୍ କଡ଼ାକଆଃ ଆବରରେ ତାଇନ୍ପେ । ଏନାତେ ଜେତା କଡ଼ା ପାର୍ମେଶ୍ୱାରୁଆଃ ବାଚାନ୍ କାଏ ମାନାତିଙ୍ଗ୍ରେଦ, ଆୟାଃ କୁଡ଼ିଆଃ ବୁଗିନ୍ ଚାଇଲ୍ ଚାଇଲ୍ ହରାତେ ଇନିଃ ବିଶ୍ୱାସେ ନାଙ୍ଗ୍ ଜିତାଅଇୟାଏ । ଆପେକେ ମିଦ୍ପଦ୍ହ କାଜି କା ଲାଗାତିଙ୍ଗ୍ୟାଃ, ୨ ଚିୟାଃଚି ଇନ୍କୁ ଆପେୟାଃ ବୁଗିନ୍ ଫାର୍ଚିତେୟାଃ ଆଡ଼ଃ ବରଭାକ୍ତିକ ନେଲେୟା । ୩ \*ଆପେୟାଃ ସିଙ୍ଗାରେନ୍, ଉଦ୍ ଗାଲାଙ୍ଗ୍ୟେନ୍, ସୋନା ତୁସିୟେନ୍, ଚାଏ ଲିକାଃ ତୁସିୟେନ୍, ନେ ସବେନାଃ, ନେପେଲ୍ ସିଙ୍ଗାର୍ ଏସକାର୍ ଆଲକା ହବାଅଃକା, ୪ ମେନ୍ଦ ଆପେୟାଃ ମନ୍ସୁରୁଦ୍ରେୟାଃ ସିଙ୍ଗାରେନ୍ ହବାଅଃତାନା, ଲେବେଃମନ୍ ଆଡ଼ଃ ବୁଗିନ୍ ସଭାଦ୍, ଏନା ପାର୍ମେଶ୍ୱାରୁଆଃ ନେପେଲ୍ରେ ସବେନାଃଏତେ ଗନଙ୍ଗ୍ଆନ୍ ଆଡ଼ଃ କା ଜିୟନଃତେୟାଃ ତାନାଃ । ୫ ଚିୟାଃଚି ପାର୍ମେଶ୍ୱାରୁତାଃରେ ଆସ୍ରାକାଦ୍ ସିଦା ଦିପିଲିରେନ୍ ପାବିତାର୍ କୁଡ଼ିକ ଆକଆଃ କଡ଼ାକଆଃ ଆବରରେ ତାଇନ୍ତାନ୍ ହରାତେ ଆକ ଆକଗି ସିଙ୍ଗାରଃ ତାଇକେନାକ । ୬ ଏନ୍ଲେକାଗି ସାରା ଆବ୍ରାହାମ୍ଆଃ କାଜି ମାନାତିଙ୍ଗ୍କେଦ୍ତେ ଇନିଃକେ ଆୟାଃ ଗମ୍ବେ ମେନ୍ତେ କାଜି

\* ୩:୧ ୩:୧ ଏପିସିୟ ୫:୨୨; କଲସିୟ ୩:୧୮.      \* ୩:୩ ୩:୩ ୧ ତିମଥ ୨:୯.

ତାଙ୍କକେନା । ନାହିଁଃ ଆପେୟ ଇନିୟାଃ କୁଡ଼ିହନକ ତାନପେ, ଆତଃ ଆପେ ବୁଗିନ୍ କାମିପେ ରିକାଏରେଦ, ଜେତାନ୍ ବିଷାଏରେ କାପେ ବରଏୟା ।

୭ \*ଏନ୍ଲେକାଗି ଏ କଡ଼ାକ, ଆପେୟାଃ କୁଡ଼ିକ, ଆପେଏତେ ପୁରାଠଗି ନାରାଦୁରା ମେନ୍ତେ ସାରିତାନଲଃ ଇନ୍କୁଲଃ ସାହାତିଙ୍ଗ୍‌ୟେଁ ଲେକା ଜୀଦାନ୍ ବିତାଏପେ । ଇନ୍କୁକେ ମାଈନକପେ, ଇନ୍କୁହ ପାରମେଶ୍ୱାର୍‌ଆଃ ସାୟାଦତେ ଆପେଲଃ ଜୀନିଦରାଃ ନାଲକ ନାମେୟା ଆପେ ଇନ୍କୁକେ ବୁଗିଲେକାପେ ମାଈନକରେଦ, ଆପେୟାଃ ବିନ୍ତ୍ରିରେ କାଜିକଟଙ୍ଗ୍ କାପେ ନାମେୟା ।

ବୁଗିନ୍ କାମି ନାଗେନ୍ତେ ଦୁକୁ

୮ ବୁଣ୍ଡୁରୁ, ଆପେ ସବେନକ ମିଦ୍ ମନ୍‌ରେ ତାଈନକେଦତେ ମିହୁଡ୍, ଆତଃମିହୁଡ୍‌ଲଃ ହାଗା ମିଗିଲେକା ଦୁପୁଲାତଃପେ ଆତଃ ମିହୁଡ୍, ଆତଃମିହୁଡ୍‌କେ ଦାୟାତାନିଲଃ ଲେବେଃମନ୍ ଲେକା ହବାଅଃପେ । ୯ ଏଡ଼କାନାଃ ନାଗେନ୍ତେ ଏଡ଼କାନାଃ, ତାଏ ସାରପାଅ ନାଗେନ୍ତେ ସାରପାଅ ଆଲ୍‌ପେ ଏମରୁହାଡ଼କଆ, ମେନ୍‌ଦ ଆଗିଷ୍‌କପେ, ଚିୟାଠତି ଆପେ ପାରମେଶ୍ୱାର୍‌ତାଃଏତେ ଆଗିଷ୍ ନାମେ ନାଗେନ୍ତେପେ କେଡ଼ାକାନା । ୧୦ ଧାରାମ୍‌ପୁଅରେ ଅଲକାନା, “ଜେତାଏ ଜୀଦାନ୍‌ରେ ସୁକୁ ନାମେ ନାଗେନ୍ତେ

ଆତଃ ସୁକୁରାଃ ଦିନ୍ ନେଲ୍ ନାଗେନ୍ତେ ସାନାଙ୍ଗ୍‌ତାନ୍‌ରେଦ,

ଇନିଃ ଏଡ଼କାନାଃ ଆଲକାଏ କାଜିକା

ଆତଃ ହସଡ୍ ଆଲକାଏ କାଜିକା ।

୧୧ ଇନିଃ ଏଡ଼କାନାଃଏତେ ସାଙ୍ଗିନ୍‌କେଦତେ ବୁଗିନାଃଏ କାମିକା,

ଆତଃ ଜୀଉସୁକୁ ଦାଣ୍ଟିକେଦତେ ଅତଙ୍ଗ୍‌ୟେଁକା ।

୧୨ ପ୍ରାଭୁଆଃ ନେପେଲ୍‌ରେ ଧାରମାନ୍ ହଡ଼କସାଃରେ ମେନାଃ,

ଆତଃ ଇନ୍କୁଆଃ ବିନ୍ତ୍ରି ଆୟୁମାଃଏ,

ମେନ୍‌ଦ ଏଡ଼କାନ୍ କାମିତାନ୍‌କଆଃ ବିନ୍ତ୍ରି କାଏ ଆୟୁମାଃ ।”

୧୩ ଆତଃ ଆପେ ବୁଗିନାଃତେୟାଃରେ ଚିହୁଲାନିପେ ହବାଅଃରେଦ, ଅକଏ ଆପେୟାଃ ଏଡ଼କାନ୍ ରିକାୟାଏ ? ୧୪ \*ମେନ୍‌ଦ ଧାରମାନ୍ ନାଗେନ୍ତେ ଆପେକେ ଦୁକୁ ସାହାତିଙ୍ଗ୍ ହବାଅଃରେୟ, ଆପେ ସୁକୁତାନ୍‌ଗିଆ । ଇନ୍କୁ ଆପେକେ ବତଙ୍ଗ୍‌ପେରେ ଆଲ୍‌ପେ ବରଏୟା, ଆତଃ ଆଲ୍‌ପେ ଆକ୍‌ବାକାଅଃଆ । ୧୫ ମେନ୍‌ଦ ଯାଶୁ ଖ୍ରୀଷ୍ଟକେ ପ୍ରାଭୁ ମେନ୍ତେ ଆପେୟାଃ ମନ୍‌ସୁରୁଦ୍‌ରେ ମାଈନିପେ । ଆପେତାଃରେ ତାଈନଃତାନ୍ ଆସ୍ରା ବିଷାଏରେ ଜେତାଏ ଆପେକେ କୁଲିପେରେ, ଇନିଃକେ କାଜିରୁହାଡ଼, ନାଙ୍ଗ୍ ସବେନ୍ ଇମ୍‌ତା ସେକାଡ଼ାକାନ୍ ତାଈନ୍‌ପେ, ୧୬ ମେନ୍‌ଦ ଲେବେଃମନ୍‌ତେ ଆତଃ ବୁଗିନ୍ ମାଈନତେ କାଜିରୁହାଡ଼କପେ । ଆପେୟାଃ ବିବେକ୍ ନିରାଲ୍ ଦହେପେ, ଏନ୍ତେ ଆପେ ଯାଶୁ ଖ୍ରୀଷ୍ଟକେ ଅତଙ୍ଗ୍ ନାଙ୍ଗ୍ ବୁଗିନ୍ ତାଈଲ୍ ତାଲାନରେ ତାଈନ୍ ଇମ୍‌ତା ଆପେୟାଃ ବିଷାଏରେ ଏଡ଼କାନ୍ କାଜି କାଜିତାନ୍‌କ ଗିହୁଗଃଆକ ୧୭ ଏଡ଼କାନ୍ କାମି କାମିକେଦତେ ଦୁକୁ ନାମ୍‌ହେତେ, ପାରମେଶ୍ୱାର୍‌ଆଃ ମନେଲେକା ବୁଗିନ୍ କାମି କାମିକେଦତେ ଦୁକୁ ନାମେତେୟାଃ ବୁଗିନାଃ ତାନାଃ । ୧୮ ଆପେକେ ପାରମେଶ୍ୱାର୍‌ତାଃତେ ସୁଡ଼ଃଆତପେ ନାଗେନ୍ତେ ଯାଶୁ ଖ୍ରୀଷ୍ଟ ଆଇଃକ୍‌ଗି ଧାରମାନ୍ ତାଈକେନ୍‌ରେୟ କା ଧାରମାନ୍ ହଡ଼କଆଃ ପାପ୍ ନାଗେନ୍ତେ ମିସାଗି ଗଏଃୟାନା । ଇନିଃ ହଡ଼ମ୍ ଲେକାତେ ଗଏଃୟାନା ମେନ୍‌ଦ ଆମ୍‌ ଲେକାତେ ଜୀହୁଦ୍‌ୟାନା, ୧୯ ଏନ୍ତେ ଆମ୍‌ତେ ଇନିଃ ତଲକାନ୍ ଆମ୍‌କତାଃ ସେନ୍‌କେଦତେ ପ୍ରାଚାର୍‌କେଦା । ୨୦ ନୁହୁଁ ଲାଉକା ବାଈତାନ୍ ଇମ୍‌ତା ପାରମେଶ୍ୱାର୍ ଧିରାଜ୍ ସାବ୍‌କେଦତେ ତାଙ୍ଗିତାନ୍ ତାଈକେନାଏ, ଇମ୍‌ତା ଅକନ୍ ହଡ଼କ ପାରମେଶ୍ୱାର୍‌କେ କାକ ମାନାତିଙ୍ଗ୍ ତାଈକେନା,

\* ୩:୭ ୩:୭ ଏପିସିୟ ୫:୨୫; କଲସିୟ ୩:୧୯.      \* ୩:୧୪ ୩:୧୪ ମାଥୁଉ ୫:୧୦.

ଇନକୁ ଏନ୍ ଆମ୍ବାକ ତାନକ । ଏନ୍ ଦାଆଃ ଜାହାଜ୍ରେ ବଲକେଦ୍‌ତେ କାମତିଗି ହଡ଼, ଚାଏ ସବେନ୍ ମେସାକେଦ୍‌ତେ ଇରାଲିୟା\* ଝାନ୍‌ଗି ଚୁଡ଼ା ଦାଆଃହେତେ ବାଞ୍ଛାଅୟାନାକ । ୨୧ ଏନାଦ ଆପେୟାଃ ଜୀଉବାଞ୍ଛାଅ ହବାଅଃତାନ୍ ବାପ୍ତିସ୍ମାରେୟାଃ ଜନକା ତାନାଃ । ନେ ବାପ୍ତିସ୍ମା ଆପେୟାଃ ହଡ଼ମରେୟାଃ ହୁମ୍ କାଏ ସାଙ୍ଗିନେଆଁ, ମେନ୍‌ଦ ପାର୍ମେଶ୍ଵାର୍‌ତାଃରେ ବୁଗିନ୍ ବିବେକ୍ ନାମେ ନାଗେନ୍ତେ ବିନ୍ତି, ଆତଃ ଯୀଶୁ ଖ୍ରୀଷ୍ଟାଆଃ ଜୀଉବିନିରିଦ୍ ହରାତେ ଆପେୟାଃ ଜୀଉବାଞ୍ଛାଅ ହବାଅଃତାନା ୨୨ ଏନ୍ ଯୀଶୁ ଖ୍ରୀଷ୍ଟ୍ ସିର୍ମାତେ ରାକାବ୍‌ୟାନା ଆତଃ ପାର୍ମେଶ୍ଵାର୍‌ଆଃ ଜମ୍‌ତିସାଃରେ ଦୁବାକାନା, ଆତଃ ସିର୍ମାରେନ୍ ଦୁଡ଼କ, ଆକ୍‌ତେୟାର୍ ନାମାକାଦକ, ପେଡ଼େଃ ନାମାକାଦକ ଇନିୟାଃ ଆବର୍‌ରେ ମେନାକଆ ।

**୪**

ମନ୍ ବାଦ୍‌ଲୀଅକାନ୍ ଜୀଞ୍ଜାନ୍

୧ ଯୀଶୁ ଖ୍ରୀଷ୍ଟ୍ ହଡ଼ମରେ ଦୁକୁ ନାମାକାଦ୍ ହରାତେ, ଆପେୟ ଇନିୟାଃ ଲେକାଗି ମନ୍ ବାଲକେଦ୍‌ତେ ଆପେଗି ପେଡ଼େୟେନ୍‌ପେ, ଚିୟାଃତି ଜେତାଏ ଖ୍ରୀଷ୍ଟାଆଃ ନାଗେନ୍ତେ ହଡ଼ମରେ ଦୁକୁ ନାମାକାଦ୍‌ନିଃ ପାପ୍‌ରେ ଆତଃ କାଏ ତାଇନାଃ । ୨ ନାହାଁଃଏତେ ଆପେୟାଃ ଅତେଦିଶ୍ଵମ୍‌ରେ ବାଚାଅକାନ୍ ଜୀଞ୍ଜାନ୍‌କେ ହଡ଼କଆଃ ଏଡ଼କାନ୍ ସାନାଙ୍ଗ୍ ଲେକାତେ କା ସେସେନ୍‌କେଦ୍‌ତେ ପାର୍ମେଶ୍ଵାର୍‌ଆଃ ମନେଲେକାତେ ସେସେନ୍ ଲାଗାତିଙ୍ଗ୍‌ୟାଃ । ୩ ସେନଃୟାନ୍ ଦିପିଲିକରେ ଆପେ ସାଆଁସାର୍ ହଡ଼କଲେକା ପୁରାଃଗି ଜୀଞ୍ଜାନ୍ ବିତାଅକାଦାପେ । ଆପେୟାଃ ଜୀଞ୍ଜାନ୍ ଏଡ଼କାନ୍ ସାନାଙ୍ଗ୍, ଇଲିଆର୍‌ଗ୍ ନୁଁରେ ବୁଲଃ, ରିଜ୍‌ରାଙ୍ଗ୍, ଆତଃ ମୁରୁଡ଼ ସେଞ୍ଜା ତାଇକେନାପେ । ୪ ନାହାଁଃ ଆପେ ସାଆଁସାର୍ ହଡ଼କ ଲେକା କା ଫାର୍‌ତି କାମିରେ ରାସ୍‌କାନ୍ ନାଙ୍ଗ୍ କାପେ ମେସାନ୍‌ତାନା, ଏନାତେ ଇନକୁ ଆକ୍‌ଦାନ୍‌ଆକେଦ୍‌ତେ ଆପେକେ ଲାନ୍‌ଦାପେ ତାନାକ । ୫ ମେନ୍‌ଦ ଅକ ପାର୍ମେଶ୍ଵାର୍ ଜାନିଦ୍ ଆତଃ ଗଜାକାନ୍‌କଆଃ ବିଚାର୍ ରିକାଃଏ, ଇନିଃତାଃରେ ଇନକୁକେ ହିସାବ୍ ଏମ୍ ଲାଗାତିଙ୍ଗ୍‌ୟାଃ । ୬ ଏନାମେନ୍ତେ ଗଜାକାନ୍‌କତାଃରେ ସୁକୁକାଜି ଉଦୁବ୍‌ୟାନା, ଜେ'ଲେକାଗି ଇନକୁ ହଡ଼କଆଃ ଲେକା ହଡ଼ମରେ ବିଚାର୍ ହବାନ୍‌ୟାନ୍‌ରେୟ, ପାର୍ମେଶ୍ଵାର୍‌ଆଃ ଲେକା ଆମ୍ବାରେ ଜୀହୁଦ୍‌ଆକ ।

ପାର୍ମେଶ୍ଵାର୍‌ଆଃ ଖୁଜ୍ ରାଃ ବୁଗିନ୍ ଭାଣ୍ଡାରି

୭ ସବେନାଃରେୟାଃ ଚୁଣ୍ଟୁ ସେଚେରାକାନା । ଏନାମେନ୍ତେ ଆପେୟାଃ ମନ୍ ଆବର୍‌ରେ ଦହକେଦ୍‌ତେ, ବିନ୍ତି ନାଙ୍ଗ୍ ଚିର୍ଗାଲକାନ୍ ତାଇନ୍‌ପେ । ୮ ସବେନାଃଏତେ ଆଦକା ପୁରାଃତେ ଦୁପୁଲାଡ଼ରେ ତାଇନ୍‌ପେ, ଚିୟାଃତି ଦୁଲାଡ଼ଦ୍ ପୁରାଃ ପାପକଏ ଦାଲବେଆ । ୯ ବେଗାର୍ ନଗମ୍ ତଗମ୍‌ତେ ମିହୁଡ଼ ଆତଃମିହୁଡ଼କେ ପେଡ଼ାକପେ । ୧୦ ଆପେ ସବେନକ ଜେ'ଲେକା ସାୟାଦ୍‌ରେୟାଃ ବାର୍‌ଦାନ୍ ନାମାକାଦାପେ, ଏନ୍‌ଲେକାଗି ପାର୍ମେଶ୍ଵାର୍‌ଆଃ ସାୟାଦ୍‌ରେୟାଃ ବୁଗିନ୍ ଭାଣ୍ଡାରି ଲେକା ମିହୁଡ଼ ଆତଃମିହୁଡ଼ରାଃ ସୁସାର୍ ରିକାଏପେ । ୧୧ ଜେତାଏ ପାର୍‌ଚାର୍ ରିକାଏରେଦ୍, ଇନିଃ ପାର୍ମେଶ୍ଵାର୍‌ଆଃ କାଜି ପାର୍‌ଚାର୍‌ତାନ୍ ଲେକା ପାର୍‌ଚାରେକାଏ । ଜେତାଏ ସୁସାର୍‌ତାନରେଦ୍ ଇନିଃ ପାର୍ମେଶ୍ଵାର୍‌ତାଃଏତେ ପେଡ଼େଃ ନାମାକାଦ୍ ହଡ଼ଲେକା ସୁସାରେକାଏ । ଏନାତେ ଯୀଶୁ ଖ୍ରୀଷ୍ଟାଆଃ ହରାତେ ପାର୍ମେଶ୍ଵାର୍‌ଆଃ ମାଇନାନ୍ ହବାଅଆଃ । ଇନିୟାଃ ମାନାରାଙ୍ଗ୍ ଆତଃ ପେଡ଼େଃ ଜାନାଅ ଜାନାଅ ହବାଅଆକା । ଆମେନ୍ ।

ଖ୍ରୀଷ୍ଟିୟାନ୍ ନାଗେନ୍ତେ ଦୁକୁ

\* ୩:୨୦ ୩:୨୦ ଆଠ୍

୧୨ ହେ ଦୁଲ୍ଲାଡ଼୍ ହାଗା ମିଶିକ, ଅକନ୍ ସେଙ୍ଗେଲ୍ ବିନିଡ଼ାଅରେ ଆପେ ଦୁକୁଃତାନା, ଏନା ମିଆଁଦ୍ ଆକ୍‌ଦାନ୍‌ଦାଅନ୍ କାଜି ହବାଅଃତାନା ମେନ୍ତେ ଆଲ୍‌ଦେ ଆକ୍‌ତାକାଅଃଆ । ୧୩ ମେନ୍‌ଦ ରାସ୍‌କାଅଃପେ, ଚିୟାଃଚି ଆପେ ଯାଶୁ ଖ୍ରୀଷ୍ଟ୍‌ଆଃ ଦୁକୁରେୟାଃ ହାନାଟିଙ୍ଗ୍‌ପେ ନାମାକାଦ୍ ହରାତେ ଆୟାଃ ମାନାରାଙ୍ଗ୍ ହବାଅଃ ଇମ୍‌ତା ଆପେ ପୁରାଃ ରାସ୍‌କାରେପେ ରାସ୍‌କାଅଃଆ । ୧୪ ଆପେ ଯାଶୁ ଖ୍ରୀଷ୍ଟ୍‌ଆଃ ନୁତୁମ୍ ନାଗେନ୍ତେପେ ହିଲ୍‌କାଅଃରେଦ, ଆପେ ସୁକୁତାନ୍‌ଗିଆ, ଚିୟାଃଚି ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରେନ୍ ଆମ୍ବା ଆପେରେ ମେନାଇୟା । ୧୫ ଏନାତେ ଆପେଏତେ ଜେତାଏ ହଡ଼ ଗଗଏଃନିଃ ଚାଏ କୁମ୍‌ତୁ ଚୁାଏ ଏଡ଼କାନାଃ କାମିନିଃ ଚାଏ ଏଟାଃନିଆଃ କାମିରେ ଆଲାଆଲାନ୍‌ନିଃ ହବାକେଦ୍‌ତେ ଦୁକୁ ଆଲକାଏ ସାହାତିଙ୍ଗ୍‌ୟେକା । ୧୬ ଜେତାଏ ଖ୍ରୀଷ୍ଟ୍‌ୟାନ୍ ତାନିଃ ମେନ୍ତେ ଦୁକୁ ସାହାତିଙ୍ଗ୍ ତାନ୍‌ରେଦ ଆଲକାଏ ଗିହୁଗଃକା, ମେନ୍‌ଦ ଯାଶୁ ଖ୍ରୀଷ୍ଟ୍‌ଆଃ ନୁତୁମ୍ ନାମାକାଦ୍ ନାଗେନ୍ତେ ପାର୍‌ମେଶ୍ୱାର୍‌କେ ଧାନାବାଦ୍ ଏମାଇକାଏ ।

୧୭ ପାର୍‌ମେଶ୍ୱାର୍‌ଆଃ ଅଡ଼ାଃତାଃଏତେ ଏଟେଦକେଦ୍‌ତେ ବିଚାର୍ ଦିପିଲିରେୟାଃ ନେତା ସେଟେରାକାନା, ଆତଃ ପାହିଲା ପାର୍‌ମେଶ୍ୱାର୍‌ଆଃ ହଡ଼କଆଃ ବିଚାର୍ ହବାଅଃଆ । ଆବୁତାଃଏତେ ଏନେଟେଦ୍ ହବାଅଃତାନ୍‌ରେଦ, ଅକନ୍‌କ ପାର୍‌ମେଶ୍ୱାର୍‌ଆଃ ସୁକୁକାଜିରେ କାକ ବିଶ୍ୱାସ୍‌ତାନା, ଇନ୍‌କୁଆଃ ଟୁଣ୍ଡୁ ଦିପିଲି ଚିଲ୍‌କାଅଃଆ ? ୧୮ ଧାରାମ୍‌ପୁଅରେ ଅଲ୍‌କାନା,

“ଧାର୍‌ମାନ୍ ହଡ଼କଆଃ ଜୀଉବାଞ୍ଚାଅ ନାମେତେୟାଃ ନିମିନ୍ କେଟେଦ୍‌ତାନ୍‌ରେଦ, କା ଧାର୍‌ମାନ୍ ହଡ଼ ଆତଃ ପାପି ହଡ଼କଆଃ ଚିନାଃ ହବାଅଃଆ ?”

୧୯ ଏନାତେ, ଅକନ୍‌କ ପାର୍‌ମେଶ୍ୱାର୍‌ଆଃ ମନେଲେକା ଦୁକୁ ସାହାତିଙ୍ଗ୍‌ତାନାକ, ଇନ୍‌କୁ ଆକଆଃ ଆମ୍ବାକେ ଜିମାକେଦ୍‌ତେ ବୁଗିନ୍ କାମିରେ ତାଇନ୍‌କାକ । ବାବାଇନିଃ ସାର୍‌ତି ପାର୍‌ମେଶ୍ୱାର୍ ଇନ୍‌କୁଆଃ ନାଙ୍ଗ୍ ଏମାକାଦ୍ ଆୟାଃ ବାନାର୍‌ସାକେ ପୁରାଏ ନାଗେନ୍ତେ କାଏ ରିଡ଼ିଙ୍ଗ୍‌ୟେଆ ।



ପାର୍‌ମେଶ୍ୱାର୍‌ଆଃ ମିଶ୍ଟିଗୋଟ୍

୧ ଆଇଙ୍ଗ୍ ମିହୁଡ଼୍ ପ୍ରାଚିନ୍ ଆଗୁଆଇ ଲେକା ଆପେୟାଃ କାଲିସିୟାରେନ୍ ପ୍ରାଚିନ୍ ଆଗୁଆଇକକେ ବିକ୍ରିତାନ୍‌ଲଃ କାଜିକତାନାଇଙ୍ଗ୍ । ଆଇଙ୍ଗ୍ ଯାଶୁ ଖ୍ରୀଷ୍ଟ୍‌ଆଃ ଦୁକୁରେୟାଃ ଗାଞ୍ଜା ତାନିଙ୍ଗ୍, ଆତଃ ଇନିୟାଃ ମାନାରାଙ୍ଗ୍ ଉଦୁବଃ ଇମ୍‌ତାରେ ଆଇଙ୍ଗ୍‌ହ୍ ଏନାରେୟାଃ ହିସାଇଙ୍ଗ୍ ହବାଅଃଆ । ୨ \*ପାର୍‌ମେଶ୍ୱାର୍ ଆପେକେ ଏମାକାଦ୍‌ପେ ମିଶ୍ଟିଗୋଟ୍‌କକେ ଯାତ୍‌ନାଅକପେ, କା ସାନାଙ୍ଗ୍‌ତାନ୍ ଲେକା କାହାଗି, ମେନ୍‌ଦ ପାର୍‌ମେଶ୍ୱାର୍‌ଆଃ ସାନାଙ୍ଗ୍‌ଲେକା ସୁକୁ ମନ୍‌ତେ ଯାତ୍‌ନାଅକପେ । ଟାକା ପାଏସା ନାମେ ନାଗେନ୍ତେଦ କାହାଗି, ମେନ୍‌ଦ ରାସ୍‌କା ମନ୍‌ତେ ସୁସାର୍‌କପେ । ୩ ଆପେକେ ଅକନ୍‌କଆଃ ଯାତ୍‌ନାଅ ନାଗେନ୍ତେ ଏମାକାନା, ଇନ୍‌କୁଆଃ ରେତାନ୍‌ରେ କା ରାଇଙ୍ଗ୍‌କେଦ୍‌ତେ ଗୋଟ୍‌କଆଃ ନାମ୍‌ନା ହବାଅଃପେ । ୪ ଆତଃ ମାରାଙ୍ଗ୍ ଗୁପିନିଃ ହିଜୁଃ ଇମ୍‌ତା, ଆପେ ମାନାରାଙ୍ଗ୍‌ରେୟାଃ ଟୁପୁରିପେ ନାମେୟା । ଅକ୍‌ନାଃଚି ଚିଉଲାଅ କା ମୁର୍ଚ୍ଚାଅଃଆ ।

୫ ଏନ୍‌ଲେକାଗି, ଏ ସେପେଡ଼େଦ୍‌କ, ଆପେ ପ୍ରାଚିନ୍‌କଆଃ ଆକ୍‌ତେୟାର୍‌ରେ ତାଇନ୍‌ପେ । ଆପେ ସବେନ୍‌କ ମିହୁଡ଼୍ ଆତଃମିହୁଡ଼୍‌କେ ସୁସାରି ନାଗେନ୍ତେ ଲେବେଃମନ୍ ଲେକାନ୍ ଲିଜାଃ ଚୁସିୟେନ୍‌ପେ । ଚିୟାଃଚି ଧାରାମ୍‌ପୁଅରେ ଅଲ୍‌କାନା, “ପାର୍‌ମେଶ୍ୱାର୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ହଡ଼କଆଃ ସାୟାଦ୍ ହକାଏୟାଏ, ମେନ୍‌ଦ ଲେବେଃମନ୍ ହଡ଼କକେ ସାୟାଦ୍ ଏମାକଆଏ ।” ୬ \*ଏନାନାଗେନ୍ତେ

\* ୫:୨ ୫:୨ ଯୋହାନ୍ ୨୧:୧୫-୧୭.    \* ୫:୨ ୫:୭ ମାଥୁଉ ୨୩:୧୨; ଲୁକ ୧୪:୧୧; ୧୮:୧୪.

ପାର୍ମେଶ୍ୱାର୍ ଆଃ ପେଡ଼େୟାନ୍ ତିଃଇ ଲାତାରରେ ଲେବେୟେନ୍‌ପେ, ଇନିଃ ଆୟାଃ ନେତାରେ ଆପେକେ ମାରାଙ୍ଗ୍‌ପେୟା । <sup>୭</sup> ଆପେୟାଃ ସବେନ୍ ଉଡ଼୍‌ସୁରେୟାଃ ବାହାରମ୍ ପାର୍ମେଶ୍ୱାର୍‌ତାଃରେ ଏମେପେ, ତିୟାଃତି ଇନିଃ ଆପେ ନାଗେନ୍ତେ ଉଡ଼୍‌ସୁତାନା ।

୮ ଆପେ ତିର୍ଗାଲ୍‌କାନ୍ ଆତଃ ଏୟନାକାନ୍ ତାଇନ୍‌ପେ । ଆପେୟାଃ ବାଇରି, ସାଏତାନ୍, କୁଲ୍‌ଲେକାଏ ହୁକ୍‌ରାଅ ତାନା । ଅକଏକେ ଜିୟନିଆ ଏନାଏ ଦାଣ୍ଠାବାଡ଼ା ତାନା । <sup>୯</sup> ଆପେ ବିଶ୍ୱାସ୍‌ରେ କେଟେୟେନ୍‌ପେ ଆତଃ ସାଏତାନ୍‌କେ ହକାଇପେ, ତିୟାଃତି ଆପେ ସାରିତାନାପେ, ନେ ଅତେଦିଶ୍ୱମ୍‌ରେ ଆପେୟାଃ ଏଟାଃ ବିଶ୍ୱାସୀ ହାଗା ମିଶିକରେ ନେ ଲେକାନ୍ ଦୁକୁକ ହବାଅଃତାନା । <sup>୧୦</sup> ଆତଃ ଯୀଶୁ ଶ୍ରୀଷ୍ଟଲ୍‌ଃ ମେସାକେଦ୍‌ତେ ଆୟାଃ ଜାନାଅ ଜାନାଅ ମାନାରାଙ୍ଗ୍‌ରେ ହିସାଦାର୍ ହବାଅଃ ନାଗେନ୍ତେ ସବେନ୍ ସାୟାଦ୍‌ରେନ୍ ପାର୍ମେଶ୍ୱାର୍ ଆପେକେ କେଡ଼ାକାଦ୍‌ପେୟା । ଆପେୟାଃ ଘାଡ଼ିକାଦ୍‌ରେୟାଃ ଦୁକୁ ସାହାଡ଼ିକ୍‌କେଦ୍ ତାୟମ୍‌ତେ, ଇନିଃ ଆଇଃକ୍‌ଗି ଆପେକେ ପକ୍‌ତାପେୟା, ସାଲ୍‌ସାନ୍ତ୍‌ପେୟା, କେଟେଦ୍‌ପେୟା, ଆତଃ ବାଇରୁହାଡ଼୍‌ପେୟା । <sup>୧୧</sup> ଇନିୟାଃ ପେଡ଼େଃ ଜାନାଅ ଜାନାଅଗି ହବାଅଃକା । ଆମେନ୍ ।

ଚୁଶ୍ଟୁ ଜୁହାର୍

<sup>୧୨</sup> ✠ଆଇଙ୍ଗ୍ ସିଲ୍‌ସ୍‌କେ ପାଡ଼ିୟାର୍‌ରେନ୍ ଶ୍ରୀଷ୍ଟ ହାଗା ଲେକାଇଙ୍ଗ୍ ମାଇନିତାନା ଆତଃ ଆୟାଃ ଦେଙ୍ଗାତେ ଆଇଙ୍ଗ୍ ନେ ହୁଡ଼ିଙ୍ଗ୍ ତିଟାଉ ଅଲ୍‌କାଦାଇଙ୍ଗ୍ । ଆଇଙ୍ଗ୍ ପାର୍ମେଶ୍ୱାର୍‌ଆଃ ସାର୍‌ତି ସାୟାଦ୍ ବିଷାଏରେ ଗାଞ୍ଜା ଏମ୍‌କେଦ୍‌ତେ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ଆପେ ଏନ୍ ସାୟାଦ୍‌ରେ ତିଙ୍ଗ୍‌କେଟେୟାକାନ୍ ତାଇନ୍‌ପେ ।

<sup>୧୩</sup> ✠ପାର୍ମେଶ୍ୱାର୍‌ତେ ସାଲ୍‌କାନ୍ ବାବିଲୋନ୍‌ରେୟାଃ କାଲିସିୟା ଆତଃ ଆଇଁୟାଃ ଧାରାମ୍‌ହନ୍ ମାର୍କ୍‌ହ୍ ଆପେକେ ଜହାର୍ କାଜିକୁଲ୍‌କାଦା । <sup>୧୪</sup> ଶ୍ରୀଷ୍ଟିୟାନ୍ ଦୁଲ୍‌ାଡ଼୍‌ତେ ମିହୁଡ୍ ଆତଃମିହୁଡ୍‌କେ ପାବିତାର୍ ଜହାର୍‌ତେ ଜହାରଃପେ । ଯୀଶୁ ଶ୍ରୀଷ୍ଟତାଃରେ ମେନାପେ ସବେନ୍‌କଆଃ ଜୀଉସୁକୁ ହବାଅଃକା ।

✠ ୫:୧୨ ୫:୧୨ ପ୍ରେରିଡ୍ ୧୫:୨୨,୪୦. ✠ ୫:୧୩ ୫:୧୩ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲମନ୍ ୧:୨୪.



# ପିତରଙ୍କ ଲିଖିତ ଦ୍ଵିତୀୟ ପତ୍ର ପାଢ଼ରାସ୍ତ୍ର ଅଲ୍ଫାକାଦ୍ ଏଟାଃ ଚିଟାଉ ପାରିଚାଏ

ପାଢ଼ରାସ୍ତ୍ରଆଃ ଏଟାଃ ଚିଟାଉ କାଜିୟାଃଏ ଯେ, ନେ ଚିଟାଉ ପ୍ରେରିତ୍ ପାଢ଼ରାସ୍ତ୍ରଆଃ ହରାତେ ଅଲ୍ଫାକାନା । ମେନ୍ଦ୍ ନାହାଁଃ ପୁରାଃ ପାଣ୍ଡିତ୍ କେ ନେଆଁ ସାର୍ତ୍ତି ନାହାଁଲ୍ଫାଃ ମେନ୍ତେ କାଜିୟାଃକ । ହବାସାକାଅଆଃ ନେଆଁ ପାଢ଼ରାସ୍ତ୍ରଆଃ ବାଦ୍ଲୀରେ ଏଟାଃ ମିହୁଡ୍ ଅଲ୍ଫାକାଦାଏ ମେନ୍ତେକ କାଜିୟାଃ । ଅନଲ୍ନିଃ କାଜିୟାଃଏ ଯେ, ଇନିଃ ଯୀଶୁ ଖ୍ରୀଷ୍ଟ୍ କେ ମେଦ୍ତେ ନେଲ୍ଫାକାଇ ହଡ୍ ତାନିଃ । ବିଶେଷ୍ଟକେଦ୍ତେ ଯୀଶୁଆଃ ରୁପ୍ ବାଦ୍ଲୀଅ ବିଷାଏରେ କାଜିୟାଃକ ୧:୧୭-୧୮ । ପାଢ଼ରାସ୍ତ୍ର ନେ ଚିଟାଉ ଅଲ୍ଫାକାଦ୍ରେଦ୍, ହବାସାକାଅଆଃ ରୋମ୍ରେ ଖ୍ରୀଷ୍ଟ୍ଆଃ ଜାନାମ୍ ତାୟମ୍ତେ ୫୭-୬୯ କରେ, ଆୟାଃ ଗନଏଃ ସିଦାରେ ନେ ଚିଟାଉ ଅଲ୍ଫାକାଦାଏ । ପାଢ଼ରାସ୍ତ୍ର ହରି ନେଆଁ ଆୟାଃ ଏଟାଃ ଚିଟାଉ ମେନ୍ତେ କାଜିୟାଃ ୩:୧ । ପାଢ଼ରାସ୍ତ୍ର ଆୟାଃ ପାହିଲ୍ଫା ଚିଟାଉ ଅଲ୍ଫକେଦ୍ ତାୟମ୍ତେ, ଏନ୍ ଅନଲ୍ ଦିପିଲିରାଃ ଠାୟାଦ୍ ଏମ୍କେଦ୍ ହରାତେ ନେଆଁକେ ଏଟାଃ ଚିଟାଉ ମେନ୍ତେ କାଜିୟାଃକ । ଇନିଃ ସବେନ୍ ଖ୍ରୀଷ୍ଟ୍ୟାନ୍ ହଡ୍କକେ ନେ ଚିଟାଉ ଉଦ୍ବୁଦ୍କାଦାକଆଏ ।

ପାଢ଼ରାସ୍ତ୍ର ବିଶ୍ଵାସୀକକେ ଜୀଉରେ ରାସ୍ତ୍ଵା ଏମ୍ ନାଜ୍, ବୁଗିନ୍ ଜୀଦାନ୍ ବିତାଅ ନାଜ୍, ହସଡ୍ ଇନିଡୁକକେ କା ଅତଜ୍ଞକ ନାଜ୍ ଆତଃ ଚେତାଅକ ନାଜ୍ ନେ ଚିଟାଉ ୨ ଆଧ୍ୟାୟରେ ଅଲ୍ଫାକାଦାଏ । ଯୀଶୁ ହିଜୁଃ ନାଗେନ୍ତେ ପୁରାଃ ବିଲ୍ଫାମେ ତାନାଏ ମେନ୍ତେ କାଜିତାନ୍ ହଡ୍କକେ ଇନିଃ ଆଲପେ କାଜିୟା ମେନ୍ତେ ଜୀଉରେ ରାସ୍ତ୍ଵାଏ ଏମାକତାନା । ପାର୍ମେଶ୍ଵାର୍ ବିଲ୍ଫାମେନିଃ ନାହାଁଲିଃ ମେନ୍ଦ୍ ସବେନ୍କ ଜୀଉବାଞ୍ଚାଅକ ନାମେକା ମେନ୍ତେ ଇନିୟାଃ ସାନାଜ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍ରେୟାଃ ବିଷାଏ ତାନାଃ ୩:୧୪ ।

### ପୁଅଁ ଭିଟାଉରେ ତାଇକାନ୍ କାଜି

୧. ପାଢ଼ରାସ୍ତ୍ର ଆୟାଃ ପାରିଚାଏ ଉଦ୍ବୁବାଃଏ ଆତଃ ଆୟାଃ ପାଢ଼ାଅତାନ୍ ହଡ୍କକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦ୍ବୁବାଃଏ । ୧:୧-୨
୨. ଏନ୍ତେ ବିଶ୍ଵାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ତେ ପାହାମ୍ଫିକିକ ତାନା, ଚିଆଃଚି ପାର୍ମେଶ୍ଵାର୍ ଆବୁକେ ପେଡ଼େଃ ଏମାଃଏ । ୧:୩-୨୧
୩. ଇନିଃ ହସଡ୍ ଇଡୁକକେ ଚେତାଅକେଦ୍ତେ ଚୁଣ୍ଡ ଦ୍ଵିପିଲିରେ ଇନ୍କୁଆଃ ଚିନାଃ ହବାଅଃଆ ଏନାଏ କାଜିକାଦା । ୨:୧-୨୨
୪. ପାଢ଼ରାସ୍ତ୍ର ଯୀଶୁ ଖ୍ରୀଷ୍ଟ୍ଆଃ ଆତଃମିସା ହିଜୁଃ ନାଜ୍ ସେକାଡ଼ାକାନ୍ଲଃ ତାଇକ୍କେଦ୍ତେ ବୁଗିନ୍ ଜୀଦାନ୍ ବିତାଅ ନାଜ୍ ଜୀଉରେ ରାସ୍ତ୍ଵା ଏମାଃଏ । ୩:୧-୧୮

୧ ଯୀଶୁ ଖ୍ରୀଷ୍ଟ୍ଆଃ ଦାସି, କୁଲ୍ଫାକାନ୍ ଶିମୋନ୍ ପାଢ଼ରାସ୍ତ୍ର ଆବୁଆଃ ପାର୍ମେଶ୍ଵାର୍ ଆତଃ ଜୀଉବାଞ୍ଚାଅନିଃ ଯୀଶୁ ଖ୍ରୀଷ୍ଟ୍ଆଃ ଧାର୍ମାନ୍ କାମି ହରାତେ ବିଶ୍ଵାସ୍ ଲେକାନ୍ ପୁରାଃ ଗନଜ୍ଫାନ୍ ଦାନ୍କ ନାମାକାଦା, ଇନ୍କୁତାଃତେ ଆଇଜ୍ ନେ ଚିଟାଉ ଅଲ୍ଫେତାନାଇଜ୍ ।

୨ ପାର୍ମେଶ୍ଵାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ସେଣାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସ୍ତୁ ହବାଅଃକା ।

ପାର୍ମେଶ୍ଵାର୍ଆଃ କେନେଡ଼ା ଆତଃ ସାଲ୍ଫା

୩ ଧାର୍ଯ୍ୟାନ୍ ଜୀବାନ୍ ବିତାଅ ନାଗେନ୍ତେ ଆରୁକେ ଲାଗାତିକ୍ଷ୍ମତେୟାଃ ପାର୍ଯ୍ୟେଶ୍ଵାର୍ ଆୟାଃ ମାରାକ୍ଷ୍ଠ ପେଡ଼େଃ ଏମାକାଦ୍ବୁଆଏ । ଆୟାଃ ମାନାରାକ୍ଷ୍ଠ ଆତଃ ଧାର୍ଯ୍ୟାନ୍ କାମିରେ ହିସାଦାର୍ ହବାଅଃ ନାଗେନ୍ତେ କେଡ଼ାକେଦ୍ବୁଆ । ଇନିଃକେ ସାରିକିଃ ହରାତେ ଆରୁ ନେ ସବେନ୍ ବାରଦାନ୍ବୁ ନାମାକାଦା । ୪ ନେ'ଲେକା ଇନିଃ ଆରୁକେ ଆୟାଃ ବାନାର୍ଯ୍ୟା ଲେକାତେ ପୁରାଃ ଗନକ୍ଷ୍ଠାନ୍ ଆତଃ ମାରାକ୍ଷ୍ଠ ବାରଦାନ୍ ଏମାକାଦ୍ବୁଆଏ, ଏନ୍ ସବେନ୍ ବାରଦାନ୍ ହରାତେ ଆପେ ନେ ଜିୟନଃ ଅତେଦିଶ୍ଵମ୍ରେ ତାଇନଃତାନ୍ ଏଡ଼କାନ୍ ସାନାକ୍ଷ୍ଠଏତେ ବାଞ୍ଚାଅପେ ନାମେୟା, ଆତଃ ପାର୍ଯ୍ୟେଶ୍ଵାର୍ଆଃ ଲେକାନ୍ ସଭାବ୍ରେ ହିସାଦାର୍ ହବା ଦାଡ଼ିୟଃଆପେ । ୫ ଏନା ନାଗେନ୍ତେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ଵାୟଲଃ ବୁଗିନାଃ ମେସାଏପେ, ବୁଗିନାଃଲଃ ସେଣ୍ଠାକେ ମେସାଏପେ, ୬ ସେଣ୍ଠାଲଃ ଆପାନ୍କେ ଆବର୍ ଦହନାକ୍ଷ୍ଠ ମେସାଏପେ, ଆପାନ୍କେ ଆବର୍ରେ ଦହଲଃ ସାହାତିକ୍ଷ୍ଠ ଜୀଞ୍ଜାନ୍ ମେସାଏପେ, ସାହାତିକ୍ଷ୍ଠ ଜୀଞ୍ଜାନ୍ଲଃ ପାର୍ଯ୍ୟେଶ୍ଵାର୍କେ ବରଭାକ୍ତି ମେସାଏପେ, ୭ ପାର୍ଯ୍ୟେଶ୍ଵାର୍କେ ବରଭାକ୍ତିଲଃ ଶ୍ରୀଷ୍ଠ୍ ହାଗା ଦୁଲ୍ଲାଡ଼୍ ମେସାଏପେ, ଆତଃ ଶ୍ରୀଷ୍ଠ୍ ହାଗା ଦୁଲ୍ଲାଡ଼୍ଲଃ ଦୁଲ୍ଲାଡ଼୍ ମେସାଏପେ । ୮ ନେ ସବେନ୍ ବୁଗିନାଃ ଆପେତାଃରେ ହାରାଇଦିୟଃରେ, ଆପେ ନାମାକାଦ୍ ପ୍ରାଭୁ ଯୀଶୁ ଶ୍ରୀଷ୍ଠ୍ଆଃ ସେଣ୍ଠା ଆପେକେ କାମି ଇତିପେୟା ଆତଃ ଜ ବାନଃଲେକା କାଏ ବାଇପେୟା । ୯ ମେନ୍ଦ୍ ଜେତାଏତାଃରେ ନେ ସବେନାଃ ବାନଃରେଦ୍, ଇନିଃ ସାକ୍ଷିନ୍ତେ କା ନେଲ୍ ଦାଡ଼ିତାନ୍ ଆନ୍ଧା ତାନିଃ ଆତଃ ଆୟାଃ ସିଦା କାମିକାଦ୍ ପାପ୍କଏତେ ଫାର୍ତିଆକାନା ଏନାଏ ରିଡ଼ିକ୍ଷ୍ଠକାଦା ।

୧୦ ଏନାମେନ୍ତେ, ହେ ହାଗା ମିଶିକ୍, ପାର୍ଯ୍ୟେଶ୍ଵାର୍ ଆପେକେ ସାଲ୍ଲାକେଦ୍ତେ କେଡ଼ାକାଦ୍ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଡ଼ନାଅପେ । ନେ'ଲେକା କାମିଲେରେ ଆପେ ବିଶ୍ଵାସ୍ତେ ତିଭଲ୍ଲାଅ କାପେ ତହଦଃଆ । ୧୧ ନେ ଲେକାତେ ଆରୁଆଃ ପ୍ରାଭୁ ଆତଃ ଜୀଉବାଞ୍ଚାଅନିଃ ଯୀଶୁ ଶ୍ରୀଷ୍ଠ୍ଆଃ ଜାନାଅ ରାଇକ୍ରେ ବଲ ନାଗେନ୍ତେ ଆପେ ପୁରା ଆକ୍ତେୟାର୍ପେ ନାମେୟା ।

୧୨ ଆପେ ନେ ସବେନାଃ ସାରିତାନାପେ ଆତଃ ନାମାକାଦ୍ ସାନାର୍ଡ଼ିରେପେ କେଟେୟାକାନା, ନେ ସବେନ୍ କାଜି ଆଇକ୍ଷ୍ଠ ଆପେକେ ସବେନ୍ ଇମତା ପାହାମଇତି ନାଗେନ୍ତେଇକ୍ଷ୍ଠ ସାନାକ୍ଷ୍ଠାନା । ୧୩ ଆଇକ୍ଷ୍ଠ ନେ କୁମ୍ବା ଲେକାନ୍ ଗନଏଃ ହଡ଼ମ୍ରେ ଜାନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମକାତେପେ ନେଆଁ ଠାଉକାଗି ତାନାଃ ମେନ୍ତେଇକ୍ଷ୍ଠ ଉଡ଼ଃତାନା । ୧୪ ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଠ୍ ଆଇକ୍ଷ୍ଠକେ ଉଦୁବାକାଦିକ୍ଷ୍ଠ ଲେକା ଜାଲ୍ଦିଗି ନେ କୁମ୍ବା ଲେକାନ୍ ଗନଏଃ ହଡ଼ମ୍ରେ ବାଗି ଲାଗାତିୟା ମେନ୍ତେଇକ୍ଷ୍ଠ ସାରିତାନା । ୧୫ ଆଇୟାଃ ଗନଏଃ ତାୟମ୍ରେୟ ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇକ୍ଷ୍ଠ ସାନାକ୍ଷ୍ଠାନା ।

ଶ୍ରୀଷ୍ଠ୍ଆଃ ମାନାରାକ୍ଷ୍ଠକେ ମେଦ୍ତେ ନେଲ୍ଲାକାଦ୍ ଗାଞ୍ଜା

୧୬ ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଠ୍ଆଃ ପେଡ଼େଃ ଆତଃ ହିନିକ୍ଷ୍ଠରେଆଃ କାଜି, ଆଲେ ଆପେକେ ଉଦୁବାଦ୍ପେତେୟାଃ ହଡ଼ ବାଇକାଦ୍ କାଅନ୍ ଲେକା କାଲେ ଉଦୁବ୍, ମେନ୍ଦ୍ ଇନିୟାଃ ମାନାରାକ୍ଷ୍ଠ ବିଷାଏରେ ମେଦ୍ତେ ନେଲ୍ଲାକାଦ୍ ଗାଞ୍ଜାଲେ ଏମ୍କେଦା । ୧୭ ଆପୁ ପାର୍ଯ୍ୟେଶ୍ଵାର୍ତେ ମାଇନ୍ ଆତଃ ମାନାରାକ୍ଷ୍ଠ ତାଇକେନ୍ ଇମ୍ତା ଆଲେୟ ଏନ୍ତାରେ ତାଇକେନାଲେ । ମାରାକ୍ଷ୍ଠତାର୍ ମାଇନାନ୍ତାଏତେ ଇନିୟାଃ ବିଷାଏରେ ମିଆଁଦ୍ ସାଡ଼ି ଆୟୁମୟାନା, “ନିଃ ଆଇୟାଃ ଦୁଲ୍ଲାଡ଼୍ ହନ୍, ନିଃକେ ଆଇକ୍ଷ୍ଠ ପୁରାଗିଇକ୍ଷ୍ଠ ସୁକୁଃଆ ।” ୧୮ ଆଲେ ଇନିଃଲଃ ଏନ୍ ପାବିତାର୍ ବୁରୁରେଲେ

\* ୧:୧୭ ୧:୧୭ ମାଥୁଉ ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫.

ତାଙ୍କକେନ୍ଦ୍ର ଇମ୍ତା, ଆଲେଖି ସିମ୍ବାଏତେ ଉଦ୍‌ବଃତାନ୍ ନେ କାଜିଲେ ଆୟୁମ୍‌କେଦା ।  
 ୧୯ ଏନାତେ ନାବୀକଆଃ ଆୟାଋକାଜିରେ ଆଲେୟାଃ ବିଶ୍ୱାସ୍ ପୁରାଃଗି  
 କେଟେଦକାନା । ଏନାମେନ୍ତେ ଆପେକେୟ ଏନାରେ ଧ୍ୟାନ୍ ଏମ୍ ଲାଗାତିଙ୍ଗୟାଃ,  
 ଚିୟାଃଚି ଏନା ନୁବଃଠରେ ଦିମି ଲେକା ମାୟାଲେ ଲେକାନାଃ ତାନାଃ ଆତଃ ଆଙ୍ଗୁଆଃ  
 ଇପିଲ୍ ଆପେୟାଃ ମନ୍‌ସୁରୁଦ୍‌ରେ ଆଉରି ତୁରଃ ଜାକେଦ୍ ଏନା ଜୁଲ୍‌କାତେୟଃଆ  
 । ୨୦ ଆପେ ନିମିନାଙ୍ଗ୍ ସାରିପେ, ଧାରାମ୍‌ପୁଅରେ ଅଲ୍‌କାନ୍ ଆୟାଋକାଜିକେ,  
 ଜେତା ହଡ଼ ଆପାନ୍ ସେଣାତେ କାଏ ଆଟ୍‌କାର୍‌ଉରୁମ୍ ଦାଡ଼ିୟା । ୨୧ ଆୟାଋକାଜି  
 ହଡ଼କଆଃ ସାନାଙ୍ଗ୍ ଲେକାତେ ଚିଉଲ୍‌ଆ କା ହିଜୁଆକାନା, ମେନ୍‌ଦ ପାର୍‌ମେଶ୍ୱାର୍‌ତେ  
 କୁଲ୍‌କାନ୍ ହଡ଼କ ପାବିତାର୍ ଆମ୍ ହରାତେ ପାର୍‌ମେଶ୍ୱାର୍‌ତାଃଏତେ ହିଜୁଆକାନ୍  
 କାଜିକ ଉଦ୍‌ବକାଦ୍ ତାଙ୍କକେନା ।

୨

ହସଡ଼ ଇନିତୁକ

୧ ସିଦା ଦିପିଲିରେ ଜେ'ଲେକା ହଡ଼କ ଆଲାରେ ହସଡ଼ ନାବୀକ ତାଙ୍କକେନା,  
 ଏନ୍‌ଲେକାଗି ଆପେ ଆଲାରେୟ ହସଡ଼ ଇନିତୁକ ଅତଙ୍ଗୁଆଃଆ । ଇନ୍‌କୁ ଜିୟନଃ  
 ଏଡ଼କାନ୍ ଇନିତୁକେ ଉକୁଉକୁତେକ ଉଦ୍‌ବେଆ ଆତଃ ଆରୁକେ କିରିଙ୍ଗକାଦ୍‌ରୁ  
 ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନ୍‌କୁଆଃ  
 ତେତାନ୍‌ରେ ଜିୟନଃ ହିଜୁଃଆ । ୨ ଆତଃ ପୁରାଃ ହଡ଼କ ଇନ୍‌କୁଆଃ ଏଡ଼କାନ୍  
 କାମିକ ଅତଙ୍ଗୁୟେଆ । ଏଟାଃ ହଡ଼କ ଇନ୍‌କୁଆଃ ଚାଲ୍‌ଲ୍ ଚାଲ୍‌ଲ୍ ନେଲ୍‌କେଦ୍‌ତେ  
 ସାନାର୍‌ତିରେୟାଃ ବିରୁଧ୍‌ରେ ଏଡ଼କାନାଃକ କାଜିୟା । ୩ ଇନ୍‌କୁ ଟାକା ପାଏସାରେୟାଃ  
 ହାୟାତେ ବେଦାତାନ୍‌ଲଃ ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଙ୍ଗୁଆଃ,  
 ମେନ୍‌ଦ ସିଦାଏତେଗି ପାର୍‌ମେଶ୍ୱାର୍ ଇନ୍‌କୁଆଃ ବିଚାର୍‌କାଦାଏ ଆତଃ ଇନ୍‌କୁଆଃ  
 ଗନଏଃରେୟାଃ ନେତା ନାଡ଼େଃତେ ସେଟେରାକାନା ।

୪ ପାର୍‌ମେଶ୍ୱାର୍ ପାପକେଦ୍ ଦୁଡ଼କକେ କା ଛାମାକେଦ୍‌ତେ ନାରାକ୍‌ରେ  
 ହୁରାଙ୍ଗ୍‌କେଦକଆ ଆତଃ ମାରାଙ୍ଗ୍ ବିଚାର୍ ହୁଲ୍‌ଙ୍ଗ୍ ଜାକେଦ୍ ନୁବଃଠ ଗାଡ଼ାରେ  
 ଦହକାଦକଆ । ୫ ପାର୍‌ମେଶ୍ୱାର୍ ସିଦା ପାରିୟାରେନ୍ ଅତେଦିଶ୍ୱମ୍‌କେହ୍ ସାଜାଲ୍  
 ଏମ୍ ନାଗେନ୍ତେ କାଏ ବାଗିକେଦା, ଏଡ଼କାନ୍‌ତେ ପେରେଜାକାନ୍ ଅତେଦିଶ୍ୱମ୍‌ରେନ୍  
 ହଡ଼କକେ ଦାଆଃତେ ତୁବାକେଦକଆ । ଧାରାମ୍ ପାର୍‌ଚାର୍‌କେଦ୍ ନୁହୁ ଆତଃ  
 ଏଟାଃ ଏୟା\* ଝାନ୍ ହଡ଼କକେ ଏସକାର ବାଚାଅକେଦକଆ । ୬ ତାୟମ୍‌ତେ  
 ପାର୍‌ମେଶ୍ୱାର୍ ସୋଦମ୍ ଆତଃ ଗମ୍‌ରା ନାଗାର୍ ବାରାନାଃକେ ସାଜାଲ୍ ଏମ୍‌କେଦ୍‌ତେ  
 ସେଙ୍ଗେଲ୍‌ତେ ଜିୟନ୍‌କେଦା ଆତଃ କା ଧାର୍‌ମାନ୍‌କଆଃ ଚିନାଃ ହବାଅଃଆ,  
 ଏନା ନେ ବାରାନ୍ ନାଗାର୍‌ଗି ଏନାରେୟାଃ ନାମୁନା ଲେକା ହବାକାନା ।  
 ୭ ଏଡ଼କାନ୍‌କଆଃ କା ଧାର୍‌ମାନ୍ ଚାଲ୍‌ଲ୍ ଚାଲ୍‌ଲ୍ ହରାତେ ଲାଗାକାନ୍ ଧାର୍‌ମାନ୍  
 ଲୁଟ୍‌କେ ପାର୍‌ମେଶ୍ୱାର୍ ବାସ୍ତାଅକିୟାଏ । ୮ ଏନ୍ତେ ଏନ୍ ଧାର୍‌ମାନ୍ ହଡ଼ ଇନ୍‌କୁଲଃ  
 ତାଙ୍କକେନ୍ଦ୍ର ଇମ୍ତା ଇନ୍‌କୁଆଃ କା ଠାଉକାନ୍ କାମିକ ନେଲ୍‌କେଦ୍‌ତେ ଆତଃ  
 ଆୟୁମ୍‌କେଦ୍‌ତେ ସବେନ୍ ହୁଲ୍‌ଙ୍ଗ୍ ଆୟାଃ ମନ୍‌ରେ ପୁରାଃଗି ଦୁକୁ ଆଟ୍‌କାରେ  
 ତାଙ୍କକେନାଏ । ୯ ଆତଃ ଧାର୍‌ମାନ୍ ହଡ଼କକେ ଆକଆଃ ବିଡ଼ାଅହେତେ ଚିଲ୍‌କା  
 ବାସ୍ତାଅ ଲାଗାତିଙ୍ଗୟାଃ, ଆତଃ ଏଡ଼କାନ୍‌କକେ ବିଚାର୍ ହୁଲ୍‌ଙ୍ଗ୍‌ରେ ସାଜାଲ୍ ଏମ୍  
 ନାଗେନ୍ତେ ଚିଲ୍‌କା ଦହାକାନାକ, ଏନା ପ୍ରାଭୁ ସାରିୟାଏ । ୧୦ ବିଶେଷ୍ଟକେଦ୍‌ତେ  
 ଅକନ୍‌କ ପାର୍‌ମେଶ୍ୱାର୍‌ଆଃ ଆକ୍‌ତେୟାର୍‌କେ କା ମାନାତିଙ୍ଗକେଦ୍‌ତେ ଆକଆଃ  
 ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍‌କେକ ଅତଙ୍ଗୁତାନା । ନେ ହସଡ଼ ଇତୁକ ଜୀଉରେ

\* ୨:୫ ୨:୫ ସାଡ଼

କେଟେଦକେଦତେ, ଆପ୍ତନାଃ ହତ୍ତଫରାଃ ଇଛା ସାନାଙ୍ଗ୍ ଲେକା କାମିତାନାକ ।  
 ଇନ୍ଦ୍ରକୁ ମାନାରାଜ୍ଞରେୟାଃ ପେଡ଼େଃକକେ ନିନ୍ଦା ରିକା ନାଗେନ୍ତେ କାକ ବରତାନା ।  
 ୧୧ ନେ ହସତ୍ ଇତ୍ତୁକଏତେ ଦୁଁତ୍ତକଦ ପୁରାଃ କେଟେୟାନ୍ ଆତଃ ପେଡ଼େୟାନ୍ କ  
 ତାନ୍କରେୟ ପାର୍ଫେଶ୍ଵାର୍ଥାଃ ସାମ୍ନାଙ୍ଗ୍ରେ ନିନ୍ଦାକେଦତେ ଇନ୍ଦ୍ରୁଆଃ ବିଚାର୍  
 କାକ ରିକା ତାନା । ୧୨ ମେନ୍ଦ ନେ ହତ୍ତକଆଃ କାମି ବିର ଜ୍ଞାତୁକ ଲେକା  
 ଆକ୍ତେୟାର୍ରେ ଆତଃ ଗଗଣତେୟାଃ ତାନା, ଅକ୍ନାଃ କାକ ଆର୍ଚ୍ଚକାର୍ତ୍ତରୁମ୍  
 ଦାଡ଼ିୟା, ଏନାକେ ଇନ୍ଦ୍ରକୁ ହିଲ୍ଲାଙ୍ଗ୍ଘେତାନ୍ଲଃକ କାଜିୟା, ଆତଃ ଇନ୍ଦ୍ରକୁ ବିର  
 ଜ୍ଞାତୁ ଲେକାକ ଜିୟନଃଆ, ୧୩ ଆତଃ ଇନ୍ଦ୍ରକୁ ଏଗାଃକଆଃ ହାନି ରିକାକାଦ୍ ଲେକାଗି  
 ଆକଆଃ ହାନି ହବାଅଃଆ । ଅକ୍ନାଃରେ ଇନ୍ଦ୍ରୁଆଃ ହତ୍ତଫରେୟାଃ ରିଜ୍ଞରାଙ୍ଗ୍  
 ବିୟଃଆ, ଏନାକେ ଇନ୍ଦ୍ରକୁ ସିଙ୍ଗିରେ ରିକାକେଦତେ ରାସ୍ତକାଃଆ ନାଗେନ୍ତେକ ସୁକୁଃଆ,  
 ଆତଃ ଅକନ୍ଦ ଆକଆଃ ହସତ୍ତେ ପେରେଜାକାନ୍ କାମିରେ ରାସ୍ତକାଃଆତାନ୍ଲଃ  
 ଆପେଲଃ ମିସାତେ ଜମାଃକ । ୧୪ ଇନ୍ଦ୍ରୁଆଃ ମେଦ୍ ଆପାଙ୍ଗ୍ରେତେ ପେରେଜାକାନା  
 ଆତଃ ପାପ୍ତକାମି ଚିତ୍ତଲା କାକ ବାଗିୟା । ଇନ୍ଦ୍ରକୁ ନାରାଦୁରା ମନ୍ରେନ୍ ହତ୍ତକକେ  
 ବେଦା ଇଦିକଆକ, ଆତଃ ଇନ୍ଦ୍ରୁଆଃ ମନ୍ସୁରୁଦ୍ ଟାକା ପାସ୍ତାରେଆଃ ହାୟାରେ  
 ପେରେଜାକାନା । ଇନ୍ଦ୍ରକୁ ପାର୍ଫେଶ୍ଵାର୍ତାଃଏତେ ସାର୍ପାଥ ନାମେଗିୟାକ ।  
 ୧୫ ଇନ୍ଦ୍ରକୁ ସିଧା ହରା ବାଗିକେଦତେ ଆକଆଃ ହରାକ ଆଦାକାଦା, ଆତଃ ଇନ୍ଦ୍ରକୁ  
 ବିୟୋରରାଃ ହତ୍ତେକଡ଼ା ବାଲମାଫଆଃ ହରାକ ଅତଙ୍ଗକାଦା । ଇନିଃ ଟାକା ପାସ୍ତାରେଆଃ  
 ଦୁଲ୍ଲାତ୍ତେ ଏତ୍ତକାନ୍ କାମି କାମିକେଦାଏ, ୧୬ ଆତଃ ଆୟାଃ ଏନ୍ ପାପ୍ ନାଗେନ୍ତେ  
 ହିଲ୍ଲାଙ୍ଗ୍ଘୟା । ଆୟାଃ ଗାଧା ହତ୍ତକଆଃ ଲାବ୍ଜାତେ କାଜିକେଦା, ଆତଃ ନାବାଆଃ  
 ବାଉଡ଼ାଃ କାମିହେତେ ହକାକିୟା ।

୧୭ ନେ ହସତ୍ ଇନ୍ଦ୍ରକୁ ରହତ୍ ସେତେଙ୍ଗ୍ ଲେକା ଆତଃ ଦୁଦ୍ଗାର୍ ହୟତେ  
 ଅଟାଙ୍ଗ୍ଆଃତାନ୍ ରିମିଲ୍ ଲେକାନ୍ଦକ ତାନ୍କ । ପାର୍ଫେଶ୍ଵାର୍ ଇନ୍ଦ୍ରକୁ ନାଗେନ୍ତେ ପୁରାଃ  
 ନୁବାଃ ହୁଆଙ୍ଗ୍ଗାଡ଼ା ଦହକାଦାଏ । ୧୮ ଇନ୍ଦ୍ରକୁ ଆପାନ୍ଦକେ ମାରାଙ୍ଗ୍ ମେନ୍ତେକ  
 କାଜିନ୍ତାନା ଆତଃ ସାମାକାଜିକ କାଜିତାନା, ଏତ୍ତକାନାଃରେ ସେସେନ୍ତାନ୍  
 ହତ୍ତକତାଃଏତେ ବାତାଥ ନାମ୍ନକେଦତେ ହିଜ୍ଞୁଃ ରୁହାଡ଼ାକାନ୍ ହତ୍ତକକେ ହତ୍ତଫରାଃ  
 ଏତ୍ତକାନ୍ ସାନାଙ୍ଗ୍ରେୟାଃ ରିଜ୍ଞରାଙ୍ଗ୍ ଦେଖାଅତାନ୍ଲଃ ବେଦାକତାନାକ ।  
 ୧୯ ଏନ୍ ହସତ୍ ଇନ୍ଦ୍ରକୁ ଇନ୍ଦ୍ରକୁକେ ତନଲ୍ଲହେତେ ରାଡ଼ାଅଃରେୟାଃ ବାନାର୍ସାକ  
 ଏମାକଆ, ମେନ୍ଦ ଇନ୍ଦ୍ରକୁ ଆକଗି ଜିୟନଃରେୟାଃ ଦାସିତାନ୍କ, ଚିୟାଃତି ଜେତାଏ  
 ଅକ୍ନାଃରେ ହାରାଅକାନା, ଇନିଃ ଏନାରେୟାଃ ଦାସି ତାନିଃ । ୨୦ ଆବୁଆଃ ପ୍ରାଭୁ  
 ଆତଃ ଜାଉବାଞ୍ଚାଅନିଃ ଯାଶୁ ଶ୍ରୀଷ୍ଟତାଃଏତେ ସେଣାଁ ନାମ୍ନକେଦତେ ଅକନ୍ଦକ  
 ଅତେଦିଶ୍ଵମ୍ରେୟାଃ ଏତ୍ତକାନାଃଏତେ ବାଞ୍ଚାଥ ନାମାକାଦାକ, ଇନ୍ଦ୍ରକୁ ଆତଃମିସା  
 ଏନ୍ ଏତ୍ତକାନାଃରେୟାଃ ତନଲ୍ଲରେ ତଲ୍ଲକେଦତେ ହାରାଅ କାନ୍ରେଦ, ଇନ୍ଦ୍ରୁଆଃ  
 ରୁଶ୍ଟୁ ଦୁସା, ପାହିଲା ଦାସାଏତେ ପୁରାଃଗି ଆଦକା ହବାଅଃଆ । ୨୧ ଧାର୍ମାନ୍ ହରା  
 ସାରିକେଦତେ, ଏନାରେ ଏମାକାନ୍ ପାବିତାର୍ ଆନ୍ତୁ ବାଗିତେୟାଃଏତେ, ଏନ୍  
 ହରା କାକ ସାରିକାରେ ଇନ୍ଦ୍ରୁଆଃ ନାଗେନ୍ତେ ପୁରାଃ ବୁଗିନାଃ ହବାକାନ୍ତେୟାଃ  
 । ୨୨ ଇନ୍ଦ୍ରକୁ ନାଗେନ୍ତେ ଅକ୍ନାଃ ହବାକାନା, ଏନାଏତେ ନେ କାଜିୟାକାନ୍ କାଜି  
 ସାର୍ତି ହବାଅଃତାନା, “ ସେତା ଅକ୍ନାଃ ଉସାଡ଼କାଦାଏ, ଏନାକେ ଆତଃମିସା ଜମ୍  
 ରୁହାଡ଼େଆଏ, ସୁକୁରିକେ ଆବୁଙ୍ଗ୍କେଦ୍ ତାୟମ୍ତେ ଆତଃମିସା ଲସଦ୍ରେ ବାଗିନ୍  
 ନାଗେନ୍ତେ ସେନା । ”

### ୩

#### ପ୍ରାଭୁଆଃ ହିନ୍ଦ୍ରୁଃ

† ୨:୧୭ ୨:୧୭ ବାସହା ‡ ୨:୧୭ ୨:୧୭ ଝାରେନ୍

୧ ହେ ଦୁଲ୍ଲାଭ୍, ହାଗା ମିଶିକ, ଆଇଙ୍ଗ୍ ଆପେତାଃତେ ଆତଃମିଆଁଦ୍ ଚିଚାଉ ଅଲେତାନାଇଙ୍ଗ୍ । ନେ ବାରାନ୍ ଚିଚାଉରେ ଆଇଙ୍ଗ୍ ଆପେକେ ନେ ସବେନ୍ ବିଷାଏରେ ପାହାମ୍ ଇଚିକେଦ୍ତେ ଆପେୟାଃ ମନ୍ରେ ଫାଋଚି ଉଡ଼ୁ ନାଙ୍ଗ୍ ଚିହୁଟଃପେ ମେନ୍ତେଇଙ୍ଗ୍ ସାନାଙ୍ଗ୍ତାନା । ୨ ଆପେ ପାବିତାର୍ ନାବାକଆଃ ହରାତେ ସିଦାରେ ଉଦୁବାକାନ୍ କାଜିକ ଆତଃ ଜୀଉ ବାଞ୍ଚାଅନିଃ ପ୍ରାଭୁଆଃ ଆନ୍ତୁକେ କୁଲ୍ଲାକାନ୍ ପ୍ରେଚିଡ଼କ ଆପେକେ ଏମାକାଦ୍ପେୟାକ, ଏନା ଆଇଙ୍ଗ୍ ଆପେକେ ପାହାମ୍‌ଇଚି ନାଗେନ୍ତେଇଙ୍ଗ୍ ସାନାଙ୍ଗ୍ତାନା । ୩ \*ସବେନାଃଏତେ ସିଦା ଆପେକେ ସାରି ଲାଗାତିଙ୍ଗ୍‌ୟାଃ, ନେ ଟୁଣ୍ଡୁ ଦିପିଲିକରେ ଚିମିନ୍ ହଡ଼କ ସାର୍ତ୍ତିକେ ଲାନ୍ଦାକେଦ୍ତେ ଆକଆଃ ଏଡ଼କାନ୍ ସାନାଙ୍ଗ୍ତେ ଏସକାର୍‌କ ସେସେନା, ୪ ଆତଃ ଇନ୍‌କୁ ଆପେକେ ଲାନ୍ଦାକେଦ୍ତେ କାଜିୟାକ, “ୟାଣୁଆଃ ହିନିଜୁଃରାଃ ବାନାର୍‌ସା କାଜି କତାଃରେୟା ? ଆବୁଆଃ ପୁରଂଗା ହାଡ଼ାମ୍‌କ ଗଏଃ ଚାବାୟାନ୍‌ଗିୟାକ, ମେନ୍‌ଦ ଏନେଟେଦ୍ରେ ଅତେଦିଶ୍ମିନ୍ ଚିଲ୍‌କା ବାଇକାନ୍ ତାଇକେନା ଏନ୍‌ଲେକାଗି ନାହାଃ ଜାକେଦ୍ ମେନାଃ ।” ୫ ଇନ୍‌କୁ ସାରିସାରିତେଗି ରିଡ଼ିଙ୍ଗ୍‌ତାଃକ ଯେ, ସିଦା ଦିପିଲିରେ ପାର୍‌ମେଶ୍ଵାର୍‌ଆଃ ହୁକୁମ୍‌ତେ ଅତେ ଆତଃ ସିର୍ମା ବାଇୟାନା । ନେ ଅତେଦିଶ୍ମିନ୍ ଦାଆଃଏତେ ଆତଃ ଦାଆଃତେ ବାଇୟାକାନା । ୬ ଆତଃ ଏନ୍ ମାରି ଅତେଦିଶ୍ମିନ୍ ଇନିୟାଃ ହରାତେ ମୁସିଙ୍ଗ୍ ଦାଆଃ ଟୁଡାକେଦ୍ତେ ଜିୟନ୍‌ୟାନା । ୭ ମେନ୍‌ଦ ନାହାଃ ଅକନ୍ ଅତେଦିଶ୍ମିନ୍ ଆତଃ ସିର୍ମା ମେନାଃ, ଏନା ପାର୍‌ମେଶ୍ଵାର୍‌ଆଃ ଏନ୍ ସାମାନ୍ ହୁକୁମ୍‌ତେଗି ସେଙ୍ଗେଲ୍‌ରେ ଜିୟନଃ ନାଗେନ୍ତେ ଦହାକାନା । ଅକ ହୁଲ୍ଲାଙ୍ଗ୍‌ରେ କା ଧାର୍‌ମାନ୍ ହଡ଼କ ବିଚାରଃଆକ, ଏନ୍ ହୁଲ୍ଲାଙ୍ଗ୍ ଜାକେଦ୍ ଏନାକେ ଦହାକାନା ।

୮ ମେନ୍‌ଦ ହେ ଦୁଲ୍ଲାଭ୍, ହାଗା ମିଶିକ, ମିଆଁଦ୍ କାଜି ଆଲ୍‌ପେ ରିଡ଼ିଙ୍ଗ୍‌ୟେଆ, ପାର୍‌ମେଶ୍ଵାର୍‌ଆଃ ଆୟାର୍‌ରେ ମୁସିଙ୍ଗ୍‌କେ, ମିଦ୍ ହାଜାର୍ ବାରାଷ୍ ମେନ୍ତେ ହିସାବଃଆ ଆତଃ ମିଦ୍ ହାଜାର୍ ବାରାଷ୍‌କେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାମାଃ ସାମାନ୍ ତାନାଃ । ୯ ଚିମିନ୍ ହଡ଼କ ବିଲ୍‌ମାଃ ତାନାଃ ମେନ୍ତେକ ଉଡ଼ୁତାନ୍ ଲେକା, ପ୍ରାଭୁ ଆୟାଃ ବାନାର୍‌ସା କାଜିକେ ପୁରାଏ ନାଗେନ୍ତେ କାଏ ବିଲ୍‌ମାଫେ ତାନା, ମେନ୍‌ଦ ଜେତା ହଡ଼ ଆଲ୍‌କାକ ଜିୟନଃକା ଆତଃ ପାପ୍‌ହେତେ ମନ୍ ରୁହାଡ଼େକାକ ମେନ୍ତେ ଇନିୟାଃ ସାନାଙ୍ଗ୍ ।

୧୦ \*ମେନ୍‌ଦ ପ୍ରାଭୁଆଃ ହିନିଜୁଃ ହୁଲ୍ଲାଙ୍ଗ୍ କୁମୁଡ଼ୁଲ୍‌କା ହିଜୁଃଆ । ଏନ୍ ହୁଲ୍ଲାଙ୍ଗ୍ ସିର୍ମାକ ପୁରାଃ ସାଡ଼ିତେ ଜିୟନଃଆ, ଆତଃ ନେ ଅତେଦିଶ୍ମିନ୍ ଅକ୍‌ନାଃତେ ବାଇକାନା, ଏନ୍ ଏନେଟେଦ୍ ବିଷାଏକ ସବେନ୍ ସେଙ୍ଗେଲ୍‌ତେ ସେରଃଆ, ଅତେରେ ବାଇୟାକାନ୍ ସବେନାଃ ଜିୟନଃଆ । ୧୧ ନେ ସବେନାଃ ନେ'ଲେକା ଜିୟନଃରେଦ୍, ଆପେୟାଃ ଚିଲ୍‌କାନ୍ ଜୀଞ୍ଜାନ୍ ହବାଅଃ ଲାଗାତିଙ୍ଗ୍‌ୟାଃ, ଏନା କାଟିଃ ଉଡ଼ୁଲେପେ । ଆପେକେ ପାବିତାର୍ ଆତଃ ପାର୍‌ମେଶ୍ଵାର୍‌ତାଃରେ ଜିମାକାନ୍ ଜୀଞ୍ଜାନ୍ ଲେକା ହବାଅଃ ଲାଗାତିଙ୍ଗ୍‌ୟାଃ । ୧୨ ଆପେ ପାର୍‌ମେଶ୍ଵାର୍‌ଆଃ ହିନିଜୁଃ ହୁଲ୍ଲାଙ୍ଗ୍‌କେ ନେଲ୍ ହରାତାନ୍‌ରେଦ୍, ଏନା ଜାଲ୍‌ଦି ହିଜୁଃ ନାଗେନ୍ତେ ସେକାଡ଼ାକାନ୍‌ପେ । ଏନ୍ ହୁଲ୍ଲାଙ୍ଗ୍ ସିର୍ମାରେୟାଃ ଏନେଟେଦ୍ ବିଷାଏ ସବେନ୍ ଜୁଲ୍‌କେଦ୍ତେ ଜିୟନଃଆ ଆତଃ ସିର୍ମାରେନ୍ ଇପିଲ୍ ଚାଣ୍ଡୁ ପୁରାଃ ଜୁନ୍‌ଲ୍‌ରାଃ ଏଲ୍‌ଙ୍ଗ୍‌ତେ ଲେୟାଙ୍ଗ୍‌ଆଃଆ । ୧୩ \*ମେନ୍‌ଦ ପାର୍‌ମେଶ୍ଵାର୍ ଆବୁକେ ଏମାକାଦ୍‌ବୁ ବାନାର୍‌ସା କାଜିଲେକାତେ, ମିଆଁଦ୍ ନାଞ୍ଜା ସିର୍ମା ଆତଃ ନାଞ୍ଜା ଅତେବୁ ନେଲ୍‌ହରାତାନା, ଅକ୍‌ନାଃଟି ଧାର୍‌ମାନ୍‌କଆଃ ତାଇନଃ ଠାୟାଦ୍ ହବାଅଃଆ ।

\* ଶା:୩ ଶା:୩ ଯିହୁଦା ୧:୧୮.      \* ଶା:୧୦ ଶା:୧୦ ମାଥୁଉ ୨୪:୪୩; ଲୁକ ୧୨:୩୯; ୧ ଥେସଲନିକା ୫:୨; ଉନ୍‌ଦୁବ୍ କାଜି ୧୭:୧୫.      \* ଶା:୧୩ ଶା:୧୩ ଉନ୍‌ଦୁବ୍ କାଜି ୨୧:୧.

୧୪ ଏନାତେ ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ସବେନାଃକେ ନେଲ୍‌ହରାତାନ୍ ନାଗେନ୍ତେ ପାର୍‌ମେଶ୍ୱାର୍‌ଆଃ ନେପେଲ୍‌ରେ ପାବିତାର୍ ଆତଃ ବେଗାର୍ ଦାଗିକାନ୍ ଲେକା ସୁକୁଜୀଉତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ । ୧୫ ଆରୁଆଃ ପ୍ରାଭୁ ଚିମିନ୍ ସାହାତିଙ୍ଗିନିଃ ତାନିଃ । ଆପେୟାଃ ଜୀଉବାଞ୍ଚାଅ ନାମ୍ ନାଗେନ୍ତେ ଇନିଃ ଚିମିନ୍ ନେଡା ଏମାକାଦାଏ, ଏନା ଆରୁଆଃ ଦୁଲ୍ଲାଡ଼୍ ହାଗା, ପାଉଲୁସ୍ ପାର୍‌ମେଶ୍ୱାର୍‌ତାଃଏତେ ସେଣ୍ଟା ନାମ୍‌କେଦ୍‌ତେ ଆପେତାଃତେ ନେ ଚିଟାଉ ଅଲ୍ଲାକାଦାଏ । ୧୬ ଇନିଃ ଆୟାଃ ସବେନ୍ ଚିଟାଉରେ, ନେ ସବେନ୍ ବିଷାଏ ଉଦୁଦ୍‌କେଦ୍‌ତେ କାଜିକାଦାଏ, ଏନ୍ ସବେନାଃରେ ନେ'ଲେକା ଚିମିନ୍ ହାମ୍‌ଲ୍ କାଜିକ ମେନାଃ, ଅକ୍‌ନାଃକଟି ଆଟ୍‌କାର୍‌ଉରୁମ୍ ନାଗେନ୍ତେ ପୁରାଃଗି ହାମ୍‌ଲାଃ । ଆବର୍‌ରେ କା ତାଇନଃ ବେଗାର୍ ସେଣ୍ଟାନ୍ ହଡ଼କ ଏଟାଃ ସବେନ୍ ଧାରାମ୍‌ପୁଅ ଲେକାଗି ପାଉଲୁସ୍‌ଆଃ ଚିଟାଉକରେୟ ଏନ୍‌ଲେକାଗି ମୁଣ୍ଡିକ ଉଦୁବାଃ । ନେଆଁତେ ଇନ୍‌କୁ ଆକଆଃ ଜିୟନଃକ ଆଉତାନା ।

୧୭ ମେନ୍‌ଦ ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିର୍ଗାଲ୍ଲାକାନ୍ ତାଇନ୍‌ପେ, ଜେ'ଲେକା ଏଡ଼କାନ୍ ହଡ଼କଆଃ ହସଡ଼ ଇନିତୁରେ ଉୟୁଃକେଦ୍‌ତେ ଆପେୟାଃ କେଟେଦ୍ ବିଶ୍ୱାସ୍‌ଏତେ ଆଲପେ ସାଜିନିଃଆ । ୧୮ ମେନ୍‌ଦ ଆରୁଆଃ ପ୍ରାଭୁ ଆତଃ ଜୀଉବାଞ୍ଚାଅ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆତଃ ସେଣ୍ଟାତେ ହାରାଇଦିଅଃପେ । ନାହ୍‌ଆଃ ଆତଃ ଜାନାଅ ଜାନାଅ ଜାକେଦ୍ ଇନିୟାଃ ମାନାରାଙ୍ଗ୍ ହବାଅଃକା, ଆମେନ୍ ।

# ଯୋହାନ୍‌ଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିଟାଏ

ଯୋହାନ୍‌ଆଃ ପାହିଲା ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍‌ତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକ୍‌କେ ଅନଲ୍‌ନିଃ ଲେକା ପାରିଟାଏ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯୀଶୁ ଖ୍ରୀଷ୍ଟୁଆଃ ଜୀଦାନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍ଲାକାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲଃ ମିଦ୍‌ଜକା ଲେକାଗି ନେଲଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫ୍‌ସୁସ୍‌ରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣ୍ଡାନ୍‌କ ମେନ୍ତେ କାଜିୟଃତାନ ଝୁଣ୍ଡ୍‌ରେନ୍ ହଡ଼କ ହରାତେ କାଲିସିୟା ସାଙ୍କାଟ୍‌ରେ ତାଇନଃ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡ଼କକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନ୍‌କୁ ବିଶ୍ୱାସାଃକ ଯେ, ଯୀଶୁ ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶ୍ୱମ୍‌ରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ୍ ହଡ଼ମ୍‌ରେନ୍ ସାର୍‌ତି ମାନଖା ହଡ଼ ନାହାଁଲିଃ । ଯୋହାନ୍ ଯୀଶୁ ଖ୍ରୀଷ୍ଟୁକେ ମେଦ୍‌ତେ ନେଲ୍ଲାକାଜିନିଃ ତାନିଃ ଆତଃ ଆୟାଃ ତିଃଇ ଯୀଶୁକେ ଜୁଟିଦ୍‌କାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସ୍‌କାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉଦେଶ୍ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ଼ ଇନିତୁହେତେ ବିଶ୍ୱାସୀକକେ ବାଞ୍ଛାଅକ ନାଗେନ୍ତେ ୧ ଯୋହାନ୍ ୨:୨୬ ଆତଃ ଏନ୍ ବିଶ୍ୱାସୀକ ବାଞ୍ଛାଅକାନାକ ଏନା ସାର୍‌ତି ତାନାଃ ମେନ୍ତେ କାଜିକନାଜ୍ ୫:୧୩ ।

## ପୁଅ୍ ଉଚାଟ୍‌ରେ ତାଇକାନ୍ କାଜି

- ୧. ଯୋହାନ୍ ଆୟାଃ ଚିଟାଉରେ ପାରିଟାଏ ଉଦୁବ୍‌କେଦ୍‌ତେ ଅନଲ୍‌ରାଃ ଉଦେଶ୍ ଅଲ୍ଲାକାଦାଏ । ୧:୧-୪
- ୨. ପାର୍‌ମେଶ୍ୱାର୍ ମାର୍ସାଲ୍ ତାନିଃ ଏନା କାଜିକେଦ୍‌ତେ ଯୀଶୁଆଃ ଲେକା ଜୀଦାନ୍ ବିତାଅ ନାଗେନ୍ତେ କାଜିୟାଃ । ୧:୫-୩:୧୦
- ୩. ମିହୁଡ୍ ଆତଃମିହୁଡ୍‌କେ ଦୁଲ୍ଲାଡ୍ ବିଷାଏରେ ଆବୁକେ ପାହାମ୍‌ଇତିବୁ ତାନା । ୩:୧୧-୫:୧୨
- ୪. ଯୋହାନ୍ ଆୟାଃ ଅନଲ୍ ଅଲ୍ ଚାବାକେଦାଏ । ୫:୧୩-୨୧

### ଜୀନିଦ୍‌ରାଃ ବାଚାନ୍

୧ \*ଆଲେ ଅତେଦିଶ୍ୱମ୍‌ରାଃ ଏନେଟେଦ୍ ସିଦାରେ ତାଇକାନ୍ ଏନ୍ ଜୀଦାନ୍ ବାଚାନ୍ ବିଷାଏରେ ଉଦୁବ୍‌ତାନା, ଅକ୍‌ନାଃକେଟି, ଆଲେ ଆୟାମାକାଦା, ନେଲ୍ଲାକାଦା, ନେଲ୍‌ବାଇକାଦା, ଆତଃ ତିଃଇତେଲେ ଜୁଟିଦାକାଦା । ୨ \*ଏନ୍ ଜୀଦାନ୍ ବାଚାନ୍ ଉଦୁବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍‌ତେ ଗାଞ୍ଜା ଏମ୍‌ତାନ୍‌ଲଃ କାଜିତାନାଲେ, ଅକନ୍ ଜାନାଅ ଜୀଦାନ୍ ଆପୁ ପାର୍‌ମେଶ୍ୱାର୍‌ଲଃ

\* ୧:୧ ୧:୧ ଯୋହାନ୍ ୧:୧. \* ୧:୨ ୧:୨ ଯୋହାନ୍ ୧:୧୪.

ତାଙ୍କକେନା ଆତଃ ଆଲେତାଃରେ ଉଦୁବେନ୍ୟାନା, ଏନ୍ ବିଷାଏରେ ଆପେକେଲେ ଉଦୁବତାନା । ୩ ଆଲେ ଅକନାଃ ନେଲକାଦତେୟାଃ ଆତଃ ଆୟୁମାକାଦତେୟାଃ ଆପେକେୟ ଉଦୁବପେତାନାଲେ, ଜେ'ଲେକାତି ଆପେୟ ଆଲେୟାଃ ମେନେସାରେ ମେସାଦାଡ଼ିୟାଆପେ, ଆତଃ ଆଲେୟାଃ ମେନେସା ଆପୁ ପାର୍ମେଶ୍ଵାର୍ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟଲଃ ମେନାଃ । ୪ ଆରୁଆଃ ସୁକୁରାସକା ପୁରାଅଃକା ମେନ୍ତେ ଆଲେ ନେ ସବେନାଃ ଅଲେତାନାଲେ ।

ପାର୍ମେଶ୍ଵାର୍ ମାର୍ସାଲ୍ ତାନିଃ

\* ଆଲେ ପାର୍ମେଶ୍ଵାର୍ଆଃ ହନ୍ତାଃଏତେ ଆୟୁମାକାଦ୍ କାଜିକେ ଆପେକେ ଉଦୁବପେତାନାଲେ, ଏନା ନେଆଁ ତାନାଃ, ପାର୍ମେଶ୍ଵାର୍ ମାର୍ସାଲ୍ ତାନିଃ ଆତଃ ଜନିଃରେ ଜେତାନ୍ ନୁବାଃ ବାନଆଃ । ୬ ଜନିଃଲଃ ଆରୁଆଃ ମେନେସା ମେନାଃ ମେନ୍ତେ କାଜିକେଦତେ ନୁବାଃରେରୁ ତାଜନଃତାନ୍ ରେଦ୍ ଆରୁ ହସଡ୍ ତାନ୍ରୁ, ଆତଃ ଆରୁଆଃ ଜାଗାର୍ରେ ଆତଃ କାମିରେ ସାନାର୍ତି ବାନଆଃ । ୭ ମେନ୍ଦ୍ ପାର୍ମେଶ୍ଵାର୍ ମାର୍ସାଲ୍ରେ ମେନାଲ୍ ଲେକା ଆରୁହ୍ ମାର୍ସାଲ୍ରେ ମେନାବୁରେଦ୍ ଆରୁଆଃ ମେନେସା ମିହୁଡ୍ ଆତଃମିହୁଡ୍ଲଃ ମେନାଃ ଆତଃ ଜନିୟାଃ ହନ୍ ଯୀଶୁ ଖ୍ରୀଷ୍ଟଆଃ ମାର୍ଯୋମ୍ ସବେନ୍ ପାପହେତେ ଆରୁକେ ଫାର୍ତିବୁଆ ।

୮ ଆରୁରେ ପାପ୍ ବାନଆଃ ମେନ୍ତେରୁ କାଜିରେଦ୍, ଆରୁ ଆରୁଗି ବେଦାନ୍ତାନାରୁ, ଆତଃ ଆରୁତାଃରେ ସାର୍ତି ବାନଆଃ । ୯ ମେନ୍ଦ୍ ପାର୍ମେଶ୍ଵାର୍ତାଃରେ ଆରୁ ପାପକାଦାରୁ ମେନ୍ତେ ମାନାତିଙ୍ଗ୍ରେରେ, ଜନିଃ ଆରୁଆଃ ପାପ୍ କ୍ଷାମା ଏମ୍ ନାଗେନ୍ତେ ଆତଃ ସବେନ୍ ଏଡକାନ୍ଆଃଏତେ ଫାର୍ତିବୁ ନାଗେନ୍ତେ ପାତିୟାର୍ରେ ଲେକାନ୍ନିଃ ତାନିଃ ଆତଃ ଠାଉକାନ୍ତେୟାଃଗି ରିକାଏୟା । ୧୦ ଆରୁ କାରୁ ପାପକାଦା ମେନେରେଦ୍, ଆରୁ ପାର୍ମେଶ୍ଵାର୍କେ ହସଡ୍ନିଃ ମେନ୍ତେରୁ ମେତାଜତାନା, ଆତଃ ଜନିୟାଃ କାଜି ଆରୁରେ ବାନଆଃ ।

୨

ୟୀଶୁ ଖ୍ରୀଷ୍ଟ୍ ଆରୁଆଃ ଦେଙ୍ଗାନିଃ

୧ ହେ ଦୁଲ୍ଲାଡ୍ ହନ୍କ, ଆପେ ପାପ୍ କାମି ଆଲପେ ରିକାଏ ମେନ୍ତେ ଆଇଙ୍ଗ୍ ନେ କାଜିକ ଆପେତାଃତେଇଙ୍ଗ୍ ଅଲେତାନା । ମେନ୍ଦ୍ ଜେତାଏ ପାପ୍ କାମି ରିକାଏରେଦ୍, ଆରୁ ନାଗେନ୍ତେ ଆପୁ ପାର୍ମେଶ୍ଵାର୍ତାଃରେ ବିନ୍ତି ନାଙ୍ଗ୍ ମିଆଁଦ୍ ଦେଙ୍ଗାନିଃ ମେନାଲୟା, ଜନିଃ ଧାର୍ମାନ୍ ଯୀଶୁ ଖ୍ରୀଷ୍ଟ୍ ତାନିଃ । ୨ ଆତଃ ଯୀଶୁ ଖ୍ରୀଷ୍ଟ୍ ଆଇଃକ୍ତି ଆରୁଆଃ ପାପ୍ କ୍ଷାମା ନାଗେନ୍ତେ ଏସକାର୍ କାହା, ମେନ୍ଦ୍ ଗଟା ଅତେଦିଶୁମ୍ରେନ୍ ହଡକଆଃ ପାପ୍ କ୍ଷାମା ନାଗେନ୍ତେ ଦାଣ୍ଟେ ରାକାବ୍ୟାନା ।

୩ ଆରୁ ପାର୍ମେଶ୍ଵାର୍ଆଃ ହୁକୁମ୍କେ ମାନାତିଙ୍ଗ୍ରେରେଦ୍, ଜନିଃକେରୁ ସାରିୟା । ୪ ଆତଃ ଜନିୟାଃ ହୁକୁମ୍ କା ମାନାତିଙ୍ଗ୍ରେକେଦ୍ତେ, ଜନିଃକେଇଙ୍ଗ୍ ସାରିୟା ମେନ୍ତେ କାଜିନିଃ ହସଡ୍ ତାନିଃ ଆତଃ ଜନିଃରେ ସାର୍ତି ବାନଆ । ୫ ମେନ୍ଦ୍ ଜେତାଏ ଜନିୟାଃ ବାତାନ୍କେ ମାନାତିଙ୍ଗ୍ରେ, ଜନିଃତାଃରେ ପାର୍ମେଶ୍ଵାର୍ଆଃ ଦୁଲ୍ଲାଡ୍ ସାର୍ତିଗି ପୁରାକାନା । ନେ'ଲେକାତେ ଆରୁ ଜନିଃରେ ମେନାରୁଆ ମେନ୍ତେରୁ ସାରିତାନା । ୬ ଜେତାଏ ପାର୍ମେଶ୍ଵାର୍ଲଃ ତାଜନ୍ ତାନାଲଙ୍ଗ୍ ମେନ୍ତେ କାଜିନିଃ, ଯୀଶୁ ଖ୍ରୀଷ୍ଟ୍ ଲେକା ଜୀଝାନ୍ ବିତାଅ ଲାଗାତିଙ୍ଗ୍ୟାଃ ।



୭ ହେ ଦୁଲାଡ଼ ହାଗା ମିଶିକ, ଆଇଙ୍ଗ ଆପେତାଃତେ ନାଞ୍ଜା ଆନରୁଦ କା ମେନ୍ଦ ଦ ମୁନ୍ନୁଏତେ ଆପେତାଃରେ ତାଇକେନ୍ ମାରି ଆନରୁକେଗିଇଙ୍ଗ ଅଲେତାନା, ଆପେ ଆୟୁମାକାଦ କାଜି, ଏନ୍ ମାରି ଆନରୁଗି ତାନାଃ ।<sup>୮</sup> ଏନ୍ରେୟ, ଆଇଙ୍ଗ ଏନାକେ ନାଞ୍ଜା ଆନରୁ ଲେକାଇଙ୍ଗ ଅଲେତାନା, ଏନାରେୟାଃ ସାର୍ତି, ଯୀଶୁ ଖ୍ରୀଷ୍ଟ୍ରେ ଆତଃ ଆପେରେହ୍ ନେଲଃଆ, ଚିୟାଃଟି ନୁବାଃ ସେନଃତାନା ଆତଃ ସାର୍ତି ମାର୍ସାଲ୍ ଚାମ୍ବକାଅଃ ତାନା ।

୯ ଜେତାଏ ମାୟାଲ୍ରେନ୍ ତାନିଙ୍ଗ ମେନ୍ତେ କାଜିକେଦ୍ତେ, ଆପ୍ତନାଃ ହାଗା ମିଶିକକେ ହିଲାଙ୍ଗକ ତାନରେଦ ଇନିଃ ନାହାଁଃ ଜାକେଦ୍ ନୁବାଃରେ ମେନାଇୟା ।<sup>୧୦</sup> ଜେତାଏ ଆପ୍ତନାଃ ହାଗା ମିଶିକକେ ଦୁଲାଡ଼କ ତାନରେଦ, ଇନିଃ ମାୟାଲ୍ରେନ୍ ତାନିଃ ଆତଃ ଇନିଃ ଜେତାଲେକାତେ କାଏ ତହଦଃଆ ।<sup>୧୧</sup> ମେନ୍ଦ ଜେତାଏ ଆପ୍ତନାଃ ହାଗା ମିଶିକକେ ହିଲାଙ୍ଗକରେଦ, ଇନିଃ ନୁବାଃରେ ମେନାଇୟା, ଆତଃ ନୁବାଃରେ ସେନେତାନା ଆତଃ କତେ ସେନଃତାନା ଏନା କାଏ ସାରିୟା ଚିୟାଃଟି ନୁବାଃ ଇନିୟାଃ ମେଦ୍କେ ନୁବାଃକାଦା ।

୧୨ ଏ ହନ୍କ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଟି ଆପେୟାଃ ପାପ୍କଦ ଯୀଶୁ ଖ୍ରୀଷ୍ଟ୍ଆଃ ନୁଡ଼ମ୍ତେ ଛାମାକାନା ।<sup>୧୩</sup> ହେ ଆପୁକ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଟି ଆପେଦ ଅତେଦିଶୁମ୍ବରାଃ ଏନେଟେଦ୍ ସିଦାରେ ତାଇକେନ୍ନିଃକେପେ ଇଡୁଆନା । ଏ ସେପେଡେଦ୍କ, ଆଇଙ୍ଗ ଆପେତାଃତେଇଙ୍ଗ ଅଲେତାନା, ଚିୟାଃଟି ଆପେଦ ଏନ୍ ଏଡ଼କାନ୍ନିଃକେପେ ହାରାଅକିୟା ।

୧୪ ଏ ହନ୍କ, ଆଇଙ୍ଗ ଆପେତାଃତେଇଙ୍ଗ ଅଲକାଦା, ଚିୟାଃଟି ଆପେଦ ଆପୁକେପେ ସାରିୟା । ହେ ଆପୁକ, ଆଇଙ୍ଗ ଆପେତାଃତେଇଙ୍ଗ ଅଲକାଦା, ଚିୟାଃଟି ଆପେଦ ଅତେଦିଶୁମ୍ବରାଃ ଏନେଟେଦ୍ ସିଦାରେ ମେନାଇ ଖ୍ରୀଷ୍ଟ୍କେପେ ସାରିୟା । ଏ ସେପେଡେଦ୍କ, ଆଇଙ୍ଗ ଆପେତାଃତେଇଙ୍ଗ ଅଲକାଦା, ଚିୟାଃଟି ଆପେଦ ପେଡେୟାନକ ତାନପେ, ଆପେରେ ପାର୍ମେଶ୍ୱାର୍ଆଃ ବାଚାନ୍ ମେନାଃ ଆତଃ ଏଡ଼କାନ୍ନିଃକେପେ ହାରାଅକିୟା ।

### ଅତେଦିଶୁମ୍ବକେ ଆଲପେ ଦୁଲାଡ଼ାଃ

୧୫ ଆପେ ନେ ଅତେଦିଶୁମ୍ ଆତଃ ଅତେଦିଶୁମ୍ବରାଃ ଜେଡ଼ନାଃ ଆଲପେ ଦୁଲାଡ଼େୟା । ଆପେ ନେ ଅତେଦିଶୁମ୍ବକେ ଦୁଲାଡ଼େତାନରେଦ, ଆପୁ ପାର୍ମେଶ୍ୱାର୍ଆଃ ଦୁଲାଡ଼ ଆପେରେ ବାନଃଆ ।<sup>୧୬</sup> ଚିୟାଃଟି ହଡ଼ମରେୟାଃ ଏଡ଼କାନ୍ ସାନାଙ୍ଗ୍, ମେଦ୍ରେଆଃ ଏଡ଼କାନ୍ ସାନାଙ୍ଗ୍, ଆତଃ ଆକଆଃ ମେନାଃତେୟାଃ ନାଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ, ନେ ଅତେଦିଶୁମ୍ବରେ ତାଇନଃତାନ୍ ବିଷାଏ ତାନାଃ, ନେ ସବେନାଃ ଆପୁସାଃଏତେଦ୍ କାହା, ମେନ୍ଦ ଅତେଦିଶୁମ୍ବସାଃଏତେ ହିଜୁଃତାନା ।<sup>୧୭</sup> ଅତେଦିଶୁମ୍ ଆତଃ ଏନାରେୟାଃ ସବେନ୍ ଏଡ଼କାନ୍ ସୁକୁରାସକା ଜିୟନଃଆ, ମେନ୍ଦ ଜେତାଏ ପାର୍ମେଶ୍ୱାର୍ଆଃ ସାନାଙ୍ଗ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

### ଯୀଶୁ ଖ୍ରୀଷ୍ଟ୍ଆଃ ବାଇରି

୧୮ ହେ ଦୁଲାଡ଼ ହନ୍କ, ଚୁଣ୍ଟୁ ଦିପିଲି ନାଡ଼େଃକାନା, ଆତଃ ଖ୍ରୀଷ୍ଟ୍ଆଃ ବାଇରି ହିଜୁଃଆଏ ମେନ୍ତେପେ ଆୟୁମ୍ବକେଦ୍ଲେକା ନାହାଁଃହ ଯୀଶୁ ଖ୍ରୀଷ୍ଟ୍ଆଃ ବାଇରିକ ପୁରାଃଗି ମେନାକଆ, ଏନାତେ ଚୁଣ୍ଟୁ ଦିପିଲି ନାଡ଼େଃକାନା ମେନ୍ତେଚୁ ଆବ୍କାରେତାନା ।<sup>୧୯</sup> ଇନ୍ଦକୁ ଆବୁତାଃଏତେକ ଅତଙ୍ଗ୍ୟାନା ମେନ୍ଦ ଇନ୍ଦକୁ ସାର୍ତିଗି ଆବୁଆଃ ମେନେସାରେ କାକ ତାଇକେନା, ଚିୟାଃଟି ଇନ୍ଦକୁ ଆବୁଆଃ ମେନେସାରେ

ତାଙ୍କକାନରେଦ ଆବୁଲକ ତାଙ୍କକାନତେୟାଃ ହନାଙ୍ଗଆଃ । ମେନ୍ଦ ଇନ୍କୁ ଯେ, ଆବୁଆଃ ଝୁଣ୍ଡରେନ୍ ନାହାଁଲାକ, ଏନା ଜେ'ଲେକା ଉଦୁବଃଆ, ଏନାମେନ୍ତେ ଇନ୍କୁ ଆବୁଆଃ ଝୁଣ୍ଡଏତେ ଅତଙ୍ଗୟାନାକ ।

୨୦ ମେନ୍ଦ ଯୀଶୁ ଖ୍ରୀଷ୍ଟଆଃ ସାୟାଦତେ ପାବିତାର୍ ଆମ୍ବା ଆପେକେ ଆଭିଷେକ୍ କାଦ୍ପେୟା, ଆତଃ ଆପେ ସବେନ୍କ ସାର୍ତ୍ତିପେ ସାରିକାଦା । ୨୧ ଆପେ ସାର୍ତ୍ତି କାପେ ସାରିକାଦା ମେନ୍ତେଦ କାହା, ମେନ୍ଦ ଆପେ ସାର୍ତ୍ତିକେପେ ସାରିତାନା, ଆତଃ ସାର୍ତ୍ତିଏତେ ଜେତାନ୍ ହସଡ୍ କାଜି କା ଅତଙ୍ଗଅଃଆ ମେନ୍ତେ ସାରିତାନ୍ ହରାତେ ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍ଲକେଦା ।

୨୨ ଅକଏ ହସଡ୍ ତାନିଃ ? ଅକଏ ଯୀଶୁକେ ଜୀଉବାଞ୍ଚାଅନିଃ ଖ୍ରୀଷ୍ଟ ନାହାଁଲିଃ ମେନ୍ତେ କାଜିନିଃଗି ହସଡ୍ ତାନିଃ । ନେ ଲେକାନ୍ ହଡ୍ ଯୀଶୁ ଖ୍ରୀଷ୍ଟଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍କିନ୍କେ କାଏ ମାନାତିଙ୍ଗ୍କିନା । ୨୩ ଜେତାଏ ହନ୍କେ କାଏ ମାନାତିଙ୍ଗ୍ନିଃ ଆପୁକେହ କାଏ ମାନାତିୟାଃ, ଜେତାଏ ହନ୍କେ ମାନାତିୟାଃ ଆପୁକେହ ମାନାତିୟାଃ ।

୨୪ ଆପେ ମୁନ୍ଦୁଏତେ ଆୟୁମାକାଦ୍ କାଜି, ଆପେତାଃରେଗି ତାଙ୍କନକା । ଆପେ ମୁନ୍ଦୁଏତେ ଆୟୁମାକାଦ୍ କାଜି, ଆପେତାଃରେଗି ତାଙ୍କନରେଦ, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍ତାପେ ତାଙ୍କନା । ୨୫ ଆତଃ ଯୀଶୁ ଖ୍ରୀଷ୍ଟ ଏମାକାଦ୍ବୁ ବାନାର୍ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଗତାନ୍ ହଡ୍କଆଃ ବିଷାଏରେ ଆଇଙ୍ଗ୍ ଆପେତାଃତେ ନେଆଁଇଙ୍ଗ୍ ଅଲେତାନା । ୨୭ ମେନ୍ଦ ଆପେକେ ଯୀଶୁ ଖ୍ରୀଷ୍ଟ ଆୟାଃ ପାବିତାର୍ ଆମ୍ବାତେ ଆଭିଷେକ୍ କାଦ୍ପେୟା । ନେ ପାବିତାର୍ ଆମ୍ବା ଆପେରେ ତାଙ୍କନ୍ ଜାକେଦ୍ ଏଟାଃକତାଃଏତେ ଆପେକେ ଇନିତୁ କା ଲାଗାତିଙ୍ଗ୍ୟାଃ । ତିୟାଃତି ପାବିତାର୍ ଆମ୍ବା ସବେନ୍ ବିଷାଏରେ ଆପେକେ ଇତୁପେୟା ଆତଃ ଆୟାଃ ଇନିତୁ ସାର୍ତ୍ତି ତାନାଃ ଏନା ହସଡ୍ ନାହାଁଲାଃ । ପାବିତାର୍ ଆମ୍ବାରାଃ ଏନ୍ ଇନିତୁକେ ମାନାତିଙ୍ଗ୍କେଦ୍ତେ ଯୀଶୁ ଖ୍ରୀଷ୍ଟଲଃ ମେନେସାରେ ତାଙ୍କନ୍ପେ ।

୨୮ ଏନାତେ ଏ ହନ୍କ, ଯୀଶୁ ଖ୍ରୀଷ୍ଟରେ ମେସାକେଦ୍ତେ ତାଙ୍କନ୍ପେ, ଏନ୍ରେଦ ଆୟାଃ ହିନିଜୁଃ ନେତାରେ ଜୀଉ କେଟେଦ୍କେଦ୍ତେବୁ ଦାରମିୟାଁ ଆତଃ ଆବୁ ସବେନ୍କ ଆୟାଃ ଆୟାର୍ରେ କାବୁ ଗିହୁଗଃଆ । ୨୯ ଆବୁ ସାରିୟାଃବୁ ଯେ, ଯୀଶୁ ଖ୍ରୀଷ୍ଟ ଧାର୍ମାନ୍ନିଃ ତାନିଃ, ନେଆଁହଁ ସାରିୟାଃବୁ ଯେ, ଜେତାଏ ଧାର୍ମାନ୍ କାମି କାମିନିଃ ପାର୍ମେଶ୍ଵାର୍ଆଃ ହନ୍ ତାନିଃ ।

## ୩

ପାର୍ମେଶ୍ଵାର୍ଆଃ ହନ୍କ

୧ \*ପାର୍ମେଶ୍ଵାର୍ ଆବୁକେ ଆୟାଃ ଦୁଲାଡ୍ତେ ଚିମିନାଙ୍ଗ୍ ଦୁଲାଡ୍କେଦ୍ବୁଆଏ, ଏନା କାଟିଃ ଉଡ୍ଡୁଲେପେ । ଆବୁ ପାର୍ମେଶ୍ଵାର୍ଆଃ ହନ୍କବୁ ନୁଡୁମାକାନା । ଆତଃ ଆବୁ ଆୟାଃ ହନ୍କଗି ତାନ୍ବୁ । ଅତେଦିଶୁମ୍ ପାର୍ମେଶ୍ଵାର୍କେ କାଏ ସାରିୟା, ଏନାମେନ୍ତେ ଅତେଦିଶୁମ୍ ଆବୁକେ କାଏ ସାରିୟା । ୨ ହେ ଦୁଲାଡ୍, ହାଗା ମିଗିକ, ନାହାଁଃ ଆବୁ ପାର୍ମେଶ୍ଵାର୍ଆଃ ହନ୍କ ତାନ୍ବୁ, ମେନ୍ଦ ହିଜୁଃତାନ୍ ଦିପିଲିରେ ତିନାଃବୁ ହବାଅଃଆ ଏନା କା ସାରିୟାଃତାନା । ମେନ୍ଦ ଯୀଶୁ ଖ୍ରୀଷ୍ଟ ଆତଃମିସା ହିଜୁଃରେ ଆବୁହ ଆୟାଃ ଲେକାଗିବୁ ହବାଅଃଆ, ତିୟାଃତି ଇନିଃକେ ଆଇଃକ୍ଗି ତାନିଃ ଲେକାବୁ ନେଲିୟା । ୩ ଆତଃ ଇନିଃରେ ଆସ୍ତା ଦହକାଦ୍କ, ଇନିଃ ଫାର୍ତିଗି ମେନାଇଲେକା, ଇନ୍କୁ ଫାର୍ତିଗିକ ତାଙ୍କନକା ।

୪ ଜେତାଏ ପାପ୍ ରିକାଏତାନ୍ନିଃ, ପାର୍ମେଶ୍ୱାର୍ଆଃ ଆନ୍ତୁକେ କାଏ ମାନାତିଙ୍ଗ୍ ତାନା, ଚିୟାଃତି ଆନ୍ତୁ କା ମାନାତିଙ୍ଗ୍ତେୟାଃଗି ପାପ୍ ତାନାଃ । ୫ \*ଆପେ ସାରିତାନାପେ ଯେ, ଯୀଶୁ ଖ୍ରୀଷ୍ଟ୍ ଆବୁଆଃ ପାପ୍ ଗଅଃଇଦି ନାଙ୍ଗ୍ ହିଜୁଃୟାନାଏ ଆତଃ ଇନିଃରେ ଜେତାନ୍ ପାପ୍ ବାନଃଆ । ୬ ଜେତାଏ ଇନିଃରେ ତାଇନ୍ତାନ୍ନିଃ ପାପ୍ କାମି କାଏ ରିକାୟା, ଆତଃ ଜେତାଏ ପାପ୍ କାମିତାନ୍ନିଃ ଇନିଃକେ ଚିତ୍ତଲୀଅ କାଏ ନେଲକାଇୟା ଚାଏ କାଏ ସାରିକାଇୟା ।

୭ ହେ ଦୁଲ୍ଲାଡ୍ ହନ୍କ, ଜେତାଏ ଆପେକେ ଆଲକାକ ବେଦାପେକା, ଜେତାଏ ବୁଗିନ୍ କାମି କାମିୟାଏ, ଇନିଃ ଏସ୍କାର୍ ଯୀଶୁ ଖ୍ରୀଷ୍ଟ୍ ଲେକା ଧାର୍ମାନ୍ନିଃ ତାନିଃ । ୮ ଆତଃ ଜେତାଏ ପାପ୍ କାମି ରିକାତାନ୍ନିଃ, ସାଏତାନ୍ରେନ୍ ତାନିଃ, ଚିୟାଃତି ସାଏତାନ୍ ମୁନ୍ଦୁଏତେ ପାପ୍ କାମି ରିକାଆଉତାନାଏ । ଏନ୍ ସାଏତାନ୍ରାଃ କାମିକେ ଜିୟନେ ନାଗେନ୍ତେ ପାର୍ମେଶ୍ୱାର୍ଆଃ ହନ୍ ହିଜୁଃୟାନାଏ ।

୯ ଅକନ୍କ ପାର୍ମେଶ୍ୱାର୍ଆଃ ହନ୍ ତାନ୍କ, ଇନ୍କୁ ପାପ୍ କାମିରେ କାକ ତାଇନା, ଚିୟାଃତି ପାର୍ମେଶ୍ୱାର୍ଆଃ ସଭାବ୍ ଇନ୍କୁରେ ମେନାଃ, ଆତଃ ପାର୍ମେଶ୍ୱାର୍ ଇନ୍କୁଆଃ ଆପୁ ତାନିଃ, ଏନାତେ ଇନ୍କୁ ପାପ୍ରେ କାକ ତାଇନ୍ ଦାଡିୟା । ୧୦ ପାର୍ମେଶ୍ୱାର୍ଆଃ ହନ୍କ ଆତଃ ସାଏତାନ୍ଆଃ ହନ୍କ ଅକନ୍କ ତାନ୍କ, ଏନା ନେ'ଲେକାତେକ ସାରିୟାଃଆ, ଜେତାଏ ଧାର୍ମାନ୍ କାମି କାଏ କାମିନିଃ, ଚାଏ ବିଶ୍ୱାସୀ ହାଗା ମିଶିକେ କାଏ ଦୁଲ୍ଲାଡିନିଃ ପାର୍ମେଶ୍ୱାର୍ଆଃ ହନ୍ ନାହାଲିଃ ।

ମିହୁଡ୍ ଆତଃମିହୁଡ୍ କେ ଦୁଲ୍ଲାଡିପେ

୧୧ \*ଆବୁକେ ଦୁଲ୍ଲାଡ୍ରେ ତାଇନଃ ଲାଗାତିଙ୍ଗ୍ୟାଃ, ନେଆଁଦ ଆପେ ମୁନ୍ଦୁଏତେ ଆୟୁମ୍କାଦ୍ କାଜି ତାନାଃ । ୧୨ ଆବୁ କୟିନ୍ ଲେକା କାବୁ ହବାଅଃଆ, ଇନିଃରେ ଏଡ୍କାନ୍ ଏସେୟାନ୍ନା ଆତଃ ହାଗାତେ ହାବିଲ୍ଲକେ ଗଏଃକିୟା । କୟିନ୍ ହାଗାତେକେ ଚିନାଃ ନାଗେନ୍ତେ ଗଏଃକିୟା ? ଚିୟାଃତି କୟିନ୍ଆଃ କାମି ଏଡ୍କାନାଃ ଆତଃ ହାଗାତେୟାଃ କାମି ଠାଉକାତେୟାଃ ତାଇକେନା ।

୧୩ ଏନାତେ ହେ ହାଗା ମିଶିକ, ନେ ଅତେଦିଶୁମ୍ରେନ୍ ହଡ୍କ ଆପେକେ ହିଲ୍ଲାଙ୍ଗ୍ପେରେ ଆଲ୍ପେ ହାଏକାଟଃଆ । ୧୪ \*ଆବୁ ଖ୍ରୀଷ୍ଟ୍ ହାଗା ମିଶିକକେବୁ ଦୁଲ୍ଲାଡ୍ କ ତାନ୍ରେଦ, ଆବୁ ଗନ୍ଏଃକେ ପାରମ୍କେଦ୍ତେ ଜୀଦାନ୍ରେବୁ ବଲକାନା ଏନାବୁ ସାରିତାନା । ଜେତାଏ କାଏ ଦୁଲ୍ଲାଡ୍ତାନ୍ନିଃ ନାହାଃ ଜାକେଦ୍ ଗନ୍ଏଃରେୟାଃ ଆକ୍ତେୟାର୍ରେ ମେନାଇୟା । ୧୫ ଜେତାଏ ଖ୍ରୀଷ୍ଟ୍ ହାଗା ମିଶିକେ ହିଲ୍ଲାଙ୍ଗିନିଃ, ହଡ୍ ଗଗଏଃନିଃ ତାନିଃ । ଆତଃ ହଡ୍ ଗଗଏଃନିୟାଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା । ୧୬ ଯୀଶୁ ଖ୍ରୀଷ୍ଟ୍ ଆବୁ ନାଙ୍ଗ୍ ଆୟାଃ ଜୀଉ ଏମ୍କେଦାଏ ଏନାତେ ଆବୁ ଦୁଲ୍ଲାଡ୍ ଚିନାଃ ତାନା ଏନାବୁ ସାରିତାନା । ଆତଃ ଆବୁକେୟ ଖ୍ରୀଷ୍ଟ୍ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାତିଙ୍ଗ୍ୟାଃ । ୧୭ ଜେତା ହଡ୍ ଅତେଦିଶୁମ୍ ଲେକା ଆୟାଃ ମେନାଃତେୟାଃକ ପୁରାଃଗି ତାଇନ୍କେଦ୍ତେ ଖ୍ରୀଷ୍ଟ୍ ହାଗା ମିଶି ଜାଞ୍ଜିୟାତାନ୍ ନେଲ୍ରେୟ ଇନିଃ ନାଗେନ୍ତେ ଆୟାଃ ମନ୍ସୁରୁଦ୍ କେ କେଟେଜେରେଦ, ଇନିଃ ଚିଲ୍କାତେ ଆଇଙ୍ଗ୍ ପାର୍ମେଶ୍ୱାର୍ କେ ଦୁଲ୍ଲାଡ୍ ତାନାଇଙ୍ଗ୍ ମେନ୍ତେ କାଜିୟାଏ ? ୧୮ ଏ ହନ୍କ, ଆବୁଆଃ ଦୁଲ୍ଲାଡ୍, କାଜିତେ ଚାଏ ଜାଗାର୍ତେ ଏସ୍କାର୍ ଆଲକା ହବାଅଃକା, ମେନ୍ଦ୍ ସାର୍ତ୍ତିତେ ଆତଃ କାମିତେ ଉଦୁବ୍ ଲାଗାତିଙ୍ଗ୍ୟାଃ ।

୧୯ ଆବୁଆଃ କାଜିକାମି ହରାତେ ଆବୁ ସାନାର୍ତ୍ତିରେନ୍ ହନ୍କ ତାନ୍ବୁ ମେନ୍ତେ ମନ୍ରେ ଆଟ୍କାର୍ ଦାଡିୟାବୁ । ୨୦ ଆବୁଆଃ ମନ୍ସୁରୁଦ୍ ଆବୁକେ ଚିଟାବୁରେଦ, ପାର୍ମେଶ୍ୱାର୍ ଆବୁଆଃ ମନ୍ସୁରୁଦ୍ ହେତେ ପୁରାଃ ମାରାଙ୍ଗ୍ ତାନିଃ, ଇନିଃ ସବେନାଃ

ସାରିୟାଏ । <sup>୧୧</sup> ଏନାତେ ହେ ଦୁଲ୍ଲାଡ଼୍ ହାଗା ମିଶିକ, ଆବୁଆଃ ମନ୍ସୁରୁଦ୍ କାଏ ଚିଟାବୁରେଦ, ଆବୁ ପାର୍ମେଶ୍ୱାର୍ଆଃ ସାମ୍ନାକ୍ରେ ବେଗାର୍ ବରତେ ତିଜ୍ଜୁନ୍ଦୁ ଦାଡ଼ିୟା । <sup>୧୨</sup> ଆତଃ ଆବୁ ଆସିତେୟାଃ ସବେନାଃ, ଇନିଃ ଆବୁକେ ଏମାବୁଆ, ଚିୟାଃଚି ଆବୁ ଆୟାଃ ଆନାରୁକବୁ ମାନାତିକ୍ ତାନା ଆତଃ ଆୟାଃ ସୁକୁଆନ୍ ଲେକାବୁ କାମିତାନା । <sup>୧୩</sup> ଆବୁ ଆୟାଃ ହନ୍ ଯୀଶୁ ଖ୍ରୀଷ୍ଟ୍ଆଃ ନୁତୁମ୍ରେବୁ ବିଶ୍ୱାସେକା ଆତଃ ଯୀଶୁ ଖ୍ରୀଷ୍ଟ୍ ଏମାକାଦ୍ ଆନାରୁ ଲେକା ମିହୁଡ଼୍ ଆତଃମିହୁଡ଼୍ଲଃ ଦୁଲ୍ଲାଡ଼୍ରେବୁ ତାଇନ୍କା । <sup>୧୪</sup> ଜେତାଏ ପାର୍ମେଶ୍ୱାର୍ଆଃ ଆନାରୁ ମାନାତିକ୍ନିଃ ପାର୍ମେଶ୍ୱାର୍ରେ ତାଇନା, ଆତଃ ପାର୍ମେଶ୍ୱାର୍ ଇନିଃରେ ତାଇନା । ନେଆଁ ପାର୍ମେଶ୍ୱାର୍ ଆବୁକେ ଏମାକାଦ୍ ବୁ ପାବିତାର୍ ଆମ୍ବା ହରାତେ ପାର୍ମେଶ୍ୱାର୍ ଆବୁରେ ମେନାଇୟା ମେନ୍ତେବୁ ସାରିୟା ।

## ୪

ପାର୍ମେଶ୍ୱାର୍ଆଃ ଆମ୍ବା ଆତଃ ହସଡ଼୍ ଆମ୍ବା

<sup>୧</sup> ହେ ଦୁଲ୍ଲାଡ଼୍ ହାଗା ମିଶିକ, ପାର୍ମେଶ୍ୱାର୍ତାଃଏତେ ଆମ୍ବା ନାମାକାଦାଲେ ମେନ୍ତେ କାଜିତାନ୍ ସବେନ୍କକେ ଆଲ୍ପେ ବିଶ୍ୱାସକଆ, ଇନ୍କୁ ନାମାକାଦ୍ ଆମ୍ବା ପାର୍ମେଶ୍ୱାର୍ତାଃଏତେ ହିଜୁଃକାନାଚି କାହା ଏନା ବିଡ଼ାଅକୁପେ, ଚିୟାଃଚି ପୁରାଃ ହସଡ଼୍ ନାବୀକ ଅତେଦିଶ୍ୱମ୍ରେକ ଅଡ଼କ୍ନାନା । <sup>୨</sup> ନେଲେକାତେ ଆପେ ପାର୍ମେଶ୍ୱାର୍ଆଃ ଆମ୍ବାକେପେ ନେଲ୍ଡରୁମିଆ, ଯୀଶୁ ଖ୍ରୀଷ୍ଟ୍ ମାନଖା ରୁପ୍ରେ ହିଜୁଃକାନା ମେନ୍ତେ ମାନାତିକ୍ତାନ୍ ସବେନ୍ ଆମ୍ବାକ ପାର୍ମେଶ୍ୱାର୍ତାଃଏତେ ହିଜୁଃକାନା । <sup>୩</sup> ମେନ୍ଦ୍ ଜେତାଏ ଯୀଶୁ ଖ୍ରୀଷ୍ଟ୍ଆଃ ବିଷାଏରେ ନେ କାଜି କା ମାନାତିକ୍ତାନ୍ନିଃ ପାର୍ମେଶ୍ୱାର୍ଆଃ ଆମ୍ବା କାଏ ନାମ୍ । ଇନିଃଦ୍ ଖ୍ରୀଷ୍ଟ୍ଆଃ ବାଇରିତାଃଏତେ ହିଜୁଃକାନ୍ ଆମ୍ବାକେ ନାମକାଦା । ଇନିଃ ହିଜୁଃଆଏ ମେନ୍ତେପେ ଆୟୁମାକାଦ୍ ତାଇକେନ୍ନିଃ ନାହାଃଚି ଅତେଦିଶ୍ୱମ୍ରେ ମେନାଇୟା ।

<sup>୪</sup> ହେ ଦୁଲ୍ଲାଡ଼୍ ହନ୍କ, ଆପେଦ୍ ପାର୍ମେଶ୍ୱାର୍ଆଃ ତାନ୍ପେ ଆତଃ ଏନ୍ ହସଡ଼୍ ନାବୀକକେ ହାରାଅକାଦ୍କଆପେ, ଚିୟାଃଚି ଆପେୟାଃ ମନ୍ସୁରୁଦ୍ରେ ତାଇନ୍ତାନ୍ ପାର୍ମେଶ୍ୱାର୍ଆଃ ଆମ୍ବା ନେ ଅତେଦିଶ୍ୱମ୍ରେନ୍ ହଡ଼କତାଃରେ ତାଇନ୍ତାନ୍ ଆମ୍ବାଏତେ ପୁରାଃ ପେଡ଼େୟାନ୍ଚିୟାଏ । <sup>୫</sup> ହସଡ଼୍ ନାବୀକ ଅତେଦିଶ୍ୱମ୍ରେନ୍ ତାନ୍କ, ଇନ୍କୁ ନେ ଅତେଦିଶ୍ୱମ୍ରେୟାଃ କାଜିକ କାଜିତାନା ଆତଃ ଅତେଦିଶ୍ୱମ୍ରେନ୍ ହଡ଼କ ଇନ୍କୁଆଃ କାଜିକ ଆୟୁମାଃ । <sup>୬</sup> ମେନ୍ଦ୍ ଆବୁ ପାର୍ମେଶ୍ୱାର୍ଆଃ ତାନ୍ବୁ । ଜେତାଏ ପାର୍ମେଶ୍ୱାର୍କେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାର୍ମେଶ୍ୱାର୍କେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେଲେକାତେ ଆବୁ ସାନାର୍ତିରେନ୍ ଆମ୍ବା ଆତଃ ହସଡ଼୍ରେନ୍ ଆମ୍ବାକେବୁ ନେଲ୍ଡରୁମ୍ ଦାଡ଼ିୟା ।

ମିହୁଡ଼୍ ଆତଃମିହୁଡ଼୍ଲଃ ଦୁପୁଲ୍ଲାଡ଼୍ପେ

<sup>୭</sup> ହେ ଦୁଲ୍ଲାଡ଼୍ ହାଗା ମିଶିକ, ଦୁପୁଲ୍ଲାଡ଼୍ରେବୁ ତାଇନା, ଚିୟାଃଚି ଦୁଲ୍ଲାଡ଼୍ ପାର୍ମେଶ୍ୱାର୍ତାଃଏତେ ହିଜୁଃଆ । ଜେତାଏ ଦୁଲ୍ଲାଡ଼୍ନିଃ ପାର୍ମେଶ୍ୱାର୍ଆଃ ହନ୍ ତାନିଃ, ଆତଃ ପାର୍ମେଶ୍ୱାର୍କେ ସାରିତାନା । <sup>୮</sup> ଜେତାଏ କାଏ ଦୁଲ୍ଲାଡ଼୍ନିଃ ପାର୍ମେଶ୍ୱାର୍କେ କାଏ ସାରିୟା, ଚିୟାଃଚି ପାର୍ମେଶ୍ୱାର୍ ଦୁଲ୍ଲାଡ଼୍ନିଃ ତାନିଃ । <sup>୯</sup> ଆବୁ ଯୀଶୁ ଖ୍ରୀଷ୍ଟ୍ଆଃ ହରାତେ ଜାନାଅ ଜୀଦାନ୍ ନାମେ ନାଗେନ୍ତେ ପାର୍ମେଶ୍ୱାର୍ ଆୟାଃ ମିଆଁଦ୍ଚି ହନ୍ ଯୀଶୁ ଖ୍ରୀଷ୍ଟ୍କେ ଅତେଦିଶ୍ୱମ୍ରେ କୁଲ୍କିୟା, ନେଆଁତେ

ପାର୍ଯ୍ୟାପ୍ତରୁଆଃ ଦୁଲ୍ଲାଡ଼, ଆରୁ ନାଜ୍ ଉଦୁବ୍ଯାନା । ୧୦ ନେଆଁଗି ସାର୍ତି ଦୁଲ୍ଲାଡ଼, ତାନାଃ, ଆରୁ ପାର୍ଯ୍ୟାପ୍ତରୁକେରୁ ଦୁଲ୍ଲାଡ଼କିୟା ଏନାତେଦ କାହା, ମେନ୍ଦ୍ ଇନିଃ ଆରୁକେ ଦୁଲ୍ଲାଡ଼କେଦ୍ଦୁଆ ଆଡ଼ଃ ଆରୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍କେ କୁଲ୍ଲକିୟା ।

୧୧ ହେ ଦୁଲ୍ଲାଡ଼, ହାଗା ମିଶିକ, ପାର୍ଯ୍ୟାପ୍ତରୁ ଆରୁକେ ନେଲେକା ଦୁଲ୍ଲାଡ଼ରୁତାନରେଦ, ଆରୁକେୟ ଏନ୍ ଲେକା ଦୁପୁଲ୍ଲାଡ଼ରେ ତାଇନ୍ ଲାଗାଡିଙ୍ଗ୍ୟାଃ । ୧୨ \*ପାର୍ଯ୍ୟାପ୍ତରୁକେ ଜେତାଏ ଚିତ୍ତଲାହ କାଏ ନେଲ୍, ମେନ୍ଦ୍ ଆରୁ ଦୁପୁଲ୍ଲାଡ଼ରେ ତାଇନ୍ରେଦ ପାର୍ଯ୍ୟାପ୍ତରୁ ଆରୁଲଃ ମେନାଇୟା, ଆଡ଼ଃ ଆୟାଃ ଦୁଲ୍ଲାଡ଼, ଆରୁତାଃରେ ପକ୍ତାକାନା ।

୧୩ ଆରୁ ପାର୍ଯ୍ୟାପ୍ତରୁଲଃ ତାଇନ୍ତାନାରୁ ଆଡ଼ଃ ଇନିଃ ଆରୁଲଃ ତାଇନ୍ତାନାଏ, ଏନାରୁ ସାରିତାନା, ଚିୟାଃଚି ଇନିଃ ଆରୁକେ ଆୟାଃ ଆମ୍ବାରାଃ ମେନେସା ଏମାକାଦ୍ଦୁଆଏ । ୧୪ ଅତେଦିଶୁମ୍ବାରାଃ ବାସ୍ତାଅନିଃ ହବାଅଃ ନାଗେନ୍ତେ ଆପୁ ପାର୍ଯ୍ୟାପ୍ତରୁ ଆୟାଃ ହନ୍କେ କୁଲ୍ଲକିୟା । ଆରୁ ଇନିଃକେ ନେଲ୍କେଦ୍ତେ ଇନିୟାଃ ବିଷାଏରେ ଏଟାଃକେକେରୁ ଉଦୁବ୍ଯତାନା । ୧୫ ଜେତାଏ ଯୀଶୁ ଖ୍ରୀଷ୍ଟକେ ପାର୍ଯ୍ୟାପ୍ତରୁଆଃ ହନ୍ ତାନିଃ ମେନ୍ତେ ମାନାଡିଙ୍ଗ୍ତାନରେଦ, ପାର୍ଯ୍ୟାପ୍ତରୁ ଇନିଃରେ ତାଇନ୍ତାନା ଆଡ଼ଃ ଇନିଃ ପାର୍ଯ୍ୟାପ୍ତରୁତାଃରେ ତାଇନ୍ତାନା । ୧୬ ଆଡ଼ଃ ପାର୍ଯ୍ୟାପ୍ତରୁ ଆରୁକେ ଦୁଲ୍ଲାଡ଼ରୁ ତାନ୍ତେୟାଃ ସାରିତାନାରୁ ଆଡ଼ଃ ଏନାରେ ଆରୁଆଃ ପୁରାଃ ବିଶ୍ୱାସ୍ ମେନାଃ । ପାର୍ଯ୍ୟାପ୍ତରୁ ଦୁଲ୍ଲାଡ଼, ତାନିଃ, ଜେତାଏ ଦୁଲ୍ଲାଡ଼ରେ ତାଇନ୍ନିଃ ପାର୍ଯ୍ୟାପ୍ତରୁରେ ତାଇନା ଆଡ଼ଃ ପାର୍ଯ୍ୟାପ୍ତରୁ ଇନିଃରେ ତାଇନା । ୧୭ ଆରୁଆଃ ଜୀଦାନରେ ନେ ଦୁଲ୍ଲାଡ଼, ପକ୍ତାକାନାନ୍ତି ତାଇନଃରେଦ, ଆରୁ ବେଗାର୍ ବରକେଦ୍ତେ ବିଚାର୍ ହୁଲ୍ଲାଙ୍ଗ୍ରେୟାଃ ଆୟାରରେ ତିଙ୍ଗ୍ନୁ ଦାଡ଼ିୟା, ଚିୟାଃଚି ନେ ଅତେଦିଶୁମ୍ବରେ ତାଇନ୍କେଦ୍ତେ ଆରୁହ ଯୀଶୁ ଖ୍ରୀଷ୍ଟ ଲେକା ଜୀଝାନ୍ ବିତାଅ ତାନାରୁ । ୧୮ ଦୁଲ୍ଲାଡ଼ରେ ବର ବାନଃଆ, ମେନ୍ଦ୍ ପକ୍ତାକାନ ଦୁଲ୍ଲାଡ଼, ସବେନ୍ ବରକେ ସାଙ୍ଗିନେଆଁ । ଜେତାଏ ବରତାନିଃ ଦୁଲ୍ଲାଡ଼ରେ କାଏ ପକ୍ତାକାନା, ଚିୟାଃଚି ସାଜାଇ ନାମେରେୟାଃ ବର ଇନିଃରେ ମେନାଃ ।

୧୯ ପାର୍ଯ୍ୟାପ୍ତରୁ ଆରୁକେ ପାହିଲା ଦୁଲ୍ଲାଡ଼କେଦ୍ଦୁ ହରାତେ ଆରୁ ଦୁଲ୍ଲାଡ଼, ତାନାରୁ । ୨୦ ଜେତାଏ ପାର୍ଯ୍ୟାପ୍ତରୁକେ ଦୁଲ୍ଲାଡ଼, ତାନିଙ୍ଗ୍ ମେନ୍ତେ କାଜିକେଦ୍ତେ ଖ୍ରୀଷ୍ଟ ହାଗା ଚାଏ ମିଶିକେ ହିଲ୍ଲାଙ୍ଗ୍ରେଦ, ଇନିଃ ହସଡ଼ ତାନିଃ । ନେଲ୍ଲକାଇ ହାଗା ଚାଏ ମିଶିକେ କାଏ ଦୁଲ୍ଲାଡ଼ରେଦ, କା ନେଲ୍ଲକାଇ ପାର୍ଯ୍ୟାପ୍ତରୁକେ ଚିତ୍ତଲାଅ କାଏ ଦୁଲ୍ଲାଡ଼, ଦାଡ଼ିୟା । ୨୧ ଜେତାଏ ପାର୍ଯ୍ୟାପ୍ତରୁକେ ଦୁଲ୍ଲାଡ଼ିତାନିଃ ଖ୍ରୀଷ୍ଟ ହାଗା ଚାଏ ମିଶିକେହ୍ ଦୁଲ୍ଲାଡ଼ିକାଏ, ନେ ଆନାରୁ ଆରୁ ଯୀଶୁ ଖ୍ରୀଷ୍ଟତାଃଏତେ ନାମାକାଦାରୁ ।

### ୫

#### ଅତେଦିଶୁମ୍ବକେ ଜିତାଅ

୧ ଜେତାଏ ଯୀଶୁକେ ଖ୍ରୀଷ୍ଟ ତାନିଃ ମେନ୍ତେ ବିଶ୍ୱାସ୍ତାନିଃ ପାର୍ଯ୍ୟାପ୍ତରୁଆଃ ହନ୍ ତାନିଃ, ଆଡ଼ଃ ଜେତାଏ ଆପୁକେ ଦୁଲ୍ଲାଡ଼ନିଃ, ଏନ୍ ଆପୁତେୟାଃ ହନ୍କେହ୍ ଦୁଲ୍ଲାଡ଼ିୟାଏ । ୨ ଆରୁ ପାର୍ଯ୍ୟାପ୍ତରୁକେ ଦୁଲ୍ଲାଡ଼କେଦ୍ତେ ଆୟାଃ ଆନାରୁକରୁ ମାନାଡିଙ୍ଗ୍ତାନରେଦ, ନେଆଁତେରୁ ସାରିତାନା ଯେ, ଆରୁ ପାର୍ଯ୍ୟାପ୍ତରୁଆଃ ହନ୍କରୁ ଦୁଲ୍ଲାଡ଼କ ତାନା । ୩ \*ପାର୍ଯ୍ୟାପ୍ତରୁଆଃ ଆନାରୁକ ମାନାଡିଙ୍ଗ୍ତେୟାଃଚି ପାର୍ଯ୍ୟାପ୍ତରୁକେ ଦୁଲ୍ଲାଡ଼ତେୟାଃ ତାନାଃ । ଆଡ଼ଃ ଆୟାଃ ଆନାରୁକ ମାନାଡିଙ୍ଗ୍ ନାଜ୍ କା ହାମ୍ବାରାଃ । ୪ ଚିୟାଃଚି ପାର୍ଯ୍ୟାପ୍ତରୁଆଃ ସବେନ୍ ହନ୍କ ନେ ଅତେଦିଶୁମ୍ବକେ

\* ୪:୧୨ ୪:୧୨ ଯୋହାନ୍ ୧:୧୮.

\* ୫:୩ ୫:୩ ଯୋହାନ୍ ୧୪:୧୫.

ହାରାଅ ନାଗେନ୍ତେ ପେଡ଼େକ ନାମାକାଦା । ଆବୁ ବିଶ୍ୱାସ୍ତେ ନେ ଅତେଦିଶୁମ୍ବକେ ଜିତାଅ ଦାଡ଼ିୟାରୁ ।<sup>୫</sup> ଯୀଶୁକେ ପାର୍ମେଶ୍ୱାର୍‌ଆଃ ହନ୍ ତାନିଃ ମେନ୍ତେ ବିଶ୍ୱାସ୍‌ତାନିଃ ଏସ୍‌କାର୍ ଅତେଦିଶୁମ୍ବକେ ଜିତାଅ ଦାଡ଼ିୟାଏ ।

ଯୀଶୁ ଖ୍ରୀଷ୍ଟ୍‌ଆଃ ବିଷାଏରେ ଗାଞ୍ଜା

<sup>୬</sup> ଏନ୍ ଯୀଶୁ ଖ୍ରୀଷ୍ଟ୍ ଦାଆଃରେ ବାପ୍ତିସ୍ମା ଇଦିକେଦ୍‌ତେ ଆୟାଃ କାମି ଏଚେଦ୍‌କାଦ୍ ତାଇକେନା, ଆତଃ ଆୟାଃ ମାୟୋମ୍ ଲିଜିକେଦ୍‌ତେ ମାନଞ୍ଜାରାଃ ଜୀଉବାସ୍ତାଅ ରିକା ଦାଡ଼ିକେଦାଏ । ଦାଆଃତେ ଏସ୍‌କାର୍ କାହାଗି ମେନ୍ଦ୍‌ବ ବାରାନାଃ ଦାଆଃ ଆତଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍‌ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକ୍‌ଗି ଗାଞ୍ଜା ଏମେତାନା, ଚିୟାଃତି ପାବିତାର୍ ଆମ୍ବା ସାର୍‌ତି ତାନିଃ ।<sup>୭</sup> ଆତଃ ନେ ଆପିୟା ଗାଞ୍ଜା ମେନାଃ : 「ଆମ୍ବା, ଦାଆଃ, ଆତଃ ମାୟୋମ୍, ନେ ଆପିୟା ଗାଞ୍ଜା ମିଦ୍‌ଗିୟା ।<sup>୮</sup> ଆବୁ ହଡ଼କଆଃ ଗାଞ୍ଜାରୁ ମାନାଡ଼ିକ୍‌ତାନ୍‌ରେଦ୍, ପାର୍ମେଶ୍ୱାର୍‌ଆଃ ଗାଞ୍ଜାଦ୍ ଏନାଏତେ ମାରାଜ୍‌ଆଃ, ଆତଃ ପାର୍ମେଶ୍ୱାର୍‌ଆଃ ଗାଞ୍ଜା ନେଆଁ ତାନାଃ ଯେ, ପାର୍ମେଶ୍ୱାର୍ ଆଇଃକ୍‌ଗି ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ ।<sup>୯</sup> ଜେତାଏ ପାର୍ମେଶ୍ୱାର୍‌ଆଃ ହନ୍‌ତାଃରେ ବିଶ୍ୱାସ୍‌େନିଃ, ଆୟାଃ ମନ୍‌ସୁରୁଦ୍‌ରେ ଗାଞ୍ଜା ନାମାକାଦାଏ, ମେନ୍ଦ୍‌ବ ଜେତାଏ ପାର୍ମେଶ୍ୱାର୍‌ତାଃରେ କା ବିଶ୍ୱାସ୍‌େନିଃ ହସଡ଼ ବାଇୟାକାନାଏ, ଚିୟାଃତି ପାର୍ମେଶ୍ୱାର୍ ଆୟାଃ ଆପ୍‌ନାଃ ହନ୍ ବିଷାଏରେ କାଜିକାଦ୍‌ତେୟାଃ ଇନିଃ କାଏ ବିଶ୍ୱାସ୍‌କେଦା ।<sup>୧୧</sup> ଏନ୍ ଗାଞ୍ଜା ନେଆଁ ତାନାଃ, ପାର୍ମେଶ୍ୱାର୍ ଆବୁକେ ଜାନାଅ ଜୀଦାନ୍ ଏମାକାଦ୍‌ରୁଆଏ, ଆତଃ ଏନ୍ ଜୀଦାନ୍ ଆୟାଃ ହନ୍‌ତାଃରେ ମେନାଃ ।<sup>୧୨</sup> ଜେତାଏତାଃରେ ପାର୍ମେଶ୍ୱାର୍‌ଆଃ ହନ୍ ମେନାଈୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମେଶ୍ୱାର୍‌ଆଃ ହନ୍ ବାଜ୍‌ାଇୟା, ଇନିଃ ଜୀଦାନ୍‌ଗି କାଏ ନାମ୍ ।

ଜାନାଅ ଜୀଦାନ୍

<sup>୧୩</sup> ଆପେରେ ଜାନାଅ ଜୀଦାନ୍‌ରେୟାଃ ଜୀଦାନ୍ ମେନାଃ ଏନାପେ ଆବ୍‌କାରେକା ମେନ୍ତେ ଆପେ ପାର୍ମେଶ୍ୱାର୍‌ଆଃ ହନ୍‌ଆଃ ନୁଡୁମ୍‌ରେ ବିଶ୍ୱାସ୍‌ତାନାପେ, ଏନାମେନ୍ତେ ଆଇଜ୍ ଆପେତାଃ ନେ ସବେନାଈଇଜ୍ ଅଲେତାନା ।<sup>୧୪</sup> ଆବୁ ବେଗାର୍ ବରତେ ପାର୍ମେଶ୍ୱାର୍‌ଆଃ ଆୟାଃରେ ହିଜୁଃରୁ ଦାଡ଼ିୟା, ଚିୟାଃତି ଆବୁ ଜେଡ୍‌ନାଃ ଆୟାଃ ଇଛା ଲେକାବୁ ଆସିରେଦ୍, ଇନିଃ ଆବୁଆଃ ବିକ୍ତି ଆୟୁମେୟାଏ ।<sup>୧୫</sup> ଆତଃ ଆବୁ ଆୟାଃତାଃରେ ବିକ୍ତିକେଦ୍‌ତେ ଜେଡ୍‌ନାଃ ଆସିତେୟାଃ ଏନା ଆୟୁମାଃଏ, ଏନା ସାର୍‌ତି ତାନାଃ ମେନ୍ତେ ସାରିତାନା । ଏନାତେ ଆବୁ ଆୟାଃତାଃରେ ବିକ୍ତିକେଦ୍‌ତେ ଆସିକାଦ୍‌ତେୟାଃ ନାମାକାଦାରୁ ଏନାହଗି ସାରିତାନାରୁ ।

<sup>୧୬</sup> ଜେତାଏ ଆପେୟାଃ ଖ୍ରୀଷ୍ଟ୍ ହାଗା ଚାଏ ମିଶିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଃ କା ତାଇନ୍‌ରେ, ଇନିଃ ନାଗେନ୍ତେ ପାର୍ମେଶ୍ୱାର୍‌ତାଃରେ ବିକ୍ତିପେ, ଆତଃ ପାର୍ମେଶ୍ୱାର୍ କା ଗଜଃଲେକାନ୍ ପାପ୍ କାମିକାଦ୍ ହଡ଼କକେ ଜୀଦାନ୍ ଏମାକତାନ୍‌ଲେକା, ଇନିଃକେହ୍ ଜୀଦାନ୍ ଏମ୍‌ଦାଡ଼ିୟାଏ । ଚିମିନ୍ ପାପ୍‌କ ମେନାଃ ଅକ୍‌ନାଃତି ଗନ୍‌ଏଃତେ ଇଦିୟାଏ, ଏନ୍ ବିଷାଏରେ ପାର୍ମେଶ୍ୱାର୍‌ତାଃରେ ବିକ୍ତିପେ ମେନ୍ତେ ଆଇଜ୍ କାଜିତାନା ।<sup>୧୭</sup> ସବେନ୍ ଏଡ଼କାନ୍ କାମିଗି ପାପ୍ ତାନାଃ, ମେନ୍ଦ୍‌ବ ସବେନ୍ ପାପ୍ ଗଜଃଲେକାନାଃ ନାହ୍‌ଲାଃ ।

<sup>୧୮</sup> ପାର୍ମେଶ୍ୱାର୍‌ରେ ମେନାଈନିଃ ପାପ୍‌ରେ କାଏ ତାଇନ୍ ଦାଡ଼ିୟା ମେନ୍ତେ ଆବୁ ସାରିତାନା, ଚିୟାଃତି ପାର୍ମେଶ୍ୱାର୍‌ଆଃ ହନ୍ ଇନିଃକେ ବାସ୍ତାଅଇୟା, ଆତଃ ସାଏତାନ୍ ଇନିୟାଃ ଜେଡ୍‌ନାଃ ଏଡ଼କାନ୍ ରିକା କାଏ ଦାଡ଼ିୟା ।

୧୯ ଆବୁ ସାରିତାନାବୁ, ଗଗା ଅତେଦିଶୁମ୍ ଏଡକାନ୍ନିଆଃ ଆବର୍ରେ ମେନାଃରେୟ, ଆବୁ ପାର୍ମେଶ୍ୱାର୍ଆଃ ତାନୁ ।

୨୦ ଆତଃ ପାର୍ମେଶ୍ୱାର୍ଆଃ ହନ୍ ହିଜୁଃକେଦ୍ତେ ସାର୍ତି ପାର୍ମେଶ୍ୱାର୍କେ ଆର୍କାର୍ତ୍ତରୁମ୍ ନାଗେନ୍ତେ ଆବୁକେ ସେଣ୍ଟା ଏମାକାଦ୍ବୁଆଏ । ଆବୁ ସାର୍ତି ପାର୍ମେଶ୍ୱାର୍ରେ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟ୍ରେ ମେନାବୁଆ । ଇନିଃଗି ସାର୍ତି ପାର୍ମେଶ୍ୱାର୍ ଆତଃ ଜାନାଅ ଜୀଦାନ୍ ତାନିଃ ।

୨୧ ହେ ଦୁଲ୍ଲାଡ୍ ହନ୍କ, ମୁରୁଡ୍ ବଜ୍ଜାକତାଃଏତେ ସାଜିନ୍ରେ ତାଇନ୍ପେ ।

# ଯୋହନକ ଲିଖିତ ଦ୍ୱିତୀୟ ପତ୍ର ଯୋହାନ୍ ଅଲକାଦ୍ ଏଟାଃ ଚିଟାଉ ପାରିଚାଏ

ଯୋହାନ୍ ଅଲକାଦ୍ ଏଟାଃ ଚିଟାଉ ଯିଶୁ ଖ୍ରୀଷ୍ଟୁଆଃ ଜାନାମ୍ରେୟାଃ ୫୦-୧୦୦ କରେ ପ୍ରେରିତ୍ ଯୋହାନ୍ ହରାତେ ଅଲକାନ୍ ତାଇକେନା । ଯୋହାନ୍ ଆପାନ୍କେ ଅନଲ୍ଲନିଃ ଲେକା ପାରିଚାଏ କାଏ ଏମାଃ, ଏନାରେୟାଃ ବାଦ୍ଲାରେ ଇନିଃ ଆପାନ୍କେ ପ୍ରାଚିନ୍ ମେନ୍ତେ ପାରିଚାଏ ଏମାଃଏ । ଯୋହାନ୍ଆଃ ଏଟାଃ ଚିଟାଉରେୟାଃ ଅନଲ୍ ବିଷାଏକ ଯୋହାନ୍ ଅଲକାଦ୍ ସୁକୁକାଜିଲିଃ ମିଦ୍‌ସାମାନ୍‌ଗିଆ । ନେଆଁ ବିଶେଷକେଦ୍‌ତେ ଯିଶୁକେ ଅକଲେକା, ଇନିଃ ମିହୁଡ୍, ଆତଃମିହୁଡ୍‌କେ ଦୁଲ୍ଲାଡ୍, ବିଷାଏରେ ଯିଶୁଆଃ ଆନାରୁକେ ଲାଗାତିଙ୍ଗ୍ ତାନାଃ ମେନ୍ତେ କାଜିୟାଃ, ଏନ୍ ଲେକାଗି ଯିଶୁଆଃ ଆନାରୁ ମାନାତିଙ୍ଗ୍‌ତେୟାଃ ହବାଃଅ ତାନାଃ, ଆଇଃକ୍‌କେ ଦୁଲ୍ଲାଡ୍‌ତେୟାଃ ୨ ଯୋହାନ୍ ୧:୫-୬; ଯୋହାନ୍ ୧୫:୯-୧୦ । ନେଆଁ ବିଶ୍ୱାସୀ ତାନା ଯେ, ଯୋହାନ୍ ଏଫିସୁସ୍‌ରେ ତାଇନ୍‌ତାନ୍ ଇମ୍‌ତା, ଯୋହାନ୍ ସୁକୁକାଜିଲିଃ ଯୋହାନ୍‌ଆଃ ଆପିୟା ଚିଟାଉ ହଗି ଅଲକାନ୍ ତାଇକେନା, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ନେ ଚିଟାଉରେ ସାଲକାନ୍ କୁଡି ଆତଃ ଆୟାଃ ହନ୍‌କ ବିଷାଏରେ ପାରିଚାଏ ଏମାକାଦାଏ, ଇନିଃ ଏନା କାଲିସିୟାକେ କାଜିକାଦା । ଯୋହାନ୍‌ଆଃ ନେ ଚିଟାଉ ଅନଲ୍‌ରେୟାଃ ଉଦେଶ୍‌ ତାନାଃ, ବିଶ୍ୱାସୀକକେ ଜାଉରେ ରାସ୍‌କା ଏମ୍‌ ଆତଃ ହସଡ୍ ଇଡୁକତାଃଏତେ ଚିର୍ଗାଲ୍‌କେଦ୍‌ତେ ତାଇନଃତେୟାଃ ତାନାଃ ।

## ପୁଅ୍ ଉତ୍ତରରେ ଅଲକାନ୍ କାଜି

୧. ଯୋହାନ୍ ନେ ଚିଟାଉରେ ଅକଏୟାଃ ନାଗେନ୍ତେ ଅଲେତାନା, ନେଆଁ କାଜିକେଦ୍‌ତେ ଆୟାଃ ତେଲ୍‌ଦାରମ୍‌କକେ ଜହାର୍ କାଜିୟାଏ । ୧:୧-୩
୨. ଯୋହାନ୍ କାଲିସିୟାକେ ଜାଉରେ ରାସ୍‌କା ଏମ୍‌କେଦ୍‌ତେ ମାରାଙ୍ଗ୍ ଆନ୍‌ରୁ ବିଷାଏରେ ପାହାମ୍‌ଇତିକ ତାନା । ୧:୪-୬
୩. ଯୋହାନ୍ ହସଡ୍ ଇଡୁକଆଃ ବିଷାଏରେ ଚେତାଅକତାନା । ୧:୭-୧୧
୪. ଯୋହାନ୍ ଅକ୍‌ତାଃରେ ତାଇନଃତାନା ଏନ୍ତାଃରେନ୍ ବିଶ୍ୱାସୀକକେ ଜହାର୍ କାଜିକେଦ୍‌ତେ ଅନଲ୍ ଅଲ୍ ଚାବାଏତାନାଏ । ୧:୧୨-୧୩

୧ ପ୍ରାଚିନ୍ ଯୋହାନ୍ ଆଇଙ୍ଗ୍ ତାନିଙ୍ଗ୍, ମିଆଁଦ୍ ସାଲକାନ୍ ଆଣ୍‌ଦି କୁଡି ଆତଃ ଆୟାଃ ହନ୍‌କ\*ତାଃତେ ନେ ଚିଟାଉ ଅଲେତାନାଇଙ୍ଗ୍ । ଇନ୍‌କୁକେ ଆଇଙ୍ଗ୍ ସାର୍‌ତିଗିଙ୍ଗ୍ ଦୁଲ୍ଲାଡ୍‌କ ତାନା, ଆତଃ ଆଇଙ୍ଗ୍ ଏସ୍‌କାର୍ କା, ମେନ୍‌ଦ୍ ସାର୍‌ତି ସାରିକାଦ୍ ସବେନ୍‌କହ୍ ଦୁଲ୍ଲାଡ୍‌ଃକ । ୨ ଚିୟାଃତି ଏନ୍ ସାର୍‌ତି ଆବୁରେ ତାଇନଃତାନା ଆତଃ ଜାନାଅ ଜାକେଦ୍ ଆବୁଲିଃ ତାଇନାଃ ।

୩ ଆପୁ ପାର୍‌ମେଶ୍ୱାର୍ ଆତଃ ଏନ୍ ଆପୁଆଃ ହନ୍ ଯିଶୁ ଖ୍ରୀଷ୍ଟତାଃଏତେ ସାୟାଦ୍, ଲିବୁଇ ଆତଃ ଜାଉସୁକୁ ଆବୁଲିଃ ସାର୍‌ତି ଆତଃ ଦୁଲ୍ଲାଡ୍‌ରେ ତାଇନ୍‌କା ।

ସାନାର୍‌ତି ଆତଃ ଦୁଲ୍ଲାଡ୍,

\* ୧:୧ 1:1 ଆଣ୍‌ଦି କୁଡି ଆତଃ ଆୟାଃ ହନ୍‌କ, ମେନ୍ତେ କାଜିଲେରେ ହବାସାକଅଆଃ କାଲିସିୟା ଆତଃ କାଲିସିୟାରେନ୍ ହଡ୍‌କକେ କାଜିୟାକାନା



୪ ଆପୁ ପାର୍ମେଶ୍ୱାର୍ ଆଃ ଆନାରୁ ଲେକା ଆମାଃ ଚିମିନ୍ ହନ୍କ ସାନାର୍ତ୍ତିରେ ସେସେନ୍ତାନ୍ ନେଲ୍ଲକେଦ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ସୁକୁୟାନା । ୫ \*ହେ ଦୁଲ୍ଲାଡ୍, ମାଇ, ନାହ୍ନାଃ ଆଇଙ୍ଗ୍ ନାଞ୍ଜା ଆନ୍ତୁ ଅଲେତାନ୍ ଲେକାଦ କାହା ମେନ୍ଦ ମୁନ୍ନୁଏତେ ଆବୁତାଃରେ ତାଇକେନ୍ ଆନ୍ତୁକେଗି ଅଲ୍ତାନ୍ଲଃ ବିକ୍ତିପେତାନାଇଙ୍ଗ୍ ଯେ, ଆବୁ ସବେନ୍କ ଦୁପୁଲ୍ଲାଡ୍ରେଗିବୁ ତାଇନ୍କା । ୬ ଆତଃ ଆବୁ ପାର୍ମେଶ୍ୱାର୍ ଆଃ ଆନ୍ତୁଲେକାରୁ ସେସେନ୍ତାନା, ନେଆଁଗି ସାର୍ତି ଦୁଲ୍ଲାଡ୍ ତାନାଃ । ଆତଃ ଆପେ ମୁନ୍ନୁଏତେ ଆୟ୍ମୁମାକାଦ୍ ଲେକାଗି ସେସେନ୍ଦେ, ନେଆଁଗି ଏନ୍ ଆନାରୁ ତାନାଃ ।

୭ ଆଇଙ୍ଗ୍ ନେଆଁ କାଜିତାନାଇଙ୍ଗ୍ ଚିଆଃଚି ପୁରାଃ ବେଦାହଡ୍ଡକ ଅତେଦିଶୁମ୍ରେକ ଅତଙ୍ଗକାନା । ଜେତାଏ ଯୀଶୁ ଖ୍ରୀଷ୍ଟକେ ମାନଞ୍ଜା ହଡ୍ଡମ୍ରେ ହିଜୁଃୟାନା ମେନ୍ତେ କା ମାନାତିଙ୍ଗ୍ନିଃଗି ବେଦାହଡ୍ଡ ଆତଃ ଯୀଶୁ ଖ୍ରୀଷ୍ଟ ଆଃ ବାଇଗି ତାନିଃ । † ଆଲେ ଆପେ ନାଗେନ୍ତେ କାମିକାଦ୍ତେୟାଃ ଆଲକାପେ ଆଦେ ଆତଃ ପୁରା ନାଲ୍ଲ ନାମେ ନାଗେନ୍ତେ ଚିର୍ଗାଲ୍ଲାନାଦେ ।

୮ ଜେତାଏ ଯୀଶୁ ଖ୍ରୀଷ୍ଟ ଆଃ ଇନିତୁରେ କାଏ ତାଇନ୍ତାନା, ଏନ୍ ହଡ୍ଡତାଃରେ ପାର୍ମେଶ୍ୱାର୍ ବାଙ୍ଗାଇୟା । ଆତଃ ଜେତାଏ ଯୀଶୁ ଖ୍ରୀଷ୍ଟ ଆଃ ଇନିତୁରେ ତାଇନ୍ତାନା, ଏନ୍ ହଡ୍ଡତାଃରେ ପାର୍ମେଶ୍ୱାର୍ ଆତଃ ଆୟାଃ ହନ୍, ନେ ବାରାନ୍କିନ୍ ମେନାକିନା । ୯ ଜେତାଏ ଆପେତାଃତେ ହିଜୁଃକେଦ୍ତେ ନେ ଇନିତୁ କାଏ ଇତୁପେରେଦ୍, ଇନିଃକେ ଆପେୟାଃ ଅଡାଃତେ ଆଲ୍ପେ ଦାରମ୍ମିୟା ଆତଃ “ଆମାଃ ଜୀଉସୁକୁ ହବାଅଃକା” ମେନ୍ତେ ଆଲ୍ପେ କାଜିୟା । ୧୦ ଜେତାଏ ଇନିଃକେ ଜହାରିନିଃ, ଇନିୟାଃ ଏଡ୍ଡକାନ୍ କାମିକରାଃ ହାନାଟିଙ୍ଗ୍ ନାମେୟାଏ ।

ଚୁଶ୍ଟୁ କାଜି

୧୧ ଆପେତାଃତେ ପୁରାଃ ଅଲ୍ ନାଗେନ୍ତେ ମେନାଃ, ମେନ୍ଦ କାଗାଜ୍ ଆତଃ ସିହାଇତେ ଅଲ୍ ନାଜ୍ କାଇଙ୍ଗ୍ ସାନାଇତାନା । ଆପେତାଃତେ ହିଜୁଃକେଦ୍ତେ ନେପେଲ୍ଲରେଇଙ୍ଗ୍ ଜାଗାରେୟା ମେନ୍ତେଇଙ୍ଗ୍ ଆସ୍ତାଏ ତାନା, ଜେଲେକାଚି ଆବୁଆଃ ସୁକୁରାସ୍ତା ପୁରାଅଃଆ ।

୧୨ ପାର୍ମେଶ୍ୱାର୍ ଆଃ ସାଲ୍ଲାନାନ୍ ଆମାଃ ମିଶିଠକଆଃ ହନ୍କ ଆମ୍ବକେ ଜହାର୍ କାଜିକୁଲ୍ଲକାଦାକ ।

\* ୧:୫ ୧:୫ ଯୋହାନ୍ ୧୩:୩୪; ୧୫:୧୨, ୧୭. † ୧:୧୩ 1:13 ନେତାଃରେ ମିଶି, ମେନ୍ଲେରେ ହବାସାକାଅଆଃ କାଲିସିୟାକେ କାଜିୟାକାନା

## ଯୋହାନଙ୍କ ଲିଖିତ ତୃତୀୟ ପତ୍ର ଯୋହାନ୍ ଅଲ୍ଲାକାଦ୍ ଆପିୟା ଚିଟାଉ ପାରିଚାଏ

ଯୋହାନ୍‌ଆଃ ଆପିୟା ଚିଟାଉ ଯୋହାନ୍‌ଆଃ ହରାତେ ୫୦-୧୦୦ କରେ ଯିଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍‌ତେ ଅଲ୍ଲାକାନ୍ ତାଇକେନା । ଯୋହାନ୍ ଆଇଃକକେ ଅନଲ୍‌ନିଃ ଲେକା ପାରିଚାଏ କା ଏମ୍‌କେଦ୍‌ତେ ଆପାନ୍‌କେ ପ୍ରାଚିନ୍ ଲେକା ପାରିଚାଏ ଏମାକାଦାଏ, ଏନ୍‌ଲେକାଗି ଯୋହାନ୍ ଆୟାଃ ଏଟାଃ ଚିଟାଉରେ ପାରିଚାଏ ଏମାକାଦାଏ ୧:୧; ୨ ଯୋହାନ୍ ୧:୧ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନ୍ ଇମତା ଯୋହାନ୍ ଅଲ୍ଲାକାଦ୍ ସୁକୁକାଜିଲିଃ ଆପିୟା ଚିଟାଉକହଗି ଅଲ୍ଲାକାଦ୍ ତାଇକେନାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ଗାୟସ୍ ନୁତୁମ୍ ମିଆଁଦ୍ ବିଶ୍ୱାସୀକେ ନେ ଚିଟାଉରେ ଉଦୁବିତାନା । ଇନିଃ ଗାୟସ୍‌କେ ମିଆଁଦ୍ ଗାତି ଲେକା କାଜିକେଦ୍‌ତେ ଏନ୍ ପାରଗାନ୍‌ରେ ହରାସେନ୍‌ତାନ୍ ଖ୍ରୀଷ୍ଟିୟାନ୍ ହାଗାକକେ ପେଡ଼ାକ ନାଙ୍ଗ୍ କାଜିକାଇ ତାଇକେନାଏ ।

### ପୃଥ୍ ବିଚାରରେ ଅଲ୍ଲାକାନ୍ କାଜି

- ୧. ଯୋହାନ୍ ଆୟାଃ ପାରିଚାଏ ଏମାଃଏ । ୧:୧
- ୨. ଯୋହାନ୍ ଗାୟସ୍‌କେ ଜୀଉରେ କେଟେଦ୍‌କେଦ୍‌ତେ ହରାସେନ୍‌ତାନ୍‌କକେ ପେଡ଼ାକ ନାଙ୍ଗ୍ ଇନିତୁ ଏମାଃଏ । ୧:୨-୮
- ୩. ଯୋହାନ୍, ଦିୟତ୍ରୀଫା ଆତଃ ଦିମିତ୍ରୀୟ, ନେ ବାରହଡ଼କିନାଃ ବିଷାଏରେ କାଜିୟାଃ । ୧:୯-୧୨
- ୪. ତୁଣ୍ଡୁରେ ଆୟାଃ ଅନଲ୍ ଅଲ୍ ତାବାକେଦାଏ । ୧:୧୩-୧୪

୧ \*ପ୍ରାଚିନ୍ ଯୋହାନ୍ ଆଇଙ୍ଗ୍ ତାନିଙ୍ଗ୍, ଆଇଁୟାଃ ଦୁଲାଡ଼୍ ଗାୟସ୍‌ତାଃତେ ନେ ଚିଟାଉ ଅଲେତାନାଇଙ୍ଗ୍ । ଇନିଃକେ ଆଇଙ୍ଗ୍ ସାର୍‌ତିଗିଙ୍ଗ୍ ଦୁଲାଡ଼ିତାନା ।

୨ ହେ ଦୁଲାଡ଼୍ ଗାତି, ଆମାଃ ମନ୍‌ସୁରୁଦ୍ ସୁକୁରେ ମେନାଃଲେକା, ଆମାଃ ସବେନ୍ କାଜିକାମିକରେ ସୁକୁ ହବାଅଃକା ଆତଃ ଆମ୍ ଜୀଉସୁକୁରେ ତାଇନ୍‌ମେ ମେନ୍ତେ ଆଇଙ୍ଗ୍ ବିନ୍ତିତାନା । ୩ ଆମ୍ ସାନାର୍‌ତିରେ ପାତିୟାରୁଃ ଲେକା ମେନାମେୟାଁ ଆତଃ ସବେନ୍ ଇମତା ସାନାର୍‌ତିରେମ୍ ସେସେନ୍‌ତାନା ମେନ୍ତେ ଚିମିନ୍ ବିଶ୍ୱାସୀ ହାଗାକତାଃଏତେ ଗାଞ୍ଜାକ ଆୟୁମ୍‌କେଦ୍‌ତେଇଙ୍ଗ୍ ସୁକୁୟାନା । ୪ ଆଇଁୟାଃ ହନ୍‌କ ସାନାର୍‌ତିରେ ସେସେନ୍‌ତାନାକ ମେନ୍ତେ ଆୟୁମ୍‌ତେୟାଃଏତେ ପୁରାଃ ରାସ୍‌କା ବାନଃଆ ।

ଗାୟସ୍‌ଆଃ ବୁଗିନ୍ କାମିରେୟାଃ ମାନାରାଙ୍ଗ୍

\* ହେ ଦୁଲାଡ଼୍ ଗାତି, ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକ ନାଗେନ୍ତେ ନେ'ଲେକାଚି ଇନ୍‌କୁକେ କା ନେଲ୍ ଉରୁମ୍‌କାକରେୟ, ଆପେ ଇନ୍‌କୁକେ ପାତିୟାରୁଃ ଲେକା ମାଇନ୍‌କତାନାପେ । ୨ ଇନ୍‌କୁ କାଲିସିୟା ସାମନାଙ୍ଗ୍‌ରେ ଆମାଃ ଦୁଲାଡ଼୍ ବିଷାଏରେ ଗାଞ୍ଜାକ ଏମେତାନା । ଆମ୍ ପାରମେଶ୍ୱାର୍‌ଆଃ ମନେଲେକା ଇନ୍‌କୁକେ ଦେଙ୍ଗାକେଦ୍‌ତେମ୍ କୁଲ୍‌କରେଦ୍ ଆମ୍ ବୁଗିନ୍ କାମିମ୍ କାମିୟା । ୩ ଚିୟାଃତି ଇନ୍‌କୁ ସାଅଁସାର୍ ହଡ଼କତାଃଏତେ ଜେତାନ୍ ଦେଙ୍ଗା କା ଇଦିକେଦ୍‌ତେ ଯିଶୁ ଖ୍ରୀଷ୍ଟୁଆଃ ନୁତୁମ୍‌ତେ ସେଞ୍ଜା ନାଗେନ୍ତେକ ଅତଙ୍ଗ୍‌କାନା । ୮ ଏନା ନାଗେନ୍ତେ ଆବୁ ଖ୍ରୀଷ୍ଟିୟାନ୍‌କ

\* ୧:୧ ୧:୧ ପ୍ରେରିଡ଼୍ ୧୯:୨୯; ରୋମି ୧୭:୨୩; ୧ କରିନ୍ଥୁୟ ୧:୧୪.

ଇନ୍ଦ୍ରକୁଳେ ଦେଈକେଦତେ ସାନାର୍ତ୍ତି ଉଦୁବ୍ ନାଈ ଇନ୍ଦ୍ରୁଆଃ କାମିରେ ମେସାନ୍ ଲାଗାତିଈୟାଃ ।

ଦିୟତ୍ରୀଫା ଆତଃ ଦିମିତ୍ରୀୟ

୯ ଆଇଈ ଆପେୟାଃ କାଲିସିୟାତେ ହୁତିଈଲେକାଇଈ ଅଲ୍ଲକୁଲ୍ଲକେଦା, ମେନ୍ଦ କାଲିସିୟାରାଃ ଆଗୁଆଇ ହବାଅଃ ନାଈ ସାନାଈତାନ୍ ଦିୟତ୍ରୀଫା ଆଇୟାଃ କାଜିକେ କାଏ ଆୟୁମ୍ କେଦା । ୧୦ ଆଇଈ ଏନ୍ତାଃତେ ହିନ୍ଦୁଃରେ, ଇନିଃ କାମିକାଦ୍ ଏଡକାନ୍ କାମିକ ସବେନାଃଇଈ ଉଦୁବେୟା । ଇନିଃ ଆରୁଆଃ ବିରୁଧ୍ରେ ଏଡକାନ୍ କାଜି କାଜିକେଦତେ ଆରୁକେ ହିଲାଇଈରୁ ତାନାଏ, ଏନ୍ରେୟ କାଏ ଆବରୁୟାନା । ଆତଃ ଇନିଃ ଆଇଃକ୍ଷି ଶ୍ରୀଷ୍ଟିୟାନ୍ ହାଗାକକେ କାଏ ଦାରମକ ତାନା ଚି ଜେତାଏକେ କାଏ ଦାରମଇଚିକ ତାନା । ଆତଃ ଦାରମନାଈ ସାନାଈତାନ୍କକେ କାଲିସିୟାଏତେ ଅତଈକତାନା ।

୧୧ ହେ ଦୁଲ୍ଲାଡ୍ ଗାତି, ଏଡକାନ୍ତେୟାଃକ ଆଲମ୍ ଅତଈଆଈ, ମେନ୍ଦ ବୁଗିନ୍ତେୟାଃକ ଅତଈୟେମେ । ଜେତାଏ ବୁଗିନ୍ କାମିନିଃ ପାରମେଶ୍ଵାରୁଆଃ ହଡ୍ ତାନିଃ, ଆତଃ ଜେତାଏ ଏଡକାନ୍ତେୟାଃ କାମିନିଃ ପାରମେଶ୍ଵାରୁକେ କାଏ ସାରିୟା ।

୧୨ ଦିମିତ୍ରୀୟଆଃ ବିଷାଏରେ ବୁଗିନ୍ କାଜିତାନ୍ ସବେନ୍ଦ ଆତଃ ସାନାର୍ତ୍ତିୟଗି ଇନିୟାଃ ବୁଗିନ୍ ବିଷାଏ କାଜିତାନା । ଆଲେୟଗି ଇନିୟାଃ ଗାଈଲେ ଏମ୍ତାନା ଆତଃ ଆପେ, ଆଲେୟାଃ ଗାଈ ସାର୍ତ୍ତିଗିଆ ମେନ୍ତେପେ ସାରିତାନା ।

ଚୁଣ୍ଡ ଜହାର୍

୧୩ ଆଇଈ ଆମ୍ କେ ପୁରାଃ କାଜି କାଜିରାଃ ମେନାଃ, ମେନ୍ଦ ଏନ୍ ସବେନାଃ ସିହାଇ ଆତଃ କାଲମତେ ଅଲ୍ଲ ନାଈ କାଇଈ ସାନାଈତାନା । ୧୪ ଆଇଈ ଆମାଃଲଃ ଜାଲ୍ଦିଗିଈଈ ନେପେଲ୍ଲା ମେନ୍ତେଇଈ ଆସ୍ଵାକାଦା, ଇମ୍ତା ଆଲାଇଈ ବାରାନ୍କିନ୍ ନେପେଲ୍ଲରେଲାଇଈ ଜାଗାରେୟା ମେନ୍ତେଇଈ ସାନାଈତାନା ।

୧୫ ଆମାଃ ଜାତସୁକୁ ହବାଃଅକା । ଆମାଃ ସବେନ୍ ଗାତିକ ଆମ୍ କେ ଜହାର୍ ମେନ୍ତେକ କାଜିକୁଲ୍ଲକାଦା । ଆତଃ ଆଲେୟାଃ ଜହାର୍ ଆମାଃ ସବେନ୍ ଗାତିକଆଃ ନୁତୁମ୍ ସାର୍ବକେଦତେ ଜହାର୍ ଉଦୁବାକମେ ।

# ଯିହୁଦାଙ୍କ ଲିଖିତ ପତ୍ର ଯିହୁଦା ଅଲ୍ଲାକାଦ୍ ଚିଟାଉ ପାରିଚାଏ

ନେ ଚିଟାଉ ଅଲ୍ଲାକାଦ୍‌ନିଆଁଃ ନୁତୁମ୍ ଲେକାଗି ନେ ପୁଥୁରେୟାଃ ନୁତୁମ୍ ଏମାକାନା । ଯିହୁଦା ଆପାନ୍‌କେ ଯାକୁବ୍, ଯୀଶୁଆଃ ହାଗା ମେନ୍ତେ ଉଦୁବେନ୍ ତାନା । ଏନାତେ ଇନିଃକେ ଯୀଶୁଆଃ ହାଗାକ୍‌ଏତେ ମିହୁଡ୍ ତାନିଃ ମେନ୍ତେ କାଜିୟାଃକ, ଆଧ୍ୟାୟ ୧ । ମାରି ନିୟାମ୍‌ରେୟାଃ ଅନଲ୍‌ତେୟାଃକ ନେ ଚିଟାଉରେ ଅଲ୍ଲାକାନ୍ ହରାତେ, ନେଆଁ ମିଆଁଦ୍ କାଲିସିୟାକେ ଅଲ୍ଲାକାନ୍ ଲେକା ଆଟ୍‌କାରଃଆ । ଯିହୁଦା ଚିଟାଉକେ ପାଢ଼ାଅତାନ୍ ହଡ଼କ, ଯିହୁଦୀ ହଡ଼ ମେନ୍ତେକ ଉଦୁବେନ୍ ତାନା, ଅକନ୍‌କଟି ଆପୁ ପାର୍‌ମେଶ୍ୱାର୍‌ଆଃ ଦୁଲାଡ଼ରେ ଖ୍ରୀଷ୍ଟୁଆଃ ନାଗେନ୍ତେ ଦହାକାନାକ, ଆଧ୍ୟାୟ ୧ । ଯିହୁଦା ସବେନ୍ କେଡ଼ାକାନ୍ ହଡ଼କକେ ପାରିଚାଏ ଏମାକାଦ୍‌କଆଏ । ନେ ଚିଟାଉ ହବାସାକାଅଆଃ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୦ କରେ ଅଲ୍ଲାକାନା ।

ନେ ଚିଟାଉ ବିଷେଶ୍‌କେଦ୍‌ତେ ଅକନ୍ ହଡ଼କ ହସଡ଼ଖ୍ରୀଷ୍ଟୁକେକ ଅତଙ୍ଗ୍‌ଠ୍ ତାଇକେନା, ଏନ୍ ସବେନ୍ ଖ୍ରୀଷ୍ଟିୟାନ୍ ହଡ଼କକେ ଚେତାଅକ ନାଗେନ୍ତେ ଅଲ୍ଲାକାନ୍ ତାଇକେନା । ଇନିଃ ଆୟାଃ କାପଜିକେ ପକ୍‌ତାଏ ନାଗେନ୍ତେ ମାରି ନିୟାମ୍‌ରେୟାଃ ଅନଲ୍ ଆତଃ ହବାକାନ୍‌ତେୟାଃ ଅଲ୍‌ମେସାକାଦାଏ । ନେ ଚିଟାଉରେ ହସଡ଼ ଇଡ଼ୁକଆଃ ବିରୁଧ୍‌ରେ ପାଡ଼ରାସ୍‌ଆଃ ଏଟାଃ ଚିଟାଉରେ ଅଲ୍ଲାକାନ୍‌ତେୟାଃକଃ ଜକାଃଅତାନା । ନେଆଁରେ ଦୁଡ଼କ ଆତଃ ସଦୋମ୍ ଗମ୍‌ରା ବିଷାଏରେହଗି ଅଲ୍ଲାକାନା ଯିହୁଦା ୧:୪ ପାଦ୍ ଆତଃ ୨ ପାଡ଼ରାସ୍ ୨:୧ ।

### ପୁଥୁ ଭିଟାଉରେ ତାଇକାନ୍ କାଜି

- ୧. ଯିହୁଦା ସିଦାତେ ଆୟାଃ ପାଢ଼ାଅନିକୁକେ ପାରିଚାଏ ଏମାଃଏ । ୧:୧-୨
- ୨. ହସଡ଼ ଇଡ଼ୁକଆଃ ବିରୁଧ୍‌ରେ ଚେତାଅକ ତାନା । ୧:୩-୪
- ୩. ଇନିଃ ମାରି ନିୟାମ୍‌ରେନ୍ ହଡ଼କକେ ଆତଃ ହବାକାନ୍‌ତେୟାଃ ଇଦିକେଦ୍‌ତେ ନାମୁନା ଏମାଃଏ । ୧:୫-୧୬
- ୪. ଯାକୁବ୍‌ଆଃ ଚେନେତାଅ କାଜିରେ ଇନ୍‌କୁଆଃ କାମି ଚିନାଃ ହବାଅଆ ଏନ୍ ବିଷାଏରେ କାଜିକାଦା । ୧:୧୭-୨୩
- ୫. ଟୁଣ୍ଡୁରେ ପାର୍‌ମେଶ୍ୱାର୍‌କେ ମାଇନାନ୍ ଏମ୍‌କେଦ୍‌ତେ ଚିଟାଉକେ ଅଲ୍ ଚାବାକେଦା । ୧:୨୪-୨୫

୧ \*ଆଇଙ୍ଗ୍ ଯିହୁଦା, ଯୀଶୁ ଖ୍ରୀଷ୍ଟୁଆଃ ମିଆଁଦ୍ ଦାସି, ଆତଃ ଯାକୁବ୍‌ଆଃ ହାଗାତେ ତାନିଙ୍ଗ୍ । ପାର୍‌ମେଶ୍ୱାର୍ ଅକନ୍‌କକେ କେଡ଼ାକାଦ୍‌କଆ, ଆପୁ ପାର୍‌ମେଶ୍ୱାର୍ ଅକନ୍‌କକେ ଦୁଲାଡ଼କାଦ୍‌କଆ, ଆତଃ ଯୀଶୁ ଖ୍ରୀଷ୍ଟୁ ନାଗେନ୍ତେ ଅକନ୍‌କ ଜାଡ଼ନାଅକେଦ୍‌ତେ ମାଣ୍ଡାଅକାନାକ, ଇନ୍‌କୁତାଃତେ ନେ ଚିଟାଉ ଅଲେତାନାଇଙ୍ଗ୍ ।

୨ ପାର୍‌ମେଶ୍ୱାର୍‌ଆଃ ଲିନିବୁଇ, ଜୀଉସୁକୁ, ଆତଃ ଦୁଲାଡ଼୍ ପୁରାଃଗି ଆପେଲଃ ହବାଃଅକା ।

### ହସଡ଼ ଇନିଡ଼ୁକ

୩ ହେ ଦୁଲାଡ଼୍ ହାଗା ମିଶିକ, ଆଇଙ୍ଗ୍ ଆବୁ ସବେନ୍‌କଆଃ ଏନ୍ ମିଆଁଦ୍ ଜୀଉବାଞ୍ଚାଅ ବିଷାଏରେ ପୁରାଃ ଚିହ୍ନୁତାନ୍‌ଲଃ ଆପେତାଃତେ ଅଲ୍ ନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ । ମେନ୍‌ଦ୍ ପାର୍‌ମେଶ୍ୱାର୍ ଆୟାଃ ପାବିତାର୍ ହଡ଼କକେ ମିସାଗି

☆ ୧:୧ ୧:୧ ମାଥୁର ୧୩:୫୫; ମାର୍କ ୬:୩.

ଏମାକାଦକ ବିଶ୍ୱାସ ନାଗେନ୍ତେ ଲାଡ଼ାଇ ଆଡ଼ ଆପେକେ ଜୀଉରେ ରାସକା ଏମ୍ ନାଗେନ୍ତେ ଅଲ ନାଜ୍ ଲାଗାତିଙ୍ଗୟ୍ଝାଃ ମେନ୍ତେଇଙ୍ଗ୍ ମନେକେଦା । ୪ ଚିମିନ୍ ହଡ଼କଦ ଉକ୍ତୁଉକ୍ତୁତେକ ବଲଆକାନା, ଇନ୍କୁ ନାଗେନ୍ତେ ନାଜ୍ ପାରିୟାଏତେ ନେ ସାଜାଇରେୟାଃ ବିଚାର କାଜିଆୟାରାକାନା । ଇନ୍କୁ ଏଡ଼କାନକତାନକ ଆଡ଼ ଆବୁଆଃ ପାର୍ମେଶ୍ୱାରଆଃ ସାୟାଦ୍ ବିଷାଏରେୟାଃ କାଜିକେ ବାଦଲ୍‌ଏତାନାକ । ଆଡ଼ ଆବୁଆଃ ମିଆଁଦ୍‌ଗି ଗମ୍‌କେ ଆଡ଼ ପ୍ରାଭୁ ଯୀଶୁ ଖ୍ରୀଷ୍ଟକେ କାକ ମାନାତିଙ୍ଗ୍ ତାନା ।

\* ପ୍ରାଭୁ ମିସାର ଦିଶୁମ୍‌ଏତେ ଇସ୍ରାଏଲ୍ ହଡ଼କକେ ବାସ୍ତାଅକେଦକଆ, ଆଡ଼ କା ବିଶ୍ୱାସତାନକକେ ଜିୟନ୍‌କେଦକଆ ନେ ସବେନାଃ ଆପେ ସାରିତାନ୍‌ରେୟ, ଆଇଙ୍ଗ୍ ଆପେକେ ପାହାମ୍‌ଇଚି ନାଜ୍ ମନେକେଦାଇଙ୍ଗ୍ । ୬ ଦୁଁଡ଼କ ଆକଆଃ ମାରାଙ୍ଗ୍ ଠାୟାଦ୍ କା ଦହକେଦତେ ଆକଆଃ ତାଇନଃ ଠାୟାଦ୍ ବାଗିକେଦାକ । ପାର୍ମେଶ୍ୱାର ଇନ୍କୁକେ ଏନ୍ ମାରାଙ୍ଗ୍ ସାଜାଇହୁଲାଙ୍ଗ୍ ଜାକେଦ୍ ଜାନାଅ ଜାନାଅରେୟାଃ ସିକ୍ତି ତନଲ୍‌ରେ ତଲ୍‌କେଦତେ ନୁବାଗାକାନ୍ ଠାୟାଦ୍‌ରେ ଦହକାଦକଆ, ଏନା ପାହାମେପେ । ୭ ସୋଦମ୍ ଆଡ଼ ଗମ୍‌ରା, ଆଡ଼ ହପରଜାପାଃକରାଃ ନାଗାର୍‌ରେନ୍ ହଡ଼କକେ ପାହାମ୍‌କପେ । ଇନ୍କୁ ଆପାଙ୍ଗିରକାମି ଆଡ଼ କା ବାୟୁଃଲେକାନ୍ ଏଡ଼କାନକାମିକରେକ ବାଲୁୟନା । ଏଟାଃ ସବେନ୍‌କକେ ଚେତାଅ ନାଗେନ୍ତେ ଇନ୍କୁ ଜାନାଅ ସେଙ୍ଗେଲ୍‌ରେ ସାଜାଇକ ନାମେତାନା ।

୮ ଏନ୍‌ଲେକାଗି, କୁମ୍‌ନେଲ୍‌ତାନ୍ ନେ ସବେନ୍‌କହଗି ଆକଆଃ ହଡ଼ମକ ସଡ଼ରାଏତାନା, ଆଡ଼ ପାର୍ମେଶ୍ୱାରଆଃ ଆକ୍‌ତେୟାର୍ କାକ ମାନାତିଙ୍ଗ୍ ତାନା ଆଡ଼ ମାନାରାଙ୍ଗ୍‌ରେୟାଃ ପେଡ଼େଃକେକ ହିଲାଙ୍ଗ୍ ତାନା । ୯ \*ମେନ୍‌ଦ ମୁଲ୍ ସିର୍ମାଦୁଡ଼ ମିଖେଲ୍‌ହ ନେ'ଲେକା କାମି କାଏ କାମିକାଦ୍ ତାଇକେନା । ମୁଣା ନାବୀରାଃ ଗଏଃ ହଡ଼ମ ଇଦିକେଦତେ ସାଏତାନ୍‌ଲଃ କାପ୍‌ଜିତାଇକେନ୍ ଇମ୍‌ତା ମିଖେଲ୍ ନିନ୍‌କାକେଦତେ ସାଏତାନ୍‌କେ କାଏ ବିଚାରକାଇ ତାଇକେନା । ପ୍ରାଭୁ ଆମ୍‌କେ ଏଗେର୍‌ମେକାଏ ମେନ୍ତେ ଇନିଃ କାଜିକାଦ୍ ତାଇକେନାଏ । ୧୦ ମେନ୍‌ଦ ନେ ହଡ଼କ ଅକ୍‌ନାଃ କାକ ଆର୍‌କାର୍‌ଉରୁମେୟାଁ ଏନ୍ ବିଷାଏରେ ଏଡ଼କାନ୍ କାଜିକ କାଜିୟା, ଆଡ଼ ଜାଁଡୁ ଲେକା ଆକଆଃ ସତାବ୍‌ଲଃ ଆର୍‌କାର୍‌ଉରୁମଃଆକ, ଆଡ଼ ଏନ୍ ସବେନାଃ ନାଗେନ୍ତେକ ଜିୟନଃଆ । ୧୧ ହାଏ, ଇନ୍କୁ ନାଗେନ୍ତେ ନେଆଁ ପୁରାଃ ବରଝାନ୍‌ଗିୟା, ଚିୟାଃଚି ଇନ୍କୁଦ କୟିନ୍‌ଆଃ ଏଡ଼କାନ୍ ହରାକ ଅତଙ୍ଗକାଦା । ବାଲାମ୍ ଟାକା ପାଏସାରାଃ ହାୟାତେ ଭୁଲ୍ କାମିକେଦାଏ । ଏନ୍‌ଲେକାଗି ଇନ୍କୁ ବେଦାକାନାକ ଆଡ଼ କୋରହ ଲେକା ହାଲାଗୁଲାରେକ ଜିୟନଃତାନା । ୧୨ ଇନ୍କୁ ବେଗାର୍ ଗିହୁଃତେ ଆପେଲଃ ଜମ୍ ନୁଁ କେଦତେ ଆପେୟାଃ ଦୁପୁଲାଡ଼ ମେନେସା ଜମେୟାଃରେ ମାଇଲ୍‌କାନ୍ ଦାଗ୍‌ଲେକାନ୍‌କ ତାନକ । ଇନ୍କୁ ଆକଆଃନାଙ୍ଗ୍ ଏସକାର୍ ଜାତାନ୍‌ଇଦିୟାକ, ଇନ୍କୁ ହୟତେ ଅଟାଙ୍ଗ୍‌ଆଡ଼ତାନ୍ ଦାଆଃ ବାନଃ ରିମିଲ୍ ଲେକାନ୍‌କ ତାନକ । ଇନ୍କୁ ରାବାଙ୍ଗ୍ ସାହାରେ ଜ ବାନଃ ଦାରୁ ଲେକାନ୍‌କ ତାନକ, ଆଡ଼ ରେହେଦ୍‌ସାମେଦ୍ ତୁଦକେଦତେ ଗଜାକାନ୍ ଲେକାନ୍‌କ ତାନକ । ୧୩ ଇନ୍କୁ ଦରେୟାରାଃ ବରଝାନ୍ ଆଲ୍‌ପୁଙ୍ଗ୍ ଲେକାନ୍‌କ ତାନକ, ଆକଆଃ ଗିହୁଗଃ ଲେକାନ୍ କାମିକ ପୁଡ଼ରିଦ୍ ଲେକା ଚେତାନ୍‌ରେ ନେଲଃତାନା । ଇନ୍କୁ ହନର୍‌ବାଡ଼ାତାନ୍ ଇପିଲ୍‌କ ଲେକାନ୍‌କ ତାନକ, ପାର୍ମେଶ୍ୱାର ଇନ୍କୁନାଙ୍ଗ୍ କୁଲ୍‌କୁଲ୍ ନୁବାଃରେୟାଃ ଗାଡ଼ା ଜାନାଅ ଜାନାଅ ନାଜ୍ ଦହାକାଦାଏ ।

୧୪ ଆଦାମ୍‌ତାଃଏତେ ସାଡ଼ୁ କିଲିରେନ୍ ହନୋକ୍ ନୁଡୁମ୍ ହଡ଼ ସିଦା ଦିପିଲିଏତେ ନେ ବିଷାଏରେ ଆୟାରକାଜି କାଜିକାଦ୍ ତାଇକେନା : “ପ୍ରାଭୁ ଆୟାଃ ହାଜାର୍ ହାଜାର୍ ପାବିତାର୍ ଦୁଁଡ଼କଲଃ ୧୫ ସବେନ୍‌କଆଃ ବିଚାର ନାଗେନ୍ତେ ହିଜୁଃଆ । କା ଧାର୍‌ମାନ୍

\* ୧:୯ ୧:୯ ଉକ୍ତୁଦୁବ୍ କାଜି ୧୨:୭.

ହତକ ଏଡକାନ୍ କାମିକାଦ୍ ନାଗେନ୍ତେ ଆତଃ ପ୍ରାଭୁଆଃ ବିରୁଧ୍ରେ ଏଡକାନ୍ କାଜି କାଜିକାଦ୍ ନାଗେନ୍ତେ ଜୀଉରେ ସାଜାଇ ଏମାକଆଏ ।”

୧୭ ନେ ହତକ ସବେନ୍ ଇମତା କା ସୁକୁଆନ୍ କାଜିକ କାଜିତାନା ଆତଃ ଏଟାଃକକେ ଚିଟାକ ତାନା । ଇନ୍କୁ ଆକଆଃ ଏଡକାନ୍ ସାନାଙ୍ଗଲେକାକ ସେସେନ୍ତାନା, ଆକଆଃ ମରାଏତେ ମାପ୍ରାଙ୍ଗ କାଜିକ ଅତଙ୍ଗଅଃତାନା ଆତଃ ଇନ୍କୁ ଆକଆଃ ବୁଗିନାଃ ନାଗେନ୍ତେ ଏଟାଃକଆଃ ମାଇନାନ୍ କାଜିକ କାଜିୟାଃ ।

ଚେତାଞ୍ଜାନ୍ କାଜି ଆତଃ ଇଡୁଆନ୍ କାଜି

୧୮ ହେ ଦୁଲ୍ଲାଡ୍ ହାଗା ମିଶିକ, ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ପ୍ରେରିଡକ ସିଦା ଦିପିଲିରେ କାଜିକାଦ୍ତେୟାଃ ପାହାମେପେ, ୧୮ ଇନ୍କୁ ଆପେକେ କାଜିକାଦ୍ତେୟାକ, “ତୁଣ୍ଡୁ ଦିପିଲି ହିଜୁଃରେ, ଆକଆଃ ଏଡକାନ୍ ସାନାଙ୍ଗରେ ସେସେନ୍ତାନ୍ ହତକ ହିଜୁଃଆ ଆତଃ ଆପେକେ ଲାନ୍ଦାପେୟାକ ।” ୧୯ ଏନ୍ ହତକଗି ବିନ୍ଗାଅତେୟାଃ ଏଟେଦାଃକ । ଇନ୍କୁ ଆକଆଃ ହତ୍ତମରାଃ ଏଡକାନ୍ ସାନାଙ୍ଗ୍ତେ ସେସେନାଃକ ଆତଃ ଇନ୍କୁରେ ପାର୍ମେଶ୍ୱାର୍ଆଃ ଆମ୍ବା ବାନଃଆ । ୨୦ ମେନ୍ଦ ହେ ଦୁଲ୍ଲାଡକ, ଆପେ ପାବିତାର୍ ଧାରାମ୍ ବିଶ୍ୱାସରେ ଆପେୟାଃ ଜୀଞ୍ଜାନ୍କେ ବାଇକାତେପେ, ଆତଃ ପାବିତାର୍ ଆମ୍ବାରାଃ ପେଡେଃତେ ବିକ୍ତିପେ । ୨୧ ଆତଃ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଲିବୁଇତେ ଜାନାଅ ଜୀଦାନ୍ ନାମେ ନାଙ୍ଗ୍ ତାଙ୍ଗିତାନ୍ଲଃ ପାର୍ମେଶ୍ୱାର୍ଆଃ ଦୁଲ୍ଲାଡ୍ରେ ତାଇନକାନ୍ପେ ।

୨୨ ଆଡ଼ାଃଉଡ଼ୁଗଃ ତାନ୍ ହତକଆଃ ମନ୍ରେ ଲିନିବୁଇ ଉଦୁବକପେ; ୨୩ ଏଟାଃକକେ ସେଙ୍ଗେଲ୍ହେତେ ଆଇଜ୍ ଅତଙ୍ଗକତାନ୍ ଲେକା ବାଞ୍ଚାଅକପେ, ଆତଃ ଚିମିନ୍ ହତକଆଃ ପାପ୍ତେ ହୁମୁଆକାନ୍ ତୁସିଙ୍ଗ୍ ଲିଜାଃକେହ ହିଲାଙ୍ଗ୍ୟେପେ, ମେନ୍ଦ ବରତାନ୍ଲଃ ଇନ୍କୁକେ ଲିବୁଇକପେ ।

ଧାନ୍ୟାବାଦରାଃ ବିକ୍ତି

୨୪ ଅକଏଚି ଆପେକେ ଗୁହ୍ନାଏତେ ବାଚାଅ ଦାଡିୟାଏ, ଆତଃ ଆୟାଃ ମାନାରାଙ୍ଗ୍ରେୟାଃ ଆୟାର୍ରେ ବେଗାର୍ ଚିଟାକାନ୍ ଆତଃ ପୁରାଃ ରାସକାତେ ଆଉ ଦାଡିୟାଏ, ୨୫ ଏନ୍ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ଆରୁଆଃ ମିଆଁଦଗି ଜୀଉବାଞ୍ଚାଅନିଃ ପାର୍ମେଶ୍ୱାର୍ଆଃ ମାନାରାଙ୍ଗ୍, ମାଇନାନ୍, ପୁରାଃ ପେଡେଃ, ଆତଃ ଆକ୍ତେୟାର୍, ସବେନ୍ ଯୁଗ୍ହେତେ ସିଦା, ନାହାଁଃ ଆତଃ ଜାନାଅ ଜାନାଅଗି ଆୟାଃ ହବାଅଃକା ! ଆମେନ୍ ।

# ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଯୋହାନ୍‌ଆଃ ନାଗେନ୍ତେ ଉତ୍କଳୁକ୍ କାଜି ପାରିଚାଏ

ଯୋହାନ୍‌ଆଃ ଉତ୍କଳୁକ୍ କାଜି ନାଞ୍ଜା ନିୟାମରେୟାଃ ଚୁଣ୍ଡୁପୁଅ ତାନାଃ । ନେ ପୁଅ ଯୀଶୁଆଃ ଜାନାମ୍‌ରେୟାଃ ୯୫ ଦିପିଲିକରେ ଯୋହାନ୍‌ଆଃ ହରାତେ ଅଲ୍ଲକାନ୍ ତାଇକେନା, ୧:୧ । ଇନିଃ ଯୋହାନ୍ ସୁକୁକାଜିଲ୍ଲଃ ଆତଃ ଆପିୟା ଚିଟାଉ ହରି ଅଲ୍ଲକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ । ନେ ଯୋହାନ୍‌କେ ଯୀଶୁ ପୁରାଃରି ଦୁଲ୍ଲାଡ୍ ତାଇକେନା ମେନ୍ତେ ସାରିୟଃ ତାଇକେନା, ଯୋହାନ୍ ୧୩:୨୩ । ଯୋହାନ୍ ଆଇସଲ୍ୟାଣ୍ଟ୍‌ରେୟାଃ ପାଡ଼ମସ୍ ଟାପୁରେ ତାଇକେନ୍ ଇମ୍‌ତା, ନେ ଉତ୍କଳୁକ୍ କାଜିକେ ଅଲ୍ଲକାଦ୍ ତାଇକେନା । ଚିୟାଃଟି ଯୀଶୁ ଖ୍ରୀଷ୍ଟ୍‌ଆଃ ସୁକୁକାଜି ଉଦୁବ୍ ନାଗେନ୍ତେ ଏନ୍ତାଃତେ ଇନିଃକେ କୁଲ୍ଲକାନ୍ ତାଇକେନା, ୧:୯ ।

ଯୀଶୁଆଃ ହିନିଜୁଃ ଦିପିଲି ସେଟେର୍ ତାଇକେନ୍ ହରାତେ, ଯୀଶୁ ଖ୍ରୀଷ୍ଟ୍‌ତାଃରେ ପାତିୟାଃରରଃ ଲେକା ତାଇନଃ ନାଗେନ୍ତେ ନେ ପୁଅକେ ପାହାଅ ହଡକକେ ଜୀଉରେ କେଟେଦ୍ ଆତଃ ଆସ୍ତା ଏମ୍ ନାଗେନ୍ତେ ଯୋହାନ୍ ନେ ଚିଟାଉ ଅଲ୍ଲକାଦାଏ, ୧:୩:୨୨:୭ । ଇନିଃ ସବେନ୍ ବିଶ୍ୱାସୀକକେ ଆତଃ ବିଶେଷକେଦତେ ଏୟା କାଲିସିୟାକକେ ନେ ଚିଟାଉ ଅଲ୍ଲକାଦାଏ, ୨-୩ । ଯୋହାନ୍ ଆୟାଃ ଅନଲ୍‌ରେ ଆୟାଃରକାଜି ୧:୩ ଆତଃ ଆଇଃକ୍ ନେଲ୍ଲକାଦ୍ ରାକାମ୍ ରାକାମ୍ ମୁରୁଡ୍ ବିଷାଏରେ ଅଲ୍ଲକାଦା । ନେ ପୁଅରେୟାଃ ଚିମିନ୍ ଅନଲ୍‌ତେୟାଃ ମାରି ନିୟାମ୍‌ରେୟାଃ ଅନଲ୍‌ଲଃ ମିଦ୍‌ଗିୟା, ବିଶେଷକେଦତେ ଜାଖ୍‌ରିୟା ୭:୧-୮ ରେ ନାମେ ତାନାବୁ ।

ଏନା ହବାଅଃତାନା ଏୟା ବିଜ୍ଞୁଲ୍‌ବାଜା ଆତଃ ଏୟା ତୁଭାରେୟାଃ ବିଷାଏରେ ଅକଆଃଟି ପାରମେଶ୍ୱାର୍ ସିସାରରେନ୍ ହଡକକେ ସାସାତି ଏମ୍ ନାଗେନ୍ତେ ଦୁକୁହାସୁ କୁଲ୍‌କେଦା ହରାସେନ୍‌ପୁଅ ୭-୯ । ଉତ୍କଳୁକ୍‌ରେୟାଃ ପୁଅ ଚୁଣ୍ଡୁ ଦିପିଲିକେ ଉଦୁବେ ତାନା । ଯୀଶୁ ଚୁଣ୍ଡୁରେ ଜିତାଅଃଞ୍ଜା ଆତଃ ଅକ ହଡକ ଆୟାଃତାଃରେ ଆସ୍ତା ଦହେୟାକ, ଇନ୍‌କୁ ଜାନାଅ ଜାନାଅଗି ଆୟାଃଲଃ ତାଇନାଃକ । ନେ ପୁଅ ଆପାନ୍‌କେ ଚେତାଅ ଆତଃ ଆସ୍ତା ଏମ୍ ତାନାଏ ଯେ, ଯୀଶୁ ଜାଲ୍‌ଦିଗି ହିଜୁଃତାନା ।

### ପୁଅ ଭିଟାରେ ତାଇକାନ୍ କାଜି

- ୧. ଯୋହାନ୍‌ଆଃ ପାରିଚାଏ ଆତଃ ଆଇଃକ୍ ନେଲ୍ଲକାଦ୍ ଆୟାଃରକାଜିରେୟାଃ ଦାର୍‌ଶାନ୍ । ୧:୧-୨୦
- ୨. ଯୀଶୁ ଖ୍ରୀଷ୍ଟ୍‌ସାଃଏତେ ଏୟା କାଲିସିୟା ନାଗେନ୍ତେ ଯୋହାନ୍‌ଆଃ କାନାଜି । ୧:୧-୩:୨୨
- ୩. ଏୟା ମୋହର୍ । ୪:୧-୮:୫
- ୪. ଏୟା ବିଜ୍ଞୁଲ୍‌ବାଜା । ୮:୭-୧୧:୧୯
- ୫. ସାଏତାନ୍‌ଲଃ ହନ୍‌କଆଃ ଲାଡାଉ । ୧୨:୧-୧୪:୨୦
- ୬. ଖ୍ୱରେୟାଃ ଏୟା ତୁଭା । ୧୫:୧-୧୬:୧-୧୮
- ୭. ପାରମେଶ୍ୱାର୍ ସିମା ଦିଶୁମ୍‌ରେ ଆୟାଃ ବାଇରି ସାଏତାନ୍‌କେ ହାରାଅଇୟା । ୧୭:୧-୨୦:୧୫
- ୮. ନାଞ୍ଜା ସିମା ଦିଶୁମ୍ ଆତଃ ନାଞ୍ଜା ଅଡେଦିଶୁମ୍ । ୨୧:୧-୨୨:୨୧

୧ ପାରମେଶ୍ୱାର୍, ଯୀଶୁ ଖ୍ରୀଷ୍ଟ୍‌ତାଃରେ ଉଦୁବାକାଦ୍ କାଜିକ ନେ ପୁଅରେ ଅଲ୍ଲକାନା, ଅକଆଃଟି ହୁଡିଙ୍ଗ୍ ଦିପିଲିରେଗି ହବାଅଃ ଲାଗାତିଙ୍ଗ୍‌ୟାଃ । ଏନ୍ ସବେନାଃ ଆୟାଃ ଦାସିକକେ ଉଦ୍‌ବାକ ନାଙ୍ଗ୍ ଖ୍ରୀଷ୍ଟ୍‌ ଆୟାଃ ଦାସି ଯୋହାନ୍‌କେ ନେ ସବେନାଃ ସାରିକାଏ

ମେନ୍ତେ ମିଆଁଦ୍ ଦୁର୍ଦ୍ଦେକେ ଇନିଃତାଃତେ କୁଲକିୟା । ୨ ଆତଃ ଯୋହାନ୍ ଆଇଃକ୍ତି ନେଲ୍ଲକାଦ୍ତେୟାଃ ସବେନାଃଏ ଉଦୁବ୍କେଦା । ନେ ଅନଲ୍ରେ ପାର୍ମେଶ୍ୱାର୍ଆଃ କାନାଜି ଆତଃ ଯାଶୁ ଶ୍ରୀଷ୍ଟିଆଃ ହରାତେ ସାର୍ତି କାଜିକ ଉଦୁବକାନା । ୩ ଜେତାଏ ନେ ଚିଟାଉରେ ଅଲ୍ଲକାନ୍ କାଜିକ ପାଢାଅୟାଏ ଆତଃ ଅକନ୍କ ଏନାରେ ଅଲ୍ଲକାନ୍ ଆୟାର୍କାଜିକେ ଆୟୁମ୍ବେଦ୍ତେକ ମାନାତିର୍ଯ୍ୟେଆ, ଇନ୍କୁ ସୁକୁତାନ୍ଗିୟା, ତିଆଃତି ଏନ୍ ସବେନାଃ ହବାଅଃରେୟାଃ ନେତା ନାଡ଼େଃଗିୟା ।

ଏୟା କାଲିସିୟାକକେ ଜହାର୍

୪ \*ଯୋହାନ୍ ଏସିଆ ପାର୍ଗାନ୍ରେ ତାଇନତାନ୍ ଏୟା କାଲିସିୟାକକେ ଆଇଁୟାଃ ଜହାର୍ । ପାର୍ମେଶ୍ୱାର୍ତାଃଏତେ ଆପେୟାଃ ସାୟାଦ୍ ଆତଃ ଜୀଉସୁକୁ ହବାଅଃକା, ଅକ୍ନିଃତି ମେନାଇନିଃ, ତାଇକେନ୍ନିଃ, ହିଜୁଃନିଃ, ଆତଃ ଆୟାଃ ରାଜ୍ଗାଦି ସାମ୍ନାକ୍ରେ ତାଇକାନ୍ ଏୟା ଆମ୍ବାତାଃଏତେ, ୫ ଆତଃ ଗନଏଃକଏତେ ପାହିଲା ଜୀଉ ବିରିଦାକାନ୍ନିଃ, ପାତିୟାର୍ଠଃ ଲେକାନ୍ ଗାଞ୍ଜା ଆତଃ ଅତେଦିଶୁମ୍ରେନ୍ ରାଜାକଆଃ ରାଜା ଯାଶୁ ଶ୍ରୀଷ୍ଟିଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ହବାଅଃକା । ଇନିଃ ଆବୁକେ ଦୁଲାଡ୍ ରିକାଃଏ ଆତଃ ଆୟାଃ ଦାଣ୍ଡେ ରାକାବ୍ ଗନଏଃ ହରାତେ ଆବୁକେ ପାପ୍ତହେତେ ରାଡାକାଦ୍ବୁଆ । ୬ \*ଆତଃ ଆୟାଃ ଆପୁ ପାର୍ମେଶ୍ୱାର୍ଆଃ ସେଞ୍ଜା ନାଗେନ୍ତେ ଇନିଃ ଆବୁକେ ରାଇଜ୍ ରିକାଏ ଲେକା ରାଜାଉଡି କିଲି ଆତଃ ମିଆଁଦ୍ ଯାଜାକ୍ ଲେକାଏ ବାଇୟାକାଦ୍ବୁଆ । ସବେନ୍ ମାନାରାଜ୍ ଆତଃ ପେଡ଼େଃ ଜାନାଅ ଜାନାଅ ଜାକେଦ୍ ଯାଶୁ ଶ୍ରୀଷ୍ଟିଆଃ ହବାଅଃକା ! ଆମେନ୍ ।

୭ \*ନେଲେପେ, ଇନିଃ ରିମିଲ୍ରେ ହିଜୁଃତାନା, ଅତେଦିଶୁମ୍ରେନ୍ ସବେନ୍ ହଡକ ଇନିଃକେ ନେଲିୟାକ, ଆତଃ ଅକନ୍କ ଆଇଃକ୍ତେ କିଲାକାଇ ତାଇକେନାକ ଇନ୍କୁ ହଗି ଇନିଃକେ ନେଲ୍କେଦ୍ତେ ବରଞ୍ଜାକତାନ୍ଲଃ ଏୟମେୟାକ । ନେ ସବେନାଃ ସାର୍ତିଗି ହବାଅଆଃ ! ଆମେନ୍ ।

୮ \*ପେଡ଼େୟାନ୍ ପ୍ରାଭୁ ପାର୍ମେଶ୍ୱାର୍ କାଜିତାନାଏ, “ଆଇଞ୍ଗି ଏନେଟେଦ୍ ଆତଃ ଟୁଶୁ ତାନିଜ୍,” ସିଦାରେ ତାଇକେନାକ୍, ନାହାଁଃ ମେନାଇୟା ଆତଃ ହିଜୁଃ ଦିପିଲିରେଇଜ୍ ହିଜୁଃଆ ।

ୟାଶୁ ଶ୍ରୀଷ୍ଟିଆଃ ଉଦୁବେନ୍

୯ ଆଇଜ୍ ଯୋହାନ୍, ଆପେୟାଃ ହାଗା, ଆତଃ ଯାଶୁଆଃ ଅତକ୍ନିଃ ହବାୟାନ୍ତେ ଆୟାଃ ରାଇଜ୍ରେୟାଃ ହଡକ ଚେତାନ୍ରେ ହବାଅଃତାନ୍ ଦୁକୁହାସୁକେ ଧିରାଜ୍ ସାବ୍କେଦ୍ତେ ସାହାତିଜ୍ ନାଗେନ୍ତେ ଆଇଜ୍ ଆପେୟାଃ ମିଆଁଦ୍ ହିସାଦାର୍ ତାନିଜ୍ । ଯାଶୁ ଉଦୁଦୁବକାଦ୍ ସାନାର୍ତି ଆତଃ ପାର୍ମେଶ୍ୱାର୍ଆଃ ବାଚାନ୍ ଉଦୁବ୍କେଦ୍ ହରାତେ ଆଇଜ୍ ପାତ୍ମସ୍ ଚାପୁତେଇଜ୍ କୁଲକାନ୍ ତାଇକେନା । ୧୦ ପ୍ରାଭୁଆଃ ହୁଲାକ୍ରେ ପାବିତାର୍ ଆମ୍ବା ଆଇଜ୍କେ ଆବ୍ରାଅକେଦିୟା, ଆତଃ ଆଇଁୟାଃ ତାୟମ୍ସାଃରେ ବିକ୍ତୁଲ୍ ବାଜା ସାଡିଲେକା ମିଆଁଦ୍ ପୁରାଃଗି ସାଡିଇଜ୍ ଆୟୁମ୍ବେଦା । ୧୧ ଜେତାଏ ମିହୁଡ୍ ଆଇଜ୍କେ କାଜିକେଦିୟା, “ଆମ୍ ନେଲ୍ତାନ୍ତେୟାଃ ମିଆଁଦ୍ ପୁଥ୍ରେ ଅଲ୍କେଦ୍ତେ ଦହେମେ ଆତଃ ଏଫିସୁସ୍, ସ୍ପର୍ଣ୍ଣା, ପାର୍ଗାମ୍, ଥୁୟତିରା, ସାଦ୍ ସ୍, ଫିଲାଦେଲ୍ଫିୟା, ଆତଃ ଲାଉଦିକିଆ, ନେ ଏୟା କାଲିସିୟାତାଃତେ ନେ ପୁଥ୍ରେକେ କୁଲ୍ତାମେ ।”

୧୨ ଅକଏ ଆଇଁୟାଃଲଃ ଜାଗାର୍ତାନାଏ, ନେଆଁ ନେଲ୍ ନାଗେନ୍ତେଇଜ୍ ହେତାରୁହାଡକେଦା ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃ, ୧୩ ଆତଃ

☆ ୧:୪ ୧:୪ ଉତ୍କଳ କାଜି ୪:୫. ☆ ୧:୬ ୧:୬ ଉତ୍କଳ କାଜି ୫:୧୦. ☆ ୧:୭ ୧:୭ ମାଥୁର ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ପେଥଲିକା ୪:୧୭; ଯୋହାନ୍ ୧୯:୩୪,୩୭; ମାଥୁର ୨୪:୩୦. ☆ ୧:୮ ୧:୮ ଉତ୍କଳ କାଜି ୨୨:୧୩.



ଏନ୍ ଦିଆ ମାଣ୍ଡାଅତେୟାଃରାଃ ଆଲାରେ ମାନଝାହନ୍‌ଲେକା ମିହୁଡ଼କେଇଙ୍ଗ ନେଲ୍‌କିୟା । ଆୟାଃ କାଟା ଜାକେଦ୍ ଜିଲିଙ୍ଗ୍ ଲିଜାଃ ତୁସିଙ୍ଗ୍‌ୟାକାନ୍ ଆତଃ ଆୟାଃ କୁଡ଼ାମ୍‌ରେ ସୋନାରାଃ କାସ୍‌ନାତେ ତଲ୍‌ବିହୁରାକାନ୍ ତାଇକେନା । ୧୪ ଇନିୟାଃ ବହଃରାଃ ଉଦ୍, କପା ଚାଏ ବାରାଫ୍ ଲେକା ପୁଣ୍ଡିଗି ତାଇକେନା ଆତଃ ଆୟାଃ ମେଦ୍ ସେଙ୍ଗେଲ୍ ଲେକା ଜୁଲଃତାଇକେନା । ୧୫ ଇନିୟାଃ କାଟା ସେଙ୍ଗେଲ୍ ଭାଟିରେ ଫାଟିକେଦ୍‌ତେ ଚାମ୍‌କାଅଃତାନ୍ ପିତାଲ୍ ଲେକା ଝାଲ୍‌ସାଃଅ ତାଇକେନା ଆତଃ ଆୟାଃ ସାଡ଼ି ଲିଙ୍ଗିୟାଃତାନ୍ ଦାଆଃରାଃ ସାଡ଼ି ଲେକା ଆୟାଃ ତାଇକେନା । ୧୬ ଇନିଃ ଆୟାଃ ଜମ୍‌ତିସାଃରେ ଏୟା ଇପିଲ୍‌କକେ ସାବାକାଦ୍‌କ ତାଇକେନାଏ, ଆତଃ ଆୟାଃ ମଚାଏତେ ବାରାନ୍‌ସାଃ ଲେସେରାକାନ୍ ତାରାଉଡ଼ି ଅତଙ୍ଗ୍‌ଅଃ ତାଇକେନା, ଆତଃ ଆୟାଃ ମେଦ୍‌ମୁହାଁଡ଼୍ ତିକିନ୍ ସିଙ୍ଗି ଲେକା ଜୁଲଃ ତାଇକେନା । ୧୭ \*ଆଇଙ୍ଗ୍ ଇନିଃକେ ନେଲ୍‌ଲଃଗି ଇନିୟାଃ କାଟା ସୁବାରେ ଗଜାକାନ୍‌ନିଃ ଲେକାଇଙ୍ଗ୍ ଉୟାୟାନ୍ । ଇନିଃ ଆଇଁୟାଃ ଚେତାନ୍‌ରେ ଆୟାଃ ଜମ୍‌ତିଃଇ ଦହକେଦ୍‌ତେ କାଜିକେଦା, “ଆଇମ୍ ବରଏୟା ! ଆଇଙ୍ଗ୍‌ଦ ଏନେଟେଦ୍ ଆତଃ ଚୁଣ୍ଡି ତାନିଙ୍ଗ୍ । ୧୮ ଆଇଙ୍ଗି ଜାନିଦ୍‌ନିଃ ତାନିଙ୍ଗ୍, ଆଇଙ୍ଗ୍ ଗଜାକାନ୍ ତାଇକେନାଇଙ୍ଗ୍, ମେନ୍‌ଦ ନାହାଁଃ ଆଇଙ୍ଗ୍ ଜାନାଅ ଜାନାଅ ଜାନିଦ୍‌ଗି ତାଇନାଇଙ୍ଗ୍ । ଗନ୍‌ଏଃ ଆତଃ ହୁଆଙ୍ଗ୍‌ଗାଡ଼ା ଚେତାନ୍‌ରେ ଆଇଁୟାଃ ଆକ୍‌ତେୟାର୍ ମେନାଃ । ୧୯ ଏନାମେନ୍ତେ, ଆମ୍ ନେଲାକାଦ୍‌ତେୟାଃ, ନାହାଁଃ ହବାଅଃତାନ୍‌ତେୟାଃ, ଆତଃ ତାୟମ୍‌ତେ ହବାଅଃତେୟାଃ ଅଲ୍‌କେଦ୍‌ତେ ଦହେମେ । ୨୦ ଆଇଁୟାଃ ଜମ୍‌ତିଃଇରେ ମେନାକ ଏୟା ଇପିଲ୍‌କ ଆତଃ ଏୟା ସୋନାରାଃ ଦିଆ ମାଣ୍ଡାଅତେୟାଃରାଃ ମୁଣ୍ଡି ହବାଅଃ ତାନା, ଏନ୍ ଏୟା ଇପିଲ୍‌କ ମେନ୍‌ଲେରେ ଏୟା କାଲିସିୟାରେନ୍ ଦୁଡ଼କ ତାନ୍‌କ ଆତଃ ଏୟା ଦିଆ ମେନ୍‌ଲେରେ ଏୟା କାଲିସିୟା ତାନାଃ ।

### ୨

#### ଏଫିସୁସ୍ କାଲିସିୟା ନାଗେନ୍ତେ କାନାଜି

୧ “ଏଫିସୁସ୍ କାଲିସିୟାରେନ୍ ଦୁଡ଼ତାଃତେ ଅଲେମେ, ଜେତାଏ ଆୟାଃ ଜମ୍‌ ଡିଃଇରେ ଏୟା ଇପିଲ୍ ଆତଃ ଏୟା ସୋନାରେୟାଃ ଦିଆ ଆଲାରେ ହିଜୁଃସେନଃ ରିକାଃଏ, ଇନିଃ ନେଆଁ କାଜିତାନାଏ, ୨ ଆଇଙ୍ଗ୍ ଆମାଃ କାଜିକାମିକ, କେଟେଦ୍ କାମିକ, ଆତଃ ଧୁରାଜକେଇଙ୍ଗ୍ ସାରିତାନା । ଆମ୍ ଏଡ଼କାନ୍ କାମିତାନ୍‌କକେ କାମ୍ ସାହାତିଙ୍ଗ୍ ଦାଡ଼ିୟା, ଏନାହ ଆଇଙ୍ଗ୍ ସାରିତାନାଇଙ୍ଗ୍ । ଅକ ହଡ଼କ, ଆପାନ୍‌କେ ପ୍ରେରିଡ଼ ମେନ୍ତେକ କାଜିନ୍‌ତାନା, ମେନ୍‌ଦ ସାର୍‌ଡିରେ ଇନ୍‌କୁ ପ୍ରେରିଡ଼ ନାହାଁଲାକ, ଇନ୍‌କୁକେ ବିଡ଼ାଅକେଦ୍‌ତେ ହସଡ଼ତାନ୍‌କ ମେନ୍ତେମ୍ ଆଟ୍‌କାରକାଦ୍‌କଆ । ୩ ଆମ୍ ଧୁରାଜ୍ ସାବାକାଦ୍ ହଡ଼ ତାନ୍‌ମେ । ଆଇଁୟାଃ ନୁଡୁମ୍ ନାଗେନ୍ତେ ଆମ୍ ଦୁକୁ ସାହାତିଙ୍ଗ୍‌କେଦ୍‌ରେୟ କାମ୍ ଲାଗାୟାନ୍ । ୪ ଏନ୍‌ରେୟ ଆମାଃ ବିରୁଧ୍‌ରେ ଆଇଁୟାଃ କାଜି ମେନାଃ, ଆମ୍ ସିଦାରେ ଚିଲ୍‌କା ଦୁଲାଡ଼୍ ତାଇକେନାମ୍, ଏନ୍‌ଲେକା ଆମ୍ ନାହାଁଃ କାମ୍ ଦୁଲାଡ଼୍ ତାନା । ୫ ଆମ୍ ଅକ୍‌ତାଃଏତେମ୍ ଉୟାଗାକାନା, ଏନା ପାହାମେମେ, ଆମାଃ ପାପ୍‌ହେତେ ମନ୍‌ରୁହାଡ଼େମେ ଆତଃ ସିଦା ଲେକା ବୁଗିନ୍ କାମିକ କାମିମେ । ପାପ୍‌ହେତେ ମନ୍ କାମ୍ ରୁହାଡ଼େରେଦ୍, ଆଇଙ୍ଗ୍ ଆମାଃତାଃତେ ହିଜୁଃକେଦ୍‌ତେ ଆମାଃ ଦିଆ ଦହତେୟାଃକେଇଙ୍ଗ୍ ଆତମେୟା । ୬ ମେନ୍‌ଦ ମିଆଁଦ୍ ବୁଗିନ୍ କାଜି ଆମାଃତାଃରେ ମେନାଃ, ଏନା ହବାଅଃତାନା, ଆଇଙ୍ଗ୍ ନିକଲାତାୟକଆଃ ସବେନ୍ କାଜିକାମିକଇଙ୍ଗ୍ ହିଲାଙ୍ଗ୍‌ୟେତାନ୍ ଲେକା ଆମ୍ ହଗିମ୍ ହିଲାଙ୍ଗ୍‌ୟେତାନା ।

\* ୧:୧୭ ୧:୧୭ ଉତ୍କଳ କାଜି ୨:୮; ୨୨:୧୩.

୭ ☆“ପାବିତାର ଆତ୍ମା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକ ହଡକ ଜିତାଅଞ୍ଜାକ, ଆଇଙ୍ଗ୍ ଇନ୍କୁକେ ପାରମେଶ୍ୱାଟ୍ଆଃ ପାରାଦେସ୍ରେୟାଃ ବାଗାଇତାରେ ଜ'ଅଃତାନ୍ ଜୀବାନ୍ ଦାରୁରାଃ ଜ ଜମେନାଙ୍ଗ୍ ଆକ୍ତେୟାଟ୍ ଏମାଇୟାଇଙ୍ଗ୍ ।

ସ୍ପର୍ଶା କାଲିସିୟା ନାଗେନ୍ତେ କାନାଜି

୮ ☆“ସ୍ପର୍ଶା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏ ପାହିଲା ଆତଃ ଚୁଣ୍ଡୁ ତାନିଃ, ଗଏଃକେଦ୍ତେ ଆତଃମିସା ଜୀଉବିରିଦ୍‌ୟାନାଏ, ଇନିଃ ନେଆଁ କାଜିତାନାଏ, ୯ ଆଇଙ୍ଗ୍ ଆମାଃ ସବେନ୍ ନାରାଦୁରା ଆତଃ ଗାରିବ୍‌ତେୟାଃକଇଙ୍ଗ୍ ସାରିତାନା, ମେନ୍ଦ୍ ସାର୍ତି କାଜିଲେରେ ଆମ୍ କିସାଁଣ୍ ତାନ୍ମେ । ଅକ ହଡକ ଆପାନ୍‌କେ ଯିହୁଦୀ ମେନ୍ତେକ କାଜିନ୍‌ତାନା, ଇନ୍କୁ ଯିହୁଦୀ ନାହାଁଲାକ ମେନ୍ଦ୍ ସାଏତାନ୍‌ରାଃ ଝୁଣ୍ଡୁରେନ୍ ତାନ୍‌କ, ଇନ୍କୁଆଃ ନିୟା କାଜିକଇଙ୍ଗ୍ ସାରିତାନା । ୧୦ ଆମ୍ ଅକ ଦୁକୁହାସୁ ନାମେ ନାଗେନ୍ତେମ୍ ସେନ୍‌ତାନା, ଏନା ନାଗେନ୍ତେ ଆଲମ୍ ବରଏୟା । ଆୟୁମେମେ, ସାଏତାନ୍ ଆମାଃଏତେ ଚିମିନ୍ ହଡକକେ ଜେହେଲ୍ ଇଦିକେଦ୍ତେ ବିଡ଼ାଅକଆ । ମେନ୍ଦ୍ ଆମାଃ ନେ ନାରାଦୁରା ଗେଲେୟା ହୁଲାଙ୍ଗ୍ ଜାକେଦ୍ ହବାଅଃଆ । ନେଆଁରେ ଗନଏଃରାଃ ବର ତାଇନ୍‌ରେୟ ଆମ୍ ଆଇଁୟାଃ ନାଙ୍ଗ୍ ପାତିୟାଟ୍‌ରଃ ଲେକାମ୍ ତାଇନଃ ରେଦ୍, ଆଇଙ୍ଗ୍ ଆମକେ ଜୀବାନ୍‌ରେୟାଃ ମୁକୁଟ୍ ଏମାମେୟାଈଇଙ୍ଗ୍ ।

୧୧ ☆“ପାବିତାର ଆତ୍ମା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକନ୍‌କ ଜିତାଅଞ୍ଜାକ, ଇନ୍କୁଆଃ ବାର୍‌ସା ଗନଏଃ ହବାଅଃରେୟ ଜେଡ଼ନାଃ କା ହାନିୟଃଆ ।

ପାର୍ଗାମ୍ କାଲିସିୟା ନାଗେନ୍ତେ କାନାଜି

୧୨ “ପାର୍ଗାମ୍ କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏତାଃରେ ବାରାନ୍‌ସାଃ ଲେସେରାକାନ୍ ତାରାଉଡ଼ି ମେନାଃ, ଇନିଃ ନେଆଁ କାଜିତାନାଏ, ୧୩ ଆଇଙ୍ଗ୍ ସାରିତାନାଇଙ୍ଗ୍, ଆମ୍ ସାଏତାନ୍‌ରାଃ ରାଜ୍‌ଗାଦି ଆୟାଟ୍‌ରେମ୍ ତାଇନଃତାନା । ଏନ୍‌ରେୟ ଆମ୍ ଆଇଁୟାଃ ନୁତୁମ୍‌କେ କେଟେୟାନ୍‌ଗି ସାବାକାଦାମ୍, ଆତଃ ଆମ୍ ଆଇଁୟାଃ ନାଗେନ୍ତେ ପାତିୟାଟ୍‌ରଃ ଲେକାନ୍‌ନିଃ ତାନ୍‌ମେ । ଆତଃ ଚିମିତା ସାଏତାନ୍‌ରାଃ ତାଇନଃ ପାୟାଦ୍‌ତାଃରେ ଆଇଁୟାଃ ମିଆଁଦ୍ ପାତିୟାଟ୍‌ରଃ ଲେକାନ୍ ଗାଞ୍ଜା ଏମ୍‌ନିଃ ଆକ୍ତିପାକେ ଗଏଃକିୟାକ, ଇମ୍‌ତାହଗି ଆମ୍ ଆମାଃ ବିଶ୍ୱାସ୍ କାମ୍ ବାଗିକେଦା । ୧୪ ମେନ୍ଦ୍ ଆଇଁୟାଃ, ଆମାଃ ବିରୁଧ୍‌ରେ ଚିମିନ୍ କାଜିକ ମେନାଃ । ଏନ୍ତାଃରେ ଆମାଃଲଃ ତାଇନ୍‌ତାନ୍ ଚିମିନ୍ ହଡକ ବାଲାମ୍‌ଆଃ ଇନିତୁକେ ଅତଙ୍ଗ୍‌ତାନାକ । ମୁରୁଡ଼ତାଃରେ ଦାନ୍ ରାକାବାକାନ୍ ଜମେୟାଈକେ ଜମନାଙ୍ଗ୍ ଆତଃ ଆପାଙ୍ଗିର୍ କାମିକ ରିକା ନାଗେନ୍ତେ ଇସ୍ରାଏଲ୍ ହଡକକେ ଆତୁକ ନାଙ୍ଗ୍, ବାଲାମ୍, ବାଲାକ୍‌କେ ଇତୁକାଇ ତାଇକେନା । ୧୫ ଏନ୍‌ଲେକାଗି ନିକଲାତୀୟ ହଡକଆଃ ଇନିତୁକେ ଅତଙ୍ଗ୍‌ତାନ୍ ଚିମିନ୍ ହଡକ ଆମାଃ ଆଲାରେ ମେନାକଆ । ୧୬ ଏନାତେ ଆମ୍ ପାପ୍‌ହେତେ ମନ୍‌ରୁହାଡ଼େମେ, କା'ରେଦ୍ ଆଇଙ୍ଗ୍ ଜାଲ୍‌ଦିଗି ଆମାଃତାଃତେ ହିଜୁଃକେଦ୍ତେ ଆଇଁୟାଃ ମଗାଏତେ ଅତଙ୍ଗ୍‌ଅଃତାନ୍ ତାରାଉଡ଼ିଲଃ ଇନ୍କୁଆଃ ବିରୁଧ୍‌ରେଇଙ୍ଗ୍ ଲାଡ଼ାଇୟା ।

୧୭ ☆“ପାବିତାର ଆତ୍ମା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକ ହଡକ

☆ ୨:୭ ୨:୭ ଉତ୍କଳ କାଜି ୨୨:୨. ☆ ୨:୮ ୨:୮ ଉତ୍କଳ କାଜି ୧:୧୭; ୨୨:୧୩. ☆ ୨:୧୧ ୨:୧୧ ଉତ୍କଳ କାଜି ୨୦:୧୪; ୨୧:୮. ☆ ୨:୧୭ ୨:୧୭ ଯୋହାନ୍ ୭:୪୮-୫୦.

ଜିତାଅଞ୍ଜାଃକ, ଆଇଙ୍ଗ ଇନ୍‌କୁକେ ଉକୁଆକାନ୍ ମାନ୍ନା ଏମାକଆଇଙ୍ଗ, ଇନ୍‌କୁଏତେ ମିପିଆଦ ହଡକକେ ନାଞ୍ଜା ନୁତୁମ୍ ଅଲ୍ଲକାନ୍ ମିଆଁଦ୍ ପୁଣ୍ଡି ଦିରି ଏମାକଆଇଙ୍ଗ । ଏନ୍ ନାଞ୍ଜା ନୁତୁମ୍ ଚିନାଃ ତାନାଃ, ଏନା ଏନ୍ ଦିରିକେ ନାମେ ହଡ ବାଗିକେଦ୍‌ତେ ଏଟାଃ ଜେତା ହଡ କାକ ସାରି ଦାଡ଼ିୟା ।

ଥୁୟତିରା କାଲିସିୟା ନାଗେନ୍ତେ କାନାଜି

୧୮ “ଥୁୟତିରା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏୟାଃ ମେଦ୍ ଜୁଲଃତାନ୍ ସେଙ୍ଗେଲ୍ ଲେକା ଆତଃ ଆୟାଃ ବାରାନ୍ କାଟା ଚାମ୍‌କାଅଃତାନ୍ ପିତାଲ୍ ଲେକା ନେଲଃତାନା, ଏନ୍ ପାର୍‌ମେଶ୍‌ବାର୍‌ଆଃ ହନ୍, ନେଆଁଏ କାଜିତାନା, ୧୯ ଆଇଙ୍ଗ୍ ଆମାଃ କାଜିକାମିକଇଙ୍ଗ୍ ସାରିତାନା । ଆମାଃ ଦୁଲାଡ଼, ବିଶ୍ୱାସ୍, ସୁସାର୍, ଆତଃ ଧୂରାଜ୍ ଜାଞ୍ଜାନ୍ ସାରିତାନାଇଙ୍ଗ୍ । ନାହାଁଃ ଆମ୍ କାମିତାନ୍‌ତେୟାଃ, ସିଦାମ୍ କାମି ତାଇକେନ୍‌ତାଃଏତେ ଆଦକାମ୍ କାମିତାନା । ୨୦ ମେନ୍‌ଦ୍ ଆମାଃ ବିରୁଧରେ ଆଇଁୟାଃ ମିଆଁଦ୍ କାଜି ମେନାଃ, ଏନା ହବାଅଃତାନା, କୁଡ଼ିନାବୀ ତାନିଙ୍ଗ୍ ମେନ୍ତେ ଆପାନ୍‌କେ କାଜିନ୍‌ତାନ୍ ଯିଜେବଲ୍ ନୁତୁମ୍ କୁଡ଼ିକେ ଆମ୍ ଆସ୍ତା ଏମାକାଇଙ୍ଗାମ୍ । ଇନିଃ ଆଇଁୟାଃ ଦାସିକକେ ଆପାଙ୍ଗିର୍ କାମିକ ରିକା ନାଗେନ୍ତେ ଆତଃ ମୁରୁଡ଼କତାଃରେ ଦାନ୍ ରାକାବାକାନ୍ ଜଜମାଃକ ଜମେ ନାଗେନ୍ତେ ଇନ୍‌କୁକେ ଇତୁତାନ୍‌ଲଃ ଏଟାଃ ହରାତେ ସୁତୁଃଇଦିକତାନା । ୨୧ ଏନାମେନ୍ତେ ଇନିଃକେ ପାପହେତେ ମନ୍‌ରୁହାଡ଼ ନାଙ୍ଗ୍ ନେତା ଏମାକାନା, ମେନ୍‌ଦ୍ ଇନିଃ ଆୟାଃ ଆପାଙ୍ଗିର୍ କାମିକେ ବାଗି ନାଗେନ୍ତେ କାଏ ସାନାଙ୍ଗ୍‌ତାନା । ୨୨ ଏନାତେ ଆଇଙ୍ଗ୍ ଇନିଃକେ ଆତଃ ଇନିଃଲଃ ଆପାଙ୍ଗିର୍ କାମିତାନ୍ ସବେନ୍‌କ ଆକଆଃ ଏଡ଼କାନ୍ କାମିଏତେ କାକ ମନ୍‌ରୁହାଡ଼େରେ, ପୁରାଃଗି ବରଞ୍ଜାନ୍ ଦୁକୁରେଇଙ୍ଗ୍ ଉୟୁଃକଆ । ୨୩ ଆୟାଃ ହନ୍‌କକେ ହଗି ଗଏଃକଆଇଙ୍ଗ୍ । ଏନାରେ ସବେନ୍ କାଲିସିୟାକ ସାରିୟାକ ଯେ, ଆଇଙ୍ଗ୍ ମନ୍‌ସୁରୁଦ୍ ସାରିନିଃ, ମାନଞ୍ଜାରାଃ ସବେନ୍ ଉଡ଼ୁ ଆତଃ ଇଛାସାନାଙ୍ଗ୍ ସାରିନିଃ ତାନିଙ୍ଗ୍ । ଆପେ ମିପିହୁଡ଼, ରିକାକାଦ୍ କାମି ଲେକାଗି ଆଇଙ୍ଗ୍ ଏମ୍ ରୁହାଡ଼ପେୟାଇଙ୍ଗ୍ ।

୨୪ “ମେନ୍‌ଦ୍ ଥୁୟତିରାରେ ଆପେକଏତେ ଅକନ୍ ହଡକ ନେ ହସଡ଼ ଇନିତୁ କାପେ ଅତଙ୍ଗକାଦା ଆତଃ ଅକ୍‌ନାଃକେ ସାଏତାନ୍‌ରାଃ ଇକିର୍ ଇନିତୁ ମେନ୍ତେ କାଜିୟାଃକ, ଏନାକେ କାପେ ଇତୁକାନା, ଇନ୍‌କୁକେ ଆଇଙ୍ଗ୍ କାଜିକତାନାଇଙ୍ଗ୍, ଆଇଙ୍ଗ୍ ଆପେ ଚେତାନରେ ଆତଃ ଜେତାନ୍ ବାହାରମ୍ କାଇଙ୍ଗ୍ ଲାଦିପେୟା । ୨୫ ଆପେତାଃରେ ଅକ୍‌ନାଃ ମେନାଃ, ଏନା ଏସକାର୍ ଆଇଁୟାଃ ହିଜୁଃ ଜାକେଦ୍ ପୁରାଃ କେଟେଦ୍‌ୟାନ୍‌ଗି ସାବ୍‌କେଦ୍‌ତେ ଦହକାପେ । ୨୬ ଅକ ହଡକ ଜିତାଅଞ୍ଜାଃକ, ଆତଃ ଚୁଣ୍ଡୁ ଜାକେଦ୍ ଆଇଁୟାଃ ଇଛାସାନାଙ୍ଗ୍ ଲେକାତେ କାମିୟାକ, ଆଇଙ୍ଗ୍ ଆପୁତାଃଏତେ ଅକ ଆକ୍‌ତେୟାର୍ ନାମାକାଦାଇଙ୍ଗ୍, ଏନା ଇନ୍‌କୁକେଇଙ୍ଗ୍ ଏମାକଆ । ୨୭ ଅତେଦିଶୁମ୍‌ରେୟାଃ ଏଟାଃ ଏଟାଃ କିଲିରେନ୍ ହଡକକେ ମେଡେଦ୍ ସଟାତେ ସାଜାଇ ଏମାକ ନାଗେନ୍ତେ ଆତଃ ହାସାରାଃ ଚାଟୁ ଲେକା ମିଦ୍ ବାର୍ ହିସା ରାପୁଦଃ ନାଙ୍ଗ୍, ଆଇଙ୍ଗ୍ ଇନ୍‌କୁକେ ଆକ୍‌ତେୟାର୍ ଏମାକଆଇଙ୍ଗ୍ । ୨୮ ଆଇଙ୍ଗ୍ ଇନ୍‌କୁକେ ଆଙ୍ଗ୍‌ଅଃ ଇପିଲ୍ ହଗି ଏମାକଆଇଙ୍ଗ୍ ।

୨୯ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

### ୩

ସାଦ୍ ସ କାଲିସିୟା ନାଗେନ୍ତେ କାନାଜି

୧ “ସାଦ୍ ସ କାଲିସିୟାରେନ୍ ଦୁଁଡ଼ତାଃତେ ଅଲେମେ, ପାର୍‌ମେଶ୍‌ବାର୍‌ଆଃ ଏୟା ଆମ୍ ଆତଃ ଏୟା ଇପିଲ୍ ସାବାକାଦ୍‌ନିଃତାଃଏତେ ନେ କାନାଜି । ଆଇଙ୍ଗ୍ ଆମାଃ

କାମିକଇଙ୍ଗ ସାରିତାନା, ଆମ୍ ନୁତୁମତେ ଏସକାର ଜାନିଦ୍ ମେନାମେୟା, ମେନ୍ଦ ସାର୍ତି କାଜିଲେରେ ଗଜାକାନାମ୍ ।<sup>୨</sup> ଏନାମେନ୍ତେ ଏୟନଃମେ ଆତଃ ଆମାଃତାଃରେ ଅକଥାଃ ମେନାଃ, ଏନା ପୁରାଃଗି ଜିୟନଃ ସିଦାରେ ଏନାକେ ପକ୍ତାଏମେ । ଚିୟାଃତି ଆଇଙ୍ଗ ସାରିତାନାଇଙ୍ଗ, ଆମାଃ କାମିକ ପାର୍ମେଶ୍ୱାର୍ଥାଃ ଆୟାର୍ରେ ନାହାଁଃ ଜାକେଦ୍ କା ପକ୍ତାକାନା ।<sup>୩</sup> \*ଆମ୍ କେ ଅକଥାଃ ଇତୁଆକାନ୍ ତାଇକେନା ଆତଃ ଆମ୍ ଅକଥାଃ ଆୟୁମାକାଦ୍ ତାଇକେନାମ୍, ଏନାକେ ପାହାମ୍ କେଦ୍ତେ ମାନାତିୟେମେ ଆତଃ ଆମାଃ ପାପ୍ ହେତେ ମନ୍ରୁହାଡ୍ମେ । ଆମ୍ କାମ୍ ଏୟନଃରେଦ୍, ଆଇଙ୍ଗ ଆମାଃତାଃତେ କୁମ୍ପୁକୁ ଲେକାଇଙ୍ଗ ହିଜୁଃଥା । ଅକ ଦିପିଲିରେଇଙ୍ଗ ହିଜୁଃଥା, ଏନା ଆମ୍ କାମ୍ ସାରିଦାଡ୍ମିୟା ।<sup>୪</sup> ମେନ୍ଦ ସାଦ୍ ସରେ ଆପେକଏତେ ଚିମିନ୍ ହଡକ ଏସକାର୍ ଆକଥାଃ ଲିଜାଃ ନିରାଲ୍ଗି ଦହକାଦକ । ଇନ୍କୁ ପୁଣ୍ଡି ଲିଜାଃ ତୁସିଙ୍ଗକେଦ୍ତେ ଆଇୟାଃଲଃ ହିଜୁଃସେନଃ ରିକାଏୟାକ, ତିଆଃତି ଇନ୍କୁ ନେଆଁ ରିକା ଦାଡ୍ମିକାଦକ ।<sup>୫</sup> \*ଅକ ହଡକ ଜିତାଅଃଃଃକ, ଇନ୍କୁ ନେଲେକା ପୁଣ୍ଡି ଲିଜାଃ ତୁସିଙ୍ଗଅଃଆକ । ଜୀଦାନ୍ରେୟାଃ ପୁଥକଏତେ ଇନ୍କୁଆଃ ନୁତୁମ୍ ଚିତଲାହ କା ଜିୟନଃଥା । ଆଇୟାଃ ଆପୁ ଆତଃ ଆୟାଃ ଦୁଡ୍ଡକଥାଃ ଆୟାର୍ରେ ଇନ୍କୁକେ ଆଇଙ୍ଗ, ଆଇଙ୍ଗକେ ଅତଙ୍ଗତାନ୍ ହଡକତାନ୍ କ ମେନ୍ତେଇଙ୍ଗ କାଜିୟା ।

<sup>୬</sup>“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଫିଲ୍ଲାଦେଲ୍ଫିୟା କାଲିସିୟା ନାଗେନ୍ତେ କାନାଜି

<sup>୭</sup>“ଫିଲ୍ଲାଦେଲ୍ଫିୟା କାଲିସିୟାରେନ୍ ଦୁଡ୍ଡତାଃତେ ଅଲେମେ, ଜେତାଏ ପାବିତାର୍ ଆତଃ ସାର୍ତିନିଃ ତାନିଃ, ଇନିଃତାଃଏତେ ନେ କାନାଜି ଆୟୁମେପେ, ଇନିଃତାଃରେ ଦାଉଦ୍ ଆଃ ଚାଭି ମେନାଃ, ଇନିଃ ଅକ ଦୁଆର୍ ନିଜାଃଏ, ଏନାକେ ଜେତାଏ କାକ ହାଣ୍ଡେଦ୍ ଦାଡ୍ମିୟା ଆତଃ ଇନିଃ ଅକ୍ନାଃ ହାଣ୍ଡେଦାଃଏ, ଏନାକେ ଜେତାଏ କାକ ନିଜ୍ ଦାଡ୍ମିୟା ।<sup>୮</sup> ଆଇଙ୍ଗ ଆମାଃ କାଜି କାମିକଇଙ୍ଗ ସାରିତାନା, ନାହାଁଃ ଜାକେଦ୍ ଆମାଃ କାଟିଃଲେକା ପେଡ଼େଃ ମେନାଃ, ନେଆଁହଗି ସାରିତାନାଇଙ୍ଗ । ଆମ୍ ଆଇୟାଃ ଇନିତୁକମ୍ ମାନାତିଙ୍ଗକାଦା ଆତଃ ଆଇୟାଃ ନୁତୁମ୍ କାମ୍ ବାଗିୟାକାଦା । ଏନାତେ ଆଇଙ୍ଗ ଆମାଃ ଆୟାର୍ରେ ମିଆଁଦ୍ ଦୁଆର୍ ନିଜାକାଦାଇଙ୍ଗ, ଏନାକେ ଜେତାଏ କାକ ହାଣ୍ଡେଦ୍ ଦାଡ୍ମିୟା ।<sup>୯</sup> ଆୟୁମେମେ, ଅକ ହଡକ ଯିହୁଦୀ ନାହାଁଲାଃକ, ମେନ୍ଦ ବେଦାତେ ଆପାନ୍ କେ ଯିହୁଦୀ ମେନ୍ତେକ କାଜିନତାନା, ନେଲେକାନ୍ ସାଏତାନ୍ରାଃ ଝୁଣ୍ଡରେନ୍ ହଡକକେ ଆଇଙ୍ଗ ଆମାଃ କାଟା ଲାତାର୍ରେଇଙ୍ଗ ଜହାର୍ଚ୍ଚିକଥା । ଆତଃ ଆଇଙ୍ଗ ଆମ୍ କେ ଦୁଲାଡ୍ତାନାଇଙ୍ଗ ମେନ୍ତେ ଇନ୍କୁ ସାରିୟାକ ।<sup>୧୦</sup> ଚିୟାଃତି ଆମ୍ ଆଇୟାଃ କାନାଜି ଧୁରାଜ୍ ସାଦ୍ କେଦ୍ତେମ୍ ମାନାତିଙ୍ଗକାଦା । ଏନାତେ ଅତେଦିଶ୍ୱମ୍ରେନ୍ ହଡକକେ ବିଡାଅକ ନାଗେନ୍ତେ ଗଟା ଅତେଦିଶ୍ୱମ୍ରେ ସାସାତିରାଃ ବିନିଡାଅ ହିଜୁଃଥା ଇମ୍ତା ଆଇଙ୍ଗ ଆମ୍ କେ ଏନାଏତେ ବାଞ୍ଚାଅମେୟାଈଙ୍ଗ ।<sup>୧୧</sup> ଆଇଙ୍ଗ ଲାଜିଦିଗିଇଙ୍ଗ ହିଜୁଃଥା, ଆମାଃତାଃରେ ଅକଥାଃ ମେନାଃ, ଏନାକେ ବାଞ୍ଚାଅକେଦ୍ତେ ଦହକାମେ, ଜେଲେକାତି ଆମାଃତାଃଏତେ ଆମାଃ ଜିନିତାଅ ମୁକୁଟ୍ କେ ଜେତାଏ ଆଲକାକ କୁମ୍ପୁକୁକା ।<sup>୧୨</sup> \*ଜିତାଅକାନ୍ନିଃକେ, ଆଇଙ୍ଗ ଆଇୟାଃ ପାର୍ମେଶ୍ୱାର୍ଥାଃ ମାଦିର୍ରେ ଶୁଣ୍ଠ ଲେକାଇଙ୍ଗ ବାଇୟା ଆତଃ ଇନିଃ ଚିତଲାଅ ଏନ୍ତାଏତେ କାଏ ସେନଃଥା । ଆଇଙ୍ଗ ଆୟାଃ ଚେତାନ୍ରେ ପାର୍ମେଶ୍ୱାର୍ଥାଃ ନୁତୁମ୍ ଅଲେୟାଇଙ୍ଗ । ସିମ୍ ଦିଶ୍ୱମ୍ରେନ୍

\* ୩:୩ ୩:୩ ମାଥୁର ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୧୭:୧୫. \* ୩:୫ ୩:୫ ଉତ୍କଳ କାଜି ୨୦:୧୨; ମାଥୁର ୧୦:୩୨; ଲୁକ ୧୨:୮. \* ୩:୧୨ ୩:୧୨ ଉତ୍କଳ କାଜି ୨୧:୨.

ଆଇଁୟାଃ ପାର୍ବତ୍ୟାଃପାଠ୍ୟତଃଏତେ ହିନ୍ଦୁଃତାନ୍ ପାର୍ବତ୍ୟାଃପାଠ୍ୟାଃ ନାଗାର୍ବତ୍ୟାଃ  
ନୁତୁମ୍ ହରି ଆୟାଃ ଚେତାନରେ ଅଲେୟାଃଇଞ୍ । ଏନ୍ ନାଗାର୍ବତ୍ୟାଃ ନୁତୁମ୍  
ନାଞ୍ଜା ଯାରୁଣାଲେମ୍ । ଆଇଞ୍ ଆଇଁୟାଃ ନାଞ୍ଜା ନୁତୁମ୍ ହରି ଆୟାଃ ଚେତାନରେ  
ଅଲେୟାଃଇଞ୍ ।

୧୩ “ପାବିତାର୍ ଆମ୍ବା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ  
ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଲାଉଦିକିଆ କାଲିସିୟା ନାଗେନ୍ତେ କାନାଜି

୧୪ “ଲାଉଦିକିଆ କାଲିସିୟାରେନ୍ ଦୁଁତତାଃତେ ଅଲେମେ, ଅକଏ ନେ ସବେନ୍  
ଆମ୍ବକେ କାଜିତାନାଏ, ଇନିଃ ଆମେନ୍, ପାତିୟାର୍ବତ୍ୟାଃ ଲେକାନିଃ ଆତଃ ସାର୍ତ୍ତି  
ଗାଞ୍ଜା ତାନିଃ । ପାର୍ବତ୍ୟାଃପାଠ୍ୟ ବାଈୟାକାଦ୍ ସବେନ୍ ବିଷାଏରେୟାଃ ଏନେଚେଦ୍ନିଃ,  
ନେଆଁଏ କାଜିତାନା, ୧୫ ଆଇଞ୍ ଆମାଃ କାଜି କାମିକଇଞ୍ ସାରିତାନା, ଆମ୍ ରେହାଡ୍  
ବାଞ୍ମେୟାଁ ଚାଏ ଲଲ ବାଞ୍ମେୟାଁ, ନେଆଁ ଆଇଞ୍ ସାରିତାନାଇଞ୍ । ଆମ୍ ରେହାଡ୍  
ଚାଏ ଲଲ ତାଇନକାରେଦ୍, ବୁଗିନାଃ ହବାଅଃତେୟାଃ । ୧୬ ମେନ୍ଦ୍ ଆମ୍ ରେହାଡ୍  
ଚାଏ ଲଲ କା ହବାକେଦ୍ତେ ଉର୍ବୁମ୍ଗି ମେନାମେ ହରାତେ, ଆଇଞ୍ ଆମ୍ବକେ  
ଆଇଁୟାଃ ମତାଏତେଇଞ୍ ବେଏକ୍ ଅତଞ୍ମେୟାଁ । ୧୭ ଆମ୍ କାଜିତାନାମ୍, ‘ଆଇଞ୍  
କିର୍ଯାଣିୟାଈଞ୍ ଆତଃ ପୁରାଃଗି ଖୁଜ୍ କି ମେନାଃ, ଆଇଁୟାଃ ଲାଗାତିଞ୍ତେୟାଈକ  
ସବେନାଃ ମେନାଃ ।’ ଏନ୍ରେୟ ଆମ୍ ସାର୍ତ୍ତିଗି ଚିମିନ୍ ନାରାଦୁରା ଆତଃ ଲିନିବୁଇ  
ନାମେ ଲେକାନିଃ ତାନମେ, ନେଆଁ କାମ୍ସାରିତାନା । ଆମ୍ ଗାରିବ୍, ସାମାହଡ୍ମ୍,  
ମେଦ୍ କା ନେଲ୍ ଦାଡ୍ଡିନିଃ ତାନମେ । ୧୮ ଏନାମେନ୍ତେ ଆଇଞ୍ ଆମ୍ବକେଇଞ୍  
ଆରୁମେତାନା, କିର୍ଯାଣିଃ ନାଗେନ୍ତେ ଆଇଞ୍ତାଃଏତେ ଫାର୍ତି ସୋନା କିରିଞ୍ମେୟାଁମେ,  
ଆତଃ ପୁଣି ଲିଜାଃ ହରି କିରିଞ୍ମେୟାଁମେ, ଏନାରେ ଆମ୍ ଆମାଃ ଗିହୁଗାନ୍  
ସାମାହଡ୍ମ୍ବକେ ଦାନାଞ୍ ଦାଡ୍ଡିୟାମେ । ନେଲ୍ ଦାଡ୍ଡି ନାଗେନ୍ତେ ମେଦ୍ରେ ଗସଃ  
ନାଞ୍ ଆଇଞ୍ତାଃଏତେ କାଜାଲ୍ କିରିଞ୍ମେୟାଁମେ । ୧୯ ଆଇଞ୍ ଅକ ହଡ୍ଡକକେ  
ଦୁଲ୍ଲାଡ଼ାଈଞ୍, ଇନ୍ଦ୍କୁକେ ସୁଧୁରାଅ ନାଞ୍ ସାଜାଇ ଏମାଈଞ୍ । ଏନାମେନ୍ତେ  
ଆମାଃ ମନ୍ସୁରୁଦଲଃ ପାପ୍ ହରାଏତେ ମନ୍ରୁହାଡ୍ତେମେ । ୨୦ ନେଲେମେ, ଆଇଞ୍  
ଦୁଆର୍ତାଈରେ ତିଞ୍ଜ୍ବକେଦ୍ତେ ଦୁଆର୍ ଠକ୍ ଠକାଅ ତାନାଈଞ୍, ଜେତାଏ ଆଇଁୟାଃ  
ଲାବ୍ଜା ଆୟୁମ୍ବକେଦ୍ତେ ଦୁଆର୍ ନିଜେୟାଏ, ଆଇଞ୍ ଆୟାଃ ଅତାଃ ଭିତାର୍ତ୍ତେ  
ହିନ୍ଦୁଃକେଦ୍ତେ ଆୟାଈଞ୍ ଜମେୟାଈଞ୍ ଆତଃ ଇନିଃ ଆଇଁୟାଈଞ୍ ଜମେୟାଏ ।  
୨୧ ଆଇଞ୍ ଜେଲେକା ଜିତାଅକେଦ୍ତେ, ଆଇଁୟାଃ ଆପୁଲଃ ଆୟାଃ ରାଜ୍ଗାଦିରେ  
ଦୁବାକାନାଈଞ୍, ଏନ୍ ଲେକାଗି ଅକ ହଡ୍ଡକ ଜିତାଅଞ୍ଜାଈକ, ଆଇଞ୍ ଇନ୍ଦ୍କୁକେ  
ଆଇଁୟାଈଞ୍ ଆଇଁୟାଈଞ୍ ରାଜ୍ଗାଦିରେ ଦୁବ୍ ନାଗେନ୍ତେଇଞ୍ ଏମାକଆ ।

୨୨ “ପାବିତାର୍ ଆମ୍ବା କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ  
ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।”

### ୪

ସିର୍ମାରେ ପାର୍ବତ୍ୟାଃପାଠ୍ୟାଃ ସୁନ୍ଦସାର୍

୧ ନେ ନେତାରେଗି ଆଇଞ୍ ଆତଃମିଆଁଦ୍ ଦାର୍ଗାନ୍ ନେଲ୍ବକେଦାଈଞ୍ ।  
ସିର୍ମା ଦିଶୁମ୍ରେ ଦୁଆର୍ ନିଜାକାନ୍ ତାଇକେନା ଆତଃ ବିଞ୍ଜୁଲ୍ ବାଜା ସାଡ୍ଡି  
ଲେକା ମିଆଁଦ୍ ଲାବ୍ଜା ଆଇଞ୍ବକେ କାଜିତାନ୍ ଆୟୁମ୍ବକେଦାଈଞ୍, “ନେତାଃତେ  
ହିନ୍ଦୁଃମେ, ଆତଃ ତାୟମ୍ତେ ଅକନାଃ ହବାଅଃଆ ଏନା ଆଇଞ୍ ଆମ୍ବକେଇଞ୍  
ଉଦୁବାମେୟାଁ ।” ୨ ଆଇଞ୍ ଇମ୍ତାଗି ପାବିତାର୍ ଆମ୍ବାତେଇଞ୍ ପେରେୟାନା

\* ୩:୧୯ ୩:୧୯ ଏବ୍ରା ୧୨:୭.

ଆଡ଼଼ ନେଲକେଦାଇଁ, ସିମ୍ବା ଦିଶୁମ୍ଭରେୟାଃ ମିଆଁଦ ରାଜଗାଦିରେ ଜେତାଏ ମିହୁଡ଼ ଦୁବାକାନାଏ । ୩ ଆୟାଃ ମେଦମୁହାଁଡ଼ ହିରା ଆଡ଼଼ ମତି ଲେକା ଝାଲ୍ୟାଃଆ ତାଇକେନା, ଆଡ଼଼ ରାଜଗାଦିରେୟାଃ ଚାରିୟସାଃରେ ଗନଙ୍ଗାଆଁନ୍ ଦିରି ଲେକା ମିଆଁଦ ଲୁଚିକିଙ୍ଗ\* ତାଇକେନା । ୪ ଆଡ଼଼ ଏନ୍ ରାଜଗାଦିରାଃ ଚାରିୟସାଃରେ ବାଋହିସି ଉପୁନିୟା ଏଟାଃ ରାଜଗାଦି ତାଇକେନା । ଏନ୍ ବାଋହିସି ଉପୁନିୟା ରାଜଗାଦିରେ ବାଋହିସି ଉପୁନିୟା ପ୍ରାଚିନ୍ଦକ ଦୁବାକାନ୍ ତାଇକେନା । ଇନ୍କୁ ପୁଣ୍ଡି ଲିଜାଃ ଆଡ଼଼ ଆକଆଃ ବହଃରେ ସୋନାରେୟାଃ ମୁକୁର୍ ଦୁସିଙ୍ଗକାନ୍ ତାଇକେନାକ । ୫ ଏନ୍ ରାଜଗାଦିଏତେ ହିଚିରରାଃ ମାର୍ଯ୍ୟାଲ୍ ଆଡ଼଼ ରିମିଲ୍ରାଃ ସାଡ଼ି ଆୟୁମଃ ତାଇକେନା । ରାଜଗାଦି ହେପାଦରେ ଏୟା ଜୁଲ୍ତାନ୍ ଦିଆ ତାଇକେନା । ନେ ଦିଆ ପାରମେଶ୍ୱାର୍ ଆଃ ଏୟା ଆମ୍ବା ତାନାଃ । ୬ ଆଡ଼଼ ରାଜଗାଦି ଆୟାରରେ କାଁଦ ଲେକା ନିରାଲ୍ ଦରେୟା ନେଲଃ ତାଇକେନା । ଏନ୍ ରାଜଗାଦିରାଃ ଚାରିୟସାଃରେ ଉପୁନିୟା ଜାନିଦ୍ ଜାଁତୁ ତାଇକେନାକ । ଏନ୍ ଜାନିଦ୍ ଜାଁତୁକଆଃ ଆୟୁର୍ ତାୟମ୍ ବାରାନ୍ସାଃରେ ମେଦତେ ପେରେଜାକାନ୍ ତାଇକେନା । ୭ ପାହିଲ୍ ଜାଁତୁ କୁଲ୍ ଲେକାଏ ନେଲଃ ତାଇକେନା, ଏଟାଃନିଃ ବାଛା ଲେକାଏ ନେଲଃ ତାଇକେନା । ଆପିୟାନିୟାଃ ମେଦମୁହାଁଡ଼ ହଡ଼ରାଃ ମେଦମୁହାଁଡ଼ ଲେକା ତାଇକେନା ଆଡ଼଼ ଉପୁନିୟାନିଃ ଆପିରତାନ୍ ବାଜ୍ ଲେକାଏ ନେଲଃ ତାଇକେନା । ୮ ନେ ଉପୁନିୟା ଜାଁତୁକଆଃ ତୁରିୟା ଆପରଦ୍ ତାଇକେନା । ନେ ଜାଁତୁକଆଃ ଭିତାର୍ ଆଡ଼଼ ବାହାରି ଚାରିୟସାଃରେ ମେଦତେ ପେରେଜାକାନ୍ ତାଇକେନା । ଇନ୍କୁ ନିଦାସିଙ୍ଗି ବେଗାର୍ ରୁଡ଼ତେ କାଜିତାଇକେନାକ,

“ସବେନ୍ ପେଡ଼େୟାନ୍ ପ୍ରାଭୁ ପାରମେଶ୍ୱାର୍ ପାବିତାର୍, ପାବିତାର୍, ପାବିତାର୍ ।

ଇନିଃ ସିଦା ତାଇକେନିଃ, ନାହାଃ ମେନାଇନିଃ ଆଡ଼଼ ହିଜୁଃ ଦିପିଲିରେ ତାଇନଃନିଃ ।”

୯ ଏନ୍ ଉପୁନ୍ ଜାନିଦ୍ ଜାଁତୁକ ରାଜଗାଦିରେ ଦୁବାକାନ୍ ଜାନାଅ ଜାନାଅ ଜାକେଦ୍ ତାଇନଃନିଃକେ ମାନାରାଙ୍ଗ୍, ମାଇନାନ୍ ଆଡ଼଼ ଧାନ୍ୟାବାଦ୍ ଏମ୍କେଦ୍ତେ ଆୟାଃ ଦୁରାଙ୍ଗ୍ତାନ୍ ତାଇକେନ୍ ଇମ୍ତା, ୧୦ ସିଦାରେନ୍ ଏନ୍ ବାଋହିସି ଉପୁନ୍ ପ୍ରାଚିନ୍ଦକ ଜାନାଅ ଜାନାଅ ଜାନିଦ୍ ତାଇନଃନିଃତାଃରେ ଅମ୍ବାଃକେଦ୍ତେ ଜହାର୍ତାନ୍ଲଃ ଆୟାଃ ସୁନ୍ସାର୍ ରିକାକେଦାକ । ଆଡ଼଼ ରାଜଗାଦି ଲାତାର୍ରେ ଆକଆଃ ଆପନାଃ ମୁକୁର୍ ଦହକେଦ୍ତେ କାଜିକେଦାକ,

୧୧ “ହେ ପ୍ରାଭୁ ଆଲେୟାଃ ପାରମେଶ୍ୱାର୍,

ଆମ୍ଗି ମାନାରାଙ୍ଗ୍, ମାଇନାନ୍ ଆଡ଼଼ ପେଡ଼ଃ ନାମେ ଲେକାନ୍ନିଃ ତାନ୍ମେ, ଚିଆଃଚି ଆମ୍ଗି ନେ ସବେନାଃମ୍ ବାଇୟାକାଦା,

ଆଡ଼଼ ଆମାଃ ଇଛାସାନାଙ୍ଗ୍ ଲେକାତେ ଏନାକ ତାଇନ୍ୟାନା ଆଡ଼଼ ଜାନିଦ୍ ହବାୟାନା ।”

### ୫

ପୁଥୁ ଆଡ଼଼ ମିଣ୍ଡିହନ୍

୧ ଆଇଙ୍ଗ୍ ରାଜଗାଦିରେ ଦୁବାକାନ୍ନିୟାଃ ଜମ୍ ତିଃଇରେ ମିଆଁଦ୍ ମାରି ପୁଥୁ ନେଲକେଦାଇଁ, ଏନାରେୟାଃ ବାରାନ୍ସାଃରେ ଅଲ୍ଲକାନ୍ ତାଇକେନା ଆଡ଼଼ ଏନାରେ ଏୟା ମୋହରରାଃ ଚିଙ୍ଗାଁ ତାଇକେନା । ୨ ଆଡ଼଼ ଆଇଙ୍ଗ୍ ମିଆଁଦ୍ ପୁରାଃ ପେଡ଼େୟାନ୍ ଦୁଁଡ଼କେଇଙ୍ଗ୍ ନେଲକିୟା, ଇନିଃ ପୁରାଃ କାଉରିତାନ୍ଲଃ କାଜିକେଦାଏ, “ମୋହରକେ ରାଡ଼ାକେଦ୍ତେ, ନେ ମାରି ପୁଥୁକେ ଜେତାଏ ଅଟାଃ ଦାଡ଼ି ଲେକାନ୍ନିଃ

\* ୪:୩ 4:3 ଇନ୍ଦ୍ରଧନୁ    ୫:୫ ୫:୫ ଉତ୍କଳ କାଜି ୮:୫; ୧୧:୧୯; ୧୭:୧୮; ଉତ୍କଳ କାଜି ୧:୪.

ମେନାଇରେଦ ଅତଞ୍ଜଅଃକାଏ ।”<sup>୩</sup> ମେନ୍ଦ ଏନ୍ ମାରି ପୁଅ ଅଟାଃକେଦତେ ଏନାରେ ଅଲ୍ଲାନାନ୍ତେୟାଃ ପାଢାଅ ନାଗେନ୍ତେ ସିର୍ମାରେ, ଅତେରେ ଚାଏ ହୁଆଙ୍ଗାଡାଡାରେ ଜେତାଏ କାକ ଅତଞ୍ଜୟାନା ।<sup>୪</sup> ଏନ୍ ମାରି ପୁଅକେ ଅଟାଃକେଦତେ ଏନାରେ ଚିନାଃ ଅଲ୍ଲାନା, ଏନା ପାଢାଅ ନାଗେନ୍ତେ ଜେତାଏ ମିହୁଡ୍ ହରି ପାଢାଏ ଲେକାନ୍ ହଡକ କାକ ନାମୟାନ୍ ହରାତେ ଆଇଙ୍ଗ ପୁରାଃଗିଇଙ୍ଗ ରାଆଃକେଦା ।<sup>୫</sup> ଏନ୍ତେ ପ୍ରାଚିନ୍ଦଏତେ ମିହୁଡ୍ ଆଇଙ୍ଗକେ କାଜିକେଦିୟା, “ଆଲମ୍ ରାଆଃଏୟା, ନେଲେମେ ! ଦାଉଦ୍ ଆଃ ମାରାଙ୍ଗ କିଲି, ଯିହୁଦା କିଲିରେନ୍ କୁଲା ଜିତାଅକେଦତେ ହିନ୍ଦୁଃତାନା, ଇନିଃ ନେ ଏୟା ମୋହର୍ ରାଡାକେଦତେ ମାରି ପୁଅ ଅଟାଃ ନାଗେନ୍ତେ ଦାଡ଼ିୟା ।”

<sup>୬</sup> ଏନ୍ତେ ରାଜଗାଦିରେୟାଃ ଆଲାମାଲ୍ଲାରେ ସିଦାରେନ୍ ଉପୁନିୟା ଜାଁତୁ ଆତଃ ପ୍ରାଚିନ୍ଦକଆଃ ଆଲାରେ ମିଆଁଦ୍ ମିଣ୍ଡିହନ୍ଦକେ ତିଙ୍ଗୁଆକାନ୍ ନେଲ୍ଲକିୟାଇଙ୍ଗ । ମିଣ୍ଡିହନ୍ଦ ଦାଣ୍ଡୋରାକାଦକାନ୍ ଲେକାଏ ଆର୍ବକାରଃ ତାଇକେନା । ଆୟାଃ ଏୟା ଦିରିଙ୍ଗ ଆତଃ ଏୟା ମେଦ୍ ତାଇକେନା । ଏନ୍ ମେଦକ ସବେନ୍ ଅତେଦିଶୁମ୍ତେ କୁଲାକାନ୍ ପାର୍ମେଶ୍ୱାର୍ ଆଃ ଏୟା ଆମ୍ ତାନାଃ ।<sup>୭</sup> ଏନ୍ ମିଣ୍ଡିହନ୍ଦ ରାଜଗାଦିରେ ଦୁବାକାନ୍ନିଃତାଃତେ ସେନ୍ଦକେଦତେ, ଇନିୟାଃ ଜମ୍ ତିଃଇଏତେ ମାରି ପୁଅକେ ଇଦିକେଦା ।<sup>୮</sup> ଆତଃ ଇନିଃ ମାରି ପୁଅ ତେଲ୍ଲାକେଦ୍ ଇମ୍ତାଗି, ଉପୁନିୟା ଜାଁତୁ ଆତଃ ମିଦ୍ ହିସି ଉପୁନ୍ ପ୍ରାଚିନ୍ଦ ମିଣ୍ଡିହନ୍ଦ ଆଃ ଆୟାର୍ରେ ଅମ୍ମାୟାନାକ । ଇନ୍ଦକୁ ସବେନ୍ଦକ ମିପିଆଦ୍ ବାନାମ୍, ଆତଃ ବୁଗିନ୍ ସହାନ୍ ଧୁଆନ୍ତେ ପେରେଜାକାନ୍ ସୋନାରେୟାଃ ତୁଭା ସାବାକାଦ୍ ତାଇକେନାକ । ଏନ୍ ବୁଗିନ୍ ସହାନ୍ ଧୁଆନ୍ତରାଃ ତୁଭାକ ହବାଅଃତାନା, ପାର୍ମେଶ୍ୱାର୍ ଆଃ ହଡକଆଃ ବିନ୍ତି ।<sup>୯</sup> ଇନ୍ଦକୁ ମିଆଁଦ୍ ନାଝା ଦୁରାଙ୍ଗକ ଦୁରାଙ୍ଗକେଦା,

“ମାରି ପୁଅ ତେଲ୍ଲାକେଦତେ

ଏନାରେୟାଃ ମୋହର୍ ରାଡା ନାଙ୍ଗ ଆମ୍ ଏସକାର୍ ଦାଡ଼ିୟାମେ ।

ଚିୟାଃତି ଆମ୍ ଦାଣ୍ଡୋକାନ୍ ତାଇକେନାମ୍, ଆମ୍ କେ ଦାଣ୍ଡୋ ଗନ୍ଏଃ ହବାୟାନ୍ ହରାତେ

ସବେନ୍ କିଲି, ଏଟାଃ ଏଟାଃ ଜାଗାର୍ତାନକ, ଦିଶୁମ୍ ଆତଃ ଜାତିକଏତେ ପାର୍ମେଶ୍ୱାର୍ ଆଃ ନାଙ୍ଗ୍ ହଡକକେମ୍ କିରିଙ୍ଗକାଦକଆ ।

<sup>୧୦</sup> \*ଆତଃ ପାର୍ମେଶ୍ୱାର୍ ଆଃ ସେଝା ରିକା ନାଗେନ୍ତେ ଇନ୍ଦକୁକେ ମିଆଁଦ୍ ରାଜାଉଡ଼ି ଆତଃ ଯାଜାକ କିଲିରେମ୍ ବାଇକେଦକଆ ଆତଃ ଇନ୍ଦକୁ ଅତେରେକ ରାଇଜେୟା ।”

<sup>୧୧</sup> ଆଇଙ୍ଗ୍ ଆତଃଗିଇଙ୍ଗ୍ ନେଲ୍ଲକେଦା, କାକ ଲେକା ଦାଡ଼ିୟାଃ ଦୁଁଡକ ରାଜଗାଦିକେ, ଉପୁନିୟା ଜାଁତୁ ଆତଃ ପ୍ରାଚିନ୍ଦକଆଃ ଚାରିୟସାଃରେ ତିଙ୍ଗୁଆକାନାକ ।<sup>୧୨</sup> କାଉରିକେଦତେ ଦୁରାଙ୍ଗତାନ୍ଲଃ କାଜିକେଦାକ, “ଦାଣ୍ଡୋ ରାକାବାକାନ୍ ଏନ୍ ମିଣ୍ଡିହନ୍ଦ ପେଡେଃ, କିସାଣ୍, ସେଣାଁ, ଆକ୍ତେୟାର୍, ମାନାରାଙ୍ଗ୍, ମାଇନାନ୍ ଆତଃ ସାହାରାଅ ନାମେ ଲେକାନ୍ନିଃ ତାନିଃ ।”

<sup>୧୩</sup> ଆତଃ ଆଇଙ୍ଗ୍ ସିର୍ମା ଦିଶୁମ୍, ଅତେ, ହୁଆଙ୍ଗାଡା ଆତଃ ଦରେୟାରେନ୍ ସବେନ୍ ଜାନିଦ୍ ଜାଁତୁକ ଆତଃ ଅତେଦିଶୁମ୍ରେନ୍ ସବେନ୍ ଜାଁତୁକକେ ଦୁରାଙ୍ଗତାନ୍ ଆୟୁମ୍ କେଦକଆଇଙ୍ଗ୍ । ଇନ୍ଦକୁ “ରାଜଗାଦିରେ ଦୁବାକାନ୍ନିୟାଃ ଆତଃ ଆୟାଃ ମିଣ୍ଡିହନ୍ଦ ଆଃ ସାହାରାଅ, ମାନାରାଙ୍ଗ୍, ମାଇନାନ୍ ଆତଃ ପେଡେଃ ଜାନାଅ ଜାନାଅ ତାଇନାଃ !” ମେନ୍ତେକ ଦୁରାଙ୍ଗ୍ ତାଇକେନା ।

<sup>୧୪</sup> ଏନ୍ ଉପୁନିୟା ଜାଁତୁକ କାଜିରୁହାଡ୍ ତାଇକେନାକ, “ଆମେନ୍ !” ଆତଃ ପ୍ରାଚିନ୍ଦକ ଅମ୍ମାଃକେଦତେ ଇନିଃକେ ଜହାର୍ କିୟାକ ।

\* ୫:୧୦ ୫:୧୦ ଉତ୍କଳ କାଜି ୧:୭.



ମୋହର ଏମାନଙ୍କ କାଜିରାଃ ମୁଣ୍ଡି

୧ ଏନ୍ତେ ଆଇଙ୍ଗ ନେଲକିୟାଇଙ୍ଗ, ଏନ୍ ମିଣ୍ଡିହନ୍ ଏୟା ମୋହରଏତେ ପାହିଲା ମୋହରକେ ରାଡାକେଦା, ଆତଃ ଉପୁନିୟା ଜାତୁକଏତେ ମିଆଁଦନିଃ ଆଇଙ୍ଗକେ ହିଚିର ସାଡ଼ି ଲେକାଏ କାଜିକେଦିୟା, “ହିଜୁଃମେ !” ୨ ଆଇଙ୍ଗ ଆରିଦ୍ ରାକାବକେଦତେ ମିଆଁଦ ପୁଣ୍ଡି ରାଙ୍ଗରେନ୍ ସାଦମ୍ ଆତଃ ସାଦମ୍ ଚେତାନରେ ଦୁବାକାନିଃକେ ଧାନ୍ ସାବାକାଦତେୟାଃ ନେଲକିୟାଇଙ୍ଗ । ଇନିଃକେ ମିଆଁଦ ମୁକୁଟ୍ ଏମୟାନା ଆତଃ ଜିତାଅଃ ନାଗେନ୍ତେ ଅତଙ୍ଗୟାନା ।

୩ ଏନ୍ତେ ମିଣ୍ଡିହନ୍ ଏଗାଃ ଆତଃମିଆଁଦ ମୋହର ରାଡାକେଦାଏ ଆତଃ ଏଗାଃ ଆତଃମିଆଁଦ ଜାତୁ ଆଇଙ୍ଗକେ କାଜିକେଦିୟା, “ହିଜୁଃମେ !” ୪ ଆଇଙ୍ଗ ଆରାଃ ରାଙ୍ଗରେନ୍ ଆତଃମିଆଁଦ ସାଦମ୍କେ ନେଲକିୟାଇଙ୍ଗ, ଏନ୍ ସାଦମ୍ ଚେତାନରେ ଦୁବାକାନିଃକେ ଅତେଦିଶ୍ୱମ୍ଏତେ ଜାତସ୍ତୁ ସାଙ୍ଗିନେ ନାଗେନ୍ତେ ଆକ୍ତେୟାଦ୍ ଏମୟାନା । ହଡକ ଲାପଡାକେଦତେ ମିହୁଡ୍ ଆତଃମିହୁଡ୍କେ ଗଏଃ ନାଙ୍ଗ, ଆୟାଃ ତିଃଇରେ ମିଆଁଦ ମାରାଙ୍ଗ ତାରାଡ଼ି ଏମୟାନା ।

୫ ଏନ୍ତେ ମିଣ୍ଡିହନ୍ ଆପିୟା ମୋହର ରାଡାକେଦାଏ ଆତଃ ଆପିୟା ଜାତୁ ଆଇଙ୍ଗକେ କାଜିକେଦିୟା, “ହିଜୁଃକେଦତେ ନେଲେମେ !” ଏନ୍ତେ ଆଇଙ୍ଗ ମିଆଁଦ ହେନ୍ଦେ ରାଙ୍ଗରେନ୍ ସାଦମ୍ ଚେତାନରେ ଦୁବାକାନିଃକେ ନେଲକିୟାଇଙ୍ଗ, ଆୟାଃ ତିଃଇରେ ମିଆଁଦ ତାରାଜୁ ତାଇକେନା । ୬ ଏନ୍ତେ ଆଇଙ୍ଗ ଉପୁନିୟା ଜାତୁକ ମିଦ୍ ଲାବଜାତେ କାଜିତାନ୍ ଲେକା ଆୟୁମକେଦାଇଙ୍ଗ, “ମୁସିଙ୍ଗରାଃ ନାଲା ସିକାତେ ମିଦ୍ ତାମ୍ପି ଗହମ୍ ଚାଏ ଆପି ତାମ୍ପି କଦେ ନାମଃଆ । ମେନ୍ଦ୍ ଜାଲ୍ପାଇ ସୁନ୍ମ୍ ଆତଃ ଦାଖରାସିକେ ଆଲପେ ନକ୍ସାନେୟା ।”

୭ ଏନ୍ତେ ମିଣ୍ଡିହନ୍ ଉପୁନିୟା ମୋହର ରାଡାକେଦାଏ, ଆତଃ ଉପୁନିୟା ଜାତୁ ଆଇଙ୍ଗକେ କାଜିକେଦିୟାଏ, “ହିଜୁଃମେ !” ୮ ଏନାରେ ଆଇଙ୍ଗ ମିଆଁଦ ମାଟିୟା ରାଙ୍ଗରେନ୍ ସାଦମ୍ ନେଲକିୟାଇଙ୍ଗ । ଏନ୍ ସାଦମ୍ରେ ଦୁବାକାନିୟାଃ ନୁଡୁମ୍ ଗନଏଃ, ହୁଆଙ୍ଗାଡା ଆଇଃକକେ ଅତଙ୍ଗଇଁ ତାଇକେନା । ମାପାଃତୁପୁଇଙ୍ଗ ରିଙ୍ଗା, ବେମାର୍, ଆତଃ ବିର୍ ଜାତୁକଆଃ ହରାତେ ଜିୟନ୍ ରିକା ନାଙ୍ଗ ଅତେଦିଶ୍ୱମ୍ରେୟାଃ ଉପୁନିହସା ଚେତାନରେ ଇନ୍କୁକେ ଆକ୍ତେୟାଦ୍ ଏମୟାନା ।

୯ ଏନ୍ତେ ମିଣ୍ଡିହନ୍ ମଣେୟା ମୋହର ରାଡାକେଦାଏ ଇମ୍ତା, ଆଇଙ୍ଗ ମିଆଁଦ ବେଦି ନେଲକେଦାଇଙ୍ଗ । ପାରମେଶ୍ୱାର୍ଆଃ ବାଚାନ୍ ଉଦୁବକେଦତେ ଗାଞ୍ଜା ଏମ୍ରେ ପାତିୟାର୍ରେଃ ଲେକା ତାଇକାନ୍ ହରାତେ ଗନଏଃ ନାମାକାଦ୍ ହଡକଆଃ ଆମ୍ବାକ, ଏନ୍ ବେଦି ଲାତାର୍ରେ ଜାତନାଅକେଦତେ ତାଇକେନା । ୧୦ ଇନ୍କୁ କାଉରିକେଦତେ କାଜିତାଇକେନାକ, “ହେ ପାବିତାର୍, ସାର୍ତି ଆତଃ ପୁରାଃ ପେଡେୟାନ୍ ପ୍ରାଭୁ ! ଅତେରେ ଅକନ୍କ ଆଲେକେ ଗଏଃକାଲେ ତାଇକେନାକ, ଇନ୍କୁକେ ବିତାର୍କେଦତେ ସାଜାଇ ଏମାକ ନାଗେନ୍ତେ ଆତଃତିମିନ୍ ମାହାଁ ବିଲାମଃଆ ?” ୧୧ ଏନ୍ ଆମ୍ବାକଏତେ ମିପିୟାଦକକେ ପୁଣ୍ଡି ଲିଜାଃ ଏମୟାନା । ଇନ୍କୁଆଃ ଗାଡିଦାସିକେ ଆତଃ ହାଗା ମିଶିକକେ ଇନ୍କୁଆଃ ଲେକାଗି ଗନଏଃ ସାଜାଇ ନାମଃଆ, ଇନ୍କୁଆଃ ଗନଏଃ ଆଉରି ପୁରାଃଆ ଜାକେଦ୍ ଆତଃକାଚିଃ ଘାଡ଼ିକାଦ୍ ରୁଡୁନ୍ ନାଙ୍ଗ ଇନ୍କୁକେ କାଜିୟାନା ।

୧୨ ଏନ୍ତେ ଆଇଙ୍ଗ ଏନ୍ ମିଣ୍ଡିହନ୍କେ ତୁରିୟା ମୋହର ରାଡାତାନ୍ ନେଲକିୟାଇଙ୍ଗ ଇମ୍ତା, ପୁରାଃଗି ଅତେ ଏକଲାଅୟାନା । ସିଙ୍ଗି, ଉନ୍ତେ ବାଇୟାକାନ୍ କାମ୍ବାଲ୍

\* ୬:୧୨ ୬:୧୨ ଉତ୍କଳ କାଜି ୧୧:୧୩; ୧୭:୧୮; ମାଧୁର ୨୪:୨୯; ମାର୍ଚ୍ଚ ୧୩:୨୪,୨୫; ଲୁକ ୨୧:୨୫.



ଲେକା ହେନଦେ ରାଜ୍ ଆତଃ ଚାଣ୍ଡୁ ମାୟୋମ୍ ଲେକା ପୁରା ଆରାଃ ରାଜ୍‌ୟାନା ।  
 ୧୩ ପୁରାଠଗି ହୟକେଦ୍ ହରାତେ ଲିଆଦାରୁରାଃ ବେରେଲ୍ ଲିଆ ଉୟୁଗଠ ଲେକା,  
 ସିର୍ମାଏତେ ଇପିଲକ୍ ଅତେରେକ୍ ଉୟୁଃୟାନା । ୧୪ \*ଉତ୍କରରାଃ ପୁଥ୍ କୁଡ଼ାଏ ଲେକା  
 ସିର୍ମା କୁଡ଼ାୟାନା ଆତଃ କା ନେଲଃୟାନା । ବୁରୁ ଆତଃ ଟାପୁକ୍ ମିଦତାଃଏତେ  
 ଆତଃମିଦତାଃ ଆତମୟାନା । ୧୫ ଏନ୍ ଦିପିଲିରେ ଅତେଦିଶୁମ୍‌ରେନ୍ ସବେନ୍ ରାଜା,  
 ରାଇଜ୍ ଚାଲାଅକ୍, ପାଲ୍‌ଗାନ୍‌କଆଃ ମାରାଜ୍‌ନିଃ, କିର୍ସାଣ୍, ପେଡେୟାନ୍‌କ୍, ଏଟାଃ  
 ସବେନ୍ ହଡକ୍, ଆଖରିଜ୍ ଦାସିକ୍, ତନଲ୍‌ହେତେ ରାଡ଼ାକାନ୍‌କ୍, ବୁରୁରେୟାଃ  
 ସବେନ୍ ଖଡ଼୍‌ପଃ ଆତଃ ସେରେଜ୍ ଲାଡ଼ାର୍ ଲାପାଜ୍‌ତେ ସେନଃୟାନାକ୍ ଆତଃ  
 ଉକ୍‌ୟାନାକ୍ । ୧୬ \*ଇନକୁ ବୁରୁ ଆତଃ ସେରେଜ୍‌କକେ ହାକାଅକେଦ୍‌ତେ  
 କାଜିତାଇକେନାକ୍, “ଆଲେୟାଃ ତେତାନ୍‌ରେ ଉୟୁଗଠପେ, ରାଜ୍‌ଗାଦିରେ  
 ଦୁବାକାନ୍ ହଡତାଃଏତେ ଆତଃ ମିଣ୍ଡିହନ୍‌ଆଃ ଖ୍‌ସ୍‌ଏତେ ଆଲେକେ ଉକ୍‌ଲପେ ।  
 ୧୭ ଇନକିନାଃ ଖ୍‌ସ୍‌ରାଃ ବରଞ୍ଜାନ୍ ହୁଲାଜ୍ ସେଟେରାକାନା ଆତଃ ଅକ୍‌ଏ ଏନାରେୟାଃ  
 ବିରୁଧ୍‌ରେ ତିଜ୍ ଦାଡ଼ିୟା ?”



୧୪୪,୦୦୦ ଇସ୍ରାଏଲ୍ ହଡକ୍

୧ ନେଆଁ ଡାୟମତେ ଆଇଜ୍ ଅତେରେୟାଃ ଉପୁନ୍ କଚାରେ ଉପୁନିୟା ଦୁଡ଼କକେ  
 ତିଜ୍‌ଆକାନ୍ ନେଲକେଦ୍‌କଆଇଜ୍ । ଇନକୁ ଅତେରେୟାଃ ଉପୁନ୍‌ସାଃରେ  
 ହୟକେ କେସେଦ୍‌କେଦ୍‌ତେ ତାଇକେନାକ୍ । ଏନାତେ ଅତେଦିଶୁମ୍, ଦରେୟା  
 ଚାଏ ଜେତା ଦାରୁରେ କାଟିଃଲେକାହ୍ ହୟ କା ହିଜୁଃତାଇକେନା । ୨ ଆତଃ  
 ଆଇଜ୍ ଏଟାଃ ଆତଃମିଆଁଦ୍ ଦୁଡ଼କେ ଜାନିଦ୍ ପାର୍‌ମେଶ୍‌ବାର୍‌ଆଃ ମୋହ୍‌ର୍  
 ସାବ୍‌କେଦ୍‌ତେ ସିଜ୍‌ଡୁର୍‌ସାଃଏତେ ହିଜୁଃତାନ୍ ନେଲକିୟାଇଜ୍ । ନେ ଦୁଡ଼  
 ଅତେଦିଶୁମ୍ ଆତଃ ଦରେୟାକେ ଜିୟନେ ନାଗେତ୍ରେ ପାର୍‌ମେଶ୍‌ବାର୍ ଅକ୍ ଉପୁନିୟା  
 ଦୁଡ଼କକେ ଆକଡେୟାର୍ ଏମାକାଦକ୍ ତାଇକେନାଏ, ଇନକୁକେ କାଉରିକେଦ୍‌ତେ  
 କାଜିକେଦ୍‌କଆ, ୩ “ଆଲେ ଆରୁଆଃ ପାର୍‌ମେଶ୍‌ବାର୍‌ଆଃ ଦାସିକଆଃ ମଲଜ୍‌ରେ  
 ମୋହ୍‌ରରାଃ ଚିହ୍ନାଁ ଆଉରି ଏମାକ୍ ଜାକେଦ୍ ଅତେଦିଶୁମ୍, ଦରେୟା ଚାଏ ଦାରୁକରାଃ  
 ଜେଡନାଃ ଆଲପେ ନକ୍‌ସାନେୟା ।” ୪ ଅକ୍ ହଡକ୍‌ଆଃ ମଲଜ୍‌ରେ ପାର୍‌ମେଶ୍‌ବାର୍‌ଆଃ  
 ମୋହ୍‌ରରାଃ ଚିହ୍ନାଁ ଏମୟାନା, ଇନକୁ ୧୪୪,୦୦୦ ହଡକ୍ ମେନାକଆ ମେତ୍ରେଇଜ୍  
 ଆୟୁମ୍‌କେଦା । ଇନକୁ ଇସ୍ରାଏଲ୍‌ରେନ୍ ଗେଲ୍‌ବାର୍ କିଲିକଆଃ ହଡକ୍‌ତାନ୍‌କ୍ ।  
 ୫ ଯିହୁଦା କିଲିକଏତେ ୧୨,୦୦୦, ରୁବେନ୍ କିଲିକଏତେ ୧୨,୦୦୦, ଗାଦ୍ କିଲିକଏତେ  
 ୧୨,୦୦୦, ୬ ଆସେର୍ କିଲିକଏତେ ୧୨,୦୦୦, ନପ୍ତାଲି କିଲିକଏତେ ୧୨,୦୦୦, ମନାସି  
 କିଲିକଏତେ ୧୨,୦୦୦, ୭ ଶିମିୟନ୍ କିଲିକଏତେ ୧୨,୦୦୦, ଲେବୀ କିଲିକଏତେ  
 ୧୨,୦୦୦, ଇସାଖର୍ କିଲିକଏତେ ୧୨,୦୦୦, ୮ ସବ୍‌ଲୁନ୍ କିଲିକଏତେ ୧୨,୦୦୦,  
 ଯୋଷେଫ୍ କିଲିକଏତେ ୧୨,୦୦୦, ଆତଃ ବେଞ୍ଜାମିନ୍ କିଲିକଏତେ ୧୨,୦୦୦ ।

ପୁରାଃ ଗାଦେଲ୍ ହଡକ୍

୯ ଏତ୍ରେ ଆଇଜ୍ ପୁରାଃ ଗାଦେଲ୍ ହଡକ୍‌କେଇଜ୍ ନେଲକେଦ୍‌କଆ, ଇନକୁକେ  
 ଲେକାଲେକରେ କାକ୍ ଲେକା ଦାଡ଼ିୟାଆ । ଇନକୁ ମିପିୟାଦ୍ ଜାତିରେନ୍,  
 କିଲିରେନ୍, ଦିଶୁମ୍‌ରେନ୍, ଆତଃ ଏଟାଃ ଏଟାଃ ଜାଗାର୍‌ତାନ୍ ହଡକ୍‌ଏତେ ହିଜାକାନ୍  
 ତାଇକେନାକ୍ । ଇନକୁ ପୁଣ୍ଡି ଲିଜାଃ ତୁସିଜ୍‌କେଦ୍‌ତେ ଆତଃ ତିଃଇରେ କିତା  
 ଡାଉଡ଼ା ସାବ୍‌କେଦ୍‌ତେ, ରାଜ୍‌ଗାଦି ଆତଃ ମିଣ୍ଡିହନ୍‌ଆଃ ଆୟାର୍‌ରେ ତିଜ୍‌ଆକାନ୍  
 ତାଇକେନାକ୍ । ୧୦ ଇନକୁ ପୁରାଃ କାଉରିକେଦ୍‌ତେ କାଜିତାଇକେନାକ୍,

\* ୬:୧୪ ୬:୧୪ ଉତ୍କଳୁକ୍ କାଜି ୧୬:୨୦. \* ୬:୧୬ ୬:୧୬ ଲୁକ୍ ୨୩:୩୦.

“ରାଜଗାଦିରେ ଦ୍ରୁବାକାନ୍ ପାରମେଶ୍ୱାର୍ ଆତଃ ମିଶ୍ରିହନ୍ ଏସକାର୍ ଆରୁଆଃ ଜୀଉବାଞ୍ଚାଅନିଃ ତାନିଃ ।”<sup>୧୧</sup> ସବେନ୍ ଦୁଁଡକ ରାଜଗାଦି, ପ୍ରାଚିନ୍‌କଆଃ, ଆତଃ ଉପୁନିୟା ଜାଁଡୁକଆଃ ଚାରିୟସାଃରେ ତିକୁଆକାନ୍ ତାଇକେନାକ । ଇନ୍‌କୁ ରାଜଗାଦି ଆୟାରରେ ଅମ୍ବାଃକେଦ୍‌ତେ ପାରମେଶ୍ୱାର୍‌କେ ଜହାର୍‌ତାନଲଃ ଆତଃ ସୁନୁସାର୍ ରିକାତାନଲଃ<sup>୧୨</sup> କାଜିକେଦାକ, “ଆମେନ୍ ! ସାହାରାଅ, ମାନାରାଜ୍, ସେଣାଁ, ଧାନ୍ୟାବାଦ୍, ମାଇନାନ୍, ପେଡ଼େଃ ଆତଃ ଆୟାଃ ଆକ୍‌ତେୟାର୍ ଜାନାଅ ଜାନାଅ ଆରୁଆଃ ପାରମେଶ୍ୱାର୍‌ଆଃ ହବାଅଃକା ଆମେନ୍ !”

<sup>୧୩</sup> ଏନ୍ ପ୍ରାଚିନ୍‌କଏତେ ମିହୁଡନିଃ ଆଇଙ୍‌କେ କୁଲିକେଦିୟାଁ, “ପୁଣ୍ଡି ଲିଜାଃ ତୁସିଙ୍‌ୟାଁକାନ୍ ଏନ୍ ହଡକ ଅକଏତାନକ ? ଆତଃ ଇନ୍‌କୁ କତାଃଏତେ ହିଜୁଃକାନାକ ?”

<sup>୧୪</sup> \*ଆଇଙ୍‌ କାଜିରୁହାଡକେଦାଇଙ୍‌, “ହେ ମାଇନାନ୍, ଆଇଙ୍‌ କାଇଙ୍‌ ସାରି, ଆବେନ୍ ସାରିକାଃବେନ୍ ।” ଇନିଃ ଆଇଙ୍‌କେ କାଜିକେଦିୟାଁ, “ନେ ହଡକ ବରଝାନଗି ସାସାତି ନାମକେଦ୍‌ତେ ହିଜୁଃକାନାକ । ଇନ୍‌କୁ ମିଶ୍ରିହନ୍‌ଆଃ ମାୟୋମ୍‌ତେ ଆକଆଃ ଲିଜାଃ ଚାପିକେଦ୍‌ତେ ପୁଣ୍ଡିକାଦାକ ।<sup>୧୫</sup> ଏନାମେନ୍ତେ ଇନ୍‌କୁ ପାରମେଶ୍ୱାର୍‌ଆଃ ରାଜଗାଦି ଆୟାରରେ ତେରାକେଦ୍‌ତେ ନିଦାସିଙ୍‌ ଆୟାଃ ମାନ୍ଦିର୍ ଅଡ଼ାଃରେ ଆୟାଃ ସୁନୁସାର୍ ରିକାତାନାକ । ଆତଃ ରାଜଗାଦିରେ ଦ୍ରୁବାକାନ୍ ହଡ ଇନ୍‌କୁକେ ବାଞ୍ଚାଅକଆ ।<sup>୧୬</sup> ଇନ୍‌କୁ ଚିଉଲାହ କାକ ରେଙ୍‌ଜେଜଆଃ ଚାଏ କାକ ତେତାଙ୍‌ଅଃଆ, ସିଙ୍‌ରାଃ ରାଁପ୍ ଚାଏ ଏଟାଃ ଜେତାନ୍ ରାଁପ୍ ଇନ୍‌କୁକେ କାଏ ଜୁଲ୍ ଦାଡ଼ିୟା ।<sup>୧୭</sup> ଚିୟାଃଚି ରାଜଗାଦି ଆଲାମାଲାରେ ଦ୍ରୁବାକାନ୍ ମିଶ୍ରିହନ୍ ଇନ୍‌କୁଆଃ ଗୁପିନିଃ ହବାଅଃଆଏ । ଇନିଃ ଜୀଦାନ୍‌ରେୟାଃ ସେତେଙ୍‌ ଦାଆଃ ହେପାଦ୍‌ତେ ଇନ୍‌କୁକେ ସୁତୁଃଇଦିକଆ ଆତଃ ପାରମେଶ୍ୱାର୍ ଇନ୍‌କୁଆଃ ମେଦ୍‌ଦାଆଃ ସବେନାଃଏ ଜଦ୍‌କଆ ।”

## ୮

### ଏୟା ମୋହର୍

<sup>୧</sup> ମିଶ୍ରିହନ୍ ଏୟା ମୋହର୍ ରାଡ଼ାକେଦ୍‌ଚି, ସିର୍ମା ଦିଶୁମରେ ଆଧା ଘାଣ୍ଟା ଜାକେଦ୍ ସିଃସଏଃୟାନା ।<sup>୨</sup> ଏନ୍ତେ ଆଇଙ୍‌ ପାରମେଶ୍ୱାର୍‌ଆଃ ଆୟାରରେ ତିକୁଆକାନ୍ ଏୟା ଦୁଁଡକକେଇଙ୍‌ ନେଲ୍‌କେଦ୍‌କଆ ଆତଃ ଇନ୍‌କୁକେ ଏୟା ବିକୁଲ୍‌ବାଜା ଏମ୍‌ୟାନା ।

<sup>୩</sup> ଏଟାଃ ଆତଃମିଆଁଦ୍ ଦୁଁଡ୍ ମିଆଁଦ୍ ସୋନାରେୟାଃ ଧୁଆନ୍ ଉରୁବ୍‌ତେୟାଃ ସାବ୍‌କେଦ୍‌ତେ ବେଦି ଜାପାଃରେ ତିକୁୟାନା । ରାଜଗାଦି ହେପାଦ୍‌ରେ ତାଇନଃତାନ୍ ସୋନାରେୟାଃ ବେଦି ଚେତାନ୍‌ରେ ପାରମେଶ୍ୱାର୍‌ଆଃ ହଡକଆଃ ବିନ୍ତ୍ରିଲଃ ମେସାକେଦ୍‌ତେ ଦାନ୍ ରାକାବେ ନାଙ୍‌ ଇନିଃକେ ପୁରାଃଗି ଧୁଆନ୍ ଏମ୍‌ୟାନା ।

<sup>୪</sup> ଏନ୍ ଦୁଁଡ୍‌ଆଃ ତିଃଇରେ ଜୁଲ୍‌ତାନ୍ ଧୁଆନ୍‌ରାଃ ସୁକୁଲ୍‌ଲଃ ପାରମେଶ୍ୱାର୍‌ଆଃ ହଡକଆଃ ବିନ୍ତ୍ରି ମେସାକେଦ୍‌ତେ ଚେତାନ୍‌ତେ ରାକାବ୍‌ୟାନା ।<sup>୫</sup> \*ଏନ୍ତେ ଦୁଁଡ୍ ଧୁଆନ୍ ଉରୁବ୍‌ତେୟାଃରେ ବେଦିରେୟାଃ ସେଙ୍‌ଲ୍‌ ପେରେଃକେଦାଏ ଆତଃ ଏନାକେ ଅତେରେ ହୁରାଙ୍‌କେଦା । ନେଆଁ ହରାତେ ରିମିଲ୍ ସାଡ଼ିୟାନା, ହିଚିରକେଦାଏ ଆତଃ ଅତେ ଏକଲ୍‌ୟାୟାନା ।

### ଏୟା ବିକୁଲ୍‌ବାଜା

<sup>୬</sup> ଏନ୍ତେ ଏୟା ଦୁଁଡକ ଏୟା ବିକୁଲ୍‌ବାଜା ସାଡ଼ି ନାଙ୍‌ ସେକାଡ଼୍‌ୟାନାକ ।

\* ୭:୧୪ ୭:୧୪ ମାଥୁଉ ୨୪:୨୧; ମାର୍କ ୧୩:୧୯.      \* ୮:୫ ୮:୫ ଉତ୍କଳ କାଜି ୧୧:୧୯; ୧୭:୧୮.

୭ ପାହିଲା ଦୁଢ଼ ବିଜୁଳବାଜା ସାଡ଼ିକେଦଡ଼ି ଆରିଲ, ସେଙ୍ଗେଲ୍ ଆଡ଼ଃ ମାୟୋମ୍ ଅତେ ଚେତାନରେ ଦୁଲ୍ଲୟାନା । ଏନାତେ ସବେନ୍ ଦାରୁ, ହାରିୟାର ତାସାଦ୍ ଆଡ଼ଃ ଅତେରେୟାଃ ଆପିହିସା ଜୁଲ୍ଲୟାନା ।

୮ ଏନ୍ତେ ଏଗାଃ ଆଡ଼ଃମିଆଁଦ୍ ଦୁଢ଼ ଆୟାଃ ବିଜୁଳବାଜା ସାଡ଼ିକେଦଡ଼ି ସେଙ୍ଗେଲ୍ ଜୁଲ୍ଲତାନ୍ ଲେକା ମିଆଁଦ୍ ମାରାଙ୍ଗ୍ ଦରେୟାରେ ହୁରାଙ୍ଗ୍ୟାନା । ଏନାତେ ଦରେୟାରେୟାଃ ଆପିହିସା ଦାଆଃ, ମାୟୋମ୍ ବାଇୟାନା । ୯ ଦରେୟାରେନ୍ ଜାନିଦ୍ ଜାତୁକଏତେ ଆପିହିସା ଗଏଃୟାନାକ, ଆଡ଼ଃ ଦରେୟାରେୟାଃ ଦାଆଃ ଜାହାଜକ ଆପିହିସା ନକ୍ସାନ୍ୟାନା ।

୧୦ ଏନ୍ତେ ଆପିୟା ଦୁଢ଼ ଆୟାଃ ବିଜୁଳବାଜା ସାଡ଼ିକେଦଡ଼ି ସିର୍ମାଏତେ ସେଙ୍ଗେଲ୍ ଲୁଠି ଲେକା ଜୁଲ୍ଲତାନ୍ ମିଆଁଦ୍ ମାରାଙ୍ଗ୍ ଇପିଲ୍ ସବେନ୍ ଗାଡ଼ାରେୟାଃ ଆପିହିସା ଆଡ଼ଃ ସେତେଙ୍ଗ୍ ଚେତାନରେ ଉୟୁଃୟାନା । ୧୧ ଏନ୍ ଇପିଲ୍ଲରାଃ ନୁଡୁମ୍ “ମେହେର୍ ।” ଏନାରେ ଦାଆଃରେୟାଃ ଆପିହିସା ମେହେର୍ୟାନା, ଆଡ଼ଃ ଏନ୍ ଦାଆଃ ନୁକେଦଡ଼େ ପୁରାଃ ହଡ଼କଆଃ ଗନଏଃ ହବାୟାନା ।

୧୨ ଏନ୍ତେ ଉପୁନିୟା ଦୁଢ଼ ଆୟାଃ ବିଜୁଳବାଜା ସାଡ଼ିକେଦଡ଼ି ସିଙ୍ଗିରାଃ ଆପିହିସା, ଗଣ୍ଡୁରାଃ ଆପିହିସା, ଆଡ଼ଃ ଇପିଲ୍ଲକଆଃ ଆପିହିସା ଜିୟନ୍ୟାନା । ଏନାତେ ମାସ୍ତାଲ୍ରେୟାଃ ଆପିହିସା ନୁବାଃୟାନା । ସିଙ୍ଗିରେୟାଃ ଆପିହିସା ଆଡ଼ଃ ନୁବାଃରେୟାଃ ଆପିହିସା କା ମାସ୍ତାଲ୍ୟାନା ।

୧୩ ଏନ୍ତେ ଆଇଙ୍ଗ୍ ଆରିଦ୍ ରାକାଦକେଦାଇଙ୍ଗ୍, ଆଲା ସିର୍ମାରେ ମିଆଁଦ୍ ବାଜ୍ ଅଡ଼େ ଆଫିରତାନୁଲ୍ଲଃ କାଉରିକେଦଡ଼େ କାଜିତାନା, “ହାଏ, ଚିମିନ୍ ବରଝାନ୍ଗିୟା ! ଏଗାଃ ଆପିୟା ଦୁଢ଼କ ଆକଆଃ ବିଜୁଳବାଜା ସାଡ଼ି ଇମ୍ତା, ଅତେଦିଶ୍ଟମରେନ୍ ହଡ଼କଆଃ ଦୁରଦାସା ଚିମିନ୍ ବରଝାନ୍ଗି ହବାଅଃଆ ।”

୯

୧ ଏନ୍ତେ ମଶେୟାଁ ଦୁଢ଼ ବିଜୁଳବାଜା ସାଡ଼ିକେଦଡ଼ି, ଆଇଙ୍ଗ୍ ସିର୍ମାଏତେ ମିଆଁଦ୍ ଇପିଲ୍ ଅତେରେ ଉୟୁଗତାନ୍ ନେଲ୍ଲକିୟାଇଙ୍ଗ୍, ଇନିଃକେ ହୁଆଙ୍ଗ୍ଗାଡ଼ାରେୟାଃ ଚାଭି ଏମାକାନ୍ ତାଇକେନା । ୨ ଇନିଃ ହିଜୁଃକେଦଡ଼େ ହୁଆଙ୍ଗ୍ଗାଡ଼ାରେୟାଃ ଦୁଆର୍ ନିଜ୍ଜକେଦଡ଼ି, ମିଆଁଦ୍ ମାରାଙ୍ଗ୍ ଭାଟିଏତେ ଅଡ଼ଙ୍ଗ୍ଅଡ଼ତାନ୍ ସୁକୁଲ୍ ଲେକା ହୁଆଙ୍ଗ୍ଗାଡ଼ାଏତେ ସୁକୁଲ୍ ଅଡ଼ଙ୍ଗ୍ୟାନା, ଆଡ଼ଃ ଏନ୍ ସୁକୁଲ୍ ହରାତେ ସିଙ୍ଗି ଆଡ଼ଃ ସିର୍ମା ଲାତାର୍ ନୁବାଃୟାନା । ୩ ଆଡ଼ଃ ଏନ୍ ସୁକୁଲ୍ଏତେ ସନ୍ସରେଦକ ଅଡ଼ଙ୍ଗ୍କେଦଡ଼େ ଅତେରେକ ପାସରାଅୟାନା । ଇନ୍କୁକେ ମାର୍ମାର୍ ଲେକା ତୁଡ଼ ଦାଡ଼ିରେୟାଃ ପେଡ଼େଃ ଏମୟାନା । ୪ ଅତେରେୟାଃ ତାସାଦ୍, ଆଡ଼ଃ ଚାଏ ଜେତାନ୍ ଦାରୁକେ ଆଲପେ ନକ୍ସାନେୟା, ମେନ୍ଦ୍ ଅକନକଆଃ ମଲଙ୍ଗ୍ରେ ପାର୍ମେଶ୍ୱାର୍ଆଃ ଚିହ୍ନାଁ କା ତାଇକେନା, ଇନ୍କୁଆଃ ଏସ୍କାର୍ ନକ୍ସାନ୍ ରିକା ନାଗେନ୍ତେ ଏନ୍ ସନ୍ସରେଦକକେ କାଜିକାନ୍ ତାଇକେନା । ୫ ଆଡ଼ଃ ଏନ୍ ହଡ଼କକେ ଆଲପେ ଗଏଃକଆ, ମେନ୍ଦ୍ ମଶେୟାଁ ମାହଁ ନା ଜାକେଦ୍ ଦୁକୁ ଏମାକପେ ମେନ୍ତେ ଏନ୍ ସନ୍ସରେଦକକେ ଆରୁକାନ୍ ତାଇକେନା । ଏନ୍ ଦୁକୁହାସ୍ତ୍ ମାର୍ମାର୍କଆଃ ତୁଡ଼ ଲେକା ହାସ୍ତ୍ ତାଇକେନା । ୬ ଏନ୍ ମଶେୟାଁ ମାହଁ ନା ଭିତାରରେ ଦୁକୁହାସ୍ତ୍ତାନ୍ ହଡ଼କ ଗନଏଃ ଦାଣାୟାକ, ମେନ୍ଦ୍ ଗନଏଃ କାକ ନାମେୟା । ଇନ୍କୁ ଗଜଃ ସାନାଙ୍ଗ୍ଆଃକ, ମେନ୍ଦ୍ ଗନଏଃ ଇନ୍କୁତାଃଏତେ ନିରାଃ ।

୭ ଏନ୍ ସନ୍ସରେଦକ ଲାଡ଼ାଇ ନାଗେନ୍ତେ ସେକାଡ଼ାକାନ୍ ସାଦମ୍ ଲେକାକ ନେଲ୍ଲଃ ତାଇକେନା । ଇନ୍କୁଆଃ ବହଃରେ ସୋନାରେୟାଃ ମୁକୁଡ଼ ଲେକା, ମେଦ୍ମୁହାଁଡ଼୍ ହଡ଼କଆଃ ମେଦ୍ମୁହାଁଡ଼୍ ଲେକା, ୮ ଉଦ୍ କୁଡ଼ିକଆଃ ଉଦ୍ ଲେକା ଆଡ଼ଃ ତାଗା

କୁଲ୍ୟାକଥାଃ ତାତା ଲେକା ତାଇକେନା । ୯ ଇନକୁଆଃ କୁଡ଼ାମକେ ମେଡ଼େଦତେ  
 ବାଇୟାକାନୁ ତୁସିୟେନ୍ତେୟାଃ ଲେକନାଃଲଃ ପଟମାକାନୁ ତାଇକେନା ଆତଃ  
 ସାଦମ୍ ଗାଡ଼ିତେ ଲାଡ଼ାଇପିଡ଼ି ନିରେତାନୁ ପୁରାଃଗି ସାଦମ୍‌କଥାଃ ଲାବଜା ଲେକା,  
 ଇନକୁଆଃ ଆପୁରବରାଃ ଲାବଜା ଅତଙ୍ଗଥାଃ ତାଇକେନା । ୧୦ ଇନକୁଆଃ ଚାଆଃଲମ୍  
 ଆତଃ ତୁଡ଼ତେୟାଃ, ମାର୍‌ମାର୍‌କଥାଃ ଚାଆଃଲମ୍ ଆତଃ ତୁଡ଼ତେୟାଃ ଲେକା  
 ତାଇକେନା । ଏନ୍ ଚାଆଃଲମ୍‌ତେ ମଣେୟାଁ ମାହଁନା ଜାକେଦ୍ ହଡ଼କଥାଃ ନକ୍‌ସାନ୍  
 ରିକା ନାଗେନ୍ତେ ଇନକୁକେ ଆକ୍‌ତେୟାର୍ ଏମାକାନୁ ତାଇକେନା । ୧୧ ଇନକୁଆଃ  
 ଚେତାନୁରେ ମିଆଁଦ୍ ରାଜା ରାଇଜେ ତାଇନାଏ । ଇନିଃ ହୁଆଙ୍ଗାଡ଼ାରେନ୍ ମାରାଙ୍ଗ୍  
 ହୁଁଦ୍ ତାନିଃ । ଏବ୍ରୀ ଜାଗାର୍‌ତେ ଆୟାଃ ନୁତୁମ୍ ଆବଦୋନ୍ ଆତଃ ଗ୍ରୀକ୍ ଜାଗାର୍‌ରେ  
 ଏନ୍ ନୁତୁମ୍ ହବାଅଃତାନା ଆପୋଲିୟୋନ୍, ଏନାରେୟାଃ ମୁଣ୍ଡି ଜିୟନେନିଃ ।

୧୨ ପାହିଲା ଦୁକୁହାସୁ ଚାବାୟାନା, ଏଚାଃ ଆତଃମିଆଁଦ୍ ଦୁକୁହାସୁ ହିଜୁଃତାନା ।

୧୩ ଏନ୍ତେ ତୁରିୟା ହୁଁଦ୍ ଆୟାଃ ବିଜୁଲ୍‌ବାଜା ସାଡ଼ିକେଦତି, ପାର୍‌ମେଶ୍‌ବରାଆ  
 ଆୟାର୍‌ରେ ଦହାକାନୁ ସୋନା ବେଦିରେୟାଃ ଉପୁନିୟା ଦିରିଙ୍ଗ୍‌ହେତେ ମିଆଁଦ୍  
 ଲାବଜା ଆୟୁମକେଦାଇଙ୍ଗ୍ । ୧୪ ଏନ୍ ଲାବଜା ବିଜୁଲ୍‌ବାଜା ସାବାକାଦ୍ ତୁରିୟା  
 ହୁଁଦ୍‌କେ କାଜିକିୟା, “ଇଉପ୍ରାଗିସ୍ ନୁତୁମ୍‌ତାନୁ ମାରାଙ୍ଗ୍ ଗାଡ଼ା ହେପାଦ୍‌ରେ  
 ତଲାକାନୁ ଉପୁନିୟା ହୁଁଦ୍‌କେ ରାଡ଼ାତାକମେ ।” ୧୫ ଏନାମେନ୍ତେ ନେ ସାଲାକାନୁ  
 ବାରାଷ୍ଟ, ମାହଁନା, ଦିନ୍ ଆତଃ ଘାଡ଼ିରେ, ସବେନ୍ ହଡ଼କଥାଃ ଆପିହିସା ହଡ଼କକେ  
 ଗଗଏଃ ନାଗେନ୍ତେ ସେକାଡ଼ାକାନୁ ଏନ୍ ଉପୁନିୟା ହୁଁଦ୍‌କେ ରାଡ଼ାୟାନା । ୧୬ ଏନ୍ତେ  
 ଆଇଙ୍ଗ୍ ସାଦମ୍ ଚେତାନୁରେ ଦୁବକେଦତେ ଲାଡ଼ାଇତାନୁ ସିପାଇକ ୨୦୦,୦୦୦,୦୦୦  
 ତାଇକେନାକ ମେନ୍ତେଇଙ୍ଗ୍ ଆୟୁମକେଦା । ୧୭ ଆତଃ ଆଇଙ୍ଗ୍ ଦାର୍‌ଶାନ୍‌ରେ  
 ନେ'ଲେକାଇଙ୍ଗ୍ ନେଲ୍‌କେଦା, ଇନକୁଆଃ କୁଡ଼ାମରେ ମେଡ଼େଦତେ ବାଇୟାକାନୁ  
 ତୁସିୟେନ୍ତେୟାଃ, ସେଙ୍ଗେଲ୍ ଲେକା ଆରାଃ, ନିଲିୟା ରାଙ୍ଗ୍, ଆତଃ ସାସାଙ୍ଗ୍  
 ରାଙ୍ଗ୍ ତାଇକେନା । ସାଦମ୍‌କଥାଃ କୁଲ୍ୟା ଲେକା ବହଃ ତାଇକେନା ଆତଃ  
 ଇନକୁଆଃ ମଚାଏତେ ସେଙ୍ଗେଲ୍, ସୁକୁଲ୍ ଆତଃ ଗାନ୍ଧାକ୍ ଅତଙ୍ଗଥାଃ ତାଇକେନା  
 । ୧୮ ଆତଃ ଇନକୁଆଃ ମଚାଏତେ ଅତଙ୍ଗଥାଃତାନୁ ସେଙ୍ଗେଲ୍, ସୁକୁଲ୍ ଆତଃ  
 ଗାନ୍ଧାକ୍ ଲେକାନୁ ନେ ଆପିୟା ଦୁକୁହାସୁତେ ହଡ଼କଥାଃ ଆପିହିସା ଗଗଏଃ ହବାୟାନା  
 । ୧୯ ସାଦମ୍‌କଥାଃ ପେଡ଼େଃ, ଇନକୁଆଃ ମେଦମୁହାଁଡ୍ ଆତଃ ଚାଆଃଲମ୍‌ରେ  
 ତାଇକେନା । ଇନକୁଆଃ ଚାଆଃଲମ୍ ବିଙ୍ଗ୍‌କଥାଃ ବହଃ ଲେକା ତାଇକେନା ଆତଃ  
 ଏନାତେ ଇନକୁ ହଡ଼କକେ ନକ୍‌ସାନ୍‌କ ତାଇକେନାକ ।

୨୦ ଦୁକୁହାସୁକରେ କା ଜିୟନକେଦତେ ସାରେଜାକାନୁ ହଡ଼କ ଆକଥାଃ  
 ଏଡ଼କାନୁ କାଜି କାମିକଏତେ କାକ ହେୟାତିଙ୍ଗ୍‌କେଦା । ଇନକୁ ବଙ୍ଗା ସେଝା,  
 ଡିଃଇତେ ବାଇୟାକାନୁ ସୋନା, ରୁପା, ପିତାଲ୍, ଦିରି ଆତଃ ଦାରୁରେୟାଃ  
 ମୁରୁଡ଼କକେ, ଅକନକଟି କାକ ନେଲ୍ ଦାଡ଼ିୟା, କାକ ଆୟୁମ୍ ଦାଡ଼ିୟା ଆତଃ  
 କାକ ସେସେନ୍ ଦାଡ଼ିୟା ଇନକୁକେ ସେଝା ନାଙ୍ଗ୍ କାକ ବାଗିକେଦା । ୨୧ ଇନକୁ କା  
 ହେୟାତିଙ୍ଗ୍‌କେଦତେ ହଡ଼ ଗଗଏଃ, ଦେଅଁଣା କାମି, ଆପାଙ୍ଗିର୍ କାମି, ଆତଃ କୁମ୍‌ତୁ  
 କାମି କାକ ବାଗିକେଦା ।

୧୦

ହୁଁଦ୍ ଆତଃ ହୁଡ଼ିଙ୍ଗ୍ ମାରି ପୁଅ

୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ପେଡ଼େୟାନ୍ ହୁଁଦ୍‌କେ ସିର୍ମାଏତେ ଆଡ଼ଗୁଃତାନୁ  
 ନେଲ୍‌କିୟାଇଙ୍ଗ୍ । ଇନିଃ ରିମିଲ୍‌ରେ ଦାନାଙ୍ଗାକାନୁ ତାଇକେନା ଆତଃ ଲୁର୍‌ବିଙ୍ଗ୍\*

\* ୧୦:୧ 10:1 ଇନ୍ଦ୍ରଧନୁ

ଆୟାଃ ବହଃରେ ବିୟୁରାକାନ୍ ତାଇକେନା । ଇନିୟାଃ ମେଦମୁହାଁଡ଼ ସିଙ୍ଗିଲେକା  
 ଆତଃ ଆୟାଃ ବାରାନ୍ କାଟା ସେଙ୍ଗେଲରାଃ ଖୁଣ୍ଟୁ ଲେକା ନେଲଃ ତାଇକେନା  
 । ୨ ଇନିୟାଃ ତିଃଇରେ ମିଆଁଦ୍ ହୁଡ଼ିଙ୍ଗ ମାରି ପୁଥୁ ଅଟାଃକାନ୍ ତାଇକେନା ।  
 ଇନିଃ ଆୟାଃ ଜମ୍ କାଟାକେ ଦରେୟା ଚେତାନରେ ଆତଃ ଲେଙ୍ଗା କାଟାକେ  
 ଅତେ ଚେତାନରେ ଦହକାଦ୍ ତାଇକେନା । ୩ କୁଲାରାଃ ହୁଁକରାଅ ଲେକା  
 ଇନିଃ କାଉରିକେଦତେ କେଡାକେଦା, ଏନ୍ ଲେକାଗି ହୁଁକରାଅକେଦତେ  
 ଏୟା ରିମିଲସାଡ଼ିକ ଇନିୟାଃ କେନେଡ଼ାରାଃ କାଜିରୁହାଡ଼କେଦାକ । ୪ ଇନକୁ  
 ଜାଗାରକେନତେୟାଃ, ଏନାକେ ଆଇଙ୍ଗ୍ ଅଲେ ନାଗେନ୍ତେଇଙ୍ଗ୍ ସେକାଡ଼ଃ  
 ତାଇକେନା, ମେନ୍ଦ ସିର୍ମାଏତେ ମିଆଁଦ୍ ଲାବଜା ଆୟୁମ୍‌କେଦାଇଙ୍ଗ୍ । ଏନ୍  
 ଲାବଜା ଆଇଙ୍ଗ୍‌କେ କାଜିକେଦିୟାଁ, “ରିମିଲସାଡ଼ିରେ ଅକଆଃ ଆୟୁମ୍‌କେଦାମ୍,  
 ଏନାକେ ଉକୁକେଦତେ ଦହେମେ, ଆଲ୍‌ମେ ଅଲେୟା ।”

୫ ଏନ୍ତେ ଆଇଙ୍ଗ୍ ଅକ ଦୁଁଡ଼କେ ଦରେୟା ଆତଃ ଅତେ ଚେତାନରେ ତିଙ୍ଗୁଆକାନ୍  
 ନେଲକାଇ ତାଇକେନାଇଙ୍ଗ୍, ଇନିଃ ଆୟାଃ ଜମ୍ ତିଃଇକେ ସିର୍ମାସାଃତେ  
 ଉଠାଅକେଦା, ୬ ଆତଃ ଇନିଃ ସିର୍ମା, ଅତେ, ଦରେୟା, ଆତଃ ଏନାରେୟାଃ  
 ସବେନ୍ ବିଷାଏକେ ବାଇୟାକାଦ୍‌ନିଃ ଜାନାଅ ଜାନାଅ ଜାନିଦ୍ ପାର୍‌ମେଶ୍ୱାର୍‌ଆଃ  
 ନୁଡୁମ୍‌ତେ କିରିୟାକେଦତେ କାଜିକେଦା, “ଆତଃ ଦିପିଲି କା ବିଲ୍‌ମଃଆ ! ୭ ଏୟା  
 ଦୁଁଡ଼ ବିଙ୍ଗୁଲ୍‌ବାଜା ସାଡ଼ିୟାଏ ଇମତା, ପାର୍‌ମେଶ୍ୱାର୍ ଆୟାଃ ଦାସିକଆଃ ଆତଃ  
 ନାବୀକଆଃ ଆୟାରରେ, ଅକ ସୁକୁକାଜି ଉଦୁବକାଦ୍ ତାଇକେନାଏ, ଏନାକେ  
 ପୁରାଏୟାଏ ।”

୮ ଏନ୍ତେ ସିର୍ମାରେୟାଃ ଏନ୍ ଲାବଜା ଆଇଙ୍ଗ୍‌କେ ଆତଃମିସା କାଜିକେଦିୟାଁ, “ଜୁ,  
 ଦରେୟା ଆତଃ ଅତେ ଚେତାନରେ ତିଙ୍ଗୁଆକାନ୍ ଦୁଁଡ଼ଆଃ ତିଃଇଏତେ ଅଟାଃକାନ୍  
 ମାରି ପୁଥୁ ଇଦିମେ ।”

୯ ଆଇଙ୍ଗ୍ ଦୁଁଡ଼ତାଃ ସେନକେଦତେ ଏନ୍ ହୁଡ଼ିଙ୍ଗ ମାରି ପୁଥୁକେଇଙ୍ଗ୍ ଆସିକିୟା ।  
 ଇନିଃ ଆଇଙ୍ଗ୍‌କେ କାଜିକେଦିୟାଁ, “ନେଆଁ ଇଦିକେଦତେ ଜମେମେ । ଆମାଃ ଲାହିଦ୍  
 ନାଗେନ୍ତେ ନେଆଁ ମେହେରଗିୟା, ମେନ୍ଦ ଆମାଃ ମଚାରେ ନେଆଁ ହୁରୁମ୍‌ସୁକୁ ରାସି  
 ଲେକା ହେଡ଼େମ୍‌ଗିୟା ।”

୧୦ ଆଇଙ୍ଗ୍ ଏନ୍ ହୁଡ଼ିଙ୍ଗ ମାରି ପୁଥୁକେ, ଏନ୍ ଦୁଁଡ଼ଆଃ ତିଃଇଏତେ ଇଦିକେଦତେ  
 ଜମ୍‌କେଦାଇଙ୍ଗ୍ । ଏନା ଆଇଁୟାଃ ମଚାରେ ହୁରୁମ୍‌ସୁକୁ ରାସି ଲେକା ହେଡ଼େମ୍‌କେନା,  
 ମେନ୍ଦ ଉଦ୍‌କେଦ୍ ତାୟମ୍‌ତେ ଲାହିଦ୍ ଭିତାରରେ ମେହେରୟାନା । ୧୧ ଏନ୍ତେ  
 ଜେତାଏ ମିହୁଡ଼୍ ଆଇଙ୍ଗ୍‌କେ କାଜିକେଦିୟାଁ, “ପୁରାଃ ଦିଶୁମ୍, ଜାତି, ରାକାମ୍ ରାକାମ୍  
 ଜାଗାରତାନ୍ ହଡ଼ ଆତଃ ରାଜାକଆଃ ବିଷାଏରେ ପାର୍‌ମେଶ୍ୱାର୍‌ଆଃ କାନାଜି, ଆମ୍  
 ଆତଃମିସା ସେନକେଦତେ ଉଦୁବେମେ ।”

# ୧୧

## ବାରିୟା ଗାଞ୍ଜକିନ୍

୧ ଏନ୍ତେ ଜେତାଏ ମିହୁଡ଼୍ ଆଇଙ୍ଗ୍‌କେ ସଙ୍ଗ୍‌ସଗା ଲେକା ମିଆଁଦ୍ ସଗା  
 ଏମ୍‌କେଦତେ କାଜିକେଦିୟାଁ, “ଜୁ, ପାର୍‌ମେଶ୍ୱାର୍‌ଆଃ ମାନ୍ଦିର୍ ଆତଃ ବେଦି  
 ସଙ୍ଗ୍‌କେଦତେ, ମାନ୍ଦିର୍‌ରେ ସେଞ୍ଜାତାନ୍ ହଡ଼କକେ ଲେକାକମେ । ୨ \*ମେନ୍ଦ  
 ମାନ୍ଦିର୍ ଅଡ଼ାଃରାଚାକେ ଆଲମ୍ ସଙ୍ଗେୟା । ଚିୟାଃତି ଏନାଦ ସାଆଁସାର୍ ହଡ଼କକେ  
 ଏମାକାନା ଆତଃ ଇନକୁ ବାର୍‌ହିସି ବାର୍ ମାହିଁନା ଜାକେଦ୍ ନେ ପାବିତାର୍  
 ନାଗାରକେ ଆକଆଃ କାଟାଲଃ ତିକାଏୟାକ । ୩ ବାସ୍ତା ଲିଜାଃ ତୁସିଙ୍ଗ୍‌ୟାକାନ୍

\* ୧୧:୨ ୧୧:୨ ଲୁକ ୨୧:୨୪.

ଆଇଁୟାଃ ବାରହଡ଼ ଗାଞ୍ଜାକିନକେଇଙ୍ଗ କୁଲ୍ଲକେଦକିନା । ଇନ୍କିନ୍ ୧,୨୬୦ ମାହ୍ନାଁ ଜାକେଦ ପାର୍ମେଶ୍ୱାର୍ଥାଃ କାନାଜିକେ ଉଦୁବେୟାକିନ୍ ।”

୪ ଏନ୍ ବାରାନ୍ ଗାଞ୍ଜା ହବାଅଃତାନାକିନ୍, ଅତେରେ ପାର୍ମେଶ୍ୱାର୍ଥାଃ ଆୟାଃରେ ତିଙ୍ଗୁଆକାନ୍ ବାରିୟା ଜାଜତୁନ୍ ଦାରୁ ଆତଃ ବାରିୟା ଦିଆ ଦହ ଖୁଣ୍ଟୁ ତାନକିନ୍ । ୫ ଜେତାଏ ଇନ୍କିନାଃ ନକ୍ସାନ୍ ରିକା ନାଙ୍ଗ୍ ସାନାଙ୍ଗ୍ରେଦ, ଇନ୍କିନାଃ ମତାଏତେ ସେଙ୍ଗେଲ୍ ଅତଙ୍ଗକେଦ୍ତେ ବାଇରିକ ଜିୟନଃଆ । ନେଲେକା ଜେତାଏ ଇନ୍କିନାଃ ନକ୍ସାନ୍ ରିକା ନାଗେନ୍ତେକ ଅତଙ୍ଗଅଃଆ, ଇନ୍କୁ ଜିୟନଃଆକ । ୬ ପାର୍ମେଶ୍ୱାର୍ଥାଃ କାନାଜି ଉଦୁବ ଇମତା ସିର୍ମାଏତେ ଦାଆଃ ଆଲକାଏ ଗାମାଏ ମେନ୍ତେ, ସିର୍ମାରେୟାଃ ରିମିଲ୍ଲକେ ହକା ନାଗେନ୍ତେ, ସେତେଙ୍ଗ୍ ଦାଆଃ, ମାୟୋମ୍ ହବାଅଃ ନାଗେନ୍ତେ ଆତଃ ଆପାନାଃ ଇଛାସାନାଙ୍ଗ୍ ଲେକା ଅତେରେ ମର୍ଣ୍ଣେସା ଦୁକୁହାସୁ ହବାଅଃ ନାଗେନ୍ତେ ଇନ୍କିନକେ ଆକ୍ତେୟାର୍ ଏମାକାନା ।

୭ \*ଇନ୍କିନ୍ କାନାଜି ଉଦୁବ ଚାବାକେଦ୍ ତାୟମତେ, ହୁଆଙ୍ଗାଡ଼ାଏତେ ମିଆଁଦ୍ ଜାଁତୁ ହିଜୁଃକେଦ୍ତେ, ଇନ୍କିନ୍ଲଃ ଲାପଡ଼ାଇ ରିକାଏୟାଏ । ଇନିଃ ଇନ୍କିନକେ ହରାଅକେଦ୍ତେ ଗଏଃକିନା । ୮ ଅକ ମାରାଙ୍ଗ୍ ନାଗାରରେୟାଃ ହରାରେ ପ୍ରାଭୁ କୁଶ୍ରେ କିଲାକାନ୍ ତାଇକେନା, ଏନ୍ତାଃରେ ଇନ୍କିନାଃ ଗନଏଃ ହଡ଼ମ୍ ଉୟୁଗାକାନ୍ ତାଇନା । ଏନ୍ ମାରାଙ୍ଗ୍ ନାଗାରକେ ଆମିକ୍ ଲେକାତେ ସୋଦମ୍ ଚାଏ ମିସାର୍ ମେନ୍ତେ କାଜିୟାଃକ । ୯ ସବେନ୍ ଦିଶୁମ୍ରେନ୍ ହଡ଼କ, କିଲିକ, ଏଗାଃ ଏଗାଃ ଜାଗାର୍ତାନକ, ଆତଃ ଜାତିରେନ୍ ହଡ଼କ ଆପିୟା ଆତଃ ଆଧା ମାହ୍ନାଁ ଜାକେଦ୍ ଇନ୍କିନାଃ ଗନଏଃ ହଡ଼ମକ ନେଲେୟା ଆତଃ ଇନ୍କିନକେ ତପାଗାଡ଼ାରେ ଜେତାଏ କାକ ତପାକିନା । ୧୦ ନେ ବାରାନ୍କିନାଃ ଗନଏଃ ହରାତେ ଅତେଦିଶୁମ୍ରେନ୍ ହଡ଼କ ରାସ୍ତକାନାଃକ, ରିଜରାଙ୍ଗକେଦ୍ତେ ମିହୁଡ୍ ଆତଃମିହୁଡ଼ତାଃତେ ଦାନକ କୁଲେୟା । ଚିଆଃଚି ଏନ୍ ନାବୀକିନାଃ ହରାତେ ଅତେଦିଶୁମ୍ରେନ୍ ହଡ଼କ ପୁରାଃଚି ଦୁକୁକ ନାମେ ତାଇକେନା । ୧୧ ମେନ୍ଦ ଆପିୟା ଆତଃ ଆଧା ମାହ୍ନାଁ ତାୟମତେ ପାର୍ମେଶ୍ୱାର୍ତାଃଏତେ ଜୀଦାନ୍ ଏମଃରେୟାଃ ହୟ ହିଜୁଃକେଦ୍ତେ ଇନ୍କିନାଃ ହଡ଼ମରେ ବଲ୍ଲୟାନା ଆତଃ ଇନ୍କିନ୍ ବିରିଦ୍କେଦ୍ତେ ତିଙ୍ଗୁୟାନାକିନ୍ । ଅକନକ ନେଆଁ ନେଲ୍ଲକେଦାକ, ଇନ୍କୁ ପୁରାଃଚି ବରକେଦାକ । ୧୨ ଆତଃ ଏନ୍ ବାରାନ୍ ନାବୀକିନ୍ ମିଆଁଦ୍ ଲାବ୍ଜା ସିର୍ମାଏତେ କାଜିତାନ୍ ଆୟୁମକେଦାକିନ୍, “ନେତାଃତେ ହିଜୁଃବେନ୍ !” ଇନ୍କିନାଃ ବାଇରିକ ନେଲ୍ ତାଇକେନ୍ ଇମତାଗି ଇନ୍କିନ୍ ରିମିଲ୍ରେ ସିର୍ମାତେକିନ୍ ରାକାବ୍ୟାନା । ୧୩ \*ଏନ୍ ଦିପିଲିରେ ପୁରାଃଚି ଅତେ ଏକ୍ଲାଅୟାନା, ନାଗାରରେୟାଃ ଗେଲ୍ହିସା ଜିୟନ୍ୟାନା ଆତଃ ଅତେ ଏକ୍ଲାଅୟାନ୍ ହରାତେ ୭,୦୦୦ ହାଜାର୍ ହଡ଼କ ଗଏଃୟାନାକ । ଜାନିଦ୍ ତାଇକାନ୍ ହଡ଼କ ବରତେ ସିର୍ମାରେନ୍ ପାର୍ମେଶ୍ୱାର୍ଥାଃ ମାନାରାଙ୍ଗ୍ ରିକାକେଦାକ ।

୧୪ ବାରିୟା ସାଙ୍କାଟ୍ ଚାବାୟାନା, ମେନ୍ଦ ଆପିୟା ସାଙ୍କାଟ୍ ଜାଲ୍ଦି ହିଜୁଃତାନା ।

ଏୟା ବିଙ୍ଗୁଲ୍

୧୫ ଏନ୍ତେ ଏୟା ଦୁଁଡ୍ ଆୟାଃ ବିଙ୍ଗୁଲ୍ ସାଡ଼ିକେଦାଏ, ଆତଃ ସିର୍ମାରେ କାଉରିକେଦ୍ତେ କାଜିତାନ୍ ମିଆଁଦ୍ ଲାବ୍ଜା ଆୟୁମୟାନା, “ଆବୁଆଃ ପ୍ରାଭୁ ଆତଃ ଆୟାଃ ଶ୍ରୀଷ୍ଟ୍ ଅତେଦିଶୁମ୍ରେ ରାଇଜେରେୟାଃ ଆକ୍ତେୟାର୍ ନାହାଃଦ୍ ଆୟାଃ ଆପ୍ନାଃ ତିଃଇରେ ମେନାଃ, ଆତଃ ଇନିଃ ଜାନାଅ ଜାନାଅ ରାଇଜେୟାଏ । ୧୬ ଏନ୍ତେ ପାର୍ମେଶ୍ୱାର୍ଥାଃ ଆୟାଃରେ ଆକଆଃ ଆପ୍ନାଃ ଆପ୍ନାଃ ରାଜଗାଦିରେ

\* ୧୧:୭ ୧୧:୭ ଉତ୍କଳ କାଜି ୧୩:୫-୭; ୧୭:୮. \* ୧୧:୧୩ ୧୧:୧୩ ଉତ୍କଳ କାଜି ୭:୧୨; ୧୭:୧୮.

ଦୁର୍ବତାନ୍ ବାରହିସି ଉପୁନିୟା ପ୍ରାଚିନ୍ଦକ ବହଃ ତିରୁବକେଦତେ ପାର୍ବମେଶ୍ୱାରକେ  
 ଜହାରକିୟାକ ଆତଃ ଆୟାଃ ସୁନ୍ନୁସାର ରିକାତାନଲଃ, <sup>୧୭</sup> କାଜିକେଦକା,  
 “ହେ ପ୍ରାଭୁ, ସବେନ୍ ପେଡେୟାନ୍ ପାର୍ବମେଶ୍ୱାର୍, ଆମ୍ ତାଇକେନ୍ନିଃ ଆତଃ  
 ମେନାମେନିଃ ତାନ୍ମେ,

ଆଲେ ଆମ୍ବକେ ଧାନଧାବାଦ୍ ଏମାମେତାନାଲେ, ଚିଆଃଚି ଆମ୍ ପୁରାଃ ପେଡେଃତେ  
 ରାଇଜେ ନାଗେନ୍ତେମ୍ ଏଟେଦକାଦା ।  
 ୧୮ ସାଆଁସାର ହଡକ ଖୁସ୍ତେ ପେରେଃୟାନାକ,  
 ଚିୟାଃଚି ଆମାଃ ଖୁସରାଃ ଦିପିଲି ହିଜୁଃକାନା,  
 ଗଜାକାନ୍ଦକ ବିଚାରଃଆକ ।

ଆମାଃ ଦାସିକକେ, ନାବାକକେ, ପାବିତାର୍ ହଡକକେ ଆତଃ ଅକନ୍ଦ ଆମ୍ବକେ  
 ବରମେତାନ୍  
 ହୁଡିଙ୍ଗ୍ ଆତଃ ମାରାଙ୍ଗ୍ ସବେନ୍ଦକକେ ନାଲା ଏମ୍ରେୟାଃ  
 ଆତଃ ଅକନ୍ଦ ଅତେଦିଶ୍ୱମ୍ବକେ ଜିୟନେୟାକ, ଇନ୍ଦୁକେ ହଗି ଜିୟନଃରେୟାଃ  
 ନେଡା ସେଟେରାକାନା ।”

<sup>୧୯</sup> \*ସିର୍ମାରେ ତାଇନଃତାନ୍ ପାର୍ବମେଶ୍ୱାର୍ଆଃ ମାହିର୍ ନିଜୟାନା ଆତଃ ମାହିର୍  
 ଭିତାରରେ ରାଜିନାମାରେୟାଃ ବାକ୍ସା ନେଲଃୟାନା । ଏନ୍ତେ ରିମିଲ୍ ହିଚିରକେଦାଏ,  
 ଠେରକେଦାଏ, ଅତେ ଏକଲ୍ୟାୟାନା ଆତଃ ପୁରାଃଚି ଆରିଲ୍ ଉୟୁଃୟାନା ।

## ୧୨

ମିଆଁଦ୍ କୁଡ଼ି ଆତଃ ମାରାଙ୍ଗ୍ ବିଙ୍ଗ୍

<sup>୧</sup> ଏନ୍ତେ ସିର୍ମାରେୟାଃ ରିମିଲ୍ରେ ମିଆଁଦ୍ ଆକ୍ଦାନ୍ଦାଅ ଚିହ୍ନାଁ ନେଲଃୟାନା,  
 ଏନ୍ତାଃରେ ମିଆଁଦ୍ କୁଡ଼ି ସିଙ୍ଗିରାଃ ରାଁପ୍ ଲେକା ତୁସିଙ୍ଗିୟାକାନ୍ ତାଇକେନାଏ । ଆୟାଃ  
 କାଟା ଲାତାରରେ ଚାଣ୍ଡୁ ଆତଃ ବହଃରେ ଗେଲ୍ବାର୍ ଇପିଲ୍ରାଃ ମୁକୁର୍ ତାଇକେନା  
 । <sup>୨</sup> ଏନ୍ କୁଡ଼ି ହାମ୍ବାଲ୍ରେୟାକାନ୍ ତାଇକେନାଏ ଆତଃ ହନ୍ ଜାନାମାଃରେୟାଃ  
 ଦୁକୁରେ ହାସ୍ତୁଇ ନାମେ ତାଇକେନା ।

<sup>୩</sup> ସିର୍ମାରେୟାଃ ରିମିଲ୍ରେ ଆତଃମିଆଁଦ୍ ଚିହ୍ନାଁ ନେଲଃୟାନା । ଏନ୍ତାଃରେ ଆଇଙ୍ଗ୍  
 ଆରାଃ ରାଙ୍ଗ୍ରେନ୍ ମିଆଁଦ୍ ମାରାଙ୍ଗ୍ ବିଙ୍ଗ୍ ନେଲ୍କିୟାଇଙ୍ଗ୍, ଇନିୟାଃ ଏୟା  
 ବହଃ, ଗେଲ୍ ଦିରିଙ୍ଗ୍ ଆତଃ ମିପିଆଦ୍ ବହଃରେ ମିପିଆଦ୍ ମୁକୁର୍ ତାଇକେନା  
 । <sup>୪</sup> ଇନିଃ ଆୟାଃ ଚାଆଃଲମ୍ବେ ସିର୍ମାରେନ୍ ଆପି ହିସା ଇପିଲ୍କକେ ଅତେରେ  
 ହୁରାଙ୍ଗ୍କେଦକଥା । ଏନ୍ କୁଡ଼ିରାଃ ହନ୍ ଜାନାମ୍ୟାନ୍ତି, ଇନିଃକେ ଉଦି ନାଗେନ୍ତେ  
 ମାରାଙ୍ଗ୍ ବିଙ୍ଗ୍ ଏନ୍ କୁଡ଼ିଆଃ ଆୟାରରେ ତିଙ୍ଗୁୟାନା । <sup>୫</sup> ଏନ୍ତେ ଏନ୍ କୁଡ଼ି, କଡାହନ୍  
 ଜାନାମ୍କିୟାଏ, ଇନିଃ ସବେନ୍ ଦିଶ୍ୱମ୍ବକେ ମିଆଁଦ୍ ମେଡେଦ୍ ସଟାତେ ରାଇଜେୟା  
 । ମେନ୍ଦ ଏନ୍ ହନ୍ଦକେ ଛଡାଅ ଇଦିକେଦତେ ପାର୍ବମେଶ୍ୱାର୍ଆଃ ରାଜ୍ଗାଦି  
 ଆୟାରତେ ଇଦିୟାନା । <sup>୬</sup> ଆତଃ ଏନ୍ କୁଡ଼ି ବିର୍ତେ ନିର୍ୟାନା । ଏନ୍ତାଃରେ ୧,୨୭୦  
 ମାହାଁ ଜାକେଦ୍ ଆୟାଃ ତାଇନଃ ନାଗେନ୍ତେ ପାର୍ବମେଶ୍ୱାର୍ ଠାୟାଦ୍ ବାଇକେଦାଏ ।

<sup>୭</sup> \*ଏନ୍ତେ ସିର୍ମାରେ ମାପାଃତୁପୁଇଙ୍ଗ୍ ଏନେଟେଦୟାନା । ମିଖେଲ୍ ଆତଃ  
 ଆୟାଃ ଦୁଡ୍ଡକ, ଏନ୍ ମାରାଙ୍ଗ୍ ବିଙ୍ଗ୍ ଆତଃ ଆଇଃକ୍କେ ଅତଙ୍ଗ୍ତାନ୍ ଦୁଡ୍ଡକଲଃ  
 ଲାପାଡାୟାନାକ । ି ମେନ୍ଦ ଲାପାଡାରେ ମାରାଙ୍ଗ୍ ବିଙ୍ଗ୍ ଆତଃ ଆଇଃକ୍କେ  
 ଅତଙ୍ଗ୍ତାନ୍ ଦୁଡ୍ଡକ କାକ ଜିତାଅ ଦାଡ଼ିୟାନା ଆତଃ ଇନ୍ଦୁ ସିର୍ମାରେ ଠାୟାଦ୍ କାକ  
 ନାମ୍ବକେଦା । <sup>୯</sup> \*ଏନ୍ ମାରାଙ୍ଗ୍ ବିଙ୍ଗ୍ ହବାଅଃତାନାଏ, ସବେନ୍ ଅତେଦିଶ୍ୱମ୍ବକେ

\* ୧୧:୧୯ ୧୧:୧୯ ଉତ୍କଳ କାଜି ୮:୫; ୧୭:୧୮; ଉତ୍କଳ କାଜି ୧୭:୨୧.      \* ୧୨:୭ ୧୨:୭ ଯିହୁଦା ୧:୯.  
 \* ୧୨:୯ ୧୨:୯ ଲୁକ ୧୦:୧୮.

ବେଦାକାଦ୍ ମାରି ମାରାଙ୍ଗ ବିଙ୍ଗ, ସାଏତାନ୍; ଆୟାଃ ଦୁଁଡ୍ ଆତଃ ପେଡ଼େୟାନ୍ ଝୁଣ୍ଡଲଃ  
ଅତେଦିଶ୍ୱମ୍ରେ ହୁରାଙ୍ଗୟାନା ।

୧୦ ଏନ୍ତେ ଆଇଙ୍ଗ୍ ସିର୍ମାରେ ପୁରାଃ କାଉରିକେଦ୍ତେ ମିଆଁଦ୍ ଲାବ୍ଜା  
ଆୟୁମ୍କେଦାଇଙ୍ଗ୍, “ନାହାଁଃଦ ପାରମେଶ୍ୱାର୍ଆଃ ଜୀଉବାଞ୍ଚାଅ ସେଟେରାକାନା ।  
ଆୟାଃ ପୁରାଃ ପେଡ଼େଃ, ରାଇଙ୍ଗ୍ ଆତଃ ଆୟାଃ ମାସିଆଃ ଆକ୍ତେୟାର୍ ଉଦୁବାକାନା  
। ଅକ ପିଁସ୍ରିରେ ଉୟୁଃ ନାଙ୍ଗ୍ ନିଦାସିଙ୍ଗି ପାରମେଶ୍ୱାର୍ଆଃ ଆୟାର୍ରେ  
ତିଙ୍ଗ୍କେଦ୍ତେ, ଆବୁଆଃ ହାଗା ମିଶିକଆଃ ବିରୁଧ୍ରେ ହସଡ୍ କାଜିନିଃ ତିସିଙ୍ଗ୍  
ସିର୍ମାଏତେ ହୁରାଙ୍ଗ୍ ଏଣ୍ଡାଃକାନା । ୧୧ ମିଣ୍ଡିହନ୍ଆଃ ମାୟୋମ୍ପରାଃ ପେଡ଼େଃତେ ଆତଃ  
ଆକଆଃ ଗାଞ୍ଜାରେୟାଃ କାଜି ଉଦୁଦ୍ ହରାତେ ଆବୁଆଃ ହାଗା ମିଶିକ ଜିତାଅକାନାକ,  
ଆତଃ ଗନ୍ଏଃ ଜାକେଦ୍ ଇନ୍କୁ ଆକଆଃ ଆପ୍ନାଃ ଜୀଉକେ କା ଦୁଲ୍ଲାଡ଼କେଦ୍ତେ  
ଜୀଉ ଏମ୍ ନାଗେନ୍ତେ ସେକାଡ଼ାକାନ୍ ତାଇକେନାକ । ୧୨ ଏନାତେ ସିର୍ମା ଆତଃ  
ସିର୍ମାରେ ତାଇନ୍ତାନ୍ ସବେନ୍କ ରାସ୍ୱକାଅଃପେ । ମେନ୍ଦ୍ ହାଏ, ଅତେ ଆତଃ  
ଦରେୟାରେନ୍ ସବେନ୍କ, ଆପେୟାଃ ଦୁର୍ଦାସା ଚିମିନ୍ ବରଞ୍ଜାନଗିଆ ! ନାହାଁଃ  
ସାଏତାନ୍ ଆପେତାଃରେ ପୁରାଃଗି ଶ୍ୱକାନା, ତିଆଃତି ଇନିଃ ସାରିତାନାଏ ଆୟାଃ  
ନେତା ପୁରାୟାନ୍ଗିଆ ।”

୧୩ ଏନ୍ ମାରାଙ୍ଗ୍ ବିଙ୍ଗ୍ ଆପାନ୍କେ ଅତେରେ ହୁରାଙ୍ଗ୍କାନ୍ ନେଲ୍କେଦ୍ତେ ଏନ୍  
ହନ୍ ଜାନାମାକାଇ କୁଡ଼ିଆଃ ଦୟା ଦୟା କୁଦାଅକିୟାଏ । ୧୪ ଏନ୍ ବିଙ୍ଗ୍ତାଃଏତେ  
ବାଞ୍ଚାଅଃ ନାଗେନ୍ତେ, ଏନ୍ କୁଡ଼ିକେ ବାଜ୍ ଅଡ଼େରାଃ ବାରିୟା ମାପ୍ପରାଙ୍ଗ୍ ଆପ୍ପରବ୍  
ଏମ୍ୟାନା । ଏନାଃଲଃ ଇନିଃ ବିର୍ତ୍ତେ ଆପ୍ପିରୟାନା ଆତଃ ଏନ୍ତାଃରେ ଆପିୟା ଆତଃ  
ଆଧା ବାରାଷ୍ଟ ଜାକେଦ୍ ବୁଗିଲେକା ତାଇନ୍କେଦ୍ତେ ଆପୁଲ୍ୟାନା । ୧୫ ଏନ୍ତେ ଏନ୍  
କୁଡ଼ି ଗାଡ଼ାରେୟାଃ ଦାଆଃରେ ଆତୁଃକାଏ ମେନ୍ତେ ମାରାଙ୍ଗ୍ ବିଙ୍ଗ୍ ଆୟାଃ ମତାଏତେ  
ରୁତା ଦାଆଃ ପୁର୍କାଅ ଅତଙ୍ଗ୍କେଦାଏ । ୧୬ ମେନ୍ଦ୍ ଏନ୍ କୁଡ଼ିକେ ବାଞ୍ଚାଅ ନାଗେନ୍ତେ  
ଅତେ ଆୟାଃ ମତା ଅଟାଃକେଦ୍ତେ, ମାରାଙ୍ଗ୍ ବିଙ୍ଗ୍ପରାଃ ମତାଏତେ ଅତଙ୍ଗ୍ଅଃତାନ୍  
ସବେନ୍ ରୁତା ଦାଆଃ ନୁଁ ଆଞ୍ଜେଦ୍ କେଦାଏ । ୧୭ ଏନାରେ ମାରାଙ୍ଗ୍ ବିଙ୍ଗ୍ ଏନ୍ କୁଡ଼ି  
ତେତାନ୍ରେ ପୁରାଃଗି ଶ୍ୱକୟାନା ଆତଃ ଆୟାଃ କିଲିରେନ୍ ସାରେଜାକାନ୍ ହନ୍କଲଃ  
ଲାପ୍ପଡ଼ାଇ ନାଗେନ୍ତେ ଅତଙ୍ଗ୍ୟାନା । ଅକନ୍କ ପାରମେଶ୍ୱାର୍ଆଃ ଆନ୍ତୁକ ମାନାତିଙ୍ଗ୍  
ତାନା ଆତଃ ଯୀଶୁଆଃ ବିଷାଏରେ ଗାଞ୍ଜା ଏମାଃକ, ଇନ୍କୁ ଆୟାଃ ହନ୍କ ତାନ୍କ ।  
୧୮ ଆତଃ ଏନ୍ ମାରାଙ୍ଗ୍ ବିଙ୍ଗ୍ ଦରେୟା ଗେନାରେ ତିଙ୍ଗ୍ୟାନା ।

### ୧୩

ବାରିୟା ଜାଁତୁ

୧ ☆ଏନ୍ତେ ଆଇଙ୍ଗ୍ ଦରେୟାଏତେ ମିଆଁଦ୍ ଜାଁତୁକେ ରାକାବ୍ତେୟାଃ  
ନେଲ୍କିୟାଇଙ୍ଗ୍ । ଇନିୟାଃ ଗେଲ୍ ଦିରିଙ୍ଗ୍ ଆତଃ ଏୟା ବହଃ ତାଇକେନା  
। ମିପିଆଦ୍ ଦିରିଙ୍ଗ୍କରେ ମିପିଆଦ୍ ମୁକୁଟ୍ ଆତଃ ମିପିଆଦ୍ ବହଃକରେ  
ପାରମେଶ୍ୱାର୍କେ ନିନ୍ଦାଇ ମିପିଆଦ୍ ନୁଡୁମ୍ ଅଲ୍ଲାକାନ୍ ତାଇକେନା । ୨ ଆଇଙ୍ଗ୍  
ନେଲ୍ଲାଇଙ୍ଗ୍ ଜାଁତୁ କୁଲ୍ଲା ଲେକାଏ ତାଇକେନା, ଇନିୟାଃ କାଟା ଭାଲୁରାଃ କାଟା  
ଲେକା ଆତଃ ଇନିୟାଃ ମତା ସିଂହରାଃ ମତା ଲେକା ତାଇକେନା । ଏନ୍ ମାରାଙ୍ଗ୍  
ବିଙ୍ଗ୍ ଦରେୟା ଗେନାରେ ତାଇକେଦ୍ତେ, ଆୟାଃ ସବେନ୍ ପେଡ଼େଃ ରାଜ୍ଗାଦି  
ଆତଃ ମାରାଙ୍ଗ୍ ଆକ୍ତେୟାର୍ ଆଇଃକ୍କେ ଏମ୍ୟାନା । ୩ ଜାଁତୁରାଃ ମିଆଁଦ୍ ବହଃ  
ଅ୍ପ୍ପାଗି ଠାକାନ୍ ଲେକା ଆଟ୍ଟକାରଃ ତାଇକେନା । ମେନ୍ଦ୍ ଘାଅକାନ୍ତାଃ ବୁଗିକାନ୍

☆ ୧୩:୧ ୧୩:୧ ଉତ୍କଳ କାଜି ୧୭:୩,୭-୧୨.



ତାଙ୍କକେନା ଆଡ଼ଃ ଗଟା ଅତେଦିଶୁମ୍ଭରେ ସବେନକ ଆକଦାନ୍ଦାଅକେଦତେ ଜାଁତୁକେ ଅତଙ୍ଗକିୟାକ । ୪ ଆଡ଼ଃ ସବେନକ ଏନ୍ ମାରାଙ୍ଗ ବିଙ୍ଗକେ ସୁନ୍ନୁସାରକିୟାକ, ଚିଆଠି ଇନିଃ ଆୟାଃ ପେଡ଼େଃ ଏନ୍ ଜାଁତୁକେ ଏମ୍‌କିୟା । ଇନ୍‌କୁ ଜାଁତୁକେହଗି ସୁନ୍ନୁସାରକେଦତେ କାଜିକେଦାକ, “ଅକଏ ନେ ଜାଁତୁ ଲେକାଏ ହବାଦାଡ଼ିୟାଆ ? ଅକଏ ଆୟାଃଲଃ ଲାଡ଼ାଇ ଦାଡ଼ିୟାଏ ?”

୫ ଏନ୍ ଜାଁତୁକେ ପାର୍‌ମେଶ୍ୱାର୍‌ଆଃ ବିରୁଧରେ ହିଲାଙ୍ଗ କାଜି ଆଡ଼ଃ ନିନ୍ଦାଇ କାଜିକ କାଜି ନାଗେନ୍ତେ ଆରୁକାନା, ଆଡ଼ଃ ବାର୍‌ହିସି ବାର୍ ମାହଁନା ଜାକେଦ୍ ଆକ୍‌ତେୟାରରେ ନାଗେନ୍ତେ ଇନିଃକେ ଆରୁକାନ୍ ତାଇକେନା । ୬ ଏନ୍ ଜାଁତୁ ପାର୍‌ମେଶ୍ୱାର୍‌ଆଃ ବିରୁଧରେ କାଜି ଏଚେଦକେଦତେ, ଆୟାଃ ନୁତୁମ୍, ଆୟାଃ ତାଇନଃ ଠାୟାଦ୍, ଆଡ଼ଃ ସିର୍ମାରେ ତାଇନତାନ୍ ସବେନକକେ ନିନ୍ଦାକେଦକଆ । ୭ ପାର୍‌ମେଶ୍ୱାର୍‌ଆଃ ହଡ଼କଆଃ ବିରୁଧରେ ଲାଡ଼ାଇକେଦତେ ଇନ୍‌କୁକେ ହାରାଅ ନାଗେନ୍ତେ ଇନିଃକେ ଆକ୍‌ତେୟାର୍ ନାମ୍‌ୟାନା ଆଡ଼ଃ ମିପିଆଦ୍ କିଲି, ଦିଶୁମ୍, ଏଟାଃ ଏଟାଃ ଜାଗାର୍‌ତାନ୍ ଆଡ଼ଃ ଜାଡ଼ିକଆଃ ଚେତାନ୍‌ରେ ଇନିଃକେ ଆକ୍‌ତେୟାର୍ ଏମ୍‌ୟାନା । ୮ ଅତେଦିଶୁମ୍ଭରାଃ ଏନେଚେଦ୍ ସିଦାରେ ଅକନ୍ ହଡ଼କଆଃ ନୁତୁମ୍ ଦାଣ୍ଠି ରାକାବଃତାନ୍ ମିଶ୍ଟିହନ୍‌ଆଃ ଜୀଦାନ୍ ପୁଥ୍‌ରେ ଅଲ୍‌କାନ୍ ତାଇକେନା, ଇନ୍‌କୁକେ ବାଗିକେଦତେ ଅତେଦିଶୁମ୍ଭରେନ୍ ଏଟାଃ ସବେନକ ଏନ୍ ଜାଁତୁରାଃ ସୁନ୍ନୁସାର୍ ରିକାଏୟାକ ।

୯ ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ । ୧୦ ପାର୍‌ମେଶ୍ୱାର୍‌ଆଃ ସାନାଙ୍ଗ ଲେକାତେ, ଜେତାଏ ତଲ୍ ଇଦିୟାଃନିଃ ସାର୍‌ତିଗି ତଲ୍ ଇଦିୟାଃଆ । ଜେତାଏ ଏଟାଃନିଃକେ ତାରାଡ଼ଡ଼ିତେ ମାଆଃ ଗଜିନିଃ, ଆଇଃକ୍‌ଗି ତାରାଡ଼ଡ଼ିତେ ମାଆଃ ଗଜଃଆ । ନେ ଦିପିଲିରେ ପାର୍‌ମେଶ୍ୱାର୍‌ଆଃ ହଡ଼କ ନାଗେନ୍ତେ ଧୂରାଜ୍ ଆଡ଼ଃ ବିଶ୍ୱାସ୍ ତାଇନଃଗି ଲାଗାଡ଼ିଙ୍ଗିୟାଃ ।

୧୧ ଏନ୍ତେ ଆଇଙ୍ଗ୍ ଆଡ଼ଃମିଆଁଦ୍ ଜାଁତୁକେ ଅତେହେତେ ଚେତାନ୍‌ତେ ବିରିଦ୍ ରାକାବ୍‌ତେୟାଃ ନେଲ୍‌କିୟାଇଙ୍ଗ୍ । ମିଶ୍ଟିହନ୍‌ଆଃ ଦିରିଙ୍ଗ୍ ଲେକାଗି ଇନିୟାଃ ବାରିୟା ଦିରିଙ୍ଗ୍ ତାଇକେନା ଆଡ଼ଃ ଇନିଃ ମାରାଙ୍ଗ ବିଙ୍ଗ୍ ଲେକାଏ ଜାଗାର୍‌ତାନ୍ ତାଇକେନା । ୧୨ ଏନ୍ ଏଟାଃ ଜାଁତୁ ପାହିଲା ଜାଁତୁରାଃ ନେପେଲ୍‌ରେ ଆୟାଃ ପେଡ଼େଃକେ ଉଦୁବ୍‌କେଦା । ଆଡ଼ଃ ଏନ୍ ପାହିଲା ଜାଁତୁ, ଅକଏୟାଃଚି ଘାଅ ବୁଗିୟାକାନ୍ ତାଇକେନା, ଇନିୟାଃ ସୁନ୍ନୁସାର୍ ରିକା ନାଗେନ୍ତେ ଅତେଦିଶୁମ୍ଭରେନ୍ ସବେନକକେ ଜାବାର୍‌ଜାସ୍ତିକେଦକଆ । ୧୩ ଏଟାଃ ଜାଁତୁ ପୁରାଃ ଆକ୍‌ଦାନ୍‌ଅ କାମିକଏ କାମିକେଦା । ସବେନକଆଃ ଆୟାର୍‌ରେ ସିର୍ମାଏତେ ଅତେରେ ସେଙ୍ଗେଲ୍‌ଗାମା ଗାମାଇଚିକେଦାଏ । ୧୪ ଆଡ଼ଃ ପାହିଲା ଜାଁତୁରାଃ ତାଇନଃ ଦିପିଲିରେଗି, ନେ'ଲେକା ପୁରାଃଗି ଆକ୍‌ଦାନ୍‌ଅ କାମିକ ରିକାକେଦତେ ଅତେଦିଶୁମ୍ଭରେନ୍ ସବେନକକେ ବେଦାକେଦକଆ । ତାରାଡ଼ଡ଼ିତେ ମାଆଃକାନ୍‌ରେୟ, ବାସ୍ତାଅକାନ୍ ପାହିଲା ଜାଁତୁରାଃ ମାଇନଃ ନାଙ୍ଗ୍ ଆୟାଃ ମିଆଁଦ୍ ମୁରୁଡ୍ ବାଇ ନାଗେନ୍ତେ ଏଟାଃ ଆଡ଼ଃମିଆଁଦ୍ ଜାଁତୁ ହଡ଼କକେ ଆରୁକେଦକଆ । ୧୫ ପାହିଲା ଜାଁତୁରାଃ ମୁରୁଡ୍ ଜେ'ଲେକା ଜାଗାର୍ ଦାଡ଼ିୟାଏ ଆଡ଼ଃ ଏନ୍ ମୁରୁଡ୍‌କେ କାକ ସୁନ୍ନୁସାର୍‌ତାନ୍ ହଡ଼କକେ ଜେ'ଲେକା ଗନଏଃ ସାଜାଇ ଏମଃଆ, ଏନାମେନ୍ତେ ଏଟାଃ ଆଡ଼ଃମିଆଁଦ୍ ଜାଁତୁକେ ଏନ୍ ମୁରୁଡ୍‌ରେ ଜୀଉ ଏମ୍‌ରେୟାଃ ଆକ୍‌ତେୟାର୍ ଏମ୍‌ୟାନା । ୧୬ ହୁଡ଼ିଙ୍ଗ୍ ଆଡ଼ଃ ମାରାଙ୍ଗ୍, ଗାରିଦ୍ ଆଡ଼ଃ କିସାଁଣ, ଦାସିକାନ୍ ଆଡ଼ଃ କା ଦାସିକାନ୍, ସବେନକକେ ଇନ୍‌କୁଆଃ ଜମ୍‌ଡ଼ିଃଇରେ ଚାଏ ମଲ୍‌ଙ୍ଗ୍‌ରେ ମିଆଁଦ୍ ଖଦାକାନ୍ ଚିହ୍ନାଁ ଦହ ନାଗେନ୍ତେ ଇନିଃ ଜାବାର୍‌ଜାସ୍ତି କେଦକଆଏ । ୧୭ ଅକ ହଡ଼ ଏନ୍ ଜାଁତୁରାଃ ନୁତୁମ୍ ଚାଏ ଆୟାଃ ନୁତୁମ୍‌ରାଃ ନାମ୍‌ବାର୍

କାଏ ଖଦାକାନୁଗିୟା, ଇନିଃ ଜେଡନାଃ କିରିଙ୍ଗ ଚାଏ ଆଖିରିଙ୍ଗ କାଏ ଦାଡ଼ିୟା ।

୧୮ ନେତାଃରେ ସେଣାଁ ତାଇନଃ ଲାଗାତିଙ୍ଗୟାଃ । ଏନ୍ ଜାଁତୁରାଃ ନାମ୍ବାର ସେଣାଁନ୍ ହଡ଼ ଏସକାର ସାରି ଦାଡ଼ିୟାକ । ତିଆଃତି ନେ ନାମ୍ବାର ମିଆଁଦ୍ ହଡ଼ରାଃ ନାମ୍ବାର ତାନାଃ, ଏନା ହବଅଃତାନା ୭୭୭ ।

### ୧୪

ମିଣ୍ଡିହନ୍ ଆତଃ ଆଇଃକକେ ଅତଙ୍ଗତାନକ

୧୯ ଏନ୍ତେ ଆଇଙ୍ଗ ଏନ୍ ମିଣ୍ଡିହନ୍ କେ ସିନାଇ ବୁରୁରେ ତିଙ୍ଗୁଆକାନ୍ ନେଲକିୟାଇଙ୍ଗ ଆତଃ ଇନିଃଲଃ ୧୪୪.୦୦୦ ହଡ଼କ ତାଇକେନାକ । ଇନ୍ କୁଆଃ ମଲଙ୍ଗରେ ମିଣ୍ଡିହନ୍ ଆତଃ ଆୟାଃ ଆପୁଆଃ ନୁତୁମ୍ ଅଲାନାନ୍ ତାଇକେନା । ୨ ଏନ୍ତେ ଆଇଙ୍ଗ ପୁରାଃଗି ଲିଙ୍ଗିୟଃତାନ୍ ସେତେଙ୍ଗ ଦାଆଃରାଃ ସାଡ଼ି ଆତଃ ରିମିଲ୍ ସାଡ଼ି ଲେକା ମିଆଁଦ୍ ସାଡ଼ି ସିର୍ମାଏତେଇଙ୍ଗ ଆୟୁମ୍ କେଦା । ବାନାମ୍ ସାଡ଼ିତାନକଆଃ ବାନାମ୍ ସାଡ଼ି ଲେକା ଆୟୁମ୍ ତାଇକେନା । ୩ ଅତେଦିଶୁମ୍ରେ ମୁଲ୍ଟି ନାମାକାଦ୍ ଏନ୍ ୧୪୪,୦୦୦ ହଡ଼କ, ସିର୍ମାରେୟାଃ ରାଜଗାଦି, ଉପୁନିୟା ଜାଁତୁକଆଃ ଆତଃ କାଲିସିୟାରେନ୍ ପ୍ରାଚିନକଆଃ ଆୟାରରେ ତିଙ୍ଗୁୟାନାକ । ଇନ୍ କୁ ନାଞ୍ଜାଦୁରାଙ୍ଗ ଦୁରାଙ୍ଗ ତାଇକେନାକ । ଇନ୍ କୁକେ ବାଗିକେଦ୍ତେ ଆତଃଜେତାଏ କାକ ଦୁରାଙ୍ଗ ଦାଡ଼ିତାଇକେନା । ସବେନ୍ ମାନଞ୍ଜାକଏତେ ଇନ୍ କୁ ଏସକାର ଜୀଉବାଞ୍ଚାଅ ନାମାକାଦ୍ ତାଇକେନାକ । ୪ ଇନ୍ କୁ କୁଡ଼ିକଲଃ ହଡ଼ମରେୟାଃ ଏଡ଼କାନ୍ କାମି ଚିଉଲାଅ କା ରିକାକେଦ୍ତେ କା ସଡ଼ରାକାନ୍ ତିଣ୍ଡାଗିକ ତାଇକେନା, ଆତଃ ସବେନ୍ ଇମତା ମିଣ୍ଡିହନ୍ କେ ଅତଙ୍ଗତାନ ହଡ଼କ ତାଇକେନା । ଇନ୍ କୁ ମାନଞ୍ଜାକ ଆଲାଏତେ ମୁଲ୍ଟି ନାମ୍ କେଦ୍ତେ ପାର୍ମେଶ୍ୱାର ଆତଃ ମିଣ୍ଡିହନ୍ ତାଃରେ ଦାନ୍ ରାକାବାକାନାକ । ୫ ଇନ୍ କୁ ଚିଉଲାଅ ହସଡ଼କାଜି କାକ କାଜି, ଆତଃ ପୁରାଗି ବେଗାର୍ ଚିଟାକାନ୍ ହଡ଼କ ତାନକ ।

ଆପିୟା ଦୁଁଡ଼

୬ ଏନ୍ତେ ଆଇଙ୍ଗ ଏଟାଃ ମିଆଁଦ୍ ଦୁଁଡ଼କେ ଆଲା ସିର୍ମାରେ ଆପିରତାନ୍ ନେଲକିୟାଇଙ୍ଗ । ଅତେରେନ୍ ସବେନ୍ ହଡ଼, କିଲି, ଏଟାଃ ଏଟାଃ ଜାଗାରତାନକ ଆତଃ ଦିଶୁମ୍ରେନ୍ ହଡ଼କଆଃ ଆୟାରରେ ପାର୍ମେଶ୍ୱାରଆଃ ଏନ୍ ଜାନାଅ ଜାନାଅରେୟାଃ ସୁକୁକାଜି ଉଦୁବତାନାକ । ୭ ଇନିଃ କାଉରିକେଦ୍ତେ କାଜିତାଇକେନା, “ପାର୍ମେଶ୍ୱାରକେ ବରଇପେ, ଆୟାଃ ମାନାରାଙ୍ଗ ରିକାଏପେ, ତିଆଃତି ମାନଞ୍ଜାଃ ବିଚାର ନେତା ସେଟେରାକାନା । ସିର୍ମା, ଅତେ, ଦରେୟା ଆତଃ ସେତେଙ୍ଗ ବାବାଇନିୟାଃ ସୁନ୍ଦୁସାର୍ ରିକାଏପେ ।”

୮ ଏନ୍ ପାହିଲା ଦୁଁଡ଼ଆଃ ତାୟମ୍ତେ ଏଟାଃ ଦୁଁଡ଼ କାଜିକେଦାଏ, “ଅକ ମାରାଙ୍ଗ ନାଗାର୍ ବାବିଲୋନ୍, ସବେନ୍ ହଡ଼କକେ ଆୟାଃ ଆପାଙ୍ଗିର୍ କାମି ଲେକାନ୍ ଇଲିଆରଖ୍ ଆନୁକାଦ୍ କାଏ, ଇନିୟାଃ ଜିୟନ୍ ହବାକାନା !”

୯ ଏନ୍ତେ ନେ ବାରିୟା ଦୁଁଡ଼କିନାଃ ତାୟମ୍ତେ, ଆତଃମିଆଁଦ୍ ଦୁଁଡ଼ କାଉରିକେଦ୍ତେ କାଜିକେଦା, “ଜେତାଏ ଜାଁତୁ ଆତଃ ଆୟାଃ ମୁରୁଡ଼କେ ସୁନ୍ଦୁସାର୍ ରିକାଏୟା ଆତଃ ଆପନାଃ ମଲଙ୍ଗରେ ଚାଏ ତିଃଇରେ ଆୟାଃ ଚିହ୍ନା ଖଦାକାନୁରେଦ୍, ୧୦ ଇନିଃ ପାର୍ମେଶ୍ୱାରଆଃ ଖ୍ୱଅଃ ଲେକାନ୍ କାଟୋରାରେ ଦୁଲ୍ଲକାନ୍ ଆୟାଃ ପୁରାଃ ଖ୍ୱରେୟାଃ ଇଲିଆରଖ୍ ନୁଁଇଆ । ଅକ ହଡ଼କ ନେ କାମିକ ରିକାଏୟା, ଇନ୍ କୁ ସବେନ୍ କ ମିଣ୍ଡିହନ୍ ଆତଃ ପାବିତାର୍ ଦୁଁଡ଼କଆଃ ସାମ୍ନାଙ୍ଗରେ ସେଙ୍ଗେଲ୍ ଆତଃ

☆ ୧୪:୧ ୧୪:୧ ଉତ୍କଳ କାଜି ୭:୩. ☆ ୧୪:୮ ୧୪:୮ ଉତ୍କଳ କାଜି ୧୮:୨.

ଗାନ୍ଧୀଙ୍କରେ ଦୁକୁଳ ନାମେୟା । ୧୧ ଏନ୍ ଦୁକୁରେୟାଃ ସୁକୁଲ୍ ଜାନାଅ ଜାନାଅ ସୁକୁଲଃଆ । ଅକ ହଡକ ଜାଁତୁ ଆତଃ ଆୟାଃ ମୁରୁଡକେ ସୁନୁସାର୍ ରିକାଏୟାକ, ଚାଏ ଆୟାଃ ଚିହ୍ନାଁ ଖଦାନାଃକ, ଇନ୍କୁ ନିଦାସିଜ୍ଠି ସବେନ୍ ଇମତା କା ରୁଡ଼ନୁ ଦୁକୁଳ ନାମେୟା ।”

୧୨ ଅକ ପାବିତାର ହଡକ ପାରମେଶ୍ଵାର୍ଆଃ ହୁକୁମ୍ କ ମାନାତିୟାଃ ଆତଃ ଯାଶୁକେ ବିଶ୍ଵାସାଃକ, ଇନ୍କୁ ମାନାତିକ୍ଷରେ ଆତଃ ବିଶ୍ଵାସରେ ପାତିୟାରରଃ ଲେକା ତାଇନ୍ ଲାଗାତିକ୍ଷୟାଃ ।

୧୩ ଏନ୍ଦ୍ର ଆଇକ୍ଷ ସିର୍ମାଏତେ ମିଆଁଦ୍ ଲାବଜା ଆୟୁମ୍ କେଦାକ୍ଷ, “ନେ କାଜି ଅଲେମେ, ନାହାଃଏତେ ପ୍ରାଭୁତାଃରେ ବିଶ୍ଵାସକେଦତେ ଅକ ହଡକଆଃ ଗନଏଃ ହବାଅଃଆ, ଇନ୍କୁ ସୁକୁତାନ୍ ଗିୟାକ ।” ଆତଃଗିକ୍ଷ ଆୟୁମ୍ କେଦା, ପାବିତାର୍ ଆମ୍ନା କାଜିତାନାଏ, ନେଆଁ ସାର୍ତ୍ତଗି ହବାଅଃଆ । “ଏନ୍ ହଡକ ଆକଆଃ କେଟେଦ୍ କାମିଏତେ ରୁଡ଼ନୁକ ନାମେୟା, ଚିଆଃତି ଇନ୍କୁ କାମିକାଦ୍ କାମି ଆକଲଃ ମିସାତେ ସେନା ।”

ଅତେରେ ଇରଃ ଦିପିଲି

୧୪ ଏନ୍ଦ୍ର ଆଇକ୍ଷ ମିଆଁଦ୍ ପୁଣ୍ଡି ରିମିଲ୍ ଆତଃ ଏନ୍ ରିମିଲ୍ରେ ମାନଃହନ୍ଦ୍ ଲେକା ମିହୁଡକେ ଦୁବାକାନ୍ ନେଲକିୟାକ୍ଷ । ଇନିୟାଃ ବହଃରେ ସୋନାରେୟାଃ ମୁକୁଟ୍ ଆତଃ ଇନିୟାଃ ଡିଃଇରେ ମିଆଁଦ୍ ଲେସେର୍ ଦାଡ଼ରମ୍ ତାଇକେନା । ୧୫ ଏନ୍ଦ୍ର ମିଆଁଦ୍ ଦୁଁଡ୍ ମାନ୍ଦିରହେତେ ଅଡକ୍ଷୟାନ୍ଲଃ, ଏନ୍ ରିମିଲ୍ରେ ଦୁବାକାନ୍ନିଃକେ କାଉରିକେଦତେ କାଜିକିୟା, “ଆମାଃ ଦାଡ଼ରମ୍ ସାବକେଦତେ ମାତାକାନ୍ ବାବା ଇରେମେ । ଅତେରେୟାଃ ବାବା ଇରେ ନାଗେନ୍ଦ୍ର ଦିପିଲି ସେଟେରାକାନା ।” ୧୬ ନେଆଁ ଆୟୁମ୍ କେଦତେ ରିମିଲ୍ରେ ଦୁବାକାନ୍ନିଃ ଦାଡ଼ରମ୍ଲଃ ମାତାବାବା ଇର୍ ଏଟେଦକେଦାଏ ଆତଃ ଅତେରେୟାଃ ସବେନ୍ ବାବା ହୁଣ୍ଡିକେଦାଏ ।

୧୭ ଏନ୍ଦ୍ର ଏଟାଃ ଆତଃମିଆଁଦ୍ ଦୁଁଡ୍ ସିର୍ମାରେୟାଃ ମାନ୍ଦିରହେତେ ହିନ୍ଦୁଃତାନ୍ ନେଲକିୟାକ୍ଷ, ଇନିୟାଃ ଡିଃଇରେୟା ମିଆଁଦ୍ ଲେସେର୍ ଦାଡ଼ରମ୍ ତାଇକେନା ।

୧୮ ଏନ୍ଦ୍ର ଆତଃମିଆଁଦ୍ ଦୁଁଡ୍ ବେଦିହେତେ ହିନ୍ଦୁଃୟାନା । ଇନିୟାଃ ସେକ୍ଷେଲ୍ ଚେତାନ୍ରେ ଆକ୍ତେୟାର୍ ତାଇକେନା । ଇନିଃ ଲେସେର୍ ଦାଡ଼ରମ୍ ସାବାକାଦ୍ ଦୁଁଡକେ କାଉରିକେଦତେ କାଜିକିୟା, “ଅତେରେୟାଃ ଦାଖ୍ନାଡିରେ ଜ'କାନ୍ ଅକ୍ଷୁର୍ ଝୁପାକକେ ଦାଡ଼ରମ୍ଲଃ ଇରେମେ । ଚିଆଃତି ଅକ୍ଷୁର୍ ମାତାୟାନ୍ନିୟା ।” ୧୯ ଏନ୍ଦ୍ର ଏନ୍ ଦୁଁଡ୍ ଅତେଦିଶୁମ୍ରେୟାଃ ଦାଖ୍ନାଡିରାଃ ଅକ୍ଷୁର୍କ ଦାଡ଼ରମ୍ଲଃ ଇର୍କେଦାଏ । ଆତଃ ଏନ୍ ସବେନାଃ ପାରମେଶ୍ଵାର୍ଆଃ ପୁରାଃ ଖୁସ୍ରେୟାଃ ଦାଖ୍ନାସି ଘାନାରେ ହୁରାକ୍ଷକେଦା । ୨୦ ନାଗାର୍ ବାହାରିରେ ତାଇକାନ୍ ଏନ୍ ଦାଖ୍ନାସି ଘାନାରେ ହୁରାକ୍ଷୟାନା ଆତଃ ଏନ୍ ଘାନାରେ ଦାଖ୍ନାସି ପେସାଅୟାନା । ଏନାଏତେ ୩୦୦ କିଲୋମିଟର୍ ଜିଲିକ୍ଷ ଆତଃ ସାଦମ୍ପରାଃ ମତାରେୟାଃ ଲାଗମ୍ ଜାକେଦ୍ ମେନ୍ଲେରେ, ବାର୍ ମିଟର୍ ଲେକା ସାଲାଜି ମାୟୋମ୍ରେୟାଃ ଗାଡ଼ା ଲିଜିୟାନା ।

୧୫

ଚୁଣ୍ଡ ଦୁକୁହାସୁ

୧ ଏନ୍ଦ୍ର ସିର୍ମାରେ ଆଇକ୍ଷ ଆତଃମିଆଁଦ୍ ହାଏକାଟ୍ ଆତଃ ଆକଦାନ୍ଦାଅ ଚିହ୍ନାଁ ନେଲକେଦାକ୍ଷ । ଏନ୍ଦ୍ରାଃରେ ଏୟା ଖାନ୍ ଦୁଁଡକ ମିପିଆଦ୍ ଚୁଣ୍ଡ ଦୁକୁହାସୁ ସାବକେଦତେ ଆଡ଼ଗୁୟାନାକ । ନେଆଁ ହବାଅଃ ତାୟମ୍ତେ, ପାରମେଶ୍ଵାର୍ଆଃ ଖୁସ୍ରାଃ ଚୁଣ୍ଡ ହବାଅଃଆ ।

\* ୧୫:୨୦ ୧୪:୨୦ ଉତ୍କଳ କାଜି ୧୯:୧୫.

୨ ଏନ୍ତେ ଆଇଙ୍ଗ୍ ସେଙ୍ଗେଲ୍ଲିଃ ମେସାକାନ୍ କାଁର୍ ଲେକା ମିଆଁଦ୍ ଦରେୟା ନେଲ୍ଲକେଦାଇଙ୍ଗ୍ । ଅକ ହଡକ ଏନ୍ ଜାଁଡୁ, ଆୟାଃ ମୁରୁଡ୍ ଆଡଃ ଆୟାଃ ନୁଡୁମରାଃ ନାମ୍ବାର୍ ଚେତାନ୍ରେ ଜିତାଅକାନ୍ ତାଇକେନାକ, ଇନ୍କୁକେ ଏନ୍ ଦରେୟା ଗେନାରେ ତିଙ୍ଗୁଆକାନ୍ ନେଲ୍ଲକେଦକଆଇଙ୍ଗ୍ । ଇନ୍କୁଆଃ ତିଃଇରେ ପାର୍ମେଶ୍ୱାର୍ ଏମାକାଦ୍ ବାନାମ୍ ତାଇକେନା । ୩ ଇନ୍କୁ ପାର୍ମେଶ୍ୱାର୍ଆଃ ଦାସି ମୁଗାରାଃ ଆଡଃ ମିଣ୍ଡିହନ୍ଆଃ ଦୁରାଙ୍ଗକ ଦୁରାଙ୍ଗତାଇକେନା । “ହେ ସବେନ୍ ପେଡେୟାନ୍ନିଃ ପ୍ରାଭୁ ପାର୍ମେଶ୍ୱାର୍, ଆମାଃ କାମିକ ପୁରାଃ ମାରାଙ୍ଗ୍ ଆଡଃ ଆକ୍ଦାନ୍ଦାଅରିୟା ! ସବେନ୍ ହଡକଆଃ ରାଜା, ଆମାଃ ହରାକ ଠାଉକାରିୟା ଆଡଃ ସାର୍ତି ତାନାଃ ! ୪ ହେ ପ୍ରାଭୁ, ଅକଏ ଆମ୍ବକେ କାଏ ବରମେୟା ? ଆମାଃ ନୁଡୁମରାଃ ମାନାରାଙ୍ଗକେ ଅକଏ କାଏ ଉଦୁବେୟା ? ଆମ୍ ଏସ୍କାର୍ ପାବିତାର୍ ତାନ୍ମେ, ସବେନ୍ ହଡକ ହିଜୁଃକେଦତେ ଆମାଃ ସୁନୁସାର୍କ ରିକାଏୟା । ଚିଆଃଚି ଆମାଃ ଧାର୍ମାନ୍ କାମିକ ସବେନ୍ ହଡକ ନେଲ୍ଲକାଦାକ ।”

୫ ଏନ୍ ତାୟମ୍ବେ ଆଇଙ୍ଗ୍ ସିର୍ମା ଦିଶୁମ୍ରେ ମାନ୍ଦିର୍ ଅଡଃରାଃ ଦୁଆର୍ ନିଜାକାନ୍ ନେଲ୍ଲକେଦାଇଙ୍ଗ୍ । ଏନାରେ ସାରୁଦ୍ ଲେକା ପାର୍ମେଶ୍ୱାର୍ଆଃ ତାଇନଃ ପାବିତାର୍ ଠାୟାଦ୍ କୁମ୍ପା ତାଇକେନା । ୬ ଏୟା ଦୁକୁହାସୁ ସାବାକାଦ୍ ଏୟା ଦୁଁଡ୍, ସିର୍ମାରେୟାଃ ମାନ୍ଦିର୍ ଭିତାର୍ଏତେକ ଅତଙ୍ଗୟାନା, ଇନ୍କୁ କା ଦାରିୟାକାନ୍ ନିରାଲ୍ଲିଜାଃ ତୁସିଙ୍ଗୟାକାନ୍ ତାଇକେନାକ ଆଡଃ କୁଡ଼ାମ୍ରେ ସୋନାରେୟାଃ କାସ୍ନା ତଲ୍ଲିହୁରକାନ୍ ତାଇକେନାକ । ୭ ଏନ୍ତେ ଉପୁନିୟା ଜାଁଡୁକଏତେ ମିଆଁଦ୍ନିଃ ଜାନାଅ ଜାନାଅ ଜାନିଦ୍ରି ତାଇନଃ ପାର୍ମେଶ୍ୱାର୍ଆଃ ଖ୍ୱସ୍ତେ ପେରେଜାକାନ୍, ଏୟା ସୋନାରେୟାଃ ତୁଭା, ଏନ୍ ଏୟା ଦୁଁଡକକେ ଏମାଦକଆ । 「 ପାର୍ମେଶ୍ୱାର୍ଆଃ ମାନାରାଙ୍ଗ୍ ଆଡଃ ପେଡେଃରେୟାଃ ସୁକୁଲ୍ତେ ମାନ୍ଦିର୍ ଅଡଃ ପେରେଃୟାନା, ଏୟା ଦୁଁଡ୍ ଆଉଝାକାଦ୍ ଏୟା ଦୁକୁହାସୁରେୟାଃ ଟୁଣ୍ଡୁ ଆଉରି ହବାଅଃ ଜାକେଦ୍, ନେ ମାନ୍ଦିର୍ ଅଡଃରେ ଆଡଃଜେତାଏ କାକ ବଲଦାଡ଼ିୟାନା ।

## ୧୭

ପାର୍ମେଶ୍ୱାର୍ଆଃ ଖ୍ୱସ୍ତେ ପେରେଜାକାନ୍ ଏୟା ତୁଭା

୧ ଏନ୍ତେ ଆଇଙ୍ଗ୍ ଆୟୁମ୍ବକେଦାଇଙ୍ଗ୍, ମାନ୍ଦିର୍ ଅଡଃଏତେ ଜେତାଏ ମିହୁଡ୍ କାଉରିକେଦତେ, ଏନ୍ ଏୟା ଦୁଁଡକକେ କାଜିୟାକତାନା, “ଜୁ ସେନଃପେ, ଏୟା ତୁଭାରେ ତାଇକାନ୍ ପାର୍ମେଶ୍ୱାର୍ଆଃ ଖ୍ୱସ୍ତେ ଅତେ ଚେତାନ୍ରେ ଦୁଲ୍ତାପେ ।”

୨ ନେଆଁ ଆୟୁମ୍ବକେଦତେ, ପାହିଲା ଦୁଁଡ୍ ସେନଃୟାନାଏ ଆଡଃ ଆୟାଃ ତୁଭାରେ ତାଇକେନ୍ ସବେନାଃ ଅତେ ଚେତାନ୍ରେ ଦୁଲ୍ଲକେଦା । ଇମ୍ତାଗି ଅକନ୍କ ଜାଁଡୁରାଃ ଚିହ୍ନାଁ ଖଦାକାନ୍ ତାଇକେନାକ ଆଡଃ ଆୟାଃ ଲେକାନ୍ ମୁରୁଡ୍କେ ସେଝା ତାଇକେନାକ, ଇନ୍କୁଆଃ ହଡମ୍ରେ ପୁରାଃଚି ହାସୁ ଲେକାନ୍ ଘାଅ ଅତଙ୍ଗୟାନା ।

୩ ଏନ୍ତେ ଏଟାଃ ଦୁଁଡ୍ ଆୟାଃ ତୁଭାରାଃ ଖ୍ୱସ୍ତେ ଦରେୟାରେ ଦୁଲ୍ଲକେଦା । ଦରେୟାରାଃ ଦାଆଃ ଗଜାକାନ୍ ହଡରାଃ ମାୟୋମ୍ ଲେକା ହବାୟାନା ଆଡଃ ଦରେୟାରେ ତାଇନ୍ତାନ୍ ସବେନ୍ ଜାଉଜାଁଡୁକ ଗଏଃୟାନା ।

୪ ଏନ୍ତେ ଆପିୟା ଦୁଁଡ୍, ଆୟାଃ ତୁଭାରେ ତାଇକେନ୍ ସବେନାଃ ନାହିଁ ଆଡଃ ସେତେଙ୍ଗ୍ ଚେତାନ୍ରେ ଦୁଲ୍ଲକେଦା । ଏନାରେ ସବେନ୍ ଦାଆଃ ମାୟୋମ୍ୟାନା । ୫ ଇମ୍ତା ଆଇଙ୍ଗ୍ ଆୟୁମ୍ବକେଦାଇଙ୍ଗ୍, ଦାଆଃରେୟାଃ ଆକ୍ତେୟାର୍ ନାମାକାଦ୍ ଦୁଁଡ୍ କାଜିତାନାଏ, “ଆମ୍ ପାବିତାର୍, ଆମ୍ ନାହାଁଃ ମେନାମେନିଃ ଆଡଃ ସିଦାରେ ତାଇକେନ୍ନିଃ ତାନ୍ମେ, ଆମ୍ ଠାଉକାରିମ୍ ବିଚାର୍କାଦା । ୬ ଇନ୍କୁ ପାର୍ମେଶ୍ୱାର୍ଆଃ ପାବିତାର୍ ହଡକଆଃ ଆଡଃ ନାବାକଆଃ, ଅକ ମାୟୋମ୍

ଲିଙ୍ଗିକାଦାକ, ଏନା ଆମ୍ଭ ଇନକୁକେମ୍ ଆନୁକାଦକଆ । ଇନକୁ ଆକଥାଃ ନାଲା ନାମାକାଦାକ ।” ୭ ଏନ୍ତେ ଆଇଙ୍ଗ୍ ବେଦିହେତେ ମିଆଁଦ୍ ଲାବ୍‌ଜା ଆୟୁମ୍‌କେଦାଲଙ୍ଗ୍, “ପ୍ରାଭୁ ପାର୍ମେଶ୍ଵାର୍ ସବେନ୍ ପେଡ଼େୟାନ୍‌ନିଃ ତାନିଃ ! ଆମାଃ ବିଚାରକ ସାର୍‌ତିଗିୟା ଆତଃ ଠାଉକାଗିୟା ।”

୮ ଏନ୍ତେ ଉପୁନିୟା ଦୁଢ଼, ଆୟାଃ ତୁଭାରେ ତାଇକେନ୍ ସବେନାଃ ସିଙ୍ଗି ଚେତାନ୍‌ରେ ଦୁଲ୍‌କେଦା । ଏନାରେ ସିଙ୍ଗିକେ ସେଙ୍ଗେଲ୍‌ତେ ହଡ଼କକେ ଅଶ୍ଵର ନାଙ୍ଗ୍ ଆକ୍‌ତେୟାର୍ ଏମ୍‌ୟାନା । ୯ ଇମ୍‌ତା ହଡ଼କ ସିଙ୍ଗି ରାଁପୁରାଃ ଏଲାଙ୍ଗ୍‌ତେ ଅଶ୍ଵରୟାନାକ ଆତଃ ଅକ ପାର୍ମେଶ୍ଵାର୍‌ଆଃ ନେ ସବେନ୍ ହାସୁରାଃ ସାସାତି ଚେତାନ୍‌ରେ ଆକ୍‌ତେୟାର୍ ମେନାଃ, ଏନ୍ ପାର୍ମେଶ୍ଵାର୍‌ଆଃ ନୁତୁମ୍‌କେ ସାର୍‌ପାଅକେଦାକ । ଆତଃ ଆୟାଃ ମାନାରାଙ୍ଗ୍ ରିକା ନାଗେନ୍ତେ କାକ ହେୟାତିଙ୍ଗ୍‌କେଦା ।

୧୦ ଏନ୍ତେ ମଣେୟାଁ ଦୁଢ଼ ଆୟାଃ ତୁଭାକେ ଜାଁତୁରାଃ ରାଜ୍‌ଗାଦି ଚେତାନ୍‌ରେ ଦୁଲ୍‌କେଦା । ଜାଁତୁରାଃ ରାଇଜ୍ ଚେତାନ୍‌ରେ କୁଲ୍‌କୁଲ୍ ନୁବାଃୟାନା ଆତଃ ହଡ଼କ ପୁରାଃ ହାସୁତେ ଆକଥାଃ ଆଲାଙ୍ଗ୍‌କେ ହାବ୍‌କେଦାକ । ୧୧ ଆତଃ ଇନକୁ ଆକଥାଃ ହାନାସୁ ଆତଃ ହଡ଼ମରାଃ ଘାଅ ନାଗେନ୍ତେ ସିର୍ମାରେନ୍ ପାର୍ମେଶ୍ଵାର୍‌କେ ସାର୍‌ପାଅକିୟାକ । ମେନ୍‌ଦ ଆକଥାଃ ଏଡ଼କାନ୍ କାମିକଏତେ କାକ ହେୟାତିଙ୍ଗ୍‌କେଦା ।

୧୨ ଏନ୍ତେ ତୁରିୟା ଦୁଢ଼ ଇଉପ୍ରାଟିସ୍ ନୁତୁମ୍ ମାରାଙ୍ଗ୍ ଗାଡ଼ାରେ ଆୟାଃ ତୁଭାକେ ଦୁଲ୍‌କେଦା । ଇମ୍‌ତାଗି ଏନ୍ ଗାଡ଼ାରାଃ ଦାଆଃ ଆଞ୍ଜେଦ୍‌ୟାନା ଆତଃ ସିଙ୍ଗି ତୁରଃସାଃଏତେ ବାଇରି ରାଜାକଥାଃ ନାଗେନ୍ତେ ହରା ନିଜ୍‌ୟାନା । ୧୩ ଏନ୍ତେ ଆଇଙ୍ଗ୍ ଆପିୟା ସଡ଼ରାକାନ୍ ଆମ୍‌କକେଇଙ୍ଗ୍ ନେଲ୍‌କେଦକଆ । ଇନକୁ ଚକେ ଲେକା ନେଲଃ ତାଇକେନାକ । ଇନକୁ ଏନ୍ ମାରାଙ୍ଗ୍ ବିଙ୍ଗ୍ ମତାଏତେ, ଜାଁତୁ ମତାଏତେ ଆତଃ ହସଡ଼ ନାବାଆଃ ମତାଏତେ ଅତଙ୍ଗ୍‌ୟାନାକ । ୧୪ ଏନ୍ ବଙ୍ଗାକଥାଃ ଆମ୍‌କ ଆକ୍‌ଦାୟା କାମିକ ରିକାଦାଡ଼ିୟା । ଆତଃ ଇନକୁ ପେଡ଼େୟାନ୍ ପାର୍ମେଶ୍ଵାର୍‌ଆଃ ହୁଲାଙ୍ଗ୍‌ରେ ଲାଡ଼ାଇ ନାଗେନ୍ତେ ଅତେଦିଶୁମ୍‌ରେନ୍ ରାଜାକକେ ମିଦ୍‌ତାଃରେ ହୁଣ୍ଡି ନାଗେନ୍ତେ ଅତଙ୍ଗ୍‌ୟାନାକ ।

୧୫ \*ଆୟୁମେପେ, ଆଇଙ୍ଗ୍ କୁମ୍‌ତୁ ଲେକାଇଙ୍ଗ୍ ହିଜୁଃଆ । ଅକ ହଡ଼ ଏୟନାକାନ୍ ତାଇକେଦ୍‌ତେ ଆୟାଃ ଲିଜାଃ ସେକାଡ଼କେଦ୍‌ତେ ଦହକାଃ, ଏନ୍ ହଡ଼ ସୁକୁତାନ୍‌ଗିୟାଏ । ଇନିଃକେ ସାମା ହଡ଼ମଗି ସେନ୍ ନାଗେନ୍ତେ କା ଲାଗାଡ଼ିଙ୍ଗ୍‌ୟାଃ ଆତଃ ହଡ଼କ ଆୟାଃ ଗିହୁଃ କାକ ନେଲେୟା ।”

୧୬ ସଡ଼ରାକାନ୍ ଆମ୍‌କ ରାଜାକକେ ଏବ୍ରୀ ଜାଗାର୍‌ତେ କାଜିୟଃତାନ୍ ଆର୍ମାଗେଦୋନ୍ ନୁତୁମ୍ ଠାୟାଦ୍‌ରେ ହୁଣ୍ଡିକେଦକଆକ ।

୧୭ ଏନ୍ତେ ଏୟା ଦୁଢ଼ ଆୟାଃ ତୁଭାକେ ହୟରେ ଦୁଲ୍‌କେଦା ଆତଃ ମାନ୍ଦିରରେ ତାଇକେନ୍ ରାଜ୍‌ଗାଦିଏତେ କାଉରିକେଦ୍‌ତେ ମିଆଁଦ୍ ଲାବ୍‌ଜା ଆୟୁମ୍‌ୟାନା, “କାମି ପୁରାୟାନା ।” ୧୮ \*ଇମ୍‌ତାଗି ହିରିରକେଦାଏ, ରିମିଲ୍ ସାଡ଼ିୟାନା ଆତଃ ଅତେ ପୁରାଃଗି ଏକ୍‌ଲାଅୟାନା । ନେ'ଲେକା ବରଝାନ୍ ଅତେ ଏକ୍‌ଲାଅଃତେୟାଃ ମାନ'ଝାରାଃ ମୁନୁହେତେ ତିଉଲାଅ କା ହବାକାନ୍ ତାଇକେନା । ୧୯ ମାରାଙ୍ଗ୍ ନାଗାର୍ ଆପି ହିସାରେ ହାଟିଙ୍ଗ୍‌ୟାନା, ଆତଃ ଦିଶୁମ୍‌ରେୟାଃ ସବେନ୍ ନାଗାର୍‌କ ଜିୟନ୍‌ୟାନା । ପାର୍ମେଶ୍ଵାର୍ ମାରାଙ୍ଗ୍ ନାଗାର୍ ବାବିଲୋନ୍‌କେ କାଏ ରିଡ଼ିଙ୍ଗ୍‌କାଦ୍ ତାଇକେନା । ଇନିଃ ଆୟାଃ ନୁଏ କାଟୋରାଏତେ ଆୟାଃ ପୁରାଃ ଖ୍‌ସରାଃ ଇଲିଆରଖ୍ ଆନୁକିୟା

\* ୧୭:୧୫ ୧୭:୧୫ ମାଥୁଉ ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଳି ୩:୩. \* ୧୭:୧୮ ୧୭:୧୮ ଉତ୍କଳ କାଳି ୮:୫; ୧୧:୧୩,୧୯.

। ୨୦ \*ସବେନ ଚାପୁକ କା ନେଲଃୟାନା ଆତଃ ବୁରୁ ବେଡ଼ାକ କା ତାଇନ୍ୟାନା ।  
 ୨୧ \*ସିର୍ବାଏତେ ହଡ଼କଆଃ ଚେତାନରେ ପୁରାଃ ମାପରାଙ୍ଗ ଆରିଲ୍ଲକ ଉୟୁଃୟାନା ।  
 ମିପିଆଦ୍ ଆରିଲ୍ଲରାଃ ହାମ୍ବାଲ୍ ୫୦ କେ.ଜି ଲେକା ତାଇକେନା । ହଡ଼କ ନେ ବରଞ୍ଚାନ୍  
 ଆରିଲ୍ ନାଗେନ୍ତେ ପାର୍ମେଶ୍ୱାରକେ ସାର୍ପାଅକିୟାକ ।

### ୧୭

ସବେନକ ସାରିକାଇ ବେଶ୍ୟା କୁଡ଼ି

୧ ଏନ୍ତେ ଏୟା ତୁଭା ସାବାକାଦ୍ ଏୟା ଦୁଁଡ଼କଏତେ ମିହୁଡ଼୍ ଆଇଙ୍ଗ୍ତାଃତେ  
 ହିଜୁଃୟାନଲଃ କାଜିକେଦିୟାଏ, “ହିଜୁଃମେ, ଆଇଙ୍ଗ୍ ମିଆଁଦ୍‌ହେତେ ଆଦକା ଗାଡ଼ା  
 ଜାପାଃରେ ବାଇୟାକାନ୍ ବେଶ୍ୟା ଲେକାନ୍ ଏନ୍ ମାରାଙ୍ଗ୍ ନାଗାର୍ ଚିଲ୍ଲକା ସାଜାଇ  
 ନାମେୟାଏ, ଏନାଇଙ୍ଗ୍ ଉଦୁବାମେୟା । ୨ ଅତେରେନ୍ ରାଜାକ ଏନ୍ ବେଶ୍ୟାଲଃ  
 ଆପାଙ୍ଗିର୍ କାମିକ କାମିକାଦା, ଆତଃ ଅତେଦିଶ୍ୱମ୍ରେନ୍ ହଡ଼କ ଇନିୟାଃ ଆପାଙ୍ଗିର୍  
 କାମି ଲେକାନ୍ ଇଲିଆର୍ଖ୍ ନୁଁକେଦ୍‌ତେ ବୁଲାଇନାକ ।”

୩ \*ଏନ୍ତେ ଦୁଁଡ଼୍ ଆଇଙ୍ଗ୍‌କେ ଆମ୍ବା ହରାତେ ବିର୍ତ୍ତେ ଇଦିକିୟା । ଏନ୍ତାଃରେ ମିଆଁଦ୍  
 କୁଡ଼ିକେ ବାଇଗିନିଆ ରାଙ୍ଗ୍ରେନ୍ ଜାଁତୁ ଚେତାନରେ ଦୁବାକାନ୍ ନେଲ୍ଲକିୟାଇଙ୍ଗ୍ ।  
 ଏନ୍ ଜାଁତୁରାଃ ସବେନ୍‌ସାଃରେ ପାର୍ମେଶ୍ୱାର୍‌ଆଃ ବିରୁଧରେ ନିନ୍ଦା ନୁଡୁମ୍ ଅଲାଇକାନ୍  
 ତାଇକେନା । ଏନ୍ ଜାଁତୁରାଃ ଏୟା ବହଃ ଆତଃ ଗେଲ୍ ଦିରିଙ୍ଗ୍ ତାଇକେନା ।  
 ୪ ଏନ୍ କୁଡ଼ି ବାଇଗିନିଆ ଆତଃ ଆରାଆଃ ଲିଜାଃ ତୁସିଙ୍ଗ୍‌ୟାକାନ୍ ତାଇକେନାଏ  
 ଆତଃ ସୋନା, ପୁରାଃ ଗନଙ୍ଗ୍‌ଆଁନ୍ ମଣି, ଆତଃ ମଡିତେ ସିଙ୍ଗାବାକାନ୍ ତାଇକେନା  
 । ଆୟାଃ ତିଃଇରେ ମିଆଁଦ୍ ସୋନାରେୟାଃ କାଟୋରା ତାଇକେନା । ଏନାରେ  
 ହିଲାଇଙ୍ଗ୍‌ଆଃ ବିଷାଏ ଆତଃ ଇନିୟାଃ ଆପାଙ୍ଗିର୍ କାମି ଲେକାନ୍ ସଡ଼ରା କାମିକ  
 ପେରେଜାକାନ୍ ତାଇକେନା । ୫ ଇନିୟାଃ ମଲଙ୍ଗ୍ରେ ମିଆଁଦ୍ ଉକୁଆକାନ୍ ନୁଡୁମ୍  
 ଅଲାଇକାନ୍ ତାଇକେନା, ଏନାରାଃ ମୁଣ୍ଡି, “ମାରାଙ୍ଗ୍ ବାବିଲୋନ୍, ବେଶ୍ୟାକଆଃ ଆତଃ  
 ଅତେଦିଶ୍ୱମ୍ରେନ୍ ସବେନ୍ ଲେକାନ୍ ହିଲାଇଙ୍ଗ୍‌ଆଃ ବିଷାଏରେନ୍ ଏଙ୍ଗା ।” ୬ ଆଇଙ୍ଗ୍  
 ଆତଃଗିଇଙ୍ଗ୍ ନେଲ୍ଲକେଦା, ଏନ୍ କୁଡ଼ି ପାର୍ମେଶ୍ୱାର୍‌ଆଃ ହଡ଼କଆଃ ଆତଃ ଯାଶୁଆଃ  
 ନାଗେନ୍ତେ ଗାଞ୍ଜା ଏମାକାଦ୍ ହଡ଼କଆଃ ମାୟୋମ୍ ନୁଁକେଦ୍‌ତେ ବୁଲାଇକାନ୍ ତାଇକେନା  
 । ଇନିଃକେ ନେଲ୍ଲକେଦ୍‌ତେ ଆଇଙ୍ଗ୍ ଆକ୍‌ତାକାୟାୟାନାଇଙ୍ଗ୍ । ୭ ଦୁଁଡ଼୍ ଆଇଙ୍ଗ୍‌କେ  
 କାଜିକେଦିୟା, “ଚିନାଃ ମେନ୍ତେମ୍ ଆକ୍‌ଦାନ୍‌ଆଃତାନା ? ଆଇଙ୍ଗ୍ ଆମ୍‌କେ ଏନ୍ କୁଡ଼ି,  
 ଆତଃ ଆଇଃକକେ ଗଅଃ ଇଦିତାନ୍ ଜାଁତୁ, ଅକଏୟାଃଚି ଏୟା ବହଃ, ଗେଲ୍ ଦିରିଙ୍ଗ୍  
 ମେନାଃ, ଇନିୟାଃ ବିଷାଏରେ ଉକୁଆକାନ୍ କାଜିଇଙ୍ଗ୍ ଉଦୁବାମେୟା । ୮ \*ଆମ୍  
 ଅକ ଜାଁତୁକେ ନେଲ୍ଲକାଇ ତାଇକେନାମ୍, ଇନିଃ ଜାନିଦ୍ ତାଇକେନାଏ ଆତଃ ନାହାଁଃ  
 ବାଙ୍ଗାଇୟା । ମେନ୍‌ଦ୍ ଇନିଃ ହୁଆଙ୍ଗ୍‌ଗାଡ଼ାଏତେ ହିଜୁଃଆ ଆତଃ ଜିୟନଃଆଏ ।  
 ଏନାରେ ଅତେଦିଶ୍ୱମ୍ରେରାଃ ମୁନ୍‌ଏତେ ଅକ ହଡ଼କଆଃ ନୁଡୁମ୍ ଜୀଦାନ୍ ପୁଥୁରେ କା  
 ଅଲାଇକାନା, ଏନ୍ ହଡ଼କ ଇନିଃକେ ନେଲ୍ଲକେଦ୍‌ତେ ଆକ୍‌ଦାନ୍‌ଆଃଆକ । ତିଆଃଚି  
 ଇନିଃ ଜାନିଦ୍ ତାଇକେନାଏ, ନାହାଁଃ ବାଙ୍ଗାଇୟା ଆତଃ ତାୟମ୍‌ତେ ହିଜୁଃଆ ।

୯ “ନେ ସବେନାଃ ଆଟ୍‌କାର୍‌ଉରୁମ୍ ନାଗେନ୍ତେ ସେଣାଁ ଲାଗାତିଙ୍ଗ୍‌ୟାଃ । ନେ  
 ଜାଁତୁରାଃ ଏୟା ବହଃ ହବାଅଃତାନା ଏୟା ବୁରୁ । ଅକ ଚେତାନରେଚି ଏନ୍ କୁଡ଼ି  
 ଦୁବାକାନା । ଏନା ଏୟା ରାଜାକକେ ହଗି କାଜିୟଃତାନା । ୧୦ ଇନ୍‌କୁଏତେ  
 ମଣେୟାଁ ରାଜା ଗଏଃୟାନାକ । ମିଆଁଦ୍‌ନିଃ ରାଇଜେତାନାଏ, ଆତଃ ଏଟାଃନିଃ ନାହାଁଃ

\* ୧୭:୨୦ ୧୭:୨୦ ଉତ୍କଳ କାଜି ୬:୧୪.    \* ୧୭:୨୧ ୧୭:୨୧ ଉତ୍କଳ କାଜି ୧୧:୧୯.    \* ୧୭:୩ ୧୭:୩  
 ଉତ୍କଳ କାଜି ୧୩:୧.    \* ୧୭:୮ ୧୭:୮ ଉତ୍କଳ କାଜି ୧୧:୭.

ଜାକେଦ୍ ଆଉରି ହିଜୁଃଆଏ । ଇନିଃ ହିଜୁଃରେ, ଘାଡ଼ିକାଦ୍‌ଗି ରାଇଜେୟା । ୧୧ ଅକ ଜାଁତୁ ଜାନିଦ୍ ତାଇକେନାଏ, ନାହାଁଃଦ ଇନିଃ ବାଙ୍ଗାୟା, ଇନିଃ ହବାଅଃତାନାଏ ଇରାଲିୟା ରାଜା । ଇନିଃ ଏନ୍ ଏୟା ରାଜାକଏତେ ମିଆଁଦ୍‌ନିଃ ତାନିଃ ଆତଃ ଇନିଃ ହଗି ଜିୟନଃଆ ।

୧୨ “ଆମ୍ ନେଲାଇକାଦ୍ ଗେଲ୍ ଦିରିଙ୍ଗ୍ ମେନ୍‌ଲେରେ ଗେଲ୍ ରାଜାକ ତାନ୍‌କ । ଇନ୍‌କୁ ନାହାଁଃ ଜାକେଦ୍ ଆଉରି ରାଇଜେୟାକ । ମେନ୍‌ଦ ଇନ୍‌କୁକେ ଏନ୍ ଜାଁତୁଲଃ ମିଦ୍ ଘାଡ଼ିଗି ରାଇଜେ ନାଗେନ୍ତେ ଆକ୍‌ତେୟାର୍ ଏମଃଆ । ୧୩ ନେ ଗେଲ୍ ରାଜାକଆଃ ଉକେଶ୍ ମିଦ୍‌ଗିୟା । ଇନ୍‌କୁ ଆକଆଃ ଆପ୍‌ନାଃ ସବେନ୍ ପେଡ଼େଃ ଆତଃ ଆକ୍‌ତେୟାର୍ ଜାଁତୁକେ ଜିମାଇୟାକ । ୧୪ ଇନ୍‌କୁ ମିଶ୍ରିହନ୍‌ଆଃ ବିରୁଧ୍‌ରେ ଲାପାଡ଼ାଇୟାଃକ, ଆତଃ ମିଶ୍ରିହନ୍ ଇନ୍‌କୁକେ ହାରାଅକଆ, ଚିୟାଃତି ଇନିଃ ପ୍ରାଭୁକଆଃ ପ୍ରାଭୁ ଆତଃ ରାଜାକଆଃ ରାଜା ତାନିଃ । ଆତଃ ଅକନ୍‌କ ଆୟାଃଲଃ ମେନାକଆ, ଏନ୍ କେଡ଼ାକାନ୍‌କ, ସାଲାକାନ୍‌କ, ଆଇଃକ୍‌କେ ଅତଙ୍ଗ୍‌ତାନ୍‌କ ଆତଃ ପାତିୟାର୍‌ରଃ ଲେକାନ୍ ହଡ଼କ ହଗି ଜିତାଅଃଆକ ।”

୧୫ ଦୁଁଡ୍ ଆଇଙ୍ଗ୍‌କେ ଆତଃଗି କାଜିକେଦିୟା, “ଆମ୍ ଅକ ଦାଆଃ ଚେତାନ୍‌ରେ ବେଶ୍ୟାକେ ଦୁବାକାନାମ୍ ନେଲ୍‌କିୟା, ଏନ୍ ଦାଆଃ, ଦିଶ୍ଟୁମ୍‌ରେନ୍ ସବେନ୍ ହଡ଼କ ଆତଃ ଏଗାଃ ଏଗାଃ ଜାଗାର୍‌ତାନ୍ ହଡ଼କକେ କାଜିୟଃତାନା । ୧୬ ଆମ୍ ନେଲାଇକାଦ୍ ଗେଲ୍ ଦିରିଙ୍ଗ୍ ଆତଃ ଏନ୍ ଜାଁତୁ, ବେଶ୍ୟାକେ ହିଲାଇଆଁଃକ, ଇନ୍‌କୁ ଇନିଃତାଃଏତେ, ଆୟାଃ ସବେନାଃ ରେଃ'ଇଦିୟାକ ଆତଃ ଇନିଃକେ ସାମା ହଡ଼ମ୍‌କେଦ୍‌ତେ ବାଗିତାଇୟାକ । ଇନ୍‌କୁ ଆୟାଃ ଜିଲୁ ଜମ୍‌କେଦ୍‌ତେ, ଇନିଃକେ ସେଙ୍ଗେଲ୍‌ରେ ହୁରାଙ୍ଗ୍‌କେଦ୍‌ତେ ଜିୟନ୍‌ତାଇୟାକ । ୧୭ ଚିୟାଃତି ପାର୍‌ମେଶ୍‌ବାର୍ ଆୟାଃ ଇଛା ସାନାଙ୍ଗ୍‌କେ ପୁରାଏ ନାଗେନ୍ତେ ନେ'ଲେକା ଇନ୍‌କୁକେ କାଜିକାଦ୍‌କଆ । ଇନ୍‌କୁ ମିଦ୍ ମନ୍‌ଡେକ କାମିୟା ଆତଃ ପାର୍‌ମେଶ୍‌ବାର୍‌ଆଃ କାଜି ସାର୍‌ତିଗି ଆଉରି ହବାଅଃ ଜାକେଦ୍, ରାଇଜ୍‌କେ ଚାଲାଅରେୟାଃ ବାହାରମ୍, ଏନ୍ ଜାଁତୁଆଃ ଡିଃଇରେ ବାଗିତାଃକ ।

୧୮ “ଆମ୍ ଅକ କୁଡ଼ିକେମ୍ ନେଲ୍‌କିୟା, ଇନିଃ ହବାଅଃତାନାଏ, ଅତେଦିଶ୍ଟୁମ୍‌ରେନ୍ ରାଜାକଆଃ ଚେତାନ୍‌ରେ ରାଇଜେତାନ୍, ଏନ୍ ମାରାଙ୍ଗ୍ ନାଗାର୍ ।”

# ୧୮

## ବାବିଲ୍‌ରାଃ ଜିୟନଃ

୧ ଏନ୍ ତାୟମ୍‌ତେ ଆଇଙ୍ଗ୍ ଏଗାଃ ମିଆଁଦ୍ ଦୁଁଡ୍‌କେ ସିର୍ମାଏତେ ଆଡ଼ଗୁଃତାନ୍ ନେଲ୍‌କିୟାଈଙ୍ଗ୍ । ଇନିଃ ପୁରାଃଗି ଆକ୍‌ତେୟାର୍ ନାମାକାଦ୍‌ନିଃ ତାଇକେନାଏ ଆତଃ ଇନିୟାଃ ମାନାରାଙ୍ଗ୍ ଗଟା ଅତେଦିଶ୍ଟୁମ୍‌କେ ମାର୍‌ସାଲ୍‌କାଦ୍ ତାଇକେନା । ୨ ଇନିଃ କାଉରିକେଦ୍‌ତେ କାଜିକେଦା, “ଇନିୟାଃ ଜିୟନ୍ ହବାକାନା । ଏନ୍ ମାରାଙ୍ଗ୍ ବାବିଲୋନ୍ ହାଦୁଡ଼ାକାନା । ଏନା ନାହାଁଃଦ ବଙ୍ଗା ଆତଃ ସଡ଼ରା ଆମ୍‌କାଆଃ ତାଇନଃ ଠାୟାଦ୍ ହବାକାନା । ସବେନ୍ ରାକାମ୍‌ରେନ୍ ସଡ଼ରା ଜାଁତୁ ଆତଃ ହିଲାଇ ଚେଣ୍‌କଆଃ ତାଇନଃ ଠାୟାଦ୍ ବାଇୟାକାନା । ୩ ଚିୟାଃତି ଇନିଃ ସବେନ୍ କିଲିରେନ୍ ହଡ଼କକେ ଆୟାଃ ଆପାଙ୍ଗ୍‌ର୍ କାମି ଲେକାନ୍ ଇଲିଆର୍‌ଶ୍ ଆନୁକାଦ୍‌କଆ । ଅତେରେନ୍ ରାଜାକକେ ଆୟାଃଲଃ ଆପାଙ୍ଗ୍‌ର୍ କାମିରେ ମେସାକାଦ୍‌କଆ । ଅତେଦିଶ୍ଟୁମ୍‌ରେନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍‌କ ଆୟାଃ ଏଡ଼କାନ୍ ରିଜ୍‌ରାଙ୍ଗ୍ ହରାତେ କିସାଣ୍‌କାନାକ ।”

\* ୧୮:୨ ଉତ୍କଳ କାଜି ୧୪:୮.

୪ ଏନ୍ତେ ଆଇଙ୍ଗ ସିର୍ମାଏତେ ମିଆଁଦ ଲାବଜା ଆୟୁମକେଦାଇଙ୍ଗ, “ଆଇଁୟାଃ ସବେନ୍ ହଡ଼କ ଅତଙ୍ଗଅଃପେ ! ଇନିଃତାଃଏତେ ଅତଙ୍ଗଅଃପେ ! ଆପେ ଇନିୟାଃ ପାପ୍ରେ ଆତଃଆଲପେ ତାଇନଃଆ । ଇନିଃ ଅକ ସାସାତି ନାମେୟାଏ, ଏନାରେୟାଃ ହିସା ଆଲପେ ହବାଅଃଆ । ୫ ଇନିୟାଃ ପାପକଦ ସିର୍ମା ଜାକେଦ୍ ସେଟେରାକାନା । ପାରମେଶ୍ୱାର ଇନିୟାଃ ଏଡକାନ୍ କାମିକଏ ପାହାମାକାଦା । ୬ ଇନିଃ ଜେଲେକା ଆପେଲଃ ବେଭାରକାଦା, ଆପେ ଏନ୍ଲେକାଗି ଆୟାଃଲଃ ବେଭାରେପେ, ଇନିଃ ଅକନାଃ ରିକାକାଦାଏ, ଏନାଏତେ ବାର୍ଗୁନା ଏମ୍ ରୁହାଡ଼ାଇପେ । ଆପେକେ ନୁଁ ନାଗେନ୍ତେ ଇନିଃ ଅକ ନୁଁଏତେୟାଃ ବାଇୟାକାଦ୍ ତାଇକେନାଏ, ଏନାଏତେ ବାର୍ଗୁନା ବାଇରୁହାଡ଼ାଇପେ । ୭ ଇନିଃ ଆପାନାଃ ଚିମିନ୍ ମାନାରାଙ୍ଗ୍ ରିକାଏ ତାଇକେନାଏ ଆତଃ ଏଡକାନ୍ ରିଜରାଙ୍ଗ୍ରେ ତୁବିଃଗକାନ୍ ତାଇକେନା, ଏନ୍ ଇମ୍ନାଙ୍ଗ୍ରେଗି ଇନିଃକେ ଦୁକୁହାସୁ ଏମାଇପେ । ଚିଆଃଟି ଇନିଃ ଆୟାଃ ମନ୍ରେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ କାଜିତାନାଏ, ‘ଆଇଙ୍ଗ୍ ନେତାଃରେ ରାନୀ ଲେକା ଦୁବାକାନାଇଙ୍ଗ୍, ଆଇଙ୍ଗ୍ ଟଣିଟ୍ ନାହାଁଲିଙ୍ଗ୍, ଆଇଁୟାଃ ଚିତ୍ତଲୀଅଗି ଏୟମ୍ କା ହବାଅଃଆ । ୮ ଇନିୟାଃ ନେ ସବେନ୍ ପାପକ ନାଗେନ୍ତେ ବେମାର୍, ଦୁକୁରେୟାଃ ରାନାଃ, ଆତଃ ରିଙ୍ଗା ମୁସିଙ୍ଗ୍ ଇନିଃକେ ମିସାତେ ସାବିଆ । ଆତଃ ଇନିଃ ସେଙ୍ଗେଲରେ ପୁରା ଜିୟନଃଆଏ । ଚିୟାଃଟି ଇନିୟାଃ ଅକଏ ବିଚାର୍ ତାନାଏ, ଏନ୍ ପ୍ରାଭୁ ପାରମେଶ୍ୱାର୍ ପୁରାଃ ପେଡେୟାନ୍ନିଃ ତାନିଃ ।”

୯ ଅତେରେନ୍ ଅକ ରାଜାକ ଇନିଃଲଃ ଆପାଙ୍ଗ୍ ଆତଃ ପାପ୍ କାମିକ ରିକାକାଦ୍ ତାଇକେନା, ଇନ୍କୁ ଇନିୟାଃ ହଡ଼ମ୍ ସେଙ୍ଗେଲ୍ ଦୁନୁଲ୍ତେ ଜିୟନଃତାନ୍ ସୁକୁଲ୍ ନେଲ୍କେଦ୍ତେ ରାଆଃଏୟାକ । ୧୦ ଇନିୟାଃ ଦୁକୁହାସୁରେ ହିସା ହବାଃଅ ନାଙ୍ଗ୍ ବରକେଦ୍ତେ ଇନ୍କୁ ଇନିଃତାଃଏତେ ପୁରାଃ ସାଙ୍ଗିନ୍ରେ ତିଙ୍ଗ୍କେଦ୍ତେକ ତାଇନା, ଆତଃ କାଜିୟାକ, “ହାଏରେ ଚିମିନ୍ ବରଞ୍ଜାନ୍ ଆତଃ ଆକଦାନ୍ଦାଅ ବିଷାଏ ତାନାଃ ! ଆମ୍ ଚିନାଃ ଏନ୍ ପୁରାଃ ପେଡେୟାନ୍ ବାବିଲୋନ୍ ନାଗାର୍ ତାନ୍ମେ ! ମେନ୍ଦ୍ ମିଦ୍ ଘାଡ଼ିରେଗି ନେଲେକା ସାଜାଇ ନାମ୍କେଦାମ୍ ।”

୧୧ ଅତେରେନ୍ କିରିଙ୍ଗ୍ ଆଖ୍ରିଙ୍ଗ୍ତାନ୍ ଇନିଃ ନାଗେନ୍ତେକ ଏୟମେୟା, ଚିୟାଃଟି ଜେତାଏ ଇନ୍କୁଆଃ ଜିନିଷକକେ କାକ କିରିଙ୍ଗ୍ୟେଆ । ୧୨ ଇନ୍କୁଆଃ ସୋନା, ରୁପା, ମଣି, ମତି, ଉନ୍ରାଃ ଲିଜାଃ, ବାଇଗିନିଆ ଲିଜାଃ, ସିନ୍ଦୁର୍ ରାଙ୍ଗ୍ରାଃ ଲିଜାଃ, ସବେନ୍ ଲେକାନ୍ ଗନଙ୍ଗ୍ଆଁନ୍ ଚନ୍ଦନ୍ ସାହାନ୍, ହାଁତି ତାଟାତେ ବାଇୟାକାନ୍ ସବେନ୍ ଲେକାନ୍ ଜିନିଷକ, ପୁରାଃ ଗନଙ୍ଗ୍ଆଁନ୍ ଦାରୁ, ପିତାଲ୍, ମେଡେଦ୍, ମାର୍ବଲ୍ରେ ବାଇୟାକାନ୍ ସବେନ୍ ଲେକାନ୍ ଜିନିଷ, ୧୩ ଆତଃ ଦାଲ୍ଚିନି, ଏଟାଃ ଏଟାଃ ମାସ୍ଲାଇକ, ଧୁଆନ୍, ବୁଗିନ୍ ସହାନ୍ ସୁନୁମ୍, ବୁଗିନ୍ ସହାନ୍ ମାଲାମ୍, ଦାଖ୍ରାସି, ଅଲିଡ୍ ସୁନୁମ୍, ମାଏଦା, ଗହମ୍, ଉରିଃକ୍, ମିଣ୍ଡି, ସାଦମ୍, ସାଦମ୍ ଗାଡ଼ି, କିରିଙ୍ଗ୍ଦାସି ଆତଃ ଜୀଉ ତାଇନଃ ମାନଞ୍ଜାକକେ ହଗି କିରିଙ୍ଗ୍ ନାଗେନ୍ତେ ଜେତାଏ ହଡ଼ କାକ ଅତଙ୍ଗଅଃଆ । ୧୪ କିରିଙ୍ଗ୍ ଆଖ୍ରିଙ୍ଗ୍ତାନ୍ ହଡ଼କ ଇନିଃକେକ କାଜିକିୟା, “ଆମାଃ ଜୀଦାନ୍ରେୟାଃ ରିଜରାଙ୍ଗ୍ ସବେନ୍ ବୁଗିନ୍ ବିଷାଏକ ଆମାଃତାଃଏତେ ସାଙ୍ଗିନ୍ୟାନା । ଆତଃ ଆମାଃ ଖୁଙ୍ଗ୍ରେୟାଃ ସୁଗାଡ଼ାନ୍ତେୟାଃକ ଆମାଃତାଃଏତେ ଆତମ୍ୟାନା, ଆମ୍ ଏନ୍ ସବେନାଃକେ ଆତଃ ଚିତ୍ତଲୀଅ କାମ୍ ନାମ୍ରୁହାଡ଼େୟା ।” ୧୫ ଅକନ୍ କିରିଙ୍ଗ୍ ଆଖ୍ରିଙ୍ଗ୍ତାନ୍ ହଡ଼କ ଏନ୍ ନାଗାର୍ରେ ଆଖ୍ରିଙ୍ଗ୍କେଦ୍ତେ କିର୍ସାକାନ୍ ତାଇକେନାକ, ଇନ୍କୁ ଇନିୟାଃ ଦୁକୁହାସୁରେ ହିସା ହବାଃଅ ନାଗେନ୍ତେ ବରକେଦ୍ତେ ପୁରାଃ ସାଙ୍ଗିନ୍ରେକ ତିଙ୍ଗୁନା । ୧୬ ଇନ୍କୁ ରାଆଃ ଆତଃ ଏୟମ୍ତାନ୍ଲଃ କାଜିୟାକ, “ହାଏରେ, ଏନ୍ ମାରାଙ୍ଗ୍ ନାଗାର୍ରେୟାଃ ଦୁକୁ, ଚିମିନ୍ ବରଞ୍ଜାନ୍ଗିୟା ! ଚିମିୟାଙ୍ଗ୍ କା ସାହାତିଙ୍ଗ୍ୟାଃ ଲେକା ମେନାଃ ! ଅକ ମାରାଙ୍ଗ୍ ନାଗାର୍ ଉନ୍ରାଃ ଲିଜାଃ, ବାଇଗିନିଆ



ଲିଜାଃ ଆଡ଼ଃ ସିନ୍ଦୁର ରାଜ୍ୟରେୟାଃ ଲିଜାଃ ତୁସିଙ୍ଗ୍‌ୟାକାନ୍ ତାଇକେନାଏ, ଆଡ଼ଃ ସୋନା, ମଣି, ମତିତେ ସିଙ୍ଗ୍‌ରାଅକାନ୍ ତାଇକେନା । ୧୭ ମେନ୍ଦ ମିଦ୍ ଘାଡ଼ିରେଗି ନେ ସବେନ୍ ଖୁଜ୍ କଏ ଆଦକେଦା !” ଦାଆଃ ଜାହାଜ୍ ଚାଲାଅତାନ୍‌କଆଃ ଆଗୁଆଇ ଆଡ଼ଃ ଏନାରେ ଦୁବାକାନ୍‌କ, ଦାଆଃ ଜାହାଜ୍ ଚାଲାଅତାନ୍‌କ, ଆଡ଼ଃ ଦରେୟାରେ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ସାଙ୍ଗିନ୍‌ରେ ତିଙ୍ଗ୍‌ୟାନାକ । ୧୮ ଆଡ଼ଃ ଜିୟନଃତାନ୍ ନାଗାରରେୟାଃ ସୁକୁଲ୍ ନେଲକେଦତେ, କାଉରିତାନ୍‌ଲଃ କାଜିକେଦାକ, “ନେ ମାରାଙ୍ଗ୍ ନାଗାର୍ ଲେକା ଆଡ଼ଃ ଜେତା ନାଗାର୍ କା ତାଇକେନା ।” ୧୯ ଇନ୍‌କୁ ଆକଆଃ ବହଃରେ ଧୁଡ଼ିକ ହେରକେଦତେ ଏୟମ୍‌ତାନ୍‌ଲଃ କାଜିକେଦାକ, “ତିମିନ୍ ବରଞ୍ଜାନିୟା, ନାଗାରରେୟାଃ ଦୁର୍ଦାସା କା ସାହାତିଙ୍ଗ୍‌ୟାଃ ଲେକା ହବାକାନା ! ଦରେୟାରେ ସେନ୍‌ତାନ୍ ଦାଆଃ ଜାହାଜ୍‌କ ଆୟାଃ ଖୁଜ୍ ଡେଗି କିସାଣ୍‌କାନ୍ ତାଇକେନା ! ମେନ୍ଦ ମିଦ୍ ଘାଡ଼ିରେଗି ସବେନାଃ ଜିୟନ୍‌ୟାନା !”

୨୦ ହେ ସିର୍ମାରେନ୍ ହଡ଼କ, ଇନିଃ ଜିୟନକାନ୍ ହରାତେ ରାସକାଅଃପେ । ହେ ପାର୍ମେଶ୍ୱାର୍‌ଆଃ ହଡ଼କ, ପ୍ରେରିଡ଼କ ଆଡ଼ଃ ନାବୀକ ରାସକାଅଃପେ ! ତିଆଃତି ଆପେ ନାଗେନ୍ତେ ଅକ୍‌ନାଃ ରିକାକାଦ୍ ତାଇକେନାଏ, ଏନାମେନ୍ତେ ପାର୍ମେଶ୍ୱାର୍ ଇନିଃକେ ସାଜାଇ ଏମାକାଇଜାଏ ।

୨୧ ଏନ୍ତେ ମିଆଁଦ୍ ପୁରାଃ ପେଡ଼େୟାନ୍ ଦୁଁଡ଼୍, ଜାନ୍ତାଦିରି ଲେକା ମିଆଁଦ୍ ଦିରି ଇଦିକେଦତେ ଦରେୟାରେ ହୁରାଙ୍ଗ୍‌କେଦତେ କାଜିକେଦା, “ମାରାଙ୍ଗ୍ ନାଗାର୍ ବାବିଲୋନ୍, ନେ ଲେକା ହୁରାଙ୍ଗ୍‌ଅଃଆଏ ଯେ, ଇନିଃକେ ଆଡ଼ଃମିସା ଜେତାଏ କାକ ନେଲ୍ ଦାଡ଼ିୟା । ୨୨ ବାନାମ୍ ସାଡ଼ିତାନ୍‌କଆଃ ସାଡ଼ି, ମାନଞ୍ଜାକଆଃ ଲାବ୍‌ଜା ଦୁରାଙ୍ଗ୍, ମୁରଲି ସାଡ଼ି, ବିଙ୍ଗ୍‌ଲ୍ ସାଡ଼ି ଚିଉଲାଅ ଆମାଃତାଃରେ ଆଡ଼ଃ କା ଆୟୁମଃଆ । ଜେଡ଼ନାଃଗି ବାବାଇ ହଡ଼କ ଆମାଃତାଃରେ ଆଡ଼ଃ ଚିଉଲାଅ କାକ ନେଲଃଆ, ଚାଏ ଜାନ୍ତାଦିରିରେ ରିଦେତାନ୍ ଲାବ୍‌ଜା କା ଆୟୁମଃଆ । ୨୩ ଆମାଃତାଃରେ ଆଡ଼ଃ ଚିଉଲାଅ ଦିମି କା ଜୁଲଃଆ, ଚାଏ ନାଞ୍ଜା କଡ଼ାକୁଡ଼ିକିନାଃ ଲାବ୍‌ଜା କା ଆୟୁମଃଆ । ତିଆଃତି ଆମାଃତାଃରେ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ଅତେଦିଶ୍ୱମ୍‌ରେ ପୁରାଃଗି ପେଡ଼େୟାନ୍‌ଗିକ ତାଇକେନା, ଆମାଃ ଯାଦୁଟଣାତେ ଆମ୍ ସବେନ୍ ହଡ଼କକେ ବେଦାକେଦତେ ଦହକାଦକ ତାଇକେନାମ୍ ।”

୨୪ ଆଡ଼ଃ ନେ ବାବିଲୋନ୍ ନାଗାର୍‌ରେ ଅତେଦିଶ୍ୱମ୍‌ରେନ୍ ପୁରାଃ ନାବୀକ ଆଡ଼ଃ ପାର୍ମେଶ୍ୱାର୍‌ଆଃ ହଡ଼କଆଃ ମାୟୋମ୍ ଲିଙ୍ଗିକାନ୍ ତାଇକେନା । ନେ ସବେନ୍ ପାପ୍ ନାଗେନ୍ତେ ଇନିଃ ସାଜାଇ ନାମାକାଦାଏ ।

## ୧୯

### ସିର୍ମାରେ ରାସକାରେୟାଃ ଦୁରାଙ୍ଗ୍

୧ ଏନ୍ ତାୟମ୍‌ତେ ଆଇଙ୍ଗ୍ ସିର୍ମାରେ ପୁରାଃ ଗାଦେଲ୍ ହଡ଼କକେ କାଉରିକେଦତେ ଜାଗାର୍‌ତେୟାଃ ଆୟୁମ୍‌କେଦକଆଇଙ୍ଗ୍ । ଇନ୍‌କୁ କାଜିତାଇକେନାକ, “ପାର୍ମେଶ୍ୱାର୍‌ଆଃ ସାହାରାଅ ରିକାଏପେ । ଜୀଉବାଞ୍ଚାଅ, ମାନାରାଙ୍ଗ୍ ଆଡ଼ଃ ପେଡ଼େଃ ଆବୁଆଃ ପାର୍ମେଶ୍ୱାର୍‌ଆଃ ତାନାଃ । ୨ ପାର୍ମେଶ୍ୱାର୍‌ଆଃ ବିଚାର୍ ସାର୍‌ତି ଆଡ଼ଃ ନ୍ୟାୟ୍ ତାନାଃ । ଆପାଙ୍ଗିର୍ କାମି ହରାତେ ଅତେଦିଶ୍ୱମ୍‌କେ ସଡ଼ରାକାଦ୍ ବେଶ୍ୟା କୁଡ଼ି ନାଗେନ୍ତେ ଠାଉକାଗି ସାଜାଇ ଏମାକାନା । ପାର୍ମେଶ୍ୱାର୍‌ଆଃ ଦାସିକଆଃ ମାୟୋମ୍ ଲିଙ୍ଗିକାଦ୍ ହରାତେ, ଇନିଃକେ ପାର୍ମେଶ୍ୱାର୍ ସାଜାଇ ଏମାକାଇଜାଏ ।” ୩ ଆଇଙ୍ଗ୍ ଇନ୍‌କୁକେ ଆଡ଼ଃମିସା କାଉରିକେଦତେ କାଜିତାନ୍ ଆୟୁମ୍‌କେଦକଆଇଙ୍ଗ୍, “ପାର୍ମେଶ୍ୱାର୍‌ଆଃ ସାହାରାଅ ରିକାଏପେ । ଏନ୍ ମାରାଙ୍ଗ୍ ନାଗାର୍‌କେ ଜିୟନେତାନ୍ ସେଙ୍ଗେଲ୍‌ରେୟାଃ ସୁକୁଲ୍ ଜାନାଅ ଜାନାଅଗି ଚେତାନ୍‌ତେ

ସୁକୁଲ୍ୟଥା ।” ୪ ରାଜଗାଦିରେ ଦୁବାକାନ୍ ପାର୍ମ୍ଭେଶ୍ୱରଥାଃ ଆୟାରେ ବାହ୍ନିସି ଉପୁନିୟା ପ୍ରାଚିନକ ଆତଃ ଉପୁନିୟା ଜାତୁକ ଅମ୍ଭାଃୟାନଲଃ ଜହାଋକେଦତେ କାଜିକେଦାକ, “ଆମେନ୍ ! ପାର୍ମ୍ଭେଶ୍ୱରଥାଃ ସାହାରାଅ ହବାଅଃକା ।”

ମିଣ୍ଡିହନ୍ଥାଃ ଆଣ୍ଡି ଭୋଜି

୫ ଏନ୍ତେ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମୟାନା, “ପାର୍ମ୍ଭେଶ୍ୱରଥାଃ ଦାସିକ ଆତଃ ଆଇଃକକେ ବରଭାକ୍ତିତାନ୍ ହୁଡ଼ିଙ୍ଗ, ମାରାଙ୍ଗ ସବେନ୍ ହଡ଼କ ଇନିୟାଃ ସାହାରାଅ ରିକାଏପେ ।” ୬ ଆଇଙ୍ଗ ଆତଃଗି ଗାଦେଲ୍ ହଡ଼କଥାଃ ଲାବ୍ଜା ଲେକା, ଦରେୟାରେୟାଃ ଆଲ୍ପୁଙ୍ଗ ସାଡ଼ିତାନ୍ ଲେକା, ରିମିଲ୍ ସାଡ଼ିତାନ୍ ଲେକା ଆତଃ ଠେରତାନ୍ରେୟାଃ ସାଡ଼ି ଲେକା ମିଆଁଦ୍ ସାଡ଼ିଇଙ୍ଗ ଆୟୁମକେଦା, “ପାର୍ମ୍ଭେଶ୍ୱରଥାଃ ସାହାରାଅ ହବାଅଃକା, ଚିଆଃଚି ଆବୁଥାଃ ପ୍ରାଭୁ ପୁରାଃ ପେଡ଼େୟାନ୍ ପାର୍ମ୍ଭେଶ୍ୱର ତାନିଃ, ଇନିଃ ଏସକାର ଆବୁଥାଃ ରାଜା ତାନିଃ ! ୭ ଲାନ୍ଦା ରାସକାତାନ୍ଲଃ ଏଲା ହିନ୍ତୁଃପେ, ଇନିୟାଃ ମାଇନାନ୍ବୁ ରିକାଏୟା, ମିଣ୍ଡିହନ୍ଥାଃ ଆଣ୍ଡିରେୟାଃ ଦିପିଲି ସେଟେରାକାନା, ଏନାମେନ୍ତେ ଆୟାଃ ନାଞ୍ଜା କୁଡ଼ି ଆପାନ୍କେ ସେକାଡ଼େନ୍ତାନା । ୮ ଆୟାଃ ତୁସିୟେନ୍ ନାଗେନ୍ତେ ଫାର୍ଚି ଆତଃ ପୁରାଃ ପୁଣ୍ଡି ଝାକ୍ମାକ୍ ଉନ୍ରାଃ ଲିଜାଃ ନାମାକାଦାଏ ।” ପାର୍ମ୍ଭେଶ୍ୱରଥାଃ ହଡ଼କଥାଃ ଧାର୍ମାନ୍ କାମି ହବାଅଃତାନା ଏନ୍ ନାରାମ୍ ଲିଜାଃ ।

୯ ଏନ୍ତେ ଦୁଁଡ଼ ଆଇଙ୍ଗକେ କାଜିକେଦିୟା, “ଅଲ୍କେଦତେ ଦହେମେ, ଅକନ୍ଦକ ମିଣ୍ଡିହନ୍ଥାଃ ଆଣ୍ଡି ଭୋଜିରେ କେଡାକାନାକ ଇନ୍ଦକୁ ଧାଇନ୍ଦଗିୟାକ ।” ଇନିଃ ଆତଃଗି କାଜିକେଦାଏ, “ନେଆଁ ପାର୍ମ୍ଭେଶ୍ୱରଥାଃ ସାର୍ଡି ବାଚାନ୍ ତାନାଃ ।”

୧୦ ଆଇଙ୍ଗ ଏନ୍ ଦୁଁଡ଼କେ ସୁନ୍ଦୁସାର ରିକା ନାଗେନ୍ତେ ଆୟାଃ କାଟା ସୁବାରେଇଙ୍ଗ ଉୟୁଃୟାନା । ମେନ୍ଦ ଏ ଇନିଃ ଆଇଙ୍ଗକେ କାଜିକେଦିୟା, “ଏନ୍ ଲେକା ଆଲମ୍ ରିକାଏୟା । ଆଇଙ୍ଗ ଆମାଃ ଗାଡିଦାସି ତାନିଙ୍ଗ ଆତଃ ଆମାଃ ହାଗା ମିଣିକ ଲେକାଗି ଆଇଙ୍ଗ ଯୀଶୁଥାଃ ଗାଞ୍ଜା ଏମ୍ନିଃ ତାନିଙ୍ଗ । ଆପେ ଲେକା ଆଇଙ୍ଗ ହଗି ଯୀଶୁ ଉଦୁବାକାଦ୍ ସାନାର୍ଡିକେଇଙ୍ଗ ତେଲ୍ଲାକାଦା । ପାର୍ମ୍ଭେଶ୍ୱରକେ ଏସକାର ସୁସାରିମେ ।” ଚିଆଃଚି ଯୀଶୁ ନାଗେନ୍ତେ ଗାଞ୍ଜା ହବାଅଃତାନା, ଆୟାଋକାଜିରାଃ ଏନେଟେଦ୍ ଆମ୍ ଲେକ୍ନାଃ ।

ପୁଣ୍ଡି ସାଦମ୍ରେ ଦୁବାକାନ୍ନିଃ

୧୧ ଏନ୍ତେ ଆଇଙ୍ଗ ସିମା ନିଜାକାନ୍ ନେଲ୍କେଦାଇଙ୍ଗ । ଏନ୍ତାଃରେ ପୁଣ୍ଡି ସାଦମ୍ରେ ଦୁବାକାନ୍ନିଃକେ ନେଲ୍କିଜାଇଙ୍ଗ । ଏନ୍ ସାଦମ୍ରେ ଦୁବାକାନ୍ନିୟାଃ ନୁତୁମ୍ ପାତିୟାଋରନିଃ ଆତଃ ସାର୍ଡି । ଇନିଃ ନ୍ୟାୟ ଲେକାତେ ବିଚାର ରିକାଃଏ ଲାଡ଼ାଇ ରିକାଃଏ । ୧୨ ଇନିୟାଃ ମେଦ୍ ଜୁଲଃତାନ୍ ସେଙ୍ଗେଲ୍ ଲେକା ଆତଃ ଇନିୟାଃ ବହଃରେ ପୁରାଃଗି ମୁକୁଟ୍ ତାଇକେନା । ଇନିୟାଃ ଚେତାନ୍ରେ ମିଆଁଦ୍ ନୁତୁମ୍ ଅଲ୍ଲାକାନ୍ ତାଇକେନା, ମେନ୍ଦ ଏନା ଚିନାଃ ତାନାଃ, ଏନା ଆଇଃକକେ ବାଗିକେଦତେ ଜେତାଏ କାକ ସାରିୟା । ୧୩ ଇନିଃ ତୁସିଙ୍ଗକାନ୍ ଲିଜାଃ ମାୟୋମ୍କାନ୍ ତାଇକେନା । ଇନିୟାଃ ନୁତୁମ୍ “ପାର୍ମ୍ଭେଶ୍ୱରଥାଃ ବାଚାନ୍ ମେନ୍ତେ ସାରିୟାଃ ତାଇକେନା ।” ୧୪ ସିମାରେନ୍ ଫାଉଦ୍କ, ନିରାଲ୍, ପୁରାଃ ପୁଣ୍ଡି ଫାର୍ଚି ଆତଃ ଝାକ୍ମାକ୍ ଉନ୍ରାଃ ଲିଜାଃ ତୁସିଙ୍ଗୟାନ୍ଲଃ, ପୁଣ୍ଡି ସାଦମ୍ ଚେତାନ୍ରେ ଦୁବ୍କେଦତେ ଇନିଃକେକ ଅତଙ୍ଗଇଁ ତାଇକେନା । ୧୫ ଇନିୟାଃ ମଚାଏତେ ମିଆଁଦ୍ ଲେସେରାକାନ୍ ତାରାଉଡ଼ି ଅତଙ୍ଗଅଃଥା । ଏନାଲଃ ଅତେରେନ୍ ସବେନ୍ ହଡ଼କକେ ହାରାଅକଥା

୪ ୧୯:୯ ୧୯:୯ ମାଥୁଉ ୨୨:୨,୩.    ୫ ୧୯:୧୫ ୧୯:୧୫ ଉତ୍କଳ କାଜି ୧୪:୨୦.

। ଆତଃ ଇନିଃ ଇନକୁକେ ମେଡ଼େଦରାଃ ସଚାତେ ହୁମାଃକଆ ଆତଃ ପେଡ଼େୟାନ୍ ପାରମେଶ୍ଵାରଆଃ ପୁରାଃ ଖ୍ଵ ଲେକାନ୍ ଦାଖନାଡ଼ିକେ ଘାନାରେ ଆଇଃକ୍ତି ପେରାଅକେଦ୍‌ତେ ଏନାଏତେ ଦାଖରାସି ଅତଙ୍ଗୟେଆ । ୧୭ ଇନିୟାଃ ଲିଜାଃ ଚେତାନରେ ଆତଃ ବୁଲୁରେ ନେ ନୁଡୁମ୍ ଅଲ୍ଲାନାନ୍ ତାଇକେନା, “ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ।”

୧୭ ଏନ୍ତେ ଆଇଙ୍ଗ୍ ମିଆଁଦ୍ ଦୁଁଡ଼କେ ସିଙ୍ଗି ଚେତାନରେ ତିଙ୍ଗୁଆକାନ୍ ନେଲ୍‌କିୟାଇଙ୍ଗ୍ । ଆଲା ସିର୍ମାରେ ଆଫିର୍ତ୍ତାନ ସବେନ୍ ଚେଣ୍ଟେକକେ କାଉରିକେଦ୍‌ତେ କାଜିକେଦ୍‌କଆ, “ଏଲା, ପାରମେଶ୍ଵାରଆଃ ମାରାଙ୍ଗ୍ ଭୋଜିରେ ମେସାନ୍ ନାଗେନ୍ତେ ହୁଣ୍ଡିନ୍‌ପେ ! ୧୮ ରାଜା, ପାଲ୍‌ଟାନ୍, ସିପାଇ, ସାଦମ୍, ସାଦମ୍‌ରେ ଦୁବାକାନ୍, କିରିଙ୍ଗ୍‌ୟାକାନ୍ ଦାସି, ପେଡ଼େୟାନ୍ ହଡ଼, କା ପେଡ଼େୟାନ୍ ହଡ଼, ନେ ସବେନ୍‌କଆଃ ଜିଲୁକେ ହିଜୁଃକେଦ୍‌ତେ ଜମେପେ ।”

୧୯ ଏନ୍ତେ ଆଇଙ୍ଗ୍ ନେଲ୍‌କେଦାଇଙ୍ଗ୍, ଏନ୍ ସାଦମ୍‌ରେ ଦୁବାକାନ୍‌ନିଃ ଆତଃ ଆୟାଃ ପାଲ୍‌ଟାନ୍‌କଆଃ ବିରୁଧ୍‌ରେ ଲାଡ଼ାଇ ନାଗେନ୍ତେ ଏନ୍ ଜାଁତୁ ଆତଃ ଅତେଦିଶ୍ଵମ୍‌ରେନ୍ ସବେନ୍ ରାଜା ଆତଃ ଇନକୁଆଃ ସବେନ୍ ପାଲ୍‌ଟାନ୍‌କ ମିଦ୍‌ତଃରେ ହୁଣ୍ଡିୟାନାକ । ୨୦ ଏନ୍ ମାପାଃତୁପୁଇଙ୍ଗ୍‌ରେ ଜାଁତୁ ଆତଃ ଇନିୟାଃ ଆୟାର୍‌ରେ ଆକ୍‌ଦାନ୍‌ଦାଅ କାମିକ ରିକାତାନ୍, ଏନ୍ ହସଡ଼ ନାବୀ ସାନାଦ୍‌ୟାନ୍‌ଲଃ ତନଲ୍‌ରେ ଦହୟାନା । ଅକନ୍‌କଆଃରେ ଜାଁତୁରାଃ ଚିହ୍ନାଁ ତାଇକେନା ଆତଃ ଅକନ୍‌କ ଆୟାଃ ମୁରୁଡ଼କେକ ସେଝା ତାଇକେନା, ଇନକୁକେ ଏନ୍ ଜାଁତୁ ଆୟାଃ ଆକ୍‌ଦାନ୍‌ଦାଅ କାମିତେ ବେଦାକ ତାଇକେନା । ଜାଁତୁ ଆତଃ ଏନ୍ ହସଡ଼ ନାବୀ ହୁଆଙ୍ଗ୍‌ଗାଡ଼ାରେ ଜାନିଦ୍‌ଗି ହୁରାଙ୍ଗ୍‌ୟାନାକିନ୍ । ୨୧ ଆତଃ ଇନକିନାଃ ପାଲ୍‌ଟାନ୍‌କ ଆତଃ ସାଦମ୍‌ରେ ଦୁବାକାନ୍‌କ, ମଚାଏତେ ଅତଙ୍ଗ୍‌ଅଃତାନ୍ ତାରାଉଡ଼ିଲଃ ମାଆଃୟାନାକ, ଆତଃ ସବେନ୍ ଚେଣ୍ଟେକ ଆକଆଃ ଇଛାସାନାଙ୍ଗ୍ ଲେକା ଇନକୁଆଃ ଜିଲୁ ଜମ୍‌କେଦାକ ।

## ୨୦

ମିଦ୍ ହାଜାର୍ ବାରାଷ୍‌ରେୟାଃ ରାଇଜ୍

୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ଦୁଁଡ଼କେ ସିର୍ମାଏତେ ଆଡ଼ଗୁନ୍‌ତାନ୍ ନେଲ୍‌କିୟାଇଙ୍ଗ୍ । ଇନିୟାଃ ଡିଃଇରେ ହୁଆଙ୍ଗ୍‌ଗାଡ଼ାରେୟାଃ ଚାଭି ଆତଃ ମିଆଁଦ୍ ହାମ୍‌ଲ୍ ସିକ୍‌ଡ଼ି ତାଇକେନା । ୨ ଇନିଃ ଏନ୍ ମାରାଙ୍ଗ୍ ବିଙ୍ଗ୍, ଚାଏ ସାଏତାନ୍‌କେ ସାଦ୍‌କେଦ୍‌ତେ ମିଦ୍ ହାଜାର୍ ବାରାଷ୍ ଜାକେଦ୍ ସିକ୍‌ଡ଼ିତେ ତଲ୍‌କିୟାଏ, ୩ ଆତଃ ହୁଆଙ୍ଗ୍‌ଗାଡ଼ାରେ ହୁରାଙ୍ଗ୍‌କେଦ୍‌ତେ ଏନାରେୟାଃ ଦୁଆର୍ ହାଣ୍ଡେଦ୍‌କେଦାଏ ଆତଃ ଏନ୍ ଚେତାନରେ ମୋହର୍ ଏମ୍‌କେଦାଏ । ମିଦ୍ ହାଜାର୍ ବାରାଷ୍ ଆଉରି ପୁରାଃଅ ଜାକେଦ୍ ଇନିଃ ଆତଃ ଜେତାନ୍ ଦିଶ୍ଵମ୍‌ରେନ୍ ହଡ଼କକେ ବେଦା କାଏ ଦାଡ଼ିୟା । ନେଆଁ ତାୟମ୍‌ତେ ଘାଡ଼ିକାଦ୍ ନାଙ୍ଗ୍ ଇନିଃକେ ଆତଃମିସା ରାଡ଼ାଅଃଆ ।

୪ ଏନ୍ତେ ଆଇଙ୍ଗ୍ ନେଲ୍‌କେଦାଇଙ୍ଗ୍, ଚିମିନ୍ ରାଜ୍‌ଗାଦିକ ଆତଃ ଏନାକରେ ଦୁବାକାନ୍ ହଡ଼କକେ ବିଚାର୍ ନାଗେନ୍ତେ ଆକ୍‌ତେୟାର୍ ଏମାକାନା । ଆତଃଗି ଚିମିନ୍ ଗଜାକାନ୍ ହଡ଼କଆଃ ଆମ୍‌କାକେଇଙ୍ଗ୍ ନେଲ୍‌କେଦ୍‌କଆ, ଇନକୁ ଯାଶ୍ଵ ଉଦୁବାକାଦ୍ ସାନାର୍‌ତି ଆତଃ ପାରମେଶ୍ଵାରଆଃ ବାଚାନ୍‌କେ ଉଦୁବ୍‌କେଦ୍ ହରାତେ ଏନ୍ ହଡ଼କ ଗନଏଃ ସାଜାଇ ନାମାକାଦ୍ ତାଇକେନାକ । ଇନକୁ ଜାଁତୁ ଚାଏ ମୁରୁଡ଼କକେ କାକ ଜହାର୍‌କାଦ୍‌କ ତାଇକେନା, ଚାଏ ମଲ୍‌ଙ୍ଗ୍ ଆତଃ ଡିଃଇରେ ଜାଁତୁରାଃ ଚିହ୍ନାଁ କାକ ଖଦାକାନ୍ ତାଇକେନା । ଇନକୁ ଶ୍ରୀଷ୍ଟଲଃ ମିଦ୍ ହାଜାର୍ ବାରାଷ୍ ରାଇଜେ ନାଗେନ୍ତେ ଜୀଉବିରିଦାକାନ୍ ତାଇକେନାକ । ୫ ଏନ୍ ମିଦ୍ ହାଜାର୍ ବାରାଷ୍ ଆଉରି

☆ ୧୯:୨୦ ୧୯:୨୦ ଉତ୍କଳ କାଜି ୧୩:୧-୧୮.

ପୁରାଃ ଅ ଜାକେଦ୍ ଏଟାଃ ଜେତାନ୍ ଗଜାକାନ୍ ହତକଥାଃ ଜୀଉବିନିରିଦ୍ କା ହବାକାନ୍ ତାଇକେନା । ନେଆଁଦ୍ ପାହିଲା ଜୀଉବିନିରିଦ୍ ତାନାଃ । ୬ ଗଜାକାନ୍ ହତକଥାଃ ନେ ପାହିଲା ଜୀଉବିନିରିଦ୍ରେ ଅକନ୍ଦ୍ ହିସାକ ନାମାକାଦା, ଇନ୍କୁ ତିମିନ୍ ଧାଇନ୍ ଆତଃ ପାବିତାର୍ଗିୟାଃକ ! ଇନ୍କୁଆଃ ବାର୍ଯ୍ୟା ଗନଏଃ କା ହବାଅଃଆ । ଇନ୍କୁ ପାର୍ମେଶ୍ଵାର୍ଆଃ ଆତଃ ଶ୍ରୀଷ୍ଟୀଆଃ ଯାଜାକ୍ ହବାକେଦ୍ତେ ଶ୍ରୀଷ୍ଟିଲଃ ମିଦ୍ ହାଜାର୍ ବାରାଷ୍ଟ୍ ଜାକେଦ୍ ରାଇଜେୟାକ ।

ସାଏତାନ୍ରାଃ ଚୁଣ୍ଡ ହୁରାଅ

୭ ମିଦ୍ ହାଜାର୍ ବାରାଷ୍ଟ୍ ପୁରାୟାନ୍ ତାୟମ୍ତେ ସାଏତାନ୍କେ ତଲ୍ଲକାନ୍ହେତେ ରାଡ଼ାଅଃଆ, ୮ ଗୋଗ୍ ଆତଃ ମାଗୋଗ୍ ଲେକା ଅତେରେୟାଃ ଚାରିୟସାଃରେ ଦରେୟାରେନ୍ ଗିତିଲ୍ ଲେକା ଛିତିବିତିକାନ୍ କିଲିକଥାଃ କା ଲେକା ଦାଡ଼ିୟଃ ହତକକେ ସାଏତାନ୍ ବେଦାକେଦ୍ତେ ଲାଡ଼ାଇ ନାଗେନ୍ତେ ମିଦ୍ରେ ହୁଣ୍ଡିକଥା । ୯ ଇନ୍କୁ ଅତେରେୟାଃ ଚାରିୟସାଃ ସେନକେଦ୍ତେ ପାର୍ମେଶ୍ଵାର୍ଆଃ ହତକଥାଃ ତାଇନଃ ଠାୟାଦ୍ କୁମ୍ପାକକେ ଆତଃ ପାର୍ମେଶ୍ଵାର୍ଆଃ ଦୁଲ୍ଲାଡ଼୍ ନାଗାର୍କେ କେସେଦ୍ ବିୟ୍ରେୟାକ । ମେନ୍ଦ୍ ସିର୍ମାଏତେ ସେଜ୍ଞେଲ୍ ଉୟ୍ଠକେଦ୍ତେ ଇନ୍କୁକେ ଜିୟନ୍ତାକଥା, ୧୦ ଆତଃ ଅକ ଜୁଲ୍ଲତାନ୍ ହୁଆଙ୍ଗାଡ଼ାରେ ଜାଁଡୁ ଆତଃ ହସଡ଼ ନାବୀ ହୁରାଙ୍ଗାକାନ୍ ତାଇକେନାକ, ହସଡ଼ନିଃ ସାଏତାନ୍ ହଗି ଏନାରେ ହୁରାଙ୍ଗ୍ଅଃଆ । ଏନ୍ତାଃରେ ଇନ୍କୁ ନିଦାସିଙ୍ଗି ଜାନାଅ ଜାନାଅ ଦୁକୁକ ନାମେୟା ।

ଚୁଣ୍ଡ ହିଚାର୍

୧୧ ଏନ୍ତେ ଆଇଙ୍ଗ୍ ମିଆଁଦ୍ ମାରାଙ୍ଗ୍ ପୁଣ୍ଡି ରାଜଗାଦି ଆତଃ ଏନାରେ ମିହୁଡ୍ ଦୁବାକାନ୍ନିଃକେଇଙ୍ଗ୍ ନେଲ୍ଲକିୟା । ଇନିୟାଃ ହେପାଦ୍ହେତେ ଅତେ ଆତଃ ସିର୍ମା ନିର୍ୟାନା ଆତଃ ଇନ୍କିନାଃ ନାଗେନ୍ତେ ଉକୁଃ ନାଙ୍ଗ୍ ଠାୟାଦ୍ କା ନାମୟାନା । ୧୨ ଏନ୍ତେ ଆଇଙ୍ଗ୍ ଗଜାକାନ୍କକେ, ମାପ୍ପରାଙ୍ଗ୍କକେ ଆତଃ ହୁପ୍ପଡ଼ିଙ୍ଗ୍କକେ ପାର୍ମେଶ୍ଵାର୍ଆଃ ରାଜଗାଦି ଆୟାର୍ରେ ତିଙ୍ଗ୍ଆକାନାଇଙ୍ଗ୍ ନେଲ୍ଲକେଦ୍କଥା । ଆତଃ ପୁଥ୍ ଅଟାଃୟାନା, ଏନ୍ ପୁଥ୍କଏତେ ଜୀଦାନ୍ ପୁଥ୍ ନୁଡୁମ୍ ମିଆଁଦ୍ ପୁଥ୍ ତାଇକେନା । ଏନ୍ ଜୀଦାନ୍ ପୁଥ୍ରେ ହତକଥାଃ କାମିଉଦାମ୍ ବିଷାଏରେ ଅକ୍ନାଃ ଅଲ୍ଲକାନ୍ ତାଇକେନା, ଏନ୍ ଲେକାତେ ଇନ୍କୁଆଃ ବିଚାର୍ ହବାୟାନା । ୧୩ ଏନ୍ତେ ଦରେୟା ଭିତାର୍ରେ ଗଜାକାନ୍ ହତକ ବିରିଦ୍ୟାନାକ । ଗନଏଃଗାଡ଼ାରେ ଗଜାକାନ୍ ହତକ ହଗି ବିରିଦ୍ୟାନାକ । ଇନ୍କୁ ସବେନ୍ଦ୍ ଆକଥାଃ ଆକଥାଃ କାମିଉଦାମ୍ ଲେକାତେ ବିଚାର୍ୟାନାକ । ୧୪ ଏନ୍ତେ ଗନଏଃ ଆତଃ ଗନଏଃ ଗାଡ଼ାକେ, ଏନ୍ ହୁଆଙ୍ଗାଡ଼ାରେ ହୁରାଙ୍ଗ୍ ଏଣ୍ଡାୟାନା । ନେ ହୁଆଙ୍ଗାଡ଼ା ହବାଅଃତାନା ବାର୍ଯ୍ୟା ଗନଏଃ । ୧୫ ଅକନ୍ ହତକଥାଃ ନୁଡୁମ୍ ଜୀଦାନ୍ ପୁଥ୍ରେ କା ଅଲ୍ଲକାନ୍ ତାଇକେନା, ଇନ୍କୁ ହଗି ସବେନ୍ଦ୍ ହୁଆଙ୍ଗାଡ଼ାରେ ହୁରାଙ୍ଗ୍ୟାନାକ ।

୨୧

ନାଞ୍ଜା ସିର୍ମା ଆତଃ ନାଞ୍ଜା ଅତେ

୧ \*ଏନ୍ତେ ଚୁଣ୍ଡୁରେ ଆଇଙ୍ଗ୍ ନାଞ୍ଜା ସିର୍ମା ଆତଃ ନାଞ୍ଜା ଅତେ ନେଲ୍ଲକେଦାଇଙ୍ଗ୍ । ପାହିଲାରେୟାଃ ଅତେ, ସିର୍ମା ଆତଃ ଦରେୟା କା ନେଲ୍ଲୟାନା । ୨ \*ଏନ୍ତେ ଆଇଙ୍ଗ୍ ସିର୍ମାରେନ୍ ପାର୍ମେଶ୍ଵାର୍ତାଃଏତେ ପାବିତାର୍ ନାଗାର୍ ଲାଡ଼ାର୍ତେ ଆଡ଼୍ଗୁଠାନ୍ ନେଲ୍ଲକେଦାଇଙ୍ଗ୍ । ନେ ପାବିତାର୍ ନାଗାର୍ଗି ନାଞ୍ଜା ଯାରୁଶାଲେମ୍ ତାନାଃ । କଡ଼ା ନାଗେନ୍ତେ କୁଡ଼ି ଜେଲ୍ଲେକା ସିଙ୍ଗ୍ରାଅକାନ୍ଗି ତାଇନାଃ, ଏନ୍ଲେକାଗି ନେଆଁ

\* ୨୧:୧ ୨୧:୧ ୨ ପାଡ଼ରାସ୍ ୩:୧୩. \* ୨୧:୨ ୨୧:୨ ଉତ୍କଳ କାଳି ୩:୧୨.

ସାପତାଅକାନ୍ ତାଇକେନା ।<sup>୩</sup> ଆତଃ ସିର୍ମାରେୟାଃ ରାଜଗାଦିଏତେ ମିଆଁଦ୍ ଲାବ୍ଜା ଆୟୁମ୍ବକେଦାଇଜ୍, “ନାହାଃପ ପାର୍ମେଶ୍ଵାର୍ଆଃ ତାଇନଃ ଠାୟାଦ୍ ହଡକ ଥାଲ୍ଲାରେ ମେନାଃ, ଇନିଃ ଇନ୍କୁଆଃ ଥାଲ୍ଲାରେ ତାଇନା ଆତଃ ଇନ୍କୁ ଆୟାଃ ହଡକ ହବାଅଥାଃକ । ପାର୍ମେଶ୍ଵାର୍ ଇନ୍କୁଲଃ ତାଇନାଏ ଆତଃ ଇନ୍କୁଆଃ ପାର୍ମେଶ୍ଵାର୍ ହବାଅଥାଃଏ ।<sup>୪</sup> ଇନିଃ ଇନ୍କୁଆଃ ମେଦ୍ ଦାଆଃ ଜଦେୟାଏ । ଗନଏଃ, ଏୟମ୍, ରାନାଃ, ଆତଃ ହାସୁ ଜେଡନାଃ କା ହବାଅଥା । ସବେନ୍ ମାରିତେୟାଃକ କା ନେଲଃତାନା ।”

<sup>୫</sup> ରାଜଗାଦିରେ ଦୁବାକାନ୍ ହଡ କାଜିକେଦାଏ, “ହେଗି, ଆଇଜ୍ ସବେନାଃକେଇଜ୍ ନାଞ୍ଜାକାଦା ।” ଆତଃ ଇନିଃ ଆଇଜ୍କେ କାଜିକେଦିୟାଁ, “ନେ ସବେନ୍ କାଜି ଅଲ୍ଲକେଦ୍ତେ ଦହେମେ, ଚିଆଃଚି ନେଆଁ ସାର୍ଚ୍ଚି ଆତଃ ପାଡିୟାର୍ରେଃତେୟାଃ ତାନାଃ ।”<sup>୬</sup> ଆତଃଗି ଇନିଃ କାଜିକେଦିୟାଁଏ, “କାମି ଚାବାକାନା । ଆଇଜ୍ ସୁରୁଇନିଃ ଆତଃ ଚାବାଏନିଃ, ମୁନ୍ ଆତଃ ଚୁଣ୍ଡୁତାନିଜ୍ । ତେତାଜ୍ତାନିନିଃକେ ଜୀଦାନ୍ରେୟାଃ ସେତେଜ୍ ଦାଆଃ ବେଗାର୍ ଗନଜ୍ତେ ନୁଁଏ ନାଜ୍ ଏମାଲୟାଇଜ୍ ।<sup>୭</sup> ଅକନକ ଜିତାଅଥାକ, ଆଇଜ୍ ଇନ୍କୁକେ ନେ ନାଲା ଏମାକଆଇଜ୍, ଆଇଜ୍ ଇନ୍କୁଆଃ ପାର୍ମେଶ୍ଵାର୍ ହବାଅଥାଆଇଜ୍ ଆତଃ ଇନ୍କୁ ଆଇୟାଃ ହନକ ହବାଅଥାକ ।<sup>୮</sup> ମେନ୍ଦ୍ ବରଏତାନକ, କା ବିଶ୍ଵାସତାନକ, ଏଡକାନ୍ ଚାଇଲ୍ ଚାଲାନକ, ହଡ ଗଗଏଃକ, ଆପାଜ୍ଚିର୍ କାମିତାନକ, ଦେଅଁଶାତାନକ, ମୁରୁଡ୍ ସୁନ୍ଦସାର୍ଚକ, ଆତଃ ହସଡ୍ କାଜିତାନକ, ନେଲେକାନ୍ ସବେନ୍ ହଡକଆଃ ଠାୟାଦ୍ ହବାଅଥାତାନା ଜୁଲଃତାନ୍ ହୁଆଜ୍ଗାଡା । ନେଆଁଗି ଇନ୍କୁଆଃ ବାର୍ଯା ଗନଏଃ ତାନାଃ ।”

ନାଞ୍ଜା ଯୀରୁଶାଲେମ୍

<sup>୯</sup> ଏୟା ଚୁଣ୍ଡୁ ଦୁକୁହାସୁତେ ପେରେଜାକାନ୍ ଏୟା ତୁଭା ସାବାକାଦ୍ ଏୟା ଦୁଁଡକଏତେ ମିହୁଡ୍ ଆଇଜ୍ତାଃତେ ହିଜୁଃକେଦ୍ତେ କାଜିକେଦିୟାଁ, “ହିଜୁଃମେ, ଆଇଜ୍ ନାଞ୍ଜା ଆଣ୍ଡିକାନ୍ କୁଡିକେଇଜ୍ ଉଦୁବାମେୟାଁ, ଇନିଃ ମିଣ୍ଡିହନ୍ଆଃ କୁଡି ତାନିଃ ।”<sup>୧୦</sup> ଏନ୍ତେ ପାବିତାର୍ ଆମ୍ବା ଆଇଜ୍କେ ଆକ୍ତେୟାର୍ଚିଦିୟାଁ ଆତଃ ଦୁଁଡ୍ ଆଇଜ୍କେ ମିଆଁଦ୍ ମାରାଜ୍ ସାଲାଜ୍ ରୁରୁ ଚୁଚିତେ ଇଦିକିଦିୟାଁ, ଇନିଃ ଆଇଜ୍କେ ପାବିତାର୍ ନାଗାର୍ ଯୀରୁଶାଲେମ୍କେ ଉଦୁବାଦିୟାଁ । ଆଇଜ୍ ଏନ୍ ନାଗାର୍କେ ପାର୍ମେଶ୍ଵାର୍ତାଃଏତେ ସିର୍ମାଏତେ ଆଡ୍ଗୁଃତାନ୍ ନେଲ୍ଲକେଦାଇଜ୍ ।<sup>୧୧</sup> ଏନ୍ ନାଗାର୍ ପାର୍ମେଶ୍ଵାର୍ଆଃ ମାନାରାଜ୍ରେ ଚାମ୍କାଅଃ ତାଇକେନା, ଏନାରେୟାଃ ମାର୍ସାଲ୍ ପୁରାଃ ଗନଜ୍ଆଁନ୍ ମତି ଆତଃ ସିଜ୍ପିରାଃ ନିରାଲ୍ ଆଏନା ଲେକା ଝାଲ୍ସାଃଅ ତାଇକେନା ।<sup>୧୨</sup> ଏନାରେ ମିଆଁଦ୍ ମାରାଜ୍ ସାଲାଜ୍ ପାଚ୍ଚି ତାଇକେନା । ଏନାରେ ଗେଲ୍ବାର୍ ଦୁଆର୍ ତାଇକେନା, ଏନାକେ ଗେଲ୍ବାର୍ ଦୁଁଡକ ହରତାଇକେନାକ ଆତଃ ଏନ୍ ଦୁଆର୍ ଚେତାନରେ ଇସ୍ରାଏଲ୍ ହଡକଆଃ ଗେଲ୍ବାର୍ କିଲିକଆଃ ନୁଡୁମ୍ ଅଲ୍ଲକାନ୍ ତାଇକେନା ।<sup>୧୩</sup> ଆତଃ ଏନ୍ ପାଚ୍ଚିରେୟାଃ ଉପୁନ୍ସାଃରେ ଆପିୟା ଦୁଆର୍ ତାଇକେନା, ପୁରାଦ୍ସାଃରେ ଆପିୟା ଦୁଆର୍, ଉଭାର୍ସାଃରେ ଆପିୟା ଦୁଆର୍, ଦାକ୍ଷିଣ୍ଠସାଃରେ ଆପିୟା ଦୁଆର୍, ପାଶ୍ଚିମ୍ସାଃରେ ଆପିୟା ଦୁଆର୍ ତାଇକେନା ।<sup>୧୪</sup> ନାଗାର୍ରେୟାଃ ନେ ପାଚ୍ଚି ଗେଲ୍ବାର୍ ଦିରିତେ ବାଇୟାକାନ୍ ନିହଁଗାଡା ତାଇକେନା ଆତଃ ଏନ୍ ନିହଁଗାଡା ଚେତାନରେ ମିଣ୍ଡିହନ୍ଆଃ ଗେଲ୍ବାର୍ ପ୍ରେରିଡକଆଃ ନୁଡୁମ୍ ଅଲ୍ଲକାନ୍ ତାଇକେନା ।<sup>୧୫</sup> ଆଇୟାଃଲଃ ଜାଗାର୍ତାନ୍ ଦୁଁଡ୍ଆଃ ଡିଃଇରେ ନାଗାର୍, ପାଚ୍ଚି ଆତଃ ଦୁଆର୍କକେ ସଜ୍ଏ ନାଗେନ୍ତେ ମିଆଁଦ୍ ସୋନାରାଃ ସଜ୍ଏ ସଟା ତାଇକେନା ।<sup>୧୬</sup> ଏନ୍ ନାଗାର୍ରେୟାଃ ଚାରିୟାଃ ମିଦ୍ଗି ତାଇକେନା, ଏନାରାଃ ଚାକାର୍ ଆତଃ ଜିଲିଜ୍ ମିଦ୍ଗି ତାଇକେନା

। ଦୁର୍ଦ୍ଦ ଆୟାଃ ସଙ୍ଗେ ସଗାତେ ନାଗାରକେ ସଙ୍ଗକେଦା । ଏନାରେୟାଃ ଚାକାର୍ ୨,୪୦୦ କିଲୋମିଟର୍ ତାଇକେନା । ଏନାରେୟାଃ ଜିଲିଙ୍ଗ ଆତଃ ସାଲାଜି ଚାକାରଲଃ ମିଦ୍ଗି ତାଇକେନା । ୧୭ ଦୁର୍ଦ୍ଦ ଏନ୍ ପାଡ଼ରିରେୟାଃ ସାଲାଜି ହଗି ସଙ୍ଗକେଦାଏ, ଏନା ୭୦ ମିଟର୍ ତାଇକେନା । ୧୮ ଏନ୍ ପାଡ଼ରି ପୁରାଃ ଗନଙ୍ଗାଆନ୍ ଝାକ୍‌ମାକ୍ ଦିରିତେ ବାଇୟାକାନ୍ ତାଇକେନା, ଏନ୍ତେ ଏନ୍ ନାଗାର୍ ଫାଡ଼ଚି ସୋନା ଆତଃ କାଡ଼ତେ ବାଇୟାକାନ୍ ତାଇକେନା । ୧୯ ନାଗାରରେୟାଃ ଚାରିୟସାଃରେ ତାଇକାନ୍ ପାଡ଼ରିରେୟାଃ ନିହଁଗାଡ଼ାରେ ସବେନ୍ ଲେକାନ୍ ଗନଙ୍ଗାଆନ୍ ଦିରିତେ ସିଙ୍ଗରାଅକାନ୍ ତାଇକେନା । ପାହିଲା ନିହଁଗାଡ଼ା ହିରାତେ, ଏଗାଃ ନିହଁଗାଡ଼ା ମଣିତେ, ଆପିୟାତେୟାଃ ରାଙ୍ଗବିରାଙ୍ଗ ଗନଙ୍ଗାଆନ୍ ଦିରିତେ, ଉପୁନିୟାତେୟାଃ ଝାଲ୍‌କାଅଃତାନ୍ ହାରିୟାର୍ ଦିରିତେ ବାଇୟାକାନ୍ ତାଇକେନା । ୨୦ ମାଣେୟାତେୟାଃ ପୁଲକ୍ ମଣିତେ, ତୁରିୟାତେୟାଃ ମାଣିକ୍ୟ ମଣିତେ, ଏୟାତେୟାଃ ପୁଷ୍ପରାଗ୍ ମଣିତେ, ଇରାଲିୟାତେୟାଃ ଫିରୋଜ୍ ମଣିତେ, ଅରେୟାତେୟାଃ ଗୋମେଦକ୍ ମଣିତେ, ଗେଲେୟାତେୟାଃ ଲଶୁନାୟ୍ ମଣିତେ, ଗେଲ୍‌ମିଆନ୍ ଇନ୍ଦ୍ରନିଲ୍ ମଣିତେ ଆତଃ ଗେଲ୍‌ବାର୍‌ତେୟାଃ ବୁଗିନ୍‌ସହାନ୍ ମଣିତେ ବାଇୟାକାନ୍ ତାଇକେନା । ୨୧ ଗେଲ୍‌ବାର୍ ଦୁଆର୍ ତାଇକେନା ଆତଃ ଗେଲ୍‌ବାର୍ ମୋତି ତାଇକେନା । ମିମିଆଦ୍ ଦୁଆର୍, ମିମିଆଦ୍ ମୋତିତେ ବାଇୟାକାନ୍ ତାଇକେନା, ନାଗାରରେୟାଃ ହରା ଫାଡ଼ଚି ସୋନା ଆତଃ କାଡ଼ ଲେକା ସୁଗାଡ଼ାନ୍‌ଗି ବାଇୟାକାନ୍ ତାଇକେନା ।

୨୨ ଆଇଙ୍ଗ୍ ନାଗାରରେ ଜେତାନ୍ ମାନ୍ଦିର୍ କାଇଙ୍ଗ୍ ନେଲକେଦା, ଚିୟାଃଚି ପୁରାଃ ପେଡେୟାନ୍ ପ୍ରାଭୁ ପାର୍‌ମେଶ୍ୱାର୍ ଆତଃ ମିଣ୍ଡିହନ୍ ଏନାରେନ୍ ମାନ୍ଦିର୍ ତାନ୍‌କିନ୍ । ୨୩ ଏନ୍ ନାଗାରକେ ମାର୍‌ସାଲେ ନାଗେନ୍ତେ ଏନ୍ତାଃରେ ସିଙ୍ଗି ଚାଏ ଚାଣ୍ଡୁ କା ଲାଗାତିଙ୍ଗ୍‌ୟାଃ, ଚିୟାଃଚି ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରେ ଏନା ମାର୍‌ସାଲଃତାନା ଆତଃ ମିଣ୍ଡିହନ୍ ଏନାରେୟାଃ ଦିମି ତାନିଃ । ୨୪ ଅତେରେନ୍ ସବେନ୍ ହଡ଼କ ଇନିୟାଃ ମାର୍‌ସାଲ୍‌ରେ ହିନ୍ଦୁଃସେନଃ ରିକାଏୟାକ । ଅତେଦିଶ୍ୱମରେନ୍ ରାଜାକ ଆକଆଃ ମାନାରାଙ୍ଗ୍‌କେ ପାର୍‌ମେଶ୍ୱାର୍‌ତାଃକ ଆଉଇୟା । ୨୫ ନାଗାରରେୟାଃ ସବେନ୍ ଦୁଆର୍‌କ ସବେନ୍ ଇମ୍‌ତା ନିଜାକାନ୍‌ଗି ତାଇନା । ଏନା ଚିଉଲାଅ କା ହାଣ୍ଡେଦଃଆ, ଚିଆଃଚି ଏନ୍ତାଃରେ ଚିଉଲାଅ କା ନୁବାଗଃଆ । ୨୬ ସବେନ୍ ଦିଶ୍ୱମରେନ୍ ମାନାରାଙ୍ଗ୍ ଆତଃ ମାଇନାନ୍ ନେ ନାଗାରରେ ହିନ୍ଦୁଃକେଦ୍‌ତେ ମିଦ୍‌ତାଃରେ ହୁଣ୍ଡିୟଃଆ । ୨୭ ଜେତାନ୍ ସଡ଼ରାକାନ୍‌ତେୟାଃକ ନେ ନାଗାରତେ କା ଆଉଅଃଆ । ହିଲାଙ୍ଗ୍‌ଆଃ ଲେକା କାଜିକାମିତାନ୍‌କ ଆତଃ ହସଡ଼ କାଜିତାନ୍‌କ, ଜେତାଏ ନେ ନାଗାର୍ କାକ ବଲ୍ ଦାଡ଼ିୟା । ଅକନ୍‌କଆଃ ନୁତୁମ୍ ମିଣ୍ଡିହନ୍‌ଆଃ ଜୀଦାନ୍ ପୁଥ୍‌ରେ ଅଲାକାନା, ଇନ୍‌କୁ ଏସ୍‌କାର୍ ନେ ନାଗାରରେ ବଲ୍ ଦାଡ଼ିୟାକ ।

## ୨୨

୧ ଏନ୍ତେ ଏନ୍ ଦୁର୍ଦ୍ଦ, ନାଝା ଅତେଦିଶ୍ୱମରେ ଜୀଦାନ୍ ଦାଆଃରାଃ ଗାଡ଼ାଏ ଉଦୁବାଦିୟା, ଏନା ଫାଡ଼ଚି ଆତଃ ନିରାଲ୍‌ଗି ତାଇକେନା । ନେ ଗାଡ଼ା ପାର୍‌ମେଶ୍ୱାର୍‌ଆଃ ଆତଃ ମିଣ୍ଡି ହନ୍‌ଆଃ ରାଜ୍‌ଗାଦିହେତେ ଅତଙ୍ଗକେଦ୍‌ତେ, ୨ ନାଗାରରେୟାଃ ଆଲା ମାଲା ହରାରେ ଲିଙ୍ଗିୟଃତାନା । ଗାଡ଼ାରେୟାଃ ବାରାନ୍ ସାଃରେ ଜୀଦାନ୍‌ରେୟାଃ ଦାରୁକ ତାଇକେନା, ଏନା ବାରାଷ୍‌ରେୟାଃ ମିପିଆଦ୍ ମାହଁନାରେ ଚାଏ ମିଦ୍ ବାରାଷ୍‌ରେ ଗେଲ୍‌ବାର୍‌ସାଃ ଜ'ଜ'ଅଃଆ, ଆତଃ ଏନାରେୟାଃ ସାକାମ୍‌ତେ ହାସୁ ଦୁକୁଃତାନ୍ ହଡ଼କ ବୁଗିୟଃଆ । ୩ ପାର୍‌ମେଶ୍ୱାର୍‌ଆଃ ହରାତେ ସାର୍‌ପାଅକାନ୍ ଜେତାନ୍ ବିଷାଏ ଏନ୍ ନାଗାରରେ କା ନେଲଃଆ । ପାର୍‌ମେଶ୍ୱାର୍ ଆତଃ ମିଣ୍ଡି ହନ୍‌ଆଃ ରାଜ୍‌ଗାଦି, ଏନ୍ ନାଗାରରେ ତାଇନାଃ ଆତଃ ଏନ୍ତାଃରେ ଆୟାଃ

ଦାସିକ ଇନିୟାଃ ସୁନ୍ନସାରକ ରିକାୟା ।<sup>୪</sup> ଇନକୁ ଇନିୟାଃ ମେଦମୁହାଁଡ଼କ ନେଲେୟା  
ଆତଃ ଇନକୁଆଃ ମଲକ୍ତରେ ଇନିୟାଃ ନୁତୁମ୍ ଅଲଃଆ ।<sup>୫</sup> ଏନ୍ତାଃରେ କା ନୁବାଗଃଆ  
ଆତଃ ଦିମି ଚାଏ ସିଜ୍ଜିରାଃ ମାର୍ଯ୍ୟାଲ୍ ଇନକୁଆଃ ଲାଗାତିକ୍ କା ହବାଅଃଆ, ଚିୟାଃତି  
ପ୍ରାଭୁ ପାରମେଶ୍ଵାର ଇନକୁଆଃ ମାର୍ଯ୍ୟାଲ୍ ହବାଅଃଆଏ ଆତଃ ଇନକୁ ଜାନାଅ ଜାନାଅ  
ରାଜା ଲେକାକ ରାଜଜେୟା ।

ୟାଶୁଆଃ ହିନିଜୁଃ ରୁହାଡ଼.

<sup>୬</sup> ଦୁଁଡ଼ ଆଇକ୍ତକେ କାଜିକେଦିୟା, “ନେ ସବେନ୍ କାଜିକ ସାରତି ଆତଃ  
ପାତିୟାରରଃ ଲେକାନାଃ ତାନାଃ । ଅକନାଃକ ଜାଲ୍ଦିଗି ହବାଅଃଆ, ଏନା ଆୟାଃ  
ଦାସିକକେ ଉଦୁବକ ନାଗେନ୍ତେ ନାବାକକେ ଆମ୍ବିକ୍ ସେଣାଁ ଏମାକତାନ୍ ପ୍ରାଭୁ  
ପାରମେଶ୍ଵାର ଆୟାଃ ଦୁଁଡ଼କେ କୁଲାକାଇଜା ।”

<sup>୭</sup> ଯାଶୁ କାଜିତାନାଏ ଆୟୁମେପେ, “ଆଇକ୍ତ ଜାଲ୍ଦିଗିଇକ୍ ହିଜୁଃତାନା, ଅକନକ  
ନେ ପୁଅରେ ଉଦୁବକତାନ୍ ଆୟାରକାଜିକେ ମାନାତିୟାଃକ, ଇନକୁ ସୁକୁତାନ୍ରିୟାକ  
।”

୮ ଆଇକ୍ତ ଯୋହାନ୍, ନେ ସବେନାଃ ଆଇକ୍ତାଗି ଆୟୁମାକାଦାଇକ୍ ଆତଃ  
ନେଲାଇକାଦାଇକ୍ । ଆଇକ୍ତ ଆୟୁମକେଦ୍ତେ ନେଲ୍କେଦ୍ ତାୟମ୍ତେ, ଅକ  
ଦୁଁଡ଼ ଆଇକ୍ତାଃରେ ଏନାଏ ଉଦୁବକେଦା, ଆଇକ୍ତ ଇନିୟାଃ କାଗାସୁବାରେ  
ଅମ୍ବାଃକେଦ୍ତେ ସୁନ୍ନସାର ନାକ୍ ସେନ୍ ତାଇକେନାଇକ୍ ।<sup>୯</sup> ମେନ୍ଦ୍ ଇନିଃ  
କାଜିକିୟାଏ, “ଏନ୍ଲେକା ଆଲମ୍ ରିକାଏୟା ଚିଆଃତି ଆଇକ୍ତହଁ ଆମାଃ ଲେକା  
ମିହୁଡ଼୍ ତାନିକ୍ । ଆମାଃ ଅକ ହାଗାକ, ନାବାତାନକ ଆତଃ ଅକ ସବେନ୍କ,  
ନେ ପୁଅରେୟାଃ କାଜି ଲେକା ମାନାତିକ୍ ତାନକଆଃ ଗାତିଦାସି ତାନିକ୍ ।  
ପାରମେଶ୍ଵାରଆଃ ସୁନ୍ନସାର ରିକାଇପେ ।”<sup>୧୦</sup> ଇନିଃ ଆଇକ୍ତକେ ଆତଃଗି  
କାଜିକେଦିୟା, “ନେ ପୁଅରେୟାଃ ଆୟାରକାଜିକକେ ଆଲମ୍ ଉକୁଇୟା, ଚିୟାଃତି  
ନେ ସବେନାଃ ହବାଅଃରେୟାଃ ନେତା ନାଡ଼େଃୟାନ୍ରିୟା ।<sup>୧୧</sup> ଏନାମେନ୍ତେ ନେ  
କାଜି ସାରିକେଦ୍ତେ, ଅକଏକେ ଚିଲ୍କା ସାନାକ୍ ଏନ୍ଲେକାଗି ରିକାଏକା । ଏଡକାନ୍  
କାମିତାନ୍ ହଡ଼ ଆତଃଗି ଏଡକାନ୍ କାମିକାଏ, ସଡ଼ରାକାନ୍ ହଡ଼ ସଡ଼ରାକାନ୍ରି  
ତାଇନକା, ଧାରମାନ୍ ହଡ଼ ଆତଃଗି ଧାରାମ୍ କାମି କାମିକାଏ, ପାବିତାର୍ ହଡ଼ ଆତଃଗି  
ପାବିତାର୍ରେକା ।”

<sup>୧୨</sup> ଯାଶୁ କାଜିତାନାଏ, “ଆୟୁମେପେ, ଆଇକ୍ତ ମିପିଆଦ୍ ହଡ଼କକେ ଆକଞ୍ଜା  
କାମିରେୟାଃ ଗନକ୍ ଏମାକ ନାଗେନ୍ତେ ନାଲା ସାବକେଦ୍ତେ ଜାଲ୍ଦିଗିଇକ୍  
ହିଜୁଃତାନା ।<sup>୧୩</sup> \*ଆଇକ୍ତ ସୁରୁଇନିଃ ଆତଃ ଚାବାଏନିଃ, ମୁନ୍ ଆତଃ ଚୁଣ୍ଡୁତାନିକ୍  
।”

<sup>୧୪</sup> ଅକନକ ଆକଆଃ ଆପ୍ନାଃ ଲିଜାଃ ସାଫାକାଦାକ, ଇନକୁ ସୁକୁତାନ୍ରିୟାକ  
। ଜୀଦାନ୍ ଦାରୁରେୟାଃ ଜ ଜମେ ନାଗେନ୍ତେ ଆତଃ ଦୁଆର୍ ହରାଡ଼େ ବଲ ନାକ୍  
ଇନକୁଆଃ ଆକ୍ତେୟାର୍ ମେନାଃ ।<sup>୧୫</sup> ମେନ୍ଦ୍ ଏଡକାନ୍ ଚାଇଲ୍ ଚାଲାନକ,  
ଦେଅଣାତାନକ, ହଡ଼ ଗଗଏଃକ, ମୁରୁଡ଼ ସେଞ୍ଜାତାନକ, ହସଡ଼ ହଡ଼କ, ବେଦାତାନକ,  
ଆତଃ ନେ ସବେନାଃ ଦୁଲାଡ଼ତାନ୍ ସବେନ୍ ହଡ଼କ ନାଗାରରେୟାଃ ବାହାରିରେ  
ତାଇନାକ ।

<sup>୧୬</sup> “ଆଇକ୍ତ ଯାଶୁ, କାଜିସିୟାକରେ ଆପେୟାଃ ବୁଗିନାଃ ନାଗେନ୍ତେ ନେ ସବେନ୍  
ବିଷାଏକ ଉଦୁବେ ନାକ୍ ଆଇୟାଃ ଦୁଁଡ଼କେ କୁଲାକାଇଜାଇକ୍ । ଆଇକ୍ତ ଦାଉଦ୍ଆଃ  
କିଲିରେନ୍, ଆତଃ ଏନ୍ ଜୁଲଃତାନ୍ ଜନଃକପିଲ୍ ତାନିକ୍ ।”

<sup>୧୭</sup> ପାବିତାର୍ ଆମ୍ ଆତଃ ଏନ୍ ନାଞ୍ଜା ଆଣ୍ଡିକାନ୍ କୁଡ଼ି କାଜିତାନାକିନ୍,  
“ହିଜୁଃମେ,” ନେ କାଜି ଆୟୁମତାନ୍ ସବେନ୍କ କାଜିୟାକ, “ହିଜୁଃମେ,” ଜେତାଏ

\* ୨୨:୧୩ ୨୨:୧୩ ଉତ୍କଳ କାଜି ୧:୮; ଉତ୍କଳ କାଜି ୧:୧୭; ୨:୮.

ତେତାଙ୍ଗତାନିଃ ହିଜୁଃକାଏ । ଜୀଦାନରେୟାଃ ଦାଆଃ ନୁଁଏ ନାଗେନ୍ତେ ଅକଏ  
 ସାନାଙ୍ଗତାନିଃ ହିଜୁଃକେଦ୍ତେ ବେଗାର୍ ଗନଙ୍ଗତେ ନୁଁଏକା ।

ରୁଣ୍ଡ କାଜି

<sup>୧୮</sup> ଆଇଙ୍ଗ ଯୋହାନ, ନେ ପୁଥ୍ରେ ଅଲ୍ଲକାନ ସବେନ୍ ଆୟାରକାଜି  
 କାଜିକାନତେୟାଃକେ ଅକନକ ଆୟୁମେୟାକ, ଇନ୍କୁକେ ଆଇଙ୍ଗ ରେତାଅକ  
 ତାନାଇଙ୍ଗ, ଜେତାଏ ନେ ପୁଥ୍ରେୟାଃ ଅନଲ୍ରେ ଜେଡନାଃ ମେସାଏ ରେଦ,  
 ପାରମେଶ୍ୱାର୍ ନେ ପୁଥ୍ରେ ଅଲ୍ଲକାନ ଦୁକୁହାସୁକଏ ଏମାକଆ, ମେନ୍ତେ ସାରୁଦ୍  
 ଏମେତାନାଇଙ୍ଗ । <sup>୧୯</sup> ଆଡ଼ଃ ନେ ପୁଥ୍ରେ ଅଲ୍ଲକାନ ଆୟାରକାଜିକଏତେ ଜେତାଏ  
 ଜେଡନାଃ ଆଡ଼ମେରେଦ, ପାରମେଶ୍ୱାର୍ ଇନିଃକେ ନେ ପୁଥ୍ରେ ଅଲ୍ଲକାନ ଜୀଦାନ  
 ଦାରୁରେୟାଃ ଜ'ହେତେ ଆଡ଼ଃ ପାବିତାର୍ ନାଗାରହେତେ ହିଗାଡ଼ିୟା ।

<sup>୨୦</sup> ନେ ସବେନ୍ ବିଷାଏରେୟାଃ ଗାଞ୍ଜା ଏମ୍ତାନିଃ କାଜିତାନାଏ, “ନେଆଁ ସାର୍ତିଗି  
 ହବାଅଃଗିୟା । ଆଇଙ୍ଗ ସାର୍ତିଗି ଜାଲ୍ଦିଗିଇଙ୍ଗ ହିଜୁଃଆ ।” ଏନାଗି ହବାଅଃକା  
 । ହେ ପ୍ରାଭୁ ଯୀଶୁ, ହିଜୁଃମେ । <sup>୨୧</sup> ପ୍ରାଭୁ ଯୀଶୁଆଃ ସାୟାଦ୍ ମିନିଆଦ୍ ସବେନକ  
 ଆଟ୍‌କାରେପେ । ଆମେନ୍ ।